

C. III. 89







SINGVLARIS TRACTATVS
D E
PRIVILEGIIS
IGNORANTIÆ.

LIBRARIUS
UNIVERSITATIS
BRITANNICAE
LONDINENSIS

DE
PRIVILEGIIS
IGNORANTIÆ
TOMVS VNICVS

PRIMAM, ET ALTERAM ADDITIONALEM PARTEM
COMPLECTENS

*In hac secunda editione nouis, plurimisque
Additionibus cumulatus.*

A V T H O R E

**IOANNE CHRYSOSTOMO
PHILIPPINO
VERONENSI**

CLERICO REGVLARI THEATINO,

SACRÆ THEOLOGIÆ PROFESSORE,

SANCTISSIMÆQVE INQVIVITIONIS VERONENSIS CONSVLTORE.

*Cum gemino Indice, vno Capitulū, ac Priuilegiorum,
Rerū notabilium, & Verborum altero,*



125



MANTVÆ.

Apud Ofanas, M. DC. IVC.

SVPERIORVM PERMISSV.

TRIVIAL
TOMAS VIVIAN

OF THE
OF THE

OF THE

Handwritten signatures and marks, including a large flourish on the right and a small mark on the left.

OF THE



Illustrissimo, & Reuerendissimo Abbati

C A R O L O
C A R M I N A T O
P A T R I T I O V E N E T O

DOMINO SVO COLENDISSIMO

Summa Felicitatis Incrementa

D. IO: CHRYSOSTOMVS PHILIPPINVS C. R.



*Edidit tandem Deus Illustrissime Abbas, ut cum in Ignorantia Pri-
uilegijs, me regens, hominibus apra Verum Librum, te Protegen-
te, hominem inuenerim Libro. Nec enim in hac tam morbifera
Ignorantia Piscina facile est inuenire, qui homo, aut esse velit,
cum possit, aut esse possit, cum velit. Infelix Tractatus huius na-
tura hoc sibi erumpit in Vitium; ut & Patrocinium appellet, quia
infirmus; & Patronos repellat, quia infirmans: Quidam enim*

*opem dare negant, cum possint, indignantes Materis; quidam autem negantur dare, cum
velint, indignante Materia. Quidam? An ne Ignorantia infirmitati manum prebeant
ad subsidium, quorum Caput infirmitate ignorantis indiget ad tusciam? An Verbis præ-
sit Privilegijs, cui Privilegia ipsa, Factis presidente Ignorantia, non subsunt? In te
quidem cum hac duo collecta conspiciens; quod & possis, non indigens, & Velis, non
respuens, Gratulor Tractatum meo Hominem inuenisse, Verè Humanum; cui cum ni-
hil conferre possit ex proprio, totum sibi referre sperat ex tuo. Testis, imo Iudex sin-
gularis Sapientis tue Patavini Achigymnasi Universitas, qua te Laurea minus deco-
rato, quam laude, celebrem Virtuti tue communi omnium plausu concinnis de substracta
Ignorantia triumphum. Quid igitur tibi conferant Privilegia Ignorantie, qui & Ignoran-
tiam Privilegiarum depellis? Conferes itaq; tu Virtute tua Privilegijs, quod purgato legum
lumine pleno Jure Patrocinium recipiant: sed & non minus Virtuti tua Privilegium, quod
præstare possis, dum præstas. Non tamen multum est tibi Patrocinium huic uni potestate
præstare, qui omnibus potes: Plus est huic Uni Voluntate, imo, & Voluptate præstare, qui
alijs fortè non velles: Quod enim speciosioribus operibus Patronus præsideres, Virtu-
tem meriti tui attingeret, quod contemnis; quod autem huic imbecilliori assillas, Virtu-*

tem merenti, quam affectas. Sed insuper tanta est de laudata tua benignitate suavitatis, ut bonum sit in oculis tuis, & bonitate carere; neque oblatio illa plus deceat, quam non deceret. Spectatrix olim Patavini Praesulis Aula; quae, si Eminentissimi Principis legibus in summa morum concinnitate disposita, novam ex te Elegantiam, quam edisceret, non habebat; totius in te uero quam doceret; Elegantis Symmetriam praeferebat. Sed haec senilis animi adhuc adolescente Virtute. Testis exinde ipsa mea Theatina Religio; cuius Ritibus, dum tui Cultus pietatem frequentius impendis ad obsequium, insignem Pietatis tuae culturam exhibes ad Exemplum. Perjucundo tuae benignitatis lenocinio, ita nostrorum omnium animos recreas, ut de diuturna tuae familiaritatis consuetudine, in communi sensus tranquillitate, sola satigetur admiratio. Hinc verè antiquam tui Sanguinis nobilitatem elucidas, qui de morum Rusticitate nil sentis. Nobilitas posterior, quae Nativitati supervenit, spiritum non infundis suum, quae supponit alienum. & Sanguinem quidem Nobilitatis; Nobilitatem autem Sanguinis vitæ rariis infert. Cometarum est proprium, dum è limo tolluntur splendescere terrendo; Scellè autem, quæ ingenti luminis antiquo fulgore coruscant respectum Amoris exigunt, dum respiciunt, & timere potius videri volunt scintillando, dum trepidant, quam timeri lucendo, dum fervent. Laus hæc est CARMINATAE FAMILIAE tuæ fuisse semper, & Generis, & Morum Nobilitate spectabilem, quæ meritum Amoris proferens, Amorem ubique retulit. Hinc Mediolanensem Ducum, & Caroli Quinti Caesaris cumulatæ favoribus. Hinc Patricio Venetæ Republicæ Sanguii juncta conjugis, antequam Sanguine. Hinc tandem Venetæ ipsi Nobilitati adscita; ut dum talem Alienam superadderet propria; Nihil ei de quacunque Nobilitate esset alienum. Sed nec prætereunda Joannis Anselmi ex CARMINATA tua Familia Illustrissimi Albenfis Praesulis perdulcis memoria, cuius tanta Virtutis suavitatis, ut plurimum Ecclesiarum Votis certatim expetitus, & Cremonensis, & Mantuanae Partes, Generalis Vicarius expleverit; aliarum quoque expleturus, si dum unus omnibus satis erat, omnes uni satisfuissent. Virtus autem ejusdem meriti fuit quod serius una Albenfis Ecclesia haberet primum, ut plures citius possent habere secundum. Hic ad præclarissimi animi tui singulares Notiones Illustrissimæ Abbas, adeo accessit, ut solo nomine distarim, non merito: Cujus tamen, hæc sola Calamitas, modestia tua, quam ne offendam, merito ipsi libentius injurius ero verbis meis, sicut tu factis tuis. Patere tamen: huc me coegit nimia Comitas tua, quæ fretus audeo commendare tibi hoc qualecunque sit opus meum, sacratum nomine tuo: Eoque fidentiori alacritate obsecro, ut sit opus tuum, quia tu non es operis sui. Indignum est, fateor, Virtute tua; sed & ex hoc fiducialius offero, quia digna est illo Virtus tua; quæ patiaris, & sorveas, & in Gentilicio Carru tuo de Invidientium impugnatione triumphes. Tandem si minus est gratum exiguum minus, quod offero, gratus fiat majus obsequium quo offero, & me in ipso, qui tamen nec per hoc compar meritis tuis, super eminentem Dei largitatem enixè deprecor, ut Gratitude meæ Vota respiciens, per favoribus tuis Gratiarum Pensum retribuas.

APPROBATIONES.

Vidimus inherendo dispositioni Reuerendissimi Patris D. Caroli Coppolæ nostræ Congregationis Præpositi Generalis Librum R. P. D. Joannis Chrysostomi Philippini nostræ Congregationis Theologi De Privilegiis Ignorantiæ, cui Titulus, *Tomus Unicus primam, & Alteram Additionalem partem Complectens*, jam in duas partes Extensum, nunc ab eodem novis Additionibus in unam collectum, & in Statera Sacri Indicis rigorosè appensum, invenimus non minus habentem : unde communi hucusque sensu, & publica utilitate probatum, iterum approbamus, firmiter fidentes, nova Doctrinarum mole auctum, novis quoque bonorum fructuum meritis cummulandum, si communi luci expositus, ne ullius lumini desit omnium oculis admoveatur.

Veronæ in nostris Ædibus Sanctæ Mariæ de Glarea 15. Decembri 1693.

D. Augustinus Ferrus Clericus Regularis S. T. P. & S. Officii Veronæ Consult.

D. Joannes Baptista Barralis Clericus Regularis S. T. P.

D. CAROLVS COPPOLA PRÆPOSITVS GENERALIS CONGREGATIONIS CLERICORVM REGVLARIVM.

Hoc opus inscriptum *De Privilegiis Ignorantiæ Tomus Unicus Primam, & Alteram Additionalem partem complectens* à R. P. D. Joanne Chrysostomo Philippino Nostræ Congregationis Theologo compositum, & juxta assertionem Patrum, quibus id commissum approbatum, ut Typis mandetur, quo ad nos spectat facultatem concedimus. In quorum fidem præsentem litteras manu propria subscripsimus, & solito nostro Sigillo firmavimus.

Dat. Romæ die 30. Mensis Januarii Anno Domini 1694.

D. Carolus Coppola Præpositus Generalis Clericorum Regul.

Locus  Sigilli.

D. Antonius Maria Borromeus Cler. Regul. Secr.

EX mandato Reuerendissimi P. Magistri Fr. Jordani Vignalis de Bononia Inquisitoris Generalis Mantuæ Librum *De Privilegiis Ignorantiæ* ab eximio, ac cruditissimo P. D. Jo. Chrysostomo Philippino C. R. T. assabre concinnatum evolvi. Voluminem planè aureum ut decebat Opus Chrysostomi ; & adeò insigne, ut authorem, suum celeberrima sui fama longè, latèque præclariorem sit commendaturum ; In assertionibus suis gravioribus innititur autoritatibus, & adeò sincerè, ut consuluisse prius constet oculis propriis quicquid aliunde deducit ; acutis inde & adeò fulcitur rationibus ut nihil desiderandum relitet ad evincendum quicquid revocaverat in dubium ; Talem demum doctrinarum copiam congerit, ut ad unius interrogationem plures, ac peregrinas subnectat resolutiones. Callidus hostis sub Divinæ larvæ scientiæ : eritis sicut Diu scientes, &c. Deplorandam invexit Ignorantiam hic autem prudentissima antiphrasi sub ignorantie titulo ad morum probitatem Scientia reparatur Theologica. Hunc igitur Librum nedum eo quod Sacrosanctæ Fidei, Ecclesiasticisque dogmatibus nihil involvat adversum, sed ut plurimum Christianæ disciplinæ profuturum typis edi posse, ac edendum Censeo Ego.

Fr. Jo. Andreas Cauvius de Nicæa S. T. P. Ordinis Prædicatorum.

Stante anteposita attestatione Imprimatur.

Fr. Jordanus Vignalis de Bononia Inquisitor Mantuæ.



OMNIA SCIENTI
INCREATÆ SAPIENTIÆ PATRI,
PATRI LUMINVM:
INCARNATÆ SAPIENTIÆ MATRI,
MATRI VERÆ LVCIS,
PVBITATIS DEIPARÆ:
VTRIVSQUE SAPIENTIÆ
PROFESSORI MIRIFICO
DIVO CAIETANO THIENÆO
CLERICORVM REGVLARIVM FVNDATORI,
HÆC QVÆ SVA SVNT
INFIRMITATIS INSIGNIA
IGNORANTIÆ PRIVILEGIA
OMNIVM INSCIENTISSIMVS
HVMILLIME
D. D. D.
IO: CHRYSOSTOMVS PHILIPPINVS
CLERICVS REGVLARIS.



Consideratio Doctissimi Tractatus De Privilegiis
Ignorantiæ Admodum Reverendi Patris
D. Ioannis Chrysostomi Philippini
Clerici Regularis.

ELOGIUM.

Ignorantiam
Virtutis Eclypsim,
Elegantiz Maculam,
Luminis Cæcitatem
Qui spernis,
Privilegiorum ejus Diplomata hoc in Volumine attende,
Utque rectè concludas,
A Natalibus exordire.
Infelix Culpæ Progenies;
Matrem tamen avert, non refert;
Immo Matrem, quam Nascens sequitur,
Necans insequitur.
Criminosus Partus ex Culpa,
Nisi Crimen tolleret novo Crimine!
Viperinns fœtus in fœminam,
Nisi adeo salutaris verteretur in Homines!
Ex Scientiæ Arbore
Genealogicam seriem à longè computat Ignorantia;
At ex Mali malo concepta
Scientiæ malum removel à Conscientia.
Mentis vulnus Animum fauciat, non Animam,
Dummodo sit in Animo, non ex Animo.
Obscurus intelligentiæ Carcer actus captivat Hominis, non Humanos,
Dummodo obstringat Hominem, sine Homine.
Rationis vinculum Legum ligamine, si non solvit, absolvit,
Dummodo irâ vinciat, ut nequeat vinci.
Mirum!
Omnis Peccans, Ignorans:
Nullus Ignorans, Peccans!
Nisi Peccare velit, ut Ignoret,
Nisi Ignorare velit, ut Peccet.
Ignorantiæ affines Inadvertentia, Oblivio;
Nisi quod & Consanguinitatis gradum aliquem habent cum scientia,
Proximum una, Remotioem altera,
Ignorantia nullum.
Omnibus idem Privilegiorum Jus,
Nam & omnes Animæ Justitiam servant, vel contrâ Jus.
Vidisti Ignorantiæ Diplomata?
Scientiam modò illam, Scientiarum Principem intueri,
A qua emanarunt.
Laus Tua CHRYSOSTOME
Quod in cortice suo nec ab Ignorantibus Laudabilis Ignorantia
Et à Sapientibus laudari debeat in Foliis tuis:
Quod Aureo ore

Ferreant ejus Rubiginem Speciosam feceris, & Pretiosam.

Mali ejusdem Malum, & Bonum judicans,

Nec Malum improbas, quod condemnas,

Nec Bonum approbas, quod absolvis.

Sic Virtute medius, & Scientia

Sapientis gladio utrinque Dividis, ut Componas,

Et Sapientibus favens, ac Insipientibus,

Aliis gratificaris Scientia Ignorantiæ;

Aliis Ignorantia scientiæ.

Grata subinde omnibus Virtus tua;

Nescio utrum laudabilior,

An Scientia Propria,

Vel Ignorantia Aliena!

At revera, nec propria Scientia, nec aliena Ignorantia,

Sed Utraque:

Cùm & Propriam Scientiam in Ignorantia aliena,

Et alienam Ignorantiam in Scientia Propria

Unam feceris Laudem tuam.

Hæc autem in duabus Partibus indivisa

Duplici ad Firmitatem nititur Testimonio;

Et additæ Partis novo edito Partu

Inexpletæ Virtutis fecunditas Comprobatur.

Laudi tuæ Abundans, & Una:

At deerat aliis quod supererat Tibi.

Debuiſti aliorum necessitati duplicem Sapientiæ Laborem,

Ne Ignorantiæ cæcitatem uno tantum oculo illuminares.

Sed rursus utraque parte in Unam collecta

Alterum claudis,

Ut novis Ingenii additamentis

Quasi novis protractis Opticis tubis

Uno in tui Obiecti Arcana firmius collimes

Perge qui legis;

Et Privilegiorum Tractatui hoc unum adde,

Ut solus sibi ipsi sufficiens

Ad evincendum omnium Plausum

Nulla alio indigeat Privilegio.

Sic in obsequium Veritatis considerabat

Utinam sciret!

D. Augustinus Ferrus Clericus Regularis,

SCHERZI SERIOSI
SOPRA IL DOTTO LIBRO
DEI PRIVILEGGII
DELL'IGNORANZA,
DEL MOLTO REVERENDO PADRE
D. GIO: GRISOSTOMO FILIPPINI.
SONETTO.

L' Ignoranza commun con questa Scienza
Scienza divien ; che non è più Ignoranza
L' Ignoranza , che sà , se anzi è più Scienza
La Scienza , che hà il saper dell' Ignoranza.

Ignoranza honorata in ogni Scienza ,
Se ogni Scienza è in favor dell' Ignoranza :
Mà Ignoranza sì dotta in ogni Scienza
Da ogni Scienza invidiar fa l' Ignoranza.

L' Ignoranza , GRISOSTOMO , e la Scienza
Scienza , e lustro si danno ; e l' Ignoranza
Con l' Ignoranza è à Voi splendor di Scienza.

Scienza , che condannando l' Ignoranza
Dell' Ignoranza forma una tal Scienza ,
Ch' è Scienza per assolver l' Ignoranza.

D. Agostino Ferro Chierico Regolare .



CAPITVM; AC PRIVILEGIORVM I N D E X

Numerus qui apponitur denotat paginam.

INTENTIO AUTHORIS, ET OPERIS, AD LECTOREM. Pag. pr.

CAPUT PRIMUM.

DE Privilegiis Ignorantiae circa Legem Naturalem. Pag. 14.

Privil. I. Ponens actum peccaminosum ex Ignorantia invincibili legi naturae, ac precepti ejusdem, excusatur à culpa, nec peccat formaliter. 15.

Privil. II. Ponens actum peccaminosum ex Ignorantia invincibili legi naturae, ac precepti ejusdem, excusatur à culpa, & à peccato formali, etiam per longum tempus, & quoadusque durat eadem Ignorantia. 17.

Privil. III. In homine ratione utente datur Ignorantia invincibilis circa legem naturalem, ejusdemque naturalia praecepta, saltem aliqua, & laborans hujusmodi Ignorantia excusatur à culpa ponens actum naturali lege prohibitum. 19.

CAPUT SECUNDUM.

DE Privilegiis Ignorantiae circa Legem Civilem. 23.

Privil. I. Ponens actum ex Ignorantia invincibili contra legem Civilem, in conscientia obligantem, excusatur à culpa, & à reatu mortali. 25.

Privil. II. Ponens actum ex Ignorantia invincibili contra legem Civilem, etiam sufficienter promulgatam, & in conscientia obligantem, excusatur à culpa, & à reatu mortali. 29.

Privil. III. Iustus damnatur à lege Civili, &

à Judice, ut veneno percat, coactusque ut sibi illud applicet, & epotet: si id exequitur, ignorans invincibiliter esse illicitum, ac grave peccatum, excusatur à culpa, & à reatu mortali. 26.

Privil. IV. Ponens externum positivum actum à Civili humana Lege sub aliqua poena vetitum, liberatur ab ipsa, si ignorentur omnino testes super eodem deponere potentes. 32.

Privil. V. Qui Legem Civilem in conscientia obligantem ita ignorat, ut nec illum sciat, nec unquam sciverit, aut circa eam dubitaverit, excusatur à culpa si contra eandem egerit. 33.

CAPUT TERTIUM.

DE Privilegiis Ignorantiae circa Legem Divinam, & Mystera Fidei. Pag. 34.

Privil. I. Ponens actum ex ignorantia invincibili contra Legem Divinam Evangelicam novam, seu Gratiae, excusatur à culpa, & à reatu mortali. 35.

Privil. II. Ignorantia invincibilis Mysteriorum Fidei, in Infidelibus, excusatur à culpa, & ea ignorare, in ipsu culpa non est. 36.

Privil. III. Ignorantia invincibilis aliquorum Articulorum, fideique Mysteriorum, quae potest esse inter fideles, eos excusatur à culpa, & ea ignorare, in ipsu culpa non est. 41.

Privil. IV. Ignorans bodie invincibiliter (applicet)

Privileg. X. Invincibiliter ignorans quis prece-
ptum quo sub mortali obligatur in primo
instanti usus rationis, se convertere in
Deum, & in ipsum tanquam in ultimum
finem ordinare, ob idque omitten-
tem alium facere, excusatur a culpa,
talis omisso, & ignorantia, in ipso culpa
non est. 55

Prav. XVII. *Monialis recipiens intra Monasteriū Septa Puerum, Puellamve infantem, aut lac sugentem, ignorans tamen hoc illi esse prohibitum sub excommunicatione*

Privil. III. Ponens actum alias prohibitum
jure naturali, aut Divino, vel humano,
cui annexa est Ecclesiastica Censura, sed
cum ignorantia invincibili juris Ecclesiastici

flowers

tionis Censura, hanc non contrahit, ignorantia ipsa eam excusante. 84.

Privil. XVIII. Farmina invincibiliter ignorans se esse gravidam, petit Medicamentum à Medico, ut consulat sue valetudini, sed antequam sumat, quod Medicus consulit. Ille dicit ei, quod ex tali sumptione, si sit gravis sequeatur abortus: Respondet ipsa non sum, & si essem nihil curo cum sum egena, nec commodè possim, filios alere: Sumit Medicamentum, sequitur inde abortus fetus animati, excusatur eadem nihilominus ab excommunicationis Censura lata à Sixto Quinto, & Gregorio Decimoquarto, contra quosque (Matres etiam) procurantes abortum sequuto effectu. 89.

Privil. XIX. Notarius, seu Advocatus patrocinium prestans Heretico, ignorant bunc esse talem, non incurrit aliquam penam, ignorantia ipsa illum excusante. 96.

Privil. XX. Ignoranter receptans Hereticum, nesciens videlicet esse talem, excusatur à culpa, & à pena, quam incurrunr Hereticorum receptores scienter. 97.

Privil. XXI. Tradens Hereticum Sepultura, nesciens esse tale, à quacunque pena excusatur. 98.

Privil. XXII. Ignorantia inculpabilis à Simonia Libero excusat, & ab aliquibus saltem ejusdem privii in interiori duntaxat foro pariter liberat. 98.

Privil. XXIII. Quedam Abbatisa, que Virum intra Clausuram absque necessitate, sed bona fide, ac ignoranter admisit, per Doctores excusatur à peccato, & Censuris, atque à pena privationis Officii liberatur. 116.

Privil. XXIV. Lex invincibiliter ignorata à toto Populo, vel à majori parte, nesciente promulgationem ejus, ignorataque tempore ad prescriptionem sufficienti, cessat tandem obligare. 116.

Privil. XXV. Femina Virorum Religiosorum Monasterium ingrediens absque praeceptu, Privilegiorum, ex curiositate illud videndi, si absint scandalum, violentia, & injuria Monasterio illata, excusatur à peccato mortali, & ab incurfione Censurae. 118.

Privil. XXVI. Omittem ex ignorantia invincibili recitationem Officii Divini excusatur à culpa. 153.

Privil. XXVII. Beneficiarius, qui ex ignorantia invincibili, vel ex inadvertentia, aut oblivione inculpabilis Officium Divinum praetermittit, excusatur nedum à culpa, verum etiam à restitutione fructuum. 180.

Privil. XXVIII. Alloquens Moniales cum ignorantia crassa excommunicationis, ac prohibitionis, excusatur à Censura nedum, verum etiam à peccato mortali. 185.

Privil. XXIX. Monialis professa, que invincibiliter ignara propria inhabilitatis ad testandum, condit causa mortis suam Testamentum, à culpa leibali excusatur ratione ignorantiae, & si ejusdem testamentaria dispositio irrita sit, ac nullius valoris. 210.

Privil. XXX. Celebrans bona fide, ac ignoranter in Altari fixo, quod amisse consecrationem, eo quia remotum fuit à Simpse, seu ab inferiori junctura, aut structura excusatur à transgressionem in re gravi Ecclesiastica legi, & à culpa leibali. 224.

CAPUT QUINTUM.

DE Privilegiis Ignorantiae circa Precepta Charitatis. 228.

Privil. i. Ex ignorantia omittem adimplere praeceptum amoris Dei in primo instanti quo quis usum rationis assequitur, excusatur à culpa, & hujusmodi omisso, culpa in ipso non est. 228.

Privil. ij. Qui ob ignorantiam, vel nescientiam propriae futurae salvationis, aut damnationis, deliberatè desudat perpetuo in hac vita degere, excusatur à culpa, nec leibaliter peccat contra praeceptum Dilectionis Dei. 229.

Privil. iij. Sicuti pluries obligat praeceptum dilectionis Dei, ita multoties à speciali peccato contra hoc idem praeceptum excusat ignorantia. 229.

Privil. iv. Excusatur à culpa, nec peccat contra praeceptum Divinum Charitatis de diligendo proximum, non subveniens (ex ignorantia) eidem, in gravi, vel etiam in extrema necessitate. 236.

CAPUT SEXTUM.

DE Privilegiis Ignorantiae circa Praecepta Decalogi. Et primò circa primum Decalogi Praeceptum, Unum cole

Privil. i. Verum; & unum Deum ex invincibili ignorantia non colens, excusatur à culpa: & huiusmodi carentia cultus, quandoque ignorantia talis durat, in ipso culpa non est. 239.

Privil. ii. Baptizatus, nutritus ab infantia inter infideles, adorans Idola, excusatur à culpa contra Fidem, quam invincibiliter ignorat. 242.

Privil. iii. Provisi de Beneficiis Curam animarum habentibus; item de Dignitatibus, vel Canonicatibus in Cathedralibus, omitentes ex ignorantia invincibili, Juramentum professionis fidei (ad quem altum ex precepto Tridentini sess. 24. de Reformatione cap. 12. tenentur intra bi-mestrem à die adeptæ possessionis) nedum, excusantur à culpa, verum etiam à pena amissionis fructuum in conscientie foro. 242.

Privil. iv. Proferens ex ignorantia invincibili propositiones, & blasphemias hereticas contra Deum, & Fidem, excusatur à culpa, & ab heresi. 243.

Privil. v. Errans ex ignorantia circa Deum, & Fidem, si admonitus à Viris doctis de suo errore, quod sentiat aliquid contra definitionem Ecclesie, ipse tamen hoc subimit non persuadens, excusatur ab heresi formali, & à Censura incursu consequenter. 246.

Privil. vi. Ex ignorantia utens Divinatione superstitiosa, excusari potest à culpa mortali. 250.

Privil. vii. Ignorantia invincibilis, siue juris, siue facti, nedum antecedens, verum etiam concomitans, excusat tum à peccato, tum etiam ab excommunicatione, legentes, vel retinentes libros, vel scripturas continentes hæresim, vel superstitiones Magicas. 250.

Privil. viii. Legentes prædictos libros, vel scripturas, retinentes, &c. ex invincibili ignorantia, siue juris, siue facti ex ignorantia inquam, siue notabili, siue crassa, & supina, siue etiam affectata, & ex lata culpa: Nisi adeo crassa sit, ut sit ingeni temeritas; excusantur, si non à culpa, ab incurrenda excommunicatione. 253.

CAPUT SEPTIMUM.

DE Privilegiis Ignorantiae circa Secundum Decalogi Præceptum: Non assumes Nomen Dei tui in vanum. 254.

Privil. i. Jurans falsum ex invincibili igno-

rantia, ob ignorantiam ipsam excusatur à mortali. 254.

Privil. ii. Ex ignorantia non culpabili, vel oblivione, falsum jurans, ob quod alter morti est condemnatus, excusatur à retractione sui dicti, nec tenetur cum vite sue periculo alterum eripere; sed neque ad damnorum factorum restitutionem aliquam obligatur. 257.

Privil. iii. Qui se mihi offerens sponte, absque ulla videlicet inductione mea, ad jurandum id quod ex ignorantia, & bona fide putat esse verum, & si ego falsum novum, conducit tamen juramentum ad probandum verum, & tuendum jus meum, licebit mihi id permittere (nihil tamen cooperando) & uterque in hoc, à culpa prorsus, etiam veniali, immunis erit. 257.

Privil. iv. Juramentum suum esse obligatorium invincibiliter ignorans, si juret se aliquid facturum, vel non, nec obligationem contrahit illud adimplendi, nec culpam non adimplendo, ignorantia ipsa excusante. 258.

Privil. v. Juramentum præstitum ex ignorantia dante causam jurandi, jurantem non ligat, imò à culpa cum liberat ignorantia ipsa, ac excusat, etiam si is non ponat altum juramento promissum. 258.

Privil. vi. Ignorantia etiam concomitans, quando hoc versatur circa substantiam rei juramento promissæ, non circa qualitatem ipsius, excusat à culpa non exequentem promissam cum juramento. 260.

Privil. vii. Ignorantia invincibilis, etiam crassissima, & imprudens, versans tamen circa substantiam rei juramento promissæ, excusat à culpa non exequentem id quod juramento promissum. 262.

Privil. viii. Non adimplens Votum, etiam juratum, emissum ex ignorantia invincibili circa substantiam rei Votæ, excusatur à culpa, & transgressio ipsa, dante ignorantie causa, culpa non est. 262.

Privil. ix. Ignorantia invincibiliter in vocando difficultates Voti magni momenti excusatur à culpa non adimplens illud. 265.

Privil. x. Ignorantia invincibilis in votendo circumstantialium gravium Voti, excusat quandoque à culpa votentem, si non adimpleat illud. 265.

Privil. xi. Ignorantia etiam vincibilis in votendo (modo non sit affectata) circa Substantiam, vel finalem causam, excusat à culpa votentem, si non adimpleat illud, imò si exerceat etiam contrarium altum illi. 264.

CAPUT OCTAVUM.

DE Privilegiis Ignorantiae circa tertium Decalogi Praeceptum, *Sabbata Sanctifices.* 269.
Privil. Unicum. Qui in die festo ex huius praeccepti ignorantia probabili exercet opus servile excusatur à culpa, & à reatu formali. 270.

CAPUT NONUM.

DE Privilegiis Ignorantiae circa quartum Decalogi Praeceptum, *Honora Patrem tuum, & Matrem tuam, ut sis longaevis super terram.* 270.
Privil. i. Filius graviter peccans contra Parentum reverentiam, circumstantiam tamen personae offensae in Confessione Sacramentali, ex ignorantia non aperiens, excusatur à culpa, nec reddit ob id Confessionem invalidam. 271.
Privil. ij. Filius non obediens Patri, & Matri in spectantibus ad bonos Mores, & necessariis ad salutem, si ignoranter id faciat, non peccat mortaliter, excusante ipsa ignorantia. 272.

CAPUT DECIMUM.

DE Privilegiis Ignorantiae circa quintum Decalogi Praeceptum, *Non occides.* 273.
Privil. i. Ignorantia invincibilis excusat in aliquo casu à culpa letali homicidium sui ipsius. 274.
Privil. ij. Ignorantia invincibilis in quo casu excusat à letali culpa homicidium sui ipsius, & facit illud licitum, causat etiam quod sic mortuus non debeat in dubio privari Sepultura. 274.
Privil. iij. Ignorantia concomitans excusat à culpa letali etiam homicidium alterius. 276.
Privil. iv. Qui percutit, vel occidit Clericum, quem ignorantia probabili putat esse Laicum, ab excommunicatione excusatur. 276.
Privil. v. Volens quis ex prava sua intentione percutere, vel occidere Petrum Clericum, si errore, seu ignorantia probabili, & casu mero, percutit, vel interficit Paulum item Clericum, ab excommunicatione excusatur. 277.
Privil. vi. Ignorans suo letaliter culpabili homicidio impositam esse irregularitatem,

ab hac probabiliter excusatur, secundum plures D. D. à quibus tamen diversimodum sentit Autor. 278.

Privil. vij. Abortum directè procurans Animati factus cum ignorantia Excommunicationis, huius delicto [quod est verum homicidium] à Summo Pontifice impositae, excusatur ab incurso ipsius. 280.
Privil. viij. Ignorans invincibiliter Duellum ab Ecclesia sub Censuris prohiberi, ab eisdem excusatur si Duellum peragat. 281.
Privil. ix. Bellum iniuste materialiter indicens cum formali invincibili ignorantia eiusdem iniustitiae, excusatur à culpa. 282.
Privil. x. Belli iniustitia, excusari potest ab invincibili ignorantia. 284.
Privil. xi. Ignorantia invincibilis iniustitiae Belli, excusat Militem à culpa. 286.

CAPUT XI.

DE Privilegiis Ignorantiae circa Sextum, & Nonum Decalogi Praeceptum, *Non Machaberis: Non concupisces Uxorem proximi tui.* 286.
Privil. i. Ignorans invincibiliter desiderium fornicandi esse peccatum, excusatur à culpa, solum actum internum, & desiderium admittens. 287.
Privil. ij. Qui ad feminam accedit credens esse suam, seu invincibiliter ignorans esse alienam, excusatur à peccato Adulterii. 288.
Privil. iij. Solutus Vir qui ad liberam, & Solutam feminam accedit, invincibiliter ignorans id esse sub letali reatu, & positivo etiam praeccepto prohibitum, excusatur à peccato simplicis fornicationis. 288.
Privil. iv. Qui accedit ad Maritatum, quam tamen credit esse solutam, & ignorat esse Maritatum, excusatur à culpa Adulterii. 289.
Privil. v. Accedens ad Consanguineam, vel Affinem, & ignorans esse talem, excusatur à culpa formalis incestus. 290.
Privil. vi. Accedens ad Consanguineam, vel Affinem Uxoris suae, ignorans esse talem, non excusatur à culpa Incestus, verum etiam à pena, Incestui formali ab Ecclesia imposita, scilicet privatione juris petendi debitum. 290.
Privil. vij. Accedens ad Consanguineam, vel affinem cum scientia facti, & juris, cum ignorantia tamen solius penae, si excusatur ab ipsa, & ob id non privatur iure petendi debitum. 292.
Privil. viij. Habens voluntariam pollutionem,
seu

seu mollium; cum ignorantia invincibili quod sit hac letale peccatum, ab hac letali culpa excusatur. 293.

Privil. ix. Ignorans invincibiliter desideria, prava Carnis esse peccata, excusatur ab eorumdem peccatorum culpa, & reitate. 294.

Privil. x. Conjugati, qui ob latens impedimentum dirimens, invalide Matrimonium contraxerunt ex ignorantia invincibili, usque dum hoc in ipsis perseverat, excusantur à culpa in eorum Matrimonii usu. 294.

CAPUT XII.

DE Privilegijs Ignorantiae circa Septimum, & Decimum Decalogi Preceptum. Non Furtum facies: Non defraudas bona proximi tui. 295.

Privil. j. Qui furto surripuit rem alienam, invincibiliter ignorans hoc esse peccatum mortale, excusatur ab ipso. 296.

Privil. ij. Sciens furtum esse peccatum, invincibiliter tamen ignorans illud imperare peccatum esse, si tantum imperat, à culpa letali excusatur. 296.

Privil. iij. Qui rem sacram furto subtrahit credens esse profanam, licet peccet peccato furti, excusatur tamen à peccato Sacrilégii. 296.

Privil. iv. Qui Sacras Reliquias ex devota ignorantia furatur, à mortali excusatur. 297.

Privil. v. Qui modico furto infert damnum notabile, & hoc ignorat, à mortali excusatur. 297.

Privil. vi. Rem alienam surripienti Ignoranti esse talem, nedum à peccato mortali, verum etiam à veniali excusari potest, atque à restitutione. 298.

Privil. vij. Ignorantia probabilis, à peccato, & restitutione excusat eum, qui recipit aliquid gratuitum ab eo, qui donare nequit. 298.

Privil. viij. Qui detinet hominem iniuste, ex ignorantia servum factum, eundemque sic possidet, tutus est in conscientia, & ab iniustitiae culpa excusatur, quandiu ignorantia, & bona fidei durat. 298.

Privil. ix. Occidens hominem cum ignorantia comitante, ab obligatione restitutionis excusatur. 300.

Privil. x. Monetam adulterinam, falsam, diminuti ponderis, &c. cum ignorantia, & bona fide expendens, à culpa, & à restitu-

tione excusatur, quandiu ignorantia eadem, & bona fidei durat. 300.

Privil. xj. Confessarius, qui non monet, nec avertit penitentem ad debitam restitutionem, id omittens ex ignorantia invincibili, vel naturali oblivione, excusatur ipse ab obligatione restitutionis, nec tenetur restituere illud, quod penitens alteri debet ex iustitia, & in conscientia. 300.

Privil. xij. Quandiu durat ignorantia invincibilis iuris, vel facti, tandiu excusatur à restitutione. 302.

Privil. xij. Ignorans naturam promissionis, si promittit, non tenetur adimplere. 303.

Privil. xiv. Accipiens medio contractu donationis, emptionis, venditionis, &c. Rem, usurariam, vel furatam, cum probabili ignorantia quod non sit talis, à peccato, & à restitutione excusatur. 303.

Privil. xv. Notarius consiciens Instrumentum usurarium, & Testes ad ipsum consiciendum concurrentes, à peccato, & à restitutione excusantur, si id faciant bona fide, & ignorantia probabilis. 304.

Privil. xvi. Qui in arte ludendi notabiliter excedit alterum colludentem, imperitiae tamen alterius ignarus est, excusatur à restitutione lucri, saltem usque dum ille bona fide nescit usus incientiam, & imperitiam. 305.

Privil. xvij. Ignorans Dominum rei alienae quam apud se habet, excusatur à restitutione ei facienda, si post praemissam diligentiam moraliter necessariam ad eundem Dominum inquirendum, ut eadem res sua tradatur, non comparuerit ipse, nisi post traditam rem eandem pauperibus, vel Pio Loco, &c. restitutionis titulo. 306.

Privil. xvij. Inferens damnum cum ignorantia comitante, excusatur à restitutione, nec tenetur restituere ex obligatione iustitiae. 307.

Privil. xix. Qui rem alienam possidet bona fide, idcirco cum ignorantia invincibili, seu probabilis, excusatur à peccato, & à restitutione, usque dum agnoscit esse alienam. 307.

Privil. xx. Qui bona fide, & invincibili ignorantia durante, rem alienam credidit, commutavit, consumpsit, perdidit, aut rei illa periit à restitutione excusatur. 308.

Privil. xxi. Qui commisit adulterium, & ignorat an proles suscepta sit sua, vel Mariti Adulterae, excusatur à restitutione. 308.

Privil. xxij. Uxor quae commisit adulterium, & con-

Et concepit eo tempore quo ejus Maritus ad ipsam habuisset accessum: nesciens certo, & ignorans, an proles suscepta sit Mariti, vel Adulteri, causa ejusdem nescientia, & ignorantia, absoluitur, & excusatur ab obligatione restitutionis faciende Marito, aut legitimis Filiis, &c. nec tenetur ad aliquid. 313.

Privil. xxij. Si proles suscepta est ex soluta, cum qua duo, tresve, commixti carnaliter fuerint, quorum quilibet scit quidem se perfectam habuisse copulam cum illa; nescit tamen certo susceptam prolem esse suam; causa hujus nescientia, & ignorantia, non obligatur ad expensas in alimentis; nec ad quidquam expendendum, vel restituendum ratione dicte proli. 314.

Privil. xxij. Qui ex ignorantia juris, vel facti non observat debitum ordinem in restitutione facienda, excusatur à peccato mortali contra iustitiam. 316.

Privil. xxv. Ignorantia, que prodest ad prescribendum, excusat à restitutione. 318.

Privil. xxvj. Bona fide possidens rem alienam, illamque prescribens cum ignorantia invincibili circa titulum, ab ejusdem restitutione excusatur. 319.

Privil. xxvij. Qui rem detinet, quam bona fide, & ignorantia invincibili juxta Legum, & Canonum Constitutiones prescripsit, etiam si postea cognoverit fuisse alterius, in utroque foro à restitutione excusatur. 321.

Privil. xxviii. Qui bona fide, & ignorantia invincibili emit à latrone rem alienam, quam postea eadem bona fide, & ignorantia durante, alteri vendidit eodem pretio, si postea cognoscit rem illam esse alienam, excusatur in conscientia à restitutione, nec tenetur secundum contractum rescindere. 323.

Privil. xxxix. Qui donat alicui centum, ignorans quod tantum etiam illi ex iustitia debebat, satisfaciit debito, nec amplius tenetur alia centum eidem solvere. 325.

Privil. xxx. Ignorans se teneri ad aliquam restitutionem pauperibus faciendam, & elemosinas cum hujusmodi ignorantia erogavit, excusatur à tali restitutione, si eas pro eadem postea restitutione applicet. 326.

Privil. i. Invincibiliter ignorans mendacium officiosum, & jocum esse peccatum, illud proferens, excusatur ab omni culpa. 327.

Privil. ij. Afficiens alterum materialis contumelia ex ignorantia etiam culpabilis, excusatur à mortali si parum noceat. 328.

Privil. iij. Qui salis intra se ipsum contra proximum testimonium afferi, hoc est temere in re gravi iudicat de ipso, quem tamen qui sit prosum ignorat, à mortali excusatur. 329.

Privil. iv. Qui ex ignorantia, & errore intellectus invincibili, temere iudicat de aliquo in re gravi, à lethali culpa excusatur. 340.

Privil. v. Qui ex errore, & ignorantia intellectus temerarie suspicatur grave malum de proximo, excusatur à culpa mortali. 342.

Privil. vi. Ignorantia invincibilis rei in se, spectata, excusat à culpa Judicem sententiam ferentem iuxta conscientiam propriam veritatem, quam sibi tanquam Judici, & persone publicæ immoscit (que quidem illa esse videtur, que in actis legitimis constat) licet non ita sit à parte rei, & in rei veritate, ut existimatur, ac per sententiam deponitur. 346.

Privil. vij. Qui de crimine occulto, quod non potest probare, alterum accusat, si ex ignorantia inculpabilis putet illud probare, posse, à peccato mortali excusatur. 348.

Privil. viii. Quando testis juridice interrogatus, & si etiam sub mortali (in responsione) revelare Judici delinquentem, ac delictum tenetur: ab eodem mortali, non revelando, excusatur, secundum plures D. D. probabiliter, si sciat eum delinquisse ex ignorantia inculpabili: ut cum occidit hominem putari esse feram. 354.

Privil. ix. Testis, qui in præjudicium tertii falsum deponit ex ignorantia, & inadvertentia non damnabilis, excusatur tum à reatu lethali, tum à restituendi obligatione ex iustitia. 355.

Privil. x. Quando Reus, vel Testis, ignorat, an Juxta iussu, & secundum quod interroget, à peccato excusatur non satiendo crimen, rogatus etiam à Juxte. 356.

Privil. xi. Advocatum, qui ignoranter ignorantia probabilis suspiciit causam. Tabellio, seu Notarius, qui ex eadem ignorantia, aut inadvertentia, falsum Instrumentum facit, excusatur à culpa, & ab obligatione restitutionis ex iustitia. Et idem est de quocunque alio ministro iustitiæ in suis actibus. 357.

CAVTV XIII.

DE Privilegiis Ignorantia circa octavum Decalogi Præceptum, Non falsum testimonium dices. 327.

CAPUT XIV.

DE Privilegiis Ignorantiae circa Præcepta Ecclesiae: & primo circa primum Audiendi Missam Dominicis, & Festis diebus. 358.

Privil. i. Qui per ignorantiam probabilem omittit audire Missam die festo, excusatur a culpa. 358.

Privil. ij. Qui bona fide in ignorantia fundata putat se habere causam legitimam, non interveniendi Missæ, & non intervenit, excusatur a culpa, quomodo causa revera talis non sit. 359.

Privil. iij. Qui Missam audit cum debita attentione ignorans esse diem festum, adeoque carent voluntate expressa satisfaciendi præcepto, ab alia eodem die audienda (ut satisfaciatur) excusatur. 359.

CAPUT XV.

DE Privilegiis Ignorantiae circa Secundum Ecclesiae Præceptum, quo jubemur Semel in anno peccata confiteri. 361.

Privil. i. Qui semel in anno facit Confessionem suam, sed informem, & invalidam, ex ignorantia tamen probabili, excusatur a peccato contra Præceptum Confessionis annuæ. 368.

Privil. ij. Qui in Confessione per quam annuum Ecclesiae præceptum intellexit adimplere, ex ignorantia probabili, & obligatione, omisit aliquid mortale, cuius recordatur post assumptionem Communionis Paschalis, excusatur ab obligatione ex vi annui præcepti, illud omissionem confuendi intra eundem annum, & si nondum etiam iste sit elapsus. 371.

Privil. iij. Qui congruo præmissio examine, ignorat aliquid letale quod commisit, nec illi (inculpabiliter) occurrat dum confiteatur, fructuosam, validamque facit Confessionem (ni aliud ei essentiale defuit) & a Sacrilegii reatu excusatur. 371.

Privil. iv. Qui in Confessione omisit aliquid mortale, ignorans invincibiliter esse tale, a culpa, & ab iteratione Confessionis excusatur. 173.

Privil. v. Qui ob ignorantiam, grosso modo, sine certo numero peccatorum mortaliū in dicto Parocho, bona fide confessus est, excusatur detecto etiam errore,

à reiteratione Confessionis.

375.

Privil. vj. Qui meminit solum se letaliter peccasse, & ignorat huius peccati speciem, de hoc in genere tantum se accusando, & non de aliquo peccato in particulari, excusatur a reatu invaliditatis Confessionis, & fructuose absolvitur. 376.

Privil. vij. Pœnitens excommunicatus, qui bona fide procedens, naturali obligatione, aut ignorantia invincibili excommunicationis, absolutus fuit a peccatis ante absolutionem excommunicationis: fuit valide absolutus, & excusatur nedum a peccato, sed etiam ab iteratione Confessionis.

379.

Privil. viij. Pœnitens bona fide confitens casum reservatum, ignorans esse talem, excusatur a reatu invalide Confessionis, & valide absolvitur. 380.

Privil. ix. Qui mortale confessus est, quod tum ipse Pœnitens, tum Confessarius ob ignorantiam existimabant veniale, si mox postea Pœnitens esse mortale, à repetenda illius Confessione excusatur. 381.

Privil. x. Qui peccatum aliquod ignorantia vincibili, aut scienter commissum prætermisit in Confessione, invincibiliter, aut probabiliter ignorans se teneri ad peccatum illud in Confessione aperiendum, excusatur ab obligatione repetende Confessionis. 383.

CAPUT XVI.

DE Privilegiis Ignorantiae circa Tertium Ecclesiae Præceptum, De Sumendo Eucharistia Sacramento in Paschate. 384.

Privil. i. Religiosus non Parochus, nec habens speciale privilegium, qui sanctissimam Communionem ministrat, ignorans hoc esse peccatum, cui etiam excommunicatione annexa est, ab hac censura, & a peccato excusatur. 387.

Privil. ij. Qui pro impletione Paschalis Communionis hanc ex ignorantia recipit ab eo, qui non est proprius Parochus, & Superior, nec de eiusdem licentia expressa, vel tacita, a peccato excusatur. 389.

Privil. iij. Adultus dubitans an adhuc teneatur Eucharistiam Sumere, & præcepto Ecclesiae, vel Divino satisfacere, sequens in hoc Parentum, & Confessarii iudicium, a quibus prohibetur communicare, excusatur a peccato ob ignorantiam

pro-

probabilem. 390.
 Privil. iv. *Reus in conscientia letalis culpe*, cui dum tenetur ad Communionem accedere, deest copia Confessarii, nec potest recedere, aut se subtrahere absque iactura propria fame, si cum sola attritione supernaturali cognita, suscipit Sacramentum, bona fide, & invincibili ignorantia credens, illam sufficere ad bonum Communionis usum, excusatur à mortali, nec ponit obicem gratiæ. 391.

CAPUT XVII.

DE Privilegiis Ignorantiæ circa Quartum Ecclesiæ Præceptum, De Jejunio. 396.
 Privil. i. *Qui post adhibitam diligentiam adhuc dubius est, & invincibiliter ignorat, an expleverit viginti, & unum annos, excusatur à præcepto, & transgressione jejunii.* 397.
 Privil. ii. *Ignorans an sit media nox, & comedens, excusatur à peccato violationis jejunii, etiam si die sequenti sit jejunandum.* 398.
 Privil. iii. *Qui ex Ignorantia Jejuni, his comedit aliquo die in notabili quantitate, excusatur à culpa, & ab obligatione amplius eo die jejunandi.* 400.
 Privil. iv. *Qui ex ignorantia Jejuni comedit carnes in quantitate, excusatur à culpa, & ab obligatione amplius eodem die jejunandi.* 403.
 Privil. v. *Accedens ad Communionem, ex ignorantia jejuniis quidem Jejunio Ecclesiæ, sed non naturæ, & necessario ad Eucharistiam Sumendam, excusatur à peccato mortali.* 405.

CAPUT XVIII.

DE Privilegiis Ignorantiæ circa Quintum Ecclesiæ Præceptum Solvendi Decimas. 406.
 Privil. Unicum. *Qui ex Ignorantia, & bona fide, decimam debitam solvit ex deteriori parte, à mortali excusatur.* 406.

CAPUT XIX.

DE Privilegiis Ignorantiæ circa Sacramenta. Et primo circa Ministrum Sacramentorum: necnon circa Suscipien-

tem illa. 407.
 Privil. i. *Sacramentorum Minister in mortali administrans cum ignorantia, inadvertentia, vel oblivione status sui culpabilis, à novo mortali excusatur.* 407.
 Privil. ii. *Sacramentorum Minister Excommunicatus, denunciatus, & vitandus, conferens Sacramenta, per invincibilem ignorantiam, & naturalem inadvertentiam, excusatur à peccato mortali, necnon ab incurso irregularitatis.* 411.
 Privil. iii. *Si à Ministro malo, qui mortaliter peccaturus est in conferendo, petat quis, vel recipiat Sacramentum, illius tamen statum ignorando, excusatur iste à mortali, & recipit rem Sacramenti.* 412.
 Privil. iv. *Excommunicatus recipiens Sacramenta, ignorans tamen, vel non advertens se esse in excommunicatione, à peccato excusatur.* 413.
 Privil. v. *Suscipiens Sacramentum in mortali ex ignorantia, inadvertentia, vel oblivione inculpabili, à novo peccato excusatur.* 415.

CAPUT XX.

DE Privilegiis Ignorantiæ circa Sacramentum Baptismi. 416.
 Privil. i. *Qui nunc existunt in partibus remotis, cum invincibili ignorantia Baptismi, Salvati possunt.* 417.
 Privil. ii. *Non Sacerdos extra necessitatis casum baptizans, & qui baptizatur, si adultus sit, per invincibilem ignorantiam existimantes hoc sibi licere, à mortali peccato excusantur.* 418.
 Privil. iii. *Qui inscienter, & ex invincibili ignorantia rebaptizatur, à letali culpa excusatur: & ab irregularitatis incurso; & sic etiam qui rebaptizatur.* 419.

CAPUT XXI.

DE Privilegiis Ignorantiæ circa Sacramentum Confirmationis. 422.
 Privil. i. *Ignorantia invincibilis Sacramenti Confirmationis excusat, & excusatur à peccato.* 422.
 Privil. ii. *Iterans Confirmationem ejusdem ex ignorantia invincibili à culpa mortali excusatur.* 423.

CAPUT XXII.

DE Privilegiis Ignorantiæ circa Sacramentum Pœnitentiæ. 424.

Privil. i. Confessarius inculpabiliter ignorans ignorantia publica, & communi, revocatum fuisse Privilegium absolvendi, & dispensandi, absolvens, & dispensans excusatur à culpa, & absolutio valet, ac dispensatio. 424.

Privil. ij. De quodam scrupuloso Pœnitente, qui commisit peccatum materialiter mortale, & ob invincibilem excusantem ignorantiam putavit veniale. 426.

Privil. iij. Habens auctoritatem absolvendi, aut dispensandi, valide absolvit, aut dispensat, quomodo ignoret suam auctoritatem, Privilegiumque suum. 426.

CAPUT XXIII.

DE Privilegiis Ignorantiæ circa Venerabile Eucharistiæ Sacramentum, & Sacrificium Missæ. 428.

Privil. i. Ignorans esse illicitum denuo Ministrari Viaticum infirmo non jejuno tertiam diem immediatè post primam Communionem, & illud idem administrans, excusandus est. 428.

Privil. ij. Parochus per meram inculpabilem oblivionem (que invincibili ignorantie equiparatur) omittens in Feria quinta, Carne Domini consecrare ex more Hostiam alteram pro sequenti feria Sexta in Parasceve, à mortali culpa excusatur. Quid tamen facere debet oblivisus Parochus sua agnita oblivione, ut effugiat Scandalum, & murmur Populi? 430.

Privil. iij. Sacerdos, qui per inadvertentiam naturalem errorem, vel ignorantiam invincibilem consecravit in Missa solum panem, excusatur à culpa, & sacrilegio. Quid postea facere debet agnita propria ignorantia? 442.

Privil. iv. Sacerdos carens Hostia grandiori, quam consecret, & exponat populo in Oratione quadragesima borarum post prandium, sumens ipse particulam parvam à Sacrario, seu Pixide ex preconsécratis ab alio Sacerdote, asumens verò in eodem Sacrario grandiozem ab ipsomet consecratam ad illam post prandium in Oratione exponendam, à mortali excusatur, si ex ignorantia invincibili id preslet. 443.

Privil. v. Ex ignorantia (item ex perturbatione mentis) committens in celebratione Missæ aliquem errorem, etiam gravem, excusatur à culpa mortali. 446.

CAPUT XXIV.

DE Privilegiis Ignorantiæ circa Sacramentum Extreme Unctionis. 448.

Privil. Unicum Ignorantia invincibilis Sacramenti Extreme Unctionis, excusatur, & excusatur à peccato. 448.

CAPUT XXV.

DE Privilegiis Ignorantiæ circa Sacramentum Ordinis. 448.

Privil. i. Qui ante aetatem Canonicam bona fide Ordinatur, excusante ignorantia, non peccat. 449.

Privil. ij. Qui ante Canonicam aetatem bona fide suscipit Majores Ordines, non peccat excusante ignorantia, sed nec suspensionem incurrit, neq; eosdem Ordines exercendo irregularitatem. 450.

Privil. iij. Episcopus Ordinans ignoranter alienum Subditum, non manet suspensus. 451.

Privil. iv. Sacris initiatus ab Episcopo alieno ignoranter, à suspensione excusatur, & etiam ab irregularitate, si eodem Ordine utatur. 452.

Privil. v. Qui invincibiliter ignarus obligationis servandi castitatem, suscepit Ordinem Sacrum, cui annexa est hæc obligatio, ab ipsamet excusatur in foro conscientie. 452.

Privil. vj. Qui suscipit Ordinem Sacrum ignorans invincibiliter onus eidem annexum recitandi Horas Canonicas, atque adeò illas omittit, excusatur à culpa ignorantia durante. 454.

CAPUT XXVI.

DE Privilegiis Ignorantiæ circa Sacramentum Matrimonii. 455.

Privil. i. Promissio Matrimonii facta cum semiplena advertentia, & ignorantia, non inducit obligationem adimplentionis. 455.

Privil. ij. Qui promissit Matrimonium, invincibiliter ignorans promissionem suam esse obligatoriam, eam non adimplendus à culpa excusatur. 455.

Privil.

Privil. iij. Sponsus qui post valida contrahita Sponsalia sufficientem habet causam ad illa dissolvenda, quam tamen ignorat, si cum tali ignorantia accedat carnaliter ad Sponsam, non amittit sui resiliendi ab illis. 457.

Privil. iv. Copulati in Matrimonio invalido, cujus tamen invaliditas ab ipsismet invincibiliter ignoratur, excusantur à culpa lethali in eorundem usu carnali. 457.

Privil. v. Promissio Matrimonii inter Adulteros non inducit impedimentum criminis dirimens eorum subsequens Matrimonium, si eorundem unus ignorabat alterum conjugatum esse, vel adhuc vivere alterius Conjugem. 458.

Privil. vi. Qui scit impedimentum aliquod dirimens Matrimonium, occultatum tamen, & adeo occultum, ac ignoratum ab aliis, ut ipse solus noverit, probarique nullo modo queat, excusatur ab obligatione denuntiandi, ac detegendi illud. 464.

Privil. vij. Conjuges ignorantes tactus inter se exercitos ob solam voluptatem captandam, sine periculo tamen pollutionis, & absque animo perveniendi ad copulam, esse saltem peccata venialia, ab ipsismet venialibus excusantur. 466.

Privil. viij. Accedens scienter ad Consanguineum suæ Uxoris in secundo gradu, ignarus tamen talis gradus consanguinitatis, sed existimans esse in tertio gradu, non imputatur à petitione debiti. 468.

Privil. ix. Coniux Cognationem contrahens spiritualem cum altero Coniuge, quia nimirum, vel prolem huius (ex priori Coniuge jam mortuo) vel communem, & ex se habitam, Baptizat: aut tanquam Patri- nus tenet in Baptismo, aut in Confirmatione, per quod incurritur poena, ut non possit petere debitum à tali Coniuge, & actus Coniugalis sit illicitus ac peccaminosus, liberatur à tali poena, & à peccato in actu Coniugali excusatur, si id fecit, & cognationem contraxit cum ignorantia ipsius poenæ, ac prohibitionis. 468.

Privil. x. Impedimentum Cognationis legalis ortum ex Adoptione, superveniens Matrimonio, cum ignorantia tamen quod id ipsum privet Conjuges iure petendi, ac reddendi, ab hac poena eximit eosdem, ignorantia eadem. 472.

Privil. xi. Contrahens quis Matrimonium in aliena Parochia bona fide, ignoransque hac esse lethalem, & Matrimonium nullum (ex Decreto Concil. Trident. Sess. 24. de Reformat. Matrimonii) ab huiusmo-

di lethali excusatur. Quid tamen is debet facere postquam sciverit suum Matrimonium fuisse nullum? 473.

CAPUT XXVII.

DE Privilegiis Ignorantiae circa Veneria. 474.

Privil. i. Ignorantia invincibilis excusatur ab heresi. 474.

Privil. ij. Ignorans legatum aliquod Piam esse, & longius biennio differens illud solvere, non incidit in casum reservatum. 475.

Privil. iij. Peccatum ita per ignorantiam minus potest, ut ex mortali fiat veniale. 476.

Privil. iv. Ignorantia ita minuit peccatum, ut quandoque excuset à reatu lethali unius circumstantie illius, quamvis non alterius. 476.

Privil. v. Ignorantia Vincibilis nisi sit effectata, diminuit malitiam, & rationem peccati. 479.

Privil. vi. Ignorantia, à poena Ecclesiastica excusatur, etiam si non à culpa. 479.

Privil. vij. Ignorantes invincibiliter culpam contrahere lethalem, nec non in excommunicationem incidere, qui inducunt aliquam ad eligendam Sepulturam cum Voto, Juramento &c. ab utroque excusantur. 479.

Privil. viij. Mulier ignorantia plane invincibilis laborans, quod ob sui pectoris nuditatem, & immodicam ornatum, alios provocat ad libidinem, excusatur à mortifero ornatu, & ab huiusmodi lethali nuditate. Confessarius tamen eam monere debet, etiam si ex sua monitione fructum non speret. 487.

Privil. ix. Verba Blasphemia preferens, ignorans eorum significationem, in Casum reservatum non incidit. 489.

Privil. x. Transgrediens Regulam, & ejusdem præcepta ex ignorantia invincibilis, excusatur à culpa. 490.

Privil. xi. Ignorantia invincibilis excusatur à recitatione Officii. 490.

Privil. xij. Ignorans invincibiliter peccatum esse operari cum dubio pratico honestatis obiecti, cum eo dubio operans à peccato excusatur. 491.

Privil. xij. Commisit quis peccatum reservatum esse tamen lethale invincibiliter ignoravit, huius ignorantie causa à reservatione excusatur. 492.

Privil.

- Privil. xiv.** Quando in uno actu plures reperiuntur maliq; & intellectus unum tantum agnosci; que ignorantur, nec menti fuerint obiecta, non imputantur. 492.
- Privil. xv.** Ignorantia invincibilis Juris, & facti, excusat iterari Confessionem. 493.
- Privil. xvj.** Ignorantia idiomatis, excusat à præcepto Divino, vel humano Sacramentalis Confessionis per interpretem, etiam, fidelem. 493.
- Privil. xvij.** Donatio directa ignorantis illam, non ardet donantis conscientiam ad donationis executionem. 494.
- Privil. xviii.** A reatu leibali simplicis fornicationis, excusari potest per ignorantiam (inter Christianos etiam) Surdus, & Mutus à Natiuitate. 495.
- Privil. xix.** Regularis excommunicatus ob violentam manuum injectionem in Clericum, ignorans probabiliter talem excommunicationem præbere impedimentum suscipiendi Ordines, & eos suscipit, non incurrit suspensionem Papalem (si factum ejus non est grave) cum possit ista dispensari à suo Prelato Regulari. 496.
- Privil. xx.** Ignoranter promittens Episcopo non petitur; ab eo alimenta, si absque titulo Ordinatur, non incurrit suspensionem. 496.
- Privil. xxj.** Qui per ignorantiam inculpata Ordinatus fuit ab Episcopo Hæretico, Schismatico, Excommunicato, Interdicto, aut Simoniaci, suspensionem non incurrit. 497.
- Privil. xxij.** Qui ignoranter Ordinatus fuit Simoniaci: Hoc est, ipso nesciente, ac ignorante, pecunia data fuit Episcopo, ut eum in Ordinatorum numerum referret, suspensionem non incurrit. 498.
- Privil. xxij.** Ignorantia, que quandoque in foro fori non excusat à pena, ab hac, & à culpa excusat in foro poli. 499.
- Privil. xxiv.** Ignorans Constitutionem Dixti V. in qua reservavit sibi absolutionem eorum, qui male promoveantur ad Ordines, excusatur ab illa incurrenda. 501.
- Privil. xxv.** Ignorans & Constitutionem Gregorii XIII. in qua tuit excommunicationem in eos qui aliquid dederint, promiserint, aut acceptaverint promissione pro iustitia, aut gratia à Sede Apostolica obtinenda: Et quod nullus possit absolvi ante realem restitutionem eorum, que pro tali gratia fuerint accepta ex Extravaganti edita anno 1575. immunis est ab hac reservatione. 501.
- Privil. xxvj.** Qui durante Matrimonio ignoranter suscepit Sacros Ordines, suspensionem non incurrit. 501.
- Privil. xxvij.** Excommunicatus denunciatus vitandus, conferens Sacramenta ex ignorantia invincibili, aut naturali inadvertentia à peccato mortali excusatur. 501.
- Privil. xxviii.** Ignorantia Regule quandoque excusare potest in conscientia à sui observantia. 501.
- Privil. xxix.** Ignorans nullitatem sue Professionis, non manet obligatus, nec cum eum tali ignorantia ratificare censetur. 501.
- Privil. xxx.** Sacerdos sollicitans in Confessione, & ignorans Constitutionem Gregorii XV. contra Confessarios sollicitantes, excusatur à penis in illa latis, in foro tamen interno, non externo. 503.
- Privil. xxxj.** Mulier sollicitata in Confessione, invincibiliter ignorans Edictum Tribunalis Sanctissime Inquisitionis obligari sollicitatum (etiam si ipse sollicitationi consenserit) denunciandi sollicitantem: Vel ignorans quod obliget ad mortale: Vel quod imposita sit excommunicatio contra non denunciantes, excusatur à pena, nec illam contrahit si non denunciaret. 504.
- Privil. xxxij.** Ignorantia non solum excusat in foro Animæ à Censuris, & penis Ecclesiasticis, sed etiam in exteriori Judicio per Juramentum præcipue ignorantis. 505.
- Privil. xxxiii.** Ignorantia rerum ad cuiusque Officium spectantium, ut ex. gr. Imperitiam Medici, in suo agrote curando, & si multoties, ex Juris presumptione non excuset à culpa in externo foro, excusat tamen in conscientia interno foro, pro quo etiam cessare videtur præsumptio. 506.
- Privil. xxxiv.** Ignorantia Privilegii excusat ab amissione ejusdem, quam quis meretur, si illo non utatur. 506.
- Privil. xxxv.** Qui credito ludit, & perdidit, omnino ignorans, quod ex Beneficio legis non tenetur Solvere, liberatur ab obligatione Solvendi; & si ex ejusdem legis ignorantia solvit, potest solum recompensatione, vel alia via recuperare. 508.
- Privil. xxxvj.** Acta in Capitulo in quo quis ex Capitularibus inhabilitate aliqua affectus est, si hæc occulta sit, atque ab aliis Capitularibus probabiliter ignorata, valent, nec irrita sunt: Ut electiones ex. gr. & cætera que fiunt in Capitulis Religiosis. 512.
- Privil. xxxvij.** Invincibiliter ignorans, si habere

habere alicujus Religionis Spiritualem Fi-
liationem, eadem ignorantia non obstante,
participi est bonorum spiritualium ejusdem
(præsertim satisfactoriarum,) nec non In-
dulgentiarum, (si sit Religionis benefactor)
& adimpleat ea (materialiter saltem) quæ
à Summis Pontificibus, pro acquirendis In-
dulgentiis iisdem præscripta sunt. 521.

Privil. xxxviii. Regularis Professus Habi-
tum temerè dimittens, idest suis iussu,
& honesta causa, Excommunicationem Ca-
nonis Cap. Ut periculosa 2. Ne Cleri-
ci, vel Monachi in 6. non incurrit: Si
cum ignorantia hujus Canonis habitum di-
mittat. 536.

Privil. xxxix. Superior, seu Rector Re-
gularis admittens in Ecclesiam propriam
Regularem (occasione funerum) Pa-
rochorum ingressum cum Cotta, Stola,
& Cruce elevata, sinensque eosdem ne-
dum sic intrare, verum etiam super Ca-
davera Officia Defunctorum, aut Psal-
mos recitare; vel in aliquo ibi se intro-
mittere; ignorans invincibiliter hoc obesse
proprio Regulari Juri, ac Jurisdic-
tioni, nec obest (stante tali ignoran-
tia) nec contra ipsum Jus, inducit
veram consuetudinem. 572.

Vide Amice Lector traditam à me in hoc Privilegio (ex pro-
fesso) maximam illam Controversiam, quæ tam acriter
veritur inter Reverendos Parochos, & Regulares circa Func-
rum materiam; eam quæso attentè lege, ac perlege, & non
pigebit, præsertim si Parochus sis, aut Regularis. Quæ circa
eamdem refero, fideliter trado; quæque scribo in ea, in
solum DEI Honorem facio, & puro charitatis, veritatis,
& conscientiæ Zelo, nullo prorsus alio inferiori fine motus.
Et quæ in ea concludo, ità sentio in anima mea, ut oppo-
situm, nec percipere, nec capere queam.





JOANNIS CHRYSOSTOMI
PHILIPPINI
VERONENSIS
CLERICI REGVLARIS THEATINI
TRACTATUS MORALIS
DE PRIVILEGIIS
IGNORANTIÆ,

S E U

*Quando, quibusve in casibus unusquisque per Ihsam à peccato excusatur : Vel à Censuris,
à Pœnis Ecclesiasticis, aut à gravamine alio Spirituali, necnon
temporali (causa Eiusdem) liberatur.*

INTENTIO AUTHORIS, ET OPERIS
AD LECTOREM.



Uicumque ex ignorantia invincibiliponit actum malum, non peccat utique formaliter, quia talis ignorantia excusatur à peccato formali: & ita docent omnes Catholici contra

Lutherum Tom. 6. in cap. 12. Gen. ad illud: Et percussit Dominus Pharaonem: Ubi vult, quod ignorantia facti excuset quidem in foro externo; neminem verò liberet à peccato formali in foro interno. Ab iniquitate igitur unusquisque excusatur, atque aded non debet peccare formaliter, qui ponit actum malum, insuperabiliter ignorans ipsum esse talem: sique omnes Theologi: cum quibus id etiam.

Probat. 1. Ex illo Jo. 9. Si cæcis essetis, non haberetis peccatum: & ex cap. 15. Si non venis-

sem, & locutus fuisset eis, peccatum non haberent: & Si opera non fecissem in eis, quæ nemo alius fecit, peccatum non haberent. Accedit etiam ratio: quia ad hoc ut malitia actus alicui imputetur, debet ipsi esse voluntaria: ignorantia autem tollit principium voluntarii, nempe cognitionem. Unde cum malitia actus procedentis ex ignorantia invincibili agenti non sit voluntaria, eo quia ad rationem voluntarii requiritur cognitio vel malitiæ actui inexistens, quando actus est imperatus; vel malitiæ objectivæ, quando actus est elicitus, nec esse potest consequenter culpabilis. Et hoc aded verum est, ut dicat Caramuel, Si insuperabilis ignorantia non excusaret à peccato, iuberet impossibilia Deus, interdiceretque necessaria: sic Tom. 2. Theologiæ Fundament. in princip. n. 1331. Impossibilia enim non iubet Deus, vt decernit Trident. sess. 6. Canon. 18. sic. Si quis dixerit, Dei præcepta homini, etiam iustificato, & sub gratia

A

con-

constituta, esse ad observandum impossibilia, anathema sit. igitur peccatum non imputatur invincibiliter ignorantiam malitiam actus. Pro qua doctrina, & conclusione facit etiam quod docet *D. Tho. qu. 3. de Malo, art. 8.* dum ibi sic: *Si in eodem actu aliquid sit ignoratum, & scitum, potest esse voluntarium, quantum ad id, quod est scitum; semper tamen est involuntarium, quantum ad id, quod est ignoratum, siue ignoretur deformitas actus, puta cum aliquis nescit fornicationem esse peccatum, voluntarie quidem facit fornicationem, sed non voluntarie facit peccatum: siue ignoretur circumstantia actus, sicut cum quis accedit ad mulierem, quam credit esse suam. Peccatum ergo ignorantiam invincibiliter malitiam actus non imputatur etiam secundum Angelicum Doctorem, defectu scilicet voluntarii, quod absque scientia haberi nequit, ut patet ex ejusdem voluntarii definitione, quam tradidit idem *D. Tho. p. 2. qu. 6. art. p. in fine responsi.* ut sequitur: *Voluntarium dicitur esse secundum definitionem Aristot. & Gregorii Nysseni, & Damasceni* non solum cuius principium est intra, sed cum additione scientie. Hinc Theologi in Tractatu de Actibus Humanis, agentes ibi de Voluntario, idemmet definiunt cum eodem *D. Tho. & Aristot. 3. Ethic. c. 1. Quod sit à principio intrinseco cum cognitione singulorum.* Absque cognitione ergo, & scientia non habetur voluntarium, consequenter nec cum insuperabili errore, & ignorantia formalis reatus: quod*

2. Probatur 2. Nam aliqui etiam ex Sanctis Patribus quosdam errores habuerunt circa quosdam puncta fidei, vel motum: eodemque errores nedum habuerunt in intellectu, verum etiam alios docuerunt, & in praxi verosimiliter secuti sunt (ut ex gr. *S. Cyprianus*; qui docuit Baptizatos ab hereticis esse rebaptizandos) ipsi tamen ab omni laque peccati excusantur, eo quod eorundem error propter unionem cum Ecclesia Romana, presumatur fuisse invincibilis. Præterea plurima Authorum Catholicorum Opera jubentur ab Ecclesia expurgari ab erroribus, aut quandoque etiam propter illos condemnantur, ita tamen ut Authores ipsi non puniantur, nec judicantur formaliter peccasse, quia censentur laborasse errore inculpabili, ex eo saltem, quod scripta sua subiecerunt iudicio, & censuræ Ecclesiæ Romanæ: subiectio autem non excusaret, nisi error invincibilis à culpa excusaretur. Patent hæc ex *Cap. Damnamus de Summa Trinitate*, in quo reprobatur, & damnatur doctrina Abbatis Ioachimi quam edidit in suo Tractatu contra Magistrum Petrum Lombardum

non tamen ipse Abbas. Item ex eo, quod Urbanus Papa VIII. Innocent. X. Alexander VII. quantumvis Librum Cornelii Jansenii Episcopi scriptis prohibuerint, & hi ultimi ipsius doctrinam damnarint, nihil tamen contra authorem unquam decreverint. Idem est de omnibus, qui Librum approbarunt, aut defenderunt ante Pontificum censuras. Ob eandem causam excusantur innamque à peccatis, quæ in pueritia præcipue, & adolescentia fecerunt, eo quod malitiam illorum invincibiliter ignorarint. Item excusantur Confessarii, Doctores, Consilarii, Iudices, &c. quandoque ex errore invincibiliter docentes aliquid falsum, quod scienter docere esset peccatum mortale: certum est autem, quod si ignorantiam eos non excusaret, licet, & sine peccato formali non possent agere Confessarium, Doctorem Casuum, Confitentem, Consiliarium, Iudicem, &c. quia in hisce exercendis muneribus, frequenter accedit (maxime in debilibus) ex errore invincibilis, doceri, suaderi, vel definire aliquid falsum; unde si ignorantia non excusaret, subinde peccarent mortaliter, nec tali periculo hi consequenter se exponere possent: dicere autem, quod Confessarii, Doctores, Consilarii, Iudices, &c. non possint officium suum exercere, esset instructionem omnem tollere, totumque Orbem in meris ignorantie tenebris, & malis innumeris eas consequentibus involutum deferere absque remedio.

3. Probatur 3. Authoritate Sanctorum: *D. Thom.* ubi supra qu. 3. de Malo art. 8. Cum aliquis nescit fornicationem esse peccatum, voluntarie quidem facit fornicationem, sed non voluntarie facit peccatum. Item p. 2. qu. 76. art. 3. in Responsi. docens universaliter, quod Ignorantia, quæ est causa actus, quia causat involuntarium, de se habet, quod excuset à peccato, eo quod voluntarium est de ratione peccati. Ad quæ locum (Caietanus) Pro regula namque generali habendum est, quod ignorantia ex parte rei ignoratæ, id est non ex parte ignorantie, id est non culpabilis, excusat totaliter ab involuntario. Quod est proprius effectus ignorantie, siue de operam relicta, siue illicita. Et paulo infra, Quantum verò habet de involuntario, tantum habet error non peccati. Sancti Augustini, qui excusavit à peccato eos, qui ex invincibili ignorantia facti fecerunt actum peccaminosum. Siquidem Epist. 48. agens contra Donatistas, qui accusabant Catholicos omnes propter crimen aliquorum, ait eos esse excusandos, quod nesciverint, Certi nullius crimen maculat nescientem. Et postea, Hoc ergo ab hoc crimine innocentes esse, nempe ipsa ignorantia,

rantia, facile ostendit. Et lib. 2. contra Cresconium cap. 26. negat eum peccare, qui inscienter ab Hæretico baptizatus est: *Conscientia propterea laedi non potuit, quia nescivit.* Item, eum, qui nesciens, uxorem duxit alienam, si postea id sciens, discesserit. Quo facit illud lib. 6. contra Julianum cap. 19. ubi de Abimelech desiderante sibi conjugere uxorem Abrahæ, sic ait: *Sed sciebam, inquit Deus, quia in corde mundo fecisti hoc. Non omnia, vel quæcumque, sed hoc, in quo adulterii conscientiam non habebat.* Idem à peccatis excusat eos, qui ex ignorantia invincibili agunt contra Ius positivum humanum, vel Divinum: ex gr. eos, qui non credunt in Christum, quia prædicationem ipsius, vel discipulorum non audierunt. *Tract. 89. in Joann.* Ubi explicans illud: *Si non venissem, & locutus eis fuisset, peccatum non haberent;* petit, *Vtrum bi, ad quos non venit Christus, nec locutus est eis, habeant excusationem de peccato suo?* Et respondet: *Habere illos excusationem, non de omni peccato suo, sed de hoc peccato, quod in Christum non crediderunt, ad quos non venit, & quibus non est locutus.* Postea querit; *Vtrum bi, qui priusquam Christus veniret in Ecclesiam ad gentes, & priusquam Evangelium eius audirent, vitæ huius sine præventi sunt, seu præveniuntur, possint habere hanc excusationem?* Et, *Possunt planè* (respondet) *sed non ideo possunt effugere damnationem. Quicumque enim sine lege peccaverunt, sine lege, & peribunt.* Quia scilicet non liberantur ab aliis peccatis excusationem ignorantie non admittentibus. Similia habet *Epist. 50. in fine.* Item *Epist. 105. ad Sixtum, & alibi.* Ut autem brevitate utar, omitto hic referre ejusdem Augustini verba; uti pariter omitto aliorum Sanctorum auctoritates recensere, excusantes eos à peccato formali, qui ex ignorantia invincibili ponunt actum malum materialiter. Sufficiat, quod ut malitia actus (per omnes Catholicos) alicui imputetur, debet ipsi esse voluntaria; unde Damnata est propositio Beiana 46. *Ad rationem, & definitionem peccati non pertinet voluntarium.* Ignorantia autem tollit principium voluntarii, nempe cognitionem, quæ necessaria est, ut actus procedens, dicatur, & sit voluntarius ipsi agenti, & huicmet ejusdem actus malitia imputetur; aliter ab eadem malitia, & peccato formaliter excusabitur (defectu voluntarii per omnes Catholicos) procedens ex ignorantia invincibili. Invincibilis enim ignorantia inculpabilis est, atque adeo excusationem admittit à culpæ reatu. Et adeo excusationem admittit, ut non solum à culpa omni excusetur dictus actus, verum etiam contingere potest quod

sit bonus, laude, ac præmio dignus apud Deum, ut affirmat, & probat *Azor. p. 1. Institut. Moral. lib. 1. cap. 14. qu. 5.*

4 De hujusmodi ergo à culpæ reatu *Excusatione*, proat hæc ortum, ac originem. trahit ab *Ignorantia*, Institutio ego præsentem Tractatum, sub novo adhuc typis non dato Titulo, in quo nisi omnia nova erunt, cum nil sit sub Sole novum, nec dictum, quod non sit prius dictum, ut *Eccles. 1. spero quod saltem novitatem sapient. Quoniam verò eximi, & esse immunem à culpa, ab eadem, quæ excusari, est veluti privilegium quoddam, ut patet; & expressè etiam affirmat Portel. in Responsi Moralib. par. 1. casu 27. n. 2. in fine, & hoc idem utique habetur (ex dictis) ignorantiz causa; quot erunt *Excusationes* à peccatis formaliter, ortum habentes ab *Ignorantia*, tot consequenter quibunt dici (latè saltem, si non propriè, ac præse) *Ignorantie ejusdem Privilegia*: & hæc eadem (nondum ab aliquo cumulata) in hunc unum Tractatum congerere, peculiari labore, ac studio conatus sum, ad commodum studii Moralis, & Moralistarum, ac ad instructionem eorum, qui Directores sunt conscientiarum, præsertim scrupulis obnoxiarum. Quem Tractatum divido, ac distribuo in sequentia capita. Primum est, De Privilegiis Ignorantie circa Legem naturalem. Secundum, circa Legem Civilem. Tertium, circa Legem Divinam, & Mysteria fidei. Quartum, circa Legem Ecclesiasticam. Quintum, circa Præcepta charitatis. Sextum, circa Præcepta Decalogi, & primò circa primum, Vnum cole Deum. Septimum, circa secundum Decalogi Præceptum, Non assumes nomen Dei tui in vanum. Octavum, circa tertium Decalogi Præceptum, Sabbatha sanctifices. Nonum, circa quartum Decalogi Præceptum, Honora Patrem tuum, & Matrem tuam, ut si longævus super terram. Decimum, circa quintum Decalogi Præceptum, Non occides. Undecimum, circa sextum, & nonum Decalogi Præceptum, Non morchaberis: Non concupisces Vxorem proximi tui. Duodecimum, circa Septimum, & decimum Decalogi Præceptum, Non furtum facies: Non desiderabis bona proximi tui. Decimum tertium, circa octavum Decalogi Præceptum, Non falsum testimonium dices. Decimum quartum, circa Præcepta Ecclesiæ, & primo circa primum, Audiendi Missam Dominici, & Festi diebus. Decimum quintum, circa secundum, quod jubemur semel in Anno peccata confiteri. Decimum sextum, circa tertium, De sumendo Eucharistiæ Sacramento in Paschate. Decimum septimum, circa quartum, De leinorio. Decimum*

num octavum, circa quintum, *Solvendi Decimas*. *Decimum novum*, circa Sacramenta. Et primò. Circa Ministrum Sacramentorum: necnon circa sufficientem illa. *Vigesimum*, circa Sacramentum Baptismi. *Vigesimum primum*, circa Sacramentum Confirmationis. *Vigesimum secundum*, circa Sacramentum Pœnitentiæ. *Vigesimum tertium*, circa Venerabile Sacramentum Eucharistiæ. *Vigesimum quartum*, circa Sacramentum Extreme Unctionis. *Vigesimum quintum*, circa Sacramentum Ordinis. *Vigesimum sextum*, circa Sacramentum Matrimonii. *Vigesimum septimum*, circa Varia. Si quid autem boni in hoc opere, & Tractatu repertum fuerit, Deo fonti totius boni adscribatur: si quid verò erroris inventum, mihi (totius ignorantie, & inficitie scaturigini) tribuatur; qui propterea integrum Opus ipsum, & Tractatum Sanctæ Sedis Apostolice censure, necnon Superiorum iudicio, quorum interest corrigere, ac emendare, & errati non admonere, cum omni submissione subijcio; nec enim mihi tantum tribuo, quin possim à verbis deviare, ac toto cœlo errare.

§ Verùm, quia & aliæ ignorantie (preter invincibilem) si non excusant à peccato, saltem minuunt illud, de iisdemq; erit incidens sermo in hoc Tractatu: idcirco antequam ulterius progrediar, deveniendo ad eadem privilegia in particulari definienda, & pertractanda; necesse est (pro fundamento etiam hujus nostri Operis) ejusdemmet ignorantie divisiones (ut à D.D. communiter referuntur, ac recensentur) præmittere: necnon alia quædam circa ignorantiam hæc resolvere, quæ in corpore Tractatus ut certa supponi debent, nec amplius repeti, sed accipi uti bases nostrarum thesaurum, & responsionum. Supposito ergo cum D. Tho. 2. 2. q. 76. art. 2. in Responsi. Ignorantiam à nescientia differre, & in hoc, quod nescientia sit carentia, seu negatio simplex scientiæ cujuscumque, sive debita scilicet, sive indebita: ignorantia verò importet scientiæ debitæ privationem, quæ tunc adest, cum videlicet alicui deest scientia eorum, quæ aptus natus est scire: hinc (ut optime Sanchez in opere Morali lib. p. cap. 16. n. p.) Ignorantiam à nescientia distingui, sicut cecum, & non videm. Quippe hæc per am negotiationem importat. Illa autem scientiæ, quæ acquirenda quis aptus est, privationem. Hoc inquam ergo supposito.

6 Prima divisio est: Ignorantia alia est Iuris, alia facti, alia pœnæ: Ignorantia Iuris contingit, quando nescitur præceptum, vel prohibitio; ut accidit quando quis, g. percutit Romipetam, seu peregrin-

um ad Urbem Romæ devotionis causa accedentem, nesciens prohibitam esse ab Ecclesia percussione Romipetæ, seu Peregrini. Ignorantia facti contingit, quando adest notitia legis, sed Iuris, sed ignoratur factum, quod prohibetur in dicta lege: & accidit, quando quis percutit ignoranter Romipetam, scit tamen latam esse censuram contra percussores Romipetæ. Ignorantia pœnæ contingit, quando nescitur latam esse pœnam contra delinquentes, ut accidit, quando percuit quis Romipetam, sciens prohibitum esse ab Ecclesia percutere Romipetam, & sciens hunc esse Romipetam, sed ignorans prohibitum esse sub censura percutere Romipetam.

7 Secunda divisio est: Ignorantia Iuris, sive facti, alia est invincibilis, quæ etiam inculpabilis, probabilis, iusta, & involuntaria appellari solet: Alia vincibilis, quæ & culpabilis, improbabilis, injusta, ac voluntaria dicitur. (Circa hanc divisionem recognosce Petrum Mariam Passerium in p. lib. Sexti Decret. in cap. VI Animarum 2. de Const. quest. prima art. 3. per totum, à n. 70. fol. 86.) Ignorantia Invincibilis dicitur illa, quæ vinci non potest. Unde qui nihil unquam de Censura cogitavit, vel dubitavit, dicitur habere ignorantiam invincibilem, seu probabilem de Censura. Quis enim potest ignorantiam ejus rei vincere, cujus nihil menti occurrit, per quod posset illam vincere acquirendo scientiam oppositam? Dicitur autem ignorantia probabilis, quando ignorat ea, quæ scire tenetur, & posito dubio, debitam adhibuit diligentiam ad ea cognoscenda, sed nondum cognovit: v.g. aliquis incipit dubitare latam esse excommunicationem contra Clericos deferentes certum genus armorum, dicitur habere ignorantiam probabilem excommunicationis, si consultis doctis, & peritis Clericis, rei veritatem non invenit: Ignorantia vincibilis est, quæ vinci potuit, sed ignorans non adhibuit sufficientem diligentiam ad eam vincendam juxta qualitatem negotii. Veruntamen hæc ignorantia, vincibilis alia est, in qua gravis negligentia intercedit: alia in qua levis negligentia concurret, non sufficiens ad mortale, sed tantum ad veniale.

8 Tertia Ignorantie divisio est: Alia dicitur affectata, seu optata; alia crassa, & supina. Ignorantia affectata, seu optata accidit, quando quis eligit nescire præceptum, ut liberius peccet. Propterea si Clericus poscivè eligit nolle scire latam esse censuram contra gestantes arma, ut ipse liberius gestare possit, dicitur habere ignorantiam affectatam.

etiam. Ignorantia crassa, & supina, dicitur illa, quæ procedit ex lata culpa, siue ex summa negligentia, ut accidit quando quis nullam, aut valde modicam adhibuit diligentiam ad cognoscendum id, quod scire tenetur, postquam de illo habuit aliquam cognitionem, vel dubium. *Corduba in Questionario Theologico lib. 2. qu. p. in 4. Divisione, versu, Alia est ignorantia vincibilis: ait: Ignorantiam vincibilem dici Crassam, quando ex desidia oritur, sumpta metaphorâ ex hominibus crassis, ac pinguibus, qui desides esse solent: Supinam verò, quando oritur ex nimia solitudine circa alia, & modica ignorantia vincendæ cura, instar supinæ in lecto jacentium, quasi nil de rebus curantium: Quæ de re videatur etiam Sanchez in Decalogum lib. p. cap. 16. n. 7. Hic colligitur dari vitique ignorantiam aliquam culpabilem: quod etiam constat ex p. Corinth. 14. in quo dicitur: Si quis ignorat ignorabitur: & ex Psalm. 24. in quo: Ignorantiam meam, ne memineris. Et ratio est: Quia unusquisque ea tenetur scire, quæ operari tenetur: igitur ea ignorare videtur esse culpa. Quia tamen ignorantia est in solo intellectu, si cur etiam est scientia opposita, peccatum verò, cum necessario esse debeat voluntarium, ac liberum, in sola voluntate formaliter reperitur: hinc est quod peccatum ignorantia, præter ipsam ignorantiam, aliquam voluntatis libertatem includere debet. Ignorantia enim ex se non est peccatum, cum scire non sit actus virtutis, sed virtutem antecedit. Unde fit, ut nemo scire teneatur præcisè, ut ignorantiam expellat. Cum enim hæc non sit peccatum, nemo eam per se expellere tenetur, sed solum in ordine ad operandum, siue ut rectè operetur. Ex quo sequitur quod cum quis ex negligentia, siue ignorantia culpabili violet præceptum aliquod, peccet utique. Huiusmodi tamen peccatum non est numero diversum ab ipsa transgressione præcepti, quando hæc sequitur: ut etiam inter alios aduertit Gabriel Beatus in suis questionibus. Moralibus. de Lege interna, & externa Tit. De Ignorant. qu. 19. n. 26. & 27. in Corollario: sicuti Furtum externum, non est peccatum numero diversum à voluntate furandi &c. Tunc enim (addit & optime idem Autor qu. seq. 20. num. 10.) Ignorantia est speciale peccatum, solum, cum ex intentione ignorandi, ignoratur res sciri necessaria. Ignorantia enim vincibilis tunc est speciale peccatum contra virtutem Studiositatis, cum quis vult ignorare ea, quæ aliter scire tenetur, hac speciali intentione, ut ea ne-*

sciat. Præcisò hoc casu, peccatum ignorantia non distinguitur à quolibet transgressione præcepti.

9 Quarta divisio est: Ignorantia aliquando appellatur antecedens, aliquando comitans, aliquando consequens. Antecedens dicitur illa, quæ est invincibilis, qua non posita, actus malus non fieret; ut quando Petrus percutit Clericum, nesciens ipsum esse Clericum, quem non percuteret, si sciret Clericum esse, aut esse specialiter prohibitum percutere Clericum, dicitur habere ignorantiam antecedentem. Ignorantia comitans dicitur illa, quæ si non adesset, actus nihilominus fieret, ut si Petrus percuteret inimicum, credens esse feram; sed nihilominus illum percussisset si suum inimicum esse animadvertisset; dicitur habere ignorantiam comitantem. Ignorantia consequens dicitur illa, quæ provenerit à prava hominis voluntate deliberata, ut ait D. Th. p. 2. qu. 76. art. 2. quia non vult adhibere diligentiam ad sciendum jus illud, quod scire obligatur, vel ad considerandum factum suum, quod eidem iuri conformare tenetur. De huiusmodi quarta divisione, & respectu cuius rei ignorantia dicatur antecedens, comitans, & consequens, optimè citatus Passerinus art. 7. quæst. cit. à n. 149. fol. 104. videatur.

10 Advertit autem, & optimè P. Morandus noster, Præceptor meus, Tomo 2. Theol. Traçt. 2. qui est De Attributis Humanis, qu. 9. Ad membra hujus quartæ divisionis, reduci prædictas alias ignorantia divisiones, & alias (si quæ sunt) quas assiderunt Theologi Moderniores. Et hoc idem clarè patet: nam Petrus ignorans gr. ex hodie esse diem quatuor temporum, comedit carnes, quas non comedisset si agnovisset qualitatem diei: talis ignorantia est utique antecedens, quia nullo pacto est à voluntate, & est causa comestionis carnum, quatenus removeret scientiam diei interdictæ. Sicque eadem est etiam invincibilis ignorantia, involuntaria, inculpabilis, cum ipsaque coincidit, cum utraque sit causa operis. Idem Petrus insuper, jaculatur sagittam v. g. ut occidat feram, casu occidit inimicum, quem diu occidere concupiverat, quem tamen occidisset, si scivisset ibi esse loco feræ: Ignorantia hæc, quæ interficit suum inimicum putans esse feram, est concomitans, quia comitatur illam occisionem, non tamen est ejus causa, quia etiam posita scientia, quod ibi esset suus inimicus, non feræ; libenter occidisset: Et cum hæc quoque coincidit ignorantia, quæ dicitur non causa operis, item inovo.

involuntaria, invincibilis, inculpabilis. Ignorantia tandem consequens prout est illa, quæ consequitur aliquem actum voluntatis, quo est voluntaria; vel directè, ut quando quis appositè vult ignorare, ne teneatur præcepta, & leges servare; vel indirectè tantum, ut quando quis negligenter non curat scire, cum possit, & debeat ea, quæ sunt in præcepto: coincidit & ipsa cum ignorantia voluntaria vincibilis, culpabilis, affectata, crassa, & supina: quod patet: nam Petrus v. g. die interdicta comedit carnes, ignorans esse pervigilium alicujus Sancti, eo quod data opera noluit ire ad Ecclesiam, ne intelligeret an in illa hebdomada esset aliqua vigilia; vel si non data opera, saltem ex aliqua negligentia non perrexit: hæc autem Petri ignorantia, nonne est voluntaria, vincibilis, culpabilis, affectata, si sit primo modo consequens: negligens, crassa, & supina, si secundo modo? Ignorantia verò Iuris, & facti, negativa, & positiva, actualis tantum; & actualis, & habitualis simul, convenire etiam possunt antecedenti, comitanti, & consequenti, ut patebit consideranti varios casus, qui occurrere possunt.

11. Hactenus ex relato *P. Morando quest. cit. sub n. 71.* sub quo etiam advertit secundò: Quod sicut ignorantia antecedens dicitur talis, quia antecedit voluntatem ignorandi: & consequens appellatur ita, quia consequitur eandem voluntatem ignorandi: ita etiam comitans, si comparetur ad voluntatem, potest dici antecedens, si nullo pacto sit voluntaria, sed tantum concomitetur actum: & potest dici consequens ad eandem voluntatem comparata, si aliquo pacto sit voluntaria, eo quod poterat depelli. Eodem modo etiam ignorantia consequens, si comparetur ad effectum ex ignorantia factum, si sit ita, quod etiam illa ablata adhuc effectus fieret, ut v. g. quis negligit scire hodie esse diem jejunii, tamen & si novisset, adhuc comedisset, potest dici ignorantia comitans: at si non est causa operis, ita quod si scivisset, non comedisset, potest dici ignorantia antecedens: hinc ignorantia consequens potest coincidere cum ignorantia, quæ est causa, & cum ea, quæ non est causa operis, prout diversimodè possunt appellari ex diversa comparatione facta, aut ad voluntatem ignorandi, aut ad effectum ex ignorantia factum. Verumquidem est, quod, ut notat *Ovidius tract. 6: contrap. 6. punct. 1.* apud eundem *P. Morandum sub n. cit.* communiter D. D. sumunt ignorantiam antecedentem,

& consequentem in ordine ad voluntatem ignorandi, non ad effectum; & concomitantem respectu effectus, quem comitatur tantum cujus non est causa, non in ordine ad voluntatem ignorandi. Hæc maxime advertenda pro D. D. intelligentia nedum, verum etiam pro praxi casuum conscientie, quando videlicet excusant, vel non, à culpa, ratione ignorantie, de quibus nos hic, & in toto hoc opere ex professo pertractare intendimus.

12. An autem supradictæ divisiones ignorantie accommodari etiam possint inconsiderationi, inadvertentie, & obliuioni naturali (quæ contingit quando quis habuit cognitionem præcepti, sed hic, & nunc ad illud non advertit) & sicut ignorantia excusatur à peccatis, censuris, &c. ita excusare etiam possit inadvertentia ipsa, inconsideratio, & obliuio naturalis? affirmant *Sanchez in Opere Morali lib. 1. cap. 16. n. 8.* (postquam ipse quoque à n. 2. usque ad 7. tradidit supradictas divisiones Ignorantie) *Suar.* apud eundem *Sanchez n. cit.* ubi etiam habet: *Ignorantiam non differre ab inadvertentia, seu obliuione actuali quoad excusandum à culpa: & in hoc tantum distingui, quod ignorantia habitum importet, inadvertentia verò actum.* *Azor. Institut. Moral. To. 1. lib. 1. cap. 16. qu. 3. litt. B.* Idem *Suar. de Cens. disp. 4. sec. 8. n. 5. & 11. Coninch de Cens. disp. 13. dub. 11. n. 93. Bonac. de Cens. disp. 1. qu. 2. punct. 1. n. 17.* & alii communiter, præcipue dictus *P. Morandus quest. cit. n. 75. & Gabriel Beatus in Q. Q. Moralibus qu. 18. n. 24.* quem ideo concludit sic: *Quod dicitur de ignorantia invincibili, intelligendum est etiam de inadvertentia, ac obliuione invincibili.* Si enim quis actum non considerat, nec ullo pacto dubitat, neque ullam habet in mente hæsitationem, quod hodie v. g. sit dies Veneris, quomodo si comedit carnes, dici debet voluntarie fregisse præceptum, si nihil voluit quin præcognitum? Igitur datur etiam inconsideratio involuntaria, inculpabilis, &c. coincidens cum ignorantia item involuntaria, inculpabili, &c. Rursus si quis spontè nolit considerare, quamvis possit, & debeat, an hodie sit dies Veneris, ne frangat præceptum, comedendo carnes, nonne erit inconsideratio culpabilis, voluntaria, &c.? ergo. Videatur *Passerinus citatus supra n. 7. questionis primæ, art. 4. per totam à n. 85. fol. 88. item art. 5. & capitib. seqq.*

13. His suppositis: Si quæras, qualiter ignorantia, obliuio, & inadvertentia excusent à peccato? Multi Doctores sentiunt, sufficere advertentiam virtutalem, seu inter-

interpretativam, ut ignorantia, obliuio, & inaduertentia censeantur vincibilia, & absque diligētia debita posita ad ea vincenda; quam virtuale considerationem non excusare à peccato, & à legis transgressione itidem consequenter asseuerant. Appellant autem aduertentiam, seu considerationem virtualem, quoties, & si ratio actu non considerauit malitiam objecti, potuit tamen morali potentia, & debuit eandem considerare. Ratio eorum est, quia inaduertentia, & ignorantia dicuntur inuincibilia, quando morali, & humano modo vincere queunt: & cum quis tenebatur aduvertere, possunt humano, & morali modo vinci. Nam sic ignorans tenebatur ex officio, vel suo statu scire, & aduvertere. Quippe præceptum, quo factum aliquod præcipitur, aut prohibetur, obligat ad aduertendum, illudque sciendum. At si non posset scire, non tenetur utique: nemo enim ad impossibile obligatur: ergo talis ignorantia est indirectè voluntaria, & subinde culpabilis: quare iura clamant, paria esse scire, & debere scire: l. Quod te mihi dare oportet, ff. de rebus credit. Nauarr. in Summ. Prelud. p. n. 17. Azorius tom. 1. Instit. lib. 1. cap. 16. q. 5. & alii: quibus addi potest Caramuel in Theolog. Mor. Fundament. tom. 1. n. 912. dum ibi sic: Cum ignorantes nascamur, & asserente Aristotele tanquam Tabula rasa, in quibus nil scriptum, stat pro possessione ignorantia, quæ excludi non debet, nisi probetur descendendi commoditas, & obligatio.

14 Verum probabilius alii (cum quibus & ego) tenent, quod ut ignorantia, inaduertentia, & obliuio siue juris, siue facti censeantur inuincibilia, sufficit ut nulla notitia, nec specialis, nec confusa, nec aliqua dubitatio in uniuersum, aut particulariter occurrat. Sed debet præcedere aliqua cogitatio, aut consideratio expressa, quam actualem vocant, malitiæ moralis, vel periculi. Quare ut aliquis peccet moraliter, debet expressè aduvertere, & considerare malitiam objecti, vel saltem habere aliquam dubitandi rationem, aut scrupulum. Quod si nihil horum præcefferit, ignorantia, & inaduertentia, seu obliuio censentur omnino naturalia, & inuincibilia; nec satis est cogitatio illa, & aduertentia virtualis, seu interpretativa. Et ratio naturalis est, quia homo non potest se applicare ad aliquid considerandum, vel discernendum, nisi præcedat aliqua cogitatio, qua possit moueri: quia homo non se applicat nisi per voluntatem, & voluntas non potest se mouere nisi præuia aliqua cogitatione, eo quod ante primam

voluntatem præcedere debet cogitatio, quæ propterea non potest esse voluntaria, sed naturalis ab extrinseco proveniens: ergo quando nulla talis in mentem subit, qua possit voluntas moueri, & excitari ad appetendum, vel querendum scientiam, vel considerationem, non est in potestate hominis se ad illam mouere, & consequenter non potest talis ignorantia homini imputari, sed est involuntaria, ac propterea inculpabilis, & inuincibilis.

15 Quod optimè confirmatur, quia, juxta D. Tho. p. 2. qu. 14. art. 6. Consultatio intellectus in mediorum inquisitione non procedit in infinitum versus finem, nec versus principium. Quia aliquin nunquam inciperemus consultare, & operari. Quare necesse est ad vnam cogitationem primam pervenire, quæ non ex consultatione procedat, sed illius initium sit: ut ergo quispiam circa operis bonitatem, aut malitiam consultare possit, opus est, ut occurrat primò aliqua cogitatio naturalis in potestate nostra non existens, quæ talis consultationis initium possit esse. Nec erit in potestate nostra primam hanc cogitationem excitare. At quandiu non occurrat intellectui cogitatio aliqua circa malitiam objecti, aut circa illius periculum; aut dubitatio aliqua, aut scrupulus, quantumvis de illius commoditate intellectus consulat, non est principium sufficiens deliberandi de malitia ipsa morali; ergo non potest esse culpa quandit hæc cogitatio circa malitiam non se offert. Nam superat humanam diligentiam expellere ignorantiam, vel inaduertentiam malitiæ objecti, cujus nulla prorsus incidit cogitatio. Huic sententiæ favent Sanchez. in Opere Morali libr. p. cap. 16. n. 21. Fillius. Te. 2. Tract. 21. cap. 10. quæst. 9. n. 376. Suar. de Cens. disp. 4. sec. 8. n. 17. & 18. & plures alii apud ipsos.

16 Hinc idemmet Suar. n. 17. cit. concludit: quod siens ignorantia facti potest esse inuincibilis, etiam in rebus ad proprium officium pertinentibus, quia peritia homini curia est, & diligentia limitata, & ars fallax, ac providentia incerta; ita pariratione potest ignorantia in rebus esse inuincibilis, etiam si sit de aliquo præcepto ad proprium officium pertinente. Et Fillius. n. 376. cit. itidem notat, quod cum dicunt D. D. aliquem peccare, quando aduertit, vel debet aduvertere (ut Navar. c. 15. n. 32. c. 17. n. 13.) intelligi debent de aduertentia, quæ supponit iam obiectum apprehensum, & sit posterior aduertentia in apprehensione, aliquin ante primam apprehensionem aduvertere non tenetur. Debet enim præcedere aliqua apprehensio malitiæ,

tia, aut prohibitionis, vel alterius rei similis, quæ pertineat ad genus moris. Et horum omnium ratio naturalis est (ut optimè etiam *Sanch. n. 21. cit.*) quia superat humanam diligentiam, expellere ignorantiam, vel inadvertentiam malitiæ objecti, cujus nulla prorsus incidit cogitatio, ut supra: quippe omnis libertatis nostræ usus circa aliquam rem dependet tanquam à radice à cognitione aliqua malitiæ, vel bonitatis objecti præcedenti, illique necessariò adhaeret; igitur non potest esse culpa, quamvis hæc cognitio, vel cogitatio circa malitiam non se offert. Idque etiam persuadet Divinæ legis suavitas (addit *Sanch. n. 22. cit.*) præsertim in peccatis mortalibus, quæ cum tanti momenti sint, non est credibile ea ab illo committi, qui de malitia nec dubium, nec scrupulum concepit, sed circa eas se habuit quasi naturaliter operans. Ex quibus:

17 Colligitur, sano modo esse intelligenda Iura, ac Doctores, dum æquiparant scire, & debere scire: passimque dicunt, esse indirectè voluntariam ignorantiam, & inadvertentiam, cum quis vel scivit, & advertit; aut debet scire, & advertere. Hæc enim intelligenda sunt, quando adfuit aliqua actualis, plena, & sufficiens ad mortale advertentia ad malitiam objecti, ejusve periculum, seu dubium, aut scrupulus. Quia dum hæc actualis advertentia, non adfuit, non est in nostra potestate proxima expellere eam ignorantiam, & inconsiderationem, aut non est plene, ita ut & ad mortale sufficiat. At ea existente advertentia, tenetur, quia poterat intellectus deliberare, & voluntas diligentiam adhibere ad sciendum, & propterea si non adhibeat imputabitur culpa. Ita *Sanch. l. c. n. 24. Filhuc. n. 376. cit.* & alii.

18 Quod si infans, hic non advertens aut ignorans præceptum jejunii v. g. & cui nulla dubitandi ratio circa id præceptum occurrit, tenebatur scire, & advertere, ergo poterat. Respondet *Suar. n. 18. cit.* & cum ipso *Sanch. n. 24. cit.* Per se quidem hunc teneri ad talem scientiam, ad hoc tamen satis esse, ut sit per se loquendo in homine potestas sciendi: & per accidens hic, & nunc non teneri; sed suspendi illam obligationem, seu potius ab illa excusari propter impotentiam proximam, ac moralem, quæ ex naturali, & necessaria ignorantia, aut inconsideratione orta est. Non est igitur satis ad transgressionem præcepti cognitio illa virtualis, & interpretativa, sed necesse est ad malitiam objecti, actualis advertentia, aut saltè dubitatio aliqua expressa illius periculi.

19 Et hinc etiam habes; quomodo intelligendum sit *Caput Ignorantiæ, de Reg. Jur. in 6.* ubi habetur (& est *Regula 13.*) quod *Ignorantia facti, non iuris excusat*: intelligitur enim quoad fori externi præsumptionem, eo quod legum ignorantiam Princeps minimè præsumit, utpotè quæ publico, ac solemniori ritu promulgari solent. At in foro conscientie utraque ignorantia, tam facti videlicet, quàm juris, si est invincibilis, æquè excusat; & neutra si vincibilis est: sic cum aliis tradunt *Azor. Instit. Moral. lib. p. cap. 13. quest. 3. & Sanch. l. c. n. 26.*

20 Qui n. seq. pariter infert, qualiter intelligendi sint D. D. dum tradunt, *Ignorantiam legum ad statum, vel officium alicuius pertinentium esse vincibilem; nec excusare.* Quæ regula, si ita in universum esset vera, nulla juris ignorantia (inquit ipse, & optimè) posset esse invincibilis, nec excusaret. Nam si jus illud ignoratum non est ex iis, quæ minime obligant ignorantem, nil refert illius scientia, vel ignorantia ad excusandum peccatum. Debet ergo dari ignorantia invincibilis juris, quod ex se ignorantem obliget, aut nulla juris ignorantia erit invincibilis. Præterea, quia quicumque tenetur ea præcepta nosse, quæ implere tenetur, si ve ea obligatio consurgat ex generali Christiani conditione, si ve ex speciali munere, & officio, ut Confessoris, Iudicis, &c. At omnes fatentur priorum præceptorum posse dari ignorantiam invincibilem. Ergo & posteriorum dari potest: nil enim refert, obligationem ex hoc, an ex illo capite consurgere. Ita *Sanch. n. 27. cum Suar. & Vafq.* ab ipso citatis. Unde cum iisdemmet concludo, si ve leges pertineant ad peculiare alicuius officium, aut statum: si ve ad generalem Christiani hominis conditionem, ut earum ignorantia sit vincibilis, nec à culpa excuset; oportet eum prius nosse, aliquas esse leges circa dispositionem status sui, aut officii: quod si id non nosset, nec aliquod dubium, aut saltem scrupulum de hoc concepisset, erit ignorantia invincibilis, quia humanam diligentiam superat, expellere ignorantiam illius rei, cujus nulla prorsus incidit cogitatio. Id tamen descremen est inter leges pertinentes ad statum personæ peculiarem, seu officium, & inter generales: quod de prioribus facile incidet ratio cogitandi, aut dubitandi, an sint aliquæ, & quales sint. At de posterioribus non ita facile dubitatio occurrit, etiam quando quis contractum inire vult, aut operationem aggredi. Quia ex eo, quod leges esse in universum norit, non statim dubitat, an sint pro hoc peculiari opere.

At status, & officium alicuius, statim incitant ad ejus leges inquirendas. Si tamen contingat, nec circa has, nec circa illas esse aliquam confusam notitiam, vel dubitationem, sed aliquis operetur nil cogitans, ignorantia ejus utique, erit invincibilis. Et hæc omnia cum *Vasqu.* optime docet *Sanch. n. cit.*

21 Hinc, duobus modis accidere potest, ut homo invincibiliter ignoret id, quod scire tenetur. Primo modo potest homo ignorare id, quod scire tenetur, ita ut nunquam illud in mentem venerit, nec ulla dubitatio de obligatione acquirendi illius cognitionem animum pulsaverit, & si sic ignoret, dicitur propriè invincibiliter ignorare; à præcepto, & à peccato excusari per ignorantiam invincibilem, quandoquidem illud nunquam novit. Secundo modo ignorare id potest, quod scire tenetur, ut de eo tamen quod ignorat, habeat aliquam expressam dubitationem, aut sciat ignorare illud, quod scire tenetur; at cum intellectus hoc secundo modo habeat sufficiens principium dubitandi, & mouendi se ad inquirendam veritatem, si non acquirat, nec adhibeat diligentiam ad ejusdem cognitionem habendam, dicitur habere ignorantiam vincibilem, nec excusabitur à peccato: ei ergo oportet aliquid facere, & diligentiam adhibere, ut & huiusmodi ignorantia censetur invincibilis, & excusare à peccato.

22 Quanta autem debeat esse hæc diligentia, juxta communem Doctorem sententiam, statuitur hæc regula: ut qui sic ignorat, adhibere debet morealem diligentiam, ad vincendam talem ignorantiam, idest tantum operæ, & studii ponere in comparanda de ea cognitione, quantum adhibere tenetur, & quantum judicio prudentis viri moraliter sufficit. Nec enim ad hoc ut ignorantia sit invincibilis, est necessarium, ut in acquirenda cognitione, tantum adhibeat studium, quantum absolute potuerit ab homine adhiberi, sed sufficiet tantum adhibuit esse, quantum consideratis negotiis personæ, temporis, & circumstantiis, recta ratio dicat requiri; ita ut videlicet diligentia adhibita, sit proportionata negotio, major, vel minor, juxta ipsius qualitatem. Quod si hæc adhibita (concludit *Sanch. l. c. n. 34.*) quid postea præter intentionem accidat, consuebitur invincibiliter ignoratum. Nec enim summa, & exacta diligentia, quæ adhiberi poterat necessaria est, sed quæ in similibus negotiis, & circumstantiis communiter à prudentibus adhiberi solet. Et ratio est, quia moraliter id studium tantum, quod sufficiens, & necessarium prudenter indicatur ad cognitionem acquirendam, potest ab homine adhi-

beri. Quod autem summum est, & maius dicto, non videtur ita proxime, & moraliter possibile. Ita *Sanch.* Quod docent etiam *Caiet. 2. 2. qu. 64. art. 8. Suar. De Conf. disp. 4. sec. 8. n. 12. 17. & 18. Valent. p. 2. disp. 6. qu. 6. punc. p. Corol. p. Azor. Instit. to. 1. l. 1. c. 16. qu. 6. Sayr. in Clavi Regia lib. 2. cap. 9. n. 6. & 9. & alii communiter.*

23 Verum quidem est, quod contingere potest, ut propter defectum sufficientis adhibita diligentia, ignorantia sit quidem vincibilis, peccatum tamen per eam commissum, tum contra præceptum juris humani, tum etiam contra præceptum juris Divini, aut naturalis, sit tantum veniale; maxime autem quando ad defectum sufficientis diligentia detegendum, requiritur aliqua ingenii subtilitas: tunc nimirum excusante à mortali tum Divinæ legis suavitate, tum etiam humana imbecillitate, & sciendi difficultate, tum denique aliquo effectu obediendi in adhibente aliquam diligentiam ad acquirendam cognitionem. Itaque ille, qui prudentis iudicio, qualitati præcepti, officii, temporis, & personæ, proportionatam adhibet diligentiam ad cognoscendum, etiam si non sufficientem ad repellendam ignorantiam in agendo, excusatur à mortali, quamvis non excusetur à veniali, eo quod diligentiam, quam adhibuit, aliquid habuerit admixtum negligentia; si non tantum, ut debeat censeri sufficiens ad divinæ amicitia vinculum dissolvendum peccando mortaliter. Quod optime etiam advertit *Valent. qu. 6. cit. punct. 3. litt. D.* sub hiscemet verbis: *Ignorantia vincibilis potest magis, & minus minuire gravitatem peccati, sicut ipsa etiam potest magis, vel minus esse voluntaria, & culpabilis. Quocirca, si ignorantia sit tantum venialis, & imperfectè voluntaria (sicut est quandoquis adhibuit aliquam diligentiam, sed non sufficientem, ut in casu perjurii, ex veniali ignorantia, notat Navarrus in Manuali cap. 12. n. 6. post Sylvestrum in Verbo Perjurium) minuit etiam peccatum adeo ut non sit mortale. Et ratio est, quia in eo casu peccatum non est nisi venialiter volitum, quandoquidem aliter volitum non est, nisi ut est volitum ignorantia. Quod est advertendum, &c. ita Valent.* Ex quo inferatur quod ille, qui per ignorantiam jurat falsum, non peccet plusquam venialiter si in perjurio vitando adhibuit quidem mediocrem diligentiam, non tamen quantum potuit.

24 Cum ergo ignorantia judicanda sit vincibilis, ad invincibilis juxta parvitatem, aut magnitudinem diligentia, quæ adhibetur, sex Regulae assignantur ad dignoscendum ignorantiam invincibilem à vincibili.

Prima est : Si homo quando incipit operari nihil prorsus dubitat de eo, quod oportet fieri, vel nulla ei occurrit obligatio, debeat ne ita facere nec ne, signum est talem ignorantiam esse involuntariam, & propterea invincibilem : *Fillius. 10. 2. tract. 21. c. 10. qu. 9. vers. Dico Tertio, n. 376.* & communiter, sequiturque ex dictis. *Secunda est*. Quando quis facit totum id, ad quod tenetur, ut acquirat scientiam, & cognitionem, & tamen eam acquirere non potest, ignorantia est invincibilis : idem *Fillius. l. c. & item sequitur ex dictis*, estque communis, ac certa Regula. *Tertia est* : Si quis consilium boni viri, & docti secutus, quippiam agat quamvis erratus fuerit in facto, excusabitur; nam eo ipso, quod ex tali consilio id fecerit, videtur prudenter, & bene fecisse, & ignorantia erit invincibilis; hoc item certum est. *Reginald. 10. p. lib. 11. cap. 3. sec. 3. vers. Tertium est, n. 28.* *Quarta est* : Si aliquis ad repellendam ignorantiam tam juris, quam facti adhibet moralem diligentiam juxta negotii qualitatem, & quæ judicio prudentis viri sufficiens videbatur, tunc ignorantia erit invincibilis, & si postea error contingat : sequitur ex dictis, & Doctoribus supra, præcipue *Saneb. l. p. Moral. c. 16. n. 34.* *Quinta Regula est* pro his, qui habent certum munus, & officium : Si enim nihil cogitant de his, quæ spectant ad illud munus, & officium generaliter, aut specialiter, ne quidquam scient, cum tamen nouerint requiri aliquam scientiam : tunc utique ignorantia erit vincibilis; quia tenentur scire, quæ sunt sui officii, & muneris. Nam certum est quemlibet fidelium obligari scire, tum id quod explicitè credere tenetur, juxta illud à Domino dictum, *Matth. ult. Qui non crediderit condemnabitur.* Ut duodecim Articulos Apostolici Symboli : tum etiam id, quod servare tenetur juxta illud *Matth. 19. Si vis ad vitam ingredi serva mandata* : non enim poterit servare quæ ignorat. Tenetur præterea scire Præcepta Decalogi, & cætera juris naturæ, quæ ad illa reducuntur. Deinde Præcepta de Sacramentorum susceptione, quæ sunt juris positivi Divini. Porro ex jure humano, positiva illa, quæ specialiter dicuntur Præcepta Ecclesiæ, nempe de non faciendo opere servili : & de audienda Missa die festo : de jejunando, & abstinendo à cibis vetitis certo tempore; de confitendo semel in anno, & Sacrosanctæ Eucharistiæ quot annis recipienda circa diem Paschæ. Denique ea, quæ ad proprium cuiusque statum pertinent; ut quæ ad statum, & officium Episcopi, si sit Episcopus : Quæ ad sta-

tum Iudicis, & ejusdem officium, si Index est : & ita de reliquis, de quibus dicitur in *Institut. de lege Aquila.* Si vero statim nocant communes leges; deinde speciales curent paulatim scire, tunc ignorantia erit invincibilis. *D. Tb. p. 2. qu. 76. art. 2. Sexta Regula est* : Si quis desit minus ope Virorum Doctorum, quos consulat, aut certè non habet per quos repellere possit ignorantiam, nec per se potest, studio, & lectione, sufficienter se ex tali dubitatione, extricare, tunc ignorantia manebit invincibilis. *Reginald. in Præci Fori Eccl. 10. p. lib. 11. cap. 3. sec. p. n. 29.*

25 Præter autem duos prædictos allegatos, & explicatos modos, quibus homo invincibiliter ignorat id, quod scire tenetur, additur à Doctoribus tertius modus, quo videlicet homo scit quidem jus, & novit præceptum habitu, sed actu illud ignorat (per inconsiderationem, & inadvertentiam, id quando occurrit obligatio; & illius immemor, ob humanam imbecillitatem, agit contra illud actu, quod habitu novit : & in hoc sensu propriè dicitur homo ignorare, & operari contra jus, & præceptum per oblivionem naturalem, inconsiderantiam, & inadvertentiam, sed quo ad rationem excusandi à peccato sunt pares, & quidquid dicitur de uno, intelligitur de altero. Hinc colligitur oblivionem in rebus agendis, & peccatis vitandis ad ignorantiam reduci. Oblivio autem dupliciter accidere potest. Primum, ut cū quis per negligentiam affectatam, & crassam, in memoriam non retinet, id quod oportet retineret, & scire, & hæc à peccato non excusat. Secundò potest accidere absq. ulla culpa, ut si quis v.g. penitus immemor juris, vel facti, agit contra illud, ita ut cogitatio nulla in mentem veniat eo tempore, quo juri, aut præcepto obtemperare deberet, & hujusmodi obli-vio justam dat peccati excusationem : & eandem esse oblivionem, & inconsiderationem invincibilem iudicandum est (maxime in homine bone, & timorate conscientie, addit *Reginald. cap. 3. cit. sub n. 24.* ubi ait, *dignum id esse animadversione in hac de re, quod etiam attigit Caiet. p. 2. qu. 6. art. 8.*) Quare ex oblivione iuris, vel facti, probabili, & iusta; vel ex opposito, voluntaria, & vitiosa evenit, ut aliquis cum excusatione à peccato, vel absque excusatione, die festo Sacram non audiat, jejunium Ecclesiæ non solvat, aut aliquod aliud officium, & munus sibi commillum, & creditum prætermittat.

26 Inconsiderantia, ad ignorantiam etiam revocatur, ut patet ex dictis, tum hic, tum supra, præcipue n. 12. cum quis videlicet juris scientiam habens, inconsideratè delinquit.

quit. Sicque inconsiderantia potest esse, vel juris, vel facti; culpabilis, vel omni culpa vacare. Culpabilis est, cum oritur ex negligentia affectata, vel crassa in considerantia, quod fieri, vel vitari oporteret. Culpa verò vacat, quæ accidit ex oblivione quadam subito contingente, vel ex aliquo negotio, aut casu, mentem repente, præter spem, & opinionem distrahente: occurrunt enim nobis interdum subitæ cogitationes; quæ animum in varia dispergunt, & priora mentis cogitata aliò facile dissipantur. *Azor. Instit. Moral. lib. p. cap. 16. qu. 3. & 4.* Unde etiam *Armilla Verbo Inconsideratio* (ibique *Caiet.*) ait, quod si contingat aliquem ex sola inconsideratione actuali facere opus aliquod, quod scit esse prohibitum, & si tunc actualiter ad id, quod scit, non faceret, excusabitur à mortali. Ut si quis non considerans hodie esse festum, emit, aut vendit: vel non considerans esse diem jejuniæ, comedit: aut non advertens contractum esse usurarium, facit illum, non peccat. Ratio horum, & similibus est, quia non videtur esse in potestate nostra occursum omnium, quæ scimus, in his, quæ quasi sine discussione operamur: & multo minus peccat qui quæsit, & consideravit, & post factum se deceptum invenit. Peccatum enim mortale contra intentionem accidere non potest. Ita *Armilla loco cit.* cum *Caietano*.

27 Inadvertentia quoque (item ex dictis) ad ignorantiam redigitur, atque ratione actualis inadvertentiæ excusari potest operatio aliis ex se gravis, & mortalis. Ita communiter Doctores. Nam cum peccatum mortale dissolvat Dei amicitiam, & constituat hominem dignum æterno supplicio; credendum non est, ita facile ipsum incidere in hujusmodi culpam, ut ex quacunque imperfecta consideratione, reus efficiatur tanti supplicii. Ita *Sancti. lib. 1. Moral. cap. 1. n. 10.* & alii apud ipsum. Si enim non offenditur homo à semibrio contumelia affectus; vel à semiexcitato à somno; injuriandus erit Deus, à semideliberante, aut à semiexcitato à somno? nihil minus: nec ipse quam homo delicatior est, aut laqueos parat. Ita *Sanctus in Selectis disp. 18. n. 4.* Præterea inadvertentia tollit cognitionem malitiæ, & voluntarii ad peccatum requisitam: cum è contra, posita advertentia circa obiectum graviter malum, vel saltem periculosum gravis mali, est sufficiens deliberatio ad peccatum: nam si motus voluntatis sequatur post illam, tendit proculdubio in grave malum, operando cum voluntate ejus, vel cum periculo gravis mali; quare graviter peccavit. *Filius. to.*

2. tract. 21. cap. 10. quest. 9. versu Dico 3. n. 375. cum aliis, quos ipse refert. Inadvertentia denique item excusat quandoque à peccato, & tunc certè quando nullo modo obiectum est cognitum, tunc enim operatio censetur indeliberata, & excusabitur à culpa; donec sit cognitio aliqua malitiæ. Et hoc patet cum Doctores dicunt aliquem peccare, quando advertit, vel debebat advertere, intelligi debent de advertentia, quæ supponit obiectum aliquo modo notum, ut sæpius dictum est supra, apprehensum, & cognitum; alioquin ante apprehensionem, & cognitionem, advertere non tenetur: debet enim semper præcedere aliqua plena, & sufficiens advertentia ad malitiam obiecti, ejusve periculum, seu dubium. *Filius. cum aliis n. 375. cit.* Igitur quoties aliquod opus aggredimur, quod habitualiter scimus esse prohibitum, nec tamen cum illud facimus, actu recolimus ejus prohibitionem, & si recoluissemus, evitaremus, excusamur per inadvertentiam, & naturalem oblivionem à peccato. Quia quilibet nostrum in seipso experitur, non esse in nostra potestate, quod recordemur eorum, quæ habitualiter scimus: unde hæc inconsideratio, cum non sit omnino in nostra potestate, causat involuntarium simpliciter, atque nullo modo est volita, ac per hoc excusat à peccato: præsertim in timoratis Dei, qui potius subire mortem eligerent, quam ex advertentia veniali labe inquinari. In his enim quamplurimi sunt motus inordinati, nec semicoliti sunt, sed omnino naturales: quod addo cum *Sanctis qu. cit. 18. n. 6.* cui Authori adiungi potest *Pal. To. 1. Tit. De Conscientia scrupulosa, disp. 4. punct. 2. n. 2.* ubi idipsum notat, dicens: quod si aliquando contingat virum timoratum aliquid illicitum efficere, non esse illi culpa tribuendum, cum ex recta intentione processerit, nullo modo facturus, si existimaret ibi aliquid peccatum adesse: & ita etiam ex *Caiet. Cordub. & communi*, notavit *Villalobos to. 1. Summa tract. 1. difficult. 26. vers. Y notse muelo*. Hinc idem *Caiet. p. 2. qu. 6. art. 8. pro consolatione bonarum mentium*, ibi culpam timentium, ubi non reperitur, regulam hanc generalem statuit, quod videlicet in illis, quæ sunt positivi inris, si absque contemptu, ex pura ignorantia, & inconsideratione, appareat sibi excusatione, transgressio fiat ab eo, qui animum habet nullo modo transgrediendi præceptum obligans ad mortale, non incurritur in peccatum mortale: eo quod ignorantia hæc (inquit *Caiet.*) & inconsideratio, cum non sit concomitanti, nec consequenti, quia non est omnino in potestate nostra,

locanda est sub antecedente, causat enim involuntarium simpliciter, & ipsa nullo modo est voluta, ac per hoc excusatur non solum à peccato, sed à censuris consequentibus culpam. Et hæc pro consolatione bonarum mentium, ibi culpam timentium, ubi non reperitur, notanda, applicandaque sunt occurrentibus casibus.

28 Ex quo, uti ex omnibus hucusque dictis, liquido constat, Ignorantiam invincibilem (itidemque inconsiderantiam, inadvertentiam, &c. quæ ad eandem reducuntur) excusare omnino à peccato. Nam ut ipsa est involuntaria, ita etiam involuntarium est illud, quod ex ea fit, *Silvest. verbo Ignorantia qu. 3. n. 8. Valent. 20. 2. disp. 6. qu. 6. par. 3. in princip. & alibi: & communiter omnes: Ignorantiam verò vincibilem, non prorsus excusare à peccato, juxta illud D. Augusti. l. 3. De libero arbitrio, c. 18. Quædam per ignorantiam facta improbantur, & corrigenda iudicantur, sicut in divinis auctoritatibus legimus; Alii enim Apostolus. 1. ad Timot. 1. Misericordiam consecutus sum, quia ignorans fieri. Alii & Prophetæ, Psal. 24. Delicta juventutis meæ, & ignorantia mea ne memineris. Et ratio in promptu est: quia cum ignorantia vincibilis sit voluntaria, non obstat quo minus quod ex ea fit, potuerit cognoscere, atque adeo ex intentione vitari, & sic ipsum etiam est voluntarium, saltem indirectè: Dicitur, non prorsus excusare: quia ejusmodi vincibilis ignorantia; licet non excuset ex toto à peccato, minuit tamen illud, quoniam peccatum minus voluntarium utique est, quando actu non cognoscitur; ita pariter omnes Theologi, præcipue *Valentia punc. 3. cit. ubi etiam ex hoc infert, & merito, Ignorantiam vincibilem posse magis, vel minus gravitatem peccati minuire, et ipsa etiam potest magis, vel minus esse voluntaria, & culpabilis: scilicet, quod utique certum est: uti certum quod antea docuit punc. 2. versus Sexto sequitur: fieri posse videlicet, ut ejusdem rei ignorantia eodem tempore uni homini sit invincibilis, & vincibili alteri: Ut Canon aliquis v. g. à Iurisperito faciliè ignoratur vincibiliter, quoniam conditio status, & officii illius, quod versatur in jure, suppediat illi facultatem, ut possit illius Canonis notitiam acquirere. A rustico autem, vel aliquo Ciue ignoratur invincibiliter, quoniam cum non habeat eam occasionem, censetur non posse moraliter, & ex intentione notitiam illam Canonis sibi comparare. Unde valdè consideranda est conditio personæ, negotii, &c. ad discernendum an ignorantia fuerit vincibilis, vel invincibilis. Hinc:**

29 Sequitur Ignorantiam invincibilem non esse peccatum, cum hæc minime sit voluntaria. Quomodo enim ipsa potest esse peccatum, si excusatur à peccato? Unde, etiam *D. Tho. p. 2. qu. 76. art. 1. dicit, quod nulla ignorantia invincibilis, id est studio insuperabilis, est peccatum, quia non est voluntaria: nec imputatur ad negligentiam, si quis nesciat quod scire non potest. Quare supra ipsam minime cadit, vel cadere potest propositio illa Philosophi 3. Eth. cap. p. Omnis peccans est ignorans, nec altera Solomonis Proverb. 14. Errant qui operantur malum: tum quia operans ex ignorantia invincibili non peccat, nec errat, nisi materialiter, ut patet ex dictis; tum etiam quia (ut optime *Valent. disp. 6. cit. qu. 6. punc. p. vers. Secundo sequitur) propositio hæc, Errant qui operantur malum, non est intelligenda de errore speculativo, vel ignorantia juris, aut facti in universali, aut particulari; num hanc non habet is, qui ex malitia peccat (experientia enim constat aliquos ita malitiose errare, ut certò cognoscant, nedum in universali esse peccatum accedere v. g. ad mulierem alienam, sed etiam in particulari, hanc, ad quam accedunt esse alienam) sed intelligenda est de ignorantia, & errore practico, qui consistit in hoc, quod ratio iudicat minus bonum, quo allicitur in peccato, esse præponendum majori bono, quod relinquit, actui videlicet virtuoso, & Deo. Quemadmodum enim veritas practica in hoc consistit, quod intellectus judicet esse faciendum, quod recta ratio exposcit, ita & contrariò falsitas practica consistit in hoc, quod judicet esse faciendum, quod non exposcit recta ratio: quo errore errat quicumque peccat, & ejusmodi error communis est omni peccanti. Et hic videtur fuisse sensus *D. Tho. p. 2. qu. 78. art. 1. ad primum. Concludendum ergo invincibilem ignorantiam non esse peccatum, & actum ipsum, qui per illam ponitur, à peccato excusari, nec esse consequenter moraliter malum; cum ex ea parte, qua malus alioquin fuisset, sit simpliciter involuntarius, atque adeo non moraliter malus. Quod etiam concludit omnino & *Julius Mercurius Dominicanus in sua Basi Totius Morali Theologie, hoc est, Praxi opinionum limitata: seu de Probabilitate; An hæc sit recta regulamora: parte prima art. 4. in Resolutione, pag. mibi 20. dum ibi sic: Dicendum est, voluntatem excusari à culpa sequendo conscientiam erroneam cum enim error proveniat ab ignorantia, quæ tollit voluntarium in quo consistit ratio peccati, sequitur, qualis erit ignorantia, talis erit excusatio****

excusatio à peccato in conscientia erronea. S. Tho. p. 2. qu. 19. art. 6. & ibi communiter Doctores. Igitur si conscientia causans errorem, erit invincibilis, scilicet antecedens voluntatem, ideo nullo modo, nec directè, nec indirectè volita, in toto excusabit à culpa, quia actus malus, qui creditur bonus, omnino est involuntarius quantum ad eius malitiam, si enim operanti, saltem suspicaretur actum illum esse malum, non eligeretur: ita citatur Mercotius, cui addi potest, & Antonius Merenda in suo Opere de Consilio &c. pag. 555. num. margin. 1030. Ubi affirmat Eum sequi inculpabiliter consilium malum magistrorum spiritualium, & excusari à peccati pena, quia non potuit scire veritatem. Unde iste talis (concludo cum verbis Portell. Tom. p. Responsum Moralium par. p. Cusu 27. num. 2. in fine) habet quasi Privilegium Ignorantie.

30 An verò liceat de huiusmodi actu iam præterito delectari, vel illimet ipsi, qui cum exercuit, vel alteri, posset hic quis dubitare? & ratio dubitandi esse potest, quoniam homo eiusmodi actu utique non peccat, atque adeo talis actus non videtur malus, consequenter licebit de eo delectari.

Respondeo cum Valent. To. 2. disp. 6. qu. 6. punc. 1. sub litt. D. & aliis apud ipsum: non licere de eiusmodi actu delectari, licet enim per accidens ob ignorantiam malus non sit, imò bonus in homine ignorante, quia tamen per se, & ex natura sua est contra legem (ut supponitur) consequenter non est materia apta, ut objectivè terminet consensum, vel delectationem voluntariam. Concordat etiam Gabriel à S. Vincentio in Tract. de Remediis Ignorantie, disp. 1. dub. 8. n. 81. dum ibi querens: An ignorantia invincibilis licet non sit peccatum, sit tamen mala obiectivè, ut est omnis error etiam invincibilis, ac proinde non liceat gaudere de tali ignorantia? Respondet: Quod quantum ad ignorantiam eorum, que quis

scire tenetur, quantumvis invincibilis sit, est mala obiectivè; cum enim sit carentia scientiæ debita, est privatio obiectivè mala: unde non licet eam desiderare, nec de illa gaudere. Concludit tamen: Poterit quidem quis gaudere quod per illam fuit excusatus à peccato. Potest igitur quisque gaudere quod per ignorantiam excusetur à peccato.

Et mea tandem Mens est, ac Intentio, uti & huiuscemod Operis, ac Tractatus, de huiusmodi à peccato Excusationibus, ab ignorantia ortum habentibus, ex professio, ac integrè, sub proposito titulo peragere, quod usque modò nullus (quod sciam) id assumpsit: hinc spero Tractatum hunc; tum ob sui novitatem, tum ob commodum, quod in subiecta materia allaturus est Professoribus studii Moralis, necnon Confessariis, fore illis gratum valdè, ac proficuum. Non intendo tamen in ipso definire quæ conclusiones ignorari possint, proxime ne, an solum remotè ipsi naturalibus principiis, quod definiendum relinquendo iudicio infallibili S. Matris Ecclesiæ.

Pium, hic solum ultimo loco, atque Eruditum aduerto Lectorem, me fideliter procedere in citandis Authoribus, & eorumdem referendis sententiis, quod probabit, si in Authorum, quos cito Libris, & in eorumdem sententias inciderit, maxime si eiusdem fuerint, qua ego usus sum editionis. Et si quandoque ex Doctoribus Catholicis, quem adduco, & sequi videor, qui in Indice Prohibitis, vel Suspensis legitur (uti etiam facio in meo Doctrinali Tractatu Filiationis Spiritualis) sequor tantum eiusdem bonam, sanamque doctrinam; & exemplum univèrsale omnium fere (etiam primæ Classis Authorum) in materia Morali, ita pariter, passimque scribentium: ut videre est apud ipsos, præsertim apud Recentiores. Quibus omnibus præmissis; tandem sit.



CAPUT PRIMUM DE PRIVILEGIIS IGNORANTIAE CIRCA LEGEM NATURALEM.

Lex naturalis (quæ in lumine rationis fundatur menti hominis impresso, quo mouetur ad honestè agendum) continet plura præcepta, ut docent communiter D. D. cum *D. Tho. p. 2. qu. 94. art. 2.* quæ tamen uniantur in unicam legem: quæ quoad præcepta, eadem est, & semper fuit apud omnes, ut item communiter cum *D. Tho. l. c. art. 4.* & desumitur ex *Arist. 5. Ethic. cap. 7.* & *D. August. 3. de Doctrina Christiana cap. 14.* Natura namque eadem est, & semper fuit in omnibus, ergo etiam lumen naturale, ergo etiam lex naturalis: consequentia probatur: Lex naturalis est cognita lumine naturali, ita ut ex se exeat in actum præceptorum naturalium, & ab intrinseco, ergo si lumen est idem, eadem erit lex, nam ab eodem principio erit idem effectus. Licet tamen lex sit eadem apud omnes, per accidens nihilominus fieri potest, quod ab omnibus non cognoscatur secundum omnia sua præcepta; (quo ad conclusiones maxime remotas, & valde distantes à primis principiis, de quarum veritate dantur sententiæ probabiles oppositæ inter sapientissimos, & piosissimos) quoniam ut lex naturalis sit nota secundum omnia sua præcepta, debent cognosci nedium omnia principia practica, sed etiam omnes conclusiones necessariæ, & immutabiles; contingit autem aliquas quandoque non cognosci, eo quia intellectus humanus obtenebratus ob concupiscentiam, & inclinationem ad bonum insensibile, potest impediri ne deducatur conclusiones, in quibus consistunt præcepta naturalia, & potest deficere in deducendis, aut non advertere ad omnia principia, consequenter de præceptis naturalibus, quæ consistunt in conclusionibus habere ignorantiam, & hanc præsertim dari in adolescentioribus, & rudioribus saltem ad tempus. Non intendo tamen (ut supra etiam sub *nu. 32.* definire quæ conclusiones ignorari possint, proximè nè, an solum remotæ ipsius naturalibus principiis, quod definiendum relinquo iudicio infallibili Sanctæ Matris Ecclesiæ; quod si in sequentibus videar ad particularia quedam descendere, non ita capienda sunt, ut definitiue sint dicta, sed sub hypothesi quod in tali casu detur ignorantia, vel dari possit: mens enim mea est de Ignorantia agere, quæ eximitur à culpa, non de culpa, quæ eximitur ab ignorantia. Quoniam autem lex naturalis obligat in conscientia, uti & ejusdemmet præcepta (hocque aded verum est, quod & certum est de fide, ut sentiunt Theologi, apud, & cum *Suarez de Legib. lib. 2. cap. 9. n. 2.* Et sumitur ex illo *Pauli Rom. 2. Quicumque sine lege* (utique scripta) *peccaverunt, sine lege peribunt;* scilicet, quia naturalem legem violarunt: De qua subiungit: *Gentes, quæ legem non habent, naturaliter quæ legi sunt faciunt, &c. Testimonium reddente illis conscientia ipsorum.* Et ratio præcipua est, quia lex naturalis, est lex Dei; ut ostendit idem *Suarez lib. cit. cap. 6.* & peccatum definitur esse actum contra legem Dei; hinc fit ut hæc eadem lex, & ejusdem præcepta in tota sua latitudine obligare possint tam sub culpa mortali, quam sub veniali, ut apertè desumitur ex *cit. l. D. Pauli:* & inductione ostendi etiam potest: ideoque in hoc primo proposito Capite, producenda sunt (si quæ sunt) Ignorantiæ Privilegia excusantia à peccatis materialiter commissis contra legem naturalem, ac ipsius præcepta. Sit igitur.

PRIVILEGIUM PRIMUM.

Poenam actum peccaminosum ex ignorantia invincibilis legis naturæ, ac præcepti eiusdem, excusatur à culpa, nec peccat formaliter.

32 **P**rivilegium hoc, siue huiusmodi excusatio, sequitur apertè ex dictis (quamvis accipi debeat cum limitatione, ut infra) ex quibus constat, quod ut malitia, & culpa actus alicui imputetur, debet ipsi esse voluntaria. Malitia autem actus, siue objecti, invincibiliter ignorata, facit ut malitia actus non sit voluntaria agenti. Neque ulla ratio diversitatis adferri potest, cur hoc non habeat locum æquè in ignorantia juris, & legis naturæ, ac præceptorum ejus, quam in ignorantia facti, seu legis positivæ.

33 Quod confirmari item potest ex dictis, ratione superius tacta, quam ad propositum nostrum (quamvis ob aliud motivum) assertit etiam *Ludovicus de Scildere de Principiis Conscientie Formandæ, tract. 2. cap. p. 5. 2. sub n. 6. versu Probatur secundum*. Quia si peccata contra legem naturæ habenti ignorantiam invincibilem illius, imputarentur ad culpam, sequeretur quod omnes Patres antiqui, qui errores aliquos contra jus naturæ ex ignorantia invincibili docuerunt, peccaverint formaliter. Similiter omnes Doctores Scholastici, Confessarii, Confessarii, Iudices: Est enim peccatum formale scienter docere errores tum speculativos, tum maxime practicos: ergo si ignorantia invincibilis non excusat, erit etiam peccatum formale, eos docere ex ignorantia. Neque talem Doctorem excusabit, quod omnia sua dicta, vel scripta subiaciat censuræ Ecclesiæ Romanæ, quia illa subiectio inefficax est, sicuti inefficax est subiectio suæ doctrinæ, quando quis scienter docet errorem, & tamen cum ejusdem iudicio submittit. Per consequens debebunt dici omnes illi esse mortui in errore culpabili, qui usque ad mortem in doctrina tali perfluerant, maxime si voluerint opera sua edi post mortem. Hoc autem est contra sensum communem scribentium, qui saltem tunc satis se purgatos à peccato existimant, quando discernere falsitatem suæ doctrinæ non possunt, & omnia sua iudicio Ecclesiæ submittunt. Imo contra sensum communem omnium, neminem, qui hoc egit, de formali peccato damnantium. In quo genere, omisiss aliis antiquorum Patrum, & Doctorum exemplis: clarum est exemplum

in ipso *Cornelio Iansenio* Episcopo Iprensi, qui in Augustino suo docuit Propositionem tertiam ab *Innocentio X.* hæreticos damnatam; quod videlicet *ad moriendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione*. Prout declaravit *Alexander Papa VII.* in Bulla *Ad Sacram*, edita anno 1656. quæ est in ordine 28. in 5. Tomo Bullarii. Licet enim docuerit propositionem erroneam contra Ius naturæ, quia tamen omnia sua in fine operis subiecit iudicio Ecclesiæ, adeoque præsumitur laborasse ignorantia invincibili, non judicatur peccasse formaliter: neque, licet usque ad extremum vitæ in eo errore perfliterit, testamentoque jussisset imprimi, judicatur mortuus in errore formali, aliter (Summi Pontifices, necum doctrinam, verum etiam ejusdem Authorem damnassent.

34 Ex idem iterum confirmatur: Quia si omnes, qui agunt contra jus, ac legem naturæ, ejusdemque præcepta, sequendo errorem, & ignorantiam invincibilem, non excusantur à culpa, sed peccant formaliter, nullus (nec etiam doctus) sequi poterit opinionem suam de honestate actus fundata in jure naturæ, licet nulla ei occurrat ratio suspicandi esse periculum peccati, nisi revelatum sit, aut metaphysicè evidens, actum esse licitum: alias enim, periculum esset peccandi formaliter, cum fieri possit, ut peccatum sit, facere actum de cuius malitia aut ejus periculo nihil nobis occurrit. Rudesque à fortiori, qui rationem penetrare nequeunt in casibus dependentibus à Iure naturæ, non poterunt licet sequi auctoritatem Pastoris, Confessarii, aut Doctoris. Licet enim non videant rationem ullam peccati in actu ponendo, judicare tamen debeant, quod, quamdiu honestas actionis, neque per revelationem, neque per evidentiam metaphysicam patet, periculum peccandi formaliter subit, licet rationem periculi non videant. Quid enim si Pastor, si Doctor, si Confessarius, si omnes simul errent, *Dicere autem (concludit Scildere l. c. versu Probatur 3. in fine) quod rudes tunc ab actu tali abstinere debeant, est illis imponere iugum durissimum, & omni intollerabile, quod non est censendum procedere ab illo qui dicit Matth. 23. Iugum meum suave est, & onus meum leve*.

35 Addo, cum eodem *Scildere ibidem, versu Probatur 4. & 5.* Quod si agere ex errore invincibili contra legem naturæ, sit peccare formaliter, etiam ipse error invincibilis circa jus naturæ, imò & ignorantia invin-

invincibilis, quando scientia praecepta est, erit peccatum formale: adeoque obligatio erit in homine cavendi, ne circa honestatem actus, qui à lege naturæ dependet, opinionem formet, nisi honestas illa revelata sit, aut metaphysicè evidenter appareat. Item error ipse invincibilis, licet non imperetur à voluntate, imputari erranti debet, quod errorem non impediatur, quamvis non possit. Et qui etiam, per errorem invincibilem judicaret se obligari ad faciendum, id, quod lex naturæ vetat, necessario deberet peccare, cum non posset facere alterutrum; & tamen quidemque faceret peccaret. Casus est, si quis judicaret sibi pejerandum esse, ne occidatur innocens. Peccaret enim formaliter non pejerando, eo quod ageret contra conscientiam, & omne, quod non est, ex fide, peccatum est: *Ad Rom. 14.* Peccaret etià formaliter pejerando, supposito quod ignorantia invincibilis non excuset. Sequela autem admitti non potest, cum damnata sit *Beiana 67.* Homo peccat, etiam damnabiliter, in eo, quod necessario facit. Et hæretica declarata sit ab *Innocent. X. & Alex. VII.* Propositio tertia *Ianseniana*, ut supra: *Ad merendum, & demerendum in statu naturæ lapsæ, non requiritur libertas à necessitate.* Uti & *Alex. VIII. 7. Decembris 1690.* sequentem damnavit Propositionem: *Tametsi detur ignorantia invincibilis naturæ, hæc, in statu naturæ lapsæ operantem ex ipsa, non excusat à peccato formali.* Si ergo hæc, & antecedentia, admitti utique nequeunt, utpote implicantia; firmiter indubie stat Privilegium nostrum. Ignorantiae, primo positum, quod videlicet eadem excuset à culpa, & à peccato formali actum ex ipsa invincibiliter elicitedum contra legem naturæ, ac ejusdem præcepta.

36 Sed Quæres, An hoc Ignorantiae Privilegium se extendat ad omnia præcepta legis naturæ? Resp. Negativè, non enim adeo extensum, ac illimitatum est, cum in ullo adulto usum rationis habente videatur dari plena ignorantia totius legis naturæ, sic, ut invincibiliter ignoret prima principia, ac conclusiones quæ ex illis immediatè, & clarè sequuntur: dummodo de iis cogitet. Ita expressè inter alios *Valentia tom. 2. disp. 6. qu. 6. punct. p. Corol. 7.* Ubi ait: *Ignorantiam invincibilem posse contingere, & circa quodvis factum contingens, & circa quodvis ius, exceptis primis principijs legis naturæ, quælibet sunt: (Bonum est faciendum, malum vitandum. Quod tibi non vis fieri, alteri ne feceris, &c.) Item alijs exceptis: quæ ex huiusmodi principijs nullo negotio*

*à quovis homine deduci possunt. Ut quod sit Numen divinum colendum: quod Parentes sint honorandi. Ratio est, quoniam fieri potest, ut per hominem non fiat, quominus factum quodlibet contingens, & quodvis ius, exceptis illis quæ diximus sciatur. Illa autem excepiimus, quia cum adeo sint conspicua, & veluti naturæ, ac luminis rationis insita, nemo est ratione utens, qui vel ipsa experientia, quam habet, moveri non possit ad illa cognoscenda. Hinc de universalissimis principijs, vel per se, notis, legis naturalis, non potest dari ignorantia invincibilis, vel inculpabilis, pro ullo etiam modico tempore, apud utentem ratione non lasa: quia intellectus practicus non minus habet suum lumen naturale circa agibilia, quam speculativus circa speculativa, & utrobique sunt sua principia per se nota, de quibus nulla est, nec esse potest ignorantia invincibilis: & eademmet principia, quemvis intellectum de se cogitantem necessitant ad assensum sui, & conclusionum, ex ipsis clarè, & immediatè sequentium. Hoc idem innuit *D. Tho. p. 2. qu. 94. art. 2. & docent Corduba in Questionario Theologico lib. 2. qu. 4. vers. De universalissimis Azorius lib. p. Insti Moral. cap. 13. quest. p. Sayrus in Clavi Regia libr. 2. c. 9. n. 17. Sanchez tom. p. Operis Moral. lib. p. cap. 16. n. 33. & alii. Vide Petrum Mariam Passerinum in lib. p. Sexti Decretalium in Cap. ut Animar. 2. de Const. qu. p. art. 10. in quo quaerit An dari possit Legis naturalis ignorantia invincibilis, & 202. fol. 115. Magistraliter, ac doctè resolvit (cui non contradices) quod quam propriè, & rigorosè loquendo non datur error contra legem naturæ qui sit invincibilis, quia malum naturale est impossibile, supposito divinæ Providentiæ auxilio, quod nulli deest: sequenti vero n. 203. concedit, quod præcepti alicuius naturalis utique dari possit error, & ignorantia probabilis, quia videlicet dantur præcepta naturalia, quorum connexio ad principia per se nota, non est evidens, & manifesta, sed implicita, & latens, & ex circumstantiis accidentalibus in particulari facto redditur ambigua, unde circa huiusmodi, etiam inter fideles, & doctos, ac pios Viros dantur oppositæ opiniones, affirmantibus aliquibus aliquid esse de jure naturæ præceptum, vel prohibitum, & id alijs negantibus, ut experientia est notorium: hæcenus citatus Passerinus quem vide: Ex cuius, uti ex communis Theologorum sententia constat, posse dari Ignorantiam invincibilem Juris naturalis, quo ad conclusiones saltem remo-**

tas, & valde distantes à primis principiis de quarum veritate dantur sententiae probabiles oppositae inter Sapientissimos etiam, & piissimos Doctores. Item vide & Theologicum modernum eruditissimum *Tractatum de reſto usu Opinioni Probabilium Doctissimorum, ac Reuerendissimorum P. Thyrſi Gonzalez Praepositi Generalis Societatis Iesu*, in quo, & per totum intendit: Non dari invincibilem ignorantiam Juris naturalis quo ad prima naturalia principia, neque quo ad conclusiones immediate ex ipsis deductas, sed nec etiam quo ad remotas: Quo ad has tamen *Dissertatione xi. §. 4. sub n. 51.* (limitando) sic: Si autem talis ignorantia possit dari, & illa opinio reipsa sit falsa, homo ille habebit ignorantiam excusantem à culpa; quia nimirum illa eius ignorantia fuit invincibilis, non solum viribus naturae, sed etiam viribus gratiae, & nonnisi per vires extraordinarias gratiae (quas Deus non promissit) potuit vinci: ignorantia autem invincibilis excusat à culpa id, quod ex tali ignorantia contra legem fit: haec tamen dictum Reuerendissimorum Patrum. De ignorantia autem tantum à culpa excusante, & qua solum talis est, ac concessibilis, & non aliter loquor semper in hoc meo Tractatu, & in omnibus ejusdem privilegiis, quod maxime advertat Lector:

PRIVILEGIUM SECUNDUM.

Ponens autem peccaminosum ex Ignorantia invincibili legis naturae, ac praecepti ejusdem, excusatur à culpa, & à peccato formaliter, etiam per longum tempus, & quoad usque durat eadem ignorantia.

37 **H**oc idem privilegium admittit Valent. Corol. 7. cit. dum ibi sic: Praecepta legis naturae, quae obscuriora sunt, possunt etiam per longum tempus, ut doctissimi sentiunt, invincibiliter ignorari ab aliquibus rudioribus; Vt quod iuxta v. g. sit peccatum: & mendacium pro tuenda hominis vita dictum: & immolatio hominis in honorem Dei: & vindicta iniuriae privata auctoritate: in quibus etiam doctores Philosophos hesitavisse, & erravisse aliquando compertum est. Quod satis indicat, difficile esse verum in eo genere cognoscere, atque adeo posse eius generis praecepta ab aliquibus invincibiliter ignorari: sicut forte etiam, quod unicuique sit Deus, de quo fuerunt etiam varia Philosophorum controversiae. Ex quo sequitur, idololatram posse ad aliquid saltem tempus per ignorantiam invincibilem in aliquo homine rudiori excusari. Ita Valentia. Et

hoc idem nedum (idest longo tempore) cum eodem Valent. admittit Sanchez n. 33. cit. verum etiam in aliquibus, & sub aliqua circumstantia toto tempore vitae: haec ejus verba: Valentia ait, posse ad longum tempus. Sed placet quod docent Corduba in q. 9. lib. 2. q. 4. proposit. p. & Vasq. p. 2. qu. 76. art. 2. disp. 122. cap. 2. nimirum, quando nulla circumstantia vestitur, quae à culpa excusare videatur, possunt diu ignorari, non tamen toto vitae curriculo. Quippe sunt ita naturae consentanea, ut non possint non semel, vel iterum animum pulsare seditas, & turpitudine peccati. At aliqua circumstantia apparenter excusanti vestita, possunt toto vitae curriculo invincibiliter ignorari. Vt furtum licere ad erogandam elemosinam; vel periculum, ad propriam, vel alienam vitam tuendam. Quod latius probat Vasquez toto eo cap. 2. & refert c. p. contrarium sentientes: corumque rationibus c. 3. Satisfacit: & ita concludit eo cap. 2. in fine: Se vidisse rusticum existimantem pium esse morti proximum in alteram partem versare, ut citius moreretur, ne diu pateretur: ac se indicasse eum laborare ignorantia invincibili. Et similiter Azorius quaesito p. sup. cit. ait, hodie multos rusticos invincibiliter ignorare peccatum esse mentiri propter aliquod maximum bonum. Cui ego addo, reperiri multos invincibiliter ignorantes esse peccatum, periculum, ob vitam, aut honorem propriam, vel alienam tuendam: & similiter pollutionem esse peccatum. Quod maxime in pueris contingit. Et hoc ultimum mihi metum accidit in Rustico hexagenario (in Sacramentali Confessione) ignorante invincibiliter pollutionem esse peccatum: & in altero item invincibiliter ignorante, peccatum esse accedere ad Uxorem propriam, & in actu coniugii desiderare alienam: Hinc optime ait Carolus Baucius in Praeci Confessoriorum in princ. Titulo De Prudentia Confessorii n. 21. pag. mihi 42. Ad prudentiam Confessoris spectare, interrogare poenitentes, quando invenit eos in Confessionibus praeteritis non se accusasse de pollutionibus: an laboraverint ignorantia invincibili, quandoquidem potest dari ignorantia invincibilis de pollutione, quae non sit peccatum: ut in Specie notant Layman, & Sanchez &c. Quibus addo Diaman par. 3. tr. 4. ref. 107. alias 108. ubi expresse: Potest dari (inquit) ignorantia invincibilis de pollutione, quae non sit peccatum. Quod confirmat par. 4. tract. 4. ref. 36. & alibi. Non desinam tamen hic obiter addere, quod praeter dictum invincibiliter ignorantem peccatum esse accedere ad Uxorem propriam, & in actu con-

jugii alteram desiderare; excepi, & alterum, Virum tamen Doctum, agnoscentem quidem lethalem esse culpam sic accipere ad Uxorem desiderando alienam, vel in actu conjugii delectari in alterius viri, aut femine cogitatione, carnaliter dilectorum, cum sit hæc delectatio morosa in obiecto lethaliter malo. Opinantem tamen (ajebat ipse) cum Sanchez de Matr. lib. 9. disp. 17. n. 6. quod quando hujusmodi obiectum non est carnaliter dilectum, & delectatio ipsa in nulla re turpi est, sed in sola viri, aut femine pulchritudine consistit (veluti quando quis in cogitatione ex. gr. pulchræ arboris, Canis, &c. delectatur) ut vel sic ad actum conjugalem excitetur, nullam in tali delectatione adinveniri lethalem culpam, innixum eadem Sanchez l. cit. ubi ait, *Se non videre in hoc lethalem culpam, cum delectatio sit in nullo turpe obiectum feratur, & ad bonum finem dirigatur*. At ego acriter dissentiens ab opinione præsentis, non permisi eum dissidere in eadem. Et ei protestatus sum, me in hoc dissensu consequere cum citat. Sanchez quippe, quamvis dixerit, *nullam lethalem culpam in hoc videre*, concludit tamen immediate post: *Non tamen est hoc minus permittendum: sed valde dissuadendum est ratione periculi*. Vide Cominch. De Sacramento. disp. 34. dub. 84.

38 Dicitur supra, ignorari haud posse absque peccato, & invincibiliter naturalis legis præcepta toto vitæ curriculo sine aliqua circumstantia (nova videlicet, quæ videri possit excusare à peccato.) Quia, (inquit Vasquez cap. 2. citato n. 3.) si sine ulla circumstantia apparente occurrant, ita sunt hæc præcepta consentanea naturæ, ut statim id, quod illis contrarium est, peccatum appareat. Quando verò occurrunt cum aliqua circumstantia, talis adungi potest, ut excusare à culpa videatur, ac proinde ratione illius ignorantie invincibilis præcepto accidere possit. Hoc præstò aliqui existimant, mendacium interius licere, etiam cum iuramento, ratione necessarii imminentis. Ita Vasquez.

39 Ad quos autem virtutum actus se extendant præcepta legis naturæ: Sotus de Just. & Jur. lib. 9. q. 4. art. 3. Salas De Legibus disp. 5. sec. 5. Suarez de Legib. lib. 2. cap. 7. & alii, affirmant se extendere, ad omnes actus virtutum, non quia lex obliget ad omnes, sed singulos pro omni loco, & tempore, obligat lex naturæ ad aliquos actus singularium virtutum pro diversa

conditione personarum; ita ut obliget unum ad unum actum virtutis, alium vero ad actum alterius virtutis. Contra verò Caiet. 2. 2. q. 104. art. 2. in resp. ad primam objectionem: ait; *Omnes actus virtutum non esse in præcepto*, Upde.

40 Pro huius quæstioni resolutione repetendum hic, quod supra iniquius initio Iulij Capitis, Præcepta videlicet legis naturalis esse plura, quod docent cum D. Th. communiter Doctores. Sunt autem plura iuxta diversitatem principiorum, & conclusionum, quæ ad ipsam spectant: idque probari etiam potest: Quia Lex naturalis prohibet diversa vitia, & præcipit diversas virtutes, igitur continet diversa præcepta: consequenter probatur; quoniam quilibet virtus habet diversum motivum proprium, ut præcipiatur; vitium ut prohibeatur, ergo sunt plura præcepta, quia distinguuntur ex diversitate motivorum. Verum quidem est (ut optime etiam P. Pasqualigui Tom 2. Theoloz. disp. 47. art. 7. n. 29. & 60.) quod omnia præcepta naturalia uniantur in unicam legem, imò etiam in illud unicum præceptum universale: *Declina à malo, & fac bonum*. Quia lex naturalis habet pro obiecto adequato ordinem Moralem, ita, ut singula præcepta aliquid de ipso impotent, sique omnia præcepta uniantur in dicto præcepto: si enim fieri bonum necessarium, & declinare à malo, habetur adequatus ordo moralis, & nihil deficit. Sub hoc autem præcepto universali, possunt distinguui plura præcepta universalia, quæ important veluti plures leges particulares naturales: continentur enim sub eodem diversæ series præceptorum, quæ respiciunt certum finem, & uniantur in unum præceptum, adequatum illi fini, consequenter confluant diversæ leges partiales. Assumptum patet. Nam ordo servandus cum Deo ut ultimo fine, exprimitur unico illo præcepto, *Dilige Deum ex toto corde, &c.* Ordo servandus cum proximo in illo: *Omnia quæ volis ut faciant vobis homines, & vos facite illis; seu Dilige proximum tuum sicut teipsum*. Hoc posito.

41 Ad propositum quæsitum, seu dubium, resp. cum eodem P. Pasqual. disp. cit. art. 2. n. 44. Quod licet certum sit, omnes actus virtutum, esse secundum legem naturalem, quia natura rationalis habet inclinationem ad ipsos tanquam ad partes integrantes honestatem: & licet etiam rursum certum sit, quod si lex naturalis sumatur secundum omnes suos effectus, omnes actus virtutis, sunt obiectum ipsius, quia saltem

saltem est permissiva. Nihilominus dicendum est, illos solos actus esse de lege naturæ ut præceptiva, qui important rectitudinem necessariam pro ordine morali naturali, atque adeo necessarij sunt ad excludendum aliquod vitium. Et ratio huius dicti est; quia non possunt plus extendi actus virtutum, qui sunt de lege naturæ, quam se extendat veritas practica ejusdem legis. Sed hæc non se extendit ultra dictos actus, ergo. Minor probatur. Lex naturalis habet pro obiecto tantum ordinem moralem naturæ rationalis, ergo ut obligativa, non obligat nisi ad talem ordinem, ergo solum ad actus necessarios pro ipso, atque adeo exclusivos alicuius vitii. Hincque sequitur (ita idem Author n. 45.) Legem naturalem ratione præcepti de honeste viuendo, se extendere per accidens etiam ad actus legis supernaturalis; quia cum teneamur servare hoc præceptum, & non possumus honeste vivere, nisi servemus legem supernaturalem, lex naturalis indirectè nos obligat ad actus supernaturales, quando sunt necessarij ad honestè vivendum.

PRIVILEGIUM TERTIUM.

In homine rationis utente datur ignorantia invincibilis circa legem naturalem, ejusdemque naturalia præcepta, saltem aliqua, & laborans huiusmodi ignorantia excusatur à culpa ponens actum naturalem lege prohibentem.

42 **L**egis cuiuslibet, præceptorumque ejusdem notitia in nobis necessaria est ad illius, istorumque observantiam, cuius notitiæ privationem dicit ignorantia, de qua hic sermo est, seu de ea ignorantia, quæ excusare potest à peccato. Dari autem legem naturalem certum est de fide *Ad Rom. 2. Gentes, quæ legem non habent, naturaliter ea, quæ legis sunt, faciunt: ejusmodi legem non habentes, ipsi sibi sunt lex.* Quali autem declarans ibi Apostolus (inquit etiam *Suar. de Legib. lib. 2. cap. 5. n. 10.*) quomodo sibi sint lex, & quæ sit illa lex, subiungit: *Ostendunt opus legis scriptum in cordibus suis, testimonium reddente illis conscientia ipsorum.* Conscientia verò, ut constat, opus est rationis, & illa testimonium præbet, & ostendit opus legis scriptum in cordibus hominum, testificans videlicet, malè, aut bonè hominem ratione utentem, quando resistit, aut sequitur naturale dictamen ejusdem rectæ rationis; hinc ostendit dictamen illud vim legis habere in homine, quamvis le-

gem scriptam exterius non habeat. Hoc igitur dictamen est lex naturalis, & ratione illius dicitur homo (qui illo ducitur) esse sibi lex, quia in se habet scriptam legem, medio dictamine videlicet naturalis rationis. Consentient & Theologi. Et cum *Suar. l.c. num. 12.* id declarari, ac confirmari potest: Tum quia lex naturalis est utique in homine, quia temporalis est, & creata; nec est extra homines, quia non est scripta in tabulis, sed in corde: & non est in ipsa natura hominis immediatè, nec est in voluntate, quia non pendet ex voluntate, sed illam potius ligat quodammodo, & veluti cogit, igitur necesse est ut sit in ratione. Et si in ratione, seu in rationis dictamine sita est, non requiritur, nec est necesse, ut ipsa obliget, alia promulgatio, quam quod sit ita proposita veritas, ut in communem notitiam venire possit: *Salas de legib. disp. 5. sec. 6. sub n. 28. vers. Hoc autem, littera D.* Tum quia legis effectus, qui in naturali lege considerari queunt, proveniunt immediatè à dictamine rationis: hoc enim dictamen est, quod dirigit, obligat, & est regula ipsa conscientiæ, quæ accusat, vel approbat facta; ergo in illo huiusmodi lex consistit. Tum etiam, quia dominari, & regere proprium est legis, hoc autem in homine, rectæ rationi tribuendum est, & secundum naturam rectè gubernatur. In ratione ergo lex naturalis constituenda est tanquam in proxima, & intrinseca regula actionum humanarum.

43 Huiusmodi autem lex naturalis obligat in conscientia, quod statuitur à Theologis ut certum de fide, sumiturque ex illo *Pauli Roman. 2. Quicumque sine lege (utique scripta) peccaverunt, sine lege peribunt; quia videlicet legem naturalem violaverunt.* De qua naturali lege subiungit Apostolus, *Gentes, quæ legem non habent, naturaliter quæ legis sunt, faciunt, &c. Testimonium reddente illis conscientia ipsorum.* Et ratio est, tum quia lex naturalis est lex Dei, effectivè videlicet, est enim à Deo tanquam à prima causa, quod est certissimum, & de fide, quia Deus est prima causa omnium bonorum naturalium, inter quæ maximum bonum est, rectæ rationis lumen, & usus. Hincoprime *Sanctus Augustinus serm. 55. de verbis Domini: & lib. 2. de serm. Domini in Monte cap. 9.* ait: *Quis legem naturalem in cordibus hominum scribit, nisi Deus?* est igitur sine dubio Deus effector, & quasi Doctor (inquit *Suar. lib. 2. cit. cap. 6. n. 2. in fine*) legis naturæ. Tum etiam, quia lex naturalis est proxima regula honestatis moralis

quare, cum malitia moralis per oppositionem ad legem hanc infurgat frequenter, ideò etiam definitur peccatum esse contra legem Dei. Ex quamvis *Sancti Augustinus*, & *Thomas* explicant de lege aeterna, nihilominus in materia legis naturalis, in tantum aliquid est contra legem aeternam, in quantum est contra rationem: idemque sentit *D. Tho.* *pr. 2. qu. 71. art. 6. ad 4. & 5.* & ita explicat etiam *Suarez lib. 2. cit. cap. 9. n. 2.* eo quia (inquit) lex aeterna non est prima regula quoad nos, nisi quatenus explicatur per legem naturalem. Hincque fit, ut hæc obligare possit in tota sua latitudine tam sub culpa mortali, quam veniali, eo quia sæpè huius legis materia est valde gravis, & necessaria ad charitatem Dei, vel proximi servandam, & ad felicitatem humanam consequendam. Modo ergo

44 Dicit privilegium nostrum, excusari à dicta culpa tum veniali, tum lethali, ponentes (ob invincibilem ignorantiam) actum aliquem contra legem naturalem, illi quo oppositum, seu contra eiusdem legis præcepta, *saltem aliqua*. *Aliqua*, inquam, quod meritò, & appositè additur, quia legis naturalis præcepta (ut etiam *D. Thom. pr. 2. qu. 94. art. 2. ad primum*, & communiter) habent quidem omnia rationem unius legis naturalis, in quantum referuntur ad unum præceptum, unicum, & universale, *Declina à malo, & fac bonum*, & in hoc unicum præceptum, & unicam legem uniuntur: sunt tamen absolute plura naturalis legis præcepta per *Sotum de Iustitia lib. p. q. 4. artic. 2.* & per omnes, iuxta diversitatem principiorum, & conclusionum ad ipsam spectantium. Ad tres tamen classes, seu ad tria genera præceptorum reduci possunt ex doctrina communi, & ex iis etiam, quæ diximus in *Prefatione huius capituli*, & *Privilegio p. ac 2. præsertim n. 40.* Prima sunt universalissima, quæ non tam dicenda sunt præcepta, quam præceptorum omnium principia. Cuiusmodi sunt ista: *Bonum est faciendum. Malum est fugiendum. Quod tibi fieri non vis, alteri ne feceris. Deus est colendus. Parentes sunt honorandi.* Alia sunt, quæ ex istis per facilem discursum deducuntur, suntque (ut *D. Tho.* intrà, & communiter) veluti conclusiones propinque dictis universalissimis principijs, atque præceptis. Demum alia sunt, quæ ex primis non nisi longo, ac difficili discursu deducuntur, qualia sunt ex. gr. præcepta, quæ prohibent aliquos contractus, qui revera usurarii, vel limoniaci sunt, at tales non apparent, & de his est difficultas, & con-

troversia inter Doctores, alijs affirmantibus, negantibus alijs. Nonnulli apud *Ludovicum de Scildere*, *De Conscientia formanda tract. 2. cap. p. §. 3. in princip.* negant dari hoc tempore in homine ratione utente ignorantiam ullam invincibilem iuris naturalis; ex qua negatione, inferunt, neminem excusari à peccato formali ob invincibilem ignorantiam juris naturæ, eo quia in hoc sit vincibilis quæcunque ignorantia. Cui sententiæ adherere videtur *Petrus Maria Passerinus in primum lib. sexti Dialecticæ, in cap. VI. Animarum 2. De Conscientiæ quest. primæ artic. 10. num. 202.* dum ibi sic: *Propriè, & rigorè loquendo, non datur error contra legem naturæ, qui sit invincibilis. Quia nullum naturale est impossibile, suppositio divine providentiæ auxilio, quod nulli deest: scientia verò tam speculativa, quam practica de obiecto naturali, est naturalis homini, nulli igitur est impossibilis, & sic nec ignorantia est invincibilis.* Verum

45 Si prælati sentiunt non posse dari ignorantiam invincibilem inculpabilem de præceptis naturalibus primi generis, optimè sentiunt, sic enim sentiunt cum expressa doctrina *D. Tho. pr. 2. qu. 94. artic. 6.* ubi discurret ut sequitur. *Ad legem naturalem pertinent primò quidem quedam præcepta communissima, quæ sunt omnibus nota: quedam autem secundaria præcepta magis propria, quæ sunt quasi conclusiones propinque principijs. Quantum ergo ad illa principia communia, lex naturalis nullo modo potest à cordibus hominum deleri in universalibus, deleri tamen in particulari operabili, secundum quod ratio impeditur applicari communi principium ad particulare operabile propter concupiscentiam, vel aliquam aliam passionem. Quantum verò ad alia præcepta secundaria, potest lex naturalis deleri de cordibus hominum vel propter malas persuasiones, eo modo, quo etiam in speculatione errores contingunt circa conclusiones necessarias: vel etiam propter pravas consuetudines, & habitus corruptos: sicut apud quosdam non reputabatur latrocinia peccata, vel etiam vitia contra naturam, ut etiam Apostolus dicit ad Rom. p. Hæc Sanctus Doctor, qui præterea eadem qu. 94. artic. 4. ita concludit: Sic igitur dicendum est, quod lex naturæ quantum ad prima principia communissima, est eadem apud omnes, & secundum reſtitutionem, & secundum motum: sed quantum ad quedam propria, quæ sunt quasi conclusiones principiorum communium, est eadem apud omnes, etiam ut in pluribus, & secundum reſtitutionem, & secundum motum: sed ut in paucioribus potest deficere, & quantum propter aliqua particularia impedimen-*
ta, &

ta, & etiam quantum ad notitiam. Sicut apud Germanos olim latrocinium non reputabatur iniquum, cum tamen sit expressè contra legem naturæ. Ex quibus, & antecedentibus Sancti Doctoris verbis patet, & ipsum asserere dari non posse ignorantiam invincibilem inculpabilem de præceptis naturalibus primæ classis. De primis, quia universalissima sunt, & cuilibet notissima, cum sint prima sinderesis principia: de quibus etiam Sanctus Hieronymus in Epist. ad Algasiam q. 8. sic: Nullus hominum est, qui hanc legem nesciat. Idcirco iustum iudicium Dei est scribentis in corde humani generis, Quod tibi fieri nolueris, alteri ne feceris. Et D. Augustinus in Psalm. 57. Scripsit Deus naturæ legem in cordibus hominum, quam non sinitur ignorare, ut esset, unde iudicarentur. Et in Psalm. 118. Concion. 25. Nullus est, qui faciat alteri iniuriam, nisi qui sibi fieri nolit. Et in hoc transgreditur naturæ legem, quam non sinitur ignorare, dum id, quod facit, non vult pati. Et Beda in eundem Psalmum, pariter ait: Planissimum, & apertissimum est omni homini illud præceptum: Quod tibi non vis, alteri ne feceris; Quia quisque in seipso hoc advertere potest. Et ideo quisquis hoc non intelligit, non imputabitur difficultati, imo voluntati. Ex his ergo manet, de primis, & universalissimis præceptis legis naturæ non posse dari ignorantiam invincibilem, inculpabilem secundum Sanctos Patres, D. Thomam (quod & nos hic, & in privilegiis præcedentibus ultro concedimus, & cum omnium communi affirmamus, & probamus.) Bene tamen dari potest ignorantia invincibilis de præceptis saltem tertii generis, ex doctrina, & ratione allata à D. Thoma, ut patet. Unde

46 Si præfati Doctores velint neque dari posse ignorantiam invincibilem præceptum legis naturalis, tertii generis, nimis volunt, sentiuntque contra communem Doctorum omnium, sensu unanimi assentientium posse talia præcepta, saltem à rusticis, & indoctis invincibiliter ignorari, quia tales sunt incapaces huiusmodi discursus, & interdum iidem aded incapaces sunt, ut nec à Prælati, Confessarii, vel Doctoribus instrui possint, absolute nescientes, an talia præcepta (tertii saltem generis) sint de iure naturæ, & indispensabiliter obligent: nec mirum est, si hoc ab iisdem ignoretur, cum multociens etiam inter Magistros, & Doctores ipsos sit lis, & controversia, an obligent, nec ne, aliis affirmantibus, negantibus aliis. Unde merito Medina in pr. 2. qn. 76. art. 2. ait: Circa præcep-

ta naturalia, quæ eliciuntur ex præceptis Decalogi per consequentiam non valde evidenter, potest esse ignorantia invincibilis per multum tempus: Et ipsemet Passerinus l. c. n. 203. cogitur dicere: Dico nihilominus, quod aliqui præcepti naturalis potest dari error probabilis: quæ verba in re, & realiter sonant, ut patet, privilegium nostrum: uti & sequentia Alberti Magni in 2. dist. 22. art. 10. Ignorantia iuris est duplex: quia quoddam est ius universale, quod omnibus imponitur sciendum: & quoddam est particulare, quod non scitur nisi per studium: & puto quod prima est crassa, & supina, non excusans. Secunda autem excusatur vel à toto, vel à toto, si est casus multum difficilis. Quæ in substantia faciunt sensum, quem (clarius tamen, & magis expresse) habent verba D. Tho. pr. 2. qn. 94. art. 4. supra relata, ut patebit legenti. Hinc optime docet Salas n. 28. cit. in princip. dum ibi ait: Mibi certum est, aliquam iuris naturalis ignorantiam esse omnino inculpabilem, præsertim in iunioribus, & hebetioribus: nam etiam apud sapientissimos, ingenio præstantissimos, & veritatis amantissimos, ac piissimos Theologos, & Iurisperitos sunt varie opiniones, an hoc, vel illud sit iure naturæ præceptum, aut prohibitum, mortale, vel veniale. Igitur verum privilegium nostrum ex autoritate, Sanctorum Patrum, & Doctorum. Sed præterea

47 Ratio etiam ipsa veritatem eiusdem suadet; Tum quia nulla ratio assignabilis est, cur non possit homo invincibiliter errare circa ius naturæ, quam circa alias veritates mathematicas, aut metaphysicas, præcipue cum illa ignorantia non impediatur ullo modo iustificationem acquirendam, aut acquisitam, eo quod peccatum ex illa ignorantia sit materiale tantum, non formale. Tum quia lex vim non habet obligandi, nisi omnibus hominibus applicetur per publicationem, seu intimationem: sed lex naturalis non intimatur, nec promulgatur omnibus, quantum ad omnia præcepta, quæ continet, quantum ad illa nimium, quæ sunt remotissima à primis principiiis universalissimis, quæ sunt prima sinderesis principia: ergo non obligat omnes homines quantum ad illa præcepta in actu secundo, subindeque potest dari de illis ignorantia invincibilis, & excusans à peccato. Major est certa, communiter concessa. Minor verò sic ostenditur. Promulgatio, seu intimatio legis naturæ fit per dictamen rationis intimantis homini agenda, vel omittenda: sed tale dictamen, præsertim quantum ad præcepta, quæ sunt remotif-

motissima à primis praeceptis universalissimis, non habetur ab omnibus, cum non habeatur, nisi per discursum difficilem, & labore magno, ac studio, cuius plures viri simplices, rudes, rustici, & ignari sunt omnino incapaces. Ergo lex naturalis non intimatur, nec promulgatur omnibus, quantum praeceptum ad praecepta remotissima à primis universalissimis praeceptis omnibus notis, ergo, &c.

48 Accedit etiam experientia ipsa, quia, ut pariter docet *De Scildere* §. 3. cit. *Afferzione* 4. sub n. 11. versu *Probatum primo*, fol. mibi 65. quid magis familiare pueris ad usum rationis provectis, priusquam ab aliis edoceantur, quam committere plura peccata contra naturae legem, absque apprehensione ulla peccati? Adde, quod in multis materiis, quae certè prohibita sunt, difficile est rationem malitiae deprehendere ex lege naturae, ex. gr. in ebrietate; pollutione apprehensa sanitatis causa; occisione sui ipsius, ut effugiatur mors crudelior, &c. Exemplum narrat *S. Augustinus lib. p. de sermone Domini in Monte* cap. 29. Et ex ipso adfert idem *De Scildere* versu, & fol. citatur. Anthiochiae Acindenus Praefectus cuidam debitori fisci, qui libram auri debebat, comminatus est mortem, nisi certo die praefixo debitum solveret, eumque in carcerem coniecit. Cum autem ille debitum solvere non posset, accessit ad Uxorem ipsius vir dives promittens illi auri libram, si nocte una sui copiam ipsi faceret. Retulit hae sollicitationem illam ad virum suum, & ipse, ut ait *D. Augustinus, ejus gratias, & ut fieret imperavit*, nullo modo iudicans adulterium esse concubitus, quod & libido nulla, & magna meriti charitas, se volente, & iubente, flagitaret. Neque culpam aliquam formalem in eo iudicio, aut facto agnoscit *D. Augustinus*. nolens decidere, rectè ne, an male factum fuerit. Nihil hic (ait) in alteram partem discepto, liceat cuique affirmare, quod velit. Dantur enim praecepta naturalia, quorum connexio ad principia naturalia per se nota, non est evidens, & manifesta, sed implicita, & latens, & ex circumstantiis accidentalibus in particularibus redditur ambigua, unde circa huiusmodi, inter fideles etiam, & viros ipsos pios, & doctos dantur opiniones oppositae (ut supra) quibusdam affirmantibus aliquid esse praeceptum, vel prohibitum de iure naturae, idque aliis negantibus. ut experientia ipsa notorium est. Ex sit autem opinantibus licet eorum alter erret, huiusmodi error circa regem dubiam innixus rationi pro-

babili, est probabilis, atque excusans à peccato. Quod & absolute admitti debet; nisi enim admitteretur aliqua ignorantia iuris naturalis à peccato excusans, ut hic affirmatur, incredibilis conscientiae perplexitas sequeretur, imò & peccandi hic, & nunc, dura, inevitabilisque necessitas. Nam sic, quotiescunque aliquis probabiliter, & bona fide iudicat aliquid sibi agendum esse, & tamen illud naturali iure illicitum est, peccabit id faciundo, si nulla juris ignorantia à peccato excusat. Peccabit etiam non agendo, quia sic ager contra conscientiam, quae ipsi dicit hoc esse agendum. Peccabit igitur quocunque se verat, sive id faciat, sive non, ergo necessario peccabit, quod affirmari nequit, cum hoc sit contra fidei dogmata nedum, verum etiam contra prima luminis naturalis principia, nimirum contra hoc principium: *Nemo peccat in eo; quod vitare non potest*. Quod *D. Augustinus lib. de duabus Animabus* cap. 11. usque adeo notum, & per se manifestum esse affirmat, ut non solum à nemine ignoretur, sed insuper à toto genere humano declametur. Nonne (inquit) ista cantant & in Montibus *Portae*, & in dolis in circuli, & Docti in Bibliothecis, & Magistri in Scholis, & Antiquissimi in locis Sacris, & in Orbe terrarum Genus humanum? Merito concludo.

49 Ad complementum autem huius privilegii inquire, an inter legis naturae praecepta particularia, de quibus dari potest invincibilis ignorantia excusans eorundem materialem transgressionem à peccato, sint *Praecepta Decalogi*? Respondeo affirmativè, imò eadem praecepta totam juris naturalis legem inclusam, & implicitam continere. Et ob id, *Caramuel in Theologia Fundamentali* n. margin. 1334. ait: *Decalogus lex est naturalis*. Et in *Decem Decalogi Praeceptis* (addit *Fagundes in Decalogum* tom. p. in *Introducción Operis*) totam iuris naturalis legem, veluti in Epilogo inclusam, & ad quae reliqua omnia praecepta, normaeque omnes reducerentur tradidit Deus. Unde *Trullenb in Proemio Expositionis Decalogi*, appellat decalogum, *Lucidissimum rationalis naturae speculum*. Describitque illum sic: *Decalogus est summa, & brevis Epitome legis naturalis; & divinae: ita Praeludium p. n. p. ex S. Tho. p. 2. q. 100. art. 3. & 11. Navarro cap. 12. n. p. & Sayro Clerici Regia lib. 4. cap. 2. n. 3. & 4.* Omnia igitur Decalogi praecepta, siue sumantur pro primis principiis generalibus, siue pro conclusionibus deductis ex illis, vel ex ipsis Decalogi praeceptis, sunt de iure, & lege naturae, ita ut lex, & legislator sit ipsa natura.

turalis ratio (ut etiam supra) dicens quid bonum, & amplectendum; & quid malum, & fugiendum. Ita etiam idem *Truhlench Prologo* 2. §. 8. cum *D. Tho.* p. 2. q. 109. art. 2. & cum communi. Ratio est, tum quia hæc præcepta secundum *D. Tho.* l. 6. sunt de his, quæ ad bonos mores spectant, boni autem mores dicuntur in ordine ad rectam naturalem rationem. Tum quia, illud est de lege naturæ, quod lumine naturali cognitum est, & ratio ipsa naturalis dicitur: sed lumen, & ratio naturalis dicitur bonum esse faciendum, malum fugiendum; & alia, quæ ex his solo lumine naturali cognoscuntur, & ex his colliguntur, & deducuntur, ergo &c. Verum quidem est, quod & si Decalogi præcepta sunt de lege naturæ, sunt præterea etiam de lege divina positiva, ita ut positivus legislator sit ipse Deus; & hoc evidenter constat: nam

habetur *Exodi* 20. Decem verba legis à Deo ministerio Angelorum Moysi data in Monte Sinai in duabus Tabulis lapideis. Hæc est, quod omne, quod est de iure naturæ, sit etiam de iure divino positivo: nam cum omnia præcepta, quæ sunt de iure naturæ, ad Decalogum reducuntur, & Decalogus sit de iure naturali, & divino, inde fit, ut omne, quod est de iure naturæ, sit etiam de iure divino. Et hinc etiam tandem sequitur particularia legis naturæ præcepta (de quibus hic sermo) esse Decalogi Præcepta, de quibus iterum sub cap. 6. sequenti. Vide *D. Tho.* p. 2. q. 98. art. 2. & 3. & *Passerinus* art. 10. cit. à n. 104. Et concludit cum *Cardua in Questionario Theologico* lib. 2. qu. 4. in princip. *Proposit. p. In his, quæ sunt iuris naturalis, quæ non sunt per se nota, datur ignorantia invincibilis, & omnino inculpabilis, etiam in Decalogo.*

CAPUT SECUNDUM DE PRIVILEGIIS IGNORANTIÆ CIRCA LEGEM CIVILEM.

50



Ex humana, etiam Civilis, habens suas condiciones, seu proprietates (debet enim esse ut communiter *D. D.* cum *D. Tho.* p. 2. q. 95. art. 3. & secundum *Hydorum; Hovista; infra, possibiles, secundum consuetudinem patriæ, loco, temporisque convenientes, necessaria, vel utilis, nullo privato commo- do, sed pro communi Civium utilitate conscripta; manifesta quoque, et ab- quid per obscuritatem, in captionem contineat.* Item lata ab habente pote-

statem legislativam Civilem) obligare potest subditos in conscientia ad sui observantiam sub reatu mortali, ita ut contra illam agentes, peccent etiam mortaliter, & inter- dum ita obligat: est sententia communis Theologorum cum *D. Tho.* p. 2. q. 96. art. 4. & 5. ut videre est apud *Salas De Legibus* disp. 10. sec. p. n. 6. & *Suar. de Leg.* lib. 3. cap. 23. num. 5. idque patet Tum *Sap. 6. Audite Reges, &c. quoniam data est à Domino potestas vobis.* Tum *p. Reg. 8. Non te abicerant* (ait Dominus ad *Samuelem*) *sed me.* Tum *Proverb. 8. per me Reges regnant, & legem conditores iusta decernunt.* Tum ex *p. Petri 3. Subiecti igitur estote omni creaturæ propter Deum, sive Regi, quasi præcellenti, sive Ducibus tantquam à Deo missi in vincendum malefactorum hæc enim voluntas Dei est: Tum ad Titum 3. Admonet illos Principibus subiectos esse: Tum ad *Hebræos ultimos, Obedite. Præpositis ve- stris: Tum ad Roman. 13. Omnis anima potestatibus sublimioribus subdita sit: Non est enim potestas nisi à Deo: Qui potestati resistit, Dei ordinationi resistit: qui autem resistit, ipse sibi damnationem acquirit: idcirco subditi estote, non solum propter iram (idest poenam) sed etiam propter conscientiam: idest, propter peccatum. Ex quo loco manifestè colligi- tur, legem Civilem posse ad culpam etiam mortalem obligare, damnatio enim non irrogatur, nisi ob mortale peccatum. Itemque ex eodem loco, uti ex præcedentibus, clare deducitur, adesse in Republica, & Principibus potestatem legislativam. Et hoc esse de fide (quod docent communiter apud *P. Pasqualegem in Theol. Morali* disc. 49. sec. p. n. 2. Contra *Anabaptistas, & Trinitarios, ac Transylvanos, qui non solum excludunt potestatem legislativam, sed magistratum etiam, & usum gladii) cui potestati, su- perioribus, ac Principibus, subditi parere tenentur, eo maxime quia eorundem hu- mane***

manae leges pro communitate etiam Christiana necessariae videntur, cum enim lex naturalis, & Evangelica non praescribat de omnibus: debent leges Civiles, & Principes jubere, suis humanis legibus quae jure divino, aut naturali praecipua non sunt: & recte ratio dicitur eisdem legibus obediendum esse, ac Principibus, etiam Laicis: Quorum potestas ferendi leges cum onere peccati mortalis, non procedit ab Ecclesia (ut advertit etiam *Arriaga in Cursu Theol. 1. 4. disp. 16. sec. 4. subsec. p. n. 55.* quem refert *Diana par. 10. tr. 15. & Miscell. 5. ref. 44.* sed sequitur ex natura rei, praeterquam, quod legitimus Princeps, & Magistratus utitur potestate à Deo tradita tanquam Minister Dei: ut supra *Sap. 6. Reg. 8. &c.* ergo in suis legibus obediri debet, &c.

51 Verum quidem est, quod non omnes leges humanae, & Civiles, obligant ad obediendum in conscientia, praesertim sub mortali. Constat enim ex communi omnium existimatione, leges obligare tantum ad poenam: cuiusmodi etiam sunt leges quarundam Religionum. Imò *Navarrius in Man. cap. 23. n. 55.* putat potestatem Civilem raro obligare ad culpam, eum Principes saeculares raro intendunt subditos punire poena spiritali animarum: de qua re *D. D. Sayr. in Clavi Regia lib. 3. cap. 7. n. p. Valent. 10. 2. disp. 7. qu. 5. punc. 6. cap. 2. Suarez de Legib. lib. 3. cap. 27. Salas de Legib. disp. 19. sec. 5. Diana p. 10. tr. 15. & Miscell. 5. ref. 44. & 45. Azorius Tum. p. Instit. Moral. lib. 5. cap. 6. qu. 4. Lessius lib. 2. de Just. cap. 33. dub. 8. n. 54. Lownan. lib. p. tract. 4. cap. 15. & alii.* Qui tamen sunt invicem divisi, ut videre est tum apud ipsos; tum apud *Bonacin. 10. 2. disp. p. qu. punc. 7. §. 2. n. 3.* Quidam namque existimant legem Civilem non obligare sub mortali, quando in ea contra transgredientes decernitur poena tantummodo temporalis, seu corporalis; quamvis poena sit gravis, & magna, ut amissionis bonorum, capitis, &c: modo aliunde non constet Legislatorem civilem velle sub mortali culpa obligare; aut modo non addit scandalum, vel contemptus. *Legislator enim Civilis* (inquiunt) *merè prohibens aliquam actionem, non solet (etiam cum materia est gravis) velle obligare sub mortali.* Ratio est, tum quia lex poenalis est odiosa, ergo benigne explicanda est, quantum fieri potest, juxta regulam juris, *Odia restringi, favores convenit ampliari*: tum quia Legislator Civilis apponens poenam temporalem, censetur excludere aeternam; nam qui unum exprimit, & aliud tacet, censetur excludere quod tacet, c. *Nonne, de praesumptionibus*, tum quia subditi probabiliter opinari possunt Legislatorem contentum esse poena, quam expressit, & nolle maiorem obligationem subditis imponere, nisi aliter de ipsius mente colligatur. Itaque Legislator licet possit ad poenam, & culpam obligare, nihilominus dum solam poenam exprimit, nec aliunde constat, utrum etiam velit ad culpam obligare, censetur velle solum ad poenam obligare, putans poenae condemnationem sufficere ad impedienda delicta, & ad continendos in officio subditos, non injecto majore laqueo. Neque (addunt) obstat dicere, poenam supponere culpam, seu poenam non infligi nisi ob culpam: cum enim culpa duplex sit, Civilis nempe, & moralis (quae proprie convenit peccato) dicendum est, poenam non semper supponere culpam moralem, sed supponere culpam, aut moralem, aut Civilem, seu legalem: ita relati à *Bonacino sub n. 3. cit.*

52 E contra alii (item apud eundem, & sub eodem num.) sentiunt (quod & ipsomet ibidem probabiliter existimat) legem poenalem obligare sub mortali, aut veniali, juxta materiam gravitatem, aut levitatem, nisi aliud constet de contraria Legislatoris mente. Et ratio est, tum quia lex continens praecipit obligat in conscientia, sed lex poenalis continet praecipit, ergo obligat in conscientia: tum quia poena supponere videtur culpam, quoties aliquid sub poena prohibetur ab eo, qui facultatem habet prohibendi: tum quia per hoc, lex, aut praecipit differt à consilio, quod consilium non obligat sub culpa, obligat vero lex, seu praecipit: tum quia Scriptura, & Patres passim damnant violatores legum humanarum; quamvis harum plurimae sint poenales c. *Imperatores 11. qu. 3.* ergo signum est leges humanas obligare sub culpa: tum quia quando Legislatores, in re aliqua, alias non praecipit, intendunt non obligare, solent hoc exprimere, ut ex Regulis Minorum, & Praedicatorum docent *Clavi Regia lib. 3. cap. 7. n. 7. Salas de Legib. disp. 15. sec. p. n. 16.* & alii: ergo quando non exprimunt se non obligare sub culpa, censentur sub culpa obligare. Nec rationes adductae pro prima sententia enervant hanc secundam. Ad primam enim rationem (qui secundam sequuntur) legem poenalem, mitius quidem explicandam esse, quantum tamen lex ipsa patitur: at lex poenalis non patitur ut explicetur, & intelligatur obligare ad solam poenam, nisi aliunde constet Legislatorem velle ad solam poenam obligare, ut constat ex rationibus, in hujus secundae sententiae probationem adductis.

Ad secundam respondent, eum, qui unum exprimit, & aliud tacet, censi excludere quod tacet, quoties illius mentio distinctè facienda esset, & non sufficeret mentio implicita, uti in nostro casu, in quo Princeps præcipiens aliquid sub pœna, sufficienter etiam indicat obligare sub culpa pro ratione pœnæ, quæ apponitur, seu materię, quæ præscribitur, cum intendat obligare subditos quantum sua auctoritate potest, nisi aliter constet de ipsius mente. Ad tertiam tandem respondent, subditos non posse rationabiliter opinari Legislatorem contentum esse pœna, nisi aliud exprimat. Nec contra valet, quod pauci sint qui sibi scrupulum faciant transgrediendi leges civiles pœnales. Atque hoc indicat sensus ordinarius Catholicorum, consentium, se non peccare mortaliter per transgressionem legum civilium secularium. Unde nec viri Docti, & timorata conscientia de huiusmodi legum pœnalium transgressionibus confessione sacramentali se accusant: non inquam valet, quoniam ego ipse, penitentes multos audiui, se de iisdemmet accusantes, absolutionemque in foro animæ petentes. Qui autem in hoc sibi scrupulum non faciunt, vel sunt ii, qui contrariam sententiam sequuntur: vel qui stantes bona fide, & ignorantia veritatis laborantes, per ipsam excusantur à culpæ moralis reatu: hinc fit.

PRIVILEGIUM PRIMUM.

Ponens actum ex ignorantia invincibili contra legem Civilem, in conscientia obligantem, excusatur à culpa, & à reatu morali.

53 **P**ROBATUR huiusmodi Privilegium, quia nullus tenetur in conscientia (saltem in actu secundo) obedire legi, quam omnino ignorat: non enim possum obedire nisi supposito præcepto, & à me cognito: hinc Soto de iust. lib. p. qu. p. art. 4. ait: *Ille quæ lex latet, ignorantia excusatur.* Et Azor. 10. p. lib. 5. cap. 3. Ignorantes (inquit) legem, bona fide, in foro conscientie liberi sunt à culpa: ita quæst. 9. ubi querens, *An lex afficiat ignorantes?* pro negativa. (quam ipse sequitur) refert etiam Abb. in c. Cognoscens, de constitutionibus n. 6. docentem pariter, *lex non afficiat ignorantes.* Felinus idem sentientem: idemque tradere Glossam in eoloco: & hanc esse communem utriusque juris Doctorum sententiam. Cui sententiæ subscribit Valent. 10. 2. dis. 7. qu. 5. punct. 5. lit. D. dum ibi sic: *Vt lex humana obliget, oportet quod veniat ad notitiam eius, quem sic obligat. Alioqui per ignorantiam invincibilem excusabitur, quominus sit reus legis.* Quoniam verò hi Doctores (ut videre est apud ipsos) huiusmodi ignorantes excusant à reitate, & transgressionem legis, quamvis hæc sufficienter promulgata fuerit; ideo ex hoc, fit.

PRIVILEGIUM SECUNDUM.

Ponens actum ex ignorantia invincibili contra legem Civilem, etiam sufficienter promulgatam, & in conscientia obligantem, excusatur à culpa, & à reatu morali.

54 **H**OC idem conceditur à præcitatiss. Doctoribus; & præterea admit-

titur à *Salat de Legib. disp. 12. sec. 5. in fine*: & ab aliis, quos refert, & sequitur *Bartholomæus Mastrius in Theol. Moral. disp. 2. qu. 4. art. 3. num. 106. in fine*: ubi sic: *certum est, quod in foro conscientie, qui habent ignorantiam invincibilem legis (loquitur iste Author tum de Civili lege, tum de Pontificia) ab eius transgressionem excusatur: & ideo etiam post legis promulgationem requiritur tempus proportionatum, & moraliter sufficiens, ut notitia legis ad omnes pervenire possit. Quamvis etiam transacto tempore, quantum præscribitur à promulgatione, nunquam tamen lex ulla in conscientia obligare potest eos, qui legem promulgatam invincibiliter ignorabant. Quamvis in foro externo posset contra illos procedi tanquam si deliquissent: in quo etiam foro excusari poterit, qui causas sufficientes adduxerit, propter quas legem ignoraverit: & n. 108. in fine: in quo sic: *Vt lex humana obliget generaliter, ac veluti in actu primo, satis est eam in aliquo loco solemniter promulgari, nec est necesse ut ad singulorum notitiam perveniat, alioquin non propriè diceremus, ignorantiam invincibilem interdum excusare à peccato contra legem: hoc enim esset excusari, quod facere contra obligationem legis, qua teneris, tamen quia satis involuntariè, invincibiliter ignorans, non peccare. Vt verò lex humana obliget particulariter, ac veluti in actu secundo, ita ut fit contra illam quis agat, verè sit illius præparator, & reus, certum est non satis esse, eam vel in Curia Principis, vel in singulis Provinciis, & Civitatibus promulgari. Sed ulterius opus esse, ut iam ad notitiam eius venerit, quem sic obligat, aut certè, ut possit ex intentione, & absque magna difficultate eam notitiam acquirere. Ex quo inferitur huic nostro Privilegio minimè ob stare quod aliqui eidemmet opponunt, apud Azor. l. c. quæst. 9. & Salat de Legibus disp. 12. sec. 5.**

dum sic arguunt: Excusari, supponit obligari, sed ignorantes excusantur, ergo obligantur. Obligantur enim in actu primo, non verò in actu secundo, ratione ignorantiae invincibilis: ut advertit etiam *Valent. l. c.*, & cum ipso *Salas sec. cit.* Nec nos asserimus (inquit *Azorius*) ignorantes non ligari legibus, sed non affici, quod est diversum. Nam & qui dormit (concludit *Salas sec. cit.*) est obligatus actu tunc, sed non pro tunc. Et concludo ego cum *Soto de Iust. lib. p. qu. p. art. 4. §. contra hos*. Cum primum lex solemniter est promulgata in Curia, vel in Regni Metropoli; obligat universos, tametsi circa culpam, ignorantes, à culpa excusentur, quia videlicet, lex statim cunctos tam audientes, quam absentes obligat, à cuius nibilominus nexu insiū excusantur. Et hunc eundem loquendi modum usurpavit *Caiet. p. 2. qu. 90. art. 4. ad 2.* dum ibi dixit: Absentes, nesciū promulgata legis, non ligantur: idest, accusari, nec apud Deum, nec apud homines ignorantie possunt absentes nesciū. Verba sunt *Caietani*. Hic tamen obiter nota cum *Azorio par. 1. lib. 5. cap. 3. qu. 9.* & aliis, quod ignorans invincibiliter legem, ob idque contra eam faciens excusatur quidem à peccato, & à pœna legis, si quæ tamen fecerit, contra legem ea rescindentem, irrita sunt etiam secundum conscientiam. Unde si lex sit præscribens, non valere certum aliquem contractum post duos Menses ab ejus promulgatione, & Petrus contractum ea lege interdictum inserit bona fide per ignorantiam, liber quidem erit à culpa, & à pœna, irritus tamen erit contractus, & inanis contra eam legem initus. Inquirere, autem hic, de modo, quo oporteat legem Civilem promulgari, & quo tempore post promulgationem incipiat obligare; itaut tunc dici queat sufficienter promulgata, est omnino extra sphaeram intentionis huius Operis, ac Tractatus; habet Lector tot Classicos, tum Veteres, tum Recentiores, utrumque optimè ex professio expedientes in tractatu de Legibus, ad eisdemmet eundem mitto: & immediatè ad alterum proponendum, seu recensendum huius capitis privilegium accedo, quare sit.

PRIVILEGIUM TERTIUM.

Inflè damnatus à lege Civili, & à Iudice, ut veneno pereat, conclusq; ut sibiimet illud applicet, & oporet; si id exequitur, ignorans invincibiliter esse illicitum, ac grave peccatum, excusatur à culpa, & à reatu mortali.

55 **P**RO bona, ac recta admissione propositi huius Privilegii, præmitto; nunquam (absque divina auctoritate, & decreto) licitum esse seipsum occidere directè, & positivè, neque ob vitandum peccatum, neque ob defendendam pudicitiam, neque ob fidem, vel Religionem, aut virtutem tuendam, & hæc est communis D. D. sententia (apud *Lessium de Iust. lib. 2. cap. 9. dub. 6. n. 20.* & alios plures, præcipuè *P. Carasam nostrum De Duello, tract. 3. sec. 3. quæst. p. ubi*, quod sic communis, & certissima; & ut talis ab eo ex professio rationibus, & auctoritatibus probatur) ex *D. August. lib. p. de Civit. Dei cap. 16. & ex Concil. Bracar. p. c. 34. & resertur 23. q. 5. c. Placuit* Ubi sic decernitur. *Placuit, ut qui sibi ipsi voluntariè aut per ferrum, aut per venenum, aut per precipitium, aut per suspendium, vel quolibet modo violentem sibi inferunt mortem, nulla proorsus pro illis in oblatione commemoratio fiat, neque cum psalmis ad sepulturam eorum cadavera deducantur; Hæc sunt verba Concilii.* Hinc etiam idem *D. Augustin. lib. p. de Civit. Dei cap. 26.* sic ait: *Hoc dicimus, hoc asserimus, hoc modis omnibus approbamus; neminem spontaneam mortem sibi inferre debere, velut fugiendo molestias temporales, ne incidat in perpetuas: neminem propter aliena peccata, ne hoc ipso incipiat habere gravissimum proprium, quem non polluebat alienum; neminem propter sua peccata præterita; propter quæ magis hac vita opus est, ut possint paritèr sanari. Neminem, velut desiderio melioris vite, quæ post mortem speratur: quia reos sue mortis, melior post mortem vita non suscipit. Unde neque Mulieri licet se occidere, ne ab alio corrumpatur, quia non debet ipsa in se committere crimen maximum, quod est sui ipsius occisio, ut vitet minus crimen alienum; non est enim crimen mulieris per violentiam violari, si consensus non adsit, quia non coinquinatur corpus nisi de consensu mentis, ut *Lucia Sancta* dixit; violatio namque non imputatur ei ad peccatum, nisi consensus adsit, neque per hoc amittitur virtus castitatis, & laetitia, cum potius pati dicatur, quam agere, &*



re, & peccare: Castitas enim vi eripi non potest, cum sit virtus animæ, quæ violentiam non sentit, & cum mens pudica; etiam alieno scelere corruptum corpus, tanquam intactum conservat pudicum. Ideo virgo prostitui potest, adulterari non potest invita, neque illam polluit aliena libido, tamen si ea oppressa in suo corpore exerceatur libido, non sua. Hinc eleganter eadem *Lucia Sancta*, fertur dixisse ad *Passibulum*. Si invitam me feceris violari, castitas mihi duplicabitur ad coronam. Libido enim debet procedere ex mentis proposito, ut tollat Virginitatem. *D. Tb. in 2. 2. qu. 152. art. p. ad 4.* Non licet ergo se occidere, nec etiam ob castitatem tuendam, & concors est in hoc Doctorem sententia. Idque præterea insinuat manifestissimè *Textus in Cap. Ex parte 2. De Sepulturis*: ubi de quadam Virgine, quæ fugiens illam comprimere volentem, in amnem cecidit: ait *textus*. Quo circa mandamus quatenus cum illa non sponte præcipitaverit se de ponte, sed (sicut superius est expressum) casu ceciderit, corpus eius tradi facias Ecclesiasticæ sepulturæ.

56 Et adeo clarum est, & ex se notum, illicitum esse, peccatumve maximum, suicidium; ut nec possit hoc idem invincibiliter ignorari, neque per invincibilem ignorantiam huiusmodi peccatum excusari secundum *Caiet. in 2. 2. qu. 124. art. p. & Victoriam in Relel. De Homicidio n. 37. in resp. ad argum. decimumquintum*. Quia (inquiunt) ignorantia juris naturalis contra præcepta priora præceptis Decalogi, nullum excusat. Constat autem quod non occidere seipsum est prius præceptum, quam, *Non occides*, quod est præceptum Decalogi, sicut amor sui prior, & naturalior est, quam amor alterius. Quod autem (addit *Victoria in eadem resp.*) lumine naturali cognosci possit, illicitum esse, seipsum interficere, patet, quia Philosophi studiosi virtutis, id docuerunt, ut patet ex *Arist. 3. Ethic. sic. discens*, quod est non magnanimitatem sibi confiscare, sed pusillanimitatem, & non potentis ferre vitæ labores: & *Cicero, mortem* (inquit) cur mihi confiscarem cum causam nullam habeam? cur optarem multas? quanquam hoc ipsum sapienter: sapientis enim est, neque optare mortem, neque timere. Unde *Cato, Brutus*, & similes, utique se interficiendo, nec laudabiliter, nec fortiter, nec sapienter se gesserunt: non enim poterant ignorare id esse insipiens, & lumine naturali non agnoscere, esse illicitum. Hinc etiam *Soto de Just. lib. 5. qu. p. art. 5. loquens de Lucretia*, quæ sibi ipsi mortem

intulit: ait; Occidit ergo se se ex pusillanimitate, quia ferre infamiam non valuit: sicut & *Cato*, qui *Cæsaris* dominatum subire potens non fuit. At loquens idemmet *Author in fine Articuli de Beata Apollonia Virgine Alexandrina*, cujus historia refert, quod Carnificum operas præveniens exilivit in flammam, & in rogam ipsa se coniecit, eam tamen inter Martyres multis præconiis celebratam retulit Ecclesia. Ut habetur in *Martyrologio Romano* sub die 9. Febr. (cui addi possunt, *Gloriosa Pelagia Antiochena*, de qua constat se occidisse, sive ut *D. Ambrosius lib. 3. de Virginitas*, ait, cum Matre, & Sorore in amnem se misisse, & alias Virgines) loquens tamen inquam *Soto* de his Sanctis Virginitibus ait: Quod cum essent famine, acuminisq; adeo juris inscie, per invincibilem ignorantiam sunt excusande. Vel (addit) cum *D. Augustinus* recurrendum, quod id Divino instinctu egerint. Quod additum absolute tenendum est, & nedom cum *D. August. (qui lib. p. de Civit. Dei cap. 26. ait: Si hoc fecerunt, non humanitus decepta, sed divinitus iussu, nec errantes, sed obediens, &c.)* verum etiam cum *D. Chrysostomo* in pr. *Oratione de Laudibus Sanctæ Pelagiæ* (ubi ait: Sed ut discas, non sine divina providentia id factum fuisse: & pergit ostendere divinum instinctum, & secretam inspirationem.) *D. Thomas 2. 2. qu. 64. art. 5. ad 3. Caiet. 2. 2. quest. 124. art. p. Versu Sed hæc: (Ubi, quod ex speciali divino instinctu mulieres ille se occiderunt, ita quod Martyres seipsas fecerunt divina Autoritate.) Lasso dub. cit. 6. n. 24. (quo in loco sic: Quia propter fidem Christi ad hoc fuerunt quodammodo compulsa, hinc cum ipse in eo facto non peccaverint; secundum morem estimationem censetur ab ipsis persecutoribus occise, & sic sunt Martyres. Et cum Michael Salon. in 2. 2. qu. 64. art. 5. in resp. ad sextum, ubi expresse ait: Faminas Sanctas, quas Ecclesia, & Sancti Patres iudicant Sanctas, ut Pelagiam, & socias, id fecisse peculiari instinctu Spiritus Sancti, sicut dicimus de Sansone: alias verò, quæ sine tali peculiari admonitione id facerent, temeritate arguendas. Accedit etiam in horum dictorum confirmationem, *Martyrologium ipsum Romanum* supra relatum die 9. Febr. sub his verbis: *Alexandriæ natalis Sanctæ Apolloniæ Virginis, cui persecutores tempore Decii, dentes omnes excusserunt, deinde constructo, ac successu rogo, cum comminarentur vivam se eam incensuros, nisi cum eis impia verba proferret, illam paululum intra semet ipsam deliberans, repente se de manibus impio-**

rum propripuit, & in ignem, quem paraverant, maiori Sancti Spiritus flamma intus accensa, sponte proflevit, &c. Ecce igitur quomodo Sanctissima Virgo, instinctu, & particulari admonitione Spiritus Sancti (& non aliter) ipsa se in rogam iniecit: & non aliter inquam, aliàs, ut optime *Salon.* qui sine tali peculiari admonitione id facerent, temeritatis arguendi essent: imò peccarent mortaliter, uti lethale peccatum, & maximum est, occisio sui.

57 Ratio autem cur sit talis, est: *Tum quia* homo non est dominus vitæ suæ (Theologi communiter; *D. Tho. p. 2. q. 73. art. 9. ad 2. & in 2. 2. q. 59. art. 3. ad 2. & q. 64. art. 5. ad p. & 3. Victoria in Relección de Homicidio n. 23. Soto lib. 4. de Inst. q. 2. art. 3. Valent. to. 3. disp. 5. q. 8. punct. 2. sub tit. de Occisione suisus, versu Tertia ratio: & versu, Quod autem in hac ratione sumimus: & q. 10. punct. p. versu Tertia eiusdem generis questio est; ubi citat Caiet. q. 73. art. 2.) Sed solus Deus est Dominus vitæ, *Deuter. cap. 32. Ego occidam, & ego vivere faciam. Sap. cap. 16. Tu es Dominus, qui vitæ, & mortis habes potestatem, & deducis ad portas mortis, & reducis: p. Reg. cap. 2. Dominus vivificat, & mortificat, deducit ad inferos, & reducit. Tum quia*, qui occidit servum alienum, injuriam infert Domino illius; & qui occidit subditum alienum, injuriam infert Judici illius, usurpatque iudicium alienum: nemo autem est dominus suæ vitæ, neque iudex in seipsum, sed solus Deus est Dominus vitæ, & mortis; infert ergo qui seipsum occidit gravem injuriam Deo, perinde ac, qui occideret servum alienum, vel usurparet alienum iudicium. *Tum quia*, nemini licet expoliare Republicam re sua sine gravi injuria ipsius, unusquisque Civium est pars, & membrum Reip. ergo qui seipsum occidit expoliat Rem. sua parte, consequenter grauem illi infert injuriam, atque adeo gravissimè peccat. *Tum etiam quia*, quicumque agit contra naturalem amorem, & inclinationem, quam dicitur recta ratio, peccat gravissimè contra jus naturale: at unusquisque natura duce, & recta ratione dictante diligit propriam vitam, & inclinatur in conservationem sui, contra quam inclinationem, & amorem agit, qui seipsum occidit. Ergo. Dicitur contra amorem, & inclinationem, quam dicitur recta ratio, quia sunt in nobis variz inclinationes, ad quas non ducimur recta ratione, sed appetitu sensitivo, quarum multæ post peccatum repugnant rectæ rationi, juxta illud *D. Pauli, Invenio in membris meis aliam**

legem repugnantem legi mentis meæ: contra hujusmodi agere, non est peccatum: contra eas, quas recta ratio dicitur, ut in casu nostro, peccatum est. Hinc patet, occidentem seipsum peccare gravissimè, & contra charitatem, & contra iustitiam; contra charitatem, quia agit contra naturalem dilectionem sui ipsius, ad quam non minus (imò magis) tenetur, quam ad dilectionem proximi: contra iustitiam verò, quia infert injuriam, & Deo, & Reipublicæ. Adde, & contra Decalogi præceptum, *Non occides*: eodem enim omnino præcepto, quo prohibetur alios, prohibetur & seipsum occidere, ut docet *D. August. p. de Civit. Dei cap. 17. & habetur 23. qu. 5. Can. Si non licet*. Ubi ait: *Si non licet privata potestate hominem occidere, etiam qui seipsum occidit, homicida est*. Et paulo post, ita: *Non occides alterum; ergo nec te: neque enim qui se occidit, aliam quam hominem occidit*. Sicque nullus debet sibi mortem inferre, quia nullus debet esse homicida sui, sino speciali decreto Dei: Sunt verba Scoti in 4. dist. 15. qu. 3. art. 2. Vide *P. Carasam tota. quæst. p. cit.* Quibus præmissis.

58 Concludendum hic igitur consequenter venit, iuste damnatum ad mortem, à lege, seu à Magistratu, & à Principe, & ut veneno pereat; non posse sibi met venenum applicare, illudque haurire, & mortem inferre: & ita est, inquit *Veigeri de Just. Tract. 2. cap. 2. dub. 14. n. 93. etiam si ad id à Iudice esset condemnatus: Id enim esset* (ait *Paulus Comitolus in Respons. Moralib. lib. 4. qu. 10. n. 6.*) *seipsum occidere, perinde ac si peritione se perfoederet. Nec Iudex potest executionem sententiæ mortis mandare, aut committere ipsi reo, ut communiter omnes tradunt. Veigeri l. c. n. 96. Et ideo D. Tb. in 2. 2. qu. 69. art. 4. ad 2. aperte scribit: Quod nullus ita condemnatur, quod ipse sibi inferat mortem, sed quod ipse mortem patiatur. Et iniquas fore sententias Iudicum, quæ reos suimet Carnifices facerent, docet Caiet. apud eundem Comitol. n. 6. cit. dicens præterea idem Cardin. in 2. 2. qu. 69. art. 4. in resp. ad 7. dubit. Quod postquam ortus est Sol iustitiæ, Christus Deus noster, cognovisse videntur Iudices, quod hoc non licet, quamvis forte veteres concedendo optionem generis mortis magis quam iudicando faciebant hoc. Et quoniam Victoria in Relección de Homicidio n. 30. ad argum. 8. docet, damnato ad mortem per cicuta, seu veneni haustum, licere illud haurire, imò posse ad hoc obligari: adversus illud insurgit Comitolus n. 6. cit. dicens, absurdum esse Victoriam, & errasse vehementer, quia*

quia id esset scissum occidere, ac si pugione se perfoderes. Nec iussit reum ab Iudice hoc mortis genere mulari posse, ut epoto veneno scissum perimat. Quod & pariter docet Castro apud Cordubam lib. 1. 29. Theologiar. qu. 36. in respons. ad 3. sub his verbis: Nulla lex iussit percipere potest, sed neque Iudex, quod quis scissum occidat, faciendo, aut omittendo, id unde naturaliter immediate sequatur mors: quia est contra preceptum, Non occides. Homo enim non potest à se abdicare vitam, sicut bona temporalia, in quibus habet plus dominii, aut juris quam in propria vita: Ideo homo peccaret obediendo tali legi, siue precepto contra legem divinam, & naturalem. Unde & tales leges solum vigent, aut vigerunt inter Barbaros, & infideles, excacatos, aut depravatos, etiam circa multa alia, que sunt juris naturalis. Hec Castro, & consonat Caiet. 2. 2. q. 69. art. 4.

59 Præter Victoriam, etiam Corduba l. c. versu Alio modo: necnon Petrus de Arragonia in 2. 2. qu. 69. art. 4. versu Et si quis contra, litt. B. Videtur idem sentire: non videntur tamen sensisse, reum ex sententia Iudicis licite se posse occidere, ut v. g. sibi ventrem aperire (ad quod apud Japones in gentilitate adhuc versantes, solent rei ex sententia, siue mandato Regis condemnari) aut jugulum præscindere, quæ etiam expressè negant, ut patet. Quamvis enim in eam propendeant opinionem, quod quis condemnatus, ut veneno tollatur, eo casu sic damnatus possit venenatum poculum bibere: negant tamen illum idcirco dicendum esse occidere seipsum, consequenter consentent non adversari conclusioni, & doctrinæ communi. Nam comparant illum, qui ita sumeret poculum venenatum cum eo, qui ad suspensium condemnatus ascendit scalas; vel qui gladio damnatus est, disponit, & exhibet jugulum; quæ quidem licet D. D. omnes fateantur posse reos sic condemnatos facere, non tamen ideo admittunt illos sibi mortem inferre, aut licite inferre posse. Et quod prædicti ita sentiant, ecce corundemet verba: Nam Victoria nu. 30. cit. sic ait: Sicut sunt alia supplicia decreta contra nocentes, non video quare non possit id institui, ut veneno tolleretur, quod sic illud supplicium potest esse iustum, cum aliter illa poena irrogari non potest, nisi ut ille venenum epotet, nihil videtur, cur non liceat ei baurire venenum. Sicut licet damnato ad supplicium ascendere scalas, & ei, qui damnatus est gladio, parare iugulum: neque enim unus magis cooperatur morti suæ, quam alius. Ita Victoria, post quam Corduba l. c.

pariter sic: Reus licite solum cooperari potest iuste actioni alterius in seipsum occidendum: & ita potest bibere venenum sibi propinatum, & applicare laqueum sibi suspendendo, & ascendere scalas ad patibulum, & intrare ignem, vel flumen, vel lethale tormentum, idque ex obedientia legi, vel Iudicis, etiam quando ad hæc non teneretur; vel ad exercitium patientiæ, & virtutis, ut Martyres fecerunt: quia & sic agere, & cooperari ad legem, vel Iudicii imperium quodammodo cooperari est. Nam, & ex causa legitima potest quisque beneficio iuris naturalis, & divini renunciare, dum alias non prohibetur; Ex precepto autem, Non occides, non prohibetur id in se mittere, & quodammodo cooperari ex causa rationabili urgente: quo fit ut à fortiori reus possit esse executor, & minister legi, & pæne citra mortem in se, sicut in alium exequenda. Hactenus Corduba. A quo (uti nec à Victoria, hunc etiam allegans) non discordat Arragonia l. c. ubi & ipse, ut sequitur: Dico, quod quemadmodum sunt alia supplicia decreta contra nocentes, sic etiam potest institui hoc, quod veneno tollantur, quod & ipsi post Iudicis condemnationem epotare tenebuntur; nec propterea erunt dicendi seipsum occidere. Probat; Bibere de se non est actio lethalis, quamvis bibere venenum lethale sit; sicut nec progredi in locum ex se actio lethalis, quamvis progredi in locum neci destinatum lethale sit: ergo sicut nocens post Iudicis condemnationem tenetur, & potest hoc secundum efficere; ita & primum. Et confirmatur: Damnato ad supplicium, licitum est ascendere scalas, & ei, qui damnatus est gladio, licitum est parare iugulum: ergo & ei, qui damnatus est veneno, licitum erit illud bibere. Probo consequentiam: Quia non magis cooperatur morti suæ unus, quam aliter. Et si quis ex hoc inferat; ergo potest aliquis damnari, ut seipsum jugulet, nego consequentiam. Tum quia iugulatio ex se est actio lethalis, nec potest aliqua ratione considerari, quæ lethalis non sit. Tum quia, ut diximus in superioribus, transgressores legum penarum, post Iudicis condemnationem, non tenentur eas actiones exercere, quæ commodius à Ministris, quam ab ipso reo fieri possunt, quamvis sint necessarie ad penam subeundam. Itaque non tenentur nodum collo aptare; nec gladium in iugulum mittere, aut sibi manus quoquo modo inferre, quia istæ actiones, ab alio commodius, quam à nocente fiunt. Et sic ad eas reum obligare esset inhumanum. Tenetur tamen in conscientia eas actiones exercere, quæ necessarie sunt ad penam subeundam, & ab alio, nisi ab ipso commodè exerceri non possunt: qualis est potatio veneni. Totumque hoc dicitur pertinere ad

re ad passionem, ad quam reus condemnatur. Et si contrarium faceret; resisteret Judici, aut ministris, quod sine iniuria fieri non potest. Et paulo post, repetendo, concludit. At verò ascensio scale, & potatio veneni, eiusmodi sunt, ut nisi ab ipso nocentibus fiant, ab alio exerceri non possint. Et ideo convenienter precipitur eis, ut hoc faciant. Diciturque hoc magis patet, quam agere propter rationem iam dictam. Ecce igitur quod Victoria, Corduba, & Arragon. non sentiunt reum ex sententia Iudicis licet se posse occidere, ut v. g. sibi ventrem aperire: quamvis senserint quod condemnatus ut veneno interimatur, possit ex sententia Iudicis sine culpa sumere venenum propinatum, cum id per eundem non sit seipsum occidere: & in eandem affirmativam inclinare videntur *Sà Verb. Judicialis actus, De Reo*, num. mibi 12. & *Tolet. lib. 5. cap. 6. num. 8.*

60 Versa vice verò, alii negativè sentiunt, & magis communiter: suntque (præter citatos supra) *Caiet. 2. 2. qu. 69. art. 4. ad 2. dubitat. Soto de Just. lib. 5. qu. 6. art. 4. §. Postrema autem dubitatio. Petrus à Navarra de resist. cap. 3. n. 81. Lessius de Just. lib. 2. c. 9. dub. 6. n. 26. Laymann. lib. p. tract. 4. cap. 15. n. 8. Fagundes in Decal. Tom. p. in v. præcept. l. 5. cap. 12. à n. 12. usque ad 13. inclusivè.* Et alii. Quorum omnium ratio est: Quia directa, & positiva sui ipsius occisio, neque iustè imperari, neque iustè executioni mandari potest. Qui autem venenum sciens eporat, non minus directè, ac positivè ad sui occisionem concurret, quam si liquidum, & servens plumbum ebibat, aut ense se confodiat: ergo, &c. Confirmatur, si enim qui se in flumen iniiceret, planè se occideret, ergo multo magis, qui aquam ipsam, respirationem, & vitam auferentem,sumeret intra stomachum, vel ignem ipsum, ergo & qui venenum. Hinc constat nihil hic commune esse cum ascensu scalarum ad patibulum, sive cum dispositione Juguli ad gladium, quæ tanquam similia adducunt *Victoria, & Arragonius*, cum manifestum sit, hæc mortem non operari sicuti veneni applicatio. Pro qua re hic faciunt etiam ea, quæ docet *Sylvius in 2. 2. qu. 69. art. 4. queritur 4. (apud Dianam p. 5. tract. 4. ref. 40.)* ubi sic ait. *Observandum est actiones mortem violentam præcedentes esse duplicis generis. Quædam ex se sunt causæ mortis, veluti se precipitem dare, seu ex patibulo proicere cum fune cellum stringente. Item venenum mortiferum haurire: & venam tunc aperire, quando non est permisso ad eam statim occludendam, ut proinde totus sanguis sit*

*emittendus. Aliæ actiones non sunt ex se causæ mortis, sed dispositiones ad eam vel simpliciter, vel facilius patiendam, ut ascendere scalem patibuli, aut collum extendere: Quæ sunt prioris generis, Iudex non potest condemnare reum ut eas faciat, quia non potest condemnare, ut se interficiat. Adeas autem, quæ sunt posterioris generis, potest ipsum condemnare: & generaliter condemnare illum potest, ut faciat eas omnes, quæ non possunt commodè fieri à carnifice, modo non sint illicitæ. Hæc Sylvius. Ex quibus (& cum eodem) *Diana loc. cit.* resolvit, quod reus, dum jam carnis funem illi collo apposuit, non possit se ex scala præcipitem dare, quia hæc actio esset occisio sui ipsius, ideo non à reo, sed à carnifice facienda est. Et ob eandem rationem item resolvit idem *Diana*, non posse reum venenum mortiferum sibi applicare, illudque haurire, quia & hæc actio est suum occisio, ut toties dictum est, & supra probatum. Neque refert, quod allegant aliqui; videlicet, quod bibitio ex genere, & ratione sua non inferat mortem: satis enim est (ut optimè etiam *Vigers de Just. tract. 2. cap. 2. dub. 16. sub nu. 102.*) ad hoc ut censeatur sui occisio, quod bibitio hujus potus, aut sumptio hujus boli ex sua ratione, & efficacia, causet mortem. Nec iterum refert, quod allegant alii (apud eundem *Dianam* par. 11. tract. 6. & *Miscell. 6. ref. 50.*) inter quos *Dicastillus de Just. lib. 2. tract. p. disp. 10. dub. 17. n. 512.* actus videlicet positivos, aut negativos (ut v. g. non comedere, respectu illius, qui damnatus est ad mortem per famem) ex quibus necessarid sequitur mors, alios continere notabilem crudelitatem si exercentur ab eo, qui damnatur: alios verò non item: Iudicem autem publica auctoritate præcipere posse, ut reus, secundi generis actus exercent; quia non contineret modum irrationabilem punitionis, & hujusmodi est actus bibendi venenum, qui non continet majorem crudelitatem, quam actus illud accipiendi per vim externam, imò videtur habere minorem. Sicut igitur (inquiunt) potest Iudex, hunc actum præcipere, ita & damnatus eundem ex se exercere absque peccato. E contra verò non posse damnatum cooperari ea genere actionis, quod contineret modum sententiæ crudelis, si exerceretur ab ipso damnato, qualis esset v. g. actus jugulandi se: tunc enim sicut Iudex non potest illum actum iustè præcipere, ita neque damnatus illum exercere. Non inquam refert, ob hanc enim doctrinam, & distinctionem non debemus rece-*

dere à sententia absolute negativa & communi D.D. uti non audet discedere *P. Diana ref. cit.* quia qui sumit venenum, ille sibi applicat, & introfumat rem, quæ non minus directè naturam destruit, & interimit, quam ignis, vel gladius, aut plumbum liquatum, ut supra dictum est. Neque tandem tertio refert, quod quando aliquis legitime condemnatus est ad mortem, potest cuivis à Iudice committi executio, consequenter etiam ipsi reo (quo in casu reus ipse tanquam Iudicis minister potest eo iubente se interficere, ac seipsum directè occidere, nec tunc agerent contra præceptum *Non occides*, cum id non ageret propria Authoritate, sed Iudicis, unde reus esset, & minister, & servato Juris ordine ageret) Quia Iudex non potest executionem sententiæ mortis mandare, aut committere, ipsi reo, ut communiter omnes tradunt apud *Viggers de Just. tr. 2. cap. 2. dub. 14. n. 96. & Dianam ref. cit.*

61 Idque probat *Viggers*, & cum eodemmet, ac sub iisdem verbis, idem *Diana*. Quia scilicet, hoc nimis adversatur naturæ, ut ipsa seipsam interimat, atque adeo nimis apparet crudele: præsertim quia nunquam sufficiens potest allegari necessitas id faciendi: ergo non debet censi hoc Magistratui à Deo concessum (licet potuerit) ut sic iustitiam administret, committendo reo, ut seipsum interimat, sed ut administret hoc, modis naturæ, & rationi magis accommodis. Hinc Magistratus gladium portat, non ipsi malefactores, qui gladio plectendi sunt. Adde, quod juxta communem omnium apprehensionem, nemo convenienter à Iudice constitueretur executor sententiæ mortis in proprium parentem, non tantum ob reverentiam ratione principii illi debitam, verum etiam propter naturæ conjunctionem, & quasi identitatem, ergo multo minus in seipsum. Quod si itaque non potest Iudex reo committere, ut sententiam mortis in seipsum exequatur, sequitur quod quantumvis Iudex præsumat committere, non tamen idcirco reo licebit exequi: quia perinde faceret, ac si privata authoritate sese interimeret, quandoquidem Iudicis potestas non se ed extendat, ut possit illi mandare, aut facultatem facere se interficiendi. Quomodo modum si Iudex condemnaret aliquem nullo modo subditum, non liceret licitori, ejusmodi sententiam exequi, & si exequeretur, committeret homicidium, perinde ac si absque sententia, & cognitione causæ occidisset: quia Iudex excederet limi-

tes suæ potestatis. Hinc patet solutio argumenti in contrarium adducti. Etenim, negandum est, talem non peccare contra præceptum, *Non occides*: & ad probationem respondetur, quod non occidat autoritate publica verè, sed apparenter tantum, eo quod potestas Magistratui à Deo attributa ad malefactores è medio tollendos, non se extendat ad hunc modum, ut faciat nocentem interimere seipsum, ob rationes ante allegatas. Quod & inde confirmari potest, quia omnes passim homines communi sensu, & iudicio, censuerunt, ac censent, illum indebitum esse, & à ratione alienum supplicii modum: uti etiam tenet communis D.D. sententia, à qua in rebus practicis non facile est recedendum. (ait *Lessius dub. 6. cit. n. 26.* loquens ad hunc specialem casum) Et quamvis dicat *Layman. n. 8. cit.* quod, cum rei hæc controversia sit inter Doctores, conformare se poterit reus probabili sententiæ Iudicis, ita præcipitis: concludit tamen: *ad id non obligari, cum sit præceptum inhumanum, & facile aliud supplicium decerni possit.*

62 At contra, concludo ego ex præmissis, reum hujusmodi, nedum ad id non obligari, verum etiam nec obligari posse; imo neque id exequi absque peccato, ob rationes ante allegatas, & alias, quæ videri possunt apud *P. Carasam l. c.* Nisi id fecerit per inculpata, & invincibilem ignorantiam, à qua excusaretur (ut in proposito Privilegio) uti per eandem excusari utique potest ex aperta etiam sententia, & doctrina ejusdem *P. Carasæ, sec. 3. cit. questio 4. n. p.* pro qua refert *Sotum l. infra cit. Lessium lib. 2. cap. 9. dub. 6. num. 23. Becanum in 2. 2. de Just. & Jur. qu. 11. de Homicidio, conclus. p. Malderum in 2. 2. tract. 3. c. p. dub. 17. Fillius. to. 2. tract. 29. cap. 4. n. 67. Molin. de Just. & Jur. to. 4. tract. 3. disp. 9. n. 5. & Dianam par. 5. tract. 4. ref. 30.* Quod probo primo, ex *Viggers dub. 14. cit. num. 92.* Quia non est id tam evidenter malum, quin inculpate à multis potuerit hoc ignorari, & putari licitum, cum non tantum plures ethnici Philosophi, præsertim Stoici, & Pagani, sed etiam quidam (ut apparet) Christiani, & viri Docti, ita senserint, inter quos supra relati. Secundo probo, ex *Soto de Just. lib. 5. qu. p. art. 5 in fine:* ubi loquens de *S. Apollonia* (de qua fertur, quod Carnificum operas præveniens, exilivit in flammæ) ait sic: *Vel dicendum cum Augustino, quod id divino instinctu egerit, vel quod cum esset fœmina, acuminisque adeo juris infœcia, per invincibilem ignorantiam sit excusanda:* Ergo si sic

si sic est, & per eandemmet ignorantiam excusandi sunt rei in casu nostro; imò & multo magis, utpotè, nedum juris. ignari omnino, saltem ut plurimum (maximè rei viles, plebei, rustici, ac totaliter inscii) verum etiam quia metu imminentis violentiae mortis, sunt veluti extra se positi, & nesciunt quid faciunt. Tertiò probò, ex *Trulench in Decal. tom. 2. lib. 5. cap. 3. dub. p. n. 4. in princip.* ubi loquens de Viris Sanctis, Sanctisque Virginibus, qui, & quæ, morti se obecere, & ultro se in aquam, & ignem iniecere: dicit primò cum *D. Tho.* id fecisse Spiritus Sancti instinctu: Vel (secundò ad casum nostrum) fecisse ex ignorantia invincibili (redditque rationem) Nam se occidere (inquit) ob Patriæ salutem, vel punitiōis evasione, non est ita evidens esse malum, quin inculpate possit ignorari, & existimari licitum. Ergo. Quartò probò, ex *Micheale Salon. in 2. 2. D. Tho. quæst. 64. art. 5. vers. Quartum argumentum.* Ubi ad rem nostram, quærens, An possit dari ignorantia invincibilis huius doctrinæ: Non licet seipsum ullo modo occidere, nec pro bono facere: (contra nonnullos) tenet affirmative, & hanc affirmativam (ait) esse modo communem inter Thomistas. Quia licet ista doctrina, de seipso ullo modo non occidendo, videatur inferri ex principiis naturæ, non tamen ita clarè, & apertè, quin ignorari a multis possit, maximè à rusticis, idiotis, &c. Addo ego, maximè iterum à reis (in casu nostro) à Iudice ad id condemnatis, & coactis, ut supra, & prout in huius Privilegii propositione. Circa, quam, ultimo loco adverto cum *Vaiggers l.c. num. 96. in fine:* quod licet dictum fuerit supra (cum eodem) non debere censeri à Deo concessum Magistratui, ut sic iustitiam administret, committendo rēo videlicet, ut seipsum interimat, & huncesse per omnes passim homines, indebitum, & a ratione alienum supplicii modum: Non tamen videtur intrinsecè ita malus, quin Deus potuerit sic ordinare, & illam quocumque iustitiæ sic administrandæ attribueret. Magistratui potestatem, si ita probatum illi fuisset. Quia cum Deus sit Dominus vitæ, & mortis, & supremus omnium Iudex, potuisset utique attribueret Magistratui dictam potestatem (si illi placuisset) administrandi iustitiam, videlicet sub tali supplicii modo; nullique faceret injuriam, quia disponderet de re sua. Uti obeandem dominii rationem, posset præcipere, ut innocens (quod est multo maius) privetur vitæ, nec illi, vel ulli ob id injuriam fa-

ceret, disponderet quippe de re sua, & consequenter qui ex divino præcepto innocentem occideret, bene ageret, quia præcepto superiori licito, & honesto, obedire, bonum est: & ideo commendatur *Abraham Gen. 22.* qui ut divino præcepto obediret, non pepercit vitæ filii sui, quamvis innocentis.

PRIVILEGIUM QVARTVM.

Ponens externum positivum actum à Civili humana lege sub aliqua pena vetitum, liberatur ab ipsa, si ignorentur omnino testes super eodem actu in iudicio deponere potentes.

63 **D**E Actu purè exteriori loquitur privilegium, quia lex merè humana, & civilis (de qua hic) non potest præcipere actum purè internum directè, & secundum se, ut communiter receptum est; funiturque ex *l. cogitationis penam nemo meretur, ff. de penis.* Et docet etiam *Suar. de Legib. lib. 3. cap. 13. n. 2.* Quia lex merè humana, & Civilis, seu Jus Civile, per se non versatur circa actum purè internum, sistentem videlicet in sola mente; illum namque naturaliter, ac per se punire non potest, consequenter nec eundem præcipere, aut prohibere: etenim potestas legislativa est etiam coactiva: & si coactiva esse non potest respectu interioris actus, neque legem ferre potest circa illum. Imò ad internos actus cogere, & de illis iudicare, omnem potestatem humanam excedit: hinc commune est assertum, nec Ecclesiam iudicare de occultis, & internis. (quod tamen additum intelligendum est cum limitatione illa, quam tradidi in: *Filiatione mea Spiritualis latina cap. 4. dub. 23. à n. 255.*) Nam privilegium procedit non de lege Ecclesiastica manante à superiori potestate, & tendente; seu ordinata ad altiore finem, habentemque altiore finem; sed procedit solum de lege humana, quatenus hæc ferri potest per potestatem à sola ratione naturali, quæ lex cum Civili coincidit. Dicit ergo propositum privilegium, quod quando huiusmodi lex purè humana Civilis prohibet aliquem externum actum sub aliqua legali pœna, ab hac liberatur, qui ponit illum actum, ex quo legem transgreditur, si ignorentur omnino testes, qui de illo possent deponere in iudicio, & testificari. Et ratio evidens est, quia stante, & durante hac ignorantia, delictum probari nequit, consequenter nec puniri per omnes in foro

in foro externo, ergo verum privilegium. Quod præterea.

64 Confirmatur ex doctrina, & distinctione, quam tradit *Caiet. 2. 2. q. 11. art. 3. De occulto per se, quod ex sua ratione sibi vendicat non subesse cognitioni sensitivæ* (sunt verba *Cajetani*) à qua incipit humana cognitio, secundum quam judicat. Et de occulto per accidens, quod licet sensui subiacet, testem tamen, vel testes non habet. Nam externus actus (de quo in privilegio) licet ex se, & ex sua natura non sit occultus aliis (sicut interior) cum subit cognitioni sensitivæ, potest tamen esse occultus per accidens ex defectu probationis, quia videlicet & si in se spectatus capax sit, ut sensu ab aliis percipi possit, contingit tamen ignorari per accidens ob ignorantiam testium, vel quia, isti actui, & delicto non interfuerit, vel quia absentes sunt, & ignorantur, quæstante ignorantia, cum causa ipsius nequeat delictum probari, qui deliquit consequenter defectu probationis liberatur à pœna, quæ (in omnium sententia) infligi ei nequit nisi secundum allegata, & probata. Et hoc idem affirmat privilegium nostrum: quod etiam insinuat *Suar. l. c. nu. 6.* dum ibi sic: *Actus, qui exterior procedunt, sensibus percipi possunt, & ideo non sunt per se occulti: contingit autem ignorari propter absentiam testium, & sic non posse probari.* Et paulo infra num. 8. addit: *Actum talem per se esse punibilem per legem humanam, licet per accidens ex defectu probationis puniri per homines non possit.* Ergo si defectu probationis, causa ignorantis, ut supra, & ob carentiam notitiæ alicujus humanæ, quæ sit fundamentum inquisitionis, & judicii: puniri non potest delictum sic occultum, & ignoratum, deliquens liberatur à pœna (durante tali carentia, & ignorantia) in foro externo. Addo in foro externo, quia quoad forum Dei non liberatur: talis delinquens à pœna ob patratum delictum, usque dum pro eodem divinæ iustitiæ satisfecerit. Neque subtrahitur ab obligatione, fortasse delinquendo contracta quoad alios, restituendi alienum occulto furto ablatum v. g. &c.

65 Hinc obiter quæres, An lex humana, seu Civilis possit indirectè, seu per quandam consequentiam præcipere actum interiorem voluntatis, & intellectus, quatenus esse possint connexi per se cum actu exteriori præcepto, vel prohibito, &c. Respondeo cum *Suar. l. c.* (& omnium communi apud ipsum) affirmativè. Patet responsio, tum ex doctrina quam tradidi in mea *Filiatione Spirituali primo edita cap. 4.*

dub. 23. num. 221. & in secundo edita, eodem cap. & dub. à n. 255. supra cit. Tum quia exterior actus, utique per legem præcipitur, ut humanus, & liber, & talis certissimè nequit esse (ut per se clarum est) sine interiori actu, ergo necesse est ut actum interiorem etiam præcipiat saltem indirectè, & consequenter: non enim lex posset homini præcipere ut aliquid faciat, si nequiret illi præcipere ut velit illud idem facere, cum voluntate facturus sit. Et pari ratione nequiret lex humana prohibere aliquid facere, si non posset efficaciter prohibere velle idem facere. Eo namque ipso quod lex prohibet aliquid facere, prohibet etiam indirectè, & consequenter voluntatem, seu propositum illud faciendi: & versa vice eo ipso quod præcipit aliquid facere, præcipit etiam consequenter absolutum propositum, seu voluntatem illud idem faciendi: ergo cum exteriori actu lex humana per quandam consequentiam, & indirectè, præcipit & interiorem: actus enim exterior à lege humana vetitus, aut imperatus, utique humanus est, & liber, talis autem esse nequit sine interiori actu, ergo.

PRIVILEGIUM QUINTUM.

Qui legem Civilem in conscientia obligantem ita ignorat, ut nec illam sciat, nec unquam sciverit, aut circa eam dubitaverit, excusatur à culpa si contra eandem egerit.

66 **S**upponit privilegium id, quod in *Præfatione hujus cap. 2. n. 42.* docuimus, Legem Civilem videlicet, & humanam suas requisitas proprietates, conditionesq; (de quibus ibi) habentem, obligare posse suos subditos in conscientia ad sui observantiam sub reatu mortali, ita ut agentes contra ipsam peccent etiam lethali-ter. A quo reatu excusatur utique ignorantia invincibilis ipsiusmet legis, ut in privilegio, quod admittunt omnes, præcipue *Salas de legib. disp. p. 10. n. 70.* ubi sic: *Leges positivæ, ut actus obligent, cognosci debent sub ratione legum, vel cum bono operatur, vel antea, certò, vel dubiò. Qui enim nec scit, nec unquam scivit, aut dubitavit, an sit lex de baptismo v. g. non peccat si non baptizetur: quia nunquam fuit ei lex ullo modo explicata, & ita illum nunquam obligavit in actu secundo, sed tantum in actu primo: lex enim illa habebat vim obligandi illum, & si fuisset illi explicata, obligasset illum in actu secundo: omnis autem lex positivæ, ut habeat vim obligandi, seu ut obliget in actu primo, debet esse promul-*

promulgata, innotescere, &c. quod commune est legibus Canonis, & Civilibus. Hæc Salas, quæ in substantia firmant, ut patet, propositum privilegium. Quod præterea.

67 Confirmatur ex ipsamet ratione intrinseca legis humanæ. Ad hujus enim essentiam promulgatio utique necessaria est. Hinc merito idem Salas *de legib. disp. 12. sec. p. n. p.* loquens de hac lege humana, ait: *In confesso apud omnes est (ipsam) vim, rationem, substantiam, seu essentiam legis non habere, donec promulgata sit, vel saltem solemniter edita:* pro qua propositione, aut conclusione innumeros avertit Doctores, tum Theologos, tum Jurisperitos. Et adeo necessaria est dicta promulgatio, ut lex humana, & Civilis vim legis habeat, & obligandi: ut idem Salas *l. c. n. 5.* existimet jure naturæ esse irritam omnem legem, merè humanam (uti supponitur lex Civilis, de qua hic) & quæ sit sola potestate humana, nisi talis lex sit publicè, & solemniter promulgata, & quamvis lex humana, & Civilis tantam vim recipiat à promulgatione, ut hac posita liget omnes subditos, eosdemque obliget in conscientia ad sui observantiam, & pœnam subeundam, saltem in actu primo, ut supra (non enim opus est, ut lex obliget esse, denuntiata, & notam singulis subditis,

ut apertè definitur *cap. p. de poss. prælati*, advertit Salas *disp. cit. 12. sec. 2. n. 12. in princip.* & notant communiter: alioquin nullus ferè lege obligaretur, etiam si sciret eam esse latam, & in sua Provincia publicè promulgatam, quia semper dantur aliqui ignorantes, etiam invincibiliter) quamvis inquam ita obliget lex à sui promulgatione, nihilominus de facto (hoc est in actu secundo) non ligat ignorantes, ut optimè (aliis tot omisissis) Suarez sic affirmans: *Quando notitia promulgationis legis potuit pervenire, & casu non pervenit, lex de se obligat, licet non liget ignorantes:* ita *De legibus lib. 3. De lege humana, & Civilis, cap. 17. n. 13.* concludens *cap. 18. n. 10. in fine:* *Ergo posita hac invincibili ignorantia, omnes supponunt, ignorantem non agere contra legem, licet illam non observet, ita ut sit dicendus eius transgressor, vel ut talis puniendus.* Quæ conclusio ad litteram est privilegium nostrum, ut patet. An vero leges promulgatæ, quæ irritant contractus, vel faciunt personas inhabiles ad illos, vel alia, effectum habeant erga invincibiliter eas ignorantes, vide Salas *de Legibus disp. 12. sec. 4.* & alios, præsertim à me relatos *cap. 4. sequenti privilegio p.* ubi cum eisdem negativam resolutionem habes.

CAPUT TERTIUM DE PRIVILEGIIS IGNORANTIÆ CIRCA LEGEM DIVINAM, ET MYSTERIA FIDEI.



Dicitur Thomas in p. 2. qu. 91. art. 4. expressè docet (in Respons.) Ad directionem humanæ vitæ, fuisse necessariam habere legem divinam, præter legem naturalem, & legem civilem. Et hoc propter quatuor rationes sequentes: Primò quidem, quia homo ordinatur ad finem beatitudinis æternæ, quæ excedit proportionem naturalis facultatis humanæ, idè necessarium fuit, ut supra legem naturalem, & humanam dirigeretur etiam ad suum finem lege divinitus data. Secundò, quia propter incertitudinem humani judicii, præcipuè de rebus contingentibus, & particularibus, contingit, de actibus humanis diversorum, esse diversa judicia, ex quibus etiam diversæ, & contrariæ leges procedunt. Ut ergo homo absque omni dubitatione scire possit, quid sit agendum, & quid vitandum, necessarium fuit, ut in actibus propriis dirigeretur per legem divinitus datam, de qua constat, quod non potest errare. Tertiò, quia de his potest homo legem facere, de quibus potest judicare, judicium autem hominis esse non potest de interioribus, qui latent,

tent, sed solum de exterioribus actibus, qui apparent : & tamen ad perfectionem virtutis requiritur, quod in utrisque actibus, homo rectus existat : & ideo lex humana non potuit cohibere, & ordinare sufficienter interiores actus : sed necessarium fuit, quod ad hoc superveniret lex divina. Quartò, quia sicut *August.* dicit *p. de lib. arb. cap. 6. circa finem* : Lex humana non potest omnia, quæ malè fiunt, punire, vel prohibere : quia dum auferre vellet omnia mala ; sequeretur, quod etiam multa bona tollerentur, & impediretur utilitas boni communis, quod est necessarium ad conversationem humanam. Ut ergo nullum malum improhibitum, & impunitum remaneat, necessarium fuit supervenire legem divinam, per quam omnia peccata prohiberentur. Existat quatuor causæ tanguntur in *Psal. 18.* ubi dicitur : *Lex Domini immaculata* : idest nullam peccati turpitudinem permittens. *Convertens animas* : quia non solum exteriores actus, sed etiam interiores dirigit. *Testimonium Domini fidele* ; propter certitudinem veritatis, & rectitudinis : *Sapientiam præstans parvulis* : in quantum ordinat hominem ad supernaturalem finem, & divinum : Ita *S. Doctor art. 4. cit.* Qui præterea *art. 5. sequ.* dicit, quod lex divina duplex est, scilicet lex vetus, & lex nova Evangelii, per Christum data : à quo utique (veluti à vero fonte) emanant etiam fidei nostræ divinæ Mysteria.

69 Quoniam ergo Lex quælibet obligat subditos, ita ut nulla sit quæ non obliget, *Arist. 10. Ethicor. cap. ult.* *Plato cap. 16. de Regno* : Dicitur enim Lex à ligando (inquit *D. Tho. p. 2. qu. 90. art. p. in Respons.*) quia obligat ad agendum : Et desumitur ex *1. p. & 2. & 1. Legis virtus. ff. De legibus, & ex D. August. De Statu Virginitatis cap. 14.* Et ex illo *ad Roman. 2.* Qui in lege peccaverunt, secundum legem iudicabuntur. Et multo magis Lex divina (per quam peccata omnia prohibentur) ligat, & obligat ad sui observantiam sub reatu veniali, vel mortali, juxta qualitatem transgressionis. Uti pariter sub eodem reatu tenemur credere, & notitiam explicitam habere Mysteriorum fidei (aliquorum, saltem) nisi per ignorantiam, quæ vinci nequit in iis, in quibus dari potest (in utroque) excusaremur ; idcirco pro hac re sit & hujus tertii propositi Capituli :

PRIVILEGIUM PRIMUM.

Ponens actum ex ignorantia invincibili contra legem divinam Evangelicam, moralem, seu Gratiae, excusatur à culpa, & à reatu morali.

70 **N**Eget si potest quis hoc privilegium, eique contradicat. Nonne potest quis invincibiliter, atque aded inculpate, fidei divinæ Evangelicæ ignorare mandata quædam dumtaxat, si non omnia, & adversus ipsa consequenter materialiter tantum operari ? utique : imò de factis (nec infrequenter) operantur juniores, simplices, rustici, ignari, rudiores, &c. ut constet experientia, & quotidie Confessarius ipsis, ergo. Addo (cum *Valent. in p. 2. disp. 6. qu. 6. punc. p. Corol. 3.* apud quem etiam *Vega lib. 12. in sess. 6. Trident. Concilii cap. 12.* aliique *D. D. Azorio Instit. Moralium lib. p. cap. 13. qu. 2. Sayro in Clavi Regia lib. 2. cap. 9. n. 13. & 14. Vasquez p. 2. qu. 76. art. 2. disp. 120. cap. 3. Sanchez 10. p. Operis Moralis lib. p. c. 16. nu. 32.* & aliis quampluribus ab istis relatis) quod infideles ipsi, qui nihil omnino de lege hujusmodi divina evangelica audiverunt, nec de fide Christiana aliquid penitus intellexerunt, invincibiliter (idest inculpate) illam ignorare dicuntur : & ita

inculpate, ut si idem, in eadem infidelitate cum ea ignorantia decedant, non condemnabuntur (*sic Sanchez n. cit.*) ratione infidelitatis, utpotè quæ culpa vacat (sed ratione aliorum peccatorum) Nec ergo (addo ego) condemnabuntur, quia posuerint actus materiales contra eandem legem divinam, cum nequeant hi esse culpabiles in illis, nec culpæ attribui ; cum de tali lege nil penitus audiverint, notitiam habuerint, vel sciverint, aut dubitatio ulla in ipsis occurrerit : at si sic est, uti equidem est, ergo absolute verum, & absque dubietate, ac hæsitacione admittendum propositum privilegium.

71 In quo tantum loquimur de lege divina Evangelica nova, seu Gratiae (quæ etiam à *D. Tho. p. 2. qu. 91. art. 5.* & à Patribus, dicitur *lex amoris*) quia hæc sola obligat in conscientia : nam lex Mosaica (quæ ab eodem *S. Doctore art. cit.* & item à Sanctis Patribus, *timoris lex* nuncupatur) quoad sui obligationem, arogata est (ut docet idem *S. Thom. in p. 2. qu. 103. art. 3. ad 2.* & alii passim) in morte Christi : Tunc enim amisit vim obligandi, quia tunc velum templi scissum est in duas partes, à summo usque deorsum, *Matth. 27.* Et tunc Christus dixit in Cruce ; *Consummatum est.* Unde sequitur, ante mortem Christi viguisse

simul legem Mosaicam, & Evangelicam; post mortem verò, solam Evangelicam, quæ lex, nova, seu Gratiæ, est verè, ac propriè lex, à Christo lata. Et definita in Concil. Trident. sess. 6. Can. 19. & 21. De qua Theologi, maxime interpretes D. Tho. cum ipso S. Doctore in p. 2. Videantur Sotus de Iustis. lib. 2. qu. p. & sequentib. Valent. 10. 2. disp. 7. qu. 6. Azorius tom. p. lib. 6. cap. 59. Suarez de Legib. lib. 10. Salas de Legib. disp. 24. & alii.

PRIVILEGIUM SECUNDUM.

Ignorantia invincibilis Myſteriorum fidei in Infidelibus excuſat à culpa; & ea ignorare, in ipſo culpa non eſt.

72 **A**dmittit expreſſe huiusmodi Privilegium D. Tho. 2. 2. qu. 10. art. p. in reſponſ. ubi concedit circa fidei Myſteria poſſe eſſe infidelitatem (quam negativam vocat) abſque peccato, ſub his verbis: *Infidelitas, ſi accipitur ſecundum negationem puram, ſicut in illis, qui nihil audierunt de fide, non habet rationem peccati: ſed magis poenæ; quia talis ignorantia divinatorum, ex peccato primi parentis conſecuta eſt. Qui autem ſic ſunt infideles, damnantur quidem propter alia peccata, quæ ſine fide remitti non poſſunt; non autem damnantur propter infidelitatis peccatum. Unde Dominus dicit Iſaon. 15. Si non veniſſem, & locutus eiſ non fuiſſem, peccatum non haberent. Quod exponit Auguſt. dicit, quod loquitur de illo peccato, quo non crediderunt in Chriſtum. Ita S. Doctör: quem ſequens Vaſquez p. 2. qu. 76. art. 2. diſp. 120. c. 3. ait: Quod nunc demum in Scholiſ communis omnium calculo comprobata eſt, ut multo probabilior, ſententia, quæ affirmat, accidere poſſe ignorantiam invincibilem Myſteriorum fidei, etiam eorum, quæ ad ſalutem ſunt neceſſaria, ita ut ea ignorare culpa non ſit: in illis nimirum, quibus Myſteria non fuerunt propoſita, nec per eos ſteterit, quominus proponerentur. Quam ſententiam apud eundem Vaſq. tenent pariter, D. Bonav. in 3. diſt. 25. art. p. qu. 3. Durand. in 3. diſt. 25. qu. p. n. 9. Riccard. art. 4. q. p. Scotus qu. p. 8. Sed poſita. Gabriel qu. p. art. 2. poſt concluſ. 5. Angelus verb. fidei n. 7. & Sylveſter qu. 3. Armilla verbo Credere n. 2. Navarrus in Summa cap. 11. n. 18. quibus addo Valentiam l. c. Azor. lib. p. cap. 13. qu. 2. Sayrum (multos alios allegantes) in Clavi Regis lib. 2. cap. 9. n. 13. & 14. Sanchez tom. p. Oper. Moral. lib. p. cap. 16. n. 32. Coniuncte Moralitate Actuum Supernatural. diſp. 14. dub. 11. num. 221. (Ubi, quod hæc ſit communior, & verior ſententia.) Et (aliis pluribus*

omittitum veteribus; tum recentioribus.) P. Macedo (ex Recentioribus) Tomo de Claviſibus Petri lib. 3. De fide dogmatica, cap. 3. verſu, Sed quoniam latè: ubi ſic: Dico, probabile eſſe, dari poſſe ignorantiam invincibilem omnium Myſteriorum Supernaturalis fidei, & hanc eſſe communem ſententiam Alaborum, quos reſert, & ſequitur Suarez de fide d. 17. ſec. p. & 2. & Logo de Fide d. 19. ſec. p. Eandemque ſententiam modernè ſequitur. Theodorus Gennarus in explicatione Symboli Apoſtoli, in principio operis, titulo Præluſia in Symbol. Apoſt. Ubi querens, An ſit una fides omnium credibilium, pag. mihi 9. column. 2. inquit inſuper: An poſſit dari in aliquibus ignorantia invincibilis Myſteriorum noſtræ fidei? & pro reſolutione ponit Concluſionem affirmativam huiusmodi: Poſſet, dari, & de ſacto datur huiusmodi ignorantia in multis infidelibus, quæ concluſio, ac ſententia, ſeu propoſitum privilegium.

73 Probatur ex Vaſquez, & Conineb. l. l. c. c. Plurimi Gentiles, ſuperioribus ſæculis nati in Japonia, & America, nunquam audierunt quæquam de Myſteris noſtræ fidei, nec unquam venit illis in mentem, ejuſmodi fidem eſſe, vel eſſe poſſe, nec de illa quicquam ſuſpicari ſunt, nec illam ignorantiam potuerunt expellere, ergo accidere poſſet ignorantia invincibilis circa fidei noſtræ Myſteria, itaut culpe non imputetur. Ex quo patet eos non teneri hoc præcepto quod ignoraret inviſibiliter, atque adeo non peccare, nullum enim eſt peccatum, niſi voluntarium, non poſſet autem eſſe voluntarium, quod eſt incognitum. Et ita etiam arguit Marq. apud Gennarum l. c. quo argumento, utuntur pariter alii Doctores paſſim. Quod confirmatur, tum ex illo D. Pauli textu ad Rom. 10. *Quomodo credent ei, quem non audierunt?* tum ex exemplo adducto ab Alenſi, de parvulo infideli à pueritia ante uſum rationis incluſo in carcere, in quo nihil unquam audivit de vera Religione; tum ex alio exemplo adducto à Scoto, de nutritro in Sylvis, qui ſimiliter nunquam audivit aliquid de vera Religione Chriſti, & proinde nec potuit ſuſpicari dari aliquam Religionem veram, quam teneatur ſequi, & ita non potuit rogare Deum, ut eum illuminaret ad cognoscendam hanc Religionem, nec potuit aliquos conſulere de veritate huius Religionis; ubi enim nulla eſt præcognitio, vel dubitatio, nulla poſſeſt advenire cogitatio de petendo conſilio: ſicque argumentantur Faber in 4. de penis. diſt. 14. qu. p. num. 39. & ſeq. relatus à cit. Gennaro

Gennaro pag. 10. & alii : tum etiam quia, simplices, & idiotæ, inter infideles, vel hereticos viventes, si, quandoque eos de sua Religione dubitare contingat, satisfacere conscientie videntur, si eos, qui perici communiter censentur, consulant; quod si isti illos in suo errore confirmant, videntur excusandi, quia satisfecerunt conscientie suæ, feciendo quod potuerunt : ergo in infidelibus potest dari ignorantia, invincibilis mysteriorum fidei nostræ, excusans à peccato; & consequenter eadem mysteria ignorare, in ipsis culpa non est, ut in proposito privilegio. *Uno si in infidelitate cum ea ignorantia decedant, non condemnantur ratione infidelitatis* (ait Sanchez. n. 32. cit.) utpotè quæ culpa vocat, sed ratione aliorum mortalium. Confirmatur ex Bordonio in *Manuali Confultorum in Causis S. Officii, Opere postumo* sec. 6. de Hæresi, & heretici, versu *Quæri* 4. pag. mibi 34. col. p. n. 16. Ubi inquirens, *Quis dicatur Hereticus materialis, seu non Hereticus?* (Respondet ad rem nostram) dici illum, qui licet ab infanzia Baptizatus, à nullo tamen fuit unquam in fidei rudimentis instructus, quia nutritus fuit in Terris Paganorum, vel Hæreticorum, cum quibus non sunt mixti Catholici, nec apud illos Catholica fides colitur, nec Evangelium prædicatur, nec docentur rudimenta fidei, Is autem (inquit Bordonius l. c.) excusatur à crimine Hæresi si non credit, quia in eo Fides infusa non operatur quo ad hoc, nisi per instructionem, ad cuius probationem facit illud *D. Pauli ad Romanos* cap. 10. n. 14. *Quomodo credent ei, quem non audierunt? Quomodo autem audient, sine Prædicante?* Excusatur etiam (Concludit Bordonius n. c. in fine) titulo Ignorantie invincibilis, habet enim carentiam Scientie eorum, quæ ad fidem pertinent, dum à nullo instructus fuit. (Cui conclusioni adhærent, & hi, inter quos Caramuel, qui docent, quod si quis Baptizetur puer antequam loqui sciatur, & capitur à Barbaris, in Sylvamque inducatur, & Atheismum positive ab eisdem doceatur: posse hunc ad usum rationis perventum invincibiliter ignorare, & nescire Deum, saltem ad tempus, sicque affirmant Theologi quamplures.) Addit hic idem Bordonius l. c. n. 17. Quod sub hoc eodem genere Hæretici materialis comprehendendi potest etiam qui ignorat quædam ad fidem pertinentia non solum indirectè, sed etiam directè: ut si quis invincibiliter credat Patrem esse majorem Filio, quia in humanis res ita se habet: ut si quis rudis credat Trinitatem esse seminum, quia profertur

sono femineo, quæ duo exempla refert *Carena de Inquisitione* par. 2. Titulo p. §. 11. n. 64. cum aliis. Item Confirmatur ex *Castro Palao* par. p. tract. 4. disp. 7. punct. 2. n. p. Ubi proponens ad casum nostrum *Vtrum Infidelis possit habere Ignorantiam invincibilem omnium illorum, quæ fides proponit credenda?* Respondet. *Possit haberi ignorantia invincibilem Mysteriorum supernaturalium, Incarnationis, Trinitatis, & similibus: quia hæc cognosci non possunt, nisi proponantur: at sæpe propoficio deficit. Ergo. Neque valet dicere, nemini negari à Deo media ad salutem necessaria; quia hoc verum est, si divine gratie impedimentum non præstas: at præstare potes impedimentum hoc multiplicando peccata. Quod si urgeas. Ergo iam Ignorantia culpæ tue tribuenda est, si quidem Deus illam à te expelleret nisi culpam committeres. Dico tribuendam esse tunc culpæ; non tamen obinde sequitur, ignorantiam in se culpabilem esse, quia ad hoc, ut ignorantia in se culpabilis esset, debebas aliquo modo cognoscere tui peccatis impedimento esse illam expellendi: & insuper debebas scire obligationem illam expellendi: Quæ omnia facillimo negotio ignorari à multis possunt.*

74. Ulterius etiam confirmatur: nam, quod hujusmodi invincibilis ignorantia non sit peccatum, aded certum est, ut oppositum affirmare sit damnatum in *Michaele Baio*, cujus erat hæc propofitio *Infidelitas purè negativa in his, in quibus Christus non est prædicatus, peccatum est*. Unde constat contradictoriam esse veram; videlicet, *Infidelitas purè negativa de Christo, peccatum non est*. Et hæc est sententia *D. Augusti* (ut patet ex dictis supra, ad Lectorem, initio hujus Tractatus n. 3.) *Tract. 89. in Iamnem*, super illa verba, *Si non venissem, & locutus eis non fuisset, peccatum non haberent; nunc autem excusationem non habent de peccato suo*. *Augustinus* enim de infidelitatis peccato explicat eadem verba, & inquit: *Eos, quibus nec per se, nec per Apostolos, aut Ecclesiam, Christus locutus est, absque culpa ignorare: ergo per eundem Augustinum* habent infideles excusationem de hoc peccato, quo in Christum, & in ejusdem divina Mytheria non crediderunt, cum ad eos non venerit, vel eisdem locutus fuerit. At non in hoc sunt namero, hi, ad quos in discipulis suis venit, & quibus per discipulos, Pastores, Concionatores, &c. locutus est: & per eosdem, propofita illis fuere necessaria ad infidelitatem ipsam expellendam. Circa quod tamen, adverte etiam cum *Vasquez* disp. cit. 120. cap. 5. in *Villoria* in

ria in Relat. de Indis, conclus. 2. & Sanchez n. 32. cit. infideles non peccare infidelitatis peccato, statim atque illis Mysteria nostrae fidei proponuntur. Quia non cuiumque proponenti, fidem habere tenentur. Sed solum id peccatum admittere, cum ea sufficienter proposita non credunt. Quod tunc contingit, quando confirmantur confutatione suorum errorum, vitae sanctitate, & bonis rationibus, quae ipsi sufficientes esse debent ad credendum; ut disertis verbis advertit etiam Cajet. 2. 2. qu. p. art. 4.

75 Tandem confirmatur ultimo: quia, nullus utique negat (ait & Vasquez c. 3. cit. in fine) Mysteriorum fidei nostrae, & praeceptorum, fuisse apud multas nationes ignorantiam invincibilem multo tempore, quo nondum erat sufficienter fides nostra manifestata, & per Apostolos praedicata. Quis autem neget, nunc, vel paucis ante annis, fuisse innumeram Indorum multitudinem, qui nihil de Mysteriis audierint, & an esset alia nova Religio non dubitarent? quod si aliquando eorum parentibus lex Evangelica fuit sufficienter promulgata, jam diu oblivione ita deleta erat, ut nec minima eius notitia permanisset. Ergo in his, & in infidelibus dari potest, & de facto datur ignorantia inculpabilis Mysteriorum nostrae fidei. Quae consequentia videtur certa ex dictis, ab initio usque modo: quia (ut communiter etiam omnes fatentur, & omnino certum est) ut aliquid cuiusdam imputetur ad culpam, id ei debet aliquo modo esse voluntarium, non solum secundum suam rationem physicam, verum etiam quatenus habet rationem moralitatis; cum nemo possit peccare saltem culpabiliter nisi aliquo modo voluntarie, ut saepius S. Augustinus, & ex eo communiter docent Theologi: nihil autem esse potest voluntarium nisi sit aliquo modo cognitum D. Tho. p. 2. qu. 6. art. 8. (& cum eo Theologi) quod non est in casu nostro, ut patet. Hinc, cum nunquam praedicti, vel infideles, quidquam audierint (ut hic supponitur) de Mysteriis nostrae fidei, nec unquam illis in mentem venerit ejusmodi Mytheria esse, vel esse posse; talis ignorantia manet in illis consequenter involuntaria, sive invincibilis, & inculpabilis: quare & si absolute cum gratia Dei quantum poterant, bene vivendo, potuissent idem ad cognitionem veritatis divino auxilio pervenire; tamen nullo modo potuerunt unquam suspicari hoc ad illud esse medium necessarium; atque ita haec ignorantia in ipsi culpa non est. Apposite autem dixi,

cum nunquam praedicti infideles quidquam audierint de Mysteriis nostrae fidei: quoniam, (ut optime etiam Coninc De Moralitate disp. 14. Dub. 11. n. 230.) si inter infideles enutriti, qui ob id ignorant necessaria ad salutem, aliquid audiunt de Mysteriis nostrae fidei, ut merito suspicari possint ea forte esse vera: aut eis occurrit aliqua ratio ob quam merito dubitent an sua Religio sit vera, statim tenentur serio adhibere diligentiam, ut cognoscant veritatem, adhibendo ea media, quae ad hoc credunt necessaria. Sicut etiam ad id tenentur statim ac eisdem sit, vel occurrit propositio nostrae fidei. Verum quidem est, quod non eadem fidei propositio sufficiens est quoad omnes, ut advertit etiam Sanchez in Decal. to. p. lib. 2. cap. p. n. 7. Quia eadem rationes alicui intellectui reddunt rem aliquam probabilem, quae respectu alterius non fuissent: ita respectu rei credibilis contingit. Quod & docuit Cajet. 2. 2. qu. p. art. 4. ver. Dicendum est igitur: hanc reddens rationem. Quia quando audiens reputat dicentem esse fide dignum, est illi evidens esse credibile: & propterea ait, stare posse, ut unum, & idem dictum, videatur ab uno, ut credibile, ab alio autem non. Ex eo enim, quod haec evidentia non convenit credibili ex parte rei semper, sed quandoque ex parte nostri, ideo ait variari in diversis, & exigi aliquam conditionem obiecti in ordine ad nos.

76 Sed contra obicies primo: Facienti quod in se est, Deus non denegat gratiam suam, nec necessaria ad salutem, ex sententia Theologorum omnium: at fides, maxime necessaria est ad salutem, quia sine fide impossibile est placere Deo, teste D. Paulo: & haec denegatur multis infidelibus, ut patet ex dictis: ergo denegatur illis; quia non faciunt, quod in se est; & consequenter eorum ignorantia de rebus, & Mysteriis fidei non est invincibilis, nec caret culpa. Respondeo negando absolute hanc ultimam sequelam: ignorantia namque eorum infidelium invincibilis utique est, involuntaria, ac insuperabilis omnino, ut probatum est; cum fides sit ex auditu, & quomodo audient sine praedicante? Ad secundam vero partem minoris, dico, cum Vasquez disp. cit. cap. 4. in princip. & aliis, verum esse, facienti quod in se est, Deum non negare cognitionem Mysteriorum fidei quae necessaria sunt ad salutem: quare, si horum notitiam alicui negat, propter aliqua peccata, & impedimenta, quae ipse opponit, deno-

gat; ac

gat: ac proinde infidelitas illa, vel ignorantia est quidem poena peccati, sed non est peccatum, nec culpæ imputari potest. Unde non denegatur fides infidelibus ex eo quod respectu illius habeant ignorantiam invincibilem, sed in poenam aliorum peccatorum; quia nimirum non observant legem naturæ, quam naturaliter insitam habent in cordibus, quam si observarent, Deus illos illuminaret ad cognoscendam veram fidem, eo quia cuiusque facienti quod in se est, ut bene vivat, & omnia peccata evitet, dat auxilia sufficientia ad salutem: si que stat, quod eorum ignorantia sit invincibilis, nec sit peccatum. Duo igitur genera peccatorum in infideli considerantur; peccatum speciale videlicet infidelitatis; & alia peccata contra legem naturæ; quilibet infidelis cum gratia, & auxilio prævenienti, quæ Deus nulli denegat, potest servare legem naturæ, quam si servaret, Deus illum illuminaret, vel exterius per aliquem Magistrum, vel interius (ut illuminavit *Centurionem*) vel dando illi infusam fidem implicitè absque fide explicita; vel salvando ipsum sine fide (negativè) & sacramentis, ex quo non est alligatus illis. Cæterum, quia talis infidelis non cooperatur gratiæ prævenienti, divinisque auxiliis sufficientibus, idèd non meretur illuminari, & damnatur, non quia ignorantia fidei non sit illi simpliciter invincibilis, sed quia ex aliis peccatis adiunctis, advenit sibi ignorantia in poenam illorum.

77 Obiicies secundò: Post prædicationem Apostolorum, fides innotuit Universo Orbi, ergo post ipsam, ignorantia fidei non est infideli simpliciter invincibilis: Antecedens probatur ex illo ad Rom. 6. *Et quidem in omnem terram exivit sonus eorum*. Respondeo antecedens esse falsum, ut de Indis, atque de habitatoribus in extremis mundi partibus patet, quibus non adhuc sufficienter innotuit Evangelium, nec lex fidei sufficienter promulgata est; consequenter excusantur à peccato contra fidem propter ignorantiam (ait *Azorius* 10. p. l. 8. c. 7. qu. 2. vers. Obiicies) licet (ut rectè docuit *D. Tho.* 2. 2. qu. 10. ar. p. ad 3.) possint in eternum damnari propter alia crimina scienter contra legem naturæ commissa. Ad Apostolum dicitur, ipsum velle tantummodo inferre, quod Deus nunquam reliquit Mundum sine aliqua sua cognitione, qua si bene uteretur, abundantioribus doctrinis repletur prout contigit *Cornelio*. Vel potest exponi, quod illud verbum præteritum, *Exivit*, ponitur

pro futuro, more prophetico, ad insinuandam ipsius futuræ certitudinem. Videatur *Cornelius à Lapide* in hoc loco. Si infides: huiusmodi ignorantia invincibilis si daretur, sequeretur, infidelem, vel nullo modo posse salvari; vel sine fide salvari: utrumque autem est erroneum, & contra Apostolum clamantem, *Deus vult omnes homines salvos fieri. Et sine fide impossibile est placere Deo*. Consequentia patet, quia tali infideli, ratione ignorantie invincibilis, est impossibilis fides. Si sic inquam infles, responderetur, negando primam partem assumptæ sequentæ, infidelem videlicet nullo modo posse salvari: hoc enim solum sequeretur, si faciendo quod in se est, ut bene vivat, & peccata vitet, non posset veritatem assequi, ut supra. Hinc etiam *Trullenb* in *Decal. lib. p. cap. p. dub. 2. n. 9.* licet asserat, eos, qui invincibiliter ignorant fidem Christi excusari quidem posse à peccato infidelitatis, non tamen sine illa fide salvari posse: reddit nihilominus sui dicti rationem conformem omnino nostræ doctrinæ supra traditæ: Nam (sic arguit) si cum Dei auxilio servant legem naturalem, Deus providebit, ut sciant fidem Christi, & res necessarias: dabitque illis Doctorem, ut dedit *Cornelio* *Astor*. 10. aut illos interius illuminabit, eo quod facienti quod in se est, Deus non denegat gratiam suam. Quod si non servent legem naturalem, damnabuntur propter huiusmodi peccata; nam si ignorant invincibiliter fidem, ob hanc infidelitatem negativam, quæ sine culpa est, damnari non poterunt. Unde constat proximè, vel remotè, omnibus dari media sufficientia ad salutem: nam omnes, etiam si nihil audierint de fide, tamen virtute divinarum inspirationum possunt aliquo tempore observare legem naturalem, quam si observant, Deus absque dubio providebit medium, quo possint habere notitiam fidei, & sic justificari, & salvari; ut probant fusiùs Doctores, cum *S. Tho.* 2. 2. q. 2. art. 7. & tenet idem ibi, & expressius *leff.* 3. in cap. 10. ad Rom. Vide *Filliuc.* 10. 2. trañt. 22. cap. p. n. 29. & 30. *Suar.* trañt. de Fide disp. 12. sec. 2. n. 5. *Palauum* trañt. 4. de Fide disp. p. punc. 8. n. 4. Dari autem ignorantiam fidei invincibilem, docet *S. Tho.* 2. 2. qu. 10. art. p. Et dicemus infra: ita *Trullenb* conformis ut patet doctrinæ ut supra. Ad secundam dico: fidem esse necessariam, ita ut sine ipsa impossibile sit placere Deo. Quando est publicata, & nota (inquit *Genarius* in *Praedictis* cit. pag. mibi 11. col. p. in fine) consequenter (ita a concludit) *Deus, infidelem nutritum*
in Syl.

in Sylvis, sive ea salvare possent. Ex Eminentissimi. Card. Pallavicinus in p. 2. disp. 2. quest. 2. art. 2. n. 3. (apud eundem Genarum l. c. pag. 10. col. 2.) dixit: Ex his, qui nascuntur inter hereticos multi salvantur, quippe morientes ante illam aetatem, in qua non sunt eis sufficienter propofita falsitas suae sectae. Quod idem ante dixit (ait cit. Genarus) Vasquez disp. 120. cap. 5. in 15. sed eo loci (Vasquez) non dicit hoc, ut constat ex eiusdem contextu, in quo solum sic: Si aliquis nihil sciens de vera doctrina, & fide Christiana, primum incipiat instrui ab aliquo Arriano, qui vitae honestate exterius appareat dignus fide, & cetera omnia nostrae fidei recte proponat, in Articulo autem de Filii equalitate errorem doceat, cur non ab errore excusabitur? Unde enim existimare ille potest in eo Articulo forsan errorem subesse? Immo, & hac ratione apud schismaticos, & hereticos plures simplices ab errore excusantur, quia suis maioribus credunt; nec adhuc sufficienter vident eos errare. Ita Vasquez allato n. 15. quod utique (ut patet) non facit ad dictum Eminentissimi. Pallavicini, nec ad rem cum ipso. Sed

78 Obiicies tertio, ex inconvenienti, quod sequeretur ex tradita doctrina, ac nostro privilegio: nam demus aduultum aliquem infidelem mori cum tali dicta ignorantia, antequam peccarit mortaliter: nulli ei locus assignari poterit. Non Limbus puerorum, quia hic locus non est pro adultis: neque Infernus, quia non merebitur poenam sensus. Ergo, &c. Respondeo cum Coninch disp. cit. 14. dub. 11. sub n. 227. v. Ad certum. Posito tali casu, sive sit possibilis, sive non, talem iturum ad Limbum puerorum. Nec refert, quod hic locus dicitur solis pueris deputatus; quia hoc fit eo quod communiter supponitur nullum aduultum de faeco cum solo peccato originali è vita discedere, quia communiter omnes docent, neminem sine gratia habituali posse notabili aliquo tempore omnem legem naturae servare. Quod si forte contingeret aliquem post adeptum usum rationis, antequam gravius peccaret, mori, inter pueros computandus esset: praesertim cum diversitas illa locorum non tam respiciat diversitatem aetatis, quam culpae. Hic tamen adverto, cum Macedo De clavib. Petri lib. 3. De Fide Dogmatica, vers. Dico quarto, in fine, pag. mibi 175. col. p. quem sequitur Genarus l. c. pag. 11. col. 2. vers. Secundo dico: quod si talis, cum originali, coniunctum haberet aliquod veniale, cum, ultra poenam damni (perpetuam nempe carentiam visionis Dei) aliquam etiam poenam sensus le-

vem passurum. Ideo enim parvuli eum fo- lo originali decedentes, non puniuntur poena sensus (ut optimè probat Eminentissimi Brancatus de Laurea in suo doctissimo, & eruditissimo tom. 4. in 4. lib. sentent. Scoti disp. 27. Tit. De Statu Parvulorum decedentium cum Originali, art. 5. n. 93. ex Sac. Script. Magistro sentent. D. Bonav. S. Thoma, Scoto, & aliis, qui cum Innoc. III. Papa, id pro Ecclesiae communi sensu asserunt) quia in contritione originalis peccati, nullam habuerunt delectationem, neque sensus, neque spiritus. At qui (ultra contritionem originalis) commisit aliquod veniale, cum reus sit delectationis, & consensus personalis, quem habuit in illius commissione, aliqua utique poena sensus ei danda est iuxta delectationem propriam, ejus qui peccavit, eique subiacere debet, ultra poenam damni.

79 Hac autem occasione, hic quaerit quis: Quem locum habere debeat Anima iusta, & in gratia, quae separatur à corpore cum culpa tantum veniali? Et ratio quaesiti est; quia ex una parte, accideret potest, quod homo iustus, in gratia existens, habeat tempore mortis aliquod peccatum veniale, neque huic peccato remedium adhibeat, vel ex negligentia, vel ex repentina morte (si illud voluntariè non omittat) vel ex quacumque naturali inadvortentia: vel etiam, quod sciens, & videns, omittat adhibere remedium eidem, venialiquod culpae expiationem ante mortem: non enim propterea peccaret mortaliter (praeiuncto contemptu) quia (ut advertit etiam Suar. de Pernit. disp. 11. sec. 4. n. 2.) nullum ostendi potest de hac re praeceptum: & contemptus, si praesumitur, non est verus, potest enim esse sola negligentia, vel nimia sollicitudo circa corporis salutem, vel alias res temporales, cum illa spo, quod malum illud veniale post mortem habet remedium: sicut negligentia in satisfactione pro poena temporali, propter easdem rationes non est peccatum mortale per se loquendo. Ex altera vero parte, quia locus assignandus Animae, quae in gratia separatur à corpore cum culpa, & reatu tantum veniali? Non Sedes Caeli, & Gloria Beatorum, cum certum sit Animam habentem peccatum veniale, non posse videre Deum, quia, Nihil inquinatum introibit in illum. Non Infernus, cum & alioqui etiam sit certum, Animam perseverantem in gratia usque ad mortem, aliquando visuram esse Deum, quia propter solum veniale peccatum nemo punitur in aeternum, uti fit in Inferno, in quo nulla est spes, & redemptio.

ptio. Non Purgatorium, quoniam in ipso non est amplius Anima in statu merendi remissionem culpæ, quamvis venialis, eo quia status merendi finitur cum vita, quantum ex scriptura colligi potest. Et ex alio capite, Deus tenetur ex iustitia remittere illam culpam, quia non potest, semoto ordine iustitiæ à se præscripto, punire perpetuo illam Animam, privando illam gloriam; nec potest dare gloriam, nisi prius remittat culpam, quæ in Purgatorio non remittitur, remittuntur enim peccata in Purgatorio solum quoad poenam, quæ relinquitur post culpam in hac vita remissam. Ex quibus sequi videtur, locum nullum esse assignabilem Animæ migranti ex hac vita in gratia, sed cum culpa veniali: consequenter casum hunc esse impossibilem servato iustitiæ ordine à Deo præscripto.

80 Et ita est (secundum aliquos, apud *Suar. sec. cit. n. 2.*) huiusmodi enim casus per ipsos, videtur impossibilis. Verum, quia, certum est (inquit idem *Suar. n. 6.*) posse Animam separari à corpore cum gratia, & culpa veniali: & item per eundemmet, patet certum est, eandem Animam aliquando visuram esse Deum, & ingressuram sedem Cæli, & Beatorem, ibique proprium debere habere locum, ac mansionem; quia, propter solum veniale (ut supra nemo puniatur in æternum (ait & *Suar. n. 6. cit.*) Idcirco sufficit explicare, quando, per quid, & quomodo tollatur huiusmodi culpa venialis; quod tamen hic omitto, quia id optime, & ex integro facit *Suar. sec. 4. cit. d. n. 13. usque ad 18. inclusive* ibique in substantia concludit cum *D. Thoma*, & aliis; In primo instanti separationis Animæ à corpore, habere Animam ferventem actum dilectionis Dei, & contritionem etiam perfectam omnium præcedentium culparum; quia in eo momento cognoscit statum suum, & est expedita ad operandum, & ex parte Dei habet auxilium efficacissimum iuxta mensuram suæ gratiæ, & ipsa statim sine mora operatur. Et perfecte tendit in Deum, & avertitur ab omnibus venialibus. Qui actus, unicus, & universalis (non enim est necesse ut in eo instanti multiplicentur actus) sufficit, ut statim per ipsum tollantur omnia peccata venialia, quæ remittenda sunt, & tollenda quoad culpam. Hinc Anima in eodem instanti quo separatur à corpore, si iusta fuit immediato ante, ita confirmatur in iustitia, ut cadere non possit, & statim exiit extra statum merendi præmium essentiale, vel augmentum gratiæ. Quan-

do autem Anima indiget purificatione, dici potest probabiliter, esse adhuc in statu merendi aliquid accidentale, sive necessarium, ut est remissio venialis culpæ: quia quantum ad hoc, adhuc non est in termino, sed quodammodo in via. Ità *Suar.* Qui ulterius quærens, an in illo instanti, sicuti ex vi illius actus dilectionis Dei, & contritionis, remittitur culpa venialis, remittatur etiam purgatorii poena; ita ut sit satisfactorius pro tota, vel saltem pro parte poenæ debite, *n. 18.* Respondet: in illo instanti nullam poenam purgatorii remitti, ex vi illius actus, & contritionis: & hanc esse sententiam *D. Tho. qu. 7. de Malo art. 10.* Et ratio à priori est (ait idem *Suar.*) quia Deus statuit tempus huius vitæ ad satisfaciendum per nostros actus, vel poenas huius vitæ, tempus autem vitæ futuræ ad sustinendam condignam poenam ignis. Sicut autem in instanti mortis, extrinsecè finitur hæc vita, & intrinsecè incipit alia, ita in illo jam non habet locum modus satisfaciendi huius vitæ, sed intrinsecè incipit satisfactio per purgatorium, ignem. Videatur *Suar.*

PRIVILEGIUM TERTIUM.

Ignorantia invincibilis aliquorum articulorum, fideique Mysteriorum, quæ potest esse etiam inter fideles, eos excusat à culpa, & ea ignorare in ipsis culpa non est.

81 **F**Erè communiter à D. D. admit-
titur hoc Privilegium. Quia, ad impossibile nemo tenetur; impossibile autem est, multos fideles habere cognitionem distinctam omnium articulorum, & Mysteriorum fidei, siquidem nec eorum terminos multi norunt: at quod est ignotum, non est volicum; ergo respectu eorum habet ignorantiam involuntariam, & invincibilem, à culpa excusantem consequenter, & quæ in ipsis culpa non est. Immo *Vasq. p. 2. qu. 121. cap. 1. in fine*, aperte ait: Simples excusari ab ignorantia quorundam Mysteriorum ex iis, quæ necessaria sunt, quia nec à Parochis, nec à Parentibus, vel ab iis, quorum curæ mandati sunt, circa illos instruuntur; nec alios à quibus instruuntur; possunt, vel sciunt audire, cuiusmodi sunt rustici, valde agrestes in sylvis, vel montibus nutriti. Idem affirmat *Sauch. p. p. Operis Moral. lib. 2. cap. 3. n. 20.* ubi sic: Merito dubitabit, an possit inter fideles dari ignorantia invincibilis à peccato excusans, verum Mysteriorum

riorum fidei, quae explicitè credere tenentur. Aliqui negant. Quia Concinatoribus abundant, & passim in Ecclesia Mytheria haec circumferuntur, ac solemnè ritu celebrantur. Et cum ad cuiuslibet fidelis statum pertineant, tenentur curare eorum notitiam assequi: quod si non curant, ignorantia haec, culpe tribuetur. Sic D. Tho. p. ad Cor. 11. Lect. 4. D. Bonav. 3. dist. 25. art. p. qu. 3. & ibi Durand. qu. p. n. 9. Gabr. qu. unic. art. 2. post 3. conclus. Manuel p. Tom. Summ. 2. edit. c. 88. n. 4. At credo dari apud rusticos hanc ignorantiam invincibilem, & ratione illius, excusari à peccato haec ignorantia. Ducor, quod contingat nil eos de huius praecepti vi, & auctoritate audisse: vel si audierint, nil, instar brutorum percepisse: aut si percepissent, alii negotiis distentos, esse propterea huius obligationis oblitos: vel tempore quo addiscere potuerunt, caruisse Doctore, à quo instruantur. Item, quia saepe, & maxime rudibus, nec dubium, nec scrupulus circa hanc obligationem occurrat. In quo casu esse ignorantiam invincibilem etiam circa legem ad alicujus statum pertinentes, diximus lib. praeced. c. 16. n. 21. 24. & 27. Deinde, quia quomodo bi, diligentiam adhibendo, inquirendo, aut bene vivendo (ut tenebantur) huius obligationis notitiam assequerentur: atque eam non assequuntur, eo quod instar pecorum omnino suae salutis immemores vitam transigant: & proinde absolute poterant eam notitiam habere. Quia tamen non poterant ex intentione id cognoscere, quia moraliter loquendo non potuerit id curare, utpote qui nullum habere motum, quo ad eam notitiam investigandam inducerentur, eo quod nec dubium, nec scrupulum conceperint, ideo ea ignorantia reputatur invincibilis. Et hanc partem sustinent, Navarr. Summ. cap. 11. Hispanice n. 18. Latine n. 22. versu 8. Bannes 2. 2. qu. 2. art. 8. dub. 2. pag. 428. Vasq. p. 2. qu. 76. art. 2. dist. 121. cap. 2. n. 3. Azor. to. p. lib. 8. Instit. Moral. c. 6. q. 7. & cap. 7. qu. 3. & cap. 8. q. ult. Petr. de Ledesm. p. 10. Summ. tract. p. cap. 3. conclus. Sayr. in Clavi Regis lib. 2. cap. 9. n. 15. in fine. Et quomodo Bannes, de Ledesma, & Azor. d. cap. 6. qu. 7. dicant, raro contingere hanc ignorantiam invincibilem: melius tamen idem Azor. eod. cap. 7. qu. 3. & Vasq. proxime allegatus, dicunt saepe contingere. Quod rationes allatae satis probant. Ita Sanchez. cum allegatis. Quibus ego addo, Cominch De Moralitate dist. 14. dub. 11. n. 226. sub sequentibus verbis: Multi rustici statim atque incipient ratione uti, applicantur piscendae pecoribus, & raro permittuntur templum adire, & rarissime mittuntur ad conciones: atque ita nec in templo quidquam de rebus fidei audiunt, nec

domi ab heres, aut parentibus in rebus fidei instruuntur; ideoque etiam nullam suspicionem habent, aliquid sibi circa fidei Mytheria necessario discendum esse. Quamvis igitur, bi, interrogando aliquando sui Parochos, aut alios in fide instructos, aut faciundo quandoque majorem diligentiam, ut possent conciones, aut Carbecchismos audire, possent sufficienter in fide instrui; quia tamen omnino ignorant, hoc ad illum finem esse necessarium, nequeunt ex huius desiderio ad illum faciendum excitari: atque ita haec ignorantia manet in illis involuntaria, sive invincibilis. Haetenus Cominch: cui alterius addo Ferdinandum Palaeum p. p. tract. 4. disp. p. punc. 11. n. 4. ubi, quod possit dari ignorantia invincibilis Mytheriorum fidei, tam inter infideles, quam inter fideles; & quod haec sententia communior sit: quam ipsemet etiam extendit ad Mytheria nedum quae necessario sunt cognoscenda necessitate praecepti, verum etiam ad ea, quae cognoscenda sunt necessitate, mediis necessaria ad salutem. Quod sic probat. Affirmo raro contingere aliquem habere ignorantiam invincibilem eorum, quae necessaria sunt ad salutem necessitate mediis. Nam cum haec, in cognitione Dei potentis remittere peccata, & gratiam, gloriamque concedere, consistat; raro esse potest, cujus mentem haec notitia saltem sub dubio non imbuerit. Dixi raro contingere posse; quia sentio casum non esse impossibilem. Potest namque quis ita barbarus, & aggressus esse, ac inter barbaros nutriti, ut solius Dei notitiam habeat, careat tamen notitia illius, quatenus auctor est supernaturalium donorum: quam notitiam dicimus esse necessarium necessitate mediis ad salutem, & cujus carentia illi immediate non imputetur, quia illi non se offert ratio dubitandi, ac suspicandi obligatum esse inquirere. Ita Palaeus; nec desunt alii quamplures ejusdem sententiae, ac opinionis nostri faventes proposito privilegio: eos tamen hic omitto, allegandos in sequentibus privilegiis. Solum hic adverto cum Cominch. dub. 11. cit. n. 230. in fine. Turcas, Juzedos, ac Haereticos prudentiores, labore iam communiter ignorantia vincibili, quia si diligenter huic rei intendant, habent sufficientes rationes dubitandi de sua religione. Ideoque ipsi, etiam cum periculo vitae tenentur veritatem serio inquirere. Sed contra.

82 Obicies primò, ex D. Bonav. in 3. dist. 25. art. p. qu. 2. ad ult. & qu. 3. ad penult. Adriano Quodlib. 2. qu. p. five argum. ad 2. & aliis: Lumine naturae tenetur quis Deum colere, & consequenter investigare quo cultu, tam interiori, quam exteriori

exteriori colendum sit. Ergo si juxta hoc lumen naturæ inditum, diligentiam fecit, sine dubio de fide illuminabitur, quia Deus neminem deserit facientem quod in se est; ergo non potest esse in aliquo ignorantia invincibilis Mysteriorum fidei, quæ quis scire tenetur tam inter infideles, quam inter fideles. Secundò: ex *Gabriele in 3. disp. 25. art. 2. post. 5. conclus. Durando ibi. qu. p. n. 9. & aliis*. Inter fideles hæc Mysteria ita, passim circumferuntur, & publicantur, tum celebratione festorum; tum prædicationibus, & exhortationibus, ut vix intelligi possit aliquis, cui dubium non suboriatur ea addiscendi: ergo &c. Respondeo ad primam objectionem, cum *Castro Pal. punc. cit. 6.* & aliis: concedendo quidem lumine naturæ cognosci Deum esse colendum, negando tamen cum hac cognitione stare non posse ignorantiam invincibilem Mysteriorum fidei: tum quia non colit Deum juxta lumen à natura inditum: & dato quod illum sic colat, & rectè operetur, solum infertur illuminandum esse à Deo aliquo modo de Mysteriorum cognitione ad salutem necessaria necessitate mediæ, non præcepti: quia propter carentiam cognitionis debet ex præcepto, salutem non amittet. Ad secundam objectionem dico cum *Sanctis. supra, Pal. n. eodem*, & aliis, passim in Ecclesia Mysteria fidei circumferri, sed sunt plures ita rudes, & barbari, ut ad ea non attendant, neque dubium illis veniat talis obligationis: & concessio etiam quod obligationem perceperint, vel capaces non sunt addiscendi, vel Doctorem non habent. Hinc *Sà Verbo Fidei n. p.* ait sic: *Sentimus multi cum D. Thom. excusari multos ignorantia, ab explicita cognitione Trinitatis, & Incarnationis, præsertim cum deest qui doceat, quam opinionem, & si adhuc solebam improbare, nunc non ausum. Quid enim? dicemus ne petire infinitam Christianorum aliqui bonorum multitudinem, qui Mysterio etiam Trinitatis, & Incarnationis, vix quidquam rectè norunt, imò perverè sentiunt si interroget? Potius crediderim condemnari istorum Pastores ob negligentiam docendi. Quomodo autem se gerere debeat Confessarius cum ignorante Mysteria fidei, dicam postea in sequentibus, privileg. 9.*

PRIVILEGIUM QUARTUM.

Ignorant hodie invincibiliter (explicitè) Mysteria Incarnationis Christi, & Sanctissimæ Trinitatis, excusatur probabiliter à culpa: & in ipso, hujusmodi ignorantia (probabiliter) culpa non est.

83 **F**ides (uti & cognitio supernaturalium Mysteriorum) alia est implicita, alia verò explicita. Implicita dicitur cum res aliqua fidei, non creditur expressè, & in particulari in seipsa, sed in aliqua alia expressè credita, in qua illa implicitè continetur. Ut explicitè credens quiddam credit Ecclesia, credit implicitè Mysteria Trinitatis, & Incarnationis, & reliqua etiam fidei Mysteria. Explicita autem est, qua in particulari, & in seipsa, creditur expressè aliqua res fidei. Ut cum expressè quis, ac distinctè cognoscit Incarnationis, vel Trinitatis Mysterium, illudque expressè credit. Sic explicant communiter Theologi: *Toletus lib. 4. Summa cap. 2. n. 4. Valent. 2. 2. disp. p. qu. 2. Puncto 3. in princip. Azor. Instit. Moraliæ tom. p. lib. 8. cap. 6. in fine.* (Ubi, *Eum explicitè aliquid credere, qui assensitur alicui rei sibi dista, vel quam cogitatione concipit: implicitè autem, qui credit aliquid generaliter, & subinde multa alia, quæ in eo continentur.*) *Sanctis. p. p. Operis Moralis lib. 2. cap. 2. n. 2. Qui* tamen Author, *Conclus. ult. ejusdem, cap. n. 10.* videtur positivè excludere nostrum propositum privilegium, & velle, absolute esse modo in adultis (ratione utentibus) culpabilem ignorantiam, etiam tantum explicitam, prædictorum Mysteriorum: eo quia post sufficientem promulgationem Evangelii, cognitio, & fides explicita eorundem Mysteriorum Sanctissimæ Incarnationis Christi, & Trinitatis Augustissimæ, necessaria sit, necessitate mediæ, seu finis; non solius præcepti: nam quod ratione hujus tantum necessarium est, exequendum quidem necessariò est, sed quando facultas suppetit, & occasio; non tamen ita, quin absque illa, possit gratia, & gloria comparari, excusante, aut ignorantia invincibili, aut occasionis defectu. At quod necessarium est primo modo, idest ratione mediæ, sive finis, ita necessarium est ad salutem (per omnes) ut sine illo, in nullo euentu, nec impossibilitate, nec ignorantia invincibili excusante, salus obtineri valeat: Sic infans mortuus in vtero Matris (defectu Bapismi) quamvis illi sit



impossibilis, tamen non salatur, quia deficit medium necessarium ad salutem. Sed tali modo nunc in adultis ratione utentibus necessaria est fides explicita, tum Incarnationis Christi, tum Trinitatis Sanctissimae, ergo sine tali explicita fide, & cognitione, salus haberi nequit; nec in hoc ignorantia invincibilis excusabit, vel ignorantiae privilegium locum ullum habebit, vel habere poterit. Ita Sancti. n. 10. cit. Ubi expressè sic: *Fides Mysterii Sanctissimae Trinitatis eodem modo est necessaria necessitate mediæ, seu finis, quo fides Christi; nempe, ante sufficientem Evangelii promulgationem; implicita; nunc autem explicita, tum ad gratiam, quam ad gloriam assequendam. Et ita D. Tho. 2. 2. qu. 1. art. 8. eodem pacto loquitur de necessitate fidei explicitæ Mysterii Incarnationis. Et ratio est, quia similiter fides huius Mysterii ad nostræ salutis fundamentum pertinet. Matth. 28. Docete omnes gentes, baptizantes eos in nomine Patris, & Filii, & Spiritus Sancti. Item, quia sine hac cognitione, nequit Christus satis cognosci; utpote, qui est Filius Patris, & conceptus virtute Spiritus Sancti. Sicque docet Valent. 2. 2. disp. 1. qu. 2. punc. 5. in 2. conclus. ubi idem docet de ceteris articulis ad Divinitatem pertinentibus. Ita Sancti. Præter autem hunc Authorem, & Valent. eandem docent sententiam quam plures alii, & gravissimi Doctores apud Leonardum p. p. in Decal. tract. 2. disp. 2. qu. 8. & 13. Trull. in Decal. lib. 1. cap. 1. dub. 2. num. 7. verſu Dico quinto. Dian. to. 6. Coord. tract. 3. ref. 4. n. 1. Ex p. 3. tract. 5. Miscell. p. ref. 46. Verricelli De Apostolicis Missionib. Tit. p. sec. 2. n. 7. & apud alios. Probant autem hi Doctores dictam sententiam, tum ex illo Marci 16. ubi Christus Dominus postquam præcepit Apostolis ut baptizarent, In nomine Patris, & Filii, & Spiritus Sancti; addit, Qui crediderit, & baptizatus fuerit; salvi erit; qui vero non crediderit (utique Mysterium etiam Trinitatis, de quo facta fuerat expressa mentio) condemnabitur: tum ex Athanasii Symbolo, ubi dicitur: Sed necessarium est ad æternam salutem, ut Incarnationem Domini nostri Iesu Christi fideliter credas. Et Iulius: Hec est fides Catholica, quam nisi quisque fideliter, firmiterque crediderit, saluus esse non poterit. Tum etiam quia, alioquin sequeretur posse nunc temporis aliquem salvari in lege Moisaica, ut si Iudeus invincibiliter ignoret fidem Evangelicam, & fervet legem Moisaicam, quo implicitè continet legem Christi, ergo &c.*

84 Versa vice tamen non defunt qui admittant propositum privilegium, tantumque plures, & classici Doctores. Sæ, ubi supra. Corduba in 29. Theologicis libr. 2. quest. 4. proposit. 3. ubi, Quod de explicita fide Christi problema est, utrum post iam promulgatum Evangelium per Apostolos, & successores eorum in præcipuis partibus Orbis, possit nunc ignorantia invincibilis reperiri, est duplex opinio inter Catholicos. Ipseque, utriusque opinionis rationibus adductis, stat pro parte affirmante, ut patet ex ejusdem contextu, præcipue ex verſu Et nota, pag. mihi 25. col. 2. in fine. Azor. to. 1. lib. 8. cap. 6. qu. 6. Soto in 4. disp. 5. qu. 1. art. 2. Coninch disp. 14. dub. 9. n. 163. ubi, Quod & si præcedens sententia sit probabilis, tum propter auctoritatem Doctorum qui eam tenent, tum etiam propter probabiles rationes, tamen contraria (ita in privilegio) non est minus probabilis; scilicet etiam in lege gratiæ, non esse necessitate mediæ, necessarium ad justificationem, ut quis explicitè credat Mysterium Incarnationis, siue secundam Personam fuisse incarnatam, & Christum fuisse verum Deum, & hominem, & pro nobis in Cruce mortuum, ac resurrexisse; atque adeo sufficere, ut hæc implicitè credat, credendo explicitè eam esse mediatorem, & Salvatorem nostrum: ita Coninch, alios D. D. pro se allegans, præcipue D. Tho. 2. 2. q. 2. art. 7. ad 3. Sotum, Cordubam, & Medinam: qui tres, licet dicant, fidem explicitam (ait idem Coninch, & verum ait) esse necessariam necessitate mediæ, quia statim subdunt, ab hac necessitate excusare invincibilem ignorantiam, ita expressè ostendunt se reſpondere (& si minus commodè loquantur) se reſpondere nobiscum sentire: uti sentit Palao p. p. tract. 4. disp. p. punc. 9. n. 7. iniquis: Probabilis censetur, etiam facta promulgatione Evangelii, non esse necessariam notitiam explicitam Trinitatis, aut Mysterii Incarnationis, necessitate mediæ, sed solum præcepti: atque adeo contingere alicui posse salus, quin explicitè cognosceret Filium Dei incarnatum fuisse; & pro nobis passum esse: sufficere, si cognoscat esse aliquem mediatorem: hanc conclusionem indicat satis D. Tho. 2. 2. qu. 2. art. 7. ad 3. eam tenent Richard. Sotus, Vega, Corduba, Henriquez, Medina, Suarez to. 4. in 3. par. disp. 4. sec. 2. n. 17. in fine: & latius probat, & defendit disp. 12. de Fide sec. 4. n. 10. Saa, Coninch, Layman in Theolog. Morali libr. 2. tract. p. cap. 8. n. 5. verſu Contra tamen. Torres, & alii ab ipſum reſati. Quibus adde Dianam l. 4. (& apud ipſum) Tannerum in 2. 2. D. Tho. disp. p. qu. 7. dub. 2. nu. 4. Villalobos, & alios. Adde præterea Ripaldem disp. 17.

disp. 17. de Fide sec. 15. n. 243. & alios, quos refert pro hac sententia Leander de Sanctiss. Sacram. qu. 8. cit. versu Sed æque probabiliter; in fine: præcipue Ovidium. De fide, Controv. 7. punc. 3. n. 37. Ubidicit, utramque sententiam esse æque probabilem, postea quolibet illarum iudicium sequi. Igitur si sic est, uti est.

85. Probatur hæc secunda sententia (que in substantia continet, ac sustinet, propositum privilegium) primò: quia videtur Theologorum communior, ut advertunt etiam Coninob. dub. 9. cit. n. 164. & Laym. l. c. vers. Aliis porro: ubi, quod prima sententia sit minus probabilis. Ergo auctoritate tot clarissimorum, ac doctissimorum Authorum, tutissima est, & tutò (cum Ovidio) sequi potest. Secundò: Quia inter Christianos reperuntur homines adeo rudes, ut Mysteria Incarnationis, ac Sacrosanctæ Trinitatis, vero conceptu non apprehendant, consequenter explicitè invincibiliter ignorent, nec credant explicitè, sicuti inter alios notavit Sæ Verbo Fides, n. p. (& apud Layman. n. 5. cit. vers. Confirmatur hæc sententia, Medina: lib. p. Instruct. cap. 24. §. 2.) Idemque solet evenire cum mutis, & surdis à natiuitate: ab his enim Mysteria Trinitatis, & Incarnationis verò conceptu apprehendi, & credi, vix credibile est: nisi ad miracula confugiendum sit, concludit Diana ref. 4. cit. Et Layman versu cit. pariter sic: Quid dicemus de iis, qui à natiuitate surdi, ac muti sunt? quos inter fideles numeramus; iijque baptizati, si rationis compotes sunt, ac desiderant, Sacramenta reliqua ministramus; ut dicam lib. 4. cap. 4. n. 4. Et tamen Mysteria Sacrosanctæ Trinitatis, & Incarnationis Christi, ab iis vero conceptu apprehendi, & credi, vix credibile est, nisi ad speciale miraculum confugere velimus. Hinc Azor: qu. 6. cit. inquit, quod si quis ob ingenii hebetudinem; & obtusitatem, Trinitatis articulum nequeat percipere, satis esse, si credat explicitè alios clariores, nimirum, Christum Filium Dei natum ex Virgine, passum, Cruci affixum, &c. Et Vasq. in 2. 2. lo. 3. qu. 121. cap. 2. n. 3. sic advertit: Circa articulos Divinitatis adeò diffcili est articulus Trinitatis, & aliqui Christiani ita rudi esse potest, ut etiam si multo tempore doceatur; vix capiant eam sententiam in tribus personis, ut narravit Scotus, & Gabr. Tunc ergo satis est, ut iijci admonent, nosse esse Patrem, & Filium, & Spiritum Sanctum unum Deum, & non tres Deos, atque huius nominibus Mysterium illud explicare. Imò etiam in Myserio Incarnationis satis erit scire

eundem Christum simul esse Deum, & bonitatem, nec esse duos Christos, etiam si ignoretur duas esse naturas in una persona, quando rusticus intelligere non potest quid sit natura, & quid sit persona: nisi forsan hæc nomina unius persone, & duarum naturarum possit apprehendere. Unde unicuique fidelium pro modulo suo sufficet hæc Mysteria cum veritate exponere: Hæc Vasq. Pariter Hofius in Confessi. fidei c. 2. à Diana relatus, resol. 4. cit. n. 2. in fine: asserit, non esse adeò necessarium ad salutem omnibus explicitè credere distinctionem personarum, cum unitate substantiæ, ut si rudiores sint, ut nequeant id comprehendere, & minimè assequuti fuerint, de eorum salute nihilominus dubitandum non sit. Tertio: Quia, quod cognitio, & fides explicita Mysterii Incarnationis, & Trinitatis, post factam Evangelii promulgationem sit necessaria ad salutem necessitate mediæ, neque ex rei natura, neque ex S. Scripturæ aut Patrum traditione ostendi potest, ergo sine illa, ignorantia invincibiliter excusante, potest quis salvari: ergo non est necessaria ad salutem necessitate mediæ. Consequentia patent. Antecedens probatur: nam in primis non requiritur ex natura rei, quoniam Gentiles invincibili ignorantia Mysteriorum fidei Christianæ laborantes, quia ipsi Evangelium prædicatum nunquam est, possunt tamen cum divinæ gratiæ auxilio, unum Deum auctorem supernaturalium donorum credere, in eum spem suam collocare, & super omnia diligere, atque iustitiam coram Deo, & consequenter ius gloriæ æternæ consequi; quamvis non sine fide implicita Christi, Quem Deus proposuit propitiationem per fidem, Rom. 3. Vt sicut in Adam omnes moriuntur, ita in Christo omnes vivificentur, p. Cor. 15. Adde cum Ripalda disp. 17. de fide. sect. 15. n. 243. apud Leander qu. 8. cit. Quod sine dicta fide explicita, & cognitione expressa Trinitatis, esse potest fieri amor Dei, & desiderium peccatorum. Potest enim Deus proponi per eundem, summè bonus, sapiens, omnipotens, misericors, & aliis attributis, quin proponatur explicitè Trinus. Similiter, potest proponi offensæ Dei, prout contra Deum summè bono, & summè benefactori, & aliis attributis perfectæ, scilicet Trinitate, &c. Et sic proposta, odio haberi super omnia. Rursus nec est necessaria dicta fides explicita, vel requiritur, ex S. Scriptura, seu ex lege Dei; quia nullum extat testimonium Sacre paginæ, ex quo talis lex arguatur. Loca autem Scripturæ, sicuti & Patrum testimonia, quæ adduci solent

solent (ut optime etiam *Layman cit. Versu Contra tamen, in fine, & alii*) plus ostendere non videntur, quam necessitatem præcepti, post factam Evangelii promulgationem, omnibus communiter incumbendis, ut explicitè credant Christianæ fidei Mysteria, postquam ipsis sufficienter propostita sunt; alioquin, propter hoc ipsum infidelitatis suæ peccatum, damnationem æternam mereantur. Quartò tandem: Quia (ut arguunt etiam *Conincb n. 164. cit. Palao sub cit. n. 7. & alii*) hujusmodi necessitas, sine manifesta, & evidenti ratione induci non debet, cum gravissima sit, & quæ præcluditur salutis via, tot inficis, & ignaris; nec ad eam probandam aliquæ congruentiæ sufficiunt, sed rationes validissimæ requiruntur: at nulla talis ratio adduci potest; Ergo. Hæc minor subsumpta, probatur: nam ratio tota (quantum nos possumus coniecere) cur Deus voluerit, fidem in Christum esse medium absolute necessarium ad salutem, est, quia nemo potest justificari sine meritis Christi, & gratia per eum accepta; & consequenter nisi sit membrum ejus: & Patres, (præsertim *Augustinus*) semper hanc rationem adferunt, cur fides Christi sit necessaria: at qui eodem planè modo, Antiqui, per merita, & gratiam Christi justificati sunt, & fuerunt ejus membra, sicut & nos: ergo debuissent & ipsi, ex necessitate mediæ, tam explicitè in eum credere, ac nos; quæ enim fides sufficit, ut tunc potuerint fieri Christi membra, etiam iam sufficit. Quod autem Antiquis ante adventum Christi, & promulgationem Evangelii, non fuerit necessaria necessitate mediæ, & explicitè fides, & notitia Christi, est communis omnium sententia, teste *Saich. p. p. Operis Moral. lib. 2. cap. 2. n. 7. concl. 5.* sub hiscemet verbis: *Ante adventum Christi, Et ante sufficientem Evangelii promulgationem, sufficiens fuit fidei Christi implicita ad gratiam, & gloriam adipiscendam. Hanc conclusionem sententur omnes. Et in fine nom. cum Valent. ait: Hanc implicitam Christi fidem in aliquo supernaturali actu debuisse contineri, quo videlicet supernaturaliter, & explicitè crederet Deum, esse, & auctorem donorum supernaturalium ad peccatorum remedium. Et ita sufficere sic in universali, & implicitè Redemptorem, & liberatorem, tametsi nescirent illi explicitè, & in specie, eum futurum Deum, & hominem.*

86 Confirmatur hæc eadem ultima ratio, & quarta probatio. Ante adventum Christi, & promulgationem Evangelii non fuit necessaria (ex mox dictis) explicita,

notitia, & fides Christi, & Trinitatis ad salutem. At post Christi adventum, & legem Evangelii, non constat talem notitiam explicitam Christi, & Trinit. necessariam esse necessitate mediæ, ergo non est inducenda. Consequentia legitima est, quia (ut supra) sine evidenti ratione non debet talis necessitas, utpotè gravissima, induci. Probatur minor, tum quia omnia, quæ de necessitate fidei in Christum tradit Scriptura, & Patres, vel communia sunt iustis veteris legis, & novæ, ac gratiæ; vel optime explicari possunt de necessitate præcepti; vel de fide implicita Christi, ut explicat supra *Saich. cum Val. Vel de fide implicita Dei, & hominis, & explicita mediatoris, ut explicat Palao punc. 9. cit. n. 3.* tum etiam quia, ante adventum Christi, ex meritis ipsius dabatur hominibus salus, at hoc non obstante sufficiebat fides Christi implicita, ergo etiam modò debet sufficere saltem ex necessitate mediæ. Adde cum eodem *Palao sub. n. 7. cit.* non convenire Doctores inter se, quænam debeat esse hæc fides explicita in Christum. Quod namque aliqui affirmant debere esse omnium Mysteriorum, quæ in Ecclesia de Christo celebrantur, nimis rigidum est, & viam salutis multis præcludit. Quod verò vult *Saich. in Decal. lib. 2. cap. 2. n. 9. cum Barnes 2. 2. qu. 2. art. 2. dub. ult. Conclus. 3.* debere esse de Christi morte, & resurrectione, ita ut cognoscas filium Dei verum Deum esse, & hominem, totius humani generis redemptorem morte sua, non videtur cum sufficienti fundamento dictum; quia non videtur maior ratio, quare explicitè credenda sit necessitate mediæ, mors Christi, & ejus à mortuis resurrectio; quam ejus in Cælum ascensio, & adventus in futurum judicium: cum hæc in Symbolo æquè credenda proponantur. Efficitur ergo sanè, non esse hæc necessariò credenda explicitè, necessitate mediæ: ita *Palao n. 7. cit. in fine. Sed*

87 Dices, post Christi adventum, magis est nobis ipse explicitè revelatus, quam fuerit antiquis, ergo iam debemus magis explicitè in eum credere; sicque ruit (ut patet) nostræ confirmationis assumptum, quod videlicet communia sint iustis veteris, & novæ legis, quæ tradunt Scriptura, & Patres de Fide Christi; est enim diversa ratio, ut ex se constat. Respondet cum *Conincb Dab. cit. 9. nu. 165.* inde solum probari, fidem magis explicitam esse jam necessariam necessitate præcepti, à qua excusat invincibilis ignorantia; non-

autem

autem necessitate mediū, à qua nulla quantumvis invincibilis ignorantia excusat; quæ mediū necessitas, cum aqualiter spectet ad omnes, ex hoc argumento non probatur, solum maior necessitas præcepti. Aliàs dicendum esset (addit pro huius responsionis confirmatione idem *Coninch* n. 166.) Iudæos quibus in lege erat magis explicite Christus revelatus, quam aliis Gentibus, necessitate mediū debuisse habere magis explicitam fidem Christi, quam Gentēs; & inter hos, posteriores, magis explicitam, quam anteriores: quia his per Prophetas, & præsertim per *Davidem* in pluribus Psalmis, & per *Isaiam*, & *Jeremiam*, Christus, ejusque nativitas, & mors, erant longè magis explicitè revelata. Nam *Psal.* 21. Passio Christi tota valde explicitè describitur: illud autem ab omnibus communiter reicitur. Hinc consequenter dicendum est, magis explicitam revelationem, solum inducere majorem necessitatem præcepti, non autem mediū.

88 Contra hanc doctrinam nihilominus, & hucusque tradita, obici posse videtur S. Scriptura pluribus in locis, quæ inter alios ad abundantiam recenset, ac resolvit (necon quamplures Patrum Auctoritates) *Coninch* dub. 9. cit. ad hunc Doctorem, & ad alios ejusdem sententiæ (supra allegatos præsertim) mitto lætorem. Nos brevitatē gratia, iisdem omisiss, uno verbo (cum eodem *Coninch* l. c. *Palao* punc. 9. cit. & *alibi*, & *Laym.* n. 5. cit. varf. *Qui hanc sententiam*) eidemmet facimus satis, respondendo: Ex iis S. Scripturæ locis (sunt verba *Laymanni*) rectè ostendi, non quidem necessitatem mediū absolutè, sed præcepti, iis incumbenti, quibus Evangelium annunciatum est. At si loquamur de necessitate mediū, sub omni lege suffecisse Fidem in Christum implicitam, sicut docet *Richardus* dist. 25. art. 4. qu. 3. & 4. Si vero loquamur de necessitate præcepti; tunc locum habet distinctio, quod in Lege veteri, fidei populo communiter sufficiebat Fides confusa de Christo, seu Messia venturo: In nova autem Lege requiritur explicita, & distincta, videlicet esse hunc Dei filium; unum in natura cum Patre, & Spiritu Sancto, discretum, personaliter. Hinc, ad locum *Marci* supra nobis oppositum, *Qui non crediderit condemnabitur*: necnon ad *Symbolum S. Athanasii*, *Hæc est fides, &c.* quam nisi quisque crediderit salvus esse non poterit, patet solutio: respondetur enim, *Qui non crediderit*, fide saltem implicita, condemnabitur: quia hæc (non explicita) necessaria est necessitate mediū. Sicque pariter, *salvus esse non pote-*

rit (quis) aut salus obtineri, absque fide tamen explicita, vel implicita (ait etiam *Palao* n. 7. cit. in fine) ergo fides explicita necessaria est ad salutem simpliciter, & necessitate mediū, negatur: fides saltem implicita, conceditur, cum necessaria hæc sit ad salutem necessitate mediū, à qua non excusat ignorantia. Dico non excusat ignorantia: quia etsi dari hæc etiam possit, & invincibilis circa ea etiam, quæ necessaria sunt necessitate mediū, quia tamen talis ignorantia tollit medium necessarium ad salutem, idcirco, dico eam non excusare: hinc optimè *Filliuc.* to. 2. tr. 22. c. 2. qu. 6. n. 45. ait: *Dari posse ignorantiam invincibilem rerum fidei, tam earum, quæ sunt necessaria ex medio, quam, & multo magis, earum, quæ sunt necessaria ex præcepto; cum hac differentia, quod priorum ignorantia auferat medium necessarium ad salutem: posteriorum verò non auferat, sed tantum ex præcepto, in quo admitti potest excusatio.* Et hic obiter advertit cum communi, & certa sententia, apud *Coninch* dub. 10. n. 187. quod ea omnia, quæ necessitate mediū credenda sunt, & scienda, ex necessitate etiam præcepti credenda, & scienda sunt, quia cum horum cognitio sit maximè necessaria ad salutem, etiam est maximè præcepta.

89 Non desinam tamen hic etiam adnotare, cum *Tanner*o in 2.2. disp. 1. qu. 7. dub. 2. n. 49. apud *Dianam* ref. 4. cit. num. 3. quod stando etiam in prima opinione, & tenendo fidem explicitam, nunc, post Evangelii promulgationem esse necessariam necessitate mediū, si aliqui adeo sunt rudi intellectu, ut ea Mytheria sub propria aliqua notione ullo modo percipere possint, tunc dicti rudes quoad hanc rem, cum infantibus, ac fatuis, comparandi erunt. Neque enim credibile est, Deum à quoquam exigere majorem cognitionem, quam ipse per vim proprii intellectus consequi possit. Ita ille. Unde apparet (ait *Diana*) quam bonus Deus iis qui recto sunt corde. Videatur *Sanct.* to. p. in *Decal.* lib. 2. cap. 3. num. 18. & 23. ubi docet quomodo dicantur explicitè credere rudes, & obtuso ingenio, etiam si substantiam articulorum percipere nequeant. Et pro eorumdem rudium consolatione, *Sylvius* 2. 2. qu. 2. art. 8. conclus. 8. relatus à *Diana* n. 3. cit. in fine, sic asserit. Si quis adeo sit bebes, ut huiusmodi Mytheria retinere non possit, excusabitur à præcepto, & si credat quomodo potest, ea, quæ diximus necessaria, necessitate mediū, salvus esse poterit. Adde, pro complemento huius privilegii, quod si quis adeo rudis esset, ac hebes, ut nullo modo

modo percipere, discernereque posset ea, quæ necessaria necessitate mediis scienda sunt; & de quibus fides explicita item necessaria est ad salutem necessitate mediis, affirmari potest, ac concedi, quod isto stante sua incapacitate, in fide Parentum salvabitur: sicut etiam parvuli rationis usum non habentes, in fide Parentum, vel Ecclesiarum baptizantur, & salvantur, cum capaces non sint ulterioris dispositionis: *Motseus in Summ. tract. 4. cap. p. n. 51. & 82. Leander de Baptismo tract. 2. disp. p. qu. 11. in fine: refertur Suarez, Vasquez, & Dicañilum.* Cuius additi ratio esse potest, quia taliter rudis, ac hebes, censendus est non adultus in ordine ad ea, ad quæ incapax est, non enim ætas est, quæ facit hominem adultum, sed cognitionis capacitas. Ad Auctoritatem verò Christi Domini: Qui verò non crediderit condemnabitur: dico, elic intelligendam de incredulitate voluntaria, post sufficientem propositionem credendorum. Adde, quod stulti à Nativitate nunquam dicuntur adulti, & isti in fide Parentum salvantur. Et nota quod dari potest incapacitas simpliciter, & incapacitas secundum quid.

PRIVILEGIUM QUINTUM.

Ignorans hodie explicitè invincibiliter Myſteria Circumcisionis Chriſti, Præſentationis in Templo, Adventus Magorum, Transfigurationis, Miſſionis Spiritus Sancti, excuſatur à gravi culpa; & huiusmodi ignorantia, culpa gravis, & letalis non eſt.

90 **A**dmittunt utique hoc privilegium ii omnes, qui affirmant, & docent, non teneri Fideles, necessitate præcepti fidei, dicta Myſteria explicitè scire, ac credere, consequenter eadem ignorantes, non peccare mortaliter. Suntque *Cominch in 2. 2. disp. 14. dub. 10. n. 190.* sub hiscemet verbis: *Quod attinet ad Circumcisionem, & Præsentationem Chriſti in Templo, & Spiritus Sancti descensum in Apostolos, credo omnes Catholicos teneri hæc explicitè scire, per se enim indecens eſt, hæc ita in Ecclesia celebrari, & à Catholico ignorari. Quia tamen horum cognitio non eſt per se necessaria ad vitam, rectè, & prout decet Catholicum, instituendum, & sine ea, primaria nostra fidei obiecta explicitè credi, & ſufficienter cognosci poſſunt, puto hanc obligationem non eſſe ita strictam; atque ita per se non eſſe peccatum mortale hæc ignorare. Nullo autem modo puto communi populo necessarium eſſe explicitè credere*

*Spiritum Sanctum procedere ex Patre, & Filio, aut alia ſimilia, quæ ipſi capere non poſſunt. Sanch. in Decal. lib. 2. cap. 3. n. 6. Palao p. p. tract. 4. disp. 1. punc. 10. n. 6. (allegans Valent. 2. 2. disp. p. q. 2. punc. 4. §. Quartò, pag. 308.) Dian. tom. 6. Coord. tract. p. ref. 5. n. p. ex p. 3. tract. 5. & Miscell. p. ref. 48. ubi refert Tanner. in 2. 2. disp. p. qu. 7. dub. 3. nu. 6. 8. & Suar. tract. de Fide disp. 13. ſect. 4. n. 3. Leander de Sanctiſſi. Sacram. in Decal. p. p. tr. 2. qu. 27. (allegans Valent. l. c. Gasparum Hurtadum disp. 8. difficult. p. Oviædum punc. 4. nu. 54. & Arriagam disp. 13. ſect. 13.) & alii citati apud Doctores. Fundamentum autem huius privilegii eſt, quia durum eſſet (inquit etiam Palao, & ex ipſo Leander) tenori Fideles, neceſſitate præcepti fidei, dicta Myſteria explicitè ſcire, & credere, & hæc obligatione aſtringi: aliàs tenerentur Parochi de iis penitentes inſtruere, quod non eſt uſu receptum. Neque obſtat quod opponunt *Lorca 2. 2. disp. 23. membr. p. n. 11. & 12. & Sylvius ibi qu. 2. art. 8. concl. 8. apud Leand. qu. cit. in princ.* Eccleſiam, videlicet dictorum myſteriorum ſolemnitates inſtituiſſe, quia cenſuit eſſe de poſſiſſimis, & præcipuis Articulis, quorum non ſolum ignorantiam habere noluit, ſed etiam quia voluit eſſe notiſſimos: non inquam obſtat, nam huic eidem oppoſitioni reſpondet (& optimè) *Arriaga l. c. num. 17.* apud eundem *Leand. qu. 27. cit. in fine,* dicendo, Eccleſiam ſolum inſtituiſſe dictorum Myſteriorum ſolemnitates, ut in illis Fideles audirent Sacram, & non laborarent; ad quod non requiritur, niſi ut in communi ſciant eſſe Feſtum, vel ad ſummum eſſe Feſtum Circumcisionis, &c. ex quo conſtat, ſolemnitatem illam non inducere obligationem Fidei, & ſcientiæ orga eaſdem ſolemnitates. Concludo tamen cum *Diana ref. 5. cit. nu. 5. in fine.* Quod ſupradictis non obſtantibus, licet ſint probabilia, ſuadendi ſunt Fideles, ut illa omnia explicitè ſciant, &c.*

PRIVILEGIUM SEXTVM.

Ignorans hodie invincibiliter, diſtinctè, & explicitè Myſterium Communionis Sanctorum, excuſatur à culpa, & huiusmodi ignorantia, culpa, ſaltem gravis, & letalis, non eſt.

91 **H**ujus privilegii ſubſtantia arguitur ex aperta, & clara doctrina *Vaſq. in 2. 2. to. 3. q. 121. c. 2.* ubi ſic: *num. 2. in princip. In Symbolo Apoſtolorum; & Niceno, aliqui articuli continentur, quos rudis non debet ex præcepto ſcire; nec Fideles communi- ter:*

ter : sed si quis audiat in Symbolo eos contineri, debet credere : nam Communionem Sanctorum, non omnes sciunt, imò etiam inter homines literatos non paucos invenias, qui ignorant, quæ sit hæc Communio Sanctorum. Ex *Sanch. in Decal. p. p. lib. 2. cap. 3. n. 7.* dum ibi sic : Communionem Sanctorum in Symbolo Apostolorum contentam, non tenentur Fideles in nostra sententia explicitè credere ; quippe nec cognitu facili, imò tam difficili, ut vix docti eam assequantur, nedum imperitus vulgus. Ex *Cominch disp. 14. dub. 10. supra cit. n. 189.* in quo affirmat : Rudiores absolutè non teneri distinctè credere Sanctorum Communionem ; quia hujus rei cognitio non videtur ità necessaria scitu ; & videtur habere majorem subtilitatem, cum etiam docti disputent in quibus rebus hæc communio consistat. Ex *Diana ref. 5. cit. n. 2.* cum *Villalobos in Summa tom. 2. traçt. 1. Diffic. 4. n. 3.* & ex aliis : quorum omnium idem fundamentum est, ac eadem ratio, ut patet ; quia videlicet cognitio articuli Communionis Sanctorum, non est scitu ità necessaria, nec adeo captu facilis, maxime à rudibus, & imperitis, cum nec pauci sint, etiam ex doctis, & literatis, qui ejusdem verum conceptum non percipiant, nec assequantur, ut constat etiam ex iis, quæ ego ipse tradidi in meo *Traçtatu De Filiatione Spiritualis* per totum, præcipuè cap. p. dub. 6. Favet huic eidem doctrinæ, ac sententiæ etiam *Suarez de Fide disp. 13. sec. 4. n. 10. apud Palaeum punct. 10. cit. n. 5. in fine*, ubi tamen *Palaeus* ipse videtur esse contrarius, dum ibi sic : Credo probabiliter omnes obligatos esse scire, & credere substantiam illius articuli Communionis Sanctorum : tum quia in Symbolo continetur, & non videtur specialis ratio excusandi hunc articulum à generali obligatione sciendi articulos fidei in Symbolo contentos, præcipuè cum convenientissimum sit, ut charitas inter fideles augeatur, scienter hanc inter se adesio spiritualium bonorum communicationem. Non tamen existimo obligatos esse Fideles ad sciendum, quia ratione hæc communicatio contingat ? Sufficit, si sciant contingere : quod certè à nullo etiam rustico videtur ignoratum, siquidem omnes petunt ab aliis, ut in suis orationibus memoriam illorum faciant. Sentiant ergo hanc communicationem adesio : hucusque *Palaeus*. Et Idem docet *Ouviedo traçt. de Fide contro. 7. punct. 4. n. 52. apud Leand. qu. 20. infra citata* : ait enim & ipse ; Non esse adeo captu difficile eundem articulum, ut par non fuerit rusticis præceptum apponi, circa illum positivam fidem. Quia & si multi interrogati, quid sit Sanctorum Communio,

respondere nesciunt, ideo est, quia vocis significationem ignorant, non rem significatam, quam credere tenentur, & ab eis credi constat, ex eo quod sæpe petant ab aliis, ut pro ipsis orent Deum ; & intercessionem Sanctorum apud Deum utilem esse agnoscant, dum à Sanctis petunt, & coram illis preces effundunt. Unde quamvis rusticus homo, qui aliquando alii homini dicit, commenda me Deo ; vel scilicet alicui Sancto commendat, ut à Deo aliquando beneficium obtineat, rem significatam per has voces, *Communio Sanctorum*, & substantiam hujus Articuli credere apprehenditur. Sic *Ouviedo*. At quod nos hic intendimus in nostro proposito privilegio, non est (ut ex propositione ipsa apparet) eximere fideles ab obligatione sciendi dictum *Communio Sanctorum articulum* ; imò ex opposito talem obligationem potius (in propositione ipsa) ex præcepto supponere ; & inscitiam solam articuli ejusdem, invincibilis ignorantie causa excusare, quia excusationem postea, à ratione nedum desumimus, verum etiam à doctrina, & assercionibus præcitorum Aucthorum pariter eruimus, quia si admittunt ipsi, non teneri rudes, & imperitus vulgus, distinctè, ac explicitè scire, & credere dictum Articulum, eo magis inscitiam ejusdem invincibilem excusabunt à culpa, quod est absolute concedere, & admittere ad literam nostrum propositum privilegium. Hinc & nos hic ultro etiam concedimus (cum eodem *Palaeo, Leandro in Decal. p. p. traçt. 2. qu. 20. & 26. & aliis apud ipsos)* teneri Fideles ex fidei præcepto, scire, & credere *Communionem Sanctorum*, eo quia hic etiam articulus continetur in Symbolo Apostolorum expressè ; excusari tamen à culpa, ignorantes expressè, distinctè eundem articulum asserimus, prout in proposito privilegio : imò ex hac assercione sit :

PRIVILEGIUM SEPTIMUM.

Ignorans quis invincibiliter explicitè, & distinctè aliquem Articulum, & Mysterium, ex contentis in Symbolo Apostolorum, excusatur à culpa, & talis ignorantia in ipso culpa non est.

92 **B** Revis summa, ac complexio omnium credendorum (præter Libros Canonicos, & traditiones Divinas, Apostolicas, & Ecclesiasticas) est illa, quam duodecim Apostoli, Symbolo Fidei edito tradiderunt, quamque in duodecim breves

breves sententias, quas Articulos appellamus, juxta numerum Apostolorum, aptè distinxerunt. Quod quidem Symbolum, est veluti nota quædam, & signum, quo Christiani homines, ab impiis, & infidelibus, (qui vel nullam, vel non rectam Christi fidem profiteantur) discernendi, ac internoscendi sunt. Huic autem Apostolorum Symbolo sunt addita alia duo Sym-bola, unum dicitur *Symbolum Nicanum* (sic vocatum, quia factum fuit in Concilio *Nicano*) & continet explanationem articulo-rum fidei pleniorē, ad hereses (*Manichæorum præsertim*) confutandas; alterum *Athanasii Symbolum*, ad Fidei defen-sionem, & ejusdem majorem explicationem pariter factum. Articuli igitur Fidei, quos credere tenemur, sunt duodecim, secun-dum numerum duodecim Apostolorum, à quibus compositi sunt; videlicet,

Divus Petrus dixit:

Art. 1. *Credo in Deum Patrem Omnipoten-tem, Creatorem Cæli, & Terræ.*

D. Andreas.

Art. 2. *Et in Jesum Christum, Filium ejus unicum, Dominum nostrum.*

D. Joannes.

Art. 3. *Qui conceptus est de Spiritu Sancto, natus ex Maria Virgine.*

D. Jacobus Major.

Art. 4. *Passus sub Pontio Pilato, Crucifixus, mortuus, & sepultus.*

D. Thomas.

Art. 5. *Descendit ad Inferos; tertia die re-surrexit à mortuis.*

D. Jacobus Minor.

Art. 6. *Ascendit ad Cælos, sedet ad dexte-ram Dei Patris Omnipotentis.*

D. Philippus.

Art. 7. *Inde venturus est judicare vivos, & mortuos.*

D. Bartholomæus.

Art. 8. *Credo in Spiritum Sanctum,*

D. Thadæus.

Art. 9. *Credo Sanctam Ecclesiam Catholicam: Sanctorum Communionem.*

D. Simon.

Art. 10. *Remissionem peccatorum,*

D. Mattheus.

Art. 11. *Carnis Resurrectionem.*

D. Mattheus.

Art. 12. *Vitam æternam.*

Hoc ordine Sancti Apostoli composuere *Symbolum*. Quod ego clarè elicio ex *Catbe-chismo Pii V. par. p. de Symbolo*. Quod au-tem omnes Fideles teneantur ex præcepto scire explicite, & credere omnes Artic-ulos duodecim prædictos in *Symbolo Aposto-lorum* contentos, sentiunt magis commu-niter Doctores, quos recensent *Trullench in Decal. 10. p. lib. p. cap. p. dub. 3. n. 7. & Leander qu. 20. cit.* ubi etiam pro hac ea-dem tuenda sententia, nedum allegat *Ten-tus Canonicos*, verum etiam *Catbichismum Pii V. præcit.* (Ubi in initio præcipitur, ne adulti ad Baptismum recipiantur, quin prius sciverint *Mysteria in Symbolo Apostolorum contenta*.) Ratio autem hujus communis sen-tentiae esse potest: quia Sancti Apostoli Sym-bolum hoc composuere, ut eo, omnes fideles instruantur circa fidem sub eadem formula, & sensu, uti etiam insinuare vi-detur idem *Catbichismus cit. Pii V. p. p. c. 1. sec. 2. sub his verbis: Quæ igitur primum Christiani homines tenere debent, illasunt, quæ fidei duces, doctoresque Sancti Apostoli divina Spiritu afflati, duodecim Symboli articuli di-stinxerunt. Nam cum mandatum à Domino accepissent, ut pro ipso legatione funderent, in universum mundum proficiscerentur, atq; omni creatura Evangelium prædicarent; Christianæ fidei formulam componendam censuerunt: ut, scilicet idipsum omnes sentirent, ac dicerent, neque ulla essent inter eos schismata, quos ad fidei unitatem vocassent, sed essent perfecti in eodem sensu, & in eadem sententia: Ergo omnia in Symbolo Apostolico contenta, (nulla exceptione admitta) debent fideles necessitate præcepti explicite scire, & cre-dere. Hinc etiam *Ornamento de Fide controvers. 7. punct. 4. n. 52. (apud eundem Leandr. l. c. qu. 24. dub. 3.)* arguit sic: Hoc Symbo-lum Apostoli composuerunt, ut omnes Fideles instruerent circa fidem; ergo par fuit, ut in eo continerentur omnia, quæ debebant credere Fide divina, ut eo sufficienter essent in Fide instructi, & ne cum necessario credendis, alia non necessariis credenda permiscerentur, ne Fi-deles confunderentur, & discere non possent, quæ illi credere necesse erat, & quorum actum Fidei positivum possent inculpabiliter omittere; aliqui, sive per defectum necessariis credendo,*

rum, siue per excessum Articulorum, quia supra necessariò credendos, aliis, quos positivè credere necessarium non erat, adiuncti fuissent, Fideles sufficienter instructi non essent circa obligationem credendi, & de quolibet Articulo possent dubitare, an illum ex præcepto credere tenerentur, si vel unus non necessariò credendus fuisset admixtus cum aliis non necessariò credendis. Hucusque Ouveo. Ex quo, uti ex supradictis, clarè habetur (& est sententia D. D. magis communis) teneri Fideles necessitate, præcepti explicitè credere, & consequenter scire, omnia, quæ in Symbolo Apostolorum continentur. Non desunt tamen qui contrarium sentiant, ut sunt hi, qui in Privilegio præced. excipiunt Communionis Sanctorum Articulum; & alii, qui alios Articulos excipiunt, quos in Privilegiis sequentibus asserimus. Admissa nihilominus huc (quod libentissimè facimus) prima, & magis communi sententia.

93 Probatur clarissimè propositum Privilegium: quia concessa etiam tali necessitate præcepti, executionis ipsius obligatio suspenditur in eo, qui habet invincibilem ignorantiam ejusdem, ob quam etiam excusatur à culpa, & talis ignorantia in ipso culpa non est, ut toties dictum est, ergo. Confirmatur primò ex doctrina Azorii tomo 1. Instit. Moral. lib. 8. cap. 6. qu. 7. ibi enim quaerens; An possit in quempiam, piorum, & fidelium hominum cadere ignorantia iusta, & probabilis (quam invincibilem vocant) omnium Articulorum fidei. Respondet: *Difficile esse creditu posse id evenire. Nam cum Fideles, & Pii homines inter Christianos nutriantur, insituanturque, sæpius audire solent Articulos fidei Christianæ, cum eos de more proponat Ecclesia. Fieri tamen potest, ut quis in puerili etate ad aliquod tempus ignoret probabiliter absque peccato Articulos fidei, eo quod male sit educatus à puero, absque ulla prorsus cura, & studio sciendi res fidei: Quod parentes non habueris, vel certè, quod negligentes, aut ignaros fueris sortitus, vel quod in agris, & sylvis tanquam inter pecora, & armenta fueris educatus; vel denique, quod apud Gentes à fide, & Religione Christi alienus, ac veri Dei ignoratione carcas fueris commoratus. Fieri item potest iisdem de causis, ut qui etiam adultæ, & provecioris ætatis, multas res fidei ignoret absque peccato, ac proinde in culpa non sit. Nam præcepti, & legis ignoratio probabilis, & iusta, excusat à peccato. In hominem itaque Christianum à parentibus fidelibus, ac pii progenitum, & inter Christianos nutritum, & insitutum, ignoran-*

tia probabilis omnium Articulorum, vin cadere potest. Aliquorum tamen, quos non ita publico, & solemniter ritu celebrat, & decantat, ac docet, & tradit Ecclesia, potest. Ecce igitur quod admittit Azorius, & approbat privilegium nostrum. Quod præterea, Confirmatur secundò, ex Trullench l. c. n. 11. ubi ait: *Attenta fragilitate humana, & se inclinare in sententiam banc, nimirum, satisfacere præcepto fidei quemlibet ordinarium fidelem, si explicitè credat (consequenter sciat) fidei articulos, quos Ecclesia solemnizat. Concedens & ipse n. 18. Non teneri fideles communiter, & per se loquendo, explicitè scire, & credere Mysterium Circumcisionis; Adventum Magorum; Missionem Spiritus Sancti, nec Sanctorum Communionem. Si ergo non tenentur fideles (per tot Autores) explicitè scire dictum Symboli Articulum Communionis Sanctorum, multo magis excusabuntur à culpa ignorantes invincibiliter eundem; & hoc est utique admittere propositum privilegium ut patet.*

PRIVILEGIUM OCTAVUM:

Ignorans quis invincibiliter Verbalem formam Symboli Apostolici, excusatur à culpa, etiam veniali; & talis ignorantia in ipso culpa non est.

94 **A**dmittunt quidem D. D. communiter (ut videre est apud ipsos) hoc privilegium, quoad excusationem à culpa lethali; at non etiam à veniali: dicentes, Adultos, Symboli Apostolici formam, sub verbis præceptis, & eo ordine, quo proponit Ecclesia, lingua latina, aut alia, memoriter non scientes, nec tenentes, peccare saltem venialiter: Navarr. in Man. cap. 11. n. 22. Azor. 10. p. Instit. Moral. lib. 8. cap. 7. qu. 4. & 5. & vers. Præterea planè. Paludan. in 4. disp. 15. qu. 5. art. 1. ubi ait: *Esse quidem præceptum, Symbolum Apostolicum addiscendi, sed cujus transgressio sit tantum venialis culpa, non lethalis. Sanchez in Decal. 10. p. lib. 2. cap. 3. n. 16. & 19. plures alios allegans. Coninch de Moralit. disp. 14. dub. 10. n. 194. Laymann. lib. 2. tract. p. cap. 9. n. 4. Trull. in Decal. lib. p. cap. p. dub. 3. n. 20. & alii ab his citati: docentes præceptum memoriter ediscendi Symbolum Apostolorum, esse Ecclesiasticum, longa consuetudine firmatum, & esse obligatorium, sed sub veniali tantum: satis enim est (inquiunt) scire Symbolum quoad substantiam,*

& ita, quod interrogatus sciat respondere, hoc esse, & illud de fide, & si verba Symboli, memoriter, & proprio cum ordine, non retineat. Adverit tamen *Sancti* l. c. cum *Leodesma*, & cum eisdem *Trull.* n. c. Ignaris latinæ linguæ non satis esse scire, Symbolum Latina lingua, neque satisfacere præcepto sciendi, & credendi explicitè, nisi interrogati sciant respondere: nam aliter idem est, ac omnino nescire. Imò nec sufficit (ut idem *Sancti* addit n. 16. cum eodem *Leodesma*) memoriter scire, & non intelligere instar Plitaci, sed oportet proprium verborum sensum, utcumque, & crasso modo intelligere: (in ea scilicet lingua, qua quisque intelligit) quia scire memoriter, etiam vulgari lingua, non intelligendo, non est scire. Idcirco (concludit *Trull.* in fine n. 20. cit.) & si necessarium non sit Symbolum, quo ad verba memoriter tenere, nihilominus tamen, valde indignum est, & à communi piorum Catholicorum sensu alienum, talia verba non tenere: proutque laudabitur tanta solitudine, tantoque studio parentes curant ea ipsa verba à suis liberis abinsantia mandari memoriæ, & eos de rebus, per eadem verba significatis, erudiri: ita dictus Author; sustineus (ut supra) præceptum hoc de memoriter retinendo Symboli verba, sub veniali saltem obligare. Verum,

95 Non defunt qui à culpa etiam veniali excusant huiusmodi ignorantes, laborantes maxime ignorantia iusta, probabilis, & invincibilis, ut loquitur privilegium nostrum: ita præcipue *Suar. tract. de Fide, disp. 13. sec. 5. n. 8.* ubi sic asserit: Certum est, non esse obligationem gravem retinendi memoriæ verba Symboli, vel præceptorum, ita ut sit peccatum mortale hoc omittere. Et ratio esse potest, quia vel de præcepto non satis constat, quia nec ab aliquo Pontifice; nec in aliquo Concilio generali latum invenitur, vel quia alii Canonici, qui de hoc loquuntur, de substantia Mysteriorum sufficienter intelliguntur: vel certe, quia materia illa levis est, si præcisè in verbis, vel in eorum ordine sistatur. Probabile autem est, si ex pura negligentia hoc omittatur, non carere aliqua culpa, saltem veniali, quia præter Canones, qui hoc insinuant juxta communem usum Ecclesie, talis negligentia censetur aliquo modo culpabilis, & in aliis aliquando scandalum generat. Si verò quis meliorem diligentiam adhibeat, & nihilominus ob naturalem defectum, vel incapacitatem, verba retinere non possit, facile poterit ab omni culpa excusari. Itaque apud *Dianam*, quem ipse approbat, *Tom. 6. Coord. tract. p. ref. 6. n. 2. Ex p. 2. tract. 16. & Misc. 2.*

ref. 12. aliis 14. Medina de Oratione qu. 10. apud Azor. Versu cit. nullam vult esse præcepti obligationem, addiscendi, & memoriæ mandandi Symbolum. At nos hic supponimus aliqualem utique obligationem adesse; eo enim ipso quod ignorantia laborantes, incapaces, & impotentes, cum *Suar.* excusamus, infertur eos aliquo esse obligatos, nemo enim, si propriè loquendum sit, dicitur excusari in aliquo, si ad illud aliqui non obligetur, & ita est in casu nostro ex dictis.

PRIVILEGIUM NONUM.

Ignorans invincibiliter aliquos Fidei Articulos, quos Ecclesia solemnizat, excusatur à culpa, & talis ignorantia culpa non est.

96 IN hac re aded gravi (inquit *Trullench lib. p. in Decal. cap. p. dub. 3. n. 11. in fine*) tanta est (proh dolor) fidei negligentia, ut non pauci inveniantur, qui nec modo, dicta Mysteria (idest, quæ solemnè ritu celebrat Ecclesia) explicitè credant, & intelligant, vel sciant. Ad quod tamen absolute teneri ex præcepto, & obligari, docent *D. Tho. 2. 2. qu. 21. art. 7. in resp.* ubi sic: Post tempus gratia re velata, tam majores, quam minores tenentur habere fidem explicitam (consequenter cognitionem, & scientiam) de Mysteriis Christi, præcipue quantum ad ea, quæ communiter in Ecclesia solemnizantur, & publicè propuntur. *Azorius to. p. lib. 8. cap. 6. qu. 2. cum communi (ibi) Theologorum Schola. Eymertus in Directorio Inquisitorum p. p. qu. 4. n. 4. pag. mibi 47. col. p.* ubi: Sufficit enim Laicis simplicibus habere notitiam Articulorum, de quibus Ecclesia festivat. *Armilla Verbo Credere n. 2. Sanchez in Decal. lib. 2. cap. 3. n. 6. Sayrus in Clavi Regia lib. 2. cap. 9. n. 15. Trullench n. 11. cit.* & alii apud istos allegati, unanimiter convenientes, Fideles omnes ex Fidei præcepto teneri scire Fidei Mysteria, quæ communiter celebrantur in Ecclesia: aded ut *Sayrus* ipse videatur n. cit. in princ. ita rigorose loqui, quod nec admittere in hoc velit privilegium propositum, dum ibi sic: Et idè circa hæc Mysteria nullus Fidelium habere potest ignorantiam invincibilem: Quo tamen non obstante.

97 Probatum nostrum propositum privilegium, tum ex eodemmet *Sayro n. cit. in fine:* dum limitans ibi, quod in princip. numeri asseruit, sic ait: Hoc autem intelligendum est de illis, qui vivunt inter fideles, ubi talia

talía Myſteria celebrantur, & prædicantur. Nam ſi quis baptizatus in infantia, captivetur apud infideles, veniens ad uſum rationis, invincibiliter ignorare poteſt talia Myſteria, quia non habet à quo doceri poſſit. Immo etiam aliqui ruſſici, & valde rudes inter Chriſtianos, aliqua Myſteria invincibiliter ignorare poſſunt, quia ſcilicet, ab iis, quorum curæ mandati ſunt: ſive Parochiis, ſive Parentibus, & Patrimis, inſtructi non ſunt, nec admoniti; nec ipſi alios adire poſſunt, à quibus inſtruantur, id quod raro tamen accidere poteſt. Tum ex dictis in Privileg. V. ex quibus conſtat, Ignorantiæ Privilegium extendi etiam ad ea Myſteria, quæ communiter ſolemnizantur in Eccleſia. Immo adde, non approbari univerſaliter à D. D. quod præcitati Authores, & alii cum ipſis docent, teneri videlicet Fideles ex Fidei præcepto, ſcire explicitè, ac credere, ea Myſteria, de quibus Eccleſia feſtivat. Hinc Palao. p. tract. 4. diſp. p. punc. 10. n. 3. in fine: ita loquitur: Quod verò aliqui dicunt, pro regula illorum, quæ credenda ſunt explicitè, habendam eſſe ſolemnitatem, & Eccleſiæ celebrationem; ita ut illa Myſteria, quæ in Eccleſia ſolemnitè celebrantur, debeant ſciri, & credi explicitè ex præcepto, mihi non probatur: ſicut nec probatur Sanch. in Decal. p. p. lib. 2. cap. 3. à n. 4. Valent. 2. 2. diſp. p. qu. 2. punc. 4. circa finem. Cominch diſp. 14. dub. 19. conſuſ. 2. n. 188. Suar. de Fide diſp. 13. ſec. 4. Aliàs teneretur qui ſcire Circumſiſionem, Præſentationem in Templo, Tranſfigurationem, Purificationem B. Virginis, Adventum Spiritus Sancti ſuper Diſcipulos, quorum non videtur neceſſaria expreſſa notiſia. Sic Palao.

98 Qui n. 1. cum Sanch. c. 3. cit. n. p. & alii, advertit, & optimè, eodem præcepto quo tenemur Myſteria fidei, & revelata credere, eodem etiam, & eadem obligatione teneri ſcire, quæ revelata ſunt: quia huic eidem præcepto, & obligationi ſatisfacere nulla ratione poſſumus abſque cognitione illorum, quibus aſſentiri debemus. Unde ex hoc, eadem eſſe videtur obligationis ratio in credendo, ac in ſciendo Articulos, & Myſteria fidei (quia actus ipſe credendi, cognitio quedam eſt, ait Filliuc. to. 2. tract. 22. cap. 2. n. 41. huiusmodi approbans doctrinam.) Quam tamen limitat Sanch. l. c. n. 18. & ex ipſo idem Filliuc. n. cit. ſub hac videlicet diſtinctione: Eadem eſt ratio obligationis in credendo explicitè, & in explicitè ſciendo articulos, & Myſteria fidei: Si ſermo ſit (iniquiunt, & bene) de ſcientia quadam conſuſa: quia actus credendi, cognitio quadam eſt, ſicque eo-

dem modo quo fides aliquorum articulorum dicitur neceſſaria explicitè; debet etiam dici eorundem ſcientia explicitè neceſſaria. At ſi ſermo ſit de ſcientia diſtincta, & quodammodo explicita, videtur eſſe aliqua differentia. Nam aliquorum articulorum fides explicita adeò neceſſaria eſt, ut ſi quis ea careat, ſalvari non poſſit. At ſcientia eorundem explicita, & diſtincta, ita ut eorum ſciat rationem reddere, non eſt ita neceſſaria; ſed ſi quis ea caret ob impotentiam, & ruditatem ingenii, etiamſi aliqui ſit obligatus ex præcepto, tamen quia legitime excuſatur ob impotentiam, poterit abſque tali explicita, & diſtincta ſcientia ſalvari. Vide Sanch. n. 18. cit. Vide etiam Leandrum in Decal. p. 1. tract. 2. qu. 19. ubi duo dicit: Unum; Multa eſſe Fidei Myſteria, quæ ſolemnitè ritu ab Eccleſia celebrantur; qualia ſunt, Circumſiſio Domini, ejuſdem Epiphania, & adoratio à Magis, ad quæ poſitive credenda (conſequentè ſcientia) non tenentur omnes Fideles ex præcepto. Alterum; Non ſufficere ad ſatisfaciendum Fidei præcepto, credere, (conſequentè ſcire) ea ſolum Myſteria, quæ ab Eccleſia celebrantur, quod conſtat, eo quia, omnes Fideles tenentur credere Reſurrectionem mortuorum, Judicium extremum, & Communionem Sancto-ram, quæ in Symbolo continentur, & tamen hæc non celebrantur ab Eccleſia. Sic Leander cum aliis. Sed hic.

99 Quæres primò. Quandonam præceptum ſciendi res fidei incipiat nos obligare? Reſpondeo, ſtatim atque aliquis pervenerit ad uſum rationis, & rationis compoſitus eſt, ſive Chriſtianus, ſive à Chriſti Religione alienus incipit hac lege, & præcepto teneri, quoniam eſt juris Divini præceptum, & ad ſalutem æternam neceſſarium. Nam teſte Paulo: Sine Fide impoſſibile eſt placere Deo: ergo quiſque, cum primum uſum rationis conſequitur, incipit lege divina obligari, ut res fidei ſcire debeat, cum oportet eum, in hoc, ſtadium, & curam ſuam collocare, ut aſſequi poſſit vitam æternam. Ita tenent Navarr. in Man. cap. 11. n. 22. Verſ. Quintò peccat mortaliter. Azor. to. p. lib. 8. cap. 7. qu. 2. Sanch. cap. 3. cit. num. 12. cum aliis apud ipſum, (aſſirmantes præceptum hoc obligare à pubertatis tempore, ut pueros, cum decimumquartum annum naſti ſunt; ſæminas verò, cum duodecimum.) Filliuc. l. c. n. 52. addens tamen n. 53. (dummodo fuerint ſufficiens inſtructi) tunc enim (inquit) ex divi- no præcepto obligantur etiam ad reliqua man- data, ut

data, ut recipiendi Baptismum, Confitendi, & diligendi Deum super omnia (Dummodo fuerint sufficienter instructi.) Quia ante instructionem, est quedam obligatio remota, quatenus hoc ipso quod pervenerunt ad usum rationis, sunt capaces præcepti, & supposita cognitione illius, tenentur ad observationem: proxima verò tunc est, quando præcessit sufficiens instructio; tunc enim excusationem non habent sue infidelitatis. Ità Filliuc. Vide Palaum l. c. punct. 11. n. p. Trullench dub. 3. cit. n. 13. & alios. Et nota cum eodem Palaus, non esse absolutè, & simpliciter retinendam sententiam eorum, qui apud Sanch. n. cit. 12. affirmant, neminem obligari credere, & scire Mysteria fidei, nisi pervenerint ad annos, & ætatem pubertatis, ut supra: sed affirmandum simpliciter, obligari quemquam ad id, cum primum assecutus fuerit usum rationis, quia in aliquibus acceleratur rationis usus, ad quem utique cum quisque pervenerit, tenetur fidei Mysteria credere, consequenter eadem tenetur addiscere, quia absque scientia eorumdem, credi non possunt.

100 Quæres 2. Quomodo se habere debeat Confessarius cum ignorante Mysteria fidei. Respondeo cum Coninch disp. 14. dub. 11. à n. 231. Azor. l. c. cap. 8. qu. 5. Sanch. cap. 3. cit. n. 21. Palaus punct. 11. cit. n. 7. Trullench l. c. dub. 4. num. 6. & aliis. Quoties sufficienti fundamento, & probabiliter præsumit pœnitentem hac ignorantia laborare, debet illum interrogare (aliàs non tenetur.) Quia Confessarius tenetur interrogare peccata quæ verisimile est pœnitentem commisisse juxta suum statum. Et hujusmodi interrogatio fieri præcipue debet, ut agnoscat, an ignorantia pœnitentis fuerit invincibilis, & inculpabilis, an verò culpabilis, & necessarid confitenda: circa quod advertit, & bene, Azor. n. cit. in fine: & cum ipso Sanch. n. cit. in principio. non esse necesse interrogare personas nobiles, aut bene à pueritia educatas, aut quæ studio literario vacant, aut frequenter ad Confessiones accedunt. An verò obligatio sit in Confessario instruendi pœnitentem de his Mysteriis (ne cumignarum relinquat) antequam absolvat? Bannes 2. 2. qu. p. art. 8. dub. 2. Petr. de Ledesma tom. 2. Summ. tract. p. cap. 3. post. 7. conclus. & alii apud Palaum n. 7. cit. præp. finem: docent non esse absolvendum, sed instruendum à Confessario, vel remittendum, ut plus discat. Palaus tamen probabilius existimat posse Confessarium absolvere pœnitentem à peccatis, quin de Mysteriis prædictis instruat, modo pœnitens habeat firmum propositum

ea addiscendi. Et ratio est (inquit ipse.) quia nullibi constat, præceptum esse addiscendi ea Mysteria ante absolutionem: neque credendum est obligationem esse ità strictam, ut non possit aliquo tempore differri. Quod efficacius procedit, cum pœnitens ignorantia invincibili tunc laboravit: quando autem ignorantia culpabilis fuit, majori circumspectione opus est, & examinandum diligenter propositum addiscendi, an firmum sit, quod si tale esse constiterit, absolvi poterit: sic Palaus, cum Azor. l. c. Sanch. nu. cit. 21. & nu. 23. Coninch dub. 11. cit. circa finem: ubi ait: Optimum quidem consilium esse, sine dubio, quando Confessario integrum est, instructioni vacare: Sed quia sæpe aliorum Confessionibus impedito, non est ità integrum, uni tantum temporis impendere, communiter sufficit eos graviter monere, ut dicta, ab aliis discant, & id promittentes, absolvi possunt: nisi ignorent scitu necessaria necessitate medi ad justificationem: tunc enim in his ante absolutionem rudimodo instruendi sunt, ità ut saltem prout à Confessario proponuntur, ea credant, & si minus exactè ea concipiant: ità Coninch: quod confirmat Palaus l. c. sub his verbis: Et quidem debere Pœnitentes instrui ante Confessionem Mysteriis necessariis necessitate medi cognoscendis, nemini est dubium: nam sine illorum cognitione, prima salus haberi non potest: horum tamen rarus, vel nullus est ignorans. (Et instructionem sufficientem præmittendam etiam esse ante Baptismi susceptionem, quando adultis dandus est, tradunt Valent. tom. 4. qu. 3. Punct. 3. ad finem: Versu, Vt autem sine peccato: Sanch. l. c. n. 24. Pal. n. cit. in fine: & alii ab his allegati: Quia cum in fide tyrones sint, ac in infidelitate educati, ignorant prorsus fidei rudimenta, ac Religionis Christianæ præcepta. Unde nisi sufficienter de his instructi baptizentur periculum subest, ut postea conscii fidei, & morum, ad quos Baptismus obligat, retrocedant, aut se deceptos allegent. Atque ipsum naturæ hoc dicitur. Nemo enim prudenter fidem admittit, quam ignorat. Quamobrem hos de fide, ac Christianis moribus instruendos esse, ex multis Conciliis, ac Scripturæ testimoniis probant Sor. in 4. d. 6. qu. 2. art. p. ad finem, Suar. tom. 3. in 3. p. quæst. 71. art. 2. in principio comment. Valent. ubi supra, & alii apud Sanch. n. 24. cit. concludens ibi: esse culpam mortalem, ante hanc sufficientem instructionem quempiam baptizare, nisi mortis periculum urgeret.) Vide Jo. Sanchum in Selectis disp. 9. num. 18. ubi præcipue cum Sanchez

n. 21. cit. (ait) Non teneri Confessarium denegare absolutionem ignorantia Doctrinam Christianam, (excipe principaliora mysteria, &c.) & si sepe admonitus non didicisset; dummodo poeniteat præterita negligentia, & emendationem proponat. Nec de hoc peccato aliud censendum esse, quam de alio, in ordine ad negandum absolutionem ob relapsionem. Quia cuiuscumque præcepti violati emendationem proponere, & dolorem habere, sufficiens dispositio est ad absolutionem, quando poenitens aliud efficere non potest tempore confessionis, quam dolere

PRIVILEGIUM DECIMUM.

Invincibiliter ignorans quis præceptum quo sub Mortali obligatur in primo instanti usus rationis, se convertere in Deum, & sua in ipsum, tanquam in ultimum finem ordinare, ob idque omittens eum actum facere, excusatur à culpa, & talis omisso, ac ignorantia, in ipso culpa non est.

101 Q UOD puer statim ac ad usum rationis pervenerit obligatus sit sub mortali omnia sua, in Deum tanquam in auctorem naturæ referre, est sententia, quæ originem ducit ex D. Tho. p. 2. qu. 89. art. 6. & alibi, ut videre est apud D. D. Quam sententiam sequuntur Navarr. in Manual. cap. 11. n. 8. Sotus de Justis. lib. 2. qu. 3. art. 10. column. 6. versu, Responsio horum argumentorum, & alii apud Sancti in Decal. lib. 2. cap. 35. n. 6. Valent. p. 2. disp. 6. qu. 19. punct. 3. Palaus Tom. p. tract. 4. disp. p. punct. 12. n. 5. Dianam p. 5. tract. 14. & Miscell. 2. ref. 105. Leandrum in Decalog. par. p. tract. 3. disp. 2. qu. 14. & apud alios. Huius autem sententiæ, eam esse rationem præcipuam, inquit seclatores ejusdem, quia nisi daretur ejusmodi præceptum obligans pueros sub mortali ab ipso primo rationis lumine, inveniri posset peccatum veniale cum solo originali, ut si puer quis nondum Baptizatus, perveniendo ad usum rationis committeret mendacium officiosum, aut verbum otiosum. At hoc dici non valet: quia si puer in hoc statu decederet, nullus esset locus, quo posset propter veniale puniri. Nom enim puniretur in Inferno, quippe illuc soli decedentes cum mortali actuali abeunt. Non in Purgatorio, quo soli amici Dei purgandi sunt. Nec in Limbo puerorum, quia cum ibi nulla poena sensus sit, non punitur ibi veniale. Confirmatur, quia in primo instanti usus rationis tenetur homo deliberare de seipso,

ac proinde tenetur se ad Deum convertere, & omnia sua in eum, tanquam in ultimum finem, dirigere, & ordinare; quia consentaneum est creature rationali, ut creatorem recognoscat, & amet: ad id enim speciali Dei auxilio adjuvatur, ad idque exercendum ex præcepto obligante consequenter tenetur, adeo ut Cajet. p. 2. qu. 89. art. 6. asserat, præcisè omnes teneri omissionis peccatum fateri in dubio, an omiserint eum actum facere, nec ne.

102 Hac igitur supposita doctrina, ac sententia, ex præcepto sub mortali ad dictum actum obligante: Dicimus in hoc nostro Privilegio, Omittentem ex invincibili ignorantia eundem actum facere, excusari à culpa lethali, atque hujusmodi ignorantiam in ipso esse inculpabilem. Et probatur, quia hujusmodi præceptum (ut optimè etiam Leander disput. cit. quæst. 15.) obligat sicut cætera præcepta affirmativa, sacula videlicet ejusdem præcepti ignorantia, aut inadvertentia: Universi autem pueri (ut idem etiam Author ait qu. 14.) invincibili ignorantia hujusce præcepti laborant: Ergo à culpa (illud idem ob eandem ignorantiam universaliter non adimplentes) excusantur; & à peccato ob id immunes censentur.

103 Hic tamen adverto, quod & si probabile sit, dictum præceptum obligare statim ac quis (vel paulo post) ad usum rationis pervenerit: quando quis jam advertit, & secum reputat rationes, quas habet amandi Deum, & de ipso cogitat, de ejus bonitate, & excellentia, ac beneficiis, &c. ut docent supracitati, ex D. Tho. & cum ipso: Alii nihilominus è contra negant prædictum præceptum per se obligare puerum, statim, ac usum perfectæ rationis est assecutus. Quia existimant, minimè dari præceptum convertendi se ad Deum pro illo tempore: & consequenter, nec præceptum diligendi Deum tunc obligare. Ratio eorum est, quia nec rationi, nec suavitati legis divinæ videtur consonum, ut præceptum tam arctum, obliget sub mortali culpa in tantenora ætate; ad statim adimplendum: eo vel maxime, quod universi pueri invincibili ignorantia ipsius præcepti laborent. Secundò, quia nullus profectò est, qui cognoscat primum instans sub rationis: Ergo nullus ligari hoc præcepto pro illo tempore potest. Et hujus sententiæ sunt Valent. p. 2. disp. 6. q. 19. punct. 3. Vasq. p. 2. qu. 89. art. 6. disp. 149. toto cap. 2. (in quo multis rationibus probat, nullum adesse præceptum ita obligans

obligans sub mortali homines pervenientes ad usum rationis se convertendi ad Deum.) *Azor. 10. p. Institut. Moral. libro 4. cap. 10. qu. 6. & libr. 9. cap. 4. qu. p. Suar. de Penit. disp. 11. sec. 2. n. 14. & 15. Sanch. in Sum. lib. 2. cap. 35. n. 7. Diana p. 5. tract. 14. & Miscell. 2. respons. 105. vers. Notandum est. Leander. q. 14. cit. & alii plures: Qui (præcipue Valent. & Sanch. l. l. c. c.) ad præcipuum fundamentum prioris sententiae respondent, non futurum ut qui solum veniale peccatum cum originali habet, moriatur: sicut solet dici, nunquam futurum ut qui prædestinatus est, moriatur eo tempore, quo est in peccato mortali: Deus etenim, quæ futura erant prævidens, destinavit loca hominibus puniendis determinata; nec ullum pro adultis cum Originali, aut cum eo, & veniali decedentibus, constituit: sicut etiam constituit prædestinatum non moriturum in mortali, quia tunc moriens damnaretur, quod repugnat prædestinationi, ex hypothesi legis divinæ de certitudine prædestinationis. Ex sicut hunc dicimus non posse in mortali decedere impossibilitate consequenti ex suppositione scientiæ Dei, quæ libertatem non aufert; sic nec adultus potest mori cum originali absque alio peccato mortali, supposita Dei ordinatione, qua morituris loca destinavit, inter quæ non est huius locus. Hæc autem est impossibilitas consequens scientiæ Dei, quæ libertatem minimè tollit. Ita etiam Stephan. Fagundes To. pr. in Decal. in p. Præcept. lib. p. cap. 27. n. 9.*

104 Verum, cum adhuc de medio sublatum hoc fundamento, alia supersint, quæ admodum affirmativam sententiam stabiliant, ut videre est apud Doctores; & negatiua similiter, viribus rationum, & auctoritatum, minime destituatur, utraque probabilissima est, ut etiam tenent Vega lib. 9. in Trident. c. 42. ad finem: (relatus à Sanch. d. n. 7.) & Didacus de Narbona De Ætate ad Omnes Humanos Actus requisita, Anno 7. quæst. 11. n. 11. licet Diana resolvit. 105. cit. initio: probabilem asserat affirmativam sententiam: probabiliorem, verò negativam (quam ipse tenet Versu, Notandum est tamen; in fine.) Et contra verò Toletus in Summa lib. 4. cap. 9. n. 4. in fine: pag. mibi 318. column. 2. sentiat oppo-

situm, dicendo, in praxi securius affirmativam: In qua tamen si velis stare (eamque sequi, ait Diana Versu cit. in principio) non est intelligenda ita stricte, quasi peccemus statim mortaliter habita sufficienti Dei cognitione (si nostra in ipsum tanquam in ultimum finem, ut supra non ordinemus) si non eliciamus actum dilectionis; hoc enim satis grave esset; sed quod seclusa omni ignorantia, & inadvertentia, sine gravi peccato nequeamus talem actum valde diu differre. Neque (subjungit idem Diana) torquere se quis debet, ut observat Hurtadus in 2. 2. disp. 174. sec. 5. §. 24. utrum huic præcepto satisfecerit, quia quandiu positivum, & probabili argumento non meminit, se hoc præceptum omisisse, culpæ sibi persuadeat se contra illum non peccasse; vel quia Deum dilexit (& sua in ipsum tanquam in ultimum finem, ut supra, ordinavit) vel quia illud inculpæ prætermisit. Adde, quod si certo sciat huic præcepto non satisfecisse, potest sequi opinionem negativam, quam ego teno, nempe non adesse pro illo tempore tale præceptum: ut præter D. D. citatos, tenet Vasq. in p. 2. disp. 149. cap. 2. & Turrianus in 2. 2. disp. 97. dub. 4. Hætenus Diana.

105 Nec hic definam adnotare, quod et si dictum præceptum, se videlicet convertendi in Deum, eumque diligendi, & ad eum tanquam ad ultimum finem sua omnia dirigendi, ac ordinandi, obligaret puerum, statim ac assequitur usum rationis, sive baptizatus sit, sive non, ly statim, non debet sumi cum primum in eo incipit usus rationis: aut in primo instanti physice sumpto, quo puer incipit cogitare, de ejus bonitate, &c. Sed statim obligare, id est, in instanti, quo incipit puer habere usum rationis, sumpto instanti moraliter; pro initio morali perfecti discursus: quando scilicet aliquis cum pleno rationis usu, cogitat de Deo, de ejus bonitate, excellentia, & ejus beneficiis, ex quorum cognitione clarè videat necessariam sibi per amorem conjunctionem cum ipso, sequi teneri ad eum convertere, ac omnia sua in eum, tanquam in ultimum finem referre, & dirigere, & ut suum Creatorem recognoscere, & amare, taliter teneri de seipso deliberare, &c. Vide Leandrium qu. 14. citat. Versu, Respondeo clarius; & alios.



CAPUT QUARTUM⁵⁷ DE PRIVILEGIIS IGNORANTIÆ CIRCA LEGEM ECCLESIASTICAM.

106



ST utique in Ecclesia Dei legitima potestas condendi leges in conscientia obligantes, etiam si hæc non præcipiant id, quod est juris Divini, ita ut possint coerceri contumaces, atque inobedientes; idque clarissimè patet: primò, ex Scriptura, in qua Christus Dominus reliquit potestatem regendi Ecclesiam, ligandi, & solvendi: Unde *Matth. 16.* dixit Petro: *Tibi dabo claves*

Regni Cælorum: Quod idem omnibus Apostolis postmodum concessit, Matth. 18. Amen dico vobis quæcumque alligaveritis super terram, erunt ligatæ & in Cælo; & quæcumque solveritis super terram, erunt solutæ & in Cælo. Et *Jo. 20.* *Sicut misit me Pater, & ego mitto vos*, idest, cum simili potestate, & auctoritate, ut exponunt Patres, præcipue *Sanctus Chrysostomus.* Et *Matth. 23.* *Super Cathedram Moysi sederunt Scribæ, & Pharisei; omnia ergo, quæcumque dixerint vobis, servate, & facite:* Quibus verbis mandat Dominus, ut obtemperemus humanis Prælati: & quidem obedientiam decernit etiam malis Prælati: hinc lege Divina, & consequenter sub mortali obligamur legibus humanis Ecclesiasticis, Ecclesiasticisque præceptis obtemperare. Secundò, idem patet ratione: Quia si non teneremur obedire Ecclesiæ Prælati, nisi quando proponunt id, quod est Juris Divini, revera non plus auctoritatis haberent Prælati, quam fideles privati, nam etiam privati obedire tenemur quando proponunt Jus Divinum, Prælati verò, etiam in iis, quæ præcisè non sunt Juris Divini: ut constat ex *Lucæ cap. 10.* ubi: *Qui vos audit, me audit: qui vos spernit, me spernit:* non enim dicit, qui vos spernit, quando mea præcepta proponitis: de hoc namque poterat nemo dubitare. Hinc usque ab Ecclesiæ initio fuit mos condendi Leges humanas à Divinis distinctas, ut patet *Act. 15.* Apostoli namque in Concilio definientes, *Visum est* (inquiunt) *Spiritui Sancto, & nobis nihil ultra imponere vobis oneris, quam hæc necessaria, ut abstineatis vos ab immolatis simulacrorum, & sanguine, & suffocato, & fornicatione.* Si ergo licuit Apostolis usum quorundam ciborum, ut sanguinis, suffocati, interdiceret, quos alioqui Deus non prohibebat, immo jam sunt liciti; idque ob bonum finem tunc erat ordinatum, videlicet ut Ecclesia coalesceret ex Gentibus (hisce quippe cibis jubebantur Gentes abstinere, cum Judæi vehementer eos abhorrerent) Cur non liceat legitimis Apostolorum successoribus, vi ejusdem potestatis à Christo Domino, ut supra, receptæ, certas quasdam, Ecclesiæque utiles præscribere leges (in conscientia, & sub mortali obligantes) ut communionem in Paschate, Confessionem annuam, Jejunia, Festa, Diem Dominicam, Quadragesimam, &c.? Catholicorum nullus id negat, uti nec potest, ut patet. Verum quidem est, quod multoties Ecclesiæ subditi, & Fideles, excusantur à culpa, ponentes, vel omittentes actus contra legem ipsam Ecclesiasticam; id maxime si faciant ignorantia laborantes, quæ utique, veluti privilegio quodam, eosdem met eximit à peccati reatu: qua de re sit.

PRIVILEGIUM PRIMUM.

Ponens actum contra legem Ecclesiasticam, quem invincibiliter ignorat, excusatur à culpa, & hujusmodi ignorantia culpa non est.

107

Communiter admittitur hoc Privilegium à D. D. ut videre est apud ipsos, extendentes illud ad quemcumque actum positum ex ignorantia invincibili contra quamcumque legem, &

jus in universum: Comprehensio etiam sub nomine juris (ut aduertit *Gaspar Hurtad. de Censur. in communi, Difficult. 22. in princip. n. 93.*) præcepto transitorio tam generali, quam speciali: Illimitatè enim, & absq; restrictione ulla, simpliciter affirmant, *Ignorantia invincibilis tam juris, quam facti omnino à culpa excusat:* Ita *S. August. lib. 3. de libero Arbitr. c. 18. & lib. de duabus animab. c. 10. & 11. D. Tbo. p. 2. q. 76. art. 3.*

H

S. Bonav.

S. Bonav. in 2. d. 22. art. 2. qu. 3. Richard. ibidem art. 2. qu. 3. Alphons. à Castro lib. 2. de lege penali c. 14. in propositionibus. Laym. lib. p. tract. 2. cap. 4. n. 6. & communiter. Ratio est evidens, ubi enim non est voluntarium, ibi aulla est culpa, sed ignorantia juris, seu legis, & facti, reddit actum simpliciter non voluntarium, quippe non advertente animo ad id, quod agitur: legis autem, sive juris ignorantia reddit actum non voluntarium, quia malus, sive prohibitus est: non advertente quippe animo ad legis prohibitionem, operisve malitiam. Exemplum sit: nescio hodie diem esse Veneris, & carnes comedam, talis actus lege prohibitus (videlicet comestio carni in die Veneris) absolute mihi voluntarius non est: Sin verò nescio legem prohibentem positam esse, tunc licet mihi comestio carni in die Veneris reipsa voluntaria sit, non tamen secundum formalem rationem mali, seu peccati, quam accipit ex positive legis prohibitionem. Hec doctrina est omnium communis, quam certissimum vocat Sanchez. p. p. in Decal. lib. p. cap. 16. n. 9. ubi sic: *Quidquid est omnino involuntarium, culpa vacat. At huiusmodi est volitum per ignorantiam invincibilem. Si enim sit facti, reddit actum omnino involuntarium. Si verò sit juris, reddit actum involuntarium, ut malum, & prohibitum.* Ignorans igitur legem non peccat in eam. Unde leges positivæ etiam Ecclesiasticæ, ut actus obligent, & sit contra eas positus dicatur, & sit culpabilis, *cognosci debent* (ut docent communiter D. D. præcipue Salas de Legib. disp. p. sec. 10. n. 70. in princip.) *sub ratione legum, vel cum homo operatur, vel antea: certò, vel saltem dubiè.* Qui enim nec scit, nec unquam scivit, aut dubitavit an sit lex de Baptismo v. g., non peccat si non baptizetur: quia nunquam fuit ei lex ullo modo explicata, & ita illum nunquam obligavit in actu secundo, sed tantum in actu primo: lex enim illa habebat vim obligandi illum, & si fuisset illi explicata, & nota, obligasset illum in actu secundo, concludo ergo cum Sanchez. n. 9. cit. *Quando jus, & lex ignoratur, & per consequens conscientia prudenter aliquid non esse illicitum dicat, impossibile est culpam admitti.*

108 Sed contra hanc nostram, & communem, ac certam doctrinam, obici posse videtur Juris Regula 13. in 6. Ignorantia, (videlicet) *facti excusat, non juris.* Cujus Regulae ea est ratio ex l. 2. ff. de Juris, & facti ignorantia. Quia jus finitum est, quod comprehendi potest: facta autem varia, &

infinita, quæ proinde etiam prudentissimos fallant: Respondeo tamen cum Salas de Legib. disp. 15. sec. 9. littera D. Laymann. lib. p. tract. 4. cap. 20. n. 7. & aliis: Regulam illam, si sumatur in foro conscientiae, intelligi debere tantum regulariter, seu frequenter, quia juris ignorantia, & legis, raro est invincibilis; unusquisque enim tenetur scire leges ad se pertinentes, ut tradit D. Tho. p. 2. qu. 76. art. 3. & sumitur ex cap. p. de Consuet. & ex l. Leges Sacratissime, C. de Legibus, & ex l. Constitutiones C. de juris, & facti ignorantia. Si verò in foro externo sumatur dicta Regula (uti secundum Laymann. Salas l. l. c. c. & alios, magis frequenter, & facilius, sumitur, & accipitur) intelligenda est præsumptivè: secundum enim forum externum, ignorantia legis, & juris communis, ac publici, ferè non præsumitur; sed ab allegante illam, probari debet, *se propria scientia instructum non fuisse, nec Jureconsulti consilium secutum fuisse*, juxta l. Regula §. sed Juris, ff. de Juris, & facti ignorantia; cujusmodi probatio admodum rara, & difficilis esse solet. At nos hic loquimur de ignorantia Juris, & legis Ecclesiasticæ primo modo sumpta, idest in foro conscientiae, & dicimus, quod quando hæc invincibilis est, quamvis huiusmodi ignorantia, esset legis quam quis tenetur scire (ratione sui status, & officii) sed non potuit, faciendo totum, quod in se erat, excusat omnino à peccato, cum sit omnino involuntaria, & invincibilis: sicuti enim (ut optime etiam Suar. de Confus. disp. 4. sec. 2. n. 17.) ignorantia facti potest esse invincibilis etiam in rebus ad proprium officium, & statum pertinentibus; quia pericia hominis curta est, & diligentia limitata, & ars fallax, ac providentia incerta; ita pari ratione potest ignorantia juris, & legis, esse invincibilis, etiam si pertineret ad proprium statum, & officium, & utraq; excusat (ut dictum est) à culpa & à peccato.

109 Nec valet, quod lex quæcumque, tum Civilis, tum Ecclesiastica, statim obliget ac in Curia, & loco competente promulgata est; maxime Pontificia, Romæ publicata, & ad Valvas D. Petri, vel alibi affixa (si in illa dicatur ut jam inde à principio obliget) ex quo utique inferri, quoscumque subditos ipsam ligare (indifferenter) etiam ejusdem legis, ac præcepti ignaros, & hos propterea non excusari à culpa in ejusdem legis jam promulgatae transgressione, ob ignorantiam ipsam: Non inquam valet, quamquam enim lex cum

cum primum publicè propofita fuit, cenfetur, quatenus eſt ex parte ſua, & veluti in actu primo, confeſcra eſſentialem vim obligandi omnes; Quoad actum ſecundum nihilominus, idell, ut reipſa obliget, & aliquem obligatione præcepti conſtringat, requiritur eam invincibiliter non ignorari. Quæ de re *D. Tho. p. 2. qu. 90. art. 4. ad 2. Navarr. in Man. cap. 23. n. 45. & 46. & lib. p. Conſilior. Conſil. p. qu. 4. n. 2. Molina de Juſtit. tom. 4. traſſ. 5. diſp. 70. n. 2. Suar. de Legib. lib. 3. cap. 17. à n. 3. Laymann. lib. p. traſſ. 4. cap. 2. n. p. & alii.* Sumiturque ex cap. p. de conceſſi. præb. n. 6. ubi, *Quod Lex, ſeu Conſtitutio, & mandatum, nullos adſtringunt (actu ſecundo) niſi poſtquam ad notitiam pervenerint eorumdem, aut niſi poſt tempus, infra quod ignorare minimè debuiffent.* Quæ ultima verba notanda ſunt (ait *Suar. l. c. n. 6.*) nam in eis ſatis ſignificat Pontifex legem non obligare niſi poſt ſufficiens tempus elapſum intra quod moraliter ſciri poſſet: nam illud eſt, in quo ignorare minimè debuiffet. Hinc, ſicut ignis (inquiunt *Molina diſp. cit. n. p. & Laymann. n. cit. in fine*) habet quidem vim naturalem, & poteſtatem urendi ſtupam, eam tamen non inflammabit niſi eidem igni approximetur: ita etiam lex promulgatione acquirit veluti eſſentialem poteſtatem obligandi; ſed actu ipſo obligat illos tantum ſub peccato, qui ejus notitiam acceperunt; vel accipere culpa ſua neglexerunt; ut præcipue indicant dicta Pontificis verba poſtrema, *infra quod tempus ignorare minimè debuiffent*: quæ etiam maximè faciunt ad ſori contentioſi præſumptionem. Cæterum, quoad forum internum, lex ulla quocumque tempore lata, & promulgata obligat invincibiliter ignaros. Vide *Suar. l. c. & alios in Traſſ. de Legib.* Ex quibus colliges, nedum leges Civiles Imperatorias, & Principum, non obligare in conſcientia invincibiliter ignaros, ſed nec Pontificias Eccleſiaſticas leges, vel Generalis Concilii; vel alicujus Canonis; aut particulares Ordinariorum leges, ut magis infra conſtabit. Excipe tamen ab hac doctrina cum *Suar. de Legib. lib. 3. cap. 33. Laymann. cap. 2. cit. n. 7. & alii apud ipſos, leges non tantum Civiles, ſed etiam Pontificias infirmantes contractus, ſeu irritantes; juriſdictionem auferentes, &c.* poſtquam enim ejusmodi leges vim obligandi confeſcrae ſunt, effectum ſuum conſequuntur etiam erga ignorantes, ſicuti docent Doctores in cap. 2. de Conſtit. Ex. gr. Si quis ob ignorantiam invincibilem clande-

ſtinum matrimonium contrahat cum conſanguinea, vel affine ſua, à culpa quidem excuſatur, ſed contractus non ſubſiſtit. Excipe item Pontificias leges, quæ ſunt circa eas res, vel actiones, in quibus Papa liberam diſponendi, vel diſpenſandi facultatem habet, vti ſunt Beneficia Eccleſiaſtica, Profeſſio Religionis, &c. Tales enim irritantes Conſtitutiones, ſtatim poſt promulgationem in Curia, vim ſuam ſortiri videntur etiam erga ignorantes, *Suar. cit. cap. 33. n. 7. Laym. ex ipſo, & alii plures.*

PRIVILEGIUM SECUNDUM.

Ignorantia invincibilis, aut inculpabilis legis, prohibentis ſub cenſura actum aliquem, non quia malus, ſed quia prohibitus eſt, excuſat à cenſura ponentem (cum huiusmodi ignorantia) actum illum.

110 **C**Aſus eſt, ingredi ex. gr. Monasteria Monialium non ad malum finem, ex ſe peccatum non eſt: præcipiunt tamen Pontifices ſummi (ſub excommunicatione) ne quis ſine debita, licentia Monialium Monasteria ingrediat: dicit igitur Privilegium propoſitum, quod ſi quis invincibiliter ignorans hanc legem prohibentem talem actum, ingrediat Monialium Monasterium, non incurrit excommunicationem, & ratione, inculpabilis ignorantie ab hac cenſura excuſatur; & ſic in ſimili alio caſu: ita *Navarrus in Man. cap. 27. n. 16. in princip.* ubi: *quod huiusmodi ignorantia excuſat ab excommunicatione ſecundum omnes. Avila de Cenſuris p. 2. c. 5. d. 5. dub. 7. ubi ait: Doctores omnes in hoc convenire: Quod quando actus de ſe non eſt malus, ſed tantum eſt malus quia prohibitus, ignorantia legis prohibentis talem actum ſub excommunicatione, excuſat.* Adde, *Concluſionem intelligendam eſſe, ſive excommunicatio ſit à jure particulari, ſive communi: nam utrobique militat eadem ratio quantum ad forum conſcientie; quævis in foro exteriori facilius præſumatur ignorantia juris particularis quam communis.* Probat autem noſtrum privilegium (quod ut certum approbat *Leander de Sanctiſſi. Sacram. par. 4. traſſ. p. De Cenſur. in Communi diſp. 9. q. 5. vers. ſed probabilis*) quia talis ignorantia excuſat totaliter à culpa, ergo & à pœna cenſuræ: conſequenter probatur, quia pœna eſt propter culpam. Confirmatur, quia ſi nulla alia lege actus prohibitus eſt, niſi ab illa à qua eſt pœna impoſita, ignorans invincibiliter legem illam, non pec-

eat in eam, ergo nec poenam contrahit, nec ab eadem lege puniendus est, ex Reg. sine culpa 23. de Reg. Juris in 6. Et cap. 2. de Constitut. Res hec, omnino est manifesta (inquit Palao par. p. tract. 2. disp. p. punct. 17. n. p.) eamque tenent, præter relatos, Sylo. Verbo Ignorantia, n. 12. Angelus Verbo Excommunicatio, v. de Casib. Excomm. casu 47. Et ult. n. 3. vers. Virum ignorantes. Et communiter tum Veteres, tum Recentiores, ut videre est apud ipsos. Et hinc obiter ex hoc eodem privilegio deduc, Custodes alicujus Pontis, portus, vel fluminis, aut Portæ Civitatis non affici excommunicatione contenta in Bulla Cæne Domini, si recipiant per se, vel per alium gabellas, aut alia tributa ab Ecclesiasticis transeuntibus, sed excusari si hoc faciant, & fecerint ex ignorantia juris, aut facti, ut bene etiam advertunt Molina de Just. 1. 3. disp. 670. n. 3. litera C. Ubi sic: ab hac tamen, & à quacunque alia excommunicatione, excusabit probabilis ignorantia. Bonat. To. 2. De restitut. in particulari, disp. 2. qu. 9. punct. 2. n. 15. Et Trullench in Decal. lib. 7. cap. 12. dub. 5. n. 34. in fine.

111 An verò privilegium nostrum intelligi debeat de ignorantia inculpabilis excommunicationis simpliciter, sive hæc videlicet sit à jure communi, sive particulari, ut vult Avila supra: Respondeo cum ipso affirmativè, cum utrobique militet eadem ratio quoad forum conscientie, ut patet. Neque huic responsioni obstat, quod definitur in jure. (Cap. Vt animalium 2. de Constit. in 6.) à Bonifacio VIII. per hæc verba: Ut animalium periculis obviatur: sententis per Statuta quorumcumque Ordinariorum prolatis, ligari nolumus ignorantes: dum tamen eorum ignorantia crassa non fuerit, aut supina. Et obicitur ab aliquibus Canonistis apud Leandrum l. c. (quibus, ex Theologis, favere videtur Gaspar Hurtad. De Censuris in communi, Difficultate 22. n. 96. pag. mibi 662.) dum sic arguunt: Definitur à Pontifice in his verbis, quod sententia Ordinariorum (idest Papa inferiorum) non ligat ignorantes, ergo bene ligat sententia juris communis, seu Pontifici; patet, quia ante hanc Constitutionem Bonifacii, nulla ignorantia statuti, sive Papalis, sive Episcopalis excusabat à Censura, & Pontifex, condens jus novum, ex benignitate decrevit, quod ignorantia præcepti Episcopalis excuset: ergo à contrario sensu, sententia juris communis ligat, & quantum ad præcepta, & statuta Papæ (de quibus Pontifex in eodem Capite non loquitur, ut pa-

tet) jus antiquum manet: incorrodum, consequenter non excusat: quoad ipsum ignorantia invincibilis, ut expressè etiam sentit Glossa in d. Cap. Vt Animalium, Verbo Statuta: sub his verbis: De Generalibus ergo statutis Canonum, vel legum, non loquitur, que ab omnibus servari, & custodiri debent. Hinc Hurtadas l. c. deducit, quod Ignorantia invincibilis censura lata jure communi Pontificio, non impedit incursum illius, quamvis impediat ignorantia invincibilis censuræ late jure peculiari Pontifici, & Episcopi Romani pro eo Episcopatu, sicut & aliorum Ordinariorum: ita Hurtadas, & alii apud Avilam dub. 7. cit. vers. Secunda sententia. Non inquam obstat nostræ responsioni hujusmodi oppositum argumentum: Quia, neganda est ejusdem consequentia: argumentum etenim à contrario sensu (ut bene Sanchez de Matrim. lib. 9. disp. 32. n. 11. ex Sylvestro Verbo Ignorantia quæst. 8. Dilect. 3. n. 16. & aliis, quibus subscribit Leander qu. 5. cit. vers. Nec obstat) non habet vim, quando in casu contrario militat eadem, vel major ratio. At in censura jure Pontificio lata procedit ratio in d. Textu, & cap. explicita, nimirum, ut animalium periculis subveniatur. Imò major est ratio, cum facilius jus Pontificium communi ignoretur. Et negatur præterea (cum Sorete dist. 22. qu. 1. art. 2. Casu 4. versu Quare distinctio illa, in fine: Avila dub. 7. cit. Ubi Ad argumenta secunda sententia: in principio, & Leandro versu cit. in fine) quod ibi Pontifex condit novum jus, solum enim declarat jus commune quantum ad illum casum specialem, de quo fuerat interrogatus. Adde cum eodem Avila l. c. Sylo. l. c. n. 17. Novar. in Man. c. 27. n. 16. Pontificem ibi solum intendere, quod jura non præsumunt ignorantiam invincibilem respectu juris communis, sicut respectu statuti Ordinariorum.

PRIVILEGIUM TERTIUM.

Ponens actum aliis prohibuit jure naturali, aut Divino, vel humano, cui annexa est Ecclesiastica Censura, sed cum ignorantia invincibili Juris Ecclesiastici prohibentis tale actum sub censura, excusatur ab ipsa, nec ipsam contrahit.

112 Ita esset, quando qui ex. gr. ignoraret invincibiliter prohibitum esse ab Ecclesia sub excommunicatione violenter Clericum ledere, & is contra jus naturæ, & divinum ipsamet notum, injuriam gravem Clerico inferret, peccaret ille quidem,

quidem, & mortaliter: & ignorans invincibiliter talem prohibitionem, & legem Ecclesiasticam sub censura, hanc non contraheret, ab ipsaque excusaretur. Et probatur primò auctoritate Doctorum: suntque *Angelus Verbo Excomm. 7. Casu ult. n. 3. Navar. in Man. cap. 27. nu. 16. & nu. 274. Versu Decimotertio, quod pro communi opinione: Henric. lib. 13. cap. 23. n. 2. Soto in 4. sentent. dist. 22. qu. p. art. p. Casu 4. propos. 4. (affirmans id generaliter, sive Censura videlicet, quæ invincibiliter ignoratur, sit à jure particulari lata, sive à jure communi.) Avila De Censur. par. 2. cap. 5. disp. p. dub. 7. Versu Tertia sententia. (Ubi & ipse universaliter tenet ignorantiam invincibilem, excusare ab omni censura sive data sit à jure particulari, sive lata à communi.) Fillius. Tract. 11. cap. 8. qu. 10. Dilecto 3. n. 253. Suar. de Cens. disp. 4. sec. 8. n. 20. Diana Tomo 5. Coord. tract. p. ref. 62. Ex par. 11. tract. 6. & Miscell. 6. ref. 27. in fine: (In qua sic expresse). Ignorantia legem, & Constitutionem in qua imponitur pro aliquo delicto, vel excommunicatione, vel irregularitate, aut suspensio, has nullo modo incurrit; loquitur de ignorantia invincibili: Patritius Sporer par. pr. Tyrocinii Sacramentalis cap. 2. n. 146. prope finem pag. mihi 124. sic affirmans: Ab excommunicatione incurrenda excusatus omnis ignorantia juris, & facti; extendens affirmativam cap. 4. q. 41. §. 3. nu. 247. pag. 245. etiam ad irregularitatem sic: Nullum crimen inducit irregularitatem in foro conscientie, nisi illud patrans sciat, illi annotationem esse irregularitatem, & idem innuit n. 256. pag. 259. in fine. Bonac. de Censuris in Communi disp. p. qu. 2. punc. p. propos. p. n. 7. Palao Operis Moral. par. pr. Tract. 2. disp. p. punc. 17. n. p. §. 2. (probat ignorantiam non solum legis municipalis, sed etiam Pontificiæ, & cujuscumque sit, excusare à Censura per ipsam imposita) Leander par. 4. tract. p. de Cens. in comm. disp. 9. qu. 6. Versu Sed probabilius: Antonius à Spiritu Sancto. Directorii Confessorior. par. 2. tract. 12. disp. p. sec. 14. §. 2. Vers. Dico p. n. 172. (Dicens, Ignorantia invincibili cujuscumque juris, vel facti, vel pœne, excusat ab incurrendis omnibus Censuris, imò & ab irregularitate ex peccato, &c.) Gabriel Beatus in 99. Selectioribus qu. 18. n. 23. & 24. Fagundes in Decalog. to. lib. 8. cap. 25. n. 15. & alii ab his relati, tum Veteres, tum Recentiores, unanimiter admittentes, Ignorantiam legis, & præcepti Ecclesiastici invincibilem, excusare ab omni censura, sive hæc data sit à Constitutione Episcopali,*

sive à Pontificia; idest, sive à jure quocumque particulari, sive à communi: quamvis actus, cui Censura adnexa est, sit jure divino, & naturali aliàs prohibitus.

113 Quod ratione præterea probatur: Quia ignorans invincibiliter jus Ecclesiasticum, offendit solum jus naturale, & divinum, contra quod agere novit (ut supponimus) non autem jus positivum, quod invincibiliter ignorabat: ergo solius juris naturalis, & divini pœnas incurrit, non juris positivi Ecclesiastici. Confirmatur primò: Quia in non peccat contra legem Ecclesiasticam, utpotè ignarus illius; ergo non debet pœnis illius puniri, nec etenim pœna debet excedere delictum: ut dicitur in cap. 2. De his, que sunt à majori parte Capituli; & in Cap. Felicis: Versu, Illud autem de pœnis in 6. in quo statuitur, quod Juxta, pœnam metiri debet ex culpa. Secundò Confirmatur: Quia ad incurrendam Censuram, requiritur contumacia, at sic est, quod ubi reperitur ignorantia invincibilis, non adest contumacia; ergo ubi reperitur ignorantia invincibilis non incurritur censura: probatur minor, quia contumacia non est aliud quam inobedientia voluntaria, qua quis monitionem Superioris implere contemnit, aut non vult; ut patet ex illis verbis Christi Matth. 18. Si Ecclesiam non audieris (idest si Ecclesie non obedieris) sit tibi sicut Ethnicus, & Publicanus: Sed sic est, quod qui legem invincibiliter ignorat, nullatenus dici potest contumax respectu ejusdem; vel contra illam peccare, eamque non audire; nec Superiori esse inobediens, eumve offendere, ergo nec Censuram contrahere: non interveniente enim contumacia respectu Ecclesie, non incurritur Censura, quia est contumacia veluti fundamentum, & in eo genere adæquata causa, juxta dicta Verba, Si Ecclesiam non audieris. Propter quod etiam, dicunt Doctores, aliquam monitionem præviā ab Ecclesia factam, esse de substantia, seu essentia Censuræ. Terriò Confirmatur, quia Censura instituta est ad reprimendos rebelles, & inobedientes Ecclesie, sed qui ejus leges, & præcepta ignorat, nequit inobediens judicari, ergo non potest censura reprimi, sed ab ipsa excusari. Confirmatur Quartò: quia censura est pœna medicinalis. idest, pœna non tantum punitiva delicti, sed potius præservativa committendi, cap. p. de Sent. Excommunic. in 6. præservari autem non alia ratione potes, nisi quatenus timore, illius præservaris à delicto committendo, ergo necessariò debes illius habere notitiam.

Tandem

Tandem confirmatur ultimo: Quia gravius utique delinquit qui percutit Clericum, cognoscens, percussionem illius non solum esse prohibitam jure naturali, & divino, sed etiam Ecclesiastico, & sub Censura, quam qui solum cognoscit prohibitionem naturalis juris, & divini: ergo non debet uterque iisdem pœnis puniri, sed hunc, utpote Ecclesiastici juris invincibiliter ignarum, à censura excusari, ut in proposito Privilegio.

114 Hæ autem rationes probant ignorantiam invincibilem legis Ecclesiasticæ, Ecclesiasticæque cujuscumque præcepti, excusare universaliter ab omni Censura, si ve hæc lata sit à jure particulari, si ve à communi, cum utrobique militet eadem ratio (ut patet) quoad forum conscientie, quamvis non in foro exteriori. Quod addo, quoniam nonnulli etiam classici Doctores, ut videre est apud citatos, non admittunt universaliter propositum privilegium, sed sub distinctione tantum, dicendo, quod in proposito casu, non excusatur ignorantia invincibilis à censura, si hæc lata sit jure communi: bene tamen si lata particulari jure, & statuto Ordinariorum. Idque probant ex supra relato *Cap. Vt animarum* 2. in 6. ubi id solum decerni videtur. Verum, quanti ponderis sit hujusmodi probatio, constat ex dictis supra n. 111. ex quibus patet, quod licet Pontifex eo loci dicat se nolle, ut ignorantēs ligentur Statutis quorumcumque Ordinariorum, non inde tamen inferitur legibus à se, & à jure communi latis, velle ignorantēs ligare, imo ex ratione decidendi illius textus, quæ est, *Vt animarum periculis obviatur*, supponit contrarium. Gravius enim periculum animarum adest si Pontifici legibus ligarentur ignorantes, quam si legibus municipalibus: tum quia illæ graviore sunt: tum quia minus cognitæ. Ex quibus.

115 Deduces primò, Duellatores, scientes Duella prohibita quidem esse Divino jure, at invincibiliter ignorantes, ea sub censuris ab Ecclesia prohiberi, Duellum ineuntes, non esse excommunicatos. Quia licet hujusmodi Duellatores peccent contra jus divinum, monomachiam divino jure prohibitam ineundo, non tamen peccant contra præceptum Ecclesiæ, nec contra Ecclesiam contumaces sunt, veldicuntur; cum Ecclesiastici Juris Duellum prohibentis, invincibilem (ut supponimus) habeant ignorantiam, cum qua nec adest contemptus, nec contumacia. Et ita etiam

expressè docet noster *Carassa de Duello tract. 5. sec. pr. quas. 2. n. p.* ubi ait: *Dictos Duellatores nullo pacto (ratione invincibilis ignorantie) contrahere Duellum Censuras à summis Pontificibus, ac Tridentino Concilio, Duellum committentibus impositas. Nec eandem contrahere, Consules, & Aspicientes Duellum, & nescientes id esse prohibitum in Bullis Pontificiis pariter affirmat P. Diana ubi supra; alios ibi referens, præcipue, & primo loco Andreæ Duvalium in 2. 2. D. Tho. tr. de Duello qu. 17. circa finem: sub his verbis: Postrema pena est eorum, qui Consilium pugnandi in duello dederunt, aut qui ex composito se spectatores præbuerunt: bi enim sunt similiter excommunicati, dummodo sciverint illud esse ab Ecclesia prohibitum, nam si nescierint, sicutque comparati si scivissent ipsos pugnantes non aspicere, penam hanc excommunicationis, & alias non incurrerent, cum sic non fuerint contumaces, contumacia autem ad excommunicationem incurrendam, ut supponimus, est necessaria: ita Duvallius. Ex quo, & ex dictis deduces inquam primò, ad incurrendam quæcumque excommunicationem, Ecclesiasticamque Censuram, non sufficere me scire opus esse peccaminosum, & prohibitum, etiam ab Ecclesia, sed opus esse ut sciam de pœna, idque prohiberi sub excommunicatione.*

116 Deduces secundò, idem dicendum esse & de cæteris pœnis, Suspensione videlicet, Interdicto, Irregularitate, Inhabilitate, &c. quod scilicet ut & hæc incurrantur, non sufficiat scire, opus esse peccaminosum, & prohibitum, sed requiri præterea scientiam de pœna ipsa, & prohibitum esse sub pœna suspensionis, interdicti, inhabilitatis, irregularitatis, &c. (loquimur hic de irregularitate consergente ex delicto) ut ex homicidio, ex celebratione in excommunicatione; ex suspensione violenta, & similibus impositis in penam delicti: non de irregularitate, quæ non ponitur ob delictum, sed vel ex indecentia, vel defectu, &c. quæ comitatur non culpam, sed indecentiam, &c. qualis est ex. gr. bigamia, & irregularitas contracta à Judio, sine culpa dampnante hominem iustè ad mortem: certum est enim apud omnes hanc irregularitatem contrahi, etiam si operans operetur ignorantia invincibili, & proinde contrahens cum duabus irregularis est bigamus, quantumcumque id ignoraret invincibiliter. Hujus autem deductionis doctrina traditur etiam à Navar. in *Man. cap. 23. n. 47. versu Adde* his; (ubi etiam vocat consolatorem in foro conscientie

conscientie quoad multos pios in materia censurarum, & irregularitatum:) Sanch. de Matrimon. lib. 9. disp. 32. num. 17. sic dicente: Verius esse credo, universas relatas penas non incurrere, ubi adest prædicta Juris ignorantia: pro qua doctrina, & sententia multos alios Doctores assert: Quibus addo Gabrielem à S. Vincentio de Censuris disp. 9. qu. 5. §. 3. n. 80. Versu Nota 2. ubi. In hoc conveniunt omnes, quod ignorantia invincibilis, tum juris, tum facti, tum pænæ, tum prohibitionis, excuset ab incurfione earum irregularitatum, quæ habent rationem pænæ, seu infliguntur in pœnam delicti, seu quæ sunt ex culpa. Ratio est clara, quia pœna gravissima, supponit culpam gravissimam l. Sancimus C. de pœnis. Cap. Felicis §. Illud autem de pœnis in 6. & Cap. Quævis, de iis quæ sunt à majori parte Capituli: ac proinde cum ignorantia invincibilis excuset à culpa, etiam à pœna excusabit: ita relatus à S. Vincentio l. c. (Notans immediatè post, uti & ego supra, quod nulla ignorantia etiam invincibilis, excuset ab incurfione irregularitatis ex defectu, quæ videlicet sine culpa contrahitur. Quia cum hæc irregularitas non sit ex culpa, nec sit pœna, sed quedam inhabilitas, quedam indecentia, quoddam impedimentum Canonicum, ab ignorante etiam contrahitur, quod enim culpam non supponit per ignorantiam non excusatur.) Addo insuper Portell. in Dubiis Regular. Verbo Ignorantia n. 22. & Bonac. De Censur. in Comm. disp. p. qu. 2. propos. 3. n. 13. 14. & 15. in quo ex precedentibus, insert hæc: Primò: Non incurri excommunicationem ab eo, qui percutit Clericum, nesciens prohibitum esse ab Ecclesia percutere Clericum. Secundò: Idem dicendum esse de eo, qui licet sciverit prohibitam esse ab Ecclesia Clerici percussionem, nihilominus nunquam scivit prohibitam esse sub censura: vel nihil unquam dubitavit: vel si dubitavit, adhibuit sufficientem, vel saltem medioerem diligentiam ad cognoscendum, an lata esset censura contra percussores Clericorum, & non potuit ante percussionem, vel ante actum sub censura prohibitum, rei veritatem invenire. Tertiò. Virum indotum non incurere censuram, quando consulvit Viros Doctos professionis, & artis morales, num lata esset censura, ipsiq; responderunt, nullam extare. Quartò. Idem dicendum esse, quando Vir doctus, suborto dubio alicujus censuræ, mediocri saltem labore, & diligentia revolvit libros, seu Statuta, & leges: sed nullam censuram potuit invenire. Sed

117 Contra primam deductionem obijciens: Paria sunt scire, & debere scire, sed qui committit Duellum illud consulit, aspicit, &c. sciens prohibitum esse sub censura, Duellucas incurrit Censuras, ergo illas etiam incurrit, qui Duellum committit, consulit, aspicit, &c. ignorans id sub Censuris prohibitum esse. Respondeo negando consequentiam argumenti (quod cuiuscumque opponi posset, censuram aliam, quamcumque, nedum Duellucas ignoranti) Ad antecedens, transeat in primis, Scire, & debere scire paria esse: nec etenim quis tenetur scire id, cuius nullam habuit cognitionem, seu de quo invincibili laborat ignorantia. Præterea nego etiam, verum esse universaliter, scire, & debere scire paria esse, ut patet in Censuris impositis contra præsumentes aliquod delictum perpetrare, quas constat non incurri ab iis, qui vincibili ignorantia laborant. Unde, cum in casu nostro Duellum committentes, consulentes, aspicientes, &c. nullam Duellucæ Censuræ cognitionem habuerint, ut supponimus, non potest inferri eos teneri illas scire, ac proinde neque quoad ipsos scire, & debere scire in hoc paria esse, consequenter nec contrahere excommunicationem, si invincibili ignorantia ejusdem laborant. Adde cum Diana tom. pri. Coord. tract. 7. ref. 11. n. 3. Ex p. 4. tr. 4. & Miscell. ref. 36. sano modo intelligenda esse lura, & Doctores, dum dicunt paria esse, scire, & debere scire, intelligenda enim sunt quando adfuit aliqua actualis, plena, & sufficiens ad mortale advertentia ad malitiam, ejusque periculum, seu dubium, aut scrupulus: quia dum hæc actualis advertentia non adfuit, non est in nostra potestate proxima expellere eam ignorantiam, aut non est plene, ita ut ad mortale peccatum sufficiat. Ità Diana.

118 Contra secundam deductionem pariter obijciens, ex Suar. de Cens. disp. 40. sec. 5. n. 9. & aliis: Ignorantia irregularitatis non excusat quominus illa incurratur, esto excuset ignorantia invincibilis excommunicationis, ergo ab hac ad illam non valet arguere: consequentia probatur assignando disparitatem: quia ignorantia invincibilis excommunicationis, seu censuræ propriè dictæ, excusat ne illa incurratur, eo quod ipsa est pœna medicinalis, quæ pro contumacia formaliter fertur, & ut ab illa recedatur: irregularitas verò, quando est pœna, non fertur ut medicinalis, sed in vindictam delicti, unde propriam contumaciam non requirit, idcirco ignorantia invincibilis

vincibilis non excusat irregularitatem, esto etiam excusaret excommunicationem: ergo ab hac ad illam non valet consequentia, cum inter ipsas, (ut patet) intercedat aperta disparitas. Sed Respondeo negando totum argumentum: ad consequentiam ejusdem, dico cum *Sanch. de Matrim. lib. 9. disp. 32. n. 17.* rationes probantes ignorantiam invincibilem excusare ab excommunicatione, pariter procedere de omnibus poenis ex culpa procedentibus: quod patet; nam si sermo sit de Suspensione, & Interdicto, id constat ex ipsorum natura: quia non sola excommunicatio imponitur ob clavium contemptum, & contumaciam, sed etiam Suspendio ipsa, & Interdictum: Ut bene etiam docet *Francus, cap. 2. de Constit. in 6. n. 8.* relatus à *Sanch. n. cit.* atque adeò præviam monitionem requirunt, quando in penam delicti futuri feruntur; ut de Suspensione est textus expressus, *cap. reprehensibilis, de appellationib.* Et idem esse de Interdicto, athriment *Hosiens. Io: Andreas, Ancharan. Abbas*, alique plures apud eundem *Sanch. cod. n. 17.* Imo *Hosiens. Io: Andr. & Anchar.* ibidem asserunt, pari passu procedere quoad hoc, excommunicationem, suspensionem, & interdictum: sicut ergo excommunicatione requirit scientiam juris positivi illam inponentis, ita suspensio, & interdictum. Et si sermo sit de Irregularitate, prout expressè in argumento, ea etiam est poena contemptus, ut docent *Abbas, & Navarr.* apud, & cum *Sanch. l. c.* quare deficiente contemptu minimè incurritur per eundem *Sanch. Abbatem, & Navarr.* ab ipso relatus: Imo ad ipsam incurrandam dolus desideratur per eundemmet *Sanch.* & alios: At ignorans jus irregularitatem imponens, non est in dolo, nec contemnit, *l. si ignorant 52. ff. locati* (ubi, Non enim contemnit disciplinam, qui ignoravit militem). Ergo eam non incurrit. Atque de omnibus poenis maxime spiritualibus, in quibus mitius agitur, tenent quamplures hanc sententiam, Videatur *Sanch. l. c.* & ex Modernis *Georgius Gobat* (qui) in *Alphabeto Ordinis, casu 17. sec. p. n. 666.* Regula 2. pariter ait: Nul- lum crimen inducit re ipsa, & in foro conscientie irregularitatem, nisi, qui illud patrat, sciat irregularitatem esse illi annexam. Ratio est, quia nec excommunicatio, nec suspensio incurritur nisi à scientibus, actui, quem exercent esse eam penam impositam, idemque dicendum est de irregularitate statuta ob peccatum. ita citatus: cui est addendus *Gabriel Beatus* in *Questionib. Selectis qu. 18.* quæ est de Ignorantia in qua in *Corollario, à n. 23.* tradit,

& ipse ad rem nostram, sequentia: Ignorantia invincibilis concomitans, & à fortiori, etiam antecedens, excusat non solum à poena excommunicationis, sed etiam à poena suspensionis, & interdicti, quamvis sit imposita pro facto, jure naturali damnato: Quia poena, nunquam incurritur absque culpa. Ubi autem datur ignorantia invincibilis, sive antecedens, sive concomitans, impossibile est dari culpam, cum impossibile sit dari voluntarium, quod ad culpam necessariò requiritur. *Navarr. cap. 23. Summ. n. 47.* & eadem Ignorantia excusat etiam ab irregularitate, quæ in purum delicti poenam imponitur. Eandem enim militat ratio, quod scilicet poena absque culpa non incurritur. Hinc fit, ut celebrans in statu excommunicationis, non fiat irregularis, si Juri eam irregularitatem imponenti, invincibiliter ignoret. Quod autem dicitur de Ignorantia invincibili, intelligendum est etiam de inadvertentia, ac oblivione invincibili. *Reginald. lib. 30. cap. 2. n. 15.* Et etiam de invincibili ignorantia, novè: alicujus Constitutionis, in qua alicujus peccati reservatur absolutio; Ut servavit *Sixtus V.* male promotorum ad Ordines; ea reservatio non incurritur: Quamvis enim, si peccare cognoscat, non tamen contra Constitutionem, cum eam invincibiliter ignoret. *Sanch. de Matrim. disp. 32. n. 8.* Sicut nec *Actus irritatio*, Quando hæc imposita est in penam delicti, incurritur, ab eis, qui legem, eam inponentem, invincibiliter ignorant. Tum quia, cum actus irritatio sit poena, est consequenter effectus culpe, ac delicti, sed ob ignorantiam invincibilem, cessat culpa, & delictum, ergo cessare debet etiam actus irritatio quæ poena quedam est, ut supponitur. Tum quia, cessante ob ignorantiam invincibilem culpa, cessant alie poenæ. Ergo cessare debet etiam actus irritatio; cum non sit maior, ratio illius, quam aliarum. Tum denique quia, qui ex oblivione invincibili Officium omittit, facit fructus suos, non obstante lege poenali contra non recitantes lata, fructuum acquisitionem irritante, quia ratione illius oblivionis non peccat: ergo quoties dabitur ignorantia, vel oblitio invincibilis, cessabit actus irritatio, quando hæc in penam à lege est imposita. *Suar. lib. 5. de legib. cap. 22. n. 3.* sicut enim non delinquit in legem, ita nec à lege puniri debet, *cap. 16. Navarr. Summ. n. 34.* Hinc

119 Collige primò, Coniugem, qui alterius Coniugis Coniugium cognovit, vel Filium, communem in Baptismo tenuit, invincibiliter ignorans, hæc specialiter per legem Ecclesiasticam esse prohibita, non incurere privationem petitionis debiti, quæ per eam legem imponitur, quia ignorantia invincibilis juris, sicut excusat à culpa, ita excusat à poena, eo jure imposita; quam-

quomvis factum, aliis sit jure naturali, vel divini damnatum. Sed privato debiti est pena a per legem Ecclesiasticam imposita, ergo non incurritur ab eo, qui legem illam invincibiliter ignorat. Sicut enim non delinquit in legem, ita nec à lege puniri debet.

120 Secundo Collige: Eum, qui sibi certam penam per Votum imposuit, si delictum aliquod commiserit: v. gr. dare decem auros in elemosynam, si fornicatus fuerit; non tene ad penam solvendam, si Voti invincibiliter inmemor, delictum illud commisset: Quia pena jure novo imposita, etiam pro facto aliis jure naturali damnato non incurritur ab eo, qui juri illud invincibiliter ignorat. Sed Votum obligat ad modum legis; est enim quaedam veluti lex privata, quam homo circa materiam promissam sibi sponte imponit: ergo quando invincibiliter ignoratur, vel de eo datur oblitio invincibilis, non incurritur pena ab eo statuta, tunc enim non violatur. Sanch. lib. 4. summ. cap. 22. n. 18.

121 Tercio Collige: Etiam ignorantiam invincibilem facti excusare à pena illi facto, per legem imposita: Quia hæc etiam excusat à culpa: pena autem non invenitur absque culpa. Idemque valet etiam de ignorantia invincibili qualitatibus culpe, vel facti. Si quis enim Clericum percutiat, invincibiliter ignorans esse Clericum, excommunicationem non incurrit. Ex cap. Si vero: il. 2. de sent. excom. Quia ignorantia illa status Clericali, percussorem excusat à culpa sacrilegii. Ergo etiam à pena excommunicationis propter illam culpam imposita. Sayr. de Cens. lib. p. cap. 18. num. 19.

122 Quarto collige: Ignorantiam invincibilem facti, excusare à pena juris non solum quando est antecedens, sed etiam quando est concomitans. Quomvis enim cum ignorantia concomitante stare possit circa obiectum ignoratum, pravius affectus, non solum habitualis, sed etiam actualis, ut si quis Clericum percutiat invincibiliter ignorans esse Clericum, ita tamen dispositus, ut illum percuteret, quomvis cognosceret esse Clericum, ille tamen pravius affectus, non insit in actu externum, nec illum imperat; cum hic omnino ignoretur, ideoque nec illi suam malitiam communicat: Dum enim quis Clericum percutit, invincibiliter putans esse Laicum, illum percussurum, etiam si cognosceret esse Clericum, percussio illa non imperatur à voluntate Clericum percutiendi, cum hic omnino ignoretur, sed à voluntate percutiendi eum, qui putatur Laicus, ideoque nec aliam malitiam habet præter illam que illi communicatur à voluntate. Hæc autem illi communicare non potest malitiam Sacrilegii ignoranti. Quomodo ergo, percussio illa caret

malitia Sacrilegii, ita carere etiam debet pena imposita Sacrilegio, pena enim absque culpa incurri non debet. Ita Suar. de Cens. disp. 4. sec. 8. n. 8. Vasz. p. 2. disp. 125. cap. 2. Molina to. 4. de Just. tract. 3. disp. 53. n. 2. Petrus Navarr. lib. 2. de resit. cap. p. dub. 7. Henricq. lib. 11. de Matrim. cap. 10. n. p. Alvarez p. 2. disp. 158. n. 4. Sanch. libr. 9. de Matrim. disp. 32. num. 26. & alii plures apud istos. Que autem delicta sunt de ignorantia invincibili, valent etiam de venialiter tantum vincibili: Quia hæc, licet omnino non excuset à culpa; excusat tamen à mortali. Pœna autem gravis, etiam ob culpe levitatem non incurritur, cum debeat esse proportionata delicto. Unde qui etiam scienter opus prohibuit, cum semiplena solum deliberatione, ac imperfecta, advertentia faceret, adhuc legem penam gravem non incurreret, quia hæc esset supra meritum delicti. Sanch. libr. 4. cap. 22. n. 20. Hæc Binnia citatur Gabriel Beatus, in Corollario cit. Quæ hic unitim posita, & collecta sparsim etiam & divisim habebit Lector in hoc tractatu pluribus in locis. Ex quibus clarè constat, quod ignorantia invincibilis tam juris, quam facti, tam præcepti, & prohibitionis, quam actus, excusat ab omni illa irregularitate, quæ ex culpa contrahitur: quod docet etiam (cum omnium communi) supra relatus Gabriel à S. Vincentio §. 3. cit. n. 81. Ex quo etiam principio inferit Primò. Quod homicidium à non habente usum rationis factum; vel à furioso, vel amente, vel à dormiente, non inducit irregularitatem, quia cum ille actus non sit peccatum, nec peccati penam meretur: sic etiam Sayr. libr. 6. cap. 18. n. 31. 32. & 33. & alii communiter. Secundò. Excusari ob eandem rationem ab irregularitate Clericum, qui in ebrietate alterum occidit, maxime quando sine sua culpa inebriatus est, ut quia vim vini ignorabat, ut Noe; vel si illam sciebat, non tamen eam expertus erat. Quod si sua culpa, inebriatus est, & homicidium prævidit, quia sciebat, quod in ebrietate arma capere solebat; & alios offendere, tunc cum non excusetur ab homicidio, neque à pena illius excusabitur: secus esset si periculum non prævidisset; tunc enim cum ex defectu sufficientis advertentiæ, seu considerationis, à culpa excusetur, etiam à pena illi annexa excusabitur. Item excusabitur ebrius ab irregularitate ex homicidio in ebrietate perpetrato, si prævidit periculum committendi homicidium, sed adhibuit sufficientem diligentiam ad præcauendum illud; & sic ante ebrietatem ab-

seondit arma, præmonet Socios, ut sibi assistant, ut impediunt ne arma caplat &c. tunc enim licet peccet peccato ebrietatis, non tamen homicidii, etiam in causa, quia illud in causa noluit, cum diligentiam ad illud non committendum adhibuit, et sic tradunt communiter Doctores, pro quo videri possunt Covarr. in Clementina Si furiosus par. 3. Relectionis, n. p. & 4. Menoch. de Arbitrariis Judicium libr. 2. Cens. 4. Casu 326. Farinacius in Praxi Criminali qu. 93. per totam, alique apud istos. Idemque dicendum est de eo qui incidit in ameniam, & de dormiente, si in somnis alios offenderet, eadem namque distinctio etiam ad hos casus applicanda est. Vide Farinacium in Praxi Crimin. qu. 94. n. 26. ubi: Si furiosus in furore aliquem occiderit, irregularitatem non incurrit. Qui enim per furorem delinquit, nec in dolo, nec in culpa esse dicitur: & si non commisit culpam, nec etiam irregularitatem incurrit, quæ sine culpa non incurritur, pro ut est textus expressus in dicta Clement. p. Si furiosus, & ibi notant omnes. Et hoc idem etiam procedere subdit Farinacius fragm. par. 2. litt. I. n. 417. & 418. quando occisor sua culpa in furorem incidit, etiam si homicidium præviderit, sed diligentiam ad illud vitandum adhibuit: notat etiam vix dari posse casum in quo quis velit sua culpa furiosus evadere. Tertio infert: Infantes ab Hæreticis, aut aliis quibuscvis, rebaptizatos, irregulares non esse, Cap. Placuit p. qu. 4. nam isti & voluntate, & culpa carent. Unde cum in Cap. In quolibet 11. qu. 7. dicitur, rebaptizatos in quolibet etate irregulares esse, intelligi debet de illis, qui sunt doli capaces, seu qui in quolibet etate adulta rebaptizantur, sic advertit Glossa in dicto Cap. Placuit. Quarto infert: Excusari ab irregularitate Clericum excommunicatum, qui cum Ignorantia, aut cum naturali oblivione Ordinem recepit, vel receptum exercet, quia cum talis ignorantia, oblitio, vel inadvertentia etiam actualis excuset a culpa, etiam a pena excusabit. Hæc omnia relatus Gabriel ad S. Vincentio §. 3. cit. in quo & alia, de quibus sparsim in hoc tractatu.

PRIVILEGIUM QUARTUM.

Ponens etiam alium cum ignorantia invincibili, non quidem Juris, Ecclesiasticæ præcepti, sed solius Censuræ illi annexæ, adhuc excusatur, ne censura incurrat.

123 **D**Octores quamplures negant huiusmodi privilegium, existimantes, ignorantiam invincibilem solius censuræ, non esse sufficientem ut excuset quem, quo minus censuram incurrat: suntque Covarr. in Cap. Alma mater p. p. §. 10. n. 9. Ubi hanc esse communem Canonistarum testatur Corduba in q. 4. Theol. lib. 2. qu. 25. in princip. Gaspar. Hortad. de Cens. in Comm. Diffic. 22. Versu, Addunt Suar., & alii apud Leandr. de Censur. in Comm. tract. p. disp. 9. qu. 7. Contra quos tamen probatur nostrum propositum privilegium: Quia censura, quatenus censura est, non incurritur ab aliquo, nisi præcedat monitio sub comminatione ejusdem censuræ, ut in præcedentibus est habitum: at qui ignorat censuram quamvis sciat præceptum, & admonetur per illud, non admonetur tamen sub comminatione censuræ: ergo illam non incurrit: sicque excusatur. Probatur præterea hoc idem privilegium iisdem rationibus, quibus probatum fuit præcedens. Quibus rationibus, accedit etiam Autoritas Navar. in Summ. cap. 27. n. 16. Sanchez. de Matrim. libr. 9. disp. 32. nu. 13. cum Hostiens. Angel. Sylv. Soto, Lopez, Mammel, Philarco, Ovardo, Vega, Cannedo, Ledes, Henriq., & Grassi ab eodem ibidem relatis. Suar. de Cens. disp. 4. sec. 9. nu. 19. Bonac. De Censuris in comm. disp. p. qu. 2. punct. p. proposit. 3. n. 13. Leandri De Cens. in Comm. tract. p. disp. 9. qu. 7. & aliorum plurium unanimiter consentium, Ignorantiam invincibilem solius Censuræ, sufficere, ut aliquis ab incurfione ejusdem excusetur; etiam si alias simplex præceptum Ecclesiæ non ignoret. Et eorum quamplures (ut videre est apud ipsos) loquuntur universaliter, nedum videlicet de tribus censuræ speciebus, nempe excommunicationis, suspensionis, & interdicti, verum etiam de Irregularitate ex delicto proveniente. Sed

124 Oppones Adversariorum fundamentum: Generaliter loquendo, ignorantia penæ legis, non impedit quominus transgressor voluntarius illius, pena ejusdem legis puniatur: ergo satis est ad incurrendam penam censuræ, quod sciat quis actum jure humano esse prohibitum, nec erit necesse,



esse, quod ipse agens contra legem, sciat poenam censuræ pro eo actu constitutam esse, consequentia sequitur. Antecedens verò inductione probatur. Nam blasphemus, homicida, adulter, fur, & similes, de facto puniuntur poenis legalibus talium delictorum, sive eas ignoraverint, sive non, ut constat. Respondeo negando consequentiam: ad antecedens: & rationem ejusdem per inductionem, dico, cum *Suar. l. c. n. 20.* & aliis; non fundari nostrum privilegium, nec nostram doctrinam in generali principio, ut nemo incurrat poenam legis, si ignoret poenam, cum delinquit contra legem, hoc enim satis improbari & nos existimamus. Fundatur ergo privilegium, & nostra doctrina in peculiari natura, & conditione hujus poenæ, quæ est censura, quia requirit hæc peculiarem modum contumaciæ, & inobedientiæ: eo quod non ordinetur per se primo ad puniendum delictum commissum, eo tantum quod commissum est, sed ad emendationem ejus, vel ad cogendum peculiari modo ne committatur, scilicet, sub illo peculiari, & rigoroso modo præcipiendi sub comminatione Censuræ. Hinc censura poena est medicinalis, & idè postulat etiam peculiarem modum contumaciæ, & inobedientiæ, quem aliæ poenæ non possunt: sique ruit adversaria oppositio.

PRIVILEGIUM QUINTUM

Ponens actum peccaminosum, & culpabilem, & cum aliqua circumstantia, aut qualitate culpe, ob quam imposita est Censura, ab incurfione ejusdem Censura excusatur, si talem circumstantiam invincibiliter ignoret.

125 **I**ta est, & sequitur manifestè ex dictis. Unde si quis Clericum percutiat, Clericatus invincibiliter ignarus, in excommunicationem non incidit. Ratio est, quia licet talis ignorantia non excuset factum à culpa, seu malitia homicidii, excusat tamen à malitia sacrilegii homicidii Clerici, ob quam tantum lata est excommunicatio: ergo si talis ignorantia excusat à culpa talis qualitatatis, & circumstantiæ, uti certè excusat ob invincibilem ignorantiam, excusabit consequenter à censura, cum hæc propter culpam dictæ circumstantiæ inflicta sit. Et hoc idem expressè habetur in *Cap. Si verò, el 2. De sententia Excommunic.* sub his verbis: *Si verò aliquis in Clericum nutriendem Comam manus iniecerit violentas, propter hoc non debet*

*Apostolico presentari conspectui: nec etiam excommunicatione notari, dummodo ipsum esse Clericum ignoraverit. Et denuo Glossa ibidem: Verbo Ignoraverit: ait sic: Ita quod ignorantia probabilis fuerit, aliis non excusaret: quod totum est ad casum, ac privilegium nostrum, ut patet; & admittitur etiam à Doctoribus, quos refert, & sequitur *Leander ubi supra qu. 30.**

126 Quæres hic, An qui percutit Paulum Clericum, credens invincibiliter illum non esse Paulum, sed Petrum etiam Clericum, Censuram excommunicationis incurrat? Respondeo affirmativè cum *Corduba in Quæst. Theolog. lib. 2. qu. 26. Versu, Secundò probatur eadem pars. Sanch. de Matrimon. lib. 9. disp. 32. n. 27. Bonac. De Cens. disp. p. q. 2. punc. p. n. 20. Leandr. l. c. qu. 11.* & aliis ab his relatis. Ratio est, quia nulla in hoc casu contingit ignorantia, quæ constituat percussorem involuntarium quoad Clerici percussorem, & injuriam: quamvis enim dicta percussio sit involuntaria respectu personæ percussæ in particulari, respectu scilicet Pauli, ratione erroris, & ignorantia invincibilis; est tamen voluntaria ratione sacrilegæ percussione, ad injuriæ factæ statui Clericali, contra quem lata est excommunicatio. Hinc *Hering. lib. 13. cap. 23. n. p.* ad hunc casum optimè sic: *Si agnovit esse hominem, & Clericum, incurrit Sacrilegium Clericidum: & de eo percussus jussu conqueritur, quod videns eum esse hominem, & Clericum, spontè percusserit, cum id malum, & damnum vitare teneretur. Quare hic fit excommunicatus, & irregularis.*

127 An verò incidat in excommunicationem, & irregularitatem, is, qui proicit saxum, vel aliud, quo percutiat Caium Clericum, sed fortè casu, & inculpabiliter percutit, vel occidit alium Clericum illac transeuntem. Responso est negativa, quam tenent *Sanch. n. 27. cit. Bonac. cit. n. 20. Leandr. l. c. qu. 12.* & alii apud ipsos. Quia percussio dicti Clerici est inculpabilis, ut supponit casus: Censura autem solum incurritur ob culpam mortalem. Nec hujusmodi casus (ut advertit etiam *Sanch. n. cit. in fine*) est similis illi, quem numero præcedenti affirmativè resolvimus. Nam in illo, affectus, & opus ipsum externum, sunt penitus mala, & injusta; siquidem affectus fuit Clericum percutiendi, & adfuit voluntas illum Clericum (putando esse alium Clericum) cædendi, sequutumque est opus. In hoc verò casu, solus affectus fuit malus, qui non inducit censuram: opus autem externum cætionis

illius, omnino fuit præter voluntatem, ac proinde culpa vacans, & consequenter incurfione cenfuræ.

128 Et hic obiter nota cum Bonacina *punct. p. cit. n. 19.* Exercentem huiusmodi actum externum, quo fortuito, videlicet, & casualiter occidit illum Clericum, nedum excufari ab incurfione excommunicatione, & irregularitate proveniente ex delicto, verum etiam excufari à reftitutione: nam ignorantia comitans (uti est præfens) excufat (sic Bonac.) actionem externam à peccato, propterea occidens hominem, quem credebat esse feram, quo tenetur ad reftitutionem ratione homicidii, etiamfi comiffisset homicidium fi cognoviffet illum esse hominem. Et ratio est, quia dicta actio externa, non habet malitiam injuftitiæ, quamvis affectus, & defiderium injuftum effet: obligatio autem reftituendi oritur ex actione externa injufta, non verò ex affectu, & defiderio præiudicium: ita Bonac.

129 Insuper hic obiter nota, quod percutiens Laicum, ex ignorantia credens ipsum esse Clericum, eo quod tonfuram deferat, non incidit in Censuram. Quia revera Clericum non percussit, sed Laicum. Sicut nec irregularis efflet, si feram quis necaret, credens holtem esse. Adde quod excommunicatio non incurritur, nisi fit in iure expreffa; in iure autem non est expreffa excommunicatio ob percuffionem. Laici, nec erronea conscientia inducit excommunicationem, sed legitimus fuperior. Hinc non obstat, quod habuerit animum, & voluntatem percutienti Clericum, quoniam ad hoc, ut quibus censuris plectatur, nec pravus affectus, vel animus, nec conscientia lafa, nec conatus fufficit, si opus externum non fequatur: Actus enim propter quem incurritur excommunicatio, non est Sacrilegium internum, sed externum, consummatum contra personam Clerici; in hoc autem cafu non adeft Sacrilegium externum contra Clericum, quamvis adfit internum ob errorem, & ignorantiam. Eiusdem fententiæ funt Gloffa, *In cap. In audientia. Verbo. Iniuriarum, in fine* (ubi expreffè sic, ad hunc cafum: *In veritate non est excommunicatus: licet de injuria teneatur.*) Abbas, Ancharanus, Federicus, Aftenfus, D. Antoninus, Angelus, Sylveft. Covarr. Lopez, Graff. Ledefma, Manuel, & Vega, quos omnes refert, & fequitur Sanch. *diff. cit. 32. n. 28.* quibus adde Bonac. *l. c. n. 22. Suar. de Censur. diff. 22. fec. p. n. 33. Leandr. l. c. qu. 13.* & alios communiter. Quorum aliqui volunt, dictum percufforem, ob conscientiam erro-

neam debere fe reputare excommunicatum, donec de veritate facti certior factus fit. Quod veriffimum esse (concludit Sanch. *n. cit.*) nemo dubitat.

PRIVILEGIUM SEXTUM.

Ignorantia vincibilis, venialiter tantum culpabilis, excusat à Censura.

130 **E**Xcufat utique à tribus speciebus cenfuræ, excommunicatione videlicet, fufpensione, & interdicto: & etiam ab irregularitate ob delictum: ita Sanch. *diff. cit. 32. n. 29.* & alii innumeri penes ipsum: immo communiter Doctores omnes apud, & cum Leandr. *l. c. qu. 14.* Et ratio est certæ, & communis: constat enim inter omnes quod hæ cenfuræ incurri non poffunt absque lethali culpa, eo quod omnes funt poenæ graviffimæ, & ita credendum minimè est piam Matrem Ecclefiam velle iis plectere ob culpam levem, qualis est venialis: ergo ob ignorantiam, folum venialiter culpabilem, nulla censura contrahi potest. Constat autem ex dictis ad Lectorem initio huius Tractatus *n. 7. in fine*, quæ fit ignorantia vincibilis, venialiter tantum culpabilis: & quæ culpabilis mortaliter; primum enim (ut communiter Doctores) datur in illo, qui adhibuit aliquam diligentiam ad sciendum id, quod tenetur fcire, non tamen fufficientem, & neceffariam ad illam ignorantiam vincendam. Secunda verò datur in illo qui aut valde modicam, aut nullam proflus diligentiam adhibuit ad sciendum, quod tenetur; & poterat fcire. Ex his ergo ignorantis, prima ad minus, ficut excufat à lethali culpa, ita & ab omni poena, quæ folum ob culpam lethalem incurri potest; vt funt prædictæ Censuræ.

PRIVILEGIUM SEPTIMUM.

Ignorantia vincibilis, mortaliter culpabilis, quæ affectata, crassa, aut fupina non est, etiam excusat probabiliter à Censura.

131 **Q**Uæ fit ignorantia affectata (feu optata) crassa, & fupina, constat ex dictis ad Lectorem initio huius Tractatus *n. 8.* Ex quibus etiam patet, quod ut dicatur, & fit huiusmodi, idest, optata, crassa, & fupina, debet ipsa procedere ex culpa lata, & fuma in adhibenda diligentia eorum, quæ fciri poffunt, ac debent. Hinc; licet

Corduba in Quest. Theolog. lib. 2. qu. p. Suar. de Cens. disp. 4. sec. 10. n. 10. & alii: non admittant distinctionem inter ignorantiam vincibilem mortaliter culpabilem non affectatam: & ignorantiam vincibilem mortaliter culpabilem affectatam, crassam, & supinam, nec agnoscant quæ ignorantia sit vincibilis mortaliter culpabilis, quæ non sit vna ex illis; videlicet crassa, aut supina: dicentes omnem ignorantiam mortaliter culpabilem esse crassam, vel supinam: nihilominus *Sanch. to. p. in Decal. libr. pr. cap. 16. n. 7.* constituit inter ipsas differentiam aliquam; & in sui sententia: Affectata, crassa, & supina dicitur, cùm quis data opera ignorare vult, ne ab actu, quem exequi optat, retrahatur, unde procedit hæc ex culpa lata, & summa, in adhibenda diligentia eorum, quæ sciri possunt, ac debent. Non affectata autem (per eundem) dicitur, quando quis non eligit quidem ignorare, ac culpabiliter ignorat: quare, licet nec huiusmodi ignorantia excuset à mortali, non est tamen omninò crassa, & supina, idest, non ita summa, vel ob defectum actualis advertentiæ, malitiæ moralis, vel probabilis periculi; aut expresse alicujus dubitationis, vel ob aliquid aliud: Ignorantia igitur crassa, seu supina per *Sanch. l. c. & lib. 9. de Matrim. disp. 32. n. 32. & 33.* illa est, quæ ex lata ignorantis culpa procedit, utpotè qui nullam, aut valde modicam ad sciendum diligentiam adhibuit. *Atque ita* (concludit *Sanchez n. 7. cit.*) *non omnis negligentia, sed summa, est, quæ ignorantiam crassam constituit potest.*

132. Ex ventre ergo hujus doctrinæ, ac distinctionis, eruitur privilegium propositum, in quo probabiliter affirmo, dictam ignorantiam vincibilem, non affectatam, nec crassam, seu supinam, etiam si à mortali non excuset, excusare tamen (saltem in foro interno) ab incurfione Censurarum, & aliarum poenarum ex delicto provenientium. Quod idem affirmat *Sanch. disp. cit. 32. n. 31. Versu.* *Secunda tamen conclusio:* Sub his verbis: Ignorantia vincibilis, & culpabilis, facti, vel juris imponentis Censuras (licet alias factum sit damnatum) vel alias poenas spirituales, excusant ab illis, modo non sit crassa, & supina: siue statuantur ab Episcopis; siue Pontificiis Constitutionibus. Et apud eundem, idem docent (tractantes de Censura Excommunicationis) *Sylvest. Verbo Excommuni. 7. casu ultimo, q. 3. Angel. Verb. Excomm. 7. casu ult. n. 3. Tabiena Verb. Excomm. 7. q. p. n. 2. Petr. de Ledes.*

*De Matrim. qu. 45. art. 5. punc. p. dub. 3. conclus. 2. fol. 172. colum. 2. in initio. Ludov. Lopez 2. p. Instru. cap. 13. de Excomm. §. Sed iam ad 2. punctum fol. 887. Quibus addo Sotum in 4. dist. 28. qu. p. art. 2. Versu, Ex his primum, colum. 5. pag. mibi 155. ubi dicit, ita tenere nobiles Auctores: Excusant tamen ab excommunicatione lata per inferiorem Papæ, non tamen à lata per Papam, vel jus commune. Idemque tenet Azila de Censur. 2. p. cap. 5. disp. 5. dub. 8. conclus. 2. addens tamen in fine: Hæc conclusio non est mihi certa, sed quia clementior est, eam sequor. Et hinc fortasse est, quod *Suar. n. 10. cit. in princip.* dicit, hanc eandem conclusionem, seu opinionem, non movere ejusdem auctorem ex gravi, aut urgente fundamento, sed solum ex quadam pietate, ad evitanda animarum pericula. Imò nullum habere Auctorem, præter unum, vel alterum recentiorem, ibidem asserit: quod tamen non est verum, ut patet ex Doctoribus pro eadem opinione hic citatis, qui vel ante ipsum, vel suo tempore scripsere: quibus & sequentes addendi sunt. Et primo loco: *Portel. in Dubiis Regular. Verbo Ignorantia n. 27.* ubi hic: Ignorantia vincibilis, siue facti, siue juris, imponentis censuras, & alias poenas spirituales, siue factum illud sit peccatum mortale, si tamen non fuerit ignorantia crassa, & supina, excusant ab omnibus illis poenis; & hæc conclusio est magnæ consolationis: estque intelligenda de quibuscumque poenis, siue latis à jure communi Papæ, siue à particulari Diocesano: probatur ex cap. 2. De Constitut. in 6. ubi dicitur, Ignorantia, dummodo non sit crassa, & supina, excusare ab omnibus sententiis. Vbi per verbum (Sententiæ) intelliguntur sententiæ latae pro quibuscumque poenis, ut jam supra diximus. Hanc tenet *Sylvest. Verb. Culpa, qu. 11. §. 14. in fine, & alii; sicut Vivald. Candelabr. 2. p. tract. de Irregular. n. 265. & seqq. Majolus lib. 5. de Irregular. cap. 4. §. 3. n. p. Crassa verò, & supina ignorantia est illa, quæ procedit ex culpa lata, quæ intervenit in adhibenda diligentia. Culpa verò lata est (ut definit *Castr. lib. p. de lege penal. cap. 14. col. 4.*) quando ignoras, aut nullam, aut valde modicam adhibuit diligentiam, ut sciret quæ nosse teneretur. Et *Grassus p. p. De cisionum lib. 4. cap. 9. n. 20.* id magis explicans ait; culpam latam, seu ignorantiam crassam esse illam, quæ vel ex malitia, vel ex nimia negligentia procedit. Ubi vides posse aliquem evadere prædictas omnes poenas, etiam si operetur culpabiliter mortaliter cum ignorantia juris, vel facti, dummodo ignorantia non sit crassa, &**

crassa, & supina, sive magna. Haecenus *Portell.* Cujus doctrina nil discrepat (ut patet) à doctrina *Sanch.* ejusdemque sententia: pro qua etiam, secundo loco, refero *P. Dianam* *tom. 5. Coordin. tract. 1. ref. 33. ex p. 3. tract. 5. & Miscell. p. ref. 13.* Ubi nedum sequitur eandem doctrinam *Portell. & Sanch.*, cum eisdem resolvendo: verum etiam resolutionem suam, dicit, fore plenam magnae consolationis: quam concludit sic: *Quidquid in contrarium asserant Sotus, Grass. Suar., & alii, quot citat, & sequitur Villalobos, Tu tene nostram sententiam ex cap. 2. de Const. in 6. ubi habetur, ignorantiam, quae non est crassa, & supina excusare ab omnibus sententiis Ordinariorum.* Et idem docet *P. Diana* *rod. to. 5. Coord. tract. 5. resol. 6. n. 4. Ex p. 4. tract. 2. ref. 85.* quam sic incipit: *O quam plausibilis erit Confessarii haec resolutio!* quam postea concludit sic: *Ubi vides posse aliquem evadere praedictas omnes penas, etiamsi operetur culpabiliter mortaliter, cum ignorantia Juris, vel facti, dummodo ignorantia non sit crassa, & supina, sive magna.* Itemque tertio idem docet *P. Diana, & eodem to. 5. Coordin. tract. 1. ref. 34. Ex par. 5. tract. 9. resol. 17.* & ibi refert *Tanner. to. 4. disp. 6. qu. 10. dub. 3. n. 47.* sic asserentem: *Sit ergo haec generalis assertio. Ignorantia invincibilis, vel utcumque vincibilis, dummodo crassa, aut supina non sit, seu facti seu juris, tam universalis, quam particularis, defendit, & excusat ab excommunicatione incurrenda: ignorantia autem crassa, & supina nunquam excusat.* Ita *Tanner.* Cui etiam addit *Diana, Caelestinus in Compendio Theologiae Moralis tract. 3. num. 2.* affirmantem pariter uti sequitur. *Dico, ignorantiam vincibilem mortaliter culpabilem, sive sit juris, sive facti, modo non sit crassa, excusare ab excommunicatione, & hoc habet locum, sive excommunicatio sit lata ab Episcopo, sive à Papa. Et ita etiam in eandem Sanch., sententiam inclinant, Bonac. de Conf. in comm. disp. 1. qu. 2. punc. 1. n. 10. vers. Adde non improbabili: Leander de Conf. in Communi tract. 1. disp. 9. qu. 15. Palau par. 1. tract. 2. disp. 1. punc. 18. n. 2. & p. 6. De Conf. disp. p. punc. 8. n. 7. Basiaius Verbo Ignorantia n. 20. Barbosa in Collectaneis Tom. 4. lib. p. Sexti Decretal. Tit. 2. c. 2. n. 8. ubi n. 7. impugnat optimè Suar. asserentem ignorantiam crassam, & supinam, idem esse cum ignorantia vincibili; & oppositum ipse probat, unam videlicet ab altera distingui: aded ut omnis ignorantia crassa, & supina sit quidem vincibilis: at non è converso, omnis ignorantia vincibi-*

lis sit crassa, & supina. Et easdem sic distinguunt: cum *Henric. in Summ. lib. 13. cap. 23. §. 2. Avila de Conf. p. 2. cap. 15. disp. 3. dub. 8. Sanch. d. disp. 32. n. 33. & Bonac. punc. cit. n. 4.* Ignorantia vincibilis, quatenus distinguitur à crassa, & supina, contingit, quando quis non adhibuit mediocrem diligentiam, morali, & humano modo, ad sciendum id, quod scire tenetur: Ignorantia verò crassa, & supina, dicitur illa, quae procedit ex lata culpa ignorantis, seu ex summa negligentia, ut accideat quando quis ullam, vel modicam adhibuit diligentiam ad cognoscendum id, quod scire tenetur, postquam de illo habuit aliquam cognitionem, vel dubium: Ita *Barbosa* ex doctrina *Sanch.* praecipue, cujus sententia, & consequenter propositum Privilegium:

133 Probatur primò, Authoritate tot Clarissimorum Doctissimorum Virorum, qui hanc sententiam, & privilegium nostrum amplectantur: *Quidquid dixerit Suar. supra, & cum ipso Filleuc. tom. p. tract. 11. & p. de Conf. in Comm. cap. 8. n. 263. Versu, Atque haec sententia: hanc videlicet, Unum tantum habere Autorem, Lopez tract. de clavibus, cap. 13. qui non movetur urgente fundamento, sed ex quadam pietate, ad evitanda animarum pericula, ut dicitur cap. 2. de Constit. in 6. Secundò probatur: ex eodem cap. 2. de Constit. in 6. Ubi astringitur, quod solum ignorantia crassa, & supina, non liberat à censuris: ibi enim sit: *Ut animarum periculis obviam: sententiis per Statuta quoviscunque Ordinarii prolati legari nolimus ignorantes, dum tamen eorum ignorantia crassa non fuerit, aut supina: ergo quaecvis alia ignorantia, quae non sit crassa, aut supina, etiam si sit mortaliter culpabilis, à censura liberabit: consequentia haec patet, nam exceptio firmat regulam in contrarium. Et potest hoc idem confirmari, ex eo quod, si Textus relatus, duntaxat, non legari ignorantes: intelligeret tantum invincibiliter ignorantes, nullum privilegium, seu Indulgentiam dedisset ignorantibus, quae periculis animarum peculiariter subveniret; ex natura etenim rei, invincibiliter ignorantes, non legantur sententiis, &c. Imò sic, nihil Pontifex decerneret, in quo esse posset difficultas, nam ignorantia invincibilis ex natura rei excusat: ignorantia verò, quae leviter est culpabilis, & quae negligentiam mortalem non attingit, in omnium sententia à censuris, & quolibet poena gravi pariter excusat, siquidem excusat à peccato mortali: Igitur dicendum ipsum**

ipsum loqui, ac intelligi debere, de aliqua mortaliter culpabili ignorantia, dummodo crassa non fuerit, aut supina. Sicque ruit fundamentum *Filiucci* n. cit. 263. non alia ratione videlicet ignorantiam crassam, & supinam non excusare à Censura, nisi quia non excusat à culpa gravi: Nam, nec ignorantia vincibilis, qua vincibilis, excusat à culpa gravi, ut certum est, nihilominus excusat à Censura, quando crassa non est, aut supina, ut supra dictum, ac probatum est. Hinc *Sanch.* n. cit. 31. in fine, optimè concludit: quod, ignorantia præcepti, nec excusat, nec sufficiens accusat ad censuram contrahendam, nisi iuxta modum, & qualitatem ignorantie ipsius Censuræ.

134. Quod verò, Textus prædictus, & lex dicta Canonica, extendatur etiam ad jus Pontificium, & censuras ejus, defendunt, *Sylo.* Verbo Ignorantia, Quæstio 8. versu, Et ista solutio n. 16. *Sanch.*, *Portel.* *Diana*, *Tamer.*, *Cælestinus*, supra relati. Quibus addo *Bassium* n. cit. 20. (qui etiam concludit sic: Et hæc sententia est tuta, & valde notanda pro multis materiis in particulari, qua ratione possunt plures in foro conscientie excusari ab incurssione Censuræ,) & *Palam* n. 7. cit. ubi in fine sic: Nominè inquam Ordinariorum: etiam Pontifex videtur comprehendens; quia est Ordinarius Ordinarius; & quavis sub illo verbo non comprehenderetur tamen ob rationem decidendi illius textus, scilicet, ut periculum animarum evitetur, quæ in Censuris à Pontifice latis efficacius procedit, utpote quæ minus publicantur, minusque nota sunt, quam censuræ ab inferioribus latis. Quod idem antea docuit *Sylo.* n. 16. cit. sub his verbis: Ut animarum periculis obviatur, eque militat in Papa, & magis: quia ejus Statutum plures ligat, & minus publicatur. Præterea, Quia superflue in d. c. Ut animarum, poneretur, Ordinariorum: Sed sufficisset dicere: quorumcumque. Sed dico, quod necessariò addidit Ordinariorum, ad differentiam Statutorum, quæ faciunt Communitates, quæ animam per spirituales penas non ligant: & non dicit quorumcumque Ordinariorum locorum, cuiusmodi sunt Episcopi, secundum *Glof.* in d. c. Ut animarum; sed quorumcumque Ordinariis simpliciter, ut includeretur etiam Papa, qui est omnium Ordinariorum Ordinarius. Ita *Syloester*. Quod latius prosequens *Sanch.* n. cit. 31. ait sic: Et est ibi sermo non tantum de sententiis Episcoporum, sed etiam Summi Pontificis, cum nomine Ordinarii comprehendatur ipse, tanquam Ordinarius Ordinariis omnium, juxta *Sylo.* Verb. Ignorantia qu. 8. dicto 3. Vel si dicamus non comprehendi

sententias à Summo Pontifice latis sub nomine illo Ordinarii: propter ea, quæ diximus num. 8. ad finem: comprehenduntur propter rationem illius Textus, ut periculum animarum obviatur, quæ similiter in illis militat. Et quia major est ratio in Pontificiis: quippeque minus publicantur, atque facilius, & justius ignorantur. Item quia omnes hæc pænes spirituales, & irregularitates sunt pænes contemptus: (ut probavi) at contemptus adesse non dicitur, quando ignorantia non est crassa.

135. Hactenus dicta, reddunt utique, admodum probabile, & tuta conscientia, sequibile (ut patet) nostrum propositum privilegium; tot maxime *Clasucorum* Doctorum autoritatibus, & rationibus fultum. Quod præterea, Tertio, & ultimo probatur: Quia utique ex dictis probabile est, quod non omnis ignorantia, quæ non excusat à mortali, possit dici crassa, & supina: sed sic est, quod sola ignorantia crassa, aut supina, est, quæ non excusat à censura, ut constat ex c. 2. de Confir. in 6. ergo illa alia, quæ non est talis, licet non excuset à mortali, excusabit tamen à Censura. Major, & si pluribus supra firmata sit, ulterius probatur: quia probabile est, quod ad hoc ut ignorantia dicatur, & sit crassa, aut supina, debeat procedere ex culpa lata, & summa in adhibenda diligentia eorum, quæ sciri possunt, ac debent: ergo cum detur alia ignorantia mortaliter culpabilis, quæ non sit ita summa, excusabit hæc à Censuris, & pænis. Hæc Confessarii in mente habeant (inquit *P. Diana* p. 3. tract. 5. & *Miscell.* p. ref. 13. in fine) nam ex illis non pauci ab incurssione censurarum immunes erunt. Ex hac autem doctrina, per ignorantiam videlicet etiam culpabilem, dummodo non sit crassa, & supina, aliquem non incurrere incensuram observat *Hurtado de Mendoza*, Vol. p. in 2. 2. D. Thom. disp. 8. sec. 5. §. 42. (apud *Dianam* p. 5. tr. 9. ref. 17.) sequi eandem omnino esse rationem de actuali inconsideratione inculcata. Ex gr. si quis hæresim profert, quam nunquam cognovit esse excommunicatione prohibitam, hic non præstringitur excommunicatione, quia absque culpa eam ignorat: si autem eam aliquando cognovit, deinde quando hæresim loquitur, est omnino, & inculpate oblitus excommunicationis, in eam non cadit, quia tota ratio malitiæ, & contumaciæ consistit in actuali peccato, ut oritur ab actuali cognitione, vel culpata carentia cognitionis: cognitio enim, vel ejus carentia jam præterita, & nullo modo manens,

manens, non sunt causa actus voluntatis existentis illis posterius, sed actuale peccatum, nec oritur cum cognitione censurae, nec cum ejus culpa carentia: ergo eadem ratio est, ac si nunquam cognitio fuisset. Hæc Hurtado. Ex dictis autem.

136 Deducitur primò, tanquam quid certum, ignorantiam affectatam non excusare à Censuris; tum quia id constat ex d. cap. Ut animarum. Ubi aperte habetur, quod ignorantia crassa, aut supina non excuset quem à Censuris contrahendis; multo minus ergo à fortiori excusabit affectata (seu optata) cum hæc magis augeat voluntarium, & consequenter peccatum, ut cum communi docet Covarruv. in 6. Abba, p. puncto, §. 10. n. 17. Versu, Illud sani. Tum quia ignorantia affectata, seu optata, est illa, qua quis ignorat id, quod scire tenetur, eligens, illud nescire, ut liberior peccet, hinc directè est volita, directè causat voluntarium, consequenter peccatum, atque aded nequit excusare quem à Censuris: sic cum D. Tbo. p. 2. qu. 76. art. 3. (apud, & cum Leandro disp. cit. 9. qu. 16.) D. D. omnes.

137 Deducitur secundò: Nec ignorantiam crassam, aut supinam tam facti, quam juris excusare, seu liberare à Censura (quidquid apud eundem Leand. qu. 17. affirmet contra, licet ex parte solum, Bauny tr. p. de Censuris qu. 18.) Idq; patet apertissimè, tum ex eodem Cap. Ut animarum cit. ubi dicitur: Statutis Ordinariorum excusare ignorantes, dum tamen coram ignorantia non fuerit crassa, aut supina; ergo sine distinctione ulla, ignorantia ligat quodcumque fuerit crassa, & supina: Tum etiam quia, cum ignorantia crassa, & supina, ex dictis, & per nos procedat ex culpa lata, & summa, reddit consequenter ignorantem in statu contrarietatis, & inobedientie, saltem virtualiter, & indirectè: cum voluntariè negligat legem, alias satis publicam, & omnibus notam: Unde tam crassa ignorantia nequit cum excusare ab incurfione Censuræ, si ex ignorantia eadem, factum sub Censura prohibitum efficiat. Satis enim est, quod lex, quantum est ex se, illum admoneat: quamvis ejus admonitio ad aures ejus non pervenerit, ex supina, & summa ejus negligentia. An verò ignorantia crassa, excuset saltem à Censura quando hæc imposita est facienti aliquid scienter; in privilegio sequenti: unde sit.

PRIVILEGIUM OCTAVUM.

Ignorantia etiam crassa excusatur à Censura, quando hæc imposita est facienti aliquid scienter.

138 **V**Ti certum admittit hoc privilegium Leander disp. cit. 9. qu. 18. sub his verbis: Ut mihi certum respondero: Excusare: Quia quando aliqua Lex, & Canon non addit illam particulam (scienter) crassa ignorantia requiritur, ut ignorans non excusetur ab incurfione censuræ, ut quæst. anteced. est habitum: ergo amplius requiritur, quando addit (scienter) aliàs frustra adderetur: ergo ad incurfionem Censuræ non sufficit tunc ignorantia crassa, aut supina: quæ videlicet, lex noluisset Censuram inferre, nisi contra scienter peccantes, non contra ignorantes crasse, aut supine. Sic Henriquez lib. 13. cap. 23. n. 3. initio: Sic dicens: Si excommunicatio, sub his verbis feratur: (Qui scienter, vel actu temerario fecerit, vel qui præsumpserit) excusatur ab illa, qui ignorat etiam ignorantia crassa. Et hoc idem privilegium recipit etiam P. Diana par. 3. tract. 5. & Miscell. p. ref. 13. dum ibi sic. Notandum est ignorantiam quantuncumque crassam (nisi esset ingens temeritas) & latam culpam, excusare à pena imposita scienter aliquid facienti. Quod pariter antea recepit, atq; admisit Navarr. in Summa cap. 27. n. 140. Versu, Declaratio prima, quod hæc ligat: pag. mihi 566. hincmet verbis: A pena istius Clement. sola ignorantia facti probabilis excusatur, secundum Glossi. Verbo Scienter; quam dicit singularis Præpositus in cap. Ex parte p. columna penultima, de appellat. contra quam tenui prælegendo illam Salmanticæ; & nuper consulendo in sacro Penitentiariæ pratorio cum Joanne Imol. & Bonif. super eadem. Tum quia dicta Clem. non loquitur simpliciter, sed de contrahente scienter: & lex puniens facientem aliquid scienter, requirit dolum, l. sed si lege, §. scire, ff. de peti. heredit. à quo quælibet ignorantia etiam crassa excusatur, l. igitur ff. de liber. cau. & l. plagii, C. ad Flaui. de plag. ubi Glossa hoc dicit citans in id alias leges, verb. Injuria. Tum quia, aliqui nihil refert, an lex dicere simpliciter, qui contrahit, vel qui scienter contrahit; quod est contra mentem omnium. Tum quia certum est, quod quacumque ignorantia quis aliquid faciat, verè non facit scienter: & ita verè non continetur lege data contra facientem scienter: quamvis quoad forum externum aliud interdum præsumi posset, sed hic de foro conscientie agimus. Hactenus doctissimus Navarr.

Navarr. cui præterea addo *Sanch.* de *Matrim.* lib. 9. disp. 32. n. 36. & *Tom.* p. in *Decal.* lib. 2. cap. 10. n. 38. *Bonac.* de *Censur.* in *comm.* disp. p. qu. 2. punct. p. n. 21. *Avila* de *Censur.* 2. p. cap. 5. disp. 5. dub. 9. concl. p. & cap. 6. disp. 10. dub. 6. *Dico primò.* *Basil.* *Post.* de *Matrim.* libro 10. cap. 6. *Gasp.* *Hurtad.* de *Censur.* in *communi* *Difficult.* 21. *Versu.* *Conveniunt Tertii.* *Molinam* de *Just.* 20. 4. tract. 5. disp. 71. n. 13. & alios, qui ad abundantiam videri possunt apud citatos. Videatur præcipue *Cajet.* in *Summ.* *Verbo* *Excommunicatio* : ubi tradens hanc eandem doctrinam, explicat serè singulas excommunicationes.

139 Ratio autem sic suadet propositum privilegium. Quia poenæ, ut in iure dicitur, leniendæ potius sunt, quam exaggerandæ, c. *pæna*, de *pænis*, dist. 1. & l. *pænis*, ff. de *pænis*. Quando autem lex requirit scientiam, & dicit: *Si sciens*, si *presumpsit*, si *ausus* fuerit, &c. ipsamet lex moderatur poenam, neque vult illam incurri, nisi quando peccatum, aut factum contra legem, talem circumstantiam habet. Quare, quando adest ignorantia etiam crassa, excluditur ille modus, quem lex requirit ad inflictionem poenæ. Cum ergo lex scientiam præsit, quævis ignorantia etiam crassa, excusat à poena eiusdem legis; alioqui, ut optimè *Navarrus* supra, nil referret, an lex diceret simpliciter, qui contrahit, vel qui scienter contrahit; quod est contra mentem omnium. Et confirmatur: nam iuxta veriorum sententiam superius traditam, quando lex, & canon, non addit scienter, desideratur crassa ignorantia, ne ignorans excusetur: ergo amplius requiritur, quando addit scienter; aliàs frustra adderetur. Adde, quod tunc Ecclesia intendit punire delictum expressè, & formaliter volutum, præmissa illius notitia, quod non contingit, ubi adest ignorantia etiam crassa: eo quia tunc verè non adest notitia illius, & solum est virtute volutum. Et si dicas, idem esse scire, & debere scire. Respondeo, id esse verum quoad peccatum, secus quoad poenas. Vide *Sanch.* *num.* 36. citat. & *num.* 38. citat. in *Decal.* Ex quo: & ex dictis:

140 Inferitur, quod cum in *Bulla Cene* ex. gr. excommunicentur Hæreticorum, Libros (hæresim continentes, vel de Religione tractantes) sine autoritate Sedis Apostolicæ, scienter, legentes, retinentes, imprimentes, seu quomodolibet defendentes, ex quavis causa, publicè, vel occultè, quovis ingenio, vel colore. Ab hac

censura eximuntur hi, qui quodvis horum fecerint, ignorantia, quantumvis crassa, & lata culpa: nisi adeo crassa fuerit, ut extiterit ingens, temeritas: & ratio est, quia dicta clausula, scienter, petit hæc fieri: Ut scienter videlicet, legant, teneant, impriment, defendat, &c. prædictos Libros. Quod utique advertendum est valdè, pro omnibus etiam aliis materiis in particulari, continentibus eandem clausulam, ratione cujus quamplures in foro conscientie excusari poterunt ab incurfione censuræ: hinc concludendo, repeto P. *Diane* monitum: *Hec omnia*, videlicet, *Confessarii in mente habent*: nam ex illis non pauci (imo innumeri, addit par. 5. tr. 9. ref. 17.) ab incurfione censurarum immunes erunt. At nedum ex illis, idest ex dictis, verum etiam ex mox, & in sequentibus dicendis, quamplures ab incurfione censurarum immunes erunt, quæ & propterea, tenaciter etiam à Confessariis in mente erunt retinenda. Neque contra hoc privilegium vim habet, si ei obiciat ex ipso sequi dari anam multis non curandi de scientia legum, coquod ignorantia crassa excusat à multis Censuris: Negatur enim sequela, quia in tali casu eorum ignorantia evaderet affectata, & cum dolo, siquæ æquivaleret scientiæ: hinc ruit objectio.

PRIVILEGIUM NONUM.

Ignorantia etiam supina excusat, sicuti excusat crassa, à Censura inflicta contra facientem aliquid scienter.

141 Sequitur hoc privilegium ex precedenti: imò utriusque eadem est ratio formalis; cum utraque ignorantia, tam crassa videlicet, quam supina eandem vim habeat; differunt enim inter se solum in modo significandi, ut superius dictum est. Et ideo absq; ulla distinctione idem de utraque affirmant Doctores, præcipue privileg. antecedenti citati, indifferenter asserentes ignorantiam crassam, & supinam excusare à Censura inflicta contra facientem aliquid scienter. Quam excusationem, uti certam respectu utriusque ignorantie, sustinet *Leander* disp. cit. 9. qu. 18. & 19. Et licet *Henric.* lib. 13. cap. 23. n. 3. videatur esse contrarius, dum ibi sic: *Non tamen excusat si faceret ex ignorantia supina, & affectata: quæ perinde est in re moralis, ac si directè, & scienter presumeret facere contra excommunicationem*: *Sanch.* tamen lib. 9. de *Matrim.* disp. toties cit. 32. *num.* 39.

num. 39. Explicat eundem *Henric.* l. c. solum velle affirmare; quod quando ignorantia est adeo crassa, aut supina, ut esset ingens temeritas; tunc non excusaret à Censura Canonis contra scienter facientes lata, eo quod tunc iam dicerentur in dolo esse. *Non est autem ingens temeritas* (ait idem *Sanch.* in *Decal.* tom. 1. lib. 2. cap. 10. n. 38. in fine) nisi quando vehementem suspicionem habet Censuræ, &c. Tunc enim reputatur scienter.

142 An verò sicuti ignorantia crassa, & supina excusat à Censura, scientiam exigente; excuset etiam ignorantia effeclata? Affirmat *Gasper. Hurtad.* De Cens. in Comm. diffie. 21. n. 92. Quia (inquit) quod fit ex ignorantia, vel cum ea, quæcumque fit, non fit scienter, nec cum dolo, quia verè fit ignoranter: & quomodo dicta ignorantia ferè equivaleat scientia, seu dolo, quoad incurrendam culpam, non tamen quoad penam; quando hæc imponitur contra scienter, seu ex dolo peccantes. Et ob eandem rationem excusat à Censura lata contra eos, qui aliquid facere presumpserint, aut contra eos, qui ausu temerario aliquid fecerint; quia pro eodem sumuntur, & idem est aliquid facere scienter, seu ex dolo, & illud facere ausu temerario, & presumere illud facere, imò & illud contemere. Ità *Montad.* Et ita etiam tenent *Fillenc.* to. 2. tract. 22. cap. 7. n. 205. *Bonac.* De Cens. in Comm. disp. p. qu. 2. pun. p. n. 11. *Sanch.* se retractans in *Summa* to. p. l. 2. cap. 10. n. 38. *P. Duardus* in *Bullam Cenzæ* lib. 2. in Canon. p. qu. 36. n. 3. & alii: Quorum ratio est, quia verba legis penalis non sunt extendenda ultra proprium significatum, sed qui operatur cum ignorantia effeclata non operatur scienter, ergo non incurrit in excommunicationem, & censuram contra aliquid scienter facientes latam; quod procedit, sive ignorantia effeclata sit iuris, sive facti. Hinc ex his aliqui docent, Libros hæreticorum ignorantia effeclata legentes, non incurrit in excommunicationem latam in *Bulla Cenzæ*; quæ fertur contra scienter legentes. *Diana* p. 3. tract. 6. & *Miscell.* 2. ref. 7. admittit hanc sententiam uti probabilem.

143 Sed probabilis respondeo. Non excusare. Tum quia ignorantia effeclata, quæ videlicet, ignorans eligit nescire, quò liberius peccet; non minuit, sed potius auget culpam, & facit actum directè, & per se voluntarium, cum directè, & per se eligatur: teste *D. Tho.* p. 2. qu. 76. art. 4. in corpore: ergo non excusat à Censura scientiam exigente. Tum quia ignorantia effeclata æquivaleret scientiæ, & dolo: ex-

go quisquis cum illa contra censuram, scientiam requirentem, operatur, perinde est in re morali; ac directè scienter, temerariè, & præsumptuosè, contra Censuram facere. Ergo clare constat quod ignorantia effeclata non potest quæm à Censura excusare. Antecedens, in quo posset esse difficultas, clare patet ex cap. *Eos qui, de tempor. Ordin.* Ubi apertè ignorantia effeclata, æquiparatur scientiæ; iis verbis: *Eos, qui Clericos parochiæ (idest Diocesis) alienæ, absque Superioris Ordinandorum licentia, scienter, seu effeclata ignorantia, vel quocumque alio fomento quasitæ, præsumpserint ordinare; per annum à collatione ordinum decernimus esse suspensos.* Ita *Gregorius X.* & cum eo *Glossa* ibi, verbo *Affectata*; per sequentia verba: *Equipollent ergo scientia, & affectata ignorantia, de clau. disp. cum inhibitis. & dicitur affectata, ex quo scire potuit, sed noluit, imò dissimulavit. .c. de incest. & inibi, nupt. l. qui contra.* Sic *Glossa.* Et *Covarruv.* in cap. *Alma mater* p. p. §. 10. n. 17. Versu; Decimoquintò, fol. mibi 419. col. p. Id verò (ait) poterit accidere, propter ignorantiam affectatam, quæ cum directè voluta sit, eandem habet scientiæ conditionem, & idem operatur, quod operaretur scientia si adesset. Hanc nostram responsionem, & sententiam præterea tenent, *Gloss. Clem.* p. verbo *Scienter*, De Censuræ. Franc. cap. 2. n. 4. de Confess. in 6. *D. Anton.* 3. p. tit. 24. cap. 34. statim in principio. *Rosella* Excommunicationis p. Casu 43. n. 2. *Sylvest.* Excommunicationis 9. Casu 41. n. 76. in fine. *Tabiena* Excommun. 5. casu 49. n. 3. notabili 2. *Graff.* p. p. Decisionum lib. 4. cap. 9. n. 38. *Henric.* lib. 13. cap. 23. n. 3. *Petrus de Ledsena* in *Summa* cap. 8. de Excomm. dub. ultim. dicto 3. *Suar.* disp. 4. de Censur. sec. 10. n. 3. quos omnes refert, & sequitur *Sanch.* de Matrim. lib. 9. disp. 32. n. 40. quamvis contrarium doceat in *Summa* n. 38. cit. Hisque addi possunt, *Molina* de Justit. to. 4. tract. 5. disp. 71. n. 13. *Conincb.* de Cens. disp. 13. Dub. 11. v. 93. pag. mibi 466. *Avila* de Censur. par. 2. c. 5. disp. 5. dub. 9. *Conclus.* 2. *Fillenc.* to. p. tract. 12. cap. 8. qu. 12. dicto p. n. 260. Versu; Secundum, de affectata (quamvis postea to. 2. tract. 22. cap. 7. n. 205. oblitus sui, oppositum doceat). *Palao* tom. p. tract. 2. disp. p. punc. 18. num. p. *Leander* disp. cit. 9. qu. 21. & alii apud citatos: unanimiter omnes in hoc convenientes, quod ignorantia effeclata scientiæ æquiparatur.



PRIVILEGIUM DECIMUM.

Ignorantia intem crassa, & supina, excusant à Censura lata sub his verbis: Si quis presumpserit: Vel, Si quis ausus fuerit: Vel, Ausu temerario fecerit.

144 **U**T certum recognoscit *Leander* hoc privilegium, *disp. toties cit. 9. qu. 20.* illudque communiter admittunt Doctores superius citati, nobiscum sentientes, ignorantiam crassam, & supinam excusare à Censura inflicta contra facientem aliquid scienter. Ratio autem huius privilegii est. Quia haud dicitur presumere, nec ausu temerario facere, qui ignorantia crassa, aut supina, aliquid facit: eo quod presumptio, & audacia temeritatem, & dolum importent: Sed sic est, quod Censura, & Canon petit dolum: ergo non satis est ignorantia crassa, seu supina, ut latè etiam probat *Sanch.* (cum aliis pluribus) *De Matrim. lib. 9. disp. 32. n. 37. & 38.* & confirmat *Suar. de Cens. disp. 4. sec. 10. nu. 2.* dum ibi sic: *Si lex adhibeat aliquam particulam, qua ex proprietate sue significationis requirit scientiam; tunc etiam si ex ignorantia vincibili id fiat, non incurretur censura: quia talis lex noluisset censuram ferre, nisi contra sic peccantes. Quae autem sint particulae habentes hanc vim, ex proprietate Latini sermonis, & significationis pendet: Communiter autem esse solent haec: (Scienter, Consulto, Qui presumpserit, qui contempserit, qui temere, vel qui temerarius violator extiterit.)* Hinc *Candidus Disquisit. 22. art. 32. dub. 2. ex Sanch. & Suar. allegatis*, pariter sic ait: *Idem dicendum est, quando Canon praecipit, vel punit aliquid, sub poena Censurae, si adhibet has particulas (Si quis ausus fuerit; vel ausu temerario fecerit; si quis consulto: si quis presumpserit; si quis temere; si quis temerarius violator extiterit) non incurrit scilicet censuram, si quis laborans ignorantia crassa, & supina transgreditur legem, si lex adhibeat aliquam ex particulis enumeratis.* Ratio huius conclusionis est, quia Ecclesia in dictis casibus, solum intendit punire delictum formaliter, & expresse volitum, quod presupponit illius notitiam: Sed ignorantia, etiam si sit crassa, & supina, non supponit delictum directe, & formaliter, & expresse volitum, sed tantum virtualiter, & indirectè, ergo &c. Sic ille apud *Leandrum qu. 20. cit. in fine.* Ex hac doctrina, & Privilegio, quamplura inferes in particulari, quarum aliqua videri possunt apud nostrum *P. Duar-*

dum in Bull. Cane Domini Canon. p. qu. 36. à n. 10. in quo sic: *Inferes, quod si quis deputatus ad Confessionem ex ignorantia crassa absolverit aliquem à Censuris in Bulla Cene contentis extra mortis articulum, & sine licentia Romani Pontificis, non incidit in excommunicationem, vi eiusdem Bullae latam contra absolventes à dictis censuris; quoniam ibi excommunicatur bi, qui praesumpserint absolvere ab huiusmodi censuris. Quocirca ad incurrendam praedictam excommunicationem exigitur scientia, dolus, ac temeritas ex parte absolventis.*

PRIVILEGIUM UNDECIMUM.

Ignorantia concomitans excusat semper operantem à Censuris incurrendis, & poenis.

145 **U**Nde si quis ex. gr. Clericum cecidat, & ignarus prorsus sit clericatus, evadet excommunicationem, etiam si eo animo affectus esset, ut cognito clericatu, minimè à percussione abstineret. Vel si quis hostem necans, credens invincibiliter esse feram, ab irregularitate similiter excusabitur, esto etiam eo animo esset, ut rei veritatis conscius, adhuc necaret. Ratio est, quia licet ignorantia huiusmodi concomitans non excuset à peccato ignorantem ratione illius pravae dispositionis, & affectus, quem habet circa obiectum ignoratum: excusat tamen utique à peccato opus illud externum, cum hoc opus non procedat ex prava illa voluntate: sed sic est quod Ecclesia suis Censuris, & poenis non punit actus internos, sed externos tantum: ergo cum in hoc eventu, actus, seu opus ipsum externum à culpa excusetur, eximetur subinde ab excommunicatione, suspensione, interdicto, & ab aliis poenis. Confirmatur primò ex *Suarez de Censur. disp. 4. sec. 8. num. 19. & Filluc. to. p. tract. 11. cap. 8. qu. 9. Dicto 2. num. 247.* Quia vel ea prava, animi, voluntatis, & affectus dispositio, est tantum habitualis, seu in causa, & radice, ut est odium inimici, quod in animo, & voluntate est radicatum, actu tamen, non exercetur, & hæc nihil facit ad culpam, quia per habitualement dispositionem non peccamus formaliter, sed per actualement, donec in actum prodeamus: sicuti ad culpam non facit, nec peccat qui ex vehementi concupiscentia, seu affectu, accedit ad non suam, quam existimat esse suam: vel qui comedit carnes dei prohibito, id ignorans: huiusmodi enim concomitantia, nihil facit ad culpam. Vel est actualis;

ut si haberet hunc actum : *Utinam esset Clericus, nam etiam si talis esset, adhuc occiderem.* Et hæc facit quidem ad culpam internam Sacrilegii, sed non externam, quia externa illa occisio non procedit ex illa interna, cum sit tantum conditionalis voluntas : si esset Clericus : Sed ex altera absoluta ; *Volo occidere quod video.* Quod existimat invincibiliter esse feram, & ideo cum illa actio externa ignoranter fiat, excusabit. Sic etiam Corduba l. 2. qu. 16. in fine, in resp. Argum. 7. Confirmatur secundò : quia licet affectus, & actus etiam elicitus à voluntate, supponatur, & sit peccatum mortale Sacrilegii, est tamen merè internum, & nihil influens in illam actionem exteriorē occisionis : ergo cum illam non reddat peccaminosam, nec quid confert ad Censuram incurrendam. Ità Sanch. disp. cit. 32. n. 16. Sub his verbis : *Recedens à sententia contraria, existimo ignorantiam concomitantem semper excusare ignorantem ab excommunicatione, irregularitate, obligatione restituendi, ceterisque penis, etiam si assu pravius ille affectus circa obiectum, quod ignoratur.* Ratio est : quia licet ignorantia concomitans non excuset à peccato operantem circa illud obiectum, quia talis nature est, ut cum illa maneat peccati affectus circa obiectum ignoratum : at re vera excusat opus externum cum illa factum à peccato. Cum ex ignorantia iniunctibili proficiatur, nec illud opus ex ea prava voluntate processerit. Solum enim feram interficere, aut laicum videri intendebat. Unde dñm D. Tho. ait, eam non excusare à peccato, intelligendus est, non omnino excusare : quia manet peccatum pravi affectus. Cum ergo excommunicatio, irregularitas, & ceteræ pœnæ non incurrantur ob solum pravi affectum, Ecclesia enim non punit actus internos. Nec etiam obligatio restituendi ex sola prava voluntate, que nocere nequit, sed ex actione ipsa externa iniuste oritur : & in hoc eventu opus ipsum externum à culpa, & iniustitia excusetur ; eximetur subinde ab excommunicatione, irregularitate, aliis penis, restituendique obligatione. Ità Sanch. l. c. & lib. p. in Decal. cap. 16. nu. 13. & alii apud ipsum. Et ita etiam tenent Vasq. p. 2. qu. 76. cap. 3. & alibi. Suar. de Censur. disp. 4. sec. 8. nu. 9. Molina de Just. to. 4. disp. 53. num. 2. Vers. De eo verò : Filliuc. to. p. tract. 11. cap. 8. qu. 9. Dicto 2. nu. 247. Bonac. de Censur. disp. p. qu. 2. punc. p. nu. 14. Bassius Verbo Ignorantia n. 18. Palao tom. p. tract. 2. disp. p. punc. 17. n. 3. Leander par. 4. tract. p. de Cens. in commun. disp. cit. 9. qu. 22. & 23. & alii plures, apud citatos præcipuè. Contra Conarru, Vgolin. Manuel. Grass.

& alios, relatos à Sanch. n. n. c. c. Quorum omnium fundamentum est : Quod ignorantia concomitans, ratione prave voluntatis, à peccato minime excusatur, consequenter nec à Censuris excusabit. Ruit tamen huiusmodi fundamentum, quia licet à peccato non excuset ignorantia concomitans ratione prave voluntatis, ut concessum est ; excusat nihilominus externum opus à culpa, cum hoc minime procedat, ut dictum est (stante dicta ignorantia) ex prava voluntate, quod sufficit ad evadendas censuras, & pœnas, ut probatum est.

146 Et Confirmatur magis : Quia Censuræ incurruntur ob peccatum externum, opus autem externum factum cum ignorantia concomitante, non est peccatum ; non enim potest esse peccatum sine voluntario, nec voluntarium potest esse cum ignorantia, cum voluntarium, inquit Aristoteles 3. Ethic. cap. p. sit à principio cognoscēte singula, in quibus est actio. Cum ergo actus ille externus non fuerit præcognitus, non potest dici voluntarius, nec imputari potest ad peccatum, vel ad Censuram incurrendam, cum ad incurrendam Censuram requiratur, ut actus externus habeat malitiam prohibitam sub censura ; qualem non habet actus factus cum ignorantia concomitante : quamvis enim ille affectus pravius, & desiderium actuale homicidii, sit peccatum, nihilominus actus ille externus homicidii non imputatur ad culpam, cum non procedat ab illo interno desiderio, & pravo affectu contra inimicum, sed ab intentione occidendi feram. Nec valet sic contra arguere : Dans operam rei illicitæ incurrit Censuram faciendū actum prohibitum sub censura ; Sed percussus Clericum, quem credebatur esse Laicum, dat operam rei illicitæ ; ergo percussus Clericum, quem credebatur esse Laicum, incurrit censuram excommunicationis impositā ob Clerici percussione. Non inquam valet, nam respondeo, negando, eum, qui dat operam rei illicitæ incurrit censuram, quando laborat ignorantia probabili alicuius circumstantiæ, vel qualitatē facti, propter quam imposita est censura ; ut constat ex cap. Si verò, de sent. excomm. in quo deciditur, eum, qui percussit Clericum, ignarus Clericatus, non ligari excommunicatione ; patet tamen hunc dedisse operam rei illicitæ. Sed :

147 Quæres primò : An excommunicationis Censuram saltem incurreret quis ; si ignorantia comitante laborans, credens se occidere feram, occideret clericum inimicum, eliciendo actualiter hunc actum :
Uti.

Utinam quod video esset Clericus, & meus inimicus, nam adhuc illum occiderem. Respondeo cum Suar. de Cens. disp. 4. sec. 8. nu. 9. Filliucc. to. p. tract. 11. cap. 8. qu. 9. dist. 2. n. 247. & Leand. disp. cit. 9. qu. 23. adhuc non incurrere. Quia licet actus ille elicitus à voluntate sit peccatum mortale sacrilegii, est tamen merè internum, & nihil influens in illam actionem exteriorem occisionis: cum illam non reddat peccaminosam, nec quid conferat ad Censuram incurrendam. Advertit tamen Suar. n. 10. & cum ipso Filliucc. l.c. contrarium esse asserendum, si dictus ignorans haberet hunc actum: Volo occidere illum feram, & si Clericus est, volo etiam illum occidere. Tunc enim actio illa, externa procederet iam ex illa interna, quæ cum sit sacrilegium, etiam externa sacrilegii esset, consequenter sub censura. Quamvis casus hic contingere vix possit (inquunt Suar. n. 10. cit. Filliucc. n. 247. cit. & Leand. qu. cit. in fine) si ignorantia comitans sit invincibilis, de qua est questio: bene tamen si ignorantia esset vincibilis, ut si ille ignorans, aliquo modo, etiam inconsulte, & indeterminate, dubitasset, aut cognovisset ibi esse Clericum inimicum, quia cum tunc iam non haberet ignorantiam invincibilem, sed culpabilem, consequenter saltem confuse vellet sacrilegium, ac proinde incurreret Censuram.

148 Quæres secundò: An naturalis oblitio, inadvertentia, & inconsideratio (quæ ignorantie æquiparantur) excusent à Censuris? Respondeo affirmative (cum Suar. de Cens. disp. 4. sec. 8. n. 11. Bonac. de Cens. disp. p. qu. 2. punc. p. n. 17. Navarr. to. p. Conf. lib. 2. de Jurjurando conf. 12. n. p. Azor. p. p. Instit. lib. p. cap. 16. Questio 3. & 4. Sanch. lib. p. Summe cap. 16. n. 8. Coninch de Cens. disp. 13. dub. 11. n. 93. Leand. disp. cit. 9. qu. 24. & aliis) Dummodo hæc sint absque gravi, crassa, supina negligentia. Ratio est, tum quia, ut bene Azor., Suar., & Sanch. cum Bonac. & aliis: Ignorantia non differt ab oblivione actuali, inadvertentia, & inconsideratione, quoad excusandum à culpa. Distinguuntur enim eo quod ignorantia habitum importat, inadvertentia autem actum: sed sic est quod ignorantia, si non est crassa, aut supina, excusat à culpa, & à Censuris: ergo naturalis oblitio, seu inconsideratio, si non est crassa, aut supina, sed invincibilis, ab utraque excusabit. Tum quia cum oblivione, aut inadvertentia nequit stare contumacia, ut ex se constat, si ne contumacia autem non est locus censuræ.

PRIVILEGIUM DUODECIMUM.

Ignorantia invincibilis Censuræ, quæ annexa est Casibus Pontificiis, impedit eorum reservationem.

149 **M**ultum animarum consolatoria erit (inquit P. Diana par. 9. tract. 6. Miscell. p. ref. 13.) hujus Privilegii positio: in cujus approbationem, & admissionem, sic ait, Dico igitur, quod si quis invincibiliter ignoret excommunicationem, aut aliam censuram, quæ est annexa casibus Pontificiis, non solum excusabitur ab incurso Censuræ, verum etiam casus non erit reservatus, reservatione illa Pontificia: atque adeo poterit absolvi à quocunque Confessario habente jurisdictionem in peccata mortalia. Ratio est, quia peccata Pontifici reservantur ratione censuræ (Henriq. in Summa lib. 6. cap. 13. n. p. Aversa de Penit. qu. 17. sec. 2. & communiter D. D.) ita ut si quis ob ignorantiam excusetur ab incurso censuræ, illud peccatum non erit Pontifici reservatum, quia deest illi fundamentum reservationis, nempe incursum in Censuram, quæ tali peccato in individuo non est coniuncta, atque adeo à quocunque jurisdictionem habente in mortalia absolvi poterit. Et huic eidem privilegio subscribunt Henriq. n. cit. in fine, Sanch. in Decal. lib. 2. cap. 8. n. 5. in fine, Trullench in Bullam Cruciatæ libro pri. §. 7. cap. 2. dub. p. n. 3. in princip. Ubi sic: Suppono, nulla peccata esse reservata Papæ, nisi ob annexam eis excommunicationem, aut aliam censuram, per quam Papa talia peccata sic puniat, ut illius relaxationem sibi reservet. Ex quo sic infert in fine num. (cum Henriq., & aliis) Quod quando peccata reservata Papæ ita committuntur, ut ratione ignorantie ea committens non incurrat censuram, nec incurrit reservationem. Ratio est, quia peccata ipsa præciè non sunt reservata, sed ratione censuræ; seu ut propriè loquamur, censura tali peccato annexa. Ita Trullench. Cui, & quibus, addo Franciscum Bardi in Qq. Moral. selectis lib. 5. qu. 11. n. 5. sub his verbis: Peccata Pontifici reservantur ratione censuræ, ita ut si quis ob ignorantiam excusetur ab incurso censuræ, illud peccatum non erit Pontifici reservatum. Unde si quis labatur in heresim externam, & etiam publicam, sed ignorat censuram heresi annexam, absolvi poterit non solum virtute lubelei, sed etiam à quocunque Confessario habente facultatem absolvendi à mortalibus. Idem dico de aliis criminibus reservatis in Bulla Cæne, & de aliis Casibus Papalibus. Et idem dicere

dicere debent omnes, qui censent ignorantiam censuræ excusare hominem ab incurfione ejusdem censuræ: & peccata reservata Pontifici, esse reservata ratione censuræ. Nos ita sustinui-
mus in explicat. Bullæ Cruciatæ par. 2. traçt. 6. cap. p. sec. 3. n. 27. ita Bardi n. 5. cit. Et idem repetit li. 6. qu. 6. nu. p. ubi sic: Dicendum est, quando quis ignorat esse annexam censuram culpæ Pontifici reservatæ, ita ut ratione ignorantie excusetur ab incurfione censura, culpas non esse reservatas, quia deest illis fundamentum reservationis, nempe incurfionem censuram. Hæc opinio (hoc privilegium dico ego) fundatur in illa sententia (quam censum valde probabilem) que asserit, ad incurrendum in censuram, requiri cognitionem, & scientiam ipsius censuræ: proinde si quis ignoret illam esse latam contra tale peccatum in specie, etiam si peccet patrandum illud peccatum, nihilominus excusari ab incurfione censura: & ita docent quamplures DD. Suar., Sanchez, Bonac., Coninch, Palao: & alii. Sic ille. Qui & idem docet (apud Dianam ref. 13. cit.) in Bullam Cruciat. sec. 3. cit. eodem n. 27. Imò in sect. 4. (apud eundem Dianam) hoc etiam extendit ad naturalem oblivionem, seu invincibilem inadvertentiam, citans Suar., Merollam, Duardum, & alios. Nec obstat dicere (ait Bardi) quod si dicta Doctrina esset vera, sequeretur valde paucos incidere in censuras Pontificias, & indigere privilegio ad obtinendam absolutionem à criminibus summo Pontifici reservatis: Quia, vel ignorant Censuras prædictis criminibus annexas: Vel naturali oblivione, & inconsideratione illas, non advertunt. Hoc autem asserere videtur nimis durum: enervarentur enim omnes reservationes Pontificiæ: & ex eo sequeretur, quod multi ablato timore excommunicationis, & difficultate ad obtinendam absolutionem, facilius inducerentur ad talia peccata perpetranda. Respondeo enim, hoc non esse censendum nimis durum; sed potius valde consonum suavi dispositioni, qua pia Mater Ecclesia regit Fideles, cum nollit illos, dum non sunt contumaces contra ipsam, puniri pœna adeo gravi, qualis est censura, & præsertim excommunicatione, quæ est pœna, inter spirituales, quæ ab Ecclesia imponuntur, omnium maxima: proinde quando Fideles ignorant, vel naturali oblivione, & inadvertentia non apprehendunt censuram, excusandi sunt ab ejus incurfu. Et quia reservatio culpæ omnino dependet ab ipsa censura; idcirco non debet esse mirum quod quando quis invincibiliter censuram non advertit, casus,

qui in reservatione dependent ab ipsa censura, remaneant non reservati.

150 Et in eandem conformitatem, Joannes Præpositus in 3. p. D. Tho. qu. p. de Censur. in Comm. sub. art. 8. n. 59. relatus à Diana ref. 13. cit. sic asserit: Ex hac sententia sequitur, innumeros non incurere censuram excommunicationis, quamvis advertant se in aliquo actu peccare mortaliter, etiam contra legem Ecclesiasticam, si vel crassa ejus ignorantia laborent: quia non obstante notitia legis, ut est præceptiva, vel crassa ejus ignorantia; laborant ignorantia invincibili ejusdem, ut est illativa censura, eo quod videlicet, nec quidquam de tali censura unquam audiverint; nec ex aliquo alio cognito facile ejus notitiam comparare poterint. Quia ratione plerumque non solum Rustici, sed etiam alii Plebei à plurimis censuris possunt excusari, quamvis commiserint peccatum, cui annexa est Censura. Quare prudens Confessarius, non debet statim judicare tales incurrisse excommunicationem; sed quibusdam interrogationibus debet conari investigare, num eorum ignorantia, respectu ipsius censuræ fuerit invincibilis, quando factum perpetrabant. Quod si deprehendat ignorantiam fuisse invincibilem, potest judicare, tales non incurrisse excommunicationem, & si casus sit reservatus propter excommunicationem, potest judicare in ea circumstantia, casum non esse reservatum, sequi posse ab eo absolovere, quamvis alioquin non posset absolovere ab excommunicatione. Imò hic dicta possunt habere locum in variis Religiosis, qui excommunicationem non ita facile possunt cognoscere, qui proinde possunt ab ipsa excusari. Idem dicendum de variis suspensionibus, quarum ignorantia potest esse invincibilis, etiam respectu Clericorum, & proinde si Confessarius ex circumstantiis possit advertere aliquem, etiam Sacerdotem, laborasse ignorantia invincibili, quod suspensio esset annexa actui, quem exercuit, poterit judicare talem non incurrisse censuram. Hæc omnia Præpositus, quæ valde comprobant propositum privilegium.

151 Quod item privilegium recipitur etiam, & expressè admittitur à P. Quarti, in Traçt. de Casib. Reservatis sec. 2. cap. 3. qu. 6. per hæc verba: Constât inter omnes fere D. D. ignorantiam, præsertim invincibilem, excommunicationis annexæ reservationi (& sic de aliis Censuris) excusare delinquentes ab incurrenda reservatione casuum Papalium: cum enim ignorantia invincibilis excommunicationis, lata contra tale delictum, excuset ab incurrenda excommunicatione (ut docent communiter D. D. in Traçt. de Censuris) excusât etiam ab incurrenda reservatione peccatorum, & casuum

Et casuum Sedis Apostolicę reservatorum. Ratio est, quia à Summo Pontifice non solent reservari casus, nisi ratione censure: atque adeo directè, & per se, reservatio est affixa censura: ergo quoties subest causa excusans à censura, cessat reservatio Papalis: sed ignorans excommunicationem reservationi annexam, non incurrit excommunicationem, vel aliam censuram, ergo nec ligatur reservatione. Videri potest Suar. de Pœnit. disp. 29. sec. 2. P. Quarti; & Anton. à Spiritu Sancto in Directorio Confessorior. par. p. tract. 5. disp. 14. sec. 4. n. 933. qui par. 2. tract. 12. disp. 2. sec. 2. n. 420. docet etiam cum communi, ignorantiam invincibilem sive juris, sive facti, excusare pariter à culpa, & à pœna statuta contra communicantes cum excommunicatis vitandis. Et idem dicendum esse addit n. 422. de Ignorantia vincibili, dummodo non sit crassa, supina, aut assuetata, quia omnis ignorantia, quæ non æquivaleret dolo, excusat ab incurrenda censura, non omnis autem ignorantia, & si sit culpabilis æquiparatur dolo.

PRIVILEGIUM XIII.

Ignorantia etiam invincibilis censura, quæ annexa est Casibus Episcopaliibus, impedit probabiliter eorum reservationem.

153 **S**olent Episcopi reservare, & de facto sibi reservant plures casus, tum sub censura, tum absque ea. Quando ergo eorum reservatio est sub censura: ù pariter, qui ratione ignorantie excusantur ab ea incurrenda, excusantur etiam simpliciter à reservatione illius casus, seu peccati, contra quod fertur excommunicatio reservata. Unde & in Casibus Episcopaliibus locum habet doctrina explicata, in præcedenti Privilegio; & privilegium ipsum de casibus Papaliibus, probabiliter (& probabilius) extendi debet ad casus etiam Episcopales sub censura, sicuti expressè extendunt illud, *Fagund. in Præcepta Eccles. Præcepto 2. l. 8. c. p. n. 3. Joseph. Januarius de Casib. Reserv. ref. 13. n. 10. Carolus Baucius de Casib. Reserv. in Additione ad Casus, & Censuras q. 5. §. Sed petet, pag. mibi 211. 212. citans seipsum in Selectis q. 65. & dicens se collegisse hoc ex doctrina Suar. eandem videlicet doctrinam currere in censuris reservatis ab Ordinario: nempe quando quis est excusatus à censura, licet non sit excusatus à mortali, non incidere in peccatum reservatum. Aversa de Pœnit. qu. 17. sect. 2. Versu, In peccatis. verò. P. Quarti qu. 6. citata, Versu, Secunda sententia probabilior; & alii. Ratio*

*est, quia pariter in Casibus Episcopaliibus fit una, & individua reservatio peccati sub censura. Nec enim audiendus est Merolla in Theologia Morali cap. 2. n. 642. affirmans (cum aliis, quos citat) quod quando Episcopi atrociora peccata reservant sub censura, intendunt fortius ligare, & duplici reservatione delinquentes punire: & consequenter evadentes unam, non effugere alteram. Nam licet utique possent Domini Episcopi ita reservare (ut bene etiam advertit Aversa l. c.) ut posset simpliciter tolli censura, & remanere reservatio peccati: Realiter tamen (sic idem Author) & concomitanter ita rei se habet, ut ablata censura eo ipso cesset etiam peccati reservatio. Quia nempe ex intentione superioris, ita coniungitur culpe reservatio cum censura, ut non nisi illa inveniat. Igitur ablata censura Episcopali, aufertur etiam peccati reservatio; cum hæc inquam sit unica, & individua; & in pœnalibus facienda non sit ampla, sed potius stricta interpretatio: juxta regulam Juris: *Odia sunt restringenda, favorei sunt ampliandi: de Regul. juris in 6.**

153 An verò ignorans, non latam esse excommunicationem ob delictum quod committit, sed ipsam esse reservatam, excusetur à reservatione, quam ignorat, ita ut absolvi possit à quolibet Confessario. Affirmat Carolus Baucius; *De Casibus Reserv. in cit. Addit. q. 4. §. Primò colligitur, pag. mibi 209. sub his verbis: Colligitur idem dicendum esse de casibus censure amovendi, nempe, licet censuram incurrat, non incurrit reservationem, si eam invincibiliter ignoret. Negat probabilis, & melius P. Quarti (cum quo & ego) Quia delinquens in hoc casu non ignorat simpliciter pœnam, neque legem, qua imponitur: ergo verè est transgressor legis pœnalis, atque adeo incurrit pœnam excommunicationis per legem impositam, eo modo, quo imposita est: quia saltem impliciter non curat de lege, qualicumque ea sit, nec consequenter curat de reservatione: alioquin si quis peccaret cum noticia excommunicationis latæ contra illud peccatum, quod committit, ignorans tamen effectus excommunicationis, excusaretur ab effectibus ignoratis, & sic nullum incommodum pateretur ob excommunicationem à se contractam, quod est falsum: ita ille, & optimè l. c. Versu, Colligitur quid sit dicendum. Maior difficultas est de Casibus, quos sibi reservant Episcopi absque censura: An videlicet ignorantes hanc reservationem excusentur ab ea? pro qua sit.*

PRIVILEGIUM XIV.

*Ignorantia etiam invincibilis reservationis casuum
Episcopalis absque Censura, impedit
probabiliter eorum reservationem,
& excusat ab ea.*

154 **R**atio à priori hujus privilegii est, quia ignorantia pœnæ statutz per legem, vel edictum, excusat ab incurrenda pœna ignorata à delinquente: quia hic non est transgressor illius legis pœnalis, ut ex communi Doctorum sententia probat *Sanch. de Matrim. lib. 9. disp. 32.* Sed reservatio est vera pœna, & iusta quædam vexatio delinquentium ob difficultatem obtinendi absolutionem, & recurrendi ad severiorem Judicem: ergo invincibilis ejusdem ignorantia ab ea excusat; atque adeo respectu ignorantiam casus reservatus, perinde se habet ac si minimè reservati essent; ipsique ignorantes consequenter absolvi possunt à quolibet Confessario: quia licet peccaverint contra legem naturalem, vel aliam, cui peccata illa opponuntur, non tamen peccarunt contra legem reservantem, quam invincibiliter ignorabant. Et hæc eadem ratio confirmatur: Quia actus prout dicit qualitatem reservationis, est involuntarius, cum sit secundum hanc qualitatem ignoranter factus: ergo secundum quod dicit reservationem, nullum est peccatum, & consequenter nec casus reservatus. Huic eidem privilegio subscribunt *Graffius de Casibus Reserv. lib. 2. cap. 40. n. 29. Vers. Secundò in omni. Januarius de Casib. Reserv. resol. p. per totam. Adamus Burgaber Centuria 3. Selectorum Casuum Conscientiæ n. 31. pag. mibi 479. Henricus Heimslein in Medulla Theologie Practica Titulo de Censuris Ecclesiasticis qu. 5. pag. mibi 461. P. Quarti de Casib. reserv. sec. 2. cap. 3. gn. 6. Versu, Secunda sententia. Diana tom p. Coordin. tract. 5. ref. 39. n. 2. quem concludit sic: Sententiam de Januario puto satis probabilem esse, quam teneant etiam Graffius l. c. & Navarr. in Man. cap. 27. nu. 80. uti apud eundem Dian. eodem To. & tract. 5. Coordin. ref. 38. n. 3. Ex p. 6. tract. 6. & Miscell. p. ref. 42. pariter eandemmet teneant, qui asserunt talem reservationem esse pœnalem, & odiosam ad instar statuti: Suntque Coriolan. de Casib. reserv. p. p. sec. p. art. 5. n. 4. Bonac. de Sacrament. disp. 5. gn. 7. punc. 5. §. 4. nu. p. aliique. Si enim reservatio casuum induit rationem pœnæ, per consequens ignorantes reservationem non incurrunt in illam.*

Quod totum, uti & privilegium ipsum confirmari optimè potest ex *cap. Ut Animarum 2. De Constit. in 6.* In quo decernitur *Sententias, & Statuta quorumcumque Ordinariorum non ligare ignorantes*: reservatio autem est statutum Ordinariorum: Et *Glossa ibi* per sententias, & Statuta Ordinariorum intelligit, *quæ ligant Animam*, ut facit reservatio Casuum, Episcopalis. Vide quæ dico, & refero *privileg. sequenti, sub n. 155.*

155 Sed Contra Obiicies primò: Reservatio non est pœna propriè dicta, quæ imponi solet in odium delinquentis, & non incurritur ab ignorantibus, sed est limitatio Jurisdictionis respectu Confessariorum communium, quos non vult Superior esse Judices delictorum, quæ reservantur, & hoc in bonum animarum, ut absterneantur fideles à talibus peccatis committendis: ergo non est cur ignorantia reservationis ab ea excuset: siquidem ignorantia delinquentium non habet vim conferendi Confessariis jurisdictionem, qua carent. Respondeo cum *P. Quarti l. c. Versu, Ad Argumenta.* Confessarios inferiores carere Jurisdictione absolvendi à reservatis respectu illorum, qui reservatione ligantur: secus respectu illorum, qui eam non contraxerunt, respectu quorum casus reservati perinde se habent, ac si reservati non essent, ut sunt impuberes, perpetuo impediti, &c. & idem est in casu nostro de ignorantibus: non quia ignorantia conferat Confessariis jurisdictionem, sed quia cum minuat voluntarium peccatum; minuit etiam malitiam peccati, ità ut non computetur inter reservata. Adde cum *Burgaber l. c. pag. 180.* reservationem esse absolute pœnam delicti, consequenter non posse non esse directè ad penitentes, esto inde etiam se reflectat ad Confessarios; unde etiam respectu horum non est limitatio jurisdictionis absolute, sed cum ordine ad penitentes. Et licet reservatio spectet semper bonum Ecclesiæ, & animæ, nihilominus tamen esse pœnam docent *Reginald. Bonac. & alii apud Dianam par. 6. tr. 6. ref. 42.*

156 Obiicies secundò: Quia posito, & concessio proposito privilegio, redderetur scèrè inutilis reservatio: siquidem populi, & Seculares communiter ignorant casus reservatos: nec tenentur eorum notitiam comparare, sicut tenentur Confessariis: ergo si ignorantia reservationis ab ea excuset, vix aliqui pauci in eam incurrerent, quod est contra mentem reservantium casus. Respondeo cum *P. Quarti l. c. Versu; Ad secundum.* Certum esse apud omnes, igno-

Ignorantiam invincibilem cuiuslibet legis excusare ab ejus transgressione, quia nemo peccat nisi actu voluntario, hic autem presupponit cognitionem, unde ignorans hunc diem esse festum de precepto, vel Veneris, cogitans omittit Sacrum, vel comedit carnes, non peccat. Quare leges communiter non obligant ignorantes, atque adeo essent inutiles, nisi promulgarentur, ita ut veniant in notitiam subditorum: & sic in casu nostro spectat ad reservantem procurare, ut edicta reservationis ita promulgentur, & monitis Parochorum intimentur, ut illorum notitia ad omnes perveniat: alias inutiles redderentur respectu ignorantium. Vide *Januarium ref. cit. & P. Dianam resol. 39. Coord. cit.*, in qua mutat sententiam, cui adhaeserat, *resol. anteced. 38. Coord. supra cit.* Sed

157 Quæres, An hujusmodi privilegium habeat pariter locum in eo, qui dum peccat, invincibiliter non advertit, peccatum quod committit, esse reservatum: ita ut, sicut ob ignorantiam invincibilem Episcopalis reservationis excusatur ab ea, excusetur etiam ob invincibilem inadvertentiam. Respondeo affirmative: Quia ignorantia, & inadvertentia æquiparantur, & eodem modo tollunt voluntarium; sequiturque ex dictis supra, *privileg. 11. hujus Cap. n. 148.* cum Doctores ibidem citatis: quibus addo *P. Quarti l.c. Versu, Colligitur primò.* Cum quo adverto, *Versu, Colligitur secundò:* Si quis dubitet de reservatione, & nulla adhibita diligentia committat peccatum reservatum, eum ligari quidem reservatione, quia censetur transgressor legis reservantis, cum non curet de illa. At si facta diligentia sufficiens, maneat dubius, excusatur à reservatione, quia lex non obligat, nisi certo constet latam fuisse, ut cum aliis docet *Sanch. lib. 9. Summ. cap. 10. n. 32.* Nam licet *Turrianus in Selectis disput. 38.* & alii communiter, apud, & cum *Aversa de Penitent. qu. 19. sec. 2. Versu, Quintò negarunt.* Statuant, & supponant, peccata mortalia dubia reservari posse (contra aliquos, qui id negarunt, eo quod non debeat quisquam gravari in dubio) cum revera ad hoc obligatio ea consistendi, & sint materia necessaria Sacramenti penitentiae, ut vult communis Theologorum, quos longa tessera recensent, & sequuntur *Sanch. in Summ. libr. pr. cap. 10. n. 66. Suar. in 3. p. tom. 4. disp. 22. sec. 9. Diana par. 4. trac. 3. ref. 5. Bassæus Verb. Dubium n. 7.* alique Recentiores, consequenter possint absolute Superiores, & Ordinarii, ea sibi ipsis reservare.

Quia sicut quisque jure ipso Divino gravatur in dubio confiteri, ita potest à Superiori gravari ut ad eum accedat. De facto tamen in simplici, & ordinaria reservatione non includuntur: ut absolute docent *Sà, Suar., Henricq., Ochagavia, Hurtad. Homobonus, Filliucc. Portell., Diana,* quos refert, & sequitur idem *Aversa l.c. Versu, Merito tamen.* Quia cum reservatio sit odiosa, & strictè interpretanda, non videtur superior velle reservare talia peccata, quando manent sub dubio, nisi expresse oppositum explicet. Quod intellige live reservatio simplex sit, live cum censura.

158 Hinc etiam ex *Pat. Diana ref. 39. Coord. cit. & cum ipso, ex doctrina Januarii à ref. 2. usque ad 11.* Adverto sequentia. Primò, habentem peccata dubia reservata: posse absolvi à quocumque Confessario inferiori; quia reservatio non est in possessione casus dubii, dubitans verò est in possessione non reservationis: unde melior est conditio dubitantis, quam reservationis. Secundò: quod absolutus per inferiorem Confessarium à casu dubie reservato ab Episcopo cum censura, certioratus deinde de reservatione, non tenetur se præsentare Superiori. Vide *Januarium, & eundem P. Dianam l.c.* alios casus adducen- tem ex ipsomet *Januario l.c.*

PRIVILEGIUM XV.

Ignorantia invincibilis excusat ab incurfione Suspensionis, Interdicti, & Irregularitatis, quoties hæc poenæ sunt impostæ ob delictum.

159 Quamvis ex hujus Capitis Privilegiis tertio, quinto, sexto, & duodecimo, pateat veritas hujus privilegii, placet tamen ad abundantiorē ejusdem confirmationem, hic explicitè idem proponere, & magis, magisque idemmet roborare. Unde præter ea, quæ in citatis privilegiis (ad ipsius validitatem, tum rationibus, tum Doctorem Authoritatibus fulciendam) dicta sunt: Addo sequentia ex autoritate insuper Doctorem aliorum (sciat tamen hic lector me non loqui in hoc privilegio de irregularitate homicidio impostâ, de qua sola infra sub cap. 10. sed de aliis irregularitatibus ex delicto pariter provenientibus.) *Magister Serra in part. 2. D. Thomas to. 2. qu. 76. art. 3. dub. 2. apud Dian. Coord. tom. 5. trac. 1. p. ref. 35. Ex p. 9. tr. 6. Miscell. p. ref. 13.* admittit propositum privilegium, dum sic ait. *Tertia sententia est, ignorantiam mortaliter culpabilem*

culpabilem (hoc utique magis est ut patet, quam ignorantia invincibilis, quæ culpabilis non est) tam facti, quam Juris Pontificii, quam etiam censuræ, excusare non solum à pena excommunicationis; sed etiam à ceteris omnibus aliis censuris, suspensione, interdictione, irregularitate, &c. Si tamen ignorantia non sit crassa, vel supina. Hanc tenent Recentiores permulti. Probat ex cap. 2. Ut animarum, de Constit. in 6. ubi sic dicitur (Ut animarum periculum obviatur, sententiam per statuta quorumcumque Ordinariorum prolati ligari nolumus ignorantem, dum tamen eorum ignorantia crassa non fuerit, aut supina.) Ubi per sententiam, Glossa intelligit quæ ligant animam, ut locum habeat proxima ratio. Cum autem hujusmodi sint non solum sententiæ excommunicationis, sed etiam aliarum penarum spiritualium, ac censurarum suspensionis, interdictionis, irregularitatis, &c. de his omnibus (ibi) est sermo; & nulla est ratio, ob quam ad solam sententiam excommunicationis restringatur. Hactenus Serra; qui postea asserit hæc satis probabilia esse; & ideo subdit: Excommunicatio autem, suspensio, interdictum, ac etiam irregularitas, penæ sunt extraordinariæ, quæ non sequuntur ex culpa secundum se, & absolute sumptis; sed ratione gravitatis superadditæ ex contemptu carnis, & contumacia. Cumque ab hac gravitate, contemptu, & contumacia, excuset ignorantia, quæ non est crassa, aut supina; etiam ab incurfu talium penarum excusare asserit tertia sententia. Ita ille.

160 Et hanc eandem sententiam (consequenter privilegium nostrum) videtur etiam aperte docere, & approbare Palavi in Opere Morali tom. p. tract. 2. disp. p. punc. 17. n. 6. cum Sanchez, Bonac., Cominch, & Suar. Quam præterea probat ex cap. Proposuisti 82. Ubi venia conceditur Clericis ignorantibus Constitutionem Syriaci Papæ, quæ deponere Clericos incontinentes. Ergo (deducit Palavi) ignorantia penæ à pœna per legem imposita excusat. Et idem Palavi punc. cit. n. 8. ita expressè habet: Ignorantem invincibiliter delicto à se commissæ annexam esse excommunicationem, suspensionem, interdictum, vel irregularitatem penalem, non incurrere hæc penæ. Et par. 6. ejusdem Operis Morali disp. 6. punc. 6. n. 3. item ait: Ignorantem probabiliter penam irregularitatis suo delicto esse impositam, excusari à dicta irregularitate, sententia probabiliter est, ut docuit Sanchez lib. 9. disp. 32. n. 21. Cominch disp. 18. dub. 4. n. 31. Suar. disp. 4. De Cens. sec. 9. num. 22. Bonac. to. p. disp. p. de Cens. qu. 2. punc. p. n. 13. & docuerunt absolute Hostiensis cap. A nobis et p. de sentent. Excommunicat.

versu Addo. Silo. Verbo Ignorantia: quæ 8. Dilecto p. juncto Dilecto 3. Navarr. c. 27. n. 274. vers. 13. Pblar. de Officio Sacerdotis to. p. par. p. lib. 3. cap. 4. §. Tertiò obliquitur. Manual to. p. Summ. in 2. edit. cap. 295. n. 3. & tanquam probabile defendimus tract. 2. de peccatis disp. p. punc. 17. n. 6. Ratio est, quia committens aliquod delictum, solum subditur penis tali delicto proportionatis, non tamen aliis penis extraordinariis, & quæ delicti gravitatem secundum se videntur excedere, quæque imponuntur ab Ecclesia, vel Republica ob vitandam delicti frequentem usum, vel ob aliam causam. Quocirca & si consensus delinquentis in penam non requiritur ad sustinendam illam; requiritur tamen consensus illius in culpam, prout est causa talis penæ, seu prout continet talem penam, quod fieri nequit absque notitia penæ, quando pena est extraordinaria. At irregularitas, quæ delicto annexitur, censenda est pena extraordinaria delicti, siquidem obligat delinquentem, ut eam in se exequatur; ergo censeri non debet incurri ab ignorante legem sub tali pena esse latam. Et ex his solvitur fundamentum num. precedenti relatum. Non enim est inconveniens, quod multi ab hac pena in foro conscientie excusentur, sicuti excusantur à Censuris, cum in eo foro adversus legem Ecclesiasticam completè non delinquant ignorando penam extraordinariam, sub qua lex lata est.

161 Cui subscribes (nostro privilegio consequenter) etiam P. Diana to. 5. Coord. tr. 5. ref. 6. n. 1. Ex p. 4. tract. 2. ref. 85. sic ait: Dico igitur quod ignorantia juris invincibilis excusat ab irregularitate, etiamsi imponatur pro facto, jure naturali damnato, quia pena non incurritur absque culpa. Ita Navarr. Reginald. Peregrinus, Sanchez & Bonac. quos citat, & sequitur Merolla in Disput. Theol. to. p. disp. p. cap. p. Coroll. p. n. 48. quibus addo Palavi in Opere Morali, & Cominch De Sacramentis disp. 18. dub. 4. n. 31. & Portel. Et idè si Excommunicatus celebret ignorans invincibiliter esse impositam penam irregularitatis excommunicationis celebrari, non incurrit irregularitatem. Imo Merolla ubi supra, dub. 3. n. 83. docet, etiam ignorantem moraliter vincibilem excusare à pena irregularitatis, dummodo non sit crassa, quia hæc non oritur ex lata culpa. Ita Diana n. p. cit. addens n. 4. & to. 5. cit. Coord. tract. 5. ref. 7. n. 1. Dicendum est igitur, ad incurrendam excommunicationem, non sufficere quod sciam opus esse prohibitum, sed ut sciam de pena, idque prohiberi sub excommunicatione. Ita de ceteris penis, Suspensione, Interdicto, Irregularitate, &c. Quod est valde consolatorium. Et verum est etiamsi ignorantia (ut supra docuimus) esset vincibilis, & ita

Et ita prater Merollam, docet Portel in Dub. Reg. verb. Ignorantia n. 27. Vbi ita: Ignorantia vincibilis five facti, five iuri imponentis censuratur; & alias penas spirituales, five factum illud sit peccatum mortale, five non; si tamen non fuerit ignorantia crassa, & supina, excusat ab omnibus illis penis. Et hec conclusio est magnæ consolationis, estque intelligenda de quibuscunque penis, five latis à iure communi Papæ, five à particulari Diocesanorum: crassa verò, & supina Ignorantia, est illa, quæ procedit ex culpa lata, quæ intervenit in adhibenda diligentia: culpa verò lata est, quando ignorans aut nullam, aut valde modicam adhibuit diligentiam ut sciret quæ nosse teneretur; vel quæ ex malitia, vel ex nimia negligentia procedit. Vbi videtur posse aliquem euadere prædictas omnes penas, etiam si operetur culpabiliter mortaliter, cum ignorantia iuris, vel facti, dummodo ignorantia non sit crassa, & supina: siue magna. Sic ex Portel. Diana: Qui uti & alii ex citatis (Palavi præcipuè) extendunt privilegium, ut velint ignorantiam excusare etiam ab irregularitate orta, ex peccaminoso homicidio: At nos hac de re solum infra sub cap. 10. Vide eundem Palavi Operis Moral. par. p. tract. 2. disp. p. punc. 17. n. 6. & par. 6. Tit. de Conf. disp. 6. punc. 6. n. 3. ubi etiam pro defensione huius privilegii, seipsum citat tract. 2. de Peccatis disp. p. punc. 17. n. 6. & plures alios refert.

PRIVILEGIUM XVI.

Ignorantia, quæ excusat à censuris simpliciter, excusat etiam ab his, quæ in Bulla Cænæ continentur.

163 **P**robatur, quia ignorantia censurarum, quæ excusat contravenientes, ita ut in eas non incidant, universaliter excusat ab omnibus censuris, & penis, siue à iure, siue ab homine latis, ut constat ex pluribus dictis in superioribus; ergo etiam ab his, quæ continentur in Bulla Cænæ: consequentia hæc probatur, quia non est maior ratio de his censuris, ac de aliis. Et confirmatur autoritate, & ratione. P. Duar. in Bullam Cænæ lib. p. cap. 2. q. 5. conclus. 2. n. 15. 16. 17. ubi sic: Ignorantia vincibilis censurarum, quæ in Bulla Cænæ continentur, excusat contravenientes, ita ut in eas non incidant. Hæc conclusio est universaliter vera quoad omnes censuras, & penas, siue ab homine late sint, siue, à iure. Vincibilis enim ignorantia censuræ excusat à censura, & à quacunque alia pena, ut rectè docent Suar. Sayr. Thessaur. & hanc sententiam communem esse, testatur Covarr. Probatur,

quoniam actus patratu ex ignorantia invincibili, & probabili, non est volutus nec in se, nec in causa, ergo non est peccatum: eo quod omne peccatum est voluntarium, ubi autem peccatum mortale non est, excommunicatio fieri non potest. cap. Nullus 11. q. p. Ex hoc inferitur, quod si quis invincibiliter ignores fuisse latam excommunicationem contra legentes libros hæreticorum, de qua habetur in p. cap. Bullæ, si Libros hæreticorum legat, excommunicatione illius clausule non alligatur.

163 Nec obstat si dicatur: quod in §. pen. ipsius Bullæ, incipit (Ut verò præsentem, &c.) Statuitur, ut ii, quos processus huiusmodi concernunt, quod ad ipsos non pervenerint, aut quod ipsi ignoraverint, nullam possint excusationem pretendere, aut ignorantiam allegare: quoniam respondeo, quod ex vi Bullæ, contravenientes non possunt allegare ignorantiam quoad forum exterius, aut quoad actum nullitatem; iuxta ea, quæ dicit Glof. in Clem. 2. de Hæret. in ver. Ex tunc; quam refert Nauarr. Conf. 32. de Regul. lib. 3. Secus autem quoad forum interius: nam ignorantia probabilis excusat contravenientes ab excommunicatione, cum de ratione excommunicationis sit contumacia: modò contumacia dici non potest, qui probabiliter excommunicationem ignorat, ut bene docet Suar. de Conf. disp. 4. sec. 9. n. 2. & infra Deo duce, latius dicemus in d. §. pen. hucusque Duar. Sed

164 Contra obiicit. Ad hoc ut excommunicationes contentæ in Bulla Cænæ aligent contravenientes, sufficit earum affixio in Valvis Sancti Petri Romæ, nec exigitur, ut per omnes Provincias, & Regna publicentur, ut patet: ergo earum ignorantia non excusat à censura: quoniam, est impossibile, ut post publicationem Bullæ Cænæ, Romæ factam, de ea notitiam statim habeat universalis Ecclesia. Respondeo primò: Si hæc obiectio vim haberet, concluderet utique universaliter, quoad omnes alias excommunicationes videlicet, quæ pariter ad Valvas tantum Basilicarum Romæ affiguntur: est enim eadem omnino ratio respectu omnium, ut ex se patet. Secundo: Sufficit earum affixio ad Valvas, &c. ut aligent ignorantes in actu primo, concedo: in actu secundo, nego antecedens: ergo earum ignorantia non excusat à censura, nego hanc consequentiam. Tertiò: Respondeo, iterum distinguendo; sufficit earum affixio ut aligent contravenientes in foro externo, concedo: in foro interno, si ignorantes sint, nego. Cui tertiæ responsioni arridet. P. Duar. qu. 5. cit. n. 32. dum ibi ad idem argumentum sic: Dicit

mus, illud intelligendum esse quoad præsumptionem fore contentiosi: vel quoad illos, qui sunt in culpa, ut statuta non possint publicari in forum Terris; aliis sequeretur, quod quilibet teneretur habere procuratorem, aut Cuminum vaticare legibus; & quotidie investigare Pontificias Constitutiones, quæ in diem constituntur: quod esset nimis durum, & animarum manifestus laqueus contra Pie Matris Ecclesie intentionem, ut rectè docet Angelus ver. Excommunicatio 7. Casu ultimo, nu. 3. Unde Navarr. in Man. cap. 27. nu. 274. existimat multas Extravagantes cum censuris gravissimis latas fuisse super criminibus damnatis, quarum noticia nunquam transit Piræneum, nec Alpes; & proinde fideles ipsi, prædictas censuras ignorantes, excommunicatos baud esse. Sic Pater Duarvus.

PRIVILEGIUM XVII.

Monialis recipiens intra Monasteriū septa puerum, puellamve infantem, aut lac sugentem, ignorant tamen hoc illi esse prohibitum sub excommunicationis censura, hanc non contrahit, ignorantia ipsa eam excusante.

165 **E**Xtat Tridentini Concilii Decretum sess. 25. De Regularib. & Monialibus cap. 5. in quo sic: *Ingressi autem intra septa Monasterii nemini liceat, cuiuscunque generis, aut conditionis, sexus, vel ætatis fuerit, sine Episcopi, vel superioris licentia in scriptis obtenta, sub excommunicationis pena, ipso facto incurrenda.* Ex quo Decreto colligitur (ait Navarr. Comment. 4. De Regularibus num. 59.) quod vitatur ingressus faminarum, & puerorum, & puellarum per illa verba Concilii, cuiuscunque ætatis, & sexus addita. Et etiam ex cap. periculofo, de statu Regularium in 6. per illud uniuersale, ibi positum. (Nulli.) Quamvis (addit) arbitrer limitandum esse hoc, ne procedat in infantibus discretionē adhuc carentibus. In fatuis tamen puberibus non videtur idem dicendum, quippe qui licet non possint peccare, possunt tamen ad peccandum incitare, tumultum facere, turpiter jocari, & varia, vana, & damnoſa importare: & inde vera secreta, & mendacia fisci, & Monasteria nocentia exportare, ita Navarr. in cuius sententia (ut patet) infantes discretionē carentes, admitti possunt intra septa, seu claustra Monialium, & Moniales ipsæ eos admittentes, in ipsius sententia in aliquam excommunicationem non incurrunt, eum ipsi ad peccandum incitare nequeant. Et idem tenent Henric. in summa lib. 13. cap. 42. in comm. lit. S, (ubi

notat, quod faveat huic sententiæ doctrina D. Thomæ 2. 2. quæst. 20. artic. 12. in resp. quod infans videlicet, perinde est ac brutum. Quando usum rationis non habet, puer, non differt ab animali irrationali: sic S. Doctor) Azor. par. p. Instit. Moralium lib. 13. cap. 8. quæst. 5. Miranda de Monialib. qu. 2. art. p. Concl. p. Emanuel Rodrig. tom. p. qu. 46. art. p. Sarr. de Relig. 10. 4. lib. 1. cap. 10. n. 2. Sanchez in Decal. 10. 2. lib. 6. cap. 18. n. 5. Hieron. Rodericus in Compendio ref. 26. nu. 7. Lexana in summ. qq. Regular. cap. 25. n. 24. Tamburin. de Jure Abbatissar. Disp. 22. q. 4. Barbosa de Potest. Episcopi, Allegat. 102. n. 32. & in Concil. Trident. sess. 25. De Regularib. & Monialib. cap. 5. n. 55. Bonac. de Claus. q. 4. punc. p. Proposit. 2. n. 5. Pellizz. de Monial. cap. 9. sec. 3. n. 104. Flacynthus Donatus de Monial. tract. 5. q. 11. n. 6. Jo. de la Cruz de statu Religioso libro pr. cap. 5. Conclus. 3. n. 6. Grassius de casib. reserv. lib. p. cap. 6. n. 48. Gibalinus de Clausura sanctimonialium Disp. p. cap. 4. Consect. 4. n. 5. alii que apud eosdem, ne ferè communiter, & omnium ratio præcipua, atque communis, est, quia extra controversiam est, infantes discretionis usu carentes non includi in excommunicatione lata à Concilio Tridentino, aliisque penis in Constitutionibus Pontificiis contra ingredientibus Monialium Monasteria infidelis, quia hujusmodi infantes, qui usum rationis nondum nati sunt, non sunt doli capaces, nec peccati, consequenter nec præcepti. Confirmans, quia si hujusmodi infantes Monialium Monasteria ingredientibus non peccant; nec peccant Moniales ipsæ eosdem admittentes, cum neminem recipiant, qui ingredi sit prohibitus.

166 Quod & colligi potest ex ipsomet supradicto Trident. Conc. Decreto, siquidem in ipso apponitur contra ingredientibus excommunicationis pena, ipso facto incurrenda, quæ nullatenus incurrerit, nisi ubi adest peccatum mortale, ut habetur in c. Nullus 11. q. 3. & affirmant uniuersi. Hinc etiam Palao p. 3. de Voto Religiosæ Obedient. tract. 16. disp. 4. punc. 10. §. p. n. 2. optime sic. Quod attinet ad infantes, qui usum rationis non attingunt, manifestum est hac prohibitionē non teneri; quia ipsi nullius præcepti capaces sunt. Ex quo fit neque Moniales prohibita esse illos admittere. Quia prohibitio Monialibus facta, est accessoria prohibitioni ingredientium, ut manifestè colligitur ex Tridentino dicente, nemini liceat intra septa Monasterii ingredi. Cum ergo hi infantes nulla ingressus teneantur prohibitionē, neque Moniales teneantur illos non admittere. Ita Palao: & optime inquam,

inquam, cum etenim respectu dictorum infantium nulla sit culpa in ingressu, nec ulla aderit ex parte Monialium, quia non videntur hæc reæ majoris culpæ, quam ipsi ingredientiæ, maxime quia, nec faciunt contra legem ingredientium, nec cooperantur rei malæ, aut illicitæ. Et nunquam, ut observat etiam *Suar. n. 2 cit.* & ex ipso *Gibbalinus l. c.* neque in *Tridentino*, neque in *Constitutionibus Pontificiis* illa prohibitio fit, nisi ipsismet ingredientibus, non verò cooperantibus ad illum ingressum, nisi in *Constitutione Gregorii XIII.* per quam revocantur licentiæ omnes ab Apostolica Sede concessæ hæc in parte, & variis poenis subiiciuntur, qui prætextu eiusmodi facultatum ingrediuntur Monasteria Monialium, quæ easdem etiam poenas & ipsæ incurrunr, dum illos admittere præsumunt, ubi non agitur nisi de admissione illorum, qui suis facultatibus utebantur. Hinc, & idemmet *Suar.* colligit, cum in aliis omnibus Constitutionibus prohibentibus ingressum in Monasteria Monialium nulla fiat specialis prohibitio admittendi, ea lege non obligari Moniales, nisi quatenus cooperantur ejusmodi ingressui prohibito, ac malæ operationi, ob quam ipsæ quoque peccant. Quoties ergo ingressus non erit malus, quia non prohibitus, neque cooperatio ad illum culpa omnino carentem, nec prohibitum, mala erit. Et quoties prohibitio non cadet directè in ingredientiæ, nec consequenter indirectè cadet in admittentes, ut ex ipsis terminis patet.

167 Neque obstat, quod *Tridentinum* in *cit. decreto* excludat omnes cujusque ætatis, nam ut Doctores omnes fatentur, (ait *Tambur. q. cit. n. p.* & verum ait) *Concilium Trid.* dum excludit omnes cujuscumque sexus, & ætatis, loquitur de habentibus usum rationis; & de illis, qui ad peccandum movere possunt Moniales. Et ob id amentes puberes sive perpetuos, sive alios eo momento, quo mentis impotes sunt, & usu rationis carentes, licet etiam illi incapaces legis sint, atque præcepti, nec non culpæ, ac malitiæ, quia tamen dare possunt Monialibus occasionem peccandi, tumultum facere, locari turpiter, vana, & ludicra peragere, idcirco Moniales ipsæ illos admittentes, peccabunt utique, ut volunt communiter Doctores. At peccabunt tantum (ut advertit etiam *Suar. l. c.* & cum ipso *Gibbalino cap. 4. cit. Confessorio 5. n. 6.*) contra bonos mores, ut honestatem, aut Votum castitatis si eiusmodi fatuos, & amentes, vel mala intentione, vel cum ali-

quo periculo admittant, aut contra propriam regulam, si ea id vetet; non vero contra legem Ecclesiæ, aut Concilii, prohibentem ingressum. Quapropter licet ipsi ingredientiæ ex defectu usus rationis à peccato sint immunes, non tamen erunt immunes Moniales propter periculum, &c. Imo

168 Adde cum *Suar. cap. cit. 10. n. 4.* & *Gibbalino n. 6. cit.* Quod peccabunt Moniales in ingressu etiam puerorum, illos admittentes, si periculum simile aderit in admittentibus. Licet enim per se, & ex parte puerorum, non peccent admittentes, peccare hæc poterunt (ait etiam cum eodem *Suar. Donatus qu. cit. 11. n. 13.*) ratione scandalali superadditi, aut periculi deveniendi ad aliquod mortale, iuxta illud, qui amat periculum, peribit in illo. Et ob id (concludit optime idem *Donatus n. 18.*) Monialibus *vah. de prohibendum est, ne pueros recipiant, etiam hæc sugentes, duorum, vel trium annorum*: nam licet *bi ex parte sua, doli capaces non sint, poterunt tamen recipientes esse apprime dolose, & exinde graviter peccare, quamvis in excommunicationem non inciderent.* Unde non valet arguere (inquit etiam *Bordonus ref. 76. qu. 6. nu. 75.*) non peccant infantes, ergo neque Moniales, tum quia certum est etiam non peccare adultos fatuos ingredientiæ ob carentiam usus rationis, & tamen Moniales introducentes non excusantur à peccato. Tum etiam, quia cum hujusmodi infantibus, & pueris, præsertim masculis, possunt quandoque Moniales liberius, & nimis impudicè commisceri; multum ad libidinem excitari, osculando, & tangendo libere absque innata verecundia ipsos infantes, &c.

169 Absolutè tamen hujusmodi recipientes graviter, ac lethaliter peccare, in excommunicationemque incurrere, sentiunt *Comitolus Responsionum Moralium lib. 6. q. 29. n. 6.* & *qu. 22. Bartholom. Vgolini de Potest. Episcopi c. 21. §. 3. n. 4. fol. 190.* *Naldus in summa Verbo Clausura n. 3.* *Gavantus in Manuali Episcoporum, Verbo Monialium Clausura n. 31.* Et apud *Donatum q. 11. cit. n. p.* *Pau-lus Tuscus de visit. lib. 2. cap. 18. n. 25.* ac *Sel-lus in Selectis can. cap. 18. n. 18.* Idemque sentit apud *Pellizzarium l. c. nu. 105.* *Scortia in Selectis Conf. Theor. 366.* Qui moventur ad id sentiendum: Tum ex sup. allato *Textu cap. Periculoso p. de statu regul. in 6.* Dum ibi, Nulli aliquatenus inhoneste persone, seu honeste ingressus, aut accessus pateat, ad eodem Moniales. Qui *Textus* confirmatus fuit à *Pio V. in Confis. sua, incip. Circa Pastoralis.*
Tum

Tum ex relato *Decreto Tridentini cap. 25. de Regularibus*. Quia ibi: *Ingressi septa Monasterii nemini liceat, cuiuscunque generis, aut conditionis, vel aetatis fuerint*. Tum ex *Textu Constit. Gregorii XIII. incip. Vbi Gratiae, & indulta*, quae in Bullario est 28. huius Pontificis edita sub anno 1575. dum pariter ibi: *Ne in Monasteria, domos, & loca super quaequam ingredi faciant, vel permittant*. Verum nil horum obstat videtur contrariae, ac communi Doctorum relatae sententiae, ut clarè namque constat ex dictis, nec citat. *Canonici textus*, nec *Tridentini Decretum* ligant directè pueros, puellasve doli incapaces, & rationis usu carentes, & nec indirectè consequenter, Moniales ipsas, eos, vel eas admittentes, sicuti neque ligat illos, vel illas dicta *Gregorii XIII. Constitutio*, in qua tantum continetur, (ut patet legenti) revocatio licentiarum, & indultorum à Sede Apostolica concessorum mulieribus ingrediendi Monasteria Monialium, ac etiam virorum quorumvis Ordinum, quod observavit & *Suar.* suprà. Neque, ab hac communi D. D. sententia dissentit *P. Diana To. 3. Coord. tract. p. ref. 91. n. 6. ex p. 3. tract. 2. ref. 67*. Ubi sic: *Nota contra Naldum, Ugolinum, Comitolum, & Fuscum II. cc. quod infantes nondum doli capaces, possunt in Monasteria Monialium admitti, nec esse inclusos sub prohibitione Gregorii XIII. & Concilii Tridentini ubi suprà*. *Est ita tenet Jo: de la Cruz, Suar., Granada, & alii, quos ad satietatem adducit, & sequitur Merolla, &c.* ita Diana, qui etiam super hoc in *To. 9. tract. 7. resol. 109. ex par. 12. tract. 2. ref. 16*.

170 Insurgit nihilominus pro defensione suae sententiae contra communem, relatus *Comitolus n. cit. 6. Versu Decima ratio*, dicens, nec verum esse, nec defendi posse, effugere excommunicationem eum, qui intra Monasterii septa immitteret puerum: Nam (inquit) *Cardinalis Sanctae Severinae, dum summi Pœnitentiarum munere fungeretur, litteris, quas ego legi, ad Neapolitanum fratrem patris mei, Præsule Episcopum, rescriptum est, excommunicationis reservata Romano Pontifici laqueum non visere eas Moniales, quae trimos, quatuorve pueros, vel puellas intra Monasterii septa recipiunt. Palamque in Conventu Parochorum, coram Archiepiscopo Bononiae Alfonso Paleotto, me audiente, dictum est, non secus à Romano Pontifice Clemente VIII. ea de re fuisse responsum. Adde, quod & Pellizzar. de Monialib. l. c. n. 15. refert à Sacra Congregatione decisum 12. Februar. 1585* Quod pueri, & puellae cuiusvis aetatis non possunt admitti intra septa Monialium.

171 Rationibus confirmat acriter sententiam suam *Comitol. lib. cit. 6. qu. 22. Primò: Romani Pontificis consilium*, unde sanctio illa manavit de introitu, & intromissione virorum, seu mulierum, in Monialium sacra domicilia, illud fuit, ut omnis materia prolapsionis Religiosis viris, ac mulieribus, quae se à profanae multitudinis convictu segregarunt, subtraheretur: aequo convictu, & consuetudine muris, ostiisque conclusa ea flagitia excitantur, quae, aut à sacris viris cum mulieribus, aut à sacris mulieribus cum viris concipi solent. At hæc materia non tolleretur, si infantes puellas in Monachorum, & infantes pueros in Monialium aedes fas esset introferre. Cum illa enim ætatula sermone, ac vitii ignara, peccatur impunius. Neque enim vim scelerum, quam patitur, aut repellere, aut viribus ulcisci, aut voce prodere, aut iudicio persequi potest. Et quoniam à voluntate excommunicantis vires sumit excommunicatio, ut Doctores affirmant, idcirco perquam probabile est, Moniales, de quibus est quaestio, nexu excommunicationis in *Gregorii XIII. Constitutionibus* Romano Pontifici reservatae vinciri.

172 Nonnulli crediderunt (*Idem Comitol. in fine quaest.*) Monialibus obstat *Concil. Trid. Decretum sess. 25. de Regularib. cap. 5.* ubi cuiusvis sexus, & ætatis excommunicantur, qui sine legitima causa ab Episcopo approbanda, in Monasteria sacrarum Virginum ingrediuntur. Verum nec Decretum illud Moniales, quae præbent ingressum, tangit; neque quamlibet ætatem punit, sed quae legi parere cogatur, & poenam legis sustinere: cuius ætatis non sunt duorum, trium, quatuorve, atque adeo quinque annorum pueri, seu puellae. Neque amentes si ingrederentur, essent excommunicati; neque qui vi, aut vinculis constricti, intro abriperentur. At moniales, quae hæc hominum genera spontè intromitterent, quis non diceret excommunicatione irretiri?

173 Secundò probant *Comitolus*: quia si horum infantium intromissio permissa esset, tempus servandæ legis subeundæ poenæ, incertum esset, ac varium, & unusquisque suo illud fingeret arbitrio. Hic enim negabit infantibus post duos completos annos parere in sacra Virginum domicilia aditum; & Moniales, quae eos intra aedes recipiunt, excommunicatione affici. Alius largietur Monialibus, ut ducant intro etiam trium, & quatuor annorum pueros, & puellas, quinque, & sex annorum ætatem exclude-

excludet. Quispiam cum hac etiam ætate comiter aget, arcebit puerum, puellamve septennem. Nonnullus affirmabit rationis compotes dumtaxat prohiberi, & admitti non posse. Alii id ipsum negabunt, ideo quod punctum illud, quo lux rationis, atque consilii oboritur puellis, & pueris, scientia aliqua teneri non possit. Præterea, quia sequeretur, si quis infans duorum annorum intra Monasterii septa receptus esset, atque in iis usque ad decimum, aut etiam quartumdecimum annum commoraretur, neque illum in commorando, neque Moniales in eo retinendo *Gregoriana Constitutionis* poena implicari, quoniam nec commorari, nec retineri in aliquo loco, est in eum ipsum ingredi, seu intromitti. At quis tantæ absurditati assentiatur? Hæc sunt, ob quæ *in eam partem* (inquit citatus) *semper perpendi ut excommunicationis penam subirent Moniales, &c.* Cujus Doctoris sententia non improbabilis quidem est, sed probabilior contraria magis communis, tum ob ejusdem validas, efficacesque rationes: tum quia ex ipsa cum *Sanchez*, & aliis, reicitur præcipuum *Comitalis* fundamentum *Gregoriana Constitutioni* innixum, quia in ipsa videlicet nil de intromissione puerorum, puellarumve intra septa Monialium, ne verbum quidem, ut patet legenti: Cum tantum in eadem contineatur (ut supra etiam advertimus) revocatio licentiarum, & indultorum à Sede Apostolica concessorum mulieribus ingrediendi monasteria Monialium, ac etiam Virorum quorumvis Ordinum: Tum etiam, quia Doctores quamplures adherentes contrariæ, ac magis communi priori sententiæ, scripsere post præfatas *Decisiones*, seu *Declarationes S. Congregat.* de quibus pro responsione, inquirunt, vel ipsas authenticè non constare, vel non habere vim legis universalis, ut in simili (apud *Dianam* *To. 6. Coordin. tract. p. ref. 22. ex part. 5. tract. 2. ref. 96.*) tradunt *Hortad.*, *Loym.*, *Ochag.*, *Torreblanca*, *Merolla*, aliique, quos etiam *Diana l. cit.* sequitur, & post ipsos *Pellizzar. num. 105. cit. Sed*

174 Obicies contra priorem communem sententiam. Amentes usum rationis non habent, & tamen de communi sententia Doctorum, non possunt admitti intra septa Monialium sine peccato, & incurfu poenarum, ergo neque pueri, vel puellæ, de quibus agitur: consequentia sequitur cum utrobique æqua sit ratio. Responsio tamen est, quod fallit consequentia: eo quia diversa sit ratio utrobique:

tum quia amentes de se vexationem inferunt, & quietem perturbant; tum quia non solum sunt potentes ad carnaliter peccandum, verum etiam, ut bestie rationis usu carentes, solent de se ad turpia sollicitare, ut experientia in non paucis patet: tum etiam quia, amentes non in omnibus sunt semper tales, & sine mente, sed sæpe sæpius habent incis intervalla, quæ nequeunt pueris, puellisve, de quibus sermo est, adaptari. Verum

175 Non obstante priori, ac magis communi sententia, sentio cum *Donato ubi supra*, valde prohibendum esse Monialibus, ne pueros intra ædes recipiant; quia licet hoc per se malum non sit, est ex parte puerorum, cum hi doli non sint capaces; per accidens tamen, & ex parte recipientium, perniciosum utique esse potest, possunt enim Moniales ipsæ admittentes, esse apprimè dolosæ, & graviter peccare, quamvis non incidant in excommunicationem. Et ad hoc fortasse referuntur (ait optime *Donatus qu. cit. tit. n. 15.*) *Declarationes Sacre Congregationis allegatæ.*

176 Quibus omnibus præmissis ad perfectam declarationem, intelligentiamve propositi privilegii; Affirmatur in ipso, Monialem intra septa monasterii, puerum, puellamve recipientem, & ignorantem hoc illi esse sub excommunicationis censura prohibitum (si sub tali censura verè illi prohibitum est, ut vult secunda sententia, *Comitalis* præcipuè) illam non contrahere, ignorantia ipsa eam excusante. Quod probatur, tum ex doctrina omnium Doctorum apud, & cum *Navarro in Man. cap. 27. nu. 16. in princip.* ubi: *Quod ignorantia excuset ab excommunicatione secundum omnes.* Tum autoritate, & verbis ejusdemmet *Comitalis*, opinantis quidem Moniales admittentes hujusmodi pueros, puellasve intra eorumdem Monasteria subire excommunicationis penam, cum limitatione tamen, nisi ignorantia videlicet, eandem excusaret: do ejusdem verba, & sunt ad litteram nostrum propositum privilegium: *In eam partem semper perpendi* (ita ille *q. 22. cit.*) *ut excommunicationis penam subirent Moniales, nisi iis aliqua infirmitas excusatio suffragaretur.* Tum etiam ratione ab omnibus admittenda: quia ignorans legem penalem, & censuram, non peccat in eam, ergo nec penam, nec censuram contrahit. Sed

177 Quæres primò, an hujusmodi Monialis, censuræ ignara (admisso quod sit hæc à Summo Pontifice inflicta) peccet saltem mortaliter admittendo pueros, puellasve

lasve intra septa monasterii, & si ob ignorantiam, censuram illam non contrahat. Procedere potest hoc quæsitum simpliciter etiam, hoc est, admittit etiam priori, ac communi sententia. Respondeo primum: vel dicta Monialis ignara simul est censuræ, ac peccati mortalis, vel censuræ excommunicationis tantum (loquor in opinione secundæ sententiæ, nec enim excommunicationis censura infligitur, nisi ob mortale) si etiam mortalis ignara est, utique & ab hoc excusatur, cum utrobique sit eadem ratio, ubi namque ignorantia est, ibi non est voluntarium, & ubi voluntarium, deest, ibi nulla culpa, nullum peccatum, quod evidens est. Vel peccati mortalis non est dicta Monialis ignara, licet sit ignara censuræ: quia videlicet scit quidem ab Ecclesia prohibitum esse Monialibus intromittere pueros, puellasve in proprias sacras Aedes, non tamen sub censura, & si sic, intromittendo, peccat mortaliter, quia facit contra legem (scienter) obligantem ad mortale. Adde tamen, quod si dicta Monialis excusaretur & à censura utique, ac peccato, infirmitas causa, ut in primo distinctionis membro huius responsionis, posset nihilominus peccare etiam mortaliter in præfata puerorum, puellarumve receptione ex aliis capitibus, si eos videlicet, vel eas admittit contra prohibitionem Regulæ sibi notæ, vel proprii Episcopi obligantis ad mortale, aut ratione scandalii: item quia talis intromissio sibi metipso potest esse materia, & occasio prolapsionis contra proprium Votum, & statum &c. si verò procedat quæsitum admittit priori communi sententia. Resp. secundo, clarum esse huiusmodi Monialem, nec contrahere censuram, nec peccare mortaliter, ex vi saltem prohibitionis Pontificiæ, & Ecclesiæ, hæc namque est præfata prior, & communior sententia, ut patet. Potest tamen peccare ex aliis capitibus positus in præcedenti Additione, vi quorum prohibendum valde est Monialibus, ne recipiant pueros &c.

178 Querens secundo. Quid respondere debeat Confessarius (priori communiiori opinioni firmè adhærens) interrogatus à Moniali sua penitente, an peccet mortaliter admittendo intra septa monasterii pueros, puellasve, supposito quod eadem Monialis nullam habeat nec à propria Regula, nec à Domino suo Episcopo, circa id, prohibitionem: & quod ipsa sit Religiosa exemplaris, valdè bona, conscientiaque timorata, unde cesset in ea dubium scandalii, prolapsionis, &c.? Respondeo. Sua-

deat absolute prudens Confessarius Penitentem suam Monialem abstinere omnino à tali admissione puerorum, puellarumve intra septa Monasterii, neque ei deerunt efficacia motiva, pluresque, & palpabiles [ut ita dicam] rationes huiusmodi suasionis: cum talis admissio, etsi ex se mala, non sit, potest tamen esse occasio, & materia plurium malorum, in aliis saltem Monialibus laxioribus, tepidioribus, & bonitatis inferioris, si non in ipsa recipiente, obque, & alia mala omnia vitanda, quæ obvenire possent ejusdem receptionis causa. In nonnullis Monialium Regulis absolute prohibetur, uti & multoties [ex dictis] nedum à *Sacra Congregatione*, verum etiam à Monialium Ordinariis, & Episcopis. [Quod & inter alios fecit Illustrissimus, ac Reuerendissimus Dominus Sebastianus Pisanus Veronæ Episcopus: sibi metipso, suoque Vicario Generali reservans hunc eundem casum, sub sequentibus verbis: *Cbi intrudurrà fanciulli d'ogni età, tanto maschi, quanto femine in Clausura; tanto per le Ruote, come per altri fori: Concilium Tridentinum sessione 25. capite 5. & nostra expressa mente: ita in sua tabella Casuum Reservatorum, quam vide in Opusculo, cuius titulus, Ordini, e Decreti per le Monache di Verona, &c. anno 1667. fol. 42.*] Suadeat inquam, & efficaciter: non tamen respondeat, ipsam, admittendo, &c. [ut in quæsito] peccare mortaliter; ut Confessarius quidam [secundum Marchantium infra] imprudenter, contra propriam opinionem [quod mihi metipso falsus fuit] cuidam Moniali hoc idem interroganti, responsum dedit, *esse scilicet absolute mortale, recipere pueros, puellasque*, ut supra.

179 Imprudens quidem, atque nimis durum responsum, & magna correctioe dignum: Omnis enim questio [sunt verba D. Thome quodlibet 9. qu. 7. art. 15. in corpore] in qua de peccato mortali quaeritur, nisi expressè veritas habeatur, periculo determinatur: quia error, quo non creditur esse peccatum mortale, quod est peccatum mortale, conscientiam non excusat à toto, licet forte à tanto. Error vero, quo creditur esse mortale, quod non est mortale, ex dicta conscientia ligat ad peccatum mortale. Præcipue autem periculosum est, ubi veritas ambigua est. Ita Sanctus Doctor, quem si prætatus Confessarius legisset, diversimodè suæ Moniali inquirenti, ut supra, responderet. Debet esse valde græve [inquit Jacobus Marchantius Resolutionum Pastoralium tractatu 7. cap. 2. qu. 1. fol. mibi 683.] quod mortale esse censetur, nam ob le-

ve punire morte eterna, alienum est à Divina bonitate, cum in foro Civili tale punire morte temporali censeretur tyrannicum, ut rectè advertit Reginald. p. p. qu. 6. Vnde & Petrus Marchantius in Opusculo, cujus Titulus: *Notabiles Resolutiones Vvariorum Casuum, & Questionum Practicar.* editus Colonia 1655. sub Titulo, *Casus concernentes Regulares, casu 32. fol. mibi 461. sub Versu, Primo itaque, loquens ibi de Monialibus, in hæc verba, prorumpit: Imponere obligationem in foro Dei ad peccatum mortale, & damnationem eternam, absque speciali, & manifesto titulo, non tantum imprudentie est, sed etiam crudelitatis. Obligatio sub mortali est valde odiosa, ac proinde minime præsumenda, nisi ubi necessitas cogit, & parum humanum videtur, sub mortali obligationem inducere absque certo, atque irrefragabili fundamento. Hinc optime etiam Georgius Gobat in Alphabeto sacrificantium Casu 21. num. 702. & 703. fol. mibi 476. ait: Mibi displicet asseri aliquid esse peccatum, etiam veniale, & consequenter extare aliquod præceptum, quando non habetur sufficiens fundamentum, & longe magis horreo noxam lethalem asserere, nisi vel clara ratio, vel autoritas irrefragabilis cogat. Atqui hic nulla irrefragabilis ratio, vel autoritas, (in opinione ipsa dicti Confessarii) aut necessitas ulla cogit, præsumendi lethale, peccatum, vel inducendi tam gravem obligationem, abstinendi videlicet, à toties repetita intromissione, sub lethali: Cur ergo voluit Confessarius suamet responsione exponere pœnitentem Monialem, & sic alias fortasse infirmiores, periculo peccati mortalis, & æternæ damnationis? Hoc utique alienum videtur à Christiana charitate, ut advertit etiam Arragonius in 2. 2. q. 83. in Tit. 30. concl. 3. his verbis: *Certè videtur durum, & à Christiana charitate alienum, mittere aliquem in infernum, & dicere quod peccet mortaliter, sine evidenti, & certa ratione.* Ita citatus Doctor, relatus à Gobat in Alphabeto Officii recitandi, Casu 23. nu. 123. in fine fol. mibi 527. Unde merito Tamburinus in *Methodo Celebrande Missæ lib. p. cap. 6. n. 4. Versu, Dico quamvis, ait, Nullus est obligandus sub culpa lethali, nisi manifestè constet de præcepto obligante.* Non apparet autem tale præceptum manifestè, ut constat, maxime in opinione præfati Confessarii, quod supponit certum. Et si non apparet, periculo consequenter responsam suum dedit Moniali dictus Confessarius ex sententia D. Tho. supra. Quia Periculo (inquit Sanctus Doctor) determinatur, aliquid esse peccatum,*

nisi expressè veritas habeatur; quæ utique hic non habetur. Concludo igitur præsens privilegium, dicens cum Gobat in *Clypeo Clementium Judicum* sec. 8. in princip. n. 130. fol. mibi 94. *Alam periculosam jacunt Confessarii, dum suis pœnitentibus dispositè ajunt aliquid esse iis sub mortali vetitum, vel præceptum, cum sciunt contrarium esse verè probabile practicè.*

PRIVILEGIUM XVIII.

Farina invincibiliter ignorans se esse gravidam, petit medicamentum à Medico, ut consulat sue valetudini, sed antequam sumat quod Medicus consulit, iste dicit ei, quod ex tali sumptione, si sit gravis, sequetur abortus: respondet ipsa, non sum, & si essem nihil curo cum sanis egenis, nec commode possim filios alere. Sumit medicamentum, sequitur inde abortus foetus animati; excusatur eadem nihilominus ab excommunicationis censura lata à Sixto V. & Gregorio XIV. contra quoscumque; (Matres etiam) procurantes abortum, sequito effectum.

180 **E**X Constitutionibus sanctissimorum Summorum Pontificum Sixti V. & Gregorii XIV. relatis capite 10. privileg. 7. apertissimè constat, uti ex communi Doctorum sententia, quoscumque, quocumque modo, vel medio directè procurantes abortum foetus, animati, vel ad id scienter, jussu, consilio, favore, auxilio, quomodolibet cooperantur, effectu sequuto, ipso facto excommunicatione incurrere, etiam matres prægnantes, potiones abortivas per se sumentes, aliove modo sibimet abortum procurantes. Ab hac autem nihilominus censura excusatur dicta femina gravis, etiam si ex voluntaria, medicamenti potione abortiverit, ut in proposito privilegio, quod ponit etiam, & approbat Carolus de Baucio De Casibus Conscientiæ singularibus, Casu 363. fol. 328. Versu, Respondetur secundo. Quodque eodem Baucio probatur. Quia dicta femina quando sumpsit medicamentum, invincibiliter existimabat non fuisse gravidam, licet peccaverit mortaliter ex illa mala voluntate illud sumendi etiam si esset gravis. Unde abortus ab hujusmodi femina ignorante invincibiliter se fuisse gravidam, non fuit efficaciter volitus, nec ejusdem mala voluntas fuit causa efficax abortus: neque directè, cum non sumpserit medicamentum data opera, ut sequeretur abortus: neque indirectè, quia si invincibiliter nesciebat

nesciebat esse gravidam, nec poterat consequenter providere in causa effectum abortus: neque illa voluntas concomitans, neque curans de abortu si esset gravis, operata est aliquid in abortum sequutum animatum, dum invincibiliter existimabat se non esse gravidam. Igitur si voluntas illa nil operata est in sequutum abortum animatum, neque valens fuit consequenter ad inducendam excommunicationis censuram, cum huiusmodi abortus nequeat dici absolutè voluntarius, uti non est, ut constat, quomodo enim voluntarius absque intentione procurandi abortum? casualis utique tantum censendus est, etiam per eundem *De Baucio l. c. in fine*. Sed de abortu voluntario, non casuali, intelligenda, est *Constitutio supra citata Sixti V. ait Bordonus tom. 1. Resol. 44. nu. 3. In ipsa enim fit mentio (dicit Bordonus, & verum dicit) de abortu voluntario, non casuali*. Et casualis abortus ille est, per eundem *Bordon. n. 3. in princip.* qui non est prævisus, uti talis est in casu nostro. Unde rectè etiam docet *P. Diana to. 5. Coordin. tract. 6. ref. 17. ex par. 7. tract. 5. ref. 20. Ad casum hunc incurrendum, non sufficere, ut abortus possit alicui imputari, sed debet esse dedita opera, & ex industria questus. Quomodo autem abortus esse potest questus ab ignorante feminam esse gravidam? quomodo à matre etiam ipsa (in seipsam in casu nostro) invincibiliter nesciente se esse gravidam? Hinc *Marzubellus de Casib. Reserv. disp. 2. cap. 3. qu. 3. n. 40. Diana l. c. Bellocchius de Casib. Reserv. par. 2. qu. 8. sub n. 96. versu. Quinto nec. Cabrinus de Casib. Reserv. par. 2. casu 7. Resolutiva praxi n. 7. fol. 167. alique, opinione resolvunt, excipi à casu abortus, ignorantem feminam esse gravidam: quia is non dicitur procurasse, &c.**

181 Confirmatur eadem principalis ratio ex iissemmet, quæ tradidimus *Privil. 11. huius cap. in principio* in quo, per totum, auctoritate Doctorum, & rationibus probavimus, quod ignorantia invincibilis concomitans censuræ, excusat ab incurfione illius, ut si quis v. g. cadat Clericus, putans invincibiliter esse Laicum, etiam si eo animo affectus esset, & dispositus, quod si cognovisset esse Clericum, à percussione minimè abstinuisset. Sicque etiam in proposito privilegio non est obnoxia censuræ excommunicationis, sed ab ipsamet excusatur dicta femina, quæ potentionem sumpsit, ex qua sequutus est abortus animati foetus, eo quia ignorabat se esse gravidam, nec sumpsit medicamentum da-

ta opera (ut supra) eo fine ut sequeretur abortus. Et licet voluntas illa concomitans, & nihil curans de abortu sit mala, & ratione prave dispositionis, & affectus, quem habet circa objectum ignoratum, mala lethaliter absque excusatione; opus tamen externum, idest sumptio medicamenti, cum non procedat studiosè ex eadem prava voluntate efficiendi animatum foetum, nec subiacet censuræ, eo quia Ecclesia in suis censuris, & pœnis, non punit actus internos, uti est tantum dicta mala voluntas, sed externos tantummodo. Licet enim (ut optimè etiam *Reginald. in Praxi to. p. lib. p. cap. 11. nu. margin. 128. pag. mibi 28. col. 2.*) peccata interiora, idest, quæ latent intrus in Anima, possit Ecclesia, & Superiores absoluta potestate referuare (ut consensus in hæresim &c. Unde Papa dicente, Nolo quemquam habere facultatem absolvendi à consensu voluntatis in hæresim; nemo, nisi de ipsius licentia, ab hoc peccato absolvere posset, tantum sufficienti jurisdictione carens.) Verum tamen Ecclesia hac non utitur referuatione, quamvis uti possit: sed conferens alicui jurisdictionem ad absolvendum à mortalibus, censetur dare ad absolvendum à quibusvis internis; ita expedire iudicans; eo quia talia, nec aliis nocumentum inferant, nec curatione egeant, quæ non videatur posse ab Ordinariis adhiberi. Quæ de re vide præter citatum *Reginald. etiam Suar. de Pœnit. disp. 29. sec. 3. n. 3. & alios*, quos isti referunt. Ex his autem

182 Sequitur, nec medicum prædictum, qui præstare feminæ medicamentum consuluit, obnoxium fuisse alicui Censuræ, imo nec peccatum ullum, vel minimum, commississe; dum bona fide consuluit medicamentum eidem feminæ, cui etiam dixit, ut non sumeret illud, si esset gravis; unde non fuit causa neque directè, neque indirectè sequuti abortus, nec dici potest habuisse intentionem, & propositum procurandi abortum, atque adeo immunis fuit omnino à culpa quacumque, & ab omni censura consequenter: Quod advertit etiam *De Baucio l. c. resp. p. & ante ipsum Stephanus Quaranta Verbo Abortus, versu Limita promò: dum ibi, Excipit illum, qui ignoravit, feminam esse gravidam, & Medicum utique in casu. Et ratio huius est (inquiunt *Marzubellus l. c. n. 45. & Diana l. c.*) Quia non dicitur habuisse intentionem, & propositum procurandi abortum. Sic Medicus, qui nescit an mulier sit gravis, idque neque animadvertens, nec animadvertere volens,*

lent, medicinam præberet, ex qua abortus sequeretur, non incideret in casum, etiamsi forte mortaliter peccaret ob inadvertentiam culpabilem. Et ratio est, quia ad casum hunc incurrendum non sufficit, ut abortus possit alicui imputari, sed debet esse dedita opera, & ex industria questus. Sic ignorantia quantumvis crassa, dummodo non sit ingens temeritas excusat à Censura imposita scienter aliquid facienti: ita Mazzucch. & cum ipso Diana.

183 Verum quia excommunicatio, de qua in hoc privilegio, lata est contra procurantes abortum fœtus animati tantum (non inanimati) & sequuto effectu: idcirco quaerunt communiter Doctores: & merito hic etiam obiter inquirent quis, quo tempore fœtus animatur, ita ut, qui de illo abortum faciunt, incurrant excommunicationem? Lessius de Just. lib. 2. cap. 9. dub. 10. n. 65. huic eidem Quæsito sic respondet. Covarr. putat matrem animari die 40. à conceptu, feminas octuagesimo, & ita communiter sentire DD. sed nulla videtur ratio, cur tanta sit discrepantia inter marem, ac feminam. Itaque verius est utrumque fœtum animari simul atque fuerit formatus. Nam Exodi 21. juxta versionem 70. dicitur (Qui percussit mulierem prægnantem, & illa abortum fecerit, si fœtus erat formatus dabit animam pro anima: si nondum erat formatus, multabitur pecunia) Ubi aperte insinuat fœtum habere animam, simul atq; formatum fuerit. Idem docent Medici. Quoto autem die formatio absolvatur, docet Levinus Lemnius c. 11. citans Hippocratem lib. de natura fœtus, naturæ formationem absolvi aliquando die 30. aliquando 35. aliquando 40. aliquando 45. femina vero, nunc 35. nunc 40. nunc 45. nunc 50. Verum Hippocrates id non docet: nam lib. de natura fœtus n. 10. docet masculum, ut longissimè triginta diebus formari: feminam ut longissimè 42. duobus: idque duobus locis eodem lib. repetit, & probat ex purgatione, quæ post masculum partum durat diebus 30. post, femina 42. ut diutissimè. Hactenus Lessius. Cui uniformis esse videtur Mazzucch. de Casib. Refer. disp. 2. c. 3. q. 1. diff. p. nu. 4. & 5. dum ibi sic. Aliqui cum Aristotele lib. 5. animal. cap. 3. & 9. & Plinio lib. 7. natural. Histor. cap. 6. existimant animam rationalem in masculis quadragesima die, in feminis octuagesima post conceptionem insinui. Ita Sylv. Graff. Finel. Azor. 10. 3. cap. 4. Versu Notandum. Quam sententiam suadens ex Levitico cap. 21. Quo loco præcipitur, ut mulier, quæ marem peperit quadraginta dierum spatio; quæ verò feminam per spatium octuaginta dierum ab ingressu templi abstineat. Ego tamen verius esse

existimo, utrumque fœtum animari simul atque formatum est: Sic enim Exodi 21. juxta versionem septuagintarum, dicitur &c. Ratio autem cur fœtus non formetur eodem tempore in omnibus, provenit ex caliditate Matris, &c. Huscusq; Mazzucchellus.

184 Pater Diana Tom. 5. Coordin. tract. 6. ref. 19. nu. 3. ex part. 7. tract. 5. ref. 6. existimat, non esse recedendum ab Aristotele, & Plinio, ubi supra, & ab aliis, qui cum iisdem docent, mares animari die 40. à conceptu; feminas vero die 80. & aliquando 90. additque, ab hac opinione recedendum non esse, quippe quæ magis favet penitentibus, & quia sententia est DD. communis: A qua recedendum non est (ait etiam Cabrinus de Casib. Refer. par. 2. Casu 7. Annotatione 6. n. 16.) Notans in fine: quod hanc eandem sententiam confirmat Stylus ipse sacræ Penitentiariæ Romanæ, teste Navarro Confessor. libr. 5. Conf. 26. de Homicidio, in nova editione Et eandem docent, idem Navarr. in Man. cap. 15. n. 28. Versu Decimo nemo peccat; in fine Sylv. Verb. Homicidium p. n. 3. Graff. Decisum Aurear. lib. 2. cap. 63. n. 31. Layman. lib. 3. tract. 3. par. 3. cap. 4. nu. 3. Vers. Porro plurimum, Trullench. in Decal. to. 2. lib. 5. cap. p. dub. 4. n. 2. Molina de Just. to. 4. tract. 3. disp. 27. n. p. Mezala to. p. Promptuarii, verb. Abortus n. p. Coriol. de Casib. Reserv. par. 2. Casu 6. n. 4. Quaranta in summa Bullarii, Verb. Abortus n. 5. alique apud eisdem Cabrinum, & Dianam ll. cc. & communiter, præcipue Naldus in Qq. Practicis Verb. Abortus nu. 2. ubi sic, Abortum post 40. dies in masculo, in femina autem post octuaginta animatum esse anima rationali, tradunt omnes. In dubio autem, ideo non apparente, sit ne masculus, an femina, tunc censetur esse masculus, & sit animatus anima rationali: Et ita servat sacræ Penitentiariæ. Ita Naldus.

185 Hac eadem communi sententia nihilominus non obstante, Thomas Fienus de vi formatrice fœtus, edito anno 1620. qu. 8. conclus. 11. (apud Dianam resol. Coord. citat. 19. n. 4.) putat animari fœtum anima rationali, tertio ad summum die à seminis conceptione, quam suam sententiam pluribus probat argumentis. Sed idem P. Diana eo loci, ne ingrat (ait) scrupulus, non audet sententiam hanc approbare, concludens ibi, à communi sententia recedendum non esse. A qua tamen recentissimè, novissimèque recedere videtur (sed cum declaratione, & protestatione, ut infra) Hieronymus Florentinus Lucensis Cleric. Regularis Congregationis Matris Dei, in suo Doctissimo, eruditissi-

moque Tractatu, edito Lugduni anno 1675. cujus Titulus: *Homo dubius, seu de Baptismo Abortivorum*, dum laudat in ipso, nedum supradictam sententiam *Fieri*, & aliorum adherentium apud ipsum *disp. p. sec. 7. n. 5. Tertia die à conceptione, animam rationalem esse in fetu*. Verum etiam sententiam (*quam refert sec. 8. n. p.*) & tradidit *Vopiscus Fortunatus, cum alij citatj à Farinac. par. 2. Praxis Crimin. q. 122. n. 139. In ipso (videlicet) conceptionis momento, animam rationalem creari*. Et dum item recenset, laudatque (saltem non improbat *sec. 7. nu. p. & 2.*) sententiam eorum, qui dicunt, *Ante diem septimum vivere anima rationali humanum fetum*. Et eorum etiam (quos refert *sec. 9.*) quorum aliqui affirmant *semen permixtum in utero statim incipere vivere*. Alii asserunt, *Animam simul, & in momento esse cum corpore*. Alii sentiunt, *Intra septem horas si semen fuerit retentum ab utero, animam ibi adesse*. Alique tandem volunt, *In fine secundæ diei permixtis seminibus statim adesse animam rationalem, que totum corpus movetur, & perficitur*. Quas tamen sententias, & varios dicendi modos de tempore animationis, recenset quidem *Florentinus ll. cc. sed relinquendo (ait) omnes in sua probabilitate*, ut ex illis constet quam varium sit, & incertum animationis tempus: ita *sec. 8. in fine. Vers. Caterum hæc*. Addens *sec. 10. in principio*: Imo, ex isdemmet necessario colligi, incertum esse, & valde dubium, tempus illud præcisum, quo Anima rationalis à Deo creatur, & infunditur in corpus.

186 Ex qua temporis incertitudine, & prædictarum sententiarum, in sua probabilitate relictarum recensione, deducit postea præfatus Doctor, *Fetum abortivum, quocumque tempore ejectum, baptizandum esse sub conditione*: idque affirmat *sec. 9. nu. pr. sub sequentibus verbis*: *Scitur quando fetus abortivus, elapso quocumque tempore à conceptione, excutitur ab utero matris, si in illo appareant lineamenta fetus humani propria, propter que à mole distinguantur, non licet illi negare Baptismum, sed debet ministrari sub conditione, aut verbis expressa, vel saltem mente concepta (si ei capax, ego te baptizo: In nomine Patris, & Filii, & Spiritus Sancti) intelligendo sub tali conditione, tam vitam rationalem, si illam habeat, quam ablutionem verbis significatam, ut forma verificetur, si nimirum interpositæ secundæ non impediunt*. Et hanc suam penitus novam de Baptismo Abortivorum sententiam, probat doctissimus Vir.

187 Primo: Quia quilibet tenetur, saltem ex obligatione charitatis, etiam cum

periculo propriæ vitæ corporalis subvenire proximo extremè periclitanti, quoad animæ salutem, ut tradunt omnes Theologi, tum Scholastici, tum Morales, & videtur esse certum de fide, nam *Joann. Epist. 2. cap. 3.* dicitur: *Quod nos debemus pro fratribus animas ponere*. Et omnes Doctores afferunt exemplum de parvulo moribundo ante usum rationis; & dicunt hunc esse baptizandum, etiam si Minister propter tale ministerium mortis periculum subiret, & quoad infantes Christianorum communissima est doctrina, sed in nostro casu, si in fetu existat anima rationalis, & non baptizetur infans sub prædicta conditione periclitatur anima inevitabiliter propter peccatū originale contractum in unione illius cum corpore, ergo quilibet tenetur baptizare.

188 Secundò. Quotiescumque hic, & nunc, non temerè, sed cum fundamento formidare potes, quod tua culpa, & omissione anima proximi æternam damnationem incurrat teneris illi subvenire de opportuno remedio: sed escluso de utero matris abortu potes, ut patet ex dictis, prudenter, & non temerè suspicari, quod ibi Anima rationalis existat, certissimè damnanda, nisi baptizes, ergo jam teneris dubium morale admittere, & iudicium practicum formare de administratione Baptismi, & cum hujusmodi remedio, tibi tam facili, illique omnino necessario, subvenire. Et ratio à priori est, quia nulla sit injuria Sacramento, si enim conditio de facto non verificetur, verba formæ suo fine non frustrantur, cum non proferantur nisi cum intentione conditionata; & quidem cum fundamento probabili dubitas, ergo prudenter operaris, dum remedium applicas ad impediendum periculum probabile.

189 Tertio. Quando moribundus absente Confessario petit Confessionem, & postea sensibus destitutus est, potest, imo debet absolvi à Confessario superveniente, cui per alios, ut loquitur *Paulus V. in Rituali Romano* desiderium hujusmodi Confessionis innouit: Quod si stante tali testimonio Sacerdos adhuc dubitet, an scilicet infirmus habeat sufficientem dispositionem, tenetur illum sub conditione absolvere; quod *Eminentissim. De Lago* latè docuit *De Penitent. disp. 17. sect. 5. nu. 91.* ubi etiam *num. 87.* asseverat ad idem teneri etiam si Confessarius sit ex illorum Auctorum sententia, qui dicunt non posse absolvi moribundum, qui saltem unum peccatum in specie non dixit; & ratio est, quia ad mi-

nus sententia contraria propter auctoritatem est extrinsecè probabilis, ac proinde talis, ut eam possit Sacerdos amplecti tuta conscientia: quoties autem potest absque gravi incommodo subvenire proximo graviter periclitanti circa æternam salutem, ad id tenetur. Ergo

190 Imo etiam si moribundus nulla signa contritionis ostenderit, neque desiderium confessionis declaraverit, si christiane vixerit, & Sacramenta frequentaverit, absolvi posse sub conditione docuerunt antea *Molpessius in sum. 10. 1. tract. 7. cap. 58. n. 7. Alexand. Ludovij. Archiep. Bononiens. postea Summus Pontifex, Gregor. XV. in Memor. Confessoriorum cap. p. n. 16. ubi in praxi precepit observari: Petrus Marchant. in Tribun. Sacram. 10. p. tract. 4. tit. 4. dub. 7. qui licet esset contrariæ sententiæ, periculum expertus in se ipso, & ab eo liberatus, deinde illam retractavit: Lezana in summa q. q. Regularium 10. 3. Vers. Confessio n. 11. Aversæ de Sacram. Penitent. qu. 10. sec. 18. Pellizar. in Man. Regul. 10. p. tract. 5. cap. 3. sect. p. n. 60. & 10. 2. tract. 8. cap. 3. sect. 2. n. 114. Ubi testatur ita practicasse Suar. Baldellum, & Naldum, Victorin. Promis ex Societ. Jesu in Memor. Clericor. par. 4. cap. p. n. 14. Tamburin. in Metodo Expeditæ Confession. lib. 2. cap. 10. §. 2. n. 11. Ubi attendens, quod Paulus V. exigit in tali moribundo, quod saltem Confessionis desiderium ostenderit, ait: Satis superque Confessionem petiit per mores Christianos tota vita sensibilibus peractos. Leander 10. p. tract. 5. qu. 46. Reynaud. de Martyr. p. 2. c. 3. n. 7. Caram. qui etsi sententiam contrariam laudet, dicit tamen peccatum mortaliter illum, qui in casu practico, deposito proprio dictamine, moribundum, qui omnibus sensibus destitutus est, & nullo externo signo confessionem petiit, non vult absolvere. Cur ergo puerulum omnibus operationibus destitutum, quem tamen vivere, & esse Baptismi capacem, prudenter dubitas, baptizare negabis? Ita in simili casu de Baptismo in Capillis collato dixit De Lugo in Respons. Moral. lib. p. dub. p. n. 12. De Penitent. dist. 7. sec. 13. n. 273. ubi docet esse obligationem rebaptizandi sub conditione, quoties adest morale dubium in facto de valore primi Baptismi; ut in casu de illo, qui baptizatus fuit in Capillis. Et hoc propter inconvenientiam, quæ sequeretur, si primus Baptismus non fuisset validus, exponeretur enim periculo damnationis ille Baptizatus in Capillis, si baptisma non fuisset validum. Sed quodnam majus inconveniens, quam animas*

damnari, si sunt in foetu, & omittatur baptisma propter opiniones contrarias, quæ certitudinem non habent?

191 Ultimo probatur principaliter hæc sententia: quia etiam si saltem propter quorundam Medicorum auctoritatem, & ferè universalem consuetudinem obstetricum, non baptizandi hujusmodi foetus sub conditione esset probabilior opinio, quod ante trigessimum diem non teneantur ministrare Baptismum foetibus abortivis, tamen quia hoc judicium probabile non nascitur ex aliqua ratione, sive (ut loquitur Sanchez statim citandus) non provenit ex jure, sed ex facto, quo nimirum, si subiectum, cui applicandum est medium salutis, sit capax, adhuc probabilis sententia illorum non sufficit ad hoc, ut non detur obligatio baptizandi, ergo baptizandus est talis foetus sub conditione. Probatur consequentia. Quia collatio Baptismi est utique per omnes necessaria ad salutem, & ad vitandum irreparabile æternum damnum: ergo uti certum remedium de facto, conferri debet, adhibitis tamen materia, & forma ab Ecclesia præscriptis, quoties necessitas, charitas, atque misericordia urget, ex aperta doctrina Sanchez in Decal. lib. 1. c. 9. n. 33. ubi alios citat, quibus adde Cardinal. de Lugo dicto dub. 1. n. 11. sed ita est in casu nostro, in quo omisso Baptismi exponit animam illam, si existat in foetu, certissimo damnationis periculo, ergo ad vitandum tale periculum datur obligatio illam baptizandi de facto sub conditione si in foetu existat.

192 Dices, non dari judicium morale in præsentia, quo aliquis possit prudenter formidare ex sententia Medicorum sequi Animæ damnationem, sed solum judicium speculativum, quod non satis est ad innovandum in re tam gravi. Resp. Cum judicium morale sit illud, quod est juxta hominum morem, & prudentem consuetudinem, ut Eminentissi. Lugo l. c. n. 12. docet, atque ut patet ex sententiis relatis, & variis modis, quibus quicumque hanc difficultatem examinarunt, illas sententias applicant ad explicandum hoc factum animationis foetus, cujus non est certum tempus, sed omnes Auctores procedunt ex conjecturis, & sic dubium sit, an anima rationalis statim post aliquot horas existat in foetu, an intra septem dies, an istis elapsis, usque ad decimam quintam, vel decimam septimam, decimam nonam, vigesimam quintam, trigessimam, vel ulterius expectet, quid deest, & quid requiritur ad tor-

mandum dubium morale in re tam incerta, de quo non omnes Medici eodem modo loquuntur, & quam Deus ipse indecise relinquit, & Spiritus Sanctus tanquam inferitabiliter, & soli Deo notam proponit? Certè non video, quæ utilitas, vel honestas suadeant, ut tam facile remedium omittatur, & tam magno periculo, imo extremæ damnationi infinitæ propemodum abortivorum animæ exponatur; quod etiam si non multæ, sed paucæ, vel una tantum Anima hoc remedio salvaretur, adhuc non esset nostra diligentia inutilis, & frustratorius labor. Si enim ex *D. Gregorio in Psalmum 50.* verum est quod nullum tam gratum est sacrificium, quam zelus animarum, nihil Deo charius ab animarum Ministris, nihil illarum salutis utilius operari potest, quam animas, si existant, & Baptismo sint capaces, certo certius salvare, alioquin si renuas baptizare infallibiliter damnandas. Hæc, & alia multa, doctè, & subtiliter, & nedum ex Doctrinibus, verum etiam ex Patribus, ex Conciliis, & ex sacra ipsa Scriptura congerit *Florentinus* ad suadendum ex professione suam verè novam, nec non verè piam sententiam, quam tamen tuetur sub sequenti Declaratione, & protestatione, initio tractatus, de Ordine etiam Superiorum posita, & sub eadem Declaratione tantum, & non aliter, sententia ipsa, ejusdemque impressione admissa, sic

AUCTORIS

De Ordine Superiorum.

193 **H**anc ergo sententiam, De Baptismo Abortivorum, tota hac disputatione comprehensam, & præsertim sectione undecima impressa ab Eminentissimis Patribus Sacre Indicii Congregationis iussus explicare, libens, volensque gravissimo, prudentissimoque doctissimorum Principum iudicio, & imperio pareo. Et in primis assero, me nihil in præsentis materia, definiendo dicere, sed uti rem probabilem, & per modum problematis proponere. Deinde adverto, me neminem, quoad præcætionem attinet, sub mortali obligare, sed tantum rationes speculativas id suadentes exponere, ac in suspensio relinquere, sicuti nec inducere novum aliquem ritum in Ecclesiam: Cum id ad Sacram Ritus Congregationem, Summamque Pontificem spectet. Ita sentio, ita scribo, & ita me scribere, & sentire protestor, ut æquum est humilem, ac devotum Sanctæ Romanæ Eccle-

siæ filium, qualem me esse, & fuisse hactenus; futurum in posterum, sanctè profiteor.

194 Et si contra præfatam sententiam, Auctori ejusdem opponas argumentum, quod idem sibi met principaliter obicit, *Disput. p. sec. 12. n. 1.* Videlicet, non esse verisimile, universalem Ecclesiam, quæ Spiritus Sancti regimine gubernatur, neque sub eo errare permittitur, in re tam gravi, tanto tempore desidem fuisse, & non ordinasse remedium adeo necessarium pro animabus abortivorum. Imo tot Sapientissimos, & Doctissimos Viros, qui in Ecclesia Dei præfuerunt, nunquam vidisse tam ingens animarum discrimen: & si præviderunt, ob solam Philosophorum sententiam stetisse, quin parvulorum Parentes, & Parochos admonuerint, ut abortivos baptizarent. Respondet *sec. 13. sequenti*, optimè quidem constare Summos Pontifices, & Concilia, summa diligentia, & sollicitudine semper instituisse, ut quotiescumque parvuli recenter nati, & fœtus vivi periclitantur, baptizentur. Sic

Siricius Papa mandat omnibus, qui in periculo mortis, etiam pueris, qui per ætatem loqui non possunt, ministrari Baptismum.

Leo Primus, quod omni tempore periclitantibus Baptisma ministraretur, decernit.

Concilium Carthaginense, statuit ut omni tempore puero, qui in utero Matris formatus est, hoc Sacramentum conferatur.

Sexta Synodus jubet, ut parvulo ægrotanti à nullo Presbytero Baptisma negetur.

Concilium Milevitianum, excommunicat, qui parvulos recentior ab utero Matrum egressos, negat baptizandos esse.

Concilium Parisiense, statuit, nullo tempore hoc Sacramentum esse dandum, nisi tempore Paschæ, & Pentecostes, excipit tamen ægrotantes.

Concilium Gerundense, parvulos, qui infirmi egrediuntur Maternum Uterum, eodem die dicit esse baptizandos.

Sanctus Gregorius Papa statuit, ut si quæ Mulier, quæ peperit, sit in periculo mortis, eodem die, & hora quo nascitur, id quod genuit, baptizetur, ne periculum sit in mora.

Concilium Matiffonense decernit, ut filii, qui ex infirmitate, vel imminente periculo urgentur, baptizentur, etiam extra præscripta tempora Paschæ, & Pentecostes.

Idem præcipiunt Concilium Moguntinum, Vormatiense, & Triburiense.

Rituale etiam Romanum sub Paulo V., & Sacerdotale Samarini, ordinant, quod mortua matre prægnante, fœtus cautè extrahatur, & si vivus est, baptizetur.

195 Constat igitur ex his (concludit Florentinus *disf. cit. p. sec. 24. à num. 1.*) fuisse satis provifum parvulis abortivis, nam etiam ipsi, si vivunt anima rationali, comprehenduntur sub dispositionibus Summorum Pontificum, & Conciliorum, & pro ipsi etiam faciunt motiva, quæ in præcætatæ Decretis continentur; tum quia in hujusmodi parvulis, de quibus ibi sermo est, nunquam Ecclesia consideravit tempus Nativitatis quot nimirum dies, vel Menses haberent à conceptione, sed solum supposito, quod vivi essent, & in periculo mortis constituti, declaravit nullum tempus expectandum, sed esse subito baptizandos: ergo dici non potest, quod tanto tempore Ecclesia Dei negligens fuerit, quod Sancti Spiritus lumine non fuerit circa hunc casum illustrata, & quod Sancti Patres, & Theologi non satis providerint. Quod autem Summi Pontifices, & Concilia, quando occasio sese obtulit disputandi, à quo tempore factus sit absolutè, vel sub conditione baptizandus, ab hac questione abstinuerint, & sicco pede pertransierint, existimo prudentissimè id fecisse, nam in re tam gravi, & quæ ob sui incertitudinem, adhuc sub judice manet, merito noluerunt definire, sed eam prudenti Ministrorum, & peritorum judicio dereliquerunt. Hinc si Ecclesia non fecit mentionem expressam de istis abortivis, & informibus, est, quia, ut notavit *D. Card. de Lugo nu. cit.* respectu aliorum parvulorum, qui in infantia moriuntur, sunt in parvo numero: nec propterea sequitur, ad illos non pertinere Baptismus, quia cum Ecclesia expressè statuerit, parvulos recenter natos imminente mortis periculo esse baptizandos, satis ostendit, & declaravit suam voluntatem circa illos si judicio prudenti æstimantur vivere, cum in illa propositione generali, illi etiam includantur.

196 Nec valet illatio, quod Ecclesia nunquam fuit expressè loquuta de factu abortivo non formato, ergo ad istum baptismum non pertinet: non valet inquam, quia de iis, qui respectu aliorum pauci sunt, non erat necesse legem particularem condere, cum facile posset de illis judicari ex interpretatione legis generalis: sicuti non valet, Ecclesia nunquam decrevit, quod si mater prægnans sit ad mortem damnata, & differendo supplicium usque ad partum, juxta *leg. prægnantem, digest. de pœn.* periculum probabile sit, quod puer moriatur, tunc liceat accelerare supplicium matris, ut vita spiritualis illius factus salve-

tur; non valet inquam: ergo non licet accelerare supplicium matris: nam etsi *Paludamus in 4. dist. 6. qu. 1. Versu Tertio contra*, dubius sit, tamen bene *Suar. tom. 3. in 3. par. quæst. 68. Comment. in artic. 11.* dicit id licere absolutè, servato tamen juris, & justitiæ ordine: nam in isto casu nemini fit injuria, & aliquin bono spirituali illius pueri providetur, & quod lex illa mander differri supplicium matris, est in bonum prois, ergo si bonum, & vita prolis periclitetur, cessat lex per Epycheam, & ei magis consentaneum est anticipare, quam differre mortem matris: ergo similiter, licet Ecclesia non præceperit, abortivum informem esse baptizandum sub conditione, non valet illatio, ergo non est batizandus; quia isti sunt casus de minus contingentibus, de quibus lex non disponit in particulari, & in generali (ut vidimus) satis disposuit. Hactenus Florentinus.

197 Placuit autem, & apprimè hujus Doctores præstanti eruditione conspicui, singularem doctrinam, hic (saltem quoad substantiam) asserre, atque flagrantem, insuper doctissimi Viri pro salute æternæ, præmatuè nascentium pusillorum zelum, hic innuere, atque apponere; quam uti non minus pium, quam laudabilem, nec non ejusdem doctrinam (ut videre est in principio Libelli) nedum primarii Doctores, tum Theologi, tum Medici, verum etiam quamplures Universales Accademice unanimi consensu consentes, in toto eodem Libello, & opusculo, nihil esse alienum vel à sanctæ Ecclesiæ mente, vel à sacrorum Canonum Decretis, vel à morum regula, imo asseverant eandem doctrinam, ac sententiam, laudabili zelo valde excitare Parochos, Parentes, & Obstetrices ad maximum animarum bonum amplissima utilitate procurandum, hoc est, ad fectus ipsos ex uteri materni latebris immaturè prodeuntes, dubia, vel saltem probabili vita præditos sub conditione baptizandos, & per Baptismum ipsum, Christi meritis participes faciendos, ut è Lybmo erepti, Cælo adscribantur. Placuit inquam hujusmodi singularem sententiam hic referre, ut magis, magisque evulgetur, plures, pluresque eandem sæpius aspiciant, pluribus fiat obvia, nec sit otiosa in ordine ad praxim, & ad salutem animarum in fectibus abortivis delitescens sollicitandam. Et ut pluries impressa, post tantorum virorum approbationem, ut supra, tractu temporis plures alios acquirat assen-

clas, sicq; majoris ponderis etiam evadat. Nam, ut optime advertit *Eminentissim. De Lugo* (loquens de valore Baptismi in capillis) *dub. 1. cit. n. 12.* potest contingere quod sententia aliqua hodie non sit probabilis, & tamen aliquando perveniat ad gradum probabilitatis per principia saltem extrinseca; quia sicut hodie habet quinque, vel sex Auctores, poterit paulatim plures habere; ita ut jam negari non possit quod sit saltem ab auctoritate probabilis: imo sæpe, & frequenter contingit (ait idem *Cardin.*) quod aliquæ sententiæ, quæ paucis ab hinc annis minus habebant ponderis, & auctoritatis, hodie, & post aliquos annos probabiles evadant. Hoc idem (spero) continget recitatæ sententiæ de abortivis fœtibus, quamvis etiam nunc suam, tum extrinsecam ex auctoritate (ut patet) tum intrinsecam habeat ex efficacibus, & adeo validis rationibus superius allatis, & ex aliis pluribus adductis sparsim in eodem Libello à doctissimo *Florentino* in hæc tandem verba prorumpente: *Utinam hæc mea sententia, & disputatio sit illius Christianæ pietatis, & industrie pari, quam Divina providentia elegit, ut per genitores, & alios, quibus huiusmodi parvulorum salus commissæ est, salvarentur anime derelictorum: utinam inquam, hic meus, qualiscumque levissimus labor à Sapientibus probatus, & approbatus, cedat in Celestis Regni, & Divinæ Gloriæ æternum additamentum, ita sec. 14. & ultima Disputationis primæ n. 19.*

PRIVILEGIUM XIX.

Notarius, seu Advocatus patrocinium præstans Hæretico, ignorans hunc esse talem, non incurrit aliquam penam, ignorantia ipsa illum excusante.

198 **N**on est licitum præstare patrocinium pro hæreticis in causa hæresis, nec Notarius, seu Procurator, vel Advocatus admittitur, ut patet, ex *Cap. finali de Hæreticis in 6. in princip. ibi. Et absque advocatorum, &c.* Et videre est apud *Farinac. De hæresi qu. 197. n. 54. Sanctarellum de Hæresi cap. 11. dub. 2. n. 21. Tolet. lib. p. cap. 29. n. 7. Graff. lib. 4. Decisionum cap. 18. n. 39.* (ubi ait: *Advocatus hæreticorum excommunicari in Bulla Censæ Dominis tanquam hæreticorum defensoribus*) *Duwardum in Bull. Cens. Dom. l. 2. c. p. q. 32. n. 9. Caranam par. 2. Tit. 4. §. 8. n. 75.* & apud alios communiter. Unde Notarius pro hæreticis, & eorum fautoribus, defensoribus, & credentibus in ali-

qua causa scribens, & conficiens instrumentum, afficitur poena infamiæ, & privatur officio (ait, & probat *Sanctarell. l. c. n. 22.*) Insuper idem Notarius, seu Procurator, vel Advocatus si in casibus ipsis non permissis (qui recensentur à *Farinac. qu. cit. n. 54. & seq.*) & sine licentia Inquisitoris (quæ omnino requiritur per eundem *Farinac. n. 77. Caranam n. cit. & alios*) Patrocinium præstent hæreticis, hæreticorum fautoribus, receptatoribus, defensoribus, &c. ultra penas (de quibus *Farinac., Sanctarell., ubi supra, & alii*) sunt etiam de hæresi suspecti, & contra eos, uti tales, procedere possunt Inquisitores, & comprehenduntur sub nomine defensorum hæreticorum. Ita expressè *Farinac. qu. cit. n. 55. Carona n. cit. 75.* alique.

199 A quibus omnibus penis, item à censuris, imò & à culpa ipsa liberatur, & excusatur Notarius, vel Advocatus patrocinium præstans hæretico in causa hæresis, ignorans esse talem, ut in proposito privilegio, quod clare sequitur ex dicendis in sequenti Privilegio, cum utriusque eadem omnino sit ratio, fundamentum idem. Sicut enim receptans hæreticum ignorans esse talem, non punitur poena receptionis, ita nec eidem ignoranter patrocinium præstans: quæ etenim inter utrumque disparitas? Accedit autoritas *Farinac.* hoc idem privilegium ponentis *qu. cit. 197. n. 72.* sub sequentibus verbis. *Non incurrit aliquam penam Advocatus, qui pro hæretico patrocinatur, ignorans illum esse hæreticum. Decianus in Tract. Crim. lib. 5. cap. 51. n. 14.* Et paulo infra *n. 82.* aliis verbis, idem repetit in substantia: sic affirmans. *Non dicitur fautor, seu defensor hæretici, qui pro eo patrocinatur, credens eum non esse hæreticum, & habere justam causam, licet postea appareat contrarium. Sola enim hoc credulitas ipsum excusat, secus si contra conscientiam illi patrocinaretur: Ita Farin. alio allegans, inter quos Ugolinus in Tract. de Censuris Pontifici reservatis part. 2. in Glosa Fautores, in princip. n. 6. Versu, Hoc autem locum habet, fol. 78. col. p. ubi dixit, Advocatum isto casu non incurere excommunicationem Bullæ Censæ Domini, subdens, & bene: Quod quamprimum Advocatus cognoscit se habere injustam causam, debet à defensione desistere. Huic eidem privilegio subscribunt, *Sousa in Apborismis lib. 2. cap. 30. n. 4.* Dicens: *Advocatus pro hæretico, sciens hæreticum esse, defensor illius reputatur, efficitur infamis, excommunicationem incurrit ipso facto, &que de hæresi suspectus: ergo nesciens, & ignorans excusatur.* *Duas**

dui n. 9. tit. Rei criminis dicuntur Advocati scienter hereticos defendentes, & eorum patrocinium suscipientes, ac Notarii instrumenta conscribentes in eorum defensionem, in hæresi causa. Imo si aliquis defendat hereticum, etiam in causa hæresi, existimans illum innocentem esse, & contra eundem falsos testes fuisse adhibitos, non dicitur hereticorum fautor: requiritur igitur scientia, ergo nescientia, & ignorantia hoc casu excusat. Tandem subscribit Bordon. in Sacro Tribunali cap. 36. q. 7. n. 9. ubi loquens de Advocato, ait sic: Non potest quis patrocinari heretico, de cuius hæresi constat, favore hæresi, aliter efficitur fautor heretici, & omnes illas penas incurrit: ergo quando ignorantie causa non constat de hæresi, patrocinari potest, nec huiusmodi Advocatus, seu Notarius ignorans, incurrit penas, seuque verum privilegium.

PRIVILEGIUM XX.

Ignoranter receptans Hereticum, nesciens videlicet esse talem, excusatur à culpa, & à pena, quam incurrit Hereticorum receptores scienter.

100 **H**ereticum receptans, dicitur ille, qui ipsummet ob causam hæresi fugientem, & se abscondentem, hospitio recipit in domo sua, vel in Terris suis, vel in Civitate, vel in aliquo vis loco, ut eum occultet, & ut hac ratione ab Inquisitore eum liberet, ne puniatur, & ne à Ministris iustitiæ capiat, ita communiter DD. Ad quem effectum, ut videlicet dicatur, heretici receptator; non requiritur multiplicata receptio, sed sufficit si una vice illum recipiat. Nam licet verbum *receptare*, ut notant etiam Tolet. in Bullam Cene lib. 1. cap. 19. nu. 6. Palao to. 1. tract. 4. disp. 3. punct. 8. n. 4. Sanchez in Decal. lib. 2. c. 10. nu. 10. & communiter omnes, secundum vocem, & vim Grammaticalem, iterationem, & repetitionem recipiendo sonet: secundum tamen Ecclesiæ morem, & DD. non ita in presenti accipitur, sed in simplici significatione pro uno scilicet, & unico etiam actu. Unde quamvis receperit quis semel tantum hereticum, huius receptator intelligitur, & dicitur, atque omnino esse. Quoniam autem receptatio est species fautorie, nec enim aliud facit, qui receptat (ait Simancha Cathol. Instit. tit. 15. n. 14.) quam defendere, & favere, quidquid dicitur de hac, uti de genere, applicatur alteri, ut speciei. Unde Sousa in Aphorism. cap. 24. n. 10. Quæ dicuntur (ia-

quit) de receptatoribus hereticorum, tam circa crimen, quam circa excusationem ab illo, defensoribus accommodanda sunt. Saliceti de Sanctissi. Inquis. tom. p. Regula 105. nu. 224. Coniungimus (ait) in eadem Regula receptatores, & defensores, quia omnia, quæ de illis dicuntur, ipsis omnino quadrant, sed non è contra. Et Bordonus in Sacro Tribunali cap. 10. qu. 17. n. 81. pariter sic: Dicitur receptator, qui scienter recepit hereticum ratione hæresi, licet illum semel receperit: patet ex dictis de fautore (questio 16. antecedenti) nam receptatio est species fautorie, ideo quidquid dicitur de genere applicatur huic speciei, idest receptationi: de qua (uti de Fautorie) innumeri pertractant, ii maxime, qui ex professo de spectantibus ad Sacrum Tribunal Sanctissimæ Inquisitionis: Præter citatos, videantur, Pegna par. 2. qu. 51. comm. 76. sub litt. B. Farin. de hæresi qu. 182. P. Duar. in Bullam Cene lib. 2. Canon. p. q. 28. Carena par. 2. tit. 4. §. 5. Sanctarell. De hæresi cap. 12. Dub. Vnico. Diana Coordinat. tom. 5. tractatu 12. ref. 21. ex par. 4. tract. 7. ref. 21. alique apud eosdem.

201 Scienter receptans hereticum, ut supra, suspectus est de hæresi per citatos Doctores, & communiter: & est excommunicatus, nam contra ipsum lata est excommunicatio prima in Bulla Cene Domini, quæ fulminatur (ut patet) contra undecim genera personarum, & expressè, ac nominatim contra receptatores, & fautores hereticorum. Et nedum in Bulla Cene Domini excommunicantur, verum etiam in iuribus antiquis recensitis à Sanctarell. l. c. n. 8. & ab aliis. Contra ipsosque agunt Reverendissimi heretice pravitatis Inquisitores, subiacentque (si verè rei sint) variis pœnis, tum corporalibus, tum spiritualibus, ut videre est apud plerisque ex citatis, & alios, agentes de Pœnis delictorum in S. Officio imponendis.

202 Ab his ergo pœnis (ait privilegium propositum) & à culpa (ab excommunicatione consequenter) excusatur receptans ignoranter hereticum, hoc est, nesciens esse talem. Eundemque nescientem, disertis verbis excusant etiam Pegna 2. part. Directorii qu. 51. nu. 2. Receptatores quandoque sunt sine culpa, ut puta si ignoranter hoc faciunt, ut quia eorum errores nesciunt, nec aliquid suum de eis unquam audierunt, nec suspicati sunt. Simancha Tit. cit. n. 17. Ille, qui receptat hereticum, ignorans illum hereticum esse, non incidit in superscriptas penas, quia non favet hereticis, nec peccat in Ecclesiæ Catholicæ: quod et in aliis receptatori-

bus jure receptum est: ignorantia enim excusat illos: quemadmodum & illi excusationem habent iustam, qui per vim coacti sunt hereticos, aut alios facinorosos recipere. Sanctarell. l. c. n. 3. Qui recipiunt hereticum, quem ignorant esse hereticum, non incurrunt penas statutas contra receptatores hereticorum: ita, &c. Nam lex non potest obligare ignorantes, aliqui esset de re impossibili. Duardus quest. cit. 28. n. 7. Requiritur ut receptor scienter hereticum recipiat, sciens illum hereticum esse, nam qui probabiliter ignorans aliquem hereticum esse, illum in propria domo recipiat, & occultat, ut Iustitiæ manus effugiat, non dicitur formaliter heretici receptor. Farinac. qu. cit. 182. Receptans hereticum ignoranter, non punitur pena receptionis hereticorum, ita n. 163. Et in dubio, ignorantia potius presumitur quam scientia in receptione heretici, n. 164. Carena §. 5. cit. Et in princip. Supponendum est, illum dici heretici receptatorem, qui sciens quem hereticum esse, illum recipit &c. Bordonus n. cit. 21. Ille dicitur receptor, qui scienter recipit hereticum ratione heresi, & num. 83. Ille dicitur receptor, qui occultat hereticum à se taliter cognitum, in domo sua, vel aliena, seu in quolibet alio loco, ne in manus Iudicis incidat. Ex his igitur apertissime constat, tum autoritate, tum ratione, veritas, ac subsistentia hujus propositi privilegii. Quomodo autem probetur, vel probanda sit supposita receptionis ignorantia, vide eisdem Carenam, & Bordonum, aliove.

PRIVILEGIUM XXI.

Tradens hereticum Ecclesiasticæ sepulture, ne sciens esse talem, à quacumque pena excusatur.

203 **S**equitur hoc privilegium ex duobus antecedentibus, ut patet, & præterea videtur expressum in Cap. Quicumque de Heret. in 6. lic: Quicumque hereticos credentes, receptatores, defensores, vel fautores eorum, scienter presumpserint Ecclesiasticæ tradere Sepultura, usque ad satisfactionem idoneam, excommunicationis sententia se noverint subjacere. Ubi, Glossa, Verbo Scienter. Ignorantia ergo probabilis bene illos excusat. Et hoc est nostrum propositum privilegium. Quod asseritur etiam à Navarro lib. 5. Conflior. Titul. de Hereticis, Confil. 11. n. p. ibi Ad hoc ut sepeliens hereticum sit excommunicatus, oportet quod sciat illum esse hereticum. A Farinac. de Heresi qu. 192. §. 3. n. 51. ubi: Sepeliens hereticum, non incurrit aliquam penam, si ignorans quem sepelivis esse, sepeliverit. Jo: de Anania, &c. Et à Huacyn-

tho Donato To. p. Rerum Regularium, par. 2. Titulo De Violata Clausura Monasterii, tract. 4. qu. 17. n. 2. ibi: Qui inadvertenter, vel ignoranter sepelit hereticum in loco sacro, non incidit in excommunicationem. Idem omnino Marcellus Vulpe in Praxi Fori Ecclesiastici cap. 4. num. 9.

PRIVILEGIUM XXII.

Ignorantia inculpabilis à Simonie labe excusat; & ab aliquibus saltem ejusdem penis in interiori dumtaxat foro pariter liberat.

204 **N**omen Simonie acceptum est à Simone Mago, qui primus omnium commisit in nova lege [Act. 8.] hoc peccatum: obtulit enim ibi Apostoli pecuniam ad spirituales potestatem emendam, volendo non tantum emere, sed etiam postea vendere Donum Dei, ut declaratur in Cap. Salvator 1. quest. 3. ubi Glossa, Verbo Salvator, ex textu ipso ostendit Simoniam esse rem Ecclesiasticam vendere, & probat ex damnatione Simonis, Donum Dei emere volentis, ut postea venderet. Dico Simonie nomen, acceptum fuisse à Simone Mago, eo quia ipse fuerit omnium primus, qui commisit hoc peccatum: at non dico omnium primus simpliciter, sed cum addito in nova lege: non enim Simonie vitium adeo proprium est legis novæ, seu gratiæ, quin etiam in lege veteri committi potuerit. Imo D. Tho. 2. 2. quest. 100. art. 1. ad 4. videtur supponere etiam Gierzi, Elisei Discipulum, hujusmodi crimen commississe, cum de ipso legatur 4. Reg. 5. quod accepit pecuniam à Naaman leproso gratis munito à lepra ab Eliseo, in præmium alieni officii, & curationis. Hinc S. Doctor l. c. ait: Venditores spiritualium possunt dici, non solum Simoniaci, sed etiam Gierzi; concludensque: Qui spiritualia vendunt, conformantur Simoni Mago, in actu verò imitantur Gierzi. Hoc est, qui actu vendunt spiritualia, licet in intentione imitentur Simonem, in facto tamen imitari Gierzi, & ideo non solum Simoniacos, sed etiam Gierzitas dici possunt. Quam sententiam confirmans Alesius quest. 169. membro 1. in principio, ait: Emittentes spiritualia propriè esse Simoniacos, vendentes autem esse propriè Gierzitas, licet jam communi usu omnes Simoniaci dicantur, ita apud Suar. to. 1. de Relig. lib. 4. tit. de Simonia cap. 5. n. 5. ubi etiam refert, quod idem sentit Hugo Victor. de Sacram. p. 10. cap. 2. & quod in hoc consentiunt etiam ceteri Scholastici, ac Canonistæ. Nam in

in lib. 5. *Decretalium*, Tit. de *Simonia*, cap. 39. Sicut pro certo, in fine, de vendentibus spiritualia dicitur: Omnino damnentur, & cum Simone, & Giezi condemnentur. Eandemque sententiam tenet etiam (apud eundem *Suar. l. c. n. 7.*) *Abul. 3. Reg. 3. qu. 29.* dicens, Giezi commississe Simoniam: non conventionalem, ut constat, quia nullum pactum inter eum, & Naaman precessit, sed reale cum intentione Simoniacæ, quia petiit pecuniam pro sanitate divinitus collata, & sub eadem intentione illam recepit. Vide eundem *Suar. cap. cit. 5. à n. 5.* ab hac eadem sententia non dissentientem. Quid sit autem Simonia? Certum est per omnes; maximum esse peccatum contra Religionem, quod communiter Doctores cum Theologi, tum Canonistæ, cum *D. Tho. 2. 2. qu. 100. art. 1. & Glossa in Cap. Qui studet. 1. qu. 1.* explicant sequenti definitione: *Simoniam est studiosa voluntas emendi, vel vendendi aliquid spirituale, vel spirituali annexum.* Has tamen ultimas particulas [ut advertit etiam *Gibalinus de Simonia qu. 1. n. 1.*] non habet *Glossa*, sed eas apposuerunt Doctores, tum ut omnem Simoniam etiam quæ jure humano inducitur est, comprehenderent; tum ut amplitudinem materiæ, circa quam committi potest Simonia explicarent.

205 Simonia ergo ex sua intrinseca ratione, & ex suo genere, lethale peccatum est, contra Religionem, ut videre est apud Doctores communiter, præcipue Bonacini. *De Simonia disp. 1. qu. 1. Proposit. 2. nu. 2.* Simonia enim vitium est oppositum virtuti Religionis, eo quia æstimat res sacras tanquam profanas, illas in contractum deducendo. Primo dicitur, *Studiosa voluntas*, quo indicatur actus voluntatis, in quo Simonia consistit. Nam cum Simonia, ut dictum est, vitium sit oppositum Religioni, in voluntate inest, tanquam in subiecto, sicut & ipsa Religio. Præterquamquod nullum peccatum committitur sine voluntate. Adde, quod item dicitur *voluntas*, ut significetur peccatum Simoniz posse consistere in sola voluntate, etiam non subsequuto opere externo, cum detur Simonia purè mentalis, absque opere ullo externo. Præmittitur *studiosa*, quod idem est, ac voluntas ex electione, & deliberata ut excludatur motus voluntatis non plenè deliberati, &c. & ita hanc primam definitionem particulam explicant communiter Doctores cum *D. Tho. art. 1. cit. in solut. secundi argumenti.* Secundo dicitur, *emendi, vel vendendi*, &c.: per quam secun-

dam particulam significatur omnis omnino contractus, sive sit vera emptio, sive locatio, sive permutatio, &c. *Lessius de Just. lib. 2. cap. 35. de Simonia dub. 1. n. 4. Bonac. l. c. n. 3. & communiter.* Quia Simonia, committitur tum emptione, tum venditione, tum permutatione, &c. rei sacræ, vel spiritualis, seu spirituali annexæ, pro temporali. Dicitur, *vel spirituali annexæ*, id est, quod cum aliquo spirituali connexionem habet, vel antecedenter, ut Iuspatronatus, quia supponitur præsentationi beneficiorum, vel consequenter, ut beneficia Ecclesiastica, quia supponunt officium divinum; vel concomitanter, ut labor in prædicando, in ministrando Sacramenta, &c. Additur *pro temporali*, si enim detur spirituale pro spirituali, non erit propriè Simonia, *Lessius n. 4. cit. Ver. Tertia prætio, & dub. 3. ejusdem cap. 35. Bassæus to. 1. Verbo Simonia pr. n. p. in fine, Bonac. l. c. n. 6.* alique, cum quibus ego in *Filiatione Spiritualis latina cap. p. dub. 5. à n. 49.* quia turpitudine hujus peccati consistit in eo, quod spiritualia æstimentur pretio humano, vel re aliqua humana, quæ sit pretio æstimabilis.

206 Dividitur autem Simonia in eam, quæ est juris divini, & naturalis, & in eam, quæ est juris positivi: id est in eam, quæ prohibita est jure divino; & naturali, & in eam, quæ jure tantum Ecclesiastico prohibita est, & hanc divisionem ferè omnes admittunt, ut videre est apud *Suar. to. 1. de Relig. lib. 4. cap. 2. & 7. de Simonia. Lessius cap. cit. 35. dub. 2. Palaeus par. 3. tit. de Simonia, disp. 3. punc. 2. n. 1. & alios.* Vocatur autem Simonia juris divini, & naturalis, quando aliqua res de se spiritualis venditur, aut emitur, &c. ut si venderes Hostiam consecratam, Sacramenta, aut Calicem consecratum pluri ob consecrationem, aut imagines, & alia benedicta pluri ob benedictionem. Dicitur autem hæc Simonia jure divino prohibita, naturali nimirum, eo quod ratio lumine fidei edocta naturaliter quodammodo dicitur dona supernaturalia, cujusmodi sunt Sacramenta, &c. sanctè esse tractanda, nec in temporales contractus deducenda; & in hac Simonia non potest Summus Pontifex dispensare, imo ipsemet contrahere potest culpam hujus Simoniz juris divini, quia æquè, ac alii subiectus est legi divinæ; & naturali. *Lessius dub. cit. 2. sub n. 32. Versu Dico secundo, & communiter.*

207 Simonia autem Juris positivi est, quæ à sola lege Ecclesiastica, seu jure Ecclesiastico, & humano ortum habet, & in

producta est: sic communiter Theologi, & Canonistae in *Cap. Questum*, & *Cap. Cum olim, de rerum permutatione*: & ratio est, quia Ecclesia, sua sola lege, & ordinatione potest prohibere, ne res aliqua annexa rei sacrae vendatur, &c. in reverentiam talis rei, & facere potest, ut id, quod natura sua ob suam temporalitatem, seu partem temporalem non erat invendibile, &c. fiat invendibile, seu inhabile ad venditionem, &c. ob partem spirituales, seu in reverentiam rei spiritualis, cui annexa est: non addendo tamen novam aliquam sanctitatem, vel consecrationem. Sicque venditio, vel emptio, &c. alicujus rei temporalis, quae alicui rei spirituali annexa est, ut emptio, vel venditio, &c. Beneficiorum Ecclesiasticorum quoad partem temporalem, Simonia est Ecclesiastico jure vetita, quamvis jus ad percipiendos beneficii fructus materialiter consideratum, & seorsum à quovis officio spirituali, & sacro praescriptum, sit quid temporale, quod proinde jure divino invendibile non est: ob reverentiam tamen rei spiritualis annexae, Ecclesiasticis legibus fuit prohibitum ne; tale jus vendi posset, aut emi, &c. Unde sicut Ecclesia potest locum materiale divino cultui dicatum à laica potestate legibus suis immunem reddere, ita ut qui talem immunitatem violat, contra virtutem Religionis peccet, & sacrilegium committat, ita prohibere potest ne res aliqua annexa rei sacrae vendatur, ematur, &c. ob reverentiam talis rei, ita ut si vendatur pretio temporali, vel ematur, &c. venditio illa, aut emptio, &c. simoniaca censetur: ita Doctores citati, & alii passim de Simonia.

208 Unanimitè convenientes, Simoniam esse prohibitam jure naturali, divino, & humano, & quidem esse prohibitam jure naturae constat, quia ratio nostra lumine fidei instructa (ut supra) naturaliter dicitur, res sanctas sanctè tractandas esse, & nullum pretium temporale esse rei sacrae proportionatum, quia talis est, atque ideo, qui rem sacram vendit, permutat, &c. indignè illam tractat, quia ex ipsis terminis apparet, indignum esse, valde, tales res pro tali pretio vendere, vel permutare, &c. res enim spiritualis non potest aliquo terreno pretio comparari, sicut dicitur de Sapientia, Proverb. 3. *Pretiosior est cunctis opibus, & omnia; quae desiderantur, huic non valent comparari*. Quod verò sit etiam prohibita jure divino patet ex 3. Regum cap. 13. ubi reprehenditur Jerobo-

am, eo quod daret Sacerdoti pretium: Ex verbis Christi Matthaei 10. *Gratis accepistis, gratis date* (idest sine pretio, & ex gratuita tantum voluntate) & ex Verbis Petri Act. 8. *Pecunia tua tecum sit in perditionem, quia donum Dei transiisti pecunia possideri*. Et quod tandem prohibita sit Simonia jure positivo humano, constat ex toto Titulo de Simonia.

209 Hujusmodi autem humani juris Simonia locum habet. Primo in venditione Beneficiorum secundum partem temporalem. Secundo in permutatione Beneficii cum alio Beneficio, facta absque auctoritate legitimi Superioris. Tercio in resignatione Beneficii, propria auctoritate facta cum reservatione pensionis. Quarto in venditione officiorum Ecclesiasticorum spiritualium, seu habentium onus spirituale, ut *Economus, Sacrista, &c.* ut colligitur ex cap. *Salvator* 1. qu. 3. ubi ad hanc rem adducitur Auctoritas Concilii Chalcedonensis. Haec Simonia propria est temporis gratiae, & positiva appellatur apud omnes, atque prohibita jure positivo humano Ecclesiastico.

210 Notandum tamen hic est, Papam non posse incurere poenas Simoniae jure Ecclesiastico statutas, ut Excommunicationem, Suspensionem, Inhabilitatem, &c. ut communiter DD. apud Lessium cap. cit. 35. dub. 5. in principio, & alios. Quia Princeps non subest suis legibus quoad vim cogendi per poenas, cum nemo in seipsum jurisdictionem habeat; sicut nec Par in Par, ex quo etiam sequi videtur, nec eum, qui contrahit cum Papa haec poenas incurere: hoc enim ipso, quo cupit aliquem secum sic contrahere, censetur illum eximere à lege quantum potest, cum non sit credibile, quod velit ipsummet punire pro opere, ad quod invitat, & in quod consentit, sic enim seipsum condemnaret: Vide Lessium dub. cit. & alios.

211 Dividitur praeterea Simonia in mentalem, conventionalem, & realem. Quae divisio communiter recipitur à DD. Jurisperitis, & Theologis. Simonia mentalis duplex est, Una sumitur pro interno proposito, & voluntate committendi Simoniam, etiamsi nullo modo prodeat in exteriorem actum, ut alia vicia mentalia, & haec cadere non potest sub poenas Ecclesiasticas, sicuti cadere non potest solum internum propositum, & desiderium, cum Ecclesia de internis non iudicet. Altera accipitur pro illa actione, quae fit mente Simoniaci, sed ex se, & ex circumstantiis, Simoniam non praefert. Vel secundum alios menta-

mentalis est, quando nullo pacto præcedente, sed affectu animi datur spirituale, ut temporale acquiratur, vel vice versa, ex. gr. si conferens alicui Beneficium, intendas obligare illum ad reddendum temporale: aut è contra, si conferens temporale, intendas propter ipsum obligare alium ad reddendum spirituale, & vocatur per ipsosmet Simonia hæc mentalis, non quia in actum exteriorem dandi, & recipiendi non exeat, sed quia iniquus animus non declaratur, ut advertit *Valentia Tom. 3. disp. 6. qu. 16. punc. 5. in principio*, & de hac Simonia loquitur *Cap. Tua nos licet, & cap. ult. de Simonia*, ubi cum datur Beneficium, vel resignatur ea intentione, & affectu, deciditur, Simoniam esse, & apud Iudicem divinum, qui est cordium scrutator, debere puniri.

212 Conventionalis Simonia est, quæ mentali superaddit externam conventionem, seu pactum, ex neutra tamen parte completum, vel saltem non completum ex utraque parte. *Navarr. in sum. cap. 23. n. 103. Valent. l. c. Versu Notandum. Palauz punc. cit. 2. nu. 3. Versu Conventionalis*, aliæque. Ratio est, quia realis, & completa, perfectæque venditio non dicitur, quousque contractus ex utraque parte compleatur. Hinc advertit, & optimè idem *Palauz* cum aliis, conventionalem Simoniam non committi, si solum quis pollicitationem fecerit de prærio, &c. si sibi daretur Beneficium, & alius pollicitationem non acceptaverit, quia non est conventio quousque promissio non sit acceptata.

213 Realis Simonia dicitur, quando ex utraque parte compleatur contractus, ita, ut ex una parte detur spirituale, & ex alia pretium, vel pars pretii, &c. Unde Simonia realis supponit conventionalem, & conventionalis supponit mentalem, saltem ex natura rei, & clausa lege positiva. Si autem queras, sub quo membro contineatur Simonia confidentialis, seu confidentiæ? Resp. cum *Basileo l. c. n. 7. Versu Sed quæritur*. Contineri sub Simonia conventionali: in Simonia siquidem confidentiæ executio differtur ex una parte, est enim Simonia confidentiæ, quando quis pacificetur cum eo, cui confert, vel resignat Beneficium cum suis fructibus, vel portione fructuum dat alteri, v. g. Nepoti, cum habilis fuerit.

214 Per solam Simoniam mentalem non incurri pœnas ab ipso jure latas, & impositas, sententia est DD. communis: (alias etiam pœnas per Iudicem sententiam imponi posse certum est; sed de pœnis à jure tan-

tum impositis loquitur, ac intelligit sententia hæc DD. communis, ut videre est apud ipsos.) Probant omnes de Simonia mentali ex *Cap. Mandato de Simonia*, ubi Pontifex expressè dicit, Simoniaci mentali satis esse, si per solam pœnitentiam suo satisfaciatur Creatori de peccato, nec debere resignare quod per Simoniam mentalem acquisivit. Immo valdè probabile est, Ecclesiam non posse talem Simoniam punire, si in externo opere non possit aliqua pœctio deprehendi. At quidquid sit de hoc, satis constat mentem Ecclesiæ non esse, ut ob Simoniam mentalem irrogentur pœnæ, ut patet ex *Extrav. Cum detestabile, de Simonia, & cap. fin. eodem tit. in Decretalibus*. Vide *Lessium cap. cit. 35. dub. 23. nu. 130. Versu Notandum secundò. Suar. libr. cit. 4. cap. 55. n. 10. Valent. qu. cit. 16. punc. 6. Versu Simonia igitur mentalis. Palauz disp. cit. 3. punc. 22. n. 1. & alios*.

215 Sed neque Simoniam purè conventionalem puniri pœnis Juris ipso facto latis contra Simoniacos, ac propterea nec per hanc Simoniam conventionalem incurri censuras, inhabilitates, vel privationes, si quæ sunt ipso jure latæ contra Simoniacos, pariter sententia est Theologorum, & Juristarum communis apud *Suar. l. c. n. 12*. quam etiam ipse (ibi) sequitur, uti fundata nedum auctoritate scribentium, sed etiam auctoritate Juris, & ratione. Et ostendi clarè potest. Quia Simonia purè conventionalis est sola, & nuda pœctio, seu conventio de commutatione rei temporalis cum spirituali: textus autem omnes imponentes Simoniz pœnam, loquuntur de receptione, & traditione rei spiritualis, & nunquam solius pœctionis meminere. Dicunt quidem jura, nudam ejusmodi pœctionem esse Simoniam, quod ultro esse concedimus, at ubi pœnam insigunt, semper exigunt receptiones, & traditiones: pœna tamen nunquam, nisi ponatur ille ipse, actus, quem jura exprimunt, atque illo eodem modo, quo illum exprimunt. Et quamvis dubium non sit, quin Iudex Ecclesiasticus conventionem Simoniacam, si publica sit, vel ad eum deferatur, & probetur prius, quam executioni mandetur, possit aliquo iusto modo punire; quia, (ut etiam idem *Suar. l. c. n. 15. in fine*) illa grave delictum est, & contrarium honestis moribus Ecclesiæ, ac scandalosum, ideoque per Ecclesiasticum Iudicem corripri, & puniri potest, juxta *Cap. 1. de Offic. Ordin.* Nihilominus non potest pro illa imponi pœna Simoniacorum ordinaria, sed

arbitraria, juxta qualitatem, & circumstantiam delicti, quia tale delictum non est consummatum in ratione Simonie Ecclesiasticæ, sed solum quasi attentatum, seu inchoatum; pro hujusmodi autem delictis non debet imponi ordinaria pœna, nisi ubi lex id exprimit, ut constat.

216 An verò ad pœnas incurrendas requiratur Simoniam completam, & consummatam esse ex utraque parte, hoc est, & pretium esse datum ex gr. & beneficium receptum; vel sufficiens sit recipere beneficium, vel Ordinem sub spe pecuniæ? Certum est Simoniam consummatam, & realem ex utraque parte quoad totam materiam, vel quoad quamcumque ejus quantitatem ex utraque parte sufficere ad pœnas; quæ ipso facto imponuntur. Difficultas esse potest quando Simonia ex una tantum parte completa est, ex altera verò non. Sed de hac infra. Interim pro certo hic habeas, pœnas Simoniacis impositas intelligendas esse de Simonia reali ex utraque parte completa; vel una saltem parte per DD. ut infra. Et advertet, quod nulla simonia, etiam realis, & completa etiam ex utraque parte, juris pœnas inducit præter illas, quæ committuntur in procurandis, aut dandis Ordinibus, Beneficiis, & ingressu Religionis, quia Jura de aliis mentionem non faciunt. Ita Sylv., Navarr., Ugolin. Less., Suar., Laym., Filliuc., Pala., Bonac., alique Recentiores communiter, & unanimiter affirmantes, *Nam pœnam incurri ipso jure à Simoniacis, nisi in Simonia commissâ circa Beneficia, ingressum Religionis, & Sacros Ordines. Vide Gibalinum de Simonia Universa qu. 24. 25. 26. 27. 28. in quibus, de pœnis Simonie in Beneficiis Ecclesiasticis, in Ordinibus Sacris, & in ingressu Religionis commissæ: de quibus etiam DD. omnes de Simonia ex professo scribescentes.*

217 Igitur Simonia definita, descripta, & divisa ut supra, peccatum valde grave est, ex suo genere contra Religionem, & mortale, & aded Religioni adversum vitium, ut sæpè in jure Canonico appellatur hæresis, & *Hæresis simoniaca*, Cap. *Præbyter*. 1. qu. 1. cum seq. & Cap. *Quoties de Simonia*: licet non sit verè propria hæresis, ut notant Doctores cum Glossa in Cap. *Firmissimè de Hæreticis*: & advertunt Suar. lib. 4. cit. *De Simonia* cap. 1. nu. 6. Valent. qu. 16. cit. punc. 4. Versu Secundo dico: & cum eisdem Pala. disp. cit. 3. punc. 1. num. 3. Eo quia optimè stat, aliquem vendere velle, aut emere rem spiritualem ex pravo affectu voluntatis, quin interdè judicet rem spiri-

tualem esse pretio æstimabilem. Impropiè tamen hæresis est (ait Pala. n. cit.) seu secundum D. Tbom. 2. 2. art. 1. ad primum. *Hæresis dicitur secundum exteriorem protestationem, quia in hoc quod aliqui vendit donum Spiritus Sancti, quodammodo protestatur se esse Dominum spiritualis domi, quod est hæreticum.* Ita Sanctus Doctor: ex cujus verbis constat, quod Simonia saltem impropiè, & externe, est hæresis quoad externam saltem videlicet professionem; quia qui vendit donum Spiritus Sancti, externa venditione profutur se esse Dominum doni Spiritus Sancti, aut rem illam esse venalem, pretioque æstimabilem, quod est hæreticum, & contra Religionem. Contra Religionem inquam, ac eidemmet valdè oppositum vitium, ob id esse sacrilegium, & sub sacrilegii genere vult Bonac. disput. 1. cit. quest. 1. prop. 2. nu. 2. eum communi DD. apud ipsum; unde & Laym. libro 4. tract. 10. cap. 8. §. 1. n. 4. Expresè sic: *Simonie peccatum est propria quedam species Sacrilegii adversus virtutem Religionis; cum sit irregularis, & indigna tractatio rei sacræ, ac spiritualis.* Valent. punc. 4. cit. in fine, & Pala. punc. 1. cit. n. 4. concedunt quidem simoniam esse contra Religionem, volunt tamen à sacrilegio distingui. At Suar. *De Relig.* 10. 1. lib. 3. cap. 1. n. 3. ait: *Nihil video quod cogat negare peccatum Simonie esse verum sacrilegium, quia pro materia proxima habet rem sacræ, ut Beneficium, Sacramentum, &c.* ita Tit. *De Sacrilegio* cap. 1. num. 3. cit.

218 Insuper simonia adeo execrabile vitium est, & omnio ita detestandum (ut dicitur in Cap. *Roperiuntur*. Cap. *Eos qui* 1. *questione* 1.) ut nullo modo in eo parvitas, & levitas materiæ admittenda sit, atque peccatum tantummodo veniale. Ita communiter Doctores apud, & cum Pala. l. c. n. 7. Navar. in *Extravag.* De datis pra iustitia, vel gratia, *Notab.* 10. n. 20. & lib. 5. *Consil. Tit. de Simon. Conf.* 52. n. 3. Suar. to. 1. de *Relig.* cap. 3. num. 5. Sanchez in *Decal.* lib. 1. cap. 4. n. 1. (ubi Ugolin. in tract. de *Simonia Regu.* cap. 17. in princip. nu. 3.) Laym. n. 4. cit. Versu *Addit. Nav. Filliuc.* to. 3. tract. 45. cap. 1. qu. 6. n. 13. Bonac. de *Simonia* disp. 1. qu. 3. prop. 2. n. 13. Bass. Verbo *Simonia* p. cap. 17. alique. Ratio verò est, quia neque ex parte rei spiritualis, neque ex parte pretii potest dari levitas materiæ. Non ex parte rei spiritualis, quia quamcumque hæc parva in suo genere sit, ut cereus, agnus, aqua benedicta, &c., gravis injuria est, eam venalem facere, pretioque

pretioque temporali æstimare, & quasi coarquare: indicatur enim hac ratione esse ejusdem valoris, & dignitatis. Neque ex parte pretii, nam si hoc magnum sit, eo ipso apparet gravis deformitas, cum ex utroque capite appareat tunc materia magna talis delicti. Si autem pretium vile sit, eo magis videtur vilipendi, & contemni res spiritualis: quæ sic datur, & venditur; æquiparatur enim pretio temporali, & quia in suo ordine parva esse videatur, vili pretio danda, aut comparanda censetur. Hinc videtur sequi, quod quantitas quamvis parva pretii quo res spiritualis venditur, aut emitur, non possit Simoniam facere levem: quo minor enim est quantitas pretii data pro re spirituali, eo magis videtur hæc vilipendi. Et hac ratione in *Cap. Ex tue, De Simonia* condemnatur Clericus, qui sex tantum solidos pro sua præsentatione ad Ordines dedit, in perpetua Ordinis depositione, & Monasterii reclusionem, quæ pena cum sit ita gravis non imponeretur, nisi ob peccatum mortale, & tamen quantitas data parva erat, ut ibi notant Expositores. Itaque cujuscumque quantitatis sit id quod pro re spirituali ut pretium datur, & accipitur, simonia est, & per eum irreverentia gravis sit rei sacræ, ideo propter materiam levitatem non potest excusari à peccato mortali.

219 Excusari tamen poterit ab eodem ignorantie causa, ut in proposito privilegio. Quam quidem exculationem à mortali videlicet, ignorantie, & inadvertentie causa (licet non à veniali) admittunt etiam laudati Doctores, *Suar., Laym., Filliuc., Bonac., Bassius locis cit.* sub sequentibus, vel æquivalentibus verbis: *Probabile est non dari in Simonia peccatum veniale ex levitate materie, sed tantum ex inadvertentia, inconsideratione, & ignorantia, ut patet ex Regulis generalibus de legibus, &c.* Verum si ignorantia invincibilis sit, & inculpabilis, ut proponitur in privilegio, excusabit etiam à culpa veniali: & hoc idem expresse admittit *Filliuc. nu. 13. cit.* dum ibi sic *De Simonia: Intervenire potest ignorantia vel facti, & tunc erit ex inconsideratione, & inadvertentia, quod rei illa sit spiritualis: vel juris, & tunc si sit invincibilis, excusabit etiam à culpa veniali, sed raro accidet in materia pertinente ad jus divinum: si sit invincibilis, sed ex negligentia veniali, tunc erit peccatum veniale.* Præter *Filliucium*, accipe & sequentes alios in confirmationem primæ partis propositi privilegii nostri: *Reginald. in*

*Præxi to. 2. lib. 23. c. 11. quæst. 1. num. 110. Versu Quod vero: Definitur Simonia, voluntas studiosa, ita ut studiosa voluntas idem sit, ac actus voluntatis deliberatus. Colligitur ex hac conditione non committi Simoniam cum aliquid spirituale emitur, aut venditur ex ignorantia probabili. Lessius de Justitia lib. 2. cap. 35. dubio 1. nu. 3. Simonia est studiosa voluntas, idest deliberata; ut excludantur motus voluntatis non plene deliberati, vel procedentes ex ignorantia inculpata; loquimur enim de Simonie peccato in sua specie perfecto. Bassius Verbo Simonia 1. nu. 1. Dicitur studiosa, idest deliberata, ut excludatur motus voluntatis non plene deliberatus, aut ex ignorantia inculpata manans. Azor. par. 3. lib. 12. Tit. De Simonia cap. 1. quæst. 1. Versu, Dicitur voluntas. Studiosæ voluntatis appellatione nihil aliud significatur, nisi voluntas ex scientia, & deliberata ratione. Gibalinus De Simonia Universa quæst. 1. n. 1. Versu Dicitur porro. Dicitur studiosa, idest, deliberata voluntas, quia sine ejusmodi voluntate (hoc est ex scientia, & deliberata ratione) nullum peccatum committitur. P. Pasqualigus Decis. Morali 478. n. 5. Committens Simoniam excusari potest à peccato mortali ratione ignorantie invincibilis; quæ si sit peccaminosa venialiter, Simonia quoque ratione suæ causæ erit tantum peccaminosa venialiter, ut notat etiam *Gordonius lib. 8. Theol. Moral. quæst. 7. cap. 3. num. 7.* Ergo tum auctoritibus Doctorum, tum evidenti ratione optime concludi debet, ignorantiam inculpabilem, ac invincibilem à simoniz labe, & peccato excusare.*

220 Sed & insuper admittendum ignorantiam eandem à penis etiam [aliquibus saltem] ejusdem simoniz in foro interno dumtaxat liberare, quæ est secunda propositi privilegii pars. Quæ facillime probatur: Quia pena sequitur culpam, hæc ergo ablata, ut in casu nostro (ignorantie invincibilis causa) & illa utique auferri debet: consequentia clarissime probatur ex facto ipso *Clementis Papæ VII.* de quo, *Testantur omnes* (sunt verba *Gibalini de Simonia qu. 28. in fine*) *liberasse quasdam Moniales à penis, & à Censuris latæ ratione Simonie in ingressu Religionis, eo quod nesciant in quo illa consistat: quid clarius ad rem nostram? Dicitur autem in privilegio, (ab aliquibus saltem penis) quia stante etiam invincibili ignorantia, non evadit liber ab omnibus simoniacis penis ipse ignorans, ut infra: & ut videre est in *cap. 27. Privileg. 22. & 23.* Item dicitur *In interiori, dumtaxat foro: Quia potest quis simoniacus esse tantum materialis, & à culpa immunis ignorantie**

ignorantiae causa, & reputari nihilominus à Iudice in foro externo simoniacus formalis ex conjecturis, & praesumptionibus, & poenis juris simoniacis prorsus obnoxius.

Quibus verò poenis in iure latis obnoxius sit, formaliter simoniacus, vel talis suppositus, à quibusque liberari dicimus in foro dumtaxat interno ignorantiae privilegio, praeterquam quod illas habes recensitas, & discussas apud Scriptores ex professio de Simonia: accipe hic easdem in tui gratiam, & commodum strictum, & compendiosè enumeratas. Et in primis, suppone cum communi Doctorem sententia, nullam, (ut supra) poenam incurri ipso iure à Simoniacis, nisi in Simonia commissa circa ingressum Religionis, Sacros Ordines, & Beneficia. Quare

221 Ut incipiam à poenis Simoniae commissae in ingressu Religionis. Hae poenae habentur in *Extravag. r. de Simonia*. Et primo, decreta est poena excommunicationis ab Urbano IV. tam dantibus quam recipientibus, si sint singulares personae. Deinde Conventui, seu Capitulo, poena suspensionis, quarum utraque Sedi Apostolicae (ibidem) reservatur, sub his verbis: *Si sint singulares personae, tam dantes, quam accipientes huiusmodi excommunicationis; si Capitulum, vel Conventus fuerit, suspensionis sententia eo ipso decernimus subjacere: à quibus (praeterquam in mortis articulo) absolvi nequeant absque Sedis Apostolicae sententia speciali*. Suspenditur verò Capitulum, si hanc simoniam commisit, & in eam consenserit, ab Officio Capitulari quoad administrationem, & jurisdictionem Ecclesiasticam tantum, non quo ad alia munera. *Gibalinus quest. cit. 28. nu. 2.* ubi notat, quod Simoniaci ipsi admissi, incurrunt in eandem excommunicationem. Licet autem simonia committi etiam possit dando aliquid pro ingressu, seu receptione ad habitum: poenae tamen juris non incurrantur, nisi professio subsequatur antequam simoniaca pactio retractetur, vel pretium restituatur: quia cum talis pretio principaliter ordinetur ad suscipiendam professionem, ea non secuta, non censetur perfectè consummata simonia. *Suar. de Simonia cap. 56. n. 7. Regia. lib. cit. 23. cap. 12. n. 173. Laym. lib. 4. Tit. De Simon. tract. 30. cap. ult. §. 7. nu. 70. Versu duo adde. Bassius Verbo Simo. 6. nu. 3. in fine, aliique.* Vide Doctores tractantes de poenis huiusmodi, quas inducit simonia commissa circa ingressum Religionis, praecipuè *Lessi. cap. cit. 35. dub. 23.* Scio *Navar. in Man. cap. 23.*

sub n. 111. Versu Septimo dico, & Sylvo. Verbo Simonia qu. 19. asserere nullum alium simoniacum esse excommunicatum, praeterquam in Ordine, & Beneficio, sed mirum est, *Navarr. & Sylvo. hoc docere; nisi forte velint insinuare hanc extravagantem non esse receptam; quod credo esse verum: sunt verba Lessii dub. citato nu. 131. ubi etiam advertit, hanc censuram non habere locum in dote quae datur Monasteriis feminarum, ita enim statuit Martinus V. & insuper, quod simoniaci admissi ad Religionem, videntur iure inhabiles ad manendum in illo Monasterio, ubi sic recepti sunt: nam egent dispensatione Ordinarii, ut in eo possint permanere, ut patet ex dicta *Extravag.* Addit tamen *Lessi. nu. 232.* Secus est, si ipsi ignorantibus, simonia commissa est. *Laym. n. cit. 70. cum Suar., qui cap. 56. n. 7. fatetur in Religionibus Virorum raro hanc simoniam committi: & dictas poenas revocatas esse circa Moniales.**

222 Poenae, quas inducit simonia realis ab Ordinibus, sunt: Primo, Conferens Ordines per simoniam realem, est excommunicatus, qua excommunicatione afficiuntur Mediatores, aut praesentantes ad Ordinationem simoniacam *Extravag. 2. Cum detestabile, de Simonia*. Secundo, est suspensus à collatione cuiusvis Ordinis, etiam primae tonsurae. Tercio, est suspensus ab executione omnium munerum Pontificalium. Quarto, Interdictus est illi ingressus Ecclesiae. Quinto, si contra suspensionem, vel interdictum illud fecerit, est suspensus ab administratione suae Ecclesiae, & à perceptione fructuum omnium suorum beneficiorum. Sexto, Nemo potest illum absolvi (excepto articulo mortis) praeter Romanum Pontificem, etiam si delictum sit occultum, *Extravag. cit. Cum detestabile, de Simonia*. Vide Doctores, praecipuè *Lessi. cap. cit. 35. dub. 24. Bassium cit. Verbo Simonia 6. & Gibalinum de Simon. qu. 27.* Ubi vult, nomine Ordinum hoc in loco, intelligi etiam primam tonsuram, eo quia per eam quilibet constituitur in Ordine Clericali: an verò (addit) ea sit Ordo Sacramentalis, parum refert. Non damnat tamen contrariam opinionem *Lessii dub. cit. 24. nu. 133. & Palai disp. cit. 3. punct. 24. n. 1.* qui negant excommunicationem Papae reservatam in dicta *Extravag.* extendi ad collationem simoniacam primae tonsurae, quia haec non est verus ordo; & Constitutio illa poenalis est, & poenae debent restringi, non extendi, sicuti neq; extendi debet eadem Constitutio per eisdem *Lessi., & Pala. c. c.*

Pal. c. c., uti nec per *Gibalinum qu. c. 27. n. p.* ad Notarium, & Ministrum, ob simoniam commissam in Litteris Dimissoriis, aut testimonialibus, nam etsi concedatur ab iisdem talem simoniam committi posse, negatur tamen, ob eam, ab ipsis incurri excommunicationem latam in eadem *Extrav.*, quia in lege poenali, verba propriissime accipi debent, & dictæ Litteræ non sunt Ordines, sed facultas accipiendi Ordines, atque adeo quid prævium.

223 Qui autem Ordinem aliquem per Simoniam realem suscepit. *Primo*, Excommunicatus est ipso facto. *Secundo*, Suspendus est ab executione suorum Ordinum. *Tertio*, Si præsumpserit in illa suspensione ministrare, efficitur irregularis: & per *Constitutionem Sixti V. contra male promotos*, si sit secularis, privatur beneficiis, & ad illa, aliave in perpetuum obtinenda fit inhabilis. Si autem sit Regularis, privatur voce activa, & passiva, illiusque deinceps obtinendæ incapax redditur. *Quarto*, Suspenditur etiam à susceptione Ordinis superioris ex dicta *Sixti Constitutione*. *Quinto*, Ejus absolutio pertinet ad Summum Pontificem; similiter & dispensatio, ut patet ex eadem *Constitutione Sixtina*, quæ revocat concessionem omnes, & facultates per quas posset quis absolvi. Seposita autem *Constitutione* eadem, potest Episcopus, si casus sit occultus, & necdum ad forum externum deductus, ex *Concilio Tridentino sess. 24. cap. 6. Lessi. dub. cit. 34. nn. 136. Bassani Verbo cit. n. 1. in fine*, & alii. Sed

224 Quæres an prædicta suspensio incurrat, si Simonia commissæ fuerit ab alio tertio, infcio omnino, & ignorante ipso Ordinando. Ut si eo nesciente, Pater, aut Amicus, pro ipsius Ordinatione dederat pretium pecuniæ Episcopo, aut tertio mediatori. Respondeo negativè cum *Navarro in Man. c. 25. n. 68. Lessi. n. cit. 136. Versu Sed contrarium. Suar. de Censur. disp. 31. sect. 4. nu. 40. & de Simonia cap. 56. nu. 9. Sayr. de Censur. lib. 4. cap. 14. n. 6. Henric. lib. 13. cap. 37. n. 4. Coninch de Sacramentis disp. 15. dub. 5. nu. 37. Layman l. c. nu. 71. Versu Porro. Palao punc. cit. 24. n. 3. Gibalino cit. qu. 27. n. 3. Versu Quarto ista*, & aliis. Et ratio est clara, quia taliter ordinatus caret culpa, & ordinatio ejusdem est valida, non est ergo cur privetur usu validæ ordinationis, & plectatur propter alienam culpam: æquum enim non est (ait *Lessi. cit. n.*) nec videtur, ut cum Ordinato sit valida, nec possit ei auferri, prohibeatur ejus usu propter iniquitatem

alterius: Cur enim (sic idem) cogatur manere cæcels, ut Sacerdos, non concessio Sacerdotii usu? nihil enim commoverit cur ei hæc poena irrogetur. Adde, quod id in jure non est expressum, imo oppositum (ex quo etiam maxime confirmatur nostra responsio) nam in *Cap. De simoniaci*, expressè dicitur: *Qui ipsi ignorantibus, Simoniaci ordinantur, possunt (quia Simoniaci non sunt) in suis ordinibus remanere*. Et quamvis *Glossa*, dispensativè addat, id est, *Illi dispensativè possunt in suis Ordinibus remanere*: immeritò hoc addere, affirmant *Laiman, Palao, Gibalinus*, alique ex laudatis, eo quia, nullo Textu expressè probetur necessariam esse dispensationem, cum neque taliter ordinatus suspensionem incurrat, tum ex eodem Textu *De Simoniaci*: tum ex *Regula Generali* (inquit *Suar. n. 40. cit.*) quia, hæc suspensio est poena imposita propter culpam, & ideo cessante culpa per ignorantiam, cessat etiam poena. Argument. *Cap. Apostolice de Clerico Excommun. ministrante*, ibi: *Vos reddit ignorantia probabilis excusatos*: id est à quadam poenali irregularitate: idem ergo erit in præsentī de hac poenali suspensione. Et facit etiam *cap. Ut animarum de Constitution. in 6. & Cap. Cum cessante, de Appellat.* Item potest sumi argumentum à simili, ex *Cap. Per tuas 2. Ita Suar. cit. n. 40. Vide superius citata Privilegia 22. & 23.*

225 Scio *Felinum, Panormit.* aliosque Canonistas, quibus adhæret etiam *Avila, De Censur. par. 3. disp. 5. dub. 9.* sentire cum *Gloss. d. Cap. de Simoniaci* (consequenter contra nostram datam responsionem, & DD. in ipsa laudatos) sed male omnino sentire, ob adductas rationes affirmat *Gibalinus cit. Versu Quarto ista*: ubi tamen intendens ipse componere dissidium inter eosdem Canonistas, & supra laudatos in nostro responsio DD. scribit ut sequitur. *Ego facile compono dissidium, existimo enim antiquo jure istum Simoniaci, quamvis non sua culpa Ordinati, acceri à Sacris, non tam in poenam ipsius criminis, quam in odium Simonie: illumque fuisse antiquum rigorem Canonum, perspicue testatur Urbanus II. Epistola ad Albertum Metenserna, uti refertur p. q. 5. C. presentium. Sapienter tamen posteriores Pontifices aliquot indulerunt, ne innocens alieni criminis culpam ferre, videretur. Atque ita novissimo jure non incurritur suspensio ab iis, qui ignorantes, & siue culpa sunt ordinati simoniaci, quod rectè statuunt DD. superius laudati. Qui etiam addunt, neque incurri suspensionem ab isto Ordinato simoniaci nulla sua culpa, si deinde si-*

O
moniam

moniam commissam ratam habeat, aut pecuniam pro se solutionem restituat; quia suspensio insignitur Ordinato propter simoniam ab ipso in ordinatione commissam, non autem post illam. ita Gribalinus, ex quo, & ex quibus confirmatur valde, ut patet, subsistentia, & veritas nostri propositi privilegii.

226 Poenæ Simonizæ realis, & completæ in Beneficiis Ecclesiasticis commissæ, sunt Primò, Excommunicatio Summo Pontifici reservata, excepto mortis articulo, in quam ipso facto incurrit, qui Beneficium simoniacè confert, aut conferri procurat, eligendo, præsentando, confirmando, aut instituendo: ita in *Extravagantiæ cum detestabile, de Simonia*. Et in eandem etiam, excommunicationis poenam ipso facto pariter incurrit (ibidem) qui Beneficium simoniacè acquirit; itemque qui operam suam interponit, ut Beneficium simoniacè obtineatur. Dubium autem est, quid nomine Beneficii hoc loco intelligatur, cujus occasione hæc excommunicatio incurritur dum simonia committitur: Tenent quamplures, & classici Doctores sub nomine Beneficii intelligi debere ea solum quæ Beneficia Ecclesiastica propriè, & strictè vocantur: hujus opinionis sunt Navar. in *Man. cap. 23. sub n. 111. Versu Septimo quad. Less. cap. 35. dub. 25. n. 137. Azor. par. 3. lib. 12. cap. 20. qu. 6. ad finem. Bonac. de Simon. disp. 1. qu. 7. §. 2. propositione 1. m. 4. Pal. disp. 3. cit. puncto 25. Gribalin. de Simon. qu. 25. n. 1. ubi, hanc opinionem (ait) esse communem recentiorum sententiam. Quorum omnium una, eademque ratio est, quia si Paulus II. Summus Pontifex in cit. *Extravag. cum detestabile*, voluisset quælibet officia spiritualis regiminis complecti, clarius locutus fuisset in illa, & ideo cum in materia poenali versemur, verba non sunt interpretatione amplianda, sed potius restringenda: in materia enim poenali non valet argumentum à pari, vel à minori ad majus, sed proprietati verborum standum est. Unde secundum hanc sententiam obtinentes simoniacè Prælaturas Regulares, Abbatiam videlicet, Prioratum, Rectoratum, Guardianatum, Provenciatum, Generalatum, &c. peccant quidem mortaliter, sed non contrahunt dictam excommunicationem Summo Pontifici reservatam, ut supra.*

227. Alii tamen oppositum tenent, nedum scilicet peccare mortaliter, verum etiam excommunicationem prædictam reservatam contrahere obtinentes, acquirentesque simoniacè dictas Regulares Prælaturas, seu Regularia officia: atque adeo hu-

jus sententiæ sectatores Nomine Beneficii utrumque intelligunt, tum beneficia propriè Ecclesiastica, tum Regulares Prælaturas, seu officia Regularia: ita sentiunt Porcell. in *Dubii Regularib. Verbo Simonia n. 5. Suar. de Cens. disp. 31. sect. 4. n. 45. Sigism. à Bononia de Electione par. 2. cap. 1. dub. 55. n. 18. Reginal. in Praxi to. 2. lib. 23. cap. 12. sect. 2. n. 182. Versu Constat autem. Hieronymus Rodrig. in Compendio 99. Regular. ref. 129. De Simonia n. 5. Bassieu Verbo cit. Simonia 6. n. 2. ubi hanc (dicit) probabiliorē sententiam, à qua non recedendum. Et Diana Coordin. to. 5. tract. 7. ref. 10. ex par. 4. tract. 4. & Miscell. resol. 156. ubi etiam, & ne discidas (ait) ab hac opinione, & alios refert pro eadem, præsertim P. Peregrinum in *Commentariis Constitutionum nostrarum par. 3. cap. 1. littera F, Verbo Sexto, & Septimo*, loquentem de nostris Patribus Consultoribus, Definitoribus, Præpositis, &c. Et hujus etiam sententiæ ratio est, tum quia Summus Pontifex in citata *Extravag. cum detestabile*, videtur comprehendere quælibet Officia Ecclesiastica spirituales jurisdictionem, & administrationem habentia, dum expresse, & ad verbum loquitur de Ecclesiis, Monasteriis, Dignitatibus, & aliis Officiis Ecclesiasticis: ibi namque habetur: *Per electiones, postulaciones, confirmationes, provisiones, seu quasvis alias dispositiones, quas simoniaca contigerit labe fieri, & que viribus omnino careant in Ecclesiis, Monasteriis, dignitatibus, personatibus, officiis Ecclesiasticis, & quibuscumque Beneficiis, &c.* Ex quibus verbis tanquam certissimum (ait Sigism. à Bononia n. cit. 18. Versu Unde tanquam) inserunt Doctores *Extravagantem* extendi ad Priores, Abbates, Guardianos, Provinciales, Generales, &c. & etiam ad Definitoratum, qui etiam hic merito comprehendi debent sub nomine officiorum, seu personatorum. Tum etiam quia hoc valde consentaneum est; non enim minora absurda, atque inconvenientia sequuntur ex simoniæ labe in acquirendis Beneficiis propriè dictis, ac in aliis officiis spiritualibus, & Prælaturis Regularibus, &c. ut supra: quapropter hæc sententia à citatis Doctoribus, & aliis, tutior existimatur, ac probabilior. Eandem autem *Extravagantem*, consequenter & excommunicationem eandem, extendi pariter ad omnes cujuscumque dignitatis etiam Cardinalitiz, ac Regiz, si simoniam in Beneficio commiserint, certum est, ita enim dilucidè habent verba *Extravagantis* illius, quæ sunt: *Cujuscumque status, gradus, ordinis, conditionis, vel præminentie fuerint, etiam si**

etiamſi Cardinalatus, Patriarchali, Episcopali, Regali, Reginali, vel alia quavis Ecclesiastica, seu mundana dignitatibus præfulgeant, & eorum quælibet tam manifestum, quam occultum, &c. Nota hic cum Lessio dub. cit. 25. nu. 141. cum Gibalino quæst. cit. 25. sub nu. 1. & aliis, ad hanc censuram requiri ut simonia commissa sit: & mediatorum in simonia Beneficii (& etiam Ordinis) incurrere poenam excommunicationis ipso facto, si tamen ad executionem utrinque ventum fuerit, hoc est, si ipsi committentes eam incurrerint, id enim habent verba *Extravagantis*, ut parentes, amici, procuratores, & omnes, qui suam operam interponunt, ut Beneficium simoniacè obtineatur.

228 Nota insuper, loquendo de Beneficiis, seu Officiis Regularibus, ut supra, Simoniam non committi in eorumdem permutatione, seu conventionione, ut si quis Monachus dicat alteri v. g. elige me in Provinciale, & ego eligam te in Priorem: vel elige tu illum, & ego eligam istum, quem tu mihi mihi proponis, &c. ita sentiunt *Aragon.* 2. 2. qu. 100. art. p. *Sorus lib.* 9. de *Iust.* qu. 5. art. 2. ad 3. *Sanch.* in *Opus.* to. 1. cap. 3. dub. 44. n. 3. (ubi asserit ita sentire Doctos Recentiores.) *Victoria in Releſt.* De *Simonia* nu. 17. *Pasqualig. Decif. Morali* 224. Sed cum aliqua distinctione, & limitatione, non absolute, ut anteriores citati; qui probant suam sententiam, quia Jura prohibent tantum commutationem Beneficiorum, quod cum sit quid poenale, non debet extendi ad alia, & sic intelligendus est textus in *Cap. Quæſitum*, De *rerum permut.* Confirmant, quia Simonia est commutatio rei spiritualis pro temporali, sed in dictis Casibus, vel similibus, nil est temporale, ergo non potest esse Simonia. Imo in *Cap. Ad quæſtiones*. De *rerum permut.* habetur, per se licere commutare spirituale cum spirituali. Quod etiam tradit *Glossa ibidem*: & ego pariter idem docui in mea *Filiatione spirituali Latina* cap. p. dub. 5. à n. 49. Ex hujus autem notabilis doctrina, & relatorum Doctorum sententia, insert *P. Diana*, ea conuere, quæ tanquam certa asserit *P. Peregrinus*, citato *Verbo Sexto*, & *Septimo*: Quia in casibus, quos ipse ibi ponit, non commutatur spirituale pro temporali, sed spirituale pro spirituali: & illa Officia licet sint spiritualia, non sunt tamen Beneficia, ut supponit *Peregrinus*: Unde & *Sanch.* l. c. nu. 4. ait: Hinc excusantur à simonia Monachi convenientes inter se: Elige me in Provinciale,

& ego te eligam in Priorem, quia licet hæc Officia sint spiritualia, at non sunt Beneficia: sic docti Juniores. Hec *Sanch.* Ita *P. Diana* traſt. 7. cit. ref. 12. ex par. 4. traſt. 4. & *Miscell.* ref. 150. Quam tamen concludit sic: Sed licet hæc opinio sit probabilis, ego tamen contrarium teneo per ea, quæ dixi res: antecedenti 11. ex par. 3. traſt. 2. ref. 125. & licet hoc efficere non esset *Simoniacum*, esset tamen damnabile ex aliis rationibus.

229 Addi potest hic, quod esto etiam, id efficere *Simoniacum* esset (quod & probabile videtur ex iis quæ adducunt *Lezana* in *Summa* tom. p. cap. 15. nu. 29. *Peyrinus* de *subdito* q. p. cap. 31. §. 9. vers. dico secundo *Franciscus Maria Samuelius* de *elect.* *Canon.* catraſt. 2. disp. 2. contro. 3. *Conclus.* 2. fol. mihi 316. *Hyacinthus Donatus* in *Praxi Regulari* to. 2. par. p. traſt. p. tit. de *Nat. & Forma Elect.* *Canon.* q. 22. fol. mihi 16. alique plures apud ipsos) non tamen *Simoniaci* poenis subiectum foret: Sicuti nec iisdem poenis subiacet *Regularis* (licet *Simoniacus*) pretium conferens ut in *Prelaturam* eligatur, Quia *Prelatura Regularis* non est Beneficium Parochiale, nec tale censetur: unde conferens pretium, ut in *Prelaturam Regularem* eligatur non manet ipso facto excommunicatus; Excommunicatio enim ipso facto contrahitur solum à *Simoniaci*, in Ordine, Beneficio, & Religionis ingressu. At *Prelatura Regularis* non est propriè Beneficium: Ergo *Simoniacus* in obtentione illius non manet ipso facto excommunicatus. Consequenter sequitur. Et quamvis detur *Prelaturam Regularem* æquari in aliquibus Beneficio; quia tamen non est absolute, & propriè Beneficium, non debet extendi ea poena ipso facto contrahenda ad *Simoniacum* in ejus obtentione, cum juxta communem doctrinam, poenarum extensio non sit facienda, nec argumentum sumendum à simili, nec etiam ab excessu delicti. Poterit quidem (ut ait) huic eidem doctrinæ adherens etiam *Andreas Mendo* in *Statera Opinionum Benignarum Dissertat.* 24. à num. 310. pag. 77.) poterit quidem inquam, in ejusmodi *Simonia* ferri excommunicatio, & aliz poenæ in jure designatz ei infligi, sicut possunt ceteris *Simoniaci*. Etenim cum *Prelatura Regularis* sit res spiritualis, secum afferens spirituale jurisdictionem erga Subditos; pretium conferre pro illa obtinenda; seu eam pretio emere, & ex pacto, & conventionione eam contractui humano subicere, manifestè est *Simonia*. Et asserit hoc (ita *Mendo* l. c.) fundatur in eo; quia in

jure nulla est excommunicatio constituta ipso facto, nisi in Simoniam realem in Ordine, Beneficio, & ingressu Religionis. Thomas Sanchez to p. Confessor. Moral. libr. 2. cap. 3. dub. 44. docet, non esse Simoniam si Regulares inter se conveniant: Elige me in Provinciale, & ego te ligam in Prioratu, moceatur ex principio supra posito, quia Praelatus Regulares non sunt Beneficia, & permutatio in rebus spiritualibus non est prohibita ut Simoniacae, nisi dumtaxat in Beneficiis propria auctoritate permutandis juxta Sacram, Arragonicum, Vicleriam, Eman. Rodrig. & alius ab eodem Sanchez relatis. Unde cum bis. Auctoribus exponit Cap. Quaesitum, de Reven. permittat. in quo asseritur omnem passionem circa spiritualia, Simonie labem continere, nempe nomine spiritualium ibi intelligi Beneficia. In Jure autem non restat prohibitio alia permutations rerum spiritualium. Et ratio suadet, quia Simonia proprie in sua vera ratio consistit in emptione, aut commutatione rei spiritualis pro temporalis, non autem spiritualis pro spirituali. Quia vero Beneficia habent proventus temporales, magna esset suspicio Simoniae, & quod permittat intendere utilitatem temporalem, si propria auctoritate fieret permutatio, ideoque hac permutatio prohibita est ut Simoniacae. Haec citatus Mend.

230 Secunda poena Simonie beneficiis est irritatio, & annullatio provisionis, & collationis. Unde nullum jus per talem provisionem acquiritur, sicque recipiens Beneficium, non facit fructus suos, sed sub periculo animae tenetur restituere, ex dicta Extravag. ubi decernitur, ut Electiones, presentationes, & aliae provisiones Beneficiorum per Simoniam realem factae, sint irritae, & nullum jus tribuant, & ut propositi, fructus non faciant suos, sed sub periculo animae suae ad eorum restitutionem teneantur. Quod verum est, etiam si tu quidem Simoniam non commisisti, sed ab alio commissae est, te sciente, & non contradicente, ut in Cap. Nobis fuit 17. De Simonia, juncta Glossa, & Cap. Sicut tuus, eodem Titulo, Versu Præbere. Et tradit Covarruv. Regula Peccatum par. 2. §. 8. n. 7. Lessius dub. cit. 25. n. 337. Suar. de Simon. lib. 4. cap. 57. n. 28. non enim potes excusari, quia taceas, & non resistens, cum potest, & debet, consentire censetur. At si scripsisti, & contradixisti, valida est collatio Beneficii tibi facta, ut habetur Cap. Sicut tuus, de Simonia. Nil tamen prodest hujusmodi contradictio, si ea non obstante, ante collationem sciebas pecuniam datam fuisse, & nihilominus Beneficium acceptes; quia absolute recipis Beneficium Simoniacae datum, neque contradi-

cis. Quare efficiens inhabilis ad Beneficium, ut patet ex cap. penult. de Electione, & docet Lessius dub. 25. cit. n. 242. Ubi & ipse sic: Si ab alio te ignorante, tua causa Simonia commissae est, non incurris quidem penam excommunicationis, efficiens tamen inhabilis ad idem Beneficium, ita ut absque dispensatione non possit tibi illa vice conferri; idque in penam illorum, qui Simoniaci te promovere voluerunt, ut patet ex Cap. Nobis fuit, & Cap. Sicut tuus, juncta Glossa De Simonia. Quod si illi laborassent ignorantia inculpata, tunc neque inhabilis efficieris; quia nulla culpa commissae est, ob quam illa inhabilitas est constituta, unde possit illud Beneficium tibi secundo conferri absque ulla dispensatione. Idem videtur dicendum si contractus Simoniacus ab ipso Beneficiario per ignorantiam celebratus sit. In utroque tamen casu Beneficium resignari debet, nisi secundo conferatur; quia prior collatio irrita fuit, usque per contractum irritum facta. Ita Lessius. Vide eundem seq. n. 243. Versu Secundus est. Suar. cap. cit. 57. n. 29. & Pala. punc. cit. 25. n. 3. Cum quo Suar. n. 33. & aliis, adverto: Quod si te ignorante, neque contradicente, quia nullam suspicionem habuisti ad contradicendum, simonia commissae sit ab aliquo tertio, tunc subdistingendum est, si in odium tui simonia commissae est, ut quando commissae est à tuo inimico solum ad impediendum ne consequaris Beneficium, non teneris Beneficium resignare, quia valide tibi collatum fuit. Tunc enim ratio ipsa postulat, ut non patiat Ecclesia, innocentem pati injuste, ne deus occasio pessimis hominibus injurias inferendi innocentibus, & dignis, & impediendi promotiones aliqui rite faciendas: Imo haec eadem ratio habetur in Cap. Sicut tui litteris, de Simonia, & infirmatur expressè in Cap. Nobis fuit. Si vero in tui favorem ab amico, te ignorante commissae est simonia, teneris simul ac id sciveris relinquere, dimittereque Beneficium: & fructus extantes restituere, non eos, qui consumpti sunt, & quos bona fide possederis. Sic etiam D. Tho. 2. 2. q. 100. art. 6. ad 3. Vide citatos, praecipue Less. dub. cit. & Suar. toto cap. 57. cit.

231 Si autem queras quis possit antedictam inhabilitatem ad Beneficium obtinendum tollere? Respondent communiter DD. apud Less. dub. cit. 25. n. 140. Certum esse; si simonia publica sit, vel deducta ad externum forum, & consentiente Beneficiario commissae, inhabilitatem ex ea contractam non posse tolli per Episcopum, sed per solum Papam, ut satis colligitur ex Juribus

Juribus citatis. Si vero sit omnino occulta:

Henriq. lib. 13. Tit. de Simonia cap. 56. Less. n. cit. 140. Bassus Verbo Simonia 6. n. 2. & quidam alii apud eundem *Less. n. c.* putant tolli posse per Episcopum: tum quia nullo jure reservatur Pontifici: tum quia etiam si reservata esset, non tamen Episcopus, ut patet ex *Concil. Tridentin. sess. 24. cap. 6. ibi: Licet Episcopis in Irregularitatibus omnibus, & suspensionibus ex delicto occulto procedentibus, excepta ea, quæ oritur ex homicidio voluntario, & exceptis aliis deductis ad forum contentiosum, dispensare, & in quibuscunque casibus occultis, delinquentes quoscunque sibi subditos, in Diversi sua per se ipsos, aut Vicarium, ad id specialiter deputandum, in foro conscientie gratis absolvere, imposita penitentia salvari*: Et si inquam reservata esset, non tamen Episcopus (inquiunt citati) ex hoc loco *Tridentini*, in quo ipsismet Episcopus videtur concessa: Sub nomine enim suspensionis (sic *Less.*, & *Bass.*) vel irregularitatis, vel casus occulti, comprehenditur: Unde & *Henriq. l. cit.* sic arguit: Sicut Episcopus dispensat in irregularitate, quando est poena pro delicto occultum procedens: ita videtur dispensare posse in hac inhabilitate, etiam incurta ob Simoniam occultam, quia nullo jure exprimitur reservari Pape, sicut nec occulta excommunicatio, quem hic Simoniaci incurrit. Et idem dicendum esse, ait *Bass.*, de inhabilitate incurta propter Simoniam confidentiam si occulta fuerit. Hujusmodi autem sententia, & doctrina, etiam videatur satis probabilis (concludit *Less.*) contraria tamen, est *DD. communior*, & praxi conformior. De simonia confidentie, seu confidentiali, quoad poenas, infra:

232 Et si rursus quæras: an sicuti simonia, cæ provifus, inhabilis sit ad idem Beneficium obtinendum, ut supra, privetur etiam ipso jure Beneficii prius antea ritè ab ipso obtentus? Affirmativè sentiunt *Rebuffus De Pacifici possessionibus n. 263. & Dias Pract. Crimin. cap. 131.* (apud *Gibalin. de Simon. qu. 25. num. 3.*) assignantes privationem omnium Beneficiorum prius obtentorum pro tertia poena simoniae realis in Beneficiis commissæ. Hanc tamen poenam reiciunt, & meritò *Paronimian. Felin. Henriq. Ugo. lin. Avila, Suar., Loya., Pal., Rodrig., Bonac.,* relati à *Gibali. n. cit.* & alii plures. Quia, respectu Beneficii acquirendi est lex prohibens, & annullans actum, respectu verò Beneficiorum antea acquisitorum est lex penalis, quæ non obligat absque sententia condemnatoria. Adde, quod nullibi (etiam per citatos) est expressa

hujusmodi poena, scilicet privato (ipso jure) Beneficiorum antea ritè obtentorum.

233 Et hic obiter nota, quod licet resignatio, vel collatio Beneficii, in quo simonia realis committitur, irrita sit, & provifus fiat inhabilis ad idem Beneficium postea obtinendum, simoniacè tamen resignanti manet suum Beneficium, quia cum resignatio sit nulla, & resignans non cessat Beneficio, nisi in favorem resignatarii, illud adhuc retinet, nisi eo privetur, quod non fit ratione simoniae ante sententiam. Unde *Sd Verbo Simonia n. 7. Renunciari* (ait) *simoniacè, puniri quidem potest, & privari Beneficio, non tamen perdit ipso jure, quia renunciatio nulla est. Quod autem nullum est, nullum effectum producit. Idemque docent Navarr. in Man. cap. 23. nu. 105. Loya. cap. 8. cit., & 2. n. 77. Garzias de Benefic. par. 11. cap. 3. §. 2. n. 214. plures alios allegans: quibus addo Gibalin. qu. cit. n. 4. Versu Sequitur præterea. Nec obstat Constitutio Pii V. Quia hæc (ait *Sd*) de acquirentibus favoniacè, non de resignantibus loquitur.*

234 Insuper nota, ex ipsissimis verbis *Constitutionis ejusdem Pii V.* quæ incipit *Cum primum*, inferri quidem, & aliam poenam in eo, qui simoniacè Beneficium acquirit, inhabilitatem videlicet ad omnia alia Beneficia acquirenda: inquit enim Pontifex, *Sic ipso jure privatur, & perpetuo sit inhabilis ad ea, & quæcumque alia Beneficia Ecclesiastica obtinenda. Verum hanc Constitutionem quoad istam partem, & poenam, non fuisse usæ receptam, ante sententiam, factentur expresse Navarr. lib. 5. Consilior., Tit. de Simon., Consil. 92. Suar. de Simon. cap. 48. sub fin. Pala. punct. cit. 25. nu. 7. Loya. cap. 8. cit. §. 7. n. 74. Versu Secundum Verum. & Gibal. qu. cit. 27. n. 6.* Unde de opus erit saltem sententia declaratoria criminis, & condemnatoria: quam utique requirunt (ait *Navarr. conf. cit. n. 5.* cum approbatione *Suarezii, Loya. n. 74. & Gibalini*) illa præfatoria *Constitutionis* verba: *Quicumque detestabile crimen Simoniacæ præbati commississe convictus fuerit in consequenda Ordinibus, &c.* Verba enim illa, *Si convictus fuerit*, manifestè requirunt prævium iudicium; aliter essent frustratoria (inquit *Navarr.*) & ita ad eorum orificationem prærequiritur convictio. Et si *Navarro* obijcias; dicta verba tantum posita esse in simonia, commissæ, in consequentione Ordinis. Contra: Cum enim ibi sint tres clausule, scilicet, de Ordine, Dignitate, & Beneficio, limitatio in una posita, intelligitur posita

posita in aliis, quia clausula posita in vna parte dispositionis intelligitur extendi ad totam dispositionem, quando est eadem ratio. Vide *Suar. cap. 58. cit. ibi* concludentem sic: *Ubi clarè non constituitur Constitutionem Pii V. esse receptam in riguroso sensu, existimo posse in praxi servari tuta conscientia opinionem Navarri, & non esse necessariam dispensationem ad alia Beneficia, quando delictum non est ad forum contentiosum deductum, & in eo declaratum.*

235 Sed quid tandem de Pœnis Simonie confidentialis, seu confidentiæ; Simonia hæc damnata est à Summis Pontificibus *Pio IV. in Bulla*, quæ incipit *Romanum Pontificem*, & *Pio V. in Bulla*, quæ incipit *Intolerabilis*, & contingit, quando Beneficium Ecclesiasticum, simplex, aut Curatum, Regulare, aut Seculare alicui procuratur, eligendo, præsentando, confirmando, instituendo, resignando, cum certa confidentialia, idest, expresse, aut tacito pacto, ut is cui procuratur, elapso aliquo tempore, ipsemet Beneficium, vel fructus, in totum, vel in partem restituar, vel pensionem referret, ipsimet resignanti, cedenti, conferenti, aut confirmanti, aut alteri, ut Nepoti, Amico, Parenti, &c. juxta electionem eorumdem; de qua simonia, Doctores communiter. Pœnæ autem imposite committentibus tale crimen confidentiæ sunt: *Prima*. Excommunicatio utrique parti contrahenti Sedi Apostolicæ, & Summo Pontifici reservata: ad eam autem incurrendam opus est Simonia completa, dato videlicet, & accepto Beneficio; non tamen requiritur ut promissio fructuum, aut pensionis, aut resignacionis fuerit impleta, ex *allatis Bullis*. *Secunda*, Episcopis, & Collatoribus interdictum ab ingressu Ecclesiæ. Hi tamen non excommunicantur. *Gibalin. de Simon. qu. 26. n. 1.* *Tertia*, Resignatio, & collatio Beneficii nulla. *Quarta*, Inhabilitas ad idem, & alia Beneficia obtinenda. *Quinta*, Reservatur illud Beneficium, in quo hæc simonia commissa est Sedi Apostolicæ; ita ut Ordinarius non possit in illius provisione se intromittere. *Sexta*, Fructus male percepti, Cameræ Apostolicæ applicantur. *Septima*, Privat committentem omnibus Beneficiis, & pensionibus antea obtentis, & inhabilitatem inducit ad alia obtinenda. Hujusmodi autem pœnæ ipso facto incurruntur, ut constat ex *allatis Bullis Pii IV. & V. quarum prima Romanum*, est 109. in *Bullario*, secunda *Intolerabilis*, est 87. in *ordine*. Excipitur tamen *Primo*, Privatio Be-

neficiorum omnium, & pensionum prius obtentorum, & obtenturarum, hanc enim pœnam reus non tenetur exequi ante Judicis sententiam: *Lessi. cap. cit. 35. dub. 26. nu. 147.* Quia pœna [inquit] qua quis privatur re sua jam possessa, non debetur ante sententiam, ut docet *Glosa* communiter recepta, in *Cap. Fraternitas*, in *quest. 2. Suar. de Simon. cap. 43. n. 13. & 14. Laym. cap. cit. 8. §. 8. n. 77. Versu* Inducitur privatio. *Pal. dub. cit. 25. nu. 8. Versu* Circa *supradicta*. *Bassi. verbo cit. Simonia 6. n. 4. Versu* *Ex dictis*. *Gibalin. qu. cit. 26. n. 2. aliique*. Secundo excipitur etiam inhabilitas ad reliqua omnia Beneficia, quia & hæc pœna etiam expostulat sententiam declaratoriam criminis: licet enim verbum legis dicat, *ipso jure*, vel *ipso facto*, debet accommodari pœnæ secundum capacitatem ejus, inquit *Suar. n. 13. cit. in fine*, & juxta receptum usum, ait *Palani. vers. cit. in fin. cum Lessi*. Cæteræ pœnæ ipso facto, & eodem modo incurruntur *Suar. eodem n. 13. Qui n. 14. pro certo tenet* (quod & ego supra innui, & alii etiam docent) ad incurrendas relatas pœnas, non esse necesse Simoniam, utraque ex parte esse completam, sed eo ipso quod beneficium ab uno est datum, & ab altero receptum, incurri ab utroque prædictas pœnas, quamvis cætera pacta, & promissa non sint impleta, ad Simoniam enim confidentialem sufficit, ut beneficium sit in confidentiam acceptum, & quod sit aliquo modo realis, & inchoata quo ad executionem: ne quis putet (ait *Suar. n. 14. cit.*) per hanc Simoniam confidentialem, & purè conventionalem pœnas incurri, quod verum non est, quia nullibi declaratum est, imò in *Bulla* colligitur necessarium esse, ut Beneficium sit in confidentiam acceptum, unde oportet ut sit aliquo modo realis: & non purè conventionalis; Simonia namque purè conventionalis, & quæ licet processerit in externam pactionem, & conventionem, ex neutra tamen parte completa est, & si sit gravissimum peccatum, & punibile (ut supra) ipso jure non punitur, nullaque pœna pro simonia purè conventionali nullo pacto reali, nec completa, ipso jure imposita est, ut constat ex omnibus textibus, & Doctoribus. Unde *Pal. disp. 3. citata de Simonia punc. 22. n. 2. in principio*: sic ait: *Ex vi hujus promissionis* (hoc est conventionis) ante traditionem, &c. nec manes excommunicatus, nec suspensus, aut alia pœna irretitus ipso jure, esse gravissimè peccaveris. Ratio est, quia omnes text. de hac materia loquentes, postulant realem receptionem rei spiritualis, ut constat ex omnibus

omnibus ferè capitibus p. qu. p. Et ex Extravag. p. & 2. de Simonia : & in fine numeri, concludit : Sit ergo certum, & indubitatum, nullam penam ipso jure incurri propter Simoniam Conventionalem, etiam subsecuta traditione pretii, & ita tenent omnes Doctores, ut testatur Suar. lib. 4. de Simon., cap. 55. nu. 26. & tradit optimè Guttier. Canon. q. 9. cap. 9. à n. 8. 9. 10. & seqq. Sed

236 Quæres hic primo, An ad penas incurrendas requiratur quod Simonia sit ex utraque parte completa, & pretium vide licet esse datum, & Beneficium receptum : an verò sufficiat recipere Beneficium, vel Ordinem sub promissione pecuniæ dandæ. Ante responsionem præmitto cum Suarez cap. cit. 55. n. 17. & Pal. puncto cit. 22. n. 3. & DD. communi, quod si Beneficium recepisti, & pretium aliqua ex parte, licet non integra (quantumvis parva) solvistis, hoc sufficiens est ad penas simoniacas incurrendas, quia talis simonia completa est ex utraque parte, quamvis totum pretium solutum non sit. Si quidem ad complementum ex utraque parte Simonie punibilis, sufficit solutio cujuscumque etiam minimæ quantitatis pretii, etiam si nondum totum sit solutum. Et ratio est (inquit Suarez.) quia ad actionem perfectè Simoniacam satis est, quod pro pretio fiat, sive parvo, sive magno, quod enim res spiritualis carius, aut vilis vendatur, id non variat rationem ejus, maxime in ordine ad Ecclesiasticas penas : quando autem pretium ceptum est solvi, etiam pro minima parte, & res spiritualis est tradita, jam vendita est pro aliquo reali pretio accepto, consummata ergo est ex utraque parte Simonia, non minus quam si à principio conventum esset de sola illa minima quantitate pecuniæ, & soluta esset tanquam integrum pretium. Sicut è contra si conventio facta esset de conferendis septem Ordinibus pro centum aureis, & istis solutis inciperet fieri Ordinatio, statim in primo Ordinationis gradu consummata esset Simonia, & penæ incurfæ, non minus quam si pro solo illo primo gradu totum illud pretium solutum esset. Tota ergo difficultas quoad quæsitum propositum, versatur circa simoniam realem ex parte solius rei spiritualis, quæ tradita est, pretium autem non est solutum cum effectû, sed solum promissum. Quo præmissis, & supposito, ad hoc idem quæsitum

237 Respondent, Navar. in Manua. cap. 23. n. 104. (& apud ipsum Gomezius, & Castiodorus) Less. cap. cit. 35. dub. 27. n. 149.

(ubi etiam Covarru. in Clementinam, si filius p. p. § p. & p. 3. §. 3. n. 4. Hugolinus Tabula 4. cap. 6. alique Recentiores) Avila de Cens. par. 3. disp. 5. Dub. 9. Supposito p. & 2. Azor. par. 2. lib. 7. cap. 27. qu. 10. & 3. p. lib. 12. cap. 21. qu. 10. Versu Dicendum est. Suar. cap. 56. n. 33. & cap. 57. à n. 51 alique innumeri relati à Garzia de Benefic. p. 8. cap. p. n. 19. Quando res spiritualis est tradita, scilicet Ordo, aut Beneficium sub conditione pecuniæ solvendæ, nondum tamen per solutæ, non contrahi penas à jure inflitætas. Hujus responsionis (quæ à Pal. puncto cit. 22. n. 4. in fine, communis sententia appellatur) fundamentum esse videtur, quia & si fortè ex rigore juris viderentur hæ penæ contrahi per Simoniam conventionalem, etiam neutra ex parte completam (cum ad contractum emptionis, & venditionis, quo ad substantiam sufficiat pactum) quia consensu perficitur; juxta tamen stylum Romanæ Curie, non censentur incurfæ, nisi per Simoniam realem utrinque completam, ut testantur relati cum Navar. non obstante Bulla Pii V. hac de re edita, quæ (ait etiam Less. l. c.) non videtur recepta. Addunt, Quod penæ, maxime graves, & quæ ipso facto incurruntur, non extendendæ, sed restringendæ sunt quantum fieri potest (nisi contrarium expresse per legem significetur) & ad actum completum : lex enim puniens actum aliquem, censenda est ipsum completum punire, præcipue in casu nostro, cum Extravag. Detestabile àquè de datione, ac receptione pretii, & Beneficii loquatur: ita Less. Suar. & alii ex citatis. Ex quorum responsione, ac sententia, insurgit difficultas; quid videlicet dicendum, quando post aliquod tempus solvitur pecunia ab habente Beneficium, an ex tunc maneat ipso facto privatus Beneficio : & an irritatio retrorrahatur : & si retrorrahatur, qualis fuerit collatio toto illo tempore antecedenti. Sed super hac difficultate vide Less. l. c. n. 15. Suar. à nu. 51. cit. & Pala. puncto cit. nu. 6. & 7. Verum.

238 Et si prædicta responsio, & sententia, probabilis sit, & in praxi secuta; & pro qua Gutierrez apud Pal. n. 6. cit. & alios, testatur esse judicatum; spectato nihilominus jure, probabilius esse, ex datione, vel receptione rei spiritualis sub promissione pretii, penas inflitætas in jure incurri, assermant Vasq. in Opusculis to. 2. tract. 9. de Simon. quest. 2. Soto de Just. & Jure l. 9. qu. 8. art. p. Tolet. lib. 5. Summ. cap. 94. n. p. in fine. Garcia cap. p. cit. (aliis pluribus relatis) à n. 28.

à n. 28. & à n. 32. *Pal. l. c. n. 5.* alique, & in hanc eandem affirmativam videtur se inclinare ipsemet *Suar. cap. 56. nu. 26.* ubi pro ipsa refert *D. Tb. 2. 2. qu. 100. art. 5. & 6. in solutione argumentorum: & alios.* Et probari potest nedum variis Decisionibus Rotæ, ac Stylo Curiz recepto (apud *Garciam, & Suar.*) verum etiam, ex *Cap. Ea quæ p. q. 3.* ubi Summus Pontifex Greg. VII. sic ait: *Ea quæ à Sanctis Pontificibus de Simoniaciis statuta sunt, nos quoque, & iudicia Sancti Spiritus, & Apostolica auctoritate firmamus. Quidquid ergo vel in Sacris Ordinibus, vel in Ecclesiasticis rebus, vel data, vel promissa pecunia acquisitum est, nos irritum esse, & nullas unquam vires habere censuimus.* Igitur quando Beneficii collatio acquiritur ob pecuniæ promissionem nullas vires habet, sed irrita est omnino: similiterque si Ordo accipitur, nullas vires habebit quo ad usum: ergo iam poenæ impostæ simoniaciis incuruntur, quamvis Simonia ex utraque parte non sit completa. Quam conclusionem, & sententiam, profecto ego iam teneo (concludit *Tolet. n. cit.*) & credo verissimam esse.

239 Sed modo insurgit hio non aspernenda difficultas. Tradit quis ante receptionem Ecclesiastici Beneficii, vel Ordinis, promissum pretium, contrahit ne is Simoniacas poenas à jure ipso inflictas? Hanc eandem difficultatem proponit, optinque resolvit *Vasq. qu. 2. cit. in fine*, ut sequitur. *An sit etiam Simonia puniæ si claudicat executio ex parte spirituali, puta ille dedit ex pacto temporale (puta pecuniam) & hic accepit, sed non dedit adhuc spirituale (puta Episcopatum).* In hoc siquidem casu nulla intervenit datio, aut acceptio spiritualis, sed intentio, & pactio utriusque, executio autem saltem temporalis. Audirem libenter decisionem. Crediderim tamen ego, quod non incurrantur censuræ ex defectu executionis. Nec est eadem ratio de claudicatione ex hac parte, & ex illa, quia spirituale tenet principalem locum, & est ratio, radix totius repugnantie ad veniilitatem, & ideo poenæ illius executionem videtur attendi executio Simoniaca. Quia ergo Ecclesia presupponit Simoniacæ intentionem, & constat de pactione, & de acquisitione spiritualis: Et deficit tantum executio temporalis pro spirituali, iudicabit Ecclesia Simoniacæ esse sacris Canonibus vetitam, & punitam, & utramque partem excommunicatam.

240 Quæres secundo, An qui fidele (hoc est absq; animo se obligandi, ac solvendi) promittit dare Beneficium, & rem spirituales pro temporali, aut versa vice,

temporalem pro spirituali, contrahat Simoniacas poenas in jure institutas ut supra? Respond. Negative: Imo nec is Simoniacus est, caret enim studiose voluntate emendi, vel vendendi spirituale, siquidem deceptor est, & simulator, igitur uti talis à propria Simonia, & à poenis illius excusatur. Non excusatur tamen à peccato mortali multipliciti (ait *Vasq. qu. 2. cit.*) Primo, participationis cum Simonia mentali alterius, dando ad hoc operam efficacem. Secundo, Infamie propriæ, sufficienter siquidem iactatur se Simoniacum. Terrio, scandali, manifestè siquidem dat occasionem scandali alii. Quarto, mendacii, dum fingit quod non habet in corde, quod est secundum se pravum, nec ulla potest intentione rectè feri. Et adeo lethaliter peccaminosa est huiusmodi deceptio, ut *Gibelin. de Simon. Universa qu. p. n. 7.* concludat: *Hec fidei promissio mala est, malitia mendacii, & scandali, atque etiam, externi sacrilegii, puniriq; potest ab Ecclesia poenis iisdem, quibus vera Simonia castigatur. An vero id ita fiat disquiremus q. 22.*

241 Confirmatur primo nostra responsio autoritate ejusdem *Vasq. q. cit.* dum ibi sic: *Ubi nec emptio, nec venditio secundum veritatem est, sed secundum apparentiam tantum, si de spiritualibus agitur, aut in proposito; quoniam poenæ juris institutæ sunt contra ipsa vitia secundum veritatem, non secundum apparentiam tantum (non enim apparenter Simoniaci, sed Simoniaci suspenduntur, & excommunicantur, apparentia est conditio diminuent, sicut pictura, non enim homo fictus est homo, & ita nec apparenter Simoniacus) idcirco in hoc casu nulla incurritur censura.*

242 Confirmatur secundo, ex *Leff. de Just. lib. 2. c. 35. Tit. de Simon. dub. p. n. 11. Vers. Sequitur quinto.* Non est Simonia si quis animo non quidem verè emendi, aut solvendi; sed decipiendi dumtaxat, promittat aliquid temporale pro Beneficio, ut rectè *Cajetanus* (supra qu. 2.) *Sotus* (supra art. p.) *Idem sentit Tolet. l. 5. cap. 90.* Ratio est, quia iste non habet voluntatem verè emendi, sed mendacio decipiendi. Peccat tamen, tum quia alterum inducit ad Simoniacæ, tum quia externum opus Simoniacum facit. Potest tamen Beneficium sic obtinuit retinere, si à legitimo collatore sit collatum, ut idem *D. D. tradunt: & fatetur etiam Navarr. in Man. cap. 23. n. 106.* quamvis vellet esse Simonia conventionalis: hætenus *Leff.* Cui addo (& sub iisdem ferè verbis) *Bonacin. to. p. Tit. de Simon. disp. p. qu. p. Proposition. 2. nu. 5. & Reginald. in Praxi to. 2. lib. 23. cap. 11. num. 110.*

243 Confirmatur tertio, ex *Laym. lib. 4. tract. 10. cap. Ult. §. 6. n. 67. Versu. Corollarium 2.* Si qui fidei promittat dare rem spirituales pro temporalibus, sine animo se obligandi, ac solvendi, is conventionalem Simoniam non committit: quia non est conventio sine consensu in obligationem. Eademque ratione neque is, qui fidei promittit dare rem temporalem pro spirituali, conventionalem Simoniam committit, sicut recte docent *Cajet. & Sotus l. 1. c. c. licet contrarium sentiat Navarr. cap. 23. n. 106. Vers. Ad tertium: quem refutat Valent. to. 3. disp. 6. qu. 16. punct. 5.* Alter vero qui ita deceptus, dat rem temporalem pro promissa spirituali; vel spirituales pro promissa temporalibus, Simoniam duntaxat interiore, ac mentali delinquit: propter quam nulla poena incurritur: quamvis uterque à Iudice puniri possit, sicut docet *Suar. De Relig. l. 4. c. 42. n. 5. in fin. quem vide, in hoc enim capite agit de Simonia ficta.* Vide etiam *Valent. punct. 5. cit. Vers. Ex quo.*

244 Confirmatur quarto, ex *Gibal. de Simon. qu. p. n. 7.* Promisso vendendi spiritualibus pro temporalibus, absque animo implendi ejusmodi promissionem, promissio, & conventio ficta, atque deceptoria est, neque veram Simoniam constituit, & inter ejus species male numeratur. Ratio precipua videtur, cum enim absit intentio vendendi spirituales pro temporalibus, non est re vera illa studiosa, & deliberata voluntas, quae in ipsa definitione Simoniae requirebatur. Neque dici potest Simonia mentalis, quae in eo proposito vendendi, aut emendi spirituales pro temporalibus consistit, hoc enim proposito caret, qui non habet animum praestandi venditionem, quam fidei, ac deceptorii promittit; itaque mentalem Simoniam non incurrit: sicut neque internam barefsum, qui, exterius duntaxat illam simulat. Nec potest etiam hoc loco reperiri Simonia conventionalis, tum quia hoc mentale supponit: tum quia ubi deest animus, & consensus, nullus est contractus, sed ejus tantum simulacrum quoddam. Realis denique Simonia absit ab hac fitione, quia, realis Simonia est conventio Simoniacae executionis, & perfectio, hic autem neque impletur conventio, neque est animus eam implendi, ad eamque se obligandi. Et sane si fictio sit in utroque contrahente, statim, nisi fallor, apparet nulla ex parte veram Simoniam committi. Si vero qui promittit se daturum rem spirituales, fingat, cum re ipsa mentatur, & non intendat revera dare rem spirituales pro temporalibus, non committit Simoniam, sed fingit se committere. Alter vero qui eo mendacio deceptus promittit rem temporalem in pretium, committit quidem Simoniam mentalem, cum habeat

verum animum emendi spirituales pro temporalibus, atque ad id se obliget, quantum ad se pertinet; non tamen veram Simoniam conventionalem facit, quia conventio, & contractus, non fit sine utriusque contrahentis verò consensu, alioquin nullus est contractus, sed fictus; uti videmus in Matrimonio quod nullum est, & fictum, non verum dicitur, quoties unus fidei consentit: quia etiam si alter existimet se verò contrahere, idque ex animo velit, non tamen consentit nisi in fictum. Atque ita non contrahit verum Matrimonium, nisi quo ad effectum suum, non quo ad ipsam rem. Quae ratio eque valet, quando fictio intercedit tantum ex parte promittentis pretium temporale; nam cum ad verum contractum necessarius sit utriusque contrahentis verus se se obligandi animus, non poterit esse verus contractus Simoniacus hoc casu, sed fictus.

245 Queres tertio, quibus in casibus in raignatione Beneficii sub aliquo onere, Simoniae labes, & juris poenae, inter pacificos vitentur. Supponit hoc quaesitum, communem, certamque doctrinam, quam praecipue tradunt circa frequentia, mox citandi. Quod videlicet, si quis dat alteri Beneficium cum pensione, & facit pactum ut redimatur pensio, Simoniacus est, *Cajet. to. 1. Opuscul. tract. 31. resp. 10.* Quamvis enim postea possit redimi pensio, non tamen potest resignari Beneficium cum pacto redemptionis huius, *Tolet. lib. 5. c. 92. sub n. 1. Vers. De hoc.* Unde si quis in fraudem Simoniae unico contextu renuntiat Beneficio, reservat sibi pensionem, & extinguit eandem pro tanta summa, non solum apud Deum (qui venditionem Beneficii palliatam inspicit in corde) sed etiam in foro humani juris ab aequo Iudice damnetur, sicut in similibus damnantur contractus in fraudem usurarum: *Cajet. respons. cit. to. in fin. cui add. Lef. c. cit. 35. dub. 22. sub n. 124.* ubi sic: Notandum est, dum quis resignat Beneficium sub onere pensionis, non posse fieri pactum, ut constituta pensio redimatur, id enim continet apertam Simoniam, ut docent *Cajet. & Tolet. supra, estq; evidens ex dictis dub. 16.* istud enim opus est pretio estimabile. Pari modo Simonia est, si pensionem redimas resignando, vel conferendo Beneficium; quia datur Beneficium pro re temporali: ejusdem enim rationis est extinguere aliquod debitum, seu onus temporale, & tantumdem acquirere. Adde insuper Gigantem de Pensionibus. qu. 87. ad finem. Renunciantes Beneficia ea intentione, ut sibi reservetur pensio, demum extinguenda pro certis anticipatis pensionibus, & ita pacificos, procul dubio Simoniam committunt,

mittunt, cum dent temporale pro spirituali, ut in toto Titulo de Simonia, & propterea graviter puniendi essent, & ab omnibus accusari possunt. Cod. Si Dominus de Simonia, &c. Adde tertio. Ferdinandum à Castro Palao Operis Moralis part. 3. disp. 3. De Simonia punct. 17. n. 14. fol. 504. col. 2. Infero responsionem illius questionis, an sine manifestatione Superioris (qualis est solus Pontifex) possit resignans cum reservatione pensionis obligare resignatarium ad aliqua onera admittenda: v. g. ut fideiussorem Secularem, vel aliquam hypotheecam assignet, vel illi anticipatè solvat, times enim resignatarium futurum tardum in solvendo. Et dicendum est esse Simoniacum contractum; quia obligat resignatarium ad id quod de jure non inest, eique ex vi resignationis, onus pretio estimabile imponit: ita Lefsi. de Just. lib. 2. c. 35. dub. 15. n. 93. & Suar. to. p. de Relig. Tit. de Simonia l. 4. c. 35. n. 23. in fin. Quare resolutio ita vera est, ut etiam si Ordinarius commissionem haberet imponendi pensionem, adhuc hujusmodi contractum approbare non posset: ita Suar. supra. Unde pensio sic constituta posset non solvi, & Beneficium, tanquam vacans impetrari, ut bene dicit Lefsi. llo n. 93. Verum, si post constitutam pensionem obligaretur Resignatarius ad hec onera, dicendum est Simoniam non committi, neque in foro exteriori debere præsumi: sed potius præsumi debere libere se obligasse. Ita tradit Flaminius Parisius de Resignatione Beneficiorum lib. 14. q. 7. à nu. 53. cum communi sententia hæcenus Palao: quem pariter refert nodum, verum etiam ejusdem, atque communem doctrinam, ac sententiam admittit, & sequitur P. Diana to. 5. Coord. tr. 7. ref. 29. n. p. ex pars. 10. tract. 14. & Miscell. 4. ref. pr. ubi præterea in princip. num. subscribit Joannes Voigers, ibique testatur de communi. Vide Suar. n. 23. cit. & 24. quibus suppositis, ad quæsitum.

246 Respondeo, Vitatur labe Simonie, vitantur, & Juris pœnæ in resignatione Beneficii sub aliquo onere inter paciscentes, si isti referant omnia ad consensum Pontificis, & postea in petitione, omnia integrè narrent: nam contractus hic inter eos necessarius est (inquit etiam Suar. n. 24. cit.) & relatus ad consensus Papæ nihil per eos fit, sed proponitur auctoritate Papæ faciendum. Talis ergo modus renunciationis cum conditione pensionis honestus est, licitèque fit in manibus Pontificis, quod docent omnes apud, & cum ipso Suar. l. c. n. 24. & patet per Felinum, &c. & Theologos in 4. dist. 25. qui omnes asserunt vitari in hoc, & similibus casibus la-

bem Simonie, consequenter juris pœnas, si omnia referant (ut supra) ad consensum Pontificis, & in petitione integrè, & fideliter narrent omnia. Ratio autem, cur id per Papam fieri possit, clara est, ac facilis (inquit Suar.) nam potest etiam pensionem imponere sub titulo spirituali, sicque commutatio tota fiet inter spiritualia, & potest Papa auctoritate sua, tale onus imponere Beneficio, priusquam illud conferat, & illud sic oneratum conferre personæ, in cujus favorem facta est renunciatio, vel cui voluerit, si renunciatio simpliciter facta sit. Neque in hoc (concludit Suar.) occurrit nova difficultas, solum est cavendum, ne privatum adiciantur onera, que non sunt inclusa in Pensione, nec approbantur à Pontifice, ut si ex pacto antecedente obligetur ei, qui accepturus est Beneficium, ad dandam cautionem laicam de Pensione solvenda, vel ad dandam aliquam anticipatam solutionem: Hæc enim, & similia sunt pacta prohibita, & ad minus indicant Simoniam contra jus humanum, nisi Papa illa approbet, & existimo, non posse approbari ab alio: hæc Suar. nu. cit. 24. quæ optimè probant nostram datam responsionem, & ex quibus inferitur Pacta inita ante resignationem, nec Summo Pontifici fideliter, & integrè in Pensione, & Petitione exposta, simoniaca esse, & pœnis juris subiecta, secus verò, si ex aliquo intervallo, & post constitutam pensionem inita, ex sententia, communi, & expressè ex Parisol. c. ubi ad hanc rem proponit ipse sequentem casum.

247 Casus est, an si N. qui habebat Beneficium ex resignatione Tituli, cum reservatione Pensionis annua in favorem dilecti Tituli, resignans obliget ex intervallo bona sua ad solvendum Pensionem, vel dat fideiussorem, vel securitatem banchariam, committat Simoniam? Communis opinio est negativa, & ita fuit resolutum in una Prænestin. Pensionum, &c. idque justificatur, tum quia obligatio fit ex intervallo, ex quo satis excluditur Simonia juxta ea, quæ scribit Bellam. &c. tum etiam quia hujusmodi obligatio fit ad faciliorem solutionem Pensionis imposita in Casu resignationis, unde excluditur omnis Simonia committenda, & præsumptio, namque ubi alia interpretatio capi potest tunc excluditur delictum l. merito §. pro Soc. & semper capiendi est interpretatio, ut delictum excludatur, &c. Hucusque Parisius, quem secutus est Palao num. 14. cit. idem omnino cum eodem concludens, ut supra Versu, Verum, si post constitutam Pensionem, qui tamen nu. seq. 15. cum eodem Flaminiò qu. 7. nu. p. Lefsi. sup. nu. 94. Suar. & aliis,

& aliis, tenet resignantem Beneficium, & petentem à resignatario solutionem expensarum, quas in ejus acquisitione fecit, Simoniam committere: quod colligitur ex *C. super hoc, de renunc. & C. cum pridem, de pactis*. Et ratio est, quia sic petit onus, quod de jure non inest resignationi, resignatio enim secum non affert dictas expensas, quæ factæ fuere ante resignationem in acquisitione Beneficii. Ergo Beneficium dari nequit cum tali onere, &c. quod advertit etiam *Diana ref. cit. coordin. 29. in fine*.

248 Claudio tamen Privilegium cum *Suar. de Relig. to. p. lib. 4. cap. 49. à nu. 5. & Pal. disp. 3. cit. punct. 5. n. 1*. Advertendo cum ipsis, per legem Ecclesiæ, & Canonicam, certò prohiberi posse nedum onerosam, sed etiam gratuitam largitionem, & receptionem ratione spiritualis Beneficii, aut Ministerii, seu intuitu illius factam (ob reverentiam videlicet rerum spiritualium, & ne videantur commutari, & donis temporalibus obtineri) qua prohibitionem posita, donatio ipsa erit contra Religionem, atque addeò Simoniam, etiamsi dans quantum in se est, revera non intendat, nisi ex liberalitate, vel gratitudine donare. Quamvis enim gratuita donatio, ut sic, non sit onerosus contractus, nec permutatio unius rei pro alia, tamen quando res non donatur, nisi aliqua recipiatur, ita, ut ex modo, & decalatione donationis constet, aut saltem verisimiliter appareat talem donationem non fieri sine respectu, & ordine ad aliam, licet tunc forte re ipsa, & coram Deo hujusmodi donatio sit gratuita, nihilominus apud homines habet quamdam umbram, & suspensionem permutationis, propter quam meritò lex Ecclesiastica potest ob reverentiam rerum sacrarum, & ad vitandum Simonie periculum, illam dationem ut Simoniacam, contra Religionem, atque rei sacræ iniuriosam prohibere: ita *Suar. cit. n. 5. & in n. 6. seq. sic concludens, et optime: Licet ergo illa actio non sit vera venditio, potest esse vera Simonia, quia satis est, quod sit apparenti venditio, seu præsumpta; aut suspecta venditio, rei spiritualis, & quod eo titulo sit lege prohibita*.

249 Videndum tamen est (addit *Pal. n. p. cit.*) an Ecclesia hanc prohibitionem fecerit, & illius transgressionem Simonie penis subiecerit? Circa, quod, & si sufficienter quidem affirmativam partem suadeant jura diversa, videlicet *cap. 1. De simon. quod prohibet donari aliquid pro ordinatione ab eo, qui ordinatur. Concil. Trident. sess. 21. cap. p. de Reformat. ubi gratuitam pa-*

riter donationem prohibet per hæc verba: *Quoniam ab Ecclesiastico Ordine omnis Avaritia suspicio abesse debet, nihil pro collatione, quorumcumque Ordinum, etiam Clericali Titulatura, nec pro Litteris dimissoriis, aut Testimonialibus nec pro Sigillo, nec alia quacunque causa etiam spontè oblatum, Episcopi, & alii Ordinum Collatores, aut eorum Ministri quovis prætextu accipiant: Idem Concilium Tridentinum sess. 24. cap. 18. de Reformat. Ubi prohibentur Examinatores Synodales occasione Examinis in Beneficiis facti, quidquam ante, vel post recipere, alioquin simonie vitium dicuntur incurrisse, tam ipsi Examinatores Synodales, quam dantes; à qua simonia absoluti nequeunt (scilicet dantes) nisi dimissis Beneficiis; que quomodocumque antea obtinebant, & ad alia imposterum inhabiles reddantur. Et si inquam hujusmodi jura (omissis aliis, quæ adduci possent, relatis à *Suar. & Pal. supra*) satis superque prohibere videantur gratuitam, & spontaneam donationem, siquidem (ut constat) sunt per verba ita absoluta, ut idem *Suar. cap. cit. 49. n. 7. in fine* concludat, *Verisimile esse etiam spontaneas oblationes, seu donationes ex vi juris esse prohibitæ, ut simoniacas, & eisdem penis juris subiectas, juxta Cap. Placuit, ut de 22. p. qu. 1. Quia nihilominus, & ipsemet *Suar. non affirmat absolute per legem Canonicam, & à jure, ipso, prohibitam esse uti Simoniacam gratuitam donationem, dum tantum asserit, hoc verisimile esse; & etiam *Pal. punct. cit. iidem, & aliis recitatis juribus: ipsis non obstantibus, & re bene inspecta non invenire [ait n. 6.] donationem aliquam gratuitam esse prohibitam intuitu Religionis, & tamquam Simoniacam, tam ex parte recipientis, quam conferentis. Idcirco dico ego absolute, nemini hodie in dubium amplius verti posse, an Ecclesia gratuitam prædictam donationem prohibuerit, & Simonie penis subiecerit. Eandem enim prohibuit expresse Sanctissimus Dominus Noster Innocentius Vndecimus dum sequentem damnavit Propositionem (quæ est XLV. inter damnatas à Sanctitate sua) Dare Temporale pro spirituali non est simonia, quando Temporale non datur tamquam pretium, sed daturat tamquam motivum conferendi, vel efficiendi spirituale, vel etiam, quando Temporale sit solum gratuita compensatio pro spirituali, aut è contra. Et hujusmodi prohibitio stricta est sub Præcepto, & Excommunicatione lata, Summo Pontifici pro tempore existenti reservata. Unde hodie recitata opinio doctissimi P. Palai, & aliorum ante, & post ipsum, Classicorum Doctorum asserentium non esse pro-****

se prohibitam tamquam Simoniacam violen-
tius legis Ecclesiasticae, gratuitam largi-
tionem rei temporalis pro spirituali, est
omnino falsa. Imo à certitudine tenendum
est, ipsam hodie omni probabilitate care-
re, & ab omni disputatione tam publica,
quàm privata, nisi eandem impugnando
exulandam esse. Qua de re, Vide *Petrum
de Murga tom. 2. Operum Canonico-Moralium
qu. 4. 5. & 6.*

PRIVILEGIUM XXIII.

*Quaedam Abbatisa, quae Virum intra Clau-
suram absque necessitate, sed bona fide,
ac ignoranter admisit, per D.D. ex-
cusatur à peccato, & Censuris,
atque à pena privationis
Officii liberatur.*

250 **M**ulier valdè ignorans est, atq;
ad id illius ignorantiae magis
deferre oportet. Hinc *Portel. To. p. Respon.
Moralium par. p. Casu 27. n. 2.* optime ait,
*Feminam, & Rusticum habere quasi privile-
gium Ignorantiae.* Refert igitur *Portel. Casu
cit. 27.* Quod in quodam Monialium Con-
ventu fuit antiqua consuetudo, ut in Sabba-
to Sancto Oeconomus, seu Procurator
Conventus, Clausuram ingrederetur pro
facienda quadam distributione inter Monia-
les, quae, attento Bullarum Summorum
Pontificum rigore, & aliarum Monialium
consuetudine, existimata non fuit causa
necessaria, neque sufficiens ad ingressum
Clausurae. Id fecit bona fide Abbatisa,
& propter consuetudinem. Accusata ta-
men fuit, quod in excommunicationem
inciderit, ac officii privationem. Et quaesitum,
an fuerit privanda Officio? Cui
quaesito, & casui respondet *Portel.* Si fecit
bona fide, & cum ignorantia hac Abba-
tissa, non credens se peccasse, nec ullam
poenam incurrere, nec esse, vel fuisse pri-
vandam Officio, eo quia Bullarum Papa-
lium non incurritur poenas. Ratio est in-
quit (quam & ego toties trado, cum com-
muni D.D.) quia quando lex imponit pe-
nam illis, qui secus facere praesumunt, in
tali casu, ille, qui violat legem cum igno-
rantia, non putans quod peccet, non in-
currit poenam legis illius, ut est commu-
nis opinio, maxime *Navarri lib. 5. Consilior.
Tit. de sent. Excomm. Consil. 54. n. 4. Sanchez
lib. 9. de Matrim. disp. 32. nu. 38.* ubi alios
citatur. At constat, quod *Bulle Pii V. &
Gregor. XIII.* quae puniunt Abbatissas Ex-
communicatione, & privatione Officiorum,
ponunt haec verba: *Si secus facere presum-*

perint: Igitur cum haec Abbatisa igno-
rante fecerit, seu bona fide, ut dicitur,
nec proinde praesumpserit, sequitur prae-
dictas poenas evasisse. Nam praesumptio sup-
ponit scientiam, & malitiam per citatos
D.D. & communiter.

251 *Confirmat Portel.* exemplo sibi fide-
liter narrato, quod accidit Conimbricæ in
quodam Conventu Virorum: in quo quid-
dam Praelatus non idiota, sed bene doctus,
instruit quendam Processionem insolitam
per claustrum, ut possent certae feminæ
ornatum Claustrum videre: accusatus de trans-
gressione claustrum Bullurum, dixit se
non incurrisse, quia praedictam Processio-
nem instituerat bona fide, credens sibi li-
cere, neque putans se per dictam Processio-
nem Bullas violasse. Consulti sunt me-
liores tunc Doctores Juris Canonici pro-
fessores, qui dixerunt non incurrisse, si bo-
na fide illum scisisset constaret, sicut consti-
tit per juramentum eidem Praelato exhibi-
tum. Hoc autem à fortiori servandum est
eum Abbatisa, quæ cum Mulier sit, ma-
gis ignorans est, atque adeo magis etiam
illius ignorantiae deferendum: Sicuti in alio
casu tenet *Riccius par. 4. Suarum Decisionum
Collect. 1082.* ubi ait, quod licet juxta leges
communes, is qui semel aliquem acce-
ptavit in Judicem, non possit illum am-
plius recusare, dicit tamen ab hac lege ex-
cipi Feminam, & Rusticum, qui possunt
illum postea recusare: *Habent enim quasi
privilegium ignorantiae.* Haec *Portel.* quem vi-
de loco citato. At de hac particulari, Prae-
lato, processionem instituentis, ut Mulie-
res ingredi possint Monasterium respecta
illius, iterum *Privil. 25. seq.*

PRIVILEGIUM XXIV.

*Lex invincibiliter ignorata à toto populo, vel à
majori parte, nesciente promulgationem
eius, ignorataque tempore ad pres-
criptionem sufficienti, cessat
tandem obligare.*

252 **L**oquitur privilegium tum de le-
ge Imperatoria, aut quorum-
libet aliorum Civilium Principum, tum
de lege Pontificia, & Ecclesiastica, & ex-
pressè admittitur, & sustinetur à *Navar.
To. p. Consilior. lib. p. Tit. De Constitutionib.
consil. p. n. 27. Azor. 10. 1. lib. 5. cap. 4. qu. p.
Reynal. in praxi 10. p. lib. 13. nu. 164. qu. 5.
Salas de Legib. disp. 13. sec. 2. n. 11. Filline
10. 2. tract. 21. cap. 11. qu. 11. Versu Dico se-
cundò n. 429. à Cuchier de Jurisdic. Ordina-
rii in*

vñ in *Exemptos par. 1. qu. 50. n. 14. Bonac. de Legib. disp. 1. qu. p. punc. 4. n. 28. Merolla 10. 2. disp. 4. de legib. dub. 19. difficult. 6. in fine, & ab aliis. Probatur autem. Tum quia ratio ob quam lex non servata definit obligare, non est scientia, & voluntas quasi formalis, non observandi legem, sed est consuetudo ipsa populi, & quasi prescriptio quædam: Tum quia iustior est causa, transgredientium legem ignoranter, quam scienter: cum isti sint minus digni gratia, & indulgentia: ergo si isti enervant legem, etiam illi. Tum quia, ideo lex non recepta non ligat, quia non est firmata usu, ut patet ex l. de quibus ff. de legib. sed si ve violetur scienter, si ve ignoranter, non est firmata usu: Ergo. Tum etiam quia (ut optimè etiam *Reginal. l. c. & alii*) Jura, ex quibus habetur legem enervari per illum non receptionem à subditis, seu non usum, generaliter loquuntur nulla facta distinctione de non receptione, seu non usu scienter, vel ignoranter; & ubi jus non distinguit, nec nos distinguere debemus.*

253 Quoniam verò secundum aliquos ad Imperator & legis valorem, & aliorum Civilium Principum tantum, desideratur assensus populi, & subditorum; non verò ad Pontificiæ legis valorem, eo quia populus ipse transtulit potestatem suam in Principem, & ideo Princeps non obligat sibi populum, nisi ex tacito ipsius populi consensu. At Romanus Pontifex, potestatem suam proximè, & immediatè accepit à Christo Domino, & proinde suis legibus Christianum populum adstringit absque ullo ipsius populi tacito consensu, sed sola Christi Domini auctoritate accepta (ut patet ex verbis ejus *Matth. 16. Tibi dabo Claves Regni Cælorum: Quodcumque ligaveris super terram, &c. & Joann. 22. Pæce oves meas, &c.* Quæ sunt dicta Petro sine ulla conditione, aut relatione ad populum, vel Ecclesiam, & per Petrum successoribus ejus, quibus eadem data potestas.) Cæterique Ecclesiarum Præfules, suis statutis subditos sibi commissos alligant Romani Pontificis auctoritate: Videtur sequi ex hac differentia, Privilegium nostrum esse limitatum, restrictumque solum ad leges Legislatorum Civilium, nec extendi ad Pontificias, Ecclesiasticas, atque Canonicas leges, quia istæ non dependent (sicut illæ) à receptione, & usu subditorum, & populi, atque adeo ipsas, ablata ignorantia, manere in eo statu, in quo essent si tunc primo editæ fuissent. Hoc tamen non

obstante, nego sequelam. Et nego etiam (cum *Hemrico Zoesio in lib. p. Decretal. Tit. 2. de Constitutionib. n. 46. Ludovico Engel in lib. p. Decretalium Titul. eodem. §. 4. nu. 68. Vers. Verum ratio, & alius*) ad legis civilis valorem desiderari assensum populi. Magis enim rationi consentaneum est, quod populus in omnibus iustis præceptis, & legibus, obedientiam Legislatori præstet, tam in foro interno, quam externo, nec in populi potestate sit legem acceptare, vel reiicere: quia non videtur ad vim legis necessarium, ut usu recipiatur: Nam populus non habet auctoritatem condendi leges, quando est Principi subiectus, in quem suam, quam habebat, transtulerit potestatem: Unde quando Princeps ad populum legem aliquam fert, cum sibi eo ipso abstringit, & obligat, & proinde peccat populus ea lege non utens. Et Princeps promulgata semel lege, justè potest populum adstringere ad legis observantiam, & jure etiam, ac justè eos punire qui legem perfringunt. Igitur populus lege non utens delinquit; alioquin ex utraque parte, tum populi videlicet, tum Principis, justum bellum esset, quod fieri nequit. Si enim Princeps legem jure constituit, promulgat, & compellit ad ejusdem legis observantiam, punisque delinquentes, sequitur ut populus jus non habeat faciendi contra legem. Sed

254 Dices in *Cap. In istis dist. 4. (Gratianus ait) Leges instituuntur, cum promulgantur; firmantur, cum moribus utentium comprobantur* Item in l. de quibus 32. ff. de Legibus, ait IC. Nulla alia ex causa nos tenent ipse leges, quam quod iudicio populi acceptæ sunt. Ergo, &c. Respondeo, hæc non obitare: Nam in primis quoad illum textum in dicto §. *Leges*, qui est *Gratiani*, hujus authoritas non est decisiva, ut inquit etiam D.D. præcipuè *Engel nu. cit. 28. Versu Non obstant.* Addens ibi, Explicari posse de confirmatione legum extrinsecæ, & accidentali; non intrinsecæ, & substantiali, quatenus videlicet, leges moribus utentium receptæ, suam perfectionem, & vigorem consecutæ sunt; non verò quod ante hanc receptionem (& usum) vim propriam obligandi ex se non haberint. Alter vero textus in l. de quibus 32. ff. de lege: procedit de illa antiquo tempore [inquit idem *Engel Versu cit.*] quando potestas leges ferendi, & magna pars Imperii fuit pænes populum Romanum: postea verò, quando populus lege Regiæ potestatem suam in Principem transtulit juxta l. p.

ta l. p. ff. de Constit. nulla fuit relicta auctoritas populo legem ferendi, aut approbandi. Maxime in causis Ecclesiasticis, & spiritualibus, in quibus dicta lex 32. ullum locum habet; quia in istis (ut supra dictum est) potestas ferendi legem data est immediatè à Christo ipsi Petro, ac Apostolis, eorumque successoribus, & nunquam fuit penes populum. Ex quo ortum habet præfata differentia inter leges, à Principe, & Legislatore civili promulgatas, & Pontificias, Ecclesiasticasque, ac spirituales leges. Quæ tamen differentia nil facit ad rem nostram, seu privilegium nostrum: dato enim (& etiam concessio) legem usu præscripto non receptam vi sua carere, quamvis sit auctoritate Legislatoris constituta, & legitime promulgata, ut vult communis Canonici, & Civilis Juris interpretum opinio, apud Azor. l. c. & testantur Abbas, & Felinus cap. 1. p. de Tregua, & pace, nihilominus (ut habet etiam idem Azor. l. c. Versu Ad obiectiones) id non asserunt ex eo quod populus habeat iura tollendi leges à Principe sancitas, sed quia leges cum instituuntur, & promulgantur, ea conditione condantur, ut omnes teneant, si usu recipiantur; si minus, neminem ligent. Et hæc communis opinio (ait Azor. l. c. Versu Nihilominus communis, in fine) locum habet siue lex recepta non sit ab iis, qui sciunt eam esse latam, & promulgatam, siue ab iis, qui id ignorant, ut in proposito privilegio, ut probant D.D. citati in principio, & alii.

PRIVILEGIUM XXV.

Femina virorum Religiosorum Monasterium ingrediens absque prætextu privilegiorum, ex curiositate illud videndi, si absint scandalum, violentia, & iniuria Monasterio illata, excusatur à peccato mortali, & ab incurfione Censuræ Pape reservatæ, dummodo huiusmodi ingressus sit cum bona fide, & ignorantia.

255 **D**E facto quædam femina, absque prætextu privilegiorum, ingressa fuit quoddam Monasterium Virorum Religiosorum ex curiositate illud videndi, absque tamen malo fine, sed, bona fide, & ignoranter. Factum refert Antonius à Spiritu Sancto Consult. 69. à quo etiam quaesitum fuit, an dicta peccaverit mortaliter, & incurreret aliquam Censuram, idest, Excommunicationem, quam, Ex motu proprio Pii V. (qui incipit, Decretum

manum Pontificem, quem edidit anno 1570. die 16. Julii. Pontificatus Anno V. & ad verbum refert Confessum in Privilegiis Ordinum Mendicantium inter literas Apostolicas fol. mibi 179. & de quo Sanch. Operis Moral. to. 2. libro 6. cap. 16. n. 79. Suar. de Relig. to. 4. lib. p. cap. 7. n. 9. prope finem, Verbo Nihilominus. Vulpe in Præxi fori Ecclesiastici cap. 4. Bonac. de Claus. qu. 5. n. 1. Pal. Oper. Moral. par. 3. Tit. de Voto Religiosæ Obedientia disp. 4. punct. 8. n. 10. Gibalinus de Claus. Religiosor. Disquis. 2. cap. 3. §. 2. n. 5. in fine. Del Bene de Immun. Eccles. par. 3. cap. 19. dub. 76. n. 10. alique innumeri) quam inquam excommunicationem [ipso facto] contrahunt utiq; Mulieres (etiam sine prætextu facultatum) ingredientes Monasteria Religiosorum Virorum (uti & ipsi Religiosi illas admittentes) & ita, ut amplius nequeat dubitari hunc ingressum sub excommunicationis Censura, omnibus feminis fuisse prohibitum, ut fatentur Suar. l. c. Gibali. l. c. & alii, & ut constat ex allato motu Pii V. Decretum Romanum Pontificem, in quo explicans alium suum priorem motum, seu Constitutionem Apostolicam, quæ incipit Regularium personarum, editam sub die 24. Octobris anno 1566. Pontificatus Anno I: sic ait: Apostolica Auctoritate tenore presentium dicimus, & declaramus fuisse, & esse mentem, & intentionem nostram, quod dictæ litteræ non solum comprehendentes, & comprehendant Mulieres habentes, & prætendentes, facultatem, & indulta ingrediendi Monasteria, sed etiam omnes, & quascunque Mulieres alias, tam in genere, quam in specie: Ejusdem tenoris extat Declaratio Sacræ Congregationis apud Quarantum Verbo Monasteria, & Conventus, post initium, §. Nos Alexander. Dicta tamen ultima verba: Omnes, & quascunque Mulieres tam in genere, quam in specie, non sunt positæ (ut præter alios affirmat etiam Bonac. punct. 2. cit. sub n. 5. Versu Respondo illa) ad includendas Imperatrices, & Reginas, ac ipsarum filias, quæ speciali nota dignæ sunt, sed ad comprehendendas omnes, & quascunque alias feminas, tam prætendentes se facultatem habere ingrediendi Monasteria Virorum Religiosorum, quam non prætendentes. His igitur omnibus prohibitus fuit præfatus ingressus sub lethali, & excommunicationis censura. A quibus tamen, si quæ fuerint bona fide transgressæ (ut illa, de qua loquitur Antonius à Spiritu Sancto) absque scandalo, &c. & per ignorantiam, ab utroque excusari dicit Privilegium nostrum, quod

256 Probatur, Nam vel ignorantia, Mulieris ingredientis, est inculpabilis, & invincibilis, ingressusque ipse in Monasterium absque scandalo, violentia, &c. & sic verum utique (apud omnes) privilegium quoad utramque excusationem, à peccato videlicet, & à censura (hinc optimè Sorbo in Compendio Privilegior. Medicant. Verbo ingredi Monasteria Fratrum, vel Monialium in Annotat. Motus Gregor. XIII. fol. mibi 362. n. 3. sic: Advertendum nullas mulieres hanc excommunicationem incurrere, nisi postquam hujus prohibitionis notitiam habuerint: si enim ignorarent, non incurrerent: Cum nullus majorem excommunicationem incurrat, nisi contumax fuerit & mortaliter peccaverit. Et Navarr. Comment. 4. De Regularib. nu. 62. Versu Quinto Nota: Ubi pariter ait: Credendum esse Mulieres non incidisse in has penas, quæ ignorantibus hanc prohibitionem sunt illam transgressæ: Quia Ignorantia Juris humani excusat à peccato saltem mortaliter &c. Et idem docet Vulpes cap. cit. 4. n. 9. Vel ignorantia Mulieris Monasterium ingrediētis, non est inculpabilis, sed culpabilis, & crassa, hujus prohibitionis, & hæc pariter excusat saltem (si non à peccato) à censura ipsa (ut in privilegio) nisi aded crassa sit ignorantia ut reputetur temeritas ingens. Et hæc secunda privilegii pars, probatur auctoritate simul, & ratione, ut sequitur. Nam Sanb. cap. cit. 16. nu. 82. Nec in has penas motus proprii incurrunt ingredientēs ex ignorantia quantumcumque culpabili, & crassa hujus decreti imponentis has penas, nisi aded crassa sit, ut reputetur temeritas ingens. Ducor ex verbis ejus Motus proprii, ibi; Ne ipsarum licentiarum prætextu, Monasteria hujusmodi quovis modo ingredi audeant. At verbum [audere] temeritatem petit, aded ut sola ignorantia tam crassa, ut possit dici ingens temeritas, sufficiat, ut dicatur audacia ad penas audentibus statutas contrabendas, ut probavi lib. 9. de Matrimon. disp. 32. n. 37. juncto nu. 36. & 39. Bonac. qu. cit. 5. Puncto 3. Propositi. p. in fine. Fæmine ingredientēs &c. à prefata excommunicatione excusantur non solum ob bonam fidem, verum etiam ob ignorantiam vincibilem, crassam, supinam, & affectatam; quia ad incurrendam istam excommunicationem requiritur audacia, secus si adsit scientia, vel ingens temeritas, quæ scientie comparatur, & sepe conjuncta est cum ignorantia affectata, ut docet de Censuris in communis, & alibi. Gibalin. l. c. §. 4. n. 24. Versu. Nam cum. Cum præsumptionem requirat Pontifex, excusabit non modo, incogitantia, & ignorantia probabilis,

sed etiam culpabilis, & crassa, modo non sit ingens temeritas. Palao nu. 10. cit. Explicari debent penas statutas in dicta Constitutione. Pii V. tam adversus Mulieres Monasteria Virorum ingredientēs extra Casus permisso, quam adversus eas introducentes, & admittentes, & qualiter incurrantur. Ad eas incurrandas præsumptione opus est, quod satis indicat verbum Audeat, quo utitur Pontifex in ferenda pena excommunicationis (sibi reseruat) & verbum Presumant, appositum in ferenda privationis officiorum, & suspensionis à divinis, pena. Unde qualibet ignorantia etiam crassa, modo affectata non sit, ab eis incurrendis excusat, ut sanè probavi Tract. 2. disp. 1. punct. 18. & tradit in præfati Sanb. lib. 6. sum. c. 16. nu. 96. & 97. & c. 17. nu. 36. P. Delbene nu. 10. cit. Mulieres ingredientēs Monasteria. Virorum sine prætextu facultatum, contrabunt excommunicationem ex vi talis declarationis Pii V. excusantur tamen ab illa contrabenda, non solum si ingredientur bona fide, sed etiam si ingredientur culpabiliter cum ignorantia crassa, & supina, quin. & forsan etiam affectata; quia ad istam excommunicationem contrabendam, ex dictis Motibus, requiritur præsumptio, & audacia, & sic scientia legis, atque aded saltem virtualis contemptus legis. Idem. ferè habet Dubitat. 78. n. 31. Dubitat. 79. n. 2. Bassaus Verbo Clausura n. 15. ubi sic: Fæmine ingredientēs Monasteria Virorum, incurrunt excommunicationem Pape reservatam, quamvis aliquando excusari possint non solum ob bonam fidem, verum etiam ob ignorantiam vincibilem, crassam, supinam, & affectatam, quia ad incurrendam hanc excommunicationem, requiritur audacia, scientia, vel ingens temeritas, quæ scientie comparetur, ut docent Bonacina, &c. Et in confirmationem omnium hucusque recitatorum, vide quæ dico in hujusce cap. 4. Privil. 10. ubi, Quod Ignorantia etiam crassa, & supina, excusant à Censura lata sub his verbis (si quis præsumserit: Vel si quis ausus fuerit: Vel ausu temerario fecerit.) Ex quibus.

257 Infertur primo, Optimè DD. (quos refert Antonius à Spiritu Sancto Consulto cit. 69. nu. 2.) asserere fæminas intrantes Religiosorum Clausuram (etiam absque prætextu licentiarum) sed temerè, & cum præsumptione, etiam si ingressus fuerit ex curiositate, absque intentione mali finis, peccare mortaliter, & incurrere excommunicationem Summo Pontifici reservatam: Doctores sunt Sanb. Gibalin. Comitol. Pellegzar. Palao, Henricq., Tamburin., Andreas Mendo in Statuta Opinionum Dissert. 13. qu. 13. nu. 170. aliique plures; Addentes tamen

tamen (ut videre est apud ipsos) huiusmodi feminas intrantes Clausuram Religiosorum sine prætextu privilegiorum, excusari ab hac censura, si bona fides, vel ignorantia, etiam vincibilis, crassa, & supina eas comitetur: nam cum in dictis Motibus peratur præsumptio in intrante Clausuram, quælibet ex prædictis ignorantis excusat ab incurfu Censuræ. Ita cum aliis *Mendo l. c. nu. 173.* (relatus à *Spiritu Sancto*) & ego. Addi etiam possunt *Salmanticensis* liberantes pariter à Censura ingredientibus Monasteria Monialium, nescientes tamen id prohibitum sub Censura, quod docent *Ta. 2. sui Cursus Theologie Moralis tract. 10. c. 1. punc. 15. nu. 193. pag. mibi 335. & tom. 4. tr. 18. de Privilegiis c. 3. punc. 6. §. 2. in quo per totum quaeritur. An ignorantia excuset à reservatione incurrenda?* & resolutio est affirmativa (etiam loquendo de reservatione medicinali) quæ confirmare videtur nostram doctrinam traditam in antecod. huius Cap. Privil. 13. esse videlicet probabilē: Ignorantiam invincibilem Censuræ, quæ annexa est casui Episcopali, etiam impedire reservationem.

258 Inferitur secundo, item optimè *P. Pasqualigum q. Moral. Juridica 270. n. 5.* asserere, ac sustinere, poenas *Constit. Pii V.* contra ingredientes, & admittentes Mulieres intra Clausuram Monasterii Virorum Religiosorum, locum habere quo ad omnes Mulieres. Non autem solum quo ad eas quæ prætextu licentiarum, Clausuram Monasteriorum ingrediuntur, aut earundem prætextu introducuntur, ut videntur sentire *Sayrus de Censuris l. 3. c. 31. nu. 11.* (ubi etiam *Cosmus Philarcus l. 3. de Offic. Sacerdotum c. 30. casu 31.*) *Rodrig. 10. 1. q. q. Regul. q. 48. ar. 2.* (retractans in fine quod dixerat in *Explic. Bullæ Pii V.*) *Portel. in dubiis Regul. Verbo Clausura Monachorum n. 1.* (dicens utramque opinionem esse probabilem) sed quod negativa (quam absolute tenet *Pasqualig.*), est securior *Suar. de Conf. disp. 22. sec. 6. n. 11.* Verum quod dicit hoc loco *Suar. retractat to. 4. de Relig. l. p. e. 7. n. 9. in fine:* sub his verbis *Motum proprium Pii V. ad Verbum refert Confessum in Privilegiis Ordinum Mendicantium inter literas Apostolicas fol. 179.* Quapropter nullus iam superest dubitandi locus, poenas priarum Constitutionum per hanc ultimam ad omnes feminas, Virorum Monasteria ingredientes, & ad Religiosas illas ingredi permittentes, fuisse extensas.) *Layman l. 4. tr. 5. c. 12. nu. 4.* (ubi eadem repetit quæ dicunt *Rodrig. & Suar.*) *Delbene dubit. cit. 76. n. 5.* ubi pariter approbare

videtur quæ docent eisdem *Rodrig. & Suar. licet n. 10.* & ipse asserat, quod probabilior est opposita (& nostra sententia) concedens poenas extendi ad omnes Mulieres. (*Antonius à Spiritu Sancto Confulto cit. 69. n. 7.*) ubi & si asserit sententiam asserentem Mulieres intrantes Clausuram Virorum sine prætextu privilegiorum, si excludatur circumstantia pravi finis, scandali, violentiæ, vel injuriæ Monasterio illatæ, nec peccare mortaliter, nec incurrere excommunicationem Papæ reservatam, non carere sua probabilitate; dicit tamen, quod contraria (hodie communis) semper est consulenda. Et idem docet in *Directorio Regularium p. 2. tr. 3. disp. 6. sec. 5. §. 4. Vers. Dico 2. à n. 646.* Ubi sic: *Licet satis probabile sit Mulieres ingredientibus absque prætextu licentiarum non incurrere prædictas poenas motu Pii V. nec eas introducentes. Probabilis tamen est comprehendere omnes Mulieres, etiam licentias non prætendentes, ita namq; Pius V. declaravit suam mentem: ita communiter Doctores apud Delbene supra n. 10.* Ipse autem Mulieres excusantur ab excommunicatione, si bona fide, vel ignorantia, etiam crassa, & supina, quin & forsitan affectata ingredientur, quia in *Motu Pii V. ad hanc excommunicationem incurrandam requiritur, & audacia, & sic scientia legis, atque saltem virtualis contemptus. Ita Bonac., Delbene, &c.* Probant ex professo dictum *Motum Pii V.* habere locum quo ad omnes Mulieres, etiam licentias non prætendentes *P. Pasqualig. qu. cit. 170. & Donatus Rerum Regular. tom. 1. par. 2. tit. de Violata Clausura Monasterii q. 3.* probant autem auctoritate Doctorum, ratione. Stylo, & Praxi Sacre Penitentiarie, Observantia ipsa, quæ declarant Constitutionem, &c. Videantur. Huius rei, ac privilegii occasione.

259 Quæritur primo, An mulieres Religiosorum Virorum Clausuram ingredientes, in casu quo nescant, quod nullus Religiosus ibi existat, graviter peccent, & contrahant excommunicationem? Et ratio quaeriti est, quia in tali casu cessat prohibitionis ratio, & finis cum nullus Religiosus ibi illarum ingressum perturbari queat, vel incitari ad peccandum, quia tunc temporis nullus adest, ergo cessat etiam prohibitio, *Cap. Cum cessante, de appellatione.* Resp. graviter peccare, & excommunicationem contrahere. Quia adhuc verè faciunt contra legem, & prohibitionem ipsismet factam, ne intrent Clausuram Virorum Religiosorum. Per accidens autem est, quod finis dictæ prohibitionis

tionis tunc temporis cesset (nimirum, quod ex huiusmodi ingressu, nulla subit occasio delinquendi) nam lex respicit id quod est per se, non autem quod est per accidens, & de raro contingit l. nam ad eam, ff. de Reg. Juris. Nec dicas, quod cessante causa, & sine prohibitionis, cessat prohibitio ipsa: Cap. Cum cessante, ut supra, quia id procedit, quando causa cessat per se: secus si ex aliquo accidenti: ut si Religiosi omnes egrediantur de Monasterio ratione alicujus Solemnis Processionis, vel alterius negotii gravis. Ita etiam Bonac. qu. cit. 5. punc. 2. num. 7. Delbene cap. cit. 19. dubio 73. nu. 5. Donatus l. c. qu. 17. & alii. Quamvis Antonius à Spiritu Sancto in Direct. l. c. nu. 682. dicat, probabile esse Mulieres ingredientibus Virorum Monasteria, in casu quo nullus Religiosus ibi existeret, excusari à peccato, nec incurrere excommunicationis poenam, cum cesset in hoc casu per accidens finis legis prohibentis, & cessante, sine legis in aliquo casu per accidens, probabile est cessare legem. Pro confirmatione autem huius sententiae, posset allegari doctrina P. Diano to. 6. Coord. tract. 1. ref. 70. & 71. Ex par. 1. tract. 10. ref. 28. & ex par. 5. tract. 14. & Miscell. 2. ref. 96. quod videlicet quando cessat finis adaequatus, & totalis legis in aliquo casu particulari, cesset obligatio legis, & lex ipsa, sique excusari etiam Mulieres in proposito casu ingredientibus, tum à peccato, tum ab excommunicatione: quod, fortè non esse omnino improbabile dictum, affirmat Pellegzar. in Man. Regul. to. 1. tract. 5. cap. 6. sec. 2. qu. 22. nu. 64. querens obiter nu. seq. 65. An eo ipso quod Regulares desinant habitare in aliquo Monasterio, cesset obligatio Clausurae. Et consequenter loquendo: Respondet, si desinant habitare in perpetuum, animo illud non amplius inhabitandi: secus verò si solum ad tempus, exempli gratia tempore pestis, aut belli. Ratio est, quia in priori casu cessat omnino (ut constet) finis Clausurae, cessante autem fine legis, cessat lex: in posteriori vero casu non cessat finis legis, nisi per accidens, sique procedit praecedens tradita doctrina. Contra quam tamen sentire videretur absolute: Peyrin. in Commentariis Regule Minorum cap. 5. §. 23. quaest. Unica, n. 8. pag. 483. ibi enim sic. Querens an Mulieres intrantes Monasteria Fratrum, quando omnes Fratres sunt ad Processiones v. g. ita ut nullus omnino in Conventu reperitur, incurant poenas contra intrantes Monasteria Virorum? Resp. Quod sicut quando fabricatur

Monasterium, seu etiam ipso fabricato, antequam in ipso habitent Religiosi, possunt Mulieres ea intrare ad videndum ex sola curiositate; & sicut si deferatur Monasterium à Fratribus, possunt Mulieres illud intrare, imo in eo habitare, ut videmus in multis; ita potest dici quod si malitia absit, tempore, quo Fratres, à Conventu absunt, possint Mulieres ex sola curiositate illud intrare; est enim tunc desertus Conventus pro illo tempore; quae derelictio, licet temporalis, non differt à perpetua, nam magis, & minus non variant speciem. Deinde prohibitio intrandi dicta Monasteria non est facta pro Monasteriis, ut sic, sed solum quia in eis habitant Religiosi, ergo si in eis desint pro aliquo tempore Religiosi habitare, pro eo tempore dicta prohibitio cessat, nam prohibitum ad tempus, videtur esse perpetuum post tempus l. Si unus §. 1. ff. de pactis, l. Epistola §. Fin. ff. eodem l. Pater filium §. fundum ff. de legib. 3. Titiaque de retract. Convent. §. 1. gloss. 2. n. 46. Barbof. in Axiom. Jur. Axiom. 191. n. 6.

260 Querens secundo, An prohibitio ingrediendi Clausuram Religiosorum afficiat omnes foeminas cujuscumque aetatis, etiam puellas, quamvis nondum habuerint usum rationis; & etiam Mulieres fatuas? Respondet prohibitionem non afficere Puellas carentes usu rationis, tum quia haec non sunt doli capaces, ob carentiam usus rationis, perinde nequeunt peccare mortaliter, quod est fundamentum excommunicationis: tum etiam quia Motus Pii V. loquitur de Mulieribus, qui cum sit poena, autem non appellatur Mulieres, nisi quando Matrimonio sunt aptae, quod regulariter contingit post decimum earundem aetatis annum: nisi malitia suppleat. Unde Pium V. nomine Mulierum, in dicto motu prohibitive intelligere solum foeminas aetatis aptae ad usum rationis, sentiunt communiter DD. Navar. in Commentario 4. de Regularib. n. 59. Sorbo Capucinus in Comp. Privileg. Mendicant. Verbo Ingredi Monasteria in Annotat. Motus Pii V. & Gregor. XIII. Versu 2. Advertendum. Joann. Crux de statu Religioso lib. p. cap. 5. Conclus. 2. n. 2. in fine. Bonac. punc. cit. 2. nu. 2. Sanch. in Decal. lib. 6. cap. 17. n. 3. Lezana to. 1. cap. 10. nu. 10. Delbene cap. cit. 19. dub. 73. nu. 2. Antonius à Spiritu S. in Direct. Regular. p. 2. tract. 3. disp. 6. sec. 5. §. 4. n. 656. Donatus tract. cit. 4. qu. 7. quod nu. 2. ampliat ad Moniales, respectu Puerorum intrantium Clausuram ipsarum (quia utrobique est eadem ratio) cum Rodriq. to. 1. qq. Regul. q. 46. art. 1. ubi. An omnes prohibentur ingredi in Monasteria

Monasteria Monialium? Respondet, limirandum esse ne procedat in infantibus; adhuc discretionem carentibus, argumento, aliquorum Jurium (quod, & nos docuimus supra Privilegio 17. hujus capituli.) Quia hujusmodi infantes non peccant ingredienti, cum neque ad peccandum incitare possint, atque adeo nec ullam incurrunt censuram. Quare Moniales eos admittentes, cum neminem ingredi prohibitu admittant, non peccant. Ingredi autem prohibentur omnes cujuscunque fuerint ætatis, habentes scilicet usum rationis, & discretionem, que ad peccatum incitare possunt. Et cum Sanch. cap. cit. 17. n. 4. quibus adde Navarr. nu. 59. cit. & Sorbum cit. Vers. 2. Advertendum.

261 Afficit tamen, atque comprehendit quascunque feminas, cujuscunque ætatis aptæ ad rationis usum, etiam mente captas, & fatuas mulieres puberes (que est secunda pars questiti) etiam si istæ, defectu usus rationis excusentur à peccato, & à censuris. Licet enim istæ fatuæ defectu rationis nequeant peccare mortaliter, attamen aptæ sunt excitare ad peccandum, loqui scurrilia, quietem perturbare, & hujus generis similia. Quapropter & si ingredientes ex defectu rationis à peccato sint immunes, non sic admittentes. *Rodrig. art. 1. cit. Navarr. nu. cit. Sanch. nu. 4. cit. Bonac. n. 2. cit. Delbene n. 2. cit. Pellizzar. sec. cit. 2. qu. 9. n. 37. in fin. Donatus tract. cit. 4. qu. 8.* Addens hoc idem intelligi debere, etiam respectu Masculorum, si ingradientur septa Monialium; hinc introductores, & permittentes ingredi feminas puberes fatuas septa Virorum, vel hujus generis Masculos Clausuram Monialium peccare mortaliter, & incurrere in penas præscriptas (nisi utrumque excuset ignorantia) quod & alii docuere ante ipsum, præsertim Sanch. n. 4. cit. ubi expressè sic: *Discendum est idem propter de ingressu puerorum, & puellarum in Monasteria Monialium, ac de puellis, ac feminis hic (in Monasteria Virorum.) Quia eadem videtur ratio. Nec obstat Pium V. nomine Mulierum usum esse, quia, nequa illa nomine, feminas quascunque comprehendere voluit ætatis aptæ ad rationis usum, etiam fatuas puberes, que ad peccandum incitare possunt.*

262 Adverte tamen hic, cum Suar. de Relig. 10. 4. lib. 1. cap. 10. n. 5. Palao par. 3. Tit. de Voto Religiose Obedient. dis. 4. punct. 10. §. 1. n. 3. quos etiam refert, & sequitur Gibalinus de Clausura disq. 1. cap. 4. §. 2. Confessorio 5. Vers. Dicendum igitur: hanc esse differentiam inter infantes pueros, puellave nondum rationis usum habentes, &

adultos fatuos, stolidosque vel adultas item amentes, ac perpetuò stolidas: quod nondum rationis usum habentes, ulla lege per se obligantur; quia per se incapaces sunt legis, ac præcepti: At amentes adulti, vel adultæ, per se loquendo, capaces sunt legis, & præcepti, quod autem in tali ætate per se sufficiente ad usum rationis habeant impedimentum ejus, per accidens est; unde per se re vera obligantur, licet per accidens ab observatione propter impotentiam excusentur: aliud enim est non obligari, aliud excusari, ut alibi sæpius dictum est, & commune suppositum est apud Doctores in materia de legibus. Cadit igitur lex, & præceptum Ecclesiasticum etiam in amentem, fatuum, ac stolidum, ab ejus tamen violatione excusat illum mentis impotentia. Ideoque si talis persona admittatur, vel introducatur in Monasterium, licet ipsa non peccet, peccant aliæ admittentes, vel introducentes: quia ille ingressus, est contra legem, & præceptum, qui & si non sit liber amentis homini, aliis est liber, & idè non excusantur, licet ille excusetur, quia actioni contra legem, & præceptum liberè cooperantur. Res exemplo fit clarior, si homo dormiens, vel ebrius introducatur intra septa Monialium: vel item sæmina dormiens, vel ebria in Clausuram Virorum, ac talis homo, aut talis sæmina peccabit, ob solam carentiam culpe, & per solam excusationem, & non quia non sit materia præcepti; quæ tamen excusatio in aliis introducentibus, vel admittentibus locum non habet. Sic etiam, qui facit ut alius comedat carnes, & cibos vetitos die prohibito, aut se inebriet, re vera peccat, quamvis qui ita comedit, aut se inebriat propter ignorantiam, aut oblivionem, aliamve ejusmodi causam excusetur: quia est voluntaria causa actus materialiter mali, & prohibiti. Quod maximè verum est, quando actus prohibitus habet eadem omnino incommoda (ut in casu nostro) quando est tantum materialiter malus; quia fit inculpabiliter à primaria ejus causa, atque quando fit culpabiliter, & est etiam formaliter malus, ita Suar., l. c. & ex ipso Gibalinus vers. cit. Addens hoc idem fortasse insinuare voluisse Nav. quando dixit: *Finem legis prohibentis ingressum istum adultis, manere in amentibus, quamvis ipsi non peccent ingrediendo.* Et sanè, Si Moniales inducerent ebrium, & dormientem (inquit Gibalin.) peccarent, non alia de causa, quam quia præceptum prohibens ingressum obligat ebrios, & dormien-

rmientes, quomodo in eo statu ab ea obligatione excusentur.

263 Si autem quæras, quando præsumi possit puellas ad usum rationis pervenisse, & ut non possint amplius admitti intra Clausuram Religiosorum? Sorbus versu supra cit. 2. Adversendum. Rodrig., & alii, dicunt, non præsumi, nisi post sex ætatis annos, ita ut sint majores sex annis. Corduba in summa qu. 60. post septem annos. Llamas in Meribodo, in Appendice §. 8. post octavum annum. Verum, cum usus rationis interdum contingat ante septennium, & interdum post, nec in hoc dari possit certa regula, sentio cum Pellizz. qu. cit. 9. n. 38. & Doctoribus ab eo citatis Rodrig. Navar., Zerola, Henriq., Sanch., prudentis viri judicio standum esse, ut statuat, an puella polleat usu rationis, & ligetur prohibitione non intrandi Religiosorum. Monasteria, nec posse consequenter amplius in eo admitti. In dubio autem an puellæ usum rationis habeant, nec ne, Sanch. lib. p. de Matrimon. disp. 16. n. 10. & 11. & in Decal. lib. 6. cap. 16. n. 7. sic distingendum esse ait: Si septennes sint, comprehenduntur hac prohibitione, secus si nondum septennes. Ducor, quod cum usus rationis communiter septennio completo accedat, is in dubio ante eam ætatem non præsumitur, secus post: loquitur Sanch. hic de Pueris, quod ad eorum ingressum in Monasteria Monialium; numero vero antecedenti Sexto idem asserere videtur de Puellis, quod ad eorum ingressum in Monasteria Virorum Religiosorum.

264 Quæres tertio, An Mulierum ingressus in Clausuram Virorum Religiosorum, ut excommunicationem contrahat, debeat esse perfectus ingressus? Respondeo affirmative. Hinc Mulieres ingredientes Monasteria Virorum, & loca in quibus servatur Clausura, ut ob id peccent mortaliter, & excommunicationem contrahant, nedum (ex dictis) scire debent prohibitionem, & hujusmodi pœnam, temereque, & cum præsumptione ingredi: verum etiam requiritur ut earumdem ingressus sit perfectus: Mulier enim, quæ ingressum incipit per unum, vel alterum passum intra Clausuram, non dicitur perfecte ingressa, si statim retrocedat sine mora, & festinanter: Excommunicatio namque est pœna gravissima, supponens peccatum mortale, verisimile autem non est, Summum Pontificem velle Mulierem ita ingredientem peccare mortaliter, & incurere tam gravissimam pœnam pro tam levi transgressione, sic enim pœna non com-

mensuraretur culpæ. Ita etiam expressè Bordon. ref. 76. n. 19. & 67. ubi (loquens de Clausura Monialium, quæ perpetua est, magisque arcta, & rigorosa, ut constat, quam Virorum Religiosorum per omnes, & ex facto ipso) ait: quod modica egressio excusatur à pœnis, propter rationes adductas sub cit. n. 19. in quo de Clausura Virorum violata. Et ita etiam Grassius de Casib. Ref. lib. p. Tit. de Violatione Clausuræ Monialium cap. 6. n. 45. dum ibi sic: Non incurrit in Censuram, qui Clausuram transgrediuntur ad modicum: puta ad duos pedes, vel paulo plus, & postea retrogrediuntur, quia modicum regulariter, excusatur à mortali. Cap. Unum §. Crimini d. 25. &c. Idemque habet par. p. Decisionum Aurear. lib. 4. cap. 23. nu. 15. Et huic sententiæ videntur favere illi qui concedunt dari parvitatem materiæ in ingressu, vel egressu Clausuræ Monialium, & etiam in ingressu feminarum intra Clausuram Religiosorum: sunt autem. Sanch. in Decal. 10. 2. lib. 6. cap. 15. n. 69. Ubi: Exigitur ad incurrendas has pœnas egressum non esse ita levem, ut solam venialem culpam constituat. Quod ex se manifestum est, cum nec excommunicatio pro sola veniali culpa ferri possit, & alie tam graves pœnæ iniuste essent; utpote quæ gravitati delicti valde dispares, si pro sola veniali culpa incurrentur. Quando autem sit venialis culpa ratione parvitatis materiæ, dicimus Cap. sequent. &c. Pellizz. de Monialib. cap. 5. sec. 2. §. 35. n. 71. in fine: ibi. Hic videtur intervenire parvitas materiæ excusant à peccato mortali: Diana 10. 5. Coord. tract. p. resol. 83. num. 5. Ex par. 11. tract. 8. & Miscell. 8. ref. 25. Dethene cap. cit. 19. dub. 53. n. 3. Idem Sanch. lib. cit. 6. cap. 16. n. 70. dum ibi etiam sic asserit: Insuper transgredientes Clausuram modico ingressu, excusant à culpa lethali, & à Censuris in transgressores latas, quia modicum ab his excusare solet; sic Grass. pr. par. Decis. lib. 4. c. 23. nu. 15. Quod quidem verissimum est. Atque eadem ratione idem dicendum de modico Sanctimonialis egressu ex Clausura; hoc autem modicum existimas Grassius, quando duos solos pedes esset extra portam Clausuram; atque idem diceret de ingressu. P. Diana To. 7. Coord. tract. pr. ref. 339. Ex par. 5. tr. 5. ref. 22. in qua inquirens: An in ingressu, vel egressu Clausuræ Monialium detur parvitas materiæ: Et idem sit de feminis ingredientibus Clausuram Religiosorum? Resolvit ut sequitur: Respondeo affirmative, & ita docet Naldus in Summa Verbo Clausura, n. 1. ubi sic ait. Non omnis habitatio Regularium constituit Clausuram, aut Monasterium, ut patet in Infirmary, aut in locis, in quibus

Hospitii, vel negotiorum causa degunt aliquot Regulares, vel etiam in Monasteriis adhuc in feri existentibus, & propterea nec ibi erit violatio Clausurae. In minimo autem violata Clausura excusatur à mortali, puta ingressus ad duos pedes, & statim egrediens, non violaret illam. Verum

265 Hoc in totum non admittunt alii, affirmantes, quod quando utroque pede, toto corpore ingressus est, etiam si ad unum, vel duos tantum palmos januam introjerit, Clausuram perfectè violavit, cum sit completa transgressionis ratio; secus si uno tantum pede sit ingressus. Et idem dicunt de egressu, quando scilicet duos solos pedes esset intra portam Clausurae ingressus, vel ex ea egressus, quia hic perfectus est ingressus, vel egressus consummatus, sufficiens ad culpam lethalem, & Censuras incurrendas. Clausura enim certis terminis definitur, hos autem tam excedit qui longè à Monasterio recedit, quam qui ad duos pedes tantum egreditur, ita videntur sentire *Sanch. n. cit. 70. in fin. Comitoh. lib. 6. Resp. Morali. cap. 3. Bonac. de Claus. q. 1. punct. 4. n. 2. Portel. Verbo Clausura. Monial. n. 24. Diana to. 7. Coord. tr. 1. ref. 338. & 339. Ex par. 3. tract. 2. ref. 52. & Ex par. 3. tr. 5. ref. 22. Delbene de Immunit. par. 2. cap. 29. dub. 53. nu. 6. alique. At insurgit Bordon. nu. cit. 69. atque, quod licet suos limites determinatos habeat Clausura, non tamen valeat inferre egressionem contiguam limitibus factam (idem est de ingressu intra Clausuram) cum subita reversione intra Clausuram, non posse dici modicam, & consequenter excusare à poenis, quia modicitas egressionis (& ingressus) non tam desumitur à recessu ab illis terminis, quam à brevissimo itinere, & spatio temporis interposito, cum egressionis (& ingressus) Motus successivus secundum Philosophos mensurandus sit per spatium, & tempus, quæ duo sicut sunt brevissima in hoc casu, ita & egressionem (& ingressum) specificant in genere modicitatis. Præterea tempore modico durans, dicitur non fuisse, *Cap. Nam, & ego 3. de Verb. signif. ibi Glof. fin.* alia adducens jura: Ergo ita egrediens (vel ingrediens) non reputatur egrediens, vel ingrediens. Tandem egressio Monialis à Monasterio æquiparatur fugæ, sed illa non censetur fuga, qui fugiens, unum, vel alterum gradum adiecit, *l. qui fu fugitivus 17. ff. de edil. edic.* Et qui in fuga est, videtur esse in loco, à quo recessit, *l. Huiusmodi 86. §. Legatum est, ff. de legat. p. l. Serr. 80. ff. de**

*legat. 3. Ergo Monialis sic egrediens quasi in fuga, violatione Clausurae non peccat mortaliter, neque proinde incurrit poenas, &c. ita Bordon. n. cit. 69. A cuius & supra relatorum Doctorum sententia non videtur dissentire Merolla to. pr. disp. pr. cap. 2. difficul. 7. n. 502. fol. mibi 81. dum ibi sic: Ego probabiliorẽ existimo sententiam Grassi, & Naldi, dici modicum, quando per duos solos pedes, quis esset intra portam Clausuram, quia licet ille sit verus, ac perfectus ingressus, tamen est in parva materia. Sicut quomvis furtum unius argenti sit verum, ac perfectum furtum, non tamen sufficiens est ad peccatum mortale, & incurrendas Censuras latus contra furantes. Hoc tamen limitarem, ut intelligatur, quando, cum eo modico ingressu, conjungeretur parvitas mora intra Monasterium, secus verò si mora esset diuturna, seu notabilis. Et hoc quod dicimus de violentibus Clausuram Monialium modico ingressu, dicendum est de feminis ingredientibus Clausuram Religiosorum, quando ingressus est modicus modo explicato, & de Monialibus violentibus Clausuram modico egressu; quia militat eadem ratio. Vide *Dianam ref. cit. 339. in fine, & to. 5. Coord. tr. pr. ref. 83. à nu. 5. Ex par. 11. tr. 8. & Miscell. 8. ref. 25.**

266 Quæres quarto, Quid intelligatur nomine Monasterii, in quod feminis ingressus interdicitur? Respondeo, Ea intelligi, quæ intra septa sunt Monasterii, ita DD. communiter. Quia ea propriè sunt Monasterium, vel partes illius. Et nomine quoque Monasteriorum, intelligunt Pontifices propria tantum, & vera Monasteria: *Navarr. Comm. 4. de Regularib. n. 62. Vers. In qua. Sanch. in Opere Morali to. 2. lib. 6. cap. 17. num. 12. Bonac. de Clausura qu. 5. punct. p. nu. p. Lexana to. p. cap. 10. n. 11. Gibalin. de Clausura Dissquis. 2. cap. 5. §. 2. n. 7. alique plures, unanimiter inferentes, & communiter, Prædia, Domos Rusticas, Hortos Monasteriorum, & alia loca à Monasterio separata non subiciunt Clausurae, atque adeo fas esse feminis ingredi, quia dicta non veniunt nomine Monasterii, nec intra Monasterii ambitum continentur. Secus verò Horti, vel Viridaria, quæ in ipsius Monasterii esse solent, quomvis habeant Januam, per quam, absque Claustorum ingressu, in illa intrari possit. Quia ista revera sunt partes Monasterii, & communiter sic habetur in praxi: *Sanch. cap. cit. 17. n. 15. Lexana n. 11. cit. Bonac. punct. cit. p. n. 6. & communiter DD. Sacritiæ ad quas non patet aditus nisi per Claustrum Monasterii subiiciuntur Clausurae,**

Clausuræ, consequenter licitum non est feminis illas ingredi, ut communiter fatentur DD. apud, & cum Bonac. punct. cit. n. 4. Sectus verò si non sit aditus ad eas per Clausura Monasterii, sed per Ecclesiam: idem Bonac. nu. cit. (Alserens n. 3. & optimè, neq; Chorum Ecclesiæ Religiosorum esse obnoxium Clausuræ, quia est pars Ecclesiæ, nec intra septa Monasterii continetur. Et hoc verum esse etiam si Religiosi soleant ibi se induere, & præparare ad celebrandum, cum militet eadem ratio.) Leza. nu. 11. cit. & communis, adeò ut Donatus to. p. tract. 4. tit. de Violata Claus. Monaster. qu. 12. n. p. fateatur: Hoc esse sine controversia, cum Sacristia, Ecclesiæ conjuncta, non sit interior Officina Conventus, sed Ecclesiæ. Excipe tamen ab hac communi affirmativa, Carthusianorum Sacristias, & Ecclesias, isti enim ex peculiari Constitutione sui Ordinis, neque intra suas Ecclesias admittunt feminas, adeoque solent etiam habere Januam Ecclesiæ intra muros Monasterii; quam exceptionem recenset inter alios Pellizzar. in Man. Regular. to. 1. tract. 5. cap. 6. sec. 2. qu. 3. nu. 27. In Monasteriis nondum fabricatis, sed tantum fabri cari inceptis, in quibus non est communitas Religiosorum, sed tantum aliquis, vel aliqui eorum pro fabrica, non est interdictus sceminarum ingressus, quia illa revera non sunt Monasteria nisi in fieri, consequenter nondum Clausuræ subiecta, Verbo in Compend. Privilegior. Mendicant. Verbo Ingressi Monasteria Fratrum, vel Monialium, in Annotat. Bull. Gregor. XIII. fol. 365. Vers. Et advertendum, ubi refert, quod Sacra Congregatio, Anno Domini 1684. teste Eminentiss. Cardinali Alexandrino Cribello, declaravit ut sequitur, videlicet: In Monasteriis, seu Locis, quæ sunt in fieri, vel in quæ dum fabricantur, adhuc Conventus ad ibi morandum non fuerit introductus, sed solum ibi aliqui habitaverint Fratres, pro fabricæ potius servitio, quam aliter, Clausuram nullam esse talem, ut si Mulieres intrarent, penas propterea in supra dicto Motu proprio contentas incurrant. Idemque debere dici, ait, de Domibus, seu Infirmeriis in Civitate positis, cum nec Ecclesiæ, nec Conventum habeant. Secus de Prioratibus (addit Sanch. cap. cit. 17. n. 21. ex Llamas in Summa Ecclesiastica, in Appendice, quam ponit in fine §. 12. Versu Circa quam primo advertimus: & cum ipsis Leza. n. 11. c. in fine) quos habent aliquæ Religionis Monachales, quia tales Monasteria sunt, & Clausuram habent. Hanc eandem Declarationem habes etiam apud Quarantam

in Bullario, Verbo Monasteria, & Conventus Regularium Virorum fol. mibi 405. Vers. Adde Navarro, in fine. De qua pariter Sanch. cap. c. 17. n. 19. Leza. n. 11. c. in fine. Donatus l. c. qu. 18. Qui antecedenti qu. 15. Inquirens, an Atrium Collegii Scholarum Societatis Jesu, & consilium comprehendatur sub Clausura? Respondet negativè: quia tale Atrium non fuit à Prælati designatum pro Clausura: & præterea quia, Clausura incipit à Porta, in qua sedes est Janitoris, ad Clausuram servandam, quod non potest dici de Atrii Scholarum, tam Societatis Jesu, quam aliarum Religionum, atque adeò possunt Mulieres in talia loca intrare absque metu Bullæ. Neque obstat, quod habeant Portas, quibus claudantur, quia hæ Portæ patent omnibus quotidie, ut constet, nec possunt suere pro Clausura, sed pro custodia bonorum, ut etiam Portæ Ecclesiarum. Verum quidem est (ut advertit etiam Sanch. to. 2. Summe lib. 6. cap. 17. n. 18. & cum ipso idem Donatus qu. cit. 15. in fine.) in præxi nunquam Mulieres ingredi, vel ingressas fuisse Atrium Scholarum Societatis Jesu, nec aliorum Regularium, quia licet rigorosè loquendo non sit Clausura, destinatum tamen est pro ornamento Clausuræ, unde propter Decentiam, non licet ibi Mulieres introire, ubi tantum homines, & Regulares praticare solent. Et ita notat Pellizzar. in Man. to. p. tract. 5. cap. 6. sec. 2. qu. 8. Versu Resp. quod. nu. 36. cum aliis Viris Doctoribus. Ubi etiam addit, sibi constare in aliquibus Collegiis Provinciales declarasse, Atrium Scholarum Societatis comprehendendi sub Clausura, adeoque nullo modo permittendum feminas in illud ingredi, cum antea solerent ingredi ad invilendas Congregationes ibi positas, quod maxime decebat.

267 Quæres quinto cum Donato l. c. qu. 14. Utrum Mulieres Bajulantes onera, etiam ex consuetudine loci, possint introire Virorum Monasteria, cum licentia tamen Superioris Monasterii. Affirmativè apud eundem Donatum in princip. quest. respondet Remigius Sersa Dominicanus in suis Moral. q. 5. in Addit. n. 4. dummodo accedat dicta Superioris licentia, nec reperitur alius Bajulus, qui possit onera illa introducere. Probat, quia sicut Episcopus, vel Religiosis Superior respectivè, dant licentiam Viris, ut ingrediantur Monialium Monasterium, ad illuc deferendum onera, &c. juxta dispositionem Trident. sess. 25. de Regularib. cap. 3. ubi: Ingressi autem

Marchese & Riccardi

autem intra septa Monasterii nemini liceat, cuiusvisque generis, aut conditionis, sexus, vel ætatis fuerit, sine Episcopi, vel Superioris licentia. Ita à pari, femina, de licentia Superioris Monasterii poterit intra septa Virorum portare onera. Quod confirmat ex eo quia ubi est eadem ratio, & idemet jus servandum est. Addit, quod Clausura Monialium est magis stricta, atque periculis magis obnoxia. Ergo. De hac responsione tamca, & opinione satis dubitat *Donatus qu. cit. in fin.* & merito, tum quia non potest esse talis, & tanta necessitas personæ Mulieris: tum quia ante Clausuræ portam potest onus ipsum deponi, & à Religiosis, ubi opus fuerit, intra Clausuram deferri, & ita etiam decentiæ ratio, & modestiæ suadet. Ita *Donatus* cum quo, & Ego concurro, & ita in negativam partem cum ipso potius inclino.

268 Quæres sexto, Quenam sit causa sufficiens ad permittendum Mulieribus ingressum in Monasteria Virorum. Respondit *Palao par. 3. Operis Moralis disp. 4. punct. 8. n. 8.* quem etiam refert, & sequitur *Gibal. de Clausura Disquisit. 2. cap. 5. §. 3. in princip.* Geminam esse causam, necessitatem scilicet, & pietatem, seu Religionem. Necessitas eadem est, ac ea quæ permittit etiam Viris ingressum in Monasteria, & Conventus Monialium. Si enim ex hac eadem causa possunt Viri in Monialium Conventum ingredi, à fortiori poterunt femine Virorum Monasteria intrare, qui non tenentur Clausuræ adeo strictæ. Ratione hujus causæ, necessitatis nimirum, Doctores communiter concedunt feminis, seu permittunt eisdem ingredi Religiosorum Monasteria, si extinguendum foret magnus incendium, neque Viri adessent, vel ad convehendam aquam, aliasque operas ad ignis extinctionem necessarias sufficerent. Item, si quis Religiosus, vel plures egrotarent ita, aut haberent brachia, aut crura contracta, aut ossa dissoluta, vel alio gravi morbo laborarent, & nullus præter Mulierem eo in loco inveniretur qui præstaret Medelam, vel auxilium; tunc posset mulier decenter comitata ingredi Monasterium, neque enim in tam gravi necessitatis casu humana lex Clausuræ accipienda, atque censenda est violari. Defensio namque vitæ, & salutis propriæ, est de Jure naturæ, nec necessitas habet legem. Ita latè *Man. Rodrig. in Expositione Constitutionis Pii V. quam hoc loco versamus: & to. p. 99. Regular. q. 46. art. 7. ad finem:* (quem refert etiam, &

sequitur *Sancb. Operis Moral. to. 2. libr. 6. cap. 17. n. 30.* Ubi extendit casum, si ex decreto Medicorum Religiosus æger laetandus esset à femina, ita ut alio lacte curari non possit, tunc enim femine ingressum licere opinatur, cui adhæret *Bonac. to. pr. de Clausura q. 4. punct. 4. n. 4.) Sorbus in Privilegiis Mendicantium Verbo Ingressi Monasteria Fratrum, vel Monialium in Motu Pii V. & Gregorii XIII. nu. 62. Vers. Et sic etiam per idem. Bonac. n. 4. cit. Palao n. cit. 8. Gibal. §. cit. Leza. in Summa to. p. cap. 10. n. 10. in fin. Pellizzar. in Man. top. tr. 5. c. 6. sec. 2. q. 17. nu. 55. & aliis omisis, etiam Donatus tract. 4. cit. q. 13. ubi non reputat casum impossibilem, ut si Religiosus pro extrema sui morbi curatione indigeret lacte Mulieris, &c. nec posset Religiosus extrahi à septis Monasterii, nec ad illam venire. Exultimat quidem casum Metaphysicum *Sancb. nu. 30. cit.* & moraliter impossibilem, ad quam videntur hanc Doctrinam extendere *Sorbus, & Manuel.* Cum in Conventu videlicet sunt plures infirmi, neque adsunt Religiosi, qui possint, nec Viri Sexuales, qui velint eos mederi, posse honestas feminas ingredi. Et valde etiam dubitat idem *Donatus q. cit. n. 3.* de ampliatione quam facit apud ipsum *Rodrig. art. 7. cit. in fin.* ad casum Moralis indigentia, ut si in aliquo Conventu essent septem, vel octo Fratres, quorum aliqui absint, alii tempore æstatis colligant Elemosynas, vel annuos redditus, alii sint senes, & ibidem aliqui infirmantur, & nullus sit infirmarius qui eis valeat ministrare: quem pariter casum, vocat & ipse (cum *Sancb. nu. 30. cit.*) Metaphysicum casum. In solo ergo Physico, reali, atque verè gravi necessitatis casu, in quo, & Viris ingredi licet Monasteria Monialium, permittitur, & honestis Mulieribus Clausura Religiosorum Virorum, dummodo tamen semper fiat cum expressa licentia Domini Episcopi, vel Superioris Regularis respectivè (ut supra) vel saltem de licentia tacita, eorundem, & rationabiliter præsumpta, quando scilicet tempus non adesset accedendi ad eam expressè obtinendam, ut in casu repentino Magni incendii, vel alio, &c. Et hoc ideo est, tum quia vitæ propriæ defensio est de Jure naturæ. Tum quia necessitas non habet legem. Tum quia sicuti Monialis justa de causa à Superiore approbata potest à Claustro exire, ita à pari poterit, & Mulier ingredi septa Virorum, ex rationabili causa à Superiore ad quem spectat approbanda. Tum quia*

Motus Summorum Pontificum prohibentes, loquuntur de præfumentibus, in casu autem, vel casibus de quibus hic, nulla est præfumptio, quæ malitiam includat, & dolum, sed pura, vera, & realis necessitas, uti etiam præsupponitur, & non aliter. Tum tandem quia leges humanæ non censentur obligare cum tanto periculo vitæ, juxta illud *Matthæi c. 11. 30. Jugum meum suave est, & onus meum leve: Sorbus l. c. & alii.*

269 Altera causa permittendi fœminis ingressum in Monasteria Virorum, est Pietas, seu Religio, ut ad audiendas Missas; v. g. Divina Officia, Sacras Conciones, &c. quando in Claustro, aut in ejus Capellis habentur, & celebrantur; cessat enim prohibitio eo in loco, & eo tempore, cum supradicta celebrantur, uti declaravit *Pius V. in quodam Viro vocis Oraculo*, 28. *Januarii 1568. in gratiam Fratrum Minorum* (cui sine dubio communicant alii Ordines) uti referunt *Quaranta Verbo Monasteria, & Conventus Regularium, in princip. fol. mibi 404. & 405. Versu, Nos Alexander. Confessio in Collect. Privilegiorum Mendicantium in Bulla Pii V. Decet Romanum Pontificem §. 6. fol. mibi 179.* (ubi habet esse etiam Privilegium, concessum Congregationi Montis Virginis: ibi enim sic: *Not intuitu, & in favorem Congregationis Montis Virginis, &c. quod pariter advertit Lezana cap. cit. 10. nu. 12. addens, & bene, hoc privilegium per communicationem, commune esse aliis Religionibus*) *Sorbus l. cit. n. 7. Man. in Exposit. Constitut. Pii V. de qua hic n. 15. & 10. p. 99. Regular. qu. 48. art. 3.* (ubi, & pluribus aliis testibus idem privilegium confirmat) *Saneb. Cap. cit. 17. n. 22. Portell. 10. pr. Respons. par. 3. nu. pr. Bonac. punct. 4. cit. nu. 6. Palao l. c. nu. 9. Diana 10. 7. Coord. trac. p. ref. 244. Ex par. 7. trac. 12. & Miscell. 3. ref. 6. alias 4. Pellizz. scil. 2. cit. qu. 13. n. 45. Donatus tract. cit. qu. 19. & alii communiter, præsertim Gibalin. §. cit. 3. n. 9. cui si opponas dictam Pii V. Declaratorium, factam fuisse Viro vocis Oraculo, ad instantiam Cardinalis Alexandri Cribelli, ut videre est apud Confessum, Sorbum, Portell. l. c., & alios, Oracula autem vocis, per Gregor. XIII. fuisse sublata, cujus Constitutionem Urbanus VIII. extendit etiam ad ejusmodi Oracula, etiam manu Cardinalium subscripta; respondet oppositionem hujusmodi non obflare: Quia cum hæc concessio jam à pluribus Sæculis induta fuerit in usum, jam ipso usu, & consuetudine vim suam obtinuit, & non solum*

ex Pontificia concessione. *Qui usus, & Prædictis, universalis est omnium Religiosorum* (concludit *Donatus q. cit. 29. in fine.*) & præcipue *Ciccatatis Romane, cui nullum adversari cogitavi.* Deinde (addit idem *Gibalinus in fine cit. nu. 9.*) nec etiam iterum obstat dicta oppositio, quia non fuit solum *Viro vocis Oraculum* hoc privilegium, constat enim ex *Rodrig.* fuisse simpliciter concessum, aut confirmatum. Cui addito non, contradicet *Lexa.* quia & si ipsemet etiam fateatur *n. 12. cit. Viro vocis Oracula omnia bis temporibus esse abrogata: Expedit se ab oppositione, affirmando dictam concessionem Pii V. in Constitut. cit. Decet Romanum Pontificem, esse verum Pontificum concessum Congregationi Montis Virginis, quod per participationem postea commune est aliis Religionibus. nec à Lexa. quoad hoc privilegium Montis Virginis communicabile, &c. dissentit Pellizzar. n. 45. cit. in fine. Quibus habitis, ac positis, colligunt citati Doctores esse iidem, quæ sequuntur.*

270 Primo, fœminas posse Missam audire in Claustro, seu in Claustri Capella, dum in illa celebratur, etiam si illa celebratio fiat ob alicujus honoratæ personæ privatam devotionem, ut inter alios observat cum *Manuele, Saneb. cap. cit. 17. n. 26. ubi expressè ait: Licet ingredi fœminas Claustrum ad audiendum sacrum, quod intra illius Sacellum fit ob alicujus personæ potentis devotionem, sic Manuel. in eodem Motu proprio Pii V. n. 16. fin. Et idem ob eandem rationem dicendum est, quando id fit ob aliam causam. Quod clarum esse videtur, quia simpliciter concedit *Pius* fœminis audire Missam in Claustro, sub his verbis, (quæ videri possunt apud *Confessum, Quarant., Portell., Pellizzar. l. c. & apud alios*): *Significantes nihilominus, quod propter hoc, & prædictas nostras literas non intelleximus, nec intelligimus, quod Mulieribus præcluderetur, nec præcludatur aditus ad Monasteria, & loca Regularia, & eorum Claustra, quando in eis Missæ, & alia Divina Officia celebrantur, ac dum Processiones fiunt: & quando Christi fidelium Cadavera ibi sepeliuntur, ac etiam pro eis suffragia fiunt: sed libere perpetuo concedimus eisdem omnibus Mulieribus facultatem, ut ad illa loca, in quibus dicta pia Opera exercentur, cum aliis Catholicis personis accedere libere, & licite possint, & valeant.* Similiter quod, quando divinum verbum in Claustro Monasteriorum, & Regularium locorum proponitur: vel per aliam quamcumque causam tantus concursus populi fuerit: quod commode ingredi non possint, & egredi pre portam Ecclesiæ, perpetuo concedimus,*

dimus, ut dictæ Mulieres una cum aliis Secularibus personis, possint ingredi per portam Claustrarii Monasteriorum, & locorum Regularium, dummodo recto tramite accedant ad portam qua exitur ex Monasterio. Ex quibus verbis

271 Patet primò, feminas ex indulto Pontificio posse audire Missam in Claustro, dum in illo celebratur: Quacumq; igitur occasione celebratur, id licet, ut concludit etiam Gibalin. §. 3. cit. n. 10. in fine

272 Secundò, Ex eadem concessione, Piana ex Doctoribus citatis, & ex communibus omnium, feminas licet ingredi Monasteria Religiosorum, ut adsint Horis Canonicis. Officio B. Virginis, aut Defunctorum, Benedictioni Solemni Candelarum, aut Olivarum, Adorationi Crucis, dum inibi ex Ecclesiæ more ista fiunt: sicut etiam si ibi Solemniter canatur Epistola, aut Evangelium, aut fiat Lotio pedum, & mandatum in die Jovis Sancti, licet enim hæc omnia non exprimantur in allegata Declaratione Pii V. fundantur tamen in eadem, cum in ipsa (supra) sic habeatur: Quando in eis (idest in Claustris Monasterii) Missæ, & alia Divina Officia celebrantur: cum teste (inter alios) Bonac. to. pr. tit. de Censur. in commun. de excommunicat. disp. 2. qu. 2. punct. 3. §. 2. propos. p. nomine Divinorum Officiorum veniant recitata, & aliz similes ceremonie, quæ solemniter fiunt ex Institutione Christi, vel Ecclesiæ, vel quæ sunt propriæ alicuius Ordinis, etiam Clericalis citat etiam Suar. Alt. & Fillii. quibus adde Gibalin. §. 3. cit. n. 11. in fine: Ubi & ipse sic: Quia hæc omnia nomine Divinorum significantur Officia, quorum tempore licitus est hic ingressus feminis. Si tamen aliqui Religiosi privatim ibi Horas recitent, aut Missam facerent, reuera non esset locus huic licentiæ.

273 Tertiò, Huic eidem licentiæ locum esse, dum fit Solemnis professio in Claustro: Vel etiam (secundum Sanch. cap. 17. n. 28. & alios plures) quando quis admittitur ibi ad Habitum Religiosum suscipiendum, malè repugnante (quo ad solum Habitum) Bonac. de Claus. q. 5. punct. 4. n. 10. Quia utrobique (ait etiam Gibalin. §. cit. nu. 13. alique) sunt solemnes, & statutz ceremonie cum Orationibus Sacris, ergo. Item dum Concio habetur, Cadaver sepelitur, & funus fit, atque anniversaria, sive suffragia pro Mortuis, hæc enim omnia distinctè in Constitutione Pii (supra) exprimuntur. Item dum instituitur Processio, sive in ea feratur Sanctissimum Sacramentum, sive non: Processionis

enim meminit Sanctiss. Pius V. Quo ad Prelati verò potestatem, non interest si sit dies non festus, neque solitus, ut in eo fiat processio, hoc enim per accidens est, & potest (validè, si non licet, ut infra) Prelatus instituire festum votivum non solum, & facere processionem per Claustrum, Portell. in Dub. Regularib. Verbo Clausura Monachorum n. 6. Concludens præterea: (Et optimè.) Quod lex, sive Bulla non distinguit an Divinum officium (seu processio) fiat in Claustro in die festo, sed loquitur absolute: ita n. cit. versu Si in Conventu in fine. Addit Bonac. punct. 4. cit. n. 11. Versu, Saxto feminat. Id verum esse, si Religiosi processionem per Claustra, facientes, solemniter, & publicè Eucharistiam ad infirmum deferant. An verò licitum sit Prelatis absque contraventione dicti Motus proprii Pii V. & penarum illius incurfu, Processiones extraordinarias intra Claustra instituire ad eum finem ut mulieres ingredi possint, negant Rodrig. tom. p. q. q. Regul. qu. 48. art. 3. Vers. Circa quam declarationem. Et in Expositione ejusdem Motus proprii nu. 16. Sorbus in Compend. Privilegiorum Mendicantium, Verbo Ingressus Monasteriorum Monialium. In suis annotationib. n. 7. Sanch. cap. cit. 17. n. 23. Palans l. cit. n. 9. Vers. Propterea non licet. Hieron. Rodrig. in Compend. ref. 25. De Claus. Monachor. n. 3. (ubi studet satisfacere argumentis Portelli contrarium sentientis in Dub. Regul. Verbo Clausura Monachorum n. 6. Versu Scio Rodrig. quæ hoc expresse negare) Joannes la Cruz in Epitome lib. p. Tit. de Voto Castitatis cap. 5. Conclus. 3. alique: Quorum omnium communis, eademque ratio est, quia videlicet Pius V. concedit tantum ingressum, Pietati, & Orationi, seu Religioni consentaneum; non autem relaxat Religiosam Clausuram, nec Clausuræ rigorem. Mihi tamen placet (uti etiam Gibalino §. cit. 3. n. 22. in fine) quod sentiunt (Coriolan. de Casib. Referu. par. 2. Casu 3. nu. 22. in fine. Bonac. Punct. cit. 4. n. 14. Alphonfus de Leone de Censuris Recollect. 4. Versu Mulieres cuiusvis, pag. mihi 361. col. p. Donatus l. c. q. 21. in fin. n. 9. Pellizzar. l. c. n. 47. & alii) Peccare quidem videlicet proculdubio, & sua potestate abuti Prelatos instituentes processionem extraordinariam, ad hoc ut feminæ occasione illius ingredi possint, non tamen peccare in legem Clausuræ, nec incurere penas latas in Bullis contra Religiosos admitterentes feminas intra Monasterium, quia lex, seu prælata Pii V. Declaratio introducendi Mulieres causa Processio-
nis, lo-

nis, loquitur absolute nec distinguit de Processione ordinaria, vel extraordinaria, & si lex non distinguit, nec nos distinguere debemus: unde dicendum venit, Prælatos tales non incurrere pœnas in Bullis, & decretis taxatas, bene tamen ipsos peccare ratione abusus potestatis, atque adeo mereri puniri, & graviter à suis Superioribus, & à Religione. Et sicut dicti Prælati non incurrunt pœnas Bullarum, ita nec Mulieres ingredientibus intra septa Monasterii, quamvis sciant talem Processionem fieri à Prælati illicitè, & ad hoc ut ipsæ ingredi valeant, Bonac. n. 14. cit. Donatus l. c. qu. 22. aliiq; ex citatis: Tum quia ad ipsas non spectat judicare de Justitia Processionis: tum etiam quia ingrediendo, jure suo utuntur, quod procedit etiam si sciant Processionem fieri à Prælati ad vanum finem, potestate abutendo.

274 Et hic adverto cum Portello in Responsis: to. 1. p. 3. casu 38. n. 3. usque in finem, & in Dub. Regularib. Verbo Clausi. Monachor. n. 6. Donato qu. cit. 21. n. 4. & aliis, quod si in aliquo Conventu Claustrum ornatur Tapetis, & similibus, ut solet fieri in Processione Corporis Christi, & maneat in Claustrum fiat Processio, non poterunt femine Vespere intrare ad videndum ornamenta Claustris predicti sine nova Processione, secus erit abusus non tolerabilis contra quem optimè, validissimis invehitur rationibus Portel. n. c. cum Rodriq. Integrum enim est feminis ingredi intuitu Processionis tantum, ut constat ex dictis Declarationibus, & non alias, nec alio modo, sine incurfu pœnarum, idem Donat. n. c. 4. in fin. & alii. Videatur Sanch. cap. c. 17. n. 24. & Palani n. cit. 9. Vers. Ingressæ verò, ubi ad rem hanc sic: Nequeunt Mulieres, antiquam divinam Celebrantur, vel prope se Celebrationi, illuc ingredi, quia non adest causa ingressum honestam. Unde si Vespere, & non mane Processio facienda est, mane non est permittendum. Et è contra, si mane divina Celebrantur, & non Vespere, nequeunt Vespere Claustrum ingredi: quia moraliter cessavit causa, cui Privilegium violandi Claustrum, innititur. Rodriq. to. p. q. Regular. q. 48. art. 2. in fine, & in Exposit. hujus Constit. num. 19. Sanch. lib. 6. Summ. cap. 17. n. 24. & 29. Videatur etiam Portel. Casu cit. 38. in quo pluribus validisque rationibus damnat consuetudinem quandam, seu potius corruptelam quorundam Monasteriorum Virorum Olyssiponensium, in quibus cum magnum aliquod festum Celebratur, cujus respectu Claustrum Conventus interioris Ta-

petis ornatur, & aliis feritis, sitque Processio per Claustrum mane; Vespere postea eodem die, sine Processione, aperitur Claustrum, & ingreditur populus promiscuè, etiam femine, ad videndum ornatum Claustrum, ibique manent, imò & sedent conversantes cum hominibus, & Religiosis per tempus. Idque faciant aliquando per continuos octo dies, in quibus durat Octavarum festi. Hoc autem inquam damnat multisque argumentis arèdè reprobatur: Portellus Casu cit. Non ergo licitus est ingressus nisi tempore Divinorum Officiorum, Processionis &c. unde toto die non debet ille patere. Limita tamen hic cum Gibalino §. cit. 3. n. 18. Nisi tota die exponatur Sanctissimum Sacramentum in aliqua Capella Claustrum, aut illa ad Indulgentias visitatur. 275 Eo autem tempore, quo Divina celebrantur, Mulieres Claustrum ingredientibus, excusantur à violatione Claustrum (per Doctores ut infra) quamvis non animo divinis assistendi ingredientibus, sed potius curiositatis causa, vel alio etiam pravo fine ductæ; pravi enim finis (inquiunt) ingredientium, non aufert ab eis privilegium generale illuc ingrediendi. Est namque illud concedatur, ut possint Divinis assistere, non tamen conceditur sub conditione, ut assistant; & non assistendo obid Claustrum non violant, nec in eandem peccant (tamen si peccatum aliud ibi committant) neq; ullas incurrunt pœnas (neq; Superiores admittentes, & si aliunde peccent) quia tunc ingressus non est interdictus: ita, Sorbus n. cit. 7. vers. Dubitatur etiam. Rodriq. dicta qu. 48. art. 3. Notab. 2. & in Exposit. hujus Motus, seu Constit. nu. 17. Sanch. cap. cit. 17. n. 28. qui in fine videtur sibi contrarius. Bonac. puni. cit. 4. n. 13. Vers. Respondendum probabiliter (admittens etiam versu sequenti oppositum, probabiliter) Pala. Vers. cit. Ingressæ verò. Gibalin. §. cit. 3. n. 21. Donat. tract. cit. 4. q. 23. n. pr. 2. & 3. & alii. Nec obstat, quod ingressus, & admissio fuerit ad malum finem: tum quia Ecclesia non judicat de occultis: tum etiam quia satis est quod ingressus licitus sit, quamvis malus finis illi adjungatur, ut patet aperte ex illis verbis, ibi: Quando in eis Missæ, & alia Divina Officia celebrantur, concedit, ut ad illa loca accedere libere, & licite possint: igitur in tali casu cessat prohibitio humana. Quod confirmari potest ex eodemmet Sanch. n. 28. c. dum ibi ait: Ingredientem Monialium Cenobia in casu urgenti ex legitima licentia, non incurrere pœnas, & si ad fornicandum, sepè etiam animo forni-

candi introat, & de facto fornicetur, & mortaliter peccet ratione pravi finis. Vexum, pace tantorum Virorum, nimis laxum mihi videtur eorumdem assertum, tum quia videtur conscientiarum valde relaxativum; tum etiam quia videtur esse contra mentem Pontificis, qui non censetur relaxare in talibus casibus rigorem suae legis circa eos qui abufuri sunt licentia, praesertim ad malum finem. Et in Episcopatu Veropeni (ut constat ex Tabella casuum reservatorum) non solum excommunicantur accedentes ad Monasteria Monialium sine licentia, sed etiam licentia abutentes.

276 Quarto, Mulieribus licet per Claustra, & alia loca interiora transire, quando tanta est multitudo, ut nequeant commodè per primariam Ecclesiae portam egredi, aut ingredi: id enim concedit supra *Pius V.* ut constat. Sed tunc debent ad Ecclesiam recta se conferre, & aliò non divertere: idem *Pius V.* supra, & Doctores communiter, praecipue laudati. Et advertit etiam *Barbosa de Episcopo par. 3. Alleg. 102. n. 93.* ubi in fine refert quod alierit *Emanuel* (conceduntque tot alii, praecipue *Cromwell. l. c. n. 23.*) Mulieres videlicet, in tempore etiam Consecrationis Ecclesiae ire possent ad illa omnia loca, quae Episcopus cum Processione; dum tamen simul eant cum Processione ipsa; non autem si peractum sit Officium, quia si amplius non sit Processio, non licet Mulieribus Clausuram ingredi. Sicuti nec ut intersint Theibus Theologicis, etiam vulgari idiomate disputatis, vel repraesentationi alicujus Comediae, quamvis pie, & Religiosae, quia haec non sunt Officium pium, & Religiosum, simile Processioni, Missae, funeri Defuncti, &c. *Sancti. cap. cit. 17. n. 27. Bonac. pun. 4. c. n. 12. Pala. n. 9. c. ad finem. Gibalin. §. c. 3. n. 17.*

277 Quinto, Si non statim post Divina Officia exeant Mulieres à Conventu, sed diutius in illo subsistant; aut fortassis à Religiosis, colloqui causa detineantur, ibique aliquo brevi temporis spatio demorentur, non peccabunt contra Clausuram, neque penas illam violantibus incurrent: sicut nec Religiosi illas conversatione detinentes, *Sancti. l. c. n. 29. Vers. Quarta difficultas. Bonac. punc. c. 4. n. 15. Gibalin. §. c. 3. n. 19. Donat. tr. cit. 4. q. 24. n. p. 2. & 3. Diana to. 7. Coord. tract. 1. ref. 244. nu. 4. Ex part. 7. tract. 12. Miscell. 3. ref. 6. alias 4. & alii.* Concedentes tamen solam brevem moram in tali casu, idest unius tantum quadrantis horae. Et ratio est, quia haec poenae non imponuntur moram trahen-

tibus, vel detinentibus, sed ingredientibus, & admittentibus absque licentia; & dum fuit licitus ingressus, per detentionem, & moram, non contradicitur *Bullis*, quae cum sint penales non sunt extendendae, sed restringendae. Unde recedendum non est [uti faciunt DD. citati] à *Rodrig. l. 1. qq. Regularium qu. 48. art. 2. sub fin.* sentiente, Religiosum, qui finitis Officiis causa est diutinae foeminarum morae, & ipsas foeminas diu ibidem morantes, incurtere poenas; incurtere inquam (nota) ob diutinam, non ob brevem moram.

278 Secus tamen si Officinas interiores Conventus ingrediantur, quia ad Claustrum solum, & loca, in quibus Officia celebrantur, concessit Summus Pontifex posse Mulieres introire, prohibendo illis ingressum in Officinas interiores, unde hic ingressus esset violatio Clausurae. Et hujusmodi additum; est cum *Sancti. n. 29. cit.* contra plures probabiliter docentes, foeminas, quae licite in casibus permixtis ingressae sunt in aliqua loca Monasterii, excusari ab excommunicatione, etiam si postquam ingressae sunt, ad ulteriora loca progrediantur, quia licet peccent contra obligationem Clausurae, immorando, vel ulterius progrediendo, nihilominus poenam excommunicationis incurere non videntur, quia haec lata est contra foeminas praesumentes ingredi Monasteria Religiosorum: foemina autem ingressa non dicitur ingredi, sed immorari, sed ad loca Monasterii ambulare, percurrere, aut visitare, ergo &c. hanc opinionem docet *Bonac. punc. cit. 4. n. 16.* quae multis non placet, signanter *P. Diana to. 7. Coordin. tract. p. resol. 243. n. 2. & ex part. 4. tract. 4. & Miscell. ref. 179. & Donato qu. cit. 24. n. 6.* uti nec mihi (cum eisdem) placere potest: Tum quia Pontifex Summus prohibuit nedum Mulieres ingredi Clausurae Januam, sed etiam loca interiora, interioresque Officinas: Unde nedum violatur Clausura Monasterii per ingressum primae portae illegitimè factum, sed etiam per ingressum illegitimè factum ad loca interiora, & ad totum spatium illud, quod principalibus muris terminatur, & finitur; totum illud spatium dicitur Clausura, & Monasterium. *Donatus n. 6. c.* Tum quia Summus idem Pontifex *Pius V.* in suis Declarationibus indulsit foeminis, ut quando Divinum Verbum in Ecclesia Monasteriorum haberetur, vel ob aliam quancunque causam tantus esset populi concursus, & confluentia, ut nequeant in Ecclesiam aliter ingredi, aut ex ea egredi, per Januam Claustrum

Claustri id facere possint, & per Claustrum ipsum, vel alia Religiosorum loca, dummodo recta via accedant ad Portam, qua de Monasterio exitur, rectoque tramite ad Ecclesiam tendant *Sanch. l. c. n. 22. Palau n. 9. cit. Donat. l. c. n. 7.* cum quo nota ly, *recto tramite*: Hoc est, quod Mulieres ingressæ in Claustrum inferius, ubi solet Processio, Missa, aliaque pia Officia celebrari, non possunt absque violatione Clausuræ, Claustrum superius ascendere, vel officina interiore non per se patentem ingredi; quia Clausura solum cessat eo in loco ubi Officia Divina celebrantur. (Dic etiam cum *Portell. casu cit. nu. 3. in fine*: eadem verba recta via, & recto tramite vadant; *moram, & detentionem in Claustro non admittere.*) Tum quia clarissime constat quod *Pius V.* facultatem dedit eisdem Mulieribus ad illa loca licite accedere in quibus Pia opera, & Officia cum aliis personis Catholicis exercentur, ut patet ex verbis ipsis & Declarationis *Piane* supra relatæ, ergo alia interiora loca, & in quibus dicta Pia opera, & Officia minime exercentur, excipiuntur, exceptio autem, ut docent *Jurista*, firmat Regulam in contrarium. Tum etiam quia expressum in lege, facit cessare præsumptum, ut item *Juristæ* communiter dicunt, & docent (apud *Portell. cas. cit. n. 3.* maxime *Brunorus* in suis locis communibus *Verb. Masculus nu. 3. & Verbo Lex n. 38.*) Ergo exceptis Casibus à *Pio V.* expressis, in quibus ex ejusdem declaratione, & concessione possunt intrare Mulieres, cessant omnes alii in quibus posset quis præsumere licitum esse ingressum, qualem posset quis præsumere esse hunc de quo hic, &c. Vide *Portell. Casu cit. & Donatum qu. cit. 24.* Sed

279 Quare Septimo, In quas pœnas incurrunt Mulieres Virorum Monasteria, ingredientes extra casus permisso, & Religiosi eas temere introducentes, & admittentes. Respondeo, In eas incurrere pœnas, quæ in sequentibus novissimis Summorum Pontificum Constitutionibus leguntur infligunt. *Pius V. in Extravag. Regularium personarum 24. Octobris 1566.* sui Pontificatus anno primo (quam habes in Bullario novo, to. 2. fol. mibi 250. col. p.) revocat omnes licentias quibuscumque; feminis concessas etiam ab Apostolica sede, ingrediendi quascumque Domos (per Domos intellige non illas quas habent Regulares in Prædiis extra Civitatem, vel Grangiis, etiam in Civitate, sed idem ac Monasteria, *Bassani Verbo Clausura sub n. 15. Vers. Nomine*

autem, & omnes) ac Monasteria Virorum, & quæ illarum facultatum prætextu fuerint ingressæ excommunicat, aliasque pœnas Religiosis ipsas introducentibus, admittentibusve adiicit, ut sequitur: *Districte prohibentes* Mulieribus quidem prædictas facultates, & licentias prætendentibus, sub excommunicationis lata sententiæ pœna, postquam barum literarum notitiam habuerint, à quibus non possint nisi à Nobis, aut Romano Pontifice, qui pro tempore fuerit, absolvi, præterquam in mortis articulo, ne dictas domos, & Monasteria ingredi audeant: sic ejusdem Constitutionis extravagantis §. 3. Prosequens §. 4. Ipsi verò Monasteriorum, & Conventuum Abbatibus, Prioribus, & aliis Præfidentibus quocumque nomine vocentur, & eorum Monachis, Canonichis, & Fratribus sive Mendicantibus, sive non Mendicantibus, sub privationis officiorum, quæ in presentia obtinent, & inhabilitatis in posterum, ad illa, & alia omnia, & suspensionis à divinis ipsos factis, sive alia declaratione incurrendis pœnis, ne eas introducere, admittereve præsumant. Hinc autem adverte ad incurrendas recitatas pœnas præsumptione esse opus, quod satis indicat verbum *Audeant*, quo utitur Pontifex in ferenda, excommunicationis pœna; & Verbum *Præsumant* appositum in ferenda pœna privationis Officiorum, & suspensionis, à divinis. Unde ab iis incurrendis pœnis excusabit quælibet ignorantia, etiam culpabilis, & crassa, nisi sit ingens temeritas. DD. communiter, præcipue superius laudati à principio hujus Privilegii, & alibi pluries. Et eandem Constitutionem innovavit, confirmavitque postea *Gregorius XIII.* in Motu proprio, incipiente *Ubi gratia*, Anno 1575. Pontificatus 4. Idibus Junii, & est Constitutio hujus Pontificis 28. in Bullario Romano novo, To. 2. fol. mibi 269. col. 2. in qua habes §. 3. *Abbatissis* verò, nec non *Abbatibus*, ac aliis Monasteriorum utriusque sexus Superioribus, & personis quocumque nomine vocentur, districte præcipimus sub eadem excommunicationis pœna, necnon privationis Dignitatum, Beneficiorum, & Officiorum suorum, ac inhabilitatis ad illa, & alia in posterum obtinenda, ne in Monasteria, Domos, & loca sua, quæcumque prætextu hujusmodi licentiarum, & facultatum ingredi faciant, vel permittant.

280 Et quod attinet ad eandem sententiam, sive prætextu facultatum sibi concessarum, sive alio quopiam, Monasteria Virorum ingredientes, idem *Pius V.* posteriori sua Constitutione, incipiente *Decretum* Pontificem (quæ habetur pariter in

Bullario novo to. 2. fol. cit. 150. col. 1.) Anno 1570. sub die 16. Julii prohibet hunc ingressum simpliciter, & sub iisdem poenis, omnibus feminis: sub sequenti tenore. Cum alias à nobis emanaverint quedam literæ in simili forma Brevis sub die 24. Octobris 1566. Pontif. nostri Anno primo. In quibus, Mulieribus quibuscunque Monasteriorum Regularium ingressus cum derogatoriis Clausulis, & irritantibus Decretis prohibetur, & alias prout in illis plenius continetur. Nos intuitu, & in favorem Congregationis Montis Virginis aliquas dabituriones, que circa dictarum literarum, & mentis nostræ intelligentiam oriri possent elucidare, & submoerere volentes, supplicationibus dictæ Congregationis, nobis super hoc humiliter porrectis inclinatis, Apostolica auctoritate tenore presentium dicimus, & declaramus, fuisse, & esse mentem, intentionem nostram, quod dictæ literæ non solum comprehenderent, & comprehenderant Mulieres habentes, præcedentes facultatem, & indulta ingrediendi Monasteria, sed etiam omnes, & quascunque Mulieres alias, tam in genere, quam in specie. Hinc amplius dubitari non potest hunc ingressum omnibus feminis fuisse prohibitum. Hunc eundem Motum proprium ad verbum refert Confectus in Privilegiis. Ord. Mendic. inter literas Apostolicas, fol. mibi 179. & de eodem, ac de eadem Constitutione Piana, Marcus Paulus Leone in sua Præxi ad Litteras Sacre Penitentiariæ Apostolicæ p. 3. Verbo Introduxit, fol. mibi 348. advertit, quod licet hæc non fuerit publicata per solitos Cursores D. Papæ, attamen per Stylum Curie, & S. Penitentiariæ usu recepta fuit, & communiter habetur, ac si fuisset publicata, eo magis quod non per unum, sed per omnes Officiales D. Papæ fuit publicata, sicq; ad praxim reducta, ut continuè observetur.

281. Nota hic cum Sanchez. c. cit. 17. n. 35. & aliis cum ipso, Motum proprium Greg. XIII. & Motum proprium Pii V. de quibus hic, se habere, ut excedens, & excessum: Motus namque Gregorii excedit Motum Pii, quatenus ille ultra penam privationis Officiorum, & inhabilitatis ad illa à Pio Statutam contra Religiosos permittentes ingredi feminas in Monasteria Virorum, addit etiam privationem Beneficiorum, ac inhabilitatem ad illa, necnon excommunicationem Summo Pontifici reservatam, nec ullam petit in admittentibus præsumptionem: dictisque penis afficit illos, qui viros, aut feminas ingredi faciunt, aut permittunt in Monasteria Monialium, aut feminas in Monasteria Virorum Religiosorum. At Motus proprius

Pii V. loquitur solum de admittentibus, & imponit solum penam privationis Officiorum, non item Beneficiorum, nec inhabilitatis ad illa. Versa vice, Motus Gregorii excedit à Motu Pii, quod ille comprehendit solos Prælatos facientes, aut permittentes ingredi, eosque solos includit, qui admittunt vi facultatum ingredientibus concessarum, nec imponit suspensionem à Divinis contra facientes, aut permittentes ingredi: Motus verò Pii loquitur de facientibus, aut permittentibus ingredi feminas in Religiosis Monasteria, & si non ingredientur virtute alicujus facultatis, & ultra penam privationis Officiorum, & inhabilitatis ad illa, fert suspensionem à Divinis contra admittentes, vel facientes ingredi, si hi sint Prælati, si alii quicumque Regulares. Sic (inquam.) Alii quicumque Regulares: ex quo obiter inferas cum Pellizz. in Man. Reg. to. p. cap. 6. sec. 2. qu. 20. n. 61. quod cum in allatis Motibus propriis, non fiat mentio ulla de Laicis personis, si hæc fortè feminas introducunt intra Religiosorum Monasteria, etiam ad malum finem, non subiacent poenis contentis in dictis Motibus; nam in poenis non fit extensio ob rationis identitatem, cum ipsæmet, quam maxime debeant restringi, ex communi Doctorum, universaliter doctum, quod extensio per identitatem, aut similitudinem rationis, non admittitur in legibus præsertim penalis, in quibus ratio sine voluntate Legislatoris non operatur. Ex allatis ergo Motibus, ac Pontificiis Constitutionibus.

282. Patet primo, Adversus Mulieres Monasteria Virorum extra casus permisos ingredientibus, Statutum esse excommunicationem, in quam ipso facto incurrunt, Summo Pontifici reservatam [excepto mortis articulo] siue ingredientur cum prætextu privilegii, siue sine prætextu ejusdem, juxta Praxim ab omnibus receptam, & Stylum Sacre Penitentiariæ; quia ex dictis Motibus, excommunicatio afficit omnes Mulieres tam in genere, quam in specie. Privilegia enim antiquitus concessa Mulieribus quibuscunque eminentioribus ingredientibus Virorum Monasteria revocantur à Pio V. in cit. suo Motu proprio, Regularium personarum §. 2. Ubi: Motu proprio, & ex certa scientia, ac de Apostolicæ potestatis plenitudine, omnes, & singulas facultates, & licentias ingredientibus Monasteria, ac Domos Cartusiensum, & aliorum quoruncunque Regularium, Ordinum etiam Mendicantium, Mulieribus, cujuscunque Status, Gradus, Ordinis, Con-

ditionis, & quacumque dignitate, ac praeeminetia praeditis, etiam Comitissis, Marchionissis, Ducissis, sub quibuscumque verborum tenoribus, & formis, & cum quibuscumque etiam derogatoriarum derogatoriis, aliisque fortioribus, efficacioribusque, & infolius Claufulis, necnon iritantibus Decretis ab Apostolica Sede quomodocumque concessas, quarum tenores, perinde ac si de verbo ad verbum praesentibus infererentur, haberi volumus pro expressis, tenore praesentium revocamus, & cassas, irritas, & inanes esse decernimus: ita Pius V. post quem, etiam Gregor. XIII. in Motu proprio superius cit. Ubi Gratiae: eisdem facultates, & licentias, etiam Ad Imperatoris, Regum, Reginarum, aliorumque Principum contemplationem, vel supplicationem concessas, confirmatas, & etiam iteratis vicibus renovatas, cassas, annullas, revocat, &c. ita ejusdem Motus §. 1. Et cum Summus Pontifex prohibeat ingressum in Monasteria Virorum quibuscumque Mulieribus cuiuscumque Status, Gradus, Ordinis, Conditionis, & quacumque dignitate, ac praeminetia praeditis, etiam Comitissis, Marchionissis, Ducissis, ut supra, ex his verbis clarum videtur, atque manifestum, Reginas, Imperatrices, Filias, Neptes Regum sub prohibitione non comprehendi. Tum quia Comitissae, Marchionissae, & Ducissae expressae fuerunt, ut gradus supremi. Tum quia sub generali prohibitione Mulieribus facta, Imperatrices, Reginae, earumque Filiae, & Neptes non censentur comprehensae ob earum supremam, & supereminentem dignitatem, hinc Peyrinus to. p. Privilegior. Constit. 6. Julii 2. §. 3. nu. 11. (& cum ipso Bassani Verbo Clausura sub n. 19. Vers. Tertio quod) ait: Quae supereminentem habent qualitatem, quales sunt Reginae, & Imperatrices, nisi specialiter nominentur, non comprehenduntur sub generali Constitutione, & ita etiam Suar. de Relig. to. 4. lib. p. cap. 7. n. 5. & 6. Sancb. cap. cit. 16. n. 5. ubi, An comprehendantur quoque Reginae, Imperatrices, & earum Filiae, ita ut facultates his concessae cessarent revocatae? Respondetur, nequaquam comprehendendi: Quia Pontifex revocans facultates Mulierum cuiuscumque conditionis, explicite, etiam si Comitissae, Marchionissae, aut Ducissae sint, ubi Reginarum, Imperatricum, & filiarum non meminit, cum jure optimo earum meminisse oporteret, tanquam speciali nota dignarum, si illas comprehendere voluisset. Quare nec ipse ingrediendo virorum Monasteria, nec Religiose illas admittentes contraveniunt huic prohibitioni. Et sic bene docet Manuel to. p. 99. Regular. qu. 48. art. p. Vers. Circa quam. Statim in principio. Et in Expo-

sitione hujus Motus proprii n. 3. Et idem docent Suar. l. c. n. 6. extendens facultatem nedum ad filias Regum, verum etiam Ad Neptes, quae vulgari Sermone Infantae, vel Princeps appellari solent. Layman. lib. 4. trac. 5. cap. 12. nu. 5. ubi expressè: Excipiuntur primo Reginae, earumque filiae; cumbatur ingressus nullibi prohibeatur. Et Pala. Punct. cit. 8. n. 3. dum ibi: Manifestum est Reginas, Imperatrices, Filias, & Neptes Regum non comprehendendi. Qui etiam addit n. 5. Mulieres de Stirpe Regia, aliasque ex speciali privilegio Monasteria Virorum ingredientibus, deferre secum posse eum comitatum personarum quo frequenter incedunt. Argum. cap. Licet nobis de Priuil. in 6. Et qui eisdem necessarius est: quod docuerunt etiam Man. Rodrig. in Expos. dist. Constit. Pii V. n. 4. Layman. n. 5. c. & Praxis ipsa testatur, Nec est credendum (inquiunt aliqui apud Sancb. cap. c. 17. n. 6.) mentem Pontificis esse, has personas ingredi aliter quam earum dignitatem decet. Hoc tamen ita universaliter dictum non placet ipsi Sancb. n. c. quia (inquit) cum Pontificia prohibitio sit facta ratione decentiae Monasteriorum, ea attendi maxime debet; essetque valde indecens, ut puellae solitae has comitari ingrederentur. Unde placet, ut ingrediantur comitatae paucis foeminis, senioribusque, & bonae famae. Quam limitationem optime amplectitur etiam Pala. n. 5. c. dicens Spectanda tamen est semper decentia, & honestas, ob quam equum est puellas comitantes excludi, & loco illarum, Mulieres praeclarae aetatis assumi, illisque comitari.

283 Adde hic cum Bonac. de Claus. q. 5. punct. 2. sub n. 5. Vers. Adde item: quod etiam si praefatae Imperatrices & Reginae, atque earundem Filiae, nunquam habuerint privilegium ingrediendi Religiosorum Monasteria, possunt nihilominus ingredi. Et ratio est, quia ipse in praefatis motibus non sunt expressae, sed potius tacite exclusae: nec alibi reperitur jus aliquod prohibens sub mortali ingressum harum foeminarum in Monasteria Religiosorum, ut bene observat Suar. de Censur. dist. 22. sec. 6. n. 12. ubi sic: Nec in communi Jure Pontificio, neque in aliis Pontificum decretis inneni generalem legem hoc prohibentem sub mortali: neque etiam ex natura rei, aut ex ipsa professione, seu Voti Religiosorum video in hoc actu, per se intrinsecam malitiam: & ideo non existimo in universum esse hoc peccatum mortale, si excludantur extrinseca circumstantiae pravi finis talis ingressus, vel scandalii, vel violentiae, aut injuriae Monasterio illatae, & similes. Consideranda ergo sunt

sunt peculiaria Instituta ipsarum Religionum; & si in aliqua invenitur prohibitio talis à Pontifice confirmata, quæ ex verbis, vel censuris præferat talem obligationem, contra illam prohibitionem, ingredi erit peccatum mortale: ubi autem non fuerit talis Constitutio habens hanc vim, non erit tale peccatum, quia non est unde oriatur: ita *Suar. l. c. & post ipsum*, atque ex ipso *Sanch. cap. c. 17. nu. 9.* Præfatæ igitur Imperatrices, Reginae, ac ipsarum Filiae, videntur posse ingredi Virorum Monasteria, etiam si nullum habeant privilegium: non enim opus est privilegio, ubi non est prohibitio. Vide etiam eundem *Suar. to. 4. de Relig. lib. p. cap. 7. n. 6.* Quod autem spectat ad Filias Imperatricum, & Reginarum, sentio cum *Pellizz. in Mus. to. 1. tr. 3. cap. 6. sec. 2. qu. 11. n. 42. in fine. Vers. Et quidem*: posse ingredi etiam si nuptæ sint Viris inferioribus; cum etiam sic nuptæ, sint Filiae Imperatricum, & Reginarum, & funus in materia favorabili, quæ non debet restringi.

284. An verò Mulieres fundatrices possint ingredi Virorum Monasteria Religiosorum à se fundata. Negative videtur respondendum, & quod ipsæmet etiam dictis Constitutionibus prohibitis comprehendantur; quia sub nomine Mulierum comprehenduntur, de quibus præfati Pontifices loquuntur indistinctè: *Manuel. Rodriq. in Expositione dicti Motus Pii V. n. 3.* ubi etiam ait, idem *Pium V.* prohibuisse Comitissis, Marchionissis, & Ducissis intrare septa Virorum Religiosorum, quia hæc solent esse Fundatrices, & Patronæ Monasteriorum; & ad excludendam opinionem illorum, qui potuissent pensare, Fundatrices non comprehendí sub dictis Constitutionibus. Ità post *Manuel. l. c. Sanch. cap. cit. 17. nu. 7. Bonac. pumf. cit. 2. nu. 3. Domat. tract. c. 4. quæst. 10.* ubi tamen advertit cum *Peyrino l. c. n. 6. Statutum Pii V.* non derogare Regulæ *Sancti Francisci de Paula*, neque alterius, si quæ sit illi similis, quæ cavetur ut singulæ Dominæ de Stirpe Regia procreatæ, ac etiam omnes dicti Ordinis Fundatrices, cum honesta comitiva possint septa communiora visitare; pro ut Sacra Congregatio jussu *Gregor. XIII.* declaravit sub die 22. Novembris 1577. apud *Peyrin. §. c. 3. n. 6.* Quare Religiones carentes tali Regula, vel consimilem non habentes, sine incurfu poenarum non valent admittere Fundatrices per *Sanch. n. 7. cit. Bonac. n. 3. cit. Donatum qu. citat. & alios*; quia idem *Gregor. XIII.* non indulgendo, sed declarando dixit, non censeri per di-

ctum Motum *Pii V.* derogatum prædictæ Regulæ Minimorum.

285. Non carere nihilominus sua etiam probabilitate oppositum, quod Mulieres videlicet; quæ fundant Monasteria Religiosorum, illæmet possint ingredi absque incurfu censuræ, non obstante Pontificia prohibitione *Pii V. & Gregorio XIII.* sentiunt *Suar. l. c. de Relig. n. 6. Pala. pumf. cit. 8. n. 40. & Pellizzar. l. c. qu. 12. nu. 44.* unanimiter affirmantes, probabilitate non carere, Fundatrices exemptas esse à prohibitione dictarum Constitutionum *Pii V. & Gregorii XIII.* Tum quia Fundatrices Monasteriorum peculiarem habent rationem, ut non debuerint comprehendi sub generali prohibitione: tum quia jure Patroni, est valde privilegiatum in jure: tum quia Fundatrices sunt quasi Dominæ suorum Monasteriorum, ac proinde non debuerunt ab iis excludi ea generalitate qua excluduntur aliz feminae extraneæ, si enim hoc fieret, vitium saperet ingratitudinis. Neque ex præfata declaratione, *Gregorii XIII.* aliquod argumentum desumitur ad affirmandum Fundatrices comprehendí sub his Constitutionibus, in ea Religione, in qua non est Regula permittens earum ingressum: secus ubi est Regula eum ingressum permittens: quia hæc Constitutiones non ad derogandas Regulas, sed ad derogandas facultates adversus Regulas expeditæ sunt, ita innuit *Suar. n. 6. c.* cum quo idem *Pala. & Pellizz.*

286. Patet secundo, ex dictis propriis Motibus *Pii V. & Gregorii XIII.* Religiosos, Monasteriorum Superiores, quoquo modo nominentur, præsumentes feminas admittere, aut permittere, ut admittantur, sive ingrediantur septa Monasterii; Nec non Religiosos subditos, præsumentes pariter hujusmodi feminas admittere, vel introducere, ipso facto suspendi à Divinis (hæc suspensionis poena non est Papæ reservata, ut ex ipsamet *Piana Constitutione* constat, & notant *Sanch. cap. c. 17. nu. 41. Thesaurus de Pœnis. Verbo Clausura par. 2. Praxis cap. 3. nu. p. & cum ipsis Donatus tract. c. 4. qu. 26. nu. 3.*) Item dicti præfati Religiosi, tum Superiores videlicet, tum Subditi, privantur Officiis, quæ in præsentia obtinent, & inhabilitantur ad illa, & alia omnia, ut in fine dicti *Motus proprii Pii V.* videre liquet. Ex *Bulla* autem *Greg. XIII.* Superiorum Monasteriorum, nedum suspenduntur à Divinis, & privantur Officiis, ut in *Bulla Pii V.* sed insuper excommunicantur, excommunicatione latæ sententiæ,

tentiae, Papae reservata, inlar seminarum praefatarum. Quae excommunicationi, respectu Religiosorum non reperitur (ut patet legenti) in dicta *Pia Constitutione*. In terminis verò dictae *Bulle Gregorii*: Subditos non afficit, sed Superiores dumtaxat, ut constat ex illis verbis, ibi, *Abbatibus verò, & Abbatibus, &c.* & notant *Rodrig. 10. pr. 99. Regular. q. 47. ar. 3. Versi. Abbatibus verò, fol. mibi 279. Sancb. cap. c. 16. n. 84. Flavius Cberub. in Compend. distiq. Bullae Gregor. & Donat. qu. c. n. 7. & 8.* Nec obstant verba illa contextus, & personis quocumque nomine vocentur, quia haec verba (ut etiam *Rodrig. Sancb. & Donat. ll. cc.*) referuntur ad Superiores Conventus, quovis nomine appellentur, quandoquidem, hi Superiores, ac Praelati appellari solent Abbates, Provinciales, Magistri, Guardiani, Priores, Rectores, Praepositi, Praesidentes, Praefecti & similes, & de his loquitur Contextus, non autem de particularibus, & privatis personis Monasterii, cum haec personae privatae nominentur Patres, Fratres, vel Moniales, etenim *Constitutio* haec penalis est, & non extenditur nisi ad expressa, ut optime *Rodrig. l. c.*

287 Et licet quidam ex Doctoribus probabiliter putent etiam Religiosos subditos affici excommunicatione in cit. *Bulla Gregorii XIII.* & ita esse in *Sacra Penitentiaria* usu receptum, ut inter alios testantur *Filliucc. To. p. Tracl. 15. cap. 5. qu. 7. n. 128. Versu, secundo in Constitutione*: ibi, *Extenditur item hac excommunicatione reservata ad quoscunque Religiosos eas admittentes, non tantum Superiores, ex Quaranta in Summa, Bullarum, Verbo Monasteria Monialium fol. 445. in Constitut. Greg. XIII. 36. Ubi Gratia. In quo loco refert etiam, non tantum feminas ingredientibus praetextu facultatum, sed absolute incurrere excommunicationem reservatam, & sic servare usum Sacrae Penitentiariae. Et Franciscus à Coriolano de Casib. reserv. par. 2. Casu 3. sub nu. 25. Versu Quae doctrina. Ubi sic: Saepe factus est recursus ad sedem Apostolicam, pro illis Mulieribus, quae ingressae sunt Monasteria Religiosorum, & multoties declaratum est, non solum illas, verum & Religiosos, qui eas introduxerunt, in Excommunicationem Papalem incidisse, & necesse fuit obtinere absolutionem ab excommunicatione, etiam pro Fratribus. Et licet inquam, hi Doctores, vel alii etiam, ita opinentur, in promptu est responsio Bonac. de Claus. qu. 5. pun. 3. prop. 2. nu. 2. Versi. Alio verò, in fine. Intelligendos esse (videlicet) bu Doctores, si Religiosi permittant fornicari*

ingredi praetextu facultatum. Quae responsio fundatur utique in *Gregoriana Constitutione* Contextu ipso, dum ibi expressè sic: *Districte precipimus sub eadem excommunicationis poena, nec non &c. ne in Monasteria, &c. quemquam praetextu licentiarum, & facultatum ingredi faciant, vel permittant.* Quae doctrina (seu responsio) vera est, secundum se considerata (inquit *Coriol. l. c.*) Nihilominus praxis est in contrarium. Et sic communiter tenetur, nempe quod non solum praetextu facultatum, & licentiarum Mulieres non possunt ingredi Monasteria Virorum, quia praedictae Constitutiones illas revocant, verum etiam neque alio praetextu, alioquin incurrunt Censuram. Quae per eundem *Coriolan. eodem loco*, extenditur etiam ad Religiosos Fratres subditos, ex Praxi Sedis Apostolicae: & per *Filliucc. supra, ex usu etiam, ac Stylo Sacrae Penitentiariae, & Romanae Curiae, qui Stylus facit Jus, ut docet Quaranta l. cit. pag. mibi 449. in princip. loquens enim de dictis Bullis: sic ait: Salva pace tantorum Virorum, praefatae Bullae satis videntur illam declarationem, extensionem recepisse, & resumpsisse, ex communi observantia Praetoris Sacrae Penitentiariae, cujus meminimus, & quae sufficere debent ad illarum Constitutionum interpretationem, cum Stylus Romanae Curiae faciat Jus, ad Text. in cap. ex literis, ubi notat *Panorm. nu. 6. de Constitut. & in cap. Quam, de crim. falsi.* Supposita igitur huiusmodi Praxi, & data veritate dicti usus, atque Styli Sacrae Penitentiariae, & quod maxime idemmet Stylus pariat Jus (quod etiam docet *Leone in Praxi ad Litteras S. Penitent. fol. cit. 348. colum. 2. ibi, Stylus Curiae, magni faciendus est, quia facit Jus c. Quam gravi, 6. &c. licet 5. ubi Panorm. de crim. falsi.*) Hac de causa praecise subscribendum puto (quo ad Religiosos subditos videlicet, ac simplices Fratres) sententiae *Filliucc. & Coriol.*: sic concludentis *l. c. sub n. 24. Itaque omnes Regulari, sive Superiores sint, sive Subditi quovisquaque introducunt, vel introduci faciunt, admittunt, & recipiunt, vel admitti, & recipi faciunt Mulieres in Monasteria Regularium, incurrunt primo in excommunicationem Papae reservatam nisi in mortis articulo.**

288 In quam tamen excommunicationem, nec in alias poenas non incurrunt neque Superiores, neque Subditi, qui bono fine Mulieres introducerent, ut videlicet, essent absconsa: ad persequentes eas, & quærentibus eas occidere, violare &c. Quod etiam dicendum est de Monialibus admittentibus Viros eodem bono fine, cum eadem sit omnino

omnino ratio. Nam poenae assignatae in Decretis praefatorum Summorum Pontificum, imponuntur contra eos qui temerario ausu, & praesumptione introducunt: *Rodrig. to. p. 99. Regular. qu. 47. ar. 2. & in Exposit. Motus proprii Pii V. n. 11. Sorbus in Compend. Privileg. Mendicant. Verbo Ingressus Monasterium Monialium n. 7. Sanch. cap. c. 16. n. 97. Coriol. Casus 3. c. sub n. 20. Vers. Idem etiam (advertens ibi, Quod in inquirendis huiusmodi rebus Praelati cauti esse debent, ne inquirant eos, qui bono fine aliquid ex praedictis fecerunt.) Peyrin. to. p. Privileg. Constit. 6. Julii 2. qu. 5. Vers. Noto 3. n. 18. in fine (ubi, si Muliere dicto bono fine admissa quis abutatur, non incurrit: Quia poena est infligita contra male admittentes, & ingredienti.) Pellizz. in Man. Regular. to. p. tract. 5. cap. 6. sec. 2. qu. 17. n. 56. Vers. Probabilior Casus (ubi etiam cum Portello in Dub. Regular. Verbo Clausura Monachorum n. 4. asserit, Religiosum occultantem foeminas illicitè ingressas Monasterium, non incurere poenas latis contra Regulares admittentes foeminas intra Monasteria: si occultet bono fine, ver. gr. ad tuendum honorem foeminae, aut alterius Religiosi sui Ordinis, vel alterius: sic quippe adest necessitas excusans: uti esset in casu, quo foemina ingrederetur aliquod Monasterium ad evadendas manus Satellitum; cum & hoc idem concedat Sanch. cap. c. 16. n. 59. de Malefactore ingrediente Monasteria Monialium ad evadendas manus Satellitum illum insequentium.) Bassie. Verbo Clausura sub n. 19. Vers. Quarto quod. Donat. in Praet. 4. trac. 5. qu. 10. cum Tambur. De Jure Abbatissar. disp. 22. qu. 3. ad 6. dub. & alii. Imò hic etiam adverto cum Sanch. in Decal. to. 2. lib. 6. c. 15. n. 72. (& ibi Navarro, Grassio, Azor. Llamas, Zecbio, Zerola,) & cum eodem Donato to. 4. cit. qu. 8. nu. 13. Quod nec personae receptantes, comitantes, vel recipientes Moniales illicitè egressas, incurunt in poenas latis à Pio V. in suo Motu proprio, qui incipit: *Decori, & honestati*: Si illas recipiunt, ob urgentem necessitatem, vel comitantur ad bonum finem, nempe, ut earum honori, & castitati consulant, aut hortantur redire, sic enim recipientes, non peccant, nec dicuntur cooperari illarum peccato. Sicut etiam illi soli receptatores haereticorum contrahunt excommunicationem, contra ipsos latam, qui recipient ut haereticos, & eorum fautores fovendo aliquo modo haeresein, ut docet Navar. in Summa, de Excommu. Bulla Cene, cap. 27. sub n. 55. in Quarta declaratione, &*

ibi Cajet., non ut subveniant illorum necessitatibus, &c. Et si id hoc habet locum (inquiunt Sanch. & Donat.) in peccato Haereseis, quod est peccatorum omnium gravissimum, quanto magis in casu, de quo hic. Idem habet Bonac. de Claus. qu. p. punct. 4. n. 5. Et nota quod ligantur poenis omnes cooperantes peccato egressus Monialium sive Religiosi sint, sive Sæculares; quia Textus de his omnibus loquitur ibi, *Nec non comitantes*, ut illarum receptatores personar, sive Laicas, aut Sæculares, vel Ecclesiasticas, consanguineas, vel non, &c. Motum hunc referunt ad verbum Sanch. cap. cit. 15. n. 63. Donat. qu. cit. 8. it. 1. aliique. 189 Poena suspensionis à Divinis, quæ contrahitur à Transgressoribus praefati Motus primi Piani, ut patet, afficit eisdem ipso facto, ante ullam videlicet Judicis sententiam, quia cum suspensio sit Censura, sicuti excommunicatio, & interdictum ex cap. Quærenti 100. de Verbor. signific. nulla indiget declaratione, aut Judicis sententia, ut incuratur in illam: Sorbo in Compend. Privileg. Mendic. Verbo ingredi Monasteria Fratrum; vel Monialium n. 10. Vers. Notandum est, an committens. Sanch. cap. cit. 17. n. 40. Pala. punc. 8. c. nu. 10. Peyrin. l. cit. nu. 20. Vers. Noto 3. ubi expressè sic: *Quo ad poenas Suspensionis, & excommunicationis, incuruntur ipso facto ante ullam Judicis sententiam, sicut etiam eodem modo incurritur poena interdicti, & irregularitatis.* Pellizzar. l. c. qu. 21. n. 63. aliique. Et quod ad incurendas poenas, seu censuras suspensionis à Divinis, & excommunicationis, latis in supra dictis Motibus non requiritur sententia Judicis, sed hæ incurrantur ante omnem sententiam, constat ex verbis ipsis, quibus ea proferuntur. Suspensi autem à Divinis; idem est, quod suspensi ab exercitio (cum Pompa, & Solemnitate ex Officio) Ordinum quos habent, propter quod non possunt aliquod Sacramentum cum Solemnitate administrare, nec Solemniter orationes in Choro, nec Evangelium canere, nec Cereos deferre. Ac tandem sunt suspensi ab omnibus annexis Ordinibus, licet sint Minores, & illa exercendo peccant mortaliter, & irregularitatem incurunt. Hac de re plura apud Sorbum in Compend. Verbo Ingressu Monasteria n. 9. Navarr. in Man. cap. 27. n. 163. Tolet. lib. p. cap. 45. Avilam de Cens. par. 3. disp. 2. De effectibus suspensionis, Bonac. to. 1. tit. de Suspensione disp. 3. punc. 2. Bassium Verbo Suspensione 2. Donatum tract. cit. 4. qu. 29. & apud omnes agentes de Censura Ecclesiastica.

Suspend.

Suspensionis, qui sunt innumeri, antiqui, & recentiores.

290 Ultra præfatas penas excommunicationis Papæ reservatæ, & Suspensionis à Divinis, incurrunt etiam Religiosi Ex Motu proprio Gregorii XIII. ut constat (si fœminas faciant, vel permittant ingredi sua Monasteria) *pœnam privationis Dignitatum, Beneficiorum, & Officiorum suorum, ac inhabilitatis ad illa, & alia in posterum obtinenda.* Nomine autem Officiorum, quibus Religiosi introducentes fœminas, vel eas admittentes privantur, veniunt intelligenda Officia iurisdictionem habentia, quæ Superiorum propria sunt, & superioritatem quandam continent, scilicet esse Generalem, Provincialem, Visitatorem, Commissarium, Præpositum, seu Superiorem localem, Vicarium Monialium: Non tamen esse Definitorum, Discretum, Concionatorem, Confessorem, Theologiæ Lectorem, Sacristiæ præfectum, & similes, quia hæc Officia, & similia, iurisdictionem nullam continent. *Sorbus l. c. n. 8. Versu Advertendum dum dicitur in privatione Officiorum. Sanch. c. 16. c. n. 66. Pala. Punc. c. 8. n. 10. Versu, Quarto explicari, in fine. Bassæ. Verbo Claus. n. 16. in fine. Merolla to. p. disp. p. cap. 2. difficult. 10. sub n. 524. Versu Nomine autem, & alii.*

291 Si autem quæras quid sibi velint, & qualiter differant inter se, *Ingredi facere, aut permittere, & introducere, & admittere*, de quibus supra, & in allegatis Motibus. Dico, per *ingredi facere, aut permittere*, intelligi actionem quamlibet positivam (ut jubere, consulere, intromittere) vel negativam (uti esset non prohibere) per quam Prælati causa sit talis ingressus, cum ipse ex Officio teneatur impedire, potestque commodè prohibere (ut suppono) & non prohibendo censetur causa ingressus indirecta. Per *admittere* verò, significatur quæcumque cooperatio directa, aut indirecta ad ingressum. Hinc si ad Religiosum non spectat ex Officio impedire, aut admittere fœminas intra Monasterium (quod est munus Prælati, & Superioris, Monasterii, aut Janitoris) non peccat contra Clausuram, si cum possit, non obstat, vel non resistit ingredienti: cum sic nec directè, nec indirectè cooperetur ingressui: secus tamen si invitaret, aut aliquo modo positivo faceret ingredi mulierem aliquam sine licentia; sic enim directè admitteret: uti etiam peccaret is, cui incumbit ex officio impedire, & cum possit, non impediret: sic namque indirectè coo-

peraretur admissio: ita etiam *Sanch. c. cap. 16. n. 87. & 93. Suar. de Conf. disp. 22. sec. 6. n. 14. Portell. Verbo Clausura Monachorum n. 2. Addens n. 3. quod Monachus, seu Monialis quæ personas Seculares illicitè ingredienti non invitavit ad ingressum, nec ex officio ullo modo tenebatur impedire: postquam tamen ingressæ sunt, si obvias easdem habeat, illas alloquatur, comitetur &c. iste talis Monachus, vel Monialis, nec dici debeat admittere, nec consequenter, talia faciens, in penas incurrere. Lex enim tam valdè penaliter restringi debet, ac proinde puniens solos *permittentes, vel admittentes* ad ingressum, non punit alloquentes, & comitantes personas post ingressum. Id enim oportebat explicari à Summo Pontifice in re tam penali. Uti facit idem Pius V. in altera sua *Bulla*, quæ incipit *Decorari, & beneplaciti*, quæ prohibuit, & gravibus pœnis punivit Moniales egressas à Clausura indebitè, volens enim extendere pœnas etiam ad personas comitantes, & recipientes easdem Moniales extra suos Conventus; in eadem *Bulla* statim expressit personas extra Conventum illas comitantes, & recipientes: aliàs dicti comitantes non incurrerent si non exprimerentur. Cum ergo in casu nostro præfati duo Pontifices solum puniant malè admittentes, vel invitantes ad ingressum; non utique puniunt alloquentes, vel comitantes post ingressum: ita *Portell. n. 3. cit.* cui addo *Pala. punc. c. 8. n. 11.* ubi inquirens, an si fœminas jam ingressas, vel ibi extra casus permisso commorantes, Religiosus comitetur, confabulationibusve detineat, ne egrediantur, censeatur illarum admissor, pœnasque privationis, inhabilitatis, & suspensionis incurrat? Respondet si dictus Religiosus tenetur ex Officio servare custodiam, censendus est sine dubio admissor, pœnasque supradictas incurrat, sic enim saltem indirectè recipit, retinet, atq; admittit Fœminam iniquè intra Clausura commorantem: Et licet eam non introduxerit, sufficit si introductam admittat, eo quia pœnæ non solum introducentibus, sed admittentibus impositæ etiam sunt. Si verò ex Officio talis Religiosus non est obligatus custodiam servare, distinguendum est, vel suo comitatu vanisque confabulationibus causa est, ut ibidem Mulier detineatur, & dicendus est illius admissor. Vel comitatus suus, seu confabulatio causa non est detentionis, quia illis etiam sublati, adhuc Mulier in Conventu detinetur, & tunc admissor reputandus non est,*

est, quia sic nec directè, nec indirectè de-
tentioni concurret. Et hanc eandem doctri-
nam, & sententiam sequi videtur *Merolla*
to. pr. *Theol. Moral. disp. 1. c. 2. difficul. 8.*
n. 516. *Verf. Sanch. deniq; fol. mibi 87. col. p.*

292 An verò supradictæ pœnz ipso fac-
to incurrantur absque ulla prorsus senten-
tia declaratoria Judicis, distinguendum est,
si sermo sit de pœnis *Excommunicationis*, &
Suspensionis à Divinis, ipso facto in superius
allegatis *Motibus* impositis, statim admissa
culpa afficiunt animam, per omnes, absque
prorsus declaratoria Judicis sententia, ex-
communicatio enim, suspensio, interdi-
ctum, & irregularitas, cum sint Censuræ,
statim commissa culpa, animam culpantis
afficiunt ipso facto, ante Judicis declara-
toriam sententiam per DD. communiter,
ex dictis etiam supra, & ex communi ob-
servata praxi Ecclesiae. Quod pariter docet
Molina de Just. to. 1. disp. 96. col. penult. Verf.
Ut verò, fol. mibi 262. Inquiens, consen-
tire Doctores omnes, ex ipsoque Ecclesiae
usu, & praxi manifestum esse, pœnas Ex-
communicationis, Suspensionis, & Interdi-
cti, nulla expectata Judicis sententia in-
curri commisso crimine pro quo sunt im-
positæ, quando ipso jure, aut ipso facto,
aliisve æquipollentibus verbis sunt imposi-
tæ. Irregularitas etiam, quia est impedi-
mentum Canonicum ad Sacros Ordines su-
scipiendos, sive in pœnam alicujus delicti,
sive absque culpa, legitima aliqua de cau-
sa sit statuta, nulla expectata Judicis sen-
tentia incurritur: ita *Mol. l. c. ex commu-
ni sententia.* Et idemmet advertit *Tambur.*
de Jure Abbatis. disp. 29. q. 3. nu. p. quod
etiam supponi videtur (addit idem *Tambur.*
nu. cit. p. & ante ipsum) *Sorbus in Compend.*
Verb. Ingredi Monast. Fratrum, vel Monial.
n. 10. Verf. Notandum est, an committent, &
Verf. Sequenti. Idem dicendum à Concil.
Trident. sess. 24. de Reform. c. 6. dum enim
ibi concedit *Trid.* facultatem absolvendi à
casibus reservatis, & delictis occultis, sup-
ponit sine dubio illos, & illa incurrunt, etiam
si ad exterius non sint deducti forum. Se-
cus verò affirmandum est, si sermo sit, &
loquatur de cæteris pœnis privativis; ad
has enim incurrendas, pœnas videlicet pri-
vationis Officiorum, Beneficiorum, ac Di-
gnitatum, & inhabilitatis ad illa, requi-
ritur sententia Judicis declaratoria delicti:
Unde Religiosi admittentes sœminas intra
Claustrum, non tenentur in conscientia,
non uti suis Beneficiis, &c. nec seipsos iis-
dem privare, eaque relinquere ante Judi-

cis sententiam, maximè si crimen sit se-
cretum: nemo enim tenetur exequi pœ-
nam tam rigorosam contra seipsum, absque
Judicis sententia, maximè si libimet ipsis
resultaret gravis infamia. *Portel. in dub.*
Regul. Verbo Inhabilitas n. p. & 4. infra. Hinc op-
timè. *Donat. to. 4. Praxis tr. 4. q. 10. n. 3.*
sic: *Solum excommunicatio, suspensio, interdi-*
ctum, & irregularitas, statim admissa culpa,
afficiunt animam culpantis, ante Judicis de-
claratoriam sententiam; secus autem ceteræ
pœnz; etiam si forent privativæ, & factio bo-
minis non indigerent; quia ita communis usus
recepit: unde nec quidem pœna privationis vo-
cis incurritur ante Judicis sententiam, dummo-
do non consurgat ex violata censura, vel ab
irregularitate: nam effectus sapit naturam sue
causæ, & accessorium, secundum Juris Re-
gulam, sequitur naturam sui principalis: quod
dictum magis procedit in pœnis contentis in pre-
senti Bulla Pii V. ubi illa Clausula absque alia
declaratione, refertur tantummodo ad excom-
municationem ibi positam, non autem ad alias
pœnas, ut ibidem est videre, hactenus Do-
natus l. c. Et ante ipsum Sanch. Oper. Moral.
to. p. l. 2. c. 22. n. 20. (ubi pro se, & sen-
tentia sua citat *Covarru., Mexiam, Ludovic.*
Lopez, Graff., Henric. Manuel. Sotum c. 39.
n. 32. *Ubi item refert Cordub., Metinam,*
Aragon. Salon. Navarr., & Molin.) & to. 2.
ejusdem Moralis Operis l. 6. c. 15. n. 65. &
c. 17. nu. 39. Hi enim omnes probabilius
tenent aliquem Judicis actum desiderari,
nempe declaratoriam ejus sententiam cri-
minis ad dictas incurrendas pœnas, cum
enim hæc sint pœnz rigidiores, non vide-
tur æquum, neque usu receptum, ut in-
currantur absque sententia Judicis: atque
illa verba, *absque alia declaratione*, intelli-
genda esse de declaratione pœnz, in quam
ipso facto post sententiam Judicis declara-
tivam criminis incurritur. (Hinc optimè
Portel. in Dub. Regul. Verbo Lex n. 6. ait:
Leges Pontificie, & Religionum, ponentes pri-
vationes ab Officiis, & Prelatiis ipso facto,
seu absque ulla declaratione, non obligant trans-
gressores, ut facto delicto deponant Officia per
se ipsos, sed possunt procedere. Semper enim,
debet expectari declaratio Judicis, non de pœ-
na, sed de crimine, pro quo pœna est imposi-
ta. Rodrig. cum communi to. p. qu. 7. art. 16.
& Vega 2. par. verb. Leges, casu 7.) Præter
autem relatos à *Sanch.* ejusdem sunt sen-
tentiz, & opinionis, *Suar. de Relig. to. 4.*
lib. pr. cap. 7. n. 10. in fine: (ibi: *Quo ad*
alias verò pœnas, probabile est necessarium esse
sententiam declaratoriam ad incurrendas illas,
juxta communiorum doctrinam in materia de
Legibus.)

Legibus.) Diana Coord. to. 7. trañt. pr. ref. 246. Ex par. 3. trañt. 2. ref. 66. Pellizzar. in Man. to. p. trañt. 5. cap. 6. sec. 2. quæst. 22. n. 63. Basse. Verb. Claus. nu. 16. & alii. Contra Sayrum in Clavi Regia lib. 3. cap. 9. n. 35. Bonac. de Claus. to. p. qu. 5. punct. 3. Propos. 2. nu. 2. juncta q. p. punct. 4. nu. 7. Merolla to. p. Theolog. Moral. disp. 1. cap. 2. difficult. 10. nu. 523. ubi etiam refert Sorbum loc. cit. Sylvestr. Verb. Assassinus. in fine, & ibi Tabienam qu. unica n. 3. Azor. to. pr. lib. 5. cap. 7. qu. 6. & alios: quibus adjungo. Coriolan. de Casib. reserv. par. 2. Casu 3. nu. 26. Verf. Dubitatur Octavo: (Addunt tamen idem Coriolan., Sorbus, & Sayrus, & cum istis etiam Merolla, Religiosum admittentem feminam intra Claustra Monasterii, si crimen est occultum non teneri desistere statim à suo Officii usu, neque ab exercitio vocum activæ, & passivæ, si propriam infamiam, propriique delicti manifestationem timeret, juxta communem omnium Theologorum sententiam de propria tuenda fama, & honore conservando; teneri quidem mediis occultis dispensationem petere, & nullatenus acceptare aliud Officium, ratione inhabilitatis.) Quorum omnium Doctorum, traditæ eorundem sententiæ, commune, unicumque (præcipuum saltem) fundamentum est, quia in Bulla imponitur poena à Pontifice, non solum Ipso facto, sed Sine alia declaratione. Cui fundamento satisficit breviter à Sanchez atque à cæteris Doctoribus cum ipso laudatis, insistenti cum eisdem, requiri sententiam criminis declaratoriam, atque ea verba sine alia declaratione, intelligi de sola poenæ declaratione, hoc est sine alia declaratione poenæ cum hæc imposita fuerit in Bulla à Summo Pontifice: unde eadem Clausula, & verba, in hujusmodi sententia non sunt superflua posita (ut contendit Merolla l. c.) quia ut optime etiam Sanchez cap. cit. 22. n. c. 20. non excludunt omnem Judicis declarationem, sed solam poenæ: & quavis per verba, ipso jure, ipso facto, esset satis exclusa declaratio poenæ, non ob id sunt superflua ea verba, absque alia declaratione, quia adduntur ad maiorem eorum verborum declarationem. Nec novum est verba in Decretis multiplicari ad maiorem declarationem: Ut in simili docet Covarr. lib. 2. Variar. cap. 5. n. 9. apud, & cum eodem Sanchez. n. c. 20. Ubi in ejusdem, & suæ sententiæ confirmationem, arguit præterea: Non potest negari rem hanc esse dubiam, At in dubio non est interpretandum voluisse Legislatorem obligare ad po-

nam ante omnem Judicis sententiam. Ut bene docent Navar. in Summa Hispana cap. 28. in additione ad n. 66. cap. 23. & Simancaz de Instit. Cathol. Tit. 9. n. 227. quod maxime est verum, quando est dubium Juris, quale est hoc. Hinc optime Molina to. 1. de Justit. disp. 96. col. ult. Verf. Quod dictum est, fol. mibi 362. docet, poenas amissionis Officiorum ipso jure, & ipso facto statutas, exigere Judicis sententiam, nisi verba luce clariora importantia nullam exigi sententiam commisso crimine addantur. De Nullo namque Legislatore (inquit ibi) presumendum est voluisse illaqueare conscientias suorum subditorum, eos solius legis vi obligando ad executionem talis poenæ. Eo maxime quia, quando lex ipso facto poenam decernit (ut bene Sotus de Just. & Jure lib. p. q. 6. art. 6. Verf. Tertia Conclusio) tunc sententia Judicis non est necessaria, ut feratur super poenam, sed super crimen. In conformitatem autem traditæ hucusque doctrinæ, ac sententiæ, Diana l. c. existimat ita etiam esse intelligenda verba similia apposita à Clem. VIII. in Bulla de Largitione munerum, ut doctè adnotavit Sosa in illius Explicatione, n. 102. & à Gregor. XIII. in Bulla quæ incipit, Dubia que emergunt contra Prælatos ingredienti Monasteria Monialium. Et à Paulo II. in Extravaganti Ambitiose, de Rebus Ecclesiæ non alienandis, cum Henrico lib. 13. cap. 56. nu. 41. Grassio in Decisionib. par. 1. lib. 2. c. 11. n. 41. & aliis.

293 Si verd poenæ imponerentur sub terminis ipso facto, aut ipso jure, aut eo ipso, &c. incurrendæ: & insuper adderentur hujusmodi dictiones, Absque ulla declaratione, ante omnem declarationem, absque ulla Decreto, aut Ministerio, aut Sententia: tunc ex Vasq. p. 2. disp. 170. & Suar. de Legib. lib. 5. cap. 8. commisso delicto tales poenæ incurrerentur, & in conscientia obligarent ante omnem declarationem: quia tunc nihil aliud intendere videntur Bullæ Summorum Pontificum, & Decreta Sacrarum Congregationum Cardinalium, nisi, quod nulla expectetur sententia ad hoc, ut poenæ incurrantur in utroque foro, & in hoc sint similes Censuris, & Irregularitatibus, aliis superfluis, & frustra adderentur illæ dictiones, Absque ulla declaratione, absque ulla sententia, ante ullam sententiam, &c. Nihilominus aliqui Theologi apud Lezan. to. p. Summa c. 10. n. 31. oppositum etiam tenent, dicentes, per illas dictiones denotari solum, non requiri ad hoc ut tales poenæ incurrantur etiam in conscientia, sententiam Judicis declaratoriam, sed ante il-

lam incurri: non verò denotari, non requiri sententiam, aut delicti declarationem, quia dicunt hanc semper necessariam esse: & hoc non videri improbabile, affirmant *Africanus Tamburin. de Jure Abbatissar. disp. 29. qu. 3. n. 4. & 5. & idem Lezana n. cit.* Quia sic (inquiunt) temperatur rigor legum istarum, quod videlicet non teneatur reus in se exequi pœnam sui delicti: & idemmet *Lezana* fatetur, ita consuluisse *Pœnitentiarium Ecclesie Sancti Petri Romæ*. Si plura desideras, vide Doctores super hac re, præsertim citatos. Et tandem

194 Quæres ultimum, Quis possit à delictis pœnis absolvere, vel dispensare? Respondeo primo. Ab excommunicatione contracta ob ingressum, à solo Summo Pontifice absolvi posse, quia eam sibi met reservavit, excepto mortis articulo, ut constat ex Textu ipso superius allato. Ab Episcopo etiam, tanquam Sedis Apostolicæ delegato, si excommunicatio occulta sit, neque ad forum contentiosum deducta, virtute: *Trident. sess. 24. de Reformat. cap. 6.* ibi enim: *Licet Episcopis in Irregularitatibus omnibus, & suspensionibus, ex delicto occulto provenientibus, excepta ea que oritur ex homicidio voluntario, & exceptis aliis deductis ad forum contentiosum, dispensare: & in quibuscumque casibus occultis, etiam Sedi Apostolicæ reservatis, delinquentes quoscumque sibi subditos, in Diocesi sua per ipsos, aut Vicarium ad id deputandum specialiter, in foro conscientie gratis absolvere, imposita pœnitentia salutari.* Accedunt etiam DD. communiter. Cui Sacrosancti Concilii Decreto, non videtur esse derogatum per novas Constitutiones, *Suar. de Pœnit. disp. 30. sec. 2. n. 12. 13. & 24. Bonac. de Censuris in communi disp. pr. qu. 3. punct. 2. nu. p. Vers. An vero. Bossius de Jubileo sec. p. Casu 10. §. 5. num. 249. fol. mibi 53. Gavantus in Manual. Episcoporum. Verbo Absolutio n. 4. Diana Coord. tom. 4. tract. 3. ref. 27. ex par. 7. tract. 2. resol. 20. Mazzuchellus de Casib. refero. disp. 2. cap. 2. Difficilis. p. n. 24. Alique. Itemque ab eadem excommunicatione contracta ob ingressum &c. absolvere etiam possunt Confessarii Regulares approbati, virtute suorum privilegiorum (quibus Religiones fruantur communiter, & in quibus communicant) habent enim privilegium absolventi quoscumque Christi fideles, à quibuscumque peccatis, etiam Apostolicæ Sedi reservatis, & à quibuscumque censuris, sententiis, & pœnis Ecclesiasticis ex illis resultantibus, præterquam ab his quæ continentur in Bulla Cœnæ Domini. *Paulus III.**

Societati Jesu, sub die 3. Julii 1545. Pontificatus sui anno 2. Quod privilegium incipit. *Cum inter cunctas sollicitudines nostras, &c.* Et habetur in *Collectione Privilegiorum. 701. Baptiste Constit. Privilegio 3. Sub Paulo III. fol. mibi 151. & 152. in Compend. Privilegior. Societatis Jesu Tit. Absolutio §. p. & in Compend. Privilegior. nostrorum Theatinorum. Tit. Absolutio quo ad Sæculares §. pr. fol. mibi 46. de quo etiam Privilegio Doctores sparsim, Patres ejusdem Societatis præsertim. Quo supposito privilegio.*

195 Inquirunt hic DD. an Regularia Confessarii virtute hujus privilegii possint absolvere à Censuris, quamvis illæ publicæ sint, & deductæ ad forum contentiosum. Negant aliqui apud *Sanch. cap. cit. 17. n. 42. Bonac. de Claus. disp. p. de Claus. punct. 5. n. 3. & Basse. Verb. Claus. n. 17.* Quia cum illa facultas absolventi, odiosa sit, & inferat damnum Ordinariis, in eorum favorem videtur restringenda, per notata *Cap. Olim, de Verbor. significat.* Nihilominus dicendum est, cum isdem *Sanch. Bonac., Bossius l. cc. & alii* ab his citatis; quibus addo *Palam part. 3. de Voto Religiosæ Obedientie, disp. 4. punct. 8. n. 22. Peyrin. de Privileg. to. p. Const. 6. Julii 2. qu. 6. n. 21. Meroll. to. 1. disp. 1. cap. 2. Difficilis. 10. sub n. 527. Vers. Præterea quilibet, fol. mibi 89. col. 2. in princip. & Donatum to. p. Tit. de Violata Claus. tract. 4. q. 34.* Cum his inquam, & aliis DD. dicendum est, absolvi posse in foro conscientie virtute privilegiorum quibus communiter fruantur Confessarii Regulares approbati, quamvis Censuræ illæ deductæ sint ad forum contentiosum, & licet publicæ sint. Et ratio est, quia in privilegiis Religionum conceditur facultas absolventi à Censuris sine ulla restrictione, aut limitatione, igitur absolute intelligendum est, & non restringendum ad casum, quo crimen non est publicum, nec ad judicium delatum. Præterea quando Summus Pontifex intendit limitare facultatem absolventi, vel dispensandi, id solet exprimere, ut constat ex privilegio Episcopis concessio in præfato Decreto *Trid. sess. 24. cap. 6. de Reformat.* cum autem in privilegiis Religionum, talem limitationem non adiecerit, non est cur nos illam addamus. Neque hoc privilegium obest potestati Ordinariorum Judicum, quia isti integrum jus semper retinent in foro suo exteriori, ac si delinquent absolutionem non obtinuisset in foro interiori. Ita DD. citati. Ex eo autem quod Concilium supra restrinxit Episcopis hujusmodi facultatem, non inde tamen inferas culli-

cuiuslibet Sacerdoti electo per Bullam, cuiuslibetque Religioso ob privilegium Ordinis, potiori iure restringendum esse, quia Episcopis restringitur, eo quod sunt Iudices non solum pro foro conscientie, sed etiam pro foro externo. Deinde quia concessio Concilii est per modum legis, & Statuti, quæ in privilegio Bullæ, & Ordinibus concessio, non procedunt, proinde non est mirum, quod horum virtute excommunicatio publica, deductaque ad forum exterius, absolui possit in foro conscientie, non autem concessio Episcopis facta. Latius *Sanch. cap. c. 15. n. 76. & cap. 17. n. 43.* & cum eodem *Pal. n. 12. c.* Cum quo ad superius ultimum quæritur.

296 Respondeo secundo. A Suspensione à divinis incurra ab his, qui feminas iniquè in Monasteria admittunt, utpotè non reservata Summo Pontifici, potest Episcopus absolvere, quamvis ad forum Contentiosum deducta sit. A Religiosis Regularibus Confessariis approbatis, virtute suorum privilegiorum, toties quoties id necessarium fuerit. Ita idem *Pal. n. 6. Vers. Deinde ad Suspensionem. Merol. diffin. c. 10. n. 525. Vers. Suspendio autem.* (addas *n. seg. 526.* absolvi posse, etiam si deducta esset ad forum contentiosum, quia talis facultas absolvendi à censuris, sine ulla restrictione, seu limitatione concessa est: at privilegium sine limitatione concessum, à nobis limitandum non est) *Pellizzar. l. c. qu. 23. n. 69.* (ibi, *Quod spectat ad suspensionem; cum Pius V. qui illam tulit, ipsam non reservaverit, omnes ab ea possunt absolvere*) & alii.

297 Respondeo tertio. A penis privationis officiorum, & inhabilitatis ad illa, & alia &c. incurris ab his qui contra præfatas constitutiones, feminas in Conventus admittunt, si hæc penæ ipso facto ante iudicis sententiam contrahuntur (quod negare videtur *Sanch. cap. c. 15. n. 65. & 78.*) & sint occultæ; neque ad forum contentiosum deductæ, potest Episcopus dispensare sibi subditos virtute *Conc. Triad. sess. 24. de Reform. cap. 6.* concedentis (ut supra) Episcopis omnes casus occultos etiam sedi Apostolicæ reservatos. Idipsumque possunt & Prælati Regulares ex concessione *relatæ Pauli III.* facta Prælati Societatis Jesu, qua fruuntur omnes alii Religiosum Prælati, & qui in eisdem privilegiis communicant: virtute casus Concessionis in hac privatione, & inhabilitate dispensare possunt; quia ibidem conceditur potestas absolvendi ab omnibus casibus sedi Apostolicæ reservatis præter contentos in Bulla Cæne; & ab

omnibus censuris, & penis confurgentibus ex eis. Cum autem hæc penæ confurgant, ex delictis non reservatis in Bulla Cæne, possunt utique à dictis Prælati dispensari. Et quamvis privilegium, verbo absolvendi utatur, & hæc penæ, non absolute, sed dispensatione aboleri debeant, non obstat, quia sæpe absolutionis nomen habet in privilegiis latissimam significationem, ut significet, idem quod tollere, & abolere, quod notat etiam *Suar. to 4. de Relig. lib. 2. cap. 21. in fine n. 16.* ubi sic: Dicendum, verbum absolvendi latius sumi pro verbo abolendi, seu tollendi, quæ verba abstrahunt ab absolutione, & dispensatione: sicut enim sub potestate legandi, & solvendi, includitur potestas dispensandi, ita verbum absolvendi potest interdum sumi in illa generali significatione, quæ dispensationem includit: idem innuit *Pal. n. c. 12. Vers. In privatione in fine, cum eodem Suar.*

298 Idemque possunt Prælati Regulares virtute alterius concessionis, & privilegii *Pii V.* de quo, Sorbo in *Compend. Verb. Ingreffi Monasteria Fratrum, & Monial. in Annotat. pag. mibi 366. Versu Dico 4.* refert, ut sequitur: Provinciales Ordinis Sancti Dominici in Hispania, & per viam communicationis, omnes Provinciales aliarum Religionum, eorum Privilegiorum participantium, possunt in foro conscientie suos Subditos absolvere; non solum à suspensione à Divinis, sed etiam ab aliis penis in præfati Motu proprio contentis, habilitantes eos ad Officia habita, & habenda: Et hoc quando scilicet secreto Mulieres admiserunt in Conventu: Quæ quidem facultas colligitur ex illa Bulla *Pii V.* Provincialibus Ordinis Prædicatorum in Hispania concessa; In qua conceditur pro suis subditis in foro conscientie tota illa auctoritas, quæ à Sacro Concilio Tridentino Episcopis conceditur pro suis, ut passim, scilicet, dispensare in omnibus Irregularitatibus, & Suspensionibus ex delicto occulto provenientibus, illa excepta quæ oriuntur ex homicidio voluntario, & in iudicio non fuerit deducta. Hactenus Sorbo. Et de hoc eodem Privilegio (uti & de aliis quæ breviter gratia omitto) mentionem faciunt Doctores, præsertim *Sanch. n. c. 78.* Ubi etiam notat, quod: Licet Privilegium loquatur de Provincialibus Ordinibus: Motus tamen proprius expresse loquitur etiam de Superioribus localibus. Idque iure optimo, quia hi quoque quasi jurisdictionem Episcopalem in suis subditos habent. At nequeunt Superiores hi Religionis, hanc facultatem delegare: ita *Sanch. l. c.* Et idem habet quo ad negatam facultatem delegationis idemmet *Sorbo l. c. Versu Unde ex hac: (ibi enim.) Debent*

Debent ipsi Provinciales advertere, quod quamvis Episcopis concedat Concilium posse hanc auctoritatem delegare, eis tamen est denegata in Bulla Pii V. Cum dicat, quod ipsi per se ipsos tantum illud possint. Quod advertit etiam Pala. Versu cit. In privatione Officiorum (ibi) Ob Constitutionem Pii V. in favorem Dominicans familiae, cuius imminit Man. Rodrig. to. p. 99. Regul. qu. 69. ar. p. possunt huius Religionis Praelati, & omnes alii, Privilegiis eorundem fruenter, suis Subditis eas dispensationes concedere, quas possunt Episcopi, ea tamen conditione, ut per se ipsos, & non per substitutos, & delegatos faciant. Cui conditioni valde quadrat quod docet optimè Suar. de Relig. to. 4. lib. 2. cap. 22. num. 4. Dicendum (ait) ex vi Privilegiorum, in quibus Praelati nominantur, non posse Ministros inferiores, vel Confessores absolvere, quia nulli alii sunt proprii Praelati, & Privilegium non extenditur ultra verborum proprietatem. (Vide eundem Suar. n. p. & 2. c. c. ubi, quando in Privilegiis, & Indultis conceditur facultas aliqua generatim Praelatis, an hæc extendatur etiam ad Praelatum Conventualem? Et quando conceditur in singulari, ut Abbati, vel Superiori locali, an ipso iure censetur eadem facultas communicata Generali etiam, & Provinciali?) Præter autem citatos, sentiunt (inherentes pariter eidem præfato Privilegio in Piana Bulla contento) Generales, & Provinciales, aliosque Superiores locales per se ipsos tantum, non tamen per alios à se delegatos gaudere eodem Privilegio erga suos subditos in foro conscientiae, Bonac. de Claus. disp. p. punct. 5. nu. 5. Vers. Si verò. Meroll. Diffic. c. 10. n. 129. Versu Caterum quia Donat. to. pr. par. 2. tit. de Violata Clausura tract. 4. quest. 30. n. 6. Pellizz. 10. 2. Man. tract. 9. cap. 3. sec. 4. quest. 9. n. 117. Versu Adde quod: in fine, & alii.

299 Si verò delictum est publicum, neque Episcopi, neque Superiores Religiosorum dispensare possunt in dictis poenis, inhabilitatibus, ac privationibus, atque adeò dispensatio obtinenda est à Summo Pontifice (cum sint poenæ iure Pontificio Statutæ) quia inferior Summo Pontifice (regulariter loquendo) non potest in ejus lege, & poenis ab eo latis dispensare, quod à fortiori in omnium sententia verum est, si secuta sit Judicis sententia. Bonac. de Claus. disp. pr. punct. 5. nu. 5. Meroll. Diffic. c. 10. sub n. 528. Vers. Sancb. denique, in fine, & alii. Possent autem Episcopum, & Religionis Praelatum cum suis Subditis in dictis poenis dispensare, postquam resipuerint

egerintque poenitentiam, affirmat, & ut verius credit Pala. sub nu. c. 12. Vers. Sed, quid in fine: Quia (inquit) cum hæc poenæ Pontifici non sint reservatæ, censentur Ordinarii concessæ. Argum. Cap. Nuper, de Sententia Excommunicat. Expedit enim hæc concessio recto Ecclesiae regimini. Sic pluribus firmavi. Tract. 3. de Legibus disp. ult. de dispensat. punct. 6. appositis quibusdam limitationibus, quæ ibi videri possunt. Videantur. Pro complemento autem, ac majori declaratione, notitiaque intimiori quorundam antedictorum, nonnulla ulterius remanent hic advertenda: Et

300 Primò, Circa præfatum Excommunicationis censuram Summo Pontifici reservatam, excepto mortis articulo, advertendum est, iustè impeditum, vel impeditam (& cum non possit) non teneri personaliter Romam adire pro absolutione à Summo Pontifice obtinenda: ita etiam communiter DD. præsertim. Duardus in Bullam Corne Domini libr. 3. in §. 2. qu. 8. conclus. p. à n. 10. fol. mibi 739. & cum ipso Tamburin. de Jure Abbatissar. disp. 16. qu. 8. nu. 7. Et ratio Generalis est, ne scilicet periculum animæ imminet, obdilationem absolutionis: Et ne reservatio, quæ pro bono charitatis est inventa, contra charitatem vergat, & in periculum animarum. Adde cum Gregorio Polacco p. 2. Vacat. Epidem. de Confess. Monial. n. 4. (relato à Tamb. loc. cit. n. 8.) quod si ab hujusmodi censuris non possent impediti per alium absolvi, quam per Romanum Pontificem, profectò ad impossibile obligarentur, contra textum in l. impossibilem, ff. de reg. Jur. Quotamque pacto senio confecti, infirmi, & alii similes, qui ad labores itineris penitus sunt inutiles, & multo magis Moniales, quibus imperata est perpetua Clausura, Romanam Sedem adire poterunt? Igitur non Pia Mater Ecclesiam videatur, fideles ad impossibile obligare, affirmandum quod licet concessit, ut constituti in articulo mortis per alium quam per Romanum Pontificem absolvi possint ab omnibus casibus, & censuris, ita etiam idipsum concesserit iustè impeditis. Et adeò hujusmodi impediti absolvi possunt per alium, quam per Romanum Pontificem à casibus, & Censuris Apostolicæ Sedis reservatis, ut non teneantur Epistolam ad ipsum Pontificem, nec Procuratorem mittere, vel Nuncium, qui eorum nomine vices gerat in petenda absolutione, quoniam à jure ad id non obligantur. Navarr. in Man. cap. 27. num. 89. (Ibi:) Si quibus iustum adest impedimentum iudicio

judicio probi viri, quominus addeant Sedem Apostolicam, vel Nunciis à Latere (qui etiam potest absolvere) possunt absolvi ab Episcopo, &c. modo pro iuribus satisfaciunt, & jurent sublato impedimento, se presentaturos apud Sedem Apostol. qui postea nisi se presentent, quam citius commode poterunt, reinciunt in eandem excommunicationem, Cap. Eos qui de Sent. Excommunicat. in 6.) Duardus l. c. n. 21. (Cum Ugolino, & Alterio ibi citatis, addens n. 23. Impedimentum debere esse justum : & legitimum) Bonac. de Cens. in Comm. disp. pr. qu. 3. punct. 2. propos. p. q. 3. Vers. Respondeo posse : sub n. 4.) Existimat tamen Versu Ego verò subsequenti, laborantem aliquo impedimento ex recensitis ab ipso Vers. cit. antecedenti, Respondeo &c. teneri mittere Romam saltem Epistolam, si commodè potest, pro absolutione obtinenda, quod tamen ex Navar., Ugol., & Duardo, negat Tambur. l. c. n. 9. Quoniam (inquit) à jure ad id non obligatur (Henric. lib. 6. de Pœnit. cap. 9. n. 7. cum quo etiam Avila de Cens. par. 2. cap. 7. disp. p. dub. 6. sub Conclus. 3. Vers. Secundo nota (ubi, Qui propter aliquod ex relatis impedimentis est impeditus ire personaliter Romam, non tenetur mittere procuratorem pro absolutione, nec Epistolam) Adde cum P. Diana to. 3. Coord. tract. 3. ref. 28. n. 2. Ex par. 7. tract. 10. & Miscell. p. ref. 23. (contra Thefaurum in Præci de pœnit. par. p. cap. 24. §. Respondeo tertio, Verbo Amplia tertio fol. mibi 59.) impeditum aliquo justo impedimento Romam personaliter adire pro absolutione à Summo Pontifice obtinenda, nec teneri per Epistolam recurrere ad Sacram Pœnitentiam. Sed neque talis impeditus adire Papam, tenetur (etiam si possit) adire Legatum à quo absolvatur ; Henric. lib. 12. de Matrim. cap. 3. n. p. in Glossa, littera H (ubi ait, Revera id non probari expresse jure, & sufficere non esse recursum ad solum Papam, sic n. Episcopus tamquam proprius Pastor posset, quando non est recursus ad solum Papam : Addens, ita etiam sentire quosdam Recentiores) Avila l. c. Versu Quarto nota (ibi enim ait : Et ego idem judico cum P. Henric. : nam in his casibus absolvit Episcopus tamquam proprius Pastor, & potestate ordinaria : illa enim potestas ordinaria, que sublata erat ei per reservationem, restituta est existente impedimento recurrendi ad Papam. Versu tamen antecedenti, notat, quod qui propter aliquod impedimentum absolvitur ab Episcopo ab Excommunicatione reservata Papæ, debet cessante impedimento se presentare Sanctitati suæ) Duardus l. c.

Conclus. 3. sub n. 56. Vers. Quod quidem : sic ibi arguens : Post Summum Pontificem Ordinarium Pastor est Episcopus : Ergo videtur dicendum absolvi posse hujusmodi impeditos ab Episcopo, etiam si à Legato obtineri posset.

301 Neque huic doctrinæ obstat Cap. Ea noscitur de sent. Excommunicat. Ex quo constat, etiam post absolutionem ab alio datamquam à Romano Pontifice, vel ejus Legato propter urgentem necessitatem, comparendum esse coram Pontifice, vel Legato ejus, si id fieri possit, à quibus etiam absolutionis beneficium impertiri, & obtineri debebat : Ergo vi hujus textus, si ab initio absolutio obtineri potest à Legato, ab hoc eodem est querenda, & danda non ab Episcopo, & inferiore. Non inquam obstat, nec contrarium ex hoc textu deducitur, quoniam idcirco vi ejusdem, absolutus tenetur se exhibere coram Romano Pontifice, vel ipsius Legato, quia, absolutio de qua in dicto cap. est ab excommunicatione ob Clerici percussione à qua absolvi potest etiam à Legato Romani Pontificis, ut in eodem cap. in quo, In Summario ejusdem sic : Clementi III. Excommunicatus per Canonem Si quis suadente, sit dives, vel pauper, per Papam absolvendus est, vel ejus Legatum : Fallit in Muliere, sene, infirmo, vel mutilato ; qui per Episcopum absolvi possunt. Quo circa, licet concedatur quod eo casu quando absolutio obtineri potest à Legato, non sit tribuenda ab Episcopo : non tamen quo ad alios Casus Sedi Apostolicæ reservatos, quo ad illos enim dicendum, absolvi posse impeditos ab eorumdem Episcopo, etiam si absolutionem obtinere possent à Romani Pontificis Legato (ut supra) quoniam militat diversa ratio ; & à diversis non fit illatio l. Papinianus Exuli, ff. de minor. Ita etiam Duardus Vers. cit. Quod quidem. Et versu Sed revera n. 4. & versu sequenti. Confirmatur quoniam. Favet etiam hujusmodi interpretationi Summarium Cap. Quod de his, de sent. Excomm. ita se habens : Excommunicatus propter injectionem manuum in Clericum, impeditus ire ad curiam, potest ab inferiore absolvi : sed impedimento cessante, tenetur curiam visitare, suscepturus mandatum Apostolicum. Et in eisdem interpretationis confirmationem, sic in dicto Textu Cap. citati Quod de his : Is qui asserit se in Canonem late sententia incidisse, non aliter quam per Sedem Apostolicam, vel ejus Legatum absolutionis potest beneficium obtinere : Nisi forte sit in mortis articulo, aut infirmitate, vel senectute tanta gravetur, quod ad Ecclesiam Rom. Laborem subire non valeat veniendi :

venienti. Et ibi notat etiam Glossa Verbo *Casus*, quod, In mortis articulo constituti, pauperes, senes, & debiles, vel alio iusto impedimento impediti, si in Canonem late sententia incidant, possunt ab Episcopo loci absolvi. Favent igitur, ut constat, huiusmodi Jura traditae doctrinae; cui nec se opponere videtur Cap. eos qui; de Sentent. Excommunic. in 6. cum ibi etiam Textus, & Glossa ponant casum in excommunicato ob Clerici percussorem, ut patet legenti, & notat pariter Duardus versu cit. Confirmatur quoniam, in fine: affirmans praeterea Prima Conclusio. fol. 739. n. 9. in Princip. Primae Conclusio. impeditos quamvis excommunicatos ob aliam causam quam ob Clerici percussorem, & quoscumque excommunicatos impeditos, absolvi posse etiam extra mortis articulum (seu periculum) ab eorum censuris, & casibus reservatis per alium quam per Romanum Pontificem, seu per eum, ad quem iure ordinario absolutio pertinet. Quod etiam probatur; tum ex dicto Cap. eos qui; de Sentent. Excommunicat. in 6. Ubi Romanus Pontifex, in textu, loquitur generaliter de excommunicatis impeditis (absque ulla restrictione) ut videlicet ipsis indultum sit, ut ab alio absolvantur, quando impediuntur, quominus eum adeant; a quo iure ordinario absolvendi erant: nec distinguunt de excommunicatis ob unam, vel alteram causam, igitur generaliter de omnibus excommunicatis intelligendus est, quia lex generaliter loquens, generaliter etiam intelligenda est, & si haec non distinguit, nec nos distinguere debemus: leg. prim. §. Generaliter, ff. de legat. praest. & leg. de pretio, ff. de public. in rem actio. Unde, & Summarium ipsius ejusdem Capituli: sic generaliter habet: Absolutus propter mortis, vel aliud impedimentum ab eo, a quo alius non poterat: si cessante impedimento se non praesentat tunc commode potest, ei a quo alius absolvi debet, recidit in eandem sententiam. Idem in absoluto, qui se debet alicuius conspectui praesentare, si hoc non faciat. Tum quia Ratio quia Romanus Pontifex movetur ad indulgendum impeditis, ut ab alio, quatuor per eum, ad quem iure ordinario absolutio pertinet, absolvi possint, est generalis in quacumque reservatione, & non particularis: adeo ut non sit magis in una, quam in altera; ne videlicet, pro dilatione absolutionis, periculum animae imminet (ut expressè ait Gregorius IX. in Capitul. Ne pro ultimo de Penitentibus, & Remissionibus. Ne pro dilatione penitentiae periculum imminet animarum &

permittunt Episcopis, & aliis Superioribus, nec non minoribus Praelatis exemptis, ut etiam praeter sui Superioris licentiam, prohibita, & discretum sibi possint eligere Confessorem ibique Glossa, Verbo Periculum imminet sic: Propter periculum morae detur absolutio statim, quae aliis non daretur.) Et ne, quae pro bono charitatis est inventa, contra charitatem vergat. Hinc cum haec eadem ratio militet pro quocumque crimine, & reservatione, consequenter dicendum est, quod excommunicati ob quamlibet causam, si iuste sint impediti, absolvi possint per alium, quam per eum, ad quem iure ordinario spectat absolutio. Tum quia si iuste impediti non possent ab inferiori absolvi: sit quis habens impedimentum perpetuum, & sic excommunicatus vivat centum annos, & nunquam possit absolvi, nisi in articulo mortis, is certe per adeo longum temporis spatium, privatus existeret Sacramentorum participatione, fidelium communione, & Ecclesiae Suffragiis, quamvis ipse recessisset a contumacia, & paratus sit obedire Ecclesiae mandatis: hoc autem cederet (ut patet) in detrimentum Pontificiae benignitatis ejusdemque pietati proculdubio valde derogaret. Quod totum docet etiam P. Duardus Conclusio. p. cit.: sub qua etiam n. 12. ampliat Conclusionem eandem, ac doctrinam, ut locum sibi vendicat in quocumque excommunicato impedito; sive a jure, sive ab homine excommunicatus sit, nam is etiam poterit (ut impeditus) ab inferiore absolvi: ut constat ex relato Cap. eos qui; de Sent. Excommunic. in 6. ob sequentia verba in princip. Cap. posita. eos qui a Sententia Canonis, vel hominis &c.

302 Quibus rationibus (& aliis etiam quae videri possunt apud eundem P. Duardum) idem dicendum venit (imo multo magis, ait idem P. Duardus) de Excommunicatis; nedum in Bulla Cene; ut supra, verum etiam pro casibus specialiter reservatis in Decreto Clem. VIII. & ejusdem Declarationis, confirmationis, & innovationis Sanctiss. Pauli V. Videlicet, pro Violatione immunitatis Ecclesiasticae in terminis Constitutionis Gregor. XIV. Violatione Clausurae Monialium ad malum finem. Pro provocatione, ac pugna in Duellum. Pro violenta manuum injectione in Clericos. Pro Simonia reali scienter contracta: ac etiam pro Confidentia Beneficiali. Pro quibus quoque casibus, atque Censuris innodati, si impediti, ad eum non possint recurrere, ad quem iure Ordinario pertinet absolutio (hoc est ad Rom. Pontificem) possunt ab inferiori

inferiori absolvi, ut supra in omnibus aliis Casibus. Quod tamen limita (ut supra, etiam, ex Jure Canonico, & Doctoribus communiter) quando impedimentum iustum est, atque legitimum: non enim quolibet impedimentum est sufficiens, ut à reservatis possit quis absolvi per alium, quam per Rom. Pontificem, sed impedimentum debet esse Canonicum, ut dicitur in *Cap. Quamvis de sentent. Excommunicat.* ubi, *Nisi imminente mortis articulo, infirmitate, inimicitia, aut inopia: puerili, vel senili etate, fragilitate senis, seu alia corporis impotentia; sine quolibet impedimento Canonico retrahatur, quo minus Romanum Pontificem possit adire: vel nisi Juri beneficio à labore hujusmodi excusetur* &c. ibi addens Glossa (Verbo, Juri beneficio) Ut Servi &c.

303 Hic autem obiter nota, Mortis articulum, primò inter impedimenta in jure Canonico, & à Doctoribus recensitis, strictè adèd intelligendum haud esse (vt volunt *Sotus* in 4. dist. 18. q. 4. art. 4. col. 4. *Verf. Queris autem* & cum ipso *Valent.* to. 4. disp. 7. qu. 10. punct. 2. Col. 6. *Verf. Primo cum* & *Cano in Relect. de Penit. par. 5.*) quando videlicet, mors est in fieri, & adeo certa, & proxima, ut moraliter vitari nequeat, sive violenter, sive naturaliter sit eventura. Verius enim dicendum est, cum *Molin. de Just.* to. 4. tract. 3. disp. 63. n. 6. *Verf. Quod verò, Causens Cursus Theologici* fo. 2. tr. 25. disp. 2. sec. 12. nu. 139. & aliis, articulum mortis, quo ad effectum obtinendi absolutionem, de qua hic loquimur, idem esse, ac periculum mortis, & ita accipi debere in casu nostro articulum mortis. Et ratio est, quia Ecclesia providere voluit necessitati indigentis absolvi, ne absque absolutione pereat: ergo non sunt excludendi constituti in periculo mortis. Quamvis enim si in verborum rigore loquendum sit, inter articulum, & periculum mortis, quo ad vim verborum utique illud discrimen est, quod *Sotus*, & *Camus* constituunt; nihilominus in Jure [ait *Mol. l. c.*] & à Doctoribus, pro eadem hac in re usurpantur. Si quidem (ut optimè etiam *P. Pasqualis de Casib. occurrentib. tempore mortis* qu. 212. n. 4.) Jura, refervantia aliquos Casus, excipiunt nedum articulum mortis, sed etiam periculum, extendentes articulum ipsum, ad periculum mortis. Unde in *Cap. Si quis suadente*, *Causa* 17. q. 4. articulus mortis, dicitur mortis periculum, ibi, *Si quis suadente Diabolo hujus sacrilegii reatum incurrit, quod in Clericum, vel Monachum violentia manus injecerit, anathematis vinculo subiaceat,*

& nullus Episcoporum illum presumat absolvere (nisi mortis urgente periculo) donec Apostolico conspectui presentetur, & ejus mandatum suscipiat. Item in *Cap. Ea noscitur, de sentent. Excommuni.* dicitur, *Infirmitatis tempore, timore mortis*, licitum esse ab eadem excommunicatione absolvere. Et in *Cap. Eo qui, de sentent. Excommunic.* in 6. Agens Summus ille Pontifex de absolutione ab excommunicatione reservata, promiscuè utitur verbis, *Articulo mortis, & periculo mortis*: In Summario namque dicitur, *Absolutus propter mortis periculum, vel aliud impedimentum, &c.* In Textu sic: *Propter imminenti mortis articulum, aut aliud impedimentum legitimum.* Immediatè post: *Cessante postea periculo, vel impedimento hujusmodi, &c.* Et in Glossa, Verbo *Eo qui*: *Absolutus propter mortis periculum, vel aliud impedimentum ab eo à quo, alias non poterat, si cessante impedimento, se non presentat, cum commodò potest, ei à quo alias absolvi debebat, recidit in eandem sententiam.* Jura igitur, ut patet, non excludunt constitutos in periculo mortis, & meritò, quia ratio ob quam fuit ducta Ecclesia, ut vellet in mortis articulo absolvi posse penitentes ab excommunicatione reservata, ut supra, est, ne aliquis propter defectum absolutionis amitteret eternam felicitatem, cruciatibusque adigeretur sempiternis, sed hæc eadem ratio habet similiter locum etiam in mortis periculo, imò, & communem, ac receptum in Ecclesia, usum (ut advertit etiam *Molin. n. 6. c.*) qui est optimus legum interpretes. Ergo. Neque enim credendum est (ait idem *Molin. l. c.*) piissimam Matrem Ecclesiam, quæ Spiritu Sancto ducitur, contrarium voluisse in solo mortis periculo, ut si quis ex, gr. ingressurus sit iustum periculosisimum bellum, quod neque licitè, ac sine peccato nequiret illud statuere, quod sufficientissimum est, ut asseramus absque omni dubio contrariam fuisse Ecclesie mentem. Præterea, si in verborum rigore in hac materia standum esset, intentumque Ecclesie fuisset, licere solum absolvere à reservatis in solo mortis articulo, & non in mortis probabili periculo, in quovis morbo lethali, aut periculoso non liceret patientem absolvere antequam ipse angustias mortis ingrederetur, quandoquidem, esto laboret infirmus morbo quantumcumque lethali, non dicitur propriè, ac in rigore esse in articulo mortis, quis autem affirmabit, tam arctam facultatem, hac in re ab Ecclesia fuisse concessam, cum neque id sanè habet Ecclesie usus? Adde etiam cum *Mol. in fine n. 6. c.*

quod sententia *Sor.*, & sequentium admiffa, fequitur ex ipfa, abfolutionem à refervatis datam, ei, qui abfque periculo mortem evafit, nunquam fuiffe validam, eo quòd ille nunquam fuit verè in articulo mortis; proindeque de eo non effet dicendum, reinci- dere in Excommunicationem refervatam à qua fuit abfolutus, fi cum primum com- modè poffet, non fe præfentaret Summo Pontifici, fed nunquam ab ea fuiffe libera- tum: Contrarium tamen habetur in *Cap. 6. Eos qui*: & affirmat communis Doctorem fententia. Periculum mortis tunc cenfetur adeffe, quando eft probabile dubium de morte, & in eo cafu frequenter evenire folet, ut in partu ver. gr. quarundam fe- minarum: in periculofa navigatione: in conflictu periculofò in bello: in itinere cum periculo occifionis à prædonibus, vel ini- micis fufiinendæ: in morbo, qui majori ex parte mortem folet inferre, &c.

304 Quando igitur contingit aliquod ex recitatis, aut confimilibus, & adeffe verum, mortis periculum, vel aliud impedimen- tum; fufficiens eft quodlibet, ut quisvis ita impeditus abfolvi poffit [ut fuprà] à re- fervatis per alium quam per Romanum Pontificem, dummodo iuftum fit impedi- mentum, legitimum, & fatis ad excufan- dum quominus adeant Apoftolicam Sedem. Qua in re, an videlicet tali periculo Vitæ, vel tali iufto impedimento in particulari, ita quis excufetur, ut nequeat adire, *Ju- dicio probi viri* ftatuendum effe, ait *Navar. in Man. cap. 27. n. mibi 88. & 89. fol. 546.* Et illud effe iuftum impedimentum, fatif- que ad excufandum (inquit *Duardus concl. p. c. n. 23. Verf. Secundo limitatur*) quod ab Epifcopo fufficiens erit iudicatum: Et tunc ab- folvendus (addit) tutus erit in confcientia, fi iudicio Epifcopi acquiefcat. Non effe tamen huiusmodi rem adeò coarctandam, ut fo- lius Epifcopi iudicio ftandum fit, quin re- quirì quoque poffit in hoc evenitu, etiam pii, prudentis, ac docti viri fententia (ut fuprà *Navarr.*) docet *Alterius*, quem re- fert, & approbat idem *P. Duardus n. Sub- feq. 24.* A quo etiam fub *n. n. 25. 26. & 27. feqq.* nonnullæ traduntur regulæ ad agnofcen- dum quando iuftum, & Canonicum fit impedimentum: quod facit etiam in *prin- cip. cit. qu. 8. n. 2. Verf. Id autem, fol. 737.* Ubi fex enumerat impedimenta, fequen- tia videlicet. *Primò*, Ratione ætatis, ut funt Impuberes. *Secundo*, Ratione fexus; ut funt Mulieres. *Tertio*, Ratione imbecillitatis, ut funt Senes, valetudinarii, membrorum defuturi, & alii delicati, quod

laborem veniendi ad Apoftolic. Sedem ne- queunt fufiinere. *Quarto*, ex defectu li- bertatis, ut funt Servi, Carcerati, & his fimiles: non tamen filii familias, nifi funt Impuberes, ut per *Gloffam in Cap. Mulieres de Sentent. Excommunic. in Verbo Sui Juris.* *Quinto*, Ratione paupertatis, ut fi tanta fit, ut excommunicatus non nifi mendican- do Romam adire poffit, cum alias men- dicare non fuerit folitus. *Sexto*, Ratione cujuslibet Canonici impedimenti, quod confiftit in qualibet alia rationabili caufa: ut fubvenire Parenti graviter indigenti: Uxorem alere, vel filios: exercere aliquod munus publicum, ratione Officii, quod gerit, quod fine gravi detrimento, vel communi, vel privato deferere non poteft: ita cum *Alterio in Explic. ejusdem §. Col. 2. & 12. Duard. n. 2. cit.* quibus addo *Navar. in Man. cap. 27. nu. 88. 89. & 90. Avilam de Cenf. par. 2. cap. 7. difp. 1. dub. 6. concl. 3. & Cafpens. to. 2. Confus Theologici tract. 25. qui effe de Cenf. difp. 2. fecl. 12. n. 134. fol. mibi 650. Qui DD.* & fi in recenfdis reci- tatis à *P. Duardo* impedimenti, tum in- ordine, tum in numero varient materialiter aliquantifper: virtualiter tamen, im- plicitè, ac formaliter conveniunt, vt le- genti, & confideranti patebit.

305 Sicuti autem habentes refervata Summo Pontifici, nec valentes Romam adire, detenti, ob aliquod iuftum, ac le- gitimum impedimentum ex prænaratis, fi fubditi fuit Domini Epifcopi (& eorundem delicta funt occulta) abfolvi poffunt ab ipfo, ut fuprà; ita etiam, fi fubditi funt Prælatorum Regularium, ab iftis pa- riter queunt abfolvi, quo ad forum con- fcientiæ; difpenfarique refpectivè. Quia Prælati Regulares, tum Supremi, uti funt Abbates Generales, & Provincia- les, tum infimi, ut Conventuales Priores, Præpofiti, Guardiani, & fimiles, in fua fubditos habent iurifdictionem quafi Epif- copalem: prout tradunt *DD. in Clement. 1. de Rebus Ecclefie non alien. Verbo Proprii.* Et colligitur ex *Cap. Abbatem, de Privilegiis in 6.* Cum enim hi omnes non fubdantur *DD. Epifcopis*, fed immediatè Domino Papæ, loco ipforum Epifcoporum fuccedunt Prælati Regulares, quo ad regimen Religi- oforum Subditorum, unde dicuntur etiam huiusmodi Prælati Epifcopi æquipollentes: & habere in fuos Subditos iurifdictionem quafi Epifcopalem, *Suar. to. 4. de Relig. lib. 2. cap. 12. & 13. & aliis omnibus, Lexa. to. p. Summ. c. 18. n. 2. ubi, communiter Au- ctiores in Clement. 1. & in Cap. Abbatem, ut fuprà.*

supra. Sed sic est, quod Episcopi jure Concilii Trident. sess. 24. de Reform. cap. 6. possunt in omnibus censuris, irregularitatibus, & suspensionibus ex delicto occulto provenientibus, & in omnibus aliis casibus Papalibus, ad forum contentiosum non deductis, delinquentes quoscunque sibi subditos, absolvere, & dispensare, ut ibi dicitur. Ergo & Prælati Regulares idem peragere possunt erga suos subditos: eo maxime quia, etiam ipsi, secundum probabilem opinionem comprehenduntur sub eodem Tridentini Decreto, ut tenent Rodrig. to. pr. qq. Regular. qu. 61. art. 9. Sanch. de Matrim. to. 3. lib. 8. disp. 2. n. 12. (cum aliis ibi relatis) item disp. seq. 3. n. 9. (cum aliis pariter ibi citatis.) Bossius de Jubileo sec. 1. §. 10. n. 220. (ubi Beja p. 4. Casu 37. & à S. Fausti Thesauri Religiosor. qu. 125.) Portel. in Dubiis Regularium Verbo Prælati Potestas nu. 36. Sayrus in Clavi Regia lib. 6. cap. 11. nu. 82. Bordon. ref. 2. q. 10. & ref. 3. q. 17. Diana to. 3. Coord. tract. 3. resol. 6. Ex par. 4. tract. 4. & Miscell. resol. 211. Et tom. 7. Coord. tract. 1. ref. 291. Ex par. 7. tract. 2. ref. 5. Donat. in Praxi Regular. to. p. par. 2. tract. 4. qu. 30. & to. 4. tract. 4. qu. 8. nu. 10. alioque, Quorum omnium doctrina, & sententia.

306 Probat, tum quia Prælati Regulares sunt exempti, & habent jurisdictionem quasi Episcopalem in suos subditos Regulares, & etiam proprium Territorium, quod non est pars Diocesis alicujus Episcopi, sed est veluti Diocesis propria distincta à Diocesi Episcoporum: Nam Monasteria Prælatorum Regularium sunt exempta, & immediatè subdiciuntur quo ad jurisdictionem in utroque foro eisdemmet Prælati, & consequenter sunt Episcopi æquipollentes: comprehenduntur ergo in dicto Decreto, uti habentes jurisdictionem in subditos suos Regulares, uti Episcopi, & alii, in suos Sæculares. Vi igitur vidicti Decreti, possunt uti dicta facultate dispensandi, & absolvendi erga suos subditos Regulares. Tum quia, illud Trid. Decretum est favorabile, ergo ob eandem identitatis rationem extendendum est etiam ad Prælatos Religionum, cum præsertim hoc idem resultat in bonum Religionis, cui certum est Summum Pontificem plurimum favere velle. Tum etiam quia, alioqui Religiosi pejoris essent conditionis quam Sæculares Laici, & relinquerentur à Concilio absque convenienti suarum animarum remedio, si in dictis Casibus pro dispensatione, & absolutione tenerentur adire, vel Summum Pontificem, vel alios Prælatos

extra Religionem, & propria Monasteria, qui non essent Pastores proprii; quod etiam vergeret in grave damnum Regularis disciplinæ, quia Religiosis occasio vagandi præberetur. Hæ sunt rationes præcipue quibus DD. laudati firmant suam relatum sententiam. At quidquid sit de probabilitate ejusdem.

307 Apud me certum est, prædictam facultatem Tridentini competere Prælati Regularibus per Bullam Pii V. Patribus Dominicani concessam die 21. Julii, Anno 1571. (communem per participationem omnibus Prælati Regularibus) relatum per extensum à Confectio in Collect. Literar. Apostolicar. & Privilegior. Mendicantium, fol. mibi 186. in Impressione Veneta, (& aliis omisiss) à Rodrig. punc. 9. c. in fine, (& item aliis omisiss) à Piascio in Praxi Episcopali p. 2. cap. 3. art. 6. sub n. 78. fol. mibi 246. in princip. cujus Bullæ, seu Privilegii tenor est sequens. Pius Papa V. Ad perpetuum rei memoriam. Romani Pontificis circumspicienda benignitas, honestis petentium Votis personarum, quæ sub Religionis jugo altissimo famulantium statum, & salubrem directionem respiciunt, ad exauditionis gratiam libenter admittit, & favoribus prosequitur opportunis. Exponi nobis fecit dilectus filius Prior Provincialis Provincie Hispanie Ordinis Fratrum Prædicatorum, &c. Et insuper, quia Sacrum Oecumenicum Concil. Generale Tridentinum concessit Episcopis, ut absolvere possint in foro anime, seu conscientie ab omnibus peccatis, & dispensare in irregularitatibus, prout sess. 24. cap. 6. habetur, ne Prior Provincialis, & Superiores Prælati, dicti Ordinis, tam in dicta Provincia, quam extra eam ubilibet, in hac parte deterioris conditionis, quam Clerici, aut Sæculares existant, eisdem Priori Conventuali, & Superiorioribus Prælati, ut ipsi per seipsos idem omnino possint in Fratres, & Moniales dicti Ordinis sibi Subditos, quod possunt Episcopi in Clericos, & Laicos sibi subiectos. Tam quo ad absolvendi, & dispensandi hujusmodi, quam alias quascumque facultates eisdem eadem auctoritate, & tenore etiam perpetuò concedimus, & indulgemus, ac etiam declaramus. Decernentes præsentis literarum durare, & valere, &c. Hæc Pius V. Ob quæ, P. Diana to. 7. Coord. resol. c. 291. n. 3. ait, pœnes se certum esse (quidquid sit de antecedenti relata opinione, & quidquid asserat Joannes de la Cruz de Statu Religionis l. 1. cap. 6. dub. 14. conclus. 2.) competere Prælati Regularibus (vi relati Pii V. Privilegii) dictam facultatem Tridentini, & ita etiam docent Sanch. disp. 2. cit. de Matrim. n. 13. Sigismundus à Bononia de Elect. Prælator.

Prælator. par. 2. cap. 1. dub. 37. Piascicus sub n. cit. 78. Versu absolvere tantum, in fin. fol. 245. Coriol. de Casib. reserv. par. 1. sec. 1. art. 23. nu. 4. & 5. [sub quo ponit etiam ipse per extendum prælatum Pii V. Privilegium : Concludens. Licet itaque ex vi Concilii, aut Declarationis Cardinalium non possent Prælati Regulares uti illa facultate : possunt nihilominus illa uti ex concessione Pii V. & non solum Fratres Predicatores, verum & alii Regulares, qui cum ipsi communicant, possunt illa uti.] Barthosa de Poesf. Episcopi par. 2. Allegat. 39. nu. 18. Vers. Ex eadem, in fine : cum aliis ibi relatis (& in Collect. Concil. Trid. sess. 24. de Reform. cap. 6. n. 8. Vers. Superiores etiam :) Concludens cit. n. 18. Et hæc opinio attendenda à dicta Pii V. Constitutione in Praxi sequenda est. Ex qua Constat.

308 Habes primo, Prælatos Regulares eadem Constat. & Privilegio uti volentes, non posse facultatem eisdem in ipsa concessam, aliis delegare : quia Pontifex expressè vult, quod iidemmet Prælati per se ipsos absolvant, dispensent, &c. proprios subditos, & non aliter : dicit enim : *Ut ipsi per se ipsos idem omnia possint in Fratres, & Moniales sibi subditos, tam quoad absolvendi, & dispensandi huiusmodi, quam, &c.* Quod etiam notat. Donat. to. p. par. 2. Prælix Regular., tract. 4. Tit. de Violata Claus. Monasterii q. 30. n. 6. ibi: Bene verum, quod Superiores non possunt prædictam facultatem alteri delegare, sed per se solos exercere, ut ibidem dicitur. Idemque notat to. 4. tract. 4. Tit. de Violata Claus. Monial. per egressum, quest. 8. n. 10. sic : Regulares Prælati utentes dicto Privilegio Pii V. non possunt facultatem alijs delegare, quia Pontifex expressè vult, quod id faciant ipsimet Prælati per se ipsos, & non aliter. Et ita habetur in dicta Constat. ut constet : Quod, & advertit (alijs omis) Pelizzar. de Monialib. cap. 9. n. 26. ibi, *Per se ipsos tamen tantum.*

309 Habes secundo, Prælatos Regulares eadem facultate, & Privilegio uti volentes, absolvendi videlicet, dispensandi, &c. proprios subditos à Papæ reservatis, id facere debere in foro animæ, & conscientie, uti ibidem præscribitur : *Ut absolvere possint in foro animæ, seu conscientie, ab omnibus peccatis, & dispensare in irregularitatibus, &c.* Neque hinc deducas in vim huius Privilegii debere semper conferri absolutionem Sacramentalem, quæ contentium exigit præsentiam, contritionem, &c. propter dictam Clausulam, *In foro conscientie* : quia fallit huiusmodi deductio, ut observat etiam Donat. p. 2. to. 1. cit. q. 31. n. 4,

fallit inquam, in Censuris, nam Censuræ, & pœnæ tolli possunt, & tolluntur extra Sacramentum Pœnitentiæ, quando ad hoc Privilegium non adstringit, uti esset, si Pontifex diceret, *Absolvat Sacramentaliter, vel Absolvat in foro Sacramentali, seu Pœnitentia, vel Audiat Confessionibus.* Verbum enim illud, *In conscientia*, inquit Suar. de Conf. disp. 41. sec. 2. n. 11. non significat idem, quod in Sacramento Pœnitentiæ, ut ex vi verbi patet, sed quod semper relinquatur Ecclesiasticis Iudicibus ius puniendi talia delicta in foro contentioso, si aliquando in eo denunciata, atque probata fuerint. Hinc optimè Rodrig. to. 1. q. 9. Regular. q. 20. art. 7. ait, Ex his verbis, *In foro conscientie*, possunt aliqui suspicari dictos Prælatos non posse absolvere extra Sacramentum Pœnitentiæ à dictis Censuris, ac eadem verba solum important, & significant, quod ipsis suffragabitur absolutio data in Sacramento, vel extra Sacramentum in foro conscientie tantum, & non in foro exteriori : & idem docet etiam qu. 61. art. 7. cui adde: *Mirandam in Man. Prælator. to. 2. q. 35. art. 21. Conclus. unica*, ubi circa eadem verba, *In foro conscientie tantum* (posita etiam in diversis Summorum Pontificum Privilegijs) inquit, *Intelligenda esse respectivè, & secundum terminos juridicos, ac dispositionem juris, ita ut absolutio à peccatis fiat in Sacramento Pœnitentiæ, ut iura disponunt, absolutio verò à Censuris, fiat etiam extra prædictum Sacramentum, si placuerit, aut liberit, in quo conveniunt sed communiter omnes Summiſte.* Hinc deduc cum Bordonio ref. 3. q. 8. n. 22. Donato q. c. 31. n. 5. & alijs, dari tres foros; nempe forus Sacramentalis, seu pœnitentialis, in quo absolutio datur solum in Sacramento Pœnitentiæ; Secundus forus, dicitur forus conscientie; in quo absolutio fit sine strepitu, & figura iudicii, & prodest tantum apud Deum; & Tertius dicitur forus externus contentiosus, in quo partes litigant; quæ distinctio, & doctrina ab omnibus admittitur apud Bordon. n. c. 23.

310 Habes tertio, ad eisdem Prælatos Regulares Superiores Monialium exemptarum sibi subiectarum, spectare absolutionem reservatorem Papalium predictorum (necnon eorum absolutionem casuum, quos ipsi uti earundemmet Prælati, immediati Ordinarii, sibiomet erga illas reservant.) Id habes inquam expressum in illis verbis : *Ut ipsi Prælati per se ipsos idem omnia possint in Fratres, & Moniales Ordinis sibi subditos, tam quoad absolvendi, & dispensandi huiusmodi, quam, &c.* quod pariter advertit Donat.

natus Tom. 4. Praxis tract. 4. qu. 8. n. 10. dum affirmat ibi, extendi ad Prælatos Regulares, quod dicitur de Episcopis respectu Secularium & Monialium sibi subiectarum; ob facultatem Cap. Licet 6. Trid. sess. 24. de reformat. ad eisdem Prælatos Regulares extensam per Pium V. in dicta Constitutione. Addidi, Etiam eorum absolutionem casuum, quos ipsi uti eorumdem Monialium Prælati immediati, & Ordinarii, sibi met. erga illas reservant. Certum enim est ad hos Monialium exemptarum sibi subiectarum Superiores Prælatos Regulares spectare, referre sibi casus erga illas, uti etiam erga proprios, Religiosos subditos; quia, Quæ in Monachis instituta, atque disposita sunt, consentur etiam de Monialibus constituta, quo ad eis scilicet proportionalibus: Menochius de Arbitrariis Judicium lib. 2. Centur. V. Casu 421. n. 40. fol. mibi 785. cum Tambur. de Jure Abbatissar. & Monial. disp. 16. q. 8. n. p. & aliis: Cum ad illum spectet absolvere, ad quem reservare pertinet, ut. paret de Episcopo, & aliis: desumitur ex illo trito axiomate, Illius est absolvere, cuius est ligare: Hinc idem Tambur. qu. c. n. 4. loquendo de iisdem Monialibus exemptis, ait: absolutionem casuum prædictorum ad Regulares Prælatos Monialium earundem spectare, cum ad illosmet pertineat dictos casus sibi reservare: Et Pelliz. de Monial. c. 9. qu. 15. n. 24. Vers. Quod verò, inquit, Moniales exemptas non subiacere casibus ab Episcopo reservatis (nisi fortè in ordine ad Clausuram; uti quo ad ipsam, sedis Apostolicæ delegato) cum non sint ejusdem subditæ, bene tamen subiacere casibus reservatis à proprio Prælato Regulari cui subsunt; & subditæ sunt. Unde etiam c. 10. sec. p. subsect. 1. q. 9. n. 46. Inquirat, an tam Ordinarius loci, quam Prælatus Regularis, possint p. Monialibus sibi respectivè subditis reservare Casus, & Censuras, & respondet. optimè, affirmative, tum ex usu communis, tum quia potestas reservandi casus, & censuras, his omnibus competit, qui habent ordinariam jurisdictionem respectu illorum, quibus eam possunt delegare, hujusmodi autem sunt, tam Ordinarius loci, quam Prælatus Regularis quo ad Confessarios Monialium sibi respectivè subiectarum. Et hæc est doctrina D.D. communis, de qua vide. Suar. de Pœnit. disp. 29. se. p. concl. 2. n. 7. (17)

313 Cum autem perpetuè impediti, ac imponentes, juxta communem D.D. Sententiam, possint ab Episcopo, aut Ordinario proprio absolvi (ut supra) à quibuscumque casibus, ac censuris Sedi Aposto-

licæ reservatis, etiam extra articulum mortis: Et Moniales, ob earundem perpetuam Clausuram, sint utique perpetuè etiam clausæ, ac impeditæ, hinc est, quod quæ immediatè subsunt Episcopo, & Ordinario loci, ab eodem debent à dictis reservatis absolvi: Quæ verò exemptæ sunt, & Regulari Prælato subiectæ, ab isto etiam consequenter absolvi debent ab eisdem reservatis, ut & alii Religiosi Subditi pro foro conscientie. Et hæc est pariter doctrina communis. Idem Pelliz. de Monial. c. 9. c. 9. 15. n. 26. Vers. Quod cum, & Tamb. de Jure Abbatissar. disp. 16. quæst. 8. n. 7. 8. & 9. in quo etiam addit; Quod quando Moniales Diocesis Veneræ, adeunt ipsæ Patriarcham, Sedem Apostolicam adire dicendum est, cum circa Moniales, ipse sit ipsius Sedis Apostolicæ Delegatus, etiam privativè quo ad alios: & de hoc extare particulare Breve Leonis X. ita Tamb. n. c. 9. & apud eundem n. 10. Homob. p. 3. Can. ref. c. 7. & 8. probat, Moniales ob quemlibet excessum, etiam hæresis externo actu proditæ, absolvi posse ab Episcopo Diocesano, vel à Confessario de ipsius Episcopi licentia, cum jultum impeditum Summum Pontificem adjuvandi subsit, nec Romam mittere, vel scribere Moniales ipsæ teneantur.

312 Secundò tandem, circa superius dicta, præsertim circa prædict. Privileg. Pauli III. Societati Jesu concessum, virtute cujus Confessarii Societ. (approbati juxta Conc. Trid.) & Regulares alii cum istis communicantes, facultatem habent absolvendì quoscumque Christi fideles undecumque venientes, à quibuslibet peccatis, etiam, Apostolicæ Sedi reservatis, & à quibuscumque Censuris, sententiis, & pœnis Ecclesiasticis ex illis resultantibus, præterquam ab his quæ continentur in Bulla Cane Domini.) Advertendum est, quod post idem Privilegium, alia emanarunt limitativa, ejusdem, prohibentiaque tam ampliam absolutionem casuum reservatorum, tamque adeò extensam facultatem in ordine ad hujusmodi absolutionem coarctantia: quæ tria fuere: Primum fuit Clem. VIII. sub die 9. Januarii 1601. cù ejusdem Pontificis moderatione facta die 26. Novemb. 1602. quo fuit limitata dicta facultas in sex casibus (sed per totam Italiam extra Urbem, nisi in articulo mortis) videlicet. Primo: Violationis immunitatis Ecclesiasticæ in terminis Constit. Greg. XIV. incipientis Cum alias nonnulli. Secundo: Violationis Clausuræ Monialium ad malum finem. Tercio: Provocantium, & pugnantium in duello, juxta

Decretum

Decretum Concil. Trid. & Constit. Greg. XIII. incipientem, *Ad tollendam*, &c. Quarto: Incipientium violentas manus in Clericos, juxta Canonem, *Si quis suadente* 17. qu. 4. ac juris dispositionem. Quinto: Simoniac realis scienter contracta, atque etiam consideratae beneficialis. Sexto, & ultimo. In omnibus casibus, quos Ordinarii locorum sibi reservarunt, & impotenter reservabunt. Secundum Decretum fuit *Pauli V.* editum sub die 7. Januarii 1617. quo confirmatur, atque innovatur antecedens Decretum *Clem. VIII.* cum sua moderatione, non obstantibus Privilegiis, &c. Per quod tamen non tolluntur omnia Privilegia Regularibus concessa absolventi à casibus, & Censuris reservatis, ut putarunt aliqui, & ut clare demonstrat noster Doctissimus *P. Duardus* in *Bulla Cæne* l. 3. §. 2. à n. 29. usque ad 33. inclusivè: Tertium Decretum fuit *Urb. VIII.* editum die 17. Novemb. 1628. quod prohibetur Regularibus facultas absolventi à casibus reservatis in *Bulla Cæne*, & à casibus reservatis Ordinariis locorum, ita ut nec intra, nec extra Italiam, nec virtute Privilegiorum, aut confirmationum, quas hæcenus obtinuerunt, vel deinceps fortè obtinebunt, possint ab illis absolovere. Ab aliis verò casibus, & Censuris Sedi Apostolicæ reservatis vi supradicti privilegii possunt Regulares Confessarii approbati, ut supra, absolovere extra, & intra Italiam. Extra Italiam, patet, tum ex *Decr. Clem. VIII.* & ejus moderatione, tum etiam ex *Decr. Urb. VIII.* ibi, *ab aliis vero casibus*, &c. Quod verò intra Italiam, patet ex moderatione *Clem. VIII.* sub die 26. Novembris 1602.

313 Nota tamen hic cum *Sa in Apborismis Verb. Absolutio* n. 20. & *Tamb. de Jure Abbatiss. questio* 8. cit. in fin. Quod quivis Confessarius (nedom Regularis) à casibus quos sibi loci Ordinarius, & Episcopus reservavit, absolovere potest post illius mortem (nedom naturalem, sed etiam Civilem, hoc est per remotionem ejusdem ab Officio, & abdicationem jurisdictionis) quia tunc desinunt esse reservati ab homine: non autem illi qui de Jure sunt Ordinarii, & Episcopi reservati, seu quæ Jura illis reservant: quod addo cum *Quaranta in Summa Bullarii, Verbo Casus reservati* insuar, ubi sic. Animadvertendum, id quod passim asseritur, scilicet per obitum Episcopi casuum reservationem cessare, intelligi debere de casibus, quos ipse Episcopus sibi reservaverit, sicuti communiter solent Episcopi uti his verbis, scilicet nobis reservamus, quia cum sint lati ab

homine, ipso sublato, & ipsi extinguuntur. Secus vero de Casib. à Jure Episcopo reservatis (de quib. per *Sylo. in Verbo Casus* sub n. 3.) quia tunc per ejus mortem non expirant, & erit faciendum absolutio à Successore, vel à Capitulo Sede Vacante succedente in ejus jurisdictione: & illud idem affirmandum, quoties casuum reservatio esset facta ab Episcopo vicente per modum Statuti, seu perpetuæ Constitutionis, veluti decernendo, quod absolutio ab eis fieri non possit, non nisi à nobis, vel Episcopo, qui pro tempore fuerit, vel reservando Curia, seu Sedi Episcopali, tunc enim non expirat, nisi fuerit facta revocatio à Successore, vel à Capitulo Sede Vacante. Ad quæ facimus text. in c. fin. de Offic. leg. in c. 2. §. Statuto, *Constit. in 6. & dicta per Navar. in Man. cap. 27. n. 2. & sub n. 74.* Hæcenus Quaranta, cum quo *Gavantus*, de Synodo par. p. cap. 6. in Annotationib. §. 3. nu. 3. in fine. Advertens in principio, quod casuum reservatio facta in Synodo, Valere, ut non expirat per Mortem Episcopi, quia scilicet tunc reservatio est per modum Statuti & sequitur naturam ipsius, quod ex se non expirat mortuo alicujus.

314 Insuper hic nota, prædictum Decretum *Clem. VIII.* & alia subsequencia, illius declarativa, & innovativa, nihil disponere de Prælati, aut Confessariis Regularibus respectu suorum Religiosorum poenitentium, sed in eis sermonem esse deisdem Confessariis in ordine ad poenitentes Seculares; & hoc idem notat expressè noster *Prægrinus* in *Compend. nostrorum Theologorum Privilegior. Tit. Absolutio* quæ ad Fratres nostros Congregationis, in *Scholæ*, ubi etiam refert, quod *Sacra Congregatio Eminentissimorum Cardinalium* declaravit de ejusdem *Clementis VIII.* mente; illius Decretum prohibens absolutionem à reservatis, esse contra Confessarios respectu Secularium poenitentium, non Regularium, quod advertunt etiam, docent, & affirmant *Barthol. de Vecchis*, de Novitiis disp. 9. dub. 7. n. 5. *Bord. ref. p. qu. 7. nu. 17. Vers. Decretum autem: & resol. 3. nu. p. Vers. Resp. Dicitum*, cum aliis ab eo ibi relatis. Ubi etiam n. 2. plura refert privilegia concessa Prælati Regularibus absolventi suos subditos à Sedi Apostolicæ reservatis, accepta à *Mari magno Sixti IV. Constitutione authentica pro Franciscanis* registrata *Constitutione* 6. & pro *Dominicanis* *Constitut. 7. in Bullario Novo*, ambabus incipientibus, *Regimini universali*, apud *Confessarium* pag. 54. quorum Summa est, quod Regulares Prælati dictarum Religionum, & aliarum cum eis communis

entes possunt absolvere suos subditos, & alios sui Ordinis ad se declinantes à quibuscumque peccatis, & censuris excommunicationis, suspensionis, & interdicti, atque excessibus, quantumvis enormibus nisi talia forent, propter quæ consulenda esset Apostolica Sedes, & ibidem exprimuntur casus, in quibus consulenda est. Qui sunt, Hæreticorum relapsorum, Schismaticorum: falsificantium Apostolicas literas, & deferentium ad infideles prohibita. Vide, *Peregrinum in Compend. nostrorum Theatinor. Privilegior. Verbo Dispensatio pag. 145. §. 3.* Ubi sic: *Confessarii nostre Congregationis audientes Confessiones Fratrum cum licentia Superioris, possunt in absolutionibus uti hac forma, videlicet, post Misereatur &c. Indulgentiam &c. (Dominus noster Iesus Christus te absolvet, & ego auctoritate ipsius, ac Beatorum Apostolorum Petri, & Pauli tibi concessa, absolvo te ab omni vinculo Excommunicationis majoris, Suspensionis, & Interdicti; & Dispensatum cum in omni Irregularitate, quam quomodocumque incurristi, & restituo te Sancti Sacramenti Ecclesie, unionique, & participationi fidelium, in Nomine Patris, & Filii, & Spiritus Sancti Amen.) Clemens VII. nostra Congregationi, ut patet in Bullario Romano to. 1. Bulla 38. §. 4. fol. 605. que incipit Dudum, &c. quam firmavit Pius V. Anno Domini 1567. idibus Februarii, ut patet in Bullario Romano to. 2. Bulla 21. Ad immarcescibilem, &c. fol. 215. Vide etiam Compend. Privileg. Min. Verbo Absolutio Ordinaria quo ad Fratres, nu. 7. Vers. Idem Clemens concessit pag. 51. & n. 13. Vers. Sixtus Quartus circa pag. 7. Advertens tamen in fine, quod dicti Prælati Regulares virtute dictorum Privilegiorum non possunt absolvere suos subditos à casibus reservatis in Bulla Cane Domini, cum quolibet anno, ille processus Censurarum, de novo promulgetur, cum nova reservatione illorum casuum; & cum maximis Censuris contra absolventes, ponendo ibi expressè: Non obstantibus Privilegiis, &c. etiam Ordinib. Mendicantibus concessis, & aliis sufficientibus derogatoriis. Unde, & idem Bordon. resol. cit. 3. qu. 2. n. 4. ponit sequentem propositionem (quam etiam ibi probat) Prælati Regulares nullatenus possunt suos subditos absolvere à casibus Bullæ Cane Domini pro quovis foro; cui propositioni subscribitur etiam (uti debent) DD. communiter. Vide eundem Bordon. d. res. 3. qu. 3. à n. 5. usq; ad 7. inclusivè, & res. 6. qu. 14. Primo loco probat, nec posse Prælatos Regulares suos subditos absolvere à censuris, quas sibi communiter reservant Re-*

verendissimi Inquisitores, & quidem meritò, Tum quia huiusmodi reservatio inefficax esset, & vana respectu Regularium, si posset tolli ab eorum Prælati: Tum etiam quia Sanctissimus Paulus V. in sua Constitutione 26. Romanus Pontifex, extensa apud Quarantam in suo Bullario, Verbo Hæretici, fol. mibi 370. revocat facultates Superioribus quorumcumque Ordinum concessas cognoscendi causas suorum subditorum ad Officium Sanctæ Inquisitionis pertinentes, eosdem in his subiciendo Inquisitoribus, & Ordinariis locorum, ergo saltem post Paulum V. in his subiciuntur Religiosi subditi Inquisitoribus, non propriis Prælati. Et quamvis huiusmodi subiectio videatur primariò respicere forum externum: secundariò tamen respicit etiam forum penitentiale, cum absolutio ab huiusmodi excommunicationibus spectet ex Officio ad ipsos Inquisitores, quando illas sibi reservant. Secundo verò loco probat, neque posse Confessarios Regulares virtute suorum Privilegiorum absolvere sæculares à casibus contentis in Edicto DD. Inquisitionum, & ad Sanctum Officium spectantibus, quamvis non proveniant ex hæresi formali, vel ex aliis criminibus in Bulla Cane contentis. Tum quia aliàs inefficax esset reservatio, ut supra. Tum quia hoc est specialissimum Tribunal contra quod nullum conceditur Privilegium, nec ullum prorsus habent Regulares, absolventi ab huiusmodi reservatis, neque expressum, neque implicitum, quod habeat locum in S. Officio Inquisitionis, in quo agitur de causis maximi ponderis, totam Religionem tangentibus: nec in Bullis Pontificiis quæ adduci possunt, verbum quidem repertur de casibus Inquisitionum; neq; ad eosdem casus trahi possunt etiam si generaliter loquantur, quia lex seu privilegium generaliter loquens, non comprehendit casus specialiter Privilegiatos, & dignos excellentis notæ, ex cap. De multa, de præbend. Ex cap. De Sedes Apostolica de Rescript. Gutier. lib. 3. præf. 16. n. 51. Gomez ad Regul. Cancellar. qu. 4. §. 5. & in eadem: apud Trimarchum in suo tract. de Solicit. disp. 8. sec. 4. n. 43. hæc Bordon. Vers. Antequam tamen.

315 Oppositum docuit Portell. in Dub. Regular. Verbo sollicitare firmas, n. 24. Vers. Ultimo quaris, do hic ejusdem verba: Dubitatio est, an Religiosi per sua Privilegia concessa à Papa, ut possint absolvere Sæculares ab omni censura Sedis Apostolicæ reservata, sicut habent Patres Societatis Jesu, in suo Compendio, Verbo Absolutio §. 1. per Paulum III.

An in-

An inquam virtute istius Privilegii possint absolvere à reservatis Inquisitoribus (eo quia possunt absolvere ab omnibus peccatis, & Censuris, etiam Sedi Apostolicæ reservatis, exceptis casibus Bullæ Cænæ, & sex aliis expressis in secundo Decreto Clem. VIII. & reservatis Ordinariis locorum, cum ergo inter hos exceptos non numerentur reservati in Edicto Inquisitorum, sine dubio poterunt ab illis absolvere.) Et ego credo quod possunt. Ducor primo, ex verbis concessionis prædictæ, in qua, inter alia dicitur, ut possint etiam Sedi Apostolicæ reservatis, &c. Ubi notandum coniunctivam dictionem (Etiam) que innuit Regulares posse absolvere non solum à reservatis Papæ, sed etiam à reservatis cuicumque inferiori Papæ. Secundo, Ex Regula 53. in Regul. Juris in 6. ubi dicitur: Cui licet quod est plus, licet utique quod est minus. At plus est absolvere à reservatis Papæ, quam à reservatis Inquisitoribus, cum favores sint ampliandi. Terrio, Ex doctrina illa communi in materia de Censuris, excommunicationem videlicet ab homine latam, absolvendam esse ab illo, qui eam tulit, vel ab illius Superiore, vel ab illo, qui fuit ad id delegatus legitime. At Regulares habent (ut supra) potestatem absolvendi ab omnibus Censuris, à quibus potest Papa absolvere, & Papa potest absolvere à Censuris latis per DD. Inquisitores, ergo etiam ab illis absolvere poterunt Regulares, qui habent jurisdictionem delegatam à Papa illis, generaliter concessam, exceptis Censuris contentis in Cæna Domini (& aliis sex casibus, &c.) Quarto, Facit, quod docet Sanch. lib. 2. Dec. cap. 10. n. 26. dicens, legentes libros prohibitos in Indice librorum prohibitorum, si non sunt libri alicujus heretici, vel si sunt, non tamen continent hæresim, vel non trahunt de Religione, tales legentes non incurrere excommunicationem Bullæ Cænæ reservatam Papæ, sed excommunicationem positam in Indice, quæ non est reservata, ac proinde omnes absolviunt, ut docent Grassius, Sayr. Azor. & Ugolin. Et tamen huiusmodi excommunicatio Indici pertinet etiam ad Inquisitores. Quæ omnia dicta sub illorum Censura, & correctione. Hæc Portell. quæ etiam per extensum refert P. Diana to. 3. Coord. tract. 8. ref. 33. ex part. 4. tract. 5. ref. 8. ubi nu. 4. in fine, pro hac eadem sententia recensentur ab eodem Freitas in Addit. ad tract. de Confess. sollicit. & Acugna qu. 21. n. 10. Concludit tamen idem Diana: Sed ego in hac questione de meo, nihil dico, & nihil pono: solum refero, quid alii dicunt. Et hic ego pariter tantum refero, quod asserunt Salmanticenses to. 2. sui Cursus Theologiæ Moralæ, tract. 10. De Censuris, c.

2. punct. 7. n. 91. pag. mibi 357. & to. 4. tr. 18. de Privilegiis, cap. 4. punct. 2. §. 10. n. 122. pag. mibi 334. Posse videlicet Confessarios Regulares absolvere Pœnitentes à Crimenibus, & Censuris, quæ sunt S. Tribunalis Inquis. reservata, & extra Bullam Cænæ contenta: ut sunt fortilegium, malefium, superstitio, magia, adoratio, Daemonum, sollicitatio in Confessione, lectio librorum hereticorum, sodomia, bestialitas, blasphemia hereticalis, & omnia alia delicta, quæ in Edictis S. Inquisitionis continentur, & quorum puniitio pertinet privative ad hoc Sanctum Tribunal, quoties hæc crimina, non ex errore contra fidem, proficiuntur, sed ex avaritia, concupiscentia, ira, aliave passione: quia hæc delicta quando absque errore contra fidem committuntur, verè non sunt hæreses: ita Salmanticenses, pluribus etiam relatis cit. n. 91.

316 At ego (ob superius dicta) positivè recedo à recitata Portell. sententia, & doctrina, cum Bordon. ref. c. 3. qu. 3. à n. 6. cum quo etiam, Portelli argumenta resolvo, ut sequitur. Ad primum namque respondeo, Privilegium illud Pauli III. adductum non habere locum, vel procedere, aut hisce temporibus subsistere pro casibus Inquisitorum, sicut nec pro sex prænaratis casibus, aut pro Casibus Episcopalibus, ut supra. Nec dictio Etiam implicativa est, aut modo esse potest similium Casuum. Et DD. Inquisitores, ut patet ex dictis, sunt Judices omnes in casibus Inquisitionis. Ad secundum: Illam Regulam 53. in 6. non habere locum in odiosis, ut docet Sijssim. dub. 8. n. 3. apud Bordon. qu. cit. n. 7. per aliam Regulam quæ est 28. in 6. Quæ à jure communi exorbitant, nequaquam ad consequentiam sunt trahenda. Unde nec eadem Regula habet locum in dispensationibus secundum Sanch. de Matrim. to. 3. lib. 8. disp. 1. n. 32. & alios: ac proinde neque in absolutione, quæ pari passu cum ea currit. Ad tertium: Delegatum posse absolvere, at in casu nostro (hoc est ad huiusmodi Inquisitorum casus) tam pro Secularibus, quam Regularibus, Religiosis Confessariis, aut Prælati non sunt amplius delegati, ex dictis. Adde falsum esse, quod Regulares habentes Privilegium absolvendi à censuris reservatis Papæ habeant jurisdictionem absolvendi ab illis Censuris reservatis, à quibus Papa potest absolvere, absolvit enim Papa à Censuris Bullæ Cænæ, ibi reservatis; à quibus non possunt absolvere Regulares, siquidem hæc excipiuntur in Privilegio Pauli III. Adde etiam, quod si possent Regulares Confessarii absolvere à Censuris

Censuris reservatis, à quibus potest Papa absolvere, Parem cum ipso potestatem haberent, quod pariter falsum est, nec admitti potest. Unde nec à sex illis casibus possunt absolvere; nec ab Episcopalis; neque ab Inquisitorum casibus, quia Papa contentus non est, & in Privilegio *Paulino* Inquisitorum casus nullo modo, nec etiam tacite continentur, quia odiosa non extenduntur ad ea, quæ expressa non reperiuntur. Ad quartum, conceditur totum, quia dicta excommunicatio in Indice librorum prohibitorum non est reservata, atque adeò argumentum nil probat, vel urget in casu nostro; cum excommunicatio nulli reservata, tolli possit à quolibet simplici Confessario. Vide *Bordon. qu. cit.*

PRIVILEGIUM XXVI.

Omittens ex ignorantia invincibili recitationem Officii Divini, excusatur à culpa.

317 **H**Abes hoc idem Privilegium apud *Navarr. to. 4. tit. de Oratione, & Horis Canon. cap. 11. n. 20. 38. & 39. Suar. de Relig. to. 2. lib. 4. cap. 28. n. 3. 4. 5. Bonac. to. 1. Tit. de Horis Canon. disp. 1. qu. 6. punc. 3. à n. 8. Donat. to. 4. Præcis Regular. Tit. de Horis Canon. tract. 18. qu. 58. Lefsi. de Just. lib. 2. cap. 34. dub. 32. n. 183. Vers. Secundo eos, & apud alios. Patet huiusmodi Privilegium ex regulis generalibus toties in hoc opere traditis, & à DD. communiter in *Tractatu de Legibus, & de Peccatis*. Loquitur autem Privilegium, ut patet, de ignorantia inculpabili, & probabili (ut excuset à culpa) ad quam reducitur etiam naturalis oblivio, seu inadvertentia, hæc enim invincibili ignorantie comparatur (modo tamen ipsamet oblivio, propria culpa non advenerit, seu modo prævisa non fuerit, & non impedita) Ignorantia enim crassa, & vincibilis non excusat, ut sæpe dictum est; & docent communiter Doctores.*

318 Advertit tamen, & optimè, *Suar. n. 3. cit.* & cum ipso *Donat. qu. cit. n. 2.* quod ignorantia Juris in hoc præcepto ferè haud potest esse probabilis, & ad excusandum sufficiens: est enim præceptum recitandi Horas Canonicas, præsertim Clericis in Sacris, vel habentibus Beneficium, adeò publicum, & notorium, ut nequeat invincibiliter ignorari, maximè ab illis, qui tenentur scire sui status obligationem, & ab illis, qui dum examinantur ad Ordines, & Beneficia, interrogantur de obligatione re-

citandi Divinum Officium. Posset tamen esse aliquando hæc ignorantia inculpabilis in aliquo Religioso, vel Religiosa ignorante, præsertim si adhibeat fidem alicui Viro Docto, vel Confessori, quem valde probum, & doctum existimat. Item potest esse invincibilis in puero, qui pensionem, aut Ecclesiasticum Beneficium recipit in tenera ætate, quando per se non potest satis advertere ad huiusmodi obligationem, nec in ejus cogitationem venit, neque ab illis instruitur, qui eum docere, tenentur: *peccabunt enim illi* (inquit *Suar. n. 3. c. in fine*) *ipse vero omittens excusabitur, & contra eisdem invehit Navarr. l. c. Vi. de eundem Suar. n. 4.* ubi etiam per ipsum, ad ignorantiam facti reducitur naturalis oblivio: illud autem dicitur naturaliter oblitum, quod in mentem non venit, ac proinde voluntarium non est, consequenter nec peccatum, & n. 5. ubi pariter excusationem sumit etiam ex ignorantia recitandi Officium pro aliquo tamen tempore tantummodo, cum *Navarr. l. c. n. 21.* & dummodo in tali tempore (cum eodem *Navarr.*) moralem diligentiam faciat ad addiscendum, alioquin ea ratione non excusaretur.

319 Et nota hic, quod dicta *Juris* ignorantia potest quandoque esse inculpabilis: *In aliqua Religiosa ignorante, præsertim si adhibeat fidem alicui Viro Docto, vel Confessori, quem valde probum, & doctum existimet.* Nota inquam, si maximè sis Monialium Confessor, ac Spiritualis Director: non enim ex Monialibus Choro addictis, defunt, quæ hæc ignorantia laborent (testis ego ex ipsarummet, nec paucarum ore) firmè credentes, ac sustinentes ex doctrina à gravibus Doctores, imò à propriis quibusdam Confessariis hausta, ipsas non teneri ad Horas Canonicas privatim recitandas, (quando Choro non interfunt) sub onere lethalis culpe. Quam sententiam illis insinuate potuerunt sequentibus Doctorum Autoritatibus, & rationibus. Antequam tamen hæc eadem referam; ad earundem adequatam intelligentiam, quædam præmittenda sunt, ac supponenda. Igitur

320 Supponendum primò: Neque, hic, neque apud DD. Sermonem esse de Religiosis Viris Laicis, aut Monialibus Conversis, ad Chorum non deputatis, nec consequenter ad Divini Officii penum obligatis: Uti nec de Novitiis, qui sub nomine Religiosi in oneribus non comprehenduntur, neque pro illis est consuetudo, aut obligatio Divini Officii; habenturque in odiosis ut Sæculares, sic *Tambur. in Decal. lib. 2.*

e ap. 5. *Tit. de Horis Canon. §. 1. n. 6. in princ.* & communiter D. D. præferunt Palao par. 2. *tit. de Oratione, disp. 2. punct. 1. §. 3. n. 1.* aliis ibi relatis; ubi etiam, quod si aliquis Religiosus Choro deputatus ad Conversos auctoritate Superioris transeat, eo ipso eximitur ab obligatione recitandi, quæ annexa est illi Statui: versa vice verò, si ex statu Laicorum, & Conversorum transeat ad statum Choris, induit statim dictam obligationem, ita etiam *Suar. de Relig. 10. 2. lib. 4. cap. 17. n. 7.* (ubi etiam rationem reddit, quam desumit ex fundamento obligationis ablato, vel adiuncto, quod fundamentum, est Professio Religiosa cum tali munere, seu deputatione ad Chorum, &c.) *Azor. par. 1. lib. 10. qu. 7. & alii.* Unde sicut Clericus in Minoribus (inquit *Azor.*) si Beneficiarius sit, & Beneficium deponat, eo ipso à lege Horarum Canoniarum solutus censetur [cum Sacris Ordinibus non sit initiatus] similiter, & Religiosus, qui à Choro divellitur, ab eodem onere liberatur. Item nec Sermonem esse de Religiosis illius Religionis, quæ ex suo Instituto non est Choro addicta, isti enim non sunt obligati Officium Divinum recitare, nisi sint in Sacris (huiusmodi sunt Religiosi *Sanctissime, Nobilissime, Doctissime, atque Eruditissime Societatis Jesu*, in qua talis Horarum recitatio in Choro non reperitur. Et Religiosi *Equites Militares*, qui non Choro, sed militiæ sunt destinati.) Quia obligatio hæc recitandi Officium Divinum privatim, succedit loco publicæ recitationis, quam Religio proficitur (*Pala. n. 1. c. in fine, Vers. Hinc fit*, cum *Suar. Voss. Valent. Bonac. & alii*) & ad quam vel ex Regula, vel ex consuetudine (ut infra) tenentur Religiosi Professi vel in Choro, vel privatim, etiam si Sacris Ordinibus non sint initiati. Quam tamen consuetudinem sub lethali obligantem, in sua Religione non adesse, fatetur *Thomas Hurtadus* ex Clericis Regulæ Minor. part. p. *Resolut. Moralium tract. 2. tit. de Obligat. Sacerdotum c. 7. n. 306. fol. mibi 84. Vers. Inferitur tertio. col. 2. vbi sic: Fallitur Diana p. 3. tr. 2. ref. 8. & p. 4. tr. 4. ref. 6. dicens, non esse Religionem in qua sit consuetudo non recitandi Clericos non ordinatos, quia inter nos nunquam viget talis consuetudo; sicut viget canendi Missam diebus festis in Domibus ubi est sufficiens Religiosorum numerus: ita Hurtadus, cui respectu Religionis meæ Clericorum Regularium Theatrorum, addi potest noster Pat. *Zacharias Pasqualensis de Sacrificio Missæ 10. 2. tit. de Obligat. celebrandi qu. 889. n. 23. fol. mibi 117.**

ubi pariter sic, contra eundem *Dianam*: *Et hanc consuetudinem apud meam Religionem obligantem sub mortali non audeam affirmare, nam quando Novitius inducebatur Habitu Religiosis, ut constat ex Veteri Rituali, inter alia Superior illi protestabatur: (Item quod nullus in Congregatione nostra, ante susceptos Sacros Ordines, etiam post expressam in scriptis professionem ad Horas Canonicas tenetur.) Et hæc protestatio mihi facta fuit, quando sumpsi Habitum, & plures ex gravioribus Patribus senserunt nullam talem adesse obligationem. Et quamvis postea in Rituali novo sublata sit huiusmodi protestatio, nihil tamen posuimus sanctum est: ita P. Pasqualensis loc. cit. Dictum autem nostrum *Vetus Rituale* ab ipso allegatum, in quo pag. 3. habetur per extensum præfata Protestatio, reperitur asservatum in Archivio huius nostri Monasterii *Sanctæ Mariæ de Glaria Verone*, & impressum est *Venetis apud Juntas, Anno 1587.* Suppositum hoc primum concludo, advertendo, Doctores omnes apud, & cum *Bordano ref. 30. Tit. de Horis Canonicis, q. 8. n. 12.* docere, Moniales ad Chorum deputatas teneri Divinum Officium recitare eo modo quo viri professi obligantur, vel ex consuetudine, vel ex Regula: nam etiam ipsæ conveniunt in principio communi, quod in aliis ad Chorum deputatis reperitur (seculis cuiusque Ordinis, & Congregationis statutis) quod principium, seu fundamentum per *Suar. n. 7. c. in fin.* est (ut idemet supra inquit) *Professio cum deputatione ad Chorum, adiuncta consuetudine, quia utramque conditionem ad obligationem requirit.**

321 Supponendum secundo, Usum canendi, ac recitandi publicè, & in Choro Horas Canonicas, esse laudabile, Pium, Sanctum, & Spiritus Sancti instinctu in Ecclesia introductum, ut ostendit antiquissima, universalisque traditio, probanteque universalis Ecclesiæ, ac Doctorum, & Sanctorum Patrum consensus, & testimonia plura Sacræ Scripturæ, sicut latè probat (aliis omisiss) *Suar. de Religione 10. 2. lib. 4. cap. 1. n. 5.* (ubi etiam, quod hæc doctrina de fide certa est) & cap. 7. n. 10. ubi, quod huiusmodi usus, & consuetudo, fuit ab initio nascentis Ecclesiæ, tam in Oriente, quam in Occidente, & quod fuerit Apostolorum ritus canendi in Ecclesiæ, &c. Verum quidem tamen est, quod ad huiusmodi Pium aded, Sanctumque usum publicè canendi, aut privatim saltem recitandi Officium Divinum, illi tantum Religiosi professi obligantur, secundum communem Doctorum affirmationem, qui Choro sunt depu-

deputati, comprehendentes sub illis, & Mares, & Fœminas Moniales, ut ipsimet sese explicant, cum in hac re, ut iidemmet animadvertunt, diversitas sexus nihil faciat. Et hic insuper verum est hujusmodi præceptum, seu obligationem Officium recitandi Divinum, non oriri in Religiosis Professis (ad Chorum addictis) aut emanare, ex aliquo jure positivo scripto, hoc est, ex aliqua Pontificia Constitutione, vel ex Sacro Canone aliquo, id enim non reperiri communis est omnium, ac recepta sententia, inquit Pala. n. 1. c. in princip. qua de re Suar. to. 2. de Relig. lib. 4. cap. 10. n. 15. Fillinc. to. 2. tr. 23. cap. 4. q. 7. n. 133. Bonac. to. 1. de Horis Canon. disp. p. q. 2. punc. 2. n. p. Vers. Dixi ex consuetudine. Diana to. 2. Coord. tr. p. ref. 87. n. 4. Ex p. 4. tr. 4. & Miscell. ref. 6. ibi, Apud veteres, & recentiores scriptores tam doctos, dictum præceptum in Jure Canonico non fuit inventum, &c. Tamb. de Jure, Abbat. disp. 15. q. p. n. p. Bord. ref. 30. n. 3. in fin. alique innumeri, unanimiter omnes affirmantes præfatam obligationem non oriri absolute ex aliquo jure, aut Textu Canonico, eo quia jus tale nec affertur, nec asserri potest; evidens signum non extare. Neque ad id obstringi Jure naturæ, pertinente ad Divinum cultum, & Religionem (ut nonnulli apud Bartbol. à S. Faust. de Horis Canon. l. 2. q. 55. in princ. fol. mihi 387. Quia videlicet, ad hunc cultum peculiariter per professionem dicati sunt.) Neque inquam ob hoc ad id obligantur, tum quia (ut optimè idem à S. Faust.) cultus Divinus latissime patet, & multis aliis modis exhiberi potest, ut ex se constat, igitur ex tali solo capite non potest inferri obligationem hanc potius esse ad memoratam recitationem, quam ad alium alterius modi cultum Dei, præfertim cum Religiosus mancians se Dei cultui per professionem, sibi non imponat necessitatem determinatè ad aliquas actiones cultus Divini, nisi ad eas, quas expressè vovet; aut quas Regula, vel Prælatus præscripserit. Tum etiam quia, si Religiosi jure naturæ ad Divinum Officium, & Horas Canonicas obstringerentur, Religiosi omnes ad idem obligarentur, cum jus naturæ idem sit in omnibus, quod nequit concedi, Bonac. Vers. c. & communiter DD. Neque obligantur ad id, ob elemosynas à fidelibus acceptas, ut docet Paludanus in 4. dist. 15. q. 5. art. p. (apud eundem à S. Faust. q. c.) volens ad id obligari ex naturali lege justitiæ, quia ex Christiani populi bonis in elemosynam acceptis aluntur, & vivunt,

ac proinde tenentur precari pro his, qui bene de ipsis sunt meriti. At neque inquam ex hoc capite ad Horas Canonicas recitandas, Religiosi obstringuntur: Tum quia, non sustentantur à populo propter hanc, vel illam determinatam actionem vitæ Religiosæ, sed simpliciter ut in tali statu perfectionis secundum suum Institutum vivant ad Dei Gloriam. Tum quia, elemosynæ non conferuntur hac conditione, & pacto, ut suppono, quasi videlicet ex lege justitiæ, & per modum stipendii orent pro populo, sed propterea quod sint Divino cultui mancianti, & pauperes ex professio. Tum quia (ut optimè etiam idem à S. Faust. l. c.) si Paludani fundamentum admitteretur, ad Horas Canonicas tenerentur pariter, & Conversi, quos Laicos appellamus, imo, & Novitii, quia, & hi aluntur, sicut, & alii, quod non est dicendum. Tum tandem quia, eodem fundamento admissio, ad summum probaretur adesse obligationem in singulis Monasteriis recitandi in Choro Horas Canonicas, non verò quod hujusmodi obligatio singulos obstringat, quando justa de causa absunt à Choro. Hic autem obiter adverte cum Bord. ref. 30. q. 5. n. 9. quod quando in Monasterio adest in fundatione Conventus obligatio recitandi quotidie in Choro. Si recitatio hujusmodi omittatur, peccatum est mortale, peccantque singuli omittentes, mortaliter. Tum quia, singuli omittentes faciunt contra justitiam, cum singuli alantur ex illis fructibus. Tum quia, æquiparantur in hoc Beneficiariis de Collegio, qui ut singuli tenentur interesse Choro, & cum sit omisso contra justitiam, & in re gravi, dubium esse nequit, quia sit peccatum mortale. An verò præterea, teneantur ad restitutionem fructuum pro rata Officii omisi? Negat meritò idem Bordon. n. c. Vers. Secundum probatur: Quia si aliqua adesset ratio obligandi ad restitutionem, ea maxime esset expressa intentio Fundatoris, de qua non constat, ut supponitur, consequenter res est dubia, & cum sit talis, inclinandum potius est in partem negativam, quia in dubio nullus est obligatus, & in materia justitiæ melior est conditio possidentis, ut de communi & pluribus citatis, docet Bonac. to. 2. Tit. de Restitut. in Genere disp. p. q. 2. punc. 2. §. Incidens. Et obligatio ad insolita non extenditur l. Fistula §. Frumenta ff. de contr. empt. referente Glossa Ver. Insolitam extr. com. de dolo. Est autem insolitum, quod Fundator Monasterii obliget ad recitandas Horas Canonicas in Choro cum

cum obligatione restitutionis fructuum respondentium pro rata Officii omitti. Neque huic doctrinæ obstat *Lateranense Concil. sub Leone X. & Constitutio Pii V. Ex Proximo, edita 12. Cal. Octob. 1571.* in qua innovatum fuit, declaratum, & auctum, *dicti Concilii Decretum* in quo statutum fuit, quod quilibet habentes Beneficium cum cura, vel sine cura, Divinum Officium omittentes fructus non faciant suos, sed eos uti iussit perceptos, in fabricas ipsorum Beneficiorum, vel pauperum Eleemosinas restituere debeant, & erogare teneantur, ut videre est apud *Bonac. to. p. Tit. De Horis Canon. disp. p. q. 5. punct. 2. proposit. p. n. 2.* Non inquam obstat, quia ut patebit legenti *Decretum, & Constit. Pianam* (extensam à *Bonac. l. c.*) loquuntur tantum de Clericis Beneficiariis, & Secularibus, qui utique Divinum Officium omittentes, fructus non faciunt suos. Regulares autem non dicuntur Beneficiarii, proindeque non subiciuntur dictis Decretis, ut idemmet *Bonac. l. c. sub n. 3. Vers. Hinc patet* ubi, *Hi qui ad titulum patrimonii, vel ad mensam Sancti Sepulchri Mediolani, vel ad mensam Regularium promissi sunt, non veniunt nomine Beneficii, vel Personis, de quibus in præcatis iuribus sermo est.* Neque enim illi redditus constituunt Beneficium: sed sunt simplex eleemosina ad congruam sustentationem Religiosorum, cum onere à Fundatore illam elargiente imposito, recitandi Divinum Officium in Choro. Ex quo patet differentia inter Clericos, & Regulares in ratione restitutionis, & convenientia in mortali culpa, à qua non excusantur dicti Regulares, nisi absint ex rationabili causa, quæ semper excusat (ait *Bord.*) & si non sit tam gravis, & tam legitima, quam Clericus Beneficiarius habere debet, ut non obligetur ad restitutionem, quia Clericus habet dominium utile Beneficii, Religiosus vero solum congrua alimenta recipit à Monasterio, apud quod est dominium directum, & utile rei relictæ. Et hinc habetur alia differentia, inter Beneficium, & huiusmodi relictum, nam Beneficii proprietas non est penes Beneficiarium, sed apud Ecclesiam; Religiosi vero, Domini sunt Eleemosinæ sibi relictæ. *Bord. n. 9. c.* Et optime etiam facit ad rem hanc, quod advertit *Caramuel in Theologia Regulari disp. 102. art. 2. ref. 6. num. 1350. littera b.* dum ibi sic: *Cum ita traditur eleemosina, ut recipiens ad aliquid præstandum teneatur* (ut in casu nostro, ad Horas Canonicas publicè in Choro præstandas) debet clerus arripis, & conditionibus tracti, ita ut ille

qui recipit, sciat se illam recipere non grati, sed cum onere: hoc est (clarius loquendo) se non recipere eleemosinam, sed stipendium. Hanc ergo claritatem debet erovere ex *Fundatorum donationibus &c.* Quod hic obiter ex *Caram.* advertatur.

322 Supponendum tertio, Neque præfatam obligationem recitandi publicè in Choro, vel privatim Horas Canonicas obstringere Regulares omnes in communi ex solo præscripto simpliciter Religiosorum, Constitutionum præceptum huiusmodi recitationem. Quod clarè patet, tum quia non omnes Regulares, neque Religiones omnes quamvis perfectæ sint, & verè Religiones, ex suo instituto, & Constitutionibus canunt in Choro, ut constat. Ex quo etiam infert *Palao d. 3. c. sub nu. pr. Vers. Hinc fit* Religiosos illius Religionis, quæ ex suo instituto non est addicta Choro, non esse obligatos officium Divinum recitare, nisi sint in Sacris. Tum quia Religionum Constitutiones regulariter non obligant (saltem non omnes) subditos suos ad illarum observantiam sub culpa lathali; sique neque ipsæmet solæ simpliciter, & ex se, obligant sub eadem culpa ad canendum publicè in Choro Horas Canonicas. Et hoc idem expressè docet *Suar. de Relig. to. 2. lib. 4. cap. 10. n. 16.* sub sequentibus verbis: *Unusquisque Religiosus in particulari solum tenetur ad existendum, & Canendum in Choro ex vi Regule, quæ ordinariè non obligat sub reatu culpe, sed tantum pœna.* Idemque habet *Bordon. ref. cit. 30. qu. 2. n. 6.* ibi, *Fere nulla Religiosorum Regula eos obligat sub mortali ad recitandum Horas Canonicas, immo neque sub veniali, excepta prima Regula Divi Francisci, quæ suos alumnos in multis obligat sub culpa.* ita etiam docent *Bonac. de Horis Canon. disp. p. qu. 2. punct. 2. nu. 8. Filliuc. l. cit. q. 9. nu. 140.* alique, quos vide apud *DD. Agentes de Horis Canon.*

323 Supponendum quarto, Neque tandem prælatam obligationem Choralem, vel privatam, in Regularibus Choro addictis, oriri ex eo quod Regularium Ecclesiæ sint Collegiatæ (quæ ut omnes docent tenentur ad Officium Divinum in Choro; imo sunt institutæ principaliter in hunc finem, *Filliuc. to. 2. tract. 23. cap. 4. qu. 5. sub n. 129.* & communiter) non enim Collegiatæ sunt Regularium Ecclesiæ, consequenter nec sub hoc titulo Regulares obligantur ad Chorum. Et quod tales non sint, sentiunt *Rodrig. to. pr. qq. Regular. qu. 43. art. 12. Diana to. 2. Coordin. tract. p. ref.*

83. *Ex par. 2. tr. 14. ref. 76. Villalobos in Sum. 10. p. tract. 8. diff. 19. n. 4. (apud citatum Dianam) Hieron. Rodriq. in Compendio resol. 25. de celebrat. Missæ n. 10. Peyrin. de Privileg. tom. 3. in Additam. ad Constit. Pyrrhi cap. pr. nu. 19. Gavani. ad Rubricas Missalis par. 3. Tit. 11. n. 12. Sanctior. de Missi in Statuta, & Constit. S. Francisci Statuto 6. Vers. Verum appositum. Pasqualis. de Sacrificio Missæ to. 2. qu. 877. à n. 2. & alii. Et quod tales inquam non sint: Suadetur Primò, Quia in Clement. p. de Celebrat. Missar. distinguuntur Regularium Ecclesiæ à Collegiatis, nam ibi dicitur: Nec non ut in Cathedralibus, Regularibus, & Collegiatis Ecclesiis; ergo cum sint à Collegiatis distinctæ Regularium Ecclesiæ, non sunt Collegiatæ, quod enim ab alio distinguitur, idem non est cum illo. Quod confirmari potest, ex eo quod tradit Gavani. n. 6. 12. quia videlicet Regularium Ecclesiæ appellantur propriè *Conventuales*, ab Innocentio IV. in Bulla ejusdem 7. Bullarii, ubi, Flavius Cerebinus, in Compend. Bullar. Schol. p. notat, eo titulo appellari, ad differentiam Collegiarum, quæ sunt propriè Canonico-rum. Neque huic primæ suasioni obstat videtur Textus Concilii Trident. sess. 22. de Reform. c. 4. in princ. in quo videtur quod Ecclesia Regularis sit Collegiata; sic enim habet. *Quicumque in Cathedralibus, vel Collegiatis seculari, vel Regulari Ecclesia &c.* Ex quo videtur tribuere Concilium qualitatem Collegiatæ, tam Seculari, quam Regulari Ecclesiæ, consequenter videtur esse propriè Collegiata. Non inquam obstat, quia non tribuit ibi Concilium (ut docet etiam P. Pasqualis. qu. c. n. 6.) Regulari Ecclesiæ qualitatem Collegiatæ, sed distinguit, & ipsum (ut facit etiam Textus Canon. Citat. Clementina) tres species Ecclesiarum, Cathedralium videlicet, Collegialium Secularium, & Regularium; & qualitatem Collegiatæ, tribuit solum Secularibus, quod declarat *Distio Vel*, sic repetita. Cum enim habeat ex natura sua *disiungere*, juxta l. si illud, ff. de Legat. 2. ubi Bald. & cap. Inter ceteras, de rescript. ubi Panorm. n. 4. Dec. n. 22. dum dicit. *Vel Collegiata Seculari*, eam disiungit à Cathedrali, & cum subdit: *Vel Regulari Ecclesia*, hanc disiungit à Cathedrali, & Collegiata. Addit autem dictionem *Seculari*, & non dicit solum *Collegiata*, ut declarat qualitatem Collegiatæ convenire solum Secularibus Ecclesiis: ita etiam P. Pasqualis. nu. 6. cit.*

324. Secundò idem suaderetur: Quia illæ dicuntur propriè Ecclesiæ Collegiatæ, qui-

bus assignantur Beneficia, & redditus Ecclesiastici, ut deputentur plures Sacerdotes, & Clerici Sæculares ad illarum Servitium, & Ministerium, ut videlicet Canant in Choro Horas Canonicas, ut Missas celebrent, & hujusmodi. At Ecclesiis Regularium Ecclesiastici redditus, hoc fine non assignantur, ergo non censentur Ecclesiæ Collegiatæ: Minor probatur, bona namque Ecclesiastica, & eleemosynæ non tribuuntur Regularibus ex dictis, & Doctoribus (præsertim ex Filliuc. to. 4. tract. 23. cap. 4. qu. 7. nu. 133.) & Diana to. 2. Coordin. tract. 1. ref. 87. n. 4. in fin. Ex par. 4. tract. 4. & Miss. resol. 6. ut canant in Choro, & ut Ecclesiæ inserviant, sed ut solum Deo serviant juxta propriam Regulam, & institutum. Et si quandoque Regularium Ecclesiæ vocantur Collegiatæ vel in Jure, vel à Doctoribus, id evenit, vel quia nomen Ecclesiæ Collegiatæ sumunt largo modo, & improprie, vel quia tractatur de materia favorabili, in quo casu sub nomine Ecclesiæ Collegiatæ comprehendi potest etiam Monasterium Regularium: at non ita in odiosis, & quando agitur de inducendo novo onere, ut videre est apud DD. Sed

325. Contra id quod superius dicitur cum communi omnium sententia, non extare, videlicet, nec reperiri jus aliquod, vel Canonem obstringentem Regulares Choro ad dictos, ad publicam Psalmodiam in Choro, oppones eundem Textum Clem. 1. de celebr. Missar. quatenus in ipso videntur obligari canere in Choro hisce verbis: *Sancimus; ut in Cathedralibus, Regularibus, & Collegiatis Ecclesiis bonis debitis devotione psallatur*: hujusmodi autem verba videntur esse præceptiva, maxime quia inferius additur, *Si Dei, & Apostolicæ Sedis indignationem evitare voluerint*: ergo ex vi Legis Canonice tenentur Regulares professi psallere in Choro Horas Canonicas sine lethali culpa. Huic oppositioni, negata ejusdem consequentia; ad Textum Clementina. Respondeo primo cum Antonio à Spiritu Sancto in Director. Regul. par. 2. tract. 3. disp. 6. sec. 11. §. 8. n. 1584. Diana Coordin. to. 3. tract. 6. ref. 19. Ex par. 10. tract. 14. & Miscell. 4. ref. 3. & aliis, ipsum non ponere, sed aliunde supponere obligationem, quæcumque ista sit, live ex peculiari videlicet Regularium Regula, & instituto, live ex consuetudine universalis, live ex præcepto, &c. ita etiam Diana n. 4. cit. in to. 2. ubi ait: *Ex Clement. 1. de celebr. Missar. Regular. esse obligatos ad Officium in Choro juxta cujusvisque consuetudinem*, &

dicum, & institutum. Respondeo secundò, dictam Clementinam benè examinatam, atq; intellectam, non præcipere Regularibus canere publicè in Choro Horas Canonicas, sed tantummodo præcipere debitum modum, & tempus psallendi, ad quosdam tollendos abusus, & inconvenientia aliqua valdè gravia, quæ in Ecclesia Dei tunc extabant, ut patet ex *Textu* ipso, in quo hæc habentur: *Plerique Ecclesiarum Ministri, modestia Ordinis Clericalis abiecta, dum offerre Deo Sacrificium laudis fructum labiorum suorum in puritate conscientie, & animi devotione debent Horas Canonicas dicere, seu psallere, transcurrendo, syncopando, extranea quidem, & plerumque vana, profana, & inhonesta intermiscendo colloquia, tardè ad Chorum conveniendo, seu Ecclesiam ipsam absque rationabili causa ante finem Officii exsurgendo frequenter. Aves interdum portando, seu faciendo portari, canesq; secum duccendo venaticos, ac quasi nihil pretendentes de Clericali militia, in corona, vestibus, & tonsura, divina etiam celebrare, aut eis interesse nimis indevote presumunt.* Nonnulli etiam tam Clerici, quam Laici, &c. Ex his autem verbis clarè habetur, quod erat in illis temporibus abusus psallendi in Choro Horas Canonicas extra tempus, & horas ab Ecclesia determinatas, indevote, vana, profana, & inhonesta intermiscendo, & alia perpetrando delicta (ut in *Textu*) ob quæ postea Summus Pontifex coactus fuit statuere, ut in Ecclesiis debitis horis, & devotè psallatur, &c. Et ne transgressiones huiusmodi invalescant, aliisque veniant in exemplum, Ecclesiarum Prælati committit sollicitam, diligentemque curam in illis exequendis adhibere: concedendo insuper eisdem Prælati, Ecclesiarum Superioribus, facultatem compescendi contradictores censura Ecclesiastica, & aliis opportunis remediis. Non tamen statuit, ut recitentur in Choro Horæ Canonicæ, potissimum quia, talis abusus non canendi in Choro tunc non vigebar. Neque item statuere idem videret, ex eo, quod Prælati Ecclesiarum concedit posse eos compescere subditos inobedientes Ecclesiastica censura, ex hoc enim inferri non debet, ergo Regulares tenentur ex præcepto juris sub mortali, ad Horas Canonicas quotidie in Choro canendas, quia per concessionem illius potestatis, non fulminatur de facto censura, nec etiam comminatur, sed conceditur solum Prælati facultas ad illam fulminandam contra subditos inobedientes, & contradicentes determinationibus, & ordinationibus Pontificiis editis ad tollendos illos

abusus, de quibus in cit. *Textu*, & qui tunc in Dei Ecclesia cum gravi damno spirituali vigeabant. Præter hunc textum nullus alius afferri potest, vel extat (ut supra) qui loquatur, vel eos afficiat quo ad obligationem psallendi publicè in Choro Divinum Officium; nam, ut videre est apud DD. præcipuè apud *Lessi. de Just. lib. 2. cap. 37. dub. 9. n. 44.* in reliquis Juribus mentio fit semper vel de Presbyteris Sæcularibus, Parochis, & Ecclesie Rectoribus, vel de Clericis alicui Ecclesie deputatis, idest, qui habent Beneficium in aliqua Ecclesia, ratione cuius eidem inservire debent; vel de Prælati; & Minoribus Clericis, &c.

326 Supponendum quintò. Horas Canonicas ex causa aliqua legitima persolvere possent etiam in Sacristia, vel Oratorio, etiam dissito ab Ecclesia, & quæ illi non conjungitur Muro communi, quia Officium in dictis locis dirigitur ad Ecclesiam, & Religiosi moraliter dicuntur canere in Ecclesia, quæ sic non privatur illo honore. Et sicut Canonici, qui magis rigorosè quam Regulares tenentur ad Chorum, ob justam, & rationabilem causam excusantur à Bonac. to. 1. tit. de Officii recit. & Horis Canon. disp. 1. qu. 3. punc. 5. proposit. 1. n. 3. multo magis Regulares excusandi sunt, & possunt, cum causa inquam, satisfacere etiam in Sacristia, vel Oratorio, &c. suæ obligationi psallendi in Choro: ita etiam *Bord. ref. 30. quest. 17. n. 21.* apud quem rationabilis causa, est asperitas brumalis, seu frigus tempore hyemis; item si in Choro, vel in Ecclesia fabricetur; si sit occupatus aliquo alio Ministerio Spirituali, ut si sibi in Hebdomada Sæcra fiat Sepulchrum Domini, aut aliqua Spiritualis demonstratio. Addo cum eodem *Borden.* Quod in pluribus Monasteriis adest Chorus separatus ab Ecclesia per communem parietem, qui in hoc æquiparatur Sacristiæ, ergo si in eo satisfis, etiam in Sacristia. Vide *P. Dian. 10. 3. Coord. tract. 6. resol. 22. n. 2. Ex par. 6. tract. 8. & Miscell. 3. ref. 13.* ubi refert *Bonac., Pala.* & alios, asserentes, certum quidem esse, ex cap. *Fin. dist. 92. & cap. 1. de Celebrat. Missar.* Horas Canonicas in Ecclesia persolvendas esse, admittentes tamen, ex necessitate posse in alio loco persolvere, nec se restringentes in Sacristia distante ab Ecclesia per plures Muros, vel in alio Oratorio, quia Officium quod in dictis locis recitatur, dirigitur ad Ecclesiam, & moraliter dicuntur Religiosi canentes in dictis locis, canere in Ecclesia, nec dissentit *P. Diana*: solum concludit: *Salvo tamen meliori iudicio*

327 His igitur suppositis, ac præmissis (ex quibus, & ex DD. fideliter citatis, & ex communi, habetur, Religiosos ad Chorum professos, ad eundemmet non teneri Jure aliquo Canonico, cum nullus Canon ea de re extet; nec jure naturæ, quia non pertinet ad essentiam Religionis. Neque ex vi Voti, aut Professionis, quia ad hoc non se Voto astringunt: nec ratione eleemosynarum, quia non dantur cum hoc onere, sed ut vivant secundum suum institutum, &c. quæ omnia etiam, ut hic, enumerant, & docent *Lesi. dub. c. 9. n. 49.*

Diana nu. 4. c. in to. 3. Coord., alique.) Modo inquiri (in gratiam Regularium, & Monialium) quo Jure absolute teneantur, tum ad communem, & publicam recitationem in Choro, tum ad privatam, quando Choro non interfunt, nec sunt in Sacris, utraque enim pars obligationis consideranda est (affirmans *Pala. par. 2. disp. 2. punc. 1. §. 3. sub n. 1. Vers. Hinc fit.* Quod obligatio recitandi privatim, succedat loco publicæ recitationis, quam Religio proficitur) & merito inquiri inquam, quo Jure ad id teneantur Regulares professi ad Chorum in communi, nam Doctissimus *Caram. in Throl. Regul. disp. 101. n. 1320. in princip.* ita scribit: Communiter teneri sub peccato gravi legere Divinum Officium, asserunt communiter Auctores: nullum legi qui asserat contrarium, nullum qui hanc obligationem demonstrat. Ne igitur singularis videat, supponam ex communi, non posse communiter aliquam Benedictinam omittere Officium Divinum sine culpa mortali. Duæ autem sunt in hac re, & inter se contrariæ sententiæ, una negans obligationem ad recitandum; altera affirmans adesse, dicentes quo jure. Affirmam utriusque Auctores fideliter cum suis fundamentis: excusari autem me arbitror apud Lectorem, si in his ascendendis nimia fortasse prolixitate immorari videar, non tamen operam perdo, nec frustra id facio, sic enim clarius, & facilius quæstionem hanc expendam, & robur valde efficax conclusioni meæ præstabo.

328 Incipiam ergo ad P. Marco Vidal: iste Pater in *Arca Vitali Theologia Morali Tit. de Horis Canon. Inquisit. pr. n. 31.* sententiam tenens negativam (quam refert per extensum P. Diana ubi infra) ait, ut lequitur: *Consuetudo recepta penè in omnibus Religionibus canendi quotidie in Choro publicæ Horæ Canonice, non obligat sub mortali culpa Regulares, neque sigillatim personas, neque Communitatem, & Superiores locales, ita ut si aliquando desissent canere in Choro, etiam sine*

gravi causa, non ideo sunt condemnandi rei mortali culpa. Probatur assertio primo: Omnes ferè Regularium Religiones canunt quotidie in Choro Horæ Canonice ex consuetudine tantum recepta in quavis Religione: sed hæc consuetudo non habet vim legis, & præcepti: Ergo non obligat sub culpa mortali. Major, ut certa recipitur communiter à Doctioribus. Minor autem probatur: Consuetudo enim tunc habet vim legis, siue præcepti, quando à majori parte Communitatis introducitur cum Superioris legitimi consensu, & recipitur communi animo se obligandi, & quando participat iusta legis conditionis, atque etiam observatur per modum præcepti, & obligationis, sed nulla penè Religio introducit talem consuetudinem canendi in Choro hac intentione, & animo observandi illam per modum præcepti, & legis: ergo sub mortali non obligat.

329 Secundo, Constitutiones ferè omnium Religionum non obligant regulariter subditi ad illas observandas sub culpa mortali: ergo neque etiam obligabit sub mortali hæc consuetudo canendi publicæ in Choro Horæ Canonice. Antecedens supponitur verum, & certum. Consequentia probatur: tum quia Regulares tenentur ex consuetudine canere in Choro iuxta Regulam cuiusvis Religionis, sed Regula non obligat sub culpa mortali: ergo neque etiam consuetudo: tum quia ista consuetudo canendi in Choro est orta, & dependet à Constitutionibus particularibus Religionum: ergo sequitur earum naturam: at Constitutiones non obligant ad culpam mortalem: ergo neque consuetudo ab ipsis dependens; quia accessorium sequitur naturam principalis, Leg. cum principali, ff. de reg. jur. Cap. Accessorium, de reg. jur. in 6. potissimum quando militat eadem ratio, ut in casu nostro: nam tam Constitutiones, quam consuetudo canendi in Choro tendunt ad idem bonum, & ad eundem finem: ideo, &c.

330 Nec obstat dicere, quod consuetudo circa rem gravem, quasi semper vim legis habet: ergo obligat sub mortali: ergo etiam hæc canendi in Choro Horæ Canonice quotidie in Regularium Ecclesius, cum sit consuetudo circa rem gravem, ut per se patet: ideo, &c. Nam responderetur negando absolute antecedens. Et ratio negationis est. Primo; quia dantur aliquæ consuetudines, quæ habent vim legis, & tamen non sunt de re gravi, & difficili, neque communiter servantur. Ita Pasqualis, decis. 487. n. 3. Ergo. Secundo, cum eodem Pasquali. l. c. n. 5. In aliquo loco introduci potest ex devotione exercitium alicuius virtutis, quod ab omnibus communiter servetur, & sit difficile, & etiam quod sit rei gravi: & nihilominus talis consuetudo non obligaret sub culpa saltem mortali; illa enim quæ sunt ex liberalitate, non introducunt

introducunt obligationem, quia procedunt ex libera voluntate, quae cum liberaliter operetur, se obligare non intendit: ergo. Tercio; consuetudo nunquam vim legis praeceptivae habet, nisi sit introducenda, & instituta cum consensu Superioris, ac animo se obligandi, & tali etiam intentione observetur: ita asserunt communiter Doctores, ut Suar., Azor., Rebellius, Reginaldus, Vasquez, Facund., Filiucci., Layman, Becanus, & alii, quos citat, & sequitur Diana par. 3. tract. 2. ref. 8. §. Sed haec opinio. Nam sicut lex quo ad suam obligationem dependet ab intentione Legislatoris, ita etiam consuetudo dependere debet ab intentione illorum, qui eam inducunt, cum participare debeat conditiones legis, ut vim legis habeat, aliter non obligabit; quia actus voluntarii non plus operantur, quam velint operari. *Lex Voluntarii, cap. de excus. tut. & leg. fin. Cod. ne Uxor. pro Mar. & actus agentium non debent operari ultra eorum intentionem, leg. non omnes, ff. si certum, cap. Ad audientiam de decif. ergo.* Quarto, In actionibus de Consilio, & liberis requiritur semper agentis intentio, per quam se obligare intendat ad aliquod opus, ut dicatur in conscientia esse obligatum, ut patet in Voto. Sed ut aliqua consuetudo introducatur, est quid dependens à libera hominis voluntate, cum sit quoddamvis non scriptum, quod continuo actuum finium usus nascitur: Ergo ad introducendam consuetudinem obligantem in conscientia, inter alia requiritur illorum intentio, qui eam introducunt: quia intentio se obligare in conscientia velint, & intendunt. Legitur consuetudine recepta in Religionibus canendi quotidie in choro Horas Canonicas, cum non sit introducenda, & instituta hoc animo se obligandi sub mortali, sequitur quod vim legis praeceptivae non habeat; quoniam ut sentiunt DD. communiter, consuetudo nunquam vim habet obligandi in conscientia, nisi sit de consensu illius, qui potest legem condere, & nisi sit introducenda hac intentione obligandi: Ita cum D. Tho. p. 2. q. 97. ar. 3. ad 1. asserunt Doctores, ut Suar. de Legib. lib. 7. cap. 9. Reginald. lib. 13. n. 143. Filiucci. tract. 23. cap. 6. n. 97. Clavius Regia lib. 13. c. 11. n. 5. Bonac. de Legib. disp. 1. quest. 1. punc. ultimo, n. 28. Sed Verbo Consuetudo, nu. 4. Facund. in Praecepto 1. Eccles. lib. 1. cap. 6. n. 7. & alii. Sed Regularium Constitutiones apud plures Religiones, leges praeceptivas obligantes sub mortali culpa non habent; ergo, neque etiam ullo pacto asserendum est, quod in illis Religionibus consuetudo canendi in Choro fuerit introducenda hoc animo, ut vim legis praeceptivae habeat, cum dependeat ab Instituto, & Regula ipsarum Religionum. Hec, & alia plura docet P. Vidal. l. c. pro sua negativa senten-

tia, quem, *Anton. à Spiritu S. in Direct. Regal. p. 2. tr. 3. disp. 6. sec. 2. §. 8. Vers. Dico primo n. 1584. fol. mihi 189. dicit, non esse improbabilem: Eiusdemq; non improbabilitas.*

331 Confirmari potest primò, ex doctrina quam tradit P. Pasqualig. de Sacrific. Missae to. 2. q. 889. nu. 7. Quia tunc consuetudo locum habet, & pro lege suscipitur, cum deficit lex cap. Consuetudo dist. 1. ubi Glossa Verb. Cum deficit. Et quando aliquid observatur communiter, quia ita lex praescribit, non est dicenda consuetudo, sed observantia legis. Et ut videatur ex qua obligatione procedat, non est consideranda consuetudo, sed quam obligationem lex imponat. Neque enim observantia legis inducit obligationem supra obligationem legis: Ergo cum psallere in Choro quotidie Horas Canonicas apud Religiones sit ex praescripto suarum Constitutionum, non est in hoc inquirenda obligatio consuetudinis, quia haec consuetudo obligativa non adest; sed obligatio Constitutionum, ita ut praeter hanc, nulla sit alia obligatio: At constitutiones, ut suppono, non obligant ad illarum observantiam sub culpa lethali: ergo, &c.

332 Secundò confirmari potest. Ex eodem P. Pasq. qu. c. nu. 8. Quia si quando constitutiones Religionum praecipiant aliquid, posset ipsis supervenire consuetudo attrens ipsamet suam propriam obligationem iuxta naturam consuetudinis, quam superadderet obligationi constitutionum, sequeretur, quod omnes Religiosi, quorum constitutiones non obligant ad peccatum, ex eo quod modò observarent dictas Constitutiones, obligarentur ad peccatum grave, vel leve, juxta gravitatem, vel levitatem materiae quo ad omnia, quae praecipiantur in constitutionibus; quia inducta esset consuetudo quae propriam haberet obligationem. Hoc autem dici non potest, & est contra communem sensum. Doctores enim sentiunt communiter, quod hujusmodi Religiosi non obligentur sub peccato ad observantiam constitutionum. Hinc Summus Pontifex in Clem. Exiis, de Verb. Signif. Declarans Regulam Fratrum Minorum, separat ea, quae continent praeceptum, ab iis quae non obligant sub peccato; quod facere non potuisset, si fuisset inducta consuetudo obligans sub peccato, ex eo quod observaverint Regulam etiam quo ad ea, quae sub peccato non obligant.

333 Tertiò confirmari potest, ex eodem l. c. n. 9. Quia ut inducatur consuetudo habens vim legis, requiritur (ut supra) animus

se obligandi, qui si desit, nunquam vim legis acquirit consuetudo, ut communiter DD. in materia de Legibus (ubi de consuetudine) sed hic animus non potuit adesse in Religiosis quo ad psallendum publicè in Choro quotidie Horas Canonicas. Ergo. Probatum Minor, quia Religiosi psallentes, &c. habuerunt animum implendi, quod præcipitur in suis Constitutionibus, ita ut actus ex hoc animo proveniret. Ergo procedere non potuit ex animo inducendæ consuetudinis, & se obligandi, quia talis animus supponit non adesse obligationem, & intendit eam inducere. Animus autem servandi Constitutiones, agnoscit obligationem quæ adest. Nec dici potest, quod adfuerit animus inducendi novam obligationem sub peccato; tum quia hic animus non potest presumi, nisi de ipso aperte constaret. Tum quia omnes de novo profitentes Regulam illam, profitentur ex suppositione, quod non obligentur sub peccato quo ad ea, quæ præscribuntur in Constitutionibus.

334 Quarto confirmari potest ex eodem n. 10. & 11. Quia consuetudo est lex non scripta, & quando lex deficit, suscipitur pro lege. Ergo quando alicui collectioni legum adicitur aliqua consuetudo supplens in aliquo defectum legis, obligabit eo modo, quo obligant leges, quibus adicitur. Ergo quando adicitur Constitutionibus Religiosorum, quæ non obligant ad peccatum, neque etiam ad peccatum obligabit: sed erit in eodem ordine obligationis, in quo sunt Constitutiones. Adde tandem, quod consuetudo non plus obligat, quam se intendat obligare, qui eam introducunt, si quidem accipit vigorem ab actibus quibus introducit, & actus non operatur ultra intentionem, l. Non omnis, ff. si cert. pet. & l. In agris, ff. De acquir. rer. Domin. Non est autem verisimile, quod Religiosi habentes Constitutiones, quæ non obligant sub peccato, velint introducere consuetudines circa ea, quæ pertinent ad vitam Religiosam, ut sunt ea, quæ Chorum concernunt, obligantes sub peccato; sed solum præsumetur animus se obligandi eo modo, quo obligant Constitutiones, nisi clare de opposito constet. Hæc doctissimus P. Pafq. g. c. in qua licet agat de obligatione quam habent Regulares celebrandi Missas Conventuales in suis Ecclesiis: an scilicet, & ex quo capite eas ipsi teneantur celebrare, ejus tamen doctrina (quatenus docet, quod consuetudo superveniens constitutionibus Religionis non obligat ultra constitutiones) coincidit, ut patet, cum doctrina P. Vidal,

cujus tamen sententiam, tanquam singularem, & contra Theologorum omnium, (etiam Regularium) communem, reiicit Diana 10. 3. Coord. tracl. 6. ref. 19. n. 3. ex p. 10. tracl. 14. & Miscell. 4. ref. 3. quam sic concludit: *Doctrina est communis inter Theologos circa obligationem recitandi Horas Canonicas in Choro, quam habent Religiosi: unde caveant ipsi, opinionem contrariam in praxim deducere.*

335 Communis igitur inquam, imo communissima est omnium sententia, in Ecclesiis Regularium adesse obligationem canendi publicè in Choro Horas Canonicas sub peccato, & nullum quidem Doctorem legit (Caramuel supra) asserentem contrarium, sed nec ullum, qui obligationem hanc demonstraret adinvent, uti nec ita facile est talem obligationem demonstrare: Unde & Oliverius Bonartius de Horis Canonicis l. 2. cap. 3. n. 1. fol. mibi 144. ait: *Communis sententia DD. est hujusmodi obligari: quo vero jure obligentur, laborant D.D. quia difficile est obligationis radicem invenire.* Nam (inquiunt scilicet communiter, præsertim Diana ref. cit. n. 4. & idem Bonart. l. c. n. 2. & 3.) non tenentur, ut per se constat (& etiam ex superius dictis) ratione ipsius Religionis in genere, quia ex hac ordinantur ad perfectionem, quæ hoc medium necessario non requirit, cum Religio, & quidem perfecta, sine Officio Chori reperitur. Et Conversi illarum Religionum, quæ Chorum profitentur, sunt veri Religiosi, & si sint sine obligatione ad Horas. Nec etiam hoc debitum sequitur ratione professionis, aut votorum, quia in votis substantialibus hoc non exprimitur. Præterea non tenentur ad Horarias preces aliquo jure Pontificio, quia nullus pro hoc Canon profertur. Ulterius non astringuntur ex vi virtutis Religionis, cum solum ad eum modum divini cultus se obligent, qui votorum formula; vel ipsa professione continetur; vel ipsa Regula præcipitur per modum legis, Psalmodia vero neutro istorum ex obligatione comprehenditur. Intuitu etiam alimentorum, quæ à Christiano populo recipiunt, non videntur præstare debere illud onus: tum quia tali mente non tribuuntur, nec etiam cum illis hujusmodi pactum initur: tum quia Monasteria, fundari solent, ut Religiosi in iis vivant convenienter suo Instituto: nisi fortè peculiaris, foundationis Titulus, Monasterium obliget ad illud, quod extraordinarium est. Unde solum tenentur titulo gratitudinis ad orandum pro benefactoribus quomodo Re-

gula præscribit, vel ipsi voluerint. Tandem nec pendet huiusmodi Psalmodiæ choralis obligatio ex approbatione Ecclesiæ. Quia Ecclesiæ approbans Religionem aliquam, approbat quidem ipsius Institutum, & Regulam, sed hæc approbatio non imponit strictiorem obligationem Religiosis quam ipsi profiteantur, hinc si ipsorum vivendi formula hoc chori debitum non comprehendit, Ecclesiæ illis sua approbatione non iniicit. Ita communiter ferè omnes Doctores, ut videre est apud ipsos. Verum, si ex nullo ex recensitis capitibus habetur obligatio choralis sub culpa mortali, & hanc volunt omnes DD. adesse in Religiosis choro addictis, ex quo ergo fonte emanat? ex qua oritur radice?

336 Respondent communiter, Religiosos ad chorum professos ad id teneri ex præscripto Regulæ, & ex consuetudine ubique in Religiosis recepta, & præscripta, vim legis obligantis habente. Ita, expressè. *Sanch. de Relig. to. 2. lib. 4. Titulo de Horis Canon. n. 7.* ubi: *Dicendum est de Ecclesiis Regularibus, in eis esse obligationem dicendi publicè Horas Canonicas juxta uniuscujusque Institutum, & consuetudinem; ita docent communiter Auctores &c. Less. de Justit. lib. 2. cap. 37. dub. 9. n. 49. Soto de Justit. lib. 30. qu. 3. art. 3. circa finem. Filliuc. to. 2. tr. 23. quest. 7. n. 133. Bonac. to. 1. de Divino Officio disp. 2. quest. 1. punct. 1. n. 9. Diana, ref. c. 19. Coord. n. 4. Bonartius l. c. n. 4. Valent. 30. 3. disp. 6. quest. 2. punct. 10. §. 2. cuius Titulus, Quinam teneantur recitare Horas Canonicas. Pala. par. 2. disp. 2. punct. §. 3. n. 1. Antonius à Spiritu S. n. c. 1584. Leza. in Sum. To. p. cap. 12. n. 9. à S. Faustio de Horis Canon. lib. 2. qu. 55. (dicens, Consuetudinem hanc inveteratam esse, & præscriptam, & instar præcepti obligare) Bordon. resol. 30. qu. p. n. 5. & alii apud citatos, & communiter. At huic communi responsioni, & conclusioni obstare videtur, præfata doctrina clara; & optima P. Pasqual. idest quod Consuetudo superveniens Constitutionibus Religionis, non obligat ultra Constitutiones; unde si istæ non obligant ad mortale, nec consuetudo superveniens ad id obligabit. Obstare etiam videtur responsioni, & conclusioni eidem communi, doctrina quam tradit P. Diana t. 2. Coord. tr. p. ref. 86. Ex par. 3. tr. 2. ref. 8. quam doctrinam inquit desumere à Suar. de Legib. lib. 7. cap. 14. n. 6. ab Azor. Reb. Reginal. Filliuc. Becano, Vasq. Laym. Fagund. Granado, Villalobos, & aliis: Reuic it ibi P. Diana sententiam nostri P. Alexandri Peregrini, docentis in Commentar. nostrar. Consi-*

tut. Theatinar. par. p. cap. p. littera E. Milsam Solemnem omittere in nostris Ecclesiis diebus Festis absque iusta causa, esse peccatum lethale, non solum ratione scandalali, si scandalum oriretur apud Sæculares, sed etiam secluso scandalo, quia huiusmodi omisso est contra præscriptum nostrarum constitutionum, & contra consuetudinem, &c. Non placet P. Diana hæc sententia; ejusque fundamentum omnino coincidit cum superius tradita doctrina P. Pasqual. Tum quia (inquit) non omnis consuetudo obligat ad culpam mortalem, sed tantum illa quæ inducta est cum tali intentione, per modum obligationis, & præcepti (ut notant Suar. alique post ipsum à P. Diana hic relati) ad consuetudinem enim necesse est, ut eo animo, & intentione fervetur, ut jus imposterum fiat, nam actus agentium non transgrediuntur intentionem eorum. Tum quia, de ratione legis est, ut fiat intentione obligandi, & nulus se obligat absque intentione se obligandi, ut in Voto, & Professione constat: Tum quia consuetudo, quam assert P. Peregr. oritur ex nostra Regula, & Constitutionibus: Sed nostræ Constitutiones, non obligant (ut patet) ad peccatum mortale: Ergo necessarii sequitur, quod neque consuetudines ex illis ortæ ad id obligabunt, cum accessorium sequatur naturam principalis, ut tradit lex cum principalis: & l. nihil dolo, ff. de regul. juris. Et notant communiter D. D. quos ad fatietatem adducit Barbosa. in Collectan. to. 3. lib. 5. Sexti Decret. Regul. 42. n. p. & Menochius volum. p. conf. 58. n. 13. Dictamque consuetudinem (addit Diana n. 3.) non fuisse introductam cum intentione obligandi, patet (ultra supradicta) ex sensu communi omnium Patrum nostræ Religionis, qui in Capitulis Generalibus tam difficulte, etiam in casibus magni momenti, noluerunt imponere præcepta obligantia sub mortali, conformando in hoc seipsos nostris Constitutionibus, quæ ad culpam noluerunt obligare; & idem tandem in Capitulo celebrato Anno 1622. fuerunt abrogata omnia præcepta imposita sub mortali aliis præteritis capitulis. Cum Regula nos non obliget sub onere peccati mortalis, &c. Addit præterea n. 4. quod quando adest dubium, an consuetudo fuerit introducta, cum intentione obligandi, non obligat, ut docet Suar. de legib. cap. 15. n. 13. quia in dubio nemo præsumitur vellet obligari, nec expedit multiplicari præcepta, ubi moraliter certa non sint. Nec valet dicere, quod talis consuetudo sit conformis

formis Sacris Canonibus, & consuetudini Generali Ecclesie, nam id concedendo, non inde sequitur, nec deduci potest, quod dicta consuetudo nostra obliget ad mortale (non enim omnia quæ in iure Canonico continentur obligant ad mortalem culpam: Sayr. in Clavi Regia lib. 3. cap. 7. n. 1. Suar. de Legib. lib. 3. cap. 22. & lib. 5. cap. 4. n. 2. Salas de Legib. disp. 10. sec. 5. & alii. Nec quælibet Ecclesie consuetudo, ad mortale obligat, ut per se constat) concludit tandem Diana; si in dicta omissione adesset scandalum, mortaliter delinqueretur, alioquin minimè. Hæc Diana, cuius doctrina coincidit (ut patet) cum superius tradita à P. Pasqual. & utraque contradicit prædictæ communi DD. responsioni, & conclusioni, ut clarè constat. Igitur Religiosorum consuetudo p'ssillendi quotidie publicè in choro Horas Canonicas, ut superveniens eorum Constitutionibus, & quatenus oritur ex præscripto earundem ad mortale non obstringentium, neque ipsa ad mortale adstringit. Verum (rubrica doctissimi Caramellus utendo) ne, & ego singularis videar, & unus, unicufvè contra innumeros.

337 Admitto esse peccatum mortale, omittere Horas Canonicas in choro: at dico, hoc peccatum committi solum à Superioribus, quibus curare incumbit, ut celebrentur: quod dico cum P. Pasq. q.c. 889. n. 16. ubi sic ait: Cur sit peccatum mortale omittere Horas Canonicas in Choro, relinquo inquirendum suo loco: Interim tamen dico, quod hoc peccatum committeretur solum à Superioribus, ad quos pertinet curare, ut celebrentur. Ideo autem peccarent, non quia consuetudo obligaret, quia hoc verti potest in dubium, supposito quod Constitutiones illas præscribant, & non obligent ad peccatum; sed peccarent mortaliter, quia ratione muneris tenentur conservare regularem disciplinam, cuius præcipua est institutum Chori: Vnde omittendo Horas Canonicas, Lederent Institutum, & disciplinam Regularem in notabilissima parte, & ideo peccarent mortaliter. Quæ validissima ratio confirmari optime potest ex iis quæ tradidi in mea Filiatione Spirituali, ibi enim Cap. 4. Dub. pr. n. margin. Filia. Vulgaris 120. & Latine n. 138. docui, Prælatos Regulares negligentes ad extirpandas subditorum transgressiones etiam leves peccare mortaliter, cum ipsi sint (ut ait Lessi. de Just. libr. 2. cap. 41. dub. 9. n. 76. Vers. Quind si præcipui) Custodes Regule, & Instituti; consequenter tenentur ratione sui muneris, & sub reatu lethali conservare institutum, ac disciplinam Regularem. Quod etiam ex-

presbè docet P. Peregrin. in Comment. nostrar. Constitut. Theatinar. in Proæmio, sub Verbo Contemptum litt. B §. p. pag. 29. sub sequentibus verbis: Licet in Subditis transgressio frequens Constitutionum non esset peccatum mortale: cum non ex contemptu formali procedit, sed ex libidine, idest ex nimia cupiditate, vel ex negligentia, vel ex alia causa: tamen Prælati erit peccatum mortale, si fuerint negligentes ad extirpandas istas malas consuetudines in Monasteriis. Redditque rationem: Quia videlicet, Prælati ex officio incumbit cura boni publici: Et idè tenentur notabile damnum publicum sub reatu mortali purgare, si possunt: & peccata venialia, quando sunt frequentia, in Republica, magni momenti est illa extirpare. Ita docent Soto De ratione legendi, & de legendi secretum, Membro 2. qu. 2. Conclus. 3. Vers. Secundam verò partem &c. Bann. in 2. 2. D. Tbo. qu. 33. art. 2. dub. 2. Suar. in tract. de Charit. disp. 8. sec. 2. sub nu. 6. Vers. Adendum est ultimo. A S. Fausto in Thesaur. Religiosor. qu. 152. n. 3. Eandemque admonitionem Superioribus Regularibus intimat P. Didacus Syroia Capucinus, in suo perdocto Libro, cui titulus Lux Prælatorum, Præsertim Regular. par. p. Prognialis cap. 2. n. 11. in fine, & 12. pag. mibi 54. In hunc modum: Guardianus relinquens suos subditos frequenter transgressientes Constitutiones Ordinis, etiam in casibus, in quibus non adest nisi peccatum veniale, sine debita correctione, propter nimium affectum pacis, potens illos commode corrigere, peccat mortaliter, Sanch. in Præcept. Decal. lib. pr. cap. 6. n. 29. Villalob. to. 2. tract. 4. Difficult. 2. n. 5. Diana par. 3. tract. 2. ref. 42. Quia tenetur sub mortali procurare observantiam Regule, & Constitutionum proprii Ordinis, etiam in Casu quo illos non obligent ad peccatum, vel tantum ad veniale. Lugo de Just. to. p. disp. 9. sec. p. n. 21. Antonius à Spiritu S. de Regim. Prælatorum tract. 5. disp. 4. sect. 7. n. 317. Giras. par. 3. dub. 39. nu. 238. ubi, quod hæc doctrina est communis omnium Doctorem, præsertim Bann. Sot. Suar. Lor. Torrei Palas, Turriani, Leyman, Bassai, Coninb. de Charit. disp. 28. dub. 3. n. 24. Caspens. to. 2. de Charit. tract. 7. disp. 6. sec. p. n. 8. Nam Superior obligatur ex præcepto, ratione sui Officii, ad consulendum bono spirituali, & profectui Subditorum; & Observantia Regulari, quæ per huiusmodi defectus toleratos, & permixtos, maxime in Religione, labefactatur. Inferunt ex hoc Doctores, quod ad hunc effectum, potest etiam Guardianus rem levem, præcipere sub pena gravi, quando ratione sui, & circumstantiarum, potest fieri gravi, nam & quæ apud Seculares;

etiam Clericos, levia reputantur, apud Regulares gravia censentur, & Excommunicationis, vel Suspensionis capacia esse solent, ex eo quod illa ad Observantiam Votorum essentialium, valde sunt necessaria: & huiusmodi sunt, secundum Llamas par p. Methodi cap. 9. §. 22. relatum ab Alphonso de Leone Centur. Recoll. p. n. 258. Ingressus in alterius Cellam: Revelatio Secretorum Religionis: Allogutionis Votorum: Omisso culpabilis Socii in itinere, &c. (Vide Peyrin. de Prælatu qu. 3. cap. 3. n. 15.) Et erit materia gravis si permitteret ire in desertum ad Observantiam silentii debitum temporibus. Horam consuetam Matutini Chori, frequentiam. Asperitatem, ac rigiditatem in Vestitu, ac fabricis, aliisque rebus secundum Ordinis Statutum: Si permitteret notabilem negligentiam in rebus Spiritualibus; & ita de similibus, de quibus DD. cc.

338 Ecce igitur ex hæcenus recensitis, quod solis Superioribus in omissione Horarum Canonicarum (absque rationabili causa, ut infra) adscribitur peccatum mortale (uti & in aliis transgressionibus Regulæ, & Constitutionum) eo quia ad ipsam rationem sui muneris, & Officii pertinet curare ut recitentur, nec possunt dispensare absque causa rationabili ut omittantur. Non verò ipsos peccare, quia consuetudo eos obliget, cum huiusmodi consuetudo quo ad vim obligandi verti possit in dubium, ut supra. P. Pasqual. nu. c. 16. Ubi tamen addit: Si verò inuitantur consuetudini, posset etiam dici, quod cum consuetudo de Horis Canonicis sit de aliquo tanquam necessario pro Instituto Religioso, quia est de Oratione fundenda, ad quam ratione Status tenentur Regulares; ideo cum consuetudo illas præscripsit tanquam illam Orationem, quam ratione sui Status tenentur fundere Religiosi, sit, quod obliget sub mortali: ita P. Pasqualis, cui subscribo.

339 Dixi Prælatos, & Superiores Regulares peccare in omissione Horarum Canonicarum, sequuta absque iusta, & rationabili causa, sine qua non possunt utique dispensare, ut non recitentur, cum iusta tamen, & rationabili possunt, nec peccant. Quod docet etiam Lessi. de Just. lib. 2. cap. 55. nu. 51. ubi querens, Utrum Superior possit, in hac obligatione ex causa dispensare. Respondet posse dispensare, quando causa subest; sicut in aliis Statutis, etiam obligatoriis, potest. Quæ responsio suaderi eo magis potest, quo certum est Regulares non tam arcte teneri psallere publice in choro Horas Canonicas, atque Canonicis, & Beneficiariis. Bruno Neusser de Horis Canonicis disp. 13. qu. 9. n. 34. in fine (Ubi,

Omnes supponunt non adesse tantam obligationem persolvendi Divinum Officium in Ecclesiis Regularium, quanta est in Cathedralibus, & Collegiatis. Unde & facilius potest intermitteri in Ecclesiis Regularium, quam in Ecclesiis Cathedralibus, & Collegiatis.) Bonart. cap. 3. cit. n. 4. Bass. Verb. Hæc Canonice p. n. 8. Verf. Religiosi singulariter. Suar. de Religione to. 2. lib. 4. cap. 10. n. 16. & 17. Bordon. ref. 30. qu. 2. n. 6. reddens ibi rationem: quæ tamen ex se clara est, certa, & evidens; Quia videlicet Regulares tenentur recitare in choro Horas Canonicas ex Regula, & uniuscuiusque Religionis Instituto, & Constitutionibus, quæ nullum ferè Religiosorum obligant ad mortale: immo neque sub veniali (addit etiam Bordon.) excepta prima Regula Divi Francisci, quæ suos alumnos in multis obligat sub culpa. Unde Suar. n. c. 16. ait: Facilius posse excusari Religiosum ab opere canendi in Choro, quam posset Clericus Sæcularis excusari a culpa mortali, quando aliquis ratione Beneficii tenetur. Ratio quo ad Religionem est, quia unusquisque Religiosus in particulari solum tenetur ad existendum, & canendum in Choro ex vi Regulæ, quæ ordinariè non obligat sub reatu culpe, sed tantum pœne, & ideo licet præstet, ac moraliter vix violetur sine aliqua culpa levi, tamen si aliqua moderata causa intercedat, poterit omnem culpam excusare. Sic etiam docent Bonac. de Horis Can. disp. 1. qu. 2. punct. 2. n. 8. Bass. l. c. Tamburin. in Decal. lib. 2. cap. 5. Tit. de Horis Canon. n. 12. Verf. Dicosecundo, & alii. At Canonici, & alii Beneficiarii strictiorem habent obligationem interstendi choro, ad id enim ex Iustitia tenentur, cum ob id etiam accipiant distributiones, & Beneficium (quod per omnes datur propter Officium) & quod eis confertur non solum ob privatam Divini Officii recitationem, sed maxime ob publicam, ex precepto Canonum, ut colligitur ex Clementina prima de Celebrat. Missar. ibi, Sancimus, ut in Cathedralibus, & Collegiatis Ecclesiis horis debitis deo tē psallatur. Item ex Cap. Finali. Si quis Presbyter dist. 92. ubi sic: Si quis Presbyter, aut Diaconus, vel quilibet Clericus Ecclesiæ deputatus, si intra Civitatem fuerit, aut in quolibet loco in quo Ecclesia est, & ad quotidianum psallendi Officium Matutinis, vel Vespertinis horis ad Ecclesiam non convenierit, deponatur à Clero: si tamen castigatus, veniam ab Episcopo per satisfactionem noluerit promereri. Item ex Cap. Quia per ambigiosam, de Consuetudine in 6. Ubi, quod datur Ecclesiasticum Beneficium propter Officium, ex cuius omissione (inquit Pontifex:) Minuitur cultus

cultus Divinus, quum desideramus augere. Quod volentes emendare quantum possumus, que nobis licere non patimur, nostris Successoribus indicamus. Hinc dicti Canonici, & Beneficiati, negligentes, nec Choro interessentes, vel si, absque devotione, ac modestia; censuris compelli possunt, & ita compelluntur in Cap. dolentes de Celebrat. Missar. sub his verbis: *Hec igitur, & similia sub pena suspensionis penitus inhibemus, districtè præcipientes in virtute obedientie, ut Divinum Officium nocturnum, pariter, & Divinum, quantum eis Deus dederit, studiose celebrent pariter, & devotè.* Igitur Canonici, & alii Beneficarii strictiorem habent obligationem interessendi choro; quam Regulares, tenentur enim ex iustitia, & sub mortali, eisque præcipitur interessentia sub pena depositionis, &c. non autem Regularibus. Et qui ex Canonici, & aliis Beneficiatis, qui quotidianas distributiones recipiunt propter assistentiam in choro, nequeunt illas tuto conscientiam recipere, nec receptas retinere, si choro non interfuit: Ita Bonifacius VIII. in Cap. Unico Consuetudinem, de Cleric. non residentib. in 6. Ubi sic: *Qui aliter de distributionibus ipsius quicquam receperit, rerum sic receptarum Dominum non acquirat, nec faciat eas suas, imò ad omnium restitutionem, quæ contra huiusmodi nostram Constitutionem receperit, teneatur.* Quæ Constitutio renovatur in Conc. Trient. sess. 24. c. 12. cum addito, *Ut qui assistunt, distributiones recipiant; quibus alii absentes privantur: Quavis collusione, aut remissione exclusa.* (Quæ duo verba rigorosa sunt, & valde notanda, inquit Suar. l. c. n. 20. ex quibus absolute deducit ipse, distributiones quotidianas donare, aut remittere absentibus non licere, quod probat etiam ex Declaratione Sacre Congregationis: quod hic obiter nota, & vide eundem Suar.) Quamvis autem dicta Canonicoꝝ, & Beneficiorum obligatio sit aded stricta, & rigorosa, ut supra, potest nihilominus admittere legitimam aliquam excusationis causam: Quia obligatio etiam ratione stipendii, non est absolute tam rigorosa, ac excusationem, moralem non admittat, quod docent omnes apud Suar. l. c. n. 18. Et est per se notum. Oportet tamen (addo cum eodem Suar. ibi) quod causa sit vera, & quod bona fide procedatur. Causa autem, seu casus in quibus etiam absentes (fictione Juris) censentur interessentes, & assistentes, atque aded distributionum capaces, & eisdem debitæ, numerantur, & assignantur ab eodem Summo Pontifice Bonif. VIII. in dicto Cap. Unico:

his verbis: *Exceptis illis, quos infirmitas, seu iusta, & rationabili corporali necessitas, aut evidens Ecclesie utilitas, excusaret. De quibus excusationis causis, vel casibus. Barb. de Canon. & Dignitatib. cap. 24. Moneta de Distributionib. Garcias de Beneficiis. Tbon. Hurtadus de Residentia Canonicoꝝ. Palasus de Horiis Canon. Franciscus Ceccoperius de Canonici, alique innumeri. Hinc*

340 Omnes supponunt non adesse tantam obligationem persolvendi Divinum. Officium publicè in Ecclesiis Regularium, quanta est in Cathedralibus, & Collegiatis, in quibus obligatio est ex iustitia, in illis verò ex Regula, &c. Unde Basi. Verbo Hore Canonica p. sub n. 8. Vers. Ex quib. ait: *Non est damanda illorum Religiosorum consuetudo, qui de suorum Superiorum licentia, certa aliqua die à choro vacant, ut corpus defatigatum recreent, quo frequentius postea aliis diebus ad psallendum surgant, dummodo saltem duo in choro psallentes relinquuntur; cum de Jure Canonico Conventus, sive Monasterium, etiam ex duobus constet. Ut innuit Glossa juncta Textui cap. 10. q. p. Hoc Bassiædictum, confirmat etiam praxis, & experientia ipsa, quoad illas Horas, quæ aliquando, cum Superioris consensu, non alta, sed submissa voce recitantur in choro, à duobus tantum, quod nec aded rarò contingit ob aliquam causam.*

341 Bordon. conf. 30. q. 3. n. 7. Quærens. An Superiores permittentes aliquando ex levissima causa omissionem Divini Officii, etiam in totum, peccent mortaliter: Item tolerantes duos, aut tres recitare illud post Completorium, & non de nocte, vel Matutinali tempore? Respondet. Attendende sunt uniuscujusque Religionis Constitutiones, & usus, præscindendo enim ab illis Regulis, quæ sub culpa præcipiunt recitationem Divini Officii in Choro, puto in aliis nullum esse peccatum saltem mortale præfatas permissiones, præsertim primam, & tertiam, quas neque censu veniales, Usque vero peccatum veniale perniciosum in secundo casu, quia Choro non plene, & ut est debitum, satisfi, & absentibus est facilius occasio neque illud dicendi extra Chorum, in hoc ergo casu vigilare debent Superiores; & magis expedit illud recitare in sero post Completorium, quam de nocte, vel mane cum paucis Clericis; cum perverso temporis, maxime apud Regulares non Reformatos, nullum sit peccatum, saltem mortale, recitare Matutinum post Completorium. Etenim Clement. I. de Celebr. Missar. præcipiendo etiam Regularibus, ut in suis Ecclesiis debitis bonis psallant Divinum Officium, non idcirco ponit obligationem simpliciter recitan-

di; sed

di; sed suppositæ adiecit tempus; cum autem ex supra probatis constet non esse rigorosam huiusmodi obligationem, cum laxior sit illa quam habent Collegiata, & Cathedralis, consequenter obligatio temporis sequitur obligationem recitationis, & cum hæc non sit sub mortali, oportet inferre eam esse sub veniali tantum; & in quibusdam Religionibus nullum peccatum; ut puto non esse in mea Religione, quia neque in Regula Nicolai, neque Leonis, neque cap. 14. Nostorum Statutorum, id ordinatur, & si enim ibi fiat mentio citatæ Clementinæ, tamen postea in ordinando Statuto, dicitur simpliciter, quod conveniant in Templo ad persolvendas Canonicas Horas, non determinans tempus, ergo illud relinquit arbitrio Superiorum, Localium, aut Majorum, determinandum. Quod autem non sit peccatum mortale, docent Cajetan. & Valentia quos pro se citat Bonac. disp. 1. de Horis Canon. qu. 3. ponit. 3. n. 7. §. Ego, contra Navarr. to. 4. cap. 3. de Orat. n. 63. Regiz. lib. 18. n. 180. & alios. Hactenus Bordon. quem omnino sequitur Antonius à Spiritu S. in suo Direct. Regular. part. 2. tr. 3. disp. 6. sec. 11. §. 8. n. 1600. his verbis: An autem in illis Religionibus in quibus sub mortali non præcipitur in suis Constitutionibus, ut recitentur quotidie in Choro Horas Canonice possint Superiores sine omni culpa permittere aliquando ex levissima, ut omittantur in choro, vel in totum, vel in partem, & etiam, ut Matutinae preces recitentur post Completorium, & non de nocte Matutinali tempore. Respondeo affirmative. Bord. supra n. 7. Limita tamen hanc doctrinam cum eodem Bord. ref. e. q. 5. n. 9. Quando in Monasterio adesset obligatio recitandi, quotidie in choro Horas Canonicas in fundatione Conventus, tunc enim omittentes peccarent mortaliter, ut singuli. Tum quia singuli omittentes, facerent contra Iustitiam, cum singuli alantur ex illis fructibus. Tum quia, in hoc æquiparant Beneficiarios de Collegio, qui ut singuli tenentur interesse choro, & cum sit omissio in re gravi contra Iustitiam, nulli dubium quin sit peccatum mortale. Non tamen tenerentur ad restitutionem fructuum pro rata Officii omissi, nisi constaret de expressa ad id intentione Fundatoris, quæ intentio, nisi esset clara, non supponitur: cum insolitum sit, quod Fundator Monasterii obliget ad recitandas Horas Canonicas in choro cum obligatione restitutionis fructuum respondentium pro rata Officii omissi. Nec enim illi redditus (inquit idem Bord. cum Bonac.) constituunt Beneficium, sed est simplex elemosyna, ad congruam sustentationem Religiosorum,

qui habent onus recitandi Officium in choro; hincque patet differentia inter Clericos, & Regulares in ratione restitutionis, & convenientia in culpa mortali, à qua non excusantur, nisi absint cum rationali causa, quæ semper excusat, licet non sit tam gravis, & tam legitima quam illa, quam Clericus habere debet, ut non obligetur ad restitutionem, quia Clericus habet Dominium utile Beneficii, Religiosus verò solum congrua alimenta recipit à Monasterio, penes quod est Dominium directum, & utile rei relicte: & hinc patet alia differentia inter Beneficium, & hoc relictum, nam Beneficii proprietas non est apud Beneficiarium, sed penes Ecclesiam; Religiosi verò sunt Domini elemosynæ sibi relicte: ita & optime Bordon. n. 9. c. Sed

342 Quæres, An excusetur communitas Religiosorum ab obligatione chori, in parvis conventibus, si solum in istis resideant quatuor, vel quinque ad chorum deputati. Respondeo affirmative, cum Pelliz. to. p. Manual. tr. 5. c. 8. sec. 1. qu. 23. n. 50. Bord. ref. e. q. 4. n. 8. Tamb. in Decal. l. 2. c. 5. de Horis Canon. §. 1. n. 12. Vers. Dico secundo, & Brunone Neusser de Horis Canon. disp. 13. qu. 9. n. 35. Ratio est, quia, & si quatuor, vel quinque, immo, & duo sufficiant ad rigorem chori, tamen ad constituendum chorum ex obligatione, & ut cum aliquo decore alternatim cantetur, & publice psallatur, ne tantum onus quotidianum tam paucis imponatur ex obligatione, potest communitas talis paucorum Religiosorum (inquit Tamb.) hanc opinionem sequendo, à tali onere se tunc liberare. Eo magis quia, strictius est jus per omnes, quo urgentur Beneficiarii, & Collegiati, qui obligantur etiam si essent tantum duo, propter pactum saltem implicitè initum inter Fundatores, & Beneficiarios, quod requirit ex Iustitia, ut servetur chorus, usque dum alternitas canentium aliqua tandem ratione servari potest, ut potest inter duos. Unus solus non obligandus, uti non obligat Tambur. Confirmatur responsio quia duo, aut tres nequeunt commode Divinum Officium recitare publicè in choro; id autem quod commode fieri non potest reputatur impossibile in iure (inquit Bordon. & cum ipso Pelliz. l. c.) ac proinde nulli subiectum obligationi, consequenter illi duo, aut tres, non tenentur recitare in choro Horas Canonicas. Unde concludo cum eodem Bord. n. 8. c. in fine: Ut plurimum excusarentur etiam quatuor, vel quinque residentes, cum huiusmodi obligatio recitandi in choro Regulari.

gularibus non sit ita strictior, sicut Beneficiarii Collegiatis, ut probatum est. Et hæc tandem sint satis circa obligationem, quam habent Regulares Professi ad chorum psallendi quotidie publice in ipso Horas Canonicas, quæ dicta etiam esse intelligantur de Monialibus ad chorum deputatis, cum, & ipsæ teneantur Divinum Officium recitare eo modo, quo Viri Professi obligantur, ex Regula videlicet, consuetudine, &c. ut docent omnes apud Bord. ref. c. 9. §. 8. n. 12. animadvertentes (apud Francisc. Bardi in Selectis Moralib. l. 8. q. p. §. 2. n. 3.) quod hac in re diversitas Sexus nihil facit. Modo ergo

343 Transeo ad recitationem privatam, & inquirō, An viri Professi Regulares carentes Sacris, ad Chorū deputati; uti, & Moniales, item Choro addictæ, quando non interfunt publicæ Psalmodiæ in Choro, teneantur privatim sub mortali supplere, & recitare Horas Canonicas: Qua in re, dū extant inter se contrariæ sententiæ, negans una, sustinens altera mordicus obligationem. Qui primam negantem sectantur sunt sequentes, refero eum suis Fautoribus, istorum etiam fundamenta. Et incipio à Cajet. Iste Doctor Eminentiss. expressè habet hæc: Dicuntur, & tertio obligati Religiosi Professi. Et certe nisi consuetudo illos obliget (de qua nihil scio) non tenentur ex Professione, ut patet. Ita in Summula Verb. Horæ Canonice initio. Quem sequens, Bartholomæus Fumus in sua Summa Armilla, sic ait. n. 4. Religiosi Professi non existentes in Sacris, secundum Cajetanum, non tenentur de Jure dicere Officium, neque ex Professione, neque ex vinctu, quia eis debetur, ex quo dedicati sunt perpetuo servitio Dei, fortè ex consuetudine tenentur, de qua dicit se nihil scire. Contrarium tenent communiter alii. Tamen hoc nullo Jure probant. Ideo opinio Cajetani melior videtur. Et pariter sic prosequitur nu. 3. De Monialibus dic pariformiter sicut de Religiosis Professis tantum, quia non videntur teneri nisi ratione consuetudinis. Pro eadem negativa sententia, sunt etiam sequentes (relati à P. Dianato. 3. Coord. tract. 6. tit. de Horis Canon. ref. 17. Ex p. 10. tract. 11. & Miscel. p. ref. 45. à Francisco Bardi in Selectis Moralib. lib. 8. q. p. §. 3. n. 7. à Leandro part. 6. tract. 8. de Horis Canon. disp. 2. qu. 10. & ab aliis) Joann. Medina Cod. de Oratone qu. 6. Villalobos in summa to. 1. tract. 24. difficult. 9. dub. 8. Alphonsus de Castro lib. 4. de lege poen. cap. 8. Martinus de S. Joseph in Memoria Confessorior. to. 1. lib. 1. de Ordine tract. 10. n. 3. Aragon in 2. 2. D. Tb.

qu. 83. ar. 12. Vers. Explicatur jam duob. Bruno Chausaing de Privil. par. 2. tract. 8. c. 4. propos. 4. fol. 443. 444. & 445. aliique infra recitandi, quorum præcipuus est.

344 Petrus Marchant. in Tribun. Sacrament. to. 2. tract. 2. par. 2. tit. 3. sec. p. qu. 2. fol. 185. ubi sequentia, quæ videri etiam poterunt extensa apud P. Dianam to. 3. cit. Coord. trac. 6. ref. 14. ex par. 9. tract. 6. & Miscel. p. ref. 7. Sunt autem: hujusmodi. Regulares, sive Viri, sive Moniales, quæ ex vi Regule, vel Voti, speciale Præceptum non habent; sub nullo peccato obligantur ad Horas Canonicas privatim recitandas. Ratio hæc fundamentalis est: Quia tantum onus sine speciali lege, vel titulo, sub peccato mortali imponere, est jugum intolerabile; & violentum. Dicit (quæ ex vi Regule, vel Voti, speciale præceptum non habent) si enim habent, ut Fratres Minores, Moniales Annunciata, & si qui alii, vel alia reperiantur, quorum, quarumque Regula in ratione Divini Officii obligat ad mortale, illi sine dubio obligabuntur. Nec ratio consuetudinis vim legis habentis aliquid concludit, & si enim consuetudinem Sanctam Religionum communiter negare non possumus, illam tamen consuetudinem habere vim legis ad peccatum mortale obligantis, nullus probare poterit; nec viduillum, qui hoc probare intenderet, qui enim hanc vim consuetudinis allegant, illam communiter supponunt, non probant.

345 Dico ergo primo, Sanctam consuetudinem esse, ut Religiosi, ubi choro non interfunt, privatim Horas Canonicas, à quibus absuerint, legant.

346 Dico secundo, Hanc consuetudinem, receptam esse sub titulo pietatis, & Sancti exercitii, quam qui prævaricaretur, indevotionis, & negligentie, seu defectus fervoris in rebus pietatis argueretur.

347 Dico tertio; Hanc consuetudinem non habere vim legis: ut enim consuetudo vim legis habeat, non sufficit, ut communi sensu, & consensu sit recepta simpliciter (recipi enim potest ob decentiam, pietatem, utilitatem, quæ in illa continetur) sed requiritur, ut recipiatur per modum legis sub peccato obligantis. Taliter autem receptam esse à Regularibus consuetudinem illam communiter dicendi Horas Canonicas, absolute negandum est.

348 Dico quarto, Fictitium esse, consuetudinem illam receptam esse per modum legis ad peccatum mortale obligantis: hoc enim absque certo fundamento libere dicitur. Constanti autem mihi est ista Regula: nullam legem, multo minus consuetudinem, ad peccatum mortale obligare, nisi constet certo de fundamento tantæ obligationis. Vide, quæ diximus supra, tract. 1. tit. 10. q. 1. per totam.

349 Dices primo: Multi sunt in ista opinio-
ne obligationis, quæ si tollatur, plures Religiosi
negligunt Horas legere. Respondeo, minus ma-
lum esse negligere, quam negligendo Deum offen-
dere. Et cum opinio illa legitimè fundata non
sit, melius est errorem, qui pluribus est offen-
diculum peccati, tollere, quam unum peccatum
mortale permittere: quilibet enim scrupulosus
sibi conscientiam erroneam formare posset, &
imprudenter hoc titulo consuetudinis se in gravissi-
mos laqueos conscientie præcipitare. Pii certè,
& suæ salutis amatores attendentes fructus pie-
tatis, & utilitatem, & Sanctam consuetudi-
nem Religionis, Horas facillè non omittunt. Cur
autem ob piorum diligentiam, incurios, & in-
firmos volumus exponere periculo peccati mortali-
s, & æternæ damnationis? Consueverunt Re-
ligiosi certis Horis Orationi, & Exercitationi
mentali vacare; certis diebus disciplinas sume-
re; ex pietate certis diebus jejunare; Officium
B. V. M. recitare, quia frequenter ad illa con-
suetudinem communem à suis Directoribus com-
pelluntur: ergo peccatum mortaliter illa omitten-
do, vel ex omissione hujusmodi, formanda est in
illis conscientia peccati mortali, aut ubi erro-
rè fundata est continuanda? Hoc dicant cæ-
ci, qui cæcis Ducatum præbentes, in fossam ru-
unt. Ego tali assertioni repugno.

350 Dices secundo: Beneficiati ad Horas
tenentur, quia ex foundationibus propter Offi-
cium vivunt: Ergo, & Religiosi, qui sine fun-
dationibus, sive piorum oblationibus, & men-
dicationibus vivunt, similiter obligantur. Res-
pondeo, negando consequentiam, Foundationi-
bus enim Beneficiorum correspondet præciè Ca-
nonicum Officium ex debito Justitiæ, & contra-
ctuum virtualium: Foundationibus autem Mo-
nasteriorum, ac oblationibus Piorum, &c. cor-
respondent omnia, quæ facit Religiosus, utpo-
tè, arcta Statutorum observatio, Orationes,
Jejunia, Discipline, Austeritates, Doctrina,
Sanctæ exempla, &c. quorum intuitu, Titulo
charitatis, Monasteriis fasce sunt, & in dies
sunt, eisque, qui omnia pro Christo reliquerunt,
rependuntur à sapientissimo retributore Deo:
Unde bene dicebat Sanctus Pater noster Fran-
ciscus, Fratres suos Mundo debere exercitatio-
nes pietatis, exemplum, & doctrinam: Mun-
dum, titulo charitatis debere illis vitium, ve-
stitum, hospitium, gratuita benignitate. Suf-
ficienter itaque Religiosus, exercitiis, & auste-
ritatibus Religionis satisfacit oblationibus, &
elemosinis piorum, nec privatum, & singula-
riter ad Horas Canonicas obligari potest. Hu-
cufque Marchant.

351 Contra cujus sententiam, & do-
ctrinam, insurrexit P. Ludovicus Bertra-
ndus Lotb, Doctor Dominicæ, acque cen-

sura eum momordit, illumque inculpat de
excessu: Unde veluti coactus idem Mar-
chant. In sui defensionem denuo calammum sum-
psit, & in suo Opusculo *Colonie Editio*, apud
Joannem Busselium Bibliopol. Anno 1655. cui
Titulus, *Notabiles Resolutiones Variorum ca-
suum*, &c. casu 32. (qui inscribitur, *De
obligatione Monialium ad recitandas Horas Ca-
nonicas*, estque Relictio singularis necessaria)
à fol. mibi 456. usq; ad 465. inclusivè; scribit
quæ sequuntur. R. P. Ludovicus Bertrandus
Lotb Ordinis Predicatorum in suis Resolutioni-
bus Belgicis tract. 23. de Monialibus q. 1. de
Horis Canonicis ar. 8. magnam se Operam præ-
stitisse Ordinibus Monialium credidit; si, ut
supponit, communi Doctorum torrente illas ex-
ponat obligationi Horarum Canonicarum sub pe-
na peccati mortalis, periculo quidem frequentis
nafragii, à quo studueram Moniales jussit, ut
spero, fundamentis præservare. Invenitur verò
graviter me inculpans de excessu: Vocando (in-
quit) sententiam communem Theologorum, erro-
rem, & addit: cum erroneam in Theologia
vocetur, quod opponitur conclusioni Theologicæ,
ut ex principiis fidei evidenter deducitur: ex qui-
bus vero (inserti) Principiis fidei deducet Mar-
chantium Moniales non teneri ad Horas? Se-
quitur: Potiori Jure possemus (inquit) suam
Opinionem Temerariam appellare, cum sine suf-
ficienti ratione, & auctoritate contra torren-
tem Theologorum militet. Quidni etiam scan-
daloſa appelletur, cum præbeat occasionem rui-
næ: eximendo Moniales ab onere Horarum si-
ne solido fundamento, ad quas concori Theolo-
gorum Schola eas stringit. Hec P. Lotb.

352 Dissimularem quidem hæc Boni Patris,
& si in Domino non obdormisset, correctione
fraterna illum prevenissem. Verum urgentibus
Viris gravibus, & doctis, qui Monialium cu-
ram gerunt, aut gesserunt, & nostram doctri-
nam amplectati sunt, & cum multo fructu,
& animarum afflictarum emolumento, ad quietan-
das scrupulosas, & turbatas conscientias: pla-
cuit in hac secunda Editione ad calcem, sen-
tentiam nostram manifestius explicare, & tan-
tis per ligna à fervore ignis illius excessus P.
Lotb subtrahere, ut bulliens nimis aqua sub-
sidat.

353 Dico itaque Primo. Marchantium,
Theologos contrarie sententiæ, erroris, nun-
quam condemnasse: sed duntaxat erroneas con-
scientias, & turbatas mitiori sententiæ, quæ
mibi certa videtur, voluisse quietare: verba
mea sunt. (Melius est errorem, qui pluribus
est offendiculum peccati, tollere, quam unum
peccatum mortale permittere. Quilibet enim
scrupulosus sibi conscientiam erroneam formare
posset, & imprudenter hoc titulo Consuetudi-
nis,

nis, se in gravissimos laqueos conscientie precipitare, &c.) Turbatum autem se ostendit P. Loth in eo, quod errorem alium non agnoscat, quam in materia fidei, seu in eo, quod opponitur Conclusioni Theologicæ ex principis fidei deducta, &c. Turbari P. Loth. Datur error in materia Morum: datur error in materia Legum: datur error in conscientia, & in qualibet etiam Mechanica arte, qui non est fidei: datur error strictus in materia falsi: datur error Inadvertentia, & alicujus Inconsiderationis, ratione cuius: Quandoque Bonus dormitat Homerus. Datur, & error nescientie in Animabus inquietis, & scrupulosi. Non arguit Marchantius Torrentem Theologorum errorem, sed charitative propositum argumenta penitioris considerationis, in materia peccati, & legis, ne involvantur anime.

354 Dico ergo secundo, & sustineo: Solam Consuetudinem Monialium legendi Horas Canonicas, non probare, obligationem peccati mortalis: nisi Consuetudo sub hac obligatione probetur introducta, vel recepta, ut latius ibi dixi. Debebat itaque P. Loth probare Consuetudinem illam Monialium legendi Horas Canonicas sub tali obligatione introductam, receptam, vel (ut ait) prescriptam: debebat ostendere in toto illo Torrente Theologorum, unum saltem qui probaret ex aliquo certo, & evidenti principio, sub hac obligatione fuisse Consuetudinem sic introductam, vel receptam, &c. Allegat quidem Doctores dicentes Consuetudinem obligare: nullum adfert, qui aliquo argumento ostendat aliquem titulum, vel fundamentum, ex quo inferatur hæc obligatio Consuetudini inherere, nec ipse P. Loth huiusmodi adfert. Imo, omnibus fundamentis ex quibus talis obligatio nasci posset, sive Consuetudini advenire enarratis, omnia negat: Verba sunt: (Quæ, inquit, obligatio non oritur ex aliquo Jure positivo scripto, quia nullum extat: neque ex vi Professionis, quia ratione illius solum obligantur conari ad perfectionem, quem conatum explere possunt ex aliis exercitiis spiritualibus, absque Horarum recitatione; neque ex Elemosynis fidelium &c.) Dicit P. Loth, aut quivis alius quispiam, ex quo principio hæc obligatio Consuetudini adveniat, aut fateatur (omnem Consuetudinem ad peccatum mortale obligare) quod nemo prudens diceret. Intolerabile autem est, & contradictorium, quod prima ratione sue doctrine adferri P. Loth, ut probet Moniales per talem Consuetudinem obligari ad mortale: (Quia, inquit, hæc Consuetudo Monialium dicendi Horas, & aliorum Regularium Choro deputatorum, est instar Clericorum in Sacris; Ergo sicut non est probabile Clericos emittentes, semel Horas non pecca-

re mortaliter, ita non est probabile Religiosos, & Moniales non peccare mortaliter, si omittant, cum Consuetudo habeat vim præcepti.) Insuper argumentum: Unde constat P. Loth obligationem Monialium legendi Horas, esse instar obligationis Clericorum in Sacris. Cum hæc obligatio Clericorum sit ex lege clara, & positiva, annexa Ordinibus Sacris: de Monialibus autem nihil simile (ipso etiam P. Loth supra testante) legatur, cum neget (aut ex jure scripto, aut ex vi Status, sive Professionis) Moniales obligari: Clerici autem in Ordinibus Sacris ex jure scripto, & præcepto annexo Ordini Sacro, ista obligatio adveniat: Quid hic rogo ad instar est Clericorum? Probes ergo primum illud (instar) P. Loth: probet, & omnem Consuetudinem, aut hanc saltem, habere vim Præcepti, & concludat firmiter, nec erret, & vagetur circa petitionem principii.

355 Dico amplius tertio. Sententia Marchantii asserens Moniales non obligari ad Horas Canonicas sub peccato mortali, non est temeraria, sed fundata. Primum, ratione certa, & sufficienti. Secundo, Auctoritate non tantum Virorum Doctorem, sed etiam Apostolicæ Sanctæ Sedis. Primum itaque: Ratio fundamentalis est, quia de obligatione illa legis, vel Consuetudinis non constat aliquo firmo fundamento, & agitur de lege, sive Consuetudine humana, & positiva, & de re planè indifferente, & (ut loquuntur) de se libera, & devotionali: quibus imponere obligationem in foro Dei ad peccatum mortale, & damnationem æternam, absque speciali, & manifestò titulo, non tantum imprudentia est, sed etiam crudelitas. Apud omnes enim certum est: Legem Ecclesiasticam positivam, multo minus Consuetudinem, non obligare ad culpam mortalem, nisi aut virtute contineat aliquam Legem Divinam, aut idipsum Ecclesia exprimat, aut ex circumstantiis deducatur [nipote] quia in materia gravi; periculum peccati, vel malum aliquod grande, avertente (ut docuit Marchantius Tom. 2. tract. 1. Tit. 8. ferè per totum, singulariter qu. 3.) Quid autem cum his communibus habet lectio personalis, & solitaria unius Mulieris Moniali, latine lingue ignara, ut nullo formali Præcepto interveniente, dicatur obligari sub peccato mortali, & pena damnationis, æternæ, legere Horas Canonicas, sicut Clerici in Sacris? Cui enim hoc tantum gravamen Divino Præcepto consonat, aut quod includit. vel quo humano Præcepto indicitur: quodque malum grande, vel periculum peccati avertitur, quodve tantum bonum conciliat, ut illius omisso pena æterna damnetur. Bene S. Augustinus Episc. 119. ad Januarium cap. 19. eos arguit. Qui, inquit, ipsam Religionem,

quam in paucissimis, manifestissimis celebrationum Sacramentis misericordia Dei esse liberam voluit, servilibus oneribus premunt, ut tolerabilior sit conditio Judeorum.) Et causam subdit (Qui, ait, etiam si tempus libertatis non agnoverint: legalibus Sacramentis, alias sarciniis, non humanis presumptionibus, subiiciuntur.) Quod porro est Consuetudinem legendi Horas (ubi de Præcepto, & lege non constat) ad peccatum mortale Meniale obligare, quam humanis presumptionibus subicere. Unde ibidem paulo ante dixerat (Omnia itaque talia, que neque Sacrarum Scripturarum auctoritatibus continentur; nec in Conciliis Episcoporum Statuta inveniantur, nec Consuetudine universæ Ecclesiæ roborata sunt, &c. Sine ulla dubitatione rescanda existimo.) Ut autem manifestè constet Ecclesiam nunquam hanc obligationem Horarum, Monialibus indixisse, produco pro Auctoritate duos Pontifices.

356 Secundo ergo probo ex declaratione Eugenij IV. in Bulla apud Emanuellem Rodríguez, ejusdem Pontificis 31. quæ incipit: Ordinis tui, &c. Data Rome Anno 1446. Nonis Februarii. Pontif. Anno 10. in qua, cum B. Joannes Capistranus in Vicariatus Officio declarationem in Regula Prima S. Clare contineri censuit, & triginta Præcepta Regularia (inter quæ cap. 3. Regule erat præceptum de Lectione Horarum Canonicarum) in quorum transgressione Moniales peccatum mortale incurrerent. (Cum nos id, ait Pontifex, nimis durum, & periculosum judicemus, auctoritate, tempore presentium declaramus, & volumus, quod in nullius prædictorum transgressione, præter quam eorum quatuor quæ concernunt principalia Vota, Obedientiæ scilicet, Paupertatis, Castitatis, & Clausuræ, & super electione Abbatisse, & depositione, peccatum mortale incurrunt.) Hec ibi.

357 Ex quo constat, Moniales Ordinis S. Clare, declarante Summo Pontifice Eugenio IV. nunquam fuisse obligatas, sub peccato mortali, ad legendas Horas Canonicas, & si in earum Regula cap. 3. Expressè contineatur. (Ut Sorores litterate faciant Divinum Officium secundum Consuetudinem Fratrum Minorum) ab hujus enim Præcepti transgressione, sicut ab aliorum Præceptorum in Regula contentorum, removet reatum peccati mortalis Pontifex, non dispensatione aliqua, sed simplici declaratione. (Quia, inquit, nimis durum, & periculosum judicamus.) Quod ergo (nimis durum, & periculosum) judicat Sancta Sedes in Claris, illud sola consuetudine non approbat in cæteris Monialibus. Notanter autem advertendum est, Clarissimam Regulam imposuisse (legere Divinum Officium secundum Consuetudinem

Fratrum Minorum) Pontificem autem consequenter declarare Consuetudinem ex se non obligare ad peccatum mortale, & si enim Fratres Minores obligentur sub peccato mortali ad Officium Divinum: Id non ex vi Consuetudinis, sed ex vi Præcepti, sive Præcepto æquivalentis provenit: ut declaravit Clemens V. unde similiter, si quæ Moniales, ut Annuntiata: & si quæ aliæ, obligentur ad Horas sub peccato mortali, id non ex vi Consuetudinis, sed ex singulari, & expresso Præcepto, cui voluntarie per Professionem se subjecerunt.

358 Produco denuo declarationem Leonis X. in Regulam, quam dedit pro Fratribus, & Sororibus Tertii Ordinis S. Francisci sub tribus Votis Solemnibus in Congregatione vicentibus: in qua Cap. p. obligat tantum illas sub peccato mortali ad tria vota Essentialia, Obedientiæ, Paupertatis, & Castitatis, & ad Clausuram eas, quæ illam expressè voverunt. Quamvis verò multa alia in Regula contineantur, quæ observanda prescribuntur, & inter alia, cap. 4. (Quod Sorores, quæ Horas Canonicas sciunt per se dicere: debeant illas secundum usum Sanctæ Romanæ Ecclesiæ persolvere.) Ne Sorores putarent sub mortali peccato se teneri universali: dicto cap. 4. Declarat Pontifex. (Omnia, & singula in presenti Regula contenta esse Consilia ad facilius salvandas animas Viatorum, & nulla esse obligatoria ad peccatum mortale, vel veniale, nisi Humano, vel Divino Jure aliquis aliàs esset obligatus.) Hec ibi. Ergo Moniales Tertii Ordinis S. Francisci (qui est amplissimus, & longè, latèque diffusus) non tenentur sub peccato mortali ad Horas Canonicas: siquæ rursus illa universalis Consuetudo P. Lotb. & sui (Torrentis communis) secundum quum omnes Moniales tenerentur sub peccato mortali ad Horas Canonicas: cujus oppositum declararunt Summi Pontifices.

359 Dico tandem Tertio: Sententia Marchantii, quod Moniales non teneantur ad Horas Canonicas sub peccato mortali, non est (scandalosa, nec præbet occasionem ruine) sed est pia, secuta, tollens offendicula, & animarum pericula. Ita Eugenius IV. supra, qui dictam obligationem, cum cæteris à B. Joanne Capistrano ex Regula S. Clare desumptis judicavit nimis duram, & periculosam Monialibus; adeoque, Declaravit Auctoritate Apostolica (Nullam: si nimis duram.) Ergo contraria sententia Marchantii est (magis) pia. Si (nimis periculosa.) Ergo sententia contraria Marchantii (secura.) Ergo, & periculum, & consequenter scandalum, & offendiculum tollit, quod alii posuerunt. Ignosce Lector prolixitatem: Zelus quietis Animarum calamo vires addidit. Hæc Marchantius l. c.

360 Cujus sententia, & doctrina favore videtur (nec parum) Georgius Gobat, Tum In Alphabeto Officii recitandi Casu 23. n. 632. fol. mibi 453. dum ibi sic : Puella que timore obligationis mortali ad Officium Canonicum est amica, & ideo absterretur ab ingressu Religionis, potest dicere Confessarius, quod non obligetur sub mortali, & quod non sit peccatura mortaliter, etiam si voluntarie distrahat, aut cesset in Choro psallere per spatium aliquot Psalmorum. Expediit enim, ut sententia probabili, ob tantum bonum. Ita loquitur, resolvitque Lefi. in Consil. Verbo Hore Canonice Casu 14. n. 34. Conformiter doctrina relata ex ipso supra nu. 570. Tum in hoc eodem n. 570. fol. mibi 411. ubi : Lefi, litteris ex Hispania, a quodam Reverendissimo Domino interpellatus respondit, fuisse sibi semper visam etiam in praxi probabilem sententiam, quod Choris, neque Moniales, obligentur ex ulla etiam consuetudine ad Breviarium, probatque multis rationibus, itemque auctoritate Joannis Medini, & Emanuelis Sa, Verb. Hore : vult, que hoc suo Responso uti Confessarius, ut vide- re est in ejus Consiliis Moralib. Verb. Hore Casu 14. qui totus spirat Hylum, & genium Lessiani : nec contrarium docet lib. 2. de Justit. cap. 37. dub. 9. nu. 49. Tum etiam In Alphabeto Sacramentum Casu 21. num. 702. & 703. fol. mibi 476. dum ibi pariter ait sic : Mibi displicet asseri aliquid esse peccatum etiam veniale, & consequenter extare aliquod Preceptum, quando non habetur sufficiens fundamentum. Est longe horreo novam letivalem asserere, nisi vel clara ratio, vel auctoritas irrefragabilis cogat. Quod dictum confirmari optime potest provido monito D. Thom. Quodlibeto 9. qu. 7. ar. 15. in Corp. ut sequitur : Periculose determinatur, aliquid esse peccatum mortale ; nisi expressa veritas habeatur. (Quod monitum habes etiam apud eundem Gobat in Chyro Clementium Judicum sec. 8. nu. 130. in princip.) Non habetur autem expressa veritas, quando adest tantum probabilitas. Idemque S. Doctor pr. 2. qu. 107. art. 4. in Corp. videtur hanc eandem confirmare doctrinam, sua, & S. Augustini monitione, sub his verbis : In iis que ex Institutione Sanctorum superaddita sunt preceptis nature, Christi, & Apostolorum moderationem attendendam esse, ne conversatio fidelium onerosa reddatur, &c. Et hoc omnino facit generalis ratio quam in materia de Horis Canonicis promittit Arragonius in 2. 2. qu. 83. art. 12. in titul. 30. Conclus. 3. in verbis : Certè videtur durum, & a Christiana charitate alienum, mittere aliquem in infernum, & dicere quod peccet mortaliter, sine evidenti, &

certa ratione : ita ille, quam habes etiam apud Gobat in Alphabeto Recitantium Breviarium, Casu 23. in fine, fol. mibi 527.

361 Sed præter supra relatos, accedit etiam Lessius qui pariter eandem sententiam docet in Resolutionibus Casuum Conscientie post 1. 2. D. Th. Verb. Hore Canonice. Casu 14. fol. 194. eumque per extensum refert etiam P. Diana 10. 3. Coord. tract. 6. ref. 14. num. 10. 11. 12. 13. ex par. 9. tract. 6. & Miscel. p. ref. 7. Probat ergo Lessius eandem sententiam primo : Quia Moniales non tenentur ad Horas Canonicas aliquo Voto, vel ex vi sue Professionis, ut passim Doctores fatentur : neque ex aliquo Ecclesie Precepto, neque ex vi alicujus Statuti, aut Regule, sed solum consuetudine, ut communiter Doctores admittunt. Atqui illa consuetudo non est ita dure interpretanda, ut sub peccato mortali obligare singulis vicibus censetur : tum quia id parum humanum esset, & sæpe periculosum salutis : tum quia consuetudo Regularis non debet censeri magis obligare, quam expressum Statutum Regule : Atqui si esset expressum Statutum Regule de Horis a singulis recitandis, illud non censeretur obligare sub mortali, sed solum sub reatu Regularis correctionis, vel ut summum sub peccato veniali, & pena regulari, sicut alia Statuta regularia : nisi forte haberet verba, que perspicue majorem obligationem designaret, qualia sunt (Precipimus in virtute Sanctæ Obedientie. Precipimus. Strictè injungimus, &c.) Verum nullum est Statutum Regulare, ut existimo, quod verba tam obligatoria habeat :

362 Confirmatur : Quia obligatio sub mortali est res valde odiosa, ac proinde minimè presumenda, nisi ubi necessitas cogit. Atqui hic nulla cogit necessitas presumendi, aut inducendi tam gravem obligationem : quia sicut ad alias Regulas, & ad disciplinam Religiosam servandam sufficit obligatio ad penam, & castigationem Regularem, ita etiam ad servandam hanc consuetudinem. Alia ratio est de Beneficiariis, & Ordinatis : Beneficarii enim stipendia ab Ecclesia accipiunt, ut Officium Divinum persolvant ; unde instar Mercenarii tenentur ex quasi contractu, & Officio : Ordinati verò Ordine Sacro spontè se in Ministerium, Ecclesie tradiderunt : ad hoc enim ordinantur, ut Ecclesie serviant : ac proinde æquissimum, fuit, ut Ecclesie illis tanquam suo Ministerio mancipatis, hoc onus imponeret. Moniales verò non ideo deserunt Sæculum, & se in Monasterium abducent, ut aliquod Ecclesie Ministerium obeant, aut ut stipendia ab Ecclesia percipiant ; sed ut sue perfectioni vacent, & Deo serviant, alimenta gratis percipiunt, ut pauperes. Itaque ex hoc capite nulla fuit ratio tam

gravis vinculi imponendi. Et sanè cum ille Solum deferant, omnes opes, valeantes, propriam voluntatem, & in letibras perpetuas se abdant, ut occasiones peccatorum vitent, & liberi spiritui Deo serviant; parum videtur humanum, si novus ille laqueus illis inuitatur, & sub peccato mortali ad preces tum longas, & multiplices, quas non intelligunt; adstringantur. Sat enim ipse sibi oneris imponunt; cum tribus Votis se obstringunt, & discipline Religionis subiciunt. Quis novam illam obligationem adeo gravem non reformidet? Non esset hoc Sacras Virgines ad Religionem allicere, sed absterere.

363 Neque obstat, quod dicantur consuetudine teneri sub mortali: quia, ut relictus Cajetanus, & alii, de tali consuetudine habente, tale vinculum non constat. Et si enim satis constet de consuetudine, qua Moniales consueverunt publice Horas canere: non tamen satis constat de consuetudine, qua tantum vinculum singulis privatim sit impositum. Deinde hanc consuetudinem non aliter potuit inducere talem obligationem, quam mediante bonorum opinione, qui putaverunt se obligari sub mortali, & iudicabant se peccare mortaliter, si omitterent. Talis autem obligatio facile tollitur, si ostendatur, opinionem illam non solido niti fundamento: Sicut olim ante Sotum communis erat opinio, unum Beneficium sub peccato mortali teneri quotidie ad Horas Canonicas, etiam si Beneficium solum duos, aut tres aureos ei penderet: & ista consuetudine, Doctorum opinio tenebatur sub mortali: verum, postquam Sotus præclaro iudicio docuit contrarium, passim cepit illa rigida sententia exollescere. Simili modo putabatur esse peccatum mortale facere Sacrum ante preces Matutinas. Itaque talis obligatio statim evanuit, quo ad gravitatem peccati mortalis, simulatque ostensum fuerit, eam solido fundamento minime niti.

364 Denique probabilissima sententia est, posse obligationem imponi sub veniali, etiam si materia secundum se sit gravis, & capax obligationis sub mortali; maxime quando iuxta rationem subest non imponendi maiorem obligationem sed sistendi intra limites venialis. Hic autem iustissima videtur esse ratio non imponendi, aut interpretandi maiorem obligationem, quam sub veniali, juncta simul Regulari correptione: sic enim abunde obtrimebitur finis status, & conscientie infinitis scrupulis, & periculis peccati mortalis eximentur. Et hæc omnia docet Lessius l. c. Ex cuius, uti, & ex præcedenti allata Marchantii doctrina.

365 Constat, hos duos Doctores fateri quidem dari talem sanctam consuetudinem, negare tamen eam obligare ad mor-

tale. Et idem novissimè tenet Borda. consil. 30. à n. 1. usque adhuc. inclusivè: ibi enim sic: Quidam Clerici in Sacris Ordinibus nondum constituti, cui suus Confessarius, eo quod extra Chorum nunquam Divinum Officium recitabat, gravem innoxiam Penitentiam, asserendo toties peccare mortaliter, quoties illud omittit, dubitando de hac opinione Confessarii, peccatis ejus resolutionem: Respond. Clericus Regularis nondum in Sacris Constitutus ad Chorum deputatus, quando abest à Choro Officium omittens non peccat, nisi ex vi Regule obligetur sub culpa illud simpliciter celebrare. Probatur. Tum quia jure communi nullum extat Præceptum Religiosis, ut sic recitandi Divinum Officium, neque in Cap. Dolentes de Celeb. Missi ubi nulla mentio fit de Regularibus: Neque in Clement. 1. eod. hujusmodi obligatio inducitur, sed aliunde ea supponitur, & solum præcipitur, ut in Cathedralibus, Regularibus, & Collegiatis, Horis debitis Divinum psallatur Officium, ut observat Suar. to. 2. de Relig. lib. 4. cap. 17. n. 2. & alii omnes, quos sequitur Bonac. disp. de Horis Canonicis qu. 1. punct. 1. n. 9. Tum neque jure Professionis, aliis omnes Religiosi tenerentur ad hoc: & si enim tenerentur tendere ad perfectionem, hanc alii medii assequi possunt. Neque jure Divino, cum in Sacra Scriptura non inveniamus hujusmodi obligatio. Neque ob Eleemosynas, quia non dantur sub hoc titulo. Tum quia non tenerentur ex vi Regule, nam in Regula hujus Religiosi (qui est Tertii Ordinis) cap. 15. ordinatur quidem Officium celebrandum debitis Horis Matutinis, & Vespertinis in Ecclesia ex Regula Nicolai IV. cap. 8. & Leonis X. cap. 4. nulli bi autem in dictis locis adeo obligatio sub culpa; est enim hoc certum in hoc Ordine, nullum caput ex dictis Regulis obligare sub culpa, ut colligitur expressè ex postremis capitibus dictarum Regularum, & Proemio Constitutionum, nisi contineant Jus Divinum, & humanum aliis obligari: constat autem ex supra allatis nullum Jus Religiosos Sacris non initiatos obligare ad Horas Canonicas, ergo consilens non peccavit omittendo illas. At proinde neque ex vi Professionis Regulares obligantur, quia hujusmodi obligatio in ejus forma non exprimitur, & hoc expressè colligitur ex Constit. 5. Exponi nobis Julii II. relata per Confessum pag. mibi 121. & hoc expressè, quod Clericus Tertii Ordinis non obligetur ad recitandum Horas Canonicas, asserit Cartusianus, declarans Regulam Nicolai VI. art. 19. post initium.

366 Tota difficultas consistit in consuetudine, quam communissima opinio asserit obligare Religiosos Professores ad Chorum deputatos, ad recitandum Divinum Officium, quando absunt

ab Ecclesia, de qua, Doctores citantur, Bonac. disp. p. de Horis qu. 2. punct. 2. n. p. Rodriq. tom. pr. qu. 24. art. 20. extendit etiam ad Moniales, sicut, & Bonacin. n. 5. & Diana ref. 17. de Horis Canon. Miranda to. pr. qu. 37. artic. 7. Portel. Verb. Hore Canon. nu. pr. 2. & 3. dicit Franciscanus sub prima Regula teneri ex vi Regule, & de consuetudine, non placet, quod n. 2. ait Mendicantes Professores carentes Ordine Sacro, teneri ex eo solum, quod per professionem suam positi in statu irrevocabili, seu impedito ad Matrimonium, & Choro addito, ubi citat Rodriq. to. 3. Summe Verb. Hore Canon. conclus. 11. Quia Status Religiosis, ut sic, non includit huiusmodi obligationem, aliter omnes Religiosi tenerentur, constat autem Conversos non teneri, ut infra probabo qu. 6. Deinde Professori, quæ illos in hoc statu ponit, non obligat, sed solum constringit ad tria Vota, & alia contenta in forma Professionis, ut docet Bonac. cit. nu. 7. & ego retuli supra ex Constitut. Julii XI. Sed in nulla forma Religionum exprimitur huiusmodi obligatio, ergo neque inducitur ex vi Status Religiosi: remanet ergo sola consuetudo, ut ex Cajetano bene dicit Miranda cit. in fine. Dicunt autem hanc consuetudinem obligare sub mortali, cum sit de re gravi.

367 Quamvis de hac consuetudine fere omnes testentur, tamen cum sit quid facti, difficile est, de ejus substantia iudicium ferre; unde ego puto hanc consuetudinem referri ad Chorum, non prædictæ ad deputatum ad chorum, quando abest. Quod suaderet, quia consuetudo in vim legis obligans, non inducitur ex actibus privatiis, sed publicis, & manifestis, ut docent communiter cum Bonac. de Consuetud. nu. 26. Officium autem extra chorum, dicitur occultæ, & non manifestæ: ergo signum est eam consuetudinem referri ad Professum non ut sic, sed quatenus recitat in choro. Deinde nullo jure probatur esse obligationem recitandi in choro, nisi ex consuetudine, aut ex vi Regule, de qua obligatione infra quæsti. pr. ubi probabo non afficere singulos, sed Communitatem, quatenus chorus non debet cessare ab huiusmodi recitatione.

368 Quare sequendo opinionem Cajetani, qui Verb. Hore Canonica, dubitat de hac consuetudine, & cum eo Medina de Oration. trac. 6. Armilla Verb. eodem, n. 4., ac proinde dicunt non obligare sub mortali, dico saltem non peccasse mortaliter dictum Clericum, imo neque venialiter stante responsione Cartusiani in terminis nostri Casus, quare dicta consuetudo lo- cum non habet in hac Religione, in cujus Regula, neque præcipitur huiusmodi recitatio extra Chorum, & si præciperetur, non esset subcul-

pa, cum in Regula nihil sub culpa statuitur, sed tantum sub pena. Ita Bordonus.

369 Cujus sententia (& præcatorum Doctorum, Lessu, Marchant, &c.) nempe consuetudinem de qua loquimur, non obligare sub mortali Professores Regulares juniores Sacris carentes, nec Moniales ad privatam Officii Divini recitationem, suaderi etiam potest. Primo, quia ex doctrina P. Pasq. de Jejun. Devis. 69. n. 3. & 4. nulla consuetudo obligat ad mortale, etiam si ab immemorabili tempore introducta sit, nisi introducta fuerit cum animo se ad mortale obligandi, & quatenus introducta cum tali animo, à Superioribus approbata (ut communiter Doctores) unde immemorabiles consuetudines non obligant, ut recitandi Salutationem Angelicam, sumendi Cinerem in feria quarta Cinerum, & aliæ huiusmodi, absque tali animo se obligandi ad mortale introductæ. Immo etiam si approbetur consuetudo à Superiore tanquam inducta ex animo se obligandi, & re vera cum tali animo inducta non sit, neque, adhuc obligat; quia approbatio procedit ex falsa suppositione, & idè non potest subsistere, cum non subsistat fundamentum ex quo procedit. Cum autem in casu nostro consuetudo de qua loquimur, recitandi videlicet privatim Horas Canonicas à junioribus Professis carentibus Sacris, & à Monialibus, inducta sit in Religionibus ex consuetudine secundum Regulam (per omnes) quæ non obligat ad peccatum, stat præsumptio consequenter, quod consuetudo pariter, inducta potius fuerit ex devotione: non autem quod ipsamet obliget sub peccato. Unde cum non constet quod fuerit introducta cum animo se obligandi, nec etiam constet de obligatione ejusdem, & idè nec iidem tenentur se subicere oneri illius de quo non constat an sit impositum. Et sicut lex (inquit idem P. Pasq. Dec. cit. n. 5. in fin.) non obligat, nisi sit sufficienter promulgata, & notificata, cur obligabit consuetudo, de qua non constat, an habeat vim obligandi? Atque cum simus in odiosis, restringenda est consuetudo, ut non obliget, non verò amplianda, ut habeat vim obligandi, cum de ipsa non constet.

370 Secundò suaderi potest: Quia dum certò non constat de intentione, qua introducta fuit huiusmodi consuetudo, ad minus dubium est, quod introducta fuerit cum animo se obligandi: Et si aliqui modo existiment introductam fuisse cum tali animo, atque ita procedant, ac si verè tali pacto

li pacto introducta fuisset, est specialis ipsorum opinio (ait etiam *P. Pasq. Dec. cit. n. 6.*) quæ non notificat aliquid de eorum animo, qui eam introduxerunt, unde animus ipsum relinquit ignotum, & proinde relinquit nos quoque dubios. In dubiis autem melior est conditio possidentis, ut notant passim Doctores, & cum unusquisque possideat suam libertatem, potest eam retinere, & uti jure suo, nec tenetur eam subdere obligationi incertæ. Item, & dum in dubiis versamur, præsumere debemus potius devotionis causâ, quam obligationis fuisse introductam consuetudinem, de qua hic: Ergo Religiosi non sunt sub gravi culpa adstringendi, nec Moniales ad recitandas privatim Horas Canonicas.

371 Nec facit contra, quod plures, imò etiam communiter putent se ad id adstringi, & obligari, nam hoc provenit [uti dicunt] ex ignorantia, ex eo videlicet, quod credunt, adesse præceptum, vel saltem consuetudinem obtinuisse ab initio vim legis: consuetudo autem, quæ fundatur in ignorantia, & errore, non potest acquirere vim legis, ut habetur in *cap. consuetudo dist. 8. ibi consuetudo sine veritate, vetustas erroris est*: Unde Doctores communiter sententur in materia de *Legibus*, quod consuetudo nixa ignorantie, vim legis acquirere non valet; *Salas de Legib. disp. 19. sec. 6. n. 61. Verf. Tertia conditio. Sancius in Selectis de Sacramen. disp. 34. n. 33. Verf. Quibus rationibus, ubi alios citat. Pasqual. decis. cit. n. 7. ubi Rota in Trevirensi Abbatis Sancti Maximi 24. Januarii 1625. coram Cocciwo*. Ratio autem est, quia error, & ignorantia, facit, quod ex ipsa, & tali pacto operans, non habeat intentionem se obligandi, sed potius ita operetur, quia putat se esse obligatum, unde cum consuetudo non acquirat vim legis, nisi interveniat animus se obligandi, neque hic interveniat, non potest consuetudo acquirere vim legis. Juxta quam doctrinam communem concludit *Sancius n. c. 33. consilio, igitur, ex ignorantia comparatum fuisse consuetudinem, quatenus arbitrabantur homines deinceps se esse operari, quia à lege erat imperatum, quæ tamen id minime jussit, deinceps ad operandum non erunt consensuri, nec lege scripta, quæ non extat, nec consuetudine, quæ tunc est effectus legis imaginariæ*. Ad quam *Sancii* conclusionem, & doctrinam communem confirmandam; & ad probandam consuetudinem in conscientia erronea subditorum fundatam, non obligare, assero hic casum, quem refert *Barad. lib. 8. c. 2. n. 18. quæst.*

hujusmodi. Olim in Sicilia Regno præsertim apud Universitates remotiores ab exterorum commercio, magna Vulgi pars existimabat sine Bulla esse abstinendum à lacticiis die Veneris, & Sabbati per totum annum, quamvis in hos dies jejunia Ecclesie non incidissent. Et quia existimatio ista oriebatur ex ignorantia, idcirco Viri Sapientes, populum à tali ignorantia liberarunt, ostendentes hujusmodi obligationem non reperiri: Igitur consuetudo, quæ in ignorantia fundatur, vim obligandi non habet, & cum talis præsumatur esse consuetudo recitandi privatim Horas Canonicas à Junioribus Profellis, & à Monialibus quando absunt à Choro, idcirco eos, & eas minime obligari asserendum est.

372 Neque item facit contra, quod Prælati, & Superiores reprehendant, & etiam puniant subditos, vel subditas non recitantes privatim Horas, quando absunt à Choro; non enim per hoc censendum, consuetudinem habere vim legis (ut optimè, sed ad suum propositum, arguit etiam *P. Pasq. decis. cit. n. 8.*) quia id faciunt Prælati, eo quod inter observantias, & consuetudines Regulares extat privata etiam Horarum Canonicarum recitatio, & cum iidem sint custodes (ut supra) Regulæ, & constitutionum, incumbit ipsis sub peccato (ut dictum est) invigilare, atque exigere à propriis subditis earundem observantiam. Et quatenus id facerent Prælati ex eo, quod putarent consuetudinem obligare, oppositam sententiam sequentes, secundum quam possunt judicare, non dant consuetudini vim obligandi, sed illam relinquunt in suo statu. Nec verum dicit *Leander apud P. Pasqu. dec. c. n. 9.* quod scilicet, ex eo, quod faciunt præsentis, & intendunt facere, colligi, quid intenderint præteriti, qui inchoaverunt consuetudinem: Nam sensus præsentium oriri potest ex errore, ex dictis.

373 Tertio, suaderi potest ex doctrina *Oldradi consil. 244. n. 13. quartam alieuius objectionem*: *Robti de Corte de consuetud. sect. 8. n. 28. Mascibardi de probationib. conclus. 429. n. 2.* & aliorum apud ipsum, quam refert etiam *Franc. Barad. q. 2. c. n. 12.* docet enim ibi *Oldradus*: In præscriptione longissimi temporis, de cuius contrario hominum memoria non habetur, non esse querendum, quia intentione inceperint actus inducentes consuetudinem, frustra enim queritur, quod inveniri naturaliter prohibetur: ita hi Authores [apud eundem *Barad. l. c.*] nos admonent. Unde cum natura

naturaliter sit impossibile (arguit idem *Bardi*) noticiam habere de intentione, qua primi homines consuetudinem, de qua hic, induxerint, vanum esset talem investigare intentionem: idcirco tempore, tam immemorabili transacto, ad coniecturas recurrendum, ex quibus animum inclinare possimus ad prudenter iudicandum, an dicta consuetudo potius ex obligatione, quam ex simplici devotione introducta fuerit. Et quod ex simplici devotione tantum, coniecturas tradunt præfati, & *Classici D. D. Fumus in Armilla, Lessius, Marchant. & novissimè Bordon.* Cui, & post ipsum, addo etiam

374 *Brunonem Neusser Ordinis Minorum, Recollectorum S. Francisci, in suo Tractatu de Horis Canonici, Muguntie Impresso Anno 1669.* qui docet quæ sequuntur; *Disp. 11, qu. 3.* in qua inquirens, *An Regulari utriusque Sexus vi Consuetudinis obligentur ad recitationem Horarum sub peccato gravi, ad fol. mibi 268.* ita resolvit: *Respondeo primò.* Non est aliqua universalis consuetudo omnium Ordinum, vi cuius sub mortali obligentur Regulari utriusque Sexus Choro deputati ad recitandas Horas Canonicas. Ita *Gobatius citans, & sequens Tannerum contra Layman, ac plures alii, quos citat, ac sequitur Leander qu. 10.* Probatur. Nemo potest probare tantum nexum inter Religiosos Ordines, ut quod placet uni, placeat alteri. Et hinc sunt aliqui Ordines, qui illam obligationem non assument, vel quia tantum sunt deputati ad Opera Misericordie Corporalis, uti est Religio S. Joannis; vel ad bonum Litterarum Studium, uti facit Societas Jesu, que nunquam illud onus assumit, quousque ejus Professores Sacris Ordinibus initientur, uti testantur plures apud *Leandrum citatum, & etiam docet Andreas Mendo ipse Societatis Alumnus, vel ob alias causas.* Et *Thomas Hurtado ex Ordine Clericorum Minorum par. 1. ref. Morallium tract. 2. cap. 7. nu. 306.* testatur in suo Ordine non adesse consuetudinem obligantem sub mortali Professores ad recitationem Horarum. Idem de suo Ordine, nempe Clericorum Regularium Theatinorum adstruit *Zacharias Pasqualigus in Tractatu de Sacrificio Missæ qu. 889.* affirmans contra *Dianam, Alumnum ejusdem Instituti, in Professione expressè à Patribus sibi fuisse intimatum, non adesse talem obligationem, & sic plures respondisse, & in veteri Rituali Superiorem id Novitio protestatum fuisse.*

375 *Respondeo secundo:* Si in aliqua Religione extet consuetudo, eo animo introducta, ut Choro deputati sub peccato obligentur ad Horas, & pro tali agnita, certum est tunc obligationem adesse gravem respectu Professorum ejus-

dem Religionis, nisi adfuit Privilegium Proficium eximem Professores ab illa recitatione. Est certa apud Theologos, & constat ex ipsis terminis.

376 *Respondeo tertio.* Probabile est in nulla Religione adesse consuetudinem obligantem choro deputatos, aut deputatos sub culpa mortali ad recitationem Horarum extra chorum. Probatur primò. Ut consuetudo sit obligatoria sub reatu peccati gravis, necesse est, ut Theologi, & viri docti communiter, & indubitatè judicent adesse talem consuetudinem, atque communiter Viri docti non admittunt indubitatè talem consuetudinem in omnibus Religionibus: Ergo. Majorem docent *Tancredi apud Andream Mendo in Statuta Opinionum magis benignarum disp. 7. quest. 2. n. 9. & alii.* Et constat ex iis, quæ tradunt in materia de Legibus, & Conscientia, Theologi, asserentes communiter ad hoc, ut Preceptum obliget exigi, ut certò de ejus existentia constet, & quod si sint dubia, & opinionis de ejus existentia, tunc non obliget. Minor probatur. Quia illam consuetudinem simpliciter negant, adeoque Regulari, utriusque Sexus Choro deputatos, antequam initiati sint Sacris Ordinibus, non obligari ad Horas, docent ex nostris *Marchant. in Tribunali, & in Casibus, Martinus à S. Joseph To. 2. de Ordine tract. 10. nu. 3. Bordon. resol. 30. nu. 3. Caramuel; Joannes Medina Complutensis; etiamque probabiliter non existeret Cottonius lib. 3. Controver. 3. cap. 2. Mauritius Philippi tract. 11. cap. 3. conclusio. 4. Villalob. Uterque Rodriguez, Vega, Aragon, Lessi, Castro, affirmans Moniales Sanctæ Clare, & Dominicanos non obligari ad Horas apud Mendo supra. Probatur secundo eadem minor, quia de illa consuetudine se nil scire dicit *Cajetanus, cujus sententiam meliorem vocat Fumus, & de ea dubitat nosse Bruno Chassaing de Privilegiis Regularium par. 2. tract. 8. cap. 4. proposit. 4. asserens idcirco non esse certum, quod Regulari obligentur ad recitandas Horas.**

377 Probatur secundo Responsio. Quando dubium est, quo animo introducta sit consuetudo, dicendum est, quod consuetudo sit introducta ex devotione, & non ex animo obligandi, uti docent *Serra, Gallego, & alii plures apud Mendo; & plures alii, quos plena manu congerit, & sequitur Pasqualig. in Tract. de Sacrificio Missæ q. 411.* Atqui hic non solum est dubium, an consuetudo Regularium recitandi Horas, sit introducta animo se obligandi, quia magis verisimile est, quod non sit animo se obligandi introducta, ultra quam habuerunt ex Regula, & Constitutionibus. Ergo. Minor quo ad hanc ultimam partem probatur. Regulari consueverunt recitare Horas eo animo, ut satisficerent Precepto Regule, vel Constitutionum

eos obligantium ad recitationem Horarum, ergo habebunt tantum illam obligationem, quam iis Regula, & Constitutiones imponunt; unde antequam quid statuatur de obligatione consuetudinis, inspicenda est obligatio Regulae, & Constitutionum, & juxta eam determinandum, num sit obligatio ad culpam, vel ad poenam: antecedens liquet, quia nullum extat fundamen- tum, ex quo inferatur Regulares ex alio fine consuevisse recitare Horas, quam ut Regulae, & Constitutionibus satisfacerent. Consequentia probatur. Si ex consuetudine observandi ea, quae à Regula, & Constitutionibus praescripta sunt, liceat inferre obligationem ad culpam, jam transgresso omnium eorum, quae ordinantur in Regula erit peccatum, quod nemo dicit, & est contra declarationem Clementis V., declarantis, aliqua poni in nostra Regula sub Praecepto, alia sub Consilio. Et ita docet Pasqua- ligus qu. 989.

378 Confirmatur rursus. Consuetudo pro Le- ge suscipitur, quando deficit Lex, sed constat ex Cap. Consuetudo distinet. pr. Ut adest Lex recitandi Horas respectu Regularium (quomodo, ut constat ex dictis, si excipiuntur Fratres Mi- nores, & Annunciate, ac Carmelita) solum obligans ad poenam. Ergo

379 Dices cum Joanne à Sancto Thoma. Pius V., & Clemens VIII. Supponit Regula- res, & specialiter Religiosos Ordinis Sancti Do- minici obligari ad recitationem Horarum, ergo id est asserendum. Confirmatur. Regularibus, ut infra patebit, concessa sunt Privilegia, per quae excusantur Cboris, necdum Majoribus Ordinibus initiati, à recitatione Horarum; Ergo. Respondeo. Negando antecedens, quia ad Summum supponit id de obligatione ad reci- tandas Horas publicè, de quo infra. Ad Con- firmationem dico, sepi concessi Privilegia, quia petuntur, uti nonnulli ex ipsis Adversariis con- cedunt. Hæc Neusser qu. cit. Vide P. Pas- qualig. de Jejanio qu. 415. n. 4. ubi, quod licet aliquod Pontificium Privilegium, non sit necessarium, est tamen utile pro sedan- dis conscientis respectu illorum, qui opi- nionem amplectuntur; idcirco nunquam sunt inutilia, nec otiosa.

380 Placet hic tandem etiam referre doctrinam Antonii Cotonii, quem pariter pro se (inter alios, ut supra) citat idem Bru- no Neusser. Igitur etiam Antonius Cotonius Tertii Ordinis Sancti Francisci in suo Opere Controversiarum celeberrimus lib. 3. Controver. 3. de Horis Canonicis cap. pr. qu. 3. nu. 22., & 23., fol. mibi 330. docet sequentia. Dubi- tatur de Professis Minoribus, & Monialibus cboro additis, an teneantur ad Horas Cano- nicas? de qua dubitatione egit Diana par. 2.

tract. 12. resol. 17., par. 7. tract. 11. ref. 4. par. 9. tract. 6. resol. 7. par. 10. tract. 11. ref. 45. Et ubique affirmativam amplexus est, asserens, esse communem tam Theologorum, quam Canonistarum. Ex quibus Ferdinand. de la Nave tract. 1. cap. 9. negativam censet, improbabilem, & Bertrandus Lotb in reslit. Theol. tract. 23. qu. 1. art.... Temerariam. Fundamentum hujus partis præcipuum est con- suetudo, de qua ipsi testantur, & quam spe- ciali Decreto adesse declaravit in Dioecesi Pa- lermisana Archiepiscopus de Leon apud Bard. lib. 8. qu. 1. §. 2. Et Roccaful to. 2. par. 3. lib. 6. c. 4. qu. 3. probat esse obligatorium, & non mera Devotionis. Et Sà, qui contrarium docuit, in Editione Romana correctus fuit, ut notat Pal. to. 2. tract. 7. disp. 2. pun. 1. §. 1. n. 3. Et habere locum non solum extra cboro- rum, quando sunt in Conventu, sed etiam in itinere, & quando manent extra Claustra, cum, vel sine licentia Superiorum, ad tempus, vel in perpetuum. Herrera de Statu Rel. dec. 8. n. 2. idem probat ex Privilegiis Dispensantibus cum prædictis, quo die valde occupati fuerint, dum- modo recitent Officium Parvum B. V. Leonis X. cum Camaldulensibus, Clementis VII. cum Monialibus S. Clare, & aliorum, nam hinc fit, Pontifices hanc obligationem supponere.

381 Ego vero semper fui in sententia nega- tive: quia & Cætanus, Medina, & alii du- bitarunt, an hæc consuetudo extra Cborum, adesses, & illam negant Caramuel, Martinus de S. Joseph, & P. Magister Bordon. : quia consuetudo non inducit actibus privati, sed publicis. Et dato quod sit, non credam indu- ctam esse animo se obligandi: Quod propterea docent Marchant. & Lessi., non multum cu- rantes de correctione Sà. Nec Pontificia Pri- vilegia aliquid probant: quia conceditur quod petitur. Potuerunt autem supponere in illis Re- ligationibus præcipi ex Regula, vel Constitutione peculiari. Nam neque ad dispensandum cum prædictis ex justa causa necesse erat facultate Pontifici, cum Prelati ipsi dispensare possent, ut ex Lessi. docuit idem P. Diana. Censure vero hujus opinionis merentur ipsæ Censuræ. Nam quis dixerit Temerariam, sententiam tot, & tantorum Virorum, negantium obligationem, fundatam in factoincerto consuetudinis? Adver- te etiam Tamburin. lib. 2. in Decalog. cap. 5. §. pr. n. 18. excipere illos Religiosos Minores, qui per longum tempus vivunt in Sæculo: quia consuetudo, quam dicunt esse intra Claustra, non potest esse præscripta in Sæculo, ubi tam pauci ex illis, & raro morantur: ita Cotonius l. c. qui præterea cap. 2. sequenti n. 26. & 27. idem ait: Sed ego (inquiens) rarissimo prædi- ctos non obligari sub culpa, quod latè probant Auctores

Autores Capite precedenti relati, & praesertim Lefi. pro Monialibus: quia ea consuetudo, si adest, fundata est in decentia Status Religioſi; unde non videtur introduſta cum majori obligatione, quam quae est de Oratione Mentali, & aliis Piiſ exercitiis Praeceptis in Regula. De Subdiaconis alia est ratio: quia eorum consuetudo introduſta est adinſtar Diaconorum, & Sacerdotum, & deinde Praecepta communiter in Cap. Dolentes. Et ita tenet etiam Machadus to. 2. lib. 5. punct. 2. documen. p. n.p. Hucusque idem Cotonius.

382 Palauſ par. 2. tract. 7. disp. 2. punc. 1. §. 3. nu. 3. Diana to. 3. Coord. tract. 6. de Floris Canoniciſ ref. 15. n. 2. ex part. 6. tract. 8. & Miſcell. 3. ref. 12. & eodem tract. 6. ref. 17. n. 4. ex par. 10. tract. 11. & Miſcell. 1. ref. 45. Franciſcus Bardi in Selectiſ Moralib. lib. 8. qu. 1. §. 3. nu. 10. Verſic. Ut autem. Baſienſ Verb. Horae Canonicae pr. nu. 5., & alii: Opponunt negativae ſententiae praetoriorum Doctorem, quod correctae ſunt apud Emanuelem Sà à Magiſtro Sacri Palatii in Editione Romana, & expuncta illa verba, quibus probabilis iudicabatur talis ſententia ab eodem Sà, Verb. Horae Canonicae n. 1. his verbis: *Quidam tamen, & Moniales, & eos omnes, qui non ſunt in Sacris obligatione liberant (quod, & ſi probabile) non eſt uſu receptum.* Reverendiſſimus autem Magiſter in Editione Romana correctae, abſtulit illa verba: (*Quod, & ſi probabile,*) & ideò in Editionibus expurgatiſ amplius non inveniuntur. Hinc P. Diana l.c. putat huiusmodi ſententiam, eſſe proſuſ improbandam. At, quicquid de tali correctione, eaque imò ſuppoſita, & admiſſa, oppoſitioni huic ſatiſheri poteſt reſpondendo, poſt dictum Emanuelem Sà, tot alios Doctores, nec inferioris notae Theologos extare qui nedum vocant talem ſententiam probabilem, ſed abſolutè veram, piam, &c. ut patet ex dictiſ, idque abſque correctione Sanctae Romanae Eccleſiae, ut conſtat ipſa experientia uſq; adhuc. Quia tamen tunc temporis communis erat contraria opinio, ideò merito Pater Sà à Magiſtro Sacri Palatii correctuſ fuit, ac expurgatuſ. Multae enim opinionis videntur adeò ſingulares ab initio, ut nec cenſeantur tutae in conſcientia, advenientibuſ poſtea Doctoriſ, qui nedum illa amplectantur, verum etiam novis argumentiſ, & ſolidiſ, ac fundatiſ rationibuſ roborentur, abſque ſcrupulo ab Eccleſia, & à Reverendiſſimiſ Inquiſitoriſ admittuntur, & dici poteſt, quod accidat in caſu recitatæ ſententiae pro qua etiam extare videntur duo Pontificeſ Summi, ſu-

pra relati, Eugeniuſ IV. & Leo X. Hinc 383 Reici poteſt hic id, quod gratis aſſerit doctiſſimuſ Bardi n. 12. cit. in fine, dum ibi ſic: *Et quomodo daremus conſuetudinem hanc vim legiſ obligantiſ initio minimè habuiſſe: nibilominuſ temporis progreſſu viri Sapienteſ exiſtiſmaverint conſuetudinem hanc obligare, eam acceperunt tanquam veram legem pro ſe, & pro ſuiſ poſteriſ: proinde practice cenſere minimè debemus noi in dubiū verſari, ſed in iſi, quae moralem habent certitudinem.* Hoc inquam, gratis aſſertum, reici poteſt: Quia nulluſ Doctoreſ quem legerim, acceptaviſ pro ſe, & ſuiſ poſteriſ, tanquam obligantem legem, conſuetudinem de qua loquimur, ipſe ſoluſ hoc aſſerit: aliud enim eſt, quod Viri Sapienteſ (ut ipſemet ait, & optimè) exiſtiſmaverint (ut communifiſimè exiſtiſmant, atque docent) interpretatiſque fuerint illam obligare ſub mortali; aliud quod ipſi, ut talem eam pro ſe, & poſteriſ acceptaverint, hoc ſecundum reiiſcitur, primum conceditur tanquam certum. Viri namque Sapienteſ, & D. D. communiter, declarant quidem ſententiam propriam circa eandem conſuetudinem, exiſtiſmanteſ (& ex hac exiſtiſmatione docenteſ) atque interpretanteſ illam, ſtriſtè obligare; non acceptanteſ ipſemet immediate obligationem; quod potiùſ ſpectare videtur ad eos, qui ſub obligatione ſervare tenentur conſuetudinem ipſam; ut etiam innuit, apud eundem Bardi lib. 8. cit. qu. 1. Illuſtriſſimuſ, & Reverendiſſimuſ Archiepiſcopuſ Civitatiſ Panormi Fr. D. Martinuſ de Leon, in ſua Epiſtola ad Monialeſ ſue Panormitane Civitatiſ, & Diaceſiſ, in qua inter alia ſunt ſequentia verba, fol. mibi 404. colum. 2. Tutti queſti Dottori, e molti altri inſegnano queſta dottrina, la quale fondano nella conſuetudine immemorabile introdotta, (nota) dalle medefime Monache, che ben poſſono farlo nelle coſe appartenenti à loro. Ex quibuſ verbis clare conſtat, ad Monialeſ (quibuſ incumbit obſervantia huius conſuetudiniſ) ſpectare acceptationem, ad Doctoreſ verò declarare ſolum ſententiam propriam circa eandem conſuetudinem, & ipſiſ obligationem, relinquendo illam in ſuo ſtatu, & eſſe, ut ſupra. Quorum Doctoreſ ſententia impedire haud poteſt, quo minus conſuetudiniſ veritateſ praevalcat, eſto veritateſ contrariae eſſet eiſdem DD. ſententiae: iuxta Canoniceſ Textuſ in Cap. Conſuetudo: diſt. 8. ibi, Conſuetudo quae apud quorſdam obreſſerat, impedire non debet, quominuſ veritateſ praevalcat, & vincat. Nam conſuetudo ſine veritateſ, vetuſtaſ erroriſ eſt.

384 Doctus P. Baldellus in *Theologia Morali* to. 2. lib. 3. disp. 22. n. 13. (apud *Dianam* Coord. to. 3. tract. 6. ref. 17. n. 4. Ex par. 10. tract. 11. & *Miscell.* p. ref. 45.) loquens de consuetudine Religioforum, & Monialium perfolvendi Horas Canonicas, sic asserit (contra sententiam negativam Bordonii, & aliorum.) *Et quatenus possit dubitari de huiusmodi consuetudine, utrum obliget ad mortale, eodem modo illam interpretantur, quo supra diximus de Subdiaconis, qui similiter solum tenentur ex consuetudine, & communiter existimantur teneri ad mortale, quia eorum consuetudo est inducta ex credulitate obligandi, & per modum legis non scriptæ, & est de re gravi, imò, & graviore, quam sit lex de Jejunii, de Sacro audiendo, de Confitendo semel in anno, de Communicando in Paschate, & de similibus, in quibus signanter, & specialiter non exprimitur, quod sint ad mortale: Quæ tota ratio etiam valet de consuetudine similiter inducta pro Religiosis Professis; eamque consuetudinem ita interpretantur communiter Viri Docti, & timorati. Et hoc totum quod diximus de Viris Religiosis Professis deputatis ad Chorum, quod tenentur sub mortali ad Horas Canonicas, dicendum etiam est de feminis, & de Monialibus similiter Professis, & deputatis ad Chorum. Hæc Baldellus. Cui addo P. Bardum qu. c. 2. n. 14. in eo eorundem, & aliorum similibus paritate, confirmare videtur idem Baldelli argumentum. Arguit autem, & ipse, ut sequitur: In iure communi, ut ferè omnes communiter advertunt, nulla invenitur lex, quæ obliget Diaconum, & Subdiaconum ad recitandum Divinum Officium, quod rectè ostendit Lessius disp. illa 9. n. 44 & 45. aliquos ponderans Textus Canonicos, qui in contrarium adduci poterant, cum aliis conclusis obligationem hanc fundari in antiqua consuetudine: Rursus in pervigilio Pentecostes, S. Joannis Baptistæ, S. Laurentii, & diei Festi Omnium Sanctorum, est Jejunium obligans sub culpa gravi, & non ex lege positiva, sed ex consuetudine: contra quam si quis argueret, non esse legitimè præscriptam, & non constare de intentione, qua inducta fuerit, ex devotione ne, an ex obligatione: vel si dicat procedere, posse ex errore hanc exhibitionem de obligatione servanda, si quis inquam ita argueret, esset repellendus; quia sufficit per tot sæcula, ita fuisse à Sapientibus, & Pii Viri iudicatum: Ita etiam, & ego dicam de consuetudine recitandi apud Regulares, & Moniales, cum nullum prorsus deserim apparatus. Quibus tum validis, tum efficacibus oppositionibus.*

385 Responderi potest primò, adesse hic discrimen, & rationem discrepantem, ex

doctrina enim P. Pasqual. de Sacrific. Missæ to. 2. qu. 889. Consuetudo recitandi Officium Divinum privatim extra Chorum in Religionibus, non est propriè consuetudo, sed observantia potius Constitutionum, quæ non obligant ad peccatum, sique nec recitatio ipsa privata Horarum, ut ordinata à Constitutionibus est sub tali obligatione consequenter. Secundò Respondetur: Diaconos, & Subdiaconos teneri ad Horas Canonicas ex Jure Canonico, & in ipso Jure tale onus imponi: ad hoc enim ordinantur in Sacris, ut Ecclesiæ inserviant, ac proinde æquissimum fuit, ut Ecclesiæ illis tanquam suo Ministerio mancipatis, hoc onus imponeret. Unde meritò qui sunt in Sacris tenentur sub mortali ex Jure Canonico, & Ecclesiastico perfolvere Horas Canonicas. Sic communiter Canonistæ apud *Leandrum* part. 2. tract. 6. disput. 13. qu. 8. Versi. Negant deinde ibi, Teneri Subdiaconos ad Divinum Officium recitandum Jure Canonico, & Ecclesiastico, habito in cap. 1. de Celebr. Missar. quod (ut inquit Navarr.) ad verbum est caput Presbyter 91. dist. affirmant communiter Canonistæ, & alii apud Bonac., quos ipse sequi videtur, de Horis Canonicis disput. 1. quæst. 2. puncto 3. n. 1. Macbado lib. 4. par. 1. tract. p. doc. 14. n. p. Est autem, quod Diaconi, & Subdiaconi ad pensum Officii Divini non ex aliquo scripto, & Canonico Jure tenerentur, ut contendit *Leander* qu. cit. Versi. Sed probabilis: eo quia per ipsum, Navarr., & alios citati Textus, de solis Sacerdotibus loquuntur, tenentur tamen lege naturali divina, (inquit idem *Leander* Versi. c.) determinata per universalem consuetudinem, eos ad idem pensum obligantem sub mortali per omnes, nemine excepto; quod per omnes, ut patet ex dictis, non obligat Juniores Religiosos, nec Moniales. Consuetudo præterea perfolvendi privatim Horas apud eisdem & easdem non est tanti ponderis, nec adeo gravis, ut gravior censenda sit, quam lex de Jejunii, de Sacro audiendo, de Confitendo semel in anno, de Communicando in Paschate, & de similibus, ut opponit citatus Baldellus, nec ullus sanè Doctor id affirmabit. Hæc enim sunt Ecclesiæ Præcepta, per omnes, extra controversiam ad mortale obligantia. Non verò extra controversiam est, an obligent sub gravi culpa pervigilia Pentecostes, Sancti Joannis Baptistæ, S. Laurentii, & omnium Sanctorum, ut videre est apud *Pasquale*, de Jejunio doc. 171. & 172. Hinc soluta etiam manet altera oppositio P. Bardum. Verum, tot, tantisque præmissis

præmissis minimè obstantibus.

386 Optimè sciens, quod ait *Baldus consil. 122. l. 2. Raro bene loqui* (videlicet) *qui contra omnes loquitur*, puto, & ego non esse recedendum ab affirmativa communissima sententia, cujus fautores enumerat *Bardi qu. pr. cit. §. 2. n. 3. in fin.* non quidem omnes, quia hoc fortè nequit, sed usque ad septuaginta, quos omnes (non contentus ab aliis relatos) voluit in fonte legere, ut ipsemet testatur. Quorum omnium idem, unicuique fundamentum (ut apud eosdem videre est) Diuturna nempe, antiquissima, & immemorabilis consuetudo legitime præscripta; tot enim sunt sæcula, nedum anni, in quibus consuetudo ista suam retinet vigorem? Unde quamvis concederemus huiusmodi consuetudinem, initio sui, vim legis obligantis minimè habuisse, nihilominus temporis progressu incepit legitime præscribi, & consequenter transacto tempore ad prescriptionem requisito, vim legis habere cepit: eo pacto quo (ut notant Doctores in Tractatu de Legibus) incipiunt aliæ consuetudines: (etiam contra legem ipsam) præscribere? Initio enim vim legis non habent, sed pedetentim progredientes, continuando, transacto tempore à prescriptione requisito, strictè obligant, vimque legis habent. Et talis est consuetudo; de qua hic, ratione cujus Regulares Professi Juniores ad Chorum deputati, uti, & Moniales, obligantur recitare quotidie septem Horas Canonicas; easque sine rationabili causa omittendo, graviter delinquant, ex hac eadem efficaci ratione; quam admittunt, eiq; (uti basi super quam astringunt affirmativam hanc sententiam) unanimiter subscribunt innumeri [etiam primæ classis] Doctores, ad quos, expugnandos, eorumdemque encervandam, infirmandamve communem sententiam, non sufficit aliquorum paucorum Autoritas, absque manifesta, & evidenti ratione, ac sole clariore tali apparente. Addo præterea cum *Salmanticensib; to. 4. Theologie Moralium tract. 16. de Horis Canonicis cap. 2. punct. 2. n. 22. & 23.* Consuetudinem de qua, hic, persolvendi videlicet privatim Officiū Canonicum ab illis Religiosis Professis, non in Sacris Constitutis, & Monialibus, qui Chorum profitentur, & ex sua Professione Choro adiciuntur, non ex devotione dumtaxat, sed ex vero animo obligandi, fuisse introductam. Quod exinde constat: quia Doctores communiter tres assignant condiciones ad agnoscendū, quando consuetudo censeatur ex animo se obli-

gandi introducta, quas in hac de qua hic, negabit ullus reperiri. *Prima est*: quod materia sit gravis, à populo, vel à majori parte continuo observata, absque interruptione: quia non solent tanta firmitate servari, quæ solum ex devotione fiunt. *Secunda*: si Superiores graviter reprehendant, aut puniant non observantes talem consuetudinem. *Tertia*, cum prudentes, & timorati malè sentiunt de his, qui talem non observant consuetudinem, vel scandalizatur communiter populus existimans transgressores: talis consuetudinis peccare. Quis autem negabit in consuetudine, de qua loquimur, allatas condiciones inveniri? Et quis insuper cordatæ mentis affirmabit, constare, ex errore consuetudinem eandem fuisse introductam? Cum ergo constet de consuetudine, deque obligatione illius, debebat de ejus excusatione constare, ut ejusdem rueret obligatio. Licet enim modo observantes aliquo modo, errent, nescientes, unde ejus proveniat obligatio, an ex lege tradita? Ipsi tamen introductores consuetudinis haud sunt, eidem vim obligandi conferentes, sed eam in illa iam supponunt: à primis introductoribus communicatam. Probari autem nequit, illos primos Parentes, & Fundatores, qui hanc eandem consuetudinem introduxerunt, ex errore processisse: quin potius sicut in aliis rebus, credendum est, eos ex motione Spiritus Sancti inductos fuisse ad eam introducendam; ex certa scientia, vel saltem non ex errore, putantes, se aliqua Legge, Ecclesiastica adstrictos esse; sed se voluisse obligare, sive alias obligati essent: quia, illi non ad has versutias attendebant, sed ad id, quod magis Sanctum erat, atque perfectum, & quod majorem facultatem præbebat sine impedimēto Dominum obsecrandi. Ita *Salmanticenses loc. cit.* Sed

387 Dices ex parte Monialium, non potuisse ipsas saltem, consuetudinem hanc viribus firmare, quia sicuti femina nequeunt leges statuere, ita neque consuetudinem, quæ vim legis habet, ideoque *Bartolus in leg. prim. ff. de legib. nu. 7. ait*. Usus Mulierum non inducit consuetudinem. Respondeo negando absolute antecedens, falsum enim est consuetudinem vim legis habentem non posse introduci nisi ab habente facultatem ad condendam legem, aliter Civitates illæ, quæ sunt sub Dominio Principis non possent ullam consuetudinem obligantem introducere, quia illæ nequeunt legem condere: nihilominus oppositum constat, & docet *D. Tho. 1. 2.*

quæst. 90. art. 3. & qu. 97. art. 3. ad. 3. ubi quod non introducunt consuetudinem per modum legis, ex sua autoritate, sed ex consensu tacito, vel expresso Superioris: Si multitudo non habeat liberam potestatem condendi sibi legem, vel legem à Superiori potestate positam removendi, tamen ipsa consuetudo in tali multitudine prævalens, obtinet vim legis, in quantum per eos toleratur ad quos pertinet multitudini legem imponere, hoc enim ipso videntur approbare, quod consuetudo introduxit. Sunt verba Doctoris Angelici qu. cit. 97. artic. 3. ad. 3. in fine: cui adherent Suar. de Legib. lib. 7. cap. 9. n. 7. & 11. Salmanticenses punct. c. 2. n. 21. & alii, unanimiter ob eandem rationem, dicentes, communiter Mulierum, & Feminarum posse sua consuetudine jus inducere, sunt namque, & ipsæ capaces legis, & ad legum onera subiectæ, &c. Possunt igitur Mulieres consuetudinem introducere in iis, quæ ad ipsas spectant. Et ita etiam Montefinus in 1. 2. to. 2. disp. 23. qu. 13. n. 220. ubi sic ait (apud Dianam Coord. to. 6. trac. 2. ref. 22. Ex part. 6. tract. 5. ref. 11.) Quamvis verum sit, quod Mulieres Regulariter non possint introducere consuetudinem generalem obligantem omnes, etiam Viros; sicut Regulariter non sunt habiles ad condendas leges, bene tamen potest per Mulieres introduci consuetudo habens vim legis obligantis ipsas, non Viros. Ut si in aliquo loco esset consuetudo, quod Mulieres audirent Sacrum in Sabbato, vel jeiunarent Feria sexta in honorem Beate Virginis. Ita Montefinus, & Diana. Et idem etiam docent Azor. tom. pr. libr. 5. cap. 18. quæst. 11. & Salas de Legib. disp. 19. cap. 11. n. 91. fol. mibi 498. litt. B ubi expressè sic: Consuetudo Monialium, potest inducere legem, in iis videlicet, quæ ad ipsas spectant: quod affirmat Bardi qu. 2. c. 5. 2. num. 17. Vers. Respondeo posse: ubi refert etiam Rocabum de Curte cap. ult. de Consuet. sect. 4. nu. 53. & Petrum de Ravenna eodem tract. sect. 4. nu. 54. Recitare autem Horas Canonicas valde congruenter spectare potest ad feminas, atque adeò introduci poterit apud ipsas Moniales consuetudo recitandi easdem Horas, accedente maximè, implicitè saltem, Summi Pontificis consensu. Et quod Communitas feminarum possit sua consuetudine jus inducere, cum feminæ sint capaces legis, & ad onera legum teneantur, consequenter consuetudo Monialium, saltem si sit acceptata à Prælato, possit inducere legem Moniales obligantem, præter citatos, affirmant (& cum eodem Bartolo in lib. 2. Cod. que su long. consuetud.

n. 13.) Suar. m. cit. 11. & Bonac. 10. 2. tit. de Legib. in genere, & in particulari, disp. pr. qu. pr. punct. ultim. §. 3. proposit. 1. n. 15. Quo verò ad primum locum Bartoli in contrarium superius in argumento desumptum, respondent citati Suar., & Bonac.; Bartolum, ibi non negare simpliciter per feminas introduci posse consuetudinem, cum in hoc secundo loco oppositum asserat, Communitem scilicet feminarum esse capacem legis, atque adeò earum consuetudinem acceptam à Prælato, posse legem inducere. In citato autem primo loco, loquitur ipse de rebus, quæ ad Viros spectant, hoc est, non posse à Mulieribus induci consuetudinem contra legem ad Viros pertinentem, & ita etiam exponunt Bartolum plures alii, ut notat Bardi n. 17. cit. in fine, &c.

Adverto hic tandem circa obligationem, quam habent Regulares, etiam Moniales, recitandi Horas Canonicas, plura, & pulchra privilegia colligere, & recensere Salmanticenses in suo Theologie Moralit. Cursu, tom. 4. tract. 16. de Horis Canon. cap. 13. punct. 7. d. n. 51. usque ad 64. inclusivè, à pag. mibi 181. Videantur, & non pigebit.

PRIVILEGIUM XXVII.

Beneficiarius, qui ex ignorantia invincibili, vel ex inadvertentia, aut oblivione inculpabili Officium Divinum prætermittit, excusatur nedium à culpa, verum etiam à restitutione fructuum.

388 Qui tenentur Officium Divinum recitare, maximè Beneficarii, peccant utique mortaliter per omnes, illud non recitando, aut illius partem notabilem omitendo, quia violant Præceptum in re gravi ad virtutem Religionis pertinente, & ad Deum colendum, nisi eos excuset ignorantia inculpabilis, quæ illos indubiè excusat, ex præcedenti Privilegio in principio, uti etiam eosdem excusat inadvertentia, aut oblivio inculpabilis, vel iustum, ac rationabile impedimentum. Item qui tenentur ad pensum Divini Officii, & recitationem Horarum Canonicarum Titulo Beneficii, in ipsa recitationis omissione culpabili, hoc est, non excusante illum ignorantia, bona fide, vel alio legitimo impedimento, præter peccatum mortale, quod contra dictum Præceptum committitur ab eisdem, peccant ulterius contra Iustitiam, & duplex specie peccatum committunt, in Confessione

sione exprimendum: cum sit in eis duplex obligatio ad diversas virtutes spectans, scilicet ad Religionis virtutem ratione Ordinis; & Justitiæ, ratione Beneficii: *Paulus Squillas de Obligat. Clericorum par. 1. dub. 34. n. 71. in fine. Sanch. de Matrim. to. 3. lib. 9. disp. 15. n. 6. Bonacin. to. 1. de Horis Canon. disp. 1. qu. 5. punct. 1. proposition. 2. nu. 4. ubi etiam Layman, Suar., Garzias, & alii.* Hinc peccantes contra Justitiam ob omissionem Canoniarum precum tenentur ad restitutionem fructuum proprii Beneficii pro rata omissionis recitationis, ut patet ex *Concilio Lateran. sub Leone X. & ex Bulla Pii V. apud Navar. in Man. cap. 25. n. 122. Bonacin. qu. 5. cit. punct. 2. propoſitu. 1. nu. 1. & 2. & apud alios*, utriusque Pontificis Constitutiones percentesentes, in quibus exprimitur famosissima, & verissima illa Regula: *Beneficium datur propter Officium*, scilicet *Canonicum*. Ad restitutionem inquam fructuum receptorum proprii Beneficii ob dictam omissionem tenentur, quia per omnes sunt injuste præcepti, consequenter tunc temporis non facti proprii Beneficiarii, unde pro rata omissionis, seu omissioni respondentes, restituendi, & erogandi in fabricas ipsorum Beneficiorum, vel in Pauperum Eleemosynas, cum tunc temporis (ut dictum est) non faciant fructus suos.

389 Restituendi inquam à Beneficiario, nisi omiserit iste recitationem Officii Divini ex ignorantia, vel ex inadvertentia, aut oblivione inculpabili, ut in proposito Privilegio, quia hoc in casu, sicuti excusatur à culpa, ita etiam à restitutione fructuum. Et licet lex ista Ecclesiastica restitutionis fructuum, seu impositiva restitutionis, non videatur in rigore esse poenalis ex antecedent. non. Quia potius est declarativa injustitiæ, quæ committitur in omissione Horarum Canoniarum, & impositiva ob id restitutionis fructuum, tanquam injuste perceptorum, ut dicunt *Concil. Lateranen. & Pius V. Quod suaderi etiam potest*, eo quia Ecclesia nulli confert Beneficium gratis, sed cum onere, quare qui illud assumit, assumit cum illo onere, quod importat pactum, & conventionem. Unde ex violatione talis oneris, ac conventionis oritur obligatio restituendi, hinc ad restitutionem teneretur Beneficiarius, etiam si nulla lex id fieri præciperet. Quando verò ista lex præcipit fieri restitutionem, non videtur constituere jus de hoc, ita enim esset lex poenalis, sed potius declarare jus, & obligationem restituendi ortam ex obli-

gatione Justitiæ. Et licet inquam hoc: nihilominus Doctores de hac eadem Ecclesiastica lege loquentes (etiam ad nostri Privilegii rem) appellant ipsam poenalem; Ita præsertim *Reginald. to. 3. l. 30. tract. 3. c. 4. sect. 4. n. 44. Vers. Quartum est, fol. mibi 710. Ubi ait: Ab hac obligatione restituendi, excusare posse, tum materie parvitatem, tum ignorantiam, oblivionemque inculpabilem, quia imponitur ob peccatum mortale, quod salutis sue immemor parvipendens, temporali poena urgetur exequi, quod tenetur. Parvitas autem ea materia contingit ex parte Horarum Canoniarum, cum omisso non est tanta, ut constituit peccatum mortale. Idemque Privilegium recentent, & admittunt: *Naldus Verbo Officium Divinum n. 15. (ibi) Officium Divinum recitare omittens Beneficiarius ex oblivione, vel ignorantia invincibili, videtur excusatus à restitutione fructuum, nedum quo ad fructus consumptos, sed simpliciter de omnibus: & ratio est, quia sumus in materia poenali, & ideo est restringenda ad Casum culpe. Garzias de Beneficiis to. 1. par. 3. cap. 1. n. 23. Vers. Subinfertur etiam. Squillas par. 1. cit. dub. 32. n. 67. ubi sic arguit, fol. mibi 40. col. 1. Vers. Aliqui simpliciter in fine: In Concilio Lateranen. excusatur, qui Officium non dixerit ex legitimo impedimento, sed naturalis oblivio, vel ignorantia invincibilis censeri potest legitimum impedimentum. Merolla to. 1. disp. Moralium Theologicar. disp. 1. cap. 2. Coroll. 2. n. 56. Vers. Confirmari potest, fol. mibi 16. Lefi. de Just. lib. 2. cap. 34. dub. 32. n. 183. qui pariter sic Beneficiarii non habent absolutum dominium fructuum, etiam ante perceptorum, nisi postquam Officium temporis illi respondens dixerint; vel certe absque culpa prætermiserint: nam expresse dicit Pontifex, & Concilium. (Us fructus non faciant suos, si cessante impedimento Officium omiserint.) Et sequitur, Eos, qui per ignorantiam inculpata omiserint, non teneri ad restitutionem. Suar. de Relig. tom. 2. lib. 4. Tit. de Horis Canonici cap. 30. n. 16. Bonac. to. 1. de Horis Canon. disp. 1. qu. 5. punct. 2. n. 4. & alii. Unanimiter concludentes (ut in Privilegio nostro) quod quando non intervenit culpa, nec incurritur hæc restitutionis obligatio (seu poena, ut loquuntur) & ubi Beneficiatus à culpa, excusatur; & à poena excusetur. Et ait *Suar. n. cit.* verum non esse quod quidam sentiunt, non recipi videlicet fructus, seu stipendium ab eo, qui de facto non exhibet servitium, hoc est, non recitat Officium propter quod ei debetur stipendium tum quia non exhibet servitium ad quod ex Justitia tenetur, tum etiam quia illa**

lex non est tantum poenalis, sed etiam conditio, sub qua datur tale stipendium: Negat inquam *Suar.* hanc secundam partem, idest, quod talis lex sit etiam conditio, ut faciat sensum, tibi do Beneficii fructus, si Horarias preces recitaveris: quod, & negat *Azor. 10. 1. lib. 10. cap. 14. qu. 7.* Quia lex ista per ipsos poenalis est, ideoque restringenda, ut non imponat poenam, nisi ibi intercesserit culpa. Unde non debet intelligi ipsam esse quasi conditionem affirmativam: Si Officium dixerit, sed negativam, scilicet: si non omiserit Officium, seu non intermiserit (ut ait *Pius V.*) utique culpabiliter, seu voluntarie, hoc enim est propriè omittere. Adde, quod Concilium, & Constitutio *Pii V.* habet: Si Officium Divinum non dixerit legitimo impedimento cessante, restituat. Naturalis autem oblivio, vel ignorantia invincibilis, legitimum impedimentum à Doctoribus citatis censetur, & est. Et infra ait: Eos tanquam injustè perceptos, igitur ad restitutionem exigit titulum injustæ acceptionis. Item inquit infra: Si ultra dictum tempus in simili negligentia permanserit, ubi expende particulam illam in simili, hæc enim supponit debere esse omissionem ex negligentia culpabili. Ergo ubi non intervenit culpa, non incurritur hæc poena, seu per nos, obligatio restitutionis ex Iustitia, ut supra. Sicuti nec incurritur huiusmodi poena, seu obligatio restitutionis fructuum à Parocho non residente sine causa, ex ignorantia poenæ latæ à Tridentino sess. 23. cap. 1. de Reform. Quod etiam habet expressè, *Thomas Hurtado de Residentia tom. 1. lib. 4. ref. 5. subref. 1. pag. mibi 163.* Sequentibus verbis: Si Parochus bona fide ignorans invincibiliter poenam latam à Tridentino contra non residentes, non resideat ultra bimestre, aut invincibiliter iudicet causam absentia esse sufficientem, cum postea intelligat non fuisse talem, non tenetur restituere pro rata absentia, quia jure naturali facit fructus suos, & à poena excusat ignorantia, etiam juris pro foro externo, licetque verum Privilegium nostrum. Sed

390 Quæres primò. An Beneficiarius non habens Ordinem Sacrum, peccet lethaliter non recitando Officium Divinum, cum animo tamen restituendi fructus. Ratio quæsitæ est, quia cum ex una parte, obligatio recitandi Officium in eo fundetur, quod Beneficiarius accipiat Beneficii fructus in stipendium, & mercedem sui laboris (Beneficiium enim datur propter Officium) idcirco peccare videtur contra Iustitiam accipiendo fructus, nec satisfaciendo debito sui Officii: ex altera parte videtur

quod cesset culpa, & injustitia, eo ipso quod Beneficiarius nihil prorsus vult sibi accipere ex fructibus, aut emolumentis Beneficii, sed vult eos integrè expendere in fabrica eiusdem Beneficii, vel in usus pauperum ad quos solum *Pius V.* obligat in sua Bulla contra Beneficiarios non recitantes Officium.

391 Respondeo: Cum *Joanne de Lugo lib. 5. Responsorum Moral. dub. 6.* peccare absolute lethaliter: Tum quia, intentio, & animus restituendi omnes fructus non impedit lethale peccatum omissionis recitare Officium Divinum: independenter enim ab obligatione restitutionis fructuum; extat Ecclesiæ Præceptum obligans Beneficiarium ad dictam recitationem, cui Præcepto, quod jam antea extabat, aliud accessit postea *Leonis X. in Concil. Lateranen. & Pii V. in sua Bulla*, obligans ad restituendos fructus pro rata Officii omisso: Unde sunt hic duo Præcepta. Quamvis ergo Beneficiarius nolens retinere fructus Beneficii correspondentes omissioni Officii non peccet contra secundum Præceptum restituendi fructus; non liberatur tamen à transgressione primo antecedenter obligantis ad recitationem Officii Divini. Tum quia. Et si ab Ecclesia (ut optimè etiam arguit idem *De Lugo dub. c. n. 3.*) non sit imposita obligatio primis sex Mensibus ab adepta possessione Beneficii restituendi fructus ob Officium Divinum non recitatum, nihilominus obligationem habet sub mortali Beneficiarius recitandi Officium etiam in illo semestri, ut declaravit idem *Pius V. in prædicta Bulla*; ergo obligatio recitandi Officium non dependet ab obligatione restituendi fructus, sine hac enim obligatione invenitur illa. Nil minus ergo perseverabit eadem obligatio recitandi toto tempore sequenti independenter ab obligatione restituendi fructus. Tum quia, repugnat quem excusari ab onere recitandi Officium, & obligari ad restituendos fructus. Vide eundem *De Lugo dub. 6. c.* Hinc

392 Inferas cum *Sanch. to. 1. Confil. lib. 2. cap. 2. dub. 16. n. 2.* Quod nesciens Officium Divinum recitare, licet peccet acceptando Beneficiium, quia tamen non peccat non recitando, & omitendo Horas, durante impotentia recitandi ob ignorantiam, & defectum Directoris, pro eo tempore, quo recitare nequit, nec habet instructorem, non tenetur restituere fructus. Et idem dicendum est de non recitante ob defectum Breviarii, vel aliam impotentiam, licet culpa sua in eam impotentiam inciderit.

Ita *Sanch. n. c.* (ubi refert etiam *Navar. in cap. Quando.*) Qui etiam *dub. 61. antecess. n. 4.* cum eodem *Navarr.*; & aliis: pariter excusatur, à recitatione Horarum eos, qui ignorant latine legere, modo dent operam, ut id discant: Quia videlicet pro tunc sunt impotentes ad recitandum, & ratione huiusmodi impotentie (ut etiam supra) excusantur, qua postea cessante impotentia, & impedimento, cessat excusatio. Quia, in omnium Doctorum sententia, habens Ecclesiasticum Beneficium tenetur ad Horas Canonicas. Et sicut Sacer Ordo sine Beneficio obligat ad Horas: Ita Beneficium Ecclesiasticum absque Sacro Ordine ad easdem obligat: Quia Beneficium datur propter Officium, *cap. fin. de rescriptis. in 6.* ut etiam clare habetur in *Decreto Concilii Lateranen. sub Leone X. sess. 9. §. Statuimus: & in Motu proprio Pii V. Videatur Sanch. cap. cit. 2. dub. 58. fol. mibi 229.*

393 Quæres secundò. Cui teneantur restituere fructus, Beneficarii non recitantes Horas Canonicas. Respondeo restituendos esse fructus fabricæ Beneficiorum, ubi sunt Beneficia, vel Pauperibus: sic enim expresse habetur in *Concilio Lateranen. & Motu proprio Pii V. in præcedentibus relatis, & apud Sanch. cap. 2. c. dub. 37. n. 1. Bonacin. de Horis Canon. disp. 1. qu. 5. punct. 4. propos. Unica, nu. 1. Lessi. de Just. lib. 2. cap. 34. dub. 32. n. 177. Gobat in Alphabeto Breviarii recitandi Casu 23. num. 581. & communiter. Restituendi autem sunt fructus fabricæ, licet ea sit distissima (infert *Sanch. dub. c. nu. 2.* cum aliis.) Ratio est, quia faciunt id, quod iubent Concilium, & Pius V. præcipientia hanc restitutionem. Et fabricæ illius loci ubi Beneficium situm est, seu Ecclesiæ Beneficii. Notat tamen *Bonac. l. c. n. 2.* cum aliis, & bene, posse fieri etiam in utilitatem fabricæ Domus Beneficii, ut Domus in qua Beneficiarius habitat, vel alterius Domus ipsius Beneficii, vel etiam in emendis, aut meliorandis agris, ut fructus in perpetuum augeantur: hæc enim sub fabricæ nomine continentur, & comprehenduntur: eo magis quia in *cit. Juribus* (ut observat etiam *Suar. cap. c. 30. nu. 19.*) non fit restrictio in fabricas Ecclesiæ Beneficii, sed dicitur, In fabricas ipsorum Beneficiorum, ut patebit legenti *Pianum Motum proprium*. Ex quo colligitur DD. citatis, Beneficiarium, qui Divinum Officium omisit, nequire restitutionem facere in alterius loci utilitatem; quia Pius V. mentionem facit fabricæ Beneficii, non verò alterius loci, & in consequens*

Beneficiarius, qui Officium prætermisit, non potest fructus insumere in Edificationem Ecclesiæ, vel reparationem bonorum, alterius Beneficii.

394 Limitat tamen *Bonac. sub c. num. 2. Vers. Hoc tamen*, nisi huiusmodi restitutio redundet in utilitatem pauperum, qui in eo loco aluntur: Ratio est, quia restitutio fabricæ, restricta quidem est, ut fieri debeat fabricæ Beneficii, & ubi Beneficium situm est; at pro pauperibus, non est adeò restricta, unde fieri potest pauperibus sive illius loci ubi situm est Beneficium, sive alterius. *Lessi. nu. c. 177. Suar. cap. c. n. 20. Vers. Ergo hoc. Bonac. l. c. n. 3. & alii.* Non est inquam adeò restricta, tum quia Bulla, & Concilium loquuntur generaliter de pauperibus: tum quia hoc mitius est, & reddit faciliorem restitutionem. Et hinc est, quod si Beneficiarius ipse, qui debet restituere fructus, sit verè pauper, potest sibi eos retinere, sibi que paupertatis titulo applicare. Ratio est, tum quia cum verè pauper sit, non debet esse deterioris conditionis, quam alii pauperes: tum quia in prædictis Juribus non excluditur, & hæc est elemosyna, quam non tam ipse sibi, quam Pontifex per eum facit. Ita *Navar. in Man. cap. 25. n. 122. in fine, & n. 123. in princip. Suar. cap. c. num. 18. Tolet. lib. 2. cap. 12. in Advocatione n. 5. Sanch. dub. c. 87. n. 3. Lessi. n. c. 177. Bonac. l. c. nu. 8. aliiq. plures apud eisdem.* Advertit tamen *Lessi. n. c. in fin. & cum ipso Bonac. l. c. sub n. 9. Vers. Adverte tamen.* Quod quando res est occulta, & restituendo distributiones, vel alios fructus, suam peccatum proderet Beneficiarius, & periculum infamie immineret, posset in alios pios usus expendere. Nota hic tamen obiter, cum *Tolet. nu. cit. in princip. & alii*: quod quando restitutio est distributionum (quas Canonici, vel Beneficiati ex Ministerio, vel Choro habent) tunc non debet fieri, nisi ipsis Canonicis, & Beneficiatis; qui Officio interfuerunt, cum eisdem accrescant distributiones ex absentia aliorum, ac inter ipsos soleant tales redditus distribui: Nam quandores habet certum Dominum, non debet reddi pauperibus: ita, & optimè *Tolet. nu. cit.* (ubi concedit quidem, & ipse, cum communi, quod possit aliquando accidere, ut ille Beneficiarius, qui restituere tenetur, sit aliquis pauper, & meritò consequenter possit ei elemosyna conferri, sed tunc [addit] iudicio Confessoris posse illum sibi reservare, sed dummodo inde non occasionem sumat vacandi ab Officio.) Cui addo

Navarr. in Man. n. c. 123. Versu Nota Quarto, ubi, & ipse expressè sic: *Non sufficit prædictam restitutionem facere fabricæ, vel pauperibus, quando restituenda sunt lucra facta per distributiones quotidianas, quæ debentur illis, qui horis illis diebus, in quibus illi non recitarunt, interfuerunt, quibus accrescunt, & non sufficit dare pauperibus, quod debetur alteri: arg. c. Ea te, de iure iur. nisi quando ignoratur quis sit, Cap. Cum tu, de Usur. ubi Glos. cum communi. Et idemmet habet Sanchez in Consiliis cap. c. 2. dub. 88. nu. 3. ubi ponit sequentem conclusionem: Quantum ad distributiones quotidianas, quæ sunt in Cathedralibus, & Collegialibus, quando quis amittit illas ex eo, quod non assistit Horis Canonicis, debent distribui inter eos, qui interfuerunt Horis illis diebus. Et probatur, quia in *Trid. sess. 21. cap. 3. de Reform.* decernitur, ut omnes distributiones quotidianæ dividantur inter eos, qui divinis interfunt Officiis. Et quamvis prima facie huiusmodi Decretum videatur esse contrarium alteri Decreto ejusdem *Trid. sess. 22. cap. 3. in quo* statuitur, quod distributiones absentium applicentur fabricæ Ecclesiæ, quatenus indigeat: vel alteri Pio loco, arbitrio Ordinarii: Non tamen contrarium est (ut notat etiam Sanchez l. c. n. 4. cum Navarr.) prius namque Decretum, intelligitur de distributionibus, quæ dividi solent inter assistentes Divinis Officiis: posterius verò de distributionibus, quæ amittuntur ab illis, qui non adimplent onera particularia ab Episcopo sibi imposita: qui (ut ibi decernitur) perdunt nedum distributionem, quæ sibi datur propter illud onus, sed totam illius diei distributionem: sic enim ait Concilium in posteriori Decreto: *Qui eas (distributiones videlicet) obtinent, si personaliter competens sibi servitium juxta formam ab eisdem Episcopis prescribendam, quolibet die statuto non impleverint, illius diei distributionem amittant, nec ejus quovismodo Dominum acquirant, sed fabricæ Ecclesiæ, quatenus indigeat, aut alteri Pio loco, arbitrio Ordinarii applicent.**

395 An verò fructuum restitutio ob omissionem Officii, sicuti fieri potest pauperibus, fieri etiam possit in celebrandis Missis, vel in aliis Suffragiis offerendis pro Defunctis? Respondere affirmativè cum *Suar. cap. c. 39. nu. 18.* Ratio quia membrum de elemosynis pauperum, potest hic habere satis latam interpretationem ex dictis, & Doctoribus. Hinc si Sacerdos pauper sit non erit ab hac restitutione alienum (inquit *Suar.*) dare illi elemosynam cum

onere celebrandi Missas aliquas, præcipue si in satisfactionem offensæ Deo factæ non recitando, vel pro illis fidelibus, qui fructus Beneficiorum persolverunt, dici præcipiantur. Tum quia, si vivis pauperibus fieri possunt elemosynæ ex talibus fructibus, & bonis, poterunt etiam fieri pauperibus Defunctis, dando elemosynas, ut pro illis fiant suffragia, & Sacrificia. Unde ad opera illa omnia, quæ comprehendendi possunt sub pauperum elemosynis, fieri potest extensio, non tamen extra illa. Huic responsioni, & doctrinæ subscribit etiam (cum aliis) *Bonac. l. c. n. 4.* ubi expressè concedit, hanc restitutionem fieri posse in celebrandis Missis, vel in aliis Suffragiis pro Defunctis offerendis, cum etiam Defuncti sint indigentes. Concedit tamen cum limitatione, quam assert infra n. 9. (quam ponunt etiam ante ipsum, idem *Suar. l. c. n. 17. & alii.*) Modò videlicet, aliud non constet, aut aliud rationabiliter non præsumatur de voluntate Summi Pontificis. Item, modò ex lege, vel consuetudine, aut statuto aliquo particulari approbato non sit faciendæ, & applicandæ ad certum aliquod opus pium; aut non sit faciendæ aliis Canonicis, vel Clericis ejusdem Ecclesiæ, quibus accrescat, ut accidit in distributionibus quotidianis, *Cap. 1. de Clericis non resident. in 6. & Trident. sess. 21. cap. 3. & sess. 24. cap. 12.* Ratio est, quia nec Concilium, nec *Pius V.* intendunt derogare huiusmodi Statutis, consuetudinibus, legibusque; sed solum determinare, cui faciendæ, aut applicandæ sit talis fructuum injustè perceptorum restitutio, quando alias non est determinatum. Et in eventu quod hoc determinatum sit, nec Beneficiarius pauper potest sibi fructus restitutioni obnoxios applicare titulo paupertatis, ut concludit etiam *Bonac. n. c. 9. Vers. Secunda limitatio*, cum aliis ibi relatis.

396 Et ex his patet quid dicendum sit de Pensionario: Affirmandum enim est, Pensionarium qui tanquam Clericus recipit fructus, & Officium Parvum Beatissimæ Virginis omisit, teneri ad restitutionem, eo modo, quo tenetur Beneficiarius, ut constat ex *Bulla Pii V.* in qua Summus Pontifex eandem obligationem ei imponit, ut sequitur: *Quicumque Pensionem, fructus, aut alias res Ecclesiasticas, ut Clericus percipit, eam modo prædicto ad dicendum Officium Parvum B. Virginis. Mariæ decernimus obligatum, & Pensionum, fructuum, rerumque ipsarum omissioni obnoxium.* Dum ergo *Pius V.* dicit absolute, Pensionarium non roci-

tantem

tantem esse obsequium amissioni fructuum modo predicto. Et modus predictus erat, ut non recitans, non faciat fructus suos, sed eo ipso maneant applicati fabricæ, vel pauperibus, clarum est, quod eadem dispositio procedit in fructibus Pensionum, ac in fructibus Beneficiorum. Vide *Suar. cap. c. 30. n. 21. Bonac. qu. 5. cit. punct. 2. nu. 21. Vers. Septimo patet*, & alios quos ipse ibi refert.

397 Quæres tertio: Quæ quantitas fructuum restituenda sit à Beneficiario ob omissionem recitationis Horarum Canonicarum? Respondeo. Illa quantitas quam determinat *Pius V. in suo Motu proprio*, quamque sic describit: *Qui Horas Canonicas uno, aut pluribus diebus intermisit, omnes Beneficiorum suorum fructus, qui illi, vel illis diebus responderent, si quotidie dividerentur; qui vero Matutinum tantum, dimidium; qui ceteras omnes horas, alteram dimidium; qui harum singulas, sextam partem fructuum ejus diei amittat*. Ita statuit Summus Pontifex *Pius V.* verè pie, & iustè; nec ullus quem viderim DD. revocavit in dubium, an hujusmodi *Motus proprius* sit usu receptus, licet non ubique nec apud omnes in eodem rigore interpretatus, ut sonant corticis ejusdem verba. Unde lex hic definit restitutionis quantitatem pro singulis horis, ut quilibet Beneficiarius sciat quid pro singulis, vel illarum partibus omisit, restituendum sit. A qua restitutione non liberatur qui intenderet alio die supplere defectum in recitatione commissum, quia obligatio recitandi est diei affixa, & transit cum ipso die, & sicut ille non satisfacit Præcepto Jejunii, aut Missæ, qui alio die ab Ecclesia non præscripto jejunat, vel Missam audit, neque pariter satisfacit Præcepto Divini Officii, qui alio die illud recitat, qui enim illud omisit, jam contraxit obligationem ad penam à Superiore impositam (ad cujus executionem tenetur etiam ante Judicis sententiam) unde non potest (uti inferior) auctoritate propria eximere se à pena, quam contraxit, ex lege citata *Pii V.* in qua habetur absolute, eum, qui non recitat suo tempore Officium non facere fructus suos pro rata omissionis: Ita etiam Doctores generatim. Sed vide *Dianam Coordin. to. 3. tract. 6. resp. 114. Ex par. 9. tract. 9. & Miscell. 4. resol. 24.* Vide etiam ejusdem *Tractatus* (qui est de *Horis Canonicis*) resolutiones sequentes, in quibus proponit, & resolvit fere omnes difficultates vertentes circa obligationem restitutionis fructuum quam habent Beneficarii ob

omissionem recitationis Horarum Canonicarum. Item vide *Layman lib. 4. tract. 2. c. 5. n. 2. Vers. Quæres quanta*. Gobat in *Alphabet. Brevariū recitandi Casu 23. à num. 581. Vers. Dico 6.* & alios apud ipsos, & superius citatos.

398 Solum hic ultimo loco noto cum *Sancti. in Consiliis lib. 2. cap. 2. dub. 87. n. 4.* Quod Beneficiarius, qui noluerit integros fructus injustè perceptos restituere, remedium habet optimum, ut componat videlicet se de talibus fructibus cum Papa, vel ejus Nuncio, si habet à Papa eam facultatem: in qua compositione minor est scrupulus, quam in aliis, etiam si Papa pro parva parte remittat reliquum, dummodo fiat Papæ vera, & integra relatio. Et ratio est clara, quia hæc obligatio restituendi ex solo Decreto Pontificio confurgit ex dictis, ergo Papa potest illam remittere, per compositionem: & ita etiam alii Viri Docti, apud eundem *Sancti. l. c.*

PRIVILEGIUM XXVIII

Alloquens Moniales cum ignorantia crassa excommunicationis, ac prohibitionis, excusatur à Censura nedum, verum etiam à peccato mortali.

399 **P**onit hoc idem Privilegium, & sub iisdem ferè verbis, *Merolla to. 1. Moralium Disp. disput. 1. cap. 2. Corol. 13. diff. 1. nu. 586.* & probatur, tum ex his quæ docui *Privileg. 8. 9. & 10. hujus Cap.* Tum quia hæc excommunicatio non fertur pro facto, jure naturali damnato, non enim prohibetur hic res intrinsecè mala: Cum igitur solum hic prohibuitur sit, ne quis loqui præsumat, seu (quod idem est) ne scienter quis loquatur cum Monialibus, eo ipso, quod quis ignoranter loquitur, etiam crasse (ut probavi in *c. Privilegiū* non facit contra Præceptum, ac proinde excusatur, & à Censura, & à mortali peccato. Si verò quis scientiam haberet prohibitionis, ignorantiam verò excommunicationis, excusaretur quidem ab excommunicatione, ut constat ex his quæ docui *Privileg. 3. & 4. hujus Cap.* & ex dictis etiam ab eodem *Merolla*, tum hic, tum superius sub eodem *cap. 2. dub. 3. n. 78. Vers. Ex dictis, fol. mibi 20.* Non verò excusaretur à peccato mortali: quia tunc scienter faceret contra Prælati Præceptum. Vide *Petrus Bellocbium de Casib. reserv. par. 2. qu. 4. n. n. 523. & 524.*

400 Addit autem, & optime, idem *Merolla*

Merolla sub eodem c. n. 586. quod quamvis loquens cum Moniali, cum ignorantia crassa excommunicationis, ac prohibitionis non peccet mortaliter peccato ejusdem speciei, quod committeret, si scienter alloqueretur: nihilominus non omnino excusatur à peccato, repugnat enim, quod ignorantia sit vincibilis, uti est crassa ignorantia, & operatio quæ ab ea procedit, non sit culpabilis, nam si vincibilis, ergo culpabilis, consequenter operatio ex illa proveniens culpabilis erit, atq; peccatum, quod in casu hoc, in specie erit, incauta, seu temerariæ locutionis; & reductivè contra idem Præceptum, ac virtutem, contra quæ esset, si scienter admitteretur. Non erit tamen hoc peccatum reservatum, unde quilibet Confessarius, poterit ab eo absolvere: Ita *Merolla l. c.* ejus doctrina.

401 Confirmatur ex alia simili, quam tradit idemmet, *Cap. eod. c. 2. Corollario 7. Difficult. 1.* in qua querens. *An legentes libros hereticorum, ignorantia crassa, excusetur non solum ab excommunicatione, verum etiam à peccato mortali,* tradit nu. 323. fol. mihi 56. sequentem responsionem, & doctrinam: *Dicendum existimo legentes libros hereticorum, ignorantia crassa, non excusari à peccato mortali; repugnat enim, quod ignorantia sit vincibilis, & operatio, quæ ab ea procedit, non sit culpabilis.* Adde tamen hoc peccatum non esse ejusdem speciei cum eo, quod admitterent, si scienter legerent; ex quo provenit, quod non incurrant excommunicationem, latam contra scienter legentes: quia hæc pena est annexa huic culpæ, & non illi, ut clare patet ex verbis Bullæ. Ut autem hæc nostra assertio melius intelligatur. Sciendum est, ad rationem, & essentiam peccati, requiri necessariò aliquam scientiam, seu cognitionem: nam de intrinseca ratione peccati est, ut sit voluntarium; at verò voluntarium includit in sua essentia aliquam cognitionem, ut constet ex definitione voluntarii, *Cap. 1. Dub. 1.* Hæc autem scientia, seu cognitio, non eodem modo requiritur in omni specie peccati. In aliquibus enim requiritur tantum, ut conditio necessaria, ut actus sit voluntarius, & humanus; & hoc modo requiritur in peccato homicidii, ex quo fit, ut homicidium, ignorantia vincibili commissum, sit ejusdem speciei cum eo, quod scienter fit, nam cum ignorantia vincibilis non tollat voluntarium, ut patet ex dictis *Dub. 7.* ideo manente voluntario; & substantia homicidii exterioris, erit peccatum ejusdem speciei, ac si esset scienter perpetratum. Alia vero sunt peccata, quæ requirunt aliquam cognitionem, non solum tanquam conditionem necessariam, ut

actus sit humanus, ac voluntarius, verum etiam ut circumstantiam substantialiter requisitam ex parte obiecti formalis specificantis peccatum: quare, ablata hac cognitione, etiam si remaneat voluntarius sufficiens, ut actus sit humanus, & peccaminosus, non tamen illud est peccatum ejusdem speciei, ac si scienter admitteretur: quia non adest ea circumstantia cognitionis ex parte obiecti formalis necessariò requisita, ut peccatum sit talis speciei. Exempli gratia, peccatum infidelitatis, seu hæresis, quod quis committit negando aliquem articulum fidei, necessariò requirit, ut quis habeat notitiam, quod in articulus proponitur ab Ecclesia, tanquam à Deo revelatus, ac necessariò credendus: Quare si aliquis neget illum articulum, ignorando hanc propositionem Ecclesiæ, non dicitur infidelis, quantumvis ignorantia sit vincibilis, & crassa, ut probavimus *dub. 12.* quamvis non excusetur à peccato mortali, quod tamen non est infidelitatis, sed alterius speciei, ut dixi *dub. 13.* Idem est in peccato mendacii, & perjurii. Si quis enim dicit falsum ignoranter, quod tamen putat esse verum, non peccat peccato mendacii, & consequenter si adest juramentum, non dicitur propriè perjurus, quantumvis ignorantia fuerit vincibilis, & crassa, ut dicimus *dub. 18. n. 662.* sed non excusabitur omnino à peccato mortali, quod tamen erit diversæ speciei à mendacio, & perjurio. Ex quo fit non incurere excommunicationem, latam contra perjuros, seu falsum deponentes in judicio, ut dicimus dicto *dub. 18.* Sicut, quantumvis negans aliquem articulum fidei, ignorantia crassa, peccet mortaliter, non tamen incurrit Censuras, latas contra infideles, seu hereticos, quia illud non est propriè peccatum infidelitatis, seu hæresis, ut dixi.

402 Quod si querat, unde proveniat, quod in aliquibus peccatis, scientia, seu cognitio requiratur, ut circumstantia, substantialiter requisita ex parte obiecti formalis, specificantis peccatum, in aliis verò non. Responderi potest id provenire ex natura præceptorum, quibus aliquid vetatur, vel præcipitur. Sunt enim aliqua præcepta, quæ eam scientiam postulant, vel explicitè vel implicitè. Exempli gratia, præceptum naturale de non mentiando, nihil aliud vetat, nisi ut non proferamus dicta, non consona menti, & sic non dicitur quis mentiri, nisi aliquid asserat, putans non ita se habere quantum in hoc erret. Et è contra, si quis dicit, quod à parte rei est falsum, & ipse existimat, esse verum, non dicitur mentiri, quantumvis vincibiliter erret, quia jam dictum, est menti consonum. Et in præceptis positivis, exemplificari potest in Casu nostræ Bullæ, quæ prohibet, ne quis scienter legat libros hereticorum, & ita clare petit scientiam,

scientiam, tamquam circumstantiam substantialiter ex parte obiecti requisitam. Similiter præceptum fidei eandem scientiam, saltem implicite, postulare videtur; per illud enim nihil aliud præcipitur, nisi quod unusquisque, habita notitia, quod aliquis articulus ab Ecclesia proponitur, ut credendus, tamquam à Deo revelatus, illi assensum præbeat. Quare notitia propositionis Ecclesie, est circumstantia substantialis, ex parte obiecti requisita. Alia verò sunt præcepta, quæ non censentur ita imponi, ut hanc scientiam requirant. Ut est præceptum naturale de non occidendo, & Ecclesiasticum, de non vescendis carnibus die Veneris, audiendi Missam diebus festis, &c. Et hinc provenit, quod peccata contra hæc præcepta posterioris generis, semper sunt ejusdem speciei, sive scienter, sive ignoranter admittantur: secus verò est de peccatis contra præcepta prioris generis. Quamvis Cajetanus, etiam in peccatis contra præcepta posterioris generis, id neget, saltem, quando ignorantia est facti, ut dicimus dub. 18.

403 Sed dices, si legens libros hereticorum, ignorantia crassa, peccat mortaliter, & non peccato ejusdem speciei cum eo, quod admittitur, scienter legendo; quod nam peccatum illud erit, & cujus speciei, & contra quam virtutem? Responderi potest, esse in specie incaute, seu temerarie lectionis. Sicut dicit Cajetanus, juxta suam opinionem, de eo qui sagitta occidit hominem, ignorantia vincibili, putans esse feram; inquit enim peccare mortaliter, non peccato homicidii, sed incaute sagittationis, ut videbimus d. dub. 18. Similiter qui dicit falsum ignorantia vincibili, credens esse verum, peccat quidem, non peccato mendacii, sed incaute, ac temerarie assertionis. Quod aperte colligitur ex D. Augustino in Enchirid. ad Laurentium cap. 18. Et lib. de Mendacio cap. 3. & 4. ubi ait, cum, qui incaute dicit falsum, quod putat esse verum, non esse arguendum vitio mendacii, sed temeritatis. Et idem dici potest de eo, qui ignorantia vincibili, asserit aliquid contra fidem. Omnia autem hæc peccata ignorantem admittit, dici potest, esse reductivè contra eandem virtutem: contra quam sunt scienter commissæ. Et idem tandem affirmari potest (cum eodem Merolla) ob eandemque penitus rationem, de eo, qui loquitur cum Moniali, cum ignorantia crassa excommunicationis, ac prohibitionis, videlicet, quod non peccet mortaliter peccato ejusdem speciei, quod admitteret scienter loquendo, sed in specie incaute, & temerarie locutionis, & reductivè contra idem Præceptum, ac virtutem, contra quæ esset, si scienter admitteretur. Vide eundem Merollam disp. 1. cap. 2. dub. 12. fol. 34. ubi

n. 177. affirmat (ut probabilius) nullum errorem contra fidem ex ignorantia vincibili, etiam crassa, commissum, esse hæresim. Reduci tamen ad hæresim, affirmat cum aliis (sicque loquitur consequenter) Dub. seq. 13. Quod, & confirmat Dub. seq. 18. n. 662. Uti, & cum communi postea, & verissima sententia concurret n. anteced. 661. fol. mibi 114. sciendo peccata contra dicta Præcepta prioris generis ex ignorantia vincibili commissæ, esse ejusdem speciei, cujus essent, si scienter admitterentur, sive sit ignorantia juris, sive facti, sive juris naturalis, sive positivi. Videatur. Sed

404 Quæres primò. Si quis colloquatur cum Moniali, cum scientia prohibitionis, & ignorantia vincibili excommunicationis, ita ut excusetur ab excommunicatione, non verò à peccato mortali contra prohibitionem Prælati, remanet ne ejusmodi peccatum reservatum Ordinario, sicuti reservata est Censura, ita ut absolvi nequeat ab iis Confessariis, qui à reservatis non possunt absolvere? Respondeo, posito quod quis verè sciat id esse prohibitum, etiamsi ignoret excommunicationem annexam, ejus peccatum adhuc remanere reservatum. Ita etiam Merolla cap. c. 2. difficult. 11. n. 642. Vers. At omnino, fol. 111. Ratio est, quia Ordinarius sibi reservat non solum Censuram, sed etiam Casum ipsum, seu peccatum, ut clare constat, quoniam reservat sibi casus annexam habentes Censuram, ergo utrumque sibi immediatè reservat. Quod etiam patet ex eo, quia sibi etiam reservat alios casus, nullam habentes censuram: propter connexionem igitur cum Censura, non desinunt illi casus esse immediatè reservati. Nec est eadem ratio de censuris Summo Pontifici reservatis. Nam Summus Pontifex immediatè sibi reservat censuras, & quasi mediatè casus, propter connexionem videlicet cum censuris, idcirco si quis à Censura, ob ignorantiam excusetur, casus, seu peccatum non remanet reservatum. Ita etiam Merolla n. c. Vers. c. cum quo n. seq. 643. (ne hic erret quis, ex doctrina Suar. de Pen. disp. 19. sec. 2. n. 8. & Sanchez. in Summ. lib. 2. cap. 8. n. 5.) adverte, in Censuris Summo Pontifici reservatis, tam Censuras per se, & immediatè reservari, quam culpas, & peccata, non verò hæc solum mediatè, & per accidens; illas verò per se, & immediatè, eo quia, nimirum à peccato nullus absolvi potest, quin prius à Censura absolvatur, ac proinde reservata per se, & immediatè censetur Censura, mediatè verò, & per accidens

peccatum, ut insinuare videntur *Durand. in 4. dist. 17. q. 15. n. 13. & Cajet. in Summula Verb. Casuum reservatio*. Sed utrumque per se reservatur, ut probant *Suar. & Sanchez. ll. cc.* Verum, quia id peccatum reservatur propter connexionem cum censura, dependentique ab illa, ob hanc rationem dicitur supra, & dici potest, reservari per se primario Censuram, secundario vero peccatum: & ideo etiam dictum est supra, Pontificem reservare sibi immediate Censuram, idest per se primario, & quasi mediate peccatum, idest, per se secundario. Hinc est (ut optime ait *Suar. dicta sec. 2. n. 11. & cum ipso Sanc. n. c. in fine*, & cum utroque *Merolla n. c. 643.*) quod, sicut à principio, & velut in fieri connexa sunt censura, & peccatum, ut peccatum sine censura minime reservetur, sed dependenter ab illa; ita etiam in conservari, sive in duratione sua, eandem connexionem, & dependentiam habent, ita ut ablata censura ab habente potestatem, cesset reservatio culpae sublatæ, & concessa potestate ad absolvendum à tali censura, censetur concessa facultas ad absolvendum à tali peccato: quare si hæreticus ratione ignorantie censuræ excommunicationis, eam non incurreret, peccatum ejus posset à quovis Confessario absolvi, quia non est reservatum. Hinc est, quod si Papa, vel ejus Pœnitentiarius absolvit à censura excommunicationis reservata, quilibet Confessarius deinde in conscientie foro absolvere poterit à peccato, cui talis censura erit annexa, *Tolet. lib. 3. cap. 14. n. 2. Vers. Sequitur secundo. Navarr. in Man. cap. 27. n. 261. Vers. 9. Dico. Henric. lib. 6. cap. 14. n. 1. Læm. lib. 3. tract. 6. cap. 12. n. 2. Conincb. de Sacramento. disp. 8. dub. 11. n. 82. Fagund. in 2. Eccl. Præcept. lib. 8. cap. 1. n. 5. & alii.* Similiter si quis delictum patravit in Bulla Cœnæ contentum, sed ob ignorantiam à censura tali delicto annexa excusatus sit, ab inferiore absolvi potest, ut notant *Henric. n. c. in fin. Conincb. n. c. & alii.* Ex dictis autem

405 Deduc peccatum colloctionis cum Monialibus, non posse absolvi à quolibet Confessario, immò neque ab iis, qui habent facultatem absolvendi à casibus reservatis, non habentibus annexam excommunicationem: quia casus noster de quo hic, verè ex numero est illorum, qui habent annexam excommunicationem, & per accidens est, quod excommunicatio non sit contracta. Et si quis etiam potestatem haberet simpliciter ab Ordinario absolvendi à suis reservatis casibus, valde probabile est,

idem pariter affirmandum esse: quoniam facultas simpliciter data absolvendi à casibus reservatis, non extenditur ad casus habentes annexam censuram, quia hi sunt casus qualificati, ideoque nisi specialiter concedantur, non possunt absolvi vigore ejus facultatis, ut docent communiter *D. D.* cum quibus etiam *Meroll. sub n. 644.* Ubi tamen, oppositum probabilius existimat in hoc casu: Quia hæc facultas (inquit) ita generaliter concessa, videtur favorabilior priori, & ideo interpretanda est, ut solum non extendatur ad casus, habentes annexam censuram, ut sic, videlicet, quatenus actu eam habent annexam; & hoc colligi potest, ex modo loquendi, quem Doctores usurpant; dicunt enim, facultatem concessam ad absolvendum à reservatis casibus, non extendi ad censuras reservatas. Sic loquitur *Catbecher. Neapolit. lib. 6. de Casib. reservat. cap. 2. n. 2.* Et huic eadem sententiae absolute adheret *Joseph Januarius de Casib. reservat. resol. 42.* ubi sustinet, quod, qui locutus est cum Monialibus ignorans excommunicationem, sciens tamen prohibitionem de non loquendo, & talem casum reservatum esse, absolvi possit ab habente potestatem absolvendi à reservatis sine censura. Ratio ejus est, quia talis incidit tantum in casum reservatum, non in censuram, à qua excusatur ob ignorantiam: Ergo delictum hoc remanet reservatum sine censura, at circa casus reservados sine censura talis confessorius habet potestatem, ut supponitur, ergo potest talis confessorius illum absolvere in hunc casum reservatum incursum.

406 Nec dicas, quod iste casus verè est ex illorum numero, qui habent annexam excommunicationem, & per accidens fit, quod non sit contracta. Quia contra est (inquit *Januar. resol. c. n. 3.* Ex eo enim, quod isto casus est ex numero illorum, qui habent annexam excommunicationem, per hoc habet duplicem considerationem, & secundum quod peccatum reservatum est, & secundum quod censuratum est. Et reservatio cadit æquè principaliter supra censuram, ac super reservationem. Ita sentiunt *Suar. de Pœnit. disp. 29. sec. 2. n. 7. Valsg. to. 4. in 2. par. q. 91. art. 3. dub. 1. n. 15.* & in Papalibus fatetur ipsemet *Meroll. l. c. n. 643. ex Sanchez. lib. 2. Summ. cap. 8. n. 5.* Ergo si talis non incidit in excommunicationem, non incidit per se, & non per accidens.

407 Confirmat primò *Januar. n. 4.* Quia absolutio tribuenda est pœnitenti à casibus, pro ut

pro ut sunt à tali poenitente commissi; non verò pro ut sunt in Tabella expressi. Ideò ignorantes reservationem, committentes reservata extra Dioecesim, sunt à confessario inferiori absolvendi, quia pro ut sunt à tali poenitente reservata non sunt (ut diximus supra) sed pro ut est noster à tali operante est sine censura: ergo potest absolvi à tali inferiori, non obstante, quod aliter sit expressum in Tabella.

408 Confirmat secundò à fortiori ex doctrina Fagund. 2. Ecclesie præcept. libr. 8. cap. 1. n. 5. Data licentia, & facultate ad absolvendum à peccatis, quibus annexa est censura, consequenter dari ad absolvendum à Censura. Et data ad absolvendum à Censura, jam peccatum non remanet reservatum, & consequenter ab illoquemlibet Sacerdotem Confessarium potest absolvere. Hæc ibi. Sed non incurrere in Censuram ex ignorantia, minus est quam incurrere, & postea habere facultatem ab ea absolvendi; Ergo si potest ille absolvi à quolibet Sacerdote inferiori, si facultatem obtinuit absolvendi à Censuris, à fortiori poterit absolvere eum, qui non incidit in Censuram, qui facultatem habet absolvendi ab omnibus reservatis non Censuratis.

409 Quæres secundò: An accedentes ad Monialium Monasteria, excusentur quandoque à reservatione, & ab excommunicatione ei adnexa? Supponit hoc quæsitum, prohibitum esse accessum ad dicta Monialium Monasteria in ordine ad loquendum, & tractandum cum Monialibus, ut constat; non autem accessum materiale, vel in alios fines à dicta colloctione alienos, ut accessum ver. gr. ad ædes videndas, vel ad picturas ibi expositas inspicendas, &c. hic enim accessus non comprehenditur sub reservatione, sed solum si fiat ad colloquendum cum Monialibus, nec etiam eorum accessus comprehenditur, qui animo quidem deliberato accedunt ad Monasteria, cum intentione alloquendi cum aliqua Moniali, absque ulla licentia, minime tamen loquuntur, vel quia poenituerunt, vel quia dubitaverunt ne ab aliquo viderentur, vel ex quacumque alia causa, etenim ad hunc casum incurrendum requiritur accessus ad Monasterium, & allocutio cum Moniali, huiusmodi enim accessus intelligendus secuto effectu locutionis, *Bordon. ref. 7. n. 79. Vers. Quinto ad eas, Et Leza. in Summa qq. Regular. to. 3. Verb. Casus reservati Regularium nu. 12.* cum ergo hi non loquuntur, hanc incurrisse excommunicationem non sunt censendi. Esset casus reservatus ubi

reservatur: *Accessus tantum ad Monasteria Monialium. Bellocbius de Casib. reserv. par. 2. qu. 4. nu. 519. Vers. Non incidunt, fol. mibi 258.* Quo supposito. Ad quæsitum.

410 Respondeo affirmative. Probatur tum quia ignorantia ipsa, in hoc casu etiam, est vera excusationis causa, iuxta doctrinam *Salmanticensem to. 4. Cursus Moral. tract. 18. tit. de Privilegiis cap. 3. punct. 6. §. 2. n. 13. pag. mibi 310.* dum ibi asserunt: *Ab omni reservatione Casus, & Censuræ ignorantiam saltem culpabilem excusare.* Tum quia per eandem l. c. quælibet reservatio est pœna Medicinalis, pœna autem Medicinalis ab ignorantibus illam minime incurritur. Tum etiam, quia sicut in aliis præceptis communiter dantur causæ excusantes à transgressione, ita pariter in hoc casu excusantur quandoque à reservatione, & ab excommunicatione loquentes cum Monialibus, ut ex sequentibus constabit. Et primò. Ex *Peyr. de Privilegiis tom. 2. Constit. 6. Pii V. qu. 14. sub n. 36. Vers. Resp. Casum. Bord. ref. 7. n. 82. Vers. Hinc colligitur. Pellizz. de Monialib. cap. 10. sect. 3. subsect. 2. n. 277. Leza. in Summa to. 4. Verbo Moniales n. 20. in fine. Tambur. de Jure Abbatiss. qu. 5. n. 2. in fin. Quarto de Casibus reserv. sect. 1. cap. pr. Quar. casu reserv. difficult. 1. Vers. Resp. ad quæsitum. Diana pluribus in locis apud hic citatos, & sequentes. Thom. Del Bene de Immunit. Eccles. par. 2. cap. 14. dub. 5. sect. 3. num. 3. Verricelli qq. Moralium, & Legalium tract. 8. Miscell. qu. 66. nu. 28 Vers. Neque incurreret, fol. 487. & ex aliis: Causa excusans videtur esse, utilitas spiritualis Monialium, ut si quis Monialem alloquatur ex zelo Dei, & in ordine ad profectum spirituale illius, differens de rebus piis, & spiritualibus, dando salutaria consilia; proponendo bonæ statum Religiosi; ad pacandam ejus conscientiam, ad auferendos ejus scrupulos, solvendo, aut declarando dubium, & casum ad conscientiam spectantem. Item si alloquatur Moniales, ob componendam gravem aliquam seditionem inter ipsas exortam: ad consolandam aliquam eorum gravissimam tristitia affectam, ad consulendum in re gravi concernenti bonum Monasterii; & ad alios similes effectus. Et ratio est, tum quia non præsumitur Prælatum, velle hoc bonum impedire *Quarti l. c.* tum quia huiusmodi alloquutio (inquit *Peyrin. l. c.*) speciem habet sermonis, & exhortationis: Tum etiam quia præfati casus per Episcopam censentur excepti, nam finis prohibitionis, non fuit iste, sed potius oppositus*

Del Bene l. e. cum aliis citatis.

411 Confirmatur eademmet excusatio ex doctrina cit. *P. Quarti* à pari de excommunicato non tolerato, cum quo prohibita est communicatio, etiam in humanis; & tamen in utilitatem spiritualem ejusdem excommunicati licitum est fidelibus loqui, & tractare cum eo, ut communiter docent DD. ex illo vulgari versiculo; *Utile, lex, humile, res ignorata, necesse*: Ergo pariter dicendum videtur in casu nostro de locutione prohibita cum Monialibus. Hinc, qui Concionem habet ad Moniales; vel privatim eas hortatur ad observantiam suarum Regularum: quive ad sedandam conscientiam explicet veram doctrinam, ut Monialem liberet à scrupulis, ut supra, & in similibus casibus, non incurrit in reservationem: ita d. *P. Quarti*. Addit tamen cum *Diana*, tales colloquentes cum Monialibus excusari à peccato in foro conscientiae, sed posse puniri ab Episcopo in foro externo: ne quis sub prae-textu utilitatis spiritualis audeat violare Constitutiones Episcopales. Quia tamen ad authorizandam responsionem hanc, & doctrinam praefatorum DD. asserunt ipsi (ut videre est apud eisdem l. c.) eundem *Dianam*, quasi absolute ponentem (pluribus in locis suarum resolutionum) doctrinam eandem, & sententiam, & ita verè non est (ut legentibus patebit) refero hic ejusdemmet verba, quae habet to. 7. *Coord. tract. 1. ref. 318. n. 3. Ex par. 9. tract. 7. & Miscell. 2. ref. 55. aliàs 54.* Suntque sequentia: *Ego (ut legentibus patet) in 3. par. tract. 2. ref. 104. tantum refero sententiam Peyrini; meam autem non promo. Verum, licet speculative loquendo, ejus sententia, & supradictorum Autorum, tanquam probabilis admitti possit; tamen puto, non esse in praxi deducendam, nam Pontifex, & Sacra Congregatio absolute prohibet accedere ad Monasteria Monialium ad colloquendum, & tractandum cum eis, nec distinguit inter colloquationem, & tractatum causa urbanitatis, vel pietatis, & ubi lex absolute loquitur, absolute est intelligenda; & ubi non distinguit, nec nos distinguere debemus. Et si aliter diceremus, elusoria remaneret prohibitio Sacrae Congregationis; nam impune possent Regulares semper colloqui cum Monialibus, asserendo, se colloquatos fuisse cum eis causa pietatis, & declarando eis quendam casum conscientiae. Unde, quicquid sit de peccato, quo ad forum internum, flante auctoritate Doctorum Virorum, *Lezzane, Pelizzari, & Bordonis*, ubi supra, saltem in foro externo possent Episcopi dictos Regulares punire, tanquam Scdis Apostolicæ dele-*

gati; unde se abstineant ab his colloquationibus. Hæc P. Diana l. c. cui adde P. Pasqu. in Francum par. 1. n. 1117. & 1118. dicens: Alloquentes cum Monialibus peccare mortaliter, nisi excuset parvitas materia, ut essent verba salutationis, aut aliqua pauca verba urbanitatis causa. Et hoc habere locum, etiam si loquutio esset de rebus indifferentibus, imò etiam de rebus bonis, & concernentibus utilitatem, licet spirituaalem. Quia finis prohibitionis est tollere commercium preseniale propter pericula, quæ inde oriri possunt, hoc autem commercium exercetur in quacunque colloquatione, de quacunque materia sit; & proinde militat semper eadem ratio finalis. Et hæc sententia tenenda est, uti magis coherens, atque conformis posteriori Decreto Sacrae Congregationis, de quo in calce sequentis causæ secundæ excusantis, &c.

412 Secunda causa excusans à peccato mortali, & consequenter à pœna excommunicationis est parvitas materiae, seu collocutio ad breve tempus, ex urbanitate, aut alia ex causa; Siquidem ex communi Regula inter Morales Doctores, notum est, peccatum aliàs mortale ex genere suo, ratione parvutatis materiae transire in veniale; & in casu nostro collocutionis cum Moniali, praxis ipsa virorum timoratorum id observat, & docent hoc expresse *Graffius Decif. Aurearum par. 1. lib. 4. cap. 8. n. 5. Peyrin. l. c. Bonac. to. 1. tit. de Claus. qu. 3. punc. 5. n. 1. Bordon. ref. 7. n. 70. in fine. P. Diana to. 5. Coord. tract. 1. ref. 84. n. 6. §. Nota sexto. Ex par. 3. tract. 2. ref. 48. Et eodem tract. 1. ref. 124. Ex par. 3. tract. 5. & Miscell. 1. ref. 69. Verricelli qu. c. 66. n. 31. Del Bene sec. c. 3. n. 1. Tambur. n. c. 2. Bellocchius l. c. n. 521. Quarti l. c. Vers. Secunda causa, & alii. Quænam autem in hoc casu censenda sit parva materia, seu brevis collocutio cum Monialibus? *Graffius n. c. 5. fol. mibi 441.* sic ait: *Si excommunicantur colloquentes cum Monialibus, non comprehenditur qui transiundo Monialem salutaret, vel parum cum ea loqueretur. Idem docet Finellius de Casibus refer. cap. 5. n. 10. apud P. Dianam ref. cit. 124. n. 1. ubi sic asserit: Si paucis alloquaris Monialem, vel transiens illum salutes, aut salutatus responderis, sive de statu ejus ipsum interroges, sive interrogatus respondeas, non incidis in excommunicationem propterea. At difficultas est, quod tempus dicatur breve, ut cum Monialibus colloquentes, non incident in excommunicationem. Aliqui tenent esse quadrantem horæ, inter quos sunt *P. Quarti l. c. Vers. Ceterum cum: ubi ait: Dicendum videtur, quadrantem horæ esse breve spatium,***

spatium, & P. Verricelli n. 31. c. Ubi: Neque incurrit penas, si ex urbanitate, aut alia ex causa loquatur per quadrantem horæ, quia ista censetur parva materia, & ita observat praxi virorum timoratorum. Quod tamen, mihi non placet (ait Diana n. 1. c. in fine.) Quod confirmat ref. 84. cit. 5. & n. 6. cit. Nota sexto: Dum primo loco ait: Mihi non placet, sed si quis per spatium unius Misere, cum illis loqueretur, puto ratione parvitatæ materiæ in dictam excommunicationem non incidere. Secundo verò loco, item ait: Us alibi diximus, collocutio de rebus indifferentibus cum Moniali per spatium unius Misere, & aliquod amplius, ratione parvitatæ materiæ, non sufficit ad incurrendam excommunicationem, licet aliqui asserant, sufficere decem verba, imò duo, vel tria tantum, si collocutio esset de rebus obsecris. Cum tamen idem Psalmus Miserere, recitari possit majori, vel minori pausa [inquit P. Quarti Vers. cit.] hæc regula non videtur omnino firma. Januar. resol. 34. n. 37. in hac re tam ambigua, non audeat (inquit ipse) suam proferre sententiam. Dicit solum, à nemine dubitari, in collocazione cum Monialibus, maxime de rebus honestis, dari parvitatem materiæ: Et in qualibet opinione verba debere esse modica, & compendiosa, ita quod occupent breve tempus. Qua propter melius quænam sit parvitas materiæ, relinquuntur, attentis omnibus circumstantiis, iudicio prudentis viri. Del Bene nu. 1. c. Supposito tamen, cum Diana dicto Vers. Nota sexto, & aliis, quod collocutio non sit de rebus obsecris, talis enim, quamvis brevis non excusatur à mortali, si fieret maxime ob finem mortaliter peccaminosum, vel cum periculo scandali, & gravis peccati, quod communiter timeri potest. Addit etiam ibi idem Diana, quod aliquando potest esse longa, collocutio, & de rebus obsecris, nec tamen hæc sufficiens sit ad incurrendam excommunicationem, ut si Dominus ex gr. qui solitus minas exequi, comminaretur aliquod grave malum servo, aut ancillæ, nisi accedat ad colloquendum cum Moniali de rebus turpibus; quia lex Ecclesiastica non obligat tanto cum rigore, idè in tali casu servus, vel ancilla, licet peccet, non tamen in hanc excommunicationem incurrit. Non desinam tamen hic Lectorem meum advertere, recitatam doctrinam de parvitate materiæ, rejectam postea fuisse (ut notat etiam Petrus Maria Passerinus in Cap. Unicum Periculoso, de Statu Regularium, sub n. 264. fol. mihi 316.) à Sacra Congregatione Concilii, speciali suo Decreto sub

Clem. IX. Summo Pontifice (quod refert etiam idem Passerinus l. c. per extensum) sequentis tenoris.

413. Die 21. Maii 1669. Sacra Congregatio Eminentiſſimorum Sanctæ Romanæ Ecclesiæ Cardinalium Concilii Tridentini Interpretum. Habita notitia, quod nonnulli Regulares, absque licentia, Crater Monasteriorum Monialium adire, & frequentare non dubitent, præterdentes non esse interdictum per breve tempus, etiam usque ad quadrantem horæ cum dimidio, quod Horologio arenario, aliquando metiuntur, Moniales, aliasque personas intra Clausuram existentes, alloqui, & hanc opinionem tanquam tutam affirmant, disseminant, & forsitan etiam evulgant, proprias graviter pillaqueantes conscientias, scandala confoventes; ad huiusmodi perniciosos errores eliminandos, opinionem prædictam improbandi, reuocandi, ac damnandi, declaravit. Regulares cuiuscumque Ordinis, Militiæ, Societatis, Congregationis, & Instituti, etiam de quibus specialis mentio fieret habenda, qui ad Monasteria Monialium, quamvis ab Ordinariis jurisdictione quomodolibet exempta, & etiam ipsi Regularibus subiecta, vel alias speciali mentione digna, absque legitima facultate accedunt, colloquendo etiam per quodcumque modicum temporis spatium, cum Monialibus, aut aliis intra Clausuram degentibus, peccare mortaliter, eosque sub excommunicationis, privationis vocis actus, & passivæ, aliisque contra Regulares, accedentes sine licentia ad Monasteria Monialium, statuti penis, posse ab Ordinario, tanquam Sedis Apostolicæ Delegato, coerceri.

Et die 7. Junii ejusdem Anni, facta relatione Sanctiſſi. Domino Nostro, Sanctitatis Suae præsentem declarationem approbavit, ac Typis dari iussit. Ex quo Decreto clarè patet, quod nedom prohibita est in ipso alloquio cum Monialibus, verum etiam cum aliis quibuscumque feminis intra Clausuram degentibus.

414. Tertia causa excusans, est metus cadens in constantem virum, & in casu posito de Domino, qui solitus est minas exequi, si minetur videlicet servo grave damnum, nisi deferat ad Monialem literas, vel nuncium de rebus obsecris, idem servus non incurrit in reservationem, aut in excommunicationem, si Domino obtemperet, quamvis non excusetur à peccato mortali contra jus naturale: Leges enim Ecclesiasticæ non obligant cum tanto rigore, Diana 5. & n. 6. c. Bellocbius qu. 4. c. n. 528. Bonac. de Claus. qu. 3. punct. 1. n. 2. Vers. Quarto illud. Del Bene sect. c. 3. n. 14. Quarti l. c. Vers. Quarta causa; & communiter

Et confirmari potest hæc eadem causa tertia excusans: Quia licet jus naturale obliget cum magno rigore, cum eodem tamen rigore non obligat jus positivum (ut communiter docent) hinc regula generalis est (etiam in ordine ad peccatum; inquit idem *Del Bene n. c.* & optimè) quod in iis, quæ juris positivi sunt, si absque contemptu, ac refutatione finis, ex metu gravi urgente, vel ex apparente ibi excusatione transgressio fiat ab eo, qui animum habet nullo modo consentiendi contra Præceptum obligans ad mortale, non incurritur mortale peccatum, quia non est intentio pæ, & iustæ Matris Ecclesiæ bonas huiusmodi animas tam hostili vinculo illaqueare: & propterea talis apud Deum, neque censuras incurrit; ita *Del Bene* (concludens) *quamvis fortasse absolvendus sit ad cautelam.* Et nota hic obiter cum *Bonac. Vers. c.* Non dici accedere, qui famulum, vel ancillam, aut alium ad Monasterium transmittit, aliud enim est personaliter ire, aliud alium mittere; famulus verò, aut alius, qui mittitur, dicitur accedere, & pœnis accedentium afficitur, nisi iusta de causa excusetur, ut hic, &c.

415 Quarta causa excusans est Puerilis ætas. Unde Pueri, & Puellæ, si ante annum decimum quartum completum alloquantur Moniales, sine licentia non incurrunt in pœnas, nec comprehenduntur sub reservatione, contra *Grassi. to. 1. Consultor. Consil. 22. de sentent. Excommunicat. n. 9.* dummodo (ait) sint doli capaces: Nam sicut (inquit) possunt hi mortaliter peccare, ita etiam possunt puniri Censura, quæ fertur in peccati pœnam. Confirmat, quia Ecclesia suis censuris ligat Pueros doli capaces in *Cap. 1. & ult. de sentent. Excommunic.* Et illos non excusat à pœna, quamvis eam alleviet, nam ibi Impuberes pro iniectione manuum in Clericum sunt excommunicati, non tamen tenentur pro absolutione ire ad Sedem Apostolicam, quia eos ætas excusat, sed ab Episcopo absolvi possunt, ut in *Textu ipso.* Quo tamen non obstante, cum *Bonac. to. 1. tit. de Cens. in comm. qu. p. puncti. 4. n. 9.* *Diana resol. 48. Coord. c. n. 3. Vers. Nota 5.* *Tambur. de Jure Abbatissi. disp. 25. qu. 8. ad octavum.* *Pelluzzi. de Monial. c. 3. sec. 5. qu. 21. n. 227. Quarti l. c. Vers. Tertia causa.* *Donato in Praxi to. 4. tit. de Accessu ad Moniales tract. 6. qu. 24. nu. 2. & alius.* Probatur, & huiusmodi quarta excusans causa, quia quamvis valide excommunicari possint dicti Impuberes doli capaces (ut etiam optimè docet *Bonac. u. c. 9.* cum aliis

ibidem relatis) nullum enim jus extat, quod invalidam reddat Censuram latam, contra Impuberes: imò constat Impuberes ligari interdicto, quando populus interdictum teneatur. Nihilominus verum etiam est, quod cum eodem *Bonac.* dicunt præfati DD. non posse videlicet licite Impuberes excommunicari, excommunicatione, lata ab homine, *argumento cap. 1. & 2. de delictis Puerorum, & Gloss. ibid. Verb. Casus:* ubi in fine: *Ratione ætatis mitius agitur:* Et præcipue in casu nostro, tum quia respectu eorum, qui ad annos pubertatis nondum pervenire, cessat causa finalis prohibitionis, & consequenter dispositio legis, secundum id quod communiter conceditur: quod *cessante fine, seu causa finali legis, cessat legis dispositio.* Nam causa finalis hujus prohibitionis, & edicti Episcopalis est utique ut vitetur occasio luxuriandi, & lasciviendi, quod non potest habere locum in Impuberibus; ut satis expressè colligitur ex *Cap. Pueris l. c. de delictis Puerorum:* ubi. *Quod meritis crederemus pfi nulla essent peccata, nisi que membris genitalibus admittuntur, & Glossa ibi: Verbo Casus in fine, 2.* ait: *Omne delictum cadit in Pueros præter delictum carnis.* Tum etiam quia, Ecclesia cogere quemquam non solet suis Censuris, ante annos pubertatis, compatiens fragilitati illius ætatis, ut probat *Cap. Reserente 2. item citatum eodem tit. de delictis Pueror.* in quo sic: *Quoniam in Puero relinqui solet inultum, quod in aliis proventoris ætatis humane leges dicunt severius corrigendum.* Videatur *Glossa, Verbo Inultum.* Et adde, quod Impuberes, quia non sunt ita doli capaces, ut viri, idcirco etiam per leges Civiles, non adeò graviter puniuntur illorum delicta, pro ut puniuntur delicta aliorum maturioris ætatis, & iudicii. Adde tamen hic cum *Del Bene sect. 3. c. n. 10. & Vericelli qu. cit. 66. n. 33.* quod quamvis Pueri, aut Puellæ peccent mortaliter obscena loquentes cum Monialibus ante ætatem expletam, neque in hoc casu incurrunt excommunicationem, &c. tum ob rationes allatas, tum etiam ob usus rationis non satis completam perfectionem. An verò, Puer dubitans an compleverit ætatem, post factam diligentiam, possit tuta conscientia loqui, tenet affirmativè *Diana to. 5. Coord. tract. 1. ref. 87. n. 8. Vers. Nota quinto, prope finem. Ex par. 10. tract. 14. ref. 51. alias 49.* Quia possessio non fiat pro statuto, sed pro ætate, subseribit *Diane P. Quarti l. c. Versu Tertia causa, in fine, & Merolla to. 1. cap. 2. difficult. 6.*

difficult. 6. nu. 610. fol. mibi 105. Expresſe etiam docent (approbante *P. Verricelli qu. cit. 66. nu. 33.*) Pueros, & Puellas, in dubio, an ætatem expleverint colloquendo cum Monialibus, neque peccare, neque excommunicationem contrahere. Quia in dubio melior est conditio poſſidentis, poſſeſſio autem ſtat pro libertate Pueri. Sicut in, qui facta ſufficienti diligentia, dubius adhuc eſt, an expleverit vigefimum primum annum, non tenetur jejunare, ut dicemus diſp. 3. cap. 3. dub. 2. Corrol. 9. ita Merolla.

416 Quinta cauſa excuſans eſt dignitas Monialis cum qua fit loquutio, hinc non ligatur reſervatione, nec excommunicatione loquens cum Abbatiffa, vel ſimili Superiora, abſq; Ordinarii licentia. *Tamburin. de Jure Abbatiff. diſp. 25. qu. 8. Verſ. Ad quintum. Diana lo. cit. Verſ. Nota Secundo. Lezza in Summ. to. 4. Verſ. Moniales n. 22. Pellizz. de Monialib. cap. 5. ſec. 5. qu. 8. nu. 208. Januar. ref. 44. per totam P. Paſqual. in Francum par. 1. Tit. de Accessu ad Monaſteria Monialium qu. 2. in Additione, n. 122. P. Quarti l. c. Verſ. Quinta cauſa. Del Bene ſec. 3. c. n. 7. Bordon. ref. 7. n. 70. Verſ. Loqui eſt. Verricelli qu. c. n. 25. alique. Et ratio horum omnium communis, ac fundamentalis eſt: quia ſicuti nomine Monachorum in odioſis non venit Abbas, ut notant Gloſſa, & DD. in cap. ſin. de Simonia: ita nomine Monialium non venit (item in odioſis) Abbatiffa: bene in favorabilibus: Racionem huius habes apud Lezza in Sum. to. 3. Verbo Abbas n. 6. Quia videlicet Monachus per aſſumptionem ad Abbatiam, non deſinit eſſe Monachus, ſicuti Rector, per rectoratum Scholarium, non deſinit eſſe Scholaris: Igitur in favorabilibus comprehenditur appellatione Monachi. Item, quia Monachus per aſſumptionem ad Abbatiam habet qualitatem Superioris, & Prelati ſuper alios Monachos: in odioſis conſequenter non comprehenditur appellatione Monachi. Et eadem videtur ratio de Abbatiffa omnino: licet enim ipſa ſit etiam Monialis, quia tamen habet qualitatem Superioris ſuper alias Moniales, ideo appellatione Monialis non debet venire. Quod confirmari poteſt ex eo, quod etiam quando Conſtitutiones volunt nomine Monialium, Abbatiffas includere, vel nomine Abbatiffarum comprehendere Moniales, ſe explicant, ut in Cap. Quoniam de Simonia: ibi, Sive ſit Subdita, ſive Prelata: Sed in caſu noſtro ſtatutum, ſeu ædictum, vel reſervatio non ſe explicat: Signum, ergo, quod non vult Abbatiffas compre-*

hendere. Vide Naldum verbo Abbas nu. 1. ubi optimè advertit hanc doctrinam eſſe utilem ad queſtionem in praxi frequentem, an videlicet excommunicatio, lata in Monachos aliquid facientes, afficiat etiam Abbatem contravenientem. Favet pariter, id quod notant idem Naldus l. c. Januar. ref. cit. n. 3. & alii: Nec appellatione ſcilicet Eccleſiæ Parochialis venire in odioſis Parochialem Eccleſiam Collegiatam, quia licet hæc ſit Parochialis, habet tamen Superioris Collegii qualitatem: à pari ergo, licet Abbatiffa ſit Monialis, quia Superioritatis qualitatem habet ſuper Moniales, nomine Monialis haud venire debet. Adde tandem cum *Juannar. ref. c. nu. 5. in fine, & P. Paſqualigo n. c. 1122. in fine.* Quod cum Abbatiffa ſit vna, & ſenior, prudentior, & ſanctior, ut colligitur ex *Concil. Cabilonenſi 2. & Can. Juvenculas 20. qu. 1. & ex Trident. ſeſſ. 25. cap. 7. de Regularibus, & Monialib.* ceſſant quo ad ipſam probatz vitæ, illa pericula, propter quæ facta eſt prohibitio. Si dicas ex *Graſſio de Caſib. reſerv. lib. 1. cap. 5. nu. 8. & lib. 2. cap. 5. nu. 37. Merolla t. p. diſp. 1. cap. 2. diff. 4. n. 604. Defendente Quadrio de Caſib. reſervat. diſp. 3. caſu 13. conſul. 8. Megala par. 1. Promptuarii. Verb. Corruptio, nu. 14. Paulo Squillante de Obligationibus, & Privilegiis Episcoporum. par. 1. cap. 13. n. 58. fol. mibi 139. & aliis, ſentientibus ſub hac prohibitionem comprehendendi etiam Abbatiffas, & omnes alias quovis nomine appellentur Moniales Superioriſſas; ſic huiusmodi prohibitio cum ſit utique lata principaliter in favorem animarum, & Monaſterii, cenſetur favorabilis, ergo extenditur ad Abbatiffas, &c. Quia hæc in favorabilibus veniunt (etiam per nos) nomine Monialium. Si verò odioſa eſt talis prohibitio, odioſa non eſt reſpectu Monialium, ſed tantum quo ad eos, quibus ſit prohibitio, hoc eſt reſpectu ſolum loquentium cum illis: nam hos tantum excommunicat, non autem Moniales: ergo nulla eſt ratio cur nomen Monialis reſtringi debeat, ut ſub eo non comprehendatur Abbatiffa: non enim per Abbatiffatum deſinit eſſe Monialis. Reſpondeo negando utramque confequentiam. Ad primum aſſumptum, dico, quod ſi huiusmodi prohibitio (& lex) ex eo, quod reſpicit favorem animarum eſſet favorabilis, omnis lex vetans peccatum, ſeu obligans in conſcientia (inquit etiam *P. Paſqual. n. c.*) eſſet favorabilis. Non enim omne id, quod eſt ob bonum animæ eſt ampliandum. Nam etiam poenitentia à Confeſſario impoſita eſt ob bonum animæ, nihilo-*

minus, quia poenalis est, strictè est interpretanda. Item Votum est etiam de meliori bono animæ, attamen non est amplè interpretandum. Hinc qui vovit, vel poenitentiam habuit à Confessariò, ut det frumentum per eleemosynam, non tenetur dare de meliori, secundum omnes, & ita etiam *Januar. nu. 5. c. prope finem*. Cum quo concludo, statuere ne quis simpliciter loquatur, maxima poena est, & si ob bonum animæ ipsius, & idcirco cum tantum explicet Moniales, ad has solum restringendum est, nec ad Abbatissas extendendum. Ex quo patet responsio ad assumptum alterum: Si enim prohibitio est odiosa, & poenalis respectu loquentium tantum cum Monialibus, ergo (arguit etiam *Januar. n. 6.*) respectu horum restringenda est, ut videlicet non loquantur cum Monialibus tantum: & cum favor proveniat ab hac eadem prohibitione tantum, nec sit alius, nisi prohibitio ipsa, quæ poena est, simpliciter restringenda est. Addo cum *P. Pasqualig. n. c.* Quod cum loquens sit correlativum audientis, & prohibita loquutionis veniat in consequentiam privationis audiendi, dum lex, & prohibitio est odiosa, & poenalis respectu loquentis, est etiam talis respectu audientis. Ad id autem, quod Abbatissa sit etiam Monialis, nec delinquit per Abbatissatum esse talis; Jam supra responsum est, quod quidem sit adhuc Monialis, sed qualificata, altiorisq; ordinis: Unde non desinit utique esse Monialis sed incipit esse Monialis qualificata, quæ qualitas supponit in ipsa virtutes nonnullas, quæ non supponuntur in cæteris Monialibus; idcirco ad Abbatissas, quæ Moniales qualificatae sunt, prohibitio extendi non debet, ut dictum est de Ecclesia Parochiali Collegiata.

417 Quæres tertio: An Episcopi, alii-que Prælati dum extra suam Diocesim reperiuntur, possint licitè accedere ad Moniales, illaque indifferenter alloqui sine licentia Ordinarii, absque peccati scrupulo? Supposita *Constitutione Bonifacii VIII.* relata in *Cap. Periculoso* Unico, de *Statu Regularium* in 6. innovata per *Concil. Trident. sess. 25. cap. 5. de Regularib. & Monialib.* per *Primum V. in sua Constit. incip. circa Pastoralis Officii sub Dat. IV. Kal. Junii 1566.* (quam refert *Peyrinus tom. 2. Privileg. Constitut. 6. Pii V.*) & *Gregor. XIII. in Constitut. sua incip. Deo Sacris. Sub Dat. 3. Kal. Januarii 1572.* (quam refert *Quaranta in Summa Bullarii. Verbo Monasteria Monialium, fol. mibi 443.*) hoc inquam supposito, certum est, non posse licitè accedere, nec loqui,

&c. aliter si indebitè accedant, hoc est absque expressa, vel tacita licentia Ordinarii, incidunt in poenas latas *Concil. Trident. loco cit. utpotè comprehensos in d. Cap. Periculoso, & Constitutione s. Bonifacii VIII.* quæ loquuntur de omnibus accedentibus, & universalis est; unde afficit etiam Episcopos, & Eminentissim. Cardinales, ubique gentium existentes, ut probat *Donatus in Praxi to. 4. tract. 5. qu. 21. & 24. & tract. 6. qu. 23. n. 1.* in quo etiam ipse sic, & optimè: *Bend. verum est, quod bi Episcopi, loquendo cum Monialibus sine licentia, ex tacita, seu presumpta licentia Ordinarii scientis, & non contradicentis, possunt à peccato excusari.* Quo supposito. Videtur posse tantum procedere, quæsitum propositum: An Episcopi, alii-que Prælati extra propriam Diocesim existentes, & colloquentes cum Monialibus sine licentia Ordinarii cui subsunt, incidunt in poenas latas in ejus statuto, & edicto?

418 Negative respondere videntur *Graff. de Consu. refer. lib. 2. cap. 5. nu. 27. & 54. Diana tom. 5. Coord. tract. 1. ref. 84. Vers. Nota quinto in fine, n. 5. Ex par. 3. tract. 2. resp. 48.* (ibi: *Experientia constat, quod Episcopi sine scrupulo cum Monialibus loquuntur, absque Ordinarii licentia*) & *Pellizzar. de Monialib. cap. 5. ser. 5. qu. 10. n. 210.* Quorum ratio est, tum quia dicti Episcopi, & Prælati sunt exempti ab omni jurisdictione Episcopi loci, ad quem divertunt; sed nullus potest puniri à iudice non suo; ergo: tum quia, punitio emanat à jurisdictione, quam Iudex puniens habet in subditum punitum, live puniendum, ut docent omnes: tum etiam, quia experientia constat Episcopos, etiam timoratae conscientiae, absque ullo scrupulo, indifferenter Moniales alloqui, sine licentia Ordinarii, ergo. Hæc responsio, & sententia, etiam probabilis, nihilominus.

419 Respondeo ad quæsitum, probabilis esse oppositum, tutius in conscientia, & in praxi omnino servandum, quod etiam tenent *Stephanus Gratianus* (multis aliis citatis) to. 2. *Dissertationum Forensium cap. 393.* *Antonius Novar. in Summa tit. de Clausura, & Accessu, n. 10.* *Martinez 99. Moral. par. 2. qu. 14.* *Tamburini de Jure Abbatissar. disp. 25. qu. 2.* *Mirolla to. 1. cap. 2. difficultat. 6. sub n. 623. §. Cæterum, ubi plures alios refert, fol. mibi 107. col. 2.* & *Donatus tract. 6. c. qu. c. 23. à nu. 3.* cum quibus probatur hujusmodi responsum, & sententia: *Primo, Quia Episcopus, & Archiepiscopus in alieno territorio censentur ut privatæ personæ, pro ut restantur*

Panorm. Anchor. Hostien. Calderin. Everard. & plures alii apud citatos, præsertim apud *Gratianum*, & *Merollam*: Ergo eos ligari hoc statuto, & edicto dicendum est, sicuti obligantur aliis legibus, seu statutis, ac consuetudinibus locorum, in quibus reperiuntur: tenentur enim servare jejunia, ac festa ab aliis Episcopis in eorum Diocesisbus indicta, aliaque omnia pro communi bono, & salute animarum. *Secundo*: Quia si Episcopus extra suam Diocesim posset sine licentia Episcopi loci, accedere ad Moniales, id etiam posset ejus Vicarius Generalis, quia unam eandemque jurisdictionem habet cum ipso, cum faciant unum, & idem Tribunal, *Cap. 2. de Consuetudine in 6. cum unum*, & idem Concistorium constituent, *Cap. Romana, Vers. Eorum vices, & Vers. Unum sit Concistorium, de appellationibus in 6. Leo in Thes. Fori Ecclesiastic. par. 1. cap. 10. nu. 10. Sbrozzius de Vicario Episcopi lib. 1. qu. 23. nu. 7. Carolus Pellegri- nus in Praxi Vicarior. lib. 1. sect. 2. sub sect. 2. n. 1. & communiter*: Tertiò, quia Episcopus Diocesanus in casibus concernentibus Clausuram Monialium exemptarum, procedit ut delegatus Sedis Apostolicæ: igitur ejus auctoritas extenditur ad omnes personas quovis titulo in sua Diocesi repertas: *Quartò*, quia. Ita *Sacra Congregatio* rescribens *Archiepiscopo Barenfi* authenticè declaravit, ut referunt *Antonius Novarius l. c. Tamburin. qu. 2. c. sub nu. 4. Pellizzar. l. c. Donatus qu. 23. c. n. 8. per sequentia*, præcisa, & formalia verba.

420 *Perillustriis, ac Reverendiss. Domine*, uti *Frater*. Nomine *Ampliationis tue* petitum fuit *Illustrijsim. Patribus Concilii Tridentini Decreta interpretantibus, declarari, an Prior Ecclesiæ Collegiæ S. Nicolai Barenf. quamvis Episcopus, possit pro tuitione jurisdictionis Archiepiscopalis in Casibus à Sacro Rotæ Romanæ Auditorio resolutis, servatis servandis excommunicari, & an eidem Priori permissum sit ad Monasteria Monialium istius Civitatis accedere, absque Amplitudinis tue licentia, & absq. eo, quod incurrat in Censuras in edicto desuper publicato, contentas*. *Sacra Congregatio, licet censeret, Amplitudini tue licere Dominum, Priorem Baren. excommunicare auctoritate tua ordinaria, illamque edicto contravenientem po- nis in eo contentis subjacere, attamen tutius esse putavit, etiam S. D. N. Annuente, ut Amplitudo tua tamquam Sedis Apostolicæ de- legata contra dictum Priorem in casibus supra expressis ad Censuras, & penas respectivè pro- cedat*. Hec *Amplitudini tue* significare volui, ut sciat quomodo se gerere debeat, cui salutem,

& prosperitatem à Domino præcor. *Rome 20. Martii 1619. Amplitudinis tue perillustriis, & Reverendissime, ut Frater studiosissimus Cosmus Cardinalis de Torret. Quibus tamen non ob- stantibus, adherere volens recitatæ priori (etiam probabili sententia.) Grassi, Dia- ne, & Pellizzarii, potest item persistere in eadem, iterumque affirmare Episcopos, aliosque Prælatos posse alloqui Moniales in aliena Diocesi: Quia sicut nomine Monia- lium non veniunt Abbatisse, ita nomine quorumcumque non venire Prælatos, quia, & ipsi qualificati sunt, & ut assumpti ad Prælatiorem animarum videntur esse per- fectioris virtutis. Ad auctoritatem autem Sacre Congregat. pro Archiepiscopo Baren. Res- pondetur illam esse potius in favorem hujus opinionis. Quia dum dicit: Tutius se puta- re, ut tanquam delegatus à S. Sede adversus dictum Episcopum procederet. Videtur innue- re potuisse insurgere magnam controver- siam in Jure, si auctoritate ordinaria ad- versus eum processisset. Et tandem cum esset Prior Ecclesiæ Collegiæ Barenfis, quo ad hoc videbatur esse subditus Episco- po loci.*

421 Huic declarationi opponit *Pellizzar. nu. c. 210. in fine*, quod ipsa lata fuerit in favorem Archiepiscopi Barenfis contra Priorem Barensem Episcopali dignitate, fulgentem, & subditum dicto Archiepisco- po, & proinde non probare, quemlibet Ordinarium loci posse excommunicare E- piscopos extraneos, indebitè accedentes ad Moniales ipsius subiectas. Verum resolvitur oppositio [cum *Donato qu. c. 23. nu. 10.*] quia ut supra dictum est, Episcopi, & Archiepiscopi, extra suam Diocesim fiunt minores, & personæ privatæ, sicut Præ- ses extra suam Provinciam; atque adeò si in alterius Diocesi delinquant, possunt ab Ordinario loci puniri, quia ratione delicti, efficiuntur de foro illius, &c.

422 Quæres quartò: An Advencæ, & Peregrini, si sine licentia loquantur cum Monialibus, ligentur excommunicatione, lata ab Ordinario contra hujusmodi allo- quentes? Negant *Diana §. c. Nota quinto. Pellizzar.* (cum distinctione tamen, ut in- fra) *l. c. n. 211. Januar. de Casib. refer. to. 1. ref. 34. n. 24. Del Bene sect. 3. c. n. 11. Vericelli quest. c. 66. nu. 34.* (qui tamen num. subseq. 36. asserit, oppositum videri proba- bilius) & alii. Et probant: hanc negati- vam: Tum quia, Peregrini, & Advencæ non subiciuntur jurisdictioni, ac legibus loci, in quo obiter reperiuntur, & per quem transeunt, præcisò tamen scandalo,

leg. heres absens, §. proinde, ff. de judiciis. Tum quia, hujusmodi negativa, & sententia, videtur expressa in *Cap. à Nobis* l. 1. *de sentent. Excommunic.* ubi habetur, exteros furantes in Diœcesi, in qua furtum est prohibitum sub pœna excommunicationis ipso facto, &c. in hanc non incidere, cum non sint de jurisdictione Episcopi excommunicantis. *Pellizzar. nu. c. 211. in princip.* Pro decisione hujus quæsitæ, distinctionem hanc præmittit (quam, & apud alios habet) vel enim (inquit) supponimus, prohibitionem accedendi ad Moniales contentam esse in jure communi, nec fuisse abrogatam, & cum sic lex communis sit, & universalis, obligat consequenter omnes fideles, etiam extra proprium territorium, & ubicumque existent: Vel supponimus, quod prohibitio accedendi ad Moniales, sit de jure particulari locorum (sive sit per modum statuti, vel edicti, vel per modum sententiarum generalis,) & si sic, prohibitio hæc [probabiliter saltem] non afficit Advenas, & Peregrinos, quia hi non tenentur servare leges, & consuetudines particularium locorum, & ea quæ videntur esse de jure particulari eorundem locorum, eo quod jurisdictio requiritur, & subiectio ad obligandum alicuius legis: Peregrini autem, & Advenæ, ob brevem hospitii moram, (qualem hic supponimus) non subiciuntur jurisdictioni, seu non acquirunt forum, ut constat ex *cit. leg. heres absens, &c.* ita distinguit *Pellizzar.* Quæ distinctio confirmari potest, tum ex supra relato *Cap. 2. de Conflit. in 6. in quo Bonifac. VIII.* dixit, quod fur, qui furatur extra Diœcesim excommunicatoris pro furto, in excommunicationem non incidit. Tum ex præcitato *Cap. à Nobis*, in quo *Clemens III.* declaravit, quod exteri furantes in Diœcesi, non incident in illam: ergo nec à pari Peregrini, & Advenæ colloquentes cum Monialibus, dummodo non adsit periculum scandali, &c. Accedit etiam ratio (quæ pariter utitur *Januar. resol. c. 34. nu. 25.*) Quia loqui cum Monialibus, non est malum de sua natura, ergo necessarium debet præcedere præceptum sub pœna excommunicationis, ut quis cum illis non loquatur; sed præceptum fieri non potest, nisi subditis; ergo Peregrinus debuit prius fieri subditus, & deinde teneri ad præceptum, sed hic Peregrinus non est subditus huic Episcopo, ergo non tenetur ad hoc sui præceptum. Et si non tenetur ad præceptum, ergo eidem præcepto non obediens, non dicitur contumax, nec huic Episcopo ino-

bediens: sed qui contumax, & inobediens non est, (eo maxime, quia subditus præcisè non est,) non potest excommunicari, quia excommunicatio contemptum, & inobedientiam præsupponit, *Can. Nemo Episcoporum* 12. *qu. 3.* Et

413 Si dicas, hic Advena, & Peregrinus sit subditus ratione delicti. Contra: Quia ut bene advertit *Salas de Legib. disp. 14. sect. 4. nu. 44. fol. mibi* 325. (contra *Gloss. in præcit. Cap. à Nobis*.) & cum ipso *Januar. l. c. n. 26.* in hac dictione, & doctrina involvitur repugnantia: nam ante delictum esse debet subiectio, ratione cuius possit Episcopus prohibere delictum, &c. aliter hic talis non est Episcopo inobediens: & cum loquutio sit indifferens, nec mala ex sui natura, nequidemmet peccabit contra jus naturæ: Quia Episcopi præceptum ipsum Peregrinum non afficit, & consequenter nullo modo peccat; & si latum sit præceptum respectu mali notabilis extrinseci contenti in ipsa locutione, &c. tale tamen præceptum afficit tantum subditos. Et

424 Si iterum dicas. Quod Ordinarius in causis concernentibus materiam Clausuræ Monialium procedit, ut Sedes Apostolicæ delegatus, hincque sequi, etiam Peregrinos ei subiaci in dictis causis, æquè ac subiaciuntur ipsimet Sedi Apostolicæ; ideoque teneri servare Ediçta Ordinarium prohibentia accessum ad Moniales, non secus, ac si ediçta essent à Papa: Contra est: Quia talis delegatio ipsis facta est, solum in ordine ad Moniales exemptas, ut constat ex *Concil. Trident. sess. 25. cap. 5. de Regularib.* & *Monialib.* non verò in ordine ad Moniales sibi subditas, de quibus procedit tradita doctrina. Quo verò ad exemptas: *Delegatio ipsi facta est* (inquit *Pellizzar. n. c. 211. in fine*) *ad hoc scilicet, ut, non obstante Privilegio exemptionis, possint procedere contra illas in causis concernentibus Clausuram, non autem in ordine ad Peregrinos earum Monasteria adeuntes indebitè.* Hæc ille, quæ tamen (quo ad secundam partem) non videntur conformia *Decreto Concil. Trident. cap. 5. c. ex quo patet, delegationem, & potestatem datam Episcopis ab ipsomet Concilio super Monasteria exempta Monialium non esse limitatam, ad procedendum, videlicet, tantum contra illas in causis concernentibus Clausuram, sed datam illimitatè ad inducendam, & conservandam Clausuram contra quoscumque eandem violantes, vel impedientes, ibi enim: Inobedientes, atque contradicentes per Censuras Ecclesiasticas, aliasque pœnas quasque,*

quascunque, appellatione postposita, compescen-
tes, invocato etiam ad hoc, si opus fuerit, au-
xilio brachii secularis. Ex quibus Concilii
verbis, bene colligitur, quod ibi Episcopi
deputantur à Sede Apostolica, uti delega-
ti ad tuendam Clausuram in ordine ad Mo-
nasteria Monialium ab eorum iurisdictione
exempta (intra tamen suam Diocesim,) &
quod possunt consequenter excommunicare,
&c. (uti tales) quoscunque violan-
tes, vel impediennes eandem Clausuram,
etiam Advenas, & Peregrinos ad eadem
Monasteria exempta ad colloquendum.
Cui conclusioni, & doctrinae subscribit
expressè, & idemmet *Januar. resol. c. 34.*
nu. 20. & 27. etiam si, quo ad Monasteria
non exempta DD. Episcopis subiecta, non
dissentiat (ut supra) à *Pellizz. sententia*,
imò ex professo, ut patet *Legenti*, eam
tueatur. Et idem docet *Donat. in Praxi*
to. 4. Titul. de Accessu ad Moniales tract. 6.
quest. 22. n. c. 3. in fine, ubi sic ait; *Ordina-*
rius in casibus concernentibus Clausuram e-
xemptarum Monialium, procedit, ut Sedis
Apostolicæ Delegatus, ut constat ex supra di-
ctis, & præcipue ex Constitut. Gregor. XV.
incip. Inscrutabili. Ergo Peregrini in hac ma-
teria, saltem respectu Monialium exemptarum,
æquè subiiciuntur Ordinariis, ut Sanctæ Sedis
Delegatis, ergo, Edicta huiusmodi condita ab
Ordinariis, censentur lata à Papa, cui omnes
Christi fideles, quo ad bonum anime, tenentur
obedire in omni loco, ut patet de cultu, &
observantia festorum. Igitur possunt Episco-
pi, ut taliter Delegati, Peregrinos acceden-
tes ad Monialium exemptarum Monaste-
ria, cum eisdemque colloquentes excom-
municare, &c.

425 Et quamvis *Merolla l. c. difficult. 6.*
sub n. 618. Versu Sed hæc sententia, fol. mibi
106. videatur sentire, delegatam potesta-
tem traditam Episcopis à Trident. super
exempta Monialium Monasteria, limita-
tam esse, quo ad Clausuram, scilicet in-
ducendam, vel conservandam tantum; &
ad violantes, vel impediennes hanc Clau-
suram, tantum excommunicandos, &c.
non verò colloquentes, idque solum colligi
ex Concilii verbis. Contra est, quia ad
conservationem Clausuræ Monialium spe-
ctat prohibitio accessus ad loquendum cum
ipsis Monialibus, ut bene advertit *Barbosa*
de Potest. Episcopi par. 3. allegat. 102. n. 11.
fol. mibi 455. col. p. sub sequentibus verbis:
Ad Auctoritatem Episcoporum in custodienda
Monialium Clausura, pertinet, impedire acce-
ssum ad ipsas Moniales, & colloquia cum eisdem:
nec non ingressum intra septa Monasterii, &

illorum egressum à Monasteriis, iuxta dispositio-
nem Concilii dicto cap. 5. Idemque docent
Sanch. in Sum. to. 2. libr. 6. cap. 16. n. 105.
circa finem, & Januar. ref. c. 34. nu. 19. in
quo sic: *Ad conservationem Clausuræ Monia-*
lium spectat accessus ad loquendum cum ipsis
Monialibus; aliter enim Clausura nulla esset:
& n. 20. pariter ait: *Prohibitio locutionis spe-*
ctat ad conservationem Clausuræ, Clausura,
enim cum libertate loquendi, non esset Clausu-
ra Monialium, sed carcer, & esset omnino frustra-
toria, & vana. Si ergo Episcopi sunt delegati
ad finem, qui est Clausura, erunt etiam dele-
gati ad medium, quod est locutio: ita *Januar.*
Et hic obiter nota cum *Barbosa Allegat. cit.*
n. 74. Quod Censura per Statutum, aut
Edictum Episcopale adversus advenas Mo-
nasteria Monialium, & cum illis alloquen-
tes, comprehendit etiam accedentes ad
Monasteria exempta Monialium subdita
Regularibus, qui non subfunt iurisdictioni
Episcoporum, existentia intra suam iurisdic-
tionem; dum tamen expressè vetitus
suerit accessus, &c. etiam ad Monasteria
exempta, alioquin generica prohibitio non
afficit euntes ad Monasteria exempta: &
idem notat *Tamburin. de Jure Abbatissar.*
disp. 25. qu. 9. n. p. in fine, & apud eandem
idem docent *Sylv. Verb. Excommunic. 2. n. 14.*
Rossella eodem Verb. 7. sub nu. 4. Rolandus à
Valle consil. 33. incip. Illustris. sub n. 32. No-
varius in Summa Bullarum Tit. de Claus. &
Accessu nu. 15. & alii. Non enim Episco-
pus, qui excommunicationem fert, præ-
sumitur voluisse eam ferre, in hoc casu
omni meliori via, & modo, quo potest, &
inferendo eam, velle uti tam potestate or-
dinaria, quam à Sede Apostolica delegata.
Dixi, Censura lata per Statutum, aut per
Edictum Episcopale (addi potest etiam per
modum sententiarum generalis) quia hæc, quo
ad obligationem non differunt, sed solum
quo ad durationem; nam (ut advertit
etiam *Januar. resol. c. n. 24. cum Conincb.*)
lata per Statutum est perpetua, nec spirat
morte excommunicantis, lata verò per
Edictum, seu per modum sententiarum ge-
neralis, expirat morte excommunicantis.

426 Sed tandem ad propositum quæ-
situm redeuntes: Dico, illius resolutionem
pendere ab illa questione: An leges, ac
statuta alicujus Territorii, obligent Adve-
nas, & Peregrinos, dum ibi reperiuntur,
circa quam, & si probabile sit (cum *Do-*
loribus c. c.) Advenas, & Peregrinos non
obligari legibus, & consuetudinibus Terri-
torii, in quo reperiuntur, eo modo, quo
obligantur incolæ, quando in proprio do-
micilio

micilio non sunt eadem leges: nihilominus contrarium longè probabilius existimo. Et secundum hanc affirmativam sententiam in præfenti: Respondeo ad quæsitum, eos non evadere dictam excommunicationem, si absque licentia Ordinarii, cum Monialibus loquantur, Legem enim Territorii obligare Advenas, & Peregrinos in conscientia, & eo modo, quo obligat incolas, est sententia, & opinio communis apud Meroll. to. 2. disp. 4. tit. de Legib. cap. 3. dub. 42. sect. 1. n. 524. fol. mibi 174. quam etiam ipse sequitur, tum nu. cit. tum sect. seq. 4. conclusio. 4. à num. 536. eandemque sententiam docent pariter Suar. to. 1. de Relig. lib. 2. tit. de diebus festis cap. 14. nu. 18. & in tract. de Legib. lib. 3. cap. 33. à nu. 3. (in quo, & ipse ait, hanc esse communem sententiam interpretum, in leg. Cunctos populos, Cod. de Summa Trinit. & in cap. à Nobis 1. de sentent. excommunic. Præsertim Innocent. Hostiens. & Panormit. & in cap. 2. de Constitution. in 6.) Lessi. de Just. lib. 4. cap. 2. dub. 7. n. 50. Fagundes primo Ecclesiast. Præcepto lib. 1. cap. 8. n. 20. (in quo tamen limitat, quod faciunt, & alii, nisi videlicet, præsentia solum sit in tran situ, aut per modum hospitii, prandendo, cænando, pernoctando, & statim discedendo, tunc enim ait, non teneri huiusmodi Advenas, & Peregrinos, ad leges locorum, per quos transeunt.) Pontius de Matrimon. lib. 5. cap. 7. §. 1. num. 6. Salas de Legib. disp. 14. sect. 4. Versu Dico quartò. Molfesius in Summa to. 1. tract. 10. cap. 4. n. 17. Reginald. in Praxi to. 2. lib. 19. cap. 2. qu. 3. Versu Posteriori propositio. Pala. part. 1. Operis Moralis tract. 3. disput. 1. punc. 24. §. 3. n. 11. Donat. to. 1. Praxis part. 1. tract. 1. tit. de Legib. in genere qu. 5. sub n. 14. Versu Perinde velis, & to. 4. tract. 6. tit. de Accessu ad Moniales quæst. 22. n. 2. aliique plures, apud citatos præsertim: cum quibus huiusmodi sententia.

427 Probatum primò, quia lex pro tali Territorio generaliter fertur: ergo omnes ibi actu degentes obligat, pro tempore, quo commorantur ibi: Consequentia probatur, tum ex parte causæ finalis, quia ad bonam Territorii gubernationem, nedum convenientissimum, sed moraliter necessarium videtur, ut leges latæ habeant vim hanc, cum ad pacem, tranquillitatem, & bonos mores loci necesse sit, quod Advenæ etiam conveniant cum moribus populi, quandiu ibi versantur, ut etiam in iure sæpè insinuat: Cap. Illud breviter, distin. 32. Cap. Quæ contra mores, distin. 8. Cap.

Quisquis, distin. 41. & Cap. Illa autem, distin. 12. Idque docet satis experientia ipsa, quia si aliter fiat, sequuntur scandala, & diffidia, igitur cum ferantur leges ob commune bonum, & pacem, ac bonos mores loci, & ad hoc præcipuè intendant, necesse est, ut vim habeant obligandi omnes, etiam Advenas. Tum etiam, ex parte causæ efficientis, seu potestatis Legislatoris probatur consequentia: Quia unusquisque Reipublicæ gubernator habet potestatem necessariam ad suæ Reipublicæ conservationem, & ad ejus bonos mores tuendos, ergo potestatem habet ad ferendas leges, quas omnes ibi morantes observare teneantur, hac enim ratione habet potestatem puniendi Advenas ibi delinquentes, ergo, & eadem ratione potestatem habet obligandi per suam legem omnes ibi morantes, quatenus ad bonum suæ Reipublicæ necessarium est: quam potestatem habere videtur Legislatores ex jure gentium, ut bene Suar. to. 1. de Relig. lib. 2. tit. de dieb. Festis cap. 14. nu. 10. fol. mibi 197. Confirmatur, quia si Peregrinus in loco, ubi est, delinquet contra jus naturale, conveniunt omnes, puniri posse à Superiore illius loci, at hoc alia nulla ratione contingit, nisi quia ad rectam Reipublicæ gubernationem convenit, ut ubi quis delictum committit, ibi puniatur, & malum exemplum punitione reparetur; sed æquè ad rectam gubernationem convenit, ne mala exempla præbeantur, neque aliis occasio transgrediendi leges præbeatur: ergo justum est, quemlibet obligari, ac legibus illius loci conformari.

428 Et si dicas, Peregrini, & Advenæ non sunt subditi, nam subiectio quo ad morum directionem, & obligationem, non acquiritur, nisi per domicilium, vel saltem per quasi domicilium, ergo nequeunt legibus Territorii obligari, quia Legislator non potest, nisi subditos obligare: Si hoc inquam dicas: Contra, quia ut bene arguit Suar. de legib. lib. 3. cap. 33. nu. 4. & cum ipso Merolla sect. 4. cit. nu. 539. licet Advenæ, & Peregrini non dicantur simpliciter subditi, seu permanentes, non deest tamen illis titulus sufficiens subjectionis, ratione cujus obligari possunt legibus Territorii; quia sicut illa obligatio, respectu illorum, est quasi transiens, & secundum quid, ita ad illam sufficit quasi transitoria subiectio, ad quam satis est commoratio actualis, & præsentia, licet futura non sit diuturna; nam sicut is, qui transfert domicilium in alium locum, eo ipso vult

vult obligari legibus illius permanentes ; vel ex consequenti obligatur, etiam si non sit : ita si alicubi ad breve tempus vult commorari, eo ipso vult, & velle debet subditi pro tunc regimini illius loci, quo ad ea, quæ ad generales mores, & leges spectant : ita *Suar.* Quod confirmatur etiam *en. rod. n. c.* à contrario sensu : nam incolæ discedens à suo Territorio ad breve tempus, statim pro eodem definit obligari legibus sui Territorii (ut probat idem *Suar.* & tot alii) & consequenter pro tunc fit non subditus actu. Ergo è contrario, Advena existens in alieno Territorio, incipit eo ipso obligari legibus illius Territorii, & fit subditus illius actu : nam est eadem ratio ; & æquitas postulat in utroque, ut servetur paritas, & proportio, absurdum enim videtur, Peregrinos exemptos esse ab omnibus legibus municipalibus, sive proprii, sive alieni Territorii. Adde, quod *Sancb. de Matrim. to. 1. lib. 3. disp. 18. sub n. 3. Versu Similiter est. Salas de Legib. sect. 4. c. sub n. 40. Vers. Dico secundo. Suar. cap. cit. 14. de Reliq. n. 15. Pala. l. c. n. 6. aliq. Doctores, conveniunt, teneri Peregrinum servare leges Territorii in quo reperitur, si in loco sui domicilii sit eadem lex (& contrarium dicere, reputant absurdum, ut videre est apud ipsos) sed non tenetur servare leges illas, ut esset v. gr. audire Sacrum, &c. in loco, ubi reperitur, ex vi constitutionis sue Paritæ, vel domicilii, quia lex non obligat (per D. D. etiam adversarios) extra Territorium : ergo si obligatur, obligatur ex vi statuti illius loci, in quo reperitur : quia non obligatur ex lege aliqua generali, ut supponitur, & utique oportet, quod ex aliqua lege obligetur : ergo obligatur nil minus, ac si in terra sua non esset eadem lex, quia supposita absentia, illa lex nihil confert ad hanc obligationem : ergo vel etiam in illo casu non obligabitur, quod reputatur à D. D. absurdum, vel semper obligabitur.*

429 Probat secundò eadem sententia : Ex consuetudine fidelium, fideles namque, rudes nedum, sed etiam docti, passim ubique putant, se obligari legibus locorum, ubi ipsos versari contigerit, adeo ut si quis deprehendatur violare huiusmodi leges, puniatur à Principibus, seu Magistratibus locorum, tanquam transgressor, ut si quis ver. gr. deferret arma prohibita loqueretur cum Moniali absque licentia Ordinarii, &c. Sed consuetudo ex tali opinione orta inducit obligationem non minus, quam lex uniuersalis, non alio enim modo, id, quod

ante non obligabat, incipit per consuetudinem obligatorium esse, quam, quod homines incipiunt, illud passim, tanquam obligatorium servare, ut communiter tradunt Doctores de consuetudine. Itaque cum consuetudo servandi aliquam legem, tanquam obligatoriam, inducat obligationem, & consuetudo, de qua hic, talis sit, videtur omnino inducere obligationem. Igitur Advena, & Peregrinus, velis, nolis, sicut eo ipso, quod est extra suum Territorium, definit obligari legibus illius ; ita eo ipso, quod accedit aliquo, per accessum incipit huius Territorii lege obligari ; perpetuò, si accedat cum animo ibi perpetuò manendi, transeunter, vel ad breve tempus, si cum tali voluntate fiat accessus : sique obligatio, seu subiectio Territorii erit transiens, vel permanens, eo modo, quo fuerit eorumdem Peregrinorum mora, ut latè *Suar. de Legib. cap. 33. c. & ex ipso Merolla sect. 4. c. à n. 536.* Alias rationes, uti, & responsa ad obiecta, quæ contra huiusmodi sententiam fieri possunt, vide (brevitatis gratia) apud eundem, nec non apud *Palam, & Donatum l. l. c. c.* cum quibus, & ex eademmet, unicuique eorundem doctrina, ac ratione, inferes multa, ea præsertim, quæ enumerat *Donat. qu. 5. c. à n. 13.* suntque sequentia.

430 Primo : Quòd si Italus eo constat, ubi *Concil. Trident.* non fuit receptum, poterit sine Parocho, & testibus Matrimonium contrahere. Secundo : Quòd si Romanus Mediolanum petat, potest tunc ibi non jejuna, sed vesci carnibus, & lacticiis, quatuor primis diebus antecedentibus Dominicam primam Quadragesimæ, quia ius commune Ecclesiæ Romanæ ibi non viget. Et versa vice, si Mediolanensis reperitur Romæ permanenter, vel transeunter, tenetur ad festa, jejunia, & similia indicta à Romana Ecclesia : & sic ei Romæ non licet vesci carnibus, & lacticiis, quatuor illis diebus præcedentibus primam Dominicam Quadragesimæ : quia tenetur ad legem communem Romanæ Ecclesiæ, quia Mediolanensium Privilegium est locale, & sic extra Territorium non valet. Tertio : Peregrinum non teneri ad festa sui domicilii, si eò pergat, ubi dicta festa non servantur : ut in *Cap. Toto de Constitutionibus in 6. Quarto* : Sacerdotem Græcum, si Neapolim veniat, in Ecclesia Latinorum posse tuta conscientia celebrare in Azimis, sicut, & nos celebramus, pro ut *Leo IX. Epist. ad vers. præsumpt. cap. 29.* Idipsum procedit de Sacerdote Latino, si in Græciam iret, & ibi

Latinorum Ecclesia non foret; posset enim more Græcorum in fermentato celebrare; quia jus Ecclesiae Latinae eo non viget. *Quinto*: Castellanium, ubi fuerit in Lusitania, non posse licite die Sabbato vesci pecudum intestinis, pro ut poterat in Patria, quia Castellanos Privilegium est locale, non autem personale, unde inhaeret loco, non personae. Et item Lusitanum in Civitate Castellana contra morem suae Patriae, posse licite die Sabbato vesci intestinis animalium, ob legem Territorii, in quo reperitur. *Sexto*: Deferentem arma prohibita contra statutum loci, per quem transit, & si in sua Patria tale statutum non sit, posse iuste puniri. *Septimo*: Advenam loquentem cum Monialibus absque licentia Episcopi, incurere excommunicationem. Haec, & optime insert *Donat. l. c.* ex recitata, & ab eodem admissa sententia. Aliaque etiam plura similia ex eadem inferri possunt, quae omnia, una eademque ratione probantur: Quia videlicet Peregrini, & hospites, eo quod à proprio domicilio absunt, & aliud se recipiunt, non tenentur, Patrias leges servare; si eo in loco, ubi per transitum reperiuntur, sint abrogatae, aut non receptae, pro ut colligitur ex *Cap. 2. de Confit. in 6. Vers. Statuta Episcopi*, ubi habetur, subditum furantem extra Territorium Episcopi, non ligari excommunicatione ejusdem lata in furantes, & redditur ibi ratio: *Cum extra Territorium jus dicenti non pareatur impunè*. Vide *Sancti de Matrim. to. 1. lib. 3. disput. 18. n. 18*. Cum igitur jus dicenti, extra Territorium non pareatur impunè, fundamentum unicum omnium praedictorum, & inferendorum, videtur esse Territorium, quia lex de sua natura, & ex se, habet respicere Territorium, adeo sic, ut sicut non se ostendit ultra Cancellos Territorii, ita intendat ligare omnes existentes in eodem Territorio, & solo, cui inhaerent, cujusvis sint generis. Unde leges, & statuta Territorii attendenda sunt absolute, aliter nulla lege adstringerentur Peregrini, si aliquo, communes essent abrogatae. Et de hoc satis, qui plura desiderat, percurrat Doctores supra laudatos.

431 *Quæres* quartò: An qui absque licentia Ordinarii loquitur cum Moniali, ipsa nihil respondente, excommunicatione ligetur? Negant *Grass. de Casib. reserv. lib. 2. cap. 5. n. 1. Pelleg.* (sed non adeo absolute) *de Monialib. cap. 3. sect. 5. n. 217. Januar. de Casib. refer. to. 1. ref. 39. per totam, & Del Bene de Immunit. Eccles. par. 2. cap. 14. dub. 5. sect. 3. n. 6.* Quia prohibetur colloquutio,

qui autem loquitur, non colloquitur, quia colloqui requirit mutuam loquutionem, & significat, simul loqui, non enim quando unus tantum loquitur, dicitur proprie colloqui; & verba legis poenalis, qualis est hæc, non sunt extendenda ultra proprium significatum, sed potius restringenda, nam poenae sunt odiosae, odia autem sunt restringenda, *Reg. Odia, de Reg. Juris. in 6.* ita citati, praesertim: *Del Bene n. c.* ubi expressè sic: *Non peccant, nec poenae incurrunt, si loquuntur cum Monialibus, nihil eis respondentibus; quia neque hoc est proprie loqui, seu colloqui cum Monialibus, & ex alio capite verba legis poenalis non sunt extendenda, sed potius restringenda: Hoc tamen non obstat: Respondeo ego ad quaesitum, affirmativè: Cum eodem Grass. to. p. Confessor. lib. 5. tit. de sentent. excommunic. confil. 22. n. 33. fol. mibi 562.* sibi enim ait, sufficit alloquutio ex parte unius ad incurrendam excommunicationem majorem, si multipl. caret plurima verba, Moniali nihil respondent. *te*) *Diana to. 5. Coord. tract. 1. ref. 84. n. 1. & ref. 87. n. 2. & 3. ex par. 3. tract. 2. ref. 48. ex par. 10. tract. 14. & Miscell. 4. ref. 51. alias 49. Tambur. de Jure Abbatis. disput. 25. qu. 8. Versu Ad secundum resp. Pasqual. in Franciscum part. 1. Tit. de Accessu Regular. ad Monast. Monial. qu. 2. in Addit. n. 1123. Quartò de Casib. reserv. sect. 1. cap. 1. casu 4. reservato: difficult. 2. & Merolla to. 1. disput. 1. cap. 2. difficult. 2. d. n. 589. fol. mibi 101. & Donato in Praxi to. 4. Tit. de Accessu ad Moniales tract. 6. qu. 13. n. 2. cum quibus absolute dico, etiam per simplicem allocutionem cum Moniali absque licentia, ipsa non respondente, excommunicationem incurri. Probatur, tum quia consuetudo, quae potest legem facere multo magis potest legem interpretari, & ideo dicitur optima legum interpret, leg. si de interpretatione 37 ff. de legib. & Cap. Cum dilectus de Conjur. ibi: *Et consuetudo est optima legum interpret.* At vero, quamvis locutio proprie significet duorum simul locutionem, tamen consuetudo semper illud intellexit, etiam de simplici allocutione: unde communiter omnes, non solum rudes, & illiterati, verum etiam periti, ita loquuntur, quod scilicet alloquens Moniales sine licentia Ordinarii, est excommunicatus. Sed usus communis loquendi praesertim proprio significato vocabuli, etiam in materia poenali, & odiosa, ut est ista, & materia Statutorum. Textus est notabilis in *l. Labeo*, & ibi notat Bartol. ff. de supell. leg. & docet idem Bartol. in leg. Omnes populi, quest. 6. principali, Vers. Juxta praemissa quaero, ff. de Jul.*

de Jusf. & Jure. Tum quia, & si verba legis pœnalis regulariter non sint extendenda ultra proprium significatum, tamen limitatur hoc, nisi lex redderetur inutilis, & finis, seu mens Legislatoris frustraretur, tunc enim impropriari debent verba legis, & extendi ultra proprium significatum, ut docent communiter Doctores. *Argum. Cap. Si Civitas de sentent. excommunication. in 6.* Et de verbis *Testamenti*, quod impropriari debeant, ut voluntas Testatoris locum habeat, asserunt, *Socin. Sen. consil. 2. nu. 8. volum. 4. Decius, consil. 399. n. 7. volum. 2. Surdus* (alios referens) *consil. 116. n. 69. volum. 1. relati à P. Diana. resol. cit. 87. n. 2.* In casu autem nostro, si nomen collocationis non extenderetur ad quamlibet allocutionem, prohibitio redderetur inutilis, inutileque Statutum: & mens, seu finis Prælati statuents frustraretur, ut clarè patet: nam prohibitio, & Statutum contemneretur, & Prælatum non assequeretur finem intentum, qui est tollere occasionem peccati, & removere impedimenta, quæ Moniales ab acquirenda perfectione, retardare possunt. (Nota hic obiter cum *P. Diana nu. 2. cit. in fine*, conari Adversarios, respondere ad hæc adducta, nostra argumenta.) Hinc etiam *P. Pasqu. num. cit. ait*, & optimè, quod finis hujus prohibitionis, & legis, est tollere commercium locutionis, quod habetur, sive Monialis respondeat, sive non. Et quod praxis ita interpretatur hanc prohibitionem, & proinde cum communis usus, ita habeat, ut censeatur prohibita loquutio, præferendus est strictæ significationi, verbi *Colloqui*: ita *P. Pasqualig. l. cit.* ubi etiam addit, quod spectato fine hujus legis, dicta adversariorum ponderatio, est admodum levis, spectatis etiam verbis: si quidem confunditur colloqui cum alloqui, etiam à *S. Congregatione*, in hac eadem materia, & in uno eodemque *Decreto* (quod refert ad verbum, idem *Pater l. c. n. 118.*) in quo (ut patet legenti) quod prius dixerat *Colloqui*, dicit postea *Alloqui*. Concludo tandem cum *P. Diana resol. c. 87. n. 3.* Res morales, moraliter, non metaphysicè tractandas esse, idebque duo ista verba *Colloqui*, & *Alloqui*, in materia de qua hic, tanquam synonyma esse sumenda, idemque significantia; quo pacto etiam sumi videntur à *Sacra Congregatione in dicto Decreto relato à P. Pasqualigo*: & in alijs duobus ejusdem *S. Congregationis*, appositis per extensum à *Lexza. in Sum. to. 4. Verb. Moniales nu. 18. & 19. in quorum primo*, contra Regula-

res accedentes ad Monasteria Monialium, *Anno 1590.* & in secundo, *Anno 1693.* Eminentiss. Cardinales, id, quod primum statuerunt, & prohibuerunt cum verbo *Colloqui*, postea statuunt, & prohibent cum verbo *Alloqui*, ut *Legentibus* patet. Ergo. Et adde, quod lex non est posita verbis, sed rebus: & quod legis mens magis est attendenda, quam verba, ut *Jura*, & *D.D.* apud eundem *Dianam n. 3. c. & alibi.*

432 Verum quidem est, quod non contraveniret dictis *S. Congregationis Decretis*, neque Edicto Episcopi, qui audiret Monialem sibi loquentem, ipso nil respondente; quia prohibitio est lata contra loquentes cum Monialibus, non contra illas audientes, audire autem non est loqui, nec in larga significatione vocabuli: ergo. Et ita etiam tenent *Lexza. l. c. n. 20. Diana. n. 3. c. in fine. Pellizzar. n. c. 217. Quarti l. c. Pasqualig. n. c. 1123. in fine. Del Bene n. c. 6. Merolla to. 1. disp. 1. cap. 2. n. 591. in fine. Verricelli tract. 8. qq. Moralium, & Legalium, qu. 66. n. 24. alique.*

433 Quæres quintò: An qui per nutus, & signa, Moniales alloquitur, contraveniat prohibitioni, & incidat in excommunicationis Censuram? Negant *Del Bene. sect. 3. cit. n. 4. Verricelli qu. cit. nu. 22.* & alii: Quia loqui (proprie loquendo) est, voce articulata, alteri explicare internos mentis conceptus: ergo signis, vel nutu illos manifestare, non est proprie loqui, & per consequens, cum lex sit odiosa, intelligi debent verba ipsius in propria significatione, videlicet, ut comprehendat tantum, voce articulata loquentes. Quo tamen non obstante: Ad quæsitum respondeo affirmando: Et dico incidere in excommunicationem, etiam illum, qui per nutus, & signa Moniales alloquitur absque licentia. Probatur tum quia prohibita est locutio secundum formalem rationem locutionis, quatenus scilicet est manifestativa sensuum interiorum, mentaliumque conceptuum, ac animæ passionum præsentium modo, quæ manifestari possunt, nedum verbis, & externa voce articulata, verum etiam nutibus, & signis, ut patet in surdis, & mutis, qui per signa, & nutus valide contrahunt, & sua peccata confitentur, consequenter talis etiam manifestatio, est prohibita; nam quod manifestentur verbis articulatis, aut signis, spectat ad modum locutionis, non ad substantiam. Tum quia, qui loquitur cum Moniali per nutus, & signa, verè explicat ei suos internos affectus, ad quos explicandos est

instituta loquela. Quod verò fiat hæc explicatio per externa articulata verba, aut per alia signa, parum refert. Sicuti si Monialis habet linguam Græcam, & loquens, eadem lingua polleret. Si loquela Græca colloqueretur, verè incideret in casum: sicque etiam quando loquuntur per signa, aut nutus, quibus ipsi soli se intelligunt, verè loquuntur, cum verè explicent affectus, & conceptus internos. Loquutio enim generalissimè accepta, aliud non est quam manifestatio interni conceptus alteri facta (præsentiali aliquo modo) ut tradit *D. Tb. p. p. qu. 107. art. 1. in Corpore*. Statim ergo, ac quis in natura rationali, alteri aliquo modo explicat suum internum conceptum, dicitur cum illo loqui: sicque cum aliquo loqui, quis dicitur, quando illi aperit suos affectus, & cogitationes, sive hoc præter voce articulata sensibili, & materiali, sive nutibus, sive scripto, sive alio quocumque signo, per quod alteri possint interni conceptus innoscere. Immo, quia, cum quis obiectum aliquod intelligit, illud idem obiectum sibi met manifestat, dicitur etiam sibi met loqui, & intellectio appellatur a Philosophis loquutio mentalis. Quare licet forsan loquutio, primariò sit dicta de vocali, & externa loquutione, tamen propriè etiam dicitur de quacumque manifestatione interni conceptus alteri facta. Hinc non est de intrinseca ratione loquutionis, ut sic, ut fiat per verba vocalia, sed sufficiunt alia signa instituta ad internos conceptus alteri manifestandos; ut clarè patet etiam de Angelis, qui verè, ac propriè inter se loquuntur (per actum videlicet voluntatis, quo volunt suos conceptus, aliquin occultos, alteri manifestari, ut dicunt Theologi in *Tracl. de Angelis*) quod colligitur ex *Scriptura pr. ad Corinib. 13. Si linguis hominum loquar, & Angelorum*: ubi supponit Apostolus, esse in Angelis loquutionem, ut ibi notant Sancti Patres, & Explicatores. Et ratio ipsa suadet; quia cum Spiritus Angelici constituent unam Rempublicam, & Societatem, ab hac exigitur, ut possint mutuo conversari, & confociari, ac hoc perfectè haberi nequit, nisi valeant internos conceptus (alioquin occultos) sibi manifestare, &c. & per consequens ad invicem loqui. Angeli igitur loquuntur, communicando inter se spiritali modo cogitationes suas, consilia, & conceptus; & tamen non utuntur verbis vocalibus: Ergo. Tum etiam quia, licet etiam signis, ac nutibus conceptus internos manifestare, non esset ita propriè allo-

qui, in hoc tamen colloquio, militat eadem prohibitionis ratio, ac in colloquio verbalis, omninò, ut discurrenti patebit: Ergo. Pro hac responsione, & doctrina, sunt *Graff. de Casib. reserv. l. 2. c. 5. n. 33. Diana 10. 5. Coord. tr. 1. ref. 84. n. 2. & ref. 88. n. 3. Ex par. 3. trac. 2. ref. 48. Ex par. 10. tr. 14. & Miscell. 4. ref. 53. alias 51. Pasqu. l. c. n. 1120. Merolla l. c. à n. 593. Januar. 10. 1. de Casib. refer. ref. 34. nu. 49. Carolus de Baucio de Casib. reserv. Eccles. Neapol. in Edit. secunda, Casu 4. Petes 2. fol. mibi 21. Tambur. de Jur. Abbatisi. disp. 25. quæst. 8. ad Tertium. Quartil. c. difficult. 3. & alii.*

434 Huic quæsitio, videtur esse affine alterum, quod movetur de loquente cum Moniali per interpretem, seu per intermediam personam in præsentia Monialis audientis, & per eandem interpositam personam respondentis, an videlicet, iste etiam excommunicatione ligetur, & mortaliter consequenter peccet? Affirmant *Graff. l. c. n. 32.* (adducens ibi *Geminianum in c. fin. n. 2. dist. 8.* dicentem quod, qui per interpositam personam verba explicat, verè loqui dicitur.) *Merolla l. c. n. 595. Lezz. l. c. n. 20. Pasqual. n. c. 1120. & alii.* Ratio affirmationis est: quia sic in effectu idem est, ac si verè cum ipsa Moniali colloqueretur, cum ad ipsam in præsentem directè sit loquutio, sicut qui cum alio loquitur per interpretem, communi hominum æstimatione censetur cum ipso loqui; sicut confessio-nem faciens per interpretem, censetur cum Confessario præsentem loqui, & finis loquentis in casu nostro, est communicare suos sensus Moniali, & fraudem legi facere, & proinde illam violare, & reddere eam consequenter illusoriam. Solum hoc admitti posset (inquit *Pasqual. n. 2. c. in fine*), quando loquens non dirigeret suam loquutionem ad Monialem, sed solum colloquens referret Moniali, quod ab ipso percepit. E contra, negant *Diana ref. Coord. c. 84. n. 2. Vers. Nota 2. in fine.* (Ubi sic: *Ego in hoc contrarium teneo, & ita in præci etiam à Viris timoratis observatur; & à fortiori non incurreret in excommunicationem, qui mitteret Moniali absenti nuncium, vel Epistolam*) *Del Bene l. c. n. 4. Januar. h. c. 49. Vers. Secus verò. Vericelli l. c. n. 21. Tambur. l. c. Vers. Ad quartum, & alii.* Quorum ratio est, quia prohibetur colloquio cum Moniali, hic autem non loquitur cum Moniali immediatè, sed cum interprete, cui verè explicat suos internos affectus, & ex hoc Moniali, quod non est prohibitum: sicut si quis per scriptum suos internos explicaret affectus, non

non incideret in casum, &c. In sententia *Quarti diffide.* 3. e: utraque opinio videtur probabilis. Huic subscribo. An verò incideret, qui per interpretem loqueretur aliqua lingua, quam Monialis non intelligit, sed interpres explicaret Moniali sensum verborum, negativè respondendum videtur, cum *Merolla l. c. sub n. 595. Vers. Non tamen, in fine, & n. 608.* quia hic non potest dici verè loqui cum Moniali, sed cum interprete, unde idem est, ac si mitteret Moniali nuncium, in quo casu utique non incideret. Sicut, nec multò minus incideret, qui absque interprete loqueretur aliquo idiomate, quod Monialis non intelligeret, ut si loqueretur lingua Turcica, aut Indiana. Quia licet talis sit vera etiam loquutio, nam verbis exprimit conceptum mentis, non tamen est in ordine ad alium, sed ad seipsum, sicuti si quis loqueretur nemine audiente. Et hinc etiam fit, non ligari hac Censura, qui loquitur Moniali surdè, nihilque percipienti: aut qui Moniali loquenti lingua Hispanica, responderet lingua Hebraica. Ut in simili dicitur de eo, qui legit librum Hæretici, conscriptum, vel impressum lingua, quam non intelligit, hunc videlicet non incurrere excommunicationem, latam contra legentem libros Hæreticorum; ergo multo magis idem dicendum in hoc casu nostro.

435 Quo verò ad Epistolam, de qua supra à P. Diana mentio facta est, sentio cum ipso, & cum *Grass. l. c. n. 34. in fine, & n. 60. Vers. Ex quibus. Barbosa de Episcopo par. 3. allegat. 102. n. 81. Merolla l. c. sub n. 595. Vers. Non tamen. Rodrig. to. 1. q. 9. Regular. qu. 45. art. 3. Bonac. de Claus. qu. 3. punc. 2. n. 5. Januar. ref. 46. Squillante de Privil. Episcoporum. par. 1. c. 13. n. 48. Pasqualigo in Francum l. c. n. 1121. Pellizz. l. c. q. 18. n. 218. & communi D.D. apud, & cum P. *Quarti l. c. Diffic. 5.* sentio inquam, mittentem Epistolam, & literas ad Moniales, non incidere in Censuram comminatum contra euntes, & loquentes cum illis. Probatur, quia prohibetur loquutio, seu colloquutio, sub quo nomine non veniunt litteræ, seu Epistolæ, vel internuncia; non enim sunt idem (nisi impropiissime) scribere, & loqui (Epistola namque mittitur ad absentes, loquutio fit ad præsentem,) & cum verba non convenient scripturæ, nec etiam venit dispositio: ergo. Consequentia hæc videtur esse manifesta, quia à *Diversis non fit illatio. Barbosa loco 37. & communiter.* Addo cum eodem *Barbos. n. c. 81.* quod prohibitio accessus, & loquutionis*

cum Monialibus, ob id fit, ne illæ à Divinis Officiis abstrahantur, & in mundanis colloquiis tempus consumunt, quod quidem deest, cum litteræ mittuntur; & cum *Merolla Vers. c.* item addo, quod quando Prælati vult excommunicare, non solum aliquos, sed etiam mittentes litteras, vel Nuncium, id explicat in suis Statutis; & Tabellis, & nonnulli etiam faciunt, ut videre est apud D. D. maximè, si litteræ contineant res turpes, vel obscenas: quo in casu (ut notat etiam *Quarti diffic. 5. c. in fine*) tam mittens litteras, per internuncium; quam deferens, incurrunt in excommunicationem, quia id expressè prohibetur sub Censura, ut suppono, & patebit hoc ex textu in Tabella, &c. Sed

436 Obiicies, cui prohibitum est loqui cum excommunicato, eidem prohibitum est etiam nuncium, vel literas mittere, ut videre est apud *Suar. de Cens. disp. 15. sect. 1. n. 2. Sayr. eodem trac. lib. 2. cap. 13. n. 2.* apud quos etiam jura, & D. D. Sed in casu nostro prohibitum est cum Monialibus loqui, ergo, prohibitum etiam est nuncium illis, vel literas mittere. Respondeo cum *Barbosa Allegat. c. 102. n. 84.* negando paritatem. Cum excommunicatis enim non solum prohibetur ab Ecclesia expressè loquutio, sed etiam expressè participatio, quæ fit per literas, & nuncium, & quæcumque communicatio, ut videre est apud Canonica jura, & D. D. communiter. Cum Monialibus verò, ab Ordinariis earum, prohibetur (ut supra) sola loquutio, ne ipsæ (ut dictum est) ab Officiis Divinis abstrahantur, & in mundanis colloquiis tempus consumunt. Quod notat pariter cum *Barbosa, Defendens Quadrius de Censib. reserv. disp. 3. casu 13. concl. 9. n. 1495.* in quo, uti, & in tota conclusione, defendit, & ipse, prohibitionem, de qua hic, non esse extendendam ad scribentem, & mittentem literas Monialibus, vel internuncium, & ob eandem hucusque suppositam fundamentalem rationem, quia videlicet poena extendi non debet ad alios casus, *l. factum cuique §. in penult. ubi Decius, ff. de Reg. Juris, c. in parit. eod. tit. l. 6.* Etiam si extensio fiat ex similitudine rationis, ut probat pluribus citatis Doëtoribus. *Barbosa in Libello de princip. utriusq. Juris littera P. n. 15.*

437 Et hic obiter nota: Cum *Grass. n. 60. Vers. Ex quibus supra c. c. Rodrig. art. 3. cit. Miranda de Monialib. quest. 4. artic. 5. in fine. Sanch. in Decal. to. 2. lib. 6. cap. 16. n. 117. Merolla l. c. n. 601. Tambur. quest.*

8. c. *Verf. Ad sextum. Bonac. de Claus. qu. 3. punct. 2. n. 6. Verf. Hii non obstantibus. Barbosa. Allegat. c. 102. n. 77. in fine. Et de Jure Ecclesiastico lib. 1. cap. 44. n. 171. Januar. de Casib. refero. to. 1. ref. 46. n. 1. Donato in Praxi to. 4. tract. 6. tit. de Accessu ad Monial. qu. 11. & aliis; Quod si Episcopus, & Ordinarius prohibeat sub pena excommunicationis, ne quis Monialibus scribat, tali excommunicatione non ligatur, scribens Epistolam, quæ casualiter non pervenit ad Monialem. Ratio est, tum quia hæc videtur esse mens, & intentio Superioris prohibentis scribere, parum enim refert literas componere, & scribere, nisi perveniant. Tum quia, licet effectus extrinsecus, regulariter loquendo, non cadat sub prohibitione, nec sit illius materia, sed potius finis; nihilominus sub prohibitione cadit, & illius materia censetur, quoties Superior illum expressè, vel tacitè petit, ut probatur ex *leg. si Bursatorem, C. de fidejuss.* ubi habetur, illum, qui promisit Judici latronem invenire, non satisfacere, nisi latronem captum Judici exhibeat. Quamvis igitur literas scribere, & transmittere, non significet propriè, ut perveniant; præsumitur, id voluisse Prælatum statuentem, quia transmissio Epistolæ, non operetur Moniali, nisi perveniret ad illam. Confirmari potest Doctrina hujus notabilis à simili, de excommunicatione lata contra scribentes Cardinalibus clausis in Conclavi, pro Electione Summi Pontificis, qui tali non afficiuntur excommunicatione, si literæ ipsæ ad Cardinales non pervenerint, eo quia effectus ex parte scribentis, & mittentis non sit consummatus (ut latè Diana to. 9. Coord. ref. 104. ex par. 12. ref. 11. Bonac. in tract. de Election. Summi Pontific. qu. 4. Proposit. 2. n. 2. Verf. Respondeo ex vi, fol. mibi 114. Petrus Maria Passerinus tract. cod. quest. 12. n. 35. Verf. Dubitatur decimo, fol. mibi 62. & alii apud eisdem.) Ubi autem actus contra legem non est consummatus, pœna ordinaria non habet locum. Et præterea, quia verba cum effectu intelligenda sunt, *leg. 1. §. hæc verba, ff. quod quisque juris, leg. quoties, ff. qui satisd. cog. & cap. si à Judice de appellation. libr. 6.* Ex quo sequitur (insert Bonac. Proposit. c.) eum non affici excommunicatione, qui literas scripsit alicui Cardinali, sed illæ ad Cardinalem non pervenerunt, etiam si fortè is, qui eas interceptit, eidem Cardinali significaverit, quid in ipsis contineatur. Ratio est, quia effectus, ex parte mittentis non est consummatus, quod tamen intelligitur, modo*

is, qui eas interceptit, non significet contenta in literis de mandato illius, qui literas miserat, is enim munere nunci fungetur. Et hinc etiam patet, nec pœnis affici scribentem literas Monialibus, quæ ad ipsas non pervenerunt, etiam si aliquis Monialibus ore detulerit, quæ in literis continebantur; quia hoc pacto literæ non dicuntur, ad Monialem pervenire, sed solum indicatur, quid in literis contineretur: non est autem idem relatio, quod traditio Epistolæ, requisita, ut effectus completus judicetur, & habeatur. *Sanch. n. c. 117. Bonac. sub n. 6. c. de Claus. Verf. Hinc patet. Donatus qu. 11. c. & alii. Effet tamen excommunicatus (concludit Grassi. Verf. cit. Ex quibus collige tria) etiam si literas ad manus illius non devenerint, sed per medium personam Moniali lectæ fuerint, quia non curamus de modo, si habemus effectum.*

438 Quares sextò: An delinquat contra prohibitionem accedendi ad colloquendum cum Monialibus, & excommunicatione ligetur, qui de Domo sua propè Monialium Monasterium posita, loquitur cum aliqua illarum? Non delinquere sentiant Pellizzar. de Monialib. c. 5. sect. 5. n. 214. Tamburini. qu. c. 8. Verf. Ad primum. Januar. ref. 34. n. 15. Verf. Item excusantur qui. Del Bene sect. c. 3. n. 13. Pax Jordanus volum. 2. lib. 7. tit. 12. n. 57. fol. mibi 61. Bonac. qu. 3. cit. de Claus. punct. 1. Verf. Secundo sequitur. Hi, & alii, sentiunt, inquam, non delinquere illum, qui domum suam Monasterio contiguam habet, & à fenestra ejusdem domus, ex gr. Monialem alloquitur, quia is non dicitur ad Monasterium accedere, cum non se transferat ad Monasterium, dum ibi existit; & accessus indicet motum ad aliquem locum, sicut recessus significat, è contra, motum ab aliquo loco. Prohibitio autem, de qua hic, duo copulativè vetat, accessum ad Monasteria Monialium, & loquutionem, & idè cum lex hæc, & prohibitio sit pœnalis, non habet locum in sola loquutione. Nihilominus

439 Respondeo ad quæsitum, probabilius esse oppositum, & hoc tenendum, uti etiam tenent Grassi. cap. 5. c. de Casib. refer. num. 44. Verf. Et si simpliciter, in fine (ibi contrarius to. 1. Consultor. consil. 22. de sentent. excommunic. n. 23. in fine, fol. mibi 559.) Merolla l. c. à n. 625. P. Pasqualig. l. c. n. 1124. P. Verricelli qu. cit. 66. n. 20. Donat. tract. c. 6. qu. 15. n. 2. & alii. Ratio est: Quia accessus ad Monasteria non prohibetur per se, & principaliter, sed tantum, ut medium ad loquutionem, & per accedens; unde quod

de quod per se, & ratione sui prohibetur, est sola loquutio, accessus verò solum ratione alterius, & per accidens. Hinc tota ratio prohibitionis est in loquutione, & proinde habet locum prohibitio, quoties intervenit loquutio; alioquin qui haberent domum propinquam Monasterio Monialium, & adesset commoditas loquendi è fenestris, possent continuò loqui, absque ullo scrupulo, quod non est concedendum. Et hic optimè subintrat, quod una via prohibitum, non censetur alia concessum *Regula 84. de Reg. Juris in 6. Cum quid una via prohibetur alicui, ad id alia non debet admitti.* Unde si per viam accessus ad Monasteria, est prohibita loquutio, erit etiam prohibita, quacunque alia via fieri possit. Confirmatur, *Tum quia*, in præsentem casu prohibetur simpliciter alloquutio cum Monialibus sine licentia, hoc autem debet intelligi sive loquatur in Monasterio, sive extra. Non enim casus distinguit, sicque nec nos distinguere debemus, & idè casus prohibet accessum, quia ponit ipsum à communiter accidentibus, non tamen mens est prohibentis, quin si quis loquatur extra Monasterium cum Moniali quæ intus est in Monasterio non includatur, aliter existens quis in Platea propè portam Monasterii, loquendo ad libitum quantum vellet cum Monialibus, nunquam ligaretur Censura, quod videtur absurdum. *Tum quia*, finis hujusmodi accessus, adeò est colloquutio simpliciter, ut ipsa impossibili reddita, non sit, qui desideret ad Moniales accedere, ergo accessus considerandus est, ut medium tantum ad loquutionem, & non per se, sed per accidens solum, eo quod regulariter præcedere soleat colloquutionem, & nemo soleat alloqui Moniales, existentes in Monasterio, nisi accedat prius ad Monasterium; igitur deficiente hoc accessorio, non definit locum habere prohibitio, & excommunicatione. *Tum quia*, ex opposita Adversariorum responsione, & sententia sequeretur, non ligari excommunicatione eum, qui accederet ad Monasterium absque animo absolutè loquendi cum Monialibus, & postea, illic existens, mutato animo, loqueretur cum illis, quod certè affirmabit nullus. Sequela probatur, quia excommunicatio, de qua hic, fertur tantum in eos, qui accedunt ad Monasteria Monialium, ut colloquantur cum illis, ut constat ex prohibitione ipsa, & expressè inter alios docet *Petrus Maria Passerinus par. 2. in l. 6. Decretal. in Cap. Periculoso Unicum. De Statu Regularium n. 157. fol. mibi 315. per hæc*

verba: *Neque prohibitus est merus accessus personalis Physicus; possunt enim exteri accedere ad Ecclesias Monialium, & etiam ad externa loca, non ingrediendo Clausuram, sed prohibitus est accessus ad Moniales ipsas, causa alloquendi ipsas: vel etiam causa aspectus illarum tam activi, quam passivi: ergo ad incurrendam excommunicationem hanc, non quilibet accessus, simul cum loquutione sufficit, sed requiritur accessus ad finem colloquendi cum Monialibus. Ne igitur hoc dicamus, & hujusmodi inconveniens admittamus, affirmandum est, id, quod formaliter, ac per se, excommunicatione puniatur, esse ipsam colloquutionem, accessum, verò se habere omnino per accidens. *Tum etiam quia*: Mens, & finis Prælati Ordinarii, hujusmodi prohibitionem, ac excommunicationem indicentis, est utique per omnes, ad tollendam occasionem peccandi ipsis Monialibus, & removendi omnia impedimenta, quæ possint eas à Divino servitio distrahere earum communiatem, per loquutionem destruere, &c. sed hæc ratio militat etiam in casu, de quo hic, ut ex se constat: Ergo.*

440 Si dicas, accessus ad Monialium Monasteria consideratur per nos materialiter tantum, & per accidens, & est in se res indifferens, sicuti indifferens res est, loquutio cum ipsis Monialibus, ergo in casu nostro non obligat ad mortale, maxime si qui loquitur, certus est, non destruere communiatem, &c. per suam loquutionem, quia tunc cessat finis. Si inquam hoc dicas, Contra: Nam esto etiam, quod accessus ad Monasteria Monialium, & locutio cum ipsis, res sint indifferentes, tamen in casu nostro obligant sub peccato mortali, & transgressores consequenter est excommunicatus. Quia materia indifferens, ratione circumstantiæ evadit gravis. Ut optimè etiam *Valent. 10. 2. disp. 7. qu. 5. punct. 6. Vers. Tertiò colligitur, fol. mibi 957. ubi ait: Arbitror nonnullos decipi, qui putant, Prælatos Ecclesiasticos non posse, quantumcumque velint obligare sub peccato mortali subditos, ut servant, verbi gratia, silentium, hoc, aut illo tempore, vel aliquid faciant, quod ex suo genere, non sit magni momenti. Fieri enim potest, ut circumstantia aliqua addat ejusmodi materiæ gravitatem. Hinc pariter *Januar. ref. 34. n. 13. Vers. Nota tertiò: cum eodem Valent. item ait: Et sic silentium præceptum à Superiore tali tempore, si ad bonum communis, vel ad non scandalizandum proximum tendit, obligat sub mortali. Sic etiam accessus ad Hortum Conventus, aut ad talem Domum alicujus**

alicuius seculari, aut transitus per talem vicum, vel plateam: aut ne cum tali, aut tali persona loquatur. — hoc enim, & si sint in se parvi momenti, tamen si comparentur ad bonitatem, bonum nomen Religiosorum, aut ratione periculi, scandali, vel alterius circumstantiæ, efficiuntur res magni momenti, & ideo obligant sub mortali: ita *Januar. & ante ipsum, eademmet verba, & exempla profert Sayr. in Clavi Regia lib. 3. cap. 7. n. 14. cum aliis ibi, & apud Salas de Legib. disp. 10. sect. 6. sub n. 32. fol. mibi 234. Vers. Observant etiam. Ubi in principio, & ipse sic: Observant etiam Suar. Med. Valent. Sayr. & alii, aliquando materiam, quæ ex se est indifferens, aut levis, irrelatam ad aliquod commune bonum esse gravem: ideo si præcipiatur sub Censura (ut fit in casu nostro) validam esse Censuram. Secus verò dicendum est, quando materia est levis, inspectis etiam circumstantiis, bene addit *Januar. n. c. 13. cum Baldeho to. 1. lib. 5. disp. 20. n. 8. Cum igitur, in casu nostro, loquutio cum Monialibus tendat ad destructionem communitatis, & decentiæ Clausuræ: Si n. omnes Moniales vellent loqui cum secularibus indifferenter, & Clausura otiosa esset, & communitas destrueretur, nec possent Moniales opportunius Deo servire, ut in *Cap. Periculofo Unico, de Statu Regularium in. 6. Ideo loquutio, & accessus habent conditiones graves in casu nostro, ob quas prohiberi possunt sub reatu mortali, & in penam, excommunicationem addere: Et ob quas etiam ipsa Sacra Congregatio alloquutionem eandem, tanquam aliquid grave prohibet, & imponit transgressoribus penam valde gravem, quæ non solet imponi, nisi pro peccato mortali, ut notant communiter Doctores, quos recenset, & sequitur *P. Pasqual. l. c. n. 1117.****

441 Nec, quod ultimum assumitur in oppositione, quod videlicet possit loqui, qui certus est, per suam loquutionem non destruere communitatem, &c. eo quia tunc cessat finis, verum non est; non enim cessat adequatus finis. Quia dici non potest, quod huiusmodi lex, & prohibitio sit fundata in præsumptione, qua cessante, cesset etiam obligatio ipsius; nam falsum est, quod fundetur in præsumptione colloquii ad malum finem, sed fundatur in periculis annexis tali colloquutioni. Lex autem semper obligat, quamvis in aliquo casu non adsit periculum, quod intendit vitare, quia non cessat finis adequatus ipsius. Ita inter alios notat *Januar. ref. c. 34. n. 14. & cum ipso P. Pasqu. l. c. n. 1118. Lex namque seu*

præceptum multoties non fundatur in præsumptione facti, vel delicti, sed fundatur in periculo facti, vel delicti. Quando lex, seu præceptum fundatur in præsumptione facti, vel delicti, si factum, vel delictum cessat, cessat etiam obligatio legis: Quotiescumque lex aliqua posita, aut Iudicis sententia fundatur super sola præsumptione, non obligat in conscientia illum, qui de veritate in contrarium certus est: *Sayr. cap. c. 7. n. 8. in principio. cum aliis pluribus Doctores ibi recitati, quibus (omissis aliis) addo Suar. de Legib. lib. 3. cap. 23. n. 9. & Januar. l. c. n. 14. Quando verò lex, seu præceptum fundatur in periculo facti, seu delicti, & si delictum, seu factum cesset in aliquo casu speciall, quia tamen non cessat generaliter, & absolute, idest, non cessat ab entitate præcepta in se, & ideo, nec cessat lex, aut præceptum. Cui doctrinæ subscribit etiam *Donat. tract. 6. tit. 9. §. in fine, ubi ait: De legibus prohibentibus locutionem cum Monialibus, dicendum est, ipsas non presumere periculum aliquod determinat, sed vagæ, & indeterminatæ, quare obligant omnes subditos in singulis casibus, etiam si in aliquo non adsit periculum, ut bene advertit doctissimus Verri-cellus n. 18. ubi supra. Hac de causa, inquit DD. communiter, præsertim *Pala. to. 1. tract. 3. disp. 1. punct. 14. n. 13. Contractus Minoris, & Pupilli sine auctoritate Tutoris, & aliis conditionibus requisitis: Donatio Uxoris facta Marito; obligatio dotis; renunciatio illius, aut legitime: Confectio Testamenti: Electio, & alia: plura sine definita à jure Solemnitate effecta, irritantur, quia huiusmodi contractus sine propria à jure præscripta Solemnitate, judicantur habere periculum fraudis. Matrimonium pariter Clandestinum, alienatio bonorum Ecclesiæ, sine Solemnitate à jure requisita, invalida sunt, quia in modo illo contrahendi præsumitur, seu iudicatur periculum adesse fraudis; esto etiam in hoc, vel illo casu nullum sit, semper enim verum est dicere, talem contractum sic factum periculosum esse, ut late etiam explicant *Suar., Salas, Bonac., & alii apud eundem Pala. apud quem sub n. c. 13. Vers. Ex hac: optime deducit Basilus de Leon. lib. 5. de Matrim. cap. 5. n. 11. Religiosorum præcepta prohibentia in virtute obedientiæ ingressum in Cellas, ob aliqua incommoda vitanda, obligare in casu, in quo aliquis certo sciat, non adesse illi periculum, ratione cuius præceptum impositum fuit, quia esto non adsit periculum in illo casu, adest tamen generaliter, & ut plurimum****

rum, quod sufficit, quia fuit hæc causa imponendi præceptum. Sique etiam in casu nostro, præceptum hoc, & hæc excommunicatio non fundatur in præsumptione destructionis communitatis, & decentiæ Clausuræ, sed in periculo tantum illius, quod periculum semper esse potest, quando quis loquitur sine licentia, & si actu non sit, & periculum tantum sufficit ad hoc, ut lex, seu præceptum subsistat. Et ita etiam *Januar. n. 14. cit. in fine*. Et hæc eadem doctrina confirmari potest, ex acceptissimæ Doctrinæ axiomate, quod lex, videlicet, accidentarios casus non respicit, sed ea, quæ ut plurimum contingunt. Unde *Pomponius, ff. de leg. ait: Jura constitui debere in his, quæ accidunt, & usu venire possunt non tamen in his, quæ præter opinionem, & insperatè contingunt*. Quare, & si ratio legis fuit, & est, ut obvietur malis, & peccatis, nihilominus, & si in aliquo casu talis deficiat finis, lex non definit, suum retinere vigorem: quod inspexit, & docuit etiam *Sotus de Just. lib. 4. qu. 5. art. 3.* in quo, & ipse in vim suæ, communisque doctrinæ sic exemplificat. Prohibet lex, pueros suæ propria spontè bona sua alienare: cujus utique finis est, ne per eorum imprudentiam malè dilapidentur. Contingit esse puerum decem, vel duodecim annorum, qui sapientissimè, & in rem suam possit de suis bonis disponere, contractus propterea inconsulto tutore ab ipso factus, tenebit in conscientia? profectò non. Item, finis legis jejuniis, est corporum maceratio; quis illa maceratione non indiget, fiet ille exemptus à legè? minimè. Prohibet etiam lex arma nocturna, qui pacificus est, potest illa deserere? nequaquam. Eodem ergo modo in casu nostro, accedat quis ad Moniales, colloquatur absque interventu scandalis alicujus, &c. cessat lex in isto? minimè gentium.

442 Quæres septimò: An prohibitio colloquendi cum Monialibus, absque licentia, comprehendat etiam Novitias, Puellas in Monasterio, pro educatione commorantes, & alias feminas, ibi degentes causa securitatis, &c. Respondeo negativè, attento præcisè jure communi, cum *Grass. to. 2. consil. lib. 5. tit. de sentent. excommunic. consil. 22. n. 26. Bellocchio de Casib. refer. par. 2. qu. 9. n. 181. Tamb. de Abbatissis Disp. 25. qu. 8. Vers. Ad quintum, in fine. Diana to. 5. Coord. tract. 1. ref. 84. Vers. Nota modò, n. 9. ex par. 3. tract. 2. ref. 48. Pellizz. de Monial. cap. 5. sect. 5. qu. 8. num. 208. & alius. Et*

quidem si de Novitiis sit sermo, patet responsio, quia de Jure communi tantum interdicitur accessus ad Moniales, & ad colloquendum cum illis, appellatio autem Monialium propriè veniunt professæ, quæ degunt sub aliqua Regula, *Cap. Unico Periculoso, de Statu Regularium in 6. & D. D. communiter: ergo excluduntur Novitiæ, cum simus in pœnis, in quibus faciendæ est stricta interpretatio, eo quia Novitiæ non sit verè Monialis, consequenter loquens cum ea, non alligatur reservazione, &c. Quod confirmari optimè potest à pari, ex stricta prohibitione (ut infra) quam habent Regulares accedendi ad Moniales, & cum illis alloquendi. Hac supposita, inquit *P. Pasqualig. in Francum par. 1. n. 1125.* an hæc prohibitio extendatur ad Novitios: & negativè respondet cum *Portel. de dub. Regular. Verbo Novitii absolutio, nu. 35. & Paulo Squillante de Privileg. Episcoporum. par. 1. cap. 13. n. 51.* loquendo nedum de Novitiis Equitum Hierosolymitanorum, sed etiam de Clausuralibus. Quia videlicet licet Novitii (sique etiam Novitiæ) in favorabilibus veniant nomine Religiosorum, non tamen in odiosis, atque adeò non comprehenduntur sub legibus penalibus loquentibus de Religiosis. Siquidem ante Professionem remanent Laici, *Cap. Constitutionem, de Regular. in 6. Et Cap. Religioso, de sentent. excommunic. in 6.* ubi: *It qui Religionem ingreditur, Religiosus censeri cum effectu non potest, donec sit tacitè, vel expresse Professus: & idem omnino est de Religiosa.* Unde in casu nostro, de utriusque eadem est ratio, ac de Laicis, & Sæcularibus. Et si prohibitio accedendi ad Moniales, non comprehendit accessum ad Novitias, quia istæ ante Professionem censeri cum effectu, & propriè non possunt Religiosæ, & Moniales: à fortiori eadem ratio probat responsum nostram de Puellis manentibus in educatione, & aliis Feminis, quibuscumque commorantibus intra Monasteria Monialium; nam hæc nullo pacto nomine veniunt Monialium, neque in odiosis, neque in favorabilibus, cum alias in favorabilibus Novitiæ reputentur Moniales. Dixi, *attento præcisè jure communi*, ut innuerem jure particulari locorum, quandoque contingere posse oppositum; ut si alicubi prohibeatur accessus ad Moniales, & alias quascumque feminas intra Clausuram, degentes; sicut revera fit in aliquibus locis (& factum est etiam à *S. Congregat. Concilio*, in suo superius tradito Decreto, à *Sanctiss. Clem. IX.* approbato, in quo, ut patet*

ut patet expresse, prohibita est loquutio, abique licentia, cum Monialibus, aut aliis intra Clausuram degentibus, tunc enim requiritur facultas Ordinarii, etiam, ut quis accedat ad Novitias. Puellas, aliasque formas, cum Monialibus degentes cum prohibitio sit generalis, & comprehendat illas omnes. A quibus excipe, cum P. Pasqu. l. c. n. 1119. Moniales Conversas, non servantes Clausuram, quae destinatae sunt ad mendicandum: testante enim Naldo in Summa Verbo Monialis, n. 17. Verbo Si quae autem (apud eundem P. Pasqualig.) Sacra Congregat. Episcoporum & Regularium ita rescripti Generali P. P. Cappucinorum die 15. Martii 1594.

443 Quaesitum septimò: An Regulares, accedentes ad colloquendum cum Monialibus, peccent mortaliter ob transgressionem Constitutionum Summorum Pontificum, & Decretorum Sacrae Congregationis, quibus prohibetur dictus accessus? Supponit quaesitum, extare Summorum Pontificum Constitutiones, & S. Congregationis Decreta prohibentia Regularibus accessum ad Moniales, ad colloquendum cum illis, uti certè extant, & per extensum videri possunt apud Lezza, Dianam, Pasqualig., Bonac., Quarant., Novarium, Tambur., Pellizzar., Bord., Peyrin., Donatum, aliosque innumeros: quo supposito, hic inquiritur: An Regulares huiusmodi prohibitionem transgrediendo, peccent mortaliter. Respondeo affirmative, cum Salas de Legib. disp. 15. sect. 1. conclus. 2. n. 16. in fine, Versu Hinc decretum. Duarum in Bullam Cane lib. 3. §. 8. quest. 2. n. 45. Bonac. de Claus. quest. 3. punct. 4. n. 4. Peyr. de Privileg. tom. 2. Constitut. 6. Pii V. §. 10. n. 36. Pellizz. de Monial. cap. 5. sect. 5. qu. 5. n. 199. Coriol. de Casib. refer. par. 2. casu §. n. 28. & 29. Lezza. in Sum. to. 4. Verbo Moniales n. 20. Tambur. de Jure Abbatissar. disp. 25. quest. 5. nu. 1. Diana to. 7. Coord. tract. 1. ref. 305. 306. 307. nu. 2. & 308. n. 2. Ex par. 1. tract. 10. ref. 12. Ex par. 3. tract. 2. ref. 104. Ex par. 10. tract. 13. & Miscell. 3. ref. 26. Ex par. 10. tract. 14. & Miscell. 4. ref. 54. alias 52. Pasqualigo in Francum par. 1. n. 1117. Verricelli qu. c. 66. p. 15. Squillante de Privilegiis Episcoporum. par. 7. cap. 13. n. 56. Barbosa de Jure Ecclesiastica lib. 1. cap. 44. n. 156. Pace Jordano volum. 2. libro 7. tit. 12. n. 27. Donato qu. 5. c. n. 5. aliisque pluribus. Et responsum hanc nostram, totque Classicorum Doctorum, hodie certam esse dicit Tambur. n. p. cit. in princip. adeò, ut omnino dicendum

videatur, negativam sententiam non esse sustinendam, inquit Diana ref. cit. 308. Coord. nu. 3. neque circa eam relinquì amplius disputationi locum, Coriol. n. 28. cit. quod etiam clarum est, quia ita censuit, ac declaravit Sacra Congregatio die 1. Julii 1606. quorum verba invenies apud Duarum, Peyrin., Dian., Coriolan., Tamburin., l. l. c. c. & apud alios, quae ista sunt: Sacra Congregatio Sanctae Romanae Ecclesiae Cardinalium, negotiis Regularium Praeposita attentis narratis, ac dubio praefato, mature discussis, censuit, ac declaravit, Regulares accedentes ad Monasteria Monialium contra formam Decreti, quo huiusmodi accessus per Sacram Congregationem prohibetur, ultra poenas privationis Officiorum, ac vocis aetivae, & passivae, incurrere etiam poenam peccati mortalis, & ita, &c. Accedit etiam ratio, quia lex imponens poenam gravem, obligat sub mortali, ut notant communiter Doctores; item quando prohibet aliquid prohibet aliquid, tanquam grave, sed talis est lex, prohibens Regularibus accessum, & locutionem cum Monialibus, cum privet transgressores, nedum Officiis, sed etiam voce aetiva, & passiva, reddatque illos illegibiles, & impotulabiles aetive, & passivè, ut notat etiam Lezza. Verbo Moniales n. 20. ergo obligat sub mortali. Vide DD. relatos.

444 Quaesitum octavo: An excommunicatio Episcopi contra accedentes sine licentia ad Monasteria Monialium, afficiat Regulares sine licentia accedentes? Respondeo, quod, & si antiquitus hoc idem quaesitum controversum fuerit, & de Regularibus Privilegium habentibus, ut non possint excommunicari ab Episcopis, partem negantem Doctores plurimi sequuti fuerint, quos referunt Barbosa de Potestate Episcoporum par. 3. alleg. 102. nu. 73. Vers. Dubitari potest, & Tambur. disp. c. 25. quaesitio 9. n. 1. hodie tamen non est dubitandum, nec amplius huic dubitationi locus est (ut notant etiam Passerin. in cap. Periculo de Statu Regul. n. 196. & Donat. in Praxi tom. 4. tract. 6. Tit. de Accessu ad Moniales qu. 20. n. 1.) quod excommunicatio Episcopi, ejusdemque reservatio afficiat Regulares, etiam exemptos: hodie enim inquam, clarum est, posse hos ab Episcopo loci coerceri, & puniri, etiam si colloquantur cum Monialibus sibi subiectis, nam, habetur hoc expresse in Constitutione Gregorii XV. incip. Inscrutabili, de Exemptionum Privilegiis, quam habes per extensum apud Donat. in Praxi Rerum Regular. to. 1. par. 2. tract. 13. Tit. de Exemptione Religiosorum sub quaest. 91. fol. mibi

mibi 337. & apud alios; etq; Constitutio 18. inter Constitutiones hujus Pontificis in Bullario Romano novo, tom. 3. fol. mibi 296. edita. Anno 1622. Nonis Februarii, Pontificatus Anno secundo, in qua sic §. 4. in fine: *Ad hæc tam Regulares, quam Seculares, hujusmodi, nullis Privilegiis, aut Exemptionibus tueri se possunt, quominus, si deliquerint circa personas intra septa degentes, aut circa Claustrum, vel circa bonorum administrationem, Monasteriorum Monialium, etiam Regularibus subiectarum, ab Episcopo loci similiter, tanquam ad hoc Sedis Apostolicæ Delegato, quoties, & quando opus fuerit, puniri, & corrigi valeant.* Hæc ibi: sed posita D. Episcopi reservatione, accedere ad Monasteria Monialium, & colloqui sine licentia, & indebitè, est delinquere in locutione, circa personas ibi detentas, contra dispositionem dictæ Constitutionis Gregorii XV. ab Urb. VIII. etiam ejus Successore de Anno 1624. approbatam, ut notant Bonac. de Claus. qu. 3. punc. 4. propos. 3. Vers. Quinto dubium est, n. 8. in fine. Donat. to. cit. 4. traçt. 6. qu. 20. n. p. in fine, alique, ergo. Et quod item modò Episcopi contra Regulares delinquentes circa personas Monialium, aut circa Claustrum, possint (nullo obstante Privilegio) per excommunicationem procedere, confirmari evidenter potest, ex Decreto Sacre Congregat. supra per extensum relato, & à Sanctiss. Clement. IX. sub die 11. Maii 1669. approbato, dum in ipso, ut patet legenti, ita præcipitur: *Regulares cujuscunque Ordinis, Militie, & Societatis, Congregationis, & Instituti, etiam de quibus specialis mentio foret habenda, qui ad Monasteria Monialium, quamvis ab Ordinarii jurisdictione, quomodolibet exempta, & etiam ipsi Regularibus subiecta, vel alius speciali mentione digna, absque legitima facultate, accedunt, colloquendo, etiam per quodcumque Modicum temporis spatium, cum Monialibus, aut aliis intra Claustrum degentibus, peccare mortaliter, eosque sub excommunicationis, privationis vocis activæ, & passivæ, aliisque contra Regulares, accedentes sine licentia ad Monasteria Monialium, statutus penis, posse ab Ordinario, tanquam Sedis Apostolicæ Delegato, coerceri, hæc Sacra Congregatio Sanctitatis Suae approbante, servarique mandante: Vera igitur nostra responsio, & quod nunc videlicet dicta Episcopalis, ac reservata excommunicatio, liget etiam Regulares (imò, & Moniales, addo cum Passerino n. 196. c.) facta de illis mentione, adeò, ut Superiores Regulares, ab hac excommunicatione absolvere non possint, quod decisum fuisse à Sacra Cardina-*

lium Congregat. refert Stephanus Quaranta Verbo Monasteria Monialium, Vers. Dubitari potest, fol. mibi 453. sub his verbis: Regulares sic excommunicati, non possunt absolvi à suis Superioribus, sed ab Episcopo, qui sibi hanc absolutionem reservavit, & ita Sacram Congregationem respondisse die 4. Aprilis 1587. ex Capuccino in Compendio Mendicant. refert Roderic. to. pr. qq. Regul. qu. 45. art. 2. Clarum enim est, atque indubitatum, quod nullus à non suo Judice ligari potest, nec solvi, Cap. Cum inferior, de Majoritate, & Obedientia: ut notat etiam Tambur. de Jure Abbatissar. disp. 25. qu. 9. n. 2. addens in fine, quod, dum non est expressè vetitus accessus ab Episcopo ad Monasteria exempta, generica prohibitio non afficit euntes ad Monasteria exempta, pro qua re citat etiam Sylvestrum, Campanil. Novarium, & Doctores in Capitul. fin. de foro compet. Addens insuper, & Passer. n. c. 196. in fine, hac in re attendi debere, quod cum Regulares digni sint speciali expressione, sub generalibus Edicti Episcopalis verbis non comprehenduntur, nisi nominatim exprimentur, vel Clausule sint adeò universales, & prægnantes, ut æquivalent expressioni specificate. Et hæc optima advertentia valido fundamento firmari potest; eo quia videlicet, ad hoc, ut excommunicentur Regulares, necessarium est, ut nominatim exprimentur, & ita pro Minoribus Fratribus declaravit Nicolaus V. noluitque, Fratres ligari aliqua Censura excommunicationis, suspensionis, aut interdicti, Juris, & homini, nisi nominatim fiat mentio de illis, nec sufficit, si dicatur in sententia generaliter, ut proinde valeat, ac si essent expressè nominati, &c. Quæ declaratio habetur in Bibliotheca Vaticana, ut dicitur in Compend. Societat. Jesu, Verbo Excommunicatio, & refert Rodrig. tom. 2. qu. 59. art. 5. Quod totum habes apud Donat. in Sum Praxi To. pr. par. 2. traçt. 13. titul. de Exemptione Religiosorum qu. 25. num. 1. fol. 303.

445 Dixi supra cum Salmanticensib. quod quælibet reservatio est pœna Medicinalis, & quod pœna Medicinalis ab ignorantibus illam minimè incurritur. Quoniam autem hujusmodi dictum, pro praxi valde deferuit, probatur hic cum iisdem Salmanticensib.: Quia videlicet pœnz Medicinales, quamvis, ut pœnz imponantur in punitionem præteriti delicti, ut Medicinales tamen imponuntur ad præcavendum peccatum in futurum, ut saltem timore pœnz perterritus peccator retrahatur à lapsu. Ideò enim reservantur peccata, ut homines, scientes difficulter absolutionem ob-

tenueuros, ab eis committendis cohibeantur. Qb idque graviora peccata sunt, quæ reservantur, ut timore adeundi ad Superiorem pro illorum relaxatione, difficilius committantur, ad quod noticia reservationis, omnino requiritur, quia respectu illius, qui nesciret, peccatum esse reservatum, reservatio nullo modo à commissione illius cohereret, & finis intentus à Superiore, in tali reservatione omnino cessaret, ergo sicut respectu ignorantis, cessat finis reservationis, nec ista est Medicina retrahens à peccato, ita respectu illius cessat reservatio: sic etiam *Salmanticenses l. c.* Ex quorum doctrina hic obiter deduc, quam probabilis sit id, quod, & sub probabilitate etiam tantum affirmo dicta *hujus cap. Privileg. 13. & 14.* ignorantiam videlicet invincibilem casuum reservatorum Episcopali, tum cum Censura, tum absque, impedire eorundem casuum reservationem, ab eaque excusare.

446 Ob majorem autem traditæ doctrinæ claritatem, iidem *Salmanticenses l. c. n. 14.* Eandem explicant duplici exemplo: Primum est, quod in excommunicatione accidit. Excommunicatio namque, simul est poena, & Medicina, ratio autem Medicinæ in ipsa, non tollit rationem poenæ, licet una cum alia connectatur. Qua parte est poena, dicitur, ad jam factum delictum puniendum: qua vero parte est Medicina, dicitur talis ad impedimentum faciendum: & cum hæc impedimentum non apponat respectu ignorantis illam, ab eo non incurritur excommunicatio, nec ratione poenæ, nec ratione Medicinæ. Secundum exemplum est in Voto poenali: si quis enim talem poenam sibi imponat, si in tali, vel tali crimine labatur, talis poena est Medicinalis ad retrahendum à commissione peccati, ut saltem timore talis poenæ ab ipso retrahatur peccator, & tamen si oblivis poenæ delictum committat, eam non incurrit, quia talis poena respectu illius, in hoc casu non est Medicinalis; eo quia finis intentus à vovente in impositione illius penitus cessat, cum non possit perterrere, nec à peccato retrahere poena, eum, qui illam ignorat, aut ejus omnino, obliviscitur: similiter ergo Philosophandum est in reservatione. Supponunt hic *Salmanticenses*, id quod advertunt superius *nu. 10. ejusdem §. 2. Vers. secundo supponendum*, & quod nos pariter pluribus in locis, affirmamus, oblivionem videlicet actualem, seu inadvertentiam excommunicationis, alteriusve Censuræ, vel reservationis ejusdem, aut

alterius casus, eodem modo, ac ignorantia, ab illarum, illorumve incurfione excusare; si quidem obliivio, inadvertentia, & ignorantia invincibilis æquiparantur in ordine ad excusandum à culpa, & ita etiam in ordine ad excusandum à poena, vel reservatione, quæ quasi poena judicatur, ut probant etiam *Sanch. lib. pr. Summ. cap. 16. n. 8. & lib. 4. cap. 22. n. 18. Diana Coordin. 10. §. tract. pr. resol. 35. Ex part. 9. tract. 6. & Miscell. pr. resol. 13.* quam vocat multum animarum consolatoriam, pro qua alios plures, & classicos citat. Et *Matthæus de Moyra in selectis qq. tract. 3. disp. pr. qu. 2. nu. 8.* ubi ait: hoc esse maxime observandum ad plurimum casuum resolutionem.

447 Nec ex tradita doctrina sequitur (quod fortasse obici potest quis) Votum Castitatis, v. g. seu Religionis reservatum, tale non manere in eo, qui illud emisit cum ignorantia invincibili reservationis: Non, inquam, sequitur ob rationem disparitatis, videlicet, quæ intervenit inter reservationem Voti, & reservationem peccati: reservatio namque Voti non imponitur, ut poena, sed propter Voti, & materię ejusdem gravitatem, ob quam æquum minimè erat, quod res maximi ponderis passim relaxaretur; & cum res sit tanti momenti, solum Superiori, ac Principi supremo reservata maneret. Neque hæc eadem reservatio imponitur, ut Medicina, retrahens à vovendo, sed potius, ut magis, & plus voventes firmentur in Voto, & ne de facili à promissione Deo facta recedant. Unde Votum Castitatis, v. g. reservatum manet, etiam respectu illius, qui dum illud emisit, ignarus, vel immemor erat illius reservationis, quod secus propter oppositam rationem contingit in Calibus, & Censuris reservatis.

PRIVILEGIUM XXIX.

Monialis Professæ, quæ invincibiliter ignara, propriæ inhabilitatis ad testandum, conditæ causa mortis suum Testamentum, à culpabili excusatur ratione ignorantie, & si ejusdem testamentaria dispositio irrita sit, ac nullius valoris.

448 **R**eligiosam Monialem Professam, nequire condere Testamentum, aut Codicillum (uti nec Virum Regularem Professum) neque per propriam ultimam voluntatem disponere causa mortis, certum est, ac declaratum, in *Authentica Ingressi, Cod. de Sacrosanct. Ecclesiæ*, quæ Canonizata est

ta est per Gregorium Papam in Cap. Quia ingredientibus, Causa 19. qu. 3. ubi, *Ingredientibus Monasterium, nulla sit testandi licentia, sed res eorum ejusdem Monasterii juris fiant, aperta legis definitione decretum est*; etiam constat ex alio, item Cap. *Ingredientibus* 2. de Testamentis quod pariter est Gregorii confirmantis Authenticam: in quo, quod *Abbatissa testari non potest, etiam si nunquam induisset habitum Monachalem*. Et si Monialis Professa (uti, & Religiosa Professus) absque dispensatione Papæ, faceret Testamentum, aut Codicillum, nedum peccaret, ob illicitum patratum actum, sed etiam actum irritum, invalidum, ac nullum ageret. Tum quia Religiosa (& Religiosus) vi Voti Paupertatis privatur omni dominio, & incapax illius efficitur; testari autem supponit quod habeatur proprium, aut dominium: tum etiam quia, quidquid acquirit Monachus, acquirit Monasterio; sicque nihil habere potest, de quo disponat per Testamentum, aut Codicillum. Ita, *Suar. to. 3. de Reliq. lib. 8. Tit. de Paupertate, & de Testamentis Religiosor. cap. 16. n. 1. Sanch. in Decal. to. 2. lib. 7. cap. 8. n. 2. Less. de Justit. lib. 2. c. 19. Tit. de Testamentis dub. 4. n. 40. Legza. to. 1. cap. 9. n. 19. to. 4. Verbo Legata Regularib. relicta n. 4. & eodem to. 4. Verbo Testamentum, quo ad Regulares n. 1. Laym. lib. 3. tract. 5. cap. 3. n. 3. Versu Religionem Professus. Jo: de Lugo de Justit. to. 10. disp. 3. sect. 6. n. 109. Stephanus D'Alvin de Potestate Episcoporum. Abbatum, & Abbatissar. cap. 8. Versu Disponere inquam. Diana to. 7. Coord. tract. 3. ref. 65. n. 3. Ex par. 5. tract. 3. ref. 28. Pellizzar. in Man. Regul. to. 1. trac. 4. cap. 2. sect. 3. quæst. 11. n. 204. Palao par. 3. Tit. de Obligat. Religiosi Status, disp. 3. punct. 12. n. 1. Bordon. de Paupertate Religiosa cap. 8. qu. 17. n. 44. Antonius à Spiritu S. in Director. Regular. part. 2. Tit. de Obligationib. Religiosor. tract. 3. disp. 4. sect. 4. n. 135. Salmanticenses to. 3. Cursus Moralis tr. 12. Tit. de Just. & Jure cap. 2. punct. 12. §. 3. à n. 186. pag. mibi 122. & omnes, unanimiter asserentes. Regulari certissimam esse, Monialis Professas, & Religiosos item Professus, nec licite, nec valide testari posse, nec etiam consequenter Codicillos facere, quia Codicillus pars est Testamenti, illiusque defectum supplet; ideoque impotens testari, capacitate non habet condendi codicillum. Hujusmodi autem incapacitas condendi Testamentum, aut Codicillum, solo jure humano inducta est, ut constat ex Juribus, & Doctoribus c.c. sicut etiam solo jure humano juxta veriore senten-*

tiam (apud, & cum Sanch. l. c. n. 4.) Religiosus est incapax domini, ac proprii: hinc fit, quod cum eadem incapacitas, ac prohibitio à jure Pontificio dimanet (ut notat pariter idem Sanch. n. 5.) & æquè afficiat ipsosmet Prælatos Regulares, nullus Prælatum Summo Pontifice inferior potest dispensare cum Religioso Professo, ut possit facere Testamentum, aut Codicillum: Sed solus Papa sine dubio dispensare potest cum Religiosis, ut etiam post Professionem Solemnem testari possint de propriis bonis, ipsorum scilicet usui concessis: si quidem, ipse solus potest dispensare in quocunque. Jure positivo Ecclesiastico, quale est istud, de quo hic agimus, ut habent communiter D.D. præsertim Less. de Just. lib. 2. cap. 41. dub. 8. à n. 71. ubi habet, quod sequitur: *Non ideo quis est incapax Juris, & domini; quod Deo paupertatem promiserit: nec ratione tacite renunciationis, quia aliud est, de dominio spoliare, aliud inabilem se ad illud reddere; sed id provenit ex duabus aliis causis. Prima est: Traditio sui in Jus Ordinis; ita enim se tradidit Ordini, ut partim mancipio, partim filiofamilias comparatur, quorum neuter sibi acquirit, sed ei, in cujus potestate est. Secunda est: Decretum Ecclesie Professioni annexum: hoc enim non solum traditionem illam confirmat, ut ille non possit veluti manumissus, aut emancipari sicut servus, vel filius; aut sui Juris effici; sed etiam illum directè incapacem domini acquirendi facit, sicut ejusdem Ecclesie Decretum reddit profitentem inabilem ad Matrimonium. Confirmatur, quia non apparet ratio, qua quis seipsum sua auctoritate ad hujusmodi inabilem, & incapacem facere possit, quantumvis enim quis promittat, vocat, aut juret, se nunquam Matrimonium cum hac, vel illa contracturum, aut rem aliquam comparaturum, non ideo efficitur inabilis, ita ut si contrahat, sit irritum. Idem dicendum de domini abdicatione: debet igitur hac rei exte-ge, & potestate Superioris provenire, sicut irregularitas, & inhabilitas ad Beneficia, vel Officia, quam nemo sine Ecclesie Constitutione sibi irrogare potest. Privat Professio potestate utendi rebus suo jure, seu absque dependentia à voluntate Superioris: & facit hoc præcisè per Votum paupertatis: in hoc enim paupertas Religiosae essentialiter consistit, ut quis non possit ul- la re uti, aut ullam rem possidere, absque Superioris arbitrio, & ut sit paratus omni momento, omne jus à se abdicare. Ut autem careat re ipsa omni dominio, vel ut sit incapax illius, non est de essentia paupertatis Religiosæ; sicut nec de essentia castitatis Religiosæ est, non esse coniugatum, aut esse incapacem coniugii. Hinc*

sequitur primo: Religiosum, si aliquid donaverit, vel alienaverit absque consensu Superioris, non solum peccare mortiferè, violando Votum paupertatis; sed etiam dispositionem esse irritam, & eos, qui acceperint, teneri ad restitutionem: quia caruit potestate disponendi. Idem dicendum, si fecit quidem ex consensu Superioris, sed Superior consensum dare non poterat: ut si expendit in rem turpem. Secundo sequitur: Religiosum non posse validè testari: quia per Professionem privatus est omni dominio, & incapax illius redditus, &c. Hæc, & optimè Lessius, ex quibus, uti, & ex antecedentibus.

449 Patet certa veritas nostri propositi Privilegii: Ignorantia enim, quæ hic utique supponitur, & fuit in dicta Moniali, eam excusat absque dubio à peccato mortifero, quia, ut aliquid sit peccatum, debet esse voluntarium (quod usque modo, ita verum esse testatur D. Augustin. lib. de vera Relig. cap. 14. ut asserat, quod: Nulla Doctorem paucitas, nulla indoctorum turba dissentiat,) non est autem voluntarium in Moniali, de qua hic, quippe quæ voluit quidem condere Testamentum, at non voluit voluntariè peccatum, quod ignorabat, consequenter voluntarium esse nequivit. Unde hic quadrat, quod D. Tho. qu. 3. de Malo art. 8. ait: Cum aliquis nescit, fornicationem esse peccatum, voluntariè quidam facit fornicationem, sed non voluntariè facit peccatum. Nesciens igitur, & huiusmodi Monialis, peccatum esse mortiferum, contra paupertatis votum, testamentum condere, voluntariè quidem illud condidit, sed non voluntariè fecit peccatum, ergo ab ipso excusatur, sicque vera prima pars Privilegii. Et vera etiam secunda, ut constat, quia testamentum conditum ab incapaci, cuiuscumque domini, ut in casu nostro, irritum est, invalidum, ac nullius roboris, aut valoris: nisi esset factum (quod non fuit) ex concessione, & consensu Summi Pontificis, à quo solo habere potest totum robur suum, non ab alterius inferioris Prælati, aut Superioris concessione, ut supra. Sed contra

450 Dices, refert Portell. in respons. Moralib. to. 2. casu 85. & ex ipso Leza. in Sum. to. 4. Verbo Testamentum, quo ad Regulares n. 1. quod quidam Provincialis in scriptis concessit cuidam Moniali, ut res aliquas mobiles, & æstimabiles, quibus utebatur in vita, post mortem ipsius venderentur, & pretium ipsarum applicaretur totum pro Missis celebrandis in Suffragium animæ ejusdem Monialis, præcipiens cum Censuris, ne Abbatis de illis rebus aliter dispone-

ret; sed hoc in substantia est conferre licentiam Moniali, ut possit facere testamentum, ergo non solum Papa, sed etiam Prælati inferior potest illam concedere. Respondendo negando minorem, & consequentiam. Ad majorem dico cum iisdem Portello, & Leza. (quibus adde Bordon. in Opere Posthumo, conf. 88. pag. mibi 204.) prælatam Provincialis licentiam fuisse validam, non tamen testandi facultatem: tum quia, talium rerum designatio non fuit facta coram Testibus, Notario, &c. quod requiritur ad formam veri testamenti: tum quia illa non habet vim ex voluntate defunctæ, quod etiam requiritur ad testamentum, sed ex voluntate solummodo Prælati Provincialis concedentis licentiam, quam semper revocare potuit, etiam post mortem Monialis: tum quia, vi hujus licentiæ non fuit facta à Provinciali dispensatio in voto paupertatis: tum etiam quia, quemadmodum dictus Prælati poterat applicare eadem bona mobilia alteri personæ, post mortem illius Monialis, ita etiam ea applicare potuit in utilitatem animæ ejusdem.

451 Suppone hic cum eodem Portell. l. c. n. pr. in fine: res æstimabiles, ad quas demonstrandas pro Missis in Suffragium dictæ Monialis celebrandis licentiam concessit Provincialis, eas illi non dedisse Conventum, sed Sæculares, Consanguineos, vel Amicos, aut eas ipsam propria industria acquisivisse: juxta dysfunctionem illam, quam ex doctrina Magistri Nicolai Bravi in Tract. Monastico cap. 20. n. 4. & Petri de Ledesma par. 2. Summ. Tract. de Statibus cap. 4. de Statu Religiosorum pag. 66. colum. 2. tradit P. Diana to. 8. Coord. tract. 7. ref. 58. à nu. 6. Ex par. 11. tract. 2. & Miscell. 2. resol. 65. quæ videlicet interdicat inter duo genera earum rerum Religiosorum, quæ idest, aut procedunt ab ipsa communitate, & sunt, & vocantur propria, domus, & Monasterii, utpote ab ejus jurebus, ut sic profertur: aut proficiuntur ex peculiari ratione hujus, vel illius Religiosi, & vocantur elemosynæ, aut depositum illorum singularium Religiosorum, Et hoc non ob aliquod dominium, aut proprietatis possessionem (quod absit) sed propter permissionem Prælati, & Superioris, & destinationem ad usum personæ Religiosi singularis, dum ex Missis, aut Concionibus, vel scriptis, vel donativis Consanguineorum, aliisque modis cum respectu ad eandem personam Religiosam conceduntur ex consensu, & licentia Superioris, & Prælati, & ab ejus nutu dependentes in usu; cujus neq; in consumpti-

sumptibilibus dominus est Religiosus, taliaque five mobilia, five pecuniæ, neque in rationibus, neque in sumptibus domus admiscuntur: & quodammodo extranea, & adiectiva reputantur. Et nota videtur esse differentia inter huiusmodi duo genera, & in Praxi admissa, nam si Minister rerum temporalium, in reddendis rationibus deficiat, cogitur auctoritate Superioris, & Ordinis satisfacere, & restituere defectum, de elemosynis illis, aut deposito, sibi peculiariter permisso: nec ignorat Religio, totum illud ad dominium domus, & Communitatis pertinere; considerat ergo illud, quodammodo alienum, & indebitum domui, cui per illud satisfactum est. At si Religiosus male expendat eas elemosynas, aut peculiare depositum, etiam si quo ad mores, si Prelatus sciat, corrigatur, reprehendaturque, tamen de restitutione expensæ, nec ad rationium venit, nec curatur, tanquam si sibi soli damnum intulerit, seipsum solum defraudaverit, patiaturque damnum, & peccati, & amissionis, &c. Neque huiusmodi distinctio bonorum Communitatis, & privatorum Religiosorum videtur esse prohibita per Conc. Trident. sess. 25. de Regularib. cap. 2. nam *Sancb. in Decal. to. 2. lib. 7. cap. 22. n. 11. cum Navarr., Fulvio Paciano, Grassi., Sæ, Vega, Rodriq.* (quibus adde *Portell. Casu cit. 85. sub n. 1. Vers. Ante probationem, & alios*) efficaciter probat Concilium, eo loco non prohibere peculium, seu depositum habere, particulare de licentia sui Prelati, ad usus pios, revocabile tamen ad nutum ejusdem. Quæ sententia est usu ipso probata, ex praxi omnium fere Monialium Conventuum, ac fere omnium Religiosorum Virorum, in quibus videmus particularia peculia, atque deposita haberi ex Superioris licentia. Quod specialiter permittitur, & ut quid valde necessarium in Conventibus, in quibus communitas non supeditat sufficienter necessaria ad victum, & vestitum Monialium, & Religiosorum. Dicit ergo Privilegium nostrum, præfatam Monialem (nec non Religiosum Virum Professum) non posse testari, nec Codicillum facere, & ab ipsis factum, esse omnino irritum, & nullum, non tantum quoad dispositionem in ipso bonorum primi generis, sed etiam quoad dispositionem, & ordinationem secundi, idest, peculii privati, ac depositi personalis. Quia testari, supponit habere proprium, & dominium verum, quod non habent Religiosi, hoc enim repugnat eorum statui: Unde nec eorumdem persona-

le peculium, aut depositum est sub illorum vero dominio, & proprietate, cum illismet ad usum solum concedatur, per omnes, & non aliter, atque ad nutum Superioris, Possunt quidem facere aliquam schedulam, quia rogant Prelatum, ut det alicui eam, quæ ipsi habent ad usum; cum hoc non sit facere Testamentum, aut Codicillum, nec sit alicubi prohibitum, neque deroget Voto paupertatis, & maneat in libertate Prelati, & Superioris ea sic, vel aliter disponere. *Navarr. in Man. cap. 27. n. 270. ad finem, & Commentar. 2. de Regularib. n. 22. Corolar. 10. Graf. p. 1. decis. lib. 3. cap. 5. n. 58. & par. 2. lib. 3. cap. 19. n. 14. Rodriq. qq. Regular. to. 3. qu. 69. art. 2. fin. & art. 3. in fine. Sancb. in Decal. to. 2. lib. 7. cap. 8. n. 12. Portel. casu c. 85. n. 2. Lezz. in Sum. to. 1. cap. 9. n. 19. Tit. de Obligationib. Regularium, alique. Sed*

452 Quæres primò: An præfata Monialis potuerit saltem donare aliquid causa mortis, idque etiam facere queant tutæ conscientie Viri Religiosi Professæ. Respondet affirmativè, dummodo id faciant ex sui Superioris licentia, & donatio sit moderata, atque suo statui proportionata. Ratio est, tum quia jure positivo solum interdicitur Professæ testari, non donare ex Superioris licentia, ergo sicuti ex tali licentia possunt donare inter vivos, etiam possunt causa mortis: non enim apparet ratio, cur possit Religiosus statim ex Superioris licentia aliquid donare, & nequeat illud idem, causa mortis donare, ut post mortem habeat effectum, & confirmetur ea donatio; tum quia potestas testandi, & potestas donandi causa mortis non sunt connexæ, sed diversæ: stat enim, posse quem testari, non tamen donare causa mortis: ut constat in Uxore, quæ absque sui Viri licentia potest testari, & tamen juxta frequentissimam, & probabilissimam sententiam: *Covarru. in Rubrica de Testamentis, par. 3. n. 12. & aliorum multorum*, nequit absque ejusdem sui Viri licentia donare causa mortis. Quia donatio causa mortis, magis assimilatur contractui, quam ultimæ voluntati. Et è contra Filiusfamilias, ne Patre quidem consentiente facere potest Testamentum, tamen mortis causa donare, cum Patris consensu permittitur, utrumque habetur, l. *Tam 1525. ff. de donat. causa mortis, leg. final. tit. 4. part. 5.* Non ergo ex prohibitione testandi facta Religiosis rectè deducitur prohibitio donandi causa mortis. Tum etiam, quia plus juris, ac legitimæ potestatis postulat testamentum, quam donatio,

natio, hæc enim etiam mortis causa, ad naturam dispositionis inter vivos plurimum accedit, & quo ad sui initium, & ordinationem assimilatur contractui conditionato, qui licet per conditionem suspendatur, ea tamen posita, retrothairur ad diem, quo fuit celebratus, ac si eadem die conditio advenisset, *leg. qui Balneum, leg. Potior, ff. qui potior in pign. leg. si quis sub condit. ff. de testam. tutel.* Unde cum donatio Religiosi etiam causa mortis, fiat in tempore habili, & cum debita Superioris licentia, est licita, etiam si respiciat effectum post mortem: ad hoc enim non requiritur dominium, sed sufficit usus, & administratio, & consensus ejus, qui illum dare potest: quod potest, quando donatio, & alienatio, non est tantæ quantitatæ, quantæ alienare nequeat, nec ex Superioris licentia. Huic responsioni subscribunt *Sanch. in Decal. to. 2. libr. 7. cap. 8. nu. 11. cum aliis ibi citatis. Lesi. de Just. lib. 2. cap. 41. dub. 8. sub n. 73. Vers. Sequitur secundo. Portel. casu c. 85. n. 2. Vers. Hoc posito. Laym. lib. 3. traçt. 5. cap. 3. n. 4. Pellizzar. in Man. to. 1. traçt. 4. cap. 2. sect. 3. qu. 11. n. 206. Vers. Hinc fit. Anton. à Spiritu S. in Direct. Regular. par. 2. traçt. 3. Tit. de Obligationib. Religiosor. disp. 4. sect. 4. n. 236. Vers. Dico secundo. P. Pistacchius Theat. de Votis, quibuscumque, top. traçt. 4. Tit. de Voto Pauper. cap. 5. nu. 31. Salmantic. l. c. nu. 187. alique. Vide eisdem Salmantic. l. c. §. 4. à n. 193. pag. 123.*

Et huic eidem responsioni videtur pariter ex Recentioribus subscribere P. Philippus à Domina Nostra Septem Dolorum Fratrum Eremitar. Discalceatorum Ordinis Sancti Augustini in suo Speculo Monastico Tit. de Obligat. Regularium ad Votum Paupertatis cap. 5. n. 32. Vers. Potest tamen. fol. mibi 61. dum, & ipse in principio num. fol. 60. sic affirmat cum communi Doctorum: Nullus Prelatus, nec etiam Capitulum Generale cujusvis Congregationis potest concedere Religioso facultatem Testandi, aut disponendi tempore sue mortis, de rebus sibi ad usum concessis in favorem cujusvis; quia hæc facultas est contra jus commune, prohibens Religiosis Professu testari, ex Autent. Ingressi C. de Sacrosanct. Eccles. & Cap. Quia ingredientibus 19. qu. 3. & cap. 2. De Testam. &c. Unde ad solum Papam pertinet facultas hujusmodi, cum ipse solus sit supra jus Canonicum. Et postquam hoc præmissit, subdit postea Versu cit. quod sequitur (confirmans & ipse ut patet, nostram responsionem) ait enim: Potest tamen permitti Religioso facere Schedulam, qua roget

Prelatum, ut det alicui, quæ habet ad usum, cum hoc non sit sacro Testamentum, neque disponere per modum Codicilli, nec hoc est alicubi prohibitum, nec derogat paupertati 2. Navarr. in Summa cap. 27. & Comm. 2. de Regularib. nu. 22. Graff. par. pr. Decisionum. libr. 3. cap. 5. nu. 58. Ratio est quia designat personas, quibus à Superiore applicari debent, si ipse Superior voluerit, nec cogit Superiorem, sed rogat. Sanch. lib. 7. in Decal. Cap. 3. n. 8. ita dictus A Domina Nostra, Vers. cit. idem repetens emnino Cap. 13. De Casibus prohibitis à Jure, Consiliis, & Summorum Pontificum, & Sacre Congregationis Decretis erga Regulares, num. 9. fol. mibi 248. ibi enim pariter sic: Potest tamen Religiosus facere schedulam, qua roget Prelatum, ut det alicui, quæ ad usum habebat, quia hoc non est Testamentum, nec Codicillum, nec est alicubi prohibitum, nec derogat Voto paupertatis. Item potest Testamentum à se factum ante professionem interpretari, & declarare, si necesse fuerit, quia hoc non est disponere de aliquibus bonis, sed solum declarare dispositionem à se factam, quando potuit illam facere. Lezana. cap. 9. Sup. num. 19. Bordonus ref. 54. nu. 8. Cabassutius libr. pr. cap. 24. n. pr. Vide eundem Cabassutium cap. cit. à num. 2. fol. mibi 112. Ubi inquit: An Religiosus factus Episcopus efficiatur Dominus reddituum, & de his possit condere Testamentum.

453 Ex hac autem responsione, & doctrina deduc quod Portello nu. c. 2. in fine 2. Monachum, seu Religiosum, & Monialem, posse causâ mortis cum eadem licentia donare etiam sibi ipsi; si enim cum licentia Prelati potest donare alteri, quare non poterit sic donare, & sibi met? & curare, ut res sui usus distrahantur, & illarum pretium infumatur in Suffragiis pro Anima sua faciendis? Et id maximè concedendum, si Conventus paucissima Suffragia curet pro suis Religiosis, & Professis Defunctis. Est enim causa nimis pia, ut Prelatus possit dare hanc licentiam, cum præsertim hæc donatio, non fiat erga seculares, nec res, quæ distrahantur, fuerint ex bonis primi generis, idest Religionis in communi, sed ex bonis veluti propriis, hoc est, pecunîæ, ac depositi privati, & quodammodo proprii. Et nedum Prelatus, verum etiam Abbatissa, vel Priorissa, & Prelata, potest suis Monialibus subditis concedere hanc licentiam, quia, & hujusmodi Superiorissæ habent liberam bonorum Monasterii administrationem; ideo eandem licentiam suis Monialibus concedere possunt, quam possunt Prælati Religionis suis subdi-

tis Religiosis, nisi ex consuetudine, aut ex constitutionibus Monasterii, aut ex precepto Prelati, cui subduntur, si eis prohibita talis facultas; vel considerata (utires magni momenti) quod habeat relationem ad Episcopum, seu Prælatum earum. Unde Abbas cap. 2. n. 4. de his, quæ à Prelato, Baldus cap. 1. n. 16. de his, qui in feudum dare possunt, & ibi Jason n. 6. Navar. Comm. 3. num. 4. Vers. Ampliatur hoc notab. Sanch. lib. c. 7. cap. 19. nu. 44. Laym. lib. 4. tract. 5. cap. 7. n. 15. Rodriq. to. 1. qq. Regular. qu. 17. art. 12. Tambur. de Jure Abbatissar. disp. 32. qu. 13. Diana to. 7. Coord. tract. 3. resol. 51. & n. 2. ex par. 1. tract. 6. ref. 22. P. Pistacchius cap. c. 5 n. 37. Donat. in Praxi to. 4. tract. 8. qu. 16. & alii communiter affirmant, universam tam temporalem, quam spirituale administrationem Monasteriorum Monialium pertinere ad Abbatisas, Priorissas, Præpositas, & alias quocumque nomine appellatas, quæ Monialium Conventibus præficiuntur: sicque Rodriq. art. c. in fin. ait: *Quæcumque competunt Abbati, ea ferè omnia locum habent in Abbatisa.* Item Laym. nu. c. 15. Quod de Prelatis Ordinum dictum est, idem quoque sentiendum de Abbatisis; & Pellizzar. de Monialib. cap. 4. sect. 1. sub qu. 44. nu. 68. pariter sic: *Quando in materia paupertatis querimus, an Moniales de licentia Superioris possint facere, hoc, aut illud; nomine Superioris intelligimus, tum propriam ipsarum Superiorissam, cum illarum Prælatum, sive Sæcularem (si sunt immediata subiecta Sedis Apostolicæ, aut Ordinario loci) sive Regularem, si sunt exemptæ: quod est bene notandum, cujus assertionis fundamentum est, quia (ut supra) Superiorissa, quæ Monasteriis Monialium præficitur, habet dignitatem cum administratione universam tam spirituali, quam temporali bonorum Monasterii, quorum femina est capax, nec femineo sexui, & Sacris Canonibus repugnant, uti non repugnat eidem facultas, de qua hic est sermo: nec etiam supponitur arctata, aut impedita ex consuetudine, aut constitutione, vel precepto aliquo Superioris, cum id nullibi constet (quod ego sciam) & ubi extaret hujusmodi arctatio, & limitatio, observanda esset. Uti etiam in eo Conventu observanda, in quo dicta licentia considerata esset inter res magni momenti, & quæ propterea relationem haberet ad Episcopum, seu Superiorem earum Monialium: Tambur. qu. cit. 13. in fine.*

454 Quæres secundo: An Militares Professores possint testari? Respondet primò, quod

Milites Equites Hierosolymitani Divi Joannis, qui solemniter profitentur (sicque sunt incapaces Matrimonii ineundi) possunt testari, quia non vovent eam Religiosorum Clausuralium rigidam paupertatem: sed bona sua retinent, & de illis disponunt. Nec enim à Clausurali Professo ad hos Equites Melitenses circa Voti Paupertatis observantiam, ita rigidè arguendum est, sed muleò suavius, ac ferè juxta morem sæcularem, uti eorum nobilitati, ac instituto magis accommodatum, dumtaxat obligantur. Et in suis Constitutionibus solum illis interdicitur testari, absque licentia Capituli Generalis, seu Magni Magistri, tanquam quid Voto paupertatis dissonum. Cum enim hi Nobilissimi Milites Equites vitam suam degant in sæculo: aliis sæcularibus similem, consonum erat, ut Votum paupertatis non esset adeò strictum, sed permetteret eos retinere dominium suorum bonorum, illorumque dispositionem, Superioribus consentientibus. Sic alios allegans, & multis firmans, docet Jacob. de Bereta conf. 96. n. 2. & 3. volum. 1. quem refert, & sequitur Sanch. d. libr. 7. cap. 8. n. 36. quibus addi possunt Diana. Coord. to. 7. trac. 3. resol. 55. ex par. 2. tract. 11. Miscell. 1. resol. 54. Gratianus disceptationum, to. 5. disceptat. 880. nu. 30. & seqq. & nu. 45. Pal. in Opere Morali par. 3. tract. 16. Tit. de Oblig. Religiosi status disp. 3. punct. 11. nu. 8. Alexander Sperellus Decisionum Forens. to. 1. decis. 21. n. 41. & 42. Bordon. de Pauper. Religiosa cap. 8. qu. 22. n. 51. P. Pistacchius cap. 5. cit. n. 32. & aliis omisiss. Io: Nicolaus Lucidorus in suo tractatu de Illegitimis Clericorum, ac Regularium cap. 7. Vers. Hæc tamen n. 22. fol. mibi 138. ubi sic: *Circa licentiam testandi concedendam Equitibus Hierosolymitanis, licet sicut ceteri Professores sint intestabiles, nihilominus ex inveterata apud ipsos consuetudine; ac etiam vigore Statutorum Religionis, potest licite, ac valide illam eisdem concedere eorum supremum Prælatus, scilicet Magnus Magister, nec eget Pontificio indulto ad valide disponendum, ex Statuto 20. sub tit. 9. del. Maestro, cujus Religionis Statuta, apud ipsos sunt in viridi observantia, & successivè confirmata auctoritate, Summorum Pontificum pro tempore existentium, &c. ita Lucidorus. Advertens n. 29. dicta licentia testandi uti non posse ad favorem illegitimorum, nisi expressè in ea specificentur, quia cum talis facultas à Prælato, qui tanquam Ecclesiasticus præsumitur abhorreere istos filios abusivos, ac ex peccato genitos, argumento text. in Canon. Meretrici 32. qu. 4. & nunquam in dubio sub Privilegio*

vilegio ab Ecclesia concessio censentur comprehensi, sequitur, quod facultate testandi concessa à Prælati, uti non possit ad commodum illegitimorum, qui ex præsumpta mente Ecclesiæ, ab omni ejus dispositione censentur exclusi, ut benè, & ad rem hanc sentit etiam *Decianus consil. 25. n. 12. & 13. ad fin. lib. 5.* Excipere tamen cum eodem *Lucidoro nu. 30.* nisi dispositio facta vigore dictæ facultatis testandi respiceret causam Alimentorum, vel Dotis, in tali namque casu dicta licentia uti potest ad illegitimorum favorem, quia Ecclesia, quo ad Alimenta non solum illegitimos non abhorret, sed omnino amplectitur, & jubet, ut ea prædictis subministrantur, ad *Text. in Cap. Cum haberet, ad fin. de eo qui duc. in Matrimon. quam poll. per Adulter.* ubi omnes notant.

455 An verò Magnus Magister, possit sibi etiam concedere, sicut aliis Religiosis subditis licentiam, & facultatem disponendi, ac testandi, affirmo cum *Lucidoro nu. 23.* Stando in terminis Juris communis; & supposito quod huic affirmativæ non repugnet aliquod speciale statutum dictæ Sacræ Religionis, quod non vidit *Lucidoro.* Ratio est, quia Regulariter Prælati in illis rebus, in quibus potest cum subditis, potest etiam secum dispensare, *Suar. to. 4. de Religion. lib. 2. cap. 14. n. 4. Sanch. de Matrim. to. 3. lib. 8. disp. 3. n. 9. Vers. Quarta conclusio,* ibi: *Prælati Regulari, sive Provinciales, sive Præpositi locales, qui toti Domui præsunt, & eorum absentium Vicegerentes, uti sunt Vicereðores, Vicepriori: hi omnes possunt secum dispensare in omnibus iis, in quibus possunt cum subditis. Quia non debent esse in hoc pejoris conditionis, quam subditi, cum quibus ipse Superior dispensare potest, & pariter in Decalog. tom. 1. libr. 4. disp. 37. n. 45. ait: Omnes Prælati Sæculares, & Regulari habentes jurisdictionem ordinariam dispensandi in Votis, & alii, posse quoque secum dispensare in iisdem.* Sed M. Magister potestatem habet impartendi suis subditis facultatem disponendi, & testandi, ergo pariter potest ipsemet uti eadem ad favorem propriæ dispositionis, ne ex Superioritate deterioris evadat conditionis, quam sint, alii privati Equites. Hinc

456 Obiter sequitur, Prælatos Regulares posse pariter secum dispensare in omnibus iis, in quibus possunt cum subditis suis; sique etiam posse sibi ipsi concedere parem licentiam, quam dant suis subditis in causa Voti paupertatis (formaliter in eam intendendo) duraturam pro tempo-

re futuro, quando Superiores amplius non erunt: Ut ex gr. dare sibi facultatem, utendi tempore futuro, quando erunt subditi, Veste, ac Libris ab amico receptis tempore Prælaturæ. Item tempore Prælaturæ accipere posse pecuniam ad usus non communes, sed suos, eamque retinere, quando facti sunt subditi, vel apud se, vel apud depositarium, apud quem alii deponunt id, quod cum licentia ad usus suos accipiunt. Tum quia sicut cessatio Officii non facit cessare licentiam subditorum (quousque à Successore revocetur) ita neque respectu sui ipsius cessat: Cum ipse Prælati factus subditus, non minus sit in possessione utendi sua propria licentia, quam sint subditi, quibus in hoc comparatur, cum ipsemet sit etiam subditus, dum est Superior, quatenus videlicet utitur licentia in seipso; non enim repugnat, quod eadem persona sit Subditus, & Superior, nam Prælati locali est Superior sui Conventus, & subditus Provinciali. Tum quia licentia intransitiva Superioris pro seipso ejusdem est rationis, ac sit licentia ab eo subditis concessa sine temporis limitatione, nuncupata transitiva, de utriusque enim idem faciendum est judicium. Tum etiam quia videtur absurdum, quod Superior in eodem genere Beneficii imperitari possit subditis majus Beneficium, & non sibi, debet igitur esse par in hujusmodi licentia cum subditis, & non conditionis inferioris.

457 Pro hoc tradito sectario, sunt quidem etiam *Cardin. Lugo de Pœnit. disp. 19. sect. 2. n. 42. 43. & 44. Diana Coord. to. 7. tract. 3. resol. 17. ex part. 11. tract. 8. & Miscell. 8. ref. 54.* (ibi etiam *Dicasillus de Sacram. to. 2. tract. 8. disp. 10. dub. 7. nu. 147.*) & (ex eodem *Lugo.*) *P. Piffacibus cap. c. 5. n. 22.* Sed cum limitatione, & distinctione: nam *Cardin. Lugo, & P. Piffacibus l. l. c. c.* concedunt, Superiorem finito Officio, retinentem sibi pecuniam, quam receperat dum erat in Officio, non peccare, si non petat licentiam à Superiore, eam verò non posse expendere sine illius licentia. Pro cuius rei probatione advertunt, licentias, quas Prælati concedit, esse in duplici differentia; aliz enim sunt, quæ nunc executioni mandantur, quamvis earum effectus perseveret etiam tempore futuro, ut ex gr. licentia accipiendi Vestem, vel Librum, Breviarium, &c. ab amico, quæ immediatè executioni mandatur, & usus perseverat, etiam tempore futuro, absque nova licentia Successoris. Aliz ve-

rd sunt licentiz; quarum executio Anno sequenti, ex. gr. ponenda est, quo non amplius erit Superior, ut licentia donandi, expendendi, vendendi, & similes. Posita hac distinctione, asserunt D. D. citati, quod Prælati non potest nunc sibi dare licentiam expendendi pro Anno sequenti, quo non amplius Superior erit. Et si eis inquiras, cur Prælati potest nunc dare subditis licentiam recipiendi, & disponendi pro Anno sequenti, quo non erit Superior, & eandem non potest pro se recipere? Respondet (præsertim de Lugo) eam esse differentiam, quia hæc delegatio cadit inter personas distinctas, & capaces, ipse verò Superior non est capax recipiendi à seipso hanc commissionem, quia inter delegantem, & delegatum debet esse distinctio. Unde nec potest nunc dare facultatem absolvendi, homini non Baptizato, aut non Clerico, qui futurus est Baptizatus, vel Clericus, licet nec sibi dare nunc facultatem absolvendi alios Religiosos à reservatis, quando jam non erit eorum Prælati; nec etiam, ut ipse ab eis absolvatur. Posset tamen dare nunc facultatem suo subdito absolvendi à reservatis pro eo tempore, quo non erit Superior, & hanc sibi dare non posse, quia pro tunc incapax est, dum non est Superior. *P. Diana l. c. n. 3.* non placet omnino huiusmodi opinio Cardinalis de Lugo: sed sequitur *Dicastrillum l. c.* ubi vult, cum Officio licentiam finire, quam sibi dederat Prælati suæ Prælatuſ tempore, ex quo nova licentia necessaria, est in illius opinione, tum ad retinendum, tum ad expendendum pecuniam, quam ex propria licentia acceperat, dum erat Superior. Ratio illius est, tum quia uterque actus retinendi videlicet, & expendendi pro eo tempore, quo amplius non erit Superior, est factus sine legitima facultate, à non domino, & simul impedit per Votum: & sicut Superior sibi dare licentiam non potest expendendi, quando non erit amplius Superior, ita neque retinendi, quando non erit in Officio. Tum quia retentio pecunie pro illo tempore, quo non est amplius Superior, est moraliter quædam acceptio pro eo tempore, quæ differt à prima acceptione, sicut in Physicis quædam conservatio à prima productione; quæ idem non est prima productio, quia hæc præcessit tempore præcedenti existentia termini ab eadem, vel alia causa, quod est satis extrinsecum, & accidentale, &c. Hæc docet *Dicastrill. apud Dianam, & Bordon. de Pauper. Religiosa cap. 17. qu. 24. n. 65.* qui

non adhærens, nec *Dicastrillo*, neque *Card. de Lugo*, contra utriusque doctrinam, & distinctionem Magistratiler, subtiliter, & optime habet, quæ sequuntur à n. 66. usque ad 77. inclusivè. Et contra dictum Eminentiss. 458 Primò sic: Differentia, quam ipse supponit, in suis facultatibus, non potest diversificare naturam ipsius licentiæ, quæ in se una est, per quam sibi dat jus accipiendi, retinendi, & expendendi pecuniam acceptam, sicut dat subditis; nam facultas statim, ac per licentiâ confertur à Superiore pro se, seu subditis, recipit suam virtutem ad operandum, cum opus erit, & occasio se præsentaverit, non verò fit talis per suos effectus, & executionem, quæ illam, ut causam sui supponunt, non constituunt. Præcedit ergo facultas, & licentia cum suo vigore quemlibet effectum, & executionem, ut quælibet causa suum effectum, non solum natura, sed etiam, ut plurimum, tempore, ut patet in exemplis allatis ab ipso Cardinali. Quare facultas sive ab initio mandetur executioni, sive post, non diversificatur, nec variatur in sua virtute, quæ operatur cum opus est. Cum ergo Superior possit sibi dare nunc licentiam, dum est Superior, recipiendi, retinendi, & expendendi, sicut dat subditis exercendi illos tres actus pro futuro tempore, quo noverit Superior, cur non poterit in eo durare illa facultas, postquam erit absolutus ab Officio, si durat in subditis? Utitur ergo licentia intransitiva pro se, sicut subditi transitiva ad eos, nihil renovando, neque enim assignabilis differentia, cur una extinguatur, & alia non, absoluto Superiore ab Officio, cum utraq; data sit sine limitatione temporis.

459 Neque dicas, antiquam licentiam, quam sibi dederat, expirasse cum Officio, & sic nova indigere, quo ad expensionem secundum *Cardinalem*, & etiam, quoad utrumque secundum *Dicastrillum*. Quia respondetur. *Primo*, non esse maiorem rationem, cur in ipso cessaverit Superiore, & non in subditis, cum respectu utriusque fuerit concepta, & data sub eodem tenore, absque limitatione temporis. *Secundo*, in Superiore non cessavit, finito Officio, respectu retentionis, secundum *Cardinalem*, ergo nec respectu expensionis, cum ex natura rei, pecunia, maxime à Religiosis, non retineatur, ut conservetur, id enim est signum avaritiæ, fugiendæ, non solum à Religiosis, sed etiam à Laicis, sed ut expendatur pro indigentibus ipsius retinentis, nam ejus usus, pro quo retinetur, est

consumptio, & expensio, ergo qui dedit licentiam retinendi, dedit etiam facultatem expendendi, ad quem effectum retinetur. Retentio ergo pecuniæ, tanquam antecedens ordinatur ad illius pensionem, tanquam ad illam consequens, ut occurratur propriis indigentibus; sed concessio antecedente, censetur quoque concessum consequens, *l. non cogendum 45. §. si procuratori, ff. de procurat. l. si cui, ff. de condit. & dem.* Absurdum enim est dicere, quod, quis habet licentiam retinendi arma, & illis non utendi, ergo licentiam habens retinendi pecuniam, eandem etiam habet expendendi, ne sit frustratoria, & otiosa facultas retinendi. *Tertio*, ex sententia ipsius. *De Lago n. 38.* (quem vide, & non pigebit) licentia, seu jurisdictio delegata ad absolvendum à reservatis, non expirat morte concedentis, quia est gratiosa, & favorabilis, ad differentiam contentiosæ, ergo nec perit licentia, & facultas ad recipiendum, & expendendum, cum, & ipsa sit favorabilis, & gratiosa. Imò magis videtur durabilis facultas disponendi, seu expendendi, quam absolvendi, quia facilius perditur potestas delegata, quam ordinaria, *leg. prim. §. Qui mandatum, ff. de Offic. ejus cui mand. leg. Judicium solvitur, ff. de judiciis. Sancb. de Matrimonio lib. 3. disp. 22. nu. 24.* Sed licentia ad reservata est delegata; licentia verò intransitiva magis habet de Ordinario, cum de jure sit debita, ergo plus durare debet in persona, ac proinde etiam post absolutionem ab Officio.

460 Contra secundò: Allata distinctio personalis inter dantem, & accipientem, non est necessaria in omnibus facultatibus, sed tantum, ubi agitur de jurisditione contentiosa, seu præjudicio tertii, & de jurisditione in materia Sacramentorum; dans enim Sacramentum, debet esse distinctus à recipiente, ut colligitur ex tenore verborum exprimentium pronomina. Ego, & Tu, quæ important distinctionem personalem. Sed licentia, & facultas, de qua loquitur, est omnino gratiosa, ergo non requirit distinctionem personarum, sicut non requirit, dum est in actu Officii: dum ergo est Superior, non impedit identitas personæ, neque cum erit absolutus ab Officio, cum remaneat eadem persona.

461 Contra tertio: Quia esto non possit conferri facultas absolvendi non Baptizato, neque non Clerico, nec minus Laico pro eo tempore, quo erit Sacerdos exercenda, tamen Superior sibi facultatem pro Voto paupertatis dare potest exequendam

à se, postquam erit absolutus ab Officio, quia sicut illius capax est receptionis, dum est Prior, ita, & post Officium remanet capax illius exercitii. Unde hinc patet ratio disparitatis, nam nondum Clericus omnino est incapax recipiendi pro illo tunc facultatem absolvendi pro eo tempore, quo erit Clericus, ac proinde semper talis remanebit, Clericus etiam, & Sacerdos factus, quia ea facultas verè non fuit illi delegata ob ejus incapacitatem, nec tunc, nec pro futuro tempore, ut enim facultas verè delegetur, debet ab initio persona esse capax, quia tunc confertur, & non futuro tempore, quo erit habilis, implicat enim, quod aliquid nunc detur pro futuro tempore, & non dicatur nunc datum, in quo consistit radix nullitatis dati, quia scilicet hic, & nunc, est incapax, datum, ergo, respicit tempus præsens, cum actus fiat de præsentibus, & non de futuro, agendum enim, non est actum, sicut nec futurum est præsens, si ergo quis dat nunc aliquid cum respectu ad futurum, si verè datio fortitur suum effectum, signum est, recipientem esse capacem, & tunc ille respectus in futurum, importat executionem illius potestatis datæ antecederet ad operandum tempore debito. Modo Superior existens, dat sibi licentiam recipiendi, retinendi, & expendendi pecuniam, absque limitatione temporis, & efficaciter illam sibi dat, cum sit capax, non solum pro subditis, sed etiam pro seipso, ergo eam exercere potest facultatem, cum absolutus fuerit ab Officio. Neque enim absolutio ab Officio, reddit eum incapacem ab exercitio suæ facultatis, quæ adhuc in eo viget secundum *Cardinalem*, absolutio enim ab eo aufert solum Superioritatem, non datam aliàs licentiam, quæ in conservari non pendet à Superioritate, sed ab existentia propria, nondum destructa. Itaque capacitas in Superiore producit suum effectum receptionis licentiæ exercendi, pro eo tempore futuro indeterminatè, cum opuserit, habet enim tractum sui exercitii successivum. Non Clericus verò, ex sua incapacitate, nihil recipit, nec pro præsentibus, nec pro futuro tempore, quo erit capax, quod si tempore capacitatis conferretur illi facultas, non diceretur retroacta ad tempus præteritum incapacitatis, cum antea nullatenus subiectum fuerit habile.

462 Dices, *Cardinalis* non loquitur de licentia, quam Superior sibi dat ad agendum, præciscendo à tempore præsentibus, & futuro, sed loquitur præciscè de licentia, quam

quam sibi nunc dat ad utendum pro eo tempore, quo erit absolutus ab Officio, intendit enim futuram licentiam, quæ incipiat fortiri suum effectum usus, postquam amplius non erit Superior, tunc enim incipit esse. Sed revera, verba facit *Cardinalis* de licentia, quam tunc ea intentione sibi dat, ut illa utatur absolutus ab Officio, ita quod nunc sibi confert licentiam in habitu, ut ita dicam, ponendam in actu futuro tempore, quo non erit Superior. Et hæc dabilis est cum suo exercitio, sive sit generalis, absque limitatione temporis, & cum exercitio, & ejus usu coniuncto, cum ipsa datione, ut concedit subditis: sive specialis, data tunc, solum exercenda post Officiu, utramque verè, & efficaciter conferre potest, nam generalem sibi conferre potest, quia confert aliis etiam secundum *Cardinalem*, ergo, & hanc specialem, cum videatur esse quid minus.

463 Contra quartò: Quia non bene comparantur inter se, hæc duæ facultates absolvendi & expendendi, quod scilicet possit Superior sibi eas dare exercendas pro tempore, quò non erit Superior: nam facultatem absolvendi, nec sibi dare potest, nec in seipso exercere potest in quocunque tempore, quia petit distinctionem personarum, ut dictum fuit supra, non verò facultas disponendi, seu expendendi; quinimò ex natura rei, qui habet licentiam agendi in seipsum, agit dum utitur licentia, non in alium, nec per alium. Subdit. Non poterat Superior existens dare sibi facultatem absolvendi alios Religiosos à reservatis, quando jam non esset eorum Prælat, nec etiam, ut ipse ab eis absolveretur, quia illa licentia mandanda esset executioni tempore sequenti, quo jam ipse non posset eam concedere. Ergo, &c. Ego dico, quod Superior potest dare facultatem Sacerdoti suo, absolvendi à reservatis, toties quoties casus occurrerit etiam sine limitatione temporis, quæ non expirat morte concedentis tum naturali, tum civili, sed ulterius durat, quousque positivè revocetur. Ita ferè omnes cum *Florano de Casib. refer. part. 1. cap. 4. §. 3. n. 14. Suar. de Penit. disp. 26. sect. 3. n. 7. Sayr. lib. 7. de Cens. cap. 14. n. 17. cum aliis. Bonac. de Privileg. disp. 1. quest. 3. punct. 8. §. 1. nu. 14. Nec dissentit De Lugo, qui eadem disp. 19. n. 37. dicit, potestatem audiendi Confessiones non expirare morte concedentis, etiam civili, ergo neque potestas absolvendi à reservatis, cum sit eadem ratio ex illimitata temporis concessione. Ratio est, quia hæc*

licentia est gratia facta, quæ non expirat morte concedentis, *Palao de Privileg. disp. 4. de Legib. punct. 16. §. 4. n. p.* Cum ergo talis licentia sine limitatione data duret post mortem concedentis, illam habens, uti poterit, absolvendo à reservatis post absolutionem ab Officio, & si durat ulterius, poterit Superior existens se declarare cum subdito, dō licentiam tibi absolvendi me à reservatis, dum absolutus ero ab Officio, si enim eam concedere potest indefinitè duraturam, ex natura rei post amotionem ab Officio, à fortiori eandem dare poterit cum expressione, ut absolvar, dum non erit Superior, id enim, nihil aliud est, quam licentiam indeterminatam determinare, & declarare valere, vel non valere morte concedentis. Et tunc sicut ille Confessarius potest absolvere alios, ita, & ipsum aliis Superiorem virtute dictæ licentiæ, quæ ab ipso emanavit. Et ex his manet probatum, quod dabilis nunc est licentia sibi exercenda pro tempore futuro, quo dans, non amplius erit Superior. Igitur Superior existens, potest sibi dare licentiam ut absolvatur, ut expendat, post amotionem ab Officio, quia ab initio est capax accipere, illam, licet postea sit factus incapax, quia tunc per electionem Confessarii, non dicitur illi tribuere licentiam, cum jam habuerit ab eo, sed tantum ab illo petere executionem fundatam in ea potestate existente jam in delegato; unde parum refert, quod amotus ab Officio, dicatur incapax ad dandam licentiam, cum illam dederit, dum erat in Officio non solum aliis, sed etiam sibi exercendam per alium respectuè ad absolutionem, & per seipsum in ordine, ad Votum paupertatis.

464 Contra *Dicastillum* respondeo: Ipsum supponere licentiam, extingui cum cessatione Officii, dum requirit novam licentiam tam pro retentione, quam rei expensione, quod tamen non probat, & supra patet in sententia omnium, licentiam concedi posse sine limitatione temporis, & ad vitam, ac proinde morte concedentis non expirare, ut dixi supra; consequenter prosecutio retentionis, & subsequens expensio rei retentæ est ex legitima facultate facta, dum pendet ab illa licentia adhuc durante, cum ipse non probaverit ejus extinctionem, ut debebat, facile enim est, ex suppositione, ad ulteriora procedere. Ad confirmationem, quando dicit, retentionem pecuniæ eo tempore, quo non est Superior, esse quamdam novam acceptiōnem differentem à prima, sicut confer-

vatio differt à prima productione præcedente conservationem: dico, hanc similitudinem potius facere pro me, nam conservatio est perseverantia existentiae rei in esse sine nova actione, sicut enim productioni respondet existentia, ita conservationi duratio, quæ immediate nullo tempore interiecto, sequitur ipsam rei existentiam, ut docent omnes Philosophi, & sicuti conservatio continuatur existentiae, & tempus non intermediat, ita prima acceptio conservatur, usque ad expansionem sine nova actione, ex parte retentionis, sicut nihil novi datur in conservatione rei existentis: nec video, existentiam tempore præcedere conservationem, cum sine intermissione res, dum incipit existere, incipit etiam conservari: pari ratione res legitime accepta, sine aliqua actione nova, conservatur apud eum, qui eam legitime retinet, quousque revocatur positive à Superiore Successore: Unde si non revocatur, retinens eam cum eadem prima licentia, quæ ad nullum actum fuit limitata, ut suppono, expendere potest, viget enim ulterius, cum absolutione ab Officio non fuerit extincta, nec à Successore revocata. Hæc doctissimus P. Bordon. l. c. Adde qu. 26. n. 79. dicta à se de Viris Religiosis, locum habere etiam in Monialibus, id est, quod etiam Abbatissa, & Superiorissa habeat eandem potestatem licentiam dandi seipsam, & Moniale subditum, eo modo, quo Superiores Viri licentiant se, & suos subditos, juxta superius dicta. Tum quia Abbatissa, & Superiorissa, recipiunt Votum paupertatis à Monialibus sibi subiectis, sicuti Superiores Regulares recipiunt idem Votum à suis Novitiis, ergo super ipsis, & pro ipsis habent potestatem licentiam illas ad observationem hujus Voti, sicut habent Regulares Superiores. Hinc DD. apud, & cum Diana tom. 7. Coord. tract. 3. ref. 51. ex par. 1. tract. 6. ref. 22. affirmant, Abbatissam posse concedere Monialibus licentiam donandi, quam potest Prælati Regularis suis subditis: item licentiam habendi peculium, &c. nisi ex consuetudine, aut Constitutionibus propriis, aut præcepto Superioris Prælati, arctata sit ejus facultas. Tum quia hæc potestas est administrationis, & Superioritatis non præsupponentis aliquem Ordinem, nec Clericalem Characterem, & ideo Abbatissa, & Superiorissa illius est capax, consequenter ea uti potest pro se, & pro suis Monialibus: Et ita etiam Sanchez in Decal. to. 2. lib. 7. cap. 19. num. 44. Laym.

libr. 4. tract. 5. cap. 7. nu. 15. Palao par. 3. Tit. de Voto Religiosæ Obed. disp. 3. punc. 23. n. 11. in fine: alique plures apud ipsos. Nullusq; contradicit, ut notat etiam idem Bordon. qu. c. 26. Vers. Respon. affirmativæ, in fine.

465 An verò etiam Religiosi ad breve tempus substituti in locum Prælati à Monasterio absentis, possint sibi conferre facultatem accipiendi, retinendi, & dandi aliquid pro eo tempore, quando erunt subditi in Monasterio, uti supra, de Prælati ipsis dictum est, affirmo cum P. Piffacchio cap. c. 5. nu. 36. Quia nec ipsi esse debent deterioris conditionis, ac sint eorum subditi. Nec enim, quia brevi tempore sunt Superiores, non sunt verè Superiores, dum re vera in tali brevi tempore jurisdictionem Superioris habent. Quod procedit etiam in substitutis Superioris ad duos, aut tres dies. Cum etiam in hoc casu verè jurisdictionem habeant in Religiosos subditos, & totam facultatem, quam jure ordinario habet Superior ipse Monasterii. Idemq; docet Ant. à Spiritu S. in Director. Regular. par. 2. trac. 3. disp. 4. sect. 6. n. 356. ubi, & ipse querens: An Religiosus ad breve tempus substitutus loco Prælati Monasterii, ver. gr. ad unum diem naturalem, possit sibi ipsi conferre licentiam dandi, & accipiendi res proptio æstimabiles pro eo tempore, quo ei Monasterio fuerit subditus? Respondet sibi posse eam facultatem dare, quam potest aliis, nam ipse non debet esse deterioris conditionis, ac alii, quod autem ad breve tempus sit Superior, non tollit, quod verè Superior sit. Et P. Naldus Verb. Absentia n. 11. affirmat, ad transferendam jurisdictionem Prælati Regularis in ejus vicemgerentem, sufficere absentiam à Conventu, quæ sit ultra unum diem naturalem: nisi obstat usus contrarius, vel statutum, aliquod peculiare Religionis. Ita etiam Pellizz. in Man. tom. 1. tr. 4. cap. 2. sect. 5. subsect. 4. qu. 29. n. 445. Addens in fine, non acquiri hanc jurisdictionem à Superioris substituto, quando ipse Superior per paucas horas è Monasterio egreditur. Modo tandem

466 Respondeo secundò ad quæsitum, ceteros Equites Ordinum Militarium posse testari de suis bonis patrimonialibus, & etiam de fructibus suarum commendarum, si usu, consuetudine, vel constitutionibus particularibus, non sit illis hoc interdictum: qua de re vide Sanchez Operis Moral. tom. 2. lib. 7. cap. 8. à n. 26. Letza in Sum. par. 2. c. 5. n. 33. & 34. & à nu. 54. usque ad finem capitis. Pala. par. 3. disp. 3. punc. 22. n. 6.

¶ 7. Bordon. de Paupertate Religiosa c. 8. q. 22. num. 52. & alios.

467 Adverte tamen hic, quod quamvis Religiosus Professus testari non possit, nihil tamen prohibet, quin declarare possit Testamentum a se ante Professionem actum, cum id non sit testari, & declaratio nihil ponat in esse, ut facit condens Testamentum, sed tantum, quod obscurè inerat, declarat, per actum interpretativum suæ mentis ad formam verborum, & juxta eum verum sensum, quem recipere possunt: quia in re nihil renunciat, nihil dat, nihil tribuit, sed quod jam renunciavit, tribuit, & dedit, & declarat, & factum suum dubium, & obscurum reddit clarum, ut necesse etiam est: unde absque ullo prorsus conscientie scrupulo declarare potest, ad verum sensum, quem patiuntur verba in Testamento nudè expressa, & in suo sensu explicare: nullus enim melius declarare potest mentem suam expressam in verbis dubiis, quam ipse Testator, quo non utitur conjecturis, sed veritate mentis suæ, quæ talis fuit ab initio, qualis postremo declaratur. Et quod possit hoc facere quisvis Religiosus Professus (etiam Capuccinus) non obstante ejus rigorosa paupertate, confirmari etiam potest, quia Professus declarando suum Testamentum, non facit, nec contra Votum Obedientiæ, cum de hac re (ut supponitur) non extet prohibitio, vel statutum aliquod prohibitorium, & si extaret, licentiam, & dispensationem à Superiore petat, qui debet eam dare, & nequit denegare. Nec item facit contra Votum Paupertatis, cum in hujusmodi declaratione nullum exerceat proprietatis actum, quia in hoc nihil sibi usurpat, vel alteri dat, sed merum actum intellectus exerceat, qui Votum Paupertatis non violat, cum hoc Votum per voluntatis actum violetur, cum vitium proprietatis à sola voluntate procedat. Nec tandem in hac declaratione præjudicat tertio, quia in ea nihil disponit, sed tantum declarat, quod aliàs disposuerat sine alicujus præjudicio, cum esset dominus dispositorem in Testamento. Subscribunt Sanch. lib. 7. cap. 11. n. 16. ex Rodrig. to. 3. qu. 69. art. 3. Reginald. lib. 18. n. 397. Porcell. Verbo Novitius n. 44. Vecchijs disp. 8. de Novitii, dub. 12. n. 2. cum Peyr. de Prælato qu. 3. cap. pr. num. 209. quos refert, & sequitur Bordon. in suo Opere Posthumo consil. 21. in fin. pag. mibi 43.

PRIVILEGIUM XXX.

Celebrans bona fide, ac ignoranter in Altari fixo quod amisit consecrationem, eo quia remotum fuit à stipite, seu ab inferiori junctura, aut structura, excusatur à transgressione in re gravi Ecclesiasticæ legis, & à culpa letali.

468 **I**N Ecclesia Romana duo Altarium genera sunt in usu. Alia enim stabilia sunt, atque semper fixa eodem in loco. Alia verò, quæ, ut de uno ad alium locum moveri faciliter queant, parva sunt, & vulgo *Are* vocantur. Ex lapide autem sunt tam fixa, quam mobilia, ita decernente Sancto Sylvestro Papa, qui primus Altare lapideum Chrismate deliburum exerit in Dedicatione Ecclesiæ S. Petri Apostolorum Principis, atque ex eo tempore Sanctiuit, ne deinceps ex alia fieret materia. Dictum autem Altare fixum si removeatur mensa à stipite seu ab inferiori junctura, & structura cui adhæret, illicò consecrationem amittit: Unde eo ipso quod Mensa movetur, Altare exsecratum redditur. Sic enim decernitur in Cap. *Ad hæc, in Cap. Quod in dubiis, & in Cap. Ligneis de Consecrat. Eccles. vel Altaris*. Ibi namque dicitur: De novo consecrandum esse Altare, si motum, vel contractum fuerit: Unde cum ponatur Motio, vel contractio sub distinctione, ex sola separatione Mensæ ab inferiori structura, aut junctura, amittitur Consecratio. Ita etiam Sylvest. Verbo *Altare qu. 2. Suar. to. 3. in 3. par. disp. 81. sec. 5. Vers. Tertio additur. fol. mibi 1015. col. p.* (declarans Cap. *Simotum de Consecrat. disp. p.* ubi dicitur: *Si motum fuerit Altare, denuo consecratur Ecclesia*: idest inquit *Suar. ibi*; quantum ad Altare: non enim propter solam Altaris remotionem, tota Ecclesia iterum consecranda est, ut etiam in cit. Cap. *Ad hæc, expressè declaratur*) Hieron. Rodrig. in Compend. ref. 9. n. 20. (ubi, *Altare Stabile consecrationis formam amittit, si ejus Mensa à stipite, vel columnis quibus innititur amoveatur &c.*) Pasqualig. Decis. 40. (Addens num. 3. Hujusmodi separationem Mensæ ab inferiori structura esse quamdam fractionem Altaris: quia Altare non dicit solam Mensam, sed totam structuram; per hanc autem separationem tollitur forma Altaris, & structura; sicut tabula mensalis diceretur frangi, & non esset amplius mensalis tabula, si ab ipsa separarentur stipites) Diana, Coordin. 10. 4. tract. pr. ref. 24.

ref. 24. Ex par. 11. tract. 8. Miscell. 8. ref. 8.
Gobat de Indulgentiis par. 2. Cap. 26. n. 537.
Petrus de Murga to. p. *Disquisitionum Mora-*
hum, & *Canonicar. tract. 2. Disquisit. 9. §.*
p. conclus. p. n. 30. fol. mibi 133. Piascium in
Praxi Episcop. par. p. art. 4. Vers. Vio-
latur Altare nu. 13. fol. mibi 88. *Barbosa de*
Potest. Ppiscopi par. 2. *Allegat. 27. num. 26.*
Miranda in Man. Praelator. to. 2. q. 39. art.
3. Conclus. p. aliique plures apud citatos :
 imò communiter . Quod

469 Probatur tum ex *Canone Si motum*
el 19. Consecrat. dist. p. in quo sic decernit
Iginius Papa : Si motum fuerit Altare,
 denuo consecratur Ecclesia. Idest Altare denuo
 consecratur ; ut ibi exponit *Glossa Verbo*
Ecclesia, & notat etiam *Barbosa n. c. 26.*
 Tum ex d. Cap. *Adhuc el p. De consecrat.*
Ecclesiae, vel *Altari* : Ubi *Alexander Pa-*
pae III. decrevit ita : *Adhuc si Altare mo-*
tum fuerit, aut lapis ille solummodo supra po-
situs, qui sigillum continet, consecratus, aut
etiam diminutus, debet denuo consecrari. Tum
 ex cit. Cap. *Quod in dubiis el 3. eodem titu-*
lo, in quo sic *Innocentius Papa III.* Altare
 verò, in quo tabula, cui Consecrationis bene-
 dictio Pontificali ministerio adhibetur, si mota,
 vel enormiter fracta fuerit, debet non immeri-
 to Consecrari. Tum etiam ex relato cap.
Ex lignis el 6. eod. tit. in quo, An corruen-
te tecto, parietibus illæsis, & mensa Altaris
 debeat consecrari ? idem *Innocentius*, sic
 rescribens decernit . *Inquisitioni tue taliter*
duximus respondendum, quod cum parietes in
sua integritate permanerint, & tabula Altaris
mota, vel enormiter lesa non fuerit, ob cau-
sam prædictam (tecti scilicet consumptionem
casualem) nec Ecclesia, nec Altare de-
bet denuo consecrari. Ergo &c. Hoc tamen
 limita

470 Primo, cum *Tabiena Verbo Altare*
g. Quinto, n. 7. Sylvest. Verbo c. qu. 10. in.
fine. Suar. l. c. Pasqual. decis. c. n. 4. Gobat
l. c. Diana ref. c. n. 2. quod Altare amittat
 consecrationem si mensa removeatur à sti-
 pite, seu ab inferiori structura, quando
 cum tota structura Altare consecratum
 fuit, secus verò si mensa seorsim fuerit
 consecrata, & postea super posita inferiori
 structura, etiam si ita conjuncta fuerit,
 ut permanens sit inseparabilis. Et ratio
 est, quia inferior structura non communi-
 cat in consecratione : atque adeo nec est
 pars Altaris : nec per talem motionem per-
 ditur forma Altaris. Neque exigit Altare
 consecrationem permanere affixum ratio-
 ne consecrationis inferioris structurae.

471 Secundo, cum *Laym. cap. c. 6. n. 6.*
Pasqualig. Diana, & Gobat l. l. c. c. Altare
 amittere consecrationem, si mensa remo-
 veatur à stipite, quando videlicet ipsa men-
 sa conjungitur inferiori structurae firma, &
 stabili conjunctione, qualis est conjunctio
 coementaria. Secus verò si conjunctio sit
 ex natura sua mobilis, & ex institutio-
 ne. Et ratio est, tum quia, *Ipsa mensa.*
(Sylvest. l. c. cum aliis) tunc est Altare por-
tabile : Tum etiam quia (ut optime *Pas-*
qualig. Decis. ci. nu. 5.) Altare consecratur
 cum illa mobilitate conjunctionis, conse-
 quenter cum conditione, quod possit mo-
 veri juxta mobilitatem conjunctionis, id-
 circo si moveatur, non amittit suam for-
 mam ; quia in sua forma includit mobili-
 tatem, tamquam aliquid de ipsa for-
 ma : hinc consecrationem non amittit,
 quæ solum deperditur ad perditionem for-
 mæ.

472 Tertio limita cum eodem *P. Pasqua-*
ligo n. 6. Diana, & Gobat l. l. c. c. ut procedat
 solum de Altari, cujus inferior structu-
 ra est lapidea : secus autem si sit lignea :
 Quia Altare non potest consistere ex ligno,
 Cap. *Altaria p. de Consecrat. dist. pr. (ibi)*
Altaria, si non fuerint lapidea, Chrismatis
unctione non consecrantur. Quamvis enim
 primitiva Ecclesia, cum fideles ob Tyran-
 norum persecutionem, in cryptis, & spe-
 luncis rem divinam facere cogebantur, li-
 gneis Altaribus usi fuerint quæ facile de-
 loco ad locum portari poterant. Pace ta-
 men postea per *Constantinum* Ecclesiis red-
 dita, Statutum est, ut nonnisi in lapi-
 deo Altari sacrificium fieret, partim eo
 quia hæc materia firmior, durabiliorque est,
 partim verò quia idonea ad significandum
 Christum, qui dicitur *Petra angularis p. Co-*
rinth. 20. Unicum tantum antiquissimum
 Altare lignum, in quo *S. Petrus* Sacrifi-
 cavit, jussu *S. Sylvestri* Papæ servatum est,
 ut in eo solus Summus Pontifex sacrificet.
 Qua de re inter alios *Layman. Cap. c.*
n. p. Sicut igitur Altare non potest constare
 ex ligno, nec etiam lignum potest re-
 cipere consecrationem, consequenter forma
 Altaris nequit includere lignum, aut
 conjunctionem ad lignum : & idcirco ex ta-
 li prædicta separatione non deperdetur con-
 secratio, & forma Altaris : & potius ha-
 bebunt rationem Altaris portatilis, quam
 stabilis, ut supra etiam innuit *Sylvester* cum
 aliis. Et si opponas, quod non possit con-
 secrari sola mensa : Contra, hoc enim fal-
 sum est, cum nullo jure prohibeatur : si-
 cut enim potest consecrari mensa parva,
 ut in

ut in Altari portatili: ita etiam mensa magna; quod enim difficulter portari possit, per accidens se habet. Ita *Pasqual. Decif. cit. n. 6.*

473 Quarto tandem limita cum *Suar. vers. supra cit. Tertio additur circa medium. Gobat l. c. n. 538. Pasqual. Decif. 41. n. 2. & ibi Barbosa l. 2. in Jus Canon. in cap. 1. de Consecrat. Eccles. vel Altar. n. 2. & Lugo de Eucharist. sec. 2. n. 74.* non amittere videlicet consecrationem Altare stabile, si integrum de loco ad locum transferatur, cum enim sic remaneat integrum, remanet etiam forma ipsius, consequenter etiam consecratio, quæ addita est tantum materiz, pro ut stat sub Altaris forma, hinc salva forma, etiam consecratio salva est. Et si quis dicat, Altare stabile, consecratur ut stabile, idest ut fixum, & immobile: ergo si de loco moveatur, amittet consecrationem: quia amittet illam conditionem, cum quæ est consecratur: hinc est quod in tribus relatis Superioribus Capitulis *Ad hæc; Quod in dubiis; & Ligneis de Consecrat. Eccles. vel Altar.* dicitur sub disjunctione, ut patet, quod Altare amittit consecrationem, si motum, vel enormiter sit fractum. Non potest autem intelligi, nisi de sola motione locali, quæ totum integrum moveatur; quia in quacumque alia motione frangitur, quia perit forma Altaris. Si inquam quis hæc dicat, non obstat, quia *text. allati*, non intelliguntur de motione illa, in qua salva manet forma, sed de illa in qua perit, atque adeo de motione, in qua partes separantur: ut notat *Glossa in d. cap. Ad hæc. Verba Altare sic dicitur motum, idest mutatum quo ad formam, ita quod formam amiserit, per diminutionem, vel augmentum, cū hæc sit forma rei, &c.* His ergo præmissis.

474 Dicit privilegium propositum, quod celebrans bona fide, ac ignoranter in Altari fixo, quod aliqua de causa amisit consecrationem, non peccat mortaliter. (Idem dic de eo etiam qui bona fide celebrat in Altari non consecrato). Ita *P. Pasqual. Decif. 45. nu. 10. cum quo P. Diana tom. 4. Coord. ref. 24. num. 6. ex par. tr. 7. & Miscell. 8. ref. 8. & Gobat. de Indulg. par. 2. cap. 26. n. 541. pag. mibi 257. in principio: Ubi sic, ex P. Pasqual. Decif. cit. Si quis in Altari, quod vel nunquam habuit, vel amisit consecrationem, celebret, bona, vel etiam mala fide, Altare illud non indiget alia consecratione esto peccavit mortaliter, qui mala fide in illo sacrum fecit (non qui bona fide) Et consequenter sine ulteriore consecratione valebit favor Altari privilegiati. Quæ doctrina (inquit *Gobat. l. c.*) medium probabilis est, sed*

perutilis Parochis, in quorum Ecclesiis sunt per ista tempore bellica factæ variaz mutationes circa Altaria sed quod non amiserit consecrationem, iterum infra. Unde hic

475 Quæres primo An reliquæ sint ita de essentia consecrationis Altaris, ut per remotionem, aut fractionem Sepulchri, seu loculi ubi collocatz fuerant Reliquæ, Altare exsacratum remaneat? Resp. negativè: atque aded validam esse Altarium consecrationem sine Reliquis factam, nec esse de substantia consecrationis Altaris, hujus Reliquiarum appositionem: consequenter non indigere Altare reconsecratione per fractionem, remotionem, vel diminutionem illius, quod non est de substantia consecrationis ipsius, ita etiam censent. *Suar. to. 3. in 3. par. D. Tbo. disp. 81. sec. 5. Vers. Tertio additur in fine. Sotus in 4. dist. 13. qu. 2. art. 3. §. Sexto denique. Hieronym. Rodrig. in Compend. q. Regularium ref. 9. n. 3. Sæ Verbo Altare. Conincb de Sacramentis qu. 83. art. 3. dub. 2. n. 240. Summa Angelica. Verbo Altare n. 3. Reynald. in Praxi Tom. 3. sec. 5. sub n. 190. vers. Porro difficult. est. pag. mibi 636. (Ubi cum eadem Summa Angelica confirmat ex Rubrica in Missalibus antiquis præscribente, ut si Reliquæ non fuerint, omittatur particula Orationis Sanctorum, quæ dicitur à Sacerdote post Consecrationem, scilicet, Oramus te Domine per merita Sanctorum tuorum, quorum Reliquæ hic sunt, &c. Quod notat etiam Rodrig. cum eodem Azorio, dicens, Quod si Reliquæ non fuerint in Altari, omittatur illa particula Orationis, quæ dicitur post Consecrationem, nempe, Oramus te Domine per merita Sanctorum, quorum Reliquæ hic sunt.) Lezan. in Summa to. 3. Verbo Altare n. 6. (ubi notat, quod licet plures, Canonizatz præsertim) velint esse de essentia consecrationis Altaris, ut in eo Reliquæ Sanctorum ponantur, ex Canone, Placuit de Consecrat. dicit p. ubi habetur, Altaria quædam in quibus nullæ Reliquæ conditz probabantur evertenda ab Episcopis; verius tamen esse, ibi ait, id non esse de essentia consecrationis, tum ex usu Ecclesiæ, quo constat, plura Altaria sine Reliquis consecrari. Tum quia ille Canon, solum superitiones, seu incertorum Martyrum erectas memorias prohibet, & est eo præcipiat Reliquas veras Altaribus adhibendas esse, præceptum hoc jam cessavit in Ecclesia, quia in tanta Templorum, & Altarium multitudine, certæ, & exploratz Sanctorum Reliquæ haberi non possunt. Layman. lib. 5. de Sacrificio Missæ tract. 5. cap. 6. n. 8. (Ubi sic: Et si demus, olim omnibus etiam*

etiam Altaribus reliquias adhibendas fuisse, nunc vero, præceptum defuisse videatur; partim quia causa præcipiendi defuit; partim, quia in tanta Templorum, & Altarium multitudine, certæ, & exploratæ Sanctorum Reliquiæ difficile haberi possunt. Nihilominus pertinet ad Ecclesiarum Praelatos providere si fieri commode possit, ut pia, & antiqua consuetudo in omnibus Templis, & Altaribus sacras reponendi reliquias, perseveret, quod, & in introitu Missæ significatur. Oramus te Domine, per merita Sanctorum tuorum, quorum reliquie hic sunt. Porro exinde non improbabiliiter resolvit Canineb, Altare, seu stabile, seu portatile, non execrari per solam fractionem, vel amotionem sigilli, seu sepulchri in quo sacre reliquie condite sunt, quamvis contrarium dicant Canonistæ &c.) Leander par. 2. Tracl. 8. de Sacrif. Missæ disp. 7. qu. 6. Versu sed longè probabilius. Ubi expressè ait: Non esse simpliciter necessarium in consecratione Altaris, quod in eo Reliquiæ Sanctorum ponantur, Quia praxis, & usus docent, consecrari absq; reliquiis Altaria &c. Pasqualicus Decif. Morali 46. & 47. & de Sacrif. Missæ qu. 691. à n. 4. Franciscus Lugo de Sacramentis libr. 5. de Missa cap. 7. qu. p. n. 14. Vers. Dico primo (ubi sic: Reliquiarum appositio non est de essentia consecrationis Altaris. Sic Auctores pro communi sententia relati, & quidem etiam antiquiores admittunt validam Altaris consecrationem sine reliquiis appositis: magis aperte Suarez dicit, reliquias non esse de essentia hujus consecrationis, ut ex usu constat, & forsan nunquam fuisse, quia Canonæ id non convincunt, ut ex contextu Conciliorum deducit.) Et qu. seq. 3. nu. 25. Versu Nobis tamen (ubi sic: Dicendum est, nec Altare portatile, nec fixum per solam amotionem, aut fractionem sepulchri, vel sigilli exsecrari, quia nec illud sepulchrum, nec sigillum est de substantia consecrationis Altaris, sicut nec appositio reliquiarum, ut vidimus supra nu. 14. nec in eo forma consecrationis, vel Altaris consistit, nec ullo jure cavetur. Nam in capitibus relatis solum deciditur, Altare consecrationem amittere si tabula ipsius, seu mensa in qua est sigillum frangatur; non quia sigillum frangitur, potest enim ea fractio contingere quamvis sigillum maneat illesum (sed quia mensa, scilicet, lapidea, frangitur, quæ per se consecratur immediate &c.) Facund. p. Eccles. præcep. lib. 3. cap. 22. n. 8. Ubi expressè sic: Non est de substantia consecrationis Aræ, quod inibi reliquie collocentur. Nec refert, quod Sacerdos dicat, dum accedit ad Sacrificandum, Oramus te, Domine, per merita Sanctorum tuorum, quorum reliquie hic sunt: Nam idè id dicit, quia ordinariè, & de more, reliquie

ibi apponuntur; non tamen de obligatione, aut necessitate: & cum ordinariè id fiat, sufficit ad veritatem prædictæ Orationis, quamvis in hoc, vel illo Altari deficiant: Regule enim Missalis, orationesque, sicut & leges humane, non sunt pro hoc vel illo casu, sed pro communibus casibus: leges enim, & instructiones attendunt id, quod communiter contingit: & idè simpliciter lata censentur veræ, quamvis in uno casu, vel altero deficiant, ut est communis resolutio in materia de legibus. Hactenus Fagnan. l. c. Quartus in Rubricis Missalis, par. p. Tit. 20. De Altari &c. Dub. 3. difficult. pr. Versu Tertia sententia probabilior: cui adherens ipse: Sustinet. Primo: Certum esse appositionem Reliquiarum non esse de essentia consecrationis Altaris. Secundo, probabilis esse, eam non cadere sub præcepto: quia vel non constat de tali præcepto: consequenter non est asserendum: vel si olim hoc fuit jure præceptum; contraria tamen consuetudine fuisse illi derogatum ob difficultatem habendi reliquias authenticas, & certas, ad tantam copiam Altarium Ita citatur: Qui tamen paulò infra. Versu Collegitur secundo: addit, & optimè: Quamvis tamen inclusio reliquiarum non sit necessaria ad consecrationem ex præcepto: maxime tamen decere, ut omnino fiat, quia id est conforme communi consuetudini Universalis Ecclesiæ. Pertinet tamen ad Episcopos, ut eadem laudabilis consuetudo omnino servetur, & perseveret, sicut cum Layman, & alius notat Lezana in Summa Verbo Altare n. 6. ita dictus. Quartus l. c. Quibus etiam addi possunt Oliverius Bonartius De Sacrif. Missæ Tit. de Institut. cap. 18. n. 16. Ubi sic: Reliquie Sacre non pertinent ad rationem consecrationis, nec ex ullo Canone hoc probatur, ut rectè Suarez, & Vasquez. Nec obstat, quod Sacerdos Altare ascendens, sic præcetur, Oramus, te Domine per merita Sanctorum, quorum Reliquie hic sunt &c. Quia, ut bene Fagundez, intelligitur illa Oratio, de eo quod ordinariè est, & lex vera est, etiam si in uno, atque altero casu deficiat: ita pag. mibi 45. Et pag. antec. 44. n. 15. Versu, Deinde perit: sic: Non amittitur consecratio, si totum Altare loco moveatur sine separationem mensæ ab inferioribus lapidibus: nec etiam violatur Altare per fractionem sigilli, vel sepulchri, ut Canineb supra. Petrus de Murga Disquisitionum Moralium, & Canonicar. Tom. p. tracl. 2. Disquisit. 9. Conclus. 6. à n. 36. plures alios præter supra relatos referens pro nostra tradita responsione, ac sententia. Quæ etiam.

476 Probatur cum eisdem P. Pasqualigo, & Quarto l. l. c. c. quia admitti non debet tan-

bet tanquam quid de essentia, & substantia consecrationis, & præcepto ejusdem, quod non constat præcipi ut tale; nullum autem habetur, vel extat præceptum de ponendis reliquiis in consecratione Altaris, ita ut sine ipsis nequeat fieri consecratio: ergo. Probatur minor, nam *Cap. Placuit.*

De Consecrat. dist. p. ex quo desumi videtur tale præceptum, non præcipit ut includantur Reliquiæ in Altari, sed præcipit everendas esse Aras, in quibus continebantur reliquiæ incertæ, ut advertit etiam *Quartus Difficult. p. c.* Solebant enim (notat etiam *P. Pasqualig. decis. c. 46. n. 4.*) passim in agris erigi Altaria in memoriam Martyrum, ob quasdam revelationes inanes; hujusmodi autem Altaria ibi prohibentur: & statuitur, quod nulla Martyrum memoria acceptetur, ubi Corpus non sit, aut Reliquiæ certæ, aut origo alicuius habitationis, vel possessionis, vel passionis: *Quod utique longe diversum est* (inquit, & optime *Pasqualig. n. 4. c.*) *à præcepto non consecrandi Altaria sine reliquiis.*

477 Quod, ut manifestè pateat, dō hic per extensum Verba Canonis. *Placuit, ut Altaria, quæ passim per agros, & per Villas tanquam memoria Martyrum construantur, in quibus nullum Corpus, aut Reliquiæ Martyrum condite probantur, ab eis, qui locis ejusdem præsent, si fieri potest evertantur. Si autem hoc propter tumultus populares non sumitur; plebes tamen admoneantur, ne illa loca frequentent, ut, qui rectè sapiunt, nulla ibi superstitione deo illi teneantur. Et omnino nulla memoria Martyrum probabiliter acceptetur, nisi ubi Corpus, aut Reliquiæ certæ sunt, aut origo alicuius habitationis, vel possessionis, vel passionis fidelissima origine traditur. Nam quæ per somnia, & per inanes quasi revelationes quorumlibet hominum ubicunque constituantur Altaria, omnino reprobantur.* In hujusmodi Textu, de Consecrando Altari cum reliquiis, nec verbum quidem extat, ut constat. Nec similiter hujusmodi præceptum habetur paulò inferius in *Cap. Non oportet*: dum ibi sic: *Non oportet Clericos ignaros, & presumptores super monumenta in campis ministeria portare, aut distribuere Sacramenta, sed aut in Ecclesia, aut in Basilica, ubi Martyrum sunt Reliquiæ depositæ, ibi pro defunctis oblationes offerri. Nec licet Christianis prandia ad Defunctorum sepulchra deferre, & sacri facere mortuis.* Basilica autem (ut optime etiam *P. Pasqualig. n. 5.*) ubi sunt depositæ Reliquiæ Martyrum, non est Altare: & si esset, ponitur sub distinctione cum Ecclesia. Adde, non dici in *cit. textu.* Quod

Altare consecratur cum Reliquiis: sed quod celebretur, ubi sunt Reliquiæ Martyrum; quod longè diversum est; ut notat etiam idem *P. Pasqualig. n. c. 5.* Adde *n. 6.* Quod nec obstat consuetudo; tum quia eam negat *Suar.*, & si haberet locum, non esset obligativa: tum quia (ut notat idem *Suar.*) in tanta multitudine Altarium servari nequit: tum etiam quia inducta est hujusmodi consuetudo in honorem Martyrum, non pro necessitate consecrationis. Hinc est quod Missalia antiqua admonerant, quod omitteretur illa Oratio, *Oramus te Domine per merita Sanctorum tuorum, quorum reliquiæ hic sunt.* Si in Altari non essent repositæ reliquiæ. Unde nec item obstat videtur (quod advertit etiam idem *P. Pasqualig. decis. c. n. 8.*) *Canon septimus septimæ Synodi Generalis*, in quo præcipitur deponi qui Templum consecraverit sine Sanctorum reliquiis, quia cum loquatur de Ecclesiis, non debet extendi ad Altaria. Adde cum eodem *Pasqualig. n. c. 8. in fine*: quod hodie cessavit hujusmodi præceptum etiam quod ad Ecclesias, quia cessavit finis; tunc enim præcipiebatur, Ecclesias cum Sanctis reliquiis consecrari, ob hæreticos illius temporis, quia abstulerant reliquias ab Ecclesiis. Et cum cessaverit præceptum ponendi reliquias, & solum ex laudabili consuetudine ponantur, remanet consequenter in libertate consecrantis eas ponere, vel non, proindeque si non ponantur, non fit contra aliquam obligationem, nec peccat qui sic consecrat. Vide *Suar. to. 3. in 3. p. disp. 81. sec. 5. Vers. Tertio additur, in fine. Coninch De Sacramentis qu. 83. art. 3. dub. 2. n. 241. Soto in 4. Sentent. dist. 13. qu. 2. art. 3. §. Rursus etiam. Vers. Sexto denique. Pasqual. Decis. Morali 47. n. 2. & alios.*

478 Et hic obiter adverte ex doctrina *Suar. Vers. c. Tertio additur* (quem etiam referunt & sequuntur *Portel. in Dub. Regularib. Verbo Altare. n. 4. & P. Pasqualig. Decis. Morali 52. n. 2. & 3.*) Altare portatile non amittere consecrationem, si frangatur in quatuor Cornibus in quibus consecratur, dummodo lapis qui remanet sit tantæ quantitatis, ut possit commodè capere Calicem, & Hostiam (si enim pars remanens non possit Calicem, & Hostiam capere, tunc solum nec poterit in illa celebrari.) Ratio est, quia in consecratione, totus lapis consecratur, quamvis vñctiones fiant tantum in angulis; unde tam una pars, quam altera eodem modo manet consecrata. Adde quod hoc Altare non requirit certam formam, sed solum quod lapis

sit planus, ita ut possit capere Calicem, & Hostiam: Igitur si frangatur in Cornibus, adhuc lapis ille Sacer trit: & cum possit capere Calicem, & Hostiam, poterit adhiberi in usu Sacrificii. Ita etiam *P. Pasqualig. num. cit. 3. & P. Quartus in Rubric. Missali p. p. Tit. 20. dub. 5. Versu Dico secundo*, ubi (cum aliis, ab ipso citatis) ait: tunc Consecrationem, Aram portatilem deperdere, quando ita frangitur, ut non remaneat pars apta ad Sacrificium, idest capax calicis, & patenæ &c. Quibus adde Palaum par. 4. Operis Moralis Traçt. 22. Tit. De Altari necessario ad Sacrificium. *Disp. Unica, punct. 9. n. 7.* Ubi sic, & ipse: *Alia tam fœxum, quam portatile consecrationem amittit, si ita frangatur, aut diminuitur, ut pars que integra remanet Calicem cum patena commodè continere non possit: quia eo ipso redditur ineptum muneri Sacrificii. Sic omnes Doctores referend. At si pars que remanet commodè Calicem, cum Patena continere possit, consecrationem non amittit; quia non amittit formam sibi debitam, que Calicem cum patena continent, quare ea magnitudine perseverante, & forma Altaris remanet, & consecratio perseverat, uti colligitur ex cap. p. Cap. Lignei. Cap. Quod in dubiis de Consecrat. Eccles. vel Altaris, & tradunt Sylvest. Saa, Suarez, Vasquez, Bonac. disp. 4. de Sacram. qu. ult. par. 9. n. 15. Barbosa Alleg. 27. n. 25. Layman, &c.* Cum autem dubium est, an diminutio, seu fractura impediatur legitimam Calicis, & Patenæ continentiam, Episcopus judicare debet, neque alteri arbitrium committitur, Barbosa, Bonaccina, Layman. Hucusque Palaus. Sed

479 Quæres secundo. An si quis celebret in Calice, & Patena non consecratis, Hoc ipso maneat consecrata? Quæsitum procedit siue bona, siue mala fide quis celebret in Calice, & Patena non consecratis, quia militat eadem ratio, ut docent etiam *Sa. Verbo Ecclesia num. 19. Tamburin. de Sacrif. Missæ libr. pr. cap. p. §. 4. nu. 2.* (ubi sic: Idem puto, tum si bona fide, tum si mala quis in Calice, & Patena non consecratis celebret, quia quo ad nostram rem eadem est paritas, semper enim adest idem contactus. Scio aliquos agentes de Sacrificio in Ecclesia violata peracto, ponere discrimen inter peractum mala, & peractum bona fide: sed profecto difficulter quo ad id, de quo loquimur, aptum discrimen invenire poterunt: Sic de Lugo de Eucharistia disp. 20. sec. 2. n. 62. Layman. libr. 5. traçt. 5. n. 13. Vers. Addendum quarto.) & *P. Quartus in Rubric. Missali par. 2. tit. pr. dub. 3. Vers. Colligunt secundo, Qui postea sequenti Versu, Secunda sententia, consecrationem manere*

negat, si mala fide quis celebrat in: Calice, & Patena non consecratis, pro qua sententia refert etiam *Cardin. de Lugo de Eucharistia disp. 20. nu. 91. Fagundes præcep. p. lib. 3. cap. 21. n. 15. Suar. disp. 81. sec. 7. §. Alia autem forma, & alios; à fortiori tenentes Ecclesiam pollutam non reconciliari celebratione Missæ, ut Say. Portel. Layman, &c. Verum.*

480 Respondeo ad quæsitum remanere probabiliter consecrata, cum *Aquila de Censuris par. 5. disp. 7. dub. 3. Conclus. p. Sa. l. c. Henriquez libr. 9. de Missæ Sacrif. cap. 27. n. 6. in fine* (ex aliorum sententia, & de Ecclesia polluta, quod quid majus est) *P. Diana to. 2. Coord. traçt. p. ref. 173. Ex par. 2. traçt. 14. ref. 69.* (ubi quod hæc responsio, & sententia probabilis sit, & tuta in praxi, loquendo etiam de Ecclesia polluta, si in ea bona fide ab aliquo Sacerdote celebratum fuerit, nedum loquendo de Patena, & Calice,) & *resol. seq. 174. Ex par. 5. traçt. 13. & Miscell. p. ref. 60.* (ubi pro se citat *Franciscum de Nigro in addit. ad Rinz par. 6. animado. 8. P. Trismarchum, Peyrmon, & Celestinum in Compend. Theologie Moralis traçt. 8. cap. 5. quæst. 9.* quibus addo *Petrum de Murza Disquisit. Moralium, & Canonica. Traçt. 2. Disquisitione 20. conclus. 4. à nu. 12. pag. mibi 139. Ausonium Noctinos in Summa Diana. Verbo Vasa Sacra num. pr. Hermannum Bussensbaum in Medulla Theologie Moralis lib. 6. traçt. 3. cap. 3. De celebrat. Missæ, Dub. 5. n. 4.* (Ubi sic: Sub mortali requiritur Calix, & Patena consecrata: si tamen in nondum consecratis aliquis bona fide, imo addit Bordon, & Tamburin, mala fide celebrasset, licet sic celebrando peccasset mortaliter, probabile est, quod hoc ipso censeantur consecrata. Licetque in iis celebrare &c. Idemque de Sacris Vestibus, item de Corporali, Pixide &c. que immediatè tangunt Eucharistiam &c.) relatus autem Bordon. To. 3. Variarum Resolution. par. 2. ref. 83. de Calice, & Altari n. 4. Querit, An si adhibeatur Calix non consecratus, fiat consecratus per Sacrificium Sanguinis Jesu Christi in eo factum? Et cum *Caslefino, & Diana l. l. c. c.* respondet affirmativè nu. 5. & hoc esse verum, quid quid dicat Lugo citatus; respondet autem sic. Sacrificians in Calice non consecrato peccat mortaliter, si hoc faciat scienter, quia in re gravi se negligentem gerit transgrediendo mandatum Ecclesiæ; bona fide, & inadvertenter excusatur, & Calix remanet Sacratum, ita ut deinceps non eget benedictione, siue adhibeatur ab eodem, siue ab aliis Sacerdotibus; quod verum puto etiam si mala fide Sacerdos ille usus fuerit, sciens non esse consecratum, quia, bona

aut mala fides Calicem non consecrat, sed sanguis, & Corpus Jesu Christi in ipso, & Patena ministratum: & Sicut Sacerdos ad huiusmodi virtutalem consecrationem nihil confert, cum tota pendeat à consecratione sacramenti, ita neque illius bona, vel mala fides obesse, vel prodesse potest huiusmodi Sacration, per quam Calix effectum est aptum vas, & Sanctum, ad huiusmodi Ministerium: haecenus Bordon. n. 5. cit. concludens n. anteced. 4. cum P. Diana: Quod Ecclesia polluta, celebratione consecratur, nec eget alia consecratione, ex communi Doctorum, sicque etiam Calix, quia cum per contactum Sanguinis Christi sanctificetur non indiget benedictione, & sanctificatione.

481 Ratio igitur pro firmanda responsione data ad propositum quaesitum ex citatis Doctoribus, & pro rei veritate, videtur esse, quia per immediatum contactum Corporis, & Sanguinis Jesu Christi Domini Nostri, Calix, & Patena altiori, & efficaciori modo consecrantur, quam per ipsam Chrismatis inunctionem: Quod procedit (ut optime etiam Murga l. c. n. 13. alique ex citatis) tam in casu quo Sacerdos celebret bona fide, credendo Calicem, & Patenam inunctos fuisse; quam in casu, quo Sacerdos sciat nondum fuisse inunctos, nec consecratos, & sic mala fide. In utroque nanque casu locum habet responsio, quod videlicet ad contactum illum reddatur Calix consecratus, & Patena pariter consecrata fiat. Quia bona, aut mala fides nihil confert ad consecrationem, ut bene docet præter citatos Pellizzar. in Man. Regularium to. 2. tract. 8. cap. 5. sec. 3. n. 101. Ubi, cum aliis, Sic, Bona, aut mala fides nihil facit ad rem præsentem: cum benedictio, & consecratio non procedant ex bona fide Ministris ejusmodi Vestis, aut Vasa adhibentis, sed ex eo, quod dicitur rei deserviant ad Missæ Sacrificium, & alioqui mala fides non possit impedire virtutem Sacrificii, quin dictas res sanctificet, sed solum impediatur sanctificationem animæ ipsius Ministris, qui dictis rebus non benedixit, aut non consecratis utendo, peccat, & quidem, ut puto, mortaliter, stante gravitate materie. Haecenus Pellizzar. l. c.

482 Confirmatur primo eadem ratio ex eodem Murga l. c. n. 15. Ideo fit consecratio Calicis, & Patenæ, ut habilitentur ad contactum Corporis, & Sanguinis Christi. At habilitas hæc complementum recipit cum actualiter continet Corpus, & Sanguinem Christi, Ergo per huiusmodi contactum Calix, & Patena altiori, efficaciorique modo consecrantur, quam conse-

crarentur per inunctionem Chrismatis. Major certa est; quia (ut optime etiam Asecanus Tamburinus De Jure Abbatum to. p. disp. 23. questio 5. nu. 4.) præcipue Calix, & Patena consecrantur, propter contactum Corporis, & Sanguinis Christi: & idem asserunt omnes alii Doctores. Minor etiam certa videtur, quia nihil aliud excoGITARI potest, per quod habilitas illa perfici, & compleri possit, quam per contactum actualem, & continentiam Corporis, & Sanguinis Domini nostri Jesu Christi. Consequentia verò ex præmissis clarè deducitur.

483 Confirmatur secundò cum eodem Murga l. c. n. 16. Quia altiori, ac efficaciori modo consecrantur Calix, & Patena per actualem contactum Corporis, & Sanguinis Christi, quam per Chrismatis inunctionem: Ideo enim inunctio Chrismatis consecrat, quia participat Sacerdotio Christi diffuso, & participato in nobis (uti docet Cajetanus apud eundem Murgam num. cit. 16.) & à quo habet efficaciam. Ergo per immediatum contactum Corporis, & Sanguinis Christi, altiori, efficaciorique modo Calix & Patena consecrata manebunt. Propter quod enim unumquodque tale, & illud magis. Quod utique, etiam declarat ipse Christi Domini nomen: Christi namque nomen (D. Augustinus tract. 33. in Joannem, post initium; & Sancta Mater Ecclesia, in Officio Sabbati post Dominicam tertiam Quadragesimæ) à Chrismate dictum est: Chrisma autem Græcè, Latine Unctio nominatur.

484 Adde cum eodem De Murga l. c. n. 18. Quod Christus minorem virtutem non habet ad consecrandum per sui, quam per Chrismatis contactum: imo incomparabiliter multò majorem, cum totam virtutem ipse Christifani, ministerio communicet Sacerdotali: minoremque efficaciam non habent Corpus, & Sanguis, quam pars parietis, aut auri consecrati præexistens habeat: nec magis unitur novus paries, & novum aurum jam præexistentibus, quam Corpus, & Sanguis Christi Domini, Calici, & Patenæ à quibus continentur. Si ergo in plurium Authorum Sententia pars parietis, aut auri consecrata præexistens, potens est, partes de novo advenientes ad se trahere, & consecrare, cur id denegabitur Corpori, & Sanguini Christi Domini? Hæc, & alia ad rem hanc, & optime, relatus Doctor, cum quo, Diana, & alii apud eosdem l. l. c. c. ad quos Lectorem mitto brevitatís gratia.

CAPUT QUINTUM DE PRIVILEGIIS IGNORANTIÆ CIRCA PRÆCEPTA CHARITATIS.

485



Uo sunt præcepta Charitatis, Amor Dei videlicet, & proximi: de quibus sic loquitur Christus Dominus *Matth. 22. Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum, & primum mandatum. Secundum autem simile est huic: Diliges proximum tuum sicut teipsum. In his duobus mandatis universa Lex pendet, & Propheta.* Huiusmodi autem mandata, ac præcepta (sicut inter se non differant specie, ex com-

muni D. D. cum *D. Tho. 2. 2. qu. 25. art. p.* quia sunt ab eodem habitu, & sub eadem ratione formali) sunt distincta ab omnibus aliis, & obligant utique in conscientia ad sui observantiam sub reatu lethali (ut videre est apud Theologos, & Doctores Morales) nil minus ac obligent cetera alia quæcumque. Quia tamen in eorum materiali transgressionem, (maxime per omissionem) sua privilegia (excusationes videlicet) quandoque habet Ignorantia; prosequens meum institutum, eadem Privilegia hic subiiciam, ac referam, ad propolitum caput spectantia. Unde sit:

PRIVILEGIUM PRIMUM.

Ex Ignorantia omittens adimplere præceptum dilectionis Dei in primo instanti quo quis usum rationis assequitur, excusatur a culpa, & huiusmodi omisso culpa in ipso non est.

486 **A** Desse præceptum dilectionis Dei, & obligationem ita gravem pro dicto instanti negat *Palani to. p. Operis Moralit. Tit. de Charitate tract. 6. disp. p. punc. 4. n. 2.* cum aliis ibi relatis. Quia (inquit) licet conveniens sit, ut quilibet se, suaq; in Deum dirigat, cum primum rationis usum assequitur: hoc tamen ex obligatione fieri, nec suavitati legis divinæ, nec imbecillitati humanæ consonum esse potest; imo potius videtur impossibile, nisi aliquo superiore, & extraordinario lumine illustreretur. Quod sic proba. Nam ad executionem huius præcepti requiritur illius perfecta cognitio: at ante usum rationis nequeant pueri perfecte cognoscere, quomodo sit Deus super omnia diligendus: accedente verò usu rationis, si tunc ligantur præcepto, ligantur sine illius cognitione. Item nullus est, qui cognoscat primum instans suæ rationis principium; quomodo ergo ligari præcepto pro illo tempore potest? Hæc quidem ratio convincit (meo ju-

dicio) si sumatur instans rationis Physicum. At si sumatur moraliter pro aliquibus horis, vel diebus, & si non ita convincat, suo etiam modo efficaciam habet. Nam brevi illo tempore vix possunt pueri instrui perfecte in iis, quæ necessaria sunt ad illius executionem. Deinde rard, vel nunquam instruuntur, quod est signum sufficiens non adesse pro illo tempore talem in pueris obligationem. Sic docet *Pal. nu. c.* cum aliis: E contrariò, volunt, *D. Thom. p. 2. q. 89. art. 6.* & illius Expōitores communiter, illo tempore quemlibet obligatum esse, se ad Deum convertere, & omnia sua in eum tanquam in ultimum finem dirigere, quia consentaneum est creaturæ rationali, ut suum Creatorem recognoscat, & amet.

487 Utraque opinio est probabilis, habens pro se Clarissos asseclas suos: pro his tamen, qui adherentes huic secundæ sententiæ, admittunt dictum charitatis, & amoris Dei præceptum, & contendunt illud idem obligare pro illo instanti, & tempore (cum primum videlicet usum rationis quis assequitur) pro his inquam, facit propositum privilegium; & ita, ut ab ullo negari haud possit: Nam quis affirmabit ad executionem huius præcepti non requiri illius perfectam cognitionem? Quis dicere audebit, omittentem ex ignorantia adimplere.

adimpletionem ejusdem, peccare mortaliter? nullus prorsus, nisi qui fortasse admitteret, me ligari præcepto in actu secundo, quod prorsus ignoro, falsum autem, & absurdum admitteret. Vide quæ diximus supra Privilegio X. Tertiū Cap.

PRIVILEGIUM SECUNDUM.

Qui ob ignorantiam, vel nescientiam propriae futurae salvationis, aut damnationis, deliberatè desiderat perpetuū in hac Vita degere, excusatur à culpa lethali, nec lethalius peccat contra præceptum dilectionis Dei.

488 **N** *Avarr. in Man. cap. 11. nu. 20. Versu Octavo peccat. Adrianus (apud hunc 3. de Confessi. qu. 4. sub fin.) Bartholom. de Ledsima in Summa Sacramentorū ubi de Confessi. post dub. 12. in interrogat. circa prim. præcept. p. 710. Sanchez. in Decalog. cap. 35. in fine n. 11. ubi refert Man. Rodrig. To. p. Summ. in 2. editione cap. 11. in fine. Bonac. in Decal. disp. 3. qu. 4. de Charit. punc. p. in fine: & alii: absolute docent, Lethale esse (contra præceptum dilectionis Dei) desiderare deliberatè perpetuū in hac Vita degere. Quia præfert Deo, ejusque visioni, & fruitioni delicias hujus sæculi. Vacare tamen culpa (addunt) longam tantum Vitam desiderare. Ab hoc tamen dicto, & ab hujusmodi sententia dissentiunt, nec illam universaliter approbant Pal. p. pr. de Charit. tract. 6. disp. pr. puncti. 2. num. 6. & Leander in Decalog. par. p. tom. 6. disp. 2. de Charit. qu. 5. Hi etenim Doctores concedunt quidem verè peccari mortaliter, contra præceptum dilectionis Dei, casu, quo quis vellet perpetuū in hac Vita degere, præponendo vitam hujus sæculi bonis, quæ sibi Deus in æternum præparavit: secus si alio fine. Solum ergo per hos Doctores tale absolutum desiderium est peccatum mortale, cum de facto præponit quis suam vitam hujus sæculi, bonis ipsis, quæ sibi Deus præparavit in æternum, quod raro, vel nunquam accidit, nisi in sceleratissimo homine. Addit præterea Palau (& benè) in confirmationem sui dicti: Si ex eo quod velit quis in hac vita perpetuū durare, infertur, eum delicias humanas divinæ fruitioni præferre, etiam cum longam vitam desiderat, præfert pro illo tempore delicias humanas divinæ fruitioni: Ergo hoc etiam sufficit ut peccet, quia summa perversitas est pro uno, & minimo instanti divinam fruitionem humanæ voluptati postponere. Quapropter cum vitam supè termino desi-*

deres, solum videris desiderare hac vitam non privari. Hoc autem per se malum non est, sed potius bonum. Ita Palau. Ex quo patet excusari posse (ex aliquo saltem capite) à mortali, deliberatum desiderium manendi perpetuū in hac Vita.

489 Et ita etiam est (dico ego) quod ex capite ignorantie, & nescientie, dictum deliberatum desiderium excusatur pariter à mortali, ut in proposito privilegio. Quod item approbatur expressè ab eodem Palau. nu. 6. c. in fine: sub his verbis: *Addo, te nescire an post hanc vitam salvandus sis, an condemnandus: ergo cum desideras in hac vita perpetuū manere, potes illud desiderare, ut periculum condemnationis fugias: sed hoc periculum fugere non est malum. Ergo non est peccatum mortale tale desiderium absolutum. Ergo solum esse potest, cum de facto præponis tuam vitam hujus sæculi, bonis, quæ tibi Deus in æternum præparavit, quod raro, vel nunquam nisi sceleratissimo accidit. Hactenus Pal. & ante ipsum Fagund. To. p. in Decal. libr. p. cap. 37. nu. 5. vers. Aliqui volunt: ubi sic: Aliqui volunt quod peccatum mortale contra hoc præceptum committat ille, qui deliberatè desiderat perpetuū in hac vita degere, quia suo illo desiderio delicias hujus sæculi Deo, & vitæ æternæ præponeret penè atrox, licet longam vitam desiderare nullum prorsus peccatum sit etiam veniale; ita Navarr. Adrian. Rodrig. Leds. Bonacc. (l. l. c. c.) Quod verum quidem est, si quis desideraret in hac vita permanere, revera præponeret hanc vitam, & ejus voluptates æternæ vitæ, & visionis clara Dei delictis, quod non nisi sceleratissimus facere potest. At verò si quis vellet in perpetuum hanc vitam conservare, ne hoc bono privetur, non apparet cur peccatum mortale sit, præcipue (Nota) si id fecisset, quia nescit an salvandus sit. Igitur nescientia, & ignorantia propriæ futuræ salvationis, aut damnationis excusatur, etiam per citatos Doctores, à lethali culpa, eum, qui ob eandem nescientiam, & ignorantiam deliberatè desiderat perpetuū degere in hac vita, ut in privilegio proposito.*

PRIVILEGIUM TERTIUM.

Sicuti pluries obligat præceptum dilectionis Dei, ita multoties à speciali peccato contra hoc idem præceptum excusatur ignorantia.

490 **C**ertum est, imò de fide, dari præceptum de dilectione Dei, *Deut. c. 6. Dilige Dominum Deum tuum, &c. Matth. cap. 27. Hoc est primum, & maximum mandatum,*

mandatum; p. Joann. 3. *Qui non diligit manet in morte*. Ratio est, quia amor Dei est necessarius ad salutem: quod autem est necessarium ad salutem, etiam est in præcepto, ut bene *Trullenb. in Decalog. lib. p. cap. p. dub. 3. nu. 3. & cap. 5. dub. 3. n. p.* & tradunt verissimè Theologi, apud, & cum *Valent. 10. 3. disp. 3. qu. 19. De præceptis Charit. punc. p. versu Tertio quia, pag. 1021*. Hoc autem præceptum non continetur formaliter expressè in Decalogo, cum sit distinctum à Decalogi præceptis, ut (inter alios) optime docet *Pala. de Car. Traët. 4. disp. p. punc. 2. n. 3. & 4.* licet sit prævium & præambulandum ad illa, per eundem *Pala. n. 4. c.* ubi sic: *Fateor in Decalogi præceptis, non contineri formaliter præceptum de dilectione Dei, & proximi, sed potius esse præambula ad omnia illa, ut docuit D. Tho. 2. 2. q. 44. art. 3. ad 3. & p. 2. qu. 100. art. 4. ad p. Navar. cap. 11. nu. 5. Sanch. lib. 2. in Decal. in Præfatione*. Quamvis autem non contineatur expressè in Decalogo hujusmodi præceptum, includitur tamen virtute in omnibus Decalogi præceptis, ut communiter D. D. prætipuè *Pala. n. 4. c. & Trullenb. n. p. c.* Unde *Pala.* concludit sic: *Restat ergo ut dicamus, hæc duo præcepta amoris Dei, & proximi, ad reliqua omnia præambula esse, & in illis tanquam in primis principiis includi, ac proinde observari illis duobus præceptis, omnia observantur, quia in illis duobus universa lex pendet, & Prophete.*

491 Duplex autem à D. D. constituitur dilectionis Dei præceptum: negativum, scilicet, quo prohibemur, ne Deum odio habeamus, vel quid unquam agamus, quod ejus dilectioni, & amicitiae contrarium sit. Et affirmativum, quo præcipitur, ut actum Charitatis, & dilectionis Dei quandoque eliciamus. Primum (secundum omnes) obligat semper, & pro semper, seu ad semper, sicut ex postulat natura præcepti negativi: hinc nunquam possumus Deum odio habere, & tenemur in quacumque occasione, & temporis differentia, Deum odio non habere. Est enim odium Dei intrinsecè malum, & peccatorum omnium maximum. Secundum verò, id est affirmativum, obligat tantummodo aliquando: & quandoque per se, quandoque per accidens, & ratione alterius, in quo conveniunt etiam Doctores. Tota varietas, & difficultas inter ipsos consistit in constitutione temporis, vel temporum, in quo, vel in quibus præceptum istud affirmativum obligat: & si enim utilissimum, & maximè saluberrimum sit, ut homo, non solum tempori-

bus assignandis, & constituendis, sed etiam quotiescumque potest, exerceat Charitatis actum; quia est nobilissimus, excellentissimus, & omnium virtutum magis meritorius; immò, & necessarium sit, ut in animi præparatione, & affectu, semper sit ad illum paratus: nihilominus ex communi Doctorum sententia (apud *Leandrum in Decalog. par. 6. Traët. 3. de Charit. disp. 2. q. 11. in fine.*) certis tantum temporibus obligat: Unde & ipse l. c. sic: *Supposita existentia hujus præcepti, ut mihi certum Respondeo: per se obligare pro aliquo determinato tempore, sicuti pro illo obligat præceptum fidei, ut constat ex dictis traët. 2. disp. 2. qu. 38.* Quia eadem est utriusque præcepti ratio. Sic communiter D. D. Ita *Leander*, & ante ipsum *Laym. in Theol. Morali lib. 2. traët. 3. cap. 2. nu. 6.* sub his verbis: *Dico secundo: Præceptum affirmativum de Deo super omnia diligendo, certis tantum temporibus obligat. Ita omnes.* Addit postea. *Sed quoniam sint illa obligationis tempora, difficile est definire.*

492 Tota ergo inquam varietas inter Doctores, & difficultas, est, in assignando tempore, in quo præceptum hoc affirmativum de Deo super omnia diligendo obligat. Dico & ego cum *Layman. super omnia diligendo*: Quod tamen cum communi D. D. intellige *super omnia* solum appetitativè: præceptum enim de diligendo Deo super omnia, ad hoc non obligat, sed tantum ad illud. Tunc autem amore appetitativo amamus Deum super omnia, quando cum omnibus aliis rebus præferimus; & ita illius amore affecti sumus, ut parati simus, pari potius omnia mala, vel nos omnes perdere, quàm ipsum Deum perdere, & ostendere. Tunc verò intensivo amore Deum super omnia amamus, quando ferventiori, intensiori, & vehementiori actu, quam omnia alia diligimus. De hoc igitur amore intensivo non intelligitur præceptum de diligendo Deum super omnia, sed de amore appetitativo. Quod patet, tum quia de illo amore intelligitur præceptum, quod de se efficax est ad omnia præcepta servanda: sed hic est amor appetitativus, quia habens illum præfert Deum omnibus aliis rebus: ergo de hoc amore præceptum intelligitur. Tum quia, si adesset obligatio diligendi Deum super omnia, intensivè, cum nobis certò constare non possit, an unus actus sit intensior alio, sequeretur hominem continuis, & maximis vexari scrupulis, ferè semper dubitando, an actus sit sufficienter intensus, & vehemens, quod non est conforme di-

vinæ bonitati, ejus jugum suave est, & onus leve. Tum etiam quia, nullum datur præceptum de intensivo amore: ergo solum de appreciativo extat. Antecedens probatur. Quia utique non datur amor Dei ita intensus, quin nulla ratione intensior esse possit: alias hoc præceptum exequentes, amarent Deum ita intensè, ac Christus Dominus amavit. Neque datur ita intensus, qui expleat totam efficaciam auxilii; alias habens auxilium ad amandum Deum, ut octo v. g. si illum amaret, ut quatuor, non diceretur præcepto Charitatis satisfacere. Neque denique datur amor, qui in intensione præcedat omnes alios creatos amores: aliàs dolens filius, qui de Patris morte, & condemnatione doleret æquè intensè ac de suis peccatis, non amaret Deum super omnia. Imo si de facto intensus Patrem, aut Matrem amaret plusquam Deum, verè peccaret, juxta illud *Matth. 10. Qui amat Patrem, aut Matrem plusquam me, non est me dignus. Quæ omnia sunt absurda: ergo manifestum est non de Intensione, sed Æstimatione præceptum dilectionis esse intelligendum. Sic omnino Paulus tract. 6. disp. p. punc. 2. n. 5. post Vsq. p. 2. disp. 194. cap. 3. Coninch disp. 25. dub. p. n. 14. Sanch. in Decal. lib. 2. cap. 35. n. 2. & 3. Fagend. in p. præcept. Decal. cap. 27. nu. 2. & 3. Trullench lib. 1. in Decal. cap. 5. dub. 3. n. 10. Bonac. in p. Decal. præcept. disp. 3. qu. 4. punc. p. n. 2. Suar. de Pent. disp. 4. sec. 4. nu. 7. & disp. 5. de Charit. sec. 2. Azor. lib. 9. cap. 4. qu. 3. Leander in Decal. De Præcept. Charit. disp. 2. qu. 3. & 4. & communiter alii. Unanimiter docentes, obligare quidem Charitatis præceptum, ut Deum super omnia diligamus, ly tamen *super omnia*, intelligi ita debere, ut videlicet pluris faciamus, & æstimemus Dei amorem, quàm amorem omnium aliarum rerum, ita ut postponendus sit amor creaturarum divino amor, quod est amare Deum appreciativè, & æstimativè. Non enim obligat Charitatis præceptum (ut supra diximus) ut Deum intensius, & vehementius amemus: ne nimis anxios, & scrupulosos redderet etiam homines bonos.*

493 Et hinc est quod nulla datur regula de magnitudine intensiōnis circa hoc præceptum, cum quilibet actus charitatis cum quolibet gradu, sit charitas; sicuti quilibet actus odii, seu detestationis peccati ex charitate procedens, est contritio: quod etiam expressè docet *Laurentius Brancatus* (nunc Eminentissim. Cardinal.) in suo *To. de Pent. disp. 8. art. 6. sub n. 110.* ubi imo ponens sequentem conclusionem: *Nullus*

gradus parvitatē excludit contritionem à sua specie contritionis virtuosæ si habeat requisita: eam probat (quod facit maximè ad præsens propositum) sequentibus argumentis à n. 110. c.

494 Primò. Quia vel contritio oritur immediatè à charitate, vel à poenitentia: quicquid dicatur, parvitas eam non impedit, ergo. Minor probatur: quilibet actus charitatis, cum quolibet gradu est charitas: ergo quilibet actus odii ex charitate procedens est contritio: patet consequentia: nam non plus requiritur ad consequens, quàm ad antecedens, ex quo sequitur: sed odium mali ex motivo charitatis Dei, provenit ab ea, tamquam à causa: ergo quilibet parvitas stat cum actu charitatis; & quilibet etiam stat cum contritione, quæ est gratia charitatis: cum Deus, vel plus exigit amari, quam non offendi, vel æquè utrumque. Prob. de 2. Actus odii cum uno gradu imperatur, vel elicitus à poenitentia, circa peccatum, quatenus offensâ Dei, & aversivum ab eo, est verus actus poenitentiae; non attritio, quia non habet motiva illa infima, scilicet poenarum timorem, & peccati turpitudinem, ob quæ, dicitur ex *Concilio* contritio imperfecta, & attritio, ergo. Consequentia perfecta, quia non datur medium.

495 Secundò: quia nulla datur regula de magnitudine contritionis (idem dic de magnitudine actus, seu gradus charitatis) ergo cum quilibet parvitate consistit. Antecedens probatur, nam si detur, assignetur. Si dicatur, quod debet esse odium super omnia: statim diceretur esse super omnia appreciativè: uti etiam dicitur de actu charitatis, quod videlicet sit amor Dei super omnia appreciativè.

496 Tertiò. Actus fidei, & spei Theologicæ cum quolibet parvitate intensiōnis consistunt; similiter actus justitiæ, prudentiæ, ac temperantiæ: ergo & contritionis (consequenter, & charitatis, seu dilectionis Dei super omnia.) consequentia probatur: ideo priores cum quolibet gradu consistunt, quia sunt circa objectum, & finem illarum virtutum; sed etiam talis contritio parva, quia supponitur esse circa peccatum detestabile, quatenus Dei offensâ: ergo.

497 Quartò: Ille gradus requiritur ad actum contritionis necessario, cum quo stare potest actus voluntatis circa objectum contritionis (idem dic de actu charitatis, & de hoc actu argue eodem modo à pari) sed cum omni gradu salvatur actus voluntatis circa objectum contritionis, ergo. Major pro-

ior probatur. Actus contritionis est actus voluntatis circa objectum contritionis; igitur quomodo salvatur actus voluntatis, ita actus talis virtutis: nil enim aliud facit, quod actus voluntatis sit talis, vel talis virtutis, nisi objectum, & finis, seu motivum. Minor probatur. Actus voluntatis circa objectum naturale, etiam si unum gradum habeat intensiōis, adhuc est actus liber, & adæquarè voluntarius physicè: ergo si sit circa objectum morale, vel supernaturale, etiam cum uno gradu intensiōis, erit adhuc voluntarius, & liber; cum nullum objectum, in quantum tale, exigit plures gradus in actu circa ipsum, quam exigit ipsemet actus, ut sit alienius potentia actus. Alias rationes pro confirmanda supra relata sua conclusione, desumenda esse inquit idem *Eminentissi. Autor* art. c. n. 113. in fine: ex iis, quæ ab ipso dicta sunt de genere contritionis (scilicet odio, & detestatione peccati) *disp. præced. 7. art. 9. & 10. quæ, quia ad idem sunt* (ut ipsemet ait,) & ad rem utriusque nostram, etiam (de actu charitatis, & dilectionis Dei super omnia) apprimè faciunt, idem optimum duxi, & eadem hic pariter ad verbum referre, ut ex tanto etiam Doctore, agnoscat Lector, sub quolibet gradu intensiōis subsistere contritionem perfectam, & dilectionem Dei super omnia, si habeant requisita; ita ut nullus gradus parvitatē intensiōis excludat contritionem, & dilectionem Dei super omnia: quod probatur igitur

498 Quintò: Neque odium contritionis, neque odium attritionis requirit ut sit intensius omni alio odio cujuscumque alterius mali: ergo: probatur antecedens: Nullum datur ab Ecclesia, vel à Christo immediatè tale præceptum maximæ intensiōis in contritione, vel attritione, quæ sunt odia peccatorum: ergo. Consequentia patet; nulla obligatio imponenda est fidelibus, in iis, quæ pertinent ad salutem, nisi à Christo, vel ab Ecclesia sit imposita. Antecedens etiam patet: nullus enim scripturæ locus videtur assignandus, neq; Conciliorum Decretum: his enim duobus modis loquuntur Christus, & Ecclesia, quando obligant.

499 Sextò: Ex praxi poenitentium, qui in statu salutis, & perfectionis sunt, vel credunt esse, cum per actum aliquem contritionis perfectæ, vel attritionis, accedunt ad Sacramentum poenitentia, & experiuntur se non habere odium, displicentiam, aut detestationem ita vehementem, & in-

tenfam, sicut habent de morte v. g. Filiorum, de gravissimo morbo, &c. ergo actus odii, ut sit actus poenitentia, non requirit intensiōem omni alia majorem. Imò si sic, pauci, aut nullus haberet actus veros poenitentia: cum pauci, aut nullus habeat odium, ac detestationem intensissimam. Adde quod non est in animæ potestate causare tantum dolorem.

500 Septimò: Odium intensissimum, causat dolorem intensissimum, ergo induceret mortem, & sic faciens actum poenitentia deberet mori. Consequentia probatur: Maximus dolor est, qui causat divisionem corporis ab anima. Confirmatur. Complacentia in peccato non fuit intensivè major omnibus complacentiis: ergo neque odium ejus debet esse intensivè majus omnibus. Hæc *Eminentissi. Brancatus l. 1. c. c.* ex quibus constat, odium peccati, uti & contritionem, & actum similiter dilectionis Dei super omnia, non exigere determinatos gradus intensiōis, sed sub quocumque gradu intensiōis (etiam minimo) subsistere, ac esse posse verum actum odii, contritionis, & dilectionis Dei super omnia, apperiativè. Sed

501 Dices ex *Fabro to. de Panit. disp. 16. c. 2.* (apud eundem *Brancatum disp. 7. cit. art. 10. n. 193.*) Contritio est actus imperatus à charitate, sed hæc includit intensiōem, quia amat Deum super omnia, ergo. Et si ei dicas, quod intelligitur super omnia apperiativè. Hoc non est solvere, (inquit ipse) quia præceptum charitatis erga Deum obligat, ut ametur *ex toto corde, ex tota mente, & ex tota anima.*, Deut. 6. Hoc autem exhiberi nequit, nisi toto conatu causetur amor, totisque viribus: ergo actum intensum faciunt, & ad hunc tenetur homo, maximè cum contritur.

502 Huic objectioni respondeo primò (cum eodem n. cit.) negando antecedens: causari enim potest contritio à virtute justitiæ, seu poenitentia, licet sit impliciter ex motivo charitatis. Secundò: Eilo ex motivo charitatis, quæ super omnia diligit, quid inde sequitur? utrique nil aliud nisi quod quilibet actus charitatis, sive sit prosecutionis erga Dei bonitatem, sive sit fugæ erga malum contra Deum, sit super omnia amabilia, & odibilia, sed non quod sit omnibus aliis odiis, vel amoribus intensior, alioquin si ut duo Deus diligeretur, & Filius, ut quatuor, dicendum esset non diligi ex charitate, vel non ordinatè. Similiter cum mors carorum magis intensivè displic-

displicet; quam peccatum, non esset virtuosâ displicentia, quæ sunt falsa. Nam, intelligendum est de majoritate appetitativa, quæ illam conditionalem electionem possibilem includit, ut si optio daretur magis, seu potius unum, quam aliud eligeretur; & potius unum, quam aliud odiretur. Ad probationem illam *ex toto corde*, &c. patet, quod eodem modo explicanda est: quia experientia patet, magis intensivè amari liberos, & alia, quam Deum; at non magis appetitivè: nam potius homo exponit liberos morti, quam Deum offendat. Patet de constitutis ante Tyrannos, qui passi sunt filios suos trucidari potius, quam fidem negare.

503 Hinc, certum est, ut optimè etiam *Fagund. in Decal. To. p. lib. p. cap. 27. n. 3. Leander. qu. 4. c. 8. alii* communiter, non esse peccatum, Patrem, aut Matrem, vel aliam Creaturam intensiori, & ferventiori amore sensibili, quàm Deum diligere: quia certum est, ut constât ex dictis, non esse nobis datum præceptum, ut Deum intensius, quam cætera omnia diligamus: quoniam præcepto Charitatis in Deum satisfacimus, qualicumque, etiam minima amoris intentione; dummodo Dei amorem, vel tenuissimum etiam, cæteris præferamus: quo supposito, ut certò, certo constât, posse quem, Patrem, aut matrem, &c. magis intensivè, quàm Deum, diligere licet, & absque peccato: dummodo Deum appetitivè super omnia diligat. Neque hæc ad invicem contrariantur. Stat namque bene à quopiam magis intensivè amicum diligere, quàm parentem, & tamen si detur ei optio, magis eligit in urgenti necessitate amicum perire, quam parentem: & si utrique succurrere non possit, parenti potius, quam amico succurreret. Simili ergo modo potest quis licet aliquando magis sensibiliter, intensivèque parentem amare, quam Deum: non tamen magis appetitivè, quia ex vi præcepti dilectionis Dei tenetur ita esse paratus, ut in occasione oblata velit potius Patrem offendere, si opus sit, quam Deum: ac proinde licet amor ille Parentis major sit intensivè, quam amor Dei, iste tamen, major est appetitivè. In hoc, & dictis supra, conveniunt omnes Authores supra citati, alique apud ipsos, & communiter, tum Veteres, tum Recentiores. Discrepant tamen, variiq; sunt inter se (ut supra etiam innuimus) in assignando tempore, pro quo obliget præceptum affirmativum dilectionis Dei super omnia. Nam per omnes,

utique, certis temporibus obligat per se; quandoque verò per accidens. Quænam autem sint illa obligationis tempora, valdè incertum est.

504 Primò: Secundum *D. Tb.* & alios alibi relatos, obligat per se, quando quis pervenit ad usum rationis, quia tenetur tunc se ad Deum convertere, & actum dilectionis Dei elicere, & si non eliciat, peccabit mortaliter per ipsosmet, ut videre est apud *Trullench dub. 3. c. n. 3.*

505 Secundò: Obligat per se cum insurgunt tentationes odii Dei, & est periculum illis consentiendi: ita docent *Sancti. in Decal. lib. 2. cap. 35. n. 9. in fine: Bonac. in pr. Decal. præcept. disp. 3. qu. 4. punct. 2. n. 2. in princ. Trullench dub. 3. c. n. 4. & alii: Quia tunc dilectio, & amor Dei est medium necessarium ad Deum non odio habendum.*

506 Tertiò: Obligat per se hoc præceptum, quando quis tenetur ad veram cordis penitentiam, peccati detestationem, ejusque odium extra Sacramentum. Ita, *Azor. to. p. lib. 9. cap. 4. qu. p. in fine. Bonac. nu. 2. cit. Versu, Secundo obligat. Trullench dub. cit. nu. 6. Leander in Decalog. tract. 4. De Charit. disp. 2. qu. 18. & alii* (Quando autem obliget præceptum contritionis, vide Doctores de Penitentia, præcipuè *Bonac. to. p. De Penit. Sacram. disp. 5. qu. 5. punct. 2. nu. 5.*) Ratio est, quia hoc præceptum (sicut Fides, & Spes) est constitutum tanquam remedium ad justificationem impij, quare iis temporibus suam obligationem, assert, quibus improbum hominem oportet sua peccata per veram penitentiam odio habere, & detestari, ut obtenta venia, ad divinam gratiam revocetur. Quare quodcumque quis debet de suis peccatis per veram cordis penitentiam dolere, ut eorum veniam obtineat extra Sacramentum reipsa susceptum, ipso jure divino cogitur actum charitatis elicere, quia sine eo, vera, & legitima penitentia non est, quæ sufficiat ut idonea, ad peccata lethalia post Baptismum delenda extra Sacramentum (quamvis cum Sacramento penitentia sufficiat) is dolor, quem Theologi attritionem appellant, qui actus charitatis non est, cum sit detestatio peccati non amore Dei, sed metu gehennæ, vel odio turpitudinis, quæ peccatis inest, vel spe bonorum coelestium suscepta) & licet *Fil. linc. to. 2. tract. 22. qu. 9. n. 29. & alii* existiment in hoc casu præceptum charitatis obligare non per se, sed per accidens, ratione scilicet contritionis; verius tamen est

(quod censet etiam *Trullench* n. 6. c.) obligare per se: tum ob rationem dictam: tum etiam, quia contritio est actus elicitus charitatis; licet enim (ut optimè etiam *Leander* qu. 17.) dilectio Dei perfecta non sit formaliter contritio, est tamen virtualiter, eminenter, & æquivalenter, quod sufficit ad hoc ut obliget, quoties obligat contritionis præceptum, cum sit dolor peccatorum supernaturalis, propter Deum super omnia dilectum: includit igitur necessarid dilectionem Dei supernaturalem, à qua proficiscitur, idèd, &c. Obiter autem hic nota cum *Sanch.* c. n. 9. *Bonac.* n. 5. c. in fine. *Trullen.* dub. 3. c. n. 6. in fine, & aliis: in hoc casu, sive per se, sive per accidens obliget præceptum charitatis, omittentem illud, solum committere unum peccatum: nam si obligat per se, certum est unum peccatum committere: si verò per accidens ratione contritionis videlicet, tunc etiam illius omissionem unum peccatum esse, certum videtur, quia non ratione sui, sed ratione alterius obligaret. Hinc optimè *Leander* qu. c. 18. in fine: ait sic: *Qui omitteret præceptum dilectionis Dei, in casu præsignato, minime committeret duo peccata, sed unum tantum, quicquid remnat Rocafull. Quia licet dentur duo præcepta, sunt in ordine ad unum finem adequatum, & formalem, quod est justificatio impii, & recuperatio Dei gratiae, & amicitiæ. Sic Sanch. Filline. & alii.*

507 Quartò: præceptum dilectionis Dei obligat quolibet instante morte, etiam si conscius non sit peccati mortalis: imò etiam si illius conscius, Sacramentaliter confiteatur: tunc enim, cum vita claudatur, maximè opus est, se Deo conjungere per usum præcipuarum virtutum, qualis est charitas: eo maximè quia mortis articulo instante tentationes, & machinationes Dæmonis acerrimè insistant, hinc tenetur homo actus dilectionis Dei præsidio, adversus ea se communire. *Azor.* 10. p. lib. 9. cap. 4. qu. p. & cum eo *Sanch.* in *Decal.* lib. 2. cap. 35. n. 9. vers. 8. tempus est. *Pala.* 10. p. tract. 6. disp. p. punct. 4. n. 9. versu 5. asserunt; negant hujusmodi obligationem: in quam sententiam videtur inclinare *Trullen.* dub. 3. c. n. 5. in fine: dum ibi sic: *Et si enim hoc utilissimum, & probabile sit, non tamen est certum, nam ut bene Sanch. sup. n. 9. & Pala. cum eo, sup. n. 9. in fine: Tempus aliis remediis potest se quis tueri, ut Oratione, & cæteris Sacramentis. Alii verò concedunt quidem tunc obligare, at non per se, & directè, sed indirectè, & per accidens, ratione periculi. Ita Arriaga disp. 36. sec. 2. n. 17. apud*

Leander disp. 2. c. qu. 20. in principio: *Ubi postea ipse resolvit: Etiam tunc probabilis obligare, & per se, & per accidens: per se quidem, quia per se pro illo tempore est impossum: & per accidens, ratione imminenti periculi. Quod totum pariter affirmat (apud Dian. par. 5. tr. 14. ref. 105. vers. Dico secundo: & eundem Leandrum qu. 20. c.) Petrus Hurtad. de Mendoza 2. 2. disp. 174. sect. 5. subsect. 2. §. 27. idque probat: Quia, lege charitatis propriæ, tenemur ad securitatem vitæ æternæ, vitandumque discrimen æternæ damnationis: sed actus dilectionis Dei super omnia vitamus omnia pericula æternæ damnationis, reddimurque securi æternæ viæ, cumque actum possumus exercere, quia præfio est gratia Dei supernaturalis, & ex meritis Christi: ergo tenemur eum actum exercere. Finge te non esse ritè baptizatum, aut absolutum, & te infcio horum eventuum accessisse ad Sacramentum, sine contritione perfectâ, aut charitate, damnaveris profectio. At licet nunquam fueris baptizatus ablutus, neque absolutus à Sacerdote, si Deum diligis super omnia, charitate Theologica, non dubium quin in eas vitam salutis æternæ. Cur igitur experienda est alea contingentium eventuum, cum in tua potestate gratia Dei salutem tuam constitueris? Hæc obligatio parim est per se, quia hoc præceptum nobis imponitur instantibus, & exsurgentibus in viam: parim est per accidens ratione periculi proprii. Ita Petr. Hurtad. ex Valent. 10. 3. disp. 3. qu. 19. punct. p. Versu Septimus casus; affirmante cum Soto, & Navarr. certum esse, & extra dubium, obligare tempore mortis hujusmodi præceptum: quibus præter *Suar.* 10. 4. in 3. par. disp. 5. sec. 4. n. 9. & de Charit. disp. 5. sect. 3. nu. 3. addi potest *Canineb* disp. 24. dub. 3. Conclus. 3. in 51. ubi sic ait: Tenemur per se elicere actum charitatis circa articulum mortis. Quod non solum intelligendum est, quando non habemus copiam Confessarii, & confessi nobis sumus peccati mortalis (quo casu res omnino certa est, quia sine actu charitatis nequimus elicere contritionem, ad quod tamen tunc, ne damnemur, obligamur) sed etiam si Sacramentaliter confessi sumus. Sic ipse quod latè probat *Joseph Rocafull.* uti refert *Leander* qu. 20. c. in fine, & ut probabile admittit *Diana* ubi supra.*

508 An verò, ex dicto precepto eliciendi actum dilectionis Dei super omnia in articulo mortis, oriatur obligatio habendi etiam contritionem in eodem articulo, adèd ut præcepto contritionis neutiquam suppleatur cum Sacramento tantum penitentiae, nec sufficiat attritio cognita cum Sacramento. Divisi sunt Doctores: adhaerentes

rentes quam plures affirmativæ sententiæ: nonnulli verò, negativæ: hi sunt Azor. *Tap. lib. 9. cap. 4. qu. p. Sancti. in Decal. to. p. lib. 2. cap. 35. n. 9. Versic. 8. tempus, & Pala. par. p. Tir. de Charis. israel. 6. disp. p. punc. 4. sub n. 9. vers. 5. asserunt*. Ubi licet fateatur hanc obligationem esse satis probabilem, & in praxi semper consulendam: addit tamen non esse omnino certam, si constitutus in articulo mortis, peccati mortalis conscius non est, atque adeo illam reicit cum citatis Azorio, & Sancti. infirmando ejusdem obligationis rationes, & fundamenta. Videatur *l. c. pag. mibi 580.*

509 Quintò: præceptum dilectionis Dei obligat etiam sæpe in vitæ decursu, vel per se, & ex vi charitatis: vel per accidens, ratione videlicet alterius adjuncti, cui charitatis dilectio necessaria est. Quando autem dilectio non est per se, sed aliunde necessaria, si illam quis omittat, non adversus charitatem, sed adversus aliam virtutem peccat, ut innuit etiam Diana *par. 5. israel. 14. ref. 105. Versu Nota etiam, n. 6. & Palaus l. c. n. 10. cum quo sic declaro*: Existens in mortali, vult ministrare, aut recipere aliquod Sacramentum, tenetur peccatum expellere ab anima, ut dignè ministret, vel recipiat, quod nisi media attritione cum Sacramento Pœnitentiæ, vel contritione, quæ amorem Dei super omnia includit, fieri non potest. Si tunc ille omittat hæc media assumere, & Sacramenta ministrare, vel recipere, non adversus charitatem, sed adversus Religionem peccabit: quia ex Religione, obligatio habendi dilectionum ortum habet. Loquendo ergo modo non de hac obligatione, sed de illa, quæ per se, & ex vi charitatis oritur diligendi Deum, dicimus hanc adesse etiam sæpe in vitæ decursu. Difficultas est circa tempus. Hurtadus relatus à Diana *ref. 105. c. Versu dico 3. nu. 3. putat* hanc obligationem currere per singulos annos, & quidem ait, satis remissivè nobiscum agitur annuo dumtaxat amore nobis petito. Unde *Lorca in 2. 2. sec. 3. disp. 58. nu. 8. (apud eundem Dianam. Versu, & n. 3. c.) ait sic: Me iudice, si quis anno intero omissionem hujus actus incurrat, certusque sit Dei sui inmemorem tanto tempore se exuisse, debet se judicare transgressorem, quoniam Ecclesia simile arbitrium sumpsit circa præceptum pœnitentiæ, quod ejusdem rationis est*. Ita *Lorca*: & ante omnes *Ledesma in Summ. to. 2. israel. 3. cap. 5. post 6. conclus.* Sed *P. Diana l. c. putat* hac obligatione non teneri adultum annis singulis: quia

(inquit) hoc est nimis durum, & nullo firmo fundamento nititur. Quod etiam docet *Pala. n. 10. c.* ubi firmat hanc obligationem multo tempore non esse differendam, & dilationem trium annorum putat esse gravem: *Hac ergo obligatione (sic ille) existimo quemlibet adultum teneri, non singulis annis, ut placuit Petro de Ledesma, quia hoc est nimis durum, & nullo firmo fundamento nititur, sed aliquoties in vita, ita ut non multo tempore hoc exercitium differatur: segnare autem hoc tempus, fieri non potest, sed prudentis arbitrio mensurandum est; reputarem autem, dilationem trium annorum esse gravem. Nam qui tanto tempore divinam bonitatem non redamat, eam videtur contemnere, & in periculo eam offendendi, & humanis rebus postponendi constitui*. Ita *Palaus*. Quod tempus assignant etiam *Suar. de Charis. disp. 5. sec. 3. nu. 4. & Coninch disp. 24. dub. 3. n. 53. ubi ait: Videtur omnino mortaliter peccaturus, si hoc præceptum, quis, ad tres, vel quatuor annos spontè differat*. Advertit tamen idem *Palaus n. 11. raro* quemlibet fidelem, nisi moribus depravatus sit, hujus peccati reum existere, quia sæpe conatur contritione se ad absolutionem disponere, sæpeque beneficia divina, & summam bonitatem considerat, quibus ad effectum debitum amicitiae excitatur. Quod idem etiam pariter notat *Petrus à S. Joseph in sua Summula Casuum Conscientiæ cap. p. de p. Decalog. Præcepto art. 4. pag. mibi 47. sub his verbis: Valde incertum est, quam frequenter debeat elici actus amoris Dei ad servandum præceptum per se obligans ad amandum Deum: cum aliqui putent, satisfieri præcepto, si semel in anno eliciatur actus amoris Dei; alii, si tertio quoque anno; alii, si non differatur ultra quinquennium. Vix tamen contingit, ut fideles tanto tempore hoc præceptum negligant, quantum requiritur, ex multorum sententia, ut mortaliter peccent, cum aliquoties, vel audiendo Sacrum, vel aliis Dei bonitate cogitando, vel ad suspensionem Sacramentorum se disponendo, ad amorem Dei se excitent*. Ita citatus à *S. Joseph*.

510 Qui tamen, quod ultimo loco recitat ex aliorum sententia (non committi videlicet mortale contra præceptum per se dilectionis Dei, quando actus amoris ejusdem non differatur ultra quinquennium,) damnatum recitat, ab Innocentio XI., cum idem Pontifex in serie damnatarum propositionum istam posuerit sexto loco: Probabile est, ne singulis quidem rigorosi quinquennii per se obligare præceptum Charitatis erga Deum. De qua re, recenter ait modernus Author sic: Quod semel singulo quoque anno

obliget præceptum Charitatis Dei secundum sententiam, quam docet Petrus de Ledeſina, poteſt probabiliter teneri: ſed verius conſeſſo ſemel in Menſe dictum præceptum obligare: & ducor, quia aliqui volunt, ut Sotus in 4. diſt. 27. qu. unica, illud urgere ſingulis Feſtiſ; & adhaeret Tabiena verb. Charitat qu. 20. Alii volunt urgere quodcumque Euchariftia eſt ſumenda. Igitur nec laxè, nec ſtrictè loquentes, videtur rationabilius dictum, tale præceptum urgere ſingulo quoque Menſe, ſicuti de præcepto Orationis docent Trull. in Decal. lib. p. cap. 7. dub. 4. nu. 4. cum Leſſio, & Palao to. 2. diſp. p. punct. 8. n. 3.

511 His præmiſſis pro elara intelligentia, & notia privilegii propoſiti. Continetur in ipſo, quod ſicuti ex præhabitis, præceptum dilectionis Dei, ex ſententia vera, & citatorum Doctorum, pluries obligat in vitæ decurſu, ita multoties à ſpeciali omiſſionis peccato contra idemmet præceptum, excuſat ignorantia. Quod privilegium utique (& expreſſè) approbant, atque admittunt, Petrus à S. Joſeph l. c. ubi ſic: *Contingit ignorantiam, aut inadvertentiam invincibilem pleroſque excuſare, ne peccent, non eliciendo actum amoris Dei: cum tempus obligationis valdè incertum ſit ex Theologiſſorum ſententia. Valent. to. 3. diſp. 3. qu. 19. De Præcept. Charit. punct. p. prop. ſinem, verſu Porro licet, dum ibi ait: Licet in tam variis caſibus, ut jam dictum eſt, præceptum iſtud Charitatis obliget: tamen variis etiam modis contingere poteſt, ut quis à ſpeciali peccato contra hoc præceptum excuſetur. Primo, ſi putet, non in omnibus ejuſmodi caſibus illud obligare; ut de quibuſdam eſt probabile, ob contrarias opinionem Doctorum. Secundo, ſi per inculpabilem incogitantiam, aliquis, in caſu quo obligat, non advertat ſe teneri ad illud implendum. Quod faciliſſimè accidet, præſertim in caſibus inopinatè mortis: quando variis modis aliquis præcipitur, quominus cogitet, quod tunc eſt opportunum. Conſultum tamen eſt aliquando in Confeſſione ſe accuſare ſub dubio, ſi fortè præceptum iſtud ſit neglectum, ſicut & de omiſſione aliorum præceptorum affirmatorum, de quibus non ſatis certò conſtat quando obligent, & quando violentur. Quamvis abſolutè quidem non teneamur conſiteri de eo, in quo nec ſcimus, neque ob aliquam peculiarem rationem dubitamus, nos peccaſſe. Diana ref. 105. c. quæ in To. 6. Coord. trac. pr. eſt reſol. 3. ibi enim nu. 4. Verſu Notandum eſt. Ita approbat privilegium propoſitum. Neque ſe torquere quis debet, ut obſervat Hurcadus in 2. 2. diſp. 174. ſec. 5. §. 24. utrum huic præcepto ſatiſfecerit, quia quam-*

*dum poſuit, & probabili argumento non meminit, ſe hoc præceptum omiſſiſſe culpate, ſibi perſuadeat ſe contra illud non peccaſſe: vel quia Deum dilexit, vel quia illud inculpate prætermiſit. Coninch diſp. 24. dub. 3. n. 50. in fine approbat ſimiliter, & expreſſè, dum ſic: *ſecluſa omni ignorantia, & inadvertentia, ſine gravi peccato, nequimus valde diù diſſerre. actum Charitatis erga Deum. Trullench tandem, in Decalog. lib. p. cap. 5. dub. 3. n. 9. Valentiam ſequens ubi ſupra, hoc idem approbat propoſitum privilegium, inquiring: Cum præceptum hoc Charitatis variis caſibus obliget, variis caſibus contingere poteſt, ut quis à ſpeciali peccato contra hoc præceptum excuſetur: & primo ſi putet in huiusmodi caſibus illud non obligare, aliorum ſententiam ſequutus. Secundo, ſi per incogitantiam inculpabilem, aliquis, in caſu quo obligatur, non advertat, ſe teneri ad illud implendum, quod faciliſſimè accidet, &c.**

PRIVILEGIUM QUARTUM.

Excusaſur à culpa, nec peccat contra præceptum divinum charitatis de diligendo proximum, non ſubveniens (ex ignorantia,) eidem, in gravi, vel etiam in extrema neceſſitate conſtituto.

512 **D**UO (ex dictis, & Doctoribus, ac de fide) ſunt præcepta Charitatis, alterum, quo Deum, alterumve quo proximum præcipimur diligere. In præcedentibus huius Capituli, tria enumeravimus, approbavimusque privilegia circa primum ejusdem Charitatis præceptum, de Deo videlicet diligendo. Modò quartum ponimus, quod (ut pater) ſpectat ad ſecundum Charitatis præceptum, de diligendo proximum. Cùm autem vi huius præcepti, teneamur, nedum illum odio non habere, nec ei nocere (ſine cauſa) in ulla re; verum etiam eidem in gravi, & multo magis in extrema neceſſitate, tum ſpirituali, tum corporali conſtituto, ſubvenire, ut communiter Doctores, hinc eſt, quod huiusmodi præceptum, per eoſdem etiam Doctores, tunc dicitur obligare (quatenus affirmativum eſt) quando proximus in gravi, vel (& præcipue) extrema neceſſitate conſtitutus eſt. Addidi (quatenus affirmativum eſt) quia charitatis præceptum, quatenus negativum eſt, obligat ſemper, & ad ſemper, ſeu pro ſemper, & in quacumque temporis differentia: Navarr. in Man. cap. 14. n. 8. & 9. S. Thom. 2. 2. quaſt. 25. art. 6. 8. & 9. quia nunquam poſſumus

possumus excludere proximum, etiam inimicum nostrum ab amore, quo Deum, & proximum in genere diligimus, nisi sit jam damnatus, quod est diligere proximum negativè. Quare tenemur semper odium proximi deponere, esseque animo paratos ad eum diligendum: sicque præceptum charitatis, quatenus negativum est, obligat semper, & ad semper, seu pro semper, & in quavis differentia temporis.

513 At, quatenus affirmativum, obligat, vique ipsius tenemur diligere proximum, quando is in extrema necessitate constitutus est, nostroque amore indiget, ut salutem spirituales, vel corporales, penitus consequatur, ut si infans, aut mente captus, aut etiam cordatus jam sine Baptismo esset moriturus: qualis etiam esset, qui deposceret aliquod consilium, auxilium, vel solamen aliquod spirituale à nobis, sine quo verisimile est, eum condemnatum iri. Navarr. n. 9. c. Versi. Respondeo tertio. Azor. tom. 2. lib. 12. cap. 5. qu. 3. Filiucci. tom. 2. tract. 28. cap. p. qu. 5. n. 13. Addens n. 14. Universaliter dici posse, tunc obligare hoc præceptum Charitatis, quando proximo tenemur benefacere corporaliter, aut spiritualiter, juxta ea, quæ dicuntur de præcepto elemosynæ, & fraternali correctionis. Trull. in Decalog. lib. p. cap. 5. dub. 4. à n. 9. cum aliis ab ipso relatis. Advertens n. 14. & bene, cum Villalobos 2. p. tract. 3. diffic. 5. n. 6. & aliis: peccare etiam contra Charitatem eum, qui proximo indigenti, & in necessitate constituto, etiam si non sit extrema, non succurrit: unde si videt proximum transeuntem juxta parietem minantem ruinam, tenetur illum monere, ne opprimatur. Similiter, si videat proximi domum incendio flagrantem, tenetur, si commode potest, ei subvenire; & sic in similibus: & eidem non subveniendo, utique peccat, nec excusatur à culpa.

514 Excusatur tamen si ei non subveniat ex ignorantia, ut in proposito Privilegio: patet hoc apertissime: primò, ex illo Jo. p. cap. 3. Qui habuerit substantiam hujus Mundi, & viderit (idest agnoverit) fratrem suum necessitatem habere, & clauferit viscera sua ab eo, &c. Secundò ratione. Quia non subvenire ex ignorantia proximo in extrema, vel gravi necessitate constituto, facit omissionem subventionis involuntariam: unde sicut talis omisso est involuntaria, ita nec est peccatum, quia nullum est peccatum nisi voluntarium. Tertiò auctoritate. Azorii Instit. Moral. par. 2. lib. 12. cap. 8. Versi. Tertiò queritur: ubi sic: Satisfaciunt huic præcepto dum hujusmodi necessita-

tibus quas norunt, commodè subveniunt, & dum parati sunt animo ad eas sublevandas quas rescierint. à Sancto Fausto Tract. de Horis Canon. lib. p. qu. 19. Versi. Hinc qui est: ubi loquens de Oratione in Communi, & supponens præceptum orandi pertinere ad Charitatem Dei, & proximi, quod postea (cum Alexand. Alenf. 4. qu. 26. n. 3. artic. p. ad 2. & aliis plerisque) probat seq. q. 21. sic ait: Non peccat mortaliter qui pro proximo in mortali existente negligit orare Deum ut ab eo liberetur, quantumvis sciat oratione sua juvandum, ut docet Navarr. de Oratione cap. 3. n. 15. Dummodo advertat aliud esse remedium, tum penitentiam, cuius nullum sufficiens impedimentum ipsum habere apparet: tum admonitionis, & curæ, quæ de eo ab alijs geritur. Et ratio hujus est, quia in hoc casu est aliud remedium, ut à peccatis liberetur præter orationem. Quæ resolutio facit ad solatium conscientiarum immoratarum, ad quod solatium etiam facit, quod docet Valent. 2. 2. d. 6. qu. 2. punct. 3. scilicet, non peccari per omissionem orationis, nisi quis tempore quo oportet orare, advertat, vel advertere possit ex precedente alia præognitione (qualis fuit, quam Matth. 26. acceperunt Apostoli à Christo, dicente illis, Vigilate, & orate, &c.) quod necesse sit tunc orare: quia si id nullo modo veniat in mentem, sicut omisso illius non erit voluntaria, ita nec erit peccatum, quia nullum est peccatum, nisi voluntarium. Sed.

515 Quæres primò. Quænam sit proximi indigentia, seu necessitas extrema; & quæ gravis, cuius causa (ex charitatis præcepto) tenemur eidem proximo in tali statu constituto (sub mortali) subvenire? Respondeo: Videatur, præter alios quamplures, Coninch disp. 27. de Elemosyna, dub. 8. à n. 112. pag. mibi 448. ibi namque iste Doctor refert cum aliis triplicem necessitatem, Extremam videlicet, Gravem, & Communem, describitque differentiam, quæ procedit inter ipsas: & circa easdem alia notat, & assert ex mente etiam aliorum Doëtorum. Videatur inquam.

516 Quæres secundò: Quinam nomine proximi intelligantur? Respondeo: Qui supernaturalis Beatitudinis sunt capaces. Sic Doctores cum D. Augustino lib. p. de Doctrina Christi, cap. 23. 26. & 30. Quapropter, fidelis, & infidelis, peccator, & inimicus, prædestinatus, & reprobis, nomine proximi veniunt intelligendi; quia omnes hi dum in hac vita degunt, capaces sunt Beatitudinis, illisque Beatitudinem velle potes. Quod si tibi revelatum esset aliquem esse reprobis, & condemnandum, adhuc circa illum

ea illum charitatem exercere potes, quia & velle posses absolutè, ne plura peccata committat, & simplici affectu ut Beatitudinem assequatur: absolutè tamen, ex suppositione, quod reprobis sit, velle non poteris illi Beatitudinem, quia velles impossibile, scilicet revelationem non esse veram. Pari ratione de damnatis (qui etiam suo modo proximi nobis sunt) velle potes, ne tot peccata committant, & simplici affectu desiderare illis beatitudinem; non tamen absolutè, quia absolutè est impossibile. Sic *Suar. disp. p. de Charit. sec. p. à nu. 3.* & ipso relato, *Palao par. p. Tract. 6. De Charit. disp. p. punc. 5. nu. p.*

517 Quæres tertio: Quomodo intelligatur præceptum diligendi proximum, cum

dicatur *Leviticus 19. Diliges amicum tuum sicut teipsum*: & *Matth. 22. Diliges proximum sicut teipsum*. Respondeo cum *D. Tho. 2. 2. qu. 44. art. 7.* & Theologorum communi, particulam (*sicut*) non significare, proximum esse diligendum tantum, quantum nos, sed eo modo quo nos; videlicet, ut cum diligamus propter ipsum, non propter nos ipsos, nimirum ut gratiam, & vitam æternam consequatur; ac propterea, ut ei optemus gratiæ cœlestis bona, ac cœtera, quatenus ad salutem æternam consequendam sunt necessaria. Et ut diligamus proximum, quia homo est, sicut & nos sumus homines, quasi dicatur, diligendus est proximus, quia est nostræ naturæ particeps.

CAPUT SEXTUM DE PRIVILEGIIS IGNORANTIÆ CIRCA PRÆCEPTA DECALOGI.

Et primò circa primum Decalogi Præceptum, *Unum Cole Deum,*

518



Osse dari ignorantiam invincibilem inculpabilem præceptorum, quæ in Decalogo continentur, tenent *Thomistæ cum D. Tho.* apud, & cum *Trullench in Decal. lib. p. dub. 5. n. 3.* Idem tenent *Petrus de Ledsma to. 2. tract. p. cap. 3. Conclus. 8. 9. & 10. Tannerus in p. 2. D. Tho. disp. 4. qu. 9. dub. p. nu. 14. Diana par. 4. tr. 4. ref. 36. Leander in Decal. par. p. & in ordine 6. tract. 2. disp. 2. qu. 78.* ubi expressè sic: Respondeo: Possè dari ignorantiam invincibilem præceptorum, quæ etiam directè in Decalogo continentur, non solum pro brevi tempore (ut *Autores nuper citati dicunt*) sed pro multo tempore, licet hoc non in multis, sed in raris contingat hominibus. Probatur. Quia in primis, furtum, directè prohibetur in Decalogo, & tamen, ut notat *D. Thom. 2. 2. qu. 94. art. 4.* certa gentium natio, sine ulla ratione existimabat non esse peccatum, ergo de hoc præcepto potest, & pro multo tempore, dari ignorantia invincibilis. Rursus fornicatio simplex, est etiam directè vetita in Decalogo: & ut *Diana cum Tannero admittit*, frequentius potest de illa, ignorantia hæc dari. Saltem apud Barbaros, & incultos populos per *Azor. par. 3. lib. 3. cap. 4. qu. p. & Fagund. in Decal. to. 2. lib. 6. cap. p. n. 12.* & alios) ergo si non equaliter de omnibus, de aliquibus tamen Decalogi præceptis, potest dari etiam non raro, nec pro brevi tempore ignorantia invincibilis. Legantur *Ovidio hic tract. de Fide Controv. 7. in fine*, & *p. 2. tract. 6. punc. 4. n. 24. Vasq. p. 2. disp. 122. cap. p. Montis. ibi, disp. 8. qu. 5.* & alii plures apud ipsos; ita *Leand.* Ex quo, & quibus, patet, dari ignorantiam invincibilem præceptorum, quæ in Decalogo continentur: de qua ignorantia, seu mavis ignorantiz privilegio, ad eadem Decalogi præcepta spectantibus, tum in præsentis Capite, tum in sequentibus ordinatim agemus. Incipiendo igitur à primò præcepto, *Unum cole Deum*, sit

PRIVILEGIUM PRIMUM.

Verum, & unum Deum ex invincibili ignorantia non colent, excusatur à culpa; & huiusmodi carentia cultus, quoadusq; ignorantia talis durat, in ipso culpa non est.

519 **Q**UOD Deus sit, & sit unus, constat ex divina Scriptura, atque aded ex doctrina fidei certum id est, nec ullum dubium in hoc esse potest, cum Sacrae paginae sapissimè, & pluribus in locis testentur, & Deum esse, & esse unum. Illustrata de utroque testimonia sunt (præter alia) *Exodi cap. 3.* Ubi Deus ipse, aded se esse asseverat, ut ab existendo, nominari, ac cognosci velit, inquiens: *Ego sum qui sum.* Et *Psal. 52.* ubi pronuntiatur insipiens qui Deum non esse dicat: *Dixit insipiens in corde suo non est Deus.* Et (loquendo de unitate Dei) dicitur *Deuteronom. 6.* *Audi Israel, Dominus noster, Dominus unus est.* Item *Deuter. 32.* *Videte quod ego sum solus, & non sit alius Deus præter me.* Et *Isaie 45.* *Extra me non est Deus.* Manet ergo de fide, & Decalogi præcepto, Deum unum esse ab omnibus colendum: hocque aded certum est, ut quamplures ex Theologis negent dari posse ignorantiam invincibilem, & inculpabilem de existentia Dei, etiam apud homines incultos, & agrestes, ac in Sylvis, & Montibus enutritos: hinc *Ladovici Caspensi Tom. p. Cursus Theologici disp. 2. sec. p. nu. 5.* absolute ait: *In eo, qui pervenit ad annos discretionis, non posse dari ignorantiam invincibilem existentie Dei, quantumcumque barbarus, & agrestis sit, nam impossibile videtur quin cognitio creaturæ, quæ sensibus ipsi patent, veniat saltem in mentem aliqua cognitio artificis illarum, vel aliquod dubium, an sit aliquod principium, & finis rerum, præsertim ipsius hominis ut illum agnoscat, & colat; ac proinde occurrat menti oportere id inquirere, quod iussit, ut si non inquirat tribuatur culpe, & consequenter quod ignorantia vincibilis sit.* Ita *Caspensi*: & post ipsum, inter alios, *Gonet Theologie Thomisticae tom. p. disp. p. art. 3. §. p. nu. 60.* ubi sic: *Dico non posse dari ignorantiam invincibilem, & inculpabilem de existentia Dei, etiam apud homines incultos, & agrestes, ac in Sylvis, vel montibus enutritos.* Est contra *Molinum* hic art. p. §. *Ex dictis colligitur, ubi oppositam sententiam tanquam probabilem amplectitur.* Nostra tamen conclusio communis est apud Theologos. Et *Valentia* hic puncto 2.

dicat, in hac veritate omnes Orthodoxos debere convenire. At *Valentia* eo loco, idest *Tom. p. disp. p. qu. 2. punc. 2. versu Secunda assertio*; tantum affirmat; *Deum esse, ita posse à posteriori probari ex Dei effectibus, ut ob notitiam huius rei per ejusmodi probationem comparatam, teneantur homines cultum, & obsequium deferre Deo tanquam primæ causæ; sive id probetur evidenter, sive secus.* Hoc inquam tantum affirmat *Valentia*: quod verum est, & adeo verum, ut optime etiam addat: *Omnes Orthodoxos debere in eo convenire.* At hoc idem asserere, non est indè negare (in hominibus saltem incultis, qui sunt incapaces demonstrationis, & discursus) posse dari ignorantiam invincibilem, pro aliquo saltem tempore de existentia veri, & unius; Dei, ejusdemque cultus debiti. Hinc

520 Probatum primò nostrum propositum privilegium, *Auctoritate Doctorum.* *Molina* in p. p. *D. Tho. tom. p. qu. 2. art. p. Versu Ex dictis*: ubi sic: *Ex dictis colligi potest, tan rudes, & incultos posse aliquos homines esse, ut maxima cum probabilitate affirmare possimus, in eis ignorantem invincibilem Dei posse reperiri; quod primò, & secundo, cum de ignorantia ageremus observavimus.* Porro *ei ignorantia excusabuntur à peccato infidelitatis, & quod Deum non colant, nec ei honorem debitum exhibeant, non erit eis culpe tribuendum, &c.* *Tanneri*, quem refert, & sequitur *Diana par. 4. tract. 4. ref. 36.* sub his verbis: *Respondet cum Tannero p. 2. D. Tho. disp. 4. qu. 9. dub. p. n. 14.* *Ex communi, & vera sententia, ignorantiam invincibilem contingere posse, non solum circa jus positivum humanum, ac particulare; facti circumstantias; sed etiam circa jus positivum divinum, & Mystéria fidei nostræ: imò etiam circa jus naturale, non quidem quoad universalissima præcepta juris naturæ, sed quoad alia; facilius quidem, & frequentius circa ea, quæ difficultius ex præceptis universalibus naturæ deducuntur: ut est v. g. bigamia; accipere lucrum ex mutuo; proprias injurias ulcisci, & simplex fornicatio, aut etiam mendaciam officiosum, &c. difficultius autem, nec ferè nisi pro brevi tempore, circa præcepta illa, quæ facile ex universalibus illis præceptis deducuntur, ut sunt cultus unius veri Dei, & cætera, quæ directè continentur in præceptis Decalogi.* *Trullenci* in *Decal. lib. p. cap. pr. Dub. 5. nu. 3. in fine, ex Ledesma 10. tr. 2. cap. 3. à conclus. 8.* *Circa præcepta [sunt Verba Trullen.] quæ ex Decalogo, facta diligenti inquisitione colliguntur, potest dari inculpabilis ignorantia etiam per multum temporis, ut tenent Thomistæ cum*
D. Tho.

D. Tb. qu. 76. c. Nam & si ex Decalogo, per evidentem consequentiam colliguntur, requiritur tamen diligens inquisitio, cum aliqua difficultate. Sic Gentēs aliquando putabant licitum, habere plures uxores: & homines posse falsis diis sacrificare. Inter Christianos autem, vix potest talis ignorantia admitti: quia sepius prædicatur, & docetur, esse peccatum mortale. Videndus Ledesma l. c. concl. 8. q. & 10. P. Morand. 10. p. Theolog. tract. p. qu. 2. n. 55. versu Sed contra in fine: ibi enim sic: Dico cum Arriaga in p. p. To. p. disp. 2. sec. 3. & alius, possibilem esse ignorantiam de Deo invincibilem in aliquibus rudibus. Qui quidem Arriaga sec. 3. c. nedum sentit cum Molina, Quod possit Deus invincibiliter ignorari: sed etiam censet sub n. 16. hanc eandem Molinij sententiam esse probabiliorē: consequenter admittit nostrum propositum privilegium: quod præterea.

521 Probatur secundò ratione. Cognitio Dei non est nobis immediatè à natura insita, sicut notitia primorum principiorum, sed habetur solum per ratiocinationem, & discursum: ergo cum multi sint homines inculti, & agrestes, qui sunt incapaces demonstrationis, & discursus, in illis saltem dari potest ignorantia invincibilis de existentia Dei, & inculpabilis: in illisque verificari consequenter potest nostrum propositum privilegium. Antecedens admittitur ab ipsismet adversariis, præcipuè à Gonet art. 3. c. §. 2. n. 64. Quod etiam antea affirmat, videlicet, eiusdem Disput. p. art. p. §. 2. sub n. 6. Versu Confirmatur primò, ibi enim dicit: Deum esse, non cognoscì à nobis sine ullo medio, & absque ullo discursu, ex sola terminorum apprehensione, sed mediatis, & per effectus ab ipso productos: nec esse propositionem per se notam quoad nos, sed indigere demonstrari per ea, quæ sunt magis nobis nota: scilicet per creaturas, & per motus rerum sensibilium, & corporaliū. Invisibilia enim Dei, per ea, quæ facta sunt, intellecta conspiciuntur, ad Rom. p. Unde D. Tb. p. contra Gent. cap. 11. ait: Sicut nobis est per se notum quod totum sua parte sit majus, sic videntibus ipsam essentiam divinam, per se notissimum est, Deum esse, ex hoc quod sua essentia est suum esse. Sed quia ejus essentiam videre non possumus, ad ejus esse cognoscendum, non per seipsum, sed per ejus effectum pervenimus. Admisso autem antecedenti, uti admitti debet, & communiter à Theologis admittitur; consequentia sequitur: in his enim, qui inculti sunt, & ita agrestes, ut incapaces sint demonstrationis, ac discursus, quo fundamento negabitur dicta igno-

rantia inculpabilis? Hinc Molina l. c. Versu Ad hæc, dicit: Quod ex multorum relatione audivit, Brasiliæ incolæ, nullum coluisse Deum, antequam à Lusitanis edocerentur.

522 Confirmatur eadem ratio ex Arriaga sec. 3. c. n. 17. Quia, Deum existere non est propositio per se nota quoad nos; debet ergo discursu, & ratiocinatione colligi: hic autem discursus indiget magna consideratione, utpote res valde à sensibus aliena, atque frequentissimè experimur homines, multos, etiam si rationis simpliciter capaces, ita tamen hebetes ingenii, ut etiam quando conatur alius res faciliores eis persuadere, exemplis facillimis eas res declarando; tamen vel non percipiant, vel summe difficulter. Quo ergo fundamento possumus dicere, istos, & similes, etiam sine ullo Magistro, ex seipsis incepturos, & continuaturos ratiocinationem, & discursum aded metaphysicum, quo veri Dei existentia, unitas, cultus, &c. probetur? Ego sane vix dubito, quin multi possint inveniri, in quibus nec per umbram similis excitetur ratiocinatio, poterunt ergo habere ignorantiam invincibilem Dei. Ita concludit Arriaga argumentum, quod utique optimum est, & sufficit ad efficaciter firmandum propositum Privilegium, omisiss aliis rationibus, quæ minus efficaces sunt, nec difficultate carent: cujusmodi sunt: Primò: Quod multi de facto negaverint Deum: Cui respondetur, inde probari ignorantiam, non autem eam esse invincibilem, sic Judæi olim non agnoverunt Christum, non per ignorantiam invincibilem, sed crassam. Secundò: Quod omnes Gentiles, Deorum ceteram colentes, verum Deum videntur invincibiliter ignorasse: Cui item respondetur neque urgere, nam illi saltem confusè colebant aliquod numen, licet deciperentur in explicando, hic autem agimus de ignorantia Dei, etiam in communi. Sufficiat ergo pro firmando nostro Privilegio argumentum factum. Verum

523 Obicies primò. Deum esse, & existere, est quasi propositio per se nota, ergo male supponimus hic tantam in ea difficultatem, ut inde probemus posse invincibiliter ignorari. Respondeo, dato antecedenti, nego consequentiam: Supponimus enim tantam difficultatem quia in privilegio nostro, & conclusione, non loquimur respectu hominum mediocris ingenii, quibus semel excitata est jam species de Deo, sed loquimur de aliis omnibus, comprehensus videlicet etiam hominibus incultis, ac he-

ae hebetis ingenii. Addo etiam cum *Arriaga* *sub n. 17. c.* Et si concedamus *Deum esse*, esse per se notum, non ob id tamen negari, in multis adesse posse ignorantiam invincibilem: non enim propositio per se nota dicitur respectivè ad omnes, etiam maximè rudes. Præterea, etiam in Doctoribus ex defectu excitationis specierum potest esse ignorantia invincibilis propositio- nis per se notæ.

524 Obicies secundò: Plura loca Sacre Scripturæ. Item plures Sanctorum Patrum Authoritates, quæ omnia congerit *Gonet art. 3. c.* Quibus tamen omnibus cum ex abundanti satisfaciatur *Arriaga* *sec. 3. cit. d. nu. 18. usque ad finem secti.* Respondeo bre- viter cum ipso, talia testimonia, vel solum probare, quod excitata jam specie de Deo, non possit negari; non verò eam necessa- riò debere excitari in omnibus. Vel ex illis tantum probari, cum, qui habet aliqua- lem vim ingenii, & discurre incipit, fac- ilè posse devenire in cognitionem Dei; per hoc tamen non dici, neminem id posse ignorare, rudioris ingenii causa, aut edu- cationis defectu: quod si conceditur unum posse, debet concedi & multos posse: quia non est ratio, quare in his terris possint ali- qui, & non etiam totidem alibi: his annis aliqui, & non sequentibus totidem, & plu- res. Vel intelligenda esse eodem modo uni- versaliter, ad ferè omnes extendi eam obli- gationem: vel casu quo incipiat quis dubi- tare, tunc certè incipere obligationem, non verò excitari in omnibus eam speciem, & omnes discurre incipere circa eam verita- tem. Vel loqui de eo, qui affectat igno- rare suum Creatorem, in quo sine dubio non est ignorantia invincibilis, sed crassa: nos autem hic loquimur de eo, in quo non excitatur ea species, nec eam affectat ignorantiam. Vel tandem respondendum est, talia testimonia, quæ contra nostrum privilegium videntur posse asserri, vel asse- runtur apud Doctores, loqui tantum ut plurimum, & de majori parte, non de uno, aut altero: aut loqui de Gentibus, quæ habuerunt aliquam notitiam numinis, hinc eo ipso debuerunt ad ulteriorem indagatio- nem anhelare.

525 Obicies tertid: Et si non sit per se notum, *Deum esse*, in hac re tamen vide- tur semper annexa aliquis dubitatio, si- cut in præceptis naturalibus, quæ statim luminæ naturæ noscuntur, de quibus ob id, secundum aliquos nequit esse, vel dari ignorantia invincibilis: hinc sequitur, quod licet homo non sit ex se ad eò inge-

niosus, ut queat demonstrationem inveni- re (quod solum videtur probare argumen- tum nostrum (supra factum) saltem ad du- bitandum videntur omnes habuisse suffi- cientem discursum; ergo non potuerunt habere ignorantiam invincibilem. Respon- deo cum *Arriaga* *sec. c. n. 20.* Verum qui- dem esse, multo minus requiri ad dubitan- dum (ut obiectio contendit) quam ad for- mandam demonstrationem de Deo, de qua nos supra: semper tamen adhuc nostrum privilegium subsistere: nam illud ipsum, nempe excitari speciem de Deo, est utcum- que difficile, & saltem non dubium, quin à seipsis eam non acquirant primò. Addit præterea idem *Author n. 2.* (quod dicit etiam esse valdè in præfenti considerandum) *Nos hic agere de ignorantia culpabilis, non est autem omnis ignorantia vincibilis, culpabilis Ratio est, quia multe sunt res, de quibus mihi occurrit ratio dubii, non tamen pecco non ulterius inquirendo: sunt enim res quarum mea non interest, & de his non teneor amplius inquirere, ut per se pa- tet. Quo posito: etiam si aliquod dubium sub- borietur in multis barbaris hominibus, an sit aliqua causa v. g., quæ produxerit cæcos, non tamen propterea excitatur species, quod illa sit Legislator, vel veneratione digna, quod illa dederit præcepta, quæ ego debeat inquirere. Imò fortè sæpè in contrarium, ad me talia dis- curre non pertinet, nec utile est: sicut si jam excitetur dubium in aliquo, quo pacto arbores crescant, non peccat certè ulterius non inqui- rendo causam: unde inferitur non esse culpabi- les in tali ignorantia, etiam si fuerit vincibilis physice.* Ita *Arriaga*.

526 Ad id autem, quod innuit obiectio de præceptis naturalibus, dico, de multis adhuc facilius esse posse invincibilem igno- rantiam, quam de Deo. De aliis verò, quia sunt de rebus ad ipsum hominem per- tinentibus, non ità, vel gr. furari, alte- rum lædere, &c. nam sicut sentit, & do- let quis (ait, & optimè *Arriaga n. 21. c.*) sibi violenter aliquid accipi, & multò magis si lædatur in corpore: ità statim insur- git cognitio, quod in hac re ipse malè fa- ciat, furando, vel alterum lædendo ex eo principio, *Quod tibi fieri non vis, alteri ne facias*: Vel quia Deus propter gubernatio- nem moralem videtur hominibus indere, naturæ pudorem in talibus actionibus, quo occultare statim desiderant, & clam id fa- cere, unde naturaliter insurgit altera co- gnitio, ergo hoc non est bene factum. At co- gnitio de Deo, quæ magis est abstracta, à sensibus, non ita facile excitatur. Sic

etiam relatus *Arriaga num. cii. in fine.*

527 Et si infes, ergo ignorans Deum, non peccabit mortaliter, etiam si alium occidat, & putet se male facere: nam peccatum mortale communiter definitur, *Delictum, factum, vel concupitum contra Dei legem æternam*: ille autem, eam legem ignorat, ergo non peccat, licet agnoscat se contra rationem agere. Huic eidem instantiæ satisfaciunt idem *Arriaga n. 22.* & ego cum ipso: dicendo, talem non promeriturum per illud factum poenam æternam, sed temporalem gravem, ad modum quo à Republica sufficienter punitur furtum (quatenus est contra illam) virgis, vel suspendio. Nam ratio promerendi poenam æternam, solum desumitur ex eo, quod aliquis homo saltem in confuso agnoscat, se offendere Deum Summum, quod in id ignorante non reperitur: nec inconveniens est in tali concedere eam actionem non esse poena æterna dignam ex ignorantia illa invincibili.

PRIVILEGIUM SECUNDUM.

Baptizatus nutritus ab infantia inter Infideles, adorans Idola, excusatur à culpa contra fidem, quam invincibiliter ignorat.

528 **H**OC idem propositum privilegium admittit, & sub iisdem ferè verbis, *Truincb*, dum dicit de Baptizato nutrito inter Infideles, aut Hæreticos: *Hic, adorans Idola, vel hereses proferens, peccat quidem contra jus naturæ, non verò contra fidem, quam invincibiliter ignorat*: ita in *Decalogi lib. pr. cap. p. dub. 6. n. 3.* & ante ipsum *Sanch. Tom. pr. Operis Morali lib. 2. cap. pr. n. 8.* ubi loquens pariter de Baptizatis, nutritis tamen ab infantia inter Infideles, vel Hæreticos; ait: *Hos peccare, adorando Idola, contra jus naturæ dictans unum Deum colendum: & similiter proferendo hereses, quæ juri naturæ adversentur: Ut si dicant licere fornicari: nisi ad hoc rudes essent, ut invincibiliter ignorarent hoc opponi juri naturæ. At minimè peccarent contra fidem, quam invincibiliter ignorant.* Sic *Sanch. n. 8. c. in fine.* Hinc & *Valent. in 2. 2. disp. p. qu. 10. punc. 4. paulo post princip. Versu Hoc verò procedit*; loquens de ipsis Infidelibus, & de his, qui ex parentibus Hæreticis nati sunt, optimè advertit, eos nec peccare contra fidem, circa eam dubitandum, si hæc illis nondum sufficienter propoſita sit, ratione urique ignorantiae: *Nam si nondum illis fides suffi-*

cienter propoſita est, licitum est illis dubitare, & ex dubitatione inquirere veritatem. Quod est advertendum propter Infideles, & eos, qui parentibus hereticis nati, incipiunt primò instrui circa fidem. Verba sunt Valentii l. c.

PRIVILEGIUM TERTIUM.

Provisi de Beneficiis Curam animarum habentibus; item de Dignitatibus, vel Canoniciatibus in Cathedralibus, omittentes ex ignorantia invincibili Juramentum professionis fidei (ad quem actum ex præcepto Trident. sess. 24. De Reformatione cap. 12. tenentur, intra bimestre à die adeptæ possessionis) nedum excusantur à culpa, verum etiam à pena amissionis fructuum, in conscientie foro.

529 **P**ROVISI de quibuscumque Beneficiis curam animarum habentibus, tenentur ex præcepto Ecclesiastico, intra duos ad minus à die adeptæ possessionis menses, in manibus Episcopi, vel eo impedito, coram ejus generali Vicario, aut Officiali, externam publicam Orthodoxæ suæ fidei professionem emitte, & in Romanæ Ecclesiæ obedientia se permansuros spondere. Provisi verò de Dignitatibus, & Canoniciatibus in Ecclesiis Cathedralibus, non solum coram Episcopo, seu ejus Vicario, sed etiam in Capitulo, illam emitte tenentur: *Tridentinum l. c. §. Provisi.* (Formam dictæ professionis faciendæ, ordinavit *Pius IV. in Constit. quæ incipit, Injunctum nobis. Sub dat. Romæ Idibus Novembris 1564.* quam referunt *Quaranta in Summa Bullarii, Verbo Fidei Professio, Piaſecius in Præxi Episcopali par. 2. cap. 5. Barbosa de Canonici, & Dignitatibus cap. 17. sub num. 33. & alii.*) Hujusmodi autem emissionis fidei præceptum, urget adeò, ac ligat dictos provisos, ut si eorum quis eam facere omittat intra id statutum tempus, lethaliter peccet: *Petrus de Ladesma in Summa par. 2. tract. p. cap. 4. concl. 10. Rodericus q. 9. Regular. to. 2. quæst. 72. art. 2. Bonac. to. 2. disp. 3. qu. 2. punc. 3. n. 14. & 15. Palao to. p. tract. 4. Tit. De Fide disp. p. punc. 19. n. 2. Sanch. to. p. Oper. Moral. lib. 2. cap. 5. nu. p. Filluc. tract. 22. cap. 3. num. 94. in fine. Garzias de Beneficiis par. 3. cap. 3. n. 64. Squillante De Obligationib. Clericorum par. p. n. 95. Barbosa cap. c. 17. n. 20. Trullen. in Decal. lib. pr. cap. p. dub. 8. & quamplures alii ab his relati. Ratio est, rum quia verbum illud positum à Concilio Trident. l. c. (Tenentur) est necessitatis, & præcepti, quod peccatum mortale inducit*

ducit juxta notata per *Abb. Felin. Sylvest. Armillam. Castrum. Medin. Navar. Philiarum. Vegam. Rodriq. Sayr. Salas. Suar.*, & alios apud, & cum *Garziam l. c. n. 65.* Tum quia res est gravis; & gravibus verbis imponitur; & ad gravissimum finem ordinatur; qualis est exaltatio, & promotio nostræ fidei, & errorum extirpatio: Tum etiam quia sub gravibus poenis præcepta est; ultra enim peccatum lethale, quod committit omittens fidei professionem, incurrit quod post dictos duos menses à die captæ possessionis, fructuum amissionem, ut idem *Trid. d. cap. 12.* Statuit fidei illis verbis: *Alioquin prædicti omnes provisi, ut supra, fructus non faciant suos, nec illis possessio suffragetur.* Uti nec eisdem suffragari potest pro foro exteriori ignorantia, per *Garziam l. c. n. 67.* alioque quamplures primarios Auctores apud ipsum, perque Doctores communiter. Quia hujusmodi ignorantia cum sit juris clari, & notorii, minimè excusatur, *c. Ignorantia de Regulis juris in 6.*

530 Excusat quidem in foro animæ, ac interiori, & coram Deo ignorantia ipsa, & nedium à dicta culpa lethali, verum etiam à pœna amissionis fructuum, ut in proposito privilegio. Quod probatur. Quia ignorantia, maximè invincibilis, extra controversiam excusatur à lethali culpa, & liberat etiam consequenter à pœna coram Deo. Præterquamquod dicta lex, & dispositio Tridentina pœnalis, privat quidem fructibus, ad quos tamen provisi habet jus, & titulum. Confirmatur Auctoritate *Rodriq. qu. c. 72. art. 3. Filluc. l. c. n. 100. Garziam l. c. nu. 68. Barbosa de Canonicis cap. c. 17. n. 21. Pala. punct. c. 19. n. 17. Vulpe in Praxi Fori Ecclesiastici cap. 48. n. 55. Squillantius par. pr. c. n. 101. Versu Contrarium tamen. Trullenb. dub. c. 8. n. 12. & aliorum plurium Doctorem ad abundantiam apud citatos. Hi etenim, una omnes, & unanimiter asserunt (ut videre est apud eosdem) *Eum, qui ex dictis provisi, ob puram ignorantiam, aut inadvertentiam, seu incogitantiam, prædicti præcepti, sincere, & absque malitia omisit Fidei professionem, quoad Deum excusari, & à peccato, & à fructuum restitutione; quamvis in foro exteriori, tali ignorantia, utpote juris clari non admittatur.**

531 An verò prædicti provisi, elapsi duobus mensibus, necemissa ob dictam inculpabilem ignorantiam, Fidei professionem, teneantur illam emitte re post habitam notitiam Trident. præcepti. Dico tene ri, nam ille terminus duorum mensium, à Concilio non est positus ad finiendam obli-

gationem, sed ad exequutionem differen dam. Ita etiam communiter Doctores, præcipue *Sanch. cap. c. 5. n. 5.* sub his ver bis: *Quod si obligati ad professionem fidei intra bimestre faciendam juxta Tridentinum Decretum, intra id tempus eam non emisserint, teneantur eo transacto. Quia non in temporis bonorem, ea temporis assignatio adhibita est, sed solum ut terminus obligationis implende: in quo casu transacto termino non cessat obligatio.*

PRIVILEGIUM QUARTUM.

Proferens ex ignorantia invincibili propositio nes, & blasphemias hereticas contra Deum, & fidem, excusatur à culpa; & ab heresi.

532 **P**Robatur hujusmodi privilegium; quia operans cum ignorantia invincibili, vel ut alii dicunt, insuperabili, caret prorsus omni culpa, nec potest considerari aliqua malitia. Hinc *Farinac. de Heresi qu. 179. §. 3. n. 23.* ponit sic: *Regula sit affirmativa, quod ignorantia excusat in crimine heresi, qui enim ignorat, non consentit, & sine consensu, & voluntate, heresis crimen non committitur, ut suo loco dictum est, nullumque crimen nescientem maculat, & qui per ignorantiam agit, non spontè agere dicitur.* Ergo verum propositum privilegium: Cui præter *Farinac. l. c. & alibi*, subscribunt communiter Doctores: *Summ. Armilla Verbo Heresi nu. 2. Arnaldus Albertinus in Tract. de Agnoscentibus assertionibus Catholicis, & hereticis qu. 36. tractatur ultima n. 2. pag. mibi 250. Antonius Sousa in Apborismis Inquisitorum lib. p. cap. 12. n. 6. Summa Sylvestrina in Verbo Heresi p. n. 4. in fine, Versu, Quinto quis. Antonius Ricciullus De Jure personarum l. 5. c. 7. nu. 6. Sanctarellus de Heresi cap. p. Dub. 5. n. 20. Repertorium Inquisitorum Verbo excusari. Versu, An si forte, in fine; alique plures apud ipsos, imò (ut dixi) communiter D. D.*

533 Hinc *P. Pylacchius Theatinus noster in suo Tract. De Superstitione par. 2. cap. 20. Tit. De Reorum Defensionibus in Tribunali S. Officii: Querens. Quomodo defendi possit non esse hæreticum, qui propositionem, & blasphemias hæreticales protulit: Optimè respondet n. 24. Possè primò se defendere, probando ignorasse verba, quæ protulit, esse contra fidem, & heretica: quia, quamvis non sit alleganda ignorantia in manifestis articulis fidei, quos omnes scire teneantur: tamen ignorantia non solum invincibilis, sed crassa, & affectata, ab heresi excusatur, quando*

taliter ignorant est paratus corrigi ; quia in eo non est pertinacia , quæ necessariò requiritur in hæresi . Ita iste Pater cum Alphonso à Castro , de Justa hæret. punitione lib. pr. cap. 9. & lib. 2. cap. 17. Ricciullo l. c. n. 10. & seq. Sanctarello n. 20. c. & n. 21. Farinac. n. 23. c. & seq. & cum aliis . Quibus adde nostrum P. Thomam Del Bene , de Offic. S. Inquis. par. p. dub. 3. Petitione p. n. 2. pag. mibi 10. Ubi cum pluribus aliis ibidem relatis , absolute docet : Quod ignorantia quamvis sit crassa , & supina (quæ tunc est , quando quis non ex industria , & proposito , sed ex vincibili , seu culpabili negligentia quadam magna , ignorat ea , quæ potest , & debet scire) excusat à peccato hæresi . Circa quam positionem , & doctrinam , vide etiam quæ diximus in superioribus Privilegiis , 7. 8. 9. & 10. Capitulis 4. cum quibus convenit hæc doctrina .

534 Ratio autem ejusdem (ex qua utique confirmatur magis nostrum propositum privilegium) eadem videtur esse quæ supra : quia ad hæresim videlicet requiritur pertinacia , hic autem non est pertinacia : Ergo . Quæ ratio item confirmatur : tum quia de ratione hæresi est , ut agnoscatur Ecclesiam determinasse aliquid esse de fide credendum ; quod si hoc non agnoscat , qui contrarium credit non est pertinax : ignorantia autem crassa , seu supina tollit talem cognitionem , & scientiam , ergo tollit pertinaciam , atque adeo etiam hæresim . Tum etiam quia , si hic sciverit quod teneat Ecclesia , paratus est errorem suum deponere : ergo potius implicite credit quidquid tenet Ecclesia , sicque non est propriè hæreticus . Quapropter in Cap. dixit Apostolus 24. qu. 3. dicitur , eos qui à parentibus sunt decepti , sed ita errant contra fidem , ut parati sint corrigi , hæreticos nequaquam esse : Ut quis enim sit hæreticus , requiritur quod circa fidem erret ex scientia : Sicque etiam ut dicatur quis , & verè sit hæreticalis blasphemus , ac proferens hæreticales propositiones , debet ex scientia , Dei , & fidei , contra Deum , & fidem ipsam easdem proferre hæreticales blasphemias , ac propositiones non ex ignorantia , quia hæc excusat ab hæresi ex dictis , ergo verum quoad hoc propositum privilegium .

535 Vide eundem P. Del Bene Petir. c. n. 6. Ubi cum Mascardo de Probationib. lib. 2. conclus. 879. num. 33. Andr. Gaylio lib. 2. Observat. 48. n. 18. Jo. Baptista Costa de Fæli scientia , & Ignorant. Inspec. 81 Arragonio 2. 2. qu. 11. art. 2. Suar. de Fide disp. 19. sec. 3. nu. 18. Vasqu. p. 2. disp. 126. cap. 2. Pesantio 2. 2. qu. 11. art. p. disp. p. conclus. 5.

Versu Secunda pars , Azor. to. p. lib. p. cap. 14. qu. 9. & lib. 8. cap. 8. qu. 4. & cap. 9. qu. 8. Becano de Fide cap. 14. qu. 2. n. 16. Ledesma in Summa 10. p. cap. 6. conclus. 4. difficile. 2. Sayro in Clavi Regia lib. 2. cap. 9. n. 20. Ricciullo de Jure personar. lib. 5. cap. 7. n. 13. & cum aliis pluribus : Docet , Ignorantiam etiam affectatam (quæ tunc est , cum quis ex industria , & proposito vult aliquid ignorare , ut ex. g. ex industria , & proposito velle non adhibere diligentiam inquirendi quid doceat Ecclesia , ut sic evitet laborem in assequenda veritate fidei Catholice ; vel , ut sic persistere possit in sua sententia) excusare similiter à peccato hæresi . Cujus doctrinæ fundamentum est : Tum quia , qui habet ignorantiam affectatam , habet etiam voluntatem obediendi Ecclesiæ , quotiescumque sciverit quid de aliquo fidei articulo ipsa definiverit : ergo non est pertinax , ac proinde non est propriè hæreticus . Tum quia , si quis crederet aliquid esse verum , & esset ita persistens in sua opinione , ut quamvis Ecclesia aliter doceret , in dicta sua opinione paratus esset , & vellet persistere , utique is esset propriè hæreticus , propter talem suam pertinaciam : Ergo ab opposito , si quis ob ignorantiam affectatam crederet aliquid falsum , sed ita paratus , & dispositus esset in sua opinione , ut si sciverit quod Ecclesia aliter doceat , non persisteret utique in tali opinione , non esset hæreticus , quia non esset iste pertinax : imò esset cum affectu subdiendi se auctoritati Ecclesiæ . Tum , quia , qui habet ignorantiam affectatam alicujus articuli fidei , propterea vult quid docet Ecclesia ignorare , quia non vult ab Ecclesia dissentire : ergo cum sit paratus obedire Ecclesiæ , non erit propriè hæreticus . Tum quia , qui habet prædictam ignorantiam affectatam , est in tali voluntate , quod si talem articulum ab Ecclesia propositum haberet , crederet illum , & vellet sentire cum Ecclesia : ergo propter talem ignorantiam affectatam excusatur ab hæresi , cum talis ignorantia affectata tollat pertinaciam , quæ necessariò requiritur ad propriam , & veram hæresim . Tum tandem quia , taliter ignorans , credit alios articulos fidei , & credit etiam quod Ecclesia quando definit aliquid non possit errare : ergo non est propriè hæreticus , cum hæretici omnes putent , quod Ecclesia in definiendis rebus fidei possit errare . Ità dictus P. Del Bene à n. 6. c. usque ad 11. inclusivè . Cum quo etiam n. 12. & 13. & ex eademmet allata doctrina .

536 Deduc primò: Quod ab hæresi è contra non excuset ignorantia, tamen si affectata non fuerit, quando quis ita affectus est suæ opinioni, ut quamvis sciverit quod Ecclesia Catholica aliter doceat, adhuc nolit mutare, quia tunc est verè pertinax, cum habeat voluntatem resistendi Ecclesiæ aliter docenti, & nolit iudicium suum privatum subicere auctoritati Ecclesiæ; & non agnoscat in Ecclesia infallibilem auctoritatem in proponendis, sicut & in definiendis rebus fidei. *Secundò*: Quod neque ab hæresi excuset ignorantia affectata, quando hæc oritur ex falsa opinione contra Ecclesiam, nempe qui habens talem ignorantiam, putat parvi momenti esse, quæ Ecclesia ad credendum proponit. In quo sensu *Vasqu. par. 2. qu. 76. art. 4. disp. p. ante quintam Conclusionem*. *Turrianus de Fide disp. 55. dub. 2. Sanchez. lib. 4. Moral. cap. 7. nu. 3.* loquuntur, quando dicunt, quod ignorantia affectata non excusat ab hæresi. Et si dicas: Qui habet huiusmodi ignorantiam, non advertit se sentire contra Ecclesiam, quod tamen in materia fidei necessarium requiritur ad pertinaciam. Respondetur: quod licet ille non advertat se sentire contra Ecclesiam in aliquo articulo particulari, advertit tamen se sentire contra Ecclesiam in communi, advertitque se parviscere ea, quæ ad credendum proponuntur ab Ecclesia, quod sufficit ad pertinaciam, atque adeo ad inducendam veram, & propriam hæresim. Sed

537 Contra doctrinam superiori n. 535. allatam, obiicies primò: Ignorantia culpabilis non excusat ab aliis peccatis, cum furto, sacrilegium, homicidium, & similia, semper sint peccata, sive fiant ex scientia, sive non, sed solum ex ignorantia culpabili: ergo neque etiam excusabit ab hæresi, cum error circa fidem semper sit similiter peccatum hæresis, sive fiat scienter, sive fiat ignoranter, modo ignorantia sit culpabilis. Respondeo cum *Del Bene n. 15.* dato antecedenti, negando consequentiam. Disparitas est, quia pertinacia est de ratione, seu de essentia hæresis: & nemo in rebus fidei est pertinax, nisi sciat, & advertat se sentire contra Ecclesiam. Quapropter qui hoc non advertit, sed ignorat, non est pertinax, & consequenter neque hæreticus. At verò pertinacia non est similiter de ratione, seu de essentia aliorum peccatorum, & ideo cum committuntur alia peccata non requiritur in peccante ut advertat se delinquere contra legem Dei, siquæ eam contemnere, sed satis est, si id vel advertat, vel de ea re habens saltem dubium, possit, ac

debeat advertere.

538 Obiicies secundò: Errans contra fidem committit peccatum, quod adversatur fidei: sed ad malitiam peccati sufficit ignorantia, culpabilis, præsertim si fuerit affectata: Ergo & ad peccatum hæresis sufficit similiter ignorantia culpabilis. Respondeo (item cum eodem *Del Bene n. 16.*) negando pariter consequentiam: & disparitas est, quia error circa materiam fidei ex ignorantia culpabili, & hæresis, differunt inter se: Nam error circa materiam fidei ex ignorantia culpabili non opponitur directè auctoritati Ecclesiæ, sed opponitur directè obligationi sciendi articulos fidei. At hæresis opponitur directè auctoritati Ecclesiæ, & propterea ille error non est infidelitas, ac proinde neque etiam est hæresis. Tum quia ille error non excludit fidem, cum is, qui talem errorem habet, paratus sit obedire Ecclesiæ, quam fidem tamen excludit hæresis. Tum quia ille error est peccatum omissionis, hæresis autem peccatum commissionis: differunt igitur inter se error circa res fidei; & hæresis formaliter.

539 Neque valet si infles: Ut aliquis sit Judæus, vel Paganus, sufficit si erret circa fidem ex ignorantia culpabili circa fidem Catholicam: ergo similiter ad hoc ut aliquis sit hæreticus, sufficit etiam si erret ex ignorantia culpabili circa fidem Catholicam: ergo similiter ad hoc ut aliquis sit hæreticus, sufficit etiam si erret ex ignorantia culpabili circa aliquem fidei articulum particularem. Non inquam valet, negatur enim iterum consequentia: & disparitas etiam est, quia (ut optimè idem *Del Bene n. 17.*) infidelitas privativa potest esse sine pertinacia, per solam scilicet carentiam totius fidei: sed infidelitas positiva, quæ fidei opponitur, qualis est hæresis semper requirit pertinaciam, quæ non reperitur in eo, qui culpabiliter errat circa fidem, si quociescumque sciverit quod Ecclesia aliter sentiat, errorem suum deponere paratus sit.

540 Obiicies tertio: Voluntarium directum, vel indirectum non faciunt diversitatem specificam, sed error directè oppositus fidei, est hæresis, ergo error etiam indirectè oppositus fidei, erit hæresis (in quo errore necessarid includitur ignorantia culpabilis) consequenter, & qui ex tali ignorantia errat in fide, est etiam propriè hæreticus. Respondeo (cum *Del Bene n. 18.*) & distinguo antecedens: Voluntarium directum, vel indirectum non faciunt diversitatem specificam in aliis, concedo: in casu nostro, nego; quia quando quis indirectè habet errorem circa fidem, cum tunc

tunc ignorantia occultet obiectum, à quo peccatum hæresis specificatur, potest voluntarium indirectum mutare speciem peccati. Nam ignorantia, quod Ecclesia aliquid definit de fide credendum, occultat proprium obiectum hæresis, & facit, quod error non opponatur formaliter auctoritati Ecclesiæ, & propterea impedit peccatum hæresis, & solum inducit peccatum ignorantiae, quod est specie diversum ab hæresi.

541 Si inſtes: Ignorantia affectata non minuit, ſed auget malitiam peccati: ergo non excuſabit ab hæreſi, quia ſi excuſaret ab hæreſi, nun auget, ſed minueret malitiam peccati. Reſpondetur diſtinguendo antecedens: Ignorantia affectata non minuit, ſed auget malitiam peccati, augendo malitiam erroris voluntarii, concedo: augendo, vel etiam inducendo malitiam hæreſis, negatur: quia cum ignorantia, ut ſupra, occultet obiectum hæreſis, tollit conſequenter peccatum hæreſis. Et ſi reinſtes; Qui vult ignorare, quid in aliqua re ſentiat Eccleſia, hoc ipſo nun vult ſentire cum Eccleſia, quod eſt formaliter hæreſis: Ergo. Diſtinguitur pariter antecedens: ſi vult ignorare quid in aliqua re ſentiat Eccleſia, ex eo quod putet parvi momenti eſſe, quæ Eccleſia ad credendum proponit, conceditur: ſi vult ignorare ex alio capite, negatur: quia ex dictis eſſe poteſt ignorantia abſque pertinacia, & cum affectu erediendi totum id, quod ſentit Eccleſia. Hæc ex *P. Del Bene* ad n. c. 6. uſque ad 20. incluſive, quæ hic aſſerre volui, quia maximè faciunt ad rem, & tractationem noſtram, ut patet.

PRIVILEGIUM QUINTUM

Errans ex ignorantia circa Deum, & fidem, ſi admonitus à Viris doctis de ſuo errore, quod ſentiat aliquid contra definitionem Romanæ Eccleſiæ, ipſe tamen hoc ſubimet non perſuadeat, excuſatur ab hæreſi formali, & à cenſuræ incurſu conſequenter.

542 **H**ujusmodi privilegium ſequitur ex præcedenti nedum, quinummodò habet cum illo rationem ipſam fundamentalem communem. Quia videlicet nec iſtaliter ex ignorantia errans, vere eſt pertinax, donec advertat ſe Eccleſiæ Romanæ repugnare, ergo necverè hæreticus eſt, ſicque ob ignorantiam excuſatur ab hæreſi formali, & ab excommunicationis cenſura conſequenter. Antecedens patet ex di-

ſiſin præcedenti privilegio, & alibi: Conſequenter ſequitur, quia pertinacia eſt neceſſariò requiſita ad hæreſim, & plus facit ad ipſam, quam error. Verum quidem eſt, quod talis peccat contra fidem obligantem ipſum, ſuppoſita tali monitione, ad mutandam ſententiam. Confirmatur, quia ſi talis credat ſuam opinionem non eſſe contra communem ſenſum Eccleſiæ, & ipſos Viros doctos decipi, non eſt verus hæreticus pertinax; cum niſi credat ſe opinari contra communem ſenſum Eccleſiæ, ſicque conſtemnat Eccleſiam, non ſit hæreticus pertinax, ut patet ex toties dictis in præcedentibus: ergo.

543 Accedit Doctorem Auctoritas, expreſſè admittentium noſtrum propoſitum privilegium: Suntque *Valent. to. 3. diſp. p. qu. 11. punc. p. difficult. 4. Verſu 2. ſequitur*. Ubi ſic: *Si quis à Theologis, vel etiam ab Epifcopo admoneretur, quod ſentiat aliquid contra fidem Eccleſiæ Romanæ, & tamen ipſe non ſibi hoc perſuadeat, non eſſe cenſendum hæreticum; etiamſi rei ſit ejuſmodi, ut non poſſit ille probabiliter iudicio Epifcopi, & Theologorum repugnare, ſed verè peccet contra fidem, obligantem ipſum, ſuppoſita tali monitione, ad ſententiam mutandam. Sic notavit Canus lib. 12. De Locis Theologicis cap. 9. & indicavit etiam ſatis Cajet. 2. 2. qu. 11. art. p. & eſt communis ſententia etiam aliorum. Ratio eſt, quoniam talis non eſt verè pertinax, donec advertat ſe Eccleſiæ Romanæ repugnare. Sayr. de Cenſ. lib. 3. cap. 4. n. 17. ſub iſſdem ſerè verbis ſub quibus *Valentia. Salas* in p. 2. trac. 13. diſp. 7. ſec. 7. n. 53. quem (cum aliis) reſert, & ſequitur *P. del Bene* lib. De Parliamentis Dub. 4. ſec. 19. ſubſec. 31. Subcorrobor. 4. n. 6. pag. mibi 91. Editionis prime Lugdun. de anno 1644. in qua ſic lego: *Inſertur ſecundò, nec ſatis eſſe ad pertinaciam, ut quis de ſuo errore ignoranter admiſſo, à viris graviffimis, etiam Inquiſitoribus, vel à proprio Epifcopo admoneretur: ſi enim ipſe adhuc poſt monitionem exiſtinet doctrinam ſuam non eſſe contra ſenſum Eccleſiæ, eoſque viros oppoſitum putantes, errare, non eſt formaliter, & propriè hæreticus, nam (ut dixi) niſi quis credat ſe contra Eccleſiæ doctrinam opinari, non eſt pertinacia, & ſic nec propriè hæreticus, quantumvis, & à quovis admoneretur (excipè, niſi exiſtinet ſe oppoſi Pontifici, vel Concilio, quorum eſt rei de fide definire, & quibus adverſari, eſt toti Eccleſiæ ſcienter oppoſi) quamvis in foro externo hæreticus præſumatur: atque ita habetur in cap. Ad abolendam de hæret. & docet *Canus*, &c. ita dictus *Del bene*, (Qui tamen poſtea, videlicet, *P. p. de Officio***

ficio S. Inquisit. dub. 4. nu. p. in fine, asserit, probabile esse etiam oppositum, quod docent Bart. in l. Tutor. §. Tutores, ff. de suspect. Tutorib. Rebuff. in Bullam Cane, Excomm. p. art. p. verb. Hæresis. Ugo. in Bull. Con. 2. par. cap. p. §. p. n. p. Pegna p. p. Comm. 26. ad qu. 12. Suar. de fide disp. 19. sec. 3. n. 21. Albertin. qu. 30. Duard. in Bull. Con. lib. 2. Canon. p. qu. 25. n. 4. Simanch. Tit. 48. n. 18. & segg. & Farinac. De Hæretic. qu. 169. n. 10. talem scilicet tam in foro externo, quam in foro interno hæreticum pertinacem reputandum esse.) Sanch. Oper. Moral. p. p. lib. 2. cap. 7. nu. 25. ubi expressè sic: Dicendum est neutiquam respiciri pertinaciam requisitam ad hæresim, dum quis existimans se non contravenire Ecclesie, aut Pontifici, defendit hæresim, quamvis non acquiescat Episcopo, Inquisitoribus, & Viris doctis contrarium asseverantibus, & quamvis temerarius sit, ac mortaliter peccet, illis non acquiescens. Ratio est, quod solius Ecclesie, ac Pontificis sit, rei fide tenendas definire: ceteri autem, & fallere, & falli possunt. Cum ergo certa regule fidei non contradicant, minime erit pertinax, ac consequenter nec hæreticus. Ita docent Canus lib. 12. de Locis Theol. cap. 9. Columna 17. Versic. At quid pertinacia. Torres de Trinit. qu. 32. art. 4. in 4. par. Commentarii, statim in principio. Valent. Sayr. Vsq. pr. 2. qu. 76. art. 3. disp. 226. cap. 3. n. 7. Hætenus Sanch. Et alius tot omnibus classicis D.D. idem docentibus, assero tandem Sanctiarelum de Hæresi cap. p. dub. 6. nu. 28. nostrum privilegium expressè pariter cum supracitatis admittentem, ait enim Versu Dico Tertio. Qui tenet aliquid contra fidem, de eoque admoneatur ab Episcopis, Inquisitoribus, & aliis Viris Doctis, & noluit acquiescere, putans se rectè sentire cum Ecclesia Catholica, & cum Romano Pontifice, non est hæreticus, præsertim si de hoc protestetur. Ita Canus, &c. quia hic est paratus obedire Ecclesie declaranti, aliquid esse de fide tenendum, putatque se cum Ecclesia Catholica sentire, & vult contrarium tenere illi, quod tenet, quoties Ecclesia proposuerit illi aliquid de fide, ergo non est pertinax, nec hæreticus: non enim Episcopi, & Inquisitores habent assensum Spiritus Sancti, ita ut nec falli, nec fallere possint, & possunt putare aliquid esse de fide, quod re vera non est. Ita Sanctiarelus. Ecce igitur, quod cum ex dictis supra (uti & pluries alibi) & ex auctoritate Doctorum, necessaria sit ad hæresim pertinacia, & hæc ignorantie, & erroris causa in privilegio proposito non supponatur, ipsum consequenter uti verum admittendum est, sicuti etiam ob id expressè admittitur à laudatis D.D. & aliis,

544 Quare meritò supra insinuavi, plus facere pertinaciam ad hæresim, quam errorem, & esse pertinaciam necessariam requisitam ad hæresim. Licet enim ad fidem, præter assensum veritatis, requiratur etiam pia affectio voluntatis, sicuti & hæresis præter errorem intellectus pertinaciam requirit in voluntate; differentia tamen est (quam tradit etiam Sayr. cap. 4. c. n. 18.) quia in fide principalior est actus intellectus, & magis in intellectu consistit fides: in hæresi autem principalior est pertinacia voluntatis, quam error intellectus, sine qua pertinacia hæreticus quis consensus non est. Hinc S. Augustinus Epist. 162. que habetur in cap. Dixit Apostolus 24. qu. 3. ait: Qui sententiam suam, quamvis falsam, atque perversam, nulla pertinaci animositate defendunt, præsertim quam non audacia sue presumptionis pepererunt, sed à seductis, atque in errorem lapsi parentibus acceperunt, querunt autem cauta sollicitudine veritatem, corrigi parati, cum invenerint, nequaquam sunt inter hæreticos deputandi. Et idemmet Sanctus Augustinus lib. 4. contra Donatistas, cap. 6. Constituumus (inquit) aliquem sentire id de Christo, quod Photinus opinatus est, existimantem ipsam esse Catholicam fidem, nondum illum hæreticum dico, nisi manifestata sibi doctrina Ecclesie, maluerit quod tenebat, eligere. Constat ergo pertinaciam omnino ad hæresim necessariam esse. Pertinacia verò propriè est, quando quis ita firmiter alicui opinioni assentitur, & adheret, ut quamvis sciat contrarium ab Ecclesia Romana doceri, paratus tamen non est iudicium suum determinationi Ecclesie submittere. Et hæc apud omnes certa sunt (sic concludit Sayr. n. c. 18.) Et si certa, admissibile utique consequenter (& absque scrupulo) nostrum propositum privilegium. Circa quod

545 Adverte primò, cum Toletò lib. 4. Sum. cap. 3. n. 4. §. Maximi tandem notandum. Sanch. cap. 7. c. n. 26. Del Bene par. p. de Offic. S. Inquisit. Dub. 4. n. 6. Farinac. de Hæresi qu. 179. §. 2. nu. 14. & aliis apud ipsum: Latius patere, verificari, & admitti in Viris simplicibus, mulieribus idiotis, & indoctis, quam in Viribus doctis, in quibus latior etiam invenitur, & inveniri potest pertinacia, quam in illis. Quia Viri docti pertinaces sunt, quoties tenent aliquid contra traditiones Apostolicas, aut Ecclesie, Pontificisve definitiones. Quippe has certas fidei regulas esse norunt. At rustici, idioti, indocti, non sunt pertinaces, credentes aliquid quod sciunt esse contra traditiones Apostolicas, aut Pontificis deter.

determinationem, dummodo credant non esse contra Ecclesiam, parati ab ea corrigi: eo quod hi non teneantur scire in particulari illas esse certas fidei regulas; & ratio illis credendi, sit hæc, ut videlicet credant quidquid tenet Ecclesia; ita citati, præcipue *Tolet. & Sanch. Hinc P. Pasqualis in Decisionib. Moralib. Decif. 162.* in qua quærens: *An si proferens propositionem hæreticam ex ignorantia, eam defendat contra admonentem esse hæreticam, sit hæreticus?* optimè docet, & dicit n. 9. quod si talis proferat, & defendat propositionem hæreticam contra admonentem, eam contrariam esse rebus fidei, quas quilibet explicitè tenetur scire, nec non aliis præcipuis Mysteriis, quæ notissima sunt, & communiter præsumuntur sciri, pertinax, & hæreticus censendus est: nisi forte (addit) tanta sit ruditas, & ignorantia ipsius, ut præsumatur nescire illa Mysteria communiter ab omnibus credi. Item nisi forte (sic n. 12. & 13.) defenderet aliquam aliam propositionem hæreticam, ex us, quæ inter Catholicos communissimè non sciuntur esse de fide: cuius additi ratio, desumenda est (inquit ad casum nostrum) ex conditionibus hæretici pertinacis. Ut etenim talis sit, debet volens, & sciens, sentire contra Ecclesiam: quod si sentiat contra ea, quæ proponuntur credenda ab Ecclesia ex ignorantia, hæreticus tantum erit materialiter, non autem formaliter, atque adeo non erit pertinax; unde cum præsumi possit ignorantia, non erit neque præsumptivè hæreticus pertinax, nec ut talis puniri poterit. Ità dictus *Pasqualis*. Et si ei opponas non posse præsumi ignorantiam, dum admonetur propositionem suam esse hæreticam. Respond. Talem admonitionem non esse sufficientem, ut tollatur præsumptio ignorantie: quia dum contra ipsam defendit (admonitus) suam hæreticam propositionem, ostendit etiam, quod fidem non præstet admonenti: consequenter quod non deponat ignorantiam; & ideo adhuc durat præsumptio illius. Hoc totum confirmat, ut patet, privilegium nostrum: circa quod iterum.

546 Adverte secundò (cum supra citatis) errantes ex ignorantia in rebus fidei, ut in proposito privilegio, excusari quidem à pertinacia hæresis, & ab hæresi formali, atque ab incurfu Censuræ consequenter, ut in ipso: non tamen à peccato mortali præsumptionis; quia irrationabiliter absque ullo fundamento scientiæ, & doctrinæ, præsumerent se plus ceteris scire; & quam-

vis ignorantes, nollint se docentibus submittere. Verum tamen est, quod ab ipso met peccato mortali absolvi possent à quolibet Confessario approbato, eo quia non cadit tale peccatum sub reservatione, cum non habeat annexam Censuram, seu excommunicationem Papalem Bullæ Cœnæ Domini, in quam non incidunt, nec in ejusdem pœnas, & reservationem, ex dictis, & Doctoribus communiter, absque pertinacia. Sed

547 Obicies primò. Ad monitus à gravibus Theologis, & Viris doctis, quibus probabiliter repugnare non potest, in errore persistit, & ut antea dicimus, & concedunt *Canus*, & alii; is peccat contra fidem, & peccato infidelitatis; non Paganismi, neque Judaismi, cum fidem Catholicam professus sit: Ergo peccato hæresis, quia non sunt plures species. Respondeo ex dictis, illum peccare quidem contra fidem, peccato hæresis, sed materialiter tantum, non autem formaliter. Vel dic cum *Valent. Difficult. 4. c. in Responsione ad Tertium*, peccare peccato hæresis indirectè, ac reductivè, sed non ejus hæresis, de qua communiter agitur. Sicque in hoc non est controversia (concludit idem *Valent.*) nisi de nomine, ut insinuavit etiam *Canus* ubi supra.

548 Obicies secundò. Qui admonitus à gravibus Theologis, & Viris doctis, adhuc persistit in defendenda hæretica propositione, evadit pertinax, nam cum nolit audire admonentes, censetur nolle devenire in cognitionem veritatis; dum autem contemnit veritatem pertinax est in errore: sique hæreticus formaliter, impius, & iniquus: juxta *Cap. Quid autem 24. qu. 3.* in quo sic expressè: *Quid amplius iniquius est quam impia sapere, & sapientibus, doctoribusque non credere?* Igitur Privilegium propositum non est admissibile. Respondeo negando hanc ultimam consequentiam: & ad rationem dico cum *P. Pasqualis Decif. 162. num. 17.* Quod licet quis nolit audire admonentes, non statim pertinax censendus est, aut nolle devenire in agnitionem veritatis: sed inspiciendum est unde proveniat quod nolit audire admonentes. Nam si hoc proveniat ex eo quod ipsos non censeat tantæ scientiæ, aut auctoritatis, ut possit ab eis admoneri, non erit pertinax; sed solum si id faciat, quia velit defendere suos errores quomodocunque se habeant. Hinc ad textum relationis oppositum, cum eodem *P. Pasqual. n. 15.* item dico: Quod cum ratio impietatis in eo textu consistat, quod dum quis impia sapit, non credat sapientibus, & doctis

doctis viris; sequitur quod non sit impius, si quis non credat iis, quos non habet pro sapientibus, & doctis: quamvis alioquin sint tales; quia si sapientia est ratio, cur quis sit impius non credens sapienti; dum censetur non intervenire sapientia, neque etiam interveniet impietas in non credendo. Ideo autem aliquis non credens sapientibus, quos revera ut sapientes haberet, esset impius, quia esset pertinax in suis erroribus: nam sciens, se posse certificari de veritate ab illis, quia supponeret esse sapientes, & se posse certificare: certificari nolle. Sed

549 Obiiciis Tertid; *Caput &c. in Ecclesia 24. quest. 3.* Ubi sic habetur. *Quin Ecclesia Christi morbidum aliquid, pravumq; sapient, si correpti, ut sanum, rectumque sapient, resistunt contumaciter, suaque pestifera, & mortifera dogmata emendare nolunt, sed defensare persistunt, heretici sunt.* Ergo. Resp. huiusmodi Textum haud opponi privilegio nostro, in ipso enim loquitur (ut optimè etiam *P. Pasqual. l. c. nu. 16.*) de correptione quæ legitimè sit, ab iis videlicet, ad quos spectat esse Iudices, & Ministros publicæ fidei: quia cum hi sint veluti conservatores fidei in Ecclesia: si quis non acquiescit monitioni, ipsorum, contradicit Ecclesie: quia contradicit ministris ipsis. Non autem intelligitur de correptione cuiuscumque. Quod Confirmari potest ex *Cap. Ad abolendum Extra de Hereticis*, in quo innodatur vinculo excommunicationis hi, qui vel ab Ecclesia Romana, vel etiam à singulis Episcopis in suis diocesibus cum Concilio Clericorum, aut si opus est, vicinorum Episcoporum, judicantur heretici. Ex hac enim Decretali colligitur quod non statim ac quis admonetur à Viris doctis, se Ecclesie Catholice repugnare, contraque ipsam sentire, censendus sit, & dicendus hæreticus, atq; excommunicatus: nec etiam ut talis constitutendus, quem Episcopi iudicent sensisse contra Ecclesiam Romanam, sive hoc ipsum ille sciverit, sive non. Sed quod ille sit hæreticus censendus, & excommunicatus, quem Episcopi, discussa controversia Juris, & facti, tamquam iudices determinaverint habuisse pertinaciam (sine qua nullus est hæreticus) contra fidem, hoc est, scienter repugnasse fidei Ecclesie Romanæ: huic confirmatur subscribit *Valent. Diffic. 4. c. Versu Ad Quartum Respondeo.* Hinc.

550 Quæres: Si admonetur ab Inquisitore, & Episcopo, non tanquam à privatis personis, sed tanquam à publicis, &

adhuc perseveret in errore contra idem, censendus ne sit hæreticus pertinax, etiam si ipsis non credet? Respondeo affirmativè, & talem censendum esse hæreticum non solum in foro exteriori, sed etiam in interiori. Error tamen debet esse circa ea, quæ sunt iam definita de fide, & ut talia ab Ecclesia proposita, ut certa, & indubitata. Ità etiam *P. Pasqual. in Decis. Moralib. Decis. 163. nu. 6.* Ratio autem huius resolutionis desumitur ex eo quod Inquisitores sunt Iudices circa res fidei, delegati ad hoc munus à Summo Pontifice, à quorum iudicio nemo potest se subtrahere, alioquin se subtraheret à iudicio etiam Summi Pontificis: quod utique non eveniret, nisi in foro externo præsumeretur hæreticus, quando ab ipsis, admonitus, adhuc persisteret in errore: nam per id quod diceret, se credere Ecclesie, non posset ab ipsis puniri. Et cum Inquisitores sint Iudices circa res fidei, utique præsumuntur scire quæ ut fide tenenda docet Ecclesia: imò repræsentant Ecclesiam ipsam, tanquam in ad quos spectat manutenere fidem Ecclesie. Qui ergo ipsis contradicit in iis, quæ de fide tenenda proposita sunt ab Ecclesia, contradicit Ecclesie, cum contradicat publicis personis repræsentantibus Ecclesiam quoad auctoritatem, manutenendi fidem, idcirco etiam in foro interno hæreticus est. Et hoc idem etiam asserendum est de Episcopis: Cum & ipsi ex officio repræsentent Ecclesiam, & vices gerant Pontificis, sintque Pastores Animarum, atque adeo habent in hoc munere repræsentare Ecclesiam, & ratione ejusdem muneris debent habere scientiam, cum ad ipsos spectet ex officio docere populos (*Evangelii docete omnes Gentes, p. ad Timoth. 3.*) ac pascere salubri doctrina fidei, consequenter tenentur subditi acceptare doctrinam, quam nomine Ecclesie proponunt. Licet enim ad solam Ecclesiam universalem, aut ejus caput spectet definire, & proponere res fidei; postquam tamen propositæ sunt; spectat etiam ad alios, qui ex officio sunt ministri fidei eas declarare, manutenere, &c. cum in hoc vices gerant Ecclesie. Hi autem sunt Inquisitores, & Episcopi, quia sunt Iudices fidei. Et ideo qui eos monentes non audit, sed pertinax sentit contra ipsos, sentit etiam contra Ecclesiam, ac proinde hæreticus est.



PRIVILEGIUM SEXTUM.

Ex ignorantia utens divinatione superstitiosa, excusari potest à culpa mortali.

551 **D**ivinationis nomine intelligitur quædam prænuntiatio futurorum ex *S. Tbo. 2. 2. qu. 95. art. p.* In Sac. literis, & apud Scriptores Ecclesiasticos; nunquam in bonam partem accipitur, ut adnotavit *S. Hieronymus in cap. 3. Michæ*, circa illud: *Audite hoc principes Jacob*: & videre est apud *Valent. in 2. 2. disp. 6. q. 12. punc. p. in princip.* & consistit in hoc, quod quis sibi arroget cognitionem, quæ ad solum Deum pertineat, idque modis indebitis, à divina providentia minimè constitutis. Cognitionis autem ad solum Deum pertinens, est cognitio certa contingentium; sive futurorum juxta illud *Esai. 41. Annunciate nobis futura, & dicemus, quod Dñi estis vos*: sive præsentium (occultorum tamen) ejusmodi sunt cogitationes, & affectiones eorum, & facta hominum occulta, &c. juxta illud *2. Paral. 6. Tu solus nosti corda hominum*. Qui igitur rerum hujusmodi cognitionem, vanis mediis aliunde querit, quam ex ipso Deo, duplici ratione convincitur esse superstitiosus. Primò, eo quia in ignominiam Dei cedit, aliunde vanis inventionibus procurare, id, quod ad solum Deum pertinet, atque adeo ex ipso solo querendum esset. Secundò, quia omnis vana occultorum inquisitio, nititur auxilio Dæmonis, à quo nimirum quis erudiri vult, tacitè, aut expressè illum invocando, unde illi tribuit divinum cultum: quatenus querit ex ipso (ut dictum est) cognitionem occultorum, in casu, quo ea expectare potest ex solo Deo. Quapropter meritò Divinatio prohibita est jure Divino, & humano, ut videre est apud Doctores, præcipuè *Valent. punc. c.* & ex suo genere est peccatum mortale: Unde inter alios *Cajet. in Sum. Verbo Divinatio*: sic ait: *Divinatio pro quanto significat indebitam usurpationem cognitionis futurorum eventuum, vel præteritorum, aut præsentium occultorum, peccatum est, quia contra rectam rationem est. Et est ex suo genere mortale in quantum demoniacò innititur auxilio*. Hinc

552 Vel dicta divinatio est cum expressa invocatione dæmonis, & si sic, nunquam excusari potest à culpa mortali, quia ipsamet invocatio, Dæmonis expressa, clarissimè ostendit suam gravem malitiam. Ideo quæ tali invocatione uti ad cognoscendum

occulta, semper est peccatum mortale, non excusans in hoc nec materiæ levitas, ut optime etiam innuit *Martin. del Rio Disquisit. Magicar. libr. 4. cap. 2. qu. 4. & Valent. qu. c. punc. 4.* eo quia hæc est usurpatio cognitionis, reservatæ Deo, quæ per se admodum gravis est, etiam si abstrahatur à materia. Vel dicta divinatio est tantum cum tacita dæmonis invocatione: & si hoc secundo modo externum superstitiosum opus exerceatur, ita ut illo utens ex ignorantia utatur, nec ignorantia ipsa sit affectata, neque crassa, & supina, tunc excusatur à mortali, dummodo si scivisset ille, inesse tacitam dæmonis invocationem illud opus non fecisset. Quia propriè loquendo, talis non invocatur tacitè dæmonem, nisi materialiter, & involuntariè ob ignorantiam, quod non facit hominem socium Demoniorum, idcirco non peccat mortaliter. Ità docent *Cajet. 2. 2. qu. 95. art. 2. §. Ad evidentiam. Et in Sum. Verbo Divinatio, Versu, Si ignota est. Valent. qu. 12. cit. punc. 4. Versu, Quando autem Divinatio. Sayr. in Clavi Regia lib. 4. cap. 5. n. ult. Del Rio l. c. Less. lib. 2. qu. 43. Dub. 10. n. 64. P. Pistacchius De Superstit. c. 10. n. 9. & alii*. Et nos idem pariter hic intendimus, & cum illismet idem affirmare volumus in privilegio proposito, & non aliter.

PRIVILEGIUM SEPTIMUM.

Ignorantia invincibilis, sive juris, sive facti, medium antecedens, verum etiam concomitant, excusat tum à peccato, tum etiam ab excommunicatione, legentes, vel retinentes Libros, vel scripturas continentes hæresim, vel superstitiones Magicas.

553 **P**ius IV. in Bulla de approbatione Indicis Librorum prohibitorum, ædita 24. Martii 1564. quæ incipit: *Dominici gregis*: Statuit ut sequitur: *Qui libros hæreticorum, vel ejusvis auctoris scripta, propter hæresim, vel falsi dogmatis suspensionem, damnata, atque prohibita legerit, habueritve, ipso jure in excommunicationis penam incidat*. Idem statuitur in Bulla *Corne nu. p.* Et in Constitutione *Joannis XXII. contra Magos, magicalque superstitiones*: quæ refertur ab *Eymerico par. 2. Director. qu. 43.* sic decernitur: *Præcipimus, & mandamus, quod nullus eorum libellos, scripturas quasvisque, de præfatis damnatis erroribus (idest magicis superstitionibus) quidquam continentes, habere, aut tenere, vel in ipsa fudere presumat: quin potius volumus, & in virtute sanctæ obediencie*

obedientie cunctis precipimus; quod quicumque de scripturis prefatis, vel libellis quidquam habuerit, infra octo dierum spatium, ab huiusmodi edicti nostri notitia computandum, totum, & in toto, & in qualibet sui parte, abolere, comburere teneatur. Alioquin volumus, quod incurrat sententiam excommunicationis ipso facto: processuri contra contemptores huiusmodi (cum consisterit) ad penas graviiores. Et etiam in Indice librorum prohibitorum habetur: Libri omnes, & scripta Geomantiae, Hydromantiae, Aeromantiae, Pyromantiae, Onomantiae, Chiromantiae, Occromantiae, sive in quibus continentur Sortilegia, veneficia, auguria, auspicia, incantationes artis magiae, prorsus reiciantur. Igitur, vi harum Constitutionum, & Apostolicarum Ordinationum, legentes, vel retinentes Libros, libellos, Scripturas, &c. (ut in ipsis) peccant mortaliter nedum, verum etiam excommunicationem contrahunt.

554 Nihilominus, accedente ignorantia, ab utroque (saltem in foro interno) excusantur, uti ponitur in proposito privilegio. Quod probatur, tum ex dictis supra Privileg. 8. Cap. IV. n. 140. tum ex Doctoribus in d. Privileg. adductis, & ex infra adducendis: tum etiam ratione: Quia universaliter loquendo, quando nulla alia lege actio aliqua prohibita est, nisi ab illa, quae penam imposuit, ignorans invincibiliter legem illam, si eam transgrediatur, nec peccat, nec penam contrahit. Non peccat, quia involuntarie agit, cum legem invincibiliter ignoret: Nec contrahit penam, quia, qui non peccat, nec lege puniendus est, ex Regul. 23. de Regul. iuris in 6. Hinc Farinac. De Heresi qu. 180. n. 44. ad nostrum Privilegium sic: Excusantur retinentes libros hereticorum, scriptores, & latores eorum, si non scienter, sed ignoranter eos retineant, deferant, seu scribant, &c. istos enim ignorantia, quae, hoc casu in dubio praesumitur, excusat omnino. Ita Farinac. alios plures ibi referens, Pegnam, Mascardum, Ugolin. Petr. Binsfeld. Azor. Sanch. Graffium. Quibus adde Pala. to. p. tract. 4. disp. 2. punct. 10. §. 2. nu. p. Tambur. in Decal. lib. 2. cap. p. n. 26. & apud ipsum Merolla to. p. disp. p. cap. 2. d. 16. Coroll. 7. n. 312. ficuri & apud Pala. nu. cit. Suar. disp. 20. sec. 2. num. 17. Sed

555 Dices contra primò: Ignorantia, quando est comitans, transgressor habet malam animam, seu affectum legendi, &c. etiam si sciret prohibitionem, ergo peccat. Respondeo: Malus ille animus, si solum est in habitu, non est peccatum, ut ex se

constat, donec exeat in actum: Et si sit in actu, erit quidem peccatum, sed externus imple actus legendi, &c. cum nullo modo procedat (ut supponimus) à tali affectu, sed ab ignorantia, à tali peccaminoso affectu infici haud potest. Ita etiam ex Merolla Tambur. l. c. nu. 26.

556 Dices secundò, ex Carena de Sanctis. Inquisit. par. 2. Tit. 13. (Ubi de Bulla Pii V. Si De protegendis) §. 22. Licet Constitutio poenalis regulariter ignorantes non liget Cap. Dixit Sara 32. qu. 4. c. 2. in Constitut. cum aliis latissimè cumulatis per Farinac. in suis Frag. crimin. p. p. in Verbo Bannimenta n. 28. & in Verbo Constitutio n. 685. Attamen cum Constitutio est Papæ (ut in casu nostro) vel alterius Principis non recognoscentis Superiorem, & ulterius est perpetua (uti pariter est in nostro casu) tunc talis Constitutio ligat etiam ignorantes, ut communiter Canonistae, praecipuè allegati per Farinac. in Verbo Bannimenta n. 42. & in Verbo Constitutio n. 696. Et postquam Constitutiones sunt publicatae, tunc earum, ignorantia non praesumitur, nam quilibet scire praesumitur, quod publice scitur, ut dixit Jafon Conf. 83. n. 2. volum. p. Farinac. alios alegans in dicto Verbo Bannimenta n. 29. & in Verbo Constitutio nu. 687. Stante igitur hac doctrina, & positione, ruit, nec subsistit privilegium nostrum. Respondeo negando hanc consequentiam: & ad doctrinam Carena pro antecedenti assumptam, dico, Constitutiones poenales perpetuas, publicatas, Papæ, vel alterius Principis non recognoscentis Superiorem, ligare quidem etiam ignorantes, sed in actu primo tantum, ut alibi in superioribus concessum est, & approbatum: hoc autem est dicere, ipsas Constitutiones non ligare ignorantes in conscientia, & foro interno, atque actu secundo, prout tantum affirmamus in nostro privilegio. Sed solum ligare praesumptivè, & in foro externo, de quo solum loquuntur, & intelligendi sunt Doctores, & Canonistae, asserentes communiter dictas Constitutiones ligare etiam ignorantes, ut patet ex eorum contextibus ad literam: ex eodemmet Carena praecipuè: dum & ipse §. c. n. 91. expressè ait cum Jafone, Farinac. & aliis: Postquam Constitutiones huiusmodi sunt publicatae, tunc ignorantia earum non praesumitur, nam quilibet scire praesumitur, quod publice scitur. Scire praesumitur in foro utique externo, de quo non loquitur nostrum privilegium, sed de interno tantum. Et adde, quod per Cravettam Conf. 193. nu. 8. & Sardum Dicit. Mantuana 322. nu. 14. allegati ab

gati ab ipso met Carena l. c. n. 92. hac scientia praesumpta non sufficit ad imponendam poenam corporalem. Ergo Constitutio poenalis ignorantes non ligat, consequenter verum privilegium nostrum. Ex hucusque dictis

557 Inferitur primum: Quod ad incurrendam ipso facto excommunicationem infligendam contra scienter legentes, vel retinentes libros, scripturas, &c. ut in proposito privilegio, requiritur primo, ut legentes, vel retinentes, & ceteri, sciant librum esse prohibitum: unde in hanc excommunicationem non incidunt, qui ignoranter illum retinent, ac legunt. Secundò, requiritur, ut auctor libri, aut scripturae sit haereticus. Tertiò, ut haeresein contineat, vel de Religione tractet. Quartò ut librum legat, vel retineat absque licentia. Sic etiam Farinac. De Haeresequ. 180. nu. 45. P. Pistacchius De Superstit. cap. 28. n. 2. & alii.

558 Inferitur secundò, Regularium Superiores excusari à culpa, & à poena privationis Officiorum, vocisque activae, ac passivae, ob ignorantiam, vel oblivionem, aut inculpabilem inadvertentiam, sive inconsiderantiam, non exequentes Sacrae Congregationis Decreta legendi litteras Apostolicas ad Sanctorum Officium pertinentes, De Celebratione Missarum, &c. Si namque ignorantia excusatur à culpa, & ab incurfu Censurarum: excusatur etiam, & multo magis in hoc casu, à culpa, & à poena privationis, &c. & nedum ob ignorantiam, verum etiam ob inculpabilem oblivionem, & naturalem inadvertentiam, seu actualem inculpata inconsiderationem, quae equivaleret ignorantiae invincibili, ut docent Cajet. in Sum. verb. Inconsideratio; Sylv. verb. Nastragium in fin. Vasquez p. 2. disp. 107. cap. 3. & alii. Et ad hanc eandem rem, ita Peyrin. de Privileg. to. 3. in Additam. ad Constit. Urbani VIII. c. 12. in princ. n. 4. vers. Nota 2. pag. mibi 480. col. p. in princ. In Constit. 9. Urbani VIII. quae est Decretum Congreg. De celebratione Missarum: Jubentur omnes Superiores locales sub poena privationis Officiorum ipso facto incurrenda, bis in anno, scilicet feria 2. post primam Dominicam Adventus; & feria 6. post octavam Corporis Christi, curare, ut in publica Mensa dicta Decreta legantur. Circa quod quæro, An remaneat Superior privatus, qui eo die determinato non facit legi dicta statuta ex negligentia, vel inconsideratione, vel ignorantia, sed legi facit post mensem v. g. Resp. quod dicta statuta determinatis diebus legi debent, quod si non legantur, legi debent die sequenti, & sic deinceps. Non enim ponitur terminus ad finiendam obligationem, sed ne dila-

tetur executio. Quare transacto assignato termino, non cessat obligatio, leg. Celsus, ff. de recept. arbitr. cap. Cum dilecti, §. Præterea, de dolo, & contum. Unde cum poena privationis non sit statuta ad canonizandum diem ibi praefixum, sed solum ad obligationem inducendam lectionis dictarum Constitutionum, ne ullo unquam tempore in oblivionem, aut desuetudinem abeant, quod est finale motivum dictae lectionis: dicendum est, quod qui ex ignavia, seu negligentia, vel oblivione, dictas Constitutiones diebus praefixis non curaverit legi, non incurrit dictam poenam, si alio tempore, post mensem v. g. termino praefixi legi faciat, saltem legi in termino statuto si meminisset, vel scripsisset. Ubi namque quis facit sine culpa contra legem precipientem, vel prohibentem aliquid fieri, poenam non meretur. Sed ignorantia, inconsideratio, negligentia non crassa, quae est causa, cur non impleatur praeceptum, excusatur à culpa omnino, vel multum minuit, juxta doctrinam D. Tho. p. 2. qu. 76. art. 3. & 4. ergo etiam à gravissima privationis poena. Atque ita in simili Ledes. Navarr. Filliuc. Azor. Scortia, Sigism. Ugolin. Paris. Garz. Sanch. Adde quod poena Constit. Pontificalium solent esse moderatae, ita ut delicti mensuram non excedant, juxta illud Deuter. 16. Juxta mensuram delicti, sit & plagiarum modus. At culpa, cur non legantur dicta Decreta die praefixa, provenit ex ignorantia, inadvertentia, & negligentia, quae suppletur altero die. Ergo pro ea non est imponenda tam gravis poena, qualis est officii privatio. Haecenus Peyrin. cui subscribit P. Pistacchius De Superstit. cap. 35. n. 14. & quem sequitur Diana to. 7. Coord. tr. p. ref. 18. ex p. 5. tr. 14. & Miscell. 2. ref. 15. ubi etiam ait, hujusmodi sententiam tenere alios juniores viros Doctos hac de re à se consultos, quibus addo ego Bordon. in Decisionib. Miscell. Decis. 14. in fine: ubi nu. 4. & 5. asserit, Superiores omittentes ex oblivione legere ea decreta, eorum poenas non incurrere, nec etiam in foro externo: nisi constaret Superiorem admonitum, nolle ut legerentur, quia tunc temerarius diceretur, spernens eam monitionem verbo, & facto. Extendit autem idem P. Diana ref. c. in fine, doctrinam eandem Peyrini ad aliam supra dictam Constitutionem ad Sanctum Officium pertinentem: ibi enim sic: Et idem dicendum est de alia Constitutione Urbani VIII. edita feria 6. die 4. Aprilis 1643. de Observatione Bullarum pertinentium ad Sanctum officium. Ubi Sanctissimus decrevit quod legantur singulis annis in publica mensa idest feria 6. post octavam Assumptionis B. Mariae Virgin. sub poena privationis officii, & vocis activae, & passivae.

559 Addit præterea Peyr. prosequens suam rem, *Quod posset etiam quis excusari à lectione dictarum Constitutionum die præfixo, si eo die in Conventu fieret aliquod magnum festum, & in Religioso adessent devoti seculares; vel si Religiosi ivissent ad Processionem, vel ad sepeliendum mortuos, & non fuissent omnes adesse; quibus stantibus, decerneret superior dictas Constitutiones non legere eo die, sed deferre in sequentem, putans id sibi in casibus licere, aliquem legi facturus. Nam qui bona fide transgreditur legem humanam, putans se habere justam causam transgrediendi, non peccat, nec poenas transgressoribus impositas incurrit, quando de justa causa constat, juxta D. Tbo. 1. 2. qu. 96. art. 6. in corp. & 2. 2. qu. 147. art. 3. quem cum communi sequuntur Navarr. in Man. cap. 23. n. 43. & lib. 2. Consil. De Jure iur. Conf. 12. n. 2. Seyr. in Decis. tit. de Summ. Trinie. decis. 3. Rodrig. 10. 2. Q. q. Reg. qu. 72. art. 3. Justa autem causa est, propter quam Legislator, si presens esset, cum excusaret: vel quæ bona fide pro justa haberetur, & ob quam, nisi talem eam judicaret, contra legem non faceret. Ita Navarr. in Man. l. c. & ita ad litteram Peyrinus.*

560 Et si ab eo quæras, An subditus teneatur monere Superiorem de dictis Statutis legis, & quo jure? Respondet (in fine cit. n. 4.) affirmativè: idque ratione justitiæ, ex eo quod Prælati, & subditi debent eodem jure censi, Prælati autem ratione justitiæ tenetur adjuvare subditum suum quantum potest, ut probavi 10. 2. Præl. qu. p. Unde collige, quod subditi scienter omittens monere Prælatum suum, ut de statuta legis faciat dicta Decreta, mortaliter peccat propter grave damnum, quod ex sua omissione malitiosa infert Prælati suo, unde potest, & debet à Superiore puniri. Hæc omnia Peyrinus, quæ volui per extensum hic referre in gratiam Regularium.

PRIVILEGIUM OCTAVUM.

Legentes prædictos Libros, vel Scripturas retinentes, &c. ex vincibili ignorantia sive jurii, sive facti, ex ignorantia inquam, sive notabili, sive crassa, & supina, sive etiam affectata, & ex lata culpa. Nisi adeo crassa sit, ut sit ingens temeritas; excusantur, si non à culpa, ab incurrenda excommunicatione.

Bulla, quæ imponit poenam excommunicationis, legentibus, vel retinentibus prædictos libros, Scripturas, &c. petit scienter hoc fieri, maxime Bulla Cane, ut patet. Sed quando scientia petitur, quævis ignorantia excusat, nisi sit ingens temeritas, quia ubi intervenit ignorantia, deficit voluntas delinquendi: ut notant Sylv. Verbo Ignorantia qu. 8. dicto 4. num. 18. Sanch. in Decal. lib. 2. cap. 10. n. 38. & alii innumeri. Ergo. Confirmatur, quia quando Canon postulat scienter aliquid fieri, petit manifestè dolum. Ignorantia autem etiam, crassa, & supina, sed non temeraria, excludit dolum, ut patet. Ergo qui non scienter, sed cum hac ignorantia librum vetitum, vel scripturam legit, aut retinet, excommunicationem non incurrit, ab ipsaque saltem (si non à culpa) excusatur. Et ita etiam docent Sanch. l. c. Duard. in Bullam Cane lib. 2. Can. p. qu. 36. à nu. 3. Bonac. tom. p. de Excommuni. disp. 2. qu. 5. punct. 4. n. 8. & 9. Palao 10. p. 17. 4. disp. 2. punct. 10. §. 2. n. p. Sanctarell. de Hæresi c. pr. dub. 5. n. 23. Diana 10. 5. Coord. tract. 12. ref. 36. n. 9. ex p. 4. tr. 7. ref. 36. Navarr. in Man. cap. 27. n. 141. relatus à Duardo l. c. n. 8. extendens apud ipsum privilegium nostrum ad omnes alias poenas, dum ait ibidem: *Certum esse, quod quacunque ignorantia quis aliquid facit, verè non faciat scienter, & ita verè non continetur sub lege lata, contra facientem scienter, saltem in foro conscientie: & si in foro exteriori interdum aliter præsumi posset. Tamb. in Decal. lib. 2. cap. p. de Fide n. 27. P. Pistacchini de superfl. cap. 28. nu. 3. alique plures tum apud ipsos, tum allegati in dictis privilegiis Capituli 4. tum alibi pluries in Superioribus. Excipitur autem in privilegio, ignorantia cum ingenti temeritate conjuncta; quia si hæc ingens temeritas adest, jam adest scientia, cum talis ingens temeritas etiam per c. c. Sanch. Duard. Bonacin. & alios, non contigit sine gravi suspitione malitiæ: hinc Bonac. n. 9. c. in fine: sic: *Ingens temeritas dicitur, quando habetur magna suspicio pravitatis libri.**



marcello d. p. 10. 8

561 **S** Equitur hoc privilegium ex dictis, tum in privilegiis 8. 9. & 10. Cap. 4. tum alibi pluries in superioribus, & præterea probatur. Quia lex poenalis, seu

CAPUT SEPTIMUM DE PRIVILEGIIS IGNORANTIÆ

CIRCA SECVNDVM DECALOGI PRÆCEPTVM:

Non assumes Nomen Dei tui in vanum.

562



Oc idem præceptum habetur *Exodi 20.* & sub iisdem omnino verbis : *Non assumes nomen Dei tui in vanum.* Sicut autem in primo præcedenti Decalogi præcepto, præcipitur, uni, vero, & soli Deo, honorem Divinum exhiberi : ita in hoc secundo, divinum ipsius nomen ; honore debito prosequi jubetur : simulque illud in vanum quovis modo assumere prohibetur. Assumitur autem sic, quotiescumque quis temerè, ac frustra, jurat, blasphemat, aut male vovet, ut communiter tradunt Doctores, teste *Clavi Regia lib. 5. cap. p. in princip.* Idcirco in hoc secundo Decalogi præcepto (omissis privilegiis circa Blasphemias, de quibus egimus in *Privilegio 4. præcedentis Capituli*) asseram ignorantiz privilegia circa Juramenta, & Vota, uti ad ipsum præceptum spectantia. Quare sit :

PRIVILEGIUM PRIMUM.

Jurans falsum ex invincibili ignorantia, ob ignorantiam ipsam excusatur à mortali.

563

Juramentum derivatur à jure *D. Tho. 2. 2. qu. 89. art. p.* quia pro jure, seu ad instar juris, & legis introductum est. Quandoque Sacramentum noncupatur, eo quia Religionis actus est, & rei Sacre attestatio. Definuit autem, *Invocatio Dei in testem* : hinc jurare, est Deum in testem invocare : sic communis cum *D. Tho. l. c.* Unde duo necessariò requiruntur ad juramentum : & quod Deus invocetur : & quod invocetur in testem : sive id fiat expressè, ut dum quis ait, juro per Deum, vel per Trinitatem, per Christum, &c. sive tacitè, ut si quis juret per Evangelia, vel per Crucem, &c. aut per Creaturas, in quibus specialiter relucet bonitas, & potentia Dei ; ut si juret per Sanctos, per Angelos, per Animam rationalem, per Cælum, per Solem : in his enim, & similibus juramentis censetur creatura adduci in testem, non per se, sed quatenus dicit ordinem ad Deum ; præsertim si addatur nomen Dei, ut si jures per Solem Dei, per ignem Dei, &c. Verum quidem est, quod si quis adducat creaturas, non per ordinem ad Deum, sed secundum dignitatem, quam in se habent,

iste non censetur jurare ; quia non intendit Deum adducere in testem suorum verborum, sed tantum per res humanas dictum suum confirmare. Qua ratione, voces iste, per fidem meam, in conscientia, fide boni viri, vel Religiosi, &c. multoties non sufficiunt ad juramentum, quia eas usurpantes, tantum significant se loqui ex veracitate, & fidelitate, quæ virum probum, Sacerdotem, Religiosum decet. Circa quod tamen inspicienda jurantis intentio, ita communiter Doctores.

564 Debet autem juramentum esse *justum, necessarium, & verum.* *Justum*, quia fieri nequit juramentum nisi de re licita, & honesta, unde fieret injuria gravis Deo si adduceretur in testem rei turpis : imò nec obligat juramentum factum de re sub peccato prohibita per quamcumque legem, sive naturalem, sive Divinam, sive humanam. Sicut nec obligat juramentum factum de re ex se indifferente, quia Deus non vult obligare ad aliquod vanum : quale esset v. g. juramentum non ludendi cum tali persona : non transeundi per talem viam, &c. nisi hoc haberet aliquid boni ; ut si non ludendo cum tali persona ; aut non transeundo per talem viam, effugeret jurans aliquam occasionem peccati, & ad id cavendum juraret. Nec præterea obligat juramentum factum de re contraria divinis Consiliis, ut si quis juraret non ingredi Re-

di Religionem: imò peccaret iste venialiter, quia Deum testem adduceret contra ipsius consilia: & si in contemptum Religionis fieret iuramentum, eatenus peccatum esset mortale. *Necessarium.* Quia non nisi ex causa necessaria, & gravi fieri debet iuramentum: Quare jurans sine necessitate, & in causa levioris momenti, peccat venialiter. *Verum.* Veritas autem iuramenti in eo consistit, ut quod juratur verum sit. Unde iuramentum assertorium obligat sub mortali ad dicendum verum, etiam in re levi, præterita, aut præsentia. Imò ioco falsum jurans: aut dubium ut certum: vel è contra certum, tanquam dubium, peccat mortaliter.

565 Peccat inquam mortaliter per omnes D. D. falsum jurans. A quo tamen mortali excusat ignorantia invincibilis, ut in proposito privilegio. Quod probatur. Quia sic jurans, deponit id quod existimat verum, & tantum materialiter falsum jurat, quo iuramento non irrogatur Deo summe veritati irreverentia. Hinc etiam Trull. in Decalog. lib. 2. cap. p. dub. 6. n. 3. sic: Peccat ne mortaliter ille, qui ex ignorantia falsum jurat? Respondeo: Si ignorantia est invincibilis, id est, si facta debita diligentia, putat verum esse quod jurat, nullo modo peccat. Ex idem docuit ante Navarr. in Man. cap. 12. n. 6. extendens n. 7. privilegium nostrum, cum Jo. Andrea in cap. Tua, de jurejurand. Angelo, & Silvest. verb. Perjurium c. Homines 22. q. p. ad ignorantiam etiam crassam, vel supinam: ibi enim: Qui per ignorantiam, quam crassam, vel supinam vocant, jurat falsum, credens se jurare verum, quamvis si debitam adhiberet diligentiam, nihil peccet; si tamen aliquam adhibet, non amplius quam venialiter delinquit, secundum eisdem. Quibus tamen non assensio, ut paulò infra sequenti numero 567. Confirmatur; Quia qui sic jurat, (ex ignorantia videlicet invincibili, & præmissa debita diligentia) non facit contra mentem suam, sed potius id jurat quod in corde, & in mente sentit; menti autem est contra mentem iri. Cum igitur ille non est contra mentem, verum formaliter dicit, licet materialiter per accidens sit falsum. Neque se exponit periculo jurandi falsum, qui jurat quod præmissa debita diligentia, ex ignorantia invincibili sibi videtur verum, jurat. n. quod moraliter certum est: ac proinde per accidens est, quod res non ita sit à parte rei: semper enim jurans præmissa debita diligentia, liber evadit à periurio. Et hujusmodi doctrina (consequenter propositum privilegium)

admittitur nedum à præcætitis, verum à communi Doctorum: firmiter assertorium: quod, jurans rem falsam pro vera, credens tamen ex ignorantia (præmissa debita diligentia) esse veram, nullo peccatum mortale, vel veniale committit. Ita præcipue Sanch. in Decal. lib. 3. cap. 4. nu. 14. Tolet. libr. 4. Summ. cap. 21. n. 3. Versu Tertia quando, in fine. Azor. to. p. lib. 11. cap. 4. qu. p. in principio. Suar. de Relig. to. 2. lib. 3. cap. 5. n. 3. Versu Secunda Regula: ubi, Quod doctrina hæc, communis est, & clara (hinc & privilegium nostrum est, commune videlicet, & clarum) Sotus de Justit. lib. 8. qu. 2. art. 3. conclus. 6. Lefi. de Just. lib. 2. cap. 42. nu. 17. Valent. 2. 2. disp. 6. qu. 7. punc. 3. Versu, Si autem desit; & versu sequenti. Fagund. in Decalog. to. pr. in 2. præcept. lib. 2. cap. 6. nu. 7. alii apud ipsos, & communiter. Sed

566 Obiter hic quæres. An ex ignorantia invincibili jurans falsum, falsumque, deponens, si ob ejus falsam depositionem aliquis notabile damnum patiatur, teneatur ad restitutionem? Respondeo negativè, cum Cajet. in 2. 2. qu. 70. art. 4. Petro à Navarra de Restit. libr. 2. cap. 3. num. 255. Lessio de Just. libr. 2. cap. 7. dub. 6. nu. 26. & cap. 30. dub. 7. nu. 55. Pyslaccio de Superstit. Cap. 19. n. 59. Et ratio est, quia si ratione inculpabilis ignorantie excusatur ille à perjurio, & Dei offensæ, magis excusabitur ab offensæ proximi, & læsione ejusdem. Confirmatur, quia qui non peccavit, mortaliter saltem (ut hic supponitur) in damno inferendo, nec tenetur damnum illarum restituere. Hinc computanda est (inquiunt citati) materialis illa damnificatio (si damnificatio dicenda est) inter eas, quæ casu fortuito accidunt, vel inferuntur. Ex qua doctrina inferit etiam Lefi. n. c. 55. in fine, cum Cajet. l. c. juramentum falsum inculpabiliter ob invincibilem ignorantiam, non teneri cum vitæ periculo suum testimonium retrahere. De qua re in sequenti privilegio.

567 An verò à restitutione item liberetur, qui ex ignorantia crassa, & vincibili, falsum jurat, ratione cujus alter damnum acceperit. Respondetur quod non, sed teneri ad restitutionem damnorum in solidum. Ratio est: quia sicuti falsum jurans ex tali ignorantia, non excusatur à mortali, ita nec eximitur ab obligatione restitutionis: & sicut peccavit mortaliter sic jurando, ita ad restitutionem damni illati tenetur, cum sic etiam injustè, & per injuriam proximum damnificaverit, sua

falsa attestazione jurata, ex ignorantia quidem, sed culpabili, utpote crassa. Quisq; enim tenetur damnum, quod alteri paravit, & intulit, impedire, etiam cum pari damno suo, ut patet in aliis restitutionibus, ut famæ, honoris, & bonorum, & ex illa regula, *In pari damno potior censeri debet conditio innocentis*. Hocq; patet etiam ex cap. *Si tua culpa, de injur. & dam. dat. & ex cap. Parochianos de sentent. excommunic. ibi, donec lesi congruè satisfaciant*. Et docent idem Farinat. par. 2. Praxis, qu. 62. n. 5. pag. 308. col. 2. Lesi. dub. 7. c. n. 52. P. Pistacchius n. c. 59. in princip. Fagund. in Decal. to. 2. lib. 8. cap. 42. n. p. & alii ab eisdem allegati. Et aded ad restitutionem damni illati tenetur is, qui falsum juravit ex ignorantia quidem, sed crassa, ut Lesi. dub. 7. c. nu. 53. velit, (& cum ipso Fagund. cap. c. 42. n. 4.) quod teneatur etiam ad retrahendum suum dictum (si id profuturum putet) ratione cujus alteri mors, vel mutilatio esset inferenda, cum equali etiam periculo vitæ, mutilationis, famæ, boni temporalis, aut honoris, si simile alteri sui falsi dicti causa teneatur. Et idem docent Filliuc. to. 2. tract. 40. cap. 8. n. 254. & Sayr. in Clavi Regia lib. 12. cap. 19. n. 8. Ubi sic: *Dubium est, ad quam restitutionem teneatur testis falso deponens in judicio contra innocentem, cujus dicto, ad mortem innocens damnandus est: an teneatur cum propria vitæ periculo testimonium retrahere, quo innocens à morte liberetur? In qua res certum est, quod si retractatio nihil est profutura, non tenetur illam facere, sed solum restitutionem pro vita, & damnis, ut dicitur in materia restitutionis. Secundo certum est, si ex loco tuto, sententiam suam revocare potest, ita ut profut, non tenetur se coram iudice prodere. Solum igitur questio est, cum ita res se habet, ut nisi cum certo vitæ periculo non possit illum liberare, an ad id teneatur? Nonnulli ejus opinionis esse dicuntur, ut putent non teneri, eo quod quisque sibi potius quam alteri consulere tenetur, atque adeo videretur sue morti cooperari, se offerendo, ut salvet innocentem*.

At, omnes quos ego hæcenus auctores legere potui, planè fatentur in hoc casu teneri falsum testem cum vitæ propriæ periculo, & dispendio, retractare dictum suum, ut innocentem liberet à morte, cujus ipse suo falso testimonio causa fuit. Favet Cajet. 2. 2. qu. 70. art. 4. Sotus expresse lib. 4. de Just. q. 6. art. 3. in resp. ad quartam, dub. 3. versic. Gravius autem dubium. Jo: Medin. c. de reſtit. qu. 3. causa 4. ad quartum. Navarr. in Man. c. 25. nu. 17. versic. 23. Petrus Navarra lib. 2. de reſtit.

cap. 3. par. 2. dub. 11. n. 252. Ludov. Lopez par. pr. Instruēt. Conf. c. 69. in fine. Anton. de Corduba in Summ. Casuum Conſcient. q. 17. versic. Tertio. Petrus de Aragon. 2. 2. qu. 62. a. 2. cont. 16. conclus. 3. Toletus l. 3. Instruēt. Sacerd. c. 59. in fine; & Emanuel Rodriguez tract. de Ordine Judiciali cap. 7. conclus. 3.

Ratio est, quia licet unusquisque vitæ suæ magis, quam aliene, providere teneatur, id tamen verum est solum cæteris paribus: sed in hoc casu innocens est in periculo mortis ob injustitiam à teste factam contra illum, & cum cæteris paribus vita utriusque sit par, majus est jus penes innocentem injus accensatum, quam penes testem, ob cujus falsum testimonium vitam emittit. Ergo lege justitiæ cum vitæ periculo eum liberare tenetur, sibi que imputet testis quod seipsum in has angustias redegerit. Quamvis igitur in equali gradu innocentie mihi plus teneat, quam proximo, cum sint omnia paria, cum tamen ego sum causa damni esse cæx, potior est alterius, qui innocens est, conditio. Quod tamen intelligendum est, ut diximus, dummodo putet retractatione suæ se damnatum fore liberandum, & non aliàs, ob rationem dictam: si enim sufficeret retractatio ejus in absentia, & loco tuto constitutus, sine vitæ periculo, tunc satis esset id iudici veritatem manifestare, missi literis, & proprio juramento confirmatis, etiam cum damno famæ, & bonoris, sibi que imputet, qui bijus tanti mali causa fuit. Quod si alter non incurrit amplius periculum vitæ, eo quod vel jam suspensus sit, aut vitam suam redemit, reconciliata, & satisfacta parte adversa, tunc quidem sufficit dictum suum prestitio juramento, retractare, & se in loco tuto constituere, donec satisfecerit parti offensa si adhuc viris fuerit, aut filiis, & parentibus, ob damnum famæ, bonoris, ac rerum temporalium ex tali testimonio falso illatum, veniamque supplices petat. Quod si in vita id præstare non possit, aut quia incurrit propriæ vitæ periculum, aut propter perpetuas inimicitias, quas versimiliter ex tali sua retractatione secuturas animadvertit: aut quia facta tali restitutione, parum, aut nihil ei superesse novit, unde se, & familiam suam alere possit, tunc satis erit, quod in morte sua dictum suum retractet, & meliori quod possit modo satisfaciatur. Hæcenus Clavi Regia toto nu. 8. cit. Cujus doctrina, tota, & totaliter facit ad nostrum responsum, ut patet de juramento falso ex ignorantia crassa, cum hæc nec excuset in casu proposito à culpa mortali, nec ab injustitia, &c. Vide eundem Sayr. n. 9. sequenti, ubi inquit: *Quid agendum sit, quando testis falso deposuit, & eo retractante dictum suum, adhuc sunt alii testes,*

qui non retractant dicta sua : an scilicet teneatur testis ille in hoc casu retractare dictum suum.

PRIVILEGIUM SECUNDUM.

Ex ignorantia non culpabili, vel oblivione, falsum jurans, ob quod alter morti est condemnatus, excusatur à retractatione sui dicti, nec tenetur cum vitæ sue periculo alterum eripere; sed neque ad damnorum factorum restitutionem aliquam obligatur.

568 **T**eneri ad dictam retractationem, necnon obligari ad restitutionem damnorum omnium, ex ignorantia crassa (consequenter culpabili) jurantem falsum, definitum videtur in præcedenti primo Privilegio: in hoc autem secundo, ab utraq; obligatione eximitur, si falsum juraverit, & deposuerit ex ignorantia, vel oblivione non culpabili, quod privilegium etiam sequitur ex præcedenti, ut constat, & admittitur expressè, & sub iisdem verbis à Sayro l. c. n. 11. versu, Quintò, dum ibi sic: *Si quis ignorantia non culpabili, vel oblivione falsum dicit testimonium, ob quod alter morti est destinatus, non tenetur juxta ea, quæ dub. pr. proposuit. 4. diximus, cum vitæ periculo illum eripere, sed neque ad damnorum factorum restitutionem aliquam obligatur.* Ratio patet ex dictis, cum neque teneatur ratione rei, nihil enim positivè accepit: neque ratione injustæ dictionis, quandoquidem non perfectè, & formaliter falsum tulit testimonium, sed materialiter tantum, ac proinde ad illa non tenetur cum tanto suo damno, & incommodo. Si enim excusatur in hoc casu à perjurio, & Dei offensæ, magis excusabitur ab offensæ proximi, atque adeò à restitutione, juxta ea, quæ ibi dicta sunt. In qua tamen re diligenter cavendum est, ne sibi ipsi blandiatur quispiam, cum raro contingere possit ignorantia, & oblitio inculpabilis in tam gravi materia. Hucusque Sayrus, & ante ipsum Petrus Navarra de restit. lib. 2. cap. 3. n. 255. sub sequentibus verbis: *Adnotat Cajet. in d. art. 4. quod si quis ignorantia quadam non damnabili, vel oblivione, falsum dicit testimonium, ob quod alter morti est condemnatus, non tenetur cum vitæ periculo illum eripere, & mihi ita videtur; imò nec ad damnorum factorum restitutionem ullam teneri putarem; & computanda est illa damnicatio, si damnicatio dicenda est; inter eas, quæ casu fortuito inferuntur: vel ex levissima culpa, quæ non obligare ad restitutionem satis ostendit.* Accedit etiam Eman. Rodrig. in trac. de Ordine Judiciali cap. 7. conclus. 5. & au-

thoritas eorumdem doctorum, quos allegavi in præcedenti privilegio, sub n. 566. uti pariter faciunt ibidem dicta pro præsentis secundo proposito.

PRIVILEGIUM TERTIUM.

Quis se mihi offerens spontè, absque ulla videlicet inductione mea, ad jurandum id quod ex ignorantia, & bona fide putat esse verum, & si ego falsum norim, conducat tamen juramentum ad probandum verum, & tuendum jus meum, licebit mihi id permittere [nihil tamen cooperando] & uterque in hoc à culpa prorsus, etiam venialis, immunis erit.

569 **V**ideo hujusmodi privilegium, re-
latum, & admissum à Sanch. par. 2. Operis Moral. l. 3. cap. 8. n. 10. in fine. Et cum ipso, meritò approbatum à Fagund. in Decal. to. p. lib. 2. cap. 7. n. 18. quod præterea cum iisdem probatur. Nam & si verum sit, mihi (& nemini) licere eum ad jurandum inducere, quem scio falsum in re ipsa juraturum, licet bona fide deceptum, putando id esse verum, ut docent Azor. tom. p. lib. 11. cap. 11. quest. 2. Versu Quarres; idem Sanch. n. c. Fagund. l. c. n. 17. Suar. de Relig. to. 2. De Juram. lib. 3. cap. 14. n. 8. Pasqualig. Cent. p. qu. 5. Julius Mercor. in sua Præci Opinionum limitata par. pr. art. 5. & alii: ex. gr. mea interest ad tuendum meum jus aliquid probare, & est aliqua circumstantia, quam veram esse putat is qui vult jurare, & scio ego illam esse falsam: non est mihi licitum eum inducere, ut id quod bona fide verum putat, juret: quia & si jurans in opinione sua, ignorantiz causa, non juret falsum nisi materialiter, jurat nihilominus id, quod re ipsa ego eum inducens ad jurandum, falsum esse scio: quapropter ego cum inducens ad jurandum, neque excusari à crimine perjurii, cum inducam alterum ad asserendum Deum in testem rei falsæ: & id esse mortale credit Sanch. l. c. licet alii apud ipsum dicant tantum id non licere, non tamen asserunt sub mortali, vel veniali. Et si inquam mihi, & nemini, liceat eum inducere ad jurandum, si tamen absque inductione mea ille se offerat Judici ad id jurandum, quod ex ignorantia, & bona fide putat verum, licet ego sciam falsum esse, & conducat ad probandam rem meam veram, ne jure meo defrauder, licebit mihi tale juramentum permittere; quia in hoc casu jurans, nec venialiter
K k peccat;

peccat ; ratione ignorantie , & bonæ fidei : Ego verò permittendo prædictam circumstantiam , quam falsam esse scio , negativè tantum me habeo , nec utor eo testimonio ad falsum aliquid probandum ; sed ad probandum id quod verum est , ac ius meum tuendum , quamvis ea circumstantia sit falsa . Ita *Sancti* . & cum ipso *Fagund.*

570 Tradita doctrina confirmatur , & privilegium propositum magis roboratur . Et si fas non sit deferre iuramentum ei , quem puto pejeraturum , quia teneor tantam Dei injuriam , & proximi peccatum vitare , & impedire , nihilominus iusta subsistente causa licitum id est , ut Judici si pars postulet , vel aliàs ratio officii exigat , &c. *D. Tbo. 2. 2. quest. 98. art. 4. in corp. Cajet. ibidem , & communiter D. D. de Juramento ; præcipuè Lessius de Just. lib. 2. cap. 42. Dub. 10.* Ubi quod possum perjurio alterius uti in meum commodum : etiam si norim illum juraturum per Mahumetum , vel idolum ; ut in contractibus , & aliis causis , ubi est iusta ratio ad damnum , vel injuriam cavendam , & possum in his causis exigere , vel etiam cogere ut juret , non quidem determinatè tali modo , sed absolutè , & in genere : quod est quotidianum apud Mercatores , qui cum infidelibus contrahunt . Ita *Less. dub. c. n. 50.* & alii communiter . Modò sic : Possum iusta eum causa , & in meum commodum , ex Doctorum sententia , ut supra , iuramentum exigere ab eo , quem puto pejeraturum formaliter , ergo potiori ratione , & multo magis permittere : potero iuramentum mihi spontè , & absque ulla mei inductione oblatum , in mei commodum , & ad tuendum jus meum , imò ad probandum verum , ut in proposito privilegio , quotiescumque falsitas juramenti ignorantie causa est tantum materialis , ut in casu nostro , nec ullam omnino culpam includit , neque venialem . Patet ex se consequentia hæc , nec eget probatione ,

PRIVILEGIUM QUARTUM.

Juramentum suum esse obligatorium invincibiliter ignorans , si juret se aliquid facturum , vel non , nec obligationem contrahit illud adimplendi , nec culpam non adimplendo , ignorantia ipsa excusante .

571 **H**ujusmodi privilegium admittit utique *Sancti* . in *Decal. par. 2. lib. 3. cap. 10. n. 10. in fine* , loquens de Juramento , & *lib. 4. c. p. n. 25* loquens de Voto (sed eadem est ratio de Voto , &

juramento) dum docet expressè , talem ignorantiam excusare in juramento , ut in proposito privilegio ; & quoad votum etiam , expressè dicit : Votum non obligare quando vovens existimabat illud non esse obligatorium , aut hoc ignorabat , quia de tali obligatione nunquam cogitavit . *Sancti* . sequitur *Fagund. in Decal. tom. p. Præcept. 2. cap. 9. nu. 15.* Probatur igitur privilegium propositum . Quia jurans , re vera nullam obligationem per juramentum intendit sibi imponere (& idem dic de vovente) sed id solum enunciare vult , quod per juramenti verba significatur , credens ea non obligare , vel ignorans obligationem ipsam . Hoc tamen intelligendum est (ut advertunt etiam citati) nisi ignorans juramenti , & voti , ac promissionis naturam , velit eo modo jurare , & promittere , quo ceteri jurant , & promittunt , quia tunc virtualiter , & implicite se obligare vult . Aut nisi ignorantia sit vincibilis : eo quod scilicet , dubitans de obligatione juraverit , & promiserit , cum ignorantia hæc non aufert omnino voluntarium , nam cum sic dubitans juraverit , voluit consequenter , & virtute quicquid obligationis ex juramento confurgit ; & idem dic de Voto . *Suar. de Relig. to. 2. De Juram. lib. 2. cap. 7. n. 18.* videtur dissentire ab hoc privilegio , dum existimat dictam ignorantiam non excusare , quia & si illa ignorantia , quando est invincibilis , excuset in obligationibus , immediate , & directè pendentibus ex voluntate contrahentis , non tamen excusat in consequentibus naturaliter ex priori actu , velit , nolit agens : nam si tunc actus ex quo sequitur obligatio , sit voluntariè , sequitur necessitate naturali , obligatio , non obstante ignorantia . Verum rectè quidem loquitur *Suar.* , inquit *Sancti nu. 10. cit. & Fagund. l. c.* (ego quoque cum ipsis) sed consequenter ad suam opinionem quam habet idem *Suar. eo cap. 7. c. à n. 11.* Vide *Sancti. eodem cap. 10. n. 8. & 9.*

PRIVILEGIUM QUINTUM.

Juramentum præstitum ex ignorantia dante causam jurandi , jurantem non ligat ; imò à culpa eum liberat ignorantia ipsa , ac excusat , etiam si non ponat actum juramento promissum .

572 **H**oc idem privilegium admitti à Doctoribus communiter nedum , verum etiam certissimum esse , & à nemine negari , quando maximè ignorantia dans causam juramento versatur circa substantiam

tiam rei juramento promissæ, est aperta, & expressa conclusio *Fagund. in 2. Decal. præcept. lib. 2. cap. 13. n. 27. Concl. p. in qua* sic: Quando error, seu ignorantia antecedens, & dans causam contractui, & juramento, est circa substantiam rei juramento promissæ, nihil prorsus valet juramentum, nec relaxatione indiget: & hæc est certissima, & à nemine negatur. Et ita præter Autores numero præcedenti allegatos, qui absolute loquuntur, speciatim docent *Snar. tom. 2. de Relig. lib. 2. cap. 11. n. 5. Less. to. p. de Just. lib. 2. cap. 42. dub. 7. nu. 33. Sanch. to. pr. Decal. lib. 3. cap. 17. nu. 42. Exemplum sit, ut si quis juret alicui dare rem, quam putet esse vitream, & postea inveniat esse gemmam, non tenetur tali juramento, quia est error circa substantiam. Idem si juravit se duciturum in uxorem Mariam, putans esse Martham. Ratio est aperta, quia error, & ignorantia circa substantiam, tollit absolutum consensum, ac proinde reddit irritam promissionem, & Matrimonium, ut latè probat *Sanch. libr. pr. de Matrim. disp. 18. nu. 12. Errantis enim circa substantiam rei, nullus est consensus, nulla voluntas; ut est commune Jurisperitorum essatum, deductum ex lege, Si per errorem, ff. de Jurisd. omni. Jud. & leg. cum testam. & lege, non idcirco C. de jurit. & facti ignorantia. Ita Fagund. nu. 28. c. ubi pro eodem sumit ignorantiam, & errorem, licet ut ipsemet notat n. 24. ignorantia latius pateat, quam error. Igitur si ignorantia antecedens, & dans causam juramento, illud enim facit irritum, & nullum, ita ut nec relaxatione indigeat, multo magis à culpa excusabit jurantem, promissa in juramento non adimplentem: sicque verum consequenter, ac indubie privilegium propositum.**

573 Initio dixi (Quando maximè ignorantia dans causam juramento versatur circa substantiam rei juramento promissæ) quia error, & ignorantia versari potest vel circa substantiam rei, ut si putes vitrum esse gemmam: aurichalcum esse aurum: & in Matrimonio, si putes, te ducere Bertam, cum Mariam ducas. Vel circa qualitatem, ut si putes vinum esse album, cum sit rubrum; domum esse amplio-rem, cum sit stricta; gemmam esse majoris valoris, & minoris invenias, & his similia. Quando circa substantiam versatur ignorantia, & hæc juramento causam dedit, nulli dubium verificari tunc, & à nemine reprobari nostrum propositum privilegium, ut dictum est, & constat ex se, cum desit consensus jurantis, & sit irritum juramentum. Posset esse difficultas quando

ignorantia versatur circa solam qualitatem rei juratæ, etiam si ignorantia sit antecedens, & dans causam promissioni, ac juramento: an videlicet, quando etiam circa rei qualitatem versatur ignorantia, antecedens tamen, & dans causam, &c. de ipsa pariter verificetur privilegium propositum, ad ipsamque extendatur. Et quamvis aliqui apud *Fagund. l. c. n. 29.* negativè sentiant: dicantque juramentum esse validum, & obligare tunc in conscientia, consequenter non excusari à culpa jurantem promissis non stantem, non obstante ejusdem antedicta ignorantia; quia & si error, & ignorantia causam dederit juramento, & promissioni, ita ut nullo modo fuisset facta jurata promissio, nisi adfuisset talis ignorantia: tamen quia error, & ignorantia fuit tantum circa rei qualitatem, non circa substantiam illius, ignorantia ipsa non sustulit consensum absolutum, nec fecit actum involuntarium omnino circa substantiam rei, sed solum sustulit consensum secundum quid, id est, circa accidentia, & qualitates rei juramento promissæ, atque adeo ad illam nec extenditur, nec extendi debet privilegium positum. Nihilominus.

574 Respondeo ego, extendi. Et dico, quotiescumque ignorantia est antecedens, & dans causam promissioni, & juramento, quamvis sit tantum circa rei qualitatem excusare etiam semper à culpa, ut in proposito privilegio, nil minus ac excuset ignorantia circa rei substantiam. Pro hac extensione sunt Doctores, qui (apud *Less. de Just. lib. 2. cap. 42. dub. 7. n. 34. in princip. & Fagund. l. c. n. 26.*) non distinguentes de errore, dolo, & ignorantia circa, substantiam, vel qualitatem rei, de utraque generatim loquentes, docent simpliciter juramentum non obligare, cui dolo, error, & ignorantia causam dederit, nec relaxatione indigere. Sunt & alii, qui distinguentes etiam inter errorem (dantem causam juramento) vel ignorantiam quoad substantiam, & quoad qualitatem, expressè sunt cum nostra responsione, & extensione, & hi sunt *Less. nu. 34. c. & 35. & apud ipsum Navarr. in Summ. Latina. cap. 12. nu. 13.* ubi insinuat hanc esse sententiam communem *Sylv. Verbo Jurament. 4. qu. 8. ex Archidiacono. Panormit. Jo. Andrea, & Federico: item Sà Verbo Juramentum: expressè Panormit. in cap. Cum contingat 28. n. 3. & 23. de Jurejurando. D. Antoninus 2. part. tit. 10. cap. 6. §. Quintus Casus, & Covarr. lib. 1. Variarum cap. 4. n. 7.* Ubi approbat sententiam Panormit. Hos

omnes citat, & sequitur *Lessius* allegatus, nec reprobatur *Fagund. l. c. n. 30. & 31.* Probatum ergo primò nostra responsio, & privilegii propositi extensio, cum eodem *Lessio*. Quia ubi error est, & ignorantia antecedens, & dans causam contractui, & juramento, totaliter excluditur voluntas *lege 2. ff. de dolo*: Ubi autem excluditur voluntas absoluta, excluditur consensus, & ubi non datur consensus, non datur juramentum. Secundò probatur: Quia juramentum non obligat extra mentem, & intentionem jurantis, sicut nec votum, *cap. Quintavallis, & cap. Veniens, de iurejurando*: atqui intentio jurantis non est se hoc casu obligare, nam ejus mens tacitè repugnat; si enim feiret rei qualitatem nollet promittere, nec contrahere, ergo &c. Tertid, quia Deus non acceptat juramentum, nisi secundum intentionem ejus, qui bona fide jurat, non autem secundum intentionem ejus, qui fraude extorsit, *Cap. Humanae aures 22. qu. 5.*

575 Exempla res confirmatur ex eodem *Lessio n. 35.* Primò. Juramento promissisti puellæ nuptias, putans esse Virginem; postea intelligis talem non esse, excusaris à peccato non exequens, quia non teneris juramento, ut omnes fatentur, & tamen error est circa qualitatem personæ, non circa substantiam, nec circa ipsam personam. Et ratio est, quia error, & ignorantia, antecedens dedit causam promissioni, & juramento, non enim promississes, nec jurasses, si scivisses; & prudentum judicio hic casus censetur exceptus. Secundò juramento promissisti emere domum Petri, quam putabas bonam, & firmam, & postea deprehendis vitium in fundamentis, vel esse subiectam spectris, non teneris ob eandem causam. Tertid, Puella dolo, & ignorantia inducta à fratribus renuntiavit hæreditati paternæ cum juramento pro certa dote, non tenetur tali juramento si putabat hæreditatem esse mediocrem, & postea inveniat multo plus valere. Quarto, vendidisti domum tuam, & juramento promissisti stare contractui; postea reperis te graviter læsum, potes agere ad supplementum pretii, non enim juramento intendisti cedere juri tuo, si ex ignorantia, deceptus esses in pretio. Hæc exempla asserunt, & approbat *Lessi, n. 35. c. &* in omnibus error, & ignorantia est circa qualitatem, non circa substantiam rei, ut patet: nec contra illius sententiam sic explicatam (ita concludit *nu. 31. c. Fagund.* consequenter contra extensionem nostri propositi privilegii) sunt aliqua argumenta difficilia. An

verò sic se habeat etiam in Votis: hoc est, an sicut quando ignorantia est circa substantiam rei, antecedens, & dans causam Voto, excusatur à culpa si non adimpleatur votum, ita etiam excuset eadem ignorantia pariter antecedens, & dans causam circa qualitatem, aut circa extrinseca accidentia ipsius Voti, videbimus infra, *Privileg. 8. n. 583.*

PRIVILEGIUM SEXTUM.

Ignorantia etiam concomitans, quando hæc versatur circa substantiam rei juramento promissæ; non circa qualitatem ipsius, excusatur à culpa non exequentem promissam cum juramento.

576 **I**dem sonat omninò hoc Privilegium ut patet, ac id quod asserunt ii, qui affirmant non ligare, irritum esse, nec relaxatione indigere juramentum, ex errore, dolo, & ignorantia præstitum, quamvis hæc non dederit causam promissioni, contractui, & rei juratæ, sit tamen error, dolus, & ignorantia, concomitans, & circa rei substantiam, non circa qualitatem illius. Quod docent (consequenter approbant propositum privilegium) *Sanch. in Decal. lib. 3. cap. 11. n. 43. & lib. 7. de Matrim. disp. 18. n. 6.* ubi probat hujusmodi errorem, & ignorantia concomitante irritari Matrimonium. *Suar. to. 2. de Relig. libr. 2. de Juram. cap. 11. nu. 13. P. Del Bene de Juram. cap. 2. dub. 14. n. 9.* (aliis pluribus ibi allegatis) *Fagund. in 2. Decalogi præcep. lib. 2. cap. 13. n. 28. Palao par. 3. de Juram. disp. 2. punct. 5. n. 6.* ubi, quod hæc sit omnium sententia. Et ratio est, quia ad valorem juramenti necessarius est consensus, uti & illius obligatio pendet ex voluntatis consensu positivo, hic autem esse non potest cum adest error, & ignorantia (quamvis concomitans) circa substantiam rei, ergo neque obligatio: ergo non exequens promissa juramento, ut in privilegio propositò, excusatur à culpa, nec culpam ullam contrahit. Non refert autem, quod hujusmodi ignorantia concomitans non efficiat actum esse involuntarium positivè (hoc est) contra voluntatem propriam repugnantem; facit tamen involuntarium negativè, hoc est, non facit positivè voluntarium, cum efficiat actum esse non voluntarium, ac proinde sufficit si contingat circa substantiam rei, ad tollendum consensum absolutum, & necessariò requisitum ad valorem juramenti, promissionis,

fionis, &c. ita *Sanch. n. 43. c. & cum ipso Fagund. n. 28. c.* ubi addit: Hoc adeo verum esse, ut nec etiam valeat, aut obliget juramentum factum cum errore, & ignorantia concomitante si sit circa substantiam rei, quamvis jurans, tempore ipsius juramenti hunc actum eliceret, *Jurarem si scirem dari errorem circa substantiam rei juramento promissæ, & esse alteram rem ab ea, quam modo promitto*, oportet enim ad juramenti valorem, ut eo tempore, quo juramentum fit, actu detur intentio jurandi, & non sufficit quod id juraretur, & intentio promittendi haberetur, etiam si sciretur dari errorem, & ignorantiam rei promissæ. Sicuti ad valorem matrimonii cum errore concomitante persone, non sufficit, quod tempore matrimonii istiusmodi actus eliceretur *Ducerem, si nossem esse Mariam, quam puto esse Annam*; sed oportet ut sit actu consensus de presenti; ver. gr. *te duco etiam si sis Maria*. Et ratio est, quia ad Matrimonium, & juramentum exigitur consensus de presenti, & non sufficit de futuro, qualis datur in eo consensu conditionali, *ducerem, & jurarem etiam si scirem dari hic errorem, & ignorantiam circa substantiam*: ita *Fagundez*. quod docet etiam expresse in Matrimonio *Sanch. n. 6. c.* multis aliis allegatis. Et in terminis juramenti *Suar. de Relig. to. 2. lib. 2. de Juram. promissi. c. 11. n. 8. Del Bene dub. c. 14. n. 17 & 18. item Tambur. in Decalog. lib. 3. cap. 3. de Juram. promissi. n. 23. in fine*; advertens in principio, quod non solum quando error, seu ignorantia est in accidentibus talibus, ut ex se redundet in substantiam, nullus est contractus, nulla promissio, & irritum juramentum, sed etiam quando similis error, vel ignorantia in accidentibus, dat causam contractui, quando scilicet juramento promittens, vel contrahens, ideo contrahit, quia illam qualitatem vult (quod & nos superius insinuavimus) & concludens in fine (quod approbat ad literam privilegium nostrum) quod puto habere locum tum in errore, seu ignorantia, vel dolo antecedente, id est, sine quo promissio, vel contractus non fieret, tum etiam in concomitanti, id est, quo errore posito, vel ignorantia, fieret, sed tamen non sit promissio jurata, vel contractus, jam enim utrobique non adest consensus juramento, promissioni, vel contractui essentialis: consequenter præstitus cum dicta ignorantia non est obligatorius, etiam si juratus, reddiq; à culpa immunem non ponentem actum juratum ex ignorantia tali. Tandem aliis

omissis, tum veteribus, tum recentioribus, idem docet *Palao nu. 6. c.* ex qua doctrina insert *n. 7.* juramentum ex tali ignorantia præstitum, & promissioni, sive contractui appositum, irritum esse, & bene: quia, appositum fuit ad firmandum id, quod jurans in mente habebat, non quod de facto fuit sub juramento promissum. Et cum juramentum non extendatur ultra id, quod cogitatum est, & in mentem venit, non potest extendi ad firmandum promissæ ex errore, & ignorantia substantiali exhibita, & celebrata. Et hinc est, quod si hæc non ponantur, nec exequantur, nulla intervenit culpa, ignorantia ipsa excusante, ut in privilegio proposito.

577 Ex his faciliè intelliges, quando juramentum contractibus, & promissionibus appositum, obligationem inducat. Inducit namque obligationem quotiescumque ipsam inducit contractus, vel promissio, quia ad illius firmitatem assumitur; secus verò quando contractus nullus est, nullaq; promissio. Quæ nullitas quia sæpè provenit ex ignorantia antecedenti, vel concomitante, & circa substantiam rei (ut toties in hoc, & aliis præcedentibus privilegiis dictum est) idèò tunc ignorantia ipsa, reddens irritum juramentum, aufert illius obligationem, & culpam consequenter, si non exequatur res jurata. Vide *Palanm. punct. 5. c. n. 12. vers. ex his. & P. Del Bene dub. 14. ubi n. 8. Versu suppono 6.* advertit, & bene: nihil referre, utrum juramentum præstetur dolo alterius, an mera ignorantia, aut dolo mero jurantis, absque injuria aliqua sibi illata, quia injuria sola, aut dolus solus, non deficiente consensu, non sufficit ad impediendum valorem juramenti: & in auferendo, vel non auferendo consensum, æqualia sunt dolus, & ignorantia, vel error: differunt autem solum quoad injuriam, in solo dolo comprehensam, quæ se sola non content ad tollendum valorem juramenti, ut dictum est. Quare ad discernendum quando dolus, ignorantia, vel error censetur talis ut excuset à culpa non exequentem rem ipsam juratam, videndum est, an fuerit talis quod abstulerit consensum jurantis in rem juratam, defectu enim hujus consensus redditur nulla promissio, & juramentum nullum, ac proinde immunis etiam à culpa redditur is, qui ob id non adimplet, nec ponit rem juratam, ut in hoc privilegio, & præcedentibus etiam ponitur. Vide *Suar. de Relig. tom. 2. Tract. de Juram. cap. 11. nu. pr. & 2.*

578 Antequam autem huic eidem Privilegio Clausuram ponam, advertat Lector cum eodem *P. Del Bene* dub. 14. c. nu. 15. quod quando Doctores dicunt, nosque supra cum illis, juramentum respectu rei circa quam versatur ignorantia, aut error, esse irritum, excusari à culpa, ob eandem ignorantiam non exequentes illud, &c. intelligi debent, uti & privilegium ipsum propositum, de re ex ignorantia, vel errore jurata, quæ sit individua: nam si res circa quam quis errando juravit esset dividua, & respectu unius partis tantum adfuerit error, & ignorantia, non autem respectu alterius, juramentum non obligat respectu illius partis, circa quam adfuit error, & ignorantia, & circa hanc currit privilegium: obligat autem respectu alterius partis, quia respectu alterius adfuit verus consensus, uti supponitur. Ita *Del Bene* n. 15. c. addens nu. 16. idem prorsus dicendum esse, etiam si hujusmodi ignorantia, vel error circa substantiam rei juratæ, non sit quidem dans causam promissioni, & rei juratæ, sed concomitans, seu incidens: quia ad valorem juramenti, & promissionis requiritur consensus, & voluntas positiva: At ignorantia, & error concomitans quamvis non efficiat actum esse involuntarium, efficit tamen esse non voluntarium, & tollit actuale consensus in rem juramento promissam, & circa quam erratur. Et hoc idem est quod & nos supra affirmamus; & habent D. D. quos sequuntur *Suar. & Sanb.* supra: item *Bonac. de Juram. disp. 4. qu. p. punct. 8. n. 3. & De Contractib. per dolum celebratis disp. 3. qu. pr. §. 1.*

PRIVILEGIUM SEPTIMUM.

Ignorantia invincibilis, etiam crassissima, & imprudens, versans tamen circa substantiam rei juramento promissæ, excusat à culpa non exequentem id quod juramento promissi.

579 **H**Oc idem privilegium posuit *P. Del Bene* in suo tract. de Juram. cap. 2. dub. 14. n. 29. dum ibi docuit sic: Nihil refert, siue ignorantia, error, vel doli sit invincibilis, & prudens, siue crassissimus, & imprudens; quia uterque circa substantiam rei contingens irritat juramentum. Aufert enim directum consensum, directamque voluntatem. Si ergo hujusmodi ignorantia, quamvis crassissima, & imprudens aufert consensum, quem utiq; aufert, & irritat juramentum,

absolvit consequenter, & excusat à culpa non exequentem rem, etiam juramento promissam. Ergo verum privilegium propositum, quod videtur admissum etiam à *Sanb. lib. 7. de Matrimon. disp. 18. n. 7.*

PRIVILEGIUM OCTAVUM.

Non adimplens Votum, etiam juratum, emissum ex ignorantia invincibili circa substantiam rei vote, excusatur à culpa, & transgressio ipsa, dictæ ignorantie causa, culpa non est.

580 **C**ommuniter admittitur hoc privilegium à Doctoribus, ut videre est apud ipsos agentes de Voto, & Juramento. Et una omnium ratio est: Quia error, & ignorantia antecedens, & invincibilis, reddit Votum involuntarium, invalidum, & absque consensu, qui enim errat, non videtur consentire. l. Nihil consensu 116. de Regulis juris. Adde, quod Votum debet esse omnino liberum, emissum autem cum dicta ignorantia, & errore, caret libertate, consequenter etiam obligatione. Igitur si dicta ignorantia tollit validitatem Voti, aufert consensum, & obligationem; excusat utique etiam à culpa ipsam transgressionem, si transgressio propriè noncupari potest, quando Votum sua validitate caret. Gobat in *Quadruplici Alphabeto*, plura congerit, de Voti Ignorantium, & errantium Casu 4. videatur. Sed

581 Fortasse hic immediatè obiciet quis. Si non est culpabilis dicta transgressio ratione voti sic emissi, ignorantia excusante; erit saltem culpabilis ratione juramenti voto superadditi, de quo superaddito item loquitur privilegium propositum, ut patet. Tam etenim Votum, quàm juramentum, propriam continet obligationem, & una obligatio distincta est ab altera, ita ut juramentum voto superadditum inducat novam obligationem. Votum enim est voluntaria promissio Deo facta, de meliori bono, ut communiter Doctores ex *D. Tho. 2. 2. qu. 88. art. p. & 2.* quæ promissio fieri potest Deo, cum, & absque juramento: si hoc secundo modo fiat, tenebitur promissionem Deo factam exequi, sed obligatione Voti tantum; quæ obligatio tollitur emissio Voto ex ignorantia, ut in privilegio; at non ob id aufertur obligatio quam inducit Juramentum, si hoc superadditur Voto (ut in casu nostro) quia hæc obligatio distincta est ab illa, ut dictum est, & adeo

& adeo distincta, ut duplici vinculo implere quique teneatur, & peccatum duplex committat non implendo: quod utrumque peccatum, necessario etiam in confessione est exprimendum, ut docent (præter alios) *Suar. to. 2. de Relig. lib. 2. De Juram. cap. 2. n. 3. Pala. par. 3. tract. 14. disp. 2. nu. p. Sanchez. de Matrim. lib. 7. disp. 27. n. 26. lib. 9. disp. 15. n. 6. & in Decal. lib. 3. cap. 9. n. 8. & P. Piffacchius De Juram. cap. 12. nu. 2.* Esto igitur quod transgressio Voti ex ignorantia emissi non esset culpabilis, talis erit causa juramenti superadditi, sicque ruit privilegium propositum. Huic tamen obiectioni respondeo, negando absolutè consequentiam. Ad antecedens, concedo quidem tam votum, quam juramentum voto superadditum inducere propriam distinctam obligationem, & culpam (si non impleantur) & utramque etiam necessariò in confessione esse exprimendam, ut assumitur: At nec unam, nec alteram, in casu, & privilegio posito, intervenire dico, ignorantia ipsa utramque culpam excusante. Et ratio est evidens: Quia juramentum in privilegio appositum, debet intelligi appositum ad firmandum votum, quod ipse vovens ex errore Deo promissit, cum juramentum (ut dici solet, & advertit etiam *Lessi. de Justit. lib. 2. qu. 42. dub. 7. nu. 34. versu Hec sententia*) sequatur naturam actus super quem cadit: non enim additur ut mutet qualitatem actus; sed ut illum secundum naturam ipsius confirmet. Unde cum ipsum juramentum non extendatur ultra id quod voventi in mentem venit, & excogitavit quando promissit, & cum promiserit ex errore, & ignorantia circa substantiam rei votæ, hinc est quod si non exequatur promissio, & votum, nulla intervenit culpa, nec juramento respondens, ignorantia excusante, ut in privilegio. Pro quo concludendum ergo, & pro vera ejusdem substantia; & sustinendum, dictam transgressionem nec unicam culpam includere, nedum duplicem. Sed

582 Quæres primò, quænam ignorantia censetur esse circa substantiam Voti, seu rei votæ, ita ut reddat irritum Votum, excusetque à culpa in transgressionem ejusdem. Respondeo cum *Fagund. in Decalog. to. p. lib. 2. præcep. 2. cap. 13. à n. 32. P. Piffacchio De Votis to. p. tract. p. cap. 4. n. 2.* & aliis apud ipsos. Quod ignorantia circa substantiam voti, est: Primò, quando ignorantia est circa partem notabilem rei voto promissæ. Ut si vovens peregrinatio-

nem Lauretanam, putet illam esse decem dierum, & sit viginti: voto non teneretur, quia nonnisi ad dimidiam operis partem intendebat se obligare. Secus verò esset, si error, seu ignorantia esset solum circa modicam partem respectu totius, quia, tunc excelsus ignoratus non censetur exclusus, nisi constet de contraria intentione voventis; ut si intendebat se absolutè ad talem peregrinationem obligare, non curando quantum esset, aut quot dies in tali peregrinatione essent infumendi. Secundo, contingit circa substantiam Voti, quando ipsa ignorantia versatur circa materiam operis promissi: Ut si quis voveat certum numum, quem argenteum putat, & aureus est. Vel si voveat ingredi certum Monasterium, quod putabat esse Ordinis Sancti Benedicti, & est Ordinis Sancti Augustini. Vel putans disciplinam Religiosam ibi esse integram, cum tamen ipsius essentialia non servantur. Secus verò, si ignorantia, & deceptio esset solum circa alia minutiora: alias, si horum ignorantia irritaret votum, ut arguit etiam *Sotus de just. lib. 7. qu. pr. a. 2. ad prim. argumentum.* Et excusaret à culpa violationem ejusdem, eo quia in illo etiam minutiora essent agnoscenda, nullum simplex Religionis votum obligaret, cum labores maxime, & difficultates, etiam non principales, quæ sunt in Religione, nunquam satis citra experientiam percipiantur. Tertiò, quando ignorantia est circa personam cui opus præstandum est: ut si voveas elargiri elemosynam huic, quem putas esse Cajum, cum sit Titius. Quartò, cum ignorantia est circa causam formalem, ut si voveat quis dare elemosynam Petro, quem putat esse pauperem cum sit dives; tunc enim non subest ratio formalis elemosynæ, quam vovit, quæ fuit miseria paupertatis, quam sublevare intendebat, quæ esse non potest, ubi opes sunt, & non est paupertas, quæ eleveatur. Quintò, quando ignorantia, & error versatur circa causam finalem vovendi extrinsecam, quia hoc modo ignorantia, & error etiam in substantiam Voti redundat, quamvis non semper, sed tunc solum, quando Votum sit ad aliquem finem à Deo impetrandum, tanquam merces operis voti. Ut si voveat quis peregrinationem pro salute Matris, quam putat ægrotare, cum non ægrotet, vel jam objerit; quia peregrinatio non vovetur absolutè, sed ut medium ad expulsionem morbi Materni: ergo est ignorantia, & deceptio circa substantiam ejus,

ejus, quod vovetur. Adde quod tale votum habet tacitam conditionem: si morbo laborat: si tali bono careat; peregrinatio namque non vovetur absolute, sed cum restrictione ad talem finem. Idem dic, quando votum fit ad aliquem finem principalem obtinendum, & postea animus mutatur. Ut si quis vovit peregrinationem Lauretanam, ut felix sibi contingat matrimonium, & postea velit cælebs vivere, quia accessorium sequitur suum principale: igitur cessante fine, cessat votum, quod se habebat ad illum accessorium. *Sexto*, quando ignorantia est circa vim Voti: ut si vovens credat votum non obligare, nisi sub culpa veniali: vel posse à seipso facili negotio relaxari: talis enim ignorat naturam actus, quem facit, & ideo ad illum obligari: quia hæc ignorantia redundat in substantiam Voti: & quotiescumque ita in substantiam redundat (utin hucusque dictis cum *Fagundez*, *P. Pistacchio l. l. c. c.* & *Lessio* apud ipsos) reddit utique irritum votum, atque adeo à culpa immunem transgressionem ipsam.

583 *Quartus secundò*. An sicuti ignorantia circa substantiam rei vote, antecedens, & dans causam voto, excusat à culpa si votum (etiam juratum) non adimpleatur; ita pariter excuset eadem antecedens ignorantia (& dans causam) circa qualitatem, aut extrinseca accidentia ipsius voti. Respondendo negativè: quamvis enim eadem ignorantia antecedens, & dans causam (circa qualitatem) excuset in juramento promissorio, ex dictis in præcedenti privilegio quinto *nu.* 573. secus tamen se habet res in votis. Quia votum licet non valeat quando ignorantia, & error antecedens, & dans causam voto, est circa substantiam voti, valet tamen quando est circa qualitatem, aut circa extrinseca accidentia ipsius voti: ut docent *Cayet. in Summ. Verbo Votum*, §. *Ex parte. Sancti. in Decal. lib. 4. cap. 2. à nu.* 10. *Fagund. in Decal. libr. 2. Præcept. 2. c. 13. n. 32.* *P. Pistacchius de Votis to. tract. p. c. 4. n. p.* & alii communiter. Et ratio est, quia si talis ignorantia tolleret obligationem voti, redderet illud invalidum, & illius transgressorem excusaret à culpa, quot Regularium professiones essent invalidæ? quot irritarentur? Multa enim superveniunt Religioni, vel latent, quæ si ab initio cognita fuissent, nolissent homines profiteri, & sic nihil in statu Religioso firmum, ac stabile esset. Sufficit ergo ut votum obliget (sive simplex sit, sive solemne) notitia eorum, quæ rei, vel

actui ipsius voti sunt intrinseca, & alio modo ad substantiam pertinent.

584 Adde cum *Sancti. n. 10. c.* Ignorantiam vovens circa qualitates, circumstantias, & accidentia extrinseca rei vote, ea contenta, quæ si penetrasset omnino aut advertisset, vel expertus fuisset, ne tiquam vovisset, non cum eximere à voti obligatione: Quia ea, quæ in particulari non penetravit satis, nec fuit expertus sunt, quæ in voto, & promissione continentur, suntque annexa rei promissæ, proindeque ea etiam promisit, siquæ sibi imputet, si rem non satis expensam, & cognitam promisit. Imò ex eo quod non promississet, nec vovisset, si dictas circumstantias, qualitates, vel difficultates cognovisset, rectè solum deducitur id votum non emittendum, nec fore voluntarium iisdem cognitis: at postquam absolute, & absque aliqua conditione votum emisit, nec ad vendum ductus est ex dictarum circumstantiarum, qualitatumve, aut difficultatum ignorantia, votum est absolute voluntarium, validum, & obligatorium, atque adeo non est locus excusationi ob hujusmodi ignorantiam in transgressione ejusdem. Præterquamquod valor voti, non petit omnium circumstantiarum, qualitatum, & difficultatum considerationem, sed contentus est deliberatione ad culpam mortalem sufficienti. Ità *Sancti. n. c.* cum aliis ibidem & alibi ab ipso relatis.

585 Ratio autem cur ignorantia (circa qualitatem) antecedens, & dans causam excuset in juramento promissorio, secus tamen in Voto, petenda est, ex doctrina quam habet *Lessius de Just. lib. 2. cap. dub. 7. n. 34. versu Hæc sententia*, quam approbat idem *Fagundez. n. c. 32. in principiis*. Quia videlicet juramentum promissorium non addit ut mutet qualitatem actus, sed ut illum secundum naturam ipsius confirmet: Juramentum enim (ut dici solet) sequitur naturam actus super quem cadit. Unde actus retinet omnes suas conditiones, & tacitas restrictiones quas alias per se habet: nisi jurans expressè aliud interdat, volens sibi etiam in illis libertatem adimere. Præterea: Quia juramentum promissorium interpretandum est, si res in eodem statu permanferint, si notabiliter mutata non fuerint, ut docet *Sylva. Verbo Juram. 3. qu. p. §. Nam tertiò*, ex communione D. D. sententia: non censentur autem manere in eodem statu, quando postea aliquid se aperit, quod antea latebat, nam paria sunt in jure, aliquid supervenire, & apparere,

apparere, seu incipere cognosci: sicut è contrario, paria sunt non esse, & non apparere, ut colligitur l. 77. ff. de contrabenda empt. Tandem, quotiescunque post juramentum evenit casus aliquis, quem prudenti iudicio non censis voluisse tua promissione comprehendere, non obligaris ex vi juramenti: igitur si à principio adsit idem casus, sed ignoretur, non censetur comprehensus promissione, ita ut obligaris quando sciveris. ita Lessius l. c. At secus res se habet (ut dictum est) in votis: tum ob reverentiam Divini Numinis, cui vota fiunt: tum propter inconvenientia, & absurda, quæ sequerentur, si ignorantia, & error antecederet circa qualitatem, & accidentia voti, tolleret obligationem voti (consequenter excusaret à culpa illius transgressionem) ut notant Cajet. in Sum. verbo, Votum, §. Ex parte, in fine. Fagund. nu. c. 32. & alii; videantur.

PRIVILEGIUM NONUM.

Ignorans invincibiliter in votendo difficultates voti magni momenti, excusatur à culpa non adimplens illud.

586 **H**oc privilegium habes apud Sanch. Operis Moral. lib. 4. cap. 2. n. 11. in princip. sub his verbis: Si sit positus error circa difficultates magni momenti, notabiliterque existimationem votantis superantes, quibus cognitum non vocisset, votum est involuntarium, & irritum: consequenter non obligat sub culpa ad sui adimpletionem. Et apud P. Piffacchium de Votis to. p. tract. p. cap. 4. n. 4. sub hiscemet: Qui invincibiliter in votendo ignoravit difficultatem adimplendi votum, non tenetur illud implere: Quia ignorantia, & inadvertentia, tunc non excusant, quando sunt vincibiles, quod enim ignorantia vincibili non agnoscitur, & efficitur, est voluntarium, saltem indirectè, ut docet D. Tb. p. 2. qu. 76. art. 3. Ignorantia autem invincibilis antecedit actum, sive sit juris, sive facti, excusat omnino actum illum à culpa, quia reddit omnino involuntarium, & irritum. Sanch. eodem cap. nu. 14. Ergo, &c. Hinc si quis ex. gr. (& ita etiam exemplificat ad casum propositi privilegii Sotus de Just. lib. 7. qu. p. art. 2. col. 6. versu Sciscitaris autem) si quis inquam, deceptus, credens firmiter in tali Religione non servari ciborum delectum, nec jejaniam, aut quidpiam aliud difficile, quod si prænosset, nunquam vovisset, votum, non obligat, excusaturque talis deceptio, & ignorantia à voti impletione, & à culpa in

transgressionem. Rursus si quis invincibiliter errans, & credens, existimet Romam non longè distare, cum longissimè distet: aut Hierosolymam adiri posse absque navigatione; quam ob causam si deceptus, & ignorans, peregrinationes has voveret, non ligaretur voto, nec peccatum contraheret non exequendo, excusante ignorantia ut supra. Vide Sotum l. c. & eundem Sanch. n. 11. cit. ubi in fine advertit, & optimè, nil refert, quod deceptio, & error proveniat ab alio, vel à seipso; idest ab ignorantia propria, & proprio errore, undecumque enim proveniat error, deceptio, & ignorantia, si hæc sit antecedens, & dans causam voto, utique excusat, quando est circa difficultatem gravem: secus verò si circa levem, & minutiora voti: quod docent & alii apud Sanch. eod. n.

587 Et in dictorum, ac propositi privilegii confirmationem, adde, legale illud principium, quod videlicet, Errantis nullus est consensus, text. in l. 9. Cod. de Jur. & facti ignor. & si nullus est errantis consensus, ergo nec ignorantis; tum quia error est ignorantia positiva, ut dicitur, seu de re aliqua falsum iudicium; tum quia ignorantia, quam vocant negativam, seu nescientiam, creberrimè non minus repugnat consensui, quam positiva; atqui sine consensu votum non obligat (cum nemo se obliget qui non habet animum se obligandi) nec consensus adest cum dicta antecedenti, & invincibili ignorantia circa graves voti difficultates, ut certum est (cum nequaquam fieret votum, si loco ignorantie, scientia, seu cognitio dictarum gravium difficultatum adesset) ergo cum tali ignorantia non obligat votum, consequenter ignorantia ipsa, sive positiva sit, sive negativa, sive à vovente ipso proveniens, & à proprio errore, sive ab alio cum deceptione, excusat transgressionem à culpa. Ergo verum propositum privilegium.

PRIVILEGIUM DECIMUM.

Ignorantia invincibilis in votendo circumstantiarum gravium voti, excusat quandoque à culpa voventem, si non adimpleat illud.

588 **P**atet hoc privilegium ex præcedenti: & præterea, quia dicta circumstantiarum gravium ignorantia quandoque elidit robur voti, ergo tunc non ligat voventem, & eximit consequenter à culpa voti ejusdem non observantiam; L1 conse-

consequentia hæc sequitur: antecedens probatur: quia vovens cum tali ignorantia, & errore dictarum gravium circumstantiarum non videtur assentire obligationi voti: etenim non videntur consentire qui errant: *l. nihil consensui, ff. de reg. jur.* Fundatur hoc privilegium in doctrina eorum, qui docent, quod quando ignorantia in vovendo est circa circumstantias magni momenti, notabiliterque existimationem voventis superantes, quibus cognitis non vovisset, votum est involuntarium, & irritum, consequenter non obligans sub peccato ad sui observantiam: Sunt autem *Lesi, de Just. lib. 2. cap. 40. dub. p. n. 5. Sanch. in Decal. lib. 4. cap. 2. n. 11. ex Soto, Aragon, Lopez, & Rodrig.*, & alii plures, quos sequitur *Leander in Decal. to. 2. tract. p. qu. 13.* Fundatur etiam hoc idem privilegium in altera doctrina, quam habes apud *Suar. to. 2. de Relig. lib. p. cap. 11. n. 6. 8. & 11. Filicuc. tract. 26. cap. pr. n. 18. Layman. lib. 4. tr. 4. cap. p. nu. 5. vers. De errore. Tamburin. in Decal. lib. 3. cap. 13. n. 4. Pala. par. 3. trac. 15. de Voto disp. p. punc. 6. n. 3. & 4.* & apud alios communiter: Quia videlicet ignorantia talium gravium circumstantiarum redundat quandoque in objectum voti; & adeo, ut moraliter existimantur ad rei votæ substantiam pertinere: etenim circumstantiæ ignoratæ voti, sunt sæpè ita graves (ait *Palaus n. 4. cit. Versu Dixi notanter*) ut redundant in voti objectum, & ut merito censeri possint immutare objectum; in quo casu, sicuti ignorantia ipsa impedit quod objectum voti sit cognitum, ita & quod sit volitum; atque adeo etiam impedit voti ejusdem obligationem, consequenter à culpa immunem reddit ipsam voti transgressionem, ut in proposito privilegio.

589 Quod verum est, si ignorantia sit negativa, scilicet mera nescientia; si positiva, idest error, falsum judicium, aut deceptio à seipso, vel ab alio cum injuria. Ratio enim excusationis, & irritationis voti, in casu nostro, provenit simpliciter ab ignorantia, & à defectu voluntatis. Quod verò id proveniat ab ignorantia negativa, vel positiva, cum deceptione à seipso, aut ab alio: cum injuria, vel sine, parum refert, & undecumque hæc proficiantur idem confurgit effectus in ordine ad privilegium propositum. Quod addo cum *Sanch. in Decal. lib. 4. cap. 2. nu. 11. Tambur. cap. 13. c. in princip. & Leandro l. c. qu. 12. in fine* contra quosdam apud eundem *Sanch.* & alios, admittentes traditam doctrinam cum distinctione, & limitatione

tantum: quando videlicet defectus proficiatur ab ignorantia positiva, & ab errore positivo, quo quis decipitur, non quidem à seipso, sed ab alio: reddunt rationem, ob injuriam videlicet voventi irrogatam. At injuria non est ratio (ait etiam *Leander l. c.*) quia Deus cui vovetur, nullam intulit; & sæpè nec homo decipiens, quia & ipse ita esse existimabat. Sed ratio est supra tradita, nempe defectus voluntatis, & consensus, qui defectus cum idem reperitur in eadem ignorantia, & errore eodem, undecumque proveniente, nil refert, ut dictum est, unde ille proficiatur, & si sit cum injuria, si absque illa. Vide *Suar. l. c. n. 4.*

590 Debet autem esse hujusmodi defectus, & ignorantia, circa graves, & notabiles circumstantias rei votæ (ut in privilegio) non autem circa leves, & minores (quod docent etiam communiter Doctores) Leves etenim, seu levioris momenti circumstantiæ voti ignoratæ, utpote accidentia veluti extrinseca rei voto promissæ, non tollunt liberum consensum voluntatis, seu mavis dictarum circumstantiarum leuium ignorantia, non aufert consensum, nec irritat votum, ergo nec excusat à culpa ipsam voti non observantiam: consequentia sequitur: antecedens probatur tum quia posita etiam dicta leuium circumstantiarum ignorantia, & posito tali errore habetur nihilominus perfecta deliberatio & cognitio objecti secundum suum esse substantiale, ergo consensus liber voluntatis, consequenter votum validum, & obligatorium, excusationemque non admittens. Tum etiam quia valor voti per se loquendo non exigit omnium circumstantiarum, difficultatum, ac conditionum considerationem, sed contentus est deliberatione tali, quæ sufficiat ad peccandum mortaliter, at hæc non aufertur, per se loquendo, ab ignorantia, & errore versante circa accidentia rei: ergo cum in voto facit per ignorantiam, vel errorem accidentaliter contineatur ejus perfectio essentialis, etiam obligans ad sui observantiam, absque excusatione ignorantiz titulo; quam excusationem, seu privilegium, admittit foris circumstantiarum gravium, & notabilium ignorantia, ut supra.

591 Quando autem id contingat, & circumstantia ignorata sit hujusmodi, prudentis Theologi, & Confessarii arbitrio requiritur, qui judicabit in particulari, ponderata objecti qualitate, & consideratione materiz, & circumstantiarum cum

cum certa regula generalis hic dari nequeat, nec possit id definiri: ut bene notat *Suar. cap. c. 11. n. 13. in fine*; & cum ipso *Pala. punc. 6. c. sub n. 4. Versu Dixi notanter in fine*. Censuris ita vouere, cum ignorantia videlicet grauis, notabilisque circumstantiæ obiectum immutantis, votumque irritantis, si voucas ex. gr. ire Hierosolymam, credens absque nauigatione ire posse, excusaris à peccato non adimplens votum, non enim teneris voto, quia erras in obiecto voti, cum non voueas viam quæ necessaria est, ut Hierosolymam peruenias, sed aliam tuo errore consecram. Et idem est, si existimes Hierosolymam prope esse; cum tamen longè distet: quia longam viam voto amplexus non es. Ita *Suar. cap. cit. 11. n. 8. Sanch. in Decal. lib. 4. cap. 2. n. 11. Bonac. tom. 2. disp. 4. qu. 2. punc. 3. §. 2. n. 3. Pala. par. 3. disp. pr. punc. 6. sub n. 3. versu Variis exemplis. Trull. in Decal. to. pr. lib. 2. dub. 4. n. 3. Leander in Decal. to. 2. tract. pr. disp. 11. qu. 12. & alii communiter*. Insuper si voueas Religionem Cartusianorum, vel Minimorum, ignoranter credens ibi liberè vesci carnibus, nequaquam obligatus manes, & excusaris à peccato nedum votum non adimplens, sed nec etiam non sumendo aliam Religionem in qua licitum sit vesci carnibus: tuum etenim Votum nequaquam fuit de Religione absolute, sed de tali Religione, Cartusianorum, vel Minimorum, in qua hæc licentia vescendi Carnibus adesset. Cum autem nulla sit talis Religio, cessat votum ex defectu materiæ promissæ, consequenter obligatio, & sic etiam culpa (ob non obseruantiam) ignorantie titulo, & causa, ut in privilegio. Sic etiam *Suar. cap. c. n. 12. & cum ipso Pala. l. c. Denique, si voueas per ignorantiam versantem circa finem voti, siue causam finalem, & motiuam, excusaris pariter à culpa non adimplens, eo quia talis ignorantia, & error impedit valorem voti. Ratio est, quia finis voti est formalissimum voti obiectum: Ergo si in illo adit error, & ignorantia, voti obiectum esse non potest, ac proinde votum, non tenet, nec contrahit culpam non adimplens. Præterea quia huiusmodi votum, censetur factum sub tacita conditione si causa finalis, & motiua subsistat; ita *Pal. l. c. nu. 5. Trull. dub. c. nu. 7. & alii apud ipsos*.*

592 Loquimur autem hic cum eodem *Pala. n. 5. c. non de fine communi omnibus votis, qui est diuinus cultus, & honor, qui si deficiat votum subsistere nequaquam*

poterit; eo quia sic materia capax voti haud remanebit. Sed de fine speciali, & intrinseco materiæ per votum promissæ, qui si deficiat, mutatur obiectum promissum, & per consequens cessat promissio, & à culpa immunis redditur non adimpletio. Vel de fine aliis quidem extrinseco, verum, quia prætenditur per tale votum obtineri, ad eiusdem voti obiectum formaliter pertinet: Exemplum primi fit. Intrinsecus finis eleemosynæ, est subleuatio alienæ miseriæ, qua subleuatione cessante, eleemosyna esse nequit. Si ergo voueo ego elargiri Petro eleemosynam, illa credens indigere, cum tamen verè ea non indigeat, eo quia Petrus diues est; voti obligatio cessat. Quia cessat voti obiectum, quod fuit eleemosyna. Sicque, &c. Secundi exemplum fit: Voueo ego peregrinationem ad Lauretanam ædem ob recuperandam salutem Patri meo, quem existimo infirmum, cum tamen sanus sit: vel iam vita fructus, & id ignoro: non tenet votum, quia illud absolute emitto tanquam medium ad impetrandam meo Patri sanitatem, vel vitam, quod est impossibile, ideoque votum non tenet, & ob id, eiusdem non obseruantia à culpa absolute immunis est: à qua semper excusatur inobseruantia ipsa quotiescumque ignorantia, & error impedit valorem voti, eiusdemque obligationem, ut in dictis, & aliis casibus, qui ad abundantiam videri possunt apud allegatos, & alios agentes de votis ignorantium, & errantium: optime definientes quinam sint hi qui in vouendo laborant ignorantia circa voti substantiam, obiectum, & materiam; vel circa partem eiusdem notabilem: circa personam, causam finalem, aut motiuam: vel circa grauem, notabilemque circumstantiam; & ratione eiusdem ignorantie excusantur à culpa, nec peccatum committant iidem, etiam si faciant contra emissum votum. Videantur.

593 Aduerto tamen hic cum *Layman. lib. 4. tract. 4. cap. p. n. 5. versu De Errore in fine*. Votum professionis solemnæ (instituti matrimonii carnalis) ob nullam ignorantiam rei votæ, & promissæ, ad eiusdem substantiam non pertinentem, infirmari. Quod docet & *Sanch. de Matrim. lib. 10. disp. 9. n. 18. usq. ad 20. (idque, ut notat etiam Gobat in Alphabeto de Voto, Casu 4. nu. 112. communi usu receptum videtur)* qui *Sanch. in Decal. lib. 4. cap. 2. n. 4. idem sentiendum esse ait de votis simplicibus, quæ Societatis Iesu Religiosi emittunt transacto biennio. Cum enim per professionem*

solemnem, & per illa vota veri Religiosi constituantur, ineantque matrimonium spirituale cum Christo, per solum errorem, & ignorantiam ad substantiam votorum professionis pertinentem, ab eorundem obligatione liberantur, & à peccato excusantur contrafacientes eidem professioni. At loquendo de aliis materiis, & simplicibus votis, verificantur omnia supradicta; imò est regula tradita à D. Tho. in 4. dist. 38. qu. p. art. 3. *questiuncula p. ad p. & aliis*, quos refert, & sequitur *Sanch. cap. cit. 2. n. 23. hujusmodi: Ad liberat voti, vel juramenti obligatione, quod si à principio accidisset, aut notum fuisset, impediret ea fieri*. Quam regulam intelligendam esse præcipue de impedimento se tenente ex parte materiæ, non autem se tenente ex parte voluntatis, explicat *Sanch. ibid.*

594 Et nedom ignorantia grauium circumstantiarum, quæ jam aderant tempore voti, reddit irritum votum, excusatque à peccato vouentem, ponentem actum contra illud, ut in proposito priuilegio; verum etiam juxta doctrinam *Molina de Contractib. tract. 2. disp. 272. n. 3. versu Deinde ea*. Etiam earum circumstantiarum ignorantia, quæ præter, vel contra opinionem superueniunt rei votæ, seu promissioni jam factæ: do verba *Molina*, quæ sunt sequentia. *Earum rerum mutatio deobligat promittentem ab impletione promissionis, quæ, si ei occurrerit quando promissus, eam exciperet, de eave interrogatus tunc, responderet, mentem suam non esse, in eo eventu se obligare*. Sicut enim in generali non veniunt ea, quæ quis non esset verosimiliter in specie concessurus, si occurrerent, ut habetur Regula 82. in 6. ita in promissione non veniunt eventus, qui, si in speciali cum his, & illis circumstantiis propositi fuissent exceperisset promittenti, quando promissus. Neque alius potest esse melior interpretis sue propriæ promissionis, quam is qui promissus, esto absolute promiserit, nec quidquam de eventibus inopinatis, tunc cogitaverit. Quando namque superveniunt, interrogandus est, an si illi, dum promissus, occurrissent, aut propositi fuissent, diceret, mentem suam fuisse in illis se non obligare, quod si id responderet, censendi sunt non fuisse comprehensos. Exmpl. *Grat. Vovisti Deo te semper die Veneris jejunaturum, nesciens hoc anno festum Natiuitatis casurum in diem Veneris; ad judicandum, an eo die possit carnibus vesci, interrogandus es, an si, dum votum emisisti, tibi occurrisset, eo anno festum Natiuitatis die Veneris celebratum iri, eum diem excepturus fuisset, quod si affirmante responderes, certe non teneris. Si verò trepides, &*

plus justo sis timorata conscientia, arbitrio prudentis judicandum est, te non teneri jejunare, nec enim credendum est, te eo die abstinere, voluisse à carnibus, & esse singularem cum familiaris onere imparandis aliis cibis. Similiter, si magnas elemosynas vovisti, & ad tantam inopiam reductus es, ut si id prævidisses, eas promissurus non fuisses, non teneris voto. Idem dicendum est de aliis similibus eventibus, qui prudentis arbitrio judicandi sunt, spectata quantitate, & qualitate mutationis rerum, collataque cum re promissa, atque consideratis cæteris circumstantiis. Hactenus *Molina*; ex cuius doctrina constat, & quod ignorantia etiam circumstantiarum, quæ superueniunt rei votæ, seu promissioni jam factæ reddit irritum votum in parte, vel in totum, excusatque à peccato (quandoque saltem) ponentem actum contra illud, ut dictum est. De qua re etiam *Sanch. cap. c. 2. n. 29. & Gobat Casu 4. cit. ubi n. 114. referens eandem doctrinam Molinae, dicit ipse non esse improbabilem: & n. 115. refert Jacobum Marchantium in Resol. Pastor. p. p. cap. pr. n. 16. Sylvestr. Verbo Votum 2. qu. 17. in fine, & Verbo Juramentum 3. qu. p. 5. 3. in fine. Navarr. in Summa cap. 18. n. 7. Tabienam. Verbo Jurare n. 35. Henric. lib. 11. cap. 14. in fine, & Lessium de Just. cap. 42. dab. revera consentientes quidem recitate doctrinæ *Molinae*, sed abstrahendo ab ejusdem exemplis: eo quia hæc à quibusdam admittuntur, ab aliis verò non, ut videre est apud eundem *Gobat n. c. 115. Circa autem ignorantiam Voti. Hic obiter quæres; An qui sibi met certam pœnam per Votum imposuit, si delictum aliquod commiserit, v. gr. elargiri decem florenos in elemosynam, si fornicatus fuerit; teneatur ad pœnam solvendam, si Voti immemor inuincibiliter, delictum illud committat. Resp. negatiue cum *Sanch. lib. 4. Summa cap. 22. n. 18. & Gabriele Beato in q. 9. Selectis qu. 28. n. 28. Quia pœna jure nouo imposita, etiam profecto, aliàs jure naturali damnata, non incurritur ab eo, qui jus illud inuincibiliter ignorat, ut toties alibi etiam dictum est. Sed Votum obligat ad modum legis, cum sit veluti lex quedam priuata, quam homo, circa promissam materiam, sibi met spontè imponit: ergo quando inuincibiliter ignoratur, vel de eo habetur inuincibilis obliuio, non incurritur pœna ab eo statuta; tunc enim non violatur.***



PRIVILEGIUM UNDECIMUM.

Ignorantia etiam vincibilis in votendo (modo non sit affectata) circa substantiam, vel finalem causam voti, excusat à culpa votentem, si non adimpleat illud, imò si exerceat etiam contrarium actum illi.

595 **P**Robatur: Quia ignoti nulla est voluntas: qui autem ignorat (quoad substantiam maxime) ignorantia non affectata, rem quamquam, nihil cognoscit in obiecto, & si illud non cognoscit neque vovet, & si non vovet, nec voluntatem consequenter habet votendi, seu ad illud se obligandi. Igitur ignorantia, ipsa & si vincibilis, & enervat vim voti, & immunem à culpa reddit votentemponentem actum contrarium, ut in proposito privilegio, quod referunt etiam, & approbant *Laymann. Lib. 4. tract. 4. c. p. n. 5. Filliuc. tract. 26. n. 21. & Gobat Casu c. 4. n. 108.* Excipitur autem ignorantia affectata, quia hæc (ait *Filliuc. n. c.*) est directè volita. Præterea quia, sicuti qui igno-

rat ignorantia vincibili non affectata rem quamquam, nihil cognoscit in obiecto; ita quem tenet ignorantia affectata (inquit & *Gobat n. c.*) virtualiter saltem dicit, nolo examinare obiectum, eo quia si id scirem, non promitterem fortè illud Deo: Ex.gr. nolo examinare quid sit propriè Virginitas, fortè enim si scirem id, illam Deo haud promitterem: promitto tamen, quia toties legi, toties audiui, summè placere. Deo: quidquid ergo illa sit eam polliceor: ita *Gobat*, concludens postea, huc facere id, quod scripsit *Tamburini in Decalog. libr. 3. cap. 13. n. 3.* sic generatim dicens: *Si quod est de substantia nescias, votens tamen, prout res in se est, & prout alii vovent (id quod ex animo tuo colligendum erit) reus eris voti: quia tunc tacitè (vel dic implicitè) consentis in substantiam voti.* Scio *Sancti. in Decal. lib. 4. cap. 2. n. 14.* non approbare privilegium propositum, requirit enim ibi invincibilem ignorantiam, quæ ad excusandam culpam omnino requiritur. *At ad obligationem voti (illi obicit Filliuc. n. c. 21. in fine, & ego cum ipso) probabile est requiri voluntarium in se, actuale, vel virtuale.*

CAPUT OCTAVUM DE PRIVILEGIIS IGNORANTIÆ

CIRCA TERTIVM DECALOGI PRÆCEPTVM

Sabbatha Sanctifices.

596 **P**receptum hoc habetur in lege veteri *Exodi cap. 20. Memento, ut diem Sabbathi Sanctifices.* Fuit autem Sabbatum divina lege designatum, pro festo populo Judaico in memoriam beneficii creationis, & liberationis populi Judaici à dura servitute Pharaonis, & etiam in memoriam requiei, quam Christus Dominus in Sepulchro erat illo die habiturus. *Palao to. 2. tract. 9. punct. p. n.p.* Cum autem præceptum sanctificandi Sabbatum in memoriam creationis Mundi fuerit caeremoniale, & divinum, & lex illa cessaverit, cessavit quoque Sabbati sanctificatio, cui festo, in lege Gratiae (ne videremur cum Judæis convenire) succedit dies Dominica: cujus diei sanctificatio non est de jure divino, sed tantum humano, seu Ecclesiastico, & initium sumpsit ab Apostolis, *Palao punct. c. n. 2. 3. & 4. & alii.* Fuitque Sabbatum, in diem Dominicam potius, quam in aliam translatum, seu commutatum: quia in ea fuit Mundus creatus: Christus Dominus Incarnatus, Baptizatus: à mortuis resurrexit: missus Spiritus Sanctus; & eo die futura est generalis resurrectio: idem *Palao l. c. n. 7. & alii* super hoc eodem præcepto in principio. Constituit etiam Ecclesia alia festa celebranda, in quibus diebus, uti & in Dominicis ex ejusdem præcepto tenentur fideles ab operibus servilibus abstinere: ita ut mortaliter peccent (nisi excuset ignorantia,) si notabiliter (sine causa) hujusmodi præceptum transgrediantur, à principio diei festi usque

usque ad finem illius ; idest juxta vulgarem computationem , à media nocte , usque ad mediam noctem . Seruilia autem opera tantummodo vi hujus præcepti prohibentur . Unde cum tres tantum operum species distingui possint , videlicet , Opera animæ , ut orare , meditari , studere , & quæ alia ad hæc eadem reuocantur , ut concionari , disputare , docere , legere , scribere , transcribere , &c. Opera merè seruilia , & mechanica , qualia dicuntur quæ præcipuè sunt propter commoditatem corporis , & à seruis fieri solent , ut agros colere , velles conficere , & similia . Et Opera corporalia omnibus communia , ut iter facere piscari , venari , uti Musicis instrumentis , &c. Secundi tantum generis , aut speciei opera , idest seruilia , prohibitum est fidelibus exercere in diebus festis sub reatu lethali , nisi excuset paruitas materiæ , & temporis , specialis necessitas , urgens causa , vel ignorantia , de qua tantum juxta nostrum institutum , sit ergo .

PRIVILEGIUM UNICUM.

Qui in die festo ex hujus præcepti ignorantia , probabiliter exercet opus seruale , excusatur à culpa , & à reatu formali .

597 **I**Ta etiam expressè Suar. De Relig. 10. p. lib. 2. De diebus festis cap. 31. n. p. sub his verbis : *Dicendum est , gravem esse obligationem hujus præcepti , atque ad id transgressionem ejus ex suo genere peccatum esse mortale , licet in individuo possit esse veniale ex levitate materiæ , aut excusari ex conscientia erronea probabiliter , vel ex aliqua simplici inadvertentia , & cogitatione .* Hoc privilegium , negabit nullus , imò negari nequit , esset enim concedere posse haberi formalem transgressionem præcepti peccaminosam , ignoto præcepto , quod quis dicit ? esset namque idem ac admittere , posse dari pecca-

tum non voluntarium , & voluntatem ferri posse in incognitum , quod utrumque quis affirmabit ? Ergo .

Agunt hic Doctores de Institutione festorum , quærentes ad quos spectet diem festum instituere . Item de operibus servilibus mechanicis in particulari , à quibus abstinere fideles tenentur ex præcepto diebus festis , quæ cum sint extra sphaeram tractationis nostræ , ut patet , ea omittimus . Nonnulli etiam agunt de præcepto audiendi Sacrum festis diebus , uti valde conjunctum cum hoc tertio Decalogi præcepto de iisdem festis sanctificandis , ac colendis . Verum , quia præceptum audiendi Sacrum diebus festis , est primum Sanctæ Matris Ecclesiæ præceptum , de hoc eodem nos agemus cum de privilegiis ignorantie circa illud idem primum Ecclesiæ mandatum , facientes hic immediatum transitum ad quartum decalogi præceptum . Unde sit

CAPUT NONUM DE PRIVILEGIIS IGNORANTIÆ

CIRCA QUARTVM DECALOGI PRECEPTVM

Honora Patrem tuum , & Matrem tuam , ut sis longævus super terram .

598



Xodi cap. 20. habetur hoc præceptum iisdemmet verbis : *Honora Patrem tuum , & Matrem tuam , ut sis longævus super terram , quam Dominus Deus tuus dabit tibi .* Parentum autem nomine intelliguntur : Primò illi , qui nos genuerunt . Secundò ii , qui aliqua cognatione sunt nobis conjuncti , ut Fratres , Aui , Conjuges , &c. Tertio Superiores nobis , ut sunt Prelati , & Pastores Ecclesiæ erga Subditos : item Principes laici , & Gubernatores comparatione suorum subditorum . Quarto , qui curam nostram gerunt , ut sunt Tutores , & Curatores , Pedagogi , & Magistri . Agunt ergo Doctores sub hoc Præcepto : Primò , De obligatione Filiorum erga Parentes suos . Secundò , De obligatione Parentum erga suos Filios . Tertio , De obligatione servorum respectu suorum Dominorum . Quarto , De obligatione

tione

tione vicissim erga suos. Quintò, De Clericis erga Prælatos. Sextò, De Prælati in Clericos. Septimò, De Subditis, & Vassallis comparatione suorum Principum. Octavò de Principibus erga subditos suos. Nonò de mutua obligatione Viri, & Uxoris. Decimò de mutua obligatione Discipulorum erga Magistros. Et quia observantibus hoc præceptum, temporalis etiam Vitæ longitudo promittitur, si aliquando Deus ipsam vitam præcipit adolescentibus optimè indolis, sit hoc Divino consilio, & in majus illorum bonum, tum ne communium temporum adversitatem, & acerbitatem patiantur. Tum ne malitia muret eorumdem intellectum: ut videre est apud *Cathecismum Pii V. in Expositione hujus præcepti sec. 19. Sayr. in Clavi Regia lib. 7. cap. 4. num. 8. Bonac. to. 2. disp. 6. quæst. Unica, punc. p. propos. 2. n. 4. in fine.* Et alios. Quoniam autem ignorantie privilegia, quæ hic adduci possunt ad hujusmodi quartum Decalogi præceptum attinentia, ad primum tantum caput ex positis præmissis pertinere videntur: omisiss aliis posteribus, super quæ modo nil occurrit particulare proponendum, duo ignorantie privilegia hic tantum asseremus, quæ ad ipsum propriè, & formaliter, primariò, ac directè spectare videntur: Sit igitur

PRIVILEGIUM PRIMUM.

Filius graviter peccans contra Parentum reverentiam, circumstantiam tamen persone offensæ in confessione Sacramentali, ex ignorantia non aperiens, excusatur à culpa, nec reddit ob id confessionem invalidam.

599 **H**onor, qui Parentibus debetur ratione generationis, & substantiæ, quam ab eis filii accipiunt, & de quo præceptum hoc loquitur in tribus consistit, videlicet, in eos amando, obediendo, & reverendo, tam corde, quam verbo, & opere. Sic communiter Doctores super hoc quarto Decalogi præcepto in principio. Cui præcepto (ut observat etiam *Navarr. in Man. cap. 14. n. 4.*) non est contrarium illud *Evangelii Luc. 14. Qui non odit Patrem suum, & Matrem, & Uxorem, & filios, & fratres, & sorores, &c. non potest meus esse discipulus*: Nil enim aliud id sibi vult, quam quod idem Dominus dixit *Matth. 10. 37. Qui amat patrem, aut matrem plus quam me, non est me dignus*: id est, quod vult Deus, ut diligamus quidem, amemus, audiamus, & honoremus parentes, non tamen plus, neque tantum, sicut eum: & quod quando præcepit ille aliquid, quod parentum imperio repugnet, tunc ipse præferatur. Certum est autem eum ex vi hujus præcepti, tum ex jure, ipso, ac dielamine nature, Filios teneri parentibus reverentiam exhibere, eosque revereri actu interiori, & exteriori. Interior reverentia consistit in recognitione superioritatis per timorem quemdam filialem: exterior verò in verbis, & signis: honorificè ex gr. loquendo, non detrahendo de parentibus, assurgendo, caput inclinando, famulando, impediendo dam-

na, &c. *Navarr. cap. cit. 14. aliique communiter.*

600 Hinc sequitur, graviter peccare Filios, qui Parentes odio prosequuntur: qui aliquod malum grave animæ, vel corporis exoptant: qui eos spernunt; aut conviciis, vel maledictis afficiunt, aut percutiunt, etiam leviter (imò etiam si filius tantum elevet manum cum sufficienti deliberatione ad percutiendum: hæc enim communi hominum estimatione gravis injuria, & irreverentia in parentes reputatur) aut ad gravem iram eos provocant; nisi occasio fortasse sit accepta, & non data. Qui maledicta in parentes etiam mortuos deliberatè, & ex animo conicit: quod peccatum poena mortis puniebatur *Levit. 20.* In his communiter Doctores. In quibus casibus, etiam communiter docent, teneri Filios aperire in Confessione personam Patris, vel Matris offensam (sicuti etiam explicanda est circumstantia Parricidii) nam delinquent directè contra quartum præceptum, & virtutem pietatis, qua parentes tenemur honorare, & diligere; unde habent hujusmodi peccata peculiarem malitiam necessariò aperiendam in Confessione. *Navarr. cap. c. 14. n. 3. in fine.* (ubi effectum confitendi necessariò circumstantiam personæ, extendit etiam ad Superiores, quoad ea, in quibus illi habent potestatem super nos) *Tolet. lib. 5. Summe cap. p. n. 3. Azor. to. 2. Instit. Moral. lib. 2. c. 2. qu. 2. Fagund. in Decal. to. p. de 4. Præcep. lib. 4. cap. 2. n. pr. Trull. in Decalog. to. p. lib. 4. cap. p. dub. 2. n. 3. Bonac. to. 2. disp. 6. quæst. Unica, punc. 3. n. 3.* & alii apud ipsos, & communiter: quorum aliqui præcipuè *Bonac. n. 3. c. & Henrig. apud eundem Trull. n. 3. cit. eandem obligationem, aperiendi videlicet circumstantiam personæ offensæ in confessione, extendunt etiam ad*

eos, qui offendunt Prælatos, aut Superiores, nam & ii delinquent specialiter contra reverentiam Superioribus debitam, idem tenentur exprimere personam, nec satisfaciunt, si dicant, se injuriam alteri intulisse, quia hoc peccatum, ob reverentiam debitam superiori habet specialem malitiam. Et ob eadem rationem idem Bonac. cum eodem Henr. (relati pariter à Trull. l. c.) censet, explicandam etiam esse circumstantiam personæ, quando injuria fuit illata Sacerdoti, quoniam peculiaris reverentia Sacerdotibus debetur. Secus verò si injuria illata sit Viro nobili, vel Cognato, aut etiam benefactori, eo quia hujusmodi circumstantia non ita videtur peccantem aggravare, ut malitiam mortalem specie diversam actui superaddat.

601 Superaddit igitur tantum in prædictis casibus, ut dictum est, in quibus Parentum reverentia acriter læditur, atque adeo in ipsis etiam circumstantia personæ offensæ necessariò aperienda est in confessione, aliter hæc esset nulla, & sacrilega; Nisi excusaret ignorantia, ut dicitur in proposito Privilegio, hæc enim si adesset in penitente, excusaret utique à culpa, & sacrilegio taciturnitatem ipsius, & non expressionem circumstantiæ personæ offensæ. Quod videtur certum; sicut certum est per omnes, non esse sacrilegam, nec culpabilem Confessionem illam Sacramentalem, in qua non exprimit penitens, nec aperit, aut subiicit clavibus directè peccatum aliquod lethale commissum, non quia velit illud expressè non aperire, exprimere, nec subiicere, sed ejusdem non recordatur dum confitetur.

PRIVILEGIUM SECUNDUM.

Filius non obediens Patri, & Matri in spectantibus ad bonos mores, & necessariis ad salutem, si ignoranter id faciat, non peccat mortaliter, excusante ipsa ignorantia.

602 Filius ex quadam lege justitiæ, & observantiæ naturalis, ex vi hujus quarti Decalogi præcepti, tenetur ex dictis, & Doctoribus, tria exhibere parentibus, amorem videlicet, reverentiam, & obedientiam: imò honor, de quo præceptum ipsum loquitur, in his tribus consistit, ut dictum est privilegio præcedenti in principio. Hinc sequitur, eundem ita ex hoc præcepto arctari, & adstringi ad obedientiam erga patentes in rebus licitis,

ad bonos mores spectantibus, & maxime in ad salutem necessariis, ut peccet mortaliter denegando in his obedientiam eisdem, ut communiter Doctores: concorditer asserentes, certum esse filios teneri parentibus obedientiam præstare, & sub mortali (nisi excuset parvitas materiæ) quando ii præcipiunt illis aliquid in re licita, & materia gravi, quæ & subsit parentibus. Hocque constare videri: Tum quia obedientia parentum debetur ex hoc præcepto honorandi illos: tum ex illo Proverb. p. Audi, fili mi, disciplinam patris tui; & ne dimittas legem matris tue. Et ex D. Paulo ad Colossens. 3. Filii obedite parentibus per omnia. Et ad Ephes. 6. Filii obedite parentibus vestris in Domino. Tum denique, quia sicut tenemur obedire mandatis Principum, ita & tenemur mandatis parentum, quæ vim habent legis: sic omnes. Mandatis inquam parentum tenemur obedire sub mortali in re licita, & materia gravi; sed quæ etiam subsit iisdem parentibus, ut innuo supra, & advertunt Sayr. in Clavi Regiæ libr. 7. cap. 5. n. 9. Grass. lib. 2. Decif. Aurcar. cap. 56. nu. 15. & cum ipsis, & aliis (inter quos est controversia, quibus in rebus filius subiiciatur Patri, & teneatur sub mortali illi obedire) Leander p. 8. de 4. Decal. præcepto tract. p. disp. 3. qu. 2. nam quibus in rebus filius non subiicit Patri, non tenetur sub mortali illi obedire; Subiicitur autem verè in rebus pertinentibus ad bonos mores, & ad salutem spectantibus, eo quia tenetur Pater filium bonis moribus imbui, &c. ergo huic præcipienti illi aliquid circa bonos mores, & ad salutem animæ spectans, tenebitur obedire: peccabit igitur mortaliter filius, qui non obedit Patri præcipienti illi, ne eat ad prohibitos ludos, vel ad meretrices; ut relinquit illicitos contractus, & vitet noxias amicitias; & hujusmodi, quam inobedientiæ, & Paternæ offensionis mortalem culpam, esse speciatim in confessione explanandam, constat ex privilegio præcedenti, & rectè notant Doctores. Vide Cajet. in Summ. Verbo Filii peccata. Navarr. in Man. cap. 14. n. 12. Versu Tertiò peccat filius, & Versu Quartò filius. Sayr. l. c. n. 10. Grass. l. c. Tolet. in Summa lib. 5. cap. p. n. 6. versu, Primò tenetur, & Versu, Rursus secundo. Azor. tom. 2. lib. 2. cap. 2. quæst. 4. Trull. in Decal. to. p. lib. 4. cap. pr. dub. 2. n. 11. & alios, quos etiam allegat Leand. l. c. qu. 3. ubi in principio ait, certum esse peccare mortaliter filium, qui Patri præcipienti aliquid circa bonos mores illius non obedit: limitat

limitat tamen : Nisi alia parvitas materiæ, aut alia ratio excuset. Optima limitatio. Verum, quæ alia ratio excusabit hanc lethalem filii inobedientiam, & culpam?

603 Dico ego in promptu esse, & ab ignorantia desumendam, ut innuit propositum privilegium, quod expressè admittitur à Sydv. in Summa, Verbo Filii qu. 22. dum ibi sic : *Ad obedientiam circa rem familiarem tenetur filius, & multo magis in necessariis ad salutem : sicut sunt spectantia ad bonos mores, in quibus, si obedire contemnat, est mortale, secus si non obediat non ex contemptu, sed ignoranter : à Tabiena in Summa Verbo Filii qu. 16. nu. 17. sub his verbis : Tenentur filii parentibus obedire in his, quæ pertinent ad dispositionem rei familiaris, & multo magis in necessariis ad salutem, ut sunt ea, quæ pertinent ad bonos mores; in his scienter contemnens obedire, peccant mortaliter, secus si ex inadvertentia, &c. & ab Azor.*

qu. 4. cit. ibi enim, & ipse sic : *Filii graviter violant obedientiam, quam parentibus debent, quando parentes seriò jubent, & filii eorum jussa (quæ maxime spectant ad bonos mores, & ad salutem animæ) scienter negligunt, & recusant : non tamen, si per inconsiderantiam, vel oblivionem prætermittant. Requiritur igitur per hos Doctores scientia in filiis ad dictam lethalem culpam ex inobedientiz capite contrahendam. Et præter istorum auctoritatem (quam utique, approbabit omnes) accedit ratio intrinseca millies tradita : quod videlicet ignorantia (scientiz opposita) excludit voluntarium consensum, consequenter peccatum, ab hoc ergo ipsa excusat etiam in proposito Privilegio: hinc dici poterit ignorantia, ratio alia, excusationis à peccato, quam saltem implicite, adducere intellexit Leander loco cit.*

CAPUT DECIMUM DE PRIVILEGIIS IGNORANTIÆ

CIRCA QUINTVM DECALOGI PRÆCEPTVM,

Non occides.

604



Abetur hoc Divinum præceptum *Deuter. 5. & Exodi 20.* his solis verbis, *Non occides*: quod præceptum de non occidendo, comprehendit non quodcumque homicidium, sed tantum illicitum, & injustum, quod sit peccatum mortale, etiam publica autoritate factum: licet enim Principibus, & iis qui publica autoritate, fruuntur videatur homicidium concessum, nequaquam simpliciter concessum est iisdem, sed solum juxta leges, & præscriptam formam justitiz, & ubi ratio, & bonum, communitatis, ac Reipublicæ id postulaverit, ut communiter Doctores. Hinc optimè homicidium in hoc quintò præcepto prohibetur, definiri potest cum *Trullenb* (& aliis apud ipsum) *De hoc Præcepto c. p. dub. p. n. 2. in fine : Injusta hominis occisio* : prohibetur enim in hoc præcepto homicidium injustum, & illicitum, corporale, & actuale, quod ex se utique est peccatum : nam omnis injustitia gravis (ut est injustum, & illicitum homicidium) est peccatum mortale. Item prohibetur voluntas occidendi : cum actio interior, & exterior circa idem obiectum, sint ejusdem speciei. Prohibetur præterea præparatio quæcumque ad injustè occidendum, ut vulnerare, mutilare, gladium quærere ad vulnerandum, mutilandum, & occidendum : insidias alicui ad mortem tendere ; aut quovis modo ad injustam occisionem concurrere. Et nedum prohibetur in hoc præcepto alterius occisio, & mutilatio: veram etiam sui ipsius : nemini enim licet quacumque ex causa seipsum directè occidere. Unde per se loquendo peccat mortaliter scæmina, v.g. quæ sibi mortem infert, ne ab alio opprimatur : & Judex, qui propria autoritate seipsum occidit, ob peccatum quod in aliis morte punire solet. Si quidem homo non est dominus vitæ suæ, sed custos : hinc se occidens peccat, non modò contra propriam charitatem, sed etiam contra justitiam;

Mm

gravem

gravem Deo, & Republicae injuriam irrogans. Item peccat etiam, amputando membrum aliquod sui corporis; quamvis enim id liceat quando membri amputatio necessaria est ad vitae conservationem; cum pars toti honestè postponi possit, & quisque beat vitam suam conservare remediis ordinariis: secus tamen quando dicta membrum amputatio, & mutilatio necessaria haud est. Quare meritis Petrus a S. Joseph in Summa Casuum Conscientiae de V. præcep. Decalogi cap. 5. art. p. versu Non licet, ait: Neque ad sedandas carnis tentationes, vel peccatum fugiendum, licere aliquod membrum amputare, cum illa amputatio non sit medium ad talem finem necessarium, aut tantum conducent, ut experientia ostendit. Unde (concludit) si nonnulli ex Patribus aliquis linguam, aliasve corporis partes sibi amputarunt, ad superandas tentationes; dicendum est, eos id fecisse, vel ex instinctu divino, vel ex ignorantia, quæ fortè culpa non carebat. Et bene concludit iste Author, quæ ignorantia fortè culpa non carebat: bene inquam fortè, constat namque ex dictis cap. 2. Privileg. 3. n. 62. posse dari quandoque, & circa hoc etiam ignorantia inculpabilis: imò nedum circa membri proprii mutilationem, & amputationem, verum etiam circa sui ipsius occisionem, eo modo quo ibidem definitus mus; & infra etiam stabiliemus. An verò admittenda sit ignorantia invincibilis, & inculpabilis hujus quinti præcepti, etiam respectu injusti homicidii alterius hominis, negativè respondendum utrique viderur, ex iis quæ attulimus eodem privileg. 3. cit. & ex Doctorem communem, cui subscribunt Leander par. 6. tract. 2. de fide, disp. 2. qu. 78. in fine: Vasq. Oviedo, & alii apud eundem. Quo tamen non obstante, circa hoc etiam admittenda sunt propria, & asserenda ignorantiae privilegia: Sit ergo

PRIVILEGIUM PRIMUM.

Ignorantia invincibilis excusat in aliquo casu à culpa lethali homicidium sui ipsius,

605 **H**oc idem privilegium superius attulimus (licet sub alio titulo) cap. 2. privileg. 3. sub nu. cit. 62. & præter Doctores ibi pro eodem relatos, placet etiam P. Diana 19. §. Coord. tract. 5. res. 49. ex par. 5. tract. 4. res. 30. idemmet libenter admittere (contra Cajet. 2. 2. qu. 124. art. 5.) Quærens enim P. Diana eo loci, an excusetur aliquis ex ignorantia invincibili ab homicidio sui ipsius in aliquo casu, ad evitandam ex. gr. gravem ignominiam, servandam castitatem, &c. resolvit affirmativè, sub his verbis: Dicendum igitur est, quod quamvis homicidium sit contralumen naturæ secundarium, hoc est, contra conclusionem deductas ex principiis notis lumine naturali, tamen potest cadere ignorantia in ejusmodi veritate, præsertim in aliquo casu, ver. gr. ad vitandam ignominiam, vel servandam castitatem. Ita Diana, loquens de suicidio: sequutus (præter alios ibi citatos) Molina, de Justit. tom. 4. tract. 3. disp. 9. nu. 5. ubi sic ait: Quando quod de jure est naturali, occultum, subtilem, minimèque facile perviam habet rationem, in id cadere potest ignorantia invincibilis, quicquid aliqui in contrarium dicant, maxime quando id ab estimatoribus hujus Mundi, virtutis actus, laude, & honore dignus, communiter reputatur. Eoque magis intervenire ignorantiam invincibilem est censendum, quando Dei intuitu, ac virtutis, factum com-

peritur. Neque est improbabile, ignorantiam excusasse à culpa lethali actum, quo Lucretia seipsam interfecit; similisque alios actus ab Ethnicis hominibus factos. Ità Molina. Alia quæ hic asseri possent in confirmationem hujus privilegii, dicta, & allata sunt à nobis in privil. 3. e. videantur.

PRIVILEGIUM SECUNDUM.

Ignorantia invincibilis, in quo casu excusat à lethali culpa homicidium sui ipsius, & facit illud licitum, causat etiam quod sic mortuus non debeat in dubio privari Ecclesiastica Sepultura.

606 **E**rvitur hoc privilegium ex aperta doctrina, quam tradidit P. Diana to. 8. Cardin. tract. 5. res. 50. ex part. 6. tract. 7. & Miscell. 2. res. 47. & quoniam tota ejusmodi resolutio vim habet probationis propositi ejusdem privilegii: idcirco eandemmet hic pro fundamento assero, transcribo, ac fideliter ad litteram refero. est autem hujusmodi.

Resolutio proposita, Discutienda est ex occasione cujusdam facti enarrati à Bernardo Scardonio de Antiquitate Urbis Patavi lib. 2. Class. 14. ubi agens de Isabella Bonignana, puella agrestis, sic asserit. Et si magnam laudis jacturam nobiles Mulieres Patavinae ex eo secisse videantur, quod hic modo puella rusticana obscurissimi nominis, pudicitie splendore præ cæteris luceat: ego tamen ex eo patriam nostram præclari facinoris laude frondam

dam non censui : quin potius de tam generosi,
ac pudici animi constantia, vel sic ignoe puelle
ad præfium decus Patavine pudicitie, quicquid
olim de hac ipsa in alio nostro opere de Casti-
tate jam dixi, hic rursus referendum putavi.
Nam quo tempore Maximilianus Augustus to-
tam ferè Venetiam, & præsertim agrum Pa-
tavinum excursionibus decastabat : cum turbato-
rum agrestes omnes in urbem confugerent, puel-
la ista agrestis humili loco nata, sed nobilissimo
anima, & honesta forma prædita, ubi urbem
ingressa est, à propinquis suis (ut sit) ignara
vie, à recto itinere ex nimia triplicatione de-
flexit : & dum ita ignara locorum, errabun-
da, lacrymans, omnia circumlustrat, in ma-
nu fortè incidit Militem Venetorum, qui præ-
sidio Urbis stabant : à quibus tracta est in
proxima contubernia, ut ibi interim ludibrio
haberetur ejus pudicitia. Sed nescio quo colo-
re, & fato, profuit misella domo, & recta
ad portam, qua paulo ante ingressa fuerat,
festina procurrit, putans se tutiorem fore inter
hostes, & in agri, atq; ubique locorum, quam
intrare mentia, & præsidia Civitatis. Insequen-
tur incerti illi, ac impii prædones. Fugit ex-
territa puella more trepide, & inbellis Dama,
que à canibus rapta fugam rapit in nemora,
& saltus : & ubi evadere amplius non sperat
de prærupta saxi crepidine se se precipitat,
mallens subito casu conteri, quam comprehensa
ludibrio esse rabidis molossis. Haud secus in-
flexa Virgo, ubi effugium nullum reliquum videt,
de Ponte Corvo, ubi fortè aderat, in adiacen-
tem fluvium se se præcipiti saltu demittit puci-
tiam suam Deo servandam committens. At
dum propositi tenax ab illis adjuvari recusat,
& exterrita enatare nescit nec curat, absorpta
vox à flumine suffocatur : que paulo post in-
venta in proxima ripa, sine funebri officio sepe-
litur : baud digna, meo quidem iudicio, que
sic sepeliretur. Sed certum est, quod sicut nihil
prodest impii celebri sepultura ; ita nihil obest
iusti, vixit, ac nulla. De ista Joannes No-
ventanus Patavinus cecinit hoc Epitaphium.
Euganeas inter præstans virtute puellas
Hoc jaceo indignè condita Virgo loco,
Nam cū me peteret lascivum miles ad usum
Munera posse more magna fuisse mihi.
Disce age, sit quanti, Virgo, servare pudorem
Pro quo nil timui perdere corpus aquis.
Supposita hac celebri historia, quaesitum mihi
fuit à quibusdam amicis, an dicta Virgo à
peccato homicidii possit excusari, & an rectè
fuerit Ecclesiastica Sepultura privata. Et pro
resolutione dubii supponendum est ex D. Thoma
in 2. 2. qu. 64. art. 5. non licere se ipsum oc-
cidere, etiam ad vitandam fornicationem. Un-
de Beata Lucia ad impium Tyrannum affir-

mantem se eam ad lupanar ducturum, ut inibi
à juvenibus stupraretur. Non inquinatur, in-
quit, corpus nisi de consensu mentis : violentia
tua mihi duplicabitur ad coronam. Hinc D. Au-
gustinus lib. p. de Civitate Dei, cap. 18. cur
bomo qui mali nihil fecit, sibi mala faciat ? Et
ratio est, quia pudicitia virtus est animi ; co-
mitem habens fortitudinem ; unde cum virtus
sit animi, consistit in animi consensu : quare
si in impudicitia non consentitur, non amitti-
tur pudicitia : & cum comitem habeat fortitu-
dinem, debet potius ex fortitudine qualibet ma-
la tolerare, quam seipsum interimere ad vitan-
da mala.

607 Sed licet hæc doctrina vera sit, ego ta-
men in casu nostro puto excusandam esse supra-
dictam mulierem : nam supponendum est hoc
fecisse ex ignorantia invincibili ; nam ut adver-
tis Trullench in Decalogum to. 2. lib. 5. cap. 3.
dub. 1. num. 4. Lessius lib. 2. cap. 9. dub. 6.
n. 33. Petrus Navarrus lib. 2. cap. 3. n. 13.
& 14. Joann. Voigers de Justis. tract. 2. cap.
2. dub. 14. n. 92. & alii, se occidere ob pu-
dicitie custodiam, non est ita evidenti esse ma-
lum, quin inculpatè possit ignorari, & excusari
licitum ; quod docuerunt Stoici, & insinua-
re videtur D. Hieronymus in cap. p. Jone,
versus finem : his verbis : Unde in persecutio-
nibus non licet propria perire manu, absque eo
quod ubi castitas periclitaretur : hinc mulierem
agrestem, ut erat dicta Isabella, tali ignora-
ntia laborasse maxima probabilitate dicendum est ;
& ideo salvo meliori iudicio Ecclesiastica sepul-
tura privanda non erat : nam ut ego probavi
in 4. p. tract. 4. ref. 23. que nunc est in to. 7.
Coordin. trac. 3. ref. 67. & observat Fagund.
in Decalog. to. p. lib. 5. cap. 11. n. 3. in hac
materia in dubio inclinandum est in favorem ;
sed puto minori apparatu, uno scilicet Sacerdote,
vel altero, quod sepelienda fuisset ad ter-
rorem aliorum, ne tali exemplo hoc facinus per-
petrarent ; & ut cognoscerent talem mulierem
non privari sepultura Ecclesiastica ex presump-
ta ignorantia, qua laborasse satis probabili-
ter existimari poterat : nam in hoc casu locus est
conjecturis, ut ex Julio Lavorio in Var. Elu-
cubrat. tit. 2. cap. 12. n. 28. Et licet occi-
dentes seipsos non sint in Ecclesia ex cap. Quibus
13. qu. 2. cap. Placuit 23. qu. 5. cap. ex
part. 2. de Sepulturis ; hoc tamen provenit
quia Canonici supponunt tales decedere in pec-
cato mortali ob desperationem, vel iracundiam.
Sed in casu nostro satis probabiliter existimari
potest dictam puellam Isabellam seipsam occiden-
do, non decessisse in peccato, ex inculcata igno-
rantia, quia erat puella rustica. Ergo, &c.
Hæc & optimè P. Diana, quæ satis utiq;
probant nostrum propositum privilegium.

PRIVILEGIUM TERTIUM.

Ignorantia concomitans excusat à culpa lethali etiam homicidium alterius.

608 **H**ujusmodi privilegium est sententia expressa *Vasq. in p. 2. disp. 125. cap. 2. Suar. de Conf. disp. 4. sec. 8. n. 9.* (ubi, quod ignorantia concomitans, est etiam antecedens respectu actionis, ita in fine num.) *Azor. par. p. lib. p. qu. 4. Reginald. in Praxi to. p. lib. 11. cap. 2. n. 20. Sanch. p. p. Operis Moral. lib. p. cap. 16. n. 13. Layman lib. p. tract. 2. cap. 4. Assert. 2. n. 8.* (ubi, quod etiam concomitans ignorantia, si invincibilis sit, à culpa excusat.) *Bonac. to. 2. disp. 2. qu. 8. punct. 3. prop. 4. n. 34.* & alii: unanimiter affirmantes, quod si proiciat quis sagittam in proprium etiam inimicum, invincibiliter putans esse feram, non est reus actualis homicidii: etiam si ita sit affectus, & actualiter in mente dispositus, ut si nosset esse inimicum, adhuc sagittam emitteret, & forte libentius ejacularetur; Quia actus externus emissionis sagittæ non habet malitiam homicidii, utpote factus ex ignorantia comitante, excusante actum externum à peccato. Ratio autem cur ignorantia comitans excuset actum externum à peccato; & in proposito privilegii nostri à lethali culpa homicidii, est, tum quia actus non est malus, nisi sit voluntarius; actus autem externus homicidii, factus cum ignorantia comitante, non est voluntarius, cum non fuerit prævisus, & præcognitus: voluntarium enim est à principio cognoscente singula in quibus est actio: *Arif. 3. Ethicor. cap. 3.* Tum quia actio externa explosionis sagittæ ex. gr. non fuit causata ab affectu, & voluntate occidendi hominem, vel inimicum, sed à voluntate occidendi feram: ergo pravus affectus actualis erga inimicum quamvis sit peccaminosus, & malus: tamen actio externa homicidii non est mala malitia homicidii, cum originem non traxerit à voluntate, & intentione occidendi hominem, sed ab intentione, & voluntate occidendi feram: quæ intentio, cum non sit mala, non potest actioni externæ factæ cum invincibili ignorantia comitante communicare malitiam homicidii. Et idem debet dici in aliis consimilibus. Ita etiam Doctores citati, & alii.

609 Neque obstat, quod proliciens sagittam ita affectus sit, ut si animum adverteret homicidium vellet, & approbaret.

Deus enim non imputat homini peccata, quæ faceret, si hoc, vel illud in mentem ei veniret: Sed divinæ gratiæ adscribendum est quod id animo non incidat: ut docet etiam *Suar. De Relig. to. 2. lib. 3. de Juram. c. 7. n. 5. ex D. Augusti. contra Semipelagianos: Non imputat Deus nobis* (sic *Suar.*) *quæ faceremus, si hoc, vel illud nobis occurrat, sed quæ facimus, circa illud, quod nobis occurrit, quod si non occurrat, nec se offerat memoriæ, aut scientiæ cum qua peccaremus, gratiæ Dei imputandum est.* Quare qui in venatione facta diligenter sufficienter ad cavendum periculum occidendi hominem casu occidit inimicum, sine dubio non est reus actualis homicidii, etiam si ita sit dispositus in habituali affectu, quod libenter occideret, si sciret esse inimicum; illa enim conditionalis non refert ad actuale peccatum. Idem docet *Layman. l. c. versu Neque obstat.* Verum quidem est, quod si quis sagittam jaceret intentione occidendi quodcumque illud sit, quod sibi ob oculos extat, committit homicidium etiam externum secuto homicidio, quamvis id quod præ oculis habet illi non pateat esse hominem, sed feram: nam sagittæ projectio in tali eventu provenit ab intentione, & voluntate non solum occidendi feram, verum etiam quodcumque illud sit, cum autem hoc non sit fera, sed homo, sequitur occisionem externam esse sufficienter voluntariam, consequenter ad culpam, nec ab ipsa excusari, vel eximi posse, ut bene etiam *Reginald., Bonac., & alii* supracitati, cum aliis.

PRIVILEGIUM QUARTUM.

Qui percutit, vel occidit Clericum, quem ignorantia probabili putat esse Laicum, ab excommunicatione excusatur.

610 **I**ta Sylvester Verbo Excommun. 6. Versu Sciendum est quartò, n. 6. ubi sic: *Qui infert manus violentas Clerico non incidit in excommunicationis sententiam, quando ignorabat Clericum esse quem percussit: puta quia comam nutriebat, nec aliquid de Clericatu apparebat, ut in cap. Si vero, eo tit. el. 2. & consensit Innoc. & Jo: Andr. Et non incidit etiam si occideret, quia dolus requiritur. Idem si habebat habitum, & non videbatur, puta quia de nocte erat, &c. Suar. de Conf. disp. 22. sec. pr. num. 51. & 52. affirmans ibi, cum Covarr. in cap. Alma mater p. p. §. 10. n. 15. id esse sententiam communem, quæ sententia, ut apparet apud eosdem, excusat à speciali malitia, & à contumacia contra*

contra Ecclesiasticum præceptum, ac proinde à Censura illum, qui adhibita sufficienti diligentia, per ignorantiam probabilem Clericatus, in personam Clerici violenter manus iniicit: *Talis enim ignorantia* fait idem *Suar. n. 51. c.] dummodo qualitas, seu modus ipsius sufficienter probabilis sit, excusatur à mortali culpa in transgressione Canonis commissæ; & ideo etiam excusatur à Censura, prout cavetur in cap. Si vero 2. de sentent. excommunicationis. Filliuc. 10. p. tract. 15. & V. de Censuris cap. p. n. 27. versu Sexta, & ultima exceptio. Bonac. tom. 2. disp. 2. qu. 8. puni. 3. proposit. 4. nu. 36. Trull. in Decal. to. 2. lib. 6. dub. 2. nu. 4. & alii plures; imò communiter Doctores, in hoc convenientes, illum excusari à Censuris, qui cum ignorantia comitante facit aliquod opus externum vetitum sub Censura. Percutiens igitur Clericum ex tali comitante probabili ignorantia, & sufficienti adhibita diligentia (etiam si aliquo percussio gravis, & injusta esset) vel etiam occidens, à censura, & ab excommunicatione excusatur ut in proposito privilegio: in cujus confirmationem veniunt etiam ea, quæ diximus supra in Privilegio 3. IV. Capituli.*

611 Et hic adverto cum *Suar. n. cit. 51. Navar.* apud ipsum, & aliis, non esse admittendam in proposito privilegio limitationem, quam tradunt *Sylo. l. c. & alii*: Excusari quidem videlicet sic percutientem, vel occidentem Clericum, si tamen, ille qui sic percutit, vel occidit Clericum, non det operam rei illicitæ: eviendæ enim est huiusmodi limitatio: nam, ut rectè *Navar.* & ex ipso *Suar.* talis limitatio absque idonea ratione, vel textu additur: quoniam etiam si talis actio aliqui sit injusta percussio, mutilatio, aut hominis occisio; si tamen quoad circumstantiam personæ percussæ, vel occisæ, quod videlicet Clericus sit, procedit ex tali ignorantia, quæ excuset à malitia sacrilegii, non incurritur excommunicationis Censura, quia non violatur Canon ille, in quo sola sacrilega percussio, quæ voluntariè circa Clericum versatur, in eo ponitur. Hinc privilegium, idem currit, sive percussio, aut occisio Clerici orta sit ex opere licito, sive illicito, dummodo qualitas, seu modus ignorantie probabilis sit, ut dictum est. Sed

612 Quæres hic, an è contrario si quis volens percutere, vel occidere hunc, quem putat esse Paulum Clericum, Petrum Laicum per errorem, & ex ignorantia percutiat, vel occidat, incidat in excommunicationem? Quamvis non defuerint qui id

affirmaverint, quod *Sylo. & Covarru. l. l. c. c.* attribuant *Gloss. in d. cap. Si vero, Verbo Ignorantia.* Respondeo negativè eum iisdem, dicentibus *Gloss.* opinionem esse falsam, cui falsitati subscribit & *Suar. l. c. n. 53.* Et ratio responsionis est, quia etsi peccaverit ille intentione, animo, & voluntate, re ipsa tamen non percutit, vel occidit Clericum; ad incurrendam autem excommunicationis Censuram, non sufficit malitia interior, nisi exterius etiam in specie illa consumetur, quæ necessaria est ad talem Censuram; licet autem in casu proposito consumetur peccatum in specie homicidii, non tamen in specie sacrilegii. Adde in confirmationem cum eodem *Suar. nu. cit.* quod si quis proiciat sagittam in verum Clericum, animo interficiendi illum, & manus aberret, ita ut illum non attingat, non incurrit censuram, ob defectum exterioris actus, seu effectus, juxta omnium sententiam (apud eundem *Suar.*) ergo etiam idem à pari affirmandum in proposito quæsito, cui pariter idemmet respondent præter citatos, & plures alios *Filliuc. nu. c. 27. Bonac. nu. c. 36. cum censura* (inquiens) non incuratur, nisi posito peccato, & opere externo peccaminoso sub censura prohibito: & *Portel in Dub. Regul. Verb. Ignorantia n. 24. in fine*: ubi expressè sic: *Intendens percutere Clericum, & percutiens secularem, non incurrit penam excommunicationis, quia Ecclesia non excommunicat nisi externam percussorem Clerici manantem ab intenta ipsius intentione.*

PRIVILEGIUM QUINTUM.

Volens quis ex prava sua intentione percutere, vel interficere Petrum Clericum, si errore, seu ignorantia probabili, & casumero, percutit, vel interficit Paulum item Clericum, ab excommunicatione excusatur.

613 **N**Egat quidem hoc privilegium *Covarru. in Cap. Alma Mater par. p. §. 10. n. 15. Versu, Oñtaro constat.* Eo quia talis ignorantia, seu error, neque intentionem, neque actionem externam excusatur, utraque enim circa personam Clerici versatur. Præterea quia illa percussio hujus Clerici ut sit, nulla ratione involuntaria est, licet percussio hujus Clerici, ut talis persona est, involuntaria sit, *argum. l. Eum qui, §. Si injuria, ff. de injuriis.* Nihilominus, præterquamquod sequitur hoc privilegium ex positione præcedentis, ut ex

ut ex se patet ; idemmet contra eundem *Covarru.* admittit , & approbat (ut loquatur consequenter) *Suar. l. c. n. 54.* Et probatur clare, ex eodem etiam *Suarez* quia talis actio , ut ex directa intentione tendit ad Petrum , voluntaria est : ut verò attingit Paulum est merè casualis , & involuntaria ; cum sufficiens diligentia moralis adhibita fuerit (quod hic supponimus) ne alia persona ibi subesset nisi Petrus : vel ne ictus si fortasse à Petro aberraret in alium incideret : hec etenim duo invicem non repugnant . Et sicut volens occidere seram , potest diligentiam sufficientem adhibere , ne hominem occidat , & nihilominus casu hominem occidere ; ita proportionem servata inter hunc hominem , & alios , idem casus merè involuntariè accidere potest , ut interficiatur videlicet unus ad quem intentio directa non erat , sed ad alterum . Quo posito , sic etiam quis casu percussus , vel occidens hunc Clericum in particulari excusandus est à Censura , & excommunicatione , quia respectu ejusdem Clerici actio est involuntaria , ergo inculpabilis , consequenter ut sic non est causa censuræ , & excommunicationis : Igitur verum propositum privilegium .

614 Nec refert oppositum supra à *Covarru.* quod videlicet tam intentio , quàm actio exterior in hoc casu versentur circa Clericum , quia , ut optimè etiam *Suar. c. n. 54. prope finem* : non ita versantur , ut una ab alia procedat directè , vel indirectè : quod necessarium esset ad incurrendam excommunicationis censuram . Et dicta percussio Clerici , quæ in re ipsa , & exterior sit , est involuntaria , quia nemo percutit Clericum in communi , sed hunc , vel illum in particulari . At hujus particularis percussio est involuntaria , & nullum alium de facto percutit ; hujus igitur Clerici percussio , absolutè , & simpliciter , involuntaria est : & ideoque solum affectus percutiendi Clericum voluntarius mansit , qui solus non sufficit ad incurrendam Censuram , cum hæc non incurratur propter affectum , sed propter exteriorem voluntariam percussorem : & ita etiam *Suar. n. c.* ubi in principio affirmare videtur , & bene , sententiam *Covarru.* sustineri posse subsequenti distinctione , & restrictione ad summum . Videlicet sic : fieri potest (inquit) ut actio illa exterior non solum quatenus tendebat ad percutiendum Petrum Clericum , sed etiam quatenus de facto attingit Paulum item Clericum , peccaminosa sit , eo quod respectu utriusque fuerit

voluntaria , directè quidem respectu Petri , ut supponitur ; indirectè vero respectu Pauli , quia nimirum sufficientem diligentiam non adhibuit , ut caveret , ne ob errorem , ictus in aliam personam caderet . Et tunc optimè procedit sententia *Covarru.* cum sic contineat id quod supra etiam concedimus tunc etenim actio exterior , ut etiam est actualis percussio Pauli , est voluntaria , consequenter cessat in ipsa excusationis ratio . At , quia accedere potest , ut actio illa , quatenus ex directa intentione tendit ad Petrum , voluntaria sit : ut verò attingit Paulum sit merè casualis , & involuntaria , quia sufficiens diligentia moralis adhibita fuerit , ne alia persona ibi subesset , nisi Petrus , vel ne ictus , si fortasse à Petro aberraret , in alium incideret (hæc enim duo repugnantia non sunt) & dato quod incideret , merè casuale , ac involuntarium esset , consequenter à censura , & ab excommunicatione immune : & hoc solum est , quod intendimus nos affirmare in proposito privilegio . Vide *Portel. in Dub. Reg. Verbo ignorantia n. 23. 24. 25.* Vide etiam ea , quæ diximus supra privilegio *Tertiæ Quartæ Capituli* .

PRIVILEGIUM SEXTUM.

Ignorans suo verbaliter culpabili homicidio impositam esse Irregularitatem , ab hac probabiliter excusatur secundum plures Doctores . A quibus tamen diversum sentit Auctor .

615 **H**Oc idem privilegium , & sub iisdem serè verbis ponit , & admittit *Palani tom. 6. disp. 6. punc. 6. nu. 3.* ubi sic : *Ignorantem probabiliter penam irregularitatis suo delicto esse impositam , excusari à dicta irregularitate probabile est .* Et si ei obiciatur (ut sibi met n. antec. in fine , opponit .) Si ad incurrendam irregularitatem necessarium foret cognoscere , eam penam delicto annexi ; Ergo homicida ignorans hanc penam nulla irregularitate tenetur , sed liberè posset ad Ordines promoveri . Hoc autem falsum videtur , si quidem Judex iustè reum morti tradens irregularitatem contrahit , tametsi ignoret irregularitatem suo facto impositam esse , eo quod dedecet Christi esse Ministrum , qui alium vita privavit ; sed hæc indecentia efficacius urget in eo , qui iniuste , & iniquè alium occidit ; ergo irregularis erit , tametsi ignoret suo delicto irregularitatem esse impositam . Si id inquam ei obiciatur , concessa

concessa oppositionis consequentia prima: Ad paritatem Judicis respondet, non esse inconveniens quod Iudex ignorans suo facto irregularitatem annexi, eam contrahat, nec tamen contrahat eam homicida ignorans suo delicto annexi; quia. Irregularitas Judici posita est non in pœnam, sed ob decentiam: at homicidæ tum ob decentiam, tum in pœnam delicti irregularitas indicitur, quæ irregularitas gravior est, & difficilioris dispensationis; ac proinde non est mirum, ut cognitionem legis eam judicantis exposulet. Ità Palao: & ante ipsum eadem ferè distinctione uti videtur *Portel. in Dub. Regul. Verbo Ignorantia* n. 19. ut sequitur: *De Irregularitate præmittendum est, aliam irregularitatem consurgere ex delicto, ut ex homicidio, ex celebratione in excommunicatione, ex suspensione violenta, & similibus impositis in pœnam delicti. Alia verò est irregularitas, quæ non ponitur ob delictum, sed ex indecentia, vel defectu significationis, & comitatur non culpam, sed indecentiam, qualis est bigamia, & irregularitas contracta à Judice sine culpa dominante hominem ad mortem justè. Et quidem certum est apud omnes hanc irregularitatem secundi generis certò contrahi etiam si operans operetur ignorantia invincibili: & proinde contrahens cum duobus sit irregularis bigamus quantumcumque id ignoret invincibiliter. Est ergo sola questio de Irregularitate primi generis orta ex delicto, an ista, quæ pœna est; similiter & suspensio, interdictum, inhabilitas, & similes, incurrantur ab operante invincibiliter ignorante? Sotus, & Ledesma affirmant: Sanchez verò cum multis aliis probabilibus tenet has omnes pœnas non incurri ab operante, qui habet ignorantiam juris positivæ illas imponentis: ita *Portel.* qui, ut patet apertè ex ejus verbis, tenet expressè irregularitatem ex homicidio tanquam ortam ex delicto non incurri ab ignorante, illam.*

616 Et hanc sententiam videntur apertè etiam docere ii omnes, quos retulimus in *Privilegio* 3. Cap. 4. (æpius in præcedentibus relato) præcipuè citati à n. 116. usque ad finem privilegii ejusdem. Et præterea apud eundemmet *Palao* sub eodem n. 3. eandemmet sententiam ut probabilem docent *Sanchez. lib. 9. disp. 32. nu. 21. Coninch. disp. 18. dub. 4. n. 31. Suar. disp. 4. de Censur. sec. 9. n. 12. Bonac. 10. p. disp. p. de Censur. qu. 2. pun. p. n. 13. & docuerunt absolute Hostiensis cap. ad nobis et p. de sentent. Excommunicat. vers. Adde. Sylvest. verbo Ignorantia qu. 8. dicto p. juncto dicto 3. Navarr. cap. 27. n. 274. vers. 13. Pbilic. de Offic.*

Sacerdotis 10. 2. p. p. lib. 3. cap. 3. *S. Tertius obicitur. Manuel. 10. p. Summ. in 2. edit. cap. 195. n. 3. & tanquam probabile ego ipse (sic Palao) defendo nedum hic, sed etiam trac. 2. de Peccatis, disp. p. punc. 17. nu. 6. Hujus autem sententiæ, ac privilegii, ea est ratio ex *Palao* n. 3. c. quia committens aliquod delictum, pœnis tantummodo delicto eidem proportionatis subditur, non autem aliis extraordinariis pœnis, quæ & delicti gravitatem excedere videntur; & ab Ecclesia, vel Republica, ad frequentem vitandum delicti usum imponuntur, vel ob aliam causam. Quare & si consensus delinquentis in pœnam non requiratur ad sustinendam illam: requiritur tamen illius consensus in culpam, prout hæc est causa talis pœnæ, seu prout continet talem pœnam, quod fieri nequit absque noticia pœnæ, quando hæc est extraordinaria. At irregularitas, quæ delicto annexitur, censenda est pœna extraordinaria delicti, cum obliget delinquentem, ut eam in se exequatur, ergo censi non debet incurri ab ignorante legem sub tali pœna esse latam.*

617 Faciunt etiam pro hac sententia, & privilegio, tum ea, quæ diximus in probationem c. *Privileg.* 3. Cap. 4. tum etiam Cap. 2. *De Constit. in 6.* ubi dicitur, *Ignorantes non legari sententiis*: nomine autem sententiæ: ut optimè etiam *Portel. Verbo c. n. 20.* non intelligitur sola excommunicationis, sed de omnibus sententiis pœnalibus; propositio enim indefinita juris tradens regulam, æquivalet universali, ut iuristæ communiter dicunt. Et ita l. c. exponunt *Glossa*, & multi Canonistæ ibidem. Nec desinam hic in confirmationem dictorum asserere verba *P. Diana*, quæ habet 10. 5. *Coordin. trac. 5. ref. 6. n. 4. Ex par. 4. tr. 2. ref. 85.* Dicendum est igitur ad incurrendam, excommunicationem, non sufficere quod sciam opus esse prohibitum, sed ut sciam de pœna, idque prohiberi sub excommunicatione. Ita de cæteris pœnis, suspensione, interdicto, irregularitate, &c. quod est valde consolatorium: & verum est, etiam si ignorantia, ut supra diximus, esset vincibilis; & ita præter *Merollam* docet *Portell.* sic *Diana*: licet paulo ante, idest, n. 3. anteced. & etiam paulo post, videlicet, n. 2. resol. 7. subsequentiis *Coord. Ex p. 9. trac. 7. Miscell. 2. ref. 19.* sibi ipsi videatur contrarius: primo loco, dum ibi sic: Irregularitas ex homicidio, vel mutilatione, licet videatur esse ex delicto, includit tamen præcipuè defectum lenitatis; ergo incurritur, licet occidens ignoret homicidio illam impositam esse; & hoc dubium est valdè notandum, quia quotidianum,

sichianum, & à paucis discussum; & scio quod aliquando Doctorum hominum torfit ingenia. Posteriori vero loco, quia sic ibidem: Magnam habeo difficultatem in hac doctrina: video enim esse contra communem sententiam Doctorum, & contra praxim: videtur enim sufficere, ut incurratur irregularitas, si sit annexa homicidio propter decentiam: & ideo non obstat si sit etiam annexa in poenam: non enim incurritur ex uno capite, sed etiam ex alio, ut ego alibi adnotavi. Hæc Diana: cujus sententia mihi videtur amplectenda, uti & cum pluribus aliis D.D. eandem absolute amplectitur Passerinus in lib. p. 6. Decretalium in Cap. Ut Animar. 2. De Confl. quest. primæ art. 18. n. 364. admittens quidem, & ipse ibi (& alibi) ignorantiam invincibilem excusare ab irregularitatis cujuscunque poena, excepta tamen irregularitate, quæ incurritur ex homicidio propter relata hæc, & ponderata à P. Diana, & ab aliis.

PRIVILEGIUM SEPTIMUM.

Abortum directè procurans Animati fœtus cum ignorantia excommunicationis huic delicto (quod est verum homicidium) à Summo Pontifice impositæ, excusatur ab incurfu ipsius,

618 **P**ROcurare directè abortum fœtus animati, sine dubio intrinsecè malum est, & mortale, est enim verum homicidium, & quidem gravissimum cum animæ rationalis certissima damnatione æterna quoad poenam damni. Certissimum quoque apud omnes id nullo unquam casu licere: sive constet, jam animatum esse fœtum, sive dubitetur an de factò animatus sit: sive deinde intendatur propter se ut finem, sive intendatur solum ut medium propter alium finem, ad conservandam gr. ex vitam Matris; infamiam vitandam, &c. dummodo media adhibita, per se tendant ad causandum abortum, neque aliter conducant ad vitam Matris conservandam, nisi quatenus causant abortum. Et ratio est clara: Quia non sunt facienda mala ut evaniant bona, sed directè occidere hominem innocentem, intrinsecè malum est, & nullo unquam casu licitum: est autem fœtus animatus verus homo, & innocens maxime, ergo. De abortu directè procurato loquor.

619 Quivis autem, quocumque modo, vel medio directè procurans abortum fœtus animati: vel ad id scienter, iussu, consilio, favore, auxilio, quomodolibet coo-

perans effectu secuto, ipso facto incurrit excommunicationem latam à Sixto V. & à Gregorio XIV. (sola reservatione pro foro conscientiae sublata) liquido in suo vigore relicta. Textus autem sic fulminat §. 7. & est hujusmodi: Omnes, & singulos cujuscunque gradus, status, ordinis, vel conditionis existentes, tam Laicos, quàm Clericos, Sæculares, & cujuscunque Ordinis Regulares, necnon mulieres sæculares, vel quæcumque Ordinem professas, qui, vel quæ, vel ut principales, vel ut sociæ, consueverint ad tale facinus committendum, opem, consilium, favorem, positionem, vel alia cujuscunque generis medicamenta scienter dederint, ac etiam scribendo litteras privatas, vel apocbas, vel alias verbi, aut signis irruerint, aut consulerint, ultra prædictas poenas, ipso facto nunc, prout ex tunc excommunicamus, & pro excommunicatis declaramus. Hactenus Sixtus V. c. §. 9. sup. Constitutionis 87. editæ anno 1588. incipiente Ad effrenatam. Et licet Pontifex in hoc §. 7. non comprehendat expressè matres prægnantes, potiones abortivas per se sumentes, aliove modo sibi met abortum procurantes, quinimo ex vi hujus Textus P. Naldus acutè apud Dianam To. 6. Coord. tr. 6. ref. 35. ex par. 7. tr. 5. ref. 7. videatur illas excludere: nec improbant Marbadus, & Avila apud eundem Dianam: Nihilominus indubitatum videtur sub illa excommunicatione comprehendere voluisse Pontificem omnes omnino personas principales, abortum procurantes, quas in illa Constitutio expresserat: Expressit autem sic manifestè §. 2. Necnon prægnantes ipsas mulieres, quæ scienter præmissa fecerint: & §. 5. Ac mulieres ipsas quæ eadem pocula spontè, ac scienter sumperint. Ergo etiam matres sibi met abortum fœtus animati procurantes dictæ excommunicationi subjacent, quod meritò etiam docet communis sententia: Filliuc. Bonac. Dicastillus, quos sequitur Diana l. c.

620 A qua excommunicatione incurrenda, quibuslibet prædictis modis procurantes, vel cooperantes ad abortum, excusati ignorantia (inquit privilegium nostrum) Et ignorantia omnis (addit Patrius Sporer par. 4. Tyrocinii Sacramentalis, in calce Libri, ubi De Abortu, sub n. 366. Versu Ab hac, pag. mihi 734.) tam juris, quàm facti. Ignorantia etiam culpabilis, (sic ille) lata, crassa, supina, imò & affectata, modo cum ingenti temeritate conjuncta non fit. Nam Pontifex in dicta Constitutione iterato adjecit particulam (scienter) atqui omnis etiam affectata ignorantia excusat à pena imposita scienter aliquid facienti ut latè probat Sanchez libr. 2. Moral. cap. 10.

cap. 10. n. 38. & lib. 9. de Matrim. disp. 32. Non enim potest dici scienter facere, qui facit ex ignorantia qualibet etiam affectata. Dummodo tamen absit ingens temeritas, qualis adesset quando qui vehementer habet suspicionem delicti prohibiti: Talis enim temeraria ignorantia importaret latissimam culpam, & dolo equiparetur. Ità cit. Sponer. Sequitur ex superius, & pluries dictis hoc privilegium.

621 Circa quod nota primò: non incurri excommunicationem à quomodolibet attentantibus abortum, nisi effectu secuto. Nam præterquamquod solus conatus ad crimen non puniatur pœna ordinaria, ut latè probat cum multis Julius Clarus *Pract. crim. qu. 92.* idque in Censuris generaliter ab omnibus admittatur: in hoc casu specialiter habetur apertè, significatum in verbis ejusdem Constitutionis Sixti V. in qua sic, §. p. Ita ut reipsa abortus secutus sit: & rursus sic, §. 7. Ad tale facinus committendum, opem, &c. Constat autem regulariter verba intelligenda esse cum effectu. Secundò: Matrem prægnantem ab excommunicatione eximi, casu quo hæc metu gravi, & cadente in constantem virum compellere- tur fumere potionem abortivam: quando enim coacta sumit potionem, ex qua secutus sit abortus, nequit propriè dici procurare abortum, hoc est studiòse abortum querere. Quod similiter sentiendum est de eo alio qui metu pariter gravi coactò, aliquo ex dictis modis concurreret, cooperando ad abortum causandum: cum nec iste posset dici, ut patet, procurare abortum, & studiòse illum querere. Concludo tamen, cante Confessarios uti nihilominus debere hujusmodi privilegio, terrendo Penitentes, enarrando illis Censuras à Summis Pontificibus fulminatas, differendo absolutionem tanquam si censuras incurrissent, &c.

PRIVILEGIUM OCTAVUM.

Ignorant invincibiliter Duellum ab Ecclesia sub Censuris prohiberi, ab eisdem excusatur si Duellum peragat.

622 **A**dmittent hujusmodi privilegium, uti admittere debent, si omnes qui afferunt, Ignorantiam probabilem, tam juris communis, quàm particularis, à contrahendis censuris excusare: ex hoc enim principio, & supposito (ut optimè etiam noster *Carassa de Duello trac. 5. sec. p. quesito p. n. 2.*) valet inferre propositum privilegium; cum videlicet, qui Duellum committit, Duelli prohibitionem

probabiliter ignorans, à Duellis Censuris immunem esse. Et ratio est clara, & à priori, quia ad Censuram contrahendam requiritur contumacia, ut toties dictum est supra, in privilegii 4. Cap. at qui invincibiliter, & probabiliter ignorat, non est contumax: ergo nec Censuras contrahit. Præterea ad Censuram incurrendam requiritur monitio aliqua, sed ignorans latam esse Censuram, non censetur admonitus, alioquin non ignoraret, ergo non incurrit Censuram. Vide quæ diximus Cap. 4. à Privilegio 3. usque ad 8. inclusivè.

623 Ex quibus Privilegiis habes etiam, primò. Duellatores, scientes Duella prohibita quidem esse Divino Jure, at invincibiliter ignorantes, ea sub Censuris ab Ecclesia prohiberi, Duellum ineuntes, non esse excommunicatos: quia licet hi peccent contra Divinum jus, Monomachiam Divino Jure prohibitam ineundo: non tamen contra præceptum Ecclesiæ, Duellum prohibentis sub Censuris, cum de tali præcepto (ut supponimus) invincibilem habent ignorantiam, cum qua non adest contemptus, nec contumacia.

624 Secundò habes, Duellatores habentes etiam ignorantiam moraliter vincibilem, quæ tamen non sit crassa, & supina, excusari à Duellis Censuris (probabiliter) secundum aliquos graves Doctores: de qua re etiam *Carassa tract. cit. quesito 3. nu. 5. negans (& optimè) n. 6.* excusari à Duellis Censuris, quando ignorantia, quæ Crassa est, non excusat à mortali, quod & nos docuimus *Privileg. 7. capitis 4. cit.*

625 Tertio habes, quod & si quis sciret quidem ab Ecclesia prohiberi Duellum, ignoraret tamen prohibitionem esse sub excommunicatione, hanc non contraheret si Duellum committeret. Ratio autem est, quia ad hoc ut delinquens incurrat in pœnam Juris positivi ex delicto, non sufficit ut sciat, cognoscat, & advertat actum esse prohibitum à Jure positivo: sed requiritur ut sciat, cognoscat, & advertat actum esse prohibitum, & præterea sub tali pœna: idest, cognoscat, & advertat actum, & prohibitionem, & pœnam Juris positivi. Quando ergo Duellatores nec sciunt, nec cognoscunt talem pœnam Duello impositam, sequitur, quod Duellum ineundo excommunicationem non contrahant, excusante eos ignorantia pœnæ.

626 Quartò habes iisdem rationibus, percutientem, vel occidentem Clericum, qui scit quidem prohibitum esse ab Ecclesia percutere, & occidere Clericum, &

scit etiam hunc quem percutit, vel occidit, esse Clericum, sed ignorat prohibitum esse sub excommunicatione, hanc minime contrahere. Et ita de omnibus Censuris in communi loquentes, asserunt, Doctores allati superius in *Privilegiis Cap. 4. præcipue Navarr. in Man. c. 27. n. 274. Versu Decimotertio*: ubi sic: Ignorantia probabilis excusatur ab excommunicatione pro facto damnabili: quia licet non requiratur consensus delinquentis in penam, ut obligetur ad eam, quia obligatio non nittitur ejus consensu, sed potestate legislatoris imponentis eam: requiritur tamen consensus in causam, ob quam imponitur, ut dixit S. Tho. 2. 2. qu. 65. art. 8. & ut quis dicatur consentire in causam alicujus, non sufficit, quod consentiat in eo quod est causa, sed requiritur, quod sciat, aut scire debeat, id esse causam: & qui scit aliquid esse malum, & ignorat penam ob id impositam, scit quidem id quod est causa illius, non tamen causam illius: ita Navarr. l. c. ubi extendit suam doctrinam paulo infra, nedum ad Censuras, sed etiam ad alias quascunque penas exorbitantes, & extraordinarias. Quia pena proportionari debet delicto: minus autem delinquit, qui nescit penam appositam esse tali delicto, quam qui illam novit: igitur qui nescit penam appositam esse tali delicto, non incurrit eandem penam, quam incurrit sciens esse talem appositam.

617 Limitans tamen Navarr. suam humilissimam doctrinam, non esse extendendam, inquit, ad penas mediocres, & Ordinarias, atque juxta prudentis Viri judicium accommodatas delicto: Nam delinquens, aut novit penam mediocrem: aut scire debuit, & potuit, saltem lumine naturali dictante, Delicta mediocriter saltem punienda esse: l. Ita vulneratus, ff. Ad leg. Aquil. Unde ignorans penam delicto injunctam non excusatur à mediocri, & ordinaria pena; excusari verò potest ab extraordinaria, qualis est Censura, vel irregularitas ex delicto: sic Navarr. c. l. cujus limitationem, & sententiam, probabilem existimant Sanchez & Suarez, quos refert, & sequitur Bonac. De Censur. in comm. disp. p. quæst. 2. punct. p. proposit. 3. num. 13.

PRIVILEGIUM NONUM.

Bellum injustè materialiter indicens, cum formali invincibili ignorantia ejusdem injustitiæ, excusatur à culpa.

618 **M**aterialiter, atque re ipsa non potest esse Bellum justum ex

utraque parte, quia realiter uni soli competit jus; & actus contrarii circa idem non possunt ex se pertinere ad eandem virtutem: potest tamen justum esse bellum formaliter, ac per accidens, propter opinionem probabilem, quam quisque sequi potest in bello indicendo, & ob invincibilem ignorantiam (quod pariter affirmo *Privileg. etiam sequenti*.) Sicque fit Bellum ex utraque parte justum formaliter, si non materialiter, nec realiter, re ipsa, ut communiter D. D. Covarru. par. 2. ad Regulam peccatum §. 10. n. 6. fol. mibi 574. Versu Solet hoc (ubi expressè sic. Cum hostes contrarii sibi sint, contraria jura necesse est habere: quorum unum justum sit, alterum vero injustum. Nec enim ex duobus Principibus bello pugnantibus ob aliquam Provinciam quam quilibet eorum sibi propriam esse censet in veritate potest uterque justitiam habere sibi sanctricem: siquidem si justam habet causam, cujus ea Provincia propria sit, ex quo necesse est quod alter injustam causam foveat, cum contraria hæc duo sunt, justum, & injustum. Unde planè illud mibi constat, non posse quo ad veritatem justum bellum utrinque esse: opinione vero potest bellum ex utraque hostium parte justum esse. Nam etiam si apud alterum tantum verè existat justitia belli, bona tamen fide alter bellum id gerere potest, existimans justissimam ignorantiam se justam fovere causam. Hactenus Covarru. l. c. Idemque, & si sub aliis verbis, omnino habet Franciscus à Victoria Relat. 6. de Jure belli n. 32. cujus verba per extensum refero *Privilegio sequenti* faciuntque ad rem hujus etiam, videantur) Petrus Navarra De Restitut. lib. 2. cap. 3. à n. 260. Molina de Just. to. p. tract. 2. disp. 103. Sanchez in Selectis disp. 44. n. 60. Valentia to. 3. disp. 3. qu. 16. Tit. de Bello punct. 2. à Versu Novo certum est, usque ad finem ejusdem. punct. 2. Regim. in Praxi fori Ponit. to. 2. libr. 21. sec. 2. Vers. Queritur Quartò, fol. mibi 241. n. 48. col. 2. ubi, An bellum possit esse utrinque justum. Responsio est affirmativa. P. Céspedes De Dubiis Conscientiæ Militariibus Dub. 60. Versu Respondendo posse. Joannes de Sylveira Opusculor. Variorum Opusc. secundo ref. 16. Verbo Bellum qu. 2. fol. mibi 235. & 236. & alii apud Dianam Coordinat. to. 8. tract. p. ref. 17. Ex par. 2. tract. 13. ref. 8. Igitur

629 Probatur propositum Privilegium primo. Nam fieri potest, ut una pars pugnet pro usurpanda re, quæ verè sit sua: altera vero pars pro eadem retinenda, cum invincibili ignorantia quod sit aliena, imò bona fide putans esse suam. Unde ex parte quidem illius, qui verè est Dominus, bellum,

bellum est per se justum, & ex natura rei, secundum intentionem videlicet consequentem veram cognitionem ipsius rei in se, & ut ipsa est in se, in reique veritate cognoscibilis. Ex parte autem alterius, justum etiam est idem bellum, sed per accidens, idest, secundum intentionem consequentem cognitionem rei falsam, sed minime culpabilem, atque aded non impediens, quo minus tale bellum secundum intentionem quidem pertineat ad virtutem justitiæ, licet non verè etiam secundum iudicium verum de re, Igitur verum propositum privilegium. Quod etiam confirmari optimè potest ex casu quem evenisse in *Bellis filiorum Israel contra Amorreos*, putat *Abulensis* super cap. 11. *Iosue*, apud *Valentiam* l. c. *Versu Quem casum*. De quo etiam *Sylveira* ubi supra. Nam *Amorreis* (inquit *Valentia*) invincibiliter ignorasse videntur, quod *Israelitis* pugnarent iuste ex mandato Dei tribuentis eis jus in vitas, & fortunas *Amorreorum*. Itaque per accidens videntur quoque iustè pugnasse *Amorreis* pro defensione sui, & rerum suarum, hæc *Valentia* l. c. quibus addo *Sylveiram* supra relatum, ibi enim & ipse sic: Utrum dari possit bellum ex utraque parte justum? Respondeo cum communi sententia affirmativè, quod potest dari, videlicet formaliter, ac per accidens, ut propter invincibilem ignorantiam alicujus, aut propter opinionem probabilem, quam quisque sequi potest in bello indicendo. Sic fit Bellum ex utraque parte justum, quod perpetrarunt *Israelitis* contra *Chanaanos*: erat justum ex parte *Israelitarum*, quia habebant Divinum mandatum. Erat etiam justum ex parte aliorum, quia Divinæ voluntatis, ac mandati Divini habebant ignorantiam, ita *Sylveira*. Et similis esset casus (inquit etiam *Valentia* punc. c. 2. *Versu Item esset*.) Si duo Principes alia quacunque de causa inter se ita pugnarent, ut eorum quilibet in ea re opinionem sequeretur probabilem, & consilium Doctorum, hominumque prudentum. Nam ille etiam, qui revera non haberet causam justam, propugnaret iustè per accidens propter opinionem probabilem. Sicut in etiam per accidens contendit iustè in iudicio (concludo cum eodem *Valentia*) qui sequitur opinionem probabilem, quamvis in se falsam.

630 Probatur 2. Nam, & si cum hostes contrarii sibi sint & contraria etiam iura habere debeant consequenter, quorum unum justum sit, alterum verò injustum. (Nec enim, ut optime etiam *Covarruvias* nu. 6. ex duobus Principibus bello pugnantis ob aliquam Provinciam,

quam quilibet eorum sibi propriam esse censet, in veritate potest uterque iustitiam habere sibi met fautricem: siquidem is iustam habet causam, cuius ea Provincia propria est: ex quo necesse est quod alter injustam causam foveat: cum contraria hæc duo sint, justum, & injustum: unde planè constat non posse quo ad veritatem justum bellum utrinque esse nec posse justum esse materialiter, & formaliter ex utraque parte) opinione tamen probabili potest bellum ex utraque hostium parte justum esse. Et si namque apud alterum tantum, verè existat iustitia belli, bona tamen fide alter bellum id gerere potest, existimans iustissima ignorantia, se iustam fovere causam; Ergo. Vide eundem *Covarruvias* nu. 6. c. ubi & ipse (prope finem numeri) hoc idem confirmat argumentum, ex allato bello, quod (ut adnotavit *Abulensis*) *Judei* gerebant adversus *Amorreos*, qui iusta ignorantia ignorantes divinam Iussione se defendebant ab aggressione *Judeorum*, eaque ratione existimabant se bellum justum gerere. Vide etiam *Molinam* disp. c. 103. Sed

631 Quæres, An qui ob ignorantiam invincibilem sequutus est bellum injustum, si postea ei constiterit de injustitia belli teneatur restituere, sive loquamur de Principe, sive de Subdito. *Victoria* l. c. n. 33. fol. mibi 240. (cum quo & ego.) Respondet, adveniente noticia de injustitia belli teneri restituere ablata, quæ nondum consumpsit, idest quantum factus est locupletior, non autem quæ consumpsit, quia regula juris est, quod qui non est in culpa, non debet esse in damno; qui autem bona fide pugnavit, licitè & sine culpa id fecit. Idemque docet *Sylvo*. Verbo Bellum p. *Versu Nono* quaeritur: ibi: Si probabiliter credebat Bellum justum, non tenetur de consumptis, nisi in quantum ex hoc sit factus locupletior. Quod totum confirmare videtur *Valent.* punc. c. 2. prope finem: dum ibi sic: Quod si bellum fuerit per se quidem injustum, per accidens autem, justum ob invincibilem ignorantiam, tunc postea quidem cognita veritate solum ea restituenda erunt, quæ supersunt adhuc salva, aut in quibus sit factus quis ditior, non autem ea, quæ bona fide destructa, aut consumpta sunt, ut docent *Sylvest.* Verbo Bellum qu. 9. & 10. *Victoria* l. c. n. 33. *Sotus* de Just. & Jure qu. 7. art. 2. loquens de preda belli, & communiter omnes alii: ita *Valent.* lo. cit. referens etiam *Cajet.* in 2. 2. D. Thom. art. p. Et ex his apertissimè deduc, aliquid esse posse justum bellum, ut omnes docent, atque ex Sacræ Scripturæ testimonio supponunt:

communiter inquirentes causas ob quas ille qui habet auctoritatem, iuste possit bellum indicare, quas vide apud citatos, & apud alios, praesertim Coninc de *Artibus Supernaturalibus*. Disp. 31. De Bello, dub. 2. in quo Inquit: *Quenam sit iusta causa inferendi alteri bellum?* pag. mibi 306. & apud Alphonsum à Castro de *iusta haereticorum punitione* libr. 2. cap. 14. pag. mibi 102. in qua ad rem hanc, ut sequitur.

632 Ut bellum sit iustum, iustitia illa, quae solum excludit obligationem restitutionis eorum, quae in bello sunt capta, sola duo sunt necessaria: videlicet auctoritas, & potestas ad bellum faciendum: & causa necessaria. Si tamen bellum debet esse iustum, iustitia illa, quae excludit peccatum, hoc est, ut sine peccato fiat: duo insuper alia sunt necessaria. Horum primum est, ut bono animo, & bona intentione, bellum inferatur. Alterum, ut persona, quae in bello pugnare debet, sit ad bellum legitima, id est, talis cui non sit lege prohibitum in bello pugnare. Tertium aliqui addunt, videlicet rem, pro qua bellum geritur, ita ut bellum fiat pro rebus recuperandis, aut pro Patriae defensione. Sed hoc tertium (ut ego censeo) superfluit: quia continetur sub altero ex duobus primis, videlicet sub iusta causa. Oportet igitur, ut omnia haec quatuor, quae diximus esse requisita, sagillatim discutiamus, & inde aperte constabit iustum esse posse bellum, quod fieri contingeret. Primum igitur necessarium ad bellum iustum, est auctoritas bellum facientis. Non enim quilibet pro suo arbitrio potest bellum movere: sed solus ille, qui non habet Superiorem, à quo iniuria, aut damni sibi illati recompensationem petere possit. Nam qui Superiorem habet, ad quem posse confugere pro recompensatione, aut vindicta impetrata, non potest bellum movere. Nam Dominus hoc illi aperte Prohibuit dicens: *Mibi vindictam, & ego retribuam.* Inferior ergo, qui Superiorem habet, ad quem pro recompensatione damni, aut pro vindicta impetranda, confugere potest, iniuste aget si propria auctoritate bellum moverit: quia sic agens, Dei praeceptum transgredietur, qui vindictam prohibuit. Principi autem, qui nullum Superiorem in civilibus rebus agnoscit, sicut pro Regno, aut Republica, quam regendam, aut protegendam suscepit, iuste potest bellum movere, ita etiam pro seipso quatenus persona est communis, & publica: quia non habet Superiorem, ad quem pro vindicta impetranda confugere debeat. Hoc enim aperte docet Augustinus contra Faustulum libr. 22. cap. 75. sic inquit (Ordo naturalis mortalium paci accommodatus hoc poscit, ut suscipiendi belli auctoritas, atque consilium penes Principes sit, exequen-

di autem iussa bellica ministerium milites debeant paci, salutique communi.) Principis autem nomine hic intelligo non solum Imperatorem, & Reges illos, qui Imperatori nequaquam subduntur, sed omnes illos Dominos, qui in casu subditorum suorum definiendis plenam habent jurisdictionem, plenumque dominionem. Tales sunt hodie aliqui Domini in Italia. Ut sunt Dux Florentiae, Dux Ferrariae, Dux Mantuae, Marchio Montis Ferrati: Nam hi omnes ex consuetudine antiqua hanc habent in suos subditos jurisdictionem, & potestatem, ut ab illorum civili sententia ad nullum alium Superiorem, illorum subditi appellent. Et nescio an aliquibus Germaniae Ducibus, aut Marchionibus, haec auctoritas, & potestas belli movendi hodie competat. Bellum tamen nonnisi necessitate cogente movendum est, ac proinde bellum semper censendum est iniustum, quando rei pro qua bellum geritur, aliter, quam per bellum potest commodè provideri. Haec omnia citatus à Castro.

PRIVILEGIUM X.

Belli iniustitia excusari potest ab invincibili ignorantia.

633 **B**ellum iustum nedum licitum est, & non solum fas est Christianis bella gerere servatis conditionibus, de quibus Doctores agentes de Bello, praecipue Molina de *Iust. to. p. tract. 2. à disp. 99. usque ad 107. inclusivè.* Et Valent. tom. 3. disp. 3. qu. 16. De Bello, punc. 2. Sed etiam aliquando melius est quam oppositum; ita, ut quandoque possit esse lethale non bellare (ut satis probat idem Molina. Disp. c. 99.) uti postea gravissimum semper lethale est, bellare absque iusta causa, maxime ob ingentia mala, & damna, quae secum affert bellum, ut constat: Unde iniustum bellum gravissimum scelus lethale est, innumerabilibus obnoxium restitutionibus, &c. Ab hoc tamen lethali, seu à belli iniustitia, excusari utique potest ob ignorantiam invincibilem, ut in posito privilegio. Quod ponit etiam Diana tom. 7. Coord. tract. 7. ref. 4. n. 3. & 4. Ex p. 4. tract. 4. ref. 24. Sic affirmans: Dicendum est aliquando bellantes non peccare, quia ex ignorantia invincibili procedunt: non tamen sequitur ex hoc, ex utraque parte dari iustum bellum; sed ex una parte dari; & in alia praesumi, & ratione talis praesumptionis potest ille alius ad virtutem iustitiae pertinere. Nota tamen quod dicta ignorantia facilis habet locum in Subditis, & militibus, qui causam belli tanto examine discuti-

tere non tenentur. Ita Diana, alique. Sed

634 Oppones, Ex admissione huiusmodi doctrinæ, ac privilegii, videtur sequi, posse concedi bellum ex utraque parte iustum, quod esse posse negant communiter Doctores tractantes de Bello. Probatur sequela, quia si ignorantia invincibilis excusat ab iniustitia belli, jam ex parte utriusque bellum iustum esse admittitur, ut ex se patet. Responsio tamen oppositioni huic in promptu est, dicendo ad rem nostram cum distinctione, Bellum esse non potest utrinque iustum semoto ignorantie privilegio, & materialiter, concedo; bellum enim ex utraque parte iustum materialiter esse non potest, & hoc est quod docent communiter Doctores tractantes de Bello, ut innuit P. Céspedes de Dubiis Militaribus dub. 60. Quia (ut optimè etiam Valent. punct. c. Versi. Nono certum est) certum est, non posse per se utrinque esse bellum iustum circa unam, & eandem rem materialiter, cum fieri nequeat, ut actus, seu conatus verè contrarij circa idem, pertineant per se, & ex natura rei ad unam, & eandem iustitiæ virtutem. Bellum non potest esse utrinque iustum per accidens, formaliterque ratione videlicet ignorantie probabilis, nego: quæ negativa videtur potius communis, & plurium Doctorum sententia. Nam *Victoria in Relect. De Jure Belli* n. 32. sic: *An possit esse bellum iustum ex utraque parte? Respondetur: seclusa ignorantia manifestum est, quod non potest contingere. Quia si constat de Jure, & iustitia utriusque partis, non licet in contrarium bellare, nec offendendo, nec defendendo. Posita, ignorantia probabilis facti, aut iurii, potest esse ex parte, qua vera iustitia est, bellum iustum per se: ex altera verò parte bellum iustum, idest, excusatum à peccato bona fide. Quia ignorantia invincibilis excusat à toto. Item ex parte saltem subditorum saepe potest contingere. Dato enim, quod Principi, qui gerit bellum iniustum, sciat iniustitiam belli, tamen (ut dictum est) Subditi bona fide possunt sequi Principem suum: & sic ex utraque subditi licet pugnare. Hactenus à Victoria; & idem docet Covarruv. ad Regulam Peccatum p. 2. §. 10. n. 6. fol. mibi 574. Idem habet Reginald. to. 2. lib. 21. Cap. 8. De Bello sec. 2. nu. 98. ibi enim ait: *An bellum possit esse utrinque iustum? Responsio est, semota ignorantia non posse; posita autem ignorantia probabilis, bellum esse posse utrinque iustum. Poni autem potest talis ignorantia non modo ex parte militum, quod frequenter contingit; sed etiam ex parte Principis: qui licet revera ba-**

beat causam iniustam, probabiliter tamen existimare potest se habere iustam; ut quando homines eruditi, & boni, quos consulit, respondent, ipsum iustam habere. His denuo addo P. Dianam to. 5. Coordin. tract. pr. ref. 31. n. 10. ex par. 9. tract. 9. & Miscell. 4. ref. 46. alijs 45. ubi ita: Non implicat dari bellum iustum ex utraque parte, quando ignoramus veritatem: ignorantia enim veritatis utrumque excusat, ut optimè Sanch. in Sum. lib. 6. cap. 3. n. 21. in fine: nam tunc bellum erit iustum ex una parte materialiter, & formaliter à parte rei: ex altera autem parte erit iustum tantum formaliter, & erit materialiter iniustum. Pro hac eadem doctrina, & sub eadem formalitate, ac distinctione, sunt etiam Moli. de Just. tom. pr. tract. 2. disp. 103. & 107. Valent. Versu cit. aliq. plures. Ex quibus clarè constat subsistentia, & firmitas huius propositi privilegii.

635 Hic obiter quæres, An qui ex ignorantia invincibili, & bona fide sequutus est bellum iniustum, si postea ei constiterit de belli iniustitia, teneatur rescircare omnia damna, quæ intulit? procedit quæsitum tum de Principe, tum de subdito, & milite. Respondeo, Qui hoc modo bellando ignoranter, iniustum intulit damnum, tenetur ad restitutionem eorum, dumtaxat, quæ adversariorum erant, & quæ apud ipsum in specie permanent, vel in virtute, quia ex eis ditior factus est. A' cæterorum verò restitutione excusatur, quia bona fide, & ignorantia invincibili, liberatur ab obligatione restitutionis, quæ oritur ex iniusta acceptione, vel læsione: & solum tenetur obligatione, quæ oritur ex re accepta, quæ solum urget, quando res permanet in se, aut in virtute. Qui igitur habuit probabilitatem de iustitia belli, adveniente sibi noticia de iniustitia, tenetur restituere ablata, quæ nondum consumpsit, idest quantum factus est locupletior, non autem quæ consumpsit, quia regula iuris est, quod qui non est in culpa, non debet esse in damno: sicut is, qui bona fide fuit in convivio lautissimum furis, in quo res furtivæ consumptæ sunt, non tenetur restituere, nisi fortè quantum domi consumpsisset. Quod totum patet ex doctrina communis de Restitutione. Et ita etiam ad idem quæsitum respondent Sylv. Verbo Bellum pr. qu. 9. & 10. *Victoria* l. c. n. 33. *Soto de Just. & Jure*, lib. 4. qu. 7. art. 2. §. *Horum inflar. Valent. punct. 2. cit. Versi. Quod si bellum; ubi concludit in fine, quod sic docent communiter alii omnes. Diana* to. 7. *Coord. tract. 7. ref. 6. Ex p. 6. tract. 4.*

traçt. 4. ref. 30. cum Lorca in 2. 2. D. Tbo. sec. 3. disp. 55. n. 4.

PRIVILEGIUM XI.

Ignorantia invincibilis iniustitiæ Belli, excusat militem à culpa.

636 **H**Abes hoc privilegium apud Molinam de Just. tom. 4. traçt. 3. disp. 15. n. 7. quod etiam approbant (preter alios) Soto de Just. lib. 4. qu. p. art. 7. lib. 5. quest. 6. artic. 4. & Victoria Releçt. 5. De Indis, proposu. 5. n. 6. prope finem. Et Releçt. 6. De Jure Belli. Versu Quartum dubium est. n. 32. dum asserunt, Bellum esse quidem non posse justum ex utraq; parte; justè tamen ambas pugnare posse ex ignorantia: quando videlicet utraq; pars putat se justam defendere causam. Item, Neguire Bellum esse utrinque justum, nisi ubi ignorantia alterutram partium excusaret. Insuper, Non esse inconveniens, quod cum ex una parte est jus, & ex altera ignorantia invincibilis, quod sit Bellum justum ex utraque parte. Tandem, Posita ignorantia probabili facti, aut juris (inquit Victoria) potest esse ex ea parte, qua vera justitia est, bellum justum per se; ex altera autem parte bellum justum, idest, excusatum à peccato bona fide. Quia ignorantia invincibilis excusat à toto. Item saltem ex parte subditorum sæpè potest contingere. Dato

enim quod Princeps, qui gerit bellum iniustum sciat iniustitiam belli, tamen (ut dictum est) subditi bona fide possunt sequi Principem suum: & sic ex utraque parte subditi licitè pugnant. Quod totum, nedum authoritativè, & extrinsecè, verum etiam intrinseca ratione probat privilegium propositum: Cui subscribit etiam P. Diana to. 7. Coord. traçt. 7. ref. 4. Ex par. 4. tr. 4. ref. 24. dum ibi sic in fine: Dicendum est igitur aliquando bellantes non peccare, quia ex ignorantia invincibili procedunt: non tamen sequitur ex hoc, ex utraque parte dari justum bellum; sed ex una parte dari; & in alia præsumi: & ratione talis presumptionis potest ille actus ad virtutem justitiæ pertinere. Nota tamen quod supradicta ignorantia facilius habet locum in subditiis, & militibus, qui causam belli tanto examine discutere non tenentur. Si autem occasione hujus Dianæ notabilis: Quæras hic: An Milites tum subditi alicujus Principis, tum extranei, teneantur justitiam belli inquirere, & examinare ut licitè possint militare: Vel tantum extranei Milites ad id teneantur. Item: An Milites, sive subditi, sive non, dubitantes de justitia belli, sine peccato bellare possint? Vide eundem P. Dianam To. 7. Coordin. c. & traçt. eodem 7. ref. 36. 37. 38. 39. 40. 41. In hac ultima quærit, An Milites, sive subditi sunt, sive non, teneantur examinare Justitiam belli? Et respondet negativè.

CAPUT UNDECIMUM DE PRIVILEGIIS IGNORANTIÆ

CIRCA SEXTVM, ET NONVM DECALOGI PRECEPTVM,

Non Machaberis: Non concupisces Uxorem proximi tui.

637



IN sexto Decalogi Præcepto, quod habetur Exodi 20. illis verbis: Non Machaberis: prohibetur nedum adulterium Viri, quod proprie Machabæ dicitur, sed etiam fœminæ, & quævis alia carnalis copula extra legitimum matrimonii usum: imò quicumque alius actus illicitus ad rem veneream, & voluptatem libidinis spectans, alliciens, & promovens, ut tactus, amplexus, oscula, delectatio, & intuitus turpis, locutiones, ornatus lascivi, litteræ amatoriz, &c. Et nedum in hoc eodem præcepto actus exteriores luxuriæ prohibentur, verum etiam actum, & affectum, seu desiderium interiore, & voluntatem inordinatam rei veneræ: prohibito enim usu alienæ Uxoris, cognoscitur lumine naturæ prohiberi etiam ipsius cupiditatem, quæ ad illum viam parat: Mattb. 5. Ego autem dico vobis, quod omnis, qui viderit mulierem ad concupiscendum eam, jam machabatus est eam in corde suo. Hinc est quod ad hoc Sextum.

Præceptum,

Præceptum, etiam Nonum reducitur (De non concupiscenda muliere, & marito alieno) seu quod Nonum, in Sexto imbibitur, ut docent communiter Doctores, apud, & cum Bonac. tom. 2. in Decal. disp. 8. qu. Unica, proposit. prima. Et hinc insuper est, quod & nos hic, sub unico, & eodem Capite, Ignorantiz privilegia ad utrumque præceptum, Sextum videlicet, & Nonum spectantia, promiscuè, & unitim afferenda proponimus.

638 Licet autem Nonum Decalogi præceptum ad Sextum reducat, & in ipso imbibitur agnoscatur, eo quia, quando prohibetur obiectum, quia de se malum est, consequenter etiam desiderium illius prohibetur: non inde tamen sequitur frustra esse additum Nonum præceptum, *Non concupisces*: magna enim cum utilitate positum fuit: Tum quia prava qualitas, & morbus pessimus peccati adedè malè intellectum, & voluntatem affecerat, ut plerique Judæi, falsò existimarent (Et fortè, addit Trullench in Decal. lib. 6. cap. Unico n. p. nunc idem aliqui nostri in hoc errore versantur) solum actum externum esse vetitum, & peccatum: Tum etiam, ut clarius, & distinctius appareat, concupiscentiam, desiderium, & affectum rei venerè vetitum esse: *Clavis Regia lib. 8. cap. pr. n. 2. Bonac. proposit. c. in fine*, & alii.

639 Et si obiter hic quæras: An ignorans invincibiliter actum internum esse peccatum, contra præceptum ut supra, cognoscens tamen actum externum peccatum esse, excusetur à culpa solum actum internum admittens? Respondeo affirmativè cum in *Sancti. Tom. pr. Operis Moral. libr. p. cap. 16. à nu. 17. Et Bonac. to. 2. De Peccatis disp. 2. qu. 8. punct. 3. proposit. 2. n. 27.* ubi ait, ad casum hujus quæsit: *Eum qui fornicationem externam novit esse peccatum; sed invincibiliter ignorat desiderium fornicandi esse peccatum, non peccare desiderio fornicationis, peccare verò exterius fornicando*: pro qua re alios D. D. citat. Hinc fit hujus Capitis.

PRIVILEGIUM PRIMUM.

Ignorans invincibiliter desiderium fornicandi esse peccatum, excusatur à culpa, solum actum internum, & desiderium admittens.

640 **P**robatur: Quia (ut optimè etiam *Sancti. n. c.*) cum proxima regula bonitatis, & malitiæ humanorum actuum sit conscientia, nullus peccare potest, quandiu ejus conscientia prudenter dicat id quod agit non esse peccatum; quod in ignorante invincibiliter contingit; prudenter enim sibi persuadet actum illum internum culpa vacare.

641 Sed contra cum aliquibus apud *Sancti. l. c. n. 16.* obicitur primò: Quia sic desiderans, & actum internum habens, vult obiectum externum, quod esse peccatum novit. Secundò: Quia volens furari, subinde præceptum vetans furtum transgredi vult. Tertiò: Quia cum sit duplex malitia, altera actus interni, altera vero externi: cum illa sola ignoretur, voluntas admittendi actum externum non erit libera à culpa. Quartò: quia voluntas hæc repugnat actuali amorì Dei. Quippe hic includit efficax propositum servandi omnia præcepta: Quod hæc fornicandi voluntas non admittit, sed excludit. Tandem: quia ad peccatum non requiritur, ut quis supra suos actus internos

reflektat, agnoscendo illos esse peccata, sed sufficit externam obiecti malitiam nosse. Verum, respondeo cum *Sancti. n. 17. cit.* nostro proposito privilegio non ob stare primum, nec secundum oppositum: Quia liberè volens actum quem novit malum, & præceptum transgredi, tunc peccat, quando ut cadit sub illam volitionem, novit esse peccatum, & adversari Divino præcepto: secus verò si nosset esse peccatum, & adversari Divino præcepto sub una ratione, & tamen ipse liberè vellet sub altera. Nec etiam ob stare tertium: Quia tunc ea altera malitia non ignorata imputatur ad culpam, quando ita est volita, ut peccatum sit, quatenus sub illam liberam volitionem cadit. Quod in nostro casu non procedit: Quia malitia obiecti externi dum in solo actu interno sistit, excusatur per ignorantiam. Nec etiam ob stare quartum: Quia hæc voluntas per ignorantiam invincibilem excusata non repugnat actuali amorì Dei. Hic enim amor includit efficax propositum servandi mandata, quatenus transgressio alicujus, ita sub voluntatem cadit, ut non excusetur invincibili ignorantia. Neque tandem ob stare ultimum, quia quamvis illa expressa reflexio necessaria non sit, necessarium tamen prorsus est, ne homo sibi prudenter oppositum persuadeat.

642 Hinc deduc à pari, eum, qui invincibiliter ignorat, peccatum esse internam voluntatem furandi, occidendi, &c.
dum

dum hæc in externum actum non prodit, excusari habentem illam, ratione ejusdem ignorantie à præcepti transgressione. Uti excusatur etiam per Bonac. l. c. n. 25. cum aliis; is, qui licet sciat furtum esse peccatum, ignorat tamen furtum imperare, peccatum esse, & furtum imperat.

PRIVILEGIUM SECUNDUM.

Qui ad sœminam accedit credens esse suam, uxorem, seu invincibiliter ignorans esse alienam, excusatur à peccato Adulterii :

643 **I**Ta etiam Bonac. To. 2. disp. 2. qu. 8. punct. 3. n. 20. & ratio est clara : Quia is habet ignorantiam invincibilem facti. Secus esset si ignorantia vincibili laboraret, cum qua stat voluntarium sufficiens ad peccatum, eo quia præcedat ipsam aliqua cognitio peccati, seu obligationis, quamquam talis etiam ignorantia diminuat peccatum, ut docent communiter Theologi.

PRIVILEGIUM TERTIUM.

Solutus Vir, qui ad liberam, & solutam sœminam accedit, invincibiliter ignorans id esse sub letali reatu, & positivo etiam præcepto prohibeum, excusatur à peccato simplicis fornicationis.

644 **S**implex fornicatio est concubitus Viri soluti, cum sœmina soluta; tales autem (soluti videlicet) intelliguntur illi, qui à Conjugio, Voto, Ordine Sacro, Religione, & Cognatione sunt liberi. *Systo Verbo Luxuria, qu. p. & communiter.* Unde simplex fornicatio dicitur, quia est Viri cum sœmina carnalis copula nulla graviore alia luxurie circumstantia affecta, & associata; & ita ob id, commune nomen, nimirum simplicis fornicationis, obtinuit : *Azor. to. 3. lib. 2. cap. 4. in princip.* Certum autem est talem simplicem fornicationem esse peccatum, & adeo certum, ut hæreticum sit contrarium docere : *Clem. ad nostram, & Heret. uti & damnatum ab Innoc. XI. Pont. Maximo (Proposit. damnata 48.)* asserere, Fornicationem secundum se nullam involvere malitiam, & solum esse malam, quia interdicta. Est enim mala fornicatio simplex secundum se, & intrinsecè, ut colligitur ex *D. Tho. 2. 2. qu. 154. art. 2. & Coqet. ibidem. Soto de Justit. lib. 5.*

qu. 3. art. 3. (Contentendæ esse errorem in fide, asserere simplicem fornicationem non esse malam ex lege naturali, & intrinsecè) *Diana To. 8. Coord. tract. 6. res. p. ex p. 9. tract. 9. & Miscell. 4. res. 6. aliis 59. Azorio l. c. Valent. Tom. 3. disp. 9. punct. 3.* (Ubi certum esse de fide simplicem fornicationem esse peccatum mortale, contra errorem Nicolaitarum, &c.) & *Tambur. in Decal. lib. 7. cap. p. §. 2. n. p. affirmante*, hanc esse communem, & veram sententiam. Unde simplex fornicatio per citatos (& communiter alios) nedum est mala mortaliter, & prohibita jure Divino. *Tob. 4. p. Cor. 6. Ad Ephes. 5. Ad Galat. 5. Ad Hebr. 13. Apoc. 21.* verum etiam jure, & lege naturali. Tum quia simplex fornicatio excedit regulam rectæ rationis ex parte finis actus venerei, non quia impediatur generationem proles, sed quia obstat rectæ educationi illius, quæ nimirum requirit, ut patet, operam Viri, & sœminæ, qui inter se sint devincti perpetuo legibus matrimonii. Tum etiam quia si non esset talis luxuria jure ipso naturali, & naturæ lege prohibita, in aliquo tandem urgentissimo casu posset in ea dispensari, quod nullo modo dici potest. Imò & sine dispensatione satis esset, ad licitè fornicandum, si notabile v.g. incommodum immineret alicui, ut illud evadat, juxta ea, quæ dicuntur à Doctores de præceptis humanis positivis, id est sola lege humana prohibitis, quæ cum gravi incommodo non obligant. Ut patet in eo, qui ex. gr. dormire non potest si jejuniū fervet, nam omnes concedunt hunc non obligari ad jejuniū, quia lex humana non tenet ubi tale incommodum sequitur. Hinc à pari dicendum de eo, qui nec die, nec nocte dormire potest, eo quia urgetur desiderio fornicandi, dato namque quod fornicatio mala sit, quia, prohibita, talis prohibitio esset non obligans in hoc, vel alio simili casu, quod ullus dicere audebit.

645 Et si dicatur fornicationem esse prohibitam, & interdictam Jure Divino positivo, eo prorsus modo quo prohibetur Eucharistiæ sumptio ante confessionem peccati mortalis. Respondetur, doctrinam esse generalem, quod præcepta naturalia, five juris humani, five juris Divini positivi, quæ intrinsecè non sunt mala, non obligant in quibusdam casibus notabilibus incommodi, judicio prudentis, & docti Viri, ut puta in casu mortis; ut videre est apud *Sancti. in Decal. to. pri. lib. p. cap. 18. nu. 16.* Si ergo fornicatio non esset mala, secundum

secundum se, sed solum quia prohibita; & interdicta, posset in aliquo casu exerceri, ut notabile incommodum mortis, mutilationis, &c. evitaretur, quia in casu tanti incommodi dicta præcepta non obligant per *Sanch. l. c.* & alios communiter. Sed hoc dicendum non esse constar ex se, & ex communi sensu Ecclesiarum, & Doctorum si sermo sit de fornicatione. Ergo quia hæc est ex se, & intrinsicè mala, & lethale peccatum.

646 A quo tamen, sola excusare potest invincibilis ignorantia, ut in proposito privilegio, quod admittitur, & approbatur expressè (in aliquibus saltem rudibus, valde incultis, & agrestibus hominibus) ab *Azor. par. 3. lib. 3. cap. 4. qu. p.* (citante *Sotum*) *Filliuc. to. 2. tr. 30. cap. 2. n. 30. Fagund. in Decal. to. 2. lib. 6. nu. 12. vers.* Neque etiam *Carolo Bauccio tracl. pr. de Miscellaneis Practicis qu. 207. Tambur. in Decal. lib. 7. cap. p. §. 2. n. 10.* & ab aliis: Unanimiter asserentibus, quod licet lumen ipsum naturæ dicteret fornicationem esse intrinsicè malam, & illicitam, & adeo, ut nec sit licita de Consilio Medicorum ad tuendam vitam, & valetudinem servandam, ut supra (& innuit etiam *Fagund. n. cit.*) atque adeo circa ipsam non videatur ita de facili dari posse ignorantiam invincibilem, saltem apud bene institutos Christianos: concedunt tamen, quod possit dari tam barbarus, ac incultus populus, ita destitutus Doctoribus, & scientia rerum moralium, ut apud illum detur ignorantia invincibilis de fornicatione simplici. Quia & si præcepta Decalogi naturalia sint, & deducantur ex principiis per se notis, ut bonum amplectendum, malum fugiendum, & hujusmodi, attamen quia non ita evidenter deducuntur, poterit aliqua ignorantia probabilis, & invincibilis in talia præcepta cadere, quod enim fornicatio simplex obicit proli nascituræ, & inferat damnum illi, non ita facile ab omnibus clarè dignoscitur; nec quod inferatur injuria in corpus mulieris, quando maxime ipsa liberè consentit, & est soluta, non inquam id facile dignoscitur apud omnes homines, sed apud pios, & bene institutos tantum, ut optimè *Azor. l. c.* & cum ipso *Filliuc. & Fagund. l. l. c. c.*

647 Cum quibus addo. Quod in Civitatibus, & oppidis, in quibus frequentes sunt conciones, & pueri Christiana doctrina instruuntur, & Visitationes Episcoporum frequenter habentur, rarò invenietur talis ignorantia. Imò vix credibile est posse

dari. Facilius in Oppidis ignorari potest fornicationem cum Meretricibus expositis esse peccatum, quam cum muliere vaga non exposita, quia sunt multi, in bene etiam instituto populo, qui nesciunt distinctionem facere inter peccata permissa, & non prohibita quoad penam, & quoad culpam: ex eo enim quod Meretrices non puniantur, sed publicè permittantur, putant simplicem fornicationem cum illis habere, peccatum non esse, imò esse licitum ad illas accedere: quod nedum in Oppidis, verum etiam in Civitatibus alioqui bene institutis in fide, & Religione, persæpè locum habet: ut sciunt ii, qui Confessiones excipiunt, & benè experiuntur, quos ignorantes erudire oportet, ne scèdè, & indignè errent. Ita citati *Filliuc., Fagund.*

PRIVILEGIUM QUARTUM.

Qui accedit ad Maritatum, quam tamen credit esse solutam, & ignorat esse Maritatem, excusatur à culpa Adulterii.

648 **P**robatur. Quia licet tale peccatum sit adulterium materiale respectu illius, est tamen ratione ignorantie formaliter fornicatio simplex. Sicuti è contrario, qui accedit ad solutam, quam credit maritatem, committit formaliter adulterium, licet à parte rei illius peccatum (materialiter) sit simplex fornicatio: ut habet etiam *Fagund. in Decal. to. 2. lib. 8. cap. 25. sub n. 17. Versu Quarto, Quia.*

649 An verò sicuti dicta ignorantia excusat à culpa formali Adulterii, excuset etiam ab Adulterii formalis penis. Ex his, quæ posuimus superius in *Privilegio Quarti Capituli* videtur affirmativè respondendum. Et ita etiam hoc idem quaesitum resolvere videtur *Fagund. Versu c.* ex doctrina quam universaliter ponit, & approbat *toto n. 17. c.* Quod videlicet, Ignorantia invincibilis legis humane, excuset à pena imposita tali lege, quamvis factum prohibitum in ea, sit etiam prohibitum lege divina, & jure divino, & naturali, idque sive lex, & statutum sit Civile, sive Canonicum, sive Episcopale, sive Papale, sive etiam Concilii alicujus Generalis, aut nationalis: Quam doctrinam sequuntur apud ipsum *Castro lib. p. de lege pen. cap. p. ad fin. & lib. 2. cap. 14. Soto in 4. dist. 3. art. 9. & ad 2. 2. qu. p. art. 2. Covar. ad reg. possessor. p. 2. §. 7. nu. 7. & Suar. libr. 5. de leg. cap. 12. nu. 5. fol. 519.*

col. 2. Et ratio est clara ex dictis etiam in cit. nostris Privilegiis. Tum quia quotiescunque non adest scientia legis, & statuti humani, non datur peccatum contra illud, & ubi non datur peccatum contra legem, nec consequenter incurritur illius poena. Antecedens constat: nil enim magis contrarium est peccato, quam involuntarium: ubi autem datur error, & ignorantia legis, ibi non datur voluntas peccandi contra illam: ergo neque datur peccatum; consequenter neque poena. Omnis namque lex, idem sui notitiam requirit, ut voluntarie violetur, aliquid, si ignoratur, non violatur voluntarie, cum nil magis contrarium sit voluntati, & consensui, quam error l. Si per errorem, ff. de Jurisd. omni. Jud. & l. nihil consensui, ff. de regul. juris: & ubi non est consensus, neque peccatum adest. Tum, quia idem promulgantur leges, ut illarum notitia habeatur, quae si non habeatur non obligant, consequenter non incurritur illarum poena. Tum etiam quia, ignorantia utique humani juris esse potest invincibilis, quot enim sunt praecepta positiva, & quot prohibitiones, quae licet respectu plurimum, & multorum, illorum ignorantia non sit invincibilis, respectu tamen hujus, vel illius, invincibilis esse potest? Saepe enim homo, etiam si sit literatus, non valet per se omnium praeceptorum scientiam habere, & quandoque occasiones, opportunitatesque deficiant, ad notitiam dictorum praeceptorum comparandum, eo quia non habuit unde, aut quomodo, ad illorum notitiam excitaretur. Sicut igitur ignorantia invincibilis Juris, & Statuti humani facit quod per materiale transgressionem ejusdem non incuratur poena, ab eodem Jure, lege, & Statuto imposita: ita à pari nec eidem poenae subiaci dicendum est, qui ob invincibilem ignorantiam peccat quidem materialiter, non autem formaliter, id est, non sub illa ratione sub qua à lege imposita fuit aliqua poena. Et sic est omnino in casu propositi dubii. Quare merito Fagundes Versu c. in fine, sic: Credo non posse Judicem, reperta veritate, hujusmodi reum (Adulterum videlicet materialiter tantum) punire poena ordinaria adulterii in jure Statuta, sed alia mitiori: imò nulla, quia reus non fuit adulterium à parte rei commissum: & leges, quae morte puniunt adulterium, verum adulterium, non existimatum respiciunt. Sic qui percussit laicum putans esse Clericum, non incurrit Censuram, Cap. Si quis, quia revera non commisit Sacrilegium verum, quod Censura poenam respicit, licet etiam putaverit illud com-

mississe. Hujusmodi autem resolutio, & doctrina locum habet, siue qui materialiter tantum adulteravit ignoraverit solam poenam: siue utrumque simul, poenam videlicet, & legem: siue etiam utriusque notitiam habuerit. Quod totum constat ex dictis: qui enim non habet notitiam poenae, non est illius reus; multo minus qui caret notitia legis, & poenae ab ipsa impositae: sed neque reus est adulterii in casu nostro, & si dictus optimè sciverit prohibitum esse adulterium lege humana, & sub tali poena, quia revera non fuit adulterium à parte rei ab ipso commissum, & lex respicit, & punit verum adulterium. Vide Fagundes. à n. 18. c. usque ad finem Capiculi.

PRIVILEGIUM QUINTUM.

Accedens ad consanguineam, vel affinem, & ignorans esse talem, excusatur à culpa formalis incestus.

630 **I**ncestus est congressus cum consanguinea, vel affine intra gradus prohibitos, quales sunt omnes gradus consanguinitatis, usque ad quartum gradum, & affinitatis etiam, usque ad quartum, si oriatur ex matrimonio rato, vel consummato: & usque ad secundum, si ex copula illicita. Trident. sess. 24. c. 4. Qui igitur accedit ad consanguineam, vel affinem, nesciens esse talem, ut in proposito privilegio, utique non committit incestum, nisi materialiter, ut patet, ergo excusatur à culpa incestus formalis. Hinc optimè Petrus à Sancto Joseph in Summula Casuum Conscientiae. Art. De Adulterio, & Incestu, sic: Si affinitatem ignorat (Vel consanguinitatem) non committit incestum, nisi materialiter, sed simplicem fornicationem: adeoque nec incurrit poenam formalem incestus debitas. Ob quae postrema verba sit.

PRIVILEGIUM SEXTUM.

Accedens ad consanguineam, vel affinem Uxoris suae, ignorans esse talem, necdum excusatur à culpa incestus, verum etiam à poena, incestus formalis ab Ecclesia imposita, scilicet privatione juris potendi debitum.

631 **Q**uod dicitur de incestu Mariti accedentis ad consanguineam, vel affinem Uxoris, pariformiter affirmatur de incestu Uxoris accedentis ad consanguineum, vel affinem Mariti;

riti; Pontius de Matrim. lib. 10. cap. 7. n. 3. Bonac. Tom. pr. de Impedim. Matrim. qu. 3. punct. 12. n. 21. Unde optimè Andreas à Matre Dei To. 2. Theologie tract. 9. de Matrim. cap. 15. punct. 3. nu. 26. ait: Si uterque conjux incestum cum consanguineis alterius commisit, uterque jure petendi privatur, proindeque nec reddere, nec petere possunt, & sic sunt ad invicem separandi, nisi vel dispensationem obtineant, vel absque periculo incontinentie velint ut fratres simul commemorari, Cap. Discretionem, de eo, qui cognoscit consanguineam Uxoris sue. Ut autem Maritus accedens ad consanguineam Uxoris, & cognoscens eam contrahat affinitatem impediens petitionem debiti, debet esse in primo, vel secundo gradu consanguineae Uxoris, quia ultra illum non contrahitur affinitas impediens petitionem debiti. Hinc qui cognovit consanguineam Uxoris suae in tertio, vel quarto gradu non privatur jure petendi debitum: ita D. D. communiter apud Gasparum Hurtadum de Matrimon. disp. 10. Difficult. 7. nu. 30. Ratio est, quia cum Tridentem non extendat impedimentum affinitatis ex copula illicita ultra secundum gradum ad matrimonium contrahendum; consequenter ad illius jam contracti usum, non extendit ultra hos duos gradus, ut expressè declaravit Congregatio Cardinalium ex mente S. D. N. Gregorii XIII. quam declarationem habes apud Pontium De Matrim. lib. 7. cap. 33. in fine: cuius sententiae sunt, ultra Hurtad. & Pontium l. l. c. c. Sancb. de Matrim. libr. 9. disp. 27. nu. 14. Bonac. l. c. n. 20. Diana to. 2. Coord. tract. 6. ref. 242. Ex par. 11. tr. 5. & Misc. 5. ref. 38. (Hac de causa affirmans fornicationem cum affine in tertio, & quarto gradu non esse incestum: videatur.) Franciscus Bardi in Selectis Moralib. lib. 10. qu. 18. n. pr. Andreas à Matre Dei l. c. nu. 25. in princ. Quintanadenn. tom. pr. tract. 9. Singulari 5. (ubi, quod immeritò docuit Comitolus lib. p. qu. 138. n. 2. etiam in tertio, & quarto gradu hoc impedimentum reperiri,) & alii communiter. Vide eundem Quintanadennas Singulari cit. & subseq. 6. in quibus ponit conditiones, quae concurrere debent, ut qui consanguineam Uxoris suae cognovit, dispensatione indigeat ad petendum debitum. Quibus praemissis.

652 Probatur privilegium propositum, primò auctoritate Doctorum, Diane tr. 6. c. ref. 241. n. p. ex p. 3. tract. 5. & Misc. p. ref. 12. (Ubi, quod haec opinio sit multum plausibilis Confessariis Sæcularibus, qui non habent privilegium Regularium, ut possint dispensare cum poenitentibus incestuosus ad

petendum debitum) ref. 242. c. & To. 3. Coordin. tract. 5. ref. 7. in fine, ex par. 9. tract. 7. Miscel. 2. ref. 19. Pontii de Matrim. lib. 10. cap. 6. n. 10. Sancb. de Matrim. lib. 9. disp. 32. n. 49. Quintanadenn. Singul. 6. cit. n. 3. & 4. Bardi l. c. à n. 3. Andreas à Matre Dei punct. 3. c. nu. 29. & aliorum gravissimorum Authorum apud ipsos.

653 Probatur secundò ratione, quia ignarus facti, est culpæ expers, ergo etiam poenae. Consequentia hæc probatur: quia poena mensuranda est per ordinem ad culpam, ut habetur ex Cap. Felicit. §. Illud autem de penis in 6. Unde si quis invincibiliter ignoraret actionem aliquam esse contra jus Divinum, & naturale, non mereretur poenam contra talis juris transgressores impositam: Sic ergo cum poena privationis petendi debitum conjugale sit inflicta ab Ecclesia prohibente commercium carnale cum consanguineis propriæ conjugis, ratione affinitatis, quæ inter ipsos conjuges confurgit: Si accedens quis ad consanguineam, vel affinem, ut in privilegio, ignorat invincibiliter esse talem, ignorat consequenter suum commercium cum eadem prohibitum esse ab Ecclesia, proinde non meretur privari jure quod habebat ad exigendum debitum: Ergo illius ignorantia nedum ipsum excusat à culpa incestus formalis, verum etiam à poena; siquæ verum propositum privilegium.

654 Circa quod etiam adverte cum Quintanad. Singulari 6. c. n. 5. qui commisit materialiter tantum incestum (ut in privilegio,) & post ipsum sic commissum agnoscit cognationem scemine cum Uxore sua, & poenam incestui impositam, non tamen ante incestum, vel in ipso incestu, non indigere dispensatione ad petendum debitum, cum incestum formalem non commiserit, sicut qui cognovit nuptam existimans eam solutam, cum postea scit nuptam esse, non imputatur ei adulterium formale, ut dictum est superius, sed de simplici fornicatione, se reum constituere, & accusare debet in confessione. Et qui juravit quod verum esse credebatur, & postea, falsum esse reperit, perjurium non commisit. Et qui Clericum occidit, credens esse feram, vel sæculem, non eget absolutione ab excommunicatione, etiamsi postea sciat.

636363

PRIVILEGIUM SEPTIMUM.

Accedens ad consanguineam, vel affinem cum scientia facti, & juris, cum ignorantia tamen solius poenae, is excusatur ab ipsa, & ob id non privatur jure petendi debitum.

655 **S**anchez de Matrim. to. 3. lib. 9. disp. 32. n. 49. Bonac. to. p. de Matrim. qu. 4. punct. 2. in fine. Diana To. 2. Coord. tr. 6. ref. 242. n. 2. ex p. 3. tr. 5. & Miscel. p. ref. 12. Et ref. 242. n. 9. ex p. 11. tr. 5. & Miscel. 5. ref. 38. Palao to. p. tract. 2. disp. p. punct. 17. num. 8. in fine. Henric. de Matrim. l. 11. c. 15. n. 11. Pontius de Matrim. libr. 10. cap. 6. n. 10. alique ponunt, & approbant hoc idem privilegium, expressè affirmantes, eum, qui contraxit affinitatem, vel cognationem cum scientia facti, & prohibitionis, sive juris, sed cum ignorantia sola poenae, idest cum nescientia, quod ex hujusmodi copula confurgat privatio juris petendi debitum ab Uxore, talem penam non incurrere, nec privari jure petendi. Quod utique affirmare etiam videntur ii omnes concludentes (quos alibi superius ad abundantiam attulimus) ignorantiam poenae à lege imposuit, excusare ab ipsa: eo quia, *Talis conclusio, quae magne est consolationis* (ait Portell. in Dub. Regul. Verbo Ignorantia n. 27.) intelligenda est de quibuscumque poenis, sive latis à jure communi Papae, sive à particulari Diocesano rum ex c. 2. de Confis. in 6.

656 Ratio autem est, tum quia, ex alibi pluries dictis, poenae ignorantia excusat ab incurrenda excommunicatione, aliisque censuris: ergo etiam excusabit ab incurrenda poena privationis juris petendi debitum: tum quia quantitas poenae quantitati delicti proportionari debet, juxta Cap. *Forlicis, de penis in 6.* & minus delictum non censetur dispositione juris puniendum eadem poena, qua punitur majus, nisi id expresse dicatur: sed minus delictum est, & minor contemptus legis, quando hæc frangitur continens graves penas, penis ignoratis, quam iis cognitis: ergo æquum non est, quod transgressor subiciatur eisdem penis pro minori delicto, ac pro majori: sic enim non videretur proportionari quantitas poenae quantitati delicti, ut patet.

657 Confirmatur etiam privilegium hoc (communiter admittum.) Quia ubi lex, aut Canon punit delictum, nullo alio jure prohibitum, ignarus legis, aut Canonis

(ut in casu nostro) sicuti excusatur à culpa transgressionis, ita & à poena, ut ex omnium mente pluribus in locis diximus in superioribus: ergo. Atque ita in cognitione excusare ignorantiam juris, nedum invincibilem, sed etiam vincibilem, ac culpabilem, etiam crassam, modo non sit adeo crassa, ut sit ingens temeritas ignorare, docent quamplures, præcipuè Sanch. disp. c. 32. à n. 43. usque ad finem disp. Hinc habes, quod conjux, accedens ad consanguineam Uxoris, per quod ex lege Ecclesiae incurritur poena, ut non possit absque dispensatione petere debitum à tali Uxore, liberatur talis ab hac poena non petendi debitum, si id fecit cum ignorantia juris, idest legis Ecclesiae prohibentis eidem petere debitum, & si ignoraverit crasse, ut supra. Addunt præterea Portell. c. Verbo Ignorantia n. 31. & Palao n. c. Versu Quarto infero. Liberari nedum à dicta poena, verum etiam excusari ab obligatione petendi dispensationem quando conjux habuit tantum ignorantiam solius poenae imposuit, ne videlicet petatur debitum, & si sciverit prohibitum esse à jure accedere ad consanguineam suae Uxoris: Idem existimo (ait Palao) dicendum de ignorante solam penam, hoc est, de ignorante sibi esse prohibitam petitionem debiti ob incestum commissum, & si sciat specialiter prohiberi. Quod probabile existimat etiam Sanch. disp. c. n. 20. nec reprobatur Diana ref. 241. cit. eodem n. 2. Imo ref. seq. 242. n. 9. ex par. 11. tract. 5. & Miscel. 5. ref. 38. hoc idem additum, ac sententiam admittit: & ibi sic: Ego alibi hanc sententiam adnisi, & nunc iterum admitto, & illam novissime docet Dicastillus de Sacram. to. 3. tract. 10. disp. 9. nu. 205. ubi sic ait: Qui factus est affinis: vel cognatus cum ignorantia poenae, etiam si habeat scientiam juris, & facti, probabilissimum est non privari jure petendi. Ratio est, tum quia poena ignorantia excusat ab incurrenda excommunicatione, aliisque censuris: ergo etiam excusabit ab incurrenda poena juris petendi debitum: tum quia poena quantitas debet proportionari quantitati delicti, Cap. *Felicis, de pen. in 6.* minus autem delictum non censetur juris dispositione puniendum eadem poena, qua punitur majus, nisi id expresse dicatur: sed minus delictum est, & minor contemptus legis, quando frangitur lex continens gravi penas, penis ignoratis, quam iis cognitis, ergo æquum non est, quod transgressor subiciatur eisdem penis pro minori delicto, atque pro majori. Ita ille: & sic etiam Diana ref. cit. optimè concludens ad privilegium nostrum firmandum:

Hoc esse multum plausibile Confessarius secularibus, qui non habent privilegium Regularium, ut possint dispensare cum penitentibus incestuosus ad petendum debitum: ita ref. Coord. anteced. supra c. 241. n. 2. & ante ipsum Portell. in dub. Regul. Verbo ignorantia n. 31. prope finem, cum Sancho. per hæc verba: Hoc idem magna consolatio est, & remedium ad quietandum conjuges quando Confessor non habet specialem facultatem concessam ex privilegio ad dispensandum in tali casu: si enim ibi intercessit vera ignorantia juris, vel saltem modo prædicto, non est necessaria dispensatio. Sed

658 Contra Obiicies: Non est de ratione pœnæ esse voluntariam; ergo ad eam incurrendam non prærequiritur cognitio; consequentia sequitur, quia in tantum ignorantia impedit ejus executionem; in quantum nulla posita scientia nequit delinquens implicite velle pœnam, seu non curare se illi subicere patrandò culpam, quod est implicite, & indirectè velle pœnam: antecedens probatur, quia omne id, quod est pœnale, contrarium est appetitui. Respondeo ad antecedens distinguendo: non est de ratione pœnæ extraordinariæ esse voluntariam, in se, & directè, conceditur: in causa, & indirectè, negatur: requiritur enim, ut reus feratur in actionem illam cognitam ut causam pœnæ, quia tunc censetur velle implicite, & indirectè pœnam illam: seu requiritur, ut transgrediens legem contemnat illam, ut causam illius pœnæ, contemptu tamen non speciali, & formali, sed transcendenti, & virtuali, hinc negatur consequentia.

659 Instabis. Tota ratio delicti merentis pœnam, in transgressione legis sita est: hæc autem transgressio solum expostulat notitiam legis, non pœnæ: ergo ignorantia pœnæ, à pœna non excusat. Alias invincibiliter ignorans pœnam inferni eternam impositam esse peccato mortali, illam non incurreret, quod omnino falsum est, & erroneum. Respondeo cum *Palao punc. c. 17. nu. 9.* Adequatam rationem delicti merentis pœnam delicti extraordinariam, sitam esse in transgressione legis imponentis talem pœnam, non utcumque, sed cum sufficiente illius cognitione; aliter non censetur delinquens esse subiectus. Neque obstat (inquit etiam *Palao*, & cum ipso *Bardi qu. c. 18. in fine*) exemplum de pœna inferni, quam quilibet peccator meretur, esto illam invincibiliter ignoret, quia hæc pœna non est extraordinaria peccato mortali, sed potius ordinaria illius, & levior ea quam peccatum meretur, cum

Deus, sicuti dicunt Theologi, puniat citra condignum. Privatio igitur illius juris petendi debitum, est extraordinaria pœna, & valde rigida, laudabiliter tamen imposita ab Ecclesia, ut arceat homines à similibus sceleribus. Hinc infertur discrimen inter ordinariam, & extraordinariam pœnam: nam pœnæ ordinariæ se spontè subiicit peccans: voluntariè enim, & ex cognitione legis delinquens, necessarid cognoscit submittere se alicui pœnæ, saltem ordinariæ, & proportionatæ, quia scit omne malum esse puniendum, & non ita quando pœna est extraordinaria: & ideo ut hanc reus iustè sustineat, debet eandem præcognoscere, & ex præcognitione eidem se subicere.

660 Reinstabis: Vel pœna imposita proportionata est delicto, vel illi inproportionata: si hoc secundum, ergo iniusta, & iniustè infligitur: si primum, ergo eo ipso quod quis committit delictum, tenetur subire pœnam proportionatam, consequenter cognitio, & scientia pœnæ non est necessaria ad illam incurrendam. Respondeo cum eodem *Palao nu. 9. cit. in fine*. Plures esse pœnas extraordinarias, & exorbitantes, delictis impositas, si delicta in se considerentur: At non esse exorbitantes, attenda delicti multiplicatione, & aliis circumstantiis, quibus Iudex motus est ad pœnam illam extraordinariam constituendam. Hinc sit delinquentem ignarum, non esse obligatum subire talem pœnam, bene tamen eam, quæ delicto secundum se fuerit proportionata.

PRIVILEGIUM OCTAVUM.

Habens voluntariam pollutionem, seu molitiam, cum ignorantia invincibili quod sit hæc lethale peccatum, ab hac lethali culpa excusatur.

661 **P**OLLUTIO, seu molities, est voluntaria seminis effusio absque copula; & quando est hujusmodi, id est plenè voluntaria in se, vel in sua causa, est peccatum mortale. Quod constat ex *Sacra Script. p. Corinb. 6. Nolite errare, neque molles regnum Dei possidebunt.* Et ratione etiam suadetur: quia voluntaria seminis effusio est contra finem generationis primariè à natura intentum (hinc pollutio, & molities, dicitur immunditia contra naturam) si enim fornicatio est peccatum mortale, eo tantum, quia caret debito ordine ad proles educationem, multo magis hujusmodi actus erit lethale peccatum; utpote conceptioni

tioni repugnans. Et nedum est illicitum, & mortale pollutionem, & molliem voluntariè habere, verum etiam illam (voluptatis causa) desiderare, & assensum in illam (sic) internè admittere secundum omnes D. D. apud Lessum, & cum ipso De Just. lib. 4. cap. 3. dub. 14. n. 104. Versu, Dico prius: consensus enim in illam delectationem, per omnes, peccatum est mortale, uti est lethale peccatum actus ipse positivus molliciei, & pollutionis.

662 A quo tamen peccato, & lethali culpa, excusare invincibilem ignorantiam, nos affirmamus in hoc proposito privilegio (uti & innuimus supra cap. pr. privileg. 2. num. 37.) quod & asserit clarè, & aperte Diana to. p. Coordin. tr. 3. resol. 119. ex par. 3. tract. 4. ref. 107. aliàs 108. dum ibi sic: Potest dari ignorantia invincibilis de pollutione, quae non sit peccatum, ut in specie notant Layman in Theol. Morali, & Sanchez in Summa, &c. Quod privilegium confirmare videtur idem Diana, sequenti ref. Coord. 120. n. 2. ex p. 10. tr. 14. & Miscell. 4. ref. 21. aliàs 19. & tract. 7. ejusdem Tomi p. Coord. ref. 11. n. 4. in fine. Ex par. 4. tract. 4. & Miscell. ref. 36. Hinc optimè Leander, de Sacramentis tom. pr. tract. 5. disp. 5. qu. 69. sic infert: Ex hac doctrina constat Dianam reitè refutasse de quodam puero, qui usque ad tertium decimum annum, non se accusavit de pollutionibus, quas ordinariè faciebat, ignorant invincibiliter illas esse peccatum; illum non fuisse adstrictum, praeteritis Confessione reiterare. Ita Leander. Cui etiam adde (inquit Diana ref. c. 120. n. 2. prope finem) Obgraviam de Sacram. tract. 2. de Confessione Sacramentali, qu. 31. n. 7. & Doctores communiter.

PRIVILEGIUM NONUM.

Ignorans invincibiliter desideria prava carnis esse peccata, excusatur ab eorundem culpa, & reitate.

663 A desideria prava etiam furti, vindictæ, &c. extendi potest hoc privilegium, quod nedum sequitur ex superius dictis, verum etiam illud deduco ex Decis. 321. quam ponit in suis Decisionibus Miscellaneis Bordonus: dum ibi sic: Vis alioquin prudens, & sciens, qui antea in suis confessionibus nunquam se accusavit de desideriis carnis, furti, odii, &c. eo præcisè, quia putabat, ea non esse peccata, aut de illis nunquam dubitavit, sint ne peccata, non debet esse anxius circa praeteritas confessiones respectu integritatis, neque tenetur illas rescire,

neque hujusmodi desideria aliàs non confessæ, modo confiteri. Ratio est clara; quia stante ejus bona fide, quæ secundum omnes à peccato excusat, non peccavit: nec unquam habuit cognitionem, vel advertentiam illa desideria fuisse peccata, & hæc ignorantia in eo fuit inculpabilis, sicut fuit in D. Paulo, dum dixit ad Rom. 7. 7. Nam concupiscentiam nesciebam, nisi lex diceret: Non concupisces. Hæc Bordonus, ex quibus & eritur planè, & probatur Privilegium nostrum, ut constat.

PRIVILEGIUM DECIMUM.

Conjugati, qui ob latens impedimentum diriment, invalidè matrimonium contraxerunt ex ignorantia invincibili, usque dum hæc in ipsis perseverat, excusantur à culpa in eorum matrimonii usu.

664 A Dèd verum est hujusmodi privilegium, ut Suar. in 3. p. to. 4. disp. 32. sec. 4. n. 3. in fine. Sanchez de Matrim. To. p. libr. 2. disp. 38. nu. 6. Layman. libr. 5. tr. 6. cap. 13. nu. 5. qu. 5. Versu Dico 2. in fine. Bonac. de Matrim. qu. 3. punct. ult. proposit. 2. n. 4. Diana To 2. Coordin. tract. 6. ref. 244. ex par. 3. tract. 4. ref. 80. alique sane graves, & multi satis, imò communiter, firmiter asserent: Quod si Confessarius intelligat in Confessione taliter Conjugatos laborare ignorantia invincibili, vel saltem moraliter non culpabili, & arbitretur admonitione non secuturum esse fructum, sed potius animi inquietudinem, rixas, vel scandala, non esse obligationem in ipso expellendi illam sine spe fructus, atq; adeò dissimulare debere, juxta illud S. Augustini bomil. 41. inter 50. & habetur Cap. Si quis autem, de penit. d. 7. Si scirem tibi non prodesse, non te admonerem. Et absolutè tacere (inquit Sanchez l. c. n. 7.) ne sequantur inconvenientia: aliter, admonere in hoc eventu (quando nullus speratur fructus) nil aliud esset (inquiunt citati) quam laqueum, & offensionum opponere: nam qui non peccabant ratione ignorantiae, peccabant posita admonitione, & scientia opposita: & qui prius constituti erant in bono statu, & bona fide, Confessoris monitione, in malo, & periculoso versabuntur: deinceps enim, Uxor ver. gr. impedimentum confici tenetur potius mortem subire, quam reddere debitum: & Vir forte non crederet impedimentum subesse. Vel non poterit ipsa detegere, ob detrimentum filiorum: vel ne famæ detrimentum ipsa patiarur;

patiatur; & inde rixæ, ac scandala, &c. Et Ecclesia ipsa non probato impedimento, compellet. Ita communiter Doctores, præcipue *Sanch. n. 6. & 7.* Ex quibus utique constat tales Jugales invalide conjugatos ob latens impedimentum, laborantes circa illud ignorantia invincibili, esse tutos in conscientia in usu debito Matrimonii, excusarique à peccato: nec teneri (imò non debere) eos Confessarium admonere de invaliditate matrimonii, quando fructus non speratur. Ergo verum propositum privilegium.

665 Contra quod non valet dicere, si-
gnum esse culpabilis ignorantie, quod sint
hi penitentes ita dispositi, ut non speretur
fructus ex scientia contraria, & admonitione
Confessarii. Non inquam valet, tum
quia (ut optime etiam *Suar. l. c. n. 5. in fine*)
heri potest, ut incommodum, quod time-
tur, aliunde nascatur, ex timore videli-
cet scandali, vel alterius gravis nocumen-
ti, ut supra: tum etiam quia, quamvis
hic timor nascatur ex fragilitate ipsius pœ-
nitentis, vel aliquo effectu ejus, fieri tamen
potest, quod hic, & nunc illa dispositio
non sit culpabilis, præsertim in ordine ad
tollendam dictam ignorantiam. Circa quod
oportet considerare (ait idem *Suar. l. c. n. 3. in fine*) an possit id fieri sine scandalo, &
gravi detrimento, maxime si matrimonium
res est antiqua: posset enim grave scanda-
lum generari, si publicè hi separentur; &
si habent filios, posset esse illis grave no-
cumentum. Hæc enim, & similia, appri-
mè à Confessario ponderanda sunt (con-
cludit *Suar.*) quia cum Dei offensâ per in-

vincibilem ignorantiam evitetur, illud ma-
teriale malum permitti potest, propter hæc
graviora mala vitanda, quando alia via vi-
tari non possent; & in hoc est necessaria
prudens Confessoris, neque alia certior
regula dari potest.

666 Et hujusmodi doctrina, aded tuta
est apud *Sanch. l. c.* post contractum ma-
trimonium, ut existimet talem esse, &
practicabilem, etiam ante, sub his verbis
n. 6. c. Versu Quod verum. Quod verum esse
credo, non tantum ubi jam contractum est ma-
trimonium, sed etiam ante illud contractum:
Si enim Confessarius, vel quilibet alius videat
penitentem ignorantia invincibili impedimenti
laborantem, & probabiliter fore, ut monitis
non acquiescat, nec fidem adhibeat, & lesa
conscientia matrimonium sit contracturus, &
maxima difficultate, magnoque scandalo subor-
to possit à matrimonii contractu desistere: pru-
dentissimè Confessarius agat, si taceat. Quod
probant omnes rationes adductæ; & clarescit
in Navarr. cap. Si quis autem, de penit. d. 7.
n. 73. ubi ait, se vidisse dispensationes aliquo-
rum, qui de peritorum consilio, bona fide cre-
debant esse legitimas, cum tamen non essent,
& tacuisse. Quia circa jus humanum errabant,
ne quos ignorantia excusabat, constitueret in
mala fide; & nihilominus utentes dispensatione,
peccarent; & concludit statim, posse Confes-
sarium absolvere penitentem, qui probabili juris
humani ignorantia excusatur, si videat moniti-
onem non profuturam: ubi clare Navarrus lo-
quitur ante contractum matrimonium, quando
virtute dispensationis invalide aliqui contrahere
solebant. Hactenus Sanchez, & optime ad
rem privilegii propositi, ut patet.

CAPUT DUODECIMUM DE PRIVILEGIIS IGNORANTIÆ CIRCA SEPTIMUM, ET DECIMUM DECALOGI PRÆCEPTVM,

Non furtum facies: Non desiderabis bona proximi tui.

667



Uemadmodum ignorantie privilegia ad Sextum, & Nonum Decalogi
præceptum spectantia, sub uno eodemque antecedenti Capite,
promiscuè, & unitim proposuimus, eo quia eadem præcepta adeò
videntur invicem annexa, ut unum ad alterum reducat; ob ean-
dem omnino causam etiam sub hoc duodecimo Capite eadem pro-
miscuè proponimus privilegia, quæ ad Septimum, & Decimum unitim præceptum
spectant, cum & hæc duo se invicem inferant, unum in altero imbibitum, ut patet:
Si namque

Si namque est intrinsecè illicitum & mortale furari, erit idem & proximi boni delictum. Unde merito *Abellius De Septimo Decal. præcepto §. 10.* relatus à *Bartbolomæo Magistro De Meldula in sua Theol. Morali disp. 31. qu. 8. art. p. n. 131.* insert: quod eum ex doctrina *D. Augusti lib. Quest. Exod. qu. 71.* & refertur *14. qu. 5. cap. Penale:* hoc præcepto prohibeatur, non solum quævis injusta rei alienæ acceptio, & detentio, quæ furti nomine designatur, sed etiam quævis alia injusta rei alienæ contractatio, aut damni illatio, consequenter dicendum est, etiam prohiberi deliberatam quamlibet voluntatem alterius rei injustè usurpandi, vel detinendi, aut damnum illi inferendi; ut enim docet *D. Tho. p. 2. qu. 72. art. 7.* (& est communissima, & receptissima doctrina omnium *D. D.*) peccatum internum voluntatis, & externum operis, ejusdem sunt speciei, cum hac tamen differentia, quod peccata operis contra hoc septimum præceptum, ad restitutionem obligant, non verò peccata solius voluntatis. Hinc non pauci ex Doctoribus Decalogi præcepta exponentibus, agunt & ipsi (ut videre est apud eisdem) De Septimo, & Decimo, sub uno solo, & indiviso capite; sub quo venit materia Justitiæ, & Jure. De contractibus, quasi contractibus. De restitutione, &c. Sic igitur

PRIVILEGIUM PRIMUM.

Qui furto surripit rem alienam invincibiliter ignorans hoc esse peccatum mortale, excusatur ab ipso.

668 **N**on admittunt plures ignorantiam invincibilem respectu furti; ut videre est apud *Leandrum par. 6. tr. 2. disp. 2. qu. 78.* & alios: illam tamen concedit *D. Thom. in p. 2. quest. 94. art. 6.* dum ibi notat: Quod apud quosdam non reputabatur latrocinia peccata: & eundem *D. Tho.* referunt, & sequuntur *Trull. in Decal. to. p. lib. p. dub. 5. nu. 3.* & *Leander qu. c. Ubi sic: Ut notat D. Thomas, certa gentium ratio, sine ulla ratione existimabat furtum non esse peccatum: ergo de hoc præcepto potest, & pro multo tempore, dari ignorantia invincibilis: Consequenter (infero) in quo hæc aderit invincibilis ignorantia, & quoadusque in ipsa eadem perseveraverit, excusabitur ignorans in furando à peccato latrocinii: hæc sequela constat: Quia ignorantia (ex *D. Tho. p. 2. qu. 76. art. 4. in corp.* & Doctorum communi) quæ totaliter voluntarium tollit (cujusmodi est invincibilis) totaliter etiam peccatum tollit, & ab ipso excusatur: Et si sic, verum utique Privilegium præpositum.*

PRIVILEGIUM SECUNDUM.

Sciens furtum esse peccatum, invincibiliter tamen ignorans illud imperare peccatum esse, si tantum imperat, à culpa letali excusatur.

669 **A**cipit hoc privilegium à Bonac. to. 2. tit. de Peccatis disp. 2. qu. 8. punct. 3. proposit. 2. in qua, Querens n. 15. Utrum laborans igitur ignorantia invincibili anius circumstantiæ, non verò alterius,

excusetur ab omni peccato. Respondet (cum communi Doctorum apud *Sanch. in Opere Morali lib. p. cap. 16. n. 10.* & *D. Tb. p. 2. qu. 76. art. 3.*) Non excusari à peccato respondente illi circumstantiæ, quam novit, seu quam culpabiliter ignorat, quia, peccatum illi circumstantiæ respondens, censetur voluntarium: ex qua responsione, quæ vera est, insert ibi expressè nostrum propositum privilegium; videlicet, *Eum qui scit, aut culpabiliter ignorat furtum esse peccatum: imperare verò furtum invincibiliter ignorat esse peccatum, non peccare imperando furtum, peccare verò furando: Ut patet à simili de eo, qui fornicationem externam agnoscit esse peccatum, sed invincibiliter ignorat desiderium fornicandi esse peccatum: is enim non peccat desiderio fornicationis, peccat verò exterius fornicando.*

PRIVILEGIUM TERTIUM.

Qui rem sacræ furto subtrahit credens esse profanam, licet peccet peccato furti, excusatur tamen à peccato sacrilegii.

670 **S**equitur hoc privilegium ex præcedenti, ut patet; & præterea, hoc idem confirmatur ex doctrina quam habet *P. Duaratus in Bull. Cane l. p. cap. 2. qu. 5. num. 21.* Ubi ad rem hanc, ait sic: Ignorantia invincibilis circumstantiæ, seu qualitatis ejus, quæ speciem peccati constituit, aut graviorem reddit, excusatur à censura lata contra talem culpam ratione talis circumstantiæ. Ut si v. g. sententia excommunicationis feratur contra quoscumque sacrilegium committentes, si quis rem aliquam sacræ furto subtraxerit credens esse profanam, licet peccet peccato furti; quia tamen excusatur à peccato sacrilegii (ecce privilegium nostrum) excommunicationem non incurrit: Nam sicut ignorantia, à qua solo pendet

pendet tota malitia operis, excusat à tota malitia peccati; ita ignorantia circumstantie, & qualitatis, à qua malitia operis partim pendet, ab ea malitia, & specie peccati excusabit, quæ ab illa circumstantia, & qualitate ignorata, deducta, & constituta fuerit. Unde cum in casu privilegii propoliti, ignoretur id, à quo partim pendet malitia operis, eo quod ignoratur rem esse sacram, ignorantia huius circumstantiæ, à qua malitia operis partim pendet, ab ea malitia, & specie peccati excusabit. Et excusaret etiam consequenter à censura, si hæc lata esset protali circumstantia peccati, idest, pro furto rei sacræ, maxime in loco sacro, & loco sacro Ecclesiæ, &c. Quod patet etiam ex eo quod superius diximus de percutiente Clericum, invincibiliter ignorante, eum quem percutit Clericum esse; hunc videlicet non incidere in excommunicationem cap. Si quis suadente Diabolo: ignorantia ejusdem causæ, ratione cujus non percutit formaliter Clericum, sed hominem tantum, contra quem actum non est lata excommunicationis.

PRIVILEGIUM QUARTUM.

Qui sacras Reliquias ex devota ignorantia furatur, à mortali excusatur.

671 **A** Mortali excusatur ex verbis ipsius Joannis de Alloa in Alphabeto Morali, Verbo Reliquie n. 4. ubi sic: In furto Reliquiarum non potest esse parvitas materie: gravitas autem non est pensanda ex quantitate tantum, sed ex dignitate, & raritate: unde furari minimam particulam ligni Sanctæ Crucis erit mortale, nisi devota ignorantia excusetur. Dari tamen parvitatem materie in furto Reliquiarum, tenet P. Diana to. 8. Coord. tr. 7. ref. p. n. ex p. 5. tr. 5. ref. 35. & ex Portel. in Dub. Reg. Verb. Reliquiæ Sanctior. Basilien. Verb. furtum primò, nu. 3. Versu, Sed quæres.

PRIVILEGIUM QUINTUM.

Qui modico furto infert damnum notabile, & hoc ignorat, à mortali excusatur.

672 **Q**ui multa parva furta committit, non quidem ex intentione perveniendi ad summam notabilem, sed ex oblata sibi occasione, non peccat mortaliter in singulis ejusmodi levioribus furtis, sed ad summam in ultimo, quo mortalem quantitatem attingit:

In quo etiam furto (ait Petrus à S. Joseph in Summula Casuum Conscientie cap. 7. de seiprmo Decal. Præcepto art. p. ad rem huius privilegii) adhuc potest à mortali excusari; si illud committat præteritorum immemor, aut nullo modo cogitans ex illis omnibus coalescere quantitatem notabilem, sufficientem ad peccatum mortale.

673 Dicitur ad summum, eo quia non pauci existimant, non peccare furem mortaliter, quatenus accipit rem illam minimam, qua scit notabilem quantitatem compleri; sed quatenus ejusmodi quantitatem jam injustè retinet. Quamvis tamen oppositum sit tenendum, cum peccatum sit mortale, notabile damnum alteri inferre, quod fieri censetur, quando notabilis summa per ultimum furtum completur. Ex quo colligi etiam potest, eum qui post completum dicto jam modo furtum mortale, alia nova exigua furta perpetrat, peccare item mortaliter, & toties quoties: & eo gravius peccare quo notabilior est res accepta; nisi forte ob interpositam poenitentiam, hujusmodi nova exigua furta, cum præcedentibus haud continuentur moraliter.

674 Quicquid autem sit de tali speculatione, dicit privilegium nostrum (quod, & affirmat idem A. Sancto Joseph l. c.) eum, qui modica furta committendo, pervenit ad notabilem quantitatem, ob ignorantiam tamen, aut bonam fidem, id nescit, vel non advertit (quod in pñxi plerumque contingere potest) excusari à mortali. Et etiam ab obligatione restitutionis sub mortali, quod à Confessario prudenter expendendum est, (addit, & consequenter loquendo concludit idem Author.) Cum quo (privilegium hoc concludendo) adverto: Quod & si quando plures ex mutuo consensu quantitatem notabilem ab aliquo auferunt, licet singuli exiguum, tunc peccent omnes mortaliter, teneanturque ad restitutionem; ita ut quilibet per se teneatur restituere modicum id quod accepit: & in defectum aliorum, unusquisque taneatur in solidum, idest restituere totum, quod ab aliis acceptum est, cum suo modo totius damni sit causa. Si quis nihilominus accipiens modicum, ignoret alios plerosque similia damna inferre, non peccat mortaliter accipiendo, aut non restituendo; quia non est causa, nisi damni exigui, quod ipsomet infert: ita dictus A. S. Joseph. Qui pariter ex probabiliori sententia etiam existimat idem dicendum, quando quis modicum accipiens, scit quidem à plerisque aliis damnum notabile inferri, non tamen est causa

talis damni, nec in illud consentit. Unde excusantur à mortali Viatores, qui innam, aut alteram uvam ex vinea aliena colligunt; & si non ignorent plerosque alios illac transeuntes, similia furta committere. Quia cum non sint causa gravis damni ab aliis illati, nulla est ratio cur illud teneantur resarcire.

PRIVILEGIUM SEXTUM.

Rem alienam surripienti ignorantia esse talem, nedum à peccato mortali, verum etiam à veniali excusari potest, atque à restitutione.

675 **C**ertum est, imò de fide, furtum, quod hoc Decalogi septimo precepto prohibetur, esse peccatum mortale ex suo genere, ut constat etiam ex p. ad Corint. c. 5. *Fures regnum Dei non possidebunt.* Et accedit ratio, quia furtum nedum charitati contrariatur, quia proximum diligere tenemur, ac proinde velle illi bona, & non inferre mala, & nocumenta; sed etiam iustitiæ opponitur, quæ reddit unicuique quod suum est, peccatum autem contrarietatem iustitiæ nedum mortale est ex genere suo, sed etiam ad restitutionem obligat. Adde, quod furtum est contra bonum commune, contra pacem videlicet societatis humanæ, quæ per furta valde turbatur, atque dissolvitur.

676 Quamvis autem furtum sit huiusmodi, lethale peccatum videlicet ex genere suo, in quibusdam tamen casibus, & circumstantiis (inquit *Mastrius in Theologia Morali disp. 11. qu. 8. art. pr. n. 153.*) potest quis non solum à peccato mortali, sed etiam à veniali excusari. Et si ei quæras in quibus casibus, & quandoque ita excusari potest? Respondet: *Quando in deliberatio intervenit, defectu iudicii, probabilis rei alienæ ignorantia.* Cui responsioni accedit etiam *Trull. in Decal. lib. 7. cap. 5. dub. 2. n. 2.* Ubi referens quinque casus in quibus furtum, seu acceptio rei alienæ non est peccatum, quartum casum ait esse, *Si ex ignorantia alienum quis accipiat.* Quod est expressa positio privilegii propositi, ut patet. Et adde, eandem ignorantiam rei alienæ excusare etiam à restitutione, quandiu durat, cum *Fagund. in Decal. to. 2. lib. 7. c. 25. nu. 2.* sub his verbis expressè: *Ignorantia invincibilis debiti, & quod res sit aliena, omnino excusatur à debiti solutione, restitutioneque, quandiu durat.*

PRIVILEGIUM SEPTIMUM.

Ignorantia probabilis, à peccato, & restitutione excusatur eum, qui recipit aliquid gratuitum ab eo, qui donare nequit.

677 **A** pud *Navarr. Man. cap. 17. n. 105.* in principio: habes hoc privilegium, sub sequentibus verbis: *Qui recipit aliquid gratuitum ab eo, qui donare non poterat, nisi ignorantia probabilis excuset, ad restitutionem tenetur.* Ignorantia igitur probabilis per *Navarr.* (& communiter) excusatur à restitutione eum, qui cum ipsa recipit aliquid gratuitum ab eo, qui donare non poterat, & si à restitutione, à peccato etiam consequenter excusatur, ut in privilegio. Qui autem sunt qui donare non possunt? Sunt Religiosi professi, item professæ Moniales, servi, & alii, qui non habent dominium, vel aliquid suum proprium: item filii, qui sunt in potestate Patris, &c. Qui tamen post gratuitum cum dicta ignorantia, & bona fide ita receptum resciverit, ob dominii carentiam, esse male donatum, & perceptum, tenebitur restituere: nisi aliquid ei suffragari videatur, cujus ratione liber censetur, nec obnoxius tali restitutioni in conscientia.

PRIVILEGIUM OCTAVUM.

Qui detinet hominem, iniuste ex ignorantia servum factum, eundemque suum possidet, tutus est in conscientia, & ab iniustitiæ culpa excusatur, quandiu ignorantia, & bona fides durat.

678 **J**ure naturæ non habet homo dominium alterius hominis. Est commune. Et ratio est, quia omnes homines naturæ conditione sunt pares, cum sint omnes ejusdem naturæ; ex eodem parente, & ad eundem finem conditi. Quare servitus non est de Jure naturæ, nemo enim natura est servus propriæ, licet quidam à natura sint magis apti ad imperandum, & alii ad serviendum (ut innuit etiam *Aristot. lib. p. Polit. cap. p. & 3.* dum dicit: *Quosdam natura servos, quosdam dominos*) Cujus signum est, quod in statu naturæ integræ nulla futura fuerit servitus, ut docent *D. Augustin. libr. 19. de Civitat. cap. 15. D. Gregor. libr. 21. Moral. cap. 11. Lefsi. de Just. libr. 2. cap. 4. dub. 9. nu. 54. Trull. in Decal. To. 2. l. 7. cap. p. dub. 8. nu. p.*

nu. p. & alii : Quia servitus est pœna peccati. Jure tamen gentium, & Civili, potest quis effici servus, ut patet ex *Script. S. Exodi* 21. *Levit.* 25. *Deuteron.* 20. & 21. *p. Corinth.* 7. ubi *Apostolus Paulus*, servus vocatus es ? non sit tibi cura. Unde constat etiam Christianos esse posse servos nedum Gentilium, sed etiam Christianorum : de qua re videndus *Gratianus dist.* 54. Quatuor autem titulis præcipue acquiri potest hominis dominium, vel servitus, ut videre est apud *Lesi. lib.* 2. *cap.* 5. *dub.* 4. *Sanch. Confilior. tom. p. lib. p. cap. p. dub.* 3. & 4. *Trull. Dub.* 8. c. n. 3. 4. 5. 6. & apud alios : Titulus videlicet *Belli, Nativitatis, Condemnationis, & Emptionis, ac venditionis.*

679 *Jus belli* est primus titulus, ratione cujus in bello justo capti, fiunt servi capientis *Leg. Hostes, ff. de Captivis* : qui titulus in naturali miseratione fundatur ; poterant enim sic capti, justè occidi, & servantur, morte in servitutem commutata ; & ob id servi à ferando dicti sunt *Instit. de Jure personarum, §. Servi autem*. Hoc autem jus extenditur etiam ad parvulos hostium, & innocentes ; hi enim & si non peccaverint, servituti tamen possunt subiacere, tanquam hostilis Reipublicæ membra, quæ ut commodis, ita & incommodis sui corporis participant, præsertim in bonis externis. Apud Christianos autem (ut advertit etiam *Lesi. dub.* 4. c. n. 12.) consuetudine introductum est, ut Christiani à Christianis capti non fiant servi, in honorem libertatis, quam per Christum consecuti sumus. Si bellum tamen injustum gerant Christiani contra infideles, & capiantur, fiunt eorum servi jure gentium. Videatur *Covar. in Reg. Peccatum* 2. §. 11. n. 6. Secundus titulus est *Nativitas* ; ratione cujus efficitur servus, qui ex ancilla natus est : nam partus sequitur ventrem, *l. Partum, C. de rei vindicatione*. Idque merito quia mater est certior : & plus confert materiæ corpulentæ, quam pater ; servitus autem secundum corpus convenit. Vide *Lesi. l. c. num.* 13. & *Trull. l. c. n.* 4. Tertius titulus est *Justa condemnatio* : Potest enim quis, sicut ad mortem naturalem, ita ad servitutem, quæ mors civilis est, condemnari. Vide item *Lesi. n.* 14. & *Trull. nu.* 5. Quartus titulus est, *Emptio, & Venditio* : Intellige de illa emptione, qua quis vice prima fit servus ex libero, ut quando quis vel seipsum vendit, vel à parentibus venditur. Quod utrumque validè, & justè fieri posse, sub quibusdam tamen conditionibus, probant præter alios (easdemque conditio-

nes referunt) *Lesi. l. c. n.* 16. & *Trull. l. c. n.* 6. Et sicuti conditionibus ipsi concurrentibus omnibus, per D. D. eisdem, venditio est valida, per ipsosmet, si vel una desit, jure communi est irrita.

680 Dicit ergo propositum privilegium nostrum quod qui hominem servum factum absque justo titulo, injustè sic detinet, ac possidet : si ex ignorantia eundem detineat, & possideat, excusatur ab injustitiæ formalis culpa, quandiu ignorantia eadem, & bona fides durat : quod privilegium nedum ex se se certum videtur, verum etiam apertè, & clarè à D. D. admissum, & approbatum. Nam *Trull. dub.* 8. c. n. 10. illud idem ponit sub his verbis : *Ubi primum constat aliquem injustè servum factum fuisse, tenetur eum Dominus libertate donare ; quamvis bona fide multo tempore possiderit, poteritque, si infidelis sit, permitti ut ad suos se conferat ; fieret namque ei injuria, si invito detineretur. Sic qui novis rem, quam possidet bona fide non esse suam, tenetur eam restituere. Hinc patet quid dicendum de Æthiopiis : nam : si majores viginti quinque annis se vendunt ipsi : Vel à Patre, egestate oppresso, venduntur ; optimo jure possidentur. Similiter, si ipso bello capiuntur. At, si rebus levibus, & naniis decepti ad portum ducentur, ubi capiuntur, & invito venduntur, non valet emptio, & tenentur eos ad pristinam libertatem restituere. Unde in conscientia tuti non sunt illi, qui eos capiunt : nec illi, qui ab eis illos emunt : nec qui eo modo possident, nisi ignorantia invincibili, quæ rarissimè in his contingit, excusentur ; ideoque tenentur eos manumittere, etiamsi non possint pretium recuperare, quamvis bona fide emerint : ita *Trull. n. c.* Vide *Lesi. dub.* 4. c. n. 13. Versu Adverte tamen : & eundem *Trull. l. c. n.* 3. in fine : Cum quibus etiam adverte, eum, qui in bello ex parte sua iusto capitur non contrahere veram servitutem. Quod si utraq; pars ignorantia laboret, & utrinque justitia belli sit dubia, ob probabile jus alterius partis, capti fiunt tuta conscientia utrinque servi, ut rectè etiam *Covar. l. c.* Ubi tamen deposita ignorantia, & dubietate, consistere cepit, cui parti faveat justitia, tunc ea pars, quæ injustè ex ignorantia cepit, debet captum in libertatem sine pretio restituere.*



PRIVILEGIUM NONUM. PRIVILEGIUM DECIMUM.

Occidens hominem cum ignorantia comitante, ab obligatione restitutionis excusatur.

Monetam adulterinam, falsam, diminuti ponderis, &c. cum ignorantia, & bona fide expendens, à culpa, & à restitutione excusatur, quandiu ignorantia eadem, & bona fide, durat.

681 **C**ertum est injustum homicidam, eum nempe, qui cum peccato occidit, teneri restituere omnia damna ex tali homicidio in temporalibus data, eo quia fuit ipse omnium injusta efficax causa. *Qui tamen occideret cum ignorantia comitante, non teneretur restituere: (Trull. in Decal. To. 2. lib. 7. cap. 8. dub. p. n. 8.)* Hocq; accideret, quando quis ex. gr. proliceret sagittam, omni adhibita diligentia, ne aliquem occidat, & casu peremit hominem, vel etiam hostem, quem necare optabat, & si sciret, etiam necaret. Et ratio est clara, quia sola iniqua voluntas non obligat ad restitutionem, cum ea nequeat proximo nocere: nec etiam opus illud externum, cum ex invincibili ignorantia proficiatur, ut in privilegio; nec idemmet opus exterius ex mala voluntate processit, tantum enim intendebat venari cum sagittam projecit, eandemque projecit omni adhibita diligentia, ergo. Ante Trull. ponunt, & approbant hoc idem privilegium *Petrus Navarra de Reffit. lib. 2. cap. p. n. 73. fol. mibi 27. & Sanch. in Consil. to. p. libr. pr. cap. 4. dub. 8. apud quem, etiam Henric. lib. 11. de Matrim. cap. 10. initio, Commento littera A.*

682 Et hinc deduc, nec etiam ebrium, aut dormientem, & in somnis sine culpa occidentem, teneri restituere: Secus verò si culpa non vacavit: idest, si cum esset in vigilia praevidere potuit, & debuit, quia probabiliter timebat id damnum, & malum eventurum; nam si sic, imputari illi debet homicidium, cum fuerit in lata culpa, & in causa volitum, unde mortaliter peccavit se inebriando, vel dormiendo ante factam diligentiam ne eveniret; sicque tenebitur restituere, cum homicidium non sit omnino casuale: ita *Navarra n. 74. & cum ipso Sanch. dub. cit. n. 4. & cum hoc Trull. n. 8. c. Vide Comitol. lib. 5. Moralium Respon. qm. 5. in qua plura eruditè, doctè, & subtiliter De Peccatis Ebriorum.*

683 **P**eccare mortaliter, & ad restitutionem teneri qui monetam talem expendit, non est qui neget, & in confesso est apud omnes: Ignorantia sola, & bona fides (quandiu durat) ab utroque, à peccato videlicet, & à restitutione excusat; quod privilegium asserti expressè in suo Libello De Monetarum Potestate, & Utilitate, *Gabriel Biel* quæst. Unica, Conclus. 4. fol. mibi 7. ut sequitur: *Expendens scienter monetam non currentem, aut alias minus valentem, pro bona, & corrente, fraudat proximum, atque decipit dando malum pro bono. Dicitur notanter (scienter) quoniam si ignoranter feret, ut quia ignoraret valorem monetæ, quam expendit; excusaretur saltem à peccato, & etiam à restitutione, durante ignorantia.* Si tamen postea sciverit, tenebitur ad restitutionem; quia si scierit, siue ignoranter damnis proximum, tenor cum relevare indemnem, postquam mihi innotuerit illatum damnum: ita citatur *Biel*. Et hoc idem privilegium admittit, eidemq; subscribit *Trull. in Decal. to. 2. lib. 7. cap. 12. Dub. 2. nu. 6. sub his verbis: Qui mala fide accepit monetam adulterinam, non potest illam expendere, & si illam expendit, peccat etiam eodem peccato ac falsificator. Quod si bona fide accipit, & bona fide expendit, durante bona fide excusatur ob ignorantiam: comperta autem veritate, restituere tenetur: sicut qui bona fide vitrum inventum in agro vendidit pro gemma, non enim excusatur eo quod ab alio accepit: nam error noni alteri nocere non debet.*

PRIVILEGIUM XI

Confessarius, qui non monet, nec avertit penitentem ad debitam restitutionem, id omittens ex ignorantia invincibili, vel naturali oblivione, excusatur ipse ab obligatione restitutionis, nec tenetur restituere illud, quod penitenti alteri debet ex iustitia, & in conscientia.

684 **S**upponit hoc privilegium, quod Confessarius, qui culpabiliter non obligavit penitentem ad restitutionem, peccet, & teneatur ipse restituere, quod docent



docent Sylv. Verbo Usura 7. qu. 2. in fine. Zanardus in Directorio Confessorior. par. 2. De 7. & 10. Decal. præcept. c. 26. fol. mibi 989. Dub. 3. Petrus Navarra de restit. lib. 3. cap. 4. n. 125. Martinus Navarra in Manual. cap. 17. n. 22. Clavis Regia lib. 10. cap. 14. n. 16. & 17. Filius. tract. 32. cap. 3. qu. 12. Versu Dico ultimò, n. 79. Cardin. Lugo de Pœnit. disp. 22. sec. 3. n. 61. Suar. de Pœnit. disp. 32. sec. 6. n. 8. Antonius à Spir. Sancto in Directorio Confessorior. par. p. trac. 5. disp. 18. §. 2. n. 1488. & alii apud istos, & apud Bonacina. tom. 2. de restit. in Genere, disp. pr. qu. 2. punct. 11. n. 15. Dianam to. p. Coord. tract. 6. ref. 22. ex par. 2. tract. 16. & Misc. 2. ref. p. & alios : Quod autem dicunt de Confessario, affirmant etiam de aliis, quibus ex officio incumbit cura animarum, qualis est Episcopus, vel Parochus : item de aliis Confessariis ; nam quilibet Confessarius, aut est Parochus, aut saltem vices gerit Parochi. Et idem etiam affirmant de Confessore, & Confulente ex officio, & professione. Hujus autem suppositionis, & sententiæ, Ratio est : Quia tam Parochus, quam alius Confessarius (nam vices gerit Parochi) tenetur ex officio docere pœnitentem necessariam : Ergo si non admonet pœnitentem restituere, non adimplet id, quod debet : ergo tenetur ipse ad restitutionem, quia non admonendo, virtualiter dicit illum non teneri, atque adeo causa est moralis ; ut pœnitens non restituat, consequenter est causa damni alterius tertii : unde si aliud non est remedium, ipse tenebitur ad restitutionem, quia verè intulit damnum contra iustitiam, tacendo ; quando loqui tenebatur. Et magis ratio hæc urgebit, si Confessor positivè consulvit, vel induxit ad non restituendum : sic etenim revera commisit injustitiam contra tertium, sive id fecerit ex malitia, quod est evidens ; sive ex gravi negligentia, quia ex iustitia non ita temerè uti debet suo munere cum detrimento alterius.

685 Hoc inquam totum supponit propositum privilegium, quod utique excusat (ut patet) liberat, & absolvit ab hujusmodi restitutionis obligatione Confessarium ipsum, ex ignorantia, vel naturali oblivione (ut supra) non monentem, nec cogentem pœnitentem ad restitutionem, ad quam idem in conscientia tenetur. Quod privilegium (approbantes) afferunt etiam, Trull. in Decal. lib. 7. cap. 13. dub. 3. n. 11. Ubi sic: *Utrum Confessarius, qui non monuit, nec cogit pœnitentem, ut restituat, teneatur restituere illud, ad quod pœnitens tenetur.*

Certum est, si id omittat ex ignorantia invincibili, vel naturali oblivione ; vel ex levissima negligentia, non teneri : non enim tenetur exactissimam, & diligentissimam adhibere diligentiam, sed sufficit ea, quam communiter diligenter, timorati, ac docti adhibent : Unde solum questio est, quando culpa est in Confessario non monente restitutionem : & Diana l. c. extendens ibi latius privilegium ad ignorantiam videlicet etiam vincibilem : ait enim ; Dico igitur non solum Confessarios, sed Prælatos, & Parochos, quando ex ignorantia etiam vincibili non obligant pœnitentem ad restituendum, ad nullam restitutionem teneri : sic resol. c. n. 2. Accedit etiam Zanardus l. c. dum ibi sic : *An Confessor non obligans ad restitutionem pœnitentem, teneatur ipse satisfacere. Respondetur, quod vel hoc facit ex malitia ; vel ex culpa ; vel ex oblivione : si primum, & secundum, tenetur. Si ex oblivione provenit, ad nihil sic obligatur, cum etiam peccatissimi homines quandoque in propriis deficiant ; neque enim omnia memorare possumus.*

686 Si autem hic quæras, an Confessarii verè teneantur ad restitutionem, quando sua culpa, vel malitia non admonent, aut non cogunt pœnitentem ad restitutionem faciendam ; quam fecisset pœnitens, si illam Confessarius eidem injunxisset, vel absolutionem denegasset. Affirmativè respondent supra citati in principio, & alii ; idque ob communem eorumdem Doctorum rationem superius traditam : Quia videlicet Confessario incumbit ex suo proprio officio onus tradendi necessaria pœnitenti, eundemque instruendi ; cum ergo hunc non admoneat, facit contra suum officium, consequenter ipsi, tanquam veræ, & efficaci causæ videntur damna imputanda, ergo ab ipsomet refarcienda. Nec refert (inquit Petrus Navarra nu. c. 125.) Confessarios, non in gratiam creditorum officium habere, nec ab eis mercedem accipere ; quia ex quo habent ex officio facere, causæ damni verè dicuntur. Maximè quia intentio fidelium (addit P. Navarra, & cum ipso Clavis Regia n. c. 17.) decimas Ministris assignantium, & etiam Ecclesiæ conferentis eis hujusmodi officium, ea est, ut non solum saluti pœnitentis, sed etiam bono communi consulant diligenter curando, ne Respublica, aut alii Fideles, quantum in illis est, damnum aliquod, aut injuriam patiantur. Cui sanè officio minimè satisfaciunt, dum ex eorum negligentia non admonetur pœnitens de re ad salutem sibi, necessaria, & alii deinde damnum patiuntur. Et hinc est, quod Confessor, Episco-

Episcopus, vel Curatus tenebitur de levi culpa, siquidem officium habet in gratiam, atque utilitatem suam, & reipublice, cum ob id ei decimæ, stipendiaque assignentur. Cæteri verò Confessarii, ut sunt Religiosi, & alii delegati, qui non ex officio munus exercent, solum de lata culpa tenentur. Sic *P. Navarra*, & cum ipso *Clavis Regia l. c. & Lefi. libr. 2. cap. 13. dub. 10. n. 77.* Quibus videtur accedere *Filiuc. n. 79. cit.* dum ibi affirmat Confessarios non cogentes pœnitentes ad restitutionem, vel non monentes, quando tenentur, esse obligatos ad restitutionem, si sint ex officio habentes curam animarum, ut Episcopi, vel Parochi: si autem alii non ex officio, ut Religiosi non tenentur ad restitutionem. *Quamvis* (concludit postea numerum) *probabile sit, neque etiam eos, qui ex officio tenentur, esse obligatos: quia obligatio eorum est solum in ordine ad spiritualia, procurando salutem pœnitentium, non ad temporalia aliorum.* Juxta quam conclusionem

687 Respondeo & ego ad quæsitum negativè, uti etiam faciunt *Lefi. Dub. cit. n. 78. in fine. Suar. sec. 6. c. n. 9. versu, Ego verò. Valent. To. 3. disp. 5. qu. 6. punct. 3. Versu. Alii autem. Sanch. in Summ. libr. pr. cap. 6. n. 5. in fine. Sà Verbo Restitutio n. 2. in fine. Bonac. n. 15. c. Versu Verum quia. Diana nu. 2. cit. & To. 8. Coordin. tract. 7. ref. 34. n. 2. propè finem: Ex par. 11. trac. 6. & Miscell. 6. ref. 18. Cardin. Lugo l. c. n. 67. Antonius à Spir. S. 5. 2. c. n. 1485. Fagund. in Decal. lib. 8. cap. 27. n. 18. in fine: alii-que plures. Quorum omnium (uti & hujus nostræ responsionis) communis ratio est: Quia Confessarius non tenetur ex officio, & ex justitia prospicere bono temporali aliorum, sed bono spirituali pœnitentis, non alterius: nam officium, quod Confessario ex justitia incumbit, solum est in ordine ad spiritualia, & negligens in officio peccat contra Religionem potius, quam contra justitiam, exercendo negligenter sacrum Ministerium. Unde omit- tens monere pœnitentem ad restitutionem, non tenetur restituere, quia Confessarius ad eandem monitionem non tenetur ex justitia in favorem eorum, quibus restitutio fieri debet, sed ex Religione in favorem perfectionis Sacramenti Pœnitentiæ: & ad summum etiam ex justitia in favorem pœnitentium in bonum spirituale. Nec inquam denuo absolute tenetur ex officio prospicere temporalibus creditorum bonis, cum ab illis mercedem non accipiat, nec eorum gratia officium habeat, sed solum*

ad procurandum bonum pœnitentis. Hinc, quamvis ipsimet pœnitenti teneatur Confessarius injungere restitutionem, eundem- que admonere ad restituendum, non tamen ad hoc tenetur obligatione justitiæ, quam habeat erga creditorem, sed ex obligatione erga pœnitentem, qua salutis ejus spirituali tenetur consulere: & si hoc negligat, peccabit quidem, sed ad restitutionem minimè tenebitur. *Quod non satis videtur expendisse P. Navarra, supra* (inquit *Valent. Versu c. in fine*) *dum ad hoc hujus opinionis argumentum respondere conatur.*

688 Verum quidem est, & in omnium opinione certum, Confessarium teneri ad restitutionem, quando pœnitenti obligato ad restitutionem dicit, ipsum non teneri: aut quando ex malitia, vel ignorantia, crassa, seu culpa lata dicit, pœnitentem teneri ad restitutionem uni faciendam, cum teneatur alteri; in his enim casibus tenetur ad restitutionem, eo quod per suum consilium censeatur causa efficax damni, ut bene tradunt Doctores communiter, præcipuè *Cardin. de Lugo sect. c. qui n. 64.* circa hanc Confessarii obligationem, sive, culpabiliter, sive inculpabiliter errorem commiserit, advertit, satisfacere postea sue obligationi, si pœnitentem potentem adhuc restituere, doceat, quid facere debeat; nec ad aliud teneri, licet ille non restituat. Casu verò quo pœnitens verè intentionem habuisset restituendi tunc quando confessus est, & postea mutato animo in pejus, nolle amplius, videtur Confessarius, qui malitiosè, & culpabiliter disuadet restitutionem, manere obligatus, non solum ad revocandum consilium, sed ad restituendum, cum sua culpa fuerit causa ne fieret restitutio, quæ facta fuisset, & modo non fiet: ita *Eminent. Lugo n. 64. c. Videatur.*

PRIVILEGIUM XII.

Quandoù durat ignorantia invincibilis juris, vel facti, tandè excusat à restitutione.

689 **N** *Avarrus in Man. cap. 17. sub nu. 55. vers. Tertiò inferitur:* assert propositum privilegium sub his verbis: *Ignorantia probabilis juris, aut facti, quandoù durat, à restitutione excusat, & sic etiam multo magis ab statim restituendo excusabit.* Et cum eodem, ex eodemque *Navar.* idemet privilegium refert *Trull. in Decalog. to. 2. lib. 7. cap. 15. dub. pr. n. p.* Hinc, sicut habens scienter rem alienam injustè acquisitam, sive per donationem, sive per contractum,

contractum, &c. tenetur restituere: Sic etiam qui alienum retinet ex ignorantia, & bona fide, tanquam suum detinens, prout tunc excusatur: ut si per hereditatem, vel emptionem bona fide acceperit, & retineat, quod utique est ignorantia facti. Pariter excusatur, qui in re difficili peritos, & doctos consulvit, à quibus fuit dictum ei, non teneri restituere, vel contractum esse licitum, cum revera sit illicitus, & injustus, & restituere teneatur, quod dicitur ignorantia juris. Quoad usque igitur tam hæc ignorantia juris, quam illa facti duraverit, & bona fides, à restitutione excusatur: quia per citatos, & alios, *Ignorantia probabilis, seu invincibilis facti, vel juris, excusat*; & toto eo tempore, quo causa, idest ignorantia excusans, durat. Ex quo infert *Sayr. cum Lopez, & Rodrig.* apud eundem *Trull. nu. c.* Quod & si per unum testem omni exceptione majorem constaret hæredi testatorem reliquisse alicui legatum magni momenti, non tamen ob id talem hæredem teneri in conscientia legatum illudolvere; quia non necessitatur ad prestandam fidem uni testi, quando inde sequitur detrimentum notabile suum, vel tertii: propter dictum enim unius testis non tenetur hæres legatum sibi adimere, illique reddere, nam ut dicitur *unus vir, nullus vir*: & *dictum unius, dictum nullius*.

tium ex intentione, non operantur ultra intentionem, cum ab ea suam vim totam habeant: sicut enim lex ipsa vim non habet, nisi juxta legislatoris intentionem, sic nec Votum, nec promissio quævis (quæ veluti lex quædam est, quam sibi imponit quis) vim habet, nisi juxta intentionem promittentis. Et sicut superioris potestas, non inducit subdito obligationem, nisi applicetur à voluntate, ad eam causandam mediante præcepto; ita ius, quod quis in se ipsum habet, non infert obligationem mediante promissione, nisi intendat eam inferre; non potest autem intendere eam inferre, si naturam promissionis ignorat; ergo si ignorans naturam promissionis, promittit, nec habet intentionem promittendi, nec obligationem adimplendi: ignorans enim (ut supra) actum quem fecit, ad illum obligari non potest. Adverte tamen cum eodem *Trull. n. c.* & aliis, quod si ignorans naturam promissionis (& Voti) intendat promittendo (vel vovendo) facere quod alii faciunt, tenetur adimplere, nam tunc tenetur habere intentionem, & voluntatem tacitam promittendi (aut vovendi) sufficientem ad se obligandum: sicuti verè baptizat ille, qui intendit facere quod alii baptizantes faciunt.

PRIVILEGIUM XIII.

Ignorans naturam promissionis, si promittit, non tenetur adimplere.

690 **R**atio hujus privilegii (quod refert inter alios *Trull. in Decal. to. 2. lib. 7. cap. 17. dub. p. n. 2.*) est clara. Quia si promittens, promissionis naturam ignorat, non censetur habere intentionem promittendi, consequenter nec se obligandi; qui autem non se obligat, utique non tenetur adimplere. Quod confirmatur à pari de Voto: Votum ipsum est promissio facta Deo. Si vovens ignoret naturam Voti, & actus, quem facit, non tenetur adimplere, nec votum exequi, ut docent communiter Doctores, præcipuè *Lesi. de Just. lib. 2. cap. 40. dub. p. n. 12. Versu Tertio requiritur. Fagund. in Decal. to. p. lib. 2. cap. 13. n. 36. P. Pissacchius de Votis tom. p. tract. p. cap. 4. n. 2. in fine*, & unanimiter concludentes, quod ignorans naturam actus quem facit, ad illum obligari non potest. Cujus conclusionis rationem, & doctrinam docuit *Lesi. l. c.* Quia videlicet actus agen-

PRIVILEGIUM XIV.

Accipiens medio contractu donationis, emptionis, venditionis, &c. rem usurariam, vel furatam cum probabili ignorantia quod non sit talis, à peccato, & à restitutione excusatur.

691 **A**B usurario, vel à fure rem usurariam, aut furatam, quæ in specie extet, nullo titulo, nec oneroso, neque gratuito accipere quis potest, etiam si usurarius ipse, vel fur, usurariam rem, vel furatam alienando, non fieret impotens ad solvendum: ita communiter Doctores. Et ratio est clara, quia cum nec usurarius, nec fur, rei usurariæ, vel furatæ habeant dominium, non possunt illud in alium transferre. Hinc sequitur Vestes alienas, Catenas, lectos, vel res alias in specie extantes, non posse gratuito accipi, emi, &c. ab usurario, vel fure. Et si quis eas sciens esse alienas emeret (addit *Lesi. de Justit. lib. 2. cap. 20. dub. 19. n. 165. in fine*) teneretur ad restitutionem earum, & etiam fructuum omnium. Teneretur inquam, ad earum restitutionem, si emeret sciens esse alienas,

nas, ergo nesciens, & probabili ignorantia tales esse ignorans, excusaretur (utiq; à peccato,) & à restitutione, ut in hoc privilegio. Et quod excusaretur, expresse docet Trull. in Decalog. to. 2. lib. 7. cap. 19. dub. 19. n. 3. sic. ad rem nostram, & privilegii huius resolvens: *Omnis contractus donationis, emptionis, venditionis, &c. circa rem usurariam (adde, & furatam) est invalidus, quia non potest rei aliena transferri dominium, & accipiens talem rem tenetur ad restitutionem, nisi ignorantia excusetur: & in fine n. denuo sic: Unde Gener accipiens ex his dotem, Clericus beneficium, &c. tenentur restituere, nisi eos probabili ignorantia excuset: ita Trull. prosequens sic: At, si aliquid emat, vel solvat in custodiam rei usurarie (adde, aut furatæ) valet, quia est in beneficium mutuarii (& domini) & per consequens tenetur consentire: Salvo 2. n. qu. 78. art. 3. contrav. 2. & cum aliis Bonac.*

692 Limita autem positum privilegium: quod videlicet excuset quidem à restitutione ignorantia: (ut in ipso) sed tantummodo usque dum illa, ac bona fides duraverit, ut alibi etiam in aliis privilegiis superius (& passim) definitum est. At, ignorantia ipsa, & bona fide ablata; si quis sciens, ab usurario, vel à fure aliquid notabile, vel gratis accipit, vel emat in eadem specie qua fuit datum usurario, vel furatum; vel etiam in alia specie, si sciebat ejus bona non sufficere ad usuras restituendas, vel ad furtum rescandendum, aut probabiliter dubitabat, peccat mortaliter si non vult restituere, quibus usurarius, vel fur tenebatur; quod certum est, & præter alios docet Navarr. in Man. cap. 17. sub n. 265. vers. Ex quo.

PRIVILEGIUM XV:

Notarius consciens instrumentum usurarium; & Testes ad ipsum consciendum concurrentes, à peccato, & à restitutione excusantur, si id faciant bona fide, & ignorantia probabili.

693 **E**X communi sententia, omnes efficaciter cooperantes ad usuram, & quicumque agunt partes usurarii, aut sunt causa efficax, cur usuræ solvantur, vel solutæ non repetantur, tenentur restituere. Tales autem sunt plures, quos vide enumeratos à Lessi. de Just. lib. 2. cap. 20. dub. 21. à Trull. in Decal. to. 2. lib. 7. dub. 31. & ab aliis. Et quod ii teneantur resti-

tuere, clarum est, quia cooperantur omnes efficaciter damno alterius, concurrentes ad contractum usurarium (ut supponitur) ergo tenentur ad restitutionem iuxta quantitatem damni, ad quod cooperati sunt. Et sicut qui participat cum fure ad furandum, tenetur ad restitutionem, sic etiam tenetur, qui participat cum usurario ad usuras.

694 Inter cooperantes autem ad usuram, ob idque restitutioni obnoxios, enumeratur præcipue à citatis Notarius, qui instrumentum conficit usurarium sub nomine alicujus liciti contractus, v. g. veri mutui, vel venditionis, ex quo mutuarius cogitur ad solvendum usuras. Enumerantur & Testes: ut videre est apud eosdem. Verum, & hoc, & illud excusari à culpa nedum, sed etiam ab obligatione restitutionis, privilegio probabili ignorantie, si hæc addit in illis, & bona fides absque ulla hesitantia, vel dubitate, est doctrina clara, & aperta Navarr. in Man. cap. 17. n. 276. & 277. ibi enim loquens de publico Notario, faciente instrumentum usurarium, & de Testibus ejusmodi Instrumentorum usurariorum, facit quidem eosdem reos culpe mortalis, & restitutioni obnoxios consequenter (licet hoc secundum cum aliqua limitatione respectu Notarii, quam tradunt etiam Lessi. dub. c. n. 180. & Trull. dub. cit. num. 4.) sed concludit: *procedere solum in Notario, & Teste sciente contractum esse usurarium, & etiam in dubitante antequam dubietatem exuerit: Ergo in Notario, & Teste ignorantia probabili laborante non procedit: non procedit utique: & sic etiam resolvit Trull. n. 4. c. sub his verbis in fine, cum Navarr. l. c. Et idem de Notario, & Testibus dicendum (quod videlicet peccent, &c.) nisi probabili ignorantia excusentur. Igitur verum propositum privilegium. Quod autem dicitur de Notario, & Testibus, affirmari etiam debet de aliis cooperantibus ad usuras; cujusmodi sunt suadentes usuras, Factores usurariorum, & famuli, qui faciunt contractus ipsos usurarios nomine dominorum suorum; vel alii cooperantes ad usuras; inquam omnes, si ad usuras sint tantum materialiter cooperantes, cum ignorantia videlicet probabili, & bona fide, excusantur nil minus, ac excusentur Notarii, Testes, est enim de omnibus eadem ratio, idemque privilegium, &c.*

PRIVILEGIUM XVI.

Qui in arte ludendi notabiliter excedit alterum colludentem, imperitia tamen huius ignarus est, excusatur à restitutione luctu: saltem usq; dum ille bona fide nescit istius infirmitatem, & imperitiam.

695 **L**oquitur privilegium de ludo, ut est contractus humanus; ad cuius iustitiam, tres potissimum requiruntur conditiones, ut videre est apud *Less. de Just. lib. 2. cap. 26. dub. 2. Bonac. to. 2. de Restit. in Genere disp. p. qu. 3. punct. 2. & alios. Prima*, Ut ludentes habeant liberam dispositionem rei, quam in ludum deponunt: non enim possunt res alienas vel quas alienare non possunt, periculo exponere; ut sunt filii familias, Monachi, &c. *Secunda est*, Ut alter alterum per injuriam, ut minis, fraude, convitiis, &c. ad ludum non pertraxerit, nam si ille sic pertractus perdat, alter est ei causa damni per injuriam, proindeque tenetur pertrahens ad restitutionem, ut docet communis D. D. apud *Less. dub. cit. nu. 7. Versu*, *Secunda est*, & *Trull. in Decal. t. 2. l. 7. c. 27. dub. 2. n. 2. in princip. Tertia est*, Ut non utantur fraudibus contra leges ludi, alioquin tenentur restituere tum lucrum, tum etiam id quod alter certò lucraturus erat: nam est iniusta illius damni causa. *Ita Less. dub. c. n. 13. Cum aliis. Bonac. dist. punct. 2. n. 6. & 7. & cum eisdem Trull. dub. c. n. 3. in princip. ubi ait*, hoc esse certissimum commune, & juxta jus naturæ, quia lucrum acquirit invito domino rationabiliter. Si tamen erat dubium (addit *Less. n. 13. c.*) an esset lucraturus, non tenetur & rem suam, quam exposuerat, dare; quia in dubio melior est conditio possidentis. Tenetur tamen restituere id, quod sic lucratus est, ob eandem causam, quia in dubium non possum mihi rem alterius attribuire, eo quod in dubio melior sit conditio prioris Domini possidentis.

696 Tenetur similiter peritus in arte ludendi (si peritiam simulet ut alterum alliciat) restituere lucrum, imò sic peccat mortaliter. Ignarus tamen, à mortali excusatur, & potest retinere. Unde si quis peritus nesciens alterius infirmitatem, & imperitiam, bona fide, ut alterius peritiæ periculum, & experimentum faciat, cum eo ludat, non peccat, nec tenetur lucrum restituere, quia uterque ignarus de arte,

alterius, æqualiter se exponit periculo perdendi; at postquam illi constat de notabili excessu, tenetur à ludo cessare; & si aliquid lucraretur, id restituere teneretur, quia contractus non est æqualis. Et hoc idem est, quod intendit propositum privilegium, & in ipso est assumitur. Quod privilegium probatur. Quia ignarus uterque de alterius arte, exponit se periculo perdendi: & sicut lucranti occurrit imperitior, occurrere poterat peritior, fuitque consequenter contractus fortunæ, & ex utraque parte æqualis; quod utique non est talis, ut dixi, quando constat de notabili excessu; nec ignorantia alterius imperitiæ amplius excusat; & ob id si postquam notabilem illum excessum cognovit, aliquid lucraretur, teneretur post acquisitionem restituere: Non autem antequam cognoverit, quod confirmari potest: Quia, convenientes ad ludum, eo animo conveniunt, ut ea omnia, quæ lucrati fuerint, dum non constat de notabili excessu, retinere possint.

697 De hoc privilegio (cum ejusdem admissione) loquuntur *Franciscus Garzia de contract. cap. 43. n. 9. fol. mihi 733. Sancb. Confilior. to. pr. lib. p. cap. 8. dub. 13. nu. 2. Clavis Regia lib. 11. cap. 12. nu. 18. Molina disp. 517. n. 4. Sà Verbo Ludus n. 8. Filliuc. tract. 37. cap. 8. qu. 8. n. 140. Bonacin. punc. cit. 2. n. 4. Trull. Dub. c. 2. nu. 3. & alii quamplures agentes de Ludo, præcipuè P. Diana To. 6. Coord. tract. 4. ref. 37. Ex par. 7. tract. 9. ref. 30. ubi sic: n. 6. 7. & 8. Nota, quod si quis ludi alicujus peritus nesciens alterius imperitiam, sed bona fide credens illum similiter peritum, ut rem suam periculo exponat, cum eo ludat, & lucratur, non peccat, nec ad aliquam restitutionem faciendam eorum, quæ lucrifecit, tenetur. Ratio est, quia in hoc casu nulla est deceptio, sed ambo, æqualiter periculo lucrandi, & perdendi se exponunt. Tum quia si quis invenit alium collusorem imperitorem se in ludo, & lucratus est; potuit invenire alium peritorem se, & perdere. Ceterum, ut optimè adnotavit Medina Cod. de Restit. qu. 21. Intellecta semel collusoris ignorantia, & se longè peritorem intelligens, tenetur, aut à ludo abstinere, vel alias meliores condiciones suo collusori concedere, quibus alienum statuitur, & reparetur æqualitas debita ludo: ita Diana, totus ut patet pro hoc privilegio: Quod tamen privilegium limitat *Alcozer lib. de Ludo cap. 19. Nisi quis aded artis lusoriz peritus sit, ut vix sit aliquis, quem non excedat, tunc enim (inquit) tenetur restituere quod ab altero lu-**

eratur, licet alter de industria alterius sit ignarus. Ratio est, quia moraliter scit se excessurum alium. Hanc limitationem approbat *Sanch. l. c. n. 3.*

PRIVILEGIUM XVII.

Ignorans Dominum rei alienæ, quam apud se habet, excusatur à restitutione ei faciendâ, si post præmissam diligentiam moraliter necessariam ad eundem Dominum inquirendum, ut eadem res sua tradatur, non comparuerit ipse, nisi post traditam rem eandem pauperibus, vel pio loco, &c. restitutionis titulo.

698 **N**on raro accidit nos aliquid habere alienum, cuius dominum ignoramus, & nescimus, an facta diligentia dominus comparebit. Et in hoc casu certum est, ut docent etiam communiter Doctores, quod si qui rem habet alienam pauperi tradidit ante adhibitam diligentiam ad inquirendum dominum, si iste postea comparuerit, tenetur eidem restituere, quando maximè fuit injusta causa illius damni, quia videlicet per furtum eam rem obtinuit, ignorando cujus esset. Et ratio est (inquit etiam *Fagund. in Decret. To. 2. lib. 7. cap. 21. nu. 5.*) quia ex quasi contractu, & ex officio custodis tenebatur in conscientia adhibere diligentiam necessariam, ordinariam, nec excusabitur, etiam si rem pauperibus dederit: & ita expressè habetur *Cap. Sicut dignum, de Homicidio, §. Eos insuper*: ubi, *Quia licet quidam ex iis, quæ occupaverunt, fateantur se pauperibus erogasse, non tamen aliena (cum ipsa potuissent eis, quorum fuerint restituere) debuerunt pauperibus erogare.* Et ibi Glossa, Verbo, Non tamen aliena, ait: *Intellige si illos, quorum bona fuerunt, facta diligentia poterant invenire: aliâs sufficit, imò tenentur pauperibus erogare.* Et ratio est, ex ipsamet Glossa, Verbo eodem, in principio. *Quia non remittitur debitum, sed augetur, si alii solvatur, quod alii ex debito est solvendum.* Accedit *S. Tho. 2. 2. qu. 62. art. 5. ad 3. dum ibi ait: Quod si ille cui fieri debet restitutio, sit omnino ignotus, debet homo restituere secundum quod potest, scilicet, dando in elemosinas pro salute ipsius, sive sit mortuus, sive vivus, præmissa tamen diligenti inquisitione de persona ejus, cui est restitutio faciendâ.* In hac re communis est omnium Doctorum sententia apud *Vasq. Opuscul. De Restitut. cap. 5. §. 4. D. l. p. n. 6. Versu, In eo: & Sory. in Clavi Regia lib. 10. tract. 5. cap. 2.*

nu. p. Quod quando Dominus rei omnino ignoratur, tunc ante omnia, debitam diligentiam adhibere tenetur, qui est possessor rei alienæ, ut verum rei Dominum inveniat, qua facta, si non compareret dominus, restitui debet pauperibus in bonum domini.

699 Facta ergo tali diligentia in inquirendo domino, & non comparente, si restituerit rem pauperibus, aut in alios pios usus erogaverit, etiam si Dominus compareat non tenetur ad aliam restitutionem, unde excusatur à restitutione ei faciendâ, ut in proposito privilegio; cui etiam subscribunt, idem *Sory. l. c. n. 4. Versu, Facta igitur. Sylv. Verb. Restitutio 4. qu. 4. Petrus Navar. De Restit. lib. 4. cap. 2. n. 39. Molina de Just. tom. 3. qu. 744. Lessi. de Justit. lib. 2. cap. 14. dub. 6. nu. 43. Versu Peter. Vasq. l. c. Fagund. l. c. & communiter.* Quod privilegium etiam probatur: Quia si possessor rei alienæ post debitam diligentiam in inquirendo domino, pauperibus eam distribuerit, ad nihil amplius tenetur, cum jam semel, ac licet eam rem restituerit: non enim tenetur ratione rei, ut quæ in sua potestate non sit amplius: neque ratione injustæ acceptionis (supposito quod injustè acceperit) quia etiam si sic acceperit, tamen hujusmodi culpa remanet absterisa per restitutionem factam iis, & eo modo, quo potuit, & debuit fieri in tali casu: ergo si dominus postea comparuerit non tenetur ad aliud, & excusatur à restitutione ei faciendâ, ut in privilegio.

700 Quæ autem, & qualis diligentia moraliter necessaria sit præmittenda, & adhibenda ad inquirendum dominum, non adeo faciliè explicari potest, videantur Doctores citati, præcipuè *Mol. qu. c. nu. 2. & Fagund. l. c. nu. 6:* ex quibus habetur hoc multum pendere ex arbitrio prudentis hominis, & ex quantitate, qualitate rei alienæ, quam aliquis habet. Cujus autem expensis faciendâ sit diligentia prædicta, ut dominus agnoscatur, an videlicet deducendæ sint ex ipsa re aliena, vel solvendæ ab ipso possessore: distinguendum est cum *Sory. l. c. n. 9. Fagund. l. c. n. 7.* & aliis: Si enim possessor rem habuit, & acquisivit bona fide, ex ipsa re deducendæ sunt expensæ, quæ fiunt in inquirendo Domino: si verò rem mala fide, & per iniquam acceptionem habuit, tenetur possessor ipse ad expensâs, & ex propriis, quia fuit injusta dictarum expensarum causa. Sed

701 Quæres. Utrum Dominus censetur

PRIVILEGIUM XVIII.

Inferens damnum cum ignorantia comitante, excusatur à restitutione, nec tenetur restituere ex obligatione justitiæ.

seatur ignotus in eo casu, quo licet constet de ipso, nihilominus valde distans est: vel ex aliis difficultatibus non poterit res, aut difficillimè saltem, ad ejus manus pervenire; & majores fient expensæ in ea restituenda, quam res ipsa aliqui valeat: & an in hoc casu restituenda sit pauperibus, aut locis piis, ac si dominus ignotus esset. Respondeo affirmativè cum *Seyro l. c. nu. 24. Navarro in Man. cap. 17. n. 29. Vers. Quarto: Fagund. l. c. nu. 9.* & cum communi Doctorum sententia: quorum aliqui fatentur etiam idem quando cognoscitur dominus, sed omnino ignoratur locus ubi sit, vel ubi habitat, quia possessor non tenetur vagari in incertum, quærendo locum ubi sit, ac proinde in his casibus, & aliis similibus habetur pro ignoto ratione absentia conjunctæ cum aliis difficultatibus: & ita expressè etiam *Sa, verbo Restitutio, nu. 50.* ubi sic: *Non tenetur Domino restituere, qui dedis operibus piis, quod non poterat Domino restituere sine gravi periculo; aut cum res esset modica, aut dominus tam longè abesset, ut difficile ad illum res posset missa pervenire.* Quod docuit etiam ante *Navarr. Vers. cit.* sub sequentibus verbis: *Quando dominus est longinquus, aut in tali loco, ut ad eum mitti non possit, aut non sine magno periculo, aut scandalo, tunc restituendum Jesu Christo Domino Nostro, heredi omnium incertorum universalis, dispersiendo illud pauperibus ejus, aut piis aliis operibus, quia hoc consentaneum legi naturali videtur, &c.* Vide *Sotum de Just. lib. 4. qu. 7.*

Quærent hic laudati Doctores, præcipuè *Lessi. & Fagund.* Quo jure debita incerta post præmissam diligentiam, non inventis dominis, nec illorum hæredibus, pauperibus, & locis piis restituenda sint, naturali ne, an divino, an humano. Utrum hujusmodi incerta debita, & bona possint à possessore si sit pauper retineri. An si post factam diligentiam, non invento domino, neque hæredibus, restitutio autem jam facta sit pauperibus. Et postea dominus, vel illius hæredes appareant res restituta restituenda sit vero domino, vel illius hæredibus. Quid id nomine pauperum intelligatur, & an nomine illorum comprehendatur quæcumq; causa pia, & quodcumque opus pietatis. Quibus pauperibus restitutiones fieri possint, an etiam Religiosorum Monasteriis, &c. hæc inquam, & alia hujusmodi quærent, citati, & alii; quæ tamen, quia non sunt ad rem hujus tractatus, ad eosdem Doctores pro eorundem resolutione Lectorem mitto.

702 **N**on oritur obligatio restitutionis ex damno dato cum ignorantia comitante (quicquid aliqui dixerint) si ignorantia fuerit inculpabilis (inquit *Lessi. de Just. lib. 2. cap. 7. Dub. 9. nu. 46.*) Et damnum illatum cum ignorantia comitante, restituendum non esse ex obligatione justitiæ, ait *Bonac. to. 2. de restit. in genere disp. p. qu. p. punc. 3. §. Unico, proposit. 2. n. 7.* Ut, si putans esse feram, telo hominem occidas, excusaris à restitutione homicidii, quamvis etiam postea deprehendas fuisse inimicum, quem ad necem quærebis. Ratio autem est: quia actio exterior homicidii facta cum ignorantia comitante, & occisio illa inimici, vel hominis, nullo modo est voluntaria, nec injusta, nec imputatur ad culpam, imò caret omni culpa, cum ignorantia comitans excuset à peccato externum actum (quamvis non excuset pravum affectum internum) & consequenter obligationem restitutionis non inducat. Nec refert, quod illum voluisses occidere, si tuum inimicum esse scivisses, & quod gaudeas occidisse: quia, ut optimè etiam *Lessi. l. c. talis voluntas non est causa operis cum non sit, nec fuerit: sed solum esset, posita conditione, quæ non ponitur; gaudium autem sequitur opus.* Unde non magis obligat ad restitutionem, quam si gauderes ab alio factum. Præter *Lessi. & Bonac.* referunt, & approbant hujusmodi Privilegium, *Petrus Navarr. de Restit. lib. 2. cap. p. n. 61. Mol. to. 3. de Just. disp. 728. Reginal. in Præci to. p. lib. 10. trac. pr. num. 70.* aliiq; plures.

PRIVILEGIUM XIX.

Qui rem alienam possidet bona fide, idest cum ignorantia invincibili, seu probabili, excusatur à peccato, & à restitutione, usque dum agnoscit esse alienam.

703 **B**onæ fidei possessor dicitur, qui habet bonam fidem; ad hanc autem producendam requiritur ignorantia invincibilis, seu probabilis: non enim sufficit affectata, vel crassa. Unde qui invincibiliter ignorat, rem esse alienam; aut se

non posse rem aliquam distrahere, bonæ fidei possessor appellatur: *Clavis Regia lib. 10. tract. 2. n. 2. Mol. de Just. 10. 3. tract. 2. disp. 710. n. 4. Sanchez. tom. pr. Operis Moral. lib. 2. cap. 23. n. 160. Bonac. de Restit. in. Genere disp. p. q. 2. punc. p. n. p. & alii communiter.* Quo posito. Probatur privilegium propositum, tum auctoritate citatorum, & aliorum communiter, tum ex privil. 6. hujus Cap.: si enim ex ipso, rem alienam surripienti ignorans esse talem, à peccato, & à restitutione excusatur durante eadem ignorantia, sic etiam excusatur ita possidens, cum utrobique sit eadem ratio, ut patet. Tum etiam quia, ut optimè *Clavis Regia l. c. n. 6.* Habens rem alienam bona fide, nesciens, nec credens eam malè acquisitam, quocumque modo eam habuit, sive per donationem liberam, sive per contractum commutationis, vel emptionis, durante bona fide (idest ignorantia probabili, & invincibili) nec rem illam, nec fructus inde perceptos, & consumptos restituere tenetur. Et ratio est, quia ignorantia, & bona fides excusat eum in conscientia, ita *Clavis Regia* cum aliis ibi eodem *nu. c. c.*

PRIVILEGIUM XX.

Qui bona fide, & invincibili ignorantia durante, rem alienam vendidit, commutavit, consumpsit, perdidit, aut res illa perierit, à restitutione excusatur.

704 **H**Ujus privilegii ratio est eadem, ac præcedentis. Non tenetur videlicet restituere, & à restitutione excusatur, quia bona fides, & ignorantia invincibilis excusat eum in conscientia: si enim excusatur à culpa, excusabit subinde à restitutione. Adde, quod si teneretur restituere, teneretur utique ratione rei acceptæ, sed ratione hujus non tenetur, cum res accepta non extet, utpote alienata, consumpta, &c. bona fide, ut hinc supponitur, ergo. Et ita etiam docent *Sylo. Verbo Restitutio 3. qu. 7. §. Tertium. Clavis Regia n. p. c. Valent. 2. disp. 5. q. 6. punc. 3. Versu, Quinto.* Ubi: *Ita omnes communiter tradere. Bonac. punct. p. c. nu. 5. & alii apud ipsos.*

705 Cum quibus tamen, Privilegium limita, nisi videlicet, qui rem alienam bona fide vendidit, commutavit, &c. in aliqua re factus sit locupletior: nam id, in quo factus est locupletior, & ditior, succedit in locum rei acceptæ, quæ dicitur extare in æquivalenti: cum enim possessor

bonæ fidei non possit rem acceptam restituere, quia amplius non extat; æquum est, ut saltem restituat id, quod in ejus locum successit, seu in quo factus est ditior, & locupletior, ne dominus rei damnum patiat. Ita etiam *Navar. in Man. c. 17. n. 7. Petrus Navarra de Restit. lib. 3. cap. 4. par. 3. dub. p. n. 183. Molina de Just. 10. p. tract. 2. disp. 36. Lessi. libr. 2. cap. 14. dub. p. Sà Verbo Restitutio n. 39. Clavis Regia lib. 10. cap. 2. n. 9. Valent. l. c. Sanchez in Opere Morali par. pr. lib. 2. cap. 23. n. 4. Bonac. nu. 5. cit. alique plures apud ipsos.* Quis autem censendus factus locupletior ex re aliena? vide apud eosdem, præcipuè *Bonac. l. c. à n. 6.* dicentem: Illum censeri factum locupletorem, qui cessante bona fide cognoscit se occasione rei alienæ esse locupletem, ut si cognoscat, se fecisse aliquos sumptus, quos alioquin ex re sua secessisset; aut si aliquid habeat, quod alioquin non habuisset.

PRIVILEGIUM XXI.

Qui commisit adulterium, & ignorat an proles suscepta su sua, vel Mariti adultera, excusatur à restitutione.

706 **A**Dulter, qui ex aliena uxore filios susceperit, tenetur utique ad resarcienda, & restituenda damna subsecuta, & quæ subsequuntur, tum Patri putativo, tum cæteris filiis legitimis, consanguineis, hæredibus, &c. cum fuerit causa eorum damnorum, ut docent communiter Doctores apud *Dian. Coordin. tom. 2. tract. 6. ref. 235. nu. p. ex par. 2. tract. 17. & Miscell. 3. ref. 55. De Lugo de Just. 10. p. disp. 13. sec. 2. n. 10. in fine, & apud alios.* Verum, tenetur quidem utique Adulter ad hujusmodi restitutionem damnorum dictorum, & ad resarcienda damna, quæ patiuntur, & patientur prædicti, dummodo tamen ipse indubitanter credat susceptam prolem esse suam, nam si nesciat, ignoret, vel dubitet talem esse, à restitutione excusatur, ut dicitur in privilegio: quod

707 Probatur primò, Authoritate Doctorum: Affirmantium sic: Adulter, qui ex aliena uxore filios suscepit, non tenetur ad illam restitutionem, vel compensationem faciendam pro alimento, & legitima, imò nec pro majoratu aliorum filiorum ex legitimo toro, nisi ei certò, evidenter, & moraliter constet prolem esse suam; non constat autem id certò, & moraliter, nec constare potest, quandiu probabilem habet rationem dubitandi de contrario.

Ita *Fagund. in Decal. to. p. in 4. Præceptum, lib. 4. cap. 6. n. p. cum alibi citatis. Bonac. de Restit. in Genere disp. p. qu. 2. punc. 2. n. 7. & de Matrim. qu. 6. punct. 15. proposit. 4. n. 8. ibi: Qui indubitanter credit, quia si dubitet, illum esse suum filium, non tenetur ad restitutionem. Less. de Just. l. 2. cap. 10. dub. 6. n. 39. Navarr. in Man. cap. 16. n. 48. & 49. Corduba lib. p. qu. 31. Dicto 4. in fine. Henriqu. libr. 11. de Matrim. cap. 21. littera V. Gobat in sua Theologia Juridico-Morali cap. 28. litt. TT. sec. 3. à nu. 48. pag. mibi 293. Idem Gobat par. 2. Alphabeti Matrimonialis Casu 5. n. 194. P. Pasqualig. in Quaestionib. Singularib. qu. 85. in qua: Quod certo non tenetur dictus adulter ad restitutionem, & ad damna ex prole adulterina, sequuta, vel sequenda, refarcienda; neque si loquamur de foro externo, neq; de obligatione conscientiae, & foro interno: de quo tantum nos hic loquimur in proposito privilegio. Et de quo pariter interno foro Navarr. in Man. cap. 16. n. 49. expressè sic: Confessarius non debet refarcitionem imperare, adultero non credenti, nec debenti credere filium esse suum, sive eo quod mater sit levis, & solita adulterari, sive quod ipsa quoque dubitat, an sit filius adulteri, vel mariti sui, sive quod reputat, eam ad se obligandum mentiri secundum Sanctum Antonium. Nec ipse adulter facile debet credere se ad id obligatum iri: ita Navarr. pro conscientia, ut patet, & propriè ad privilegium nostrum: quod*

708 Probatur secundò ratione: Quia, eatenus adulter tenetur certò restituere, & refarcire damna ex prole assumpta adulterina illata, ut suprà, quatenus eademmet proles supponitur certò sua: at hoc supponi certò nequit, cum ignoretur, (ut dico in privilegio, & suppono) vel saltem nesciatur ab adultero, an proles assumpta, sua sit, an Mariti adulteræ: imò nec de facili hoc sciri possit, quacumque etiam adhibita diligentia: ergo. Et quod hoc de facili sciri nequeat, patet: quia quacumque diligentia adhibita, semper remanet dubium, an filius natus sit ex adultero; (cum tam potuerit nasci ex ipso, quam ex marito mulieris, ut optimè etiam P. Pasqualig. qu. c. n. 5.) in re autem dubia, indecens est, quod detur certa sententia, inquit D. Antoninus 2. par. tit. pr. cap. 7. in fine, ex cap. Habuisse, dist. 33. ubi S. Gregorius ait: In rebus ambiguis absolutum non debet esse iudicium: ad condemnandum videlicet, in genere etiam turpitudinis.

709 Probatur tertio: Quia etiam si constet, quod tempore conceptionis probabili

intervenerit copula inter adulterum, & adulteram si tunc temporis patebat pariter accessus mariti ad uxorem, ut suppono; stante matrimonio, possessio stat pro prole quod hæc videlicet sit ex legitimo concubitu, matrimonium namque dat titulum legitimæ nativitatis, & ided non cessat possessio, nisi probetur oppositum quod probari nequit, quia tunc temporis (ut dixi, & supponitur) patebat accessus mariti ad uxorem. Si ergo possessio stat pro prole legitima, nec probari potest, vel sciri ab Adultero oppositum, ita ut sit ignarus an proles sit sua, vel Mariti, excusandus est utique à restitutione, nec condemnandus ad refarcienda damna, ut suprà, cum sit indecens in re dubia, & incerta, certam dari sententiam, & in ambiguis rebus absolutam condemnationem, in genere etiam turpitudinis.

710 Probatur quartò: Quia in dubio in materia iustitiæ, & restitutione (ut communiter Doctores) melior est conditio bona fide possidentis, & nemo tenetur aliquid restituere, & re sua se privare, nisi ei certò, & moraliter constet, non esse suam: adulter autem nesciens, aut dubitans, an proles sit sua, possidet suam libertatem, ac pecuniam, non tenetur igitur restituere, nesciens prolem esse suam, vel saltem probabiliter credens non esse suam: quamvis etiam probabiliter crederet esse suam (inquiunt citati, *Fagund., Bonac., & alii*) tum quia sequi potest opinionem probabilem: tum quia melior est conditio possidentis suam libertatem, & pecuniam, ut dixi, juxta illud, *Beatus qui possidet.*

711 Quod verum est, etiam si mater cum juramento dicat esse filium adulteri; & proles suscepta imaginem referre videatur adulteri: Nam quoad assertionem matris, præterquamquod, mulieribus non est facile habenda fides: nam, *Varium, & mutabile testimonium semper femina producit: Cap. Forus, de Verbor. signific. Nec filius ipse* (necum adulter) tenetur matri credere, dicenti ipsum non esse Mariti, sed Spurium, etiam si sciat ipsam adulteram fuisse, ut docet *Glossa in Cap. Officii, de penitent. & remissionib. & omnes Canonistæ fatentur in c. Per tuas, de Probationibus; & Jurisperiti in l. Si Postumus, §. de liber. & posthumis. Unde Navarr. consil. p. tit. 18. de Filiis Præbitorum. (quem refert, & sequitur *Fagund. in Decal. to. p. lib. 4. cap. 5. n. 4.*) dicit ita: *Filius non tenetur credere matri dicenti sibi esse illegitimum, cum natus sit in figura Matrimonii, & se debet reputare legitimum**

legitimum ex publica opinione, ex favore legis, Filium, ff. Qui sunt sui juris: & addit: Et ego si talis essem ita facerem: & idem repetit in Man. cap. 27. n. 201. Versu, Nonò dicto, in fine. Et idem etiam docet Menocbius de Arbitrariis Iudicium l. 11. Centuria p. Casu 89. n. 27. ubi: Non tenetur filius Matri credere, etiam si Mater affirmet filium illum, non esse ex proprio Marito generatum; nec enim hæc Matris assertio, filio detrimentum aliquod asserere potest: ita Glossa in l. etiam de probat. & in l. ultima, ff. eodem, & Bartolus in l. filium, ff. de his, quæ sunt sui, vel alieni iuri, & Cardinalis Paleotus, De nobis, & spurii cap. 24. Hæc Menocbius. Imò addit Fagund. n. 4. c. (ex Henrig. & Navarro) non teneri ei credere, quomòdò fortè aliquot annis reputaverit se illegitimum, quia habet jus ad possessionem, & bonum nomen ex publica fama, & æstimatione, quæ plurimum in hac re probat, ac subinde habet jus ad bona etiam majoratus, quæ legitimo filio debentur. Si igitur filius ipse non tenetur credere matri adulteræ, affirmanti eum non esse ex proprio Marito, & Patre putativo generatum (& aded credere non tenetur, ut affirmet Fagund. cap. 5. cit. nu. 11. in princ. ex Navarro, quod stultè faceret id credendo) multo minus Adulter ipse eidemmet etiam cum juramento asserenti prolem assumptam esse adulterinam credere tenetur. Videantur Less. de Just. libr. 2. cap. 10. dub. 7. d. n. 51. Bonac. l. c. de Matrim. eodem n. 8. & alii plures relati à Bassæo to. p. Verbo Adulterium, n. 8. ubi & ipse sic: Filii non tenentur credere matri dicenti ipsum esse spurium, quamvis hoc asserat cum juramento, aut in articulo mortis, si mater tempore conceptionis habitabat cum viro: unde nec tenetur à se abdicare hereditatem. Ratio est tum quia alleganti suam turpitudinem cum alterius præjudicio, nulla debetur fides: & cum ipse, & sua, & publica opinione sit legitimus, non tenetur cum tanto suo incommodo se reputare illegitimum, nisi convincatur. Tum quia cum ipse sit natus, ac educatus in domo legitime conjugatorum, favor matrimonii prævalet, ut ex matrimonio natus judicetur: mulierem enim, & specialiter talium, inconstantia est suspecta. Hæc Bassæus.

712 Quæ etiam advertant Confessarii, ne nimis rigidi sint, & scrupulosi in adstringendo hujusmodi adulteras (maximè tempore mortis) ut cum earundem famæ dispendio (& fortasse quandoque vitæ periculo) seipsas prodant, ac proprium crimen suis Maritis, vel illegitimis, ne hæredes legitimi ratione illegitimæ prolis aliquid

detrimenti patiantur. Advertant inquam, uti eisdemmet advertunt etiam Henrig. de Matrim. lib. 11. cap. 21. n. 3. sic notando: Perpendat Confessarius ne ultra modum compellat matrem ad hanc manifestationem, quia illa vix tenetur hoc facere propter spem puram probabilem, nec detegere cramen adulterii, cum magno sui bonoris detrimento, etiam in bora mortis. Et Bonac. de Matrim. l. c. n. 23. & 24. sic Eos monendo: Confessarius magna prudentia uti debet, ne ultra modum compellat adulteram in articulo mortis detegere suam adulterium. Ratio est, tum quia filius non tenetur illi credere; tum quia fieri potest, ut ipsa liberetur ab infirmitate, & occidatur à marito, tum quia rarò prodest detectio, & manifestatio adulterii. Adde nec esse consulendum, ut adultera detegatur post moriem à Confessario, quia periculum est, ut proles adulterina, vel Confessarius ipse occidatur. Ita Henrig. Azor. & alii. Quamvis enim ex communi D. D. teneatur mater quantum fieri potest (sine tamen dispendio famæ, & vitæ periculo) procurare, ne filii legitimi, & hæredes, ratione prolis illegitimæ detrimentum aliquod patiantur: nihilominus, si nullo alio modo possit mater damnum compensare, non tenetur seipsam prodere cum periculo, ut supra, maximè si moraliter non sit certa damni avertendi (ut est communis D. D. apud, & cum Less. dub. 7. c. n. 50.) Tum quia in dubio melior est conditio possidentis; quamdiù igitur prudenter dubitet adultera, an revelatio profutura sit, non tenetur famam suam prodigere, occultum crimen pandendo: quod imò magnæ esset imprudentiæ, nam sic redderet se exosam, & infamem apud filium, ipsumque in magnos animi ætius coniiceret, quod absque certo fructu non est faciendum ait Less. n. c. in fine: advertens immediatè post, & optimè, raro accidere, ut adultera non habeat justam rationem dubitandi an revelatio praderit. Tum quia, periculum vitæ nullo prætio est æstimabile, ergo propter rei pecuniariæ restitutionem non tenetur quis unquam vitam prodigere, aut periculo se exponere: etiamsi amplissima hæreditas ad spurium devolvi deberet, Bassæus Verb. c. n. 7. Etiam si amplissima hæreditas, aut primogenitura, aut etiam regnum ad spurium devolvi deberet: nunquam enim potest esse tanta externorum bonorum copia, ut ipsam per se solam præferri vitæ oporteat. Less. dub. 7. c. n. 53. in fine. Tum quia fama ipsa res est superioris ordinis, atque adeo nunquam est necessario exponenda pro rebus inferioris ordinis, & apud homines

Cap. XII. Privileg. XXI.

311

homines fama pecunia aestimari non solet; unde *Proverb. 22.* habetur: *Melius cuiuslibet bonum nomen, quam divitiae multae*: non tenetur igitur cum periculo famae adultera prodere crimen suum, nisi forte ad summum (inquiunt Doctores apud *Basium*, & cum ipso *n. 7. c. in fine*) damna, quae proveniunt marito, vel heredibus, iudicio prudentis praeponderent, vel sint aequalia famae ipsius adulterae: licet etiam in hoc casu id neget *Fagund. cap. 5. c. n. 15. in fine*: dum ibi sic: *Ille non tenetur se manifestare, nec etiam in eo casu, quo valor hereditatis excedat valorem famae, & ideo nec Confessarii in conscientia eam obligare poterunt ad se manifestandam: nisi tamen veritas adulterii tam clara sit, & evidens, & illa tam infamata de illo, ut nulla tergiversatione celari possit. Tum tandem quia, ut quid huiusmodi Confessarii rigida nimis, & scrupulosa sectio, dum Filius matri adulterae dicenti (etiam cum iuramento) ipsum spurium esse, non tenetur credere; & si sciat (per *Lesi. n. 51.* & alios ibi) ipsam fuisse adulteram? Suadeat Confessor, consulat, optime faciet, si tamen prudenter in hoc se geret. Non consulat, nec suadeat nisi moraliter certus sit de fructu, de quo probabiliter non dubitetur, ut innuit *Lesi. n. 50. c. in fine*, loquens de matre ipsa. Et nisi etiam certus sit moraliter quod filius omnino vincatur eo quia Mater adultera probat Patrem putativum toto illo abfuisse tempore. *Lesi. n. 52.* Advertens *n. 57.* & optime, aliud esse loqui de Muliere honestae conditionis, & quod pro tali passum habetur, haec enim proprie est bonae famae: & aliud de vili, & suspecta, huius enim fama prudentem etiam iudicio parvi pretii aestimanda est, parumque consideranda. Concludo numerum cum verbis *Cajet. in Sum. V. Adulterium*: Si enim (inquit) periculum ex manifestando Adulterio imminet, occulte satisfaciet, ut melius potest, & reliquum divinae misericordiae reservet: iuxta *Cap. Officii, de penit. & remiss.* Quia sicuti cessante iudiciali coactione non tenetur homo perdere vitam, aut libertatem, ut satisfaciat debito pecuniario: ita nec tenetur perdere famam, aut vitam in proposito ubi de sola pecuniaria re agitur. Cessante autem periculo, & vita, & fame, & huiusmodi; si non potest aliter satisfieri, spes fructus futuri ex manifestatione adulterii profunda est. Nam si fructus nullus speratur, quia de iure nec maritus, nec proles tenetur matri adulterae credere in huiusmodi, oana esset manifestatio adulterii: haec *Cajet.* quae perpendant Confessarii: Utentes ma-*

gna prudentia (ait etiam *Diana to. 2. Coord. tr. 6. ref. 234. n. 8. ex p. 11. tr. 6. & Mife. 6. ref. 56. alias 55.*) ne ultra modum urgeant adulteram in articulo mortis ad detegendum suum crimen, tum propter graviam incommoda, quae inde sequuntur, tum quia raro ad quidquam profuit detectio adulterii. Quae sentio (ita concludit) ne quidem esse consulendum, nisi valde moraliter certum sit ex pluribus circumstantiis, quod sine aliis gravioribus incommodis sic possent averti damna, quae alioquin legitimis heredibus obventura sunt. His obiter hic praemissis

713 Transeo ad id, quod secundo loco superius fuit dictum assumi posse in argumentum illegitimitatis proles assumptae ex adulterio, quod videlicet filius in effigie referat adulterum, illique assimiletur. Et dico; cum *Menocchio de Arbitrar. Iudicium lib. 2. Cent. p. Casu 89. n. 97. & 102. Alciato de Praesumpt. reg. 3. praesumpt. 7. Pasqual. qu. c. n. 3. Verricelli Dq. Moralium, & Legalium tract. 3. qu. 45. n. 7. Bonac. l. c. de Matrim. n. 8. in fine*: & aliis apud ipsos: & cum communi D. D. dictum argumentum esse inefficax omnino: assimilatione namque nec conjectura est (per *Menochium n. c. 102.*) nedum argumentum legitimae proles: ad summum est simplex signum fallax, seu levis suspicio, non verum filiationis signum, cum videamus ut plurimum filios non assimilari parentibus. Et assimilatio respectu adulteri provenire potuit ex imaginatione mulieris tempore conceptionis, quae sola est sufficiens ad inducendam similitudinem: eo maxime quia probabile est, quod mulier praediligat adulterum praeter marito; & proinde de ipso cogitet, & intense, ideo, &c. Hinc optime *Azor. par. 3. lib. 5. cap. 6. qu. 4. in fine*, sic concludit: *Non tenetur credere se esse adulterinum filium, etiam si in vultu, vel in aliis membris corporis referat imaginem adulteri, ut recte ait Sotus, quia eiusmodi signa aliquando fallunt, & quantumvis magna sint, semper praevalent favor matrimonii, nisi quando evidenter conspiceris conceptio ex adulterio.*

314 Probatur quintum privilegium propositum: Qui dubitat an aliquod Votum emisit, non tenetur illud adimplere, & ita se potest gerere ac si sciret a se non esse editum ullum Votum: *Luyman lib. p. tract. p. cap. 5. §. 3. n. 31. Sanchez. De Matrim. to. p. lib. p. disp. 9. n. 11. Versu, Ceterum, & in Summa to. p. lib. 4. cap. p. n. 16. Suar. de Censur. disp. 40. sec. 5. n. 15. Henric. lib. 8. cap. 45. n. 3. in Glossa litt. P. Fillius. to. 2. tract. 21. cap. 4. num. 265. Avila De Conf. part. 7.*

part. 7. disp. 2. dub. 3. conclus. 2. *Satus de Jusf. lib. 7. qu. 3. art. 2. Diana Coord. to. 8. tract. 4. ref. 18. ex par. 4. tr. 3. ref. 10.* & alii penes ipsos : & communiter Theologi apud *Avilam Conclus. 2. c. in fine.* Ergo etiam qui dubitat nedum, verum etiam nescit, imò scire certò nequit an prolem ipse ediderit, seu genuerit, potest se perinde habere ac si certus esset, nullam à se editam, seu genitam. Non enim apparet considerabile discrimen, ait etiam *Gobat l. c. n. 51.* inter eum, qui dubitat, utrum votum ediderit alendi aliquem pauperem, & inter eum, qui dubitat, an ediderit, seu genuerit aliquem pauperem. At si qui solum dubitat an votum ediderit, non tenetur illud adimplere; multo minus qui non tantum non dubitat, an proles edita sit sua, verum etiam ignorat id omnino (ut in privilegio) & scire certò nequit, an sit sua, tenetur quidquam ratione illius expendere, vel aliquid restituere, ac resarcire. Hinc *Sylvest. Verbo Adulterium, qu. 5. optime sic : Si dubitat Adulter ex eo, quod mulier sit levis, & cum alius adulteratur : vel etiam quia ipsamet dubitat, utrum sit ejus filius, vel mariti : relinquatur iudicio Dei, nec de restitutione gravetur : quia Iudicis est, ut in re dubia certa sententia non proferatur.* Sed

715 Obiciēs primò. Adultera ex consortio Mariti semper fuit sterilis; cognita ab adultero concepit, & peperit: ergo saltem in hoc casu filius susceptus est adulterinus, nec excusabitur adulter à restitutione, &c. Respondeo negando consequentiam: ad antecedens dico, non convincere filium esse adulterinum, etiam si adultera cum marito fuerit sterilis per multos annos, & post concubitus cum adultero concepit, & peperit: hoc enim non probat susceptum filium esse adulterinum, ait *Menoch. de Arbitr. Iudicium lib. 2. Cent. pr. Casu 89. n. 31.* dum ibi sic: *Filius legitimus presumitur, & si ex muliere sit natus, quae diu fuit sterilis; & apud eundem Cardin. Paleotus de Notis, spurisq; filiis, cap. 25. n. 5.* Et ratio desumitur ex *Plinio lib. 7. Naturalium histor. cap. 13.* apud eundem *Menoch. nu. c.* Quia, *Mulieres aliquae, semel tantum pariunt; aliae post certum tempus, ut post juventutem; aliae secundum varios Caus, & hydern motus nunc fecunda, nunc prorsus steriles sunt: ut etiam Aristoteles lib. 7. cap. 6. de Histor. Animal. Hanc eandem responsionem approbat P. Verricelli qu. 45. cit. n. 6.*

716 Obiciēs secundò. Argumento *Molina* apud *Gobat l. c. n. 64.* Si duo coniecerunt sagittam in bovem alterius, qui mor-

tuus concidat, debet uterque pro quantitate dubii, utrum ex sua potius, an alterius sagitta bos mortuus sit, contribuere ad reparationem damni: ergo saltem, quando adulter dubitat, sit ne suus filius, an mariti adulterae, tenetur pro quora dubii conferre ad sustentationem, & restitutionem damnorum. Respondeo cum *Gobat l. c. d. n. 65.* Si unius sagitta plagam inflixit lethalem, alterius verò nullo modo lethalem, & ignoretur cuiusnam sit sagitta illa, quae lethalem plagam inflixit, neutrum teneri ad ullam restitutionem ante Iudicis sententiam, cum meritò quisque dubitet, utrum reipsa bovem illum occiderit, & in dubio melior sit conditio possidentis sua bona, atque suam libertatem: hinc etiam *D. Tbo. 2. 2. qu. 62. art. 7.* loquens de cooperante ad alterius damnum: ait: *Tunc solum tenetur, cum probabiliter estimari potest, quod ab eo actio iniusta sit subsoluta.* Et huic responsioni favet ratio *Legis Ita vulneratus, ff. ad l. Aquil. juncta Glossa ad verb. disputando.* Potest tamen Iudex in casu posito in objectionem, temeritatem utriusq; plectere condemnatione ad reparationem damni illati *c. leg. Ita vulneratus.* Quod si utriusque sagitta lethaliter bovem vulneravit, auferatur dubium de necis auctore; praesumitur enim, ambo concurrisse ad necem uti causae parciales, unde quilibet puniretur ut bovis occisor: sicuti uterque puniretur tanquam verus homicida, si uterq; eodem modo vulnerasset hominem, juxta *c. leg. Ita vulneratus, & l. item Mela, §. Sed si plures, ff. ad l. Aquilam, & cap. Significasti 2. de homicidio,* quae jura explicat latè inter alios *Julius Clarus lib. 5. sententiar, §. Homicidium.* Verum, quia nequeunt, aut certè non solent duo homines esse singuli causa partialis, seu concausa unius filii, sicut possunt esse mortis unius, ideò argumentum oppositum *Molina* non convincit, nec probat quod adulter in casu propositi privilegii debeat obligari ad quidquam expendendum, restituendum, &c.

717 Ad quid autem teneatur adulter, qui certò scit prolem ex adulterio assumptam esse suam? Quantum, quomodo, cui, &c. debeat restituere, & damna ex prole adulterina illata resarcire? Vide *Navarrum in Man. cap. 16. n. 49. Versu, Si autem. Fagund. to. p. in Decal. lib. 4. cap. 6. Bonac. l. c. de matrim. d. n. 11. usque ad 18. Card. De Lago de Jusf. to. p. disp. 13. sec. 2. Diamant tñ. 2. Coord. tr. 6. ref. 234. n. 11. & 12. ex p. 11. tr. 6. & Miscell. 6. ref. 56.*

alii 55. & alios apud ipsos. Et si hic obiter quæras, An parentes divites, & nobiles exponentes adulterinam, & spuriam prolem in hospitali domo ad occultandum adulterium, quando infamia, & alia mala, aliter, & commodè impediri sufficienter nequeant, peccent, & ad restitutionem teneantur? Respondeo cum *Gajet. in Summa Verbo Adulterinum & Bassio l. c. n. 9.* nullum peccatum esse prolem exponere, ut in hospitali alatur, ad occultanda hujusmodi adulteria: *hæc enim (Gajet. ibi) est sana ex rationibus, quare hæc loca pia instituntur.* Imò ad similes casus hospitalia quædam sunt fundata, ait *Lesi. lib. 2. cap. 19. dub. 6. n. 69.* At cum eodem *Gajetano l. c. Navarr. in Man. cap. 16. n. 48. Sylo. V. Adulterium, qu. 5. Lesi. n. 69. c. Bonac. l. c. de Matrim. n. 11. Bassio n. 9. c. Versu Addo,* & cum communi Doctorum apud eundem, dico, hujusmodi parentes, si sint divites, teneri restituere hospitali sumptus quos ipse fecerit in ea prole alenda. Quia hospitalium bona sunt in usus pauperum, & voluntas presumpta fundatorum utique est, ut quodam ex aliqua justa causa infumuntur pro filio alicujus divitis, parentes teneantur ea compensare in usus aliorum pauperum. Tenentur enim parentes non solum alere, & vestire, sed & instruere per se, vel per alios propriam prolem: ita citati, & communiter.

718 Et si hic iterum obiter quæras, An filius, cui mater dicit natum fuisse ex adulterio, & esse illegitimum, teneatur se gerere, ut irregularem, an verò queat absque dispensatione tunc suscipere Ordines? Respondeo cum *Henriq. lib. 11. de Matrim. cap. 21. n. 2. Fagund. lib. 4. c. cap. 5. n. 16. P. Pasqualigo Q. Singularium qu. 86.* & aliis: Quando tempore conceptionis presumpto patebat aditus marito ad uxorem (alioquin moraliter certum esset, quod esset filius adulteri, illegitimus, & irregularis) ita ut natus sit in figura Matrimonii, ac se fama, ac honore publico tueri, bona fide putans se esse legitimum, posse ordinari, & sacros ordines assumere absque alia dispensatione, nec se gerere ut illegitimum, & irregularem, quamvis mater ei affirmet se esse illegitimum. Ratio est: tum quia neminem fraudat, & utitur jure suo. Tum quia neque in foro externo, neque in foro conscientie, ex supradictis, tenetur stare assertioni matris. Cum enim sit filius in possessione legitimæ nativitatis, non potest deici per dictum matris, tanquam dictum unius, quod non sufficit ad

deiciendum aliquem a possessione. Imò; nec tenetur stare in conscientia assertioni matris, nec ei credere, etiam si hæc juraret filio (ex dictis supra) se eum concepit, ex adulterio, nam etiam jurans, esset tantum instar unius testis jurati, qui secundum veriore sententiam (apud *Pasqual. qu. c. n. 4.*) non plectitur probat; etiam quando deponit de facto proprio: & in hoc casu præterea specialis militat ratio, quod videlicet non possit mater de certa scientia deponere, & jurare, quia res aliter se habere potest, cum ad summum conjecturaliter possit dicere, se hoc, vel illo modo concepit. Adde item ex dictis, quod detegendo propriam turpitudinem valde minuit ejus fidem.

719 Hinc deduc cum *P. Pasqual. qu. c. n. 6.* quod filius neque in ordine ad quicumque aliud, sive sit successio ad hereditatem, sive quodcumque aliud, teneatur credere matri asserenti, quod ipsum genuerit ex adulterio. Militant enim semper eadem rationes: & præsertim quod non possit certo scire, sed solum conjecturaliter ex quo conceperit, quando cum plaribus copulata est. Quæ incertitudo facit, ut non possit assertio matris vincere presumptionem, quam pro sua legitima nativitate habet filius. Qui tamen si credit matrem (quod non tenetur facere, cum Doctoribus supra) tunc jam est in mala fide, & sicut amittit omne jus fundatum in presumptione legitimæ nativitatis, tenetur petere dispensationem illegitimitatis, quæ facillè sibi concedetur, & sine illa ordinari non poterit, ut docet *Navarrus* apud *Fagundez*, & cum ipso *n. 16. c. in fine.*

PRIVILEGIUM XXII

Uxor, quæ commisit adulterium, & concepit eo tempore quo ejus maritus ad ipsam habuit accessum; nesciens certò, & ignorans, an proles suscepta sit mariti, vel adulteri, causa ejusdem nescientie, & ignorantie, absolvitur, & excusatur ab obligatione restitutionis faciende marito, aut legitimis filii, &c. nec tenetur ad aliquid.

720 **H**oc privilegium (quod ponit etiam expressè, & approbat *P. Pasqual. Singulari qu. 85. nu. 6.*) sequitur apertissimè ex præcedenti. Si enim ex ibi conclusus Authoritate, & ratione excusatur à restitutione adulter, pariformiter, & multò magis excusanda est adultera, ita ut nec ista ad aliquid teneatur, uti nec

illa teneretur ex ibi firmatis. Et præterea probatur cum eodem *Pasqual. n. cit.* Tum quia si conceptionis tempore maritus ad ipsam habuit accessum, remanet dubia, an ex ipso, an verò ex adultero conceperit, ac proinde melior est ejus conditio tanquam possidentis bonam famam, & cætera, quibus se privare posset. Tum etiam quia, cum non possit esse certa ex quo conceperit, non potest nec aliquid facere, ex quo dubie legitimitatis proli nasci possit aliquod præjudicium; hoc etenim esset contra iustitiam, cum in dubiis non possimus aliquem sua possessione spoliare. Adde cum eodem *Pasqualigo n. c.* quod potest adultera in conscientia sequi præsumptionem juris, de quo idemmet *n. p. ejusdem qu. 85.*

PRIVILEGIUM XXIII.

Si proles suscepta est ex soluta, cum qua duo, tresve committit carnaliter fuisse, quorum quilibet scit quidem se perfectam habuisse copulam cum illa; nescit tamen certò suspectam prolem esse suam; causa hujus nescientiae, & ignorantiae, non obligatur ad expensas in alimentis, nec ad quidquam expendendum, vel restituendum ratione dictæ prolis.

721 **H**ujusmodi privilegium probatur, tum ex duobus antecedentibus, ex quibus utique consequenter sequitur, ut patet: tum quia, in dubio melior est conditio possidentis sua bona (ut toties superius dictum est, & communiter conceditur, maximè in materia iustitiæ, *Diana Coord. 10. 8. tr. 2. ref. 2. ex p. 4. tr. 3. ref. 2. & alibi*) *l. Si ob turpem, ff. de condit. ob turp. caus.* unde cum simus in casu dubii, nullus prædictorum spoliari debet possessione suæ pecuniae, ut in alimentis, vel in quidquam aliud tribuat, aut expendat; tum quia, quando jura partium sunt obscura, reo favendum est potius, quàm actori, *Reg. 11. in 6.* puer autem, qui petit à prædictis alimenta, &c. est actor, idem vero rei: tum quia non est æquum debitum incertum satisfieri solutione determinata, & certa; & sicut ob delictum incertum non est aliquis afficiendus poena certa; ita nec obligandus est ad certam solutionem, & restitutionem, quando non constat de debito. Cum igitur debitum alimentorum sit incertum apud quemlibet ex his, qui possunt reputari parentes, non debent obligari ad alimentorum solutionem, durante dubio, nescientia, ac ignorantia; per hanc ergo excusantur, deobli-

gantur, &c. contra eos, qui volunt in hoc casu, & æquali dubio, à quolibet ex his concubinaris alimenta subministranda esse; & in dubio inæquali, pro rata dubii.

722 Et hoc idem privilegium ponit, & approbat *Gobat in Theologia Juridico-Moralis cap. 28. sec. 3. n. 53. Versu Dico 3.* nam postquam, ipse, cum *S. Antonino, Sylvest. Armilla, Navar., & Lessio*; posuit *n. 48. Versu, Dico enim 2.* hujusmodi conclusionem: *Probabilis est, te non obligari ad quidquam alimentorum præstandum illi, de quo omnibus consideratis, posuisti, & rationabiliter, seu ob prudentem, peculiaremque causam dubitasti, utrum sis tuus filius nec ne: Addit n. 53. c. (& est privilegium propositum) Quæ præcedenti conclusio vera est, atque intelligenda est, etiam in casu, quo proles illa suscepta est ex soluta, cum qua duo, tresque fuerunt carnaliter committi, & quorum uterque scit, se perfectam copulam habuisse cum illa. Et si eidem, & mihi obijciat, si hæc causa deferretur ad tribunal, fore, ut Iudex, singulos ex his scortatoribus condemnaret ad præstandum aliquam saltem partem victus, juxta *l. ita vulneratus, g. Aestimatio: ff. ad l. Aquil.* ultro concedimus: dicimus tamen quod id faceret, tum quia maleficia non debent esse impunita, ut *ibid.* exprimit *7. C.* tum quia quando agit in foro de præstandis alimentis, non oportet probare plenariè filiationem, *Mascardus conclus. 786. n. 10.* Et si præterea inferas, ex eodem privilegio sequi, ejusmodi prolem patre à quo alatur canturam: concedo illationem, & sequelam, quam concedunt etiam, præter *Gobat l. c. n. 57.* (ubi, *Hoc esse verum, & miserandum quidem, non tamen dictum absurdum, & admitteri debere ab omnibus in causa hujus conclusionis*) *Magister Iohannes Dominicus in par. 2. D. Tbo. to. 2. Controvers. 209. dub. 7. conclus. 7. n. 1177.* relatus à *Diana 10. 6. Coord. tr. 3. ref. 138. n. 9. ex p. 11. trac. 5. & Miscell. 5. ref. 27. Diana ipse, n. c. 9.* sic dicens: Probabiliter aliquis dicere potest in supradicto casu, nullum teneri ad præstandum alimenta, sed debere alià Matre, seu aliis, sicut si Pater esset mortuus. Et ex hoc inconvenienti educationis proli incerto patre, damnatur coitus inter solutas personas, & nulla, etiam gentium barbararum lege, fuit permixtum, quod una mulier habeat duos viros, licet unus vir nature, & veteri, & alii, plures potuerit habere uxores. Concedit etiam illationem hanc, & sequelam (consequenter, & privilegium propositum) *Emin. De Lugo de Just. to. p. disp. 13. sec. 2. Dubio incidente, n. 20. & seqq.* Imo inefficacem*

eacem confirmationem ejusdem, adducit ibidem sequentia.

723 Primo: A posteriori arguendo, hoc pacto. Theologi, ut malitiam intrinsecam offendant, quam habet peccatum simplicis fornicationis, hanc rationem communiter afferunt: quia videlicet proles ex fornicatione concepta exponitur periculo non habendi certum patrem à quo ali, & educari debeat, quod est contra finem generationis humanæ, quæ ordinatur non solum ad procreationem prolis, sed etiam ad talem prolem, quæ juxta humanam naturæ conditionem, debito modo ali, & educari possit. Igitur supponunt cessare obligationem illam paternæ curæ, quoties pater incertus est de prole sua: alioquin si uterque, & quilibet ex parte obligaretur, non careret tunc proles concepta ex fornicatione, commoditate illa, ob cujus defectum est illicita fornicatio.

724 *Franciscus Bardi de Conscientia Dubia, & Scrupulosa Disceptat. 6. cap. 9. §. 21.* (in quo ad rem præsentem, proponit sic: *Duobus cum eadem muliere rem habentibus, si illa pariat, à quo ex illis duobus alenda sit proles, quando de ejus genitore minimè constat? Et resolvit n. 3. cum Vasquez, Martinez, Turriano, Villalobos, Dicastillo, & aliis, ab utroque concubinario, in æquali dubio, alimenta proli subministranda esse, ob rationem de qua infra.*) Opponitur argumento prædicto *Emin. De Lugo*, & negat illius consequentiam, quia inquit non obstante obligatione alendi prolem incertam, non vitatur periculum malæ educationis ob quam D. D. moti sunt ad offendendam malitiam intrinsecam simplicis fornicationis, nam incertitudo ipsa prolis facit deesse amore erga eandem, pariterque sollicitudinem, ac paternam curam, qua parentes, certi de prole, conantur illam tenero affectu educare, proinde falsum ab Authoribus supponi cessare obligationem ad alimenta præstanda proli incertæ ea incertitudine de qua loquimur. Verum hæc oppositio non resolvit omnino argumentum oppositum: hocque evidens est, nam si ex sola incertitudine prolis, præcisè, cum obligatione etiam alendi illam, non vitatur omnino periculum malæ educationis, ob rationem à *Bardi* allatam, majus utique periculum insurget, & aderit, ac ferè inevitabile, absque tali obligatione in dictis concubinariis, subministrandi videlicet alimenta eidem incertæ proli, ut ex se constat. Et si ex hoc oritur inevitabile, ac certum ferè, majusque periculum malæ

educationis, ex eodem etiam meritò, rationabiliter à posteriori inferunt Theologi apud, & cum de *Lugo*, ut in ejusdem primo allato argumento.

725 Secundò: à simili arguendo. Si constet de homicidio commisso, & solum dubitetur, an fuerit commissum à Petro, an verò à Paulo, & adhibita diligentia dubium expelli nequeat, non posset tunc Judex licitè utrumque punire, hoc enim iniquum esset, cum certum sit alterum ex illis esse innocentem, & utrumque puniendo puniri innocentem. Unde barbarum omnino, & crudele fuit, quod Princeps quidam fecisse narratur, qui cum nesciret quis ex tribus famulis certos suos fructus pretiosissimos comedisset, jussit singulos secari, ut appareret, in cujus stomacho reperirentur, prout in secundo apparuerunt, primus autem innocens secus fuit. Similiter ergo, si uterque parens incertus obligaretur ad alendam prolem incertam, sequeretur, quod alter ex illis, qui non est pater, consequenter non est debitor, obligaretur ad solvendum id, quod non debet, quod est iniquum. Ita *De Lugo*: cui

726 Item respondet idem *Bardi*, negando paritatem, quia in allato casu homicidii patrati præsumptio juris est pro Petro, & Paulo, cum de neutro determinatè constet commissio delicti, aut applicatio causæ homicidii, idcirco iniquum esset utrumque punire: at in casu nostro præsumptio juris est contra illos duos concubinarios de quibus constat certè, & determinatè patratum delictum, & causam prolis generandæ appositam fuisse; ideoque uterque est obligandus (concludit *Bardi*) ad solvenda alimenta. Et confirmari potest hujusmodi responsio: nam si duo ex. gr. forsim, & casu sagittas proiciant injustè, quarum una interficiat servum Antonii, licet ignoretur cujus sagitta interfectus sit, singuli tamen debent compensare damnum pro quantitate dubii, cum constet utrumque causam injustam damni apposuisse, ab illisque damnum provenisse. Similiter ergo cum etiam in casu nostro singuli sua fornicatione, damni, seu generationis causam dederint, & constet ex illis prolem genitam, licet ignoretur à quo determinatè, debent singuli pro rata, seu quantitate dubii, damna compensare, & alimenta solvere. His tamen non obstantibus.

727 Rejicitur dicta responsio, ac ejusdem confirmatio, & hinc magis, magisque roboratur doctrina *De Lugo*, ac privilegium nostrum. Ad responsum namque

conceditur quidem nec Petrum, nec Paulum puniri posse pœna homicidii, si neuter convincatur de homicidio, (& pro utroque sit præsumptio juris, ut in responsione) alioquin puniretur aliquis innocens, At idem omnino est, ac præsumptio eadem in casu nostro, & nulla disparitas; quia neuter ex dictis duobus convinci potest de effectu prolis, sui causâ sequuto, ratione cuius dicatur teneri restituere, & solvere alimenta: si uterque igitur cogatur, aliquis innocens cogitur, & absque obligatione. Ad confirmationem verò, quam sibi etiam obicit *De Lago l. c. sub n. 23.* dõ eiusdemmet solutionem: negando antecedens, licet enim in casu allato possent singuli puniri partialiter, non tamen restituere deberent. Differentiæ ratio est; quia ex punitione partiali non sequitur quod aliquis innocens puniatur, cum uterque deliquerit præiudicando sagittam cum periculo occidendi. Unde singuli puniri possunt, non quidem pœna homicidii, sed solum pœna, quam meretur projectio sagittæ cum periculo occidendi, homicidio non sequuto. Idinc retorquetur argumentum: quia tunc non possent singuli puniri, homicidii pœna, cum neuter convinceretur, & alioquin puniretur aliquis innocens: ergo nec in casu nostro debent singuli restituere, vel solvere alimenta, quia restitutio non correspondet etiam ex parte causæ injustæ positi, effectu non sequuto, sed solum quando sequitur effectus; ergo si uterque cogeretur, aliquis innocens, & absque obligatione cogeretur solvere, quod iniustum utique esset. Ita *De Lago*. Qui

728 Tertio, Arguit à priori: Quia in hoc casu eadem est obligatio in foro interno, quæ est in foro externo, cum non sit in foro interno alia præsumptio, vel notitia veritatis; in foro autem externo, aëtor non probante, reus absolvitur: ergo cum filius natus sit aëtor petens alimenta, & non probet aliquem ex illis esse suum patrem, uterque fornicarius, qui reus est, erit absolvendus, & non solum in foro externo, sed etiam in interno, cum non sit major ratio in hoc, quàm in illo. Nec effugit vim argumenti huius citatus *Bardi*, dum dicit *nu. 3. c.* repetitque *nu. 8.* (& est fundamentum suæ, & contrariæ sententiæ) quod cum uterque concubinarium rem habuerit cum illa muliere, dum non constat prolem esse unius, & non alterius, præsumptio est contra utrumque, & possessio juris petendi alimenta pro filio genito. Et quia præsumptio, licet sit con-

tra utrumque concubinarium, non est tamen totaliter contra utrumque seorsim, idcirco uterque non ad torum, sed ad partem tantum obligatus, & obstrictus est. Non inquam effugit hoc, vim argumenti, cum ex dictis jam constet non adesse talem præsumptionem contra dictos concubinariorum à *P. Bardi* præsentam, & pro certo quasi suppositam, hanc enim negat *De Lago*, ut patet, & nos cum ipso, & cum aliis.

729 Dices contra: Aequitas non patitur ut in dubio, & in casu nostro, filius maneat omnino desertus subsidio patris. Hinc *Dicaſtillo de Just. lib. 2. tr. 2. disp. 7. dub. 11. n. 161.* apud *Dianam to. 8. Coord. tr. 2. ref. 15. n. 3. ex par. 7. tr. 11. & Miscell. 2. ref. 35.* sic assentit: *Quando dubium est inter duos concubinariorum, & æqua conditio dubii, tunc certum est alterutrum illorum esse patrem. Et cum dubium sit uter duorum pater sit illius, iniquum est ut à neutro accipiat alimenta, & præterea æquitas non patitur, ut unus solvat, & alter sit immunis, cum æqua sit utriusque ratio.* Sic illo. Cui cum *De Lago* respondetur, quod neque æquitas patitur, ut aliquis cogatur ex parte cognoscere, & alere ut proprium filium, quem non scit esse suum. Unde suæ fortunæ imputare debet filius, quod propter incertitudinem, patrem suum non agnoscat à quo exigit subsidia paterna. Sic enim etiam (addit idem *Lago*) si decem patres exposuissent singuli filios suos, & solus unus superesset vivus; non tenerentur singuli concurrere ad ejus alimenta, si nemo sciret illum esse suum filium, quia incertitudo impedit eum ab agnoscendo suo parente. Et cum hac paritate privilegium claudio: concedendo tamen cum eodem *De Lago*, *Diana l. c.* & aliis, etiam oppositam sententiam (quæ videtur magis communis) esse satis probabilem, licet magis placeat nobis tradita, in privilegio, ob argumenta adducta, quæ illam efficaciter suadere videntur: & etiam ob ea, quæ firmata sunt in duobus præcedentibus privilegiis, ex quibus hoc tertium in consequentiam venit, ut ex se patet.

PRIVILEGIUM XXIV.

Qui ex ignorantia juris, vel facti non observat debitum ordinem in restitutione faciendâ, excusatur à peccato mortali contra Justitiam.

730 **Q**Uando bona debitoris sufficiunt in solutionem pro omnibus creditoribus, non est opus ordine ullo in restitutione servando, nam omnibus

omnibus integrè satisfaciendum est: certus servandus est ordo, quando dicta creditoris bona non sufficiant, ut docent communiter D. D. apud Bonac. to. 2. *De Restit. in Genere disp. p. qu. 8. punc. 2. proposit. 3. n. 26.* Unde si sint plures creditores, inter quos nullum sit privilegium prelacionis, unusquisque servato debito ordine satisfaciendus est, tum quia hoc ordine prætermisso, inferitur injuria, & damnum aliis concreditoribus, & committitur peccatum mortale (ait idem Bonac. ibi) contra justitiam: tum quia, ordo Civilis legis, quæ non nititur falsa presumptione, obligat in conscientia, ut constat ex tractatu de Legibus. Adverte tamen cum *Lessi. de Justit. lib. 2. cap. 15. dub. 4. n. 36. Bonac. nu. cit. (æ apud hunc) Turriano, Reginal. Valent. Clavi Regia, Molina, Navarro, Bannes, Salorio, & Aragonio.* Quod si alicubi extent leges, statuta particularia, vel consuetudines nationi consentaneæ circa ordinem restituendi, hæ sunt servandæ, & quidem in foro conscientie, ut communiter D. D. apud eundem *Lessi. n. cit.* Nam hæ leges non nituntur presumptione, sed æquitate naturali; ex qua propter bonum commune statuunt hunc ordinem: quod non minus potuerunt facere, quam transferre dominia usucapione. Omnis autem lex humana rectè rationi consentanea, quæ non nititur falsa presumptione, servanda est in conscientie foro: ita *Lessi. nu. 37.* Servandus igitur inquam est debitus ordo ex obligatione conscientie in restitutione, facienda: adeo ut debitor qui scit statum suum deficere, non possit licitè creditori alicui sibi grato, magis amico, consanguineo, affini, &c. non petenti, integrè satisfacere, ut illi gratificetur, qui alioquin jus prelacionis non habebat: quia (ut optime etiam *Jo. Vigiers de Just. tract. 3. cap. 5. dub. 6. nu. 24. Lessi. cap. cit. dub. 5. nu. 40. Fagund. in Decal. to. 2. lib. 7. cap. 34. n. 19. Diana to. 6. Coord. tr. 3. ref. 209. n. pr. ex p. 11. tract. 3. & Miscell. 3. ref. 13. & alii apud ipsos) jura id non concedunt: & iste creditor jus prelacionis non habet, sed cum ceteris creditoribus pari jure concurrat; maxime quia vigilantia in petendo non facit eum potius, quia non petit. Unde non licebit debitori præstare huic solutionem integram cum præjudicio aliorum, qui jure pares, aut potiores sunt: & inter pares, singulis aliquid solvendum est pro rata, secundum quod vires debitoris ferunt.*

731 Verum quidem est, quod si debitor sit alicui non exigenti ultroneè solveret,

non tenebitur hic, qui accepit, in conscientia ad restitutionem, & securus est in utroque foro, quantumvis sciat hoc fieri cum detrimento aliorum, quia quod accepit erat proprium debitoris; nec erat hoc in se, live in specie aliis obligatum, ut supponitur, neque apparet unde aliunde nasceretur obligatio in conscientia ad restitutionem faciendam. Et confirmari hoc potest ex *l. quod autem, §. apud Labronem, ff. De bis, quæ in fraud. credit., & ex l. pupillus, ff. eodem:* ubi in eo casu negatur actio aliis creditoribus ad petendum in judicio excessum, quem prædictus creditor jam habet, attenta quantitate debitorum aliorum creditorum; at hujusmodi leges justæ sunt; ergo vim habent etiam in foro interiori, & consequenter in neutro foro tenetur restituere; & cum suum sit id quod hujusmodi creditor accepit, non peccavit accipiendo, nec peccat consequenter retinendo; & ita docent *Molina de Just. to. 2. tract. 2. disp. 336. n. 34. Versu, Hoc loco est observandum. Lessi. dub. 5. c. n. 41. Vigiers n. 24. c. Diana l. c. n. 4. & alii.*

732 Nec obstat assertum à Bonac. l. c. n. 23. *Versu, Sed mihi dicendum, cum Rebelle, Sylva, Azor, Turriano, & aliis:* Non posse videlicet, quando creditor mala fide accipit, sciens debitorem esse impotentem ad solvendum omnibus; quicquid sit de foro externo, in quo non datur actio (*ex juris civitatis.*) Et ratio est, quia accipiendo peccavit contra justitiam commutativam, & scilicet videtur contra jus aliorum creditorum habentium æquale jus; ex violatione autem justitiæ commutativæ ab alterius damno oritur obligatio restitutionis: Non inquam obstat, & Bonac. (ut optime *Diana l. c. num. 6.*) petit principium: hoc enim est de quo queritur, an videlicet creditor bene accipiat, licet debitor malè solvat, & confert: & quidem contigit sæpè, ut collatio sit mala, & receptio bona, ut in prodigando dante, & in recipiente. In collatione item sacramentorum ab existente in mortali, & in aliis multis: de quibus quicquid sit, & de aliis casibus: de presenti loquendo: nonne per ipsammet Bonac. l. c. n. 21. si creditor iste prius peteret, licet acciperet? ergo etiam non petens, si recipiat, nullam facit assis injuriam. Nam quando accipit, approbat alterius solutionem, & est quasi virtualis quædam petitio. Et si antecederet ad ipsam solutionem in ea occasione solum dicat; ego peto, solve mihi: his tantum verbis tota aboletur injustitia. Quod autem illa

illa verba expresse dicat, vel non dicat, nullius momenti videtur esse, atque adeo non facit injuriam. Ita *Diana n. 6. c. Et apud ipsum Dicastillus de Justit. lib. 2. trac. 2. disp. 11. dub. 8. n. 74.* idem tenet, & sic asserit: *Qui sic accipit, ad nullam restitutionem tenetur, quia non accipit rem alteri obligatam; atque adeo non tenetur ratione rei acceptae; praeterea nec ratione injuste acceptationis, ut probavimus, ergo, &c.*

733 De dicto ordine servando in restitutione facienda, agunt Doctores in materia de Justitia, de restitutione praesertim: Si quis autem pro praxi sua, & conscientia, scire vellet quisnam ordo in restitutione facienda in casibus particularibus tenendus sit, habet inter alios *Bonac. qu. 8. c.* quae tota est de hoc ordine tenendo; videatur: praescribit enim in ipsa dictum ordinem observandum, & ex sententia communi observandum sub reatu lethali. A quo tamen excusatur quisque per ignorantiae privilegium propositum, etiam per eundemmet *Bonac. nu. 26. c.* positum sub his verbis: *Debitor qui non observat praedictum ordinem in restitutione facienda, peccat mortaliter contra justitiam, nisi ignorantia juris, vel facti, vel parvitas materiae excuset.* Ita communiter Doctores. Quod privilegium insuper expresse laudatur, & admittitur à *Sayro in Clavi Regia lib. 10. trac. 5. cap. 10. dub. 8. n. 36.* Ubi: *Nisi talis debitor ignorantia facti, aut juris excusaretur. Intelligendum autem hoc est de ignorantia probabilis, quae sufficiens est excusare à peccato; pro quo privilegio refert etiam S. Anton. Sylvest. Martin. Navarr. Petrum Navar. Lopez, Rodriguez, Valentini;* quibus addo *Fagund. n. 9. c. in fine:* ibi enim sic ipse: *Dicendum est peccare mortaliter praedictum debitorem, qui id facit, nisi aliunde excusetur, vel ratione parvitatù materiae, vel ex ignorantia probabilis juris, vel facti, vel ex necessitate extrema, vel quasi extrema, aut saltem gravi, ut docet Sayr. c. n. 36.*

PRIVILEGIUM XXV.

Ignorantia, quae prodest ad praescribendum, excusat à restitutione.

734 **P**raescriptione legitima acquiri rei dominium in utroque foro, res est jam nunc omnibus certa. Quia lex, & Principes, causa publicae utilitatis, & ob bonum commune possunt alitui auferre dominium rei suae, seu rem unius, alteri applicare, ut fusi Doctores de praescriptio-

ne. Hinc, si ad antiquum Dominum post legitimos praescriptionis annos, res casu revertatur, non potest illam sine novo titulo sibi usurpare, nam usurparet alienum: adeo enim valida est praescriptio, si legitima sit, & omnes ejusdem conditiones adsint, ut verè exinde rei dominium ab uno in alium transferat, neque res per eam acquisita restituenda unquam sit, ut asserit *Clavis Regia lib. 9. cap. 12. n. 2. Versu, Quinta est:* ibique communis sententia, Doctores, & etiam apud *Palaum par. 7. de Just. in Genere disp. unica, punc. 12. §. 2. nu. 2.* Praescriptio autem (quae jure civili introducta fuit propter bonum publicum, tum ut esset litium finis, tum ne rerum dominia essent incerta, Jo: Franciscus Balbi tract. de Praescriptionib. par. p. Quaestio 4.) sic definitur: *Acquisitio, seu adeptio domini utilis, vel directi rei alicujus per continuationem possessionis bonae fidei spatio temporis à lege definiti:* ita l. *Usucapio, ff. de Usucapionibus.* An verò Usucapio, & praescriptio aliquo modo differant, idem *Balbi tr. c. quaest. 3.* respondet, quod Usucapio proprie respicit mobilia, praescriptio verò immobilia, quamvis longè sumpto vocabulo, praescriptio, comprehendat Usucapionem: & idem videtur innuere *Lesi. de Just. libr. 2. cap. 6. dub. p. n. 3. Versu, Ex his:* dum ait: *Quod praescriptio magis communis est, quam Usucapio, eo quia omnis usucapio est praescriptio, non è contra.* Et hoc idem asserit etiam *Voigier de Jure, & Just. tract. p. cap. 5. dub. p. Usucapio distinguitur à praescriptione, sicut minus commune à magis communi, quia omnis usucapio est praescriptio, non è contra:* sic ille. Communiter tamen à Jurisconsultis praescriptio vocatur usucapio, quae non solum circa mobilia, sed etiam circa immobilia versatur, ut videre est apud *Palaum par. 2. tr. 10. Disp. Unica, punc. p. n. p.*

735 Dicitur praescriptio, *Acquisitio domini utilis, vel directi:* quia per eam non solum acquiri potest res aliqua quoad dominium utile, idest quoad solos fructus ejusdem rei, sed etiam quoad jus in rem ipsam. Dicitur, *per continuationem possessionis,* quia possessio qua res praescribitur debet esse continua, & non interrupta; nam si ne possessione continuata non datur praescriptio, *Reg. 3. de regulis juris.* Dicitur, *bonae fidei:* nam mala fides (ex jure canonico, cui semper standum est) nunquam praescribit, ut patet ex *Reg. 2. Juris in 6.* ubi dicitur, *possessor male fidei ullo tempore non praescribit.* Unde *cap. ult. de praescriptionibus, & cap. Vigilanti, eodem titulo, derogatum*

rogatum est omni consuetudini, aut legibus civilibus, asserentibus, dari posse præscriptionem absque bona fide: & ita etiam communiter Doctores. Quando autem mala fides præsumatur vide *Mencobium de Arbitrar. lib. 2. cent. 3. casu 225. to. 2. de probat. concl. 1377. num. 18. & concl. 785. casu 225. cum Balbo, & aliis*. Dicitur *Spatio temporis à lege definiti*: quia ad præscribendum requiritur certi temporis continuata possessio: quod tempus varium est pro varietate rerum præscribendarum. Ex qua definitione collige, quatuor requiri ad legitimam præscriptionem: possessionem videlicet, bonam fidem, titulum præsumptum, & tempus, de quibus passim Doctores. Vide *Molin. Azor. Less. Bonac. Palaeus, & alios*. Solum circa bonam fidem (cum hæc pertineat ad privilegium propositum) firmandus tantisper est calamus.

736 Bona ergo fides, quæ ad præscriptionem requiritur, est credulitas, qua quis prudenter judicat rem suam esse, vel saltem esse alienam ignorat, modo ignorantia non sit crassa, vel affectata (alias non esset bona fides, nec prudens, ut optimè etiam *Lessi* ubi infra) & ita ut toto tempore præscriptionis verè non sit rei alienæ conscius: *Molin. de Just. to. p. tract. 2. disp. 64. circa principium. Versu, Quod attinet. Reginald. tom. p. lib. 10. nu. 293. Lessius c. 6. cit. dub. 2. n. 9. Filliuc. to. 2. tract. 31. cap. 8. qu. 3. n. 186. Clavii Regia l. c. Versu, Quartus est. Bonac. to. 2. De restit. in genere, disp. p. qu. ult. punct. 2. §. 2. propos. 2. n. 15. alique apud ipsos, & communiter scribes de præscriptione*. Et hoc idem habetur in *Cap. finali de præscriptionibus* (quod sumptum est ex *Concil. Magno Lateranensi*) ubi dicitur: *Quoniam omne quod non est ex fide, peccatum est, Synodali judicio definimus, ut nulla valeat absque bona fide præscriptio, tam canonica, quam civilis; cum generaliter sit omni constitutioni, & consuetudini derogandum, quæ absque mortali peccato non potest observari*. Unde oportet, ut qui præscribit, in nulla temporis parte habeat rei alienæ conscientiam: Hoc est, oportet ut toto tempore præscriptionis (ut supra) non sit conscius rei alienæ, unde habeat bonam fidem, idest prudentem credulitatem, qua ignoret omnino rem quam possidet esse alienam, & indubitanter, ac quieta conscientia credat esse suam. Quare si ex aliqua probabili ratione (non levi, seu ex qua prudens nil moveri debeat) conscientia remordeat, quod talis res non sit sua, desinit bona fides, & ignorantia requisita, & quæ prodest ad

præscribendum. Quia, ut quis justè incipiat sibi usurpare rem quam antea non habebat, debet determinatè judicare, vel esse nullius, & ideo esse primò occupantis; vel certè suam esse, quantumvis id antea non adverterit: & nedum indubitanter judicare, & credere rem quam possidet esse suam, sed etiam meritò id sibi persuadere. Nam dubitans sit ne sua, an aliena, injustè eam sibi met usurpat, cum ipsius conditio non sit melior, quàm alterius: *Molin. l. c. Reginald. n. 293. c. alique & communiter*.

737 Completo igitur toto spatio temporis à lege ad præscriptionem definito, & continuata in ipso (ut supra) bona fide, & ignorantia, hæc excusat à restitutione, & post eam completam, non manet amplius obligatio in conscientia restituendi rem possessam: quantumcumque possidens evidenter postea sciat alienam fuisse. Et hoc idem est privilegium propositum, communiter approbatum ex dictis, & ab omnibus admissum; per quod res desinit esse aliena, & restitutioni obnoxia. Desinit inquam esse aliena, & restitutioni obnoxia, etiam si possidenti contingerit esse alienam, & bona fides, ac ignorantia ejusdem cessaverit, dummodo id ei constiterit post completam præscriptionem, quia post hanc, qui verè præscripsit fecit rem suam, quæ aliena fuit: præscriptio enim completa dominium transfert à priori domino in alium, etiam in foro conscientie ex dictis. Supponit autem nostrum privilegium quod ad sit capacitas activa respectu præscribentis possidentis, & passiva respectu rei, quæ possidetur, ut videlicet possidens, possidere possit; & res possideri: defectu primæ capacitatis, Religiosus professus non potest aliquid præscribere, cum non sit sui juris, & in eo deficiat capacitas activa, est enim incapax domini, nec potest quicquam nomine suo possidere. Defectu secundæ, & passivæ, loca Religiosa sacra, aut sancta; jura Ecclesiastica, sive spiritualia, à Laicis nequeunt præscribi. Unde etiam si mille anni transierint, laici tamen talia jura, veluti decimarum, primitiarum, oblationum, præscribere non valent. *Joann. Andreas cap. 2. de Præben. in 6. quia talia jura in laicos cadere nequeunt; ac proinde non possunt unquam laici præscribere jus cognoscendi, & judicandi causas Ecclesiarum, vel Clericorum. Bonacin. l. c. n. 6. Azor. to. 3. lib. p. cap. 19. & cap. 20. qu. 2. Clavii Regia lib. 9. c. 12. Dubio 2. per totum, in quo multas res recenset, quæ jure præscribi*

cribi non possunt : & ultimo loco, *sub n. 9. Versu, Undecimò*, optimè advertit, nec posse præscribi, seu non valere præscriptionem contra eum, qui aded impotens est, aut impeditus, ut rem suam in iudicio petere non possit, eo quod in illo non reperitur causa præscribendi contra. Inde est, quod non valet contra mentecaptum; contra Minorem, ante scilicet annum 25. contra Filium sub potestate patris existentem; contra uxorem, cuius vir non est administratione privatus; & denique nec contra omnem, qui iustum, & legitimam habet causam, seu impedimentum, ne contra possessorem agat : de quibus legendi Auctores, qui latè ista pertractant : Vide *Bonacini. l. c. n. 9. & Haunoldum de Jure, & Just. to. p. tract. 5. cap. 2. Controv. 5.*

738 Unum hic etiam obiter addo cum *P. Pasqualigo De Sacrificio Nove legis to. 2. qu. 1047. n. 6. 7. 8. & 9. & qu. 1048. n. p.* Nec Legatum pro Milis posse præscribi contra Defunctum (licet præscribi possit contra legatarium, ut communis tenet sententia apud eundem *qu. c. n. 3. & 4.* Eo quia cum legatum habeat onus Missarum, potest hæres credere quod legatarius nolit acceptare legatum intuitu oneris, & sic manere in bona fide) Agitur enim in legato non solum de interesse legatarii, sed principaliter de interesse defuncti, quia defunctus, & testator, legando, intendit principaliter animæ propriæ prospicere, mediantibus suffragiis Missarum, & eligit legatum tanquam medium ad hunc finem. Unde hæres cum semper teneatur curare, ut Missæ celebrentur, ob debitum quod cum defuncto contraxit, adeundo hæreditatem, & consentiendo in voluntatem, & dispositionem testatoris, tenetur ad ipsas, & ad legatum, tanquam medium, atque aded etiam ad finem, ad quem à Defuncto ordinatum fuit. Et ideo licet contra legatarium possit præscribere, non tamen contra Defunctum, sed tenebitur semper curare, ut celebrentur Missæ ab ipso præscriptæ. Ratio autem cur nequeat præscribi contra Defunctum est manifesta. (inquit *Pasqualigus n. 7.*) & ex eo constat; quia cum Defunctus non sit amplius in hominum commercio, non potest argui de patientia, & negligentia in non petendo quod sibi debetur; unde respectu ipsius non habet locum fundamentum præscriptionis, nec hæres est in bona fide, quia, non potest putare, quod defunctus non curet adimpleri legatum, quasi non petat : peteret enim si posset. Accedit, quod ge-

neraliter præscriptio est inducenda ab humanis legibus pro quiete, & tranquillitate Reipublicæ, & ideo non plus se extendit, quam se extendant leges humanæ; hæ autem non se extendunt ad Defunctos, tanquam extra jurisdictionem humanam.

739 Hinc sequitur primò. Quod totum id, quod hæres acquirere potest per præscriptionem, est jus liberum committendi celebrationem Missarum cui voluerit, & tribuendi ipsi legatum. In quo tamen illud est advertendum, quod quamvis minori quantitate possit facere Missas celebrare, quam legata sit à testatore, tenetur tamen totam quantitatem legatam exhibere; quia exhibetur non tam in beneficium celebrantium, quàm in beneficium animæ Testatoris: si quidem quod major est quantitas, quæ exhibetur, eo major etiam est fructus, quem defunctus percipit, tum quia elemosyna quo major, eò etiam est magis satisfactoria; tum quia sacrificium est magis proficuum, quod magis influit Testator in ipsum per maiorem elemosynam.

740 Secundò sequitur. Quod cum Defunctus non possit instare pro executione legati, & celebrationis Missarum, tanquam extra humanum commercium, remanet in dispositione ultima voluntas ipsius, quæ sicut operatur post mortem, ita etiam instat legis impostæ rebus suis continuo loquitur, & instat pro executione sui ipsius. Valet enim argumentum à lege, ad Testatorem: ut observant *Riminal. Confil. 540. n. 4. Vol. 5. Cravetta Confil. 291. n. 5. lib. 2. Cephal. Confil. 541. n. 23. lib. 4. Hondred. Conf. 57. n. 15. & Ludov. decif. 219. n. 2.* Unde ex hoc quoque capite impeditur præscriptio, & fit, quod hæres sit in continuo statu peccati mortalis; quousque satisfaciatur pæ dispositioni Testatoris. Hætenus doctissimus *P. Pasqualigus*: Cum quo etiam tene *qu. c. 1047. nu. 5.* & cum aliis ibidem, quod nec possit hæres præscribere contra legatarium, nisi notificet ipsi dispositionem Testatoris de legato. Ratio est. Quia præscriptio fundatur in scientia, patientia, & negligentia non petentis, *hinc C. De servit. & aqua, & ibi Doctores.* Si autem non notificetur legatum, non habet locum scientia, patientia, & negligentia ipsius, quæ sunt fundamentum præscriptionis. Et cum teneatur hæres adimplere dispositionem Testatoris, ratione obligationis, quam cum ipso contraxit adeundo hæreditatem, & consentiendo in ejus ultimam voluntatem, tenetur etiam interpellare legatarium, an velit acceptare legatum cum onere

onere annexo, ut si forte nolit, possit ipse satisfacere propriæ obligationi, ut per alios Missæ celebrentur. Et cum eodem insuper tene, contra Defunctum Testatorem non posse præscribi legatum pro Missis, si ve sit pro Missis pro una vice tantum, si ve sit annuatim, tenetur enim semper hæres curare ut Missæ à Defuncto si ve pro una vice ordinatæ, si ve annuatim celebrentur, ob debitum quod cum defuncto contraxit adeundo ut supra, hæreditatem, & consentiendo in voluntatem, & dispositionem Testatoris: Unde si præscriberet contra legatarium, in eo statum esset, in quo foret si legatarius repudiaret legatum; ita Pasqual. qu. 1048. nu. p. c. An verò Ecclesia, seu Capellanus possit præscribere numerum Missarum, vide eundem Pasqual. tom. 2. cit. qu. 1192. & Tambur. Opusculo De Sacrific. Missæ lib. 3. cap. 7. §. p. responderet uterque affirmative: sed P. Pasqual. legus in fine qu. num. 6. loquens consequenter, optimè advertit, quod ut præscribantur onera huiusmodi Missarum quoad numerum, præscribendum est contra jus Ecclesiæ, & non contra jus defunctorum: beneficia enim sunt de Jure, & patrimonio Ecclesiæ, & proinde Ecclesiæ habet jus ad exigenda onera, quæ sunt ipsi annexa, qualia sunt onera Missarum celebrandarum, ita ut à fundatoribus censeatur translatum in ipsas jus illud, quod ex fundatione acquirunt quoad exigenda onera ab iis, quibus pro tempore imponuntur. Et ideo regulanda est præscriptio secundum leges præscriptionis contra Ecclesiam, & non præscriptionis, circa absentes; præsertim quia defuncti non sunt in humano commercio, nec retinent jura contra viventes, nec subsunt legibus humanis, & proinde nec legibus præscriptionis. Ita ille. Post hæc scripta inveni Alphonsum de Leone De officio Capell. qu. 5. sec. 21. querentem, An possit præscribi Legatum annuum pro Missis celebrandis, si non fuit solum per aliquod tempus, & nu. 315. resolvit & ipsæ præscribi posse contra Ecclesiam non petentem illud. Videatur.

741 Ex superius dictis de bona fide, & ignorantia, inferitur primò, debitorem, qui jam triginta annis elapsis non solvit debitum, non potuisse illud præscribere cavendo tali bona fide, & prudenti ignorantia: Si tamen daretur casus, quod bona fide possederit triginta annis non solvendi, & bona fide existimaverit ex ignorantia probabili se nihil debere, eo quia crediderit, debitum solum fuisse, aut condonatum, vel quia nihil omnino recordatus sit; in tali casu poterit debitum præscribere. Bonac. l. c. n. 16. & alii ibidem.

Secundò inferitur, non gaudere privilegio præscriptionis eum, qui bona fide, & prudenti ignorantia incepit possidere, sed nondum finito tempore ad præscriptionem requisito malam fidem habuit; non enim dicitur habuisse bonam fidem, & ignorantiam tempore requisito ad præscriptionem, ita communiter Doctores, apud, & cum Bonac. n. 17. Casu tamen, quod bona fide inchoata fuisset possessio, & superveniret postea mala fides, ei postea hæc iterum deponatur; eo quod compariatur revera non fuisse malam fidem, sed errorem, præscriptio continuatur, non interruptitur: idem Bonac. eod. nu. sequens Molinam de Just. tom. p. tract. 2. disp. 63. Conclus. 2. & alios ab utroque relatos, asserentes possessionem, seu præscriptionem non interrupti ob dubium superveniens post possessionem bona fide inchoatam, tum quia hic manere potest in possessione rei; ergo possessio non interruptitur. Tum quia in cap. ult. de præscript. solum ad præscriptionem requiritur, ut is, qui possidet in nulla temporis parte habeat conscientiam rei alienæ: qui autem inchoata possessione bona fide, incipit dubitare, non dicitur habere conscientiam rei alienæ. Et hæc est communissima Doctrina apud Pasqualium in Q. Singularib. qu. 146. nu. 3. Quod in dubio melior sit conditio possidentis, & proinde, quod non obstante dubio possit retineri res possessa, eo quia cum huiusmodi dubio mala fides non habet locum, neque enim dubium illam inducit, ut notant Bald. in cap. Si diligenti, nu. 7. De præscript. & Decian. Conf. 124. n. 58. lib. 3. nam mala fides (ait etiam Pasqual. qu. c. n. 4.) fundatur in cognitione, quod res sit aliena, quam excludit dubium: si enim sciret esse alienam, non dubitaret. Imò ignorat esse alienam, si quidem solum dubitat, quod possit esse aliena. Et ideo dubitans æquiparatur ignorantanti, l. Manifestissime, §. Si autem dubius, c. de Furtis; & notant communiter Doctores. Neque enim dubitans scit id, de quo dubitat. Si autem nescit ignorat, & proinde dubitans habet necessariò annexam ignorantiam de eo, de quo dubitat. Qua dubitatione, & ignorantia stante remanet exclusa mala fides, quæ sola impedit præscriptionem iuxta Cap. fin. De Præscript. Concurrat ergo bona fides, nec obstat quicquam præscriptioni, dubium de legitima possessione. Verum quidem est, ait Molina, & cum ipso Bonac. quod posito dubio, tenetur diligentiam adhibere ad rei veritatem inveniendam, & si adhibita diligentia veritatem nihilominus invenire,

non potuit, dubium præctice deponere debet, & rem de qua dubitabat, licite retinebit, ut communiter Doctores in *Tractatu De peccatis, de Conscientia dubia*. Concludit tamen Bonac. cum Molina, quod si superveniente præfato dubio putet se cum peccato possidere, seu dubium non deponat, & si forte erret ex ignorantia, non præscribit, tum quia adest mala fides; tum quia ita sancitum videtur in *l. Si fur, §. p. de Usucap.* iste ergo deponat dubium, & præscribit, sic etenim nec habet malam fidem, nec conscientiam rei alienæ, nec possessionem interrumpit, ergo præscribit.

742 Quod confirmari potest ex doctrina, quam tradit *Vasq.* in p. 2. to. p. qu. 19. art. 6. disp. 66. cap. 7. *Versu, Ego verò, n. 42.* ibi enim loquens de eo, qui possidet quidem bona fide, sed dubitat an res quam possidet sit sua, & nedom dubitat æquali dubio, sed etiam inæquali, idest magis inclinando in eam partem, ut res aliena sit: quo in casu, quia aliqui apud ipsum contendunt talem sic dubitantem teneri partem restituere ratione majoris illius inclinationis, & propensionis, docet ipse contra, ut sequitur, quod etiam magis confirmat antedicta. Ego verò hanc sententiam existimo nulla ratione esse admittendam. Nam quamvis pro altero, qui non possidet rem, fortiores videantur rationes, & conjecturæ circa jus proprietatis, tamen si non sunt usque adeo efficaces, ut generare possint assensum illius partis, sed rem adhuc dubiam relinquant, non debet censei majus, & potius jus proprietatis unius, quam alterius, cum adhuc in dubio res maneat, dubia enim rei æquè videtur utramque partem respicere. Ergo si rei in dubio existentis accedat certa possessio, potior erit causa possidentis. Quocirca quamvis urgentiores videantur rationes pro eo, qui non possidet, si tamen non sufficiunt assensum generare, non obligabunt ad ullam restitutionem. Doctrina verò de dubio, in quo melior est conditio possidentis, intelligitur quando nullus est assensus pro altera parte, de proprietate, & dominio. Hæc *Vasq.* Cui licet contradixerit Sanchez de Matrim. to. p. lib. 2. disp. 41. nu. 10. sed tamen retractando in *Summa* to. p. tum lib. p. cap. 10. n. 9. tum lib. 2. cap. 23. n. 179. subscribit eidem, explicitè approbando, & rationibus sustinendo sententiam *Vasquez*, quam etiam tuctur Bonac. de Restit. in *Genere* disp. p. qu. 2. punc. 2. prop. p. nu. 6. & uti probabiliorum amplectitur etiam Diana to. 8. Coord. tract. 7. ref. 40. 41. 42. Ex p. 2. tr. 17. & Miscell. 3. ref. 44. Ex p. 2. tr. 15. & Miscell. p. ref. 10. Ex pur. 4. tract. 3.

ref. 26. pro qua sententia etiam refert *Merollam in disputat. Theologicis tom. pr. disp. 3. cap. 3. Coroll. 3. n. 24. Palaum to. p. disp. 3. punc. 2. n. 11. Layman. lib. p. tract. p. cap. 5. §. 3. n. 21. Filiucium to. 2. tract. 21. cap. 4. n. 158. Arragonium in 2. 2. qu. 62. art. p. & Salas in p. 2. qu. 2. trac. 8. disp. unic. sec. 23. n. 231. ubi addit, hanc sententiam esse veram non solum quando rationes pro contraria parte assensum non generant, sed etiam quando eum generant, dummodo non convincant, nec assensus sit certus physicè, aut moraliter; sed merè opinativus, adhuc enim verè res est dubia, & possessio omnibus rationibus non convincentibus præponderat. Pro contraria sententia sunt apud eundem *Dianam resolutionib. cit. Valent. Bonner, Ledesma, Salonijs, Sayrus, Bartholom. à S. Faustis, & Conincb.* quorum omnium ratio est, quia in pari causa melior est conditio possidentis; sed quando possidens magis inclinat in eam partem, ut res sit aliena, non dicitur par causa; ergo ratione istius imparitatis, & inclinationis, tenetur aliquid restituere illi, cujus rem esse dubitat. Cui tamen rationi respondetur, possessionem etiam (ut dictum est) prævalere omnibus rationibus non convincentibus, atque adeo meliorem, & potiorē esse conditionem possidentis, etiam si dubium non sit par, & æquale. Igitur in casu quo quis possidet bona fide, etiam si inclinet, quod res sit aliena, perseverans tamen in eadem possessione bona fide, seu prudenti ignorantia toto continuato tempore ad legitimam præscriptionem definit, ipsa consumpta, à qualibet restitutione excusatur, ut in privilegio proposito. Quantum autem temporis requiratur ad legitimè præscribendum adversus res mobiles, immobiles, præsentēs, absentes, privatos, Principes, Civitates, Regna, Romanam Ecclesiam, Beneficia Ecclesiastica, &c. & adversus leges tum Civiles, tum Ecclesiasticas, &c. Vide scribentes de præscriptione, præcipuè Bonac. de Rest. in *Genere*, disp. p. quæst. ult. punc. 2. §. 2. à n. 28. *Lefsum de Just. lib. 2. cap. 6. à Dub. 7. usque ad 14. inclusive. De Lugo to. p. de Just. disp. 7. sec. 6. & Tamburin. in Decal. lib. 8. tract. p. cap. 4. §. p. à n. 3. usque ad 13.**

743 Unum tantum hic obiter adverto, sententiam esse *P. Pasqual. qu. singul. 247.* & apud ipsum *Ferdin. Vasquez Controvers. illustr. cap. 55. n. 28. & cap. 89. n. 32.* Præscriptionem non habere locum inter supremos Principes, atque adeo non posse hoc modo acquirere dominium, unum contra alium.

alium. Intellige tamen (inquit) quoad supremos Principes, quatenus tales sunt, & quoad ea, quæ jure Regni censentur, non jure privatorum, ut sunt Civitates, Provincie, &c. Nam si censentur jure privatorum, subiiciuntur legibus quibus utuntur privati, & proinde etiam legi præscriptionis. Quod non solum locum habet inter Principes, & subditos, sed etiam inter Principes ipsos supremos. Ratio fundamentalis hujus sententiæ, est: Quia, præscriptio est inducta à jure Civili l. p. § l. 3. De Usucap. & notant communiter Doctores. Proinde extenditur tantum ad eos, pro quibus est positum jus Civile. Non est autem positum pro supremis Principibus, quia cum non recognoscant superiorem, non poterunt subditi juri civili; ut enim subderentur, opus esset superiore, qui eos subiiceret suis legibus; atque adeo etiam legibus disponentibus de præscriptione. Et quamvis in sua ditione communiter utantur jure civili, non ideo utuntur, quia eidem juri ipsi se subjecerint, cum illud amplexi sint tantum in ordine ad regimen subditorum; non quoad commercium, quod intercedit inter ipsos Principes, & quoad ea, quæ jure regni censentur; quia quoad hæc exercent commercium inter se secundum jus naturale, & jus gentium, & secundum jus civile quoad ea tantum, quæ censentur jure privatorum; secundum quæ jure habet locum præscriptio, ut dictum est; non autem quoad ea, quæ jure regni, &c.

744 Et si huic sententiæ opponas, Quod cum præscriptio, inducta sit ob publicum bonum ad tollendas lites, l. fin. ff. Pro socio. Eiusdem finis speciali modo, & ratione, habet locum quoad Principes supremos, qui non litigant coram Judice, sed armis, & bello, quod valde damnosum communitati; & ideo ad evitandas lites, quæ armis deciduntur necessaria videtur præscriptio. Si inquam hoc opponas, respondet P. Pasqual. in fine qu. n. 11. Utilem quidem futuram præscriptionem ad bella vitanda, si inter supremos Principes posset introduci. At non potest introduci, quia non habent superiorem à quo introducatur per legem ipsis communem. Sed solum communi pacto posset introduci; quod tamen pactum non est, cum praxis ostendat, quod invicem repetunt, quando se offert occasio, quæ alius ultra centum annos possedit. Tam quia Principes jura principatus semper manutinent; & in tantum non vindicant bello, in quantum non habent

commoditatem. Unde nunquam locum habet bona fides possidentis, nec patientia; aut negligentia illius, qui jus habet vindicandi: ita doctissimus Pasqualis, cum quod totum allatum hic obiter, & ad ornatum advertendum est. Sed

745 Quæres primò, quænam ignorantia sit ea, quæ prodest ad præscribendum, & valet excusare à restitutione, ut in privilegio. Pro hujus quæstiti intelligentia, & responsione: Supponendum, ignorantiam duplicem esse; una est juris, altera facti: Insuper ignorantia juris, alia est juris clari, alia juris dubii. Ignorantia juris est (ut ex se patet) quando quis jus ignorat, ut accidit quando quis ex. gr. accipit aliquid à Prelato nesciens ad illius alienationem requiri consensum Capituli. Ignorantia facti contingit, quando quis non ignorat prohibitionem, sed ignorat factum; ut accidit, quando quis scit v. g. non posse quicquam emi à fure, sed ignorat hunc à quo aliquid emit, esse furem. Hoc supposito: Medina c. De rebus restituendis, qu. 17. Coroll. 3. Existimat, quod licet ignorantia juris non sufficiat in foro exteriori ad rem possessam præscribendam (eo quod in eo foro præsumitur mala fides). in foro tamen interiori, & conscientie, si ignorantia sit inculpata, & invincibilis, sive sit facti, sive juris clari, aut obscuri, bonam fidem producat, & ad præscriptionem sufficiat, cum in hoc foro de veritate, & non de præsumptione agatur. Quam Medinam sententiam, Less. de Just. libr. 2. cap. 6. n. 17. censet non improbabilem. Et Sayr. in Clavi Reg. lib. 9. cap. 12. dub. 8. n. 21. in fine: putat esse absolute falsam; eamque fuse refellunt Covarr. in Reg. Possessor. par. 2. §. 7. à num. 7. & Molina de Justit. tom. pr. tract. 2. disp. 64. Cum his:

746 Respondeo ad quæsitum primò; Ignorantia juris clari, etiam inculpata, & invincibilis, non prodest ad præscribendam possessionem rei alienæ, nec valet ad excusandum à restitutione: & hæc est sententia communis Doctorum apud Less. cap. 6. c. Dub. 5. in princip. & venior per ipsum, quam sequuntur Clavi Regia l. cit. nu. 22. Reginal. in Praxi to. p. lib. 10. cap. 20. n. 294. Vers. Primum est. Filluc. tom. 2. tract. 31. cap. 8. Vers. Dico Quartò, nu. 189. Bonac. §. 2. c. n. 19. Vers. Respondeo, & alii apud ipsos, & communiter. Quorum omnium, & hujusce responsionis ratio est. Quia, præscriptio jure civili inducta est, tantum ergo vim habebit, quanta illi datur à jure civili, vel canonico: Jus autem ci-

vile aperte statuit non prodesse ignorantiam juris, l. ita juris, ff. de jur. & facti ignorant. ubi dicitur: *Juris Ignorantia in Usucapione negatur prodesse, facti verò ignorantiam prodesse constare*, l. Nunquam, ff. de usucap. ubi: *Nunquam in usucapionibus juris error possessori- bus prodest, & consentit jus Canonicum. Cap. Apostolica, de donat.* Cum ergo leges nolint hanc juris ignorantiam prodesse, non procedet cum ea præscriptio, sicut enim præscriptio jure humano constat, ita ab eodem potest circumscribi. Verum quidem est quod licet juris hujus clari inculcata ignorantia non prodest, nec valeat ad rem præscribendam, valet nihilominus, & prodest ad præscribendos fructus ex ea per illum possessa perceptos, l. bonæ fidei emptor, ff. de acquirendo rerum dominio, ubi dicitur: *Qui non potest usus aperire propter rei vitium, fructus tamen rei suos faciet*: & ita etiam Lessi. Dub. 5. c. n. 15. *Clavis Regia l. c. n. 7. Reginald. mun. cit. 294. Verif. Secundum est. Filliuc. n. c. 289. in fine.* Bonac. l. c. & communiter Doctores, qui citant Navarrum, lib. 9. Consil. 9. de Offic. Judicis Ordinarii, Edit. 2. Talis enim ignorantia, quoad fructus, censetur potius facti, quam juris: utpotè, qua possessor putat se ex re sua fructus percipere: ignorantia autem facti, utique prodest, & valet ad præscribendum per omnes: ut patet ex l. Nunquam, ff. de usucapionib. modo non desint cæteræ conditiones ad præscriptionem requisitæ. Hinc si quis ex usuria acquisivit prædium, putans usuras moderatas esse licitas, prædium non præscribit, sed fructus receptos ex prædio benè præscribit. Item, tam hæres latronis, quam qui à latrone rem emit, si rem possideant bona fide, & longo, ac usitato tempore ad præscribendum à lege requisito, quamvis rem illam non præscribant, fructus tamen rei possesse faciunt suos, nec tenentur restituere.

747 Hic autem nota cum Lessi. dub. 5. c. n. 18. & aliis: Ignorantiam, seu errorem inducentem bonam fidem omnino sufficientem ad usucapionem, regulariter censeri ignorantiam, seu errorem facti. Unde si quis rem accipiat à fure, ignorans esse furem, tenet illam bona fide, orta ex ignorantia facti, & potest eandem rem præscribere. Similiter si emit quis aliquid à minore, quem majorem existimabat, potest emptum præscribere: habet enim ignorantiam facti sufficientem ad præscribendum tempore à lege constituto. Pari modo, si emit à Prælato rem Ecclesiæ putans Capitulum consensisse, potest præscribere,

etiam si Capitulum non consenserit, ob ignorantiam facti, quam habet, sufficientem ad præscribendum. Si verò emit à Prælato, putans non requiri consensum Capituli, est ignorantia juris, & hæc non potest præscribere, nisi fructus rei, non, autem rem ipsam: ita Lessi. l. c. *Clavis Regia l. c. n. 38. ex l. 2. §. Si à pupillo, ff. pro tempore. Filliuc. l. c. n. 190. Bonac. l. c. & alii.*

748 Respondeo secundò ad quæsitum. Ignorantia juris verè dubii, idest de quo sunt variz Doctorum opiniones, prodest ad præscribendum, & valet excusare à restitutione rei possessæ. Et ratio est, quia quando jus dubium est, possunt adesse opiniones utrinque probabiles circa illud jus: quilibet autem sequi potest opinionem probabilem, & hanc sequens, non dicitur habere malam fidem, imò proinde se habere ac si jus planum esset. Ità Lessi, Filliuc. Molin., Bonac. l. l. c. & alii præcipuè *Clavis Regia l. c. n. 23. ubi ait: Quod nimis durum, & quasi intolerabile esset affirmare, hujusmodi ignorantiam invincibilem juris dubii, impedire præscriptionem prius bona fide inceptam, atque adeo, ut rectè etiam notat Molina, excepta censetur per Episcopum, talis ignorantia invincibilis, ne præscriptionem bona fide inceptam impedire possit. Secus autem dicendum est de ignorantia juris clari, & manifesti, talis enim præscriptionem impedit, sive in minore, sive in rustico, sive in muliere, milite, aut in alio reperitur.*

749 Quo autem ad hoc ultimò additum, de ignorantia videlicet minoris, rustici, mulieris, militis, &c. Molin. Jurisprædictus lib. 2. de Primogen. cap. 7. n. 69. (reclatus à Lessi. dub. 5. c. n. 17.) cum aliis, & contra affirmat, præscriptionem, etiam eam, quæ requirit titulum, procedere cum juris ignorantia in iis, in quibus error juris toleratur, ut in muliere, rustico, minore, milite, & similibus. Hoc dictum non reu- cit Lessi. & in princip. c. nu. 17. non recedit omnino à sententia Medine, dum eandem dicit, sibi non improbabilem esse: & docere videtur cum Covarr. 5. 7. supra c. n. 6. quod quamvis ignorantia juris non sufficiat ad præscriptionem requirentem titulum, sufficit tamen ad eam præscriptionem, quæ titulum minimè requirit, sed sola bona fide procedit. Quod idem, ut probabile admittit etiam Filliuc. nu. c. 289. in fine: ubi sic: *In foro consuetudine probabile est, ignorantiam juris, in præscriptione non requirente titulum sufficere: ut ea, quæ requirit 30. annos. Med. q. 17. & Lessi. dub. 5. Cui probabili-*

habilitati, seu non improbabilitati, subscribunt etiam *Voigert ubi supra dub. 5. quæst. 2. à n. 11. Christophorus Hauholdus de Jure, & Justitia to. p. tract. 5. cap. 2. Vers. Dico primo, n. 197. & Vers. Dico 2. n. 203. & Palao par. 7. de Just. in Gen. disp. Unica puncti. 22. §. 8. n. 7.*

750 Ad id autem moventur primo. Ex eo quod ideo leges videntur reicere juris ignorantiam à continuatione præscriptionis, quia is, qui jus ignorat in contractibus, tenebatur adhibere diligentiam, si volebat rem per contractum comparare, & acquirere, ut sciret, an contractus esset licitus, ut notat *Covarr. c. n. 10. Unde si eam diligentiam non fecit, præsumitur non bona fide inchoasse, & acquisivisse possessionem, & eandem non bona fide continuasse. At si in conscientie foro, ubi cessat præsumptio, nulla fuerit negligentia, aut culpa, videtur posse bona conscientia inchoare, & continuare prædictam præscriptionem. Secundo. In certis quibusdam personis sufficit ad præscribendum tempore ordinario bona fides, etiam ex juris ignorantia procedens, ut in minore, milite, rustico, Muliere: & præscriptio hujusmodi censetur valida, tamen si titulum requirit, eo quod præsumitur ignorantiam juris inculpata intervenisse: Ergo (arguit *Palao nu. 7. cit.*) si hæc ignorantia in aliis adeit eodem modo præscriptionem validam constituit. Tercio. Quia jus canonicum non videtur aliud requirere, quam bonam fidem, qua quis sine peccato possideat toto tempore legis præscripto, ut colligitur ex locis relatis à *Lessi. cap. 6. c. dub. 2. n. 9.* atqui hæc bona fides potest esse cum ignorantia juris, ergo. Quarto. Præscriptio nullum titulum exigens valida est cum ignorantia juris inculcata, si bona fides intercedat, & temporis definiti decursus. Ergo etiam valida erit quæ titulum requirit, nam titulus requisitus in præscriptione, non est titulus reipsa validus, alias dominium illico transferret, nec præscriptio necessaria esset; sed est titulus, qui probabiliter validus existimatur. At hæc existimatio stare optimè potest ignorantia inculcata juris interveniente: ergo hæc ignorantia non impedit præscriptionem. Quinto. Si ignorantia juris simul cum ignorantia facti contingat bonam fidem inducit sufficientem ad præscriptionem, etiam si ea titulum exigit, *Covarr. §. 7. c. Vers. Quarta Conclusio*, cum aliis ibidem: & ignorantia facti, juris ignorantiam non relevat. Ergo si ignorantia juris habeat admix-*

tam ignorantiam facti, non impedit tamen ei non fuerit adjuncta. Hæc, & alia relati subscribentes probabilitati, seu non improbabilitati sententiae *Medine*, præcipue *Lessi. d. n. 17.* quem sic concludit: *Ego ob has rationes non cogere ad restitutionem, eum, qui se præscripsisset, præsertim spatio longissimi temporis, ubi non requiritur titulus, nempe 30. annorum cum Covarr. n. 11. (Ubi non requiritur inquam titulus (ait ipse.) nam præscriptio longissimi temporis ut 30. aut 40. annorum, non requirit titulum, idem Lessi. cap. 6. c. dub. 7. Logo de Just. to. p. disp. 7. sec. 6. n. 71. requirit tamen, quando præscribit spatio 10. annorum tantum, uti fit cum titulo inter presentes: & annorum 10. pariter cum titulo inter absentes: idemmet Lessi. dub. 8. & alii.) Non cogeret igitur ad restitutionem (Lessi.) eum, qui sic juxta opinionem *Medine* præscripsisset. Fagund. tamen De Justitia l. 2. cap. 15. n. 17. in fine: nec ipsa cogere (inquit) eadem doctrinæ inherendo, uti probabilis in foro anime, sed excusares factum: non tamen consuleres, ut fiat talis contractus; nam sunt quedam, quæ postquam sunt facta, possunt excusari, non tamen possunt consuli ut fiant.*

751 Sed Dices, admissa sententia prædicta *Medine* nullum esse discrimen inter ignorantiam juris, & facti, quidem si utraque sit culpabilis impedit præscriptionem; locus verò si sit inculpabilis, cum leges quæ asserunt affirmant ignorantiam facti prodesse præscribenti, obesse autem ignorantiam juris. Respondeo cum *Palao l. c. n. 8.* Maximum esse discrimen: ignorantia namque facti frequenter contingit inculpabilis; non sic ignorantia juris: cum autem leges spectent quod frequentius accidit, affirmant absolute ignorantiam juris obesse præscribenti, prodesse verò ignorantiam facti. Casu tamen quo constet ignorantiam juris inculpata esse, valeret utique præscriptio, nedum in conscientie foro, sed etiam in externo. Verum quidem est in exteriori foro difficile esse hujus ignorantie inculpate probationem, quia adversus præscriptionem juris, & de pure non admittitur regulariter probatio, nisi ex causa extraordinaria ex Judicis benignitate, vel restitutione in integrum si qua iusta causa esse illi videbitur, juxta l. 1. in fine, ff. ex quibus causis majores. Admissa autem hac probatione, & confitto vel ex confessione partis adversæ, vel aliunde, præscribentem adhibuisse omnem diligentiam in perscrutanda veritate; præscriptio in utroque

que foro haberet effectum: ita *Palao*, ex quo magis inferitur probabilitas sententiæ *Medine*. Ad cuius etiam probabilitatis confirmationem addi poterit cum *Voigerr dub. 5. c. n. 14. in fine*: quod leges quæ contra ipsam allegari videntur, procedunt ex præsumptione malæ fidei, quæ præsumptio suboritur; quando est error juris in contractu; quandiu saltem contrarium non probatur, & non ostenditur fuisse adhibitam omnem diligentiam necessariam, ut jus cognosceretur; cum illo autem stat, quod possessio cum tali errore prodest ad præscribendum in foro conscientiæ quando fuit inculpabilis, & probatur talis, quia in hoc foro cessat præsumptio, & statuitur veritati, ut supra etiam diximus.

752 Inquires hic obiter. An leges civiles, quæ à continuatione præscriptionis excludunt errorem; seu ignorantiam juris manifesti, & facili, sint leges penales, fundatæ in mera præsumptione malitiæ, an leges definitivæ proprietatis rerum. Respondetur cum *Fagund. l. c. nu. 18.* esse leges definitivæ proprietatis rerum, & non penales, nullam enim mentionem faciunt huius pænæ, & ita etiam supponere videtur Doctores ab eodem relati *n. 15.* Si namque essent leges penales fundatæ in pena præsumptionis negligentis inquirendæ veritatis, expellendique errorem, seu ignorantiam juris, quæ facili negotio expelli, & vinci poterat qualibet mediocri diligentia, magnum utique præsidium (Inquit *Fagundez*) suæ probabilitatis tunc recipere opinio *Medine*, quia subintraret probabilissima illa opinio (de qua nos supra) *Sancii, Bonac. Diane*, & aliorum asserentium ignorantiam vincibilem tam juris, quam facti excusare à pœna illius, etiam si pœna sit incurfus Censurarum.

753 Quæres secundò. An qui inchoando rei possessionem, dubitat in principio an sit sua, nec habet consequenter bonam fidem, & ignorantiam requisitam, possit eandem rem præscribere: Respondetur negativè cum communi sententia Doctorum apud *Less. cap. 6. c. dub. 3. n. 10. Filliuc. tract. 31. cap. 8. Verf. Dico 2. n. 187. Bonac. de resit. in Gen. disp. p. qu. ult. punc. 2. §. 2. n. 20. & apud alios*. Probatur tum ex *l. bonæ fidei 48. de acquirendo rerum dominio*: tum quia bona fides requiritur tanquam fundamentum iustæ possessionis, & præscriptionis, si ergo bona fides, & ignorantia prudens statim ab initio possessionis deficiat, non currit præscriptio; nam deficiente fundamento nihil potest supra ædifi-

cari: tum quia, ad hoc ut incipiam facere rem meam, quæ antea non erat, requiritur, ut determinatè iudicem, vel rem esse nullius, & sic fieri meam per occupationem: vel esse meam, quamvis antea non adverterim. Si verò dubium suboritur post bona fide inchoatam possessionem, potest dubitans, rem de qua dubium oritur, præscribere, adhibita prius diligentia ad inquirendum an sit aliena, quamvis dubium postea perseveret: Colligitur ex *cap. Si virgo 34. q. 1. ubi dicitur, In iure prædictorum, tandiu unusquisque possessor bonæ fidei dicitur, quandiu possidere se ignorat alienum*. Quod idem indicatur etiam *cap. finali, de præscriptione*, cum dicitur: *Unde oportet, ut qui præscribit, in nulla temporis parte habeat rei aliena conscientiam*: qui autem dubius est, non est sibi conscius rem esse alienam, & ignorat se possidere alienum, manet igitur possessor bonæ fidei, & procedit præscriptio; nam loquuntur hæc capita de continuatione possessionis, non de inchoatione. Et confirmari potest ex dictis superius, ex quibus patet quod in dubio melior sit conditio possidentis quam non possidentis, ut omnes fatentur: igitur cum is qui incipit dubitare jam possideat, melior est ejus conditio, quam non possidentis, sicque potest rem retinere etiam si adhibita diligentia adhuc maneat dubitatio. Quod si potest retinere, etiam potest continuare possessionem perseverante eodem dubio, consequenter continuatio hæc poterit perficere præscriptionem, cum sola illa possessio inutilis sit ad præscribendum, quæ non est sine peccato; ut constat ex *v. cap. finali*: ita *Less. cap. 6. c. dub. 3. Bonacin. n. 20. c. & alii apud ipsos, & communiter*.

754 Et si dicas contra: Bona fides est existimatio, qua quis prudenter existimat rem quam retinet esse suam: at qui dubitat non existimat esse suam, ergo non habet bonam fidem. Respondetur, quod bona fides non tantum est, cum quis positivè credit rem esse suam; sed etiam cum, nesci, esse alienam; ut colligitur ex *cap. finali supra*. Unde cum dubitans nesciat esse alienam, censetur habere bonam fidem, talem qualis est sufficiens ad continuandam præscriptionem; licet postea non sufficiat ad eam inchoandam ex communi Doctorum, & ob rationes adductas in responsione quæstioni numero præcedenti. Si enim initio possessionis hoc dubium incidat, bonæ fidei impedimento ibi esse diximus, & de communi testatur *Molina tract. 2. disp. 63. Conclus.*

Conclus. p. dubitans enim initio possessionis, inique usurpat quod ignorat sibi competere, & dubitat alteri esse debitum: colligiturq; ex l. bonæ fidei, ff. de acquirendo rer. domin. & l. p. Cod. de Usucapione transformanda. Si ergo tale dubium initio possessionis est impedimentum bonæ fidei, inducit utique malam, hoc est conscientiam non bonam, cum qua certum est neminem posse præscribere rem alienam. Quod procedit etiam in præscriptione immemoriali, contra *Sulicet. Baldum, Decium, Boerium*, & alios apud *Palauum de Justit. in Gen. disp. Unica punc. 22. §. 6. n. 2.* non requirentes bonam fidem in præscriptione immemoriali, eo quia hæc vim habet tituli, privilegii, juris, constituti, legis, & veritatis; ideoque adversus illam non admittitur probatio, quia est præsumptio juris, & de jure. Reicitur enim hujusmodi limitatio, & restrictio, uti reicitur, nec admittitur à *Glossa in cap. pr. verbo, nisi de præscriptionib. lib. 6. Abbate cap. ult. de præscriptionib. Covarruv. ad Reg. possessor. 2. p. §. 8. n. 4. Andr. Facin. lib. 8. Controvers. cap. 26. Palao n. c.* & aliis, unanimiter statuentibus necessariam esse bonam fidem, hoc est bonam conscientiam cuicumque præscriptioni inducendæ. Imo quo longiori tempore mala fidei possessor detinet rem alienam, eo gravius peccat, & ob peccatum commissum in detentione rei alienæ statuit Pontifex in cap. ultimo de præscriptionib. ne detentor præscribat: ergo ejus decisio efficacia in præscriptione immemoriali cum mala fide procedit. Neque facit contra hanc præscriptionem vim tituli juris, & privilegii habere, quia (ut optimè etiam idem *Palao in fine n.*) id intelligendum est, cum ex bona fide procedit, aliàs lex præscriptionis, rapinæ, & iniquitati faveret.

755 Quæres tertio. An successor validè præscribat ea, quæ mala fide possidebat defunctus, in cuius locum ipse successit, ita ut ab earundem restitutione successor ipse excusari queat transacto, & completo definito tempore præscriptionis. Respondet cum distinctione: Vel successor est hæres immediatus universalis, sive ex testamento, sive ab intestato: Vel est tantum successor in re aliqua particulari, ut est legatarius, emptor, &c. Si successor est hæres immediatus universalis, qui suus, seu ratione suavitatis, (ut jurista loquuntur) succedit, qualis est filius, & rem accepit ab auctore, & possessore malæ fidei, nullo tempore potest eam præscribere: iuxta, probabiliorum Doctorum sententiam apud

Bonac. l. c. n. 21. & juxta communem apud *Fagund. de Just. libr. 2. cap. 15. nu. 59. & Pala. punc. 22. c. §. 9. n. p.* nec potest præscribere, quamvis bona fide succedat, & ignoret malam fidem defuncti, nec computetur tempus, quo antecessor mala fide possedit, l. si mala fides, C. communia, de usucap. Fundamental ratio est; quia hæres ex fictione juris, reputatur in jure, & censetur, una eademque persona cum defuncto, cujus universalis hæres fuit: l. cum hæres, ff. de divers. & tempor. præscrip. Authent. de jurejur. à moriente præstito, in princ. ideoque post additionem hæreditatis tenetur ad omnia onera realia ad quæ tenebatur persona defuncti cujus est hæres. *Molina de Just. tom. pr. disp. 3. §. Secundus est post medium*, & alii: cum igitur unam, & eandem personam cum illo constituat, sicut defunctus, non poterat illam rem cum mala fide præscribere, neque hæres immediatus illius universalis illam præscribere poterit. *Molina to. p. de Justit. disp. 65. conclus. 2. in medio. Covarruv. ad reg. possessor. 2. par. §. 9. in princip. Sylvest. verbo Præscriptio p. qu. 8. Fagund. nu. 59. c. Bonac. n. 21. c.* & alii communiter, præcipuè *Less. cap. 6. cit. Dub. 13. n. 42.* Ubi tamen advertit, non videri omnino improbabile posse hunc hæredem immediatum præscribere spatio triginta annorum, ut tenent etiam multi D. D. apud *Covar. n. 5.* (in quod iste etiam multum inclinat) quia hic non requiritur titulus, sed nuda possessio bonæ fidei: concludit tamen *Less.* (& cum ipso *Fagund.*) sed id quod diximus est Juri conformius, ut etiam docet *Sylv. Præscriptio p. qu. 8.* At restrictionem hanc esse omnino repellendam, probabilius videtur, supposita uti certa communi sententia, concludit pariter *Palao §. 9. c. n. 3.* contra *Covarruv.*, & alios ab eodem relatos pro eadem restrictione *nu. 2.* Hinc sequitur quod sicut mala fides Auctoris obest hæredi immediato, successori universali, ita ut stante ipsa non possit præscribere, è contra, bona fides prodest, adeo ut, nisi in hoc mala fides superveniat, possit computare tempus possessionis, quo Auctor bona fide possedit, illudque cum tempore suæ possessionis conjungere, seu (ut Jurista loquuntur) possit accensione temporis uti. Fundamentum est. Quia Auctor vult in successorem omne suum transferre, atqui inter ipsa erat hoc, quod est cæpisse præscriptionem possessione bonæ fidei, ergo & hoc transfert. Unde meritò etiam *Bonac. n. c. 21. in fine: cum Molina, Clavi Regia, Lopez*, & aliis, ait: præscriptionem

nem currere, nec interrompi, quando possessio unius rei transit de uno ad alterum, ita ut si computato tempore utriusque possidentis, elapsum sit tantum temporis quantum requiritur ad prescriptionem, res censetur præscripta, modo uterque possessor bona fide possederit, *l. unica, C. de usucapione transformanda*. Vide *Lesi. dub. 13. c. in fine*.

756 Dixi in responsione, *successorem immediatum, & universalem non posse præscribere*: Quia hæres mediatius, idest hæres huius hæredis, potest præscribere cum bona fide tempore constituto. Tum quia ideo primus hæres immediatus non poterat præscribere, quia immediatè succellit possessori malæ fidei, cum quo ex fitione juris (ut diximus) constituebatur unam personam, nec sicut ille non poterat præscribere, nec iste poterit. Secundus verò hæres cum non efficiat unam personam cum primo possidente malæ fidei, poterit præscribere, quamvis primus non potuerit: quia si in secundo hærede fingamus etiam constitutionem unius personæ, cum malæ fidei possessore, concurrent duæ fitiones in una eademque re respectu diversarum personarum, quod iura omnia detestantur. Ex uno enim, eodemque capite duplex fictio à jure reprobata est, ut notavit *Bart. in l. Si is qui pro tempore, qui. ult. ff. de usucapionibus*, & habetur *leg. p. Cod. de dotis promissione*. Adde quod concurrerent tot fitiones, quot essent hæredes, qui secundo hæredi successivè succederent, atque adeo infinitæ, quod quis affirmabit? Tum quia, secundus possessor, & hæres habet dominium rei distinctum à primo hærede, unde & si prior hæres non posset præscribere, eo quod immediatè successerit possessori malæ fidei, & cum eodem unam personam, & dominium constituebatur, hic tamen poterit: nisi & hic mediatius, seu secundus hæres sit hæres, qui *suis in jure*, vocatur: & ita habetur *l. nihil pro hærede, & l. 2. ff. pro hærede*: & docent *Covarru. ad reg. possessor. par. 2. §. 5. n. 3. Anton. Gomez to. p. Variar. cap. 9. nu. 19. Molina to. p. de Just. disp. 65. 179. & 180. quos refert, & sequitur Fagund. l. c. n. 60. in fine*: uti & *Palao §. 9. c. n. 4.*

757 Si verò successor illius, qui malam fidem habuit, non est hæres immediatus (quod est altera pars responsionis) sed est successor in re particulari, & non titulo successionis, & universalis hæreditatis, sed donationis, legati, emptionis, redemptionis, aliove simili titulo rem possederit, po-

test optimè eam præscribere, incipiendo prescriptionem ab eo tempore quo incepit re possidere bona fide, non computando tempus, quo defunctus antecessor mala fide possedit. Ut ex communi, & certa sententia docet *Bonac. n. 21. c. cum Covarru. Molina, Lessio, Azorio, Clavi Regia, Rodriq. Sanch. Filiucci. & alii*. Sed

758 Contra primam responsionis partem obijciens. Ideo hæres immediatus, & universalis mala fide possidens, à prescriptione impeditur, quia fitione juris personam ejus relert: & ejus possessionem infectam continuat: Sed hæc relatio, & possessio nis continuatio absumitur decursu temporis longissimi: ergo. Probatior minor, quia longissimo tempore ex bona fide propria excludente peccatum rem possidet, ergo præscribit: hæc consequentia probatur, quia jus Canonicum solam fidem malam, & peccaminosam possidentis reprobabat, & à prescriptione excludit. Respondet negando minorem, ejus probationem, & consequentiam. Cum enim verum sit hæredem defuncti, personam huius referre, & ejusdemmet possessionem continuare in rebus titulo hæredis acceptis; etiam si præscriptio longissimi temporis sola bona fide, peccatum excludente, & certi temporis decursu subsistat, non inde tamen insertur hæredem defuncti, peccaminosa, & mala fide possidentis, præscribere posse, tamen ipse hæres in propria persona bonam fidem, & conscientiam habet, eo quia ex dispositione juris non possidet rem ex fide propria, sed ex fide mala defuncti; ac proinde insufficiente ad præscribendum. Licet autem jus Civile prescriptionem tricenariam, vel quadragenariam cum mala fide admiserit, jusque Canonicum solam malam fidem peccatum inducentem reproberit, non tamen malam fidem fictam, & quia hæres non possidet rem ex hac malæ fidei fitione, sed ex ipsa mala fide defuncti, quæ in ipsum hæredem, jure sic disponente, transiit, est, ea de causa ejus possessio Canonico jure indirectè reprobata, prescriptionem inducere nequit: ita etiam *Palao d. §. 9. n. 3.* ubi tamen advertit in fine ex *Covarru.* probabiliter hæc procedere quatenus hæres intendit nomine defuncti rem possidere, ejusque possessione ad præscribendum uti, & ejus titulo; non verò quatenus à seipso, & ex titulo aditæ hæreditatis vult possessionem inchoare.



PRIVILEGIUM XXVI

Bona fide possidens rem alienam, illamq; præscribens cum ignorantia invincibilis circa titulum, ab ejusdem restitutionse excusatur.

759 **A**D præscriptionem, cum possessione bonæ fidei, requiritur titulus, ut patet ex præcedenti privilegio, & ex communi sententia Doctorum. Titulus autem, prout hic sumitur, nil aliud est, quàm ratio, radix, origo, ac causa aliqua, ex qua oritur dominium; & jus; seu ex se habilis ad transferendum dominium, cujusmodi sunt Donatio, Emptio, Permutatio, Legatum, Fideicommissum, Occupatio rei pro derelicta habitæ. Additio hæreditatis, Transactio, Adjudicatio, &c. Donatione enim, Emptione, permutatione, &c. acquiritur jus, & dominium; & propterea hi omnes appellantur tituli, ex quibus oritur dominium. Ex his ergo requiritur aliquis ad præscribendam rem alienam cum bona fide; quia si talis titulus, seu talis causa qualis est donatio, emptio, permutatio, testamentum, vel successio ab intestato, &c. defuerit, nihil erit cur quis sibi rei dominium vendicat: eamque tanquam suam bona fide possidere censetur potius, quàm quisvis alius. Non est autem necessarius titulus verus, seu validus (hoc est vera radix domini, aut juris) quoniam qui cum tali possidet, non eget præscriptione, quia per eum verè adeptus est dominium: sed sufficit quod sit coloratus, seu apparens, vel præsumptus, quod videlicet probabiliter putetur verus, etiamsi vera sit invalidus, quia licet talis titulus non transferat dominium in possidentem: ipsammet tamen efficit habilem, ac dispositum ad tanto, vel tanto tempore, præscribendum, sibi acquirendum dominium autoritate juris humani, habentis locum etiam in conscientia ex dictis in præcedenti privilegio, & ex doctrina certa, & communi.

760 Ex qua doctrina certa, inseritur quoque certitudo propositi hujus privilegii. Quod probatur, ac simul explicatur. Emptio, permutatio, donatio, &c. sunt de se veri tituli, ac radices, quibus acquiritur verum jus, dominiumque verum transferuntur: at, si is qui vendit, permutat, aut donat rem aliquam, non fuerit illius legitimus dominus: idem tituli desinunt esse veri, ac tales quibus transferatur domi-

nium: nihilominus sunt colorati tituli, seu præsumpti validi, quatenus bona fide putantur tales, per quos quis rem ipsam possidet, ita ut ignorans probabiliter, & invincibiliter illorum conditionem, idonei sunt ad præscribendum, consequenter ad pariendum jus tale, ut res aliena, exacto tempore definito (cum bona fide, & dicta ignorantia circa tituli conditionem) deveniat possidentis, per consequens facta sua amplius ad restitutionem ejusdem non teneatur. Ex hoc vult, ac intendit privilegium nostrum, quod communiter sic conceditur à scribentibus de Titulo ad præscribendum requisito. Ex quo inferitur, quod licet titulus coloratus, seu præsumptus non sit verus, nec validus in se, ideoque insufficiens ad transferendum dominium: putatus tamen validus, ac sufficiens ex ignorantia probabili, & bona fide, prædest ad præscribendum, ad dominium verum, verumque jus inducendum, valetq; excusare in utroque foro à restitutione facienda. Sed

761 *Quæres.* An in omni præscriptione requiratur titulus. Respondeo. In omni præscriptione videtur necessarius titulus, qui cognoscatur, aut aliquando cognitus fuerit à præscribente. (Intelligo hic de titulo, non undequaque valido: sed de titulo, qui quidem ex suo genere verus est, sed propter concurrentes circumstantias ignoratas (ignorantia facti) desinit esse verus, & validus (ut innuimus supra.) Colligitur responsio ex Cap. Si diligenti, De præscriptionibus. Ubi in fine simpliciter dicitur, quod in præscriptione bona fides; & justus titulus exigantur. Nec facit, quod ibi agatur de rebus Ecclesiasticis præscribendis: nam sicut quoad bonam fidem non ponitur distinctio in præscriptione rerum laicarum, & Ecclesiasticarum, ita nec videtur ponenda quoad titulum. Probatur autem responsio: Quia ad omnem præscriptionem requiritur ut præscribens bona fide rem possideat ut suam; atqui non potest quis incipere bona fide possidere rem ut suam, nisi subit aliquis titulus, ex quo putet eam esse suam, sive titulo derelictionis, v. g. quia res antea nullius fuerit, sive donationis, sive emptionis, sive hæreditariæ successione, aut aliquo alio.

762 Quamvis autem titulus sit adeo requisitus, ac necessarius, ut sine ipso non possit esse initio possessionis bona fides, nec initium sumere præscriptio: quia tamen potuit esse titulus in ipso initio, & postea per oblivionem deperdi: decursu enim longissimi

gissimi temporis facile contingit ut obliviscantur tituli, nam multa solent homines habere in rebus suis, de quibus post multum temporis non satis recordantur, utrum emptione, donatione, aut alio titulo illa acquisierint, aut si recordentur non possint id probare, ideo statutum est, quod ad præscriptionem decem, vel viginti annorum, quæ ordinaria est, cum bona fide tituli allegatio, & probatio necessaria sit: ad præscriptionem verò triginta, aut quadraginta, vel plurium annorum, quæ appellari solet possessio, seu præscriptio longissimi temporis, sufficiat cum bona fide titulus præsumptus. Qui titulus præsumptus, multo magis, & à fortiori in præscriptione centenaria, & immemoriali sufficiens est. *Lugo de Justit. 10. p. disp. 7. sec. 2. n. 15. Palao de Justit. in genere disp. Unica, punc. 22. §. 5. n. 4.* alique plures. Sufficiens inquam est, nisi jus resistat possessioni, prohibendo videlicet talem possessionem, de qua re idem *Lugo. n. c. cum Molina apud ipsum disp. 75. & alii.*

763. Cæterum quando à Doctoribus videtur affirmari quod in præscriptione centenaria, & immemoriali nullus requisitus sit titulus, ab ipsis non excluditur (& si fiat, non bene) etiam illius præscriptio: quia absque ejusdem præsumptione (ut optimè inter alios *Palao n. 4. c.*) bona fides stare non potest, quæ in omni præscriptione necessaria est. Immo majori cum ratione hoc procedit in præscriptione immemoriali, ubi enim illa probatur, eo ipso præsumitur bonus titulus, quia ipsa immemoralis possessio, & præscriptio habet vim justissimi tituli, ut docent *Molina 10. p. de Just. disp. 76. in princip. Reinosius Observat. 65. n. 15. & 16. & Cevallos Commun. contra commun. qu. 45. n. p.* quos refert, & sequitur *Fagund. de Just. lib. 2. cap. 35. n. 25.* Et hinc est, quod ipsamet etiam immemoralis præscriptio cessat, quando constat de injusto, invalido, & infecto titulo, ut docent *Gonzalez super reg. 8. Cancell. Gloss. 18. n. 48. & cum aliis Riccius in praxi fori Ecclesiastici decis. 144. n. 18.* Quia cum constet de veritate infecti tituli principii, & sic sumus in claris, cessat præscriptio, quæ ex præscriptione immemoriali resultat, & ita declaratum refert à *S. Congregatione.* Ex quo insertur necessitas tituli in qualibet præscriptione (ut supra) & saltem præsumpti in immemoriali. Vide *Riccium l. cit.* Ubi agit quando cessat immemoralis.

764. *Fagund. n. 25. c.* non approbat nostram doctrinam superius traditam in res-

pensione ad quæsitum, ait enim: *Non approbamus doctrinam illorum, qui dicunt, non posse dari bonam fidem absque titulo, decentes, quia bona fide possidebit quisquam rem ut propriam, qui nescit titulum, seu causam ob quam res ad se pertineat? cum titulus sit causa, radix, & origo domini rei quam possidemus. Nam, fieri potest, ut tituli obliviscamur; multa enim sæpe habemus in nostra potestate, quæ quo titulo ad nos pervenerint, penitus ignoramus, quod egregiè inter Doctores citatos probat Covarru. allegatus ad reg. possessor. 2. par. §. 8.* Ubi asserit bonam fidem consistere, posse absque titulo. Quod probat *Primò.* Qui rem possedit triginta, vel quadraginta annis, cui possessionis jus non resistit, verè exillimam rem esse suam, immemor tamen est tituli, & causæ, ex quibus ad eum pervenerit propter longum tempus, facile enim ex facto proprio contingit oblitio ex temporis antiquitate. *Leg. præterit, ff. de acquirenda possessione.* Ergo absque scientia tituli stare potest præscriptio. *Secundò.* Possidens rem ex titulo alioquin invalido potest habere bonam fidem ex qua præscribere possit, sed tunc non præscribit ex titulo. Ergo titulus ad præscriptionem necessarius non est. *Tertiò.* Emens rem ab eo, qui bona fide incepit possidere, non præscribit ex titulo emptionis, sed præscriptionem ab alio ceptam prosequitur. Ergo stare potest præscriptio, & bona fides absque titulo. *Quartò.* Ubi quis rem aliquam possidet, credens sibi donatam, aut legatam esse, cum tamen nec donata, nec legata sit, bonam fidem habet præscriptioni sufficientem: quin titulum habeat. Ergo, &c. *Quintò.* Si quis rem possideat exillimans (quia id sibi à fide dignis dictum est) esse propriam parentum, quibus jure hereditario succedit, cum tamen verè non sit, habet bonam fidem absque titulo. Ergo bona fides stare optimè potest absque titulo. Ità *Covarru. allegatus à Palao, §. 5. cit. num. 5.*

765. Cum quo *n. 4.* pro responsione doctorum obiectorum, & confirmatione nostræ superius datæ doctrinæ in responsione quæsitæ. Distinguendum est in hac re quoad titulum: nam aliud est adesse titulum, qui legitimus præsumitur; aliud nullum adesse titulum, præsumi tamen adesse. Ad præscriptionem decem, vel viginti annorum, titulus necessariò adesse debet, nam esto ex sola præsumptione tituli fides bona consistere possit, non tamen constituitur præscriptio ex ea bona fide, titulo deficiente: at ad præscriptionem 30. vel

40. annorum, & à fortiori ad præscriptionem centenariam, & immemoriam nulus titulus requisitus est, bene tamen illius, quia absque illius præsumptione bona fides stare non potest, quæ in omni præscriptione necessaria est. Distinctione hujusmodi supposita.

766 Ad argumenta prædicta opposita, respondeo cum eodem *Pala. l. c. nu. 6. Ad primum.* Nil referre, an memor, vel immemor sis tituli ex quo rem possedisti completa usucapione, per 30. vel 40. annos, ea enim continuata possessio bona fide facta sibi titulum juridicum concedit. Et ad inducendum præscriptionem titulus requiritur, non autem postquam ipsa inducta est. Adde, quod in præscriptione triginta annorum, titulus non est necessarius, sed satis est, si adsit tituli præsumptio, ut supra. *Ad secundum.* Concedo talem posse habere bonam fidem cum titulo alioquin invalido, eo quod validum esse præsumit quo non solum ex bona fide, sed ex titulo præscribit. *Ad tertium.* Admittitur sic eumentem, ex titulo emptionis non præscribere, sed præscriptionem ab alio inceptam continuare: negatur tamen absque titulo in venditore, præscriptionem ipsum inchoasse, præsumitur namque in illo adfuisse. *Ad quartum, & quintum:* concedimus optimè stare posse bonam fidem absque titulo vero, sed non absque titulo probabiliter præsumpto valido, vel absque tituli præsumptione. Et ob id dictum est supra, ad præscriptionem quæ completur decem, vel viginti annis necessarium esse titulum probabiliter validum. Ad præscriptionem verò, quæ triginta, vel quadraginta annorum possessione inducitur, præsumptionem probabilem tituli sufficere, tametsi titulus non adsit.

PRIVILEGIUM XXVII.

Qui rem detinet, quam bona fide, & ignorantia invincibili juxta legem, & Canonum Constitutiones præscripsit, etiam si postea cognoverit fuisse alterius, in utroque foro à restitutione excusatur.

767 **Q**uod excusetur in foro poli, & conscientie, constat apertissimè ex duobus præcedentibus privilegiis. Quod verò excusetur etiam in foro fori, ita à possit se tueri in judicio contra priorem dominum, & eandem rem ut suam defendere, apud D. D. Utriusque Juris,

est communis sententia. Unde *Joannes Voigri de Jure, & Justitia tract. p. cap. 5. dub. 8. n. 25.* optimè sic ad rem hujus privilegii: *Breviter dico, ex communi D. D. sententia, talem posse iusta conscientia retinere, rem quam sic legitime præscripsit, & eam ut suam posse in judicio defendere contra priorem dominum.* Desumitur ex *D. Tbo. Quodlibeto 11. art. 25.* & ita docent *Glossa in Cap. Vigilanti, De præscriptionibus. Panormis. ibid.* ubi asserit eam esse communem Canonistarum sententiam. *Covarr. ad Reg. Possessor par. 3. §. 2.* ibi plures allegans, *Cajet. & Sylv. Verbo Præscriptio. Soto de Just. libr. 4. qu. 5. art. 4.* alique recentiores quamplures, tam Theologi, quam Jureconsulti.

768 Quod inquam talis, qui sic legitime præscripsit, à restitutione excusetur in conscientia, & foro poli, quæ videtur esse prima pars hujus privilegii, præterquam quod constat ex superioribus privilegiis, ut dixi, nihilominus ad abundantiam ulterius probatur. Primò. Ex verbis *D. Tbo. l. c.* dicentis: *Si quis præscribat bona fide possidendo, non tenetur ad restitutionem, etiamsi sciat alienum fuisse post præscriptionem: quia lex potest aliquem pro peccato, & negligentia punire in re sua, & illam alteri dare, & concedere.* Hæc ibi: *Et idem dicit omnis bonus Theologus* (subjungit *Sylv. Verbo c. qu. 43. n. 13.*) *Quia secundum S. Tbo. tenetur quis solvere penam judicalem, idest ad quam condemnatur à Judice (ut p. 2. qu. 96. art. 4.) & consequenter ille, cui applicatur, eam in conscientia potest retinere: & consequenter licitum est tenere eam quam insiguit legislator, cujusmodi est præscriptio, quæ inducta est principaliter in penam negligentiam, & quietem Civitatis, ita Sylv. alios quamplures allegans ibi, indistinctè dicentes, quod non tenetur quis in conscientia restituere præscriptum, si concurrunt omnia de jure requisita ad præscriptionem. Et ita (concludit ipse) indubitanter tenendum est.*

769 Secundò probatur. Ex *l. 3. ff. De usurpat. & usucapionib.* ubi *Usucapio* dicitur esse, sive definitur esse adjectio, seu (ut alii) adeptio domini per continuationem possessionis tempore legis definito. Et in hoc Canones nec reprehendunt, neque corrigunt Jus civile, quamvis tollant præscriptionem cum mala fide: imo potius idipsum omnino supponere, & approbare videntur, dum juxta eandem legum dispositionem judicant, & judicari volunt, ut patet ex *Causa 16. qu. 3.* per diversos Canones, & in *Cap. Sanctorum, De præscript.* Pontifex ait, se irrefragabiliter confirmare, ut

omnes possessiones ad singulas Provincias suorum confratrum pertinentes, à quibus per 30. annos possessæ sunt, quietè, & sincerè perpetuò teneantur, Quod eodem titulo in aliis capitibus indicatur. Igitur legitima præscriptione absoluta, licet præscribens postmodum intelligat rem fuisse alterius, absolvitur à restitutione, & potest eam ut suam sibi turdè retinere: consequentia hæc probatur, quia res illa jam ex dispositione legis, in præscribentis dominium transivit; imò lex ipsa, se vera illius rei dominum constituit: & si sic est, uti est, nulla est ratio dicendi, quod non possit eam tempore legis definito præscriptum rura conscientia retinere. Confirmatur: Quia lex inducens præscriptionem iusta est, ut videre est apud U. D. præcipuè *Covarruv. par. 3. c.* & præscriptio ipsa dat jus proprietatis præscribenti, transfertque dominium in usucapionem: igitur hæc dominii translatio etiam in animæ iudicio, & foro poli servari, & rata haberi debet: ergo verum privilegium propositum quoad primam partem, & conscientię, ac poli forum.

770 Et si verum quoad primam partem, hoc est in iudicio animæ, non potest utique non esse tale etiam in iudicio externo, & foro fori; aliter sequeretur (ut bene arguit etiam idem *Covarruv. §. 2. c. n. p.*) posse Judicem interiori fori, & Judicem exteriori, comperta rei veritate contraria pronunciare, & utrumque iustè: quod adeò absurdum est. (inquit *Covarruv.*) ut quivis mediocri præditus eruditione hoc minimè posse contingere palam testetur. Si quidem uterque Iudex tenetur jus suum unicuique reddere, ac iustitiam in pronuntiando amplecti, ut iudicium æquum sit. Idcirco impossibile iure censetur, contrarias sententias ex iustitia ferri in eadem re, & juxta eandem cognitionem, unde vel altera necesse est, quod sit iniqua, vel parum utraque habere debet definitionem. Sic *Covarruv.* totus ut patet pro hoc privilegio. Contra quod tamen.

771 Obiciens primò. *Cap. Vigilanti. De Præscript.* In quo Pontifex derogare videtur legi civili: dum ait: *Nobis autem tam in rebus cognitis, quam latentibus placuit non habere vigorem.* Respondetur, eo loci Pontificem loqui de præscriptione 30. vel 40. annorum cum mala fide, quam dicit induxisse *Ephefianus* quendam Legislatorem: & hanc vult non habere vigorem; sive rem possideamus domino conscio, & negligenti, sive inscio; modo nobis constat

rem esse alterius. Non autem loquitur de præscriptione cum bona fide, cum potius contrarium de hac significet, dicendo: *Quoniam nulla dierum possessio iuvat aliquam male fidei possessorem.* Inde enim potest à contrario sensu colligi, quod ex mente Pontificis, antiqua dierum possessio iuvet possessorem bonæ fidei. Neque valet, si dicas: Juvat quidem bonæ fidei possessio, sed quandiu illa est bonæ fidei, & ignoratur, quod res sit alterius: cum autem hoc scitur, jam definit bona fides, si ulterius detineatur. Non inquam valet: Nam vel cognoscitur quod res sit alterius antequam completum sit præscriptionis tempus legis definitum, & concedo tunc cessare bonam fidem si ulterius detineatur: vel id cognoscitur post tempus legitimum præscriptionis absolutum, & licet tunc cognoscatur rem fuisse alterius, agnoscit tamen simul eam autoritate Superiorum (qui iustis de causis publici boni id possunt) factam esse suam, & translatam in sui dominium, atque ita bona fide ex novo titulo illam possidere ut suam.

772 Obiciens secundò: *Cum alterius injuria, aut jactura, non debet quis locupletari, Regula juris in 6.* Insuper: Nemo rebus suis privandus est absque sua culpa: Saltem igitur quando prior dominus non est in culpa, dominium rei suæ non perdet, & proinde tenebitur restituere. Respondeo negando consequentiam; illa enim *regula juris* intelligenda est, quod nemo eam alterius injuria, aut jactura iniquè illata, locupletari debet: non autem quod nullo modo id fieri possit cum alterius jactura: Qui enim ludis licitis, aut ipsione, aut certamine, debitis circumstantiis velitis lucrum faciant, locupletantur atque cum aliorum jactura nec tamen obligantur ad restitutionem. Ad alterum oppositum, dicitur: Neminem absque culpa rebus suis privandum esse, nisi subit alia justa causa, quæ præsertim concernet tranquillitatem, & bonum Reipublicæ: qualem subesse in legis præscriptione constituentibus satis constat, ex dictis & D. D.

773 Obiciens tertio. Cui res adjudicata est per Judicis sententiam fundatam in falsis probationibus, tenetur is ad restitutionem, quotiescumque cognoscit rem non esse suam: nec per ejusmodi sententiam, dominium illius acquirit, ergo similiter qui rem detinet virtute præscriptionis in conscientia ad restitutionem tenetur statim ac agnoscit suam bonam fidem hand fuisse bene fundatam, sed rem fuisse alterius. Resp.

Negando

Negando consequentiam, & paritatem: disparitatis autem ratio est, quia Judex non intendit tribuere parti jus, & dominium rei, quam illi adjudicat, sed tantum declarat secundum allegata, & probata, esse rem illius. Quare si id facit ex mala informatione, non transfertur dominium; sed illud remanet apud priorem dominum, cui debet in conscientia restitui res, si victor litis id sciat, aut intelligat. Non sic autem se habet lex præscriptionis, quæ non tantum intendit ex tanta possessione, quasi ex aliquo argumento, declarare rem esse illius possessoris: sed post talem, & tantam possessionem intendit simpliciter huic possessori dominium rei attribuire, si ve prius hujus fuerit, si ve non, ne rerum dominia diu, & fere semper remaneant incerta. Hinc, quia talis possessor bonæ fidei, transacto tempore legibus definito acquisivit dominium, & verum dominium, ideo non obligatur in conscientia ad rei restitutionem, & excusatur ab hac facienda in utroque foro, ut dicit privilegium propositum.

PRIVILEGIUM XXVIII

Qui bona fide, & ignorantia invincibili emit à latrone rem alienam, quam postea eadem bona fide, & ignorantia durante, alteri vendidit eodem pretio, si postea cognoscit rem illam esse alienam, excusatur in conscientia à restitutione, nec tenetur secundum contractum rescindere.

774 **P**onunt hoc idem privilegium, probant, & approbant, *Cajet. in Summa, Verbo Restitutio, §. p. versu, Adverte circa hanc regulam. Navar. in Man. cap. 17. n. 8. Versu. Quod si in nibilo. Lopez Instructoris Conscientie par. p. cap. 94. ad finem. Et libr. pr. de Contractibus cit. 3. vers. Inter tam dubias. Filliuc. tract. 32. cap. 4. qu. pr. Dico tertio, n. 84. Diana to. 6. Coord. tract. 3. resol. 129. Ex par. pr. tract. 8. ref. 68. & alii. Hujus autem privilegii ratio (per eisdemmet etiam allegatos D. D.) videtur esse: Quia sic emens à latrone rem alienam, non tenetur restituere ratione acceptationis iniquæ; nam bona fide, & ignorantia invincibili emit: nec tenetur ratione rei acceptæ, quia jam non habet illam apud se, nec in ea factus est ditor, ut supponit privilegium: & bona etiam fide eandem vendidit rem secundò emptori. Cui etiam absque rescissione contractus (ad quam per *Navarr. nu. cit. & alios apud**

*Bonac. De restit. disp. pr. qu. 4. puni. 2. quasi. p. versu. Respondet, n. 5. non tenetur, ut est secunda pars privilegii) faciet satis si cedat eidem (uti debet in conscientia) actionem de evictione adversus eum à quo bona fide emit, id est, contra primum illius rei alienæ venditorem, juxta *leg. in creditore, ff. de evict. & docent Navar. n. 8. cit. versu. Contra quæ facit primo Diana ref. c. n. 4. ubi Sayr., Valentia, & Bonac. concedunt hoc esse probabile, vocant tamen, contrarium probabilius. Sed.**

775 Dices primò. Pretium rei alienæ loco illius succedit, ergo est alienum sicut & ipsa res eo vendita: ideoque vero domino tenetur id restituere ratione rei acceptæ, ac si eandem rem alienam apud se haberet. Respondeo cum *Sanch. in Sum. to. p. lib. 2. cap. 23. n. 25. & Diana ref. c. n. 3.* non esse universaliter verum, pretium succedere loco rei: id enim verum habetur in solis universalibus judiciis, cujusmodi sunt, hæreditas, fideicommissum universale, dos, &c. *l. Item videndum, §. finali, & l. sequenti, ff. de petito. hered. & l. p. ff. de fideicommiss. hered. tit. petito.* quæ judicia ideo universaliter dicuntur, quia unius Juris petitione plures res simul peti censentur, & si singulæ nominatim non exprimantur. Hinc *Jurisconsultus* vocat eas actiones de universitate. Judicium autem nominatur singulare, seu particulare, aut speciale, cum est de re singulari, vel ex singulari contractu petita. Ut in mandato, commodato, deposito apparet, *l. Pro socio, ff. Pro socio. Constat ergo, ex juribus, adductis etiam ab eodem Sanch. n. c.* non transferri dominium rei alienæ venditæ in emptorem: bene tamen transferri dominium pretii in venditorem. Quod non contingeret, si pretium succederet loco rei. Et ita notant *Gloss. l. Si & rem, & pretium, 25. verb. Quia potest, ff. De pet. hered. & ibi Bartol. in fine, & omnes scribentes: ita Sanch. l. c. Cum quo.*

776 Confirmatur primò responso, & roboratur magis privilegium propositum. Si venditor bonæ fidei, ea durante, & ignorantia invincibili, rem eandem latroni vendidisset, & eodem pretio, non teneretur utique pretium vero domino restituere, cum sit illud idem, quod prius dedit. Ergo nec tenebitur restituere, si alicui tertio vendat: pretium enim illud, ejusdem videtur esse rationis, si ve à latrone recuperatum sit, si ve ab alio tertio acceptum. Secundò confirmatur. Quia si teneretur restituere domino, id esset, vel ratione injustæ acceptationis, vel ratione rei acceptæ, vel quia auxerit

auxerit suum patrimonium. At non tenetur ratione primi, cum totum factum sit bona fide: non ratione secundi, & rei acceptæ, cum eam jam distraxerit, & pretium loco illius non succedat, ut dictum est; nec moraliter aliquid illius rei, aut æquivalens maneat in bonis creditoris: tandem ratione tertii, quia nullatenus patrimonium suum auctum est, & subindetalis venditor nec locupletior factus est, ut supponitur in privilegio: pro quo sunt omnes Doctores allegati à *Sanch. cap. 23. c. n. 16. & nu. 25. c. in fine*: ubi ipse sic: *Pro hac sententia (id est privilegio nostro) sunt clarè omnes Doctores allegati num. 16. quos retuli asserere indistinctè hunc bonæ fidei possessorem ad nil restituendum obligari. Atque in propriis terminis tradunt Gabriel. &c.*

777 Dices secundò. Ex *Sayro in Clavi Regia lib. 10. tract. 2. cap. 3. n. 29. Medina, Covarruo. & Salonia ibidem*. Si rem illam alienam à fure bona fide emptam haberet, & apud se servare vellet, ejus animi esse oporteret, ut rem domino vero restitueret, si consisterit cumjux sit. Ergo etiam eam vendendo, & pretium pro ea recipiendo, parati animi esse debet, ut cognovero domino pretium rei venditæ eidem domino restituar, cum pretium loco rei succedat. Respondeo primò cum *Rebello de oblig. Just. p. 2. lib. 9. qu. 18. sec. p. n. 11.* apud, & cum *Diana ref. c. nu. 3. negando consequentiam*, maximè si pretium bona fide à venditore fuerit consumptum, nec inde ditior effectus est; nam sic certum est (inquiunt) apud omnes, venditorem non teneri ad ullam restitutionem. Respondeo secundò cum *Sanch. cap. cit. 23. n. 187. & Diana tract. 3. c. ref. 128. in fine. Ex par. 2. tract. 15. & Miscell. p. ref. 11.* item negando consequentiam: si enim rem illam eodem pretio quo emit vendidit, non tenetur id pretium vero domino restituere; non enim (ut supra) pretium succedit loco rei. Si verò pluris vendiderit, excessum tantum, & in quo locupletior factus est, tenetur restituere, instar aliorum possessorum bonæ fidei, ex quibus ipse quoque jam est. Unde si res illa extaret teneretur quidem possessor ratione rei acceptæ illam integrè restituere: at re ipsa vendita, non tenetur restitutione rei acceptæ, nisi quoad illum excessum, si adesset: & rationem reddit *Lessi de Just. lib. 2. c. 14. dub. 4. n. 23. in fine*, dicens sic: *Si ex ea factus est locupletior, eatenus tenetur; rei enim ratione illius accessionis, quæ ex ea rebus illius facta est, censetur adhuc extare.*

778 Sed non definam hic adnotare, quod

licet communiter Doctores, ex autoritate *l. Si & rem, ff. de pet. hered.*, asserunt, qui rem alienam à fure bona fide emit, & majori deinde pretio vendit, teneri restituere domino illud plus, in quo ditior factus est. Nihilominus *Molin. de Just. to. 3. tract. 2. disp. 721. n. 10.* existimat verum contrarium. Quia (ait ipse) illud plus non est fructus rei, sed industriæ, illam ementis jussu uno pretio minori, & vendentis etiam jussu alio majori pretio; fructus autem industriæ ad possessorem bonæ fidei, & non ad dominum rei spectat. Quod autem id non sit fructus rei, sed industriæ, patet. Quia si fur ipse emerget iterum eandem rem ab ultimo possessore, eamque domino restitueret sine ulla proximi lesione, servandoque omnino illum indemnem, neque rei illa ullos fructus babuisset, sanè qui ita esset lucratus emendo illam à fure, aut alio intermedio venditore, & vendendo illam majori pretio justo alicui alteri, non teneretur illud restituere, eo quod esset fructus sue industriæ, & non rei. Alias etiam rationes ibidem adducit *Sanch. quem sequuntur Diana tract. cit. 3. Coord. ref. 131. Ex p. 3. tr. 5. & Miscell. p. ref. 41. & Layman. in Theol. Mor. libr. 3. tract. 4. cap. 17. §. 3. nu. 25. ubi in fine*, responder ad *Autoritatem l. Si & rem*. Dicendo, id esse speciale in distractione hereditatis, seu juris universalis, ut pretium succedat loco rei; secus autem res se habeat in particularibus contractibus, ut docent Doctores in *l. Mater, C. de rei vendic.* Docet etiam *Moli. n. 10. c.* (ut pariter observat *Diana ref. c. 131. n. 3.*) furem vendentem rem furtivam, & postea jussu minori pretio redimentem, non teneri excessum illum pretii domino restituere, sed satisfacere reddendo ei rem suam non deterioratam, & fructus ex ea debitos.

779 Dices tertio: Contra secundam privilegii partem ex *Lessi. de Just. libr. 2. cap. 14. dub. 5. Bonac. De restit. disp. pr. qu. 4. punct. 2. qu. p. n. 5. Baribol. à S. Faustino in Spec. Confessor. disp. 4. qu. 2. & aliis apud ipsos*: Qui vitrum ex. g. vendit pro gemma, aut solvit, seu permutat aurum falsum pro vero, debet in conscientia contractum dissolvere, ergo pari ratione si vendat rem alienam, putans esse suam, debet dirimere contractum, postea quam noverit, rem illam esse alienam: eo magis quia venditor tenetur emptori de evictione: nec potest ad alium ablegare, cum quo illi negotium non fuit, sed ipsum tenetur illi satisfacere. Addo quod venditor non potuit transferre dominium in emptorem, cum res fuerit aliena, ergo etiam

ex hac

ex hac parte contractus dirimendus quia invalidus. Respondet huic argumento Navarrus n. 8. c. & cum ipso Diana ref. 129. ait. in fine assignando disparitatem rationis: quoniam qui dedit falsum aurum, dedit rem intrinsecè defectuosam, non autem qui bona fide dedit rem alienam. Et si istud parum refert sit ne vitium intrinsecum, aut extrinsecum, quando in re, & realiter tale est, ob quod meritò emptor sit invitatus, reddatque contractum involuntarium: tunc enim emptio est invalida, ac proinde rescindenda si velit emptor, reddito pretio. Huic quoque instantie occurrit id Navarrus, dicens (ut supra) istum venditorem facere satis emptori, si cedat actionem de evizione contra primum illius rei alienæ venditorem. Unde in forma ad argumentum assignata disparitate rationis, & distinctio antecedenti: negatur consequentia. Ad id autem quod additur, patet responsio ex dictis.

PRIVILEGIUM XXIX.

Qui donat alicui centum, ignorans quod tantum etiam illi ex iustitia debebat, satisfaciendo debito, nec amplius tenetur alia centum eidem solvere.

780 **P**ONANT hoc idem privilegium aliqui apud Sanchez in Sum. to. p. lib. p. cap. 13. n. 11. in princip. dum asserunt: Debetem euidam centum, satisfacere huic debito, si debiti pro sui immemor, tantundem ei donet: nisi in remunerationem tantidem muneris accepti donatio fieret. Et ut probabile etiam (idemmet) admittit ex Rodriq. Trull. in Decalog. to. 2. lib. 7. c. 5. dub. 5. nu. 10. sic dicens: *Querens, Utrum in debitis ex iustitia dari possit compensatio cum bonis, vel obsequiis gratuitis: v. gr. Ego debeo tibi ex obligatione iustitiæ centum aureos, & postea gratis præsto obsequium ejusdem valoris, aut æquivalentem tibi confero titulo donationis: manebit ne exemptus ab obligatione iustitiæ? Respondeo, si quando contuli illud donum eram memor obligationis, ex iustitia, & nolui per illam rem, seu donum satisfacere, sed gratis rem illam præstare, certum est me non satisfecisse obligationi ex iustitia, nec posse postea uti compensatione; quia rei illa scienter fuit gratis donata, & liberaliter. Titulus autem donationis, & titulus iustitiæ sunt distincti. Quod si, quando contuli donum, vel obsequium ignoraveris debitum ex iustitia? Respondeo, in Sum. par. 2. cap. 49. Conclus. 2. non improbabiler asseris, postea quando debiti ex iustitia recordatur, posse sacræ*

compensationem, per rem illam donatam cum tali ignorantia: quia presumitur quod non fuisset tam liberalis, si debiti fuisset memor. Hæc sententia, ut dicit, non est improbabilis, cui favet Luytm. citatus à nobis in p. præcepto cap. 7. dub. 24. n. 8. Hucusque Trull. quem etiam Diana to. 6. Coord. tr. 3. ref. 152. Ex par. 7. tr. 10. & Miscell. p. ref. 19. recenset, & approbat privilegium propositum: ibi enim quaerens: An in debitis ex iustitia dari possit compensatio cum bonis, vel obsequiis gratuitis? Respondet affirmative: Quando (inquit) volui cum dono gratuito satisfacere obligationibus ex iustitia, quas sciebam debere. Difficultas est (subjungit) an quando præbui donum, vel obsequium ignorabam debitum ex iustitia, an possum postea sacræ compensationem, & affirmativam sententiam probabilem, esse putat Rodriq., & ex ipso Trull.: quam probabilitatem, eo loci non reiecit Diana: & To. 8. Coord. tract. 7. ref. 46. n. 2. Ex par. 5. tr. 18. & Miscell. pr. ref. 94. ipsam expressè admittit, per ea maxime quæ adducit Baldellus in Theol. Moral. to. p. lib. 5. disp. 25. n. 18.

781 Probatur autem privilegium propositum, ex illo principio Theologico, quod videlicet sufficit voluntas interpretativa ad causandum voluntarium: Unde stante obligatione ex iustitia solvendi centum v. gr. Petro, si eidem tantundem donem, habeo voluntatem interpretativam restituendi, & satisfaciendi, atque adeo censor satisfaciendo obligationi, & tanquam si satisfecerim, possum quando occurrit cognitio obligationis, facere compensationem: Ergo &c. Et ita etiam ad casum similem (de quo in privilegio sequenti) arguit P. Pasqu. in Decisionib. Moral. Decis. 455. nu. 3. Voluntas autem interpretativa ex eo colligitur, per eundem etiam P. Pasqualem, quod quilibet prudenter agens, prius vult satisfacere, quæ sunt de obligatione, quam præstare ea, ad quæ non tenetur; & ideo si interrogaretur, an si cognovisset propriam obligationem, voluisset re illa satisfacere, utique, & dubio procul responderet habuisse intentionem talem, satisfaciendi videlicet. Quod totum.

782 Confirmatur ex doctrina, & verbis Baldelli, à Diana n. 2. c. relatis. Negari non potest (inquit ille) quin etiam in materia iustitiæ possit sufficere ad illius obligationes tollendas intentio generalis, & implicita, quæ de facto habetur ab unoquoque, satisfaciendi omnibus suis obligationibus, quibus absolute potest satisfacere per unamquamque suam actionem. Neque obliatio, & incogitantia huius, vel

vel illius obligationis specialis potest tollere, aut impedire voluntatem generalem, & implicitam, satisfaciendi omnibus, quae debentur, sed solum tollit, aut impedit voluntatem specialem, & explicitam satisfaciendi huic, aut illi obligationi in specie, ut ex se patet; & ideo etiam in casibus positus, obligationes iustitiae dicende sunt verè tolli dependenter à voluntate eorum, qui per illas sunt obligati. Nam hoc modo l. cum ex pluribus, ff. de solut. expressè dicitur, quod qui ex pluribus causis uni alicui debet pecuniam, neque exprimit, aut demonstrat, dum illam solvit, ex qua causa solvas, & cui obligationi intendat satisfacere, censendus est pro illa solvere, quae apud ipsum est potior: ut, v. gr. si aliqua ex causa tenetur solvere sub pena infamiae, vel sub aliqua alia, vel sub jure hypothecae, aut pignoris, & similibus. Et ratio subditur, quia verisimile est diligentem debitorem si esset admonitus, ita fuisse gesturum suum negotium. Ex quo textu clarè habetur, quod voluntas implicita, & generalis, quam unusquisque habet satisfaciendi prout potest per unumquemque actum suis obligationibus, potest habere locum etiam in obligationibus, & in materia iustitiae: idque non solum est verum, quando in actu solvendi nulla causa, nullusque titulus exprimitur, aut determinatur, ex quo fiat solutio; sed etiam quando exprimitur, & determinatur unus aliquis minus principalis ex aliorum oblivione, & incogitantia: Nam haec obligatio in hanc conditionalem: Trado, vel solvo ex hoc titulo, nisi teneor ex aliquo alio potiore, & majoris momenti. Haec docet Baldellus apud Dianam l. c. ex quibus ipse quoque concludit, quod intentio implendi quamcumque obligationem, semper videtur haberi saltem generaliter, & semper potest praesumi ab unoquoque, quando non constat de intentione contraria, quia unusquisque in suis actionibus generaliter semper intendit satisfacere obligationibus quas habet. Et hinc à fortiori inferit: Quod si quis ex devotione inviseret hanc, vel illam Ecclesiam, & non recordaretur, quod ad id teneretur ex voto, vel ex penitentia à Confessorio inuncta, quando postea adverteret debitum, & recordaretur voti, aut penitentiae, non teneretur iterum illas Ecclesias invisere, sed potest existimare utrique satisfecisse: ita Diana.

783 Quod idem docet etiam Sanch. in Confessu lib. 2. cap. 3. dub. 121. n. p. dum ibi ait: Quod qui ex devotione opus facit ad quod tenebatur, ex. gr. audit Missam in die festo, immemor, aut ignarus praeccepti; quia videlicet ignorabat, vel non

recordabatur esse festum, satisfacit praeccepto, ita ut postea memor, vel factus certior de praeccepto non teneatur iterum audire, quia licet desit intentio actualis satisfaciendi praeccepto, adest tamen virtualis, vel habitualis saltem, quia si talis novisset praecceptum, vellet utique illi eo opere satisfacere, quando non est intentio contraria. Probat Sanch. etiam ex inconvenientiis, quae aliter sequerentur. Nam qui ex consuetudine celebrandi, celebraret in Paschate, nec praeccepti recordaretur, non adimpleret illud, sed peccaret mortaliter: & similiter, qui frequenter in anno confiteretur, quos tamen damnabit nullus. Accedit, quod lex absolute praecipit actum, & non tali intentione fieri praecipit. Sic plures quos idemmet refert lib. pr. Summ. cap. 13. n. 9.

PRIVILEGIUM XXX.

Ignoranti se teneri ad aliquam restitutionem pauperibus faciendam, & elemosinas cum huiusmodi ignorantia erogavi, excusatur à tali restitutione, si eas pro eadem postea restitutione applicet.

784 Sequitur hoc privilegium ex praecedenti ut patet. Et idemmet ponit Sanch. dub. 121. c. n. 2. & 3. Sub his verbis: Secundum multos est valde probabile, quod extremè indigenti teneatur divites ex iustitia dare elemosinas, & tamen si ex penitentia Sacramentali, vel eo quod habet debita incerti domini, teneatur ad elemosinas, satisfacies dando sic indigenti: Cum enim elemosinae non repugnet velle satisfacere pro debita alijs elemosina, censetur habere hanc intentionem virtutalem, & sic satisfacies. Similiter quando quis tenebatur propter incertitudinem creditorum, vel ob aliam causam restituere pauperibus, si ignarus, aut immemor huius obligationis, facit elemosinas potest omnes elemosinas, quas fecit post talem obligationem compensare cum debito illo. Et hoc idem privilegium confirmari potest ex doctrina, quam etiam terigi pro privilegio praecedenti, desumpta ex voluntate interpretativa, quam quisque habet prius satisfaciendi quae sunt de obligatione, quam praestandi ea, ad quae minimè tenetur. Advertas tamen hic, mi Lector, non esse extendendum huiusmodi Privilegium ad Beneficiarium, qui elemosinas erogavit ignorando se teneri ad restitutionem fructuum ob omissionem Horarum Canonicarum; non enim ipse potest facere compensationem, quando cognoscit obligationem suam, siquidem liberari à restitutione: Quoniam hoc idem damnavit Sanctiss. Alexander VII. in suis propositionibus damnatis: Propositi. 33.

C A P U T XIII. DE PRIVILEGIIS IGNORANTIÆ

CIRCA OCTAVVM DECALOGI PRÆCEPTVM,

Non falsum testimonium dices.

785 **I**N octavo Decalogi præcepto prohibetur omnis injustitia, seu injuria, quæ lingua, & sermone, proximo irrogatur, ut habet Doctorum communis in illa verba *Exodi 20. Non loqueris contra proximum tuum falsum testimonium*. Hujusmodi autem injuria contra proximum (de qua in hoc præcepto) committi potest vel in judicio, vel extra. In judicio committi potest à Judice, iniquè judicando. A Teste, falsum testando. A Reo, injustè negando. Ab Accusatore, falsò accusante. Ab Advocato, iniquam causam defendente. In judicio concurrunt etiam Assessor, Procurator, Tabellio, sive Notarius, &c. Extra Judicium autem multis modis committi potest proximo injuria, lingua, & sermone: Mendacio videlicet. Detractione. Conviciis, Contumelia, & Improperio. Sufuratione. Irrisione. Maledictione. Judicio temerario, seu sententia animi falsa, in animo residente. In quibus omnibus irrogari potest proximo injuria gravis, quæ sit peccatum mortale prohibitum in hoc præcepto, nisi excuset materiæ levitas, vel ignorantiz privilegium; quæ de re sit.

PRIVILEGIUM PRIMUM.

Invincibiliter ignorans mendacium officiosum, & jocosum esse peccatum, illud proferens excusatur ab omni culpa.

786 **M**endacium omne, peccatum est. *D. Tho. 2. 2. qu. 110. art. 3.* & communiter Doctores, ut videre est apud *Sayr. in Clavi Reg. l. 12. c. 2. n. 6.* & alios, *Verbo Mendacium*; contra nonnullos apud *Lesi. lib. 2. cap. 47. dub. 6. nu. 38.* Et ratio est, quia voce demonstrare id cujus contrarium geritur in mente, in quo consistit ratio mendacii (est enim mendacium ex *D. Augustino lib. p. contra mendacium cap. 47.* falsa significatio vocum cum intentione fallendi, seu dicendi falsum) est per se malum, contra dictamen naturale, & rectam rationem, & contra naturam vocum, quæ à natura insitutiæ sunt ad significandos animi sensus, & conceptus. Unde mendacium est intrinsecè malum, & a se ipsum malum, ut nequeat fieri licitum, quamvis bono fine committatur, ut ob finem tuendæ vitæ propriæ, vel alterius, ut patet ex *cap. Ne quis arbitretur 22. qu. 2.* Ex quo sequitur (ait *Bonac. 10. 2. disp. 10. qu. p.*

punc. 2. proposit. p. nu. p. Versu, Ex quo) non posse Summum Pontificem dispensare in mendacio, ita ut per illius dispensationem licitè fieri possit, nam mendacium est intrinsecè malum, & Pontifex naturas rerum mutare non potest. Et meritò talis potestas denegatur Pontifici Summo, cum nec Deus ipse (ut optimè *Laym. lib. 4. tr. 3. cap. 13. n. 8. Versu, Probatur 5.*) veritatis auctor, & falsitatis omnis olor, talem facultatem dare possit.

787 Quamvis autem omne mendacium sit peccatum, non tamen omne est lethale, nam iocosum, & officiosum quod nulli nocet non est tale (ut communiter Doctores) etiam si proferatur à gravissimo viro, seculo gravi scandalo: Quia hujusmodi mendacium non affert ulli iniuriam gravem, & censetur materia levis: unde non est nisi peccatum veniale ex communi omnium sententia apud *Azor. p. 3. lib. 13. c. p. dub. 2.* modò non addatur illi juramentum, tunc enim esset peccatum mortale perituri per omnes. Imò si proferatur iocosum, & officiosum mendacium ab invincibiliter ignorante esse veniale, caret omni culpa, ut in proposito privilegio: quod docet etiam *Bonac. l. c. proposit. 2. nu. 4.* ubi ait: *Possè da-*

V u ri gno

ri ignorantiam invincibilem respectu mendacii officiosi, & iocosi, & sic proferentem illud excusari posse ab omni culpa. Cui privilegio subscribit etiam Trull. in Decal. to. 2. lib. 8. cap. 8. dub. p. num. 6.

788 Jocosum mendacium intellige cum communi, quod causa propriæ voluptatis, vel alienæ profertur, ut solent garruli homines, & rerum novarum cupidi. Officiosum verò, quod propriæ utilitatis causa, vel alienæ dicitur, sive in temporalibus, sive in spiritualibus, ut alius scilicet juvetur: vel ut malum removeatur, dummodo tamen nemini noceat.

PRIVILEGIUM SECUNDUM.

Afficiens alterum materiali Contumelia ex ignorantia etiam culpabilis, excusatur à mortali si parum noceat.

789 **C**ontumelia est manifestatio defectus proximi in præsentia cum iniuria, seu est iniuria, qua læditur honor proximi, obiciendo ei aliquid peccatum, vel alium defectum in ipsius præsentia. Unde ex genere suo est peccatum mortale, idque gravius detractio, quatenus hæc ut plurimum fit in absentiā. Hic autem nota contumeliam, convicium, & opprobrium à Doctores apud, & cum Trull. in Decal. to. 2. lib. 8. cap. 8. dub. 2. n. 2. promiscuè sumi, & sub eadem dicta definitione comprehendendi. Contumelia enim propriè est manifestatio defectus culpæ. Convicium, manifestatio defectus culpæ, & pænæ. Opprobrium, est manifestatio defectus, & imperfectionis animi, vel corporis, aut indignitatis, aut vilitatis status, vel natalium, &c. quæ, ut communiter Doctores, non differunt specie, cum horum omnium una sit, & eadem ratio formalis, inhonoratio videlicet in præsentia: unde convicia omnia, seu contumeliæ propter eandem rationem sunt ejusdem speciei, ut docent etiam Fillius. tr. 40. cap. 3. n. 77. & 78. Trull. n. 2. c. & alii apud ipsum: Diana to. p. Coord. tract. 7. ref. 19. nu. 2. Ex par. p. tr. 7. resol. 19. referens Cajet. in 2. 2. qu. 72. art. p. Sotum de Just. lib. 5. qu. 9. art. p. in fine. Sæ Verbo Contumelia, n. p. Molin. to. 4. tr. 4. disp. 19. n. 3. Azor. par. 3. lib. 13. cap. 5. dub. p. & Reginald. to. 2. lib. 24. cap. 5. n. 102. per quos, & alios Doctores prædicta non differunt, nisi secundum magis, & minus: & magis, & minus non variant speciem: diversitas enim defectuum, qui obiciuntur, solum materialiter se ha-

bet, & ad summum parit distinctionem, specificam in genere naturæ, non verò in genere moris. Et hinc est quod idem Reginald. n. c. docet non esse necesse explicare in Confessione ipsas iniurias, dicendo, appellavi ebrium, adulterum, stultum, &c. Sed satis esse dicere, toties gravem intuli contumeliam meo proximo: ait enim: Tertium documentum est, omnes contumelias ejusdem speciei esse: quia quamvis in cæteris diversitas cernatur, conveniunt tamen in ratione, formali, quæ est intentio auferendi alteri suum honorem. Unde sequitur, satis esse in confessione dicere: Toties contumelia affeci meum proximum, nec requiri, ut dicatur: Illum vocavi ebrium, scurram, adulterum, &c. Et hanc doctrinam (quam amplecti debent omnes affirmantes circumstantias solas mutantes speciem esse in Confessione aperientias) sequitur Diana resol. c. & alii in locis ibidem notatis: ubi n. 4. in fine resol. ejusdem, sic: Notent Confessarii, quod etiam hæc doctrina est applicanda, & præsticanda in detractioibus: & sic à multis scrupulis, & interrogationibus immunes erunt.

790 Contumelia duplex est, formalis, & materialis: formalis est, quando quis intendit honorem ledere, & id est ex se peccatum mortale ex communi Doctorum, cum D. Tb. 2. 2. art. 2. ubi In respons. Et hoc est peccatum mortale non minus quam furtum, & rapina. Colligitur Matib. 5. Qui dixerit fratri suo satanæ (id est grave convicium) reus erit gehennæ ignis. Ignis autem gehennæ pro mortali peccato solum debetur. Et ratio est, quia honor, & reverentia præstat divitiis: at furtum ex se mortale est: ergo. Potest autem esse tantum veniale, vel ratione intentionis, & damni illati, ut si habet intentionem parum nocendi, & parum nocet, sicut qui rem parvam furatur, animo parum nocendi. Vel ratione imperfectionis actus, ut si absit plena deliberatio: ita communiter Doctores. Materialis est contumelia, quando quis profert verba nociva sine intentione formali nocendi: si enim intentio detrahendi deficiat, non est propriè formalis, sed materialis detractio, quæ quandoque est peccatum mortale, quandoque veniale, quandoque verò nullum. Tunc nullum est, immò licitum, quando sit tantum animo acriter corripiendi, & alioquin non exciditur, nec in qualitate verborum contumeliosorum, nec in modo: ut si Prælati, Pater, frater, Dominus, maritus, magister, vel alius superior obiurgat. Ut fecit Paulus Galat 3. vocans Galatas infensatos, O in-

O infensati Galatæ : & Christus Dominus *Lucæ 24.* Apostolos stultos : *O Stulti*, & *tardi corde ad credendum*. Tunc contumelia etiam materialis est peccatum mortale, quando quis licet expressè non intendat lædere alterius famam, sed ex quadam animi levitate ei detrahit, & narrat illius defectus : tamen verba, quæ proferunt talia, sunt, quod graviter offendunt famam ejusdem. Eo quia [ut optimè etiam *Fagund. in Decal. 10. 2. lib. 8. cap. 2. n. 3. Vers. Probatur altera*] talis implicitè vult graviter lædere, qui verba vult dicere, ex quibus gravis læsio proximi sequitur, licet enim ex animi levitate, vel ob causam non necessariam, ea verba proferat, poterunt nihilominus verba eadem gravia adesse, ut graviter, & notabiliter famam illius lædant, & tunc sine dubio erit peccatum mortale; quia & si deficiat intentio detrahendi, attamen hoc ipsum verborum genus ex se est peccatum mortale: Contumelia igitur etiam materialis, peccatum est mortale, si grave damnum inferat.

791 Si tamen contumelia materialis, & si sit per verba notabiliter iniuriosa, parum noceat, & verba ipsa prolata sint ex inadvertentia, incogitantia, ignorantiave etiam culpabili, excusati à mortali, ut in proposito privilegio, quod vide approbatum à *Trull. dub. 2. c. nu. 7.* Hinc communiter Mulierculæ, servi, famuli, ac homines viles, qui se ad invicem conviciis, ac contumeliis afficiunt, solum peccant venialiter; eo quod parva, aut nulla fides eis adhiberi soleat; parumque læditur honor, ac desit communiter in eis intentio, & cognitio graviter nocendi. Erit etiam veniale, si desit deliberatio.

PRIVILEGIUM TERTIUM.

Qui falsò intra seipsum contra proximum testimonium affert, hoc est temerè in re gravi judicat de ipso, quem tamen quis sit prorsus ignorat, à mortali excusatur.

792 **F**alsum testimonium affert quis contra proximum nedum extra se (coram Iudice) falsò eundem denunciando, accusando, infamando, &c. de eodem perperam obloquendo, &c. verum etiam intra se, temerè videlicet de illo iudicando, iudiciumve temerarium intra se ipsum contra proximum in re gravi afferendo: Quod temerarium iudicium ex se esse peccatum mortale, jam certum est, ut vide-

re est apud Doctores, præcipuè *Lessi. lib. 2. cap. 29. dub. 2.* quia sic etiam gravis iniuria fit proximo contra iustitiam, dum sine causa habetur improbus: hoc enim perinde est ac si falsum crimen ei impingeretur: violaturquè sic graviter jus quod proximus ipse habet, ne quis sine sufficientibus indicibus, malè de eo iudicet. Sine sufficientibus inquam indicibus: tunc namque committitur iudicium temerarium, quando quis ex levibus indicibus, & abique fundamento firmiter iudicat de malo proximi, & tunc est de se peccatum mortale in re gravi, ut dixi, & communiter affirmant D. D. Et si dicas: Non est mortale (secundum nonnullos probabiliter) etiam siue causa crimen occultum, uni, vel duobus prudentibus rem non evulgaturis manifestare, quia id non est infamare, nec ex eo (notabiliter saltem) alterius fama læditur, ergo neque erit mortale apud se solum rem non evulgaturum certò de altero perperam iudicare: Si inquam hoc dicas, negatur consequentia: qui enim dicit crimen occultum, uni, vel duobus, ut in antecedenti, non dicit nisi verum: In casu autem nostro, certò iudicat malum grave ex indicibus insufficientibus, atque adeo graviter etiam peccat, & iniurius est proximo suo. Et sanè talis pariter esset, si crimen falsum de eo propalaret etiam uni; ut habet etiam *Tambur. in Decal. lib. 9. cap. p. num. 4.* apud quem, & alios, ad hoc mortale contrahendum, quatuor conditiones requiruntur: Prima, ut iudicium sit plene deliberatum. Secunda, ut sit in re gravi: quæ gravitas colligitur etiam ex qualitate, & professione personarum, de quibus fit iudicium. Tertia, ut iudicium sit certum moraliter; secus non esset iudicium, sed suspicio. Quarta, ut sit ex levibus conjecturis, & insufficientibus indicibus: nam si ex sufficientibus, non erit temerarium, sed prudenter elicium iudicium. Ad dignoscenda autem indicia esse, vel non esse sufficientia, prudentis arbitrio diiudicandum est: huiusmodi autem regula dari potest: Quoties indicia non sunt proportionata ad tale iudicium, quoties videlicet indicia ex se, aut ex communi hominum usu sunt indifferentia, aut raro coniuncta cum tali effectu, dicuntur improporionata atque adeo insufficientia. Qui ergo cum his tantum, seu ex his connecturis, & indicibus, utpotè levibus, ac insufficientibus firmiter iudicat malum de proximo in re gravi, reus fit lethalis culpe.

793 A qua tamen excusatur, ignorantiz privilegio (uti etiam pro certo ab ea-

dem lethali culpa, & reatu liberat Tambur. l. c. nu. 10.) si temerè quidem iudicat, & in re gravi, de aliquo tamen sibi prorsus ignoto, ut in proposito privilegio. Et ratio est, quia sic, moraliter perinde est, ac si de nullo fieret iudicium: ait etiam idem Tambur. Addens, seu exemplificans in confirmationem, ut sequitur: *Videat quis v.g. Hominem de nocte caput habens pallio cooperatum; vel transeat per loca sibi ignota, incidatque in homines sibi nullo modo cognitos, hic si temerè iudices de illo, & de his, certè non peccat mortaliter, quia nemini facit injuriam. Quod si fortè deinde veniat in eorum notitiam, se gerere prudenter debet, nec nisi iuxta conjecturas iudicare. Et hoc idem privilegium admittit etiam cum Fagundez; Escobar in Summa Theol. Moralis tract. p. Examine 10. cap. 4. Ex Societatis Jesu Praxi, & Schola: dum ibi sic: Iudico temerè de aliquo indeterminato: aut de aliquo determinato, quem non agnosco, nec agnitus sum: nam lethaliter delinquam? Non; quia in hoc casu quasi nulli irrogatur injuria. Ex Fagundez.*

PRIVILEGIUM QUARTUM.

Qui ex ignorantia, & errore intellectus invincibilis, temerè iudicat de aliquo in re gravi, à lethali culpa excusatur.

794 **I**N re gravi dicit hoc privilegium, uti & præcedens, in re inquam, & materia gravi; vel in se, uti est quodcumque peccatum mortale inducens hic, & nunc infamiam: vel ratione circumstantiæ, & qualitatis personæ, ut si de viro probo, & gravi Religioso, Prælato, &c. iudicaret quis temerè, esse mendacem ex habitu, & nunquam dicere veritatem, esse vanum, levem in suis actionibus, &c. quæ res, & si sint defectus leves, & veniales, reddunt tamen personam talem contemptibilem, indignam muneribus Religiosis quibus decoratur, &c. eandemque hic, & nunc, infamem, atque adeo de ipsa sic ex levibus indicis temerè iudicare, lethale est: ut docent etiam Soto de Just. lib. 3. qu. 4. art. 3. Filliuc. tract. 40. cap. p. qu. 8. Dico secundo, n. 18. Trull. in Decal. 10. 2. lib. 7. cap. p. dub. p. n. 9. & alii apud ipsos: item Fagund. in Decal. 10. 2. lib. 8. cap. 11. n. 14. Versu, Secundo quia: ubi sic: Si de viro gravi, qui in excessu loco sedet, & in magna nobilitatis æstimatione est, ex levissimis indicibus iudicare, esse infamatorem aliorum, sine dubio peccatum erit mortale tale iudicium temerarium, quia si illud alteri manifestares, gravem illi in-

ferres injuriam, ergo etiam gravem illi inferi ita apud te iudicando, ut optime docet Soto, &c. E contra verò, licet spectata gravitate materiæ, absolute loquendo, peccatum mortiferum sit iudicium temerarium, respectu tamen alicujus personæ, veniale tantum judicabitur apud prudentes; ut si de Juvene aulico ex levissimis indicibus iudices habere turpes amores cum mulierculis: de milite, quod alios concutiat roboris ostendendi causa, aut quod duello interfuerit, & acceptaverit: hæc enim omnia licet sint, absolute loquendo, peccata mortalia, tamen respectu harum personarum hæc illis tribuere, & de illis iudicare, veniale tantum erit, ut docent Soto, & Fagund. l. l. c. c. Unde (ut optime etiam Trull. n. 9. c.) non omne peccatum mortale est materia gravis, quoad hunc effectum; quia non omne peccatum mortale notabiliter hic, & nunc infamat, ut dictum est. Universaliter igitur loquendo in hac materia, grave malum est illud, quod notabiliter infamat, & efficit malam æstimationem ita, ut propterea contemnatur, vel iudicetur indignus aliquo bono, cujus privatio notabile damnum illi inferat: ita cum Filliuc. & aliis idem Trull. n. 9. cit.

795 Et hinc inferes cum Fagund. n. 14. cit. non esse usquequaque veram Summiſtarum regulam, qua affirmant, iudicium temerarium tunc esse peccatum mortale, quando materia de qua habetur est mortalis; & veniale, quando est venialis: datur enim casus ex dictis, & Doctores allegatis, in quo iudicium temerarium de materia gravi, & mortali, est veniale tantum peccatum; & de materia levi, & veniali est mortale: ideo aptior, & certior regula, quæ in hoc dari potest, est infamia, & damnum quod inde sequitur, nam si hujusmodi infamia fuerit levis peccatum erit veniale, si gravis, erit mortale.

796 A quo etiam mortali excusatur error, seu ignorantia invincibilis intellectus, ut in proposito privilegio, & ut etiam docet Tambur. in Decal. lib. 11. cap. p. nu. 19. sic dicens: *Culpam mortalem vitat, qui errat errore intellectus invincibilis, putans illud iudicium esse certum, atque sufficiens: ita ipse. Qui præterea vult, raro lethaliter peccari per temerarium iudicium à viris maxime timoratis: Qui enim (inquit n. c.) nisi ex gravi odio, vel ex magna stultitia, certè iudicat ex indicibus non certis? Imò etiam hic stultus, culpam mortalem sapientissimi vitat; quia regulariter potius errat errore intellectus invincibilis, putans illud iudicium esse certum, atque sufficiens,*

sufficiens, quam ex prava voluntate. Et idem sentit (loquendo pariter de viris timoratis) *Dicaftillus lib. 2. tract. 2. d. 12. par. p. dub. 3. n. 35.* rarò videlicet lethali ter peccari per temerarium iudicium. Quod & optimè ante ipsos docuit *Molina de Just. tom. 4. tract. 4. disp. 13. nu. 4.* in quo licet collige Viros timoratos rarò incidere in culpam lethalem iudicii temerarii, esto sæpè patiantur sinistrae cogitationes. Ratio autem est, quoniam vel non perveniunt ad consensum voluntatis, vel certè si repentinus aliquis adit consensus, non est plene deliberatus, ac sufficiens ad culpam lethalem, esto rei, de qua est ea cogitatio, gravis sit. Unde hæc regula videtur statuenda. Quando timorati, præsertim scrupulosi, ejusmodi cogitationes sinistras de proximis suis patiuntur, & dubitant, an lethali ter peccaverint, interrogandi sunt, an si tunc adverterent, illud esse iudicium temerarium, ac peccatum, deliberata voluntate consentirent. Quod si neganter respondeant, censendum est, non peccasse lethali ter: quoniam vel nullus adfuit voluntatis consensus, sed rei peracta est solum intellectus, dæmone suggerente, & aciente eas cogitationes: non secus atque quando, Deo id permittente, excitat similes blasphemie cogitationes, aut sinistrae cogitationes adversus fidem, in quibus rarissimè est consensus deliberatus: vel scrupulis molestat timoratas animas, ut eas his omnibus viis ad amaritudinem perducatur, pacem anime perturbet, suavitatem Spiritus Sancti impediat, & devotionem, ac progressum in virtutibus. Vel certè; si aliquis repentinus adfuit consensus voluntatis, is non fuit plene deliberatus, ac sufficiens ad culpam lethalem, esto rei, de qua est ea cogitatio, gravis sit. Facilius verò in hac materia, quam in aliis, evenire potest consensus voluntatis non plene deliberatus, propter assuetudinem iudicandi intellectus de rebus oblati, voluntate applicante potentiam intellectus, & concurrente suo imperio cum illa ad iudicia. Unde, ut bene notat *Sotus 3. de Justit. qu. 4. art. 5.* quando aliquis contemplatione, aut recordatione rei alicujus, quasi rapitur ad sinistram de ea iudicandum, non est cur lethalem timeat culpam: eo quod defuit consensus plene deliberatus, qualis in materia hac ad culpam lethalem est necessarius. Quo loco observa Diabolum solere vexare valde, inquietosque reddere, atque perducere ad amaritudinem multos timoratos, ac scrupulosos, offendendo illis sinistrae cogitationes de suis proximis, statimque concutiendo ipsorum conscientias timore vano, quod in temerarium iudicium consenserint, peccaverintque lethali ter, & quod necesse sit ipsos de ea re confiteri. Cum tamen Diaboli intentum sit, pacem illorum tur-

bare, ad amaritudinemque illos perducere, ut inquieti, & amari, ejusmodique cogitationibus, ac sollicitudinibus implicati, devotionem, ac attentionem ad spiritualia amittant, illis non insistant; insipida illis reddantur, minoremque ad illa habeant applicationem. Quare curandum est, conscientias illorum juxta regulam propositam sedare, eisque persuadere, ea in re nullam esse culpam lethalem, sed id totum suggestionem esse Diaboli, ut eos perturbet, & ut que commemorata sunt, adversus ipsos obtineat. Quando autem sibi Confessarius persuaserit, in hujusmodi sinistrae cogitationibus non intervenire culpam lethalem, optimum consilium sæpè erit, præcipere ei, qui de illis confitentur, ut eis de rebus nec secum, nec cum quocumque alio confiteantur, esto Diaboli vano eo timore præstrepant. Interdum etiam sanum consilium est, confessiones de eis rebus ex illis audire, atque si aliud non confiteantur, quod absolutione indigeat, mittere illos absque absolutione ad Sacram sumendam Eucharistiam, quoniam interdum ita melius sedantur ipsorum conscientie, audacioreque fiunt ad ejusmodi vanos timores superandos, dum vident Confessarios, auditis ejusmodi scrupulis, eos parvipendere, mittereque eos ad Sacram Eucharistiam absque absolutione sumendam: hæc *Molina*: & ex ipso etiam *Jo: Angelus Bossus in suo Tract. de Scrupulis, §. 6. n. 124. & 125.* quem concludit affirmando, traditam *Moline* regulam servandam esse à Confessariis cum timoratis conscientie, & scrupulosi, nedum circa cogitationes temerarii iudicii, blasphemie, & infidelitatis, verum etiam rerum inhonestarum, vindictæ, & aliorum similium. Servanda insuper est hæc eadem regula (per *Toletum in Summa lib. 4. cap. 4. n. 3.*) à Confessariis cum scrupulosi, qui patiuntur innumera dubia contra res fidei, sed nimis involuntariè, & ex dæmonum suggestionem, quæ verè dubia non sunt, sed apprehensiones eorum, quæ sunt contra fidem. Et si patienter propter Deum ferantur, materia sunt magni, & continui meriti. Sunt enim (air idem) caminus ardens, in quo Deus aliquando suos fideles probari permittit, &c.

797 Hic obiter quæres, an omnia iudicia temeraria sint ejusdem speciei infimæ: respondeo affirmativè cum *Filliuce. to. 2. tract. 40. in VIII. Decalogi Præcept. cap. pr. n. 9. vers. Ex his inferitur. Diana Coord. to. p. tract. 7. ref. 165. n. 12. vers. In ref. 28. Ex p. 3. tr. 4. ref. 67. Fayand. in Decal. to. 2. lib. 8. cap. 11. n. 16. Sancio in Selectis disp. 3. nu. 10. vers. Nec opus est: & aliis. Ratio est, quia iudicia temeraria omnia sunt ejusdem*

eiusdem speciei, cum omnia offendant famam proximi sub una, eademque ratione formali infamandi illum, quamvis materialiter differant, prout sunt de diversis vitiis speciei distinctis, omnia enim inducunt unam, ac eandem rationem formalem offensivam famae. Et idemmet dic etiam de detractionibus, & contumeliis. Unde nec est necessarium explicanda in Confessione, per D. D. citatos, diversitas iudiciorum, & contumeliarum: hinc optimè Sancius l. c. sic: *Nec opus est poenitentibus quale iudicium fuerit, contra quam personam, fuerit ne Ecclesiastica, vel seculari, seu rem explicare, dicendo scilicet, iudicavi Joannem esse furem, vel fornicarium, aut haereticum, &c. In esse solum physico iudicia haec diversitatem habent, utpote circa diversa crimina; non verò in morali, cum contra iustitiam commutativam sint, prohibentem sub una specifica ratione, & atoma, famam alienam non ledi, tam internè per iudicium, quam externè per detractionem, aut contumeliam: ita Sancius, quem etiam refert, & sequitur Diana l. c.*

PRIVILEGIUM QUINTUM.

Qui ex errore, & ignorantia intellectus temerariè suspicatur grave malum de proximo, excusatur à culpa mortali.

798 **M**Alè suspicari de proximo dupliciter contingere potest ex Doctoribus communiter, vel ex errore intellectus, quo apprehendit illa signa, tanquam sufficientia ad suspicandum quamvis talia non sint. Vel non tam ex errore intellectus, quam ex pravo affectu, & malevolentia erga illum de quo suspicatur: *Less. de Just. libr. 2. cap. 29. dub. 3. n. 16. aliique.* Si priore modo ex errore, & ignorantia suspicetur malum de proximo, sic suspicans, à culpa mortali excusatur; quod privilegium ponit Petrus à S. Joseph in *Summula Casuum Conscientiae* cap. 8. de 8. *Decal. precep. art. p.* sub his verbis: *Qui ex errore intellectus temerariè suspicatur grave malum de proximo non peccat mortaliter. Secus si talis suspicio oritur ex pravo affectu, ita ut eam concipiens bene advertat indicia non sufficere ad suspicandum malum de proximo, & tamen velit tale quid suspicari, & in suspitione perseverare. Quae suspicio hic sumi solet, pro opinione, seu iudicio determinato, infirmo tamen, & cum formidine conjuncto. Eademque doctrina ad dubitationem applicari potest, ita scilicet, ut & si non peccet mortaliter, qui sine causa in re gravi dubitat de probitate proximi, si talis du-*

bitatio, seu suspensio assensus ex errore humano oriatur. Secus dicendum sit ex hypotesi quod dubitans, ex pravo affectu nolit judicare, eum esse virum probum; imò potius velit haerendo dubitare de probitate illius, & si non habeat sufficientia indicia ad talem dubitationem, aut savendam, aut concipiendam. Hoc enim adversatur juri quod quisq; habet, ut alii bene de illo sentiant: quando non suppetunt argumenta sufficientia aliter sentiendi. Haecenus dictus à S. Joseph. Et ante ipsum posuit pariter, approbavitq; propositum privilegium Less. l. c. n. 18. Ex D. Augustino tract. 90. in Joannem. Quod fecere & alii.

799 Sequitur hoc privilegium ex procedenti apertissimè. Nam si à culpa mortali excusatur qui ex ignorantia, & errore intellectus temerè judicat grave malum de proximo (ut ibidem) eo magis excusabitur qui ex errore, & ignorantia intellectus grave malum de proximo solum suspicatur, ut ex se patet. Quod privilegium praeterea probatur. Quia qui non ex malitia, sed ex imbecillitate iudicii, ex ignorantia, seu errore humano intellectus sic suspicatur, non censetur inferre proximo injuriam notabilem; nec censetur talis suspicio perfectè voluntaria, qua parte est temeraria: ergo. Adde cum Less. *dub. c. n. 20. vers. Tertiò probatur: & Fagund. in Decal. to. 2. lib. 8. cap. 11. n. 18. vers. Tertiò quia.* Quod quando suspicio non est ex malevolentia, sed ex ignorantia, seu humano errore intellectus, signa, seu indicia ex quibus suspicatur non carent omni ratione, verisimilitudine, & proportionem: longè enim pauciora, & minora requiruntur indicia ad suspicandum, quam ad iudicandum pro certo. Suspicio etenim ipsa non est nisi iudicium imbecillum, & vacillans, cui coniuncta est formido notabilis de opposito. Qui namque suspicatur, simul putat tacite, vel expresse se posse facile falli; qua in re multo minus injuriae proximo infertur, quam per iudicium, quo quis judicat rem vel omnino certam, vel ferè certam, ita ut vix falli possit.

800 Supponit privilegium hoc, quod suspicio temeraria, quae videlicet habetur ex levibus indicibus, sit peccatum mortale ex genere suo, & obiecto: & quando est de gravi scelere circa personam honestam, ut de haeresi, de incestu cum Matre, de prodicionem Civitatis, &c. quod affirmant Sylva in 2. 2. qu. 60. art. 3. (qui citat Bannez, & Aragonum) Saloñ. 2. 2. qu. 60. art. 3. *dub. 5.* Sotus de Just. lib. 3. qu. 4. art. 3. Molina de Just. to. 4. tr. 4. disp. 16. n. 10. Medina, Vilalabor,

Jalobos, Turrianus, & alii apud *Dianam* to. 8. Coord. tr. 3. ref. 13. n. p. ex p. 3. tr. 5. Msc. p. ref. 31. exilimantes, omnem suspitionem deliberatam de peccato mortali, esse mortale. Et ab hoc mortali dicimus nos excusare privilegium propositum.

801 An verò hujusmodi sententia probabilior sit sua contraria, ea videlicet quæ ex opposito affirmat, nullam omnino suspitionem esse ex suo genere peccatum mortale, sed tantum veniale; dico, hanc secundam oppositam probabiliorē esse sententiam, quam expressè docet *Cajet. in Summula Verbo Suspicio*: ibi enim sic: *Suspicio ambiguitatem quandam in seipso claudit, idcirco quandiu intra ambiguitatis latitudinem manet, quantumcumque crescat nunquam est indicium, quod definitivam determinationem sonat, ac per hoc quantumcumque suspicio sit temeraria, & vebemens, & estimatio firma, nunquam est peccatum mortale, quia non est judicium temerarium, sed estimatio temeraria: quia non intervenit tunc completè contemptus proximi, dum non prorumpitur in definitionem. Si enim proximum completè despicere, prorumperet in definitivam sententiam, & diceret in seipso, Ioannes est perverse mentis: & non diceret in seipso: Quantum mihi videtur, Ioannes est perverse mentis. Hoc enim est suspicantis, illud iudicantis. Unde iudicium temerarium de sceleris personali proximi, est peccatum mortale, suspicio autem temeraria quantumcumque vebemens, est peccatum veniale; ita Cajet. Ex idem docere videtur *D. Tho. 2. 2. quest. 60. art. 3. dum ibi ait ex Glossa*: Suspicionē vitare non possumus, quia homines sumus: iudicia tamen, id est definitiva, firmasque sententias continere debemus. Et *Quodl. 12. art. 34. ubi: Quod suspicio, si non sit ex odio, ex suo genere non est peccatum mortale, quia est imperfectus actus in genere iudicii. Et patet: Quia nullum iudicium juxta eundem D. Tho. & Cajet. citra certitudinem est peccatum mortale: at ista certitudo tollitur nedum per dubitationem, quæ in neutram partem declinat, sed etiam per suspitionem, & opinionem, quia & si suspicio, & opinio uni parti magis adhaereant, non tamen id fit sine formidine alterius: Igitur suspicio de re gravi si non habet assensum firmum, nunquam erit peccatum mortale. Et *P. Diana l. c. n. 2. absolute putat tenendam esse hanc sententiam. Quam uti probabiliorē docent etiam Jo: De la Cruz in Directorio, precepto 8. qu. p. dub. 2. conclus. 1. Summ. Armilla Verbo suspicio. Petrus Navarr. de resist. lib. 2. cap. 4. n. 454. Laym. in Theol. moral. lib. 3. tr. 3. par. 2. cap. 2. Assert. 3. n. 6. Fagund. l. c. n. 20. Trull. in***

Decal. to. 2. lib. 7. dub. 2. n. 4. alique plures apud eisdem, hanc eandem firmantes sententiam rationibus sequentibus.

802 *Primo*. Quia suspiciones de gravi malo non sunt iudicia, aut assensus firmi, nec opinativi, imò nec assensus proprii, sed improprie tantummodo, sunt enim vacillationes quædam circa propositum malum; ergo non sunt peccata mortalia: erunt tamen venialia, quia unusquisque hoc naturali jure gaudet, ut bonam retineat opinionem, quoadusque per legitima testimonia, & indicia, sua prodantur delicta: cum ergo hujusmodi suspiciones modo aliquo hoc jus naturale violent, modo etiam aliquo, & venialiter tantum injuriosæ erunt. *Secundo*. Quia apud prudentes viros non censetur gravis injuria, quod quis de alio suspicionem habeat, procedunt enim hujusmodi suspiciones ex humano errore, communes viris etiam probis, ac timoratis; hinc qui pro gravi injuria eas reputaret, irrationabilis esset omnino, & nimis in suo honore tuendo. Quod confirmatur, eo quia suspicio non est assensus, sed tantummodo concitatio quædam ad assensum, & iudicium. Manet ergo in mente suspicantis bona fama, & exilimatio proximi, licet leviter læsa, cum ea non privetur, nisi per contrarium assensum, & iudicium; ergo non erit suspicio peccatum mortale, licet sit veniale. Ex quibus putat *Diana n. 2. c. & cum ipso Trull. n. 4. c. multos poenitentes falsò, sed ignoranter se accusare de iudiciis temerariis; nam ut iudicium temerarium (ait) sit peccatum mortale, opus est primo, ut eliciatur sine sufficientibus indiciis. Secundo, ex plena deliberatione. Tertiò, certò, & sine ulla formidine, quæ omnia rarò (inquit) simul concurrunt in homine malè de proximo iudicante, & præsertim tertium requisitum; nam multi iudicant cum formidine alterius partis, & tunc non est iudicium temerarium mortale. Ità *Diana*. Et ante ipsum *Jo: De la Cruz qu. c. in fine*: pro confessionis iudicio, notat: Quod si poenitens est timoratus, nec habet consuetudinem temerarie iudicandi, nec est malitiosus, non illicè damnetur si dicit se iudicasse, aut suspicatum esse. Quia regulariter in his suspicio, aut iudicium provenit ex indeliberatione, maxime si sit melancholicus. At si poenitens non ita sit timoratus, sed habet consuetudinem temerarie iudicandi, timendum est ex plena deliberatione iudicasse, & mortaliter peccasse, ob pravam consuetudinem iudicandi: maxime si sit malitiosus, & malè affectus ad eum, de quo*

quo finistrè judicat. Sed Contra.

803 Dices primò. Si simplex suspicio non esset de se mortiferum peccatum, nec etiam mortiferum esset illam alteri manifestare; at hoc est falsum ex omnium consensu, ut affirmat *Salon. 2. 2. qu. 60. art. 3. Controvers. p. concl. p. apud Fagund. l. c. n. 17. ad finem.* Respondeo cum eodem *Fagund. n. 21. in fine;* mortiferum non esse suspensionem manifestare alteri, qui existimetur non plus mali apprehensus, quam in ea sit, quamvis gravis veniale peccatum sit, cum multo plura requirantur ad prodendam nostram suspensionem, quam ad illam apud nos retinendam, quia in prolatione illius invenitur detractio, detractio autem gravius feruntur, quam suspensiones.

804 Dices secundò. Injuria maior fit proximo, suspicando illum esse hereticum v. g. quam judicando eum esse fornicarium, & magis læditur, & contemnitur per illam suspensionem, quam per hoc iudicium, sed tale iudicium est peccatum mortale, ergo. Respondeo negando antecedens: per suspensionem namque non amittis tuam estimationem, nec graviter despiceris. Et si homines magis timent suspensionem de gravioribus, quam iudicium certum de minoribus criminibus, ideo est, quia inde sibi timent majus malum, utpote quia isti malevoli suspiciosi in aliquo insidiabuntur, & adversabuntur tibi: vel quia timent, quod saltem indirectè suas suspensiones aliis revelabunt: ita etiam *Jo: De la Cruz dub. 2. c. vers. Ad argumentum* Ubi reiecit dictum *Medina in Summa:* ut nimis scrupulosum, quod videlicet, qui habet bonam opinionem de aliquo, & ex levibus indiciis in re gravi deliberatè suspendit actum, peccet mortaliter, ut si censeras Petrum esse nobilem, & quia alius parvæ auctoritatis dixit esse de gente Judæorum suspendis actum. Hoc enim non videtur verum, cum majus sit suspicari quam dubitare, opinari, aut suspendere actum.

805 Dices tertio. Tunc habetur suspicio, quando aliquis jam non dubitat, nec suspensus est, sed propendet, & inclinat in alteram partem, licet assensum opinativum, & firmum nondum eliciat, & habeat: at vir quilibet bonus acriter ferret talem suspensionem de se haberi: ergo est peccatum lethale. Quod confirmari potest: Quia ob eam suspensionem, justam causam habet quis, ut amicitiam cum amico dissolvat, eumque de numero propriorum amicorum eiciat: causa autem quæ sufficiens est ad solvendam amicitiam cum aliquo,

est etiam sufficiens ad inducendum mortale peccatum: quod patet, quia qui dissolvit amicitiam cum aliquo, judicat hunc beneficiis, & officiis indignum, & sæpè etiam eundem odio habet, ac contemnit, quando autem ob rem aliquam grave damnum imminet alicui, & contemptus illius, ea res utique grave peccatum esse debet; igitur eum ex ea suspicione damnum grave proximo immineat, quale est eum beneficiis, & officiis indignum judicare, utique hujusmodi suspicio peccatum erit mortale. Respondeo cum *Fagund. l. c. nu. 21.* virum prudentem, & probum non laturum id graviter, ut superius ostensum est in secunda ratione. Nec similiter habere illum justam causam dissolvendi amicitiam cum amico, eo quia suspicio ex errore intellectus procedens non tollit ex natura, sua bonam alterius famam; nec ex vi illius consequitur odium, aut contemptus, sed ex iudicio certo tantummodo: quod si sequatur, ex malitia operantis id erit, non ex gravitate causæ, & natura suspensionis. Ex hæcenus dictis.

806 Deducitur primò. Nec temerariam dubitationem esse ex genere suo peccatum mortale, si enim suspicio temeraria non est (ut probatum est) ex sua natura peccatum mortale, multo minus erit dubitatio, quæ propriè tunc datur, cum animus suspensus est, & in neutram partem inclinat; suspicio verò, cum jam animus in alteram partem inclinat, sed vacillanter, & non per verum assensum, hinc si notabiliter famam proximi non offendimus per suspensionem, multo minus per dubitationem, seu animi suspensionem. Quod etiam expressè docent *Lessi. dub. 3. c. n. 28. Filline. to. 2. tract. 40. in 8. Decal. Precept. lib. 8. cap. p. qu. 6. n. 15.* & aliis ex supra citatis, cum quibus *Fagund. l. c. n. 22.* Et colligitur etiam ex *D. Tho. 2. 2. qu. 60. art. 3.* dum ibi dubitationem sub nomine suspensionis comprehendit, & affirmat veniale tantum peccatum esse, non mortale; levius tamen est veniale peccatum dubitationis, quam suspensionis, quia minus per dubitationem læditur fama proximi, quam per suspensionem, minus enim est dubitare, quam suspicari.

807 Deducitur secundò. Quod cum majus sit judicare quam suspicari, & hoc majus quam dubitare, & opinari; majora indicia requiruntur ad rectè judicandum, quam ad suspicandum, & adhuc majora ad rectè suspicandum, quam ad dubitandum: quare, si fide dignus refert se au-

dissol-

disse à fide dignis, alium bonæ famæ futurum esse, poteris suspicari, non judicare. Et si vir timoratus refert hoc de alio non ita bonæ famæ, potes judicare ita esse. At non si loquax, & mendax id referat de viro timorato. Imò non potes suspicari ita esse. Et potest tantum esse bonum nomen ejus de quo ista referuntur, & adeo infamis relator, ut nec dubitare possis. Si verò uterque sit bonæ famæ, attende (inquit Jo: de la Cruz qu. c. versu Nota primò, in fine) *circumstantias loci, temporis, &c. ut judices gravitatem indiciorum; & si utrinque apparent æquales rationes, suspende judicium.*

808 Deducitur tertio. Probabilius item esse nec opinionem temerariam esse ex genere suo, absolute loquendo, peccatum mortale, seu non esse mortale ex levibus indicii temerariè malum opinari de proximo: quod enim dictum fuit de temeraria suspitione; idem dicendum venit de temeraria opinione, cum neque hæc sit judicium animi firmum de malo proximi, consequenter non aptum generare malam existimationem illius in mente alterius, quia hoc ipso quod non judicatur res esse certa, non infertur absolute mala existimatio; & si tale judicium non est aptum generare malam existimationem, nec etiam erit secundum se grave malum, sique nec injuria gravis, nec peccatum grave, & mortale. Et ita expresse teneantur *Filliuc. cap. 6. qu. 7. n. 16. Lessi. n. 28. c. Fagund. l. c. n. 23. & alii: & videtur idem docere D. Thom. art. 3. cit. dum ibi comprehendere videtur judicium opinativum in suspitione, cum enim assensus opinativus semper habeatur cum formidine partis oppositæ, & non sit omnino firmus, & certus, ideo videtur voluisse illum sub suspitione comprehendere, de qua dicit S. Doctor esse tantum ex genere suo veniale.*

809 Deducitur quartò. Jus proximi non esse, ut nemo de illo ex levibus indicii male judicet, hoc enim jus proximus non habet, sed jus tantum habet, ut nemo de illo male judicet ex levibus indicii judicio certo, & sine formidine; non judicio opinativo, & cum formidine: neque enim proximus jus habet, ut de illo positivè bene judicemus, sed ne de illo positivè male judicemus, & qui de altero levibus indicii male opinatur, non judicat illum positivè esse malum, sed judicat negativè esse bonum: unde injustè, & irrationabiliter id ægè feret, qui graviter tulerit; & ita etiam *Fagund. l. c. n. 25. Sed*

tere decem florenos ex gr. quam per levissimam etiam causam apud unum, vel alterum bonum suum nomen, etiam negativè: igitur si amittere decem florenos res gravis est, erit & id de quo loquimur. Confirmatur, quia verè majus bonum est, ac nobilius, altiorisque ordinis, bonum nomen, bonaque fama, quam pecunia: ergo etiam levissima boni hominis, famæque jactura etiam negativa gravior erit, quam notabilis jactura pecuniæ. Respondeo: Amissionem boni nominis, & famæ de qua in argumento, ex se, & ex suo genere leve malum esse, nullumque effectum malum graviter post se trahere, atque adeo nullus hominum prudenter eligeret amittere potius decem florenos, quam illam pati. Et ratio est clara ex superius repetitè etiam dictis: Quia simpliciter tantum, ex levibusque indicii, suspicari malum de proximo, seu judicium sinistrum, non tamen firmum nec certum de illo ferre, non est læsio nisi levis, imperfecta, &c. consequenter nullum grave malum, nullumque malum infert effectum. Adde quod talis suspicio, ac judicium non firmum oritur ex nostra humana fragilitate, adversus etiam quoscumque, vel Sanctissimos Viros, juxta illud *D. Augustini, relati à S. Tho. art. 3. c. Suspicionem vitare non possumus, quia homines sumus*: ob idque non debet judicari prudenter notabilem læsionem asserre. Ad confirmationem dico: esse quidem famam ex se altioris ordinis, tamen in suo ordine posse esse quandoque levem, ac propterea ejus ablationem sic non esse mortalem. Adde, cum *Tambur. in Decal. lib. 9. cap. p. nu. 18.* In hujusmodi rebus moralibus non valere argumentum ab uno ordine ad aliud: aliter modicissime lædere in honore per levissimam injuriam mortale esset, eo quia honor est ex se nobilioris ordinis, quam sint bona omnia temporalia.

811 Pro timoratis autem, & scrupulosi; Adverto hic cum *Molina de Just. to. 4. tract. 4. disp. 14.* (quod etiam observant *D. Tho. 2. 2. qu. 60. art. 4. ad 3. Cajet. ibi. Sotus lib. 3. de Just. qu. 4. art. 4. ad 3. argument. & communiter Doctores*) in hac re de judicio, & suspitione temerariis, ante mentis oculos habendum esse: aliud esse timere aliquid sinistrum de proximo ad damna vitanda, quæ possent inde sequi, aut ad remedium, vel medicinam adhibendam, etiam culpam puniendo si aliqua intervenisset: aliud verò judicare, & statuere sinistrum quid de proximo. Sæpè enim quando temeritas esset, statuere, ac

judicare tale quid de proximo, eo quia indicia sufficientia non adsunt ad id judicandum, fas, prudentiaque erit id timere, aut id supponere (ait D. Tho.) ac si esset, ad damna vitanda, vel ad medicinam, aut remedium adhibendum. Imò licebit inquirere, expendere, & examinare indicia, nil tamen temere statuendo, ac definiendo, seu judicando, sed solum inquirendo, & expendendo indicia ipsa quoad eorum probabilitatem: an videlicet juxta ea id esse, aut non esse possit, ut damna vitentur, aut remedium, vel medicina, debitaque poena adhibeantur. Ex. gr. Hominem vides, quem suus habitus, aspectus, opera, ac verba subindicant esse furem, & si non debeas sententia definitiva id credere, neque etiam suspicari ad nocendum, licet tamen, atque prudentia est, timere ne forte fur sit, eaque de causa licet etiam tibi domum tuam illi non credere, neque cum in domum tuam recipere. Imò esto nullum indicium, ac inductivum videas, unde suspicari possis illum furem esse, fas tamen, atque prudentia est, accipere marsupium, illudque in secretiori, ac tutiori loco reponere, ne forte sit fur. Item filiam habes Virginem, de qua, aut de proximo non licet judicare, vel statuere quid finistrum, dum non adsunt aperta, sufficientiaque indicia, quæ id omnino persuadeant, fas erit tamen tibi, prohibere, ac impedire illius colloquium cum aliquo præsertim juvene, non solum quando aliquod est indicium licet leve, alicujus mali, sed etiam quando nullum est tale indicium: prudenter timendo, ac præcavendo mala, quæ inde evenire possent. Et sic in aliis similibus, innumerisque casibus.

PRIVILEGIUM SEXTUM.

Ignorantia invincibilis rei in se spectata, excusat à culpa Judicem sententiam ferentem, juxta conscientie propriæ veritatem, quæ sibi tanquam Judici, & persone publicæ innotebit (quæ quidem illa esse videtur, quæ in actû legitimum constat) licet non ita sit à parte rei, & in rei veritate, ut existimatur, ac per sententiam definitur.

812 **P**rocedit privilegium de veritate, quam Judex sequi tenetur tam in causis Civilibus, quam in Criminalibus. Pro cuius etiam privilegii intelligentia supponendum est primum: Ignorantiam de qua in ipso non opponi scientiæ, quæ necessaria est ad judicandum cuicumque Judici si-

ve Ecclesiastico, sive seculari, & aded necessaria, ut sine illa acitaturum judicium temerarium sit: Et aded inquam necessaria ut Judex qui officium Judicis Ecclesiastici, vel secularis acceptat sine debita, & sufficienti scientia, sit in statu peccati mortalis, & sub mortali teneatur officium relinquere: secus absolvendus non sit, quod probatione non indiget, cum natura ipsa dicet, & hoc teneant Doctores omnes uti certum, ac manifestum. Unde jure Canonico, atque Civili statutum est (ut videre est apud ipsos, præcipue *Mirandum de Ordine Judiciali qu. 3. art. 7.*) ut ad præsecuturas, sive judicandi munus non assumantur, nisi viri pollentes scientia, & litterarum peritia. Et ex sacris etiam litteris idem deducitur, ut ex illo *Psal. 2. Erudimini qui judicatis terram: Ecclesiastici 18. Ante judicium para justitiam tibi: & antequam loquaris disce: item Ecclesiastici 10. Judex sapiens judicabit populum suum. Jeremie 3. Dabo vobis Pastores juxta cor meum, & pascet vos scientia, & doctrina, & alibi. Accedit ratio ipsa naturalis. Quomodo enim justè, quod justum est poterit judicare, qui judicandi laborat incertia? Hinc *S. Doctor in supplemento 3. partii qu. 36. in Corp. ait: Qui aliis preponuntur, scient ea, quæ ad executionem sui ordinis spectant. Et hinc etiam est commune dictum illud (pro quo etiam idem *S. Doctor. p. 2. qu. 76. art. 3. & Didacus Seroi in suo tract. inscripto Lucæ Prælatorum par. p. præmiali cap. 4. nu. 14.) Singuli tenentur scire ea, quæ ad eorum statum, & officium spectant.***

813 Circa quod tamen dictum, in gratiam Judicium refero verba Joannis Francisci Girago 3. p. dub. 4. n. 24. quæ sunt sequentia apud Franciscum de S. Juliano in suo *Tribunali Regulari cap. 7. Advertentia 5. §. 2. n. 9. pag. mibi 254. Semper mibi visum fuit durum, illud commune dictum, quolibet teneri sub mortali illa scire, quæ ad proprium statum, ac officium pertinent, eo quod passim videamus multos evedi ad dignitates, officiaque Judicis, ac Confessorii, non pollentes tanta scientia, ac doctrina, ut dici possit, omnia ad rectè gerendum munus assumptum, eos non ignorare. Imò cum ferè videatur impossibile, communiter loquendo, ut homines præsertim Confessarii (quibus ego addo Prælatos, & Judices) attingant ad omnia, quæ de ratione sui officii, sunt attingibilia, affirmare, quod sint in malo statu, temerarium fortè erit; quia etiam opus esset affirmare, quod omnes Christiani, non essent tuti in conscientia, eo quod pauci videantur esse in Christiana doctrina*

na ita versati, ut in quibus possunt delinquere, non ignorent, cum penè infinita sint: ita dictus Girago: qui etiam pro hac sententia plures Doctores citat: cui sententiae accedere videntur *Sancti. lib. p. in Decal. cap. 16. nu. 27. & Azor. to. p. libr. p. cap. 16. qu. 5.* (quos etiam refert, & sequitur *Palao par. p. tract. 2. disp. p. punc. 15. n. 6. vers. Dubitatione tamen, in fine*) dum concedere videntur ignorantiam inculpabilem, seu invincibilem rerum etiam proprium officium, & statum spectantium, sed raro invincibilem esse (ait *Palao*) quia raro definit quis advertere, se ratione officii aliquibus obligationibus teneri, quæ cognitio sufficienter viam aperit investigandi obligationem, consequenter, &c. At de huiusmodi inquam ignorantia, ad officium videlicet Judicis, ac ejusdem peritiam spectante, seu ad judicariam scientiam ipsius pertinente, vel potius debitæ eidem scientiæ se opponente, haud loquitur, nec intendit propositum privilegium, ut supra, sed de ignorantia ipsa rei in se, & à parte, ut infra.

814 Supponendum secundò. Judicem in judicando, ac sententiam ferendo debere utique sequi veritatem, eandemque servare, juxta illud *Zacharie 7. Ait Dominus, judicium verum judicate*: Et omni studio, atque conatu illam inquirere, quia *Judicia Dei* (cujus vices gerit ipse Judex) vera sunt, ac justificata in semetipsa: Et quidem, rectam ne sententiam proferet ipse Judex: nisi veritatem illius de quo controversia est, perfectè cognoverit: illamque fuerit in judicando consequutus? Veritas, autem quæ ad judicium requiritur, & quæ ad propositum privilegium videtur attinere duplex est: Una est veritas ipsius rei in se, ita ut quod asseritur, id sit à parte rei. Altera est veritas notitiæ, seu scientiæ, vel conscientiæ; & hæc est, cum id quod asseritur sic utique existimatur, seu cognoscitur, licet tamen in rei veritate non sit ita; & hæc rei veritas quandoque ita occulta est, ut nec indagari possit, & soli Deo cognita sit: *Sayr. in Clavi Reg. l. 12. cap. 18. n. p. & 2. Didacus Scroi l. 1. cap. 3. n. 8.* Certum autem est (inquit *Sayr.*, & cum ipso idem *Scroi*) Judicem in judicando non teneri semper sequi veritatem rei, cum aliquando hæc (ut dixi, & ita est) sit occulta, Deo soli cognita, nec haberi possit, unde sequi debet veritatem notitiæ, & scientiæ, seu conscientiæ. Et si sic.

815 Certum est propositum privilegium, & ratio est clara, ac evidens ex suppositis. Nam si in judicando non attenditur sem-

per ad rei veritatem, cum aliquando hæc sit occulta, atque adeo tunc invincibiliter ignoretur: tunc etiam à culpa excusabitur Judex sententiam suam ferendo, etiam si hæc à parte rei, & materialiter non sit secundum veritatem: sufficiens enim quod sit secundum conscientiam, & processum ritè, & rectè fabricatum: Ergo &c. Et addo, quod nedum à culpa quandoque excusatur Judex ob ignorantiam, ut in privilegio, verum etiam ab excommunicatione, & censura, ita *P. Vericelli in suis Qq. Moribus, & Legalib. tract. 8. qu. pr. n. 15.* Ubi querens, An Violator Ecclesiasticæ immunitatis aliquando excusetur à censuris: sic concludit (quod facit ut patet ad præsens nostrum propositum.) Excusantur tamen Judices ob ignorantiam eam non servantem, neque excommunicationem incurrunt, nam rationabiliter putare possunt ex aliqua causa sibi ignota id fieri posse: pro qua re citat *Valent. to. 3. disp. 7. punc. 8. Reginald. lib. 13. n. 247. Salas de legib. disp. 19. sec. 4. n. 43. & par. 2. qu. 21. trac. 8. disp. unic. n. 169. Azor. to. pr. lib. 2. cap. 19. qu. 12. Dianam par. pr. tract. 10. resol. 3. & p. 4. tract. 3. resol. 14. & 22. Duval. par. 2. tract. de legib. qu. 7. art. 2. Bassæum verbo Consuetudo n. 16.*

816 Hic autem obiter adverto cum, *Sayro l. c. & aliis*: quod veritas scientiæ, seu conscientiæ triplex est; Una cum quis novit aliquid veluti Dei Minister in Sacramentali Confessione. Altera cum quis aliquid novit ut persona privata. Tertia cum quis aliquid novit ut persona publica, videlicet per duos, vel plures testes informatos, per semiplenas probationes, per instrumenta, per indicia, & conjecturas, & aliis modis arbitrariis judici in processu ritè formato. Veritas, quam quis in Sacramentali Confessione cognovit, non est attendenda, nec sequenda, quia hæc extra conscientiæ forum revelari non potest *Cap. Omnis utriusque sexus de penis. & remissi. & cap. Si Sacerdos, de Offic. Judic. Ordinarii*. Immo revelando grande sacrilegium committeret. Nec etiam veritas quam Judex novit ut persona privata attendi debet: *cap. Non prohibeas de consecrat. dist. 2.* Non enim Judex in judicando sequi debet veritatem quam habet ut privatus, relinquendo veritatem quam habet ut Judex, quia Judex quæcumque ut Judex non cognoscit, ignorat: *Navar. Consil. unico de Offic. Judic. n. 5.* Nam scientia privata non pertinet ad Judicem, qui ex publicis documentis judicare debet.

817 Veritatem igitur illam sequi tenetur,

tur, tam in causis civilibus, quam criminalibus, quæ sibi tamquam Judici, & personæ publicæ innotescit, quæ quidem illa esse videtur, quæ in actis legitimis constat, licet contrarium ipse tamquam privatus esse certo cognoscat. Unde in iudicio condemnare potest eum, quem scit innocentem ut privatus, si legitimè convictus sit. Et quamvis Iudex iudicare debeat secundum veritatem. *Deuteron. cap. 17. & cap. Venerabilem qui filii sint legitimi*: hoc tamen procedit quando falsitas testium, vel instrumentorum eidem iudici ut iudici patet; non autem cum eidem ut privato constat; quia hoc esset perniciosum Reipublicæ: & Iudex iudicans ex allegatis, & probatis adversus privatam scientiam, iudicat secundum veritatem. Iudex enim in iudicando non fungitur autoritate privata, sed publica, unde iudicare debet juxta ea, quæ per scientiam publicam sibi constant, & per consequens, ut Iudex est, & non ut privatus. Sed de hac re Doctores in 8. *Decal. Præcept. in Tractatib. Criminalib. De Iudice, & alibi.*

PRIVILEGIUM SEPTIMUM.

Qui de crimine occulto, quod non potest probare, alterum accusat, si ex ignorantia inculpabili putet illud probare posse, à peccato mortali excusatur.

818 **H**Ec tria inter se distinguuntur, denunciatio Evangelica, denunciatio juridica, & accusatio: Evangelica enim denunciatio fit Superiori tamquam Patri, non in punitionem delicti, sed tantum in emendam delinquentis. De qua re Doctores agentes de correctione fraterna. Denunciatio autem juridica fit juxta ad delicti punitionem, sine obligatione tamen probandi delictum. Potest hæc fieri sine scriptis: nec tenetur denunciare se offerre ad pœnam talionis. Accusatio verò fieri debet in scriptis, cum obligatione probandi delictum, & subeundi pœnam talionis, ideò parem pœnam si criminem probare nequeat. Verum, & si hoc aliàs, etiam in foro Civili observatum fuerit, nunc tamen non observatur; cum enim fit pœna humana, per dissuetudinem (ut notat etiam Trull. in *Decal. to. 2. lib. 8. cap. 2. dub. p. n. 20.*) vim amisit *In foro Seculari*: cum quia dura, & atrox; tum quia iudices eam non exequuntur. Quamquam non propterea Accusator in probationibus deficiens à pœna talionis omnino

liber evadit: cum Iudex interdum similem pœnam ei imponere soleat, ut plurimum verò mitiorem: quando scilicet bona fide, & non calumniandi animo processit. Dixi *In foro Seculari*, nam in foro Ecclesiastico, ubi servatur jus Canonicum, necessaria est, ut colligitur ex *Cap. Qualiter, & quando, secundo de accusationib. Lessi. lib. 2. cap. 30. dub. p. n. 9. Trull. nu. 10. c.* & hodie stante *Bulla Pii V. In ordine V. in Bullario Romano to. 2. fol. mibi 135. §. 14. in fine*, pœna talionis est innovata: Voluit enim, & mandavit: *Per calumniam denunciante ad pœnam talionis teneri.* Incluiditur autem denunciatio juridica sub accusatione, ideoque & si hæc in rigore ab accusatione distinguatur, passim tamen invicem confunduntur, & pro eodem usurpantur: nam ambæ conveniunt in fine, & eo tendunt, ut delicta ob bonum publicum puniantur.

819 Accusatio autem est delatio criminis (seu Rei de crimine) ad Judicem libello facta, ad vindictam publicam, cum obligatione probandi delictum. Ità communiter D.D. finis namque accusationis est vindicta publica ad exemplum populi, ut omnes sibi caveant. Ad quam accusationem sex requirunt de jure communi Doctores: videantur apud *Lessi. Trullench. l. 1. c. c.* & apud alios. Quamque licitam esse (factam tamen servatis servandis) certum est nedum, verum etiam hoc esse de fide exillimat apud *Trull. cap. c. dub. 2. n. p. Salom. 2. 2. qu. 68. art. p. quod probat ex cap. 5. Levitic. Si peccaverit anima, &c.* Et ex communi usu, & approbatione Conciliorum, & juris, in quo habentur varii tituli de accusationibus. Ratio est, quia accusatio est actus virtutis justitiæ: nam est vindicta injuriarum ex publica autoritate: igitur si debitis cum circumstantiis fiat, licita erit. Cavendum tamen maxime est (inquit optimè *Sayr. in Clavi Regia lib. 12. cap. 14. Dub. p. n. 2. Vers. Vera tamen, & cum ipso Trull. n. 1. c.*) ne quis ex odio interno, vel alia perversa passione accuset. Unde quia ab odio legis vindictam petit, actum virtutis justitiæ exercet.

820 Ad quem etiam actum potest homo quandoque sub mortali peccato teneri; quando videlicet crimen est contra bonum commune, ità ut gravior noceat Reipublicæ, aut communitati, tunc enim tenetur homo ad accusandum si illud sufficienti testimonio probare possit, *D. Tbo. 2. 2. qu. 68. art. p. ibi enim: Si crimen fuerit tale, quod vergat in detrimentum Reipublicæ, tenetur homo ad accusationem, dummodo sufficien-*

ter possit probare, quod pertinet ad officium accusatoris, puta, cum peccatum alicujus vergit in multitudinis corruptelam corporalem, seu spirituales: & idem docent communiter Doctores apud Trull. l. c. n. 2. affirmantes teneri hominem, si crimen graviter noceat communi, & probare possit, ad accusandum, seu minus ad denunciandum, etiam si promississet secretum cum juramento, modo non sit secretum confessionis. Notat tamen idem Trull. eodem n. 2. cum Soto, Rodriq. & Villalobos: hoc in casu tutum etiam esse in conscientia, & si accusator probare possit, non teneri ad accusandum, sed sufficere si juridicè denunciaret. Ratio est, quia sæpe testes retrahuntur, & recedunt a testimonio ferendo; consequenter accusator in tali casu deficeret à probatione, & puniretur à Judice. Si autem sufficientem probationem non possit adhibere (prosequitur S. Doctor l. c.) non tenetur ad intentandum accusationem, quia ad hoc nullus tenetur, quod non potest debito modo perficere. Hinc neminem teneri ad accusandum, nisi probare possit, affirmant communiter, & docent absolute. Sayr. l. c. dub. 2. nu. 10. Versu Ad secundum.

821 Quod adeo verum est, ut Jo: De la Cruz, in Direct. Conscient. in 8. Decal. Præcept. qu. 3. art. 2. Conclus. 4. n. 4. asserat: Qui accusat alterum de crimine occulto, quod non potest in Judicio probare, peccat mortaliter, & restituit accusato damna secuta. Nisi ex ignorantia inculpabili excusetur putans posse illud probare: hoc autem ad litteram est nostrum propositum privilegium, ut patet: ergo.

822 An verò hæresis crimen quod spectat ad Sanctiss. Inquisitionis Tribunal, & si sit adeo occultum ut nullo modo probari possit, teneamur nihilominus illud Sacro eidem Tribunali revelare, & delinquentem denunciare? Respondeo affirmative cum communi Doctorum sententia, quam tuerur Cardinalis in C. Si peccaveris 2. q. 2. n. 29. Sotus de Just. lib. 5. qu. 5. art. p. Carena de Sanctissima Inquisi. part. 2. tit. 9. §. 5. n. 22. Sanctiarelus De Hæresi cap. 9. n. 10. Farinacius De Hæresi qu. 197. §. 2. num. 36. & alii, quos citat, & sequitur P. Del Bene De Offic. S. Inquisi. par. p. dub. 15. n. 3. apud quem Suarez de fide, disp. 20. sec. 4. n. 7. inquit: Quod quilibet sub peccato mortali tenetur revelare hæreticum, quamvis qui revelat, ipse solus sciverit eum esse hæreticum, subditque quod sit communis, & certa sententia Doctorum: & Farinac. n. 36. c. in fine, testatur, quod

sic passim receptum sit, & servatur in supremo totius Christianæ generalis, & Sanctæ Romanæ Inquisitionis Tribunali. Accedit etiam Tolet. in Summ. lib. 4. cap. 5. n. p. Qui enim sciunt (inquit) Aliquem esse hæreticum pertinacem, sive secretum, sive publicum, sub mortali peccato tenentur revelare, & denunciare Inquisitoribus; non denuncians incurrat excommunicationem sæpe ab Inquisitoribus impositam. Dixi tamen, pertinacem; cum enim constet, aut probabile est non esse pertinaciam, sed talem hominem errare ex ignorantia: non est statim denunciandum, sed est semel admonendus: quam admonitionem si spernit, jam visus est pertinax, & denunciandus.

823 Probatur autem responsio, tum ex Sanctissimæ Inquisitionis praxi, tum ex communi autoritate Doctorum, quos vide latissimè allegatos à Sanctiarello n. 10. c. à P. Del Bene eodem n. 3. c. à P. Pistacchio De Superstitione cap. 8. nu. 2. & ab aliis. Tum quia talis denunciatio est maximè Reipublicæ necessaria, & ipsimet delinquenti, ergo ad illam tenemur: consequentia sequitur: antecedens probatur quoad primam partem, quia per denunciationem impeditur ne hæresis serpat, & alios inficiat: & facta denunciazione, Judex (ut rectè Doctores infra) potest procedere ad inquirendum de ipso delinquenti, & recipere ipsum denunciantem in testem criminis commissi, cum testimonium ejus sufficiens esse non possit: si quidem crimen illud non est commissum, in offensam, vel injuriam denunciantis, sed in Creatoris contumeliam, & punitio non tam cedit in commodum denunciantis, quam aliorum. Quo vero ad posteriorem partem, probatur etiam idem antecedens: nam hæreticus, & delinquens (quamvis occultè hæresim manifestet) sciens esse denunciandum, continebitur à crimine, timens correctionem, & supplicium: ergo etiam ipsimet delinquenti denunciatio est utilis, quia sic continetur à peccato committendo, & à peccato commissio via hac revocari potest. Sed

824 Dices. In eadem causa idem nequit esse simul actor, seu accusator, & testis ex probatis per Bordon. p. 3. Resol. ref. 101. q. 9. n. 52. & ref. 103. n. 83. Peyr. in Formul. lit. D. Cap. 2. Not. 7. nu. 9. & per alios ac per Jura (apud eosdem) ex quibus expresse habetur, quod Judex, & accusator sint inhabiles, quod possint simul esse testes: ergo neque esse potest idem simul denunciator, & testis: Peyr. l. c. cum Cajet. Valent. Abbate, Arragon. & Maldero. Ergo non rectè

rectè dicitur in probatione responsionis, quod Iudex possit procedere contra delinquentem assumendo denunciantem ipsum in testem criminis commissi. Denunciator enim idem est ac accusator, & uterq; tenetur probare querelam per medium à se distinctum, ipse enim non probat per se, sed per testes: & ad iudicium rectum quatuor personæ requiruntur, Actor scilicet, Iudex, testis, & reus; neque ullus horum potest duorum personam agere, vel in eadem causa duplex officium habere. Adde quod præsumptio stat contra denunciantem instantem, ut denunciatus puniatur, ergo non potest esse testis, cum eadem præsumptio vigeat contra ipsum, non enim ex diversitate officiorum mutatur affectus præsumptus contra denunciatum.

825 Respondeo cum *Bordono ref. 101. c. nu. 53.* & cum aliis infra, quod eadem persona, quæ denunciat, assumi potest ut testis in eadem causa, quando aliquo edicto, & sub pœnis quis cogitur ad revelandum ea, quæ scit contra aliquem: ita ut denunciando, prosequatur non propriam, sed communem toti Reipublicæ causam: tunc enim ratio nulla suadere potest Iudicem, denunciatores, esse, vel præsumi debere malè affectum contra denunciatum, sed præsumere debet delictum proximi sui revelare, compellente conscientia, ut præcepto satisfaciatur, sicque pœnam evitet sive corporalem, sive spirituales: item præsumere debet, quod intendat denunciator decretis, præceptisque obedire, ut bono publico consulatur, &c. hinc assumi etiam potest ut testis. Quod etiam communiter probatur ex *Cap. 4. In omni negotio. De testib. & attestationib. Tit. 20.* ubi dicitur id expressè his verbis: *Principalis persona dicens veritatem de re sibi nota, rectissime habenda est pro teste, cui adhibito uno efficiuntur duo testes: ibique Paschalis Papa ex Evangelio id probat. Adhibe tecum unum, vel duos testes, ut in ore duorum, vel trium testimonium stet omne verbum.* Igitur corripens fratrem suum per denunciationem computatur inter testes, aliter in ore duorum, vel trium testimonium non itaret omne verbum. Et *Glossa ipsa in principio*, ait: *Quod, In hoc Capitulo traditur forma secundum quam debet aliquis denunciare crimen alterius.* Unde *Navarrius in Man. cap. 25. n. 33. in fine*: sic: *Dicitur posse probare, si habet unum testem integrum: quia denunciator in hoc iudicio locum alterius testis tenet. Cap. In omni, de testib.*

826 Confirmatur, quia distinctio personalis denunciatoris à teste non est de jure

naturali, aut gentium: nec etiam de jure divino, ut docet *Lessi. lib. 2. cap. 30. dub. 4. n. 29. & 30.* & cum ipso *Bordono. n. 53. c.* ubi & alios allegat. Nam *Deuteronom. 17. & 19.* non requiritur accusator à teste distinctus, ut possit quis condemnari ad mortem; & *Matth. 18. 15.* qui corripit fratrem, & postea illum denunciat Ecclesie, testis vocatur, & pro teste etiam habetur: quod patet ex ipsius Domini verbis, dum ait: *Corripe eum inter te, & ipsum solum. Si te non audierit, adhibe tecum adhuc unum, vel duos, ut in ore duorum, vel trium testimonium stet omne verbum.* Si enim unum adhibes, jam esis duo testes: si duos, esis tres: ipse ergo, qui accusat, vel denunciat, testis est, si deponat eo modo, quo testis debet: & satis unum huic accedere: hinc patet *Jure Divino* non fuisse necessariarios duos testes, præter accusatorem, vel denunciatores; sed unum fuisse satis, si ipse ut testis poterat deponere. Et satis esse loquendo de denunciatione in causis Sancti Officii, & denunciatione hæretici; præterquam quod id constat ex generalissima consuetudine Sanctissimæ Inquisitionis, in qua denunciator quoad reum habetur etiam loco testis, & in testem assumitur à Iudice (ut notant *Simancha tit. 19. n. 17. & tit. 64. n. 55. Catholic. Justit. Palao p. p. n. 4. disp. 8. punc. 3. nu. p.* & ex ipsis etiam *Carena de Inquisit. par. 3. tit. p. f. 3. nu. 20.* Unde si calumniator appareat ipse denunciator, inquit *Palao n. 1. c.* puniendus erit, ut falsus testis puniri solet) id etiam docent *Repertorium Inquisit. in verbo Accusatio, vers. Sed utrum idem, Farinat. de beneficiis 185. n. 32. & 65. Sousa lib. 2. cap. 4. n. 2. advertens nu. 8.* quod denunciator non tenetur probare suam denunciationem, sed sufficit ei dicere, se denunciare zelo fidei, vel metu pœnæ: ita ipse aliis citatis. Et hinc est, quod quando denunciator cogitur sub pœnis ad denunciandum, & revelandum, (ut in casu nostro) assumi etiam potest in testem, ut supra. Quando vero solum admonetur, & non obligatur à superiore ad denunciandum, in hoc casu si denunciat spontè, comparatur cum accusatore, consequenter non potest assumi in testem, quia contra eum præsumi potest denunciaisse non zelo justitiæ, sed aliquo interesse: ita etiam *Bordono. ref. 101. c. n. 56.* At quia in causis Sancti Officii denunciator cogitur, habetur loco testis, qui per se probat, in quantum onus nullum habet probandi quod deponit in S. Officio, cum id munus spectet ad Iudicem providendo sibi de probationibus:

bus: idem *Bordon. ref. c. n. 53. in fine, cum Carena §. 3. c. in princip. n. 19. ubi: Cum denunciante non subeat onus in se probandi, sed Judici omne onus remittat. Pegna, Farinac. Ludovicus à Paramo, Palao, Sousa apud eundem Carenam; aliiq; ex superius etiam allegatis.*

827 Non obstat igitur traditæ nostræ resolutioni, ac doctrinæ lata differentia, quæ asseritur inter accusatorem, & denunciatores: accusator namque quatenus talis, ut communiter allegati, præsertim *Bordon. l. c. num. 54. ordinariè prosequitur suam, aut suorum causam, punitionem sui inimici præcipuè intendendo, consequenter cum præsumitur procedere potius ex odio, quam iustitiæ zelo, non dicitur fidem habere apud Judicem, consequenter neque in propria causa testis vicem gerere potest, cum nemo in propria causa præsumatur testis idoneus; & neque in causa communi, quando agitur principaliter de ejus interesse, ex probatis per eundem Bordon. ref. 103. nu. 114. unde per testes propositam querelam probare debet. At Denunciator, in casu nostro, nullam prosequitur causam propriam, sed communem toti Reipublicæ, hinc nulla ratio valet suadere Judicem, denunciatores præsumi malè affectum esse contra denunciatum, sed sui proximi delictum revelare, conscientia propria impellente, ut præcepto satisfaciatur, & penam tum spiritualement, tum temporalem evitet, ut etiam supra diximus. Hinc patet quod denunciator cogitur ad denunciandum, & revelandum: accusator verò à nemine cogitur, sed spontè sua agit ad delinquentis punitionem: denunciator intendit obedire, ut bono publico consulatur: accusator spontè agit, ut injuria sibi illata à Judice vindicetur; ac per hoc inde etiam differt denunciator ab accusatore, quod ille non habet onus probandi per tertium, idcirco seipso probat: iste verò onus habet probandi per tertium, neque reicit onus in Judicem, uti facit denunciator, cui per denunciationem simul testificari sufficit; quæ omnia sequuntur ex dictis, & recenset *Bord. n. c. 54. Sed contra**

828 Inistabis *Ex Umberto Locato in Praxi Judicialia Inquisitionum, verbo Denunciatio in princip. & Repertorio Inquisitor. Verbo eodem, Versu Anro ipso. Qui denunciat debet suam denunciationem probare, & ei assistere, cum talis loco accusatoris habeatur: ff. ad Turpillian. l. ab accusatione, §. enunciatores, arg. C. de edendo l. qui accusare,*

Et eo ipso quod denunciator non probet, convincatur propterea de calumnia, Abbas in cap. dilectus de calumn. ergo. Respondeo cum *P. Del Bene dub. 15. cit. nu. 8. E*sto etiam deberet de jure denunciator probare denunciationem, de consuetudine tamen, contrarium servatur, ex cap. Super bis, de accusatione. Et merito, nam dicit Denunciator, se delictum manifestare morus zelo boni communis, quod præsertim in delicto hæresis locum habet, ob ejusdem gravitatem, & communis damni periculum. Et hoc idem est quod docet *Eymericus in Director. Inquisitor. par. 3. Rubr. De secundo modo procedendi in causa fidei per denunciationem, n. 68. in princip. fol. mibi 283. dum ibi asserit: quod in denunciatione non est necesse, quod denunciatus offerat se probaturum, vel velle facere partem in judicio, sed sufficit dicere, quod solum denunciatur vel zelo fidei, vel timore pœnæ contra, non denunciantes instigat. Et Pegna in additionib. 3. par. ejusdem Director. Inquisitor. Schol. seu Comment. 15. Versu Hii. peractis, fol. mibi 126. ait: Quod quamvis de jure (ut in Instantia) denunciando teneatur probare ea, quæ denunciator asseruit, l. divus, &c. hodie tamen contrarium servatur, ex Angelo, Saliceto, & Mariano Socino in locis per eum relatis. Et ita pluries dictum fuisse testatur (apud *Del Bene n. 8. c.*) *Trivisanus Decis. 51. Et ita etiam servari in supremo totius Christianæ Inquisitionis tribunali, innuimus supra, teste Farinac. De hæresi qu. 197. §. 2. n. 36. in fine, qui etiam antea dixerat: Generaliter, in hoc crimine hæresis denunciator non tenetur suam denunciationem probare: sic qu. 185. De hæresi §. 5. n. 73. in fine: nec dissentit Ludovicus à Paramo de Origine S. Inquisitionis l. 3. qu. 8. n. 21. & 22. ubi pariter dicit: quod denunciator non tenetur verificare suam denunciationem, & non verificando non punitur. Dicere enim etiam potest se denunciassse, eo quia per D. D. Inquisitorum edicta sub pœnis in eisdem edictis contentis strictè præcipiatur, ut quilibet hæreticum, sive publicum, sive occultum revelare teneatur. Quod originem duxit à Jure communi, ut ex cap. 2. de hæretic. & ex cap. Quapropter 2. qu. 7. tum ex Constitutionibus Pontificiis: ut ex Constitut. Nicolai III. Noverit Universitas, edita anno 1251. & Innocentii IV. Noverit Universitas, edita anno 1254. apud Pegnam post Directorum, inter literas Apostolicas fol. mibi 19. in quibus ambabus constitutionibus sic præcipitur: Si quis hæreticos sciverit, eos studeat indicare Compensatori**

seffori suo, vel alii, per quem credat ad Prælati sui, & Inquisitorum hæreticæ pravitatis notitiam posse pervenire, aliquo excommunicationis sententia percellatur. Et ex Constitut. Alexand. VII. edita die 8. Julii 1660. quæ incipit: Licet aliis, & est 98. hujus Pontificis in to. 5. Bullarii Romani fol. mihi 322. in qua districtè mandat, ut tam hæreticus, quam quilibet alius quomodocumque, vel levissimè de hæresi suspectus, Locorum Ordinariorum, aut Inquisitoribus, nulla præmissa correctione, denunciatur. Hinc in materia hæresis, vi hujus Decreti, non admittitur correctio fraterna ut patet, & idem dicitur de suspectis de hæresi (ut in ipso) tum quoad denunciationem (quod docuit etiam ante hujusmodi Alexandrinum Decretum, Carena de Inquis. par. 2. tit. 9. §. 5. n. 22. in fine, allegans Dianam par. p. tract. 4. ref. 24.) tum quoad fraternam correctionem. Quod pariter videtur statutum per Inquisitorum edicta (ut inter alios notant Diana to. 5. Coord. tract. 9. ref. 68. n. 3. ex p. 9. tract. 8. & Miscell. 3. ref. 46. & Del Bene de Inquis. par. p. Dub. 17. n. 19.) quibus precipitur quod hæreticus in omni casu, quamvis delictum sit occultum, quamvis non alius præter eum, qui denunciat, sciverit, & quamvis si secreto corrigatur, sit spes emendationis, denunciatur: Quæ edicta (maximè post adductum Alexandrinum Decretum) cum sint in materia magni momenti, certè obligant sub mortali.

829 Et quamvis inquam delictum sit occultum, nec ullus alius sciverit præter eum, qui denunciat, hæreticus tamen talis, vel de hæresi suspectus, juxta citatum Alexandri Decretum, denunciari debet, quia sicut notat Umbertus c. V. Denunciatio, & cum ipso Farinac. de Hæresi qu. 185. §. 5. n. 64. & Del Bene par. p. c. dub. 15. n. 8. in fine. Simplex denunciatio sola sufficit ad inquirendum, juncta autem cum fama sufficit etiam ad torturam. Unde fit, quod licet denunciator probare non possit delictum, per illam tamen simplicem denunciationem diligentia, & inquisitione Dominorum Inquisitorum, & etiam aliis revelationibus, seu denunciationibus advenientibus, delictum illud probabitur in beneficium fidei, & Religionis, ac totius Catholicæ Christianitatis.

830 Ratio autem cur omittenda sit correctio fraterna in peccato hæresis, est, quia cum peccatum hæresis sit valdè grave, & de facili totum regnum inficiat, rarissimeque contingat, quod hæreticus per secretam admonitionem corrigatur; si enim non au-

dit Ecclesiam, multo minus personam audiet particularem, & cum insuper possit fingere se resipuisse, & tamen adhuc in eadem voluntate prava persistere, non potest, nec debet quælibet persona particularis judicare, & discernere, an re vera secuta sit emendatio, an verò solum fingatur. Igitur potest hanc cognitionem Ecclesia sibi reservare, & non concedere, quod quælibet persona particularis possit de hoc judicare, sed debeat hoc crimen statim, omitta omni correctione fraterna, Sacræ fidei Inquisitoribus denunciare. Adde primò, quod & si in aliquo casu delinquentis emendatio speretur, secreta correctione fraterna, regulariter tamen credendum potius est se dissimulaturum correctum, ut sic facilius delinquat, & errores diffundat, at ob hoc periculum boni communis potest Ecclesia præcipere, uti de facto præcipit ex dictis, ut sibi immediatè denuncientur delicta: Ergo posito tali præcepto (quantumvis in aliquo casu particulari speretur correctio) tenemur peccatum hæresis, omitta correctione fraterna denunciare; quia non cessat finis legis absolutè, & in universali. Addo secundò, quod secundum classicos, ac primarios D. D. qui scripserunt ante relatum Alexandrinum Decretum, debet denunciari hæreticus occultus, etiam si fuerit emendatus. Ergo multo magis denunciari debebit si non emendatus. Denunciari autem modo debet, quamvis emendatus, & occultus, quia sic præcipit in dicto suo Decreto Summus Pontifex D. N. Addo tertio, firmam Doctorem sententiam, absolutè asserentem (etiam ante Decretum Alexandri VII.) denunciandum esse immediatè hæreticum occultum absque prævia ulla correctione fraterna, ut videre est apud Dianam to. 5. Coord. tr. 9. ref. 3. 4. 5. & 68. ex par. p. tr. 4. ref. 2. ex par. 4. tr. 5. ref. 24. ex par. 7. tr. 3. ref. 63. & ex p. 9. tr. 8. & Misc. 3. ref. 46. & apud Del Bene dub. 17. c. & 18.

831 Neque huic doctrinæ, aut præcepto obstat Christi Domini præceptum de correctione fraterna præmittenda: tum quia præceptum Christi Domini est de peccatis, quæ non vergunt in damnum commune, vel tertii, sicut satis constat ex verbis illis: Si peccaverit in te frater tuus: tum quia (ut optimè P. Del Bene dub. 17. c. n. 24.) loquitur Christus Dominus rebus spectatis secundum se; secus autem si ob bonum commune lata sit aliqua lex (ut in casu nostro) quæ casus communiter contingentes respiciat: tunc enim particulari bono præferendum commune, & potius curandum vita-

re boni

re boni communis periculum communiter contingentis, quam in uno, vel in alio casu vitare damnum alicujus delinquentis particularis. Tum etiam quia, Christus Dominus loquitur ibi de correctione, quæ sit solum, ut frater emendetur, ut apparet ex verbis illis: *Si audieris, lucratus eris fratrem tuum*. Hinc D. Augustinus in eadem verba inquit quod correctionis finis sit emendatio fratris, & ejusdem utilitas: uti etiam habetur in *cap. Novit, de judiciis, cap. Superbis, de accusat., & cap. Si peccaverit 2. qu. p.* In hujusmodi correctione servari utiq; debet ordo ille à Christo Domino præfixus, cum secreta admonitio sufficiat, quod frater emendetur. At nos hic loquimur de denunciarione judiciali, quæ sit, ut delinquens publicè puniatur ut alii abtineant, & ut peccatum non inficiat alios. Quapropter Tertullianus de præscript. cap. 16. expressè docet, quod in hæreticis locum non habeat præceptum Domini de ordine servando quoad fraternam correctionem. Ecce *D. Thom. 2. 2. qu. 33. art. 7. ad 3. dicit: Quod quando imminet periculum multitudinis (uti imminet in hæresis delicto) non habent ibi locum verba illa Domini, quia tunc frater peccans non peccat in se tantum: nec consequenter tale delictum reputari debet privatum, seu secretum, sed ex vi obiecti tanquam publicum, cujusmodi est delictum hæresis, cum ipsummet repugnet Deo, & communi, ac universalis fidei, atque fidelium bono, quod præferri utique debet bono particulari, quod provenire posset ex correctione fraterna, atq; adeò illa omisa in omni casu, hæreticus etiam occultus denunciari debet, quia major ratio habenda est ad bonum commune universaliter, & spirituale, quam ad mala, & incommoda, quæ pati potest ob gravissimum suum delictum persona particularis. Adde quod hoc etiam redundat in bonum ipsiusmet personæ particularis, scilicet hæretici, nam sciens (quantumvis occultè hæresim manifestet) esse utique denunciandum, omisa etiam correctione fraterna, & secreta, continebitur à crimine timens correctionem supplicii, sicque, vel resipiscet, vel saltem minus peccabit.*

832 Et si opponas quod dicitur *Ad Titum 3. Hæreticum hominem post unam, aut alteram correctionem devota: & exinde inferas, quod antequam denunciaretur admonendus sit. Negatur hujusmodi illatio: Quoniam Apostolus ibi scribit, non ad quamlibet privatam personam, sed ad Titum Episcopum, cui ex officio incumbet*

bat hæreticum hominem corripere, & per excommunicationis sententiam reicere, devotare, & prohibere ne fideles cum illo, si post admonitionem non resipisceret, ullam communicationem haberent, & ita explicant dicta verba *Lyrans, S. Thomas, & alii, quos sequitur Simanca de Catholicis Instit. tit. 19. n. 14.*

833 Limita traditum præceptum, & obligationem denunciandi immediatè, omisa etiam omnino correctione fraterna, hæreticum occultum, si talis tamen sit cum pertinacia; nam si erret non ex pertinacia, sed solum ex ignorantia, non est statim denunciandus, sed admonendus cum *Toledo ubi supra; quod si sprevit admonitionem, jam erit pertinax, & denunciandus; quam limitationem dat etiam P. Del Bene dub. 15. c. n. 4. in fine: extendens illam n. 5. sequenti in princip. ad eum etiam qui facit actum aliquem contra fidem, sed similiter constat, vel probabile est, quod id ex metu, vel ex alia passione fecerit; nec enim talis (inquit) similiter statim denunciandus est, quod advertit etiam *Tolet. ubi supra, cum Alphonso de Castro libr. 2. de Hæreticor. punitione cap. 26.**

834 Quæres, an denunciandus sit hæreticus, etiam si illius hæresim sciam sub magno secreto, etiam jurato: Respondeo affirmativè, etiam si ille diceret: manifestò tibi hoc sub sigillo Confessionis. Nam hæc manifestatio nec est Confessio sacramentalis, nec fit animo confitendi, ut notant *Navarrus, Cajet. Sotus, Suarez, Sanctiællus, & alii allegati à Carena, & cum ipso par. 2. tit. 9. §. 5. n. 22.* Secus vero si quis manifestaret suum crimen hæreticale in Confessione Sacramentali, tunc enim non posset Confessarius illum denunciare, ut Theologi docent omnes, præcipue *Scotus in 4. dist. 21. qu. 2. ad 2. id enim quod scit Confessarius in Confessione non scit ut homo, sed ut Dei Minister, de quo nec debet, nec potest testimonium ferre, nec quid dicere, D. Tho. 2. 2. qu. 70. art. p. ad 2. alioquin confessio redderetur odiosa, & ab illa retraherentur homines. Verum si accederet ad Confessarium, non animo confitendi peccati, sed pervertendi, & inducendi illum ad simile crimen committendum, teneretur Confessarius illum denunciare, quia hæc non esset Confessio Sacramentalis, sed modus occultus dogmatizandi. Ita *Genuesis in Praxi Archiepiscop. Neapol. cap. 18. n. 16. Carena l. c. n. 21. Pissacchius n. 2. c. in fine: & alii**

835 Probatur responsio, tum quia (ut

optimè etiam *Sanctarellus* n. 10. c.] alioqui præceptum de manifestando hæreticum occultum esset inutile, cum quilibet sub tali secreto possit alteri detegere suam hæresim, ad eamque trahere; tum quia Superiores iustissimis de causis præcipiunt, ut hæretici denunciarentur, quamvis occulti, atque de hoc Edicta, Decreta, & leges ferunt, ergo nullum secretum humanum impedire potest, ne hæretici denunciarentur: Omne enim aliud secretum, excepto secreto Confessionis, est merè humanum, & ex privato pacto, vel expresse, inter loquentem, & audientem nascitur, & idcirco non potest obitare legi Superioris præcipienti denunciationem. *Farinac. De hæresi qu. 197. §. 2. n. 30. Sanctarellus* nu. 10. c. *Carena.* n. 22. c. cum *Suar.* & aliis ibidem: tum quia quilibet tenetur, quæ sibi sub secreto commissa sunt, revelare, si vergant in damnum publicum, vel tertiæ personæ in futurum imminenti, ut docet *S. Thom. l. c. ad secund. argum.* communiter receptus. At hæresis vergit in damnum publicum; ergo: tum quia hæretici denunciatio sit ob bonum commune, & spirituale, & servare secretum, in casu nostro, ordinatur ad bonum privatum, & temporale, ergo heretici denunciatio anteponenda: tum tandem quia hæc agitatur de vitandis malis gravibus, & de eripiendo hæreticum ipsum à gravissimo peccato, & de consulendo communi fidelium bono, cum ergo hæc sint rebus omnibus anteferenda, lex de denunciando hæreticum, tanquam fortior, vincit legem de servando secreto, ita etiam *Sanctarellus* n. 10. cit.

836 Et responsio, ac doctrina tradita vera est etiam quando quis sub juramento promisit se non revelaturum. *S. Thomas l. c. ad 2. Farinac. n. 30. c. ubi*, quod huiusmodi juramentum non sit obligatorium, pro qua re *jura*, & Doctores allegant *Sanctarell. n. 10. c.* in quo abundantius idem facit, & communiter. Ratio autem est, quia tale juramentum est de re mala, & contra bonos mores, ergo non est obligatorium, nec servandum; nec enim juramentum esse debet vinculum iniquitatis. Deinde tale juramentum includit tacitam conditionem, nisi Superior aliud præceperit, alioqui esset iniquum. Hinc *Sanct. tom. 2. Confessor. lib. 6. cap. 2. dub. 21. ait*: In quibus casibus quis testificari, vel denunciare tenetur, vel quando à Superiore jubetur, ad id tenetur, non obstante juramento. Quia si quoad istos casus voluit jurare, temerè, & illicitè juravit. Unde

juramentum est nullum, & in tali juramento, quod ultro fit, potius invenitur temeritas, quia fit quasi in odium testimonii, quæ non sic invenitur in fide, quæ simpliciter præstat de secreto servando, quæ ad charitatem, & pacem est necessaria: sic ille cum *Sylvestro, Angelo, Navarro, D. Bonaventura,* & aliis. Præterea, Edicta, & leges feruntur, ut hæretici etiam occulti denunciarentur: at leges, & edicta publica, pactis, & promissionibus privatorum mutari non possunt, ex claris iuribus adductis à *Sanctarell. l. c.* ergo: & hæc eadem doctrina vera est, quando etiam quis alteri diceret: *Manifesto tibi hoc sub Confessione*; nam etiam hoc in casu tenetur homo revelare, & denunciare occultam hæresim, quia talis confessio non est Sacramentalis, nec ille habet animum confitendi: ita idem *Sanctarell. n. cit. in fine*: & ibi *Cajet. Navarr. Sotus, Arrag. Victor, & Armilla.*

PRIVILEGIUM OCTAUM.

Quando testis iudicè interrogatur, & si etiam sub mortali (in responsione) revelare iudicè delinquentem, ac delictum tenetur; ab eodem mortali, non revelando, excusatur secundum plures D. D. probabiliter si sciat eum deliquisse ex ignorantia inculpabili: ut cum occidit hominem putans esse feram.

837 **I**Ta expresse *Petrus à S. Joseph in Summula Casuum Conscient. in VIII. Decal. Præcept. cap. 8. De Testibus, art. 3.* ubi de teste ait: *Nec huiusmodi personas iudicè manifestare debere, si sciat ex ignorantia factum; ut cum quis occidit hominem putans esse feram. In his enim (subjungit) similibusque casibus, non tenetur revelare.* Huius autem privilegii ratio est. Quia quantumvis Iudex testem iudicè interroget de aliquo delicto ab alio perpetrato, quod quidem delictum licet ex se sit grave peccatum, nihilominus scit testis, reum locisse ex ignorantia invincibili (vel ex iusta defensione, aut alia legitima causa, illum coram Deo à culpa gravi excusante) absolutè potest idem testis occultare reum, aut veritatem illius facti, intra se intelligendo (sicut subintelligere potest) factum illud non commississe per modum delicti: hoc enim est, quod Iudex intendit scire, & punire. Unde absolutè, inquam, respondere potest cum eodem à *S. Joseph l. c. Se id ne scire ita ut teneatur revelare*: quæ responsio videtur esse ad mentem Iudicis, ut etiam infra.

infra. Verum quidem est quod si testis deponendo, probare, & tueri posset innocentiam Rei suppositi, teneretur utique veritatem fateri, & illicd ostendere probationem innocentiae illius; at cum hoc plerumque sit factu difficile, absolute negare potest. Quod docet etiam *Lesi. lib. 2. c. 31. dub. 3. n. 14.* sic ibi dicens: *Adverte, si Judex querat de facto quod absque culpa, saltem lethali, patratum est, si v.g. occidisti Petrum te invadentem cum justa moderatione, vel absque notabili excessu, non teneris fateri te occidisse, etiam si de te sparsa sit infamia: nec Testis tenetur illud Testari, quia Judex querit de occasione criminosa: & si fatereris, nec posses probare te causa necessarie defensionis fecisse, condemnaret te homicidii ex falsa presumptione.* Pari modo, si tu non es auctor criminis, non teneris fateri aliquas circumstantias, ex quibus oriretur vehementi suspicio te esse auctorem, v.g. hunc esse tuum pugionem: te eo loco fuisse, &c. quia ipsius interrogatio, & si juridica sit, tamen ex falsa presumptione procedit; ita *Lesi. cui addo Salom. 2. 2. qu. 64. artic. 2. Malderum 2. 2. qu. 69. tract. 3. dub. pr. Portel. in Dub. Regul. Verbo Juramentum in Additione, num. 16. Villalob. tract. 16. diffi. pr. num. 10. Thomas à Jesu tract. 3. cap. 10. n. 4. Urbanus ab Ascensione in sua Theol. Morali, ac Canonica tract. 3. cap. 14. Stephanus à S. Paulo in sua Theologia Morali tr. 4. de Jure, & Just. disp. 10. dub. 4. quos allegat, & sequitur Petrus ab Angelis De Jure Regulari par. p. cap. 18. n. 3. apud quem doctrina hæc est communis.*

838 Cui doctrinæ non obstat, quod testis juridicè interrogatus tenetur sub mortali veritatem respondere, ex Doctorum communi, cum *D. Tho. 2. 2. qu. 70. art. p.* aliàs non possent puniri delicta, ex quo innumera mala Reipublicæ obvenirent. Concedimus enim & nos, testem ad id teneri, per se tamen loquendo, ut optimè etiam *Jo. la Cruz Director. Conscientie par. p. & in 8. Decal. Præcept. 9. 3. art. 4. dub. 13. concl. 3. nu. 3.* Nam non tenetur testis veritatem respondere in aliquibus casibus, præcipuè in casu hujus privilegii. Quam si Judex sciret, non posset eum interrogare, & si tunc id faceret non juridicè interrogaret, sed peccaret, ait idem *La Cruz l.c. n. 4. in fine, cum Banner; nisi excusaretur ex ignorantia, &c.* In dictis igitur inquam eventis, similibusque casibus potest testis licitè, ac tuta conscientia veritatem occultare: sicque etiam in casu nostri hujus privilegii, in quo ex doctrina allegati *De la Cruz qu. 3. c. art. 3. dub. 8. Conclus. p. n. p.* potest testis, sicuti & reus,

dicere non feci, non dixi, &c. cum sic verum dicat juxta mentem Judicis interrogantis. Nam interrogatio Judicis terminatur ad reum de crimine, sed occisor, v.g. in casu nostro non est reus (ut supponitur) de occasione, ob inculpabilem ignorantiam, vel quia fuit necessaria pro sua licita defensione, ergo. Hinc quoties reus etiam non potest suam probare innocentiam (ait idemmet) & si alias à Judice ob ignorantiam sine peccato interrogetur, potest reus (potest utique & testis) occultare veritatem. Ut si Petrus occidit suum invasorem cum debito moderamine, & interrogatus, an illum occiderit, nec potest probare tale moderamen, licitè dicit, non occidi; & sic etiam testis dicit licitè, non occidit. Quia inquam interrogatio Judicis, ad reum de crimine terminatur, Petrus autem non est reus de occasione criminis. Idem docet *Trull. in Decal. to. 2. lib. 8. cap. 4. dub. 2. n. 3.* loquens ibi tum de teste, tum de reo, qui non tenetur [inquit] fateri Judici se occidisse, si homicidium à se patratum sit absque culpa saltem lethali; ut si in sui defensionem occidit: Judex enim querit de criminosa occasione, &c. sic ille *n. c. in fine.* Hæc tamen refero, non quia intendam ego probabilia esse in sententia propria, tantummodo in opinione citatorum Doctorum, uti sic etiam de privilegium ipsum (ut patet) propono, cui postea absolute non subscribo, nec adhæreo, imo oppositum sentio, & affirmo; nec illud in praxi consulendum esse dico, quia pura, simplexque, ac nuda veritas aperienda semper est Judici, à quo etiam æqua, & justa sententia expectanda est, quam utique talem seret, prout videlicet, secundum rectam suam, conscientiam coram Deo, post invocationem Spiritus Sancti, & secundum allegata, & probata, bene judicabit, &c.

PRIVILEGIUM NONUM.

Testis, qui in præjudicium tertii falsum deposuit ex ignorantia, & inadvertentia non damnabitur, excusatur tum à reatu lethali, tum à restituendi obligatione ex justitia.

839 **C**ajetanus 2. 2. qu. 70. art. 4. in principio. proponit, & approbat hoc idem privilegium: do ejusdem verba. *Quid debet facere testis, qui præmissa debita diligentia testatus est falsum, deceptus à sua memoria, & propter suum testimonium aliter est condemnandus, aut condemnatus? Ad hoc dicitur, quod cum dictus testis non teneatur ad re-*
Y y 2 *fitu.*

stitutionem ratione rei habitæ, ut patet, quia non est testis in causa propria: nec ratione actionis injustæ, quia non perfectæ, & formaliter injustum testimonium tulit: nec ex ignorantia damnable, consequens est, quod sicut excusatur ab offensa Dei in falso juramento, ita excusatur ab offensa proximi in nocimento subsecuto. Sic Cajetanus: quem sequuntur Lessi. lib. 2. cap. 30. dub. 7. n. 55. Filliuc. to. 2. tr. 40. cap. 8. qu. 11. n. 253. Petrus Navarr. De Restit. lib. 2. cap. 3. n. 255. Sanchez. Confessor. to. 2. lib. 6. cap. 5. dub. 21. num. 3. Diana to. 6. Coordin. tract. p. ref. 92. & 93. ex p. 3. tract. 5. & Miscell. p. ref. 106. alias 105. ex p. 4. tr. 4. & Miscell. ref. 99. Pitiglianus in Pract. Crimin. Canon. de Testib. cap. 6. fol. 193. Becanus in 2. 2. D. Tb. de Just. & Jure qu. 70. de Testib. qu. 5. allegati à Diana. Trull. in Dec. to. 2. lib. 8. cap. 3. dub. 7. n. 2. Faquand. in Decalogum to. 2. in 8. Præceptum lib. 8. cap. 42. n. 5. & alii. Sub una eademque Cajet. data ratione, & cum ipso privilegium propositum admittentes: Quia videlicet dictus testis non tenetur ex obligatione justitiæ ratione rei acceptæ, cum nihil habeat: non ratione injustæ acceptionis, cum nihil accepit: non ratione injustæ damnificationis, eum falsa eiusdem depositio fuerit involuntariæ ignorantie inculpabilis causa, & saltem lethali non peccaverit, ut supponimus: Valde autem probabile est ex his quæ habet. Lessi. lib. 2. cap. 7. dub. 6. neminem teneri ex damno illato, quando in illo inferendo mortaliter non peccavit. Cum igitur non appareat aliud principium ob quod dictus testis ad restitutionem ex justitia obligandus sit, censetur fortuito accidisse damnum subsecutum, ac præjudicium, atque adeo verum privilegium propositum.

820. Dicit privilegium, talem excusari non tantum à culpa, verum etiam ab obligatione restituendi, nec teneri ex justitia resarcire damna, & præjudicia subsecuta, quia non commissi iniustitiam formaliter. Tenetur tamen ex charitate: Unde si commodè potest, tenetur se retrahere, & partem admonere, in cuius favorem testimonium fecit, ut restituat: & si opus fuerit affirmare apud Judicem cum Juramento, se ex lapsu memorie falsum dixisse, modo tamen hæc facere possit, absque suo notabili damno, quia cum dictus testis nullam commisserit iniustitiam sola lege charitatis ad hoc tenetur, quæ non obligat eum tanto detrimento, Sanchez. dub. 21. c. n. 4. Trull. n. 2. c. in fine. Diana ref. c. 93. Coord. ubi n. 1. refert Vultiberum Stroosdorf in D. Tb. de Just. & Jure qu. 70. art. 4. conclus. 3. sentien-

tem quod dictus testis certior factus de ignorantia, tenetur revocare, & restaurare damnum, etiam cum periculo mortis, si necessitas urgeat. At hæc opinio [concludit Diana] est nimis stricta.

PRIVILEGIUM DECIMUM.

Quando reus, vel testis ignorat an Juxta jus, & secundum jus interroget, à peccato excusatur non fatendo veritatem, rogatus etiam à Jure.

841. Quando Juxta juridicè interrogat, idque reo notum est, tenetur ille veritatem fateri, etiam si capite plectendus sit, ut vult communior sententia cum D. Thom. & Cajet. apud, & cum Lessi. lib. 2. cap. 31. dub. 3. n. 12. Quia unusquisque obedire tenetur Superiori legitime præcipienti. At Superior legitime præcipit, quando secundum ordinem juris reum interrogat, aut juramentum ei defert, ergo reus parere tenetur dicendo veritatem. Præterea, quia in hoc casu Juxta habet jus sciendi veritatem ob bonum publicum, ergo si eam occultet reus, facit contra jus, & autoritatem Superioris, atque adeo peccat mortaliter D. Tb. 2. 2. qu. 69. art. pri. in Corpore. Quod procedit etiam si reus sine juramento interrogatur, ex vi solius præcepti Superioris, ut colligunt Soto De Secreto, Membro 2. q. 7. & alii apud Lessi. n. 12. cit. in fine: & Trull. in Decalogo. 2. lib. 8. cap. 4. dub. 2. n. 9. in fine.

842. Quando vero ignorat reus, & dubitat an juridicè, & secundum jus procedat Juxta, ut si interrogat de crimine occulto, de quo non est infamia, neque indicia competentia, neque semiplena probatio, &c. non tenetur veritatem fateri, & hujus ignorantie, & dubietatis causa excusatur à culpa illam occultando, ut in proposito privilegio, quod admittunt, & concedunt Cajet. 2. 2. qu. 69. art. pri. Lessi. dub. 3. cit. n. 10. Sanchez. 102. Confessor. lib. 6. cap. 3. dub. 31. nu. 2. Diana tom. 6. Coord. tract. pr. ref. 96. nu. 2. ex par. 3. tract. 5. & Miscell. p. ref. 107. alias 106. Palao tom. pr. tract. p. disp. 3. n. 13. Trull. dub. cit. nu. 3. in princip. ubi, quod sit communis Doctorum pro hoc privilegio. Quod probatur: Tum quia nemo tenetur Superiori parere eum gravi suo, vel alterius incommodo, nisi constet eum legitime procedere, ac præcipere, & habere aut horitatem obligandi, aliter præsumendum est pro reo, cui in dubio utique favendum est: tum quia

PRIVILEGIUM UNDECIMUM.

reus est in possessione honoris, famæ, vitæ, &c. ergo ipsi habet hæc conservandi, & non exponendi periculo. Igitur ut teneatur respondere, oportet quod prius ipsimet constet juridicè interrogari. Non constabit autem durante in eo ignorantia, ergo quoadusque hæc durat excusabit, &c. sicque verum privilegium. Quod extenditur ad testem etiam per Doctores, ut videtur est apud ipsos; & pariter observat Trull. n. 3. c. ubi expressè sic: *Quod dicitur de reo, idem de teste existimant dicendum Doctores.*

843 Intellige tamen hoc privilegium cum *Sanch. l. c. n. 4.* & Doctorem communi. Quando crimen de quo Juxd exquirat, non est in præjudicium Reipublicæ, ut crimen læsæ majestatis, hæresis, proditio, &c. ut probat idem *Sanch.* cum aliis: videatur. Insuper illud intellige: Quando Juxd præcipit reo, vel testi, ut crimen aliquod detegant, ex quo aliquod sequatur damnum, ac præjudicium, ut punitio, &c. Nam ubi nullum vel mihi, vel alii præjudicium sequitur, teneor obedire superiori: non teneor eidem in dubio obedire quando agitur de proprio, vel alterius damno, etiam rogatus à Judice, usque dum ignore, vel dubium habeo, an Juxd iuste interroget, ac procedat: alias hujus privilegii limitationes adducit idem *Sanch. dub. cit.*

844 Ex posito, & approbato privilegio apparet, quod quando ignoratur, seu dubium est, an Juxd juridicè interroget, ac proinde, quod idem est, an in eo casu sit Juxd, & Superior, potest Subditus non obedire, & reus, vel testis non manifestare, sed occultare veritatem: & sic etiam in facti contingentia, testem non teneri in tali casu ad interrogata respondere, se olim consultasse, testatur *P. Diana*, licet (inquit) tunc in contrarium sentirent, trepidantes timore, ubi non erat timor, ita ipse *tract. p. c. Coord. ref. 95. in fine: deducens ref. 96. c. in fine:* quod: quando superior generaliter inquit super aliquo delicto notorio, cujus auctor ignoratur, tunc Subditus, qui dubitat an infamia, vel indicia sint contra illum, quem ipse scit commisisse delictum, non tenetur prodere delinquentem occultum, sed debet respondere se nescire quis commisit: *Notentur hec, quia circa illa miserrimè decipiuntur aliquando testes, & Judices: sic concludit Diana* quem vide tum *resolutionsib. c. c. Coordinatis 95. & 96. tum 94. antecedenti, tum to. Coordinato tract. p. ref. 134. ex p. 4. tract. 3. ref. 9. in quibus de eadem re.*

Advocatus, qui ignoranter ignorantia probabili suscipit causam injustam. Tabellio, seu Notarius, qui ex eadem ignorantia, aut inadvertentia falsum instrumentum fecit, excusantur à culpa, & ab obligatione restitutionis ex iustitia: Et idem est de quocunque alio Ministro iustitiæ in suis actionibus.

845 Sequitur hoc privilegium ex precedenti nono, quinimo ferè idem cum ipso esse videtur, ac iidemmet rationibus, & autoritatibus fulciri. Sicut enim testis (ex ibi dictis) qui falsum ex ignorantia deposuit in præjudicium tertii, excusatur à culpa, & ab obligatione restitutionis (ex iustitia saltem) quia videlicet ad hoc non tenetur nec ratione rei acceptæ, cum nihil habeat: nec ratione iniustæ acceptionis, cum nil acceperit: neque ratione iniustæ damnificationis, cum illa actio fuerit involuntaria, ut supponimus: ita etiam ratiocinandum, & concludendum de Tabellione, Notario, & quocunque alio Ministro iustitiæ, ex ignorantia inculpabili scribente, agente, operante, &c. in præjudicium tertii: Quod etiam expressè docet *Facund. l. ibidem c. eodem n. 5.* ut sequitur: *Qui falsum testimonium dixit ex ignorantia, inadvertentia, vel obliatione mortali non culpabiliter, ratione cujus contigit aliquem graviter ledi, & damnificari, non tenetur ad restitutionem; idem de Tabellione, qui falsum instrumentum fecit ex eadem ignorantia, aut inadvertentia, & de quocunque alio Ministro iustitiæ in suis actionibus: & ratio est, &c.* idem eadem hic modo, ac in privilegio 9. cit. pariter data. Et *Filiucci. to. 2. tract. 40. cap. 10. in quo de Advocato, Procuratore, & Notario n. 284. in princip. item docet sic: Ignoranter suscipiat causam injustam: siquidem ignorantia probabilis sit, neque peccat, neque tenetur ad restitutionem: repetens in fine: Si adhibita diligentia putari defendere causam iustam, defendat injuriam, excusatur à culpa, & à restitutione.* Et pro hoc eodem privilegio sunt etiam (in supra) iidem Authores, qui & pro 9. c. ut videre est apud ipsos, quos etiam (quosdam saltem) refert idem *Facund. n. 5. c. sunt & alii apud Filiuci. l. c.* Videantur. Quamvis tamen prædicti in privilegio allegati non teneantur ex iustitia restituere, ut supra, damna refarcire, &c. tenentur saltem ex charitate eo meliori modo quo possunt: ut etiam dictum est de teste in cit. præced. privil. 9. nu. 840.

CAPUT XIV. DE PRIVILEGIIS IGNORANTIÆ

CIRCA PRÆCEPTA ECCLESIAE: ET PRIMO CIRCA PRIMUM,

Audiendi Missam Dominicis, & Festis diebus.

846



Uinque sunt Ecclesiae praecepta: primum de Audienda Missa Dominicis, & Festis diebus. Secundum, de Confessione semel in anno instituenda. Tertium de Eucharistia in Paschate sumenda. Quartum de Jeuniis certis diebus servandis. Quintum de solvendis Decimis. Quae praecepta utique ad sui observationem obligant sub mortali per omnes, nisi excuset vel parvitas materiae, vel aliqua alia causa, vel etiam ignorantia, de qua juxta tractati hujus institutionem, sit:

PRIVILEGIUM PRIMUM.

Qui per ignorantiam probabilem omittit audire Missam die festo, excusatur à culpa.

847

DAri praeceptum Missam audiendi Dominicis, & Festis diebus, patet tum ex dist. p. de Consecrat. c. omnes Fideles, & c. Missas: tum etiam ex Ecclesiae praxi ubique recepta, quam omnes Catholici vim legis habere unanimiter existimant. Et ratio institutionis est, quia cum Ecclesia instituerit Festa ad colendum Deum, consentaneè ad hunc finem obtinendum, jussit ut tunc homines ab operibus servilibus vacarent (de quo supra cap. 8. in quo de 3. Decal. Præcept. Sabbata Sanctifices) & Missae Sacrificio devotè interessent. Quod praeceptum cum sit de re gravi, ita communiter intelligitur, ut obliget sub mortali. Quo fit, ut si quis sine legitima causa omittat die festo Missam audire, peccet mortaliter toties quoties, etiam si non praetermittat audire ex contemptu, aut prava consuetudine; sed ex mera ignavia, & negligentia, vel ut studio, aut alteri rei non necessarè operam det.

848 Qui tamen ex ignorantia probabili diei festi, ut in proposito privilegio, ex oblivione, & inadvertentia, omitteret Sacrum, seu Missam audire, is à culpa, & à peccato excusaretur; sic etiam Azor. par. p. lib. 7. cap. 7. qu. 4. Filluc. 10. p. tract. 5. cap. 7. n. 225. Versu Hue potest. Fagundes præcep. p. Eccles. lib. 2. cap. 9. n. pr. Bonac.

De Euchar. disp. 4. qu. ultima, punc. ultima. n. 18. Bussens in Florib. Verbo Missa 9. n. 6. Caspensu 10. 2. Curs. Theol. tract. 23. disp. 4. sec. 4. n. 28. Suar. in 3. par. D. Tbo. 10. 3. De Euchar. disp. 88. sec. 6. Versu, Ultimo revocatur. Franciscus Lago de Sacram. cap. 154. qu. p. n. 3. Trull. in Decal. lib. 3. cap. p. dub. 7. n. 16. Pasqual. de Sacrif. 10. 2. qu. 1325. Leander in Præcept. Eccles. par. 3. tract. 2. disp. 2. qu. 55. & apud hunc jam omnes, communiter à peccato excusantes eum, qui aliquo die omittit audire Sacrum, eo quia invincibiliter ignorat quod talis dies sit festivus ex præcepto, quæ ignorantia facillè potest contingere: sub qua etiam per eosdem Doctores comprehenditur & naturalis, & rationalis oblivio, vel inconsideratio, eadem enim est ratio ignorantiae, ac oblivionis naturalis, inconsiderationis, & inadvertentiae, nam haec etiam excusant ex regulis communibus excusantibus à peccato.

849 Ratio autem hujus privilegii desumitur ex certa, & generali regula ab omnibus Theologis admissa in materia de Actibus humanis, cum Arist. lib. 2. Eth. cap. p. & D. Tbo. p. 2. qu. 6. art. 8. & à nobis in superioribus pluries tradita, atque probata, quod videlicet ignorantia (& idem est de rationabili oblivione, inadvertentia, & inconsideratione) causat involuntarium. Ubi autem non est voluntarium, nec potest ibi esse peccatum. Confirmatur, quia revera, quod ex ignorantia procedit involuntarium est per omnes, hujusmodi est omisio audiendi Missam in casu nostro, quippe

quippe ex ignorantia procedens, ergo impossibile est dari peccatum in ipsa, quod omittenti imputetur. Addo, quod sicut excusat ignorantia probabilis à peccatis contra alia præcepta, ita etiam excusat à peccato contra præceptum audiendæ Missæ, cum urgeat & in hoc, eadem omnino ratio, ut constat. Hinc optimè *Didacus de Narbona De Esate*, anno 7. qu. 5. n. 4. cum *Azorio p. p. lib. 7. c. 2. qu. 6.* certum esse inquit, eos, qui naturali vitio rusticitatis, vel ignorantie laborant, hac lege, seu præcepto audiendi Missam non esse obstrictos, quia licet frequenter ignorantia juris non excuset, hæc tamen, ut naturalis, necessarium excusationem affert. Unde pueri nondum septennes, quia ita naturali rusticitate, & ignorantia detinentur, ut quod etiam vident ignorent, l. p. Cum *similibus*, C. de *falsa moneta*. Pariter ab obligatione audiendi Missam liberi sunt; atque adeo tum isti, tum illi à peccato excusantur non audientes illam.

PRIVILEGIUM SECUNDUM.

Qui bona fide in ignorantia fundata putat se habere causam legitimam non interveniendi Missæ, & non intervenit, excusatur à culpa, quamvis causa revera talis non sit.

850 **I**ta Cajet. in *Summul Verbo Præcepti transgressio*, sub sequentibus verbis: Sit universalis regula, quod in his, que sunt positivi juris, si absque contemptu, ac refutatione finis ex ignorantia pura, aut ex apparente sibi excusatione transgressio fiat ab eo, qui animum habet nullo pacto consentiendi contra præceptum obligans ad mortale, non incurritur mortale peccatum, quia non est intentio pie, ac iuste Matris Ecclesiæ bonas huiusmodi animas illaqueare tam hostili vinculo. Et idemmet docet ex eodem Cajet., *Summa Armilla, Verbo Præceptum*, in fine, num. 8. ubi sic: Sit tibi pro generali regula, quod transgrediens quodcumque præceptum juris positivi sine contemptu, & refutatione finis, sed vel ex pura ignorantia, vel ex apparenti sibi excusatione, & non adest animus faciendi contra præceptum obligativum ad mortale, nunquam mortaliter peccat, quia non est intentio Ecclesiæ bonas illaqueare animas. Hinc eadem doctrinæ, ac privilegio accedunt etiam, *Sylv. Verbo ignorantia qu. 5. in fine*, & *Verbo Inobedientia*, n. 3. & *Verbo Missa 2. n. p. 5. Dicitur sexto*. *Tolet. lib. 6. Summ. cap. 9. n. 4. in fine*. *Navarr. in Man. cap. 23. n. 59. ver-*

su, Et credimus. Valent. to. 2. disp. 7. qu. 3. pun. 7. 6. vers. Jam verò. Fagund. pr. Præcept. Eccles. lib. 2. cap. 9. n. 14. P. Pasqualig. De Sacrif. to. 2. qu. 1326. n. 2. ubi alios refert.

851 Huius privilegii ratio est. Quia bona fides conscientiam bonam generat, facit enim credere, quod sufficiens adsit causa ad excusandum, aut quod alias hic, & nunc non urgeat obligatio. Operatio autem, que procedit ex bona conscientia, non est peccaminosa: aut si aliàs de se est, non imputatur, fundata maximè in probabili ignorantia, ut in Privilegio.

852 Ex quo inferes cum eodem *P. Pasq. qu. c. n. 3.* Quod si quis iter habens omittat summo manè audire Missam bona fide, putans se in aliqua Ecclesia dum iter peregit posse reperire Sacram, vel commoditatem habiturum, quo perventurus est ad prandium, excusatur, si commoditatem non inveniatur, & quia hora celebrandi transacta sit: ut notant etiam *Henric. lib. 9. Sum. cap. 25. n. 10. Azor. par. p. lib. 7. cap. 7. q. 4. in fine. Fagund. nu. 14. c. in fine. Franciscus Lugo de Sacram. lib. 5. cap. 15. qu. p. n. 4. Leander in Eccles. Præcept. tr. 2. disp. 2. qu. 67. & Trull. in Decal. lib. 3. cap. p. dub. 7. n. 22.* Nam in tali casu Missæ omisio voluntaria non est, imò involuntaria, quia quantum erat ex se, intendebat, & volebat Missam audire, & bona fide putabat commoditatem audiendi illam se habiturum, vel in itinere, vel domi ante prandium, & ideo non imputatur.

853 Inferes insuper cum eodem *num. 4.* Quod si in die festo quis se in aliquo exercitio occuparet, ut in venatione, vel quocumque alio cum intentione audiendi posita Missam, sed interim tempus ita laberetur, ut quando accederet ad Ecclesiam reperiret Missarum celebrationem esse completam, à peccato excusaretur, nec omisio audiendi Missam illi imputaretur, quia processit bona fide, existimans se commoditatem habiturum audiendi illam. Quod etiam habet locum si inadvertenter sineret tempus congruum transire Missam audiendi: ita *P. Pasqualig.*

PRIVILEGIUM TERTIUM.

Qui Missam audit cum debita attentione, ignorans esse diem festum, adeoque carens voluntate expressa satisfaciendi præcepto, ab alia eodem die audienda (ut satisfaciatur) excusatur.

854 **E**xcusatur: siquidem non obstante tali ignorantia, reipsa Missam audit, & id quod præceptum est,

est, liberè exequutus fuit: Præcepta enim solum obligant ad actum, quem præcipiunt, hinc sufficit huiusmodi actum efficere, ut illa impleantur, nec est necesse, ut actum ipsum faciamus ex intentione formali implendi præceptum: quod docent etiam *D. Tho. 2. 2. qu. 104. ar. 3. ad 2.* (dum ibi sic: *licet actus virtutis cadat sub præcepto, potest tamen aliquis implere actum virtutis non attendens ad rationem præcepti*) *Henriq. lib. 9. cap. 23. n. 6. Sanch. in Summa to. p. lib. p. cap. 13. n. 9. in princip.* (Ubi *Quia per leges solum præcipitur libera operis externi exequutio, & non ut ex tali intentione satisfaciendi fiat: & idem Bonacin. to. p. De Sacram. Euch. disp. 4. qu. ult. punc. 11. n. 22.) Suar. to. 3. in 3. p. q. 83. disp. 88. sec. 3. Vers. Circa posteriorem partem. Azor. part. p. lib. 7. cap. 2. qu. 6. Fillue. tract. 5. cap. 7. qu. 7. n. 211. in fine. Fagund. p. Eccles. præcep. lib. 2. cap. 7. n. 13. Petrus à S. Joseph in Summula Casuum Conscient. de p. Eccles. præcep. cap. p. art. 2. Vers. Ut Satisfacias. Diana to. 2. Coordin. tract. 2. ref. p. nu. p. exp. 3. tract. 6. & Miscell. 2. ref. 68. Leand. par. 3. tract. 2. qu. 84. & alii apud istos, & communiter. Quotiescumque enim, qui Missam audit ex devotione tantum in die festo, ignorans diem talem esse, non habet voluntatem formalem nolendi præceptum adimplere, censetur intentionem virtutalem habere illud adimplendi per illam Sacri auditionem, & sic adimplet: *Diana l. c. & alii; Quia* (arguit *Henriq. n. c.*) interpretativè voluit implere præceptum. Et quia [infert cum *Suar. Fagund. n. 13. c.*] eo ipso, quod ille non habuit hanc voluntatem, & intentionem formalem, Nolo implere præceptum per huiusmodi Missam, censetur habuisse virtutalem illud adimplendi per illam, quod utique sufficit, cum necesse haud sit [ex doctrina etiam *Lessii lib. 2. cap. 46. dub. 6. n. 42. & 43.*] ut faciamus opus bonum præcisè, quia debitum ex præcepto: nam sufficit ut illud faciamus propter intrinsecam ipsius honestatem: vel etiam ut Deo placeamus, sic enim præcepto abundè satisfacimus, siquidem plenitudo legis est dilectio. Et nullum invenitur præceptum Dei, aut Ecclesiæ (concludit idem *Lessi. n. c. 42.**

in fine) quo jubeamur opus hac intentione facere: omnia enim præcepta jubent opus fieri simpliciter ob propriam honestatem. Hinc, loquendo de executione operum bonorum, non datur præceptum (inquit *Lessi. eod. n. in princip.*) quo obedientia formalis præcipiatur: sicuti datur, quo vetatur formalis inobedientia.

855 Verum quidem est, quod dum implemus aliquod præceptum, obligamur non habere intentionem impletioni contrariam, nam si expressè intenderemus non satisfacere præcepto Ecclesiæ, esset contemnere præceptum, & ex communi sententia peccatum esset lethale contra præceptum naturale divinum, quo tenemur obedire Superiori iusta præcipienti. Hac tamen expressa intentione nolendi præceptum adimplere, non obstante, præceptum re ipsa adimpletur, & eidem satisfacere videtur, eo quod voluntas illa qua vult præcepto non satisfacere non impedit, quin ponatur actus præceptus, nimirum libera Missæ auditio. Non enim præceptum est ut Missam audiendo intendamus satisfacere præcepto Ecclesiæ, sed tantum ut actu Missam cum libertate, & attentione requisita, audiamus: ità à *S. Joseph. l. c. vers. Quod si quis in fine.* Et idemmet docet *Diana ref. p. c. n. 3.* ubi sic: *Patet sufficere tantum audire Missam, & recitare Officium, non autem necesse est habere intentionem implendi huiusmodi præcepta, & dum quis non habet intentionem expressam non adimplendi præceptum, habet virtutalem implendi. Repellantur igitur anxietates à scrupulosis, qui Domini jugum suave, durum, & difficile reddunt. Imò ego puto, ut alibi etiam notavimus, satisfacere præcepto, qui vult Missam audire, vel recitare Officium, cum voluntate expressa non adimplendi præceptum recitationis Officii, & audiendi Missam: nec opus esse mutare animum in tempore habili, & applicare pro adimplendo præcepto Missam illam auditam, & Officium recitatum. Ita contra Aragon. Lessi. & Suar., Azor., & alios docent Sanch., Valent., & Vasq., quot citat, & sequitur Fagund. præcep. p. lib. 2. cap. 7. n. 14. Haec tenus Diana.*



CAPUT XV. DE PRIVILEGIIS IGNORANTIÆ

CIRCA SECUNDUM ECCLESIE PRÆCEPTUM, QUO JUBEMUR.

Semel in Anno peccata confiteri.

856



B Ecclesia latum esse præceptum, quo fideles jubentur semel in anno sacramentaliter peccata sua confiteri, certum est: sic enim habetur in Conc. Lateran. sub Innoc. III.

Omnis utriusque sexus fidelis, postquam ad annos discretionis pervenerit, omnia sua peccata, saltem semel in anno, fideliter confiteatur. Et idem definitur in Trident. Sess. 14. can. 8. per hæc verba: Si quis dixerit Confessionem omnium peccatorum, qualem Ecclesia servat, esse impossibile, aut ad eam non teneri omnes, & singulos utriusque sexus Christi fideles juxta magis Concilii Lateranensis Constitutionem, &c. Anathema sit. Idemque tenent omnes Theologi, & Canonistæ. Quod præceptum certissimè, & de fide, obligat sub mortali, cum expressè Tridentinum can. cit. dicat esse in Ecclesia præceptum annuæ confessionis, ab ipsaque servari, ut patet. Et certò nil est magis commune, & vulgare inter fideles omnes, quàm esse quinque præcepta Ecclesiæ, ex quibus unum est annuæ confessionis Sacramentalis.

857 Quomodo autem computandus sit annus in quo semel ex præcepto Ecclesiæ facienda est Confessio? & an per se obliget hoc præceptum pro determinata parte anni, v.g. in Quadragesima, aut in Paschate? Respondent aliqui computandum esse a prima die Januarii, cum annus eo die incipere videatur: Seu à Januario in Januarium; quia annus absolute dictus, communiter, & ordinariè sic computatur. Ita, Vasq. de penit. qu. 90. art. 3. dub. p. n. 15. apud Bonacin. de Sacram. penit. disp. 5. qu. 5. sec. 2. punc. 4. n. 19. & alii. Existimant vero alii, & ferè communiter, computandum esse annum ab uno Paschate ad sequens Pascha circiter, vel à Quadragesima in Quadragesimam, à Dominica scilicet Palmarum, usque ad Dominicam in Albis; ita ut tem-

pus annuæ confessionis videatur Paschale esse, sicuti est Communionis. Quia hæc est consuetudo omnium fidelium, ut peccata sua, confessione circa Pascha expient: igitur consuetudo talis instar legis habenda, est: hocque tenent Sylo. Azor. Suar. Coninc. Henric. Reginald. Nugnus, Filliuc. apud Eonacin. n. 19. c. alique plures allegati à Leandro p. p. tract. 5. De Sacram. penit. disp. 3. qu. 39. & 40. Quod colligunt ex Trid. sess. 14. c. cap. 5. in fine: ubi sic habetur. Unde jam in universa Ecclesia, cum ingenti animarum fidelium fructu; observatur mos ille salutaris confitendi sacro illo, & maxime acceptabili tempore Quadragesimæ: quem morem hæc Sancta Synodus maxime probat, & amplectitur, tanquam pium, & merito retinendum. Sic ibi, & can. 8. Censent tandem alii (quos citat Bassæus in Florib. Verbo Confessio Sacramental. p. n. 9.) Unicuique computandum esse suum annum ab ultima Confessione: quod est idem ac asserere, præceptum annuæ Confessionis ex se non obligare pro determinata parte anni, ideoque satisfieri eidem posse confessione facta in qualibet anni parte. Ratio est, quia c. Cap. Omnis utriusque sexus, &c. non limitat tempus confessionis, ad aliquam partem anni, nec idem statuit de confessione, ac de communionem, ut constat legenti: jubemur enim ex ipso saltem semel in anno confiteri, & Communionem saltem in Paschate accipere. Igitur si quis intra annum confessus est, præceptum confessionis adimplevit, nec postea tenetur vi ejusdem præcepti, in Quadragesima iterum confiteri nisi de novo mortaliter peccaverit, & Sacram communionem accipere velit. Ad oppositum autem argumentum desumptum à consuetudine, respondent, verum esse, quod fideles soleant circa Pascha confiteri, hoc tamen non facere ex præcepto ullo, aut consuetudine ad id obligante, sed quia hoc tempus commodius est ad satisfaciendum Ecclesiæ præcepto Sanctissimæ Communionis.

nis, ad quam confessio ipsa sacramentalis est via. Hujus sententiæ sunt plures, & classici Doctores, quos cumulat, & sequitur *Leand. qu. c. 39.* Et eandem tuetur *Diana to. p. Coord. tract. 3. ref. 51. n. 2. ex p. 2. tract. 17. & Miscell. 3. ref. 54.* Ubi & ipse docet, quod consuetudo confitendi in Paschate fuit introducta, ut fideles prepararentur ad communionem ad quam Paschatis tempore tenentur; ita ut simul cum ipsa impleverint etiam præceptum confessionis: non verò introducta fuit talis consuetudo pro præcepto confessionis secundum se.

858 Cui sententiæ, & doctrinæ, uti communiori, & probabiliori adherens *Palao p. 4. De Sacram. Penit. tract. 23. Disp. Unica punc. 20. §. 2. n. 8.* concedit & ipse, confessioni non esse determinatum tempus Paschale; sed quolibet anni die fieri posse, & præcepto esse satisfactum. Quod ego quoque concedo, & dico, præceptum hoc per se, & ex vi sua obligare, semel in anno, non tamen pro determinata parte anni, nempe in Januario, in Quadragesima, in Pascha, aut in alio determinato tempore, sed satis esse confiteri quocumque die totius anni, sive in principio, sive in fine: sicut præceptum audiendi Missam die festo, obligat tempore matutino, non tamen determinata hora illius diei; sed fidelium arbitrio remittitur. Et hanc esse communem sententiam testantur *Suar. in 3. par. to. 4. disp. 36; sec. 3. n. 2. Molæsius p. p. Summ. tract. 7. cap. 10. n. 23.* & alii: quæ etiam ex hæcenus dictis probatur: tum quia *semel saltem in anno, in cap. cit.* præcipitur confiteri, nec designatur pars aliqua ipsius anni, in qua fideles confessione uti debeant: Satis ergo est ad implendum hoc præceptum quocumque die totius anni confiteri: lex enim generaliter loquens, generaliter etiam debet intelligi, & quando non distinguit, nec nos distinguere debemus, *l. p. §. generaliter, ff. de legat. præst.* Tum quia in *rod. cap. c. duplex* fertur præceptum, Confessionis videlicet, & Communionis: at Communionis præceptum est pro determinata parte, nempe ad minus in Paschate: Confessionis verò præceptum indeterminatè constituitur, idest semel tantum in anno: ergo si præceptum communionis obligat pro determinata parte anni; indeterminatè censetur contringere præceptum confessionis, atque adeo sufficere, ut fideles confiteantur in quocumque die totius anni. Nam Canon ipse, si voluisset pro determinata parte anni alligare fideles ad confitendum, id utique ex-

pressisset; sicuti expressè voluit obligare ad communicandum in Pascha. Et hoc quidem *non injuria* (ait *P. Duardus par. p. in Cap. Omnis utriusque sexus disp. 5. sec. pr. conclus. 2. n. 6. in fine*) quoniam usus Sanctiss. Sacram. Eucharistiæ per se præcipitur, etiam si homo nunquam peccaverit: & propterea speciali quoque, ac determinato anni tempore præcipi potest, etiam si fideles aliis temporibus voluntariè communicaverint. Usus verò Sacramenti penitentiae præcipitur non per se: sed supposita mortali culpa (est enim medium necessarium in re, vel in voto, ad remissionem peccati mortalis post Baptismum commissi) Unde meritò indeterminatè præcipitur. Tum etiam, quia nedum inspecto jure communi *ex d. cap. Omnis utriusque sexus* verum est confessionis præceptum obligare, solum semel in anno absq; præfixione temporis, & diei particularis, sed etiam hoc idem colligitur aperte (ut pariter notant *P. Alphonfus de Leone de Officio, & potest. Confessarii, Recollectione 18. n. 24. in fine. Diana l. c. nu. 3. & Palao nu. 8. cit.*) ex verbis *Trident. cap. 5. c. supra* relatis: *Quem morem (ibi) hæc Sancta Synodus maxime probat, & amplectitur tanquam pium, & meritò retinendum.* Ex quibus inquam colligitur aperte, Concilium distinxisse inter præceptum confitendi, & morem confitendi in Quadragesima. De præcepto enim inquit, ut saltem semel in anno adimpleantur: morem autem confitendi in Quadragesima non præcipit, sed tanquam pium, & meritò retinendum probat, & amplectitur, Quod postea *Can. 8. ejusdem sessionis* clarius explicat, si cum attentione expendantur verba: Concilium enim ibi eos anathematizat, qui dixerint, *Confessionem omnium peccatorum, qualem Ecclesia servat, esse impossibilem, aut traditionem humanam à piis abolendam, aut ad eam non teneri omnes, & singulos utriusque sexus Christi fideles, juxta Magni Concilii Lateranensis Constitutionem semel in anno: & ob id suadendum esse Christi fidelibus, ut non confiteantur tempore Quadragesimæ.* Si namque tenerentur fideles confiteri tempore Quadragesimæ, Tridentinum absolutè anathematizaret eos, qui dicerent, fideles non esse obligatos confiteri tempore Quadragesimæ; sicuti anathematizat eos, qui dicunt, semel in anno non teneri: solum enim anathematizat eos, qui fidelibus suaserint, ne tempore Quadragesimæ confiteantur, eo quod obligationem non habeant semel in anno confitendi. Concludendum est igitur quod per hujusmodi præceptum nulla

nulla certa pars anni determinata sit, & impleri posse, quocumque mense, vel die infra annum confessio peragatur: hoc quippe indicant generalia illa verba, *ex Cap. Omnis, citata.*

859 Neque obstat inducta consuetudo, quod fideles tempore Paschali suam confessionem facere soleant: & quod eo tempore solent Parochii testimonium Confessionis à fidelibus exigere, quasi indicantes, tunc expirare tempus obligationis exequendæ. Item quod passim locorum Ordinarii per statuta Synodalia pro Confessione annua certas septimanas determinent ab inchoata Quadragesima. Nam quoad Parochos facit & ego, i ipsos solere exigere tempore Paschatis à suis Subditis testimonium confessionis: at, hoc est *leue fundamentum*, (inquit etiam *Palao l. c. n. 10. in fine*) tum ex supra dictis, tum etiam quia id exigunt Parochi, quia plerumque eo tempore eorum subditi præceptum confessionis adimplent: & quia cognoscere debent, an ad communionem eo tempore suscipiendam dispositi sint. Quo verò ad id quod additur, quod per statuta Synodalia Episcoporum fieri soleat talis determinatio temporis, transeat: at hæc non fit ex eo quod obligationi peragendi Confessionem annuam per se hoc determinato tempore, satisfieri debeat, sed quia tunc sumptio Eucharistie per accidens exigit præmissionem Confessionis, nempe casu quo fidelis fit obnoxius alicui peccato mortali. Ut igitur talis determinatio temporis, & dicta consuetudo communiter inducta, ut supra, obligaret simpliciter, id facere deberet ex se, & ratione sui, non per accidens. Quod pariter (loquendo de hac eadem consuetudinem) docet *Diana l. c. n. 2. cum Vasq. Sylvo, & Nugno*, sic ad rem hanc distinguendo: Quando consuetudo est universalis, & intelligunt homines se obligari ad talem actum ratione sui, & non ex aliquo accidenti, habet in hoc casu consuetudo illa vim præcepti. Quando vero consuetudo non est ita universalis, & ex alia parte non consentit homines se obligari ad talem actum secundum se, sed ex aliquo accidenti, non habet talis consuetudo vim præcepti ad illum actum secundum se considerata: & ita contingit in nostro casu: Solum enim intelligunt homines se obligari ad Confessionem Paschatis propter Communionem. Et ita illa consuetudo fuit introducta, ut homines prepararentur ad communionem, ad quam tempore Paschæ tenentur, ita ut etiam simul implerent præ-

ceptum confessionis non verò introducta fuit hæc consuetudo pro præcepto Confessionis secundum se: ita *Diana*, consequenter postea resolutionem concludens n. 4. per hæc verba: *Dicendum est igitur absolute, si quis confessionem fecit intra annum; non teneri postea in Quadragesima confiteri, cum adimpleverit præceptum annuæ confessionis.* Ita *Sotus in 4. dist. 18. qu. p. art. 4. Canus in Releñ. de penit. p. 5. Valent. to. 4. disp. 7. qu. 9. punc. 4. Regim. in praxi to. p. lib. 6. cap. 2. n. 33. Molfes. in Summa to. p. tract. 7. cap. 10. n. 23. Azor. p. p. lib. 2. cap. 38. qu. 7. Suar. in 3. p. to. 4. disp. 36. sec. 3. n. 4. Henriq. Coninch, Victoria, Zerola, & alii D. D. communiter. Fieri tamen potest, ut alio titulo teneatur confiteri, ut si post confessionem peccavit mortaliter, & suscepturus est Eucharistiam in Paschate; aut si mortis articulus superveniat: in his enim casibus tenetur denovo confiteri: hæc tamen *Diana*. Sod*

860 Instabis. In quadam *Extravag. Vices de trequa, & pace*, asseritur Parochianos tempore Paschatis obligatos esse proprio Sacerdoti confiteri, ergo. Respondeo cum *P. Alfonso de Leone Recollect. 18. c. n. 26. in fine, & Palao l. c. n. 9. in dicta Extravag. seu Constit. Sæci IV.* nullum præceptum imponi, tantum id moneri, quia tunc est præceptum communionis. Seu impostum in cap. *Omnis utriusque sexus*, referri, ut apparet ex illis verbis ejusdem *Extravag. Cum Parochianus de jure teneatur saltem semel in Paschate proprio Sacerdoti confiteri.* Licet enim ibi expressum sit tempus Pascale, id factum non est, ut tali temporis obligatio restricta sit; sed quia eo tempore plerumque impletur simul, cum obligatione Eucharistiam sumendi. At hodie (inquit *P. De Leone, n. c.*) dicta *Extravag.* sublata est, tantum enim tenetur Parochianus sumere Eucharistiam, à Parocho suo, non tamen ei confiteri: Quod, prius notaverat *P. Molfes. in Summa tract. 7. cap. 10. n. 24.* in quo sic: *Sæpe alius in jure Canonico præscribitur, ut semel in anno teneantur singuli peccata sua confiteri proprio Parocho, vel alteri confessori de licentia Parochi. At hodie hoc sublatum est quoad confessionem, & solum in propria Parochia, vel in Ecclesia Cathedrali tenentur singuli fideles in Paschate sacrosanctam Communionem sumere, vel alibi de licentia Parochi. Possunt tamen singuli confessarii, approbati ab Ordinario, sua peccata confiteri, ut docent omnes, & est notoria praxis, ac consuetudo, quæ sustulit jus commune in hac parte, scientibus, & permittentibus omnibus Episcopis.*

861 Reinstabis. In c. *Cap. Omnis utriusque sexus, de penit. & remiss.* duo traduntur

distincta præcepta, alterum de Confessione; alterum de Communione: de primo solum dicitur, semel in anno faciendam esse confessionem: de secundo dicitur, suscipiant omnes Eucharistiam ad minus in Paschate: & Ecclesia jam determinavit tempus primi præcepti à Quadragesima in Quadragesimam: ergo qui usque ad diem Paschatis ex obligatione præcepti confessionis non confiteri, non adimplet hujusmodi præceptum per se: ergo, &c. Respondeo, ex dictis, negando tale tempus assignatum, ac determinatum fuisse pro sacra confessione secundum se: uti etiam ex dictis negatur idem tempus Paschale assignatum fuisse pro eadem Sacramentali Confessione per se, ac pro Sacra Communione. Hinc *Layman in Theol. Mor. lib. 5. tract. 6. cap. 5. n. 10. Vers. Ad 2.* (cui subscribit *Diana 10. p. Coord. tr. 3. ref. 52. nu. 3. ex par. 3. tract. 4. ref. 81.*) infert, quod si aliqui sint, qui legitimum impedimentum habent quominus in Paschate Sacramentum Eucharistiam suscipiant, ut infirmi, in lecto defixi, qui communionem pro tali impedimento suscipere non possunt, non sunt compellendi ad confitendum si intra anni decursum confessi sunt. At esto etiam dicta temporis determinatio pro adimplenda annuali confessione admitteretur, dico cum *Fagund. præcep. Eccles. 2. lib. p. cap. 4. n. 19. in fine.* Consuetudinem ampliasse jam illum annum obligationis Quadragesimæ usque ad Dominicam in Albis; & ex confessorii consilio adhuc posse amplius dilatar: unde ille etiam, qui de confessorii consilio, nec isto tempore confitetur, non transgreditur præceptum, ut expressè habetur in prædicto *Cap. Omnis*. Quod docet etiam *Laym. l. c.* [& cum ipso *Diana cod. n. 3. c.*] tum de confessione, tum de communionem loquendo: sic dicens: *Et si aliquis toto anno nunquam confessus fuisset, & communionem ad breve tempus ex causa iusta usque ad Pentecostem differre statueret, probabile est, graviter non peccaturum, & si etiam confessionem differret, si putaret postea eam commodius peractum esse. Probabile inquam est, non peccaturum graviter, si dilatio maximè ipsa confessionis, & communionis fieret ex ipsius confessorii consilio, ut in d. cap. Omnis, expressè habetur.* Ex quibus

862 Infertur primò. Eum, qui intra annum confessus est sua mortalia, non teneri postea in Quadragesima, vel in Paschate, iterum confiteri ex vi præcepti annuæ Confessionis, si tunc conscientiam habeat novi peccati mortalis. Ratio est clara, quia iam semel confessus est omnia mortalia, quæ

habuit in sua conscientia tempore confessionis, consequenter impletiv præceptum annuæ Confessionis. Teneretur quidem [sed Divino præcepto] si sacramentum Eucharistiam vellet recipere; quod si nollet, peccaret quidem lethaliter contra præceptum communiciandi in Paschate; non verò contra præceptum annuæ confessionis. Ita etiam *Diana tract. 3. c. ref. 53. n. 2. ex p. 4. tract. 4. & Miscell. ref. 206. Lugo de penit. disp. 15. sec. 7. n. 164. Palani punct. 20. c. 5. n. 3. Leonard. tract. 5. c. qu. 38. Laym. n. 10. cit. in resp. ad p. & alii apud eosdem, contra Mocerium [quem refert *Diana l. c. nu. p.*] de Sacramentis in 3. p. D. Tbo. qu. 6. art. 5. n. 3. Suarez in sec. 3. c. n. 8. & Henric. lib. 4. c. 4. nu. 2. extendentes præceptum de confessione semel in anno faciendam, ad omnia peccata mortalia, quæ intra quemlibet annum commissa sunt, ita ut omnia mortalia eodem ipso anno commissa confiteri necesse sit; adeo ut si quis post semel factam confessionem aliquod mortale committat, quod voluntariè fateri Sacramentaliter omittat, præcepto de confessione faciendi omnium mortalium, quæ eo anno commissa sunt non satisfaciat. Oppositum tamen ex dictis infertur [& verius est, inquit *Palani*] cum videlicet non esse ex vi hujus præcepti obligatum, illud novum peccatum eo anno fateri: Quia, ut optime etiam D. D. allegati, præcipue idem *Palani*, præceptum non est de Confessione faciendi eo anno omnium peccatorum, quæ anno eodem fuerint commissa: id enim si sic esset clarius explicari debuisset: Sed præceptum fuit de Confessione semel in anno faciendi omnium peccatorum quorum quis habet notitiam tempore confessionis, & quæ ad validam, & fructuosam confessionem fateri necesse fuerit. Unde si postmodum peccatum novum committatur, in confessione anni sequentis reservari poterit. Aliter nunquam censeri posset quod quis plene huic præcepto satisfecisset, quo usque annus finitus sit, ac completus integrè; tamen si pluries ritè confessus fuerit; ac ob id expediret, non in principio, neque ad medium, sed in fine anni confessionem præstare. Ad hæc ergo inconvenientia cùcienda, sustinent D. D. asserimus nos cum eisdem, quod semel facta legitima confessione mortalium nulla superest obligatio confitendi eodem anno, nisi ob Eucharistiæ sumptionem, vel nisi talis incidat in periculum mortis.*

863 Et hujusmodi doctrina, ac illatio, adeo probabilis, & vera ab *Em. Lugo* estimatur, ut *l. c. n. 169.* addat, idem asserendum etiam esse, in casu, quo aliquis pluries

pluries in eodem anno confessus esset venialia, & etiam aliquod mortale dubium: quod scilicet, nec teneatur ille postea in Quadagesima ante finem anni iterum confiteri, etiam si incidat in aliquod mortale certum. Quia [inquit] verè hic jam semel præceptum Ecclesiæ, & Christi hoc eodem anno implevit: nam Christi præceptum & si non sit confitendi venialia; est tamen confitendi non tantum gravia peccata certa, sed etiam dubia: igitur præceptum illud impletum est confitendo peccata ea dubia, quæ tunc habebat. Hinc apparet discrimen huius ab eo, qui solum confessus fuisset venialia, per quam confessionem non impleverat Christi præceptum, & ideo debet iterum confiteri eodem anno, si habet peccatum grave. Ita *Emin. De Lago n. c.* resolvens in sequentibus obiecta, quæ huic eidem additioni suæ opponi possent. Videantur: & etiam *Suar. De Pen. disp. 35. sec. 2. nu. 5. in fine.*

864 Inferitur secundò. Eum, qui confessus est hoc anno solum venialia, cum non haberet conscientiam peccati mortalis; si post confessionem labatur in aliquod mortale nondum elapso anno, teneri iterum eodem anno confiteri, quia nunquam hoc anno confessus est peccata mortalia. Præceptum enim Confessionis in d. cap. *Omnis utriusque sexus*, obligat ad mortalia semel in anno confitenda si conscius sit peccator alicuius peccati mortalis: ita communis D. D. præcipue *Suar. disp. 36. c. sec. p. n. 8.* ubi, Omnes fideles teneri ad confitenda semel in anno omnia peccata sua, necesse esse intelligi de mortalibus: quoniam, si comprehenderentur etiam venialia, tenerentur fideles ad illa omnia singulis annis confitenda, quod est absurdum, & in aliquibus esset moraliter impossibile. Unde nulla lege humana præcipi hoc potest ob moralem impossibilitatem: Non comprehenditur igitur sub hoc præcepto qui non habet culpam mortalem. (Tamen postea consultissimum sit fidelibus, si tempore Paschali, nullius culpe mortalis conscii sint, venialia confiteri uti meritò habet communissima praxis, maximè ante communionem) tum ut Sacramenti gratiam percipiant: tum etiam, ut si commissi mortales oblii, vel inscii sint (quod sæpe frequens) neque satis contriti existant, per Sacramentalem absolutionem iustificentur. Ad hoc tamen ipsum simpliciter non obligantur. Præterea quia huiusmodi Ecclesiæ præceptum est solum determinatio quædam præcepti Divini, ut clarè docuit Tri-

dent. sess. 14. cap. 5. dicens hoc præcepto nil præcipi, quod non esset divini præcepto mandatum, præter temporis determinationem; sed ex præcepto divino solus ille confiteri tenetur qui conscientiam habet peccati mortalis: ergo. Adde quod idemmet *Trident. cap. d.* aperte etiam docet: *Oportere à penitentibus omnia peccata mortalia, quorum post diligentem sui discussionem conscientiam habent, in confessione recenseri; etiam si occultissima sint. Venialia verò, quibus à gratia Dei non excludimur, & in quæ frequentius labimur, quamquam rectè, & utiliter, citraque omnem præsumptionem in Confessione dicantur; quod piorum hominum usus demonstrat; taceri tamen citra culpam, multisque aliis remediis expiari posse.* Quare nullum extare præceptum divinum obligans per se ad Confessionem venialium, & expressè declarare videtur hic *Tridentinum*, & apud omnes in Confessio est, ubi enim illud? Dico per se, nam per accidens (ut etiam advertit Gobat *Alphabeto Confessionum num. 250.*) potest quis obligari ad Confessionem venialium: nam si quis existens in mortali Sacramentum aliquod conficiendo administrare debeat, & rationabiliter dubitet, an sit contritus, nec habeat copiam Confessarii approbati, sed tantum simplicis Sacerdotis, tenetur ipsi confiteri aliquod veniale, ut ex attrito fiat contritus: Ex idem dicendum est in simili de casibus reservatis: de qua re videndi *Diana p. 9. tr. 7. ref. 11. p. 11. tr. 8. ref. 49. Marchant. in Tribun. Sacram. to. p. tra. 2. tit. 4. qu. 8. Conclus. 2. Gobat Alphabet. Confessorior. Casu 8. n. 384. alique.* Ceterum absolute loquendo, & per se: si quispiam non nisi venialium sibi conscius ad annuam confessionem teneretur, foret obligatus ad omnia venialia semel in anno confitenda: si quidem, *Cap. Omnis cit.* aperte dicit omnia peccata semel in anno confitenda esse: sed hoc consequens nemo admittet, quia cum venialia non sint materia necessaria, *dictum Capitulum*, de solis peccatis mortalibus utique loqui censetur.

865 Inferitur tertio. Hoc præceptum esse Ecclesiasticum solum quoad determinationem temporis: nam in reliquis divinum præceptum, & institutionem continet, dicente eodem *Trident. d. cap. 5. Institutum esse à Domino integrum peccatorum Confessionem: Et Ecclesiam tantum ordinasse, ut divinum præceptum confessionis singulis annis executioni mandetur.* Tota enim substantia huius actus est de jure divino: & solum mandatur ab Ecclesia ut tali tempore fiat.

Quo verò tempore, & quando obliget præceptum hoc confessionis, ut Divinum est? cum in lege Evangelica succedat præcepto contritionis, dicendum est, pro eo tempore *per se* obligare, pro quo obligat præceptum contritionis: hoc autem *per se* obligat non nisi in articulo, aut morali periculo mortis: ergo & illud. Probatum minor: quia pro eo tempore præceptum contritionis *per se* obligat pro quo homo existens in mortali exponeretur præsentis periculo æternæ damnationis, si tunc contritionem non eliceret, quia negligeret medium (sub illis circumstantiis) ad consequendam salutem simpliciter necessarium. Versantur autem in articulo mortis, aut ejus morali periculo, primo: Ægroti cum adsunt signa mortis naturalia. 2. Tempore pestis grassantis. In ingressu prælii, seu conflictus, aut periculose navigationis. 3. Mulier tenera primum paritura; vel jam experta habere partus difficiles, seu periculosos. 4. Morti adjudicatus, &c. Ita omnes. In his ergo, & similibus casibus saltem, homo culpe mortalis conscius, tenetur confiteri: quia aliud certum tempus hujus obligationis *per se* nullo certo fundamento assignari potest, eum tamen Sacramentalis confessio, nostrorum lapsorum remedium à Christo Domino institutum, atque præceptum sit. Quapropter *c. cum infirmis De Penit. & Remiss.* Medicis præcipitur: ut cum eos ad infirmos vocari contigerit, ipsos ante omnia moneant, atque inducant, ut Medicos advocent animarum. Quod si tota vita quis nullum peccatum mortale admittat, liber erit ab obligatione hujus præcepti. Nec proinde graviter delinquere censendus esset, qui ab aliquot mensibus nullius mortalis peccati admissi, sibi conscius, in articulo etiam mortis nollet confiteri: nec (judice Gobat *Alphab. Confitent. Casu* 10. n. 253.) ei viaticum, seu Extrema Unctio negari posset. At in praxi, talis, omnino à Confessario urgendus esset, ut aliquod saltem veniale confiteatur, tum ad indirectam remissionem alicujus fortasse latentis mortalis criminis; tum ob gratiam sacramentalem acquirendam; tum ad satisfaciendum consuetudini universali fidelium; tum ad evitanda scandala, domesticorum timorem, tristitiam, &c.

866 *Per accidens* autem obligat præceptum Divinum contritionis, & confessio- nis in aliquibus casibus; dantur enim casus aliqui in quibus sine contritione præmissa, aut confessione, alia præcepta debere impleri nequeunt; igitur tunc hujusmodi præ-

ceptum obligabit, non quidem *per se*, sed *per accidens*. Casus qui enumerari solent, sunt sequentes: primo. Quando ministrandum est aliquod Sacramentum, & minister est in statu lethalis peccati: tunc enim ut se conformet suo agenti principali, sancta scilicet sanctè tractando, tenetur sibi prius statum gratiæ procurare, aut per Sacramentum penitentiae in re perceptum, aut per contritionem. Secundò. Dum percipienda sunt Sacramenta vivorum (ut quando suscipienda est Sacra Eucharistia, &c.) & suscipiens sibi conscius est peccati mortali, quo casu iste pariter teneretur prius conscientiam suam mundare aut confessione sacramentali, aut perfecta contritione. Tertiò. Quando occurrit gravitentatio, quam non sinit superare sine prælicita contritione: aut quando credit quis se certum peccatum lethale, in quod sæpius lapsus fuit, evitare aliter non posse, quam per confessionem se muniendo contra illud, uti sunt maximè assueti peccato libidinis, singulariterque molliæi: item si ad adhibenda remedia peccati, aut amovendas peccatorum occasiones, prudentis viri consilio opus sit, quod extra Confessionem petere nolit, aut non possit. Quia, qui tenetur ad finem, tenetur etiam ad media applicanda illi fini necessaria, at jure divino tenemur evitare omne peccatum, ergo, &c. sic communiter D. D. Quamquam non desint qui expresse negent dari casum, quo non possit quis hoc, vel illud peccatum evitare sine remedio Confessionis. Sed quo ad hoc, judicio expertorum standum erit.

867 Inferitur quartò. Infideles non baptizatos quantumvis peccatores non obligari hoc confessionis præcepto, neque qua Ecclesiasticum est. Non qua divinum, tum quia peccata ante pabritium commissa non sunt materia hujus Sacramenti, ut communiter Theologi: Igitur nec tenentur infideles, neque possunt illa Sacramentaliter confiteri, consequenter neque hoc præcepto (qua etiam tantum divinum est) obligari: tum quia (ut arguit etiam *Suar. sec. 2. c. n. 2.*) non est confessio his infidelibus necessaria ad salutem, ergo ad eam non tenentur: consequentia est clara: non enim jure divino confessio præcipitur, nisi quatenus est necessaria: antecedens verò etiam constat, quia si dicti infideles baptizarentur, & post Baptismum nullum peccatum mortale committerent, salvarentur sine confessione: dicitur namque hoc Sacramentum secunda tabula post naufragium: quia

is solis necessarium est, qui mortaliter post Baptismum peccaverunt. Hinc etiam sit, quod si infidelis per contritionem ante Baptismum iustificetur, contritio illa non includat votum confessionis, sed solius Baptismi; cum solus Baptismus ex vi illius status necessarius sit: per hunc enim delentur plenè peccata omnia ante commissa absque ullo ordine ad confessionem: Igitur clarum est infideles non obligari præcepto Confessionis qua Divinum est.

868 Sed neq; qua Ecclesiastico. Quia infideles non sunt Ecclesie subditi, consequenter ejusdem non ligantur præceptis: nec ejus foro, ejusque judicio subiciuntur. Per solum enim Baptismum fiunt homines subditi Ecclesie, & capaces Confessionis Sacramentalis, per quam sola peccata actualia post Baptismum commissa, & non ante remittuntur: Nam secundum Apostolum *p. Cor. cap. 5. Ecclesia non judicat de iis qui foris sunt*. Et Trident. Concil. sess. 14. cap. 2. dicit: *Ecclesia in neminem judicium exercet, qui non prius in ipsam per Baptismi januam fuerit ingressus*. Et ibidem canon. p. definit: *Penitentiae Sacramentum esse institutum à Christo pro fidelibus, quoties post Baptismum in peccata labantur*. Sicuti ergo per Baptismum (vi cujus solum remittitur originale peccatum) constituantur, instituuntur, ac efficiuntur Ecclesie subditi; ita istosmet solum, omnesque utriusque sexus personas Baptizatas ad forum Ecclesie consequenter spectantes, obligat præceptum hoc Ecclesiasticum (si post Baptismum in aliquod mortale sint prolapsi) etiam pueros cujuscumque ætatis, dummodo doli mortalis sint capaces; ad quod non potest certa ætas designari, sed viri prudentis judicio opus est. Quod totum certum est, & extra controversiam inter Theologos. Colligiturque ex *Trid. supra*: & ex præd. Cap. Omnis &c. Hinc etiam

869 Inferitur quintò. Cum hoc præceptum obliget omnes illas personas, quæ post Baptismum mortaliter peccaverunt, consequenter obligare pariter (ex communi, & omnino vera D. D. sententia) etiam hæreticos, Apostatas &c. & adeò obligare, ut meritiò *Lugo de Penit. disp. 15. sec. 7. n. 147*. dicat, *absurdissimum esse affirmare, Hæreticos non obligari legibus, & præceptis Ecclesie communibus*. Quis enim illos exemit? utique non ipse Deus: multò minus Ecclesia, quæ tanquam veros sibi Subditos per Baptismum, per excommunicationis etiam poenam, & censuram ad obedientiam eodem compellere nititur. Et quidem si hæ-

retici sub hoc præcepto non comprehenderentur, nec etiam consequenter comprehendi eum videretur, qui fortasse incidit in aliquod grave peccatum contra fidem: atque adeo nec iste talis (quia sic peccavit) teneretur confiteri: quod tamen quis concessurus? Hujus autem illationis ratio à priori videtur esse: Quia præceptum hoc non est de re nova, aut quæ jam non fuerit, & sit debita, ex divino jure, sed de Confessione à Christo Domino præcepta; solum determinando tempus illius; quæ determinatio, certè, fuit Ecclesie commissa, si in susceptione hujus Sacramenti negligentes essent homines. Ut ergo divinum præceptum comprehenderet omnes baptizatos insdem omnibus (sicque etiam baptizatis hæreticis) debuit Ecclesia tempus confessionis faciendæ præscribere, alioquin ipsa non satisfecisset debito suo determinandi tempus omnibus, qui alioquin ex Christi præcepto ad confessionem obligati erant: ita etiam *Lugo sec. c. n. 145*.

870 Neque hic obflare posse videtur particula illa *fidelis* posita in d. cap. Omnis in principio lati præcepti: *Omnis utriusque sexus fidelis*: Quia tali particula, seu nomine significantur (ut advertit etiam *Lugo sec. c. n. 146*.) omnes, qui Baptismum acceperunt, quod est fidei Sacramentum. Uti è contra non intelliguntur fideles, qui & si fidem Christi habeant, baptizati tamen non sunt, unde nec potest hoc Ecclesia obligare. Quod confirmari etiam potest ex verbis *Trident. Conc. sess. 14. c. cod. cap. 5. in princip.* ubi declarans institutionem Confessionis, dicit: *Christum ascensurum ad Cælos, Sacerdotes sui ipsius Vicarios reliquisse, tanquam Præsides, & Judices, ad quos omnia mortalia crimina deferantur, in quæ Christi Fideles ceciderint*. Hisce enim verbis non, exclusit utique à potestate Sacerdotis hæreticorum peccata: sed *Christi Fidelium* nomine baptizatos omnes comprehendit. E contra verò, *infidelium* nomine sæpè si soli intelliguntur, qui baptizati non sunt, ut videre est præcipue in *Decreto Gratiani 28. qu. p.* ibi enim passim *infidelium* nomine intelliguntur, qui extra Ecclesiam sunt. Et hinc est, quod etiam inter Theologos talis usurpatio frequens videtur, ut quando ex gr. affirmant non licere baptizare filios *infidelium* invitis parentibus: quando dicunt Matrimonium fidelis cum infidelis esse irritum, quibus in propositionibus certum est, nomine *infidelium* non comprehendi hæreticos baptizatos, quoniam horum filii, parentibus invitis, baptizari possunt: & Matrimonium

monium Catholici cum hæretica, vel vice versa, validum est, & si non licitum. Nominè ergo *fidelium* in d. cap. & *textu* comprehenduntur etiam hæretici, ut distinguantur ab iis, qui fidem Christi nunquam professi sunt. Quod totum docet etiam *Lugo n. 246. c.* His præhabitis, ac præsuppositis, quæ necessarîo videbantur præmittenda, ut haberetur hic tradita quiddam notitia hujus secundi Ecclesiastici præcepti: aliis omnibus omissis, quæ propunt, ac discutiunt D. D., præcipuè allegati supra, & communiter omnes de *Præcepto Confessionis* agentes, quippequæ sunt extra sphaeram objecti nostri, immediatè prosequendo proprium Methodum, sit

PRIVILEGIUM PRIMUM.

Qui semel in anno facit Confessionem suam, sed informem, & invalidam, ex ignorantia tamen probabili, excusatur à peccato contra præceptum Confessionis annuæ.

871 **D**iximus supra *nu. 862.* Præceptum Confessionis in lege Evangelica succedere præcepto contritionis; quæ contritio in statu veteris legis ante legem gratiæ, & Evangelicam, sola poterat (perfecta tamen formalis, vel virtualis) ad ultos justificare, ac liberare à mortalibus. Fuit ratio, quia veteris illius legis sacramenta inania signa erant, quæ Dei gratiam per se, & ex opere operato non conferebant, sed solum eam præfigurabant, & significabant, per Christum conferendam: sicque excitabant fidem in Christum Mediatorem: quæ si formata fuit per Charitatem, seu contritionem perfectam, habebat vim justificandi ex opere operantis tantum: juxta communissimam Doctorem, & fidem Catholicam. In lege autem nova, & Evangelica, contritio perfectæ sola non est amplius ad justificationem necessariâ, cum sola attritio supernaturalis cum Sacramento Baptismi, vel Pœnitentiæ susceptio sufficiat per omnes Theologos. Ratio est: quia, Christus Dominus in lege Evangelica faciliare volens salutis media, instituit hæc Sacramenta, non vivorum, sed mortuorum remedia; ut per se, & directè hæc eandem homini spiritualem vitam, remissionem scilicet peccatorum, & gratiam primam conferrent: consequenter eandem primam gratiam ante eorundem suspensionem non requirunt, nec etiam perfectam contritionem; aliter salutis media homini peccatori, non

alleviata, sed aggravata fuissent.

872 Verum quidem est, quod sicut in lege veteri, adulti in mortale lapsi ad se ab eodem liberandos, & justificandos, fuit necessariâ contritio perfectæ formalis, vel virtualis (inclusa saltem nimirum & imbibita in actu amoris Dei super omnia, qui de se semper est deletivus peccati, & justificativus; quia licet non sit formalis, & expressa detestatio peccati, eam tamen virtualiter, & implicite includit: hominemque sic disponit, ut si recordaretur peccati, vel offensæ Dei in se, eam utique detestaretur, &c. unde illi in S. Scriptura sapissimè, & absolute promittitur remissio peccatorum, & justificatio: ut *Proverb. 8. p. Petri 4. p. Joann. 5. Proverb. 10. Joann. 14. Luc. 7.* perfecta enim conversio hominis ad Deum, necessarîo delet omnia peccata hinc Christus ad Magdalenam *Lucæ l.c.* clarissimè dixit, *Remittuntur ei peccata multa, quoniam dilexit multum*: alioquin esset homo simul conversus ad Deum, & aversus, quod implicat, atqui per verum actum amoris Dei super omnia, perfectè convertitur homo ad Deum. Et in hoc eodem actu includitur voluntas servandi omnia mandata Dei, juxta illud, *Qui diligit, legem implevit*: qui verò totam legem implevit, utique est perfectè conversus ad Deum: Igitur peccator per solum actum amoris Dei super omnia, qui est etiam virtualis contritio, pariter justificatur, ac remissionem peccatorum consequitur. Sicut ergo in lege, inquam veteri, contritio ipsa perfectæ formalis, aut virtualis, hominibus in mortale lapsi necessaria fuit ad se liberandos ab ipso, & justificandos: ita quoque in lege hæc nova Evangelica, in mortale prolapsi necessaria est simpliciter susceptio ipsa in re, vel in voto dictorum duorum Sacramentorum ad remissionem, & justificationem acquirendam, quæ ob id appellantur Sacramenta mortuorum. Et hoc quidem certissimum est; imò veritas de fide definita, (loquendo de Baptismo) ab *Eugen. IV. in suo Decreto fidei, & à Trident. Sess. 7. Can. 5. de Baptismo,* & habetur apertè *Joannis IV. Nisi quis renatus fuerit ex aqua, & Spiritu Sancto, non potest introire in Regnum Dei.* Et si de Pœnitentiæ, & Confessionis Sacramento (de quo solum hic sermo) item expressè definita in *Trident. Sess. 14. cap. 2. de Pœnitent. in fine*: per hæc verba *Est autem hoc Sacramentum Pœnitentiæ lapsi post Baptismum ad salutem necessariam; ut nondum regenerati ipse Baptismus.* Item Canon 6 *Si quis negaverit Confessionem Sacramentalem, vel institutam,*

institutum, vel ad salutem necessariam esse Jure Divino, &c. anathema sit. Et ita Catholici omnes cum *D. Tbo. in Supplemento qu. 6. art. 2.* contra Hæreticos nostri temporis. Sicut igitur ante legem Evangelicam obligabit contritio ex Jure Divino, ita ex eodem Jure de facto obligat Sacramentalis Confessio: Et hujus ratio, est, Quia illud ad salutem necessarium est (necessitate medii intellige) sine quo prima gratia haberi nequit: si enim ipsa prima gratia ad salutem necessitate medii necessaria est, haud dubiè, id etiam sic necessarium erit, sine quo gratia hæc non potest haberi: atqui de facto sine Sacramento poenitentiae in re, aut voto, respectu eorum, qui post Baptismum in mortale sunt prolapsi, gratia prima haberi non potest: Siquidem nonnisi duo Sacramenta extant, quibus vel in re, vel in voto susceptis, per se habetur prima gratia, nimirum Baptismus, & Poenitentia: homo autem post Baptismum lapsus in mortale, baptismum mediante, ob ejusdem irreiterabilitatem, dictam primam gratiam consequi nequit, ideoque nisi eam obtineat mediante Sacramento poenitentiae, nullatenus obtenturus est; ergo, &c. Sed

873 Dices. Si Sacramentum poenitentiae omnibus post Baptismum lapsus in mortale esset ad salutem necessarium saltem in voto, Christus in lege gratiae onus Ecclesiae magis aggravasset, quam alleviasset: si quidem majus onus est debere salvari per Sacramentum poenitentiae, quam sine eo, ut in lege scripta fiebat, in qua homines justificabantur per solam contritionem, absque incluso voto hujus Sacramenti; atque hoc consequens nemo admiserit; ergo. Respondeo negando sequelam majoris: nam Sacramentum poenitentiae à Christo in lege gratiae institutum, hoc relevamen addit, quod de facto justificari possumus per attritionem accedente Sacramento Confessionis, cum tamen in lege veteri nonnisi per contritionem perfectam (quam habere difficilius erat) justificatio obtineri potuerit. Nec etiam ex hoc majus onus imponitur, quod contritio votum Sacramenti poenitentiae, & confessionis habere debeat annexum, quod olim non habebat: cum enim votum istud non debeat esse necessarium explicitem, majorem difficultatem non involvit, ut de se constat.

874 Instabis: In lege veteri fiebat peccatorum remissio sine praemissione talis Confessionis: ergo cum ex Christi institutione hæc praemitti debeat in lege nova, hac ratione Christus reddidit remissionem pecca-

torum difficiliorem, & per consequens viam ad salutem nobis fecit arduorem. Adde, quod confiteri sacramentaliter Sacerdoti propria occultissima peccata videtur esse contra legem naturæ, cum sit seipsum infamare, quod grave utriusque est ut patet; & onus quod in lege veteri non extabat; & sine quo peccatores justificabantur, id est cum contritione sola, absque confessione, ergo. Respondeo ad instantiam negando consequentiam: non enim remissio peccati difficilius facta est in lege nova ex institutione Sacramenti poenitentiae, ut essentialiter includentis confessionem, quia haud dubiè modo facilius est attritionem jungere peccatorum confessioni, & absolutioni sacramentali, sicque veniam consequi, quam olim fuerit in lege scripta, perfectam contritionem elicere, eaque elicit peccatorum remissionem obtinere. Ad id quod additur: Dico primo, cum *P. Pasqualigo in Sacra Morali Doctrina to. 2. disp. 83. De Integrit. Confess. sec. p. n. 5.* In Confessione non aperi peccata Sacerdoti, ut homini, sed ut gerenti vices Dei, atque adeo absque infamia, quia confessio est tribunal, in quo est judicanda conscientia in ordine ad reconciliationem cum Deo. *Secundo:* Nec etiam propriè, ac rigorosè loquendo verum esse quod confessio sacramentalis sit ex parte poenitentis, sui diffamatio (hinc optimè *Fagund. Præcep. 2. Eccles. lib. 5. cap. 1. n. 9. in princip. ait: In Confessione, nunquam datur vera ratio infamiae*: quam conclusionem extendit etiam ad complicem peccati, quando & ipse in confessione necessario à poenitente declaratur) quia diffamatio propriè cedit in detrimentum diffamati, patefactio autem peccatorum occultorum in confessione sacramentali cadit in proprium commodum poenitentis. *Tertiò:* Et si daremus, quod occultorum peccatorum confessio esset aliqualis (materialiter saltem) sui ipsius diffamatio, hanc tamen non esse inconvenientem, quando fit iusta de causa, ut fit in Sacramento poenitentiae, sed solum quando nullam justam, ac rationabilem causam habet. Et licet distincta occultorum peccatorum confessio sit nonnihil gravis, & homini tantisper difficilis, ardua, ac vercunda videatur, multis tamen abundat commodis, quæ ipsam alleviant, & propter quæ conveniens fuit ut à Christo institueretur. Quod etiam declaravit *Concil. Trid. Sess. 14. cap. 5. De Confessione*, per hæc verba: *Ipsa verò hujusmodi Confessionis difficultas, ac peccata detegendi vercundia, gravis quidem videri posset, nisi tot, tantisque commodis & consolationibus levaretur, quæ omnibus dignè*

ad hoc Sacramentum accedentibus, per absolutionem certissimè conferuntur. Quorum primum est, quod per hanc obtineatur peccatorum venia. Secundum, quod peccatores ex confessione reportare soleant sana consilia; salubres instructiones in multis, præcipuè in ordine ad restitutionem faciendam tum rei, tum famæ, quam alteri abstulerint: ad inimicitias sedandas, & pacem veram inducendam, &c. item solatia, & alia opportuna remedia contra periculum relapsus. Tertium, quod verecundia, ac quasi timore confessionis tanquam freno quodam, à peccatis retrahantur multi. Quartum, quod per verecundiam, & humilitatem Confessionis conjunctam, peccator magna ex parte satisfaciatur pro restantibus poenis temporalibus, & quodammodo redimat confusionem, quam peccatores in die iudicii patientur, quando Deus revelabit abscondita tenebrarum & manifestabit consilia cordium.

875 Præter igitur præceptum Divinum de Confessione Sacramentali, datur quoque & Ecclesiasticum, & utrumque obligat (ex dictis) sub mortali. Divinum quidem in articulo, seu periculo mortis, Ecclesiasticum verò ad Confessionem annuam; adeo ut ex vi hujus teneantur omnes fideles utriusque sexus, semel singulis annis confiteri omnia peccata mortalia quorum habent conscientiam. Circa quam obligationem, quia certè fuit antehac probabilis visà sententia gravissimorum etiam Doctorum, Præcepto huic Ecclesiæ satisfieri per confessionem etiam sacrilegam, informem, & invalidam; huic eidem sententiæ omnem probabilitatem abstraxit Decretum Alexandri VII. inter propositiones damnatas Anno 1669. & hanc numerans (quæ est 14.) *Qui facit Confessionem voluntariè nullam, satisfaciit præcepto Ecclesiæ: & quæ neque mihi unquam placere potuit; meritoque damnata.* Cujus etiam damnationis meritum clarè constat, tum quia præceptum Confessionis est Divinum substantia-liter, & quoad solam temporis determinationem Ecclesiasticum: ex præcepto autem Divino tenetur homo integrè, & validè confiteri, quantum est ex se; tum quia Confessio voluntariè facta invalidè, non est sanè Confessio, si quidem desunt illi essentialia, ergo per eam satisfieri non potest præcepto Ecclesiæ de annua Confessione, voluntariè enim nulliter, seu invalidè confiteri, est non confiteri, ut patet; tum etiam quia Ecclesia præcipere potest, & re ipsa præcipit, ut Sacramentum pœni-

tentiæ percipiatur secundum sua essentialia ab iis, qui peccati mortalis sibi sunt consci; ergo quando illud non percipiunt secundum sua essentialia, præcepto Ecclesiæ non satisfiit; Sed quando Confessio est invalida, idem Sacramentum non percipiunt secundum sua essentialia, cum hoc ipso ali-quod essentialiale deesse debeat; ergo.

876 Nec valet recurrere ad commune oppositum, quod Ecclesia videlicet non possit aliquid statuere circa internum actum pœnitentis, cum de occultis non judicet, consequenter esto Confessio esset nulla ob defectum interioris actus pœnitentis, nihil ipsius præcepto officere. Non inquam valet, nam esto nil possit Ecclesia statuere circa actum internum, qui non pertineat ad substantiam externi, directè cadentis sub ipsius præceptum, statuere tamen aliquid potest circa internum, qui pertineat ad substantiam ejusmodi externi: siquidem potest præcipere actum internum indirectè, quatenus scilicet iste infervit ad ponendum actum externum ab ipsa præceptum; ut communiter D. D. Addo tamen, quod hujusmodi recursus in hac re omittendus est: Quia Christus ipse est qui præcepit Confiteri, Christus autem Deus est, qui actus etiam internos præcipere potest, & sic dum præcipit Confessionem, hanc exigit validam, sed quia tempus illam faciendi non determinavit, Ecclesia in Cap. Omnis, statuit ut semel in anno unusquisque faciat Confessionem à Christo præceptam, nimirum validam: hinc & mortaliter peccat, & præcepto Ecclesiæ de annua Confessione nullatenus satisfaciit, qui voluntariè Confessionem facit invalidam, seu nullam.

877 Qui verò eandem informem, seu nullam faceret involuntariè, ex ignorantia probabilis ut sæpe accidit, & accidere potest, excusatur à peccato contra præceptum annuæ Confessionis, ut in proposito privilegio: Cum per D. D. communiter involuntarietas, & ignorantia invincibilis tollat rationem peccati. Unde qui invincibiliter ignorat priorem suam Confessionem fuisse invalidam, invincibiliter etiam ignorat non implevisse præceptum, quo stante à peccato contra Confessionis præceptum excusatur. Non tamen per hoc adimplet præceptum, nec satisfaciit; quia sicuti non satisfaciit qui voluntariè facit Confessionem nullam, eo quod non ponat veram Confessionem, ita nec satisfaciit, qui involuntariè facit Confessionem nullam, eo quod etiam tunc non ponatur vera Confessio.

Quare,

Quare, si quando cessaret dicta ignorantia, & innotesceret defectus, & nullitas Confessionis, repetenda iterum esset, ut præcepto satisfaciatur, qui eam informem fecit, quæ nullam: jam enim obligatio eadem peccata denuo confitendi, & legitime clavis ubi revivisceret in communi sententia.

PRIVILEGIUM SECUNDUM.

Qui in Confessione per quam annum Ecclesie præceptum intellexit adimplere, ex ignorantia probabili, & oblivione, omisit aliquod mortale cujus recordatur post sumpcionem Communionis Paschalis, excusatur ab obligatione ex vi anni præcepti illud omissum confitendi intra eundem annum, & si nondum etiam iste sit elapsus.

878 Sequitur hoc privilegium ex superius dictis initio hujus Capituli. Accedit etiam ratio clara, quia jam iste satisfecit præcepto confessionis, cum re ipsa semel in anno confessus sit; & ideo vi hujus præcepti non tenetur amplius eodem anno confiteri: quapropter disferre potest confessionem illius mortalis ex ignorantia, seu oblivione omisi: quoadusque ex devotione primam confessionem fecerit: vel donec ex vi alterius obligationis teneatur confiteri. Et ita etiam Navarr. in Man. cap. 2. n. 10. Reginald. in prax. to. pr. libr. 6. n. 40. Suar. de Penit. disp. 23. sec. 2. n. 8. Cominch de Sacramentis disp. 5. dub. 8. n. 66. P. Alphons. De Leone De Offic. & Potest. Confess. Recollect. 18. n. 35. Filline. tract. 7. cap. 3. qu. 6. n. 57. Mollisius tract. 7. cap. 10. n. 38. Bonac. to. p. De Pen. Sacram. disp. 5. qu. 5. sec. 2. punc. 4. n. 32. Tolet. in Summ. lib. 3. cap. 8. n. p. Fagund. Præcep. Eccles. 2. lib. 1. cap. 4. nu. 17. Diana Coordin. to. p. tract. 3. ref. 56. nu. 3. Ex par. 3. tract. 4. ref. 123. aliis 124. Bassius Verbo Confessio Sacramentalis p. Leander par. p. tract. 5. q. 45. & alii apud citatos.

879 Dicit privilegium, cujus recordatur post sumpcionem Communionis Paschalis: Quia si recordetur ante communionem, tenetur per se loquendo, mortale oblitum confiteri antequam ad communionem accedat, cum nullus possit ad Eucharistiam accedere, nisi peccatorum mortalium quorum habet conscientiam confessionem præmitat, juxta præceptum D. Pauli 1. Corint. 11. Probat autem seipsum homo: & sic de pane illo edat. Qui enim manducat indigne, judicium sibi manducat. Et declarationem

Trident. sess. 13. cap. 7. per quam statuit, conscium peccati mortalis, quantumvis sibi contritus videatur, confiteri sacramentaliter debere antequam ad Sacram Eucharistiam accedat. Teneretur igitur & iste (sed Divino præcepto) si Sacram Eucharistiam vellet accipere: quod si nollet, peccaret quidem contra præceptum communicandi in Paschate; non autem contra præceptum annuæ confessionis. Sic Bonac. n. c. vers. Si verò. Leander tract. c. quest. 38. alios allegantes.

PRIVILEGIUM TERTIUM.

Qui congruo præmissis examine, ignorat aliquod letale quod commisit, nec illi (inculpabiliter) occurrit dum confitetur, fructuosam, validamque facit Confessionem (si aliud ei essentiale defuit) & à sacrilegii reatu excusatur.

780 Ita certum est hoc privilegium, uti indubitatum, quod confessio, & si non integra materialiter, attamen ratione integritatis formalis, valida est, licita, & fructuosa, manente tamen semper obligatione, peccatum illud oblitum, seu ignoratum, cum aliquando occurreret subiciendi clavis; sic enim D. D. omnes: in hoc convenientes, quod integritas formalis sufficiens fit ad valorem confessionis, quamvis materialiter illi defuit aliquid, ut in casu hujus privilegii pro quo stat etiam, & convincit auctoritas, & ratio Concil. Trid. sess. 14. Cap. 5. De Confessione: sub sequentibus verbis: *Consilium enim, nihil aliud in Ecclesia à penitentibus exigi, quam ut postquam quisque diligentius se excuserit, & conscientie suæ omnes, & latebras exploraverit, ea peccata confiteatur, quibus se, & Dominum Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum eadem Confessione inclusa esse intelliguntur, pro quibus fideliter cum Propeta psal. 18. dicimus: Ab oculis meis munda me Domine. Ex quibus, & ratio fundamentalis privilegii hujus habetur, & distinctio integritatis materialis, & formalis Sacramentalis Confessionis eruitur, ut patet. Materialis namque Confessionis integritas (ut ex iisdem Trid. verbis) est qua omnia peccata secundum numerum, & speciem exprimuntur, quæ secundum præceptum Divinum, & Christi Domini per se loquendo exprimenda sunt: Formalis verò integritas est, qua exprimuntur omnia peccata secundum speciem,*

ciem, & numerum, quæ, & quatenusquis conscientia sua dictante, hic & nunc exprimere potest, & debet: seu quæ conscientia suæ hic, & nunc confitenda prædictè proponuntur, sive reipsa deinde omnia omnino enumerentur [& erit integritas materialis simul, & formalis, ac confessio materialiter, & formaliter integra.] Sive aliqua omittantur scienter & dedita opera, sed ex iusta causa; vel à parte rei, vel bona fide probabiliter, & inculpabiliter habita pro iusta: Vel ob inculpabilem oblivionem, seu ignoranter, ut in proposito privilegio, & sic erit integritas formalis tantum (quæ apud omnes Catholicos, essentialis tantum est Confessioni Sacramentali) & Confessio adhuc formaliter integra: quia adest voluntas (ut supponitur) omnia confitendi peccata, si nihil obest: vel si occurrerent in casu nostro: Et si formaliter integra (quamvis non materialiter) ergo valida, licita, & fructuosa, & absque reatu: ergo verum privilegium propositum.

§ 81 Quod præterea confirmatur: namentum impotentia physica, tum impotentia moralis (per omnes) excusat ab integritate materiali Confessionis, ut omnis aliquo, vel aliquibus peccatis mortalibus, sufficiat integritas formalis tantum, nec sacrilega, sit talis confessio; cum nullum præceptum obliget ad impossibile. *Impotentia physica* est, quandocumque quis ad materialiter integrè confitendum physicè est impotens: ut accidit, & accidere potest in multis casibus, quos vide *De Integritate Confess.* apud D. D. *Moralis impotentia* est, quandocumque ex confessione certi peccati, vel circumstantiæ timeatur meritò grave damnum spirituale, aut corporale, vel proprium ipsius poenitentis, vel Confessarii, vel alterius tertii; tunc enim, & in huiusmodi casibus (à pluribus ibidem recensitis) potest peccatum illud taceri absque Sacrilegii labe, ex omnium Catholicorum communi. Et ratio est, quia hic, & nunc censetur moraliter fieri non posse, quod sine gravi damno sui, vel proximi fieri non potest: neque præceptum Divinum positivum confitendi integrè obligare potest cum tanto incommodo, sed cedere debet præceptis legis naturalis de conservanda propria, vel aliena vita, fama, ac avertendis damnis, & periculis gravibus spiritualibus, & corporalibus, &c. At, qui ob inculpabilem ignorantiam, seu oblivionem, omittit in Confessione aliquod lethale, ut in privilegio, ob utranque impotentiam id facit, physicam videlicet, & moralem, ergo. Major est certa: item minor,

utpote inclusa in majori tanquam particularis in suo universali: & est insuper propositio, & argumentum. *Suar. in 3. p. 10. 4. disp. 23. sec. 3. nu. 2.* ubi ad rem hanc sic: *In hoc casu intervenit impotentia vel moralis, vel etiam physica. Unde si talis confessio non sufficeret, non possent homines Sacramentum hoc cum aliqua morali securitate recipere. Quod non solum procedit de propria oblivione, quæ dicit carentiam memoriæ, & spectat ad ignorantiam facti, sed etiam de quacunque ignorantia probabili Juris, ratione cuius homo existimat se posse licitè omittere tale peccatum in Confessione, vel quia probabiliter patat non esse mortale: vel certè quia invincibiliter credit adhibuisse diligentiam necessariam, cum tamen revera non adhibuerit: quia in omnibus his, & similibus casibus confitetur omnia, quæ invincibiliter existimat esse confitenda, & ita formaliter implet præceptum de integritate Confessionis. Nam in his omnibus casibus eadem est ratio vel impossibilitatis moralis, vel sufficientis excusationis, utraque enim sufficit ad integritatem formalem.* Hæcenus *Suar.* per quem ut patet, integritas formalis confessionis consistit cum quacumque ignorantia probabilis: & si sic (ut i sane est per D. D. omnes, unanimi consensu assignantes oblivionem, seu probabilem ignorantiam pro legitima causa excusante ab integritate Confessionis materialis) verum consequenter propositum privilegium.

§ 82 Verum inquam, ut excuset etiam ignorantia, vel oblio de facto inculpabilis, etiam si hæc ex aliqua gravi culpa oriatur quod est valde notandum cum *Marchanti Tribun. p. 1. tr. 4. to. 6. qu. 6.* quem refert, & sequitur *Patritius Sporer p. 3. Tyrocinii Sacram. q. 6. Ord. 27. §. p. nu. 659. fol. 430.* Et si enim antea quis peccaverit, quando oblivioni, vel ignorantia causam dedit: utpote quia confessionem diu nimis distulit, etiam non sine transgressione præcepti annuæ Confessionis, aut quia veritatem sufficienter non inquisivit: si tamen dum confitetur, dolens de præterita culpa, volens si recordari posset, omnia confiteri, peccati alicujus obliviscatur? jam oblio, seu ignorantia non erit amplius voluntaria, atque adeo excusabitur à Sacrilegii reatu, ut in privilegio, & ab integritate materiali Confessionis: nam & si sit culpabilis in causa, & radice sua, modò tamen hic, & nunc culpabilis non est.

§ 83 Hinc sequitur, quod quamvis pluri in pueritia, vel juventute (maximè rudēs) confitentes, in confessionibus suis aliqua omittant peccata, ob ignorantiam inculpabilem, vel naturalem oblivionem, à culpa

PRIVILEGIUM QUARTUM.

Qui in Confessione omisit aliquod mortale, ignorans invincibiliter esse tale, à culpa, & ab iteratione Confessionis excusatur.

culpa immunes sint: unde pervenientes ad annos maturioris prudentiæ, & memoriæ, dum in cognitionem, vel recordationem, eorum peccatorum veniunt, non teneantur dictas præcedentes Confessiones repetere, validæ enim fuerunt ratione integritatis formalis, sed sufficit eis sola peccata ante inculpabiliter oblita, vel ignorata, confiteri. Quod idem corollarium extendo etiam (cum *Henric. de Pernit. lib. 2. cap. 12. initio. & Fagund. 2. Eccles. præcepto lib. 3. cap. 3. n. 8.*) ad eosdem pueros, & rudes, qui licet in eadem etiam ætate cognoverint se culpabiliter præcepta quædam violasse legis naturalis, aut Divinæ, attamen ideò illa peccata non sunt confessi, quia ignorabant Confessionis præceptum: sciebant quidem illa esse peccata, at prorsus ignorabant, se esse obligatos ad Confessionem, aut dari Confessionis præceptum, & solum in majori ætate cognoscunt confitendi obligationem: & hi enim inquam, licet non excusentur à peccato quando talia in illa ætate egerunt; excusantur tamen ab obligatione confitendi: quia præceptum confessionis quoad illa peccata ignorabant. Quare pueri, & puellæ, sic etiam rustici, ac rudes noviter agnoscetes obligationem, quam habebant confitendi ea, quæ tunc commiserunt, non tenentur modò iterare, ac repetere confessiones præteritas, sed sufficit, idipsum tantum confiteri: & ratio est, quia id peccatum ob ignorantiam summius, unde ignorantia excusavit; quia sic integra fuit confessio formaliter, si non materialiter: consequenter non repetenda, quia non sacrilega, ut in privilegio; & ita etiam præter citatos *Bonac. De Pernit. disp. 5. q. 5. sec. 2. punc. 2. §. 3. Diffic. 4. n. 2. Besseri* verbo *confessio* p. aliique communiter. Non repetenda in quam Confessio, exprimenda tamen absolutè peccata eadem omissa tantum (quia videlicet inculpate oblita, vel alia iusta de causa non confessi) in sequenti Confessione, accedente eorundem peccatorum memoria. Contrarium enim asserere. Propositionis est *XL à Sanctiss. Alex. VII.* damnata: quæ est huiusmodi. *Peccata in Confessione omissa, seu oblita, ob instanti periculum vite, aut ob aliam causam, non teneantur in sequenti Confessione exprimere.* Ad cuius etiam expressionis, atque Propositionis normam (omnino) pariter intellige mihi Lettor, & non aliter, etiam ea, quæ quo ad hoc, pono, & assero in Privilegio sequenti.

884 **I**Ta est utique, quia videlicet confessionem fecit validam & formaliter integram. Solum ergo tenebitur ad summum explicare in nova Confessione peccatum in priori omisum. Sequitur hoc privilegium ex præcedenti ut patet. Et sub iisdem ferè terminis proponitur, & approbatur à *Leandro par. p. tract. 5. de Sacram. pern. disp. 5. qu. 69.* referente pro eodem etiam *Navarr. in cap. Fratres de pern. dist. 5. n. 82. Sylo. verbo Confessio p. qu. 3. Vafq. qu. 92. art. 3. dub. p. Reginald. lib. 6. nu. 153. Bonac. l. c. & alios* (in præcedenti privilegio citator) eadem de causa à repetitione confessionis pueros excusantes, qui in Confessione aliquod mortale tacerunt; ignorantes invincibiliter mortale esse, sed grandiores facti, mortale esse agnoscunt. Quo privilegio supposito, *P. Diana tom. 1. Coordin. tract. 3. ref. 119. ex p. 3. tract. 4. ref. 107. aliis 108.* affirmat, se resolvisse de quodam puero, qui usque ad decimum tertium annum, non se accusavit de pollutionibus, quas ordinariè faciebat, ignorans invincibiliter, illas esse peccatum: illum non fuisse adstrictum præteritis confessiones reiterare, sed sufficere, se in prima confessione de pollutionibus factis, accusare.

885 Dixi supra (ad summum.) Quia licet Doctores in casu huius privilegii communiter asserant, dictum peccatum omisum in priori, in nova Confessione debere confiteri: non desunt tamen qui oppositum doceant. Huiusce opinionis videtur esse *Jacob. Marchantius Resolutionum Pastoralium tract. 5. De Sacram. Pernit. cap. 3. De Integrit. Confession. qu. 3.* in qua inquirens: Quid agendum sit Confessario cum poenitente, qui interrogatus de numero dicit se non esse solitum in precedentibus confessionibus illum exprimere, nec de hoc interrogari: *an talis debeat repetere confessiones præcedentes?* Respondet: *Si ignoraverit hoc esse necessarium exprimere ad integritatem, & validitatem confessionis, non esse compellendum ad repetitionem: sicut nec quando omittit aliquod peccatum mortale, quod non putabat, nisi veniale.* Hoc ultimò additum, est ad rem nostram ut patet: quare ergo additum? Quia videlicet, si non putavit mortale (inculpabiliter suppono) nec tale commisit,

misti, ergo nec in nova confessione subiciendum clavibus necessariò. Et ita ob id pariter, decidendo, respondet ad aliud consimile quæsitum Bordon. in suis Decisionib. miscellaneis, Decis. 321. quæ est huiusmodi. *Vir aliquoquin prudens, & sciens, qui antea in suis confessionibus nunquam se accusavit de desiderii carnis, Furti, Odii, &c. ed præchè, quia putabat ea non esse peccata; aut de illis nunquam dubitavit, sint ne peccata, non debet esse anxius circa præteritis Confessiones respectu integritatis, neque tenetur illas rescire, neque huiusmodi desideria aliis non confessamodo confiteri. Ratio est clara. Primum, quia fante ejus bona fide, quæ secundum omnes à peccato excusat, non peccavit: ergo ex hoc capite non tenetur rescire Confessiones. Secundò, dictæ Confessiones non caruerunt sua integritate, quia integritas habet pro objecto solum peccatum tale cognitum ex parte Pœnitentis, qui in casu nostro nunquam habuit cognitionem, vel advertentiam, illa desideria fuisse peccata, & ignorantia fuit inculpabilis, sicut fuit in D. Paulo dum dixit ad Rom. 7. Nam concupiscentiam nesciebam, nisi lex diceret: Non concupisces. Ex quo, Tertio sequitur hunc Virum non teneri ea desideria confiteri, quia solum peccatum est objectum huius Sacramenti, Nihilominus pro quiete conscientie sue poterit, si vult ea desideria fateri talia, qualia sunt in seipso, simul cum aliis peccatis. Ita Bordonus.*

886 Prosequens autem idem Marchantius suam responsum n. anteced. initio allatam, Advertit: quando pœnitens de numero omisso in prioribus Confessionibus tacet, ignorans obligationem illum exprimendi, confessarium non teneri eundem hac de re interrogare; sed posse bona fide eum relinquere, maxime si potius perturbationem timeat, quam fructum speret. Imo rusticis, qui bona fide putant se bene confessos, non sunt multum inquietandi interrogando de aliquo præteritis Confessionis, nisi, aliquid essentiale de fuisse manifestum sit. Nam etiam si quandoque confessiones fecerint materialiter non integras, propter tamen bonam fidem censentur formaliter integræ, & sufficientes: ita Marchantius resp. c. qui præterea eodem cap. 3. c. in respons. ad 2. quæsitum, docet sequentia, quæ in gratiam tum pœnitentium tum etiam Confessariorum placet referre. Si numerus peccatorum aperiri non potest, aperienda est consuetudo, quanta, & quam diuturna fuerit, ut quantum fieri potest, status pœnitentis intelligatur; dum tempus, & frequentia aliquo modo indicatur, ut toties in hebdomada, vel mense, vel anno. Qui autem non potest hæc etiam specificare, dicat,

se valde sæpè hæc fecisse, aut quasi quotidie, aut frequenter in septimana: hoc etiam sufficiet ad aliquo modo statum aperiendum, prout potest. Nam velle rudes ad specialio rem numeri specificationem urgere, potius est velle eos divinare, quam verisimilia confiteri. Et experientia nobis constat, quod cum urgemus eos verisimilem numerum dicere in specie, si aliquem exprimant numerum, nonnisi coniecturam verisimilem facere: tum quia in diversis peccatis ferè eundem numerum expriment, licet unum, præ altero longè illis frequentius fuerit: tum quia postea, specialius interrogati, quoties in die, hebdomada, vel mense, invenitur ex ipsorummet declaratione, non fuisse prius vel tertium partem numeri expressam. Videnturque solum importunitatem Confessarii urgentis voluisse fugere coniecturalis alicuius numeri expressione; Vnde aliquando dicunt se commississe id centies, & centies, idest sæpissimè: hæc Marchantius, quæ uti & alia d. cap. 3. ex aliis etiam Doctorebus recensita, declarat se adnotare voluisse (cum Fillincio) propter anxietates, quæ quandoque ob similia contingunt Confessariorum circa pœnitentes ignorantes, rudes, & negligentes, quos difficile foret ad repetendas confessiones inducere, quia genii duriores. Circa quos (concludit uterque) potest uti Confessarii sententia favorabilis Doctorem, quæ probabilis habetur. Cui conclusioni favent valde verba, & doctrina Fagundez ab ipso tradita Secundo Eccles. Præcep. lib. 3. cap. 4. n. 14. ibi enim loquens de actibus ordinariis, & proximè peccatum copulæ subsequens, uti sunt verba turpia, gaudium, complacentia, amplexus, oscula, &c. & querens, an qui habuit copulam teneatur illos confiteri: adhærensque Classicorum Doctorem negativæ sententia, uti veriori, ac probabiliori (tum quia pauci admodum comparatione aliorum inveniuntur, qui post ipsum actum copulæ, aut post vindictam injuriæ, aut commissum furtum, non complacent, non loquantur ea de re, & paucissimi Confessarii, etiam doctissimi, hæc circumstantiam interrogant: tum etiam quia, licet singuli prædictorum actuum sint peccata mortalia in iudicio Dei: nihilominus, cum communiter ante, & post principalem actum copulæ multa cogitata, dicta, & facta inordinata, & impudica soleant dici, explicata copula, satis constat moraliter Confessario de statu pœnitentis, ut illi medicinam congruam applicare possit) concludit ipse quoque rem suam per sequentia consolatoria verba: Nihil enim amplius in hoc iudicio Dei, & Confessionis requiritur, quam ut Confessarius statum agnoscat pœnitentis,

nitenti, ut non feratur iudicio ceco, & imprudenti: & aliquando etiam expediet, ut meretrici, & Scorta de huiusmodi actibus sigillatim non recordentur cum periculo gravi suarum conscientiarum: praeceptum enim divinum, & positum Christi, est suave, & obligat, quantum satis est, ad consequendum finem gratiae: satis autem est ad consequendum hunc finem, ut Confessarius statum peccatoris agnoscat, quem satis agnoscit explicato actu principali copulae, & numero actus illius, &c. haec Fagundes: notanda à Confessariis, maxime anxiiis, & scrupulosis. Quibus etiam addo ego, non esse inquirendas à Confessariis, aut explicandas à Penitentibus eas complacentias, quae immediatè, & post concomitantur actum; aut bene eas quae post horae dimidium, & ultra committuntur, utpote non moraliter coniunctas cum actu. Sed

887 Queres, an etiam qui temerè, & erroneè, ac ex ignorantia crassa omisit in Confessione aliquid lethale putans non esse tale, excusetur à culpa, & ab iteratione Confessionis. Respondeo negativè: quia in tali casu & peccavit mortaliter, & fecit Confessionem sacrilegam irritam, & invalidam: atque adeo nedum tenetur peccatum omissum confiteri, sed etiam totam Confessionem utpote nullam iterare. Ità Suar. Layman, Ochagavia, Lugo, Hurtado, Palao, Thomas à Jesu in Tribunali conscientiae cap. 6. quos & alios refert, & sequitur Leander par. p. tr. 5. de Poen. disp. 5. qu. 70. Et quavis P. Diana par. 3. tr. 4. ref. 107. aliàs 108. docuerit cum Reginal. in Praxi to. p. lib. 6. c. 5. sec. 3. nu. 153. & aliis, non teneri Confessionem reiterare, qui per ignorantiam crassam temerè, & erroneè aliquid peccatum in Confessione omisit, sed teneri tantum peccatum omissum postea confiteri: re tamen melius considerata, & ipsemet par. 10. tr. 14. ref. 19. huic responsioni nostrae adheret, nempe esse Confessionem iterandam, quia fuit omnino irrita, & invalida, cum in ipsamet Confessione peccatum patratum fuerit, & non confessum, igitur invalida ex defectu integritatis.

PRIVILEGIUM QUINTUM.

Qui ob ignorantiam, grosso modo, sine certo numero peccatorum mortalium, indocto Parrocho, bona fide confessus est, excusatur, deest etiam errore, à reiteratione Confessionis.

888 Leander l.c. qu. 71. loquens de Rustico ignorante, dicit esse

certissimum hoc privilegium: *Cerrissimè, & absque ullo timore dictus Rusticus non tenetur ad reiterandas Confessiones, quia revera, fuerunt validae, & fructuosae: & pro hoc eodem privilegio sunt etiam Navarr. lib. 5. Confil. in. de poen. & remissi. Conf. 12. in resp. ad p. qu. Henric. lib. 5. cap. 3. n. 10. in fine. Fagund. Eccles. praecep. 2. lib. 3. cap. 2. n. 5. & cap. 4. n. 10. Diana To. p. Coord. tract. 7. ref. 122. Ex p. 3. tract. 4. ref. 88. aliàs 89. Bassiens Verbo Confessio Sacram. 4. Vers. Hinc insuper, & alii. In hoc omnes convenientes, quod Rustici ignorantes homines, qui agresti, & inculto modo bona fide confitentur, sine numero, & diligentia, cogendi non sunt repetere confessiones factas cum indoctis Parochis. Quia cum hi habeant uniformem vitae modum, nec extraordinariis vitiis, aut negotiis sint affueti, ex iis, quae confitentur se uno mense, vel hebdomada, aut anno commississe, facile coniciit prudens, ac expertus Confessarius, quantum in reliquis labentibus annis deliquerint, & quot numero peccata commiserint.*

889 Huic eidem privilegio subscribit etiam Lugo de Poen. disp. 16. sect. 14. à nu. 577. nonnihil tamen difficultatis facere videtur propter dicta verba citatorum Auctorum: Ex quibus [inquit] non facile deduci potest, an hi ignorantes Rustici omnino excusandi sint à confessionibus repetendis, & ab accusando se denudè prae teritis peccatis patratís ante ultimam Confessionem: an vero solum excusandi sint ab explicando maiori cum distinctione eorum peccatorum numero. Hoc secundum allegari D. D. insinuare videntur [ait Lugo] dum asserunt quod prudens Confessarius ex iis, quae Rusticus confitetur, se hac hebdomada, seu mense commississe, colligit quid toto anno fecerit, cum ibi videatur sermo esse de ultimo Confessario, qui, quia doctus, colligere poterit numerum in Confessionibus cum Parrocho indocto factis, male explicatum: qualem sensum praè aliis expressit Fagund. n. 5. cit. dum ibi dicit: *Hos non esse cogendos repetere Confessiones praeteritas cum indoctis Parochis, sed iuvandos esse à prudenti Confessario, praemissis monuulis interrogantibus, meliori modo quo fieri potest; nam ex his quae confitentur, se uno mense, vel hebdomada, aut anno fecisse, satis conicere potest expertus, prudensque Confessarius, quantum toto anno, aut reliquis annis labentibus deliquerint. Ex quibus verbis Fagund. supponere videtur adesse obligationem subiciendi elavibus peccata illa malè, & grosso modo prius explicata.*

cata. Alioquin (infert *Lugo*) ad quid requiritur, quod Confessarius ex praesenti confessione colligat, quantum reliquis retro annis peccaverit? Et si huiusmodi est etiam illorum Doctorum sensus, non videntur consequenter procedere: Nam (arguit *Lugo*) si Rusticus ille cogendus non est magis distinctè, numerum dicere, prius confusè explicatum, eo quod ex uniformi ejus vita colligitur, quid fecerit toto illo tempore: Ergo Parochus potius, cui magis erat notus penitens, potuit melius ex illo loquendi modo colligere quid fecerit toto anno, & tunc sibi formare iudicium sufficiens non minus, sed magis, quam Confessarius doctus postea, propter maiorem notitiam, quam de penitente proprius Parochus habebat. Non est igitur obligatio ulla subiiciendi iterum eadem peccata praeterita clavibus, si non est obligatio magis distinctè eorum numerum explicandi: atque ita absolute dicendum videtur, saltem, dum rusticus manet in eadem impotentia, vel difficultate explicandi melius statum suum, ita concludit *Lugo* n. 578. in fine, argumentum suum, & sub hac eadem conditionata conclusione recipit ut patet, approbatque privilegium propositum. Sed

890 Quæres, An dictus rusticus, si ad rudis esset, ac ignarus, ut non confiteretur nisi generalia, foret absolvendus? Ad hoc idem quaesitum *Caspenſi* *Cursus sui Theologici* to. 2. tract. 24. disp. 4. sec. 15. n. 135. ita respondet. Inquires, quid sit faciendum cum homine rudi, qui non confitetur nisi quædam generalia? Respond. Si sit verè attritus, & verè apprehendat se peccasse, absolvendus est: communiter tamen, & extra necessitatem non est absolvendus, quia eo ipso quod non confitetur aliquod peccatum in particulari, sufficiens intelligitur non apprehendisse, quid sit peccatum, maxime cum interroganti de rebus in particulari, in quibus regulariter datur peccatum ad minus veniale, ut de distractione in Oratione; ipse tamen semper respondet in nulla re illarum peccasse, quapropter neque attritionem habere potest. Sic *Caspenſi*. At *P. Pasqualis* in sua Theologia Morali disp. 83. sec. p. n. 10. putat, cum posse absolvi, qui solum dicit se peccasse, etiam si nesciat exprimere aliquod peccatum siue in genere, siue in specie: Quia dum non scit explicare, censetur impotens ad explicandum; qui autem est Impotens, potest absolvi, si solum se accuset, quod peccaverit, ut constat in moribundis. Ita *P. Pasqualis*.

PRIVILEGIUM SEXTUM.

Qui meminit solum se letaliter peccasse, & ignorat huius peccati speciem, de hoc in genere tantum se accusando, & non de aliquo peccato in particulari, excusatur à reatu invaliditatis Confessionis, & fruèluso absolvitur.

891 **S**upponit privilegium, quod huiusmodi Confessio habeat proprium requisitum dolorem, & nil aliud ei desit de suo essentiali. Probatur autem: Quia sic talis dat veram, imò necessariam materiam Sacramentalis Confessionis, & absolutionis; sui ipsius videlicet accusationem veram, ex qua Confessarius cognoscit talem penitentem peccasse, & de peccato suo dolere, sique statum ejusdem agnoscit, & cum ex ostensione doloris esse dispositum sufficiens ad absolutionem, ergo huiusmodi confessio valida est, proficiatque; absolutio: consequenter verum privilegium: Quod confirmatur ex *D. Tho.* in 4. dist. 21. qu. 2. art. p. ad p. & art. 2. ubi expresse docet (ut notat etiam *Coninck* ubi infra) eum qui solum meminit in genere se fecisse aliquod peccatum mortale, & hoc ita confiteretur, debere absolvi, etiam si in particulari nihil confiteretur: hoc autem ut patet, est ad litteram privilegium propositum. Accedit etiam Auctoritas aliorum Doctorum, expresse item huic eidem privilegio assentientium: Nam *Navar.* in *Man.* cap. 10. n. 7. in fine sic: Si recordatur se letaliter crimen admisisse, non tamen occurrit in specie, quod fuerit, tunc fateatur se deliquisse mortaliter, etiam si de eo in specie memoriam non habet. *Lynnan.* lib. 5. tract. 6. cap. 8. n. 7. pariter sic: Si penitens non recordetur speciem peccati, sed tantum in genere se mortaliter peccasse, v.g. in pravam cogitationem consentiendo noxium aliquid loquendo: debet hoc ipsum Confessario explicare: cum hoc sit sufficiens, imò necessaria materia Sacramentalis Confessionis, & absolutionis, teste *S. Tho.* in 4. d. 21. qu. 2. art. p. & 2. *Suar.* quoque de *Penit.* disp. 23. sec. p. n. 8. ubi: Si quis recordetur se peccasse mortaliter, oblitus est autem cuius specie fuerit peccatum, illud debet saltem confiteri, & se peccasse mortaliter. Et n. 9. in princip. Si quis certò scit se peccasse aliqua cogitatione, dubitet autem, & ignoret in qua materia, & cum quanta gravitate, mortali ne, an veniali, potest, & debet illud confiteri sicut habet in conscientia, & ta-

lis Confessio habet generalitatem abstrahentem à peccato mortali, & veniali. His addendi sunt *Coniunc. de Sacramentis disp. 7. dub. 10. n. 97. Vers. Probatur secundò.* Diana *Coord. to. pr. tract. 7. ref. 4. n. 2. Ex p. 3. trac. 4. ref. 66.* & apud ipsum Villalob. in *Summ. to. p. trac. 9. Difficult. 34. n. 3.* sed occasione huius privilegii.

892 Quæres, an etiam qui solum se accusat de peccato veniali in genere, seu de peccatis venialibus in genere, possit absolvi, & fructuosè absolvatur? Ex. gr. si quis devotus, & pius penitens accedat ad Confessarium, dicatque non habeo conscientiam peccati mortalis, sed me accuso de venialibus; quibus pluries Deum offendi, de illis doleo, & absolutionem peto: an iste talis possit absolvi, & fructuosè absolvatur, quamvis nullum peccatum in specie constet: Vel teneatur illum cogere Confessarium, ut fateatur unum saltem in specie, antequam illum absolvat. Item si Confessarius audiens Confessionem personæ Spiritualis, ac devotæ sibi notæ, quamque sibi etiam constet alienam esse à peccatis mortalibus, sed ob aliquam distractionem [quæ quandoque accidere potest] nihil adverterit ex iis, quæ confessæ est; & ne illam perturbet, ei non imponit ut confessionem repetat: sed solum petit ut se accuset de omnibus peccatis, cum commissis post ultimam Confessionem, tum de aliis antea actæ vitæ, atque penitens ita se accuset in genere, an inquam talis confessio sit materia sufficiens legitime, & proficua absolutionis Sacramentalis? Responsio sententia communis est negativa, quod videlicet si penitens nullum explicet peccatum in specie, invalida sit absolutio. Quia Penitentia Sacramentum fuit per modum iudicii institutum: ad valorem autem iudicii requiritur omnino, ut extra casum necessitatis fiat de materia certa, ac determinata, & de delictis in specie, ergo confessio de peccatis solum in genere, non est materia sufficiens sententiæ judicialis, seu absolutionis sacramentalis in casu nostro. Acedit praxis communis; nullus enim Sacerdos consentientem peccata in genere absolvit, nisi explicato aliquo peccato in specie, ergo &c. Ita præcipuè Suar. *sec. p. c. n. 10. vers. Dico ergo.* Bonac. *to. pr. de Penit. disp. 5. qu. 5. sec. 2. puc. 2. §. 3. diffie. 2. n. 15. Aversa de Penit. qu. 10. sec. 16. versu, Quartò denique;* & communiter D. D. dicentes, quod licet non teneamur confiteri peccata venialia, ex suppositione tamen quod velimus confiteri, tenemur materiam omnino cer-

tam exhibere, consequenter tenemur in particulari aliquod genus, seu speciem peccati venialis explicare: quoties loqui, & illud in particulari exprimere possumus, quamvis postea non teneamur illa quoad numerum explicare. Quare illi tantum (inquiunt) absolvi possunt, qui cum sola venialia peccata commiserint, solum fatentur se verba otiosa ex. gr. protulisse, nam hoc pacto materiam exhibent satis certam, explicantes speciem peccati loquacitatis, & indicantes se saltem verbum otiosum protulisse. Nihilominus

893 Respondeo ego ad quæstionem affirmativè cum opposita sententia, quæ mihi videtur practica bilis cum penitentibus idiotis, & cum personis spiritualibus: & etiam probabilis: quamque ut talem docent etiam *Dicastillus de Sacrament. to. 2. trac. 8. disp. 9. dub. 9. n. 760.* apud *Dianam to. p. Coordin. trac. 4. ref. 18. ex par. 3. trac. 5. & Miscell. 5. ref. 53. Homobonus de Exam. Eccles. par. pr. trac. 5. cap. 13. qu. 83.* item relatus à *Diana eodem p. to. Coordin. trac. 7. ref. 14. n. 3. ex par. 3. tract. 4. ref. 6. P. Quarti de Casibus reservatis, in Appendice de Sacram. Penit. cap. 2. qu. 3. Versu Opposita tamen, fol. mibi 297.* affirmans fol. 300. in princip. eam absolute tenere plures Viros doctos recentiores à se consultos. Imò & Suar. n. 10. c. in princip. concedit, speculativè loquendo, esse probabilem, posseque defendi. At nos hic absolute dicimus etiam in praxi esse probabilem, & ut talem defendimus. Quare probatur responsio: *Primò*, Auctoritate prædictorum Doctorum. *Secundò*: Quia peccata venialia sunt quidem confessionis materia, sed voluntaria, unde non subiacent præcepto integritatis, & arbitrio penitentis remittitur explicare illa in confessione, qualiter voluerit: ergo potest penitens ea in genere confiteri, & sic de illis absolvi. Antecedens est certum per omnes: posito enim quod quis non sit reus peccati mortalis, & velit confiteri venialia, haud tenetur confiteri omnia, neque explicare numerum eorum, quæ in specie confitentur, neque circumstantias mutantes speciem, &c. quia præceptum inquam integritatis non extenditur ad venialia. Consequentia verò probatur: quia explicare omnia peccata, & eorundem species, pertinet ad præceptum integritatis, & hoc non extenditur ad peccata venialia, ergo. *Tertiò*: Quia (ut) optimè arguit idem P. Quarti in *probat. 2.* admissio etiam fundamento communis sententiæ, & responsionis. Qui venialia peccata in genere confitentur, sufficienter etiam

nonnullas eorum specificas malitias explicat, quæ in omnibus, & singulis peccatis venialibus imbibuntur: Qui enim venialia peccata confitetur, & de illis dolet, quatenus sunt offensa Dei, explicat satis se offendisse Deum, & deliquisse contra charitatem Deo debitam: Vel si dolet de iisdem venialibus, quatenus sædant animam, & retardant consecutionem gloriæ, hoc ipso declarat contra charitatem propriam, & virtutem spei, se deliquisse. Item venialia, omnia quibus leviter violantur Dei præcepta, virtuti obedientiæ opponuntur quatenus tenemur præcepta Dei plene observare: & etiam opponuntur gratitudini, & cultui divino; ergo confitens peccata venialia in genere sufficientem materiam præbet absolutionis, ad cuius valorem satis est, vel unicam malitiam in specie declarare: ita dictus *P. Quarti*. Cujus argumentum ipsemet præterea sic confirmat: Qui confitetur se in re gravi violasse charitatem proximis debitam; vel obedientiam Prælati, aut parentibus item debitam; vel ingratum fuisse benefactoribus, potest validè, & licitè absolvi; ergo à fortiori potest absolvi, qui confitetur similiter violasse charitatem, obedientiam, & gratitudinem Deo debitam, quæ omnia sufficienter explicat, qui fateatur venialia in genere, hoc enim ipso dicit, se leviter offendisse Deum, atque ingratum, & inobedientem ei fuisse. *Quartò*: Quia in casu necessitatis moribundi, vel simili, confessio mortalium peccatorum in genere est materia sufficiens absolutionis per se, & directè, ergo confessio venialium in genere est semper, & extra casum necessitatis materia apta, & sufficiens absolutionis. Consequentia probatur: nam idcirco requiritur casus necessitatis quoad peccata mortalia, quia necessitate seclusa urget integritatis præceptum, quod non obligat stante necessitate gravi (Deus enim à nobis non requirit aliam Confessionem, quam quæ à nobis hic, & nunc possibilis est) sed quoad venialia nunquam, & nullo modo obligat præceptum illud, ergo confessio venialium in genere absolute, & semper est sufficiens materia validæ, & licitæ absolutionis. Quod autem dicitur de peccatis venialibus, idem quoque asserendum esse de mortalibus alias rite confessis affirmat dictus *P. Quarti l. c. versu Ex dictis*; & merito, quia pariter & huiusmodi peccata sunt materia voluntaria confessionis, & in eis æquè ac in venialibus militat eadem ratio.

• 894 Et si huiusmodi doctrina, sententia, ac responsio, speculative vera est cum *Suar.*

etiam practicè, contra ipsum, talis erit. Tunc enim tantum (ut optimè etiam *Dicastillus ubi supra relatus à Diana*) in re morali aliquid dicitur speculative verum, & non practicè, quando id, quod in speculatione consideratur, non potest exhiberi in praxi, quin variatio aliqua contingat. At quando ad praxim reduci potest ea ratione, qua in speculatione consideratur, si verum est speculative, practicè quoque verum censeretur debet. Quare cum confessio venialium in genere possit exhiberi in praxi eo modo, quo speculative censetur sufficiens, practicè quoque talis censenda erit. Hinc soluta manet limitata oppositio *Suar.*

895 Ad argumentum autem responsionis negativæ, ex sententia communi superius propositum: Concedimus quidem requiri ad valorem, & rectum ordinem iudicii discussionem determinatæ materiæ in tali specie, quando tamen agitur de delictis gravibus, & de causa magni momenti: ac non sic in peccatis levioribus, & parvæ offensæ, quia tunc sufficit confusa cognitio, & in genere, maxime si reus voluntarie iudicio se sistat, & penitentiam petat: ut esset ex. gr. si filius, vel subditus se accusaret, se pluries in rebus levibus non obtemperasse Parentibus, aut Superioribus, quibus non reluctantibus, facile à Iudice absolventur levi penitentia eis imposita absque alia discussione causæ. Præterquam quod etiam necessaria esset explicatio alicujus malitiæ in specie; hæc etiam clauditur in illa generica Confessione ut supra supponimus cum *P. Quarti*. Cæterum quoad communem praxim ulterius allegatam: concedimus secum ipsam à penitentibus exigere, ut explicant aliqua peccata in specie: negatur tamen id esse absolute necessarium, quamvis melius sit, & magis consulendum. Quapropter absolvens eum, qui solum in genere confiteretur venialia, vel mortalia, alias rite confessis, nullo modo peccaret. Imò periti Confessarii, quando ex Confessione personæ spiritualis non apparet actio peccaminosa pro absolutionis materia, solent ab ea exigere, ut se accuset de peccatis in genere vitæ præteritæ, & sic eam absolvent. Hæc etiam idem *P. Quarti qu. c.* quæ tantum probabiliter sint dicta: non omittens cum ipso adnotare, quod huic eadem doctrinæ non parum faveat *D. Tho. in 4. dist. 21. qu. 2. art. p. ad p. dicens*, posse generaliter fieri confessionem de venialibus.

896 Ex quibus sequi videtur, posse probabiliter Confessarium validè, & licitè absolvere penitentem, qui præter imperfectiones

Ationes quasdam ; se accusat de peccatis mortalibus vitæ suæ aliàs confessis , & absolutis , nihil specificando (quod pariter ex privilegii hujus doctrina , deducit ex nostris valde doctus , & eruditus *Pater Augustinus Ferrus in suis Casibus Moralibus singularibus Manuscriptis. Casu 30. Versu Dicendum Secundo.*) Quia videlicet in tantum tenemur mortalia nedum in genere , verum , etiam in specie confiteri , in quantum Divinum urget præceptum de Integritate Confessionis ; Igitur quando hujusmodi præceptum non urget satis erit mortalia in genere confiteri : Antecedens constat , quia , mortale in specie confiteri non est de necessitate Sacramenti , absolvuntur enim moribundi , vel in alia gravi necessitate constituti , absque eo quod ullum peccatum specificent , quod evidens signum est , Sacramentum subsistere absque peccatorum specificatione , quia nimirum pro illo tunc præceptum integritatis non urget . Consequentia vero sequitur : Si namque Sacramentum subsistat absq; specificatione , quando integritatis præceptum non urget , hinc fit quod quando habet quis sola mortalia jam ritè confessa , quæ non tenetur iterum confiteri , & specificare , Sacramentum subsistat , si illa confitentur solum in genere , quia super ea non cadit integritatis præceptum . Et si dicas , non teneri quidem iterum confiteri mortalia ritè confessa , at supposito quod de iis velis quis iterum absolvi , debet aliquid specificare , quia , apponi debet Sacramento materia determinata , tanquam tutior . Si inquam hoc dicas , Contra ; nego enim assumptum antecedentis : ad cujus probationem , dico , cum *cit. P. Ferro* , materiam determinatam non esse tutiorem pro validitate Sacramenti : quia validitas Sacramenti non requirit tanquam ex sui natura præcisè , ex institutione divina materiam determinatam , cum absque ipsa valeat Sacramentum , ut constet in moribundis : sed requirit materiam quando concurrat præceptum integritatis , tunc enim non est validum , quia non servatur tale præceptum . At quando tale præceptum non urget , ut in Confessione venialium , & mortalium aliàs ritè Confessorum , quomodo credi potest non esse materiam sufficientem sola venialia , & mortalia in genere ? Quæ doctrina non est contra propositionem primam damnatam à *Sanctiss. Pontifice Innocentio XI. Non est illicitum in Sacramenti conferendis sequi opinionem probabilem de valore Sacramenti , relicta tutiore* : Quia dum quis confitetur sola mor-

talia in genere , non potest esse dubium de valore Sacramenti , quia Sacramentum valet etiam sine materia determinata , ex citata doctrina Angelici Doctoris in 4. dist. 27. qu. 2. art. p. ad p. Quod totum probabiliter tantum , ut supra , dictum sit .

PRIVILEGIUM SEPTIMUM.

Pœnitens excommunicatus , qui bona fide procedens , naturali oblivione , aut ignorantia invincibili excommunicationis , absolutus fuit à peccatis ante absolutionem excommunicationis , fuit valde absolutus , & excusatur nedum à peccato , sed etiam ab iteratione Confessionis .

897 **N**Egant hoc privilegium quampures , & Classici D. D. quos refert *Leander par. p. tract. 5. disp. 5. qu. 77.* quorum aliquos item allegat (prætereaque sequitur) *Sancius in selectis disp. 32. nu. 11.* Quorum omnium fundamentum est , quia talis , utpotè excommunicatus , non est capax Sacramenti pœnitentiæ . Admittunt tamen illud *Navarr. in Mæn. cap. 9. num. 4. Cajet. Verbo Absolutionis impediment. Tolet. lib. 3. cap. 10. n. p. Laym. l. 5. tract. 6. cap. 12. num. 12. Suar. de Pœnit. disp. 31. sec. 3. n. 6. & de Censur. disp. 10. sec. 3. n. 9. Coninch de Sacramenti disp. 8. dub. 13. Conclus. 4. n. 104. Diana 10. p. Coord. tract. 4. ref. 38. nu. 2. ex p. 3. tract. 4. ref. 78. Coriolanus de Casibus refero. p. p. sec. 3. de Conditionib. Confessionis Condit. 8. n. 3. Sanchez l. 2. Sum. cap. 8. n. 5. Lugo de Pœnit. disp. 16. sec. 15. nu. 614. Bassens Confessio Sacramentalis 6. nu. 5. & alii ferè communiter : Afferentes , Constitutum in excommunicatione , & bona fide , ac ignorantia invincibili excommunicationis , absolutionem petentem , valde absolvi à peccatis ; tamen non absolvatur ab excommunicatione : Igitur si valde sit à peccatis absolutus , excusatur à sacrilegio , & ab iteratione Confessionis , ut in privilegio : Quod probatur : tum quia , Ecclesia non intendit privare Sacramento excommunicatum in hujusmodi bona fide , & ignorantia positum : ut patet ex *Cap. Apostolica de Cler. excomm.* ubi Papa ait , excommunicatum celebrantem cum hujusmodi ignorantia , non incurrere pœnam juris : Hinc & *Suar. l. c. de Cens. n. 10.* inquit , quod excommunicatus celebrans inculpabiliter ex ignorantia , excusatur à nova censura , & irregularitate ; quod docent communiter . Tum quia , licet absolutio à peccatis , ante absolutionem ab excommu-*

nicatione, sit prohibita (propter quod, & qui illam dat, & recipit scienter, mortale sacrilegium committunt) nullo tamen jure est irrita, & jure optimo, cum nullo modo sit de essentia hujus Sacramenti, quod poenitens prius absolvetur ab excommunicatione, quàm à peccatis, ut docent allegati: Igitur in casu hujus privilegii, poenitens absolutus à peccatis, & non à censura, & excusatur à sacrilegio, & à reiteratione talis Confessionis, sed tantummodo tenetur petere absolutionem ab excommunicatione, quotiescumque sciverit se esse constitutum in ipsa.

898 Adde quod aliàs, qui in excommunicationem incidisset, & ejusdem esset omnino oblitus, non posset tota vita à suo Confessario validè absolvi, ex quo multa sequerentur, & gravia incommoda, quae admitti non debent: non enim excommunicatus est incapax Sacramentorum (contra fundamentum adversariorum) quamvis ei prohibeatur illa recipere. Tum tandem quia, durissimum esset obligare poenitentem (ait etiam *Lugo n. cit.*) excommunicationis oblitum, vel ignarum, ut non posset unquam justificari in sacramento, sed solum per contritionem; quia cum ignoreris se esse excommunicatum, nunquam quereret absolutionis remedium, atque ita manebit incapax recipiendi sacramentum poenitentiae, quod quidem si Ecclesia fecisset, non videretur (inquit *Lugo n. 614. c.*) benè factum, cum ejus potestas sit non in destructionem, sed in edificationem, & remedium animarum: dictus autem rigor adversus hominem non potentem sibi (ignorantiae invincibilis causa) de remedio providere, videretur esse in meram destructionem: ergo verum privilegium nostrum.

PRIVILEGIUM OCTAVUM.

Poenitens bona fide confitens casum reservatum ignorans esse talem, excusatur à reatu invalide Confessionis, & validè absolvetur.

899 *Joannes Praepositus in 3. par. qu. 9. De reservat. Casib. dub. 7. nu. 38.* ponit, & probat hoc privilegium sub sequentibus verbis. Si poenitens bona fide confitetur, nesciens suum Casum esse reservatum; vel Sacerdotem non posse ab eo absolvere, absolutio videtur valida, Ecclesia tacitè hic, & nunc dante jurisdictionem in bonum animarum. Primò, quia alioquin innumeri meritis remanerent anxii

de suis Confessionibus. Secundò, valdè graviter deciperentur, cum varii Sacerdotes non ita scient casus reservatos, nec sit poenitentium eos scire, vel Sacerdotum potestatem: Unde sive Sacerdos absolvendo peccet, sive non, poenitens bona fide procedens videtur validè absolvi, remanente onere se siltendi Superiori.

900 Dices, qui bona fide confitetur mortalia non habenti circa illa jurisdictionem, non absolvitur, ergo nec prior. Respondeo primò *Suarez* sentire poenitentem in casu antecedenti absolvi, cujus sententia non videtur improbabilis. Respondeo tamen secundò negando consequentiam, quia eo quod in casu antecedenti Ecclesia non det jurisdictionem, non sequitur notabile animarum periculum, cum ille casus sit omnino rarus, scilicet vel quod non habens potestatem absolvendi à mortalibus se exponat ad Confessiones excipiendas; vel non expositus requiratur audire. Si verò in priori casu Ecclesia non daret hic, & nunc jurisdictionem, frequenter sequi posset animarum periculum, & quodammodo per se, rem moraliter considerando, cum Sacerdotes expositi frequenter hac in re possint errare. Hucusque *Praepositus apud Dianam Coordin. to. p. tract. 5. ref. 40. n. p. & 2. ex par. 6. tract. 6. & Miscell. p. ref. 40.*

901 Hoc idem privilegium pariter proponit, & latè probat *Joseph de Januario de Casib. reserv. resol. p. per totam*; dum in ipsa docet, Habentem casum reservatum, quem tamen invincibiliter ignorabat esse talem, posse validè absolvi à quocumque Confessario inferiori, sine licentia Ordinarii, etiam si videlicet non habeat potestatem absolvendi à reservatis. Quod privilegium verum esse vult, tam si reservatio sit in poenam delicti, quàm si sit ob bonum commune Ecclesiae. Cum *Graffio de Casib. Reserv. lib. 2. cap. 40. n. 29. Versu. Secundo in omni poena.* Docent tamen hi Doctores (ut videre est apud ipsos) incidentes in casum reservatum, invincibiliter ignorantes reservationem, non incurrere in illam: consequenter à quocumque inferiori Confessario, etiam non habente jurisdictionem in reservata, validè, & cum fructu absolvi posse, absque obligatione iterandi unquam confessionem, vel se unquam siltendi superiori pro absolutione à reservatis, cum ab utroque excusaverit, & excuset ignorantia, cujus causa nec in reservationem incidere. Loquuntur autem de casibus reservatis absque censura (ut declarat idem *Januar. n. 2. resolut. c. in princip.*) cum clarum sit (inquit) censuram non in-

PRIVILEGIUM NONUM.

curri, nisi à sciente: *Cap. 2. de Constitutionib. in 6.* ubi deciditur, ignorantes non ligari sententiis (quod ampliatur etiam ad penas) quia censura non fertur, nisi contra contententes, & contumaces, *Cap. Nemo Episcoporum 11. qu. 3.* At qui ignorat, nec contemnit, nec contumax est, ergo non ligatur censura, nec in eam incidit, ut & nos docuimus *Cap. 4. Privil. 12. 13. & 14.*

902. Probant autem prædicti assumptum suum privilegium. Tum quia reservatio casuum est poenalis, & cum sit talis non ligat ignorantes, ergo isti in reservationem non incidunt. Et si non incidunt, à quocumque inferiori Confessario absolvi possunt, cum habeat hic potestatem in hos poenitentes. Tum quia hic actus, prout dicit qualitatē reservationis, est involuntarius, cum sit secundum hanc qualitatem ignoranter factus, ergo secundum quod dicit illam reservationem, nullum est peccatum, consequenter nec casus reservatus. Si dicas huiusmodi reservatio facta est Confessariis, non poenitentibus. Respondetur, quod est facta poenitentibus, dum res indifferentes in ordine ad poenitentes sunt peccaminosæ; sic locutio cum Monialibus est indifferens, & sit peccaminosa, quia est reservata, & sic de cæteris. Reservatio enim, vel est de re prohibita, quia mala, & est in penam delicti, & consequenter in ordine ad transgressores; vel est de re mala, quia prohibita, & tunc res indifferens fit peccaminosa in ordine ad poenitentes. Igitur reservatio tota, quanta est, est in ordine ad poenitentes per se primò, & directè, licet respiciat Confessarios per accidens, seu per aliud, nempe per poenitentes. Et si velis dicere quod reservatio æqualiter respicit Confessarios, ac Poenitentes, Respondetur sufficere, si statutum sit in ordine ad Poenitentes, quod non obligat ignorantes, ut supra dictum est, & si non obligat Poenitentes, consequenter Confessarii non possunt non hos absolvere, uti non transgressores, &c. ergo verum assumptum privilegium. Cuius alias rationes, & oppositionum solutiones, vide penes eundem *Januarium*, cuius doctrinam *P. Diana to. p. Coord. tract. 5. ref. 39. n. 2. in fine: Ex par. 10. tr. 14. & Misc. 4. ref. 65. aliis. 63.* putat satis probabilem, pro qua præter *Grassium* supra refert etiam *Navarr. in Man. cap. 27. n. 80.*

Qui mortale confessus est, quod tum ipse Poenitens, tum Confessarius ob ignorantiam, existimabant veniale, si norit postea Poenitens esse mortale, à repetenda illius Confessione excusatur.

903. **H**ujus privilegii ratio est, Tum quia, ad Confessionis valorem non est necesse, ut Poenitens, aut Confessor sciat determinatè peccatum confessum, esse mortale, in omnibus quippe id scire, impossibile est (*Sanch. To. p. Operis Moral. lib. p. cap. 10. n. 69. in fine. Diana to. p. Coord. tract. 3. ref. 137. in fine Ex. p. 3. tract. 4. ref. 90. aliis. 91.*) Ergo, &c. Tum quia (ut videmmet etiam docent *l. l. c. c.*) integrè (ut supponitur) falsus est poenitens peccatum, quod fecit: ergo non tenetur iterum repetere illius Confessionem: nisi aliunde fuerit irrita, ut quia data opera quæsisset ille Confessorem ignarum, ac insufficientem ad ejus confessionem excipiendam. Confirmatur ex ipsdè: Quia quando dictus Poenitens falsus est integrè peccatum, quod fecit; nec tenetur iterum illius confessionem repetere, quando novit esse mortale, etiamsi quando confessus est dubitasset, an esset tale; & quamvis etiam Confessor ipse simili dubio teneretur: ergo eo magis non tenetur repetere confessionem illius si nec dubitabar esse mortale, ut potest privilegium supponere: Consequentia sequitur: antecedentis ratio est eadem ut supra: Quia videlicet poenitens jam plenè in Confessione peccatum suum manifestavit, nec nova circumstantia explicanda occurrit: Quamvis igitur alteruter doctior factus, aut aliis consultis, agnoverit id esse mortale, excusatur nihilominus poenitens, ut in privilegio: cum nec ad confessionis valorem necessarium sit, ut poenitens, aut confessor sciat determinatè peccatum confessum esse mortale, ut supra. Tum quia (ut docent *Valerus, Corduba, & Victoria*, approbante *Diana tom. p. Coord. tr. 3. ref. 30. n. 4. ex par. 3. tr. 14. & Misc. 2. ref. 12.*) quando Confessarius scit discernere in communibus peccatis, an sint mortalia, nec ne, quamvis aliqua minus communia ignoret, & apprehendat ut venialia, & si sint mortalia, non est scrupulus iniiciendus in poenitentem, ut teneatur hæc iterum confiteri: quia aliàs sequeretur, quoties Sacerdos non intellexisset circumstantias muta antes speciem, etiam si poenitens illas sufficienter declararet, postea cognita Confessarii

fessarii ignorantia à penitente, teneretur iste iterum ea confiteri, quod onerosum animis redderet confessionem, nec est dicendum; igitur nec etiam affirmandum, quod si penitens confiteatur aliquod peccatum quod ex ignorantia existimat veniale, cum sit verè mortale, teneatur postea penitens doctior factus iterum tale peccatum confiteri, quia non est de necessitate, & valore huius Sacramenti, ut Confessarius, & penitens cognoscant totam gravitatem culpæ, sicque verum privilegium.

904 In cuius confirmationem addi potest doctrina Henrici lib. 2. de Pœnit. cap. 14. n. 5. quæ est huiusmodi. *Qui bona fide confitetur ignorant, quem postea novis nescisse distinguere inter mortalia, & venialia, non videtur cogendus iterare Confessionem, quia ille potuit, & voluit bene dispositum absolvere, quamvis defecerit in prudentia circa medicinam, & satisfactionem imponendam.* Ita ille, cui addendi sunt ii omnes, qui sentiunt non esse ex necessitate iterandam Confessionem factam cum Confessario valde ignaro, si bona fides ex parte penitentis adfuit. Sunt autem Sanchez. n. c. 69. *Diamato. p. Coord. tr. 3. ref. 28. ex p. 3. trac. 4. ref. 120. aliis 121. Suar. de Pœnit. disp. 22. sec. 6. n. 4. Vers. Ad dunt nonnulli, & disp. 28. sec. 2. n. 121* (ubi citat Gabrielem, Adrianum, Medinam, & alios idem sentientes.) *Filliuc. to. p. tract. 7. cap. 9. n. 254. Bonac. to. p. de Sacram. Pœnit. disp. 5. qu. 5. sec. 2. punc. 3. n. 14. Lugo de Pœnit. disp. 16 sec. 15. nu. 603. Coninch de Sacram. disp. 6. dub. 5. n. 18. Leander par. p. tract. 5. disp. 5. qu. 84. Bassæus Confessio Sacramentalis 6. n. 4. & alii apud ipsos: quorum omnium præcipua ratio est: Quia penitens obtinuit absolutionem Sacramentalem ab habente facultatem absolvendi, & plenè, ac bona fide sua peccata in confessione manifestavit, ut supponitur; nec obicem posuit valori Sacramenti: ergo talis confessio fuit valida, & fructuosa, nec iteranda, cum Confessarius aliquam habuerit scientiam, & notitiam de aliquo peccato penitentis, aut saltem de peccato in communi; quæ notitia nunquam deest tali Confessario, siquidem videt penitentem accedere ad Confessionem, & confiteri se esse peccatorem; & tandem impossibile, est, quod aliquod peccatum non intelligat, & sciat esse peccatum, quod sufficit (per allegatos) ut ab illo absolvat.*

905 Si hoc igitur sufficit, etiam per D. D. citatos, & penitens ob ignorantiam Confessarii quando post confessionem cognoverit hunc nescivisse distinguere an pecca-

tum cum ipsomet confessum mortale fuerit, an veniale, non tenetur iterare confessionem: multo magis excusabitur ab ipsa iteranda, quando integrè quidem idem peccatum falsus est, dubitans tamen & ipse an fuerit mortale, & postea certò cognoscens esse tale: excusabitur inquam, tum ex mox allata communi D. D. ratione; tum etiam ex superius tradita, quia videlicet, ad validitatem Confessionis (modò cætera adfint, quod scilicet Sacerdos, licet ignarus, sit tamen approbatus, habens jurisdictionem, ministrans cum intentione, adfint materia, & forma, bona fides in penitente, ut supra) non requiritur, ut penitens, aut Confessarius sciat determinatè peccatum confessum esse mortale, alioquin [concludit Bonac. n. c.] nullus reperiretur aptus ad Confessiones recipiendas, aut faciendas, cum nullus plenè sciat omnes circumstantias, & gravitatem omnium peccatorum. Aliis [insert Coninch n. c.] vix ulli possent reperiri idonei ad audiendas Confessiones: quia sæpissimè contingit, ut etiam peritissimi, & experientissimi Confessarii dubitent, an id quod penitens confitetur; sit verè mortale, an solum veniale: quia harum rerum cognitio in particulari sæpissimè à tot circumstantiis pendet, quas non possumus satis cognoscere, ut nullus mortalia possit de iis semper in particulari benè iudicare. Adde, quod plurima sunt peccata, de quibus controversia est inter D. D. an mortalia sint, an venialia; quare nullus potest hoc omnino certò scire. Unde si quotiescumque Sacerdos intellexit quidem peccatum penitentis, sed ex ignorantia non potuit discernere an esset mortale, an veniale, confessio esset iteranda superveniente scientia ignorantie Confessarii, ut docent Sylv. Verbo Confessio p. qu. 3. Versus Tertio. Bassæus de Jubilæo sec. 3. casu 2. §. p. à n. 168. & alii apud ipsum, & apud Leanderum qu. c. 84. in princip. præterquam quod esset hoc nimis durum, sequeretur etiam in his casibus penitentem ab iis peccatis non aliter absolvi, quàm ab oblitis, & solum indirectè, quod videretur absurdum. Quia Christus tunc ad perfectam huius Sacramenti administrationem requisivisset in Sacerdote maiorem cognitionem status penitentis, quàm humanitus haberi potest: ita Coninch n. cit. 18.

906 Nec valet dicere, tunc solum esse iterandam Confessionem quando defectus evenit ex ignorantia, & imperitia Confessarii, non autem quando accidit ex rei difficultate. Nam (ut optimè etiam idem

Conincb n. 19.) non videtur hoc dici consequenter: Quia sive defectus hic oriatur ex una, sive ex alia causa, semper est eadem ignorantia speciei ipsius peccati, & status penitentis. Hinc si huius cognitio esset essentialiter requisita, ut penitens possit à peccatis directè absolvi, quacumq; ex causa contingeret eam deesse, necessariò deesset etiam absolutio directà. Igitur, tenetur quidem Confessarius, quantum hic, & nunc moraliter fieri potest, curare, ut intelligat speciem peccati: & penitens pariter tenetur simili modo ità se explicare, ut ille possit eam intelligere: aded ut ille cuius culpa defectus hic accidit dicatur consequenter peccare. Inde tamen non sequitur, talem cognitionem esse absolutè necessariam ad directam absolutionem à peccato. Si tamen penitens, studio Sacerdotem quaereret qui ex ignorantia, & imperitia non posset inter peccata discernere, peccaret graviter, sicque propter defectum dispositionis, Sacramentum esset nullum. Quoties enim Sacerdos cui penitens peccata sua confitetur, aded rudis, & indoctus est, ut nulla omninò ratione cognoscat gravitatem peccati, per inde est ac si peccata sua confiteatur dormienti, aut non advertenti, unde confessio huiusmodi invalida est, & repetenda. Secus si Confessarius peccati gravitatem aliqua ratione cognoscat, & si in particulari nesciat discernere, & distinguere species: ut innuunt citati.

907 Contra propositum tamen privilegium dicit quis. Peccatum confessum ut dubium, cessante dubio, debet iterum ut certum confiteri: ergo etiam peccatum certum, de quo tamen dubitabat penitens, vel Confessarius, an esset veniale, aut mortale, deprehensio esse mortale, rursus debet confiteri, ergo ruit privilegium ut patet: prima consequentia sequitur, par enim est utriusque ratio: antecedens verò est sententia D. D. communis, ut videre est apud ipsos, *Dianam* præcipuè to. p. *Coord. tract. 3. ref. 139. ex par. 10. tract. 16. & Miscell. 6. ref. 79.* & præterea probatur: tum quia peccatum illud dubium, & incertum sic confessum, quando postea scitur ut certum, notabiliter variat iudicium Confessarii, & transfert illud de materia non necessaria Sacramenti in materiam necessariam: tum etiam quia, esto etiam fuisset peccatum directè remissum in præcedenti confessione, quia tamen non fuit in illa satis explicatum, manet obligatio illud iterum ut certum explicandi. Res-

pondeo, & si antecedens sit sententia, & propositio communis, contradicit ei tamen toto conatu *Emin. Lugo de Penit. disp. 16. sec. 2. §. 4.* at quidquid sit de antecedenti, transeat illud, sit etiam verum: negatur prima consequentia: ad eisdem probationem, dico, quod non est utriusque per ratio, ex clara etiam doctrina *Sancti. n. c. 69.* ubi & ipse docet quidem quod qui confessus est peccatum dubium, & postea certus redditur de eisdem commissione, tenetur illud iterum confiteri: sed optimè addit, hoc non procedere quando penitens integrè (ut supponit privilegium nostrum) falsus est peccatum quod fecit, dubitabat tamen an esset mortale: quia jam sic revera confessus fuit integrè peccatum; nec aliud requiritur ad valorem sacramenti, vel aliud occurrit iterum confitendum: non sic autem est quando quis constet peccatum dubium quod postea deprehenditur certum, cum non sit illud in priori Confessione integrè manifestatum. Unde clara hic est disparitas: sicque nec bene deducta ultima consequentia, firmo remanente privilegio nostro, quod expressè ponunt, & probant *Sancti. n. cit. Lugo l. c. n. 93. Leander disp. c. qu. 87.* [ubi dicit esse commune] & *Palaeus to. 4. tract. 23. disp. unica punc. 12. n. 3.* quem sic concludit: *Est quod præcepit Christus Confessario, ut quoad fieri poterit peccatorum gravitatem intelligat, ipsique penitentibus eam declaret; non tamen valori Sacramenti eam conditionem annexit.* Non desinam tamen hic advertere (quod & deserviet pro huius privilegii modificatione) dari plura peccata, quæ si sint venialia, non obligant sub mortali ad restitutionem famæ, vel rerum, nec annexam habent excommunicationem, bene quidem si sint mortalia. Quare quotiescumq; deprehenditur hæc fuisse mortalia, videntur iterum Clavibus subiicienda, propter ea, quæ peccatis eisdem sunt annexa.

PRIVILEGIUM DECIMUM.

Qui peccatum aliquod ignorantia vincibili, aut etiam scienter commissum prætermisit in Confessione, invincibiliter, aut probabiliter ignorans se teneri ad peccatum illud in Confessione aperendum, excusatur ab obligatione repetendæ Confessionis.

908 **P** Atet apertissimè hoc privilegium. Quia, qui sic retinet peccatum in Confessione, invincibiliter scilicet ignorans tale

tale peccatum in Confessione manifestandum esse, non peccat, cum ignorantia invincibilis, aut probabilis eum excuset, ergo excusat etiam eundem ab obligatione repetendæ confessionis: sique verum privilegium. Ita etiam Bonac. to. 2. de Peccatis disp. 2. qu. 8. punct. 3. proposit. 2. n. 17. Addens, idem privilegium extendendum, esse ad eum, qui in prima Confessione culpabiliter prætermisit aliquod peccatum ex ignorantia vincibili, aut etiam scienter, sed in reliquis Confessionibus prætermisit bona fide eo quod nullam de tali peccato, aut de tali omissione cogitationem habuerit facto diligenti examine: aut, eo quod in reliquis Confessionibus, prudenti ratione iudicaverit illud non fuisse peccatum: iste enim non tenetur repetere Confessiones bona fide factas (sicut nec ille de quo in privilegio) cum à peccato excusetur ratione bonæ fidei, seu ignorantie invincibilis, aut probabilis; consequenter satisfaciet iste, repetendo Confessionem, in qua culpabiliter peccatum

prætermisit: ille verò tantum confitendo peccatum novè cognitum, quod in prior Confessione ex ignorantia invincibili inculpabiliter omisit. Bonac. l. c. & to. p. De Pœnit. disp. 5. qu. 5. sec. 2. punct. 2. §. 4. Diffic. 4. n. 2. & 3. & punc. 3. n. 6. & Lugo de Pœnit. disp. 16. sec. 15. §. p. n. 599. ubi sic: *Advertendum est, quod si aliquis ante decem annos v. g. tacuit culpabiliter peccatum mortale, & postea in aliis Confessionibus intermediis non recordatus est; nunc quando Confessarius comperit vitium illius Confessionis præterite, non debet obligare ad repetendam omnes Confessiones intermedias bona fide factas, sed solum illam, in qua fuit ille defectus; cum alie omnes potuerint valide, & fructuose esse dum illius sacrilegii non recordabatur: ita Lugo, alique plures ante, & post ipsum, præcipuè Sancius in Selectis disp. 41. n. 19. Diana par. 3. tract. 4. ref. 108. (ubi in fine ait: hanc doctrinam sæpè in praxi eum à multis laboribus liberallè) Leander par. p. tract. 5. disp. 5. qu. 88. & omnes apud ipsum.*

C A P U T XVI. DE PRIVILEGIIS IGNORANTIÆ

CIRCA TERTIUM ECCLESIAE PRÆCEPTUM,

De sumendo Eucharistiæ Sacramento in Paschate.

909



Ræceptum sumendi Sacrosanctum Eucharistiæ Sacramentum, & communicandi, duplex est, divinum scilicet, & Ecclesiasticum. Utrumque obligans sub peccato mortali. Primum habetur Joann. 6. & satis intelligitur ex verbis illis Christi: *Nisi manducaveritis Carnem Filii hominis, & biberitis ejus Sanguinem, non habebitis vitam in vobis.* Alterum verò expressum est in Cap. *Omnis utriusque sexus: ubi præcipitur, ut omnes utriusque sexus fideles, postquam ad annos discretionis pervenerint, semel saltem in anno, tempore Paschatis, Eucharistiam suscipiant, nisi fortè de Consilio Confessarii, ad tempus, ejus susceptionem differant.* Sic ibi, & in Trident. sess. 13. Canon. 9. & apud omnes Doctores tam Theologos, quam Canonistas, unde contrarium asserere manifestum continet errorem.

910 Primum præceptum (hoc est divinum, & seclusum à præcepto Ecclesiastico) per se obligat in articulo, seu periculo mortis fideles baptizatos, & præceptorum capaces, ut patet ex Doctoribus, & praxi Ecclesiæ, quæ semper magna sollicitudine curavit, & curat, ut extremè laborantibus conferatur Sanctissimum Eucharistiæ viaticum. Et sanè cum ex Evangelio constat de Institutione, non de tempore hujus præcepti, valde consentaneum est, ut dicamus tunc obligare quando usus Eucharistiæ est maxime necessarius, nimirum in articulo, seu periculo mortis: quia eo præsertim tempore tenentur homines vires spirituales rescire, cum corporalibus destituuntur, & adhibere media, quæ ad augendam gratiam, & eandem conservandam valde conducunt, inter quæ præcipuum locum tenet Eucharistia. Et adeo hujusmodi præceptum divinum obligat

adultos

adultos baptizatos in articulo, seu periculo mortis, ut qui eo tempore Sacramentum Eucharistiam non sumpserit, si dignè, ac decenter possit; aut si non possit, saltem in voto, mortaliter peccet (quavis in gratia reperitur, etiam si in Paschate communicaverit) & salvari non possit. Unde hoc præceptum in articulo, seu periculo mortis etiam iustos obligat, quod singulare est huic Sacramento omnium nobilissimo, esse scilicet præceptum divinum Christiano iusto impositum. Et hanc esse hodie sententiam communem testatur cum *D. Thom.* & aliis, *Fagund. De hoc præcept. lib. p. cap. 3. nu. 4.* quem etiam refert, & sequitur *P. Duardus par. p. Comment. Cap. Omnis utriusque sexus in §. 2. disp. p. sec. p. Conclus. 2. n. 7. fol. 455.* Affirmantes insuper, eos etiam, qui mortem violentam patiuntur obligari hoc divino præcepto; idest non solum positos in articulo, seu periculo mortis naturalis, sed etiam violentæ, ex publica auctoritate iustitiæ inferendæ. Unde tenentur Iudices reis ad mortem damnatis concedere tempus necessarium, ut peccata Sacramentaliter confiteri, & ad Eucharistiam accedere possint. Neque opposita consuetudo probanda est, cum sit contra jus divinum, in quo homines dispensare non possunt. Dixi, *etiamsi in Paschate communicaverit.* Quia præcepto communicandi in articulo mortis non satisficit per communionem Paschalem: nec per aliam, quæ ante talem articulum præmissa sit non per modum viatici. Ita *Sum. Diana c. Verbo Communionis Necessitas n. 9.* in quo etiam probabile dicitur, quod si quis mane sanus communicaret, & post meridiem in periculum incideret, ac timeretur eodem die moriturus, teneretur eodem die communicare per modum viatici: quæ de re vide *Dianam Coordin. to. 2. tract. 2. à ref. 70. usq. ad 75. inclusivè.* In quibus habes, an qui paulo ante, & per paucos dies communicaverit, teneretur iterum in articulo mortis communicare.

911 Alterum, & Ecclesiasticum præceptum communicandi semel in anno, nimirum in Paschate, ut supra, item obligat omnes baptizatos *ratione utentes*, & præcepti huius capaces, quod præceptum etiam Divinum est, cum Ecclesia, tempus tantum, determinet, quo sit adimplendum, quæ quidem determinatio licet sit de jure positivo, reputatur tamen à Deo, tanquam ab eo Ecclesiæ commissa: *Duardus scilicet. p. cit. concl. 4. n. 27. & scilicet. 2. n. 6. & in §. p. ejusdem cap. Omnis, disp. p. sec. 2. conc. 3. Ampliat. 5. nu. 34.*

fol. 16. ibi: *Præceptum communionis in Pascha non est purè Ecclesiasticum, sed ita est Ecclesiasticum, ut sit etiam Divinum, sicut præceptum annuæ confessionis. Etenim Sanctissimum Eucharistiæ Sacramentum non solum à Christo fuit institutum, sed etiam ejus sumptio præcepta. Joann. cap. 6. Nisi manducaveritis, &c. Tempus autem illud sumendi fuit à Christo Ecclesiæ commissum, ut deputet, sicut circa confessionem: & propterea uno, & eodem Canone fuit ab Ecclesia præfixum tempus confitendi, ac communicandi, ut bene declarat Sotus in 4. dist. 12. art. 11. col. 7. vers. Secundò adiciunt.*

912 Hoc præceptum obligat inquam, omnes baptizatos *ratione utentes*, quod tamen non ita strictè accipiendum est, ut Infantes ad illud teneantur, statim ac incipiunt uti ratione, cum ex consuetudine, quæ optima est legum interpres, non admittantur infantes ad communionem, statim atq; ratione utuntur, sicut admittuntur ad Confessionem, sed tantum quando iudicio sufficienti præditi sunt, ut cum majori reverentia, huic Sacramento præ aliis debita communicare possint. Hinc fit ut alii citius, tardius alii ad huius sacramenti sumptionem obligentur, eo quod alii sunt præcocioris ingenii, alique tardioris. Quæ de re iudicium sit penes prudentem Confessarium, qui variis interrogationibus deprehendere poterit, quandonam infantes ad eum accedentes, sufficienti iudicio præditi sint, & ad Eucharistiæ sumptionem, admitti debeat.

913 In Paschate obligat hoc præceptum, ut dicitur supra. Eos etiam qui pluries infra annum ad Communionem accesserint, ut est communis sententia, & consuetudo totius Ecclesiæ apud *Duardum par. pr. Cap. Omnis, &c. in §. 2. disp. 3. sec. p. nu. 2. fol. 511.* Ubi, quod *Fabianus Papa* præceperat, ut saltem ter in anno fideles communicarent, in *Natalitio Domini*, in *Paschate*, & *Pentecoste*: ut in *c. Et si non frequentius, de consecr. d. 2.* Et quoniam frigescente charitate, & devotione, multi fideles nec illis diebus communicabant; idcirco *Innocentius III. in Concil. Lateran.* Statuit per hunc canonem, ut omnes fideles communicent semel saltem in anno in Pascha. Nomine autem Paschatis non intelligas diem ipsum Resurrectionis Dominicæ, sed tempus currens à Dominica Palmarum, usque ad Octavam Paschæ inclusivè, ita ut satisfaciatur præcepto Ecclesiæ, qui semel communicat intra illos quindecim dies. Imò, ut *Suar. to. 3. in 3. p. disp. 70. sec. 2. & alii ad*

vertunt, variis in locis consuetudine receptum est, ut in tota Quadragesima, & octo, vel etiam quindecim diebus sequentibus, huic præcepto satisfieri possit. Huiusmodi autem tempus non est ita determinatum, quin ex consilio proprii Sacerdotis (ut supra) communio extra illud possit differri, ex rationabili causa. Dicitur autem hoc loco proprius Sacerdos quicumque potest legitime Eucharistiam Paschalem (de qua hic) administrare. Sic enim (ait *Suar. disp. c. sec. p.*) non discordatur à verbis legis. Ita *Verf.* Deinde feri omnes, in fine, & sec. 2. c. *vers.* Sed circa hoc tempus, in fine. Unde de eius tantum consilio id fieri permittitur qui in Sacramentali foro iurisdictionem habet ordinariam, & Pastor dicitur animarum. Verum *P. Duaridus par. p. c. in §. 2. cap. Omnis, &c. disp. p. sec. 2. n. 20. fol. 462.* advertit, quod revera id hodie non attenditur: atque idem satis est, si communionem quis dixerat ex consilio sui Confessarii, five proprii Parochus sit, five delegatus ab Episcopo, five à Rom. Pontifice, ut sunt Religiosi approbati ab Ordinario, qui aequiparantur Parochis, iuxta ea, quæ docet *Mosejus par. p. sue Summ. Theol. tract. 7. cap. 15. n. 90. 91. & 92.*

914 Præcepto huic annuæ communionis non satisfaciit, qui ad Eucharistiam accedit in peccato mortali. Et oppositam sententiam damnavit *Innocentius XI.* per damnationem *promissionis 55.* inter alias damnatas, quæ est huiusmodi: *Præcepto communionis annua satisficit per sacrilegam Domini manducationem... Et meritò, quia Paulus Apostolus telerens obligationem cuiuscumque, qui debet adimplere mandatum sumendi Christi Corpus in Eucharistia, scriptum reliquit in Epist. p. ad Corinth. cap. 11. n. 28. Probat autem seipsum homo, & sic de pane illo edat, &c.* ergo qui seipsum non probat, hoc est, non reddit fide dignum per confessionem peccati mortalis, sed indignè, ac cum mortali accedit ad manducandum Domini corpus, divino præcepto non satisfaciit de dignè communicando, quod præceptum fuit ab Ecclesia statutum, ut semel in anno fit adimplendum, scilicet in Paschate, ac proinde qui dignè non manducat Dominum, præcepto tum Dei, tum Ecclesiæ non satisfaciit. Tenentur igitur fideles sub peccato mortali ex Ecclesiæ præcepto semel in anno intra prædictum tempus dignè communicare, & in propria Parochia. Et quamvis extra illud, & articulum mortis non obligentur, optimum tamen consilium est, ut frequenter ad hoc Sacramentum cum dispositione debita acce-

dant; cum enim in eo realiter Christus, qui gratiarum est fons, contineatur, dubium non est quin magnum augmentum gratiæ recepturi sint.

915 Dixi *Et in propria Parochia*, in qua utrique adimplendum est hoc præceptum; licet possit adimpleri in aliena, & alibi de licentia Parochi expressa, vel tacita. Sic *Navarr. in Man. cap. 21. n. 52. Henric. lib. 2. cap. 55. n. p. Suar. to. 3. c. disp. 72. sec. 2. Azor. to. p. Instit. Moral. lib. 7. cap. 30. qu. 6. Bonac. to. p. disp. 4. qu. 7. punc. 2. proposit. 2. n. 7. Farund. Præcept. 3. Excles. lib. p. c. 5. n. 5. Leander par. 2. tract. 7. disp. 3. qu. 14.* & communiter omnes apud ipsum ex cap. *Omni cit.* Ratio est: Quia in hoc capite decretum est, ut quisquis à proprio Sacerdote corpus Domini in Paschate accipiat. Quod decretum adeò obligat, ut qualis diebus anni, etiam à proprio sacerdote, & in propria Parochia communicavit, denuò necesse sit, ut communicet intra dies statutos pro Paschali communionem in propria Parochia de manu proprii Sacerdotis, seu ab alio de illius licentia ad satisfaciendum præcepto. *Jo. d. S. Thomas in Compend. Doctrinæ Christianæ. par. 2. cap. 10. §. 3. de 3. præcept. Eccles. in princip. Cum sit igitur ad proprium Sacerdotem accedendum, eo ipso ad huius propriam Parochiam accedere oportet, vel in aliena, ut ubicumque alibi de licentia proprii Parochi: quia, sicut Parochi possunt dare suis Parochianis licentiam, ut alia sacramenta, ex. gr. Matrimonii, Confessionis, Extremæ Unctionis ab alio accipiant: ita etiam possunt eam dare ad Sacramentum Eucharistiæ, cum sit par ratio in omnibus. Cæterum si quis hoc idem sacramentum sine debita iurisdictione, aut facultate ministraret, peccaret mortaliter, ut omnes docent apud *Suar. sec. 2. c. versu.* Hinc sequitur, in princip. Quia alienum usurparet jus in re gravi, & cum animarum periculo per se loquendo; & contra pacem, & debitam gubernationem, & ordinem Ecclesiæ. Quod intelligit ex suo genere, quia si intercedat bona fides (inquit etiam *Suar.*) & interpretativa, seu præsumpta voluntas Pastoris probabilis causa excusari poterit peccatum, vel omne, vel saltem mortale. Et nedum peccat qui ministrat hoc sacramentum sine debita iurisdictione, aut facultate, verum etiam qui illud, & Sanctam communionem recepit ab eo, qui non est proprius Parochus, nec superior abque eiusdem licentia, aut privilegio: *Navarr. n. 52. c. in principio:* nisi utrumque excuset ignorantia, qua de re fit.*

PRIVILEGIUM PRIMUM.

Religiosus non Parochus, nec habens speciale privilegium, qui Sanctissimum Communionem ministrat, ignorans hoc esse peccatum, cui etiam excommunicatio annexa est, ab hac Censura, & à peccato excusatur.

916 **C**ommunionem sanctissimam sine jurisdictione ministrare, lethale esse diximus numero precedenti ex Doctorum omnium sensu. Religiosi autem ipsi professi, qui ita, & absque speciali privilegio illam ministrare presumunt præter lethale quod committunt, incidunt etiam ipso facto in excommunicationem reservatam Papæ, latam in *Clementina Religiosi*, per hæc verba: *Religiosi, qui Clericis, aut laicis Sacramentum Eucharistiæ, aut extremae Unctionis ministrare presumpserint, non habita super his Parochialis præbyteri licentia speciali: Excommunicationis sententiam incurrant ipso facto, per Sedem Apostolicam dumtaxat absolventi, &c.* Incurrunt inquam in hanc Censuram, & lethale committunt: Nisi ignorantia excusentur: limitat Navar. in *Man. cap. 21. n. 52. in princip.* Nisi bona fide administrant (advertit Bonac. to. p. de Sacramento Euchar. disp. 4. qu. 5. punc. n. 9.) vel ex ignorantia excommunicationis: vel probabiliter credant, Pastores ratam habitationis huiusmodi administrationem, tunc etiam non dicuntur presumere. Ut enim hæc censura incurratur (ita *Suar. sec. 2. c. col. 2. versu, Sed inquires.*) Necessè est, ut transgressio ex presumptione fiat: nam qui ex ignorantia id facit, putans sibi licere, vel ex ratihabitione probabiliter presumpsa non incurrit hanc Censuram, ut Cajet. notat, nam hanc vim habet verbum illud in hac lege positum, *Religiosi, qui, &c. presumpserint.* Verum igitur privilegium propositum: & ut tale etiam expressè illud recognoscunt *Henric. lib. 8. cap. 55. Filluc. to. p. tract. 4. cap. 9. n. 261. in fine. Duar. in §. 2. cap. Omnis utriusque, disp. 5. sec. 6. n. 6. in princip.* & alii plures. Advertentes dictam excommunicationem non extendi ad alios Sacerdotes, sed solum ad Religiosos: Cum in dicta *Clementina* fiat tantummodo mentio Religiosorum, in penis autem non est facienda extensio, etiam si quædam similitudo, vel rationis æqualitas intercedere videatur, restringendæ enim sunt penæ. Addit *Suar. l. c. & cum ipso Duar. sec. c. nu. 4.* quod nec adest hic fortasse rationis æqualitas: Quia in Religiosis potuit esse specialis causa: quia videlicet cum non possint tam facile ab Episcopo coerceri, li-

berius possunt prædictam jurisdictionem usurpare, ut ibi *Glossa* notat.

917 Appellatione autem Religiosorum, quibus sub censura prohibitum fuit ministrare Clericis, aut laicis sanctissimam Communionem ut supra, veniunt non solum ii (ut advertit *Duardus n. 4. c.*) qui in aliqua Religione à Sancta Sede approbata, tria solemnia Vota emittunt, ut sunt *Nostri, Dominicani, Franciscani, &c.* Verum etiam qui emittunt tria Vota simplicia, ut sunt *Patres Societatis Jesu.* Non tamen comprehendunt illi, qui in aliqua Congregatione collegialiter vivunt, professionem non emittentes, ut sunt illi de Congregatione Romæ instituta à *Sancto Philipo Nereo.* Nec comprehenduntur Religiosi, qui Rectores, aut Parochi sunt secularium: ut habetur etiam ex *Navarro in Man. cap. 27. n. 107. Henriquez l. c. lit. B. Fagund. de hoc præcep. lib. pr. cap. 5. n. 12. idem Duar. n. 4. c. & alii.*

918 His tamen non obstantibus, de facto hodie ex privilegio Romani Pontificis, possunt Religiosi per seipsos ubique terrarum quovis anni die ministrare Eucharistiam secularibus, & Clericis, excepto solo die Paschalis Resurrectionis, ut constat ex *Compendiis suorum Privilegiorum*: unde, in *Nostro Clericor. Regular. Tit. Communicare, §. p.* sic habetur: *Omnes Christi fideles quovis anni tempore Rectorum Parochialium Ecclesiarum, licentia minime requisita, possunt à nostris Sacramentum Eucharistiæ recipere, præterquam in die Paschæ Resurrectionis: & in mortis articulo, nisi necessitas urgeat.* Et quamvis huiusmodi privilegium sit nobis concessum citra limitationem, seu exceptionem, diei Paschatis, nihilominus *P. Peregrinus d. Tit. §. 2. in Scholio.* vult diem illum censeri exceptum: quoniam diem illum generali concessione non veniunt infusa, nisi mentio de illis specialis facta sit, ad quod allegat *c. fin. de Offic. Vic. lib. 6.* Et ibidem pariter probat, censeri diem illum etiam exceptum quoad Vagos, Advenas, & Peregrinos, per *Bullam Eugenii IV.* Qui declaravit quoque optimo iure satisfactum esse Canonis, seu *Decretali Omnis utriusque sexus.* Si in Hebdomada Sancta, vel infra octavam Paschæ Resurrectionis Dominicæ Eucharistiæ Sacramentum accipiant. Hinc patet diem Paschæ exceptum, non debere sumi, vel intelligi materialiter, hoc est de ipso tantum, & præcisio die materiali Paschatis, sed formaliter: idest non de ipso die Paschatis, sed quod non liceat Religiosis ministrare San-

Altissimum Eucharistiae Sacramentum secularibus in eorum Ecclesiis ut supra, quando in eisdem illi communicant ad implendum præceptum communionis annualis tempore Paschatis, sive illud Pascha comprehendat octo, vel quindecim dies: sive de more alicujus Regni, vel Provinciae comprehendat etiam totum illud tempus quod intercedit a primò die Quadragesimæ usque ad Dominicam in Albis, aut Pastoris boni. Et hoc eodem pacto explicat diem illum Paschatis exceptum. *Suar. sec. 2. cit. versu Censo igitur*. Sub his verbis: *Censo igitur veriorum interpretationem esse, mentem Pontificum fuisse excipere communionem Paschalem, non materialiter (ut sic dicam) idest quæ sit in ipso primo die Paschatis, sed formaliter, seu prout præcepta est lege, quæ præcipit, semel communicare in Paschate: nam quia Cap. Omnis, &c. solum præcipit communicare in Paschate, illud Pascha comprehendit (ut postea declaratum est) octo, vel quindecim dies, &c. quare omnis communicatio, qua impletur illud præceptum, dicitur Paschalis, seu in Paschate facta. Ità Suar. quem etiam refert, & sequitur *Fagund. præcept. 3. Ecclesie lib. p. cap. 5. n. 9. & lib. 3. cap. 2. nu. 18. utrumque*; verò refert insuper, & sequitur *Duwardi scilicet. 6. c. n. 7. ubi etiam cum Medina lib. p. cap. 11. §. 13. inquit, posse quemlibet Sacerdotem Sæcularem, dum celebrat in Monasterio Religiosorum Mendicantium, cum licentia Sacristæ ministrare Sæcularibus Eucharistiam etiam in tempore interdicti per privilegium à Julio II. concessum. Et simile privilegium habent etiam (inquit *Fagund. cap. 2. c. in princip.*) Religiosi Societatis Jesu, concessum à Paulo IV. anno 1549.**

919 Ex quibus valet inferre cum eodem *Fagund. n. 9. c.* posse Mendicantes, & etiam Patres Societatis in suis Ecclesiis, ex devotione fidelium, illis ministrare Eucharistiæ Sacramentum in ipso die Paschatis: quamvis enim semper ille dies à Summis Pontificibus simpliciter excipiat: tamen illius diei exceptio simpliciter ideo à Summis Pontificibus fit, ut omnes fideles suas adeant Parochias ad satisfaciendum huic præcepto. Quare poterunt quidem hujusmodi Religiosi, etiam in ipso die Paschatis, sicut & in reliquo tempore Paschatis, licet, & sine scrupulo prædicatum Eucharistiam ministrare in suis Ecclesiis ex devotione, non tamen ex obligatione, & intentione satisfaciendi præcepto prædicto. Unde fidelibus iis, qui jam Ecclesiæ præceptum impleverunt, & iis etiam, quibus tempus

implendi, sive de jure, sive de consuetudine nondum esse elapsum, possunt ex devotione Mendicantes Sacram Eucharistiam ministrare, absque ullo scrupulo, & peccato, & illi ex eo pio devotionis affectu liberè ibi ad mensam Eucharistiæ possunt accedere; non tamen animo satisfaciendi præcepto. Ità *Fagund.* Cui eadem explicationi adhærent etiam *Vasq. Coninch, Laymann. Miranda, Palau, Lessius, Lezana, Amicus*, & alii, quos refert (non dissentiendo ab ipsamet explicatione) *Diana to. 2. Coord. tract. 2. ref. 23. n. 2. par. 9. tract. 9. & 4. Miscell. ref. 27.* apud quem tamen n. 4. non desunt (his non obstantibus) qui velint adhuc excipii ipsum primum diem Paschæ, ita ut in eo non liceat Regularibus Sacram Eucharistiam ministrare, etiam ex devotione fumentibus, etiamsi jam præcepto satisfecerint. Quod probant tum ex verbis Summorum Pontificum in eorundem concessione, seu privilegio positis, tum ex declaratione Sacræ Congr. Concilii, emanata die 9. Julii 1644. cum subscriptione *Sanctissimi D. N. Innocent. X.* cuius tenorem refert *Diana ref. c. 23. n. 5.* videatur.

920 Quæres hic, an in articulo mortis, aut necessitate urgente, absente, & deficiente Parocho, possint fideles accipere Eucharistiam à Regularibus; & an isti tunc possint eam illis licet administrare? Respondet primò, posse ministrare Regulares Sanctissimum Viaticum (invid & Extremam Unionem) absque licentia Parochi, suis Mercenariis, famulis, operariis, & servis ipsorum Religiosorum, ac quibusvis eorum Hospitibus etiam Sæcularibus in articulo mortis constitutis. Imò & id etiam posse extraneis, quos in locis ipsorum Religiosorum in mortis articulo reperiri contigerit: hocque ex privilegio *Pii IV. & Pii V.* quo gaudent per communicationem Regulares; & refertur à *P. nostro Peregrino in Compend. nostrorum Privilegior. Verbo Communicare, §. 3. pag. 111.* tenoris ut sequitur: *Presbiteri nostre Congregationis Sacramentum Eucharistiæ, etiam pro Viatico constitutis in articulo mortis, & Sacramentum extreme Unionis ministrare possunt ceteris Clericis, & Fratribus nostre Congregationis, nem. Mercenariis, famulis, Operariis, & Servis nostre Congregationis; ac quibusvis Hospitibus sæcularibus, & extraneis, quos in locis, vel in habitationibus nostre Congregationis tunc reperire contigerit, & in mortis articulo, & quoties de illo dubitare contigerit, etiam Diocesanos locorum, & Sacerdotes Curatorum quoruncunque, etiam in quorum Civitatibus, & Diocesis, ac Ecclesia-*

rum Parochiis respectu Ecclesie, & loca ipsius Congregationi nunc, & pro tempore fuerint, aut aliorum quorumcumque licentia minime obtenta, nec petita: & in casu quo non daretur licentia petendi spatium propter repentinam necessitatem, possunt Sacramenta supradicta ministrare etiam aliis quibuscumque infirmis, etiam in mortis articulo constitutis, ubique in casu necessitatis supradicto, etiam nulla ad hoc per nos petita, nec nobis concessa licentia. Pius IV. nostre Congregationi: & Confirmatum à Pio V. anno Domini 1567. idibus Februarii, ut patet in nostris privilegiis manuscriptis, & in Bullario Romano to. 2. Bulla 31. sub Pio V. §. 17. fol. 216. que incipit, Ad Immarcescibilem, &c. Et modo in Bullario novo ponitur hæc Bulla fol. 162. extenditur privilegium fol. 163. columna prima, item §. 127. posito ergo hoc indulto, ac privilegio vera utique data responsio, ut ex se constat: In cujus confirmationem, & robur, vide, quæ dicunt, & docent Peyria. de Privileg. to. pr. Constit. p. Julii II. §. 37. n. 92. 93. 94. (ubi etiam, quod secularibus in Conventibus Religiosorum hospitibus, ibique infirmantibus, possint Religiosi, nedum Eucharistiam, & Unionem extremam ministrare, verum etiam si ibidem decedant, eorum cadavera sepultura tradere, absque alicujus Episcopi, vel Parochi quæsitâ licentia) *Lexana in Summa* to. 3. Verbo, Eucharistia, n. 10. & Verbo, Extrema Unctio, nu. 3. *Jacobus Mancinus in Pract. Visitandi Infirmos practica* 4. dub. 21. & pract. 8. dub. 31. *Tambur. Opus. de Commun. cap. 5. §. 5. nu. 9. Diana* to. 2. *Coord. tract. 2. ref. 21. n. 5. & 6. ex par. 3. tract. 2. ref. 12. Portel. in Dubiis Regularium Verbo, Sacramentorum administratio* n. 9. *Diana tract. 2. c. Coord. ref. 22. n. 6. & 7. ex par. 10. tract. 11. & Miscell. p. ref. 31. Quintanad. in Theolog. morale tract. 5. Singulare* 4. n. 4. & 5. *Diana tract. 2. c. ref. 63. ex par. 5. tract. 3. ref. 52. & eodem to. 2. Coord. tract. 4. ref. 13. nu. 6. ex par. 9. tract. 7. & Miscell. 2. ref. 56. & to. 7. Coord. tract. p. ref. 88. nu. 6. ex par. 9. tract. 9. & Miscell. 4. ref. 36. aliique.*

921 Respondeo secundò ad quæsitum, posse Religiosos rectè, & licitè, in articulo mortis, non solum ex privilegio particulari, sed etiam de jure communi, seu potius de privilegio juri communi inserto, secularibus Eucharistiam administrare, deficiente Parocho: *Fagund. in hoc præcep. lib. 3. cap. 2. n. 20.* cum aliis ibi relatis, loquentibus tum de Parocho absente, tum etiam de præ sente, sed malitiosè administrare nolente. Imò quilibet alii Sacerdotes possunt

in mortis articulo, absentibus Parochis, Eucharistie Sacramentum tanquam Viaticum administrare, quia tunc præsupponitur rationabilis Parochi voluntas; & quavis hæc non præsupponeretur, præsumitur tamen certa voluntas Episcopi, vel Summi Pontificis, & Ecclesie consensus, si fortassis de Parochi iniqua voluntate constaret: *Lexana in Summ. 29. Regular. to. 3. Verbo, Eucharistia quoad Regulares* num. 4. (allegans Jo: de Lugo De Sacram. Euchar. disp. 18. sec. 2. n. 53.) *Suar. sec. 2. c. dub. ult. Peyr. l. c. n. 92. Rodrig. to. p. 99. Regul. qu. 56. art. 5. Henric. lib. 8. de Euchar. cap. 34. n. 2. Sà Verbo Eucharistia n. 4. Filiucci. to. p. tract. 4. cap. 9. qu. 7. nu. 266. Bonac. to. p. De Euchar. disp. 4. qu. 2. punc. p. proposit. 2. n. 10. & alii apud eisdem, fundantes hanc responsionem, & sententiam, primò, in privilegiis particularibus Religiosorum ab eisdem l. l. c. c. recensitis: secundò, in jure communi, quo conceditur confessio in tali articulo. Ergo etiam communio ex c. *Quid in te, de pen. & remiss. Tertiò, in præsumpta rationabili voluntate Parochi [esset enim irrationabiliter invitatus] vel Episcopi, vel Summi Pontificis. Quartò, in jure naturali quo tenemur [tenetur & ipsa Ecclesia] proximis in spiritualibus necessitatibus subvenire. Videndum Fagund. toto n. 20. cit. quem concludit per hæc verba: Hæc opinio, omnibus pensatis, mihi videtur tenenda, & sine scrupulo sequenda: tum propter auctoritatem suorum Doctorum, quibus contradicere in re tam pia durum est; tum quia est magis pia, & consentanea Ecclesie Catholice. Collige ex his Parochos graviter obligari, ut curent, ne ex sua incuria aliquis suorum Parochianorum sine Sacro Viatico ex hac vita decedat: idem enim præceptum, quod Parochianum in mortis articulo positum ad Eucharistiam sumendam obligat, Parochum etiam ad eandem exhibendam arctat.**

PRIVILEGIUM SECUNDUM.

Qui pro impletione Paschalis communionis, hanc ex ignorantia recipit ab eo, qui non est proprius Parochus, & Superior, nec de ejusdem licentia expressa, vel tacita, à peccato excusatur.

922 PRIVILEGIUM propono de communionis tantum, quæ hujus Capituli subiectum est, cui videlicet semel in anno tempore Paschali sit satis ex præcepto Ecclesie, inuncto in Cap. Omnis utriusque sexus, in

in quo præcipitur, ut fideles in anno communionem sumant à proprio Sacerdote. Veritas autem hujus privilegii constat ex se, nec indiget probatione. *Navarr. in Man. cap. 21. nu. 52. in princip.* idemmet privilegium admittit nedum, verum etiam illud extendit ad quamcumque aliam communionem etiam liberam, & ex devotione factam, sub his verbis: *Peccat qui hanc Sanctam Communionem percipit ab eo, qui non erat proprius Parochus, nec Superior absque ejusdem licentia expressa, vel tacita, aut privilegio, etiam extra Quadragesimam, vel Pascha, etiam in articulo mortis, nisi ignorantia excusetur.* Rarè tamen hodie accidere potest quod fideles qui sumat ex devotione Sanctissimam Communionem à Sacerdote, qui aliquo titulo suo non habeat illam licetè administrandi.

PRIVILEGIUM TERTIUM.

Adultus dubitans an adhuc teneatur Eucharistiam sumere, & præcepto Ecclesie, vel Divino satisfacere, sequens in hoc Parentum, & Confessarii judicium, à quibus prohibetur communicare, excusatur à peccato ob ignorantiam probabilem.

923 **E**cclesiasticum præceptum fumentum de Communionis obligat omnes fideles utriusque sexus, postquam ad annos discretionis pervenerunt, ut constat ex dictis, & patet ex *Cap. Omnis, &c. ex Trident. sess. 13. Canone 9.* ubi excommunicant contrarium asserentes. Per annos autem discretionis intelligendi sunt ex communi D. D. ii in quibus pueri non solum sunt capaces doli, & peccare possunt, sed etiam talem discretionem habent, ut hoc mysterium suo modo capere, id tanquam cibum spirituales à corporali distinguere, ac proinde ad ipsum cum debita reverentia accedere valeant. Quia tamen in particulari universim certa ætas definiri nequit, in qua pueri, & puellæ censi debeant sufficientem discretionem attigisse, cum alii citius, videlicet circa annum nonum, aut decimum: tardius alii, & circa decimum quartum annum tantum specimina præfate discretionis edere soleant. Hinc est, quod in hoc, puer, sive adultus, relinquatur iudicio prudenti parentum, & confessarii, ad discernendum de sui discretionis, & capacitatis, qui non ex sola ætate, sed etiam ex ingenii ipsius, ac morum constitutione decernant, an obligetur adhuc, nec ne communionis præcepto, & si negativè morali eorundem

prudenti iudicio definiant, adultus verò ipse, illud sequendo, à peccato transgressionis præcepti excusatur, ut in privilegio. Cui subscribunt expressè *Reginald. in Praxi to. 2. lib. 29. n. 85.* per hæc verba: *Quartum documentum est: Pueros cum dubitare ceperint, an teneantur Eucharistiam sumere, satisfacere tam præcepto divino, quam Ecclesiastico, si in eo Parentum, & Confessarium iudicium sequantur. Ratio est: quia dubitantes de sufficienti discretionis, & consequenter de dicta obligatione, an eos jam adstringat, excusabuntur à peccato per ignorantiam: que probabilis ex eo censetur, quod ad illam depellendam fecerint id, quod tenebantur facere: nempe requisierint Parentum, & Confessarium consilium, ad quos pertinet ea de re iudicare: ita ut ipsi magis ardeantur ad penam peccati mortali, si quod in ea committatur; quam pueri: ut notant Taberna in Verbo, Communicare n. 6. & Cajet in Verbo, Communio: addens id procedere, etiam si in 14. aut 15. anno illi non communicent: ita Reginald. & Bonac. De Euchar. disp. 4. c. 9. 7. punc. 2. prop. p. n. 2. sic subscribens: Adultus quando dubitat, utrum teneatur communicare, debet consilium à Confessario, vel Parentibus petere, sequi ipsorum consilio accomodare, cum ipsorum curæ, & regimini subiectus sit: Ita Paulus. Cajet. &c. Et puto cum Sà, & aliis, excusari posse adolescentes non communicantes, quando dubitent à Parentibus communicare, cum enim ad Parentes pertinet explorare, an filii sufficientem habeant huius Sacramenti cognitionem, sequitur filios excusari à peccato per ignorantiam probabilem, quatenus prohibentur à parentibus communicare. Idem tenet Reginald. l. c. n. 85. Chamberot de Euchar. cap. 10. deb. p. ad finem, Cajet. & alii.*

924 Ex his collige, Pueros non simul incipere obligari ad præceptum Confessionis, & Communionis, sed citius, & prius ad illud, quam ad hoc: quod etiam docent communiter D. D. *Navarr. in Man. cap. 21. n. 57. Verf. Diximus ad id: Suar. to. 3. in 3. p. disp. 70. sec. p. Bonac. punc. 2. c. n. 3.* alique apud ipsum. Huius autem ratio est, quia ad Confessionem satis est usus rationis sufficiens ad peccandum mortaliter, ad communionem verò maior discretio, & rationis usus (*extra articulum saltem mortis*) exigitur, quia Eucharistia est & minoris necessitatis, & maioris dignitatis, quam Sacramentum Confessionis, siquæ illa maiorem animi preparationem exigere videtur. Nec obstat *Cap. Omnis utriusque sexus*, in quo obligantur fideles tum ad communionem, tum ad confessionem postquam pervenerunt ad annos discretionis: sicut ergo ad confessionem obli-

obligantur statim ac habent usum rationis sufficientem ad peccandum mortaliter, ita etiam obligari videntur ad communionem statim ac sunt capaces mortalis peccati, vel saltem statim ac pervenerunt ad annos discretionis. Non inquam obstat: & neganda est consequentia cum citatis, & aliis: Quia majus iudicium requiritur (ut supra) ad communionem, quam ad confessionem. Cum enim Eucharistiae Sacramentum sit dignius, & excellentius Sacramento confessionis, major aetas, & iudicium requiritur ad ipsius excellentiam cognoscendam, & ad discernendum cibum à cibo. Hinc *Theologi in 4. dist. 9. D. Tho. qu. p. art. 5. quæstione. 4. & Summisle omnes, Verbo Eucharistia, & Verbo Communio, apud, & cum Suar. sec. p. c. Verf. Sed explicandum*, notant, quod quamvis verba d. cap. & legis, generatim loquantur de hominibus, postquam ad annos discretionis pervenerint, simulque obligationem confitendi, & communicandi coniungant, nihilominus non statim ac homo habet usum rationis, quo sit capax peccati mortalis, & obligationis confitendi, non statim inquam obligatur hac lege Paschalis communionis, sed per aliquod tempus, imò etiam per aliquot annos potest ad confitend. im priusquam communicandum ovingant. Verba enim legis sunt accommodatè intelligenda, juxta genus matæ: & considerandum discrimen magnum inter utrumque Sacramentum. Cui communi explicationi respiciens etiam *Cajet. Verbo c. Communio*: ait, *Adverte, quod Consuetudo optima legum interpret, distinguat inter annum discretionis ad confitendum, & annum discretionis ad communicandum, quasi ad confitendum quelibet discretio sufficiat, ad communicandum autem exigatur discretio devota, & reverentialis.*

925 *Dixi (Extra articulum saltem mortis)* Quia in articulo mortis Eucharistiae viaticum clari potest, ac debet pueris, qui per aetatem doli sunt capaces, & apti confiteri, tamen si antea nunquam communicaverint, ut colligitur ex *D. Tho. in 3. p. qu. 8. art. 9. Quod Navarr. cap. 21. n. 57. (quem sequitur Reginald. lib. c. 19. n. 84. Verf. Cæterum.)* fateatur quidem omnibus esse consulendum: Sed *Suar. sec. p. c. in fine*, existimat esse obligationem, tam ex parte petentis, quam dispensantium, quia talis est capax hdei, & sufficientis reverentiae Sacramenti: & est in eo periculo, in quo non expectat commodius tempus ad recipiendum Sacramentum cum meliori dispositione: ergo debet tunc accipere eo modo quo potest: ita ipse. Et pueris, qui sunt doli capaces, & apti confite-

ri, posse, ac debere in articulo mortis dari viaticum, videtur esse D. D. communis apud *Laym. lib. 5. tract. 4. cap. 4. n. 3.* ubi ait, pro eo tempore generalem regulam tradi posse ex cap. penult. 26. q. 6. quod, *Cui Sacramentum penitentiae conceditur, neque Eucharistiae Sacramentum negari debet, si desideret.* Et ratio est, quia ex una parte Sacramentum istud ejusmodi pueris plurimum prodesse potest in articulo mortis, & ex altera parte eidem Sacramento nulla sit irreverentia, cum tales pueri tunc ita plerumque qualificari valeant, ut illud cum aliqua veneratione, ac devotione accipiant. Et certè si teste *Henriq. (apud eundem Laym. n. c.)* pueri ritè instructi tempore Jubilæi, facilius ad Eucharistiam admittendi sunt, cur in articulo mortis eidem negaretur?

PRIVILEGIUM QUARTUM.

Rem in conscientia letalis culpæ, cui dum tenetur ad Communionem accedere deest copia Confessarii, nec potest recedere, aut se subtrahere absque iactura propriæ fame, si cum sola attritione supernaturali cognita suscipit Sacramentum, bona fide, & invincibili ignorantia, credens illam sufficere ad bonum Communioni usum, excusatur à mortali, nec ponit obicem Gratiæ.

926 *S. Anstia Tridentina Synodus sess. 13. cap. 7.* Statuit, & declarat nullum sibi conficiam mortalis peccati, quantumvis sibi contritus videatur, absque præmissa Sacramentali Confessione, ad Sacrosanctam Eucharistiam accedere debere, juxta præceptum Apostoli *1. Cor. cap. 11. Probet seipsum homo, Ecclesie consuetudine declaratum.* Ab hujusmodi autem præcepti (præmittendi confessionem) executione, excusatur quis, si non adit copia confessoris, & communicandi necessitas urgeat. Utrumque enim concurrere debet quantuncunque quis se contritum existimet, ut advertit *Trident. cap. 7. c. & observant Nannus in 3. p. q. 80. art. 4. Palus par. 4. tract. 22. D. sp. Unica, penult. 12. n. 5. & alii.*

927 Tunc (per D. D. apud eundem *Pal. l. c. n. 6. & alios*) videtur deesse confessarius, adeoque ad Eucharistiam non præmissa confessione licere accedere, si urgeat necessitas. *Primo*: Si ita è te ditel, ut nequeas illum absque gravi incommodo adire, quod prudentis iudicio iudicandum est, spectatis, cum debilitate tua, & ætate, tum etiam aliis circumstantiis, ut brevitatis temporis in quo communicare debes, &c. *Secundo*: si nullus ad sit qui

sit qui jurisdictionem habeat, aut cui jurisdictionem ex privilegio concedere possit: quia deficiente jurisdictione, Pœnitentie Sacramentum ministrari non potest. *Tertio*: Quando solus adest Confessor, de quo probabiliter timetur, quod revelabit crimen, vel provocabit ad malum, vel aliud graue nocumentum ex tali confessione sequetur. Nam talis timor causa est sufficiens ad excusandum à Confessione ex communi Doctorum sententia, prout notat etiam Suar. to. 3. in 3. par. disp. 66. sec. 4. §. 3. *Casus*. Advortunt tamen aliqui, quod si solum damnum probabiliter timeatur de quibusdam peccatis mortalibus, & habeat pœnitens alia peccata mortalia, tenetur confiteri de istis: quia sic præstat confessionem formaliter integram, & præcepto de confessione præmittenda satisfacit. *Quarto*: Quando nullus adest, qui possit confiteri sine interprete. Vel solus adest Sacerdos mutus. *Quinto*: Si habeas peccatum reservatum, & nullum aliud mortale, nec pateat aditus ad Superiorem: etiamsi præsens sit Confessarius, qui te non possit absolvere. Si tamen alius peccatis mortalibus gravatus exstas, debes in tali casu confiteri ea inferiori, ut communiter Doctores. An verò tunc tenearis inferiori confiteri non solum non reservata, verum etiam peccata reservata, divisio est inter Doctores: Sententia asserens omnia peccata reservata cum non reservatis, debere dici Confessori inferiori, securior est, & consulenda, cum onere postea comparandi coram Superiore, ut bene docet *Filius. to. p. tract. 4. De Euchar. cap. 8. Vers. Dico Secundo, in fine. n. 213.*

928 Tunc verò (quoad rem nostram de communione) urget necessitas (quæ utique gravis per omnes esse debet, cum res etiam sit gravis prætermittere executionem præcepti divini, & in materia tam gravi) & quæ, ut dictum est, simul cum absentia Confessoris concurrere debet, ut à confessione communioni præmittenda quis excusetur, cum is videlicet (aliis casibus omis- sis, quæ videri possunt apud Doctores) sine gravi nota, & sui infamia non potest omittere communionem; & quando ex huius omissione sequitur non sola admiratio, sed scandalum: *Filius. cap. e. Versu, Quarto quæro, n. 214.* ut esset ex. gr. si aliquis accessisset ad locum communionis, nec posset sine nota infamie recedere; D. D. communiter, & ita, ut *Fagund. cap. c. n. 9.* asserat, quod hæc sit communis causa, & necessitas ab omnibus Doctoribus sine controversia recepta, si sequatur scandalum, Mulsam, aut commu-

nitionem omittendum, aut gravis infamia, quæ moraliter vitari non possit. Dixi (quoad rem nostram de communione) Quia si loquamur de Sacerdote celebrante, plures etiam casus enumerantur à Doctoribus, in quibus potest ipse quoque (existens in mortali) carente copia Confessarii, & gravi necessitate urgente, Missam celebrare absque prævia confessione: Casus est talis (per Suar. sec. 4. c. *Henric. lib. 8. De Euchar. cap. 46. Fagund. Præcep. Eccles. 3. lib. 3. cap. 9. n. 4. Dianam to. p. Coord. tract. 3. ref. 155. nu. 2. ex p. 9. tr. 3. ref. 17. & alios*) Si necessitas proximi in articulo mortis urgeat, ita ut necesse sit Sacrum facere, & hostiam consecrare ad illum communicandum, & non detur copia Confessarii; tunc enim rectè poterit Sacerdos, habens etiam conscientiam peccati mortalis, celebrare: quia in tali casu necessitas proximi, ut propria reputanda est, iuxta illud: *Dilige proximum tuum, sicut teipsum.* Et in eodem casu dantur prædictæ duæ conditiones requisitæ ad communicandum, & celebrandum, non præmissa Confessione, necessitas videlicet urgens, & defectus copię Confessarii. Et parum refert, quod huiusmodi necessitas non sit propria, sed proximi, cum pro propria habenda sit. In his igitur, & aliis similibus casibus, qui apud citatos, & alios videri possunt, licet & existent in mortali celebrare, & communicare absque prævia confessione.

929 Licet inquam: Sed habita prius contritione: Unde asserendum est, quibus in casibus potest aliquis [in mortali existens] communicare sine prævia Confessione, eum debere conari ad contritionem eliciendam: quæ assertio certa est, & adeo, ut Diana n. 2. c. dicat: *Qui habet conscientiam peccati mortalis, & confiteri non potest, tenetur ad habendam prius contritionem, quam ad hoc Sacramentum accedere.* Atque adeo nunquam digne accedet, nisi probabiliter, & inculpabiliter existimet sibi esse peccatum per contritionem remissum. *Est hæc assertio tam certa est, ut contraria, nec probabilis sit, nec sine temeritate defendi possit. Est in hoc conveniunt omnes Doctores: ita Diana, & optimè.* Notat tamen n. 3. cum *Præposito in 3. p. qu. 10. art. 3. dub. 3. n. 15.* Quod si talis bona fide putet se contritum, potest hoc Sacramentum sumere: neque peccatum sibi subdubitet, an fortè sufficientem habeat contritionem: nam morale iudicium, quod de nostris actibus formare possumus, non excludit necessariò omnes metus dubitationis. Quare autem teneatur talis ad contritionem saltem putatam, & existimatam assignatur ratio hæc communi-

munitur à D.D. Quia videlicet tenetur ad se probandum : & quia Eucharistia est Sacramentum vivorum institutum ad dandam secundam gratiam , nutritionem spiritua-lem per modum cibi: ergo requirit fumen-tem in vita gratiæ. Favet etiam *Trident.* cap. 7. c. in princip. dum ait : *Cavere quisque debet, ne absque magna reverentia, & sancti-tate ad hoc Sacramentum percipiendum acce-dat.* Hinc si quis cum attritione cognita ac-cederet ad communicandum, peccaret mor-taliter, quia manducaret indignè, conse-queretur nec posset recipere effectum gratiæ cui in manducatione obicem poneret.

930 Excusaretur tamen ab hoc mortali, & reciperet effectum gratiæ, si accederet nedum cum contritione existimata, sed etiam cum attritione supernaturali cognita, quam ex ignorantia invincibili nihilominus crede-ret sufficere, ut in proposito privilegio; cu-jus ratio est : Quia hujusmodi attritio vide-tur equivalere attritioni existimatæ contri-tioni. Accedit etiam pro privilegii hujus confirmatione, Doctorum auctoritas, quæ extat explicita, ut sequitur. *Suar.* namque to. 3. in 3. part. disp. 63. sec. 2. in fine: sic ait : *Ad casum de homine, qui probabili fide, & ignorantia putat sufficere ad dignam sumptionem attritionem cognitam, dicendum est, illum revera consecuturum primam gratiam per hoc Sacramentum : Quia illa ignorantia etiam ex-cusat à peccato, & obice indigne sumptionis. Et dici potest illa attritio equivalere attritioni exi-stimate contritioni, quia existimatur sufficiens dispositio tam ad gratiam, quam ad dignum usum Sacramenti.* Et idem habet disp. 66. sec. 5. vers. *Ad fundamenta :* per hæc verba : *Qui cum sola attritione recepit hoc Sacramen-tum, non sanctè, sed indignè recipit illud, quia accepit in peccato statui, & revera manducat il-lud in peccato mortali, nam prius manducat Sa-cramentum quam ab illo possit recipere effectum, in termino enim manducationis dandus esset ef-fectus : & idè si sciens hoc faciat, peccatum com-mittet, per quod ponit obicem Sacramento : qui verò accedit bona fide, excusatur ab hoc peccato, & idè non ponit obicem, & recipere potest effectum.* Hactenus *Suar.* cui addo *Fil-luc.* to. p. tract. 4. cap. 8. qu. 5. nu. 220. *Vers.* *Secundò :* ibi enim : *Qui cum contritione exi-stimata, vel cum attritione cognita, quam pu-tat ex ignorantia invincibili sufficere, accedit, recipit effectum.* Nam bona fides excusat à pec-cato, & consequenter non ponit obicem in ipsa manducatione ; quare recipiet effectum, quem per accedens conferunt Sacramenta vivorum, remissionis videlicet mortalium, & primæ gra-tiæ. Noster tandem P. Duardus par. p. Com-

ment. in § 8. 2. Cap. *Omnis utriusque sexus, disp. 2. sec. 8. nu. 7. fol. 492.* Huic eidem pri-villegio subscribit, dicens : *Quod diximus de attritione existimata contritione extendimus ad attritionem cognitam ex invincibili ignorantia. Unde si quis conscientiam habens peccati mortali-s, de quo cognoscit habere tantum attritionem, quam probabiliter credat sufficere ad dignè com-municandum, & propterea communicet, si cum novam culpam non contrahat, non ponit obicem Sacramento, atque idè per accedens dicitur af-fequi primam gratiam.* Igitur ex auctoritate, & ratione, verum propositum privilegium.

931 Modo hic quæres : An qui sic con-scius lethalis culpæ necessitate urgente, & ex defectu confessarii accedit ad celebratio-nem, seu ad Eucharisticam communionem, non præmissa Confessione, teneatur cum primùm possit confiteri ? Respondeo, Vel procedit quæsitum de Sacerdote, qui sic cele-bravit : vel de quocumque alio, sive lai-co, sive Clerico, vel etiam Sacerdote ipso ad communionem more laicorum ita acce-dente : Si de Sacerdote procedit, tenetur utique quamprimum confiteri ex *Trident.* sess. 13. cap. 7. ubi postquam statuit debere conscium peccati mortalis confiteri ante-quam recipiat Eucharistiam, sic ait in fine : *Quod si necessitate urgente Sacerdos absque prævia Confessione celebraverit, quamprimum con-fiteatur.* Quibus verbis (ex omnium Do-ctorum sententia apud *Suar.* disp. c. 66. sess. 8. in princip. & *Filluc.* l. c. n. 221.) continetur utique præceptum. Et quia docuerunt aliqui hujusmodi *Trident.* verba tradita esse sub consilio, *Alexander VII.* hanc opinionem damnavit, prohibendo, & damnando hanc propositionem, quæ est 38. in ordine pro-positionum, quas idemmet Pontifex dam-navit : *Mandatum Tridentini factum Sacer-doti sacrificanti ex necessitate cum peccato mor-tali, consuendi quamprimum, est consilium, non præceptum.* Quomodo autem intelligenda, sit dicta particula *Quamprimum* ? Eorum sententia Doctorum, qui de illa sic senserunt : Illa particula *Quamprimum*, intelligi-tur cum Sacerdos suo tempore confitebitur, fuit pariter prohibita, & damnata ab eodem Pontifice *Alexandro VII.* & inserta inter ce-teras damnatas propositiones, & ipsa est 39. Intelligi ergo debet, non quidem statim post Missam, sine temporis intervallo : hoc enim rigidè nimis sumeretur. Sed vel juxta Viri prudentis piam explicationem, & arbitrium, cui totum hoc relinquatur, ut ait *Lo. De.* *Lugo de Euchar.* disp. 14. sec. 7. n. 161. in fine : & qui ex materia hujus præcepti, & aliis circumstantiis judicet quæ dilatio opponat-

tur huiusmodi particulæ, ac præcepto, vel non opponatur illi. Vel quod Sacerdos saltem intra triduum post celebrationem confiteatur, ut habet etiam pro probabili idem *Lugo n. 163*. Et quod merito dicatur fieri *Quamprimum*, imò *Illuc*, quod intra triduum sit, aliis omisiss, tradit *Gonzalez ad Regul. 8. Cancell. n. 51*. ibi: *Illud dicitur illicò fieri, quod intra triduum sit, l. f. ibi, Illico autem, idest intra triduum, C. de Judiciis*.

932 Adverte tamen cum eodem *Lugo n. 162. & 163. c. c.* Quandoque contingere posse quod præceptum illud obliget sub mortali ad confitendum eadem die: si videlicet hodie haberet Confessarium, quem cras certò habiturus non sit, & cras etiam insit necessitas celebrandi: in hoc enim casu, etiam si tertia die sit certò habiturus confessarium, debet nihilominus hodie confiteri; quia illa dilatio, licet pauca sit quoad tempus, magna est in qualitate, cum sit causa iterum celebrandi absque confessione; quod est contra finem huius præcepti. Dicta ergo tridui dilatio non debet asserre hoc periculum denud celebrandi absque Confessione. Sed nec etiam solum periculum non confitendi postea per plures dies: Nam si hodie, & nunc habeo confessarium, quem postea per dies plures non habebo, hodie, & nunc debeo confiteri, quia dilatio hodierna in hoc casu adversari graviter videtur præcepto Concilii, quo præcipitur confessio, cum primum fieri poterit, hoc est prima habita occasione, ac opportunitate: cui præcepto utique graviter obstat qui vult notabilem illam dilationem confitendi post primam opportunitatem, & occasionem. Cessante autem hoc, & altero periculo, probabile est, quod non sit dilatio gravis, si intra triduum confiteatur Sacerdos.

933 Si verò quæsitum procedat simpliciter tantum, & more laicorum communicantibus, respondeo hos non ligare præceptum *Tridentinum*. Unde, qui copiam confessoris non habens, & conficius peccati mortalis iustificari curavit actu contritionis (saltem existimatæ ut supra) ut Eucharistiam susceperet, non tenetur confiteri *Quamprimum* in *Tridentini præcepto*, quia hoc afficit solos Sacerdotes, & de solis Sacerdotibus loquitur. Cum enim rigorosum sit, esto maxime conveniens, non debet ultra proprietatem verborum extendi, atque adeo solum Sacerdotem peccati mortalis conficius, necessitate urgente, non debet præmissa confessione celebrantem, comprehendere, & afficere debet: in expositione namque legis, præsertim onus imponentis, standum est ver-

bis propriè dictis, nec ipsa lex extendenda est ad casum non expressum; ita communiter Doctores, unanimi assertione affirmantes hoc præceptum non obligare laicos, & simpliciter communicantes, sed solos Sacerdotes. Et ratio differentiae, ac intentio Concilii in hac lege assignari potest cum *Suar. disp. c. 66. sec. 7. littera B*, & *Lugo n. c. 162. in princip.* Quia videlicet cum ad celebrandum maior quædam reverentia, ac præparatio requiratur, voluit Concilium Sacerdotum conscientiae, & puritati consulere, qui propter necessitatem celebrandi facilius possent confessionis remedium negligere; idcirco providere voluit permittendo eis quidem ita celebrare cum contritione in casu veræ necessitatis, sed ut maneret etiam in ipsis obligatio confitendi data occasione, ut sic tollatur periculum sæpius celebrandi absque confessione; seu ne faciliè assuefiant confessionem prætermittere; cum ratione, officii sæpius habeant necessitatem celebrandi; quam, vel non habet Laicus communicandi, vel saltem rarò, cum præsertim regulariter possit confiteri illi Sacerdoti, à quo communionem accepturus est. Hinc non est par ratio de Sacerdote celebrante, & de Laico communicante.

934 An autem teneatur ad hoc *Tridentini* præceptum qui celebrat non præmittendo confessionem ex oblivione peccati, respondeo negativè cum *Suar. Filiuc. Lugo l. l. c. c.* & Doctorem communi. Quia Concilium loquitur tantum de Sacerdote, qui conficius sibi peccati mortalis, celebrat absque præmissa confessione, urgente necessitate, ille autem, qui propter oblivionem non est sibi conficius peccati, non potest comprehendere hac lege *Tridentini*, cum sit sermo in ipsa de necessitate urgente, cum conscientia, seu scientia peccati, quæ scientia omnino excludit oblivionem. Si quistamen ex oblivione ad celebrandum accederet, & ante communionem sui peccati recordaretur, & nihilominus communicaret, non prævia confessione, cum sola tamen, contritione ad evitandum scandalum, aut quia copiam confessarii non habet, tunc comprehenditur sub ejusmodi *Tridentino* præcepto: nam tunc communicat non prævia confessione, ob urgentem necessitatem, & cum conscientia mortalis peccati. *Suar. sec. 7. littera D.* Quod quidem verum esse ait, sive ante inchoatam celebrationem non fuerit confessus: sive confessionem præmisserit, & deinde ante communionem meminisset peccati obliiti; quia tenebatur illud confiteri ante Communionem ex Divina lege,

lege, & solum illud omisit sine peccato ob urgentem necessitatem: quod utrumque docent & plures alii. Non habet tamen locum præceptum hoc *Tridentinum*, in eo Sacerdote, qui malitiose, ac culpabiliter celebravit, omissa confessione, quamvis sciret se esse in mortali: quia ut patet ex ipsiusmet præcepti verbis, non militat in iis, qui non urgente necessitate, in peccato celebrant. Vide *Suar. Fillius. Lugum, Duardum l. l. c. c.* & alios, apud quos etiam habes, *Tridentinum* præceptum obligare pariter celebrantem Missam in *Parasceve*, etiam si non conficret; aut si post consecrationem peccaret mortaliter, & communicaret tantum præmissa contritione: item absolventem Sacrificium ab alio inchoatum. Eo quia in his omnibus casibus agit Sacerdotem, & ministrum publicum Ecclesie, & ideo comprehenditur sub obligatione Sacerdotum.

935 Non desinam hoc loco advertere, cum *Fagund. cap. 9. c. n. 7.* facilius concedendam esse licentiam Sacerdotibus celebrandi in necessitate absque confessione, deficiente copia confessarii, præmissa contritione, quam laicis communicandi: quia Missæ Sacrificium prodest pro defunctis ex opere operato, estque Sacrificium commune, & valde utile. Unde necessitas ex parte Sacerdotis non tam rigorose accipienda est quoad celebrationem, quam ex parte laici, quoad communionem. *Sylvest. Verbo Eucharistia 2. n. 9. ad finem.* Sacerdotis necessitas (de qua, hic) intelligit, ut sequitur: *Ego puto, quod hic sub nomine necessitatis, intelligatur omne, excusans ab irreverentia Sacramenti: ut si est obligatus ad celebrandum, vel si non celebrandum generaret sibi infamiam, vel admirationem: vel nuper decessit anima indigens Sacrificio probabiliter: aut si immineret solemnitas magna, in qua valde utile sit anime celebrare: aut sit tantus sit fervor in eo, qui peccavit, quod inde ex Sacrificio speret magnam juramentum contra peccatum, & huiusmodi. In his enim casibus, deficiente copia Confessarii, datur necessitas sufficiens, ut contritus Sacerdos possit licite absque Confessione celebrare. Et ratio est evidens: quia tota ratio, & fundamentum obligationis præcepti Divini, præmittende Confessionis ante communionem, quando conscientia peccati mortalis gravat, ea est, ut reverentia habeatur erga tantum Sacramentum, quæ naturali lumine illi debetur: concurrentibus autem his casibus, & circumstantiis, potest major reverentia in aliquo Sacerdote dari non confesso, quam aliis perurumque in multis confesso. Hæc Sylvest. ibi, & ex ipso *Fagund. n. 7. c.**

936 Pro complemento tandem hujus pri-

vilegii, referam hic quæ cum & ex aliis docet *Leander par. 2. tract. 7. disp. 7. aq. 16. usque ad 21. inclusivè*, eo quia eadem mihi quoque videantur probabilia. Docet primo: Quod si Sacerdos post introitum, sed ante consecrationem recordatur se in mortali esse, quamvis absque scandalo, aut nota possit confiteri, ad id non tenetur; quia non decet ceptum Sacrificium interrumpere, & in hoc casu ait debere Sacerdotem contritionem elicere, & Missam ceptam perficere. Secundo: Nec eundem Sacerdotem existentem iam in Altari teneri præmittere confessionem (quamvis absque nota, & scandalo id possit facere) si antequam inchoet Missam recordetur culpæ mortalis. Sed posse, habita contritione (si aliorum peccatorum confessionem præmisit) Missam inchoare, & perficere. Quia si Laicus potest Eucharistiam sumere, casu quo jam Sacra communicaturus assistens, recordatur alicujus mortalis non confessi, non præmissa confessione illius, etiam præcisâ omni nota, & periculo infamie (ut mox dicetur) Quare hoc idem nequit Sacerdos, si hoc illi accidat jam in Altari ad Sacrificium celebrandum existentem? Tertiò: Etiam Laicum jam Altari applicatum coram aliis, ut suscipiat Eucharistiam, si recordetur alicujus mortalis, posse non præmissâ confessione; illam suscipere, etiam præcisâ nota, & scandalo, dummodo post suspensionem Eucharistie peccatum illud oblitum confiteatur. Quia cum actio communicandi sit quodammodo inchoata, non decet ob reverentiam Eucharistie ab illa Divina Mensa recedere; donec perficiatur: sicut à mensa Principis recedere non decet ante peractum convivium; postquam aliquis ad illam sedet. Quartò: Quod Sacerdos (vel Laicus) qui prius confessus fuerat, & postea dum jam est in Altari recordatur peccati in confessione obliti, non teneatur ante communionem elicere contritionem de illo. Quia jam supponitur in statu gratiæ per confessionem præmissam, & absolutionem indirectam ejusdem peccati obliti; unde non est necessaria contritio ad huiusmet remissionem. Secus tamen esset dicendum casu quo non esset præmissa confessio: quia tunc tenetur ante communionem confiteri. Quintò: Quod Sacerdos qui non præmisit Confessionem, si in Missa recordatur se esse in peccato, non tenetur statim ad eliciendam contritionem, sed potest prosequi Missam non contritum, usque ad consecrationem, si memoria peccati occurrat ante illam: vel usque ad communionem, si post consecrationem occurrat.

Quia status gratiæ solum requiritur ex præcepto in conficiente, vel recipiente Sacramentum, non in exercente alias actiones Ordinis sacri, consequenter contritionis defectus in aliis partibus Missæ, non erit peccatum saltem mortale. *Sexto*: docet Sacerdotem, qui confessionem præmisit, & postea antequam ad Altare accedat, recorda-

tur alicujus peccati non confessi, teneri illud confiteri priusquam communice, præcisè circumstantiis, quæ excusare possunt. Quia præceptum confitendi ante communionem, non est præceptum confitendi utcumque, sed confitendi omnia peccata ante communionem, si fieri potest: hæc *Leander* cum aliis, & ex aliis ab ipso allegatis.

C A P U T X V I I . DE PRIVILEGIIS IGNORANTIÆ

CIRCA QUARTUM ECCLESIAE PRÆCEPTUM,

De Jejunio.

937



Jejunium duplex est, Naturale, & Ecclesiasticum. Primum est perfectissima abstinencia ab his, quæ gustu percipiuntur, & à qualibet re sumpta per modum cibi, & potus, quod frangitur quoties aliquis cibum, vel potus transmittitur ad stomachum: unde qui degustat aliquid, illudque non traicit ad stomachum, non frangit jejunium naturale, ut bene *Reginald. lib. 4. n. 125. Filliuc. tract. 27. par. 2. cap. p. n. 5. in fine*: aliique. Quia jejunium natu-

rale frangitur per comestionem, & potionem: comestio autem, vel potatio contingit dum transmittitur aliquid ad stomachum per modum cibi, & potus. Secundum est, quod ab Ecclesia præceptum est, & ab eadem pro diversis temporibus, & diebus institutum, quo præcipitur unica comestio in die, idest, à media nocte, ad mediam usque noctem futuram: hinc jejunium Ecclesiasticum est abstinencia voluntaria à cibo juxta ritum Ecclesiæ, vel juxta modum ab Ecclesia omnibus fidelibus præscriptum. Licet autem semel tantum in die jejunii vesci liceat de Jure, consuetudo tamen introduxit parvam cœnam. A quibus autem cibis sit abstinendum tempore Jejunii Ecclesiastici, factis ex communi praxi fidelium perspicuum est, abstinendum esse à carnibus. Hujusmodi verò Jejunium impositum esse ab Ecclesia sub præcepto, certum est: Quia ita in jure habetur, *Cap. non liceat. Cap. non oportet. Cap. Placuit, de Consecrat. Dist. 3. Cap. Quædragesima, de consecrat. dist. 5. cap. p. & cap. Consilium, de observat. jejunii*. Ex quibus textibus non colligitur quidem (ut bene etiam *Pasqualig. de Jejunio Decis. 30. n. p.*) unum commune præceptum jejunandi, sed diversa præcepta pro diversis temporibus: Quæ jejunii præcepta certissime obligant rigorosa obligatione, & sub mortali, ut tradunt omnes Theologi cum *D. Tho. 2. 2. qu. 147. art. 3. in corpore*. Juncta responsione ad 2. tenent omnes Canonistæ in citatis capitulis: & omnium fidelium praxis communis: & opinio contraria, quæ videtur esse *Cajet. in Summula Verbo Jejunium, cap. 4. & 2. 2. qu. 147. art. 3. §. Ad hujus evidentiam* (volentis, quod de se jejunium non obliget ad mortale, ac proinde non servantes jejunia indicta peccare tantum venialiter, secluso tamen contemptu) tanquam falsa reicitur ab omnibus fidelibus, unanimi sensu asserentibus præceptum Ecclesiasticum jejunii de se obligare ad mortale. Quod etiam constat. Quia certum est apud omnes, Ecclesiam posse condere leges, & imponere præcepta, quæ obligent ad mortale; sed sic est, quod hoc intendit Ecclesia in præceptis jejuniorum à se impositis, ut (tanquam certum) docent communiter Doctores omnes apud *P. Pasqual. decis. c. nu. 3. ergo*. Unde quicumque ad jejunium Ecclesiæ obligati illud non solverint (etiam citra contemptum) sine dispensatione, vel legitima causa non jejunandi, absque dubio delinquent mortaliter. Causæ autem excusantes à jejunio, consequenter à peccato, sunt, *Ætas, Infirmitas, Labor, Paupertas, &c.* ut videre est apud Doctores: & ad casum

casum huius tractatus, & rem nostram, etiam Ignorantia excusatur, ut exprèsse Bonac. to. 2. titulo De Peccatis, disp. 2. qu. 8. punc. 3. n. 27. in princip. per hæc verba: Qui aliquo die non jejunat, quia nihil de jejunio audivit, vel cogitavit, vel dubitavit, excusatur à peccato contra præceptum jejunii, & referri potest ad invincibilem ignorantiam. Qua de re sit.

PRIVILEGIUM PRIMUM.

Qui post adhibitam diligentiam debitam, adhuc dubius est, & invincibiliter ignorans, an expleverit viginti, & unum annos, excusatur à præcepto, & transgressione jejunii.

938 **C**ommuniſſima omnium ſententia eſt, apud P. Paſqualig. de Jejunio, Decif. 247. n. 2. hoc Jejunii præceptum non obligare, niſi expleto anno vigefimo primo: uti etiam univerſalis conſuetudo ipſum ſic interpretatur. Ratio etiam naturalis aſſignatur apud eundem Paſqual. decif. c. n. 3. Quia videlicet uſque ad annum vigefimum primum durat incrementum corporis, & dum eſt in tali ſtatu, natura indiget plurimo, & continuo nutrimento, præcipuè ob abundantiam caloris, unde pueros, & adoleſcentes obligare ad jejunium ante annum vigefimum primum expletum, eſſet ipſis nimis oneroſum, quia opprimeret naturam tendentem ad augmentum, & complexio debilitaretur, & ad incongruum ſtatum reduceretur. Idcirco Eccleſia non intendit eos obligare, quia non obligat ad ea, quæ nimis oneroſa ſunt, & excedunt moralem potentiam, etiam ſi alioquin futura ſint utilia, ut eſſet jejunium pro motibus carnis coercendis etiam ante vigefimum primum annum, quia non intendit, quod utile eſt, ſed vult etiam quod non ſit nimis oneroſum.

939 Obligantur igitur Adoleſcentes omnes ad jejunium (tam Viri quàm feminæ, Leander par. 3. de præceptis Eccleſ. tract. 5. diſp. 8. qu. 2. ex communi item Eccleſiæ praxi, & Doctorem aſſenſu) ſtatim poſt annum vigefimum primum completum. Quia tamen eorum aliqui poſſent quandoque ita dubitare, an expleverit dictum annum vigefimum primum (conſequenter an teneatur jejunare, nec ne) ut adhibita etiam debita diligentia, adhuc id invincibiliter ignoret, in tali caſu excuſatur (ut in privilegio) à præcepto, & transgreſſione jejunii, ad ipſumque non tenetur. Quod admittunt, & docent Sanch. de Matrim. to. p. diſp. 41. n. 38. Sancius in Selectis diſp. 43. nu. 6. & diſp. 54. n. 5. Layman lib. p. tract. p. cap. 5. §. 3. n. 33. Baſſeus Verbo Jejunium 2. nu. 11. Verſ. Qui dubitat. Trull. in Decal. lib. 3. cap. 2. n. p. Fagund. quarto Eccleſ. præcep. lib.

p. cap. 8. n. 7. Diana to. 4. Coord. tract. 6. ref. p. ex p. p. tract. 9. ref. 49. Didacus de Narbona in Annalib. Jur. ann. 21. qu. 2. n. 15. Paſqualig. de Jejunio decif. 255. Leander par. 3. tr. 5. diſp. 8. qu. 13. aliique plures apud citatos, & communiter. Et ratio omnium communis eſt: Quia in tali dubietate, & ignorantia, poſſeſſio ſtat non pro præcepto jejunii, ſed pro libertate illius, qui toto tempore antecedenti vigefimum primum annum non habuit. Et quia ante dubium eſt in libertate non jejunandi, qua libertate non debet privari ob præceptum dubium. Quod confirmatur; quia ſi incertum non poſſet prævalere contra jus certum, minus namque non poſſet prævalere contra majus: ſuppoſito autem dubio, & ignorantia ſtante de complemento anni vigefimi primi, adeſt jus certum poſſidenti propriam libertatem, & jus præcepti obligantis ad jejunium, incertum eſt: quia cum præceptum non obliget, niſi completo anno vigefimo primo, dum dubium eſt tale complementum, remanet etiam dubia obligatio; quia remanet dubium fundamentum, ſeu materia circa quam verſatur talis obligatio. Igitur quando quis neſcit, & ignorat tempus præſiſum quo complet annum vigefimum primum excuſatur ab obligatione, & transgreſſione jejunii, ut in privilegio propoſito; nec tenetur jejunare; niſi quando poſſet formare determinatum judicium, quod talis annus jam ſit completus. Antequam enim tale judicium formare poſſit, remanet dubius, & ided non ſubicitur obligationi jejunii. (Adverte hic obiter cum Sanch. Sancio l. l. c. c. Palao par. p. diſp. 3. punçto 8. nu. 7. & aliis, quod qui dubius item eſt, & neſcius, an habeat ætatem requiſitam ad Ordines, & Beneficia, non poterit ad illa promoveri: quia toto tempore antecedente dubium, obligatus erat non aſcendere ad Ordines, vel Beneficia ante ætatem, unde poſſeſſio eſt pro præcepto, donec conſtet de ætate, ergo non poterit illo deobligari, dum non probat ætatem.)

940 Si autem ex uno capite probabile ſit quod annus vigefimus primus ſit completus, & ex alio capite etiam probabile, quod non: tunc utrumlibet ſequi poſſet, quia non eſt major ratio de una parte, quàm de altera, & ided ex libertate ſua poſſet ſe determinare. Si verò magis probabile ſit, quod non

compleverit, non tenetur jejunare, quia, juxta majorem probabilitatem potest judicare quod non compleverit. Ita etiam *Bassew. vers. c. & P. Pasqual. decis. c. nu. 4.* qui querens n. 5. Quid agendum ei, qui nescit diem, aut mensem, in quo complet annum vigesimum primum, sed etiam annum, ut non raro contingit in rudibus, qui nesciunt quem annum ætatis agant, an vigesimum primum, an decimum nonum, an vigesimum secundum, vel tertium, nec habent media, ex quibus certificentur, vel quia nesciant, aut non recordentur ubi Baptizati, vel ex aliquo alio capite. Respondet, servandum esse, quod moraliter possibile est. Unde quadam morali æstimatione determinanda est ætas habita ratione eorum omnium, ex quibus colligi potest; & si ipsi hoc præstare non possunt, debent se remittere iudicio prudentis Viri, aut Confessarii si sit prudens: & tunc tenebitur jejunare, quando juxta moralem æstimationem statuatur, esse completum vigesimum primum annum: antequam autem hoc statuatur, non tenebitur, nam nondum erit subiectum aptum ad suscipiendam obligationem: ita *Pasqualig.* & ex ipso *Leander disp. c. qu. 14.* Quamvis autem ante expletum annum vigesimum primum non teneatur jejunare, tenetur tamen diebus jejunio dicatis, à carnibus, aliisque cibis prohibitis abstinere, uti & omnes adulti: *Trull. in Decal. lib. 3. cap. 2. dub. 6. nu. p. in fine*, & communiter: Quia sunt duo præcepta, unum jejunandi, à quo ratione ætatis quisque excusatur, ut supra: alterum abstinendi à cibis prohibitis, à quo nullus excusatur absque legitima causa, demptis infantibus ante septennium, hi enim soli, quibus ratio nondum illuxit, ova, lacticia, & carnes, etiam in Quadragesima vesci possunt; cum hi legibus Ecclesiæ nondum adstringantur.

PRIVILEGIUM SECUNDUM.

Ignorans an sit media nox, & comedens, excusatur à peccato violationis jejunii, etiamsi die sequenti sit jejunandum.

941 **I**ncipit jejunium à media nocte, & in media nocte sequenti terminatur, ut communiter docent omnes, & pro certo supponunt. Jejunium enim est addictum diei, & pro ipso die indictum; unde durare debet toto integro die indictum, & toto integro die, pro quo inducitur: integer autem dies computatur à media nocte in mediam noctem sequentem. Quia,

dies incipit à media nocte, & terminatur in media nocte sequenti. *L. More Romano, ff. De fer.* Iddem autem incipit à media nocte, quia tunc Sol incipit ascendere ad nostrum Orizontem: Unde præceptum jejunii naturalis in ordine ad sumptionem Eucharistiæ pro illa die in qua est sumenda, debet consequenter incipere à media nocte antecedente; quia tunc incipit dies in qua est sumenda. *D. Tho. 3. p. qu. 80. art. 8. ad 5.* In illis vero regionibus in quibus per sex menses anni est perpetua nox, aut continuus dies, servandum est præceptum secundum capacitatem consuetudinis illius regionis. De qua re *Pasqualig. Decis. Morali 336.* Dicit ergo propositum privilegium, quod qui ignorat, nescit, aut dubitat, an sit media nox, possit comedere, ac cenare absque peccato violationis jejunii, quando in sequenti die est jejunandum. Quod tradunt *Sancti de Matrim. to. p. lib. 2. disp. 41. n. 40.* in quibus *Dubitan* an audita fuerit hora noctis duodecime, poterit edere carnes, licet dies sequens sit jejunii, quia possessio est ex parte libertatis, & dubium est an tunc sit præceptum: itaque non est dubium an excusetur à præcepto, sed an sit præceptum, & in dubio, dum de præcepto non constat, favendum est libertati. Contrarium tamen dicendum esset, si bodie esset dies jejunii, & dubitem an sonnerit hora duodecime noctis, non enim possum cenare: quia possessio est pro præcepto, cum consistat bodiernam diem esse jejunii, & dubitetur an transacta sit. *Fagund. præcep. Eccles. 4. lib. p. cap. 10. n. 2.* inquiens: An ille, qui dubitat, an mediam noctem audierit, possit in eo dubio carnes edere. Respondet *Sancti. (l. c.)* affirmative, & optime: quia perinde est dubitare tunc, an sit media nox: ac dubitare, an detur præceptum jejunii, ut patet: & in dubio an detur, & existat præceptum, Votum, lex, juramentum, aut non detur, dum de re non constat, favendum est libertati: ut optime docet *Sorarius*, loquendo de juramento promissorio, & Voto, to. 2. de Relig. lib. 2. cap. 33. *Bassew. in Florib. Verbo Jejunium 2. n. 11. Vers. Si quis.* Ubi ait: Si quis dubitet, an die Jovis sit hora duodecime noctis, adhuc potest edere carnes, tum quia dies Jovis est in possessione, & non tenetur qui credere non esse diem Jovis, quousque evidenter sciant. Tum quia, quando quis dubitat, an sit media nox, dubitat, an inceperit obligatio abstinendi à carnibus: unde jux præcepti est dubium, an valeat pro illo tempore; jux autem dubium non potest prævalere contra certum. Idem dicendum de quocumque die in quo comeduntur carnes, si sequens jejunium, aut abstinentia sit. Et idem tradunt omnino *Trull. in Decal.*

De cal. lib. 3. cap. 2. dub. 4. n. 8. Leand. par. 3. tract. 5. disp. 6. qu. 31. Jo. Saneb. in Selectis disp. 43. n. 5. Diana 10. 8. Coord. tr. 2. ref. 5. ex par. 4. tract. 3. ref. 18. Pala. par. p. tract. p. disp. 3. punc. 8. n. 6. Pasqual. de Jejunio decis. 163. alique plures apud eundem, & apud ante allegatos.

942 Ex quibus clare utique habetur, ut constat, & admissio ferè communis propositi privilegii: & optima, ac fundamentalis ejusdem ratio. Quia videlicet, quando quis ignorat, & ignorando dubitat, an sit media nox, dubitat consequenter, an inceperit obligatio jejunandi, ac proinde non comedendi: Unde jus præcepti est dubium, an valeat pro illo tempore; & jus comedendi est certum, quia certum est, quod quilibet potest comedere quocumque tempore, in quo non urgeat jejunandi obligatio; jus autem dubium non potest prævalere contra certum.

943 Si dicas, Jus comedendi carnes reddi dubium ex eo, quod dubitatur, an urgeat præceptum jejunandi, vel abstinendi à carnibus. Resp. hoc non posse dici, quia incertum non immutatur, atque adeo non cadit à sua certitudine; alioquin etiam in materia doctrinali, quæ certa sunt, fierent dubia ex eo, quod in contrarium adessent dubitationes: Unde sequeretur, quod etiam res fidei evaderent dubæ, quia in contrarium dubitari potest. Ità *Pasqual. Bassæus l. l. c. c. & alii.*

944 Privilegii hujus occasione, Quæres hic, quomodo computanda sit media nox (jejunii, vel abstinentiæ causa) an mathematicè, an verò moraliter? Quidque animadvertendum sit, ob eandem causam jejunii, vel abstinentiæ, circa pulsationem Campanæ hora duodecima, seu in medietate noctis? Respondeo, præceptum de servando jejunio à media nocte in mediam noctem, intelligendum esse de media nocte, moraliter, non mathematicè (ut volunt aliqui apud *Bassæum n. c. 11. Versu, Ex dictis*) computata. Et ratio est, quia non potest imponi præceptum ab Ecclesia, nisi eo pacto quo servari potest, alioquin obligaret ad impossibile, non potest autem hoc observari, nisi computetur media nox moraliter tantum: nam mathematicè impossibile est (moraliter loquendo) ita mensurare, & cognosci hoc dimidium noctis, ut non contingat aliquis error circa aliquam partem exiguam saltem temporis ante, vel post mediam noctem naturalem, quia est impossibile habere instrumenta ita perfecta, quibus exactè observetur cursus, & motus

Stellarum, & Solis: impossibile ergo erit observare præceptum jejunii ita exactè, & mathematicè, ut itatim à vera media nocte incipiat ipsius observantia. Ex qua etiam sequitur, dari paritatem materiæ in postponendo v. g. coenam post mediam noctem; ad quam jejunium subsequitur, sicut etiam in anticipanda comestione in die jejunii ante mediam noctem; & proinde excusare à peccato mortali, & etiam veniali, si maxime interveniat justa aliqua causa. Ita, *Bassæus l. c. & Verbo, Communio Sacra, nu. 46. Vers. Verum quia*: ubi cum *P. Pasqual. decis. Morali 338. n. 5.* putat non esse mathematicè procedendum in rebus moralibus, ita ut tempus mathematico modo mensurari debeat, sed sufficere, si moraliter mensuretur, ita ut in iis, quæ pertinent ad priorem, vel subsequentem diem parum referat, si pro aliquo exiguo tempore anticipetur, vel postponatur. Hinc parum referet si etiam jejunium naturale incipiat paulo post à media nocte. Vide eundem *Pasqual. Decis. Morali c. & De Jejunio decis. 443. n. 8.*

945 Quid verò animadvertendum sit circa pulsationem Campanæ, seu horologii in signum medietatis noctis, quæ est altera pars propositi quæsit, constat ex data antecedenti responsione ad primam partem ejusdem. Cum enim tempus mediæ noctis nequeat exactè observari, nec etiam quatenus benè, vel malè indicatur à pulsatione Campanæ, vel ab Horologio (quæ nec sunt obvia semper unicuique, ut per ipsa possit se regulare; ut contingit in Oppidis, & Villis, & etiam in Civitatibus: quia non ubique per totam Civitatem audiuntur pulsus horarum, vel non est moraliter possibile ad eosdem semper attendere: & nunquam ita exactè procedunt, prout constat experientia, ut indicent præcisè horam, & tempus, quod currit, sed solum indicant moraliter (nempe plus, minusvè) remanet quod præceptum non obliget, vel obligare possit ad exactè observandam mediam noctem quocumque modo, sed sufficiat, quod secundum prudens judicium jejunium incipiat à media nocte, seu ab illo tempore, quod habetur pro media nocte, quamvis exigua pars temporis post medium noctis naturalis computetur pro ipsa media nocte; ita ut etiam si post medium noctis, aut ut indicatum per horologia, comedatur, aut bibatur, dummodo per exiguum tempus id fiat, ita ut secundum judicium probabile non censeatur elapsa media nox possit adhuc censeri jejunium incipere à media nocte, & ita docet *P. Pasqual. de Jejunio, decis.*

decis. 443. n. 9. & 10. Adde cum *Caramuele* in *Theologia Regul. disp. 101. n. 1328. Nullum Horologium esse infallibile, ideo nulli necessarium esse standum. Omnia Horologia habere vim opinionis probabilis: & Horologia etiam accurata horæ quadrante à veritate sæpius deviare. Quæ utique facile admittuntur ut probabilia: ne dicam ut certa (ait *Bassæus* Verbo c. *Communio Sacr. nu. 46. c. Vers. Sed quid*) ab his, qui in directione Horologiorum sunt exercitati: ex praxi enim quotidiana animadvertunt horologia etiam exquisitissima propter variam intemperiem aeris, spatio quinque, aut sex horarum, quadrante horæ à veritate deviare. Nec mirum, si hæc horologia sint fallacia, cum pleraque solaria, ex quibus illa diriguntur per quadrantem horæ à veritate deviant, ut ipsemet sæpe sæpius animadverti. Ità *Bassæus*: ad rem concludens idem *Caramuel* sub n. c. Et dum actualiter hæc scribo in nostro Dunensi Monasterio sito intra mœnia Civitatis Brugensis, exterior tribus quadrantibus aliquot Horologia, quæ bene regulata dicuntur, ab aliis dissidere: ergo temerarius non erit, qui censuerit Urbis Horologia, quæ à stolidis sæpius diriguntur, integro quadrante exorbitare. Ideo quadrante horæ antequam sonet duodecima, incipit dies sequens probabiliter, & æquè probabiliter antecedens dies finitur quadrante postquam sonuerit hora. Hac de re vide *Sancti. n. 40. c. Vers. Quod si diversa. Cum seq. Palauum part. p. disp. 3. punc. 8. à n. 6. Trull. dub. 4. c. Pasqual. de Jejunio Decis. 158. 159. 160. 443. 444. & in Decisionib. Moralib. Decis. c. 338. 339. Dian. to. 2. Coordin. tract. p. ref. 111. 112. 113. Ex par. 7. tr. 11. & Miscell. 2. ref. 15. Ex p. 3. trac. 4. ref. 36. Ex par. 4. tract. 3. ref. 19. & alios ab eisdem citatos.**

PRIVILEGIUM TERTIUM.

Qui ex ignorantia jejuniū bis comedit aliquo die in notabili quantitate, excusatur à culpa, & ab obligatione amplius eo die jejunandi.

946 **P** Ræter abstinentiam à carnibus, & cibis vetitis ab Ecclesia in die jejuni, necessaria est unica comestio pro salvando jejunio; & ita ut sit de essentia jejuniū unica comestio: talis est fidelium praxis communis; & sensus, ac sententia omnium Doctorum, tam Canonistarum, quàm Theologorum, ut videre est apud *P. Pasq. de Jejunio qu. 26. nu. p. & Leandrum par. 3. tract. 5. disp. 4. qu. p. & 2. Qui etiam notant cum aliis allegatis, quod hæc comestionis,*

prandique unius præscriptio, non habetur expressè in jure Canonico, sed tantum ex consuetudine universalis Ecclesiæ, quæ, quia præscribit modum comedendi in die ieiunii ab Ecclesia præcepti, & mentem interpretatur legislatoris, habet vim obligandi tantum ea, quæ est de aliquo necessario pro observatione ieiunii, quod observari non potest, nisi circa modum comestionis habeatur aliqua præscriptio; ita *P. Pasqualig. qu. c. n. 2. hinc optime arguit Leander qu. 2. c. Cum in jure Canonico expressè cautum non sit, ut in diebus jejuni, unicum tantum prandium, comestio, seu resectio fiat, non restat à quo alio capite hoc proveniri possit; nisi à consuetudine Ecclesiæ, quæ vim legis obtinet.*

947 Hac ergo lege, & consuetudine universalis Ecclesiæ obligante supposita, clarè infertur veritas propositi Privilegii, & evidens ratio ejusdem. Etenim, si substantia, & essentia jejuni consistit in unica comestione, qui bis comedit in die jejuni, & in notabili quantitate, non potest amplius eodem die jejunare, quia non potest amplius servare substantiam jejuni: & si id facit ex ignorantia, utique non peccat, ergo hujusmodi ignorantia excusat ab utroque, à peccato videlicet, & ab obligatione amplius eodem die jejunandi, sicque verum, & benè fundatum propositum privilegium. Quod etiam affirmant, & concedunt pariter, & ob datam rationem, *Bonac. to. 2. in 8. Decal. præcep. disp. Ultima, qu. p. punc. 3. quæst. to. 2. n. 8. in respons. ad primum Objectiones. Et Trullench in Decal. lib. 3. cap. 2. dub. 3. n. 5. in fine. Dixi in notabili quantitate: quia, si levem quantitatem suscepit, non sufficientem ad fractionem jejuni, tenetur reliquo tempore jejunare ac si nihil comedisset, ut advertunt etiam iidem præcitati.*

948 Et in confirmationem prædictorum, ac hujus privilegii, addo cum *Bonac. l. c. & aliis ibidem*: quod qui in die jejuni scienter sumpsit tentaculum (intellige excedentem limites resectiunculæ) etiam si sumpserit absque culpa, ut si jentavit intentione serviliter laborandi, aut laboriosum eo die iter suscipiendi, non tenetur die eodem jejunare, etiam si postea ex accidenti serviliter non labore, aut iter non suscipiat (limita cum *Lessio lib. 4. cap. 2. dub. 3. nu. 18. in fine. ponendo illum non posse reliquum diei sine cibo transigere; si enim id sine incommodo posset, videretur teneri; quia jejunium quoad unicam resectionem adhuc servari posset*) & tamen hic solum materialiter ieiunium violavit, sumendo tentaculum

calum absque culpa : ergo à fortiori à jejunijs excusatur, qui bis in notabili quantitate comedit ex inadvertentia, & ignorantia jejunii. Insuper, si Petrus sumpta, multiplice refectioe discedat ex Oppido ubi tali die non jejunatur, & Vesperis super-venturus sit Veronam, ubi jejunatur, non tenetur Veronæ Vesperis jejunare, licet teneatur à carnibus Veronæ abstinere ob præceptum negativum non comedendi cibos veritos in die jejunii, ut bene etiam *Less. cap. 2. c. dub. 8. n. 58. Filliuc. tom. 2. tract. 27. par. 2. cap. 6. n. 109. Pasqualig. de Jejunio decis. 60. & alii*. Ergo etiam qui sæpius aliquo die jejunii inadvertenter, & ex ignorantia comedit in notabili quantitate, non tenetur amplius eo die jejunare, cum par ratio in utroque casu esse videatur, ut patet : ergo, &c. Dictum est : *Teneri Veronæ (si ibi jejunatur) à carnibus abstinere*. At, hoc limita cum iisdem *Filliuc. & Pasqual. l. l. c. c.* Si tamen videlicet sit ibi proprium domicilium, quia quilibet tenetur legibus proprii domicili statim ac quando in ipso est. Nec obstat quod mane comederit carnes, quia præceptum non comedendi carnes est negativum obligans pro quocumque momento temporis, pro quo prohibentur, atque adeo divisibiliter : unde semper viget obligatio, nec exinguitur per id, quod quis semel in illa die carnes comederit : sicuti exinguitur jejunium per multiplicem refectioem, & ideo potest cenare, quia jam jejuni obligatio extincta est in ipso, cum individua sit, consistens in unica comestione, sicque semel violans jejunium comedendo, non tenetur amplius ea die à cibis abstinere. *Sanch. de Matrim. lib. 3. disp. 18. n. 23. Vers. Verum probabilis.*

949 Si verò locus, ad quem Vespere pervenit, proprium non esset domicilium, sed hospitium tantum, & permanenter in eo futurus non esset, potest (sedulo scandalo) carnes comedere, etiam si ibi prohibeantur, ut præter *Filliuc. & Pasqualig. l. l. c. c.* advertunt etiam *Sanch. de Matrim. l. c. Sanchius in Selectis Sacram. disp. 54. n. 31. & alii* apud ipsos. Quia eum non sit proprium domicilium, non est membrum, seu pars illius communitatis, & ideo cum ejusdem obligationibus non communicat, nec subditur legibus, quibus communitas illa dirigitur. Quod locum habet, etiam si lex illa prohibens carnes in illo loco, vigeret pariter in proprio domicilio, ut notant *Sanchius n. 31. cit. circa finem, & Pasqualig. decis. c. n. 3. Quia tam lex domicili, quam loci in quo est, sunt leges particulares, sicque uter-*

que locus non coalescit in unam Communitatem, uti neque leges particulares ipsorum in unam legem : ideoque non obligatur, quia lex domicili non extenditur ad ipsum, cum extra proprium locum non extendatur : nec lex loci ubi est, eum non sit subditus ipsi, eo quod non est pars illius communitatis. Ita, & optime *Pasqualig. cum Sancio l. c. contra Sanch. de Matrim. lib. 3. disp. 18. n. 3. Fagund. præcep. Eccles. 4. lib. p. cap. 7. nu. 7. Bassum de Jubileo sec. 4. casu 18 n. 44 & alios*. Sed contra privilegium.

950 Obiicies : Qui ex ignorantia, vel inadvertentia jejunii aliquo die bis comedit, non est immunis ab obligatione jejunii, sed adhuc tenetur eo die jejunare, postquam advertit illum esse diem jejunii : Ergo post secundam etiam refectioem exignorantia factam, servari potest jejunium, & si potest, in conscientia servari adhuc debet ; sicque ruit consequenter privilegium ut patet. Antecedens assumptum probatur : Quia præceptum jejunandi non est præceptum affirmativum, sed negativum ; non enim præcipitur refectio, sed prohibetur multiplex refectio, & idem est præcipere ut semel tantum comedas, ac prohibere ne sæpius edas : præceptum autem negativum semper obligat, & toties violatur, quoties actio prohibita exercetur. Confirmatur, quia sicut lex jejunii prohibet vesci carnibus, sic etiam sæpius quam semel edere : ergo quemadmodum toties jejunii legem laesat, quoties quis in die jejunii carnes comedit ; eodem modo toties quis jejunium solvit (consequenter peccat) quoties comedit postquam semel corpus refecit.

951 Respondeo ad argumentum negando absolute antecedens : ad probationem, dico cum *Azorio par. p. lib. 7. cap. 9. qu. 2. Vers. Ad argumenta in fine : & Bonac. n. 8. cit.* Jejunii præceptum semel in die tantum edendi, non esse simpliciter negativum (uti est præceptum carnes non edendi) sed solum secundum quid, ne scilicet bis comedamus, sed semel tantum, ex suppositione, quod in die jejunii edere velimus. Unde negationem quidem habet, sed finitam, & certam, ne scilicet bis comedamus, quæ negatio valde differt ab ea, quam continet præceptum de non sumendis carnibus, & cibis vetitis ; quod ideo præceptum negativum est, absolute, & simpliciter : alterum verò de unica comestione, simpliciter affirmativum : inter quæ differentia hæc reperitur (per *Trullench dub. 3. cit. nu. 4. & alios ibidem, ac communiter*) quod come-

dens cibos vetitos in die jejunii toties peccet mortaliter, quoties illos sumit, modo inter unam, & alteram comestionem interponatur moralis distantia, ita ut comestiones distinctæ numero moraliter videantur: comedens verò sæpius in die cibos non vetitos, solum peccat mortaliter in secunda comestione. Et ratio differentię est supra data, quia videlicet, sumptis semel cibis vetitis, cum præceptum hoc sit negativum, adhuc manet obligatio non comedendi cibos vetitos, quæ servari adhuc potest, eo quod præceptum negativum obliget semper, & ad semper: sumpta verò secunda refectione non potest amplius servari præceptum affirmativum de unica comestione sumenda. Et hinc est, quod si quis post secundam etiam refectionem de novo comederit, non toties deinde mortaliter peccet, quoties eo die post eandem secundam refectionem cibum notabilem sumperit: Nemo enim (ait *Azor. qu. 2. cit. Vers. Ego probabiliorum*) dum se violasse legem jejunii confitetur apud Sacerdotem, interrogari solet, ter ne, an quater, an bis tantum illo die cibum sumperit, cum tamen alioqui perquirendum foret, si singulæ corporis refectiones culpæ, & vitio tribuerentur. Sicque negatur etiam argumenti consequentia. Ad confirmationem patet responsio ex dictis: concedimus enim reperiri in jejunii lege negationem quandam, & secundum quid, non comedendi scilicet nisi semel; non tamen includere, quamlibet negationem simpliciter, sed illius tantum, quæ carnem notabiliter mortificat, qualis est secunda comestio. Vel dic cum *Falluc. tract. 27. par. 2. cap. 2. n. 24. Trull. n. 4. c.* & aliis apud ipsos: in omnibus comestionibus inclisam esse negationem, atque adeo omnes esse prohibitas, sed solum secundam mortiferè: quia hæc sola mortificat notabiliter: aliæ verò quatenus & ipsæ aliquo etiam pacto carnem mortificant, solum venialiter, & secundario, cum etiam per eas longius recedatur à fine jejunii, &c.

952 Instabis cum *Valent., Sà, Navarro, Vivaldo*, & aliis apud *Less. de Just. dub. 3. c. n. 19. & Bonac. n. 8. cit.* Qui ex inadvertentia, & ignorantia jejunii comedit bis, non frangit præceptum nisi materialiter, cum ad violationem formalem requiratur notitia ipsius præcepti, ergo si non frangit, adhuc servare erit adstrictus: consequenter non liberatur ab obligatione eodem die ieiunandi, contra id quod dicit positum privilegium. Et quod non liberetur, affe-

rit etiam expressè *Sancius in Selectis disp. 5. n. 2.* per hæc verba: *Si inadvertenter aliquis pluries cibum, etiam carnis sumeret, jejuniū neuntiquam frangeret, & servare erit adstrictus cum prorsus illa comestio sit involuntaria respectu jejunii, nec præceptum violatur, sive solvitur nisi per actum voluntarium.* Ita ille alius citatis: quibus addo *Pellizzar. in Man. Regul. to. p. tract. 5. cap. 5. n. 17. & Dianam to. 4. Coordin. tract. 6. ref. 79. in fine, ex par. 9. tract. 6. & Miscell. p. ref. 27. aliis 28.* ubi item expressè sic: *Dicendum est, quod si mane quis comedit, ignorans ea die jejuniari, tenetur reliquo tempore servare jejuniū ac si non comedisset quicquam, quia comestio illa fuit involuntaria, sique jejuniū non fuit violatum nisi materialiter, ac proinde adhuc potest servari; idè potest prandere cum aliis, imò & sumere collationem vespertinam.* Et idem repetit, ac confirmat in sequentibus resolutionibus. *Coordinatis 102. §. ultimo, & 116. §. item ult. in princip. ex par. 10. tract. 14. & Miscell. 4. ref. 63. aliis 61. ex par. p. tract. 9. ref. p.*

953 Respondeo ad instantiam distinguendo antecedens: Qui ex ignorantia bis comedit, non frangit revera ieiunium, nego: frangit sine culpa, concedo Iterum distinguo: Qui ex ignorantia, &c. frangit ieiunium tantum materialiter cum absoluta videlicet exclusione fractionis formalis, & realis, nego, cum inclusione, sed absque culpa, & concedo: Ergo non liberatur ab obligatione eodem die ieiunandi, nego consequentiam: imo non potest amplius eodem die servare substantiam ieiunii (ex *Bonac., Trullench,* & aliis) cum consistat ieiunium in unica refectione. Et idem omnino docet *Layman lib. 4. tract. 8. cap. pr. n. 13. Vers.* Neque arbitror: dum ibi sic: *Neque arbitror discrimen faciendum esse utrum aliquis sciens rescindendo se altera vice, jejuniū solverit voluntariè, iusta, vel injusta causa, an verò ignoranter, vel involuntariè, quia nesciebat, aut non recordabatur esse diem jejunii; quandoquidem etiam in hoc casu jejuniū rescissa, & materialiter violatum est, ut servari omnino non possit secundum formam, & modum Ecclesie.* Ex qua, & etiam adversariorum doctrina confirmatur nostra responsio: nam per ipsosmet, qui voluntariè, ac malitiosè, & absque iusta causa bis comedit in die ieiunii, non tenetur amplius eodem die ieiunare; tenetur tamen abstinere à carnibus, sive malitiosè, sive ignoranter eodem die eas semel comederit: quæ ratione, nisi quia hoc præceptum utpote negativum obligat in quolibet tempore, semper,

semper, & ad semper; illud verò non, ut affirmativum, & in unica confessione consistens; unde sumpta secunda, sive ignominanter, sive malitiose, ieiunium amplius servari haud potest: Si ergo qui tantum ex ignorantia bis comederet, teneretur illud eodem die servare ieiunium, & non nisi ex malitia illud frangeret, qui ex malitia illud frangeret reportaret commodum & propria iniquitate, ut patet. Si dicas cum aliquibus apud Bonac. n. 8. cit. rationem, seu disparitatem esse: Quia bis comedendo ex ignorantia, & inadvertentia ieiunii, non violatur præceptum ieiunii nisi materialiter, cum ad violationem formalem præcepti requiratur ipsius præcepti notitia, consequenter secunda, vel tertia confessio ex inadvertentia, vel ignorantia præcepti facta non imputatur ad culpam. Qui verò ex advertentia ieiunii, & malitiose bis comedit, violavit præceptum formaliter. Si inquam hoc dicas (uti etiam assumi videtur in instantia) contra, nam ut optime Bonac. n. 8. c. Vers. Dixi in notabili. Si data ratio valeret sequeretur etiam non violari ieiunium ab eo, qui prans est, nesciens diem ieiunii, & postea iterum prandet, posita ieiunii advertentia.

PRIVILEGIUM QUARTUM.

Qui ex ignorantia ieiunii comedit carnes inquantitate, excusatur à culpa, & ab obligatione amplius eodem die ieiunandi.

954 **A**bstinentia à carnibus ita est de intrinseca ratione, & essentia ieiunii Ecclesiastici, ex ipsius Ecclesie institutione, ut substantia ieiunii sine ipsa subsistere nequeat, uti tradunt communiter Sancti P. P. Pontifices, Concilia, Canoncs, Theologi, utriusque Juris D. D. & confirmat constans, ac perpetua Ecclesie traditio, & ut videre est apud Pasqual. de Ieiunio disp. 41. Leandri. par. 3. tract. 5. disp. 2. qu. 2. & 3. & alios plures de ieiunio agentes. Quod autem ab abstinentia à carnibus sit de substantia, & essentia ieiunii ex institutione Ecclesie, à qua ipsum Ecclesiasticum ieiunium pendet, patet: Tum quia essentia ieiunii Ecclesiastici attendenda est secundum institutionem eiusdem Ecclesie, à qua dependet: & sic est, quod Ecclesia omnino præcipit ieiunium cum abstinentia à carnibus; ergo hæc abstinentia erit de ipsius substantia, ac essentia. Tum quia de essentia ieiunii Ecclesiastici est illud, sine quo etiam si cætera adsint, subsistere

nequit: sed sic est, quod sine abstinentia à carnibus nequit ieiunium Ecclesiasticum subsistere: ergo abstinentia à carnibus erit de essentia illius: Minor probatur, quia Pontifices ipsi supponunt, non posse cum carnibus stare ieiunium: sic in Bullis Cruciate Gregor. XIII. Sixtus V. & Clemens VIII. dum dicunt, quod qui Carnem non comederit, & si Ova comedat, & lacticia cum privilegio distarum Bullarum adimplere sit visus præcepti ieiunium: Qua formula (ut refert Pasqual. de iei. c. n. 3. in fine: antea usus fuerat Pius V. quem ferunt viva voce declarasse, sine abstinentia à carnibus non posse stare ieiunium: Et merito, quia ieiunium consistit in abstinentia ad macerandum corpus ordinata, proindeque esse debet abstinentia à cibo, qui magis est substantialis, gusti magis gratus, & qui corpus magis reficit, ac sensui vires subministrat contra rationem, tales autem sunt carnes ex genere suo, à quibus si non abstineretur, & si ab aliis inferioribus cibis abstineretur, nullum corpus, aut saltem parum sentiret incommodum. Quibus præmissis.

955 Probatur privilegium primo: Basilii Poncii de Leone, & Angeli Manriquez auctoritatibus, quas quia refert Joannes Caramuel in Theologia Intentionali lib. 3. de Conscientia Dubia, Cap. p. disp. p. Corollarium 17. n. 1351. fol. mibi 293. col. p. idem ponam hic ejusdem Caramuelis verba: quæ habentur etiam apud P. Dianam to. 4. Coordin. tract. 6. ref. 79. ex par. 9. tract. 6. & Mjcell. p. ref. 27. alijs 28. sunt autem huiusmodi: Obiter dicam, me audivisse Reverendissimum D. Manriqueum, nunc Salmanticensium Universitatis Primarium Professore, in Gymnasio publico sic discurrantem (Si quis ex inadvertentia, aut oblivione, in die ieiunii, carnes in magna quantitate comederit, non fregit ieiunium, adeoque tenetur servare formam ieiunii reliquo tempore, eodem modo ac si carnem non comedisset: Unde si comederit caponem mane, poterit meridie, prandere, & Vespere collationem ordinariam sumere: quia leges actibus non humanis non violentur: & illis, qui ex inadvertentia, aut oblivione, hominum quidem sunt, non verò liberi, & humani. Contrarium tamen addebatur, non audebam dicere improbabile, propter Basilii Poncii de Leone (tunc Primarius Professor erat) opinionem, docentem, illud ieiunium esse fractum revocari, tametsi inadvertenter, illudque die reliqua non obligare, & ab inadvertentia habuisse non quidem quod non violaretur; sed quod violaretur, & frangeretur sine culpa) sic discurrerebat Angelus Manriquez: sic Basilium ita Caramuel. Igitur ex auctoritate horum

duorum Virorum, (qui ex attestatione *P. Diane l.c.* luminaria fuere inclutae Academiae Salmanticae, & quos vocat ipse Gigantes Theologiae, primus Cisterciensis, alter Augustinianus) probabile, saltem non improbabile privilegium propositum: quod praeterea.

956 Probatur secundò ratione: Qui ex ignorantia comedit carnes in quantitate, excusatur à culpa: ergo etiam ab obligatione amplius eodem die ieiunandi: antecedens debet concedi, uti ab omnibus conceditur: consequentia verò sequitur aperte ex praemissis: ex quibus constat, quod substantia, & forma ieiunii consistit in abstinentia à carnibus: eversa ergo forma ieiunii per commestionem carniū, non potest amplius ieiunium eodem die habere locum, cum debeat adherere illius substantiae, qua sublata, ieiunium omnino aufertur, nec eodem die amplius subsistentiam potest habere, & in consequens nec obligare: Ergo.

957 Probatur tertio: Dispensatus ad comedendas carnes in ieiunio, censetur solutus ab obligatione, & observatione ieiunii, ita ut possit cenare, nec teneatur ieiunare: ergo etiam in casu propositi privilegii: Consequentia sequitur ob paritatem rationis: antecedens (quod admittunt *Cajet. 2. 2. q. 147. art. 7. in resp. ad ultim. dubium. Azor. p. p. lib. 7. cap. 10. qu. 3. Vers. Arbitror igitur. Henric. lib. 7. cap. 13. n. 13. Filliuc. trañt. 27. par. 2. cap. 3. n. 52. & 53. Sanch. in Consiliis to. 2. lib. 5. cap. 29. nu. 3. Diana to. 4. Coord. trañt. 3. resolut. 170. trañt. 6. resolut. 75. & 86. ex p. p. trañt. 11. ref. 4. Ex p. p. trañt. 9. ref. 25. Ex p. 10. trañt. 12. & Miscell. 2. ref. 46. aliud 45. Llamas in Summa Ecclesiastica p. 3. cap. 5. §. 26. Joann. de la Cruz. in Director. Confec. p. p. praecep. 3. de Jejun. art. 4. dub. 8. conclus. 3. Fagund. 4. Eccles. praecep. lib. p. cap. 2. n. 5. Trull. in Decal. lib. 3. cap. 2. dub. 2. n. 7. alique apud ipsos, & communiter apud Dianam ref. 86. c. cum Leandro par. 3. trañt. 5. disp. 8. qu. 38.) probatur. Quia abstinentia ab esu carniū est de substantia, & essentia praecepti ieiunii: soluta igitur, & dispensata substantia, & essentia praecepti ieiunii, totum praeceptum solvitur; & contrarium videtur intelligibile (ait Fagund. n. c. circa finem) Et jam modo (addit Llamas §. c. in princip.) est luce clarius, quod dispensatus quoad esum carniū, est, & quoad ieiunium. Imo usus, praxisque poenitentium hoc probat (inquit Filliuc. n. c. 52.) cum enim hi dispensati sunt ad carnes, non solent se accusare si saepius comederent nec ne, sed pro comperto habent se posse non modò bis,*

sed quoties voluerint comedere absque culpa (ut etiam advertit *Azor l.c.*) Et Medici quando dispensant ad carnes, etiam interrogati respondent, dispensare ad duplicem comestionem. Cum igitur de intrinseca substantia, & ratione ieiunii sit abstinentia à carnibus, imò hæc sit forma ieiunii, qui est dispensatus in illarum esu, dispensatus consequenter censetur in praecepto ieiunii, idque ex sui natura: ex cessatione enim formæ cessat etiam intentio legis, ejusdemque obligatio, *Pasqual. de Ieiunio, decis. 267. nu. 10. & sequentiib. & decis. 274. nu. 5.* ubi, etiam si forma, quæ est de substantia, cesset per se, sive ex accidenti. At, sic est quod cessat forma ieiunii Ecclesiastici ex esu carniū, tam cum dispensatione, quàm ex ignorantia ut patet, ergo.

958 Confirmatur, qui in die ieiunii non nisi carnes habet ad vescendum, non teneatur ieiunare, ut docent *Fagund. lib. p. cit. cap. 8. n. 12. (cum D. Tho. ibi, Ricardo, Durando, Sylvest. Rosella, Cajet.) Azor. lib. 7. c. cap. 27. qu. 7. Trull. n. 7. c. Diana ref. Coord. cit. 86. Pasqualig. decis. 274. c. Carolus Baucius de Miscellan. Practicis Casuum Conscient. q. 54. qu. 54. fol. 50. Leand. qu. 38. c. & alii:* quia ille sic, non potest servare substantiam ieiunii Ecclesiastici, cujus essentia consistit in abstinentia à carnibus, & à pluribus refectionibus ut supra: Sed nec potest amplius similiter eodem die servare ieiunii Ecclesiastici formam, essentiam, & substantiam qui comedit carnes, licet ex ignorantia, ergo & deobligatus remanet à ieiunio, & à culpa pariter excusatus ut in privilegio proposito. Quod insuper sequitur ex precedenti; imò eadem est omnino utriusque ratio, idemque fundamentum, ut patebit discurrenti. Uti ex privilegii utriusque doctrina etiam infertur, quod dispensatus ut bis in die ieiunii possit comedere, sit omnino exemptus, & deobligatus à ieiunio. Quia dispensatus, ut bis comedat, dispensatus est (ex dictis) in forma substantiali ieiunii, quæ consistit in unica integra comestione, & una collatione, admissa per consuetudinem: ergo dispensatus ut bis comedat, exemptus est totaliter à ieiunio, vi cuius praecepti prohibetur, non tertia, &c. sed solum secunda comestio. Sic *P. Pasqual. de Ieiunio Deci. 347. Leand. disp. 8. qu. 147. & apud eisdem Cajet. Navarr. Sà, Azor. Reginald. Bonac. Fagund. Trull. alique.*

PRIVILEGIUM QUINTUM.

Accedens ad communionem ex ignorantia ieiunius quidem ieiunio Ecclesie, sed non nature, & necessarii ad Eucharistiam sumendam, excusatur à peccato mortali.

959 **P**otest quis adeo simplex esse, ac ignorans, ut existimet esse quidem necessarium ieiunium ad Eucharistiam suscipiendam, sed Ecclesie tantum, non nature: & si is cum hac ignorantia accedit ad communionem non ieiunus ieiunio nature, vi huius privilegii à mortali peccato excusatur; à quo pariter eundem etiam claris verbis excusat *Cajet. in Summula Verbo Sacrament. Communio, Versu, Si autem, dicens: Si autem sciens, & advertens aliquis non ieiunus communicaverit, mortis articulo dumtaxat excepto, mortaliter peccat, ut communiter tenetur. Dixi autem sciens, non propter ignorantiam iuri de ieiunio communicandi, cum hoc ab omnibus sciatur, sed propter ignorantiam qua fallitur aliquis putans se esse ieiunum, cum verè non sit ieiunus. Contingit enim aliquos bonos viros credere, quod sumpta aliqua re aromatica (puta cinamomo, vel nuce muscata, vel aliquo eiusmodi) non sit fractum ieiunium, propterea fortè quia non frangitur ex his ieiunium Ecclesie. Inò à fide dignis accipi quendam bonum Sacerdotem multo tempore pro reverentia Sacramenti præcepisse nucem muscatam, ut bonum odorem stomachi Eucharistie prepararet. Sciebat ille quod oportebat ieiunium communicare, sed nesciebat se non esse ieiunum post sumptam nucem muscatam pro reverentia Sacramenti, nesciens distinguere inter ieiunium Ecclesie, & ieiunium nature. Excusatur ille à peccato mortali contra ius positivum, quia plus nesciebat, in sua simplicitate gradient, & arbitrari se scire quod omnes sciunt, scilicet quod ieiunium tantum debent communicare, & propterea non erat sollicitus de fuganda ignorantia illa: ita *Cajet.* Quem sequitur Summa Armilla Verbo Communio, nu. 2. sic affirmans: Requiritur, quod communicant sit ieiunus, ieiunio non Ecclesie tantum, sed nature, videlicet quod à media nocte nihil sumserit per modum cibi, vel potus, & ab omnibus, que per os sumuntur, etiam medicinalibus, ita quod*

sciens, & advertens, non ieiunus, hoc modo communicans (excepto mortis articulo) mortaliter peccat. Igitur, non sic ieiunus, nesciens, & ex ignorantia communicans, à peccato excusatur, ut in privilegio: Quod etiam docet *P. Pasqualig. de Ieiunio Decis. 447. allegans pro eodem Persicum lib. p. De Officio Sacerdotis cap. 3. dub. 6. nu. 62. & Bessum to. 3. moral. tit. 22. n. 2. illudque admittens quamvis ignorantia videatur crassa, quia potest facile expelli. Vult tamen (Cum Vivaldo, & Thoma Hurtado) privilegium non habere locum quoad Sacerdotes, quia talis ignorantia in ipsis esset crassissima, & assecrata, tenentur enim scire Sacerdotes ratione officii necessarium esse ieiunium simpliciter, etiam nature. Unde ad summum solum ratione inadvertentiae poterunt excusari.*

960 Probatur autem positum privilegium. Quia ubi non est voluntarium, ibi non est peccatum, & ubi est ignorantia, ibi esse non potest voluntarium: in casu autem nostri privilegii supponitur, quod sumptio prædictarum rerum non solvat ieiunium ante Eucharistie functionem servandum, ergo is, qui sic accedit, non accedit voluntarie cum impedimento ad illam sumendam, consequenter accedit absque peccato. Iste enim talis supponit se scire omnia, quæ scire debet in ordine ad sumptionem Eucharistie, & putat quod sufficiat ieiunium quale ipse servat, nec de opposito habet aliquod dubium: ergo. Quod autem dicitur de ignorantia, dicendum est etiam de inadvertentia (ut advertit pariter idem *P. Pasqualig. decis. c. n. 3.*) quando videlicet quis non advertens se comedisse, aut sumpsisse aliquid medicinale, accedit ad sumendam Eucharistiam; quia eadem est ratio de inadvertentia, ac de ignorantia, cum utraque reddat actum involuntarium. Quod etiam indicat *Armilla Summa* nedum, sub illis verbis: *Scienter, & advertente: Sed & Cajet.* ipse expressè hoc docet per hæc, *Verbo cit. Dixi (advertens) quasi contingat aliquem scientem omnia, post sumpsum sumptum communicare, non recedendo de sumpta potione, excusatur à mortali violatione iuris positivi; non enim voluntarie communicavit non ieiunus, qui ex oblivione huiusmodi communicavit.* Ita *Cajet.*



CAPUT XVIII. DE PRIVILEGIIS IGNORANTIÆ

CIRCA QUINTUM ECCLESIAE PRÆCEPTUM.

Solvendi Decimas.

961



Quintum Ecclesiae præceptum est de solutione Decimarum, quæ solutio est actus tum Religionis, tum iustitiæ, Religionis quidem, quatenus sit Ecclesiae Ministris in recognitionem Divini domini, & supermæ excellentiæ; Decimarum enim solutione recognoscimus fructus omnes à Deo recepisse, Deumque esse eorundem auctorem. Iustitiæ verò, quia solutio sit in sustentationem Ministrorum Ecclesiae illis debitam. Ministri namque Ecclesiae spiritualia nobis ministrant, & pro nobis laborant, ergo illis temporalia subministrare debemus: Nam qui Altari inseruit, de Altari vivere debet. Hinc est, quod Decimarum solutio non est mera tantum, ac voluntaria eleemosina, ut affirmare ausi sunt *Vicleph*, alique Hæretici, aderentes, posse populum Christianum eas ad libitum Sacerdotibus denegare propter eorundem scelera, qui error damnatus fuit in *Concil. Constantiensi sess. 8.* De fide enim est Decimas, ac primitias non esse arbitrarias eleemosinas, sed stipendium, ac subsidium Ministris Ecclesiae jure debitum ad illorum debitam, ac necessariam sustentationem, propter Ministerium spirituale ab illis Christiano populo impensum, ut communiter omnes in *Tractatu de Decimis.* Et nedum jure naturali, & Divino, secundum plures, & classicos D.D. Decima debita est (de qua re Recentiores, *Suarez, Fagundez, Barbosa, Lessus*, alique) Sed certissimè, & indubitè, jure positivo Ecclesiastico, & Ecclesiae præcepto: Nam sicut olim in veteri lege fuit præceptum de solvendis decimis, ut patet *Exodi 22. Levit. 27. n. 18.* ita & nunc in nova, & Ecclesia, datur pariter idem præceptum, quod utique inter quinque præcepta Ecclesiae circumfertur: & inter ipsa fidei rudimenta traditur, atque supponitur, constatque ex jure Canonico 16. qu. p. extra tit. de Decimis per multa capita, & *Concilio Trid. sess. 25. cap. 12. De reformat.* Ubi mandat excommunicari eos, qui Decimas subtrahunt, aut impediunt, cum decimarum solutio (ait *Concilium*) debita sit Deo; & qui eas dare noluerint, aut dantes impediunt, res alienas invadant. Et præcipitur ab hoc crimine, nisi plena restitutione sequuta, absolvantur. De quibus autem solvendis sint Decimæ: videndi Doctores in hoc præcepto; distinguentes triplex genus Decimarum, Personalium videlicet, Prædialium, & Mixtarum: Unanimique omnium, assensu affirmantes, crimen esse lethale decimas non solvere, nisi excuset (quoad rem nostram) ignorantia, & bona fides, ut ait *Petrus à S. Joseph in Summula Casuum Conscientiæ de V. Ecclesiae Præcepto, Opusculo primo, cap. 5. in fine. Et in Idea Theolog. Moralis, De Justitia lib. 4. cap. 3. fol. 487.* Vel etiam eas solvere ex deteriori parte, mala fide:

PRIVILEGIUM UNICUM.

Qui ex ignorantia, & bona fide decimam debitam solvit ex deteriori parte, à mortali excusatur.

962

Peccare mortaliter peccato injustitiæ (& etiam sacrilegii secundum multos, & classicos D.D.) qui decimant partem pejorem, & deteriorem cum mali-

tia, & in quantitate notabili, docet. *Fagundez de 5. Eccles. præcept. libr. p. cap. 4. n. 7.* per hæc verba: Inter latrones, & fraudatores decimarum numerantur illi, qui tempore messis meliores manipulos sibi eligunt, deteriores Parochis: sicut enim non tenentur meliora, sic nec deteriora; sed tenentur bona fide facere, prout res se se offerunt, ut notant *Less. 10. p. de Just. lib. 2. c. 39. de Decimis, dub. 3. n. 16. & Sylvest. Verbo Decima, n. 15. §. 3.* Ex quo planè sequitur, peccare eos mortaliter,

taliter si quantitas notabilis fuerit, & ad mortale attingat; & teneri ad restitutionem, qui predictos meliores manipulos sibi seligunt, & qui ex deteriori vino decimas solvunt, sibi pretiosius seligendo, & quod dicimus de his duabus, de ceteris rebus intelligendum est: sic ille: & antea Navar. in Man. cap. 21. n. 31. Vers. Secundo peccat: docens ibi peccare, mortaliter, qui decimat partem pejorem; Quia licet (inquit) non debeat optima, debetur tamen mediocritas: & sic etiam Petrus à S. Joseph in Summula l. c. Nam quamvis (ait) meliorem partem dare non teneantur, equitas tamen exigit ut saltem mediocrem pendant. Unde secus facientes non tantum peccant, sed etiam ad restitutionem tenentur. His adde Palaum par. 2. tit. de Decimis disp. Unica punct. 8. n. 2. Trull. in Decal. lib. 3. cap. 3. dub. 3. n. p. Leandrum par. 3. tract. 6. disp. 4. quest. 36. & D. D. communiter apud Trull. n. pr. cit. Cum enim decima pars sit debita ex omnibus, & tam meliora, quam deteriora, manu Dei contingant, de om-

nibus aequè decima debetur: hinc neque tenetur quilibet meliora eligere, neque potest deteriora dare; aliter si hoc faceret scienter, & in notabili quantitate, peccaret mortaliter, ut dictum est, & asserunt communiter, præcipuè allegari: secus verò si ex ignorantia (ut in privilegio) & bona fide daret, ut iidem Doctores: sic enim, excusaretur à peccato. Et Raphael De la Torre in 2. 2. qu. 87. art. 2. disp. 5. num. 2. relatus à Leandro qu. 36. c. videtur asseritum privilegium confirmare, dum dicit: Quòd in casu quòd addit bona fides decimantium nec intentendum lucrari dando pejora, sed ut obvia sunt selecta, & pejora dantur pro decimis, non est cur sollicitus plus nimio sit exactor decimarum. Addens tamen Leander in fine quest. ex D. Gregorio relato 16. qu. 7. Can. Quicumque. Quòd tunc decimans, postquam recognovit in se, quòd fideliter non dedit decimas suas, debet emendare quòd minus fecit.

CAPUT XIX. DE PRIVILEGIIS IGNORANTIAE

CIRCA SACRAMENTA.

Est primò circa Ministerium Sacramentorum; necnon circa suscipientem illa.

PRIVILEGIUM PRIMUM.

Sacramentorum Minister in mortali administrans cum ignorantia, inadvertentia, vel oblivione status sui culpabilis, à novo mortali excusatur.

963



Sacramentorum Minister duplex est, Minister videlicet ex officio, sive solemnitatis, sic dictus, quia ratione consecrationis habet ex officio conficere Sacramenta. Et Minister necessitatis, sic dictus, quia confert Sacramentum tantum, ut subveniat necessitati, ut in Sacramento Baptismi; unde hic non administrat illud ex officio, vel ratione consecrationis. Certum autem est Ministerium in mortali existentem quantumvis sceleratum, conficientem Sacramentum, validè conficere, dummodo nihil aliud

ipsi desit quàm divina gratia, & morum probitas. Quod etiam docet Catholica fides, contra Donatistas, aliosque Hæreticos, declarata in Concilio Tridenti. sess. 7. Canon. 12. De Sacramentis in Genere: his verbis: Si quis dixerit Ministerium in peccato mortali existentem, modo omnia essentialia, quæ ad Sacramentum conficiendum pertinent, servaverit, non conficere, aut conferre, anathema sit. Et quod insuper colligitur ex perpetua Ecclesiae traditione, quæ nunquam consuevit eos rebaptizare, qui sub debita materia, & forma à Ministris peccatoribus, Hæreticis, Schismaticis, & degradatis baptizati fuere. Hinc S. Augustinus Tract. 5. in Joannem ratiocinatur sic: Quid tibi facit malus Minister, cum bonus est Dominus, quidquid impedit malitiosus præco, ubi benevolus est Index? non exhorreat columba (idest Ecclesia) Ministrorum malorum, sed respiciat Dominum. potestatem: Baptisma enim tale est, quali est ille

tum, validè conficere, dummodo nihil aliud

ille in cuius potestate datur, non qualis est ille per cuius Ministerium datur. Accedit etiam ulterior ratio, tum quia, si valor Sacramentorum, exigeret necessariò probitatem Ministri, eorundem efficacia non penderet tunc ex solis meritis Christi, sed simul etiam dependeret ex Ministri meritis: Sed sic est quod non ex his, sed ex illis solum dependet, cum Sacramenta suum effectum producant non ex opere operantis, sed ex opere operato, habendo suam efficaciam ex Passione Christi; ergo. Tum etiam quia: Si valor Sacramenti necessariò penderet à conscientia Ministri bona, vel mala, nostræ justificationis negotium, ipsaq; salus æterna, per Sacramenta obtinenda, valdè fidelibus redderetur incerta, cum vix unquam de probitate Ministri certitudinem moralem habere possent, quod utique magnum esset inconueniens.

964 Minister necessitatis, dum in statu peccati mortalis Sacramentum conficit, & administrat, ex. gr. cum Laicus, aut Clericus baptizat, non peccat mortaliter: ita docent S. Tho. in 3. par. qu. 64. art. 6. ad 3. Cajet. ibidem. Sylv. Scotus, Sotus, Suarez, Henricus, Sanchez, Layman, Filliucius, Bonac, aliique plures, quos referunt, & sequuntur Diana to. p. Coord. tr. p. ref. 42. ex p. 3. trac. 4. ref. 10. & Leander par. pr. tract. p. disp. 4. qu. 5. Ratio autem est, tum quia non est ratio, quæ ad contrarium asserendum cogat, ut infra: tum quia talis non abutitur gratia sacramentali collata per specialem consecrationem, eo ipso, quod ejusmodi minister non sit per specialem consecrationem deputatus ad ponendum actum confectivum sacramenti: tum etiam quia, si verum esset quod Laici Baptizantes in casu necessitatis cum peccato mortali, peccarent mortaliter; vix vix obstetricibus (concludit etiam Diana ref. c. in fine) & aliis Laicis in tali casu adstantibus.

965 Ex nedum Laicus, & Clericus, sed nec etiam Sacerdos existens in mortali, peccat mortaliter, quando ut minister necessitatis baptismum administrat, hoc est, quando illud privatim sine solemnitate confert, & in extrema necessitate, more laicorum. Sic ferè omnes D. D. pro præced. n. c. aliiq; tum apud Dianam ref. c. tum apud Leand. qu. 5. cit. & qu. 6. seq. & sic etiam D. Tho. l. c. ad 3. ubi ait: In articulo tamen necessitatis non peccat baptizando in casu, quo etiam Laicus posset baptizare: sic enim patet, quia non exhiberet se ministerium Ecclesie, sed subveniret necessitatem patienti. Adverte tamen hic, quod cum dicit D. Th. Ministerium ne-

cessitatis conferentem Baptismum non se exhibere in illa actione, ut Ecclesie Ministerium, non est intelligendum, quod huiusmodi baptizans non sit Christi, & Ecclesie Minister, est enim; nam debet Christi, & Ecclesie intentionem habere, & applicare materiam, & formam à Christo Domino institutam. Sed sensus est, quod talis Minister non exhibet se, ut Ministerium Christi ad illud munus specialiter deputatum, & consecratum, sed solum assumitur per accidens ob necessitatem Sacramenti. Et ut talis inquam Minister necessitatis: quamvis Sacerdos, & existens in mortali, mortaliter non peccet sacramentum ministrando, & conferendo. Quia licet tunc etiam agat quidem ut Christi minister (ut dictum est) non tamen per se ut minister Ordinarius, sed tantum ex accidenti; ac proinde non habet obligationem conficiendi Sacramentum in statu gratiæ, ita ut si illud conficiat in statu disgratiæ lethaliter peccet. Neque enim conveniens est, ut illi, cui Ministerium ex accidenti solum conceditur, tantum onus imponatur, quantum imponitur ei cui competit per se. Confirmatur, quia licet Sacerdos sit minister ex officio, in casu tamen necessitatis non ministrat Baptismum ut minister ex officio, sed ut minister necessitatis, sicut Laicus, & sœmina. Et character Sacerdotalis non concurrat ad illud ministerium, sed se habet quasi per accidens, & concomitanter, & ob id Sacerdos se habet in eo casu non aliter quàm Laicus. Is etenim dicitur Sacramentum ex Officio ministrare, qui actionem sacramentalem ita exercet, ut nullus eandem saltem illo modo exercere queat, nisi eam consecrationem habeat. Igitur cum Sacerdos in necessitate baptizat, & sine solemnitate, eo dumtaxat modo baptizat, quo Laicus, & sœmina baptizare potest, & ideo non baptizat ex officio, hoc est, ut minister Ecclesie peculiari consecratione ad se ministrandum deputatus, ac propterea obligari non debet, ut conformetur Sanctitati Christi, & Ecclesie, uti non obligatur Laicus: consequenter ad existendum in gratia: ergo sine ipsa sic ministrans non peccat mortaliter.

966 Sed nec etiam venialiter, si reverenter, & cum aliquo timore administrat, ut tenet Petrus de Cabrera de Sacrament. qu. 64. art. 6. disp. p. §. 4. n. 17. de eius verba: Minister necessitatis (ait) sive sit Laicus, sive Sacerdos, qui in mortali administrat Sacramentum, etiamsi videns, & sciens faciat, non peccat mortaliter, immò verò neque venialiter

ter, si aliqualem adhibeat reverentiam, & cum aliquo timore, & pudore id faciat; sic est communiter receptum à Theologis, paucis exceptis, & probatur; quia omnia argumenta aducta ad probandum esse peccatum mortale ministrare Sacramentum in culpa mortali, procedunt tantum de Ministro, qui ex officio, & cum solemnitate Religiosa ministrat sacramentum; ergo sine ratione dicitur ministrum necessitatis peccare mortaliter, aut venialiter: sic de re relatus à Diana tom. pr. Coord. tract. p. ref. 43. n. 2. Ex p. 5. tract. 3. ref. 24.

967 Minister ergo tantum solemnitatis (qui videlicet ex officio ad quod per specialem consecrationem deputatus est) si cum conscientia peccati mortalis sacramentum conficiat, & conferat, peccat mortaliter peccato Sacrilegii. Hocque certum est, & constans apud omnes Theologos: adeo ut contrarium asserere (quod affirmant Hieron. Llamas in Summ. Ecclesiastica par. p. cap. pr. §. 5. & p. 2. cap. 2. §. 12. Crouseri in Regul. S. Francisci cap. 7. lect. 21. & Marcus Vidal. in Arca Vitali tit. de ministro Sacramenti, Inquisitione unica, nu. 69. & 75.) uti contra, commune, esse reiiciendum, dicat Diana tract. p. c. ref. 10. n. 10. ex par. 6. tract. 6. & misc. p. ref. 53. cum Conincb de Sacram. qu. 64. art. 6. dub. p. Absolute nunc, & certissime absque ulla hesitatione omnino esse impossibile, affirmant Leand. disp. 4. r. qu. 9. Et nedum impossibile, sed etiam per Luxsum Turrianum, apud eundem Leandrum qu. cit. temerarium, sine idoneo fundamento, & scandalosum. Et quod peccet mortaliter probatur ratione D. Th. 3. p. qu. 64. art. 6. Quia videlicet, minister conficiens Sacramentum, ad id munus specialiter ex officio consecratus, tenetur conformare se cum principali agente, cuius se exhibet ministrum, juxta illud *Levis. c. 19. Sancti eritis, quoniam ego sanctus sum, & Ecclesiast. 10. Secundum Iudicem populi, sic & ministri eius.* Ergo si id faciat cum conscientia peccati mortalis, peccat mortaliter: quia irreverentiam in materia gravi irrogat Deo principali agenti, & quantum est ex parte ipsius inquinat Sacramentum ipsum, licet secundum se sit incontaminabile. Confirmatur: Quia sacramenta continent in se moraliter merita, & sanguinem Christi, & eorundem Minister, merita, ac sanguinem Christi, dispensat, idque in persona Christi, quam sustinet immediate: ergo contra ipsius, & sacramentorum dignitatem videtur, & sequitur esse, peccatorem, qui est hostis Christi, & Diaboli mancipium ea administrare,

quia omnino dedecet talem in tantæ dignitatis, ac sanctitatis munere, & tam immediate personam Christi sustinere, ita ut sit unum agens cum Christo: Igitur in tali statu sic agendo, & Sacramentum ministrando, peccat mortaliter.

968 Mortaliter inquam peccat, nisi ignorantia, inadvertentia, vel oblivio status sui excuset, ut in proposito privilegio, quod ponunt etiam ad litteram Patritius Sporer par. pr. Tyrocinii Sacramentalis practici c. 3. qu. 34. §. 4. nu. 186. ut sequitur: Peccat omnino mortaliter minister Sacramenti consecratus, ex officio conficiens Sacramentum in mortali: excusat tamen ab hoc novo mortali Ignorantia, inadvertentia, & oblivio sui inculpabilis, & Petrus à S. Joseph in Idea Theologie Sacramentalis lib. p. cap. 5. Vers. Observandum 2. sic dicens: Qui sibi conscius est peccati mortalis aliquando excusatur à novo peccato sacramenta administrando, nempe quando urget necessitas ministrandi, & aliunde minister, aut non cogitat de suo statu, aut inculpabiliter ignorat obligationem ministrandi in statu gratie, &c. Huicque eidem privilegio subscribit Diana ref. 10. c. Coord. n. 11. per hæc verba: Sacerdos quacunque ratione conferat in peccato mortali aliquod sacramentum præter ipsum Baptismum (non solemniter collatum) peccat semper mortaliter; nisi excusetur ignorantia. Per quam utique huiusmodi Minister nedum, per citatos excusatur, sed per omnes D. D. excusari debet, cum ignorantia, uti & inadvertentia, ac oblivio sui status inculpabilis, causent involuntarium, & nullum peccatum nisi volutum; nullumque volutum quia precognitum.

969 Excipit tantum P. Diana Baptismi Sacramentum in necessitate collatum, nullum aliud; neque etiam Confessionis Sacramentum, & meritò: nam Sacerdos quoque absolvens cum conscientia peccati mortalis in casu necessitatis etiam extremæ, per se loquendo, peccat mortaliter: Quia, ad absolutionem sacramentalem in quocunque casu conferendam, consecratio ministri, aut Ordo Sacerdotalis non se habet per accidens, sed per se: siquidem in nullo eventu potest dari à Laico: ac proinde cum Sacerdos absolvat, ut minister per se ad id munus consecratus, mortaliter per se loquendo peccat, etiam in casu extremæ necessitatis, si id efficiat cum conscientia peccati mortalis. Dixi per se loquendo, peccare mortaliter huiusmodi Sacerdotem cum conscientia peccati mortalis absolventem in extrema etiam necessitate: Quia per accidens probabile est eum excusari, si non

valet moraliter in eo necessitatis articulo, & brevissima morula se disponere ad justificationem, & gratiam per actum contritionis, ne homo interim, & ægrotus moriatur (qui jam animam agit) absque absolutione Sacramentali, quæ tunc existimatur necessaria ad salutem: ut tenent c. c. *Sporer*, *Diana*, *Leander disp. 4. c. qu. 8.* & communiter. Tunc enim saltem concepta simplici aversione à peccato memoriæ occurrente, ex charitate, vel officio absolvens, non committet irreverentiam saltem gravem, imò in subita festinatione nullam: uti cum aliis resolvit *Lugo de Sacram. in. Genere disp. 8. sect. 9. nu. 151. & rectè* (ait *Gobat* apud, & cum *Sporer* n. 186. c. in fine) quia necessitas urgens, excusat irreverentiam erga Deum, sicuti sæpè erga Principem. Vide *Dianam tract. p. c. ref. 12. ex p. 5. tract. 13. & Miscell. p. resol. 74.*

970 Quæres hic obiter primò: Ad quid teneatur minister existens in mortali, ut dignè, & sine novo peccato conficiat aliquod sacramentum, ut minister ad id munus specialiter deputatus? Respondeo teneri ad veram, aut saltem probabiliter existimatam contritionem, non tamen ad actualem peccatorum Confessionem; excepta Eucharistia: ita communiter Theologi, quos refert, & sequitur *Bonac. To. p. de Sacram. in Genere, disp. p. qu. 3. punc. 2. §. p. propos. 2. nu. 3.* Prima pars patet: quia ut talis minister conficiat dignè sacramentum requiritur per se loquendo, quod sit in statu gratiæ, ut probatum est, dispositio autem per se requisita ad talem statum est contritio: ergo hæc requiritur per se loquendo, in eo, qui habet conscientiam peccati mortalis, ut dignè conficiat Sacramentum. Patet etiam pars secunda: Quia nullum per se loquendo extat præceptum divinum, aut humanum præmittendi Confessionem in tali casu, excepta Eucharistia: ergo per se loquendo illam præmittere in ordine ad alia sacramenta non est necesse, sed sufficit contritio in re absque confessione prævia, vel quod bona fide credat se esse in gratia per contritionem saltem probabiliter talem existimatam. Confirmatur (loquendo in specie de Sacerdote, & ministro Confessionis Sacramentalis) argumento *Vistorie* apud *Llamas* in *Summa par. pr. c. p. §. 5. Leandrum qu. 8. cit.* & alios. Si Sacerdos existens in mortali teneretur prius confiteri ad dignè administrandum penitentis sacramentum, incidere quandoque posset in inextricabiles perplexitates: nam si tres essent in mortali peccato Sacerdotes,

& non adessent alii, & omnes sic tenerentur ad confessionem, ut administrarent, quis audiret prius alterius confessionem? quis incipiet? & ille à quo audietur, cum sint omnes in mortali? dicendum ergo in tali statu existentem Sacerdotem, teneri tantum conteri (ut supra.) Et actum contritionis elicere, ac habere saltem antequam absolutionis verba proferat, & priusquam absolvat penitentem: dico saltem, quia, non est necesse priusquam incipiat excipere penitentis peccata: ratio est, quia dispositio animi, generatim loquendo, ad dignè conferendum, vel conficiendum Sacramentum sufficit quod adsit ante consummatum actum essentialem sacri Ministerii, sufficit igitur antequam proferat ultima verba formulæ absolutionis per quam Sacerdos ultimè conficit Sacramentum: ut docent *Henriq. lib. 6. cap. 18. n. 6. in Glossa, littera V. Diana To. p. Coord. tract. 7. ref. 43. ex par. p. tract. 7. ref. 47. Gobat in Alphabeto Baptizantium Casu 4. n. 150. & in Alphabeto Confessoriorum Casu 5. nu. 196. aliique.*

971 Quæres secundò: An contrahentes Matrimonium peccato lethali affecti, peccent mortaliter, non solum ea ratione, qua sacramentum suscipiunt, quod indubitatum est; sed etiam quatenus ministrant, ita ut duo committant? Respondeo, non peccare lethaliter ea præcisè ratione qua ministrant: Quia non sunt ministri ad id munus specialiter consecrati, sed solum illis necessitate quadam concessum est, quatenus oportuit materiam, & formam in ipso contractu per ipsosmet constitui: contractus enim Matrimonii fieri non poterat, nisi per contrahentium consensum: hinc non peccant lethaliter nisi quatenus recipiunt Sacramentum; non quatenus ministrant: quia solum ministri specialiter consecrati lethaliter delinquant, si culpa lethali affecti ministrant: ita *Sanch. de Matrimon. libr. 2. disp. 6. n. 4. Sotus in 4. disp. p. qu. 5. art. 6. in fine*; ubi, quod isti contrahentes sint ministri, sicuti Laicus in necessitate baptizans. *Henriquez lib. 11. de Matrim. cap. 2. in fine*: ubi, Quod Laicus nullum sacramentum ministrat solemniter ex officio. *Suar. in 3. p. to. 3. disp. 16. sec. 4. vers. Ad fundamentum. Bonac. l. c. n. 10. Diana to. pr. Coord. tract. primo, ref. 11. in fine, ex par. 10. tract. 16. & Miscell. 6. ref. 28. alias 29. Leand. disp. 4. c. qu. 7. & alii apud ipsos.*



PRIVILEGIUM SECUNDUM.

Minister Excommunicatus, denunciatus, & vitandus conferens Sacramenta; per invincibilem ignorantiam, & naturalem inadvertentiam, excusatur à peccato mortali, necnon ab incurfu irregularitatis.

72 **A** Pud omnes D. D. tum Canonistas, tum Theologos, certum est, excommunicatum, qui vitandus communiter appellatur, privatum esse actiua sacramentorum ministracione, ac communicacione, & Sacrificii oblatione, *cap. Latorei, de Clerico excommunicato ministrante, & cap. Si celebrat, eodem tit. idque sub peccato mortali, quia tam gravis materia est actio ministrandi, quam recipiendi Sacramentum.* Et præter mortale quod committit in ministrando, fieri etiam irregularem certum quoque est: & aded, ut *Ioseph Gibalinus de Irregulari. cap. 5. qu. 2. prop. p. par. p. fol. 336.* asserat, *Incurri irregularitatem à Clerico per violationem censure illi sui Ordinis exercitium prohibentis; propositionem esse universalissimam, & in hac amplitudine sumpta à nemine negatam; ac omnium D. D. (quos adducere superfluum foret) consensu firmatam: eamque faciliè colligi ex toto Titulo de Clerico excomm. Minist. & ex cap. p. cap. in qui, & cap. in cui, de sentent. excomm. in 6. & sigillatim discurrendo per omnes censuras ab ipso met. l. c. ostenditur.*

73 Verum, per ignorantiam invincibilem, & naturalem inadvertentiam, ab utroque dictum excommunicatum ministrum excusari, à peccato mortali videlicet, necnon ab irregularitatis incurfu, certum etiam est. Ex quoad primam de peccato excusacionem, hæc expressa est in *Cap. Apostolica, de Cler. excomm. ministrante*, per hæc verba: *Quia tempore suspensionis ignari celebrasti divina, nos redditis ignorantia probabiliter excusatos.* Accedit autoritas *P. Diani to. p. Coord. tr. p. ref. 15. ex p. 5. tr. 9. ref. 83.* ubi ad casum huius privilegii, querens, *An excommunicatus denunciatus, vitandus, possit conferre Sacramenta.* Respondet negativè, esseque privatum actiua communicacione Sacramentorum, & Sacrificii oblatione: *idque sub peccato mortali.* Excusari tamen (addit) per ignorantiam invincibilem, & naturalem inadvertentiam. Idemque repetit in *ref. 16. seq. Ex p. 5. tr. 9. ref. 96.* ubi sic: *Certum est excommunicatum, denunciatum, & publicum percussorem Clerici peccare mortaliter administrando ali- quod Sacramentum. Tamen est difficultas spe-*

cialis, an in aliquo casu excusetur à peccato; ita quod possit sine periculo ministrare? Ad quam breviter respondetur; primò excusari per ignorantiam invincibilem, naturalem oblivionem, vel inadvertentiam, ut supra, &c. Potest namque dari casus, quod huiusmodi minister invincibiliter ignoret prohibitionem administrandi sacramenta, cum ejusmodi prohibitio positiva sit, ac humana, unde potest in eam cadere ignorantiam, quæ esset juris. Item potest ignorare se esse in excommunicatione, vel non advertere, quæ esset ignorantia facti, ut frequentius potest accidere.

974 Supponit privilegium, Sacramenta collata à ministro excommunicato non tolerato, esse valida: quædam saltem; quod addo, quia Doctores excipiunt ab huiusmodi validitate (extra casum necessitatis) Sacramentum poenitentiae, & Matrimonii, defectu iurisdictionis quam non habet minister excommunicatus non toleratus extra dictum articulum necessitatis. Hinc *Avila De Censur. p. 2. cap. 6. disp. 3. dub. p. conclus. p. ait:* Certum esse quodcumque Sacramentum celebratum ab excommunicato non tolerato, etiam extra casum necessitatis esse validum, exceptis Sacramento poenitentiae, & Matrimonii, pro qua conclusione allegat *D. Tho. 3. p. qu. 64. art. 9. ad 3. Navarr. in Man. cap. 27. n. 36. in fine, & omnet.* Et probatur eadem conclusio quoad Sacramenta non excepta: nam in eorundem administracione concurrunt omnia essentialia, videlicet, vera materia, forma, & minister, cum intentione faciendi quod facit Ecclesia, ut supponitur: ergo. Quoad excepta item probatur: & primò de Sacramento poenitentiae; Sacerdos etenim excommunicatus non toleratus, extra articulum necessitatis, nullam habet iurisdictionem, vel habet eam impeditam & ligatam, ergo. Confirmatur, quia ad Sacramentum poenitentiae administrandum, sola Ordinis potestas non sufficit, sed præterea requiritur (per omnes) iurisdictionis, ut constat *ex cap. Omnis utriusque sexus.* Quæ datur, & auferitur ab Ecclesia, ergo sine hac (qua utique caret, vel eam habet impeditam dictus non toleratus Sacerdos, ac minister) sacramentum poenitentiae est nullum. Ex quo inferes, quod si quis cum ignorantia invincibili confiteatur huiusmodi Sacerdoti, Confessio erit nulla, & comperta veritate, mortalium confessio necessarid iteranda erit. Intellige tamen si ignorantia fuerit particularis, hoc est huius, vel illius poenitentis (ut observat etiam *Avila dub. c. sub. conclus.*

3. nam si sit ignorantia communis, & talis Sacerdos habeat aliqualem titulum; Sit ex. gr. Sacerdos, qui alibi sit nominatim excommunicatus, & denunciatus; vel notorius percussor Clerici; hic autem Veronæ tibi modo moratur, ignoretur nedum eius excommunicatio, sed eidem collatum fuerit Parochiale Beneficium, Confessiones quas audit validæ sunt: quia titulus præsumptus, & communis error conferunt iurisdictionem. *Cajetan. in Summa, Verbo, Absolutio nis impedimenta in princip. & Verbo Confessionis iteratio, item in princip. & communiter.* In hoc enim casu præsumendum est quod Ecclesia velit prospicere potius communi saluti fidelium, dando iurisdictionem huic Sacerdoti, quam illum punire cum tanto fidelium detrimento.

975 Validæ etiam sunt Confessiones quas idem Sacerdos audit in casu, seu articulo necessitatis, quamvis sit nominatim excommunicatus denunciatus. Quod tenet *Cajet. in Summa, Verbo, Absolutio Sacramentalis, Vers. Necessitas duplex. Angelus Verbo Confessor p. n. 16. Soto in 4. dist. 18. qu. 4. art. 4. §. Nonnihil ambiguitatis. Avila dub. c. conclus. 4. & alii apud ipsum, & probant: tum ex Concil. Trident. sess. 14. cap. 7. in fine, dicente: In articulo mortis nulla est reservatio: atque adeo omnes Sacerdotes quolibet pœnitentes à quibusvis peccatis, & censuris absolvere possunt. Ex quibus verbis, sicut nullus casus, vel peccatum excipitur à Concilio, à quo pœnitens non possit absolvi, ita nullus excipitur Sacerdos, qui non possit absolvere: ergo. Tum etiam quia, non est credendum quod pia mater Ecclesia velit fideles suos carere absolutionis beneficio in ultimo vitæ periculo, cum præsertim confessionis Sacramentum de attrito faciat contritum. Quamvis enim talis Sacerdos privatus sit iurisdictione, & usu ipsius extra mortis articulum, non tamen in illo, ut constat ex verbis *Tridentini* conferentibus iurisdictionem cuiuscumque Sacerdoti absolvendi quoscumque, & à quibusvis casibus, ac peccatis nullo excepto. Intellige tamen hoc (cum Soto immediate ante citato, §. Nonnihil ambiguitatis, *Avila, conclus. 4. c. in fine. Navarro apud ipsum, & aliis multis*) supposito quod non sit alius minister legitimus, & Sacerdos, qui possit, & velit administrare hoc Sacramentum.*

976 De Sacramento Matrimonii maior est difficultas, utrum validum sit, si celebretur coram Sacerdote excommunicato non tolerato. Juniores nonnulli apud *Avilam, conclus. 4. c. in fine*, dicunt esse validum. Ipse verò *conclus. 5. cum Veracruz, & aliis*

Viris doctis, iudicat esse nullum. Quia, Parochus non assistit Matrimonio in quantum Parochus formaliter, cuius rei argumentum est, quod si loco Parochi mille testes adhiberentur matrimonium non valebit. Sed in matrimonio assistit Parochus ratione publici officii, & publicæ potestatis, & huiusmodi assistentia, & præsentia cum tali publica potestate de substantia matrimonii requiritur post *Tridentinum* excommunicatus autem non toleratus caret utriusque dicta potestate, & iurisdictione, ergo cum tali præsentia nullum erit matrimonium. Secus dicendum est de testibus, licet enim hi sint excommunicati non tolerati, Matrimonium coram illis celebratum valet, quia non assistunt ut personæ publicæ, nec ratione publici officii, sed ut personæ privatæ: non sic autem Parochus, ut dixi, ideò, &c. Hac de re videndi Doctores in materia de Matrimonio. Concludo tamen cum eodem *Avila conclus. 5. c. in fine*. Quid quando est communis ignorantia, & titulus præsumptus, tunc validum erit matrimonium, sicuti est & absolutio ex dictis.

977 Secunda pars privilegii remanet probanda, quod videlicet minister excommunicatus, denunciatus, & vitandus, conferens Sacramentum, per ignorantiam invincibilem, & naturalem inadvertentiam excusetur etiam ab incurfu irregularitatis. Hæc tamen pars etiam patet: tum ex *cap. Apostolice cir. in cuius titulo ad rem hanc expressè sic: Suspendus, vel excommunicatus ignoranter celebrando, nulla indiget dispensatione respectu irregularitatis, aliâ secus*. Tum etiam ex his, quæ diximus *cap. 4. privilegio 15. videantur*.

PRIVILEGIUM TERTIUM.

Si à Ministro malo, qui mortaliter peccaturus est in conferendo, petat quis, vel recipiat Sacramentum, illius tamen statum ignorando, excusatur iste à mortali, & recipit rem Sacramenti.

978 **I**nquirunt Doctores an liceat petere, vel recipere Sacramentum à ministro malo, ac indigno, & qui peccaturus est lethaliter in administrando; & ratio inquisitionis est, quia id esset cooperari illius peccato, aut illum ad peccatum inducere, ut constat, quod fieri nequit absque gravi peccato, eo quia præceptum charitatis, & fraternæ correctionis, uti & præceptum vitandæ ruinæ spiritualis proximi, obligat

obligat quemlibet ex genere suo sub mortali ad vitandum mortale proximi, quando commodè, & absque proprio damno facere potest. Quapropter magis communiter resolvunt: non licere extra necessitatem, aut rationabilem utilitatem petere Sacramentum ab eo Sacerdote, & ministro, quem cognoscimus ministraturum in peccato mortali, etiamsi sit proprius Parochus; vel aliàs paratus administrare. Tum ob charitatem proximi, qua tenemur peccatum illius impedire si possumus, si commodè possumus. Tum etiam ne divinus honor, & reverentia Sacramento debita, lædatur. Ità *Soto in 4. dist. p. art. 6. Suar. in 3. par. 10. disp. 18. sec. p. à vers. Dico ergo primo. Coninch de Sacram. qu. 64. art. 6. dub. 2. nu. 43. Bonac. tom. pr. disp. pr. qu. 6. punct. 5. nu. 2.* alique plures apud ipsos.

Quod verò liceat petere, & recipere Sacramentum à quolibet Sacerdote potestatem, & jurisdictionem habente, quem scimus ministraturum in mortali, siue paratus sit ad illa ministranda, siue non, quando nostra interest, ut nostræ consulamus necessitati, vel ob justam, & rationabilem utilitatem, probant citati, & alii magis communiter: quia tunc petere non est peccatum, nec cooperari peccato alterius: & res petita est bona, & licita, & potest, ac debet Sacerdos eam licite, & bene facere omnino, cum in istis Sacramentis maxime, non sit necessariò præmittenda confessio, sed sufficiens contritio, quæ merito sperari potest ab eodemmer elicitora priusquam obeat Sacrosancta munia, unde si illicite prestat malitia sua est. Et petens utitur jure suo utendo solum malitia alterius, minimè autem, illi cooperando; ut contingit in petente in necessitate mutuum ab usurario, quem scit non mutuaturum nisi sub usuris; vel ex justa causa juramentum ab eo, qui juraturus est per falsos Deos, qui petens neutrum inducit ad peccatum, sed tantum permittit ipsum ex justa causa, quia quantum est ex se, rem licitam petit, & honestam. Quapropter nulum etiam est peccatum, vel erit sic petere Sacramentum à ministro malo, & si certò, ac probabiliter putandum sit eum in administratione peccaturum.

979 Si tamen (ut dixi, & D. D. allegati, & alii multi affirmant) adesset alius, qui æquè commodè, & absq; peccato posset mihi sacramentum conferre, ad illum accedere utique tenerer relicto malo, & indigno ministro, & secus faciens, graviter peccarem, & lethaliter contra charita-

tem proximi, & contra reverentiam Sacramento debitam: nisi me excusaret ignorantia: quæ certè excusare potest in hoc casu, ut dicit privilegium, & ita, ut ignorans recipiat cum fructu Sacramentum, idest, & ipsum, & ipsius rem, gratiam videlicet. Quod aperte, ac expressè docet *D. Tb. in 3. p. qu. 64. a. 9. ad 3.* Ubi loquens de Sacramento in mortali ministrato, & de malo, ac suspensio, & excommunicato Ministro ministrante, ait: *Sacramentum quidem confert, sed tamen peccat conferrando, & similiter ille, qui ab eo accipit Sacramentum, & sic non percipit rem Sacramenti, nisi fortè per ignorantiam excusetur.* Ità Sanctus Doctor: & idem est quod intendit privilegium nostrum propositum, ut patet.

980 Ejusmodi autem excusatio à peccato, ignorantia causa, contingere potest nedum frequenter, & sæpè in petente Sacramentum, sed etiam sæpè semper (non loquendo de ministro excommunicato, denunciato, notorio: vel publico Clerici percussore: publico concubinario, &c.) Nam ut petens in petendo peccet, debet certò scire, & cognoscere ministrum esse malum, idest in mortali, quia si abest certitudo moralis, quæ rarè, imò rarissimè haberi potest, semper bonus præsumendus erit minister, consequenter petens ab ipso Sacramentum non peccabit. *Tambur. in Decal. lib. 5. cap. p. 5. 4. n. 39.* Non enim petens & recipiens Sacramentum, debet ministrantis conscientiam indagare; nec inquirere, an sit ministraturus in peccato, quoniam hæc cura non est ipsi petenti commissà, cui si morali certitudine non conficit ministrum indignè ministraturum, præsumere debet vel esse probum, vel dignè ministraturum: *Franciscus De Lugo de Sacramentis lib. p. cap. 5. qu. 3. n. 20.*

PRIVILEGIUM QUARTUM.

Excommunicatus recipiens Sacramenta, ignorans tamen, vel non advertens se esse in excommunicatione, à peccato excusatur.

981 **C**ertum est non solum excommunicatum denunciatum, & publicum percussorem Clerici, sed etiam occultum excommunicatum, & toleratum non posse licite Sacramenta recipere, & absque peccato; ut est communis Doctorum apud *Suar. de Cens. disp. 10. sec. p. n. p. in princip. Filliuc. to. p. tract. 12. cap. 3. nu. 53. & 55.* & alios. Pro utroque autem currit hoc privi-

privilegium; quod pariter inter ignorantie privilegia reponunt etiam *Filius. l. c. n. 56. & Diana to. 5. Coord. tract. p. ref. 127. ex p. 5. tract. 9. ref. 81.* & uterque subiisdem ferè verbis, prout sequitur. *Cum prohibita sit excommunicato passiva participatio Sacramentorum, nec possit ea recipere sine peccato, excusari aliquando potest maxime excommunicatus occultus. Primus casus est. Si ignoraretur invincibiliter ejusmodi prohibitio; cum enim passiva sit, & humana, potest cadere in eam ignorantiam, quæ esset juris. Secundus, si ignoraret se esse in excommunicatione, vel non adverteret, quæ esset ignorantia facti, & frequentius potest accidere. Tertius, si esset urgentis necessitas recipiendi Sacramenta ob vitandam gravem infamiam, sive scandalum, sive damnum, ut periculum mortis, vel quid simile: ita Filius. & Diana cum ipso. Verum*

982 *Quæres hic, an dictus excommunicatus recipiens Sacramentum pœnitentiæ cum hujusmodi ignorantia à peccato excusante, recipiat etiam rem, & effectum Sacramenti, idest gratiam, & remissionem peccatorum. Ratio quæstio est, quia de Sacramento pœnitentiæ est peculiaris difficultas, an susceptum ab excommunicato sit validum, vel irritetur ex vi ipsius Censuræ. Esse invalidum, & confessionem irritam, absque effectum, atque necessarid iterandam, affirmant plures apud *Suar. disp. cit. sec. 3. nu. 8. & alii relati à Diana to. pr. Coord. tract. 4. ref. 88. ex p. 3. tract. 4. ref. 78.* Licet enim per hos, quodlibet Sacramentum de facto collatum excommunicato teneat, nec per excommunicationem irritetur vis Sacramenti; hoc tamen [inquirunt] non est verum in Sacramento pœnitentiæ: etenim reliqua Sacramenta solum requirunt Ordinis potestatem in conferente, quæ adimi non potest: at Sacramentum pœnitentiæ ulterius requirit jurisdictionem, per excommunicationem verò subtrahitur excommunicatus à jurisdictione Confessarii, & propterea absolutio eidem impertita, est nulla, quia absque jurisdictione: non item alia Sacramenta, quæ absque jurisdictione, quæ sit eorum validitati necessaria conferuntur. Quæ tamen difficultate non obstante.*

983 *Respondeo ad quæsitum: Etiam Sacramentum pœnitentiæ collatum excommunicato, ignorantiam, vel inadvertentiam habente, ut in privilegio, validum esse, & suum habere effectum ita ut non sit necesse talem Confessionem iterare, sed tantum petere absolutionem ab excommunicatione, non enim est de*

*essentia hujus Sacramenti ut pœnitens prius absolvatur ab excommunicatione, quam à peccatis. Hæc responsio est primo cum Tolero lib. 3. cap. 10. n. p. ubi sic ait: Si excommunicatus sive minori, sive minori excommunicatione confessioni accedat, & absolutionem recipiat, non ablata prius excommunicatione, confessio nulla est; non enim capax est subiectum tale hujus Sacramenti. Adverte tamen, quod cum distinctione procedendum est. Quando enim quis confitetur habet invincibilem ignorantiam juris, vel facti, quia nescit se excommunicatum; vel ignorat excommunicatum non posse confiteri: tunc valida est confessio, & verum Sacramentum: & ratio est, quia Ecclesia non intendit privare Sacramento excommunicatum in hujusmodi ignorantia positum: Quod patet ex cap. Apostolica, de Cler. excomm. Ministr. ubi ait Papa, excommunicatum celebrantem cum hujusmodi ignorantia, non incurrere pœnas juris. Quando verò non est ignorantia, aut est falsa: tunc non valet confessio, sed est iteranda, ut dicunt citati contra Cajetanum. Hujus autem secundæ partis distinctionis ratio est: Quia quando intervenit peccatum mortale in receptione pœnitentiæ, Sacramentum nullum est, cum id sit contra substantiam ejus, & reddat illud irritum. Quando autem excommunicatus scit se esse excommunicatum, nec posse confiteri, nisi prius absolvatur ab excommunicatione, & vel reticet illam malitiosè, consequenter confessionem facit non integram, vel si illam exprimit, vult nihilominus prius absolvi à peccatis quam ab excommunicatione, in utroque casu committit peccatum mortale in ipsa confessione, consequenter nulla est, ac irrita. Secundò, cum *Suar. disp. c. à n. 9.* sic affirmante: Dicendum est tale Sacramentum validum esse, & etiam suum habere effectum, nec esse necesse confessionem iterari, quando excommunicatio probabiliter ignoratur ab ipso pœnitente. Et propria ratio esse debet quia per excommunicationem nil tollitur quod sit de substantia sacramenti: ergo si ex parte recipientis non intervenit aliud impedimentum, sola censura non potest irritare Sacramentum: consequentia patet: antecedens probatur, quia ibi non deest nec forma, neque intentio: Et (quod ad rem spectat, & in quo est punctus oppositæ difficultatis) non deest jurisdictio, nam per excommunicationem privatur quis jurisdictione activa in alios, non tamen subiectione passiva ad alios sibi superiores, seu (quod idem est) alii non privantur jurisdictione in ipsum: alioqui non tam ipsum excommuni-*

unicatorum, quam ipsius Confessoris esset
is poena. Ita *Suar. l. c.* qui etiam n. 15.
tat, hæc omnia vera essetiam si censu-
sit reservata. Tertiò cum *Filliuc. cap. 3.*
n. 59. & *Diana to. 5. Coord. tract. p. ref.*
8. n. 3. ex par. 5. tract. 9. ref. 82. sub iis-
sequentibus verbis: Si nullum inter-
niat peccatum mortale ex parte excom-
municati, quia scilicet excusatur, vel ob
norantiam, vel ob aliam necessitatem, ut
test aliquando contingere, tunc valida
est etiam penitentia, & habebit effectum
gratiæ, & remissionem peccatorum.
Et ratio est, quia per excommunicationem
nihil tollitur quod sit de substantia Sacra-
menti, neque enim tollitur iurisdictio alio-
rum in excommunicatum, nec ipse est in-
apax, cum censura tantum sit vinculum,
quod adjunctum præceptum habet non re-
cipiendi Sacramentum, consequenter tan-
tum reddit receptionem iniquam, non au-
tem invalidam: si ergo sit causa aliqua ex-
cusans à peccato, & à transgressione præ-
cepti, erit valida, & fructuosa receptio
penitentiae, neque contrarium potest ullo
modo probari. Quarto tandem hæc respon-
sio est (tot aliis omis) cum *Navar. in*
Man. cap. 9. n. 4. Laym. in Theol. moral. lib.
5. tract. 6. cap. 12. n. 12. Vers. Dico 3. Co-
ntrac de Sacram. disp. 8. dub. 13. Conclus. 4.
n. 104. & Diana to. p. Coord. trac. 4. ref. 88.
n. 1. addens n. 3. supradicta procedere, non
solum quando penitentem absolvitur, quia ipse
ignorat excommunicationem, vel recipit Sacra-
mentum ex necessitate, sed etiam si Confessarius
sciens peccata habere annexam excommunicationem,
illum tamen hoc non obstante, ex malitia
absolvat, licet non habeat potestatem absol-
vendi à censura.

PRIVILEGIUM QUINTUM.

*Suscipiens Sacramentum in mortali ex igno-
rantia, inadvertentia, vel oblivio-
ne inculpabili, à novo pec-
cato excusatur.*

984 **A**ccedens cum mortali ad Sacra-
menta, quæ ex sua institutione
per se conferunt primam gratiam, ut sunt
Baptismus, & Penitentia, non peccat
mortaliter, quia non tenetur esse in gratia,
neque huiusmodi Sacramenta hanc exigunt
pro necessaria dispositione in suscipiente,
cum ipsamet sint instituta ad eandem con-
ferendam: nec loquitur privilegium de ta-
li suscipiente. Peccat quidem mortaliter,
accedens cum lethali ad recipienda Sacra-

menta, quæ per se instituta sunt ad au-
gendam gratiam, quia supponunt suscipi-
entem in gratia, unde qui sine ipsa accedit
non dispositus, ponit obicem gratiæ, &
novum lethale utique committit, nisi ex-
cuset bona fides, ignorantia, inadverten-
tia, vel oblivio inculpabilis, ut in privile-
gio: quod ponit etiam *Patritius Sporer par.*
prima Tiocini Sacramentalis cap. 4. n. 223.
pag. mibi 223. in fine, per hæc verba: *Ter-*
ret Apostolus p. Cor. 11. de Eucharistia dicens:
Qui manducat, & bibit indignè, iudicium sibi
manducat, & bibit, non iudicium Corpus Do-
mini: ideo: non discernens à communi propria-
no cibo, & potu. Quæ verba suo modo applica-
ri etiam debent ad omnia alia Sacramenta.
Verè enim ita indignè suscipiens non iudicat,
vel discernit inter Sacramenta Sacratissima, &
alia elementa propria, & vacua. Intellige,
autem semper si id fiat scienter, & culpabiliter:
secus si ex inadvertentia, ignorantia, vel obli-
vione inculpabili contingeret: tunc enim & si
suscipiens effectum Sacramenti careret, à pecca-
to tamen novo excusaretur: ita Sporer.

985 At nedom à peccato novo excusaretur:
verum etiam effectum Sacramenti non careret:
quod sentio cum *Bonac. to. p. disp. p. qu. 6.*
punc. 2. in fine n. 14. & 15. si actum saltem
attritionis eliciat. Accedens etenim ad re-
cipienda Sacramenta, quæ per se instituta
sunt ad augendam gratiam, recipit primam
gratiam (si habeat attritionem), quam bo-
na fide putat esse contritionem) & remis-
sionem peccati mortalis: nam quamvis non
omnia sacramenta sint per se instituta ad dan-
dam primam gratiam, nihilominus aliquan-
do eam conferunt, & remittunt peccatum
mortale: *D. Tbo. in 3. p. qu. 72. art. 7. ad*
2. & communiter D. D. apud Bonac. disp. p.
c. qu. 4. punct. 2. sub n. 2. & Leandrum par.
p. tract. pr. disp. 3. qu. 5. Ubi sic: Si quis
existens in mortali accedat ad Eucharistiam,
Confirmationem, & ad alia sacramenta bona
fide (idest non conscius peccati commissi) attri-
tus, & putans se esse in gratia, tunc verè
justificabitur virtute talium Sacramentorum.
Et ratio est, tum quia Sacramentum Ba-
ptismi, & Penitentiae, quamvis per se pri-
mò institutum sit ad dandam primam gra-
tiam, nihilominus potest etiam dare, & pro-
ducere secundam, ut constat in eo, qui re-
cipit Sacramentum penitentiae habens sola
venialia, aut ad ipsum accedit contritus,
cum per contritionem conferatur gratia.
Ergo etiam alia sacramenta, quæ primariò
non sunt instituta ad dandam primam gra-
tiam (quæ ob id dicuntur Sacramenta vi-
vorum) nihilominus possunt eam quandoq;
conferre,

conferre, & facere de attrito contritum. Tum quia, si quis dum existit in mortali, bona fide recipiat Sacramentum Eucharistiæ, vel Extremæ Unctionis, &c. credens se esse in gratia, non peccat, neque ponit actualem obicem gratiæ: ergo gratiam recipit: nam Sacramenta infallibiliter gratiam conferunt non ponenti obicem, ut patet ex *Trident. sess. 7. Canon. 7.* sed gratia, quam iste recipit, non est secunda gratia, sed prima: ergo Sacramenta, quæ non sunt primario instituta ad conferendam primam gratiam, possunt quandoq; eam con-

ferre. Ex qua doctrina, & conclusione patet, contra *Sporer*, & cum *Bonac. n. 15. cit.* cum, qui inculpabiliter ex ignorantia, vel ex oblivione non advertit se esse in peccato, & sic accedit ad recipienda sacramenta bona fide, nedum excusari à novo mortali, sed nec carere sacramenti effectu, & recipere gratiam, si actum attritionis eliciat, hic enim non ponit obicem gratiæ, si actum attritionis eliciat; cum non solum Baptismus, & Pœnitentia conferant primam gratiam, sed & reliqua Sacramenta ex accidenti, si non ponatur obex.

C A P U T XX. DE PRIVILEGIIS IGNORANTIÆ

CIRCA SACRAMENTUM BAPTISMI.

986



Baptismus, nomen est Græcum, significans abluentionem, seu immersionem in aquam. Ideo autem appellatur hoc Sacramentum immersio, quia olim fieri solebat per immersionem in representationem sepulture Christi, juxta illud ad *Colos. 2. Consepulti ei per Baptismum*. Retinuit autem Ecclesia latina nomen Græcum ob antiquitatem. Triplex est Baptismus. Fluminis, Fluminis, & Sanguinis. Baptismus Sanguinis, est Martyrium, quo proprii sanguinis effusione quis baptizatur, de quo *Marci 10. Potestis bibere Calicem, &c. Et Baptismo, quo ego baptizor baptizari*, idest ipsa morte, & sanguinis effusione. Accommodatur specialiter Martyrio illi, quod supplet defectum Baptismi, ut si contingat alicui rapti ad Martyrium, antequam possit baptizari, tunc enim Martyrium supplet effectum Baptismi, non tamen est Sacramentum, ut docent communiter *D. D. cum D. Thoma*. Baptismus Fluminis, est pœnitentia, seu dolor de peccatis ob Dei amorem, cum proposito suscipiendi Baptismum, & de hoc dicitur, *Luce 3. Predicans Baptismum pœnitentie in remissionem peccatorum*. Quæ pœnitentia, seu contritio, quia fit impulsu Spiritus Sancti, qui dicitur flamen, idecirco & ipsa dicta est flamen: & hic Baptismus in solis est adultis usum rationis habentibus, & nondum baptizatis, & vices gerit Sacramenti Baptismi, illiusque defectus supplet, imò ea de causa Baptisma nuncupatur: impeditus namque suscipere Baptismum, si votum illius habeat inclusum in contritione, seu dilectione Dei super omnia, gratiam, & remissionem cuiuscumque culpe consequitur; & etiam omnis pœnæ, si valde servens sit contritio; quamvis communiter partem tantum debeat, ut *Bellarminus, & Henriquez* docent apud, & cum *Filliuc. De Baptismo cap. p. n. 3.* Iste autem Fluminis Baptismus Sacramentum non est, ut pariter docent communiter cum *D. Thoma*. Baptismus tandem Fluminis, idest Aquæ, propriè est, & dicitur Baptismus, estque verum Sacramentum Baptismi, quod à *D. Tho. & Doctoribus* communiter, ut videre est apud *Bonac. 10. pr. de Baptismo disp. 2. qu. 2. punc. p. n. p. Trullenb de Baptismo cap. p. n. 3.* & alios, definitur: Baptismus, est exterior corporis ablutio facta sub præscripta forma verborum. Et de hoc agimus in præsentî capite, idest, de Ignorantiæ Privilegijs circa ipsum. Unde sit



PRIVILEGIUM PRIMUM.

ui nunc existunt in partibus remotis, cum invincibili ignorantia Baptismi salvari possunt.

987 **B**aptismus necessarius est omnibus, tam parvulis, quam adultis ad salutem, & ad assequendam primam gratiam, & remissionem originalis peccati: atque primum, ex verbis illis Jo. 3. *Nisi quis renatus fuerit ex aqua, & Spiritu Sancto non potest intrare in Regnum Dei.* Secundò, ex definitione Trident. sess. 7. *Can. 5. de Baptismo: Si quis dixerit, Baptismum liberum esse, hoc est, non necessarium ad salutem, anathema sit.* Tertiò, quia homines non possunt salutem consequi, nisi mudentur à peccato originali, ad cuius ablationem institutus est Baptismus: Qui respectu adultorum, est medium necessarium ad salutem, vel in re, vel in voto. Qui enim ratione utitur, per actum contritionis justificatur extra Sacramentum, & si in eo statu intereat, antequam illi administrari possit Baptismus, sine eo in re suscepto salvabitur. Respectu verò parvulorum, aliter dicendum est: cum nimis illi nequeant habere votum Baptismi sive explicitum, sive implicitum, sequitur ipsis necessarium esse ad salutem Baptismum realiter susceptum. Excepto tamen casu martyrii, quia ex communi sententia, si infans aliquis ante Baptismum aquæ in odium Christi occidatur, iste salvabitur per Baptismum Sanguinis, ut suadet exemplo Innocentium, quos Ecclesia ob mortem pro Christo susceptam, ut Martyres, & verè Beatos colit. Et nedum parvuli, & infantes; sed etiam adulti per Baptismum sanguinis salvari possunt sine Baptismo aquæ: ut in terminis hoc docet D. Augustinus lib. 4. *contra Donatistas cap. 22. & lib. 13. de Civit. cap. 7.* & ostendi etiam potest tum ex promissione illa Christi Matth. 10. quæ generalis est: *Omnis qui confitebitur me coram hominibus, confitebor & ego cum coram Patre meo, qui in Cælis est.* Et postea: *Qui perdidit animam suam propter me, inveniet eam.* Tum ex Innocentio III. *Cap. Cum Martine, de Celebratione Missarum.* Ubi: *Iniuriam facit Martyri, qui orat pro Martyre, quod ex D. Augustino desumptum fuit.* Eo igitur ipso quod quis pro Christo moritur censetur esse Beatus, nec egere precibus fidelium, adeoque Martyrium perfectè supplet defectum Baptismi aquæ, quoad remissionem peccatorum, & poenæ illis debita. Quæ intelligen-

da sunt, quando quis ante Martyrium non potest baptizari: si enim possit, tenetur sub peccato mortali baptismum suscipere, (& si est in mortali, debet etiam se ad contritionem excitare) cum propter Martyrium non liberetur ab obligatione servandæ præcepta divina; sicque nec ab obligatione divini præcepti suscipiendi baptismum, quo omnes obligantur.

988 Quoniam autem difficultas esse potest, an modo post generalem promulgationem Evangelii, in partibus maximè remotis huiusmodi Baptismi præceptum, habere possit ignorantia invincibilis causa, excusationis privilegium, & cum ipso salvari, idèd discutiendum hoc est. Aliqui id negant, sentientes, illos; qui nunc existunt in partibus remotis cum invincibili ignorantia baptismi, & legis Christi, damnandos esse; quia (inquiunt) post generalem Evangelii promulgationem, non restat aliud remedium pro originali præter Baptismum in re, vel in voto. Alii verò è contra affirmant, putantes salvandos esse, si naturæ legem servaverint: quia credibile est, Deum servanti legem naturæ, daturum lumen, & speciale auxilium, quo se valeant ad ipsum convertere. Cui sententiæ ex animo adhaerens, tanquam conformi summæ pietati, & misericordiæ divinæ, eandem uti talem exhibeo sequendam in hoc primo hujus capituli privilegio; à quo Bassius in Floribus Verbo Baptismo p. n. 8. non videtur dissentire: & illud absque hæsitacione, uti valde probabile, & divinæ inquam misericordiæ, ac pietati magis conforme, amplectitur Bonac. de Baptismo disp. p. qu. 2. punc. 2. in fine, n. 15. ubi sic: *Utrum qui existunt in partibus remotis cum invincibili ignorantia baptismi, & legis Christi salvari possint.* Respondent aliqui Doctores damnandos, quia post generalem Evangelii promulgationem, non restat aliud remedium pro originali præter baptismum in re, vel in voto. Alii verò putant, salvandos esse, si naturæ legem servaverint, quia credibile est, Deum servanti legem naturæ daturum lumen, & speciale auxilium, quo se valeat ad ipsum convertere. Ita S. Thomas 2. 2. qu. 10. art. 4. Summa Corona de Baptismo, fol. mibi 29. & alii Recentiores ferè communiter, quorum sententia mihi probatur, & videtur conformis summæ pietati, & misericordiæ divinæ. Hactenus Bonacina. Cui addo Trullenb. de Baptismo lib. 2. cap. p. dub. 2. in fine, & in Decal. lib. p. cap. p. dub. 2. nu. 9. ubi tanquam certum supponit, dictam invincibilem ignorantiam dari posse in aliquibus, nec per eandem (quia sine culpa est) damnari eos posse:

posse: quod docet etiam *Palani de Baptismo tract. 19. disp. unica punct. 8. n. 3. in fine*, per hæc verba: *Omnes præcepto suscipiendi baptismum tenentur, tenentur namque eo præcepto quantum est ex se, tametsi ob ignorantiam ab ejus transgressione culpabili excusentur.* Et si à transgressione excusantur, utique etiam à peccato: quod deducit etiam idem *Trull. nu. 9. c. ita arguendo: Qui invincibiliter fidem Christi ignorant excusantur à peccato infidelitatis, & ob eandem infidelitatem non poterunt damnari: nam si ignorant invincibiliter, ob hanc infidelitatem negativam, quippe quæ sine culpa est, damnari non possunt: si cum Dei auxilio servant legem naturalem: Nam si hanc servant, Deus providebit, ut sciant fidem Christi, & res necessarias, dabitque illis Doctorem; ut dedit Cornelio Ailor. 10. aut illos interior illuminabit, eo quod facienti quod in se est, Deus non denegat gratiam suam. Quod si non servant legem naturalem, damnabuntur quidem, sed ob hujusmodi peccata; non autem ob invincibilem ignorantiam Baptismi, &c. quæ sine culpa est. Vide *Filluc. to. 2. cap. pr. n. 29. & 30. & Maurum Oberascher de Sacramentis par. pri. tract. 2. de Baptismo cap. p. §. p. Versu Prob. 3. Part. fol. mibi 254. ubi ad rem hujus privilegii, loquens de adulto, sic ait: Si nondum reipsa baptizatus ob ignorantiam invincibilem, vel naturalem oblivionem nil cogitaret de perceptione baptismi, & actum veræ contritionis eliceret, verè justificaretur, & tamen non haberet nisi Vocum implicitum baptismi, quatenus scilicet perfecta contritio includendo propositum servandi omnia præcepta, includeret implicitè voluntatem implendi præceptum de suscipiendo baptismo: ita dictus Oberascher, & optimè: nam ut benè notat *Bassæus in Florib. to. 2. Verbo, Baptism. 3. n. 6.* omnes quidem arctissimo præcepto tenentur suscipiendi Baptismum, ut patet ex illo *Matth. 28. Baptizate omnes gentes*; quæ verba licet ad Apostolos dirigantur, indirectè tamen obligant omnes gentes: alioquin potestas Apostolorum fuisset supervacanea, & inefficax. Parvuli tamen tenentur necessitate medi: adulti verò necessitate præcepti: *Quia adulti (sic Bassæus) sunt capaces præceptorum, & alia via, nempe voto baptismi possunt Salvari.* Hæc doctrina est Catholicorum communis cum *D. Thom. in 3. par. qu. 68. art. 2. in corpore.***

PRIVILEGIUM SECUNDUM.

Non Sacerdos extra necessitatis casum baptizans; & qui baptizatur, si adultus sit, per invincibilem ignorantiam existimantes hoc licere, à mortali peccato excusantur.

989 **T**riplex constituitur minister Baptismi in *Cathechismo Pii V. par. 2. cap. 2. sec. 23. & 24.* Necessitatis videlicet, Commissionis, & Solemnitatis. Minister Baptismi ex necessitate, est omnis homo habens usum rationis, seu omnes etiam de populo, sive mares, sive feminae, quacumque illi sectam profiteantur, scientes debitam formam Baptismi, & materiam applicare. Minister ex commissione, est Diaconus, ut colligitur ex *Pontificali Romano*, ubi Episcopus ad electos in Diaconos inquit: *Diaconum oportet ministrare ad Altare, baptizare, & prædicare.* Signum evidens, eum ordinari, ut tanquam Presbiterium minister baptizet; & non quidem tantum privatè: hoc enim etiam Laicis convenit, sed & solemniter. Minister verò solemnitatis, seu ex officio, est solus Sacerdos, ut habetur in *Concil. Florent. sub Eugenio IV. in suo Decreto*, ubi de Baptismo sic: *Minister hujus Sacramenti est Sacerdos, cui ex officio convenit Baptizare: & in cap. Constat, de Consecratione dist. 4.* Optimeque id probat *D. Thomas in 3. qu. 67. art. 2.* cum quo omnes Doctores de Baptismo, ut videre est apud ipsos. Nominè autem Sacerdotis comprehenditur Episcopus, ut docet idem *D. Tho. art. c. ad p. Quia* (inquit) *quod potest inferior, potest & Superior.*

990 Non Sacerdotem autem extra necessitatis casum baptizantem, etiam sine solemnitate, peccare mortaliter, est clara sententia *D. Thom. qu. 67. cit. art. 3. ad p.* quam sequuntur *Navarr. in Man. cap. 22. n. 7. Henric. lib. 2. c. 28. nu. pr. & cap. 29. nu. pr.* (ubi, quod nedum peccet graviter non Sacerdos, qui extra necessitatem, etiam absque solemnitate baptizat, sed etiam adultus, qui sponte sua à non Sacerdote baptizatur) *Suar. in 3. p. to. 3. disp. 31. sec. 4. Versu, Secundo graviter. Leym. de Baptismo lib. 5. tract. 2. cap. 7. Vers. Dico 2. Bonacina de Baptismo disp. 2. qu. 2. p. 5. n. 9. Trull. de Baptismo lib. 2. cap. p. dub. 5. n. 4. Leand. de Baptismo tract. 2. disp. 4. qu. 6. Bassæus in Florib. to. p. Verb. Baptism. 3. nu. 14. aliique communiter apud ipsos. Hujus autem*



utem lethalis culpæ ratio est: tum quia quicumque extra necessitatis casum baptizat, cui id iure, seu ex officio non competit, ut sunt Laicus, & Clericus non Sacerdos, incit in re gravi contra prohibitionem Ecclesiæ, ergo graviter, & lethaliter peccat: tum quia per se, & ex instituentis intentione Sacerdos est minister huius Sacramenti, ut constat ex anteced. num. ex Conc. Florent. in instructione Armenorum: Et ex communi Ecclesiæ usu: Ergo nequit Laicus ut Clericus, qui non est Sacerdos absque peccato mortali extra necessitatem Baptizante: (Imò idem dicendum est de Sacerdote, absque necessitate extra Ecclesiam baptizante. Quia in Clementina unica de Baptismo. Severè præcipitur, ut Sacerdos solemniter baptizet in Ecclesia, nisi in casu necessitatis excusetur: aut casu quo fit Regum, aut Principum baptizandi sint) ut Clericus non Sacerdos baptizans solemniter (idem dic de Diacono si non adest licentia proprii Sacerdotis) nedum peccat mortaliter, sed fit etiam irregularis ex cit. Clerico non ordinato ministrante. Laicum tem solemniter ministrans Baptismum, tam extra necessitatem non fit irregularis, ut probat Henric. cap. 29. c. eodem n. p. Filliac. 10. p. tract. 2. cap. 4. nu. 85. cum Garro l. cit. & cap. 27. nu. 242. & Trull. in utroque num. 4. cit. Sed tantum peccat mortaliter.

991: Peccat inquam mortaliter, uti & Clericus non Sacerdos baptizantes extra casum necessitatis (ut volunt serè omnes) si sit & adultus sua sponte ab eisdem baptizatus: excusabit tamen ab hoc peccato invincibilis ignorantia, credentes hoc sibi esse, ut in proposito privilegio. Quod præse admittunt Henric. cap. c. 28. n. p. huiusmodi verba: Quomocumque minister Laicus absque necessitate baptizat, peccat mortaliter, & qui ei cooperantur, nisi ignorant excuset. Et Bartolomeus de Ledesma sic. 10. conclus. 2. colum. 147. sic dicens ad Leand. qu. 6. c. quem ipse sequitur.) Si diderim ego, quod tam qui baptizat, quam baptizatur, si sit adultus, & pater etiam sentiens ut ejus filius baptizetur à non Sacerdote, extra necessitatem, in domo, sine ceremoniis, mortaliter peccent, nisi ignorantia invincibilis excusetur, existimantes quod illud licet. Et sicuti ob invincibilem ignorantiam mortali peccato excusantur, sic etiam, eandemmet ignorantiam, Clericus non Sacerdos excusatur ab irregularitate, præterea, nec illam contrahit, ut toties in prioribus probatum est. Imò ad hanc

eandem rem, idem omnino docet Georgius Gobat in Alphabeto Baptizantium casu 4. nu. 140. dum dicit: Si Diaconus sine commissione Parochi baptizet solemniter, incurrit irregularitatem decretam cap. p. de Cleric. non ordin. ministr. in illos, qui non ordinati baptizant. Suar., Vasq., & aliis passim, nisi excuset ignorantia.

992 Ex dictis collige cum Laym., Boss. l. l. c. c. & alius: Quemcumque extra casum necessitatis baptizantem, cui de jure, & ex officio id non competit (nisi excuset inadvertentia, seu ignorantia) peccare mortaliter. Similiter lethalis culpæ reum esse Sacerdotem, si extra necessitatis casum, non solemniter baptizet. Item mortaliter peccare alienum Sacerdotem, si absque licentia proprii Sacerdotis expressa, aut tacita, & rationabiliter præsumpta solemniter baptizet: & multo magis peccare Laicum, qui & sine licentia legitima Sacerdotis proprii, & sine solemnitate extra casum necessitatis baptizat. Consulatur D. D. citati. Vide Gobat Casu c. n. 138. ubi querit, An si Diaconus esset Parochus, & nondum Sacerdotali charactere insignitus, licet possit baptizare, absque alia commissione. Et respondet affirmativè: Eo enim ipso (inquit) quod Episcopus tali Diacono confert Canonice beneficium parochiale, confert quoque (ut sanè patet) jus tam liberè in sua parochia augendi numerum Christianorum, ac si esset jam Sacerdos: secus si ejusmodi Parochus foret solummodo Subdiaconus, huic enim sicut Minoristis, nequit, nisi in extrema necessitate id committi, & quidem solum in casu quo non adest dignior. Ita Gobat l. c. Videatur.

PRIVILEGIUM TERTIUM.

Qui inscienter, & ex invincibili ignorantia rebaptizat, à lethali culpa excusatur, & ab irregularitatis incurfu, & sic etiam qui rebaptizatur.

993 Sacramentum baptismi semel valide collatum non potest iterari, & omnino irreiterabile est. Unde homo semel valide baptizatus, non potest iterum valide baptizari, nec uni eidemque subiecto sæpius quam semel conferri. Et hoc est de fide ex definitione Conciliorum Lateranensis in Cap. Firmiter. Florentini in Decreto Eugeni, & Trident. sess. 7. de Sacramentis in Genere Canon. 9. & Can. 11. Colligiturque ex illis verbis Apostoli ad Ephes. 4. Una fides,

unum Baptisma, & ex plerisque Sanctis Patribus, qui docent, Baptismum validè semel collatum iterari non posse. Ratio autem hujus irreiterabilitatis petenda est à voluntate Christi, qui hoc Sacramentum ita instituit, ut noluerit illud eidem homini bis administrari. Congruentiæ verò sunt; *tum quia* Baptismus est quædam generatio spiritualis, juxta illud Jo: 3. *Nisi quis renatus fuerit ex aqua, & Spiritu Sancto*: sicut ergo generatio corporalis iterari non potest, ita nec spiritualis. *Tum quia* Baptismus significat mortem, & Resurrectionem Christi, teste Apostolo ad Rom. 6. *Consepulsi sumus cum illo per baptismum in mortem*, &c. ergo sicut hic nonnisi semel mortuus est, & à mortuis resurrexit, ita Sacramentum baptismi, nonnisi semel conferri potest. *Tum quia* Sacramenta characterem imprimunt, non sunt iterabilia, quia eorundem character est indelebilis, baptismus imprimi characterem, ergo iterabilis non est. *Tum denique quia* Sacramentum baptismi principaliter datur ad delendum originale peccatum: sicut ergo peccatum hoc non amplius redit semel deletum, ita Baptismus validè semel datus, non est amplius reiterandus. Ita etiam D. Thomas in 3. par. quest. 66. art. 9. & communiter omnes. Hinc

994 Infertur gravissimum sacrilegii scelus esse, aliquem scienter rebaptizare, de quo sufficienter, & morali certitudine constat, quod jam semel debitè baptizatus fuerit, etiam domi ab obsterice. Ratio est, quia gravis irreverentia infertur sacramento, ejus collationem scienter cum nullitate attentare: & fit contra substantiam ejus, dum tentatur conferri in subiecto incapaci. Quapropter D. Leo Epist. 37. inquit: *Scimus esse inexpiabile facinus, quoties juxta hereticorum dogmata, contra sanctorum Patrum instituta, cogitur aliquis lavacrum, quod regnerandis semel tributum est, bis subire, Apostolica reclamante sententia, que nobis unam prædicat Deitatem; unam in fide Confessionem: unum in baptismo Sacramentum*. Et ratio data procedit etiam quamvis rebaptizatio fiat sub conditione, conditio namque est impertinens, & habetur pro non adjecta (ut advertit etiam Trull. de Baptismo lib. 2. cap. p. dub. 5. n. 13. in princip.) quando sufficienter, & morali certitudine (ut supra) constat de Baptismo. Nec quidem sufficit quivis timor, aut levis suspicio, vel scrupulus, an fuerit collatus validè: alioquin pauci essent, qui Baptismum repetere sub conditione non possent. Unde merito

Sotus apud Suar. 10. 3. in 3. disp. 31. sec. 6. Versu, De quo præcepto, & Trull. nu. 13. c. carpit Parochos qui faciliè rebaptizant baptizatos domi à femina; fides enim adhibenda est mulieri, ubi non est rationabilis causa dubitandi, ut idem Sotus ibidem, & communis. Quare dubium debet esse morale, & rationabile, idest, rationi consonum, & homine cordato dignum, & tunc solum, dandus est sub conditione, si non ei baptizatus, ut habetur cap. 2. extra de Baptismo: & sic docent Suar. in 3. par. tom. 3. disp. 22. sec. 2. Versu, *Sed quæres, Cominch de Sacram. qu. 66. art. 9. dub. p. n. 91. Layman. lib. 5. tract. 2. cap. 5. n. 3. Valent. 10. 4. disp. 4. qu. p. punct. 4. Vers. Quod si dubium. Palau de Baptismo disp. unica, punct. 13. n. 3. Trull. n. 13. c. & alii*. Ratio autem, quare cum hujusmodi rationabile dubium intercedit, baptismus sub conditione repetendus sit, sive tale dubium sit facti, sive juris, est, quia tunc, & proximo subvenit in re maximè necessaria, & Sacramenti reverentia non læditur.

995 Adeo verò ingens est injuria, & irreverentia, quæ fit baptismi Sacramento quando iteratur absque sufficienti, & morali certitudine, quod invalidè fuerit collatum, ut scienter rebaptizans, & scienter rebaptizatus, non solum lethaliter gravissimè peccent, sed etiam uterque irregularis efficiatur, ut habetur Cap. *Qui in qualibet etate p. quest. 7. cap. Qui bis. Cap. Eos quos de Consecrat. dist. 4. cap. Ex litterarum de Apostatis, Cap. Non licet, & cap. Rebaptizare de consecrat. dist. 4.* Accedit etiam communis auctoritas Doctorum, quos larga manu allegat Gregorius Sayr. in *Thesouro Casuum Conscientie* lib. 7. cap. 8. nu. 3. Advens n. 4. (pariter ex communi Doctorum omnium) quod ultra pœnam irregularitatis de Jure Canonico ipsis decretam: Jure etiam Civili, tam rebaptizanti, quam culpa sua rebaptizato, pœna capitis imponitur *Lege 2. Cod. ne Sanctum Baptisma iteretur*. Observant tamen communiter Doctores, quod præfata irregularitatis pœna extendenda sit solum in eos, qui sacrilegè rebaptizant, aut rebaptizantur absolute; non verò in illos, qui sic rebaptizant, aut rebaptizantur sub conditione; ut proinde hi posteriores licet graviter peccent ob rebaptizationem, præfata tamen irregularitatis pœnam non incurant. Ratio autem est, quia, ut habetur in cap. *Hic, qui de sententia excommunicationis* in 6. non incurritur irregularitas; nisi expresse habeatur in Jure: atqui non habetur expresse nisi contra

contra rebaptizantes, & rebaptizatos absolute: ergo. Accedit quod leges penales potest odiosae, sine restringendae, lex autem decernens irregularitatem contra rebaptizantes, & rebaptizatos sit penalis, ideoque sit restringenda, nimirum, tantum ad baptizantes, & rebaptizatos absolute.

996 Verum appositè dixi supra initio m. 994. gravissimum sacrilegii scelus esse, quem scienter rebaptizare, de quo sufficienter, & morali certitudine constat, &c. Quia infscientia, & ignorantia invincibilis rebaptizante, & rebaptizato, utrumque; excusat tum à peccato, & culpa lethali, tum etiam ab irregularitatis incurfu, ut in privilegio: Quod etiam uti proponitur, bene videtur admissionem communem rectorum, quorum aliquos cum propriis fratribus dictis (ut moris nostri est) fidei hic adducam ad ornatum, & conclusionem validam ejusdemmet. Primo ergo se mihi offert hic, Sayrus l. c. n. 8. Verum Secunda opinio, firmans privilegium nostrum, ut sequitur: *Opinio verior, & communis est, quae ait non esse irregularem rebaptizantem, aut rebaptizatum, quando adeff habili ignorantia facti. Ratio est: quia irregularitas haec contrahitur ex culpa, & deinde: ergo ubi non est culpa mortalis, non incurritur poena irregularitatis: ubi autem est ignorantia probabilis, sive in rebaptizante, sive in rebaptizato, nulla est culpa; ergo nec incurritur poena irregularitatis: ubi autem est ignorantia probabilis non incurritur irregularitatem, id ipsum concedere debent rebaptizato, cum rebaptizatus non minus in culpa sit, quam rebaptizans. Secundò, Fagundus in Decalog. to. 2. lib. 8. cap. 25. n. 18. ff. Ad secundum. Ubi sic: Qui rebaptizat contra rebaptizationem esse peccatum, non*

incurrit poenam irregularitatis, quia ubi non est culpa, cessat poena. Si vero rebaptizaret scienter rebaptizationem esse peccatum, propter injuriam Sacramento factam, ignorans tamen invincibiliter rebaptizationem esse prohibitam lege Canonica sub poena irregularitatis, similiter dico mihi videri, non incurrit irregularitatem, quia formalis intentio Ecclesiae non est punire injuriam Sacramento irrogatam, sed talem injuriam, quae fiat propter transgressionem legis Canonicae, quam qui ignorat, transgressionem legis consequenter evadet. Tertio, Oberascher de Baptismo tract. 2. cap. pr. §. 5. sic affirmans: Gravissimum sacrilegii scelus est, aliquem scienter rebaptizare, de quo sufficienter constat quod jam semel debet baptizatus fuerit. Dico scienter: nam ignorantia invincibilis utique à peccato excusat. Et quando re diligenter examinata rationalis dubitatio remanet circa validitatem baptismi prioris, tunc non tantum potest, sed etiam ex post facto baptismus conferri debet (sub conditione) quemadmodum decernit Alexander III. cap. 2. de Baptismo. Sicut si habeatur moralis certitudo de veritate & validitate baptismi prius collati, ut quia persona fide digna asserit baptismum cum omnibus requisitis fuisse collatum, &c. Alias auctoritates vide penes proprios Auctores: Modo hic sufficiat dixisse communiter admitti privilegium hoc; quod concludo (uti & praesens Caput) advertendo cum Trullench dub. cit. in fine, & aliis communiter, in praefata irregularitate, si publica sit, solum Summum Pontificem dispensare: si verò sit occulta, potest Episcopus, Ex Trident. sess. 24. c. 6. Quia contrahitur ex delicto occulto. Videantur Henrici libr. 2. cap. 31. Suar. sec. 6. cit. Sayr. cap. 8. c. Filluc. tom. pr. tract. 2. cap. 41. nu. 91. & 92. alij quos.



CAPUT XXI. DE PRIVILEGIIS IGNORANTIÆ

CIRCA SACRAMENTUM CONFIRMATIONIS.

997



Confirmatio, de qua in hoc capite, est Sacramentum novæ legis à Christo Domino immediatè institutum, quod de fide, credendum ab Ecclesia proponitur per *Concil. Florent. in Decreto Eugenii, & Trident. sess. 7. de Confirmatione canon. p.* in quo ita loquitur: *Si quis dixerit Confirmationem baptizatorum otiosam ceremoniam esse, & non potius verum, & proprium Sacramentum, &c. Anathema sit.* Ab Ecclesia autem, idèd communiter hoc Sacramentum sub nomine Confirmationis appellari solet, quia ut docet *Cathechismus Romanus de Confirmat. Sacram. cap. 3. sec. 2.* qui baptizatus est, cum ab Episcopo Chrismate ungitur, additis solemnibus illis verbis *Signo te signo Crucis, & Confirma te Chrismate salutis in nomine Patris, & Filii, & Spiritus Sancti*: Nisi aliud efficientiam ejusdem impediatur, novæ virtutis robore firmior, atque perfectus Christi miles esse incipit. Unde bene notavit *Reginald. lib. 28. cap. p. n. 2.* *Sacramentum hoc dici Confirmationem à proprio suo effectu.* Quare Confirmationis nomine, intelligitur ritus ille, quo Episcopus frontem baptizati Sacro Chrismate inungit, sub data verborum forma. Qui ritus, nomine confirmationis expressus, cum sit de fide verum novæ legis Sacramentum; sic rectè definitur esse *Sacramentum vocæ legis, quo homo baptizatus per Chrismatis unctionem in fronte factam ab Episcopo sub certa verborum forma, fidei robur consequitur.* Quod totum, &c. claris terminis tradit *D. Tho. 3. par. qu. 72. per aliquos articulos, & profitetur unanimes Catholicorum sensus contra varios hæreticos.* Quoniam autem quæ de hoc Sacramento à Doctoribus tractantur pauca sunt, idcirco & nos duobus tantum positis privilegiis, quæ ad idem Sacramentum spectare videntur, breviter præsens caput expediemus. Sit igitur

PRIVILEGIUM PRIMUM.

Ignorantia invincibilis Sacramenti Confirmationis, excusat, & excusatur à peccato.

998

Quamvis de fide sit *ex proceed. num.* dari Sacramentum Confirmationis, nihilominus hujus sacramenti ignorantia invincibilis reperiri potest quandoq; in aliquibus etiam fidelibus, & tunc utique absq; peccato in illis; tum quia invincibilis; tum etiam quia non tenentur fideles illud scire, & ea addiscere, quæ ad illius substantiam pertinent, nisi casu quo quis sui compos velit idemmet recipere, tunc etenim tantum, sub mortali obligatur scire prius illius substantiam, & dispositiones quas requirit, ut dignè recipere possit. Quod docent etiam *Sánchez in Sum. to. p. libr. 2. cap. 3. nu. 9. Suar. de fide disp. 13. sec. 4. nu. 12. Diana Coordin. to. 6. tract. pr. ref. 5. nu. 3. ex par. 3. tract. 5. &*

Miscellan. p. ref. 48. Leander par. 6. tract. 2. de fide, disp. 2. qu. 58. alique penes ipsos: idipsum omnes (quoad hoc) affirmantes de Sacramentis Extremæ Unctionis, Ordinis, & Matrimonii, quod de Confirmationis Sacramento resolvunt, ut constat ex eorundemmet verbis: Sic enim *Suar. n. c. in fine.* De aliis verò Sacramentis (idèst Confirmationis; Extremæ unctionis, &c.) non est tanta ratio necessitatis. Monendi tamen sunt Fideles, ut ea non ignorent; & quicumq; aliquod illorum recipere vult, tenetur prius scire quid recipiat, ut ad illud dignè se preparare, & accedere valeat. Idem docet *Diana*: hæc ejus verba: *Quoad Sacramenta, omni explicitè scire, debent substantiam, & rationem Sacramentorum non omnium, sed Baptismi, Eucharistiæ, & Penitentiar; in ceteris verò idem opus erit, si quando suscipere voluerint.* Ita *Villalobos, Tamerus, Sanchez, Suarez, Melderus, & alii*: contra *Loricam, &c.* Ita *Diana*. Quibus adhærens *Leander qu. 58. cit.*

cit. in fine: sic & ipse absolute affirmat: Nullus fidelium tenetur praefata Sacramenta Confirmationis, Extreme unctionis, Ordinis, & Matrimonii scire, antequam recipere decernat, necdum sub culpa veniali. Quia sunt omnino voluntaria: ergo nemo obligatur ad illa scienda, antequam decernat illa suscipere. Si igitur nullus fidelium (per allegatos D. D.) obligatur ad sciendum Confirmationis Sacramentum, antequam illud suscipere velit, ignorantia illius consequenter non est culpabilis, ut in proposito privilegio, & ab omni peccato etiam veniali ipsa excusatur. Ut & à peccato etiam ipsamet excusat, data quoque, sed non concessa, illorum sententia, qui absolute affirmant quemlibet teneri scire praedicta Sacramenta, quoad substantiam, &c. etiam antequam illa velit recipere. Quod praecipue tenet Pala. to. p. tract. 4. disp. p. punc. 10. n. 7. in fine: sic dicens: Dum autem non decernis illa suscipere, & si probabile sit, te non esse obligatum illa scire: Et probabilius credo, obligari: tum ut possis, si velis illa recipere; tum, ut gratum te Deo exhibeas pro tot remediis ad tuam salutem institutis. Et ita tenet expressè Coninch disp. 14. dub. 10. conclus. 2. n. 192. quatenus inclinet non esse obligationem sub gravi culpa. At esto etiam esset obligatio inducens culpam gravem, & lethalem, ab eadem inquam excusat ignorantia ut in privilegio: quia cum de invincibili ipsum loquatur ut patet, excludit utique etiam culpam talem, & gravem.

PRIVILEGIUM SECUNDUM.

Iterans Confirmationem ex ignorantia invincibili, à culpa mortali excusatur.

999 **C**onfirmationis Sacramentum in eodem homine iterari non posse certum est per omnes; imò certum de fide, ut videre est apud D. D. praecipue Suar. in 3. p. to. 3. disp. 34. sec. p. Vers. Ultimo ex dicto. Unde iterans Confirmationem, peccat utique mortaliter. Verum quidem est quod nec Confirmans, nec bis Confirmatus incurrit irregularitatem: quia talis poena non est expressa in iure. Ratio utem initerabilitatis huius Sacramenti derivatur ex principali ejusdem effectu, vi-

delicet charactere, qui est qualitas quaedam spiritualis, & supernaturalis animae inhaerens, quo confirmatus; in militem Christi munitum, & roboratum insignitus est, haec; de causa (ut notat etiam Palaus part. 4. de Sacram. Confirmat. tract. 20. disp. Unica punc. 6. nu. 3.) Confirmationis Sacramentum iterari nequit, uti colligitur ex cap. Dictum est. Cap. de homine, de Consecrat. dist. 5. & ex Trident. sess. 7. Canon. 9. de Sacram. in Genere. Sacramenta enim, quae imprimunt characterem iterari non possunt, & qui scienter secus fecerit lethalis culpe reus erit. Non verò qui inscienter, & ex ignorantia ut in privilegio: Quapropter sicuti qui ex ignorantia invincibili rebaptizatur, vel finit se bis baptizari, à culpa lethali excusatur ex praecedenti capite, sic etiam ab eadem culpa excusatur qui ex eadem ignorantia iterat sacramentalem ejusdem hominis Confirmationem, vel denuò finit se Confirmari; est enim eadem ratio omnino in utroque Sacramento.

1000 Verum, & si ob ignorantiam, vel oblivionem iterans hoc Sacramentum, à peccato excusetur; expediens nihilominus est, taliter illud conferre, quod minus periculum subit idemmet iterandi etiam ex ignorantia, vel oblivione; quod advertit pariter Oberascher De Sacramento Confirmat. tract. 2. cap. 3. §. 3. Conclus. p. Vers. Prob. 3. Pars. Minus autem periculum suberit iterandi, si in ejusdem Sacramenti collatione observet Minister quod observandum, monet Calbeckijmus Romanus Pii V. part. 2. cap. 3. de Confirmat. Sacram. sec. 18. per haec verba: Observandum est, omnibus quidem, post Baptismum, Confirmationis Sacramentum posse administrari: sed minus tamen expedire hoc fieri, antequam pueri rationis usum habuerint, quare si duodecimis annis expectandus non videatur, usque ad septimum certe hoc Sacramentum differre maxime convenit. Convenit inquam, & aliis omnis congruentiis, praesertim quia (ad rem nostram) dum alicui Sacramentum istud (ait Oberascher) ministratur post adeptum rationis usum, minus subest periculum iterandi ob ignorantiam, seu oblivionem Confirmationis jam acceptae: ac insuper suscipiens magis meminisse potest illius, quod ab Episcopo per impositionem alape intimatur.



CAPUT XXII. DE PRIVILEGIIS IGNORANTIÆ

CIRCA SACRAMENTVM POENITENTIÆ.

DE Ignorantiæ Privilegiis ad Pœnitentiæ Sacramentum spectantibus, latè egimus superius Cap. 15. in quo de spectantibus ad secundum Ecclesiæ præceptum de Annua Confessione. Legantur ibi posita, quibus addo sequentia ad idem Sacramentum spectantia. sitque

PRIVILEGIUM PRIMUM.

Confessarius inculpabiliter ignorans ignorantiam publicam, & communem, revocatum fuisse Privilegium absolvendi, & dispensandi, absolvens; & dispensans, excusatur à culpa, & absolutio valet, ac dispensatio.

1001 **P**RO hujusmodi Privilegio expressè sunt *Suar. de Legib. lib. 8. cap. 40. n. 5.* ubi sic ait: *Si contingat, aliquem uti Privilegio revocato, ex ignorantia publica, & communi, & usum Privilegii pertinere ad Jurisdictionem, vel aliud simile munus publicum, dico, tunc actum sustineri, & esse validum, non vi solius Privilegii, sed adminiculo Jurisfultinentis similes actus factos titulo publicè reputato, ac tolerato, juxta leg. Barbarius, ff. de Officio Pretorio, & ita vitantur incommoda publica, &c. Portel. in Dubiis Regularib. Verb. Privilegii Cessatio n. 70.* Ubi, quod si invincibiliter ignoret, carebit peccato coram Deo. *Bord. conf. 52. nu. 141.* in quo sic: *Quid si Confessarius inculpabiliter ignorans Privilegium absolvendi, dispensandi, revocatum fuisse, absolvat, & dispense, postquam in aliquibus locis sue Religionis revocatio intimata fuit, an nullam faciat absolutionem, & dispensationem? Dico valere, quia habet justum titulum, bonam fidem, & errorem communem, saltem in suo Conventu, ubi de ea revocatione non constat, quæ omnia sufficiunt ad conferendum ei potestatem, ut omnes docent per leg. Barbarius.*

1002 Hujus autem Privilegii verum, ac solidum fundamentum est, quod habens titulum coloratum cum communi errore, putatur legitimus Superior, & ejusdem sententiæ, & alii jurisdictionis actus sunt validi, ut passim *D. D. in leg. Barbarius, ff. de Officio Pretoris*: Unde *Cajet. in Summa V. Absolutionis impedimenta*: Scito quod ex com-

muni jure, secundum communem sententiam (ex leg. *Barbarius*) tenent gesta per hujusmodi Judicem, ubi duo simul concurrunt, scilicet communis error facti, & titulus. Idem docent *Paludan. in 4. distin. 17. qu. 6. art. 2. Navar. in Cap. Placuit de Pœnitent. distin. 6. n. 179. Vers. Non ovio. Medina Cod. de Confessione qu. 22. Arragon. qu. 60. art. 6.* quos citat, & sequitur *Lessus de Justis. lib. 2. cap. 29. dub. 8. n. 65.* cum aliis hoc idem affirmantibus de sententia, & actis, tum fori externi, tum Sacramentalis, & interni, de quo in hoc Privilegio. Ratio autem omnium communis est, quia nisi hujusmodi acta essent valida (in utroque foro) magna sequeretur incommoda in Republica, magnaque perturbatio sequeretur populo Christiano: Omnes enim sententiæ, Officiorum collationes, & Beneficiorum, item præsentationes, electiones, & alia hujusmodi deberent rescindi tanquam invalida, item Sacramentales Confessiones, & absolutiones, tanquam nullæ, & nullius valoris iterari: quod negatur à *D. D. communiter*, & expressè à *Cajet. l. c.* ubi ipse sic: *Et hinc habet, quod absolutus à legitimo aliis Superiore habente impedimentum occultum, quod si sciretur, impediret absolutionem, est verè absolutus coram Deo, & coram Ecclesia.* Stantibus videlicet dictis duabus conditionibus, quæ semper ex eodem *Cajet. & ex aliis D. D. & Juribus* concurrere debent, ut Judicis putativi, & Confessarii acta valeant: Una ex parte ipsius Confessarii, ac Judicis nimirum, ut habeat titulum: Altera ex parte populi, ut communiter putetur legitimus, quibus concurrentibus, jus ipsum confert jurisdictionem extraordinariè ad singulos actus, propter bonum commune: *Less. n. c. Vers. Notandum est*; & *D. D. in Cap. Nihil est, de elect. & in cit. leg. Barbarius Philippus, ff. de Officio*

Officio Prætor. ubi ponitur expresse casus nostri Privilegii, & assertionis (quod refert idem *Less.* n. 65. c.) Cum enim iste Barbarius esset alibi conditione servus, Romæ ubi latebat ejus conditio, & ut liber habebatur, promotus est ad Præturam, cujus tamen ob illud impedimentum erat incapax. Nihilominus approbantur ejus acta, quæ gessit, quamdiu latuit, idque ob utilitatem eorum, qui apud ipsum egerant: & additur ratio, quia Populus Romanus, cujus auctoritate hæc dignitas collata fuerat, potuisset etiam servo hanc potestatem decernere: quod confirmatur ex *Synodo Romana* 3. *quest.* 7. *cap.* 1. ubi dicitur. Si servus, dum putaretur liber, ex delegatione sententiam daret; quamvis postea in servitutem depulsus sit, sententia ab eo dicta, rei judicatur firmitatem tenet. Ex quibus deduc cum eodem *Less.* l. c. n. 68. in fine: Quod, & si illi, qui solum habent titulum coloratum, & agnoscunt se tantum illum habere, possint generatim dici peccare usurpatione Judicii, quia quantum in ipsis est, usurpant potestatem, quam non habent, non tamen sententia illorum est irrita; quia dum hoc attentant (cum errore communi) Ecclesia jurisdictionem extraordinarie ad bonum commune, in ipso actu suppeditat. Sed contra.

1003 Obijciens ex *Portello in dub. Regularib.* Verbo *Leger* n. 4. Lex revocans Privilegia, revocat illa statim à die publicationis Romæ factæ: ita, ut actus talium Privilegorum non valeant ab illa die, etiam si ob ignorantiam sine culpa fiant extra Curiam, maxime quando dicit lex, vel revocatio: *Ex nunc*, vel *Ex præsentis die*: Ergo ex eodem *Portell.* n. c. licet lex, seu revocatio non liget ignorantes, quo ad conscientiam, ligat tamen, quo ad nullitatem actus contrarii, hoc est, si fiat oppositum, statim in illo die publicationis, est nullum ubique, quod patet, quia Princeps id potest facere, quoad nullitatem externam actus. Et hoc verbo usus est *Sixtus V.* in prima sua Constitutione contra illegitimos, annullando professionem. Ergo, & si verum Privilegium nostrum, quoad excusationem à culpa, non tamen quoad validitatem dispensationis, &c. in doctrina etiam *Portelli*, pro Privilegio nostro primo loco allati. Respondeo negando hanc ultimam consequentiam, quoad secundam partem de nullitate, & invaliditate actus. Quo vero ad auctoritatem *Portelli*, positam pro antecedenti objectionis, concedo eo loco

ita sentire, ut sonant etiam ejusdem verba. At n. c. 70. mutavit sententiam: ibi enim expresse sic: *Probabilior est opinio opposita dicens, actum esse validum; donec de tali revocatione habeatur noticia. Verba autem illa, ex nunc esse intelligenda cum debito ordine naturali, & secundum jus suave, habita scilicet noticia, &c. Es per hæc* (concludit ita) *seu ad hæc conciliabis superius dicta* (Verbo *Leger* n. 4.) *ibi enim locuti sumus juxta unam opinionem, hic juxta altam: & hanc hoc loco puto probabiliorē, & suaviorem. Verum*

1004 Hic adverto, quoad citatam Constitutionem *Sixti V.* contra illegitimos, istorum professionem annullantem, hanc excipi à doctrina præsentis Privilegii: juxta ea, quæ pariter tradidi in *Cap. 4. Privil. p. num.* 109. sicuti (per *Suar. de Legib. lib. 5. cap. 33. n. 7. Salas de Legib. disp. 16. sect. 9. n. 41. Laym. lib. 1. traç. 7. cap. 2. n. 7. Vers. Porrò Suarez. Merollam to. 2. disp. 4. cap. 5: dub. 22. n. 295. fol. 241.* & per alios apud ipsos, & communiter) excipiuntur Pontificie illæ leges, ac Constitutiones, revocationes, irritationes, &c. quæ inhabilitant personas, contractus, &c. quæ sunt circa eas res, & actiones, in quibus Papa liberam habet disponendi, vel dispensandi facultatem, absq; alicujus injuria, ut sunt Beneficia, & collationes eorum, & ideo sæpè in his inhabilitat personas, vel impedit valorem à die promulgationis, ut fecit *Clemens VIII.* in Regno Lusitanis, constituendo novum impedimentum ex defectu generis, ad quædam Ecclesiastica Beneficia, & *Sixtus V.* hoc similiter fecit, ac declaravit in Professionibus Religiosorum, quia etiam valor Professionis pendet, ex acceptatione Sedis Apostolicæ. Tales igitur irritantes Constitutiones, statim post promulgationem in Curia vim suam fortiri videntur; etiam erga ignorantes, ut docent citati Doctores, & alii communiter. Verum quidem est, quod ignorantes invincibiliter tales Constitutiones irritantes, & ob id ponentes actus in ipsis prohibitos, ac nulos, & insubstantes, non peccant, & excusantur à culpa, ut in Privilegio, cum nulla lex quo ad forum internum, & in conscientia quocumque tempore lata, & promulgata obliget in actu secundò sub culpa invincibiliter ignaros, licet actus inde positi sint nulli, irriti, ac nullius valoris. Hinc si quis ex. gr. ob invincibilem ignorantiam contrahat Matrimonium cum consanguinea, à culpa quidem excusatur, sed contractus non subsistit, &c.

PRIVILEGIUM SECUNDUM.

De quodam scrupuloso Pœnitente, qui commisit peccatum materialiter mortale, & ob invincibilem excusantem ignorantiam, putavit veniale.

1005 **R**efert casum *Laurent. Portel. to. 1. Responſionum Moral. p. 3. casu 22.* dicens sibi met contigisse, & eundem scribere voluisse pro quiete, & consolatione scrupulosorum, quibus sæpe idemmet accidere potest, & solet: Est autem huiusmodi. Quidam vir timoratus, sollicitus aliâ Animæ lux, quendam fecit actum, qui aliâs erat in se peccatum mortale, sed ille factô discursu sibi possibili, cogitavit, illud esse tantum peccatum veniale: & cogitans esse solum veniale, actum exercuit, nullo modo facturus, si sciret esse peccatum mortale. Et hoc idem mihi met pluries accidit administrando Sacramentum Pœnitentiæ. Inquit *Portel.* an iste peccaverit solum venialiter, an verò mortaliter. Communicavit casum cum viro doctissimo Theologo, pro tali publicè reputato, & cum eodem postea resolvit (uti, & ego cum iisdem sentio) peccasse solum venialiter, & ob invincibilem ignorantiam, & bonam fidem excusatum fuisse à mortali. Tum quia, qui facit actum, qui de se est peccatum mortale, si omninò bona fide facit, nec venialiter peccat, ut omnes concedunt, ergo similiter, & respectivè, qui facit peccatum mortale, putatum omninò veniale, aliâs non facturum, peccat solum venialiter. Tum quia, peccatum, ut peccatum, totaliter pendet ex hoc, ut sit voluntarium: ergo sicuti voluntarium dat esse peccatum in totum, sic etiam dabit esse peccatum in parte, unde volente, seu iudicante solum esse veniale, non imputabitur ad mortale, sed ab ipso excusabitur.

1006 Et si dicat quis, istum volentem peccare venialiter deliberatè, & facientem materialiter actum peccati mortalis, iam se exponere periculo peccati mortalis, atque adèd jam mortale committere: Opponit *Portel.* sequentia, egregiè quadrantia. Primò, qui ab eodem Domino per intervalla surripuit res minimas, peccavit solum venialiter, quamdiù per furta minima non accessit ad quantitatem notabilem, & sufficientem ad mortale: quando verò consumisit ultimum furtum parvum, quod junctum præteritis efficit quantitatem notabilem, tunc per illud furtum ultimum pec-

cat mortaliter, cum sit complementum damni notabilis. At omnes concedunt, quod si iste, in ultimo furto parvo, quod ob proximè dictum, est peccatum mortale, non advertit tale furtum ultimum esse mortale, sed solum credit esse veniale, sicut præcedentia parva, neque advertit ad præcedentia furta parva, hic talis etiam in ultimo furto peccavit solum venialiter, licet jam esset mortale à parte rei, & licet se exponeret periculo peccandi mortaliter, & sciret clarè se peccare venialiter in ultimo furto. Sic de ultimo furto parvo non considerato, ut mortali tenet *Cajet. in Summula. Verbo Furtum, & Rebell. de Obligat. Justit. lib. 3. quest. 15. sect. 4. §. Hinc colliges, & favet Saub. in Decal. lib. 7. cap. 21. n. 4.* quod exemplum est omninò adæquatum. Secundò, Peccans cum femina consanguinea, quam omninò ignorat esse consanguineam, peccat quidem mortaliter, sed non peccato incestus, ut patet, si enim id sciret, non faceret, & tamen exposuit se periculo committendi peccatum incestus, quod erat annexum isti actui: & hunc incestum evasit, propterea quod incestum nullo modo esse credidit; neque illum intendit. Facit ultimo, quod tradit *Glossa in Cap. Plerumque de donat. inter Virum, & Uxorem, in Verbo Repetere non valebit:* ubi dicit, quod crimina secundum intentionem iudicantur; & iniuria ex affectu mentis fit: & citat ad hoc quinque, vel sex textus utriusque Juris, quæ ibi videri poterunt, & ibi dicta juvant ad præsens intentum. Hactenus *Portel. Vide cit. Glossam,* quæ valdè facit ad præsens Privilegium.

PRIVILEGIUM TERTIUM.

Habens auctoritatem absolvendi, aut dispensandi, valdè absolvit, aut dispensat, quamvis ignoret suam auctoritatem, Privilegiumque suum.

1007 **G**ravissimum dubium est, inquit *Rodrig. to. 1. qq. Regular. qu. 20. art. 25. fol. mibi 124.* utrum videlicet valeat absolutio, vel dispensatio Prælati habentis auctoritatem à Summo Pontifice, ut possit absolvere à tali peccato reservato, à tali Censura, vel ut possit dispensare super tali, vel tali re, ipso Prælato ignorante omninò tale Privilegium proprium, suamque talem auctoritatem. Et similiter, quando idem Prælatus, ex. gr. Provincialis, habens à Papa, ut possit committere suis Fratribus

etiam potestatem, absolvendi scilicet, dispensandi in casibus, in quibus ipsa ordinaria non potest, & ipsemet ignorans suum Privilegium, commisit subditio omnem potestatem suam, quam, & idem subditus absolvit, vel distat virtute Privilegii ignorati, an vanaquam absolutio, & dispensatio talis? Et utrique hujus Privilegii dubitationi facit idem *Rodrig. l. c.* ut sequitur. Duxi respondet quidam Doctissimus Vir, in utroque casu valet absolutio, & dispensatio, per *Regulam Juris cap. unico de dispensatione in pub. lib. 6.* quæ habet, *si non quod ago, ut ago, valet, ut valere potest.* Quod confirmatur ex doctrina *Panom. p. Licet de Offic. Ordin. nu. 6. & in cap. sup. de Offic. deleg. n. 12.* dicentis, quod quando ex coniecturis constat, quod quis ait, quod actus quem fecit, valeat omni quo potest, quod tunc habet verum præ-Regula. Immo quando sumus in dubio de intentione, tunc præsumendum est, quod valet actus omni modo quo potest, quia mala est interpretatio eo modo, ut res potius sit, juxta Capitulum Abbate, de Verbo sic. Hæc *Panom.*

Item confirmatur, quia validitas non pender à notitia potestatis, sed à sola potestate, & ab ipso posse: quia actus tantum habet accusare, vel excusare à peccato, sed non invalidare, vel vane actum. Quod confirmatur etiam exemplo ex Sacerdote simplici, qui in articulo mortis potest absolvere ab excommunicatione. Ponamus casum, quod igno-

rante ipso hanc potestatem, absolvit agonizantem à casu Bullæ Cœnæ Domini, certe valebit absolutio, dato, ipsum ignorasse contingat tunc posse; Vide, quomodo validitas non dependet à notitia potestatis, sed ab ipso posse, vel non posse. Et hunc casum dicit Doctissimus ille, & Religiosus *P. Veracrux Religiosis Eremitar. D. Augustini*, Patet de sua Religione, & de Ecclesia Dei satis benemeritis, in suo *Compendio Manuscripto* contigisse in *Guatemala Anno Domini M. D. LXII* affirmans, sic ibi fuisse judicatum, quia interpretativè voluit ille Prælatum, & absolvere, & committere illam potestatem. Sic enim responderet, si tunc interrogatus fuisset. Et sic dicunt communiter Doctores, quod adimplentes præcepta ex ignorantia, nihilominus adimplent illa ex intentione virtuali, ut si in die festo, quem ignorant esse observandum, Missam audiant. Et hæc opinio procedit maxime in Religiosis, quibus licet ignorantibus, multa Privilegia concedantur, conceduntur tamen ad petitionem Procuratorum Generalium, qui nomine totius Ordinis, ad hæc, & ad alia negotia in Romana Curia assistunt. Hæcenus *Rodriguez*. Pro hujus Privilegii, & doctrinæ confirmatione, vide quæ trado in mea *Filiatione Spiritualis*, in qua *cap. 2. dub. 5.* probo autoritate, & ratione, lucrari Indulgentias ab iis etiam, qui illas ignorant, si ea adimpleant, quæ à concedente injuncta sunt, ob virtutem scilicet intentionem, quam quisque in suis bonis operibus habet eandem adipiscendi, omnesque quas potest, &c.



CAPUT XXIII. DE PRIVILEGIIS IGNORANTIÆ

CIRCA VENERAB. EUCHARISTIÆ SACRAMENTUM,
ET SACRIFICIUM MISSÆ.

ETiam de Ignorantiæ Privilegiis ad hoc Venerabile Sacramentum, & Missæ Sacrificium spectantibus egi in Superioribus, sub Cap. 16. Ubi de spectantibus ad tertium Ecclesiæ Præceptum de Sumenda Eucharistia in Paschate. Addo hic sequentia.

PRIVILEGIUM PRIMUM.

Ignorans esse illicitum denuo Ministrare Viaticum infirmo non jejuno tertia die immediatè post primam Communionem, & illud idem administrans, excusandus est.

1009 **R**egulariter saltem (secundum multos, classicosque D. D.) illicitum esse videtur repetere Viaticum non jejunis in eadem infirmitate, nisi post aliquot dies. Unde hic *Verone*, visum fuit aliquibus non bene fecisse, nec excusandum esse, quendam Monialium Confessarium, qui sexta feria communicavit per modum Viatici Monialem non jejunam mortaliter infirmam, & iterum etiam communicavit eandem non jejunam, die tertio (ideò Dominico) immediatè post Viaticum repetendo: Quod inquam aliquibus etiam doctis, & Parochis non bene visum fuit. Et merito, per ipsos. Nam tum in *Rituale Romano* tum in *Veronensi*, adesse videtur determinatio, quando de novo Ministrare, possit Viaticum, contra quam unique se gessit præfatus Confessarius, ut constar: In *Rituale* namque *Romano*, Tit. de *Communione Infirmorum*: Vers. Pro Viatico, sic: Quod si Ager sumpto Viatico, dies aliquot vixerit, poterit rursus sumere. In *Veronensi* verò, Tit. de *Observandis in Administratione Sanctissimæ Eucharistiæ pro Infirmis*, itidem sic: Viaticum etiam non jejunis datur, & sæpius in eadem infirmitate, quoties per aliquot dies mortis periculum evaserint, in idemque lapsi fuerint. Ex quibus clarè deduci videtur, adesse, (in *Lure* etiam) definitam Regulam circa Ministrationem Viatici, ut non queat videlicet denuò Ministrari, nisi inter unam, & alteram sumptionem intercedant

aliquot dies, hoc est plures. Dixi, in *Lure* etiam, quia *Rituale Romanum*, saltem, quo ad ea, quæ in ipso præscribuntur facit *Jus*; Siquidem Sancti Pont. Paulus V. in *Bulla eidem Rituali præfixa*, eademque in ipso exhibet, præscribit tanquam de jure observanda, ut patet ex illis verbis in fine: *Inviolatè servent*. Quod non fecit præfatus Confessarius, ut ex se constar, in dicta secunda Sanctissimæ Viatici Ministratione, ergo non bene se gessit, nec excusandus.

1010 Et contra eundem insuper, videtur insurgere ii omnes, qui volunt, Viaticum, non nisi post decem, aut octo dies repeti posse. Sunt autem quam plures, præcipuè *Suarez* disp. 68. de *Eucharist.* sect. 5. Vers. Duo verò dubia, littera B. ubi sic: Aegritudo si perseveret, vel augeatur, periculum tamen daret aliquot dies post primam communionem, v. g. octo, aut decem dies, existimo, posse postea communicare post cibum, & potum, si egrotus non possit Sacramentum suscipere jejunus. *Toletus* lib. 6. summ. cap. 15. Vers. Jejunus, in fine. *Coninch de Sacram.* qu. 80. art. 8. n. 53. *Henrici* lib. 8. de *Eucharist.* cap. 4. in princip. *Fagund. Præcept.* 3. *Ecclesiæ* lib. p. cap. p. n. 6. *Reginald.* in *Præxi Fori Penitent.* lib. 29. n. 120. *Bonac. de Sacram. Eucharist.* disp. 4. sect. 6. punc. 2. n. 23. Ubi sic: Utrum infirmus, qui semel non jejunus communicavit per modum Viatici, possit iterum ad communionem admitti sine jejunio, aut cum jejunio? Respondeo, posse iterum jejunum admitti, & de hoc nulla est difficultas, cum nulla sufficienti ratione probari possit, infirmum, jejunum, & sufficienter dispositum privandum esse tanto Sacramento. Difficultas est, utrum possit iterum non jejunus admitti? Ad quam difficult. respondetur, infirmum, qui sex, vel octo dies antea communicavit per modum Viatici,

posse iterum ad communionem admitti per Viaticum, si commode nequeat jejuniis unicari, ita Tabiena, &c. Item contra em insurgunt pariter hi, qui asserunt, nisi post septem dies iterum Ministrari Viaticum, ut Sylvius par. 3. quest. 80. p. apud P. Pasqualig. de Casibus tempore occurrentibus qu. 255. n. 2. in fine. post sex, ut Possévin. de Officio Curati 3. n. 21. Filliuc. 10. p. tract. 4. cap. 8. t. n. 238. Vers. Tertiū non: item Major. er. Granad. & Zambon. relati à Pat. nalg. l. c. n. 3. aut saltem quatuor, ut met P. Pasqualig. quest. cit. na. 8. sub met verbis: Dicendum est, Viaticum non de novo Ministrari, nisi inter unum, & unum sumptionem intercedant saltem quatuor dies regulariter loquendo. Ex quibus deduci videtur, esse illicitum, rationem desumptam ex Rituali Romano, quod sententias tot clarissimorum Doctōrum, repetere Viaticum non jejuno, tertio immediatē post primam Communionem, nisi ignorantia Ministrantis sic, set ipsum à proprio errore, ut in ipso allego proposito Uti certē excusat. id clarē probatur, quia nesciens illicitum, quod agit, non peccat, nec de niti materialiter, ignorantia ipsa extē; sed ita est, & supponit in nostro, & Privilegio proposito, Er. Absolutē igitur excusandus est, denuō ultans Viaticum infirmo non jejuno die immediatē, post primam Communionem, ignorans tamen, id esse illicitum.

Sed insuper addo, nedum excusantem esse præfatum Monialium Communium, qui (ut supra) secunda Vice Moniali mortaliter infirmæ, tertia die immediatē post primam Communionem ultravit (nec jejunæ) Sanctissimum Sacramentum, sed etiam defendendum, ac defendendum à Censura (in tali suo particulari casu) esto etiam concederemus id esse, non ignoranter, sed appositē, cum a scilicet advertentia, & cognitione, rationis sui Ministerii. Dico: In tali particulari casu hoc est dictæ Monialis ritibus spiritualibus virtutibus præditæ, & sanctæ quæ assuetæ præsertim erat frequentissimē, & maxima cum devotione, & sanctam Eucharistiam sumere, utpote ipsam summo desiderio quotidie assumere, & ita, ut in aliis suis vitæ plurimifirmitatibus, & diuturnis, aliud malum non habere sateretur, quam non Eucharisticum frequenter sumere.

Addo igitur inquam in hujusmodi casu particulari, defendendum, ac sustinendum factum, ut benè factum, ac liberandum præfatum Confessarium à quavis Censura. Et primò defendendum, uti defendi potest, auctoritate Doctōrum. Nam Ludovicus à S. Joanne par. pr. Summe qu. 7. de Euchar. art. 10. difficult. 4. apud Quintanad. Singulari 14. n. 3. in fine, dicit: Posse Ministrari Viaticum tertio quoque die, asserunt, hoc fuisse approbatum ab Academia Complutensi, ac postea à Patre Vasquez; hujusmodi sententiam approbat, ut patet, ac sustinet in individuo factum ipsum, de quo hic. Et huic eidem sententiæ accedere videtur Possévinus nu. 21. cit. dum ibi in fine sic: Spirituales vero [nota] & Ecclesiastici, quare non poterunt etiam sæpius communicare, cum si sani essent, etiam sæpius communicarent? Tempus restringit, & magis coarctat. Laym. in Theol. Morali lib. 5. tract. 4. cap. 6. sub n. 20. Vers. Addo primo. Vult namque, quod si infirmus solitus sit sumere frequenter Eucharistiam (ut solita erat dicta Monialis) & difficulter abstineat (ut pariter eademmet, me etiam teste) possit ipsi Viaticum Ministrari altero etiam die. Et præfatus Confessarius, non altero statim die, sed tertio tantummodo, & morte instantē, postea secuta, dictam Monialem denuo non jejunam communicavit, do ejusdem Laym. verba: Existimo (inquit) ob justam causam, puta si aliquis assuetus frequenter communicare, aut sacrificare propter devotionem, ac desiderium, difficile abstineat, permitti ipsi posse, ut altero statim die iterum S. Eucharistiam à manu Sacerdotis accipiat non jejunus, dummodo mortis periculum inflare videatur. Hancq; Laym. sententiam, admittit pariter (respectu talis patientis) Gobat in Alphabeto communicant., casu 18. num. 317. Imò (addit) etiam in rigore, respectu omnium qui peterent, cum Dicastillo de Eucharisti. disp. 9. n. 334. Accedit etiam (apud eundem Quintanad. Singul. c. n. 3.) Gaspar Hurtado de Eucharisti. disp. 9. difficult. 16. fin. qui absolutē arbitrat, posse quotidie Ministrari, si nequeat expectare jejuniis; citans Armillam, & Concilium Constantiense, quod, (inquit) videtur indicare, toties posse ab infirmis non jejuniis sumi Eucharistiam, quoties à sanis jejuniis. Favet apertissimè Palao p. 4. Operis Moralis trac. 21. disp. unica punc. 13. nu. 14. fol. 103. Amplians ita Ministracionem Sanctissimi Viatici in favorem graviter Infirmorum, ut velit absolutē, quod possit illis Ministrari singulis diebus: sic: Si constitutus in mortis articulo (ut præcavit Doctō-

Doctores affirmant) nulla est lex posita de præmittendo jejuniis Communioni, cum datum omnibus sit, singulis diebus Eucharistiam accipere, poterunt illam accipere non jejuni, si jejunium servare non possunt. Necessitatem verò tanti Sacramenti singulis diebus habent morituri, ut quid ergo illo privandi sunt? Poterunt ergo singulis diebus communicare, si aliter non possunt. In quod inclinare etiam videntur Martinus à S. Joseph tract. de Moniali. lib. 1. tract. 8. de Eucharist. n. 15. (relatus à P. Pasqu. qu. c. nu. 6.) & Pellizzar. de Monialib. cap. 10. sect. 3. subsect. 1. n. 224. Vers. Respond. Possè; ubi ad rem serè, ut supra de Moniali ait sic: Cum juxta citatos Doctores licitum sit fidelibus infirmis communicare per modum Viatici non semel, sed iterum, atque iterum, & quidem secundum Layman altero statim die in aliquo casu: licitum erit Confessario Monialium ingredi ad talem effectum, ne alioquin Monialis infirma destituatur tam salutaris remedium, & quidem valde necessario; ut proinde dici possit comprehendendi sub regula generali assignata superius, quod potest Confessarius Monialium ingredi in casibus necessariis. Harum autem sententiarum fundamentum esse potest. Primum, quia (ut ait Gobat n. 317. c.) Ecclesia hocce ægros eximit à lege jejunii naturalis. Secundò, necessitas hujus Sacramenti, quæ in illo articulo maxima est. Tertio, quia ut ponit optimè P. Pasqualig. n. 6. c. cum de hoc nihil decernatur in Jure, nec sit extra reverentiam hujus Sacramenti frequenter ministrari, è contra verò maxime profit ægroto: proinde cum sumus in re favorabili, amplianda est ministratio, quantum fieri potest. Igitur, tot, & classicorum Authoritate Doctorum, defendi potest primum, ac liberari à Censura præfatus Confessarius qui, &c.

1012 Secundò præterea defendi potest, ac liberari à Censura, ratione. Quia, admisso etiam, quod addit in Jure (id est in Rituali Romano, ut supra, Ex Bulla Summi Pontificis Pauli V. Rituali eidem affixa) determinatio, quando de novo Sanctissimum Viaticum Ministrari possit etiam non jejunis, post aliquot dies videlicet: hoc est saltem quatuor, juxta doctrinam P. Pasqualig. qu. c. nu. 8. & 9. ita ibidem subtiliter extendentis, ac interpretantis ly aliquot dies: hoc inquam admisso, & libenter concessio: hujusmodi tamen Jus, ac lex non debet intelligi in quocumque casu, uti nec in quocumque obligat lex humana, qualis est Ecclesiastica, præcipuè in casu necessitatis, qui legem non habet, ut docet, D. Thom. 3. par. qu. 80. artic. 8. in fine responsionis (ubi

ad rem nostram de Communionem infirmorum) sed intelligi debet, regulariter tantum, quo pacto etiam, eandem legem, & idem jus explicat ipsemet P. Pasqualig. n. 8. cit. sic expresse affirmans: Dicendum, est. Viaticum non posse de novo Ministrari, nisi inter unam, & alteram sumptionem intercedant saltem quatuor dies, Regulariter loquendo. Regulariter igitur, inquam, tantum loquendo, intelligi debet spatium quatuor dierum, quod intercedere debet inter unam, & alteram Viatici sumptionem: hoc est cum limitatione aliqua desumpta ex diversitate personarum ægotantium, circumstantiarum, &c. Quia lex quælibet, ac Regula, cum suis limitationibus accipienda est; hæc præcipuè de ministrando infirmis Viatico; uti, & eandem sic apertè, accipit idemmet P. Pasqualig. quest. cit. 12. per hæc verba: Regula est circa Ministratorem Viatici, ut non possit de novo Ministrari, nisi inter unam, & alteram sumptionem intercedant saltem quatuor dies. Hæc tamen regula cum suis limitationibus juxta diversitatem circumstantiarum accipienda est, quia datur pro eo, quod regulariter contingit. Unde si quis indigeret frequentiori sumptione, ob temptationes, quibus premeretur, aut ex aliquo alio capite, possent reduci ad præxim illorum opiniones, qui concedunt, posse frequentius Ministrari. Et ita etiam fecit præfatus Monialium Confessarius, qui propterea, Authoritate Doctorum, & ratione valida, sustinendus in eo quod fecit, ut benè factum, defendendus omnino, ac à Censura eximendus in rebus circumstantiis positus.

PRIVILEGIUM SECUNDUM.

Parochus per meram inculpabilem oblivionem (quæ invincibili ignorantia equiparatur) omissis in feria quinta Cene Domini consecrare ex more Hostiam alteram pro sequenti feria sexta in Parasceves, à mortali culpa excusatur. Quid tamen facere debet is oblitivus Parochus, sua cognita oblivione, ut effugiat scandalum, & murmur populi?

1013 **Q**Uænamque feria quinta in Cæna Domini, Prælati quicumque, Rectores Ecclesiarum, & Parochi in eorum Solemni Missa duas Hostias consecrant, quarum unam sumunt, alteram verò servant pro die sequenti ferie sextæ in Parasceves (in quo non conficitur Sacramentum) eandemque reservatam in alio Calice processionaliter, & cum

& cum debita solemnitate per Ecclesiam ferentes, in solemnini Sepulchro reponunt, ut iterum extrahatur die sequenti, & cum eadem solemnitate processionaliter deferatur, ut moris est, &c. Qui Ecclesie confectus publicus ritus, ac solemnitas, servari debet à dictis Prælati, & Parochis, quibus ex vi sui muneris, & Officii incumbit valde, curam habere, ut servantur Ecclesie ritus, præcipue quo ad functiones graves, & publicas, quas populus expectare solet (ut cum spirituali devota aviditate, quascumque Hebdomadæ Sanctæ functiones singulariter expectat.) Aliàs minueretur Ecclesiarum decor, & cultus Divinus, atque scandalizaretur populus. *Quæ incommoda* (ait noster *Quartus in Rubricis Missalis per. pr. Proœmiali dub. 5. Vers. Respondet, & dico prim.*) *tenentur Prælati omnino vitare sub peccato mortali ex genere suo. A quo mortali, eatenus excusatur dictus Parochus, quatenus ipse omisit* (ut in proposito Privilegio) *consecrare in die Cœnæ Domini alteram Hostiam ex inculpabili oblivione, invincibili ignorantia æquivalente. Quo firmiter supposito: & oblivione ablata, quomodo se gerere debet præfatus obliiviosus Parochus, ut effugiat scandalum, & murmur populi expectantis in die sequenti Parasceves solemnes solitas functiones, Processionem, &c. à quibus utique, si deficit Hostia consecrata, maximo cum scandalo abstinendum erit?*

1014 Olim de hoc casu à Viro Docto interrogatus fui, & firmè credens ab ullo quem saltem hactenus ego viderim) unquam nec discursum, nec propositum fuisse; ræ manibus (post meam Viro illi Docto verbatenus datam sententiam) incidenter abui, Doctissimi P. Gobat Aureum Sacramentum Alphabetum, in quo, hunc eundem verè singularem casum, reperi, propositum ab ipso, & resolutum; & adèdè singularem inquam, ut idem Author sic eatur: *Hoc dubium nemo, quantum mihi videtur constat, tangit vel verbo, vel scripto.* hujusmodi ergo casu non ficto, sed reater factò à rurali quodam valde simplici, & ignaro Parocho, quaeritur quid iste erere debuisset, ut evitaret scandalum, & murmur Populi? Clam consecrare alteram Hostiam (quod, & immediatè fecit) respondit illi prædictus Vir Theologus. Cui (me interrogante post jam factam à tatio Parocho ex sui consultatione, non Hostie consecrationem) opinionem meam dedi, ut sequitur: Quod videlicet hoc tam singulari casu, debuisset potius

inquiri alius Sacerdos, qui priuatim (Jantris Ecclesie clausis) Missam de Passione celebraret, & consecraret Hostiam pro Officio publicè postea celebrando ab eodem Parocho, non enim licitum est consecrare Hostiam (ut ille consulvit) sine Calice, communiter namque Theologi apud, & cum *Card. de Lugo de Eucharisti. disp. 19. sect. 8. n. 103.* supponunt, & docent, Christum Dominum, ita instituisse hoc Sacramentum, ut simul illud instituerit in ratione Sacrificii, nec voluerit fieri Sacramentum sine Sacrificio, nec Sacrificium sine Sacramento. Nec Sacerdotibus duas potestates dederit disparatas, sed unicam tantum ad sacrificandum; ita ut neque extra Sacrificium consecrare possent, neque absq; consecratione possent Sacrificium offerre, ut probat cum aliis *Suar. to. 3. in 3. par. disp. 43. sect. 4. Vers. Dico secundò.* Hinc, & *Franciscus Lugo de Sacrament. lib. 4. cap. p. qu. 2. n. 22. Vers. Jam dico primo,* absolūtè ait. Nunquam licere Sacerdoti formaliter, & directè consecrare unicam speciem, cum intentione non conficiendi Sacrificium. Quia violaret præceptum negativum, non offerendi Sacrificium mutilum, vel etiam non exercendi nomine Christi, actionem sacrificandi vanam, & irritam, quod obligat pro semper. De hac re iterum infra.

1015 Accipe modo hic totum responsum P. Gobat in Opusculo Alphabeti Sacramentum Casu 7. à n. 216. Si Parochus feria V. in Cœna Domini non consecrasset Hostiam pro sequente feria, an hac sequente feria eam licitè consecraret? Non licitè, quia aliqui deberet etiam consecrare Calicem, nec enim fas est consecrare unam speciem sine altera, & tamen eo die nefas est facere Missam propriè dictam, qualis certò foret, si utramque speciem consecraret. Licitè, quia aliqui non habebit Hostiam, quam de more illius diei levet, seu tollat dextera manu, ostendendamque populo, ac sumat.

1016 Hoc dubium, nemo quantum mihi quidem constat, tangit verbo, vel scripto. Respondet autem, non esse tunc sacrificandum, sed loco Hostie grandioris, accipiendam esse unam è particulis, de quibus paulo ante (idest antecedenti num. 215. in principio. Ubi, quod nullus Parochus est adèdè incurius, quin habeat pro eo tempore plures particulas consecratas pro communicaturis: noster tamen ruralis, de quo loquimur, summè incurius, unicam tantum consecratam habebat in Pixide aservatam, idèd, nec accipere hæc unica poterat. Si namque id potuisset, prædictus Theologus, ita consulvisset, uti, & ego, &c.) At populus mirabitur, quando

quando tollitur tam parva Hostia. Respond. E duobus malis minus est eligendum, est autem minus malum facere hoc, quam non habere ullum Officium. At ne quidem parva Hostia suppetit. Ergo, non parva pena imminet ob tam periculosam negligentiam. Interim videbitur nonnemi, esse tunc penitus omittendum Officium illius diei ob varia incommoda, quæ sequuntur ex celebratione. Puto tamen ea esse minoris considerationis, quam omissionem illius Officii: omittendo enim, agitur contra legem naturalem de vitando scandalo, & gravibus murmurationibus: non omittendo fit transgressio legis humane, utpotè postponende naturali, capit. final. de consuetud.

1017 Distinguo autem casum hoc modo: Contingit is, vel in Urbe, vel in Pago. Si in Urbe, facile habebitur Sacerdos, qui privatim faciat Sacrum de Passione, aut Cruce, consecræque Hostiam pro Officio publicè celebrando ab alio. Si in Pago, faciat ipse Parochus privatim ejusmodi Sacrum omisso sumptione ablutionis; publicè peragat consuetum Officium diei: altaris quidem contra duplex Præceptum Ecclesie, unum de non communicando his, alterum de non consiciendo Sacramentum illo die: Sed quia est fas, facere etiam die profesto his Sacrum, ut satisfiat devotioni populi, ut in Casu sexto: Et quia etiam prohibitio, non consiciendi eo die Sacramentum, cedere debet legi naturali, de non dando scandalum; idè credendo posse stari data resolutione, quam si velis extendere etiam ad Casum, quo non suppetit Hostia, nisi parva, erit fortè qui approbet extensionem. Hactenus, & optimè Gobat.

1018 Cui, nec non sententiæ nostræ, accedere videtur in suis Consulibus, seu Responsis Varis, Gabriel à Sancto Vincentio Responsi 136. Ubi quærens: An in die Veneris Sancti possit dici Missa pro communicando infirmo, & quænam Missa dici possit, profert sequentia, quæ confirmare videntur traditam doctrinam nostram, & P. Gobat. In quodam Oppido (ait) non fuit conservatum Sacramentum pro necessitate infirmorum, ut fieri solet; die Veneris Sancti quis incidit in gravissimum morbum, ex quo hora secunda noctis mortuus est: petiit mane dictus infirmus communionem, sed non erat Sacramentum. Quæsitum fuit, an tunc potuerit dici Missa, ut communicari posset. Negarunt aliqui, quia ea die non potest poni Sacrificium ineruentum, cum ponatur cruentum, &c. Nihilominus docet (ita à S. Vincentio) quod dici poterat Missa saltem privatim, & clausis Ecclesie foribus. Primò: Quia probabilis est multorum sententia apud Joannem de Lugo de Eucha-

ristia disput. 15. sect. 3. n. 67. quod pro communicando infirmo, possit Sacerdos non jejunius celebrare, quod videtur quid plus, quam celebrare in die Veneris Sancti. Secundo: Quia præceptum non celebrandi in die Veneris Sancti, est Ecclesiasticum: at præceptum communionis in articulo mortis, est Divinum, præceptum autem Divinum magis urget quam humanum, & in concursu utriusque, illud præferri debet. Quantum ad Missam, dico, quod potest dici Missa de Passione, aut pro infirmo. Aliqui etiam dixerunt, quod potuerit ille Sacerdos dare illi infirmo partem Hostiæ, quæ in Sepulchro conservabatur, quod non displicet. Sed occasione prædictorum

1019 Quæres: An Missa Feriæ sextæ Parasceves sit verum Sacrificium, & veram habeat rationem Missæ? Respondeo negativè, cum communi sententia, quod in illa die non offeratur Sacrificium: ita, D. Thoin 3. par. qu. 83. art. 2. ad 2. (in quo, ut observat etiam Suar. to. 3. in 3. par. de Sacram. Eucharist. disput. 75. sect. 4. Vers. In Confirmatione, supponit S. Doctor, illo die non offerri Sacrificium, & nullam Missam dici, seu non fieri Sacrificium, in quo mysticè representetur mors Christi, quia eo die recolimus realem mortem ejus; seu Sacrificium cruentum, pro ut in talis die, re ipsa gestum est) Suar. Vers. e. & ibi communiter tum Theologi, tum Doctores Juris Canonici. Henrici lib. 9. cap. 9. n. 2. & 6. Caspensi. par. 3. Cursus Theolog. trac. 23. disp. 1. sect. 2. n. 25. Aversa de Euchar. qu. 11. sect. 2. Vers. Respondetur cum communi. Francis. Lugo de Sacram. lib. 5. cap. 5. qu. 3. n. 29. Pasqualig. de Sacrific. to. p. tract. p. qu. 33. Quartus in Rubric. Missalis Romani part. 1. Proximali dub. 2. item par. 1. tit. 14. dub. 4. in princip. & in Appendice de Sacrificio qu. 1. punct. 5. alique innumeri apud relatos. Accedit etiam: Declaratio Sacre Congregationis emanata die 19. Februarii 1622. apud Gavantum in Rubr. Missalis par. 4. tit. 9. de Feria sexta in Parasceve. num. 24. per quam declaravit, quod si incidit festum Annunciationis in Feria sexta Parasceves, non tenentur Fideles audire illam Missam, seu Officium, quod tunc celebratur. Et id ea ratione declaravit, quia tunc non offertur Sacrificium, consequenter nec Missa propriè dicta, ut in responsione, quæ præterea

1020 Probatur, tum ex Innocentio Papa, Cap. Sabbato de consecrat. distinet. 3. Ubi ait: Traditionem Ecclesie habere, isto bido [idest Feriæ sextæ Parasceves, & Sabato Sancto] Sacramentum penitus non celebrari. Nomi-

omne autem Sacramentorum intelligit sacrificia. Unde Sacerdos in Officio Solem Parasceves non consecrat, sed Hostiam pridie consecratam, & asservatam, consuam sine sanguine sub speciebus Vini, quæ consuetudo generalis, & vetus, inviolabilis usque ad hæc tempora perseverat. Sabato Sancto similiter olim prohibitum fuit celebrare, ut constat ex citato textu: Ecclesia enim per totum etiam illum diem in ieiunio, luctu, & representatione mortis Dominicæ perseverabat, Missamque Resurrectionis, ipsa nocte Resurrectionis celebrabat; quæ postea anticipata fuit ad tempus ante meridiæ Sabbati: hinc Missa, quæ modo celebratur, est Missa Resurrectionis, quæ antiquitus celebrabatur in nocte diei Resurrectionis: Unde adhuc in Præfatione dicitur, *Te quidem omni tempore, sed in hac potissimum nocte. Et in Oratione Communicantes, dicitur. Es noctem Sacratissimam celebrantes Resurrectionis, &c.* Tum ex D. Thome ratione supra, quia videlicet eo die Parasceves celebratur propriè Sacrificium ipsum cruentum mortis Christi: cum ergo Ecclesia recolat tali die realem Christi Passionem, Sacrificiumque cruentum, non repræsentat mysticè, nec immolat incruentè. Tum quia: Unica tantum species Sacramentalis, nempe Corpus Christi adhibetur in sexta Feria Parasceves, ergo verum Sacrificium eo die non intervenit: consequentia hæc probatur, quia ut desumitur, ex Concilio Tridentino de Jure Divino est, quod Sacrificium offeratur cum utraque specie, nam Sess. 22. cap. 1. de Christo sic ait: *Corpus, & Sanguinem suum sub speciebus Panis, & Vini Deo Patri obtulit, ac sub earundem verum symbolis Apostolis, quos tunc novi Testamenti Sacerdotes constituēbat, ut sumerent, tradidit, & eisdem eorumque in Sacerdotio successoribus, ut offerrent, præcepit per hæc verba. Hoc facite in meam commemorationem.* Hoc est ut offerrent sub iisdem symbolis, quia præcepit eis, quod facerent, quod ipse fecit; obtulit autem fuit utraq; specie. Unde Canon. 2. inquit: *Si quis dixerit, illis verbis. Hoc facite in meam commemorationem, Christum non instituisse, Apostolos Sacerdotes, aut non ordinasse, ut ipsi, aliique Sacerdotes offerrent Corpus, & Sanguinem suum (nempe, sub iisdem speciebus) anathema sit.* Igitur cum Sacrificium de Jure Divino, requiratur utraq; speciem, utraque quando non adhibetur, ut in Feria sexta Parasceves, tunc non aderit verum Sacrificium. Ecclesia namque non dispensat, ut in illa die offeratur Sacrificium aliter, ac est in-

stitutum à Christo Domino, præsertim cum non adsit sufficiens causa dispensandi. Hinc

1021 Dico, & ego cum *Aversa Vers. c.* nullatenus esse admittendum, quod asserit *Nugus par. 3. qu. 83. art. 1. par. 2. diffi. 2. post conclus. 2. Vers. Quinto prob.* (quem sequitur *Gabriel. à S. Vincentio de Sacrament. disp. 1. de Sacrific. Missæ qu. 4. Vers. Secunda ratio est.*) Ex peculiari videlicet Christi dispensatione, Ecclesiam eo die Parasceves ita celebrare. Certè enim nec apparet talis dispensatio, nec est necessaria. Item nec approbandum esse, quod aliqui dicunt, ea die compleri Sacrificium præcedenti inchoatum die. Nam illud Sacrificium jam erat completum, & una consecratio, non nisi per unam sumptionem debet compleri, & consumari in ratione Sacrificii: Sacrificium enim una die inchoatum, non potest compleri altera die, nec post notabilem interruptionem (ob id si deficiente Sacerdote post consecrationem, non inveniatur alius, nisi die sequenti, non poterit jam compleri illud Sacrificium.) Quare *Henriq. n. 6. cit.* (quod docent, & D. D. laudati) expressè sic: *Consumptio Hostiæ pridie consecratæ, quæ fit in Feria sexta Parasceves, non habet rationem Sacrificii (nisi lata significatione) quia eo die, quo præfati sunt verum Christi Sacrificium in Cruce, decenter noluit Ecclesia adesse Sacrificium memoriale, & videret Sacramenta Eucharistiæ penitus celebrari, ut præfente luce cessat umbra; & figura. Tunc enim, Sacerdos nullum dicit verbum, quod ostendat se offerre: nec facit Memento, nec dicit Orationes post Communionem: & sumit absque ulla dispensatione speciem tantum panis, cum tamen Jus Divinum præscribat Sacrificium, non fieri, nisi sub duplici specie. Sed*

1022 Obiiciens primò: In Missa Parasceves, non minus, ac in cæteris Missis recitatur Oratio: *In spiritu humilitatis, in qua dicitur: Sic fiat Sacrificium nostrum in conspectu tuo hodie, &c.* Et Sacerdos dicit: *Orate Fratres, ut meum, ac vestrum Sacrificium acceptabile fiat.* Talia autem verba non debent esse illusoria, cum sint eadem, quæ in cæteris Missis: nec sunt intelligenda de Sacrificio improprio, cum nulla hic detur exceptio. Secundo: Quia tali actioni competit vera definitio Sacrificii quæ est: *Cultus sensibilis expressivus totalis dependentiæ, & subjectionis practico modo respectu Dei.* Tertio: Quia esto etiam Jus Divinum præscribat, Sacrificium fieri sub utraque specie, nihilominus habemus, quod Summi Pontifices aliquando, aut dispensarunt, aut

doctrinaliter interpretati sunt, quod fieri possit consecratio in sola specie panis, ut videre est apud *Suar. de Legib. lib. 10. cap. 6. num. 14. & 21.* Ubi ait: *Secundum Jus Divinum, Eucharistia nec confici, nec sacrificari potest, nisi in duabus speciebus, & tamen ob necessitatem, & carentiam vini dispensavit in verbum Pontifex, ut in solo pane conficiatur, ut aliqui referunt, & sequuntur, quos retuli in 3. Tom. 3. par. disput. 43. sect. 4.* Adde, quod Christus, quando Eucharistiam instituit, eam confecit, & consecravit in Azimo, & tamen Ecclesia dispensat, & tolerat, quod Græci consecrent in fermentato: à pari ergo poterit etiam eadem Ecclesia, accedente præsertim gravi aliqua causa, non obstante Christi Domini exemplo, dispensare, ut fiat Sacrificium sub unica tantum panis specie: & id facere in feria sexta Parasceves affirmari poterit.

1023 Resp. Ad primum cum *Suar. Verfic. cit. Quando in officio illius diei Sacrificium nominatur, vel latè sumitur pro quocumque Sacerdotis Ministerio, vel significatur ipsa Hostia consecrata, eo modo, quo víctima Sacrificii solet interdum Sacrificium appellari.* Et cum *Casp. n. 25. cit. & Pasqual. q. c. 33. n. 7.* Non coarctari Sacrificium per illa pronomina ad actionem sacrificandi, sed solum significari, quod res illa, quæ dicitur Sacrificium, quia fuit oblata in præcedenti Sacrificio, fiat Sacerdotis, & adstantium, quo ad verum fructum, &c. cum enim illo die non fiat consecratio, ut constat; sed sola sumptio Hostiæ præconsecratæ, dicendum est, Ecclesiam eo die non Sacrificare, cum non consecret, sed tantummodo Sacerdotem participare de Sacrificio sumpto pro víctima, pro se, & pro populo facta, illam comedendo pro se; & pro populo, & ideo merito rogat populum adstantem, ut pro se Deum oret, ut Sacrificium, idest, res illa in Sacrificium pridè oblata, cedat per manducationem in suam, & totius populi utilitatem: itaque nomen Sacrificii, in illo loco non significat actionem sacrificandi, sed Corpus Christi pridè in Sacrificium oblatum.

1024 Ad secundum nego (cum *Pasqual. ynest. cit. n. 8.*) illi actioni Sacrificii definitionem convenire: in primis enim cum sit víctima, quæ superfluit Sacrificio, non potest offerri de novo in Sacrificium, hinc deest materia apta ad offerendum pro Sacrificio. Præterea, quod adhibetur in illo Ministerio, est tantummodo Sacramentum, Sacramentum autem concessum non est hominibus ad offerendum in Sacrificium, sed

solum in usum sanctificandi, idedque cum in illo die non fiat Sacrificium; ab Ecclesia adhibetur Sacramentum, tamquam participatio Sacrificii anterioris cum illa fractione sacra, ut in illo pariter die, in quo cessat Sacrificium ob commemorationem Dominicæ Passionis, non careat fructu Passionis Dominicæ, ut advertit *D. Thom. ubi supra.* Adde, quod functio illa, neque est instituta, neque assumpta, ut signum interioris Sacrificii, unde nec rationem Sacrificii habere potest, cum illi desit, quod formaliter requiritur ad Sacrificium. Et quamvis sit actus Religionis, impetratorius, & satisfactorius, non inde tamen sequitur, quod sit Sacrificium, cum hæc attributa sint communia actibus virtutum, ob idq; tanquam generica, non constituunt actionem in tali, vel tali specie: neque potest aliqua actio esse Sacrificium, nisi sit signum interioris Sacrificii, atq; aded ordinata ad hoc præstandum: ita *P. Pasqualig.*

1025 Ad tertium, negatur suppositum, quod videlicet Summus Pontifex dispensaverit unquam, ut in solo pane fieret consecratio. Imò ita est de ratione hujus Sacrificii consecratio utriusque speciei, ut in nullo eventu possit una species consecrari sine alia; adeo ut, nec Ecclesia possit in hoc dispensare, & ita etiam sentiunt, apertisque verbis idem affirmant unanimiter *D. D. sequentes: Caspensis sect. c. 2. n. 32. Infero ex dictis, consecrationem utriusque speciei, ita esse de ratione hujus Sacrificii, ut in nullo eventu possit una species consecrari sine alia, neque Ecclesiam posse in hoc dispensare. Oliverius Bonarius de Sacrificio Missæ lib. pr. cap. 22. n. 2. Ex hoc sequitur, Ecclesiam non posse ullo modo dispensare, ut Sacrificium Eucharisticum sub una specie perficiatur, cum non possit mutare essentialia Sacramentorum, aut Sacrificii, cum utraque sint divinitus instituta; alioquin non essent legitima. Quartus in Rubric. Missalis in Appendice de Sacrificio punct. 3. e. Sententia est communis, consecrationem utriusque speciei esse de essentia Sacrificii, consequenter non posse Summum Pontificem dispensare, ut in una tantum specie offeratur, & concludit punctum, dicendo: Falsum esse, Summum Pontificem, eam dispensationem concessisse: quod si aliqui id referunt, non sunt audiendi; quia ex Scripturis Apocriphis, ita acceperunt. Quicquid autem sit, utrum Summus Pontifex possit dispensare in Jure Divino positivo, certum est, id saltem fieri non posse, in iis, quæ sunt bases, & prima fundamenta Christianæ Religionis, ut sunt Articuli Fidei: materia, & forme Sacramentorum. Item substantia Sacrificii: Quia*

ia si hæc variari possent, nihil esset firmum edificio Ecclesie. Aversa qu. c. 11. sect. 5. f. Sed dici: Necessitas, & obligatio consensandi in utraque specie, tanta est, ut in ea possit à Pontifice dispensari. Ratio generatur, quia non adest in Ecclesia potestas dispensandi propriè in Divinis Legibus, & spectat in iis, quæ Christus Instituit circa Sacramenta. Et idem est circa hoc Sacramentum Eucharistie. Et factum illud, quod de Innocentio VIII. refertur, dispensasse videlicet cum orvegis in hac re, non censetur verum, nec risumile; si quidem apud Norvegis tot seculum habitum, & conservatum erat vinum, ac princeps etiam habetur, & conservatur, non lum pro consecratione, sed etiam sufficienter ad communem potum. Ad id quod quidam affirmant, & si consecratio sub utraque specie, sit de Jure Divino, conveniunt tamen videtur Christum reliquisse in Ecclesia potestatem in hoc dispensandi propter necessitatem, quæ occurrit potest in aliqua Provincia ob carentiam vini. Respon. Nec oportebat, nec expediebat, Christum in hoc relinquere potestatem dispensandi, sicut nec in aliis ritibus substantialibus Sacramentorum. Es specialiter non aderat talis necessitas, quia comperitum est, ad quoscunque remotissimas regiones posse, & solere asportari vinum, ut etiam triticum, ubi non nascitur. His adde Vasq. in 3. par. to. 3. disput. 223. cap. 3. n. 20. Castru Palati par. 4. tract. 22. disp. unica, punc. 2. ad n. 6. aliosque: Contra Adrianum in 4. qu. 6. de Eucharistia. Majorem in 4. distin. 9. qu. 3. Paludan. distin. 11. quest. 1. nu. 3. Fagund. Præcep. pr. Ecclesie lib. 3. cap. 5. n. 6. Dian. to. 3. Coord. trac. 1. resol. 47. ex par. 8. trac. 1. resol. 23. & alios. Ad exemplum tandem, quod additur in calce hujus tertie objectionis, de consecratione videlicet facta in Azymo à Christo Domino, & quod nihilominus Ecclesia, dispensat, & tolerat Græcos consecrantes in fermentato, quid inde contra nos? Materia namque hujus Sacramenti: Necessario quidem est panis triticeus, sine quo non perficitur Sacramentum, non est autem de necessitate Sacramenti, quod sit Azymus, vel fermentatus, quia in unoquoque confici potest. D. Tho. in 3. par. qu. 74. artic. 4. & ibi Cajet. sic: Unde in Concil. Florent. sub Eugen. IV. legimus sic. Item in Azymo sive fermentato pane tritico Corpus Christi veraciter confici, Sacerdotibusque in altero ipsum Domini corpus consecrare debere, utrumque; scilicet juxta sue Ecclesie, sive Occidentalis, sive Orientalis consuetudinem. Hac de re Theologi omnes, in tract. de Eucharist. Ubi: Qualis esse debeat panis consecrandus in Corpus Christi. Vide Franciscum

Macedo, de Ritu Azymi, & Fermentati, & Joannis Ciampini Conjecturas de perpetuo Azymorum usu.

1026 Omnium autem laudatorum D. D. & aliorum etiam, qui brevitatis gratia, omittuntur, ratio communis, & eadem, desumitur ex Trid. supra, & ex facto Christi, ex quo idem Concilium colligit, ipsum Christum præcepisse, ut sub utraque specie hoc Sacramentum conficeretur. Hinc arguunt sic: De essentia Sacrificii Missæ est expressa representatio effusionis Sanguinis Christi facta in Sacrificio Crucis, seu Passionis ipsius Christi Domini, sed nonnisi per utramque consecrationem habetur hæc expressa representatio. Ergo, &c. Minor probatur, quia, & si Corpus Christi ex vi verborum per primam consecrationem ponatur sine sanguine, nihilominus nullum, adest adhuc sensibile signum, neque Sanguinis, neque effusionis ejusdem à corpore, quod tamen fit per sequentem consecrationem. Ergo in sola prima consecratione non habetur constitutum essentialiter Sacrificii Missæ, sed requiritur etiam secunda, tamquam essentialis ob mentionem sanguinis, & representationem effusionis, & hæc est aperta sententia D. Thom. in 3. par. qu. 74. art. 1. & qu. 80. art. 12. ad 3. Cajet. ibidem Coninch de Sacram. quest. 83. art. 1. dub. 5. (ubi, quod Sacramentum essentialiter requirit consecrationem utriusque speciei, ita, ut Pontifex nullo modo dispensare possit, ut alterutra species sola consecratur, quia tunc non esset verum, & integrum Sacramentum; sed dimidiatum, & mancum, quod est contra Jus Divinum, & Christi institutionem, nam sic fieret Sacramentum, & non Sacramentum. Neque enim effici potest, ut conficiatur verum Sacramentum sine suis essentialibus constitutivis) Jo. de Lago sect. 8. supra c. ad nu. 5. affirmantis quoque, ita esse necessariam utriusque speciei consecrationem ad valorem hujus Sacrificii, ut neque ex dispensatione Pontificis, possit licite una species, absque altera consecrari. Quia (inquit) fuit à Christo institutum hoc Sacramentum sub utraque specie, ut representet suam Passionem, & mortem: cum enim non morbo, aut suffocatione mortuus fuerit, sed effusione sanguinis sui, debuit hoc genus mortis, & hæc effusio sanguinis exprimi per Sacramentum, in quo corpus, & sanguis seorsim constituerentur, quod non fit, nisi per utriusque speciei consecrationem, per quas constituitur in Altari, sanguis ex vi verborum in Calice, & Corpus ex vi verborum sub speciebus pa-

nis, quæ est quasi pictura exprimens, quomodo in Cruce separatus sanguis à corpore, & per effusionem illam Christus mortuus fuerit, ita *Eminen. de Lugo*.

1027 Hujusmodi ratio desumpta est ex doctrina, quam tradit *Suar. to. 3. in 3. par. qu. 75. sec. 6. Vers. Dico ergo 2.* Ubi ait: Aliud esse loqui de quolibet signo, seu indicio mortis Christi: aliud verò, de expressa representatione Passionis ejus, Primum enim reperiri potest in qualibet specie per se sumpta, tamen valdè implicitè, & obscurè: quia corpus, licet ex se, & ex vi verborum, tamen non dicat determinatè corpus vivum, tamen etiam non excludit illud; & ideo consecratio corporis, ut sic, non satis significat corpus mortuum: Et idem terè est de consecratione sanguinis per se sumpta, nam etiam sanguis potest esse in venis, & extra venas: ergo sola illius consecratio, ex vi sua non representat sanguinem, ut separatum à corpore: necessaria ergo est separata utriusque speciei consecratio, ut sit expressa representatio Passionis, atque adeo mystica mactatio, ita *Suar. Vers. c. quem vide etiam sequens Ver. u.* Secundo probari potest: Ubi confirmat assumptum suum exemplo Baptismi, in quo non sufficit dicere: *Ego te Baptizo in nomine Trinitatis*: quia talia verba significant minus expressè, & clarè Divinas personas: Christus autem voluit, ut clarius exprimerentur; sic ergo, nec possumus in hoc Sacrificio adhibere, illud solum signum, quo minus distinctè, clarè, & expressè Christi mors representatur, quam ipsemet voluit magis expressè representari. Hinc optimè *Emin. de Lugo sect. c. n. 112.* deducit, rationem à priori hujus sententiæ, & conclusionis, atque solutionis argumentorum contrariæ sententiæ, desumi debere ex Christi voluntate, qui talem ritum sacrificandi instituit, quo clarè representaretur ejus mors. Quo irrefragabili fundamento supposito, satisfaciendum est argumentis, quibus Auctores contrarii conantur probare, quamvis sit de Jure Divino, quod Sacerdos duplici in specie sacrificet, ac celebret, probabilius tamen esse, Summum Pontificem posse ob publicam, & urgentem necessitatem, & justam causam dispensare, ut in altera tantum specie panis, vel vini Sacrificium, & Sacramentum fiat verum, & proprium; cujus sententiæ sunt plures, & classici D. D. quos citat, & sequitur *Fagund. primo Eccles. Præcep. lib. 3. cap. 5. n. 6.* & quos pariter refert, sed non sequitur *Palao punct. 2. cit. n. 5.* Argumenta autem hujus sententiæ, sunt sequentia.

1028 *Primo.* Si ex aliqua causa hæc potestas Pontifici negaretur, ea esset, quia Pontifici datum non est, consecrationem Eucharistiæ permittere, quin ea consecratione Sacrificium commemorativum Passionis Christi Domini offeratur. At consecratione sub una tantum specie Passio Christi commemoratur, ergo nulla est ratio, ob quam potestas hæc Pontifici denegetur. *Secundo:* Concessa est potestas Summo Pontifici, teste *Conc. Trident. sess. 21. cap. 2.* *Ut in Sacramentorum dispensatione, salva illorum substantia, ea statueret, vel mutaret, que suscipientium utilitati, seu ipsorum Sacramentorum venerationi, pro rerum, temporum, & locorum varietate magis expedire judicaret.* Sed permittere consecrationem sub una tantum specie, omittit alterius speciei consecratione, non mutat Sacramenti substantiam, sicut non mutatur ob receptionem Sacramenti sub una tantum specie. Ergo Pontifici concessa est potestas permittendi consecrationem sub una tantum specie. *Tertio:* Sacerdoti æqua obligatio esse videtur consecrandi sub utraque specie, & utramque consecratam consumendi. Sed Pontifex dispensat, ne utramque speciem consecrans, utramque recipiat, ut patet in Sacerdotibus denud ordinatis, qui cum Episcopo ordinante concelebrant, & cum ipso utramque speciem consecrant, & sub utraque non communicant. Ergo poterit etiam dispensare, ne aliqui sub utraque specie consecrationem præstent. *Quarto:* Christus Dominus sub una tantum specie de facto consecravit, cum Discipulis suis euntibus in Castellum Emaus apparuit, & in fractione panis, se illis ostendit, *Lucæ 24.* ut ex communi sententia probant ibi *Toletus, & Maldonatus.* Consecravit ergo sub utraque specie Christus Dominus, & sub una tantum, signum evidens Sacrificii essentiam consistere posse in altera tantum specie: nec consequenter Summos Pontifices essentiam Sacrificii destruere, si ex causa dispensent, ut Sacrificium Missæ sub una tantum specie fiat. Adde, si nunquam futurum erat licitum Sacerdotibus sub una tantum specie consecrare, Christus Dominus, qui se Apostolis Magistrum, & Doctorem exhibebat, nullatenus id fecisset. *Quinto:* Potest Summus Pontifex urgente magna, & justa causa dispensare in iis, quæ sunt de Jure Divino, & hæc est hodie communis opinio, ut videre est apud Doctores; & de facto *Fagund. cap. 5. c. n. 7.* plures enumerat dispensationes à Summis Pontificibus olim diversis temporibus concessas (per quamdam

interpretationem Divini Jurs) in Matrimonio rato, & non consummato : & etiam in Voto solemni Professionis, & tamen vinculum Voti, & vinculum Matrimonii est de Jure Divino, nihilominus per Pontificam dispensationem, causa urgente, tollitur; uti, & per eandem dispensationem ex causa, vinculum tollitur juramenti, nec non, & aliorum privatorum non solemniium Votorum : auferendo omnino obligationem eadem implendi, item auferendo pariter obligationem residentie personalis Ecclesiastici Pastoris. Tandem aliis omnibus, de Jure est Divino integritas Confessionis, & de necessitate Sacramenti Pœnitentie, nec Papa potest in hoc dispensare, nihilominus hujusmodi integritas multis in casibus (ut constat) omitti potest absque culpa : Manet ergo ex his, veritas hæc indubitata, quod potest Summus Pontifex, in iis etiam, quæ sunt de Jure Divino, dispensare, magna urgente, & iusta causa; (*Lique facit auctoritate, & commissione Christi Domini. Henric. lib. 8. cap. 13. nu. 2. ad marginem, littera K. ibiq; D. Tho. Scotus, Hervæus, Durand. Richard. Palud. Navar. Sotus, Cajet.*) Et si ex iusta causa, licet dimidiare Confessionem, licitum etiam erit, dispensatione supposita, solum panem (& non utramque speciem) consecrare, &c. ut supra. *Sexto : Azor. tom. 1. Insti. Moral. lib. 10. c. 19. qu. 2. Vers. Altera sententia, littera D. alique plures (& ex citatis omnes) referunt, scribere Raphaelem Volaterranum l. 7. Geographiq; Cap. de Saxoniis, & Onuphrium Panvinum in Chron. Anno 1490. Innocentium VIII cum Norvegis dispensasse, ut eorum Sacerdotes sub specie solius panis consecrarent. Verba autem Volaterrani pag. 80. relata ab Oliverio Bonartio de Missæ Sacrific. cap. 22. n. 3. sunt sequentia. Norvegiæ (ait) Innocentii VIII. Pontificis concessione permissum, sine vino, Cærem consecrare, quod ob immensam frigoræ, vinum in ea regione importatum accescat. Et si Pontifex dispensavit, certè quia potuit. Ergo, &c.*

1029 Pro satisfactione, & solutione actorum argumentorum, supponendum *Suar. disp. 75. c. sect. 6. Vers. In utraq; alibi*, aliud esse loqui de Institutione, ac fieri posset circa has easdem actiones; *und* verò de Institutione, quæ facta est; *und* de possibili loquendo, potuisset utique Christus Dominus instituire unicam tantam consecrationem, neq; in hoc ulla per reperiri potest repugnantia. At de hac libilitate modo hic non agitur, sed de

Institutione pro ut facta est ab eodem Christo Domino (ex cujus divina tantummodo voluntate desumenda est hujus negotii totalis ratio) qui talem ritum sacrificandi instituit, quo clarè repræsentaretur ejus mors, ut supra docent præter *Suaræz, Emin. de Largo sec. 8. c. n. 112. Palao c. n. 6. Caspensi. c. n. 32.* alique, ex citatis præcipuè. Quo supposito.

1030 Respondeo ad primum : Consecrationem utriusque speciei, ita esse ex Institutione Christi, de ratione hujus Sacrificii, ut in nullo eventu possit una species consecrari sine alia, neque Ecclesiam posse in hoc dispensare, quia Christus de facto instituit, non unam speciem dumtaxat, sed utramque, ad significandum expressius Sacrificium suum cruentum, passionem videlicet suam, & mortem : sicque ad rationem, essentiam, & substantiam hujus Sacrificii à Christo instituti spectat talis expressa significatio, quæ, &c. Ad secundum : Admitto, concessam esse Summo Pontifici, & Ecclesie, potestatem in Sacramentorum administratione, mutandi, & alterandi, pro ut sibi visum fuerit expedire, salva tamen illorum substantia. At, cum ex dictis ad substantiam hujus Sacrificii, maxime spectet significatio, si Pontifex dispensaret, ut offerretur in unica specie, mutaret substantiam Sacrificii à Christo institutam, non enim ab ipso fuit instituta una tantum species, sed utraque ad expressius significandam suam passionem, ergo utramque necessariò postulat ex sui Institutione, & Christi voluntate. Nec valet hic distinctio (quæ fortasse potest afferri) de iis, quæ pertinent ad usum; & de iis, quæ ad Sacramenti substantiam pertinent, quasi quod utriusque speciei consecratio spectet potius, non ad Sacrificii substantiam, sed ad usum, qui à Pontifice, & Ecclesia mutari potest. Non inquam valet, quia (ut optimè etiam *Suar. disp. c. 43. sect. 4. Vers. Quintò potest, propè finem;*) si usus etiam tali modo Jure Divino institutus esset, tam immutabilis esset, sicut substantia, quia substantia non aliam necessitatem, vel immutabilitatem habet, nisi quam secum affert Jus Divinum. Et idcirco semper Ecclesia declaravit, non esse de Jure Divino, ut Laici communicent sub utraque specie, quod ad usum, pertinet, ut defenderet, ipsammet Ecclesiam potuisse facere, ut communicarent sub una tantum specie. Adde, quod institutio, de qua hic, non pertinet tantum ad usum, sed ad ritum conficiendi Sacramentum, & offerendi Deo Sacrificium, atque adeò

ad id ad substantiam ipsius Sacrificii, quae non minus immutabilis est, quam substantia Sacramentorum; ita *Suar. Vers. c. in fine*. Ad tertium: Quando plures Ordinati Sacerdotes cum Episcopo consecrant, cum ipso veluti componunt unum integrum Ministrum unius tantum Sacrificii, quod ab omnibus conficitur, ad cuius perfectionem satis est, quod sub utraque specie sumatur à Ministro ejus in una tantum persona, quia ita omnes ministrant, ut quilibet eorum per se sufficiat, & sit veluti integer Minister. Ad quartum: Conceditur, eo casu Christum consecrasse unicam tantum speciem, quia ad sui manifestationem, & discipulorum solatium ea solum sufficiebat, sed inde inferri non debet unam speciem, absque altera consecrari posse, cum stet Divinum Praeceptum, de utriusque speciei consecratione.

1032 Ad quintum: Respond. Summum Pontificem, nec Ecclesiam posse dispensare in iis, quae propriè sunt de Jure Divino, ut sentiunt Urbanus, & Zozius Pontifices in Capit. Sunt quidam; & in Cap. Contra statuta 25. qu. 1. In quibus sic: Sunt quidem dicentes Romano Pontifici semper licuisse novas condere leges. Quod, & nos non solum non negamus, sed etiam valde affirmamus. Sciendum verò summopere est, quia inde novas leges condere potest, unde Evangelistae aliquid, & Prophetæ nequaquam dixerunt. Ubi verò aperte Dominus, vel ejus Apostoli, & eorum sequentes, Sancti Patres sententialiter aliquid definiunt; ibi non novam legem Romanus Pontifex dare, sed potius, quod praedicatum est, usque ad animam, & sanguinem confirmare debet. Si enim, quod docuerunt Apostoli, & Prophetæ, destruere (quod absit) niteretur; non sententiam dare, sed magis errare convinceretur. Sed hoc procul sit ab eis, qui semper Domini Ecclesiam contra luporum insidias optime custodierunt; ita Urbanus Papa. Sequitur Zozius. Contra Statuta Patrum concedere aliquid, vel mutare, nec hujus quidem Sedis potest auctoritas. Apud nos enim inconcussus radicebus vivit antiquitas, cui decreta Patrum sanxere reverentiam. Inferior enim non potest dispensare in lege lata à Superiori, ut Doctores latè in materia de Legibus. Et confirmari potest ab inconvenienti; quia si semel admittamus (inquiunt etiam *Suar. Vers. c. Quinto potest. Quartus supra*, & alii) hujusmodi dispensationem propriam in Divino Jure, nihil erit firmum, aut immutabile, vel immutabile in edificio Ecclesiae: nec erit major ratio, cur dispensari possit in uno magis, quam in alio, si aequalis

causa intercedere videatur etiam in praesenti materia Sacramentorum, sicque fugamus, v. gr. non reperiri in aliqua Provincia Oleum, vel Balsamum (quod supponitur de Jure Divino necessarium esse ad Confirmationem) posset pariter Ecclesia dispensare, ut Confirmatio, & Extrema Unctio daretur sine Oleo, & Balsamo, quod quis dicet? Ad id autem, quod asseritur ex sententia hodie D. D. communi, posse videlicet Pontificem summum dispensare, & quod de facto etiam ex causa dispensat, ac dispensaverit in iis, quae sunt de Jure Divino, hoc est in Matrimonio rato non consummato: in Voto tum privato, tum solemniter, in juramento, in residentia Pastoris, &c. In promptu est satisfactio, ex doctrina D. Thom. 2. 2. qu. 88. artic. 10. *Suar. sec. 4. c. Vers. Et ex his. Palai punc. 2. c. n. 10. prope finem*, & aliorum. Dico enim cum citatis, recitatis, vel alias si quae sunt similes dispensationes, non esse propriè dispensationes in Jure Divino, tollendo per ipsas obligationem ejusdem Juris: Sed versantur circa materiam ejus, illam mutando; sicut in Voto Jus Divinum tantum est, ut, qui votum habet, illud adimpleat, & hoc semper manet integrum, at, quod ego votum habeam, non est Jure Divino, sed voluntate mea factum est, & in hoc propriè dispensat Pontifex, aufereudo, vel mutando votum. Et hæc eadem est clara, & aperta doctrina D. Thom. art. 10. c. 2. Ad 2. ubi Angelicus Doctor sic ait: Dicendum, quod sicut ex jure naturali, & Praecepto Divino tenetur homo implere votum, ita etiam tenetur ex eisdem obedire Superiorum legi, vel mandato. Et tamen cum dispensatur in aliqua lege humana, non fit, ut legi humana non obediatur, quod est contra legem naturae, & mandatum Divinum, sed fit, ut hoc, quod erat lex, non fit in hoc casu. Ita etiam auctoritate Superioris dispensantis, fit, ut hoc, quod continebatur sub voto, non contineatur, in quantum determinatur in hoc casu, hoc non esse congruum materiam voti. Et ideo cum Praelatus Ecclesiae dispensat in voto, non dispensat in precepto juris Naturalis, vel Divini, sed determinat id, quod cadebat sub obligatione deliberationis humanae, qua non potuit omnia circumspicere. Haec tunc Sanctus Doctor: Ex cuius Doctrina affirmamus (cum *Suar. pariter Vers. cit. Et ex his*, & sequenti *Vers. Ad denique. Palao p. 4. Operis Moral. trac. 22. disp. unica punc. 2. nu. 10. in fine*, & aliis ex supra citatis) Pontificem non dispensare propriè in Votis, juramentis, matrimonioque rato, non consummato; sed dispensare solum,

solum, remittendo nomine ipsius Dei obligationem, qua remissione facta, nec votum, nec iuramentum, neque matrimonium ratum persistit, ac proinde non prope in Jure Divino dispensare dicitur. Jus enim Divinum, quod nequaquam à Pontifice tolli potest, est, quod perseverante Voto, iuramento, & Matrimonio rato obligatio nascatur. Quod verò Votum, Iuramentum, & Matrimonium ratum non dissolvatur causa rationabili intercedente, & à legitimo Ministro, non est Juris Divini, potius enim ex Divino Jure habetur, horum dissolvendorum potestatem Pontifici Summo commissam esse. Et idem de Residentia Pastorum, & Parochorum dicendum est, ex Jure Divino videlicet obligationem esse, ne isti absint absque legitima causa. At iusta, & legitima causa intercedente, conforme est, Juri Divino abesse posse. Ad id etiam, quod insuper additur, de Jure Divino in Sacramento Pœnitentiae est integritas Confessionis, nihilominus multis in casibus hæc, absque culpa omitti potest; cum *Suar. Vers. cit. Adde denique in fine*, & cum Theologorum communi: Respond. Integritas formalis solum, Jure Divino est de necessitate Sacramenti Pœnitentiae materialis verò solum quatenus ad formalem necessaria est. Patet etiam satisfactio, tunc solum necessaria est, quando æquitas judicii illam postulat, neque alia ratione est de illius Sacramenti integritate, tunc verò omitti non potest absque aliqua culpa: sicque nil hic contra assumptum nostrum. Iterum, itaque concludentes, circa Sacramento- rum usum, nec non & Divini Sacrificii, esse Summum Pontificem mutare ea, quæ videntur ex Ecclesiæ dispositione, non verò Jure Divino sunt instituta: nam hæc consentur ad Sacramenti, vel Sacrificii substantiam, & essentiam pertinere, atque tam ad eorumdem valorem, adeoque firmam, immobilia esse in Ecclesia Dei.

1032 Adverto tamen hic, cum *Suar. 2. 4. c. Vers. Dico ergo primò. Azor. par. 1. 10. cap. 19. quest. 3. Laym. lib. 5. summ. 27. 5. cap. 7. in princip. Palao l. cit. nu. 11. Francisco Lugo de Sacrament. libr. 4. cap. 1. 2. n. 22.* & alii: Interdum posse congere, ut sine ullo peccato in una tantum specie fiat consecratio, non quidem propter dispensationem, vel interpretationem præcepti, sed propter impotentiam physicam, vel moralem, alteram consecrandi: quo casu dici non potest, in una tantum specie voluisse Sacerdotem conse-

crare, sed unius tantum speciei consecrationem permisisse: nam aliud est, Sacrificium imperfectum facere, quod ob nullam causam licet, ut bene *Suar. dicta sec. 4. Francisco de Lugo supra Vers. c. Jam dico*: alique præcipue *Layman. l. c.* (ubi; *Cujusmodi interruptio, directè intentata, nullo casu, ne ad mortem quidem vitandam, concessa est: ut si quis necem minetur Sacerdoti, nisi in solo pane sacrificare aggrediatur, v. g. ad communicandum infirmum; potius enim omnia perferre debet, quam Sacrificium mutilum, contra Christi institutionem, efficiendo, sacrilegium committere.*) Aliud verò est, Sacrificium imperfectum permittere, quod ex rationabili causa honestari potest. Et contingere potest in sequentibus casibus. *Primò*: Si consecrata Hostia, reperias, aquam loco vini appositam esse, neque invenias vinum, quod consecrare possis, vel non invenias absque magno scandalo, aut sine manifesto vitæ periculo: in hoc enim casu non potest dici, quod voluisses sub una tantum specie consecrare, bene te permisisse unicam tantum speciei consecrationem, ob physicam impotentiam consecrandi utramque *Suar. Versu c. Dico ergo primò. Palao nu. 10. cit.* alique plures. *Secundo*: Si post consecratam Hostiam comperiat Sacerdos, vinum esse veneno infectum, nec habeat aliud, aut possit aliud invenire, saltem sine magno periculo, vel scandalo, potest à consecratione Calicis desistere. Item si post consecrationem Calicis intelligit in eo esse vinum mortiferum, non tenetur illud sumere, etiam si fortasse, non possit aliud vinum consecrare; non tenetur, inquam, cum tanto discrimine, quia in his casibus sola est permissio, non commissio, unde sine culpa potest Sacerdos in eisdem sumere Hostiam, & desistere à consecratione Calicis. *Suar. l. c. & communiter. Tertio*: Si post consecratam Hostiam immineret Sacerdoti evidens periculum mortis, si detineretur in consecrando Calice: ut si in aliquo casu hostes Hæretici, v. g. ingruant ad occidendum sacrificantem in Altari, potest is Hostiam jam consecratam statim sumere, vel secum auferre, si ad consecrandum Calicem sine evidenti mortis periculo pergere non possit *Suarez, Layman l. l. c. c. & communiter*. Quia in hoc casu, & in præcedentibus (uti, & in aliis similibus, qui videri possunt apud D. D. præcipue *Fagund. cap. 5. c. 2 nu. 10.*) Sacerdos non mutilat directè, & ex proposito Sacrificium, sed permittit ejus imperfectionem, seu omittit illud perficere, quæ omittio non

est intrinsecè mala, & in dictis circumstantiis honestatur: præceptum enim affirmativum perficiendi Sacrificium in casu necessitatis non obligat, ut bene citati, præcipuè Suarez, Layman, Franciscus de Lugo, &c. Addit tamen, *Suar. Vers. cit. Dico ergo primo*, & bene (quod advertunt, & alii.) Hoc intelligendum esse per se, & ex vi dicti præcepti, idest, si aliunde non sequatur scandalum, nec contemptus nostræ Religionis: quia tunc posset ex hoc capite teneri Sacerdos ad consummandum Sacrificium, non tam ex præcepto integritatis Sacramenti, & Sacrificii, quam ex præcepto confitendi fidem, & vitandi scandalum. Cæterum, moraliter loquendo, nullus incidere potest casus, quo liceat directè, & ex proposito consecrare, & sacrificare in sola specie panis, ne quidem, ut periculose ægrotanti Sanctissimum Viaticum ministretur; quia tunc excusatur infirmus à præcepti transgressione, ob Sacramenti defectum. Multominus hoc licebit, ut populus diebus festis Missam audiat: vel in Paschate communice. Vel si vinum, initio Sacrificii allatum non fuerit, nec possit postea haberi, vel sine perturbatione populi adferri, ita *Suar. sect. cit. 4. Vers. Dico secundo. Bonartius de Sacrific. Missæ lib. 1. cap. 22. in fine*, aliique, præsertim *Franc. de Lugo de Sacrament. sub n. 22. cit. Vers. Hinc fit primo*, dicens sequi. Versu: *Si quis minetur mortem Sacerdoti, nisi consecret solum panem in his, aut similibus casibus, quantumvis etiam non intercedat contemptus fidei, mortem esse potius appetendam, quam solum panem consecrandum, sic tenent Doctores supra relati cum aliis, ob rationem superius à nobis assignatam.*

1033 Ad sextum tandem, & ultimum argumentum oppositum, Resp. Cum supra laudatis Doctores: Nulla ratione audiendum esse Volaterranum, dicentem *Innocentium III.* dispensasse cum Norvegiis, ut sine vino consecraret, eo quod difficulter apud eos vinum conservari possit. Hoc enim falsum esse patet. *Primo*: Quia ostensum est supra, contrarium esse Juris Divini. *Secundo*: Quia hujus dispensationis nulla extant vestigia. *Tertio*: Quia falsum est, ibi vinum non posse conservari. *Quarto*: Quia si difficultas habendi vinum sufficeret ad hujusmodi dispensationem, maxime jam dispensandum esset cum aliquibus Indis, apud quos difficillime vinum haberi potest. Et nihilominus in omnibus Provinciis, in quibus est fides, etiam nunc experimur, etiam si frigidissime sint, confici hoc Sacra-

mentum absque tali dispensatione. Et quamvis gratis demus (inquit *Suar. sect. 4. c. Vers. Deinde sicut*) fieri posse, ut propter hanc causam Sacrificium hoc alicubi minus frequenter conficiatur, minus inconveniens hoc est, quam ritum sacrificandi immutare, uti per tot annos, nec immutavit Ecclesia, nec unquam talis dispensatio facta est ab ipsa, ut constat ex invariabili Ecclesie usu, ubique per tot sæcula. *Quinto*: Quia ipse Volaterranus dicit, Pontificem dispensasse, ut Calix sine vino consecraretur, qui esset apertus error in fide: Cum *Concil. Florent. Sess. 13. Can. 2.* definiat, Vinum de Vite esse materiam necessariam consecrationis Calicis. Do hinc Volaterrani verba: *Norvegie* (ait) *Innocentii VIII. Pontificis concessione permissum, sine vino Calicem consecrare, quod ob immensa frigora vinum in ea regione importatum aciescat.* Hæc ille, qui paucis verbis plura profert absurda, nec ad præsens propositum pertinentia. In primis enim, non dicit concessisse Pontificem, ut sub altera tantum specie (panis videlicet) consecraretur, qua de re agitur, sed ut Calix sine vino consecraretur. Præterea, Calix sine vino? debet ne consecrari vacuus? certè non: Ergo infusus: si infusus, utique vel aliquo liquore, vel aqua, vel cervisia, &c. hoc autem dicere, præterquam quod ridiculum, & insanum videtur; est etiam hæreticum, cum vini liquor de Vite expressus sit materia consecrationis Calicis, ex *Florent. Concil. supra.* Adde, quod si ante Innocentii tempora, fuit (ut supponitur) in vino consecratum, nec fuerunt unquam tam immensa frigora, ut vinum aciesceret, vel potius congelaretur, ut quid opus fuit postea dispensatione, de qua (quod mirum admodum est) apud alios Auctores nullum extat vestigium? Quare merito *Francisc. de Lugo l. cit. n. 23. ait*: *Licet admitteremus necessitatem alicujus regionis, tamen hoc Sacramentum, & hoc Sacrificium, Christum, qui præviderat illud inconveniens, ita instituit. Verum nunquam subesse talem necessitatem, satis convincit perpetuus usus Ecclesie, si quidem tot sæcula nunquam talis dispensatio data fuit. Confirmatur, quia Pontifex dispensare non potest in his, que sunt in Jure Divino, nisi traditione, seu praxi consuet Christum Pontifici concessisse facultatem ad sic dispensandum, sed hoc non constat in nostro casu, quin potius praxis, & traditio suadent oppositum, ergo non potest dispensare Summus Pontifex.*

1034 Concludendum ergo ex hucusque dictis, nullum incidere posse casum, in quo

quo liceat directè, & ex proposito consecrare, & sacrificare in sola specie panis, nec ullam prorsus usque adhuc extare dispensationem in Ecclesia consecrandi in unica specie. Nec etiam, quando ex Pontificio Privilegio celebratur Missa super Mare, aut flumen, quod addo, quia hoc apud me vivum est, ac valdè efficax argumentum, indispensabile esse ab Ecclesia, consecrare tantum in una panis specie, non dispensando à consecratione Calicis, quando concedit celebrari Missam super Mare, propter periculum videlicet effusionis sanguinis, ob quod periculum *Suar. to. 3. in 3. par. disp. 81. sect. 3.* cum aliis absolvent ait: *Super Mare, aut flumen celebrari non potest, etiam titulo necessitatis, propter periculum effusionis sanguinis, ut prædicti Auctores notant.* Et hæc est communis antiquorum sententia apud *Franc. de Lugo de Sacrament. lib. 5. cap. 6. quest. 1. in princip.* & apud alios; quam etiam non pauci Recentiores amplectuntur, ut videre est apud eundem *Lugum*: imò communiter Doctores eandem tenent apud *Dian. to. 2. Coord. trac. 1. ref. 135. ex par. 5. trac. 3. resolut. 40.* Ubi in princip. eisdem citat, & enumerat ad fatietatem. Quorum omnium fundamentum præcipuum est, periculum versandi sanguinem: hujus enim Sacrificii reverentia postulat summam cautelam ad evitandum tale periculum, quod tamen in aequæ motione tam facili, tamque frequenti, vitari vix potest. Igitur absolvent, licitum non videri, &c. Distinguunt hoc ultimum consequens *Fagund. pr. Ecclesie Præcepto lib. 3. cap. 10. nu. 15.* & *Bonartius de Sacrific. Missæ libr. pr. cap. 18. nu. 8.* Igitur absolvent non est licitum, &c. de Jure antiquo procedendo, concedo: de Jure novo, & hodie, nego: Dicendum est (ita *Bonartius cum Fagund.*) jure antiquo, hoc non licuisse; iam tamen ex Privilegio concedi: Nam *Clemens VIII.* & *Paulus V.* indulserunt hoc Patribus Societatis nostræ, ut in Indiarum Orientalium navigatione, Missa (non solum Sicca, sed vera, & integra, cum Sacramenti consecratione) celebrarent sereno Cælo, & tranquillo Mari. Nam tunc non est periculum effusionis sanguinis, cum, & caveri hoc possit, si alius Sacerdos Calicem consecratum manu contineat, ne effundatur. Vide *Fagund. l. c. Cardinal. de Lugo de Eucharist. disp. 20. sect. 3. Pat. Verricelli. De Apostolici Missionibus tit. 8. de Eucharist. & Sacrific. Missæ qu. 133.* & alios. Ex quibus Authoribus habes, hodie, auctoritate, ac Privilegio Summi Pontificis, licere Sacrificare etiam in Mari, & Missam

ibi integram celebrare, hoc est, consecrando etiam Calicem, & non aliter, non obstante antedicto periculo effusionis sanguinis. Argumentum efficax non posse Summum Pontificem dispensare Sacrificium, sub una tantum consecratione, quia hoc esset ire contra Jus Divinum, ut tot, tantique Doctores supra constanter asseverant. Sed hic obiter

1035 Inquires: Quid sit Missa Sicca (quam innuit supra *Bonartius*) an hæc sit licita; qualiter ordinari debeat, & an ipsa cadat sub præcepto diebus Dominicis, & in festo de Præcepto, in quibus fideles tenentur audire (quando possunt) Missam integram. De hac Missa, *Navarr. in Miscellaneis de Oratione, Miscell. 88. 89. 90. & 91. Henriqu. lib. 9. de Sacrific. Missæ cap. 27. n. 3.* (ibi: *Navigantes ferebant secum Eucharistiam, & quidam celebrarunt in Mari. Sed merito in jure prohibetur in Mari celebrare, aut in flumine: nisi Missam Siccam Sacerdos recitare velit solemniter indutus, cum Orationibus piisque ritibus, sed absque consecratione Eucharistiæ. In fluvio tamen placidissimo, ubi effusio sanguinis timeri non posset, fortasse in necessitate liceret.*) *Fagund. Præcept. pr. Ecclesia cap. 10. n. 14. Azor. to. 1. libr. 7. cap. 7. qu. 6. Portell. to. 1. Respons. Moral. par. 3. casu 26. Lezza. in Sum. Verbo Missa num. 65. Quartus in Rubricis Missalis Rom. par. pr. tit. 14. dub. 4. aliique.*

1036 Respond. Missam Siccam esse ceremoniam Sacram, seu Piam, nomine solum, & apparenter Missam, non autem re ipsa, cum in ea non offeratur Sacrificium, neque fiat ulla consecratio, sed solum recitentur preces dici solitæ in Missa. Quare sicut arbor illa, dicitur Sicca, quæ caret humore, & anima vegetante, pariter Missa hæc dicitur Sicca, quia caret vera ratione Sacrificii. Tali nomine (ut refert *Navarr. Miscell. c. 88. in princip.*) Usus fuit *Guillelmus Episcopus Mimatensis in Ration. Divin. Offic. l. 4. c. pr. n. 23.* Sentiens, Missam Siccam appellari eam, quæ continet omnia contenta in Missa integra, excepta consecratione corporis, & sanguinis Domini, cum aliquot aliis ad eam pertinentibus: Introducta autem fuit ad solatium longo tempore navigantium (hinc dicitur etiam Missa Navalis,) ut qui veram Missam audire nequeunt, satisfaciant aliquoties propriæ devotioni, quamdam Missæ imaginem audiendo. Hujusmodi autem Missa (debito ordine recitata, ut infra) secundum se licita est, quia nulla lege prohibita; & etiam quia nihil mali continet, imò devotionem

fovet erga verum Sacrificium, & excitat ad actus pios. Maxime licita est, & laudabiliter recitatur in Mari, quando præsertim navigatio diuturna est, nec possunt navigantes à Navi descendere ad litus; & ob id appellatur, ut supra, Missa Navalis: Introducta præcipue in hunc finem, & ob eundem finem à Superioribus concessa, ut constet ex quodam *Libro Sacerdotali*, quem dicunt approbatum à Leone Decimo, quemque testatur Navarr. *Miscell.* 89. cit. se vidisse, sibi que monstratum, à Sacri Palatii Magistro Fr. Paulo Constabili. Vide præter Doctores citatos, etiam Thomam Huradum par. 1. resolut. *Moralium tract.* 7. cap. 7. à n. 312. usque ad 320. inclusivè, in quo cum Sylvio 3. par. quæst. 83. art. 2. qu. 2. rationabiliter concludit, Ubi non est consuetudo dicendi tales Missas Siccas, nullatenus esse introducendas, aut dicendas. Ubi autem est consuetudo, permitti posse.

1037 Qualiter autem ordinanda sit Missa Sicca? Navarr. *Miscell.* 89. cit. & 90. ex cit. *Libro approbato à Leone X.* tradit modum per extensum, recitando integra verba ejusdem Libri, spectantia ad ordinem, & ritum dicendi illam, videatur: P. Quartus dub. 4. cit. sub Vers. *Secunda difficultas*, brevius procedendo, ordinandam esse ait (ex eodem Libro) ut sequitur: *Qualiter ordinari debeat Missa Sicca?* Respon. Quo ad ea, quæ recitari debent. Inchoari debet Missa Sicca à Confessione, ut moris est in Missa propriè dicta, & reliqua omnia dici possunt cum Gloria, & Credo, juxta qualitatem Missæ usque ad Orientorium inclusivè, idest, usq; ad Versiculum post Evangelium, vel Credo. Deinde alius omisiss, dicuntur Orationes Secretæ, & post eas Præfatio, post Præfationem dicitur immediate Oratio Dominica, & Agnus Dei. Tandem dicto Versiculo, qui dicitur Communionem, Sacerdos dicit Orationes post Communionem. Et data benedictione, Evangelium Sancti Joannis. Ita colligitur ex dicto *Libro Sacerdotali*, quem approbat Navarr. *Miscell.* 89. citans etiam Durandum, &c. & distinctè explicat Baruardo ab Argentina de Ordine Missæ, Cap. de Missa Sicca. Hactenus P. Quartus. Qui duo hic præterea advertit: Unum est, dicendas non esse Orationes post Communionem, in quibus fit mentio de Sacrificio oblato, vel de Sacramento percepto. Ex. gr. *Refecti cibo, potuque Cælesti, &c.* ne significatio sit falsa, ut bene advertit etiam Navarr. *Miscell.* 90. in fine. Sed omittenda esse illa verba, vel commutandas esse Orationes cum aliis pro-

portionatis ex Missali, juxta Missæ qualitatem. Et idem dicendum de Orationibus Secretis, in quibus fit mentio de Sacrificio offerendo. Alterum est; nullum esse peccatum omittere partem aliquam hujus Missæ Siccæ, ver. gr. Epistolam, vel Præfationem, &c. quia non cadit sub Præcepto, neque Missa ipsa, neque pars ulla ejusdem, neque tenentur fideles in Festis de Præcepto illam audire, ut docent Fagnan, Lezana, & alii supra, etiam si Missam veram audire non possint. Potest autem hæc Missa celebrari etiam à non jejunio, & qualibet hora, & pluries etiam eodem die ab eodem recitari, cum non sit verum Sacrificium, nec subiaceat legibus præscriptis in ordine ad verum Sacrificium. Hinc

1038 Omitti debent in Missa Sicca. Primo: Oblatio panis, & vini, cum Orationibus ad eam pertinentibus. Imò neque debet esse in loco Missæ panis, aut vinum; omittitur etiam Oratio: *Suscipe Sancta Trinitas hanc Oblationem*, cum *Orate Fratres*, quia hæc omnia pertinent ad verum Sacrificium offerendum. Secundo: Omittitur totus Canon, cum caeremoniis, & signis, quæ in eo fiunt, ob eandem rationem. Tertiò: Tandem non fit communio, quia nec adeit Corpus Christi; ita Durandum, Navarr. & P. Quartus cum ipsis, & aliis. Quo verò ad apparatus, erigitur quidem Altare cum suis ornamentis, non tamen necessaria est Ara lapidea, vel consecrata: possunt etiam adhiberi lumina, Missale, & alia similia. Quo ad vestes Sacerdotales, potest Sacerdos altero à duobus modis uti, nempe, vel recitare hanc Missam cum superpelliceo tantum, & Stola; vel saltem absque Casula, seu Planeta, quod est magis conforme *Libro Sacerdotali* supra citato. Vel potest etiam hanc Missam recitare indutus omnibus parametis Sacerdotalibus, ut ex Durando, refert Navarr. *Miscell.* c. 88. nam eisdem utuntur Sacerdotes in aliis functionibus Sacris, hæc omnia ex P. Quarto, & ite ex aliis D. D. apud quos alia plura.

PRIVILEGIUM TERTIUM.

Sacerdos, qui per inadvertentiam naturalem, errorem, vel ignorantiam invincibilem consecravit in Missa solum panem, excusatur à culpa, & sacrilegio. Quid postea facere debeat agnita propria ignorantia?

1039 Sacerdotes consecrare debere utramque speciem in celebratione Missæ ex Christi institutione, & Jure Divino,

Divino, satis conclusum est in precedenti Privilegio, & quod consecrare directè, & ex proposito unicam tantum speciem maximum esset lethale, ac sacrilegium, à quo tamen (dicit præfens Privilegium) excusaretur Sacerdos ille, qui per inculpabilem, & invincibilem, ac naturalem inadvertentiam, errorem, & ignorantiam, unicam tantum speciem consecravat. Quod accidere potest, inquit Suar. 10. 3. in 3. par. disp. 43. sec. 4. *Verf.* Dico ergo primo, sub sequentibus verbis (quæ sunt ad litteram, ut patet, Privilegium propositum:) *Interdum accidere potest, ut sine ullo peccato in una tantum specie conficiatur hoc Sacramentum,*, non propter dispensationem, vel interpretationem Præcepti, sed propter impotentiam physicam, vel moralem implendi illud. Hoc per se constat, quia ex ignorantia in primis, vel inadvertentia inculpabili accidere interdum potest, ut aliquis non ponat vinum in Calice, sed aquam, atque ita consecret solum materiam panis, &c. præter Suar. huic eidem Privilegio, verbis æquivalentibus, subscribunt Azor. par. pr. lib. 10. cap. 19. quest. 3. *Verf.* Major, & alii, in princip. Reginald. in Praxi 10. 2. lib. 29. cap. 2. de mat. Sacrament. Eucharist. par. pr. ejusdem cap. n. 14. in princip. fol. mibi 584. Fagund. Præcep. pr. Ecclesiæ lib. 3. cap. 5. n. 10. & plures alii, quos refert, & sequitur P. Diana 10. 2. Coord. trac. p. ref. 236. ex par. 10. trac. 12. & Miscell. 2. ref. 14.

1040 Quid autem facere debeat dictus Sacerdos, postquam deprehendit esse aquam in Calice? Quæprimum hoc advertit, debet supplere defectum, ait Suar. citatque D. D. quia tamen (addunt iidem) accidere potest casus, in quo postquam Sacerdos deprehendit non esse vinum in Calice, non reperitur aliud vinum, vel certè, ut non possit quæri sine magno scandalo, aut sine evidenti periculo vitæ: tunc non obligabitur, cum tanto detrimento ad quærendum illud; quia non est verisimile, præceptum hoc obligare cum tanto discrimine: eo magis, quia in tali casu, formaliter, & humano modo loquendo, dictus Sacerdos non consecrat in una specie, sed permittit (ut in precedenti Privilegio) unam speciem solum manere consecratam, & omittit aliam, quia moraliter non potest illam habere. Et sicut ex communi omnium sententia (arguit Suar.) licet Sacerdos teneatur utramque speciem consecrare, & sumere in Sacrificio, nihilominus si post consecrationem Calicis intelligit in eo esse venenum, non tenetur illud sumere,

re, quamvis non possit fortasse vinum aliud consecrare, pari ratione, si in nostri Privilegii casu non poterit Sacerdos quærere vinum, nec habere sine vitæ periculo, vel sine gravi scandalo (quod non est inferioris considerationis) non tenebitur quærere.

1041 An verò ex dicta Missa, in qua Sacerdos consecravat panem absq; vino, possit ipse recipere consuetum stipendium? Negativè sentio, cum Diana Coord. trac. 1. c. ref. 229. n. 6. ex par. 10. trac. 16. & Miscell. 6. ref. 63. Quia dantes stipendium, volunt applicationem Sacrificii integri, non manchi; nam si dantes stipendium pro Sacrificio, scirent illud esse mancum, non integrum, utiq; illud non probarent, dant enim stipendium certum pro tanto fructu certo, quod sequitur ex Sacrificio perfecto, hoc est sub utraque specie consecrationis oblato, & non aliter.

PRIVILEGIUM QUARTUM.

Sacerdos carens Hostia grandiori, quam consecret, & exponat populo in Oratione quadraginta horarum post prandium, sumens ipse particulam parvam è Sacrario, seu Pixide, ex præconsecratis ab alio Sacerdote, asservam verò in eodem Sacrario grandiorē, ab ipsomet consecratam ad illam post prandium in Oratione exponendam, à mortali excusatur, si ex ignorantia invincibili id præstet.

1042 C Asus iste, seu Privilegium, sub variis terminis proponi potest, variis inquam, sed omnibus sub eadem omnino resolutione solvendi, quod unusquisque videlicet in se, & ex se contineat sacrilegium mortale, nisi ignorantia excuset. Nam Primo, Henric. lib. 9. de Missa Sacrific. cap. 9. n. 2. in fin. proponit, ut sequitur: Si Parochus carens pane quem consecret, ostendat populo Hostiam Sacrarii pridem consecratam (quamvis eam elevarit frangeret, & sumeret etiam sub utraque specie, ea intentione, ut populus audiret Missam in festo) non est Sacrificium, quod alius pro se ex operato: Igitur lethaliter peccat talis Parochus sic celebrando. Secundo, Card. de Lugo de Eucharist. disp. 19. sect. 5. sub num. 76. *Verf.* Denique ex his. Idem ferè, sed sub alia formalitate proponit, dicendo: Sacerdotem in Missa non sumere, quidquam ex Hostia quam ipse consecravat, sed illam in Sacrario servare; & sumere solum Hostiam, quæ antea in Sacrario erat, quod aliqui (apud ipsum) concedunt fieri posse, absque tamen illius an-floritate, asserentes solum usum (melius dicissent

docissent abusus) ex ignorantia quorundam Parochorum, qui ita faciunt: est contra sensum Ecclesie, & omnium Doctorum. Ergo sic Ministrans, peccat mortaliter (quod nervosè probat c. Card.) quando non excusat ignorantia ipsa. Tertio, Diana Coordin. tom. 2. tract. 1. ref. 134. in princip. Ex par. 5. trac. 13. Miscell. 1. ref. 96. & Gobat in Alphabeto Sacrificant. Casu 23. & ult. nu. 833. faciunt propositionem sub iisdemmet verbis, ut sequitur: Quidam Sacerdos in ultima Missa, oblitus est consecrare Hostiam exponendam post prandium in Oratione quadraginta horarum; quaesitum fuit, an dictus Sacerdos potuisset sumere particulam à Sacrario ex præconsecratis ab alio Sacerdote, & Hostiam ab ipso consecratam conservare ad effectum publicè illam exponendi postea. Supposito quod non esset ultra tempus celebrandi aliam Missam. Ex licite hoc fieri non posse uterque resolvit (ob rationes de quibus infra.) Igitur illicitum, nisi excuset ignorantia. Quarto, Eandemmet propositionem (sed sub aliqua distinctione) facit Tambur. in Methodo celebrande Missæ, lib. 2. cap. 8. §. 8. n. 17. Licet ne (ait) Sacerdoti assumere Particulam parvam, & grandiore conservare in Pixide, ad illam v.g. exponendam in Oratione quadraginta horarum, si forte alia grandior haberi ab hunc finem non possit? Distingendum est. Vel enim hic Sacerdos consecravit in ea Missa, tum Particulas parvas, tum Hostiam grandiore. Vel solum consecravit ipsam majorem, inveniuntur tamen parvæ præconsecratae in alia præcedenti Missa. Si primum, licet Sacerdoti parvam sibi sumere, & majorem conservare. Si posterius, non licet. Ratio est, quia Sacerdos debet communicare de suo Sacrificio. Nam, ut habet Textus, Cap. Relatum 11. de Consecrat. distin. 2. (Quale erit illud Sacrificium, cui nec ipse Sacrificans participi esse cognoscatur?) quod facit in casu priore, non verò in posteriore. Hinc aliqui Parochi, dum renovant Eucharistiam, si consumunt Hostiam ab alio consecratam, eam verò, quam ipsi consecrant, reponunt in Sacrario, ritè nequaquam faciunt, suntq; ab Episcopis; & Doctoribus corrigendi. Corrigendi inquam, nedum quia nequaquam id ritè faciunt, verum etiam qui sic faciendo, peccant mortaliter, nisi eos excuset ignorantia, ut in proposito Privilegio. Quod ponit etiam, & approbat Figund. Precepto pr. Ecclesie lib. 3. cap. 4. n. 27. sub sequentibus: Si Sacerdos carens Hostia, quam consecret, ostendat populo Hostiam Sacrarii pridie consecratam, quamvis elevet, frangat, ac sumat, etiam sub utraque specie, ea intentione, ut populus audiat Missam in festo, non est Sacrificium, quod alius

prosit, & peccabit mortaliter, nisi ignorantia excuset, & tenebitur populus audire aliam Missam. Igitur ex his verum nostrum Privilegium.

1043. Cur autem Sacerdos se gerens in celebranda Missa, ut in recitatis casibus, vel aliis, si qui sunt similibus, peccet mortaliter, quando ignorantia illum non excuset. Ratio est præcipua (quam etiam adducit Jo. Præpositus in 3. p. D. Thom. qu. 83. art. 1. dub. 7. n. 50. quamque innuit Card. de Lago Ver. c. in fine.) Quia Sacerdos celebrans debet sumere Hostiam, quam in suomet, eodemque sacro consecravit, sive etiam aliam sumat, sive non; quia sumptione sola Hostiæ, in eo Sacrificio consecratæ ostendit, se illi Sacrificio consentire: nullo verò modo fumendo Hostiam præconsecratam, quæ impertinenter se habet ad hoc Sacrificium. Actio enim, in qua ratio Sacrificii ponitur, est consecratio ad summationem ordinata; & debet eadem victimam consumi, quapropter jura non solum dicunt, Sacerdotem debere participare in Missa de hoc Sacramento, sed debere participare de eodem Sacrificio: Unde in Concil. Tolet. 12. c. 5. relato in Cap. Relatum 11. de Consecr. distin. 2. dicitur: Quale erit illud Sacrificium, cui nec ipse Sacrificans participi esse cognoscitur? Adde cum eodem Card. Ver. cit. Ex Rubricis Missali. Sæpius haberi, si post consecrationem acciderit species sanguinis omnino effundi, aut in ipsis, vel in Hostia, venenum apparere, Sacerdotem debere aliud vinum, vel aliam Hostiam consecrare quam sumet: at hoc nec necessarium esset, nec licitum, si ad hanc integritatem sufficeret consecratio, & sumptio utriusque speciei, sive fumantur, quæ tunc consecrata sunt, sive quæ in alia Missa consecrata fuerunt: Sufficeret enim in illis casibus sumere unam Particulam consecratam ex sacratio: vel etiam (si sanguis effusus fuisset) sufficeret ex alio Altari accipere ab alio Sacerdote celebrante partem ex Calice, & cum illa (& Hostia pariter præconsecrata) prosequi Missam inceptam, & sic consummare Sacrificium (si sufficit consecratio, & sumptio Sacramenti aliàs consecrati) & si hæc sufficit, ergo non potest in casu posito, secunda consecratio adhiberi, quia non potest hæc absque gravi sacrilegio adhiberi, nisi quando necetiaria est ad perfectionem Sacrificii. Male ergo (si sic est) præcepit Ecclesia, ut in dicto casu, vel dictis, iterum consecraretur: nihilominus Theologi omnes (concludit de Lago) nemine excepto, necessarium esse dicunt alias species

cies consecrare, quia debet eadem víctima consumi. Ergo, &c.

1044 Si tamen in aliquo casu deficeret quidem omnino grandior Hostia, sed suppleretur parva particula, posset ne Sacerdos hanc adhibere ad Sacrificium, maxime si sit Parochus ruri existens, ut suus populus in die festo audiat Missam? Respondeo affirmativè. Ratio est, quia nullum adest præceptum in contrarium: nec ullam esse constat consuetudinem (ut obligantem) de consecranda Hostia majore, vel minore, cum utrobique Sacrificium æquè perficiatur. Quod si offensio aliqua simplicium imperitorum quandoque timeatur, facillimè instrui poterunt de rei veritate. Ita etiam *Tbon. Tambur. §. 8. c. nu. 16.* Ubi supponit talem celebrationem fieri posse etiam in die non festo, nullaque existente causa præter Sacerdotis privatam devotionem. Et ante ipsum, idem docuit *Jacob Marchantius Resolutionum Pastoralium tract. 4. c. 5. n. 6. Vers. Quantum ad materiam*, ibi enim sic: Si barbari major Hostia non possit, an ex minoribus liceat adhibere? Respondeo in Missa privata, & secreta id fieri posse, cum non invenitur præceptum in contrarium: gratiusque videri Deo sic celebrare, quam non celebrare, licet non sit festus dies, maxime si non sit periculum de scandalo, tunc enim, id etiam urgente causa publicè fieri, nihil vetaret, ita *Marchantius*, prosequens sic immediatè.

1045 Quidam Parochus ob defectum majoris Hostiæ consecravit in sua Missa parvam particulam, timens autem populi scandalum, aut murmur, dum minorem Hostiam consecrasset, elevavit ob suam cautelam Hostiam majorem præconsecratam, quæ in Pixide asservabatur, ut exponeretur populo in die solemnì, seu pro Oratione quadraginta horarum. Queritur, an id ritè, & prudenter factum fuerit? *Marchantius* ipse respondet, negando id esse ritè gestum. Cum enim (inquit) debeat in Missa exhiberi populo adoranda eadem Hostia, quæ in eademmet Missa consecratur, & offerretur, talis prædicti Parochi cautela approbanda non est: additque, *Melius tamen meo judicio fecisset, si & majori ista Hostia alteram parvam per illud Sacrificium consecratam simul adiunxisset, quod facile fieri poterat, exhibendo utramque adorandam.* Sic enim satisfaceret ceremoniæ: *huic Sacra, qua Hostia Sacrificii hujus, populo ad adorandum exhibenda præcipitur.* Verum si *Marchantius* cautela dicti Parochi (& meritò) non arridet, nec *Tambur. l. c. n. 22.* placet hæc posterior *Marchantii*, putans neque hanc, neque illius Pa-

rochi anteriorem cautelam esse approbandam. Ut postea, *seq. n. 23.* omnino reprobat (quod facit etiam *Gob. l. c. n. 837.*) factum cujusdam Parochi, cui cum deesset Hostia grandior consecrata exponenda pro Oratione quadraginta horarum, usurpavit non consecratam, assignando illi parvam particulam consecratam, & ita simul exposuit, ne scilicet parva formula in spherula appareret populo, qui Parochum de negligentia reprehendisset. Reprobat inquam *Tambur. (& meritò)* hujusmodi factum, (nullo modo probandum) ob periculum idololatriæ, quamvis materialis, cum fideles adorent totum illud, quod expositum est per modum unius, quod non licet. Ut in simili docet *Card. de Lugo de Sacrament. disp. 8. sect. 11. nu. 188.* de Ministrante peccatori occulto Particulam non consecratam, quod nec licet: Communiterque hoc etiam reiicitur (ait *de Lugo*,) & ob eandem rationem, ob periculum videlicet idololatriæ saltem materialis. Nam in ipsomet actu sumendi à peccatore talem particulam non consecratam, aliqui adorabant illam, etiam si non viderant. Præterea; ipsamet actus sumendi illam reverenter, est actus Religiosus, & externus quidem cultus, qui non solet, nec debet, nisi veræ Eucharistiæ exhiberi, unde est adoratio quædam saltem, externa, & reverentia, quam sumens, exhibet exteriori illi Hostiæ, quam sumit. Pariter Sacerdos dum eandem particulam non consecratam Religiosè ministrat, saltem exterius videtur illi exhibere sacrum cultum veræ Eucharistiæ debitum, quæ actiones externæ etiam reverentiæ, & cultus circa Hostiam non consecratam vitari debent, nec licent. Hæc *tenus de Lugo*, hic obiter relatus in confirmationem eorum, quæ, pariter hic referimus contra prædictum Parochum exponentem pro Oratione quadraginta horarum, Hostiam non consecratam assignando particulam parvam consecratam. Quod factum à nemine uti rectum, vel licitum approbari potest (bonam mentem ad summum prædicti Parochi excusandam, eo maxime quia in repentinis non semper vacet locus, ac cognitio pro veritate indaganda, juxta quam operetur) evidens enim est in hujusmodi facto probabilitas periculi idolatræ saltem materialiter in adorantibus eam totam materiam, quam fideles expositam contuentur: non est autem licitum aliquem inducere, seu exponere periculo idolatræ, ut communiter D. D. Et ad hunc eundem casum, optimè faciunt verba *Tbon. Tamburini*

burini in Methodo Expeditae Celebrationis Missae lib. 2. cap. 8. §. 8. n. 23. quae sunt frequentia. Illud certe probandum nullo pacto est, quod quidam Parochus, dum ei Hostia grandior consecrata non suppeteret, ad eam exponendam in Oratione quadragesimae horarum, imprudenter egit. Parvam enim consecratam Hostiam, affixit Hostiae grandiori non consecratae, & ita simul exposuit, ne scilicet parva formula in populo appareret, qui Sacerdotem de negligentia preparandi majorem reprehendisset. Hoc, inquam, non est probandum, quia esset periculum idololatriae, quamvis materialis (cum fideles adorent totum illud, quod expositum est per modum unius) quod nullo modo licet. Hinc clare inferitur, illicitum esse talem expositionem, seu fictionem. Vetum

1046 Quia quandoque casus accidere potest, quod grandior Hostia consecrata deficiat, & solum parvula consecratae habeantur, & tempus urgeat, infestque exponendi (post Vesperas v. gr.) quid ergo fiet in tali eventu? *Cassianus à S. Elia in Examine Centum Historiarum Decisione 21. n. 19.* Respondet: Si circumstantiae tales concurrant, ut eis attentis, nec non, & populi qualitate, ac multitudine jam congregata, omnino expositio sit facienda, taliter, quod non omnes possint praemoneri, tunc propter scandalum pusillorum inter prudentes existentium, expedit Hostiam magnam componere cum parvulis Hostiis consecratis, ut totum, quod exponetur, sit materia consecrata, & sic Idololatriae etiam materialis non erit periculum: ita à *S. Elia l. c.* Verum esset, & periculum etiam Idololatriae materialis abesse: Si dictae particulae inter se se componerentur (sejunctae à qualibet materia, & Hostia non consecrata) ut efformarent seipsas, ita unitis sphaeram unius grandioris Hostiae. Quia tamen hoc difficulter fortiri potest, saltem bene; & fortasse unquam absque aliqua irreverentia, & indecentia, maxime si non aqua munda, sed saliva ad illas parvas formulas uniendas uteretur; ideò. Dico in tali casu consultius esse omittere expositionem, si commodè potest omitti. Nam, quae admiratio, maxime apud prudentes, quod scandalum, quod excidat mente preparatio talis Hostiae? Moneantur omnes de oblivione, vel de inadvertentia Sacerdotis, & quod scandalum ex hoc accepturi sunt? Et si commodè expositio omitti nequit (maximè ob devotionem populi enixè expectantis) pro illa vice Pyxis, seu Ciborium, in quo sint particulae consecratae (saltem una) exponatur. (& cum eadem lumen, &c.

Solemnitate) quae expositio non est nova in Ecclesia Dei, imò in usu, ut constat, etiam in Cathedralibus, & Collegiatis, nec ullam habet, vel habere potest oppositionem, aut contradictionem.

PRIVILEGIUM QUINTUM

Ex ignorantia (item ex perturbatione mentis) committens in celebratione Missae aliquem errorem, etiam gravem, excusatur à culpa mortali.

1047 **P**onit hoc idem Privilegium ad verbum Gobat in *Alphab. Sacrif. casu 23. & ultimo n. 845.* ibi enim sic: Pro consolatione tua, nota singulariter ex *Eschobar lib. pr. Examine 11. nu. 92. & Tambur. lib. 2. cap. 5. §. 2. nu. 30.* Quando ex ignorantia, vel perturbatione committis in Missa aliquem, etiam gravem errorem, procedens tamen cum bona fide, non imputari tibi ad culpam mortalem, videlicet ob defectum sufficientis libertatis. Si tamen ignorantia sit habitualis, tenebris sub mortali dare operam, ut eam emendes. Accedunt *Tamburini* verba, quae n. c. sunt sequentia: Nec scrupulosè te gerat, nam quodcumque, bona fide, in illa perturbatione facias, coram Deo factum bene censbitur. Imò haec est universalis doctrina, in similibus perturbationibus, etiam in rebus gravissimis, atque adeò etiam in Missae substantialibus, quam tradit ex *Navarr. & Sylvio. Diana p. 2. trac. 14. ref. 70. in fine.* Et ratio esse potest, quia ea, quae bona fide fiunt in illa perturbatione, non presumuntur ita deliberatè facta, ut saltem ad mortale pertingant. Et si ad mortale non pertingunt, quae bona fide fiunt in dicta perturbatione, multò minus ad idem mortale pertingent, quae fiunt ex ignorantia invincibili, cum haec per omnes aucter voluntarium, ignorantiae oppositum. Hinc optime ait *relatus Navarr. in Man. cap. 25. n. 91.* Si quis ignorat Praeceptum Ecclesiae, quo qui celebrat, tenetur sub utraque specie consecrare, & sumere: aut inopinato casu perturbatus non suscipit, nec consecrat vinum, non peccat ob id mortaliter, juxta *Adrianum.* Cui sententiae, seu Privilegio subscribens *P. Diana l. c. & in to. 2. Coord. trac. 1. ref. 235. n. 5. ait:* Notandum est cum *Navar. & Sylvio in 3. p. qu. 80. ar. 8. casu 2. quod Sacerdos non peccaret mortaliter, si inopinato casu perturbatus, non susciperet, nec consecraret vinum, &c.* Et his addo *P. Pasqualig. de Sacrif. Missae to. 1. trac. 1. q. 47. n. 4. ubi ficit:* An Sacerdos peccaret, si omitteret consecrationem alterius speciei, quando reperiret, materiam conse-

periculis non esse promptam, & ita mente perbarretur, ut non consideraret, quod esset procuranda materia pro consecratione alterius speciei? pondro cum Praeposito 3. par. qu. 83. art. 1. p. 8. n. 56. Vers. Reducit 3. Quod excusaret saltem à mortali, quia perturbatio mentis ratur, quod omisso consecrationis alterius species non sit deliberata, atque adeo imputabilis; id etiam dicendum est, si Sacerdos bona fide caret, se tunc non teneri ad procurandam materiam pro consecratione alterius speciei. Quid tem facere debeat Sacerdos, qui ex perbarbatione mentis (vel etiam ex deficientia materiz pro consecratione alterius speciei) non consecravit? Vide Rubricas Missalis Romani Tit. de Defectibus in Celebratione Missarum occurrentibus: eundem P. Pasqualig. à 4. c. Gavantum in Rubricis Missalis par. 3. tit. 10. de defectibus in Ministerio ipso occurrentibus: P. Quarti in Rubricis Missalis par. tit. 3. sec. 2. de supplendis defectibus. dub. 1. p. 3. 4. & 5. & toto tit. 4. ejusdem Partis 3. & etiam tit. 5. Aversam de Eucharist. qu. 11. sec. 16 & alios agentes de defectibus supplendis in Missa fortè occurrentibus. Et insuper, in qui ex perturbatione mentis (vel ex deficientia materiz, aut alia de causa) alteram tantum, & unicam speciem consecravit, possit pro illa Missa accipere, vel retinere acceptum stipendium? Salvo meliori iudicio, respondeo affirmative in opinione eorum, qui sistent in qualibet specie per se sumpta, seu in qualibet sigillatim, perfectam, & completam rationem Sacrificii inveniri: Quia in qualibet specie seorsim, ac per se spectata apparet, quicquid est de ratione essentiali Sacrificii, cum sub qualibet offeratur totus Christus; & in qualibet reperitur tota definitio Sacrificii, oblatio videlicet, immutatio victimæ, &c. consequenter sub qualibet specie reperitur essentialis Sacrificii ratio, ita ut consecratio utriusque speciei spectet tantum ad integritatem Sacrificii: cujus sententiz sunt

(ut videre est apud Aversam de Eucharist. qu. 11. de Sacrificio Missæ. Pasqualig. 10. & tract. cit. qu. 44. n. 3. & alios) Casalius de Sacrific. Missæ lib. 2. cap. 25. Henric. lib. 9. Summ. cap. 9. nu. 10. Nugnus 3. par. qu. 83. art. 1. par. 2. diff. 2. conclus. 4. Bonac. qu. ult. de Euchar. punct. 2. n. 7. Pitignamus in 4. dist. 13. qu. 2. art. 3. Marchin. de Sacram. Ordinis tract. 2. par. 2. cap. 1. n. 15. Gabriel à S. Vincentio de Sacram. disput. 1. de Sacrific. Missæ qu. 6. Vers. Nostra sententia, alioque. Cum igitur iuxta horum Doctorem sententiam, etiam in Missa in qua unica tantum species consecratur, salvetur essentialis ratio Sacrificii, pro ipsa quoque (probabiliter) secundum eandem sententiam accipi poterit, retinerique stipendium: quod 1048 Negandum probabiliter censeo [salvo item meliori iudicio] in opinione eorum, qui sentiunt, consecrationem utriusque speciei esse de essentia Sacrificii Missæ: hi sunt D. Tho. par. 3. qu. 76. art. 2. ad 1. & qu. 80. art. 12. ad 3. Sebastian. Perez de Sacrific. Missæ cap. 14. Alan. lib. 2. de Sacrific. cap. 719. & 20. Valent. 10. 4. disp. 6. qu. 8. punct. 5. 6. Vers. Est enim obligatio. Suar. disp. 75. de Eucharist. sect. 6. Vers. Dico secundo. Bellarmin. lib. 4. de Euchar. cap. 22. propos. 2. Praepositus. Sylvius. Granad. Caspafu. Gaspar Hurtad. Palau. Aversa. Coninch. Lugo Card. Fegund. Meratius. Francisc. Lugo, quos omnes refert P. Pasqualig. quest. 1. 44. n. 5. apud quem etiam habes huius opinionis solida fundamenta. Quoniam autem, conferens stipendium pro Missa celebranda, vult, atque intendit habere integrum Missæ Sacrificium, pro ut est tale, quod secundum hanc sententiam essentialiter requirit utriusque speciei consecrationem, & pro integro hoc, & tali Sacrificio tribuit elemosynam, hæc recipi, vel retineri nequit, quando Sacerdos utramque speciem non consecrat, nec celebrat totam, talemque requisitam Missam.



CAPUT XXIV. DE PRIVILEGIIS IGNORANTIÆ

CIRCA SACRAMENTUM EXTREMÆ UNCTIONIS.

1049



Xtrema Unctio est verum novæ legis Sacramentum, immediatè à Christo Domino institutum, ut unanimis Catholicorum contra varios hæreticos; & est fidei articulus, definitus à *Trident. sess. 14. de Extrema Unctione Can. p.* & eodem Concilio teste ibidem, promulgatus à *S. Jacobo Apostolo in Epist. Canonica Cap. 5.* sic loquente: *Infirmatur quis in vobis, inducat Præbiteros Ecclesie, & orent super eum, ungentes eum oleo in nomine Domini, & Oratio fidei salvabit infirmum, alleviabit eum Dominus, & si in peccatis sit, remittentur ei.* Extrema autem Unctio nuncupatur, quia Unctio inquam est, olei benedicti, quæ Infirmo in extremis posito conferitur à Sacerdote sub certa verborum forma ad succurrendum ejus lassitudini in anima; & suo modo in corpore. Extrema insuper Unctio dicitur, nedum quia in extremis posito pro solatio exhibetur, verum etiam quia inter Sacras Unctiones, quas homo recipit vitæ decursu ab Ecclesia, solet esse postrema. Primam enim recipit in Baptismo; Secundam in Confirmatione; Tertiam in collatione Ordinis Sacerdotalis: Ultimam, quando eidem, ut extremè de vita periclitanti administratur Sacramentum hoc Extrema Unctionis: De quo cum circa ejusdem ignorantie privilegia (subiectum unicum, unicumque objectum hujus nostri tractatus) nil aliud specialius ponendum occurrat, tantum sit

PRIVILEGIUM UNICUM.

Ignorantia invincibilis Sacramenti Extremæ Unctionis, excusat, & excusatur à peccato.

1050 **S**equitur omninò Privilegium hoc ex Privileg. p. præcedent. Cap. xxj. ut legenti, & consideranti patebit; & iisdem auctoritatibus, ac rationibus firmatur: Videantur.

CAPUT XXV. DE PRIVILEGIIS IGNORANTIÆ

CIRCA SACRAMENTUM ORDINIS.

1051



Ordinis nomen amplum valdè est, & in universum significat habitudinem, seu respectum quendam unius ad alterum, prioris, & posterioris: in rigore tamen latini sermonis usurpatur ad denotandum inter homines certum statum, seu gradum personarum in Republica: sic enim dicitur Ordo Senatorius, Ordo Equestris, & similes. Hinc etiam deductum videtur ad significandum certum statum, & gradum personarum in Ecclesia, qui dicitur Ordo Clericalis, nempe ministrorum, qui deputantur ad res divinas, & Sacras: sicque in præsentî Capite sumitur Ordo, ut significat signum, seu certum ritum, aut externam cæremoniam qua confertur homini gradus dignitatis, & officium in Ecclesia, seu qua consecrantur tales ministri, eisque datur moralis potestas ad exercen-

exercendas sacras functiones, præcipuè verò ad perficiendum Sacrosanctum Eucharistie Sacramentum. Actio qua prædictus gradus, dignitas, seu officium, ac potestas confertur, dicitur Ordinatio. Et hæc est propriè Sacramentum novæ legis à Christo Domino institutum, ut definitum habetur in *Concil. cum Florent. in Decreto Eugenii*, tum *Trident. sess. 23. de Sacram. Ordinis can. 3.* per hæc verba: *Si quis dixerit Ordinem, sive Sacram Ordinationem non esse verè, & propriè Sacramentum à Christo Domino institutum, &c. anathema sit.*

1052 Septem numerantur Ordines, Præbyteri, Diaconi, Subdiaconi, qui dicuntur Ordines majores: Acolythi, Exorcistæ, Lectoris, & Ostiarii, qui dicuntur Ordines Minores. Episcopatus sub Præbyterio tanquam perfectum Sacerdotium continetur. Prima Tonsura non est Ordo, sed præparatio quædam ad illum. Omnes autem Ordines unum Sacramentum constituunt, cum ad eundem proximum finem conferantur, nimirum ad Missæ sacrificium, ad quod majores proximè concurrunt, minores verò remotè. Singulis sua munera tributa sunt, singulique Sacramenti ratio communis: de quo ad rem nostri tractatus sit

PRIVILEGIUM PRIMUM.

Qui ante ætatem Canonicam bona fide ordinatur, excusante ignorantia non peccat.

1053 Nullus ordinandus est ante debitam, & præscriptam ætatem: singulis autem Ordinibus præscribitur ætas, ut sequitur: Ad Coronam (ut vocat S. Thomas) seu Primam tonsuram, requiruntur septem saltem anni expleti, *cap. Nullus junct. Gloss. Verb. Infanti de temp. ordin. in 6.* Et post septennium potest tam hæc conferri, quam quatuor Minores scientibus legere, & scribere, quia circa hos nihil disposuit *Concilium Trident. mox cit.* nihil; innovavit (ut notat etiam *Pax Jordanus Vol. p. libr. 3. Tit. 6. nu. 204.* ob id addens, circa eosdem Minores servanda esse jura antiqua, nimirum, *cap. in singulis cum seqq. D. 77. & dictum Cap. Nullus*) ad Subdiaconatum, requiruntur viginti duo anni inchoati. Ad Diaconatum, vigintieres inchoati. Ad Præbyteratum, viginti quinque inchoati. Ita ex nova dispositione *Conc. Trident. sess. 23. c. 12.* per quod corriguntur multi Canones antiqui super hac ætate disponentes, ut notissimè D. D. Anni autem computantur juxta consuetum Ecclesiæ morem, videlicet dierum 365. sive inciderit bisextus, sive non, quia de illo non curatur, ut videre est apud *Bonac. to. pr. de Sacram. Ordinis disp. 8. qu. unica punc. 5. n. 14. Jordan. l. c. n. 206. Barbosa de Potest. Episcopi p. 3. Allegat. 16. nu. 2.* & alios penes ipsos. Et sufficit ad singulos Ordines per unum medium diem, annum necessariam à *Trident. præscriptum inchoatum fuisse: idem Barbosa l. c. n. p. Bonac. l. c. n. 12. Coninch de Sacram. disp. 20. dub. 10. conclus. 5. n. 102.* &c. communiter D. D. Regula enim juris est (ait *Barbosa n. c. p.*) quod sive agatur

de materia favorabili, sive odiosa, vel penali, ubicumque requiritur ætas ad aliquem actum vel exercitium; sufficit attigisse primum diem ultimi anni, quia annus cæptus habetur pro completo: Vide *Nacarr. in Man. cap. 25. n. 116. & Sanch. in Conf. to. 2. lib. 7. cap. pr. dub. 33.* cum quibus concursus est D. D. sententia, non esse necesse dictos annos esse completos, sed sufficere esse inchoatos.

1054 Igitur accedere ad dictos majores, & Sacros Ordines ante impletam Canonicam ætatem à *Trident.* præscriptam (absque legitima Summi Pont. dispensatione) peccatum est lethale, licet validè ordinetur. Et nedum peccat qui ita ordinatur, verum gravissimè peccat ipsemet Conferens Ordines, ante prædictam ætatem, contraveniunt enim sacris Canonibus in re gravi. *Pax Jordanus l. c. n. 207. & communiter.* Si tamen quis ordinetur ante impletam ætatem bona fide: utpote ob asseritionem parentum, vel alia ratione credens probabiliter habere ætatem, cum revera non habeat, is utique non peccat (sicuti nec confersens) ignorantia, seu errore probabiliter excusante, ut in proposito privilegio; quod expressè, & clavis verbis ponunt, *Bonac. l. c. n. 13. Vers. Verum qui. Ubi. Quod non peccet qui testimonio suorum parentum, bona fide, ante legitimam ætatem recipit Ordines. Jordanus l. c. à n. 206.* sic dicens: *Intelligenda sunt prædicta, quando scienter, aut ignorantia peccaminosa, ordinatur ante debitam ætatem; secus quando ignoranter, & deceptus fecisset. Patritius Sporer par. p. de Sacramentis cap. 4. qu. 42. §. p. n. 262.* Ita affirmans. Si quis bona fide ordinatur ante impletam ætatem, utique non peccat, ignorantia, seu errore probabiliter excusante. Et hoc idem ponit *Barbosa Alleg. cit. nu. 20.* ut sequitur: *Qui testimonio parentum, vel sui Superioris bona fide*
LII ordinat-

ordinatus est ante legitimam aetatem, non remanet suspensus, cum non peccet recipiendo Ordines bona fide. Occasione autem horum verborum sit

PRIVILEGIUM SECUNDUM.

Qui ante Canonicam aetatem bona fide suscipit majores Ordines non peccat, excusante ignorantia, sed nec suspensionem incurrit; neque eosdem Ordines exercendo, irregularitatem.

1055 **Q**uod non peccet, privilegium est antecedens, ex quo hoc alterum sequitur, quod videlicet ob eandem bonam fidem, & ignorantiam sic promotus ad Ordines non incurrat suspensionem ab Ordinibus executione, neque irregularitatem eosdem majores Ordines exercendo. Supponit hoc privilegium quod ordinatus ante legitimam aetatem ipso facto maneat suspensus ab ipsis Ordinibus exercitio, & si in illo ministraverit irregularitatem incurrat, quod supponunt etiam D. D. communiter, ex Bulla Pii II. incip. Cum ex Sacrorum: quam refert ad verbum Barbosa De Potest. Episcoporum. 2. Allegat. 17. n. 11: in qua expressè sic: *Auctoritate Apostolica hac Constitutione perpetuò valitum statuimus, & ordinamus, quod omnes, & singuli, qui absque dispensatione Canonica, aut legitima licentia, sive extra tempora à jure statuta, sive ante aetatem legitimam, vel absque dimissionis litteris, ad aliquem ex Sacris Ordinibus se fecerint promoveri, à Sacrorum Ordinum executione ipso jure suspensi sunt: & si hujusmodi suspensione durante in eisdem Ordinibus ministrare presumpserint, eo ipso irregularitatem incurrant.* Loquitur solum in hac Bulla Summ. Pont. Pius II. ut patet, & advertunt D. D. etiam idem Barbosa Alleg. c. n. 18. de suscipientibus Ordines sacros extra tempora, vel ante legitimam aetatem, aut sine litteris dimissionis, vel cum falsis, quod idem est: non autem loquitur de prima Tonsura, seu de Ordinibus minoribus.

1056 Supponit igitur (inquam) hoc privilegium, quod promotus ad Ordines Sacros ante Canonicam aetatem, absque legitima dispensatione, ac privilegio, maneat ipso jure suspensus, & exercendo Ordines suspensione hujusmodi durante, quod contrahat irregularitatem, ut statuitur in prefata Extrav. Piana. Quia tamen poena suspensionis, & irregularitatis appositae per Pium II. est tantum contra praesumentes; qui bona fide facit, ex ignorantia credens se habere aetatem,

non dicitur praesumere, ergo sicuti bona fides, & ignorantia ipsa ex antecedenti privilegio excusati à peccato Ordinatum, ut supra, ita quoque ignorantia eadem, & bona fides eundem excusati ab incurrenda poena, &c. ut in proposito hoc privilegio: quod concedunt etiam Navarr. in cap. Accepta, de restit. spoliis. Oppos. 2. nu. 32. & in Mun. cap. 27. nu. 156. Portei. in Dubiis Regular. Verbo Ordines Sacri, n. 13. Miranda in Mun. Pralator. 10. p. qu. 39. art. 6. in fine. Fillius. 10. p. tract. 17. cap. 5. n. 84. Suar. de Conf. disp. 31. sec. p. n. 26. Laym. in Theol. Mor. lib. 5. tr. 9. cap. 10. n. 2. Peyrin. de Privileg. 10. 1. Constit. p. Julii II. §. 16. n. 27. Diana 10. 5. Coord. tract. 3. ref. 41. ex par. 3. tract. 4. ref. 181. alias 182. Jordanus l. c. n. 210. Leander p. 2. tract. 6. disp. 6. qu. 11. Barbosa Allegat. cit. 16. n. 17. ubi plures allegat D. D. communiter affirmantes, quod si quis credens se habere legitimam aetatem, & ignoranter ante illam ordinetur sicuti non peccat excusante ignorantia, nec consequenter in censuram, aut poenam incurrit à Pio II. in sua Extrav. indicatam, cum ad hanc incurrendam culpa, imò praesumptio, & dolus requiratur quod totum bona fides excludit, & ignorantia. Verum igitur privilegium.

1057 Si tamen sic Ordinatus resciverit postea defectum aetatis, tenetur sub mortali abstinere ab exercitio Ordinis ita suscepti: non jam ut suspensus, sed ut adhuc irregularis ex defectu aetatis: quoniam prohibitio Ecclesiae impediens susceptionem etiam Ordinis ante impletam aetatem, extenditur ad executionem Ordinis sic suscepti, cum propter indecentiam Ministerii prohibetur susceptioni Ordinis. Verum quidem est, quod & si cognito defectu ante impletam aetatem, & adveniente jam mala fide, ministrando in tali Ordine peccat mortaliter, non tamen incurrit novam irregularitatem ex delicto abusus sacri Ordinis, ob violatam censuram: cum ita bona fide suscipiens Ordinem, nullam suspensionem, vel censuram incurrit: ut docet etiam Diana ref. cit. 41. ubi sic: *Difficultas est, an adveniente mala fide, si sic ordinatus ante legitimam aetatem celebret, incurrat irregularitatem.* Respondeo negativè cum Peyr. in tom. p. Privilegior. Minimor. Constit. p. Julii II. §. 16. n. 29. qui citat Navarr. Quarantiam, & Rodrigh. (quibus adde Suar. de Conf. disp. 51. sec. 2. n. 4. Bonac. n. 13. c. & Leandrium disp. cit. 6. qu. 13. alios etiam referentem.) *Est ratio est, quia cum à principio non incurrit in suspensionem, adveniente mala fide si celebret,*

brei, non est tunc irregularitatem incurrat. Sed an saltem ita celebrando peccet mortaliter, respondet affirmatius Villalobos, & alii communiter, &c. haecenus Diana.

1058 Ex hac autem doctrina sequitur, quod talis, adveniente poſtea, & impleta etate requiſita abſque ulla alia diſpenſatione, vel abſolutione, in eo ordine celebrare poterit, cum jam nulla amplius cenſura ligatus ſit, ut ex mox dictis colligi debet, & expreſſe etiam docet Peyrin. §. cit. 16. n. 27. per hæc verba: Qui bona fide ſine dolo inadvertenter, aut ignoranter, vel imprudenter ante legitimam etatem ordinari ſe fecit, putans ſe legitimam, non incurrit poenam ſuſpenſionis indiſtinctam in Extravag. Pii II. quia illa ſolum punit præſumentem, ac temerarium, quare cum ad etatem pervenierit, poterit ſine ſcrupulo celebrare. Navarr. (ubi ſupra.) Quaranta in Summa Bullarii. Verbo Ordo. Verſu Quibus ſic, pag. 486. Miranda in Man. Prælat. 10. p. qu. 39. art. 6. Verſ. Solummodo eſt difficultas, &c. Quibus addo Trullench de Sacram. lib. 6. cap. unico, dub. 10. n. 7. ubi ſic: Non incurrit hæc ſuſpenſionem, qui ſcila debita diligentia, putans habere legitimam etatem, cum revera non habeat, ſuit ordinatus. Item nec qui teſtimonio parentum bona fide ſuſcepit Ordinem ante legitimam etatem. Item nec qui ignoranter id fecit, quamvis ſit culpabilis, modo non ſit affectata, ita ut æquiparetur dolo, temeritati, aut præſumptioni. Hinc ſi hunc, bona fide durante, ſi exerceat Ordinem, nec peccare, nec incurere cenſuram aliquam, nec ferri irregularem, quia ut dictum eſt, non eſt ſuſpenſus, conſequenter celebrando non violat cenſuram: at dum ſciverit ſe non habere legitimam etatem, peccat mortaliter ſi celebrat. Adepta autem legitima etate, poterit ſine aliqua abſolutione, aut diſpenſatione in ordine miniſtrare, quia cum non fuerit ſuſpenſus, ſolum requiritur, ut revera habeat legitimam etatem. Ita Covarr. in Clement. Si ſurioſus par. p. §. p. n. 4. Barboſa de Poſſet. Episcop. par. 2. Allegat. 16. nu. 23. Quibus inſuper adde Jordanum tit. 16. cit. nu. 216. Verſ. Bene verum eſt. Sporer n. c. 262. in fine; & alios apud citatos. Sed

1059 Querens hic, An ſuſpenſus propter Ordinem ſuſceptum ante legitimam etatem poſſit exercere ordines alios ante ritè ſuſceptos. Reſpondeo affirmative cum Henric. lib. 13. cap. 32. n. 2. (ubi, ſuſpenſus ab uno Ordine ſuperiore, ut à Diaconatu quem per ſaltem recepit, non cenſetur ſuſpendi ad inferioribus Ordinibus.) Avila de Cenſuris par. 3. diſp. 5. dub. 7. verſu Sexto notandum eſt. Leandro diſp. tit. 6. qu. 10. alios plures allegan-

Diana tom. 5. Coordin. tract. 3. reſol. 42. ex par. 5. tract. 10. reſ. 35. & apud ipſum Scortia in Bulla Pontif. epiſ. 39. libr. 109. ibidem docente; huiusmodi ſuſpenſionem impedire ſolum uſum Ordinis malè ſuſcepti, & in quo deliquit, & conſequenter etiam ne ulterius aſcendat, non autem ne utatur Ordine inferiori, ſi legitime illum ſuſcepit: idque indicant illa verba: Si ſuſpenſione durante in eiſdem Ordinibus miniſtrare præſumpſerit, eo ipſo irregularem incurran. In eiſdem ſcilicet malè ſuſceptis, quibus ſuſpenſi ſunt, & non in quovis Ordine; ut etiam iure antiquo ſuſpenderantur ab executione Ordinis ſolius malè ſuſcepti ex Gloſſ. cap. Conſultationi, de temp. ordin. ex Concil. Trident. ſeſſ. 14. cap. 2. de Reform. ita Sfortia, & Diana.

PRIVILEGIUM TERTIUM.

Episcopus Ordinans ignoranter alienum Subditum, non manet ſuſpenſus.

1060 Episcopi licet valide conferant Ordines ſubditis alterius Episcopi, abſque ejus licentia, non tamen licite, quia id ipſum prohibuit eſt in Concil. Nicæno ean. 17. & Trident. ſeſſ. 14. cap. 2. Ubi Episcopo Ordinanti non ſubditum imponitur poena ſuſpenſionis à collatione Ordinis per unum annum, & ipſi Ordinato ab exercitio Ordinum ſic ſuſceptorum, ad beneplacitum proprii Episcopi. Et noviter ab Urbano VIII. in Bulla incip. Secretis. Anno 1624. edita. Sic Leander par. 2. tract. 6. diſp. 8. qu. p. cum Navarro lib. p. Conſil. De Temporibus Ordinationum, Conſil. 39. Qui tamen, ſequenti Conſil. 40. excuſat ab hac ſuſpenſione Episcopum ex ignorantia probabili ordinantem alienum ſubditum, ut in propoſito privilegio: do hic ejuſdem verba: An Episcopus ignoranter Ordinans alienum Parochianum ſine licentia ſui Ordinarii ſi ſuſpenſus? Reſpondeo quod non eſt ſuſpenſus, ſi probabiliter id ignorabat, tum per §. Notandum p. queſt. 4. & alia citata per ejus Gloſſam; tum quia cap. Eos qui, de temp. ordin. lib. 6. quod imponit poenam ſuſpenſionis ordinanti alienum Parochianum ſine licentia Superioris, requirit ut id faciat ſciens, vel affectata ignorantia: ita Navar. quem ſequens Leander diſp. c. qu. 3. in qua inquirens, An Episcopus ordinans ignoranter alienum ſubditum maneat ſuſpenſus? Reſpondet negativè, & ut in noſtro privilegio: Quia, inquit, Cap. Eos qui, cit. imponens poenam Ordinanti alienum ſine licentia ſui Episcopi.

pi, requirit, ut id faciat scienter, vel affectata ignorantia. Sic Navarrus l. cit. *Confil.* 40. qua de re videndus Petrus M. Passerinus in p. lib. 6. *Decretalium*. In cap. *Eos qui. 2. de tempor. ordin.* à n. p. usque ad 17. fol. mihi 453.

PRIVILEGIUM QVARTUM.

Sacris initiatus ab Episcopo alieno ignoranter, à suspensione excusatur, & etiam ab irregularitate si eodem Ordine utatur.

1061 **T**alem scienter ab Episcopo alieno Sacris initiatum ipso jure esse suspensum, & celebrando ante absolutionem suspensionis fieri irregularem, certum est, quia sic habetur in *Extravag. supra c. Cum ex Sacrorum, Pii II.* & docent Navarrus *confil.* 39. c. in fine, Leander *disp. cit.* 8. qu. 24. & alii. Ab utraque autem liberat, & excusat ignorantia, ut in hoc privilegio. Sicut enim excusat Episcopum, ex *præced. privi.* ignoranter ordinantem non subditum à pœna suspensionis, & hunc eundem excusabit pariter, cum non sit major ratio de uno quàm de alio. Ablata autem suspensione à principio, obignorantiæ privilegium, nec contrahi amplius potest alla irregularitas, ut patet ex *anteced. privi.* 1. *huius Capituli*. Et esto etiam daretur scientia suspensionis in sic ordinato, si hæc tamen esset cum ignorantia invincibili irregularitatis, licet ipso jure suspensus esset, nihilominus celebrando non incurreret irregularitatem, excusante censuræ ignorantia si non peccati, in hoc casu, ergo.

PRIVILEGIUM QUINTUM.

Qui invincibiliter ignarus obligationis servandæ castitatem, suscepit Ordinem Sacrum, cui annexa est hæc obligatio, ab ipsa met excusatur in foro conscientie.

1062 **O**rdini Sacro annexam esse obligationem servandæ perpetuam castitatem certissimum est, non quidem jure divino: sed jure Ecclesiastico inductam, aut ex proprio voto, aut ex utroque simul: nam quod est de jure divino indispensabile est, atqui tam in Græca, quam Latina Ecclesia permixtum fuit Sacrorum virorum conjugium: ergo. Et hæc de re *Concil. Trid. sess. 24. Can. 9.* sic definit: *Si quis dixerit Clericos in Sacris Ordinibus constitutos: vel Regulares castitatem solemniter*

professos, posse Matrimonium contrahere, contrariumque validum esse, non obstante lege Ecclesiastica, vel voto: anathema sit. Ex qua definitione patet, quod Concilium, continentiam Sacrorum ministrorum, non in divinum aliquod præceptum, sed in legem Ecclesiasticam quoad Clericos, & in solemne votum quoad Regulares professionem refert. Quod advertit etiam *D. Tho. 2. 2. qu. 88. art. 11.* dicens: *Non est essentialiter annexum debitum continentie Ordini Sacro, sed ex statuto Ecclesiæ.* Et docent Leander *trac.* 6. c. *disp.* 8. qu. p. cum aliis ibidem relatis; præcipue *Sanch. de Matrim. lib. 7. disp. 27. qu. 2.* Qui tamen nu. 10. affirmat probabilius esse hanc obligationem non constringere immediatè ex constitutione Ecclesiæ, sed ex voto castitatis, quod Ecclesia suo præcepto annexuit Ordinibus Sacris: cogitque eos, qui Ordinem Sacrum assument, ut votum castitatis emittant, non expresse, sed facto ipso, & tacite; quavis enim voce non voveant, & facto, & opere profitentur castitatem per Sacrorum Ordinum susceptionem. Et quod subeat hoc potestati Ecclesiæ, consequenterque, verè votum sic liget: probat, quia quavis Ecclesia neminem possit absolute cogere ad continentiam, cum sit res meri consilii, *ca. integritas 32. qu. 2.* In ordine tamen Sacro, quem confert, potest apponere condiciones, & leges iustas illi statui convenientes, qualis est, ut ad illum promotus, castitatem voveat. Sicut quilibet in rei suæ traditione potest legem apponere, *l. in traditionibus, ff. de pactis*. Hæc *Sanch. n. 10. c.* ubi etiam pro sua sententia refert cum *S. Thoma* quinquaginta Theologos, & Canonistas; quibus & alii addi possunt. In hoc tamen uno *D. D.* omnes conveniunt, quod omnibus constitutis in majoribus Ordinibus præcepta sit continentia, ut patet ex multis Sanctis Patribus, tot Canonibus, & nominatim ex *Concil. Trident. l. c.* quo supposito tanquam certo.

1063 In proposito privilegio affirmatur, quod si quis ignarus omnino dicti Voti, seu obligationis servandæ continentiam, Ordines suscepit Sacros, ab hujusmodi obligatione in conscientia, & foro interiori excusatur: à quo non dissentit *Concil. de Sacram. disp. 20. dub. 14. difficult. 3.* quem sequitur *Palau p. 4. de Sacram. Ordini trac. 27. disp. Unica, punct. 18. nu. 12.* Et probatur, quia si talis Ordinem Sacrum suscepit existimans nullam obligationem castitatis servandæ eidem Ordini annexi, nulla est illi obligatio in foro conscientie; & eo magis

gis (inquiunt citati) si probabilibus rationibus ille ductus, ita existimet: non enim ex voto suscipitur talis obligatio, ut de se constar, cum nemo censeri possit vovere, id quod ignorat omnino: votum namque est lex privata, quam quisque sponte sua sibi imponit: ignorans autem prorsus votum, caret voluntate vovendi, ac per consequens, imponendi sibi eam legem. Quod confirmari potest ex *D. Gregor. lib. p. Epist. 42. circa medium* (ab iisdem etiam relatum) ubi scribit: nimis durum esse, iis Subdiaconis, qui in Sicilia erant ordinati, eum ibi omnes Subdiaconi more Græcorum uterentur uxoribus, velle harum usum interdicere; quia nimirum cum fuerint ordinati cum ignorantia talis obligationis, non potuerunt censeri eam acceptasse. Neque etiam supposita obligatio suscipitur ex dicta lege Ecclesiastica, quia ipsa neminem invitum (ut ait etiam *Palais nu. c.*) intendit adstringere, ut colligitur ex eodem *D. Gregorio. Ergo.*

1064. Dicit Privilegium in foro conscientie: quia in foro exteriori talis ignorantia non censetur probabilis, & iusta, ut docet *Azor. par. p. Institut. Moral. lib. 13. cap. 14. qu. 20.* & confirmat *Sporer par. p. Tyrocinii sacramentalis cap. 6. qu. 49. §. 4. n. 360. fol. mihi 396.* hæc dicens ad rem nostram: Si quis suscipiat Ordinem Sacrum prorsus ignarus Voti annexi Castitatis: (Causa hoc tempore vix supponendus supponamus tamen) siquidem intenderet suscipere eo modo, quo alii suscipiunt, seu eo modo, quo Ecclesia Catholica consert, adhuc implicite emittit votum; & de eo informatus postea obligabitur, nec valide Matrimonium contrahere poterit: quod si verò nec sic quidem intendat, sed potius errore positivo credidit non esse obligationem voti annexam Ordini, aut etiam animo ita comparatus fuit, ut si sciret votum, & obligationem castitatis Ordini esse annexam, eum non susciperet: tunc adhuc valide ordinatus, in foro conscientie saltem, voto castitatis non obligabitur, cum illud nullo modo emiserit (quia votum debet ex propria voluntate oriri, est enim spontanea promissio facta Deo) Obligabitur tamen in foro externo, quousque illam suam ignorantiam, errorem, vel dispositionem contrariam probaverit. Et insuper irritum esset eius Matrimonium, quod fortè contraheret, quia habet Ordinem Sacrum, cui annexum est impedimentum dirimens: unde postea informatus, si velit in Ordine suscepto ministrare, votum antea omissum debet emittere, ut supra dictum. Si nolit, & Matrimonium inire cupiat, omnino dispensatione opus erit, quam difficulter impetretis, quia difficulter probabit talem igno-

rantiam habitam hodie in tanta verum peritia. Certè Urbanus VIII. cuidam Subdiacono (de quo Gobat in *Alphabeto Ordinis Casu 20.*) alleganti defectum intentionis in suscepto Ordine, & dispensationem identidem per Patronos petenti, denique impertivis rescriptum cum hac summatrice Clausula (*Dispensamus in animam tuam*) indicans nimirum dispensationem ipsi concessam in eternam perniciem, nisi præceci veritate nitantur: hæcenus *Sporer*: optimè affirmans quod difficulter ille probabit talem suam ignorantiam habitam hodie in tanta rerum peritia: ob quam etiam advertit *Coninck*, & cum ipso *Palais l. l. c. c.* Vix in Ecclesia Latina hanc ignorantiam posse habere locum, cum præcipue omnes ante collationem Sacrorum Ordinum ab Episcopo admoneantur de obligatione castitatis servandæ, dum iis dicit. *Filii dilectissimi ad Sacrum subdiaconatus ordinem promovendi, iterum, atque iterum considerare debetis, quod si hunc Ordinem susceperitis, castitatem Deo adiuvante servare oportebit. Vide Tambur. de Sacram. Ordinis lib. 7. cap. 3. §. 3. nu. 11.* ubi habet eandem hanc doctrinam traditam à *Sporer*. Sed

1065. Contra privilegium oppones, primum quod lex iuste lata obligat etiam ignorantem. Secundum, quod suscipiens spontè aliquod officium, necessarîi acceptat omne quod ei annexum, etiam si hoc ignoret. Tertium, quod talis debet velle legitimè Ordines suscipere, & consequenter implicite vovere continentiam, alias illegitimè eos susceperet. Respondeo cum *Coninck l. c. nu. 142.* Ad primum, id solum verum esse in obligationibus, quæ omnino invitis imponi possunt, qualis non est hæc obligatio ad continentiam, quæ requirit aliquam acceptationem obligari; vel saltem ut aliquod faciat, quod ipsum ad talem acceptationem obliget. Ad secundum, negatur assumptum esse generaliter verum: Fallit enim quoties is, qui officium suscipit, habet iustam causam sibi persuadendi tale onus non esse annexum illi officio, nec non habet invincibilem ignorantiam huiusmodi annexionis. Ad tertium negatur consequentia: Quia, qui ob probabilem rationem, vel errorem positivum sibi omnino persuadet, sacrum, Ordinem sine voto, seu obligatione continentie posse legitimè suscipi, potest tunc velle sic suscipere: maxime sine voto, cum Ecclesia ab eo non exigit Votum ex dictis.

1066. Quæres hic obiter, an excusetur à peccato, qui per ignorantiam invincibilem aliquid facit, vel omittit contra proprium statum, & officium: Respondeo excusari, cum

cum Bonac. 10. 2. tit. de Peccatis disp. 2. qu. 8. punc. 3. n. 18. Cum laboret ignorantia invincibili, ut supponitur, & dari possit talis ignorantia, non solum communium legum, verum etiam particularium spectantium ad proprium statum, & officium: (ut constat etiam ex dictis in hoc privilegio, de Ordinato in sacris, qui ignorat obligationem suam servandi continentiam) quando videlicet nulla praecessit de huiusmodi legibus cogitatio, humana etenim diligentia expelli non potest ignorantia, vel inadvertentia, cuius nulla prorsus occurrit cogitatio.

1067 Ex superioribus dictis inferitur, quod & si Ecclesia absolute neminem cogere possit ad servandam (multo minus ad vendendam actu interno) continentiam, cum haec res sit consilii, non praeccepti, teste Apostolo p. Corinth. 7. nihilominus in Ordine Sacro, quem liberè confert quibus vult, conditionem, & legem adicere potest, & de facto adiecit; ut qui talem ordinem suscipiunt, & eo ipso facto continentiam profiteantur, ut colligitur ex sacris Canonibus supra cit. sanctis Patribus; &c. Casu tamen quo quis invincibiliter ignoraret hanc legem, & obligationem, (ut in hoc privilegio) adhuc maneret ad castitatem servandam obligatus, si informatus velit in ordine suscepto ministrare; alias esset in statu peccati mortalis; quia praeccepto gravissimo Ecclesiae contradiceret. Et si hoc tempore laberetur in peccatum incontinentiae, non committeret in illo malitiam sacrilegii in Confessione detegendam, quia nec contra votum, nec contra legem ex motivo Religionis praecipiente delinqueret. Videantur hac de re Dicastrillus tract. 6. disp. p. n. 398. & 400. Tambur. l. c. n. 10. Sporer §. 4. c. n. 357. & 358. Gobat Casu 20. c. & alii.

PRIVILEGIUM SEXTUM.

Qui suscipit Ordinem Sacrum ignorans invincibiliter omnis eidem annexum recitandi Horas Canonicas, atque adeo illas omittit, excusatur à culpa ignorantia durante.

1068 **S**acris Ordinibus initiati tenentur jure Ecclesiastico ad recitandas quotidie Horas Canonicas saltem privatim, Suar. lib. 4. de Orat. cap. 16. num. 2. Bonac. 10. p. de Horis Canon. disp. p. q. 2. punc. 3. n. p. Trullenb. in Decal. lib. p. cap. 7. dub. 12. §. 2. nu. p. & alii apud ipsos: & communiter D. D. quod probant praecipue ex communi usu, & consensu Ecclesiae, ha-

bente vim praeccepti sub mortali obligantis. Quamvis autem huius praeccepti, & obligationis ignorantia vix concedi possit quae excuset Clericum in Sacris, cum sit praecceptum satis notum: nihilominus si verè in aliquo extaret invincibilis, & inculpabilis, utique excusaret, ut in proposito privilegio; quod etiam confirmat, & approbat expressè Trullenb. in Decal. lib. 1. cap. 7. Dub. 29. n. 4. ut sequitur: Quoad ignorantiam dico, ignorantiam juris vix posse excusare Clericum in sacris, vel habentem beneficium: est enim praecceptum satis notum, & dum examinatur ad Ordines, vel beneficia, solet inquiri de obligatione, & Horis Canonici. Si autem daretur invincibilis, & inculpabilis (secus si crassa, & culpabilis) excusare posset. De Obligatione autem ad tempus in Beneficiario facilis potest esse ignorantia juris, ut an teneatur recitare statim, ac obtinuit beneficium, an post sex menses tantum: an etiam quando non recipit fructus, & huiusmodi. Quod si ignorantia sit facti, quae coincidet cum naturali oblivione, vel inadvertentia, quae circa unam, vel alteram horam (vix tamen circa totum officium contingit) si verè talis est excusatur: hoc est si absque culpa contingit talis ignorantia, seu oblitio, & inadvertentia: ratio est, quia efficit involuntarium: ita Trullenb. & ante ipsum, 20 sub iisdem ferè verbis Filiuc. 10. 2. trac. 23. cap. 9. qu. 2. & 3. n. 281. & 282. item Bonac. 10. p. de Horis Canon. disp. 1. q. 6. punc. 3. n. 9. alios referens. Et Palao par. 2. de Horis Canon. disp. 2. punc. 6. n. p. Dicit autem privilegium, Excusatur à culpa ignorantia durante: scientia namque adveniente obligationis Horarum Canonicarum, debet eas sub culpa lethali recitare quotidie Ordinatus in sacris, ut advertit etiam Azor. Instit. Moral. par. p. lib. 13. cap. 14. qu. 10. in fine.



C A P U T XXVI. DE PRIVILEGIIS IGNORANTIAE

CIRCA SACRAMENTUM MATRIMONII.

PRIVILEGIUM PRIMUM.

Promissio Matrimonii facta cum semiplena advertentia, & ignorantia, non inducit obligationem adimpletionis.

1069



Um promissio Matrimonii, seu Sponsalium obligatoria sit sub mortali *Sanch. de Matrim. lib. p. disp. 27. n. 2.* cum aliis tribus, & triginta D. D. & communiter: (Omnes enim contractus obligatorii sunt ex iustitia, sed sponsalium mutua, & reciproca promissio, & obligatio, verè est contractus, & in materia gravi, igitur obligatorius ad sui adimpletionem sub mortali) hinc est, quod petit advertentiam, & deliberationem ad mortale requisitam. Quapropter, meritò à *Basilio Pontio lib. 4. de Matrim. cap. p. nu. p.* sequens generalis statuitur regula tanquam certa: *Ea deliberatio, siue ea liberatur cum ea consideratione necessaria est ad contrahendum Matrimonii, & ad sponsalia, quae necessaria est ad peccatum mortale.* Huiusmodi autem regula videtur esse fundamentum, propositi privilegii: Quod ex eademmet probat etiam *Leander par. 2. De Matrim. disp. p. qu. 17.* sic dicens: *Quia sponsalia obligant ad mortale, petunt advertentiam, & deliberationem, ad mortale saltem requisitam. Quae tunc censetur talis, quando intellectus, siue ullo errore, aut ignorantia apprehendit rem, & sufficienter advertit, si ne bona, vel mala; quod totum deficit in semiplena advertentia, & deliberatione: sic etiam Sanch. de Matrim. disp. 8. n. 2. & 5. Lessius lib. 2. cap. 40. dub. p. n. 2. Bonac. 10. p. de Sponsalib. qu. p. punc. p. n. 4. Trullench De Matrim. lib. 7. cap. p. dub. 3. n. 2. & alii.*

1070 Ex hoc privilegio sequitur, promissionem Matrimoni factam alteri in calore iracundiae nec esse validam, nec obligationem, si iracundia, vel animi perturbatio tanta sit, ut privet hominem in tali

statu usu rationis, impediatque advertentiam requisitam ad mortale. *Navarr. in Man. cap. 18. n. 7. Sanch. cum aliis triginta n. 5. c. Trullench l. c. n. 4. Leander l. c. q. 18.* aliique plures. Si verò non sit tanta perturbatio, ut de facto advertentiam non impediat, aliter est dicendum. D. D. iidem. Item sequitur neque esse validam, vel obligationem Matrimonii promissionem alteri factam ab insano, amente, neq; ab ebrio, eo tempore, quo his defectibus subjacent, cum tunc temporis careant perfecta libertate, advertentia, & cognitione quae necessaria est, ad perfectum voluntarium consensum. Si verò dum isti lucida habent intervalla, & quando sunt, vel ab infania, vel ab amentia liberi, contraherent sponsalia, valida essent, & obligatoria. Uti & similiter si in aliqua materia infani essent, & in aliis rationis compotes existerent, nisi insanitas esset hujus materiae.

PRIVILEGIUM SECUNDUM.

Qui promisit Matrimonium, invincibiliter ignorans promissionem suam esse obligatoriam, eam non adimplendo, à culpa excusatur.

1071 **P**Robatur hoc privilegium, quia si promisit invincibiliter ignorans obligationem sequi ex promissione, non habuit voluntatem promittendi, cum ignoraverit naturam promissionis: ergo. Confirmatur, tum quia obligatio promissionis confurgit ex spontanea promittentis voluntate, at in casu hujus privilegii omnino involuntaria est, cum nihil magis sit contrarium voluntati quam ignorantia, & error, l. *Si per errorem, ff. De jurisd. omni jud.* tum quia ignorantia, & error circa substantiam rei promissae, irritant obligationem, eo quod voluntatem auferant, at multo magis ad promissionis naturam pertinet virtus obligandi, ergo hujus virtutis ignorantia, voluntatem, & obligationem aufert

aufert. Tum etiam quia in casu proposito verè non vult ille promittere Matrimonium, cum per vocem, promitto, non intelligat promissionem, & obligationem oriri, siquè verum privilegium: Quod etiam tradit Carolus Baucius *De miscell. Practicis* qu. 269. sic dicens: "Quando promissionem Matrimonium se habuit negativè, puta, quia naturam promissionis, & obligationem ex ea resurgere prorsus ignorabat, non manet obligatus: quia obligatio promissionis confurgit ex spontanea promittentis voluntate; sed in hoc casu omnino involuntaria est, cum nihil magis voluntati contrarium sit, quam ignorantia, & error; & ita etiam Sanchez. de Matrim. lib. pr. disp. 9. n. 2. Versu item certum. Cum aliis ibidem. Fillius. tom. pr. tract. 10. cap. 7. qu. 3. Vers. Quartò potest. n. 238. Bonac. 10. p. De Sponsalib. qu. p. punct. p. n. 5. Trull. de Sacram. lib. 7. cap. p. dub. 4. Sporer de Sacram. par. 2. tract. 2. cap. p. §. p. Versu hinc deduces: fol. 771. & aliis.

1072 An verò promissio ficta Matrimonii sit valida ad obligandum? Affirmant Pontius de Matrim. lib. 12. cap. 2. n. 7. cum Vasq. disp. 6. De Matrim. cap. 3. Quia talis promissio, & si verbalis, est vera respectu hominis. Et Hurtado de Matrim. disp. pr. Diffic. 11. nu. 42. existimat promissionem Matrimonii, & cuiuscumque alterius rei, fictè omnino, & solis verbis homini factam, absque alio animo quam proferendi verba ipsa, esse validam ad obligandum ex fidelitate, sed non ex iustitia, nisi per accedens, ratione videlicet damni secuti. Ex quo etiam inferit nu. 43. promissionem tantum exteriorem respectu hominis, non esse in rigore omnino fictam; quia nequit esse ficta in ratione promissionis, quamvis sit ficta in ratione contractus conferentis jus iustitiæ. Ex opposito tamen Sanchez. disp. 9. e. n. 3. Coninch de Sacram. disp. 21. dub. 2. n. 7. Bonac. 10. p. de Matrim. qu. p. punct. 2. n. 2. Vers. Dixi in propositione. Trull. l. c. dub. 5. num. 2. alique penes eosdem, sentiunt (& ego cum illis) talem fictam promissionem neque ex iustitia, neque ex fidelitate obligare: quoniam nec iustitia, nec fidelitas obligare possunt ad id quod verè promissum non est. At ficta promissio non est vera, sed solo nomine promissio, ergo non inducit obligationem: nec etiam ex fidelitate: nam etiam obligatio ex fidelitate supponit veram promissionem: aliter si non sit vera, idem est ac si nulla promissio existeret; nulla autem existente, quomodo potest (ait Trullench) oriri ex illa aliqua obligatio cum non entis nullæ sint qua-

litates? Peccavit tamen (inquit idem, & mortaliter ait Sanchez. n. c. cum aliis ibidem) fictè promittendo, quia deceptis sic alterum, qui non poterat ita facilè cognoscere illius deceptionem, & commisit perniciosum mendacium, in quolibet enim contractu utrinque obligatorio (qualis est sponsalium) lex iustitiæ præscribit, ut uterq; verè contrahat, & promittat. Non tamen tenetur stare promissioni, nec adimplere sponsalia ex vi promissionis, seu sponsalium, nisi ratione damni, si alter fortè patitur, aut ratione scandali vitandi, si aliter vitari non potest: sic Trull. n. c. & dub. 6. nu. 2. alique. Et P. Diana to. 2. Coord. tract. 6. ref. 7. Ex p. 3. tract. 4. ref. 204. alias 205. licet affirmativam sententiam Pontii, & Vasquezii (quam sequitur etiam Turrianus in 2. 2. to. 2. disp. 64. dub. 15.) non reiiciat, ob eisdem fundamentum, ab his Doctoribus assumptum: Quia videlicet, eo ipso, quod quis proferat verba promissionis, & quæ scit esse promissionis, & illi cui sit promissio sunt insinuata, ex naturali jure tenetur ad servandam veritatem, cum promissio esse debeat fidelis: idcirco qui promissit, non potest sua voluntate tollere eam naturalem obligationem: nec esse potest voluntas proferendi externa signa promissionis, siue contractus cuiuscumque, sine implicito animo se obligandi: Unde obligatio promissionis (in hac sententia per suos D. D. & in omni contractu) non oritur ex voluntate promittentis, sed ex naturali jure, quod debet esse veritas conjuncta verbis in futurum, quam non potest auferre à verbis, qui promittit. Licet inquam, idem P. Diana, non reiiciat hanc sententiam; oppositam tamen P. Sanchez, & aliorum citatorum (quæ communis etiam est) nempe promissionem fictam non obligare, putat in praxi tutam; & probabilissimam esse. Ad fundamentum autem Pontii, & Vasquezii allatum, fidelitatis videlicet, & veritatis, quæ in promissionis verbis in esse, debet, jam responsum est supra cum Trull. Quia enim fidelis inquam, & vera debet esse promissio, idcirco qui decipit, fictè, ac mendaciter promittendo, peccat: at qui sic promittit, verè in foro interno non promittit, ut dictum est. In externo vero foro, iudicabitur ferè semper contra fictè promittentem: nam Iudex super verbis promissoris sententiam feret, non super intentione; tum quia hæc non est directè sub sua jurisdictione; tum etiam quia ab ipsomet supponitur eadem conjuncta cum verbis; quando enim verba sunt promissoria,

ria, non est presumendum defuisse intentionem, & animum promittendi, cum iste ex natura rei adesse soleat, nisi de contrario constet.

PRIVILEGIUM TERTIUM.

Sponsus qui post valida contracta Sponsalia sufficientem habet causam ad illa dissolvenda, quam tamen ignorat, si cum tali ignorantia accedat carnaliter ad Sponsam, non amittit jus resiliendi ab illis.

1073 **S**ponsum consensum causæ sufficientis (quæ multiplex esse potest) ad dissolutionem sponsalium, jus amittere resiliendi ab ipsis si accedat ad sponsam, eamque carnaliter cognoscat, affirmant communiter D. D. *Sanch. de Matrim. lib. p. disp. 66. num. 2. Coninc. de Sacram. disp. 23. dub. 10. n. 76. Hurtado de Matrim. disp. 2. diff. 16. n. 59. Diana 10. 2. Coordin. tract. 6. ref. 14. num. 5. Ex par. 10. tract. 11. & Miscell. p. ref. 28. & alii.* Et ratio est: quia sicuti si Vir Matrimonium copulatus cum Uxore, post cognitum ejus adulterium eam cognoscit, admittit jus petendi divortium; ut docet D. *Tbo in 4. disp. 35. qu. unica, art. p. in corp. & patet. Ex lege si Uxor 13. in fine. ff. ad leg. Juliam de adulteriis.* Et eadem juri renunciare censetur: ita similiter sponsus per talem copulam amittit jus dissolvendi sponsalia: eo enim accessu, utpote facto sub spe Matrimonii, satis ostendit se cedere juri resiliendi, & in priori consensu permanere. Quod verum utiq; existimabitur in foro exteriori; quia in eo absq; dubio (inquit etiam *Hurtado*) ita judicabitur, cum dictus accessus sit vehemens indicium remissionis causæ, ac defectus, & cessationis juris resiliendi. In foro autem interiori, & conscientie jus pariter amittit sponsus per talem copulam dissolvendi sponsalia in opinione *Diana n. c.* etiam si voluntatem non habeat remittendi jus suum; quoniam remissio hæc (inquit ipse) non fit ab homine, sed à jure: & si nulla ipso jure erant sponsalia, per copulam sunt valide. Unde (concludit ipse) ego his diebus consules, non potuisse quandam à sponsalibus resiliere: quia post fornicationem sponsæ, illam carnaliter cognoverat. Ab hac tamen doctrina quoad internorem conscientie forum recedit *Hurtado n. c.* (& cum eo *Trull. de Sacram. lib. 7. cap. 2. dub. 13. n. 7.*) quando sponsus non accedit animo implendi sponsalia, quia (inquit) absque eo animo accedens non censetur verè remittere: quod

tenet etiam apud *Dianam ref. c. n. 6. Martinus Perez de Matrim. disp. 9. sec. 17. n. 6.* Ubi, quod in conscientie foro sponsus non amittit jus resiliendi, si accedat ad sponsam sine animo perseverandi in sponsalibus. Et ratio est, quia copula nullo jure continet explicitam, vel implicitam voluntatem renuntiandi proprio juri; potest enim haberi sine voluntate, imò cum expressa opposita voluntate non renuntiandi: igitur accedens absque animo non renuntiandi, nec cedendi proprio juri, illud non amittit; & consequenter resiliere poterit à sponsalibus. Et tunc tenebitur solum recompenfare damnum illatum, si alia via, quam duccendo sponsam potest damno illato satisfacere.

1074 At insuper, nedum non amittit dictum jus accedendo absque consensu, & animo remittendi illud; sed nec quando idem suum jus ignorat, & cum tali ignorantia cognoscit sponsam, ut dicit privilegium propositum. Quod probatur, quia cum ea ignorantia non potest habere, seu non censetur habere consensum in sponsalia, illaque ratificare: cum ex lege Si per errorem: nihil fit magis contrarium consensui, quam error. Huic privilegio subscribunt *Diana n. 5. c. Ubi: Si ignoras jus resiliendi, & cum ignorantia cognoscat Sponsam, non censetur sponsalia ratificare.* Et *Coninc. n. c. 76. sic: Qui ignorans se habere jus resiliendi habet copulam, non censetur confirmare priorem consensum; quia ad hoc necesse est ut sciat se posse resiliere: vel saltem, ut exterius ostendat se eo animo eam copulam habere, ut vellet priorem consensum confirmare, & firmus esset.*

PRIVILEGIUM QUARTUM.

Copulati in Matrimonio invalido, cuius tamen invaliditas ab ipsismet invincibiliter ignoratur, excusantur à culpa lethali in eorundem usu carnali.

1075 **H**oc privilegium est idem omnino ac *privil. 10. Superioris cap. 11.* & cum ipso incidit ad quod ideo lectori mitto, ne eadem ibi dicta hic repetamus. Unum tantum hic addo, & adverso. Filios videlicet assumptos ex tali Matrimonio bona fide ex invincibili ignorantia inito, validoq; existimato ab Ecclesia, ac ab eisdem contrahentibus, & copulatis, esse verè legitimos: ita *Sanch. de Matrim. lib. 3. disp. 42. n. p. & lib. 8. disp. 34. n. 46. Pontius De Matrim. lib. 11. cap. 2. §. 2. m. 13.*

Diana To 2. Coord. tract. 6. ref. 134. n. pr. Ex par. 10. tract. 11. & Miscell. p. ref. 62. Leander de Sacram. to. 2. tract. 9. disp. 18. qu. 18. (ubi ex Pontio, hanc esse sententiam omnium) alique penes ipsos: Et patet ex cap. Ex tenore. Cap. Inter. Et cap. Pervenit, qui filii sunt legitimi. Et ratio est: Quia titulus Matrimonii prodest, ut filii censeantur legitimi, & ideo prodest, quia semper parentes. (Vel alter saltem) dederunt operam rei licitae, saltem in sua exultatione, quae probabilis fuit: cum in facie Ecclesiae contraxerint, & praesumendum est, ne delictum praesumatur, alias hos non commiscendos, nisi credidissent validum esse Matrimonium: Ecclesia enim quae innoxios minimè punit, vult hos filios legitimos esse. Ita Sanchez. disp. c. 42. n. p. c. Versu, Præterea quia. Ubi dicit ipse (Vel alter) quia videlicet ipsemet (tum etiam alii Doctores allegati) concedit filios assumptos ex dicto Matrimonio esse legitimos, nedum quando uterque Conjugum, & parentum est in bona fide, ob invincibilem ignorantiam impediendi Matrimonium dirimentis, sed etiam quando unus tantum eorum est in bona, alter verò in mala fide: Quapropter disp. item cit. 34. n. 46. in princip. ait hic: Supponendum est, filium natum ex Matrimonio bona fide alterius parentis inito, esse verè legitimum, non solum quoad parentem habentem bonam fidem, sed etiam quoad alium malam fidem habentem. Quia verè est legitimus, ut constat ex cap. ex tenore, &c. Vide Paulum Comitolum in Responsu Moralibus lib. p. qu. 112. fol. mihi 223. ubi ad rem hanc, duo valde singularia facta recenset.

PRIVILEGIUM QUINTUM.

Promissio Matrimonii inter Adulteros non inducit impedimentum criminis dirimens eorum subsequens Matrimonium, si eorundem unus ignorabat alterum Conjugatum esse, vel ad hoc vivere alterius Conjugem.

1076 **Q**uando adulter, vel adultera commisso adulterio, contrahunt insuper, vel potius mutua promissione per verba de presenti invicem promittunt se copulari in matrimonio, statim nascitur inter eos impedimentum dirimens, ut deinde, etiam mortua uxore adulteri, vel marito adulteræ, matrimonium validè contrahere nunquam possunt, absque speciali dispensatione. Unde in poenam huius criminis redduntur inha-

biles ad contrahendum Matrimonium inter ipsosmet, non quidem jure naturæ, vel divino. Ut patet in Davide, qui post adulterium, & occisionem Uriæ, duxit ejus Uxorem Bethsabeeam, sed solo Jure Ecclesiastico, ut constat ex plurimis Sacris Textibus cap. Relatum 32. qu. p. cap. Propositum. Cap. Ex litterarum. Cap. Significasti. Cap. Veniens, &c. De eo, qui duxit. Et ex communi sententia. Ratio autem cur impossita sit ab Ecclesia dicta inhabilitas est, ne ob promissionem scilicet factam Matrimonii contrahendi, capteretur occasio machinandi mortem alterius Conjugis inter adulteros. Ex quo

1077 Habes *Primo*, in hoc crimine non requiri occisionem, vel machinationem mortis, sed sufficere adulterium cum promissione Matrimonii. *Secundo*: Non sufficere solum adulterium, alioquin omnes adulteri, vel adulteræ invalidè contraherent secundas nuptias. *Tertiò*: Neque sufficere solam promissionem futuri Matrimonii post mortem Conjugis quippe quæ per se loquendo, spectato jure naturæ illicita non est: quamvis per accidens hujusmodi promissiones soleant esse causæ multorum malorum: idcirco merited *Cap. Finali. De eo, qui duxit*. Gravier delinquere dicuntur, eisque poenitentia præcipitur injungi, qui matrimonio ligati, promittunt alteri Matrimonium post Conjugis mortem. Quæ promissio, licet non securo adulterio Matrimonium subsequens non dirimat, est tamen nulla, & irrita, quia à jure reprobatum in cit. cap. fin. De eo, &c. utpotè quæ ansam insidiandi Conjugi præbeat: hinc hantes similem fidem peccare graviter, expressè deciditur in cit. cap. dum subjungitur in ipso, poenitentiam illis injungendam esse, ut dixi; & tradunt ibi omnes scribes: Similique culpa involvetur (inquit *Sanc. de Matrimon. l. 7. disp. 79. n. 40.*) acceptans ejusmodi promissionem, utpotè qui culpæ alterius consensum præbet. Requiritur igitur ad hoc impedimentum, & sufficit, adulterium simul cum promissione futuri Matrimonii, sive adulterium sit commissum ante, sive post promissionem, seu fidem datam, ut expressè habetur eodem *Cap. Finali*. Minimè verò requiritur, ut fiat unum intuitu alterius per modum pacti conditionati, ex. gr. dicendo: promitto me ducturum te, mortua conjugē meā, vel tuo, si potestatem corporis feceris: nulli enim hoc exprimitur, sed sufficit, cum adulterio ante, vel post, fieri promissionem Matrimonii, hancque promissionem non esse ante

ante adulterium revocatam, si namque fuerit ante revocata, non erit amplius adulterium cum promissione, & idem nec ullum amplius impedimentum. Si verò facta sit post adulterium, & si ante mortem conjugis revocata sit, impedimentum jam antea contractum per adulterium cum promissione, permanebit utique, & nil conferet talis revocatio ad illud evadendum. Quia jam illi id incurrerant, nec propria auctoritate se eximere poterunt, ut notant *Sanch. disp. c. n. 7. Bonac. de Matrim. qu. 3. punct. 6. n. 13. alique passim.*

1078 Præterea ad hoc impedimentum requiritur, ut promissio, & adulterium vivente eodem conjugē facta sint. Unde si fides, & promissio data sit sub uno Matrimonio, & adulterium commissum sub alio posteriori, aut verſa vice adulterium commissum sub priori, promissio autem facta sub posteriori Matrimonio, non erit impedimentum; quia per posterius aliud Matrimonium dissoluta est connexio adulterii, & promissionis, quæ haberi nequit nisi durante uno, & eodem Matrimonio. *Sanch. disp. c. n. 5. cum aliis ibidem, Bonac. l. c. n. 12. Palao par. 5. de Sponsalibus, disp. 4. punct. 12. num. 8. in fine; & communiter. Colligiturque ex cap. 6. & ultim. De eo, qui dicit.*

1079 Ad hoc etiam crimen dirimens inducendum, requiritur insuper & adulterium perfectum, ac completum per immisionem feminis intra vas foemineum, adeo ut nec tactus quantumvis turpissimus, nec copula imperfecta, incepta, seu conatus, sufficiant, ut notant cum *Sanch. disp. c. 79. n. 2. plerique alii, ac Communiter D. D. alii non erit perfectè adulterium impedimentum præstans, ut exigunt jura, in re odiosa stricte interpretanda. Et quod prius Matrimonium, quo durante promissio futuri Matrimonii inter adulteros facta est, fuerit verum, & validum Matrimonium, & si ratum tantum, & nondum consummatum. Si enim Matrimonium illud reipsa fuisset irritum, & ut tale cognitum, ac definitum, adulterium existimatum cum promissione futuri Matrimonii nullum præstaret impedimentum, ut expressè dicitur cap. 2. De eo, qui dicit. (Ubi decernitur Matrimonium metu contractum, nec postea tacite, vel expressè ratificatum, eo quod irritum sit, non obitari valori Matrimonii alterius, nisi cum adultera) & ut notat *Sanch. disp. cit. nu. 30. cum pluribus ibidem, & docent communiter D. D. Non est autem necesse ad hoc impedimentum**

inducendum, ut utraque pars sit copulata conjugio, sed tantum necesse est, quod unaquæque habeat notitiam proprii Matrimonii, vel alterius adulteri, ut constat ex c. *Capitib. p. & 7. (in quibus, quia foemina ignoravit Matrimonium alterius, ob quod non peccavit peccato formali adulterii, dicitur, non incurrisse dictum impedimentum, & notat etiam Hurtado de Matrim. disp. 23. Difficultate 2. n. 6. Vers. Circa adulterium: exillimatis præterea contra Sanch. disp. c. 79. nu. 31. ad hoc impedimentum sufficere, quando uterque adulter est conjugatus, nolle proprium conjugium, quamvis ignoret alterius: Quia (inquit Hurtado) in hoc casu verè uterque peccat peccato adulterii, & adulterium formaliter ex parte utriusque committitur. In dictis autem Capitib. p. & 7. dicitur, foeminam ignaram Matrimonii Viri, non incurrisse dictum impedimentum, quia foemina ipsa (ut ibi supponitur) non erat conjugata. Ita Hurtado. Opposita tamen sententia Sanchezii l. c. & aliorum apud ipsum, & apud Escobar. in Theol. Moral. lib. 27. sec. 2. dub. 49. communior est apud Gobat. in Alphab. Matrimoniali par. p. Casu 101 nu. 194. in fine.*

1080 Quo verò ad promissionem Matrimonii junctam adulterio, ut hæc contrahat dictum impedimentum dirimens, requiritur, ut inter complices, & criminis participes sit exterioribus signis expressa: quia se habet ad instar Sponsalium, & per modum contractus. Nam promissio merè interna juncta adulterio, non præstat hoc impedimentum, eo quod ea utpotè alteri ignara non præbet ansam machinandi mala, & mortem conjugi. Ita *Sanch. disp. c. 79. n. 9. cum communiter. Ab aliquibus petitur quod sit mutua: sed ad minus requiritur quod sit ab altera parte acceptata, & acceptatione manifestata aliquo signo exteriori. Et ratio est, tum quia acceptatione seclusa, non habetur fidei datio, quam *Textus juris* requirunt, sed nuda solum pollicitatio, seu fidei oblatio, non datio, quia nulli datur, quod à nullo accipitur: tum etiam quia, ut promissio juncta adulterio inducat hoc impedimentum debet esse apta ad inducendum effectum, ob quem à jure idem impedimentum statutum est, atqui seclusa acceptatione alterius partis non est apta ad inducendum illum effectum, si quidem si promissio facta ab una persona, non acceptatur ab altera, non præbet sufficienter occasionem machinandi mortem conjugi. Unde si Viro promittente mulier*

non acceptet promissionem, sed illam recipiat; vel negativè se habeat, non sequitur hoc impedimentum. Neque facit hic *Regul. 43. Qui tacet consentire videtur, de Regul. Juris in 6.* nam hæc admittitur in sibi favorabilibus; non in id quod in ipsius damnum cedit, ut D. D. communiter colligunt ex eadem Regula apud *Coninb* mox citandum; nec qui tacet consentire videtur in sibi odiosis, nocivis, & penalibus, ut in casu hujus impedimenti, quod inducitur tanquam poena, idèd restringenda: hinc etiam *Glossa* super eadem *Reg. 43.* sic ait: *Ubi agitur de commodo, & bonore tacentis, tacens videtur consentire. Sed si agitur de suo incommodo, non habetur pro consentiente.* Non requiritur autem quod hujusmodi promissio sit jurata: quia jura, & Doctores hoc non exigunt; sed quod de se nata sit obligationem parere. Ita *Palud.*, *Sotus*, *Vega*, *Henriquez*, *Sanch.*, *Pontus*, alique, quos citat, & sequitur *Leander de Matrimon. disp. 14. qu. 12.*

1081 An verò sufficiat promissio facta; quæ ferèd facta exterius appareat, & acceptatur omnino? *Sanch. disp. c. n. 10. Coninb de Sacram. disp. 31. dub. 5. n. 57. Palud. l. c. n. 11. Leander disp. c. qu. 11:* aliiq; penes ipsos, affirmant, & eorum communis ratio est, quia talis promissio, & si facta ex parte promittentis, verè anam præbet promissario, qui eam veram, & ferèd factam arbitrat, infidias machinandi conjugii innocent, quod jura intendunt evitare. Sed negant, *Henr. q. lib. 12. de Matrim. cap. 14. n. 3. Sd De Matrimonii Impediment. dirimentib. n. 7. Bonac. punc. 6. c. n. 8. Hurtado difficult. 2. c. n. 9. Layman. lib. 3. trac. 10. par. 4. cap. 10. nu. 4. Vers. Quarta Condicio. Aversa de Matrim. qu. 18. sec. 3. vers. Sufficere quoque. Diana to. 2. Cohd. tract. 6. ref. 168. & 169. Ex par. 3. tract. 4. ref. 197. aliis 198. ex par. 9. tract. 7. & Misrell. 3. ref. 16. Trullench de Sacram. libr. 7. cap. 9. dub. 10. Conclus. 3. n. 9. alique. Quorum etiam ratio est: quia facta promissio non est vera promissio, & sicut veram adulterium, sic veram exigunt promissionem. Nec tanta datur occasio machinandi conjugii mortem quando facta promissio est, ac quando ex parte utriusque ut vera est acceptata: quia tunc uterque possit moveri ad talem machinationem: ac in casu nostro, illa solum pars, quæ eam veram judicat: unde non currit omnino ratio à juribus intentata; & si curreret, in his, quæ sunt odiosa, ut est apponere impedimentum dirimens Matrimonio, strictè inter-*

pretanda sunt, nec ad similia extendenda.

1082 Et sicut non sufficit ad contrahendum dictum impedimentum, promissio facta cum adulterio; sic nec promissio (cum adulterio) conditionata, & conditione ante mortem conjugis non impleta, ita ut transierit promissio in absolutam per adventum ejusdem conditionis, ante conjugis mortem: ut si adulter dicat adulteræ, *Du ego te in uxorem, si meus Pater ab Urbe discesserit*: sic conditionatè promittendo, necesse est ut discessus Patris sit ante mortem conjugis, ut cum adulterio consurgat impedimentum: ita *Coninb* dub. 5. c. n. 59. *Aversa* sec. 3. c. vers. Rursus sufficere. *Hurtado* Diffic. 2. c. n. 10. *Palud* l. c. n. 13. *Layman* n. 4. c. Vers. Sexta Condicio. *Trull* n. cit. 9. *Tamburin. de Matrim. lib. 8. tract. p. cap. 6. §. 3. n. 4.* & alii: asserentes omnes, promissionem esse debere puram, aut saltem ante mortem conjugis purificatam, quia promissio conditionata ante conditionem impletam non est simpliciter promissio, aut fides data, quam requirunt Sacri Canones: èsto enim conditionata promissio obliget expectare conditionis eventum, pendente tamen conditione non obligat exequi quod promissum est, idcirco non debet veni-feri promissio simpliciter, & absolute. Cum hoc autem impedimentum annexum sit promissioni conjugis, de verà, & propria promissione, & quæ alias obligationem conjugii induceret, intelligi debet. Verba quippe legis in penalibus maximè, non extendenda, sed potius restringenda sunt. Et ratio hæc probat, quamvis ex prædicta etiam conditionali promissione daretur occasio occidendi conjugem, quia ob rationis similitudinem non debet fieri extensio in penalibus. Accedit quod ex promissione conditionata ante mortem conjugis non aequè datur occasio conjugem occidendi, sicuti ex promissione absoluta, siquidem ex conditionata concipitur spes conjugii, sed sub dubio, & sub conditionis eventu.

1083 Tandem præter ea, quæ hæctenus recensita sunt ita necessaria ad statuendum dictum criminis impedimentum dirimens matrimonium: insuper requiritur verum, & formale adulterium, ad quod necesse est, quod uterque habeat noticiam proprii Matrimonii, aut Matrimonii alterius adulteri, & si caret hac notitia, ita ut una pars ignoret alteram esse conjugatam, hujus ignorantie causa impedimentum hoc non inducitur, ut in proposito privilegio, quod concedunt communiter D. D. apud *Trull* n. 9. c. *Conclus. 4.* in qua sic: *Requiritur, ut Adulte-*

Adulterium sit utrique notum, ut diximus n. 2. Et 3. Conclusione, & docent communiter D. D. unde non induceretur hoc impedimentum, si ipsa ignoraret eum, cum quo contrahit Matrimonium, esse conjugatum: Et si dum sciverit, illum esse conjugatum, se separat ab illo, & illum amplius non cognoscit, poterit mortua illius Uxore, cum illo Matrimonium inire: minime verò, si adveniente scientia Matrimonii illius, eum cognoscit, quia jam tunc, vivente alterius Uxore, adest formale adulterium conjugatum cum Matrimonio.

1084 Ratio hujus privilegii est apertissima: Quia, solo Jure Ecclesiastico ex dictis, & per omnes impedimentum dirimens (de quo hic) inductum est, & Jus ipsum Ecclesiasticum exigit in eodem impedimento, & ad sui subsistentiam dictam notitiam, & scientiam, ergo ubi adest opposita ignorantia impedimentum abest. Minor subsumpta probatur ex Textu Canonico, & authentica sententia, seu rescripto *Alexandri III. cap. p. De eo, qui ducit*: ubi sic loquitur. *Propositum est nobis, quod quidam vir uxorem habens, sibi aliam hujusmodi rei inficiam copulaverit, sed prima mortua, discedere nititur à secunda. Sed licet in Canonibus habeatur, ut nullus copulet Matrimonio, quam prius polluerat adulterio, & illam maxime, cui fidem dederat uxore sua vivente: vel que machinata sit in mortem uxoris; quia tamen prefata mulier erat inficia, quod ille aliam haberet uxorem; nec dignum est, ut prefatus vir qui scienter contra Canones venerat, lucrum de suo dolo reportet. Consultationi tue taliter respondemus; quod, nisi Mulier divortium petat, ad petitionem viri non sunt aliquatenus separandi: sic Pontifex cap. p. c. Ex quo, sicuti ex cap. 7. ejusdem Tituli De eo qui ducit. Lib. 4. Decretal. clarè habes, quia Mulier ignoravit matrimonium alterius, ob quod non peccavit ipsa peccato formali adulterii, ipsam excusari, nec incurrisse hoc impedimentum: & hoc idem dicit privilegium propositum. Ergo. Confirmatur, Quia jura, quibus hoc impedimentum statuitur, mentionem faciunt adulterii, quod ex utraque parte tendit in injuriam conjugis, præbens quoquo modo occasionem mortis ei machinandæ, hanc autem rationem non habet illa copula, quæ propter ignorantiam, excusationem præbet. Ergo. Accedit pro hoc eodem privilegio auctoritas nedom præcatorum Doctorum verum etiam omnium de Matrimonio, & impedimento criminis in specie scribentium. Quorum aliqui affirmant, quod si unus adulterator, etiam per crassam negligen-*

tiam ignoret adhuc vivere alterius conjugem, non incurreret impedimentum. *Sanchez, Layman, Coninch*, alique: etiam *Canones, scientiam exigunt*. Ergo ignorantia liberat ab hoc impedimento, sicque verum privilegium.

1085 Quomodo autem se gerere debeant qui putantes conjugem jam esse mortuam, vel mortuum, bonaque fide contraxerunt matrimonium, postea vero cognito, conjugem adhuc vivere, committunt, vel perunt committere adulteria, idque quasi ex vi prioris contractus? Accipiant tales, Responsum *Doctores Navarri* ad similem casum libimet propositum tom. 2. *Consilior. lib. 4. Consil. 3. in eundem titulum: De eo qui ducit*. Antonius vivente priori uxore, motus rumore mortis ejus, quæ debebat longè distans ab eo, contraxit cum Berta ignorante Antonium habuisse uxorem, de cujus morte nil certi constabat: quæ Berta etiam, postquam deinde cognovit vivere uxorem Antonii, perrexit facere Antonio potestatem sui corporis. Nunc vero sepulta priori sua uxore, & superflite secunda, quaerit Antonius, quid sibi faciendum? Sapiens. *Navarr. Resp. Primo*. Non posse illos convivere, nisi eliciant novum consensum; quandoquidem matrimonium non valuit vivente prima uxore. *Secundo*. Licet novum consensum eliciant, attamen fore illicitum, ac irritum, nisi accedat dispensatio Pontificis; quandoquidem Berta perrexit carnaliter adhærere Antonio, etiam postquam cognovit adhuc vivere illius uxorem. *Tertio*. Antonium teneri ducere Bertam volentem; quia illam ab initio decepit, utique non contracturam, si cognovisset, esse incertum, an viveret prior uxor. *Quarto*. Illam renovationem consensu fieri debere coram Parocho, & testibus; esto jam præcesserit in facie Ecclesiæ matrimonium illud invalidum. Verum quoad hoc existimo esse attendenda, ac examinanda verba, & præcepta, in rescripto, & dispensatione Summi Pontificis contenta, illaque exequenda. Sed

1086 Quæres, An hujus impedimenti dirimentis ignorantia, excuset, ac profit, ita ut qui adulteravit cum coniugata cum promissione ducendi illam in uxorem mortuo Marito; possit absque dispensatione Pontificis matrimonium cum eadem inire, si dum commisit adulterium, nesciebat impedimentum dirimens ex illo proveniens. Huic eidem quaesito *Carolus De Bancio in Miscell. Consue. Consil. 10. 2. Opusc. p. qu. 276*. satisfacit sic. *Quis commisit adulterium cum promiss.*

promissione contrahendi matrimonium secuta morte alterius Coniugis, vel interfecit virum ad finem contrahendi matrimonium, sed ignoravit invincibiliter ex hoc crimine non potuisse sequi matrimonium absque dispensatione Summi Pontificis; an incidit in hoc impedimentum dirimens? Respond. Hunc casum non inveni apud Sanchez, qui diffusè agit de matrimonio, nec apud amicissimum Dianam, qui proficitur peregrinas Doctorum opiniones in lucem edere ad utilitatem fidelium, & ad tollenda peccata mundi; ac proinde operepretium existimavi typis mandare doctrinam Paludani à mentibus fidelium abolitam, cum hic Auctor sit antiquus, & apud Bibliopolas non reperiatur. At hic Auctor in sent. dist. 34. quæst. 2. nu. 17. & citat Canones, quod requiritur scientia huius impedimenti, ad hoc ut incurratur tale impedimentum: quam scientiam huius impedimenti Paludanus requirit ex parte utriusque contrahentis ad hoc ut incurratur supradictum impedimentum, nec sufficit ut unus contrahentium sciat huiusmodi impedimentum. Fernandez in Marcella Casuum Conscientie par. 3. cap. 16. sec. 5. in fine, citat Paludanum, & Majorem quæst. 2. dist. 37. quæst. p. 4. & dicit esse communem opinionem, nempe requiri scientiam huius impedimenti, ad hoc ut quis incurrat. Ratio potest esse, quia, huiusmodi impedimentum, ut supra dictum, est impositum ab Ecclesia in pœnam delicti: sed pœna (ait Sanchez in Summa lib. 4. cap. 22. n. 18.) non incurritur ab ignorante illas invincibiliter, & dicit banc esse probabiliorē opinionem. Ergo. Hactenus Baucius: cujus, seu potius Paludani doctrina non obstante.

1087 Respondo ad quæsitum cum Diana to. 2. Coord. tract. 6. ref. 170. ex par. 10. tr. 13. & Miscell. 3. ref. 51. & aliis communiter. Non prodesse in præfatis, nec excusare ignorantiam impedimenti etiam invincibilem, & nedum juris, sed nec etiam facti. Quia impedimenta matrimonii dirimentia, imposita sunt non solum ut pœnz, verum etiam principaliter tanquam inhabilitates, ut communiter D. D. apud, & cum eodem Diana ref. c. 170. n. 2. ubi, quod non proficit ignorantia nedum juris, sed nec etiam facti. Unde affinitas ignorata ante matrimonium illud dirimit, ut docet Joannes de la Cruz in Direct. de Matrim. art. 5. dub. 9. concl. 2. aliique communiter. Hinc generaliter loquendo, ad incurrendum quodvis impedimentum dirimens, ita & hoc criminis impedimentum, non requiritur scientia huius impedimenti, nec excusat ignorantia: quia hoc impedimentum ab Ecclesia inductum est, non præcisè in pœnam delicti, sed principaliter ad absterrendos homines,

ne spe matrimonii, crimina committant, pro ut unanimiter supponunt D. D.

1088 Confirmatur Primò: quia lex prohibens, seu irritans contractum matrimonii (de quo in quæsito) non est principaliter pœnalis, sed irritativa contractus, & obvians malis: ergo quoad ipsam nil prodest ignorantia etiam si invincibilis esset; juris, vel facti. Secundo: Quia matrimonium est quidem sacramentum, sed etiam contractus, imò ratio contractus antiquior est ratione sacramenti: contractus autem; ut sit legitimus, subiacer dispositioni Reipublicæ, & sic etiam contractus omnes, ut patet: sicque potest Respublica varias condiciones exigere, sine quibus contractus, nec censetur, nec sit legitimus: Ergo & Ecclesia potest certas condiciones exigere in contractu Matrimoniali, sine quibus contractus iste non sit validus, & proinde etiam iustificare potest, uti instituit, impedimentum matrimonium dirimentia: quoad hæc autem, ignorantia etiam invincibilis nihil prodest; sicuti à simili nec prodest respectu irregularitatis, quæ propter solam significationem contrahitur; ex defectu lenitatis, vel natalium, ex bigamia, ex defectu corporis, aut animæ: data enim quacumque ignorantia juris, vel facti, huiusmodi irregularitas contrahitur; nec per ignorantiam tollitur. Cajet. par. 2. qu. 96. ar. 3. §. Ad hoc dicitur. Sanchez de Matrim. lib. 9. disp. 32. n. 15. Bonac. de Conf. disp. p. p. n. 13. Diana to. 6. Coord. tract. p. ref. 38. nu. 6. ex par. 11. tr. 4. & Miscell. 4. ref. 4. ubi, ex data similitudine, & paritate irregularitatis præfatæ, & inhabilitatis, quæ utique contrahitur etiam ab ignorantibus illam invincibiliter, talia esse concludit impedimentum matrimonii dirimentia, quæ cum sint non pœnz pœnz, sed inhabilitates, & sub nomine inhabilitatum comprehendantur, incurrunt, etiam si adsit ignorantia invincibilis tum juris, tum facti. Tertio: Accedunt in confirmationem, & alia similia, ex Lege Civili, & Canonica, in quibus ex gr. prohibetur ne Testamenta condantur nisi sub certo numero Testium: ne Professio emittatur, nisi completo integro anno Novitatus; & post annum decimum sextum: Et si quis Testamentum cõderet, Professionemque emitteret sine dictis conditionibus, ex ignorantia invincibili, Testamentum, & Professio, ignorantia non obstante, essent irrita. Sic igitur est in casu nostro (ait etiam Diana ref. c. Coord. 170.) licet aliquis adulterium, & homicidium committat, cum ignorantia inculpabili, &

invin-

invincibili impedimenti Criminis, hoc non obitante, matrimonium erit nullum absque pravia dispensatione contractum: uti et si aliquis postquam cum Matre rem habuit, copulam haberet cum filia, ignorando inculpabiliter impedimentum affinitatis: hac enim ignorantia non obstante, si contraheret cum ista sine dispensatione pravia, nullum esset Matrimonium. Quorum omnium ratio est, ut supra, quia videlicet impedimenta matrimonium dirimentia, ab Ecclesia imponuntur, non tamquam puræ pœnæ, sed tamquam inhabilitates, & conditiones irritantes, & annullantes actum subsequendum: ita *Diana ref. c. 170. nu. 3.* ubi in fine allegat *Magistrum Serra to. 2. in p. 2. D. Tbo. qu. 96. art. 4. ad 3.* docentem impedimenta matrimonii non esse propriæ pœnæ, sed inhabilitates, & ideo ignorantiam ab eis non excusare.

1089 Ex hæcenus dictis, patet, ruere fundamentum *Paludani*, & *Baucii*, ac eorumdem suppositum; non enim ut ipsi volunt, Matrimonii impedimenta dirimentia, imposita sunt ab Ecclesia ut puræ pœnæ, uti sunt suspensio, interdictum, & irregularitas ex delicto, à quibus ignorantia inculpabilis excusatur; sed ut inhabilitates, & conditiones annullantes actum faciendum, in quibus non prodest ignorantia, ruit ergo suppositum fundamentum, ideo, &c. *Qui tamen bona fide contraxerunt adstricti impedimento criminis, non vereretur inquit Patritius Sporer de Matr. cap. p. Crimine 4. num. 114. in fine: fol. 122. cum Gobat p. p. Alphab. Matrimonial. Casu 10. n. 202. in fine) relinquere in bona fide.* Quod potissimum fieri potest quando ex admonitione nullus speraretur fructus: aut quando remedium difficillimum esset; ita ut scandalum, vel notabilis infamia; vel damnum grave inde sequeretur. Quando enim nullus speratur fructus, inicitur laqueum admonendo; nam qui ratione ignorantie non peccabat, peccabit postea admonitione: possumus igitur non admonere (nec ad id tenemur) laborantem ignorantia invincibili, quando non speratur fructus (sicuti nec vi præcepti correctionis obligamur alteri correctionem facere quando fructus non speratur) & ita expresse in simili casu tacendum esse, & relinquendo tales putativos conjuges in bona fide docent *Innocentius III. cap. Quia circa 6. de Consanguin. Coninch de Sacrament. disp. 8. dub. 17. n. 137. Sanchez de Matrim. lib. 2. disp. 38. Conclus. 4. n. 6. Suar. de Pœnitent. disp. 32. sect. 4. n. 4. Reginald. lib. 2. cap. 4. nu. 46. & libr. 31. cap. 31. nu. 229.*

Henric. lib. 6. cap. 27. n. 4. Bonac. de Matrim. qu. 3. punc. ultimo. propos. 2. n. 4. aliique plures. Hinc

1090 Habes generalem regulam pro Confessariis in ordine ad admonendos suos pœnitentes ignorantia laborantes. Vel enim isti sunt in ignorantia vincibili, & culpabili: vel in inculpabili, & invincibili: Si primum; tenetur Confessarius admonere pœnitentem, eumque ex officio instruere, quando instructione indiget, atque admonitione; aliter Confessarius non intruendo pœnitentem ignorantia vincibili laborantem, se gereret infideliter. Ad idque tenetur Confessarius etiam si non speretur emendationis fructus: tum quia munus suum, tenetur persolvere, munus autem Confessarii est repellere pœnitentem minus dispositum, illumque admonere: tum etiam, quia fortasse aliquando proderit admonitio, cum fieri possit, quod pœnitens, cognito pravo statu, agitetur stimulis, & resipiscat. Unde in casu nostro Confessarius tenetur admonere pœnitentem, qui ex ignorantia vincibili, & culpabili contraxit invalide Matrimonium. *Sotus in 4. dist. 18. qu. 2. art. 4. §. Secundum assertum sit* (ubi sic: *Quando ignorantia est juris, quod omnes tenentur scire, sive divini, sive humani; vel facti, quod ille pœnitens scire tenetur, Sacerdos obligatur pœnitentem instruere quicquid sequatur, sive profut, sive obfut. Res est clara, nam omnis talis ignorantia est culpabilis.*) *Coninch l. cit. n. 136. Suar. sect. c. n. p. Bonac. l. c. propos. p. n. 2. & 3. & alii.* Si verò secundum; Quando Confessarius probabiliter fructum sperat, tenetur pœnitentem ignorantia etiam invincibili juris, vel facti laborantem admonere, ut relinquat statum, qui materialiter est status peccati, quamvis excusetur per ignorantiam, *Coninch. nu. c. 136. Suar. sec. c. n. 3. Bonac. l. cit. propos. 2. nu. 4. & alii.* Ratio est, tum quia tenemur ex charitate admonere proximum, etiam si ignoranter faciat id, quod ex se peccatum est, quando est spes fructus, ut patet ex materia de correctione fraterna, quia hæc ipsa ignorantia, & huiusmodi status, de se est magnum malum proximi, & ideo ipsa misericordie ratio obligat ad subveniendum illi, quando est spes fructus, juxta generales Regulas misericordie. Tum quia Confessarius ratione officii vicem gerit Pastoris, & Doctoris; tenetur igitur si commodè fieri potest (& fructum sperat) illuminare pœnitentem etiam invincibili ignorantia laborantem: ad id non tenetur si fructum non sperat, ut supra dicitur, & probatur.

tur. Circa quod tamen

1091 Adverte cum *Suar. sec. c. num. 2.* Aliud esse (supposita præfata ipsius penitentis ignorantia) tacere Confessarium veritatem, aliud mentiri, & penitentem in suo errore quoquo modo confirmare. Confessor igitur nullo modo debet falsum dicere, vel penitentem suo in errore confirmare, ut ex se clarè patet, quia hoc est intrinsecè malum. Hinc fit, quod si penitens interroget, vel dubitet, veritas illi apperienda sit. An verò liceat interdum dissimulare, & occultare, cum hoc non sit falsum dicere, nec errori favere. Distinguo cum eodem *Suar.* Si dubitat penitens de re, quæ ad jus pertinet, seu præcepti obligationem, nullo modo Confessor potest dissimulare, sed explicare debet penitenti obligationem quam ipse habet, supposita facti narratione, quam ipsemet proponit. Quia tunc Confessor habet rationem Pastoris, & Medici, idcirco ad illius munus pertinet veritatem docere; tacendo enim, & dissimulando; fuisset etiam auctoritate confirmaret, penitentis errorem. Si verò ad factum res pertinet, tenetur etiam interrogatus veritatem fateri, & non plus dicere quam interrogatus sit. Ut si dubitet uxorata an possit reddere debitum Marito petenti propter Votum castitatis quod habet, licet sciat illam habere aliud impedimentum quod irritavit matrimonium, potest respondere simpliciter, votum non impedire redditionem debiti, reliqua verò tacere invincibiliter ignorata: quando maxime Confessor non sperat fructum, ut supra: quia tunc nec tenetur ratione officii, nec ratione charitatis admonere penitentem, cum aliàs supponatur bene dispositus, & integrè confessus formaliter: Unde & *D. Augustinus in cap. Si quis autem de Penit. d. 5.* in hujus Confirmationem ait: *Si scirem non tibi prodesse, non te admonerem, non te terrerem.* Videatur *Suarez sec. cit.*

PRIVILEGIUM SEXTUM.

Qui scit impedimentum aliquod dirimens matrimonium, occultum tamen, & adeò occultum, ac ignoratum ab aliis, ut ipse solus noverit, probarique nullo modo queat, excusatur ab obligatione denunciandi, ac detegendi illud.

1092 **N**egant hujusmodi privilegium *Sanch. (aliis relatis) de Matrim. Tom. p. lib. 3. disp. 13. n. 2. Fagnol. 2. Eccl. Præcep. lib. 6. cap. 5. n. 4. Henric. de Matrim. libr. 11. cap. 14. nu. 5. Bonac. De*

*Matrim. qu. 2. punct. 6. n. 30. Coninch de Sacram. disp. 27. dub. 7. conclus. p. n. 61. Gaspar Hurtado de Matrim. disp. 5. Diffic. 21. n. 75. Fillius. to. p. trac. 10. par. p. cap. 5. Vers. Dic. 3. n. 185. Trull. De Sacram. lib. 7. cap. 6. dub. 11. n. 3. Palao par. 5. de Sponsalibus disp. 2. punct. 13. §. 6. n. 5. Leand. p. 2. De Matrim. trac. 9. disp. 7. qu. 88. aliq. plures: unanimiter sentientes quod si unus tantum sciat tale impedimentum, & consequenter ob aliorum ignorantiam illud probare haud possit, teneatur nihilominus idemmet impedimentum denunciare. Omnium fere ratio est: tum quia, ut ait *S. Tho. 2. 2. qu. 70. art. p. ad. 2.* quisque tenetur manifestare peccatum occultum inferens damnum tertio, quando Prælatum interrogat legitime, ut in casu hujus Privilegii, in quo Superior per denunciations interrogat legitime, atqui subicere occultum impedimentum dirimens Matrimonium, vergit in magnum præjudicium tertii, nimirum tum alterius conjugis impedimentum ignorantis: tum futuræ proles, quæ ex tali Matrimonio nasceretur illegitima, tum etiam ipsius Sacramenti, quod in hujusmodi casu magnam pateretur irreverentiam, quatenus nullitati exponeretur. Tum quia, cum in manifestando impedimento Matrimonii occulto, non agatur de crimine puniendo, sed de eo impediendo ne fiat, tanta probatione non est opus, sed sufficit unus testis, quamvis sit denunciator cui non incumbit onus probandi, sed ad Parochum, vel Prælatum spectat, quid faciendum sit providere. Tum etiam quia, licet in aliis rebus, in quibus agitur de punitione rei, spoliatione possessionis, &c. non sufficiat unius testimonium ad faciendam fidem, bene tamen in casu hujus Privilegii, in quo agitur de evitando peccato, & animæ periculo, ne impediti contrahant contra Ecclesiæ præceptum, illegitimè, & invalidè.*

1093 Et hoc (addunt) verum est, licet etiam sub secreto naturali (extra sigillum Confessionis intellige) tale impedimentum sciat: imò etiam si juraverit se nunquam manifestaturum. Tum quia, ut docet *S. Tho. l. c.* secretum naturale non obligat, consequenter nec juramentum adhaerens illi, quando imminet damnum commune, aut periculare tertiarum personarum. At per hoc quod matrimonium cum impedimento dirimente contrahatur, imminet damnum commune, cum ex illo plura incommoda sequantur, tum conjugibus, tum filiis ex eisdem ortis, qui illegitimi erunt, tum consanguineis,

sanguineis, & aliis, inter quos jurgia, & diffensiones orirentur, si postea detecto impedimento matrimonium dissolvatur. Tum etiam quia (ut supra etiam) hic non agitur de damno, aut punitione alicujus, sed de peccato vitando, & eripiendo contrahente à morte spirituali sibi imminente. Quare lex de impedimento hujusmodi detegendo; cum respiciat vitam animæ, legi est præferenda, de observando secreto naturali: proindeque illicitam erit illud in tali casu observare, & cum sit juramentum iniquitatis, ad hoc obligare non poterit: ita præcipue: *Trull. 3. c. c. Leand. disp. c. 9. 87. Sancti. l. c. n. 5. Vers. Verum dicendum, ubi citat Paludan. & alios. Hortado n. c. Averfa. de Matrim. qu. 7. sec. 4. Vers. Tenetur detegere: & aliique plures. Limitantes tamen obligationem hanc revelandi occultum impedimentum, quoties tantum id commodè fieri potest: quotiesque prudenter non timetur sequiturum revelanti maximum detrimentum, aut grave damnum, aut magnum scandalum inter alios; ut idem advertunt Navarr. in Summa cap. 22. n. 83. Averfa. sec. c. Vers. Non autem. Cominch l. c. n. 62. & alii. Quia in his casibus, nec fraterna correctio, neque præceptum Ecclesiæ, aut Superioris, imò nec lex ipsa charitatis obligant, cum tanto suo, vel aliorum dispendio, ut communiter D. D. & videre est apud Petrum Navar. de Restit. lib. 2. cap. 4. n. 228. Quæ autem dicunt relati Doctores de obligatione manifestationis impedimenti matrimonium dirimentis; suo modo, & proportionaliter applicant etiam impedimento matrimonium impediendi: Quia licet hoc non irritet matrimonium, facit tamen ut illicitè, & cum peccato contrahatur; unde impedimentum istud sciens, & congruè potens ejus detectione peccatum impedire, hoc facere tenetur.*

1094 Ex opposito tamen ab hujusmodi obligatione excusant, admittuntque nostrum propositum privilegium, *Supplementum Gabrielis d. 28. qu. 2. art. 3. dub. penult. Joannes Major in 4. sentent. dist. 21. qu. 2. art. 3. Sæ, Verbo Matrimonium n. 23: Pontius de Matrim. lib. 5. cap. 34. n. 5. Ubi sic: Mibi placeat sententia, quæ negat obligationem esse detegendi impedimentum Matrimonii, si illud est omnino occultum; & ipse solus novit, ita ut probari nullo modo possit, quam sententiam tenuit Major in 4. Sc. & eadem mihi sententia placet; cæque per partes explicare, & probare conabor, ut magis constet ejus veritas: ita Pontius, quem recitat etiam, nedum Diana to. 2. Coord. tract. 6. ref. 69. n. 2. verum &*

eundem sequi, & approbare videtur: dum n. c. in fine, sic ait: Pontius, fuit hæc sententiam explanat, & probat: unde quando acciderit casus, lege illum, & omnia solidè pertractata invenies. Subdens postea n. 3. Nota etiam, quod dictus Basilius Pontius n. 11. respondet ad argumentum contrarium assumptum ex cap. præterea, de Spous. Qui postea in cap. 36. n. 2. sic etiam asserit. Delato ad Ordinarium impedimento, si unus tantum testis sit absque aliiis adminiculis, censet non posse interdicti Matrimonium, nec deberi, per ea, quæ adduxi supra cap. 4. unus enim testis, etiam in causa matrimonii non probat, etiam quoad effectum impediendi Matrimonium, quidquid dicant multi, gravesque Doctores. Ità ille, quæ omnia valde notanda sunt; quia nova, & præcæcibiua sunt. Sic concludit Diana l. c. Ex par. 3. tract. 4. ref. 220. alibi 221.

1095 Probatur ergo hæc secunda sententia (consequenter Privilegium propositum) ex doctrina ejusdem Pontii: Tum quia, commune est in aliis rebus neminem obligatum esse denunciare quod probare non potest, ut docent Navar. de Restit. lib. 3. cap. p. in secunda edit. nu. 358. & cum aliis Gutierrez. lib. p. Cæmnicar. Q. cap. 11. n. 21. ne ut impollat, aut calumniator habeatur: ergo similiter in præfenti. Tum quia, etiam si nonnulli Doctores asserant adesse quandoque obligationem manifestandi id quod probari non potest, ideo affirmant quia tunc agitur de vitando peccato, & non inferendo damnum tertio, ad quod solus ille sufficit. At in casu hujus privilegii, nullum est peccatum, quod vitetur; neque damnum quod inferatur: nam vel Conjuges sunt in bona fide, & nullum peccatum committunt contrahentes, utpote ignorantes se esse impedimento ligatos: & Matrimonium Ecclesiæ ipsa censet validum; proleque legitima nascetur, cum bona fide Conjugum suscepta sit, & in facie Ecclesiæ Matrimonio contracto: nullaque injuria Sacramento irrogatur, cum nullum efficiatur Sacramentum: ergo nullum est peccatum, quod vitari debet, nullumque damnum imminet, quod repelli necessarium sit: & dictum illius testis non sufficit, cum non probet. Vel conjuges sunt in mala fide, & ex mala fide procedunt, quia illis notum est impedimentum, & ad hoc non videtur obligatus qui solus omnino novit, illud denunciare, cum ex suo tantum dicto nec probari impedimentum possit, nec Matrimonium impediri. Cap. Licet ex quodam de testibus. Quod efficacius procedit, si impedimentum procedat ex de-

licto, cum absque fructu, alicui, infamia inferenda sit. Et hinc patet solutio fundamenti prioris, & oppositae sententiae. Vide *Pontium cap. 6.* & adverte, me admittere privilegium, quando (tantum) qui novit impedimentum, certus est quod nullus alius praeter ipsum illud idem noverit, suamque denunciationem nihil esse profuturam: sub qua restrictione etiam *Palao §. 6. c. n. 7. in fine*, admittere videtur sententiam *Pontii*, & aliqualem probabilitatem eidem concedere, quamvis superius *nu. 5.* absolute affirmavit primam sententiam *Sanch.* omnino consulendam esse: en *Palai* verba: *Ut sententiam Basilii Ponce aliquam probabilitatem videatur habere, debes certus esse, nullum alium à te impedimentum nosse, tuamque revelationem nullius fore utilis, &c.*

PRIVILEGIUM SEPTIMUM.

Coniuges ignorantes tactus inter se exercitos ob solam voluptatem captandam, sine periculo tamen pollutionis, & absque animo perveniendi ad copulam, esse solum peccata venialia, ab ipsismet venialibus exsuntur.

1096 **S**upponit privilegium, huiusmodi tactus, sive actus, aspectus, contabulationes turpes, &c. esse quidem venialia peccata, in coniugibus illicita, non tamen in ipsis mortalia, quando absit periculum effusionis seminis extra vas, etiam si fiant animo ad copulam haud perveniendi. Et quamvis non desint qui affirmant in coniugibus etiam, esse mortalia, ut videre est apud *Sanch. de Matrim. to. 3. lib. 9. disp. 44. n. 2. Gaspar. Hurtadum de Matrim. disp. 10. diff. 10. sub n. 46. Dignato. 2. Coord. tract. 6. ref. 191. Ex par. 3. tract. 4. ref. 224. aliis 225. & alios (Qui ducuntur ad id affirmandum, tum quia venerea delectatio, non intenta ob bonum proles, aut in ipsum relata, omnibus interdicitur, prohibeturque sub culpa lethali: tum quia talis delectatio est quasi incepta seminis effusio, ad illamque tendit, cum ipsam comitetur commotio membrorum generationi intercurrentium; hæc autem lethalis est, extra copulam coniugalem: tum etiam quia eadem delectatio in Viduis est lethalis, ergo & Coniugibus, quando non est voluntas, vel opportunitas habendæ copulæ) quamvis inquam id aliqui affirmant, contrarium tamen docent communiter Doctores. *Sanch. l. c. nu. 3. Coniugib. de Matrim. disp. 34. dub. 11. nu. 114. Hurtadus nu. c. 46. Vers.**

Sanc. verò. Gobat. par. 2. Alphabeti Matrimonialis Casu 17. n. 656. alique communiter, solam esse videlicet culpam venialem, tactus, oscula, turpes fabulationes, &c. inter coniuges, ob solam voluptatem in ipsis captandam absque animo perveniendi ad copulam: si namque mortalia essent, *Ve ve Coniugatis*, ait *Diana l. c. n. 2.* Ideo autem non sunt mortalia, quia libido, seu voluptas in ipsis tactibus, & actibus reperita, non queritur omnino extra matrimonium, sed in ipso: hi etenim actus, ideo inter solutos sunt mortales, quia excitant delectationem veneream similem illi, quæ habetur in copula, & ad hanc naturam suam ordinantur; in quibus igitur illicita est copula sub reatu mortali, ita & huiusmodi tactus, &c. & in quibus matrimonium excusat libidinem quæsitam in copula, saltem à mortali, ita etiam excusabit saltem à mortali libidinem in dictis actibus quæsitam, utpote coniugalem. Ex quo inferitur responsio ad argumenta opposita. Ad primum enim dic cum *Sanch. l. c. n. 7.* assumptum verum esse, ubi matrimonium non adest, excusans à mortali eam delectationem veneream, vel illa capitur in cogitatione concubitus non coniugalis cogitati. Ad secundum, eam delectationem ordinari ad coitum cum proprio coniuge, & seminis emissionem intra legitimum vas, quod sufficit nefit mortalis culpa, quamvis tunc copula non habeatur, vel haberi non possit. Ad tertium disparem esse rationem, quia in Viduis prohibitus est coitus, & delectatio consequenter sensitiva cogitationis illius, & deficit matrimonium, utrumque excusans: Quæ secus in coniugatis se habent, idcirco in ipsis dicta delectatio, & voluptas, non est in huiusmodi actibus culpa mortalis.

1097 Est autem eadem voluptas utique venialis, ut vult D. D. communis, & privilegium propositum supponit: Ratio est, quia talis delectatio caret debito fine (nempe proles bono) per copulam intento, & ad quem actus coniugalis à natura ipsa dirigitur. Quod confirmari potest, quia sicut opus coniugii ob solam voluptatem exercitum, non caret culpa veniali, quia caret bono fine (hoc est fine proles) in ipsomet desiderato, ita similiter, nec actus prædicti eadem culpa carent, utpote debito proles fine privati, & ita etiam argumentatur *Sanch. disp. c. n. 3. & 5.* Licet ergo hi actus non careant dicta veniali culpa, ab eadem excusari, illam ignorantes, affirmat privilegium nostrum: quod ex se patet, & probatione

batione non eget. Innumeri autem sunt Conjugati qui hæc venialia ignorant, testes sint Confessarii ipsi, ego quoque. Uxorati namque, quamvis spirituales, & conscientie timorati, de his venialibus in eorum Confessionibus sæpe nunquam se accusant; mulieres præcipue, nec unicum verbum accusativum circa hoc proferentes: evidens argumentum, quod ipsæ saltem sint, hujus venialis reitatis ignorantes, ratione cuius ignorantie remanent consequenter ab hac veniali reitate immunes, atque excusate: Uti & à mortali, admissa opinione eorum, qui supra censent, continere prædictos actus culpam mortalem, cum respectu utriusque culpæ, mortalis videlicet, seu venialis, sit eadem ratio, privilegium idem. Et si quis dicat Uxoratos non se accusare in Confessionibus de prædictis actibus, eo quia & ipsi supponunt illos continere solam culpam venialem, quam non tenentur, uti venialem (& de qua fortasse nec dolent) sacramentaliter confiteri, consequenter non esse inferendum, eorundem Uxoratorum silentium in Confessionibus, ortum habere ab ignorantia, & ab ipsammet à culpa excusari. Respondetur Privilegium loqui, & debere intelligi tantum de ignorantibus dictam culpam, qui innumeri sunt (seminie maximè sexus) experimentaliter loquor.

1098 Sed obijcies, non potest supponi ignorantia talis in conjugatis, cum ad eorundem statum spectet scire, & scire debeant, prædictos actus continere culpam venialem: cum igitur idem sit scire, & debere scire, ruit privilegium; & conjugatorum ignorantia, vel non supponitur, vel tantum abest quod in hoc casu excuset à peccato, ut potius causa sit peccati si in ipsis adest. Huic objectioni facili negotio satisficit. Et in primis responderetur, falsum esse quod in ea primo assumitur, quod videlicet ignorantia talis, supponi non possit in Conjugatis, cum experientia ipsa oppositum omnino demonstrat: quot quot ego ipse prænitentes conjugatos excepi, tum Viros, tum Mulieres absque numero, ignorantia tali laborantes? Et quamvis ad horummet statum spectet scire (consequenter debere scire) dictos actus turpes, esse, saltem in ipsis, peccata venialia, ob id tamen non inferitur nequire habere circa illos veram ignorantiam inculpabilem, verèque hanc adeste, & supponi posse in eisdem conjugatis: non enim universaliter verum est, idem esse, seu in idem coincidere, seu par esse, scire, & debere scire, quasi mo-

raliter absolute censeri debeat, scire, qui scire tenetur, id maximè quod ad ejusdem statum pertinet, & si id nesciat, & ignoret, culpabilis ejusdem ignorantia evadat: non inquam hoc verum universaliter est; unde nec dicta regula paria sunt scire, & debere scire, universaliter admittitur à D. D. ut etiam vidimus initio hujus tractatus n. 17. & Cap. 4. privil. 3. n. 117. & etiam dicam sequenti cap. 27. privil. 24. in fine. Ad hoc enim quod talis ignorantia sit culpabilis, non sufficit quod ignorans teneatur scire, sed quod proximè, & moraliter id possit, ut D. D. communiter: & quandoque contingit, ut quis non sit in actu ut possit id moraliter scire, nimirum si præsertim nullo modo sit, vel fuerit excitatus ad hoc ut scientiam habeat, quod facillimè in casu nostro accidere potest, præcipue in mulieribus conjugatis, quibus ob earundem sexum, ac modestiam, notitia ulla fortasse data, aut aperta fuit, nec scientia excitata circa turpitudinem culpabilem prædictorum actuum inter ipsas, & eorundem Viros. Unde cum in ipsis advertentia nulla adfuerit circa malitiam dictorum actuum, dubium ullum, nec scrupulus; ignorantia consequenter vera admittenda est in ipsis, ac supponenda; & talis, quod etiam excuset à peccato, nec sit causa peccati, ut in fine objectionis: Ignorantia enim, quæ excusat à peccato, non potest esse causa peccati, ut etiam docet Passerinus in *primum lib. Sexti Decretal. in cap. Ut Animar. 2. De consil. art. 13. quest. prima*, n. 251. neque peccati rationem habere, ut dicitur de crassa, & affectata, quæ scientie æquiparatur, & culpabilis communiter asseritur, uti est.

1099 An verò oscula, tactus, & amplexus non impudici, licet fiant, & absque culpa inter conjuges, si nullus alius finis intendatur in illis, quam sibi inter ipsas indicia mutui amoris præbere, *Sanch. de Matrimon. to. 3. lib. 9. disp. 44. n. 10.* cum aliis ibi relatis, affirmativè responderet: tum quia hujusmodi actus ad id quoque à natura instituti sunt: tum etiam quia, sponserunt pariter de futuro sunt sic liciti, & hoc probat *lib. c. disput. 46. n. 51.* quod esse certum apud omnes Doctores affirmat *Gobat Casus cit. n. 671.* Ubi sic: *Certum est apud omnes D. D. oscula, tactus, & amplexus non impudicos, licet fieri inter Sponsos, quando sunt secundum consuetudinem patrie in signum benevolentie, ad conciliandum, & fovendum mutuum amorem in ordine ad Matrimonium, ita loquitur Perez disp. 8. sec. 6. n. 4.* & ita etiam (licet non ad verbum) idem *Sanch. n. c. 57.*

dans ibi rationem sui dicti, & conclusionis, quia videlicet, horum actuum finis est honestus, ergo omnino liciti, sicuti sunt inter conjuges. Limita tamen, modo in his actibus non adsit periculum pollutionis nec consensus in veneram delectationem. Quia de re vide eundem *Gobat l. c. n. 672. 673. 674.* & alios ab ipso allegatos. Et sis memor, quod tactus, amplexus, & oscula, si in se absolute spectentur, sunt indifferentes, propriam bonitatem, vel malitiam sumentes ex motivo quo exercentur: ut communiter Doctores: At habiti inter Virum, & Feminam, nedum ob delectationem carnalem, verum etiam ob solam sensibilem delectationem in appetitu sensitivo consurgentem ex ipsis, quamvis de fornicatione, nec de illius delectatione cogitur, (& secluso etiam periculo consensus ulterioris, & pollutionis) sunt peccata mortalia. *Sanch. disp. c. 46. n. 7.* & talia sunt à fortiori inter personas ejusdem sexus, nam sic ordinantur ad longè peiorem concubitum: idem *Sanch. l. c. nu. 8.* aliique. Item memor sis non dari parvitatem materiæ in re venerea: Quod totum hic obiter dictum sit, occasione propositi Privilegii.

PRIVILEGIUM OCTAVUM.

Accedens scienter ad consanguineam suæ Uxoris in secundo gradu, ignarus tamen talis gradus consanguinitatis, sed existimans esse in tertio gradu, non impeditur à petitione debiti.

1100 **A**D consanguineam Uxoris suæ in primo tantum, vel secundo gradu accedens, committit incestum, quia in his dumtaxat contrahitur affinitas ex fornicatione orta, ex *cap. p. De eo, qui cognovit Conf. Uxor. suæ*, & privatur jure exigendi debitum; quod non evenit quando accessus, & copula habetur cum consanguineis alterius conjugis in tertio, aut quarto gradu: ità expresse *Sanch. de Matrim. 10. 3. lib. 9. disp. 27. n. 14.* ubi ait, Copulam habitam cum Consanguineis alterius conjugis ultra secundum gradum, minimè impedire debiti exactionem. Et ita etiam Pontius de *Matrim. lib. 7. cap. 33. n. 6.* Hurtado de *Matrim. disp. 10. difficult. 7. n. 30.* Diana, 10. 2. *Coord. tract. 6. ref. 242. n. 2. ex p. 11. tract. 5. & Miscell. 5. ref. 38.* aliique plures: imò communiter Doctores apud Hurtad. & Dianam. Rationem à priori assignantes:

quia videlicet, affinitas non impedit, nec dirimit Matrimonium, nisi ob copulam ad quam ordinatur, quia est indecens inter affines, ergo eo ipso quod dicta affinitas restricta est per *Trident. sess. 24. De Reformat. Matrim. cap. 4.* ut non impediat, neque dirimat Matrimonium, nisi in primo, & secundo gradu, etiam censetur restricta, ut non impediat petitionem copulæ, nisi in eisdem gradibus. Unde, quamvis debitum petere sit distinctum à contractu Matrimonii; eo tamen ipso, quod affinitas non obitat contractui, neque obstat petitioni debiti. Quibus prepositis.

1101 Privilegium probatur, tum ex doctrina, & Doctoribus supra relatis in Privilegio 7. *Cap. XI.* cum sit utriusque ratio eadem, ut patet. Tum ex *c. cap. De eo, qui &c.* Ubi: *Si quis cum filiastra sua, scienter, fornicatus fuerit: nec à Matre debitum petere, nec filiam unquam habere potest Uxorem;* nec expresse hic petitur scientia affinitatis ad incurrendam privationem petendi debiti. Tum quia idem est ignorare consanguinitatem, ac ignorare gradum cui pena privationis petendi debitum statuitur. Tum etiam quia pena privationis debiti, solo incestui in primo, & secundo consanguinitatis gradu statuta est: At conjux habens copulam cum consanguineis alterius conjugis cum ignorantia talis gradus, excusatur ab ea incestus circumstantia, ergo & à pena subinde excusabitur. Huic eidem doctrinæ, ac privilegio, subscribitur, *Sanch. disp. c. 32. n. 43. & 49. Portell. nu. 31. cit. Palau Versu Quarto infero cit. Diana l. c. Bossius de Efficiētib. Matrim. cap. 5. n. 154. & 155.* aliique plures apud eosdem. Vide, Privileg. 7. *Cap. XI.*

PRIVILEGIUM NONUM.

Conjux cognationem contrahens spirituales cum altero conjuge, quia nimirum vel prolem huius (ex priori conjuge jam mortuo) vel communem, & ex se habitam baptizat, aut tanquam Patrinus tenet in Baptismo, aut in Confirmatione, per quod incurritur pena, ut non possit petere debitum à tali Conjuge, & actus conjugalis sit illicitus, ac peccaminosus, liberatur à tali pena, & à peccato in actu conjugali excusatur, si id fecit, & cognationem contraxit, cum ignorantia ipsius penæ, ac prohibitionis.

1102 **N**on nisi ex duobus Sacramentis, Baptismi videlicet, & Confirmationis, cognatio oritur Spiritualis, cujus rei

rei rationem assignat D. Tho. in 4. ad Anselm. dist. 24. quest. Unica, art. 2. in Corpore, his verbis: Quia Cognatio ex generatione causatur, & ideo cum spiritualis generatio per duo Sacramenta causetur, scilicet per Confirmationem, & Baptismum; hęc duo Sacramenta spirituales cognationem causant: nam Baptismus est quasi generatio, vel natiuitas in utero: Confirmatio verò quedam natiuitas ex utero, inquantum aliquis iam roboratus exponitur ad publicè conficiendum nomen Christi: ita ibi S. Doctor. Hinc cum Generatio Spiritualis habeat similitudinem cum generatione carnali, sicut ex hac contrahitur cognatio carnalis, ita ex illa contrahitur cognatio spiritualis, Baptizans namque (uti & Confirmans) & Patrinus, meritò cum Baptizato (aut confirmato) cognationem istam contrahunt, quia Baptismus (seu Confirmationem) Ministrans est quasi Pater generans, & susceptor, seu Patrinus est quasi Mater, quæ nomine Ecclesiæ baptizatum suscipit: Et sicut cognatio carnalis, ob reverentiam consanguineis debitam, dirimit Matrimonium inter ipsos; & cognatio spiritualis itidem Matrimonium dirimit inter certas personas propter reverentiam ipsi debitam intuitu cõcursus præstiti ad hanc generationem spirituales, uti constat ex Trident. sess. 24. de Reformat. Matrim. cap. 2. & Doctoribus omissis: Ex quibus certum est, quod cognatio spiritualis ex Sacramentis Baptismi, & Confirmationis proveniens, impedit irritativè Matrimonium nondum contractum: Superveniens verò Matrimonio iam contracto, actum conjugalem facit illicitum, & privat jure exigendi debitum.

1103 Actum conjugalem facit inquam illicitum, privatque jure petendi debitum, in quo conveniunt omnes Doctores. Verum, ab hac eadem prohibitionis pœna, & à culpa conjugalis actus consequenter, eximit ignorantia, ut in privilegio proposito, quod sequitur etiam ex præcedenti, & aded, ut utrumque à nonnullis sub una eademque assertionem afferatur, & affirmetur, cum & utriusque eadem sit omnino ratio, idem fundamentum. Hinc Henric. lib. 11. de Matrim. c. 15. n. 11. sic: Si Matrimonio superveniens cognatio spiritualis ex Baptismo, vel Confirmatione, impedit petere debitum, nisi per ignorantiam inculpata baptizasset, aut fuisset susceptor in confirmatione: quod enim excusatur à propria specie culpæ, non privat in penam jure quesito petendi. Incestus formaliter, & voluntarius (idest scienter, & absque ignorantia) cum propria viventis no-

ris consanguinea in primo, vel secundo tantum gradu, impedit petere. Item Sanch. disp. c. 32. à n. 43. & cum ipso Portell. nu. 31. cit. sic affirmant: Conjux contrahens affinitatem, vel consanguinitatem, aut cognationem spirituales cum sua Uxore, quia facit baptizatus suum filium, vel accessit ad consanguineam Uxoris, per quod incurritur pœna, ut non possit petere debitum à tali Uxore, vel Coniuge, liberatur talis ab illa pœna non petendi debitum, si id fecit cum ignorantia facti, vel juris: ita Portell. ex Sanch. qui sub eodem n. cit. 43. utrumque privilegium simul annectit, ac probat: primum quidem, & antecedens carnalis Cognationis, ac consanguinitatis, iniquis: Quando adest invincibilis ignorantia facti, cessat culpa illa, nec est incestus, cessabit ergo pœna. Præterea, in affinitate probatur ex cap. p. De ore, qui cognov. Consangu. (ibi) Si quis cum filiastra sua scienter fornicatus fuerit: nec à matre debitum petere potest &c. Ubi expressè petitur scientia ad incurrendam privationem debiti petendi. Secundum verò, & præfens de Cognatione spirituali privilegium, dicens: Et in cognatione spirituali probatur, Ex cap. Si Vir. de cognat. spirituali: ibi: Si ex ignorantia id factum est, eos ignorantia excusare videtur. Atque ita docent universi Doctores citandi n. 44. 45. 47. ita Sanch. Addi possunt Bonac. de Matr. qu. 4. punc. 2. n. 6. Versu, Respondeo primò, & Versu, Respondeo secundò. Gabriel Beatus in Q. Selectis qu. 18. n. 27. ex Navarr. cap. 16. Summ. n. 34. & (aliis omissis) etiam Palau Versu c. dum ibi, & ipse sic: Infero conjugem habentem rem cum consanguineis alterius conjugis in secundo gradu, ignorando hunc accessum esse specialiter ab Ecclesia prohibitum, non impediri à debiti petitione, quia non committitur incestus. Idem est si teneret, vel baptizaret filium alterius Coniugis, ignorans hoc esse ab Ecclesia prohibitum, quia in his casibus est ignorantia juris, quæ si invincibilis est, à pœna excusatur ex supradictis. Idem existimo dicendum de ignorante solum penam, hoc est de ignorante sibi esse prohibitum debiti petitionem. Communis autem, ac fundamentalis ratio (& à priori) tum citatorum, tum Doctorum omnium, hæc unica, & eadem est (quæ constat etiam ex dictis) quia videlicet absque scientia culpæ, juris, Canonis, aut prohibitionis, nec peccatum, nec impedimentum contrahitur (intellige de impedimento adveniente jam contracto Matrimonio, non ante) ab utroque enim, carens scientia, ignorantia privilegio excusatur, & liberatur. Hinc

1104 Et de hoc eodem proposito privilegio

legio loquens expressè *Hurtado de Matrim. disp. 10. difficult. 6. nu. 22. Vers. Hoc ergo :* formiter ad prædicta, sic ait : *Conveniunt Doctores quando Baptismus fit absque culpa, vel quia fit ignoranter invincibiliter, vel quia fit in casu necessitatis, quando scilicet urget necessitas, & non est alius, qui id possit facere, tunc cognationem spirituales, ex eo provenientes, nullo modo impedire actum conjugalem, ut satis insinuat in cap. Ad limina 30. qu. pr. Ibi enim excipitur Pater, Filium suum legitimum baptizans necessitate urgente, qui ex tali Baptismo non contrahit cum sua conjugate cognationem spirituales, nec ex hoc impeditur a petitione, & redditione debiti. Et hic obiter nota cum Mauro Oberascher de Sacramentis tract. 2. cap. 3. §. 2. questio p. in respons. fol. mibi 394. optimè hic addi Filium suum legitimum : Quoniam si quis ex concubina filium susciperet, eundemque necessitate urgente baptizaret, non pateretur exceptionem, sed cum concubina illa cognationem contraheret spirituales, vi cuius, ex postfacto, eam in Uxorem acquireret ducere. Nam jura tantum faciunt exceptionem quoad usum Matrimonii jam contracti, ne scilicet per illum actum Baptismi præjudicaretur petitioni debiti, non autem quoad matrimonium contrahendum. Et hoc idem notabile extendendum etiam est ad eos, qui ante matrimonium, cognationem hujusmodi ex causa Sacramenti Baptismi, aut confirmationis contraherent, cum ignorantia etiam invincibili quod talis cognatio sit impedimentum dirimens, reddensque nullum, ac irritum, subsequens inter ipsos matrimonii Sacramentum, cum tali ignorantia contractum, quoniam hæc ignorantia excusat quidem a peccato, sed nil consert ad validitatem Sacramenti, & contractus ejusdem. Nec est, quod dicas, excusat dicta ignorantia, & eximit a pena privationis juris petendi, ac reddendi debiti matrimonii jam contracti : ergo etiam liberat ab impedimento, seu inhabilitate illud contrahendi. Negatur enim consequentia ; privatio namque juris petendi debiti a conjugate post contractum verum, ac validum matrimonium, cedit in penam a qua ignorantia excusat, & eximit : contrahi verò cognationem spirituales quæ subsequens matrimonium dirimat, nullatenus rationem penæ habet, saltem ex se, cum pertineat ad quoddam amicitie, & conjunctionis genus, unde nulla paritas, consequentia ulla. Adde quod hujusmodi impedimentum cognationis spiritualis, & carnalis, in tali, & tali gradu,*

imponitur ab Ecclesia non sub ratione aliquis pœnalitatis formaliter, sed inhabilitatis ; per ipsum enim Ecclesia inhabilitare intendit, reddereque inefficaces omnino, taliter conjugalium voluntates ad contrahendum matrimonium, ita ut, sive cum scientia, sive cum ignorantia etiam invincibili hujus impedimenti, contrahant, semper matrimonium irritum evadat, ac nullum, ob id enim cognationis impedimentum dicitur dirimens. Si cum scientia impedimenti hujus contrahitur, matrimonium nullum est, & contrahentes peccant lethaliter : si cum ignorantia invincibili, excusantur quidem a lethali, sed matrimonium item nullum est, & contrahentes in petendo, & reddendo tuti sunt in conscientia, usque dum perseverant in ipsis ignorantia eadem, & bona fides. Sed

1105 Quæres hic obiter, quid facere, debeat Confessarius conscius impedimenti dirimentis, illius pœnitentis qui ignorantia laborat juris, vel facti? Constat mulier v. g. se fornicatam fuisse cum consanguineo conjugis ante contractum matrimonium, cum ignorantia juris irritantis matrimonium : cum affine in primo, vel secundo gradu, in quibus affinitas provenit ex fornicatione, cognoscit Confessarius matrimonium esse nullum (quia ignorantia juris irritantis ex proximè dictis, & ex Doctoribus communissimè, non excusat ab inhabilitate ad actum.) Vel item cognoscit priorem conjugem supersitem, de cuius vita mulier laborat ignorantia invincibili : vel certò scit ipsam esse consanguineam in quartum gradum sui conjugis, cuius dispensationem non obtinuit : quia eam ignorabat, & modo etiam : vel tandem certò cognoscit subesse impedimentum aliud, ut cognationis spiritualis, vel aliud irritans tale matrimonium ; quamvis conjuges ob illius ignorantiam bona fide deant. Quid faciet Confessor in tali casu? Respondeo, Si talis Mulier (idem dic cum proportionè de Viro in similibus casibus) ignorantia invincibili juris, aut facti talis impedimenti laboret, ita ut Matrimonium bona fide contractum fuerit, & Confessarius sciat illud esse nullum, & suam admonitionem judicet probabiliter profuturam, sine scandalo, aut detrimento, ut si faciliter posset dispensationem obtinere, & credere sollicituram, nec incontinentiæ periculum imminet, nec quod interim accedat ad conjugem, sciens jam non esse suum, tenetur eam (vel eum) de impedimento certiore facere : Quia munus Confessarii

est poenitentem instruere, cum vel proprius pastor sit, vel in Confessionibus audiendis pastorem proprii vices gerat. Nec permittere debeat, quod in tali statu perisitat: quia notabile est quoddam damnnum animæ ferens secum diuturnam seriem actionum, quæ ex se sunt contra legem: ergo cum spes proficienti adeit, tenetur admonere, & docere: quamvis enim illa ignorantia, nunc invincibilis sit, potest faciliè vincibilis fieri, & transire in statum culpabilem. Ita Sanchez de Matrim. lib. 2. disp. 38. nu. 5. (in quo universaliter fit: Cuiuscumque juris ignorantia invincibilis sit, aut facti, si spes probabilis sit fore, ut monitio proficiat, sine gravi scandalo, aut detrimento, tenetur Confessarius admonere poenitentem) Aversa de Matrim. qu. 2. c. sec. 3. Versu, Sed alius potius: alique. Casu autem quo tenetur Confessarius admonere, potest id facere post absolutionem, nisi probabiliter credat ante absolutionem profuturam monitionem, postea verò minime; quod etiam advertit Sanchez. n. c. ex Medina, & Corduba.

1106 Si verò credat, non profuturam admonitionem, & timet, quod monita, vel à Matrimonio cum scandalo resiliat, si conficia eilet nullitatis; vel quod variz difficultates, aut perplexitates occurrant; vel scilicet incontinentie periculum; vel quod mala fide continuabant Matrimonium, in quo bona adeo vivebant, vel alia huiusmodi, non debeat de impedimento admonere; sed peccare potius, & imprudentissimè se gereret, cum sic nil aliud faceret quam laqueum, & offendiculum apponere constitutis in bono statu, & bona fide: & ideo D. Augustinus in cap. Si quis autem, de Penitent. dist. 7. dicit: Si scirem non tibi prodesse, non te admonerem: Nulli enim laqueum iniungere debemus, Cap. De Viduis 27. qu. p. & nulla lex obligat ad aclus otiosos, & inutiliter. Et sicut correctio ipsa ad correcti utilitatem ordinatur, & illius spe cessante, non obligat; ita confessio ad poenitentis bonum tendit; cessante igitur huius boni spe, non tenebatur Confessor admonere; ratio enim mediatorum à fine sumitur: ita etiam Sanchez. l. c. nu. 6. Bonac. to. pr. de Matrim. quest. 3. punc. ultimo n. 4. Aversa Versu cit. Layman in Theol. Moral. lib. 5. tra. 7. 6. cap. 13. n. 5. Vers. Dico 2. Suar. in 3. par. to. 4. disp. 32. sec. 4. nu. 4. Diana Coordin. to. 2. tra. 6. ref. 244. n. p. ex p. 3. tra. 7. 4. ref. 80. ubi ait, predicta esse valde advertenda à Confessariis: Nam scio (inquit) quendam imprudentem Confessarium dedisse occasionem multorum peccatorum, & quendam manifestationem

unius ex supradictis casibus. Verum quidem est, quod si Confessor conficius impeditur interrogetur de rei veritate à poenitente, debet omnino illam ei aperire, & edocere: sic etiam Aversa Versu c. in princip. Tenetur tamen dicere veritatem prudenter, quantum satis est interrogationi (ait Henric. lib. 6. de Poenitent. Sacram. cap. 27. nu. 5.) quod advertit etiam P. Diana ref. c. n. 2. maxime quando ex interrogatione poenitentis non speratur fructus. Notandum est (sic ipse) quod cavere Confessarius debet, si fructus non speretur, ne plus respondeat, quam à poenitente interrogatur: Ver. gr. Utrum Matrimonium contractum ab eo, qui ante nuptias simplici castitatis voto obstrictus erat, validum exstat, & an Uxori debitum reddere teneatur, affert utrumque Confessarius, interim tacet, de obligatione petendi debitum. Et ita contra Sotum in 4. dist. 18. qu. 2. art. 4. ad 2. docent Sanchez. l. c. n. 8. & Laym. n. 6. ubi etiam resti obstrictus, quod ut intelligat Confessarius, utrum in supradictis casibus poenitentis inculpata ignorantia laboret, nec ne, caveat cum sollicitate interrogationibus specialibus, videlicet, existimet ne Matrimonium validum esse, nam subito poenitenti suspicionem commovebit. Sed solum in tali casu contentus sit interrogare poenitentem, nihil ne sit, quod animam eius gravet, conscientiam scrupulosam reddat. Et hec admonere volui in gratiam Confessariorum, quia in praxi sæpi sæpius advenire solent. Ita P. Diana.

1107 Si autem Confessarius comprehendat poenitentem ignorantia vincibilis impedimenti laborare, debet eum admonere, certumque facere de illo: quia cum ignorantia vincibilis à peccato non excuset, non poterit eum absolvere, indigno namque conferret Sacramentum: & si denegerit absolutionem non detecta causa, merito ipse irritabitur, & scandalum patietur: unde ipsummet poenitentem certificare debet, etiam si non speret monitionem profuturam: quoniam licet tunc non proficiat, temporis decursu, ipse stimulus conscientie agitatus, fortasse relinquet. Ita Sotus l. c. (ubi docet de communi) Laym. n. 5. c. in principio. Aversa, Versu c. Suar. disp. c. 38. n. 2. qui n. 3. notat, quod ignorantia vincibilis respectu unius, non sit vincibilis respectu alterius: & quod illa, quæ vincibilis fuit ab initio, modo esse possit invincibilis: quia fortè consultit viros, quos doctos existimabat, qui eum de Matrimoni valore certificarunt, eorundemque consilio acquievit. Et quod ignorantia esse potest speculativa, non practica: Ut si sciat, se clam contraxisse, vel cum affine, aut consanguineo;

sanguineo; nesciat tamen invincibiliter, hoc esse impedimentum dirimens, quod requiritur ut mala fide Matrimonio fruatur. Quæ omnia à Confessario ponderanda sunt, ut cognoscat, an vincibili, vel invincibili ignorantia laboret, ne laqueum, & scandalum apponat ei penitenti, qui bona fide procedit. In dubio autem melius erit tacere, & suæ conscientiæ penitentem relinquere.

1108 Loquendo tamen de impedimento adveniente Matrimonio jam contracto, ut supra, cuius conjuges privantur jure petendi, atque reddendi: difficultas etiam esse potest, an nedum invincibilis illius ignorantia eos liberet à pena privationis juris, ut superius, tum in hoc eodem, tum in præcedenti privilegio definitum est; verum etiam ignorantia vincibilis? In hac difficultate divisi sunt Doctores, nam plures, & Classici, quos refert *Sanch. to. 3. de Matrim. lib. 9. disp. 32. n. 44.* alique, sentiunt, quod sola invincibilis ignorantia excuset, liberetque à dicta pena; & nullatenus ignorantia vincibilis: Quia ignorantia, quæ excusat est sola invincibilis, & inculpabilis: ignorantia autem vincibilis est culpabilis, atque adeo non excusat. Ipse verò *Sanch. disp. c. n. 47. & 49.* ex opposito vult, quod etiam vincibilis tum facti, tum juris, qualiscumque illa sit, & quantumcumque crassa (modo non sit adeo crassa, ut sit ingens temeritas ignorare, vel non sit affectata) excuset conjuges ne debiti petitione priventur. Et idem docet *Pontius de Matrim. lib. 10. cap. 6. n. 10.* ait enim: Ignorantia excusationem meretur, quamvis ea tam hujus juris, quam facti sit culpabilis, dummodo non sit affectata ignorantia. Itaque quamvis levee conjug, vel baptizet, cum ignorantia vincibili, imò crassa, vel juris, quia ignoravit legem Ecclesiasticam; vel facti, quia ignoravit esse proprium filium, vel conjugis, adhuc non privatur jure petendi, atque reddendi. Quod deduco ex manifesto juris principio, quod quando lex requirit scientiam, vel dolum, non sufficit doli præsumptus, ideo excludit dolum, vel scientiam quævis ignorantia etiam crassa. Quam Doctrinam tradit *Cajet. in Summ. Verb. Excommunicationis*, explicando ferè singulas excommunicationes. *Navarr. in Summ. cap. 27. Tiraquellus, Suar., Salas, &c. ita Pontius nu. c.* videatur; uti & *Sanchez n. n. c. c.* in quibus hoc idem assumptum probat ex professo. Quod etiam facit *Bossius de effectibus Matrimonii cap. 5. d. n. 160.*

PRIVILEGIUM DECIMUM:

Impedimentum Cognationis legalis ortum ex adoptione, superveniens Matrimonio, cum ignorantia tamen quod id ipsum privet Conjuges jure petendi, ac reddendi; ab hac pena eximit eosdem ignorantia eadem.

1109 **C**ognationem legalem ortam ex adoptione, unum esse ex impedimentis dirimentibus sponsalia quæcumque, & Matrimonium ipsum, antequam contrahatur, certum est apud omnes, de hoc Sacramenti contractu scribentes, ad quos pro totali ejusdem Cognationis legalis notitia, specie, extensione, divisione, &c. Lectorem mitto. Supposito autem, quod hujusmodi impedimentum Matrimonio superveniens interdicat & ipsum, debiti petitionem; dicit præsens privilegium, Conjuges eximi ab hac pena per ignorantiam ejusdem interdicti. Quod sequitur apertissimè ex duobus antecedentibus privilegiis: Nam si ignorantia facti, vel juris, vel penæ in cognatione Carnali, seu spiritali excusat Conjuges (ex antedicto duobus privilegiis) ne ipsis interdicatur debiti petitio, & usus conjugalis, excusabit etiam eadem ignorantia (ne item interdicatur) in cognatione legali, cum non sit dispar, imò eadem omnino ratio, ut patet, ne dicam major in legali cognatione: quippe quæ minorem infert personarum propinquitatem, conjunctionem, ac ligamen, quam carnalis, vel spiritalis cognatio. Solo enim jure humano interdictum est hoc impedimentum. Cum ut faterentur universi, apud, & cum *Sanch. de Matrim. to. 2. lib. 7. disp. 43. nu. 21.* constat, nec jure naturæ adoptionem esse inventam, nec ex ea cognationem Matrimonio obstantem confurgere.

1110 Dixi (Supposito quod hoc impedimentum Matrimonio superveniens interdicat debiti petitionem) non casu, sed appositè. Quia & si Bonac. to. pr. de Sacram. Matrim. qu. 3. punc. 5. §. 3. n. 9. in fin. Susterini polleat assernet, & non sine probabilitate, quod cognatio legalis superveniens Matrimonio contracto, impediat debiti petitionem: Nihilominus Sanch. disp. c. n. 19. tenet oppositum, quod videlicet non impediat; sub his verbis: Quando hæc cognatio legalis supervenit Matrimonio jam contracto, possit aliquis existimare eam impedire debiti petitionem respectu conjugis, qui eam contraxit. Quia contra impedit

impedimentum, quod præcedens Matrimonium illud simpliciter dirimeret; si subsiquatur, illud dirimit secundum quid, nimirum, impediens huius usum, quoad debiti exactionem. Verum eam doctrinam non approbo, nisi textus expressus inveniantur, qui eam debiti petitionem in eo casu interdicat. Quare cum in cognatione legali, is non reperitur, existimo eam non impedire debiti petitionem. Quod alii placere dicunt, sustinet Petrus de Ledsma de Matrim. qu. 57. art. 2. ad finem. Sic Sanchez. & post ipsum Pontius de Matrim. lib. 7. cap. 41. n. 7. ubi expressè inquit: Hoc impedimentum superveniens non dirimere, nec impedire debiti exactionem, quia nullo cavetur jure. Dirimere autem Sponsalia, cum impediat, & dirimat Matrimonium, cuius promissio est in Sponsalibus. Ex idem tenet Gutierrez relatus à Bonac. n. 9. c.

PRIVILEGIUM XI.

Contrahens qui Matrimonium in aliena Parochia bona fide, ignoransque hoc esse lethale, & Matrimonium nullum (ex Decreto Concil. Trident. sess. 24. de Reformatione cap. 1. de Reformatione Matrimonii) ab huiusmodi lethali excusatur. Quid tamen si debeat facere, postquam sciverit suum Matrimonium fuisse nullum?

1111 **C**ertum est huiusmodi contrahentem Matrimonium bona fide in aliena Parochia, ob eandem bonam fidem, & ignorantiam, excusari à lethali. Ex hoc idem ignorantie Privilegium supponere videtur Carolus de Baucio in suo Tractatu de Casibus Conscientie singularibus; casu 270. fol. 325. Ubi etiam, & ipse inquit. Quid facere debeat bonus, qui Matrimonium bona fide contraxit in aliena Parochia, idest non sua, neque sponse, & post multos annos scivit; hoc non potuisse facere, & consequenter fuisse Matrimonium nullum, sed in vicinia, ubi connumerantur, sunt existimati tamquam veri Coniuges? cui quaesito respondet: Debere veterum contrahi Matrimonium à Parocho, ubi habent domicilium habitationis saltem per maiorem anni partem, secreto, absque denunciationibus, & examine, dummodo præcedat assensu saltem duorum testium, & Parochi, & contrahentes sint in gratia, saltem per contritionem. Neque est opus, ut scribatur dictum Matrimonium in libro, dum fuit scriptum à primo Parocho, ne videatur ab his fuisse contractum dictum Matrimonium non expressa causa, dummodo in foro externo moraliter non possit probari, primum contractum fuisse nullum, tamquam

contractum coram alieno, & non proprio Parocho, ita de Baucio, cui lubens subscribo.

1112 Accedit etiam pro huius Privilegii admissione, & confirmatione, expressa ratio, & auctoritas Tbo. Sanchez de Matrim. l. 13. disp. 17. nu. 10. Coninch de Matrimo. Sacram. disp. 27. dub. 1. n. 13. Vers. Sed hæ rationes. Pontius de Matrim. l. 5. c. 6. n. 18. Hurtado de Matrim. disp. 5. difficult. 3. n. 12. Palao par. 5. de Sponsalibus. disput. 2. punc. 13. §. 8. n. 7. Trullench de Matrim. l. 7. dub. 1. n. 12. Leandri de Matrim. tract. 9. disp. 7. qu. 9. Anton. à Spir. Sanc. in Directorio Confessor. de Matrim. tract. 11. sec. 8. Andreae à Matre Dri de Matrim. tract. 9. c. 8. punc. 2. n. 16. Hi enim omnes, alique propositum etiam Privilegium inter cetera ignorantie Privilegia recentent expressè, probantque, eo quia ignorantia citate Trident. legis, ac Decreti excusat à culpa, aufertque scientiam requisitam ad voluntarium, absque quo nequit esse culpa. Verum quidem est, quod non excusat actum contra legem irritantem à nullitate, quæ contrahitur ex defectu solemnitatis, ad valorem actus requisitæ ex lege: quia ignorantia, quamvis invincibilis, non supplet solemnitatem ex lege requisitam ad valorem actus. Et hinc est, quod tum laudati D. D. tum communiter omnes (quibusdam exceptis apud Petrum de Ledsma de Matrim. qu. 45. art. 5. Coninch dub. c. n. 12. & Trullench n. c. 12.) concedunt quidem, quod contrahentes Matrimonium absque Parocho, & testibus, excusentur à culpa, si invincibiliter dictam legem Trident. irritantem ignorant, ut in Privilegio; at absolute postea negant, quod valide contrahant; istiusmodi enim etiam Matrimonium nullum est, irritum, ac invalidum ex ipsomet Trident. Quæ invaliditas, & nullitas, in dicta Trident. lege inclusa, non inducitur in poenam, quia non inducitur ad puniendos contrahentes clandestine, sed tantum in odium Matrimonii clandestini, ne valeat absque dicta assistentia Parochi, & testium, ob inconvenientiam, quæ ex eo oriri possunt. Ex quo

1113 Ruit fundamentum eorum, qui volunt (apud Ledsma, Coninch, & Trull. n. antec.) valide contrahere absque Parocho, & testibus eos fideles, qui invincibiliter ignorant dictam legem Trident. irritantem: Quia videlicet, si ignorantes prædictam legem, verè liberantur à culpa, ut in Privilegio, ergo, & à poena irritationis, & nullitatis contractus. Ruit inquam tale fundamentum, & negant communiter D. D. eo quod irritatio actus, & contra-

etiam, in poenam contrahentium clandestinè imponitur, sed in odium talis contractus, ut inconvenientia inde orta evitentur: ac proinde, etiam si ignoranter Matrimonium clandestinè contrahatur, nullius est valoris, utpotè ab inhabilibus contractum. Neque obstat, si addas, inhabilitatem esse poenam, & statutum inhabilitatis censerì poenale, & odiosum, igitur non ligare ignorantès. Respondetur enim, inhabilitatem censerì poenam, quando inducitur ad puniendos illicitè contrahentes, secus verò quando ponitur ob defectum solemnitatis. Unde cum in hoc casu ponatur in odium, ut supra, Matrimonii clandestini, cui deficit prædicta solemnitas Parochi, & testium, ob inconvenientia, quæ inde oriri possunt. Inde est, quod non contrahitur, & si ignoretur.

1114 Et in confirmationem hujus res-

ponsonis, ac doctrinæ, quamplures etiam paritates hic queunt afferri. Nam, ignorantia solemnitatis ad Professionem Regularem requisitæ, ex gr. ut videlicet, quod sit post annum integrum Novitatus; & post decimum sextum ætatis annum expletum, &c. non potest Professionem facere validam, si absque tali solemnitate ignoranter fiat; non enim per ignorantiam ponitur, quod aufert solemnitatis carentia, & quod abstulit inhabilitas. Item ignorantia invincibilis impediendi dirimentis Matrimonium inter consanguineos, & reddens illos intra quartum gradum inhabiles ad contrahendum, neutiquam eisdem reddit habiles, &c. Faciunt præterea ad rem hanc, ea quæ adduximus in Cap. 26. Privileg. 5. videantur. Videantur insuper Sanch. n. 10. cit. Et Coninch dub. cit. n. 8.

C A P U T XXVII. DE PRIVILEGIIS IGNORANTIÆ

CIRCA VARIA.

PRIVILEGIUM PRIMUM.

*Ignorantia invincibilis excusat
ab hæresi.*

1115



Actio hujus privilegii clara est: Quia videlicet, Hæresis error est hominis baptizati in intellectu, voluntarius, contra ali-

quem fidei articulum: seu assensus est rationis contra fidem, voluntarius: at ignorantia invincibilis aufert hujusmodi assensum voluntarium, seu ex electione voluntatis provenientem, ergo excusat ab hæresi. Confirmatur, quia hæresis peccatum est, peccatum verò sine voluntate dari nequit, ut ex se constat, ergo. Hinc etiam Fagund. in pr. Decal. Præcep. lib. p. cap. 10. n. 16. ait (& cum ipso Antonius à Spiritu Sancto in Direct. Confessorior. par. 3. tract. 2. disp. 2. sec. 3. n. 47.) Ignorantia invincibilis excusat ab hæresi, non alia de causa, nisi quia tollit voluntarium: Quod de Hæresi ratione videtur esse; sicut enim de ratione fidei est, ut sit

voluntaria; ita etiam de ratione hæresis ejus contraria, quia contraria proportionem servant.

1116 Ex hoc eodem privilegio, deducunt Sanch. in Decal. par. pr. lib. 2. cap. 7. n. 13. Fagund. n. c. & aliis: Non esse hæreticos, nec alicujus culpe reos, eos scrupulosos, qui patiuntur inviti cogitationes blasphemias turpissimas, & hæreticas contra Deum, Beatissimam Virginem, & Sanctos, quamvis sibi videantur consentire, quia eis deficit plena voluntas. Et ita etiam, apud eundem Sanchez universi fatentur; atque hæc provenire asserunt ex Dæmonis suggestionem, ad conscientiarum bonarum tranquillitatem impediendam, & ut à Christi via deteritæ retrocedant. Ex triplici autem signo (cum Sanch. l. c. n. 14. & Fagund. n. cit.) colligi potest in hoc, plenæ voluntatis deficientia. Primo, si patiens per prædictas cogitationes, ac tentationes, judicet se hæreticum, nam hæreticus esse nequit hoc judicans, non enim id judicaret, nisi judicaret falsum esse, atque hæreticum id quod sibi videtur voluntarie judicasse ut verum. Secundo, si cum dictas

etiam cogitationes; ac tentationes patitur, maxima tristitia afficitur, non enim ita contristaretur, nisi odio haberet huiusmodi errores, & veritatis Catholicæ amantissimus esset. Tercio, signum moraliter dissensus certissimum similiter esse videtur, quando tristitia illa, & si non extiterit in ipso tempore tentationis, & confictus, eoramen transacto statim advenit, quia si voluntariè adhæsisset, neutiquam tam cito, nec ita facilliter resipisceret. Hinc inferes (cum citatis Doctoribus) sanum consilium esse in eo, qui similes tentationes, ac cogitationes patitur, & dicta signa experitur, easdemmet contemnere, atque eodem modo se habere, ac si nihil menti occurrisset. Quod & insinuat D. Bonavent. Opusculo De Profectu Religiosorum cap. 3. dicendo: Tentationes contra fidem, & de spiritu blasphemie, & similes, nec fugere possumus, nec repugnando vincere. Quia quanto plus indignamur nobismet ipsi, & disputamus cum eis, magis refringunt eorum rabies, & accenduntur. Et remedium esse eas irridere, docet expressè Gerſon Traict. De Fada Tentatione, Alphabeto 62. littera O, usque ad litteram T.

1117 Deduc insuper ex posito privilegio, cum excusari ab hæresi qui contra fidem tenet aliquid, sed invincibiliter errat; & ignorat esse contra illam, quia ad hæresim requiritur quod error scienter scit contra fidem Catholicam Romanam, & cum pertinacia, quæ utique non est in ignorante, ut docent communiter Doctores, & ideo per ipsammet ignorantiam invincibilem, quivis ab hæresi excusatur. Immo etiam per vincibilem, & culpabilem, ut alibi in Superioribus innuimus, & cum Azorio, Suario, Coninbo, & aliis, docet Palau to. p. traict. 4. disp. 3. punc. 2. n. 3. & eum communi Fagund. in pr. Decal. præcep. lib. p. cap. 4. n. 20. & 22. & Antonio à Spiritu Sancto sec. c. n. 49. Quia videlicet ignorantia etiam vincibilis, sufficit in foro interno (inquiunt communiter) ut non deatur peccatum hæresis, licet aliàs illa laborans, in foro externo reputetur hæresis: quia ad hæresim non satis est quælibet culpa, ut accidit in aliis materiis, sed requiritur præterea pertinacia, quæ certè non est in ignorante, uti loquimur etiam supra in Privilegio 7. IV. Cap. & alibi.

PRIVILEGIUM SECUNDUM.

Ignorant legatum aliquod, pium esse, & longius biennio differens illud solvere, non incidit in casum reservatum.

1118 **Q**ui solutionem ex legato pio debitam, diutius biennio distulerit; reus est culpe lethalis, & casus est reservatus in *Discessu Mediolanensi*, decimus octavus in ordine, recensitus in *Tabula Casuum* (ibidem) *Reservatorum*, quos explicat Oliverius Mazzuchellus *De Casibus Reservatis*. De quo agit disp. 2. cap. 21. qu. p. & 2. advertens in principio n. 6. ad hanc reservationem tria requiri; Quod videlicet solutio protrahatur ultra biennium: quod legatum sit pium, & quod dilatio sit culpabilis, & mortalis, quia reservatio de mortalibus tantum est, & quidem gravioribus, ut patet ex Trident. sess. 14. c. 7. & ex communi Doctorum sensu. Ex defectu ergo alterius conditionis ex his tribus non incurritur reservatio, & ab ipsa excusabitur. Hinc non incidit, qui non solvit ob inopiam, vel ob aliam iustam causam impeditur, dilatio enim concurrente iusta causa, non est culpabilis.

1119 Nec item incidit in hunc casum reservatum differens solvere legatum ultra biennium, ignorantem illud esse pium; ut in privilegio: Quod etiam ponit *Defensio Quadri de Casibus Reserv. disp. 3. casu 8. Conclus. 10. n. 10. 15. 16. & 27. pag. 475.* sub sequentibus verbis: *Ignorant legatum pia esse, vel neque impedire, non incidit in Casum, si ea longius biennio solvere differat.* Accedit etiam Mazzuchellus qu. c. p. *Difficultate Unica* nu. 17. dum ibi sic: *Obligatio solvendi incipit tantum à die scientie.* Probat igitur privilegium propositum cum eodem *Quadrio*: Quia ignoranti (vel impedito ad aliquid agendum) non labitur tempus præfixum ad illud agendum, ut tenent cum communi sententia apud e. *Quadrium* n. 1016. *Covarruvias*, *Hysienſis*, *Immolus*, *Panorm.* & alii: nec ulla culpa in eo intercedit, ignorans enim, in eo quod ignorare non dicitur delinquere: igitur cum nulla culpa in eo intercedat, ut ignarus, reservacione ligari non debet, quæ culpam mortalem in differente solvere talia legata utique supponit. Ergo verum privilegium positum.

PRIVILEGIUM TERTIUM.

Peccatum ita per ignorantiam minui potest, ut ex mortali fiat veniale.

1120 **I**gnorantia quandoque excusat à peccato in toto, ut est invincibilis, quæ cum sit involuntarium omnino, etiam illud quod ex ea fit, involuntarium est: cum enim factum ex ea sit in se incongnitum, non potest esse in se volitum, juxta commune axioma, *Nil volitum, quin præcognitum*. Quandoque verò licet non excuset prorsus in toto à peccato, excusat tamen in parte, quod facit ignorantia vincibilis, & culpabilis, quæ non excusat quidem à tota culpa, facit tamen culpam levio-rem, quam si scienter patratum esset opus; minuitque illam, & adeo, ut possit quandoque veniale facere ex mortali, ut in proposito privilegio, quod communiter admittitur à Doctoribus cum *D. Tho. p. 2. q. 76. ar. 4.* Et præterea probatur: tum quia, peccatum mortale ex suo genere, ob imperfectam advertentiam fieri potest veniale, ut docent *Vasq. Sanctb. Becanus, Azor. Reginald. Sylv. Caiet. Armilla, Filliuc.* alique, apud; & cum *Bonac. 10. 2. De Peccatis disp. 2. q. 2. p. 3. n. 3. & 4. & eadem disp. 2. q. 8. punc. 3. propos. 2. n. 21.* ergo etiam per ignorantiam peccatum mortale fieri potest veniale, cum inadvertentia comparari possit ignorantie: tum quia, sicut totalis ignorantia, hoc est invincibilis, omnino excusat à peccato, quod alioquin sublata ignorantia esset mortale, ita ignorantia tantummodo venialiter culpabilis, à mortali excusabit opus factum cum ipsa, quod alioquin mortale esset: sicut enim se habet totalis ignorantia ad excusationem totalem, ita partialis ad partialem: tum quia, peccatum perpetratum cum ignorantia, seu negligentia tantummodo venialiter culpabili, non est nisi imperfectè voluntarium, ac volitum; voluntarium autem imperfectum, seu imperfectè volitum, minuit utique peccatum ipsum, & ita, ut ex mortali transire illud faciat in veniale, eo quia nonnisi venialiter (hoc est imperfectè) volitum sit, quandoquidem non est aliter volitum, nisi ut est volita ignorantia. Hinc si quis fornicans ex gr. invincibiliter putaret fornicationem esse licitam ad vitam tuendam, nullatenus peccaret ob eam causam fornicando: si id tamen venialiter ignoraret, fornicando, solum venialiter peccaret, & à mortali excusaretur: pro quo privilegio sunt

Sylv. Verbo Perjurium q. p. vers. 2. quando juratur. Navarr. in Sam. cap. 12. n. 7. Vers. 6. qui (ubi ajunt veniale esse periurium, quando aliqua diligentia adhibita est, sed non sufficiens ad videndum, an sit falsum, quod juratur.) Valent. 10. 2. Disp. 6. qu. 6. punc. 3. Sanctb. in Opere Morali part. p. lib. 1. cap. 17. n. 17. Reginald. tom. p. lib. 11. n. 19. Layman. lib. p. tract. 2. cap. 4. n. 9. Bonac. n. 21. c. alique communiter.

1121 Ex his sequitur, ignorantiam vincibilem posse magis, vel minus gravitatem peccati minuire, sicuti ipsamet potest esse magis, vel minus voluntaria, & culpabilis. Quare si ignorantia sit tantum venialiter, & imperfectè voluntaria (ut est quando quis adhibuit quidem diligentiam aliquam, sed non sufficientem, ut in casu periurii ex veniali ignorantia notant relati *Sylv. & Navarr.*) minuit etiam peccatum adeo ut non sit mortale. Et ratio utique est, quia in tali casu peccatum non est volitum nisi venialiter, nec aliter ac est volita ipsa ignorantia, ut supra. Quod advertit etiam *Valent. punc. 3. c. contra Cajet. art. 4.* ubi videtur asserere, fieri posse, ut ignorantia sit tantum venialis, & peccatum ex illa admixtum sit mortale; quod verum esse putat, quando peccatum est intrinsecè malum, contra jus naturæ; ut si quis ex ignorantia, & negligentia tantum veniali, putans fornicationem non esse malam, fornicaretur. *Falsitè Cajet* (inquit *Valent.* cum quo & ego.) Nam si quis prorsus invincibiliter, atque adeo inculpabiliter putaret fornicationem licere, nullo modo peccaret illam admittendo, ergo si venialiter tantum id putaret, solum venialiter peccaret, quia non esset tunc fornicatio, nisi imperfectè, & venialiter tantum voluntaria, sicut ipsa ignorantia. Ita etiam *Valent.* Ex qua doctrina, ac privilegio, insertur præterea subsequens

PRIVILEGIUM QUARTUM.

Ignorantia ita minuit peccatum, ut quandoque excuset à reatu lethali omnis circumstantie illius, quantum non alterius.

1122 **E**xplicatur, & probatur simul hujusmodi privilegium. In antecedenti dicimus ignorantiam nonnunquam excusare à peccato in toto, nonnunquam verò in parte. Hoc secundum haberi potest, vel minuendo peccatum, ita quod fiat veniale ex mortali, ut in eodem antecedenti: vel excusando quidem à lethali

ali peccato, sed secundum unam tantummodo circumstantiam illi respondentem, non verò secundum alteram item lethalem eisdem: hoc idem in presenti privilegio firmatur. Et observatione, ac exemplo notatur: Ignorantia Patriarche Jacob cognoscentis Liam pro Rachele, ipsum excusavit omnino à peccato: ignorantia verò de cognoscentis nurum suam Thamar *Genes. 38.*, quam nurum esse nesciens, speciebatur Meretricem: excusavit quidem etiam ipsius à peccato incestus, non tamen à peccato fornicationis: quia licet ignoret invincibiliter se accedere ad nurum, non ignoravit tamen se accedere ad non uxorem suam: hoc idem observavit *Cajet. 2. qu. 76. art. 3.* quod & refert *Reginal. 19. c. in fine*: in approbationem pariter iustitiet propositi privilegii: Cujus ratio prior est, quia peccatum respondens illi circumstantiis, censetur, & est voluntarium, ut patet. Ita etiam communiter Doctores apud *Bonac. qu. c. 8. punc. 3. nu. 24.* Hinc

1123 Inferes, Quod & si in uno actu plures reperiantur malitiæ species, intellectus autem unam tantum cognoscat, tunc reliquæ menti non obiectæ, & ignoratæ, non imputantur; specificæ enim malitia, ut imputeretur ad culpam necessario est cognoscenda, cujus ratio sumitur ex fundamento superius, & sæpius allegato, ab omnibusque concessio, quod nimirum *nihil volitum, nisi præcognitum*. Unde nec specialis malitia cuiquam imputari poterit, nisi præcognita. Ob idque docet generalitatem *D. Tb. p. 2. qu. 72. art. 9.* nullam circumstantiam addere novam malitiam, nisi præcognoscatur, si quis ergo non cognoverit specialem aliquam malitiam in obiecto latentem, aut non cogitaverit de illa, eam non contrahet, licet aliqui peccet. Sic qui fornicatur cum Muliere quam nescit esse conjugatam, admittit quidem mortale peccatum luxuriæ, sed non adulterii, ut supra, ignorantia minuente, & excusante. Qui rem, quam scit quidem esse alienam, surripit, nescit tamen esse Sacram, tantum simplicis furti reus est, non Sacrilegi. Qui scit furtum esse quidem mortale, impetare vero furtum invincibiliter ignorat esse lethale, non peccat imperando, bene tamen furando. Qui hominem, quem nescit esse Clericum, vel Patrem, percutit, solum contra iustitiam peccat, non verò contra Religionem, vel Pietatem, seu reverentiam parentibus debitam, cum eas circumstantias ignoraverit. Qui

fornicationem externam scit esse peccatum, ignorat tamen invincibiliter desiderium fornicandi esse peccatum, desiderio fornicationis non peccat, licet peccet lethaliter exterius fornicando. Qui enim invincibiliter ignorat actum internum esse peccatum, cognoscens tamen actum externum peccaminosum esse, excusatur à malitia actus interni: quia (ut optime etiam *Sanch. lib. p. Moral. cap. 16. n. 17. & alii*) eum conscientia sit proxima bonitatis, & malitiæ actuum humanorum regula, nemo potest peccare quando illius conscientia prudenter dicitur, id quod agit haud peccatum esse. Quod intellige verum, quamvis actus internus, & externus in genere moris non sint, nec constituent duo peccata, sed unum tantum; & unum tantum quid moraliter judicentur, (etiam per *Suar. de Actib. Human. disp. 10. sec. p. nu. 9. Læm. lib. p. tract. 2. cap. 4. n. 11. Arriag. Ta. 3. disp. 16. sec. 2. num. 5. P. Morandum to. 2. Theologie tract. 2. De Actib. Human. qu. 16. n. 131. Vers. Deducitur p. & alios communiter, cum D. Tb. p. 2. qu. 10. art. 3. in Corpore*: ubi expressè sic: *Actus interior voluntatis, & actus exterior prout considerantur in genere moris, sunt unus actus.*) Quia non est peccatum, nisi voluntarium, & liberum, ergo si tantum ratione actus interni habetur ratio voluntarii requisiti ad peccatum, unicuique tantum peccatum erunt, non duo, actus interior, & exterior; quod ideo dicitur actus exterior comparari ad interiorem, tanquam materiale ad formale; quia si interior est peccatum, & exterior; si non est ille, neque erit iste: quidquid dicant aliqui apud *Suar. sec. p. c. n. 9. & 10.*

1124 Ex quo etiam deduces, actum exterioriorem per se nullam addere bonitatem, aut malitiam moralem actui interiori, nisi quandoque per accidens, ut tradit *D. Tb. qu. c. art. 4.* & communiter Expositores; prima pars patet, si enim omnis bonitas moralis formalis humana, & malitia, provenit tota, & tota est ab actu interiori, & nonnisi denominativè in exteriori, utique non potest exterior actus aliquid bonitatis, aut malitiæ dare, vel addere illi, à quo omnem quam habet bonitatem, aut malitiam recipit, nisi dicamus ei addere tanquam terminum, ut videtur loqui *D. Tb. eodem artic.* Ex eo quod quilibet actus censetur accipere suum complementum à suo termino, & actus exterior est terminus interioris. Secunda etiam pars constat, quia licet actus exterior non causet bonitatem, aut malitiam interiori, potest tamen, cum debeat

debeat exterior aliquod tempus durare, esse causa, cur etiam internus duret, vel quod repetatur. Adde, quod cum sint multi actus exteriores, qui magnam excitant delectationem, possunt esse causa, qua, & voluntas in illis magis intendatur. Et in hoc sensu dicunt aliqui D. D. quod exponendus sit D. Augustinus. 13. de Trinit. cap. 5. dum ibi ait: *Miseriorem esse qui exterius implet, quod interius male vult.*

1115 Quamvis tamen actus externus suo modo liber, nihil habeat propriæ, & intrinsecæ malitiæ, nihilominus est necessario confitendus, & est de necessitate confessionis, ut uterque actus, externus scilicet, ac internus confiteatur, ita ut nullo modo satisfaciatur, qui, postquam homicidium, fornicationem, &c. perpetravit, solum dicat, se habuisse voluntatem occidendi, fornicandi, &c. sed debet clarè dicere, quod occiderit, fornicatus sit, &c. quo explicito satis intelligitur internus actus, seu prava voluntas occidendi, fornicandi, &c. Huius autem rei obligatio, seu confitendi, & sic satisfaciendi ratio, nulla maior adduci potest, quam institutio Christi Domini, eiusdemque voluntas nobis per Ecclesiam continuata praxi, & communi usu, ac sensu D. D. omnium declarata. Quare si Christus Dominus voluisset, ut nunquam ex obligatione confiteremur peccatum externum, sed solum ejus affectum, seu propositum, confessio esset legitima (modo non deesset contritio, & propositum emendationis) quia hoc pendet à sola sui institutione, & voluntate. Non ergo quia externum opus superraddat malitiam actui interno, obligamur illud in Confessione exprimere, sed quia Christus Sacramentorum institutor, voluit, ut peccatum exterius patratum Sacerdoti panderetur. Adde etiam, utrumque actum esse confitendum, tum quia multoties plura sunt annexa actui exteriori, quæ non interiori, ut restitutiones, censuræ, irregularitates, &c. Tum quia multoties non potest rectè explicari actus internus, nisi & exterior explicetur: Tum quia ex exteriori multa alia consequuntur, quæ non ex interiori: Tum denique quia nequiret Confessarius adhibere medicinam spiritualem, nisi etiam confiteretur actus exterior, &c.

1116 Extenditur autem propositum privilegium etiam ad penam cum proportionale minuendam, nedum culpam; ut expressè etiam docet Petrus Maria Passerinus in pr. libr. sexti Decretalium qu. pr. artic. 20. n. 382. fol. 147. ubi sic: *Extenditur assertio*

(hoc est privilegium) *ut si pena sit imposita pro qualitate actus, ignorantia qualitatis excuset à qualitate culpe, & à pena contra actum, ut qualificatam imposita.* Sic qui ignorans habet rem cum aliena, credens esse suam uxorem, non est adulter, ut in factis Jacob cognoscens Liam, quam credebat esse Rachel, est manifestum. Similiter qui percutit Clericum ignorantem Clericatum, non est Sacrilegus, nec excommunicatus, Cap. Si verò el. 2. de sentent. excommun. Item Venator, qui ex ignorantia probabili occidit hominem, quem putavit esse feram, non est homicida, nec pœnis homicidæ subditur, D. Tbo. p. 2. qu. 76. art. 3. & ibi Alvarez diff. 154. n. 3. Armilla Verbo Ignorantia nu. 9. D. Antoninus par. pr. tract. 4. cap. 5. §. 5. Serra p. 2. qu. 76. art. 3. d. 2. Cum enim pena non infligatur iuste, nisi pro culpa; & ignorantia qualitatis, si sit antecedens, tollat qualitatem culpe, vel culpam, si culpa super qualitate fundatur, eadem ratione tollit penam, quæ fundatur super culpa. Cajet. pr. 2. qu. 76. art. 3. dub. 3. & ibi Alvarez diff. 154. & 158. n. 4. Sylvest. Verb. Ignorantia n. 11. Armilla n. 7. Sanchez de Matrimon. lib. 9. diff. 32. n. 23. hæcenus Passerinus, qui ex professio subtiliter, clarè, doctrinaliterve agit de Ignorantia in universum, ejusdemmet divisione, ac distinctione, excusatione à peccatis, & à pœnis causa ipsius, inadvertentia, inconsideratione, & alia, à nobis etiam sparsim tradita pluribus in locis, ac privilegiis hujusce nostræ tractatus.

1117 Confirmatur præterea hujusmodi extensio ex doctrina communi, nam triplex causa generalis minuendi penam ex conditione delinquentis, à Doctores assignatur, scilicet, Ignorantia, Vis, & Metus: ista etiam tria cum tollant libertatem, vel illam minuant, juxta doctrinam D. Thom. p. 2. qu. 6. & Doctorum communem, per ipsa etiam consequenter, vel omnino excluditur, vel minuitur pœna, hoc est, vel excusant omnino à pœna, vel illam minuunt. Vis enim, cum totaliter tollat libertatem, ab omni culpa, & pœna excusat. Metus etiam, si sit cadens in constantem virum, vel excusat omnino à culpa, quando lex non obligat ad sui oblationem cum periculo damni gravis; vel saltem excludit dolum, & minuit penam. Ignorantia verò (de qua tantum hic) tam juris, quam facti, si sit probabilis, & invincibilis, sicut excusat à culpa, ita excusat ab omni pœna. Si vincibilis, & excludens dolum, diminuit penam, ut supra, & etiam alibi.

PRIVILEGIUM QUINTUM.

Ignorantia vincibilis, nisi sit affectata, diminuit malitiam, & rationem peccati.

128 **H**oc privilegium communiter admittitur à D. D. cum D. *Bo. p. 2. qu. 76. art. 4.* sequitur ex præceptis: & præterea probatur, quia ignorantia vincibilis, nisi sit affectata diminuit voluntarium, ex diminutione autem voluntarii, diminuitur peccatum. Confirmatur ex eodem D. *Tbo. art. c.* quia quicquid est ratio remissionis peccati, alleviat peccatum: sed ignorantia est huiusmodi, ut patet p. ad *Timot. p. Misericordiam consecutus sum, quia ignorans feci*, ergo ignorantia diminuit, vel alleviat peccatum. Ita argumentatur S. Doctor: loquens utiq; & ipse (ut in privilegio nostro) de ignorantia vincibili, nam invincibilis, *Ea est* (inquit) *que totaliter à peccato excusat, quia totaliter voluntarium tollit, unde peccatum non minuit, sed omnino aufert.* Adverte autem hic cum *Gabriele à S. Vincentio in suo Traët. de Remediis Ignorantiae disp. p. dub. 4. nu. 38.* Quod non omnis ignorantia vincibilis æqualiter diminuit peccatum, sed alia magis, alia minus, alia nullo modo, juxta voluntarii diminutionem. Eo autem magis tollitur voluntarium per ignorantiam, quo ipsa est minus vincibilis, quo difficilius vinci potuit, quo fuit minor negligentia discendi. Sicque ignorantia crassa, vel supina, quæ majorem negligentiam supponit, parum diminuit. Cæterum ignorantia affectata patitur, aut nihil diminuit, sed potius auget peccatum.

PRIVILEGIUM SEXTUM.

Ignorantia à pena Ecclesiastica excusat, etiamsi non à culpa.

1129 **P**onit quis actum contra Ecclesiasticum præceptum v. g. quod scit esse obligatorium, & sub mortali; ignorat tamen censuram, sive pœnam Ecclesiasticam eidem actui annexam: huiusmodi ignorantia; licet cum non excuset à culpa, eo quia novit præceptum obligatorium, & contra ipsum posuit, atq; commisit actum; excusat tamen à pœna, seu Ecclesiastica censura. Quia videlicet, ignorantia, cum quæ etiam contrahitur culpa gravis contra præcepta, & sufficiens est ad contrahendam talem culpam, non est suf-

ficiens ad contrahendam pœnam Ecclesiasticam, ut censuram. Quod tradunt etiam communiter Doctores, cum quibus & nos superius satis superque in privilegio *Quarti Capituli*, præcipuè in 3. 4. 5. 6. 7. 8. 9. 10. & 11. Videantur.

1130 An verò currat hoc idem privilegium quoad alias pœnas, & id quod dicitur de ignorantia quoad pœnas Ecclesiasticas, currat etiam quoad alias pœnas, sive divinas, sive humanas? Respond. negativè: Nam qui aliquem v. g. occidit; qui furatur, aut quodlibet aliud peccatum committit, incurrit utique reatum pœnæ æternæ, si peccatum est mortale; aut pœnæ temporalis, si est tantum veniale. Similiter leges civiles puniunt capitali pœna occisorem, quamvis hanc pœnam ignoraverit. Verum quidem est, quod ignorantia multum juvat ad temperandam, ac minuendam pœnam. Quare tam in foro Dei, quam in foro Civili, qui ex culpabili ignorantia præceptum aliquod transgreditur, etiamsi ignoret pœnas à Deo, vel legibus Civilibus, aut etiam Ecclesiasticis (exceptis censuris) eas incurrit, liceat eas ignoraverit. Cujus discriminis ratio est, quia Censuræ ex sua institutione requirunt aliquam monitionem, & contumaciam, quam non habent ignorantes: & in pœnis, quæ à Deo, vel Republica infliguntur, solum requiritur malitiosa, & gravis præcepti aut legis transgressio, quæ in ignorante vincibiliter reperitur; ita etiam cit. à *Sancto Vincentio disp. c. dub. 2. n. 15.*

PRIVILEGIUM SEPTIMUM.

Ignorantes invincibiliter culpam contrahere lethalem, necnon in Excommunicationem incidere, qui inducunt aliquem ad eligendam sepulturam cum Voto, Juramento, &c. ab utroque excusantur.

1131 **I**n Clementina *Cupientes s. Sani De Panis. Religiosi, & Clerici* Seculares, inducentes aliquem ad vovendum, jurandum, vel promittendum, ut apud eorum Ecclesias eligat sibi Sepulturam, vel jam electam amplius non immutet, excommunicantur, & excommunicatio, ibidem, reservatur Papæ (præterquam in mortis articulo) nullis obstantibus privilegiis, cujuscumque tenoris existant, &c. Et si tales inducentes excommunicantur, utique peccant mortaliter sic inducendo, quoniam excommunicatio nonnulli ob lethalem culpam contrahitur per omnes. Ab huiusmodi

modi ergo culpa, necnon à censura excusantur dicti inducentes, qui sic inducunt cum ignorantia invincibili talis prohibitionis, ut in privilegio; quod expressè etiam ponit Franciscus Maria Samuelli *De Sepulturis tract. p. disp. 2. Contrav. 4. Conclus. p. n. p.* sub his verbis: *Inducens ad eligendam sepulturam cum Voto, Juramento, &c. cum ignorantia probabili, minime in excommunicationem incidit, per allegata Jura allata in Superioribus.* Accedit quoque *Suar. de Cens. disp. 22. sec. 4. n. 26.* ubi loquens de hac eadem Clementina, ait (cum Cajet.) *Qui ex ignorantia hujus prohibitionis hoc facit (hoc est, inducit) non incurrit hanc censuram.* Addens postea: *Ignorantia probabilis semper excusat à censura, cum excuset à culpa, etiam si simpliciter lex sit lata contra omnes transgressores.*

1132 Probo autem privilegium cum eodem Samuelli nu. 2. & 3. & ex doctrina, omnium communi: Quia quando ignorantia probabilis concurret (quæ à lethali culpa utique excusat) seu quando quis ignorantia prohibitionem, ut probabiliter putet se tali modo inducere posse ad sepulturam eligendam cum Voto, Juramento, &c. non peccat, nec consequenter evadit excommunicatus, ergo verum privilegium. Ignorantia enim probabilis si à peccato mortali excusat, necessario sequitur excusare etiam ab excommunicatione, nec ipsam habere locum, quia non contrahitur nisi ob contumaciam, cum peccato mortali coniunctam, juxta *Cap. Nullus, Cap. Nemo 11. q. 7 & cap. p. De judic. & cap. A nobis, & cap. Sacrosancta de sentent. Excomm. & cap. Romano, §. Cavcant, de sentent. excomm. in 6.* & juxta ea, quæ nos etiam sparsim tradidimus in *Privilegiis Capituli 4.* quæ desumpta fuere ex doctrina, quam tradunt communiter D. D. cum agunt de Censuris: Et in hoc speciali casu, præter citatos, præsens propositum privilegium expressè affirmant, & admittunt, *Cajet. in Summa, Verbo Excommunicatio, cap. 49. Navarr. in Man. c. 27. n. 103. & P. Pasqual. Decis. 376.*

1133 Addit tamen *Suar. n. 26. c.* & cum ipso *idem P. Pasqual. Decis. c. n. 3. & Buss. Verbo, Sepultura; nu. 2. prope finem.* Ad incurrendam excommunicationem, aliquid amplius requiri, quam ad peccandum in præsentī casu; ac proinde ignorantiam aliquam, quæ non excusaret à peccato, posse excusare ab incurfu Censuræ excommunicationis; quia in *cit. Clementina Cupientes §. fin. Sanè*, fert Pontifex excommunicationem in temerarios violatores suæ Constitutionis: ibi enim dicitur: *Sanè temerarios*

violatores Constitutionis illius, quæ Religiosis, & Clericis secularibus prohibet, ne aliquos ad vocandum, jurandum, vel fide interposita, seu aliis promittendum inducant, ut sepulturam apud eorum Ecclesias elegant, vel jam electam ulterius non immutent: dicta autem particula temerarios, debet aliquid operari: proindeq; necesse esse ausum temerarium, qui non intervenit, quando ex ignorantia, & bona fide proceditur: etiam si ob negligentiam, ignorantia à culpa non excuset, dummodo tamen ignorantia non sit affectata: ita *Suar. l. c. Samuelli. Controv. c. 4. Concl. 2. n. 5. & 6. & P. Pasqual. n. 3. c.* Addens ipse *n. 4.* Etiam si ignorantia affectata sit, sufficere, ut quis hanc excommunicationem non incurrat, eo quia etiam affectata ignorantia sufficit ad excludendum ausum temerarium, qui requiritur pro contrahenda excommunicatione. Ausus temerarius dicitur ire sine ratione contra Constitutionem, atque adeo velle ipsam infringere, & non observare: Unde necessaria est intentio contraveniendi: quæ locum non habet posita quacumque ignorantia etiam affectata, quia etiam affectata facit ut non habeatur præ oculis Constitutio. Audere enim in portat quendam contemptum, ut notat *Innocent. in cap. Cum medicinalis de sent. Excomm. in 6.* Hæc tenus *Pasqual. &* post ipsum *Samuelli. Controv. c. Concl. 3. n. 8. 9. 10. 11. &* apud hunc *D. D. communiter n. 11. c.* cum quibus & ego in *Privileg. Cap. 4. c.*

1134 Adverte autem hic, quod præter dictam *Clement. Constitut. Cupientes*, extat & aliud antecedens *Decretum Bonifacii VIII.* quod habetur *Cap. Animarum periculos, De Sepulturis, in 6.* Tenoris sequentis: *Universis Religiosis, & Secularibus Clericis, cuiuscumque status, vel conditionis existant, in virtute Sanctæ obedientie, ac sub interminatione maledictionis aeternæ, districte precipimus: ne aliquos ad vocandum, iurandum, vel fide interposita, seu aliis promittendum inducant, ut apud eorum Ecclesias sepulturam elegant, vel iam electam ulterius non immutent:* Violantes hoc Decretum, seu Constitutionem, ac prohibitionem hanc, peccant quidem (nisi excuset ignorantia) ut vult etiam *P. Pasqual. Decis. 375.* contra utrumque *Rodrig. &* mortaliter, eo quia, transgressores sint præcepti *districte impositi, in virtute sanctæ obedientie, ac sub interminatione maledictionis aeternæ*, ut constat ex textu: qui tamen; & quæ prohibitio, nullam habet censuram annexam. In dicta Clementina addita est, cum reservatione ad Summum Pontificem, & non obstantibus privilegiis, &c.

ut expresse in ipsa videre est, præcedenti numero relata: In qua personæ, in quas fertur censura, satis exprimuntur, scilicet Religiosi universi, etiam Laici professi, non ad Chorum deputati, aut Clerici: Unde sufficit si Religiosus sit, quamvis non Clericus. Sub hac censura in opinione *Samuell. de Sepult. disp. 2. c. Controv. 8. in principio, & conclusionem 2. n. 6. & ante ipsum Suar. sec. 4. c. nu. 25.* veniunt etiam Moniales: Opinor etiam Moniales comprehendendi (sunt verba *Suar. rezii*) non tamen Novitii, propter dicta in simili. Et è contrario sufficit, quod sit Clericus in quocunque gradu, quia textus ibi nihil distinguit. Ratio autem cur Novitii, sive Laici, sive Clerici non afficiantur præfata pena, aut censura, communiter traditur à Doctores, quia videlicet Novitii, in materia penali, nomine Religiosorum non veniunt: sic *Petrus de Murza Disquisitionum Moral. to. p. tr. 7. sect. 8. Disquis. 6. n. 13. Cum Lezana, Sancto Azorio, Bessero, Pellizzario, Abbate, Tambur.* & alii. Sed

1133 Quæres hic obiter primo, An peccent mortaliter, & contrahant dictam excommunicationem, qui consantur inducere ad eligendam sepulturam cum Voto, Juramento, aut promissione, si effectus electionis non sequatur? Respondeo ad primam quæsitam partem, affirmative. Imò certum esse debere apud omnes (inquit *Pasqualis. disp. 374. n. p.* quod peccent mortaliter, quia quantum est de se, intendunt actum malum, & tendunt in obiectum prohibitum, qua prohibitum est, quod sufficit, ut actus contrahat malitiam, quæ contrahitur eo ipso, quod eius obiectum est dissonum rectæ rationi. Quo vero ad secundam partem, responsio est negativa, cum *Rodrig. to. 3. Q. Regal. qu. 58. art. 7. dub. 5. Nuvarro in Man. Cap. 27. nu. 103. Versu, Declaratio pr. Caiet. in Sum. Verbo Excommuni. cap. 49. Angelo Verbo Sepultura n. 37. Suar. sec. 4. c. nu. 26. Pasqualis Decis. c. 2. n. 3. Francisco Arzon. Gliani in Summa Censurar. Verbo Sepultura sub n. 2. & alii.* Ratio autem hujus responsionis sumitur ex doctrina, quam communiter tradunt D. D. de Censuris: quod nimirum non contrahantur nisi sequuto effectu. Unde, & *Caiet. l. c. de hac eadem loquens*, ait: *Huiusmodi pena stricti iuris est, & effectum requirit.* Adverte tamen hic, quod si quis motu proprio, Voto, vel Juramento elegerit sepulturam, servare, quidem teneatur (Syl. *V. Sepultura qu. 5. n. 5.*) illius nihilominus obligatione non obstante, non potest Clericus, vel Religiosus eum inducere, ut obligatorio modo firmet

electionem suam jam factam apud ipsum Ecclesias; juxta illa verba: *Vel iano electam alterius non immutent. Pasqualis. etiam, Decis. 73. nu. 3.* Dico apud ipsum Ecclesias, quoniam hoc idem expressum est in Canone, ibi enim: *Ut apud eorum Ecclesias sepulturam eligant*: tanquam facientes aliquid præjudiciale Ecclesiæ Parochiali, aut alteri, in qua de jure sepeliri deberent.

1136 Quæres secundo, An dicta excommunicatio locum habeat pro iis, qui inducunt ad electionem sepulture, mediante obligatione, eos, qui non pro se eligunt, sed pro aliis: an verò tantum liget eos, qui pro se eligunt. Resp. Ligare omnes, qui inducunt ad eligendum, sive pro se eligant, sive pro aliis, quia universali ter de iis, qui inducunt ad eligendam sepulturam apud proprias Ecclesias loquitur Constitutio: ita etiam *P. Pasqual. Decis. 373. n. 6.* Cum quo *nu. 7.* nota, quod electio sepulture facta contra dictam Constitutionem est nulla, & proinde qui cum tali forma elegit, debet sepeliri, ubi prius sepeliendus fuisset, nulla facta electione. Et ita etiam decernit. *Bonifacius VIII. in Cap. Animarum c. de Sepult. in 6.* ibi: *Nos enim electionem talem decernimus nullius penitus existere firmitatis. Statuentes, ut hi, qui sic elegerint, nec apud illas Ecclesias ullatenus sepeliri, nec alibi possint eligere sepulturam: sed contradictione quocunque cessante, sepeliantur omnino apud illas Ecclesias, apud quas sepeliendi de Jure fuissent, si aliâ sepultura non electa forsitan decessissent.* Insuper nota cum eodem *P. Pasqual. Decis. c. n. 8.* Quod etiam si quis induceret ad eligendum sepulturam cum Voto, Juramento, aut promissione non apud propriam, sed apud alienam Ecclesiam, ut supra, ut Franciscanus apud Dominicanos, cum fraude, hoc est, ad instantiam Dominicani, adhuc electio esset nulla, & contrahuntur pœnæ positæ in dicta Constitutione. Ita etiam *Portell. in Dub. Regul. Verbo Sepultura nu. 5.* ubi sic: *Si aliquis Minorita suadeat alicui cum iuramento, ut eligat Sepulturam apud Dominicanos, non facit contra illud Mandatum, quia Papa solum prohibet ne suadeat apud propriam Ecclesiam; non loquitur verò de suadente Sepulturam in Ecclesia aliena. Secus si idem Minorita id persuadeat ad instantiam Fratris Dominicani, hoc enim iam fit in fraudem illius legis.* Et idem habet *Rodrig. art. 7. c. Versu Quarto circa, cum suo Compend. Q. Regular. ref. 128. De Sepulturis nu. 9. & apud hunc Gutierrez de Jaram. 2. p. c. fin. n. 15. & Villal. p. p. Summ. tract. 17. diffis. 25. nu. 4.*

1137 Quæres tertio, An peccet, & in excommunicationem incidat qui inducit ad eligendam Sepulturam cum Voto, Juramento, &c. apud illam Ecclesiam, apud quam de jure debuisset sepeliri? Resp. Affirmativè cum *Portello Verb. c. n. 4.* ubi ait, quod licet Ecclesia non amittat jus quod aliunde habebat: qui tamen sic inducit peccat. Et hoc idem contra *Rodrig. to. 4. Summa cap. 130. n. 3.* & alterum *Rodrig. in Comp. Qq. Regular. ref. 128. in fine*: Existimat probabilis *P. Pasq. Decis. 375. n. 3.* Quia videlicet quandocumque intervenit actus prohibitus, tunc intervenit peccatum, & censura eidem actui imposita suum fortitur effectum. Actus autem in citatis Constitutionibus est inductio ad eligendam Sepulturam cum Voto, aut quis alia obligatione, quæ prohibetur tantum continens specialem deformitatem ad rectam rationem: per hunc enim actum ostenditur avaritia: quia præsumitur fieri ex desiderio emolumenti, quod provenit Ministris Ecclesiæ ex sepultura, & est contra libertatem electionis sepulture, quam æquum est durare usque ad ultimum finem. Idem docet *Bassieu Verb. Sepultura sub n. 2. Versu Quæres tertio.*

1138 Hinc infertur contra utrumque, *Rodrig. quod* relatæ Constitutiones in *cap. Animar. pericul. & Clem. Cupientes*; non sunt in favorem Ecclesiæ, in qua de jure defunctus sepeliri debet; alioquin sequeretur, quod si quis elegisset Sepulturam in alia Ecclesia, & Regularis ipsum induceret ad mutandam electionem, & Voto, vel alia obligatione eligeret sepulturam apud propriam Ecclesiam, non faceret contra Decretum, quia nova electio non esset in præjudicium Ecclesiæ, cui de jure contingit sepultura: hoc inquam sequeretur in opinione maxime citator. *Rodriquezium*, alleverunt, quod inducens ad eligendam cum obligatione Sepulturam apud illam Ecclesiam, apud quam de jure debuisset sepeliri, tribuit vires potius Decreto, non autem faciat contra illud, cum sit per ipsos in favorem dictæ Ecclesiæ. At non est ita, ut optimè etiam *P. Pasq. Decis. c. m. 4. & 5.* Sed in favorem libertatis electionis Sepulture, quam tanti fecerunt Summi Pontifices, ut eam concesserint etiam in præjudicium Ecclesiæ, quæ de jure jus habet ad sepulturam: & in detestationem avaritiæ, atque ob tollenda scandala: ut initio Constitutionis explicat *Bonifacius VIII.* quæ oriuntur ex eo, quod Regulares, aut Clerici Seculares habeant ex ipsorum inductione obligatas personas ad proprias Eccle-

sias, quoad sepulturam: hinc quotiescumque quis inducitur ad hujusmodi obligationem, semper sit contra finem Constitutionum prædictarum, tantum abest, quod ipsis dentur vires, ut contendunt dicti *Rodriquezii*; & ante ipsos *Sylv. in Sum. p. p. Verb. Excommunicatio VII. n. 49. in fine*, ubi sic: Tertio, quid agendum quando Ecclesia, in qua dictus eligens erat de jure sepelendus, est illa ad quam inducebatur? Et respondet *Joann. Andreas*, quod ista questio est indubitata: quia Constitutio emanavit in favorem Ecclesiæ, cui sepultura debetur: unde in eius personam retorqueri non debet, de *Regulis Juris*, Quod ob gratiam lib. 6. Item licet inducens peccet: auferendo libertatem eligendi, tamen tenet de debito retinendo *Cod. de Cond. l. final. Idem Petrus de Ancharano*. Hæc *Sylv.* Et apud *Petrum de Murga Tom. pr. Disquisitionum Moral. Tract. 7. sec. p. disquis. 6. Dub. p. m. p.* idem tenet *Joannes Baptista Ventriglia*, in *Prævisionem notabilium*, annotat. 52. de *Electioe Sepult.* §. unico, n. 4. Cujus Doctoris idem pariter fundamentum est, quia videlicet Constitutiones prædictæ in favorem suæ Ecclesiæ, & sui ipsius conditæ sunt. Quod autem est in favorem alicujus, in ipsius odium retorqueri non debet. *Cap. Quod ob gratiam cl. 62. de Regulis Juris in 6. l. nulla, ff. de Legibus*, ita *Ventriglia*: contra quem tamen idem de *Murga dub. c. m. 4.* ponit sequentem conclusionem: Si Parochus inducat ad eligendam Sepulturam in propria Ecclesia Parochianum suum, vel ad illam non mutandam, penas incurrit injustas per *cap. Animarum*, cl. p. de Sep. in 6. & per *Clementinum Cupientes*, la. 3. de Penis: & electio ipsa irrita est, & nulla. Primam partem conclusionis probat n. 14. ex dictis capitulis; absolute, & indistincte prohibentibus sub penis in eis contentis universis Religiosis, & secularibus Clericis cujuscumque status, & conditionis, ne aliquos ad vovendum, jurandum, vel fide interposita, seu aliàs promittendum inducant, ut apud eorum Ecclesias Sepulturam eligant, vel jam electam ulterius non immutent. Clausula autem dicta, *Cuicunqueque statuti, & conditionis*; tam generalis est (inquit *Murga*) ut non possit non comprehendere Parochos. Præterquamquod, ubi Jus nondistinguit, nos distinguere non debemus, l. de pretio, ff. de Publiciana in rem actione. Alteram verò conclusionis partem probat auctoritate Doctorum, & jure ipso: cum ex ipso *Cap. Animarum*, omnis electio Sepulture cum pacto, & obligatione facta nulla sit, & irrita, *Electioem talem* (sunt Constitutio-

nīs verba Capis. c.) *decernimus nullius penitus existere firmitatis*: ipso ergo jure nulla est, ac irrita hujusmodi electio, etiam inducta à Parocho &c. Qua nullitate presupposita.

1139 Quæres quarto. An sic inductus, adhuc debeat in eadem Ecclesia sepeliri? Hoc quæsitum procedit etiam quocienscumque quis alius Clericus, vel Regularis non Parochus inducit aliquem, ut scilicet obliget ad eligendam Sepulturam, vel electam non mutandam, apud ipsorum Ecclesias in quibus de jure (præcisa tali electione) deberet sepeliri: an inquam adhuc debeat in Ecclesia eadem sepeliri? *Glossa ipsa ut dictum cap. Animarum, Verbo Apud quas*, proponit hoc idem quæsitum; & circa finem, per eandemmet videtur, quod non debeat ibi sepeliri. *Quid si Ecclesia ista (ita Glossa) sit illa in qua ab intestato sepeliri debebat? Si dicamus quod ibi non debeat sepeliri, ubi ergo sepeliatur? & licet dicat, non apud illas, &c. Unde posset dici quod ibi sepeliatur non obligatione promissionis, sed potestate juris, sicut cum ex duobus servitutibus remittitur altera, altera remanet, &c. In contrarium videtur, quod scilicet nec apud electas Ecclesias ullatenus sepeliri debeant. Secundum hoc enim, semper illi apud quos est sepulchrum Majorum etiam ex electione, vel promissione, quia privati erunt potestate eligendi, habebunt intentum: quod esse non debet. Quo tamen non obstante. Respondet, cum Rodriquez. To. 3. Q. 9. Regular. qu. 58. art. 7. dub. p. & altero Rodriquez in Compend. Resol. 128. n. 6. §. Notand. est primo. Pasqualigo Decis. 378. an. 3. Samuelli De Sepulturis tract. p. disp. 2. Controv. 6. Conclus. 2. Petro de Murga to. p. Moralium. Disquis. tract. 7. sec. p. disquis. 6. dub. 7. (ubi refert etiam sub n. p. in fine, Petrus de Ubaldis de Canonica Episcopali cap. 11. n. 13.) & cum aliis communiter apud Samuelli conclus. 2. c. n. 9. in fine: Tenendum esse quod debeat in dicta Ecclesia sepeliri quam obligativo modo elegit, inductus, &c. si alioquin debuisset in ipsa sepeliri. Et ratio est, quia Summus Pontif. Bonifacius per suam prædictam Constitutionem prohibet tantum effectum electionis, illumque interdicit, declarat illam nullam, eandemque cassat, & irritam decernit: hinc res ad juris terminos reducitur, hoc est, eodem pacto res se habet ac si nulla facta fuisset electio: tunc autem utiq; servando jus commune, debuisset sepeliri in eadem Ecclesia, ergo etiam nunc, non quidem ex vi electionis, quia irrita est, nulla & invalida, sed ex juris determinatione. Confirmatur hæc eadem ratio à pari de*

Testamento, ex eodem P. Pasqualigo Decis. c. n. 4. Si quis condat testamentum, quod ex aliquo defectu sit nullum, & hereditas pervenit ad illos quibus ab intestato succedunt, etiam si ipsi fuissent in eodem testamento instituti hæredes, & vitio ipsorum evasisset nullum testamentum, ergo à pari quamvis etiam electio sepulture sit nulla, & sit electus locus, in quo de jure eligens debuisset sepeliri, adhuc in eodem loco sepeliendus erit. Quod etiam aperte deducitur tum ex cit. cap. p. de Sepult. in 6. tum ex relata Clement. Capientes, quia non ponunt dictam poenam (ut advertit etiam Pasqualigo. Decis. c. n. 3.) iis qui inducant ad talem electionem, ut eos privent jure communi: sed declarata nulla hujusmodi electione, reducunt sepulturam ad terminos juris: non debent igitur privari suo jure, cum per Canones non priventur, qui prohibent quidem eos sepeliri apud Ecclesias electas, sed quatenus in ipsis sepeliri deberent ex vi electionis, cum enim declarent nullam electionem, debent etiam prohibere electionis effectum, ideoque prohibent apud dictas Ecclesias sepeliri in virtute electionis, & non si ex alio capite in ipsis sepeliri debent.

1140 Quæres quinto. An Religiosi, & Clerici sæculares inducentes obligatorio modo (ut supra) ad eligendam apud eorum Ecclesias sepulturam, & effectivè sepeliennes in ipsis sic inductos: incident in aliam poenam præter supradictam excommunicationis censuram Papæ reservatam. Respond. affirmativè, ut videre est in dicto Cap. Animarum de Sepult. in 6. ibi enim §. Si vero, Summus Pont. Bonifacius VIII. sic: Si vero iidem Religiosi, vel Clerici prædictos in suis Ecclesiis, vel cimiteriis præsumserint sepelire, & ad restitutionem tam sepulchrorum Corporum (si petantur) quam etiam omnium, que occasione sepulture illorum, pervenerint quomodolibet ad eosdem, infra decennium integratè faciendam, ipsos obligatos esse censuimus. Quam nisi fecerint, Ecclesiæ ipse, apud quas sepulti fuerint, necnon & cimiteria earundem, ex tunc eo ipso sunt, & tandiu maneant Ecclesiastico supposita interdicto, donec ab eis facta fuerit restitutio plenaria omnium prædictorum. Limita tamen cum Summ. Anglicæ p. 2. Verbo Sepultura, n. 38. in fine (& ut in præcedentis nostri quæstii responsione.) Nisi esset Ecclesia in qua de jure esset sepeliendus: quia non teneretur restituere nec corpus, nec aliud, secundum anteriorem opinionem, &c.

1141 Quæres sexto. An si unus tantum particularis ex Regularibus utriusq; sexus, & ex Clericis secularibus ad sepulturam.

eligendam inducat apud suam Ecclesiam cum obligatione ipsius eligentis ut supra, penas Apostolicarum Constitutionum incurrat, & electio irrita sit, ac nulla? Ratio quesiti est, quia nonnulli volunt quod electio sepulturæ cum voto, iuramento, aut promissione facta ex inductione alicujus particularis personæ illius Ecclesiæ, in qua fit electio, puta Beneficiarii simplicis, Monachi, aut Fratris similiter simplicis, qui videlicet non sit Parochus, Prælati, Vicarii eorum, aut Sacrista, vel talis qui totam communitatem illius Ecclesiæ representet, sit saltem valida, consequenter ejus Ecclesiæ non perdat jus per promissionem, & si inductivè factam, acquisitum. Ita sentire videntur *Rodrig. art. 7. c. dub. 3. Rodriguez in Compendio Resol. 128. n. 8. cum Portello in Dubiis Regularibus. Verbo Sepultura n. 4. ubi sic: Vovens, vel promittens se sepelire in aliquo Conventu persuadente tantum aliquo Religioso non Prælati, quidquid sit de peccato suadendi, non perditur jus sepeliendi in illo Conventu, quia opus est ut persuasio fiat a majori parte Conventus. Rodriguez ubi proxime. Si autem Prælati suadet cum illo effectu, & peccat, & perditur jus sepulture: quia Prælati representat totum Conventum. Hætenus Portell. Quod improbabile minimè esse, dicit Samuellius de Sepult. tract. p. disp. 2. Controv. 8. Conclus. p. n. p. & apud ipsum n. 4. Archidiacon. in cap. pr. de Sepult. in 6. Angelus Verbo Sepultura n. 33. in fine, citans Joann. Andream, & Hostiens. Petrus de Ubaldis cap. 11. De Canon. Portio. Episcop. Lezana to. 3. Verbo Sepultura quoad Regulares n. 8. Ubi absolute ipse notat pro praxi Regularium, quod si unus Religiosus nomine suo inducat aliquem dicto obligatorio modo ad eligendam sepulturam in sua Ecclesiæ, quamvis ipse peccaverit, non propterea alii Religiosi, aut totus Conventus incidit in prædictas penas, nisi ipse sit Prælati, aut alius nomine Communitatis, quia solum isti possunt aliis, aut Communitati præjudicare. Imò Angelus n. c. 33. in fine, cum Joanne Andream, & Hostiens. (Quibus adde Petrum de Ubaldis apud Rodriguez dub. 3. cit. Versu, Ex his.) Tenet, quod nec Prælati solus possit sic Ecclesiæ præjudicare, aut nocere: Quia (inquit) Prælati solus non potest præjudicare Ecclesiæ in acquirendis. Delictum enim unius, non debet aliis præjudicare, ut est vulgatum in jure: Unde si unus ex dictis Ecclesiasticis inducit ad eligendam sepulturam modo interdito, non debet in Ecclesiæ damnum redundare, quod argumento etiam aliquo-*

rum Iurium comprobatur: ita D. D. relati: quibus minimè obstantibus.

1142 Ad quesitum respondeo, Etiam Religiosum, & Clericum particularem inducentem ad eligendam sepulturam in propria Ecclesiæ, sub iuramento, voto, aut promissione, penas incurrere Apostolicarum prædictarum Constitutionum, & electionem ipsam, esse ipso facto nullam. Ita etiam Sylo. V. Excommunicatio VII. n. 49. Prope finem. Versu. Secundo dubitatur. Passqualis. Decis. 380. Samuellius Controvers. 8. c. Conclus. 2. & 3. Petrus de Murga disquisit. 6. cit. dub. 2. Conclus. Unica, & apud ipsum sub n. 6. Trull. to. 3. Tract. de Jure Parochi, cap. 9. dub. 5. n. 17. alique. Probatur responsio: Tum quia in dicto Cap. Animarum Beneficium Papa VIII. cum universis Religiosis utriusque sexus, & Clericis Sæcularibus cujuscumque status, conditionisque existentibus loquitur, quando sub pena nullitatis electionis, & sub formali præcepto statuit, ne inducant aliquos ad electionem Sepulturæ cum iuramento, voto, aut promissione apud eorum Ecclesias, vel ad non immutandam apud eandem jam electam: Talia enim sunt ipsius Constitutionis Verba: Universi Religiosi, & Sæcularibus Clericis, cujuscumque status, & conditionis existant, &c. Ductio autem Universi, universalis est, ut ex se constat, comprehendens (ut inquit etiam Samuellius Conclus. 2. cit. n. 6. & de Murga conclus. c. n. 12.) omnes, & singulas personas Majores, & minores, Regularium utriusque sexus, & sæcularium Clericorum cujuscumque status: Alioquin frustraretur lex sine suo (ait Passqual. decis. c. n. 2. & bene) quia semper possent, qui sunt de Ecclesiæ aliqua, per unum aliquem procurare talem electionem, & sic reddere irritum Decretum. Alii (inquit etiam, & optimè Samuellius n. 6. c. in fine) talis Constitutio inanis redderetur, si persone individuas, & singulares non comprehenderentur in ea, nam si major pars alicujus Ecclesiæ secularis, aut Regularis non induceret ad hoc modo sepulturam eligendam, nunquam contra talem Constitutionem contra fieret, sed hoc est falsum, ergo. Tum quia, præceptum hoc formale, immediate ad singulares personas dirigitur, & prohibitio hujusmodi est utique personalis, de cujus ratione est ut comprehendat omnes, & singulos; quia non fit Communitati, neque loco, sed personis; & proinde respicit actus personales, non autem actus Communitatis. Addo cum de Murga n. c. 12. in fine. Quod mens ipsa Pontificis dirigentis præceptum suum personis lingu-

ingularibus, non Communicati, convinctur. Ex cit. Clementina Cupientes §. *Sunt de Paris*; in qua innovatur Cap. *Animarum*, & per illam additur istius violatoribus, Excommunicationis pœna: quæ non infligitur unquam Communicati, sed singularis personis. Tum etiam quia Bonifacii VIII. intentio in præfata sua Decretali, fuit omnino auferre scandala, quæ frequenter oriuntur ex inductione Ecclesiasticorum circa electionem sepulture obligatorio modo: ut declarat initio Constitutionis: sed eadem scandala, & pericula oriuntur ex inductione taliter facta per Clericum, aut Religiosum particularem, ac si fieret per Archiepiscopum, Prælatum, aut per majorem internum Capituli Ecclesiæ, aut Conventus Monasterii, ergo nulla, & irrita electio, tam si dicto modo inducens, sit singularis, quam si unus tantum. Hinc & ipsa Glossa, in *Sum. caput Animarum, Verbo, Interdictum*: concludit: Ergo propter transgressionem unius patris, Ecclesia tota, & cœmeterium puniuntur. Sed

1143 Dices primo. Procurator, Abbas, vel Episcopus non valet per suum actum præjudicare Monasterio, aut Ecclesiæ suæ, ergo multo minus præjudicare valebit Religiosus, aut Clericus particularis Ecclesiæ per inductionem electionis sepulture in facta obligatorio modo: Consequentia, nititur à majoritate rationis: si enim illi, qui potentiores sunt, nequeunt per suum actum propriis Ecclesiis præjudicare, multo minus isti, qui minimi, ac inferiores sunt, id facere quibunt: Antecedens definitum videtur à Gelasio Papa, in *Canone si* 16. qu. 6. per hæc verba: Si ergo delictum persone in damnum Ecclesiæ non potest converti, quia Procurator conditionem Ecclesiæ non potest facere meliorem, non deteriorem: si per Abbatem possessiones Monasterii auferri non possunt: quomodo delictum Episcopi vertetur in damnum Ecclesiæ, ut inde detrimentum sua se patiatur? Sed detrimentum cause patitur, sic est accipiendum, ut Ecclesia suo jure laetetur, &c. Hæc Gelasius. Ubi Glossa, *pro* Si ergo, sic: Concludit Gratianus, ex *dictis*, quod propter delictum Prælati Ecclesiæ pati damnum non debet: quia Procurator, non Dominus. Et quod culpa solius Prælati, aut alterius Superioris solius non iudicet Ecclesiæ, notant communiter doctores, apud, & cum P. Pasqualig. de *offic. to. 2. qu. 1027. cum Glossa in cap. p. 17. qu. 6. & apud de Murga l.c. n. 18.* pluribus in Decisionibus relatis pariter P. Pasqualig. apud dictum de Murga

n. eodem. Ergo. Respondeo obiectioni distinguendo antecedens cum P. Pasqualig. to. 2. c. qu. 1088. n. 5. & de Murga l.c. nu. 19. Procurator, &c. non valet præjudicare Monasterio, aut Ecclesiæ, in acquisitis concedo antecedens, in acquirendis nego: & sic etiam nego consequentiam: quia in ea agitur de acquirendis per inductionem; non autem de acquisitis. Immo textus ipse adducti Canonis pro confirmatione antecedentis, probat huiusmodi distinctionem, cum in eo Gelasius Papa agat de possessionibus à Monasterio jam acquisitis, & de Jure quod habebat Episcopus. Hinc non mirum, quod definiat delictum personæ Procuratoris, Abbatis, aut Episcopi, in Ecclesiæ damnum non posse converti. Ita etiam de Murga l.c. nu. 20.

1144 Dices secundo. Delictum Personæ non debet in detrimentum, præjudicium, ac punitionem Ecclesiæ redundare, ut cernit Bonifacius VIII. in Cap. *Delictum* el 76. de *Regulis Juris* in 6. At si electio Sepulture ad suasionem, & inductionem Clerici, aut Religiosi particularis obligatorio modo stabilita, esset nulla, ac irrita; delictum personæ in punitionem, detrimentum, & præjudicium Ecclesiæ redundaret: Ergo valida est, & rata dicta sepulture electio. Respondeo, & hunc Canonis textum eodem modo intelligendum esse, & sub eadem distinctione, ac præcedentem: Delictum personæ in Ecclesiæ detrimentum, &c. redundare non debet: in jam acquisitis videlicet ab Ecclesiâ; secus verò in acquirendis. Et quod etiam in hoc Canone agat Pontifex solum de acquisitis, ab exemplis à Glossa ipsa in eodem textu adductis, clarè patet: & ex ipsis id etiam demonstrat de Murga l.c. n. 22. Adde præterea cum P. Pasqualig. Decis. c. 380. n. 5. & Samuelli Controv. c. 8. conclus. 3. nullam in hoc intervenire punitionem Ecclesiæ, neque ullum ipsius præjudicium; quia non privatur aliquo jure quod acquisierit. Non enim jus acquisivit ratio ne talis electionis, quia cum huiusmodi electio fuerit contra Canones, & nulla, non transtulit jus aliquod in Ecclesiam apud quam electa fuit sepultura, idcirco non fit ei aliquod præjudicium si non concedatur. Neque personæ delictum redundat in Ecclesiæ detrimentum; Ecclesia enim nihil patitur; quia tunc patitur, quando leditur in aliquo sui ipsius: non autem quando ipsi non conceditur quod non est suum. Unde ad argumentum in forma: concessa majori, negatur minor, & etiam consequentia. Ex quibus etiam inferes cum Rodrig.

dirig. Dub. 3. c. Versu Ex his : & P. Pasqual. Decif. c. n. 6. quod & si electio inducta obligatorio modo à solo Prælatu non esset irrita, quatenus inducens unus tantum esset, adhuc tamen quatenus talis persona, idest quatenus Prælatu sic inducens, esset irrita; quia Prælatu, cum sit caput Monasterii, & Ecclesiæ, est persona publica, & in iis quæ pertinent ad Ecclesiæ suam, eandem repræsentat, ideo, &c.

1145 Quæres septimo. An sepulturæ electio facta ex suggestione, absque interuentu inductionis cum Voto, Juramento, ac promissione, à personis Ecclesiasticis, sit nulla, & irrita? Talem esse respondet Belletus p. p. *Disquisitionum Clericalium, De Clerico Debitore §. 3. n. 26. pag. mihi 370.* citans ibi Crævet. *Conf. 16. Vol. p. & Brasatium Conf. 226. nu. 118. Vol. 3.* Et pro fundamento sui dicti assertit *Cap. p. de Pæctis in 6.* Ex hoc idem esse responsum secundum communionem, & probabiliorem sententiam affirmat Samuelli *disp. 2. c. Controv. 5. conclus. p.* cui adde *Genuesem in Præxi Archiep. Neap. cap. 61. & Lezzanam to. 4. Verbo Sepultura quoad Regulares n. 10.* uterque enim sic: Si Parochus, dum accedit ad communicandum infirmum, ipsum interrogat non in genere in qua Ecclesia velit sepeliri, sed in specie, dicendo, vis sepeliri in Parochia, vel in alia Ecclesia, ipsam specialiter nominando, non valet hæc electio tanquam facta ad suggestionem; debet enim in genere interrogare. At contra respondeo ego, Valere. Et idem etiam tenent *Pasqualig. Decif. 377. Samuell. Controv. 5. c. Conclus. 2. Bussius Verbo Sepultura n. 2.* Ubi expressè: Non est prohibitum (inquit) hortari aliquem, & persuadere ipsi, adhibitis etiam præcibus, ut apud propriam Ecclesiam eligat sepulturam, dummodo non intendatur ita ipsam obligare, ut non possit mutare electionem iam factam. Et ante citatos idem docuit *Tolæus lib. p. cap. 36. §. Quarta habetur:* ubi sic: Ad hanc excommunicationem contrahendam debent Religiosi, vel Clerici inducere ad vocandum, jurandum, vel promittendum: simpliciter enim inducere, ut eligat, non satis est. Item *Rodrig. art. 7. c. in fine:* ut sequitur. Notabile est, quod dicta Constitutio non habet locum contra simpliciter exhortantes ad eligendam sepulturam non interueniente promissione, vel Voto, seu juramento, quia si tales non incurruunt penam ejus, ita tenent *Joannes Andreas, Joannes de Lugo, & alii, quos refert Gregorius Lopez.* Omnium autem citatorum D. D. ac datæ hujus responsionis, ratio fundamentalis est; Quia electio Sepulturæ facta ex suggestione, non est inducta cum

juramento, Voto, aut promissione obligatoria, ergo non est irrita, & invalida: antecedens est certum, & tale supponitur: consequentia sequitur: cum enim similis materia odiosa, ac penali, non debemus illam extendere, ac dilatare de uno casu ad alium diversum, sed potius debemus eam restringere, & arcere, juxta *Regulam Juris in 6. Odiu, &c.* ergo vera responsio.

1146 Quæ etiam confirmatur, tum quia Verba Canonum, & Papalium Constitutionum, in propria sunt significatione sumenda, l. *Non aliter, ff. de legibus 3. & ex cap. Ex literis, de Sponsalibus, & in Cap. p. de Pæctis in 6.* & in allegatis Constitutionibus, & Juribus, nulla fit mentio de suggestione, sed tantum de non inducendo à personis Ecclesiasticis ad sepulturam eligendam cum Voto, aut Juramento, &c. Ergo. Tum quia (ut advertunt etiam *Pasqualig. Decif. c. n. 3. & Samuell. Conclus. 2. c. n. 6.* Nullum Jus extat, quod irritet electionem Sepulturæ factam ex suggestione, & sic etiam per suggestionem facta, manet adhuc in eligente libera ejusdem voluntas, illam mutandi, & aliam sumendi ergo. Adde cum iisdem (*Pasqualig. n. 4. & Samuellus n. 8.*) hujusmodi suggestionem neque esse malam; quia non est de obiecto illicito, sed de eo, quod licitè fieri potest ab eligente. Neque etiam talis suggestio prohibita est ab aliqua lege, dummodo non fiat cum inductione obligationis à Regularibus, vel Clericis Secularibus. Nec contra hanc nostram responsionem facit *textus cap. p. de Pæctis in 6.* ab Adversariis oppositus; in illo enim nil habetur quod faciat pro prima contraria opinione. Nam ibidem solum *Bonifacius VIII.* decernit, (ut patet apertissime, ex ipsa Glossa. Verbo Pæctum: & notat etiam *P. Pasqualig. Decif. c. n. 2.*) Quod Regulares habentes ab Apostolica Sede liberam Sepulturam, si paciscantur de non recipiendis aliquibus, vel certis Parochianis alicuius Ecclesiæ, tenentur servare pactum, & eos non sepelire, non obstante quòd apud ipsos elegerint Sepulturam: quia per pactum censentur renunciassè privilegio. Ita Glossa, nil contra nos, ut patet.

1147 Ex his infertur, Religiosos, & Clericos licitè inducere ad electionem Sepulturæ faciendam in Testamento, aut Codicillo, & talem etiam electionem esse ratam, & validam: quod expressè docent etiam *Lezzana in Summa to. 2. p. 4. Verbo Sepultura quoad Regulares n. 7.* Non incurruunt prædictas penas, qui inducunt ad eligendam sepulturam

am in Testamento; seu Codicillo, quia hoc non est Votum, aut Juramentum: & Petrus de Murga Disquisit. 6. cit. dub. 5. hincmet verum n. p. & 2. Electio sepulture facta in Testamento, aut Codicillo ex inductione Clerici, & Religiosi, non est in Jure prohibita, nec Cap. Animarum, nec in Clementina Cupientia. Quia inducere ad eligendam sepulturam in Testamento, aut Codicillo, non est inducere ad faciendam illam cum juramento, voto, aut professione. Ergo dicta jura non sunt extendenda inducentes ad electionem sepulture in Testamento, vel Codicillo faciendam, nec ad electionem sic ex hujusmodi inductione factam. Antequam per scriptum, ex ipso terminis patet. Conventio vero probatur, quia recensita Jura talia sunt. Ergo extendi neutiquam debent, possunt quidem ad Casum non expressum, & ad expressum artulari. Cap. Odia, De Rebus Juris in 6. l. Interpretationem, ff. de Juriis: ita, & optime dictus De Murga, citans etiam n. p. Joannem Baptistam Vengiam in Praxi Rerum Notabilium, annotat. num. 38.

1148 Quæres octavo. An eligens sepulturam apud aliquam Ecclesiam, & eligens electionem mutans, & eligens non inductus obligatorio modo, per Canones prohibito, sepeliri debeat in Ecclesia prius electa, an prout de Jure? Riquet art. 7. cit. dub. 2. & alter Rodrig. Compend. ref. 118. n. 7. tenent debere sepeliri in Ecclesia quam legitime prius elegerat, cum secunda electio nulla sit, hæc non vitiet electionem priorem, juxta strictissimam Regulam Juris, Cap. Utile, & Reguli Juris n. 6. Quod videlicet, Utile per inutile non vitatur. Nihilominus, licet la ratione inspecta, ita resolvendum esset, optime etiam P. Pasquali. Decis. 379. 3. oppositum tamen, dispositione juris contra, tenendum est, nimirum, quod non debeat sepeliri nec in Ecclesia prius electa, & si electa fuerit hæc sponte, & legitime, sed sepeliri debere prout de jure, quæ ad quæsitum cum P. Pasquali. Decis. Respondeo. Et quidem ratio evidens videtur: nam Pontifex in dicto Cap. p. Sepult. in 6. in pœnam electionis obligatorio modo factæ, ita ruit quod alibi eligens nequeat amplius sepulturam eligere: contrafaciant Voto, aut Juramento, aut omissioni factæ in electione sepulture: sed non apud illas sepeliantur Ecclesias, apud quas de jure debuissent sepeliri. Hinc sequitur, quod prior electio irrita sit, dum alt Pontifex quod votum, juramentum, & promissio liget eligentem, adeo ut non

habeat amplius libertatem eligendi ulterius sepulturam; quare sicut nequit ulterius eligere, etiam irritatur electio præcedens, quia votum, juramentum, & promissio jam suum sortitur effectum quoad ligandum eligentem, qui si manet ligatus, destruitur consequenter electio præcedens, eo quia mutatur prior voluntas, & nova posterior voluntas manet ligata. Neque huic doctrinæ videtur contrarius ipsemet Rodrig. dum art. 7. c. dub. 6. ait sic: Jurans, vel votans, hujusmodi voluntatem, & electionem sic factam non potest mutare alibi eligendo, ne sit perjurius, & ita juramentum, quantum ad ipsum, jurantem spectat, servandum est, &c. Si ergo servandum est, manet utique ligatus juramento, &c. quantum est de se, idcirco nec potest subsistere prior electio, quæ non habet robur stante obligatione ad aliam sepulturam: in qua deinde nec Pontifex vult quod sepeliatur secundum dispositionem propriæ voluntatis, sed tantum juxta dispositionem juris, &c.

PRIVILEGIUM OCTAVUM.

Mulier ignorantia plane invincibili laborans, quod ob sui pectoris nuditatem, & immodicum ornatum, alios provocet ad libidinem; excusatur a mortifero ornatu, & ab hujusmodi lethali nuditate. Confessarius tamen eam monere debet, etiam si ex sua monitione fructum non speret.

1149 SI ignorantia hujus Mulieris non est invincibilis, sed vincibilis, utique non excusatur a lethali, ejusdem pectoris nuditas, & ornatus immodicus ad libidinem provocans, quo casu Confessarius nequit dissimulare, sed eam monere debet, quamvis admonitio profutura non sit; & quodcumque scandalum Pœnitentis Mulieris sequatur. Juxta Doctrinam quam tradunt omnes apud, & cum Sanchez. libr. 2. de Matrim. disp. 38. n. 2. quia cum vincibilis ignorantia haud excuset, Pœnitens affecta est culpa lethali, quare Confessor dissimularet, Sacramentum conferret indignæ. Et nedum nequit dissimulare, sed tenetur omnino monere, tum quia hujusmodi admonitio proderit, ut Pœnitens ignorantia illa liberetur, & agnoscat malum statum in quo est, & fortè rescipiscet, mordebit conscientia, stimulisque agitabitur: tum quia ita ansam illi auferet conquerendi de negata sibi absolutione: tum etiam quia sic suo muneri satisfaciet Confessarius, ut docet idem Sanchez. n. 2. c. versu Sed dicendum,

endum, in fine, cum Soto, Ledesma, & Aragonio. Et tanquam certum tradit etiam Suar. in 3. p. to. 4. disp. 32. sec. 4. n. p. & 2. Excusatur verbò à mortali formaliter ejusmodi Mulier, ut in privilegio, si illius ignorantia sit invincibilis, quia hæc utiq; (per omnes) illam liberat à gravi culpa, licet illius status materialiter sit status peccati mortalis. Hoc idem privilegium asserunt etiam, & admittunt Diana to. 7. Coord. tract. 5. ref. 63. n. 17. Ex par. 11. tract. 4. & Miscell. 4. ref. 32. sic dicens: In locis quibus viget antiqua consuetudo, ut femine incedant publicè cum pectore, & mammillis notabiliter nudatis, possunt à mortali excusari ab ignorantia invincibili, & vera simplicitate, quia ignorantia invincibilis legitur, & præcepti excusat à culpa, &c. ita Diana l. c. seu potius apud ipsum Jo: Maria de Castillento in Theol. Moral. Seraph. to. p. Verbo Consuetudo, diffie. 24. Et Albertus De Albertis De Ornatu Mulierum disp. 3. cap. p. n. 26. pag. mibi 319. hisce verbis: Si Mulier ignorantia plenè invincibilis obfideatur talis ornatus mortiferi, vel talis nudatis, status ejus, qui materialiter est status peccati mortalis, excusatur per ignorantiam.

1150 Additur in fine hujus privilegii, Quod Confessarius teneatur eandem Mulierem admonere de dicto suo statu, qui saltem materialiter est status peccati mortalis, quamvis fructus non speretur. Et quidem, quod ad id teneatur Confessarius quando fructus speratur, videtur certum, universè admittitur, & laudatur, præcipue à Sanchez l. c. n. 5. Suar. l. c. n. 3. Card. de Lugo de Pœnit. disp. 22. sec. 11. n. 27. & ab aliis apud eosdem, hanc quoque doctrinam, & conclusionem tuentibus, siue ignorantia sit facti, siue cujuscumque juris. Et ratio est, quia Confessarius, vel Pastor est ex Officio, vel tenet locum Pastoris ex delegatione. Atqui ad Pastorem pertinet docere subditos, quæ necessaria sunt ad servandam Dei legem. Ergo cum ad hanc servandam necesse etiam sit abstinere ab insolita Muliebris pectoris nuditate, & ab immodico ornatu ad libidinem valde provocante, de utroque tenetur Confessarius, ubi spes fructus est, monere pœnitentem. Ad quod quidem insuper tenetur, si pœnitens interroget, vel dubitet, tunc enim, (ut communiter etiam D. D. præsertim Suar. nu. 2. cit.) Confessarius nodum ullo modo potest falsum dicere, aut Pœnitentem in suo errore ulla ratione confirmare, sed neque ei licebit dissimulare, & occultare, cum sit hoc intrinsecè malum; unde debet ei veritatem, suamque obligationem,

vim juris, ac præcepti aperire: quia hoc munus est Confessoris, ut Medici, & Pastoris, ad quem pertinet veritatem docere, &c.

1151 Quod ad hoc quidem inquam, teneatur Confessarius, idest Pœnitentem admonere, quando speratur admonitionis fructus, vel quando pœnitens querit, aut dubitat, conceditur ultro (dicit quis) obaltam rationem, & communem Auctoritatem. At, quod etiam teneatur monere eandem Mulierem, etiam si ex sua monitione Confessarius fructum non speret emendationis, ut additur in privilegio: talis additio contradictores habet, & videntur esse Doctores omnes, affirmantes, quod ubi intercedit ignorantia invincibilis, & spes emendationis deest, Confessarius tacere debet, hocque docent adducti à Suar. l. c. n. 4. Sanchez l. c. n. 7. 8. 9. de Lugo l. c. n. 24. ubi expressè sic: Quando ignorantia est invincibilis, siue sit facti, siue juris humani, siue divini, vel naturalis, debet Confessor cautè procedere: nam si prævidet ignorantiam ablatam redundare debere in novum peccatum pœnitentis, qui prosequetur faciem cum peccato; quod prius licitè faciebat; debet potius dissimulare, dum non interrogatur. Quod locum habet etiam si aliquando pœnitens dubitaverit: si tamen posita, propter aliorum consilium, vel propter aliam causam, dubium deposuerit, & jam nunc in bona fide invincibiliter reperitur: ita Emin. de Lugo. Et ante ipsum, Suar. n. 4. c. Sic: Quando Confessor non sperat fructum, vel quis probabiliter, & prudenter timet pœnitentem non effecturum, vel certè non posse sine gravi incommodo id efficere, de quo admonendus est, potest, & debet tacere, ac pœnitentem in sua bona fide relinquere. Idem docet post Suar. & Lugonem, & cum iisdem Tambur. lib. 3. Methodi Expediæ Confession. cap. 4. Addit Pellizzar. de Monial. cap. 10. sect. 3. Subject. p. n. 191. idem affirmandum etiam, quando quis bona fide, & invincibilis ignorantia, existit in occasione proxima peccandi, & non speratur emendatio. Horum autem ratio est, quia tunc Confessor nec ratione officii, nec ratione charitatis tenetur pœnitentem admonere: non ratione primi, quia tunc pœnitens est bene dispositus, & integrè confessus: igitur ex vi officii Confessoris absolvi potest: nec etiam ratione secundæ, ut ex se manifestum est, quia charitas, & fraterna correctio solum obligat, quando adest spes fructus. Imò in hujusmodi casu, contra charitatem potius esset admonitio, quippe quæ posset sine ullo fructu maximum proximo asserere incommodum.

dum. Quod confirmari potest, nam neque Medicus adhibere debet Medicinam, si timeat majus damnum allaturam infirmo, quam fructum, maxime quando non admodum urget necessitas, uti est in praesenti casu nostro, quia cum ignorantia excuset à peccato, facit ut necessitas non admodum urgeat. Concludendum igitur potius idetur ex his, quod quando Confessarius ex monitione non sperat fructum emendationis, sed prudenter, & probabiliter timet poenitentem Mulierem, de qua in privilegio, ab insolita pectoris nuditate, aut ornatu valde ad malum provocativo minime cessaturam, debet illam relinquere in sua invincibili ignorantia, & bona fide; taceat, haec enim admonere. Hiscemet omnibus nihilominus minime obstantibus.

1153 Dico sustinendum esse oppositum; hoc est, debere Confessarium monere dilectam mulierem, etiam si ex sua monitione fructum minime speret, ut proponitur in privilegio. Et idemmet omnino sustinet etiam dictus de Albertis l. c. nu. 27. Ratio est, quia licet Doctores relati subscribant, & decernant Confessarium tacere debere, ut supra, etiam si poenitentis ignorantia in damnum proximi redundet, ut expressè Sanch. l. c. n. 10. cum Metina, Cano, Ledesma, Henric., & Corduba & cum iisdem Suar. l. c. n. 3. Cardin. De Lugo l. c. nu. 26. Tamb. Cap. 4. c. n. 5. (aliqui contra Navarr. & Covarr.) nihilominus iidem Doctores, & alii cuncti, aliter asseverant, & docent, quod quando ignorantia invincibilis, talis est, ut ex ea malum boni communis timeatur, tunc alia est ratio, atque praeferrendum est bonum commune privato. Unde Sanch. l. c. n. 15. Intelligit (inquit) nisi ex ea ignorantia timeatur malum boni communis: tunc enim tenetur Confessarius admonere, quia praeferrendum est bonum commune privato; & quamvis fructus in eo minime speretur, consulatur tamen bono communi: sic etiam Henric. libr. 6. de Poenit. cap. 27. n. 4. Cardin. de Lugo l. c. nu. 30. & 34. & alii. Atqui inusitata pectoris Muliebris nuditas, est omnino contra bonum commune, ut idem de Albertis disp. p. & 2. optime demonstrat: tum quia immediatè plures valde provocat ad lasciviam: tum quia concurret pravo suo exemplo ad inficiendos alios, atque ad tam perniciosam corruptelam introducendam. Ornatus pariter immodicus ad malum valde alienans, eodem modo communi bono repugnat; tum quia proximè alios permultos ad libidinem vehementer incitat; tum quia aliis pravo exem-

plo est, ut eandem corruptelam arripiant, vel arceptam foveant, &c. ita etiam idem de Albertis n. 27. c. Cum quo idem confirmatur: Quia ornatus immodicus ad malum valde sollicitans, vel insolita nuditas feminei pectoris magis bono communi adversatur, quam scandalum, vel publica fama nullitatis Matrimonii; nam huiusmodi scandalum, & damnum, tantum in eo versatur, quod innotescit Paulam v. gr. Petri Uxorem non esse, sed concubinam. At multo plura mortalia peccata, & damna boni communis proficiuntur ex nuditate inusitata feminei pectoris, vel immodico ornatu notabiliter ad libidinem provocante, quam ex sola noticia Paulae in concubinam proscriptae, ut moraliter certum est. Eo magis quia fieri fortasse potest, ut Paula tam deformis sit, & evaserit, ut nullum libidinis periculum aliis afferat immediatè, sicut adest insueta nuditas muliebris pectoris, aut immodicus ornatus ad malum valde provocativus. Igitur multo magis tenetur Confessarius ob publicum, & commune bonum, Poenitentem mulierem admonere cum invincibili ignorantia utentem ejusmodi immodico ornatu, vel nuditate; etiam si nullam spem fructus habeat, quam Conjugem ignorantem invincibiliter nullitatem proprii Matrimonii, cujus tamen fama publica vulgata est, nec credit mentionem profuturam. Et ita etiam sentiunt omnino Viri doctissimi Theologiae Magistri hac de re consulti à relato de Albertis, ut ipsemet testatur n. 27. cit. in fine. Sicque verum in utroque capite propositum Privilegium.

PRIVILEGIUM NONUM.

Verba Blasphemia proferens, ignorans eorum significationem, in casum reservatum non incidit.

1153 **B**lasphemia in Deum, Beatam Virginem, & Sanctos prolata, reservatur à plerisque Episcopis, & locorum Ordinariis, videturque inter casus reposita, quos iidemmet in suis Tabellis Casuum reservatorum sibi ipsis absolutiorem reservant. Est autem Blasphemia, secundum suam rationem formalem, locutio falsa in Deum, Beatam Virginem, aut Sanctos per modum convitii, seu contumeliae (D Tbo. 2. 2. qu. 13. art. p. & communiter) quod fit tribuendo aliquid Deo, quod ei non convenit, vel auferendo quod convenit, vel affirmando de creatura, quod

proprium est Dei. Blasphemia autem semper tangit Deum, vel immediatè, cum quis directè Deum blasphemat; vel mediatè, cum quis blasphemat Beatam Virginem, aut Sanctos, quatenus Sancti sunt, sive cum habitudine saltem virtuali ad Deum, *D. Tb. art. p. c. Navarr. in Man. cap. 12. n. 81. & 82. Tolet. lib. 4. cap. 13. & omnes*. Est autem blasphemia ex suo genere peccatum mortale gravissimum, aliter inter casus reservatos ab Ordinariis minimè reponeretur, reservatio enim tantum de mortalibus (communiter omnes.) Nam si alia reservarentur peccata non mortalia, id esset iniicere laqueum fidelibus, & in gravamen eorumdem cederet intolerabile. *Suar. de Penit. disp. 29. sec. 3. Fil. lincius tract. 7. cap. 10. num. 271. Reginald. lib. p. n. 126. Coridan. de Casib. Refervo. p. p. ser. p. n. 8. alique communiter docentes, nullo modo venialia esse posse materiam reservationis, cum ea confiteri non cogamur. Suapte ergo natura, & ex suo genere blasphemia mortale est peccatum, quia graviter Deo infert injuriam.*

1154 At si quis verba blasphemia profertur, ignoret eorum significationem, ut in privilegio proposito, non incidit in casum reservatum, nec reservationi obnoxius est. Ita etiam expressè *Grassius De casib. Refervo. lib. p. cap. 10. n. 49. Bellocchius de Casib. Refervo. par. 2. qu. p. n. 268. Mazzuchellus de Casib. Refervo. disp. 2. cap. 16. qu. 3. num. 52. Cabrinus de Casib. Refervatis, Casu De Blasphemia, Annotatione 8. n. 16. & alii*. Quorum omnium, & privilegii huius ratio est, quia non advertentes ad verba, quæ proferunt: vel ignorantes eorum vim (ita ut si scirent talia verba continere blasphemiam, nullatenus proferrent) ut sunt rustici, idiotæ, & rudes, non intelligentes sensum linguarum, & verborum, ac in prolatione ignorantes quid sibi velint dicere, non committunt peccatum mortale, ergo neque incidunt in Casum reservatum, ergo verum Privilegium propositum.

PRIVILEGIUM DECIMUM.

Transgrediens Regulam, & ejusdem præcepta ex ignorantia invincibili, excusatur à culpa.

1155 **P**Robatur hujusmodi privilegium, quia sic transgrediens, censetur involuntariè transgredi, ergo absque culpa, ergo ab hac excusatur: nam tolle voluntatem, & *Infernus non eris*, ut proloquium.

Sanctorum est. Accedit Autoritas expressa *Hyacinti Donati to. 3. Praxis Rerum Regularium tract. p. qu. 25. in qua quaerens, An Ignorantia Regulæ, & præceptorum ejus, excuset transgressiones à culpa: resolvit, quod sic, Si tamen illa ignorantia sit invincibilis, nec potuit superari: tum quia ad impossibile (quod in moralibus censetur, omne valde difficile) nemo tenetur: tum quia nullus tenetur ultra posse, &c. Neque huic privilegio obstat *Luris Regula 13. quæ dicit, Quod ignorantia facti, & non juris excusat*, quia hæc *Juris Regula* procedit in foro fori, & Judiciali: non autem in foro poli, & conscientiae. Imò etiam in foro Judiciali locum habet ad excusandum pluribus in casibus, ut videre est apud Doctores, præcipuè *Azorium Instit. Moralium par. p. lib. p. Cap. 16. qu. 2.**

1156 Et nedum transgressor Regulæ, & præceptorum ejus ex ignorantia invincibili, excusatur à culpa, verum etiam qui eam scit, eamdemque transgreditur, sed non advertendo, ut pariter docet idem *Donatus qu. c. nu. 4 cum à Sancto Fausto l. 6. de Voto Obedient. qu. 29. Vers. Dices*. Quia & si quis Religiosus scire teneatur Regulam, & advertere, per accidens nihilominus potest ab illa transgressione excusari, non enim in manu nostra est semper advertere hic, & nunc; nam sæpe fit mentis alienatio ex naturali complexionem, ex oblivione, vel inconsideratione orta sine nostra voluntate, sicque inculpabili. Quod autem hic asseritur de transgressione Regulæ, & præceptorum ejus inculpabili, ob ignorantiam, vel inadventitiam, extendi etiam potest ad transgressionem Religiosi Voti: Unde & dictus à *S. Fausto in Speculo Confessorior. & Penitent. disp. 34. De Voto Pauperi. quo Paupertas Religiosa violatur qu. 36. nu. 3. (ad suam rem ibi) inferendo, sic ait: Hinc plures fortasse excusari possent hoc tempore Religiosi, qui vel ignorantia, vel inconsideratione magis, quam pravo affectu, & cupiditate in recipiendo, & retinendo, ac dispensando, liberaiores sunt, quam oportet.*

PRIVILEGIUM XI.

Ignorantia invincibilis excusat à recitatione Officii.

1157 **I**N omissione recitationis Officii excusatur à lethali ob invincibilem, seu probabilem ignorantiam Juris vel præcepti, ut in hoc privilegio, raro fermè accidere potest, quia ignorantia Juris, in

PRIVILEGIUM XII.

*Ignorans invincibiliter peccatum esse operari
cum dubio practico beneficii obiecti,
cum eo dubio operans, à pec-
cato excusatur.*

nis, in præcepto Officii, non potest (quasi) esse probabilis, præsertim in Clericis, vel habentibus Beneficium, in quibus tam publicum, & notorium est hoc præceptum, ut nequeat invincibiliter ignorari, & maxime ab illis, qui tenentur scire sui status obligationem; & ab illis, qui dum examinantur ad Ordines, & Beneficia, interrogantur de obligatione recitandi divinum Officium. At negari absolute nequit, quod ignorantia hæc inculpabilis non possit dari, maxime in persona aliqua simplici, & ignorante. Et respectu hujus valet utique exculpatio, & excusatio in omissione recitationis Officii, ut affirmat privilegium propositum, quod admittit etiam Suarez de Relig. to. 2. lib. 4. De Hæres. Canon. cap. 28. n. 3. ubi sic: De Ignorantia Juris, nihil est, quod dicamus, quia in hoc præcepto ferè non potest esse probabilis, & ad excusandum sufficientem, præsertim in Clericis in Sacris, & in habentibus Beneficium, quia præceptum est tam publicum, & notum, ut non possit invincibiliter ignorari, maxime ab his, qui tenentur sui status obligationem agnoscere. Aliquando verò posset hæc ignorantia esse inculpabilis in aliquo Religioso, vel Religiosa ignorante, præsertim si adhibeat fidem alicui Viro, vel Confessori, quem probum, & doctum esse existimet. Item potest esse invincibilis in puero, qui pensionem, aut Ecclesiasticum beneficium recipit in tenera ætate, quando per se non potest satis advertere ad hujusmodi obligationem, nec in cogitationem ejus venit, neque ab illis instruitur, qui eum docere tenentur; peccabunt enim illi, ipse verò omittens excusabitur. Hactenus Suar. & optime, ut patet, ad rem hujus privilegii, quod confirmat cum eodem Suar. & sub iisdem verbis Donatus to. 4. Praxis Rerum Regular. tract. 18. De Hæres. Canon. qu. 58. Et quicquid privilegio discretis verbis subscribunt etiam Bartholomæus à S. Fausto de Hæres. Canonis lib. 2. q. 256. & Bonac. to. p. De Hæres. Canon. disp. p. qu. 6. pun. 3. n. 8. sub his verbis: Ignorantia probabilis legis excusat à divini Officii recitando: patet ex regulis generalibus additis in tractatu de legibus, & de peccatis.

1158 Amplia privilegium cum iisdem doctoribus etiam ad naturalem oblivionem, seu inadvertentiam, quia hæc contrariatur ignorantie invincibili, modo prædicta non fuerit, & tamen non fuerit imputata, nam qui aliquoties expertus est, esse se oblitisci alicujus horæ, quando infueto tempore illam non recitat, tenetur, vel recitationem prævenire, vel si aliquid aliquod adhibere, quo memoria citetur: ita etiam citati.

1159 **D**ubitatur rusticus quis, an die Veneris ex. gr. sibi liceat latitiorum efus, & hoc dubio practico in eo manente edit illa, invincibiliter tamen ipse ignorat cum eo dubio operari, peccatum esse; hunc à peccato excusari dicit privilegium hoc, quod etiam affirmat Sanchez in Decal. lib. p. cap. 16. n. 18. & cum ipso Carolus Baucius in Praxis Confessorior. tit. De Prudentia Confessarii sub 5. Petrus Quinto, Versu Inno. ait. fol. 20. Ratio est, quia sic operando non exponitur periculo peccandi, nec minus quam par est præceptum exilimat. Cum enim operatio illa in dubio practico per invincibilem ignorantiam excusetur, non temere, sed prudenter cum eo dubio operatur, proindeque quamvis obiectum à parte rei esset peccatum; ille tamen à peccato excusaretur operando. Quia libere velle, ut alter peccet, tunc tantum est contra charitatem Dei, & proximi, quando talis volitio ab ignorantia, invincibili non excusatur. Extende cum iisdem privilegium; idem dicendo de sciente aliquam actionem esse mortalem, at invincibiliter ignorante peccatum esse imperare illam, excusari videlicet à culpa eadem imperando. Et nota hic cum eisdem, extendi pariter privilegium hoc ad actus etiam internos circa quos haberet quis ignorantiam invincibilem: ut si idem Rusticus v. g. ignorantia invincibili crederet, desiderium furandi, fornicandi, &c. culpa vacare: aut à Viro exilimato docto, ac pio audivisset fornicationem, & furtum externa esse peccata, at licere desiderium fornicandi, aut furandi; tunc enim ratione illius ignorantie invincibilis excusaretur à malitia interni actus desiderii fornicandi, furandi, &c. licet non à malitia actus externi. Quia cum conscientia sit proxima regula bonitatis, & malitiae humanorum actuum, nemo peccare potest, quandiu conscientia dicitur, id quod agit non esse peccatum: quod in hujusmodi sic invincibiliter ignorante contingit, prudenter enim sibi persuadet actum solum internum, non externum culpa vacare, ideo, &c.

PRIVILEGIUM XIII.

Commisit quis peccatum reservatum, esse tamen lethale invincibiliter ignoravit, huius ignorantie causa a reservatione excusatur.

1160 **H**uius privilegii ratio est clara: Reservatio enim, ut docet communissima D. D. sententia, fit tantum de mortali, igitur excusatus quis à lethali (ut certè excusat invincibilis ignorantia in hoc privilegio supposita) excusatus etiam est à reservatione, & consequenter peccatum non remanet reservatum, potestque absolvi à quolibet Confessario carente facultate super reservatis: Et ita, etiam Carolus de Baucio *De Causis Reservat.* Quæstio 3. fol. mihi 103. ubi in confirmationem huius privilegii, addit sequentia: Scio multos Confessores hoc non advertere, & statim quod eis apparet umbra peccati reservati, mittunt Penitentes ad Penitentiarios Majores, & reddunt difficile Sacramentum Penitentiae. Quia multi, & præsertim Mulieres, non habent facilem accessum ad Ecclesiam Cathedrali: & totum hoc potest oriri, vel ex ignorantia doctrinæ, vel ex paucis laboribus circa examen penitentis, nam si mediis interrogationibus adjuvarent Confessarii penitentes adervendam veritatem facti, sæpe sæpius colligerent, non solum non peccasse mortaliter, sed neque venialiter: immo aliquoties ille actus elicitus à penitente fuit meritorius, si non materialiter, saltem formaliter; ut patet quando ignara femine faciunt palmos, vel quid simile cum invocatione Sanctissimæ Trinitatis, causa sanandi aliquem morbum, & tamen licet in se sit illicitum, tamen ex ignorantia invincibili putant famine exercuisse actum meritorium: & licet de illo se accusent, tamen post factum habuerunt scientiam de peccato, nam ante factum, existimabant esse actum dignum præmio: Ac proinde Doctus Confessarius in primis debet scire, quando quis dicitur laborare ignorantia invincibili. Secundo, de quibus rebus potest dari ignorantia invincibilis. Tertiò, quæ advertentia, & consensus est necessarius ad committendum peccatum mortale, quia si rectè sciet Confessarius supradictas res, excipiet multorum Confessiones, absque eo, quod mittat penitentes ad Majores Penitentiarios pro absolutione à reservatis. Hæc Baucius: quæ hic referre volui in confirmationem propositi privilegii.

1161 Pro quo etiam faciunt ea, quæ docet idem De Baucio in suo *Traict. de Modo Interrogandi Penitentem post Prælium* 26.

S. Petrus V. Versu Nono debet Confessarius advertere, fol. mihi 86. 87. 88. & ea, quæ ex eadem doctrina, & principio deducit Mathæus Stoz in Tribunali Penitentiae libr. pr. par. 5. qu. 2. a. p. n. 19. Frustra se illi cruciant (inquit) qui, postquam ex Libro, vel Concione, &c. intellexerunt, actionem illam, quam olim in adolescentia exercuerunt ver. gr. pollutionem, ex genere suo esse illicitam, putant, se reos esse peccati, etiam si tunc, cum eam actionem exercuerunt, nulla ipsi, ne tenuissima de malitia morali cogitatio, suspicio, aut dubitatio incidere: licet enim, si tunc talis cogitatio in mente fuisset, utique fuissent peccaturi, cognitio tamen postea acquisita, nullo modo facit, ut opus illud jam pridem peractum, quoad id, quod fuit ignoratum fuerit voluntarium, atque adeò ad culpam imputandum, ita cit. Stoz, & optimè ad rem huius privilegii; nemo enim peccat mortaliter, nisi qui distinctè, & determinatè advertit malitiam gravem, ac mortalem; qui autem non peccat mortaliter, neque incidit in Casum reservatum. Adde posse quem mortaliter peccare, nec incidere in reservationem: si videlicet commiserit quidem peccatum reservatum, ignoravit tamen invincibiliter malitiam illam, specialem in obiecto latentem ob quam peccatum fuit reservatum. Ut si reservatum sit furtum sacrilegium v. g., id est furtum rei sacræ, & furetur quis rem quidem sacram realiter, nesciens tamen esse Sacram, sed solum alienam, iste furando in materia gravi, peccat mortaliter peccato furti, & non sacrilegii, ob circumstantiam non præcognitam constituentem furtum in ratione sacrilegii: & sic non peccat peccato sacrilegii, quia peccatum debet esse volitum, & nil volitum quin præcognitum, consequenter neque etiam incidit in reservatum, sicque à reservatione, causa ignorantie excusatur, ut dicitur in privilegio. Ex quo sequitur.

PRIVILEGIUM XIV.

Quando in uno actu plures reperiuntur malitiæ, & intellectus unam tantam agnoscit, quæ ignorantur, nec menti fuerunt obiecta, hæc, non imputantur.

1162 **H**oc privilegium sequitur ex præcedenti, immò utriusque ratio, ex uno, eodemque sumitur fundamento; quod nimirum malitia quolibet specifica peccati necessariò cognoscenda sit ut imputetur, eo quod nil sit volitum, (de intrinseca ratione peccati) nisi præcognitum.

gnitum. Unde nec malitia aliqua specialis latens in obiecto, & in actu abscondita, cuiquam imputari poterit ad peccatum, quia sit præcognita, quare (aliis omis) etiam D. Th. p. 3. qu. 72. art. 9. generatim docet, nullam circumstantiam addere novam malitiam, nisi præcognoscatur: igitur si quis non cognoverit specialem aliquam malitiam in obiecto latentem, aut non cogitaverit de illa, eam non contrahet, licet alioqui peccet: & si in uno eodemque actu plures reperiantur malitiæ; & intellectus unam tantummodo agnoscat, reliquæ quæ ignorantur, nec menti obiciuntur non imputantur, ut in hoc privilegio, & precedenti, subscribente Mattheo Stoz l. c. n. 21. dum ibi sic: Qui rem, quam scit quidem esse alienam, nescit tamen esse Sacram, surripit, tantum simpliciter furti reus est. Qui hominem, quem nescit esse Clericum, vel Patrem, percutit, solum contra iustitiam peccat: peccaturus alioquin etiam contra Religionem, vel Pietatem, seu reverentiam Parentibus debitam, si eas circumstantias cognovisset. Item qui fornicatur cum Muliere, quam nescit esse conjugatam, admittit quidem peccatum luxurie, sed non adulterii. Et sic de reliquis. Bonac. De Peccatis disp. 2. qu. 7. punct. 3. nu. 9. & de Matrim. qu. 4. punct. 7. n. 6. Sanchez lib. pr. Moral. cap. 16. nu. 10. ita laudatus Stoz.

1163 Hinc habes, quod ubi non agnoscitur nova malitiæ circumstantia, nova culpa haud contrahatur, neque hæc voluntati imputetur, uti nec imputari potest. Ex quo sequitur, innumeros à peccatis mortalibus etiam, excusari, plerique enim, cum operantur, maxime rudes, pueri, Mulierculæ, indocti, &c. non apprehendunt in obiecto omnium circumstantiarum specie, distinctarum malitiam, quæ in ipso latent, sed unam duntaxat, ob cuius apprehensionem, unicum solum specie peccatum committunt: & quandoque nec mortale, quod evenit si in actu advertant malitiam tantum venialem, tunc etenim venialiter solum peccant, & si alioqui res in se gravis sit, & mortalis: non enim gravior culpa contrahi potest, quam cognoscatur: Quod optandum videtur (ait Stoz n. 24. in princip.) cum Deus per hoc minus offendi videatur.

PRIVILEGIUM XV.

Ignorantia invincibilis Juris, & facti excusat iterari Confessionem.

1164 Habet quis invincibilem Juris, & facti ignorantiam, & ne-

scit se esse excommunicatum v. g., hujus Sacramentalis Confessio valida est, verumque Sacramentum, atque adeo ab iteratione excusatur: quod privilegium recentent etiam Adrianus qu. 2. De Confessione. Palud. dist. 18. qu. 4. Ledes. 2. par. qu. 23. art. pr. quos refert, & admittit Coriolan. de Casib. Reserv. par. pr. Sect. 3. §. Octava Condicio Confessionis num. 3. Et ratio est, quia non intendit Ecclesia privare Sacramento excommunicatum in huiusmodi ignorantia positum: ut ex Cap. Apostolica, De Clerico. Excomm. ubi Gregorius Papa IX. ait: Excommunicatum, vel suspensum, cum huiusmodi ignorantia celebrantem, non incurrere penas Juris, & excusari: Ergo.

PRIVILEGIUM XVI.

Ignorantia idiomatis excusat à præcepto divino, vel humano Sacramentalis Confessionis per interpretem, etiam fidelem.

1165 Admittunt hoc privilegium Doctores communiter, ut testatur Fagund. De Præcep. Ecclesie, præcep. 2. lib. p. cap. 6. n. 6. ubi sic: Excusat ignorantia idiomatis: nemo enim ex vi præcepti Confessionis, divini, vel humani tenetur confiteri per interpretem, etiam fidelem; potest tamen id facere si velit; & non tenetur; & interpret tenetur tunc ad sigillum, sicut tenetur Confessarius. Communiter Doctores. Idem ponit noster P. Duardus par. p. Comment. in §. p. cap. Omnium Virisque sexus, disp. pr. sect. 9. n. 9. ibi enim sic: Secunda causa, qua excusantur fideles à præcepto Confessionis, tam divino, quam Ecclesiastico, est ignorantia idiomatis: nemo enim ex vi præcepti Confessionis divini, vel humani tenetur confiteri per interpretem etiam fidelem, sed tantum id potest facere si velit, & eo casu interpret tenetur ad sigillum, sicut tenetur Confessarius. Subscribunt privilegio huic Sotus in 4. dist. 18. qu. 2. art. 6. Cayet. in Summ. Verbo Confessi. Conditione 11. Suarez de Penit. disp. 36. sect. 6. n. 3. & 4. Coninch de Sacram. disp. 5. dub. 10. Conclus. 2. nu. 77. Laym. lib. 5. tract. 6. n. 5. aliique communiter. Colligitur, tum ex cap. Omnis Virique sexus de pen. & remiss. ubi dicitur, Omnis fidelis utriusque sexus tenetur solum confiteri sua peccata proprio Sacerdoti: illa enim particula, solus, satis indicat neminem teneri per interpretem confiteri, sed soli Sacerdoti proprio: tum ex Concil. Trid. sess. 14. cap. 5. ubi pariter dicitur, nos non teneri confiteri nisi secretò apud solum Sacerdotem: ex quo aperte ostenditur nos non teneri confiteri modo tali,

tali, ut aliquis nos audiat præter solum Confessarium: consequenter non per interpretem. Et ratio est, tum quia jure divino nullus obligatur ad publicam confessionem peccatorum Confessionem, ut aperte ex eodem *Trident. cap. cit.* colligitur: nec ad eandem quis tenetur jurè, sed præcepto Ecclesiastico, quia præcepta Ecclesiastica non obligant cum tanto onere, præterquam quod non extat præceptum tale, immò potius colligitur ex *Trident. cit.* oppositum, tum etiam quia, si scirem ego, quod Confessarius uni soli meum peccatum foret revelaturus, non obligarer ei confiteri ex communi D. D. sententia, ergo eodem modo nec teneor illud confiteri, quando unus alius præter Confessarium id debet audire. Et quamvis teneatur interpres ad sigillum, non adeò tamen arcto vinculo adstringitur uti Confessarius, quia non fungitur officio audientis, sed loquentis, hinc se tenet ex parte penitentis. Quare si interpres Confessionem revelaret, graviter quidem peccaret, & foret puniendus, non tamen ita ut Confessarius qui sigillum violaverit, quod notat etiam *Duardus l. c. n. 11. ex Soto.*

1166 Limitant tamen privilegium hoc Doctores laudati, quod videlicet verum sit, ac intelligi debeat ex vi præcepti Confessionis, sive præceptum divinum sit, sive humanum, & Ecclesiasticum, extra articulum mortis tantum; si quidem in articulo mortis, habens quis conscientiam peccati mortalis, tenetur (inquiunt, & optimè) ex præcepto divino, & naturali charitatis propriæ, per interpretem confiteri, saltem aliqua peccata venialia, & generaliter omnia mortalia, dicendo post venialium confessionem, se confiteri etiam alia omnia, mortalia, quibus Deum offenderit. Hoc etenim tutius est ad salutem, & sine incommodo fieri potest. Imò suadendum omnino (addit *Conincb n. c.*) quando aliud penitenti non timetur incommodum, ut ipse omnia peccata sua confiteatur, iis tacitis, ex quorum revelatione aliquod notabile detrimentum formidat, maxime si interpres esset suspectus. Quod idem dicendum esse (ait) ubi Confessio fieri nequit, nisi aliis audientibus, ut tempore naufragii, vel pestis. Per hujusmodi enim Confessionem restet sibi, ac satis consulit penitens, cum non teneatur tunc ad Confessionem materialiter integram, quando non potest aliter confiteri, nisi per interpretem, vel aliis audientibus, est tamen integra formaliter, quod satis ad dignam susceptionem sacramenti penitentis, ut communiter Theologi, &c.

PRIVILEGIUM XVII.

Donatio directæ ignorantis illam, non arctat donantis conscientiam ad donationis executionem.

1167 Hujus privilegii ratio, petenda est à natura, seu conditione donationis, quæ vim non habet obligandi (uti nec promissio) ante acceptationem, ut communiter Doctores, qui etiam docent præcipuè *Lessius de Just. lib. 2. cap. 18. dub. 6. nu. 39.* id provenire non tantum ex Jure Civili, sed etiam ex jure naturali, vel jure gentium. Hinc, ut promissio, & donatio vim habeant obligandi, absolute requiritur acceptatio, saltem tanquam conditio sine qua non. Et patet, tum quia sicut in onerosis contractibus ante acceptationem ubique gentium cuique licitum est penitere, suamque revocare obligationem, ut constat in contractu sponsalium, Matrimonii, emptionis, &c. nec expectare opus est donec alter reiiciat, vel acceptet, ita & multo magis idem licitum erit in promissionibus, & donationibus gratuitis. Tum quia sicuti onerosa promissio, & oblatio tacitam habent conditionem, si alter videlicet velit se vicissim obligare; ita etiam gratuita promissio, ac donatio, eandemmet habent tacitam conditionem, si acceptentur. Immo hoc idem patet ex *l. Qui absentiss. ff. de acquirenda posses.* in qua dicitur: Qui promittit, vel donat, non videtur animum se obligandi habere, donec alter acceptet, ergo potest quisque revocare obligationem, & donationem usque dum alter acceptaverit. Tum etiam quia ex opposito sequetur, eum, qui apud se tantum, & nemine audiente, diceret, promitto, vel do Petro quinquaginta, teneri manifestare hanc suam donationem Petro, an velit acceptare, nec posset penitere, sed teneretur exequi quantum est ex se, etiam ante acceptationem, quod ab omnibus negatur.

1168 Ab hujusmodi ergo negativa, ac tradita doctrina communi, & certa, desumo fundamentum hujus nostri privilegii, quod video ante me propositum fuisse à P. Molpbesio par. 2. *Summe tract. 12. cap. 19. n. 46.* sub his verbis: *Ignoto fieri potest donatio: nam etiam invisus amari potest, quamvis nihil meruerit. Ignoranti tamen non potest acquiri donatio, cum requiratur ejus acceptatio, l. absenti, ff. de donatione, &c.* Igitur si Ignoranti acquiri non potest donatio, hæc non arctat conscientiam donantis ad sui executionem,

uenem; ergo verum privilegium propo-
sum.

PRIVILEGIUM XVIII.

*A Reatu lethali simplicis fornicationis, excusari
potest per ignorantiam (inter Christianos)
etiam Surdus, & Mutus à Nativitate.*

1169 **S**urdus non natura, sed ex ac-
cidenti, per auditum præce-
dentem, rerum cognitionem, & scientias
potuit acquirere, ita ut surdus factus pos-
sit eas retinere, imo adhuc, saltem per nutus,
gesticulationes, ac scripturam facilius
edoceri, uti per eosdem nutus, & scriptu-
ram eandem, animum suum (sic loquen-
do) patefacere, & aperire. Surdus verò
non ex accidenti, sed natura, seu à nati-
vitate, nedum sic non potuit edoceri, nec
acquisivisse dictam rerum cognitionem, re-
rumque scientiam, sed necessario etiam na-
tura, seu à nativitate mutus est, ut docet
Aristot. lib. 4. de Nat. Animal. cap. 9. cuius
rei rationem asserunt *Anatomici*, dicentes,
ex cerebro quosdam descendere coniunctim
nerviculos, & postea separari in tres partes,
unam ad linguam accedere, reliquis verò
ad aures proptere, audituique deservire,
sicque cum loquela, & auditus ex eodem
principio proveniant, existente impedimen-
to in uno, existere & in alio. Verum hæc
ratio concluderet (ut optimè observat etiam
*Blasius Michalorius De Cæco, Surdo, & Mu-
to cap. 3. n. 6.*) si vitium solum extaret in
nerviculis antequam disiungantur, sed po-
test etiam esse post disunctionem, unde
videmus quosdam ex una tantum aure na-
tura surdos esse, hinc non sequitur de ne-
cessitate propter hoc surdum natura, seu
à nativitate, debere consequenter esse etiam
mutum. Quare cum *Michalorio c. n. 7.* di-
cendum est potius; Natura surdum, ideo
esse etiam mutum, quia & si linguam ha-
beat ad loquendum aptam, tamen prorsus
ignorât quid loqui debeat: cum per audi-
am nec voces ulla, nec significationem
inquam addiscere poterit. Hinc videmus
iustasmodi surdos linguam optimè enodare,
num emittere, syllabasque, nullius ta-
men significationis proferre. Ex quo utique
evidenter eruitur, & agnoscitur, quod si
per auditum aliquid percipere possent, opti-
mè enunciarent: ad loquendum enim, non
um lingue aptitudine mihi ex gr. necessa-
rius est, sed insuper, ut quid proferre de-
am non ignorem. Quod evidenter etiam
nstat in eo, qui vulgarem tantum lin-

guam possidet, is enim nec Græcè, nec He-
braicè, nec Hispanicè, nec Latinè, &c.
loqui poterit, quacumque aptitudine non
oblante. Nec de aliquo natura surdo legi-
tur apud scriptores, qui non fuerit mutus,
quemadmodum si fieri potuisset per tot tran-
sacta sæcula verisimiliter evenisset: ita *Mi-
chalorius citatus.*

1170 Ex hæcenus ergo premisiis, ac enar-
ratis, evidenter constat surdum natura, seu
à nativitate, maxima laborare ignorantia
ferè in omnibus, unde ob id infelicio est
quam Cæcus: *Michalorius n. 10.* Qua maxi-
ma in eo præsupposita, & stante ignoran-
tia, non apparet implicantia ulla, quod ipse
etiam positus per Baptismum inter Chri-
stianos possit, causa ejusdem, excusari à
peccato committæ fornicationis, ut in pro-
posito privilegio, quod expresse conceditur
etiam à *Diana to. 8. Coord. tract. 6. ref. p. n.
6. in fine, Ex p. 9. tr. 9. & Miscell. 4. ref. 60.
aliis 59. Inter Christianos (sic ille) non ap-
paret aliquam posse (saltem ordinariè) excusa-
ri per ignorantiam à fornicatione, cum satis sit
predicatum, predicaturque frequenter, quod
fornicatio sit peccatum mortale. Dico, saltem
ordinariè, si quis enim inter Christianos, mutus,
& surdus à nativitate ignoraret fornicationem
esse illicitam, partim ex eo quod sit duri, agre-
ssisque ingenii: partim quia nullus eum instrui-
xit, neque (cum aliis scientibus, ac fortassis
etiam inducentibus) quisquam eum reprebende-
rit, fortè excusari posset per ignorantiam. Sici-
uti etiam (addo ego) per eandem ignoran-
tiam excusari fortasse similiter poterit à pec-
cato mollietæ: item transgressionis aliorum
omnium præceptorum quorum cognitionem
non habet, nec fortassis habere potest, cum
eadem sit omnium ratio, privilegium idem.
*Muti enim, & Surdi à natura (ait Michal.
tract. c. cap. 2. n. 15.) in maxima rerum igno-
rantia necessario versantur.* Addens cap. 39.
n. 2. quod dementes præsumuntur. Vide eun-
dem *Dianam ref. c. in qua contra Caramuel-
lem in Theolog. Morali lib. 3. n. 1600.* optimè
probat, fornicationem esse intrinsicè ma-
lam, & non tantum malam quia prohibi-
tam; ibique resolvit, atque enervat fun-
damenta contraria ejusdem *Caramuelis.**

1171 An verò Surdus, & Mutus à na-
tivitate teneatur confiteri, & sit absolven-
dus? Respondeo affirmative: sic etiam *Cajet.
in Sum. V. Confessio, Conditione 11. Vers. Ex-
pedit autem: ibi: mutus à nativitate con-
fiteri tenetur per mutum, & signa, ut melius
potest. Diana to. 2. Coord. tract. 2. ref. 93. §.
p. ex p. 5. tr. 6. ref. 7. Muti, & Surdi à na-
tivitate tenentur confiteri, & sunt absolvendi:
& etiam*

& etiam per ipsum communicandi, quod tamen remittit arbitrio Confessarii sub sequentibus verbis in calce resolutionis positus: Remittendum pato iudicio, & arbitrio prudenti Confessarii, quando, & quoties supra dictis Mutis, & Surdis sit Sacrosancta Eucharistia impertienda: sic ille. Michalorius tract. cit. cap. 30. n. 6. Alteri, eorum peccata confiteri possunt Surdi, & debent, ut alii: nec obstat, penitentiam, ac admonitiones Confessarii audire non posse, nam signis ipsi est iniungenda penitentia. Addens Cap. 51. n. 11. Potest tamen mutus à natura, quatenus ex accidenti confiteri sua peccata Sacerdoti signis, & gestulationibus, & eo modo quo melius potest, ad quod adhibendum est Sacerdos, qui eius gestulationes, & signa, & videre, & intelligere sit solitus, ac propterea si ex ipsi signis appareret, & intellectum habere, & non ignorare quid agat, danda ei esset etiam Eucharistia. De hac tamen re vide Dianam ref. cit. 93.

PRIVILEGIUM XIX.

Regularis excommunicatus ob violentam manuum iniunctionem in Clericum, ignorans probabiliter talem excommunicationem præbere impedimentum suscipiendi Ordines, & eos suscipit, non incurrit suspensionem Papalem (si factum ejus non est grave) cum possit illi dispensari à suo Prelato Regulari.

1172 **R**egularis, qui excommunicatus exiitens propter percussione Clerici, Ordines suscipit, incurrit utique in suspensionem Cap. cum illorum, de Sent. Excommunic. Circa quam tamen suspensionem advertit Præpositus in 3. p. qu. 3. de Suspend. dub. 5. n. 38. & 39. apud, & cum Diana Tom. 5. Coordin. tract. 3. ref. 33. Ex par. 5. tract. 10. ref. 58. Ad hoc ut incuratur requiri simpliciter, ut Ordo suscipiatur scienter, in contemptum discipline Ecclesiasticæ. Hinc dilatant, ac extendunt privilegium propositum per hæc verba simpliciter. Ut hæc censura incuratur requiritur ut Ordo recipiatur scienter in contemptum discipline Ecclesiasticæ, ut habetur Cap. e. Unde qui ignorans excommunicationem præbere huiusmodi impedimentum Ordines suscipit, non incurrit censuram quamvis ignorantia esset crassa, vel etiam supina, quod valde notandum est. Ita, P. Diana, ex Præposito cit. At revera huic ignorantia non tantum privilegii confert dictum Canonicum Caput, ut relati Doctores, quod apertissime constat ex textu ipso, præse definiente, & ad normam tantum huius propositi privilegii; ut sequitur: Si excom-

municatus pro manuum iniunctione, scienter recipit Ordines, si est Clericus secularis deponendus est: Si Regularis, ab executione Ordinis est suspensus. Qui ignorans ius, & factum se excommunicatus recipit Ordines, si est Clericus secularis dispensat cum eo solus Papa: Si Regularis dispensat Abbas, si ignorantia est probabilis, & factum non est grave: postrema hæc verba, sunt ad literam privilegium propositum: Ergo verum, ad normam tamen solum huius Canonici Capituli, contra citatos Præpositum, & P. Dianam.

1173 Et quamvis textus ipse loquatur de Abbate, intelligendus etiam est de quolibet Prelato Regulari, ut pariter notat Fagnan. in eodem Cap. Cum illorum n. 26. ubi sic: Nota Abbatem quandoque posse dispensare super irregularitate scilicet, cum Monacho suo, qui existens in excommunicatione propter excessum non gravem, ex ignorantia probabilis suscipit Ordines, ut hic per Abbat. Marian. Socin, &c. Et quod dictum est de Abbate, intelligas etiam de quolibet Priore Conventuali, vel Prelato Regulari, secundum Innocent. hic, &c. ita Fagnanus confirmans, ut patet, (cum ab ipso allegatis) privilegium nostrum. Quis autem dicatur excelsus non gravis, & super quo dispensare possit Abbas ut in privilegio colligi potest in Textu ipso d. Capituli. Est enim ille qui distinguitur ab atroci, enormi, &c. videlicet à mutilatione membri, efusione oculi, effusione sanguinis, &c. Et etiam ille, qui consideratur enormis, habito respectu qualitatis personæ (in quam manus iniecta fuit) loci, &c. Qua de re præter textum d. Capituli: habes eundem Fagnanum l. c. à n. 10. usque ad 25. inclusivè, & alios ab ipso relatos.

PRIVILEGIUM XX.

Ignoranter promittens Episcopo non petiturus ab eo alimenta, si absque titulo Ordinatur, non incurrit suspensionem.

1174 **E**X Cap. pen. de Simon. Qui ordinatur aliquem accepta ab eo promissione, aut iuramento, quod non petet ab eo Beneficium, aut alimenta. Item cum tali promissione eundem præsentans, suspenduntur per triennium, ille à collatione, iste ab exercitio Ordinum: Ordinatus verò ab Ordine sic suscepto, donec à Papa absolvatur: nisi ob ignorantiam juris Ordinatus iste ab huiusmodi suspensione (ut in proposito privilegio) excusetur, uti eundem (ignorantia interveniente) excusant: Suar. de Cens. disp. 31. sec. p. n. 34. Coninch

ut in de Sacram. disp. 15. dub. 5. n. 37. Dia-
ma 10. 5. Coordin. tract. 3. ref. 53. ex par. 5.
et al. 10. ref. 54. Et quamvis huiusmodi
suspensio ex Cap. Per tuas nobis 37. eodem.
et. incurrat videatur etiam si promissio, aut
iuramentum, seu peccatum illud factum
fuerit ex ignorantia; ibi, ita ut se in hoc
reidil illicitum agere existimaverit, & ad eum
etiam, qui nesciebat, videatur consequen-
ter suspensio hæc extendi: hoc intelligen-
dum esse quoad forum externum tantum,
in quo præsumitur deliquisse, docent ex-
pressè citati, & præcipue Suar. n. c. in fine:
dum sic: Illa ignorantia, cum sit juris, & in
re adeo clara, non præsumitur probabilis. Si
autem esse contingeret, videretur excusare,
quidquid sit de presumptione juris. Argumento
cap. Si quis à Simoniacis p. quest. p.

PRIVILEGIUM XXI.

Qui per ignorantiam inculpata ordinatus fuit
ab Episcopo Heretico, Schismatico, Ex-
communicato, Interdicto, aut Si-
moniaci, Suspensionem
non incurrit.

1175

Qui ordinatur ab Episcopo ex-
communicato, suspensio,
vel interdicto, schismati-
co, vel heretico, aut simoniaci, manet
suspensus: sic habetur in *Cap. p. & 2. de*
Schismaticis; & per textum ibi, ac per plu-
ra alia, quæ habentur *9. qu. p. dicentia* ta-
lem ordinationem esse irritam, non quidem
quoad substantiam, sed quoad usum Or-
dinis, ob vitiū Ordinantis, quod idem
est ac asserere per talem ordinationem non
dari Ordinis executionem, consequenter sic
ordinatum manere suspensum: in quo Do-
ctores in *distum Cap. conveniunt communi-*
ter, ut testatur etiam Suar. de Cens. disp.
31. sec. p. n. 61. Idemque docent Summis-
ta apud eundem, quibus addendi infra citandi.

1176 Quoniam autem contingere potest,
ut quis absque sua culpa, per invincibilem
videlicet, inculpabilemque ignorantiam
(quod per *Suar. l. c. n. 62. facillè potest ac-*
cidere, per facti præcipue ignorantiam de
alterius excommunicatione) à talibus Or-
dines recipiat, is utique, ab huiusmodi sus-
pensione, ut in proposito privilegio, excu-
sabitur: uti eundemmet excusare viden-
tur *Innocent. Abbas, & Covarr. relati à Suar.*
n. c. 62. & præterea Conitib. de Sacramen-
disp. 15. dub. 5. sub n. 34. Vers. Quare omni-
no, ubi sic: Omnino credo dicendum, tales
(ignorantes videlicet) non incurtere veram sus-

pensionem, sed ad summum aliquam inhabilita-
tem, quæ eos præsertim in foro externo ab exe-
cutione Ordinum impediatur, donec ad ministran-
dum à legitimo Iudice facultatem accipiant,
contra tamen facientes non sunt irregulares: ut
benè notat Avila 3. par. disp. 5. dub. 8.
Vers. ad Argumentum, & Suar. disp. 31. sec.
p. n. 62. Nota ly præsertim in foro externo:
quia privilegium nostrum è contra de foro
interno præsertim intelligendum est. Cui pri-
vilégio maximè favet cap. Si quis à Simo-
niaciis p. qu. p. ubi de Ordinatis à Simonia-
cis dicitur, si probare potuerint ex ignoran-
tia (utique inculpabili) id fecisse, in suis
gradibus, & Ordinibus esse recipiendos.
Favet etiam Cap. Ordinationem 9. qu. p. ibi
enim: Nisi probare voluerint se, cum ordina-
rentur, eos nescisse damnatos. Accedit etiam
ratio fundamentalis, & convincens: Quia
suspensio est censura, & pœna, quæ non
incurritur sine culpa, & peccato, ergo excu-
sata culpa per ignorantiam invincibilem,
non contrahitur pœna: ergo qui per igno-
rantiam probabilem, & invincibilem, à re-
centis in hoc privilegio, recepit Ordines,
non manet suspensus, nec suspensionem
incurrit. Quidam vir Doctus (innominatus)
apud Avilam dub. c. Vers. Contra hoc:
victus hoc argumento concedit consequen-
tiam: & in consequens privilegium ipsum,
quod facit etiam Bernard. Diaz in Practica
sua apud eundem Avilam.

1177 Qui tamen, non totaliter adhærens
huic nostro privilegio, imò potius opposi-
tum (uti apud ipsum magis probabile) am-
plectens, quod videlicet suspensio talis in-
curritur etiam ab ignorante invincibiliter,
l. c. Versu Ad Argumentum, respondet ad
argumentum factum: Quod huiusmodi
suspensio quando incurritur ab ignorante
invincibiliter, non est verè censura, nam
hæc solum imponi potest pro culpa (hinc
qui in hac suspensione celebraret, non fieret
irregularis) sed est defectus quidam
executionis: noluit enim Ecclesia quod non
habentes Ordinem executionem, eam con-
ferant aliis, cum nemo det quod non ha-
bet, & hanc rationem assignant Doctores,
non culpa Ordinatis. Ita ad argumentum
factum respondet *Avila: Quod facit etiam*
Suar. n. c. 62. per hæc verba: Hæc senten-
tia (seu responsio) probanda est, quia iura
simpliciter irritant ut possint, hanc Ordinatio-
nem, non ob culpam Ordinatis, sed in injuri-
am Ordinantis. Cum enim talis Episcopus non
habeat usum Ordinem, nec illum dare permitti-
tur. Non quod intrinsecè, & ex natura rei hoc
sequatur, pendet namque ex prohibitione Ec-
clesiæ,

clesia, sed quod illam congruentiam consideraverint iura, quae hoc disponunt, quia nemo dat quod non habet. Hinc est quod in cap. Si qui a Simoniacis p. qu. p. & in Cap. Ab excommunicatis, significatur, etiam probabiliter ignorantem, dispensatione indigere; quia videlicet nemo dat quod non habet: Suspendus, vel excommunicatus, a sum Ordinis non habet, & ideo illum non confert, haec tamen suspensio non est poena, nec proprie suspensio, quae sit censura; sed solus effectus, vel potius defectus consequens ex defectu (ut sic dicam) virtutis activae Ordinantis. Haec tamen Suar. cujus, necnon, Avile doctrina, ac responsio, non improbat omnino à Conimb. Vers. cit. in fine.

1178 Verum tali etiam probabilitate supposita, & admitta, neque ruit ob id privilegium nostrum, imò vim potius, ac robur ex eadem acquirit. Hoc apertissime constat, deduciturque ex ventre ejusdem doctrinae, dum Authores, & Aseclae illius, ore rotundo asserunt (ut patet ex eorundemmet verbis) quod dicta suspensio, quando incurritur ab ignorante invincibiliter, non est verè censura, nec poena, cum haec solum pro culpa (quae hic non committitur) imponi possit. Unde etiam, qui in hac suspensione celebraret, per ipsosmet Authores, non fieret irregularis. Excusatur ergo ignorantia (ex vi bujus doctrinae) veram, & realem suspensionem, ut intendit privilegium, licet etiam concederemus quod à recensitis Ordinatis contraheret defectum illum, quem dicunt Executionis, ex defectu tantum activitatis in Ordinate: huius tamen executionis defectus facilis est dispensatio (concludit Suar. n. c. in fine) concediturque ab Episcopo. Sed

1179 Quæres, An hoc privilegium intelligendum sit de Episcopo Excommunicato, suspensio, haeretico, &c. denunciato, & non tolerato? Respondeo affirmative. De hoc etenim D.D. etiam intelligunt, affirmantes, quod suspensio incurritur quando quis ordinatur ab Episcopo excommunicato, suspensio, haeretico, &c. Et ratio est clara, quia hos solos vitare debemus: & toleratorum actus in gratiam, & utilitatem aliorum validi sunt per Extravag. Ad evitanda. Ità praesertim Navarr. in Man. cap. 17. sub nu. 241. Versu, Quarto quid? ibi: Qui ab Episcopo excommunicato, interdicto, aut suspensio, simoniaco, haeretico, aut deposito, aut degradato ordinatur, suscipit characterem, non tamen executionem; siquidem qui eam non habet, aliter dare non potest: modo si denunciatus talis, per Extravag. ad evitanda. Potest autem Episcopus dispensare cum eo, qui ignorans

denunciationem, Ordinatur, arg. c. fi. de Ord. ab Episcopo. &c. statim, &c. si à Simoniacis p. qu. p. Idem habet Avila Dub. cit. 8. in princ. sub his verbis: Incurritur suspensio quando aliquis Ordinatur ab Episcopo excommunicato, suspensio, vel interdicto, simoniaco, vel haeretico, intellige nominatim denunciato; ut advertunt Taberna, & Armilla; vel etiam à degradato. Sic habetur ex cap. p. de Schismatice, &c. Quod intelligitur etiam is qui ordinatur id ignoret, &c. Huiusque addo (aliis omittis) Conimb. dub. c. 5. n. 31. qui & ipse affirmat sic: Suspendus est, Ordinatus ab Episcopo haeretico, simoniaco, excommunicato, interdicto, non toleratus, aut à Simoniacis per sententiam declarato, hoc enim soli etiam si in Sacris, jam tenemur vitare; & toleratorum actus in gratiam, & utilitatem aliorum validi sunt, poss. Extravag. Ad evitanda.

PRIVILEGIUM XXII.

Qui ignoranter Ordinatus fuit simoniaco, hoc est, ipso nesciente, ac ignaro, pecunia ab Amico data fuit Episcopo, ut eum in Ordinatum numerum referret, suspensionem non incurrit.

1180 Qui recipit Ordines simoniaco, est ipso iure suspensus non solum ab Ordine sic suscepto, verum etiam ab aliis prius rite susceptis, ut docent Sylv. V. Suspensio qu. 7. Henric. lib. 13. c. 37. n. 3. (ubi ait hanc esse receptam Doctorum sententiam) Avila de Conf. p. 3. disp. 5. dub. 9. concl. p. & Thomistae apud ipsum. Probant, tum ex cap. Inquisitionis de accusat. Tum ex cap. Per tuas el. 2. de Simonia. Tum etiam, & efficacius ex Extravag. 2. de Simonia, ubi expressè: Declaramus, quod omnes illi, qui simoniaco ordinati fuerint, à suorum sint Ordinum executione suspensi. Qui tamen recipit Ordines simoniaco ignoranter (ut quando Cognatus v. g. vel Amicus; me ignorante, dat pretium Episcopo, ut conferat mihi Ordines) manet suspensus tantum ab Ordine sic suscepto per D. Thom. 2. 2. qu. 100. art. 6. ad 3. Arragon. ibi conclus. 4. Sylv. l. c. & Avila dub. c. Conclus. 2. (expressè loquentes de ignorantia omnino inculpabili) Limitat tamen Avila hanc suam secundam conclusionem, dicendo, se intelligere, quod maneat suspensus non suspensus, quae sit censura: quae limitatio sequitur ex doctrina, ejusdem Avile, in precedenti privilegio tradita: quia videlicet, supposita invincibili ignorantia, nec per ipsum videtur incurri posse vera censura, quia haec est poena, quae cessat

PRIVILEGIUM XXIII.

Ignorantia, qua quandoque in foro fori non excusat à pena, ab hac, & à culpa excusat in foro poli.

cessat excusata culpa, ut docent etiam communiter. Videtur igitur tantum, quod possit incurrere suspensio lato modo, hoc est, quod non vera suspensio in rigore possit contrahi, sed potius (& ad summum) defectus ille executionis Ordinis simoniacè absque culpa suscepti, de quo defectu in precedenti privilegio idem *Avila*, & alii.

1181 Ergo secundum hanc doctrinam, & limitationem, qui ignoranter simoniacè ordinatus fuit, veram suspensionem in rigore non incurrat: ergo verum privilegium, propositum, etiam per *Avilam*, saltem in dicta sua limitatione, & sententia. Verum inquam insuper, simpliciter, & absque recitata limitatione, in sententia etiam plurimum, & Classicorum D.D. Nam *Henricus cap. c. 37. n. 4.* absolute sic: *Qui recipit Ordinem scienter à simoniaco Episcopo, manet ab eo Ordine suspensus. Si tamen probabili ignorantia excusatus est à culpa mortali, excusatur & à pena suspensionis, quamvis postea factum rescieris: ut si eo nesciente, Pater, aut Amicus pro ipsius Ordinatione dederit pretium pecunie Episcopo, aut tertio mediatori. Huic eidem doctrinæ, ac privilegio subscribit, cum aliis, Bonac. 10. p. tit. De Suspensione, disp. 3. punct. 5. §. p. sub n. 9. Versu Dicit scienter, & quidem & ipse absolute, ut sequitur. Recipiens Ordinem simoniacè, sed bona fide, & ignoranter, non incurrit suspensionem, cum ignorantia excuset à Censuris, ut accidit quando Pater ipso ignorante dedit Episcopo pecuniam, ut illi conferret Ordinem. Ita Sayr. Suar. Filius. Coninch, & Henricus. Et hoc verum videtur, quamvis ille, qui ignoranter ordinatus est per simoniam, ratifices postea promissionem factam ab amico: nam ratibabitio non comparatur mandato in penis, nisi in iure exprimitur. Ita Henricus l. c. n. 4. & alii. Quibus addo Dian. 10. 5. Coord. tract. 3. ref. 54. nu. 2. ex p. 5. tract. 10. ref. 56. ubi ait; se huic privilegio, ac sententia adherere: Quia (inquit) uti aliena simonia non impedit veram receptionem Ordinis, ita neque executionem illius, quando inculpate recipitur. Ita Diana ref. cit. 54. Coord. Repetens sequenti ref. 55. ex par. 11. tr. 5. & Miscell. 5. ref. 16. cum Stephano Bannio In Praxi Beneficiorum disp. 16. qu. 62. dub. 6. Ignorantem, sua causa factam esse simoniam, pena propria non affici.*

1182 Certum est hoc privilegium, ab omnibusque utriusque Juris Doctoribus communiter admissum; ac à nobis diversis in locis hujus Tractatus sparsim præsuppositum: Modo autem hic speciatim proponitur, atque probatur. Quia, certissimum est, quod ignorantia antecedens juris, sive communis, sive particularis, excusatur à peccato ipso, & à culpa, contra eandem legem, & etiam à pena ejusdem legis, hocque tanquam prorsus indubitatum docuerunt *D. Th. pr. 2. qu. 76. art. 3. & ibi Cajet. aliique D. Thom. Expofitores*. Præterea *Suar. de legib. lib. 5. cap. 12. n. 6. & 7. Bonac. De Peccatis disp. 2. qu. 8. punct. 3. n. 8. Sanchez in Decal. lib. p. cap. 16. n. 21. & communiter*; inter quos præcipue *Passerinus Dominicanus in pr. lib. 6. Decretal. in Cap. Ut Animar. 2. qu. prime art. 17. n. 347.* ubi plures alios allegat. Et ratio omnium est Quia ignorantia invincibilis etiam si sit juris communis, nedum particularis, excusatur à culpa, quia excusatur à voluntaria transgressione legis, ergo & à pena: Consequentia hæc probatur: quia lex justa non imponit penam, nisi ut penam, sed ablata culpa, non habet locum pena ut pena, ergo nec debitum ejus, ergo talis ignorantia, quæ tollit culpam, excusatur omnino à pena. Et hoc in utroque foro. Hinc etiam, cum *Carolo Rota De Privilegiis Mulierum cap. 3. Speciali 10. num. 48. pag. Mibi 308.* (licet iste Author ad aliud, & summe propositum) concludat: *Dari* (hic pariter) *casum, quod plus prævaleat, & prodest ignorantia, quam scientia.*

1183 Verum, quia quoad utrumque forum excusare quandoque talis ignorantia non videtur, in foro fori videlicet, seu externo foro, ut in privilegio, ideo in hujus certissimam firmitatem, declarationemve, advertatur, uti optime advertit etiam idem *Passerinus l. c. nu. 348. fol. mibi 140.* quod aliud est ignorantiam non præsumi, & non credi, ideoque actum ignoranter factum, non excusari: aliud est ignorantiam juris cuiuscumque si addit, & sit antecedens non excusare agentem à culpa contra legem, & à pena legis. In foro fori, & externo, ignorantia ejus, quod quisque tenetur, & potest scire, certe non præsumitur, neque creditur,

ditur, nisi probetur. Hinc commune est Canonistarum, & Jurisperitorum assertum, desumptum ex *Regula 13. de Regulis Juris in. 6.* quod juris ignorantia non excusat, quia non praesumitur esse, nec creditur, nisi probetur. Quod verò excuset & suffragetur si probetur illam fuisse antecedentem, patet clarissimè ex jure ipso admittente excusationem ignorantiae iuris in Militibus, Mulieribus, Pueris, in Minoribus, in quibus ignorantia praesumi potest, l. p. C. De Jur. & facti ignor. Fagnan. cap. Ex par. n. 10. de Regular. Ancharan. conf. 393. n. 7. Tuscus Verb. Ignorantia conclus. 21. n. 9. & 12. In quibus igitur non praesumitur ignorantia, hæc non dicitur excusare, nec creditur, nisi probetur. At coram Deo, qui omnia videt talia qualia sunt, & etiam coram Judicibus, si eisdem constet de ea, ignorantia antecedens utique excusat ignorantem in utroque foro. Et si eisdem de ea non constet, excusat tantum à culpa & à pœna legis, & juris, coram Deo ad normam propoliti privilegii. Vide Passerinum n. c. 348. in fine: ubi benè docet, adeò verum esse quod ignorantia antecedens coram Deo excuset, necnon coram Iudice apud quem de ea constat, ut non detur potestas in terra, quæ oppositum decernere possit: quia non datur potestas, quæ naturas rerum possit mutare. Nec fieri potest, ut quod est ignoratum involuntariè, & ex ignorantia est, sit voluntarium, quia impossibile est, voluntatem libere velle, quod ignoratur. Sed & pariter est impossibile, quod sit peccatum, quod non est voluntarium; igitur est impossibile, quod sit peccatum, quod ex ignorantia antecedenti est factum.

1184 Ex positis initio numeri præcedentis, obter collige, merito me concludere in fine privilegii 30. hujus Cap. Confessarium sollicitantem, non evadere pœnas (in foro fori) Gregor. Constitutionis, contra suum impium, nefandumve scelus in Constitutione ipsa definitas, quamvis ejusdem habuerit, & allegaverit invincibilem ignorantiam, quia videlicet, esto etiam talem ignorantiam habuerit, non excusatur in foro exteriori, nec ei creditur, cum potuerit, ac teneatur ex suo officio eandem scire, ideo non praesumitur, tali ipsum ignorantia laborasse, atque adeò à Iudice punitur, & puniri debet, &c. An vero quoad eas leges, & iura, quæ unusquisque spectato suo statu, conditione, & officio, tenetur scire, si invincibiliter nescit, ac ignoret, detur in Iudicio, & apud Iudicem locus proba-

tioni propriæ hujus Ignorantiae, in Rei favorem, & levamen? Respondeo affirmativè, quod etiam patet ex numero antecedenti, in quo dicitur tantum, quod talis ignorantia in foro exteriori non creditur, nec praesumitur, non quidem simpliciter, sed cum addito, nisi probetur. Quo modo autem probari possit, vide Privilegium 32. hujus Capituli.

1185 Et si probari (consequenter dari) potest ignorantia invincibilis eorum, quæ ad proprium statum, conditionem, & officium spectant, sequitur, Regulam illam, ut scilicet censetur ignorantia non probabilis, sed culpabilis, cum quis ignorat ea, quæ ex officio scire tenetur, aut considerare, non esse universaliter veram in foro conscientiae, quod etiam affirmamus initio hujus Tract. n. 20. & docent pariter Suar. de Cens. disp. 4. sec. 8. n. 15. Vass. in pr. 2. qu. 76. disp. 123. cap. 2. n. 6. Sanchez. lib. pr. Moral. cap. 16. n. 27. Passerin. qu. c. art. 5. n. 133. alique, unanimiter affirmantes, dictam regulam non esse universaliter veram, si namque vera esset, nulla ignorantia invincibilis, vel probabilis juris à licetis posset dari, quia nullum jus est, quod scire non teneantur illi, quos jus illud obligat. Verum quidem est, quod ignorantia, aut inconsideratio eorum, quæ quis ex officio scire tenetur, rarius potest esse, aut invincibilis, aut probabilis. Unusquisque enim tenetur inquirere leges, quæ spectant ad officium suum. Gregorius Martinez par. 2. qu. 76. ar. 2. dub. 5. conclus. 7. Alvarez ibidem disp. 153. n. 16. Tabiena Verb. Ignorantia n. p. Magister Serra. Montefinus, apud, & cum Passerino n. cit. Et quivis de facto tantam scientiam habere debet de concernentibus ad suum statum, & officium, ut sciat communia, ea videlicet, quæ communiter ab aliis ejusdem status, & Officii non ignorantur, & quod de aliis particularibus, seu specialibus sciat dubitare, ut occasione adveniente, possit veritatem inquirere sicuti debet: ita citati D. D. Contingere nihilominus potest, quod aliquis ignoret probabiliter id quod ad statum suum pertinet, vel officium; eo quia vel nulla cogitatione, aut excitatione præventus fuerit, aut saltem dubitaverit, an detur lex hoc, vel aliud prohibens; vel ut hic, & nunc recordaretur, & illius considerationem haberet, vel quia ex probabili iudicio, & bona fide erret. Hinc deduc cum Passerino l. c. n. 124. non coincidere in idem, scire, & debere scire, quasi moraliter absolute censeri debeat scire, qui scire tenetur, & illum

Cap. XXVII. Privil. 24. 25. 26. & 27. 501

ut talem puniri debeat, qui nescivit quod tenebatur scire. Ut enim ignorantia sit culpabilis non sufficit, quod ignorans teneatur scire, sed necesse est, quod proximè moraliter id possit, aliquando autem contingit ut homo non sit in actu, ut possit moraliter scire, quando videlicet, vel nullo modo est ad hoc sic excitatus ut scientiam quærat, vel non habet necessaria ad scientiam acquirendam, vel non tenetur adhibere majus studium ad sciendum, quam illud quod adhibuit; vel bona fide, & non ex negligentia, oppositum, verum credidit.

PRIVILEGIUM XXIV.

Ignorantia Constitutionem Sixti V. in qua reservavit sibi absolutionem eorum, qui male promoveantur ad Ordines, excusatur ab illa incurrenda.

1186 **I**ta expressè *Sanch. de Matrim. 10. 3. lib. 9. disp. 32. n. 28. & Diana 10. 5. Coord. tract. 7. ref. 62. n. 5. ex par. 7. tract. 4. ref. 14. Uterque sub sequentibus: *Sixtus V. sibi reservavit absolutionem eorum, qui male promoveantur ad Ordines, si quis autem ignoraret hanc Constitutionem, non incurreret hanc reservationem, & si, ut, qui male promoveretur ad Ordines sciret se peccare. Ratio est, quia hæc reservatio est pena statuta in odium delinquentis, ut proinde ab ea incurrenda excuset ignorantia (Vide Lugum de Pœnit. disp. 20. sec. 2. n. 11. & Rasiæum Verbo Ignorantia nu. 17. Versu Sed dubium est.)* Hoc idem, & in aliis privilegiis visum est, idcirco de eodem hic satis: hinc tamen sit.*

PRIVILEGIUM XXV.

Ignorantia & Constitutionem Gregorii XIII. in qua tulit Excommunicationem in eos, qui aliquid dederint, promiserint, acceperint, aut acceptaverint promissione pro justitia, aut gratia à Sede Apostolica obtinenda: & quod nullus possit absolvi ante realem restitutionem eorum, quæ pro tali gratia fuerint accepta, ut patet ex Extravag. edita anno 1575. immunitas est ab hac reservatione.

1187 **S**equitur hoc privilegium, tum ex antecedenti, tum ex pluribus aliis positum sub Cap. 4. hujus Tractatus. Ex ratio est eadem, ac præcedentis: Quia videlicet, & hujus generis reservatio, est pena contra trasgressores dictæ Constitutionis, aut legis imposita: ergo sequitur naturam principalis, idest legis; cum au-

tem ignorantia legis excuset à transgressione, excusabit etiam à pena. Ita etiam *Molina de Just. 10. p. tract. 2. disp. 92. Versu Cum Gregor. XIII. Sanch. n. c. 18. Diana ref. cit. 62. nu. 6.* ubi etiam refert *Mazzuchellum de Casib. Reserv.*

PRIVILEGIUM XXVI.

Qui durante Matrimonio ignoranter suscepit Sacros Ordines, Suspensionem non incurrit.

1188 **S**uspensio incurritur ab eo, qui durante Matrimonio (etiam non consummato) præsumit suscipere Sacros Ordines, extra casus à jure concessos. *Joannes XXII. in Extravag. Antiquæ, de Voto:* Dicitur præsumit, hinc, Qui solum ex ignorantia procedit, & accedit ad Ordines Sacros, cum ratione ignorantie non dicatur præsumere, uti nec verè præsumit, hanc suspensionem non incurrit. Hoc affirmat præsens privilegium, quod confirmat *P. Dianato. 5. Coord. tract. 3. ref. 61. ex p. 5. tract. 10. ref. 59.* dum ibi sic: *Ad hanc Censuram incurrendam requiritur presumpcio; unde qui solum ex ignorantia procedit, licet crassa, vel supina, non suspenditur, & soluto matrimonio, potest in Ordinibus ministrare, si nullum aliud intercedat impedimentum, & multo magis si bona fide processerit. Durante tamen matrimonio non potest. Si presumpserit Ordinem suscipere, non potest in eo ministrare, etiam soluto matrimonio, nec potest ad alium ascendere, vel promoveri ad Officium, vel beneficium Ecclesiasticum, & nisi talis profiteatur in Religione approbata, solus Pontifex potest eum absolvere, ut Extravag. cit. Si profiteatur, potest Diocesanus dispensare, ut ibidem habetur. Et hæc omnia docet Præpos. in 3. par. qu. 3. de Susp. dub. 5. n. 40.* Unde ego olim sine aliqua dispensatione celebrare feci post mortem Uxoris quemdam sic Ordinatam, qui bona fide Ordinem suscepit, credens Coniugem esse mortuam. Hactenus Diana, & optimè ad privilegium nostrum.

PRIVILEGIUM XXVII.

Excommunicatus denunciatus, vitandus, conferendi Sacramenta ex ignorantia invincibili, aut naturalis inadvertisentia, à peccato mortali excusatur.

1189 **E**xcommunicatus denunciatus, qui, & vitandus communiter appellatur, activa Sacramentorum communi-

municatione, & Sacrificii oblatione privatus est, cap. Latores, de Clerico excommunicato ministrante, & cap. Si celebrat, eodem tit. idque sub peccato mortali, cum tam gravis materia sit actio ministrandi, quam recipiendi Sacramentum. Ab hoc autem peccato, ignorantiae, & naturalis inadvertentiae privilegium excusat; quod constat patenter Ex cap. Apostolica de Cler. Excomm. ministrante. Affermat Diana to. 1. Coord. trac. p. ref. 15. §. p. ex par. 5. tr. 9. resol. 83. ibi: Excusatur tamen per ignorantiam invincibilem, & naturalem inadvertentiam, cap. Apostolica, &c. Confirmatque Philisus Faber de Cens. in 4. sent. dist. 25. disp. 4. cap. 4. n. 165. ubi sic: Certum est excommunicatum denunciatum, & publicum percussorem Clerici peccare mortaliter administrando aliquod Sacramentum. Difficile tamen est, an in aliquo casu excusetur à peccato; ita ut possit sine periculo ministrare? Ad quod respondetur primo, excusari per ignorantiam invincibilem, naturalem oblivionem, vel inadvertentiam, ut diximus de receptione passiva: Ita Faber l.c. relatus à P. Diana to. 5. c. tract. p. ref. 16. nu. 3. in princip. ex par. 5. tract. 9. ref. 96.

PRIVILEGIUM XXVIII.

Ignorantia Regule quandoque excusare potest in Conscientia à sui observantia.

1190 **Q**Uaerens Rodriq. to. 4. Qq. Canonizar. Regularium in Praxi Criminali. Tit. p. cap. 2. num. 25. Quando excuset Ignorantia Regule? Videtur respondere: Quociescumque noviter professus, ignorantiam prætendit austeritatis illius: Optima responsio, tunc enim solum videtur excusare posse in conscientia à sui observantia (ut in privilegio) respectu saltem talis austeritatis, tempore Novitiatu, & probationis simpliciter ignorat. Hinc idem Rodriq. n. c. monet Superiores Regulares ut sequitur: Caveant Superiores in non permittendo, ut quis professionem regularem emittat, nisi prius Regulam pluries non perlegerit, vel legi ab alio non audierit, nam aliquando aliquis Abbas non ita in omnibus, & per omnia, facit ipsam Regulam observari, praesertim in anno, in quo quis permansit in probatione illius Regule; namque emissâ professione, mutatoque Abbate, cum adstrictiorem Regule observantiam devenit Abbas successor, professus de recenti, qui ipsam non legi, nec minus ab alio intellexit, & laxiorem probavit, recusat ad illius observantiam cogendum esse, &

quidem relit, quia de tali supervenienti austeritate prætendit ignorantiam. Haec Rodriq. loquens (ut facit etiam privilegium) de excusatione in conscientia, quod constat, dum addit (utique pro exteriori foro) quavis tandem is non audiat, sed cogatur ad illius observantiam: Sed cogatur inquam, quia in foro externo praesumitur non ignorasse.

1191 Sed cogatur insuper: Quia ut docet Navarr. p. p. Consilior. lib. 3. de Regularib. cons. 22. nu. 5. Nullo jure necessarium est, quod Novitius probet, & experiatur omnes austeritates Monasterii in individuo, siue in specie, sed sufficit, ut experiatur austeritatem ejus in generali, per totum unum annum degendo sub obedientia Praelati. Si enim statim post susceptum habitum inciperet aegrotare, & maneret aeger quatuor, sex, vel decem menses intra Monasterium sub obedientia, posset in fine anni profiteri secundum mentem omnium Doctorum, quorum nemo dicit, aut auderet dicere, contrarium: ergo absque ulla legge non est dicendum, quod teneatur Novitius experire omnes austeritates in specie, ut obligetur ad ipsas, &c. ita Navarr. nu. 5. c. qui praeterea eodem lib. 3. cons. 43. nu. 2. in fine 2. concludit: Possit cogi ad servandam illam austeritatem, si cum fuit professus, non limitavit suam professionem, & obligationem ad illam statum vivendi, qui tunc servabatur. Vide eundem n. c. & in Man. cap. 12. n. 50.

PRIVILEGIUM XXIX.

Ignorans nullitatem suae Professionis, non tenet obligatus, nec eam cum tali ignorantia ratificare censetur.

1192 **C**OMMUNITER admittitur hujusmodi privilegium: asserunt enim D. D. unanimiter, ut aliquis Votum suum invalidum, ac invalidam professionem ratificasse censetur, non satis esse, credere, votum, aut professionem, quam emisit, fuisse validam, & idem proponere eam adimplere, & ratione illius in Monasterio permanere: sed oportere, ut resciat illius nullitatem, & velit illam de novo validare; ita singulariter tradunt Cajet. 2. 2. q. 189. art. 5. (ubi, Considerans suum Votum, credens illud esse absolute validum, intendit illud adimplere, non propterea coram Deo ratificavit, aut approbavit) Navarr. in Man. cap. 12. n. 71. Versu 10. supponimus, & par. p. Consilior. lib. 3. Consil. 28. n. 7. & Consil. 34. n. 4. Suar. De Relig. to. 3. lib. 7. cap. p. nu. 4. Diana to. 7. Coord. tract. p. ref. 185. ex p. 6. tr.

p. 6. tr. 7. & Miscell. 2. ref. 56. Vecch. disp. 14. dub. 3. n. 2. Pasqual. cent. p. q. 35. n. 6. Peyr. De Prelato qu. 3. cap. p. §. 5. n. 144. & omnes apud, & cum Bordonio de Professione Regulari cap. 21. qu. 14. n. 28. Ratio autem est: tum quia voluntas non fertur in incognitum, ergo si vult ratificare professionem, debet eius nullitatem prænovisse: tum quia sine novo consensu non potest ratificari, sed ignorans non consentit, l. si per errorem, ff. de Jurisdic. omni. judic. causa 29. qu. p. initio. Ergo ignorans nullitatem suæ professionis per quemcumque actum subsequenter, etiam intentione eam ratificandi, non ratificat, si ignorat eius nullitatem (nisi ratificet, ex suppositione etiam quod sit invalida). Igitur ignorans nullitatem suæ professionis, non manet obligatus; nec eam cum tali ignorantia ratificare censetur: sicque verum propositum privilegium.

1193 Dicit privilegium, non manet obligatus, quia videlicet, verè professionem non emisit: usque dum tamen manet in ignorantia invaliditatis ejusdem, peccat contraveniendo illi, quia tunc agit contra propriam conscientiam dictantem erroneè se esse verum professum, atque adeo obligatum, &c. Addidi (nisi ratificet ex suppositione etiam quod sit invalida) quia excipiendus, qui ita ratificat professionem, ut velit ratam esse, quamvis fortè ab initio fuerit invalida: nam sic, esto invalidam esse non agnoscat determinatè, tamen sub statu possibili, & sub conditione eam ratificare intendit, quod sufficiens est ad invalidam professionem ratificandam, quod etiam adnotavit cum Lessio, P. Diana ref. 185. n. 2. in fine. Affirmans in principio, & optimè, nec posse (præcisè hac conditione) ratificari professionem; nisi professus antefactæ professionis nullitatem cognoscat: eo quia non potest habere voluntatem ratificandi professionem, si cognoscat ratificationem esse sibi possibilem: sed ratificatio possibilis non est, nisi professio nulla extiterit: ergo non potest habere voluntatem ratificandi, nisi nullitatem professionis agnoscat: ita Diana.

PRIVILEGIUM XXX.

Sacerdos sollicitans in Confessione, & ignorans Constitutionem Gregorii XV. contra Confessarios sollicitantes, excusatur à pœnis in illis latis, in foro tamen interno, non externo.

1194 Sicuti ab initio promulgationis dicte Constitutionis, potuit

ipsa ignorari à Confessoribus sollicitantibus, saltem non sciri utique ab omnibus; ita etiam modo non est adeo moraliter impossibilis ejusdem ignorantia in aliquo, & si non juris, saltem facti, idest, quod ignoret, an aliquod factum quod reipsa ad sollicitationem pertinet, comprehendatur in dicta Constitutione. Qua supposita ignorantia, dicit privilegium hoc, quod si sollicitans, sic ignoret Constitutionis Gregorianæ vigorem, excusetur à pœnis latis in illa. Quod privilegium communiter conceditur à Doctoribus, ut videre est apud Thom. Hurtad. par. p. Resolution. Moral. tit. de Sacerdotib. Sollicitantib. in Confess. tract. 4. c. 8. ref. 61. §. p. à n. 822. fol. mibi 228. ibi: Dico, ignorantia hujus Bullæ excusat à pœnis in illa latis. Est communis sententia Doctorum. Ita Sanch. Vazq. Diana, Gbilmus, Cælestinus, Bonacina, Soyr. Soar. Escobar, &c. Et in causa Bullæ, Joannes à Trinitate, sect. ult. dub. ult. n. 5. Sousa tract. p. c. 20. ubi hoc egregiè docet, &c. Quibus adde Ignatium Lupum in Edictum Sanctæ Inquisitionis. part. p. lib. p. art. 4. diffi. 2. fol. mibi 6.

1195 Probat autem Hurtadus suum dictum, consequenter privilegium nostrum: Quia, & si sollicitatio ad peccatum in Confessione, prohibita sit jure divino, de quo non est ignorantia, tamen si ignoratur pena imposita jure humano, utique ignorans pœnam, ab illa liberabitur. Sic enim Innocentius Papa Epist. 3. cap. p. scribens Exuperio Tholosano dicit, quod ignorantes Constitutionem Synodii Pape ad Honorium Terrac. epist. p. cap. 7. qua suspendebat Clericos incontinentes (utrumque refertur cap. Proposuisse, & cap. Plurimos 82. dist.) non incurrant prælatam pœnam, quamvis non ignorent prohibitam incontinentiam jure naturali, & divino. Quare solum obnoxius erit pœnis latis jure divino, non vero latis jure humano, quod ignorat. Sicque ignorans legem, & Constitutionem, qua imponitur pro aliquo delicto, vel excommunicatio, vel irregularitas, aut suspensio, has nullo modo incurrit, ut est certa, & indubitata sententia: hæc, & optimè dictus Hurtadus: quæ cohærent cum his, quæ tradita sunt superius in Privilegiis quarti Capituli, ad quæ brevitatè gratia mitto Lectorem in hujus etiam confirmationem.

1196 Qualis autem esse debeat hujusmodi ignorantia ut excuset? certum est per omnes invincibilem, & probabilem excusare. Idem est (ait Sousa de Solicitan. tr. p. cap. 15. apud d. Hurtadum l. c. §. 2. n. 829.) si ignorantia fuerit vincibilis, & improba-

bilis ex culpa veniali, quia ob culpam le-
vem non irrogatur poena adeo gravis: qui
enim hac ignorantia laborat, non est sus-
pectus in fide: nec praesumitur contra illam de-
liquisse, quamvis enim inferat iniuriam Sacra-
mento, cum illo abutatur per Sacrilegium
quod committit contra reverentiam illi debi-
tam jure naturae; nihilominus sicuti qui abu-
titur aliis Sacramentis, non est reus hujus
Bullae, ita qui illam invincibiliter ignorat.
Idemque docet apud eundem *Hurtad. §. c. 2. nu. 830. Joannes à Trinitate l.c. nu. 9.*
Hactenus dicta, concessa esse intelligat,
pius Lector, ad normam doctrinae datae in
Privilegio 23. hujus Cap. n. 1180. (uti & sunt
proposita) pro solo videlicet interno foro,
non externo ullo modo; in quo contra So-
licitantem, & tam pudendum ipsiusmet,
sacrilegiumque scelus, praesumenda utique
Constitutionis Gregoriana relata, notitia, &
scientia. Unde ne Solicitans remaneat im-
punitus, contra ipsum, utpote summè im-
pium, ac criminofum, exercendum erit
Judicium abique misericordia, nec prae-
menda in ipso, vel credenda ignorantia,
&c. Vide quae dixi *Privil. 23. cit. & num.*
eodem.

PRIVILEGIUM XXXI.

*Mulier sollicitata in Confessione, invincibiliter
ignorans Edictum Tribunalis SS. Inquisitionis,
obligans sollicitatum (etiam si ipse solici-
tationi consenserit) denunciare sollicitantem:
Vel ignorans quod obliget ad mortale: Vel
quod imposita sit Excommunicatio contra non
denunciantes, excusatur à poena, nec illam
contrahit si non denunciaret.*

1197 **S**equitur hoc privilegium ex pre-
cedenti, cum non sit major ratio
(ut patet) de Confessario sollicitante,
ac de persona, seu muliere sollicitata: Imò
haec magis excusabilis est, ut constat, quip-
pe quae magis est obnoxia ignorantiae, &
nisi consenserit sollicitationi, nec peccavit
venialiter: quare ignara omnino obligatio-
nis denunciandi, nec ullam culpam, vel
poenam incurrit, si non denunciaret. Hinc
ad utrumque etiam indifferenter, tam ad
sollicitantem videlicet, quam ad sollicitatum
videtur extendere privilegium *Ignatius Lu-
pus Difficult. 2. cit.* dum ibi abique restri-
ctione affirmat, *Illos minime affici Excommuni-
catione, qui moraliter Edictum S. Inquisitionis,
nec audire, nec alicui videre potuerunt:
tum quia impossibile nulla est obligatio, l. im-
possibile, &c. tum quia lex in mitiorem par-*

tem est interpretanda. Certum est autem,
quod tum idem Sanctissimae Inquisitionis
Edictum, tum dicta *Gregoriana Constitutio*
arctant sollicitantem, & sollicitatum, ut
videre est in ipsis, ergo. De sollicitata ve-
rò Muliere, & Edictum ignorante, expre-
sè loquens *Hurtad. cap. 8. c. ref. 46.* confir-
mat privilegium positum, subsequentibus:
*Si Mulier ignorat invincibiliter Edictum, vel
quod obliget ad mortale, vel quod est imposita
Excommunicatio contra non denunciantes, non
incurrit poenam si non denunciaret. Tenent com-
muniter Doctores contra Covarruv. in Cap. Alma
mater par. pr. §. 10. nu. 9. & est per se
evidens.*

1198 Et ratio est, tum quia hoc habe-
tur in *Cap. Animarum, de Constitutionibus* in
6. in quo sic fatur, ac decernit *Bonifacius VIII.*
*Statuta quorumcumque Ordinariorum li-
gere volumus ignorantes, dum tamen eorum,
ignorantia crassa non fuerit, ac supina:* cuius-
modi non est ignorantia Mulieris, de qua
in privilegio, cum in ipso supponatur in-
vincibilis. Tum quia in *Cap. Cognoscentes,
de Constitutionibus*, statuitur, quod qui pec-
carunt ante legem poenalem datam, non
ligantur lege, quia eam ignorant: sed
qui post latam legem, eam ignorat invin-
cibiliter, eodem modo se habet, ac si non
esset. Tum etiam quia nullus meretur po-
nam abque culpa, peccato, offensa, con-
tumacia, &c. huiusmodi Mulier sollicitata,
si non denunciaret non peccat, non offendit
Ecclesiam, non est contumax adversus ip-
sam excusante invincibili ignorantia. Ergo.

1199 An verò excuset etiam ignorantia
vincibilis, venialiter culpabilis, affirmativè
dicendum, ut in antecedenti privilegio.
Imò quamvis etiam esset ignorantia vinci-
bilis mortaliter: tum quia haec potest esse,
& de facto est sine contumacia, quae re-
quitur ad incurfionem censurarum: tum
quia *Summus Pontif. Bonifacius VII. in dicto suo
Decreto*, solum excedit ignorantiam *cras-
sam & supinam*: & quaecumque aliam,
vult excusare ab incurfione censurarum,
ab Ordinario quocumque latarum: Ergo
etiam si ignorantia sit letaliter culpabilis
sufficit ad excusandum: & ita etiam cum
aliis pluribus docet *Hurtad. ref. c. 46. n. 555.
& 556. Antonius à Spiritu Sancto in Direct.*
Confessar. p. p. tract. 5. disp. 14. sec. 4. n. 933.
aliique plures ibi citati, cum quibus & nos
pariter idem docuimus, & cum communi,
in Privilegiis superius traditis, *Cap. 4. Cen-
seo* tamen (quod est advertendum) excu-
sare privilegium donec sollicitata Mulier a-
liunde non habuerit scientiam suae obliga-
tionis

tionis à fide dignis, vel alio modo : habita enim scientia, sub obligatione mortali, ac dicta excommunicationis censura, tenebatur Confessarius adhuc denunciare à quo fuit sollicita. Eo pacto quo quisvis, Beneficium quod simoniace, sed ignoranter (& ideo absque culpa) recipit, cum primum eam simoniam rescierit, tenetur sub reatu gravi, &c. illud renunciare secundum plures, ut, tot aliis omisissis, docet Navarr. par. 2. Confilior. lib. 5. De Simonia Confil. 70. num. 6.

PRIVILEGIUM XXXII.

Ignorantia non solum excusat in foro animæ à Censuris, & penis Ecclesiasticis, sed etiam in exteriori Iudicio per juramentum præcipue Ignorantis.

1200 **E**Xcusat inquam, ignorantia etiam in exteriori Iudicio, per juramentum videlicet attestantis. Et probatur, quia nemo præsumitur suæ salutis oblitus; præsertim si non accedat aliqua præsumptio, ut si legem palam violaverit. Ita Antonius à Spiritu Sancto in Director. Confessorior. par. 2. tract. 12. disp. p. sec. 14. §. 2. Versu, Dico tertio, num. 177. Cotonius in Summa Diana, Verbo Ignorantia nu. 10. & ibi Farinac. De delict. Canon. qu. 149. nu. 203. Hinc sequitur (ita deducit Cotonius) quod si quis in Regno Siciliæ Vitulam publicè maclasset, juraretque se legem D. N. Urbani VIII. id prohibentem, ignorasse, non deberet declarari, penas dictæ legi incurrissè. (Limitat tamen nisi ex parte juris addit præsumptio scientiæ; nam hæc non eliditur per ignorantiz juramentum.) Diana tom. 7. Coord. tract. p. ref. 19. ex par. 5. tract. 14. & Miscell. 2. ref. 24. cum Portel. in Respons. Regular. p. p. Casu 27. n. 3. In quo ad rem hujus privilegii, sic: Pro majori istius casus notitia, & aliorum similium quotidie contingentiũ, in quibus violantur Bullæ Pontificiæ punientes illos, qui contrasacere presumpserint, quomodo credendum sit transgressori, dicenti se fecisse bona fide, & quomodo probanda sit bona fides? Respondeo in primis, quod si agatur solum de foro conscientie, credendum est omnino asserenti se fecisse bona fide, nec cogitasse, ibi intervenisse culpam, vel penam, si enim id credidisset, non fecisset. Et huic tali persuadendum est, ut omnino quietus sit, nec se credat incurrissè. Imò addo, quod licet lex violata non poneret hoc verbum (presumpserit) si tamen contrasacientem excusatus fuit à peccato, vel ob inadvertentiam, vel ob justam ignorantiam,

non incurrat penam aliquam, alicuius legi, juxta communem Doctorem, quia ubi non est peccatum, seu culpa, non datur pena.

1201 Si verò agatur de foro externo, quomodo probanda sit bona fides, sive ignorantia? Dico, id posse colligi ex præsumptione: si enim persona delinquens sit bonæ fame, & idiota, & in materia non nimis clara, & vulgata; magna præsumptio est, quod peccaverit, seu potius quod legem violaverit bona fide, & ignoranter: sic Iudex poterit acquiescere huic bonæ fidei, adnon imponendam penam. Ad majorem verò securitatem, probari potest bona fides, & ignorantia, per juramentum partib. exhibitum, stante enim dubio, stabitur juramento illius. Et si obiiciatur contra illum præsumptio juris, quia jus videlicet contra illum præsumit, quod sci-verit quæ tenebatur scire pertinentia ad suum Officium. Respondeo, quod etiam præsumptio juris eliditur per juramentum in contrarium, ut habetur in Cap. Cum in tua, de eo, qui Matrimon. accus. potest, & Glossa ibidem in fine Casus. Hunc eundem modum probandi bonam fidem per juramentum, tradit Navarr. lib. p. Confilior. Tit. de Constitutionib. Confil. p. qu. 2. n. 6. & 7. ubi ponit alios duos modos ad probandam ignorantiam. Hæc omnia Portel. l. c. à cujus doctrina non dissentit P. Diana, tantummodo difficultatem aliquam dicit se habere circa ipsam, videlicet circa juramentum allegantis ignorantiam: Nam (ait ref. c. n. 3.) licet probetur ignorantia per juramentum eam allegantis, ut patet, ex Glossa in Cap. 2. in verbo Scientes de temp. Ordin. in 6. Baldo in tract. de jure Protim. n. 18. ver. Sic & ignorantia. Jafson in §. Sed iste n. 89. & sequentib. ver. Advertere, Instituit. de alit. Et quamvis ignorantia regulariter probetur per juramentum: Glossa ordinaria in Regul. Presumitur, de Reg. juris in 6. Grassius Decision. Aurear. p. 2. lib. 2. c. 9. n. 12. Aded ut si allegatio ignorantiz dubia sit, allegans eam, juramento in foro exteño confirmare cogatur, Cap. Si verò 2. de sentent. Excomm. Thomas Del Bene, De Immun. Eccl. par. pr. cap. 2. dub. 4. sec. 17. n. 3. Tamen ubi adest præsumptio scientiz, juramentum ignorantiz non tollit illam præsumptionem scientiz in contrarium, ut docent Bartolus, Pomatus, Jafson, Alexander, &c. Quibus tamen non obstantibus (concludit Diana n. 4.) sententiam Portel. etiam tueretur Aflicus de Jure protim. §. 2. nu. 9. ver. Et si præsumptio, & Lucas de Penna, in l. super servis, colum. 3. vers. in p. Glossi. C. qui militare possunt, lib. 12. Ubi videntur terminare, quod juramentum super ignorantia, excludit præsumptionem juris in contrarium existentem:

tem : ita Diana. Sicque ratione, & auctoritate verum propositum privilegium. Vide Passerinum Dominicanum in p. lib. 6. Decretalium in Cap. Ut Animarum 2. questionis primae art. 17. à n. 349. & per totum Cap. cit. Animar. ubi plura, & pulchra, (& ex professo) de Ignorantia ad hunc etiam tractatum spectantia.

PRIVILEGIUM XXXIII.

Ignorantia rerum ad cuiusque Officium spectantium, ut ex. gr. Imperitia Medici in suo egroti curando, & si multoties, ex Juris praesumptione, non excuset à culpa in externo foro, excusat tamen in conscientiae interno foro, pro quo etiam cessare videtur praesumptio.

1202 **S**ubstantia, & veritas hujus Privilegii sequitur apertissime ex dictis, ex allatis pluribus in locis, ex quibus clare constat idemmet Privilegium admitti communiter à D. D. ibidem relatis, quibus hic addo Joannem Cabassutium in sua Theoria, & Praxi Juris Canonici cap. 13. n. 2. ubi in ejusdem Privilegii confirmationem, & comprobationem scribit, ut sequitur : *Judicari quidem solet in externo foro ex Juris praesumptione, quod quis negligens extiterit in iis, quae proprii Officii sunt, addiscendum. Quae tamen cessare praesumptio potest in foro conscientiae. Perspecta quippe omni sapienti est ipsa humani ingenii naturalis infirmitas. Alioqui permulta sequerentur absurda. Primum, neminem, qui non sit eximius, ac praestantissimi ingenii, posse ulli se arti, aut disciplinae addicere cura gravia, & continua peccata; quia quantumlibet adhibuerit, quis in addiscendo diligentiam, ignorabit tamen non pauca, quae eximii quidem ejusdem artis professori inimitabili solertia assequuti sunt, aut inexhausta memoria bonitate retinent, quae etiam longiore studio ab aliis acquisita, mox infelici oblivione dilabuntur. Altera etiam non minor sequetur absurditas. Cum enim doceat experientia, illos, qui longo processu in aliqua arte, vel scientia versati sunt, longe scire iis, qui in ejusdem disciplinae exercendis juveniores sunt, minusque experti; sequeretur ob minorem peritiam atque aetate ob inevitabiles quosdam in arduis, & difficilioribus imperitiis, neminem posse licite aliqua in arte versari, nisi prius acquisiverit consummatam experientiam ejus artis. Atqui nemo potest illum assequi consummatam experientiam, nisi diuturno tempore in eadem arte versatus. Atque ita nemo cura grave, & continuum peccatum aliquam aggredi, aut per ali-*

quos annorum decursum exercere Professionem posset, cum tamen illa consummata peritia non obtingat, nisi post longam artis exercitationem, qua sola artes, & harum cognitio exacta perficiuntur. Quin etiam his ulterius adjuugo, etiam perfectissima, quorum exiguus est numerus, ingenia, quae longa etiam in propriis Professionibus exercitatio ad consummatam frugem perducit, non ita esse felicia, ut omnia, quae suae artis sunt perfectissima, habeant, unde necesse est aliqua ignorantia errent. Et liquido perspicimus inter praestantissimos, & primarios Artium, & scientiarum, sive practicarum, sive speculativarum Professores, qui doctrinam excellentis ingenii acumine, & laboris assiduitate consummatissimam scriptis tradiderunt, & alios ab aliis, quam seipsum diffidere corrigi, & invicem coargui. Haec ad singulas paginas accurrunt legentibus excellentiores quoque Philosophos, Theologos, Jurisconsultos, Medicos, & qui de Moribus scripsere, non dico Circumforaneos, aut etiam Mediocres, sed Principes, eximique sapientiae Magistros. Quis igitur ista perspicienti, ausu asserere, nullam posse cuiquam in arte, propria, quaecumque illa sit, contingere ignorantiam, inadvertentiam, vel errorem circa culpam, & offensam Dei? Id esset ignorare non fortasse suae culpa, nosse conditionis infirmitatem inevitabilem, quae vos in humilitate continet, de qua Rex Sapientissimus spiritu Divino collustratus hoc prohibet testimonium Sap. 9. Cogitationes mortalium timide, & incerta providentiae nostrae. Corpus enim, quod corrumpitur, aggravat animam, & terrena inhabitatio deprimit sensum multa cogitantem. Praestantissimi quoque Jurisconsulti à Justiniano Principe ad Romanarum legum delictum, & compilationem adhibiti ab ipso Pandectarum exordio protestantur. Omnium habere notitiam, & penitus in nullo peccare, Divinitatis magis, quam mortalitatis est. Haec praefatus Cabassutius, quae, ut patet, egregie probant propositum Privilegium.

PRIVILEGIUM XXXIV.

Ignorantia Privilegii excusat ab amissione ejusdem, quam quis meretur, si illo non utatur.

1203 **H**ujusmodi Privilegium concedunt libenter Doctores communiter, cum sit assertio eorundem unanimis, seu suppositum commune D. D. quod, ut Privilegiatus per non usum, seu abusum amittat Privilegium, necesse est, ut habeat scientiam sui Juris, ac Privilegii, & etiam occasione illo utendi, noluerit tamen. Unde scientia ad hunc effectum

etum debet respicere tam Privilegium, quam occasionem usus. Loquitur autem Privilegium tum de ignorantia respectu totius Religionis, tum respectu alicujus Conventus, tum alicujus Religiosi particularis respectivè.

1204 Probatur tum ex concessione, & *Constitutione Eugenii IV.* Incipit: *Et quilibet*, pro Monachis Congregationis Sanctæ Justine, Ordinis Sancti Benedicti (apud *Confessum in Collect. Privilegior. Mendicant. fol. mibi 34. Rodriq. to. 1. qq. Regular. qu. 8. art. 4. Naldum. Verbo Privilegium n. 4. Bordonum ref. 52. qu. 37. n. 100. & apud alios*) in qua expressè habetur: Nullum præjudicium Privilegiis, indultis, gratiis, &c. ob eorum ignorantiam generari, &c. Et idem habetur ex concessione Leonis X. Congregationi Camaldulensi. Et Julii II. Congregationi Sancti Oliveti, apud eundem Rodriguez l. c. Tum autoritate Doctorum: *Suar. de Legibus lib. 8. cap. 34. n. 5. in fine. Barbosa de Potestat. Episcopi par. 2. alleg. 26. n. 14. Merolle to. 3. disp. 26. titul. de Privilegiis cap. 7. dub. 1. difficult. 1. n. 16. Bordonum n. 100. c. & aliorum communiter asserentium non amitti à privilegiario Privilegium per non usum, quando ipse ex aliquo legitimo impedimento uti non potuit Privilegio, vel quando ignorabat se illud habere, consequenter illius non usus, ob carentiam scientiæ, fuit non volutarius. Tum etiam ratione, quia ignorantia à multis aliis excusat, à Peccato, à Censuris incurrendis, &c. quoniam hæc supponunt culpam, à qua ignorantia ipsa excusat, consequenter ab amissione Privilegiorum, quæ quis meretur amittere, si illis abutatur, quibus non dicitur abuti eadem ignorans.*

1205 Confirmatur Privilegium propositum, ex doctrina quam tradit *Portell. to. 2. Moralium Respons. par. 3. casu 25.* In quo quaerens: An quædam Monialis Ordinis Sanctæ Claræ secundæ Regulæ, per suffragia Conventus electa in Abbatissam (& quam, cum esset illegitima ex prohibito concubitu, ob hoc impedimentum Provincialis noluit confirmare, nec cum ea dispensare) an inquam potuerit esse sine Prælati dispensatione Abbatissa; & an Prælati potuerit illam excludere? Respondet: *Credo quod Monialis illegitima potest esse Abbatissa, vel Priorissa, absque ulla dispensatione Prælati, maxime si sit Regulæ primæ, vel secundæ Sanctæ Claræ, vel Ordinis habentis communicationem Privilegiorum, & proinde, quod hæc, de qua agitur, non potuit excludi ab Officio Abbatissæ, neque indigne confirmatione, ut in*

Officio confirmaretur. Ratio, autem hujus responsionis, est clara, & expressa probatio, seu confirmatio Privilegii nostri: & est hujusmodi: Supponit *Portell. casu cit. n. 2.* quod dictæ Moniales S. Claræ gaudeant Privilegiis omnibus, quibus gaudent Fratres Minores, sive talia Privilegia fuerint concessa Minoribus, sive talia habeant ipsi per communicationem. Privilegium enim illud, quod habet aliqua Religio per communicationem, & participationem, habet illud tanquam sibi proprium, & tanquam si sibi immediatè, & nominatim concessum fuisset, ut patet ex multis locis *Compendii F. F. Minorum* maxime in *Verbo Communicatio Privilegior. §. 9. in fine, & §. 12. & alibi, & ex Compendiis aliarum Religionum* præcipuè Theatinorum *Verbo eodem.* Quod verò Moniales Sanctæ Claræ gaudeant Privilegiis concessis Fratribus Minoribus, habetur in *Compendio cit. Mendicantium Verbo eodem §. 14. ex Leone X.* Quo supposito: Sic arguit *Portell.* Fratres Minores gaudent Privilegio concessio Religiosis Sancti Ioannis Evangelistæ, in Portugallia, quæ dicitur Congregatio Sancti Joannis Evangelistæ, in quorum *Compendio fol. 9. pag. 2.* habetur hoc Privilegium: *Ut admissus ad Professionem inter illos, si habet defectum natalium, ipso facto sit dispensatus non solum ad Ordines, sed etiam ad omnia solita gubernari per Fratres illius Ordinis, Prioratus, Rectorias, &c.* Cum ergo Moniales Sanctæ Claræ gaudeant hoc Privilegio concessio Minoribus per extensionem participationis, sequitur quod dictæ Moniales Sanctæ Claræ, ipso facto, quod fuit admissa ad Professionem, maneat dispensata ad omnia Officia, & Prælaturas Religionis, ita ut non indigeat alia dispensatione. Et hoc credo esse verum, etiam si dicta Monialis esset illegitima sacrilega, idest, nata ex concubitu sacrilego: lex enim, seu dictum Privilegium non distinguit, sed loquitur in communi, de omni defectu natalium. Prædictum vero Privilegium est in praxi apud dictos Religiosos, ut scio certè: *Quamvis autem hoc Privilegium ignoretur à Monialibus, neque apud illas sit in praxi, hoc non tollit, quin illo possint frui nunc, postquam illius notitiam habent, ut tradit Rodriq. &c.* hujusmodi Clausula (ut patet) est ad litteram Privilegium nostrum, ergo verum ex doctrina *Portell. &c.*

PRIVILEGIUM XXXV.

Qui credito ludit, & perdit, omnino ignorans quod ex Beneficio legis, non tenetur solvere, liberatur ab obligatione solvendi, & si ex eisdem legis ignorantia solvit, potest solum re-compensatione, vel alia via recuperare.

1206 **L**Udus, alearum præsertim, ac proinde quicumque alius id genus fortunæ subiectus, utroque jure prohibitus est (ut notat etiam *Sotus de Just. l. 4. qu. 5. ad ar. 2.*) Clericis videlicet, jure Canonico, ut patet, *cap. Clerici 2. de vita, & honestate Clericorum*, ubi iisdem præcipitur expressè abstinere à ludis: *Ad aleas, & taxillos non ludant, nec hujusmodi ludis intersint.* Ubi *Glossa Verbo ad aleas*, sic: *Sed nunquid potest repeti, quod perditur in aleam? Dicunt quidam, quod non, sed pauperibus est eroganda pecunia illa, non sanè, nam cum turpitudine versatur ex utraque parte, melior est conditio possidentis. Alii dicunt, & melius, quod possit repeti.* Laicis verò Civili Jure prohibetur: ut videre est *leg. Alearum usus, C. de Religiosis, & leg. Solent, ff. de Aleatoribus.* Et præterea particularibus Regni alicujus legibus. Hæc autem prohibitio (ut advertunt etiam *Sotus art. c. in princip. & Sanchez de Matrim. 10. 1. l. 6. disp. 38. à nu. 32.*) Eiusdem esse generis videtur, quo pupilli vetantur sua alienare bona. Et in odium ludi indicta fuit hujusmodi prohibitio, & præfatæ leges sanctæ, & meritò, nam in ludo tot coeunt vitiolorum genera, ut ob id sit dominiorum per ipsum translatio sanctissimè interdicenda. Quoniam ut habetur eadem *lege Alearum*, licet res esset antiqua, prodit tamen pro tempore in lachrymas, quidam enim ludere nescientes, proprias substantias perdere, consequenter postea ex hac inordinatione ad blasphemias prompti finire. Et præterea, qui ludit, tam suorum profusus est, ac prodigus, quam alienorum avidissimè cupidus: generat enim ludus insatiabilem lucrandi sitim: quod adeo ad avaritiam attinet, ut in furtum vertere videatur. Unde *Arist. 4. Ethic. cap. 1.* Aleatores componit cum latronibus, deque avaritia infamat, & illiberalitate: quippè qui ab amicis eripiunt, quod potius illis elargiri deberent. Quoniam autem ex verbis *legis c. Aleatorum, C. de Relig.* habetur, quod si contra factum fuerit, id est, si quis ludo fuerit quidpiam lucratus, nulla aequatur condemnatio, qua scilicet cogatur, qui perdidit, solvere: quod si solvent, solum red-

datur (limita hic cum *Soto l. c. & cum Sane. disp. c. 38. sub. nu. 34. Vers. Ad primum*, nisi perdens per ludum, nolit uti eo Privilegio, & velit perditum tradere, quod jure naturæ potest, imò præcisè lege debet) & præter citatas, extat etiam postea *lex Matrisi*, apud eundem *Sotum art. c. propè finem*, ut nemini liceat in creditam pecuniam ludere, qua non solum prohibetur executio cujuscumque obligationis, & promissionis, verum etiam ejusmodi promissiones, & obligationes pronunciantur omnino nullæ, ac casuæ. *Ubi non solum in foro exteriori, verum & interiori prohibetur, ut reor (ita Sotus de hac lege Hispana in particulari) translatio domini, sicut in actione pupilli. Quare qui promissit non tenetur solvere, & si solverit, alter in conscientia ante repetitionem tenetur restituere. Neque valeret, si ludens legi renunciaret, quoniam data est, non solum in favorem illius, sed, & in bonum commune. Posset tamen fieri libera donatio, quamvis semper suboleret fraudem.* Hæc *Sotus*. Hisque hæcenus suppositis.

1207 Affirmat propositum Privilegium, quod si degens quis, ubi adhuc subsistunt præfatæ leges, credito ludat, & perdat, ignorans omnino, quod ex Beneficio earum non tenetur perditum solvere, liberatur ab obligatione solvendi; & si ex earundem legum ignorantia solvit, potest solum repetere, imò recompensatione, vel alia via recuperare. Quod Privilegium, quo ad omnes sui partes probatur. Nam quoad primam, patet, quod videlicet ludens credito, non teneatur solvere pecuniam, quam amisit in ludo, quia id habet à recitatis legibus. Quo etiam supposito tanquam certo à *Sancho in Conf. lib. 1. cap. 8. dub. 4.* Inquirat: *An si is, qui pecunia credita amisit in ludo, solvat pecuniam amissam lucranti, teneatur hic restituere illam pecuniam sibi solutam, & reddere solvendi, juxta leges hujus Regni Hispanie.* Quo verò ad secundam partem, scilicet, quod possit, qui credita pecunia ludit, repetere pecuniam amissam, solum cum ignorantia legis, per quam ab hujusmodi solutione deobligatur, item patet, quia si uti victus, & ex vi ludi solvit deperditum, ad quod causa legis deobligantis non tenetur, solvit utrique victori ex ignorantia, quod huic non debet, & si non debet, competit ipsi consequenter, & ex sua natura, actio repetitionis: non enim in hujusmodi solutione titulus, seu intentio, vel animus donationis præsumi, aut introduci (nisi gratis) potest: præterquam, quod donatio per omnes ignoranter facta (ut in hoc casu) non tenet, hinc nec obstat juri, nec actioni repetiti-

petitionis: hæc videntur certa.

1208 Tota difficultas ficit circa tertiam, & ultimam hujus Privilegii partem, an videlicet, si victus, quod perdidit ex Beneficii legis ignorantia lucranti jam tradidit, possit traditum recompensatione, vel alia via occulta subripiendo recuperare. Negat *Sanch. dub. 4. c. n. 3.* cum aliis Doctis Magistris in eodem *nu. 3.* citatis: ubi dicit, *hanc sententiam negativam esse veram, licet solvens ignoret, se non teneri solvere.* Quam negativam probat, quia leges non irritant contractum ludi, sed tantum promissionem solvendi; quod est dicere, non tenetur, qui amisit, implere promissum, & solvere (ut, & nos in hoc Privilegio fatemur) at non ponitur aliquod verbum, quo importetur impediri translationem domini, cum sit lex poenalis, & non extendenda. Nec obstat argumentum in contrarium: quod scilicet qui lucratus est, nullum jus habet ad lucrum, consequenter si alter solvat, tenetur restituere, quia respondet, non habere jus ad illud lucrum ante solutionem, quia promissio est cassa per legem, & sic qui amisit, non tenetur solvere, at post solutionem, qui lucratus est, jus habet ad retinendum, cum nullo jure hujusmodi retentio prohibeatur. Unde non tenetur restituere, nisi vocatus in iudicium, & condemnatus. Sicut juxta opinionem *Soti lib. 4. de Just. q. 5. art. 3.* & aliorum aliorum, legatarius, qui recepit legatum in minus solemni testamento sibi relicto, non tenetur illud restituere, licet hæres non teneatur illi solvere hoc legatum.

1209 Eandem negativam sequitur *Emin. de Lugo de Justit. & Jure to. 2. disp. 31. sect. 4. n. 67.* affirmans, & ipse, *sententiam hanc esse veram, & licite accipi, & retineri à lucrante, si ei solvatur:* pro qua etiam alios Doctores asserit, qui loquuntur non solum de Jure communi, sed etiam de Jure Hispano, in quo leges clarius loquuntur, & prohibent ludum pecunia credita, etiam si ludus alioquin non sit prohibitus. Et eandem suæ assertionis rationem adducit idem *Emin.* quam producit *Sanch.* quia videlicet, licet leges irritaverint promissiones, & liberaverint victum ab obligatione solvendi, numquam tamen irritarunt translationem domini, si lucratur. Nec (addit) fortasse expediebat, quia nobiles, ut fidem datam, & honorem suum liberarent ab omni nota, adhuc solverent, & lucrantes acciperent, nec lex talis deserviret, nisi ad illaqueandas conscientias subditorum. Quoniam verò, hæc d. *Eminentissi.* ratio, supponere etiam po-

test legis scientiam in eo, qui credito ludit, & Privilegium suum agnoscere non solvendi perdidit, cui credere videatur dum solvit, *nu. seq. 68.* Petenti, an quod ipse hic asserit, locum habeat; quando solvens ignorabat, se non esse obligatum ad solvendum: videtur enim tunc ex errore solvere, atq; adeò non transferre dominium. Respondet, ex hoc capite non debere iniici scrupulum accipienti: tum quia talis error communiter non præsumitur, cum omnes communiter sciant, non esse obligationem solvendi, quod credito luditur ludo prohibito: tum etiam, quia semper manet præcipuus titulus, qui victum movet ad solvendum, nempe ut liberet fidem humanam, quam dedit, & ne inconstans, & infidelis reputetur in verbis, quare habet animum implicitum donandi, casu quo non debeat ex iustitia. Verum

1210 Pace tantorum Virorum, oppositum sentio, idest sentio adhuc pro integritate propositi Privilegii, cum *Soto art. cit. 2. columna. ult. ante responsionem ad argumenta* (ubi habet supra relata verba) *Comitolo lib. 3. Responsion. Moralium, Tit. de lucro, & ludo Aleærum qu. 9. & 10. Januario to. 2. de Casibus refero. ref. 100. à nu. 2. & aliis.* Dicoque, quod qui pecunia credita, pactaq; & non posita, ludit, & perdit, ignorans quod ex Beneficio legis non teneatur solvere, quod amisit, & perdidit, nedom si solvit (cum tali ignorantia) habet actionem ad solum repetendum coram Judice si velit; verum etiam potest illud occulta recompensatione, vel alia via tuta conscientia recuperare. Pro cujus dicti, ac Privilegii intimiori noticia, & probatione.

1211 Supponendum est, cum *Jos. Salas de Legib. disp. 16. sect. 8. sub nu. 20. Vers. Item ludus. Lessio de Justit. libr. 2. cap. 26. dub. 3. n. 17.* & communi Doctorum sententia apud eosdem, quod, & si ludus aleærum simpliciter, & directè, ac secundum suam substantiam sit prohibitus, tamen acquisita ludo etiam prohibito, retineri possunt, nec restitutioni obnoxia sunt ante Judicis sententiam restituere jubentis. Patet hoc, quia contractus ludi jure naturæ, per D. D. etiam communiter, habet vim transferendi dominium: ex eo autem, quod idem ludus, sit vetitus, non impeditur translatio domini, neque jure naturæ, neque jure positivo: Non jure naturæ quia, & si contractus aliquis sit prohibitus, vel etiam jure naturæ illicitus, non ob id naturalis ratio dicitur esse irritum, ut conflatur in Matrimonio contracto ab habente ante ipsum

ipsum castitatis patratum votum; vel post sponsalia cum alio, vel alia inita: in venditione rei, quam Deo ovivisti: in promissione Meretrici facta pro usu corporis, &c. aliud enim est, contractum esse vetitum, seu illicitum, & aliud esse irritum, seu cedere vi obligandi, multa enim illicita sunt, quæ tamen facta tenent. Sed neque positivo *Jure Cæsareo* (de quo Doctores loquuntur) quia Jus illud [ut advertit etiam inter alios *Lessius* *dub. cit. 3. n. 18.*] nusquam irritum reddit talis ludi contractum, nam in *leg. Aleorum*, C. de Aleatoribus, de quibus præsertim dubitari posset, sic habetur (quod, & refert idem *Lessius* *eodem n. 18.*) Nulli liceat in publicis, vel privatis domibus, vel locis ludere, neque in genere, neque in specie, & si contra factum fuerit, nulla sequatur condemnatio (id est victus non cogatur solvere) sed solum reddatur, & competentibus actionibus repetatur ab his, qui dederint, vel eorum hæredibus, aut his negligentibus, à Patre, aut Defensoribus illius Civitatis, vel recipiat fiscus, non obstante quinquaginta annorum præscriptione. In Græco verdè textu, sic habetur: *Victum in aleæ usu non posse conveniri, & si solverit, habere repetitionem, tam ipsum, quam hæredes ejus, adversus victorem, & ejus hæredes; idque perpetuò, etiam post triginta annos.* Hæc leges, ut ex earundem verbis constat, non reddunt irritum ludi contractum, nec efficiunt ludentes inhabiles ad dominium transferendum; sed solum concedunt perdenti repetitionem, quod Doctores passim intelligunt de repetitione in Judicio, ut per sententiam Judicis recuperetur amissum. Unde inferunt, non sufficere, ut petitio privatim fiat, aut etiam fiat in judicio, nisi sequatur condemnatio, qua victor jubeatur restituere, ante hanc autem victorem non teneri restituere. Ita *Covarruv.*, *Castro*, *Medina* aliiq; apud, & cum *Lessio* *n. 18. cit.* At nos hic, & in proposito nostro Privilegio loquimur de lege, quæ prohibet cuicumque in creditum pecuniam ludere, & quæ si non irritat contractum hunc (quod saltem dubium est, ut infra) declarat tamen irritas, & nullas quascumque promissiones, obligationes, & fidejussiones, quæ in hoc præstantur, de qua lege hujusmodi promissiones, & obligationes irritant, loquuntur pariter expressè relati *Sanchez*, & *de Lugo* l. l. c. c. ut videre est apud ipsos. Cujus etiam legis mentionem facit *Navarrus* in *Summ. Cap. 20. sub nu. 17. Vers. Ad quintum*, ut sequitur: *Ludens sub fide sua non iurat, non peccat in Regnis Hispanie non solvendo, quia Di-*

*vis Memoria Carolus Quintus in Comitibus Mantue Carpentariae, sive Mandritii Anno 1518. vetuit ne luderetur sub fide solvendo, etiam ludis licitis, qualis est pile, simul irritas declarando quascumque promissiones, obligationes, & fidejussiones, quæ ad id præstarentur. Quod ipsum esse servandum, etiam in aliis Regnis Jure communi asseruit probare Adrianus, quod efficaciter videtur Didacus, &c. Hæc Navarrus; à quo non differt Sotus *column. ultima cit.* in qua, & ipse sic: *Edita sunt lex Matriti, ut nemini liceat in creditum pecuniam ludere, quæ non modo prohibetur executio, cujuscumque obligationis, & promissionis, verum etiam ejusmodi promissiones, & obligationes pronunciantur omnino casuæ, & nullæ, &c. Eadem habes apud Comitolum qu. 9. c. sub n. 6. Quibus suppositis.**

1212 Probatur Privilegium, etiam quo ad tertiam, & ultimam sui partem, imò quo ad omnes simul, & ad hominem. Quia ex concessione, & admissione eorundem *Sancti*. & *de Lugo* leges de quibus ipsimet, & nos hic, irritant quascumque promissiones, & obligationes, quæ oriuntur ex ludo, de quo est sermo hic, cum ergo ludus, ut sic sit contractus dandi rem promissam victori, & talis ludus (de quo hic) sit sine obligatione dandi rem promissam victori, caret consequenter talis ludus partibus suis essentialibus: ludus enim creditus esset sic, contractus inter plures non dandi rem promissam victori, ergo si ex ignorantia legis detur à victo, potest repeti, & tuta conscientia recuperari recompensatione, vel alia via occulta, ut in Privilegio. Confirmatur, quia si victus ex vi hujus ludi non tenetur adimplere, quod promissit, victor non habet jus exigendi promissum (sic etiam arguit *Januarius* *res. cit. n. 3.*) quia jus, & debitum sunt correlativa. Si ergo jus, & debitum in hoc ludo extincta sunt, quantum est ex vi hujus ludi, impeditur translatio domini non simpliciter ex alio titulo, sed ex titulo lucrativo ludi. Hinc meritiè *Sotus column. ultim. cit. in princip. ait*: Cum in hoc ludo prohibeatur executio cujuscumque obligationis, & promissionis, non solum in foro exteriori, verum, & interiori prohibetur, ut reor, translatio domini, sicut in actione pupilli. Quare qui promissit (maximè, ut in casu nostro, scilicet ex ignorantia legis) nec tenetur solvere, & si solverit, alter in conscientia ante repetitionem tenetur restituere. Neque valeret, si ludens legi renunciaret, quoniam data est, non solum in favorem illius, sed & in bonum commune. Posset tamen fieri libera donatio, &c. Igitur verum propositum Privilegium. Quod insuper.

1213 Probatur secundò cum eodem *Januario l. c. num. 4.* Quia vel credito ludens habilis est ad sic, & taliter contrahendum, vel à lege positiva inhabilitatus est, sicut inhabilitatus est Filius familias, Religiosus, Servus, &c. Si est habilis, contractus est de jure gentium, consequenter lex positiva non potest illum annullare. Nec valet, si dicas, quod sit in penam delicti, quia delictum est, quod lusit credito, & victor reportaret poenam, non victus: poena autem iusta esse debet, & pro utroque: at si esset poena, sequeretur ipsam luere, qui pecunia praesenti luderet: qui vero credito luderet, & culpam committeret, commodum ex ipsa, & ex delicto reportaret, & non poenam, dum suum recuperaret. Vel est inhabilis ad contrahendum, & dum sic contractus sit nullus, utpotè factus abimpotente contrahere, potest consequenter tuta conscientia suum recuperare: quia ex contractu nullo, nulla oritur obligatio. Et hic obiter nota non deesse Doctores, (ut videre est apud *Molinam de Just. to. 2. disp. 515. n. 8. Vers. Quo ad secundum*) qui volint, hujusmodi contractum esse nullum, & irritum, nullumque dominium, vel jus ex ipso comparari posse à victore, & recipiente, perseverante dominio rei apud dantem, ita ut accipiens continuo teneatur in foro conscientiae restituere acceptum eidem danti: Quia illae leges nullam videntur, ac irritum eum contractum elicere, dum nullas, irritasque faciunt promissiones, & obligationes ad solvendum id; quod credito fuerit amissum.

1214 Ad fundamentum *Sanch. de Lugo*, & aliorum, dico cum *Januario n. 5.* quod si victor jus non habet ad solutum ante solutionem, quomodo post solutionem habere potest? Titulus enim hujus possessionis, vel est ludas, & hoc non, quia jus promissionis hic non habetur ex vi ludi, nec haberi potest causa legis annullantis quaecumque promissionem, & obligationem: vel est alius titulus, scilicet praesumpta donatio? at non sumus in casu, quia donatio, ut supra, & per omnes, ignoranter facta non tenet. Adde, quod si ex vi donationis, ergo non ex vi ludi. Adde insuper, quod jus retentionis, supponit jus acceptionis, formaliter saltem, numquam enim jus retentionis potest esse licitum, si jus acceptionis sit illicitum, nisi nova causa, aut cognitio superveniente.

1215 Ad exemplum adductum ex *Soto*, facilis est responsio, dicimus enim, quod legatarius in testamento minus solemniter po-

test recipere legatum, quia favor in tali testamento factus est haeredi, quando autem haeres juri suo vult cedere, & favori proprio renunciare, huic nulla fit injuria, dum ita vult, & scit legatum esse minus solemniter factum. Dicendum verò secus est in casu nostro, in quo solvens nullo modo scit, se non teneri ad promissum in ludo factum. Confirmatur, quia per *Sanch. dub. cit. 4. n. 6.* si victus solvat numos perditos vi ludi pecunia credita, & in solvendo habeat animum non solvendi, sed pudore, vel alio respectu solvat cum animo recompensandi, potest utique se recompensare, quando ei suppetat facultas: ergo à fortiori si solvat ex vi ludi cum ignorantia deobligationis solvendi. Si namque animus non solvendi eos numos ex vi ludi, sufficit, multo magis sufficit ignorantia deobligationis. Item, per *Lessiam, Salas*, & alios, quos refert, & sequitur *Eminentiss. de Lugo l. c. n. 65.* Et to etiam, quod victus renuntiasset facultati petendi restitutionem, vel promississet non petere, adhuc eam potest petere, quia (inquiunt) simplex cellio non privat jure, quod ei lex tribuit in favorem boni communis, quia alioquin facilimè lex redderetur inanis: omnes enim qui ludunt, promittunt solvere, & ad hoc ipsum facta est lex (inquit *de Lugo*) ut non obstant promissione solvendi, non cogatur solvere. Unde (concludit *Eminentiss.*) Quando etiam victus promississet solvere, non obstante Beneficio legis, videtur posse uti ejus Beneficio, quia lex universaliter concedit repetitionem soluti, & non potuit ipse vim legis evincere. Si tamen illa promissio fieret post factam solutionem, videtur valida, & irrevocabilis; quia tunc videtur esse nova donatio gratuita, & nihil habens commune cum ludo, quare sicut possit valde donare aliquid aliud, sic videtur posse tunc valde condonare ius, quod habet ad petendam restitutionem, ita *de Lugo*. Si ergo per hunc *Eminentiss. Doctorem* (& alios) non tenetur victus solvere ex vi ludi, neque cum scientia Beneficii legis, multò minus tenetur ex vi ludi ejusdem, & promissionis (etiam juratae) cum ignorantia deobligationis solvendi, ut ex se patet. Quod si victus in ludo inrelligit dare victori (ut innuit idemmet *de Lugo*) alio titulo non habente quid commune cum hoc ludo, neque ex vi ejusdem, idest, titulo gratuita donationis, liberalitatis, compensationis, &c. potest utique victor illud recipere, & receptum rita conscientia retinere, ut clare constat, & concedit etiam *Januarius in calce resolutionis citatae num. 9.* at sic sumus

extra casum Privilegii nostri, ut etiam dicimus supra.

PRIVILEGIUM XXXVI

Acta in Capitulo in quo quis ex Capitularibus inhabilitate aliqua affectus est, si haec occulta sit, atque ab aliis Capitularibus probabiliter ignorata, valent, nec irrita sunt: ut electiones v. g. & cetera quae fiunt in Capitulis Religioforum.

1216 **I**nhabilitas ad votum, & suffragium suum ferendum, seu ad eligendum in Capitulis, provenire potest in Capitularibus vel ex aliqua censura, excommunicationis majoris videlicet, seu suspensionis, aut ex delicto aliquo, vel ex alio titulo: & hujusmodi inhabilitas (unius, seu plurium electorum) potest esse publica, aut occulta. Si publica est, Electio in qua scienter admittuntur ad Capitulum sine inhabiles, nec eiiciuntur si fieri potest sine scandalo: & si eiici nequeunt admittuntur sine protestatione, quod eos non admittunt ad jus ferendum, votandum & eligendum, uti jus, neque vocem habentes ad electionem, electio irrita est, inanis, ac nulla: cap. *Ad evitandum. cap. Constitutus. cap. Illa quotidiana, & ibi Glossa.* Et aperte Innocent. & Paronit. in cap. 2. de postulat. Prælat. Sylvius verbo electio p. qu. 4. Suarez de cens. disp. 14. sec. 2. à n. 6. præsertim n. 17. & 18. & To. 4. de Relig. lib. 2. cap. 4. n. 9. (Ubi, Quod ut electio sustineatur, Condicio generalis assignari potest, ne elector non sit per excommunicationem, vel aliam similem censuram, aut Ecclesiasticam inhabilitatem suspensus à munere eligendi, quod generale est omnibus Electionibus Ecclesiasticis) Sigismundus à Bononia de elect. par. 2. cap. 3. dub. 63. n. 5. fol. mibi 251. (Ubi testatur de communi) Leza. in Sum. tom. 1. cap. 15. (Ubi n. 5. Quod Electores liberiores debent à censura, impedimento Canonico, privatione vocis, aut inhabilitate ad munus eligendi, alias peccabunt mortaliter, etiam si talis inhabilitas sit occulta. Quod & docent communiter.) & To. 2. cap. 12. n. 29. (addens in fine, se scire aliquos velle solum verificari, quod scilicet electio sit nulla, in casibus à jure expressis, idest de excommunicato in cap. fin. de procur. & in cap. Massana de electionib. De Laico. ipse tamen Lezzan. concludit: sed verior, & communior sententia est, quod in omni casu electio in qua scienter admittuntur inhabiles modo dicto, est irrita & nulla, sic in fine n. c.) Peyrin. de Subdito qu. p. cap. 31. §. 6. Vers. dico 2. & de Prælato

qu. 2. cap. 25. n. 14. Pellizzar. in Man. to. 2. tract. 9. cap. 8. sec. p. qu. 37. n. 44. Tamb. De Iure Abbat. to. p. disp. 5. qu. 8. n. 11. Antonius à Spir. Sancto in Direct. Regular. par. 3. tr. 5. disp. 2. sec. p. à n. 22. aliique communiter.

1217 Nota tamen hic cum Lezza. n. c. 29. quod quando admittuntur inhabiles, majori parte Capituli illorum inhabilitatem sciente, & est potestas in Capitulo ad dispensandum cum illis, valida est electio, quia censendi sunt virtualiter dispensari ab ipso Capitulo, ac per consequens validè elegisse. Ad quod optimè deferuit doctrina quam tradit idem Lezza. to. p. cap. 18. n. 63. De Prælato conferente alicui illegitimo aliquod Officium, sciens enim Prælatatus subditum habere tale impedimentum, & conferens Officium censetur super illo dispensare si potest. Deservit etiam taciturnitas Ordinarii ac Episcopi videntis aliquem coram se Confessiones excipere, & tacet, ac tolerat; ipsa enim tolerantia, & taciturnitas videtur præsumere licentiam illi dare, atque jurisdictionem per ratihabitionem de præfenti conferre, ut communis fert Doctorum sensus, praxique frequens communiter recepta. Sic ergo etiam dicendum videtur in præfenti de Capitulo scienter admittente inhabilem, quem potest dispensare, censendum enim est, hunc eundem virtualiter dispensare, aliter eiiceret, eisdemque se opponeret. Sed

1218 Suarez De Cens. sec. 2. cit. à n. 8. (quem sequitur Sigismundus à Bononia l. c. n. 8.) Distinguendum esse ait de Electione: Nam interdum ita fieri hæc debet à multis, ut omnium consensus, & conformis, requiratur ad electionis valorem, & ita, ut valor ejusdem ab omnibus, & à singulis dependeat: Si electio est hujusmodi, & omnium suffragiorum consensus necessarius est, non potest utique esse valida, si vel unus eligentium excommunicatus est, & inhabilis. Quod clare probatur, quia si unus dissentiret, electio esset nulla: Ergo & eadem ratione, si unus suffragium invalidum est, erit electio nulla. Addit tamen hoc non procedere nisi simul cum consensione suffragiorum certus eorum numerus requiratur: si namque numerus non sit definitus, sed solum requiratur concordia eorum, qui ad electionem conveniunt, siue plures, siue pauciores esse contingat, tunc si de facto omnes in uno eligendo conveniant, non est cure electio sit irrita, & si unus electorum excommunicatus sit, quia inde solum fit, ut veri, & habiles electores, sint numero pauciores: non tamen ut

non sint concordēs. Unde, sicut ſi unus abeſſet, nihilominus electio eſſet valida; ita etiam ſi unus ſit excommunicatus, non eſt cur ex hoc præciſo capite ſit invalida, niſi alio ſpeciali jure irritetur. Quandoque uerb̄ electio (& eſt alterum electionis membrum, quod aſſignat Suarez) nec certum numerum eligentium, nec omnium conſenſionem poſtulat, ſed ſolum majorem, aut duas partes ſuffragiorum: ſi ex parte electi tantus ſit numerus ſuffragiorum, ut quavis adjungantur, qui excommunicati ſunt, & tanquam inhabiles reiiciantur, & adhuc ſuperſit ſufficiens numerus ad electionem complendam, valida eſt, non obſtante excommunicatorum interventu, quia licet iſtorum ſuffragia nulla ſint, cætera tamen quæ ſuperſunt ſufficiunt ad eligendum. Nanque ſi abſuiſſent excommunicati illi, cæteris eodem modo ſuffragantibus, electio facta, fuiſſet valida: Ergo quavis ad fuerint iſti, cum ad valorem electionis nihil conferant, nec neceſarii ſint, non poſſunt per ſe, & ex natura rei loquendo, invalidam electionem reddere, ſive illa publicè, ſive ſecreto fiat, dummodo ſatis conſtet tantum fuiſſe ſuffragiorum numerum, ut excommunicatorum, & inhabilium auxilium, ſeu concurſum non requirit: ita Suar. cui etiam ſubſcribit Bordonus *Reſolutionum* par. 2. ref. 61. n. 38. & 39. dum ibi ſic: *Quia cæteri Vocales legitimi per ſe (ut ſupponitur) ſufficienter poterant validam producere electionem, ergo fruſtratoria fuit datio ſuffragii illegitimi. Neque enim ratio ſuadet, ut ſi ſuo Voto nulla ratione poterat prodeſſe eligendo, neque eodem obſervet ſine quo, ſive legitimo, ſive non, poterat ſequi electio. Ad obſervationem de excommunicato evitando, concurrente cum aliis: Dico, ſive ſcienter, ſive ignoranter, ſeu ex violentia admittatur, ejus votum non inferre electionem, adhibita cautione, & diligentia, quod non fuerit neceſſarium ad electionem factam, eo quod electus habuerit omnia vota legitima præter illud votum excommunicati, cujus ſuffragium, uti non bonum, reiicitur, nec computatur comparativè ad majorem partem pro conſequenti electionis valide. Hucusque Bordonus. Non admittens n. 39. limitationem Richardi in 4. diſt. 18. art. 7. qu. p. ad 3. (quam refert etiam Suar. ſec. c. 2. n. 12. in fine) opinantem, traditam doctrinam procedere ſolum in caſu, quo excommunicatus concurret aliis ignorantibus, aut ſcientibus, ſed contradicentibus. Nam (inquit Bordonus) adhibita cautione ex qua conſtet electum habere omnia vota neceſſaria ad valorem elec-*

tionis, ſive procuraverint alii Vocales reiicere excommunicatum, ſive non, & ſciaverint illum eſſe excommunicatum, eadem ratio militat in omnibus caſibus. Neque enim ratio ſuadet, ut ſi quis ſuo voto nulla ratione poterat prodeſſe eligendo, neque eodem obſervet, ſine quo ſive legitimo, ſive illegitimo ſequi poterat electio valida. Et ſi in contrarium allegantur *Textus*, iſti intelligendi ſunt (ait Bordonus) quo ad Votum excommunicati neceſſarium ad valorem electionis, ſeu alterius negotii, non quando ſuperfluum eſt, quod patet ex *Cap. fin. de Procuratorib. & Cap. Ad probandum de Sent. & re judic.* in quibus illi Jurati, & Judices neceſſariò concurrebant ad illud mandatum procuratorium, & ſententiam; ideo utrumque fuit declaratum nullum. Videatur *Abbas in Cap. Cumania in ſus. de elect.* & in *Cap. ultim. de Procuratorib. n. 3.* ubi latè tractat hanc quæſtionem, an inhabilitas unius electoris, reddat nullam totam electionem; vel ſuſtineatur propter habiles, quæ etiam generalis eſt. Verum

1219 Quia præter Richardum tot alii initio hujus Privilegii relati, alique plures, qui brevitatſ gratia omittuntur, oppoſitum ſentiunt expreſſè, ut conſtat, quod videlicet Inhabilitas ad ſuffragium ferendum, & ad eligendum in Capitulis, ſi publica eſt; ſcienterq; Capitulares admittunt inhabiles, nec eiiciantur ſi fieri poteſt, vel admittuntur ſine proteſtatione, ſi iidem nequint eiici, acta non valent, & electio nulla eſt, inanis, & invalida: in gratiam hujus ſententiæ, & opinionis (quam vide optimè, & per extenſum cum ſuis citationibus traditam à Petro Maria Paſſerino de electione Tit. de Eligentium Conditionib. cap. 10. à n. 64. uſque ad finem Capituli, à fol. mibi 199. uſque ad fol. 212. & numerum 145. incluſivè.) Dicit noſtrum propoſitum privilegium, Acta, & Electiones valere, atq; ſuſtineri, ſi occulta ſit inhabilitas, & probabiliter ignorata, cui privilegio ſubſcribunt ſupra citati: *Innocentius, Panormitan. Sylve. Suar. Sigismu. à Bononia, Pellizzarius, Lezzana, Peyrinus, Tamburin., Anton. à Spiritu S., Paſſerin. l. l. c. c. Leander par. 4. tract. 2. diſp. 10. qu. 11.* & quos alios referunt Paſſerinus l. c. n. 67. alique. Et ratio aſſignatur, quia ſi cenſura, & inhabilitas Eccleſiaſtica occulta ſit, ideoque ignorata ab aliis Capitularibus, defectus unius, vel aliquorum nocere non debet Capitulo id ignorantibus, ut advertit etiam Navarr. lib. p. *Conſilio de Electione, Conſil. 9. Verſ. Reſpondeo quoad, num. p.* Ubi, *Quod defectus Clauſeſi*

mus unius de Capitulo, non debet nocere Capitulo id ignorant, Cap. fin. Cum eo ad notat. de procurat. neque altius ab eo alias legitime factum. Pro regula enim tenendum est. Utile, per inutile non vitiari, Regula 37. quae (ut optime docet, & probat in suo Eruditissimo, & nunquam satis laudato Tractatu De Regulis Juris Raymundus Nidus Regula 37. Versu Amplia primo, nu. 24. fol. mibi 256. colum. p.) Valet in specie in Electione, sique, nec in praesenti inhabilitas unius, vel alterius patet. Quod & affirmat Suar. n. 9. c. de Religione, ubi expressè sic: *Quando alii non consenserunt, nec voluntariè admiserunt excommunicatum, vel alium similem, cuius defectum supplere non poterant, tunc conspiratio reddit vitiosam totam electionem, non vero privata malitia unius.* Nam (ut aliqui etiam apud, & cum Pellizzar. l. c. n. 43.) cum in negotiis universitatis tota potestas resideat in his, qui habiles sunt, propterea est alii inhabiles ignoranter admisceantur, ii, qui sunt habiles, totum Capitulum, illudque legitimum representare possunt, & consequenter valida sunt ipsorum gesta, & acta, non obstante associatione inhabilium. Quod docet etiam Passerinus nu. 64. c. in princip. dicens: Sicut in aliis Electoribus legitimis defectum inhabilitatis ignorantibus, non est culpa, ita nec gestum per ipsos est invalidum. Sed tunc (addit & ipse cum Richardo) videndum an exclusio suffragii excommunicati (& inhabilis) ex aliis suffragiis legitimis, electus tot obtinuerit, quot sunt necessaria ad valorem electionis, alias non valet electio. Quod totum, cum subscriptione hujus privilegii, vide confirmatum à Fagnano in 2. par. primi Decretalium Tit. De Electione, Cap. Massana n. 11. fol. mibi 113. & nu. 31. fol. 115. ubi pariter concludit ita: *Electio igitur alias utilis, idest à duobus partibus Collegii Canonice celebrata, per inutilem Schedularum adfectionem vitari non debet, ex Theorica Innoc. in Cap. Illa, n. 2. Vers. Imò plus dicimus.* Supponit autem Fagnanus, ut expressè idem innuit num. sequ. 32. (cum eodem Innoc.) Quod Collegium, seu Capitulum, ignoranter admiserit inhabiles ad coeligendum, ob idque sustineatur electio. Et rationem diversitatis ibi cum eodem, & ex eodem Innocentio assignat; Quia videlicet ubi admittuntur inhabiles scienter, electores videntur nolle sine iis procedere, sed potius, ut actus sumat vim ab omnibus, ideoque non valeat quod agitur, quia quod possunt nolunt, & quod volunt adimplere nequeunt Cap. 6. Cum super, De Officio deleg. At

verò ubi inhabiles admittuntur ignoranter, principalis intentio eligentium est eligere omni meliori modo, siue cum aliis, siue per se tantum, si alii de Jure interesse non possunt, ut l. Eum qui, §. si in Curiam, & §. seq. ff. de injur. ita Prosper Fagnanus l. c. Sed super hac eadem difficultate. Vide etiam Suar. de Conf. sec. 2. cit. à nu. 15. Occasione autem hujus privilegii.

1220 Quares primo. An, & qualiter absolvi debeant à censuris, & poenis Ecclesiasticis Electores, & Religiosi Capitulares antequam Capitulum inchoetur, & electio, seu actio Capitularis sequatur? Respondeo debere utique absolvi, & etiam tenore, ac tempore (ut advertit pariter Pellizz. in Man. to. 2. tract. 9. cap. 8. sec. p. qu. 33. n. 42.) quo praescribunt unius cujusque Ordinis Constitutiones, & Statuta. Sic Lexan. to. 2. sum. cap. 12. sub nu. 55. vers. Deinde pro majori. Dicit, in Ordine Carmelitarum formam absolutionis Vocalium adhiberi cum clausula, ut sequitur: *Ego N. In quantum Regularium privilegia se extendunt, absolvo vos à quavis sententia excommunicationis, suspensionis, & interdicti, & à quibuscumque aliis sententiis, poenis, & quatenus opus sit dispenso vobiscum super quavis irregularitate (exceptis censuris, sententiis, poenis, & irregularitatibus ob defectum ad electiones faciendas in isto Capitulo perimmes contractis, vel ad forum contentiosum deducitis) ad effectum legitimæ electionis, Vosque legitimos vocales declaro.* In Nomine Patris &c. Sic etiam in Constitutionibus nostris Theatinis par. 3. cap. 2. n. 14. pariformiter habetur: *Praesens, accepta ab eo qui primam locum post se obtinet absolutione, det ipse ceteris omnibus absolutionem generalem à censuris omnibus ad hunc Canonice electionis effectum.* Hinc formula, absolutionis adhibeudæ in nostris Capitulis Generalibus praeribitur sub sequenti forma quæ habetur in Rituali Theatinorum. pag. 223. *Autoritate Omnipotentis Dei, mibi per sedem Apostolicam concessa, ego vos omnes absolvo ab omni vinculo excommunicationis, suspensionis, & interdicti; & à quibuscumque aliis sententiis, censuris, & poenis, & dispenso vobiscum in omni irregularitate, quam quomodocumque incurristis, & super quocumque impedimento, quantum possum, & vos indigetis, ad hoc tractum, ut quæ in praesenti Capitulo à vobis fiunt, recta, & firma esse valeant. In nomine Patris, & Filii, & Spiritus Sancti. Amen.* Et hanc etiam in Constitutionibus Societ. Jesu par. 8. n. 6. (ut refertidem Pellizzar. n. c. 42.) dicitur: *Det autem omnibus absolutionem generalem ab omnibus censuris ad hunc Canonice electionis effectum.* Additurque ibi in Declarat. lit. E. Absolvit

soluti ab omnibus censuris, quas non incurrissent propter defectus ad hanc electionem pertinentes. Et in Constitutionibus Augustinianorum Discalceatorum Italiae cap. 2. n. 6. habetur: In loco capituli surgens Praefidens absolvat ad cautelam a censuris Vicarium Generalem, & reliquos Capitulares.

1221 Et si hic obiter inquiras: An vi praefatae absolutionis conferri solita Capitularibus, tollantur censurae absolute, & perfecte, vel ad reincidentiam, ita ut dicta absolutio non sit censurarum ablatio, sed potius dispensatio quaedam ad effectum, ut Acta Capitularia sint valida, & non irrita? Respondet Portell. 10. p. Respons. Mor. Cap. p. n. 6. vers. noto 2. fol. mibi 3. Absolutè vi dictae absolutionis, censuras, & impedimenta auferri perfecte, non vero ad reincidentiam tantum tolli: ibi enim sic: *Noto quod in Religionibus, maxime Franciscana, in Capitulis ubi solent fieri electiones, Praeses Capituli proxime ante electionem solet absolvere, & dispensare, & habilitare omnes electores ibi eligentes, ut illorum Suffragia valida sint. Et pro ista consuetudine aduerto primo, quod si aliquis istorum electorum in illo capitulo fuerit electus ad aliquod officium, & antea habebat aliquod impedimentum excommunicationis, irregularitatis, vel inhabilitatis, tale impedimentum sufficienter manet sublatum per illam absolutionem, & dispensationem generalem, ita, ut nulla postea dispensatione indigeret. Probat clarò exemplo Episcopi quando confert Ordines, qui ante collationem Ordinum absoluit, ac dispensat in communi omnes ibi existentes, & auferit ab illis omne impedimentum impediens receptionem iustam illius Sacramenti. Et hac absolutio data in communi, & generali dispensatio, liberat omnes ibi praesentes ab omni impedimento occulto, ut tenet Navarr. conf. 49. n. 12. vers. Ad 2. & Zerola in Prax. par. 2. ver. Ordo. §. 2. fol. Episcopus, & seq. ubi citat cap. solite de Maior. & obed. Adverto 2. quod ista absolutio, vel dispensatio generalis data à Praefide Capituli non prodest absentibus extra Capitulum. Nam Praeses Capituli utitur his verbis: Absolve vos, dispenso vobiscum &c. quibus verbis alloquitur solum praesentes. Unde si qui postea eliguntur absentes in Guardianos, vel similia officia, & habent aliquod impedimentum occultum annullativum electionis, & iste sic impeditus acceptat officium, debet querere, & procurare remedium iuxta Regulas supra positas. Neque enim Praeses electionis, dicens, facta electione absentis, ego confirmo istam electionem, per hanc confirmationem dispensat in impedimento occulto electi absentis, sed supponit illum esse verè habilem pro dicto officio obtinendo: &*

electum confirmare, non est illum dispensare: sunt enim valde diversa confirmare, & dispensare. Hucusque Portell. l.c.

1222 Huic eadem inquisitioni, ac dubitationi, aliter respondet Pellizz. l.c. n. 45. Respondet enim, ex tenore ipso, & forma, seu verbis absolutionis, & dispensationis attentè consideratis deducendum, colligendumve esse, num talis absolutio, & dispensatio absolute tradatur, atque perfecte. Vel ad effectum tantum determinatum; ut valeant videlicet acta, & electiones Capituli, quae etiam dicitur absolutio, & dispensatio ad reincidentiam, ut conferri solet in collationibus Beneficiorum Ecclesiasticorum ex stylo Curiae, qui emanavit, ut in omni rescripto Gratiarum, & Beneficiorum, semper impetranti detur absolutio generalis, per illa verba, *Teque absolventes à quibusvis excommunicationibus &c.* cum illa clausula. *Ad effectum praesentium dimittat consequendum:* Quae merito etiam fuit illis addita, quia dicta absolutio, realiter, & in effectu non operatur absolutionem, sed suspendit impedimentum, proveniens ab excommunicatione, quousque gratia effectum suum sortiatur, (ad finem evitandi pericula, & nullitates, quae frequenter in impetrationibus, & collationibus possent oriri, ex capite censurarum: nam excommunicati, irregulares, & inhabiles, ex quo sunt censuris obnoxii, de Jure Canonico nihil valent rectè impetrare, nec impetratis frui, sine peccato mortali, & obligatione renuciandi, ob impedimentum Canonico.) quousque, inquam, gratia effectum suum sortiatur, quo sequuto, impetrans reincidit in excommunicationem: Ut docet etiam (cum aliis) Antonius Ricciullus *De Jure Personarum extra Ecclesiae gremium existentium lib. 4. cap. 9. n. 4. fol. mibi 175.* Sub his verbis: *Notandum, quod absolutio praedicta, realiter, & in effectu non operatur absolutionem, sed suspendit impedimentum proveniens ab excommunicatione, quousque gratia sortiatur effectum,* quo sequuto, impetrans statim reincidit in excommunicationem. Decius, Rebuffus, Boer. & alii. Si ergo (respondet Pellizz. n. c. 45.) datur absolutio priori modo, idest absolute, absolute etiam tolluntur censurae, & poenae, nec amplius reincurrunt; Si verò posteriori modo, de novo incurrunt, statim ac capitularis congressus absolutus est; talis enim est absolventis intentio, & agentium actus ultra eorumdem agentium intentionem non operatur. Qua supposita distinctione, & doctrina, quae optima est.

1223 Respondeo ego, Absolutionem de
T t t 2 qua

qua hic est sermo, & inquisitio, censendam esse non absolute, sed limitate datam, hoc est cum reincidentia, ut supra, uti etiam asseritur, ex stylo Curiae, de quocunque rescripto gratiarum, & beneficiorum, semper videlicet tradita cum Clausula, *Ad effectum presentium dumtaxat consequendum, & consequenter cum reincidentia*. Ita etiam Hyacinthus Donatus in *Praxi Regulari* to. 2. p. p. tract. 4. tit. De Electorib. qu. 44. fol. mibi 53. n. 5. ubi sic: *Quod dicitur de Rescriptis Curiae Gratiarum, & Beneficiorum, pariter dicendum est de dictis Electoribus Prioribus, & consimilibus, quia hi omnes absolventur à censuris, ad effectum dumtaxat consequendum, nempe Electores ad effectum bene eligendi activè, vel passivè. Priores ad effectum suscipiendi, & iuridicè administrandi Prioratum. Igitur censentur absoluti limitatè, & consequenter cum reincidentia (ad quam non requiritur nova culpa) ideoque dato Voto, finito Prioratu, tenentur procurare beneficium absolutionis, absolute ad hoc, ut Divinis interesse possint, quae excommunicatis sunt interdicta. Casell. cap. 13. De Directione Electionis, post Allegat. n. 16. 17. & 22. Probatum responso, tum ex tenore, verbis, & forma absolutionis de qua hic, quare, ut patet ex diversis Religionum formulis supra relatis, traditur non absolute, & simpliciter, sed ad effectum tantum determinatum, & limitatum consequendum, legitimè scilicet, & Canonice electionis habendæ: & ut valeant acta, & electiones Capituli. Tum etiam ex Cap. Eos qui. De Sentent. Excomm. ubi, Qui nequeunt propter aliquod impedimentum: pro absolutionis beneficio habere recursum, ab alio absolventur, cessante postea impedimento, determinat in eandem sententiam reincidere ipso jure &c. Ergo.*

1224 Absolutio verò quæ datur Regularibus subditis à suis Superioribus (de qua supra in Cap. 4. & apud Jo: Cruic de Statu Relig. cap. 6. dub. 15. & seqq. apud quæ connumerat alios scribentes de Privilegiis Regularium) & quæ datur iisdem Regularibus, in magnis Festivitatibus, in Visitatione Conventuum, in die Cinerum, & Cœnæ Domini (de qua Navarrus in *Man. Cap. 26. num. 13.* Portell. *Verbo Abortus* n. 11. Donatus l. c. n. 7. aliiq.) absolute datur, absque ulla limitatione videlicet. Ità in terminis Navarr. l. c. sic dicens Religiosi notare debent, qui ab irregularitate, & aliis Censuris generaliter absolventur in Visitationibus à Superioribus, nam esto tunc non meminerint illa, sublata censentur, nec tenentur aliam absolutionem querere ab eis,

sed satisfaciunt consistendo simpliciter peccata ob quæ illa incurrerunt. Idem asseruit Portell. nu. 61. sic scribens: *Pro consolatione Religiosorum, addo: Quod si Religiosus habens aliquam hujusmodi irregularitatem, vel inhabilitatem à quibus illius Prælati potest dispensare, si inquam talis Religiosus præsens fuerit in Capitulo Visitationis in quo Prælati dicit in Generali (Absolvo vos ab omni censura, & dispenso vobiscum in omni irregularitate, & inhabilitate vos ab omnia) si inquam hæc dicat: ille qui præsens fuerit, si sit irretitus aliquo ex illis tribus, manet absolutus à censura, irregularitate, & inhabilitate. Nam tali absolutio datur ab habente potestatem, & sortitur effectum. Sic Portell. post quem, & Navarrum, Donatus n. 8. ita proseguens: Regulari, sic generaliter absolvi, etiam si in actu absolutionis non meminerint prælatorum impedimentorum, non tenentur amplius aliam dispensationem querere, nec absolutionem postulare; sed integrum est eis, confiteri simpliciter peccata, ob quæ in penas dederunt, sicut alia non reservata; quia per illam absolutionem, omnia impedimenta censentur sublata, quod valde notandum censet Navarrus in *Summa* &c. & consolatione dignum [ait] Magister Candidus to. p. de absolut. disquisit. 3. art. 40. dubio ultimo. 3. ita Donatus; qui & antea idem docuerat, videlicet To. p. par. 2. Tract. 4. Titulo de Violata Clausura qu. 31. nu. 3. fol. mibi 170. ut sequitur: *Est valde notandum, Quod Religiosi Irregulares, inhabiles ad officia, suspensi à Divinis, & hujusmodi, à quibus Prælati potest absolvere, si sint præsentibus in Capitulo Provinciali, vel in Visitationibus, aut Festivitatibus, in quibus solent Prælati absolvere subditos, generaliter dicendo: (Si tenemini aliquo vinculo Excommunicationis, & Suspensionis, & Interdicti &c. absolvo vos, & restituo vos Sacrosanctis Sacramentis Ecclesie, Communioni, & unitati fidelium. Item eadem auctoritate ego dispenso vobiscum super irregularitate &c. (pro ut sæpè fit in Dominicana familia, & habetur in fine nostri Brevarii. Esto, quod non petierint, vel quod non fuerint memores censurarum, penarum, & similium, quibus erant affecti, manent absoluti, ac dispensati, etenim per hanc generalem absolutionem, tam censura, quam penæ censentur sublata, nec subdit tenentur aliam absolutionem querere: Sed satius illis erit, sua tantum peccata, ut docet, ad pedes Confessarii confiteri. Navarr. Portell. Candidus l. l. c. c.**

1225 Et quamvis præfata clausula, quam asserit hic Donatus, videlicet, *Si sint præsentibus in Capitulo*, videatur quodammodo coarctare absolutionem ipsam, ut non profit

hæc

hæc tribui absentibus, quod expressè vult *Portell. Casu p. c. n. 62. in fine*: ubi sic: *Adverto, quod ista absolutio, vel dispensatio generalis data à Præfide Capituli, non prodest absentibus extra Capitulum. Nam Præfide Capituli, utitur his verbis (Absolve vos; dispenso vobiscum &c.)* Quibus verbis colloquitur solum presentes. Non sic autem coactare, nec nocere, defendit idem *Donatus qu. cit. 44. n. 11.* Tum quia hujusmodi verba proferuntur regulariter: Tum etiam quia absentes dici possint præsentem moraliter, & obiectivè, si Prælati potestatem habeat, & animum absolvendi etiam absentes; quandoquidem hæc duo sufficiunt ad absolvendum à censuris: sicut enim censura potest ferri in invitum, & absentem, ita etiam absolutio censuræ dari potest invito, & absenti (non enim est absolutio Sacramentalis) nam illatio, & ablatio censuræ, pari passu ambulant, sunt enim relativa, & dicuntur ad convertentiam. *D. Thom. 4. Sent. dist. 18. qu. 2. art. 5.* Unde *Sayrus de Conf. lib. 2. cap. 21. nu. 7.* cum aliis optimè ait: *Excommunicatio, sicut in aliquem invitum ferri potest, ita & invitum absolvi poterit, (sic etiam absens,) & absolutio impensa tenet.* Quod totum constat, & confirmari potest ex usu, & praxi Ecclesiæ universalis, præcipuè ex tot *Bullis Rom. Pontif.* per quas etiam absentibus absolutio censurarum impartitur.

1226 Nonnulla autem circa eandem absolutionem hic advertenda sunt. Primo. Prædicta de absolutione intelligenda esse, vera in absolvente per potestatem ordinariam, absolutam, & independentem à voluntate, & consensu illius subditi, qui absolvendus est, ut contingit quando absolvit juxta dispositionem *Concilii Trident. Sess. 24. cap. 6. De Reform.* vel quando absolvit intuitu alicujus privilegii (quod advertit etiam *Donatus qu. c. 44. n. 12.*) qui enim aliquem absolveret ex vi solum alicujus privilegii concessi alicui penitenti, ut contingit per *Bullam Cruciatæ, per Jubileum, & per Brevia*, quæ in dies expiuntur ad instantiam hujus, vel illius, si invitè illum absolveret, non esset absolutus, frustra que absolveret, quia usus privilegii hujus, pendet à voluntate ejusdem privilegiati. Quod totum advertit etiam *Avila de Conf. par. 2. cap. 7. disp. 2. dub. p. & 2. fol. mibi 185. 186.* Dicens, Rectè facere Prælatos, qui dum in Capitulis Generalibus dant generalem absolutionem à censuris, solent, eam extendere ad absentes. Adde quod: Sed nota, quod conclusio intelligitur de absolvente per potestatem ordinariam, & absolutam, independentem, à voluntate, excom-

municati, unde per *Bullam Cruciatæ, vel Jubileum, vel aliud privilegium concessum in favorem penitentis, non potest absolvi invitum. Henric. lib. 13. de Excomm. cap. 29. n. p. & aliqui Magistri. Nam usus privilegii, pendet ex voluntate utentis illo, unde si non vult uti illo, non habebit Confessarius facultatem absolvendi virtute illius. Dico concessum in favorem penitentis, non si sit concessum in favorem Confessarii, ut si sit Religiosus qui absolvit virtute privilegii concessi ipsi Religioni credo quod absolutio erit valida. Adde tu hic cum *Lezz. V. Absolutio. n. 15. & 16.* hoc ultimū non procedere quo ad absolutionem sacramentalem, cum ad hujus absolutionis valorem requiratur voluntas illius, qui absolvendus est, cum nullus adultus possit invitum recipere Sacramenta, ut communiter omnes. Cum *Avila* idem docent & sub iisdem serè verbis præter *Donatum n. 12. Lezzana l. c. & Layman. lib. 1. tract. 5. p. 2. cap. 6. n. 9.* ubi dicit, quod quando privilegia sunt generalia nedum ad præsentem, verum etiam ad absentes extenduntur: hinc insert cum *Avila*, Rectè facere Prælatos ordinum, cum in Capitulis Generalibus dantes absolutionem à censuris, eam etiam ad absentes extendunt. Et exinde cum *Navarr. Henric. & Avila* insert, Quod si Confessarius, facultate absolvendi præditus, oblitus sit aliquem à censura absolvere, vel si aliquem absolvit à censura, à qua non poterat, quia erat Superiori reservata, postea impetrata facultate, poterit, immo debet absolutionem absenti conferre, si ipsum ad se avertere non possit. Secus tamen dicendum esse de absolutione à reservato peccato, cum hæc sacramentalis sit, ideoque præsentiam Rei requiratur: ita *Layman l. c.* quem etiam referunt, & sequuntur *Lezzana, & Donatus l. l. c. c.**

1227 Secundo advertendum, prædictam absolutionem non suffragari absolutis nisi in foro interno conscientie, & in occultis, in foro externo minimè, nec in publicis impedimentis. *D. D.* communiter, præsertim *Navarr. & Zerola* quos citat, & sequitur *Donatus qu. c. 44. nu. 14.* Addens *n. seq.* ad hanc absolutionem requiri, ut in nullius cedat præjudicium, uti etiam advertit *Portell. Casu p. superius c. n. 2.* ubi. *Hujus opinionis Doctores, dicunt necessarias esse sequentes conditiones. Prima, ut impedimentum sit occultum: alioquin actus nullum haberet colorem, sed esset plane irritus in foro externo. Seconda, ut id in nullius cedat præjudicium: si enim duo electi essent, preferendum esset, qui caret impedimento, quia hic solus juri habet.*

1228 Quates Secundò. An si quis Capitu-

pitularis contemnatur, nec vocatur, acta in Capitulo sint valida, ac legitima, an verò huiusmodi contemptus sit defectus irritans illa? Suppono hic cum *Lezzan* in *Summa* to. 2. cap. 12. nu. 30. in princip. Quod nullus elector potest, aut debet excludi ab electione prætextu alicujus inhabilitatis, delicti, aut censuræ, etiam causa pendente, nisi prius fuerit sententialiter condemnatus. Ante sententiam enim in foro externo pro habili habetur. Quod pariter docent *Angelus V. electio* n. 3. *Sylv. V. electio* qu. 2. n. 3. *Armilla Verbo* eodem n. 10. *Miranda in Man. Prælator.* to. 2. qu. 23. art. 5. conclus. 3. *Peyrin. de Subdito* qu. p. cap. 31. §. 6. conclus. p. alique plures, dum affirmant cum *Gloss. cap. 2. de Posulat. Prælat. & Abbate* in eodem cap. post *Immo.* quod hi qui privati sunt jure eligendi, non sunt privati: *Quia privandus antequam privetur, jure possidet.* quo supposito, ad quæsitum.

1229 Respondeo Primò. Valent acta, & electio facta in Capitulo non vocatis, seu contemptis iis, qui sunt privati, vel inhabiles ad eligendum, licet prius discussum non sit, an sint privati, satis enim est, quod possint postea convinci: Ita citati, & *Peyrinus cum ipsi conclus. cit.* Ratio est, quia si in veritate non habent jus, nec potestatem eligendi, non erat, nec est opus eos vocare: secus autem esset si essent privandi, ut dictum est, *Quia privandus antequam privetur jure possidet.*

1230 Respondeo Secundo. Si quis Electorum legitimorum fuerit contemptus, & ad electionem non vocatus, electio quidem valida est, sed iniuste facta, & potest irritari, ac cassari, immo debet ad petitionem ejus, nisi forsitan ipse velit eam ratam habere, & in eam consentiat: per quem consensum (ait *Suarez de Relig.* to. 4. lib. 2. cap. 5. n. 6.) non confert valorem electioni, jam enim facta, & valida supponitur, sed quæ cedit juri suo, quo posset infirmare illam, & irrationem ejus postulare, quo pacto firmitatem quandam confert electioni jam factæ. Huiusmodi responsio est Doctorum communis, ut videre est apud citatos, & alios *De Canonica electione* scribentes, unanimiter concedentes talem electionem esse validam, posse tamen, & debere irritari ad petitionem Capitalaris contempti, quod est dicere eam non esse ipso jure irritam, sed solum posse irritari per sententiam superioris; Quamquam contemptus, si velit, possit eam ratam habere: ita communiter Doctores inter quos etiam *Layman in Theologia Morali* lib. 4. tr. 2. cap. 12. *Versu dico* 3.

tit. De Beneficiis Ecclesiasticis: Qui tamen, apud, & cum *Pellizz. l. c. qu. 19. n. 23.* monet, tunc verificari quod non sit ipso jure irrita electio, etiam si fiat contempto aliquo ex vocandis, quando eidem interfuerunt saltem duæ partes Capitalarium. Adde tu, quod tunc non sit ipso jure irrita electio sed valida, si constiterit in scrutinio secreto, quod electus, fuit electus ex numero sufficienti Vocalium habilium, & juxta statutum ad validam electionem præscriptum quo ad numerum Vocalium pro valida electione definitum, excluso etiam Vocali contempto, idest non vocato: Quæ de re *Suarez l. c. nu. 2.* optime ait: Non tantum non esse necessarium ut omnes qui jus habent eligendi, & qui possunt ferre suffragium, præsentem sint (quia, non coguntur interesse, & eligere, sed si velint, ex cap. *Quia propter*) verum etiam, nec major illorum pars; quia potest major pars nolle adesse, & tunc non est impedienda electio contra intentionem dicti cap. 20. n. 79. *tit. de eligentium conditionibus* pag. mibi 202.

1231 Confirmatur eadem responsio apertissime ex cap. *Quod si* 28. de elect. ubi expressè sic: *Quod si eos vocatos non fuisse, constiterit, sed contemptos, infirmanda erit penitus electio taliter celebrata, nisi postea propter bonum pacis curaverint consentire.* Item ex cap. *Bone memorie* 36. eodem Titulo, ibi, *Tum quia inveniuntur est N. fuisse contemptus: cum plus in talibus consueverit contemptus unus abesse, quam multorum contradictio in presenti.* Ex quo utroque Canonico Textu clarè habetur, ut patet, quod uno Electorum contempto, & si electio non sit ipso jure nulla, annullari tamen, & cassari potest per sententiam Superioris, petente vocali contempto (vel vocalibus contemptis petentibus si hi plures sint) ut apertè *Canonici, & D. D. citati.* quibus addo *Donatum in Praxi Regulari* to. 2. par. p. *Tract. 4. tit. de Electoribus* q. 21. fol. mibi 4. Et præter probata n. anteced. ratio etiam esse potest, quia & si ad electionem celebrandam necesse sit, ut omnes Electores ad quos spectat convocentur ex cap. *quia propter* 13. *De elect.* Ubi, *Statuimus ut cum electio fuerit celebranda presentibus omnibus qui debent, & volunt, & possunt commodè interesse, assumantur tres de Collegio qui segregatim vota cunctorum diligenter exquirant.* Huiusmodi tamen vocatio electorum absentium, non est de forma, & essentia, vel substantia electionis, ut docet *Glossa in dicto Cap. Quia propter*

per Verbo Sanior, ibi enim ait: *Quod quilibet sit vocandus, qui commodi vocari possit, non credo esse de substantia electionis, ut propterea casset electio: dummodo contemptus postea consentiat electioni factae.* Non est inquam huiusmodi vocatio de substantia electionis, sed ex iustitia (ut advertit etiam *Donatus qu. c. n. 2.*) etenim non vocare vocandos, est impeditio, & retardatio iurium Vocalium ad quos de Jure communi, vel speciali pertinet in capitulo vocare, seu suffragari: sicque impediti, & non vocati dicuntur contempti, & iniussu lesi: contemptus namque dicitur is, qui legitime non fuit vocatus ex c. c. *Capitibus*: ideoque (ex iisdem etiam *Capitibus*) potest instare, & petere huiusmodi electionem, ob sui contemptum, seu, ob iniustitiam sibi illatam, nullam declarari. Et quod dicitur de uno contemptu, potest ad duos, tres, vel quatuor extendi, eadem enim ratio militat in omnibus, ita etiam *Donatus n. 2. c. & ante ipsum Portell. in dub. Reg. V. electio n. 13. fol. mibi 122.* ubi sic: *Si unus tantum electorum non vocetur, electio non est ipso facto nulla, quia non habet defectum in substantia, potest tamen postea annullari, petente illo contempto. Idem dic si duo, vel tres non vocentur Gloss. in cap. Quia propter de Elect. V. Sanior. & Innoc. cap. Quod sicut, de electione, & alii. Vide Tambur. De Jure Abb. to. p. disp. 5. qu. 3. ubi & ipse notat nu. 2. quod hic, Unius contemptus plus operatur, quam plurium contradictio. Et n. 3. quod si electio ad instantiam contempti, per sententiam retractatur; ipsa cassata, omnes electores ad electionem noviter celebrandam convenire debent. Panorm. super d. cap. Bone memor. 2. n. 25. Et idem Tambur. l. e. n. p. in fine. pariter advertit, quod quamvis contempti reclamatio facienda esset ante confirmationem electionis Lavor. tit. 4. cap. 17. n. 22. potest tamen fieri etiam post confirmationem, ut docet Glossa in d. cap. Quod sicut, & ibi Rubrica Textus. Quod etiam confirmat *Donatus n. 3.* Addens n. 5. Nulli alteri electorum excepto contempto, licitum esse excipere contra electionem, sub pretextu contemptus alterius; nam exceptio Juris tertii, nulli convenit, nisi propriæ personæ offensæ, unde tacente vocali contempto, non datur locus aliorum querelis: Qua de re latè etiam (apud eundem *Donatum n. 5. e.*) *Layman. in q. 9. Canonici q. 39. & 40.* ubi ex multis ostendit Electorem posse cedere, & renunciare juri suo privato, circa quod nequeunt alii se intrudere.*

1232 Et si hic etiam obiter inquiras, An Capitularis contemptus habeat etiam

jus petendi, ut cassentur acta, & gesta in Capitulo, & irritentur, quamvis non malitiosè sed per inadvertentiam (quæ etiam in exteriori foro probari possit) fuerit contemptus, seu non vocatus? Ratio hujus inquisitionis, seu dubitationis esse potest, quia jus irritandi acta Capitularia, & petendi eorundem cassationem, competens Capitulari contempto, idest non vocato, concessum videtur quasi in poenam contemptus; at poena locum non habet, nisi ad sit culpa, hæc autem nec supponitur, nec adest, vel adesse potest in præsentī casu, ergo &c. Respondeo etiam in hoc casu Capitularem contemptum jus habere irritandi acta Capituli, & petendi ut cassentur (licet fortasse melius tunc esset cedere tali suo Juri.) Hujus responsionis ratio esse videtur, quia dictum jus, quod habet Capitularis contemptus (ut ait etiam *Pellizzar. l. c. n. 24.*) non est inductum in poenam, ita ut necessariò debeat supponere culpam, sed ut alteri potius jus suum ablatum resarciatur, nempe jus accedendi ad Capitulum, quod Capitulari contempto etiam in præcedenti casu ablatum fuit, quamvis in tali ablatione non intercesserit injuria formalis, nec culpa ulla consequenter. Et hæc in re idem proportionaliter sentiendum est, quod sentiunt pariter D. D. cum *D. Tho. 2. 2. qu. 62. art. 6. & 7.* de eo cui res sua ablata est: is enim habet jus, ut res illa sibi reddatur, etiam ab eo, qui illam accepit absque injuria ipsiusmet Domini, & per consequens absque culpa: idque non ratione injustæ acceptionis (ad quam culpa supponitur) sed ratione rei acceptæ, quo titulo potest quis obligari ad restituendum, quamvis in auferenda re aliena nullo modo peccaverit: quæ doctrina communis est, & certa, oprimeque confirmans: ut patet, datam responsionem.

1233 Quares tertio. An Capitularis de quo inter alios Vocales extrat dubium, eum habere inhabilitatem aliquam, vel impedimentum (ex gr. Excommunicationem majorem) ob quod nequeat esse de gremio Capituli, retinendus sit, vel eiiciendus? Respondeo quando res est dubia, cum in dubiis juvet, faveatque possessio, favendumque sit potius reo, quam actori, nedum admitti potest, sed debet, cum protestatione tamen illi facta, Quod videlicet admittitur ad eligendum, si & in quantum postmodum appareat eum debuisse admitti, seu cum protestatione non excludendi, non excludendum, nec admittendi non admittendum. Ità etiam *Panorm. in Cap. Cumana*

Cumana de Electione num. ultimo. Sylv. Ver. Electio pr. qu. 15. Miranda in Man. Pralat. qu. 23. art. 11. conclus. 5. Verf. solummodo interesse. Peyrin. to. p. de Subdito qu. p. cap. 31. §. 6. Verf. Dico secundo (ubi alios citat,) & Verf. Dico octavo (ubi cum Panormit. Armilla, Vega, & Grassia Consiliorum to. 2. lib. pr. Consil. p. De Electione. Difficult. 6. nu. pr. fol. mibi 15. affirmat, Quod si instante termino Electionis dubitatur de aliquo an habeat vocem, nec id potest commodè probari, debet admitti cum protestatione, quod illius votum non valeat, nisi in quantum postmodum apparuerit, eum debuisse interesse) Letza in Sum. to. 2. cap. 12. Versu, Nullus tamen, nu. 30. prope finem. Pellizzarius in Man. Regular. to. 2. tract. 9. Cap. 8. sect. p. qu. 22. n. 30. P. Alphonsus de Leone De Censuris Recollect. 6. n. 1025. fol. mibi 663. Donatus in Praxi Regulari To. 2. par. p. tract. 4. tit. de Electoribus quest. 8. n. 6. fol. mibi 37. alique plures. Et ratio responsionis est: Tum quia si dicta inhabilitas est dubia, nec per Iudicem consequenter adhuc declarata, ergo usque dum declaratur, sustinendus est, nec eiiciendus, cum in dubio faveat ejusdem possessio, ut D. D. communiter: Tum quia, ex dictis, privandus antequam privetur iuste possidet, ergo usque dum privatio ipsa juridicè lata sit, non debet contemni, nec eiici. Tum etiam quia si dicta inhabilitas dubia, aut impedimentum, ortum habet à censura, excommunicationis majoris ex. gr. cessat scrupulus in cæteris de gremio communicandi cum ipso, ex supra dicta protestatione, dicendo videlicet, quod Capitulum non intendit excludere, non excludendum, nec admittit, non admittendum: quia huiusmodi protestatio (ut optime etiam Donatus nu. 6. c. in fine) reddit actum involuntarium.

1234 Quæres quarto. An casu quo aliquis Capitularis, vel plures, recedant à Capitulo jam congregato, possint de jure, reliqui Capitulares qui remanent prosequi Capitulares actus, & electionem facere, & sit hæc Canonica? Respondeo affirmativè cum Panormit. in Cap. Cum nobis n. 10. Navar. Consilior. lib. p. Titulo De Elect. consil. 7. n. p. Rodriq. To. 2. qq. Regularium qu. 53. art. 11. Tamburina. de Jure Abb. disp. 5. qu. 3. nu. 24. Peyrin. de Subdito qu. pr. cap. 31. §. 6. Verf. Unde Colligitur. Pellizzar. l. cit. qu. 20. n. 25. & aliis apud eisdem, docentes, quod si omnes Vocales jam congregati sint in Capitulo, decem v. g. & aliqui egrediantur, ut quatuor ex illis v. g., vel

sex remaneant, possunt de jure illi qui remanent electionem facere: imò quod etiam si unus solus remaneat potest iste facere electionem, & erit Canonica. Licet enim (ut advertit etiam Rodriq. art. c.) nullum Collegium Ecclesiasticum possit constitui in uno, quia de Jure Civili l. Neratius ff. de verb. signif. requiruntur saltem tres: de Jure Canonico verò, saltem duo: Constituto tamen semel in multis, potest totum Jus Collegii venire ad unum, & conservari in illo: estque de hoc casus expressus in Jure l. sicut §. fin. ff. quod cujuscunque univers. & tenet Glossa (communiter recepta) in Cap. Gratum de Postulat. Prelator. Verbo Pascio. res. ibi, Sed quid si omnes delinquant præter unum, nunquid ille unus poterit eligere? Videtur quod sic: quia universitas remanet in uno. Verum tamen est (ut notat etiam idem Rodriq. l. c.) quod ille unus, in quem tunc residet Jus Collegii, non potest eligere seipsum, ut dicitur in Jure, cap. per tuas de jure patr. Probatur responsio, quia Vocales qui sic exeunt, & recedunt, non computantur amplius in numero Capitularium, & electorum, ut habetur Cap. Cum nobis de Elect. Verb. Casus prope finem: ibi Qui vocati ad electionem nolunt venire, eligendi potestatem admittunt, & ad alios devolvitur. Ex Verbo Revocare.: Nunquid eo ipso quod admoniti nolunt redire, qui presentes sunt possunt eligere? Videtur quod sic. Idem enim est, ut patet, vocari Capitulares, & renuere venire, ac seipsos absentare, & à Capitulo recedere: sicuti ergo vocati, & renuentes, amplius non computantur in numero Capitularium, neque etiam computantur, voluntariè se absentantes, nulla enim disparitas hic: & si inter Capitulares non computantur: neutri sua absentia voluntaria, vel voluntario recessu, & egressu, possunt efficere invalida acta, & electionem non Canonicam, ut supra ex Capitib. c. c. & Glossa. Alioquin facile possent aliqui particulares malitiosè impedire bona provenientia ex Congressibus Capitularibus, recedendo à Capitulo, quotiescunque proponerentur aliqua ipsis parum grata, & minus bene visà: quod esset utique contra commune bonum omnino. Adverto tamen hic cum Suarez to. 4. de Relig. lib. 2. Cap. 5. Verf. Hoc autem. fol. mibi 75. Datam responsionem, & Doctorem traditam doctrinam, intelligi debere ex vi tantum juris communis. Nam ex jure speciali poterit imponi obligatio, vel etiam ex Superioris precepto, si ita expediat, ad cuius providentiam videtur pertinere facere, ut

conveniens numerus Electorum congregetur quantum poterit, & ad bonum Religionis expedire censuerit.

PRIVILEGIUM XXXVII.

Irrevocabiler ignorans se habere alicujus Religionis Spiritualem Filiationem, eadem ignorantia non obstante, particeps est bonorum Spiritualium ejusdem (praesertim satisfactoriorum) nec non Indulgentiarum (si sit Religiosis ejusdem benefactor) & adimpleat ea (materialiter saltem) quae à Summis Pontificibus pro acquirendis Indulgentiis ejusdem praescripta sunt.

1235 **H**ujus propositi Privilegii veritas clare eruitur ex iis, quae habentur in mea Spirituali Filiatione tum *Vulgari*, tum *Latina* Cap. 2. dub. 5. in quo inquiri, *An Filiatio Spiritualis absque litteris gratiofis, & absq; ulla alia sensibili forma communicari valeat?* An videlicet, quis verè in Filium Ordinis adoptetur, per hoc praecise, quod Praelatus eidem mente tantum concesserit, & sola voluntate interna, ac secreta illi communicaverit bona Ordinis spiritualia (satisfactoria praesertim) quin hunc mentis actum, aut verbis prodiderit, aut signo aliquo externo eidem manifestaverit? Et ibi responsio, uti & hic, est affirmativa, quae modo etiam (& propositum privilegii consequenter.) Probatur: Quia eodem pariter modo, nulla scilicet mediante forma sensibili, participatur à Fidelibus Generalis Sanctorum, & Ecclesiae Communio; igitur & particularis quoque Religionum Communio pari modo participari poterit. Consequentia legitime sequitur, ut enim optime testatur *Antonius Ruteus* (in suo Tractatu verè aureo) *De Participationib. quest. 6. sect. 3. n. 12. pag. mibi 117.* Communicatio bonorum Operum, & meritorum Religionis quam Praelati Regulares faciunt, est species quaedam Communionis Sanctorum, quae in Generali Communionem, tanquam species in suo Genere continetur. Antecedens verò probatione non indiget: nam juxta eundem *Ruteum* n. cit. pag. mibi 116. *De fide est, quod per Communionem Sanctorum, omnium Fidelium bona Opera, & Merita, suo modo profunt aliis, & in illis omnibus communicant; idque ex sola unionem charitatis; citra (Nota) expressam intentionem; quodd multò plus est, ut in eademmet Spirituali Filiat. cap. p. dub. 6. explicui.* Ad hoc enim ut quis particeps efficiatur Communionis Sanctorum, sufficit iuxta sententiam Theologorum communem,

quod participans sit membrum vivum per charitatem. Hinc *Corduba* in *Questionario Theologico* libr. 5. qu. 42. punct. p. *Versu & Nota* optime ait: Quod haec participatio fit ratione unionis per charitatem, etiam sine speciali intentione, & applicatione facientis ad ipsum participantem, iuxta illud Symboli, *Credo Sanctorum Communionem: & illud Psalmi 118. Particeps Ego sum omnium timentium te.* Et pariter *Paulus Ab Omnibus Sanctis Carmelita Excalceatus* in sua *Clavi Aurea* par. 3. Cap. p. n. 188. in princip. fol. mibi 281. ait: Certum est inter Fideles in Ecclesia Dei, mutuum esse bonorum Operum Communicationem: adeo, ut omnia facta in gratia & charitate opera bona, eo ipso, sine ipso jure & facto, sine speciali intentione, & applicatione facientis, directa ad ipsum participantem, communicentur omnibus justis, sive existentibus in statu gratiae. Igitur, si Generalis Sanctorum Communio, à Fidelibus participatur exclusa omni applicatione; cur non à fortiori particularis Religionum Filiatio, addita Praelatorum interna applicatione, participabitur, seclusa omni alia forma sensibili? Quam consequentiam (omnino eandem, licet in ordine ab aliud propositum) deducit etiam *Ruteus* qu. cit. 6. sec. 5. nu. 13. in fine. fol. mibi 123. dum ibi infert, ut sequitur: *Sicut enim bona opera justorum citra aliquam intentionem profunt ad certos effectus personis conjunctis: ita Orationes, & Suffragia justorum speciali intentione applicata personis per charitatem conjunctis, specialem vim habent ipsi aliquid impetrandi, cum sit quaedam ratio unitatis inter illos.* Et merito: ait hic *Ruteus*, specialem vim habere suffragia justorum, speciali intentione applicata, eo quia, & si virtute Communionis Generalis Sanctorum, absque particulari applicatione, Justus aliquo modo particeps fiat omnium bonorum Operum Fidelium omnium totius Mundi: Omnis qui incipit esse Gratus Deo (*Angelicus Doctor Opusc. 6.*) gratia gratum faciente, incipit esse particeps bonorum, quae in toto Mundo sunt. Cujus rei causam Generali Sanctorum Communioni adscribens *Navarrus De Rosario, Miscell. 11. Versu Tertio* quaritur, in fine: ait: Et merito, quia est Articulus fidei, explicatus in Symbolo Apostolorum, esse Sanctorum Communionem; & probatur per illud. Particeps ego sum omnium timentium te, *Psal. 118.* Nihilominus

1236 Per dictam Generalem Communionem, non participatur, absque particulari applicatione, valor satisfactorius de Justitia, & de condigno; nunquam enim talis communicatio fit ipso jure, sed vi tantummodo specialis applicationis; idque

Certum est in Communi Theologia [ait Ruteus qu. c. 6. sec. 3. n. 11. pag. mibi supra c. 117.] bona opera unus non prodesse alteri, quo ad effectum satisfactionis, nisi operans id specialiter intendat. Et ratio est evidens, quia si quis peccator, cum per poenitentiam, Divinae gratiae restituitur, ipso Jure, vi Communionis Sanctorum particeps fieret Theauri satisfactorii Ecclesiae, absque ulla speciali ejusdem applicatione, sequeretur, quod quam primum absolutus foret à peccatis quo ad culpam, & unitus Christo Capiti, tanquam vivum membrum Ecclesiae, eo ipso quoque liber esset ab omni debito poenae peccatis suis debitae. Sequela probatur: quia Thesaurus Ecclesiae, quo ad vim satisfactoriam, est infiniti valoris (Dispensatio communis Theauri Ecclesiae, qui inter Fideles distribuitur est effectus Communionis Sanctorum: Ruteus De participationib. qu. 2. sec. 2. nu. 9. pag. mibi 54.) Si ergo Thesaurus iste, qui, ob merita Christi in eo principaliter contenta, est valoris infiniti, citra specialem applicationem, ipso jure, & facto, participaretur à Justis pro exsolutione poenarum ipsis debitarum, ipso facto liberi forent ab omni reatu poenae, quod dici nequit, utpote falsum, & haereticum (ut ait Navarrus l. c. Versu, Sed contra &c.) contra Sacram Scripturam, & definitionem Concilii Trident. sess. 25. in Decreto de Indulgentiis. Et eidemmet Navarro (qui asserit hanc doctrinam esse Sancti Thomae) aditipulantur Corduba in Questionario Theologico lib. 5. de Indulg. qu. 42. princip. Versu. Et Nota, in princip. ubi ait: Via satisfactionis seu participium ad satisfactionem, requirit specialem intentionem, & applicationem ejus, qui communicat tale opus satisfactorium alteri: ita quod nisi illi, seu illis sit applicata specialiter talis satisfactio, vel nisi sint illi recepti ad participandum de satisfactionibus alicujus personae, seu Communitatis, non proderunt ei talia bona satisfactoria ad satisfaciendum pro suis peccatis. Quia alias sequeretur, quod quicunque existens in charitate, esset immunitis ab omni poena propter infinitatem Theauri Ecclesiae, quem participat per Sacramenta, aut per Communionem Sanctorum ratione charitatis. Vel saltem sequeretur, quod existens in minori charitate, esset debitor minoris poenae in hoc seculo, & in futuro: quod patet esse falsum secundum Scotum in Vigesimo Quodlibeto. Ergo ex sola intentione facientis, seu supplicantis habetur participatio ad satisfaciendum. Peyrinus De Praeato qu. 3. cap. 6. n. 3. (citans ibi Rodriguez, Paludanum, & Sorbum) pariter ait: Ad participandum per modum satisfactionis, requiritur specialis intentio

operantis, & specialis intentio Praelati applicantis tale bonum opus quo ad valorem satisfactorium tali terminatae personae, alicuique sequeretur, quod omnis peccator, eo ipso quod feret justus, esset absolutus ab omni poena suis peccatis condonati debita; quia ad solvendas hujusmodi poenas, infinitus meritorum Thesaurus est in Ecclesia, ut probat ex D. Thoma, & Paludano, Navarrus l. c. nu. 2. Versu. Sed contra. Et Paulus ab Omnib. Sanctis in Clavi Aurea par. 3. Cap. 2. n. 192. Versu Secundum quod pag. mibi 277. hisce verbis: Quod requiritur ad debitum, & infallibile, pro alio satisfactionem, est specialis intentio, seu applicatio particularis illius qui communicat opera sua satisfactoria alteri, ita ut nisi illi applicetur specialiter talis satisfactio, vel nisi recipiatur ad participandum de satisfactionibus ceteris alicujus personae, seu Communitatis, sive Congregationis, non proderunt ei talia opera satisfactoria ipso jure, & infallibiliter ad satisfaciendum pro suis peccatis, ita Navarrus l. c. asserens, hanc esse doctrinam S. Thomae ob Omnibus communiter receptam. Si enim sola applicatio generalis, & quae procedit ex sola radice charitatis, sufficeret ad satisfaciendum ipso Jure, & facto pro altero, sequeretur, ut ait Paludanus in 4. dist. 45. quest. 2. art. p. q. 4. quod omnis peccator, eo ipso quod feret justus, esset absolutus ab omni poena, suis peccatis, quo ad culpam condonatis; debita: quia ad solvendas, hujusmodi poenas, infinitus meritorum Thesaurus est in Ecclesia, cum in eo sit repositus etiam valor meritorum Christi, quae fuerunt infinita, ut habet Extravag. Clem. VI. Unigenitus de Poenit. & remissi. & ita si ipso facto applicaretur ad solvendas poenas, quas Justus debent, ipso facto etiam ipsi absolverentur ab eis, quod est falsum, & haereticum. Exhucusque ergo dictis, deductis, ac probatis, tum Autoritate Doctorum, tum etiam ratione, clarè patet, atque eruitur hujus propositi Privilegii veritas. Quae praeterea.

1237 Confirmatur p. Quia per Gratiosam spirituales Filiationem à Religionum à Praelatis, per solum eorundemmet internum voluntatis actum, absque Litteris Filiationis, vel alio quocunque externo, sensibilibusque actu, vel signo concessam; speciales fructus recipiuntur, quam recipiantur à Generali Communionem Sanctorum: ergo verum Privilegium nostrum: Consequentia sequitur. Antecedens verò communiter admittitur à Doctoribus, inter quos, ad nostrum propositum, & quidem doctissime loquens Cyprianus à S. Maria Carmelita Disalceatus in Thesauro Carmelitarum par. p. cap. 20. sic ait: Secundum jus Commune Subditorum suorum Opera, potest

communicare Prælati, super quæ authoritatem sibi vendicat: eo namque ipso, quo Congregationis regimine, & cura pollet, bonorum quoque Operum ejusdem autoritate dispensativa pollere censetur. Sed regabis, quomodo hæc Operum bonorum, participatio, de qua loquimur, aliquod novum conferat, cum in Ecclesia Dei inter fideles sit mutua quarumcunque operum participatio? Ut namque ait D. Thomas Opusc. 6. in Exposit. Symb. ipso jure & facto opera in gratia, & caritate facta, sine speciali aliqua applicatione, omnibus iustis in gratia, & caritate existentibus communicantur, ut ex illo Davidis constat: Particeps ego sum omnium timentium te, & custodientium mandata tua. Resp. Momenti plurimi esse, & specialissimi hanc bonorum operum nostrorum pro Confratribus communicationem, & ad Fidelium communicationem longè disparem. Pro quo notandum, dupliciter, pia, & Sancta opera posse à quolibet iusto aliis communicari: Primo, per actum expressum voluntatis, quo quispian quasi donando huiusmodi operi spirituales alteri imperitur. Secundo, sine expresso actu voluntatis, sed naturalis quadam frequentia, & conjunctione, sicuti quando duo homines inter se amici, & longè chari, unionis vinculum inter se ineunt, eo ipso omnia eorum, sunt communia, ita ut quo conjunctio major fuerit, & strictior, eo melior, & intimior sit participatio, & communicatio bonorum. Cum igitur sit latissima quadam consociatio omnium eorum, qui gratiæ, & caritatis habitu præditi sunt; qui sicuti latissimè conjuncti sunt, sic etiam latissimè, & communissimè participant in bonis piis actionibus suis. Est alia verò conjunctio magis specialis eorum, qui specialiter inter se conjunguntur, ut videre est in una familia, ubi Fratres inter se specialissimè conjunguntur ratione Filiationis in ordinem ad Patrem unum, ideoque specialibus bonis, & commodis inter se perfruantur. Haud secus in proposito nostro. Quamvis fideles inter se uniantur, & conjungantur, hoc tamen latissimè fit, ratione habitus caritatis, ideoque latissima est participatio, & communicatio bonorum operum. Cum verò specialiter inter se Confratres evadunt sub unica Celsæ Matre, necesse est ratione huius Filiationis, specialem intercedere communicationem, quandoquidem speciale fit vinculum, & conjunctio. Quod optime S. Thomas explicat, dicens, dupliciter contingere quempiam in alterius operibus bonis participare: Primo, propter (inquit) communicationem in radice operis, quæ est caritas in operibus meritorius: unde omnes, qui invicem caritate convertuntur, aliquid emolumentum ex mutuis operibus reportant. Alio modo (ait) ex intentione facientis, qui aliqua opera specia-

liter ad hoc facit, ut talibus profuit: unde ista opera quodammodo efficiuntur eorum, pro quibus fiunt, quasi eis à faciente collata; unde possunt eis valere, vel ad impetrationem satisfactionis, vel ad quicquid huiusmodi. Quæ propter advertant Confratres, quam bonum sit, & quam jucundum, sub huius Profraternitatis domicilio habitare in unum: non enim dictum facile est, quot gratiis, & beneficiis ratione huius communicationis efficiantur particeps. Satisfaciunt enim pro penis temporalibus, & in Purgatorio luendis de condigno (ut ajunt) sicut ac si ipsæmet illa opera exercerent &c.

1238 Quod utique non habetur virtute Communions generalis Sanctorum, & Ecclesiarum, præcisè, quia dictus Satisfactions fructus pretiosissimus, requirit applicationem, & intentionem specialem Prælati (in casu nostro) communicantis, & virtutalem saltem seu implicitam Operantis, qualis per se non est inclusa (ex communi, ac certa doctrina S. Thomæ apud Rutenum de Participationibus qu. p. sect. 3. n. 13. & 14. fol. 18. 19. & 20. & alios communiter) in Communionem Sanctorum: quia hæc, sine particulari applicatione participatur, ipso jure, & facto: non autem Spiritualis Filiatio: licet in hac eadem, sit etiam illa inclusa, quamvis non sit eadem: pro ut aperte affirmat sequentibus verbis Hieron. Gratianus in Tract. de Jubileo Anni Sancti, par. p. cap. 4. Non sumus desides nisi miseri mortales in rogandis Dei Serviti, ut nobis sua Opera communicent, & in procurandis litteris Fraternitatis Religionum, atque aliarum Confraternitatum, unde hic fructus Satisfactionum bonorum ipsorum operum, ad dimittendas tanto graves Purgatorii penas derivat. Neque sunt ipsi in concedendis parci, aut difficiles, quia si nobis largiuntur, Satisfactionum suarum elemosinas, ipsi majus gloriæ adipsuntur premium, faciunt enim unum ex majoribus misericordiarum operibus, Deoque gravioribus, quod fieri possit. Hæc autem bonorum Operum Communicatio, de qua modo loquor, non est illa universalis, quam inter se habent omnes Iusti, de qua dicit David, Particeps ego sum omnium timentium te, & in Symbolo Apostolorum, vocatur Sanctorum Communio &c. Per hunc igitur Doctorem (nec non per omnium communem) Communicatio Religionum particularis, quæ habetur ab earundem Religionum Prælati (in scis etiam propriis Subditis) operum bonorum, satisfactoriorum præsertim: licet inclusa & ipsa in communione Sanctorum, & Ecclesiarum: ob particularem tamen eorumdem operum satisfactoriorum applicationem, à dictis Prælati (in-

scis etiam, ut dixi, subditis) factam, assert secum fructum pretiosissimum satisfactionis, qui absolute, & precise non habetur in virtute solius Communionis Sanctorum, cujus fructus est universalis: Filiationis autem, per Gratosam, (etiam à Prelato ipso sola mente collatum) particularis: hinc bene Gratianus l. c. ait, quod ista particularis, non sit illa, consequenter non superflua: quia insuper hæc eadem particularis communicatio, novum addert fructum super Communionem Sanctorum, & Ecclesie, etque *Fructus momenti plurimi, & specialissimi* (inquit supra Cyprianus à S. Maria) qui fructus, & quæ Communicatio, seu participatio bonorum operum per Gratosam, (etiam à Prelato mente retentas) dum provenit à speciali voluntate, ac intentione, seu applicatione dictorum Operum; item ab intentione particularis amoris, ac Sanctæ charitatis erga Amicos, ac Benefactores, elevat ista charitas, ac particularis intentio dicta Opera bona ad majores fructus Spirituales, pro ut etiam docet Ruteus *De Participatib. qu. p. sec. 2. n. 13. fol. mibi 20. Hec enim charitas* (ait) *qua alios nostrorum operum participes reddimus, plurimum actiones nostras elevat. Et ita elevat, nobilitat, atque exaltat, ut sine ista* (teste S. Chrysostomo hom. 79. ad Popul. Antiochen. apud eundem Ruteum nu. cit. 15. in fine) *Nullum meritum esse magnum posset, nisi lucrum & alius communicaret, sive jejuniis maneat, sive dormias huius, sive favillam comedas, sive lugeas continue, & nulli proflu alteri, nil magnum efficit.*

1239 Hinc est, quod & si Generalis Communio Sanctorum, & particularis Gratosarum, ita sint unitæ, quod videantur in unum confusæ, imò eademmet res, hoc tamen non ita se habet, quamvis una fundata sit super altera, hoc est particularis Ordinum per Gratosas, super Generalem sanctorum, ac Ecclesie. *Specialis hæc Communio Religionum* (ait Ruteus *De Participatib. qu. p. sec. 4. n. 18. in fine. fol. mibi 24.*) *fundamentum habet in Generali Communionem Sanctorum, explicata per nonum Symboli Articulum, Communionem Sanctorum.* Unde particularis Communio Gratosarum, non solum superflua haud est, sed logicè, ac metaphysicè loquendo adjungit insuper certum gradum, differentiamque particularem ad Communionem Sanctorum, & Ecclesie, contineturque in ista veluti species in suo genere, prout similiter affirmat idem Ruteus tract. cit. qu. 6. sec. 3. n. 11. fol. mibi 117. ita dicendo: *Communicatio bonorum, & meritum Religionis, quam Prelati*

Regulares per Chartas Filiationis faciunt, est species quædam Communionis Sanctorum, magis tamen ad particulare corpus Religionis restricta, quæ in Generali Communionem, tanquam species in suo genere continetur. Quod simili modo repetit Quest. 8. sec. p. n. 3. in fine. pag. mibi 169. pro ut sequitur: Per Litteras Filiationum plurimum stabilitur Nonus Symboli Apostolici Articulus Credo Communionem Sanctorum, in quo Communicatio Religionum tanquam species in genere continetur. Concludens, Et conformiter ad sensum communem, Ecclesie, in dicta Communionem Sanctorum, explicatur: Optima conclusio: Quia re ipsa, In Communionem Sanctorum, communicatio Religionum explicatur. In Ecclesia, enim Dei, semper fuit, & est, communicatio bonorum operum, quæ significatur per Articulum Communionis Sanctorum: sicut ergo in tota Ecclesia semper fuit, & nunc est, Generalis Communio omnium operum bonorum inter omnes fideles, veluti inter membra varia ejusdem Mystici Corporis: ita pariter fuit una alia similis huic, (atque in usu etiam à primario Ecclesie, & Apostolorum tempore, ut abundè probatur à Vvaldensi to. 3. de Sacramentalib. tit. 10. cap. 94. & 95. à Ruteo de Participat. quest. pr. sec. 3. & à me ipso in Filiatione Spiritualis Cap. 3. in quo De Gratosarum antiquitate) similis inquam communioni Sanctorum, Filiatione Spiritualis Ordinum Regularium, tam inter ipsos videbatur Ordinis Religiosos, ceu propria, & proxima membra; Quam inter alios eidem Ordini per Litteras Gratosas adscriptos (vel etiam in casu hujus privilegii per actum solum occultum, & internum incorporatos.) Unde sicut omnes Fideles constituunt unum Corpus Mysticum, idest Ecclesiam, sic sub ipsamet Ordines, & Congregationes, sua corpora veluti partialia, ac Ecclesie subordinata constituuntur. Ex quibus.

1240 Clarè patet differentia inter dictas duas Communiones. Communio enim Sanctorum, habet radicem suam, & consistentiam in Universali Corpore Ecclesie. Altera veros Religionum in Corpore particulari Ordinum Religiosorum, aut aliarum particularium Congregationum, quod totum, uti & nos hic, docet etiam Ruteus *De Participatib. qu. 2. sec. 2. in principio, n. 8. fol. mibi 53.* sic scribens: *Nota Communionem Sanctorum comprehendere omnes fideles, seu totum Corpus Ecclesie, in quo ob communionem membrorum, & unitatem Corporis mystici, reperitur Communicatio in omnibus effectibus supradictis.*

Sub illo autem magno corpore Ecclesie reperiuntur diverse Congregationes que mysticum etiam aliud corpus cum suis membris constituunt, ut sunt omnes Ordines Religiosi, in quibus reperiuntur omnia ad compositionem unius particularis corporis requisita, una cum illius effectibus; ita ut membra alicujus Religionis dupliciter ingrediantur compositionem mystici corporis: Primo enim sunt membra corporis Ecclesie una cum omnibus fidelibus, & exinde influunt, & recipiunt varios fructus æquæ ac alii fideles. Secundo sunt membra sue Religionis, que speciale etiam Corpus constituit, in quo proportionaliter reperiuntur quidam influxus, & Communicationes mutue inter ipsa membra, distinctæ ab iis que sunt in toto Corpore Ecclesie. Unde patet differentiam inter hæc duo, radicaliter consistere in hoc, quod Communio Sanctorum sit in toto Corpore Ecclesie: Participationes verò, in corpore Ordinum Religiosorum, & aliorum particularium Congregationum.

1241 Et quamvis radicaliter tam una, quam altera, recognoscat pro fundamento propriæ Communicationis, aut Communicabilitatis, Unionem, que fit per charitatem, pro ut Corduba in *Questionario Theologico* lib. 5. qu. 42. pag. mibi 483. Ed quod Fideles per unionem spirituales, que suam originem à charitate trahit, sint in Communione bonorum spiritualium inter se uniti, & quasi ex contractu Societatis vicissim participant, juxta illud Davidis psal. 118. *Participi ego sum omnium timentium te*: unde lucrum unius cedit quoque in lucrum reliquorum omnium, quod similiter idem Corduba l. c. dum loquendo de Communioni Generali Sanctorum, & Ecclesie, sic subiungit: *Sicut enim cum inter aliquos est contracta Societas omnium bonorum, quicquid unus lucratur, est omnibus commune, sic in proposito spiritualiter, quia charitas est spiritualis amicitia, & Societas, connectens membra Ecclesie.* Et Peyrinus De Prelato qu. 3. cap. 6. n. 6. *Verf. Noto 8.* sic ait: *Est enim una omnium Fidelium Universalis Ecclesia, charitate conjuncta, que est Societas, & amicitia spiritualis; unde sicut in Societate temporali de lucro unius participant ceteri: ita in amicitia spirituali.* Loquendo deinde Ruteus De Participat. qu. p. sec. p. n. p. pag. 3. de Communioni particulari per Gratiolas, idem de ea affirmat, dicendo, *Prelati Ordinum, eos quos recipiunt ad participium meritorum Ordini vocant Fratres, & incorporant Ordini, suntque illius membrum, sicut ipsi Religiosi, & itaque quedam spiritualis societas, quia sicut in contractu societatis inter mercatores omnia, lucra sunt communia: ita per banc incorporatio-*

nem fit quedam Societas, qua omnia suo modo redduntur communia. Quamvis itaque (inquam) quælibet dictarum Communiorum, tam Generalis Sanctorum videlicet, quam particularis per Gratiolas, fundata sit in unionem spirituali, que fit per charitatem, tamen specialior est (ait Paulus ab Omnibus Sanctis supra cit.) & adhuc major Particularis per Gratiolas, præ illa prima Sanctorum: magisque stringit eademmet particularis; ratione videlicet [ait ille] strictioris vinculi, ac unionis, que omnium maxima est, que cernitur (pro ut hic) inter personas ejusdem familie, & Cognationis.

1242 Idipsum etiam affirmat Cyprianus à S. Maria in *thesauro Carmelitarum* par. p. cap. 21. dum sic ait: *Sicut enim in bene morata Domo, vel Familia, quilibet frater quicquid divitiarum cumulat, non sibi soli, sed omnibus fratribus acquirit; aut in mercatura, qui societatem quandam ineunt, non uni, sed omnibus lucrum cedit: ita dicendum nobis venit de Confratribus; cum enim sub unica Matre Filii sunt, & specialis vinculo Confratres nostri, quicquid nos divitiarum spiritualium conquirimus, non nobis solis, sed ipsis etiam acquirimus. Quod cum ita sit, advertendum, quem amplius, quam ingentes necesse sit hujusmodi esse, divitias. Quod similiter bene advertit Sanctus Thomas Opusc. 6. ubi loquendo de talibus fructibus specialibus, qui proveniunt ex dicto majori vinculo, sic ait: *Qui in charitate vivit, participi est omnis boni, quod fit in toto Mundo:* (Ecce Communio Generalis Sanctorum.) *Sed tamen specialius illis, pro quibus fit aliquod bonum: nam unus potest satisfacere pro alio: Sicut patet in beneficiis, ad que plures Congregationes admittunt alios. Et hæc est communio, & unio particularis, que (ut ait Sanctus Doctor) specialius confert bona, & beneficia spiritualia, magis specialia: de qua specialitate loquendo etiam Peyrinus De Prelato quest. 3. cap. 6. n. 2. Verf. Noto primo, ita: *Eo ipso quod aliquis est peculiari modo membrum alicujus Religionis per Litteras Fraternitatis, merita illius Religionis valent apud Deum, ut ratione illorum conferat illi aliqua bona peculiari auxilio, tanquam membrum illius Religionis. Cui Conformia habet Ruteus De Participationib. qu. 2. sec. 2. n. 9. pag. mibi 55. dum ibi sic: Varii fructus oriuntur Fidelibus per Communionem Sanctorum ex sola radice charitatis, in quibus nihil habent Religiosi, & illis uniti, supra alios fideles; quia tamen Ordines Religiosi componunt etiam Corpus speciale, ad imitationem corporis totius Ecclesie: ideo in illo Corpore subalterno, reperitur etiam inter ejus membra unio mutua charita-***

charitatis, ita ut ex eadem radice charitatis, bona opera unus proficiat aliis, & Deus virtute illorum soleat aliis plura prestare beneficia. At melius loquitur *Quest. 6. sec. 5. n. 25. pag. mibi 129.* Ubi (ex doctrina Navarri *Miscell. 11. de Rosario nu. 3.*) sic: Specialis communicatio bonorum operum Religionis, adjuncta Communioni Sanctorum, multò facilius, & plura beneficia impetrare solet, imò specialem virtutem habet impetrandi, supra Communionem Sanctorum: non solum quia illam presupponit, sed etiam, quia est strictior quædam unio, & majus vinculum Charitatis inter membra ejusdem Ordinis: ubi autem est major unio charitatis ibi merita unius efficacius proficiunt aliis, tanquam speciali ratione illis aliquo modo appropriata. Postea subiungit. Sæpe Deus impeditur, ne conferat fructus ex Generali Communionem Sanctorum propter varia peccata malorum fidelium. In speciali verò hac Communicatione, Religionem, concurrunt ferè omnes boni Religiosi, & ex fidelibus recepti ad participium bonorum Operum plures probiores, qui omnes proinde non habent tam multa peccata que impediunt collationem prædictorum fructuum. Et hæc bene notanda, sæpè enim accidere potest, ut ob solam Communionem Sanctorum, effectus prædicti, aut eorum aliqui, non conferantur quibusdam fidelibus, qui tamen tribuantur ob specialem hanc Communicationem in bonis operibus alicujus Religionis. Hucusque Ruteus. Ex quo, ex hæcenusque dictis, clarè constat Communionem specialem per Gratiolas (supposita etiam altera communi, ac Generali Sanctorum) non esse superfluum, imò super ipsam addere proprios, atque ab eademmet distinctos fructus (ut etiam videre est apud Ruteum *qu. 2. sec. 2. nu. 8. in fine.* Et apud me ipsum in *Filiatione Spirituali cap. pr. dub. 6. in fine, & alibi.*) Qui fructus [saltem aliqui] recipi etiam possunt ab habentibus (& ignorantibus) Filiationem Spiritualem, ut in proposito Privilegio. Quod insuper

1243 Confirmatur secundo. Quia nulla sensibili forma mediante, participatur à Fidelibus (cum ignorantia etiam hujus participationis) Generalis Sanctorum, & Ecclesie Communio; igitur particularis quoque Religionum Communio (cum eadem ignorantia) pari modo participari poterit. Consequentia legitime sequitur; ut enim nos supra diximus, & testatur Ruteus *qu. 6. sect. 3. n. 11.* Communicatio bonorum, & meritum Religionis, est species Communionis Sanctorum, quæ in Generali Communionem tanquam species in suo genere continetur. Antecedens probatione non indiget, nam, juxta eun-

dem Authorem *l. c. De fide est, quod per Communionem Sanctorum omnia fidelium bona opera, & merita, suo modo proficiunt aliis, & in illis omnibus communicant; idque ex sola unionem charitatis; citra expressam intentionem*: quod valdè notandum est. Ad hoc enim, ut quis particeps efficiatur Communionis Sanctorum sufficit, juxta sententiam omnium Theologorum, & in specie Cordubæ in *Questionario Theologico lib. 5. qu. 42. punct. pr.* quod participans, sit membrum vivum per charitatem: Ibi enim Versu Et nota: ait, quod hæc participatio, Fit ratione unionis per charitatem, etiam sine speciali intentione, & applicatione facientis ad ipsum participantem, juxta illud Symboli, Credo Sanctorum Communionem: & illud Psalmi 118. Particeps ego sum omnium timentium te. Igitur, si Generalis Sanctorum Communio, à fidelibus participatur, exclusa omni applicatione; cur non à fortiori particularis Religionum Filiatio, addita Prælatorum interna, ac occulta applicatione, participabitur, seclusa omni alia forma sensibili? Quam eandem consequentiam, licet in ordine ad aliud propositum, deducit etiam Ruteus *quest. 6. sect. 5. num. 13. in fine*: dum & ipse sic infert: Sicut bona opera Justorum citra aliquam intentionem proficiunt ad certos effectus personis conjunctis: ita orationes, & Suffragia Justorum, speciali intentione applicata personis per charitatem conjunctis, specialem vim habent, cum sit quedam ratio unitatis inter illos.

1244 Advertunt tamen, in ordine ad propositum nostrum Paludanus, Corduba, Adrianus, & Arragonius, apud eundem Ruteum *l. c. n. 14. in principio.* Quod etiam virtute particularis Communicationis Religionum, quæ necessariò ex parte Prælatorum illam conferentium specialem internam eorundemmet Prælatorum requirit applicationem, varii impetrantur fructus, etiam citra operantium intentionem. Verba Rutei sunt sequentia: Recepti ad participationem bonorum operum Religionis, recipiunt etiam varios fructus per impetrationem indirectam oriundos, citra aliquam intentionem operantis, quos enumerat Paludanus in *4. dist. 45. qu. 2. art. 3. §. Quarto est advertendum.* Illa autem sunt, gaudium spirituale, Dæmonum debilitatio; Cordis illuminatio per varias gratias prævenientes, quibus ad conversionem, aut virtutum profectum excitantur; preservatio à peccatis, & aliis malis spiritualibus, & corporalibus; collatio item variorum bonorum spiritualium, quæ omnia Deus ob merita Justorum aliis solet liberaliter largiri, de quibus plura

plura sunt in Sacra Scriptura testimonia Genes. 30. Benedixit Dominus Laban propter Jacob. Et cap. 19. Recordatus Dominus Abraham, liberavit Loth de incendio Sodome. Et cap. 18. Dixit eidem Abraham, quod parceret quinque Civitatibus, si invenirentur in illis decem iusti. Hæc inquam omnia (per D. D. etiam relatos) sunt effectus, qui queunt recipi, & de facto recipiuntur virtute utriusq; Communicationis, tum communis videlicet Sanctorum, tum particularis Religionum. At valor satisfactorius nunquam participatur per Generalem Communionem absque particulari, & interna applicatione, de iustitia, & de condigno: talis enim Communicatio non fit ipso Jure, sed vi tantummodo specialis applicationis; hocque Certum est in communi Theologia (ait Rutenus qu. 6. sect. 3. n. 11.) bona opera unius non prodesse alteri, quo ad effectum satisfactionis, nisi operans, id specialiter intendat.

1245 Certum inquam, id est: Hinc admitti ad Communionem bonorum Spiritualium Ordinis, vi præcipue intentionis Prælati, (etiam sola mente, & absque Litteris, vel signo externo alio sensibili, ut in Privilegio) applicantis, efficiuntur participes, ipso facto, fructus satisfactorii bonorum operum Religionis. Quodq; (uti certum) nedum colligi videtur ex supra positis, verum etiam ex clara Doctrina Angelici Doctoris in Addit. ad 3. par. qu. 26. art. p. dum ibi, Communicationem bonorum Operum tripartitè distinguit; In Generalem videlicet, qua opera bona in beneficium totius Ecclesiæ ordinantur: In specialem, qua applicantur Amicis, & Benefactoribus, pro ut fieri solet per Litteras Gratiolas à Prælati Regularibus: Et in Singularem, qua quis determinatè personæ valorem bonorum operum suorum applicat. Trinæ hæc Communicationes, juxta mentem Angelici Doctoris, esse suum participant ab intentione, & interna applicatione, absque ulla dependentiā ab alia externa forma; id verbis ipsiusmet clarius patebit; quæ sunt sequentiā: Opera satisfactoria unius, alteri computantur, non solum ex vi charitatis, sed etiam ex vi alieuius: quæ intentio potest ad alterum dirigī tripliciter; aut in Generali, aut in Speciali, aut in Singulari. In Singulari quidem, sicut cum quis pro alio satisfaciunt determinatè, & sic quilibet poterit alteri sua opera communicare. In speciali autem, sicut cum quis orat pro Congregatione sua, & familiaribus, & Benefactoribus, & ad hoc etiam ordinat sua opera satisfactoria: & sic ille qui Congregationi præest, potest opera illa

alii communicare, applicando intentionem illorum, qui sunt de Congregatione sua, ad hunc determinatè. Et in Generali: Sicut cum quis opera sua ordinat ad bonum Ecclesiæ in generali: Et sic ille, qui præest Ecclesiæ, potest opera illa communicare, applicando intentionem suam ad hunc, vel ad illum. Et quia homo est pars Congregationis, & Congregatio pars Ecclesiæ, ideo in intentione privati boni includitur intentio boni Congregationis, & bonitatis Ecclesiæ: & ideo ille qui præest Ecclesiæ, poterit communicare ea, quæ sunt Congregationis, & huius hominis: & ille, qui præest Congregationi, potest communicare ea, quæ sunt huius hominis, sed non convertitur. Hucusque Angelicus Doctor. Ex cuius doctrina clare patet, nullam formam externam, neque ulla Litteras pro communicatione tam activā, quam passivā bonorum operum, etiam virtutis satisfactoriæ, necessarias esse; sed ad summum requiri in casu nostro, sive internam operantis intentionem, sive Prælati applicationem. Manet igitur & hic conclusum (uti & supra) quod sicut in ipsa Communione Sanctorum, quæ est in tota Ecclesia, reperitur talis participatio, in qua etiam omnes dicuntur participare Fideles in bonis operibus aliorum, & tamen pro tali communicatione, non requiritur forma aliqua externa, aut ullum signum sensibile: sic, nec pariter requiratur in hac speciali communiōe bonorum, operum Congregationis, & Religionis; adeoque absque ullis Litteris, aut quacunque alia sensibili forma, per mentalem præcisè Prælati Regularis, & Capituli solam concessionem, Spiritualis Filiatio, cum omnimodo suo effectu haberi queat. Dico non requiri Litteras Gratiolas, aliamve formam pro communicatione etiam passivā; idest ex parte illius, qui à Prælato in Filium Ordinis assumitur, iste enim (nisi aliunde incapax fuerit) particeps fit Orationum, Satisfactionum &c. quin earum recordetur: Sufficit enim virtualis ipsius, & interpretativa acceptatio, quæ semper supponitur ait Suarez in 3. par. to. 4. disp. 48. sec. 3. num. 11.

1246 Confirmatur secundo. Prælati Regulares Defunctis etiam conferre valent Spiritualem Filiationem, ergo verum propositum nostrum Privilegium: Antecedens certum est: & expresse admittitur à Bordonis ref. 84. qu. 9. n. 17. ubi querens, an Prælati Regulares, etiam Defunctis conferre valeant Spiritualem Filiationem. Respondet ibi affirmativè. Quia inquit: Per eam communicant bona propria Religionis, existētia

tentia sub eorum potestate, & dominio: ergo possunt ea donare, cui voluerint, modo eorum sit capax; Sed Animæ in Purgatorio talium bonorum sunt capaces, ergo etiam Filiationis Spiritualis? Igitur potest huiusmodi Filiatio communicari non sensibiliter, & mentaliter tantum, sola scilicet voluntate, & applicatione interna Prælatorum Regularium; quod indubiatum est, cum re vera alio modo, quam mentaliter defunctis communicari nequeat. Et si huiusmodi Filiatio insensibiliter, mentaliter tantum applicata, atque concessa defunctis, in eisdem suum sortitur effectum; eundemmet etiam sortietur, eodem modo applicata, & concessa vivis, sola voluntate videlicet, applicationeque Prælari interna, cum hic utrobique sit eadem ratio, ut ex se constat; Consequentur verum propositum privilegium: quod videlicet ab invincibiliter etiam ignorante se habere alicujus Religionis spiritualem Filiationem, eadem ignorantia non obstante, particeps sit bonorum Spiritualium ejusdem &c. Verum hic

1247 Opponet quis: Filiatio Spiritualis involvit communicationem Indulgentiarum Ordinis [ut constat ex iisdemmet Filiationis Litteris, Theatina præsertim.] Ergo sensibiliter conferri debet, per Litteras videlicet, aliudne signum, debetque cognita esse ei, cui conceditur; Consequentia probatur, quia nemo lucratur Indulgentias, quas ignorat: Quod inde patet, quia, ut quis eas lucratur, adimplere debet quæcumque à Summis Pontificibus pro eorum consecutione præscripta sunt, & quidem cum intentione saltem virtuali eas lucrandi, ut volunt Corduba lib. 5. de Indulg. qu. 25. circa finem, Vers. Secundo requiritur. Rodrig. p. p. Summæ qu. 184. n. 7. & in Bullam Cruciatæ §. 8. n. 9. Bossius de Jubileo sect. 4. Casu 20. n. 4. Passerinus de Indulgentiis qu. 38. n. 294. noster P. Alphonsus de Leone de Jubileo par. 2. n. 135. & alii. At quomodo poterit quis habere huiusmodi intentionem, qui vel Indulgentias ignoraverit, vel si sciverit, lucrari non cogitarit; aut qui penitus ignorat, quod particeps factus sit Filiationis Ordinis, cum à Prælo mentaliter tantum ei collata fuerit? Neque difficultas declinatur, si quis dicat cum Ruteo qu. 2. sect. 2. n. 9. non dari in Religionibus particularem Indulgentiarum Thesaurum, qui dispensetur à Prælati per Gratiolas, sicut datur in Communione Sanctorum, & Ecclesiæ, quem Summus Pontifex dispensat: *Dispensatio communis Thesauro Ecclesiæ (sunt verba Rutei) est effectus Communionis*

Sanctorum: in Religionibus autem nullus est Thesaurus particularis constans ex superfluis Fratrum satisfactionibus per participationes dispensabilis à Prælati. Neque item declinatur difficultas, si dicatur cum eodem Ruteo qu. 3. sect. p. n. 4. Quod Prælati Regulares non habent potestatem ordinariam concedendi Indulgentias ex Thesauro Ecclesiæ (cum harum solus, & Supremus dispensator sit Summus Pontifex.) Neque ex Thesauro particulari Religionis, cum iste non detur, atque sic cessat proposita difficultas, quæ seipsam solvit, si non admitatur, quod per Gratiolas, præter alia bona spiritualia, etiam Indulgentiæ conferantur.

1248 Non inquam per hoc, oppositæ difficultati satisfactum est, negari enim nequit, quod per Litteras Filiationis communicentur etiam Indulgentiæ Ordinis: quis enim istud negaverit, si ipsæmet Litteræ disertis verbis, id palam procellantur? Videatur Gratiola Theatina, quæ inter alia sic habet: *Conferre volumus esse, atque participes, Precum, Horiarum, Missarum, Meditationum, Vigiliarum, Tejuniorum, Indulgentiarum &c.* Et illa P. P. Carmelitarum Discalearum, quæ dicit: *Peculiari charitatis significatione complectentes, ad participationem Omnium Privilegiorum, Indulgentiarum &c. admittimus.* Licet ergo verum sit, in Religionibus non inveniri Theaurum particularem ex superfluis Fratrum satisfactionibus, à Prælati dispensabilem, neque hos habere potestatem ordinariam concedendi Indulgentias ex Thesauro Ecclesiæ, sed tantum Summus Pontifex: *Habere tamen possunt delegatam à Summo Pontifice, ait Ruteus num. 4. cit. & de facto Pontifex dedit potestatem Regularibus concedendi certas Indulgentias, quod per Gratiolas fieri concessit Urbanus V. nimirum, Ut Generales, & Provinciales totius Ordinis Minorum, possint communicare Suffragia, Indulgentias, Orationes, & bona spiritualia, ut refert Casarubius in Compendio Privilegiorum. Verbo Indulgentiæ quo ad Seculares quarto, nu. 6.* Quæ concessio per participationem extenditur ad omnes Regulares. Igitur difficultas adhuc in suo robore permanet: quam tamen faciliè effigere possem, dicendo, Prælatos, quando mentaliter solum conferunt bona spiritualia Ordinis, non conferre vñ Indulgentias, ratione impossibilitatis, & ob incapacitatem passivam in objectionem propositam. At tam enerviter nolo me defendere. Quæ propter audacter.

1249 Respondere ad difficultatem, quod mentaliter solum admissus ad Filiationem Spiritua-

Spiritualem, non minus, quàm assumptus per consueta Litteras Gratiolas, participat una cum aliis fructibus, etiam Indulgentias Ordinis, si tamen à Pontifice injuncta Opera adimpleverit, sine quibus nihil fiet; eam concessio Indulgentiarum, juxta Doctores, præsertim *Georg. Gobat de Jubileo cap. 12. n. 79. Sit contractus quasi innominatus, do, ut facias. At*

1250 Hujusmodi responsio (sub inferet quispiam) nulla esse videtur, cum eadem recurrat difficultas; si enim mentaliter assumptus ad Filiationem, ut Indulgentias consequatur, adimplere debet injuncta à Summis Pontificibus, & quidem cum intentione saltem virtuali illas lucrandi, quæ nimirum ex formali præcedenti perseveret; alias (inquiunt illi apud *Adamum Burgaber Centuria 2. nu. 91.*) lucraretur aliquis Indulgentias, etiam si nesciret, bat hæc habere; & lucrari posse, modo requisitum opus præstaret, certè virtualis hæc intentio nunquam haberi, aut supponi potest in eo, qui inscius, participat Filiationem Spiritualem, dum adimplet quodpiam injunctorum Spirituum, si prius nunquam habuit actualem intentionem, ea adimplendi eo fine, ut Indulgentias Ordinis consequatur, cum nec somnare potuerit se ad eorum participationem admissum fuisse. Ceterum, si, ad lucrandum Indulgentias, sufficeret, materialiter adimplere injuncta opera, citra ullam earundem præviam notitiam, aut eas lucrandi intentionem; lucrari etiam quis posset Jubilzum, modo tempore præscripto jejunaret, licet nullam prorsus de Jubilzo notitiam, neque ullam illud lucrandi intentionem habuisset, quod admitti nullatenus potest, maxime in sententia præfatorum, aliorumque Authorum, qui necessariò requirunt intentionem saltem virtualem, quæ videlicet ex formali præcedenti perseveret. Adde, quod, ut, ex *Eminentissi. Lagone de Penit. disp. 27. sect. 6. nu. 81. in fine* observat *Gobat l. c.* nonnunquam Summi Pontifices dum concedunt Indulgentias, præscribunt operibus certam intentionem, v. g. contra imminens pericula, pro necessitate, auxilio Domini impetrando &c. Qui autem non orat, aut operatur cum præfixa intentione, haud dubiè non lucratur Indulgentias; Quia, *Opus implendum est secundum formam specificam*, ait *Graffius*, & alii, apud *cit. Gobat*. Necessaria igitur est intentio, & consequenter perfecta notitia Indulgentiarum, ad lucrandum eas: ex quo sequitur non subsistere nostram assertionem, nec possibilem esse casum quo in actum redigi queat.

1251 Nunquam hoc, dico ego, imo totum oppositum. Quapropter denuò responsionem meam reallumendo, dico, quod (casu excepto, quo Summo Pontifex operi injuncto specialem præscribit intentionem) de cetero, quotiescunque mentaliter tantum, assumptus quis in Filium Ordinis, injuncta præstabit, licet nullam prorsus Indulgentiarum notitiam habuerit, neque eas lucrandi intentionem habuerit, lucrabitur tamen Indulgentias. Huicque meæ assertioni suffragatur *Cardinalis de Lugo l. c. n. 81. & 82. Per sequentia verba: Dummodo non exigantur opera pro aliqua speciali necessitate applicanda, v. g. Orationes pro auxilio Divino implorando contra talia pericula imminencia (tunc enim non potest fieri opus cum tali intentione, sine aliqua illius notitia) fateor me non invenire rationem convincentem, ad dicendum quod necesse sit scire, vel intendere lucrari Indulgentiam. Ita Eminentissimus Lugo, cujus sententiam, nostramque simul Opinionem acrius præterea defendunt.*

1252 *Portellus De Dubiis Regular. Verbo Indulgentia in Addit. n. 7.* ubi ait: Ego credo absolute: ignorantem Indulgentiam, illam lucrari. Moveor primò, quia sic audivi ex ore proprio quondam à *Patre Molina Magistro meo &c.* Ibidemque concludit: Ergo satisfet præcepto imposito pro faciendis rebus injunctis pro Indulgentia, etiam si quis careat intentione actuali, vel virtuali eam lucrandi, &c. *Suarez in 3. p. to. 4. disp. 56. sec. p. n. 7.* Qui rotundè asserit: Non esse necessarium: ut in cui Indulgentia conceditur, percipiat, & intelligat, sibi concedi. *Layman lib. 5. Theol. Moralium, trac. 7. cap. 6. n. 9.* Qui etiam expresse sic asseverat: Certum esse debet, ad lucrandum Indulgentias, non requiri actualem voluntatem, sive intentionem lucrantis, sed satè esse habitualem, aut interpretativam; cum enim unus Justus alteri Justo, etiam ignoranti, satisfactiones suas applicare possit, cur non etiam satisfactiones Christi, & Sanctorum per Indulgentiam? Ubi vides; *Laymannum* non solum nobiscum sentire, sed etiam contra adversarium nostrum argumentari.

1253 *Sanctarellus Tractatu de Jubileo, cap. 15. dub. 4.* Ubi proposita quæstione: An ille, qui visitat Ecclesiam, lucraturus certam aliquam Indulgentiam, si nesciat alias præterea eadem Ecclesie esse concessas, lucratur omnes? Respondet affirmativè, citatque *Hieronymum Gratianum par. p. q. 15.* Rationem quoque assignat: Quia nimirum Indulgentie tantum valent, quantum sonant; suntque gratie, fauores, & privilegia, non autem odiosum

odium quid, aut damnosum, unde ampliari debent, non restringi. Quare, si in Bulla dicatur, quod si quis visitaverit aliquam Ecclesiam, lucrabitur Indulgentiam plenariam, & liberabit unam Animam ex Purgatorio: Et si aliquis non recordetur Animarum Purgatorii, neque de hac gratia aliquid sciat, nihilominus eam liberabit; nam neque memoria, neque scientia visitantis Ecclesiam, adaugent, vel diminuant Indulgentiarum valorem. Pariter si quis habet numisma benedictum, quo plures lucrari potest Indulgentias, omnes lucrabitur, quantumvis neque earum recordetur, nec de eis sciat. Gratianus de Jubilæo par. pr. c. 15. Thesaurus quippe meritorum Christi, & Sanctorum, qui à Pontifice applicatur, tot adfert fructus, quot ille declarat, & concedit, dicentibus v. g. Coronam, aut aliud pium opus ab eo præceptum, peragentibus, & bonum peractor, licet notitiam non habeat omnium fructuum ipsi applicatorum, non proinde desinit eos lucrari. Sicut etiam Divina gratia multo operari in Anima fructus, quantumvis ille, qui eam recipit, ipsis ignoret; Ita Indulgentia acquisita, multos causas fructus, & effectus, licet is, qui eam acquisivit, talium fructuum notitiam non habeat. Hæc Sanctarellus l. c.

1254 P. Diana Coordinatus to. p. tract. 6. ref. 10. n. 3. Ubi loquitur de Indulgentia plenaria ab Adriano VI. concessa omnibus, & singulis Christi Fidelibus, qui Vespere, auditu pulsu, recitaverint ter salutationem Angelicam; ait: Et hanc Indulgentiam lucrari omnes Christi fideles, etiam si illam ignorent, satis alibi probavi ex Molina, Portel, & aliis, quibus nunc addo, me citato, Martinum de S. Joseph, in Monita Confessariorum to. p. lib. p. tract. 6. de Indulgentiis n. 8. Escobar in Theolog. Morali tract. 7. Excomm. 5. cap. 8. n. 54. Thomam Leonardum Dominicanum in Thesauro Sacratissimi Rosarii &c. Ex quibus patet, ut diximus, omnes Christi fideles lucrari Indulgentiam plenariam, recitando post Solis occasum tria Ave Maria cum versiculis solitis, etiam si nescirent, quod recitantibus illas salutationes Angelicas, Summus Pontifex concessit Indulgentiam plenariam. Ita Diana l. c.

1255 Qui itidem to. 5. ref. 18. Querit, an pro adipiscenda aliqua Indulgentia, sufficiat implere injuncta opera, licet is, qui ea facit, ignoret, adimplenti concessam esse Indulgentiam? Respondetque affirmativè, & citat pro hac sententia Salas de Legibus, disp. 17. cap. 5. in princip. Et Villalob. in Sum. to. p. tract. 26. Difficuli. 13. nu. 9. Quibus ego addo Quintanad. tract. 9. in Appendice ad Jubilæa pro Martii articulo dub. 4. nu. pr. in fine, Ubi huic Opinioni Suffragatur (cum

prædicta tamen limitatione Lugonis) per hæc verba: Assentior cum limitatione, quam Lugo addit disp. 27. sect. 6. n. 82. Dummodo verò non exigantur certa opera pro aliqua speciali necessitate applicanda; non potest enim tunc opus fieri cum tali limitatione, sine aliqua illius notitia, Et paulò post n. 2. probat de novo, approbatque hanc opinionem. Pelliczarius in Manuali Regularium to. 2. tract. 1. cap. 5. n. 250. & de Monialib. cap. 9. n. 40. Vers. Assero 6. P. Verricellus nosfer tract. 5. Moral. & Legal. qu. 5. n. 185. Petrus Proff in Spicilegio Theologico de Jubilæo cap. 15. dub. 4. Dicassillo apud, & cum Adamo Burghaber l. c. Vers. Respond. Voluisse. Gobat de Indulgentiis p. p. cap. 14. n. 163. & deinde n. 164. Ubi excipit casum Lugonis tantum, ut supra. Leander par. p. tract. p. disp. 14. qu. 37. P. Pasqualig. in Præci Magni Jubilæi qu. 34. n. 4. Bassani to. 2. Verbo Indulgentia nu. 14. & P. Quarti de Jubilæo Anni Sancti, pag. 143. Vers. Resp. igitur. Ubi asserit, Huic opinioni standum esse, utpote probabiliori, & magis fundatæ. Porro ultra rationes superius allatas.

1256 Probatur primò: Quia, cum Pontifex concedit Indulgentiam, eam concedit absolute, ei, qui præcisè, tale, vel tale, opus adimpleverit, independenter ab Operantis intentione, cum Indulgentia aliud non sit, quam relaxatio pænæ, sub conditione operis injuncti: pœna autem ex sua natura est relaxabilis independenter ab intentione, illius cui relaxatur, cum intentio operantis influere non debeat, neque operari circa relaxationem. Igitur si Pontifex concedit Indulgentiam, concessa fuisse censenda est, independenter ab intentione illius qui eam lucrari potest. Consequentia est clara, quia ut bene notant apud P. Pasqualigum l. c. n. 5. in fine. Alciatus de Præsumpt. Reg. 3. præsumpt. 32. nu. 9. Menado in Resp. Constit. Regni in aliquibus, initio, n. 20. & Menoch. Consil. 331. nu. 35. Omnis concessio, facta censetur iuxta rei concessæ naturam; quare cum neque natura Indulgentiæ, neque formula Bullæ, ullam exigat intentionem, concludendum est in favorem nostræ sententiæ; prout concludit etiam P. Quarti l. c. Hisce verbis: Quando tractatur de remittendis pœnis, aut, ut quis ad solvendo suo debito liberetur, sicut in presentis contingit casu, si alius pro me solvit creditore, etiam me infcio, Liber evado ab illo debito, quamvis nullam solvendi intentionem habuerim. Unde inferitur rectè facere illos, qui secum semper gestant diversa Numismata benedicta, Coronas, Rosaria &c. Quia quando dicunt Rosa-

rium, Officium &c. plures lucrantur Indulgentias, quamvis illas ignorent.

1257 Secundò: Quia quodlibet opus bonum, factum in gratia, præsertim si fuerit poenale (ut norunt Theologi) ultra gratiæ portionem quam semper meretur, satisfaciit quoque pro certa portione poenæ in Purgatorio debet; quamvis operans meritorie, neque actualiter, neque virtualiter, dum operatur, talem satisfactionem intendat: imò affirmat *Portellus*, & *Bassens l. l. c. c.* Quod multi, plerique *Seculares*, id ignorent. Cum ergo Indulgentia suppleat defectum nostrorum operum satisfactionorū, quo ad Purgatoriū poenas, sitque ejusdem conditionis, cujus sunt opera ad lucrandum eam injuncta, ut satisfactionem videlicet pro Purgatoriū poenis præstent; clarum est, quod talis poenarum exsolutio haberi possit, quin intendatur, vel sciatur, multo minus Indulgentiæ quis recordetur.

1258 Tertiò: Quia Summus Pontifex sæpè concedit Indulgentiam plenariam moribundis, sensibus jam destitutis, qui nihil amplius percipiunt, neque sciunt, omninoque ignorant talem gratiam sibi factam esse; & tamen illam lucrantur: ergo ad lucrandum Indulgentiam neque actualis, neque virtualis intentio necessaria est. Unde *P. Pasqualig. l. c. n. 10.* dicit: Indulgentias concessas moribundis, & pro quibus non injungitur opus aliquod peragendum, ipsi applicari posse; etiam sensibus jam destitutis, quamvis prius illas nunquam petierint, ut apud eundem affirmant *Suarez, Acoſta, Rodrig. Villalob. Quintanad. & Bonacina.* cum sufficiat, quod Indulgentiarum capaces sint, in statu gratiæ videlicet: si verò non essent, non propterea, (ait *P. Pasqualig.*) committitur Sacrilegium: Unde etiam applicari poterunt Phreneticis, Amentibus, & quibuscunque Baptizatis.

1259 Quartò: In compendiis Regularium, mendicantium præsertim, multæ inveniuntur Indulgentiæ secularibus concessæ, eorundem Regularium Ecclesiis visitantibus: sequeretur ex opposita sententia (inquit, & bene *Portellus l. c.*) quod tales qui visitarent, & in statu gratiæ existerent, si actuali intentione carerent, neque prius eam habuissent, illas nullo modo lucrari: Quod valde durum est (inquit idem) & nimis rigidum, cum Summi Pontifices, id concedentes exprimeant, ut id fiat ex tali intentione, & ferè nullus *Secularis* id intendat, quando intrat, & sic ferè frustrarentur ille Indulgentiæ. Eodem quoque modo frustrarentur aliz innumeræ fidelibus concessæ, qui visitave-

rint Basilicas, aut alias Ecclesias Romæ, & tot aliæ insignes per Christianitatem passim concessæ, quod admitti absolute non potest.

1260 Quintò: Impertitur nonnunquam Summus Pontifex Indulgentiam omnibus iis, qui interfunt ex. gr. Romæ in Ecclesiæ S. Petri alicui Solemnitati, Sacrificio ipsius &c. multi illorum ignorant talem sibi factam gratiam, & nihilominus lucrantur Indulgentiam, juxta *P. Quarti*, & *Burgaber l. l. c. c.* Ergo nec intentio actualis, nec virtualis necessaria est: Fideles quippe in hoc casu merè passivè se habent, ait *P. Quarti*, idque in hunc modum confirmat: Si quis Sacerdos amicus meus mihi fructum sui Sacrificii applicat in satisfactionem meorum peccatorum, infcius eam obtineo, quin ullum actum voluntatis circa hoc eliciam. Idem ergo dicendum in casu nostro.

1261 Sextò denique: Operans semper censendus est operari titulo maxime sibi proficuo *Papinian. l. cum pluribus in fine ff. de sol.* Et modo efficaciori *Bald. in Cap. Quia verisimile de præsumpt. Calcan. Confil. 11. Cravetta Confil. 318. n. 4. Alex. in l. si servus plurium §. Si numerus in fine. ff. de leg. p.* Ergo, quando quis absque notitia Indulgentiæ (arguit *P. Pasqualig. l. c. n. 5.*) atque adeo absque aliqua intentione virtuali assequendi ipsam, exequitur opera injuncta; adhuc censetur exequi ratione generalis intentionis interpretative ob lucrandam Indulgentiam, nam censetur exequi modo sibi utiliori, & efficaciori.

1262 Suffragari videtur *P. Pasqualig. Adamus Burgaber l. c. Vers. Ad pr. & 2. in contrarium.* Ubi in nostrum concedens Privilegium, & sententiam, sibi ipsi obicit: Primò, quod Indulgentia sit actus Jurisdictionis voluntariæ, non coactivæ, ideò, non possit exerceri nisi in volentes. Secundò, quod sit species donationis; proinde, ut habetur in Tractatu de Promissionibus, & Donationibus, non possit habere suum effectum, nisi acceptetur a donatario, quod absque prævia illius notitia, & expressa, acceptandi voluntate fieri nequit. Respondet quemlibet velle acceptare Indulgentias sibi concessas; virtualiterque acceptare. Non quidem vi, & virtute intentionis formaliter, seu actualiter habite, qualem requirunt Adversarii, sed ipsius operis, dum istud ritè peractum, prodesse sibi cupit, quantum potest, adeoque etiam ad lucrandas Indulgentias, esse nullam aliam de his habeat, vel habuerit intentionem. Quod totum coincidit cum doctrina *P. Pasqualig.* superiori numero allata: Qui ulteriorem addit rationem; pro-

venit hoc, inquit, *Ex universali intentione, virtuali, per quam quisque quarit in suis operationibus Beatitudinem*: ut docet. Sanctus Augustinus Concione 2. in Psalm. 32. Adeoq; semper vult, quod melius est, & quod plus participat de Beatitudine, & consequenter semper intendit operari omni modo efficaciori, & utiliori.

1263 Opponent fortasse Adversarii. Ad merendum, non sufficit dicta generalis interpretativa intentio; ergo neque ad lucrandum Indulgentias. Præterea, concessio requirit acceptationem; neque credendum est, Pontificem illis conferre Indulgentias, qui eas non acceptant, ad has autem acceptandas requiritur intentio saltem virtualis. Respondeo ad primum (quidquid sit de intentione ad meritum requisita) non currit paritas rationis inter meritum, & Indulgentiam; hæc enim in sola poenæ remissione consistit, ac propterea ex sua natura, non requirit ullum actum in persona, cui remittitur poena, adeoq; nec intentionem, nec scientiam. In tantum autem Indulgentia requirit actum, in quantum non conceditur nisi conditionatè, si videlicet opus injunctum præstabitur, quia actus sub titulo determinatæ satisfactionis requiritur, ut cum satisfactionibus Thesauri Ecclesiæ conjungatur. Cæterum, absolutè loquendo, ad satisfaciendum alteri, non requiritur intentio satisfaciendi, sed sufficit exhibere satisfactionem. Unde ad obtinendam Indulgentiam, sufficit, ut adimpleatur quocunque demum modo opus injunctum, ita ut ab Ecclesia assumi, cum satisfactionibus ex ipsius Thesauri desumptis uniri; ac Deo offerri queat. Imò tota hæc doctrina verificatur etiam (contra *Lagonem, Quintanad. & Gobat*) quando exigitur opus applicandum pro certa necessitate. Quia (ut argumentatur *P. Pasqualigus l. c. n. 9.*) aut implentur injuncta opera, applicanturque pro dicta necessitate, aut non, si adimplentur, & applicantur, Indulgentia obtinebitur, licet operans nil sciat de Indulgentia, modo præstet opus, atque applicet, licet absque respectu ad Indulgentiam. Porro si non adimpletur, aut non applicatur, non exhibetur opus injunctum, cum non solum opus, verum etiam intentio præcepta sit.

1264 Ad secundam oppositionem resp. p. cum *Burgaber supra*; Quemlibet habere universalem intentionem acceptandi Indulgentias, quod sufficit. Idque confirmat noster *P. Quarti l. c. pag. 142. Verf. Secunda sententia*, hęc verbis: *Indulgentie acquiruntur, quin earum habeatur notitia, posito, quod*

impleta sint opera injuncta, licet ex mera devotione, absque actuali, aut virtuali intentione; & sufficit, non adesse intentionem contrariam, quod idem est, ac dicere, quod sufficiat intentio habitualis, sive acceptatio universalis. Resp. 2. cum *P. Pasqualigo l. c. num. 8.* Ad concessionem tunc requiri acceptationem, quando per eam in concessionarium transfertur aliquid dominium, ad hoc enim requiritur actus aliquis concessionarii, cum dominium rei non acquiratur, nisi adsit animus eam possidendi. *Ruin. Confil. 143. Burfat. Confil. 325. Surd. Confil. 391. num. 27.* At per Indulgentias non transfertur dominium aliquid in concessionarium, cum per eas tantummodo liberetur à debito poenæ, à quo, ut liber evadat, nulla requiritur acceptatio, per se enim quilibet censetur eam velle acceptare.

1265 Licet autem hic applicantur satisfactiones ex Thesaurò Ecclesiæ, quas deinde quilibet offert pro suis debitis, id tamen non semper fit formaliter, sed sufficit fieri virtualiter, in quantum scilicet Ecclesia eas offert pro unoquoque, hæc quippe oblatio, est virtualis solutio, quæ continet utrumque, exhibitionem videlicet, & acceptationem; insuper, & solutionem factam pro eo, qui liberatur à debito poenæ: quapropter non requiritur actus ex parte recipientis Indulgentiam, sed solum actus, quo exhibetur opus injunctum; sufficit enim quod Ecclesia Deo offerat satisfactiones pro eo, qui opera injuncta peragit, idque facit virtualiter, quando concedit Indulgentiam; ita præfatus *P. Pasqualigus*. Exactione autem diligentia, ut cernis Amice Lector, præsentem difficultatem sententiarum nostrarum oppositæ, tibi resolvi; non tam, ut privilegium meum, assertionemque meam sustinerem, quam ut speciali te consolatione replem, certum te reddens (quod sortè vel nesciebas, vel non credidisses) scilicet, quod plurimas Indulgentias lucrari possis, tam pro te, quam pro Defunctis, etiam si nil de iis cogites; maxime si Filiatione Spirituali ab aliqua Religione donatus fueris, quæ quam plures secum offert Indulgentias ut videre est *In mea Filiatione Spirituali sub cap. 8. in quo De Indulgentiis quæ per Litteras Filiationis conferuntur.* Hæc notitia meritò accendere te debet ad multiplicandas Orationes, ac bona opera: maxime ad frequentem Ecclesiarum Regularium visitationem, quibus plurimæ à Summis Pontificibus concessæ fuere Indulgentiæ: quas vide fideliter recensitas *in dicto Cap. 8. Spirituali meæ Filiationis per totum.*

1166 Superest denique alia adhuc difficultas solvenda. Filiatio Spiritualis est quidem effectus internus, ejus tamen concessio dependet ab externo effectū, extrinsecus manifestato: igitur per solam conferentis voluntatem, non potest illius concessio esse perfecta. Antecedens constat, quia Filiationes Religionum, cum conceduntur, semper Litteris Gratiis manifestantur. Consequentia probatur à paritate concessionis Indulgentiarum, hæc namque cum conceduntur, exterius semper manifestantur. Ideo præter Suarez in 3. par. 10. 4. disp. 57. etiam P. Pasqualigus de Jubilæo qu. 240. docet, quod *Efficacia Indulgentiæ pendet à voluntate concedentis, non quomocumque, sed exterius manifestata, quia per solam internam voluntatem non consummatur concessio, atque adeo nec habetur efficacia Indulgentiæ.* Ergo ut concessio sit efficax, Requiritur signum, exterius (ait Gabriel à S. Vincentio de Panit. disp. 13. qu. 8.) *Indulgentiæ manifestativum; sicut etiam hoc requiritur, ut Indulgentia revocetur.* Ergo à pari, quia Filiatio Spiritualis semper conceditur per Litteras Gratiis, per quas exterius manifestatur; ab his consequenter, tanquam à suo signo manifestativo (& non aliter) suam efficaciam recipit, atq; ultimum complementum.

1167 Respondeo ad argumentum, falsum esse antecedens, quod nimirum Filiatio Spiritualis, quantum ad suum esse, & efficaciam dependeat ab externo effectū manifestato, absolute id nego, & sic pariter ruit consequentia. Aliud enim est, quod Filiatio Spiritualis, quoties conceditur, per Litteras Gratiis manifestetur: aliud, quod quo ad suum esse, & efficaciam, ab hac manifestatione dependeat: illud concedimus, istud negamus. Ad probationem negatur paritas rationis inter manifestationem per Gratiis, & promulgationem Indulgentiarum, si hæc necessaria esse concedatur ad ipsarum efficaciam. Indulgentiæ namque ut dicitur, sunt contractus quidam innominatus, dō ut facias; scitur autem, quod contractus notus esse debeat contrahentibus; & præcipue Indulgentiæ manifestari debent, ratione operis à concedente injuncti. Filiatio autem Spiritualis, non habet rationem contractus, sed est pura gratia; & quo ad suum esse, atque efficaciam, tota dependet à sola voluntate interna Prælati concedentis, tanquam à sua propria, & adequata causa, qui in concessione non dicit: dō ut facias, sicut Pontifex in concessione Indulgentiarum; nihil exigit ab assumpto in Filium Ordinis; quidquid dat,

totum gratuitō donat: recipiturque à donatario, etiam dormiente, & ne quidquam cogitante; sicut enim donum, istud est intrinsecum quid, & Spirituale, ita etiam illius receptio. Quilibet enim per sua bona opera de congruo meretur pro altero, & satisfacit, quin ille quidquam de hoc suscipietur, aut sciat; cum sufficiat, per omnes Theologos, ut sit capax in Anima. Aliud namque haud facit Prælati, quando concedit Filiationem Ordinis, quam applicare merita, & Opera satisfactoria suorum Subditorum; Ut autem hujusmodi concessio suam totalem obtineat efficaciam, aliud non requiritur, quam spiritualis ea recipiendi capacitas. Quare nihil obstat hic commune illud axioma, ac legis principium: *Voluntas mente retenta, nihil prorsus operatur, si se repetendi ff. de conduct. ob caus. & l. Quidam cum filium ff. De hered. institut. Surd. Consil. 321. nu. 56. Menoch. lib. 1. Presumpt. 26. n. 5. Duran. decis. 379. n. 6. Rota decis. 334. n. 6. par. p. Recent. apud P. Pasqualigum qu. cit. n. 2.* Ubi, hujus principii rationem reddit à priori: *Quia, videlicet, nulla causa potest operari extra propriam spheram; ergo nec voluntas mente retenta, potest se extendere ad effectus externos, cum sint extra spheram voluntatis, pro ut mente retinetur.* Non inquam obstat hoc principium, quia concessio Filiationis totaliter ordinatur ad internum; neque necessarium est, ut ad ullum externum effectum se se extendat, ad hoc ut efficaciam nanciscatur executionem; pro ut in sententia P. Pasqualigum concessio Indulgentiæ necessariō se debet extendere, fatetur enim ipsemet num. 2. Quod *Indulgentia concessa, est quidam effectus exterior.* Verum quidquid sit de hoc ultimō P. Pasqualigi addito, videtur certum ex dictis, & Doctoribus (eodem etiam P. Pasqualigo, ut supra, incluso) posse quem acquirere, etiam Indulgentias quas ignorat, si adimpleat ea (materialiter saltem) quæ in earundem concessione à Summis Pontificibus injuncta sunt, atque præscripta, quod facillimè evenire potest ex supra positis. Hinc

1168 Obiter. Quæres hic, An majorem nobis utilitatem, majusque emolumentum afferant Indulgentiæ, an verò Gratiolæ Participationes bonorum spiritualium aliqujus Ordinis, seorsim consideratæ, nec invicem inclusæ? Respondeo cum Ruto de Participatiōib. qu. 3. sec. 3. sub num. 16. Vers. Pro complemento pag. mihi 71. Paulo ab Omnibus Sanctis in Clavi Aurca par. 3. cap. 6. n. 214. pag. mihi 304. & cum mea Filiatione Spiritualis

Spirituali cap. 4. dub. 24. num. 277. fol. 184. Indulgentias majoris esse valoris, in quantum ipsæ secundum probabiliorē sententiam, certō, & infallibiliter juvent tam vivos, quam defunctos; & quia satisfactiones, quæ ipsi per easdem Indulgentias applicantur, sumuntur ex infinito, & indeficiente Thesauro Ecclesiæ. Præterea, Indulgentiæ sunt communiter abundantiores, majorque poena per eas remittitur, quam per præfatam spirituales Filiationem, seu communicationem bonorum spiritualium. Ordinis, per quam, quantum remittatur, ignoramus, maximè cum hominum satisfactiones sint finitæ, ac deficientes. Verum quidem est nihilominus, quod dicta bonorum Spiritualium communicatio aliquo modo superare videtur Indulgentias in hoc videlicet quod Indulgentiæ solum conferunt ad remissionem poenæ; Communicatio verò Operum bonorum Religionis profit non solum ad eandem poenæ remissionem, sed præterea, etiam ad consequendum multa alia bona Spiritualia, ac temporalia: quandoquidem illis mediantibus plures gratiæ prævenientes impetrentur, quarum virtute facilius recuperatur gratia habitualis perita, & gratia sanctificans recuperata conservatur, ac augetur; majori fortitudine tentationibus quis reluctatur &c. Et hoc ipsum credo significare voluit *Pat. noster Alphonsus de Leone in suo Tract. de Jubileo par. pr. num. margin. 232. dub. p. in fine pag. mibi 54. col. 2.* dum ibi ait, unā cum *Casarubio*, dari, casum in quo plus conferant communicationes Religionum, quam Indulgentiæ, cum nimirum quis existit in peccato mortali. *Nota* (ait ipse) ex *Casarubio* in *Compendio Privilegior. Mendic. Verbo Indulgentia* versus finem, quod datur *Casus*, in quo plus profunt hæ Communicationes, quam Indulgentiæ, scilicet, quando quis est in peccato mortali. Adde secundum casum, quando suspenduntur Indulgentiæ, ut tempore Anni Sancti. Plurq; adhuc dicit *P. Pissqualigis de Magno Jubileo qu. 152. num. 4.* inquit: *Litteræ Filiationis possunt alicui plus prodesse, quam prodesset Indulgentia plenaria.* Ratio autem est, quia hæc communicatio est non solum quo ad satisfactionem, sed etiam quo ad impetrationem. Quia licet quo ad satisfactionem, requireretur peculiaris voluntas Religiosorum, ut applicaretur, adhuc tamen ista voluntas adest semper, vel formaliter, vel virtualiter, vel saltem interpretative, stante quod habentes hanc communicationem sunt facti membra Religionis. Unde fieri potest, quod tales satisfactiones sunt

sufficientes pro tota poena debita peccatis. Unde insuper gaudebunt impetratione, media dicta, communicatione. Ex quibus.

1269 Deduces, Aliquas intervenire differentias inter Gratiolas Participaciones, seu Filiationes Religionum, atque Indulgentias. Duas assignat *S. Thomas in 4. dist. 20. art. 4. qu. p.* Quarum prima est, quod licet aliquis per Participaciones Gratiolas liberetur à debito poenæ, ob satisfactiones Ordinis; quæ ipsi vi earundem Gratiolarum applicantur, nihilominus non liberatur à debito exequendi poenam in Sacramento Pœnitentiæ sibi injunctam; pro ut liberatur vi Indulgentiarum; cum sit sententia communis *Ex Cap. Cum ex eo, de Pœnit. & remis.* per Indulgentias remitti poenas, ac satisfactiones injunctas in foro interno Pœnitentiæ: dum enim tollunt poenam, eo ipso liberant etiam à debito satisfaciendi pro ipsa poena, undecunque ortum traxerit. Quamvis autem per Gratiolas quoque Participaciones, seu Spirituales Religionum Filiationes, habeatur remissio poenæ, nihilominus per talem remissionem non relaxantur satisfactiones injunctæ, neque ab ea attinguntur, aut afficiuntur; licet etiam talis Gratiola applicatio (ait *Corduba de Indulgent. qu. 39.*) communicaretur ab ipso Summo Pontifice, quia hæc fit de solis bonis spiritualibus alicujus Congregationis, quæ non sunt infinita, nec constat esse sufficientia ad talem satisfactionem.

1270 Secunda differentia est, quod Indulgentiæ scaturiunt ab inexhausto, atque indeficiente Thesauro Ecclesiæ, qui ex infinitis Christi meritis, ac etiam Sanctorum constat: Participaciones autem, seu Filiationes Gratiolæ effectum non habent à prædicto Ecclesiæ Thesauro, sed fundantur in solis meritis, & satisfactionibus Religionis, cunque in ea non sit copia meritorum indeficiens, tantum poenæ per eas remittitur, quantum de satisfactionibus Religionis per eas aliis applicatur.

1271 Tertia differentia est (quam attingit etiam *Passarellus in notandis Privilegiis, notab. 22. relatus à Ruteo de Participationib. qu. 3. sec. 3. Vers. Tertia differentia, num. margin. 13. fol. mibi 68.* Quod nimirum per Gratiolas Filiationes applicatur solummodo fructus bonorum operum futurorum; postquam enim opus factum est, non est amplius in potestate operantis. Et verò per Indulgentias communicantur satisfactiones Christi, ac Sanctorum, actualiter jam repositæ in Thesauro Ecclesiæ,

ac scaturientes à præteritis ipsorum bonis operibus (ex quo etiam apparet, multo minorem esse potestatem concedendi Participationes, & Filiationes Gratiolas, potestate concedendi Indulgentias, cum illa non transcendat auctoritatem, sicut transcendit concessio Indulgentiarum.) Unde *Navarrus Miscell. 21. de Rosar. nu. 5.* supposito hoc eodem principio subiungit: *Ex quo infertur, potius militari, quam Canonico, quemdam Annum meum, virum militem, fratri suo fortissimo milite in prælio occiso, donasse meritum jejuniorum Sabbatorum septem annorum, quæ in honorem Virginis Mariæ proximè antea jejunaverat; cui rei familia illo tempore ab aliis quoque sue conditionis Viris, potius bona fide, quam erudita ratione facta fuisse accepimus.*

1272 Quarta differentia [quam insinuat idem *Passarellus l. 1. apud eundem Ruteum l. cit. num. 14. pag. mibi 69.* quanque etiam affert *Sotus in 4. dist. 21. qu. p. & ibidem Palatius dist. 20. disp. 4. in fine*] est, Quod, in concessione Indulgentiarum Prælati utuntur Clave Ecclesiæ, dum remittunt debitas penas per veram absolutionem, nihilominus tamen non conferuntur Indulgentiæ præterquam solis subditis: in Participationibus autem, seu Filiationibus Gratiolis, applicantur etiam non subditis, Amicis, & Benefactoribus: non tamen includunt actum ullum Jurisdictionis, sed per meram solutionem, ac satisfactionem sortiantur suum effectum. Refragatur huic differentie (apud *Ruteum n. c. 14.*) *Navarrus n. 5. supra cit.* eò quod Indulgentiæ conceduntur etiam Defunctis, quibus tamen non profunt per viam jurisdictionis, & absolutionis: ergo &c. At faciliè resolvitur oppositio, concedendo quod Indulgentiæ concessæ vivis, illis profunt per modum absolutionis, & Judiciarie potestatis: Defunctis autem solum per modum suffragii: Attamen ambæ (ut notat etiam *Ruteus n. 14. cit.*) conceduntur per actum potestatis Clavium, quatenus utrobique sit æquivalens solutio ex Thesaurò Ecclesiæ. Quamvis autem potestas Clavium quo ad Indulgentias vivorum, & mortuorum duplicem habeat effectum, absolutionis nimirum quantum ad vivos, solutionis autem, quantum ad defunctos, utraque tamen differt à Participationibus Gratiolis, seu Filiatione Spirituali, quia quælibet illarum est actus potestatis Clavium per modum Solutionis ex Thesaurò Ecclesiæ, & Indulgentiæ quidem vivorum sunt per modum absolutionis.

1273 Intercedunt insuper etiam aliæ

differentiæ inter Gratiolas Participationes, seu Filiationem Spiritualem, atque Indulgentias; quod hæc scilicet valent ad remittendas penas peccatis debitas; illæ autem ad alios præterea effectus, impetrationis &c. ut supra dictum est, & ut videre est pluribus in locis, & Capitulis in mea Filiationi Spirituali. Insuper quod Indulgentiæ tantum remittunt penas debitas peccatis commissis antequam quis eas lucretur: Filiationes autem, Participationesq; Gratiolæ specialiter profunt pro tempore futuro: Indulgentiæ, tantam remittunt penas debitas peccatis commissis ante tempus, quo quis eas lucretur: Participationes vero maxime valent pro futuro; & omnes earum effectus perpetuò aliis proderunt, quamdiu iis indigebunt, ut etiam in Litteris earundem exprimitur: ita *Ruteus de Participationib. qu. 3. sect. 3. n. 15. fol. mibi 70.* Quod totum confirmat *Paulus ab Omnibus Sanctis in Clavi Auræ, par. 3. cap. 8. sub num. 220. pag. mibi 313.* sequentibus verbis: *Certum est, quod recipere Fideles ad participationem bonorum spiritualium alicujus Congregationis, vel etiam totius Ecclesiæ, non est Indulgentiam aliquam, concedere: si quidem dum alicui Indulgentiæ conceduntur, ei applicantur, & dispensantur præteritæ Christi Domini Satisfactiones, & Sanctorum, quæ in Thesaurò Ecclesiæ conservantur. Quæ dispensatio propterea, fieri potest solum ab habente Claves ipsius Thesauri; eas autem solummodo habet Summus Pontifex, & Episcopi dependenter à Summo Pontif. Acceptare autem aliquem ad participationem bonorum spiritualium alterius, est illi applicare tum ejus merita per modum impetrationis, ac meriti de congruo, nedum quando fiunt, sed etiam ubi facta fuerunt: tum per modum suffragii, & satisfactionis, sed solum quando acti sunt; & ista applicatio fieri potest tum ab ipso operante, tum ab ejus Superiore, & Prælato: Ad hanc eandem rem faciunt ea quæ scribo In mea Filiatione Spirituali cap. 7. dub. 4. per totum à pag. 227. usque ad 238. inclusivè. Videantur. Et etiam *Peyrinus de Privilegiis in Aditament. ad Constit. Gregorii XIII. Cap. 7. n. 10. pag. mibi 440. col. 2. Vers. Conclusio 5.* Ubi notat (& optime) quod semel acquisita una Indulgentia plenaria, ita ut peccatum aliud non occurrat, aut remaneat remittendum: repetitio Indulgentiæ nihil operetur ex opere operato, cum nihil adfit (ut supponitur) quod remitti possit, nec subiectum sit capax Indulgentiæ, nec ulla adfit pœna remittenda. Non per hoc tamen (optime pariter addit idem num. 14. pag. seq. 441. col. 2. Vers. Conclusio igitur) Quod nulla*

nulla adfit poena remittenda est infructuosa repetitio piarum precum, seu Visitationis Ecclesiae, nam per ea acquiruntur ex opere operantis multa bona, augmentum scilicet majoris, & majoris gratiae, & meritorum eterne glorie, augmentum Christianae Religionis, & profectus animarum, impetratio bonorum &c. Adde etiam, quod si ille, Indulgentiae incapax sit, eo quia nulla adfit in eo remittenda poena; iisdem Orationibus, atque Ecclesiae Visitatione &c. acquirere potest Indulgentiam pro aliqua Purgatorii Animas ad beneplacitum.

PRIVILEGIUM XXXVIII.

Regularis Professus Habitum temerè dimittens, idest sine iusta, & honesta causa, excommunicationem Canonis Cap. Ut periculosa 2. Ne Clerici, vel Monachi in 6. non incurrit, si cum Ignorantia huius Canonis habitum dimittat.

1274 **L**oquitur hoc privilegium de Religiosi habitus dimissione, quae contingit sine rationabili causa, cum scandalo, & animo diuagandi actu. Quare necesse est, ut dimissionem habitus sequatur diuagatio actualis, nullus enim cogitationis poenam meretur. Hinc cessante vagatione, cessat *cit. Capituli* dispositio; & poena non incurritur, nisi secuto effectu vagationis: Quia Summus Pontifex Bonifacius VIII in d. cap. *Ut periculosa* ad stringere voluit Religiosos omnes ad ferendum habitum sui Ordinis semper, & in omni occasione, ut subtraheret illis diuagandi materiam, & occasionem extra sua Monasteria; hocque sub poena excommunicationis; quae incurritur etiam si qui habitum dimittit non faciat animo apostatandi, quia talis conditio non assignatur in d. cap. neque includitur in dimissione habitus, potest enim aliquis esse Apostata, etiam habitu retento, si à sua Religione recedit etiam habitu retento, animo illam deferendi in perpetuum: & non Apostata habitum dimittendo, si hunc dimittit non animo apostatandi: *Lezana to. p. cap. 13. n. 3. ubi Paludan. & Nauarrus.* Intentio igitur Bonifacii in c. cap. fuit, punire Religiosum Professum habitum dimittentem ob solam vagationem: deponens enim habitum ex malo etiam fine, ut commodius scilicet, ac voluptuosius fornicetur, non est excommunicatus, quia in huiusmodi expolatione habitus nullum contingit vagationis vitium. Hinc dimissio habitus, ut sic, in se spectata, non inducit dictam

excommunicationem, nisi habeat adiunctam vagationem. Quamvis enim habitus non faciat Monachum, tamen, quia signum est Religionis quam Religiosi profitentur (*Conc. Trident. sess. 14. cap. 6.*) idcirco Regulares omnes suae Religionis habitum temerè dimittentes sunt excommunicati maiori excommunicatione, nulli tamen reservata d. cap. 2. *Ut periculosa*: subsequentibus verbis: *Ut periculosa Religiosi vagandi materia, subtrahatur, districtius inhibemus, ne de cetero aliqui quancunque Religionem tacite, vel expresse professus, in scholis, vel alibi temerè habitum Religionis suae dimittat &c.* Si quis autem horum temerarius violator extiterit, excommunicationis incurrat sententiam *ipso facto*. Dicitur autem temerè habitum dimittere (ut notat etiam *Lezana in summa to. p. cap. c. 13. n. 2.*) qui sine iusta, & honesta causa illum dimittit. Hinc si Religiosus quis, per loca Haeticorum, aut Turcarum, vel aliorum hostium Religiosi habitus, transiturus, habitum dimitteret, non incurreret dictam excommunicationem, quia tunc adesset iusta causa dimittendi illum: *Suarez de Conf. disp. 23. sec. 4. n. 27. col. 2. pag. mibi 453. Ubi:* Si dimissio habitus fiat ex causa rationabili, qualis erit defensio propriae vitae, vel famae, aut proximi, aut vitare scandalum, graue, & simile, tunc non potest dici temeraria, quia prudenter fit.

1275 Nec etiam excommunicationem canonis, in proposito privilegio allatam incurrit, qui ex dicti Canonis ignorantia habitum dimittit. Et ratio est, quia dictio illa Canonis, *temerè habitum suae Religionis dimittit*. idem significat, quod *scienter*: *Lezana n. 2. cit. & cap. 10. antecedenti nu. 33. Suarez n. cit. 27. & disp. 4. sec. 10. n. 2. & 3. Sancb. de Matrim. lib. 9. disp. 32. n. 38. alios referens.* Et Bonacina de *Clausura qu. 2. punc. 2. propof. 2. nu. 18.* Ubi expresse sic: *Qui habitum dimittit, ignorans prohibitionem, non incidit in excommunicationem, etiam si ignorantia sit vincibilis, & mortaliter culpabilis, vel etiam crassa, vel supina (modo non sit quasi scientia, & ingeni temeritas)* hic enim non dicitur prohibitionem transgredi ex contemptu, seu scienter, & temerè, nam illa dictio (*temerè*) idem est, quod *consulto*, seu *scienter*, ut alibi saepius dicitur &c. Ignorans igitur huiusmodi Canonem, & habitum etiam temerè (ut in proposito privilegio) dimittens, excommunicationem non incurrit.

1276 Quam eandem conclusionem, ac ignorantiae privilegium, ponunt etiam, probantque ad litteram Antonius Sancti-Torrellus in *Tractatu De Apostasia cap. p. dub. Unico n. 2.*

pag. mibi 476. Versu Dico secundo. Et Versu Hic nota. Item Suarez Tom. V. De Censuris disp. 23. sec. 4. nu. 27. & 29. & alii. Quibus addo, & Bordonum par. p. suarum Resolutionum. ref. 35. quest. 11. u. 36. fol. mibi 326. Ubi quaerens, An quavis ignorantia etiam crassa excuset ab incurfu hujus excommunicationis. Respondet affirmativè, & probat, quia excommunicationes illae, quae temerariam supponunt violationem, non incurruntur ab ignorantibus non solum probabiliter, sed etiam culpabiliter ex ignorantia culpabili, immo etiam crassa, & supina, non tamen affectata aut quae sit cum ingenti temeritate (ut docui & ego probabiliter cum pluribus aliis Doctoribus c. 4. privileg. 7. 8. & 9.) At haec excommunicatio supponit transgressionem temerariè factam, his enim temeritas haec repetitur in textu: & sub hoc verbo temerè, & sub his verbis, Temerarius violator extiterit, ergo non incurritur per ignorantiam etiam culpabilem. Majorem vide probatam Cap. 4. Privileg. 7. per totum ratione, & Doctorum Auctoritate, quibus addo eundem Bordonum l. c. ubi etiam refert Navar. Sanchez, Henricus, Petrus de Ledesma, & Bonac. De Clausura, qu. 2. punct. 2. nu. 13. Et ratio est, quia temerè facere, est consultiò, & scienter facere prohibitum dedita opera, Cap. ex literis, de Divorciis, constat autem quamlibet ex praedictis ignorantis excludere scientiam, ergo sic ignorans excusatur à dicta poena; quod docet etiam (& de Comuni Doctorum) idem Bordonus cum aliis. Quibus adde Sanctiarelum nu. 2. cit. Ubi sic: Non dicitur temerè dimittere habitum Religiosum, ita ut incurrat hanc excommunicationem in Religiosis, qui non ex rationabili causa illum dimittit, sed ex ignorantia culpabili, vel ex passione, vel ex animi levitate, cum aliqua apparenti ratione, seu excusatione, nec enim in hoc casu dicitur dimittere habitum ex contemptu, ita etiam Suarez n. n. c. c. 27. & 29. Nam illa particula (temerè) his repetitur in dicto Capite Ut periculosa. In principio enim dicitur (temerè) habitum dimittat. Et infra dicitur (si quis horum temerarius violator extiterit.) At quando in Canone, velle, & idem verbum repetitur, talis repetitio non caret magno mysterio ex Glossa in Clement. pr. de Jure patronat. Verbo Diocesani, & ibi Imola u. p. Quare debet stricte accipi particula illa (temerè) & talis Religiosus potius dicitur dimittere habitum tione, & ignoranter, quam temerè, ut ait Sanchez, lib. 6. Operis Moralis Cap. 8. n. 41. Deinde quando Excommunicatio

lata est contra praesumentem aliquid facere, qui illud fecerit ex metu, vel ex ignorantia, etiam culpabili, excusatur à censura lata contra praesumentes, ergo etiam excusatur ab excommunicatione lata contra temerè dimittentes habitum, si ex ignorantia etiam culpabili Religiosus habitum Religiosum dimittat, cum excommunicatio sit lata contra Religiosos dimittentes temerè habitum Religiosum. Item in tali casu habitus dimittitur non ex temeritate, sed ex causa apparenti, ergo non incurritur excommunicatio. Et hic nota ad hoc, ut non incurratur excommunicatio, excusare ignorantiam, etiam si fuerit crassa, & supina, nam in d. cap. Ut periculosa, ne Clerici, vel Monachi in 6. excommunicantur habitum temerè dimittentes, & temerè aliquid dimittere, vel facere, ut asserunt Cardinales in Clem. pr. 5. Si quis, notab. pr. de Statu Monach. & ibi Anchar. n. 15. Suarez de Cens. tom. 5. disp. 4. sec. 10. nu. 3. addens esse idem etiam quod consultiò, & praesumentio: & quando in iuribus imponuntur poenae scienter aliquid facientibus, vel praesumentibus facere, excusatur ab illis poenis ignorantia etiam crassa, & supina. Deinde in dicitur aliquid temerè facere, vel omittere, qui illud facit, vel omittit ex contemptu legis, quia nempe renuit illi subesse, ut tradunt D. Tho. 2. 2. qu. 53. art. 3. ad 3. & ibi Cajet. Suar. tom. 5. disp. 22. sec. 4. u. 27. Sed qui ex ignorantia crassa, & supina habitum suae Religionis dimittit, non id facit ex contemptu, ergo non incidit in hanc excommunicationem. Item temerè aliquid facere, idem est quod Nullè facere, ut docet Jo. Monach. in c. p. n. 12. de sent. Excomm. in 6. & ibi Jo. Andreas nu. 5. ut qui ex ignorantia culpabili habitum suae Religionis dimittit non censetur illum dimittere scilicet. Incurreret verò, quando ignorantia esset nimis crassa, nam tali ignorantia equiparatur scientiae, & qui ex tali ignorantia aliquid faceret, censetur scienter, & dolose operari, ut docuit Antonin. in cap. 2. de consuet. n. 9. Henricus lib. 13. cap. 23. u. 3. Petrus de Ledesma De Sacram. in sua Summa cap. 3. de Excomm. dub. ult. dicto 3. Haecenus, & optime ad rem nostram propositi privilegii, ut constat, Sanctiarelus l. c. Sed 1277. Quaes primò. An Religiosus (cum scientia etiam dicti Canonis, & prohibitionis) dimittens habitum, eodemque se expolians sine scandalo, ad saltandum, ludendum, lapidem proiciendum, utendum larvis intra Monasterium (vel etiam extra in Domibus parentum tantum) ad recitandum aliquid ludicum recreationis gratia, modo non sit de re ex se mala, peccet mortaliter? Respondeo negativè cum

Bordono resol. c. 35. n. 6. in quo sic: Saltatio, & usus lularum, bonnet, & recreationis causa peracta, apud quasdam Religiones tempore Bacchanalium, cum depositione habitus, non sunt plusquam venialia, praecisus extraneis, si quidem Superiores huiusmodi recreationes permittunt, neque prohibent, aut alicui sit scrupulus de peccato mortali. Quia videlicet haec sunt à Religiosis, & inter eisdem titulo honestae laticiae, unde sic non est temeraria habitus dimissio. Ab hac responsione non recedunt Sylvest. V. *Habitus* q. 2. n. 3. nec Suarez to. 4. *De Religione lib. p. cap. 3. n. 18. pag. mibi 23.* (Ubi, quod nisi huiusmodi dimissio habitus ex circumstantiis fiat culpabilis, vel mortale peccatum, non erit talis) nisi iuxta Regulae obligationem: concludens n. c. in fine cum Archidiacono, & Jo. Andrea, quod expoliatio habitus ex sui naturae non sit peccatum mortale, nisi fortasse ex speciali Regula talis prohibitio cum eo rigore facta sit, semper enim iura specialia excipienda, quae consulenda, & observanda sunt. Ita Suarez cum quo & Bonac. l. c. n. 15.

1278 Scio Jacobum de Grassis Decisum Aurear. par. p. lib. 3. cap. 5. num. 77. pag. mibi 388. oppositum asserere: Religiosum videlicet dimittentem Habitum, vel illum occultatam propter ludum lularum, etiam intra Monasterium, peccare mortaliter: quod multis probat, ut videre est apud ipsum toto n. c. 77. Versu Quarta Religiosis, & Versu tum etiam ob Habitum occultationem. Verum, ut optime etiam Bordonus n. 6. c. quae ipse Grassius (tum ibi, tum etiam lib. 4. ejusdem parti. primae cap. 21. praetertim à n. 16.) affirmat; vel probant esse veniale tantum, vel si mortale, id tamen non ex se, sed solum respectu circumstantiarum peccatum mortale inducentium. Dimissio enim habitus ex se, maxime cum rationali causa, & praeciso scandalo (sive intra, sive extra Claustrum deponatur) ut causa balneationis ex. gr. natationis, piscationis, laboris, magni aestus, utilitatis, commoditatis, dormitionis causa, ad evitandum mortem, vel alterum damnum (ut adem etiam Bordonus l. c. nu. 7.) nullum peccatum est. Quod totum confirmatum vide, tum à Jo. Baptista Confessio in Collectione Privilegiorum Mendicantium Tit. 13. cap. 14. pag. mibi 385. Ubi: Sine peccato dimittitur habitus, cum sit ex iusta, & rationabili causa: nempe ratione balneationis, natationis, & piscationis: vel cum sit iuxta Regulae statuta, ut puta ex causa mutationis, mundationis, reparationis, vel quando sit causa iusti timoris, videlicet propter periculum capionis, sive mortis, ut si quis tran-

sendo per Terras infidelium, seu aliorum inimicorum, dimittit habitum ne agnoscat. Tum à Navarro in Manual. cap. 27. nu. 131. Vbi: Quod quelibet habitus dimissio (cum Sancto Antonio, & Paludano) non est peccatum mortale, nec per talem dimissionem consequenter excommunicatio incurritur, qualis est dimissio ad currendum ex. gr. vel jaculandum lapidem, &c. Tum etiam (aliis tot omis) à P. Diana to. 7. Coord. tract. p. tit. De Dubiis Regularium ref. 207. ex par. 3. tract. 2. ref. 115. in qua sic: Non est Apostata, nec incurrit in dictam excommunicationem Religiosus qui habitum non desert in cubiculo suo, vel in loco alio secreto; ut melius studeat, quiescat, dormiat &c. nec etiam qui levitate quadam Habitum dimittit, ut melius currat, saltet, ludat &c. Imò ego puto, neque Religiosum incurrire in dictam excommunicationem, si habitum dimittat, ut eat ad lupanar ad fornicandum, vel ut secretò furetur, siatim habitum iterum sumpturus, & si habitum aliam ad sic se occultandum eo brevi spacio assumat, &c. Haecenus Diana cum Sanctoarello dub. c. unico n. 5. 6. & 7. pag. mibi 478. & 479. Vide eundem Dianam ref. Coordin. sequenti 208. ex parte 5. tract. 5. ref. 51. Et altera subseq. 209. item Coordin. Ex par. 4. tract. 7. & Miscell. 2. ref. 5. In quarum prima. An in dimissione habitus propriae Religionis detur paritas materiae? In altera vero Discutiantur diversi casus circa dimissionem habitus Regularis. Videantur.

1279 Et hinc rem, casum referam, qui potest (& non raro) occurrere, & quem ponit Laurentius Portel in dub. Regular. verbo Habitum, in Additione, n. 3. Ubi sic: In particulari potest esse casus. Religiosus iniuste gravatus notabiliter à Praelato, & majus adhuc timens gravamen, non habens aliud remedium, fugit ad Praelatum Superiorem longe distantem, ita ut in ista fuga nullo modo peccet, nec venialiter, ut suppono (quod fieri posse multi dicunt) in hac tamen fuga, & longo itinere certo mortaliter scit se fore detegendum, & comprehendendum ab inferiori iniuste gravante, si porit habitum Ordinis propter Custodes in viis adhibitos. In quo casu puto posse praedictum cum supradictis circumstantiis, habitum dimittere, donec tuto accedat ad Praelatum ad quem appellat: Probatio facilis est: Quia portare Habitum Ordinis, est praecceptum humanum tantum, ut supra cum Sanchez: At praecceptum humanum non obligat cum tanto periculo fame, carceris, & iniusti gravaminis sperati certo mortaliter: & praeterea, quia necessitas, quae talem Religiosum, facit iuste, idest sine peccato exire à Conventu absque licentia Praelati localis, eadem sufficit, ut possit deponere habitum Ordinis.

Ordinis, urgente eodem periculo, & necessitate.

Facit ad hoc omnino quod tradit Sanchez De Matrim. lib. 7. disp. 37. n. 3. Ubi ait, reclamantem ob nullitatem professionis, etiam si dimiserit habitum antequam exaudiat, contra Concil. Trident. decernens, ut si habitum dimiserit non audiat, ait nihilominus Sanchez prædictum reclamantem, posse, ac debere audiri si habuerit iustam causam dimittendi Habitum: ut si non potuit obtinere licentiam eundi ad reclamandum: nec potuit ire, nisi Habitum deposito, vel non permittitur causas allegare coram Ordinario, & ob id habitu deposito fugit, ut reclamet. Quæ omnia possunt applicari isti Religioso cum prædictis circumstantiis fugienti ad Superiorem, & deponenti habitum necessariò, ut coram Superiore causam suæ appellacionis, & gravaminis proponat. Hæc Portel. ubi supra, cum quo & Diana ref. cit. Coord. 207. n. 2.

1280 Hinc deducitur etiam, cum eodem Sanchez in Decal. to. 2. lib. 6. cap. 8. nu. 17. & 18. quomodo intelligendum sit Trident. sess. 25. de Regularib. cap. 4. in quo interdictur Religiosis recessus à suis Conventibus absque Superioris licentia, etiam prætextu Superiores suos adeundi, nisi ab eis vocati fuerint. Non enim (ita Sanchez. l. cit.) id Decretum intelligendum est de Religiosis à Superiore iniquè vexatis, qui nullo alio remedio sanè vexationis consulere possunt, quam fugiendo ad Superiores, quo gravamen auferant, nam licentiam petitam iniuste denegabit Superior immediatus, aut inferior iuste timet eam licentiam petere: sed intelligendum est de Religiosis qui absque iusta causa bujus iniqui gravaminis fugiunt. Quippe non est credendum Religiosis his adeundi iustam defensionem jure naturali concessam. Item quia, ut optimè tradunt Baldus cap. ad nostram num. 4. de appellatione; & ibi Decius in nova edit. nu. 2. Religiosis iniquè gravato licita est ad Superiorem fuga. Et ita docent Navarr. Comment. 2. de Regularibus nu. 61. & Commun. 3. n. 51. ad 4. Anton. Caccus lib. 3. Institution. Major. tit. pr. num. 130. Sà verbo Religio n. 71. Azorius tom. p. Instit. Moralium lib. 12. cap. 11. quest. 7. Rodriq. qq. Regularium to. p. qu. 30. art. 3. & de Ordine Judicario cap. 13. nu. 4. fin. & to. pr. Summ. cap. 23. n. p. Sayrus Clav. Reg. lib. 12. cap. 17. n. 40. Quod intellige verum, quando certò, & evidenter constaret Religiosum à suo Superiore iniquè vexari, nec aliud remedium habere, nisi à suo Monasterio recedere, Superiorem adeat, ut possit se apud illum tueri, quatenus jus naturale concedit, & non aliter, ut bene docet Azorius ead. qu. 7. & 8. Item intellige, nisi ex hac fuga scandalum, ac in Religione perturbatio sequeretur: sic Rodriq. eodem cap. 43. nu. 11. to. pr. Sum. Quod limitandum cen-

seo, quando scandalum, & perturbatio tant momenti essent, & ità præponderarent defensionem illius Religiosi, ut merito illi anteposenda essent. Quare & si Trid. l. c. decernat Religiosos sine licentia Superiorum in Scriptis obtenta, recedentes à suis Monasteriis, posse ab Ordinariis locorum puniri; id Decretum non habebit locum in Religiosis quos dicimus posse iuste fugere, ut Superiores adeant, si fidem sufficientem faciant bujus iustæ causæ fugiendi; quod tunc fuga hæc vocat culpa. Ita docent Navarr. Comment. 3. de Regularibus n. 51. ad 4. Rodriq. to. p. qq. Regularium qu. 30. art. 4. fin. Sayrus ead. cap. 17. n. 40. Hæc Sanchez. Et optimè, posse enim Regularem iniuste vexatum à suo Superiore recedere à Conventu, ut adeat alium Superiorem, ut liberetur à gravamine, præter Sanchez, & ab ipso relatòs, docent Coriolan. de Castib. reserv. par. 2. Casu 3. nu. 9. & 10. pag. mibi 162. Tamburin. de Jure Abbat. disp. 8. quest. 2. nu. 7. Verso. Quæ omnia pag. 157. Fagund. Præcept. 2. Eccles. lib. 8. cap. 5. nu. 12. in fine (ubi refert Sà Verbo Religio n. 71. supra relatò; in quo sic: Apostata non est à Religione, qui exit animo revertendi, aut qui fugit nimis Serviente Superiore, aut merito credens se non esse professum, tunc enim potest etiam dimisso habitu fugere, neque his obstat Conc. Trident.) & nu. 13. (cum Doctoribus aliis ibi citatis) ubi sic: Appellatio ad Superiorem in rebus gravibus est de Jure naturali: appellatio autem vel verbis, vel facto fit, & hæc est appellatio facti, ex Textu De Appellationib. in Cap. de Priore. Ubi ex præscripto Pontificis jubetur puniri Prior, qui in rebus gravibus appellationem non admisit. Unde licet Ordinarius iuste ex Concilio Trident. Decreto possit capere, & comprehendere talem Religiosum per suum Territorium transeuntem; non tamen illum potest iuste retinere si fidem faciat, se ob iustum gravamen ad suum Superiorem appellasse: neque enim Concilium in eo loco prohibet, aut prohibere intendit, eam appellationem, quæ ob iustum gravamen, vel verbis, vel facto fit: Unde si constat Episcopo, huiusmodi Religiosum ob iustum gravamen, suum Superiorem adire; & idèò licentiam in scriptis non habere, quia illam concedere Superior noluit; teneat eum dimittere, ut optimè probat Cenedo De Questionib. Canonici qu. 26. n. 22. Hactenus Fagundez. Cui, & quibus addo Hieron. Rodriq. in Compend. qq. Regular. Ref. 10. nu. 3. Sanctorum de Melis in Constitutiones, & Statuta Fratrum Minor. Cap. 3. Statuto 22. Versu Prima est. fol. mibi 272. Barbosa in Trid. sess. 25. c. 4. n. 9. & 10. Mezalam to. 2. Variar. resolut. ref. 195. n. 6. in fine, fol. mibi 293. & Joannem de Syl-

veira in suo Tomo morali qui inscribitur, Opuscula Varia. Opusculo 2. qes. 10. Verbo Apostata qu. 9. Ubi sic: An Religiosus valde vexatus à suo Prelato, absque illius licentia, & sine peccato possit ad Superiorem confugere? fol. mibi 201. & 203. col. pr. respondet ut sequitur. Dico: Talis Religiosus dirè vexatus à suo Prelato, licetè potest ad Superiorem confugere, absque eo quod fugitivus dicatur, & inde consequenter fugitivorum poena non est puniendus. Ita Baldus, Decius, Azorius, Rodrig. Sayran, Sanchez, Fagnol. & alii quos citant, & sequuntur Suarez to. 4. de Relig. trac. 8. lib. 3. cap. p. 2. 6. Barbosa in Collectam. ad Trident. Reyn. de Subd. to. p. qu. p. cap. 26. sub Not. 2. Versu. Neque esse Apostatam, vel fugitivum, nec mortaliter peccare. Sà Ver. Religio n. 71. Et ratio est, quia juri defensionis est naturale, quod unusquisque tenetur sibi perquirere, ne ejus Vita, fama, & honor pereat: tum etiam quia in hoc casu presumitur licentia. Prælati Superioris, qui vult omnia justè, & ordinatè fieri. Contrariam sententiam tenet Bamez 2. 2. qu. 23. art. p. ex eo quia Concil. Trid. sess. 25. cap. 4. de Regularib. ait: Non licet Regularibus à suis Conventibus recedere, etiam pretextu ad suos Superiores accedendi. Ad quod rectè respondet Arragonius 2. 2. qu. 69. art. 3. Concilium intelligendum de eo, qui adit Superiorem ex causa levi, vel levissima, non verò ex causa urgenti ad defensionem naturalem, quam non est verisimile Concilium impedire. Hanc doctrinam tamen imitant ipse Arragonius, ac alii, si ex tali fuga ad Superiorem sequatur Scandalum, & perturbatio magna Religionis, propter ignorantiam causæ, quia dictus Religiosus movetur ad fugam. At cum talis vexatio, seu injuria sit notoria, nullum potest esse scandalum, cum quilibet de sua defensione teneatur agere. Idem dicendum existimant Egidius Bossius. D. Antonius Riccius, quos citat, ac sequitur Tamburin. de Jure Abbatis to. 3. disp. 8. qu. p. nu. 6. de Religioso ad Amicum, vel alium confugiendo, ut cum deprecatur ad Superiorem habeat. Queret, an talis Religiosus teneatur petere licentiam prius Prelato inferiori ut tendat ad Superiorem, & ea denegata possit postea confugere ad majorem? Respondendo negativè, si ipse timet quod ex tali licentia, & via manifesta, ei sit exitus impediendus, ac durius sit recludendus, quia tunc erit opponere impedimentum suæ defensionis. Ita Navarr. Comm. 2. de Regularib. num. 61. Pellizz. to. p. trac. 5. cap. 6. n. 13. Tamen Suarez to. 4. de Relig. trac. 8. lib. p. n. 7. & 8. ait: quod saltem ex urbanitate petenda sit licentia à Prelato inferiori. Sed hoc non dicam, quando prudentialiter timetur aliquod damnum, vel impe-

dimentum ad viam, vel quod sit deneganda. Hactenus dictus Joannes de Sylveira l.c. In quorum confirmationem, & eorundem occasione, atque in levamen maximum subditorum Regularium à suis Superioribus (injustè tamen, & non aliter) vexatorum, trado sequentia valde hic obiter ab iisdemmet (injustè inquam, & non aliter vexatis) advertenda. Et

1281 Primò. Quod Religiosi, & si per Votum obedientia propriam abnegaverint voluntatem, illamque resignaverint in voluntatem suorum Prælatorum, & Deo totaliter dicati: Mundum deseriverint; non eo tamen modo intelligendum est, ut eorum Prælati (quicumque isti sint) nedum locales videlicet, verum etiam primi, & supremi, ab ipsis exigant obedientiam, tanquam ipsi fermè essent absoluti Religiosorum Subditorum Domini, ac possint in omnibus, & per omnia planè de iisdem Subditis, & de illis quæ ad osdem attinet disponente, tanquam servos haberent subditos, & veluti essent Mancipia (ait Peyrin. de Subdito qu. p. cap. 12. Notò 2.) prætio, aut bello acquisiti, possint adhibitum Superiorum pellundari, & supercalcarei. Villissimus enim (addit Peyrin.) ac stultissimus esset, qui statum Religiosum appeteret, & indueret; cum libertatem, quæ toto auro nobilior est, & quæ melior in homine nihil est, à se penitus abdicaret. Sed intelligendum est. Quod voluntatem propriam propter Deum in Prælatorum voluntatem resignaverint, à quibus charitative, discretè, & rationabiliter tractari debeant: juxta monitum prudens, optimumque Brunonis Cassiani. De Prælate Regulari pag. mibi 368. totius operis ultima, licet totum opus concludentis: Prælati, præ oculis habere debent se Filios Dei imperare, in quos ipsi aliam non habent auctoritatem, quam eam, quam radicaliter ab ipsorum pia voluntate, & devoto proposito serviendi Deo acciperent. Obedientia enim Regularis non est civilis, vel naturalis, &c. Sed penitus voluntaria per Vota emissà in professione, secundum Regulam, secundum quam tantum debent, & possunt præcipere Superiores, nullus enim Superior plus exigere potest; ut apertè etiam testatur D. Bernardus lib. p. de Præcepto, & dispensatione, col. 4. ubi sic: Prælati iussu, vel prohibitio, non pretereant terminos professionis, nec ultra extendi potest, nec contrahi citra. Nihil me Prælati prohibebat eorum, quæ promissi, nec plus exigit quam promissi. Vota mea, nec angeat sine voluntate mea; nec minuat sine certa necessitate. Et infra: Ponant ergo Prælati metam obedientie subie-

subiectorum, ex Votis labiorum ipsorum, non suorum desideriorum, moventes eos, non cogentes ad celsiora, condescendentes eis, cum necesse fuerit ad remissiora, &c. Ita D. Bernardus. Ex quo clarè constat, potestatem quam habent Superiores Regulares in Subditos limitatam esse, juxta terminos videlicet, & mensuram professionis emissæ, & Regulæ ab ipsismet spontè, & liberè promissæ; cuius Regulæ, Superiores sunt tantum ministri, & custodes (non Auctores, vel Domini) ut optimè Lessius de Just. lib. 2. cap. 4. dub. 9. sub nu. 76. vers. 5. si præcipiat. Subsequentibus verbis: Superior, est custos Regulæ, & Instituti, non auctor, cujus potestas datur, ut Subditos secundum illam perficiat, non ut ad maiora obliget: quævis enim Religio suam vitam mensuram, suorum exercitiorum modum sibi præscriptum habet, cui Reguli, & Constitutionibus cujusque exprimitur, ad quem ut perducatur insinuantur Superiores. Accedit quod inferior ex vi Voti sui non intendit se obligare, nisi ad vivendam, & obediendum secundum propriam Institutum, ut docet D. Tho. Quod lib. 20. art. 10. & communiter. Hinc clarè sequitur non licere Superioribus Regularibus (quicumque isti sint, siue Locales, siue Provinciales, siue Generales, vel etiam Capitulum Provinciale ipsum, aut Generale) in præcipiendo, terminos professionis, & Regulæ excedere, & si excedunt, non tenentur Subditi obedire. Non enim possunt Superiores Regulares pro suo libito, & voluntate, obligationum vincula in Religione multiplicare, sed tantum intra terminos ipsius Regulæ cui Religiosus subditus se subiecit, & obligavit.

1282 Secundò. Nedom, id, pro suo libito non possunt Superiores, & Prælati Regulares, sed nec Summus ipse Pontifex, quatenus omnium Religionum caput Generale Generalissimum (vel Sacra etiam ipsa Congregatio supra Regulares posita, & Institutum) Religiosi enim, Regularesq; aliò vinculo (qua tales) non tenentur obedire Pontifici Summo (aut dicte Sacre Congr.) quam eo, quo tenentur suis Superioribus, & Prælati Regularibus, hoc est ex Voto Obedientiæ (præter illam obedientiam quam Sanctitati suæ tenentur præstare ut Christi Fideles in omnibus in quibus, & alii Christi Fideles tenentur) ut Religiosi enim, ac Regulares, eidem Sanctitati, & Pontifici Summo subduntur, quatenus videlicet eorū Votum tantum se extendit. Hinc nec Summus inquam Pontifex (ex doctrina etiam communis) potest aliquid præcipere Regularibus [nec item dicte Sacre Congregatio]

quod ipsi expressè, vel tacitè in professione voluntarie non promiserint, aliter plus exigeret quam ipsi intenderint se obligare, quod esset contra iustitiam. Unde Petrus Marchant. in Regulam Sancti Francisci qu. 4. Proemiali, Conclus. 2. Versu, Non ex sola. n. p. sub Conclus. 2. pag. mibi 16. & 17. optime ait: Neque enim Pontifex in voluntario illo Religiose Professionis Sacrificio, pro sua voluntate obligationum vincula multiplicare potest, sed tantum intra terminos ipsius Regulæ, cui se Religiosus obligavit. Obligationes namque Religiosorum æqualiter nascuntur, quia procedunt non ex sola voluntate Summi Pontificis, aut aliorum Superiorum, sed ex natura Regulæ cui se Religiosi conformantur profitendo. Sicque in hoc, Religiosorum obligatio æqualiter procedit, siue habeat respectum ad ejusdemmet Prælatos Regulares, siue ad Summum Pontificem ut Generalissimum Caput Religionum; cum de omnibus, includo etiam Summo eodem Pontifice, sit eadem ratio, & difficultas ita ut quod in hoc resolvitur de Prælati Regularibus, resolutum etiam intelligatur de Summo Pontifice, & de Sacra ipsa Congregatione supra Regulares Instituta. Quod totum confirmo Authoritate Doctorum, Lessi n. c. 76. Versu, Hinc sequitur. Ubi sic: Superior Regularis non potest ratione Voti Obedientiæ obligare Subditum ad ea, quæ sunt supra, vel contra, vel infra Regulam; (nisi ex causa, quæ tamen sit secundum Regulam) sed nec Summus Pontifex: quia hic non potest amplius ex vi Voti quam Superior Regularis; cum inferior non magis illi quam huic se intenderit per Votum Obedientiæ obligare, quatenus ut Pastor universali Ecclesie (cui Dominus omnem potestatem necessariam ad bonæ Ecclesie administrationem in omnes concessit) plura præcipere possit quam Superior Regularis, ut ex D. Bernardi sententia apertè convincitur, & Thomæ Sancti. To. 2. in Decal. lib. 6. cap. 2. nu. 2. Ubi expressè sic: Præmittendum est, peculiare obediendi suis Prælati debitum in Religiosis consurgere ex solo obediendi Voto; nam Religiosi per obedientiam votum, tantum imponunt sibi specialem obligationem præter aliam communem omnibus fidelibus, quod optime docet D. Thom. 2. distincti. 44. qu. 2. art. 3. in ultimo argumento Sed contra. & ibi D. Bonavent. art. 3. qu. 2. corp. & Durand. ibidem qu. 4. nu. 4. & Syroest. Ver. Religio 6. qu. 6. Ratio est, quia nihil ultra Votum obedientie habent Religiosi super omnes alios fideles. Et quomodo iurisdictionis concessa sit in Superioribus Religionum in Religiosis, ut diximus lib. 5. cap. p. n. 20. at tu solum est compellendi Religiosos ad exequenda

dam obligationem sponte susceptam per Vota, ut optime docet Vasq. par. 2. qu. 95. art. 2. disp. 154. cap. 4. n. 21. Immo nec ipsi Romano Pontifici ultra obligationem communem alius Ecclesiasticis ad ipsi obediendum, tenentur Religiosi obedire, nisi obligatione voti obedientie sponte à se ipsis suscepta, ut bene Lessius lib. 2. de Just. cap. 41. dub. 9. n. 76. Quia nihil ultra alios Ecclesiasticos præter obedientie Votum habent, quo etiam obligantur Pontifici tanquam Supremo omnium Religionum Generali, ut docimus cap. præced. n. 8. Ita Sanch. n. c. 2. addens n. 22. ejusdem Capituli, Verius esse, nec Summum Pontificem posse cogere Religiosos ad arctiorem Vitæ Regulam servandam, diversam ab ea quam ipsi professi sunt: Videatur Laymanus in Theologia Morali lib. 4. tract. 5. cap. 9. nu. 10. sic dicens. Religiosi per Votum obedientie non transgesserunt omnem voluntatem in Superiorem, ut qualibet, ipsi imperari possint, sed solum ea, que ad observationem Regule, quam profitentur, directè, vel indirectè spectant, ut docet D. Thom. quodlib. 10. art. 10. Possunt tamen Capitulares novum Statutum facere præter Regulam antiquam: ita, ut ipsi in tale statutum libere consentientes obligentur: & alii quoque posteri professionem edituri, quibus Regula immutata, & aucta proponatur, ut eam profitentur: sed alii prius professi, qui Capitulari Constitutioni non interfuerunt, neque in eam unquam consenserunt, obligati non censentur: quia quod omnes tangit, debet ab omnibus approbari Reg. 29. in 6. Addunt Sylvester, & Lessius l. l. c. c. item Azorius lo. 2. Instit. Morali lib. 13. cap. 11. qu. 19. Sanch. c. cap. 2. n. 22. Quod nec Summus Pontifex Religiosos cogere possit ad arctiorem vivendi rationem, quam prima Instituti forma postulat. Quia speciale obedientie debitum, quo Religiosi erga Summum Pontificem astringuntur, ex professione, & Voto eorum provenit, quod erat secundum proprium Regulæ institutum. Hæc Layman. sub nu. 10. Addens n. 11. Verum tamen si strictiori aliqua observatio, spectata omnibus circumstantiis, necessaria videatur ad Religiosæ vitæ conservationem, atque ut vota Religionis essentialia, aliæque Religionis salubria Statuta serventur: poterit talis nova observatio pro universo Ordine decerni ab iis, penei quos potestas residet Statuta Religiosa condendi: ut docent etiam Sylvester. Armilla, Vasq. Lessius, Sanch. l. l. c. c. Ratio est manifesta: quia talis observatio indirectè pertinet ad Regulam, quando sine ea, Regula, & Institutum Ordinis in suo vigore conservari non potest: consequenter cum Religiosus Regulam proficitur, seu vovet, implicite etiam se obligat ad ea omnia, sine quibus status Re-

ligionis sue conservari nequit, sed paulatim colabi, ac dissolvi necesse est. Huculque Layman. Idemque habet (& cum supra relatis, & aliis) Lezzama in Summa to. p. cap. 4. à n. 31. ut sequitur.

1283 Ex vi Voti Obedientiæ, quod Religiosi emittunt, tenentur obedire in his, que concernunt Regulam, non solum Prælati Religionis, sed etiam specialiter Summo Pontifici, non solum quatenus, est Caput Ecclesiæ, quo titulo omnes etiam Seculares illi obedire debent, sed specialiter etiam ratione Voti obedientie emissi in professione. Ratio est, quia Summus Pontifex est supremus omnium Religionum Generalis, cum omni potestas jurisdictionis Generalis, & aliorum Prælatorum ab illo derivetur; atque ita per obedientie Votum illi subduntur Religiosi, & tenentur obedire. S. Thom. 2. 2. qu. 186. art. 5. ad 3. Bannez 2. 2. qu. 11. art. 10. dub. 6. ad finem. Item dicit de Sancta Congreg. Cardinalium super Regulares, quia illa specialiter instituta sunt à Sixto V. & aliis Pontificibus pro regimine Regularium. Tbo. de Jesu tract. 3. de Visitat. Regular. cap. 17. n. 7. Hinc si Pontifex, & Prælati Religionum contraria præciperent, obediendum est, etiam ex vi Voti Obedientiæ, Pontifici. Cum omnis jurisdictio Prælatorum Religionis sit in illo principalis, & ab illo derivetur. S. Thom. in 2. dist. 44. in Expof. liter. Sanch. libr. 6. in Decalog. cap. p. nu. 10. Hinc etiam quando Religiosus fit Generalis sue Religionis, quamvis eximatur ab obedientia inferiorum Prælatorum, manet Votum obedientie illius quo ad Papam. Cum non eximatur ab ipsius obedientia, nec dispensetur cum illo in Voto emissio. Aragon. 2. 2. qu. 88. art. 11. Valentia 2. 2. dist. 10. qu. 3. punct. 8. Hinc quoque si Pontifex præcipiat aliquid, quod sit simpliciter supra Regulam, ita ut illum nullo modo concernat, non tenetur Religiosus obedire ex vi Voti obedientie. Quia debitum speciale quod habent Religiosi obediendi Pontifici ultra alios Christianos, est solum ratione Voti Regulæ, quod emisissent, ac proinde non poterunt obligari supra illam, Lessius 2. de Justit. cap. 41. dub. 9. n. 77. Sanch. lib. 6. in Decalog. cap. 2. nu. 22. Nec est contra Votum Obedientiæ, quod Religiosus gravatus à Prælo, causa querelæ recurrat ad Superiorem Prælatum, ut si est gravatus à Priore, quod recurrat ad Provinciale, & à Provinciali ad Generalem. Ratio est, quia potestas minoris Prælati est subordinata majori, & illi subiecta, ac per consequens ab illo discutienda. Navarr. lib. 2. Confessor. in p. edit. de Sentent. & re judicat. Conf. 2. n. 8. in 2. tit. de appell. Conf. 5. n. 8. Sayrus Clav. reg. cap. 17. n. 38. Ita Lezzama l. c. Qui præterea cap. 9. sequi.

n. 7. optime ait : quod in gravi casu , in quo evidenter constaret Religiosi ferri notabilem injuriam in fama , bonore , & reputatione à suis Superioribus , licita illi sit appellatio ad summum Pontificem , vel S. Congregationem . Quia hoc videtur permissum à Summis Pontificibus , ut conforme Juri Naturali , non solum in aliquibus Decretis (supra ab ipso adductis n. 4. ejusdem 9. Capituli) sed à jure in Cap. de Priore de appellat. cap. licet de Offic. Ordin. & cap. sup. qu. versic. nos autem de Officio Legat. Navarrus Comm. 3. de Regular. n. 51. & lib. 2. Consil. in p. edit. tit. de Sent. & re Judicata , Consil. unico n. 6. & tit. de appellat. Consil. 4. n. p. Azorius lib. 12. Instit. Moral. cap. 11. qu. 8. &c.

1284 Sed aliis omnibus omisissis Doctoribus qui ad rem hanc adduci possent , unicum tantum hic afferam ex Recentioribus , satis clarum , & in propria causa scribentis est Pater Illuminatus Moronus Strictioris Observant. Sancti Francisci in Opusculo (qui inscribitur , Bigas Duas vobis controuersas , Editio Bergomi anno 1651.) in quo à n. margin. 65. & à pag. 27. scribit quæ sequuntur : Superiores quicunque Religionum , imò neque Papa , quidquam potest circa Religiosos , nisi quatenus per Vota se illi Subdiderunt . Cum enim in tantum sint Religiosorum Superiores , in quantum Religiosi , Voto se illis obstrinxerunt , sequitur , quod Superiores nihil possint amplius quam Vota illis permittant , Sanchez. alios referens in Summa lib. 6. cap. p. à n. 8. & cap. 2. n. 2. Subditi tenentur obedire suis Prælati ita tamen , ut prius Generali , deinde Provinciali , postremo Superiori Contentus , quia inferiori potestas non potest se extendere adversus Superiorem , esset enim iniquum præceptum : ita Castropal. de Relig. Voto obed. disp. 4. p. 2. n. p. & Suarez , to. 3. de Relig. lib. 10. cap. 11. n. 6. & seq. Summus Pontifex habet potestatem obligandi Religiosos ad observantiam regularem non solum ex jurisdictione à Christo illi tradita , sed etiam ex Voto Obedientie , non tamen ultra quam voto se obstrinxerint , prima pars est Soti lib. 7. de Justit. qu. 3. art. pr. Navarr. in Summa cap. 12. n. 76. Suarez l. c. nu. 13. & Sanchez lib. 6. Summ. cap. p. nu. 8. Secunda patet ex dictis . Unde nullus Superior , quicunque sit , non potest suis Subditis præcipere , quæ absolute sunt extra Regulam , ut docet , & pluribus firmat Navarrus cap. 23. n. 39. & in Comm. de Reg. Sanchez lib. 6. cit. cap. 2. n. 25. & alii apud Castropal. l. c. p. 4. & est expressè D. Bernardi lib. de præcept. & dispens. cap. 7. D. Tbo. 2. 2. qu. 204. art. 4. ad 3. Ratio fundamentalis est . Quia Superior non potest obligare Subditos suo præcepto , nisi juxta

id , quo se illi suo Voto subdiderunt ; ista enim Religiosorum subiectio est voluntaria , cum ergo Religiosi se Voto obstrinxerint in iis tantum , quæ sunt secundum Regulam , necessario sequitur ulterius non posse obligari ; & hinc deducitur Superiorem non posse obligare , nisi ad ea , quæ sunt expressè , vel tacite in Regula ; hæc enim in Regula continentur ; cum taciti , & expressi sit eadem virtus . Regula expressa de Reg. Juris , & ibi Glossa . & l. cum quid ff. si certum petatur . Dices in aliquibus Regulis est expressum , quod Religiosi obediant suis Prælati in iis quæ non sunt contraria Regule , & Animæ , ergo &c. Respondet Religiosum non se obligasse indifferenter , nec indiscriminatim suam voluntatem in voluntatem Superioris transulisse , sed tantum juxta Regulam . Castropal. ubi supra p. 4. n. 3. Quod si querat , quæ sint illa , quæ tacite sub regula continentur ? Respondet esse illa , quæ moraliter judicantur necessaria ad observantiam eorum , quæ sunt expressa in Regula D. Tbo. in 2. dist. 44. qu. 2. art. 3. & ibi Durand. qu. 4. n. 5. Sylvest. Verbo Religio 6. qu. 6. Lessius lib. 2. cap. 41. dub. 9. n. 77. Sanchez l. c. cap. 2. n. 4. & alii . Quæ autem judicantur moraliter necessaria ad statum assumpti observantiam , non est facile definire ; ideo remittitur judicio prudenti viri decidendum . Quare ex his colligitur , subditum non teneri obedire Superiori novas austeritates præcipienti ; quando nec tacite , nec expressè sub Regula continentur . (In dubio tamen presumptio fiat pro Superiore præcipiente , constat enim de voto obedientie emissio .) Quia Status Religionis est Status perfectionis , ad quem nemo potest cogi , cum sit status consilii , ad quem nemo potest cogi (neque à Summo Pontifice ,) ideo ad plus Religiosi non possunt cogi , cum liberè se devoverint observare ; & Summo ipso Pontifici (si obligantur) ut supremo omnium Religionum Generali obligantur ; & non nisi juxta formam emissorum votorum , & etiam secundum consuetudines rationabiles , & legitime præscriptas tempore emissionis professionis . In quo etiam tempore band est necesse , ut qui actu professionem emittit , intendat non se obligare ad primævam Regule Observantiam , sed tantum pro ut est in usu ; sed sufficit quod tantum implicitè hoc intendat , ita si interrogaretur , an velit obligari ad Regulam primævam , responderet se nullo modo velle , sed intendere profiteri illam Regulam , ut in usu est : uti etiam sentiant Doctores . Et ratio est : Quia taciti , & expressi , eadem est virtus , & Votum est lex privata , quam sibi quisque imponit , ergo sicut lex non ad plus obligat quam intendat illam ferens , neque Votum plus obligabit , quam intendat , qui illud emittit ; ergo neque poterit cogi

cogi ad maiorem observantiam, quia potestas tota Superioris cujuslibet in Religionibus est respectu Voti; neque jurisdictio censetur tradita nisi ad effectum, ut exigatur observantia emissorum Votorum: & in his omnibus concordat Castropol. tract. 16. qui est de Voto Religionis disp. 4. punct. 4. per tot. qui ad probandas suas conclusiones his duobus quasi axiomatibus perpetuis utitur: Modo dicto contra Regulam potest induci consuetudo: Vota non emittuntur semper à Religiosis juxta rigorem primæ institutionis Regule, ergo non possunt ad illam cogi, quia nemo potest cogi ratione subiectionis vota, ultra quam intenderint se obligare vocantes. Ex voto enim solum possunt obligari ad observandam Regulam quatenus viget, non quatenus abolita est, & possunt obligari tantum ad observanda que promiserunt; sed promiserunt observare Regulam consuetudine mitigatam, ergo ad illam solum possunt cogi, ita Castropol. l. c. nu. 11. Verum quidem est, quod si reformatio iudicetur moraliter necessaria ad conservationem Regule in statu mitigationis, quam Religiosi professi sunt, tenentur ipsi illam subire, & perferre. Ex. gr. Qui professi sunt Regulam jam consuetudine mitigatam, si aliquam reformationem non patiantur, Regula etiam à Statu, in quo reperiebatur, dum professio emissæ est, deicidet, & in pejus ruet, tunc reformationem tenebuntur subire necessariam pro conservatione Regule in statu in quo professio emissæ est: & probatur: Quia quilibet Religiosus potest obligari ad observanda ea, quæ necessaria sunt ad conservationem Regule in eo statu in quo erat quando illam professus est, ergo si reformatio est moraliter necessaria pro tali conservatione, ad illam tenebitur, utpotè tacite comprehensa sub Regula. Non obligantur tamen ad Statuta, quæ moraliter necessaria non sunt pro tali conservatione, quia sub Voto, nec tacite, nec expressè continentur. Quod si ad ista possent obligari, possent etiam obligari ad assumendum statum altiorum eo, quem professi sunt, ita idem Castropol. eodem loco. Hæc, & alia plura, idem Moroni, circa quæ vide etiam Peyrinum De Subdito qu. cap. 8. & ejusdem Capituli 3. par. 2. 3. 4. 5. & 6.

1285 Tertiò advertendum: Quod licet jura prohibeant Religiosis appellare à præcepto sui Prælati, & Superioris, ut constat ex Cap. Ad nostram. De Appellationib. Ubi sic: Mandamus, quatenus si quando quilibet Subditorum tuorum, ad remedium appellationis convolveris, non ideo minus eum juxta tenorem mandati, quod in prædicta Regula continetur, & instructionem Ordinis, corrigas, & castiges. Et ex Cap. Reprehensibilis, Eodem Tit. in quo sic: Precipue vero hæc in Religiosis vo-

luntus observari, ne Religiosi, cum pro aliquo excessu fuerint corrigendi, contra regularem Prælati sui, & Capituli disciplinam, appellare presumant, sed humiliter, ac devotè suscipiant, quod pro salute sua fuerit eisdem injunctum. Idemque habetur in Cap. Cum speciali, eodem item titulo: in fine: ubi, quod circa appellationem cæteris conceditur, Religiosis denegatur. Accedit, quod Regulares plura habent privilegia Summorum Pontificum impediencia appellationes Subditorum, ut videre est apud Sorbium in Compendio Privilegior. Mendicantium, Verbo Appellare, & apud alios. Licet ergo inquam hujusmodi jura, & privilegia, prohibere Regularibus videantur appellationes à præceptis Superiorum suorum: advertendum tamen est, adhuc licere (his non obstantibus) Religiosis Subditis appellare à præceptis, ordinationibus, mandatis, correctione &c. suorum Prælatorum, quando illi non procedunt secundum Regulam, & modum excedunt, & quando constat de gravamine: unde Glossa in cit. Cap. Ad nostram de Appellat. Verbo Minus sic: A correctione non appellatur, nisi excedat modum in corrigendo. Quo excessu, & gravamine supposito, habet utique locum appellatio, imo est necessaria pro tollendo gravamine (quod tenent etiam communiter tum Doctores Canonistæ, tum Theologi, quos ad abundantiam refert, & sequitur P. Pasqualis Moralium Canoniarum qq. Centur. p. qu. 82. n. 3. Desumiturque apertè ex Cap. De Priore. De Appellat. Ubi Prior punitur (ut constat ex Textu ipso) qui appellationi non detulit. Et ex Cap. Licet in corrigendis. De Officio Judicis Ordin. Et ratio est (ut optime etiam idem P. Pasqualis l. c. à nu. 5.) quia appellatio est interdicta Regularibus, ne Regularis observantia dampnum patiatur: Constat enim quod in oppositum allata superius jura, & privilegia Religionibus concessa, prohibent solum appellationem illam, quæ ponit obicem Regulari disciplinæ, non autem illam, quæ tendit ad propulsandam violentiam. Hinc meritò Bordonus ref. 32. n. 3. dicit: Certum esse omnes Regulares se gravatos sentientes à suo Prælato appellare, posse ad Superiorem, ad effectum tollendi gravamen, & hoc habere de jure naturæ, sicut ceteri hominum, quibus non sunt deteriores conditionis, maxime in naturalibus, appellatio siquidem nihil aliud est, quam naturalis defensio à gravamine illato, vel inferendo; est ergo debita de jure naturæ quo ad substantiam; natura enim dicitur ex suo instinctu, ut unusquisque

gravatus se defendat, ut fecit D. Paulus appellando ad Cæsarem Act. 25. Omnibus enim indifferenter conceditur facultas appellandi: ergo & Regularibus, casu & ipsi sunt subiecti iuri communi, ac ceteri fideles: Tum ratione, quia id non est effugere sui Superioris obedientiam, sed se vindicare ab injuria, seu violentia illata, seu inferenda, quod omnibus jure naturæ conceditur, & in hoc Religiosus habet velle, & nolle, quod in naturalibus à se non rejicit, neque renunciavit per professionem, sed sibi retinuit hoc jus se defendendi à suo Superiore, quoties iniuste gravaretur, ut docent omnes loquendo de jure communi: nam quidam ut Sotus lib. 5. de Justitia qu. 6. art. 3. & ex eo Miranda qu. 29. De ordine judic. n. 39. dicit unanquamque frater Religionem de jure speciali habere privilegium prohibens appellare à sententiis suorum Superiorum: Sed hujusmodi privilegia intelligenda, quando nullum est gravamen; nisi imaginarium, vel saltem leve, juxta mox dicenda qu. 2. n. 8. In quo sic: Extant Privilegia interdictentia appellationem Religiosis, sed intelligenda sunt secundum jus commune, nempe appellationi non esse locum, quando nullum est gravamen, vel saltem leve, posito autem, verò gravamine, quod sit alicuius momenti, non intelligitur prohibita appellatio per privilegia, quia aliter essent iniqua, & foverent injustitiam, & dolum Superiorum. Ita Rodrig. 10. p. qu. 29. art. 2. Sayrus lib. 12. cap. 37. n. 38. Navar. Conf. 4. de appellat. nu. 4. & tom. 2. Comm. 3. de Regul. n. 51. §. Nec obstant, & ex eis Sanchez lib. 6. cap. 8. n. 110. Hæc Bordonius. Quibus adde Franciscum Gbilerium. De Judice Regularium Tit. De Appellatione cap. 15. n. 58. in fine: (Ubi) Cum appellatio de jure sit naturalis, ut supra, cap. 12. n. 7. dictum fuit: gravato mortalium nemini illam denegare fas non esse, cuique sane mentis profectio constet. Quando igitur Religiosus non exorbitat à Regulari observantia, sed injuste gravatur, non est illi denegata appellatio: Quando enim in aliquo casu cessat ratio legis expressa in ipsa lege, cessat etiam dispositio ipsius. Cum lex restringatur ad terminos suæ rationis, per Textus Legales, & Canonicos, atque Doctores utriusque juris, ac Theologos etiam Morales, apud, & cum eodem P. Pasqualigo nu. 5. c. Quia videlicet ratio legis (ait & idem Pasqualigus) est anima ipsius, & illi dat vim, & motum, ac proinde extra eam lex mortua est, nec habet vim, obligandi. Addo (cum eodem num. 6.) adinventum esse appellationis remedium ad auferendum gravamen Cap. Ut debitis. De Appellat. hinc, ubi non est gravamen, nec

locum habet ex natura sua, habet tamen ubi gravamen est. Quando ergo Prælati procedit secundum Regulam sive in correctione, sive in præceptis proponendis, non infert gravamen, quia sic non excedit suæ potestatis limites, solunque se extendit ad ea, in quibus Subditi obedire tenentur. Verba vice, quando limites Regulæ excedit, infert gravamen, quia subditum gravat in iis in quibus ex vi Voti obedientiæ subicere non tenetur, unde tunc habebit locum appellatio, cum sit necessaria pro auferendo gravamine: Ut ex præfide etiam cum Navarro, Coriolanus de Casib. reserv. par. 2. Casu 2. nu. 10. & alii. Addo insuper (cum eodem Pasqual. l. c. n. 7.) leges Regularibus denegantes appellationem justas esse, consequenter accipi debere secundum terminos iustitiæ, non essent autem justæ si denegarent omnem appellationem in quocunque casu, quia appellatio est defensio quædam civilis contra vim Judicis Cap. Cum inter. De Exceptionib. Cap. Cum specialis §. Porro. De Appellationib. & notant utriusque Juris Doctores, hinc dicitur Thériaca contra Judicis venenum. Bald. l. unica C. Si moment. possessi. Sord. Conf. 163. n. 7. vol. 2. Defensio autem non potest alicui denegari, cum sit unicuique concessa jure Divino, & naturali. Clement. Pastoralis. De re judic. ubi communiter D. D.

1286 Quarto advertendum, Inter humana extrinseca bona, quæ in homine reperiuntur, ex communi Philosophorum, ac Theologorum sententia, cum Theologorum Principe S. Tb. 2. qu. 103. art. p. ad 2. qu. 129. art. p. in Corpore, & qu. 131. art. p. ad 2. 2. honorem, & famam, principem obtinere locum, & superare quælibet alia bona utilia: Hinc honor, ut Divinus, & Sacrosanctus, in literis Sacris commendatur 4. Reg. 14. 10. Contentus esto gloria tua, & sede in domo tua. Provcrb. 22. 1. Melius est bonum nomen quam divitiæ multe. Ecclesiastici 41. 15. Curam habe de bono nomine, hoc enim magis permancbit tibi, quam mille thesauri pretiosi, & magni. Nulla ergo homini cura major habenda est post Animam, quam honoris, & famæ, nam alia humana, aut natura, aut casu à nobis abeunt, semper supersit Anima, & honore vivente, ita ut sublato corpore, terræque submisso, Anima, & honores viuant: Quare D. Augustinus libr. de bono Viduitatu relatus Cap. Non sunt audiendi, Causa 11. qu. 3. ait: Non sunt audiendi siue Viri Sancti, siue femina, qui quando reprehenduntur ex suspitione, sufficere sibi coram Deo tu.

tam conscientiam respondent. Contemneres bonum estimationem crudeliter, cum occidant animas aliorum, quia nobis necessaria est vita nostra, alius fama nostra, conscientia nobis, fama proximo. Et idem D. Augustinus in Sermone de Communi Vita Clericor. relatus cap. Nolo. Causa 12. qu. p. inquit: Nolo, ut aliquis de vobis inveniat male vivendi occasionem. Providemus enim bona, ut ait Apostolus, non solum coram Deo, sed etiam coram hominibus. Propter nos, conscientia nostra sufficit nobis, propter vos fama nostra non pollui, sed pollere debet in vobis. Tenete quod dixi, atque distinguite. Duæ res sunt conscientia, & fama. Conscientia necessaria est tibi, fama proximo tuo. Qui fidei conscientie sue, negligit famam suam, crudelis est. Et peccat contra charitatem propriam, & iustitiam, ut expresse Cajetanus 2. 2. qu. 73. art. 2. & in Summula. Verbo Detractio, Versu Detrahere sibi, & D. Antoninus 3. p. tit. 8. cap. 4. §. p. Versu Primo modo (relatus à Capandez in Decal. Præcept. 8. lib. 8. cap. 35. n. 4. in fine) Eo quod videlicet, nec vitæ, nec famæ propriæ Dominus sumus. Unde licet non potest quis se ipsum occidere, eo quod per hoc noceret communitati, cuius est pars; eadem ratione, neque potest se diffamare, cum sit homo tantum custos famæ, non dominus, ut constat per illud Ecclesiastici supra, Curam habet de bono nomen. Hinc Franciscus De Sancto Juliano Ordinis Diffamator. Sancti. Trinitatis Redemptionis Captivorum, in suo Tribunali Regulari Cap. 6. Advertentia 4. §. 10. n. 17. fol. mibi 223. optime sic: Religiosus solum est custos famæ, sui & Vitæ, nam in Religionibus, ita unusquisque suus est, ut sit etiam pars Reipublicæ Regularis, & communitatis, in qua vivit, & consequenter bona illius fama, non solum ad ipsum pertinet, sed etiam ad communitatem: ergo cum subditus illam sibi auferi, damnum inferi communitati, & peccat saltem contra charitatem: Quæ conclusio confirmari etiam potest verbis, & auctoritate doctissimi Patris nostri Clementis la Fiscara: ille enim Doctor, in suo Eruditissimo Tract. de Fama in Genere, par. pr. Colloquio 13. nu. 5. fol. mibi 48. pariter scribit, ut sequitur: Tam difficile videtur in praxi infamiam Religiosæ sejungeri posse à Religionem, quin in eam non redundet, ut in praxi regulariter servandum sit: Quod Religiosus sit sua Fama Dominus, Religio quoque domina pro interesse sibi tangente, & quasi inseparabiliter illius Fama conjuncto, propter redundantiæ in eam, ambo habendi sunt tanquam condomini, ita ut dicantur Famam possidere, pro indiviso, & in communi: saltem igitur,

tanquam de re communi, baud dubie unus suo alio disponere nequit; atque adeo vix unquam infamator securus existet, si unus sine alio remittat. Unde rursus erit hanc sententiam regulariter sequi. Hactenus & optime citat. Patet.

1287 Quinto advertendum. Quod fama, & honor est cujuslibet virtutis præmium, ut docet D. Thom. 2. 2. qu. 129. art. 4. in Corpore. Et est testimonium excellentiæ quæ est in homine, sed maxime secundum virtutem, ut idem D. Thom. ibi qu. 103. art. pr. in Corpore. Honoratus enim homo dicitur ille, qui in se aliquam virtutem, laude, & honore dignam habet: vel etiam qui nullum unquam commisit crimen infamia, & vituperatione dignum, quod utique maximum quid est inter externa bona. Huic autem honori, ut dicit excellentiam secundum virtutem, non renunciant Religiosi per Votum professionis, ut bene D. Thom. 2. 2. qu. 186. art. 7. ad 4. Cajet. ibi. Navarr. Cap. Inter verba, Conclus. 5. n. 64. in fine (Ubi expresse sic: Per Votum non renunciant Religiosi bonoribus virtuti probitateque debitis) & Commento 2. De Regularib. n. 2. Versu Tertio dico (ubi pariter sic: Regularis non est incapax, nec prohibetur cupere, & habere honores Sanctos, quia dantur propter merita quibus non renunciant, & dantur in testimonium virtutis.) Valentia 10. 3. disp. 3. qu. 10. Puncto 5. Versu Ex his igitur patet. fol. mibi 894. (athmans ut sequitur: Quamvis Religiosi non sint sui juris, quo ad ea, quæ vocantur; sunt tamen sui juris quo ad conservationem propriæ famæ, & quo ad ea proinde, quæ in fame favorem Dominus mandavit. Quod verissimum est, nisi ex peculiari instituto vellent in hoc credere juri suo.) Sayrus in Clavi Regiæ lib. 11. Cap. 4. sub nu. 15. Versu quæ ratio? (sic item dicens: Quamvis Religiosi non sint sui juris, quo ad ea quæ vocant, sunt tamen sui juris quo ad conservationem propriæ famæ, & quo ad ea proinde, quæ in fame favorem Dominus mandavit: Unde D. Tho. 2. 2. qu. 33. art. 7. ad 5. docet inter Religiosos etiam, servandum esse illud Domini præceptum Matth. 18.) Suarez De Reliq. tom. 3. libr. 8. cap. 4. n. 4. Ubi ait: Fama est bonum extrinsecum, & si vera sit, & in virtute fundata, nemo potest bonefite illam prodigere, aut à se alienare; nam est debita virtuti, & veritati. Ita Suarez cum quo, & citatis (aliisque pluribus tum Veteribus tum Recentioribus, imò & Sanctis Patribus, brevitatibus gratia omiffis) concludendum venit, maximeque advertendum, etiam Religiosos teneri proprium honorem, atque bonam de se ipsis estimationem acriter defendere. Et omni-

no vituperabile esse non facere ea quæ honore sunt digna, ut ait *D. Tb. 2. 2. qu. 129. art. p. ad. 3.* sub his verbis: *Si quis hoc modo contemneret honores; quod non curaret facere ea quæ sunt digna honore: hoc vituperabile esset.* Honorem autem proprium defendere valdè honorabile est, ergo contemnere vituperabile. Unde Christus Joann. cap. 8. 49. dicebat: *Ego Demonium non habeo.* Et iterum Joann. cap. 18. 23. *Si mali locutus sum, testimonium perhibe de malo.* Hinc sequitur.

1288 Sexto advertendum valdè; Quod transferre quandoque aliquem Religiosum subditum de sua naturali Domo, aut Monasterio suo, vel de sua, in externam aliam Provinciam, redundare potest in maximam sui infamiam, & dedecus maximum, nedum apud Religiosos ejusdem Ordinis, sed etiam apud Seculares: putabunt enim omnes (inquit etiam Peyrinus de Subdito qu. p. cap. 12. sub Dico primo, probatione prima fol. mihi. 29. putabunt inquam omnes, illum commississe aliquod delictum propter quod fuerit meritis expulsus, & illius vita durante, semper liberum erit malignis, ei talem expulsionem exprobare. Quare (concludit Peyrinus probat. cit.) quando pro fama, & virtute conservanda, ac tuenda (ut regulariter contingit) necesse est, potest licite se per appellationem, seu recursum à tali molestia liberare, & defendere. Imò ibidem putat idem ex illo loco supra relato Ecclesiastici 41. Quod non possit Religiosus cedere juri suo appellandi, cum hoc medio recuperes famam suam sibi iniuste ablatam, sicut licet homo sit Dominus divitiarum; quando tamen his opus habet pro alenda familia, non potest illas pro libito prodigere, sic non potest famam renunciare, quando est necessaria ad virtutem conservandam. Hactenus Peyrinus. Cui addi potest & Lezana in Summa to. pr. cap. 18. nu. 91. dum ibi, & ipse sic: Possunt Prælati Religionum transferre suos Subditos de uno ad alium Conventum, videlicet Generales, & Provinciales, sicut Priores locales, seu Guardiani, aut alii Prælati infini suos Subditos, de una ad aliam Cameram, quia habent Jurisdictionem in suos Subditos ex Voto obedientie. Id tamen non debent facere sine causa. Quia hoc videtur esse contra charitatem, & bonum regimen Religionis. Addunt aliqui, quod si Generalis absque rationabili causa subditum transferat de sua naturali Provincia in aliam, habent justam causam appellandi ad Sanctissimum, vel Protectorem. Navarr. libr. 2. Consil. de Appellat. Consil. 5. n. 6. lib. p. Consil. 9. n. 11. Rodriq. to. p. qu. 23. art. 3. Ita Lezana l. c. à cujus sensu, & sententia non videtur

abesse Petrus ab Angelis Carmelita Discalceatus, in suo Tractatu Criminali (verdè Aurco). Sub hoc evulgato Titulo, *Judex Regularis.* par. pri. cap. 11. §. pr. De Inquis. Generali sub n. 11. pag. mihi 64. dum ibi sic: *Si ex eo quod Religiosus mutet Conventum sequatur infamia, vel sub sit periculum alicujus particularis suspitionis, bona conscientia non poterit illum tunc Prælatum compellere ad mutandum locum &c.* (Vide hujus Authoris Tractatum per totum par. pr. in qua plura in favorem bonæ famæ Religiosorum, præsertim Subditorum.) Quia tamen quandoque ita contingere potest in communitate Religiosorum (imò sæpe sæpius solet ut observat etiam Peyrinus de Subdito q. p. cap. 12. Versu Noto primo) quod plures ejusdem Monasterii aspiciant aliquem non rectis oculis, eumque gestent in naribus, vel invidie causa, vel quia non adheret eorum actionibus, & voluntatibus parum rectis, vel quia, libere detestatus est, & detestatur pravas operationes, vel quia scit, & potest repercutere injustè percussus &c. Et contra hunc Religiosum, morum integritate omnibus notum, nova habita, ac emendicata occasione, scribere teles incipiunt ad Superiores majores, Provinciales scilicet, aut Generalem, eum esse seditiosum, factionarium, inquietum, zizaniosum, & pacis perturbatorem, cum de nullis vitiis specialibus eum possint arguere, & tantum faciunt, & refaciunt, scribunt, & rescribunt, quod Superiores, ad seipsos potius, quam ad communem bonum respicientes (sunt verba Peyrini Versu citato) illum alibi assignant, inauditus, inscius & inconsultum. Quod an justè id fieri possit, & an Subditus in talibus circumstantiis positus teneatur obedire, vel potius habeat justam causam reclamandi (si vult) maxime si sit tum Religionis, tum Patriæ propriæ, ac Civitatis benemeritus, & absque justa, & rationabili causa (ut hic pro certo absolutèque supponitur, & non aliter) amoveatur.

1289 Respondeo Justam habere causam reclamandi. Et probò primo. Quia quavis Prælati Regulares habeant plenam facultatem disponendi de Subditis, & eos transferendi ad quancunque habitationem voluerint, cum non habeat Religiosus proprium velle, aut nolle Cap. Religiosus. De Electione in 6. Sed jura propriæ voluntatis in Superioris arbitrium transfulerit. Non potest tamen hac uti facultate, nisi rationabiliter, cum omnis potestas sit coarctata intra terminos rationis, ut optimè, & expresse P. Pasqualis. qq. Canoniar. Centur. 4.

qu. 338. ex l. 2. ff. De usufr. ear. rer. que usu consunt. & l. penul. ff. De furtis, & l. Reprehendenda C. De Justit. & Substit. & Cap. Sunt quedam 25. Q. pr. & Docet D. Gregor. ad Gudiscalcum Ducem lib. 8. Registri inchoat. 3. cap. 12. Quod præsertim locum habet (addit idem Pasqualig. l. c.) in Prælati Regularibus, qui nequeunt excedere in exercitio potestatis mensuram Regulæ, intra cujus terminos stat subiectio subditorum: cum autem Regula præscribat perfectionem Religiosorum, debet regimen, ut sit secundum mensuram ipsius, ordinari ad bonum ipsorum, & ipsius Religionis; & proinde si Superiores indulgent propriis passionibus, excedunt limites propriæ potestatis, & peccant graviter, si in re gravi abutantur propria potestate, & potest ei opponi de excessu, & contra ipsum reclamari, usque dum appareat (in casu nostro) iusta, & rationabilis causa dictæ novæ assignationis, & translationis, & donec cesset præscriptio, quod talis novitas injustè, & in odium Subditi imperata sit, cum dedecore, & inhonore maximo ejusdem.

1190 Et magis magis urget dicta ratio eos Regulares Prælatos, qui ex vi, & jussione Constitutionum suarum, Decretorum, atque Ordinationum in transferendis Patribus, (præsertim gravibus, bene meritis, & Vocalibus) peculiari Studio Patrum majorum, & Consultorum suorum adhibere debent Consilium, maxime in transferendis senioribus ex quorum translatione multa oriri possunt incommoda Religionis, ac Monasteriis, & multa mala inde provenire, ut provido Consultorum suorum Consilio, discretè, & sapienter in re tanti ponderis possint discernere, atque definire. Et ob hanc eandem specialissimam rationem, ex præscripto nostrarum Theatinarum Constitutionum par. 3. cap. 7. in transferendis Patribus Vocalibus, nedum de Provincia, sed tantum de loco ad locum, debet P. Generalis Patrum Consultotum Consilium adhibere, ut id rationabiliter fiat, & cum causa.

1191 An verò sicuti dictus P. Generalis Theatinus tenetur adhibere consilium Patrum Consultorum suorum in transferendis Patribus Vocalibus, teneatur etiam sequi quod consulerint. Respondeo ita teneri exequi id quod semel statuit cum consilio Consultorum suorum, ut non possit à sua determinatione recedere, nisi de novo adhibeat Consultores pro Consilio. Recessus enim à tali determinatione, est novus

actus, & ideo, quando versatur circa res illas, in quibus ex præscripto Constitutio num tenetur adhibere Consultores pro consilio, si non adhibeat, remanet nullus, ita etiam idem P. Pasqualig. Centuria pr. 99. Moralium Canoniar. qu. 39. n. 6. affirmans, & optime anteced. n. 4. quod P. Generalis noster in iis, in quibus nostræ Constitutiones, & Decreta exigunt, ut exquirat Consilium à Consultoribus, accipit potestatem modificatam, & qualificatam: ita ut si eadem fiant ab ipso absque Consultorum consilio ejusdem actus nulli sint, ac invalidi, eo quod non exercuerit ipse jurisdictionem secundum formam eidemmet traditam: & ita tenet etiam Sylvester Verbo Consilium, Versu Quarto Queritur nu. 6. Ubi expressè ait: Quod si lex à principio cum tradit potestatem mandat operari cum Consilio, actus non valet non adhibito consilio, defectu potestatis, quia accipiens habet illam modificatam, & qualificatam. Et argumentum etiam desumitur. Ex Cap. Novit. De his que fiunt à Prælati &c. juncta Glossa in qua sic: Verbo Nota 2. Non debet membrum à capite recedere, nec è converso. Prælati negotia Ecclesie sue à Consilio fratrum suorum facere debet. Unde Navarr. lib. p. Consiliorum, Consil. p. nu. 13. (cum Bartolo ibi communiter recepto) ait: Quod non solum est requirendum consilium, sed etiam sequendum illud, quando est requirendum ab alio tanquam à Collega, & particeps Officii. Qua de re etiam Sanchez in Decalogum lib. 5. cap. 4. n. 65. ubi querens, An obligatus ad consilium petendum teneatur etiam illud sequi? Respondet, Regulariter non teneri cum sequi. Addit tamen, At fallit, quando id ab alio tanquam à Collega, & particeps Officii petendum est: ut testantur Bartolus, Dominicus Francus &c. Quibus addi possunt Rodriguez. to. 3. 99. Regularum qu. 17. art. 7. (Ubi pariter, cum Bartolo communiter recepto sic: Non solum est requirendum consilium, sed etiam sequendum, quando est requirendum ab alio tanquam à Collega, & particeps Officii, ut in casu nostro.) Suar. to. 3. De Relig. lib. 5. cap. 10. n. 19. & Lessius de Just. lib. 2. cap. 41. nu. 61. Quia videlicet, ubi à jure requiritur consilium, nisi adhibeatur, actus est nullus. Cap. Novit, De his que fiunt à Prælati, juncta Glossa. Non tamen tenetur (addit ibi Lessius) consilium illud sequi, sed satis est exquirere, & intelligere, ut docet Sylvester Verbo Religio 3. qu. 13. Quod etiam expressè, & ad rem nostræ responsionis confit. Pat. Pasqualig. qu. cit. 39. n. 5. in quo, inquirens, An P. Generalis noster teneatur sequi consilium suorum Consultorum, ita ut si non se-

quatur actus sit nullus? Respondet, & optime (cum P. Peregrino nostro in Commentariis Constitutionum par. 3. cap. 7. littera L.) non teneri, in iis in quibus habent solum votum consultivum, (ut ex. gr. in casu nostro, in amovendis, ac transferendis Patribus Vocalibus) Consultores nanque nostri sunt quidem Coadiutores P. Generalis, ut habetur par. 3. Constitut. Cap. 4. Eique in his, quæ ad regimen Congregationis pertinent opusculentur. Atque sunt participes Officii, quia in pluribus habent cum ipso eandem potestatem, ac jurisdictionem, ut in iis in quibus votum habent cum eodem decisivum, ut in creandis Præpositis, Visitatoribus &c. Sed non in omnibus eandem potestatem habent cum ipso; & in quibus non habent, ut in præfata Vocalium translatione, non tenetur consilium sequi: Quia Constitutiones distinguunt ea quæ P. Generalis tenetur facere cum consensu, ab iis in quibus consilium tantum debet adhibere: ex qua distinctione clarè infertur, quod non obligent Constitutiones ad sequendum consilium, si nanque obligarent, eadem esset ratio (concludo cum P. Pasqualigo n. cit. 3. in fine) de iis, in quibus deberet exquirere consilium, ut de iis, in quibus deberet expectare consensum, & non opus esset distinctione de consensu, & consilio. Ex his autem sequitur (infert ita idem P. Pasqualigo nu. seq. 6.) quod si Generalis noster semel aliquid statuit cum Consilio suorum Consultorum, non possit à sua determinatione recedere, nisi de novo adhibeat Consultores pro Consilio. Recessit enim à priori determinatione est novus actus, & ideo, quando versatur circa res illas, in quibus ex præscripto Constitutionum tenetur adhibere Consultores pro Consilio, si non adhibeat, remanet nullus. Quod etiam probat supra n. 4. Ut sequitur: In casu nostro, quando Generalis eligitur, & accipit potestatem, lex loquitur, & mandat adhiberi Consilium Consultorum, & prædicit ipsi potestas modificata, & qualificata. Quare tendendum est, actus esse invalidos, si fiant absque Consilio Consultorum, quia non exercet jurisdictionem secundum formam traditionis: & ita tenent præter Sylvestrum, & Pa-normit. Doctores omnes n. p. allati, & alii communiter. Et ideo Rota Decis. 282. coram Puvro in p. edit. notat, quod deficiente conditione deficit actus, & proinde, quando exigitur, quod fiat cum consilio tanquam cum conditione, erit nullus, si non adhibeatur consilium. Hæc etiam P. Pasqualigo nu. 4. cit. Cujus Doctrina confirmari etiam potest autoritate Flavon. Gonzalez super Regul. 8. Cancell. De Mensibus Alternat. Glossa 46. Verbo Consilium.

Verum Limita secundo, n. margin. 78. fol. 567. Col. p. dum ibi sic: Quando consilium est petendum ab eo, qui est participes Officii, tunc est sequendum. Tex. in l. Titium 47. in principio ff. de administrat. tutoris.

1192 Verum, quia & si dictus P. Generalis Theatinus tenetur requirere Consilium Patrum suorum Consultorum, in nonnullis tamen non tenetur (in exteriori foro) illud sequi (ut v. g. in dicta translatione Patrum Vocalium, ut supra, & in aliis in quibus Consultores habent votum tantum consultivum.) Ratio enim in ipso consilium petendi (ut optime P. Peregrinus in Commentariis cit. lit. l.) & finis est, ut ex consiliis traditis à Patribus Consultoribus ipse P. Generalis discernat, & decidat id, quod ad bonum commune Religionis ethius esse arbitrabitur. Unde ad consilia petenda non accedit P. Generalis ut illis adhareat, atque alligetur, sed ut motivum, & materiam sumat iudicii sui dirigendi, & quod sibi æquius visum fuerit decernendi. Quod docet etiam expressè Sylvestri Verbo Consilium n. 2. dum ibi sic: Queritur, utrum tenetur quis datum sibi consilium sequi, quando circa aliquid tenetur consilium petere? Et dico, quod tenetur quilibet Consilium petere, sive querere, ubi à jure caretur, & tenetur expectare tempus, donec consulat Sapientem, alius non valet si fieret quid mandatur fieri cum Consilio; Et idem repetere videtur Sylvestri eo loci nu. 4. Cui subscribens P. Peregrinus l. c. concedit quidem P. Generale nostrum in iis in quibus Consultores habent Votum tantum consultivum, haud teneri illud sequi: addit tamen expressè, In foro exteriori non teneri: quia in foro conscientie; si cognoscit consilium sibi datum à Consultoribus esse donum, & juxta restant rationem, cogitur illud sequi, non præcise, quia sibi sit datum ab hoc, vel ab illo, qui auctoritatis sit; sed quia ipse animo ita judicat, & judicare tenetur, dimisso quovis privato affectu, bono communi notio, ut etiam docet Cardinalis Paleotus de Consistorio par. pr. qu. 3. art. 8. Vers. At verò &c. Et non sequendo in hoc casu peccat mortaliter, vel venialiter juxta qualitatem materie arbitrio prudentis? Hæc Peregrinus, quæ vim maximam utique (ut constat) nostræ conferunt præfatæ primæ probationi, prosequendo igitur.

1193 Probatum secundo eadem data responsio: Nequeunt Generales Religionum transferre Subditos de una ad aliam Provinciam absque iusta, & rationabili causa, uti docent Navarra, Rodriguez, Vega quos citant, & sequuntur Peyrinus de Subdito qu. p.

qu. pr. cap. 12. Versu Dico secundo (ubi sic: Non potest Generalis transferre fratres de una in aliam Provinciam contra voluntatem transferendorum, & eis inauditis absque rationabili causa. Ita Navarr. Rodriq. Vega (qui hoc dicant de extraneo in aliqua Provincia incorporato, unde multo magis debent dicere de naturali.) Et Antonius à Spiritu Sancto in suo Directorio par. 2. tract. 3. disp. 3. sec. p. n. 9. pag. mibi 81. num. margin. 139. Versu Sed quæres: in quo sic: An Subditi teneantur obedire suo Generali cum à Provincia in qua natus est, eyciens, absque eo quod ei assignet causam rationabilem? pro explicatione hujus dubij suppono, Provinciales posse transferre suum Subditum de una in aliam domum, & Generalem de una in aliam Provinciam. Hoc supposito Respondeo Generalem non posse transferre fratres de una ad aliam Provinciam contra voluntatem transferendorum, & illis inauditis absque rationabili causa. Ita Navar. Rodriq. Vega, quos refert, & sequitur Peyrinus. Et ratio est, quia Judex, Superiorem agnoscens, non potest in damnum tertii quidquam facere, vel ordinare absque rationabili causa, ut cum Patronat. Navarro, & aliis notavit Peyrinus. Et patet ex Cap. Erit autem lex, dist. 7. 4. ubi dicitur, Quod lex debet esse rationabilis, & honesta. Hæc Antonius à Spiritu Sancto. Quod si in aliquibus gravibus, & onerosis, nedum debet Generalis operari ex rationabili causa, sed insuper debet eam assignare: Quod insinuat Navarr. in Commentario de Spoliis Clericor. §. 2. num. 7. Ubi in fine num. (Quod pro hoc facit fundamentum irrefragabile communiter receptum Bartoli loc. ibi cit. quod quando aliquid non potest fieri sine causa debet illa probari.) Et par. p. Confusor. lib. 3. Confil. 56. n. 2. ubi sic (Superiori etiam non recognoscens alium Superiorem, dicenti se facere aliquid ex justa causa, non creditur, nisi confites de illa, si id non potest facere sine causa, secundum Veriorem Opinionem, quam efficaciter probamus in Commentario de Spoliis.) Quod ex eodem Navarro approbat Peyrinus de Subdito qu. p. cap. 26. §. 2. sub Dico quinto, Versu Dixi ex Justa causa: Ubi (Nam sine ea Subditi obedire non tenentur. Nec sufficit Superiorem Prelatum dicere, se id facere ex justa causa, sed illam debet assignare, ut supra diximus ex Navarro libr. 3. Confusor. de Regularibus Confil. 56. nu. 2. Et de Spoliis Clericor. §. 2. n. 7. & 8.) Si inquam aliquando Generalis debet assignare causam, quæ illum movet ad præcipiendum, non video quomodo in transferendo Subditum de propria in alienam Provinciam, de propria in alienam Domum, si non assignet causam, vel

causa ipsa rationabilis non appareat, non possit Subditi reclamare, & interim non obedire, cum talis translatio possit esse valde onerosa Subdito transferendo? Nec enim onera sunt imponenda sine causa, neque sunt subeunda, nisi cognoscantur justa, ait Moronus Responso 21. n. 19.

1294 Et quod de facto Generales Religionum nequeant absque causa rationabili transferre subditos de una ad aliam Provinciam, refert de Fratrum Prædicatorum Generali in specie, Peyrinus l. cit. Dico primo, & Dico secundo, sub his verbis: Suum est (Generalis videlicet) transferre Fratres de Provincia ad Provinciam pro utilitate vel Ordini, vel transferendorum. Licet autem habeat plenam, & Generalem potestatem in Ordine, tamen nunquam est ei utendum hujusmodi plenitudine potestatis, ubi causa rationabilis non occurrerit. Quem morem sequuntur etiam ceteræ Religiones (Mendicantes præcipue,) & sequi debent ex iustitia eorum Superiores, quicunque hi sint, sive Generales, sive Provinciales, sive locales, ut constat ex dictis supra cum Navarro, Lezana, Petro ab Angelis &c. Quenque morem item sequitur, & sequi debet in specie Religio mea Theatina, dum ex præscripto nostrarum Constitutionum par. 3. cap. 7. in transferendis nedum de Provincia, sed tantum De loco ad locum Vocalibus, debet P. Generalis Patrum suorum Consultorum consilium adhibere, ut id rationabiliter fiat, & cum causa: & sic etiam à Patribus (præsertim gravibus) occasio aufferatur reclamandi. Transferre enim subditum de sua naturali Provincia, & de sua quandoque tantum domo professi in alteram (etiam Provincie ejusdem) redundare potest in maximam infamiam dedecusque Religiosi Subditi apud alios Religiosos nedum, verum etiam apud Sæculares, ut notat etiam Peyrinus De Subdit. qu. p. cap. 12. Sub Dico 3. Versu Probatur primo. Putabunt enim omnes (sunt verba Peyrini) illum commississe aliquod delictum propter quod fuerit merito expulsus; & illius vita durante, semper liberum erit malignis, ei talem expulsionem exprobare; quare licet potest se per appellationem, seu recursum à tali molestia liberare. Immo puto, quod quando esset fama necessaria pro virtute conservanda, ut regulariter contingit, & insinuat illo loco Ecclesiastici 41. quod non possit Religiosus cedere juri suo appellandi, cum hoc medio recuperet famam sibi injustè ablatam. Sicut licet homo sit Dominus divitiarum, quando tamen his opus habet pro alenda familia, non potest illas pro libito prodigere, sic non potest sa-

me renunciare, quando est necessaria ad virtutem conservandam. Hæc Peyrinus, quæ fortiter corroborant nostrum datum responsum, ut patet, quod insuper

1295 Probatur tertio. Quando Religiosus subditus sentit se gravatum ex amotione à suo Conventu, potest tunc licite appellare à gravamine, quod censetur pati, si ex amotione inferratur injuria, nascetur scandalum &c. & hoc de jure: Moronus responso 28. sub nu. 117. pag. mibi 118. col. 2. Ergo verum nostrum responsum; consequentia sequitur: antecedens probatur: Quia, Prælati, & Judex, Superiorem recognoscens, non potest quidquam facere, vel ordinare in damnum tertii absque rationabili causa, ut docent Panormit. in cap. Cum omnes de Constit. n. 2. Navarr. lib. 2. Consil. Tit. De Appellationib. Consil. 5. n. 4. cum aliis ab ipso citatis, quibus adde Peyrinum cap. cit. 12. sub Dico secundo, Versu Probatur primo. Et patet etiam ex Cap. Erit autem lex, Dist. 4. ubi habetur, quod lex debet esse rationabilis, & honesta: Erit autem lex honesta, justa, &c. pro communi utilitate conscripta. Ergo ut teneatur Subditus Superiori suo, ac Prælo obedire, debet hujus lex, atque ordinatio rationabilis esse, & justa, præcipue in casu nostro de amotione ejusdem à proprio Conventu, aliter non tenetur ipse in conscientia obedire, sed potest tunc appellare, sique honorem suum ex tali amotione periclitantem (ut suppono, & non aliter) defendere. Quod

1296 Confirmatur primo. Quia Superiori etiam Generali nec recognoscentialterum Prælatum Superiorem, & injustum aliquid mandanti, etiam si tale injustum, peccatum non contineat, non tenetur Subditus obedire, Panormitan. in cap. Inquisitioni de Sent. excomm. num. 5. Tabiena Verbo Obedientia, Versu, Sexto nunquid n. 7. quos referunt etiam, & sequuntur Peyrinus cap. cit. 12. Disto quarto, & Antonius à Spiritu Sancto in Directorio Regularium par. 2. trac. 3. disp. 6. sec. p. n. 121. pag. mibi 81. & exemplificant: ut si Prælati manderet mibi, ut darem illi meos libros, non teneo obedire: Sed deteriores sunt qui famæ nostræ detrahunt, quam qui substantiam nostram diripiunt, ut dicitur Cap. Debitores. Causa 6. qu. p. & habet Panormitan. in c. magna n. 13. de Voto. Ergo si non teneo obedire dando illi meos libros (est consequentia ad litteram Peyrinus, & Antonius à Spiritu Sancto l. l. c. c.) multo minus dando illi meam existimationem, & famam: atque adeo justam habeo causam non obediendi, & reclamandi, aut

appellandi, ut supra, idque tuta conscientia.

1297 Confirmatur secundo. Quia in omni obedientia sunt intelligendæ aliquæ conditiones, ut ex. gr. si potero, vel si rationabile præceperit &c. Unde Summa Tabiena Verbo, Obedientia, Versu Decimo septimo, n. margin. 18. inquirens, Utrum in omni obedientia sint intelligendæ aliquæ conditiones. Respondet quod sic, secundum Glossam in ca. 2. de Voto. Primo si possibilitas adest: facit ca. 2. querellam, &c. brevis de jure jurando. Item, admittit omnem rationabilem causam, ut notat Panormitan. in ca. Magna, de Voto &c. Idemque habet Summa Angelica, eodem Verbo nu. 4. Ubi pariter: In omni obedientia sunt intelligendæ aliquæ conditiones: scilicet si possibilitas adest &c. Item admittit omnem rationabilem causam, ut notat Panormitan. &c. Archidiaconus &c. subscribunt pariter Sylvesterus Verbo Obedientia n. 3. & Summa Armilla, Verbo eodem num. 12. cum quibus Peyrinus cap. cit. 12. sub Versu Dico quinto. Secundo probatur, & Antonius à Spiritu Sancto l. l. c. n. 142. qui, exposito antecedenti: In omni obedientia sunt intelligendæ dictæ conditiones, videlicet, si potero, vel si rationabiliter præcipiatur &c. deducunt, & sub ejusdem verbis (ego pariter cum eisdem) hanc consequentiam: Ergo si Prælati præcipiet aliquid sine ratione, subditus non tenetur ei obedire. Supposita veritate antecedentis, consequentia omnino sequitur, & ab ullo negari potest. Et adde hic cum Navarro, & Peyrino, quos refert & sequitur idem A. à Spiritu Sancto l. l. c. n. 144. Credendum neque esse Superiori, etiam non recognoscenti alium Superiorem (ut Generali) dicenti se transferre Subditum ex iura, & rationabili causa, nisi consistet de ipsa, si id non potest facere absque eadem: & multo magis non est illi credendum si Superiorem agnoscit, nec quidquam sine, rationabili causa potest facere. Unde (concludit idem A. à Spiritu Sancto n. sequ. 145.) Si Generalis absque rationabili causa Subditum transferret de sua naturali in externam Provinciam, habet hic justam appellandi causam, seu de gravamine conquerendi &c. Vide eundem.

1298 Probatur quarto. Si res valde difficilis, aut nimis molesta vel opus valde austerum à Prælo præcipiatur Subdito, ita ut iste maneat dubius de potestate Prælati, non tenetur (statim saltem) Subditus obedire, sed potest rem maturè discutere, & quousque sibi non consistet de honestate rei præscriptæ, & quod intra limites auctoritatis Superioris contineatur præceptum,

ceptum, executionem differre. Ita expressè *Rodriguez* to. 3. qq. *Regularium* qu. 19. art. 4. (Ubi *Versu*, Dixi in conclusione, sic: *Nec regulariter juri Divini, vel humanum, neque ipse homo per Votum obedientie se intendit obligare, vel obligari ad valde difficilia, ultra communem aliorum sui status obligationem, nisi specialiter aliquo jure, vel Voto aliqui ad ea obligentur. Quod dico propter aliquos Religiosos qui ex vi Voti regule sue, etiam in multis difficillimis, Prælati sui obedire tenentur. Regulariter tamen in valde difficilibus nullus obedire tenetur, etiam si in se alias licita sint.*) *Sanchez* in *Decal.* lib. 6. cap. 3. n. 23. (Ubi pariter sic: Quando Subditus dubius, an res præcepta sit licita, vel supra jubentis potestatem, juberetur rem valde difficilem, aut sibi nimis molestam exequi, non teneretur statim parere, donec re maturius discussa constaret eam licitam, & intra limites potestatis Superioris clausam esse, quia tanta rei difficultas, una cum dubio potestatis imperandi, præponderat possessioni Superioris, & fovet potius libertati subditi, quæ & si communiter odiosa sit, ut in hoc casu non est talis reputanda.) *Antonius Cordubensis* in *questionario Theologico* lib. 3. Tit. de *Conscientia* qu. 6. pag. mibi 176. col. 2. (sic: Tenemur Prælato obedire, nisi inde nobis, vel alteri periculum, aut notabile præjudicium spirituale; vel temporale in persona, rebus, vel bonore imminet.) *Ludovicus Lopez* par. pr. *Instructio* Conscientie Cap. 56. *Versu*, Sic etiam ibi cum *Soto* in lib. de detegendo *Secreto*, membro 3. qu. 2. conclus. p. (sic ait: Si mihi Prælati præcipiat longum iter, aut rem difficilem dubianque esset mihi ejus juris præcipiendi, non teneor statim parere. Nemo constringitur parere in re dubia cum gravi suo detrimento, quamvis opus, quod præcipitur sit tutum.) *Sayrus* in *Clavi Regia* lib. pr. cap. 13. nu. 40. idem affirmat, & sub iisdem serè verbis, ut sequitur: Si Prælati mihi præperet longum aliquod iter, aut rem difficilem, dubium mihi esset juri præcipiendi, non teneor statim cum tanto periculo, & discrimine obedire, donec constet mihi de Jure præcipiendi, ut *Sotus*, & *Medina* ubi supra tradunt. Adde possent & alii quos vide apud *Peyrinum*, qui & ipse tom. pr. De Subdito qu. p. cap. 7. *Versu* Nec item. expressè ait, Quod Subditus dubius de potestate Prælati non tenetur statim obedire, si illi præcipitur res valde difficilis, aut nimis molesta: Sed valde, grave, difficile, ac molestum quandoque est Religiosis Patribus præsertim gravibus, senioribus, ac benemeritis, se transferre à propria in alienam Provinciam, à proprio in aliud Monasterium, attentis maximè circumstan-

tiis, periculi videlicet amissionis honoris passionis Superiorum, persecutionis &c. ergo quousque constet de Justitia, & honestate præcepti non tenentur dicti Religiosi, ac Patres obedire.

1299 Confirmatur, Quia quoties Superior præcipit aliquid grave Subdito, & iste habet opinionem probabilem pro se dicentem imperium Superioris excedere limites Regule, vel propriæ potestatis, & auctoritatis, subditus quousque constet sibi met de tali potestate, & auctoritate, potest (saltem pro tunc) suspendere obedientia actum. Hinc *Sayrus* in *Clavi Regia* lib. pr. cap. 12. *Versu* Denique cum dicitur: Si Superior præcipit, quod licitum est secundum opinionem probabilem, inferior non solum parere potest, sed etiam tenetur: si autem diversitas opinionum, esset, an Superior possit id præcipere, & an inferior teneatur obedire, tunc quidem quamvis inferior tenens opinionem contrariam obedire possit, non tamen tenetur. Ratio diversitatis est: Quia in priori casu Superior habet juri præcipiendi, unde consequitur obligatio in Subdito, ut obediat: in posteriori vero casu cum dubitatur, an Superior juri præcipiendi habeat, tunc licet Subditus possit parere, non tamen ad id obligatur, cum non possit esse obligatio in Subdito ad obediendum, nisi ubi sit juri in Superiore ad præcipiendum. *Sanchez* in *Decal.* lib. 6. cap. 3. nu. 7. Si daretur Opinio probabilis dicens in aliquo casu non teneri Subditum obedire Superiori, tunc Subditus credens eam Opinionem esse probabilem, non teneretur obedire licet posset, quia potest alterutram opinionem tunc sequi ut docet *Sayrus*. Tunc enim non, præponderat possessio certa Superioris, quia eo ipso quod sit opinio probabilis, dicens Subditum non teneri in eo casu obedire, vocatur in dubium possessio Superioritatis in Subditum, & idè non supponitur possessio, ut præponderet contra libertatem quam habet Subditus ad sequendam quamcunque opinionem probabilem earum, quæ sunt immediate regule operationum. Sancius in *Selestis* disp. 33. à n. 32. Verum arbitror (in princip. numeri) Subditum non constringi obedire quoties opinio aliqua asseruerit ipsum non teneri parere, sive illicitum esse, quod præcipitur. Palao to. pr. tract. p. de *Conscientia* Opinante disp. 2. puncto 6. nu. 6. Dicimus Superiorem habere juri præcipiendi quod est certum, & indubitabiliter; quod verò sub opinione tantum licitum est, etiam sub opinione juri habet. *Antonius à Spiritu Sancto* in *Director. Regularium* par. 2. tract. 3. disput. 6. sec. p. §. 5. n. 164. & 165. Data opinione probabilis pro Subdito, non tenetur Subditus obedire Prælato, & ei licet utranque partem sequi. Ratio est,

est, quia unicuique licitum est, sequi opinionem probabilem. Nec obstat si dicas Superiorem iuste precipere, siquidem præceptum iuxta probabilem sententiam. Respondetur namque Superiorem non omnino iuste precipere, sed tantum precipere iuste probabiliter. Unde Subditus tantum tenetur obedire probabiliter, & in hoc casu ob ignorantiam datur bellum iustum ex utraq; parte. Franciscus Bardi De Conscientia Dubia, & Scrupulosa Discepat. 4. Cap. 26. à n. 18. pag. mibi 256. & 257. Si opinio quam habet Subditus, immediatè versetur circa obligationem, nempe sit probabilis opinio, quæ hic, & nunc excuset Subditum ab obediendo, nunc Subditus poterit opinionem excusantem amplecti, & non obedire: ut volunt Auctores citati pro hac sententia, quæ sic probatur: Licitum est unicuique sequi opinionem practice probabilem, at sequens opinionem, quæ hic, & nunc excusat Subditum ab obligatione præcepti, sequitur opinionem practice probabilem; ergo licitum unicuique erit in tali casu non obedire; maior supponitur ex dictis in hac Discepat. Cap. 10. & 12. minor verò suadetur, quia opinio habet quod sit practica ex eo, quod est quidam determinatus assensus versans circa rem pensatis omnibus circumstantiis intrinsecis, & extrinsecis, quæ possunt concurrere ad formandum assensum ipsum, & si innuitur rationibus alicuius ponderis, dicitur opinio practice probabilis, & regula nostrarum actionum directiva: sed quando opinio fertur circa obligationem, & Subditum excusat, procedit ex ponderatione omnium circumstantiarum, aliter esset temeraria, & non prudens, & pro se habet rationes alicuius ponderis, ut nunc supponimus, in conclusione enim loquimur abstrahendo ab hac, vel illa opinione in particulari, & supponimus sermonem esse de opinione quæ probabilis existimatur, de qua dicimus, quod si versetur circa obligationem parendi, possit Subditum excusari à præcepto: ergo sequens opinionem quæ hic, & nunc excusat &c. sequitur opinionem practice probabilem. Et confirmatur ex præci quotidiana, secundum quam edocemur, sæpe à nobis excusari aliquos à præceptis non solum humanis, verum etiam divinis ratione alicuius circumstantiæ, aut necessitatis, aut magnæ difficultatis: ver. gr. licet integritas confessionis Sacramentalis de peccatis mortaliibus sit de Jure divino, in multis tamen casibus, ut dicitur in Tractatu de penitentia, possunt aliqui tacere peccatum mortale, ut si non adesset alius Confessarius, & penitens manifestando aliquod peccatum, timeret rationabiliter à Confessario esse sibi inferendum aliquid damnum corporale: similiter si Ægrotus, gravi, periculo-que morbo laborans, & ex narratione omnium peccatorum, nimium defatigaretur poterit, ut

dicunt nonnulli, dimidiare Confessionem, & similiter passim excusamus fideles à jejuniis, alijsq; Ecclesiasticis præceptis &c. Hactenus Bardi l. c. alios omitto censentes unanimiter, non teneri Subditum obedire Superiori habenti pro se opinionem practicam probabilem dicentem in tali casu non teneri obedire.

1300 Nec potest Prælatus Regularis iuste, & licite punire suum Subditum, qui sequens opinionem practice probabilem, suo præcepto non obtemperavit, ut expressè etiam Diana Coord. to. 7. tract. p. ref. 121. sub n. 2. & 3. ex par. 3. tract. 2. ref. 93. Ubi sic: Qui operatur secundum opinionem probabilem non potest puniri: Ratio est clara, quia pena supponit culpam, sed qui operatur secundum opinionem probabilem non operatur culpabiliter, ergo non est dignus aliqua pena. Cui eidem rationi subscribens & Antonius à Spiritu Sancto in Directorio Regularium §. 5. cit. num. 175. & 176. sic ait: Prælatus Regularis non potest iuste, & licite punire suum Subditum, qui sequens opinionem probabilem suo præcepto non obtemperavit. Ratio est, quia qui operatur cum probabili opinione prudenter, & licite operatur, cum se conformet regulis recte rationis, ergo iuste, & licite non potest puniri. Antecedens est certum: consequentia probatur, tum quia res, quæ culpa caret in damnum vocare non debent Cap. 2. De Constitutione, tum quia punire illum sui facti iustam, & rationabilem causam habentem, aut excusationem, intrinsecè est malum, sed qui operatur cum opinione probabili iustam habet sui facti excusationem: ergo punire illum erit intrinsecè malum. Hæc & optime citatus Doctor cum P. Diana, & aliis.

1301 Neque obstat, quod in dubiis tenearur sequi opinionem quæ favet possessioni, in casu autem nostro præponderat possessio certa Superioris: non inquam obstat: tum quia (ut optime Sanchez in Decal. lib. 6. cap. 3. n. 7.) Eo ipso quod sit opinio probabilis, dicens Subditum non teneri in eo casu obedire, vocatur in dubium possessio Superioritatis in Subditum, & idè (inquit & Sanchez) non supponitur ea possessio, ut præponderet contra libertatem quam habet Subditus ad sequendum quamcunque opinionem probabilem earum quæ sunt immediatè regule operationum. Tum quia & si demus Prælatum habere possessionem certam Superioritatis, si tamen opinio aliqua dicat Subditum in aliquo casu non esse contritum obedire, liberum erit illi tunc obedire, vel non, eo quod fias sit cuique opinione probabilis uti, ut docet etiam Sancius in Selectis qu. 33. sub n. 28. Versu, At quamvis. sub sequentibus

verbis: *Quoties fertur opinio probabilis dicendi in aliquo casu non teneri Subditum obedire, nec Superiorem posse obligare, liberum erit Subdito obedire, vel non, cum possit tuto alterutram opinionem sequi.* &c. ante Sancium idem affirmat Sayrus in *Clavi Regia* lib. 1. cap. 12. n. 6. Videatur. Tum etiam quia, obligationem sequendi opinionem quae foret possessio, negat *Sau h. lib. 2. de Matrim. disp. 41. n. 30.* quando utraque opinio est probabilis, quia utraque etiam est eligibilis, ut recta regula operandi: & *cu. n. Sambez, & Villalobos to. p. Summ. tra. 7. p. difficult. 9.* idem negat *P. Pasqualisq. Decis. 31.* Quia possessio non facit ut teneamur eligere, quae ipsi favet, quia non obligamur ad eam manutinentiam, nisi in virtute opinionum, quod sit regula operandi; hinc possessio (ut *Pasqualisq.*) dependet ab opinione, non autem eligibilitas opinionis a possessione. Quando autem dicitur (addit *P. Pasqual. Decis. cit. n. 2. cum Samb. n. c.*) *Quod melior est conditio possidentis: intelligitur in dubiis; ita enim loquitur Regula Juris: Quando autem hinc inde concurrunt opinionem: probabiles, non sumus in dubiis, sed in probabilibus: unde qui eligit unam, aut alteram opinionem, non est dubius, sed probabiliter iudicat.* Deinde, *Melior conditio possidentis, dubietate facti, non dubietate juris; qui in possessione est sufficiens titulus continuandae possessionis, quando sumus in dubiis, ad quem non servatur rei possessa, ita Pasqualisq. n. 2. cit. Cum Sambez n. cit.*

1302 Nec et non pariter Subditi, opinione probabilis ducti (sunt verba *Sancii* disp. c. 33. n. 42. ad rem nostram) scandalum proprium nasci poterit. Nam scandalum proprie invenitur, quando aliquis actionem malam agit, aut male speciem habentem sine causa, ex quo alii exemplum accipiunt ad iniqua operandum. At Subditi non obediens, opinione probabilis suffulti, actionem malam non operatur, nec male speciem habentem: nec ex eo quod alii non obediens, opinione quoque probabilis ducti inique non operabuntur. Fit ergo minime scandalum proprie inveniendum esse tunc. Quod verò turbatio communitatis eminet, praesumendum non est, si moti sumus opinionem Superioris, & Subditi; nullus namque mirabitur, nec iuste conqueretur, quod Superior precipiat, & Subditi non obediat, cum quilibet ius suum illis conservare contendat, quod fieri iure naturae concessum est. Displacencia solum a Superiore capienda timeri potest, quod illius mandatum executioni non detur: ut hoc potius naturalis est, quam iuste sumpta. Si verò Superiori nota non sit Subditi opinio, tenebitur inferior illam declarare, ne non obediendo detur occasio

suspiciendi se Superius mandatum despicere. Nec adeo plura sunt, quae possint Superiores precipere, & in quibus versetur opinio, an sint licite, vel non, quod crebro turbatio illa timeri possit, sed semel ex millibus. Imò multo maiorem turbationem exoriscendam fore in opinione dicentium non obstringi Subditum parere, dum versatur opinio de legitimitate Superioris; omnibus est manifestum. Nam Superior tunc maiorem injuriam sibi irrogari arbitrabitur: quod videlicet ob id ei non obedientia praestatur, quia de ejus jurisdictione dubitetur, quod sane ipsi magis nocivum est, quam si obedientia non praestetur in una vel altera re, quia dubitatur an sit licita, vel non: Unde ex primo timere merito poterit in nibilo fore obediendum: ex secundo autem, quod in hac, vel illa re obedientia defuit; hoc autem minus nocivum esse Superiori, quam primum, nullus sane mentis in dubium revocabit. Et paulo infra ita profertur. At Subditi dum opinione probabilis ducti, parere non vult Superiori, non avertit ab illo aliquid quod possideat, sed suam libertatem ad non obediendum, natam ex opinione probabilis tuetur, & defendit: quod autem quis rem a se possessam defendat, scandalosum neutiquam est, nec seditiosum; & sicut Superior sua opinione ductus arbitratur a se asserri possessionem suae jurisdictionis, quando Subditi illi non obediunt: eodem modo Subditi sua quoque opinione nituntur, putat Superiorem a se asserre possessionem libertatis, quoniam habet ipse ad non parendum. Haec tamen Sancium mirabilis ad casum nostrum. Cui eadem addi etiam potest Antonius ad Spiritu Sancto par. 2. Direct. Tit. de obligationib. Religiosor. tra. 7. 3. disp. 6. sec. p. 5. n. 173. fol. mibi 84.

1303 Haecque eidem sententiae ac doctrinae subscribit expressè, (uti non minus probabilis sua contraria) *P. Diana* Coord. to. 7. tra. 7. p. ref. 133. nu. 2. Ex par. 4. tra. 7. 3. ref. 8. cum *Vasquez* in prima 2. qu. 19. art. 6. disp. 62. cap. 6. in fine. & *Salas* in p. 2. qu. 21. tra. 7. 8. disp. unica, sec. 8. n. 78. Quia, videlicet, quando dubitatur de legitimi Superioris potestate, non tenetur (inquit *P. Diana* aliterunt & alii) Subditi obedire. Et idem docent, Quando adsunt diversae opiniones probabiles: quia Subditi tunc habet obligationem obediendi Praelato, quando Praelatus habet ius, & potestatem certam precipiendi, sed in casu nostro est dubium de ejus potestate legitima, ergo &c. Vide eundem *P. Dianam* Coordinatum tom. 8. tra. 7. pr. ref. 15. Ex par. 2. tra. 7. 15. ref. 10. & *resol. Coordinata* sequenti 16. Ex par. 4. tra. 7. 4. Miscell. ref. 31. Vide etiam *Caramel* in Theologia fundamentalis institutionali to. 3. lib. 3. Tit. De Conscientiae Dictamine Disp.

Disp. 3. qu. 5. nr. 1419. in quo approbans expressè recitatam sententiam Pat. Diane par. 4. tract. 3. ref. 8. resolvit, & ipse ut sequitur fol. mibi 307. Si esset certum quod Superior non haberet auctoritatem, esset certum quod non teneretur obedire: ergo si est probabile quod non habeat auctoritatem, erit etiam probabile quod non teneatur obedire: non erit ergo imprudens, nec temerarius si ei obedientiam neget; non enim temerarius, aut imprudens, qui sequitur opinionem probabilem. ita Garamuel n. 1419. cit. qui n. 1420. sequenti, sic prosequitur. Dicit, Nemo potest expoliari possessione propter meram opinionem probabilem: ergo quauandiu non sit certò Superiorem non habere auctoritatem legitimam, debet ei obedire. Respondet potest dari duplicem Statum; alterum, in quo homines nihil decernant de possessione probabili, alterum in quo statuatur neminem privandum possessione sine causa certa, & evidenti. In hoc secundo verum est antecedens, falsum in primo. Ad idque & eodem modo distinguendum est consequens. Stando rei nature falsa est consequentia: etsi daretur Religio, in qua esset lex obediendi Superiori probabili, ingressus talem Religionem, consensum esset cessisse proprio iuri, adeoque etiam probabili Superiori obedientiam debere. Sed contra

1304 Dices Ex Peyrino ipso, pro nostra responsione etiam citato. Quando constat rem præceptam esse licitam, & tamen dubitatur, an excedat regulam, & limites potestatis Superioris, tunc Subditus obedire tenetur: ita De Subdito qu. pr. cap. 7. Vers. Dico quarta. cum Sanchez. ibi. Miranda, Rodriguez, & aliis. Nec enim (ait idem Peyrinus) de qualibet re præcepta ratio investiganda est, quia sic durissima esset Prælatorum conditio, & pessimus Subditorum Status, ut qui non Superiori, sed rationi, ad suum accommodatæ iudicium parerent, & abnegatio propriæ voluntatis, in qua Religionis perfectio consistit, penitus rueret: igitur in dubiis parendum: Et ut Subditus teneatur obedire, satis est ut ipse non sciat evidenter esse malum quod ei præcipitur, nec extra limites auctoritatis Superioris.

1305 Item. Neque Subditus (ait Bordonus to. 2. Resolutionum, ref. 58. n. 46.) excogitare debet causas præceptorum flante bonitate, & prudentia Superioris, qui quandoque occultam habet rationem, & causam ita præcipiendi, licet ignotam Subdito, cui illam non reuelatur revelare cum in omnibus licitis jam ex Voto obedientie propriam voluntatem illi subiecit. Hucusque Bordonus loc. cit. Idem docet Famburinus de Jure Abbatum t. 2. disp. 219. 12.

n. 5. in quo sic: Abbas non tenetur suis Subditis de omnibus rationem reddere, præcipue quando patet licitum esse id quod præcipitur; quia sic Prælatorum conditio durissima, Subditorumque status pessimus foret, ut considerant supra citati Doctores.

1306 Idemque affirmat Antonius à Spiritu Sancto in Directorio Regular. par. 2. trac. 3. disp. 6. sec. p. §. 4. n. 120. pag. mibi 80. dum ibi sic. Nec etiam Prælati potest ferre censuram sine causa, ut notavit Suarez to. 5. in 3. par. disp. 4. sec. 6. n. pr. & tamen si de facto non declaret, nec in ipsa censura scribat causam illius, censura non est nulla, sed valida, ut docet idem Suar. de Cens. disp. 4. sec. 7. n. 34. & alii. Sufficit enim ad valorem censure ut detur causa: ergo idem dicendum est de præcepto absque censura. ita num. cit. 120. Addens num. 121. cum eodem Peyrino, & aliis: Quod si Prælati aliquid etiam præcipiat iniuste, quod non sit per se peccatum mortale, nec veniale, sed indifferens, vel dubium, & hoc non solum sine causa expressione, sed etiam sine causa rationabili, adhuc tenebitur Subditus obedire ad vitandum scandalum. Et, pro foro saltem externo (addit Laurentius Cuthillus in Additionib. ad Jacobum Mancinum de Visitatione Inferior. in Appendice Practicæ primæ, dub. 7.) si non pro foro interno: Ne scilicet scandalis, & jurgis inquit) pateat via. Videatur Practica prima cit. que est de Opinatione eligenda à pag. mibi 308. 309. & 310.

1307 Addi etiam potest (valde faciens ad Casum nostrum) quod in mea Religione Theatina, quando à P. Generali, vel Consultoribus transferuntur Subditi de loco ad locum, quicunque illi sint, sive laici fratres, sive Clerici, aut simplices Sacerdotes, vel etiam Patres Vocales, quacunque ex causa id fieri debeat, nunquam à Superioribus hæc exprimitur Subdito, sed unica, cadente forma indifferenter, cuiusque translatio, & amotio localis præcipitur, transmittendo videlicet illi ordinationem typis expressam tenoris sequentis.

Rev. in Christo Patri, vel Fratri N. N. in Domo nostra Sancti &c. commoranti, salutem &c.

Præsentem Rev. Tua literarum acceptionem, in Dignum nostram S. Mauriti Man-tue se conferat, quam tibi in proprium domicilium assignamus, quod ad aliter Nobis visum fuerit: cum id Dei gloria, & Religionis ratio deponere videantur. D. O. M. & gratiam suam, & promptè cum obedientie merito, suam tibi benedictionem impertiat. Datum Romæ &c.

D. N. N. Præpositus Generalis
Clericorum Regularium.

D. N. N. Secret. Cler. Regula.

Quæ ordinatio, seu ut dicitur *Obedientia*, vel la *Patente d'assignatione*, cum respectu omnium transferendorum sit semper ejusdem tenoris; semperque eadem omnino forma ordinationis invariabilis sit, atque extiterit in *Religione Theatina*; à Subditis exequitur quando eis transmittitur, nec ab eis queritur ratio; vel causa expeditionis obedientiæ, vel talis assignationis, quam non tenentur reddere Superiores, aut revelare, ut optime etiam concludit *P. Moronus Responsio* 28. n. 127. pag. mibi 118. col. 2. subsequentibus verbis: *Si Religiosus amoveatur à loco, & causa non est necessario cognoscenda judicialiter, non potest subditus appellare à præcepto amotionis, quia Superior non tenetur reddere rationem subdito de his, quæ spectant ad suum officium, & esset hoc vani Capitis tentare. Ergo &c. Verum*

1308 Negatur consequentia totius oppositi discursus, & argumentationis. Transfati in primis totum id quod assumitur ex *Peyrino: Directorio Regularium*, ac *P. Morono*. Sed dico, nullum istorum supra esse, vel discurrere contra nostram supra datam responsionem, imò summopere illi favere, illamque comprobare, & evidenter. Quid namque dicit *Peyrinus l. c. de Subdito qu. pr. cap. 7. Vers. Dico quarto? Dicit ut sequitur: Quando constat, rem præceptam esse licitam, & tamen dubitatur, an excedat regulam, & limitet potestatis Superioris, tunc subditus obedire tenetur, ita tenetur sateri omnes Doctores citati &c. & ita fateor, atque concedo &c. ego. Sed in Versu subsequenti, Obediendum igitur, limitando suum dictum; addit: Obediendum igitur in dubio de potestate Prælati: nisi vergat in detrimentum tertii, aut bonoris, vel fame propriæ, & limitant *Rodrig. Miranda, Sayrus, Sanchez, Ledesma &c.* In hoc enim casu ait *Peyrinus cum citatis*, non tenetur Subditus obedire. Et idem asserit *Directorium Regularium §. 4. cit. n. 121. & 127. in quibus: Si Prælati aliquid injuste præcipiat quod non est per se mortale, nec veniale, sed sunt indifferentia, vel dubia, tenetur Subditus obedire, non solum sine expressione causæ, sed etiam sine causa rationabili: modo non sint (Nota) in præjudicium rerum, animæ, corporis, vite, bonoris, & fame Subditis, neque alterius, in quo casu non tenetur obedire. Idemque (ut constat supra) omnino asserit *P. Moronus* qui pariter post recitata sua verba: *Et esset hoc vani capitis tentare, subjungit (ut supra retuli.) Sed posset qui-***

dem appellare à gravamine, si ex amotione inferretur injuria, quia inde nasceretur scandalum, & hoc de Jure.

1309 Ad id autem quod addebatur, in *Religione Theatina* amoveri Subditos à Superioribus localiter, etiam Patres Vocales, nulla facta expressione causæ, ut patet ex *Epistola ipsa supra allata, seu formula assignationis*. Respondeo cum distinctione: Nulla facta expressione causæ in ipsa formula, seu nella *Patente d'assignatione*, concedo, quia hæc nunquam variatur, tantummodo enim exprimit Superior in ipsa, se id præcipere, ut patet, existimans, quod suum præceptum vergat in servitium Dei, & Religionis. Nulla facta expressione causæ nec in ipsa assignationis formula, nec in litteris privatis, vel alio medio, & nego. Imò semper, vel saltem ut plurimum, quando amoveantur Subditi à Superioribus in *Religione Theatina* (maximè *Vocales*) eis, vel per privatas Epistolæ, vel medio Superiore locali, vel alio modo notificatur causa, & hac etiam data, aliquando accidit, vel defectu istius, vel quia remotio Subditi ordinata non vergit in servitium Dei, & Religionis ut supponebat Superior, vel alia, de causa, accidit inquam, quod à Superioribus revocatur, & à Subditis non exequitur. Nec exequi debent, saltem in conscientia non tenentur per *P. Dianam Cler. Regularem Theatinum, In casu quo timerent obediendo, sibi, vel tertiæ personæ aliquod magnum damnum rebus, bonore, vel fama, aut corpore: uti supponitur (& non aliter) in casu nostro: ita To. 7. Coord. tract. pr. ref. 134. §. 2. Ex par. 4. tract. 3. ref. 9. ubi etiam Arragon. Medina, Henric. Lessius alique penes ipsos: hinc negatur absolutè aliquid concludi posse ex prædicta argumentatione contra nostram responsionem, vel eandemmet in aliquo ex illa infirmari, imò potius, ut patet, roborari. Quæ præterea ex eademmet, & hucusque dictis*

1310 Probatur quinto. In proprii honoris, famæ &c. præjudicium non tenetur Subditus obedire in conscientia: Sed in maximum honoris, & famæ ejusdem quandoque vergit præjudicium, imò etiam quandoque & in notabile damnum Monasterii in quo reperitur, si in aliud se transferat, ut intendunt, ac præcipiunt Superiores: ergo vel non tenetur Subditus in talibus positus circumstantiis obedire, vel saltem suspendere potest executionem usque dum veritas pateat &c. Consequentia sequitur. Minor uti certa hic supponitur, & non aliter. Major verò in qua tota vis, & fundamen-

dammentum nostræ responsionis, & argumentationis consistit, licet satis pateat ex dictis, & sit propositio Doctorum communis, ut videre est apud ipsos, nihilominus ad abundantiorē doctrinam, & ut vis ipsa nostræ responsionis, & propositionis validior sit, & appareat.

1311 Explicatur, declaratur, simulque probatur. Quia Votum obedientiæ, uti & alia tum solemnia, tum simplicia, sunt stricti juris, & debent strictè intelligi, adeo ut quantum fieri possit minus obligent: *Layman libr. 4. tract. 4. Cap. 3. De obligat. Voti n. 4. Voti, sicuti & juramenti, strictam interpretationem faciendam esse, quatenus & materia subiecta, & verborum usus, aut proprietates promittit, à Doctoribus communiter traditur, ea ratione; Quia cum agitur de obligatione, stricta interpretatio facienda est l. quidquid astringende ff. de verb. obligat. Votum autem, & juramentum gravissimam obligationem continet: Ergo &c. Neque id est contra Voti favorem, aut juramenti reverentiam: si quidem Votum, & juramenta eo facilius, & frequentius observabuntur, si benignior eorum interpretatio fieri soleat: & ad Vota in honorem Dei emittenda magis provocabuntur homines, si eorum exactio benigna potius, quam rigida fuerit, sicut indicatur in c. ex parte de Consu. ubi habetur: In dubio, de qua mensura majore ne, aut minore, vota edita sunt (volentes solvere ad minorem, cogendos non esse, ut ad majorem persequantur: quoniam cum hujusmodi Vota gratuita fuerint ab initio, benignius sunt à viris Ecclesiasticis exigenda; ne tanquam exactiores videantur lucrum temporalibus inhiare.) Ubi Glossa ait (ideo pro eis fit interpretatio, ne ipsorum munificentia erga Ecclesias retardetur.) Atque ita explicant Tiraquei. in privil. 25. pie causæ, Molina tom. pr. tract. 2. disp. 198. §. Utrum vero. Sanch. libr. 4. Moral. Cap. 13. nu. 8. Azor. par. pr. lib. 11. qu. 10. in fine. Quibus addi possunt alii plures, præsertim Pellizzar. in Man. Regal. Tom. pr. tract. 4. cap. 5. sec. 8. Subsec. p. qu. 8. Obligatio Voti debet sic interpretari, ut obliget voventem minus quam fieri possit. Et qu. 18. Semper obligatio voti debet interpretari, ita, ut obliget minus, quam fieri possit. Tum quia, cum agitur de obligatione, stricta interpretatio (ut supra) facienda est: Tum etiam quia, cum Dei jugum suave sit, & onus ejus leve Matth. 11. 30. ut obligatio quoque Religionis suavis sit, atque levis par est. Quod contra Votorum reverentiam neutiquam est, si quidem facilius, ac frequentius observabuntur, si benigna eorum interpretatio fieri soleat; & ad Vota in Dei*

honorem facienda, facilius excitantur homines, si eorum exactio benigna potius, quam rigida fiat. Ita igitur est, ac esse debet ex communi Theologorum omnium, & Canonistarum sensu, admittentium unanimiter in Votis omnibus licet perpetuis, ac solemnibus Episcopalem, ac interpretationem per quam benignè declaratur Votum reipsa non esse, aut obligationem ad illud in talibus circumstantiis deficere, quando videlicet illius observantia, vel ex mutatione notabili materie, vel alia de causa redditur nedum impossibilis, ac inhumana, sed etiam nimis dura, quia non solent homines regulariter se tam graviter obligare. Quia, licet homines promittant Deo, promittant ut homines, & juxta conditionem humanam, inquit Suar. tom. 2. De Relig. libr. 4. Tit. De Obligat. Voti Cap. 10. nu. 14. (Addens præterea) Accedit, quod etiam in promissione jurata admittitur talis interpretatio, ut expressè habetur in Cap. Quemadmodum de Jurjur. ergo idem erit in Voto. Et jurata illa Regula juris, quod In generali concessione non veniant, quæ in specie proposita verisimiliter non esset quis concessurus, cap. In generali §. 1. De Regul. Juris in 6. Cap. Si Episcopus, de Penit. & remis. Ubi non solum propter impotentiam, sed etiam propter conjuratum intentionem, seu limitationem intentionis generalia verba concessionis limitando dicuntur, illæ quæ causant de verbis obligationis, idem ergo erit de Voto. Querit autem Glossa in dicto Cap. In generali, quomodo sciatur, quæ sint illæ specialia, quæ sub generali concessione non comprehenduntur. Ex hoc respondet, hoc cognosci posse (Ex impossibili, vel inhumana, aut dura separatione.) Ita ergo in presenti dicere possumus non solum illam mutationem, quæ reddit observationem Voti absolute impossibilem, sed etiam illam, quæ reddit inhumanam, tollere, vel suspendere obligationem, quia non solent homines, regulariter loquendo, se tam graviter obligare. Prudenti ergo judicio opus est. Unde Cajet. 2. 2. qu. 113. dub. 4. Oportet (dicitur) considerare supervenientia impedimenta, & conferre, cum re promissa, & collatione facta, quod rectè tunc ratio suadet, pensatis conditionibus locorum, personarum, temporum; & negotiorum, honestum exquiri. Loquitur Cajet. de promissione generalium, est autem eadem ratio de Voto, & ideo eadem regula potest hic cum proportionem applicari. Hætenus Suarez n. 14. cit. Hinc 1312 Sicuti præceptum etiam naturale sub quibuscunque universalibus verbis proponatur, nullatenus casus includit quos natura ipsa non comprehendit, multo minus Vota quælibet comprehendunt illos casus, quos natura ipsa non comprehendit, seu potius

potius excludit lex naturalis. Humana, ac Divina. Quapropter idem Suar. eodem lib. 4. c. cap. 11. nu. p. inquirens: *An Votum obliget in casu necessitatis, vel extremae, ut in periculo mortis, & simili, vel gravis, ut cum discrimine magne iacturae vel in temporalibus bonis, vel in fama, vel in statu, & honore, vel in salute, aut corporis incommodis.* Et respondet: *In huiusmodi eventu, & necessitate Votum non obligare, quia tunc observantia Voti est moraliter impossibilis, vel adeo difficilis, ut nemo intentionem habeat obligandi se ad voti observationem cum tanto discrimine.* Confirmat: *Quia in iis materiis a lege positiva ad Votum licitum est argumentari: sed lex positiva non obligat in casu necessitatis, unde habetur Regula (Quod non est licitum in lege, necessitas facit iustum) quia necessitas non subiacet legi, ut dicitur in cap. 2. de Observat. Tejun. ergo idem est in Voto, ut inferi Glossa. ultima. in dicta regula juris 4. & ibi Panormit. n. 2. simpliciter, & sine restrictione dicens, non frangere Votum, qui illud propter necessitatem non servat.* Confirmat iterum. A simili de iuramento promissorio, quod etiam Voto equiparatur: *at qui ob necessitatem non implet tale iuramentum, non est transgressor illius, ut sumitur ex Cap. Querelam, de Iurejur. ibi (Non necessitate, sed voluntate) ubi Glossa, & Doctores id notant, & multa allegant &c. ita Suarez a quo non videtur distare Caramuel in sua Theologia Regulari: in Regulam S. P. Benedicti Disp. 46. conclus. 2. nu. 560. pag. mibi 124. d. m. ibi sic: Nullus potest cogi in Monasterio perennar' expositus mortis periculo, aut condemnatus iniuste ad penam gravem, quam solum fugiendo possit effugere. Penam gravem eam dico, quae graviter bonorem ledit, aut inferi summam incommoditatem. Qui sic fugit debet curare, ut illa gravamina tollantur si possit, & cum sublata fuerint, reverti ad suam communitatem. Ex hac generali doctrina emanant resolutiones variae, quae superius proderunt.* Inter quas sequenti pag. 225. nu. 562. ponit sequentem: *Si iniuste a suo Praelato quis graviter affligatur, ut oriantur maiora inconvenientia, potest ex Monasterio egredi sine licentia, ut recurat ad Superiores, non obstante Decreto Concilii Trident. sess. 25. cap. 4. de Regul. Ita sentiunt Sanctiarelus de Apost. cap. 3. dub. p. nu. 11. Navarr. Comm. 2. de Regular. n. 61. & Comm. 3. n. 51. Azor. to. p. lib. 12. cap. 17. n. 4. Rodrig. tom. pr. qu. 29. art. 2. & qu. 30. art. 4. & Sa Verbo Religio n. 71. Probatur: quia Concilium Tridentinum condemnat omnem recursum schismaticum, & irrationalem; non autem condemnat, nec condemnare potest recursum laudabilem, & neces-*

sarium. Adde injurias Tridentinae Synodo esse illos, qui credunt eam etiam necessarios recurrere, & appellationes abstulisse, quia consequenter debent temere asserere, eam processisse contra ius naturale, quod est regula infallibilis universarum legum. Et paulo infra in fine eiusdem n. 562. Dicitur igitur resummo, & concludo asserendo primo: *Possit egredi ex Monasterio quemcunque qui certo, & evidenter scit, se, aliis aut occidendum, aut passurum tantam bonorum iacturam, quantum sine peccato acceptare non possit; & hoc etiam invito Abbate; & ratio est, quoniam in tali casu illegitimè esset invitatus Abbas, & insolenter contra Decalogum iuberet.* Secundo si notitia ad probabilitatem, aut mori imminens ad gravissimam incommoditatem reducat, possit idem omnino prestare, quia in moralibus probabilitatibus evidenti certitudini aequivalens. Exiit Iesuitas, fortè, & Benedictinos, & si qui alii sunt, qui cesserunt iure utendi opinione probabili contra Abbatum sententiam. Haec Doctissimus Caramuel: in quorum, nec non antedictorum confirmationem.

1313 Addi potest: Notum esse iam, Lippis, & Tonforibus, omnes Grammaticorum Regulas, omnia Philosophorum, ac Jurisconsultorum axiomata, omnes utriusque Juris regulas, suas habere exceptiones, vel limitationes: Item praecepta Ecclesiastica, & Divina naturalia, etiam negativa, *Non occides; non furaberis; non desine alienum &c.* Sicuti, & plurima Sacrae Scripturae verba, in quibus Theologi suas conclusiones, & opiniones fundant, quamvis amplissimam, ex se praeficerant significationem, ad valde minorem coarctari, quam verè solum important. Idemque omnino attendendum est de Votis omnibus etiam solemnibus, & perpetuis, nulli dubium: Ex ullo enim unquam rationabili, vero, ac solido fundamento, ex ullo Divino verbo, seu scripto, seu revelato habetur, vel certò colligitur, ac perspicuè Vota omnia, etiam Religiosorum Solemnia in aliquibus circumstantiis non desinere obligare, sicque non habere suas exceptiones, & limitationes: si enim enumerata omnia, suas habent exceptiones, ac limitationes, cur non habebunt Vota etiam solemnia? Cur istis non concedatur Interpretatio, quod pro talibus calibus eorum esset obligatio, utpote quia noverint profiteantes se in illis obligare? Cur inquam Voto solemnium non concedatur id, quod Theologi omnes, ac Canonistae concedunt esse commune omni Voto? videbunt Episcoporum, & Interpretationem? Suarez ipse, to. 2. de Reig. lib. 6. cap. 9. nu. 3. inquit.

Inquit : Per dispensationem tollitur obligatio : per interpretationem non tollitur , sed declaratur non esse , quia vel nunquam orta est , vel cessavit per se se , vel simpliciter , vel pro tali casu . Ut in casu iacturæ honoris , famæ propriæ , ac in bonæ excommunicationis præjudicium , cui famæ , & honoris , nec explicitè , neque implicitè , per Votum Obedientiæ , & professionis , facta fuit renunciatio , uti etiam hic suppono . Vide Suarez . to. 2. de Relig. lib. 4. cap. 19. & 20.

1314 Probatur sexto nostra responsio , magisque roboratur , ac confirmatur , ex doctrina quam tradit Gabriel à Sancto Vincentio Carmelita Exaltatus , in suo To. Confessor. seu Responsionum Variarum , Romæ edito de anno 1668. in quo Responsio 67. quaerens : An Generalis possit Religiosum infamum , inaudiatum , inconsultum , & invitum transmittere in aliam Provinciam sine causa ? Et Respondet negativè , cum Navarro Commento 4. de Regul. n. 22. Rodriq. to. p. qq. Regularium qu. 23. art. 3. & Vega in Summa p. 7. Quia (inquit) ex simili mutatione communiter non levior oritur infamia mutati . Unde quidam Vir gravis Senatorii ordinis dicebat (Mali Religiosi itinera frequentant .) Cum autem unusquisque sit Domini sue famæ : D. Tho. 2. 2. qu. 113. sequitur , quod nec Religiosus teneatur ad istam translationem implendam , nec Generalis possit eam præcipere ubi famæ periculum instat . Et cerè negari non potest , quod frequenter fama denigretur ex huiusmodi violentis translationibus , non solum apud Religiosos , verum etiam apud Seculares . Tum quia communiter ista mutationes in malum finem interpretantur . Tum etiam quia frequenter mutationes istæ obiciuntur à malignis , & Religiosi sic mutati irridentur , & sic eorum pax non leviter turbatur , ut frequenter inquietentur sic mutati , ut continuo cogitent de modo revertendi , etiam recurrendo extra Provinciam , cum non levi scandalo Secularium . Præterea , Iudex Superiorem agnoscentem , nequit in damnum tertii quicquam facere , vel ordinare absque rationabili causa , imò tametsi nullum agnoscat Superiorem , Panormit. in Cap. Cum omnes de Constit. nu. 2. Navarr. libr. 2. Confil. Confil. de appellat. Confil. 5. n. 4. Ergo neque hoc sacre potest Generalis ; tum quia in hoc negotio non procedit ut Iudex , sed ut Pater ; tum quia agnoscat Superiorem Pontificem , Protectorem , & Sacram Congregationem . Hinc est , quod neque Pontifex ipse potest aliquod definire contra aliquem , ipso inaudito , sic habetur Cap. Suscepit , De causa possessionis , ubi dicitur (Nec nos contra inauditam partem aliquid possumus definire .) Et Causa secunda , qu. p. dicitur (Nos in quenquam sententiam ,

ferre non possumus , nisi aut convictum , aut spontè confessum .) Covarr. practicar. cap. 26. n. 6. Maranta p. 4. dist. 16. à n. 10. Hactenus A. Sancto Vincentio loc. cit. Concludens n. 6. in principio : Hinc Religiosus invictè translatus , & sine sufficienti causa , reclamare potest apud Protectorem . Addens nu. 7. Et non solum non potest Generalis sine causa eicere Religiosum à Provincia in qua natus , vel professionem emisit , sed neque extraneos in illa iam incorporatos ; cum hoc etiam redundet in infamiam istorum . Quo circa sic eicisti possunt ad Superiorem per modum querelle recurrere . Vega in Summ. p. 2. Verbo Religiosus Casu 41. Navarr. lib. 2. Confil. Tit. de Sentent. & re Judic. Confil. primo . Et licet melius esset secundum virtutem inclinare Caput , & captivare se in obsequium obedientie . Stando tamen in rigore obedire non tenetur , dato ut dicitur quod ea translatio sit probrosa , & cum infamia aliqua , quia cum tunc Prelatus iniuste præcipiat , non est ei obedientia præstanda ; iniuste namque præcipienti parendum non est . Abb. Capit. Inquisit. de sent. excommunic. Peyrin. l. c. Tabiena Verbo Obedient. n. 6. & alii . Verum cavendum est , ne foveantur gravamina , ne Religiosus infametur , quia Religiosus particularis tenetur aliquam infamiam , vel notam sustinere , ne tota Religio infametur .

1315 Neque prodest , si dicat P. Generalis , se habere iustam rationabilemque causam (sibi notam) transmittendi hunc subditum ad extraneam Provinciam , nec esse necesse , quod illam manifestet : Non inquam prodest : Quia , ut optime Peyrinus de Subdito to. p. qu. p. cap. 12. Versu , Neque credendum . Non est credendum Generali dicenti , Se talem Fratrem transferre , ex iusta , & rationabili causa : Nam ut bene ait Navarrus De Spoliis Clericor. §. 2. num. 7. & 8. & lib. 3. Confil. de Regular. Conf. 56. n. 2. Superiorem etiam non recognoscentem alium Superiorem , dicenti se facere aliquid ex iusta causa , non creditur , nisi constet de illa , si id non potest facere sine causa . Et multo magis illi non est credendum qui Superiorem agnoscit , nec quidquam sine rationabili causa potest facere . Quod specialiter probatur in nostra Religione Minorum , ubi Superioribus assignantur tres Socii (in Religione Theatina adiunguntur P. Generali quatuor Patres Consultores) ut illorum provido suffulti consilio sibi Religionis negotia , discretè , ac sapienter possint dyvernare , atque definire . Sed non desinit discretè , & sapienter , qui absque rationabili causa , & inaudita parte procedit . Et si dicat P. Generalis , se moveri ex iusta causa , ei non creditur , inquit Peyrinus , nisi iungat de illa . Uti nec creditur

creditur (ait citatus à S. Vincentio d. Respons. 67. n. 4.) Principi dicenti se moveri ex iusta causa, quando est in damnum tertii, nec fides ei adhibetur, nisi eam ostendat, & probet (cum Navarro, & Peyrino l. l. c. c.) Imò [addit] in dubio an Principi iustam habeat causam procedendi contra tertium, presumitur contra Principem, sic ex Abb. Cap. susceptus n. 4. Pinel. Mech. Menocchio, Cervall. & alius, tradit Barbosa in Collect. d. Cap. susceptus n. 11. (Ubi sequentem assignat rationem) Quia licet alius pro Principe, imò pro quolibet Iudice sit presumendum, hoc tamen non procedit in illis quae illicita causa facere eis licitum non est, nam si de causa non appareat, presumptio iuris est, quod illicitè fiat, l. qui testamentum ff. de re probat. l. si donationem C. de collat. cum similib. bacenus Barbosa. Quare Religiosus invitè translatus, & sine sufficienti causa, reclamare potest: Ità cum Navar. lib. 2. Confil. de appellat. Confil. 5. Rodrig. Vega, & Peyrino l. l. c. c. concludit A. Sancto Vincentio. Quibus addi porellit P. Pasqualigus Decif. Morali 461. in qua quaerens An Regularis, qui non convincitur possit à Prelato puniri? (praemissa nu. 2. responsione Soti, Relect. de regendo Sevetto n. 2. qu. 4. conclus. 8. absolute respondentis: Non posse Prelatum, eum punire. Ex communi fundamento, quod debeat procedere secundum allegata, & probata.) Dicitur n. 3. Non posse Prelatum auferre ministerium, aut mutare Subditum de loco in locum (intelligit nec intra eandem Provinciam) etiam si haec dependeat ab ipsius voluntate, quando non convincitur: aut aliquid aliud prestare circa ipsum. Ratio autem est (inquit.) Quia licet haec omnia, quantum est de se, non inferant gravamen Subdito, quia temetur subiacere voluntati, & dispositioni Superioris: concurrente tamen tali circumstantia, quod fuerit inquisitus, aut Suspectus, magnum gravamen inferunt; quia videntur intuitu delicti inferri; atque adeò sunt quaedam confirmatio delicti, quae iniusta est, dum de ipso non constat.

1316 Et si hic opponer quis: Adducta, aut huiusmodi alia, esse per modum penitentiae regularis, & ideo non requirere, quod subditus remaneat convictus. Respondet P. Pasqualigus Decif. c. n. 5. Quod penitentia quoque regularis supponit delictum, quod regulari modo puniri debeat: Unde si non adfuit delictum certum, adhuc inferit gravamen: quia puniuntur de eo Regularis, de quo non constat an debeat puniri. Confirm. Communiter Doctores docent, non esse adhibendam correctionem fraternam, quando de peccato non constat. Ergo multo minus debet adhiberi penitentia regularis; quia haec majus gravamen inferit. Ita P.

Pasqualigus nu. 5. c. Addens n. 6. & 7. Neque Prelatum posse adhibere reprehensionem ad terrorem, aut aliquid aliud medicinale, quando subditus non convincitur. Ex eo, quod si reprehensio, siue quaecunque alia medicina adhibeatur in tali casu, gravamen inferit: quia adhibetur intuitu culpa, de qua tamen non constat, & per talem medicinam adhibitam declaratur quod subditus indigeat, atque adeo quod culpam commiserit, aut quod dispositus sit ad committendam: atque adeò indigeat medicina praeservativa; haec autem omnia sunt contra bonam existimationem, atque adeo contra iustitiam. Confirm. Quia quilibet habet ius ad conservandum bonum nomen, etiam apud Superiorem: & ideo non potest Superior ipsum depone- re, nisi de contrario ei constet; deponit autem, quando corrigit subditum: quia ratione correctionis ostendit se sentire commissam illam culpam à Subdito; atque adeo non potest hoc praestare quando Subditus non est convictus; quia iniuste privatur de eo, quod tenetur conservare.

1317 Quid si ei dicas, sufficere suspicionem; ut possit Superior adhibere medicinam respectu Subditi. Respondet. Id solum habere locum quando medicina non est odiosa Subdito: quia tunc nullum ei inferit gravamen: secus autem quando est odiosa; quia tunc inferit gravamen, & est poenalis, quia est contristativa. Unde tunc suspicio transit in sententiam; quod iniuste fit: quia sententia debet fundari in certa scientia: quia debet esse secunda, nec exposita periculo inferendi gravamen, & ideo non potest ratione suspicionis inferri aliquid poenale, etiam si sit per modum Medicinae. Ita n. 8. Addens n. 9. Potest quidem Prelatum, quando Subditus non convincitur, adhibere correctionem conditionatam, qua vertetur ad rescipiscendum, supposito quod erraverit: Hoc enim pacto nullum inferitur gravamen, quia monitio non transit absolute in correctionem, sed tantum conditionatè, si nempe in ipso adfuit demeritum: & tunc iusta est; & si non adfuit non transit. Et hoc pacto potest admonitio obtinere eundem effectum emendationis, ac si absolute modo fieret. Quae omnia (concludit n. 10.) debent intelligi si Prelatus non habeat certam scientiam de errore commisso. Quia si habeat: Dicit, Posse Prelatum corrigere subditum, & etiam aliquam penitentiam salutari punire, ita tamen ut totum occultè fiat, si error secretus sit: & solum publice possit corrigi, quando error publicus est. Et ratio est (sic n. 11.) Quia cum ad Prelatum spectet regimen subditorum, necdum habet ius corrigendi errantes, sed etiam tenetur adhibere ea remedia salutaria, quae necessaria sunt: Unde ut possit adhibere, sufficit si sibi constet quod necessaria sunt: quia

quia in regendis Subditis debet sequi scientiam propriam, nec tenetur sequi scientiam publicam acquisitam per processum. Unde nullum fit gravamen subdito, si Superior erga ipsum fungatur munere suo. Hinc pater, quod quando dicta inferuntur absque certa scientia demeriti, vel ex processu, vel privata Superioris scientia inferunt gravamen subdito; & idem cum iniusta sint, neque ordinari possunt ad bonum sive communis, sive subditorum. Hæc omnia P. Pasqualigus Decis. cit. à num. 3. usque ad 12. inclusivè. Ex quibus velet etiam inferre, quod quando Subditus certò scit, Prælatum ei aliquid iniuste præcipere ex odio, & mala voluntate erga ipsum, non tenetur obedire, quia tunc Prælatas abutitur sua potestate. Ita expressè Peyrinus 10. p. de Subdito qu. p. cap. 11. pag. mibi 28. quem etiam referunt, & sequuntur Lezzana 10. p. cap. 4. nu. 16. & Antonius à Spiritu Sancto par. 2. Directorii Regular. tract. 3. disp. 6. sec. p. §. 3. num. 64.

1318 Probatur septimo nostra responsio Autoritate Navarri, Rodriquez, & Veze quos refert, & sequitur Peyrinus de Subdito qu. p. cap. 12. Versu Dico Tertio: item Autoritate Azorij, Sayri, Suar. & Sanchez quos pariter citat, sequiturque Palao 10. 3. Tit. de Voto Obedientie disp. 4. punc. 15. n. 4. pag. 371. Novarij in Lucerna Regularium, Verbo Appellatio n. 6. Antonij à Spiritu Sancto in Director. Regular. par. 2. tract. 3. disp. 6. sec. 5. §. 6. à nu. 784. pag. mibi 132. & aliorum: communiter sustinentium, licitum esse Religiosis appellare, quando habent iustam causam, & eorum Superiores, erga ipsos, terminos iustitiae excedunt in re gravi, magnumque gravamen inferunt. Et fundamentum omnium idem, ac commune est: quia videlicet in casu gravis, & iniusti gravaminis, Appellatio, est remedium necessarium ad propulsandum Superioris injuriam, & iniustitiam; nec credendum est Religiosis velle, aut voluisse in professione huic remedio renunciare, nec explicitè, nec implicite, nisi hoc expressè ex aliquo capite verè probetur, aut deducatur. Hinc optimè Palao nu. 4. cit. ait: Si Prælati terminos iustitiae in gravibus penis imponendo, excedat, licitum tibi est remedium appellationis uti, præcipue, si per viam querelæ, & supplicationis non reputas satis tibi esse subveniendum; quia eo casu appellatio est remedium necessarium ad propulsandam Superioris injuriam, nec credendum est te voluisse in professione huic remedio renunciare. Tum quia ea renunciatio Religioni utilis non est, ne Prælatorum iniquitatem foveat. Tum quia ex nullo iure, vel privilegio colligitur,

hæc enim prohibent appellationem à correctione regulari, non à gravi injuria. Nam ea sponte concessum est appellationis remedium ex Cap. de Priore de appellationib. 31. Ubi graviter iubetur puniri quidam Prior, eo quod appellationi ad Sedem Apostolicam non detulerit; cum omnibus concessum sit ad Sedem Apostolicam appellare posse, Cap. Ad Romanum 2. q. 6. Idem constat ex Cap. licet, de Officio Ordinari. & Cap. super questionum, de Officio delegati. Et expressè Cisterciensibus appellatio concessa est in causa denegatæ iustitiæ, aut pro notoria injuria, uti refertur in Compendio Privilegiorum Societatis, Verbo Appellatio §. 2. Et licet Fratribus Franciscanis interdicta sit appellatio ad Secularia tribunaia sub Excommunicationis pena per Gregor. XIII. in Bulla incipiente. Quoniam nostro pastoralis. anno 1575. concessa tamen est ad Generalem, & ad Protectorem Ordinis, & Pontificem. Hæc Palao n. cit. & eadem habet omnino à Spiritu Sancto num. cit. 185. quem vide usque ad finem numeri 816. inclusivè.

1319 Quibus non obstat Concilium Trident. sess. 22. cap. p. de Reformatione. & sess. 24. cap. 10. eodem Titulo: quatenus determinat, quod quando agitur de morum correctione, appellatio, executionem non suspendit, & causæ omnes Regularium ad morum correctionem spectent. Nam ut optimè Peyrinus 10. 3. de Privilegiis in Additament. ad Constit. Leonis X. Cap. 4. n. 20. pag. mibi 428. Pæne quæ à Regularibus imponuntur, secundum Trivisanum de modo procedendi criminaliter inter Regulares, sunt in duplici differentia. Vel enim imponuntur pro moribus corrigendis extrajudicialiter, nullo formato processu: vel imponuntur in iudicio, formato processu: A primis (sic Peyr.) non datur appellatio, quia levis supponuntur, ab aliis autem sic. Additque eodem num. 20. Atque ita declaratum existit à S. Congregat. Concil. die 6. Octobr. anno 1588. & talis est stylus Romane Curie, ut mibi bene constet. Imò (subdit immediatè) etiam si Prælati processum non formet, si in corrigendo hoc pacto excedat, potest etiam in hoc casu subditus appellare. Et ita fertur fuisse etiam declaratum à Sacra Congreg. mens enim Concilii non est quinquam gravare, sed solum Ecclesiasticam disciplinam fovere, quæ suadet, ne pro quacunque re levi ad Superiorem appelletur. Itaque, quando dicit Concilium, quod appellatio executionem non impedit; intellige, quando appellatio est frivola, idest, sine ratione legitima interposita; vel quando est de re levi, vel quando in casu claro, & probato, ad fugiendas penas interponitur; vel quando qui puniunt præcipue

secundum Regulam, quam professus est, non autem quando est legimus interposita, & agitur de re gravi, ver. gr. privatione Officii, &c. ita Prynnus & optime. Quare nec Concilium Trident. nec aliud, nec ulla alia Constitutio prohibet Regularibus appellationem, nisi de re levi. Hinc merito etiam Bordonus ref. 32. n. 7. pag. mibi 293. inquit: Non licet appellare à correctione legitimè facta secundum Constitutiones Ordinis, nisi quando Superior corrigens excedit modum, quod procedit quovis modo puniatur subditus sine extra judicialiter, sive in iudicio formato processu, in utroque enim casu potest contingere gravamen propter quod tollendum datur locus appellationi. Ita dicunt Abbai. Alexander de Nevo, & Prepositus in Cap. Speciali, §. fin. de appellat. & ex eis lib. 6. cap. 8. n. 103. Quod habes locum, non solum quando gravamen est manifestum, sed etiam dubium, loquendo de jure communi, ut colligit Sanchez lib. 6. cap. 8. num. 110. ex cap. Cum speciali, §. Porro de appellat. & ibi Doctores ex Silo. verb. Appellatio qu. 12. n. 13. & ex Sanchez. Compens. ref. 10. num. 13. Hæc Bordonus l. cit. Cui adde Antonium à Spiritu Sancto in Director. Regular. par. 2. tract. 3. disp. 6. sect. 5. §. 6. n. 786. ubi loquens de appellatione (ut in casu nostro) & de Constitutione suæ Religionis, quæ videtur illam prohibere; & ipsemet ait: Appellatio est remedium necessarium ad propulsandam Superioris injuriam, nec credendum est Religiosos velle in professione huius remedii renuntiare; nec nostram Constitutionem videri illud prohibere, nam licet prohibeat Religiosi appellationem à Deservitorio, & aliis Superioribus, statim cautè adiungit (A sententiis, & penis impositis secundum nostras Constitutiones) ergo si penæ non fuerint imposite secundum nostras Constitutiones, optime poterunt appellare; nam talis Constitutio prohibens nostris Religiosis appellationem debet intelligi eo modo, quò intelligitur jus commune denegans Religiosis appellationem, ut cum Sanchez in simili casu notavit Diana, Coordin. Tom. 7. tr. p. De Dubiis Regular. ref. 10. n. 3. ex p. 3. tract. 2. ref. 54. vers. Notandum est. Idem dicendum est, quando causa committitur cum clausula omni appellatione remota, nam semper debet intelligi, nisi detur gravamen iniustum, Bellasius verbo Appellatio nu. 10. Armilla, & alii, quos refert, & sequitur Prynnus de Subdito qu. p. cap. 19. versu sed quid. ita citatus à Spiritu Sancto.

1320 Et idem docet P. Pasqualis de ref. 348. licet ibi loquatur de recusatione Judicis apud Regulares (est enim eadem fere ratio de recusatione Judicis, ac de appellatione) Querens nanque an instante Decreto Ca-

pituli Generalis anni 1621. apud nos Clericos Regulares, quod habetur 3. par. Decretor. cap. 9. n. 10. & prohibet, quod quando Judex Ordinarius adhibet Assesorem non possit recusari ut suspectus, possit nihilominus recusari? Tenet num. 2. posse recusari: (contra P. Marcellum Megallam in sua Practica Crimin. Canon. cap. 8. nu. 23. Versu. Adverte tamen. fol. mibi 137. & 138. Ubi ait, Apud nos Clericos Regulares non posse habere locum recusationem Judicis Ordinarii, ob citatum Decretum, quando ut Judex Ordinarius adhibet Assesorem) Contra quem Doctorem nostrum, arguit ita (& optime) idem P. Pasqualis. Decret. d. n. 4. Quia anima legis, & Statutorum est iustitia, sine qua non sunt Leges, & Statuta, sed Tyrannicæ oppressiones, undecum Lex, & Statutum debeant accipi tanquam vera Lex, & Statutum (alioquin deberent reiici, ut quid contra bonum publicum) debent accipi secundum eam mensuram, secundum quam continent iustitiam. Si autem prohibere, recusationem judicis, & appellationem ex iusta, & gravi causa, non contineret iustitiam, sed iniustitiam; quia prohiberet defensionem, & implicite vellet oppressionem innocentis, & iustitiæ.

1321 Hinc patet quod si aliquod Decretum, vel Constitutio aliqua reperitur, quæ prohibeat Religiosis recusationem Judicis Ordinarii, vel appellationem, accipienda sunt, ut solum prohibeant ex frivola causa, non autem ex iusta, ex dictis, & ita etiam tenent (apud eundem P. Pasqualis. qu. cit. 48. nu. 2.) Speculat. lib. 1. tit. de Recus. §. p. n. 5. circa med. vers. vel dic quod nihilominus. Franc. in cap. Postremo, n. 5. vers. & adverte de Appellat. Natta cons. 174. num. 5. Marfil. singul. 292. nu. 3. Lancelloc. de Attentat. cap. 6. n. 40. Scaccia de Appellat. qu. 16. limit. p. n. 120. qui omnes docent (cum iisdemque & idem Pasqualis) quod quando etiam Papa committit causam cum clausula Recusatione remota, debet intelligi de recusatione ex causa frivola, non autem causa iusta. Ut facit Gloss. in Cap. Ad hæc de Rescriptis. Innocent. in Cap. Ex Transmissa de Foro compet. & Sanchez. lib. 6. Operis Moral. cap. 8. n. 110. Intentio enim, & finis prohibendi Regularibus recusationem Judicis, vel appellationem, accipienda sunt, ut solum finis huiusmodi prohibitionis sit, parare remedium pro perturbatio, ne Regularis disciplinæ, quæ potuisset suboriri, si subditi habuissent aditum recusandi Judicem ordinarium, vel appellandi ex quacunque levi causa, tunc enim nul-

Ius Superior potuisset aliquem punire: quia semper in promptu fuisset aliqua causa frivola recusationis, & appellationis; unde orta frequenter fuisset magna perturbatio. Quo circa debet semper accipi huiusmodi *Decretum, & Constitutio*, ut inherens Sacris Canonibus, præsertim *Cap. Cum speciali de Appellat.* ubi Pontifex prohibet apud Regulares recusationem Judicis, contra suas speciales observantias, nempe ex levi, & frivola causa. Et *Cap. Ad nostram. De Appellatione, & recusatione*: ubi prohibetur quidem appellatio *A correctione legitima Superioris*, nisi tamen modus excedat. Unde concludendum venit, quod ex ullo Statuto, ex ullo Canone, vel autoritate, aut ex ulla lege colligi potest non esse licitum Religiosis appellare, quando habent iustam causam, quando scilicet eorum Superiores erga ipsos, terminos iustitiae excedunt in re gravi: hinc optime *Raymundus Nidus De Regulis Juris, Regula 17. num. 31. vol. p. fol. mibi 139. col. p. n. 30.* loquens, & ipse de clausula prædicta. *Appellatione remota*: inquit: *Hec non tollit, quin pari se appellare possit, ex iusta, & rationabili causa, & tollit solum frivolum, injustum, ac illegitimum appellationem.* Unde, & in cap. ut debitis honor. Glossa ipsa ver. Absque rationabili causa: ait: Sic ergo remota est per istam constitutionem quælibet appellatio, quæ absque rationabili causa apponitur. Et idem docent *Menochius de Arbitrat. Judic. casu 197. n. 2. Franciscus Leo, in Thesaur. for. Ecclesiastici p. 2. c. 2. n. 36.* aliique, communiter assentes, quod per clausulam *Appellatione remota*, non impeditur appellatio quæ à jure expressè permittitur.

1322 Nec valet dicere Regulares dum profitentur, renuntiare juri *Appellandi*, ac recusandi *Judicem*, & habendi jus proprium; & secundum omnia esse sub obedientia, atque adeo ratione Voti obedientiae in omnibus posse adstringi: Non inquam valet, quia talis renunciatio absolute non adest, nec explicitè, nec implicitè, nam Regularis modus vivendi non excludit, sed maxime amplectitur iustitiam, quæ præsidio appellationis tuetur, quod in jure naturali fundatur, nec per Obedientiæ Votum aufertur. Unde optime animadvertit *Sanchez to. 2. Confessor. lib. 6. cap. 8. dub. 2. n. 23.* Religiosum posse appellare, quando Superior charè, & notabiliter excedit modum in *Regula prescriptum*: & nu. 25. ait, dum in privilegio Regularium negatur ipsis appellatio: non negari appellationem à sententia, &c. Sed à correctione, reformatione, mandatis &c. ut supra etiam dictum est. Et resolvit pariter

Bordon. to. p. Resolutionum. Refol. 32. n. 3. dum ibi absolute sic. Certum est omnes Regulares se gravatos sentientes à suo Prelato, appellare posse ad Superiorem, ad effectum tollendi gravamen, & hoc habent de jure naturæ, sicut ceteri hominum, quibus non sunt deterioris conditionis, maxime in naturalibus, appellatio siquidem nihil aliud est, quam naturalis defensio à gravamine illato, vel inferendo, est ergo debita de jure naturæ quo ad substantiam; natura enim ducit ex suo instinctu, ut unusquisque gravatus se defendat, ut fecit D. Paulus appellando Cæsarem Aitōr. 25. ita Bordon. cum aliis n. c. Subdens immediatè: Omnibus indifferenter conceditur facultas appellandi, ergo & Regularibus, cum & ipsi sint subiecti juri communi, ac ceteri fideles, tum ratione, quia id non est essugere sui Superioris obedientiam, sed se vindicare ab injuria, seu violentia illata, seu inferenda, quod omnibus jure naturæ conceditur, & in hoc Religiosus habet velle, & nolle, quod in naturalibus à se non rejicit, neque renunciat per professionem, sed sibi retinet hoc jus se defendendi à suo Superiore, quoties injustè gravaretur, ut docent omnes de jure communi. Nam quidam, ut *Sotus lib. 5. de Justit. qu. 6. art. 3.* & ex eo *Miranda, dicit*, unanquamque ferè Religionem de jure speciali habere privilegium prohibens appellare à sententiis suorum Superiorum, sed huiusmodi privilegia intelligenda sunt, quando nullum est gravamen, nisi imaginarium, vel saltem leve. Hucusque Bordonus: quem vide n. 8. vbi cum *Rodriguez, Sayro, Navarro, & Sanchez* confirmat (& optime) Privilegia interdicens appellationem Religiosis intelligenda esse secundum jus commune, nempe appellationi non esse locum, quando nullum est gravamen, vel saltem leve; positum autem verò gravamine, quod videlicet sit alicujus momenti, non intelligi per privilegia prohibitam esse appellationem, aliter essent iniqua (ait idemmet) & foverent injustitiam, & dolam Superiorum, recenset eadem Privilegia à n. 9. Videantur.

1323 Quod autem dictum est de Appellatione, alleritur etiam de recusatione Judicis, quem utique recusare possunt Regulares, quando nimis grave, valdeque onerosum illis esset subiaci tali Judici, inimico, suspecto &c. Cum huic juri (utique naturali) non renunciant dum profitentur Regulares, nec explicitè, nec implicitè, nē supra. Et sicut ex *Jure Canonico*, potest *Judex Ordinarius* ex iusta causa recusari. *Cap. Cum speciali, De Appellatione*: ita & *Judex Regularis* ob iustam similitem causam recusari potest: ut cum aliis, pluribus atq.

clausis Doctoribus definit *Sanch. par. 3. Summe libr. 6. cap. 8. nu. 110. & 111.* concludens ibi ut tequitur: Cum Constitutiones Religionis, & Privilegia degerent Religiosi appellationem, denegabant subinde recusationem. At dicendum est, in hoc equiparari recusationem, & appellationem, ut neutra absque causa liceat; & Constitutio illa (dicto Cap. Cum speciali) non extenditur ad Regularem, quatenus extensio impediret eorum correctionem iuxta regularia instituta. Quare quando Superior valde suspectus crederetur, excessurusque ob passionem, posset recusari; sicut in hoc casu, potest ab eo appellari, ut dicimus n. præced. 110. Et docent ita Hostiensis eo cap. Cum speciali nu. ult. verb. Extendi. & ibi Jo. Andr. n. 18. Antonius fin. Bellemer. n. 14. Abbas ibi §. Porro n. 3. Alexand. de Nevo cod. §. nu. 8. Præpositus in fin. Francus n. 4. Ita Sanchez n. cit. 111. Quod pariter confirmat To. 2. Confessor. Moralium lib. 6. cap. 8. dub. 3. num. 17. fol. mibi 247. ubi item sic Ex dictis fit Religiosum posse recusare suum Prælatum procedentem ut Judicem contra illum, quando est iusta causa suspicionis contra illum, quod late probavi lib. 6. Summe cap. 8. nu. 111. Probatur ex dictis: si enim, est adeo naturale hoc remedium, ut vel Princeps secundum multos id non possit tollere, vel saltem nullo modo censeatur tollere, nisi expressè id dicat, & tunc adhibet intelligitur de recusatione frivola: Ergo cum in privilegii Religionis non continetur, quod excludit recusatio, standum est iuri communi, quod eam concedit. Item quia potest esse iusta causa suspicionis Prælati Regularis propter quod nimis grave esset ab ipso iudicari. Item, quia si Concilium Provinciale, Legatus à latere potest recusari, & Communitas: ergo à fortiori Prælati Religionis. Pro hoc videntur esse omnes Doctores citati in hac questione, qui transientes, quis Judex recusari possit, non eripiunt Religionis Prælatum, & clarius Glossa Cap. In singulis, De Statu Monachor. vers. & appellatione: ubi decernit Romanus Pontifex, quod quolibet triennio celebrentur Capitula in Religiosis ad reformationem morum Religiosorum, & dicit, quod eligit Capitulum quatuor, qui præsent, & ab eo definita serventur annis executione, & appellatione semotis; ubi hæc dicit Glossa (nec recusare possunt, quia eos elegerunt, nisi ex nova causa, quia iusta recusatio nulli est deneganda.) Ecce qualiter textus non negat recusationem, quia sunt Prælati Regulares, sed quia sunt iudices electi à paribus, & Glossa etiam in hoc casu concedit ex nova causa recusationem; & dicit, hanc nulli denegandam; & tenet expressè Præpositus Cap. Cum speciali. §. porro. n. 6. de appellat. quando excedit Regulam; sed si non excedat.

ita Sanchez. l. e. quem vide à nu. c. 17. usque ad finem dubii. Vide etiam P. Mezgulam nostram in sua Præci Criminali Canonica Cap. 8. à nu. 23. ubi colligit causas suspicionis ob quas Judex Regularis recusari potest.

1324 Et si dicas Regularem, dum proficitur, renunciare huic juri recusandi Judicem Ordinarium. Respondet cum P. Pasqualigo Decis. 346. n. 6. non adesse talem renunciationem, nec explicitè, nec implicitè: Regularis nanque modus vivendi non excludit, sed maxime amplectitur iustitiam. Imò si fieret talis renunciatio, nec esset valida (addit idem n. c.) quia esset contra bonum commune, quod in casu non serveturordo essentialis iustitiæ; nec posset ab ipsa Religione acceptari: cum non possit velle quod transeat causa subditorum absque observantia eorum, quæ requiruntur à iustitia, inter quæ præcipuum est, quod ex iusta causa possit recusari Judex. ita & optime P. Pasqualigus n. 6. cit. Cum quo num. anteced. 3. concludo, quod cum Jus Canonicum concedat recusationem Judicis, debet etiam concedi apud Regulares: præsertim cum apud ipsos majus, & cum majori aequitate procedendum sit. Neque huic conclusioni obstat supra allatus Canonici Textus Cap. Cum speciali, De Appellat. Non enim ibi prohibet Pontifex absolute Regularibus (ut constat) recusationem Judicis; sed solum decernit, quod facultas recusandi Judicem ordinarium non extendatur ad ipsos contra ipsorum observantias (ut advertit etiam P. Pasqualigus num. 7.) hoc est, quod non possit habere locum apud ipsos in prejudicium observantiarum Regularium: nec possit consequenter idem Judex recusari, quando procedit secundum Regulam, & observantias Regulares, nec adest causa manifesta illum recusandi. Ibi namque concedit Pontifex (ut patet) recusationem Judicis, etiam si causa recusationis sit dubia. Apud Regulares autem, regularis observantia exigit, ut non recusetur, nisi ex gravi, certaue causa, nec debet esse ita facilis, uti est apud seculares, cum utique minus suspicionis præsumatur apud Judicem Regularem, quam apud Secularem. Præterea quando Superior Regularis procedit secundum Regulam, non potest inferre gravamen; cum nec inferat Regula, unde non habet locum recusatio: quod notat etiam apud eundem P. Pasqualig. n. c. 7. in fine, Bertilucensius in Practica Crimin. Cap. 2. tit. 19. in fine.

1325 Probatur octavo nostra responsio: Ex doctrina P. Pasqualigi Centuria p. qu. 81. in qua

in qua inquirens: *An Regius subditus teneatur obedire Superiori precipienti, ut se transferat ad habitandum in Monasterio in quo illi imminet periculum damni corporalis, aut spiritualis?* Resolvit absolute, & certè negativè: *Supposito, quod periculum imminet sit fundamentum, & tale putetur à viris prudentibus.* Tum quia in hoc casu Superior excedit limites suæ potestatis, cuius præceptum non est actus potestatis, sed violentiæ, & idèd non verum præceptum, nec habet vim obligandi. Tum quia Superior Regularis non potest præcipere subditis, nisi ea quæ sunt secundum Regulam, sive expresse, & directè ad eam pertineant, sive implicite, & indirectè, ut communiter docent, cum Prælati accipiat potestatem, ut ea utatur secundum præscriptionem Regulæ, secundum quam debet regere, nec se extendere ultra terminos ejusdem Regulæ; In præsentem autem casu Superior non præcipit secundum Regulam, ut est de se manifestum, nam præcipit, quod est contra jus naturæ, cum præcipiat quod subditus se exponat periculo notabilis damni corporalis, aut spiritualis; quod est contra jus quod quisque habet à natura conservandi, & defendendi seipsum, & propria, & proinde præceptum inferit injustam violentiam, & subintrat ex parte subditi jus, quod habet defendendi seipsum contra vim illatam, cum unicuique liceat seipsum, proprium honorem, & sua defendere, & vim illatam propulsare. Tum quia Religiosi tenentur obedire Prælati solum ex Voto obedientiæ spontè suscepto, atque adeo supra alios fideles non habent aliam obligationem, nisi quam assumunt per tale Votum; & jurisdictioni Superiorum habet pro fundamentum Votum obedientiæ, & adeo tantum solum extenditur, quantum se extendit obligatio suscepta per Votum, ut docent communiter: Obligatio autem suscepta per Votum est solum in ordine ad Regulam, atque adeo ad obediendum secundum Regulam. Unde in iis, quæ neque explicitè, nec implicite continentur in ipsa, non tenetur Religiosus obedire, sed remanet sui juris, non focus ac quilibet alius, qui quo ad ea non se obstrinxerit Religioni. In casu autem proposito à P. Pasqualigo, uti & in casu nostro, licet mutatio habitationis esset secundum regulam, ideoque præcipi posset, concurrentibus tamen præsuppositis circumstantiis, nempe periculi mortis, aut notabilis damni corporalis, aut ruinæ animæ (in casu P. Pasqualigii) aut iacturæ honoris, & famæ in casu nostro, non est

amplius secundum Regulam; quia subintrat jus naturale se tuendi, contra quod Regula non obligat, quia non immutat ordinem ipsius, proindeque subditus quo ad hoc remanet sui juris, neque potest à Superioribus constringi, ergo vel non tenetur (saltem immediatè) obedire. Vel potest (& quidem absolute) appellare. Hinc etiam collige cum eodem P. Pasqual. *centur. cit. p. qu. 82. n. 10.* non subsistere quod doceant apud ipsum, *Banner. 2. 2. qu. 69. art. 3. in fine. Salon. ibid. dub. 2. Ledsima par. 2. Summ. tract. 8. cap. 24. immediatè ante 8. consil.* Quod nimirum Pontificum Privilegia tollant appellationem, quam jus naturale unicuique concedit, quia cum hoc jus non sit præceptivum, sed tantum concedat appellationem, possunt Religiosi ipsi renunciare. Non inquam hoc subsistit (ait & optimè idemmet Pasqualigius.) Nam tali juri non renaunciant Religiosi expresse, ut de se constat; nec etiam implicite, quatenus se obligant Religioni, quia non se obligant totaliter, & secundum omnia, sed solum secundum Regulam, & idèd quò ad ea, quæ sunt præter Regulam, aut supra ipsam, retinent jus ad omnia, quæ ipsi à jure naturali conceduntur.

1326 Probatur nono eadem responsio. Ex doctrina Navarri *Comm. 2. De Regularibus sub n. 65. Vers. Adhuc octavo.* In quo definit: Quod licet Prælati possint spoliare subditum officio aliquo manuali absque causa, & solum pro suo libito, si id tamen faciat malo animo, habet subditus justam causam agendi contra Prælatum, quia juxta *l. in fundo ff. de rei vindicatione.* Non est malitia hominum indulgendum, & idem repetit Navarrus *Comm. 4. sub n. 23. Vers. Quarto quod potest cogere suum Regularem.* Cui doctrinæ subscribens & Peyrinus de Subdito *qu. p. cap. 12. Vers. Secundo quia.* Ex eodem inferit (uti & ego cum ipso.) Ex & in casu nostro, si absque iusta causa amoveat Prælati subditum, suum malum animum, atque malitiam suam ostendit, unde non est illi indulgendum. Et verò (concludit ibi Peyrinus) istæ actiones non sunt sine malo animo, odio, & stomacho: nam quid ad Generalem, an aliquis Subditus moretur hic, vel illic? ergo quod vult cum amovere, est ut cruciet, molestet, torqueat. ita Peyrinus. Qui paulo infra *Vers. Dico quarto.* ita concludit: Salvo meliori iudicio, Subditus non tenetur obedire Generali, cum amoveatur ex sua naturali Provincia absque legitima causa. I legitima autem causa (addit ibi, *Vers. Dico ultimo*) est, Vel utilitas subditorum qui amoveantur; vel

Provincia ad quam diriguntur, ad illam subleuandam, conservandam; & honorandam; vel Religioni in communi, ad eam dilatandam, & ampliandam: Quod si quandoque alii seductores, & pacis perturbatores, vel scandalosi sunt amovendi, amoveantur tempore Visitationis; vel etiam extra illud si necessitas ad id cogat; nec Subditi conqueri possunt, quia si sunt mali, sibi imputent, & hoc videtur rationi, & aequitati consonum. Hac Peyrinus Vers. cit. Dico ultimo, immediate post proloquens, ut sequitur.

1327 Quando autem transmittendi sunt necessarii propter proprias culpas, vel de uno in alium Conventum, vel de una in aliam Provinciam; debent adhuc Superiores Prelati, tum Generalis, tum Provincialis, esse valde circumspccti, ut extra tempora non fiant tales mutationes; nam crebrius oritur ex tali subita, & incogitata mutatione in populo infamia contra illos fratres, translatos; populus enim, qui, cum sit sibi cecus, totum hinc est in notandis Religiosorum actionibus, videndi illos Religiosos transferri, putat propter scandala ibi commissa: quod bene advertunt Rodriguez tom. 2. qq. Regularium q. 5. art. 9. & Spatbarius De modo corrigendi Regulares tract. 2. cap. 4. n. p. Unde potius esset dissimulandum inter fratres usque ad tempus mutationum, nisi casus urgeret, ut dictum est. Et hoc intellige, quando verè ex tali amotione oritur in populo; vel in Religione infamia contra Religiosum amotum, quia nimis est persona gravis, & multum cognita in Civitate, & praesertim in illis Religionibus, in quibus sunt filiationes Conventuum. Intelligitur etiam quando nulla apparet causa talis amotionis, quod tamen raro accidit, agendo de Fratribus gravibus, de quibus intelliguntur hic dicta. Quae dicta sunt ad liberandum innocentis subditos à manibus Superioris Tyranni, non ad fovendos iniquos Subditos, ut Sanctos Praelatos tyrannizent, & se in suis iniquitatibus manteneant, & hoc pacto omnia supradicta intelligenda sunt, ita Peyrinus.

1328 Qui praeterea Cap. eodem cit. 12. Vers. Tertio in specie. De sua Minimorum Religionereferit, quod Anno 1620, cum vellet Reverendissimus Generalis amovere aliquos Fratres Gallos à Conventu Sanctissimae Trinitatis de Vrbe, & transmittere in Provinciam Genuensem, in qua tunc temporis idem P. Peyrinus Officio Provincialis fungebatur, habuerunt recursum ad Sacram negotiationem, Cardinalem, deputatam super negotiis Regularium, quae Sanctae, piequò ordinavit, ut Fratres illi permanerent localiter in dicto Conventu Sanctissimae Trinitatis, quosque Pater Generalis talis expulsiōis assignaret causam, &

tamen Galli non sunt naturales in Urbe: sic Peyrinus Ex quo, & cuius doctrina, aperte infertur, in obediencialibus etiam, praesertim in transferendis subditis gravibus de Conventu in Conventum, maximè extra Provinciam, praesupponendas esse utique aliquas condiciones: Quia (ut idem Peyrinus cap. cit. sub Versu Dico quarto.) in omni obedientia sunt intelligendae aliquae conditiones, idest si potero, vel si rationabile praeceperit, ut docent Tabiena Verbo Obedientia n. 17. Angelus nu. 3. Sylvester nu. 3. Arnilla n. 12. Rosella n. 12. Ergo si praecipiat aliquid sine ratione non teneor obedire. Uti nec etiam teneor ego, si praecipiat, P. Generalis amotionem meam, seu translationem, non praemisso suorum Patrum Consultorum consilio in Constitutionibus nostris Theatini praescripto par. 3. cap. 7. num. 7. sub his verbis: Et si plurima sunt in quibus disponendis P. Generalis Consultorum consensum habere non cogitur, eorum tamen Consilium sineat adhibere in transferendis de loco ad locum Vocalibus. Ex quibus verbis aperte deducitur, quod translatio Vocalis in Congregatione Clericorum Regularium Theatinarum, est maxime considerationis, cum P. ipse Generalis antequam illam decernat debeat ex vi Constitutionum adhibere, ac praemittere Consilium suorum Patrum Consultorum, ut de re gravi. Et si non praemittat, inefficacem esse assignationem translationis, atque nullam, docet expressè Sanctorum de Melfi in Constitutionibus, & Statutis S. Francisci cap. 8. Statuto 40. Versu, Super quo statuta, pag. mihi 498. Dum ibi sic: Licet sequi non teneatur Consilium, ut fuit ex multis probat Barbosa Axiomate 55. nu. 2. & not alibi, petere tamen debet, quia ubi praecipitur aliquid fieri cum consilio aliquorum, si sine consilio fiat, actus est nullus: ut probat Rodriguez tom. 2. qu. 103. art. p. & qu. 53. art. 9. & 10. p. qu. 20. & cap. ex parte de Consil. & cap. cum veteri (ubi Panormit.) de elect. Et eo magis nullus est, quando subditus certò scit quod à Praelato ei sit imperatus solum ex odio, & mala voluntate erga ipsum, quod stante non tenetur ille obedire, eo quia tunc Praelatus abutitur sua potestate. Peyrinus to. p. de Subdito cap. xi. §. Unico. Lezana to. pr. cap. 4. nu. 16. Antonius à Spiritu Sancto par. 2. Directorii Regular. trac. 3. disp. 6. sec. pr. §. 3. nu. 64. Unde potest (ut supra) reclamare, appellare &c. Sed contra.

1329 Oppones hic Jura prohibentia Religiosis appellationem à praecepto Superioris, etiam si sentiant se gravatos, & sunt Cap. Ad postremam, De Appellatione, in quo sic:

fic : Mandamus, quatenus, si quando quilibet subditorum tuorum ad remedium appellationis convolveris non idcirco minus cum iusta tenore mandati, quod in prædicta regula continetur, & institutionem ordinis, corrigas, & castiges. Et Cap. Reprehensibilis eodem Titulo : Ubi : Præcipue verò hæc in Religiosis volumus observari, ne Religiosi cum pro aliquo excessu fuerint corrigendi, contra regularem Prælati sui, & Capituli disciplinam, appellare præsumant : sed humiliter, ac devotè succipiant, quod pro salute sua fuerit eisdem injunctum. Idemque habetur in Cap. Cum speciali, eodem item Titulo de Appellatione in fine cap. ubi, quod circa appellationem denegatur Religiosis, quod conceditur cæteris. Item oppones privilegia quæ habent Regulares plura, impediencia appellationes Subditorum, quæ videri possunt apud Sorbum in Compend. Privilegior. Mendicant. Verbo Appellare. à nu. pr. & Verbo Generalis Ordinis nu. 11. & 12. Verum.

1330 Resolvitur prima oppositio: Dicendo cum communi Doctorem, quod allata Canonica Jura (& alia ibi quæ sunt, quæ opponi possint) prohibent solum appellationem illam quæ ponit obicem disciplinæ Regulari; non autem illam quæ tendit ad propulsandam violentiam, & gravamen, aliter essent injusta, utpote contra propriam defensionem, quæ alicui denegari non potest, cum defensio sit unicuique concessa, iure Divino, & naturali. Unde quando consistat de gravamine non interdictur appellatio, nec habet locum clausula Appellatione remota. Glos. fin. Cap. Ad nostram. De Appellatione. Verbo, Minus. Ubi, A correctione non appellatur, nisi excedat modum in corrigendo, uti etiam pluribus aliis citatis docet Coriolanus de Casib. reservatis par. 3. Casu 5. Item: 12. Tit. de Judiciis Regulari. Imò absolute tenendum est quod liceat Religiosis appellare à præceptis, ordinationibus, mandatis, correctione &c. suorum Prælatorum, quando non procedunt isti secundum Regulam, & modum excedunt, uti affirmant jura & Doctores, quos longa serie enumerat, & sequitur P. Pasqual. Centuria p. qu. 82. n. 3. & 4. Et ratio est, quia Appellatio interdicta est Regularibus, ne observantia regularis dampnum patiat, dum exorbitanti ab ipsa patrociniū præbetur mediante appellatione. Cap. Ad nostram. De Appellat. ibi : Quia verò remedium appellationis, non idcirco est inventum, ut alicui à Religiosis, & Ordini observantia exorbitanti, debeat in sua nequitia patrociniū exhibere. Quando ergo Religiosus non exorbitat à Re-

gulari observantia, sed injustè gravatur, non erit ipsi denegata appellatio: quando enim cessat in aliquo casu ratio legis expressa in ipsa lege, cessat etiam dispositio ipsius, cum lex restringatur ad terminos suæ rationis per Textum tum legales, tum Canonicos, & per Doctores communiter utriusque Juris apud eandem P. Pasqualium qu. cit. 82. nu. 7. Quia nimirum ratio legis est anima ipsius, & illi dat vim, & motum, proindeque extra eam lex mortua est, neque vim habet obligandi. Cum igitur appellationis remedium adjuvamentum sit ad tollendum injunctum gravamen Cap. Ut debitus. De Appellat. si non adeit gravamen, ex natura sua non habet locum appellatio: non adeit autem, nec inferitur quando Prælati in corrigendo, sive in præcipiendo non inferunt gravamen, & quia nec in præceptis, neque in correctione excedit limites suæ potestatis, solum se extendendo ad ea, in quibus subditis obedire tenetur. Contra verò, quando excedit limites Regulæ, gravamen inferunt, gravat enim Subditum, in iis, in quibus ex vi Voti Obedientiæ se subiacere non tenetur, & tunc utique locum habet appellatio, cum sit necessaria pro tollendo gravamine. Leges enim denegantes Regularibus appellationem iustæ sunt, atque adeo accipienda secundum terminos iustitiæ, non essent autem iustæ si denegarent omnem appellationem in quocunque casu, cum appellatio sit quædam defensio civilis contra vim Judicis, quæ non potest alicui denigrari, cura sit unicuique concessa jure divino, & naturali Clementina Pastoralis. De Sent. & ex judic. ubi Doctores communiter. Hinc

1331 Oppositio etiam secunda, item, (& facillime) resolvitur : Privilegia namque Religiosis concessa, prohibentia subditis posse appellare, cum sint concessa ob conservandam Religionis tranquillitatem, & perturbacionem vitandam, hoc idem omnino intendunt. Vti, & hoc ipsum pariter intendunt prædicta Jura, dum illam Religiosis prohibent. Eodem ergo pacto accipienda sunt privilegia, & accipiuntur Jura ipsa, nimirum, quod prohibeant solum appellationem, quando nullum est gravamen, vel saltem leve, & quando Prælati non excedit terminos Regulæ, & disciplinæ regularis; aliter essent iniqua (ait Bordonus ref. 32. n. 8.) & foverent injuriam, & dolum Superiorum. Ita Navarrus tom. 2. Comm. 3. de Regularib. n. 51. §. Nec obstat. & Consil. 4. n. 5. De Appellationib. Sotus in Clavi Regia cap. 17. n. 38. Radrig. 10. pr. qq. Regular.

Regular. qu. 19. art. 2. Azor. par. pr. lib. 12. cap. 11. qu. 8. Suarez de Relig. to. 4. libr. 2. cap. 11. n. 9. fol. mibi 108. col. 2. (ubi: Dicimus, appellationem esse Religiosum regulariter, non verò semper eis interdictam, quia interdum est necessarium medium ad repellendam gravem, & manifestam injuriam.) P. Pasqualigus qu. cit. 82. num. 8. Antonius à Spiritu Sancto in Director. Regular. par. 2. tract. 3. disp. 6. sec. 5. à n. 783. & communiter Doctores apud, & cum Palao tom. 3. tract. 16. Tit. de Voto Religiosæ Obedientiæ disp. 4. punct. 15. nu. 3. Neque hic obici potest (addo cum P. Pasqualigo n. 8. c. in fine.) Quod si ita est, quod videlicet privilegia interdicta Religiosis appellationem intelligenda sunt secundum jus commune, ergo per ipsa nihil conceditur, quod non habeatur à jure communi. Nam ut notant Sanchez libr. 2. de Matrim. disp. 37. sub n. 15. Versu Ad Ultimam (ibiq; Navarrius, & Manuel,) & P. Pasqualigus nu. cit. 8. non semper Privilegium aliquid de novo concedit, sed quandoque solum, tribuitur ad majorem declarationem, & securitatem, ut constat ex pluribus privilegiis. Vide eundem P. Pasqualigum tum qu. Canonica cit. 82. tum seq. 83. in qua n. 3. cum Baldo, Archidiacono, Navarro, Arag. Rodrig. Azorio, Coriolano, Sayro, Bonacina, Spathario, Sanchez, Cusco, Sà, Tambur., Facundez, Suar. Lezana, Peyr. Portello, Diana, Passarello, Hieronymo Rodrig. Sanctorio, Barbosa, Mezala, & aliis : ponit sequentem conclusionem : Possè (videlicet) Regularem injustè vexatum à suo Superiore recedere à Conventu, ut adeat alium Superiorem, ut liberetur à gravamine. Et rationem reddit à n. 4. Sequenti. Quia in casu injusti gravaminis subditus potest appellare ad Superiorem, recessus autem à Conventu, & accessus ad Superiorem, habet cum appellationis, cum appellatio fieri possit non solum verbo, & Scriptura, sed etiam facto ipso. Per Cap. Ad nostram, & Cap. Irreprehensibilis, & Cap. De priori. De appellat. Deinde cum in gravamine sit necessarius recursus ad Superiorem tanquam defensor necessarius, & jure naturali concessa Clement. Pastoralis. De re jud. Et voluntas Superioris cuiuscunque debeat esse necessario rationabilis, & iusta, aliàs non erit voluntas fundata in Superioris potestate, sed iniqua, quia Superior est obligatus rationi, & ea solum potest, quæ rationabilia sunt l. 2. ff. De usufr. ear. rer. quæ usu consum. & l. penult. ff. De furtis. & l. Reprehenda. C. De instit. & subdit. & Cap. Sunt quædam 25. qu. p. Sequitur quod non possit Superior denegare subdito accessum ad eos à quibus liberari potest, quando talis accessus est ipse

necessarius pro defensione, & proinde habet præsumptam voluntatem Superiorum, quod possit accedere, quia mens Superioris talis esse præsumitur, qualis de jure esse debet, ut notant Baldus in l. Ex facto. ff. De vulg. & pupil. substit. & Felin. Confil. 31. n. 7.

1332 Nec est necesse, quod ab immediato Superiore licentiam petat, sed potest sine ipsa accedere, ut notat Coriolanus de Casib. reservatis Casu 2. n. 9. Versu Dubitatur Secundo. Quia licet in appellatione requiratur remissio Judicis ad Superiorem, in casu tamen nostro Superior non preceat ut Judex, quia supponimus, quod recursus sit ob gravamen extra judiciale, & proinde, jura, quæ requirunt talem remissionem, non habent locum in casu nostro, in quo Superior immediatus se habet ut pars; aliud est autem petere à Judice, & aliud petere à parte l. p. & 2. C. De in jus vocando. Hæc & optime P. Pasqualigus. Quæ notare debent Regulares Prælati, & Superiores, qui cum Religiosis Subditis mansuetè agere debent, ut ipsos sibi magis, magisque addictos habeant, foventes eisdem potius quàm exacerbantes; sunt enim Subditorum Religiosorum Patres, non Domini, atque adeò Paterna consequenter esse debet secundum omnes obedientiæ religiosæ exactio, ut expressè etiam habet D. Hieronymus Epist. 62. ad Theophilum Episcopum, contra Errores Joannis Hierosolymitani parum Catholicæ. dum ibi sic: Patres se scient esse non dominos, maxime apud eos qui spiritus ambitionis sæculi nihil quieti, & otio præferunt. Quæ verba Sancti Doctoris referens etiam, & ponderans V. Baptista Masculus Societate Jesu, Vide (inquit) quam studiosi quietis Religiosi esse debeant, ac propterea à Prælatiis fovendi potius, quàm exacerbandi. ita, lib. 2. tom. 2. Ponderationum in Epist. S. Hieron. Ex Epist. 62. ad Theophilum Episcop. fol. mibi 85: col. p. nu. 4. & n. anteced. primo sic : Notat Prælati, ut cum Religiosis mansuetè agant, quod ipsos sibi magis addictos habeant; idem & Superiores Religiosorum servent &c. Pater namque erga Subditum esse debet Superior, & Prælati Regularis, & se ut talem revera exhibere erga ipsum, adeoque tanquam verum filium (uti est) eum pertractare, non tanquam inimicum, & servum: aliter poterit ne obligari legis suis subditis, dum Superior non servat suas? Frustra sibi fidem quæ postulat ab eo servari, cui fidem à se prestitam servare recusat, Regula 75. Juris in 6. Cujus frequenter meminerint tam Subditi, quam Superiores: Fuit mutus per professionem contractus, supposuitque Regularis, etiam rationabiliter operans, se obli-

gare ad talem obedientiam, & subiectionem, dum Prælati quoque taliter operantur: si passim ergo Subditus videat Prælatum, non cum regere juxta illi præscriptum, eius gubernium esse tiranicum, agnoscatque præterea ad id remedium sufficiens non adhiberi, vel non posse adhiberi moraliter, quare non poterit Subditus in talibus circumstantiis positus tuta conscientia, appellare saltem ab obedientia hujusmodi Superioris (ut supra) præsertim quia, dicta tandem obedientia non est Civilis, nec naturalis, sed penitus voluntaria per Vota? 1333. Et si quis dicat: Religionem nunquam muneri suo deesse, adeoque nunquam solvi posse subditum in conscientia ab obedientia Prælati ratione contractus initi. inter Religiosum ipsum subditum, & Religionem in professione. Respondere potest Subditus, quæ hic docentur, tradi solum ad semetipsum eximendum in foro interiori, & animæ, ab actuali subiectione illius tantum Prælati, qui erga ipsummet Subditum propriis obligationibus non satisfacit, cum quo tamen stare potest, quod ipsemet ligatus sit tribus Votis substantialibus Religionis; à qua non regitur in abstracto, sed effective secundum regulas descriptas in Cartis. Si ergo Prælati desunt muneri proprio, non servant eas, quæ ad ipsos spectant, Religio respectu Religiosi subditi (dicit Subditus ipse) moraliter, nec physice obligationibus propriis satisfacit, unde tuta conscientia potest se appellare ab hoc Superiore ad alium, pro habenda iustitia: nec enim Religiosus in professione promissit simpliciter Vota Deo, sed in hac Religione, & juxta Constitutiones, & Regulas hujus Religionis, &c. Adde etiam, quod cum quis Religiosus rationabiliter operans, intendit per tria Vota substantialia maxime consulere salutem animæ suæ, profuturum se ad perfectionem tendere in hac, vel illa Religione, & Religio ipsa à subdito electa, non sit quid in abstracto, sed (sub tali Regula) hi Superiores, &c. Si ex eorumdem locorum immediato convicti, & gubernio, injustè, & graviter detrimentum patiatur, nec possit illos moraliter, nec alio modo licite vitare, & se subtrahere, poterit utique saltem ob sui, nec non animæ suæ quietem, recedere ab ejusdem injustis, communis, & à Doctoribus admisso (ut supra) appellationis remedio, etiam extra Religionem si opus fuerit, recurrendo videlicet ad Conservatorem, ad Nunciū Sanctissimū, vel ad S. Congregat. Inq. & ad ipsummet Summum Romanū Pontificem, Neque hic obstat quod

habetur in nostro *Compendio Privilegiorum*: Clericorum Regularium Verbo Appellatio §. 4. fol. 94. Ubi sic (omnibus Regularibus per participationem commune) *Fratribus nostræ Congregationis in virtute Sanctæ Obedientiæ inhibitus est appellare extra Congregationem; etiam ad Conservatorem ab Alexandro. IV. Ordini Cisterciensi, privilegio 34. contrafractentis Congregationis rigori subiiciendo. Et Innocentius VIII. privilegio 115. eidem Ordini Cisterciensi, motu proprio declaravit, hujusmodi appellantes censuram, & penam excommunicationis ipsos factis incurere, ac pro talibus ab omnibus publicari debere: appellationesque nullas, & inanes fuisse, & esse. Et propterea ipsi Iudicibus ad quos appellatum est inhibet &c. Hoc inquam non obstat: quia ut patet ex eodemmet *Compendio cit. in Scholio fol. seq. 95. dictum Privilegium*, non habet locum (ut nec alia ex dictis) contra appellantes in casibus licitis. Hinc optime Petrus Marchant in suo *Opusculo inscripto: Notabiles Resolutiones Variarum casuum, & q. practicar. Casu 17. versu Respondet igitur tertio, pag. mibi 322. ait 3 Subsistente causa probabili notabili gravamine, suspicionis, partialitatis, & simili impedimenti iudici, potest appellari à Persona Iudicis, modo facta sit ante captionem possessionem iudicalem, per alium, vel modum Jure Requisitum; appellationem enim suspendit, donec causa sit definita. Et sicut liberum est Deo præterito appellare à Jure dice ante causam contestatam, ob præfixum aliquid quod grave periculum injusti gravaminis: sic & Religioso in hujusmodi causa: Caveat tamen, ut ne fictè, vel quæsito colore, aut calumnie quædam faciat, quia Censuras, & penas non evadens. Hactenus, & optinè citatur Marchant. Sed hic 1334. Quæres, An inter Regulares Appellatio, & recursus fieri debeat gradatim, & servato ordine; videlicet, à Superiore locali ad Provinciale, & ab hoc ad Generalem, deinde ad Protectorem, tandem ad Sacram Congregationem. Ita fieri debere ex declaratione Sacre Cardinalium Congregationis super negotiis Regularium, testatur Novarius in *Lucerna Regularium Verbo Appellatio, n. 4. Versu Sed non reticam*. Et tali ordine Appellationem permisisse Sæctum V. in *Bulla* quæ incipit *Ad Romanum spectat Pontificem*, anno 1588. testatur Vulpes in *Praxi Fori Ecclesiastici cap. 22. num. 9.* & ante ipsum *Lezana in Summa to. pr. cap. 9. Tit. De Obligationib. Religiosor. quæ habentur in Jure, vel Conciliis sub n. 4.* (ubi & alia pariter coacervant) *Joannes de Lacruz de Statu Religionis lib. p. cap. 6. dub. 4. & Sanchez in Decal lib. 6. cap. 8. n. 107.* Quibus addi potest Antonius à Spiritu Sancto in suo *Directo-***

vio Regulari par. 2. traçt. 3. disp. 6. scilicet. 5. n. 788. & 789. ubi affirmat pariter hoc idem omnino tenendum esse, ex Bulla Urbani VIII. pro Benedictinis Hispaniarum, edita anno 1624. (quam refert Fr. Emanuel à Monte Oliveti par. 2. art. 7. in Practica Regulari n. 391.) in qua Bulla præcipit idem Summus Pontifex in virtute obedientiae, ut appellatio non fiat à Superioribus Ordinariis, nisi ad Generalem, & ab hoc nisi ad Capitulum generale, & ab illo pro notoria, ac manifesta injuria in conventu denegata iustitiae, ad Romanum Pontificem tantum immediate, non verò ad Nuntios, vel Collectores, aut alias personas Ecclesiasticas, prout latius in predicta Bulla continetur, quae, stante Bulla (concludit citatus Antonius à Spiritu Sancto) non remanet amplius locus dubitationi, ut optime probat Emanuel à Monte Oliveti supra n. 397. Sed his minime obstantibus.

1335 Respondeo Regulares in casu iuste appellationis, posse, omnis illis mediis itatum ad Papam, vel Nuntium Apostolicum appellare. Et ita expresse Portel in Dubiis Regal. Verbo Appellare n. 3. ubi sic: Potest Religiosus unius illi mediis statim ad Papam, seu Nuntium appellare, Cap. ad Romanam 29. qu. 6. & Coarct. in Practicis 99. cap. 4. n. 9. & praeis obstat. Et apud Dianam Coordin. to. 7. traçt. p. ref. 10. nu. 2. ex p. 3. traçt. 2. ref. 54. idem docet Remigius Scrofa in Opusculo de Invalidit. Professionis dub. 25. & 26. Idemque advertit Peyrinus de Privilegiis to. 3. Cap. 4. Ad Constit. Leonis X. n. 18. dum ibi ait, Quod non faceret contra Pontificum Decretum qui appellaret à Provinciali v. g. ad Protectorem omnia Generali, eo quia habet illum suspectum. Nam tunc Generalis non est legitimus Superior, & idcirco ad illum non est recurrendum, debet tamen causa suspicionis esse certa, & evidens, nam alioqui non excusaretur. Ita Peyrinus n. cit. 18. qui antecod. n. 14. quaerens, an Regulares possint appellare ad Apostolicam sedem immediate, omnis mediis, respondet affirmative, & pluribus Canonis textibus, ac Doctoribus id probat, quibus (addit seq. n. 15.) Non obitare Decretum Sacrae Congreg. anno 1588. quod sic habet. Quoniam nonnulli Regulares vagandi studio, sive dum innocentem administrum criminum penam, & suis Constitutionibus, aut alias debuit, sibi metui, falsa, & contentitiosa gravamina causari, non ad immediate sui Ordinis Superiores scilicet, à gravamine Prioris ad Provincialem, à Provinciali ad Generalem, à Generali ad Protectorem, pro ut consuevit Religiosis Constitutionibus dispositum,

sed ad hanc Romanam Curiam absque licentia sepius fugiunt potius, quam recurrant, ex quo Ordinum disciplina relaxatur, Praelati contentumuntur, & ipsi in dei audaciores evadunt. Placuit Sacra Regularium Congreg. ex ordine Sanctissimum statuere, ut si quis Regularium in posterum temere, levig. ex causa hanc aliam Urbem, seu Curiam, absque sui Superioris licentia, & supradicta forma praetermissa, adire praesumpserit, ad sui eosdem Superiores severiori poena plebendum remittatur. Non obstat inquam hoc Decretum (inquit optime Peyrinus n. cit. 15. & ego cum ipso) quia iuri communi non derogat, quod esset omnino necesse, ad dicta per Felinum in Cap. Nonnulli, de rescript. n. 9. ubi etiam Panormis. n. 10. Nec est verisimile quod Papa voluerit S. Romanam Ecclesiam tali privilegio privare. Nec multo minus obstat Statuta si qua sunt Religiosis: nam iuri communi contraria esse non possunt: C. Quod super bis, de major. & obed. C. Infirmitatis 25. qu. 2. Unde id etiam colligitur ex dicto decreto, ibi (potius fugiant, quam recurrant) per quae verba clare significatur, quod si verè gravatus recurrat ad Sanctam Sedem immediate, admittitur de Stylo illius Curiae: se autem, si non gravatus poenam meturus ad eam faciat, sic evadere sperant. Atque ita post dictum Decretum id sentiant Portel in dub. Reg. Verb. Appellare n. 3. Diana to. 3. traçt. 2. refol. 54. & in Ordine nostro recursus innovatus ad S. Sedem à nemine impediri potest, cum duobus tamen conditionibus: primo, Quod qui recurrat, & non probat, majori poena puniatur. Secundo, Quod iste recursus non fit de re levi, & minima: nam in hoc casu potest impediri: Haec Peyrinus nu. 15. cit. Quibus addit Bordonium ref. 32. qu. 8. n. 26. ubi & ipse inquirit. An appellatio gradatim, & ordine praescripto à Sacra Congregat. faciendâ sit, an verò fieri possit per saltum omisso medio, ut à Priori ad Generalem, vel ad Protectorem, vel ad Papam immediate? Respondet Religiosos appellare posse immediate à suo Superiore ad Sedem Apostolicam. Probat per duo Cap. Ad Romanam 5. & 7. 2. qu. 6. in quibus locis expresse dicitur, quod omnes ad Sedem Apostolicam appellare possunt. Ratio est, quia Papa est principalis, universalis, & immediatus Superior Regularium, unde illorum est Prior, Provincialis, & Generalis (ait Sotus lib. 8. de Just. qu. 5. art. p. ex Rod. qu. 22. art. 6. Navar. Confil. 3. de Statu Mon. n. 51.) Unde omni illi immediate subiiciuntur. Cap. Autoritate 5. 1. de Privileg. in 6. Glos. cap. pr. de reb. Eccles. non alien. in 6. ita Bordon. l. cit. cum supra relatis Portel. Scrofa, Diana, & Peyrinus.

Cap. XXVII. Privileg. xxxviii.

571

rino cit. n. 15. præterea advertit n. sequ. 17. Quod verè gravatus recurrent ad Sanctam Sedem potest libere ingredi Romanam absque alia facultate Superioris, & non obstante prohibitione de non ingrediendo Romanam absque Superioris facultate, nam tunc ingreditur vigore hujus Decreti facti auctoritate Pape, qui est supremus Religiosorum Superior. Et si non sint hæc factis de hoc privilegio: aliaque desideret quis, habet Peyrinum locis hic cit. & to. p. de Subdito, Capitib. supra relatis. item habet Bordonum ref. citata 32. in qua per totam De Religiosis appellacionibus. & alios.

1336 Insuper habet Gabrielem a S. Vincentio Carmelitam Excalcatorem, in suo Tomo, Rome impresso de anno 1661. Sanctissimoque Alexandro VII. Pontifici Maximo Dictum, De Censuris in Genere, in specie, & in Individuo, seu in Particulari, in qua disp. 3. (que est de Effectibus Excommunicationis) qu. 13. §. 16. num. margin. 287. pag. mibi 346. ubi, Inquirens ad casum nostrum, hujusque Privilegii ad litteram: An Provincialis sine gravi necessitate, vel utilitate, possit præcipere Subdito gravi, in virtute Sanctæ Obedientiæ, & sub pena excommunicationis late sententiæ, ut ab uno Conventu transsit ad alium, præsertim quando in primo bene se habet, & quantum ad animi quietem, & quantum ad quietem, & salutem corporis, & in alio non sic? Respondet ibi Negativè. Pro qua etiam responsione (ad casum item nostrum.) Notat quæ sequuntur. Primò. Quod Prelatus non habet jus præcipiendi Subdito, nisi in ordine ad bonum ipsius Subditi, & totius Religionis; quod circa nisi commune bonum, vel particulare Subditi id reposcat, nec debet, nec potest Prelatus subdito præcipere; per professionem namque fit quidam contractus inter Prelatum, & Subditum, quod subditus obligatur servire Religioni secundum quod potest, & Religio obligatur ipsam sustentare secundum ipsius indigentiam: unde Prelatus cui administratio competit tenetur providere subdito tam in spiritualibus, tum in temporalibus, & subditus tenetur obedire Prelato utroque modo, non tamen cum detrimento gravi spirituali, vel corporali, nisi aliunde commune bonum id reposceret. Secundò. Quod si Religiosus in uno Conventu inservit Religioni, frequentando Chorum, & alia præstando secundum suum institutum, & in alio hæc præstare nequit, vel propter hospitum frequentiam; vel quia Conventus subiacet multis perturbacionibus, & inquietudinibus adventantium, ut nequeat orare, nec quietè celebrare, non debet, nec potest ab illo ad istum transferri Conventum, nisi boni communis necessitas id ea posceret: non enim Subditus sine magna

causa tenetur hoc detrimentum subire, nec illud transferre ubi inquitit vivit, & aliud non cogitat nisi quomodo possit se liberare a servitute illius Conventus. Quare Provincialis antequam mutet Religiosum ab uno Conventu in alium, deberet prius hæc omnia perpendere, ne gravis insurgat inordinatio ex mutatione, & deberet explorare consensum ipsius Subditi, ne omnino invitum amoveat, & maxime inquietudinis periculo eum exponat, sine magna, & urgenti causa. Tertio. Quod Provincialis antequam mutet Religiosum, pensare debet, an ex illa mutatione sequi possit aliqua Religiosi infamia, ut si ex illa translatione, Seculares existimare possint, illum Religiosum commisisse aliquod grave delictum, propter quod amoveatur, quod facile fieri potest, quando transferatur Religiosus a loco ubi cognitus est, ad locum ubi est incognitus: Peyrinus de Subdito qu. p. cap. 12. in prima probatione 3. Conclus. Quarto. Quod Provincialis antequam mutet Religiosum debet etiam se ipsum ponere in loco Religiosi quem mutare vult, & videre, an ipse eo modo mutari vellet, & tunc quod vellet sibi fieri, faciat illi, & si ipse nollet sic mutari, nec alium mutet. Pro quo deserviet, quod dicitur Tobie 4. (Quod ab alio oderis tibi fieri, vide ne tu aliquando alteri facias) Et S. Gregorius Magnus 2. p. Pastor. cap. 10. dicit (Cuncti quippe, quousque in hac mortali carne subsistimus, corruptionis nostre infirmitatibus subjacemus. Ex se ergo debet unusquisque colligere qualiter aliene oporteat imbecillitati miserreri, ne contra infirmitatem proximi ad increpationis vocem ferventius rapiatur oblitus sui esse videtur.)

1337 Ex quibus patenter colligitur (deductio quæ aperte firmat, ut patet, confirmatque omnino Privilegium nostrum) quod non possint Provinciales per libitum transferre Religiosum gravem de uno loco in alium, ubi ea translatio, est sibi probrosa, est sibi onerosa, est sibi valde difficilis &c. Ratio est, quia Prelatus jus non habet absolutum in Subditum, sed respectivum, respectu scilicet boni communis, & attentò bono, & utilitate spirituali ejusdem Subditi, cum ad hunc solum finem Religiosi, sui subdantur Prelati. Nec valet dicere, quod Provincialis mutando Religiosum ab uno Conventu in alium, utatur jure suo, sua auctoritate, & jurisdictione; & nimis gravaretur Provincialis gubernari, si quoties vellet mutare Religiosum deberet tot inspicere &c. Nam responderetur, quod cum potestas Provincialis sit respectiva, ut diximus, non habet aliud jus in Subditum, nisi in ordine ad bonum commune, & Subditorum, ac proinde ad hæc respicere debet, non ad proprium libitum, aliquin sua abuteretur

potestate: nec quæri debet in Religiosorum translatione bonum transferentis, seu mutantis, sed translati, seu mutari. Considerare namque debet Provincialis antequam Religiosum mutet, etatem, habilitatem, dispositionem &c. Peyrinus de Præl. qu. pr. cap. 5. nu. 9. Hæc procedunt in Religioso gravibus, nam in Religioso Ordinariis, qui sine difficultate transferunt ab uno, ad alterum Conventum, non sunt tot consideranda; tum quia uti possunt sua potestate, ubi causa rationabilis occurrit omnium respectu. Suaderem tamen, ut prædicta semper præ oculis haberent, præsertim respectu Religiosorum gravium, & imitarentur Dei Filium, cujus conversatio, est nostra instructio Cap. Significasti de elect. qui cum sit Dominus universorum; antequam carnem sumeret pro nostra reconciliatione ex Virgine, prius ejus consensum obtinere, voluit. Caveant etiam ne disjiciant unum Altare, ut aliud cooperiant; hoc est, non amoveant Religiosum à Conventu ubi bene deservit, & necessarius est, ut opuscularet alteri, eandem necessitatem habenti, quia ordinata churta: incipit à se, Cap. nisi specialis, de auctor. & usu palii junctæ Glof. & dicit Francus Cap. Si Religiosus de elect. in 6. Unde sicut frumentum copia primum prodesse debet Regioni in qua nascitur, quam aliis, propterea jus prohibetur extraheret, ut ex aliis resolu. Diana par. 3. tract. 6. ref. 32. ita Religiosus potius deferre debet suo Conventui, quam aliis &c. In dubio tamen necessitatis, vel utilitatis ad translationem faciendam, standum erit Provinciali, cui omnes subditi obsequi debent, & obedire, dum ab illo transferri volunt, nec debent repugnare, sed considerare debent in Domino, & eorum modo obedire, hoc est enim Religiosorum, persudatum proprium, nec debent sibi facile persuadere, quod hoc, vel illa sequatur incommoda ex translatione: quæ enim dicimus procedunt secundum rigorem juris, non secundum perfectionem virtutis, quam Religiosi emulandi debent. Hæc, & optimè, Doctissimus Pater Excalceatus, quæ (obiter) in claram, ac evidentem confirmationem antedictorum, pro hocque eodem nostro privilegio præpositorum, hic allata sunt.



PRIVILEGIUM XXXIX.

Superior, seu Rector Regularis admittens in Ecclesiam propriam Regularem (occasione funerum) Parochorum ingressum cum Cotta, Stola, & Cruce elevata, sinisque eisdem nedom sic intrare, verum etiam super Cadavera Officia Defunctorum, aut Psalmos recitare; vel in aliquo ibi se intromittere, ignorans intimabiliter hoc obesse proprio Regulari Juri, ac Jurisdictioni; nec obest (stante tali ignorantia) nec contra ipsum Jus, inducit veram consuetudinem.

1338 **H**oc idem Privilegium insinuat Eruditissimus P. Jo. Cbrystofolus ab assensione Carmelita Excalceatus in sua doct. Lima Apodexi, sive Discussioni Veritatis (sub nomine Bernardini Manarati, Typis Caderini Patavii edita) cap. 5. Divisione 3. in fine, fol. mibi 139. Imò idemmet ibi probare videtur expressè, & ad litteram, dum ex communi Jurisperitorum sensu, ac resolutione, ex eorundemque sententia, ac doctrina, absolute docet, contra ipsos Regulares, ignorantia laborantes (ut in Privilegio, & casu) non currere consuetudinem: nec consequenter sibi met ipsis præjudicare, aut proprio Privilegio, seu Regulari Juri obesse, sinendo (cum dicta ignorantia) Parochos occasione funerum ingredi intra proprias Regulares Ecclesias cum Cotta, Stola, Cruce elevata, &c. ibique Psalmos recitare, defuncto ultimum Vale dare, &c. Fundamentum dicti Patris, & nostræ, pro hujus Privilegii firmitate clarum esse videtur: Quia scilicet, Ignorans, non dicitur ratificare, Menochius conf. 120. n. 37. Et censetur contradicere, leg. Qui vult, s. vetare, ff. de furtis. Reynoso observo. 58. n. 2. Et non dicitur negligere, aut contravenire, leg. Si ignorans, ff. locati. Stephanus Gratianus Disceptat. Forens. cap. 63. n. 20. Et non videtur negligere, nec concernere jus suum, leg. Nec ignorans, Cod. de donat. Farinac. in Præci Crimin. p. 4. consult. 96. n. 33. Surdus decif. 25. n. 30. & consult. 454. Barbosa in Repertorio Juris Canonici, & Crovisi, littera I. Verbo Ignorans, fol. 178. Nec sibi met officere videtur in foro interno, nec externo, qui facit contra Privilegium ex ejusdem Privilegii proprii præjudicii, Antonius à Spiritu S. in Director. Regular. par. 1. Tit. de Privilegijs in Communi tract. 1. disp. 1. sect. 7. n. 144. Ad de,

de, extare Privilegium concessum ab *Eugenio IV.* (apud *Tamburin. de Jure Abbatissar. to. 1. disp. 16. q. 14. n. 22.*) Monachis *Con- greg. Cassinens.* Sub datum *Bonomi Anno 1437. prid. Kalend. Julii Pont. sui Anno 6.* (& re- fertur etiam à *Roderic. in nova Collect. Pri- vilegior. Bulla 9. ejusdem Pontificis*.) Quod scilicet Religioni non amittant Privilegia, si per unum, aut plures actus contra ea, aut ipsorum aliquod negligentia, vel ignorantia contravenerint. Cum ergo hæc currant in casu, & Privilegio nostro: & recensita in ipso quo ad Parochos, supponantur admissa à Prelato Regulari ex errore, & ignorantia, atque adeò simpliciter involuntariè, nulla læsio hic prætendi potest Regularis Juris, nec contra ipsum consequenter valeat allegari legitima consuetudo: sicque verum Privilegium propositum.

1339 Cujus propositionis occasione: Quo- ro hic; quid Juris, circa controversiam tum modernam, tum antiquam, quæ ferè ubique vertitur inter R. R. Parochos, & Regu- lares in materia Funeralium: An vide- licet, Parochi, Cadavera afficiant suorum Parochianorum, quæ in Ecclesiis Regu- larium humanda sunt, legitime possint, & jure proprio, iisdemque Regularibus in- vitis, istorum ingredi Ecclesias, Cottam, & Stolum deferendo, cum Cruce elevata, ibique Officia, & Psalmos Defunctorum recitare, ultimunque Vale una cum ipsis Regularibus illis dare, nec ne? Supponit autem quæsitum. *Primo*: Stolz delationem, Jurisdictionem inferre, & Jurisdictionis si- gnum esse, quod apertissime constat ex eo maxime quia, cum Sacerdos, & Parochus jubetur Stolum deferre, actus Jurisdictionis exercet, ut habet praxis quotidiana, sic- que præscribit *Rituale Romanum* in Benedi- ctionibus, Processionibus; & præcipuè in Sacramentorum administratione, pro qua (idem *Rituale in principio, Titulo de in, quæ in Sacramentorum administratione generaliter servanda sunt*) ait: In omni Sacramentorum administratione superpelliceo sit indutus, & de- super Stola, &c. Et Sacra Congreg. ipsa Epis- copos, & Regulares 8. Novembrii 1588. (ad relationem *Barbosa. tract. de Parocho par. 2. cap. 19. nu. 60.*) præcipit Parochis in administratione Sacramenti Penitentiz, ut Stolum adhibeant, utique quia in tali actu specialis Jurisdictio refutet. Quod præcep- tum de Mandato *Urbani VIII.* (apud *Lex- tan. to. p. 99. Regular. cap. 19. n. 32.*) extenditur ad quoscunque Confessarios, etiam non Parochos. Hinc est, quod Archiepresby- ter, quia est secunda dignitas, in Ecclesia

Cathedrali Viterbiensi, cui animarum cura incumbit, ac Stolum deferre, præcedere de- bet Archiepiscopus, qui est prima digni- tas, ratione Stolz, præminentiæ, & ju- risdictionis inditium, ut declaravit Sacra Rituum Congregatio, in una Viterbiensi, & Trojana die 4. Maii 1613. apud *Samuellum de sepulchris tract. 1. disp. 3. contrav. 2. concl. 8. num. 53. & 54. fol. mibi 83.* ubi, quod pluries antea, & postea fuit hoc idem de- cissum, & apud *Barbosam in Collectan. Bullarum, Verbo Stola*, eadem Sacra Rituum Congregatio in Nullis 12. Maii 1612. Hinc etiam ad rem nostram, idem *Franciscus Maria Samuelius de sepulchris tract. 1. disp. 3. controversiis 5. conclus. 14. num. 12. fol. 100.* absolute ait: Stola à Parocho delata in fune- ralibus Jurisdictionem, & auctoritatem super Cadaver importat. Et *Jacobus Pignatellus Canoniarum Consultationum tom. 5. consult. 34. n. 1.* item ait: Usus Stole præsertim in fune- ribus, est signum Jurisdictionis Parochialis. Quare Sacra Congregat. Rituum in Nucerina die 24. Octobris 1609. & in Prænestina die 13. Julii 1619. declaravit, Parochum tantummodo Stolum deferre debere, ac omnes alios præcedere. Et idem Doctor tom. 7. consult. 46. nu. 5. pariter ait: Tanta considerationis est Stola, quod ratione illius, Parochus in fune- ribus præcedentiam habet etiam supra Collegia- tam intercurrentem, ex Declaratione S. Con- gregationis id Spoletana 21. Aprilis 1635. & in Laudan. 23. Maii 1636. Insuper idem, Author to. 8. consult. 73. n. 21. Similiter sic: Usus Stole præsertim in funeribus est signum Ju- risdictionis Parochialis, ejusque delatio est de- Juribus Parochialibus; ac proinde spectat pri- vatim ad Parochos, ut in specie resolvit Rota, in Romana Jurium funeralium 14. Julii 1653. S. Quibus consequens; & S. seq. coram Valli- soletano, traditq; *Lexana in Summ. 99. Regul. cap. 12. nu. 41.* ubi n. 3. subdit, fuisse decla- ratum à S. Congregat. Concilio sub die 2. Julii 1620. non posse Regulares deferre Pluviale; aut Stolum extra Ecclesiam, aut Clausuram, per alienas Parochias, ea quidem ratione, quia Stola est signum propriè devoti Jurisdictionem, & Officium Sacerdotale, per Gloss. in leg. Unic. V. Fidei, Cod. Nulli herere. Ut proinde si Episcopus interfuit funeri, non liceat Parocho eam deferre; quia Episcopo presente cessat ejus Jurisdictio, & non fungitur Officio Sacerdotali, ut per Gratianum disceptat. 298. n. 84. Atque ita semel, ac iterum censuit Sa- cra Congregat. in Nucerina sub die 24. Octo- bris 1609. & in Prænestina sub die 13. Julii 1619. ubi declaravit, Parochum tantummodo Stolum deferre debere, ac omnes alios præcede-

20. Et habetur ex Rituali Romano loc. alleg. Cum enim solus Parochus in associandis funeribus fungatur munere proprio, debet etiam ipse solus Stolum deferre, quatenus illa est proprius habitus Sacerdotalis. Cap. Cum Ecclesiastica, dist. 23. Hactenus Pignatellus.

1340 Supponit secundo quæsitum, quod Crux elevata, seu erecta inferat pariter Jurisdictionem: & hoc idem affirmant, Samuëllus tract. 1. cit. disp. c. 3. contrav. 3. conclusio. 5. n. 36. fol. 91. Crucis erectio indicat jurisdictionem ubi cadaver tumulatur: relatus ab Ascensione. Discussionem cit. cap. 4. divisione 2. fol. 121. in fine, Vers. Ergo. Crux elevata jurisdictionem infert. Garantus in Rubricis Missalis p. 1. tit. 19. de qualitate Paramentorum. fol. mibi 51. in princip. dum ab ipso ibi, Crux Baculo Abbatiali comparatur, ex Actis Ecclesie Mediolanensis de suppellectilibus Ecclesie lib. 2. Baculus autem Abbatialis, seu Pastoralis, Auctoritatis, ac discipline signum est, ait Tamburinus de Jure Abbatum to. 1. disp. 20. qu. 1. sub nu. 4. Vers. Baculus Pastoralis, ex cujus comparatione consequenter deducit idem ab Ascensione l. c. fol. 122. in princip. Velle Crucem elevare, esse velle jurisdictionem, & præminentiam exercere. Addens, fol. 123. in princip. Elevare Crucem esse præminentiam inditum, & jurisdictionis. Quod præterea affirmat, & docet Pignatellus to. 8. consult. 73. n. 1. 5. 9. ac 116. & seqq. sic: Deferre ante se Crucem, est signum Dignitatis, ac Jurisdictionis per tex. in cap. 1. ut lit. pend. In Cap. Antiqua de Privilegiis, & in Clem. Archiepiscopo eodem Tit. ita n. 1. Erectio Crucis in funere, est jus Parochiale, ex Abb. in Cap. Abolende nu. 6. de sepult. ita n. 5. Confraternitas Laicalis non deferat Crucem in funeribus, quia non habet jurisdictionem, ita num. 9. Delatio Crucis, est signum jurisdictionis, seu auctoritative potestatis, quam nullus potest in alieno Territorio exercere invito illius Domino, ut inquit Bonac. de contractibus. dispus. 3. quest. 41. quæst. 5. sub n. 2. Et quod delatio Crucis, sit signum jurisdictionis, majoritatis, præminentie, & superioritatis, tradit Abb. in cap. 1. sub n. 7. ibique Batr. n. 6. ut lite pendente. Cardin. in Clem. Archiepiscopo sub n. 5. Decian. consil. 67. n. 7. lib. 3. Passerin. to. 2. qu. 187. art. 4. sub n. 186. in fine. Ventrigl. de Archiepiscopo. cap. 17. n. 8. & cap. 18. n. 6. Donat. in Praxi Reg. to. 1. par. 2. tract. 13. qu. 81. d. n. 3. Et propterea ex hac ratione, quia erigere, & deferre Crucem, est actus Jurisdictionis, prohibitum est Regularibus, & Confraternitatibus facere Processiones cum elevatione, seu delatione Crucis extra proprias Ecclesias, & Claustra Monasteriorum, nisi de licentia, & consensu,

aut cum Cruce Parochi, non obstantibus quibuscunque consuetudinibus, vel præscriptionibus immemorabilibus, ex declaratione, & Decreto S. Congregat. confirmato ab Urbano VIII. &c. Potest etiam hic obiter affirmari cum Bonifacio de Vitalis super Clem. Archiepiscopo de Privilegiis to. 1. consil. 21. Leonis X. g. 10. num. 18. Vers. Noto 3. Quod Ritus ferendi Crucem ante funus tempore sepulture, quo cadaver portatur ad Ecclesiam, sit causa devotionis, & memorie Passionis Christi, in signum, quod funus est illius hominis, qui dum vixit, & moriens, fuit dicto signaculo Sanctæ Crucis insignitus, non autem, quod deferatur causa alicujus præminentie. Et hinc sequi, intrare Parochias cum Cruce alta, & ire per viam publicam ad domum alicujus Defuncti, per eandemque, vel aliam viam domum redire, nil præjudicare Parochiis, per quas transiunt.

1341 Supponit Tertiò quæsitum. Quod postquam R. R. Parochi, & Clerus Sæcularis, cadavera in Regularium Ecclesiis sepelienda associaverint, intus eadem super hujusmodi cadaveribus ipsos R. R. Parochos velle Officium Defunctorum, Psalmos, Responsorias, vel Oraciones recitare, aut cantare, est aliquod jus in Ecclesiis Regularium exercere, ut ex se patet, & optimè affirmat dictus ab Ascensione cap. 4. divisione 2. fol. 92. in princip. dicens Velle canere, ac cum Stola, & Cruce intrare, &c. est aliquid jus, velle directè, vel indirectè, propriè, vel impropriè exercere, & fol. 93. in princip. iterum ait: Velle Stolum, & Crucem deferre, & Officia facere in Ecclesiis Regularium, est aliquod jus plusquam minimum velle exercere, & fol. 97. in princip. pariter sic: Stola, Crux, & Cantus inducant Jurisdictionem majorem, & præminentiam, permitti ergo non debent Parochis, & Curatis in Regularium Ecclesiis, &c. Triahæc supposita præmissa videntur esse certa: Et

1342 Certum est etiam præterea Quarta: Olim, attento jure communi, quatenusque Ecclesias alicubi constitutas extitissent, quidem Episcopis subiectas in quorum Diocesis sitæ erant: Cap. Cum Venerabilis de Relig. domib. Cap. de Xenodochiis, eodem tit. Cap. Omnes Basilica 16. quæst. 7. Can. Contra Morem dist. 100. Et sic etiam omnia Monasteria sub cura, & potestate Episcoporum item extabant 18. quæstion. 2. Cap. Abbatibus, & Cap. quia Monasterium, & dist. Cap. Cum Venerabilis, de Religiosis domib. Hodie tamen attentis Summorum Pontificum Privilegiis,

vilegiis, omnes ferè Ordines Regulares sunt exempti ab Episcoporum, & Ordinariorum potestate, siue Privilegia directè, siue indirectè (per communicationem videlicet) talem exemptionem largiantur: consequenter his temporibus Prælati Regularès, & Monasteria habent jurisdictionem quasi Episcopalem pleno jure, juxta doctrinam Glosæ receptæ, Verbo proprii in Clem. 1. de rebus Ecclesiæ non alien. Nav. Comm. 2. de Regul. n. 63. Vers. Adde secundo. Erasmius à Cocbier. de Jurisdic. Ordinarii in exemptos p. 1. qu. 17. nu. 9. & 25. Barbosa de Potest. Episcopii par. 3. alleg. 105. n. 3. Pasqualis. in Lavretum de Franciis par. 2. in addit. quest. 1. num. 4. Ubi ait: Quod Regularium exemptio canonizatur in jure communi, Cap. Abbatis 18. quest. 2. & Cap. Cum dilectus in fine, de confirm. ut & cap. cum dilectus de Reliq. domib. & alibi passim: Et ideò eum sit canonizata à jure communi, facta est de jure communi. Quando autem, à quo tempore, & à quibus Pontificibus Summis successivè Regularès ab Ordinariis jurisdictione exempti esse coeperint, & recepti fuerint sub Protectione Sedis Apostolicæ, atq; sub solo (Romani Pontificis Canonice intrantis) dominio. Vide Tamburin. de Jure Abbatum to. 1. disp. 15. quest. 4. & Barbosa quest. cit. 105. à n. 11. Augustinum à Virgine Maria Carmelitam Discalceatum, de Privilegiis Omnium Regularium Ordinum, Mendicantium, & Non Mendicantium, Verbo Exemptio: relatum ab Ascensione discussionis cap. 1. divisione 1. & alios. Hinc

1343 Certum est Quintò: Regularium Ecclesiis esse pariter omnino exemptas, à quacunque etiam minima subiectione, jurisdictione, ac Superioritate R. R. Parochorum: sicut enim præcedunt exemptione omnino sunt Regularium Ecclesiæ à Jurisdictione Episcoporum, & Ordinariorum, ita, & magis, magisque à subiectione Parochorum, adeò ut Parochi in Regularium Ecclesiis, nullum prorsus jurisdictionis actum exercere queant, Regularibus ipsis invicis: Parochorum namque Jurisdictio ab Episcoporum, & Ordinariis Jurisdictione dependet, & sicut isti nullam Jurisdictionis actum exercere possunt in Regularium Ecclesiis, nec illi consequenter, qui non solum dependent in Jurisdictione à Papa, verum etiam à proprio Episcopo, cujus vires gerunt in actu cura animarum, in funeralibus, &c. Nec enim (Barbosa de Parochia par. 1. cap. 1. n. 25.) Episcopi in his, que pertinent ad curam animarum, propter Parochos excluduntur; quia omnes anime sunt com-

missæ sub potestate Episcopi; cap. quæcumq. 10. quest. 1. cap. principibus 12. quest. 1. & quilibet de Diocesi, dicitur esse Parochianus Episcopi, ut in cap. licet de feriis, & in cap. 1. de rapto. & in cap. ad aures, de penis; facti bonis text. in Clem. Judum 5. in Ecclesiis, de sepalt. refert. Gutier. Canon. l. 1. cap. 27. nu. 25. & 26. Quod igitur non potest Episcopus, nec poterit Parochus, qui vices ejus gerit, non enim major potest esse potestas in Vicegerente, quam sit in principali, ut evidens est, & habetur ex l. Necmo plus, ff. de reg. jur. & Vicarius non plus habet auctoritatis, quam is, cujus est Vicarius, Cap. licet. 2. de Offic. Vicarii in 6. Cap. 3. eodem in 6. cap. Clericos de Offic. Vicarii, & est communis omnium D. D. Certis hisce præhabitis, de quibus iterum etiam, & magis infra, venio ad resolutionem quaeriti, Cui; præ R. R. D. D. Parochorum, quorum nos Regularès obsequiosi sumus, verique quodiditè; ac reales in eorundem levamen indefessis Coadiutores.

1344 Respondeo, Absolutè non licet eisdem, aut aliis in funeralibus, in Ecclesiis Regularium (his invitis) de Jure; & legitimè cum Stola, & Crucè elevata; intrare, Officia Defunctorum, aut Psalmos recitare, aut in aliquo se intermittere, ut in quaesito. Responsio hæc, sedum fundata est in Privilegiis claris, & apertis Sanctissimorum Summorum Pontificum concessis ab Anno 1158. usq; ad Annu 1680. ut videre est apud Tambur. Barb. Augustin. à Virg. Mar. relatum ab Ascensione ff. de. & alios. In Decretis innumeris Sacrarum Congregationum, ut infra, veru etiam in evidentissima ratione, & in auctoritate D. D. qui continenissimè hoc idem tenent, adeò ut videm ab Ascens. Mirum videatur, & æquidem valde mirum, R. R. Parochos post tot, & talia Eminentissima Exemptionis Privilegia à Summis Pontificibus Regularibus concessa, post innumera Sacrarum Congregationum in favorem eorundem circa funeralia edita Decreta, in faciem tot Classicorum Doctorum, & Sapientissimorum Regularium, adhuc resistere, & contra nostrum Jus pretendere audeant: Unde merito in hæc ipse, Cap. pr. cit. n. p. pag. 3. prorumpit: Verè mirum est R. R. Parochos in faciem Regularium adhuc resistere, adhuc pro hoc ingressu consuetudinem, tacitum consensum, non usum, vel abrogationem nostri Juris pretendere: Mirum ut hoc, & intolerabile cum toto terrarum Orbe, nulla ferè sit Regio, nullum tempus, nullum Tribunal, in quo de proprio lesio jure non clamarint, & reclamant perpetuo

petuū Regulares, & auctori, & exauditi in iudiciis contradicitori, pro evidenti propriæ causæ equitate sententiam, non reportaverint? Quot S. S. Pontifices etiam adhibitis Eminentissimorum Cardinalium consultationibus gravissimū præceptis Regularis à Parochiam, in hac parte contentionebris tripuerunt? Quot, edidere leges, & præcepta, ut Parochos intra Jurisdictionis suæ limites continerent? Audiamus in ipsos decretantes, non dico unum, aut alterum Pontificem, sed Pontificum longam scripsi, &c. E quatuor ergo vivis, indeficientibusque fontibus emanat, eruiturve inconcussa hujus responsionis veritas. Primo: Ex pluribus, ac multiplicibus diversorum Summorum Pontificum Bullis, & Privilegiis, longa, continuataque Antiquorum serie concessis, & confirmatis, ab Anno videlicet (ut supra,) 1258. usque ad Annum 1680. nunquam revocatis, imò, innovatis, de novo concessis, & confirmatis, evidenter nemum probantibus nostram datam responsionem, verum etiam distinctè sub lethali culpa, & sub anathemate, & excommunicationis Censura inhiibentibus Religiosis Sæcularibus, & Parochis, ingredi Ecclesias Regularium occasione funerum, ipsis invitis, in iisdemque Ecclesiis exequias celebrare, sine eorundem assensu, & voluntate. Secundo: Ex non paucis Declarationibus, Responsionibus, & Decretis Sacrarum Congregationum, decernentibus Officium super Cadaveribus illatis in Ecclesiis Regularium pro sepultura, ibidem habenda, ad ipsos solos Regulares pertinere, non autem ad Parochos, & Curatos Defunctorum. Tercio: Ex Auctoritate Doctorum: Nam ab Auctoritate Doctorum validum est argumentum, leg. Antiqui, ff. si pari here. Cap. Cum haberet, de eo qui duxit in Matrimon. Cap. Omnes Principes, de Majoritat. & Obediunt. Cap. Significasti, il. 2. de homicid. Evvard. in Topicis legalib. loco 48. Minoribus conf. 9. n. 8. & conf. 18. n. 7. & 13. & consil. 33. n. 27. alique apud, & cum Barbosa in Loc. commun. juris, loco 12. n. 1. addens n. 3. Ab Auctoritate Majorum, medium esse probabile, sed necessarium argumentum, & illi standum, ex vi rationis, que necessarium concludit. Bartol. in leg. 1. sub n. 23. ff. si cert. petat. Magdalen. de num. testium in testam. requis. par. 1. cap. 16. nu. 12. cum sequentibus. Quarto: A ratione, quæ ut fertur Iuristarum commune Axioma, est Anima legis, leg. Cui Oratio, ff. de bonis damn. Franciscus Leo in Thesaur. fori Eccles. par. 2. c. 9. nu. 136. Barbosa Axiom. 197. Gabriel à S. Vincent. de Remediis Ignorantiæ disp. 14. dub. 17. n. 238. alique apud

istis, & communiter. Cum ergo Ecclesiastica lege (ut infra apertissimè) statuatur, non posse Parochos in Regularium Ecclesias Cruce elevata, nec cum Cotta, seu fuperpelliceo, & Stola intrare, nec in funeralibus se intromittere, eadem lex, & veritas suis efficacibus rationibus est evidenter firmata. Igitur

1345 Incipiens à fonte primo simul, primoque capite, ac secundo, à Sacrosancta Petri Sede videlicet; hoc est à Summorum Pontificum Privilegiis; atque Sacrarum Congregationum Decretis concessis diversis, & continuatis temporibus, & emanatis (ab Anno ut supra 1258. usque ad Annum 1680.) Religionibus diversis, atque adedus omnibus, quæ communionem, communicationemque habent Privilegiatorum inter se, quam ferè omnes habent Religiones, inclusis etiam Monialibus (in proportionabilibus) ut videre est apud D. D. agentes de Privilegiis Regularium, præcipue apud Jo. De la Cruz de Privilegiis Regul. cap. 4. nu. p. conclus. p. Ex Bulla XIII. Leonis X. & in mea Filiatione Spirituali Latina cap. 4. dub. 11. n. 169. Incipiens ergo inquam ab hoc primo, secundoque capite, & fonte, fideliter, ordinatèque subiungam Bullas, Pontificiaque Privilegia, ac Sacrarum Congregationum Decreta prohibentia Parochis occasione associationis cadaverum, ingredi Ecclesias Regularium, in eisdemque recitare funeralia Officia, Cruce elevata, cum Stola, &c.

1346 Alexander IV. Anno 1258. in Bulla, quæ incipit: Virtute conspicuus 98. pro Minoribus: apud VVad. in Reg. to. 2. ex auctoritate pbo sub plumbo, de qua fit mentio in Spec. Minorum in Summario, ubi dicitur, haberi originaliter Salmantica: sic: Distinctis inhiibemus, ut nulli Religiosi, vel Sæculares vobis intitis aliquorum corpora Defunctorum in vestris Cæmeteriis sepellere, aut in Ecclesiis vestris Misserium Solemnem, vel pro ininmabz isform, qui ad loca vestra tumulandi feruntur, ibidem obsequia celebrare sine vestro assensu, & voluntate præsumant. Hoc idem totum ad verbum habes, apud Augustinum à Virgine Maria, Carmelitam Strictioris Observantie, in suo Opusculo inscripto, Privilegia Omnium Religiosorum, Editione Tertia Lugdunensi, Anno 1664. Verbo Sepultura nu. 6. fol. mibi 595.

1347 Clemens IV. Anno 1265. in Bulla edita pro Fratribus Minoribus, quæ incipit Virtute Conspicuos, & est authentica in Bullario novo Lærentii Chetubini to. 1. fol. mibi 130. ait §. 13. ut sequitur: Sepulturam quoque in Ecclesiis vestris concedimus, & eam liberam, &c. Distin-

Districte inhibentes; ut nulli Religiosi Seculares, vobis inuicem aliquorum corpora Defunctorum in vestris Cimiteriis sepelire, aut in Ecclesiis vestris Missarum Solemnia, vel pro amandis eorum, qui ad loca vestra tumulandifuerint, ibidem exequias celebrare sine vestro assensu, & voluntate presumant, concludens §. 30. finali: Decernimus autem irritum, & inane, quicquid contra tenorem concessionum, constitutionum, & inhibitionum huiusmodi, per quoscunque fuerit attentatum, & interdicti, suspensionis, & excommunicationis sententias, si quas contra concessiones, constitutiones, & inhibitiones easdem in vos, vel vestrum aliquos, aut loca vestra, &c. in posterum promulgari contigerit penitus non tenere. Cum Clausula: Nulli ergo omnino hominum, liceat hanc paginam nostrorum concessionum, constitutionum, & inhibitionum infringere, vel ei ausu temerario contraire: Si quis autem hoc attentare presumpserit, indignationem Omnipotentis Dei, & Beatorum Apostolorum Petri, & Pauli se noverit incursurum. Dat. Perusii XII. Kalend. Augusti Pontificatus nostri Anno 1. De hac Bulla, Casarabian in Compend. Privileg. Fratrum Minorum, Verbo Sepelitis nu. 4. Alexander Peregrinus in Compend. Clericorum Regularium, Theatinor. Titul. Sepultura §. 3. alique.

1348 Et circa eandem, notanda sunt sequentia, quæ deservient etiam ad posteriores Bullas, & Decreta, quæ subjungam. Notandum est ergo primum, Clausulam prædictam appositam, & quæ pariter in Bullis, & Decretis sequentibus, sæpe semper apponitur: Vobis inuicis, seu sine vestro assensu, denotare Privilegia à Summo Pontifice concessa, esse merè facultativa, sive Privilegia facultatis, quæ non amittuntur, nec amitti possunt per simplicem non usum, aut per contrariam consuetudinem, sed requiruntur, ut amittantur prohibitionis usus, ut notat apud, & cum P. Pasquali in Laurentum de Franchis par. pr. n. 127. Vnde Circa autem, Franchis in Cap. Significans d. 3. de appellatione. Felix in Cap. Sigillari nu. 8. de Offic. Ordinari. Casrensis in leg. Qui luminibus 2. ff. de seroit. verbo præd. Afflic. decis. 378. nu. 2. Surdus consil. 117. n. 21. Scapellin decis. 2016. n. pr. Rota decisio 350. n. 2. par. 2. recent. & in Catalogitana, de Liquore 30. Aprilis 1553. coram Cypio, & in Reatina Barthe 23. Januarii 1627. coram Baratto, & decisum. 106. n. 9. coram Merlino. Quibus addo Azoriam 10. pr. Instit. Moralium lib. 5. cap. 4. qu. 8. Rodrig. tom. 2. q. Regular. qu. 49. art. 8. Et Palao par. tit. de Privilegiis tract. 3. disp. 4. punct. 18. nu. 5. (ubi alios citat) relatam supra ab Ascens. cap. pr. dicitur

non pr. n. 20 cum aliis pluribus ibidem ab ipso met allatis. Ratio autem huius notabilis, clara, atque evidens est, nam quomodo dicta facultativa, seu facultatis Privilegia per non usum amitti possunt, dum libero nostro arbitrio, quo ad usum ipsam, commissa sunt, consequenter per hoc, quod illis non utamur, non conferamus eisdem renunciare velle, uti nec velle possumus? non inquam id velle possumus, quia Regulares non habent facultatem ad istam renunciationem, quippe qui Privilegio in bonum, commune toti Religioni concessio renunciare non possunt: Barbosa Axioma 135. n. 14. Suar. de Legib. lib. 8. cap. 6. n. 2. & 3. & cap. 33. n. 4. Caramuel in Theol. Regulari in Regal. Sancti Benedicti disp. 52. ref. 8. n. 751. Palao disp. cit. 4. punct. 17. nu. p. (addens n. 2. quod in hoc omnes conveniant 3. Portell. Verbo Privilegii Usus n. 39. Antonias à Spiritu S. in Directior. Regularium par. 1. tract. 1. disp. 1. sect. 7. n. 142. & in consiliis, conf. 39. d. n. 38. & 35. relatus ab Ascens. cap. 5. decis. 5. in princip. sub. n. 44. Marginal. Andreas Merdo in Epitome. Opinione. Moralium, Verbo Privileg. n. 17. (ibi) Hinc Religiosus nequit renunciare exemptioni, nec Clericus Privilegio fori. Communiter in cap. consilium. de rescript.) alique innumeri, apud istos tam Theologi, tum Juristæ, communissimè sentientes, & docentes, non posse Regulares renunciare Privilegiis Communibus totius Ordinis. Unde Innocent. III. cap. Cum tempore de Arbitris, scribens Abbati Cividam, qui Privilegiis renunciaverat, aperit ostendit non potuisse id facere, absque licentia Romani Pontificis: ut sequitur 2. Cum, & si sponte volueris, de Jure tamen non quiveras sine licentia Romani Pontificis renunciare Privilegiis. Hinc optime D. D. communiter, relati præcipue à P. Pasquali in Francicum par. 2. qu. 92. n. 13. docent; nec Subditum, nec Superiorem renunciare posse Privilegio exemptionis (uti est, de quo in præfenti) absque licentia Summi Pontificis.

1349 Et ratio ipsa suffragatur etiam: Tum quia non potest quis renunciare, quod sui directè concessum non est: esto illo fruat, sicuti à pari non potest Clericus, nec Ecclesiasticus renunciare libertati Ecclesiasticæ, vel Privilegio Canonis, aut fori, &c. in favorem totius Cleri concessio, quia hoc esset in præjudicium totius Status Ecclesiastici, & Religionis, imò & Pape, ut supra, & infra: Non enim potest, quis favori proprio renunciare, quando implicatus est cum jure alieno, qualis est exemptio (in casu nostro) quæ implicata est cum Jure Superioris,

Pasqualis, l. c. nu. 14. cum Felino, Abbate, Mancel, Tisbe, Saravia, Navar, Sylvest. Armill. Cenedo, Suarez, Sanchez, Rota. Præsertim si ledatur jus Superioris non consentientis, ut in præfenti est solus Papa, ut notant Castrensi. Roman. Cardinal. Afflicti. Gratian. Gail. Rovi. Io. Baptista Costa. Tum quia, Res, per quas causas nascitur, per easdem dissolvitur, Barbosa Axiomate 199. ex cap. Omnis 27. qu. 2. & ex cap. Omnis res de Regul. Iuris in Decretalibus. Et ad rem nostram Bordon. ref. 52. n. 110. Antonius à Spiritu S. in Director. Regular. par. 1. tract. 1. disp. 1. sect. 7. à n. 119. Ubi & in suo Consilior. Variorum to. conf. 39. nu. 40. ait: Privilegio exemptionis ab Ordinario (uti est, de quo hic loquitur) nec Generalis, nec Capitulum Generale potest renunciare absque licentia Pape, ut decidit Savar Rota apud Lezzan. to. 3. In Mari Magno Carmelitar. §. 33. n. 265. & 266. & §. 38. n. 280. Ubi etiam, quod volens renunciare, renunciatio fieri debet in manibus Papæ, à quo tanquam ab origine, & causa totali oritur omnino huiusmodi Privilegium, ergo à Papa tantum dissolvi potest, juxta citatum commune Axioma: Omnis res, per quas causas nascitur, &c. Et hinc deduc (quod inferi etiam Ab Ascensione cap. 5. divers. 5. vers. Immo non) si nec Generalis, nec Capitulum Generale potest renunciare iis, quæ in favorem totius Religionis à Summo Pontifice concessa sunt, ut est Privilegium, de quo loquimur, consequenter nec Provinciales, nec Capitulum Provinciale, vel vna integra Provincia, multo minus unus solum Superior, & Conventus id poterit, aliter major potestas resideret in inferioribus, quam in Superioribus Prælati, & Capitulis, quod non potest admitti. Adde, quod illius esse debet renunciatio, cuius est Privilegium, scilicet totius Religionis, ut dictum est, at nec Generalis, nec Capitulum Generale, nec tota Religio potest huic Privilegio, & Juri renunciare, ergo multo minus id poterit una Provincia, unus Superior, & Conventus: nec etiam poterit, quamvis intercessisset pactum, & juramentum inter Regulares ipsos, & R. R. Parochos, ut patet ex cap. Si diligenti de foro competent: dum ibi Glof. Verbo Pacto privatorum, sic: Sic ergo patet, quod privatorum pacto Juri publico non derogatur, ff. de pactis, leg. In publicis, nempe enim ius publicum remittere potest aliquibus personis, ita Glof. Et Innocentius III. in confirmatione huius additi sic pronunciat, cap. Si diligenti de foro competent: Cum non sit Beneficium hoc personale, cui renunciari valeat, sed potius toti Collegio Ecclesiastico sit pu-

blicè indultum, cui privatorum pacto derogari non potest, nec juramentum licet servari possit, quod contra Canonica Statuta illicitis passionibus informatur. Quod idem est, quia huiusmodi pacta iniuriam continent, idcirco servari non debent, ut est commune, sique nec in casu nostro, si intercessissent. Concludit igitur (& optime) huius primi notabilis doctrina, nequire videlicet Regulares prædictum exemptionis privilegium toti Ordini à S. Sede concessum, renunciare, cum respectu ejusdem locum non habeat renunciatio: Sicuti neque illius amissio locum habet, causa non usus, ut supra, hoc enim importat, ut dictum est, præfata Clausula: Vobis inivit, vel sine vestro assensu: aliàs talis Clausula in privilegio posita esset inutilis, nilque operaretur, quia ipsa includitur in omni privilegio, cum in quolibet subintelligatur conditio, ut eo utatur quando, & cum voluerit, vel quod idem redit, cum inivus non fuerit. Ut aliquid igitur operetur clausula prædicta: Vobis inivit, &c. intelligenda est, ut possumus privilegio non uti sine præjudicio, & quod ipsa impedit præscriptionem adversus illud, & Privilegiatos ipsos Regulares, si tempus præscriptionis contra ipsos non utentes computaretur. Unde Privilegia sic concessa, per non usum amitti non posse; nec introduci contra ipsa laudabilem consuetudinem, & possessionem (etiam si esset immemorabilis) cum adest dicta clausula, docent communiter D. D. apud, & cum Ab Ascensione c. 1. divers. 1. Vers. Probo primò, fol. 6. Quod confirmari videtur ex generali regula, quæ docet actus meræ facultatis, nunquam inducere consuetudinem, seu præscriptionem, & nunquam præscribi, ut notant Calderin. consil. 2. & 3. de consuetud. Roland. conf. 53. nu. 38. lib. 2. Decius consil. 175. nu. 6. Vers. Præterea licet. Surd. consil. 127. n. 81. Ludov. decis. 162. nu. 10. Rota decis. 178. n. 5. par. 5. divers. Pasqual. in Franc. par. 1. n. 592. & idem Ab Ascensionem l. c. Vers. Quod confirmatur, fol. 7. ubi plures alios refert, præter prædictos citatos à P. Pasqualigo sub eodem num. 592.

1350 Dum hæc tamen scribo, casu meo, aperiens Ton. 3. Consultationum Canon. Jacobi Pignatelli, & fortuito etiam incidens in Consultat. 30. lego in ipsa n. 1. & 2. quæ non concordant cum Superiori assertionem, in qua affirmo, nequire Regulares unius Conventus (sicut nec unius integræ Provincie) renunciare communi totius Religionis exemptionis Privilegio; de quo hic, & in quæsito, absque auctoritate Summi Pontificis.

Pontificis. Contrarium sentire videtur Doctor iste sub sequentibus verbis, quæ fideliter refero, ut obiectum, quod contra nostrum assertum (saltem apparenter) formant, maneat postea resolutum. *An Regulares possint concordare cum Parochis, ut ii peregrantur Officium in Ecclesiis Regularibus super Cadavera Defuncti Parochiarum? Affirmative.* Ita censuit Sacra Congregatio super Episcopos in Firmiana Anno 1606. quæ huiusmodi concordiam confirmavit, & Anno 1642. declaravit Regulares teneri ad observantiam dictæ concordie. Si quidem concordia fieri potest super iis omnibus, quæ possunt in controversiam deduci. Gregor. decis. 149. n. 4. & facta paria exceptionem litis finitæ, & impedit alterius litis ingressum, idem Gregor. decis. 354. nu. 1. & 2. sentit, & post concordiam inter personas Ecclesiasticas initam, non licet amplius allegare contrariam dispositionem legis, præscriptionis, nec Privilegii, sed omnino pacta conventa observanda sunt per textum in cap. 1. de transact. Ad hoc autem, ut Clerus Secularis, & Regularis valide possint inire contractus, præcipue transactionis, requiritur copulative interventus Prioris, & Capituli legitime congregati in loco solito, & quod interveniat nedium major, & sanior pars, sed etiam, quod nullus contradicat, si ex transactione remittatur jus clarum competentis ipsi Capitulo, ut per plures decisiones firmatum fuit in Burgen præeminentiarii p. 3. recent. decis. 623. n. 1. & par. 4. decis. 328. nu. 1. & seqq. Hæc sunt eruditissimi Pignatelli, quæ probare videntur, ut ex se constet, unum integrum Regularium Convenerum (adde, & unam integram eorundem Provinciam consequenter, cum non sit major ratio) renunciare posse præfato exemptionis Privilegio, de quo hic, quod nos supra negamus. Verum

1351 Facillimè resolvitur huiusmodi apparens: potius, quam reale obiectum: Nam si vera sunt, quæ à D. Pignatello assumuntur, potius approbant, quam reprobant assertum nostrum. Dico, si vera sunt, quæ ab ipso assumuntur, nec facio illi injuriam, intelligo enim, si vera sunt, quæ ipsemet adducit Sacra Congregationis responsa, cum idem, nec non Sacra Congregationum Declarationibus, ac Decretis in authentica forma non exhibitis, fidem præstare non cogamur: idemmet Pignatelli Tom. 2. consult. 21. n. 6. sub his verbis: Declarationes S. Congregationis, quotiescumque non sunt in authentica forma, possunt reduci ad examen rationis, & acceptari, vel reici. Quia tunc non considerantur, tanquam Declarationes Congregationis, sed solummodo, quod præsternunt veritatem.

Addo, quod Sacra Congreg. tam Concilio, quam Rituum 2. & 11. Augusti 1632. decreverunt (de Mandato felicis rec. Urbani VIII.) suis Declarationibus, tam circa Ritus, quam circa Concilii interpretationem, sive impressis, sive manuscriptis, nullam fidem adhibendam esse, tam in iudicio, quam extra, nisi solis illis, quæ in authentica forma, solito sigillo, & subscriptione Eminentiss. Cardin. Præfecti, ac Secretarii ejusdem Congregationis pro tempore existentium munitæ fuerint. Et huiusmodi Decretum ea de causa factum fuit, quia ad ejusdem Sacra Congregationis notitiam pervenit, quam plures Declarationes, Decreta, seu Decisiones sub nomine ejusdem Sacra Congregationis absque illius auctoritate impressas in libris, seu aliis operibus, circumferri, & allegari, multasque ex Declarationibus, Decretis, seu Decisionibus, juxta contingentiam casuum, illorumque qualitates, & circumstantias, à se diversis temporibus factas secundum ea, quæ proponebantur, fuisse alteratas, immutatas, immixtas, ac forsan alias, mentio Sacra Congregationis nomine confectas, nulloque propterea authentico sigillo munitas, illasque per Tribunalia, tam in Urbem, quam per Orbem circumferri, & allegari: quibus si ulla fides adhiberetur, magnum inde detrimentum recipi posset, ut eadem Sacra Congregat. in dictis Decretis consideravit. Vide Dianam to. 6. Coord. tract. 1. resol. 22. 23. & 34. Ex par. 1. tract. 10. resol. 29. Ex par. 5. tract. 2. resol. 96. Ex par. 1. tract. 2. & Miscell. 7. resol. 42. Ex par. 1. tract. 2. & Miscell. 8. resol. 53. Vide etiam Hieronymum Nicolium par. 1. Lucubrationum utriusque Juris lib. 4. tit. 29. de Nuptiis n. 76. fol. mibi 67. 68. ubi, in fine nu. sic: Est, & alia ratio ex qua supradictæ declarationi relati, &c. credere non cogimur: scilicet, quia ego in ipsi Originalibus registri Sacra Congreg. Concilii, vidi Declarationem de directo contrario. Igitur non exhibita Declaratione in forma authentica ad normam relati Decreti Urbani de Anno 1632. fides nulla illi præstanda est, ut supra. Verum quidem est, quod cum post huiusmodi Urbanum Decretum Sanctiss. Innocentio Decimo relatum fuisset (ut advertit etiam, & refert idem Nicolaus loc. c. sub eodem n. 76.) quosdam adesse, qui parvipendentes Decreta Sacra Congreg. cum maximo animarum præjudicio spargebant, Decreta ejusdem Sacra Congreg. facere tantum opinionem probabilem, uti puram, & simplicem Cardinalium Declarationem, & posse utique contrarium defendi. Sanctitas sua

die 30. Iulii 1652. confirmavit supradictum Decretum Urbani VIII. quod scilicet Decreta Sacrae Congreg. quotiescunque sint a Praefecto ejusdem firmata, à Secretario subscripta, & sigillo munita, vim, & valorem habeant, & quod ab omnibus, & singulis inviolabiliter observentur. His positus, modo ad obiectum

1352 Respondet, me non cogi in primis prestare hdem relatis à D. Pignatello Sacrae Congregationis Decretis, ut potè non exhibitis in valida obligante forma. At ne videar difficultatem effugere à Reverent, libenterque, imò libenissimè do illisdem integram: Ergo ex iisdem deducitur posse Regulares renunciare Privilegio, ut supra, nego consequentiam, quia ex tali antecedenti minimè sequitur, bene tamen oppositum, in favorem scilicet Privilegii, ut mox. Non enim simplex concordium, seu transactio (ut constat ex terminis) est renunciatio neque cessio, totalis scilicet, proprii juris. Præterea dictum concordium esset, & ipsum exhibendum: Quia Sacrae Congregationis Declarationes (ait idemmet Pignatellus tom. 1. conf. 1. n. 18.) semper intelligantur emanare iuxta ea, quæ in facto proponuntur. Verum, hisce omittis, & quibusvis aliis limitationibus omnino, nego inquam denud consequentiam, quæ ex opposito antecedente (etiam simpliciter concessa) haud inferitur, imò contrarium; non posse videlicet Regulares renunciare, &c. quod patet: Nam si possint Regulares (ut intendit argumentum) concordare, renuciare, &c. ad quid recursus ad Sacram Congregat. & ad ejusdem Decreta, pro concordii confirmatione, nisi quia ipsi summet solitari, nec pura renunciatio conventus, vim habet absque auctoritate Summi Pontificis (ut nos supra) à quo suam vim, & facultatem utique recognoscunt, ac si ab ipso Papa fuissent editæ dictæ Declarationes, & Decreta ipsa S. Congregationis? Super hoc D. D. præcipue apud Dianam II. ce. At de his satis. Unde

1353 Norandum secundo: Clausulam *Distinctionis imponentes*, obligare sub mortali, ut docent omnes Auctores (nemine excepto) apud P. ab Asienf. & cum ipso, cap. 1. division. 1. n. 11. fol. 38. & 39. reum unanimiter damantes lethalis culpæ, non obedientem Summo Pontifici strictè præcipienti, & sub pena excommunicationis. Unde Suar. de Legib. lib. 5. cap. 3. n. 2. ait, quod nemo dubitat, quin obliget in conscientia ad actus præceptos, vel prohibitos, quia spiritualis poena, maxime solet imponi propter contumaciam, quæ non est sine

inobedientia, & culpa, utique mortali, sine qua nunquam contrahitur excommunicatio (insinuat in dicta Bulla Clementis IV.) quæ censura, & poena gravissima, supponit semper mortalem culpam (alias lex, & præceptum foret iniquum, imponendo poenam gravem pro levi culpa. Sayrus in Clavi Regia lib. 3. cap. 7. n. 25. cum communi sententia Sanchez in Decal. lib. 6. cap. 4. n. 43. & 64. cum pluribus aliis ibi relatis. Carolus Antonius Tbesaurus de Penis Canonicis par. 1. cap. 4. & aliis omittis. Avila de Censuris p. 2. cap. 5. disp. 1. dub. 2. Vers. Ex dictis) ut docent omnes, præcipuè Navarr. in Man. cap. 23. nu. 53. ubi expressè sic: *Ad mortale obligat lex, quæ præcipit, aut vetat aliquid sub poena excommunicationis majoris, aut simpliciter sub poena excommunicationis, quia de majori intelligitur caput. pen. de sentent. excomm. sine adadatur ipso jure, sine non. Sic de æterna indignatione Dei, & Sanctor. Petri, & Pauli, aut alia simili, quæ solum in statu infelici peccati mortalis locum habet. Hinc sequitur.*

1354 Notandum tertio, contra facientes his rebus, quæ imperantur cum Clausula supra posita in relata Bulla Clem. IV. Nulli ergo hominum liceat, &c. Et si quis hoc attentare præsumserit, indignationem Omnipotentis Dei, & B. B. &c. peccare mortaliter, quod docent (præter Navar. l. c.) Peyrinus de Privilegiis tom. 1. in Constitut. 3. Sicut IV. §. 4. n. 7. ubi: *Noto circa illam Clausulam (indignationem Dei, &c.) quod contraveniens peccat mortaliter, quia hoc est virtualiter obedientie præceptum in virtute Spiritus Sancti. Barbesa Clausula 91. Nulli ergo hominum liceat, &c. ubi n. 1. Eum qui sine iusta, & rationali causa dispositioni Apostolica non paruerit, indignationem Dei Omnipotentis, ac B. B. Petri, & Pauli Apostolorum ejus incursum, habetur in fine Bullarum Apostolicarum; nam ut dicitur in Cap. Qui resistit 11. qu. 3. Qui resistit potestati, ordinationi Dei resistit. Unde S. Joc Chrysostomus in Cap. Si nemo 11. qu. 3. sic ait: *Nemo contemnat Ecclesiastica vincula, non enim homo est qui ligat, sed Christus. Et ideo peccare mortaliter, &c. Tamburin. de Jure Abbat. to. 1. disp. 18. qu. 6. n. 9. Ubi: Hæc clausula (Indignationem, &c.) quæ consuevit apponi in Privilegiis Apostolicis, facit, ut illi contravenientes, mortaliter peccent, quia hoc est, virtualiter, obedientie præceptum in virtute Spiritus Sancti. Antonius à Spir. S. in Directior. Regular. par. 1. tract. 1. disp. 1. sect. 5. nu. 97. Dicta clausula facit, ut contravenientes peccent mortaliter, quia hoc est virtualiter obedientie præceptum in virtute Spiritus Sancti. Lezzana ad eandem Clausulam,**

ubi, Arguit culpam mortalem. Suar. de Legib. lib. 4. cap. 18. n. 3. & communiter omnes, docentes etiam (tum Theologi, tum Canonistae apud, & cum P. Ab Ascens. cap. 1. division. 1. n. 11. Vers. Nota tertio, fol. 39.) eandem Clausulam obligationem inducere sub mortali, absque alia declaratione.

1355 Notandum quartò : Clausulam irritam, & inane, positam, & in supra posita Clem. IV. Bulla (uti, & in aliis Bullis, & Pontificiis praeceptis) tollere omnem consuetudinem, & praescriptionem in contrarium. Non enim induci potest consuetudo, vel praescriptio contra legem habentem Decretum irritans, quia hoc tollit omnem consuetudinem : Boer. decis. 1. n. 49. & 50. Covarruv. par. 4. cap. 6. §. 10. nu. 35. Rota par. 4. to. 3. decis. 374. nu. 26. & 27. Lex enim irritans, facit personam inhabilem ; consuetudo autem non potest tollere incapacitatem. Decius in cap. Novit. de Judic. n. 84. Felin. & Aymon. cum Suar. lib. 7. cap. 19. n. 13. Apud eandem Rotam n. 28. Decretum irritans, inficit titulum, & possessionem, & operatur nullitatem usque ab initio, cap. Si eo tempore, de elect. in 6. Castiodor. decis. 1. de resist. spoliat. nu. 7. Puvion lib. 1. decis. 386. Rot. par. 4. to. 2. decis. 312. nu. 39. & 40. & par. 7. decis. 279. fin. tibi, quod praescriptio impeditur per Clausulam : Sublata, & per Decretum irritans. Talis autem naturae est Decretum irritans, quod inficit, & destruit omnem contrariam consuetudinem ; non solum praeteritam, sed etiam futuram impedit, ne introducat : Felin. in cap. cum accessissent, de Constitut. n. 30. Vers. Quartò limit. Ruin. lib. 2. consil. 13. n. 13. cum aliis. Rota par. 5. to. 2. decis. fin. n. 24. Sensus igitur hujus Clausulae est irritare, seu annullare omnia, quae in contrarium sunt : cap. c. Si eo tempore, de electione in 6. Barbosa clausula 40. n. 2. & n. 34. ubi subdit, tollere praescriptionem, & nu. 35. resolvit, tollere etiam consuetudinem in praeteritum, nedum in futurum. Gonzalez ad Regul. 3. Cancell. Gloss. 67. n. 12. Tambur. qn. 6. cir. n. 47. Jo: Petrus Moneta, de communicationib. ultimar. voluntatum cap. 7. nu. 250. Quo tamen ad tollendum praescriptionem, concedit quidem esse, etiam effectum hujus Clausulae irritantis (cum communi) sed limitat, id intelligendum esse de praescriptione futura, non autem praeterita per quam fortasse acquisitum jam fuerit jus tertio, cui non censetur Princeps velle prajudicare, nisi exprimat. Antonius à Spiritu S. sect. 5. cit. n. 19. Peyrin. ad Constitut. 23. Lessius X. n. 3. ubi in fine, advertit cum Mandef. in tr. de

Monit. n. 46. Vers. Exemptus à Jurisdictione quod Privilegio, habenti istam clausulam, non potest renunciari, etiam de consensu parium. Pasqualis in Francibus par. 1. nu. 837. P. Ab Ascensio division. 1. cit. sub n. 14. & alibi : & alii apud citatos, & communiter ; quorum aliqui docent, praecipue Gonzalez l. c. nu. 14. & Barbosa l. c. n. 7. dictam Clausulam ligare etiam ignorantes, quo ad nullitatem actus contrarii, & prohibiti. Et idem Pasqualis. n. c. ait : Decretum irritans operatur, quod per actus contrarios tanquam nullos, non praescribatur Privilegium, ut tradunt Felin. in cap. cum accessissent num. 30. Vers. Quartò limita, de Constit. Anton. Gabr. lib. 6. commun. conclus. Tit. de clausulis concl. 3. n. 39. & 44. Menoch. Praesumpt. 41. n. 10. lib. 6. Moneta de Conservatorib. cap. 10. nu. 430. Vide Rodriguez tom. 3. qn. Regul. quest. 51. art. 6. ubi docet, Privilegio prohibitive, in quo adest Decretum irritans, nec nullo temporis spatio, per actus contrarios renunciari posse, pro quo refert Archiepiscopus ; Jo: Andrean. Geminianus, Rota Decisioem, Lesoum, & alios. Addit tamen in fine : Privilegia quibus Religionibus prohibetur aliquam inferri molestiam, continentia quod irritum sit, & inane, quidquid aliud super eo fuerit attentatum, posse per contrarios actus ab ipsis Religionibus renunciari, dummodo talis renunciatio fiat ab his, quibus renunciandi committitur potestas. At si sermo sit in hac additione de Privilegio Exemptionis, de quo hic, jam patet ex dictis, quod respectu hujus non habet locum renunciatio, nec aliquid potestas renunciandi eidem commissa est, neque Generali ipsi, vel capitulo Generali, nec etiam toti Religioni, absque assensu Summi Pontificis, ut supra. Igitur

1356 Ex allata Bulla Clem. IV. sub n. 174. ex sequenti Celestini V. (& aliis, tenoris consimilis, de quibus in subsequentibus) evidenter constat R. R. Parochos Ecclesiarum Regularium occasione funerum, cum Stola, &c. ipsis Regularibus invitatis ingredientibus, & in aliquo se intromittentes, ut in quesito, reos esse ipso facto lethalis culpa nedum, verum etiam nullas esse suspensiones, excommunicationes, aliasque censuras, si quae ferantur adversus ipsos Regulares, contradicentes ingressui, &c. bene, tamen ipsos Parochos attentantes ingressum, &c. in Ecclesias Regularium istis invitatis esse majoris excommunicationis censura ligatos, &c. ut exprèsse infra. Adde esse taliter reos, sique ligatos, etiam effectum non sequuto, attentato tantummodo : ad violanda enim praedicta hujus Bul-

læ (& aliorum consimilium). præcepta, sufficit attentasse, ut patet expresse ex illis verbis: *Si quis hoc attentare presumpserit, Indignationem Omnipotentis Dei, &c.* Sic etiam communiter Dēdores, præcipue Carolus Antonius Thesaurus de Paris Canonici par. 2. Verba Conclave cap. 9. Verſ. Nota etiam. Ubi hæc Sufficit ad incurrendas penas; & censuras istas; attentatum, seu conatum, dummodo interueniat aliquis actus proximus, v. g. accessus ad domum cum impetu (ad portam Ecclesiæ cum impetu in casu nostro) vel fractio Lame, quia lex puniens attentatum, intelligitur de attentato per actum proximum. Quis autem dicatur actus proximus. Vide Farinac. in Praxi crimin. quest. 123. n. 106. & q. 124. n. 8. Hæc apprimè advertant Q. D. R. R. Parochi, & contremiscant: Quæ dicta sunt hic, & ulterius dicuntur de eorum culpa lethali, & excommunicationis censura, non sunt simpliciter speculationes, non nuda verba; sunt mandata, ac præcepta vera, & realia, ab eo supremo, ac summo ordinata, cui Christus D. N. dixit: *Quodcumque ligaveris super terram, erit ligatum & in Cælis.* Sed iam assumptum ordinem prosequamur.

1357 Celestinus V. Anno 1294. in Bulla, quæ incipit: *Et si cunctos Ordines*, edita pro Monachis Benedictinis præsentibus, & futuris in perpetuum, & habetur in Bullario novo Romano to. 1. fol. 153.) ait sic §. 29. Nullisque Religiosis, vel Secularibus, cuiuscunque status, vel conditionis existant, liceat aliquorum corpora Defunctorum, vobis huius (quod prohibemus) penitus in vestris sepelire, ceterius, nec in Monasteriis, Ecclesiis, Prioratibus, & aliis locis vestris Missarum Solemnia, vel mortuorum Officia celebrare. Et §. 39. Nos enim ex nunc decernimus irritum, & inane, quicquid contra tenorem concessionum, constitutionum, & inhibitionum huiusmodi omnium, & singulorum etiam, quæ superius sunt expressa, per quoscunque attentatum est, vel in posterum contigerit attentari. Et interdicti, suspensionum, & excommunicationum sententias, si quas contra premissa, vel aliquod premissorum, in eos, vel in vestrum aliquem, sive aliquos, aut loca vestra, aut executores à quocunque, cuiuscunque præeminentie, dignitatis, aut honoris, vel status existat, in posterum contigerit promulgari, volumus eo ipso penitus non tenere.

1358 Hæc Bulla est quidem edita pro Monachis Benedictinis, ut patet; sed Privilegia eisdem in ipsa concessa, sunt communia omnibus Religionibus, quia (ut supra dixi mu; & certum est) Religiones omnes communicant in Privilegiis, quod me-

lius, nec alia ratione probari potest (siquit optime Bordon. ref. 52. n. 66.) quam referendo in genere eademmet communicationis Privilegia; & hoc ipse accuratè, ac diligenter facit ann. 66. c. videatur, ibi enim ex professo, excellenterque de Privilegiis Regularium. Continet præterea hæc Bulla (ut constat) eandem clausulam nedum (quæ extat in antecedenti Clem. IV.) quo ad reatum lethalem, verum etiam irritat pariter (ut idem Clemens) annullat, atque inane declarat, ulliusque valoris, ac effectus, quodcumque attentatum contrarium. Ex qua clausula inferitur iterum apertissime (ut supra etiam ex eadem deductum est) idem attentatum, vel actum, nec posse unquam præscribere, neque præscriptionem ullam incipere: huiusmodi enim clausula (ut etiam supra) facit actum nullum ipso iure, & annullat quicquid in contrarium sit, cap. Si eo tempore de election. lib. 6. & probat Barb. cum aliis; clausula 40. & idemmet Axiom. 174. ubi item cum aliis probat: *Paria esse, non esse, vel esse nullum.* Non fieri, & inutiliter fieri, consequenter, actum nullum esse, & esse sine effectu, paria esse probatur. Unde meritò per eundem Barboſam (ibi) *Paria sunt, non fieri, & invalide fieri. Non fieri, vel nonfortiri effectum. Nullum esse, vel esse sine effectu, &c.* Et eadem clausula, si ve Decretum irritans, ligat etiam ignorantes, non solum si adiunt verba, scienter, vel ignoranter contigerit attentari, ut in casu cap. c. Si de eo tempore: verum etiam si non, adiunt: ut probat Text. in cap. Dudum, & in cap. Si Beneficia, de præben. in 6. ubi observant. Felin. in cap. Ceterum, n. 37. de reservatione. Flaminio Parisius de Resignat. Benef. lib. 5. qn. 6. n. 220. addens tantum, nu. 222. respectu pene solum, non ligari ignorantes. Etiamur à CboKier de Jurisdiction. Ordinarii in. Exemptos p. 2. qu. 5. n. 16. Ubi Casus Clausula ea pſt vii, ut liget etiam ignorantes cum à Papa adicitur (ut in casu nostro) Morta de clausula par. 1. clausula 255. n. 22. Barboſa Clausula cit. 40. nu. 7. & 8. atque phreæ apud ipsos. Verum quidem est, quod apud R. R. Parochos non datur in casu nostro huiusmodi ignorantia, & si daretur (iusta, & probabilis) excusaret quidem eorum (ut optime etiam ignorat Parisius) à reatu, & ab excommunicationis censura: non tamen eorundem conatus, & operatio, ob Decretum irritativum, aliquid esset valoris, efficaciz, vel effectus, ut supra; quia hoc Decretum annullat actum ipso iure contra factum; Merantia cit. clausula n. 6. cum Menochio, Gomeſa, Brusat, & aliis supra.

Quod autem apud R. R. Parochos non deor-
 preſata ignorantia, probatione non
 eget, cum vbiq; & ſemper (ut conſtat)
 contendant iidem R. R. adverſus Regula-
 res occaſione funerum, præſtendentes in-
 eorumdem Regularium Eccleſias Cruce ele-
 vata, & cum Stola intrare, & ibi in fu-
 neralibus ſe intromittere, &c. Qua ſup-
 poſita evidenti Parochorum ſcientia, evi-
 dens etiam eſt, eos ſcire ad ſemetipſos non
 pertinere (nec jus habere) ingredi Eccle-
 ſias Regularium cum Cruce elevata, &
 Stola, neque item juſ ullum habere (ibi-
 dem) cantandi Reſponſoria, Pſalmos, &c.
 Super Defunctorum cadaveribus, etſi per-
 miſſi etiam eſſent id facere. Quo ſtante,
 cum ſciant Parochi, hoc juſ non pertine-
 re ad ipſos, ſunt conſequenter in mala fi-
 de, & ideo non poſſunt præſcribere, cap.
Dudum. Balbus de Preſcriptionib. par. 2. prin-
cipali, ſextimo quæro, fol. mibi 128. nu. 3. ibi
Quocumque tempore ſuperveniat mala fidei, an-
te perfectam præſcriptionem, interruptitur præ-
ſcriptio. Et. n. 5. addit: Si vero mala fidei ſu-
perveniat poſt perfectam præſcriptionem, nihil
nocet; quod utrumque probat iuribus, &
Doctoribus. Paſqual. in Franchum per. pr.
n. 1594. ad hanc eandem rem, cum Surdo
conſil. 276. n. 28. Honded. conſil. 82. n. 39. lib.
pr. & Merlino deſc. 185. nu. 25. Et hinc (ut
etiam, & optimè idem Paſqual. n. c.) defi-
nit titulus ex parte Parochorum, quia ex
tot Bullis, & Declarationibus Sacr. Con-
gregat. (de quibus infra) ſciant utique,
aut ſaltem deberent ſcire, ad ipſos prædi-
cta non pertinere. Imò cum titulus ſit re-
probatus, nullo unquam tempore poteſt
præbere juſtam cauſam præſcriptionis, ut
conſiderat Surd. cum aliis conſil. 276. n. 24. apud
eundem Paſqual. n. c. quem vide. Sed quo
ad præſcriptionem iterum, & fuſius infra,
 1359 Bonifacius VIII. Anno 1302. in Bulla,
 quæ incipit: *Inter ſollicitudines noſtras, &c.*
 Edita per Ordine Eremitarum S. Auguſti-
 ni, ſic habet (apud Rodericum in Bullario,
 Bulla 34. Sixti IV. fol. mibi 175. n. 3.) Sta-
 tuentes, ut nulli Religioſi, vel Sæculares, vo-
 bis inſitis, aliquorum corpora Defunctorum in
 veſtris Cæmeteriis ſepelire, aut in Eccleſiis veſtris
 Miſſarum Solemnia, vel pro animabus eor-
 um, qui ad loca veſtra tumulandi forent, ibi-
 dem exequias celebrare, ſine veſtro conſenſu, &
 voluntate præſumant, &c. Nulli ergo omnino
 hominum liceat hanc, &c. ut ſupra in Bulla
 Clem. IV. Dat. Later. XVII. Kal. Februar.
 Pontific. Anno VIII. Vide Lezzanum in Mari
 Magno Eremitarum Sancti Auguſtini ſuper n. 3.
 f. 3.

1360 Gregorius XI. Anno 1374. in Bulla,
 quæ incipit: *Virtute conſpicuus: Edita p. 1*
 Prædicatoribus, ita nu. 29. Diſcretiſſimi inbi-
 bentes, ut nulli Religioſi, vel Sæculares, vobis
 inſitis, aliquorum corpora Defunctorum in veſtris
 Cæmeteriis ſepelire, aut in Eccleſiis veſtris
 Miſſarum Solemnia, vel pro animabus ipſorum,
 qui ad loca veſtra tumulandi fuerint, ibique
 exequias celebrare, ſine veſtro aſſenſu, & vo-
 luntate præſumant, &c. Et infra. Nos autem,
 ex nunc irritum decernimus, & inane, ſi ſe-
 cus ſuper his, aut eorum aliquo, & quoquam
 quavis autoritate, ſcienter, vel ignoranter con-
 tigerit attentari. Nulli ergo omnino hominum li-
 ceat hanc, &c. Apud Bullarium Roderici,
 Bulla 33. Sixti Papa IV. & apud Lezzanum
 in Mari Magno Prædicatorum Bulla Sixti IV.
 ibi, n. 28. fol. mibi 25.

1361 Martinus V. Anno 1427. In Bulla,
 quæ incipit: *Ex Apoſtolice Sedis, &c.* Con-
 firmans prædictam Bullam Gregorii XI.
 Subdit, ut ſequitur: *Verum ne dubitationes,*
& controverſiæ, quæ alias non pluribus la-
boribus, & expenſis, de cætero vobis ſiant, ex
certa ſcientia decernimus; ut dictum Privile-
gium Gregorii Pape XI. in iudicio, & extra,
in qualibet ſua diſpoſitione, invariablem obſer-
vetur, &c. & infra. Nos autem ex nunc irri-
tum decernimus, & inane, ſi ſecus ſuper his,
aut eorum aliquo & quoquam, quavis autori-
tate ſcienter, vel ignoranter conſigerit attentari.
 Nulli ergo, &c. Rodericus in Bullario,
 Bulla 33. Sixti IV. n. 36. & apud Lezzanum
 in Mari Magno Prædicatorum n. 36.

1362 Eugenius IV. Anno 1434. In Bulla,
 quæ incipit: *Ad decorem Sacre Religionis,*
 &c. Confirmans Bullam Celeſtini V. ſupra,
 relatam, ait ſic n. 39. *Litteras præſatas, ac*
quæcumque inde ſecuta, Apoſtolica, & certa
ſcientia confirmamus, & approbamus, ac præ-
ſentis ſcripti patrocinio communimus, decernentes,
ea obtinere debere, & debuiſſe robur per-
petuæ firmitatis, &c. Nulli ergo hominum li-
ceat, &c. Si quis autem, &c. Dat. Florentiæ
 Anno Incarnat. Dominice 1434. V. Kalend.
 Novemb. Pontific. Anno IV. apud Rodericum
 in Bullario Conſtitus. 28. Eugenii IV.

1363 Idem Eugenius IV. Anno 1439. IV.
 Idib. Novembris, in Bulla, quæ incipit: *Licet*
debitum Paſtoraliſ Officii, &c. ſic habet: Nos
 dilectionum Guillelmi de Caſali Generalis Ordiniſ
 Minorum, & Fratrum prædictorum ſuppli-
 cationibus inclinati litteras quaſdam ſcl. record.
 Clementis Pape IV. Prædeceſſoris noſtri dicto
 Ordini� conceſſas, quarum tenorem de verbo
 ad verbum, inferius deſcribi fecimus, omnia,
 & ſingula in eis contenta, pro ipſarum firmiori
 ſubſiſtencia, autoritate Apoſtolica, ex certa
 ſcientia,

scientia, tenore presentium, confirmamus, & presentis scripti patrocinio communimus, &c. Nulli ergo omnino hominum liceat hanc paginam, &c. Si quis autem hoc attentare presumpserit, indignationem Omnipotentis Dei, &c. Rodericus in suo Bullario, in Constit. 14. Sixti IV. 1364 Idem Eugenius Anno 1443. Idibus Aprilis, in Bulla, quæ incipit: Romanus Pontifex, &c. Confirmans supradictas Bullas Gregorii XI & Martini V. sic ait: Nos quædam sælic. record. Gregorii XI nec non Martini V. Prædecessorum nostrorum, & concessas huiusmodi confirmatorias litteras, quas diligenter inspicere, & examinari, quatuorquingentorum de verbo ad verbum, presentibus inseri fecimus, auctoritate Apostolica tenore presentium, ex certa scientia, innovamus, & confirmamus, ac presentis scripti patrocinio communimus, &c. & infra: Nos enim ex nunc irritum decernimus, & inane, si sequi super his, vel coram aliquo ad quocumque, quavis auctoritate, scienter, vel ignoranter, contigerit attentari. Nulli ergo, &c. apud Rodericum in Bullario Constitut. 33. Sixti V.

1365. Hic autem nota primò, ly ex certa scientia (Clausula posita in præfatis Bullis) idem importare, ac Clausula de Plenitudine potestatis. Unde Notandus Verbo Clausula n. 5. de Plenitudine potestatis, vel ex certa scientia, idem est. Antonius à Spiritu S. Clausula 8. Ex certa scientia: Hec Clausula idem importat, ac de plenitudine potestatis, hoc est de potestate absoluta. Barbosa Clausula 4. cum aliis ibi citatis num. 8. Et Clausula 59. n. 2. cum aliis pluribus pariter idem. Qui item n. 3. alius citatis; ait; Clausulam prædictam ex certa scientia, habere etiam vim Clausulæ non obstantis. Et num. 4. vim Clausulæ Motu proprio. Facit autem eademmet Clausula ex certa scientia, & de plenitudine potestatis, ut nihil operari possit contra Privilegium, & quod nihil opponi possit, quod ipsūmet Privilegium, & gratiarum annulet, Barbosa Clausula c. 41. n. 20. & 21. Tambur. de Jure Abbat. disp. 18. q. 6. n. 29. Sancb. de Matrim. lib. 2. disp. 13. nu. 3. alique plures ab iisdem allegati, & omisit alius pluribus ad hanc eandem Clausulam. Quæ si inquam facit, ut nihil operari queat contra Privilegium per citatos Doctores. Ergo facit, ut in Ecclesias Regularium ingredi Parochi cum Scola, aut Græce, &c. occasione functum minime possint, cum hoc idem sit operari contra Privilegiū, ut patet.

1366. Nota secundò, eandem Clausulam ex certa scientia, & motu proprio; habere etiam vim novæ concessionis; ut docent, idem Antonius à Spiritu S. Claus. 8. cit. ubi:

Hec Clausula habet vim novæ concessionis, ut ex Glossa, & Felino; quos refert, & sequitur Archangelus de Privilegiis lib. pr. cap. 4. Quibus addo Barbosa Clausul. 59. nu. 19. Lezana Verbo Clausula nu. 29. & Verbo Privilegia Regularium n. 23. Andream Mendo in Epitome, Verbo Privilegium nu. 2. Suar. de Legib. lib. 8. cap. 28. Thomam Hurtadum Variarum Resolutionum Moralium par. 2. tract. 8. cap. 6. resol. 54. n. 557. Hieronymum Rodericum in Compend. resol. 52. n. 41. Peyrinum in Formulario Literæ C. cap. 28. n. 4. Palaeus to. pr. tract. 3. disp. 4. punct. 2. §. 10. nu. 3. Bordonum resol. 52. n. 137. Alios plures brevitatibus gratia: omitto, qui cum allegatis scribentibus de Privilegiis continentibus Clausulam ex certa scientia, communiter omnes conveniunt, concedentes (ut in hoc notabili) huiusmodi Clausulam effectum habere novæ concessionis. Quamvis enim nonnulli, & Classici etiam DD. (inter quos præcipue subtilissimus noster P. Passqualis. qq. Moralium Canoniarum cent. 2. quæst. 107.) limitent, quando scilicet, Privilegium est concessum, non in forma (ut dicunt) communi, sed in forma speciali, & specifica, cum in tali specifica forma (ut infra) concessum fuerit, & fuerint Privilegium, & Privilegia, de quibus loquimur in hoc notabili, & in præcedenti: hinc est, quod per omnes Doctores Clausula ex certa scientia, in ipsis Privilegiis (de quibus nos hic) à Summo Pontifice inserta, importat assertum effectum novæ concessionis. Hinc obiter

1367. Nota hic tertio: Duplicem esse (per omnes) formam confirmationis Privilegii (quæ etiam, ut ait Palaeus to. 1. tract. 3. disp. 4. punct. 2. §. 10. to. 1. non nisi in Privilegii jam concessi confirmatione locum habet.) Una dicitur in forma communis, et cap. Quia diversitatem, de concess. præb. Altera appellatur in forma speciali, seu specifica (vel per tot, & tot Doctores confirmatio ex certa scientia) de qua cap. Sicut primo de Transactionib. tit. 36. ubi: Plenissime notum. Ubi notat Glossa, quod ea, quæ sunt infirma, & minus valida; per hanc confirmationem recipiunt firmitatem. Confirmatio in forma communi, est simplex, & pura confirmatio, id est in consulo (ut dicunt Portel. Verbo Privilegii confirmatio n. 27. Lez. Verbo cit. privileg. Regularium num. cit. 23. & alii) hoc est, sicuti jacet in prima concessione, sive examine, &c. & hæc confirmatio nullum vii novum confert per Doctores, nec validum facit Privilegium, si antea non erat: cum talis confirmatio non sit concess.

concessio privilegii, sed pura roboratio pro statu in quo erat, *cap. cit. Quia diversitatem*; & aliis iuribus. Confirmatio verò in forma specifica, seu speciali est, quando secundum suam speciem formam, & omnes ipsius circumstantias facta est, quod evenit, quando in confirmatione ipsa ponitur, & inseritur tenor rei confirmatæ, secundum totum suum esse determinatum, juxta *cap. Venerabiles, de confirmat. utili*, ibi: *Et ad maiorem rei evidentiam, litteris confirmationis, tenor compositionis insertus*: ubi *Glossa* addit, illam confirmationem fuisse ex certa scientia, quia Papa, cum eam videret, confirmavit. Ita enim facta confirmatio, inferendo videlicet ad unguem tenorem rei confirmatæ, constat utique, quod ipsa sit volita in specifica forma, & ita volita, ac si de novo fieret, essetque concessa, consequenter verè concessa ex certa scientia.

1368 Addo, verè concessa ex certa scientia, quia juxta doctrinam, quam cum aliis pluribus, tradit *P. Pasqual. q. cit. 107. clausula hæc ex certa scientia*, non sufficit, ut confirmatio sit in forma specifica, sed præterea requiritur, quod sit insertus tenor rei confirmatæ; aut saltem ejus substantia, ut enim hæc Clausula operetur effectum confirmationis in specie, debet re vera procedere ex scientia confirmantis informati, ita ut in ipso confirmante præcedat plena notitia in specie, & informatio de re confirmata, quod nobis innotescit assuise ex tenore inserto (saltem quo ad substantiam) in ipsa confirmatione posito. Et ratio est (inquit idem *Pasqual.*) Tum quia Clausula *ex certa scientia*, stat relativè ad ipsam cognitionem Principis confirmantis, ideòque ex sui natura, non plus extenditur, quam scientia ipsius extendatur, ergo non potest habere effectum aliquem, nisi fundatum in scientia ipsius: ergo nec etiam innotescere nobis potest, quam vim habeat, & quantum extendatur, nisi etiam nobis innotescat in specie, quænam scientia fuerit in Principe confirmante, cum res ita se habeat ad cognosci, sicut se habet ad esse, & quæ sint talia dependenter ab alio, & relativè ad ipsum nobis, non possunt innotescere, nisi & ipsum innotescat. Tum quia, confirmatio in forma specifica, non potest provenire à Principe confirmante, nisi ab ipso sit volita secundum suam specificam formam, non potest autem sic esse volita, nisi mente ita concipiatur, & sit illi sic cognita, nec potest mente sic concipi, nisi cognitio confirmantis tendat in illud speciale, quod confirmat secundum omnes ipsius

circumstantias, confirmatio nanque in forma specifica importat, quod res in specie secundum suum esse determinatum, & circumstantiatum, ita confirmetur, ut ex voluntate confirmantis absolute valorem accipiat, ac si ab ipso de novo fieret. Quando autem confirmans, non inserit tenorem rei confirmatæ, aut non constat habuisse plenam informationem, non dat valorem rei secundum esse determinatum; nec declarat suam voluntatem, quod tendat in rem confirmatam secundum tale suum esse determinatum, & circumstantiatum: Voluntas autem, quæ non exprimitur pro forma specifica, non valet pro forma specifica, quia solum tantum operatur, quantum se declarat velle operari. Tum etiam quia, non potest alicui aliquid esse voluntarium, quin sit illi cognitum, cum voluntarium sit, cujus principium est intrinsecum cum cognitione, ut communiter docent cum *Arist. 3. Ethic. cap. 1. D. Damasceno lib. 2. Oribodoxæ Fidei cap. 24. D. Tb. par. 2. qu. 6. art. 1. in Corpore*. Hinc certum est, quod ignorantia reddit involuntarium, quicquid ignoratur ignorantia antecedenti per omnes, cum eodem *Arist. 7. Ethic. cap. 1. & D. Tb. p. 1. qu. 6. art. 8.* Unde faciens actum turpem, si invincibiliter ignorat turpitudinem, non peccat, quia videlicet nil volitum, quin præcognitum: cum voluntas non possit amplecti aliquid, vel respicere, quod ipsi non proponatur per cognitionem. Ex quo fit, quod confirmans, non possit velle per suam voluntatem aliquid operari, quod non cognoscat, atque adeò, non possit ipsius confirmatio fortiri effectum aliquem, ad quem non dirigatur cognitio. Unde si non habet cognitionem præcisam, & specificam rei confirmandæ, non potest velle confirmare in forma specifica, quia jam nec cognitio, nec intentio terminatur in forma specifica ad rem confirmandam.

1369 At clausula *ex certa scientia* (prosequitur idem *Pasqual.*) id non explicat, non solum, quia est æquivoca, cum referri possit ad scientiam juris, & ad scientiam facti; sed etiam, quia non explicat in specie voluntatem Principis, & intentionem ipsius, arque nec quid in specie operatur; unde confirmatio, utpotè non explicata in forma specifica, non est in forma specifica. Non est autem inquam explicata per dictam clausulam in forma specifica, quia eadem clausula per Doctores communiter, præcipue allegatos ab eodem *P. Pasquali q. cit. n. 4.* non operatur circa ea, quæ in tale consistunt, de quibus præsumitur Princeps

non habere noticiam, sed tantum quo ad ea, quæ juris sunt, quæ præsumuntur à Principe non ignorari, cum habeat ipse jus in pectore, *Cap. Licet de Constitut. in 6. ibi: Qui iure omnia in scrinio pectoris sui censetur habere.* (Quomodo autem hoc intelligendum sit, & explicandum. Vide Petrum Mariam Passerinum in *pr. lib. 6. Decretal. Super d. Cap. Licet 1. de Constitution. d. fol. 7.*) Igitur quando non est insertus in confirmatione tenor rei confirmatæ, aut non constat de informatione Principis, & quod ipsi innotuerit, Clausula *ex certa scientia*, nihil operatur circa ea, quæ sunt facti: etenim *scientia* hic æquivoca est, ut supra, cum possit referri ad scientiam juris, & ad scientiam facti, idem, &c. Videantur D. D. citati à Pasqualig. d. n. 4.

1370 Et si huic doctrinæ opponas, clausulam *ex certa scientia* operari, ut habeatur præsumptio informationis in Principe, ut latè tradit *Alexand. conf. 15. num. 2. lib. 5. & Rota apud Farinac. decif. 180. n. 2. part. 1. recent.* Respondet idem P. Pasqualig. n. 8. huic præsumptioni obviare praxim ipsam, quia talis clausula, & aliz similes solent de consuetudine apponi, etiam si Princeps non fuerit in specie informatus; sed solum si gnaverit supplicationem, in qua tamen non continebatur informatio in specie. Hinc cum *Sixtus IV.* confirmasset privilegia Minorum cum clausula, *Ex certa scientia, Motu proprio, Mera voluntate, & de novo concedimus: Julius II. in Bulla*, quæ incipit: *In militantis Ecclesiæ agro*, apud *Rodericum to. 1. Bullarii n. 4.* ait, non fuisse confirmata privilegia, quæ non erant in usu, & revocata, ibi: *Et per confirmationem dictorum privilegiorum, per Sixtum ipsum prædecessorem factam, ac eorundem privilegiorum, novam concessionem, per Verba de novo concedimus, solummodo esse confirmata Privilegia dicto Ordini concessa, & non aliis revocata.* Fuisent autem confirmata, si clausula *ex certa scientia* appositæ, faceret, quod confirmatio, esset in forma specifica: nam talis confirmatio restituit privilegia amissa, cum sit nova concessio. Hinc huiusmodi Clausula vim non habet novæ concessionis, nisi constet, quod Princeps habuerit plenam noticiam, ut notat *Rota decif. 666. n. 7. par. 1. recent. apud Farinac. & decif. 191. nu. 2. par. 1. recent. apud eundem.* Unde ad summum causat præsumptionem informationis, quando confirmatio versatur circa aliquod unum determinatum, ut notat *Farinac. Clausf. 59. nu. 54. in fine.* Hactenus P. Pasqualig. *quesf. cit. 107.* cuius doctrina (hic obiter quidem, sed non extra

rem, ut mox, allata) solidum, validumque fundamentum habet, ut constet: ab eodemque extensa videtur *qu. 108. 109. 110. & 111.* ad sequentes etiam Clausulas, videlicet *Motu proprio. Supplentes omnes defectus, &c. Quorum tenores pro expressis habeantur, ac si de verbo ad verbum essent inserti. De plenitudine potestatis.* Ad has inquam etiam Clausulas extendit, idem Pasqualig. doctrinam allatam, & sententiam suam, quia nimirum tales Clausulæ neque divisim, neque conjunctim sufficient, ut confirmatio sub iisdem concessa, sit in forma specifica, nisi sit insertus tenor rei confirmatæ, aut ex ipsa confirmatione colligatur, quod Princeps plenè informatus fuerit de negotio, de quo agitur. Dicitur namque Clausulæ non inducunt plenam, & perfectam cognitionem rei de qua agitur, & consequenter neque explicitam, & determinatam intentionem, quia velit in specie confirmare. Unde cum non possit fieri, quod ignorans concedat, vel concessum confirmet (si quidem deficit consensus, *leg. Mater decedent, Cod. de inofficiso Testament.* qui non potest tendere in ignotum) non possunt esse in specie confirmata, quæ in specie non sunt cognita, & in Principe non præsupponuntur cognita, nisi ea, quæ juris sunt, & proinde præfatæ Clausulæ non operari circa ea, quæ sunt facti, nisi eis utens, plenè de negotio, super quo eis utitur, informatus fuerit, ut docent tot Juristæ, quos refert idem Pasqualig. Qui ex hac sua, & aliorum doctrina, ac sententia.

1371 Deducit primo *qu. 110. n. 7.* Quod si in confirmatione dicatur, quod confirmantur Statuta, Constitutiones, Privilegia, partes omnes, singuli articuli, & quicquid ipsa concernunt, & addatur Clausula: *Quorum tenor pro expresso habeatur, ac si de verbo ad verbum esset insertus*, adhuc confirmatio erit in forma communi, quia non inseritur substantia rei confirmatæ; & expressio illa singularum partium, articulorum, &c. est confusa, cum nihil certi exprimat; unde nec Princeps ostendit, se habere intentionem determinatam, ut opus esset pro confirmatione in forma specifica; quia cum intentio non feratur in incognitum, non potest velle confirmare in specie, & determinatè quicquid in singulis partibus, & articulis continetur, nisi de ipso in specie habeat explicitam cognitionem, nec declarare se confirmare, nisi declaret, se habere, quia secliso, dicta Clausula nihil operatur, quia non supplet defectus intentionis, ut tradunt *Parisius consil.*

74. n. 55. lib. 4. *Rota in Officij Afflicti* 23. Maii 1614. coram Patriarcha Pamphilio, & ideo nihil operatur circa non expressa, ut notant Decius consil. 542. *Verf. Non obstat. Anton. Gabr. commun. conclusio. lib. 6. Tit. de Clausulis conclus. 5. n. 17. Rota in Valent. Decimarum* 28. Novembr. 1603. coram Lancello jun. Quia circa ipsa non presumitur intentio Principis, utpotè ignorata.

1372 Deducitur secundo nu. 8. Quod si Princeps committat examinanda, quæ confirmanda sunt, & postea ex relatione confirmet, absque eo, quod inferat in confirmatione substantiam rei confirmatæ, cum Clausula: *Quorum tenor pro expresso habeatur, ac si de verbo ad verbum*, &c. talis Clausula nihil operabitur, quia non habet efficaciam circa narrata ex relatione aliorum, sed tantum, quod ad narrata per se, ut tradunt *Angel. in leg. Sed si quis, §. Questum. Verf. Item dicat, ff. Si quis caus. Fulgof. ibid. Verf. Dubitat Angelus. Dec. consil. 141. Verf. Non obstat Clausula. Ripa in c. 1. n. 8. de rescript. Gabr. lib. 6. commun. conclus. Tit. de Clausulis conclus. 5. n. 40. Givonipar. in defens. Juris Pontifici. disp. 2. quest. 4. cap. 2. n. 28. Tunc enim Princeps non habet certam, & explicitam cognitionem tenoris, qui pro expresso habetur, sed solum obscuram, & fundatam in aliena attestazione, per quam non innotescit tenor rei confirmandæ, sed ad summum sola substantia, & ideo non potest intentio ipsius ferri in ipsum tenorem cum sit illi ignotus; atque adeo, nec facere, quod habeatur pro expresso.*

1373 Hæc doctissimus Pasqual. quæ hic recensui, ut ad rem nostram apertissimè constet, quod admissa etiam huiusmodi doctrina, ac rigida nimis sententia, præcisè quæ clausulis prædictis; Confirmatio ejusdem nostri privilegij, in favorem Regularium, toties in allatis Bullis, & etiam in mox referendis repetita, sit utique in forma specifica, consequenter nova semper concessio. In quacumque enim confirmatione (ut patet ex textu ipso Bullarum) insertus est idem tenor rei concessæ, clarus, certus, & explicitus, qui est huiusmodi, quo ad substantiam (si non ad verbum) in quibusvis confirmationibus: *Nulli Religiosi Seculari, vobis invitis aliquorum corpora Defunctorum, in vestris Cemeteriis sepelire, aut in Ecclesijs vestris Missarum Solemnia, vel pro animabus eorum, qui ad loca vestra tumulandi fuerint, ibidem exequias, vel mortuorum Officia celebrare, aut in aliquo sine vestro consensu, & voluntate se intrinmiscere, &c. presument, &c.*

Cæterum recensita Pasquali sententia; (cui adhæret etiam P. Diana to. 7. *Coord. tract. 1. ref. 253. Ex par. 11. tract. 2. & Miscell. 2. ref. 7.* cum aliis ibidem ab ipso relatis) quamvis sit valde probabilis: nihilominus habet suas difficultates, & *Suar. de Legib. lib. 8. cap. 18. nu. 14. uti & Merolle to. 3. Theolog. Moralis disp. 6. cap. 2. Titul. de Multiplici divisione Privilegij nu. 104. fol. mibi 64. Videtur nimis scrupulosa. Nimis inquam scrupulosa dico, & ego cum eodem Merolle: Tum quia aliter omnes Principes, & Pontificis concessiones ex certa scientia, redderentur incertæ, & præsertim confirmationes Privilegiorum. Quis enim scire potest an Princeps, vel Papa præciverit, & exactè examinaverit valorem Privilegiorum Regularium, quæ confirmare intendit? vel licet præcesserit examen, unde constare poterit, an intellexerit, & præcognoverit illorum nullitates, & defectus? an habuerit noticiam, Privilegia quæ confirmat amissa fuisse per non usum, vel contrarium usum, aut ab aliis Pontificibus revocata fuisse.*

1374 Tum quia presumitur Pontifex habere scientiam, quam proficetur, alias præsumeretur in mendacium. Quapropter, & si Pontifex non habeat exactam noticiam, eorum Privilegiorum, quæ confirmat, censetur tamen, & presumitur habere efficacem voluntatem confirmandi Privilegia, amissa, vel revocata, sicut opus est, & indigent: & hæc voluntas haberi potest sine cognitione rei, pro ut est in se; & sufficit ad conferendum valorem, & validandum Privilegia, si quæ fortè in se sint nulla, & revocata, etiam si eorum nullitas, & revocatio Pontifici esset ignota. Quemadmodum Religiosus dubitans de valore sue Professionis, illam ratificat per novum consensum, & potest dici ratificatio ex certa scientia, non quia agnoscat illam esse nullam, sed quia non cognoscit fuisse validam, & nihilominus absolute vult nunc illam de novo facere, & validare, si necesse sit. Et sicut etiam prædicatur in absolutione Censurarum, in collatione Beneficii, & dignitatis; nam absolvuntur Beneficiati, & Personati ab omni vinculo communicationis, suspensionis, & interdicti, si fortè reperiantur quoque modo innodati, ad effectum dumtaxat illorum consequendum, pro ut est videre in eorum Bullis. Quod item faciunt Regularium Superiores in Magnis Festivitatibus, in Capitulis Generalibus, & Provincialibus, &c. suos namque tunc absolvent subditos, & cum illis dispensant super irregularitatibus, si quam,

vel si quas contraxerunt, juxta facultatem ipsis traditam per eorum Privilegia, & specialiter; & tamen (sic arguit etiam Hyacinthus Donatus, *Rerum Regular.* to. 1. trac. 1. §. 4. n. 12.) hi Superiores, Subditorum impedimenta, ut in se sunt, hic & nunc haud agnoscunt; quare, scientia non obstante, Superiorum absolutio, seu habilitatio valet, & tenet.

1375 Tum etiam quia (ut arguit, & Merolla l. c. n. 106.) si non esset satis, addi in litteris Pontificis dictam clausulam, ut datur concessio, vel confirmatio facta in forma specifica, & ex certa scientia, sed necessarium esset, ut aliunde constet, eam scientiam Pontificem habuisse, nec etiam satis esset in litteris clausula, de Plenitudine potestatis, neque etiam sufficeret, si in confirmatione insertus esset tenor privilegii confirmati, quod est contra communem Hujusmodi sequela patet, quia etiam tenore inserto, ex hoc non potest colligi, Pontificem habuisse notitiam, privilegiorum, quae confirmat, amissa fuisse per non usum, vel contrarium usum, aut ab aliis Pontificibus revocata fuisse. Adde cum eodem Merolla n. 107. quod ex sententia P. Pasqual. sequeretur, frustra addi eandem clausulam, ex certa scientia in concessionibus Pontificiis, quia cum Pontifex non praesumatur ignorare, quae juris sunt, cap. 1. de Confit. in 6. dicta clausula nihil in his operaretur: igitur ut aliquid operetur, debet potius referri, ad ea, quae sunt facti: Colligendum ergo ex his, probabilius esse, quod concessio, vel confirmatio, ut praesumatur facta ex certa scientia Principis, satis sit, ut in litteris ipsius addatur clausula ex certa scientia, quia haec eadem indicat, Principem fuisse de re certiore factum, ac proinde censetur Princeps dispensare super inhabilitate, & confirmare privilegia amissa, vel revocata & idem multo magis censi debet, quando in confirmatione insertus est tenor, &c. (ut toties supra.) Et quod sic habeatur satis resoluta voluntas Principis ad confirmandum, & confirmata valeant absque eo, quod constet de praesentia Principis, censuit Rota Anno Domini 1614. coram bon. mem. Baratto die 27. Januarii apud Parinac. dec. 513. n. 2. in 2. part. recent. & apud Donatum n. 12. cit. in fine, & ita tenent Glossa in cap. Statutum de rescip. in 6. Verbo Litteratum, & Clem. 2. rod. tit. Card. Zabari. consil. 117. Suar. nu. 14. cit. Portel. in dub. Regul. Verbo privilegii confirmatio n. 27. Palao par. 1. tr. 3. disp. 4. punc. 2. §. 10 n. 3. alique innumeri, tum Juristae, tum Theologi, & ii praecipue Doctores, qui enumerantes modos, quibus con-

firmitas censetur facta in forma specifica, ponunt hunc de quo hic, nempe quando in confirmatione apponitur clausula ex certa scientia, vel tenor rei confirmata, &c.

1376 Nicolaus V. Anno 1450. prid. Kal. Maii in Bulla, quae (ut refert P. Jo. Cbrysesti. Ab Affens. c. 1. diuis. t. fol. 13. innovans, & confirmans Bullam Bonifacii VIII. supra relatam incipit, Sincera devotionis, &c.) sic habet, apud Lezan. in Mari Magno Augustinian. n. 32. in fine. Nos igitur praedictas litteras, quas in Cancellaria nostra diligenter inspicimus, ex certa scientia, autoritate Apostolica ratificamus, approbamus, confirmamus, & innovamus, & praesentis scripti patrocinio communitus, suppletes omnes defectus, si qui forsitan intervenerint in eisdem. Nulli ergo omnino hominum, &c. Dat. Rome apud S. Petrum Anno Incarnat. Dominicae 1450. Pridie Kalend. Maii. Pontificatus nostri Anno Quarto. Constat autem in citatis litteris Bonif. VIII. (à nobis etiam supra notatis) prohibitio strictè facta Parochis, ne occasione funerum ingrediantur Ecclesias Regularium, ipsis invitatis, in eisque, &c. quam prohibitionem Nicolaus V. hic confirmat, innovat, &c.

1377 Nota autem hic primo, quod licet confirmatio ipsa in forma specifica, & ex certa scientia, habeat ex se vim, ex dictis, & Doctoribus, renovationis, innovationis, ac novae Privilegii concessionis, consequenter videatur veluti superflue addita praedicta Clausula, Immoamus, suppletes omnes defectus, si qui forsitan intervenerint, &c. (Nam eo ipso, quod per talem confirmationem, seu renovationem ex certa scientia Privilegium, vel Privilegia inslaurentur, & de novo fiunt, si necesse sit; suppleantur utique, ac necessariò omnes defectus juris, & facti.) Non est tamen superflue addita, nec otiose, ac sine fructu posita in confirmatione Privilegiorum hujusmodi Clausula: Tum quia (ut optimè etiam Suar. de Legibus lib. 8. cap. 20 n. 10. cui, inter alios subscribit Merolla to. 3. disp. 6. cap. 5. dub. 4. n. 83.) haec [& aliae Clausulae] non semper additur (vel adduntur) propter novos effectus, sed ad majorem rei evidentiam, & ad tollenda omnia dubia, & scrupulos: tum etiam, quia dicta Clausula, vel aliae, & posteriora verba extendi possunt ad omnes defectus, sive sint contra, velorem actus ipso facto, sive licet non invalident ipso jure Privilegium, dent tamen occasionem movendi lites contra illud, & procurandi irritationem illius: per solam autem renovationem, non satis constat, omnes

omnes hos defectus esse suppletos, sed solum generatim, Privilegium esse validè restitutum. Terciam addit rationem, idem. *Suar. nu. citi*. Videatur.

1378 Nota secundo, quod confirmatio, seu innovatio Privilegii in forma specifica, & ex certa scientia, interruptit prescriptionem inceptam contra idem Privilegium, ita ut debeat iterum incipere, & de novo, à die novæ, & ultimæ confirmationis, seu innovationis Privilegii, quia hæc confirmatio (ut sæpè dictum est) dat novum jus, & valorem exhibet (si non haberet) eidem Privilegio: imò per hoc distinguitur hæc confirmatio ab ea, quæ confertur in forma communi, vi cuius nil novi conceditur, ut colligitur ex cap. *Quia diversitatem, de concessione prebendar.* Et cap. *Examinata, de confirmat. utili.* Ex cap. *Quia intentionis de Privilegiis*, ubi expressè sic: Cum innovatio, nec jus novum conferat, nec etiam tollat vetus, & ex cap. *Cum dilecta de confirm. utili.* ubi dicitur: *Per innovationem jus novum non acquiri, sed conservari antiquum.* Hinc communis Doctorum Regula est apud *Suar. de Legibus lib. 8. cap. 18. n. 8.* quod confirmatio Privilegii in forma communi, nullum jus novum conferat, nec det valorem Privilegio, si erat invalidum, ita ut non possit dici concessio Privilegii, sed pura roboratio. Quæ Regula communiter etiam desumitur, ac colligitur ex citatis juris. Et ratio universalis est, quia confirmare non est de novo facere, sed roborare factum; confirmatio autem in forma communi, solum significat in Principe animum confirmandi, ergo nec valorem, nec jus confert de novo ex vi talis confirmationis. Bene tamen utrumque confert confirmatio Privilegii in forma speciali, & ex certa scientia, quia hæc habet vim (ut communiter omnes, præcipuè *Suar. l. c. n. 12.*) confirmandi actum etiam nullum, reddendo illum de invalido validum, ergo vim habet concessionalis Privilegii, quia validare actum, quod antea erat nullum, planè idem est, quod denuò illud concedere. Unde si Summus Pontifex confirmat Privilegium *ex certa scientia*, & in forma specifica, ut facit in Superioribus altaris, & posterioribus confirmationibus, utique de novo concedit idem Privilegium, quamvis etiam esset nullum (quod certè non est in casu nostro de Parochis) aut amissum per non usum, vel contrarium usum; vel prescriptum completè. Et si non completè, interruptit (ut supradictum est) prescriptionem inceptam contra Privilegium ipsum, ut communiter DD. præ-

sertim *Donatus tract. cit. 12. qu. 3.* in qua proponens; An confirmatio, vel innovatio Privilegii, interruptat prescriptionem inceptam contra Privilegia? Respondet affirmativè n. 3. loquendo de confirmatione, seu innovatione *ex certa scientia*, quia videlicet, hæc dat novum Jus, & valorem Privilegio, &c. Quantum verò temporis requiratur ad prescribendum completè contra Regularium Privilegia, patebit infra.

1379 *Sixtus IV. Prid. Kal. Sept. Anno 1474. in Mari Magno Fratrum Minorum*, quod incipit: *Regimini Universalis Ecclesie*, & est *Bulla Sexta* hujus Pontificis, approbans in ipsa Bullas supra relatas *Clem. IV. & Eugen. IV.* eidem Ordini concessas, sic ait §. 3. Nos igitur pro potiori cautela, omnia, & singula per *Clementem*, & *Eugenium*, aliosque predecessores nostros in eisdem litteris, pro, & in favorem dicti Ordinis Fratrum Minorum, quomodolibet ordinata, statuta, decreta, concessa, & indulta, fieri, & servari debere, auctoritate, motu, & scientia de novo ordinamus, statuimus, atque decernimus, ac eidem Ordini Minorum, illiusque domibus, & professoribus concedamus, & indulgemus. Et infra §. 17. *Distinctis* inhabitantes eisdem locorum Ordinarii sub interditi ingressus Ecclesie, & suspensionis à regimine, & administratione suarum Ecclesiarum, ac Parochialium Ecclesiarum, ac Rectoribus, & aliis quibuscunque, sub excommunicationis laceratione, & privationis earundem Parochialium Ecclesiarum, ac omnium aliorum Beneficiorum Ecclesiasticorum, quæ obtinent, nec non inhabilitationis ad illa, & alia in posterum obtinenda penis, eo ipso per eos, qui contrafecerint incurrendis, &c. Et pariter infra §. 19. in fine. Nos enim ex nunc, illa, & quæcunque alia, quæ in futurum ordinari contigerit, contra *Clementis*, *Eugenii*, aliorumque predecessorum prædictorum, & presentium litterarum hujusmodi temerem, scienter, vel ignoranter attentari, contigerit, irrita, & inania, nulliusque roboris, vel momenti esse decernimus. Nulli ergo omnino hominum liceat, &c. Si quis autem, &c. *Dat. Rome apud S. Petrum Anno Dominice Incarnat. quadringentesimo septuagesimo quarto Prid. Kal. Septembris. Pontific. nostri Anno quarto.* In Bullario Romano novo to. 1. fol. mibi 305.

1380 Et hæc eadem omnino verba, repetit idem *Sixtus IV.* in altera Bulla (in ordine VII.) in eodem Bullario novo, tom. 1. fol. mibi 307. eodem Anno 1474. edita (& est *Mare Magnum Fratrum Prædicatorum*) incipit uti & antecedens: *Regimini universalis Ecclesie*: in qua approbans, confirmans, & innovans Bullas supra citatas Greg.

Greg. XI. Martini V. & Eugenii IV. pariter sic: §. 2. in fine: Nos igitur pro-potiori cautela, omnia, & singula per Gregorium, & Martinum, & Eugenium, aliosque praedecessores praedictos, in eisdem litteris pro, & in favorem dicti Ordinis Fratrum Praedicatorum, quomodolibet ordinata, statuta, decreta, concessa, & indulta fieri, & observari debere, auctoritate, motu, & scientia praedictis de novo ordinamus, statuimus, atque decernimus, ac eidem Ordini Praedicat., illiusque Domibus, &c. concedimus, & indulgemus, &c.) Et si omnia concedit hic Sixtus de novo, ut in e. litteris Gregor. Martini, & Eugenii, utiq; subiusdem verbis, & Clausulis, idipsum prohibet Parochis (ut in litteris eisdem.) Nulli ergo, &c. Dat. Romae apud S. Petrum Anno Incarn. Dominicae 1474. Pontific. nostri Anno 4.

1381 Idem Sixtus IV. VII. Idus Februar. Anno eodem 1474. in Mari Magno Augustinianorum, quod incipit: Dum fructus uberis. Innovans, & Bullas superius allatas Bonifacii VIII. & Nicolai V. idem concedit, & indulget, & idipsum prohibet Parochis, &c. cum Clausulis irritum faciens, & inane, &c. & in fine sic: Nulli ergo omnino hominum liceat, hanc paginam nostrae approbationis, innovationis, constitutionis, vel ordinationis, applicationis, statuti, concessionis, indulgentiae, extensionis, voluntatis, ampliationis, declarationis, confirmationis, supplementationis, mandati, derogationis, & decreti, infringere, &c. Dat. Romae apud S. Petrum Anno Incarn. Dominicae 1474. VII. Idus. Februar. Pontific. nostri Anno 4. apud Rodericum in Bullario Constitut. 34. Sixti IV. & apud Lezzan. in Mari Magno Augustin.

1382 Idemmet Sixtus IV. Anno 4. Kalend. Decembris Pontific. Anno 6. in Mari Magno Carmelitarum, quod incipit: Dum attenta meditatione, &c. supradicta roborans ad Carmelitas extendit, apud Rodericum in Bullario, Bulla 37. Sixti IV. & apud Lezzan. in dicto Carmelit. Mari Magno.

1383 Facit etiam, & valde hic, Mare Magnum Servitarum, seu Fratrum Servorum Beatae Mariae Virginis, per Innocentium VIII. compilatum, Anno 1487. Sexto Kalend. Junii Pontif. Anno 3. quod incipit: Apostolicae Sedis intuitus, &c. Ubi confersens, atque communicans eidem huic Ordini Fratrum Beatae Mariae Virginis: Omnes libertates, immunitates, Privilegia, ac Indulgentias Ordinis Fratrum Eremitar. S. Augustini (sub n. 17.) ac aliorum Ordinum, sic concludit nu. 67. Postremo, ut quos labor, pariaque merita conjungant, paria conjungant Privilegia, & fautores, ac si nominatim exprimerentur hic babe-

ri volumus pro expressis, & nostrae approbationis munimine solidamus, ac decernimus robur perpetuae firmitatis obtinere, potiri, &c. & infra n. 68. Districtius inhibentes locorum Ordinaris sub interdictione ingressus Ecclesiae, & suspensionis a regimine, & administratione suarum Ecclesiarum, ac Parochialium Ecclesiarum Rectoribus, & aliis quibuscunque, sub excommunicationis, & privationis eandem Parochialium Ecclesiarum, ac omnium aliorum Beneficiorum Ecclesiasticorum, quae obtinent, nec non inhabilitatis ad illa, & alia in posterum obtinenda penis, per eos qui contrafecerint incurrendis, &c. apud Lezzan. in Mari Magno Servitarum.

1384 Julius II. 3. Kalend. Augusti Anno 1506. Pontific. Anno 3. in Bulla, quae incipit Virtute conspicuus, &c. edita in favorem Fratrum Ordinis Minorum, & est decima in Bullario Romano novo to. 1. fol. mibi 364. sic habet §. 20. Districtius inhibentes, ut nulli Religiosi, vel Seculares, vobis inivit, aliorum corpora defunctorum in vestris Cemeterys sepelire, aut in Ecclesiis vestris Misarum Solemnia, vel pro animabus eorum, qui ad loca vestra tumuldati fuerint, ibidem exequias celebrare, sine vestro assensu, aut voluntate praesumant. Nulli ergo, &c.

1385 Beatus Pius V. in Bulla, quae incipit: Et si Mendicantium Ordines, &c. & est 41. huius Pontificis in Bullario Romano novo to. 2. fol. mibi 172. edita Anno 1567. XVII. Kalend. Junii: Pontificatus Anno 2. sic ait nu. 25. Mandantes etiam universis locorum Ordinariis, ne mortuorum Officia agere Rectores Parochialium in Ecclesiis ipsorum Fratrum, contra illorum voluntatem permittant. Nulli ergo, &c.

1386 Nota hic, Bullam hanc, seu Constitutionem B. Pii V. concernentem privilegia plura, & maxima Regularium, non quidem revocatam fuisse absolute (ut tenent multi) per alteram Constitutionem Greg. XIII. incipientem, In tanta rerum, &c. emanatam Anno 1537. Kalend. Martii (quam habes in Bullario novo tom. 2. fol. 279 & est 9. huius Pontificis, integranter refert Pasqualis in Francum par. 1. nu. 50.) sed tantummodo ab eodem Gregorio redactam fuisse ad terminos juris communis, & Concilii Trident. quod constat (ut advertit etiam idem. Pasqual. l. c. nu. 53.) ex sequentibus verbis ejusdem Constitutionis. Ac omnibus & quibuscunque in eis contentis, tam deinceps dispositionem, atque decisionem pro subiecta materia futuram esse, quae sit ex jure veteri, seu ex Sacris dicti Concilii Decretis, &c. futura fuisset ad quam dispositionem, & decisionem, suumque primum

pristinum statum, ac terminum illa omnia redacimus. Et ita etiam tenuit Rota in Licensiquarte Funeralium die 15. Januarii 1618. coram Decano. Idemque affirmat Barbosa de Potestate Episcopi par. 3. alleg. 86. num. 19. *Vers.* Neque est, ubi sic: Neque est verum, quod prædicta Constitutio Pii V. fuerit revocata per Gregor. XIII. ut in ejus Bulla, quam refert Navarr. in Man. cap. 27. in fine, quia cum dicta Bulla plura contineret, per Gregorium redacta fuit ad terminos Concilii Tridentini, ut censuit Sacra Congregatio Illustrissimum Interpretum. Et in horum confirmationem addi possunt, quæ pariter affirmat ipsemet Cherubinus, diligens auctor, & qui Bullas emendatiores aliis proponit, utpotè qui Rotæ, & huic rei in specie studuerit, & qui ultimo visis aliis scripsit. Nam (iste) recensendo dictam Pianam Bullam, & si Mendicantium, &c. præmittit, & advertit, quod sequitur, fol. c. 172. colum. 1. *Hæc Bulla ab istomet Pontifice revocata est, quo ad examen, & approbationem Confessorum, per Ordinarios faciendam infra, in Constit. 133. Et Greg. XIII. in Constitut. In tanta. Omnia hæc Privilegia redixit ad terminos Juris communis, & Concilii Tridentini, & quæ Concilio Tridentino non adversantur. Nullo autem pacto adversatur Tridentino, quod Parochi, & Rectores nequeant (in favorem Regularium) ingredi iltorum Ecclesiarum (occasione funerum) cum Stola, Cruce elevata, & in eisdem Officia Mortuorum, & exequias peragere ipsi invitis; si enim hoc adversaretur Tridentino, Sacra ipsamet Congregatio Cardinalium Concilii Tridentini interpretum, non ita sæpè, & toties decrevisset (ut infra:) Quoties Cadavera Defunctorum ad Ecclesias Regularium deferantur, Officia mortuorum, ac reliqua, quæ in hujusmodi Ministerio adhiberi solent, non à Canonicis, neque à Clero, sed ab ipsi Regularibus obiri, ac peragi debere.*

1387 Gregorius XIII. Anno 1580. XXII. Junii Pontificatus Anno 9. in Bulla, quæ incipit: pia Consideratione, &c. & est 64. in ordine hujus Pontificis, in Bullario Romano novo to. 2. fol. 335. roborat nostrum responsum, & supra dicta, extendens ad Carmelitas Discalceatos privilegia omnia, totius mitigati Ordinis Carmelitani: in ea enim Bulla §. 9. sic: Et insuper, quod omnibus, & singulis privilegiis, gratiis, & indulgentiis, exemptionibus, & immunitatibus, prerogatiis, favoribus, & indultis, tam spiritualibus, quam temporalibus, quibus Fratres, seu Moniales, vel Sorores dicti Ordinis (Carmelitani mitigati) de Jure, vel consuetudine, aut alias quomodo libet utuntur, potiuntur, & gaudent, ac uti,

potiri, & gaudere poterunt quomodolibet in futurum, uti, potiri, & gaudere, liberè, & licitè valeant, indulgentias, &c. Videatur Rodericus tom. 1. sui Bullarii, Bulla 37. Sixti IV. quæ est Mare Magnum Carmelitarum, in ea enim sub n. 106. conceduntur Fratribus Carmelitæ: Privilegia omnia concessa Ordinibus Predicatorum, Minorum, & Eremitarum, S. Augustini. Dum ergo Greg. XIII. in hac Bulla (pia Consideratione, &c.) extendit ad Carmelitas Discalceatos, Privilegia omnia Ordinis sui mitigati, & cum inter alia Privilegia (ex toties dictis supra) habeat præcipuè talis Ordo (uti, & alii Mendicantes, imò omnes Regulares, etiam non Mendicantes) privilegium expressum supra relaturn, ne Parochi occasione funerum ingrediantur eorum Ecclesias, &c. sitque id ipsi prohibuitum sub excommunicatione, sub tali pariter Censura, videtur denuò concedi hoc idem, ab eodemmet Gregorio §. 9. hic relato. In communicationem enim privilegiorum comprehenduntur etiam pœnæ (etiam excommunicationis latæ sententiæ) latæ in favorem Regularium, & contra Sæculares, Lezzama to. 2. cap. 1. n. 52. Rodrigu. to. 1. qq. Regul. qu. 55. art. 17. ad finem. Miranda tom. 2. quest. 46. art. 6. Bordon. consil. 52. quest. 34. n. 93. Antonius à Spiritu S. par. 1. Direct. Regul. trac. 1. disp. 1. sect. 3. n. 54. aliq; apud illos.

1388 Sixtus V. In Bulla, quæ incipit: Quæ de prædecessoribus nostris, &c. edita Anno 1587. confirmat, & approbat allatam Bullam Greg. XIII. Pro Carmelitæ Discalceatis, in qua idem concedit, & statuit, &c. ut in eorundem Compend. Privileg. fol. 13. & apud P. Ab Ascens. cap. 1. division. 1. fol. 22.

1389 Greg. XIV. Regnante (Anno 1591.) Sacra Congregatio Episcop. & Regul. sic decrevit: In Briciensi. Exponendus est Defunctus, usque ad portam Ecclesiæ Regularis, in qua est sepeliendus. Referunt hoc Decretum: Gavantus in Man. Episcoporum. Verbo Exequiæ nu. 26. Ubi sic: Parochus deducet Funus, usque ad Ecclesiam Regularium, in qua Regulari Officium circa Cadaver peragent, &c. Congreg. Episcoporum. 18. Junii 1591. §. Junii 1615. 31. Januarii 1617. & Pasqualis. in Francum par. 1. n. 1591.

1390 Nota autem hic, quod dictio Usque, posita in hoc Decreto, stat exclusivè, cum hic inclusio sit contra legem, ut videre est apud Barbosam dictione 437. n. 15. ibi enim: Dictio usque, apposita, fiat inclusivè: limita tamen usque est contra legem, per text. in l. 3. in princip. & §. 2. ff. de Usur. & in l. 1. ff.

1. ff. *Sin autem*, ff. *An per alium causae appellationis reddi possint*, ut notant Rebuff. Glos. 3. & in Comment. ad leg. Absentem, Vers. Limitatur. Menoch. de Arbitrariis lib. 1. qu. 80. n. 92. Est autem ingressus Parochi in Ecclesias Regular. contra legem saepius repetitam, ut constat ex dictis, &c.

1391 Eodem Anno 1591. die 1. Octobr. emanavit aliud Decretum Sacrae Rituum Congreg. tenoris, ut sequitur. *All' Illustrissimo, e Reverendiss. Signor mio Osservandissimo il Cardinal Morosini*. Fù fatta relatione à questi miei Signori Illustrissimi di quanto Vostra Signoria Illustrissima mi scrisse de' 18. Luglio, e insieme del contenuto dell'esame fatto ad istanza del Capitolo di cotesia Cattedrale sopra la consuetudine, che si pretende contro i Regulari per conto de' Funerali, & essendo parso alle Signorie loro Illustrissime, che la prova non sia bastante per l'intento, oltre che si è visto quanto à Monaci Cassinesi un Privilegio concesso loro da Eugenio IV. per il quale si proibisce espressamente à chiunque si sia di poter fare qualsivoglia sorte di Officii Ecclesiastici nelle Chiese di quella Congregazione, e così anche le attestazioni di molti sopra l'osservanza di esso, mi hanno ordinato, che io lo faccia sapere à Vostra Signoria Illustrissima, acciocché resti contenta comandare, che per l'avvenire s'osservi secondo il tenore del sudetto Privilegio, ch'è conforme all'uso commune, e alle risoluzioni sopra ciò fatte da questa Sacra Congregat. & humilmente baccio à V. S. Illustrissima le mani. Di Roma al primo d'Ottobre del 1591. refert huiusmodi Decretum Jacobus Pignatellus (Doctor Secularis.) Tom. 3. Consultationum Canoniar. consult. 48. Editionis Venetae n. 18. fol. mibi 117. referens etiam nu. anted. 17. dictum Privilegium, quod habent Cassinates ab Eugenio IV. Constitutione eius 9. tenoris sequentis: *Ut autem huiusmodi Congregationis Monachi liberius in eorum Regulari vite observantia valeant perdurare, omnes, & singulos Episcopos, vel locorum quorumlibet Ordinarios, aut alias quavis personas ad Monasteria, sive loca dictae Congregationis, causa Ordinis celebrandi, seu causas civiles, aut criminales exercendi, Conventus siue Synodos, & Processiones convocandi, Missas, & alia Officia celebrandi sub excommunicationis pena, quam ipso facto, si aliter attentaverint, accedere, vel immorari, ipsi inuitis, tenore presentium prohibemus*. Hoc idem privilegium habes ad verbum apud Rodericum in Bullario to. 1. Bulla 9. Eugenii IV. quae incipit *Regularum vitam* nu. 7. fol. mibi 8. de quo etiam Cornelius Margaritani to. 1. Bullarii Casinensis, Constit. 59. Eugenii IV. n. 7. & 8. pag. mibi 64.

1392 Clementi VIII in Bulla, quae incipit, *Pastoralis Officii*, &c. Anno 1593. Pontificatus Anno 2. in Bullario novo tom. 3. Bulla 25. fol. mibi 24. concedit §. 14. confirmat, & innovat, etiam per viam communicationis, seu extensionis Carmelit. *Disceat*: Omnia privilegia, indulta, immunitates, &c. quibus gaudent ceteri Carmelites mitigati (cum Clausulis praeservationis additis §. 15.) in quibus unum est, *ne Parochi in Ecclesias Regularium ad funerals facienda ingrediantur*, ut constat ex dictis.

1393 Sacra Congreg. Episcopos. & Regular. Anno 1591. 18. Janu 1594. 3. Januar. 5. Junii 1615. Decrevit, &c. *Exportandus est Defunctus*, usque ad portam Ecclesiae Regularium, in qua est sepeliendus. *Gauantur Verbo Exequiae*, in Additione n. 10.

1394 Et nota hic, quod Summus Pontifex Clem. VIII in concessione Privilegiorum, &c. §. 14. cit. utitur Verbo *Declarandi*, ibi enim sic: *Statuimus, & Declaramus*. Omnia, & singula privilegia, facultates, gratias, prerogativas, indulta, fauores, concessionis, tam Priori Generali totius Ordinis Carmelitarum, quam praedicto Ordini, singularibusque illius personis, tam à Romanis Pontificibus, quam dictae Sedis de Latere Legatis, nec non quibuscunque Regibus, Imperatoribus, & Principibus Secularibus concessa, &c. praedicto Ordini Disceatorem sine aliqua praesens differentia, auctoritate, & tenore concedimus, & indulgemus. Illisque si opus sit, ea omnia communicamus, & extendimus. Et concessa esse, & competere, Statuimus, & Declaramus. Papae autem Declaratio, in sententia Suar. & aliorum apud, & cum P. Ab Ascensione cap. 1. divis. 1. n. 6. fol. mibi 21. non est privilegium tantum, sed Lex. Et quidem, si Lex, ex sui Etymologia, ex D. Thom. par. 2. q. 90. art. 1. quem sequuntur Suar. de Legib. lib. 1. cap. 1. nu. 9. Salas de Legib. disp. 1. sect. 1. nu. 1. aliqui, multi apud istos, & communiter, dicitur à ligando, quia proprius effectus legis est ligare, seu obligare; privilegium nostrum, (& de quo hic principaliter) videtur utique etiam vim legis habere, eo quia ligat, & obligat Parochos, alios Sacerdotes secularis, &c. ad sui observantiam tunc Censuris, & sub reatu lethali, ex dictis nedum; verum etiam ex his, quae collegit Joannes Baptista Concellius Florentinus Doctor Secularis Protonotarius Apostolicus, &c. qui accuratè, & egregie privilegiorum Mendicantium Ordinum fecit Collectam, quam etiam huic eidem Clementi VIII Pontifici Max. dedicavit, ex quibus patet, sub magnis Censuris, & poenis exequendas esse litteras Apostolicas, seu

seu Bullas Pontificias emanatas in favorem Regularium, eorundem privilegia continentes, maxime circa funera Defunctorum. Videatur fol. mibi 211. *Verf. Quocirca nos: ubi refert Litteras, seu Decretum Illustrissimi Hieronymi Matthæi D. Auditoris Camere Apostolicæ, & Judicii in executionem litterarum Apostolicarum, & Privilegiorum à Pio V. Ordinibus Mendicantium concessorum sub Gregorio XIII. emanatum.* In quo Decreto, districte committit, ac præcipit (*Verf. cit.*) atque in virtute Sanctæ Obedientiæ, executioni mandari dictas Litteras Apostolicas Regularium privilegia continentes (pro ut in Bulla ejusdem Gregorii XIII.) magnis censuris, & penis ibi contra inobedientes designatis.

1395 Idem Pontifex Summus Clem. VIII. in Bulla, quæ incipit: *In Apostolica dignitatis culmina, &c.* in Bullario Romano novo to. 3. fol. 73. hujus Pontificis 71. edita 13. Novembris Anno 1600. Pontificat. IX. Motu proprio, & ex certa scientia, ac de Apostolicæ potestatis plenitudine, Congregationi Fratrum Carmelitarum Discalceatorum, & quibuscumque hujus Ordinis Domibus, & Conventibus in Italia erectis, vel erigendis, &c. ejusdem Congregationis Personis, Fratribus, &c. Concedit, confirmat, & innovat etiam per viam communicationis, seu extensionis, omnia Privilegia, indulta, concessiones, exemptiones, immunitates, prærogativas, favores, indulgentias, & alias gratias tam spirituales, quam temporales, supradictæ Hispaniarum Congregationi, per quoscunque Romanos Pontifices prædecessores, ac ipsum Clem. & Sedem Apostolicam quomodolibet concessa, concedenda, &c. Inter quæ, utique unum est Privilegium, ne Parochi Ecclesias Regularium ingrederentur, cum Stola, Cruce erecta, &c. ad funeralia facienda.

1396 Eodem regnante Summo Pontifice Clem. VIII. Sacra Congreg. Cardinalium Sacrorum Rituum, in Licentiis decrevit, ut sequitur: *Consuetudo Congregatio non licere Capitulo, & Clero Licentiis; quoties prætextu etiam associandi ad sepulturam Defunctorum cadavera in Ecclesia Sanctæ Irene Clericorum Regularium (Theatinorum) Missam, aut alia Divina Officia ipsi Regularibus invitis celebrare, aut psallere, sed associato funere ad Ecclesiam Portam, debere Parochum, vel illum ex Capitulo, & Clero, penes quem animarum cure exercitum existit, ad populum converteri, eique absolute impartiata, recedere, relicto cadavere in Ecclesia dictorum Clericorum Regularium, ad quos dumtaxat peragendi Officii cura spectabat.* Alphonsus Episcopus Viennensis Cardinalis. Gualdus Bonafestella Secretarius. Apud Alexandrum Peregrinus in Compendio Privilegio-

rum Clericorum Regularium Theatinorum, Titulo Sepultura, fol. 248. In alia verb. causa Bitontina, ab eadem S. Congregat. fuit Decretum modo quo sequitur. *Pro Clericis Regularibus (Theatinis) Sancti Silvestri in Civitate Bitontina commorantibus, quo ad funera, & sepulturas; Congregatio Sacrorum Rituum decrevit, in omnibus servandum esse Decretum in simili causa ab ipsa Congregatione, aliis factum pro eisdem Clericis (Theatinis) contra Episcopum, & Capitulum Ecclesie Licienfis, & propterea non licere Clero Ecclesie Bitontine invitis predictis Clericis, in eorum Ecclesiis Missas, seu Officium Defunctorum celebrare, seu cantare: sed associato funere ad eorum Ecclesiam, redire debere, juxta formam dicti Decreti Licienfis die 10. Junii 1602. Alphonsus Cardinalis Commissarius. Joannes Baptista Mucantius pro Secretario.* Apud idem Compendium Clericorum Regularium Theatinorum, Titulo cit. fol. 250. Et hic adverte, quod ly dumtaxat positum in supra relato Licienfis Decreto, significat, quod solum, seu tantum à Regularibus fiant in suis Ecclesiis Exequiæ, & aliz functiones funerales, quod solum ab ipsismet (in funeralibus) in eorundem Ecclesiis deferatur Stola, &c. ponendo negationem in Parochis, quibus nedum tacite, sed expressè prohibetur ex vi dictio- nis illius dumtaxat, in Regularium Ecclesiis, Psalmos recitare, &c. dictio enim eadem dumtaxat, est restrictiva, unde taxat, atque restringit, & ponit negationem in aliis, excludendo omnes personas, præter expressas, ut videre est apud Barbosa Distinctione 97. & apud ab ipso citatos, & apud alios communiter. Adverte insuper, quod ly (Associato funere ad eorum Ecclesiam, debere Parochum, vel alios de Clero recedere) positum in predictis Decretis, videtur quasi significare, nec ad explendam propriam devotionem, vel ad suffragandum animam Defuncti, in Regularium Ecclesias ingredi Parochum, vel alios de Clero tentare, debere, ne videantur Regularium jura perturbare velle, &c.

1397 In Bulla centesima prima ejusdem Clem. VIII. quæ incipit, *Romanum Pontificem decet, &c.* edita die 20. Augusti 1603. Pontificat. Anno 10. in Bullario Romano novo to. 3. fol. 106. Motu proprio, & ex certa scientia, deque Apostolicæ potestatis plenitudine declarat, Carmelitis Discalceatis competere tanquam propria de jure, & de facto predicta Privilegia, &c. Inter quæ unum etiam est (ut toties supra) ne Parochi ingrederentur Ecclesias Regularium occasione funerum, ad facienda funera, &c. Cai declarationis

noſtre (concludit Pontifex ſ. 2.) ſi quis contradicere praſumpſerit, illum anathematis vinculo innodamus. Quæ poſtrema notent, & contremiſcant R. R. Parochi præſumentes ingredi Eccleſias Regularium (iſtis invitis) ad faciendæ funera, contra eorundem Privilegia, ob id enim anathematis vinculo obſtringuntur, ab eocui Chriſtus Dom. in perſona Petri, dixit Matth. 16. 19. Quodcumque ligaveris ſuper terram, erit ligatum & in Cælis.

1398 Huic eidem Summi Pontificis Declarationi, quæ etiam vim habet ſtricti præcepti, imò (ſecundum aliquos ex dictis) & legis, addi poteſt, & alia Declaratio S. Congr. eodem Regnante Clem. VIII. in Cremonenſi videlicet, in qua ſtatuitur 9. Aug. ſſi 1604. contra Parochos, Officium in tumulandi Defunctiſ ſpectare ad Regulares, quando in iſtorum Eccleſiis ſepeliuntur, apud Paſqualigum in Additionib. ad Francum par. 2. qu. 68. n. 2. fol. 320. & apud alios. Et hoc idem ſæpius fuiſſe à S. Congr. declaratum; certum eſt ex dictis, ac dicendis, & ex Doctõribus, inter quos præcipuus Marcus Antonius Genuenſis Doctõr Sæcularis, qui in ſua Praxi Archiepiſcopali Neapolit. (quæ dedicavit Sanctiſſimo Pontifici Paulo V. coronato 28. Maii 1605.) ita teſtatur cap. 61. n. 13. fol. mibi 226. Pluries declaravit S. Congr. quid quoties cadavera ad Eccleſias Fratrum Mendicantium deferantur, Officia Mortuorum, ac reliqua Officia, quæ in buſiſmodi Miniſterio circa cadavera adhiberi ſolent, non à Canoniciſ, neque à Clero, ſed à Fratribus obiri, & peragi debent. Regnante Summo Pontifice Paulo V. Sacra eadem Congregatio, in alia Cremonenſi pr. Julii 1606. Contra Parochos decrevit, expreſſe eis prohibendo intrare Regularium Eccleſias cum Stola, aut Pluviali occasione funerum; quod Decretum renovatum eſt 31. Julii Anno 1646. apud Pignatillum to. 3. conſult. 48. n. 38.

1399 Sacra Rituum Congregatio 12. Martii 1612. (Sanctiſſimo Paulo V. Regnante) in Eugubina, ſtatuit: Officium in tumulandis cadaveribus in Eccleſiis Regularium, non per Parochum, ſeu alios Præbiteros Sæculares; ſed per eoſdem Regulari ſieri debere, non obſtante quavis contraria conſuetudine, apud Aldanum in Compendio Canoniar. Reſol. lib. 4. tit. 17. n. 45. Barboſam de Parocho part. 3. cap. 2. n. 82. (nim. anteq. 81. ſic aſſertantem) Clerus Sæcularis, poſtquam Chriſti Fideſium cadavera in Fratrum Religioſorum Eccleſiis ſepelienda aſſociaverit, in eiſdem Eccleſiis ſuper buſiſmodi cadaveribus Officium Defunctorum, Pſalmos, Reſponſoria, aliaſve Pre-

ces, vel Orationes recitare, aut pſallere non poteſt, ſed ab iſſis Fratribus dumtaxat, hæc omnia peragenda ſunt, eadem S. Congregat. &c. & in Concil. Trident. ſeſſ. 25. de Reformat. cap. 13. num. 33. ubi anteq. nu. 32. etiam ſic (Parochi Defunctorum in Regularium Eccleſiis humandorum corpora, uſque ad eiſdem Eccleſiis aſſociare, ac etiam in iſſis permanere poſſunt, abſque tamen eo, quod in Officio decantando ullatenus ſe intromittant, ut per Aldanum d. tit. 17. n. 42. dicit, ſic decidiſſe eandem S. Congregat. in Nicoterenſi 5. Julii 1615.) Et in Colleſt. Bullarij, Verbo Parochus, fol. mibi 531. in fine: ſub iſſdem verbis, & apud Paſqualig. in Francum par. 2. qu. 68. n. 2. ubi ſic: Declaratum ſæpius fuiſt à Sacra Congregatione, Officium in tumulandis Defunctiſ ſpectare ad Regulares, quando in iſſorum Eccleſiis ſepeliuntur, ita in Eugubina 12. Martii 1612. In Cremonenſi, &c. Et p. 1. n. 1593. ibi: Quando cadaver Defuncti pervenit ad Januam Eccleſie Regularium, quæcum poſſit Parochus ingredi, & ibi permanere, ut Declaravit Sacra Congregat. in Nicoterenſi 5. Julii 1615. ceſſat tamen ejus jurisdictio, & auctoritas, nec poſſe ſe intromittere in Officio, Pſalmis, Reſponſoriis, aut aliis Preces, ſeu Orationes pſallere, aut recitare: ſed hæc omnia pertinent ad Regulares Eccleſie privatæ, quo ad alios, non obſtante quacunque conſuetudine in contrarium, ut ſæpius declaravit Sacra Congregat. Episcopos. & Regul. & Sacra Rituum Congregat. in Eugubina 12. Martii 1612. &c. Sed

1400 Nota hic primo hyprivatæ quæ ad alios denotare idem, ac excluſiſ alios, ac excluſo Curato, in caſu noſtro; ac quocumq; alio de Clero Sæculari excluſo, &c. hoc eſt, à ſolis Regularibus fieri debere Officia, & Exequias Mortuorum, Stolaſ deferri, &c. (Cum ille, qui deſert Stolaſ, quæ ſignificum eſt honoris, debeat cunctos alios præcedere, Gratianus diſcepat. 298. n. 84. in Eccleſiis autem Regularium, utpotè exemptis omnino, non habet Parochus, neque Clerus Sæcularis jus præcedendi) hæc enim Diſtictio Privatæ, denotat fieri debere ab uno, alio excluſo, ut videre eſt apud Covarr. in cap. Alma Mater par. pr. ſ. 12. n. 3. fol. mibi 429. Peyrin. Conſtitut. 4. Gregorij XV. ſ. 6. n. 20. Lezzan. to. 3. Verbo Diſtictio n. 4. & apud alios. Secundo nota, quod prædicta Clauſula: Non obſtante quacunque conſuetudine in contrarium, demonſtrat, Principem habuiſſe notiſſiam contrariæ conſuetudinis, ut advertit etiam Barb. clauſ. 87. n. pr. ubi, quod ita fuit reſolutum in Tolitana admiſſiſſi 17. Junii 1609. coram D. Patriarcha Pamphilio,

impresa per Farinac. decisio. 182. n. 6. par. pr. recent. Nota tertio cum eodem Barboſa clauſ. cit. nu. 4. per hanc clauſulam cenſeri ſublata generaliter omnem conſuetudinem (excepta tamen per eundemmet, contra plures quos allegat n. 3. conſuetudine immemorabili, quia inquit, prohibita generaliter conſuetudine, non debet cenſeri prohibita immemorialis, eo quod hæc nunquam cenſetur ſublata, niſi expreſſa mentio de ea in Lege, vel Conſtitutione habeatur, nec comprehenditur in revocatione conſuetudinis, etiam cum dictione univerſali, ob eas maximam Excellentiã, & prerogativam, quod probat auctoritate, & ratione à n. 4. uſque ad 10. incluſivè) ſicut enim per clauſulam hanc: Non obſtante, quacunque præſcriptione, tollitur ſolum præſcriptio longi temporis, non longiſſimi; à fortiori nec immemorialis (idem Barboſa clauſ. 88. cum ibi allegatis à nu. pr.) ita, etiam tollitur conſuetudo ſolum memorialis per allatam antecedentem clauſulam: Non obſtante conſuetud. &c. quæ tam ſæpè in hiſce Decretis repetitam legimus. Addi tamen hic poſteſt, adhuc per dictam clauſulam cenſeri ſublata generaliter omnem conſuetudinem, etiam immemorabilem; hocque verum eſſe etiam in doctrina ejuſdem Barboſæ, dum eandem ſuam doctrinam ipſemet, l. c. n. 8. in fine limitat, Niſi (videlicet) eadem ratio militet etiam in conſuetudine immemorabili; uti certè militat in caſu noſtro. Quod eſt idem, ac affirmare: Non tollitur conſuetudo immemorialis, niſi de ea fiat ſpecialis, mentio, quando ſinis, & ratio, quam Pontifex habuit (& Sacra Congregatio) ad derogandum conſuetudini, non eſt idem conſuetudine immemorabili; quam memoriali. Et hanc eandem explicationem, & limitationem tradunt (apud eundem Barboſa. nu. cit.) Covar. Gonzalez, & Garcia: quibus addo Antonium à Spiritu S. Conſulto 2. nu. 16. & 17. Sed ſic eſt, quod ratio motiva & ſinis, quem Pontifex habuit, uti & Sacra Congregatio, ad derogandum dictæ conſuetudini in contrarium, æquè militat, & idem eſt in conſuetudine immemorabili, ac memoriali, id eſt omni-modæ, ac totalis Regularium ſubiectio ſolo Summo Pontifici, uti eorum omnium Generali Generaliſſimo, omnimodæ; exemplo, ac independentia eorundemmet à Parochiis, & à Clero Sæculari, ut conſtat ex ipſis verbis Privilegiorum Summorum Pontificum ſuperius recitat: item Pax, unio, & reverentia inter ipſos, quas utique fovet magis independentia ex ſui natura, & ra-

tione, ut conſtat. Ergo. Verum quidem eſt, quod contra Regulares circa id, de quo in præſenti, ideſt circa funeralia, non, poſteſt adeſſe conſuetudo, ut infra probabitur: neque præſcriptio, ut pariter infra: eo præſertim, quia ex frequenti confirmatione, & innovatione Privilegiorum, præſcriptio inchoata, quæ à Parochiis poſſet prætendi, interrumpitur ex dictis ſupra. Quod etiam confirmari poſteſt, ex P. Alexandro Peregrino in Compendio privilegior. Clericor. Regular. Theatinorum, in Introductione, fol. mibi 22. & 23. ibidem ſic. Notandum eſt, quod præſcriptio incerta contra Regulares, interrumpitur ex frequenti confirmatione, & innovatione Privilegiorum per Summos Pontifices ex certa ſcientia, motu proprio, & ex poſteſtati plenitudine facta; qua quidem innovatione, privilegia ipſa in priſtinum ſtatum adverſus quæcunque obſtantia reducuntur, & conſervantur; ita docet Jo: Baptiſta Conſectius in Summario Privilegiorum Mendicantium, in Summario Bullæ Sixti IV. Bulla aurea nuncupata cap. 3. ſub deſcriptione, An Regularium privilegia per non uſum, ſeu contrarium uſum, aut per præſcriptionem tollantur. Hactenus citatus Peregrinus, referens in eadem Introductione, quod Clemens VII. die 24. Menſis Junii 1524. conceſſit noſtræ Congregationi Theatinæ Privilegium, quod poſſit gaudere: Omnibus, & ſingulis Privilegiis, exemptionibus, immunitatibus, indulgentiis, facultatibus, libertatibus, auctoritatibus, indulgiis, favoribus, conſeſſionibus, & gratiis ſpiritalibus, & temporalibus, quibus potiuntur, & gaudent, aut in futurum poterint, & gaudebant Canonici Regulari Lateranenſes, in Bulla, quæ incipit, Exponi nobis, &c. & eſt 11. in Bullario Romano novo tom. 1. ſ. 5. fol. 575. Quod idem Pontifex Clem. VII. die 7. Martii 1533. ut patet ex Bullario Rom. tom. 1. Bulla 38. quæ incipit, Dudum ſ. 12. fol. 605. conceſſit pariter noſtræ Theatinæ Congregationi poſſe gaudere, uti, potiri: Omnibus, & ſingulis Privilegiis, indulgentiis, prerogativis, exemptionibus, immunitatibus, gratiis, & indulgiis, quorumvis etiam Ciſtercenſium, & Cluniacenſium Monachis, & aliorum etiam Mendicantium Ordinum Fratribus, tam in ſpiritalibus, quam temporalibus in ſpecie, vel in genere, etiam communicativè, per quoscunque Romanos Pontifices prædeceſſores, ac Sedem Apoſtol. quomodolibet conceſſi, & in poſterum concedendi, & quibus illi tam in vita, quam in mortis articulo, &c. perpetuis temporibus, gaudere, uti, aut potiri poſſunt, &c. Quod Paulus IV. die 7. Octobris Anno 1555. primo ſui Pontificat. in Bulla, quæ incipit, Ad Ffff 2 immar.

immarefcibilem, &c. §. 14. noſtræ pariter Theatinæ Congregationi conceſſit, uti poſſe, gaudere; truique: Omnibus, & ſingulis Privilegiis, indulgentiis, prærogatiuis, exemptionibus, immunitatibus, gratiis, et indultis, &c. conceſſis, aut concedendis, &c. Societati Jeſu. Et quod Sanctiſſimus Gregorius XIV. die 5. Apr. 1591. Aliud, & amplius privilegium conceſſit noſtræ Theatinæ Congregationi, quod hæc videlicet præter privilegia, & alia jam ſibi aliaſ conceſſa, poſſit uti, gaudere, & frui: Omnibus, & ſingulis aliis privilegiis, exemptionibus, facultatibus, indultis, indulgentiis, & peccatorum remiſſionibus, & relaxationibus, caeteriſque gratiis tam in ſpiritualibus, quam temporalibus, quibusſcunq; Religionibus, Congregationibus, & Ordinibus, quocunq; nomine nuncupentur, etiam Mendicantium, ac tam Virorum, quam Mulierum, eorunq; Monaſteriorum, Domibus, & aliis Piiſ locis, per quoscunq; Romanos Pontifices prædeceſſores, ac nos, & Sanctam Sedem, quomodolibet hætenus conceſſis, & in poſterum concedendis; ac quibus illorum, utriuſque ſexus perſone de jure, vel cenſuetudine, aut ex privilegio, vel aliis quomodolibet utuntur, potiuntur, & gaudent, ac uti, potiri, & gaudere poſſunt, & poterunt in futurum quomodolibet, que propriis Regularibus inſtitutis dumtaxat non adverſantur; non ſolum ad eorum injuriam, ſed æque principaliter, ac pariſormiter in omnibus, & per omnia, perinde ac ſi eisdem Congregationi, & Clerici Theatinis ſpecialiter, & expreſſe conceſſa forent, uti potiri, & gaudere liberi, & licite valeant perpetuo, concedit, & indulget, communicat, extendit, &c. In Archivio Domus noſtræ Sancti Silveſtri Romæ aſſervatur Originale hujus tam ampli, maximeque Privilegii, ſeu potius tot privilegiorum ſumma, ob quam præcipue Martinus Navarrus, loquens de privilegiis Congregationis noſtræ Clericorum Regularium Theatinorum Conſiliorum parte prima, libro primo, Titulo de Majoritate, & Obedientia conſil. 9. n. 4. ſicant: Prefata Congregatio habet plurima, & grandiffima Privilegia Summorum Pontificum, per que non ſolum conſervantur eiſi jura, que ab initio coeperunt ad eos pertinere, ſed etiam adduntur multa, alia, que vix credidiſſemus, niſi ea legiſſemus, quod cerit cum multa voluptate feci, &c.

1401 Inter hæc autem tam multa, & magna privilegia primo conceſſa, & multoties confirmata, hoc inquam unum extat (ut toties dictum) ne Parochi in Eccleſiis Regularium ad funeralia faciendâ (reduplicativè) ingrediantur. Addo hic obiter reduplicativè ad funeralia faciendâ, quia ſi Parochi, occasione etiam funerum, Eccleſiis

Regularium ingrediantur, non ad funeralia in iſdem Eccleſiis Regularibus faciendâ, neque ut ſe in quidquam funeris, cum Regularibus immiſceant, aut intromittant, ſed vel devotionis gratia, aut ibi orent ex gr. vel alio recto, ac bono fine, ut eſſet etiam tranſire per Eccleſiam, ob commoditatem itineris, &c. nulla in hoc oppoſitio, vel prohibitio, neque etiam ex parte ipſiuſmet Sarræ Congregationis, quatenus ipſa, multoties quidem (licet non ſemper) declaravit, quod Parochus teneatur funus ducere tantum, uſque ad Januam Eccleſiæ Regularium, non autem illi poſtea prohibuit ingreſſum, quando non intendit ingreſſi, ut Officium peragat ſuper Cadavera, ſimul cum Regularibus, iſtis invitis. Et hoc idem conſtare videtur ex pluribus declarationibus Sacrarum Congregationum: Num in una 16. Auguſti 1560. Sacra Congr. decrevit tic. Mentre il corpo è fuori della Chieſa, tocca al Curato del Defonto in tutto, &c. Mà giunto à indovare dentro la Chieſa de Regulari, ad eſſi ſpetta far l'Officio, ſe bene il Parocho volenco, poò entrare: apud Pignatellam 10. 3. conſultat. 48. n. 34. In una Caſuern. Abbaſi Monti Caſini die 10. Septemb. 1594. ſic: Dalle ſue, che la P. V. mi hà mandato con avvertire, accioche non ſucceda altro ſcandalo trà i Frati, & il Clero Secolare ſimile all'accorſo d' 27. Luglio paſſato con dar ordine, che nella preſente Chieſa de Frati, & altre, di quaſivoglia Ordine, in occasione di ſepellire i Morti, dobbano far l'Officio ſopra il corpo à medeſimi Regulari, aſſiſtendo il Clero, offiiciando gli altri, ſenza voler guidare, & governare l'Officio, pochè è ſtato altre volte dichiarato dalle Signorie loro ſiſſiſſime, che ſe bene la cura de corpi, & di ſepelirli, & con auco di cominciar l'Officio, ſpetti al Parocho, maduerno giunto il cadavere alla Chieſa de Regulari, ad eſſi tocca proſeguire l'Officio, eccettuato però il caſo, ſe vi ſoſſe conſuetudine preſcritta à ſigore del Clero Secolare da oſſervarſi invicelabilmente, apud eundem Pignatellum l. c. n. 32. In una Gallipolitana 20. Novemb. 1601. E' ſtato altre volte dichiarato da queſta Sacra Congregatione, che i Parochi poſſano intervenire alle ſepulture de Morti, che ſi portano alle Chieſe de Regulari, & poſſano arrivare inſino alla Chieſa, & entrando, aſſiſterci ſenza far coſa alcuna. E con ordini, che ſi faccia trà i Frati di S. Domenico, & gli altri Regulari, & coſteſi Curati, apud eundem l. c. n. 28. In una Cerviniſi Cardinali Bevilacqua 26. Junii 1615. E' ſtato altre volte dichiarato da queſta Sacra Congregatione, che i Parochi poſſano intervenire alle ſepulture de Morti, che ſi portano alle Chieſe de

Regolari, mà che doppo arrivati alla Chiesa, & entrati in essa, i Regolari facciano l'Officio, senza che i Parochi, ancorche presenti, l'intromettano in cosa alcuna. *Quisq. Illustrissim.* &c. mi hanno ordinato di scrivere à V. S. Illustrissima di far osservare quanto dalla Sacra Congregatione è stato più volte risoluto, apud eundem l.c. n. 29. In una *Nicotrensi* 5. Julii 1615. *Parochi Defunctorum in Regularium Ecclesiis humandorum corpora, usque ad eandem Ecclesiam associare, ac etiam in illis permanere possunt, absque tamen eo, quod in Officio decantando ullatenus se intromittant, nisi contraria adit consuetudo, apud eundem l.c. n. 36.* In una *Turritana* 24. Novembris 1617. *Clerus Sæcularis, postquam Christi fidelem cadaverem in Fratrum Religiosorum Ecclesiis sepelienda associaverit, in eisdem Ecclesiis super huiusmodi cadaveribus Officium Defunctorum cum Stola, & Pluviali, Psalmos, Responsoria, aliasve Preces, vel Orationes recitare, aut psallere non potest, sed ab ipsis Fratribus, dumtaxat hæc omnia peragenda sunt, apud eundem Pignatellum (l.c. n. 37.) qui cum sit Doctor Sæcularis, R. R. Parochi magis acquiescent fideli relationi, & attestationi ejusdem, quam si esset Auctor Regularis. Ex his ergo Sacrarum Congregationum Declarationibus, & Decretis, & ex aliis etiam, quæ hic allegari possent, sed brevitate gratia, omittuntur, constat apertissime, non licere R. R. Parochis, nec Clero Sæculari (maximè cum Stola, Pluviali, & Cruce elevata) ingredi Ecclesias Regularium occasione funerum ad funeralia (reducativè) in eisdem peragenda, &c. invitis Regularibus; posse tamen, ut assistant funerali devotionis causa, ut faciant etiam alii fideles, vel alio bono motivo: non enim sunt excommunicati denunciati, qui non debent ibi admitti ad Divina publica Officia, funeralia, sed eici à Ecclesia, ne Regulares, illos in Ecclesiam propriam tunc temporis admittentes, videantur communicare in Divinis cum excommunicatis, & proinde incurere in excommunicationem minorem, *Diana Coord. to. 5. tract. 1. ref. 135. ex part. 5. tract. 9. resol. 95. aliique.**

1402 Et nedum præscriptio, vel consuetudo inchoata interruptitur ex frequenti Privilegiorum confirmatione, & innovatione, ut supra; verum etiam ex allatis, & afferendis declarationibus, & Decretis Sacrarum Congregationum, ut dictum est superius, & ex Decretis Auditoris Camere, de quibus infra. Unde merito *P. Pasqualis* in *Francum par. 1. n. 1594.* proponens: *Ante Declarationem Sacre Congreg. & Decretum Au-*

ditoris Camere (de hoc ego infra) poterint Parochi præscribere jus cantandi Responsoria, Psalmos, &c. super cadaveribus Defunctorum, si permitti sunt id facere. Resolvit optime, ut sequitur: Quod videlicet præzenti, non possunt Parochi allegare præscriptionem, quia cum eis jus resistat, necellaria ellet quadragenaria præscriptio, simul cum titulo, attenta etiam juris communis dispositione, ut tradunt *Gloss. in cap. Perueni. Verbo Censui, de Censibus ibi Panorm. n. 3. Rota decif. 76. n. 1. & decif. 97. n. 3. part. 1. recent. Merlin. decif. 8. n. 3.* nondum autem elapsi sunt 40. Anni à Decreto Auditoris Camere (de quo infra) & ultima Declaratione Sacre Congregationis. Deficit etiam ex parte Parochorum titulus præscriptionis, quia sciunt, aut saltem debent scire, quod hoc non pertinet ad ipsos, unde solum ex juris ignorantia posset oriri, & idèd non sufficit, ut notant *Felin. in cap. De quarta nu. 35. Vers. Sed considera, de præscript. Alexand. conf. 44. nu. 7. lib. 3. Rota in Boicau. juris coram Verofino, apud Marchesam. de communif. Imò cum titulus sit reprobatus, nullo unquam tempore potest præscribere justam causam præscriptionis, ut considerat *Sardus* cum aliis *confil. 276. n. 24.* Denique cum ex dictis Declarationibus S. Congregat. sciant, hoc jus non pertinere ad ipsos, sunt in mala fide, & idèd non possunt præscribere, *cap. Dudum de decimis. Sardus conf. 276. n. 18. Honded. conf. 82. n. 39. lib. 1. Merlin. dec. 585. n. 15. Haftenus P. Pasqualis.**

1403 In *Vicentina* 18. Februar. 1614. In præmissorum executionem, nomine & jussu Summi Pontific. *Pauli V.* emanarunt litteræ *Joannis Dominici Spinæ Cameræ Apostolicæ Auditoris*, seu Decretum emanavit, tenoris sequentis.

Universi, & singuli D. D. Abbatibus, Prioribus, Prepositis, Decanis, Scolasticis, Cantoribus, Thesaurariis, Sacristis tam Cathedralium, quam Collegiatorum, Canonicis, &c. Ad quos presentes nostre litteræ pervenerint. Noteritis, quod alias Sacra Congregatio Illustrissimorum, & Reverendissimorum D. D. Cardinalium Sacri Concilii Tridentini interpretum, censuit, ut quatenus Cadavera ad Ecclesias Fratrum Mendicantium deferuntur, Officia Mortuorum, & reliqua omnia, quæ in huiusmodi Ministeriis adhiberi solent; Non à Canonicis, sed ab ipsis Fratribus peragi debeant. Pro cuius inserti Decreti totali observatione, ex parte Admodum R. R. D. D. Patrum Procuratorum Generalium Ordinis Mendicantium principalium regentium, & instantium instantes, & debitè requisiti. Vobis omnibus, & singulis supraelatis, &c.

Et committimus, & in virtute Sanctae Obedientiae districte precipiendo mandamus, quatenus statim visis, ac receptis presentibus, & monentis, &c. prout nos requirimus, & monemus Venerab. Capitulum, & R. R. D. D. Canonicos, & Clerum Civitatis, & Dioecesis Vicentinae, &c. quatenus visis, &c. sub quingentorum Ducatorum auri, &c. Et in iuris subsidium, quatenus opus sit, excommunicationis, aliisque Ecclesiasticis censuris, & penis debeant, & quilibet ipsorum debeat praesentum Decretum, & omnia, & singula in illo contenta, & expressa realiter, & cum effectu observare, ac omnino observari vidisse, &c. mandari debite executioni, &c. Romae Anno Domini 1614. Indictione 12. die 28. Februarii. Jo. Baptistia Vattelli Curiae Cardinalium Camera Apostolicae Notarius. Apud Compendium (Venetiis impressum per Donatum Pasquardum, Anno 1636.) Privilegiolorum Ordinis Eremitarum Sancti Hieronymi Congregationis Beati Petri de Pisis, Collectore Fr. Antonio Via Veronensi ejusdem Ordinis Eremitarum, Verbo Sepultura, fol. mibi 186. 187.

1404 In una Eugubina 5. Julii 1614. Sacra Rituum Congregatio. Declaravit Officium in tumultandis Cadaveribus, in Ecclesiis Regularium fieri debere per eosdem Regulares, cum Clausula: Non obstante contraria consuetudine, apud Barbosam de Potestate Parochi par. 3. cap. 26. nu. 82. Moronum Responso 51. n. 28. in fine. Pasqual. in Francum par. 1. n. 1593. P. Quartum de Processionibus, Tit. de Processione Funerari puncto 5. qu. 3. n. 1. in fine. Novarium in Lucerna Regularium, Verbo Officium n. 11. Adde sub n. 13. Sacra Congregatio Cardinalium Concilii Tridentini Interpretum saepe censuit, quoties Cadavera mortuorum ad Ecclesias Fratrum Mendicantium deferuntur, Officia Mortuorum, & reliqua omnia, quae in hujusmodi Ministeriis adhiberi solent, non à Canonico, neque à Clero, sed ab ipsis Fratribus peragi debere.

1405 Idem, & sub iisdem verbis refert Bordon. resol. 51. qu. 71. n. 213. apud quem, & eodem num. Eadem S. Congregatio Eminentiissimorum Cardinalium Concilii Tridentini Interpretum censuit, supradictum Decretum habere locum etiam in Ecclesiis Monialium Ordinis Mendicantium. I. B. Cardin. Pamphilius. Franc. Paulinus Sacrae Congregat. Concil. Secret. Et hic adde cum eodem Bordon sub cit. num. quod licet Declaratio, & Decretum exprimat exemptionem pro Religiosis Viris, & Monialibus Mendicantium, idem omnino dicendum est de Regularibus Viris, & Monialibus non Mendicantibus, & Monachalibus, cum eadem omnium sit ratio,

fundata in universalissima communicatione Privilegiolorum. Patres autem expresse solum Ordines Mendicantium, quia Declaratio petita fuit solum ad instantiam Mendicantium, ita Bordonus. Unde non solum Regularium Virorum Ecclesiae, sed etiam Monialium exemptarum, sunt exemptae à jurisdictione Parochorum, & aliorum in materia funeralium, ita quod nullus intra earundem Ecclesiarum nec Canonicus, nec Clerus super cadavera Defunctorum possit peragere Officia Mortuorum, ac reliqua, quae in hujusmodi Ministerio adhiberi solent.

1406 In una Nicoteran. 5. Julii 1615. idem, quod supra iterum confirmavit eadem Sacra Congregatio negotiis Episcoporum, & Regularium praeposita, apud Barbosam de Potestate Parochi par. 3. cap. 26. num. 80. (ibi concludens: Possunt enim iidem Parochi omnia Officia, circa corpus Defuncti, qui sepeliendus est in Ecclesia Regularium, vel in alia, Domi, & per viam facere; postquam vero cadaver fuerit collocatum intus Ecclesiam, debet Parochus recedere, et Officium facere debent Regulares, &c.) Moronum Responso 51. num. 28. (pariter sic: Nam Clerus Secularis, postquam associatus cadavera tumultanda in Ecclesia Regularium, in iisdem Ecclesiis super illis cadaveribus Officium Defunctorum, Psalmos, Responsorias, aliasque Preces, vel Orationes recitare, aut psallere non potest, sed ab ipsis Fratribus tantum, haec omnia peragenda sunt. S. Congregat. &c. non obstante quacumque contraria consuetudine, &c.) Tamburr. de Jure Abbas. to. 1. disp. 15. qu. 17. nu. 21. & 22. (ubi eadem omnino, quae Barboja, & Moronus.) Pasqual. in Francum par. 1. n. 1593. Quartus, ubi supra, & apud Petrum de Murga de Jure, & Potestate Parochi Vnitarum Ecclesiarum par. 3. qu. 7. n. 6. ubi sic: His adnotare duxi, quod Parochi corpora Defunctorum in Ecclesiis Religiosorum humandorum, usque ad Ecclesias praefatas associare possunt, & ibi permanere, non tamen cum Stola, neque decantare, aut aliam functionem facere ibi posse: Ex Declaratione Sacrae Congregat. negotiis Episcoporum, & Regularium praeposita in una Nicoteran. 5. Julii 1615. quam penes me authenticam habeo, insertam in litteris Apostolicis de mandato Urbani VIII. à Julio Saebeti ejus, & Sedis Apostolicae Legato à latere emanatis in dicta, & aliarum Declarationum, in favorem Regularium, executionem, 15. Octob. de anno 1625. Precipiendo ibidem Idem Apostolicus, observantiam omnium praedictorum sub panis, & censuris sibi, & Sedis Apostolicae reservatis.

1407 Eadem S. Congregatio idem decrevit

vit die 31. Januarii 1617. apud Gavantium in Man. Episcoporum Verbo Exequie nu. 26. Et in una Turritana eodem Anno 1617. die 24. Notomb. Sacra eadem Congregatio, idem roboravit, cum Clausula: *Non obstante quacunque consuetudine*, apud Tamburin. l.c. n. 23. Cespedes de Exemptione Regularium cap. 12. Tit. Quo ad sepulcras dub. 219. nu. 25. Pasqualigum in Francum par. 1. nu. 1593. & par. 2. in additione ad qu. 68. nu. 2. fol. 520. Et in una Placentina, & Liciensi 23. Martii 1619. idem statuit Sacra Congregat. cum Clausula eadem: *Non obstante quavis contraria consuetudine*, apud Barbosam in Trident. sess. 25. de Reformat. cap. 13. n. 33. Tambur. n. cit. 23. Pasqualigum n. c. c. 1593. & apud alios. Et in una Catanensi Civitatis Platie, idem confirmavit eadem S. Congregat. & cum eadem Clausula: *Non obstante quavis contraria consuetudine*, &c. die 12. Octob. 1619. apud Barbosam n. c. 33. Novarium in Lucerna Regular. Verbo Officium n. 11. Gavantium Verbo Exequie in Additione nu. 16. Pasqualigum n. cit. 1593.

1408 Quid autem importet præfata clausula: *Non obstante quavis consuetudine*, toties repetita in allatis Declarationibus, & Decretis Sacrarum Congregationum? Barbofa cum aliis (ut supra relatus) sentire videtur, quod ipsa importet tantum: *Non obstante consuetudine longi temporis*, non verò longissimi, & immemorabilis: contrarium tamen videtur affirmare, ex Declaratione ipsa S. Congregat. Antonii à Spiritu Sancto in Director. Regular. par. 1. tract. 2. disp. 3. sec. 4. §. 2. n. 130. dum ibi sic: *An verò Officium super cadavera tumulanda in Ecclesiis Regularium debeat à Parocho fieri, saltem ubi est immemorabilis consuetudo; an verò ab ipsis Regularibus?* Respondeo non debet fieri à Parocho, sed semper faciendum esse à Regularibus, *non obstante quacunque consuetudine, etiam immemorabili in contrarium*. Ita Declaravit Sacra Congregatio Rituum in una Sulmonensi 8. Augusti Anno 1629. in aliis similibus Declarationibus ejusdem Sacre Congregationis, &c. Et idem sentire videtur Pellizzar. to. 2. trac. 8. cap. 5. sect. 4. subsect. 2. qu. 8. n. 154. Idq. præcipue ex eadem Decisione Sulmonensi. Addens, Decretum hujus Decisionis procedere etiam in Monialium Ecclesiis Regularibus subiectarum. Verum

1409 Tum ex hæcenus dictis, & adductis, tum ex infra dicendis, & asserendis, concludendum venit, & veniet, nequire Parochos introducere contra Regulares, nec probare dictam consuetudinem longissimi temporis, & multo minus immemorabilis.

Interim ad aperiendos oculos Regularium, & ut caute in eadem in posterum procedant, do illis obiter hic monitum ejusdem Pellizzarii l.c. ibi enim sic: *Officium super cadavera tumulanda in Regularium Ecclesiis, non à Parocho, sed solum à Regularibus fieri debere, non obstante quacunque consuetudine, etiam immemorabili in contrarium, idque ex Decisione Sacre Congregat. Rituum in Sulmonensi 8. Augusti 1629. alijs, similibus. Exiçe nisi ipsmet Regulares sponte consentiant, tale Officium fieri à Parocho; quo modo solent alicubi consentire Religiosi Societatis: quod tamen non facit, quin illi, si velint, tale Officium facere possint, sive per se ipsos, sive per alium ab ipsis electum*. Unde consultum est (ecce monitum) ut identidem id faciant ad interrompendam præscriptionem, quam aliqui Parocho putant se acquirere ex dictorum Religiosorum tolerantia, & tacito consensu; & ut Parocho agnoscant se in Ecclesiis Societatis facere Officium ejusmodi, non jure proprio, & ordinario, sed tanquam delegati, & Ministri dictorum Religiosorum. Quod monitum utique implevere, & optime Reverendi Admodum Patres Capuccini Monasterii notabilis Oppidi Viennæ in Lusitania, in Provincia Anteramenensi, in Archiepiscopatu Bracharensi, nam isti Zelantissimi Patres (ut ex Antonio à Spiritu S. Consulto 38. refert toties citatus Eruditiss. P. Ab Ascensione cap. 5. dispo. 6. fol. 270.) cum tolerallent 40. annorum spatium, quod Clerici efficerent in suis Ecclesiis Officium sepulture super cadaveribus, ab hac possessione tandem eos depellendos esse curarunt, sicuti de facto Clerici depulsi sunt, quia per centum annorum spatium contra eos non præscriperant, & ita Judicatum in Tribunali Bracharensi Anno 1652. Non nisi enim spatium centumannorum sufficit ad præscribendum contra Regularium Privilegia, ex Privilegio Pauli III. concessio Benedictinis Constitut. XI incipit, *Benignitas Sedis*, &c. in Bullario novo, tom. 1. fol. 526. sub his verbis §. 6. Statuit, ut sicut contra Romanam Ecclesiam, non nisi centenaria, secundum constitutiones Canonicas, & legitimas sanctiones curris præscriptio, ita præfato Monasterio, &c. (Congregationis Castinensis Monachorum Ordinis Sancti Benedicti) præscriptio non obstat. (Quod res Ecclesie Romanæ, non nisi per centum annos præscriptionem admittant, clarus est Textus Decreti p. 2. causa 16. qu. 3. ibi, *Retrum ejus præscriptionem, non nisi per centum annos admittunt*. Et nota, quod inter res, & bona præscriptionis capacia, numerantur etiam privilegia: Portel. Verbo Præscriptio contra bona Regularium n. 2. in fine.) De quo

quo Regularium privilegio etiam Jo. de la Cruz de Privilegiis lib. 2. cap. 3. dub. 2. conclus. 2. (ibi) Concedit Benedictinus Romae, quod si cur contra Romanam Ecclesiam, non nisi centenaria currit praescriptio: ita dicto Monasterio minoris temporis praescriptio non obstat. Et iam hoc privilegium est ad totum Ordinem extensum, & aliis Ordinibus communicatum. Compendium Privilegiorum Theatinorum Peregrini in Introductione, Vers. Quarto notandum in fine, & Verbo Praescriptio. Portell. Verbo Praescriptio contra bona Regularium n. 2. Diana Coord. to. 7. tracl. 1. resol. 256. n. 2. ex par. 3. tracl. 2. resol. 88. Barbosa de Jure Ecclesiastico to. 2. lib. 3. cap. 24. n. 35. in fine (ibi) Contra bona, & Jura Regularium, non nisi centenaria currit praescriptio, ad instar Ecclesiae Romanae, ex quodam Privilegio Eugenii IV. (Hujusmodi privilegium Eugenii IV. habetur in Bullario Rodr. fol. 95. col. 2. in princip. nu. 15. Bulla 17. Eugenii IV.) Pellizzari in Man. to. 2. tracl. 8. c. 1. sect. 5. qu. 8. n. 113. Bordon. resol. 52. q. 41. n. 122. ubi ex hoc privilegio infert optimè idem Bordon. quod si, ut Privilegia praescribantur contra Regulares requiritur spatium centum annorum; difficile utique est, ut praescribantur: & si enim (ait) aliqui Pontifices in confirmatione Privilegiorum apponant clausulas, restrictivas, alii tamen eadem confirmant ampliori gratia, & absolute, consequenter ex tunc vera Privilegia valida magis confirmantur, & alias invalida, seu nulla, praetextu abusus, vel non usus, vel contrarii usus, vel privativi usus, aut imperfectae praescriptionis, de novo incipiunt esse valida, ac si tunc primo concessa fuissent, & aboletur quavis coepta praescriptio adversus illa; quod etiam advertunt Concessus in Summario Privilegior. tit. 3. cap. 3. Vers. Nec etiam, fol. mibi 292. 293. Peregrinus in Compen. Theatinor. in Introductione, Vers. Quinto notandum. Jo. de la Cruz dub. 2. cit. conclus. 6. & alii. Intelligant tamen doctrinam horum, dummodo confirmatio non habeat clausulam restrictivam: Modo alias non fuerint revocata, quia per novam confirmationem sic limitatam, non reviviscunt alias revocata, ut satis se declarant recentiores Summi Pontifices, ita etiam Bordonus.

1410 Idem Privilegium, quod videlicet contra Privilegia Regularium non currat praescriptio, nisi centenaria, praeter Paulum III. & Eugenium IV. etiam alii Pontifices Summi concessere, ut videre est praesertim in compendio Privilegiorum Omnium Religiosorum Ordinum Mendicantium, & non Mendicantium Augustini à Virgine Maria, Verbo Pre-

scription n. 2. ubi sic: Anno 1442. Eugenius IV. Bulla ex Apostolica 17. apud Rodericum, authenticat, & innovat Bullam Cum aliqua tibi, Honorii III. datam Anno 1218. pro Benedictinis Monasterii S. Pauli extra muros Urbis, in qua sic habetur: Ceterum cum idem Monasterium speciale membrum Apostolicae Sedis, & propria Romani Pontificis Sedes existat, statuimus, & sancimus, ut sicut contra Romanam Ecclesiam, non nisi centenaria currit praescriptio, secundum Constitutiones Canonicas, & legitimas sanctiones: ita quoque praedicto Monasterio minoris temporis praescriptio non obstat. Porro praedicta Honorii III. Constitutio est 25. in Bullario Cassinensi; ubi & multae aliae Constitutiones referuntur, quibus hoc idem privilegium, hinc, aliisque Monasteriis conceditur, & confirmatur. Idem Honorius III. hoc ipsum concessit Anno 12. Canonici Salvatoris Lateranensis, Bulla Sedis Apostolicae, in eorum privilegio, pag. 128. Et Gregor. IX. Bulla Sedis, ibidem pag. 143. Item Paulus III. Anno 1537. praefatum Eugenium IV. privilegium confirmat ex certa scientia, etiam ut extensum ad singula Monasteria congregationis Cassinensis, Bulla Benignitas 15. apud Cebra-

1411 Hujus autem valde singularis, ac maximi privilegii, congruam rationem affert Concess. in cit. suo privilegiorum Summario, tit. 12. cap. 1. fol. mibi 319. est autem hujusmodi: Inter alia Beneficia, quae Regulares Mendicantes ex indultis à Sede Apostolica eis concessa adepti sunt, illud sane passivè praescriptionis non modicum esse videtur, cum eorum loca, bona, & personae centenaria praescriptionis praesidio munita, tutaque existant, quod quidem privilegium competis eis, tum ratione immediate subiectionis Sanctae Rom. Ecclesiae, & Sedis Apostolicae, sub cuius protectione suscepti sunt: tum etiam quia omnium bonorum, tam mobilium, quam immobilium, quae Regularibus, & praesertim Minoribus S. Francisci de Observantia, quocunque modo acquiruntur, jus, proprietat, & dominium ad ipsam Romanam Ecclesiam nullo modo spectare, & pertinere dignoscitur, ut per eorum Privilegia declaratur. Cum igitur in praedictis agendis non ipsorum Fratrum, sed praesertim Romanae Ecclesiae, ob commune jus, quod inter se quodammodo habere dicuntur, negotium tanquam videatur eodem Privilegio praedictae centenariae praescriptionis, qua illa fructur, & ipsi pariter fruuntur, & gaudent. Hujusmodi autem Beneficium quibuscumque Regularibus Mendicantibus, & non Mendicantibus collatum quoque existit per Privilegium Leonis X. Camaldulensium, & Vallisumbrosae Congregationi concessum, & ad omnes Regulares ab Apostolica Sede pluries extensum, &

communication, & quod expressè statuitur, contra illorum Monasteria, loca, bona, & personarum, tam in præteritum, quam in futurum, nulla curral præscriptio, nisi post lapsam sexaginta annorum, quod quidem tempus ab actu, seu contractu, vel quasi cursu exordium suum debere intelligitur. Et eo elapso, tunc quadraginta annorum præscriptionem incipiendam esse, idem Leo declaravit, quibus omnibus junctis continuatis, & computatis, centum annorum numerus constituitur, ita ut nonnisi illi lapsus (ut præfertur) contra eorundem Monachorum, & Regularium, & Mendicantium bona, loca, & personas à nemine in Judicio molestari possunt. Hucusque Confessè. Cum ergo centum annorum lapsus requiratur ad præscriptionem adversus Regularium Privilegia, quis non videt ferè moraliter impossibile, tam longum temporis tractum probare, & sic Regulares Jure Privilegorum suorum excludere, & quod in præscribentibus extiterint conditiones ad legitimam præscriptionem requisitæ?

1412 Adde hic primo, quod Pontifices Summi suo zelo erga Regulares, impediunt quancunque præscriptionem nedum hujusmodi centenariam (quæ moraliter probari nequit) cum ferè singuli, ut plurimum & ut visum est, Regularium Privilegia, confirmant, consequenter interruptant quancunque contra eadem Privilegia inceptam præscriptionem. Secundo, quod cum frequentius modus amittendi Privilegia inter Regulares, esse videatur non usus, seu contrarius usus, non obitante tamen tali non usu, seu contrario usu, possunt Regulares uti nihilominus suis Privilegiis, ex concessione Eugenii IV. Congregationi S. Justine Benedicthinorum: Habetur hujusmodi concessio, & Privilegium in Bullario Rodriguez Bulla XL Eugenii IV. quæ incipit: *Et si qualibet personas, in qua sic n. 19. fol. mibi 90. Quod si* quandoque contigerit per aliquem, aut plures actus contra hujusmodi, aut quancunque alia Privilegia, indulta, gratia, immunitates, & ordinationes præfatæ Congregationis concessa, aut ipsorum à quocunque cujuscunque conditionis, dignitatis, gradus, seu status existat, ex negligentia, vel ignorantia præsentium, vel futurorum quibus hæc conceduntur, aut alia quavis causa, propter quam fuerint aliter attentati, vel per tempore observatum ignoranter, vel scienter, nullum tamen præjudicium Decretis, Privilegiis, indultis, gratiis, immunitatibus, ordinationibus hujusmodi volumus generari: sed in suo vigore, & robore permanere. Non obstantibus, &c. Sic Summus Pontifex, ex qua concessione, & Privilegio apertissime

constat contra Regularium Privilegia, & exemptiones, nullo modo præscribi posse. Hoc idem Privilegium referunt idem Rodriguez tom. 3. 9.9. Regular. qu. 35. art. 3. Vers. Pro quo. Portell. In additione ad dubia Regul. Verbo Privilegii Declaratio n. 4. Pellig. in Man. to. 2. tract. 8. cap. 1. sect. 4. qu. 19. nu. 77. Diana Coord. to. 7. tract. 1. resol. 256. ex par. 3. tract. 2. resol. 88. ubi, hoc Privilegium esse valde notandum pro Regularium consolatione. Hoc idem Privilegium, & sub iisdem omnino verbis concedit pariter idemmet Eugenius IV. Bulla 9. quæ incipit, Regularum vitam agentibus num. 19. item apud Rodrig. in suo Bullario, fol. mibi 84. Ergo ex his Privilegiis frustraneum est adducere contra Regularium Privilegia præscriptionem, vel consuetudinem, ut magis infra. At

1413 Redeunt unde exivimus: Anno 1625. die 15. Octob. sub Sanctiss. Urb. VIII. In Litteris Apostolicis de mandato hujus Pontificis à Julio Sacchetti ejus, & Sedis Apostolicæ Legato à latere, apud Regem Hispaniæ emanatis (supra citatis apud Murgam) præcipitur Parochis in favorem Regularium sub penis, & censuris sibi, & Sedi Apostolicæ reservatis executio Declarationum Sacre Congregationis, quo ad corpora Defunctorum in Ecclesiis Regularium humaniorum: Quod videlicet Parochi possint eadem corpora, usque ad Ecclesias præfatas associare, & ibi etiam (si velint) permanere, non tamen cum Stola, neque decantare, aut aliam omnino functionem facere: Vide Murgam ubi supra.

1414 Sacra Congregatio Concilii Anno 1626. sæpè decrevit, ut sequitur: *Sacra Congregatio Cardinalium Concilii Tridentini interpretum sapienter censuit, quoties cadavera Defunctorum ad Ecclesias Fratrum Mendicantium deferuntur, Officia Mortuorum, ac reliqua, quæ in hujusmodi Ministerio adhiberi solent, non à Canonici, neque à Clero, sed à Fratribus ebri, & peragi debere. Cosm. Cardin. de Torres. P. Fagnanus. Et est impressa Rome in Typographia Camera Apostolicæ; ita refert ad litteram Peyrin. to. 3. Privilegiorum in Additament. ad Constitut. Julii II. cap. 3. nu. 19. Vers. No. to 9. Et ut pariter refert Portell. Responsionum Moral. to. 2. casu 66. n. 4. ex quodam Quinternione Declarationum D. D. Cardinalium, qui sequenti Anno 1627. missus fuit ad Nuncium Collectorem Hispaniæ, pro omnibus Religionibus, & eidem D. Collectori injunctum in omnibus Hispaniæ Regnis eundem publicari. In quo Quinternione impresso Martini dicto Anno 1626. fol. 34. in fine imponitur Parochio obligatio associandi*
Gggg Paro.

Parochianum suum Defunctum, usque ad Portas Ecclesiae Regularium, si apud ipsos elegit sepeliri. Eodem item Anno 1627, die 24. Novemb. Sacra Congreg. Episcop. & Regul. (apud Barbosam in Trident. sess. 25. de Reform. cap. 13. nu. 31.) in Turritana, Decrevit: Ut Clerus Secularis, postquam Christi fidelium cadavera in Fratrum Religiosorum Ecclesiis sepelienda associaverit, in eisdem Ecclesiis super eisdem cadaveribus Officium Defunctorum, Psalmos, Responsoria, aliasve Preces, vel Orationes recitare, aut psallere non possit, sed ab ipsis Fratribus, dumtaxat haec omnia peragenda esse.

1415 Sacra Rituum Congregatio in una Andriens. Anno 1629. die 18. Februar. & 2. Martii ejusdem anni (apud Barbosam l. c. nu. 33. in fine. Novarium in Lucerna Regul. Verbo Officium n. 11. Pasqualis, in Francum par. 1. nu. 1593.) Samuellicum tract. 1. de Sepulturis disp. 3. controversi. 1. n. 3. & alios; Decrevit Officium in tumultu cadaveribus, in Ecclesiis Regularium per eosdemmet fieri debere cum Clausula: Non obstante quavis contraria consuetudine, &c. Item die 23. Martii ejusdem Anni 1629. Sacra Romana Rota in una Veronensi Jurum Parochialium coram Eminentijs. D. Gardin. Virile, ita definitum fuit: Parochi intus Ecclesias unitas Monasterijs Regularium, non potest in funeribus Stolum deferre; & alias functiones exercere, nec in aliquo intra easdem Ecclesias se intromittere, &c. Vide Decisionem hanc per extensum relata in Tamburino de Jure Abb. to. 3. in fin. dec. 87. fol. mihi 399. Item eodem Anno 1629. die 8. Augusti in Salmonens. Sacra Rituum Congregatio, idem statuit, & cum eadem Clausula, apud Barbosam num. cit. 33. Tamburin. de Jure Abbatum to. 1. disp. 15. qu. 17. nu. 23. in fine. Pasqualis, in Francum par. 2. in Addit. ad qu. 68. n. 2. Samuellicum nu. 3. cit. & apud alios. Item Anno 1631. die 5. Julii eadem S. Congreg. In Andrian. idem decrevit, & cum eadem Clausula: Non obstante, &c. Barbosa de Poteft. Parochi par. 3. cap. 26. n. 82. Novarium n. c. 11. Pasqualis n. 2. c. Samuellicum n. c. 3. alique. Item Anno 1636. 19. Julii in una Toletana, relata à Prymo in calce Tomi 3. De Privilegijs, ubi refert Decem, & octo Decreta novissima Sacra Congregationis; & Decretum 9. est hujusmodi: Toletana. Sacra Rituum Congregatio in casu proposito (circa sepulturam in Ecclesiis Regularium:) Respondit, Non licere Curatis sepellire cadavera Defunctorum; nec Officia facere in Ecclesiis Regularium absq. expressa licentia Guardiani, aut Superioris Ecclesiarum ipsorum Regularium, non obstante con-

traria consuetudine die 19. Julii 1636. C. Episcopus Portuen. Card. Pius. Casar Fachennus Secret. ita l. c. fol. mihi 566. Et fol. seq. 567. Decreto 10. sic: Camerimensis. S. Rituum Congreg. supradictis dubijs, se respondendum censuit: Ad certum, Non à Canonico, nec alius, sed ab ipsis Regularibus in proprii eorum Ecclesiis, Officia super cadaveribus peragi debere. Die 21. Novemb. 1637. C. Episcopus Portuen. Cardin. Pius. C. Fachennus Secret. item eadem Sacra Congregat. idem decrevit die 27. Novemb. 1638. Et idem pariter decrevit S. Congregat. Concil. Trident. die 3. Decembris 1639. Et hęc duo Decreta inserta fuere in Decreto emanato ab Illustrissimo, & Reverendissimo D. Auditore Camerac. Apollipice 6. Junii 1640. circa cadaverum funera à Parochis, & Regularibus, ex Decretis Sacrae Congregationis observanda, in quo executioni mandari jubentur sub poenis, & censuris, in ipso, contra inobedientes designatis, & est sequentis tenoris, ut videre est apud Lezzan. in Summa 99. Regularium 10. 3. Verbo Defunctus. Bordon. ref. 51. n. 221. Samuellicum de Sepulturis tract. 1. contr. 1. conclusio. 1. à nu. 5. Candidum Bragnolum in speculo Clericorum tract. 4. cap. 15. ref. 2. & Pasqual. in Francum par. 1. n. 1595. 1416 Octavianus Reggus Proboscarius Apostolicus, &c. & Literarum Apostolicarum merus exequutor, &c.

Universis, & singulis RR. DD. Abbatibus, Prioribus, &c. Parochialium, & Collegiarum Ecclesiarum Rectoribus, seu Locumtenentibus eorum, Plebanis, Viceplebanis, Curatis, vel non Curatis, ceterisque Presbyteris, &c. ad quos presentes nostrae litterae pervenerint, seu quomodolibet presentabuntur salutem in Domino, & nostris hujusmodi, imò veris Apostolicis obediendi mandatis. Noveritis ex parte, & ad instantiam R. R. Fratrum Sancti Francisci Minoris, & Strictioris Observantiae, ac quorumcunque eorundem R. R. Fratrum Conventuum, in quibusvis Mundi partibus existentium, principalium instantium. Decretum nobis praesentatum fuisse sub infrascripto tenore videlicet.

Sacra Rituum Congregatio juxta alias resoluta respondit, Officium super cadaveribus in Ecclesiis Regularium spectare, & pertinere ad ipsos Regulares, non autem ad Curatos Defunctorum: & ita in posterum servari mandavit: Non obstante contraria consuetudine. Die 27. Novemb. 1638. C. Episcopus Portuen. Cardinal. Pius. Julius Cincius Secret. Nec non aliud Decretum Eminentijs. D. D. Cardinalium Concil. Trident. Interpretum de, & super Declaratione, quod Officia Defunctorum, & alia, quae in hujusmodi Ministerio adhiberi solent.

solent; Non à Canonici, neque à Clero, sed à Fratribus obiri, & peragi debeant, ad instantiam eorundem R. R. Fratrum pariter eductum. Die 3. Decemb. 1639. (Jo: B: Cardinal. Pamphilus. Franciscus Paulinus Secretarius,) & Nobis presentatus, &c. Nos igitur attendentes requisitionem hujusmodi fore justam, rationique consonam. Vobis omnibus, & singulis supradictis, & vestrum cuilibet in solidum tenore presentium committimus, & in virtute Sanctæ Obedientiæ, strictè præcipiendo mandamus, quatenus statim visis, seu receptis presentibus, & postquam vigore presentium fuerit requisitus seu alter vestrum fuerit requisitus ex parte Nostra, inò verius Apostolica auctoritate, nec non ad omnem instantiam, que vobis omnibus, & singulis supradictis, & vestrum cuilibet fiet ex parte cujusvis Conventus dictorum Fratrum moneatis, & requiratis primo, secundo, & tertio, & peremptorio termino, ac monitione Canonica, pro ut Nos etiam moneamus, & requiramus omnes, & singulos prædictos, & in executione presentium nominandos, & cognominandos, tam conjunctim, quam divisim, & alias omni meliori modo, quatenus infra sex dierum spatium, quorum duos pro primo, duos pro secundo, & reliquos duos pro tertio ultimo, & peremptorio termino, ac monitione Canonica assignamus, & vos assignetis eisdem sub mille ducatorum auri in auro Rom. Camere Apostolicæ applicat. & pro illi mandati executivi suspensionis à Divinis, privationis Beneficiorum, inhabilitatis ad illa, & alia in posterum obtinenda; ac in juris subsidium, quatenus opus esset Excommunicationis, aliisque Ecclesiasticis sententiis, censuris, & penis, si secus, &c. debeant, & cuilibet vestrum debeat præinsertis Decretis in omnibus, & per omnia obtemperare, dictaq; præinserta Decreta fore, & esse exequenda, debiteque executioni demandanda, ipsiq; in Juris subsidium excommunicandos, & declarandos fore, & esse ob non partionem illorum, ac nisi illi paruerint, declarari vidisse; ac de omnibus damnis, expensis, & interesse premissorum occasione quomodolibet passis, & factis, & in futurum forsan faciendis, & patiendis integre satisfecisse, & in illis se condemnare vidisse, & quascunque sententias etiam Decreta, seu mandata in premissis necessaria, & opportuna, aliasque de jure quomodolibet requisita fieri, fieri, & decerni, & relaxari vidisse, & audivisse ad favorem prefatorum R. R. Instantium deducendum in premissis omne jus, omnique remedium prædicto, & omni alio meliori modo, sibique, jus, & justitiam ministrari potentium, ac nobiliter Officium Judicis, & Beneficium juris implorantium, non solum premissis, verum etiam omni alio meliori modo, &c. Et insuper inibitatis

eisdem, pro ut Nos tenore presentium inibitemus, & inibendo expressè precipimus, & mandamus, ne visis, & receptis presentibus, sub penis, & censuris antedictis audeant, seu presumant, aut aliquis ipsorum audeat, seu presumat quicquam contra formam præinsertorum Decretorum innovare, seu attentare, aut innovari facere, sub quovis pretextu, causa, ingenio, vel quovis colore, quod si secus factum fuerit, id totum revocare, & in pristinum statum reducere curabimus justitia mediante, &c. Datum Romæ ex Aedibus nostris Anno Domini 1640. Indictione octava, die vero sexta Mensis Junii, Pontificat. auctem Sanctissimi in Christo Patris, & D. N. D. Urbani Divina Providentia Papæ VIII. Anno ejus XVII. Cesar. Angelus Locutus. Locus ✕ Sigilli.

1417 Decretum aliud emanavit à S. Rituum Congreg. sub die 24. Julii 1641. pro Augustinianis; idem confirmans, de quo infra in Brevis referendo Innocentii XI. Aliud item simile Decretum ab eadem S. Rituum Congregat. emanavit sub die 11. Novemb. ejusdem Anni 1641. Nam in Firmana, ipsa respondit: Officium facere super cadaveribus in Ecclesiis Regularium ad ipsos Regulares spectare, & pertinere, non obstante contraria consuetudine. Et ita omnino in casu proprio in Civitate Firmi servare mandavit, die, & Anno, ut supra. Pignatellus to. 3. consul. 48. n. 4. & idem iterum ab eadem Sacra Rituum Congreg. statutum est die 31. Maii 1642. apud eundem Pignatellum consilio citat. nu. 3. referentem præterea nu. 19. sententiam Auditorii Camere latam die 6. Martii 1646. sequentis tenoris.

Christi Nomine, &c. In causa, & causis, que coram nobis primo, & in prima inter Reverendiss. Abbatem, & Monachos S. Mariæ Casensæ Congregationis Cassinensis ex una, & R. D. Hyppolitem Aldinum Curatum Ecclesiæ S. Petri diocesis Civitatis Casensæ de, & super ingressu dicti Curati in Ecclesiam S. Mariæ dictorum R. R. Abbatum, & Monachorum, ac decantatione Officii Mortuorum, rebusque aliis, &c. Dicimus, &c. dicto R. D. Hyppolito non licuisse, neque licere, quando corpora Defunctorum sue Parochiæ deferuntur ad Ecclesiam Sanctæ Mariæ Casensæ dictorum R. R. Abbatum, & Monachorum, in eam ingredi cum Stola, neque ibi Officium decantare, neque aliquas functiones exercere, sed omnia peragenda spectare, & pertinere ad eisdem Monachos privative, quo ad ipsum Curatum, &c. Ita pronuntiavit Ego Petrus Paulus Cabaletius Locumtenens Lecta, lata, &c. 1646. die 6. Martii.

1418 Sub Innocentio X. die 29. Augusti 1649. Sacra Congreg. (apud P. Ab Aferensium) Gggg 2 cap. 1.

cap. 1. division. 1. fol. 40.) idem stabiliv, ut etiam refertur infra in Bulla Alexandri VII. Et sub Alexandro VII. die 31. Augusti 1657. S. Congregat. Episcoporum & Regular. Decretum, Parochis in associatione, sine occasione associationis cadaverum: Non licere ingredi Ecclesias Regularium, sed teneri dimittere eadem cadavera ad Januam Ecclesiarum, ibique solum posse benedicere, & dare ultimum Vale, Officia vero, & alia munia, quæ in hujusmodi Ministeriis adhiberi solent, ab ipsi Regularibus peragi debere, &c. Hoc Decretum confirmat idem Pontifex per suum Breve speciale (ut notat etiam idem Ab Assens. l. c.) & ubique invariabiliter præcipit observari, & recitatur etiam in Bulla Clementis X. de qua infra.

1419 In Bulla Alexandri VII. sub die 20. Aprilis 1660. quæ incipit, Pro parte dilecti Filii Antonii Francisci, &c. Procurator Provinc. Sancti Saturnini Ordinis Fratrum Minorum Sancti Francisci de Sardinia Congregationi S. R. E. Cardinal. negotiis, & consultationibus Episcoporum & Regular. præpositæ exposito: Quod dilecti pariter filii Canonici, & Beneficiati Metropolitanæ Ecclesiæ Claritanæ, die 11. Augusti 1659. Convenerunt Sancti Muri violenter ingressi fuerint, ad associandum in illa Ecclesia contra Decreta diversarum Congregationum ejusdem Sanctæ Romanæ Ecclesiæ Cardin. tenoris, qui sequitur, videlicet.

Sacra Rituum Congregatio juxta aliis resoluta respondit, Officium super cadaveribus in Ecclesiis Regularium spectare, & pertinere ad ipsos Regulares, non autem ad Curatos Defunctorum, & ita in posterum servari mandavit, non obstante contraria consuetudine 27. Novembris 1638. C. Episcop. Portuens. Cardin. Pius. Julius Cincius Secret. Nec non Sacra Congreg. Eminentiss. Cardin. Concil. Trident. Interpretum censuit, quoties cadavera Defunctorum ad Ecclesias Fratrum Mendicantium deferuntur, Officium Mortuorum, & reliqua, quæ in hujusmodi Ministerio adhiberi solent, non à Canonici, neque à Clero, sed à Fratribus obiri, & peragi debere. Cardin. Franciscus. Paulutus Secret. Nec non Sacra Rituum Congregat. Juxta aliis resoluta respondit, electionem, & numerum Religiosorum pro associandi cadaveribus ad libitum heredes Defunctorum spectare, & pertinere, & ita ubique servari debere, declaravit 14. Januarii 1630. P. Cardin. Crescentius. Julius Cincius Secretarius. Quodque in observantiam Decretorum præinsertorum, & litterarum Apostolicarum 29. Augusti 1649. emanatarum. Fratres Ecclesiæ Sanctæ Mariæ Jesu mulieris permittit, ut Capitulum prædictæ Ecclesiæ Claritanæ, dictam Ecclesiam S. Mariæ

Jesu ingrederetur; ipsum verò Capitulum, & Beneficiati cadaver quoddam inde arripuerant, & ad Ecclesiam Sanctæ Eulaliæ tulerant: & in eadem expositione subinstito, quod præfata, Decreti præinserti adversentur. Ideoque primo dictæ Cardin. Congreg. supplicato, ut decerneret, cadaver hujusmodi restitui, & dicta Decreta observari, &c. Sacra Congregat. Eminen. Sanctæ Romanæ Ecclesiæ Cardin. Negotiis, & consultationibus Episcop. & Regular. præpositæ; attentis narratis, reque partibus, tam verbo, quam scripto injermantibus auditis, Eminentiss. Sanctissimus referente diligenter, ac maturè examinata, & discussa censuit, cadaver, de quo agitur, restituendum esse, pro ut una cum funerali pompa restitui mandat, & præcipit Ecclesiæ S. Mariæ Jesu Fratrum Minorum de Observant. S. Francisci. Nec Capitulo, & Clero Metropolitanæ Ecclesiæ Claritanæ. Funeralia in dicta Ecclesia Sanctæ Mariæ, neque in Sancti Muri coramdem Fratrum curcere, & celebrare super Defunctorum ibidem sepelenda cadavera licere, &c. Ita declaravit, pro ut præfatum tenore declarat, & decernit, in contrarium allatis minime obstantibus. Romæ 12. Martii 1660. M. Cardin. Ginettus. Decret. præinsertum 12. Martii proxime præteriti emanatum Auctor. Apostolica tenore presentium confirmamus, & approbamus, illique inviolabilis Apostolicæ firmitatis robur adiciamus. Decernentes easdem presentes litteras semper firmas, validas, & effectus existere, & fore, ac suos plenarios, & integros effectus sortiri, sicque in præmissis per quoscunque Judices ordinarios, & delegatos, etiam causarum Palat. Apostolicæ Auditores judicari, & definiri debere, ac irritum, & inane, si secus super his à quocumque, quavis auctoritate, scienter, vel ignoranter contigerit attentari. Datum in Arcæ Gandulphi Alban. Diocesi. 10. April. 1660. apud e. Ab Assensione l. c. & Lantusca in Theatro Regul. Verb. Exequiæ, quo ad Officia præstanda n. 10. Addeus n. 12.

1420. Adest, & aliud Decretum ejusdem S. Congregationis 10. Junii 1661. una cum Monitorio Auditoris Camera, & sententia excommunicationis contra Parochum, & Vice Curatum Loci de Pergine Feltren. Diocesi, ob non partitionem Decretorum pertinentium ad separatam, in favorem Fratrum Reformatorum Sancti Francisci, pro ut in Regulo Sacre Congregat. Regul. fol. mibi 361. Et hic obiter deduc ex relatis n. anteced. intentionem Sacre Congregat. Regularium eam esse, ut non solum cadaver Defunctorum, qui sibi sepulturam elegerunt in Ecclesiis Regularium, in eisdem sepeliantur, sed etiam, quod casu quo alibi sepeliantur, restituantur dictis Eccle-

Ecclesiis, pro ut contat in facto, ex Decreto Sacra Congr. n. antec. allato: Specialiter etiam idem notat *Legg. in Sum. 16. 3. Verbo Defunctus in fine nu. 8. ex Declaratione ejusdem S. Cong. 1. Martii 1641. in qua similiter declaravit (testatur idem Legg.)* quod in casu quo cadaver sit ita corruptum, ut non possit ab aliis discerni, & transferri ad Ecclesiam, in qua sepultura electa erat, quod Parochus faciat Decretum per quod declaret, non propterea præjudicatum fuisse Juri sepulture, & aliis rationibus dictorum Regularium. Hac de re, vide *Samuelium de sepulchris tract. 1. disp. 1. contr. 1. concl. 3. n. 4. & disp. 3. contr. 1. concl. 1. n. 22. & 23. ubi refert. Quod Sacra Congr. Episcoporum & Regular. Defunctum quandam, præter illius voluntatem, non sine violentia in quadam Ecclesia Cathedrali tumultum, transferri præcepit ad illam Ecclesiam, ubi sepulturam sibi elegerat 21. Julii 1607. Et 22. Februarii 1641. eadem S. Congr. ordinavit, ut Episcopus Placentinus restitui faceret à Parocho quadam fuz Diocesis, Patribus Minorib. Cadaver cuiusdam Puellæ, cui Pater ejus elegerat sepulturam in ipso rum Ecclesia, cum omnibus emolumentis funeralium, & funeris elemosinis, &c.*

1421 Tria insuper hic ex præced. cit. nu. obiter advertenda sunt: Primò; verba illa, contra Decreta diversarum Congr. Sanctæ Romanæ Ecclesiæ Cardinalium violentè ingressi sunt Ecclesiam Fratrum, &c. Si violentè, ergo illicitè, contra justitiam, injuriosè, nec absque gravi peccato, &c. Secundò, verba illa, *Partibus tam verbo, quam scripto informantibus auditis, &c.* quæ ostendunt Parochorum fundamenta, absque pondere, & frivolâ esse omnino, Summo Ecclesiæ Tribunali nota, audita maturè, & nihilominus rejecta, ac reprobata, dum iisdem non obstantibus, decernit non licere Parochis ingredi Ecclesias Regularium, & in eisdem super Defunctum Exequias facere, Psalmos recitare, &c. Terrio, illa verba. *Et ita in posterum servari præcepit, & ita ubique servari debere declaravit*, quæ utique faciunt præceptum, & apertè indicant hanc eandem esse legem præceptivam, ut ex verbis ipsius constat, & si lex præceptiva, extra omne dubium graviter obligans.

1422 Clemens X. 1671. die 18. Januarii, in Bulla (quam refert P. Ab Ascensione cap. 1. Dissert. pr. fol. mibi 45.) sic Nuper pro parte dilecti Filii Procuratoris Generalis Ordinis Fratrum Minorum Sancti Francisci de Observantia municipalium, Congregationi Ven. Fratrum Nostrorum Sanctæ Romanæ Ecclesiæ Car-

dinalium. Negotiis, & consultationibus Episcoporum. & Regular. præposita exposito, quod eadem Sacra Congr. die 16. Decembris 1661. super controversiis, quæ inter Parochos Civitatis Placentiæ, & Monachos Monasterii S. Sixti Congr. Cassinensis Ordinis S. Benedicti, occasione funarum crani exorta. Inter alia decreverat, servanda esse Decreta, & Declarationes factas, scilicet: Parochis in associatione, seu occasione associationis cadaverum, non licere ingredi Ecclesiam Monachorum prædictorum, sed teneri dimittere eadem cadavera ad Januam Ecclesiæ, ibique solum posse benedicere, & dare ultimum Vale. Officia verò, & munia, quæ in hujusmodi adhiberi solent, ab ipsi Monachi peragere debere, non autem à Parochis, atque ita in præmissis omnibus deinceps fieri, & executioni mandari præceperat. Et in eadem expositione subiuncto, quod eadem rationes militarent ad favorem dicti Ordinis Minorum Sancti Francisci de Observantia. Ideoque Sacra Congr. Sanctæ Romanæ Ecclesiæ Cardinal. negotiis, & consultationibus Episcoporum. & Regular. præposita: Censuit Fratribus dandam esse infra scriptam declarationem, aliâ editam. Nempe, Parochis in associatione, seu occasione associationis cadaverum non licere ingredi Ecclesias Regularium, sed teneri dimittere eadem cadavera ad Januam Ecclesiarum, ibique solum posse benedicere, & dare ultimum Vale. Officia verò, & alia munia, quæ in hujusmodi Ministeriis adhiberi solent, ab ipsi Regularibus peragere debere, non autem à Parochis, atque ita in præmissis omnino deinceps fieri, & exequi presentium vigore mandat, & præcipit, contrariis quibuscunque non obstantibus, &c. Datum Romæ. P. M. Cardinal. Branciatius.

1671 27. Novembris. Nos Decretum præinsertum auctoritate Apostolica tenore presentium approbamus, & confirmamus, illique inviolabili Apostolicæ firmitatis robur adimus, salva tamen semper in præmissis Auctor. præfate Congr. Cardinalium, decernentes eandem præsentis litteræ semper firmas, validas, & efficaces existere, & fore, suosque plenariis, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari, & ab eis respectivè inviolabiliter observari, sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & desiniri debere, ac irritum, & inane, si secus super his à quocunque, quavis auctoritate, scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ceterisque contrariis quibuscunque. Dat. Romæ apud S. Mariam Majorem sub Annulo Piscat. 18. Januarii 1671. I. G. Slujus.

1423 Aliud Breve sub die 10. Januarii 1672. refert idem. *Ab Ascens. l. cit. fol. 48.* ejusdem ferè tenoris; incipit: *Alias pro parte.* In quo S. Congregat. Declarationes duas recenlet: Primam die 31. Augusti 1653. Secundam 27. Novembris 1671. quæ sic habent: *Sacra Congregat. censuit Parochos in associatione, sive occasione associationis cadaverum, non licere ingredi Ecclesiam Regularium, &c. iisdem verbis iterum confirmavit, ut supra, in alia Bulla. In Anal. Privilegior. Coloniae impressi Anno 1672. pag. 101. extat & aliud à S. Rituum Congreg. Decretum, emanatum sub die 4. Martii 1673. quod idem roborat, relatum in sequenti Brevi Sanctissimi Innocentii XI. A qua item Sacra Congreg. emanavit pariter Decretum aliud, sub die 27. Januarii 1680. quod servari mandavit, ut refertur in Brevi sequenti Innocentii XI. ~ 1424 Die 11. Martii Anno 1680. In Bulla, quæ incipit: *Emanavit nuper à S. Congregat. Ven. Fratrum Nostr. S. R. E. Cardin. Rùibus Præpositorum ad supplicationem dilecti Filii Caroli Felicis à Sancta Teresia Procurat. Generalis Congregat. Italie Patrum Ordinis B. Marie de Monte Carmelo Discalceatorum nuncupatorum, Decretum tenoris, qui sequitur, videlicet. Sacra Rituum Congregat. ad preces P. Fr. Caroli Felicis à Sancta Teresia Procurat. Generalis Carmelitar. Discalceator. Congregat. Italie, portat per Eminentissi. & Reverend. D. Cardin. Alterum inherendo Brevi felic. record. Urbani VIII. sub die 24. Julii 1642. & Decreto ejusdem Congreg. emanato die 4. Martii 1673. ad favorem Fratrum Discalceatorum Ordinis Eremitarum S. Augustini, gratiam benignè extendendo concessit, ut in posterum corpora Defunctorum, quæ in Ecclesiis Regul. Ordinis Carmelitarum Discalceatorum Congregat. Italie sepulturam ibi elegerunt, non esse prius ad Ecclesiam Parochialem deferenda, sed Parochos teneri cadavera suorum Parochianorum levare à loco, ubi asservantur, & associare, usque ad Portam Ecclesie præfatorum Regularium, etiam ipsi Regularibus non associantibus, nec Parochos se ingerere posse in faciendo super ipsæ cadaveribus Officium in Ecclesiis præfatorum Regularium, sed ad ipsos Regulares in propria Ecclesia spectare, & pertinere. Et ita in omnibus, & singulis Contentibus præfatorum Regularium Carmelitarum Discalceator. Congreg. Italie, ubique existentibus servari mandavit, quibuscunque. Decretis ejusdem S. Congreg. & alin in similibus editis in contrarium non obstantibus. Hac die 27. Januarii 1680. Cæsar Card. Fachsenettus loco & Signi. Bernardinus Casalius S. Rituum Congreg. Secr. Cum eptem fecit abbas Carolus Felix. Procurator Generalis No-**

bii subinde exponi fecit, ipse Decretum huiusmodi, quo firmius subsistat, & servetur exactius Apostolicæ confirmationis Nostræ patrocinio communi summopere desideret. Nos, &c. Decretum præinsertum Auct. Apostolica tenore præsentium approbamus, & confirmamus, illique, inviolabili Apostolica firmitatis robore adiungimus, &c. Decernentes easdem præsent. litteras semper firmas, validas, & efficaces existere, & fore, suasque plenarias, et integros effectus sortiri, et obtinere, ac illis, ad quos spectat, et pro tempore spectabit plenissime suffragari, et ab eis respectivè, inviolabiliter observari, sicque in præmissis per quoscunque Iudices ordinarios, et delegatos, etiam causarum Palatii Apostolicæ Auditores judicari, et definiri debere, ac irritum, et inane, si secus super his à quocunque quavis auctoritate, scienter, vel ignoranter contigerit attentari. Non obstantibus Constitutionibus, et Ordinationibus Apostolicis, ceterisque contrariis quibuscunque. ~ Volumus autem, ut præsentium litterarum transcriptum, seu exemplum etiam impressum, manu alicujus Notarii publici subscriptis, et sigill. personæ in Ecclesiastica dignitate Constitutæ eadem fides adhibeatur, quæ ipsi adhiberetur, si essent exhibitæ, vel ostensæ, &c. Habetur Originale authenticum (teste eodem P. Ab Ascensione. l. c. fol. 54.) in Concursu Carmelitarum Discalceator. Mediolani, Bononiæ, et alibi.

1425 Igitur ex his omnibus, hætenus speciali cum applicatione, & labore, ac annorum, & temporum serie successivè, ab Anno 1258. usque ad Annum 1680. proprio naturali ordine fideliter recitatis, nonnè evidentissimè constat, extare adversus R. R. Parochos in favorem Regularium, clara jura, Summorum Pontificum certissima antiquissima Privilegia; Sacrarum Congregationum innumera Decreta, quibus sub penis gravibus, & Censuris, consequenter sub mortali, eisdem strictim præcipitur, & præcipiendo mandatur, se penitus abstinere ab ingressu in Ecclesias Regularium cum Stola, Cruce elevata, &c. occasione associationis funerum propriorum Parochianorum, & à recitatione in eisdem Ecclesiis Psalmorum, &c. super eadem cadavera, pro ut in quæsto 7. Utique hæc extare adversus R. R. Parochos evidentissimè constat, nec ullum hucusque ab ipsis potuit allegari Pontificium, aut Sacrarum Congregationum Decretum, aut Judicium, derogans Regularium Privilegiis, ut oportet, liberansque eos à tali inhibitione. Non potuit unquam allegari, quia verè non extat; & si extat, producatur, & videatur. Modo sic: Summus Pontifex venit et,

ae legitimus Parochorum Superior, cui utique illi, legitimè præcipienti tenentur obedire, aliter non obediendo sibi ipsis damnationem acquirunt; nam ut ait *D. Paulus ad Rom. cap. 13. Qui resistunt Potestati, Dei ordinationi resistunt, et ipsi sibi damnationem acquirunt.* At idem Summus Pontifex præcipit Parochis, & Clero Sæculari expresse, & absolute Regularium Ecclesias non ingredi, Officia super cadaveribus in eisdem non peragere, nec Regularium jurisdictionem, in hoc aliquo modo turbare, sub excommunicatione, aliisque gravissimis penis: Ergo hoc totum tenentur Parochi ad litteram exequi, & Summo Pontifici omnino parere. Ad hujusmodi argumentum, quod effugium? Nam major propositio est *D. Pauli*, minor constat ex authenticè relatis, à propriisque fontibus desumptis, & transcriptis, consequentia verò necessariò sequitur: Unde, quod inquam hic effugium? Fortasse recurrant RR. Parochi ad præscriptionem, ad consuetudinem, ad solitum, ad hoc esse vanum, præterquam quod clarè ex supra relatis deduci potest, magis patebit inferius.

1426 Exhaustis ergo tandem, & ad abundantiam, duobus primis vivis fontibus, & capitibus, à quibus certa eruitur, emanante veritas nostræ datæ responsionis ad superius propositum quaesitum, accedo ad tertium, videlicet ad Doctorum Auctoritatem, quæ ut *Barbosa de Locis communib. loco 12. n. 1.* validum est argumentum, *leg. Antiqui, ff. Si pars heredes. cap. Cum haberet, de eo, qui duxit in Matrimon. cap. Omne Principes, de majoritat. & obedient. cap. Significasti, il 2. Everard. in topicis legal. loco 48. Petr. Andr. Genovar. in Dialectica legal. lib. 2. loco ab auctoritate. Menochius conf. 9. n. 8. & conf. 18. n. 7. & 13. & conf. 33. n. 17. Sim. de Prestit. conf. 113. n. 17. lib. 1. Gregor. Everard. conf. 27. nu. 13. vol. 2. Jacobus Valdes. de dignitate Regum, Regnorumque Hispania, cap. 2. nu. 1. Valenzuel. conf. 102. n. 14. to. 2. omnes citati à *Barbosa n. cit. 1.* Unde: Ab Auctoritate Aristotelis, seu alterius Magni Viri, valet argumentum, *leg. Si pater, ff. de solut. leg. Septimo Mense, ff. de stat. homin. Bartol. in sua qu. 7. incip. Mulier habens, Vers. contra quod. Card. Tusch. præf. concl. tom. 1. list. A, conclus. 590. n. 1. & 2. Barbosa l. c. n. 2.* Quando Auctoritas Magnorum Virorum non est contra legem (quia tunc non attenditur) uti non est in casu nostro, in quo Auctoritas est pro sustinenda lege. Et ab Auctoritate Majorum nedum est probabile, sed necessarium argumentum, & illi standum, ex*

vi rationis, quæ necessarium concludit. *Bark. in leg. 1. sub n. 21. ff. si cert. per. Magdalen. de numero testium in testam. requisit. p. 1. cap. 16. n. 12. cum seqq. Barbosa l. c. n. 3.* Auctoritas autem, & sententia Doctorum omnium communissima est, non posse Parochos in Ecclesias Regularium occasione associationis cadaverum suorum Parochianorum, cum Stola, & Cruce elevata ingredi, Officia, Psalm. aut Responsoria recitando, aut in aliquo se intromittendo, &c. Ergo ab hac communissima Doctissimorum Virorum Auctoritate, & sententia (uti validissimo argumento) verum nostrum supra datum responsum. Consequentia hæc sequitur: antecedens assumptum, probatur recensendo Doctores, si non omnes (quia omnes colligere non vacat) saltem plures, & majores, suntque Eminenti. *Cardin. Lauria in Epitom. Canon. Verbo Exequie, & Verbo Regulares circa Parochos, & Parochianos. Illustrissimus, & Eruditissimus Episcopus Augustin. Barbosa (Doctor Sæcularis) in Trident. Concil. sess. 25. de Reformat. cap. 13. n. 32. & 33. De Officio, & Potest. Parochi part. 3. cap. 26. num. 80. 81. 82, & in Collect. Bullar. Verbo Funerale. Paulus Maria. Quartus præter Episcopum (ex Nostris Clericis Regularibus Theatinis assumptus) de Processionibus, Titul. de Processione Funerali puncta 5. quest. 3. num. 1. Antonius à Spiritu Sancto item Episcopus (ex Carmelitibus Discalceatis assumptus) in Director. Regular. par. 1. tract. 2. disput. 3. sect. 4. §. 2. n. 128. Marcus Antonius Genuesis (item Episcopus) in Praxi Curie Archiepiscopalis Neapolitane. cap. 61. nu. 13. Casarub. in Compendium Privilegiorum, Verbo sepelitis, & sepelire nu. 4. Pasqualius. in Francum par. 1. n. 1591. & par. 2. qu. 68. n. 1. 2. & 3. ubi: Quod, & quomodo in quæ assertatur, quod si adus consuetudo in contrarium servanda est, oppositum tamen est tenendum per Declarationem Sacre Rituum Congregationis, quæ ita in posterum servari mandavit, non obstante contraria consuetudine. Die 27. Novembris 1638. C. Episcopus Portuens. Cardinal. Pius. Julius Cintius Secretarius.) Gavantus in Manual. Episcoporum. Verbo Exequie n. 26. & in Additione n. 16. Tambur. de Jure Abbatum tom. 1. disput. 15. qu. 17. nu. 21. 22. 23. & in Calce tom. 3. decis. 87. Collegium Salmantic. Carmelitarum Discalceat. in Cursu Moral. to. 4. tract. 18. cap. 3. punct. 6. n. 211. pag. mibi 301. ubi: Officium super cadavera tumulanda in Regularium Ecclesias, omnino debere fieri ab ipsis Regularibus, vel ab aliis de eorum consensu, non à Paroco, non à Canonico, non obstante quacunque consuetudine etiam immemorabili in contrarium, ut declara-*

vit *Sacra Congregatio in Sulmonensi* 8. Augusti 1619. Et quae dicta sunt de Regularibus in materia funeralium, etiam de Monialibus exemptis intelligenda sunt nu. 12. Petrus de Murga de *Jure*, & Polet. Parochi par. 3. qu. 7. n. 6. Gratianus (Doct. Sæcularis) disceptatione 298. n. 84. Moronus responso 51. n. 28. Franciscus Gespardi Theatinus, de Exemptione Regularium cap. 12. Titul. Quo ad sepulturam dub. 229. n. 25. Joann. Maria Novarius (Doct. Sæcularis) in Lucerna Regularium, Verbo Officium n. 12. Pellegzar. in Man. Regul. to. 2. tract. 8. cap. 5. sect. 4. subsect. 2. qu. 8. n. 154. Bellasus in Prosopæario Regul. Verbo Defunctus n. 10. Canalius Bragnolus in Speculo Clericorum tract. 4. cap. 15. resol. 2. Erasmus à Chokier (Doct. Sæcularis) de Jurisdictione Ordinariorum in Exemptis to. 2. par. 2. qu. 123. n. 50. fol. 339. Peyrin. to. 3. Privilegior. in Additament. Ad Constitution. Julii II. cap. 3. nu. 19. Vers. Noto 9. & in calce ejusdem to. 3. Decreto 9. & 10. Portel. Responsionum Moralium to. 2. casu 66. n. 4. Bordon. resol. 51. n. 213. Peregrinus in Compend. Privilegior. Theatinor. Verbo Sepultura in Sepulchro, in princip. Vers. Quoties cadavera. Legzani in Summ. qq. Regular. to. 2. cap. 1. n. 47. & to. 3. Verbo Defunctus n. 6. & Verbo Sepultura quo ad Regulares nu. 18. ad finem. Rodrig. to. 3. qq. Regular. qu. 58. art. 4. Antonius Via in Compend. Privileg. S. Hieronymi de Pisis, Verbo Sepultura, & Verbo Missa. Angelus de Lantusa in Theatro Regularium, Verbo Exequiis (quo ad Officia præstanda) n. 9. & 10. Samuelius de Sepulturis tract. 1. disp. 3. controuv. 1. conclus. 1. à n. 1. & alibi. Jacobus Mancinus in sua Praxi visitandi Infirmos, in Tractatu addito, qui est de Infirmis in ordine ad sepulturam, dub. 5. fol. mibi 513. Analesta Privilegiorum impressi. Colon. 1672. Sacra Rota coram Virile apud Tambur. in calce tertii Tomi, decis. 87. cit. & alibi pluries. P. Ab Ascensione in suo recentissimo tract. per totum, & alibi, imò quotquot super hac controversia scripsere, cum nulum adhuc legerim contrarium sensitse, pro Parochis videlicet, adversus Regulares, uno tamen tantummodo excepto, qui verè utique apud me unicus est, ac singularis, & cum lingulari admodum mea admiratione, eo magis quia Doct. est eruditissimus. Sæcularis tamen

1427 Is est, doctissimus Jacobus Pignatellus, qui to. 3. Consultationum Canonicarum secund. Edit. Venet. Consult. 48. (incipit: Mors ipsa, quæ omnium controversiarum finis est, nunquam sine controversia) ponit sequentem conclusionem: Tenendum est, licere Parochis ingredi Ecclesiam Regularium cum Cruce, super

pellicro, & Stola, occasione associationis funeralium, ac ibi super cadavere sui Defuncti Parochiani Officium peragere; ita numero vigesimo. Hujusmodi conclusio, & propositio, ex diametro opponitur nostræ responsioni, ut constat, sed parum hoc, imò nihil refert; maximum tamen, & totum est, ipsamet ex diametro oppositam esse (ut patet ex supra relatis) Summorum Pontificum pluribus, & expressis Privilegiis, quibus concedant Regularibus, ne Parochi cum Stola, & Cruce ingrediantur eorum Ecclesias, nec in aliquo se intromittant circa funeralia: suisque Sanctissimis Præceptis, ac inhibitionibus sub penis gravissimis, atque Censuris (& sub lethali reatu consequenter) auferunt à Parochis omnem potestatem (quantumvis minimam) exercendi actum quemcumque, vel minimum jurisdictionalem, & se ingerendi circa funeralia in Ecclesiis Regularium; qua jurisdictionis potestate, omnimodè à Parochis ablata (ut certissimum est, quod ablata est) vel dicendum, licere non exequi Sanctissima, & Justissima SS. Pontificum Decreta, præceptiva, & hoc esset apertissimus error, nec admittendus à Pignatello, ut ferè credo: Vel contra ipsum: Tenendum est, non licere Parochis ingredi Ecclesias Regularium cum Cruce, superpellicro, & Stola occasione funeralium, ac ibi super cadavere sui Defuncti Parochiani Officium peragere; Ecce omnino, & absolute tenendum inquam est, quia per supra relata Summorum Pontificum authentica Privilegia, & Decreta, imperatur Parochis sub allatis Censuris, & sub culpa mortali, ne occasione associationis cadaverum in Ecclesiis Regularium cum Stola, &c. intrent, ergo si per Pignatellum, adhuc licet Parochis in eas ingredi, & alia ibi peragere, quæ eisdem à Summis Pontificibus, ita rigide, & strictim prohibentur, hujusmodi prohibitio, & inhibito, ac si vim ullam haberet, ac si Summis Pontificibus (ab Ecclesiasticis maxime) parendum non esset, illuditur, & aperte irridetur; vel in alium sensum, ac prohibitio ipsa, & Privilegium sonat, extorquetur; quod expressè prohibetur in Litteris Greg. XIII. per Hieronymum Mattheum Auditorem Camere Apostolicæ, relatis à Consilio in Collectione Privilegior. Mendicant. In Litteris Greg. XIII. §. 10. fol. mibi 211. ut sequitur. Dicta indulta, Privilegia, & concessionis, ac confirmationes Apostolicas in reprobum, & alias, quam sonant, & disponunt sensum, retorquentes, ac novas declarationes, & commenta, contra illorum tenorem desuper confingentes, etc. Privilegium

legium enim interpretari, nunquam ita debet, ut illudatur, & inutile evadat, ridiculum, superfluum, ac frustratorium (ut accideret admissio *Disso Pignatello*) aut quod nihil concedat, nec operetur: quia de ratione Privilegii est, ut aliquem effectum habeat in Privilegiato, ut expresse sumitur ex Cap. *In his de Privileg. & Cap. Si Papa*, eodem titul. in 6. ibi: *Cum verba aliquid operari debeant.* Sylvest. Verbo Privilegium qu. 3. Vers. Tertia conclusio. Suarez de Legib. lib. 8. cap. 27. n. 5. Salas de Legib. disp. 17. sec. 8. n. 46. ibi: *Restrictio Privilegii nunquam debet esse tanta, ut reddat illud inutile, quia voluntas iusta Principis nunquam debet frustrari, aut inefficax reddi, communiter Doctores, presertim Decius, Panormitan. &c. Merolla tom. 3. Tbro. Moral. disp. 6. cap. 6. de effectibus Privilegii dub. 1. n. 2. Lezzana to. 4. Summ. Verb. Privilegia Regularium n. 8. in fine. Antonius a Spiritu S. in Direct. Regular. par. 1. tract. 1. disp. 2. sec. 8. n. 157. Azorius par. 1. Institut. Moral. lib. 5. cap. 23. qu. 2. Vers. Item quando, & apud hunc, communis omnium sententia. Admissa autem Pignatelli opinione in favore Parochorum contra Regulares, redditur omnino inutile, & illusorium Privilegium istis concessum circa funeralia à S. S. Pontificibus, ut patet, sique per illud nil in re, & effectum concessum fuit in sententia huius Doctoris, Regularibus, quod est contra rationem, naturam, & essentiam Privilegii per citatos, & Doctores omnes.*

1428 Probat Pignatellus sententiam suam n. c. 20. sic: *In hanc sententiam movet jurisdictionem voluntaria, quam habet Parochus in suis Parochianos, ex qua potest Confessiones illorum, dum est extra Parochiam, imò etiam in aliena Dioecesi audire. Quia Parochus adhuc extra Dioecesim retinet suam jurisdictionem, quo ad suos Parochianos. Ergo etiam potest Officium super illorum cadavera peragere in Ecclesiis Regularium, etiam si Ecclesie sint de aliena jurisdictione (& comparentur loco extra Dioecesim) cum hoc non impediatur, sicut non impedit Confessiones audire, atque absolvere, quando sunt in aliena Dioecesi. Parochus enim (addit n. 22.) habet jurisdictionem in suam Parochiam, & subditum in ordine ad sui bonum spirituale, Quia Vices Christi gerit, qua jurisdictione non circumscribitur loco, sicut nec jurisdictione Christi circumscribitur, in eo enim loco in quo potest principalis exercere jurisdictionem, potest etiam Vicarius ipsius. Addit secundo n. 23. Non esse Monasteria, & Ecclesias Regularium loca plene exempta, etiam ratione sui, sed solum ratione personarum, & quod communis usus, ita videtur accipere exemptionem Monasteriorum, &*

Ecclesiarum Regularium. Et patet ex eo, quod, Episcopus curere potest aliquos actus jurisdictionis in Ecclesiis Regularium. Potest enim in illis erigere Baldachinum. Ergo etiam poterit Parochus peragere Officium super cadavera sui Parochiani defuncti in Ecclesia Regularium, que ratione sui non est exempta. Hactenus Pignatellus. Cui

1429 Dico primo: Si ipsius adductum argumentum, & principium assumptum pro tuenda sua singulari sententia valeret (quod non, cum nullius sit ponderis, ut infra) probaret etiam Regulares Confessarios ab Ordinario approbatos excipere posse Sæcularium Confessiones in Ecclesiis etiam Parochialibus, quæ sunt de Dioecesi, pro qua sunt approbati, ibique exercere munus Confessionis, absque Parochorum licentia, imò ipsis invitis (quamvis ex equitate quadam, pro bono pacis, ad vitanda jurgia, & scandala, expediens esset petere à Parochis talem licentiam, de jure tamen non videtur, nec videretur necessaria.) Probatur hæc sequela, quia si Parochi etiam extra Dioecesim retinent suam jurisdictionem, quo ad suos Parochianos, ergo, & Regulares Confessarii multo magis retinent suam, in quocumque loco Dioecesis, pro qua sunt approbati, cum sint approbati pro tota Dioecesi, ut constat, poterunt igitur eam jurisdictionem exercere intra eandem Dioecesim, etiam in Ecclesia aliena, & Parochiali, cum hoc non impediatur, sicut non impedit Parochus per Pignatellum, quando sunt in aliena Dioecesi. Neque opponi potest, quod sic fiat injuria Parocho, & perturbetur ejus jurisdictione. Quia cum audire Confessiones, & absolvere, sit actus jurisdictionis voluntariæ (si quidem causa non agitur inter partes, nec cum strepitu) non infertur aliquod præjudicium. Quod idem introducit, & resolvit Pignatellus, ipse pro sua confirmanda sententia l. cit. nu. 21. ibi enim sic: *Neque dici potest, quod fiat injuria Regularibus, & perturbetur eorum jurisdictione. Quia cum peragere Officium super cadavera sui Parochiani, sicut eum absolvere, sit actus jurisdictionis voluntariæ, si quidem causa non agitur inter partes, nec cum strepitu, non infert aliquod præjudicium; quia de jure jurisdictione voluntaria exerceri potest in alieno Territorio, &c.*

1430 Verum quidem est (hic obiter refero) quod sicut Confessarii Regulares approbati ab Ordinario, possunt absque licentia Parochi (qua in re præter praxim, usum, & possessum conveniunt D.D. communiter apud Passaglia. centur. 2. qu. 198.

n. 1.) audire Confessiones in ejusdem Parochia, *Glossa in Clementina Dudum, de sepulchris, Verbo Liberè*, ibi: *Liberè* denotat, quod non est necesse, licentiam Sacerdoti Parochialis haberi (ubi & Canoniste) *Suar. de Penit. disp. 26. sect. 1. Coniunct. de Sacrament. disp. 8. dub. 4. n. 29. Bonac. de Penitent. Sacrament. disp. 5. qu. 7. punc. 4. §. 1. n. 18. Vers. Hinc ergo*. Ubi idem affirmat, independentè à Patochis, & etiam ipsis invitis, & contradicentibus, ut docent etiam *Sylvest. Verbo Confessor p. qu. 1. §. Quarto requiritur*, (ibi: *Intra Diocesim autem, ubique possunt audire, etiam in Domibus Secularium, etiam contradicentibus Curatis*) *Summis* omnes eodem *Verbo*. *Miranda in Man. Prælat. tom. 1. qu. 45. art. 14. conclus. 2. Rodriguez in Compend. 99. Regular. ref. 32. n. 13. Portell. in dub. Regul. Verbo Confessor Regularis n. 8. Jo: de la Cruz de Privilegiis lib. 2. cap. 6. conclus. 3. Peyrin. de Privilegiis in Additament. ad Constitution. Sixti IV. cap. 2. n. 25. Pasqualig. l. c. alique apud citatos, & communiter*. Et ratio est, quia sive Regulites Confessarii jurisdictionem habeant à Summo Pontifice, sive ab Ordinario, & Episcopo, hujusmodi jurisdictionis independentis est à Parocho, idcirco non potest Parochus exercitium ejus impedire, quia ipse non potest (in hoc maxime) ire contra voluntatem Superioris sui, jurisdictionem habentis in eadem Parochia. Adde extare Privilegium pro Regularibus, concessum Fratribus Minoribus ab *Alexandro IV.* (referitur à *Casarb. in Compend. Privilegior. Verbo Absolutio*, quo ad *Seculares p. n. 1.*) per quod conceditur, eos *Possè liberè Confessiones audire, Sacerdotum Parochialium assensu minime requisito*. Unde independentè à Parochis, possunt Confessarii Regulares approbati, quorumcunque Secularium ad se accedentium Confessiones audire. Quod habetur etiam ex *Clementina Dudum, de sepulchris*: ibi: *Frates, qui ad hoc (id est ad Ministerium Confessionis) electi fuerint, in eorum Civitatibus, & Diocesis Confessionem subditorum suorum confiteri sibi volentium, audire liberè valeant, &c.* Ubi *Gloss. Verbo Liberè* (ut supra) ait: *Liberè* denotat, quod non est necesse licentiam Sacerdoti Parochialis haberi. Hinc iste non potest contradicere, cum non possit ire contra concessionem Summi Pontificis, & si in hoc Parochus aliquis reclamaret, præter quam quod frustra id faceret, nec audiendus esset, incurreret in poenas latas contra molestantes Regulares superindultis, & Privilegiis propriis. Generaliter enim, qui impediunt, & molestant Regulares super usu suorum

Privilegiorum, incurrunt diversas poenas, ut in favorem Prædicatorum, & Minorum [consequenter omnium communicantium cum ipsis in Privilegiis] decrevit *Sixtus IV.* in *Bulla Marii Magni Prædicatorum, & Minorum*, quæ incipit: *Regimini universalis Ecclesie, &c.* relata à *Miranda to. 5. & à Roderico in ejus Bullario, & est 33. & etiam 34. in ipso Bullario ejusdem Pontificis, qui in utraque ita habet §. 54.* (ut refert etiam *P. Pusi qualig. cent. cit. 2. qu. 197.*) *Districte inhibentes* ejusdem locorum Ordinarii sub interdictione ingressus Ecclesie, & suspensionis à regimine, & administratione suarum Ecclesiarum, & Parochialium Ecclesiarum Rectoribus, & aliis quibuscunque sub excommunicationis late sententiæ, privationis earundem Parochialium Ecclesiarum, & omnium aliorum Beneficiorum Ecclesiasticorum, quæ obtinent; nec non inhabilitationis ad illa, & alia in posterum obtinenda poenis ut ipso per eos, qui contrafecerint incurrendis, ne Ordines prædictos Prædicatorum, & Minorum, ac illorum Domos, & Professores contra Privilegiorum eis concessorum morem molestant, aut inquietare præsumserint. Quod etiam advertit *Peyrinus to. 1. Privilegior. ad Constit. 2. Sixti IV. §. 11. n. 19.* ubi refertur ad litteram allata verba citata *Bulle Sixti IV.* ait: *Nota, quod Episcopus, seu Parochus, qui ausus fuerit prædictis Privilegiis contraire; vel nos, ne in fruamur, molestare, peccat mortaliter, per illa verba (Indignationem Omnipotentis Dei, &c.) contenta in eadem Bulla: concludens in fine numeri: Et Paulus V. dictos molestantes, sive sint Episcopi, sive alii quicunque Prælati, excommunicat ipso facto, & absolutionem sibi reservat, ut docet supra numero quinto, & pro Regularium exemptione videtur posse Confessarii in suo Summario toto titulo 3.*

1431 Et similis alia prohibitio facta est etiam in favorem Minorum à *Sanctissimo Pontifice Pio V.* in Constitutione sua, quæ incipit *Apostolicæ Sedis benignitas, &c.* sub die 9. Novembris 1567. & est 3. *Constitutio* hujus Pontificis, apud *Peyrin. to. 2. de Privilegiis*, in qua §. 3. hæc habentur: *Districte in virtute Sanctæ Obedientiæ, ac aliis arbitrio nostro infligendis poenis inhibentes, quibusvis locorum Ordinariis, ac aliis quibuscunque, ne eosdem Fratres Ordinis Minorum contra eis sic concessa Privilegia molestare, inquietare, vel perturbare audeant, vel præsumant*. Quo privilegio pariter gaudent omnes Regulares habentes communicationem. Et ex his Constitutionibus etiam constat, quod præter poenas, de quibus in ipsis, & quas incurrunt, quicunque impediunt Regularibus usum suorum Privilegiorum (etiam, &

& maximè in materia funeralium) peccant etiam mortaliter, quia in re gravi contraveniunt præceptis Summorum Pontificum: & quia prædictæ poenæ non habent locum, nisi supponerent peccatum mortale, cum ratione gravitatis pro solo mortali infligi possint, ut docet etiam *P. Pasqual. qu. c. 197. n. 5. in fine*. Concludendum igitur, Regulares confessorios ab Ordinario approbatos ad confessiones pro aliqua Diœcesi, posse absque licentia Parochorum easdem audire in eorundem etiam Parochiis, & si ipsi contradicant, validas esse nihilominus confessiones, ipsos verbò Parochos molestantes in hoc dictos Regulares confessorios, præter alias poenas inflictas, quibus subiacent, ut supra, peccare mortaliter. An verò sicuti possunt dicti Regulares confessorii audire, Secularium confessiones in Parochia, absq; Parochi licentia, possint etiam easdem in aliena Ecclesia, & etiam Parochiali audire? *Bordon. ref. 36. qu. 16. nu. 53.* respondet, posse quo ad validitatem, quia utique validè audiunt, & absolvent, sed non licitè contradicente Parocho, aut alio Patrono, & Curato. Primum, quod videlicet validè audiunt, & absolvent etiam contradicente parochi, probat, quia nec locus, nec contradicenti curati, aut alterius patroni annullare possunt approbationem, neque antèrre jurisdictionem, cum neutrum dederint, neque aliquam ad hoc potestatem habeant, cum nulla ratione subdantur illis Regularibus. Quod procedit etiam (addit *Bordon.*) licet in licentia adesset clausula *de consensu Parochi*; seu, *eo non contradicente*. Quia hujusmodi clausula non sonat in conditionem, sed modum: & monitionem ejus, quod faciendum est (quod innuunt etiam *Bonac. n. 17. infra citando, Tambur. de Jure Abbatis. to. 2. disp. 6. qu. 13. n. 2. & Peyrin. in Additament. ad Constit. Sixti IV. cap. 2. Vers. Sed quid n. 23.*) Secundum, quod videlicet non licitè, & quod peccent, probat ex eo, quod perturbant alienam jurisdictionem, quod est grave delictum; idcirco abstinere omnino debent, aliter ab Episcopis puniri possunt, quia delinquant circa munus confessionis. Citat *Rodrig. to. 1. q. 9. Regul. q. 60. art. 4. cum suo Compend. ref. 32. n. 13. Bonac. de Pœnit. disp. 5. qu. 7. punc. 4. §. 1. num. 17. Portel. in dub. Regul. Verbo Confessor Regularis n. 8.* Qui tamen in his locis citatis (ut videre est apud ipsos) affirmant quidem potendam esse licentiam à parochi, sed an peccent, si non petant, solum *Portel.* ait in fine nu. *Quidquid sit de peccato in non pe-*

tenda ibi licentia, credo quod confessio valida erit. Verum

1432 Si loquamur de Jure, sentio cum *P. Pasqual. centur. 2. qu. 198. à nu. 3.* quod nec videatur necessaria præfata parochi licentia pro ipsa Ecclesia parochiali, neque possent parochi impedire Regulares, quin in suis parochialibus Ecclesiis audiant confessiones, quamvis ex æquitate quadam expediens sit, talem licentiam petere ab eisdem parochis. Hujusmodi autem aliterum, videtur constare

1433 Primò, ex *Extravaganti inter cunctas, de privilegiis in qua sic: Electi igitur, ab iisdem Fratribus ad audiendas confessiones, & penitentias injungendas libere Auctoritate Apostolica, absque licentia Diœcesanorum, & aliorum Prælatorum inferiorum exemptionum, quibus subijunt, qui ad confitendum accedunt, audiant, eis peccata sua confiteri volentes.* Et infra: *Ut Diœcesanis bonor debitis reservezetur, præcipitur ut Superiores eis significent, quos elegerint ad confessionem audiendarum Officium.* Et ex *Clement. Dudum, de sepult.* in qua patet sic: *Ad præsentiam Prælatorum eorundem locorum se conferant per se Fratres, quos ad hoc idoneos fore putaverint, humiliter peturi, ut Fratres qui ad hoc electi fuerint, in eorum civitatibus, & Diœcesibus confessiones subditorum suorum confiteri sibi volentium audire, libere valeant.* Ex his ergo expressè habetur, ut constat, quod facultas audiendi confessiones, non est affixa Ecclesie Regularium, nec coarctatur ad locum, sed est extensa ad totam civitatem, & Diœcesim. Unde eadem *Clementina* coarctans, infra Regularibus confessorii facultatem audiendi confessiones, eandem facultatem restringit ad Civitatem, & Diœcesim, ita ut solum extra ipsam non possint audire: ita enim habet: *Et Beneficium absolutionis (in posterum) impendent, pro ut superius est expressum: Extra Civitates, & Diœceses, in quibus fuerint deputati, per quas eos volumus, & non per Provincias deputari, confessiones nullatenus audire.* Cum igitur sphaera pro Regularibus Confessorii deputata à Summo Pontifice, intra quam solum ipsi possint audire confessiones, sint tota Civitas, & Diœcesis, poterunt idem in quacunque Ecclesia Civitatis, & Diœcesis eas audire. Sicque Regulares Confessorii cum habeant privilegium à Papa audiendi confessiones, & jurisdictionem ab ipso, ex *Clement. Dudum, citat.* nec præterea requiratur modo aliud ad jurisdictionem hanc exercendam in tota Civitate, & Diœcesi, nisi (ultra præsentationem factam à Superiore coram Episco-

po, & Ordinario, ut statuitur in *cit. Clement. Dudum*) approbatio ab eodem Episcopo, & Ordinario, juxta præscriptum *Trident. sess. 23. de Refor. c. 15.* poterit approbatus hanc facultatem exercere in quocunque loco Diocesis, in qua fuit approbatus, atque adeo etiam in Ecclesiis parochialibus, nec Parochi poterunt impedire (arguit etiam *P. Pasqual. qu. c. 198. n. 4. in fine*.) Quia non possunt ire contra facultatem à Summo Pontifice; sicut non possit Episcopus impedire, ne quis in sua Diocesi utatur privilegio concessio à Pontifice contra statuta ejusdem Episcopi.

1434 Secundò constat, ex eo, quod Regularès non ab Episcopis, & Ordinariis jurisdictionem recipiunt pro audiendis Confessionibus, sed illam habent ex Auctoritate Apostolica, & à Summo Pontifice, quatenus à suis Superioribus exponuntur, ex *citatis Extravaganti inter cunctas, & Clementina Dudum, de sepulchris, & ex aliis Privilegiis Summorum Pontificum* (quæ recensentur à *Miranda in Man. Prælator. tom. 1. qu. 45. art. 14. concl. 2. à P. Pasqual. cent. 2. qu. 128. n. 5. & ab aliis pluribus*) ab Episcopis verò, & Ordinariis jurisdictionem tantum idoneitatis habent, seu solum idoneitatis approbationem, ex *Decreto Concil. Trident. sess. 23. cap. 15. de Refor. ubi Sancta Synodus* decernit nullum Sacerdotem (etiam Regularem) exercere posse potestatem absolvendi à peccatis, quam in sua Ordinatione accepit, nisi obtenta prius ab Ordinariis approbatione idoneitatis, aut nisi habeat Parochiale Beneficium. Unde respectu Regularium non convenit Ordinariis alia facultas, nisi examinandi, & judicandi de idoneitate; cum jurisdictionem habeant Regulares, non ab Ordinariis, sed à Summo Pontifice, ut supra dictum est, ex *citatis Extravaganti, & ex Clementina Dudum, item citata: in qua §. Per hujusmodi, sic: Per hujusmodi autem concessionem nunquam intendimus personis, seu Fratribus ipsis, ad id taliter deputatis, potestatem in hoc impendere ampliorem.* Et idem etiam notat *Glossa in Cap. Si Episcopus, de Penitent. & Remission. in 6. Verbo Item tertio* (ibi: *Presupponendum est, quod quis dicitur habere plures proprios Sacerdotes, scilicet Rectorem Ecclesie Parochialis, Episcopum, Legatum, & Papam, qui habet generalem curam omnium Christianorum, & sufficit habere licentiam ab altero istorum: Mendicantes verò sunt delegati à Sede Apostolica, per Cle. super Cathedralium de sepulchris in Clement.*) *Henric. in Summa lib. 6. cap. 6. n. 5. & 6.* (ibi: *Regularis approbatus habet jurisdictionem non tam*

ab Episcopo, quam ipso jure à Papa, &c.) *Coninck de Sacrament. disp. 8. dub. 4. n. 29. Confessio in Compend. Privilegior. Mendicantium, Titul. 17. de Regularib. in Confessariis deputandis, cap. 4. fol. mibi 361.* (ibi: *Ex Concilio Tridentini Decreto jam satis compertum est, tam Sacularem Clericum, quam Regularem Sacerdotem pro Confessarii munere obeundo, ab Ordinario approbandum fore debere, quod tamen diversimodè fieri contingit: Quoniam Clericus qui est Episcopo subiectus cum prævio examine ad Sacras Confessiones Sacularium audiendas approbatur, ab eo etiam jurisdictionem in penitentium Diocesanorum personas recipit, &c. Et sit approbatus fuerit, pro hac, vel illa Ecclesia, seu loco, aut pro Viris, seu Mulieribus, eorumque certa quantitate, vel ad certum tempus, tunc ad illa loca, tempora, & personas, juxta conditiones in literis approbationis expressas, illius jurisdictione collata intelligitur. Secus est in Sacerdote Regulari, in cujus approbatione Ordinarius aliter se se habere debet, nam cum ab eo omnino exemptus, & Sedis Apostolicæ immediatè subiectus existat, nulla per ipsius Episcopi approbationem jurisdictionis potestas tribuitur. Sed ille approbatus, statim ab ipsa Sancta Sede, & Summo Pontifice, per Privilegia Ordini concessa immediatè consequitur. Quia quidem jurisdictione persone, non solum illius Civitatis, & Diocesis, in qua approbatur, sed etiam forenses, & aliarum Diocesum in ea ad illos confluentes ei in foro penitentium subiiciuntur, illosque audire valent ubique. Hæc autem jurisdictione, cum ab dictum Decretum Concil. Trident. ipsis Regularibus suspensa sit, donec ab Episcopo prius examinati approbentur, aut alia idonei ab eo judicabuntur, tunc secuta dicta approbatione, jam eis jurisdictionis attributa potestas relaxatur. Unde sequitur, quod Episcopus, si prævio examine Regularem idoneum invenerit, illum simpliciter absque ulla temporis, loci, seu personarum limitatione indistinctè approbare, & admittere debet, atque tenetur, &c. Et idem repetit sequenti cap. 5. Vers. Tertia quod, sic; Regulari, ex quo ab Ordinario jurisdictionem non habent, non potest illa, quam habent à Papa ex privilegio, nec quo ad locum, nec quo ad personas, per eundem Ordinarium coarctari, seu restringi. Quod quidem in tantum est verum, quod si Episcopus in fraudem, ad odium eorumdem Regularium sibi plures casus, quam Parochi reservaret, aut nimis excederet in illa restrictione, non teneretur obedire in illa restrictione: nam alia Sacrorum Ordinum privilegia à Sede Apostolica concessa inutilia redderentur, contra que nihil in fraudem, Episcopi, statuere valent, (ut in lib. 5. Decretal. tit. 31. cap.*

cap. 5. de Excessibus Prælator. & Subditor. aperte declaratur.) (Et do hic ego cit. cap. 5. & Canonis verba, quæ sunt sequentia: *Sane si Episcopi aliquid ab Abbatibus, præter debitam obedientiam contra libertatem Ordinis à prædecessoribus nostris, & à nobis indultam, exigunt, liberum sit Abbatibus Auctoritate Apostolica, quod petitur, denegare.* Et Titulus, seu Summarium hujus capituli est: *Subditus non tenetur parere Superiori aliquid exigenti, vel præcipienti contra tenorem sui privilegii.* Et Glossa ibi, Verbo Nota, sic: *Non licet Episcopis aliquid petere contra libertatem, à Domino Papa alicui concessam, alioquin licitè denegatur, quod petitur.*) Suarez de Penitent. disp. 28. sec. 4. nu. 22. Portel. in dub. Regular. Verbo Licentia in Additament. n. 4. Joannes Franciscus Suarez in Enciridion lib. 5. Verbo Confessor, Verbo Confessores Regulares, fol. 351. Rodriq. to. 1. qq. Regularium, qu. 58. art. 1. Mofesius in Summap. 1. trac. 7. cap. 12. n. 64. (ibi: Regulares, non solum in Ordinatione recipiunt potestatem clavium, sed à Summo Pontifice per eorum privilegia recipiunt jurisdictionem, ut valeant omnium fidelium confessiones audire, in ordine tamen ad approbationem Episcopis, qui per suam approbationem solum judicat idoneam personam illius Regularis, quem approbat, ut docent communiter D. D.) Peyrin. to. 3. privilegiorum in Additament. ad Constitut. Sixti V. cap. 2. n. 20. Laym. lib. 5. Theol. Moralit. trac. 6. cap. 11. n. 3. Gobat in Alphabeto Confessarior. casu. 3. n. 99. Lezzana to. 1. qq. Regular. cap. 19. n. 9. Bordonus refol. 36. n. 32. (ubi asserit etiam Summorum Pontificum privilegia) & P. Pasqualig. (tot aliis omisissis D. D. qui possent hic adduci) Cent. 2. q. 142. nu. 5. Ubi, Regulares jurisdictionem habere non ab Ordinariis; sed à Summo Pontifice probat, nedum ex Extravag. inter cunctas, & ex Clement. Dudum, ut supra, verum etiam ex constit. Clem. IV. quæ incipit, *Exigentibus*, & ex privilegio Sixti IV. Ordini Prædicatorum, in Bulla, quæ incipit *Sedis Apostolicæ* 5. Idibus Junii 1477. & Pauli III. Societati Jesu, die 3. Julii 1545. in Bulla Cum inter cunctas, & Pauli IV. in Bulla Ex Clementi, die 1. Julii 1556. & concludit citatum nu. dicens, supradictam Clementinam Dudum de sepulchro non esse revocatum per citatum Decretum Concilii Trident. quod optimè affirmat, & antecedent. qu. 128. n. 7. probat cum Navarro. Palao. Henricus. Grass. Censd. Fagund. Rodriq. Diana. Gannadec. Cælestino. Cochier. Laym. Finel. Villalob. Zervola Peyrino. Miranda. Joann. à Cruce. Ledesma Corduba. & Hieronym. Rodriq. Quia hoc privilegium non est amplius privilegium,

sed lex, cum sit insertum in corpore juris, cui non derogatur absque mentione speciali. Et etiam quia Trident. non revocat talem jurisdictionem, seu tale jurisdictionis privilegium, sed tantum addit conditionem, nempe approbationem Ordinarii, cum quo sit exercenda talis jurisdictio, quæ approbatio ante Trident. necessaria non erat ex vi privilegii, uti est post Decretum hujus Concilii. Cum igitur Regulares Confessarii jurisdictionem habeant audiendi Confessiones concessam à Summo Pontifice, & pro tota Civitate, & Diocesi, nec ad locum coarctatam, ex dictis, nisi quod extra Civitatem, & Diocesim non possint audire, & absolvere; de jure possunt illam exercere etiam in ipsa Ecclesia Parochiali, nec Parochus potest impedire, quia non potest ire contra facultatem concessam à Summo Pontifice. Addi etiam potest hic, id, quod decernit Clemens X. in Bulla, quæ incipit *Superna*, edita 11. Kalend. Junii 1670. Anno primo sui Pontificatus, & est VII. in ordine hujus Pontificis, in Bullario Romano novo, to. 6. pag. mibi 332. §. 4. videlicet: *Illos Religiosos, qui ad Confessiones audiendas idonei reperti fuerint ab Episcopis, generaliter quoque, & indistinctè, absque aliqua limitatione temporis, cæterorumque locorum esse admittendos.* Et hoc idem est, quod affirmant pariter *Sal-manticenses* to. 4. *Cursus Moralit. tract. 18. Titul. de privilegiis* cap. 3. punc. 2. §. 3. n. 68. pag. mibi 321. inquit enim: *Non potest Episcopus Regularem cum limitatione ad loca, tempus, & personas approbare. Et si secus fecerit, nihil faciet, & poterit Regularis ultra limites approbationis valde, & licitè Confessiones audire.* Poterit (inquam) quia (ut optimè etiam Peyrin. de subdito qu. 1. cap. 21. §. 2. Vers. Sed nota, in fine, ad rem hanc) Privilegium à Papa concessum, à Papa inferiore infirmari non potest, ut dicitur in *Clementina ne Romani de Elect. in principio.* Vide eundem Peyrin. Vers. & l. c. ubi refert privilegium suæ Minorum Religionis concessum à Julio II. in Bulla incipiente *Pastoralis Officii* (quo per participationem fruuntur aliæ omnes Religionēs) *Confessiones audiendi extra proprias Ecclesias in cunctis Domibus, & locis congruis, ex quo infert ipse, restrictiones illas, quæ solent ab aliquibus Episcopis apponi, locorum, in Ecclesiis, v. g. tui Ordinis, &c. nihil obesse.*

1435 Et idem docet P. Cespides de Exemptione Regularium. Titulo de Exempt. quo ad Sacramentorum Administrationem cap. 6. dub. 126. n. 3. & 4. sic: *Non possunt Episcopi Regularibus præscribere, ut certis tantum in locis,*
ac tem

ac temporibus, aut certarum personarum Confessione audiant, vel aliis illorum privilegia in Sacramenti administrandi restringere, aut moderari. Nec video quomodo talis facultas Episcopis aliquo ex capite, vel aliquo jure competat. Cum ergo clari circa hoc sint privilegii Regulares, jam poterunt sine hac limitatione loci, Confessiones excipere, dum sine aliqua causa in hoc restringuntur: Quando autem estimandum sit fuisse sic limitatè admisso ad Confessiones Regulares: Vide Peyrinum tom. p. de Subdito qu. pr. cap. 21. §. 2. Vers. Sed inquit: Qui inter alia inditia habet, unum esse, quando omnes Doctores, & indoctos admittit indifferenter cum tali limitatione personarum, & locorum; quia impossibile est credere, ex omnibus Regularibus nullum idoneum reperiri qui simpliciter approbaret: Ita Vega §. pr. cap. 62. Casu 7. & 8. *Defensa* par. p. Summe De Sacram. Pœnit. dub. 9. pag. 447. *Rodriguez* in *Explicat. Bullæ Cruciatæ* par. p. §. p. n. 33. Hactenus Pater *Céspedes* cum *Peyrino* l. c. *Qui* *Peyrin*. §. edem 2. Vers. Secundo censetur: addit, censeri etiam Regulares sic limitatè sine causa admissos ab Episcopis: Quando non eodem modo se gerit cum ipso, ac cum aliis Presbyteris secularibus ejusdem conditionis, & qualitatis: Censetur enim Episcopus ex obo sic limitatè admittere. Sicut nec possunt Episcopi in odium Regularium plures illi casus reservare, quam reservant Parochis, quo casu probabilissimum est, quod non tenerentur illis obedire circa talem restrictionem, atque limitationem, ut bene Sylvestri. Verbo Confessor 2. n. 5. Sotus in 4. dist. 18. qu. 2. art. 5. *Rodriguez* tom. pr. qq. Regularium qu. 59. art. 8. n. 74. *Mohisius* to. pr. Summe *trakt.* 7. cap. 17. n. 30. *Suar.* to. 4. in 3. par. disp. 30. sect. 2. n. 16. *Reginald.* in *Praxi* lib. 8. n. 74. Unde quando ab aliquibus Episcopis conceditur per Decretum publicum ordinaria facultas suis Curatis absolvendi in aliquibus anni festivitatis à casibus quos sibi reservant, dicta facultas censetur etiam concessa Regularibus ab ipso approbati. Ut patet ex *Clemente*. Dudum §. Per hujusmodi; & *De Sepulchris*; que pares omnino facit Confessores Regulares Parochis. Nec obstat non nominet, nam censetur supponere ex vulgaribus juriis, pro quo facit Cap. *Illud superfluum* dist. 95. Ita probabile est, quod nec tenet restrictio jurisdictionis facta in fraudem illius Decreti Congregationis absque iusta, & legitima causa. Ita videntur sentire *Miranda* to. pr. *Man. Prælat.* qu. 45. art. 10. conclus. 2. *Defensa* par. p. Summ. de Sacram. Pœnitent. cap. 13. dub. 9. pag. 447. *Henricus* lib. 3. de Sacram. Pœnit. cap. 6. n. 5. *Expresio* *Rodriguez* in *Explicat. Bullæ Cruciatæ* par. p. §. 9. n. 34. Cum præsertim ab Episcopis (ut diximus) nul-

lam Regulares jurisdictionem, sed simplicem tantum modo approbationem recipiant. Hucusque *Peyrinus* l. c. pag. mibi 61. col. 2.

1436 Hinc optime etiam *Gabriel à Santo Vincentio* in suo Tomo. Romæ edito de anno 1671. De Remediis Ignorantiae disp. 14. & ultima dub. 2. §. 5. (ubi, de Constitut. Clem. 2. Superna Magni) n. 60. pag. mibi 455. approbans cum aliis eandem doctrinam, ac sententiam, sic ait: Alii dicendum videtur, quod qui licentiam habuit confitendi ad annum v. g. cum in examine, aut alias ab Episcopo idoneo absolute judicatus fuit, nec tenetur de novo examinari, nec de novo approbari, cum jam examinatus, & approbatus sit, nec tenetur comparere ad pedes Episcopi, ut auferat illen obligationem comparendi quot annis pro confirmatione, & prorogatione: nec tenetur comparere, ut concedat licentiam illimitatam, cum jam cesset limitatio in vim præsentis Constitutionis. In qua Constitutione, & ipsemet Summus Pontifex decernit: Illos Religiosos, qui ad Confessiones audiendas idonei generaliter reperti fuerint ab Episcopis, generaliter quoque, & indistinctè absque aliqua limitatione temporis, certorumque locorum, aut generis personarum in Diocesi propria admittendos &c. Subdens paulo infra: Semel autem simpliciter approbatus, posse in Diocesim Episcopi approbantis quovis anni tempore, etiam Rascali, & quoruncunque, etiam Inferiorum Confessiones audire, absque ulla Parochorum, vel ipsius Episcopi licentia. De qua tamen Confessione teneri dictos Religiosos eorundem Inferiorum Parochum illud certiore reddere. Sufficere tamen, ut certio ratio hujusmodi fiat saltem per scripturam apud ipsum Inferiorem relinquendam. Ita *Clem. X.* in c. Constit. §. 4. anno 1670. Et ante *Clementem S. Congregatio Cardinalium* de anno 1587 sub die 2. Julii, idem decrevit per hæc verba: Regulares, qui ad Confessiones audiendas idonei generaliter ab Ordinariis, eorumque Examinatoribus reperti, & probati fuerint, generaliter quoquoque, & indistinctè, absque aliqua limitatione temporis, certorumque locorum, aut generis personarum admittantur in Diocesi propria. Qui autem in Domibus laicorum Confessiones ex causa audierint, statim Parochum admonere teneantur, & fidem auditæ Confessionis pro Medico adveniente relinquere.

Fr. Michael Bonellus Card. Alex. Georgius Palcarius Secretarius. Hæc à Sacra Congregatione Regularium: quæ videri possunt ita ad verbum relata apud Jo. Baptistam Confessum in sua Collectione Privilegiorum Tit. 17. Qui est De Regularibus in Confessorio deputandis cap. 4. in fine pag. mibi 416. apud *Rodriguez* to. p. qq. Regular. qu. 59. art. 8. in fine:

fuit : pag. mibi 343. col. p. & apud Mirandum l. c. conclus. 2. in fine. pag. mibi 328. quorum quilibet affirmat, quod si Episcopus prævio Examine, Regulatè idoneum repererit, illum simpliciter absque ulla temporis, loci, seu personarum limitatione inuicem approbare, & admittere debet, atque teneatur. Et si secus ager Episcopus absq; causa rationabili, iusta, & legitima, non teneatur Regularis in ea restrictione, & limitatione obedire, pro ut tradunt etiam D. D. citati, & alii communiter : quia videlicet iurisdicção audiendi Confessiones, est Papalis : hinc optimè *Sylveſter Verbo Confessor* 2. qu. 3. m. 5. concludit : *Ista concessio, vel licentia audiendi, est Papalis, & Prælati in concedendo præbent nudum Ministerium.* Unde securè tenenda est hæc opinio ; & secundum eam practicandum est, quando Episcopi, vel eorum Vicarii sunt duri in concedendo.

1437 Tertio conitat, ex eo, quod Privilegia Confessariis Regularibus concessa, quibus Sæcularium ad se accedentium possunt Confessiones audire, sint personalia, & ratione suarum personarum concessa, non verò ratione Monasteriorum, nec affixa loco Ecclesiæ Regularium, unde personæ sequuntur, quæ proinde potest illis uti in omni loco, ut inferunt etiam, & notat Rodrig. 10. 1. q. Regular. qu. 59. art. 7. fol. mibi 349. Miranda in Man. Prælat. 10. pr. qu. 45 art. 14. concl. 3. in fine. Tambur. de Jure Abbatis tom. 2. disp. 6. qu. 13. Verſ. *Ex quibus* (ibi concludens cum Miranda : *Hæc esse multum notandum.*) Pasqualig. cent. 2. qu. 198. num. 3. & 4. Hieronyma. Rodrig. in Compend. ref. 32. n. 16. & alii. Cum enim Privilegium personale sequatur personam leg. In omnibus, ff. de Regul. Juris. Et Cap. Privilegium de Regul. Juris in 6. ibi : *Privilegium personale personam sequitur, & extinguitur cum persona.* Potest Privilegiatus uti suo tali Privilegio in omnibus, saltem intra Territorium concedentis (in casu nostro Episcopi approbantis.) Hinc cum Summus Pontifex non habeat limitationem Territorii, personalia Privilegia ab ipso concessa, non habebant limitationem loci, sed ubique Privilegiatus iis poterit uti : quod & notat inter alios Suar. de Legib. lib. 8. cap. 26. n. pr. Cum habeant ergo Regulares Privilegium audiendi Confessiones, & iurisdicctionem ab ipso Summo Pontifice dimanantem, ex cit. Clementina Dudum, de sepulchris, nec requiratur, nisi præsentatio facta à Superiore eorundem Episcopo, & ex Trident. Concil. approbatio ab eodem Episcopo, & huiusmodi privilegium sit personale, poterit Regula-

ris approbatus hanc facultatē, & iurisdicctionem exercere in quocunque loco Diocesani, in qua fuit approbatus, atque adeo etiam in Ecclesiis Parochialibus, nec poterunt Parochi illam impedire, &c. Adde huc cum eodem P. Pasqualig. qu. cit. 198. nu. 6. quod non minus Parochiani sunt sub Parochi iurisdicctione, quam sit parochialis Ecclesia, quia tamen habent Regulares facultatem, à Summo Pontifice audiendi Confessiones, quorumcunque ad se venientium, & approbationem ab Ordinario, possunt parochianorum Confessiones audire inuis etiam parochis, non obitante, quod sint de eorum iurisdicctione, ergo, quia facultatem habent à Summo Pontifice audiendi Confessiones in Civitate, & Diocesi, ex eadem Clementina Dudum, de sepulchris, & sunt approbati ab Ordinario pro Civitate, & Diocesi, poterunt audire Confessiones in quacunque Ecclesia Civitatis, & Diocesis, quia valet argumentum à loco ad personam, & à persona ad locum, leg. 1. Of. filius, ff. Ne quis eum, qui in ius, & Cap. Per venit, & Cap. Cum Ecclesia, de Immunit. Eccles. & notat apud eundem Pasqualigum, Petrus Ancharan. consil. 11. n. 7. Verſ. *Et in quinto* : Socin. jun. consil. 52. in. 8. vol. 2. Rational. consil. 118. n. 106. vol. 2. Decius consil. 2. n. 127. vol. 2. Tuscus littera A, conclus. 502. n. 3. Everard. loco 41. in 18. specie loci à simili; quibus addo Cavagnol. decisum consil. 10. 1. pag. 484. n. 17. apud, & cum Barbosa loco 83. n. 2. ubi : *A persona ad locum valet argumentum* : Et è contra, à loco ad personam, ut dixi loco 63. num. pr.

1438 Quarto conitat, ex eo, quod Regulares sunt coadiutores Parochorum dati, & deputati à Sede Apostolica, & à Summo Pontifice, ut aperte desumitur, ex Clement. citata Dudum, de sepulchris (ibi : *Tanquam cooperatores idoneos*) ut advertunt etiam Rodrig. tom. 3. q. Regularium qu. 3. art. 4. in fine (ibi *Sciant Domini Episcopi, ut Coadiutores dati esse à Sede Apostolica,*) & Pasqualig. qu. cit. num. 7. in dicta enim Clementina præcipit Pontifex (ex verbis ipsis, ut conitat) quod eos tanquam tales (cooperatores videlicet) admittantur : Ergo cum non possit inferior impedire Poadiutorem sibi datum à Superiore in proprio Officio, non poterunt Parochi impedire (sic concludit Pasqualig. n. cit.) quin Regulares in Parochialibus Ecclesiis audiant Confessiones. Verum quidem est, quod ex quadam æquitate (ut supra) expediens est, eos non audire in Ecclesiis Parochialibus, saltem inuis Parochis, ne ipsi perturbentur, pro bono pacis, ad evitanda jurgia

jurgia cum iisdem, scandala, &c. Et licet nonnulli Ordinarii, & Episcopi concedendo Regularibus approbationem Ministrandi Sacramentum Pœnitentiæ, eorum facultatem restringere, & limitare soleant, sic: *Facultatem tibi facimus in Ecclesiis tui Ordinis, atque etiam graviter egrotantibus, &c. Ac alius Ecclesius de ipsorum Rectorum consensu.* Limitatio hæc, & restrictio, ut notat etiam Bordon. ref. 36. qu. 6. n. 34. non apponitur ad auferendam jurisdictionem extra locum præcisè designatum, idest extra propriam Regularem Ecclesiam, &c. sed ad evitandas dissensiones, & rixas inter Regulares Confessarios, & Pærochos. Præterquam quod restrictio loci interpretanda est, ut non sit ablativa facultatis validè, sed ad summum tantum licitè absolvendi, dat enim modum, & ordinem absolvendi, non autem tollendi jurisdictionem: nec indicat talis restrictio conditionem, sed modum, quo etiam non servato, tenet gestum; ut docent Doctores communiter cum Sanchez. de Matrim. lib. 3. disp. 33. §. Tandem quia, & disp. 5. n. 2. & 4. Bonac. de Pœnitent. disp. 5. qu. 7. punct. 4. §. pr. n. 18. Et Petro Maria Passerino de Statibus Hominum q. 187. n. 328. pag. mibi 77. col. 2. Dum ibi sic: *Per se loquendo, & præsciindendo à circumstantiis, Regulares approbati, possunt audire confessiones etiam intra Ecclesias Parochiales, etiam irrequisito Parocho, immo ipso etiam invito, quia rationibus dictis, Parochus nullum habet jus, ut confessionem talem impedire possit, & Regulares utuntur jure suo quod habent.* Ita citatus Doctor: Addens tamen nu. seq. 329. per accidens posse esse, quod non liceat Regularibus audire confessiones intra Ecclesias Parochiales. Nam primò custodia Ecclesiæ pertinet ad Parochum, cujus est eam claudere, vel aperire. Ideò non potest Regularis vel Ecclesiam irrequisito parochio aperire, & multo minus eo invito; vel cum impedire ne eam claudat, quando id judicat opportunum, & in hoc fieret injuria parochio, si in hac sua jurisdictione impediretur. Et quamvis malefaceret parochus si extra boram, vellet claudere Ecclesiam, & eicere ex ea fideles, & simul Regulares, & sic impedire exercitium confessionis, tamen in hoc non posset parochus vi privata impediri in exercitio sue jurisdictionis, licet ea abuteretur. Sed tamen Regularis Confessor dum est in Ecclesia, confessiones audire potest, etiam si ibi sit invito parochio, & tunc potest esse quod peccet, quia maneat invitatus, non tamen peccabit quia confessiones audiat, & bene contingere potest, quod nec peccaret, ex eo quod invito parochio in Ecclesia maneat, cum parochus irrationabiliter vellet eum eicere. Neque enim parochus

jus habet ut tempore, quo solet, & debet Ecclesia manere aperta ad usum Divinorum, illam claudere vellet ad nutum sine ratione: nam & fideles ad usum Ecclesiæ; verum jus habent, & si parochus vim faceret, possent fideles se defendere. Prosequitur tamen n. seq. 330. Ex lege autem charitatis, & necessitate vitandi scandala, potest obligari Regularis ad non audiendas confessiones in aliorum Ecclesiis, invitatis, aut irrequisitis eorum Rectoribus. Necessè est enim vitare jurgia, & contentiones, & scandala. Nam & ex misericordia debemus compati infirmitati proximi: Vnde nulla existente necessitate audiendi confessiones in parochiali Ecclesia, imprudentiè esset, & contra charitatem vellet id exercere tunc cum præsumi debet, quod parochus, vel ex infirmitate, vel ex ignorantia, scandali labitur, &c. Ita citatus Passerinus. loco, & to. cit. Romæ impresso anno 1663. Vide Bordon. n. cit. Non ignorant Confessarii Regulares proprium personale jurisdictionis privilegium, sequè posse validè ministrare penitentis Sacramentum in Ecclesiis etiam parochialibus, & parochis ipsis invitatis, se tamen abstinere omnes, reverenter, atque libenter ab hoc Ministerio in dictis Ecclesiis, ob bonum pacis, &c. Sciunt utique à contra R. R. Parochi prohibitum eis esse à Summis Pontificibus sub censuris, & penis, atque sub reatu lethali (ut supra ad fatietatem) ingredi Ecclesias Regularium, cum Stola, aut Cruce elevata, occasione funerum, & in eisdem Officia Defunctorum, aut Psalmos recitare, vel in aliquo se intromittere invitatis, & reluctantibus Regularibus, quomodo ergo respondent reverentiæ, modestiæ, & honestati Regularium Confessariorum? loquatur experientia. Hæc omnia sint obiter, & occasionaliter dicta, ob primum videlicet, ac præcipuum nostræ responsioni, & assertioni oppositum, argumentum eruditissimi Pignatelli. Cui item

1439 Dico secundo: Assumptum suum principale argumentum, pro tuenda, atque fundanda sua singulari sententia, nullam prorsus in se vim conclusivam habere. Nullam inquam, ait P. Jo. Cbrystostomus ab Ascensione in sua Apodixi, cap. 8. Divis. p. Vers. Respond. p. pag. mibi 215. Quia caret, inquit, valido fundamento, imò in falso supposito fundatum est, atque adeo vim nullam subsistentem habere potest: fundatum enim est in propositione expressè reprobata à Summo Pontifice Clem. X. in sua Constit. que est VII. in ordine in Bullario Romano notò to. 5. incipis. Suprema Magni; sub die 2. Augusti 1670. expressè dicta. In qua declarando Trident. Stabili-

vit: *Religiosos ab Episcopo ad confessiones secularium in sua Diocesi audiendas approbatos, non posse in alia Diocesi, eos absque Episcopi Diocesani approbatione audire, quamvis Penitentes Subditi sint ejus Episcopi à quo fuerant approbati*: Ita §. 4. Et jure quidem, quia penitentes subduntur Episcopo loci in quo sunt, sicuti delinquentes, ratione delicti subduntur Judici Territorii. Quod currit omnimodè etiam de Parocho, respectu suorum subditorum penitentium parochianorum; non enim est major ratio de Confessariis Regularibus, ac de Parochis, & hujusmodi declaratio de omnibus rationabiliter intelligi debet, & admitti. Hinc *Andreae Mendo in Epitome Moralium Opinionum Verbo Approbatio n. 5.* Simpliciter, & absque ulla distinctione, sic: *Approbatus in sua Diocesi, non est approbatus in alia, nec ad audiendas confessiones subditorum Episcopi prioris, à quo fuit approbatus, sic stabilitur declarando Tridentinum Clemens X. in Bulla que incipit Superna, expedita die 2. Augusti 1670.* Et idem innuit, non distinguens, sed indifferenter loquens, *Verbo Confessio n. 26.* Et si, *Idem omnimodè currit de Parocho* (subsumit idem Pater) *ac de Confessario Regulari; argumentum jam est solutum, utpote malè fundatum in falso supposito, & ruente fundamento, & ipsum penitus ruerè necesse est.* Ita idemmet Pater *Ab Ascensione*, cui favere videtur *Hyacinthus Donatus in sua Praxi Rerum Regularium to. 3. trac. 4. qu. 27. nu. 1. fol. mibi 40.* dum ibi (cum Soto. *Ledesma*, & aliis relatis à *Peyrino to. 1. de Subdito qu. 1. cap. 21. §. 2. Vers. dico 3.*) affirmat, Confessarios Regulares in hoc æquiparari Parochis, ut expressè dicitur in *Clement. Dudum de sepultura. Verum*

1440 Facillimè effugiet vim, & censuram hujus oppositionis *Doctissimus Pignatellus* (& *R. R. Parochi* consequenter cum ipso) sustinebitque validum, firmumve summè suppositum, atque sui argumenti antecedens, si contra eundem *P. Ab Ascens.* dicat (quod & ego pariter affirmo) loqui videlicet *Sanctissimum Pontificem Clem. X. in cit. sua Constitutione solum de Confessariis Regularibus*, ut apertè satis innuit etiam titulus Constitutionis ejusdem, dum est hujusmodi: *Constitutio, in qua Regularium Privilegia quo ad Predicationem Verbi Dei, & Sacramenti Penitentiae administrationem declarantur.* (De qua materia, etiam *Concilium Trident. sess. 23. cap. 15. sess. 24. cap. 4. & Gregor. XV. Constitutione Inscrutabili*) cui affirmationi subscribit & *Gabriel à S. Vincentio de Remediis Ignorantia disp. 14. & ultima,*

dub. 2. §. 3. n. 56. fol. mibi 454. sic: *Cum Regulares* (quo ad Sacramentum Penitentiae) *Jurisdictionem habeant à Summo Pontifice; Clemens X. in hac sua Constitutione vult, quod solum sic strictè illam recipiant à Sanctitate sua.* Et confirmatur eadem propositio nostra affirmativa cum *Pignatello contra eundem Ab Ascens.* Tum quia nedum Titulus, verumetiam Textus totus hujus Constitutionis loquitur solum de Regularibus, ergo. Tum quia (ut optimè *Sancius in Selectis disp. 48. sub n. 25. Vers. Et non esse.* *P. Cespedes De Exemptione Regularium quo ad Sacramentorum administrationem cap. 6. dub. 114. n. 6. in fine. & dub. 115. n. 5. in principio. & alii*) non sunt pares in omnibus Regulares cum Parochis in administratione Sacramenti Penitentiae: Quia & si plura adhuc habeant privilegia Regulares in hujusmodi administratione, quam Parochi (ut constat, & videre est apud Doctores) nec præterea in hac administratione pares sunt. Pares sunt Regulares Parochis, dum non diversificantur. *P. Cespedes n. 5. cit. at in relata Constit. Clem. X. diversificantur in potestate absolvendi, ut patet. Et inquit Sancius Vers. cit. Parochi vices suas aliis possunt committere in ordine ad Confessionem, nequaquam Regulares, ut advertit Angelus Verbo Confessor 3. nu. 26. allegans Cardin. Sylvest. Verbo Confessor. 2. n. 4.* Deinde Regulares, omnes de Diocesi, solum intra Diocesim possunt admittère ad Penitentiae Sacramentum: Parochi verò solum suos Parochianos absolvere possunt, etiam extra Diocesim existentes, quia in his, que fiunt sine strepitu judicii, & sub silentio, nullus leditur Territorium, leg. 2. ff. de Offic. Procons. & facit quod notat *Panorm. in cap. Contingat, de foro compet. & ita etiam docet Cardinal. Hæthenus Sancius.* Tum etiam, quia Jus Parochiale, valde speciale est in Parochis ratione cujus sunt ipsi Pastores Ordinarii, ad eosque attinet (ut idem etiam *Sancius disp. cit. n. 4.*) proprias cognoscere oves, juxta illud Christi Jo: 10. *Ego sum Pastor bonus, & cognosco oves meas: & ideo eisdem agnoscere, & absolvere possunt etiam extra Diocesim, & ubique locorum, ut tenent etiam viginti duo Auctores apud, & cum Barbosa in Tridentinum sess. 23. cap. 15. n. 20. quibus addè Prosperum Fagnanum in 2. part. libr. 5. Decretal. cap. Ne pro dilatione. De Penit. & remiss. nu. 29. & 30. fol. mibi 142.* Ubi & ipse: *Parochi alienorum quidem Parochianorum Confessiones audire non possunt, etiam in propria Parochia, cum in eos nullam habeant jurisdictionem; sed suos Parochianos possunt ubique locorum absolvere, quia in eis ordinariis*

diariam habent jurisdictionem, & cum aliis audiendi Confessiones sit jurisdictionis voluntariæ, potest etiam in alieno territorio exerceri l. p. ff. de Offic. Procons. &c. Hinc & idem Gabriel à Sancto Vincentio ubi supra, loquens de eadem Clementis X. Constit. videtur pro certo supponere, quod si Parochus Romanus v. g. eat ad Domum Lauretam cum suis Subditis processionaliter, inibi eorum Confessiones audire possit. Non sic Regulares, quibus competit jus auscultandi Confessiones ex privilegio, seu ob delegationem, ut aliis Sacerdotibus simplicibus: quidquid dixerint in contrarium Authores supra relati, & alii apud P. Cesspedes cap. cit. 6. dub. 121. nu. 2. qui omnes senserunt Regulares approbatos in una Diocesi posse subditos illius Diocesis ubique audire, sed hoc scribere ante dictam Constitutionem Clem. X. post ipsam autem non est admittenda prætata opinio: Sicuti nec post eandem; nullum aliud super hoc (usque adhuc) emanavit Decretum: sique absolute verum usque adhuc. Quod Parochi ratione sue Parochialis jurisdictionis, quam retinent extra Diocesim quo ad suas oves, id est suos Parochianos, possunt extra illam eorum Confessiones audire, eosdemque absolvere: & hoc idem ad litteram affirmat Pignatellus supra, imò est sui argumenti antecedens ut patet, contra quod, nullum adhuc à S. Congregatione emanatum Decretum: At quid inde? Ex tali antecedenti licebit fortasse arguere, Parochi ratione sue jurisdictionis possunt audire, & absolvere proprias oves extra Diocesim, ergo poterunt etiam Officium &c. super illorum Cadavera peragere in Ecclesiis Regularium, etiam si Ecclesiæ istæ sint de aliena jurisdictione, & comparentur loco extra Diocesim, cum utrobique sit eadem ratio, saltem similis? Ita planè arguit; atque intendit Pignatellus, ut aperte satis constet. Verum

1441 Quia & sic arguit, & sic inferre ipse intendit: Dico ego inquam (secundo ut supra, contra ipsum) hujusmodi argumentum, nullam prorsus vim conclusivam habere: imò nec licere sic arguere: admisso enim, & omnimodè concessio antecedenti, neganda est uti negatur consequentia, quæ nullam habet vim concludendi, nec convincendi utpote non bene deducta ex prætato admissio antecedenti. Negatur pariter (& absolute) quod intercedat hic eadem, aut similis ratio: diversa est omnino, & à diversis non fit illatio (nisi ubi est eadem ratio, Decius, Tuschus, Abbas, Soneinus, Imbrianus apud, & cum Barbosa Loco Communi 37.) Nec extensio (nisi pariter

ad sit eadem ratio, l. Julia, §. 6. ff. de Rit. nupt. & notant Cravetta Consil. 17. num. 2. P. Pasqualis, de Sacrificio Missæ to. p. qu. 101, n. 3. in fine, aliique) Hic autem non adeit eadem ratio, ut infra. Nec etiam similis, quæ & si adesit, & in utroque ratio eadem non procederet, uti non procedit (ut pariter infra) nec valeret consequentia, quia *A simili ad simile non valet argumentum, Barbosa Loco Communi 101. nu. 3. cum Osasibo, Pedemontano, Mascardo, Menocchio, Farinaccio*, quando in utroque simili non adeit eadem ratio: hinc Tuschus to. 6. litt. R. conclus. 37. n. p. cum Baldo, & Alex. ait: Ratio diversa facit cessare argumentum à simili. Nec quando æqualis Juris dispositio non est in utroque (uti non est in casu nostro, ut infra) alias non dicitur simile, Baldus Consil. 188. in fine, Verf. Non obstat argumentum, quem referunt, & sequuntur Tuschus litt. A. concl. 507. Barbosa l. c. n. 4. addens n. 5. cum Soncino, Federico de Senis, Surdo, Seraphino, Tuschus, & aliis, nec procedere argumentum *A simili*, quando non probatur similitudo in eo, de quo agitur: quod repetit cum aliis n. 6. & 7. concludens n. 8. cum Calder. Pereira, Menocchio, & aliis, argumentum hoc fragile esse, quoties diversa ratio assignari potest: esseque leve, ac infirmum, & facile prosterni.

1442 Quod autem adsit hic diversa ratio, atque adeo vim ullam habeat Pignatelli argumentum, inconcludensque evadat consequenter, patet apertissime: Tum quia, esto Parochus etiam extra proprium territorium, & ubique locorum possit (uti certè potest) audire propriorum Parochianorum Confessiones, eosdemque absolvere, ratione suæ jurisdictionis in ipso, ut inter alios præter citatos supra, affirmat etiam Tuschus to. 4. litt. I. conclus. 546. n. 12. (ibi, Potest fieri Confessio suo Sacerdote Parochiano ubique, ideo quia est actus voluntariæ jurisdictionis.) Voluntaria jurisdictione (idem Tuschus conclus. cit. n. 7. cum Calderino consil. 468. circa p. u. Secundo pondera, alias 3. qui sui sunt legitimi) Territorio non coheret (pro ut contentiosus) sed coheret personæ, ideo non transferretur translatio Territorio, sed remanet penes transferentem, ut illam exerceat in volentes. Sed inter volentes subici, jurisdictioni Sacerdotis sui Parochi, cui subiciebatur, dum viveret, non potest adnumerari (contra id quod necessarid supponit in suo argumento Pignatellus) Defunctus, & Cadaver Parochiani existentis in Ecclesia Regularium ibi humandi: Ergo. Probatum hæc minor, quia Parochi super Defunctum Pa-

rochianum in loco Regularium existentem, ibique sepeliendum, nullam prorsus in ipsum amplius jurisdictionem retinent, nec habent, deperditam (quod docet etiam idem *Ab Ascens. sue discussionis cap. 7. & 8. Divisione p. & alibi*) deperditam inquam in eodem instanti, quo locum Regularem ingressus est. Et ratio est clara, quia Sepultura comparatur Domicilio inter vivos. Unde *Rodrig. to. 3. qq. Regular. qu. 58. art. 8. cum Oldrado, & Joanne Baptista de Salis in Summa*, ait, *Sicut Domicilium est inter vivos, ita Sepultura est inter mortuos: & P. Pasqualis Decis. 402. n. 5. pariter ait: Sepultura inter mortuos comparatur Domicilio*. Et si intentio habitationis perpetue, per Doctores communiter, est illa, quæ veram constituit rationem Domicilii: *Veraciter autem* (sunt verba *Rodrig. to. p. qq. Regularium qu. 46. art. 6. Vers. Secundo circa*) *rationem Domicilii constituit intentio habitationis perpetue*: cum jam Defunctus (extra Parochiam,) suum perpetuum Domicilium elegerit (idest suam Sepulturam) in loco, & Ecclesiæ Regularium, statim ac Ecclesiæ januam Cadaver suum ingreditur, ut ibidem perpetuo inhabitet, illic, & immediate mutando domicilium transferetur de Parochia, transitque de ipsa in locum exemptum Regularium, atque adeo extra jurisdictionem Parochi. Et sicut si quis ab una Parochia ad aliam transferat habitationem suam, ac Domicilium, ibique moriatur, Cadaver illius est penitus extra jurisdictionem primæ Parochi, qui injuste prætenderet super illud exercere, vel minimum jurisdictionis actum, ita à pari nec habent Parochi, vel nullam prorsus exercere jurisdictionem valent in cadavera, Ecclesias, & loca Regularium ingressa, in iisdem sepelienda, siquidem firmiter, imò perpetuo posita extra primam Parochiam, & Domicilium. Domicilium enim primum, quo ad jurisdictionem amittitur, aliò translata habitatione, ut docent communissimè Doctores, præcipue *Sancti de Matrim. to. pr. lib. 3. disp. 23. n. 7. ubi, Vers. Secundo quia: Habitatio constituit aliquem Parochianum*. Et statim ac quis (ut supra) novum Domicilium ingreditur, perpetuo inhabitandum, ibique verè, & realiter incipit habitare (ut Defunctus in casu nostro) illic amittit vetus Domicilium (& esse illius Parochianorum consequenter) & novum acquirit, in quo vult, & incipit habitare, ac subici. Et hoc idem inter alios advertit *Bonac. de Sacram. Ordinis disp. 8. qu. unica, punc. 5. n. 11. dum ait: Ad contrahendum Domicilium, non suffi-*

cere solum animum manendi in aliquo loco, sed requiri simul actuale habitationem. Quomobrem qui solum mente statuit in aliquo loco habitare, non contrahit Domicilium in eo loco, in quo statuit habitare, sicut neque amittit Domicilium, per solum intentionem discedendi. At in casu nostro Defunctus (de quo hic) verè, & cum effectu discessit à priori Parochiæ Domicilio, & contraxit novum, in quo habitare incepit realiter, & cum animo, & intentione ibi perpetuo manendi; in loco videlicet exempto, & Ecclesiæ Regularium, igitur extra subiectionem omnino, & jurisdictionem priorem Parochialem.

1443 Tum quia, & si item concedamus (cum *Federico de Senis Consil. 11. per totum, præsertim n. 6. Calderino, & aliis relatis à Tuschbo conclus. cit. nu. 8.*) exerceri videlicet posse ea, quæ sunt voluntariæ jurisdictionis ubique, & extra territorium, limitari tamen debet secundum Doctores, ut exerceantur, & actus fiat sine contradicte: *Jurisdictionis voluntaria* (ait *Tuschbo conclus. cit. 546. cum Calderino consil. 48. n. 2. ver. Incontrarium*) dicitur quando actus fit sine contradicte, sed inter volentes. At Parochi, si Sacramentaliter absolvent à peccatis suos Parochianos ubique, & extra Territorium, ac Diocesim, non habent (suppono) ullum contradicte, bene tamen, & maximam contradicte, innumerisque contradicte, si prætendant in funeribus in Regularium Ecclesiis se intromittere, ut constet quotidiana experientia, igitur ab illa Sacramentali jurisdictione adhuc circa funerals non valet consequentia, nec arguere, quia hæc contentiosa est, non illa, hinc inter utranque dispar ratio intercedit apertissimè: Ergo.

1444 Tum quia, Voluntaria jurisdictionis (idem *Tuschbo conclus. cit. nu. 2. cum Baldo Consil. 124. Archiepiscopus habens, lib. pr.*) dicitur quando absque judicio exerceri potest, & quando versamur in iis, quæ pertinent ad observantiam, vel Constitutionem, vel Regulam, & ubi de nullius præjudicio agitur. Sed hujusmodi Sapientissimorum Virorum conclusio, sententia, ac doctrina (quæ etiam communis esse videtur) aptatur quidem voluntariæ jurisdictioni, quam exercent Parochi, aut exercere possunt (ex suppositis) etiam extra proprium Territorium, & Diocesim in foro animæ, & absque iudicii strepitu: item absque illius præjudicio. Non tamen aptatur, nec aptari potest jurisdictioni, quam iidem Parochi habere contendunt in Ecclesiis Regularium occasione funerarum su-

per Cadavera suorum Parochianorum in eisdem Regularibus Ecclesiis humandorum, ut supra, ergo. Secunda hæc minoris pars probatur evidenter: Nam dicta prætenſa juridiſdictio exercetur à Parochis non ſecreto (ut abſolutio Sacramentalis) ſed cum ſtrepitu, licet non iudicii, Pompæ tamen funeralis ut conſtat. Item exercetur à Parochis, non in iis quæ pertinent ad obſervantiam Conſtitutionum, ſeu Bullarum Summorum Pontificum, neque ſecundum præſcriptum ſtylum, & regulam Sacrarum Romanarum Congregationum, ſed contra penitus, & omnino, ut conſtat ex tot adſaſtietatem adductis in toto hoc Privilegio: quomodo ergo in tam diſpari, & diſimili ratione valet conſequentia? Neq; omittendum, quod maxime præjudicat Regularibus præſata prætenſa Parochorum juridiſdictio in funeralibus; nulli autem præjudicat altera abſolvendi ubique ſecreto à peccatis Parochianos proprios, ergo ab hac ad illam non valet arguere.

1445 Tam etiam quia definiri debet à Pignatello, à quo recipiant, vel receperint Parochi voluntariam juridiſdictionem, de qua in ſuo argumento, peragendi videlicet officium, &c. ſuper cadavera ſuorum Parochianorum in Eccleſiis Regularium exiſtentium, atque in eiſdem humandorum, vel enim eam recipiant, aut receperunt à Superiore ſupremo, à Summo Pontifice videlicet: Vel ab inferiore, hoc eſt à proprio Epifcopo. Nam voluntaria juridiſdictio (inquit *Tuſebus concl. cit. 546. nu. 17.*) duplex eſt; Una quæ conceditur à Principe, & à Superiori Supremo, pro ut Papa: & iſta (addit) ubique poteſt exerceri inter volentes ſine dubio. Alia eſt, quæ conceditur ab inferiore, puta recognoſcente Superiorem, ab Epifcopo in caſu noſtro: & iſta (ait idem *Tuſeus n. 18. cum Abbate*) non poteſt exerceri extra territorium concedentis, etiam inter volentes. A' Summo ipſo Pontifice non eſt utique præſata voluntaria juridiſdictio à Parochis recepta, quia imò ſub cenſura, & lethali culpa, pluries, ut conſtat, à Sanctitate ſua eſt illis prohibita, & interdicta: Non ab Epifcopo, quia nec ipſe talem juridiſdictionem habet, ut probatum eſt, & nemo dat quod non habet: à quo ergo alio? aſſignet Pignatell. Cui pro ſolutione ſui oppoſiti argumenti ſufficere poſſent tot hucusque adducta, ex quibus concludenter ſtatui poteſt, atque evidenter (tum auctoritate, tum ratione, præter ea quæ ulterius ad abundantiam infra adducentur) quod etiam admiſſo prout argumenti ſui antecedenti aſſumpto, ut hic libenter, & ſine

ſcrupulo ſimpliciter admitteatur, & abſolute conceditur, non valet tamen eiſdem conſequentia, nec bene currit: Nam, dato quod Parochus Parochiani ſui conſeſſiones in aliena Diœceſi poſſit (ut poteſt) audire, & abſolvere, conſequentia huius propoſitionis deberet eſſe (ut patet, ſicque curret) ergo poterit etiam eas audire in Eccleſiis Regularium, quamvis ſint iſtæ exemptæ, ac veluti extra Diœceſim, extra, quam, uti & in aliena Parochia (ut ſupponitur in antecedenti) juridiſdictio voluntaria exerceri poteſt: hæc inquam eſſe deberet conſequentia Pignatelli, ex ſuo antecedenti, & curret: non vero hæc altera, ergo licet etiam Parochi ingredi Eccleſias Regularium cum Cruce, &c. occasione aſſociationis funerum, ibique officium peragere, quæ conſequentia abſolute negatur, quia non bene inferitur ob diverſitatem iuris, & rationis, quæ facit ceſſare omne argumentum per Doctores communiter, tum Iuriſtas, & Canoniſtas, tum Theologos: Quibus addo & eundem Pignat. to. p. editionis Venetæ, conſultatione 146. n. 20. fol. mibi 197. to. 4. conſult. 43. nu. 82. fol. 72. & conſult. 95. nu. 11. fol. 151. Vide *Tuſebium conclus. cit. 546. & tom. 6. littera R. conclus. 37.* Ubi expreſſe: Ratio diverſa facit ceſſare argumentum &c. Ex ratione diverſa tam legit, quam hominis diverſum ſtatendum eſt, &c.

1446 Addo primo contra eundem Pignatellum: Quod quæcunque ſpiritualis juridiſdictio prætenſa à Parochis ſuper ſuos ſubditos Parochianos, agnoſcere neceſſario debet ortum ſuum, & originem à Summo Pontifice, à quo per omnes derivat juridiſdictio omnis ſpiritualis. Sicque talis etiam eſſe deberet juridiſdictio ſpiritualis ſi adeſſet in Parocho in ordine ad funeranda Cadavera ſuorum Parochianorum in locis, & Eccleſiis Regularium, à Sanctitate Sua videlicet derivata. At Sanctitas Suas abſtulit à Parocho huiusmodi juridiſdictionem, & in Regulari reſtaſtulit, dum expreſſe & ſub cenſuris &c. illi præcipit comitari cadavera ſuorum Parochianorum ſolum uſque ad portam Eccleſiæ Regularium ex dictis ſupra ad abundantiam: nulla ergo remanet amplius in Parocho juridiſdictio ſuper cadavera, niſi uſque ad portam Eccleſiæ Regularium: niſi forſaſe Parochi ſuper Parochianos prætenderent ſpirituaſem habere juridiſdictionem à Summo Pontifice non manantem, quod intolerabile, ac falſiſſimum eſſet, nec admiſſibile abſque errore manifeſto, cum poteſtas juridiſdictionis ſpiritualis in Epifcopos, & Parochos à Summo Pontifice immediate accipitur, quod fateri debent omnes Catholici;

tholici; Summus enim Pontifex, est Vicarius Christi, Episcopus Universalis Ecclesie, Episcopus totius Orbis, Episcopus Episcoporum, Ordinarius Ordinarius, Diocesanus omnium exemptorum, &c. Barbosa de Jure Ecclesiastico Univerſo p. 1. lib. p. cap. 2. Bellarmin. to. 1. controversiar. lib. 2. de Romano Pontific. innumera potestatis super Univerſas Orbis Ecclesias, singulari prerogativa Apostolica Sedi donata est. Carent igitur Parochi omnino, quacumque præſentia iurisdictione super cadavera suorum Parochianorum in Regularem Ecclesiam posita, & humanda, dum adversus eandem aperte contradicunt, nedum idem Regulares, ut constat, verum etiam Sanctissimi Pontifices ab Anno 1258. usque ad Annum 1680. Canones, Decreta, innumera Sacrarum Congregationum Concilii, Episcoporum, & Regularium, atque Sacrorum Rituum. Decisiones Rotæ: Doctores omnes, uno excepto Pignatello consulti. 48. cit. à n. 20., usque ad 24. inclusivè. Et quod mirum est, ipsomet etiam contradicente, dum à sua singulari sententia, sic n. 25. (cum limitatione tamen) recedit: Verum, quia Regulares sui quibusdam Privilegiis (non potest negare Privilegia, ob quod recedit) hanc sententiam elidunt; idcirco statuo, id Parochis licere, cum hac tamen limitatione, dummodo in Ecclesia Regularium, cum Cruce, superpelliceo, & Stola ingressi, nullum Officium super cadavere peragant. Ita statuendi fiduciam præbeat Declarationes expressæ S. Congreg. super Episcop. & Regul.

1447 He autem Declarationes (ut videre est apud eandem) sunt tenoris sequentis: Parochi, si velint, possunt Exequiis assistere, etiam in Ecclesia Regularium, dummodo non faciant Officium, nec præſtent præcedentiam. In Catbacen. 8. Maii 1595. Parochi occasione funerarum possunt ingredi Ecclesias Regularium cum superpelliceo, & Stola dummodo Officium super cadavere peragant ipsi Regulares, &c. In Firmana 29. Novembris 1641. Et statò altre volte dichiarato da questa Sacra Congregatione, che i Parochi possano intervenire alle sepolture de' Morti, che si portano alle Chiese de' Regulari, e possano arrivare insino alla Chiesa, & entrandovi, assistervi senza far cosa alcuna. E coordinini, trà i Regulari, e costelli Curati. In una Gallipolitana 20. Novembris 1601. In Cervien. Cardinali Revilaque 26. Junii 1615. In Gravinen. 22. Januarii 1616. In Ravennaten. 28. & 31. Augusti 1615. In Cassinensi Abbati Montis Casini 20. Septembris

1594. In Montispelusii 16. Augusti 1560. In Nicoterensi 5. Julii 1615. In Turritana 24. Novembris 1617. Has, & alias Declarationes adducit Pignatellus, in quibus apertissimè decernitur, quod Parochi possunt quidem (si velint) exequiis assistere, etiam in Ecclesia Regularium (quod & nos concedimus) dummodo Regulares ipsi Officium peragant, Parochi verò in re nulla se intromittant; quod idem tandem, ex iisdemmet Declarationibus pro se allatis (& Regularium certissimis Privilegiis superius recensitis) coactus est fateri, & ipsemet; ac communi omnium sententia subscribere; quamvis id faciat cum limitatione: concedendo quidem videlicet, quod soli Regulares totum funerarum Officium peragant exclusis omnino Parochis (quod prius negaverat) sed quod hi possint (si velint) ingredi & ipsi Ecclesiam Regularem occasione allocationis funerarum, cum Stola, &c. quam limitationem (inquit n. 25. cit.) præbent Declarationes ipsæ Sacre Congregationis allatæ; in quibusdam enim expressè sic decernitur (ut in Firmana supra) Parochi occasione funerarum possunt ingredi Ecclesias Regularium cum superpelliceo, & Stola, dummodo, &c. Et si ei dicas (ut faciunt aliqui apud ipsum n. 39.) quod istæ Declarationes sint intelligendæ de ingressu absque propria Cruce, superpelliceo, & Stola: Respondet, illas contrarium manifestissimè evincere. Additque, Et quis unquam Parochis interdixerat ingressum in Ecclesiam Regularium sine superpelliceo, & Stola, ita, ut illam ingredi possint; Unde fuerint necessarie tot Declarationes Sacrarum Congregationum? Quæ tamen (ita subiungit nu. 42.) nil aliud docerunt, nisi quod Parochus non teneatur, neque possit ingredi cum Stola, Cruce, & superpelliceo Ecclesiam Regularium, ibique Officium peragere super cadavere Defuncti; non verò quod nequeat ingredi si velint, cum eadem Stola, Cruce, & superpelliceo, dummodo Officium non peragat. Cum hoc non obstat (inquit ipse nu. 40.) primæ sententiæ (hoc est nostræ omnium communi); Nam Stola sine suo exercitio, non est signum præcipuum jurisdictionis, sed Vestis Sacerdotalis. Verum de hac re, uti & de recitatis Declarationibus, infra. Solum ex verbis, & assertionibus Pignatelli, valet hic obiter arguere, & inferre, ipsimet paulatim totaliter recedere à sua singulari sententia, amplectendo simpliciter communem, quam etiam videtur absolutè approbare sub n. n. 54. & 55. in quibus sic: Decreta prohibentia Clero Seculari, ne Officium faciat super Defunctis in Ecclesia Regularium, specialim etiam loquuntur de Capitulo, & Clero Cathe.

Cathedralis, ut præter jam adducta, sic fuisse resolutum cum Capitulo Andrian. scribit Barbosa de Potestate Parochi par. 3. cap. 26. n. 80. & 82. utrobique in fine. Et ratio ipsa sic discernendi æque militat respectu Cleri Collegiatarum, ac respectu Cathedralium. Ea enim tota consistit in eo, quod Ecclesie Regularis sunt exemptæ, ut opportunè advertit Tambur. de Jure Abbat. tom. 1. disp. 15. qu. 18. & Cesspedes de Exemption. Regularium dub. 219. n. 25. Hec autem communis est omnibus Clericis, tam Collegiatarum, quam Cathedralium. Neque urget similitudo præcedentie. Quia differt à jure funerandi. Præcedentia enim supponit concursus exemptorum, & non exemptorum: juri vero funerandi in Ecclesiis Regularium præciue, excludit Presbyteros Sæculares. Hactenus Pignatellus, pro nostra, & omnium communi sententia, ut patet.

1448 Addo secundo quod Parocho in Regularium Ecclesiis apertè prohibitus est sub tot censuris, & pœnis (ut supra) actus quilibet jurisdictionis, unde si nolit iisdem censuris, & pœnis irretiri, debet se abstinere à quolibet jurisdictionis actu, & exercitio in Ecclesiis Regularium, consequenter nec in ipsis Stolis, vel Crucem deferre, ob paritatem, aut similitudinem in argumento prætextam. Præterquamquod aded per repetita Decreta, & præcepta apertè damnata est delatio ipsa Stolz, & Crucis in Ecclesiis Regularium, ut nulla paritas, vel similitudo possit contra eos convincere (ut optimè etiam P. Ab Ascensione cap. 8. division. pr. fol. 217. & 218.) maxime quia non semper à non prohibitis ad prohibita, trahitur consequentia: & à simili ad simile non valet argumentum; quando in utroque simili non est eadem ratio (ut docent Osasch. Mascard. Menoch. Farinac. apud, & cum Barbosa de Locis Communib. loco 101. num. 3. non est autem hic ratio eadem, in antecedenti nanque assumitur id, quod prohibitorum non supponitur: quod autem ex ipso in consequenti infertur, apertè prohibitum est) vel quodcumque ex argumento à simili sequitur juriur correctio (ut probant Juristæ apud, & cum eodem Barbosa l. c. nu. 9.) concessa autem argumenti consequentia, tot Jurium correctio sequeretur, quot supra allata sunt.

1449 Ab hac difficultate, & oppositione se expedit Pignatellus n. 40. dicens: Quod Stola sine suo exercitio non est signum præcipuum jurisdictionis, sed Vestis Sacerdotalis, cap. Ecclesiastica distin. 23. & ut docet D. Thom. 3. par. qu. supplem. art. 7. in corp. est habitus proprius Sacerdotis, & est veluti forma totius or-

natus Sacerdotalis, si quidem ipsum determinat, ut sit proprius ipfius. Que, & Orarium appellatur in Concilio Bracaren. 1. cap. 27. &c. Ergo cum Parochi ingreditur Ecclesiam Regularium cum Stola, utitur habitu ipsi concessio, præcipue occasione Processionum, in quibus semper in usu fuit mos deferendi Orarium. Itaque Parochus ingreditur Ecclesias Regularium cum superpelliceo, & Stola, utitur habitu suo, & quia in illis nullum peragit Officium super eadem cum usu Stole, nullam exercet jurisdictionem, sed puram assistentiam cum suo habitu. Jurisdictio enim est propter usum, ut tradunt Sotus, & Vasquez, &c. Et si licet ingredi cum Stola (sic n. 41. in fine) multò magis licet ingredi cum Cruce. Stola enim est verum, ac majus signum jurisdictionis. Decreta verò (ita n. 42.) Sacre Congregationis tam Rituum, quam super Episcopis, & Regularibus, quæ videntur esse contraria; nil aliud decernunt, nisi quod Parochus teneatur, neve possit ingredi cum Stola, Cruce, & superpelliceo Ecclesiam Regularium, ibique etiam Officium peragere super eadem Defuncti, non verò quod nequeat ingredi si velit, cum eadem Stola, Cruce, & superpelliceo, dummodo Officium non peragat. Hæc Pignatellus. Qui (ut evidenter constat ex suo toto assumpto) aufert, & ipse (cum omnino communi, & nostra sententia) à Parochis, quodvis jus, & quæcumque jurisdictionis actum, vel exercitium in Ecclesiis Regularium occasione funerum; sola eorumdem Parochorum voluntaria assistentia contentus: Cum eadem tamen Stola (addit) & Cruce si velit, ob rationes præfatas videlicet, à se adductas.

1450 Circa quas sic. Quod Stola sit habitus, seu vestis Sacerdotalis, ornatuque Sacerdotis, transeat, hoc enim innuit etiam cit. Textus Canon. idest Cap. 9. Ecclesiastica, distin. 23. quia videlicet Stola, indicat ornamentum virtutum, ibi: Omnis Sacerdos, cum ordinatur, Orario (idest Stola) utroque humero ambiatur, ut qui imperurbatus præcipitur consistere inter prospera, & adversa, virtutum semper ornamento, utroque circumseptus appareat humero. In quo etiam Capite, ex Concilio Bracaren. Stolz delatio sub excommunicatione Sacerdoti præcipitur, sic: Cum Sacerdos ad Solemnia Missarum accedit, aut per se Deo Sacrificium oblaturus, ac Sacramentum Corporis, & Sanguinis Domini Nostri Jesu Christi sumpturus, non aliter accedat, quam Orario utroque humero circumseptus. Si quis aliter egerit, excommunicationi debite subiacet. Occasione hujus Canonis: Ubi etiam Glossa Verbo Corporis, notat: Quod si in agitudine sumit Sacerdos Eucharistiam, circum-

dabit Stola utrumque humerum. Quærit *Azorius* 10. pr. lib. 10. cap. 28. qu. 12. An Sacerdos sine stola, sive sanus, sive ægrotus, cum sine Stola humeris superposita [non faciens Missæ Sacrificium] fumat Eucharistiam, peccet? Et respondet cum *Turrecremata* in di. 7. cap. *Ecclesiastica*, di. 13. non peccare: Nam. *Decretum Concilii Bracarenfis* usu, & consuetudine videtur abrogatum, cum Sacerdotes, tum Regulares, tum Seculares Stola uti deserint.) Transeat igitur inquam, quod Stola sit Vestis, habitusque Sacerdotalis, ac ornamentum ipsius Sacerdotis: Certum enim est præterea per D. D. omnes, esse etiam ex Ecclesiastica institutione signum jurisdictionis, & potestatis, ex superius etiam adductis, unde *D. Thom.* l. c. ab eodem *Pignatello* (in *supplem.* videlicet 3. par. qu. 40. art. 7. in Corpore) ait: *Sacerdoti in utroque humero ponitur Stola, ut ostendatur; quod ei plena potestas datur dispensandi Sacramenta, &c.* Et delatio ipsa Stolæ, præsertim in funeralibus, signum est jurisdictionis Parochialis, per eundemmet *Pignatellum*; quod etiam appositè probat (ut superius retulimus) 10. 5. consulto 54. n. pr. uti 10. 8. consulto 73. nu. pr. 5. 9. 116. & sequent. pariter docet (ut supra item in principio hujus Privilegii retulimus:) *Deferre ante se Crucem, esse signum dignitatis, ac jurisdictionis.* Hinc consulto cit. 48. nu. 40. & 41. expressè affirmat, solum ingressum in Ecclesiam cum Stola, & Cruce esse actum jurisdictionis. Addens eodem n. 41. *Et quemadmodum licet ipsi Regularibus ingredi alienam Parochiam cum Cruce, ad levanda funera, de licentia tamen Parochi, cum alioquin illis non liceret, ut alibi probavimus; ita etiam liberè debet Parochi, & Clero Seculari ingredi cum Cruce in Ecclesias Regularium.* Quinimodò, scilicet ingredi cum Stola, multo magis licebit ingredi cum Cruce, Stola enim est verum, ac majus signum jurisdictionis, ita *Pignatellus*. Quem modò hie ego interperlo, quam consequentiæ vim habeat hujusmodi sua argumentatio? Vult ipse arguere à paritate (ut evidenter constat) at quæ paritas, & paritatis consequentia in hoc suo argumento? Licet (inquit) Regularibus alienam Parochiam ingredi cum Cruce ad levanda funera, de licentia tamen Parochi: ex hoc antecedenti sequitur ne consequentia: Ergo licere debet etiam Parochi, & Clero Seculari ingredi non solum in Parochiam, sed & in Ecclesias Regularium? non solum de eorum licentia, sed eis invitis? non solum cum Cruce, sed & cum Stola? Quæ enim consecutio hæc, cum hic nulla adsit paritas, imò

clara, & summa disparitas? cum Parochus nullo fungatur Privilegio, nec jurisdictione in Regularium Ecclesiis, imò per censuras expressè quilibet jurisdictionis actus ei interdicitur? Valeret quidem consequentia, & argumentum vim haberet, ita tamen regulatum: *Licet Regularibus ingredi alienam Parochiam ad levanda funera; de licentia tamen Parochi, alioquin ipsis non liceret* (ait *Pignatellus*:) Ergo Parochi etiam licere debet ingredi cum Cruce (non cum Stola) Parochiam Regularium (non in Ecclesiam) de licentia tamen Regularium sic (& non eis invitis) alioquin eis non liceret. Et ita argumentum currit conclusivè.

1451 Nec valet hic præfatum *Pignatelli* effugium, quod videlicet queant Parochi ingredi cum eadem Stola, Cruce, & superpelliceo Regularium Ecclesiam, dummodo in ea Officium funeris ullum peragant, eo quia delatio Stolæ sine suo exercitio, non sit signum præcipuum jurisdictionis, sed Vestis Sacerdotalis, & veluti forma, habitus, & ornatus ipsius Sacerdotis, &c. Non inquam valet, quia Stola à Paracho delata in funeralibus de Jure (per omnes) significat jurisdictionem, quam super cadaver Parochianum suum, habet, extra tamen Ecclesiam Regularium: nam cum intra Regularium Ecclesiam Defunctus adest; illius autoritas, ad Januam Ecclesiæ super ipsum cessat, & spirat, sicut simul, & semel Stolæ delatio (quidquid sit de delatione ipsius, quo ad ornatum, &c. formalitas in hoc casu merè metaphysica, & effugium emendicatum metaphysicum:) Quia Regularium Ecclesiæ, sunt ab Ordinariorum Jurisdictione exemptæ, & hac de causa Summi Pontificis, Sacra Congreg. Rotæ Decisiones toties decretarunt expressè, Parochum usque ad Januam Ecclesiæ Regularium associare debere cadaver, & ibi omnia sua, quo ad jurisdictionem, Stolæ delationem, &c. debere finire. Hinc *Samuëllus* de sepult. tract. pr. disp. 3. controvers. 7. conclus. 1. nu. 10. & 11. fol. 107. ad distinctionem propositam à *Pignatello*, de Stola, quo ad ornatum tantum, ait, ut sequitur. *Parochi, de Jure, ac legitime, nullatenus Stolum in Ecclesiis Regularium tenere, possunt, ac debent.* Et si in aliquibus locis tenent Stolum, aut erit ob nescientiam Regularium hujus rei, & Parochorum simul, aut ob tolerantiam pro bono pacis ad scandala, & alia similia evitanda, sed ipsi Parochi tenentur de jure eam deponere, cum ad Ecclesiæ Januam pervenerint. Jam enim hoc satis clarè constat ex Rotæ decisione, & ratione nuper à nobis dicta, & à decisione de hac re facta à S. Episcoporum.

& Regular. Congreg. relata. Nam Stole delatio in Parocho in funeralibus importat tum precedentiam, tum jurisdictionem, qua utraque caret, cum ad Januam Ecclesie Regularium Parochus pervenerit, in funeralium associatione, qui nec etiam ad Pompam, & Ornatum (Nota) Stolum deferre debent in distis Regularium Ecclesiarum; quoniam major superbia eorum ostenditur, & contemptus contra jura, & exemptiones Ecclesiarum ipsorum Regularium: & ipsamet urbanitas necessario requirit, ut in Domo, & in loco alieno exempto Jus alterius non exerceatur à Parocho; quod esset etiam mortale peccatum, per vinum, & in contemptum alterius perturbare jurisdictionem: Ideo Regulares nullo pacto id tolerant, & ipsi Parochi non portant Stolum ullo modo. Hucusque Samuelius. Ex quo habes non licere Parocho (neque quo ad ornatum contra Pignatellum) posse Stolum deferre in Ecclesiis Regularium.

1452 Et confirmari optimè etiam potest recitata Samuelii (& omnium communis) conclusio, contra Pignatellum. Nam si Parochi (per istum Doctorem) tenere Stolum possunt in Regularium Ecclesiis, quatenus ipsi in eisdem nullam exercent jurisdictionem, sed parvam assentiam cum suo habitu; (sunt verba Pignatelli) quare eadem ratione non poterunt, & iidem Parochi deferre, tenereque eandem Stolum, & ante se Crucem in Parochia aliena, atque in Parochiali Ecclesia aliena, cum nulla sit disparitas; imò major ratio respectu Comparochorum inter se, quam inter Parochos, & Regulares? Major inquam ratio. Licet enim jura Parocho- rum, & Parochialium Ecclesiarum sint jura separata, inter seque distincta, ut constet ex Canon. Ecclesias distinctas, causa decimattertia, questione prima, ex quo patet, quod Dionysius Papa Severo Episcopo relictis, singulas Ecclesias, singulis Sacerdotibus assignavit, sub his verbis: Ecclesias singulas, singulis Presbyteris dedimus: Parochias, & Cæmeteria eis divisimus, & unicuique proprium habere statum: ita videlicet, ut nullus alterius Parochie terminos, aut jus invadat. Sed sit unusquisque sui terminis contentus, &c. Et ita, ut unusquisque proprium habeat Territorium, nec unus alterius fines eo invito ingrediatur, cum unus Sacerdos alterius Parochie terminos, plebem, & jus non debeat usurpare, Cap. Placuit 7. qu. 1. Cap. Sicut 9. qu. 2. Cap. Nullus 3. de Parochiis. Barbosa cum aliis congestis de Potest. Parochi par. p. cap. 18. n. 17. Michael Antonius Frances de Ecclesiis Cathedralibus. cap. 19. n. 179. fol. 328. & idem Barbosa de Potestate Parochi par. pr. cap. pr. nu. 17. cum

aliis. (Antiquitus enim, ut ipsemet etiam notat in princip. nu. 17. cit. Parochie distictæ non erant, sed Episcopi omnes dicebantur totius Diocesis curam habere, & omnes illius Decimas percipiebant, & inter se, & alios Clericos dispensabant, quas reliqui Clerici de manu Episcopi percipiebant, & curam exercebant, cap. 1. Vers. Has vero Decimas, 16. quest. 7. Sed cum post ea populus Christianus augetetur Dionysius Papa, &c. qua de re, vide cit. Frances de Ecclesiis Cathedralibus. cap. 2. n. 117. fol. 31. & n. 132. & sequent. fol. 32.) Major inquam ratio respectu Comparochorum, quam Regularium, quia Regulares omnimodè, & totaliter prorsus, ac in perpetuum à Parochiis, & Episcopis eximuntur, Sedi Apostolicæ subiecti; unde magis exempti sunt Regulares à potestate, & jurisdictione Parochi, quam Parochi ipsi sint à jurisdictione Ecclesie Cathedralis, à qua, ratione suæ Dignitatis (quia ibi Cathedra, & Sedes Episcopalis sita est, Barbosa de Canon. & Dignitatibus cap. 2. n. 4. Frances cap. 2. cit. n. 139. alique) & Superioritatis in omnes inferiores Ecclesias totius Diocesis, Barbosa de Parocho p. 3. cap. 25. n. 22. Frances nu. cit. 139. & alii apud istos, non ita eximitur Ecclesia Parochialis, nec Parochus à subiectione Cathedralis, ob hanc enim subiectionem Parochialium Ecclesiarum eidem Cathedrali Ecclesie, & ob hujus prerogativam Superioritatis, dicitur hæc, Matrix, in Cap. Venerabili, de Verborum signifi. ibi: Nos per Matricem, Ecclesiam Cathedralis intelligi volumus; hinc, Barbosa de Jure Ecclesiastico Univerfo par. 2. lib. 2. cap. 1. nu. 20. Matrix Ecclesia (inquit) propriè dicitur de Ecclesia Cathedrali ex Cap. Venerabili. Et etiam dicitur ea, que habet alias Ecclesias sibi subiectas n. 27. Suar. de Relig. tom. 1. lib. 1. cap. 24. n. 1. Azor. Institut. Moral. par. 2. lib. 3. qu. 13. & libr. 9. cap. 3. in fine. Vers. Matrix, & alii. At si sic est, uti certissimum est, quod videlicet magis à potestate, & jurisdictione Parochi exempti sint Regulares (quatenus isti ratione suorum Privilegiorum, solum Summum Pontificem, ut proprium Ordinarium recognoscunt; suntque ipsius delegati: Regulares (ait Moronus responso 99. n. 69.) sunt delegati Pape in virtute suorum Privilegiorum, ideo quidquid agunt, agere Papam censendum est, quam Ecclesie Parochiales, & Parochi ipsi, exempti sint à jurisdictione Cathedralis Ecclesie, cum huic utique subiciantur, & Episcopo, uti Prælati super omnes suæ Diocesis Rectores, Barbosa de Parocho par. 1. cap. 1. nu. 22. imò Parochi ipsi

ipsi in funeralibus, & actu curæ animarum, ob subiectionem jurisdictionis eorundem, gerunt vicem Episcopi, *Stephanus Gratianus Disceptationes Forenses* 298. n. 3. ibi: *Parochus in Funeralibus, & actu curæ animarum gerit vices Episcopi, qui dicitur Rector Parochialis, Cap. Bone rei* 12. qu. 2. *Cap. Ad Apostolicam, de donat. Boer. de Aut. Magn. consil. in addit. n. 16. Germon. de indul. Card. S. Ac Beneficia* nu. 45. item *Barbosa de Parocho par. 1. cap. 9. num. 1. Parocho in actu curæ animarum gerit vices Episcopi, qui dicitur Rector Parochialis, ideo tanquam subrogatus in ejus loco, &c. Quibus stantibus, & subiectione præfata Parochorum (quam non habent Regulares, qui amplissimam exemptionem possident, ac emancipationem omnimodam à subiectione Parochorum) quare isti Cathedrali Ecclesiæ subiecti, acriter contendunt, ac impediunt alios Comparochos, etiam Ecclesiæ Cathedralis, suam Parochialem Ecclesiæ ingredi cum Stola iis invitis in afficiendis cadaveribus; super quo etiam sæpe recursus habuerunt ad S. Congregat. & ab eademmet decretari curarunt, ut videre est apud *Barbosam de Parocho par. 1. cap. 9. n. 7. cum Julio Lavoreno, & apud alios? Quare inquam hoc à R.R. Parochis Cathedrali Ecclesiæ subiectis, cui obsequium maximum, ac reverentiam specialem præstare debent? Quare Supremi Judicis sententiam talem procurare? Ad quid, licuit ne hoc, cum in sententia *Pignatelli* ingressus cum Stola simpliciter (ut potè ornatus, & habitu proprio Sacerdotis) absque jurisdictionis exercitio, nullam Rectori Ecclesiæ inferat injuriam? Cur Parochi (quando inter ipsos non est conventus actus jurisdictionis reciprocus) à propriis Comparochis exigunt, usque ad minimum suæ jurisdictionis quadrantem, & proprium hoc jus ita fatagunt acriter, atque mordicus retinere, ac defendere, etiam in itinere (in quo, si quandoque ex ipsis alter in cadaveribus allocandis in Parochiæ alterius districtum, in qua humanandum sit cadaver eo invito pervenire acciderit, reprimitur statim, & jubetur non amplius progredi, vel Crucem deponere, exuereque Stolam, ne per sui Comparochi ingrossum cum Stola, & Cruce, alterius Parochi jura aliquo modo tangerentur, quod utique non solum clarum est apud D. D. verum etiam notum apud Urbium Cives nedum, verum etiam apud incolas Villarum, etiam minimarum, ex replicatis Comparochorum altercationibus, ex quibus experimentum habuerunt, quod idcirco ab ullo negari po-**

test, eo magis quia de iisdem altercationibus repetitis Ecclesiastica ipsa fora Civilia, & quandoque Criminalia reclamant.) Cur inquam hoc, nisi quia sic Parochorum jurisdictioni inferitur præjudicium? ita, & non aliter, nec alia ratione. At hæc eadem ratio non militat etiam respectu Ecclesiarum Regularium? utique, imò major, ob omnimodam exemptionem, atque independentiam ex dictis, neget hoc si potest quis. Si si autem est, uti est; ergo si Parochus ingrediatur cum Stola Ecclesiam Regularium; istorum juribus pariter præjudicat; non enim magis Parochi à Regularium, quam Regularis Ecclesiæ à Parochorum jurisdictione exempta est; unde hic par ratio, à majoritate autem, vel paritate rationis valet argumentum, *Barbosa Loco commun. 68. n. 1. cum Decian. Cephal. Surdo, Peregr. & aliis.*

1453 Quo verò tandem ad Decretum Sacre Congregat. à *Pignatello* to. 3. consil. 48. n. 27. allatum, & superius relatum, in quo, in *Firmana* 29. Novembris 1641. favore Parochorum definitum videtur, ut sequitur: *Parochi occasione funerum possunt ingredi Ecclesias Regularium cum superpelliceo, & Stola, dummodo Officium super cadavere peragant ipsi Regulares.* Respondeo Primo, si extat, & verum est hujusmodi Decretum, sequitur ex ipso in favorem Regularium (evidenter, ut constat) Parochos non posse in Ecclesiis eorundem super cadavere Officium peragere. Merito autem dico, si verum est, & extat hujusmodi Decretum, seu Declaratio; nam *Portel. in dubiis Regular. Verbo Clausura Monialium, in Additament. n. 2.* affirmat, se non credere contrarias Declarationes à Sacra Congregatione in eadem re emanare. Do hic ejusdem ipsissima verba, quæ valde faciunt ad rem nostram: *Non possunt Episcopi, vel Superiores Regulares dare licentiam, femine, ut maneat intra Clausuram Monialium, ratione securitatis, ob lites Matrimonii, adulterii, & dissensionum inter scortatos, sic refert Rodriguez respondisse Congregationem Cardinalem Episcopo Salmanticensi, & ponit ibi verba Cardinalium: habetur in Bullario Rodrig. fol. 1200. & concordat, quod ait Miranda to. pr. qu. 2. de Monialib. art. 7. Scio Azorium to. p. lib. 13. cap. 8. qu. 4. dicere, eosdem Cardinales Concilii Romæ declarasse, posse recipi intra Clausuram licite Viduam honeste famam, quæ cupit honestatis gratia intra Conventum manere. Item posse recipi feminam uxoratam, si vita illius aliqui tuta non sit. Item posse recipi feminam de licentia Episcopi, de adulterio suspellam apud Virum suum, eaque de causa vitæ*
K k k k peri-

periculum certo timet. Et hæc omnia ait, *haberi ex Declaratione Cardinalium*. Quod si ita fuit declaratum, vides duas Declarationes in eadem materia, & in eadem re omnino contrarias, quia hæc adducta ex Azorio contradicitoriè opponitur illi adductæ à Rodriquez in Bullario. Ego non credo, Illustrissimos Cardinales contrarias Declarationes in eadem re edidisse. Fortè falluntur Doctores, illas recitantes, vel non intelligentes. Unde obiter videas causam, ob quam non vult Papa, prædictas Declarationes imprimi auctoritate publica Ecclesiæ. Videas item fortè hinc motos Doctores, qui dicunt, Declarationes Cardinalium non obligare in conscientia, neque in foro externo, ita Portel. cui multum favet Bordonus res. fol. 73. qu. 5. n. 10. dum ibi sic: Declarationes à Sacra Congregatione in suis contingentia nunquam contrariæ emanantur, licet secundum corticem verborum aliquando fuerint nonnullæ contrariæ. Quod formaliter contrariæ non exierint, suadet, quia in illis Patribus Sapientissimis, qui non solum per se, sed etiam per viros peritissimos controversas, & difficultates sibi oblatas, per quam prudenter resolvunt, & decidunt, huiusmodi contrarietas, quæ ignorantiam, & imprudentiam arguit, præsumenda non est. Confirmatur, quia si qua contrarietas aliquando visa fuit in illis, originem habuit ex malo, & pravo intellectu illarum, cum enim in his moralibus speculationibus, & in genere procedendum non sit, sed non tantum tempus, & locus, verum & quamplures circumstantiæ spectandæ sint, mirum non est, si quandoque oppositæ responsiones datæ fuerint ex conditione, & adiectione diversarum circumstantiarum. Exemplum sit de Visitatione Altarinum Confraternitatum in Ecclesiis Regularium: nam in una Vercellen. 17. Julii 1615. Responsum fuit, Episcopum illa visitare posse: postmodum in una Ostiensi die 2. Octobris 1626. Visitare non posse, de quibus ego res. fol. 72. n. 20. dixi. Prædictæ Responsiones secundum corticem verborum ex diametro contrariæ, tamen posito quod sint veræ, facili conciliantur, & auferitur contrarietas, dicendo, non posse Episcopum visitare in eo, quod immediatè tanguntur ipsi Religiosi; utique verò respectu ipsorum Confratrum, nunquam aliter dici posset, unam earum esse falsam. Vide quæ ibi dixi. Confirmatur, quia Princeps solet se accommodare precibus sibi porrectis, leg. Si preces, ff. De leg. Cap. Inter dilectos 6. §. Ceterum de fide Instrum. ubi Gloss. Verbo Petitionis, ait, Responsorem conformari petitioni per leg. De Ætate, ff. De Interd. actione. Unde, &c. Hactenus Bordonus, & optimè ad rem nostram. Secundus Respond. Tot alia à nobis supra, & à DD. alia ad fatietatem innumera referri contraria De-

creta, ventantia expressè Parochis ingredi Regularium Ecclesias cum Stola, aut Cruce, vel Pluviali, quæ reddunt inverisimile S. Congreg. hoc unico relato particulari Decreto (vel altero) voluisse derogare tot aliis absq; ulla prorsus mentione supradictorum anteriorum; hinc saltem dubium videtur, usque dum exhibeatur authenticum. Vel dic etiam, Decreta quæ fortasse contraria videntur, & afferuntur, talia non esse, quia forsitan loquuntur de Ecclesiis Regularibus, quæ etiam Parochiales sunt, quales sunt hic Veronæ, Ecclesiæ Sanctæ Ensemis, Sancti Nazarii, & Sancti Thome, quæ sunt Regularium, ut constat, & Parochiales. Et in hujus dicti additi confirmationem facere videtur id, quod advertit Donatus to. 3. Praxis Regul. tract. 10. tit. de sepult. in Ordine ad Regulares qu. 39. fol. mibi 181. dum ibi sic: Adverte, quod sicut Parochus Secularis desert Stolum in propria Parochia, & in Parochia Fratrum, dum Defuncti corpus in eorum Ecclesia sepelitur: ita à pari, & vicissim Parochus Regularis, in eodem casu, & tempore, poterit Stolum deferre, non solum in propria Parochia, sed etiam in Parochia, ubi sepelitur suus Parochianus, ut serovent equalitas, pro ut S. Congreg. sepè declaravit, quas Declarationes refert, & amplectitur Barbosa de Potestate Parochi c. 26. n. 76. Quo loco, sic ait Barbosa fol. mibi 396. Parochus Secularis, sicut desert Stolum in propria Parochia, & in Parochia Fratrum, dum Defuncti corpus in eorum Ecclesia sepelitur, ita Parochus Regularis in eodem casu, & eodem tempore, poterit Stolum deferre non solum in propria Parochia, sed etiam in Parochia Defuncti, ita S. Rit. Congreg. sub die ult. Septemb. 1628. Nam Parochus Monachus ita potest cum Stola ingredi Parochiam Secularium, sicut Secularis Parochus Monachorum Parochiam ingredi valet, Sacra Congreg. in Asculana 29. Januarii 1629. Tertiò. Eito etiam, adductum, vel alterum Decretum simile extaret, oportet videre, an derogat Regularium Privilegiis in hac materia, vel de iisdem mentionem faciat, quod omnino necesse est, ut effectum suum sortiatur: Quarto. Quod adhuc nulliter pro Regularibus adducitur, quia expressè illi derogatum est, per Clausulas, ut supra: Ex certa scientia, &c. Aviam, & inane, &c. Sublata, &c. Non obstantibus, &c. Quibus Clausulis Decreta pro Regularibus fulcita sunt, quæ hanc vim habent, &c. Quinto. Quia (ut advertit, & optimè etiam P. Ab Ascens. c. 8. divis. 1. fol. 322. Vers. Adde 2.) inter Decreta superius pro Regularibus allata, aliqua recentissima sunt,

imò plura ex eis non sunt Decreta præcisè, nec Declarationes Eminentissimor. Cardinalium, sed sunt Bullæ Summorum Pontificum, & leges perpetuæ *Alexandri VII. Clem. X. Innocent. XI.* quæ Bullæ utique posteriores sunt iis, quæ à Parochis possunt adduci; posteriora autem (de jure communi) derogant prioribus, ut specialiter videre est apud *Barbosam Axiom.* 183. apud quem super hoc *Jura, & Decreta*: ampliatis in fine *Axiomatibus cum Seraphino decis.* 1271. n. 1. & cum *Rota*, maxime currere: *Quando priorum mentio fit in posterioribus*, quod contingit expressè in casu nostro, ut videre est in Bullis supra adductis, *Clem. X.* præsertim in quibus sic: *Non obstantibus Constitutionibus, & Ordinationibus Apostolicis, repetitis in aliis Bullis. Sexto tandem.* Quia si commune Juristarum Axioma verum est, uti est, quod rationes due vincunt unam, *Cap. Causam que, de re judic. Authent. cessante, C. De legat. heredit. §. Si verò, Instit. de adoptionibus Bald. cons.* 188. *In substitutione, in princ. lib. 1.* apud, & cum eodem *Barbosa Axiom.* 197. num. 14. cur à nobis tot allata Decreta, Bullæ, &c. unum, vel alterum Decretum non superabunt, si asseratur?

1454 Ad illud autem, quod addit *Pignatellus* supra, videlicet, quod Parochus Christi vices gerit in jurisdictione respectu sui subditi, atque adeò non circumscriptur loco ejus jurisdictionis, sicut non circumscriptur jurisdictioni Christi, in eo enim loco, in quo potest principalis exercere jurisdictionem, potest & Vicarius ipsius. Scire vellem, an ipse iis verbis intendat asserere, Parochum esse immediatè Vicarium Christi: independentè à Papa, ita ut à Christo Domino, uti ipsius immèdiatè Vicario, recipiat immediatè jurisdictionem, independentè ab eodem Papa Summo Pontifice, & si hunc sensum habeat sua propositio (quod non credo) est hæretica. Debet igitur ista Parochi jurisdictioni dimanare, & dependere à Papa: sicque Parochus erit Vicarius Papæ: & Christi Provicarius. At Parochi jurisdictioni non solum à Papa, verum etiam ab Episcopo dependet ex dictis; quod certum est etiam per eundem *Pignatellum*, maxime in funeralibus, de quibus loquimur in præfati: Unde *consul.* 49. *ejusdem* to. 3. n. 1. sic ait: *Parochus in funeralibus, & exercitio curæ animarum est magis dignus. Nam gerit vices Episcopi, qui dicitur Rector Parochialis, Cap. Bone rei 12. qu. 2. Et. ac proximè præfertur omnibus in cura animarum.* Ergo debet etiam præferri in loco, in quem Regulari, omnesve alii convenire debent occasione funeris ejus Parochiani. Quia subrogato debetur

idem honor, ac subroganti in actibus, in quibus illum representat. Ergo Parochus per *Pignatellum* Vicarius est Episcopi, si quidem non solum à Papa, sed etiam ab Episcopo dependet, unde dici potest ad summum non Vicarius Papæ, sed Episcopi, & Provicarius Papæ (ut advertit etiam *d. Ab Ascens. cap. 8. divis. pr. fol. mihi 219.* jurisdictione ab utroque dependente, ab Episcopo, & à Papa, in fieri, esse, & conservari, & cum ab ipso Summo Pontifice non receperit jurisdictionem, nisi limitatam, & extra loca expressè exemptorum, & Regularium (per Bullas supra recitatas) ad hæc loca, non potest utique extendi jurisdictioni Parochi. Neque affirmari in Parocho, *Loco incircumscripso*, ratione Vicariatus Christi, sicuti nec Christi jurisdictioni circumscriptur: tum quia falsum est, quod Parochus sit Vicarius Christi, ut dictum: tum quia Summus Pontifex *D. Dionysius Parochias dividit*, ut supra; jubet Parochis, ut *Unusquisque sit suis terminis contentus, nec alterius fines invadat.* Et *Concil. Trident.* approbans hujusmodi divisionem, *sess.* 14. cap. 9. ait: *Jure optimo distinctæ fuerunt Dioceses, & Parochia, ut unicuique, gregi proprii attributi Pastores, & inferiorum Ecclesiarum Rectores, qui suarum quique vicum curam habeant. Imò talem divisionem, & distinctionem præcipit idem Tridentinum, sess.* 14. *de Reformat. cap. 13. in fine*, ibi: *Mandat Sancta Synodus Episcopis pro tutiori animarum eis commissarum salute, ut distincto populo in certas, propriasque Parochias, unicuique suum perpetuum, peculiaremque Parochum assignent, qui eas cognoscere valeat, & à quo solo licitè Sacramentum suscipiant, &c.* Et si Parochus per *Pignatellum* Vicarius est Episcopi, ejusque vices gerit, cum plus certè Vicarius non possit, quam principalis: cum principalis, hoc est Episcopus, in Ecclesiis Regularium non valeat jurisdictionem exercere ob omnimodam istorum exemptionem ab Episcopo (ex Bullis supra recitatis, & Privilegiis) nec consequenter poterit Parochus ullam exercere jurisdictionem in eisdem Regularium Ecclesiis, ipsis invitis.

1455 Nec obstat hic, quod obiicit idem *Pignatellus* to. 3. *consul.* 48. n. 23. *in fine*, *fol.* 117. Potest Episcopus in Ecclesiis Regularium erigere Baldachinum: Ergo poterit etiam Parochus peragere Officium super cadavere sui Parochiani Defuncti in Ecclesia Regularium, & in eadem deferre Stolum, & Crucem in funeralibus. Non inquam, obstat: & negatur consequentia, quia hæc omnino est disparata, nam permittitur

Episcopis, Baldachinum erigere in Regularium Ecclesiis, Parochis verò è contra, prohibetur expresse in eisdem Ecclesiis deferre Stolum, & Crucem, sique consequentia, diffonè, & malè deducta: Baldachinum enim, & Stola, non æquiparantur: ut nec Parochus, & Episcopus, extra propriam Ecclesiam præcipuè, cum Parochus inferior sit, dependens, & subditus Episcopi sui Superioris, independentis à Parocho omnino, cui Parocho, præsertim extra propriam Ecclesiam non debetur reverentia tanta quanta Episcopo, &c. quare cum non adsit paritas à Baldachino ad Stolum, sicuti neq; ab Episc. ad Parochum, ruit argumentum, quod idè valet, quatenus in utroque eadem ratio procedit, nam si est diversa, & dissimilis, infirmatur, & profertur, *Barbosa Loc. Commun. 101. à nu. 3. cum Muscibardo, Menocchio, & aliis.* Adde etiam quo ad eandem disparitatem, quod Baldachinum ad honorem, & reverentiam Episcopi in Ecclesiis Regularium permittitur; non ad jurisdictionem: estque Privilegium illi concessum, quo uti potest invitis etiam Regularibus ipsis, de quo adest clara Declaratio Sacre Congregationis Cardinalium super negotiis Episcoporum, & Regularium, seu Apostolicum Decretum sub *Clem. Papa VIII. sub die 10. Junii 1603.* Quod referunt ad verbum plures Doctores, præcipuè *Tamburin. de Jure Abbat. tom. pr. disp. 15. qu. 15. n. 17. Barbosa de Potestate Episcopi par. 3. allegat. 80. sub n. 16. Pasqual. in Francum par. pr. n. 378. & apud Cesspedes de Exemption. Regularium cap. 13. dub. 222. num. pr. Jo. Novarius in Summa Ballarii, de Baldachino.* Ex quo Decreto (in quo fundatur Pignatelli obiectio) & ex ejusdem verbis, clarè habetur, esse emanatum, non ad Episcopos jurisdictionem, sed ad solum istius honorem: incipit enim: *Decret. Episcopis, pro eo, quo in Ecclesia Dei excellunt dignitatis gradu, in quocunque suarum Diocesium loco, quoties eos ibi Pontificalia exercere, aut in Pontificalibus adesse, & assistere contingit, eam, quam par est, reverentiam, & honorem, decoro cultu, & ornato exhiberi.* Hocque Decretum expresse loquitur de Ecclesiis: *In quibus Episcopi Pontificalia exercent ex consuetudine, Privilegio, aut alio jure, &c. non de aliis.* Et notat *P. Pasqualig. l. c. num. 381.* cum aliis: Per hoc Decretum nil de novo concedi Dominis Episcopis, quo ad usum Baldachini in Ecclesiis Regularium, & exemptorum; sed solum declarari, quod ab eisdem Episcopis (virtute hujus Decreti) possunt Regulares, & alii exempti censu-

ris compelli, nolentes usui Baldachini assentiri. Nam antea etiam poterant uti Baldachino, quoties poterant Pontificalia exercere, aut in Pontificalibus interesse, cum enim Baldachinum sit accessorium ad Pontificalia, de jure illo etiam uti possunt, quoties in dictis Ecclesiis in Pontificalibus interveniunt, concessio enim principali, accessoria conceduntur: Hinc cum non sit paritas Stolz, & Baldachini, ruit Pignatelli argumentum. Item adde (quod notat etiam *Ab Ascensione cap. 8. division. pr. fol. 225. 226.*) in præfato Decreto permitti Episcopis Baldachinum in Ecclesiis prædictorum Regularium, quia nonnulli *Regulares* (sunt verba Decreti) *vano quarundam immunitatum, & Privilegiorum prætextu*, hoc Episcopis impediabant: *Prætextus autem vanus, est velamen, quo moveri se quis ad aliquid agendum simulat, ut ait Antonius à Spiritu Sancto, consult. 47. n. 40. fol. mihi 111. ex Gonzalez, & aliis relatis à Villalobos tom. pr. tract. 9. difficult. 62. n. 5. quod & colligit, ex leg. Sub prætextu prima, & secunda, Cod. De transactis, Cap. Sub prætextu, Cap. De Hered. At nos negando R. R. Parochis ingressum in Regularium Ecclesias cum Stola, &c. non simulamus nos moveri falso quodam, & vano immunitatum, & Privilegiorum prætextu. Sed movemur vera, atq; legitima facultate fundata in certis Privilegiis, non vanis, sed veris, &c. Igitur ex hac parte aperta disparitas est, leveque argumentum Pignatelli.*

1456 Uti tale etiam videtur esse, quod ultimo loco obicit, dum arguit: Non obflare, quod Regulares sint exempti. Tum quia etiam hodie, ex *Decretis Sacri Concilii Tridentini*, & ex *Constitutionibus Apostolicis* Episcopus, vel Capitulum Sede Vacante, habet jurisdictionem in Regularibus, quos casus plene enumerat *Barbosa de Episcopo allegat. 105.* Tum etiam quia, stante antiqua Regularium subiectione; si ab eis non debetur obedientia, debetur tamen reverentia, ergo, tale inquam (idest leve) hoc etiam argumentum, nilque concludens contra nos: Nam inter casus quos (plene quidem) enumerat *Barbosa par. 3. allegat. cit. 105. à n. 14. usque ad 93. allegationis ultimam*; ne verbum quidem facit de subiectione Regularium in propriis Ecclesiis, & locis, quo ad funeralia; cum tamen eandem subiectionem auferat penitus ab eisdem, idem *Barbosa* alibi, & pluribus locis superius fideliter relatis. Quæ ergo hujus argumenti consequentia contra nostram traditam doctrinam? Et quæ item consequentia? Do-

betur

betur à Regularibus Illustrissimo, atque Reverendissimo Episcopo reverentia (uti certè debetur, & reverentia summa, quæ etiam ab ipsis humillimè, libenterque ex corde toto præstatur, ut constat, maximè scientes, quod exemptus à jurisdictione, non est exemptus à jure reverentiali, ut docent *Roman. singul. 486. & Lezzana to. pr. cap. 11. n. 3.*) Ergo eidem Dominationi suæ, & R. R. Parochis ejusdem vicem gerentibus, debetur ab eisdem subiectio talis in funeralibus? absolute negatur: Cum Regularium Ecclesiæ, & loca à subiectione Parochorum, & Episcoporum aliorumque Ordinariorum Ecclesiasticorum eximantur omnino, ut hucusque ad satietatem triplici ex capite firmatum est. Quare accedo tandem ad Caput quartum, & ultimum, &

1457 Probo ratione primo, nostrum (ac omnium commune) responsum: Quia Superior Regularis est veluti Parochus in propria Ecclesia, ut docent communiter D. D. imò cum expresse Curatum vocant, & Parochum, ut videre est apud Hieronymum. *Llensis parte prima. Method. cap. 6. §. 7. Cardinal. de Lugo de Pœnitent. disp. 21. sect. pr. n. 9.* (ibi alios referens) & apud alios. Curam enim habet idemmet animarum, sibi subiectarum, iisdemque de necessitate administtrat Sacramenta, & sepulturam, doctrinam, & verbum Dei proponit, ac in spiritualibus instruit, quæ signa sunt Parochialis juris, ex Clement. *Dudum de sepult. ex Barbofa de Offic. Parochi par. pr. capit. pr. & aliis*: Unde Tobias Lobner in *Instructioe præctica Pastorum par. pr. cap. primo §. p. de Pastore in Genere, qu. 3. inquires*: Quid sit Parochus, fol. 3. respondet: *Qui proprio nomine habet jus administrandi Sacramenta, Cœmeterium erigendi, atque in eo Defunctos sepeliendi, cujusmodi etiam est (ut constat) Superior Regularis. Qui pariter proprium Territorium habet [uti habent omnes Parochi] septa videlicet Monasterii, præcipuè Ecclesiam propriam sibi subiectam: ut communiter Doctores, præsertim Lezzana, consult. 45. n. 22. ubi: Territorium Abbatis dicitur esse Ecclesiæ sibi pleno jure subiectus: & faveat Rota coram Orano in una Burgen. jurisdictionis 6. Novembr. 1596. quam Decisionem affert Tamburin. de Jure Abbatum to. 3. decis. 43. fol. 349. Sed Parochus in Ecclesia alterius Parochi jurisdictionem nullam habet, nec exercere potest, ex superius relatæ ordinatione, & definitione D. Dionysii Papæ: nec in alterius Parochi Ecclesia super cadaveribus potest ipso invito Officia peragere; nec cum Stola, & Cruce eleva-*

ta alterius Parochi Ecclesiam ingredi, ut notum est omnibus, imò toti Mundo: Ergo neque hoc idem obire potest Parochus in Ecclesiis Regularium, cum isti in suis Ecclesiis sint veluti Parochi, ergo pares in hoc: Parium autem, eadem est juris dispositio, Cap. *Inter Corporalia, Cap. Sicut ergo, de transit. Episcopi. Et eadem natura, leg. Si Socr, in fine, ff. Solutio Matrim. Et eadem potentia, leg. 1. §. Veteres, ff. De acquir. possess. l. Si reus, ff. De duobus reis. Barbofa Axiom. 174. num. 4. Et idem judicium consequenter. Barbofa Axiom. 14. n. 2. cum aliis pluribus Juristis. Novissimè verò Didacus de Narbona de *Ætate ad omnes actus requisita, Auno 1. qu. 15. n. 4. fol. mibi 37.**

1458 Probo secundo: Quia Superior Regularis, nedum est veluti Parochus, sed etiam quasi Episcopus in propria Ecclesia, cum in hac jurisdictionem habeat ipse quasi Episcopalem Glossa (communiter recepta) in Clementina prima de rebus Ecclesiæ non alienan. Verbo Proprii, ibi: *Habent Episcopalem jurisdictionem, vel quasi. Cochier de jurisdic. Ordinarii in exemptos par. pr. qu. 17. num. 9. Omnes Regulares sunt exempti à jurisdictione Ordinariorum per Privilegia eis concessa, & consequenter habent jurisdictionem quasi Episcopalem. Glossa singul. Clement. 1. & c. Et n. 25. Qualem jurisdictionem habeant Prælati, & Superiores exempti? Respondeo quasi Episcopalem. Gloss. Et c. & D. D. Ita quod ejusmodi Superiores omnia exercere possunt in suis, quæ Episcopi in subditos: Navarr. consil. 23. Tit. de Privilegiis. Hieronym. Sorbo Capuccinus in Annot. ad Alphons. à Casarubis in Compend. Privilegiorum Frat. Minor. Verbo Prælati. Quibus addo Sayrum de Censuris libr. 4. cap. 2. Barbosam de Potest. Episcopi par. 3. allegat. 105. nu. 3. Tamburin. de Jure Abb. to. 2. disp. pr. qu. 4. n. 2. Antonium à Spiritu S. in Direct. Regul. tract. 4. disp. 4. sect. 2. n. 26. Sancb. de Matrimon. to. 3. lib. 8. disp. 3. n. 9. (ubi affirmat, hanc potestatem, & jurisdictionem, quasi Episcopalem competere Superiori, & Prælato Regulari, sive Generali, sive Provinciali, sive Præposito locali, qui toti Domui præest, & in istorum absentia, competere eorundem Vices gerentibus: ut sunt Vicerectores, Vicepriores, & c. eo quod omnes jurisdictione quasi Episcopali fungantur, & de omnibus his eadem militat ratio) Peyrin. to. pr. Privilegior. Constitut. Unica Pyrrbi, §. 8. nu. 46. ubi alios citat, quod faciunt, & antea relati, & de communi affirmat Pellizzar. in Man. to. 2. tract. 9. cap. 3. sect. pr. qu. 5. n. 6. Et idem Episcopus nequit Regularium Ecclesias Alta-*

ria, &c. & Monasteria visitare, sed suis Prelatis (ut statuit *Trident. sess. 25. cap. 20.*) reservatur: ut hoc idem pluries à *Sacra Concil. Trid. Congregat.* declaratum fuit, ut videre est apud *Rodrig. to. pr. q. Regularium, qu. 36. art. 4. Quarantam in Summa Bullarii, Verbo Privilegia Regularium, pag. mibi 514. in princip. Vers. Congregatio item Concilii, Angelum à Lantusea in Theatro Regular. Verbo Privilegia. Peyrin tom. pr. Privilegior. Constitut. 2. Sixti IV. §. 10. nu. 17. Lazzan. to. pr. cap. 11. n. 7. & to. 2. cap. 15. n. 27. Barbosa in Collectan. Bullarii, Verbo Altare, & apud alios. Et in specie neque potest Episcopus (ad casum nostrum) Officia facere in Regularium Ecclesiis: *Henriq. lib. 7. cap. 26. n. 5. in corpore*, ibi: Non potest Episcopus, aut alius Prelatus in Ecclesiam exemptam, invito Prelato, & Regularibus, convocare Processiones, &c. aut alia Officia celebrare, cui adhærent alii ab ipso relati in *Glossa ejusdem capituli, litt. G*, aliique communiter. Igitur, si Parochi excludunt à propriis Ecclesiis alios Comparochos, dum isti, illis invitis, ingredi eas tentant cum Stola, & Cruce ad funeralia facienda, & simplices Parochi tantummodo sunt, eo magis excludi debent ab Ecclesiis Regularium, eo quia Regulares sunt in iisdem veluti Episcopi: ut dictum, & probatum est, & hujusmodi illatio optimè evincit, cum valeat argumentum à multo magis, & à majoritate rationis per Jusperitos apud, & cum *Barbosa Loco 68. nu. pr.* ubi docent, quod *Argumentum semper valet, ut constitutum in eo, in quo est minor ratio; videatur constitutum in eo, in quo est major constituendi ratio.**

1459 Confirmatur hujusmodi ratio: Quia si doctrina superius tradita *Pignat.* (& aliorum fortasse) vera est, quod Stola deferre, & Crucem levare, nullum sit jurisdictionis indicium, nec juri Regularium præjudicium asserat, Stola inquam præcipue deferre in eorundem Ecclesiis (cum hæc sit simplex ornatus, & habitus Sacerdotis) quare toto conatu (per Judicis etiam sententiam) fatagunt Parochi, ut aliis Comparochis prohibeatur, ne quis eorum (illis invitis) nec devotionis causa, aliore prætextu cum Stola, & Cruce alienas Parochias, & Ecclesias intrent? Quare inquam Ecclesiis Regularium non inferitur præjudicium per Parochos, si isti in eisdem Ecclesiis deferant Stola, &c. & valde perturbantur, si illud idem in Parochorum (invitorum) Ecclesiis exercent, & tentent Comparochi? quare? nonne quia optimè agnoscunt,

Comparochos per hoc jurisdictionem exercere, & sic proprio sibi Parochiali juri ab eisdem præjudicari? Et si sic est, uti firmè est, ergo Parochi tentantes Stola deferre, &c. in Ecclesiis Regularium, istis invitis, peccant utique contra præceptum Injunctis à natura ipsa inditum, & cuicunque intimum: *Alteri non facere, quod sibi fieri non vult.* A quo peccato Parochi præsertim alieni prorsus esse debent, cum ex eorum Pastoralis, & Parochiali Officio, & animarum cura, ipsis incumbat, proprios Parochianos in Christianæ Doctrinæ præceptis instruere verbo, & exemplo: probum enim est obici *medico, cura te ipsum, & probrosius animarum Pastoribus: Dicunt, sed non faciunt.* Quibus si contra obtrudas: *Que dicunt facite, ipsi retrudant: Sed vie homini illi per quem scandalum venit: Qui legit hic, intelligat.*

1460 Probo tertio ratione (quam in hac re adequatam, dicit *Samuel. de sepul. tract. 1. disp. 3. contr. 1. concl. 2. num. 29. fol. 74.*) Parochi nullam præeminentiam, aut jurisdictionem habent, vel habere queunt in Ecclesiis Regularium, cum sint omnino exemptæ, sicuti exempta sunt omnia Regularium loca, Sedi Apostolicæ immediatè subiecta, de quibus ipsa Summa Apostolica Sedes curam gerit, protegit, fovet, ac defendit omnia Regularium Jura, ab ipsa Sancta Sede desumpta: Ergo non admittendi Parochi in eisdem Regularium Ecclesiis ad Officia Mortuorum peragenda (nisi cum expresse, vel saltem præsumpto eorundem Regularium assensu) maxime cum Stola, quæ signum est præeminentiæ, ac jurisdictionis. Hinc merito à *Sacra Rituum Congreg. in una Viterbiensi, & Trojana die 4. Maii 1613.* & plures antea, & post (ut referunt *Samuell. disp. 3. cit. contr. 2. concl. cit. nu. 53. 54. & 55. fol. 83.* & *Barbosa in Collectan. Bullar. Verbo Stola*) decisum fuit, quod Archypresbyter, qui est secunda dignitas in Ecclesia Cathedrali Viterbiensi, cui animarum cura incumbit, ac Stola deferret, præcedere debet Archidiaconum, qui est prima dignitas, ratione Stolæ.

1461 Sed hic fortasse opponet quis: Si hujusmodi ratio tantam vim habet, ut in hac re (adequata) ac convincens censeretur debeat, quo jure scientissimus, ac sapientissimus *Albertus Valerius* in suo *Ecclesia Veronensi Rituali*, ipsius jussu editus Anno 1609. (de quo etiam fit mentio in una *Veronensi Jurium Parochialium 23. Martii 1629. Coram Eminentijs. D. Cardinal. Virile*: quam refert per extensum *Tamburin. de Jure Abbas. in calce*

calce tomi tertii, & ibi est Decif. 87.) quo inquam jure, scientissimus ille Prelatus (illic Magnus Cardinalis Augustini Valerii Nepos, ac immediatus successor in Episcopatu Veronensi) in eodem Rituali, sub Titulo De elemosynis, & funeralibus. Definivit reliquit: Si aliqua rationali de causa cadaver statim sepeliendum non fuerit: Tunc de consensu Parochi differri poterit: Quo casu si adhuc aliud, vel plura etiam eodem presente cadavere fieri contingat, Missarum Officia omnia non secus, ac primum, ad proprium Parochum una cum funeralibus pertinebunt. Semper enim intelligitur ubicunque locorum sit cadaver, quandiu inhumatum remanet, juris Parochialis esse? Si igitur ex citato Rituali Veronensi Cadaver juris est Parochialis, quandiu inhumatum remanet ubicunque locorum sit; sequitur etiam in Ecclesia Regularium quandiu & in ipsa insepultum remanet, sub Parochi jure etiam ibi adesse. Ergo etiam ibi poterit consequenter Parochus ingredi cum Stola, &c. & super ipsum cadaver exequias peragere, usque ad Requiem eternam inclusivè, & ultimum Vale, contra id, quod uticertum, & adaequatum supponi videtur in tertia immediate antecedenti tradita probatione. Hujusmodi oppositio, & argumentum, est Achilles R. R. D. D. Amicorum meorum Veronensium Parochorum; quod tamen (eorundem pace) nullam prorsus vim habere, ex ejusdem evidenti, adaequata, & immediata solutione apparebit. Igitur eisdemmet Adm. R. R. ac Doctissimis Parochis humillimè, & reverenter

1462 Respondeo Primò: *Rituale Veronense* editum fuisse pro Ecclesia Veronensi, pro ipsa tantum institutum, ad eandemque solam limitatum doctrinam verò, & resolutionem nostram illimitatam esse, ac ubicunque locorum urgentem, & obligantem: *Rituale enim Veronense*, esto obligaret ad sui observantiam, Veronæ obligaret tantummodò, non alibi, ut constat. Sed respond. Secundo, nec Veronæ amplius *Rituale Veronense* obligare, post editionem *Romani Ritualis*, jussu Sanctissimi Pontificis Pauli V. de Anno 1615. Quo solo Rituali (privativè ad quodcunque aliud) in posterum in tota Ecclesia Romana utendum est, inviolabiliter observando omnia, quæ in ipso contenta sunt; in iis enim omnibus, quæ in dicto Rituali Romano præscribuntur, interposita est Auctoritas Romanæ Sedis, ideòque tanquam de jure observanda sunt, ut constat ex Bulla ejusdem Pauli V. eisdem Rituali præfixa, in qua sic: *Horiamur in Domino Ven. Fratres, Patriarchas, Archiepiscopos, Episco-*

pos, & dilectos filios eorum Vicarios, nec non Abbates, Parochos universos, ubique locorum existentes, & alios, ad quos spectat, ut in posterum tanquam Ecclesie Romanæ Filii ejusdem Ecclesie omnium Matris, & Magistra Auctoritate constituto Rituali in sacris functionibus utantur, & in re tanti momenti, quæ Catholica Ecclesia, & ab ea probatus usus antiquitatis statuit, inviolatè observent. Quam observantiam Ritualis Romani, stricte pariter, & adamussim (exemplo etiam Prædecessorum suorum) induxit, atque præcepit poenali mandato (ne verbum quidem faciens de Veronensi Rituali) Illustrissimus, & Reverendissimus D. D. Episcopus Veronensis. Sebastianus Pisani Junior, in sua prima Diocesana Synodo, impressa sub die 9. Maii 1675. Typis Joannis Baptiste Meruli, Episcopalis impressoris, Cap. V. sub Titulo De Libris habendis à Parochis, & servanda forma Ritualis Romani, sub sequentibus verbis. Quamvis à Prædecessoribus nostris providè fuerit statutum, ab omnibus Recltoribus Curatis utendum esse Rituali Romano, &c. Nihilominus nos quoque precipimus, & mandamus omnibus Recltoribus, Civitatibus, & Diocesis sub parva, &c. dictum Rituale Romanum adhibere debere, & admissam formam ejusdem servare. Verum quia in Rituali Romano, in toto Titulo De Exsequiis, circa præsentem controversiam inter Parochos, & Regulares nihil præscribitur, vel definitur, imò circa eandem, ne verbum quidem positum est, ut patebit legenti, & quia ob id R. R. Veronenses Parochi, adherentes omnino, & in omnibus eidem Romano Rituali, sequuntur suum Veronense, quo ad Regulas (tantum) in ipso præscriptas sub Titulo de Elemosynis, & Funeralibus, quæ (& quatenus) non contrariantur, nec opponuntur præscriptis in dicto Paulino Rituali: idèd respon. Tertiò. Negando absolute argumenti consequentiam. Ad antecedens, desumptum ex præscripto in Rituali Veronensi: idèd, Ubicunque locorum sit cadaver, quandiu inhumatum remanet, juris Parochialis esse intelligitur. Dico, talem sanctionem esse de Cadaveribus existentibus in Ecclesiis Parochialibus: Et quis est ita cecutiens, ut hoc idem non videat, dum evidentiissimè patet? Quia Parochis, & subditis tantum Episcopi Veronenses præscribuntur, quæ in Rituali Veronensi continentur, non Regularibus, ut potè exemptis omnino à jurisdictione Ordinarii, & quibus aptari nequeunt, quæ in eodem Rituali præscribuntur. Et ob id etiam eisdemmet Parochis, ceterisque animarum Curatis idem Rituale dirigitur, unde, & in fronte

fronte inscribitur, *Rituale Ecclesie Veronensis*, Parochis, ceterisque animarum Curatis ad Sacramenta rectè ministranda, ceteraque Parochialia munera obsequia, Ritus, Cereemonias, Doctrinamque præscribens. Jussu, &c. Episcopi Veronæ, & Com. Editum, &c. Et in Epistola Pastoralis ejusdem Illustrissimi Prælati, eidemmet suo Rituali præfixa, pariter singulis Parochis, &c. Civitatibus, & Diocesis directæ, præcipit ita: *Præcimus, & in virtute Sanctæ Obedientiæ, ac sub penis arbitrio nostro reservatis, districte mandamus, Vobis omnibus, & singulis Ecclesiasticis personis, tam Sæcularibus, quam Regularibus Parochis Officium, & curam animarum in Civitate, & Diocesi Veronensi exercentibus, ut omnibus aliis cæremoniis libris, quos omnino interdiximus, omisis, Rituale hoc, uno post editionem Mense in Civitate, duobus verò in Diocesi tota habere debeatis, & eam, que in eodem præscripta est, Parochialis muneris formam, inviolabiliter observetis, & in vestris Ecclesiis omnino observare faciatis.* Nota ly: Vobis omnibus præcipimus, & in virtute Sanctæ Obedientiæ districte mandamus: Vobis, idest præfatis subditis nominatim, hoc est Parochis, & Curatis, non Regularibus, ut potè non subditis, ad quos consequenter (certum est) dictum præceptum obedientiæ non extendi, neque (defectu auctoritatis in præcipiente) extendi posse. Item nota ly *In Ecclesiis Vestris* (idest in Vestris Ecclesiis Parochialibus), non enim Regularium Ecclesie sunt Parochorum observare faciatis utiq; (ut constat) in Vestris Ecclesiis Parochialibus, non Regularibus, in quibus Parochi jus nullum habent. Verum

1463 Tantum abest, quod *Rituale Veronense* contradicat nostræ traditæ doctrinæ de Regularium Privilegiis in funeralibus, & præfate nostræ explicationi, quod imò eidem aperte, & expresse favet: nam Titul. cit. de Elemosynis, & Funeralibus. *Vers. Ecclesius vero Regularium, sic: Ecclesius Regularium, que retinent jus sepulture, datur quarta funeralium, & Sacerdos illius Ecclesie* (Nota) *Officium præstat, idest non Parochus, qui non est Sacerdos illius Ecclesie, sed Regularis.* Et *Vers. In Ecclesiis vero Monialium, item: sic: Si Defunctus sepeliatur apud Moniales, Monialium Confessor* (Nota, non Parochus) *sive Capellanus faciat Officium.* Ecce igitur, quod *Rituale Veronense*, nec nostræ hætenus traditæ doctrinæ, neque Regularium privilegiis in funerum materia contradicit, dum pariter excludit Parochos ab Ecclesiis tum Regularium, tum Monialium, seu ab Officio funebri in iisdem peragendo, sepul-

turæ occasione, &c. Cæterum, certa res est, quod uno excepto *Rituale Romano*, auctoritate Apostolica edito, nec Veronensi, nec aliud quodcumque *Rituale* tangere, aut obligare potest regulares, etiam si loquantur per verba generalia, deficit enim auctoritas in statuente, consequenter nec præsumitur talis voluntas in ipso, quia non præsumitur, nec creditur, quod quis præcipiat, & velit, quod jure præcipere, vellet, & facere licitè non potest: Non enim præsumitur, statueret voluisse in generali dispositione comprehendere personas, de quibus etiam si voluissent, in specie disponere non potuissent, & quatenus etiam illas comprehendissent, statutum non valeret, defectu potestatis, ut tenuit (apud, & cum Diana to. 9. Coord. tract. 3. ref. 11. §. 1. ex part. 6. tract. 3. ref. 3.) *Olradus* in quadam sua disputatione, quam refert, & sequitur *Bartol. in leg. Filius familias, §. Divi n. 12. ubi Angelus n. 4. Floria de Sancto Petro n. 11. cum seq. Fugosius sub num. 6. Vers. Quid autem cit. statutum. Alexander n. 11. & 12.* Igitur nulla dispositio intelligitur facta; seu lex præscripta in *Rituale Veronensi*, tangens Regulares, defectu potestatis, subiectum enim legis est homo subditus; Bonac. de Legib. disp. 1. qu. 1. punc. 6. n. 1. & communiter omnes: quia potestas tenendi leges, potestas est jurisdictionis, quæ exerceri nequit in eos, qui non sunt subditi, cum nulla potestas possit agere extra suam sphaeram: Regulares autem non sunt subditi Episcopi, vel Ordinarii, ut constat, & certum est: ergo lex, & dispositio *Ritualis Veronensis*, nec tangit eos, nec potest eos tangere defectu jurisdictionis, & potestatis, & consequenter etiam defectu voluntatis, quia voluntas sine potestate nil operatur, *Menoch. lib. 3. præsumpt. 6. nu. 33.* & tamen voluntas, & potestas sunt præcipua in quavis hominis dispositione. *Jafon. conf. 140. n. 6. lib. 4. decis. 5. conf. 163. n. 21. lib. 3. Portius Inmolens. conf. 92. n. 65.* At semper præsumitur, Legislatorem velle suas leges operari. *Arg. lib. Arriani, Cod. de heret.* Ergo & in casu nostro Episcopus Valerius in suo *Rituale* ordinavit, & voluit solum id, quod potuit: & noluit, quod non potuit, aliter voluisset suum *Veronense Rituale* (in totum saltem) non operari; & idem in ipso non adstrinxit, nec tetigit Regulares, non Parochos; (addo non Parochos quia Regulares Parochi, quo ad curam parochialem subduntur Episcopis, & Ordinariis, qua de re vide *P. Dianam tom. 3. Coord. tract. 3. ref. 85. & 86. ex par. 11. tract. 2. & Miscell. 2. ref. 14. & ex par. 30. tract. 16. & Miscell. 6.*

ref. 27. aliàs 26.) Et voluit inquam, solum id, quod potuit, nil ulterius, aliàs voluisset illicitum, quod nec creditur, nec præsumitur, cum ly voluit, referatur ad actum licitum. Unde etiam *Barbosa dictione* 436. nu. 2. & 3. sic habet (quod maximè facit ad hanc rem:) *Uolo, referatur ad actum licitum, non verò ad actum irregulatum, & illicitum, secundum Peraltam in l. 1. nu. 73. ff. De legat. & Molin de primogen. lib. 2. cap. 5. n. 17. Menoch. consil. 1184. n. 7. ubi ait, quod quisque velle non præsumitur nisi honesta. Velle enim quis non creditur, quod jure facere non potest, leg. Lucius, §. Imperatores, ff. Admunicipalem, leg. Si tibi, §. Unius, ff. De optione legata, Gloss. in leg. Pete in princip. ubi Bald. in fine princip. ff. De legat. secunda, Cap. Cum à nobis, de sentent. excommunic. Menoch. consil. 540. n. 6. Surd. consil. 431. n. 41. Rota decisio. 364. nu. 3. apud Farinac. par. pr. res cent.*

1464 Quod autem sit illicitum, inane, & nullum, condere legem pro non sibi subditis, & in casu nostro à Prælatis, & Ordinariis pro Regularibus, maximè in funerarum materia, & quo ad presentem materiam, de qua hic scribimus, & loquimur, præterquamquod ex pluribus superius adductis Bullis, Sacrarum Congregationum Decretis, Doctorum auctoritatibus, & rationibus, certum, & indubitatum esse videtur; expresse prohibetur in *Mari Magno Minorum Sexti IV. & Clem. IV. apud Roderic. in suo Bullario Confil. 14. Sexti IV. sub n. 33. & 34. fol. mibi 150. col. 2. his verbis: Universis Ecclesiarum Prælati, & aliis jubemus, non compellere vos ad Synodos, seu convocationes suas accedere, aut suis Constitutionibus subjacere, &c. Et n. 37. Decernimus enim irritum, & inane, quidquid contra tenorem inhibitionum hujusmodi, per quoscunque fuerit attentatum, &c. Et n. 37. Nulli ergo omnino hominum liceat hanc paginam, &c. Ex quibus verbis, expresse inquam, videtur prohibitum Prælatis, vel aliis (à Sede Apostolica suprema) includere in suis legibus Statutis, vel Ritualibus Regulares, hos nominando, atque astringendo; eorundem enim omnium, & Diocæsanorum potestas, non potest hos restringere in suis Privilegiis, cum non possint ire contra Decreta, & Bullas Summorum Pontificum, à quibus omnino in suis legibus, Statutis, Ritualibus, &c. dependent Prælati omnes Diocæsani, &c. & si isti in hoc contra quid faciunt, Apostolica Sedes in suis Bullis, & Decretis toties relatis, de facto irritat, invalidat, & annullat. En ergo quid faciat ad Regulares*

*Rituale Veronense Parochorum. Unde quando RR. Parochi assumunt (ut quotidie faciunt) in funeralibus standum est Rituali Veronensi, ultrò, & libentissimè admittunt, & concedunt Regulares. Sed hujusmodi Rituale arctat, afficitque Regulares, negatur absolute hæc minor: Exclaris enim ejusdem Ritualis verbis, constat oppositum, ut supra: Sicque negatur etiam consequentia, quam inferre, ac deducere intendunt iidem RR. Parochi contra Regulares ab ipsis omnino independentes, & exemptos. Legatur attentè *Rituale Veronense*, in quo nil penitus contra Regulares, in toto citato Titulo De Exequiis Defunctorum, ac de Elemosynis, & Funeralibus, Nec enim in uno, vel altero Titulo, verbum quidem invenitur (ut patebit legenti) ex quo argui queat, quod Veronenses Parochi occasione funerarum possint ingredi Regularium Ecclesias cum Stola, Cotta, Cruce elevata, ibique funerale Officium peragere, aut in aliquo se introumittere, cum oppositum omnino constat ex supra positis, & ex eodem *Rituale Veronensi* desumptis. Ex quo etiam habes, quod Parochus, in duendo funere, cum Stola, ratione præeminentiæ, & jurisdictionis incedit, *Ejus Capellanus tunc sine Stola: Titulo eodem de Exequiis paulo post initium, Vers. Parochus autem. Utique tunc Capellanus sine Stola*, quia tunc cum ipsa in eodem funere, cum jurisdictione propria Parochus incedit: Ergo cum talem jurisdictionem exercere nequeat in Ecclesia Regulari, neque potest eandem ingredi cum Stola, neque se introumittere, &c. Quia tamen hæcenus dictis non obstantibus, RR. Veronenses Parochi, semper habent, & quotidie in ore (uti & in corde) dictum Parochorum *Rituale Veronense, & suum solitum, solitum, ac consuetum*, quasi ipsi sint in possessione immemorabili exercendi intus Ecclesias Regularium actus jurisdictionales funerales super cadavera Defunctorum in eisdem Ecclesiis sepelienda, excurrant sequentem *Decisionem*, sæpè à DD. à nobisque pluries superius citatam, & allatam à *Tamburino de Jure Abbatis to. 3. fol. mibi 399. colum. 1. (quæ est Decisio 87.) emanatam ad hominem contra dictum solitum, solitum, ac consuetum, & contra Veronensem Parochum, introducentem pro suo jure Rituali Domini Episcopi.**



Coram Eminentissimo D. Cardinali Virile. Veronensis Jurium, Parochialium, Veneris 23. Martii 1629. Argumentum. Parochus intus Ecclesias unitas Monasteriis Regularium, non potest in funeralibus Stolum deferre, & alias functiones exercere.

1465 **C**um præsupposito, quod Bulla Alexandri III. de qua in Summa num. 1. sit in forma probante, denegarum Domini Parochi Sanctæ Mariæ ad Clavicam, manutentionem circa delationem Stole, & exercitium aliarum functionum intus Ecclesiam Sanctæ Margaritæ: Moti fuerunt: quia, aut Rector Sanctæ Mariæ prætendit manutentionem ex actibus possessorii gestis intus dictam Ecclesiam, & de huiusmodi possessione non docetur, & testes uti examinati sine citatione Olivetanorum, non probant cap. 2. de testibus, leg. Si quando, Cod. eodem.

Aut Rector prætendit manutentionem sola assensu juris: & cum ex Bulla Alexandri III. Ecclesia Sanctæ Margaritæ sit unita Monasterio Sanctæ Mariæ in Organo Olivetanorum, utiq; intrant Declarationes Sacre Congregat. Concil. & Rituum, Summ. num. 3. quod dum cadavera Defunctorum sepeliuntur in Ecclesia Regularium, Parochus intra dictam Ecclesiam non possit se intronizzare, nec aliquos actus exercere: in Ecclesia enim unita Monasterio Regularium, non habet Parochus juris assensum ex eo, quod sit sita intra suos limites, Abb. in cap. Dilectus num. 3. & 11. de Capell. Monach. & in Cap. Ad audientiam, il. 1. num. 8. de Eccles. aedif. & in cap. Cum Venerabilis num. 46. de except. Calderin. in conf. 6. num. 1. Vers. Item sicut, de Reliq. Domib.

Ultra quod ex sola assensu juris turbida non datur manutentio. Seraph. decisio. 312. num. 1. & ibi add. & fuit dictum in Montis regali jurisdictionis 4. Novembris 1596. coram bon. mem. Penia.

Non obstant Decreta, & sententiæ Vicarii Veronensis, quia dederunt causam liti, & non assensum Olivetanis non citatos. Bald. in leg. Ab eo, num. 17. Cod. Quomodo, & quand. Jud. Tabr. de citat. conclusio. 1. num. 310. Cesar. de Grass. d. 8. in fin. de dol. & cont. Tarez. decis. 467. num. 3.

Rituale Episcopi non loquitur in Ecclesia unita Monasterio Regularium.

Quo ad quartam petitionem funeralium informantis pro Olivetanis religiose procedentes offerunt Rectori quartam ipsorum funeralium, que in die sepulture cum corporibus mortuorum deferuntur.

Et ita utraque parte informante, &c.

1466 Et ut hæc singularis Deciso ac vim, do hic sententiæ ejusdem Authentici-
Sententia, majorem habeat, imò totalem cum Instrumentum.

In Nomine Domini. Tenore presentis publici Instrumenti cunctis pateat, & sit notum, quod aliis lite, & causa in Romana Curia, & in Sacro Roto Auditorio, coram Reverendo Patre Domino Hieronymo Verospiro, ejusdem Sacri Palatii Apostolici causarum Auditore, & huiusmodi cause in locum Eminentissimi, & Reverendissimi Domini Luce Antonii Sacre Romanæ Ecclesiæ Cardinalis Virilis, ante ejus ad huiusmodi Cardinalatus dignitatem promotionem, ejusdem Sacri Palatii Apostolici causarum Auditoris, & huiusmodi cause Judicii Judice Commissario specialiter surrogato, desuper à S. S. Domino Nostro Papa specialiter deputato, inter Reverendos Dominos Abbatem, & Monachos Sanctæ Mariæ in Organo Civitatis Veronæ ex una, & Reverendum Dominum Dominicum Principalem Prælorem, seu Parochum Ecclesiæ de, & super quæta, & pacifica possessione exercendi jura Parochialia dictæ Ecclesiæ, rebusque aliis in actis cause, & causarum huiusmodi latius deductis, & illorum occasione partibus, & altera introducta, & adhuc indecisa pendente. In qua idem Reverendus Pater Dominus Hieronymus Verospiro Auditor, & Judex surrogatus partibus procedentibus. Tandem verò die Mercurii vigesima sexta Mensis Junii Anno à Nativitate Domini Nostri Jesu Christi millesimo sexagesimo trigésimo fuit causa huiusmodi per eundem Reverendum Patrem Dominum Hieronymum Verospiro Auditorem, & Judicem surrogatum proposita, inibique maturè, & diligenter discussa, & ventilata, fuit decisum, & resolutum in eadem Rota, prout, & quemadmodum in decisione, & resolutione, per eundem Reverendum Patrem Dominum Verospiro desuper firmata, & facta, nec non ex Libro Decisionum Originalium huiusmodi Auditoris per me Notarium publicum infra scriptum fideliter extracta, auctulata, & collata tenoris infra scripti. Videlicet. Veronensi Jurium Parochialium, Mercurii 26. Junii 1630. Coram Eminentissimo Cardinali Virili delegata fuerat manutentio Rectori Sanctæ Mariæ ad Clavicam super exercitio Jurium Parochialium in Ec-

in Ecclesia Sanctæ Margaritæ, quia cum illa esset unita Monasterio Regularium Congregationis Olivetanæ, non poterat Reſtor juxta ſola juris aſſiſtentia, quod eadem Eccleſia eſſet intra limites ſuæ Parochiæ, ſed cum ea reſolutione illud fuiſſet à Domini tanquam pro certo ſuppoſitum, ut eſſet in forma probante Privilegium Alexandri Tertii, quod continebat unionem ejuſdem Eccleſiæ, & poſita iterum cauſa, viſa fuiſſet deinde dubia fidei copie exempli ejuſdem Privilegii, quæ ſolum à Monachi exhibebatur tanquam extracta ex privato Archivio, & quæ nullis adjuvari poterat adminiculis. Dederunt iidem Monachi in actis ipſum exemplum tranſcriptum ex Originali in forma autentica. Super cuius ultima ſcripturæ fide propoſui iterum dubium ad inſtantiam Procuratoris Monaſterii, & ad inſtantiam Reſtorii ſuper conſeſſione manutentionis, quam ipſe Reſtor ſibi debitam contendebat, poſtquam ex duobus Deciſionibus ſublato videbatur fundamentum unionis, ſub cuius præſuppoſito fuerat eidem manutentioni denegata. Et ſuper priore, parte dubii, à qua etiam pendebat poſteriori reſolutio: Reſponderunt Domini ad favorem Monaſterii propter Solemnitatem, quas ex eodem inſtrumento producto videre erat, ſervatas fuiſſe in illius tranſumptione, & ex quibus eadem omnino fidei debebatur huic ſumpto, quæ ipſi Originali, ut expreſſè diſponitur in cap. ſin. de Fid. Inſtrument. Cum enim ipſius Originalis vetuſtas ſit in cauſa, imò ſolius amiſſionis timor, ſatis ſit, ut ex Originali Copia deſumi poſſit, quæ eandem fidem mereatur, & ſit loco ipſius Originalis p. Abb. in d. cap. ſin. 2. notab. Cardin. Seraph. deciſ. 1428. num. 1. Rot. deciſ. 422. nu. 3. p. 1. recent. poſt trecentum, & decem annos, qui interceſſerunt à tempore dati Privilegii ad tempus, quo fuit extracta Copia, de qua hodie queritur, & ex quibus ſatis hæc cauſa videri poterat juſtificata, apparebat propterea ejuſdem tranſumptionem factam cum præſentia trium Notariorum Anſonitæ Judiſii Ordinarii, & demum confirmata Decreto Patriarchæ Aquileienſis tanquam Judiſii competentis in hac cauſa exemptioni, quæ omnia ad validitatem tranſumptionis præcipiuntur in eodem cap. ſin. & ex eo mot. Dec. & alii in autb. ſi quis in aliquo num. 9. Cod. De edend. Lanfranc. in cap. Quoniam contra de probat. ſub tit. de inſtrum. producti. num. 458. Covarr. præſ. queſt. cap. 21. Verall. deciſ. 321. par. 3. Neque ejuſdem tranſcripti fidei minus poterat ex omiſſa citatione partiſ, de cuius præjudicio agebatur, & quæ ex eodem inſtrumento producto probari videbatur omiſſa, dum nunquam apparebat in illo fuiſſe enunciatam. Quia vel non fuit opus aliqua citatione, dum facta fuit exemplatio ex ſola vetuſtate Originali, non autem ad alicuius inſtantiam, qui ſuſpicaretur futuras ſibi adverſarias certas perſonas in ea cauſa, cuius gratia Privilegium ex antiquo Originali extraheretur. Bald. in leg. Ne quidquam, §. ubi Decretum num. 22. ff. de Officio Proconf. & leg. Menoch. conf. 745. num. 6. Vel non licet dicere, illam fuiſſe omiſſam ex hoc ſolum, quod non appareat, in inſtrumento enunciatam, ut imò tanquam Solemnitas extrinſeca, aliunde præſumi poſſet. Fel. in cap. Albericus num. 3. & 4. de Teſtibus. Put. deciſ. 205. & deciſ. 327. lib. 2. & ex antiquitate centum, & quadraginta annorum, qui decurrerunt uſque ad hanc diem, ab Anno 1487. quo tempore fuit facta tranſumptio, præſumi etiam conveniret non ſolum citationem partiſ, ſed reliquas alias omnes Solemnitates. Covarr. eodem cap. 21. præſ. queſt. num. 7. Menoch. conſil. 924. nu. 29. & præſumpt. 8. num. 2. Aym. de antiqu. tempor. §. Vidimus num. 21. & ſeq. Vrſill. ad Aſſi. deciſion. 368. num. 5. Et quod fuerit authenticum etiam ipſum Originale, ut plene comprobatur Cuman. lib. 158. num. 2. Et illud maxime movit Dominos, ut ſicdem huic ſumpto deurgandum non putaverint, quod plurimus viſum fuit juxta adminiculis ex quibus etiam copie alterius copie fides dari ſolet. Menoch. conf. 924. num. 35. Verall. deciſion. 234. par. 1. Card. Seraphin. deciſ. 1192. num. 2. Rot. deciſ. 418. num. 5. par. 2. recent. & in Romanæ Unionis 1. Martii 1599. coram Orano inter impreſi. par. 4. diverſ. deciſ. 543. Conſtabat enim de obſervantia ejuſdem Privilegii tam ex pluribus viſitationibus, & collationibus ultra annos ſeptuaginta, quæ probabantur effectum fortite, factis ab Abbatibus Monaſterii Sanctæ Mariæ in Orano, cui hæc Eccleſia Sanctæ Margaritæ dicitur unita, quæ ex conſeſſione uſus ejuſdem Eccleſiæ Conſraternitati Laicorum. Ex quibus omnibus non ſolum videri poterat probata obſervantia, cum non niſi ex cauſa ejuſdem Privilegii fieri potuerint. Bald. in leg. Quædam mulier in ſin. ff. rei vend. Alciat. reg. 2. præſumpt. 24. Aym. conſ. 10. num. 9. Rot. deciſ. 598. num. 5. par. 1. diverſ. Ut imò ſatis fuiſſet probari eandem obſervantiam ex actibus negativis, & intermiſſis Viſitationibus ab Ordinario, dum nihil aliud continebat Privilegium exemptionis, & erat pars executionis ipſius gratiæ, quod Ordinarius viſitare deſerit, prout ſic ratiocinari viſa fuit, Rota d. par. diverſ. deciſ. 534. num. 5. & præ cæteris omnibus adminiculis, quæ deducta fuerunt, illud viſum fuit poſſiſſimum, quod Originali huiusmodi Privilegii meminit Cardinalis Baronius in ſuis Annalibus. Dum Anno poſt Chriſtum natum M.C.LXXVII. reſcripſet quæ geſſit Alexander III. in Civitate Venetiarum, relatis omnibus Sanctæ Romanæ Eccleſiæ Cardinalibus, qui in eo ſe ſubſcripſerunt, & eodem loco, & tempore, ſicut in hoc tranſumpto continetur, ac demum per-

sona Abbati Opizonis, cui fuit concessum Privilegium, & persona Cardinalis Gratiani, per cujus manus dicitur datum. Cujus auctoritati plurimum Domini detulerunt, tum quia negari non potest, quin sit maxima, tum quia probata observantia in parte, & in reliquis, illa presumitur, quæ non possunt non esse eadem, ac similia, cum iis, quæ probantur observata. *Parif. consil. 90. num. 4. & 6. lib. 1. Garz. de Benefic. par. 12. cap. 2. num. 240. Rot. decisio. 124. num. 4. par. 2. recent. & Tirasfoni. Juris presentandi 21. Octobris 1594. coram Litta relat. apud eundem. Garz. d. 5. 2. num. 242. & in Caurien. decimarum, seu jurisdictionis 17. Junii, & 14. Novembris 1583. coram Cardinali Blanchetto, & ex his probata Unione, non poterat Rector concedi manutentio, cum in Ecclesia unita Monasterio Regularium, nullum posset Rector deducere titulum tam de jure, quam ex dispositione Sacre Congregationis Concilii, & Rituum, super eum solum posset obtinere, quod probaret fuisse à se possessum, sicut fuerat precipuum, atque unicum fundamentum decisionis Eminentissimi Cardinalis Virili, cum qua Domini hodie transierunt, utraque parte informante, & ita, &c. quæ quidem decisio sit per me Notarium Publicum infra scriptum ex suo Originali superius, ut præmittit extractum, & auscultatum, & collationatum fuit, & concordatum. De, & super quibus omnibus, & singulis præmissis, petiitum fuit à me eodem Notario Publico infra scripto unum, vel plura publicum, seu publica fieri, atque confici Instrumentum, & Instrumenta. Actum Rome in Palatio solite habitationis dicti Reverendi Patris Domini Vero spii die quinta Mensis Februarii Anni Millefimi sexcentissimi trigessimii primi indictione decima quarta Pontificatus Sanctissimi in Christo Patris, & Domini Nostri Divina Providentia Pape Urbani Anno octavo. Presentibus ibidem Illustrissimis, & discretis Viris D. D. Joanne Baptista Laurentio I. V. Doctore, & Joanne Baptista Montanario Romanis Presuli Reverendi Patris Domini Vero spii familiaribus Testibus ad præmissa emnia, & singula vocatis, atque rogatis P. conf. ✚ §. 2. App. Idem Asulphus, &c.*

Sanctæ Mariæ ad Clavicam App. Idem Asulphus

S. T.

Ego Asulphus Galoppus de Tarano in Sabinis Sacri Palatii Apostolici causarum hujusmodique cause Notarius Publicus, quia prædictæ decisionis extractioni, collationi interfui, ideò hoc præseni publicum Instrumentum per me exinde in notitia receptum subscripsi, signavi, & publicavi requisitus, &c.

Nos Marcus Antonius Franciottus Prothonotarius Apostolicus utriusque Signature Sanctissimi Domini Nostri Pape Referendarius, nec non Curie causarum Camere Apostolicæ Generalis Auditor, Romanæque Curie Judex Ordinarius, &c. Universis presentes inspecturis attestamus supradictum D. Asulphum Galoppum de Tarano fuisse, & esse verum, authenticum, legalem, & fide dignum nostrum, Curieque nostræ Notarium, suisque scripturis sic ab eo subscriptis, & publicatis ubique locorum, temporum adhibitam fuisse, ac de presenti indubiam adhibendam fidem. In quorum fidem, &c. Datum Rome hac die 6. Februarii 1631. Cesar Columna.

L. ✚ S.

Ego Vincentius Ferrus publicus Venetæ Auctoritate Notarius attestor præmissum exemplum fideliter desumptum fuisse ex alio simili existenti in Archivio Venerab. Monasterii Sanctæ Mariæ in Organis Verone mihi ad hunc finem exhibito, & incontinenti restituto, collatione enim diligenti cum eo facta in omnibus concordare inveni. In quorum, &c.

1467 Ex hac ergo Decisione authentica, & sententia, utraque parte informante sequuta, apertissime constat consuetum, & solitum Parochorum Veronenfium, & omnium esse, non deferre Stolum, nec ullam functionem habere, vel exercere posse intus Ecclesias Regularium in funeralibus: & Rituale Veronenfe non loqui in iisdem, hoc est, nec vocem, nec jus habere in illis, uti extra propriæ jurisdictionis spheram. Dico, & Parochorum omnium, quod tamen, licet universaliter idem affirmandum sit, respectu scilicet omnium cujuscunque loci, & Diocesis Parochorum; ab hac tamen universalitate excipiendo sunt (cum Bordonæ resol. 51. nu. 65. & ref. 73. nu. 11.) Parochi Mediolanenses Ambrosiani. Ratio autem hujus exceptionis, & limitationis, est, ob ritum Ambrosianum diversum à Romano: Unde Mediolani Parochus Ambrosianus (cui non contradicunt Regulares) ratione sui ritus Ambrosiani, etiam intra Ecclesiam Regularem, ad quam deferitur suum cadaver, absolvit Officium super Defunctum, ritu Ambrosiano, postmodum Regulares incipiunt Officium ritu Romano; ea ratione, ne Officium ritu Ambrosiano ceptum remaneat imperfectum, eo quod Romani illum ritum non noverunt. Hinc ob hanc specialem causam (inquit etiam Bordonæ) excipitur usus Mediolanensis Ambrosianus, & limitatur in hoc nostra doctrina, & conclusio.

clusio. Ex diversitate enim precum, forsitan Defuncto augeat Suffragium, & cum diversa sint Suffragia, & Officia ritus Ambrosiani, & Romani, æquum est, ut ab utriusque absolvantur: quod non accidit in Clericis, & Regularibus, utentibus iisdem Orationibus, quæ ab uno inceptæ, ab alio absolvi possunt; ita etiam Bordonus.

1463 Probo quarto: Non potest Archiepiscopus uti Cruce, Legato presente in Civitate, *Barbosa in Trident. sess. 6. cap. 6. num. 17.* & ibi *Adams in Compend. Canon. resolution. lib. pr. tit. 8. nu. 26.* ubi etiam, quod sit decusum à *Sacra Congregat. die 2. Octobris 1601.* Ergo signum est, quod elevare Crucem est inditum præminentiæ, & jurisdictionis, quam Episcopus respectu Legati non habet: sed nec ullam præminentiæ, aut jurisdictionem habent Parochi (ex tot superius allatis Bullis, & Sacrarum Congregationum Decisionibus) in Ecclesiis Regularium, ergo nequeunt in illis cum Cruce elevata intrare ad canendum Exequias super Defunctos, quia hoc est, jurisdictionem, & præminentiæ (quam nullo modo habent) exercere. Quam jurisdictionem in Ecclesiis Regularium, nec ipsi D. D. Episcopi ex dictis, & Doctoribus habent, vel exerceere prætendunt. Imò si actum, aliquem in illis exercere volunt, qui jurisdictionis speciem præferat, prius à Regularibus licentiam impetrant, & sæpe etiam Notarii publici Instrumento rogant, quod plumbus probari potest; quibus tamen omisiss, unum tantum actum in authenticam hujus dicti comprobationem afferam, quem refert *P. Ab Assens. c. 4. division. 2. fol. 113.* Rogatum Patavii, ut sequitur.

Nel Nome di DIO Amen. 1649. Indizione 2. il dì Sabbato 26. Giugno, in Padova nella Chiesa del Padre Sant' Antonio detto di Padova, presenti, &c. Desiderando Monsignor Illustrissimo, e Reverendissimo Signor Marc' Antonio Cornaro Vescovo di questa Città di mani celebrar Pontif almente, &c. Un Sacrificio all' Altare, e Venerabil Arca del Glorioso S. Antonio in questa Chiesa. Hora à quest' effetto costituito il Molto Reverendo Monsignor Don Vincenzo Gugelmioni Maseiro di Cerimonie di Sua Signoria Illustrissima, disse inherendo all' istanza questa mattina fatta colla propria bocca per detto Monsig. Illustriss. all' infrascritto Molto Rever. P. Guardiano, &c. nuovamente, avanti detti testimoni, & altre persone, hà ricercato del favore medesimo, con il commodò della Chiesa per quanto le occorreffe in detto Sacrificio (senz' alcun benchè minimo pregiudicio de Privilegii del Monasterio, &c.) onde detto M. Re-

ver. Padre Guardiano coll' assistenza delli M. R. R. P. P. Marc' Antonio Bellani, &c. coll' autorità concessa dal Venerand. Capitolo di detto Monasterio, le concede (per questa volta sola) quanto ricerca Sua Signoria Illustrissima, e Reverendissima, senza pregiudicio, come sopra, &c.

Petrus Saviolus q. Franc. Fil. Auct. Venet. publ. Pad. Notar.

Ex hoc ergo publico Actu authenticò, patet D. D. Episcopos nec habere, nec prætereendere jurisdictionem in Ecclesiis Regularium istis invitis, & absque licentia Regularium Superiorum; multò minus ergo prætensionem exercendi actum ullum jurisdictionis in Ecclesiis Regularium habere debent Parochi, adèd inferiores Episcopis, & minores; quia à majori ad minus validum est argumentum. *Barbosa Loco 67. n. p. ubi Jura, & Doctores.* Quando argumentum negativè sumitur (ut in præsentì) non affirmativè: idem *Barb. n. 2.* & alii ibidem ita limitantes. Et hic etià obiter (in confirmationem) valde faciunt eaque tradit *Prosper Fagnanus in 2. p. lib. 1. Decretal. De Offic. Ordinarii cap. Grave à nu. 18. pag. 479.* ex quibus constat, Episcopos, ex sententia etiam *S. Congregationis*, non habere locum in Ecclesiis Regularibus, aut Monasterio unitis, aut ab eo dependentibus; si eis à Regularibus deservatur: qua de re præter eundem *Fagnanum (Concil. Trident. adherentem)* Vide *Azorium Institutionum Moral. p. p. lib. 12. cap. 18.* & *Barbosam in Trident. sess. 25. cap. 20. n. 1.* & *Collectam. ad cap. ult. n. 3. de statu Monachorum.* Regulares igitur, ne suæ jurisdictioni præjudicent, non debent Parochis (adèd inferioribus in comparatione Episcoporum) permittere in suis Ecclesiis, exercere aliquem vel minimum actum jurisdictionem indicantem, absque licentia, & consequenter nec ingressum eorundem Parochorum in iisdem Ecclesiis cum Cruce, Stola, Cantu, &c.

1469 Probo quinto. Regulares in Processionibus, extra Clausitrum, & proprium districtum, nequeunt Pluviale, & Stolum deferre: sique responsum fuit à *Sacra Congregatione Concilii*, Parochis Bononiensibus instantibus, & querentibus, missa responsione, ac dectione ad *Eminentiss. Cardinalem Ludovicum Archiepiscopum Bononiensem 2. Julii 1620.* ut referunt *Lezzana to. 1. summ. cap. 12. nu. 41. Lantusia in Tractatu Regular. Verbo Declaratio*, & alii. Et hoc idèd taliter decusum est, quia Regulares extra proprium Clausitrum, & districtum, sunt extra proprium Territorium; & quia aliter jurisdictioni Parochorum esset aliquoties præjudicare: ergo si sic est, etiam parochi ingre-

ingredientes Ecclesias nostras, nostris juribus prejudicant: non enim magis Parochi exempti sunt à Regularium jurisdictione, ac sit exempta Regularis Ecclesia à jurisdictione parochorum: & argumentum à paritate rationis validum est, ut supra probatum est cum *Barbosa Loco* 68. & aliis apud ipsum. Unde sicut Regulares extra proprium districtum non admittuntur à Parochis, & multò minus in parochialibus Ecclesiis cum Stola, ita nec parochi cum Stola pariter admittendi sunt à Regularibus in suis Ecclesiis.

1470 Et hic obiter addo, tanto cum rigore R. R. quosdam parochos processisse, adversus Regulares, Stolam detinentes extra propriam Ecclesiam, Monasterium, & districtum; & quandoque adeò acriter se opposuisse, ut renuerint admittere Admodum R. R. PP. Cappucinos (quoscumque alios Regulares consequenter) benedictentes Agros, Aegros, Domos, &c. cum Stola, quidem, privatim tamen, & absque ulla Solemnitate, quamvis similes Benedictiones pariter cum Stola, à quolibet simplici Sacerdote conferri possint, teste *Dominico Magri* in suo *Opusculo*, Rome edito Anno 1650. cujus titulus: *Notitia de Vocaboli Ecclesiastici, con la dichiarazione delle Ceremonie, & Origine de' Riti Sacri*, in quo sic, Verbo Be-

nedictio pag. mibi 33. column. 2. *La Benedictione, con la quale si benedicono li Frutti, Case, e Candele, & altre cose conforme il Rituale, si può dare da ogni semplice Sacerdote, il quale deve essere vestito con la Cotta, e Stola di color Violaceo, ovvero del colore corrente, come ordina il Rituale. In quo, sub Titolo de Benedictionib. Regule Generales, expressè sic præcipitur: In omni Benedictione extra Missam, Sacerdos saltem superpelliceo, & Stola, pro ratione temporis utatur. Unde Michael Bauldry in Man. Sacrar. Ceremoniar. juxta Ritus Sanctæ Romanæ Ecclesiæ par. 2. cap. 20. n. 4. & ipse ait: Sacerdos benedicturus (semper) Cotta indui debet, cum Stola regulariter alba, aliquando tamen violacea. Nota ly semper, & loquitur ibi de Benedictionibus, quæ communes sunt etiam simplicibus Sacerdoti, & à quocunque Sacerdote fieri possunt, ut patet ex nu. 2. & 3. Quibus tamen non obstantibus, non desuere ex Parochis, qui se acriter, & toto conatu opposuerint, ut supra, volentes absolutè interdicere dictis Patribus Sacras functiones præfatarum privatarum Benedictionum cum Stola, &c. adeò ut coacti fuerint ad redimendam vexationem, & tuendum jus proprium (& cujuslibet Sacerdotis) recurrere ad Sacram Congregationem pro decisione talis controversiæ, ut sequitur.*

CAPVCCINI AL NONCIO DI VENETIA.

1471 **E**ssendo stato rappresentato alla Sacra Congregazione per parte del Provinciale de' Capuccini della Provincia di Venetia, che alcuni Parochi, e particolarmente l'Arciprete di Nogarola, luogo della Diocesi di Verona, cercano molestare, & impedire li suoi Frati, che non raccomandano l'Anima à i moribondi, e non benedichino privatamente, e senz' alcuna Solennità le Possessioni, e Barche d'alcuni affezionati, e divoti del loro Habito, secondo che da essi ne sono alle volte ricercati. Questi Illustrissimi miei Signori m'hanno ordinato di scrivere à V. S. che mentre nelle sudette azioni li Capuccini non fanno cose, che s'aspettino solamente al Paroco, ella proceda con quei rimedii, che stimarà espedienti con la sua prudenza, che li medesimi Capuccini non siano da alcuno molestati, ò impediti nelle cose predette, mà più tosto ajutati, e difesi, mentre cooperano in beneficio de' prossimi, e salute delle loro Anime. Tanto dunque si contenti d'esseguire con l'autorità anco della Sacra Congregazione, che in quanto bisogni, se le dà in virtù della presente; e DIO la prosperi.

Roma 31. Agosto 1629.

Ita reperitur in Registro autographo Sacr. Congreg. negotiū, & consultationibus Episcoporum, & Regularium præpositæ. In quarum fidem, &c.

Rome 29. Julii 1689.

Locus ✠ Sigilli.

B. Panciaticus Secretarius.

CAPVCCINI AL NONCIO DI VENETIA.

1472 **R** Appresentando il Procurator Generale de Capuccini, che l'Arciprete di Lomigo Diocesi di Vienna, pretende impedire a Frati del suo Ordine di detto luogo il benedire le Possessioni con la Stola privatamente senza solennità, raccomandare l'Anime à i Moribondi, e far altre simili funzioni, di che vengono ricercati dalla devotione de' fedeli, e non spettano privatamente al Paroco; non ostante l'ordine dato dalla Sacra Congregazione sotto li 31. Agosto dell'Anno 1629. in tal materia per i Frati di Nogarola Diocesi di Verona, che non dovessero esser impediti; supplicando però d'opportuna provvisione. Questi Eminentissimi miei Signori m'hanno comandato di scrivere à V. S. che in ogni maniera faccia eseguire in conformità dell'ordine sudetto. Tanto devo dirle, Et il Signore Iddio la prosperi. Roma 28. Novemb. 1664. Ita reperitur in Registro autographo Sacr. Congreg. negotiis, & consultationibus Episcoporum, & Regularium prepositis. In quorum fidem, &c.

Rome 29. Julii 1689.

Locus † Sigilli.

B. Panciaticus Secretarius.

JACOBUS ALTOVITI

Dei, & Apostolicæ Sedis Gratia Archiepiscopus Atbenarum Sanctissimi Domini Nostri Papæ Prelatus Domesticus, & Assisens, ac in toto Serenissimo D. D. Venetorum Dominio Nuntius Apostolicus.

Dilectis nobis in Christo Admodum Reverendis Archipresbytero Leonici, & Parocho Seratici Vicentinæ Diocesis salutem in Domino.

1473 **C**um apud Sacram Congregationem super negotiis Episcoporum, & Regularium prepositam, Procurator Generalis Fratrum Capuccinorum conquestus sit, Fratres sui Ordinis à Vobis molestari, & impediri, ne privatim quidem, sine ulla tamen solennitate benedicant cum Stola Agros, Aegros, Domos, & familia, neve Infirmis in extremo laborantibus, pias functiones ab Ecclesia institutas persolvant, insisteretque pro opportuno remedio, ne ipsorum juri derogetur, neve fideles hujusmodi beneficiis priventur. Eadem Sacra Congregatio dicti Procuratoris justis, ac rationabili petitioni benignè annuens, Decreta sub die 31. Augusti Anni 1629. hac de re edita innovavit, & confirmavit, nobisque ipsorum executionem injunxit sub die 28. Novembris 1664. nimirum, ut opportunè provideremus, ne Religiosi Ordinis prefati ab hujusmodi functionibus, ut potè, que non ita ad Parochos spectant, quin etiam ab aliis Sacerdotibus inferioribus privatim exerceri possint, nullatenus impedirentur. Idcirco Nos dicte Sacr. Congreg. jussa ser. ser. exequentes, Vobis antedictis Archipresbytero Leonici, & Parocho Seratici tenore presentium per quemcunque juratum Nuntium, vel publicum Notarium, vel etiam Curie Secularis Praconem intimandarum, precipimus, & strictè precipiendo mandamus sub penis, & Censuris Ecclesiasticis Nobis, & Justitiæ bene visis, ac suspensionis à divinis, quatenus visis presentibus desistere debeat à molestationibus praedictis, sed sacre, quod dicti Patres benedicere possint, & valeant cum Stola privatim Agros, Aegros, Domos, & familia, & Ecclesiasticas functiones, ut supra, aegrotis in extremis existentibus exercere, nec non alias pias functiones ab eorum devotis requisitas, que privatim non spectant ad Parochum juxta Decreta die 31. Augusti 1629.

Datum Venetiis in Palatio Apostolico apud Sanctum Franciscum à Vineis die 24. Mensis Decembris 1664.

Locus † Sigilli.

Cosmus Brunettus Auditor Generalis.

Stephanus Rosata Cancellarius Mand. &c.

1474 Si ergo Parochi arcant ad eò Regulares, ut velint (injustè tamen ex fideliter transumptis, & allatis Decretis) cum illis contendere eisdem prohibendo (etiam si non possint) privatas benedictiones, & alias pias functiones cum Stola extra proprii districti: quomodo & quo jure exigunt postea iidem Parochi jus indebitum à Regularibus; hoc est deferre Stolam, &c. intus eorum Ecclesias? quare, quare hoc, & quo jure?

1475 Fortasse dicent Parochi ipsos deferre Stolam in Ecclesiis Regularium, quia habent jurisdictionem super cadaver, quando manet inhumatum, propter quam etiam rationem prætendunt quartam funeralem. Sed contra, quia ex tot relatis *Bullis*, *Decisionibus Sacar. Congregat.* & Doctoribus, statim ac Cæmeterium, aut Ecclesiæ Regularium Portam ingreditur cadaver, definit omnis jurisdictione Parochi super ipsum, & totaliter sub jurisdictione Regularium constituitur: ergo in eorundem Ecclesia nullam jurisdictionem habet Parochus, neque super corpus: & si super istud asseratur jurisdictione, gratis asseritur. Igitur Stola à Parocho in funeralibus deferri tantum potest, usque dum super corpus, & cadaver jurisdictionem habet, nil ultra: *Samuelli de sepult. tract. pr. disp. 3. controvers. 5. conclusio. 14. n. 31. fol. 100.* & innumeri alii. Sed durat ejus jurisdictione (ex dictis, & probatis per omnes) solum usque ad Ecclesiæ Regularis Januam: ergo Janua hæc est terminus ad quem jurisdictionis Parochi super cadaver tumulandum in Ecclesia Regularium. Hoc idem confirmari potest ex superius dictis. Nam Parochus quando cum funere ingreditur alterius Parochi Ecclesiam deponit Stolam, ut experientia compertum est (nisi Comparochi liberaliter, & ex Urbanitate convenerint se invicem cum Stola in propriis Ecclesiis admittere, quod possunt, & faciunt multi, ut patet) ergo etiam quando ingreditur Ecclesiis Regularium, idem facere debet, quia utrobique militat eadem ratio. Adde, quod supra idem corpus Defuncti, Parochus non habet amplius jurisdictionem, statim, ac alterius Comparochi Ecclesiam ibidem tumulandum ingreditur, atque ad eò Stolam deponit: cur ergo jurisdictionem habebit, & Stolam deferet, quando Regularium Ecclesiis ingreditur? Si respondeat Parochus, quia erat mea Ovis, subditus meus. Item contra, nam etiam quando deferatur ad alterius Comparochi Ecclesiam erat prius sua Ovis, subditus suus, & tamen hic cessat ejus jurisdictione, ergo etiam jus deferendi

Stolam consequenter. Addi potest, bene respondet Parochus, quia erat mea Ovis, subditus meus, nam erat sua Ovis, subditus suus: non est amplius, ingressa Ecclesiam in qua tumulum expectat, quia ex superius dictis mutavit perpetuo Domicilium, & Territorium, nemo autem extra proprium Territorium potest jurisdictionem exercere, leg. *Ultima*, ff. *De jurisdictione omnium judicum*: ob quam etiam rationem, in probatione admitto, & suppono, Regulares non possent facere Processiones extra Claustra Monasterii, & extra proprias Ecclesias; nec deferre in ipsis Pluviale, Stolam, Crucem erectam, &c. (ut est communis etiam sententia) quia hoc esset jurisdictionem exercere extra proprium Territorium contra jura, &c. Iterum addi potest, quod quando corpus Defuncti in Ecclesia Regularium collatum est, in loco exempto est (ex superius dictis, & probatis) super existentem autem in loco exempto actus nullus jurisdictionis exerceri potest, ut constat, quia locus exemptus, & extra Territorium paria sunt, & æquiparantur quo ad jurisdictionem: *Avila de Censuris par. 2. cap. 3. dub. 5. Pasqualis de Jejunio decis. 213. nu. 4. Cespedes de Exempt. Regular. cap. 14. dub. 227. Marcellus Vulpe in Praxi Fori Ecclesiastici cap. pr. n. 32.* (ibi: *Locus extra Diocesim: & Locus exemptus intra Diocesim æquiparantur.*) *Diana Coord. to. 5. tract. p. ref. 97. n. 2. Ex par. 5. trac. 9. ref. 66. aliique.* Et esse in loco exempto, & extra Territorium, est esse extra jurisdictionem, *Pasqualis in Francum cum multis par. pr. n. 1106. Tamburin de jure Abbat. to. 3. in Decisionibus Rotæ, decisio. 42. n. 2. Salas de Legibus disp. 14. sect. 6. in princip.* (ibi: *Locus exemptus, moraliter intra Territorium non continetur, seu quo ad jurisdictionem: imò est extra, quia exceptis casibus exceptis, in jure relatis, non potest Ordinarius talis Territorii, in loco exempto jurisdictionem exercere, ut expresse dicitur in Clementina Archiepiscopo, de Penitis.*) *Suar. de Cens. disp. 5. sect. 4. n. 9.* (ibi: *Ille locus exemptus, quomodo dicatur esse intra Territorium, quia intra terminos ejus quasi materialiter continetur, tamen formaliter est extra, quia extra jurisdictionem, &c.*) & *de Legib. cap. 32. n. 9. Merolla to. 2. disp. 4. de Legib. cap. 3. dub. 41. difficult. pr. à num. 484.* & ibi communiter Canonistæ: *Laym. lib. 1. tract. 4. cap. 11. n. 5. & communiter.*

1476 Confirmatur hæc eadem ratio. Nam falsum est omnino (ex dictis etiam superius) Parochum jurisdictionem ullam habere in corpus sui Parochiani in Ecclesia

Regularium collocatum : Ergo ibi super illud nequit ille actum ullum jurisdictionalem exercere ; consequentia necessitudo sequitur , quia impossibilis est actus , ad quem potentia nulla est . Antecedens verò probatur apertissime (item ex superius dictis) quia si jurisdictio aliqua in illud corpus esset in Parocho , esset utique spiritualis , consequenter necessitudo à Summo Pontifice derivata : Sed hanc eandem jurisdictionem , non unicus tantummodo , sed plures Pontifices Summi , apertis votis abstulerunt à Parocho , & in Regulares transfulerunt , dum expresse in eorundem Bullis , & Decretis superius recitatis , præcipere videntur Parochis comitari corpora suorum Defunctorum Parochianorum solum usque ad Januam Ecclesie Regularium : Ergo non nisi usque ad Ecclesie Regularis Januam remanet in Parochis jurisdictio super corpora suorum Parochianorum (nisi forte prætenderent Parochi jurisdictionem spirituales super Parochianos ; à Summo Pontifice , non dimanatam , quod esset erroneum , & inadmissibile) cum *Ejus sit limitare , cuius est concedere* . Et , *Ejus sit actum tollere , cuius est condere* , ut est commune Juristarum Axioma . Per quas enim causas res nascitur , per easdem dissolvitur : item Axioma , de quo cum multis *Barbosa Axiom. 199. n. 8. & 9. Borda. ref. 52. nu. 110. & alii communiter* . Cum igitur jurisdictio spiritualis nascatur , & originem habeat à Summo Pontifice , consequens est , ut per ejusdem voluntatem dissolvatur , auferatur , limitetur , &c. uti limitata est in casu nostro ipsi Parochis in Decretis , & Bullis Summorum Pontificum superius allatis , usque ad Januam Ecclesie Regularis . Neque per hoc , vel etiam eximendo subditum Parochianum à Parochi potestate , ac jurisdictione , facit Summus Pontifex ipsi Parocho præjudicium , ex clara assertionem , & sententiam *Doctores Anglici D. Thomæ in quarto sentent. dist. 17. qu. 3. art. 3. quæstionum. 5. ad 2. sub sequentibus verbis : Præjudicium non fit alicui , nisi subtrahatur , quod est in favorem ipsius indultum . Jurisdictionis autem potestas non est commissæ alicui homini in favorem suum , sed in utilitatem plebis , & ad honorem Dei ; & ideo si Superioribus Prelatis expedire videatur ad salutem plebis , & ad honorem Dei promovendum , quod aliis , quæ sunt jurisdictionis committant , in nullo fit præjudicium inferioribus Prelatis , nisi illis , qui querunt , quæ sua sunt , non quæ Jesu Christi : & qui Gregi præsumt , non ut eas pascant , sed ut ab eis pascantur* . Hactenus Sanctus Do-

ctor : qui in *Opusculo 19. contra impugnantes Dei cultum , & Religionem* (teste *Tamburino de Jure Abbatis. to. p. disp. 20. qu. 3. nu. 13. in fine* , approbato à *Clem. Papa IV.*) præterea affirmat , nedom id non esse præjudicium ullum , verum etiam maximum beneficium cunctis Rectoribus Ecclesiarum : Ecce verba *Sancti Doctoris Opuscul. cit. cap. 4. Præjudicium dicitur fieri alicui , quando subtrahitur ei aliquid , quod in favorem ejus introductum est , vel quod ad utilitatem ejus ordinatur : subiectio alicujus subditi ad Rectorem Ecclesie non est ordinata principaliter ad utilitatem Presidentium , sed ad utilitatem subditorum . Unde *Ezech. 34. dicitur : Vae Pastoribus Israel , qui pascebant semetipsos . Nonne Greges pascuntur à Pastoribus ? Et ideo nullum præjudicium fit Rectori Ecclesie , quando subditi ejus à sua potestate eximuntur sine præjudicio ejus , sicut Papa eximit Abbatem à potestate Episcopi sine ejus præjudicio , & similiter Episcopum à potestate Archiepiscopi . Si autem ipsemet operetur in subditis , quæ pertinent ad salutem , vel aliis hoc ipsum committat , non solum non facit ei præjudicium , sed præstat ei magnum beneficium , quod maxime acceptatur à cunctis Rectoribus , qui non querunt , quæ sua sunt , sed quæ Jesu Christi . Unde super illud n. 12. Quid emularet pro me : dicit *Gloss. Greg. Pia mens Pastoris , quia non propriam gloriam , sed auctoritatem querit , ab omnibus vult juvari in eo , quod facit* . Hæc *D. Thomas* ; quæ à *R. R. Parochis* valde notanda sunt , & eorundem memorie indelebiter tradenda , quæ etiam cum multis probat *Henric. lib. 7. Titul. de Indulgentiis cap. 24. ubi de Exemptione Regularium in genere . Videatur* .**

1477 Neque hic obijci valet . Parochus incipit funus , ergo etiam debet illud perficere : ergo & exequias peragere , usque intra Ecclesiam Regularem : hæc secunda consequentia sequitur , quia in ipsa Ecclesia Regulari Defunctus sepeliendus est , consequenter in eademmet funus perficitur : prima verò probatur , quia principium ponens , totum perficere tenetur ; & sicut iudicium terminandum est ab eo , à quo inceptum fuit , leg. *Ubi ceptum , §. Si quis possit , ff. De iudic. ita idem dicendum videtur de iudiciali funere* . Non inquam valet : & negata secunda consequentia , ad argumentum , dico , ad munus Parochi spectare prosequi funus tantum , usque ad limina exteriora Ecclesie Regularis (etiam in sua Parochia existentis) super cadavere verò in Ecclesiam portatum (ex tot Bullis Summorum Pontificum , nec non ex tot Sacra-

rum Congregationum Responsis, & Decretis) spectare ad Regulares, non ad Clericos Sæculares Officium perficere, & funeri finem imponere. Et ratio est, quia totum jus funerandi, quod habet Parochus, cessat, & absolvitur ad Valvas Ecclesiæ Regularis, & usque ad easdem, suum munus, quod incepit, bene absolvit, quod consistit in precibus recitandis, non in tradendo cadavere sepulture. Hinc Parochus incipiens funus, illud etiam perficit quo ad suum munus, & jus, seu ministerium eidem à Summo Pontifice præscriptum, quod postea prosequuntur Regulares, imponendo funeri finem. Allatum igitur argumentum non obstat, nam vim habet, & procedit tantum in celebratione Missarum, ver. gr. & similibus, in quibus non datur divisio Ministerii, uti datur in celebratione fune-
ris. Imò unusquisque intra suos limites absolvere potest præces ceptas pro Defuncto, si volunt, ut debent, & sic etiam docet Bordon. ref. 51. qu. 26. n. 66. Concludens: *Disita procedere etiam in Ecclesiis unitis Monasteriis Regularium, ut intus Ecclesiam Curatus non possit deferre Stola, & funus prosequi, ex Decis. Rotæ Anno 1629. 23. Martii apud Tamburin. to. 3. decis. 87. supra relata.*

1478 Probo sexto: In iis, in quibus Papa manus apponit, inferior non potest amplius manus apponere, nec se intromittere, Cap. Nomen Presbyteri, causa secunda, qu. pr. & Cap. Ut nostrum de Appellat. [Ubi expressè: *Postquam Papa aliquam causam ad se revocat, non valet processus postea per minorem Judicem factus: Cum plus sit, Romanum Pontificem ad se aliquid revocare negotium, quam quemquam ad eum super aliquo negotio provocare.*] Bald. cap. pr. §. Ad hoc, colum. 3. de pact. juram. firmat. Deci. in Cap. Cum accessissent, n. 44. de Constitut. & consil. 137. colum. 2. Roman. consil. 135. colum. pr. Versu Ceterum. Pasqualis, in Francum par. p. n. 1412. cum aliis ibi citatis. Moronus Responso 99. n. 71. & 72. & communiter: facitque etiam ad rem Extravag. Ad Romani Pontificis de præbend. Et ratio est, quia ubi Summus Pontifex se intromittit, & manus apponit, non potest inferior amplius se ingerere, quia hujus manus à Sanctitate Sua ligatæ sunt, advocando ad se omne jus: Cum ergo Dominus Papa in favorem Regularium (Privilegio plenæ exemptionis) manum apposuerit in funeralibus, præci-
piendo Parochis sub excommunicatione, &c. se omnino abstinere, occasione fune-
ris, ab ingressu Ecclesiæ eorundem Regularium cum Cruce, Stola, Cantu, &c. in-

vis istis, quo jure possunt Parochi contra Sæc Sanctitatis expressum, & omnibus notum præceptum se intromittere, iisdemque contradicentibus, & invitis contrafacere, & actum ullum jurisdictionis, manu I. apæ vetitum, atque interdictum, in dictis Regularium Ecclesiis in funebribus exercere? Excusationem ullam in hoc habent inobedientes Parochi de peccato suo, nec pro ipsis habet hic locum, Ignorantiæ Privilegium, quod nequeunt pro se allegare, cum sint apertissime, & semper in mala fide, nec ullum unquam addit tempus, in quo de proprio jure læso non clament, reclamētq; perpetuò Regulares contra Parochos, prætendentes jus super cadavera apud nos, & in Ecclesiis nostris sepelienda, non obstante eo, quod illis imperatur per tot Regularium Privilegia, sub censuris, &c. Adducere autem in excusationem pro ipsis contrariam consuetudinem, aut præscriptionem, vanum est omnino, nec valet, ut patebit infra evidenter. Et modo interim hujusmodi consuetudini, & præscriptioni tantum sufficiat opponere Axioma illud, quod est apud Burbos, 193. videlicet, quod *Prohibitum una via, non censetur alia permissum, leg. Quod dicitur, ff. De pactis, leg. Cum bi, §. Si cum juri, ff. De transact. leg. Subletas, §. Aut Pretor, ff. De infamib. leg. Si quis, §. Minor, ff. Qui, & à quibus, leg. Illud, ff. Ad leg. Aquil. Cap. Cum quid una via 84. de Regulis Juris in 6. (ubi: *Cum quid una via prohibetur alicui, ad id alia non debet admitti.*) Surdus, consil. 301. n. 75. Menoch. consil. 285. n. 41. Vel: *Quod una via à lege prohibetur, non debet alia concedi in fraudem legis. Sigismundus Scaccia de Commercio §. pr. quest. 7. par. 2. ampliat. 11. n. 2. fol. mibi 251.* Ergo cum sit Parochis una via prohibitum (hoc est Summorum Pontificum Bullis, & Decretis, & sub terminis) ingredi Ecclesias Regularium cum Stola, & Cruce, & in aliquo se intromittere in illis circa funera-
lia, non debet alia via ab iisdemmet præ-
tendi permissum, invitis Regularibus ipsis.*

1479 Confirmatur præfata argumentatio, quia si Parochi nequeunt super cadavera suorum Parochianorum in Ecclesiis Regularium posita, amplius se ingerere, eo quia Summi Pontifices circa eademmet manus apposuerint, & ad se omne jus advocaverint, cessat ergo evidenter in Parochis quæcunque jurisdictionis ratio super eadem cavera: igitur cessare etiam debent ab indebita molestita contra Regulares, & prætensione ingrediendi eorundem Ecclesias cum Stola, Cruce, Cantu, &c. A ra-
ione

tione enim cessante, validum est argumentum. *Barbosa* Loco 94. cum Juribus ibi, & Doctoribus. Et si dicant Parochi, adhuc jus super eadem cadavera habere ob laborem, quem ipsi in administratione Sacramentorum subiere, ipsique ob id adjudicari debere, uti debitum ex iustitia. Contra: *Primò*. Quia hoc est apertè, & directè adversus Summos Pontifices, qui in suis Bullis, & Decretis ita decreverunt, & contra tot Sacrarum Congregationum responsa, & definita, ac contra Doctores omnes: *Secundò*. Quia, ut optimè ait noster *P. Cesspede* de Exemptione Regularium cap. 12. n. 20. *Prædictus labor jam compensatus fuit simpliciter aliis viis*. Deinde (sic bene concludit) vellem certe in statuta, si possem, ponderare laborem Clericorum in Ministrandis Sacramentis, & laborem Regularium. Et quam longè hic gravior appareret? addi hoc potest cum *P. Ab Ascens.* cap. 9. *division. pr. fol. mibi 223. in fine*. Tertiò. Quia si verum est, ex labore quem subierunt Parochi in Sacramentorum administratione, dictum jus nasci, ut ipsi volunt, ex eodem utique capite affirmandum etiam erit, & Regulares posse Parochorum Ecclesiam ingredi, & in eadem Parochis invitis, cum Stola, & Cruce Officium peragere, quotiescunque contingat in Parochiali aliquem sepelire, pro qua Regulares laborarunt, Sacramenta administrando: maximè morti proximo, eundemque die, noctuque juvando, ut sæpè, imò ferè quotididè contingere solet in Parochorum levamen, & coadiutorium: at hoc nequit affirmari, quia nimis esset, ergo neque illud. Hinc concludendum cum eodem *Ab Ascens.* l. c. fol. 224. *Versu Hec igitur: Impertinens omnino videri, pro premio qualium, laborum, qui tot aliis premiis compensantur, alieni juris lesionem expetere. Nisi fortè Summarum Pontificum Canones, & Regularium Privilegia, ita viderentur, ut eorum inobservantia exquiratur in premium laborum eorum, ad quos ipsi tenentur: & quorum majorem partem Regulares ipsi ad Parochorum levamen quotididè tolerare non desunt, quod vel cæci vident*. Hætenus relatus Pater, excellenter ad hanc rem. Verum

1480. Si iterum dicant R.R. Parochi, Oratio nostra Defuncto proficua est, uti eidem proficua sunt Officium nostrum super cadavere, Cantus, Psalmorum recitatio, &c. Quare ergo in Regularium Ecclesiis, hæc omnia spiritualia Suffragia nobis prohibentur in maximum spirituale præjudicium ipsius Defuncti, quod utique esse videtur contra ordinatam Charitatem, quæ

(juxta *D. Pauli Epist. pr. ad Corinth. cap. 13.*) Non emulatur, non est ambitiosa, non agitur perperam? Et si hoc inquam addant R.R. Parochi tanto charitatis zelo, erga proprium Defunctum Parochianum: ego quoque addo, quare Domini, eodem charitatis stimulo, postquam cadaver in Ecclesia, Regularium collocatum est, intra vestras Parochiales Ecclesias, ex mera devotione, & nullo accepto stipendio (ut apud Regulares est in usu) ad eorundem exemplum, Missas, Officia, Psalmos, &c. non recitatis, neque persolvitis? Si charitatis stimulus, & devotio erga vestrum Defunctum, adeo vos contorquet, cur non finitis vestros semper Comparochos, & Regulares ingredi Ecclesias vestras cum Cruce elevata, & Stola, atque in eis Officia funeralia peragere, Canere, &c. Cur, cur inquam hoc eis quotididè prohibetur? Ubi est tunc stimulus vester? Ubi charitas, & devotio? abierunt in regionem longinquam. Dico igitur ego, satis abundè compensari Parochorum, & Presbyterorum Cantus, qui in Regularium Ecclesiis prohibetur. Nam iis qui sepulturas eligunt in Regularium Ecclesiis, & in eisdem eorundem corpora, seu cadavera sepeliuntur, *Leo X. & Adrianus VI.* concessere Plenariam Indulgentiam, communicatam omnibus Mendicantibus (& etiam per participationem non Mendicantibus) ita dicti Pontifices concesserunt *Ordini Sanctissime Trinitatis*, ut videre est apud *Casuarium* in *Compend. Privilegior. Verbo Communicatio Privilegiorum* n. 39. & *Verbo Sepelicio* n. 22. Qui insuper, ab iisdem Pontificibus sunt participes omnium Indulgentiarum, quas ipsi Religiosi lucrantur, omniumque Suffragiorum pro tempore faciendorum in Monasterio, in quo sepeliri mandaverint. Et si quis scire cupit, quam magna valde sit hæc concessio, meam excurrat *Filiationem Spiritualem*, præsertim *Caput VIII.* ejusdem, in quo abundè de Indulgentiis quas lucrantur Religiosis Aggregati per *Litteras Gratiolas Fraternalitatis, seu Filiationis Spiritualis*. De hac eadem Indulgentia *Leonis X. & Adriani VI. Lezzana* to. 4. *Summe, Verbo Sepultura*, quo ad *Regulares* n. 19. (ubi etiam notat ex his, quæ docet *tom. 3. Verbo Indulgentia*, quo ad *Regulares* n. 12. non esse hanc revocatam in illa Generali revocatione facta à *Paulo V.* quia in illa non revocantur Indulgentiæ Regularibus concessæ, non pro se ipsis, sed ipsorum intuitu pro Sæcularibus Defunctis, sicuti nec revocantur concessæ pro iisdem Regularibus Defunctis: quod totum

docui, & ego in dicta Filiatione Spirit. cap. cit. 8. dub. 4.) *Peyrin. tom. 1. Privileg. in Constitut. 2. Julii 11. §. 21. nu. 56.* (ibi: Mandantes sepeliri in Ecclesiis nostri Ordinis, lucrantur omnes Indulgentias, quas Fratres Ordinis, & sunt participes omnium Suffragiorum pro tempore faciendorum in dicto Monasterio, in quo sepeliri mandaverint. Ita concessit Leo X. & Adrianus VI. &c.) *Roderic. in Compend. Tit. de Sepult. ref. 128. n. 14.* (ibi: Praecipue in Habitu Sancti Francisci Sepulti, lucrantur Indulgentiam Plenariam, &c.) *Bord. ref. 51. nu. 88.* (ibi: Sepulti, maxime cum Habitu Regulari, lucrantur Indulgentiam Plenariam, &c.) *Pellizzar. to. 2. tract. 8. cap. 5. section. 4. subsect. 2. qu. 16. n. 170.* Donatus Sepultus in ordine ad Regulares qu. 8. fol. mibi 170. ibi: Melius est eligere sepulturam in Ecclesiis Regularium, quam aliorum, tum ex frequentiori Divinorum Officiorum celebratione, quae fit in Ecclesiis Regularium, iuxta Cap. Fraternitatem 3. de Sepult. & Glossa ibi in Ver. Frequentius. Tum ex majori frequentatione populi accurrentis ad Divina Officia audienda in dictis Ecclesiis, quae multum prodest fidelibus vivis, & Defunctis, Gloss. Cap. Cum gravia 13. qu. 2. Tum item, quia in dictis Ecclesiis sepulti, maxime cum Habitu Religioso, lucrantur Indulgentias Plenarias ex Indulto Leonis X. ita Donatus cum Bordonio, & Pellizzario. Antonius à Spiritu Sanc. in Director. Regular. par. 1. Tit. de Privilegiis in particulari trac. 2. disp. 5. sect. 5. num. 78. Ubi insuper refert (alii etiam citatis) quod Clemens IV. & Nicolaus IV. eligentibus sepeliri in Mendicantium Habitu, concesserunt remissionem tertiae partis peccatorum suorum, quam concessionem Urbanus V. ampliori gratia confirmavit, & Leo X. ampliavit, extendendo ad Indulgentiam Plenariam, ad quam lucrandam declaravit sufficere Habitum petiisse, licet ante mortem eum non induerit, item sufficere ad eandem lucrandam, quod Habitus ponatur super thalamum moribundo, ut notat etiam *Lezzana tom. 3. Verbo Habitus Regularis nu. 11.* ubi sic: Notandum ad consequendas praedictas Indulgentias, videri non sufficere, quod cadaver induatur dicto Habitu Religioso, sed necessarium esse, quod homo vivus, & si moribundus, eo indutus moriatur, aut decedat, pro ut colligitur ex verbis Pontificum in Privilegiis relatis. Ad quod sufficere videtur, quod ipse Habitus ponatur super lectum hominis Agonizantis, &c. Bullam Adriani VI. vide apud Bullarium Roderici, quae incipit Rationi congruit n. 7. fol. mibi 331. column. prima, & apud eundem

Roder. to. 2. qq. Regularium qu. 76. art. 10. idem Leo X. extendit Indulgentiam Plenariam omnibus morientibus, & sepeliendis tam in Habitu Fratrum Minorum, quam Sororum Tertiae Regulae Sancti Francisci, sub obedientia Ministrorum Generalium, & Provincialium, sub his verbis: Tam morientes, & sepeliendi in dicto Habitu, quam morientes, & sepeliendi in Habitu Sororum Tertiae Regulae Sancti Francisci, sub obedientia Ministrorum Generalis, & Provincialium degentium, consequentur Indulgentiam Plenariam omnium peccatorum suorum. Declarans: Sufficere Habitum praedictum petere, ac super se usque ad mortem habere, ac in eo sepeliri, etiam si ante mortem non induatur. Debet autem recipi huiusmodi Habitus ad sepeliendum ab aliquo Praelato Ordinis, aut ab alio per ipsum Praelatum ad id delegato, alias concessio habitus non tenet, ex Decreto Sixti IV. in Bulla (relata à Roderiq. qu. cit. 76. art. 9.) in qua statuit: Quod Habitus Fratrum Minorum, & Praedicatorum non possit dari iis, qui cum eo elegerint sepeliri, nisi per Guardianum Ordinis Minorum, aut per Priorem Domus Ordinis Praedicatorum loci, in quo talis decedere contigerit, vel Superiorem Praelatum dictorum Ordinum, aut per alium, quavis auctoritate, vel Prelatione fungentem exhiberi debere. Ac statuit, quod illorum sic indutorum cadavera discooperata, nullo pallio, vel tegumento super imposito, cum Habitu huiusmodi ad sepulturam deferri possint, & ita etiam apud *Samuelli de sepult. tract. pr. disp. 4. controv. 15. concl. 12. n. 72. fol. mibi 200.* Hinc

1481 Obiter inferitur, melius esse, eligere sepulturam in Ecclesiis Regularibus, quam in aliis; ob Indulgentias videlicet, & peccatorum remissiones recitatas, quibus suffragantur Saeculares eligentes sepeliri in Ecclesiis, & Cemeteriis Regularium. Et nedum ex hoc capite melius esse inferitur, verum etiam ex multis aliis, ex quibus crescere certum videtur spiritualis utilitas. Crescit namque, ob frequentiorum Divinorum celebrationem, ut innuit *Cap. Fraternitatem il 3. de sepulturiis*, in quo sic: Fraternitatem tuam non credimus ignorare mortuorum sepultura, & cemeteria, apud illas Ecclesias, & Monasteria, ex antiquo esse disposita, in quibus Religiosorum Fratrum Conventus sunt constituti: & Orationes, atque Missarum Solemnitas tam pro Vivis, quam pro Defunctis frequentius celebrantur. Et ibi dicit Gloss. Verbo Frequentius. Haec est ratio quare potius sepeliuntur homines in locis Religiosis, quia frequenter Divina Officia celebrantur. Frequentiores

tiores ergo Divinorum Officiorum, & Mis-
sarum celebrationes, quæ principaliter fi-
unt in Ecclesiis Regularium, arguunt etiam
meliozem, & utiliozem sepulturam apud
ipſos, quam alios. Et eo magis ex hoc ca-
pite creſcit huiusmodi ſpiritualis utilitas,
quia in Eccleſiis Regularium adſunt tot,
& tot Altaria Privilegiata, & in quibus-
dam etiam perpetua, & quotidiana, in qui-
bus celebrantes quotidie liberant Animas à
Purgatorio, uti ſunt Altaria Privilegiata,
de quibus Antonius à Spiritu S. diſp. cit. 5.
ſect. 2. §. 3. n. 42. & 43. & conſult. 73. in
quo reſolvit: In unaquaque Eccleſiarum Car-
melitarum Diſcalceatorum addeſſe unum Altare
Privilegiatum ad omnes hebdomadæ dies. Et
ego ipſe in mea Filiatione Spirituali cap. 8.
dub. 9. item reſolvo: Quod Miſſæ Regula-
rium, quas ipſi celebrant pro Defunctis, ſecun-
dum, & quartis ſerviis per totum Annum, ſive
ſint de Requiem, ſive non, in quocunque Alta-
ri celebrent, etiam extra propriam Eccleſiam,
omnes ſunt Privilegiata. Creſcit præterea
dicta ſpiritualis utilitas ex majori frequen-
tia populi ad Divina Officia, Conciones,
&c. concurrentis in eiſdem Regularium Ec-
cleſiis, ſemper apertis, quod multum pro-
deſt fidelibus vivis, & Defunctis: & quod
non ita frequenter, ſed raro evenit, & vi-
detur in aliis Eccleſiis. Igitur ſi Sepulchra,
& Cæmeteria bene ſunt conſtituta (ex
Cap. 6. Fraternitatem) apud illas Eccleſias,
in quibus Orationes, & Sacrificia frequen-
tius celebrantur, ſelectior erit facta electio,
ubi plures Orationes funduntur, & plura
Sacrificia celebrantur. Propter quod enim
unumquodque tale, & illud magis. Et
fructuoſior conſequenter electio ſepulturæ
facta erit in Eccleſia plurium, quam pau-
corum Sacerdotum: quia plura ibi cele-
brantur Sacrificia, quod (ut plurimum)
evenit in Eccleſiis Regularibus Conven-
tuum (non in Sæcularibus) quia plures ibi
Preces, & Orationes tam publicæ, quam
privatæ funduntur, quam in Sæcularibus,
ut evidentiſſeſt. Unde quod longè melius ſit
in Regularium Eccleſiis ſepeliri, quam in
aliis, ſub iſſdem recitatis rationibus docent
etiam Portell. in dub. Regul. tom. 2. caſu. 66.
nu. 3. Bordon. reſ. 51. qu. 40. num. 87. (ubi
etiam Labor. Tit. de Funeralib. cap. 14. n. 44.
Angelus à Lantusca, Verbo Sepultura nu. pr.
Pelizzar. in Manual. tom. 2. tract. 8. cap. 5.
ſect. 4. ſubſect. 2. qu. pr. n. 144. Verſu Notat
item. Petrus de Murga to. pr. Canoniar. Mo-
ralium diſquiſition. tract. 7. tit. de elect. ſepult.
ſect. 4. diſquiſi. 12. concl. 5. n. 11. (Addens
n. 12. in fine: Et reſpectivè fructuoſior electio

in Eccleſiis magni concuſſus, tam Miniſtrorum,
quam aliorum fidelium, quam parvi: propter
eamdem rationem plurium precum, & Oratio-
num. Abbas in cit. Cap. Fraternitatem il. 3.
nu. 4. P. Ab Aſcenſ. cap. 10. diſpoſition. pr. fol.
mibi 248. Verſ. Tum etiam. (Cum Colleg.
Salmaticenſ. tract. de Privileg. Regularium,
cap. 3. punct. 6. §. 3. n. 206. pag. mibi 301.)
& alii.

1482 Probo ſexto. Regulares, occaſio-
ne Proceſſionum ingredientiſ Eccleſias Pa-
rochiales, imò & quandoque Cathedra-
lem ipſam, cum Cruce erecta, &c.
quia id faciunt non Episcopopo invito, ſed
de ejus facultate, & licentia (qui eſt om-
nium Eccleſiarum, & Parochiorum ſuæ
Diœceſis Paſtor, & Superior) ac ipſo an-
nuente, & Proceſſiones ſic diſponente (cum
eidem, uti Ordinario, Regulares, quo ad
Proceſſiones ſubſunt, ex Conſtitut. Leonis X.
dum intra, & Concil. Trident. ſeſſ. 25. de Re-
gularibus cap. 13.) ided, nec taliter ingre-
di prohibentur, nec ullus affirmabit inquam
ex tali facultativo ingreſſu, juſ ullum ac-
quirere ad illum Regulares: Ergo à pari, nec
juſ ullum acquirere poſſunt R. R. Parochi
ingredientes cum Stola, Cantu, &c. Ec-
cleſias Regularium occaſione funerum,
quia & ipſi ſimiliter, talem faciunt ingreſ-
ſum (quando eis permittitur) non Regu-
laribus invitis (ita enim, nec fieri, nec
præſtendi poteſt) ſed de eorundem Regu-
larium licentia, aſſenſu, & facultate tan-
tummodo, ut patet, cum nec aliter, nec
alio prætextu ingre-
di ſic poſſint iidem Ec-
cleſias noſtras; ita toties coacti, & coar-
ctati ſub cenſuris (& lethali culpa conſe-
quenter) à Pontificibus Summis. Ligatis
Parochis ſub illis verbis, ſeu Clauſula in
Bullis (ſuperius allatis) nedum pluries,
ſed ſerè ſemper appoſita, ut ſic Eccleſias
noſtras non ingrediantur: Nobis invitis, vel
ſine noſtro aſſenſu. Quæ Clauſula debet utiq;
(ut etiam ſuperius diximus) aliquid opera-
ri, ne dicatur otioſe, & inutiliter poſita,
quod nequit affirmari: Et denotat Privile-
gium eſſe purè facultativum, ſed meræ
facultatis, quod nunquam amitti poteſt
per non uſum, aut contrarium conſuetu-
dinem, cum illius uſus arbitrio noſtro ſic
commiſſus: hinc per hoc, quod illo non
utamur, non amittitur, aliàs dicta Clau-
ſula appoſita, inutilis eſſet, nilque opera-
retur; imò in Privilegio omni includitur,
ut eo utatur Privilegiatus cum voluerit,
ſeu quod idem facit: Cum invitus non fuerit.
(Nec aliquo modo impeditur: Unde Suar.
de Legib. lib. 8. cap. 34. nu. 5. egregiè ait:
Si

Si quis non utatur Privilegio tempore opportuno, quia est impotens, absens, infirmus, aut quia per violentiam impeditur, talis non usus non potest illi nocere, ut Privilegium postea amittat, quia voluntarius non est: idemque argumentum procedit de ignorantia, quia causat etiam involuntarium. Quæ doctrina sumitur ex Glossa in Cap. Abbate, Verbo Donec, de verbor. signif. & ex aliis D. D.) Ut igitur aliquid operetur, intelligenda est, ut possimus Privilegio non uti sine præiudicio, quod indubiè inferri sequeretur, si tempus præscriptionis contra ipsos non utentes computaretur, & ex tali non usu contraria consuetudo induci posset, quod negant Doctores (ut mox, & ex superius dictis) quando adest dicta Clausula, & Privilegium est merè facultativum, ut in casu nostro, in quo concessio Regularium, ex pura est urbanitate, aut liberalitate: Qui autem ex urbanitate, aut liberalitate præstat Beneficium, vel obsequium alteri, etiam longo tempore, non inde ex necessitate remanens obligatus idem semper præstare. Menochius de arbitrariis Iudiciis, lib. 2. centur. 5. casu 494. nu. 4. fol. mibi 860. & probatur, leg. Creditores, Cod. De pignor. leg. Civil. C. De furtis, & Cap. Potius de locato. Illuminatus Moronus in Biga controvers. pr. de consuetudinibus contra Regulam, &c. num. 50. fol. mibi 24. Borden. ref. 68. nu. 41. alique. Et

1483 Confirmatur eadem ratio: Quia idèd generalis regula docet, actus merè facultatis, seu ea, quæ merè facultatis sunt, præscribi non posse, per Text. in leg. Per viam publicam, & ibi notant Gloss. & Bartol. ff. De via publ. ubi dicitur, quod nunquam præscribitur facultati eundè per viam publicam, quia istud posse ire per viam publicam, non est jus, sed quædam facultas. Et hanc conclusionem firmant Jura, & Jurisperiti apud Jo. Francisc. Balbum in verè aureo suo De Præscriptionibus tractatu, quarta parte quintæ partis principalis, quæstion. pr. n. pr. & 2. fol. mibi 433. ubi ipse sic: Ea, quæ competunt jure facultatis, non præscribuntur. Ex hoc inferitur, quod si aliquis per viam merè, & gratuite facultatis aliquid sit solitus concedere, per hoc non obligatur perferre, ac si firmata esset consuetudo, ut declarat Panorm. post alios in Cap. Quod in translationem, column. secunda de Offic. leg. Per id, quod not. Jun. in Capit. Cum Ecclesia Sutrina, de causa possess. & proprietatis, ubi dicit: quod si millies aliquis hospitaretur aliquem amicum suum in domo, per hoc non est inducta consuetudo, ut teneatur cum in futurum hospitari, cum fuerit profectus ad illam Civitatem,

&c. Item non esse obligationem ex justitia servandi consuetudinem in iis, quæ ex mera liberalitate, & urbanitate fieri consueverunt, docent etiam Bonac. tom. 2. Titul. de Legib. in genere, & in particulari disp. pr. qu. 2. punct. ultimo, §. 3. nu. 20. ibi enim: Quapropter (inquit) qui millies consuevit alteri obsequia, vel Beneficia præstare, aut illum in domum propriam recipere, non acquirit obligationem illa præstandi, leg. 1. ff. De servitutibus, & leg. Creditores, Cod. De pignoribus Rebellei par. pr. lib. pr. qu. 5. n. 27. Sylvest. Verbo Consuetudo, n. 14. Menoch. de Arbitr. casu 494. n. 4. & alii, quos in simili retuli de contractibus. Et hic etiam facit quod: In merè facultativis, non datur restrictio merè facultatis. Urbanitas enim nullum inducit jus, aut obligationem: Neque præjudicat alicui, nec juri publico, nec privato, nec in petitorio, nec in possessorio, leg. Qui jure familiaritatis, ff. De acquir. possess. ibi Bartol. Imol. Alex. cum aliis cit. à Barriola conf. 29. §. Respondetur primo. Borden. resol. 68. nu. 41. Ex actibus enim facultativis non inducitur consuetudo idem faciendi in futurum, leg. Proculus, ff. De dam. infecti. leg. 1. §. Denique, leg. 1. §. Si in fundo meo, ff. De aqu. plu. arcen. Cyn. in leg. prima, & secunda, Cod. de servis. & aqu. idem in leg. secunda. Cod. Quæ sit long. consuetud. Innoc. in Cap. Cum in Ecclesia Sutrina, ubi post alios Rip. num. 43. de caus. possess. & propriet. Marcellus Vulpes in Praxi Judiciali Fori Ecclesiastici Cap. 39. n. 4. ibi: Ex actibus facultativis non inducitur consuetudo idem faciendi in futurum, addens n. 9. Vers. Quando non: Ex actibus facultativis non inducitur præscriptio, & idem faciendi in tempore futuro, quod procedit, quando actus sit per modum facultatis, non per modum juris debiti. In casu autem nostro, Parochi nullum jus habent in Regularium Ecclesiis, quæ omnino exemptæ sunt; imò ipsis Parochiis à Summis Pontificibus interdicitur omne jus (ex dictis) quo ad funeralia in nostris Ecclesiis. Et si quandoque in quibusdam eorum, Stolum deferunt, Psalmos canunt, Requiem æternam, ac ultimum Vale dicunt super Defuncti corpus, vel in aliquo se intromittunt, id utique evenit cum assensu expresso, aut tacito, & ex facultate urbana à Regularibus concessio, & concessa, quæ nullum inducunt jus, aut obligationem: & quod ita eveniat supponi debet: Quoniam dato initio non coactivo, actus gesti non sunt necessarii, sed simpliciter voluntarii; & facultativi. Pignatellus to. 3. conf. 47. n. 31. fol. mibi 114. Quoniam verò iste Doctor addit immediate, quod actus etiam

facul.

facultativi cessant esse tales, evaduntque obligatorii, si concurrat eorum multiplicitas, & continuatio per longum tempus: Eo quia consuetum facit actum de voluntario necessarium, licet absolute, & simpliciter hoc non sit admitendum, nec concedendum; hinc Antonius à Spiritu S. consulto 38. nu. 15. expressè sic: *In pure facultativis non potest introduci consuetudo laudabilis, & possessio, & etiam si sit immemorialis, non ad illam introducendam; ut constat ex leg. 1. Cod. De servit. & aqua, & tenet Bartol. in leg. Cum in rem versic. ff. De usuris, lano. in cap. bone 2. de postul. Prælator. Cuius in leg. Prima, & secunda, Cod. Que sit longa consuetudo, & clarius constat ex Capit. Ad Apostolicam de Simonia. Et hinc insuper Tamburina. de Jure Abbat. tom. pr. disp. 24. qu. 8. nu. 6. Quærens an Religiosi Apostolicæ Sedis Privilegio exempti, ne ad Processiones ire compellantur: si ab Episcopo vocati, pluries sint accessi, intelligantur, per contrarium usum Privilegium amisisse, & sic in posterum ad id compelli possit? respondet, quod non, quia tale Privilegium est in re facultativum, quod nunquam amittitur per non usum, & sic Privilegiati possunt ire, si volunt, & si nolunt, abstinere: tum quia precarij accessisse videntur, sic nullum jus Episcopo acquisitum est; & ita etiam, & sub eisdem verbis ad idem dubium, & quesitum respondet Stephanus Quaranta in Summa Bullarum, Verbo Præcedentia, Vers. At in casu, apud quem idem etiam determinat Calderinus conf. 8. sub Titul. de Privileg. Regular. relatus etiam à Felino in Cap. Dilectus sub n. 7. de Offic. Ordin. Quod totum facit pariter (cum proportionem) ad casum nostrum de Parochis, precarij similiter, (hoc est cum assensu tantum, facilitate, & licentia Regularium) istorum Ecclesias ingredientibus, &c. Licet ergo inquam, Pignatellij additum, nec admittamus, nec concedamus: nihilominus transeat illud. Eodem tamen dato, & non concessio. Quia R. R. Parochi carentes omnino quocunque tum rationis, tum auctoritatis, ut abundè ex dictis: & ad propriam (non iustam, ut modeste, & reverenter loquar) prætensionem fundandam, & tuendam ad solitum eorundem effugium recurrant: Manu tenendos esse in delatione Stolz, & Crucis, & exercitio aliarum functionum funeralium intus Ecclesias Regularium, ex actibus possessorij intus easdem gestis, ex quibus arguitur verum eorundem acquisitionem jus, tam titulum consuetudinis, quam titulum præscriptionis, idcirco, veniendam, & ultimo loco ad hominem*

1484 Probo septimo. R. R. Parochi se tueri nequeunt titulo consuetudinis, neque titulo præscriptionis adversus Regulares: ergo nullo alio titulo, sicque nullum ipsius effugium: consequentia hæc sequitur, nam assignent ipsi, si quod aliud habent: non enim negare possunt Privilegium omnimodæ exemptionis, quo fruuntur Regulares; & hi (una excepta revocatione à Sanctissima Sede emanante) nequeunt huiusmodi Privilegium amittere, nisi vel per renunciationem; vel contrariam consuetudinem debito tempore, non usu Privilegij scilicet, aut contrario usu, &c. firmatam, vel per veram præscriptionem contrariam, non usu similiter, aut contrario usu, definito à lege tempore ultimam: nullo alio excohibibili titulo dictum exemptionis Privilegium amitti potest à Regularibus. Sed neque renunciatione (ut supra visum est) amitti potest, quia renunciatio (ut ibi probamus) non habet locum, quando arbitrio nostro usus Privilegij committitur (ut in casu nostro) unde per hoc, quod illo non utamur, non censemus illi renunciare velle; imò, & si etiam vellemus huic Privilegio renunciare, non possumus, ut supra satis superque probatum est: præterquam quod constare deberet authenticè, de tali renunciatione, quod nunquam fiet, & semper esset (si exhiberetur etiam jurata) nulla, & invalida, ex dictis supra. Neque contraria consuetudine, vel præscriptione amitti potest, ut in antecedenti. Ergo, &c. Antecedens quo ad utranque partem probandum est; & ut id clarius, ac evidentius fiat (licet una pars includat, seu inferat alteram; & consuetudo ipsa debeat esse præscripta) contra prætensionem consuetudinem primo, & præscriptionem secundo loco (separatim) erit adversus Parochos argumentatio mea. Unde

1485 Quo ad consuetudinem, ab Adversariis R. R. contra Regulares quotidie intimatam sub illis verbis, quæ quotidie etiam habent in ore, videlicet *consuetum, consuetum, solitum, solitum*: Suppono eam esse: *Jus quoddam moribus constitutum, quod pro lege suscipitur, cum deficit lex. Vel: Esse jus non scriptum, quod ex longo, & continuo usu eritum est.* Ex ita, ut plurimum describi à DD. de ea scribentibus, ut videre est apud ipsos tum Canonistas, & Juristas, tum Theologos. Et Cap. Non est 3. de consuetud. (ubi Glosi. Verbo Consuetudo. Que describitur, esse jus quoddam moribus institutum, cum deficit lex, &c.) Et ipsam dicit esse, *Jus quoddam moribus constitutum, seu institutum*; quia à mori-

moribus (ideſt actibus frequentibus) hominum naſcitur, & originatur, atque ex uſu frequenti illorum actuum jus illud obligans inſtituitur; & ob id vocari *Jus non ſcriptum*, quia ſcripturam non requirit, ſed ex more, & frequenti actu uſu (qui in facto, non in ſcriptura conſiſtit) ortum habere. Addi præterea, quod *pro lege ſuſcipitur*, ut oſtendatur effectus conſuetudinis, qui eſt obligare inſtar legis ſcriptæ. Apponi tandem, cum *lex deſicit ſcripta*, ideſt amplius hæc non adeſt, quæ obligationem inducere poſſit: quia conſuetudo introducit in defectum legis ſcriptæ de hac, vel illa re: Unde quando lex adeſt, & obligat, locum non habet conſuetudo: & hac legitime poſita, ceſſat obligatio legis, cui etiam prævalet. Hæc inquam ſuppono ex D.D. communiter. Et inſuper ex eorundem magis recepta ſententia, quatuor conditiones requiri ad conſuetudinem ſtabiliendam. *Primo*, quod ſit rationalis. Et merito, quia cum conſuetudo legitime introducta, & præſcripta, ſit lex, & *lex honeſta, juſta, poſſibilis, &c.* eſſe debet *diſt. 4. cap. Erit*, non poteſt eſſe talis, quin ſit rationalis, ideſt ſecundum rectam rationem, quia de eſſentia legis eſt, quod ſit ſecundum rectam rationem, cum ſit regula humanorum actuum, regula autem ſine rectitudine conſiſtere nequit, quia non poſſet regulare, ergo conſuetudo etiam, quæ eſt lex non ſcripta, ſed moribus introducta, debet eſſe ſecundum rectam rationem. Quod ad id verum eſt, ut conſuetudo ratione carens, ideſt non ſecundum rectam rationem, nunquam vim legis habere poſſit. *Syſteſter Verbo Conſuetudo qu. 4. Tabiena Verbo eodem, & qu. eadem, & omnes. Secundo*: Per multos annos obſervata. *Tertio*: Quod ſit uſu frequentata. *Quarto*: Quod ſcientia Principis, vel optimatum, vel tacito ſaltem eorundem conſenſu ſit introducta: Quia conſuetudo eſt quoddam jus novum; debet igitur proſiſci à ſcientia, vel tacito ſaltem conſenſu Principis, vel optimatum, penes quos ſolos reſidet poteſtas legislativa, & authoritas condendi jura, ac Leges. Et hinc eſt, quod conſuetudo introduci non poteſt reſiſtente Principe: *Morus l. c. n. 29.* & communiter; & quod interrumpitur conſuetudo, ſi Princeps puniat intendentes illam introducere, quia tunc deſicit aſſenſus Principis neceſſario requiſitus: *Suar. de Legibus lib. 7. cap. 8. n. 15.* cum aliis, & *Morus l. c. n. 35.* Vel eadem, etiam jam præſcriptæ derogatur ordinatione Principis, & c. *Palao par. p. Titul. de Conſuet. tract. 3. diſp. 3. punc.*

2. affirmat, omnes conditiones, quas exigunt Doctores ad inducendam conſuetudinem, comprehendendi duplici illa conditione assignata in *Cap. fin. Cum tanto, de conſuetudine*, ſcilicet eſſe *rationabilem, & præſcriptam*, quia nihil aliud ibi exigitur, ut conſuetudo vim legis habere poſſit, ibi enim: *Niſi ſit rationalis, & præſcripta.* Et *Cap. Moſ eſt diſtin. p. cap. 4.* ubi *Gloſſ. Verbo Moſ eſt longa, in fine*: Hoc teneas pro certo, quod ſecundum jus Canonicum non valet conſuetudo, niſi præſcripta ſit, & rationalis. Et inde eſt, quod introducentes conſuetudinem adverſus legem, peccant toto eo tempore, quo conſuetudo introducta non eſt: *Sanch. de Matrim. lib. 7. diſp. 4. n. 14.* *Suar. de Legibus lib. 7. cap. 18. nu. 24.* *Bonac. to. 2. de Legibus diſp. p. qu. p. punc. ultimo. §. 3. n. 45.* *Palao punc. c. 2. §. p. n. 6.* *Morus l. c. n. 89.* aliique. Et ratio eſt, quia à legis obſervatione excuſari non poſſunt, niſi ob conſuetudinem legitime præſcriptam (ideſt obtentam per curſum temporis ad præſcriptionem requiſiti) ergo ſi conſuetudo nondum præſcripta eſt, nulla eſt ratio excuſans à peccato. Dum enim conſuetudo non eſt introducta, obligat lex: at facere contra legem obligantem, peccatum eſt. Ergo, &c. Completo autem tempore, & conſuetudine præſcripta, jam non eſt amplius rationi conſonum, & Rei publicæ expediens, ut culpa ultra progrediatur, neque Cives ad obſervantiam legis jam præſcriptæ, ex tacita ſaltem voluntate Principis amplius obligentur, & actus ſubditorum conſequentur, licet antea mali fuerint, tales perſeверent, & ita inter alios docent: *Suar. n. 24. cit. in fine.* *Bonac. n. 45. cit. Palao §. 1. cit. nu. 3. Verſ. Reſponſo ad primam, & Morus l. c. n. 90.* addens n. 94. Cum de conſuetudine eſt ſermo, eſt intelligendus de præſcripta, juxta *Gloſſ. in Cap. Moſ eſt diſtin. prima ex Textu ibi.* Et idem tradit *Bald. in cap. 1. de feud. cognit. column. 1.* ubi reddit rationem, quia conſuetudo, antequam ſit præſcripta, dicitur voluntas, ſeu conatus illam introducendi, idè appellatio conſuetudinis non ſenit intelligenda, ſed tantum præſcripta, ita *Morus n. cit. 94.* Qui antea nu. 19. optimè ait: *Præſcriptum eſſe in conſuetudine, ut ex longo uſu tollatur lex, ne peccata multiplicentur. Nec per hoc conſuetudinem introducentes, reportare Beneficium ex malitia ſua; ſed ex lege ſtatuente: non enim ex eo, quod peccant, formaliter eximuntur ab obligatione legis, ſed quia lex concedit, quod poſitis requiſitis ad conſuetudinem, ipſa conſuetudo inducatur, & obligatio legis ceſſet.* Hætenus *Morus*. Requirit præterea, quod actus fiant ex ſcientia,

non per metum gravem, aut per errorem, vel ignorantiam: quotiescunque enim talis est error, metus, ignorantia, &c. ut tollant consensum, non introducitur consuetudo ad quam maximè requiritur, *leg. De quibus, & juxta Glossam in cap. ult. de consuetudine, & Rom. consil. 168. n. 5. &c. sic Moronius l. c. n. 44.* Et hujus requisiti ratio est manifesta, quia, cum consuetudo sit lex, & lex non possit habere vim, & efficaciam, nisi legislator intendat ferre legem, ita neque consuetudo valebit, nisi actus ex mente fiant, ut consuetudo inducatur. Hinc etiam fit, quod consuetudines aliquando obligant ex debito; aliquando ex gratitudine; aliquando sub mortali; aliquando sub veniali; aliquando in foro conscientie tantum; aliquando tantum in foro fori, & aliquando in utroque. Cum enim consuetudo tantum habeat potentie, quantum ei usus attribuit, quantum intendunt illam introducentes, hinc nascitur ista varietas obligandi. Quantum autem temporis requiratur, ut consuetudo dicatur præscripta, ? Vide *Azorium tom. pr. libr. 5. cap. 17. qu. 6. Suar. to. pr. de Reliq. libr. pr. cap. 13. & de Legib. lib. 7. cap. 18. Palaum par. pr. de consuetud. trañt. 3. disp. 3. punct. 2. §. 2. Dianam Coord. par. 6. trañt. 2. de consuetudine, resol. 2. 3. 4. 5. 6. & 7. & alios.* Hæc inquam de consuetudine ex communi doctrina supposita, pro probatione primæ partis antecedentis nostri propositi argumenti.

1486 Quo verò ad præscriptionem: & pro probatione secundæ partis ejusdem antecedentis, pariter suppono: Quod ipsa sit *Acquisitio Domini, vel alieni Juris preemptio per continuationem temporis lege definiti.* Et per legitimam præscriptionem acquiri in utroque foro dominium in rem alterius absque ejus consensu: Legantur *Lessius de Justit. lib. 2. cap. 6. Palaus par. 7. de Justit. in genere, disp. unica, punct. 22. Ubi de translat. domini in alterum ex lege præscriptionis, aliq; scribentes de præscriptione.* Ex ejus data definitione, colligunt communiter omnes, requiri ad præscriptionem (ut legitimè evadat, & verè transférat dominium, possitque adversario ritè opponi per modum exceptionis (quod ipsa continet sequentes conditiones, scilicet: *Aptitudinem rei præscriptibilis; Possessionem; Bonam fidem; Justum titulum præsumptum; Certum tempus à lege definitum,* quæ continentur sequentibus verbis

Sic rei apta; fidei bona, sit titulus quoque justus;

Possideat justè; completo tempore legis.

Circa primam conditionem: *Aptitudinis:* Res, quæ præscriptioni legitimæ subalterni petit, debet esse talis, in qua jura non prohibeant fieri præscriptionem; seu debet esse apta ad præscribi. Jura enim inhabilitant nonnullas res ad præscriptionem, cujusmodi sunt res Sacre, & Religiosæ *Instit. de Ufucap.* Item Res publicæ, ut *Fora, Theatra, &c. leg. Ufucapionem 9. ff. de ufucap. & alia plures; de quibus Doctores.* *Secunda conditio,* omnino necessaria ad præscriptionem legitimam, est *Possessio*, ut constat *ex Reg. 3. de Regul. Juris in 6. Sine possessione præscriptio non procedit.* Quæ possessio, ut subvertat præscriptioni, debet esse continua, hoc est talis, ut ante tempus ad rei, de qua agitur, præscriptionem à lege definitum, nullo momento sit interrupta; *Cap. Illud autem 8. de præscriptionibus, ibi: Et si probata fuerit interruptio, præscriptio non tenebit.* Et *Cap. Auditis 15. hoc eodem Titulo.* Et Doctores communiter omnes. Quare si interruptatur sive per ablationem ipsiusmet possessionis (quæ dicitur naturalis interruptio, *leg. Naturaliter, ff. Hoc titulo*) sive per litis motionem, ac contestationem (quæ dicitur Civilis interruptio, *leg. Nemo, Cod. De acquirend. possess.*) sive per citationem; præscriptio ad effectum produci nequit, *cit. leg. Nemo.* Non est autem necesse, ut res à præscribente semper personaliter possideatur; quia possessio etiam per alium retinetur, qui nomine principalis rem habet, puta per Procuratorem, Filium, Servum, Conductorem, Usufructuarium, &c. *leg. prima, §. secundo, cum seq. ff. De acquirend. possess.* & D. D. Tertia conditio necessaria ad legitimam præscriptionem; est *Bona fides*, communiter D. D. omnes: Et ita constat ex *Regula secunda de Regulis Juris in sexto;* ubi dicitur: *Possessor male fidei, ullo tempore præscribit: Et ex capite vigesimo fin. de Præscriptionibus.* Ubi quod: *Nec in foro Canonico, nec Civili valet præscriptio cum mala fide.* Sub his verbis: *Quoniam omne, quod non est ex fide, peccatum est, synodali judicio diffiniimus;* ut nulla valeat absque bona fide præscriptio, tum Canonica, quam Crolius: *Cum generaliter sit omni constitutioni, atque consuetudini derogandum, quæ absque mortali peccato non potest observari.* Unde oportet, ut qui præscribit in nulla temporis parte, rei habeat conscientiam alienæ. Ita *Textus* (sumptus ex *Concilio Magno Lateranensi.*) Et *Glossa* ibi, *Verbo Casus*, sic habet: *Quicumque facit contra conscientiam, ædificat ad gehennam, & idèd statuit Concilium, quod nulla valeat præ-*

scriptio absque bona fide, tam Canonica, quam Civilis: quia constitutioni, & consuetudini derogandum est, quae sine peccato mortali servari non potest: & ideo oportet, ut qui rem alterius praescribit, in nulla parte praescriptionis habeat malam fidem. Not. quod qui facit contra conscientiam, peccat mortaliter. Item, praescriptio sine bona fide non valet. Item per hanc constitutionem derogatur omni Constitutioni Juris Civilis, & Canonici, quae sine peccato servari non potest. Item in praescriptione exigitur bona fides continua. Haecenus Glossa. Vide Cap. Novit ille, de Judiciis. Bona autem fides est credulitas, quam quis prudenter credit, ac sibi persuadet, rem esse suam; aut saltem ignorat esse alienam; ut si possessor judicet illum, à quo rem obtinuit, extitisse verum rei dominum (& si revera non esset talis) aut ipsum saltem habuisse jus transferendi dominium illius rei, leg. Bone fidei, ff. De verbor. signifi. Quae bona fides, etsi Jure Civili in praescriptione longi temporis dicatur sufficere, si adest solum tempore inchoandae praescriptionis: Jure tamen Canonico requiritur bona fides, non tantum ad inchoandum, verum etiam ad continuandam praescriptionem semper, ut statuitur in alato Textu, & Glossa. Unde superveniente mala fide in defluxu temporis, peccat rem illam retinendo: & ideo ne peccet, requiritur semper, & continuè bona fides, usque dum tempus à lege definitum effluat: Quarta conditio ad praescriptionem necessaria, est Justus Titulus probabiliter praesumptus. Ita communis D. D. & manifestè constat ex Cap. Si diligenti, de praescriptionibus, ibi: Non praescribit, nisi is habeat bonam fidem, & justum Titulum. Titulus autem est aliqua causa, ex se habilis ad transferendum dominium. Uti est donatio, haereditas, legatum, emptio, venditio, transactio, adjudicatio, &c. Hi sunt regulariter tituli, ex se habiles ad transferendum dominium, de quibus D. D. Nullus autem ex his titulis, qui validus sit requiritur, sed probabiliter praesumptus. Cum enim praescriptio esse non possit absque bona fide, ut dictum est, & bona fides consistere non possit absque titulo, utpote illius fundamento, & credere non possit quis, jus habere possidendi, nisi credat se habere titulum, ex quo hoc jus oritur; sanè infertur, titulum necessarium esse, non utcumque, sed probabiliter à praescribente praesumptum. Quinta conditio ad praescriptionem necessaria est, certum illud tempus completum, quod à Jure taxatum est, seu certi temporis completi à Jure definiti continua-

ta possessio: communiter D. D. quod tempus varium est, pro varietate rerum praescribendarum, ut videre est apud Doctores. Et hinc nota, quod non valenti agere non currit tempus, nec praescriptio: Peregrius decif. 3. n. 2. Craveta confil. pr. par. 2. n. 28. Decius confil. 445. nu. 48. Surdus decif. 151. n. 4. & decif. 236. n. 14. & Doctores communiter, praecipue Palao puncti. c. 22. §. 15. n. 3. Verbo Tertio successores, ubi: Impe-dito agere, praescriptio adversus illum currere non potest, quia tunc incipit, quando actio nata est, leg. Sicus, Vers. Que ergo, &c. Si igitur ei nullum obstaculum opponi potest, neque etiam opponi potest praescriptio. Et nu. 4. Adversus eos qui agere possunt, optimè currere potest praescriptio.

1487 Ex his haecenus positis, remanet declarata differentia inter consuetudinem, & praescriptionem: saepe enim istae duae voces consuetudinis, & praescriptionis recipiunt, & quasi pro eadem accipi solent, propter quasdam convenientias, quas habent: quamvis sumptè secundum proprias formalitates, & rationes, multum differant: quod docent etiam Baldus Tract. de Praescrip. par. p. qu. 10. Azor. to. p. lib. 5. cap. 18. qu. 16. Salas de Legib. disp. 19. sect. p. n. 6. Suar. de Legib. lib. 7. cap. p. à n. 10. Palao par. p. tract. 3. de consuetud. disp. 3. punct. p. n. 3. alique ab his citati. Differunt autem. Primo, quia consuetudo est lex obligans communitatem ad aliquid efficiendum, vel omittendum: at praescriptio non attendit communitatem, sed inter particulares personas esse potest. Secundo, quia consuetudo parit legem; praescriptio verò dominium: consuetudo enim inducit saepe obligationem legalem in his, qui utuntur consuetudine, vel à legali obligatione eximit: at praescribens non inducit obligationem legalem in eo, adversus quem praescribit, nec se eximit ab obligatione legali, sed inducit obligationem justitiae, vel à justitiae obligatione se eximit. Tercio, quia in praescriptione requiritur semper bona fides: at in consuetudine non semper est necessaria: nam, & si mala fide incepta sit consuetudo, praescribere potest adversus legem. Hinc optimè Suar. de Relig. to. 1. lib. 1. de Cult. Divino necessario ex praecepto, cap. 13. n. 8. sic: Ad praescriptionem requiritur bona fides in praescribente ab initio temporis, usque ad consummationem ejus: maxime secundum jus Canonicum, ut suppono ex toto titulo de Praescriptionibus, & ex propria materia. At vero ad consuetudinem abrogantem legem, non requiritur bona fides toto tempore illius: Nam in principio, quando consuetudo incipit contra legem,

gem, solet inchoari cum mala fide, & per actus pravor, utpotè legi contrarios, ut omnes fatentur, aliàs nulla consuetudo humana posset legem positivam abrogare. Quartò, quia ad præscriptionem non requiritur, nec expressus, nec tacitus consensus ejus, contra quem præscribitur: ad consuetudinem verò requiritur consensus Principis saltem tacitus: hinc sequitur, consuetudinem adversus nullum, præscribere: nam si adversus aliquem, is esset Princeps, & adversus Principem non præscribit, cum potius ex ejus consensu consuetudo inducatur, & vires obtineat, ut optimè Vasquez disp. 177. cap. 5. n. 43. apud, & cum Palao n. 3. cit. Quintò: Quia ad præscriptionem requiritur titulus; ad consuetudinem autem nullus titulus est necessarius, tacitus enim Populi, vel Principis consensus sufficit pro titulo. Sextò tandem: Quia ad consuetudinem, diversum tempus requiritur, ac ad præscriptionem, &c. Dixerunt ergo in multis consuetudo, & præscriptio, quamvis secundum quasdam rationes etiam convenient. Videantur D.D. Quibus suppositis.

1488 Subsumo præfatum nostri argumenti antecedens, quod videlicet, neque per contrariam consuetudinem, neque per præscriptionem contrariam, possint Regulares amittere proprium Exemptionis privilegium (de quo in argumento) consequenter Parochos nullo titulo se tueri posse adversus eosdemque, nec ullum aliud effugium contra ipsos habere posse. Prima pars probatur evidenter: Tum quia, ut consuetudo legem, vel Statutum, vel privilegium abroget, debet esse saltem per tacitum Principis consensum (ex primo supposito) approbata: seu per illum confirmata, qui potestatem habuit condendæ legis, & privilegium concedendi. Unde dato etiam, & non concessio, quod Regularium jura, & privilegia per consuetudinem deperdi possent, hoc non aliter procedit (inquit etiam Felinus in Cap. Cum olim n. 4. Tit. de Præscr.) nisi data scientia, & patientia Superioris: nec introduci potest absolute consuetudo valida contra privilegia Regularium, non consentiente Summo Pontifice, qui talia privilegia impertitus est, multò minus ipso contradicente, & resistente, quia cum resistentia inveniri nequit, nec virtualis, nec tacitus consensus; resistentia enim contraria est (ut patet) assensui formali, & expresso. Sed in casu maxime nostri Privilegii in specie, vetantis ingressum Parochorum cum Stola, Cruce, & Cantu in Regularium Ecclesias, non solum non adest consensus

Sedis Apostolicæ, & Summi Pontificis validans contrariam consuetudinem, in hujus favorem, sed positivus absolutus dissensus, invalidans nedum quamcunque contrariam consuetudinem, verum etiam quemcunque actum eidem Privilegio, imò cuicunque Regularium Privilegio contrarium, ergo, &c. Consequentia sequitur: Minor verò, idest resistentia positiva, positivusque dissensus Apostolicæ Sedis; Summorumque Pontificum, constat apertissimè ex tot Bullis supra relatis, inhibitis, præceptivis, prohibitis (& cum Clausula quamcunque consuetudinem interrumpente, idest Non obstante, &c.) sub censuris, & poenis Ecclesiasticis, sub lethali culpa consequenter; præcipue ex Bulla Eugenii IV. superius nu. 1369. allata, in qua sic: Quod si quandoque contigerit per aliquem, aut plures actus contra hujusmodi, aut quemcunque alia Privilegia, indulta, gratias, immunitates, & ordinationes præfate Congregationi concessas, aut ipsorum ad quocunque ejusmodi conditionis, dignitatis, gradus, seu status existat, ex negligentia, vel ignorantia presentium, vel futurorum, quibus hæc conceduntur, aut alia quavis causa, propter quam fuerit aliter attentatum, vel pro tempore observatum ignoranter, vel scienter, nullum tamen præjudicium Decretis, Privilegiis, indultis, gratiis, immunitatibus, ordinationibus hujusmodi volumus generari: sed in suo vigore, & robore permanere: Non obstantibus, &c. Ita Summus ipse Pontifex Eugenius IV. Ex quo frustraneum esse videtur, adducere contra Regularium Privilegia consuetudinem, vel præscriptionem. Tū quia, consuetudo, quæ nunquam potest esse rationalis, nec potest utique unquam introduci, continuari, nec subsistere, sed hujusmodi est consuetudo, de qua hic, & quam præterdunt Parochi esse jam ab ipsis contra Regulares inductam, ergo. Major propositio est certa, & communis, patetque ex primo nostro supposito. Probat minor: Quia consuetudo, quæ nunquam potest subsistere, nec continuari absque peccato, nequit absolute esse rationalis: imò implicat, quod sit talis, cum peccatum ipsum (ut docent Theologi cum D. Tho. par. 2. qu. 71. art. 6.) sit contra legem eternam, & rationem. Sed hujusmodi est consuetudo, de qua hic, & quam fingunt Parochi esse jam inductam ab ipsis contra Regulares, ergo. Major est certa, ut ex se patet: quoadusque enim consuetudo contra legem obligantem ad mortale (ut in casu nostro) non est præscripta, ita ut lex contraria cesset obligare, non potest sejungi, nec separari

à peccato, nec consequenter erit rationabilis. Et si nunquam potest esse praescripta, nunquam consequenter rationabilis, quia nunquam sine peccato esse poterit, atque adeo semper nulla, invalida, irrita, & insubsistens: Et quod sit talis consuetudo praetensa Parochorum, de qua hic; quae est minor argumenti propositio. Probatur: Quia haec perpetuo reprobatur, ac continuatè interruptitur ab *Eugenio IV.* & aliis Summis Pontificibus praedecessoribus, & successoribus, ut constat ex eorundem recitatis, clarisque Bullis. Et adeo interruptitur, ut nec unquam finat *Eugenius* (ut constat ex ejusdem verbis) ipsam inchoari, cum perpetuo reprobet, ac reiiciat quemcumque actum in individuo hujus praetensae irrationabilis, & insubsistentis consuetudinis. Ergo: *Tum etiam quia*, consuetudo haec, quam asserunt Parochi, & fingunt esse praescriptam, esto etiam posset praescribi (quod negamus) cum sit quid facti, probari debet *Joseph. Ludov. Perns. decis. 62. n. 25. cum seqq. Mascard. de Probat. concl. 328. n. 2. Menoch. de Praesumpt. lib. 2. praesumpt. 8. nu. 7. & confil. 8. nu. 16. Surd. confil. 371. n. pr. Valasc. confil. 192. n. 9. apud, & cum Barbosa in Repertorio Juris, Littera C, Verbo Consuetudo, Vers. Consuetudo est quid facti. Et hoc est etiam juxta doctrinam Glossae in Cap. Primo de Praescriptionibus in sexto, Verbo Memoria, & Jo: Francisci Leonis par. pr. Thesauri Fori Ecclesiastici cap. 8. n. 5. (ibi:) Quia consuetudo est facti, servatis servandis, parte citata, probari debet. Et quia alleganti, & non probanti nihil creditur: Probare oportet, non sufficit dicere. Barbosa Axiomate 191. n. pr. & ibi, Glossa Verbo dicatur in leg. prima in princip. ff. Si quadrupes pauperiem fecisse dicatur, Cap. Dilecti de excepti. Jason. Felin. Paris. Menoch. addo, & alii communiter. Unde non valet habere in ore quotidie (ut habent Parochi:) Solitum, solitum, consuetum, hujusmodi solitum, & consuetum, cum sit factum, non praesumitur, nisi probetur. Et alleganti, onus probandi incumbit, cujus probatio: *Debet de necessitate concludere, quia non probat hoc esse, quod ab hoc contingit abesse, leg. Non hoc, Cod. De legitimis.* Idem Barbosa. Axiom. cit. nu. 2. cum aliis pluribus ibi citatis: *Et de Jure Ecclesiastico Universo lib. pr. cap. 19. n. 188. ubi sic: Non est credendum de consuetudine attestanti, Moberdan. decis. 2. & 3. de consuetud. Et ratio est, quia consuetudo est quid facti, & quod tunc fuit, potest hodie non esse; per quam rationem semper Rota reprobat opinionem illorum, qui te-**

nent, quod credatur Doctori attestanti de consuetudine; quando est versatus in illo foro. Sicque pariter, nec credendum R. R. Parochis de praetensa eorum, & toties decantata consuetudine asserentibus contra Regulares, hocq; argumento, & valido fundamento se munientibus; quod invalidissimum est: non enim sufficit dicere, & decantare; oportet probare, & de necessitate concludere, quod onus eis incumbit absolute per omnes: & usque dum non probant, pro Regularibus praesumendum est semper. Neq; valet, Regularibus ipsis annuentibus, vel permittentibus, fuimus aliquando ingressi in eorum Ecclesias cum Stola, Cruce, &c. ergo uti solitum hoc, & jam factum consuetum, etiam nunc, & in futurum Regularibus etiam ipsis invitis, & Pontificibus Bullis, ac Decretis non obstantibus, nec etiam obstante Regularium eorundem exemptione, in eas intrare volumus, & valemus. Non, inquam, hoc valet, quinimò ex tot capitibus superius allatis, doctrinis, atque Doctoribus reprobatur, atque temerarium id esse, idque asserere, evidentissimè appareat. Nonne exemptionis Privilegium Regularibus concessum facultativum est, atq; adeo impraescriptibile? Nonne consuetudo falsò asseritur per Superiorem non approbata, multò minus positivè ab eodem, millies, & perpetuo abrogata (ut in casu nostro) ac reprobata? Invitis Regularibus vos intrare vultis? ergo contra ipsos non praescribitis, quia quando adversus impeditum agitur, non currit praescriptio, ex dictis supra, nec praescriptionis tempus: Neque amittitur Privilegium, nisi quando per Privilegiatum steterit, quominus Privilegio uteretur: *Mattheus Burattus to. 2. Decisionum Sacr. Rot. Rom. decis. 704. num. 12. fol. miti 351. & ibi Glossa fin. in Cap. Abbate, de Verbor. Signific. ubi Butr. num. 24. versic. 2. Abb. n. 18. & alii. Surd. confil. 419. n. 27. in fine, & 28. & 29. Quibus addo Tambur. de Jure Abbat. to. pr. disp. 16. qu. 14. n. 11.* Si igitur invitis Regularibus intratis, ergo illis impeditis, ne suo utantur Privilegio. At impedito agere non currit tempus adversus eum, nec amittit Privilegium eo quia, ob impedimentum, Privilegium non utatur. Ergo

1489 Tandem probatur etiam secunda pars antecedentis nostri argumenti. Quod scilicet R. R. Parochi nec possint se tueri contra Regulares praescriptionis titulo, indeque ullum prorsus illis remanere effectum. Tum quia deficit ei conditio praescriptio-

scriptionis prima, scilicet *Aptitudo*, etenim res, quæ præscriptioni subterni petit, talis esse debet, ex secundo supposito, ut sit apta ad præscribi, & in qua jura non prohibeant, fieri præscriptionem: At Canonica Jura, idest Summorum Pontificum Bullæ, & Decreta (*Eugenii IV.* præsertim) prohibent (sub Censuris, & lethali, ut constat) R. R. Parochis ingredi, occasione funerum, Ecclesias Regularium istis invitatis cum Stola, Cruce, Cantu, &c. auferuntque ab ipsis in hac re quancunque aptitudinem ad præscribendum; declarando, & definendo nullos, irritos, invalidos, ac ullius roboris, quoscunque attentatos; scienter, sive ignoranter patratos, nulliusque præjudicii, &c. Ergo

1490 *Tum quia deficit etiam altera conditio ad præscriptionem necessaria, idest, Bona fides. Quia cum Parochi (sunt verba doctissimi P. Pasqualigi in Francum par. pr. n. 1594.) sciunt hoc juri non pertinere ad ipsos, sunt in mala fide, & idcirco non possunt præscribere.* Sciunt autem, ex tot recitatis Bullis, & Sacrarum Congregationum Declarationibus, ac Decretis. Ex tot excellentissimorum Authorum doctrinis, & assertionibus, qui super hac controversia ex professo, vel etiam obiter scripsere. Ex continua, imò perpetua Regularium reclamazione, de proprio læso Jure; etiam in contradictoriis Judiciis, in quibus milies etiam Romæ exauditi fuere Regulares pro evidenti propriæ causæ æquitate, &c. Unde nequeunt absolute R. R. Parochi hac in re allegare in conscientia, & pro veritate ignorantiam excusantem, nec *Bonam fidem* consequenter. Ergo

1491 *Tum quia deficit & conditio tertia ad præscriptionem legitimam necessaria, hoc est, Justus Titulus ingredi Ecclesias Regularium cum Stola, Cruce, &c. occasione funerum.* Ita etiam expressè idem *Pater Pasqualigi n. c. 1594.* ubi egregiè sic: *Deficit etiam ex parte Parochorum titulus præscriptionis, quia sciunt, aut saltem deberent scire, quod hoc non pertinet ad ipsos, unde solum ex juris ignorantia posset oriri, & idcirco non sufficit, ut notavi Felin. in cap. De quarta, nu. 35. Vers. Sed considera, de præscriptione. Alexand. consil. 44. n. 7. lib. 3. Rotæ in Bojan. Juris, coram Verospio apud Marchesani. Imò cum titulus sit reprobatus nullo unquam tempore potest præbere justam causam præscriptionis, ut considerat Surdus cum aliis consil. 276. n. 24.*

1492 *Tum quia deficit quoque hic quarta conditio ad præscriptionem legitimam necessaria, scilicet Justa possessio continua.*

Quam nec habent, nec probantur Parochi unquam (ut ex omnibus hæcenus dictis evidentissimè constat) ad quos spectat (utpotè illam allegantes) probare, ex dictis, & secundum omnes præscriptionis qualitates, ut docet *Balbus de Præscriptionibus 2. par. tertie principalis, questione tertia*, in qua inquirens: *Quæ possessio sit necessaria ad præscriptionem*, sic ait numero sequenti: *Allegant præscriptionem, eam probare debet, & omnes qualitates ad illam necessarias, ut sunt titulus, bona fides, & possessio continua.* At quomodo possunt, vel poterunt Parochi probare præsentiam eorum, & veram possessionem continuam, atque præscriptam, per actus (in tot superius recitatis Bullis, & Decretis) declaratos nullos, irritos, & invalidos, ac ullius effectus, nec valentes absolute possessionem inducere, nec præscribere? *Decretum enim irritant (ita Pasqualigi in Francum par. pr. nu. 837.) operatur, quod per actus contrarios, tanquam nullos non præscribatur Privilegium, ut tradunt Felin. in Cap. Cum accessissent, nu. 30. Vers. Quarto limita, de Constitut. Anton. Gab. libr. 6. commun. conclus. Titulo de Clausulis, conclus. 3. nu. 39. & 44. Menoch. Præsumpt. 41. nu. 10. lib. 6. Moneta de Conservatoribus cap. 10. n. 430. Balbus de Præscriptione parte quinta princip. parte quarta, questione quarta, limitat. tertia. Abbas in Cap. Cum accessissent, nu. 6. de Constitut. Imola nu. 7. Burg. n. 227. Nec valet, quod dicunt aliqui ex Parochis, nos, Regularibus ipsis annuentibus, ac permittentibus ingressi fuimus eorum Ecclesias cum Stola, Cruce, & Cantu; consuevimus in eisdem dare Defuncto vltimum Vale, & Requiem eternam: ergo hanc consuetudinem possidemus. Non inquam valet: & negata absolute consequentia, ad antecedens dico: Quod si qui Regulares (quod non omnes, ut constat) consuevere, vel consueverunt Parochos cum Stola, &c. admittere, eisque concedere Requiem eternam, & vltimum Vale, in propriis Ecclesiis, non nisi liberaliter, & ex Urbanitate id facere, ac faciunt: & cum Parochis Urbanis: secus verò cum inurbanis, ob eorundemmet inurbanitatem; & cum aliis se inurbanè gerentibus cum Regularibus ipsis: ex dicta autem Urbanitate, & liberalitate Parochis longo etiam tempore concessa, nulla possessio, vel præscriptio potest inferri ex superius dictis, & probatis. Maximè postea si sint in hoc Regulares ipsi inviti, hoc coactè, non voluntariè non permittant, ad fugiendos rumores, injurias, & ad injustitias repellendas,*

& gravamina tollenda, per quæ utiq; non deperditur Privilegium, si Privilegiatus eo non utatur, non enim sua culpa non utitur, nec per eum stat in tali contingentia, quod non utatur, cum impediatur, ita ut agere non possit, nec Privilegio uti, ex quo non usu non deperditur Privilegium, requiritur enim, ut per non usum deperdatur Privilegium, ut Privilegiatus sua culpa eo non utatur, & quod per eum stet, quod non utatur, ut multis citatis probat *Tamburin. de Jure Abbatum to. pr. qu. 14. à n. 10.* cui subscribunt *Salmaticenses tom. 4. Cursus Moralis tract. 18. Tit. de Privilegiis, cap. 2. punct. 2. num. 9. in fine, pag. mihi 139.* Unde consequenter etiam loquentes, n. 12. *Verf. Quarto supponendum, eadem pag. sic: Tempus ad præscriptionem requisitum, ut per illam Privilegium deperdat, incipiat à primo non usu libero, spontaneo, data opportunitate, & sine ullo impedimento utendi.* Unde si ei, contra quem præscribitur, subest aliquod impedimentum, ita ut agere non possit, cursus præscriptionis contra ipsum interruptitur, nec continuare, seu procedere censetur, sed potius dormire, &c. *Lessius de Justit. libr. 2. cap. 6. dub. 6. Sylvest. Verb. Præscriptio p. n. 9. quæst. 9. aliqua.*

1492 Tum etiam quia, deficit tandem & quinta, ac ultima conditio, *Temporis* videlicet, ad veram, & legitimam præscriptionem requisiti, quod satis, superque in superioribus probatum est: tum quia Summi Pontifices ferè singuli, ut visum est, suo Sanctissimo zelo confirmant Regularium Privilegia, sicque impediunt hujusmodi præscriptionem interrumpendo, ut plurimum tempus ejusdem. Tum quia ex Summorum Pontificum Bullis, item supra visum est, requiri centum annorum spatium ad præscribendum contra Regularium Privilegia: At quomodo tam longum temporis spatium probari potest? videtur ferè moraliter impossibile: saltem adeò difficile, ait *Bordon. resol. 52. qu. 41. n. 122.* Tum etiam, quia ex superius relato Privilegio, & concessione *Eugenii IV.* & aliorum Summorum Pontificum, nullo modo contra Regularium Privilegia, & nullo tempore potest præscribi. Sed

1493 Obiicies primò. Præscribi potest, & consuetudine induci, quidquid lege, & Privilegio potest concedi: ergo consuetudini à Parochis inductæ ingrediendi, & canendi in Regularium Ecclesiis, standum est, cum præcipue in materia funerum valde consuetudini deseratur. Respondeo, negan-

do consequentiam: falsum enim est, adesse, & inductam esse à parochis talem consuetudinem: Ad antecessens distinguo; potest præscribi, & consuetudine induci, quidquid lege, & privilegio potest concedi, quando eidem consuetudini, & legi, per aliam non derogatur, concedo: quando derogatur, ut in casu nostro ex dictis, nego. Iterum distinguo: quando induci, & præscribi potest per actus validos, concedo: quando sic non potest, ut in casu nostro, nego; non enim hujusmodi consuetudo induci potest per actus validos, ut supra probatum est: at consuetudo, nec præscriptio inducitur per actus nullos, quod certum est. Distinguo insuper: Præscribi potest, & consuetudine induci, quidquid lege, & privilegio potest concedi, si consuetudo sit rationabilis, & habeat condiciones ad consuetudinem requisitas, nec sit reprobata à Summo Pontifice, Principe, & Superiore, concedo: si non sit talis (ut in casu nostro probatum est) nego.

1494 Obiicies secundo. Certum est, adesse, & adfuisse inter Parochos, plures saltem Viros Doctos, & timoratz conscientiz, quos non est credibile, ignorare, vel ignorasse, contemnere, vel contempsisse tot Bullas Summorum Pontificum, tot Decreta Sacrarum Congregationum in sui, & aliorum minus peritorum Comparochorum perniciem. Ergo si tales viri nihilominus ingrediuntur, & ingressi sunt in funeralibus Ecclesias Regularium, &c. signum est, quod habent, & habebant rationem aliquam, saltem probabilem, qua moti, credere possunt, vel possent, talia posse, & potuisse facere absque peccato, incurfu Censurarum, &c. quis enim dicat omnes velle se ipsos perdere? Ergo supra dicta omnia non ita stricte obligare censenda sunt, sicuti sunt proposita, quasi ad terrorem. Confirmatur hæc ratio, quia non minus prohibitum est Parochis, ne ingrediuntur Ecclesias Regularium occasione funerum, &c. quam præceptum Episcopis, ut prohibeant ne ingrediuntur, &c. Episcopi enim tanquam Pastores tenentur vigilare supra gregem suum, nec ullo modo possunt dissimulare, ut parochi subditi sui, in re tam gravi, transgrediantur tot præcepta Summorum Pontificum, nec talis negligentia, aut incuria, de tot plurium Ecclesiarum piis Pastoribus, ritè præsumi potest: Ergo si tot Episcopi, nihilominus non observaverunt suos Parochos, nec prohibuerunt ab ingressu Ecclesiarum Regularium occasione funerum, &c. clarum signum est, quod hi omnes habe-

ant rationem aliquam, quæ ipsos moveat, adhuc esse licitum suis Parochis, ingredi Ecclesias Regularium occasione funerum, in illisque fe intrromittere in funere, &c.

1495 Respondeo argumentum vulgari medio procedens, vulgari etiam ratione probare, nedum licere Parochis ingredi in funeralibus Ecclesias Regularium, sed licere etiam quibuscunque mentiri, fornicari, furari, cum sint, & semper fuerint plures Viri Docti, & etiam alii pii, qui aliquando mentiuntur, fornicantur, furantur, &c. Quod si dicas, non licere eos trahere in exemplum, quia obstat Divina lex in contrarium: eodem modo dicendum est, non licere exemplum parochorum, quamvis Docti, & pii videantur, si qui sunt, vel fuerunt, qui advententes ingressi sunt, vel fuerunt Ecclesias Regularium in funeralibus, quia obstant tot Leges, & Constitutiones Pontificiæ in contrarium. Unde

1496 Respondeo secundo. Adesse quidem, & semper adfuisse inter R. R. Parochos Viros Doctos, & timoratz conscientie; sed qui isti fuerint, vel sint, qui huiusmodi qualitatibus insigniti violaverint jurisdictionem Regularium in funeralibus, nec adversarii ipsi nominatim adducunt, nec ego novi. Scio quidem alicubi irrepsisse huiusmodi abusum, quod parochi ingrediantur, &c. & doctiores, & magis pios inter ipsos libenter velle se abstinere ab ingressu, sed quia communis aliorum indoctorum torrens fert in contrarium, nesciunt, quomodo se abstineant; timent enim detractiones, contumelias, & mala Officia sibi coram Superioribus parari, & sic putant cum tanto onere (an bene, vel male ipsi videant) non teneri ad alias debitam, & sibi cognitam observantiam privilegiorum Regularium. Cæterum quidquid de his omnibus sit, credo, adesse inter parochos Viros Doctos, & Pios, at contra Leges Pontificias plurimas, claras, & urgentes, sequi posse eorum exemplum absque gravi culpa, non credo. Unde cavent sibi R. R. Parochi, & bene observent nec cæco modo sequentes aliquorum cæcorum ductum, ambo in foveam cadant; nec de ipsis pecudum modo gradientibus

post alios, verificetur, quod abbat, illud *Psalmi 48. 15. Sicut oves in inferno positi sunt.*

1497 Ad confirmationem respondetur pariformiter, ac responsum est ad argumentum; certum est enim, teneri Episcopos vigilare super gregem suum, & maximè advertere ad parochos subditos suos, ne in sui, & aliorum pernecium violent Decreta Summorum Pontificum. At si non vigilant, si quadam superficiali ratione ducti, si malè à suis parochis informati, non impediunt eorum ingressum in Ecclesias Regularium, quid inde? Nunquid per hoc enervant Regularium privilegia, & tot in eorum favorem Pontificia Decreta? Nunquid minuitur Parochorum debitum, ac delictum, quia à D.D. Episcopis, & Superioribus non corriguntur, nec puniuntur? Et si nec puniuntur, nec corriguntur, quid ad me? deberent tamen corripri. At impunitas concessa delictis, Judicem accusat, non justificat delinquentes. Quanquam de prudentissimis, Sanctissimisque Ecclesiæ Prælati longè aliter sentiendum est: qui enim sint hi Præsules, qui non curent, nescio; qui autem curent, optimè scio, & pro omnibus sufficiat fulgidissimus ille Antilitum decor *Verone Episcopus Illustrissimus, & Reverendissimus D. D. Sebastianus Pisanus Senior*, cuius virtutis, & prudentiæ laus à piorum memoria nunquam excidet. En igitur, quod ipse in hac materia decrevit. Sciebat enim uti peritissimus Canonista præceptum districte (hoc est sub mortali) sibiimet, omnibusque Prælati in *Clementinis cap. Frequens Unico, de Excessib. Prælator. à Clemente V. intimatum*, sub sequentibus verbis. *Decet ut Prælati, & alii, tam exempti, quam non exempti, sui iuribus sint contenti, & alter in alterius injuriam non prosiliat, seu jacturam. Universi itaque Prælati Ecclesiarum, presentis sanctionis edito, Districtè precipiendo (Nota) mandamus, quatenus ipsi à gravaminibus omnino cessantes, & cessare suos subditos facientes, viros Religiosos exemptos, privilegiatos, & non exemptos: Mendicantes, & non Mendicantes charitativè tractent, & foveant, & sua jura, & Privilegia inviolabiliter eis servent.)*



Joseph Sellarius I. V. ac S. Theologiæ Doctor, ac in Episcopatu Veronen. Vicarius Generalis.

1498 **E** Sponendoci i M. M. R. R. P. P. Teatini di San Nicolò di questa Città, come il q. Signor G. Antonio Agnesini, mentre viveva, hà dichiarato, di voler esser sepolto nella sepoltura de' fratelli dell'Oratorio di San Nicolò, posta nella Chiesa di detto Santo, come affermano molti suoi Parenti, e perche il Molto Reverendo Signor Arciprete di Sant' Apostolo Paroco del predetto q. Signor Gio: Antonio, si è lasciato intendere, che è pronto à condurre il Cadavere nella Chiesa di S. Nicolò, mà pretende di entrare in Chiesa con Cotta, Stola, e cantare sopra il corpo contro molti, e replicati Decreti della Sacra Congregazione, e contro i Privilegi de' Regolari, che non permettono, che nelle Chiese loro i Parocchi possino entrare con Stola, &c. e fare simili fontioni. Per tanto di Suffragio ricercati: Commettemo al predetto Molto Reverendo Signor Arciprete, che debba permettere, che detti R. R. Padri il giorno d'oggi, & ad ogni suo piacere possino levare il corpo del soddeto q. Signor Agnesini, e farlo portare nella detta sepoltura esistente nella sua Chiesa; e volendo esso Signor Arciprete come Paroco accompagnare detto corpo, potrà farlo, mà senza entrare in Chiesa di San Nicolò con Stola, e fare altre fontioni in pena di Ducati 400. fisco, & in Juris subsidium suspensioni à Divinis, in caso che non obedisse à quanto di sopra. E recusando detto Signor Arciprete di accompagnar detto corpo, potranno li detti M. M. R. R. Padri far levar il medesimo, e sepolirlo nella prenominata sepoltura: cominando dette pene à qualunque ardisse d'impedire i Padri nel levar, e sepolire come avanti il detto corpo.

In quorum fidem, &c.

Datum Verone in Cancellaria Episcopali die 23. Januarii 1667.

Locus ✠ Sigilli.

(Giuseppe Sellari Vic. Generale.

Nicolaus Righettus Notarius.

Exequatur per quemcunque Viatorem.

Adi 23. Gennato 1667.

Intimato il presente mandato al Signor Arciprete di Sant' Apostolo, e data la copia in persona come in questo.

R. Albertini V.

To hò ricepuo per mercede Lir. 2. - 8.

Et hic nota, quod ab hoc intimato | quam oppositum, nec appellatum.
præcepto, seu Decreto non fuit quid-

Die Veneris 10. Novembris 1690. in Cancellaria Episcopali Verone.

Registratum cum instantia opportuna in filo scripturarum ejusdem Cancellariæ currentis anni per me Cancellarium Episcopalem. In quorum fidem, &c.

Antonius Rotarius Cancellarius Episcop. Sede Episcopali Vacante.

Locus ✠ Sigilli Cancell. Episcop.

Hujusmodi autem authenticum Originale præceptum repositum est in Archivio Monasterii nostri Sancti Nicolai Veronæ; cui præcepto obtemperare coactus fuit dictus Admodum Reu. Archipresbyter, ut constat evidenter ex sequenti

authentica fide, item registrata (ut infra) in eadem Episcopali Cancellaria, & reposito pariter ejusdem authentico Originali in eodem Archivio, estque tenoris, ut sequitur.

Adì 28. Ottobre 1690. In Verona.

1499 **N** Oi infrascritti Padri Chierici Regolari Teatini del Monastero di S. Nicolò di Verona attestiamo con nostro giuramento tacito pectore more Sacerdotum, come il giorno 23. Gennaro 1667. fu sepolto in Chiesa nostra di San Nicolò, nella sepoltura de i Confratelli secolari del nostro Oratorio il cadavere del q. Signor Gio: Antonio Agnesini, Uno de i detti Confratelli, e li fu data la sepoltura, senza l'ingresso in Chiesa, ò assistenza di Monsignor Arciprete de Santi Apostoli, Signor D. Carlo Bertelli da Salò Paroco del Defunto, ò d'altro Sacerdote secolare suo sostituto: Qual Paroco, se ben vivamente pretendeva, intervenire personalmente co' Padri in Chiesa alle funzioni della sepoltura, fu impedito con Precetto, e Mandato penale di Monsignor Illustrissimo, e Reverendissimo Vescovo di Verona Sebastiano Pisani il Seniore, statale intimato d'ordine immediato di Sua Signoria Illustrissima, e Reverendissima da publico Ministro, sì che fu costretto ubidire, come consta anco da altri più attestati in Atti di D. Domenico Mutoni publico Notaro del 1673. E seguì anco la sepoltura il dì medesimo dell'Intimatione del detto Precetto; il che comprova la nota seguente, che si ritrova registrata nel Libro della nostra Sagrestia, nel quale si notano quanti si sepolgono in Chiesa nostra. Nel qual libro à carte 48. si legge.

23. Genaro 1667.

Fu sepolto nella sepoltura de' Fratelli dell'Oratorio, ch'è in questa nostra Chiesa di San Nicolò avanti la Capella de' B. B. Gastano, & Andrea il Signor Gio: Antonio Agnesini.

D. Gio: Bonifacio Bagatta Preposito de C. R.

D. Gasparo Maraviglia C. R.

D. Michael Angelo Abaco C. R.

Attestor Ego Vincentius Ferrus publicus Veneta auctoritate Notarius, quod superscripti Admodum R. R. Patres, scilicet. D. Jo: Bonifacius Bagata, Gaspar Maraviglia, & Michael Angelus Abacus Clerici Regulares Theatini, mihi Notario, eorum Juramento more Sacerdotali asseruerunt superscriptas subscriptiones eorum esse manu factas, & sic eas recognitas habere. Insuper fidem facio partitam ex Libro Mortuorum ejusdem Domus Sancti Nicolai desumptam, incipientem 23. Genaro 1667. finientem Gio: Antonio Agnesini, fideliter ex libro predicto fuisse desumptam, collatione enim diligenti cum eo facta in omnibus concordare inveni. In quorum, &c.

Locus ✠ Sigilli Notarii.

Die Veneris 10. Novembris 1690. in Cancellaria Episcopali Verone.

Registratum in filo scripturarum ejusdem Cancellarie currentis anni 1690. per me Cancellarium Episcopalem. In quorum, &c.

Antonius Rotarius Cancellarius Episcopalis Sede Episcopali vacante.

1500 Verum quia praxallatum praeceptum Illustrissimi, & Reverendissimi Episcopi Sebastiani Pisani Senioris, unicuique tantummodo coarctat Parochum, accipe Lector alterum Illustris & Reverendiss. Nepotis Sebastiani Pisani Junioris Episcopi Veronensis, ad omnes Parochos Civitatis, & Diocesis Veronensis universaliter

directum, Typis datum in Cancellaria Episcopali (ut infra) registratum, & ejusdem authenticum Originale (uti jacet impressum) in dicto Archivio Monasterii Sancti Nicolai pariter repositum, à quo Parochi non appellarunt, vel aliquid opposuerunt.

Sebastiano Pisani per la Dio gratia, e della Santa Sede Apostolica Vescovo di Verona, e Conte, &c. Nel presente Negotio Essecutore Apostolico, à tutti gli R. R.

Parochi della Città, e Diocesi nostra di Verona Salute nel Signore,
& Ubidienza ne Mandati.

1501 **P**ER riverente essecutione della Sacra Congregatione sopra Vescovi, e Regolari, 8. Maggio ultimamente scorso, licentiate per l'essecutione in Eccellentissimo Collegio di Venetia li 4. del corrente Mese à favor delli R. R. P. P. Minori Osservanti di San Francesco in materia de Funerali. Commettemo à tutti, & à cadauno delli sudetti Parochi in virtù di Santa Ubidienza, & in sussidio di ragione in pena di Ducati cinquanta applicati alla Fabrica della Cattedrale Nostra, che in occasione di Funerali debbano esattamente osservare, li Decreti di detta Sacra Congregatione, tanto in materia di condur recto tramite li Cadaveri alle Chiese di detti Padri, come di permetter à medesimi il far l'Officio sopra cadaveri, e portar solo la loro Croce nel condurre i Defonti alla sepoltura quando devono sepolirsi nelle loro Chiese, e lasciar libera l'elezione del numero de Religiosi per accompagnar il Cadavere à gl'heredi de Defonti. Altrimenti, &c.

Datum Verone in Palatio Nostro Episcopali 20. Junii 1671.

[Sebastiano Pisani Vescovo di Verona Essec. Apostolico.

Antonius Rotarius V. Cancell.

Exequatur per quemcumque Viatorem.

In Verona, Per Andrea Rossi. Con Licenza de Superiori.

Die Veneris 10. Novembrii 1690. In Cancellaria Episcop. Verone.

Registratum in filo scripturarum ejusdem Cancellarie currentis anni 1690. per me Cancellarium Episcopalem, In quorum, &c.

Locus ✠ Sigilli Cancell. Episcop.

Antonius Rotarius Cancell. Episcop. Sede Episcop. Vacante.

1502. Ex his igitur, ut & ex antecedentibus ad abundantiam, fideliterque positis, certissimè inferut, concludendum venit, R. R. Parochos (ex tot Summorum Pontificum Regularium Privilegiis; Sacrarum Congregationum Decisionibus innumeris, ac Responsis; Doctorum omnium concordium auctoritatibus; atque, praxi ipsa) esse convictos omninò, se non posse (ritè, nec rectè) occasione funerum ingredi Ecclesias Regularium cum Seola, Cruce elevata, &c. ibique in funere se ipsos in aliquo se intromittere. Item inferut evidenter, ex tot capitibus, insubstentem, prorsus esse immemorabilem consuetudinem, quam iudemmet Parochi in proprium favorem continuò, ore tam rotundo (quod utique mirum est) intimaant Regularibus. Mirum inquam, eum adeò vero, iusto, notorio in praxi, antiquissimoque, ac immemorabili jure perseveret dicta consuetudo (adhuc in viridi) pro Regularibus, contra ipsosmet R. R. Parochos, ut satis, superque clarissimè demonstrant, tot, plena veritate, eximique diligentia, in hoc meo Privilegio relata, & collecta; præsertim,

duo illa ab Illustrissimis, & Reverendiss. modernis Verone Episcopis Pisani, emanata Decreta, in quibus (maximè in eorum primo) expressa continetur, & in viridi (favore Regularium) præfata consuetudo, ut patet legenti. Quæ præterea favore item Patrum Theatinorum hie Veronæ, videtur juridicè probata: In Actis (videlicet) D. Dominici Mutei publici Auctoritate Veneta Notarii. Ex filo enim scripturarum ejusdem de Anno 1673. habetur examen juridicum, authenticum decem, & octo testium, qui publica auctoritate, per legitimum Ministrum Viatorem vocati, inquisitioni, delato eis juramento de veritate dicenda, deponunt unanimiter omnes super eadem consuetudine contra Parochos. Idem pariter eruitur Ex filo scripturarum Camere Fiscalis Verone, eodem pariter Anno 1673. Scripturæ omnibus volentibus sunt obvix, cum publici sint juris.

1503 Et hic obiter non prætermittendum, quod cum alterum Decretum ab Illustriss. & Reverendiss. Sebastiano Pisano Juniori Episcopo emanatum, coercet quoscunque Parochos (in qui consistit) Diocesis Veronensis,

sis, fueritque iisdem interitum: Typis Impressum (nam primum *Illustrissimi Episcopi Senioris* fuit potius mandatum, & preceptum manuscriptum) Intimatio hæc facta fuit, ut patet, ex Ordine *Sacre Romanæ Congregationis*, cum permissione tamen, approbatione, & licentia *Excellentissimi Veneti Collegii*: ibi enim: *Per reverentia executione della Sacra Congregatione sopra Vescovi, e Regolari*, 8. Maggio ultimamente scorso (1671.) *licentiate per l'executione, in Eccellentissimo Collegio di Venetia li 4. del corrente Mese di Giugno 1671. &c.* hac in re, unica intimatione, unicoque Decreto, à tribus etiam unitim, confirmata videtur, robustque acquirit contra R. R. Parochos præfata immemorabilis Regularium consuetudo, videlicet, ab ipsa Sacra Congregatione, ab Excellentissimo eodem Collegio (tunc non contradicente,) & à D. Episcopo Veronen. Præterea.

1504. Neque hic tandem, & ultimo loco prætereundum, ab *Eccellentissimo, Sapientissimoque Veneto Magistratu* Decretum, emanasse sub die 22. Junii 1673. brachium, & favorem porrigens privilegiis Regularium: atque sub districta inviolabili observantia, intimationum, tum Clero, tum Regularibus Diocesis Veronenfis (ob bonum præsertim pacis, & ad vitanda scandala) renoris, ut sequitur: *Nell'affare de Funerali, che debbano acquietarsi, & osservare così nella Città, come nella Diocesi, l'Antica, Immemorabile consuetudine, e la Disposizione del Ritual di Verona; non promovendo alcuna novità, onde tutto passi con quiete, e divertimento di scandali, &c.* Iustissimum, Prudentissimum, Sanctissimumque Decretum (in favorem, ut patet; tum Privilegiorum ipsorum Regularium, tum etiam Declarationum Sacrarum Congregationum) inviolabiliter omnino observandum. At si in hoc Decreto mens Summè Pia Serenissimi Principis manum dantis, est, uti fermè est, quod in materia funeralium *Antiqua, & immemorabilis consuetudo observetur*. Antiqua, & immemorabilis consuetudo, ex tot narratis, evidentique conclusis in toto hoc privilegio, est, quod Parochi, nec de facto, jure proprio ingrediuntur, nec ritè, & iustè ingredi possunt Regularium Ecclesias cum Stola, Cruce elevata, &c. se ibi immiscendo in funere, vel in minimo, & oppositum nunquam ipsi in æternum ullo modo probabunt. Ergo.

1505. Quod autem attinet ad *Rituale Veronense* (Achille D. D. Veronenfium Parochorum) valdè mirum est, quod & ab ipsis producat, vel amplius quo ad hoc nominetur: cum illud absolute ad Regulares non pertineat, non habeat vocem, nec verbum quidem; legatur quod contra eosdem continet: Si quid enim disponit in materia funeralium cum relatione aliqua ad Regulares, iisdem favorable prorsus agnoscitur: Videatur. Disponit namque potius, ut privilegia Regularium in materia funerali observentur. Quod totum supra concludenter, evidentique, rationibus, auctoritaribus, Romanaque Decisione stabilitum esse, ac definitum videtur à mun. 1344.

1506. Igitur si Mens Serenissimi Principis, ac Ducis nostri Veneti in hoc suo Decreto, est, quod in Diocesi Veronenfi observetur inviolabiliter in materia funeralium, consuetudo immemorabilis, & dispositum in eadem materia per *Rituale Veronense*, *Pissimum hujusmodi Decretum*, quod observari debet toto conatu, & spiritu, tum à R. R. Parochis, tum à Regularibus, nec ab ipso ullo modo recedendum; uti nec cedunt utique Regulares, quia totum, & totaliter ipsi favorem est, ut evidentè deducitur ex tota doctrina, & structura hujus nostri privilegii, ex quo luce plusquam meridiana videtur, consuetudine immemorabili, ex tot Regularium Privilegiis, Decisionibus, Auctoritatibus, & rationibus, coactos esse R. R. Parochos se abstinere ab ingressu occasione funeralium in Ecclesias Regularium cum Stola, Cruce elevata, &c. Nec *Rituale Veronense* in eadem materia, quid disponere videri in eorum favorem adversus Regulares. *Hec igitur sunt* (concludo cum *Doctore Angelico Opusculo* 17. cap. 16. in fine) *quæ ad præsens scribenda occurrunt. Si quis autem his contradicere voluerit, non coram pueris garriat* (addo, nec coram Mulierculis, rudibus, & indoctis;) *Sed scribat, & scripturam proponat in publico, ut ab intelligenti judicari possit, quod verum sit, & ut, quod erroneum est, auctoritate veritatis confutetur*. Libentissimè eorundem R. R. Parochorum sapientie, atque recte sententie (sint ipsi æqui Judices) me submittam. Uti me totum, & ea omnia, quæ in hoc Opere scripta sunt; humillimè, censuræ, & infallibili Sanctæ Romanæ Ecclesiæ judicio, subicio.

INDEX

Numerus qui producit est marginalis.

A Bbas, nomine Monachorum in odioso non venit. 416.

Abbas non valet per suum actum præjudicare Monasterio, vel Ecclesie sue. 1143.

Abbas Joachimi doctriua quædam damnata, non Auctor: Quare? 2.

Abbas nomine quando veniant, & ceteri Prælati Regulares. 1173.

Abbatissam alloquens sine licentia, non incidit in Excommunicationem. 415.

Abbatissa concedere potest suis Monialibus Facultatem ut faciant donationem causa mortis, & aliis, & sibi ipsi. 453.

Abbatissa in odioso non venit nomine Monialium, bene in favorabilibus. 416.

Abbatissa quam licentiam possit sibi dari in materia Paupertatis pro tempore, quo non erit amplius Abbatissa. 464.

Abbatissa Viros introducens intra Clausuram, absque vera necessitate, credens tamen ignoranter id sibi licere: penas Canonicas non incurrit. 250.

Abortum faciens sumpta potione cum ignorantia concomitante, excusatur à Censura. 180. & seq.

Abortum procurantes, vel ipsi cooperantes excommunicati, effectus tamen sequo. 621.

Abortum procurare non dicitur Mater, que cogit abortivam potionem sumere. 621.

Abortus nunquam licitus. Procuratus, punitur excommunicatione. Ab hac que ignorantia excuset. 618.

Abortus quocumque tempore effectus baptizandus sub conditione, & quomodo. 186. & seq.

Absolutus à Censuris in bulla Censuræ ex ignorantia crassa non incidit in inflictam excommunicationem. 144.

Absolutio à Censuris, que datur Subditis à Superioribus Regularibus in aliquibus casibus quantum operetur: An profit absentibus. 1224. & seq.

Absolutio an dari possit ei qui non confuetur nisi generalia. 890.

Absolutio largienda moribundo omnibus sensibus destituto, qui illam antea non petiit, ex quorum sententia. 190.

Absolutio male promotorum ad Ordines reservata Summo Pontifici. 1186.

Absolutio peccatorum Valida, etiam collata ante absolutionem excommunicationis, cuius penitentem erat oblitus. 897. & seq.

Absolutio que datur Vocalibus in Capitulis quid operetur. An detur ad reincidentiam 1221. & seq.

Absolutio reservatorum Summo Pontifici, à quo dari possit impeditis adire Romam. 300. & seq.

Absolutio Sacramentalis an dari possit ignorantibus mysteria Fidei antequam instruantur. 100.

Absolutio in foro conscientie non intelligitur semper danda in Confessione Sacramentali. 309.

Accessus ad Moniales qualis sit prohibitus. 409. an si accedens peniteat antequam colloquatur. ibi.

Actus interni præcipi indirecè possunt à lege humana. 65.

Actus externus per se nullam malitiam addit actui interno. 1124. Quare tamen confitendus. 1125.

Actus irritatio posita in penam delicti non incurritur ab Ignorante talem penam impositam esse delicto. 118.

Accusatio de delicto, quod probari non potest, peccatum mortale. 821.

Adulter Filios ex adulterio suscipiens tenetur ad restitutionem. 706. Quid si dubiet an Filii sint sui. 707. & seq. Quid si uxor cum marito sterilis. 715.

Adultera vix unquam tenetur revelare Filium non esse legitimum. 712.

Adulterii culpam formaliter, & ejus penas non contrahit qui cum conjugata ignoranter peccat. 648. & seq.

Adulterium cum promissione Matrimonii, quando inducat impedimentum dirimens. 1077. & seq.

Advertentia Virtualis quid. 13. Hac stante ignorantiam, & oblivionem non excusare qui dixerint. ibidem. Adus excusant. 14.

Advocatus ex ignorantia probabili causam injustam defendens, ad quid teneatur quando ei falsitas post factum constat. 845.

Antyphes in servitutem redacti, quando in con-

conscientia manumisti debeant. 680.
 Altare Fixum quando amittat Consecrationem,
 dum mensa remouetur à stipite. 468. & seq.
 Altare portatile quando solum amittat Consecrationem. 478.
 Altaria non excreantur per solum Fractionem sepulcri. 475.
 Alimenta Filio spurio à quo debeantur quando de duobus dubitatur quoniam sit ejus pater 721. & seq.
 Alloquentem Monialem non respondentem, non incurrit Excommunicationem qui dicant. 431.
 Incurrit. ibi. Quid si audiret Monialem loquentem, nec ipse responderet. 432.
 Alloquens Monialem per nutus, & signa in pectus incidit. 433. Quid si cum ea loquatur per interpretem. 434. Quid si per interpretem lingua, quam Monialis non intelligit, sed interpres explicat. ibi. Quid si per Epistolam. 435.
 Alloquens cum Moniali de domo sua incidit in perna. 438. & seq.
 Alloquentes Moniales sine licentia, an excusentur ex paruitate Materiar. 412. & seq.
 Allogutio cum Moniali, De qua scitur esse prohibita, sed excommunicatione vincibiliter ignoratur, est reservata. 404.
 Allogutio cum Moniali ad piam aliquam causam, an cadat sub prohibitione. 410. 411.
 Amentes non possunt admitti in Monasteria Monialium, nec Virorum si fameine. 165.
 Amor Dei super omnia, appetitiue, non intensiue intelligendus. 492.
 Amoris Dei præceptum quatuorplex, & quando & quomodo obliget. 491. & seq.
 Amoris Dei super omnia præceptum maxime obligat instante morte. 507.
 Amoris Dei super omnia præceptum quando primo obliget. 101. & seq. 486.
 Anima decedens cum culpa Veniali cui loco assignetur. 79. 80.
 Anni præscripti ad Ordines suscipiendos, qualiter debeant esse incepti. 1053.
 Appellatio à præcepto Superioris prohibita Regularibus. 1285. Quando eis sit licita, & concessa. ibi. & 1320. & seq.
 Appellatio, & recursus inter Regulares quando permittuntur, an debeant fieri gradatim. 1334. Possunt taliter non fieri. 1335.
 Articuli Fidei, quos Ecclesia solemnizat, an omnes explicite necessario sciendi. 96.
 Articuli Fidei explicite, & distincte credere non est explicite, & distincte scire. 98.
 Articulus fidei scire quo tempore quisque debeat. 99.
 Articulus Fidei Verbaliter scire absque ulla sensus intelligentia non sufficit. 94.
 Artium professores etiam celeberrimi non omnia

sciunt omnino, que ad suam artem spectant. 1202.

B

Baldacchinum erigere possunt Episcopi in Ecclesiis Regularium. 1455. Quo casu id possint. ibi.
 Baptismi an nunc in aliquibus Regionibus dari possit ignorantia Inuincibilis. Tales an saluandi si seruent legem naturæ. 988.
 Baptismum denuo suscipiens quando non sit irregularis. 122.
 Baptismus conferendus abortiuus quocunque tempore, & Quomodo. 186. & seq.
 Baptismus in capillis, an aliquando conferri debeat. 190.
 Baptizans quicumque non Sacerdos extra casum necessitatis, peccat mortaliter, & si sit Clericus sit irregularis. 990.
 Baptizans secundo aliquem est irregularis, sicut etiam ipse rebaptizatus. 993.
 Baptizatus nutritus inter infideles, quomodo peccet adorando Idola, vel proficiendo hereses. 528.
 Bellum ex utraque parte iustum Formaliter dari potest. 628. 634.
 Bellum iniustum sequens ex ignorantia, qua postea cognita Veritate restituere teneatur. 631. 635.
 Bellum ut sit iustum, quas requirat conditiones. 632.
 Benedictiones dare possunt Regulares absque Parochorum licentia cum Cotta, & Stola agris, agris, domibus, &c. 1470.
 Beneficia Ecclesiastica an sint Praelature Regularis. 1226.
 Beneficiarius non in Sacris omittens Diuinum officium cum intentione restituendi, an peccet lethaliter. 390. & seq.
 Beneficiarius non recitans Diuinum Officium ex oblivione, &c. non tenetur ad restitutionem fructuum. 389.
 Beneficiarius qui teneatur intra bimestre Fidei professionem emittere sub pena privationis fructuum. 329. Excusari potest ab ignorantia. ibi.
 Beneficiarius, vel carens Breuiario, vel nesciens recitare Diuinum Officium, non tenetur pro illo tempore ad restitutionem. 392.
 Beneficium cum pensione resignans cum pacto redimendi pensionem est Simoniacus. 245. Quid si exigat Fidei iussorem, vel hypothecam aliquam. ibi. Quid si exigat ex intervallo. 247.
 Beneficium Simoniacè obtinens, an ipso facto sit quoque inhabilis ad alia Beneficia obtinenda. 234.
 Beneficium Simoniacè obtinens, ipso iure eo privatus, & ad idem inhabilis. 230. Quid si absque sua culpa commissa fuerit Simonia. ibi.
 Blasph.

Blasphemias proferens, sed ignorans Verborum significationem, non incidit in Casum reservationis. 1154.

Beneficium Simoniacè obtinens non privatur ipso iure beneficij antea ritè obtentis. 232.

Beneficium Simoniacè resignans non perdit Beneficium. 232.

Bulle de Celebratione Missarum, &c. si ex ignavia, vel obliuione non legantur statutis diebus, an Superior remaneat privatus officio. 558. Debent legi postea.

Bulle quæ dicunt contravenientes non posse allegare ignorantiam, quomodo intelligende. 162.

C

Calice, & Patena non consecrata, si adhibeantur in Missa, an remaneant consecrata. 479. & seq.

Capitularis non Vocatus ad electionem quod jus habeat pretendendi nullitatem. 1230. & seq. Quid si fuerit non Vocatus per inadvertentiam. 1232.

Capitularis prætextu alicujus inhabilitatis non excludendus à Capitulo, nisi per sententiam sit condemnatus. 1228.

Capitularis, de quo est dubium an teneatur aliqua inhabilitate, an, & quomodo admitendus. 1233.

Capitulum si scienter admittat Vocales inhabiles, cum possit excludere, electio est irrita.

1216. Quid si admittantur à majori parte Capituli scientis, & facultatem habentis ad dispensandum. ibi.

Casus Pape non reservantur nisi ratione Censuræ. 149.

Casus reservatus alloquendi Monachum incurrit etiam si ex ignorantia aliqua nesciatur excommunicatio, dummodo sciatur prohibitio alloquutionis. 404. Quid an possit absolvi ab habentibus facultatem circa reservata sine Censura. 405.

Casus reservati ab Episcopo sub Censura, an incurrantur ab eo, qui ex ignorantia, &c. non incurrit Censuram. 152.

Casus reservati ab Episcopis, an incurrantur ab iis qui ignorant esse reservatos. 154. & seq.

Casus reservati Clementis VIII. intra Italiam sunt respectu penitentium secularium, non regularium. 314.

Casus reservati an incurrantur ab ignorantibus. 901. & seq.

Casus reservatus blasphemie non incurritur ab eo, qui blasphemando ignorat Verborum significationem. 1154.

Casus reservati in Edicto Reverendissimorum Inquisitorum absolvi non possunt à Confessoribus Regularibus. 314. Absolvi posse qui dicant. 315.

Censura ad sui Validitatem essentialiter requirit aliquam præviam monitionem. 1122.

Censura non incurritur si adsit ignorantia Juris, etiam communis. 1122.

Censura, pœna peculiaris, diversa ab aliis pœnis. 124.

Censura sola ignorata, satis est ut delinquens scienter contra præceptum, in eam non incidat. 123. & seq.

Censuræ ante annos pubertatis ligare non solent. 412.

Censuræ, & Irregularitas ipso facto imposite, incurrantur absque alia sententia: non sic privato officiorum, & Beneficiorum. 292.

Censuram casus Papalis non incurrit ex ignorantia, inadvertentia, &c. nec incidit in casum reservatum. 149. & seq.

Clausula ex certa scientia in Bullis Summorum Pontificum quantum vim habeat. 1369. & seq.

Clausura in sui Violatione habet puritatem materie. 264. quænam hæc sit. ibi.

Clericum casu percussens, dum alium item Clericum data opera vult impetere, excommunicationem non contrahit. 612. & seq.

Clericum occidendi putatum laicum, sed cum expresso desiderio occidendi illum eundem Clericum, quem de facto occidit, an sit excommunicatus. 147.

Clericum percussens ex ignorantia solus Censuræ, eam non incurrit. 112.

Clericum percussens ex ignorantia concomitante excommunicationem non contrahit, etiam si percutiendo daret operam rei illicitæ. 611.

Clericum percussens putatum alium Clericum an incidat in Excommunicationem. 116.

Clericum putatum, sed verè Laicum percussens, non est excommunicatus. 119.

Cognatio legalis superveniens Matrimonio, an impediat petitionem debiti. 1110. Quid si interveniat Ignorantia. 1109.

Collegium constat saltem ex tribus. 1234.

Quando subsistere possit in Uno. ibi.

Concilium Tridentinum, ne Religiosi recedant à Conventibus absque Superioris licentia, etiam prætextu adeundi Superiores, quomodo intelligendum. 1180.

Communicatio defectu Confessorii cum Contritione existimata, vel etiam cum sola attritione super naturali cognita, ex ignorantia inscienti existimata, adhuc recipit primam gratiam. 930.

Communicatio bonorum Religionum per litteras Filiationis quid speciale habeat supra Communionem Sanctorum. 1236. & seq.

Communicatarii quomodo se gerere debeant precordentur peccati mortali, vel in Missa si Sacerdotes, vel ad Altare, si laici. Vnde Casus. 936.

Communio Sanctorum quid communicet omnibus iustis. 1235. & seq. non communicat meritum satisfactorium de iustitia. 1236.

Communio Sanctorum quid sit pauci norunt. 91. de ea dari potest Ignorantia Invincibilis ibi.

Confessarii defectus quando dicatur adeffe, ut quis communicare possit absque prævia Confessione. 927.

Confessarii facultas absolvendi à reservatis non extenditur ad reservata cum Censura. 1405.

Confessarii omnes absolvere possunt à Casibus quos Episcopi sibi reservant, post illorum mortem tam naturalem, quam Civilem. 313.

Confessarii quomodo se gerere debeant cum penitentibus patientibus pravas cogitationes varii generis. 796.

Confessarii Regulares absolvere possunt à Censuris contractis per ingressum, & Introductionem mulierum in Monasteria Virorum. 294. *Quid si huiusmodi Censuræ deductæ sint ad Forum contentiosum.* 295.

Confessarii Regulares possunt audire Confessiones secularium in quocunque loco diœcesis, præ qua sunt approbati, etiam contradicentibus Parochis. 1430. & seq. *Quid in ipsa Ecclesia Parochiali invito Parocho? Valde possunt, sed non licet.* 1431. & seq.

Confessarii Regulares possunt suos Fratres absolvere etiam ab illis quinq; Casibus Clem. viii. 314. Non possunt autem à Casibus in Bulla Censæ ibi.

Confessarii Regularium non possunt audire Confessiones suorum penitentium extra diœcesim Episcopi approbanti, nisi illos approbet Episcopus alterius Diœcesis. 1439. *Eandem esse rationem de Parochis qui dixerint ibi. Non est eadem ratio.* 1440.

Confessarii Regularium non possunt ab Episcopis imponi plures casus reservati, quam sint in diœcesi. 1435.

Confessarius advertens in conjugatis, vel in sponsu impedimentum dirimens, quomodo se gerere debeat in detegendo, vel non detegendo defectu. 664. & seq.

Confessarius an possit absolvere rudem, qui non confitetur nisi generalia. 890.

Confessarius ex Ignorantia communi utens privilegio revocato, valide absolvit, dispensat. &c. 1001.

Confessarius de casu aliquo interrogatus, an sit mortalis, vix respondeat esse mortalem, nisi verè sit. 179.

Confessarius Monialium interrogatus an liceat recipere pueros, & puellas usu rationis carentes in Monasteria, quid respondere debeat. 178.

Confessarius non obligans penitentem ad restitu-

tionem, quando teneatur ipse restituere. 684. & seq.

Confessarius non sit nimis anxius, ut perfectè distinguat inter mortale, & Veniale. 905.

Confessarius oblitus absolvere à Censura, potest, & aliquando debet dare absolutionem talis Censuræ absenti. 1226.

Confessarius quando teneatur penitentem ignorantem laborantem admonere; quando non. 1090. 1105.

Confessarius quid agere debeat cum penitente, non solito exprimere in præteritis Confessionibus numerum peccatorum. 885. & seq.

Confessarius quid agere possit cum eo qui quondam fecit confessionem Sacrilègiam, sed in ceteris postea bona Fide processit. 908.

Confessarius quomodo se gerere debeat cum matre adultera, quæ habet Filium illegitimum. 712.

Confessarius quomodo se gerere debeat cum ignorantie mysteria Fidei. 100.

Confessarius sollicitans in Confessione cum ignorantia Constitutionum Pontificum, penas in foro interno non incurrit. 1195. & seq.

Confessarius tenetur monere Mulierem penitentem de lascivo ornatu, & peccatis nuditate, quomodo non speret fructum. Quare. 1150. & seq.

Confessio annua an de præcepto facienda ab eo, qui non habet nisi Venialia. 864.

Confessio annualis, an sit facienda aliqua determinata anni parte. 857. & seq.

Confessio per interpretem non est de præcepto. 1165. *Quid in articulo mortis.* 1166.

Confessio Sacramentalis semel in anno de Fide est omnes obligare. 856. *Quomodo, computandus sit annus.* 857.

Confessione annua facta, an ex vi eiusdem præcepti fatendum denud sit aliquid mortale oblitum. 878.

Confessione annua facta omnium mortalium, an denud sit facienda si intra eundem annum incurrat alud mortale. 862.

Confessionem annualem ex iusta causa ultra annum breviter differant, maxime ex consilio Confessarii, non peccat. 861.

Confessiones factæ confuso modo indocto Confessario, an repetendæ detestato errore. 888.

Confessionis annuæ præceptum, quomodo sit Divinum, & Ecclesiasticum. 865. *Quando obliget ut Divinum ibi.*

Confessionis desiderium in moribundo sensibus destituito, ex quo colligendum. 190.

Confessio sola Venialia, tenetur intra annum confiteri, si incidat in mortale. 864.

Confessio venialia, & aliquid mortale dubium, an iterum teneatur intra annum confiteri si incidat in mortale certum. 863.

Confir-

Confirmationis Sacramentum quid: 997. Ejus ignorantia non tam culpabilis. 998. Quoties anno ministrari conveniat. 1000. Est Sacramentum non iterabile. 999.

Conjux contrahens cognationem spirituales cum conjuge, non incurrit penam privationis petendi debitum, si ignorabat adesse. 1102. & seq. Quid si ignorantia erat vincibilis. 1108.

Conjux peccans cum alterius conjugis consanguinea non privatur petitione debiti si nesciat talem penam impositam suo delicto. 119.

Conjux tenens communem Filium in baptismo cum ignorantia patris, adhuc potest petere debitum. 119.

Conventus ex duobus etiam constat. 340.

Conventus, in quibus pauci resident Regulares ad eorum deputati, an obligentur ad eboraalem Psalmidiam. 342.

Conventus officinas nullatenus ingredi possunt mulieres. 278. Qui dixerint posse ingredi. ibi.

Consecratio Altaris necessario non exigit appositionem Reliquiarum. 475. & seq.

Consuetudo canendi in Choro an obliget sub mortali. 328. & seq.

Consuetudo quid. Ejus Requisita. 1485. Consuetudinis, & Prescriptionis differentie. 1487.

Consuetudo recitandi officium inter Regulares, & Moniales non probat obligationem peccati mortalis. 354.

Consuetudo ut obliget ad peccatum mortale que requirantur. 369. & seq.

Contumelia quid: Per quid differat ab opprobrio, & convicio. 789. Ex genere suo est peccatum mortale. ibi. Quotuplex sit. 790. Quando excusetur à mortali. 792.

Correctio fraterna non adhibenda in peccato heresi, sed statim denunciandum Sancto officio: quare. 830. & seq. Non est contra preceptum Christi. ibi.

Contractus à lege prohibiti per Decretum irritantur, irriti sunt quamvis lex ignoretur. Quare? 54.

Contritio an necessaria in articulo mortis. 508.

Contritio in quolibet gradu intensiois sufficit. 493. & seq.

Cruz erecta importat Jurisdictionem. 1340. Cur deferatur in Funeribus. ibi.

D

Debitum adhuc potest petere maritus incestuosus, si peccando ignorabat banc penam tali delicto impositam. 654. & seq.

Decalogi precepta an ignorari invincibiliter possint. 49.

Decalogus quid sit. 49. Per quid differat à lege naturali. ibi.

Decimarum solutio actus Religionis, & Justitie, non Voluntaria Elemosina. 962. Obligatio solvendi est sub mortali. ibi. Quotu-

plici generis sunt decimæ. ibi. Dande non de melioribus, saltem nec de deterioribus. 962.

Declarationes Sacre Congregationis non obligant, nisi exhibeantur in Forma authenticæ. 1356.

Declarationes Sacre Congregationis Cardinalium quod Parochi occasione Funerum possint ingredi cum Stola Ecclesias Regularium, si que sunt quomodo intelligende. 1453. Non esse de eadem re duas declarationes contrarias quomodo sit verum. ibi.

Decreta Sacre Congregationis ut Parochi occasione Funerum ingrediantur cum Cruce, & Stola in Ecclesias Regularium. 1389. & seq. Delectari an liceat de ignorantia, que excusavit à peccato commisso. 30.

Delectatio de altera muliere in actu conjugii, an unquam possit salvari absque culpa leibali. 37.

Denuncians Sancto officio, quare adhuc possit esse Testis. 825. & seq.

Denunciatio per quid ab Accusatione differat. 818. Accusatio quid sit. 819.

Desideria prava ex ignorantia excusari possunt à culpa. 640. & seq. 662.

Deum Existere an possit invincibiliter ignorari. 519. & seq.

Deum non præcipere impossibilia est de fide. 1.

Diaconi, & Subdiaconi ex quo jure teneantur recitare Divinum Officium. 385.

Diligentia adhiberi debet pro superanda ignorantia, & quanta, ut ea adhibita ignorantia dicatur invincibilis. 22.

Distributiones quotidianæ absentium, inter presentes dividende. 394.

Divinatio quid: Quare prohibita. 551. & seq.

Donatio causa mortis potest fieri à Religioso Professo de Superioris licentia. 452. Potest etiam fieri sibi ipsi. 453.

Donatio supplet obligationi justitiæ, si talis obligatio à donante ignorabatur. 780.

Donatio ut sit obligatoria requirit scintillam donatorum. 1167.

Donationem gratuitam pro re spirituali non esse Simoniacam qui dixerint. Esi Simoniacæ. 349.

Donum ab eo datum, qui donare non potest est restituendum. 677.

Dubium practicum de bonestate obiecti, reddit actum peccaminosum, nisi excuset ignorantia. 1259.

Dubius de re num sit aliena, an censeri possit in bona Fide. 754.

Duellantes, & Duello quoquo modo cooperantes excusantur ab Excommunicatione, si eam ignorent. 115.

Duellum committentes, cum qua ignorantia Consuevit ab ea excusentur. 622. & seq.

Dux Severissimus Venetiarum quam manum. porrigat Regularibus contra Parochos in controversa Materia Funeralium. 1503. & seq.

E

Ecclēsia an, & quomodo possit præscribere certum numerum Missarum. 740.

Ecclesiam ex devotione Visitanti satisfacit obligationi tam Visitandi ex Voto, vel penitentia, cuius non recordabatur. 782.

Ecclesia habet potestatem condendi leges obligantes in conscientia. 106.

Ecclesia Parochialis Collegiata non venit in odiosum nomine Ecclesie Parochialis. 416.

Ecclesia polluta, si in ea celebratur, an remanet benedicta. 480.

Ecclesie Monialium eandem exemptionem habent occasione defunctorum ibi tumulandorum quam habent Ecclesie Virorum Regularium. 1405.

Ecclesie Regularium non sunt Collegiata. 323.

Ecclesie Regularium, olim subiecte Episcopis, modo sunt omnino exemptæ. 1341. & seq.

Elemosinas ex devotione faciens satisfacit obligationi restituendi pauperibus, quam ignorabat. 784. Non sic tamen Beneficiarius ob restitutionem fructuum, ad quam tenetur ex omissione Divini Officii. ibi.

Electio Canonica non semper irrita, quamvis inter electores sit unus inhabilis. 1218.

Episcopi absolvere possunt impeditos adire Papam ab omnibus ipsi reservatis. 301.

Episcopi alloquentes cum Monialibus extra aliquem absque licentia Ordinarii, quas penas incurrant. 417. & seq.

Episcopi an, & quibus mulieribus dare possint licentiam se recipiendi infra Clausuram Monialium. Declarationes contrarie. 1453.

Episcopi an possint dispensare inhabilitatem ad Beneficia ex Simonia occulta. 231.

Episcopi in Ecclesiis Regularium nullum actum Jurisdic. exercere possunt ipsi invitati. 1468.

Episcopi non possunt approbare cum limitatione temporis, locorum, aut Personarum Confessarios Regulares, generaliter habiles reperiunt. 1435. & seq.

Episcopi potestas tanquam Sedis Apostolicæ delegati circa Monasteria Monialium exempta, quanta. 424. & seq.

Episcopi quare punire possint Confessarios Regulares, si in Ecclesiis Parochiarum Confessione audiant ipsi invitati. 1431.

Episcopi ordinans alienum Subditum, quam penam incurrat. 1060. Item sic ordinatus. 1061.

Episcopi non valet per suum actum præjudicare Ecclesie sue. 1143.

Epistolam mittens Moniali, in penas alloquentium cum Monialibus non incidit. 435. & seq.

Epistolam scribens Moniali contra præceptum, Episcopi prohibens sub excommunicatione, non incurrit si Epistola casu aliquo non pervenit ad Monialem. 437.

Equites S. Joannis Hierosolimitani de licentia Capituli Generalis, aut magni Magistri testari possunt. 454. Non tamen in favorem illegitimorum, nisi expressam habeant facultatem. ibi.

Errans circa Fidem, & de errore admonitus, non tamen sibi persuadem sentire contra Ecclesiam Catholicam, non est Formalis hereticus. 542. Quid si admonetur ab Episcopis, & Inquisitoribus. 543. 550. Quid si error sit circa mysteria notissima. 545.

Error Lutheri peccatum non excusari ab Ignorantia in foro interno. 1.

Eucharistiam, & Extremam Unionem ministrare possunt Regulares etiam extra eorum habitationes defectu Parochi, vel quando non est tempus petendi licentiam. 920. 921.

Eucharistiam infra annum recipiendi in propria Parochia, iterum in illa debet sumere in Paschate. 915.

Eucharistiam ministrare possunt Regulares etiam in die Paschati communicantibus ex devotione, non ex præcepto. 919.

Eucharistia sumenda præceptum duplex; Divinum, & Ecclesiasticum. 909. Divinum, quando obliget. 910. Ecclesiasticum, quos, & quando. 911. & seq. 923. & seq.

Excommunicatio ex inadvertentia non subiecta clavibus in Confessione, non obstat validitati Confessionis. 982. & seq.

Excommunicatio pena Medicinalis: Quare non incurratur ab Ignorantibus. 446.

Excommunicatus vitandus, & publicis Clericis percussor mortaliter peccat si Sacramenta ministret, nisi ignorantia, vel inadvertentia excuset. 1189.

Extrema Unctio ministrari potest à Regularibus quibuscunque infirmantibus in eorum habitationibus absque ulla licentia. 920.

F

Fama, & bonor quam caute custodienda etiam à Religiosis. 1286.

Femine non possunt leges condere. 387.

Festorum dierum institutio in nova lege, de jure Ecclesiastico. Quæ opera in iis prohibeantur. 596.

Fetus quot die animetur. Variæ opiniones. 183. & seq.

Fides explicita mysteriorum Sanctissime Trinitatis, & Incarnationis Christi, an necessaria necessitate quædam. 83. & seq. An de ipsis excuset à culpa Ignorantia Invincibilis. ibi.

Filiatio Spiritualis Religionem an conferri possit per solam internam Voluntatem Prælati ab-

Pppp

sqve

sive ullo seculo sensibili. 1235. & seq.
*Filiatio Spiritualis Religionum quæ bona pariat
 aggregatis citra eorum operationem.* 1244.
Filiationis Spiritualis Religionum, & Indulgentiarum differentie. 1269. & seq.
*Filius natus ex Matrimonio non legitimo, in quo
 tamen saltem alter parentum est in bona Fi-
 de, est verè legitimus.* 1075.
*Filius non tenetur credere Matri asserenti cum
 juramento, etiam in articulo mortis se esse
 spurium, si tempore conceptionis habitabat
 cum marito.* 711. Nec si Filius assumetur
 adultero. 713.
Filius quam reverentiam debeat parentibus. 601.
*Fornicatio simplex, quare ex natura sua, pec-
 catum mortale.* 644. Oppositum dicere sa-
 pit heresim. ibi. Quando committi possit ex
 ignorantia absque peccato. 646.
*Fornicationis actus, & desiderium, quare du-
 plici præcepto prohibita.* 638.
*Fur an sub mortali restituere teneatur qui post
 modica Furta furatur notabiliter, non ta-
 men ad antecedentia advertens.* 674.
*Fur parva furta committens quando peccet mor-
 taliter.* 672. & seq.
*Fur rem sacram surripienti, quam credit pro-
 phanam sacrilegium non committit.* 670.
*Furtum reliquiarum an excusabile ex parvitate
 materie.* 671. An ex devota Ignorantia ibi.

G

GAbellæ exigentes ab Ecclesiasticis cum
 invincibili ignorantia Censuræ, eam non
 incurrunt. 110.

H

Habitum Religiosum dimittens, ut tutior
 confugiat ad Superiorem, nec peccat,
 nec penis dimittentium habitum subiacet.
 1279.

*Heretici an possint ritè prescribere quæ mala fide
 possidebat defunctus.* 753. Quid heres me-
 diatus. 756.

*Heretici, quamvis prescripseris contra legatarium,
 debet tamen totum Legatum.* 739.

*Heresi quomodo excusetur ex Ignorantia, etiam
 affectata.* 535. & seq.

*Heretici, & Schismatici susplices quando ab
 Erroribus excusentur.* 77.

Heretici obligantur præcepto annuæ Confessionis.
 869.

*Heretici quamvis occulti, quarum hereses in
 iudicio probari non possunt, adhuc denuntiandi
 Tribunali Sanctissimæ Inquisitionis.* 822.

*Hereticorum libros scienter retinentes, legen-
 tes, &c. quando incidant in Censuram Bul-
 læ cæne.* 140. Hereticorum fautores quan-
 do. 198. & seq.

*Hereticus denunciandus quamvis ejus heresis
 sciatur sub secreto, etiam jurato; dummodo*

*non sciatur sub secreto Confessionis, qua ra-
 lis.* 834. & seq.

*Homicida à restitutione excusatur, si occidit
 cum ignorantia comitante.* 681. 702.

*Homicida nesciens homicidio imponi irregulari-
 tatem, an eam contrahat.* 615. & seq.

*Homicidium casualiter committens, non tenetur
 de damno sequo.* 128.

*Homicidium in ebrietate commissum, quando non
 inducat irregularitatem.* 122.

*Homicidium sui ipsius aliquando excusabile ex
 ignorantia.* 605.

Homicidium sui ipsius nunquam licitum. 604.
Mutilatio membrorum quando solum licet.
 ibi.

*Horæ Canonice recitandi obligatio à quo jure
 procedat.* 321.

*Horæ Canonice canere pium, & Laudabile,
 & ab Apostolorum usu derivans.* 321.

*Horæ Canonice an si aliquando omittantur in
 Choro Regularium, qualis culpa.* 341.

Quid in parvis Conventibus. 342.

*Horæ Canonice cani possunt etiam in Sacristia,
 vel in aliquo Oratorio, quamvis ab Ecclesia
 discito.* 326.

*Horæ Canonice, si omitterentur in Choro Re-
 gularium, Superiores graviter peccarent.* 337.

*Horologia pro Jejunii, quam auctoritatem faci-
 ciant.* 945.

*Hospitali exponere Filios illegitimos ad occultan-
 dum infamiam, aut alia mala cavenda,
 nullum peccatum, quamvis parentes sint di-
 vites. Quid tamen tunc agere debeant.* 717

I

Iacobus Pignatellus unice, & male sentis
 posse Parochos occasione suorum Desun-
 ctorum ingredi Ecclesias Regularium, &
 in eis officium peragere. 1427. & seq.

*Jejunii die in notabili quantitate bis comedens,
 non tenetur amplius ad Jejunium.* 946.

*Quid si postquam comedit carnes in loco, in
 quo non jejunatur, debeat à carnibus abstinere
 si vespere perveniat ad locum, in quo
 jejunatur.* 948.

*Jejunium in Vigiliis Pentecostes, S. Joannis Ba-
 ptiste, S. Laurentii, Omnium Sanctorum,
 quomodo obliget.* 385.

*Jejunii præceptum de unica comestione quomo-
 do affirmativum, & etiam aliquo modo ne-
 gativum.* 950. & seq.

*Jejunium importat essentialiter abstinentiam à
 carnibus.* 954. Quid si quis inadvertenter
 comederit carnes, an teneatur amplius eo die
 jejunare. 955.

*Jejunium naturale quid, & quomodo franga-
 tur.* 937. Ecclesiasticum obligat sub morta-
 li. ibi. quo tempore obligare incipiat. 938.
 & seq. Dubius de aetate completa, an
 teneat.

teneatur ad jejunium. 940.
 Jejunium perficitur à media nocte ad mediam noctem. 941. Media nox quomodo computanda pro jejunio. 944. & seq. Dubius de media nocte, an possit comedere. 942. & seq.
 Ignorans Mysteria Fidei quomodo expediendus in Confessione. 100.
 Ignorantes ex nimia ruditate intellectus aliqua mysteria Fidei, etiam necessaria necessitate mediis, adhuc salvari possunt sicut infantes, & Fatui. 89.
 Ignorantes ligantur legibus, sed non iis afficiuntur. 54.
 Ignorantia affectata equipollet scientie. 143.
 Ignorantia an excuset à Casibus reservatis ab Episcopis. 154. & seq.
 Ignorantia, & nescientia in quo differant. 5.
 Ignorantia etiam mortaliter culpabilis excusat ab omni Censura, dummodo non sit affectata, crassa, & supina. 131. Quid si sit etiam crassa; sed Censura sit imposita facienti aliquid scienter. 138. Quid si sit affectata. 143.
 Ignorantia Invincibilis ex quibus Regulis dignoscatur. 24.
 Ignorantia invincibilis quare excusare debeat à peccato. 15.
 Ignorantia invincibilis, ut talis sit, quid requiratur. 14. & seq.
 Ignorantia Juris communis an excuset à Censura. 111. Excusat. ibi.
 Ignorantia irregularitatis annexæ delicto salvat delinquentem ab ejus incurso. 112.
 Ignorantia legi Civilis irritantis actum, non facit eum esse validum. 54.
 Ignorantia quomodo probari possit in foro externo. 1201.
 Ignorantia recitandi Divinum Officium in quibus Ecclesiasticis possit esse invincibilis. 318.
 Ignorantia rerum ad proprium statum, & officium pertinentium non semper vincibilis. 20.
 Ignorantia venialiter culpabilis, ab omni Censura, & Irregularitate excusat. 130.
 Ignorantia ut sit Invincibilis, quanta sit diligentia adhibenda. 22.
 Ignorantiam facti, non Juris non excusare, quomodo intelligendum. 19. 1008.
 Ignorantie divisiones an etiam accommodentur Inadvertentie, Inconsiderationi, & oblivioni. 12.
 Ignorantie divisiones. 6. & seq. Quæ Ignorantia invincibilis; quæ vincibilis. 7. Quæ affectata; quæ Crassa, quæ Supina. 8. Quæ Antecedens; quæ Comitans; quæ Consequens. 9.
 Ignorantie quomodo nomen, & ratio Privilegii competat. 4.
 Incestus malitiam non contrahit peccans cum sanguinea, aut affine, ignorata ut tali. 650.

Incestum committens cum sanguinea Uxoris in primo, & secundo gradu non potest amplius petere debitum. Non sic si sit sanguinea in tertio, aut quarto gradu. 452.
 Incestum committens cum sanguinea Uxoris in primo, & secundo gradu, non privatur jure petendi debitum, si nesciat hanc penam impositam esse tali delicto. 654. & seq.
 Incestum non committit qui prius petitione debiti, qui ad sanguineam Uxoris in secundo gradu accedit, quam putabat in tertio. 1100.
 Indulgentiarum, & Filiationis Spiritualis Religionum differentie. 1269. & seq.
 Indulgentie, an & quomodo lucrari possint ab eas ignorante. 1247. & seq. usque ad 1267.
 Indulgentie lucrantur etiam ab ignorantibus, si ea præstent, quæ ad ipsas consequendas requiruntur. 1008.
 Infidelis adultus moriens antequam peccarit mortaliter assignabitur Limbo. Quid si peccarit Venialiter. 78.
 Infidelis in infidelitate decedens, non damnatur ex infidelitate, sed ex alio. 73. & seq.
 Impedimenta Canonica, ob quæ quis non potest: Papam adire pro absolutione à Reservatis, quæ censentur. 304.
 Impedimentum criminis ignoratum à contrahentibus non incurri qui dixerint. 1086. Incurritur etiam posita ignorantia invincibilis. Quare. 1087.
 Impedimentum criminis in adulterio quid requiratur, ut consurgat. 1077. & seq.
 Impedimentum criminis non consurgit si quis adulterorum ignoret alterum esse conjugatum. 1083.
 Impedimentum dirimens qui ita solus novus, ut probare non possit denunciare non tenetur. 1094. Opposita plurium sententia. 1092.
 Impossibilia præciperet Deus, nisi Ignorantia excusaret à peccato. 1.
 Incarnationis mysterium explicite nesciens, an salvari possit. 81. & seq.
 Inhabilitates non sunt pænæ, & contrahuntur etiam ab Ignorantibus. 1087.
 Irregularis an Supponendus Filius, cui mater testatur esse illegitimum. 718.
 Irregularitas ex defectu incurritur etiam ab Ignorantibus. Quare. 116.
 Irregularitas in foro interno non incurritur, si delinquens nescit suo delicto annexi irregularitatem. 112. 118.
 Isabelle Bavignane Patavine mori voluntaria ad servandam pudicitiam. 606.
 Iudex an condemnare possit quem privata scientia scit esse innocentem. 817.
 Iudex damnare non potest reum, ut se occidat. 58. & seq. An possit damnare, ut venenum

num bibat. 59. & seq.
Iudex ignorans quæ ad suum officium pertinent, in statu peccati mortalis. 812. Non tamen si aliqua ignoret. 813.
Iudex reos morti tradens, irregularis, quomodo nesciat tali actioni annecti irregularitatem: non sic homicida, si nesciat homicidio impositam irregularitatem. Quare. 615. & seq.
Iudicia temeraria, omnia ejusdem speciei infime. 797.
Iudici an possit negari Veritas, si dubium sit an Juridicè interroget. 842. & seq.
Iudici legitime interroganti, an aliquando possit taceri Veritas. 838.
Iudicis Ordinarii recusatio quando licita, & concessa Regularibus. 1320. & seq.
Iudicium temerarium de aliquo ignoto, non lezhale. 793.
Iudicium temerarium, ex genere suo est peccatum mortale. 792. Quæ conditiones requirantur, ut dicatur temerarium. ibi.
Iudicium temerarium raro peccatum mortale in viris timoratis. 796.
Iudicium temerarium, ut sit de re gravi, attendenda est qualitas Personæ, de qua judicatur. 794.
Iuramentum ab eo exigere, qui putatur peccaturus; an liceat. 570.
Iuramentum falsum ad obtinendum aliquod verum, an permitti possit ei, qui credit jurare verum. 569.
Iuramentum ex ignorantia Antecedenti factum, siue circa substantiam, siue circa qualitatem rei jurate, non obligat. 572. & seq. Quid si ignorantia sit solum concomitans. 576. & sequ.
Iuramentum non exequens, quod ex ignorantia quomodo crassissima circa substantiam emisit, non peccat. 579.
Iuramentum quando det firmitatem contractibus. 577.
Iuramentum quid. 563. Ejus debite conditiones. 564.
Iuramentum suum invincibiliter obligatorium, esse nesciens, non tenetur implere. 571.
Jurisdiclio Voluntaria sequitur Personam, nec restringitur Territorio. 1442.

L

Licet communicans cum sola Contritione, defectu Confessionis, an teneatur confessari quamprimum. 933.
Legatum magni momenti an debeatur ab herede, si hoc illi asseratur ab uno Teste omni exceptione majori. 689.
Legatum pium intra biennium non solvens non peccat mortaliter si sit impeditus, vel ignoret Legatum esse pium. 1118. & seq.
Legem Civilem penalem non obligare in con-

scientia qui docerint. 51. Concludendum est obligare. Quando, & quomodo. 52.
Legem naturalem quoad omnia nullus adultus ignorare potest. 36. 43. & seq.
Leges Civiles an dependant ab acceptione populorum. 253. Quid legi Pontificie. ibi.
Legis humana obliganti in conscientia, etiam sufficienter promulgata non est reus qui de ea notitiam non habuit. 54.
Lex Divina præter naturalem, & humanam homini necessaria. Quare? 62.
Lex Domicilii, extra domicilium non obligat. 428.
Lex humana quas debeat habere conditiones. 50. Quando obliget in conscientia. 51.
Lex humana potest etiam præcipere actus internos, & quomodo. 65.
Lex quando cesset cessante Fine. 441.
Lex naturalis quid, & quomodo obliget. 34. 42.
Lex naturalis quos Virtutum actus præcipiat. 39. & seq.
Libros tenentes, heredes, vel Magicas superstitiones continentes sunt excommunicati. 553.
Ludens ludo illicito, an possit soluta reperte, aut de iis facere occultam compensationem. 1107. & seq.
Ludi iusti conditiones, quæ. 695. Ludens cum imperito quando restituere teneatur. 696.
Ludus alearius qua ratione utroque jure prohibetur. 1106. An in tali ludo restituenda sint quæ alter vicit. ibi.
Ludo illicito acquisita non necessario restituenda ante Judicis sententiam. 1211.

M

Matrimonium Catholicorum cum hereticis valida, sed non licita. 870.
Matrimonii simplex promissio post mortem conjugis, invalida. 1077.
Matrimonio durante qui suscipit Ordinem Sacrum suspensionem incurrit: non sic si bona fide susceperit. Sed quomodo sic ordinatus bona, vel mala Fide se gerere debeat. 1122.
Matrimonium contrahens in aliena Parochia, ex ignorantia, quomodo non peccet, mulier contrahit. Quid facere debeat postquam defectum cognovit. 1111. & seq.
Matrimonium contrahentes in peccato mortali, an dupliciter peccent, & quia suscipientes, & quia ministrantes. 921.
Matrimonium sicut promissum an obliget. 1072. Quid si sit promissum verò Matrimonium, sed cum ignorantia quod tali promissio obligationem induceret. 1071.
Martirium, siue in parvulis, siue in adultis supplet suspensionem baptismi. 982.
Mendacium quid, & quare semper intrinsecè malum. 786.
Mendacium jocosum, & officiosum quid. 788. semper

semper Venialis, nisi ignorantia excuset. 787.
Metus gravis excusat ab incurso reservationis,
& Censura in allocutione Monialium. 414.
Milites an teneantur examinare Iustitiam bell.
636.
Missa an concessa fuerit Norvegis absque vino.
1033. Non fuit concessa. ibi.
Missa sicca quid sit. An licita, & quomodo ce-
lebranda. 1035. & seq.
Missa Veneris Sancti an sit verum Sacrificium.
1019. an tali die celebrari possit Missa ad
communicandum infirmum. 1018.
Missam audiens ex devotione, ignorans esse diem
Festum, precepto satisfaci. 854.
Missam audiens cum animo non satisfaciendi pre-
cepto, an satisfaciatur, & quomodo peccet. 855.
Missam audire possunt Mulieres in claustris Re-
ligiosorum. 270.
Missa in die Festo non audiens ex causa, quam
putat sufficientem, sed verè non est, non
peccat. 850.
Missam solemnem diebus Festis canere non tenen-
tur sub mortali Clerici Regulares. 336.
Missæ legatæ nunquam prescribi possunt ab hæ-
rede, quamvis hic prescribere possit contra
Legatarium. 738.
Missæ pro Defunctis imponi possunt Beneficia-
rio ob obligationem restituendi. 395.
Missæ Sacrificium de sua essentia requirit con-
secrationem utriusque speciei. 1030.
Mysteria Fidei aliqua ignorari etiam à Fide-
libus invincibiliter possunt. 81.
Mysteria Fidei aliqua invincibiliter, & sine
culpa ignorari possunt. 71. & seq.
Mysteria Fidei quæ à communi populo ignorari
possunt absque gravi culpa. 90.
Mysteria Sanctissime Trinitatis, & Incarna-
tionis Christi an possint à Fidelibus invincibi-
liter ignorari. 83. & seq.
Molities quare peccatum mortale ex natura
sua. 661.
Monasteria Religiosorum ad quot usque annos
ingredi possint Puellæ. 263.
Monasteria Virorum ingredi possunt Puellæ ca-
rentes usu rationis. 260. Non sic Mulieres
Fatue. 261.
Monetam falsam, aut diminutam expendens ad
quid teneatur. 683.
Monialem loquentem audiens, nec respondens
in penas alloquentium non incidit. 432.
Moniales subditæ Regularibus absolvi debent à
reservationis Pape per suos Superiores Regula-
res. 310.
Moniales primæ Regule Sanctæ Clare habeb-
ant Præcepta Regularia obligantia sub
mortali. 356. Corrupta ab Eugenio IV. ibi.
Moniales sunt ex perpetuo impeditis adire Pa-
pam pro reservationis. 311.

Monialibus in materiâ paupertatis sufficit vel
licentia Abbatissæ, vel Prælati. 453.
Monialibus non est permittenda intrinseca in
Monasteria puellorum, & puellarum nondum
usum rationis habentium. Quare 168. 175.
Si tamen intrinseca in excommunicationem
non incidunt. 165. & seq.
Moniales an sub gravi culpa teneantur ad re-
citationem Divini Officii. 343. & seq.
Moniales in quibus casibus possint Viros introdu-
cere in Monasteria. 288.
Monialium nomine, cum quibus prohibita est
allogutio, an Veniant Novitiæ, & puellæ,
quæ educantur in Monasteriis. 442.
Monasterii nomine, quod ingredi non possunt
Mulieres quid intelligatur. 266.
Moram trahentes Mulieres in Claustris Religio-
sorum post Divina Officia, an penas incur-
rant. 277.
Moribundus sensibus destitutus, ex quo censetur
Confessionem desiderare. 190.
Moribundis quibuscunque, tunc fortè constitu-
tis in locis Regularium, possunt Regulares
omnia Sacramenta ministrare irrequisito Pa-
rocho. 920.
Mortis articulus pro absolutione à Reservatis,
qualis. 303.
Mulier sollicita in Confessione, nec denun-
cians sollicitantem Sancto Officio, ex qua
ignorantia salvari possit ab incurso excommu-
nicationis. 1196. & seq.
Mulieres fundatrices Monasteriorum Virorum,
an possint in ipsa ingredi. 284. 285.
Mulieres ingredientes Monasteria Virorum etiam
absque pretextu facultatum, quam penam
incurrant. 255. & seq. Quid si sint hajulæ.
267.
Mulieres ingredientes Monasteria Virorum quan-
do nullus in eis existit, an peccent, & in-
currant Excommunicationem. 259.
Mulieres in quibus casibus ingredi possunt Mo-
nasteria Virorum. 268. & seq.
Mulieres quibus assistere possint in Claustris Re-
ligiosorum. 271. & seq. Quid si ad curiosi-
tatem assint. 275.
Mulieris nomine non venit puella quoad ingres-
sus Clausuræ Virorum. 260.
Mulieribus quando liceat exire ab Ecclesia per
Portam Conventus. 276.

N

Novitiu in anno probationis an debeant dis-
 scere omnes Regule austeritates. 1191.
 Quid si aliquam prorsus nescierint, an emis-
 sa Professione ad eam obligentur in conscien-
 tia. 1190.
 Novitiu in odioso habentur, ut Seculares. 320.
 Novitiu Monialium, an prohibitum sit colloqui,
 sicut Monialibus. 442.

Obedientiam prestare Prelatis in quibus casibus non teneantur Regulares. 1298. & seq.

Obedientia quævis Regularium sub intelligit semper implicite aliquas conditiones, & quæ istæ sint. 1297.

Observantia Regularis à Superioribus procuranda sub reatu lethali. 337.

Occidere seipsum semper malum. 55. & seq.

Officiorum Divinorum nomine quæ veniant. 272.

Officium Divinum an sub gravi culpa recitare teneantur Regulares professi, non in Sacris. 343. & seq.

Officiorum, & Beneficiorum privatio ipso facto imposita, non incurritur absque Judicis sententia. 293. Quid si dicatur absque alia declaratione. ibi. Quid si adderetur absque ullo Decreto, aut sententia. 293.

Officiorum nomine in penis privationis veniunt sola officia jurisdictionem habentia. 290.

Opinio non probabilis quomodo fieri possit probabilis. 197.

Ordinandi quæ ætate esse debeant pro singulis Ordinibus. 1033.

Ordinatus ab Episcopo Simoniaci, Suspendo, excommunicato non tolerato, sed ignoranter, an, & quam Suspensionem incurrat. 1175. & seq.

Ordinatus absque titulo cum promissione non petendi ab Episcopo alimenta est suspensus per triennium, sicut etiam Episcopus. 1174.

Ordinatus ante legitimam ætatem ex ignorantia, quamvis non sit suspensus, debet abstinere ab Exercitio Ordinis, & si non abstineat peccat mortaliter, non tamen sit irregularis. 1057.

Ordinem Sacrum suscipiens cum ignorantia invincibili castitatis servande, an in foro conscientie ad eam teneatur. 1063.

Ordines Sacros recipiens ante legitimam ætatem; peccat mortaliter, & suspensionem incurrit. 1055.

Ordines Simoniaci accipiens Filius, an sit suspensus, si ipso infuso Simonia fuit à Patre commissa. 224.

Ordini Sacro unde sit annexa obligatio servandi Castitatem. 1062.

Ordo in restitutione servandus, quando debitor non potest omnibus satisfacere: Quid si satisfaciatur integrè alicui non habenti jus prelationis, an hic teneatur restituere. 730. & sequ.

Pallium redimendi Pensionem, simoniacum. 245.

Papa an unquam dispensaverit, aut dispensare possit, ut Missæ Sacrificium in una sola

specie fiat. 1025. & seq. Dispensare posse qui docerint. 1017.

Papa etiam venit nomine Ordinarii. 134.

Papa non potest esse Simoniacus: Quomodo. 210.

Papa quomodo nunquam dispense in iis, quæ sunt de jure Divino, quamvis in aliquibus dispensare videatur. 1031.

Papa supra Regulares, quæ tales, nil amplius potest præcipere, quam possint eorum Prelati. 1282.

Parentum nomine qui intelligantur. 598.

Parochi Ambrosiani cur in Ecclesiis Regularium possint occasione suorum super suorum, Defunctorum Cadavera officium peragere. 1467.

Parochi audire possunt Confessiones suorum Parochianorum etiam extra Territorium: Non sic Regulares extra Diocesim Episcopi approbantis. 1440.

Parochi obstantes Confessariis Regularibus ne, in quocunque loco sue Parochie audiant Confessiones secularium quomodo peccent, & quas penas incurrant. 1430.

Parochi Crucem, & Stolum deferre non possunt in aliena Parochia, aut aliena Ecclesia Parochiali. 1452.

Parochi ingredi non possunt Ecclesias Monialium occasione Funerum cum Cruce, & Stola. 1405.

Parochi intrantes Ecclesias Regularium occasione Funerum cum Cruce, & Stola sunt excommunicati. 1356.

Parochiarum distinctio à quo Pontifex introduci fuerit. 1452.

Parochus bona fide non residens ultra biestrem non tenetur ad restitutionem fructuum provata. 389.

Parochus Feria quinta in Cæna Domini; si casu non consecravit hostiam pro dissequenti, quid facere debeat. 1014. & seq.

Parochus non licet cum Cruce elevata, & Stola ingredi Ecclesias Regularium, ipso invito, ut prosequantur officium suorum Defunctorum. 1344. Unde hoc probetur ibi. Possunt tamen agere officio nihil se intromittendo. 1401.

Peccans contra Votum cum ipsius oblatione, non obligatur penam solvere, ad quam se obligaverat si peccasset. 120. 446.

Peccata in juventute commissa, unde excusationem habeant. 2.

Peccata Venialia in genere, & mortalia aliter rite confessæ, an possint item in genere esse Materia Sacramenti Penitentiae. 892. & seq.

Peccata Venialia quomodo deleantur, dum anima expirat à corpore. 10.

Peccatum commissum Ignorantia vincibili, cuius speciei sit dicendum. 402. & seq. Pecca-

Peccatum confessum in dubium, an iterum confitendum, si cognoscatur fuisse certum. 907.
Peccatum confessum ut Veniale, non iterum confitendum si cognoscatur fuisse mortale. 903.
Peccatum Formale excusatur in conscientia ab ignorantia contra Lutherum. 1.
*Peccatum mortale an sit desiderium semper degen-
 dendū in hac vita.* 488.
*Peccatum mortale non definiendum ubi expressa
 Veritas non apparet.* 360.
*Peccatum operandi cum dubio practico de bone-
 state obiecti tolli potest ab ignorantia.* 1159.
*Peccatum reservatum committens, an in reser-
 vationem inciderit, si peccam, aut non ad-
 vertebat, aut dubitabat de reservatione.*
 157.
*Pene exorbitantes, & extraordinarie non in-
 curruntur a delinquentibus cum earum igno-
 rantia.* 626.
*Pensionarius omittens Officium parvum B Vir-
 ginis ad quam restitutionem teneatur.* 396.
*Peregrini loquentes cum Monialibus an incidant
 in excommunicationem latam ab ordinario.*
 422. & seq.
Peregrini privilegii locorum gaudent. 430.
*Peregrini subdantur legibus Territorii, per quod
 transiunt, nisi sint ibi prorsus in transitu.*
 426. & seq.
*Præcepta legis nature, quæ ignorari possint,
 & quanto tempore.* 37.
*Præcepta legis nature, quomodo sint plura, &
 conveniant in unum.* 39.
*Prelati Regulares habent cum suis subditis ean-
 dem facultatem, quam Concil. Trident. con-
 cedit Episcopis cum suis.* 307. In quo aliqua-
 liter differat. 308.
*Prelati Regulares eam facultatem in materia
 Paupertatis sibi nec dare possunt, quam sub-
 ditis concedere.* 455. & seq.
*Prelati Religiosorum non possunt precipere, nisi
 secundum regulam.* 1282. & seq. Quæ di-
 cantur tacite contineri sub regula. 1284.
*Prelati Regulares ordinariis loquendo ita pos-
 sunt dispensare cum semetipsis, sicut possunt
 cum subditis.* 455.
*Prelati Religiosorum quam obedientiam possint,
 & debeant exigere a suis subditis.* 1281.
*Prelati Regulari quid cum suis subditis possint
 præ parvis ob introductionem mulierum in Mo-
 nasteria.* 298. 299.
*Prelatura Regulari an veniant nomine Bene-
 ficii.* 126.
*Prelatus Regularis an data opera ordinare pos-
 sit Processionem per Clausuram, ut mulieres
 ingrediantur.* 173.
*Prelatus habens potestatem absolvendi, & dis-
 pensandi, valide absolvit, & dispensat, quan-
 vis ignoret se habere talem potestatem.* 1007.

*Prelatus Regularis in quibus precipiendis de-
 beat assignare causam.* 1308. & seq.
*Prelatus Regularis potest absque causa spoliare
 subditum officio manuali: Quid si id faciat
 malo animo, an subditus possit agere contra
 Prelatum.* 1326.
*Prelatus Regularis Simoniaci factus, an subia-
 ceat penis Simonie.* 126. & seq.
*Præpositus Generalis Theatinorum an teneatur
 sequi Consilium suorum Patrum Consultorum.*
 1291.
*Prescriptio contra Regularium privilegia exigit
 tempus centum annorum.* 1409.
*Prescriptio, & consuetudo introduci non potest
 contra legem habentem Decretum irritanti.*
 1355.
*Prescriptio contraria quare non possit tollere
 privilegium Regularibus in materia Funera-
 lium.* 1488. & seq.
Prescriptio quid, & ejus requisita. 734. & seq.
Per quid differat ab usucapione. ibi.
*Prescriptio non servandi leges quando fiat ex
 ignorantia.* 152.
*Prescriptio inchoata contra Regulares interrump-
 titur ex frequenti confirmatione eorum privi-
 legiorum.* 1400.
*Prescriptio iurium spiritalium nunquam cade-
 re potest in laicos.* 737.
*Prescriptio legitime incepta contra aliquod pri-
 vilegium interrumpitur, si idem privilegium
 denuo confirmetur in forma specifica.* 1378.
*Prescriptio quare non habeat locum inter supre-
 mos Principes.* 743.
*Prescriptione bona Fide incepta, quid si super-
 veniat dubium in oppositum.* 741.
*Prescriptione jam legitime facta rei alienæ, si
 postea talis cognoscatur a præscribente, im-
 munest a restitutione in utroque foro.* 767.
Prescriptioni quæ ignorantia prodest, quæ non.
 745. & seq.
Prescriptionis titulus, quis. 759. an semper re-
 quiratur, etiam in prescriptione longissimi
 temporis, & immemorabili. 761. & seq.
*Pretium succedat loco rei quomodo intelligen-
 dum.* 775.
*Privilegia concessa à Summis Pontificibus Cle-
 ricis Regularibus Theatinis nuncupatis, quam
 ampla.* 1400.
*Privilegiorum confirmatio in forma communi, &
 in forma specifica quid diversum importent.*
 1367. Quid requiratur ut confirmatio sit in
 forma specifica. 1368. & seq.
*Privilegia Summorum Pontificum concessa Re-
 gularibus, ne occasione Funerum Parochi ipsi
 invitati ingrediantur eorum Ecclesiis cum Sto-
 la, & Cruce elevata.* 1346. & seq.
Privilegii nomen quomodo competat Ignorantiae. 4.
*Privilegiis communibus totius ordinis Regulares
 tenent.*

renunciare non possunt. 1348. & seq.
Privilegium Fratrum Minorum de illegitimis ad Officia Religionis. 1205.
Privilegium non amittitur per non usum, si Privilegium ipsum ignoratur. 1203.
Privilegium non eundem ad Processiones non perdunt Regulares Privilegiati, quamvis pluries accessi ab Episcopo jerint, quare. 1483.
Processio si fiat per Clausitrum Vespere, non possunt mane ingredi Mulieres ad videndum ornatum. 274.
Processionem comitari possunt Mulieres in claustris Religiosorum. 272.
Processionem extraordinariam per Clausitrum an institui possit Prælati Regularis, ut Mulieres ingrediantur. 273.
Procurator non valet per suum actum præjudicare Monasterio, vel Ecclesie sue. 1143.
Promissioni naturam ignorans, promissum implere non tenetur. 690.
Promulgatio sufficiens legis humane non inducit reitatem in transgressione, si de ea notitiam non habuit. 54.
Proximi nomine qui intelligendus. 116. *Quomodo diligit sicut seipsum.* 117.
Psalmos, & Orationes cantari à Parochis in Ecclesiis regularium super cadavera sepeliendus est exercere actus jurisdictionis. 1342.
Pueri non debent admitti in Monasteria Monialium, si habeant usum rationis: possunt admitti, si non habeant. 165. & seq. *Rare tamen, & consideratè.* 179. *Qui dixerint non posse admitti, & admittentes in Excommunicationem incidere reservatam Papæ.* 169. & seq.
Pueri, & puellæ ante quartumdecimum annum alloquentes Moniales sine licentia, sunt à Censura, & à reservatione immunes. 415.
Pueri quo tempore obligentur præcepto Confessionis, & Communionis. 923. & seq.
Purgatorium an sit locus merendi: An in ipso deleantur peccata venialia. 80.

R

Reges ipsi committentes Simoniam in Beneficiis sunt Excommunicati. 227.
Regine, & eorum Filie non prohibentur ingredi Monasteria Virorum. 255. 282. & sequ.
Regulares accedentes ad colloquendum cum Monialibus sine licentia quomodo peccent, & quas penas incurrant. 443. *Possunt excommunicari ab Episcopis.* 444.
Regulares an Simoniam committant paciscendo de mutua electione ad Gradus Ordinis. 228.
Regulares cum Costa, & Stola, privatim tamen benedicere possunt egros, egros, domos, &c. absque Parochorum licentia. 1470.

Regulares ministrare possunt Eucharistiam, & extremam Unctionem quibuscunque secularibus contigerit tunc reperiri in eorum habitationibus. 920.
Regulares non includuntur in Censuris Episcopalis in casibus, in quibus contra eos procedere possunt Episcopi, nisi in Edictis specialiter nominentur. 444.
Regulares non tenentur ad Cborum sicut Canonici, & Beneficiati. 329.
Regulares professi in Regula laxiori, an cogantur ad primariam firmiterem. 1284.
Regulares professi, quamvis non possint facere Testamentum, iussunt tamen factum ante Professionem declarare. 452. 467.
Regulares professos, non in Sacris ad Horas Canonicas non teneri qui doceant. 343. & seq.
Regulares pro Confessionibus secularium audientis jurisdictionem habent à Summo Pontifice, ab Episcopo vero loci solum jurisdictionem Idoneitatis. 1434. & seq.
Regulares ad breve tempus substituti in locum Superioris, quam licentiam possint sibi dare in Materia pauperatis pro tempore, quo cessaverit eorum superioritas. 465.
Regulares unde teneantur canere in Choro Divinum Officium. 325.
Regularis dimittens habitum in Monasterio, vel in parentum domibus ad ludendum larvis, ob hoc præcè non peccat mortaliter. 1277.
Peccare mortaliter qui dixerint. 1278.
Regularis dimittendo habitum sue Religionis quando incidat in excommunicationem. 1274. & sequ.
Regularis in dubio de Validitate præcepti, an teneatur obedire Superiori. 1298. & sequ.
in quibus varie de eadem re difficultates.
Regularis ratificans professionem invalidam, quam valere putat, quando eam firmam faciat, quando non. 1192. & seq.
Regularis recedere potest à Conventu absque Superioris licentia, & adire Superiores majores, non obstante decreto Tridentini. 1280.
Regularis transferri non potest sine causa à Superiore de suo Conventu in alium, de sua in aliam Provinciam, quando talis translatio redundare potest in illius dedecus; & infamiam. 1288. usque ad 1337.
Regularis transiens per Terras infidelium absque culpa, & pena, dimittit habitum. 1174.
Regule ad cognoscendam Ignorantiam Inevitabilem. 24.
Religiosi, & Clerici seculares inducentes aliquem ad eligendam in eorum Ecclesiis sepulturam, cum juramento, & voto, aut promissione, aut jam electam non immutandam, quas penas incurrant. 1331. & seq. *Quid si qse-*

effectus non sit sequutus. 1135. Plura de eadem materia. 1136. & seq.
 Religiosi introducetes mulieres in Monasteria quas penas incurrant. 1179. & seq.
 Religiosi militares professi quando ieiunari possint de eorum bonis parimonialibus, & de Fructibus Commendarum. 1466.
 Religiosi neq; à Concil. Trident. prohibetur peculium aliquod particulare de Superioris licentia. 1451.
 Religiosi obligati ex Fundatione Conventus canere in Choro, peccant graviter si omittant, non tamen tenentur ad restitutionem fructuum pro rata omissionis. 321.
 Religiosi quando alique culpa introducere possint mulieres in Monasteria. 1288.
 Religiosi sunt Domini propriæ Famae. De ea disponere non potest Religio absque ipsis. 1286.
 Religiosorum Clausura ad Divina Officia ingredi possunt mulieres; non ibi postea immorari. 1277. Quid si aliquantulum immorentur. ibi.
 Religiosorum Clausura ingredientibus Mulieres dum Divina Officia celebrantur, an penas incurrant, si ingrediuntur ad malum finem. 1275.
 Religiosi Choris transiens ad statum Conversorum sit immunis ab onere Divini Officii. 320.
 Religiosi occulsi ad bonum finem Mulierem illicitè ingressam in Monasterium nullam penam incurrunt. 1288.
 Religiosi quando censentur introducere, ingredi facere Mulieres in Monasterium; quando non. 291.
 Reliquiarum Furtum, an admittat parvitatem materiae. 671.
 Reliquie non sunt de essentia Consecrationis Altaris. 475. & seq.
 Rem alienam bona fide emens, & iterum vendens, an, & quid verò Domino comparenti restituere teneatur. 774. & seq.
 Reservatio pena Medicinalis: Quare non incurrat ab Ignorantibus. 445. & seq.
 Restituere an teneatur qui ex ignorantia invincibili falsum deponens notabile damnum intulit. 566. Quid si ignorantia fuerit vincibilis. 567.
 Restituere non tenetur occisor alterius cum ignorantia comitante. 681.
 Restituere non tenentur Regulares, si obligati ex Fundatione Conventus canere in Choro, non cantant. 321.
 Restitutio facienda à Beneficiario non recitante Divinum Officium, quanta esse debeat. 397.
 Restitutio facienda à Beneficiario propter omissionem Divini Officii, independens ab omni lege eam præcipientem. 389. Quid si omiserit ex ignorantia, ex oblivione, &c. ibi.
 Restitutio an facienda ab eo, qui militavit in bello iniusto. 631.

Restitutio facienda à Beneficiario propter omissionem Divini Officii, quibus facienda. 393.
 Restitutio facienda Fabricæ Ecclesie potest e. ad fieri in emolumentum Domus Beneficii. 393.
 Restitutio facienda ob omissionem Divini Officii, quando facienda est pauperibus, an possit fieri pauperibus alterius loci. 394.
 Restitutio facienda pauperibus ob omissionem Divini Officii, potest etiam impendi pro celebrandis Missis pro Defunctis. 395.
 Restitutio non debetur de re aliena bona fide consumpta, nisi ex quo consumptor factus est ditor. 704.
 Restitutio non est amplius facienda verò Domino, si præmissa debita diligentia ad eum interveniendum, facta sit jam restitutio pauperibus. 698. & seq.
 Restituens non servato debito ordine graviter peccat. 730. Quid de eo cui est facta restitutio talis inordinata. 731. & seq.
 Restitutions non subiacerit occidens aliquem fortuito. 128.
 Rituale Romanum ubique locorum privative observandum. 1462.
 Rituale Veronense quid, & quibus prescribitur observandum occasione funerum in alienis Ecclesiis. 1461. & seq.
 Rituale vetus Clericorum Regularium præstatur Novitiis, ipsos ante susceptos Sacros Ordines, quamvis postea professos non teneri ad Divinum Officium. 320.

S

Sacerdos audiens Confessionem in peccato mortali, ex improposito occisus in aliqua extrema necessitate, an peccet mortaliter si per Contritionem non se disponit. 969.
 Sacerdos celebrans cum Calice, & Patena non consecratis, siue bona, siue mala Fide id agat, præstat ut non amplius indigeant Consecratione. 479. & seq.
 Sacerdos celebrans cum sola contritione defectu Confessarii, quam primum fateri debet. Hoc quam primum quomodo intelligendum. 931.
 Sacerdos ex aliquo casu unicam tantum speciem consecrans, an possit pro illa Missa stipendium accipere. 1047. & seq.
 Sacerdos in Missa debet omnino communicare de materia à se consecrata in eadem Missa. 1042. & sequi. Quid si non habeat aliam Hostiam ad exponendum post prandium. 1046.
 Sacerdos in Missa ex perturbatione animi aliquod grave, & essentiale omittens, non peccat mortaliter. 1047.
 Sacerdos, qui in Missa consecravit ex aliquo casu solum Panem, quid facere debeat agnito errore. 1040. Quid si post consecrationem Calicis intelligat in eo esse Venenum. ibi.
 Sacerdotes dum Sacram Communionem recipiunt extra

- extra Missam, an sub peccato vestiri debeant Stola.* 1450.
- Sacerdos in Missa non habens Hostiam grandio- rem, an possit adhibere minorem particu- lam.* 1044. *Quid si hac adhibita elevet grandio- rem in pice servatam ad murmur vitandum.* 1045.
- Sacerdos quando absque peccato in Missa con- secret unam solum speciem.* 1032.
- Sacerdos solitus accipere nucem muschatam an- te celebrationem Missae ad preparandum Christo bonum odorem, excusatus ex Igno- rantia.* 959.
- Sacramenta Eucharistiae, & extreme Unctio- nis possunt ministrare Regulares quibuscun- que Moribundis, tunc in eorum habitationi- bus constitutis.* 920.
- Sacramenta petere à ministro malo, qui minist- raturus est in mortali, extra casum ratio- nabilis necessitatis illicitum.* 978.
- Sacramenta vivorum in mortali ex inadverten- tia recipiunt, si attritus accedat, recipiunt pri- mam gratiam.* 985.
- Sacramentorum minister excommunicatus, non sit irregularis, si ex ignorantia, vel inad- vertentia ministrat.* 973. & seq.
- Si ramentorum minister ex officio semper morta- liter peccat, si in peccato mortali ministrat, nisi excuset inadvertentia.* 967.
- Sacramentorum Minister necessitatis, si in pec- cato mortali ministrat, non peccat mortali- ter, imò nec Venialiter si cum reverentia, & timore ministrat.* 964. & seq.
- Sancti Patres, quidam erraverunt in aliquibus, nec tamen fuerunt Haeretici, aut peccaverunt. Quare?* 2.
- Scire, & debere scire paria esse quomodo intel- ligendum.* 17. 18. 117.
- Sepelire possunt Regulares absque ulla licentia quoscunque mori contigerit in eorum habita- tionibus.* 920.
- Sepultura electio in aliqua Ecclesia facta ex in- ductione cum juramento, Voto, vel promissio- ne invalida.* 1131. Sic inducentes, quas penas incurrant ibi. & seq. in quibus plu- ra de eadem materia.
- Sepulturam eligere in Ecclesia Regularium, quare melius, quam in aliis.* 1481.
- Sepultura equiparatur domicilio inter vivos.* 1442.
- Sepultura electio ex suggestionem in Testamento, aut codicillo, non invalida, nec obnoxia cul- pa, aut poena.* 1147.
- Servitus non est de Jure naturae, sed de Jure Gentium, & Civili.* 678.
- Servus quocumque titulo quis esse possit.* 679.
- Simonia an debeat ex utraque parte esse com- pleta, ut poena incurramur.* 236. & seq.
- Simonia Confidentialis quid.* 235. Ejus poena. ibi.
- Simonia non admittit paritatem materiae.* 218.
- Simonia quare dicatur heresis.* 217.
- Simonia quid: Quale peccatum.* 204. & seq. Quotuplex. 211. & seq.
- Simoniace ordinatus, an sit Suspendus, si ipso inficio ab alio tertio commissus fuit in sui gra- tiam.* 224.
- Simoniae labe quomodo vitetur in resignatione Beneficii.* 246.
- Simoniace ordinatus ignoranter absque sua culpa, an, & quam suspensionem incurrat.* 1180.
- Simonia poena à quibus, & quando contraban- tur.* 214. & seq.
- Simonia poena an incurramur ob primam Trans- suram Simoniace collatam, & acceptam.* 222.
- Simoniae poena quales: In ingressu Religionis.* 221. In Beneficiis. 226.
- Simoniam an committant Regulares paciscendo de reciproca electione ad dignitates.* 228. & seq.
- Simoniam simulans, non Simoniacus, nec Si- moniae poenis subiectus.* 240. & seq.
- Sponsalia cum sufficienti deliberatione facta obli- gant ad implerem sub mortali.* 1069. *Quid si sint facta ex passione aliqua.* 1070.
- Sponsus habens justam causam dissolvendi spon- salia, jus dissolvendi amittit, si accedat car- naliter ad sponsum: Si tamen tale suum jus ignorat, per accessum carnalem illud non amittit.* 1073.
- Stola an deferri possit à Parochis in Ecclesiis. Stola delatio signum Jurisdictionis.* 1339.
- In Funeralibus ob hoc deferretur à solo Para- cho. ibi.*
- Subditus graviter delinquens contra reverentiam Superioribus debitam, quando teneatur hanc circumstantiam aperire in confessione.* 600.
- Subditus Regularis, an teneatur admonere Superiorem, ut faciat legere Bullas.* 560.
- Superior Regularis non faciens legere Bullas de celebratione Missarum, &c. statutis diebus, an statim penas incurrat.* 558.
- Superior Regularis an dare possit facultatem absolvendi à Reservatis, etiam pro tempore, quo non erit amplius Superior.* 463.
- Superior Regularis quid possit facere pro se ipso in materia paupertatis, etiam pro tempore, quo finierit ejus Superioritas.* 456. & seq.
- Superiores Regulares non procurantes observan- tiam suarum Constitutionum graviter pec- cant.* 337.
- Superiores Regulares permittentes aliquando omissionem Divini Officii in Choro, quomodo peccent.* 341.
- Suspensionem non incurrit Simoniace ordinatus, si absque sua culpa commissus fuit Simonia.* 224. *Quid si postea eam ratam habeat.* 225.

Suspensus propter Sacram Ordinem receptum, ante legitimam aetatem, non est suspensus ab aliis, jam ritè receptis. 1059.

Sordi, & Muti à nativitate vix absque miraculo apprehendunt aliqua Fidei Myſteria. 85.

Sordi, & Muti tenentur confiteri. Quid Sacram Communionem recipere. 1172.

Suspicio quod aliquis sit fur, & timor quod sit fur, diversa sunt. 811.

Suspicio non est ex genere suo peccatum mortale. 801. & seq.

Symbolum Apostolorum nescire memoriter Venialis culpa. 94. *Quomodo necessariò sciendum.* ibi.

Symbolum Apostolorum omnes tenentur explicite scire, & credere. 92. *Poteſt tamen de aliquibus articulis etiam inter Fideles reperiri ignorantia invincibilis.* 93.

T

Tactus, oscula, amplexus in conjugatis quando sint peccata Venialia, quando non. 1096. & seq.

Tentationes blasphemie, & contra Fidem contemnende, ac si nihil menti occurrisses. Ex quo arguatur quod eas pati non assentitur. 1116.

Testamentum condere Religioſi quo jure prohibeatur. 448. & seq.

Testis qui ex inculcata inadvertentia falsum deposuit in præjudicium tertii, ad quid teneatur. 839.

Testis qui ex Ignorantia Vincibili falsum deposuit, unde mors, vel mutilatio alteri imminet, quomodo teneatur dictum suum retrahere, etiam cum propriæ periculo. 567.

Quid si ignorantia, vel oblitio non fuerit culpabilis. 568.

Testis sciens delictum ex ignorantia commissum, non tenetur revelare, nec Judici interroganti. Quomodo intelligendum. 837.

V

Veritas que attendenda est in judiciis. 816. & seq.

Vaticum dandum pueris doli capacibus, quamvis antea non communicaverint. 925.

Vaticum dare possunt Regulares absque ulla licentia infirmantibus quibuscunque in eorum habitationibus. 910.

Vaticum ministrari non debet iterum infirmis, nisi saltem post quattuor dies. 1010. *Quid si infirmus frequentius indigeat.* 1011.

& sequ.

Vocales aliqui excommunicati an invalident Acta Capituli. 1218. *Quid si eorum excommunicatio nesciatur ab aliis.* 1219. & seq.

Vocales aliqui, si cepo Capitulo recedant, an reliqui possint prosequi Electionem. 1234.

Quid si remaneat unus. ibi.

Voluntas interpretativa sufficit ad Voluntarium. 781.

Voluntarium quid sit. 7.

Vota omnia stricte intelligenda, ut quantum fieri poteſt minus obligent. 1211.

Vota reservata talia sunt, etiam si eorum reservatio ignoretur à vocantibus. Quare. 447.

Votum Obedientie non constituit Religioſum servum, aut Mancipium. 1281.

Votum ex Ignorantia circa Substantiam, invalidum. 580. *Que ignorantia versari censetur circa Substantiam Voti.* 582. *Quid si ignorantia sit circa qualitates.* 583. *Quid si circa difficultates magni momenti.* 586.

Quid si circa circumstantias graves. 588.

& sequ.

Votum ex Ignorantia etiam vincibili, modo non affectata circa Substantiam emissum, non obligat. 595.

Voti immemor dum peccat non tenetur ad penam, ad quam per Votum se obstrinxerat. 120. 446.

Votum solemnæ professionis Religioſe, ex sola Ignorantia circa Substantiam infirmatur. 593.

Urbanitas nullum jus inducit, nec in aliquo præjudicat. 1483.

Uxore efficaciter cooperantes, omnes tenentur ad restitutionem, nisi ignorantis excuset. 693.

Uxori propria commiseri, & in altera delectari libere non esse qui dixerint. 37.

ERRATA CORRIGE.

Fig.	Col.	Lin.	ERRATA	CORRIGE.
10.	30.	10.	dicere	diserit
10.	30.	11.	retineret	retinere
11.	30.	12.	periculum	periculum
11.	30.	13.	aliquid	aliquid
11.	30.	14.	subiecit	subiecit
11.	30.	15.	quidcumque	quocumque
11.	30.	16.	no.	no.
11.	30.	17.	elemosinam	elemosinam
11.	30.	18.	oparet	oparet
11.	30.	19.	dare	dare
11.	30.	20.	fameo	fameo
11.	30.	21.	ageret	ageret
11.	30.	22.	delinquentes	delinquentes
11.	30.	23.	principia	principia
11.	30.	24.	Allegastera	Allegastera
11.	30.	25.	haberi	haberi
11.	30.	26.	lucidos	lucidos
11.	30.	27.	generaliter	generaliter
11.	30.	28.	scientia	scientia
11.	30.	29.	refoluit	refoluit
11.	30.	30.	recitantes	recitantes
11.	30.	31.	percontandi	percontandi
11.	30.	32.	est	est
11.	30.	33.	exceptio	exceptio
11.	30.	34.	diligentia	diligentia
11.	30.	35.	excommunicantis	excommunicantis
11.	30.	36.	probat	probat
11.	30.	37.	Paludatus	Paludatus
11.	30.	38.	hoc	hoc
11.	30.	39.	alio	alio
11.	30.	40.	confensus	confensus
11.	30.	41.	simoniacus	simoniacus
11.	30.	42.	et aduers	et aduers
11.	30.	43.	1684.	1684.
11.	30.	44.	Portell.	Portell.
11.	30.	45.	quem	quem
11.	30.	46.	Gregorio	Gregorio
11.	30.	47.	Concilii	Concilii
11.	30.	48.	Reform.	Reform.
11.	30.	49.	Apostolice	Apostolice
11.	30.	50.	impotentia	impotentia
11.	30.	51.	mutere	mutere
11.	30.	52.	quia	quia
11.	30.	53.	plure	plure
11.	30.	54.	constitutionem	constitutionem
11.	30.	55.	dispensare	dispensare
11.	30.	56.	addictio	addictio
11.	30.	57.	ostendit	ostendit
11.	30.	58.	colloquia	colloquia
11.	30.	59.	to. 1.	to. 1.
11.	30.	60.	pretium	pretium
11.	30.	61.	omnino	omnino
11.	30.	62.	præiudicio	præiudicio
11.	30.	63.	stip te	stip te
11.	30.	64.	consecrat	consecrat
11.	30.	65.	excarati	excarati
11.	30.	66.	Sacramentum	Sacramentum
11.	30.	67.	di. 1. 2. 3.	di. 1. 2. 3.
11.	30.	68.	sanctus	sanctus
11.	30.	69.	committunt	committunt
11.	30.	70.	impasandis	impasandis

ERRATA CORRIGE.

Fig.	Col.	Lin.	ERRATA	CORRIGE.
11.	30.	71.	tripidatione	tripidatione
11.	30.	72.	Emnes	Emnes
11.	30.	73.	noia	noia
11.	30.	74.	fuert	fuert
11.	30.	75.	à qua sola	à qua sola
11.	30.	76.	tenetur	tenetur
11.	30.	77.	possiderit	possiderit
11.	30.	78.	inconstancia	inconstancia
11.	30.	79.	illa	illa
11.	30.	80.	legimus	legimus
11.	30.	81.	qu. 1. 2.	qu. 1. 2.
11.	30.	82.	præcept.	præcept.
11.	30.	83.	consuetudinem	consuetudinem
11.	30.	84.	ipfi	ipfi
11.	30.	85.	o. 164.	o. 164.
11.	30.	86.	licentia	licentia
11.	30.	87.	comederunt	comederunt
11.	30.	88.	sonus dem	sonus dem
11.	30.	89.	de ditione	de ditione
11.	30.	90.	dict	dict
11.	30.	91.	quodcumque	quodcumque
11.	30.	92.	matrimonium	matrimonium
11.	30.	93.	hila	hila
11.	30.	94.	et ab	et ab
11.	30.	95.	imponitur	imponitur
11.	30.	96.	declinata	declinata
11.	30.	97.	hui	hui
11.	30.	98.	excludit	excludit
11.	30.	99.	prohibet	prohibet
11.	30.	100.	cedere	cedere
11.	30.	101.	in quibus	in quibus
11.	30.	102.	consumere	consumere
11.	30.	103.	admittunt	admittunt
11.	30.	104.	summo	summo
11.	30.	105.	probit	probit
11.	30.	106.	Anoniam	Anoniam
11.	30.	107.	tant	tant
11.	30.	108.	secundo	secundo
11.	30.	109.	d. 12.	d. 12.
11.	30.	110.	nominem	nominem
11.	30.	111.	dum	dum
11.	30.	112.	enidem	enidem
11.	30.	113.	integritate	integritate
11.	30.	114.	denegari	denegari
11.	30.	115.	secus	secus
11.	30.	116.	Abbatias	Abbatias
11.	30.	117.	collore	collore
11.	30.	118.	no. 1.	no. 1.
11.	30.	119.	Et si	Et si
11.	30.	120.	eodem	eodem
11.	30.	121.	Episcopos	Episcopos
11.	30.	122.	Dioecesi	Dioecesi
11.	30.	123.	quoque	quoque
11.	30.	124.	Paradiorem	Paradiorem
11.	30.	125.	luzandi	luzandi
11.	30.	126.	scilicet dalla biter	scilicet dalla biter
11.	30.	127.	præmum	præmum
11.	30.	128.	Abbat	Abbat
11.	30.	129.	colleclam	colleclam
11.	30.	130.	simili	simili
11.	30.	131.	præcipuabilis	præcipuabilis



